



ADRIANUS HEEREBOORD. LUGDUNO-BATAVUS.  
L.A.M. ET PHILOSOPHIÆ IN ACADEMIA PATRIA  
PROFESSOR ORDINARIUS. ÆTATIS 45. ANNO 1659

*Ut sciat authorum libri si quis; requirit. I. Sijderhoet sculp.  
Nonon prescriptum te ego, queso, tuum.*





ADRIANUS HEEREBOORD. LUGDUNO-BATAVUS.  
L.A.M. ET PHILOSOPHIÆ IN ACADEMIA PATRIA  
PROFESSOR ORDINARIUS. ÆTATIS 45. ANNO 1659

*Ut sciat authorum libri si quis; requirit. I. Sijderhoet sculp.  
Nonon prescriptum te ego, queso, tuum.*

ADRIANI HEEREBOORD,

Professoris (dum viveret) in Academia patria Philosophi Ordinarii,

*Thom. Golding.*  
1720.

# MELETEMATA PHILOSOPHICA

*in quibus*

Pleræque res METAPHYSICÆ ventilantur, tota ETHICA  
καθημεριανῶς καὶ ἀνασκητικῶς explicatur, universa PHYSICA  
per theoremata & commentarios exponitur, summa rerum  
LOGICARUM per Disputationes traditur.

*Editio nova, prioribus multò emendatior;*

Cui præter sexaginta tres Ethicas atque aliquot miscellaneas Disputationes  
accedunt PHILOSOPHIA NATURALIS cum novis  
commentariis & PNEUMATICA.



AMSTELÆDAMI,

Sumptibus JHENRICI WETSTENII.


c1o 1o c LXXX.

Prostant LONDINI, apud ABELEM SWALLE.

1688.

~~Phil 182.10.5 \*~~

TP 3450.3.30 \*



*Walker fund*

*Adrianus Heerboot*

# VIRIS

EXCELLENTISSIMIS REVERENDIS

CLARISSIMIS

D. NICOLAO EGLINGERO

PHIL. ET MED. DOCTORI PHYSICES

IN ACAD. BASILIENSI PROFESSORI.

D. JO. RODOLFO WETSTENIO

A. L. M. ELOQUENTIÆ IBIDEM PROFESORI.

D. JO. GEORGIO MANGOLD

PHIL. ET MED. DOCTORI.

D. JO. JACOBO WETSTENIO

PHIL. ET MED. DOCTORI.

D. MATTHIÆ MANGOLD

A. L. M. ET V. D. M.

DOMINIS AFFINIBUS ET FRATRIBUS

OMNI OBSERVANTIA AFFECTUQUE SINCERO

COLENDIS AMANDIS

NOVAM HANC

MELETEMATUM PHILOSOPHICORUM

EDITIONEM

IN GRATI ANIMI  
OB ACCEPTA BENEFICIA  
ET DEBITI AFFECTUS TESTIMONIUM  
OFFERT ET INSCRIBIT

NON SINE VOTO  
UT DEUS EOS TUM PATRIÆ  
TUM REI LITERARIÆ  
OMNI PROSPERITATE CUMULATOS  
DIU SERVET

NEC SINE PRECE  
UT EADEM SEMPER BENEVOLENTIA ET AMORE  
SE SUOSQUE  
AMPLECTI FOVERE ET PROSEQUI  
DIGNENTUR

SIC VICISSIM  
SUA STUDIA  
LAUDIBUS ILLORUM NUNQUAM DEFUTURA  
FIDE CANDIDA  
POLLICETUR  
JHENRICUS WETSTENIUS BIBLIOPOLA.

AMSTELÆDAMI IDIBUS MARTIIS

---

clō Idc LXXX.



ADRIANI HEEREBOORD,

A D

Nobiliss. Ampliss. Spectatiss. Dominos, Acad. Lugd. Batav.

# CURATORES, EPISTOLA.

Nobiliss. Ampliss. Spectatiss. Domini;

**S**EPTENNIIUM est præter  
propter, quod Philosophiæ Pro-  
fessionem in Academia vestra  
sustineo. Toto illo temporis tra-  
ctu, nihil prius habui aut an-  
tiquius, quam ut Spartam, quam essem  
noctis, sedulo ornarem, & talentum mihi  
commisum saniori diligenter exponerem. Cum  
proxima hæc primum humeris imponeretur  
meis, sic satis neglecta jacebant (licet apud  
vos profiteri quod res est) Philosophiæ studia,  
& vix exculta. Et rarius disputabatur & inor-  
dinatus. Nescio, quo infelici fato, fluere re-  
tro, & ab aliquo temporis intervallo relabi cœ-  
pissent res Philosophiæ. Vltra annum privatus  
hæc vixeram, & Philosophiæ relapsam, ac rui-  
nam, fere imminuentem deprehenderam. Quod,  
cum vocarer, trepidanti jam animo majorem in-  
cussit metum. Noveram ætatem, adhuc juveni-  
lem. Noveram vires, & curam domi meæ su-  
pellestem. Noveram oneris suscipiendi, & ob  
istum Philosophiæ statum, tunc durioris, gravi-  
tatem. Noveram longe esse difficilius, jam laben-  
tes & ruinam minitantes ædes restaurare, quam  
bene positas, suo loco servare. Nolebam tamen  
deesse Academiæ. & Vbi Patrie operam meam  
petenti. Sciebam non mihi, sed aliis me natum.  
Quare grandi animo, & solius Jesu Christi Ser-  
vatoris mei (quo duce nihil desperandum) inxi-  
tus auxilio, atque mutorum jam comperta fre-  
tus benevolentia, publice Proferendi munus ag-  
gressus sum. Cogitavi statim apud me, quo  
modo & medio vitæ ac vigori restituenda foret  
jam languescens Philosophia. Cogitationes  
meas, Professioni iniunctas, in augustissimo Do-  
ctissimorum virorum congressu, publice exposui:  
& cum verba ex more recepto de argumento a-

liquo, auspicanti mihi essent facienda, De variis,  
vario tempore, & variis usitatâ, ac verâ tan-  
dem Philosophandi ratione, verba feci. Ora-  
tionem tunc habitam publicæ luci nunquam ex-  
posui: ejus summam nunc sisto.

**P**hilosophia à condito fere orbe, orbis fuit:  
ita per universum terrarum orbem vaga-  
ta est, ac Solis instar, lucis suæ radios quaqu-  
aversum dispersit. Renascente enim mundo, à  
tribus Noachi filiis ac posteris, diversis tempo-  
rum intervallis diffusa est in Ebræos, Chaldaeos,  
Phænices, Egyptios, Æthiopes, Indos, Persas,  
Gallos, Celtas, Græcos, & quicquid alibi morta-  
lium fuit. Universa vero, tum Ebræorum, tum  
profana Gentium aliarum, Philosophia Barba-  
rica Græcis dicitur, quod extra Græciam nata  
sit atque exculta; ex Chaldaeorum tamen, Phœ-  
nicum, atque Egyptiorum sapientia, Græcorum  
omnis hausta est ac prognata: quicquid enim  
isti possederunt ex Ebræorum scholis petierunt,  
ac multis superstitionibus & erroribus defec-  
darunt, & ex sordidatis hisce lacunis Græci ri-  
vos suos derivarunt: ad quos cum, maximis la-  
boribus, variis itineribus, diversis coloniis  
translata est Philosophia atque traducta, in  
partes statim abiit divisa ac sectas.

Non est mihi animus, omnes Philosopho-  
rum inter Græcos familias perreptare: quæ  
maxime insignes sunt habitæ, duæ extiterunt  
Ionica & Italica. Italica sectæ princeps ac ca-  
put fuit Pythagoras Samius, qui, postquam Sa-  
mus patria à Polycrate Tyranno esset occupata,  
in Italia partem istam concessit, quæ quod  
maxime Græcorum coloniis esset frequentata,  
magnæ olim Græciæ, nunc Calabria tenet no-  
men, ac Philosophiam ibi docuit.

A

Altera

Altera *Græcorum* in *Philosophia* *æthere*, *Ionica* fuit appellata, quod in *Ionia* versarentur ejus *Philosophiæ* Professores, familiam hic ducit *Thales Milesius*, se septem *Græciæ* sapientibus unus, cui successit *Anaximander*, huic *Anaximenes*, huic *Anaxagoras Clazomenius*, quem audivit *Archelaus*, qui primus ex *Ionis Philosophiam* transtulit *Athenas*: hic *Socrate* gloriatur discipulo: de quo oraculo fuit pronunciatum: *Αἰσχρὸν εἶναι τὸν Σωκράτην σπουδαῖον*. Ex *Socratis* schola ceu ex equo *Trojano* innumeri prodire *Philosophi*; inter eos nominis haud postremi, *Aristippus* sectæ *Cynicæ* ac *Stoicæ*, *Plato* veteris ac novæ *Academix*, fundatores primi. *Platoni* in *Academia* adhæsit atque in docenda *Philosophia* successit *Speusippus*, ex sorore nepos; secessionem fecit *Aristoteles*, qui relicta *Academia Peripatam* instituit, ac *Peripateticæ* nomen dedit *Philosophiæ*, quod in *Lyceo* deambulando doceret: *ἰσχυρὸς* enim *μεγαλὸν* doctrinas secretiores ac graviore, *δελτινὸς* leviores tradebat. Ab hoc *Peripateticorum* Authore, principe, duce, *Peripateticæ* *Philosophia* ortum ac nomen ducit, quæ varia serie, inter *Græcos*, *Arabes*, *Latinos*, ad nostram usque ætatem propagata est, tanto successu, ut nulla hodie, quod sciam, extet *Academia*, in qua non teneat primas, ac vel sola doceatur; quo jure, quave injuria, nunc non est dicendi locus.

*Aristoteles* *Socratem* per triennium, *Platonem* per totos unum & viginti annos, diligentissime audivit; in *Philosophando* hanc ingressus est viam, ut quavis de re contrarias in partes disiceret, *Socratem* ac *Platonem* magni, Veritatem pluri faceret, in quam diligentissime explorata rerum naturam inquisivit.

Post *Aristotelem* varia exstitit *Philosophandi* ratio, prior modo, modo impurior, interdum liberior, sæpius adstrictior, ad mentem & placita, non *Naturæ*, sed *τὸ μετὰ τὸν*. Quam semitam in *Philosophando* tenuit *Aristoteles*, pauci sunt secuti, ac malus quidam genius ita fere mentes omnium cepisse videtur, ut id pensum tantum habuerint, *Aristotelem* intelligere, non naturam.

Duo fere sunt *Philosophandi* genera; unum, quo ad rerum omnium notitiam pertendunt

mortales, alterum, quo non ad *Naturæ* sed *Hominis* cujuscumque opinionem philosophantur. *Aristoteles* ipsam rerum *Naturam* laudabili conatu invalit, ac liberrime, si quid à prioris seculi *Hominibus* in exploranda ea atque observanda fuisset erratum, reprehendit atque corripit. Pessit hujus vestigia haud de genere discipulus, atque *ἐκ μετὰ τὸν* successor *Theophrastus*, qui, quod præceptor in *Animalium* historia indaganda, idem in *Plantarum* natura scrutanda, solerti præstitit diligentia: atque ut *Aristotelem*, majorum, vel reverentia, vel scientia, vel authoritas, nihil deterruit, quo minus ab illorum sententia sæpius discesserit, ita nec *Theophrastus* sibi vetitum putavit, diversum sentire à *Præceptore*, sed quo jure in alios *Aristoteles*, hic in *Aristotelem* est usus. Si quid *Præceptor* falsum, aut rerum *Naturæ* contrarium docuisset, corripit: si quid prætermisum, supplevit. Enim verissime putavit, solis *Naturæ* legibus, non *Præceptoris* opinionibus, mentis suæ contemplationibus obstringi. Hunc prædecefforem, *Aristotelis* ac *Theophrastis*, in *Philosophando* libertatem, & in adornanda rerum *Naturalium* historia industriad amplexatus est atque secutus, tertius in schola *Peripatetica*, *Strato Lampiscenus*, qui, quod tam strenue in *Natura* contemplanda operam suam locaret, *Physici* nomen est adeptus, magnus omnino vir & in multis novus, ita testante *Cicerone* l. 5. de finibus. Extat ejus liber de *Coloribus*, item alter de *Spiritu*, tot annos inter *Aristotelicos* circumlati.

Atque utinam horum in *Peripatetica Philosophia* trium virorum tramitem calefcent, sequentis, ac sequioris ævi, *Philosophi*, verum purior illa ac liberior *Philosophandi* ratio in *Stratone* desit atque exspiravit. Qui enim *Stratonem* ex ordine secutus est *Lycon*, ac quadraginta quatuor annos *τὸ μετὰ τὸν* præfuit, *Fabulis* *Philosophiam* permiscuit; reliqui omnes, *Aristo*, *Crisolaus*, *Diodorus*, & quatuor alii, quorum nomina temporum injuria obsecravit, ad *Andronicum* utique *Rhodium*, ab *Aristotele* undecimum, tam longe à genuina ac *Peripateticis* primis recepta consuetudine *Philosophandi* recesserunt, ut, non ex *Peripateticis*, sed aut aliunde, aut ex se nati *τὸ μετὰ τὸν* abor-

abortientes foetus videantur. *Andronicus* vero *Rhodus* Peripateticus *ἡγετὴς* ἔσθ' ἐστὶν dictus, quod primus *Aristoteles* ac *Theophrasti* libros promulgavit, paraphrasi ac commentariis nonnullos illustravit: *Philosophiam* Peripateticam restauravit.

*Ex illo fluere & retro sublapsa referri*

*Philosophia* coepit. Ab hoc tempore, valedictum est *Naturæ*, atque à *Peripateticis* in solo habitatum *Aristotele*; & *Philosophi* sunt ab illo tempore dicti, non qui rerum naturam sed qui mentem indagabant *Aristotelis*. Dicere autem, *Peripateticorum* scholam à *Siratonis Lampisceni* tempore, anno ante natum *Christum* ducentesimo & septuagesimo, tot jam labentibus annis ac seculis, ad nostram usque ætatem *Naturæ* valedixisse, *Aristotelis* soli ad hæcisse, cujus quippe Doctores, non ex rerum veritate, sed ex *Aristotelis* *νομῶν* dictis sunt Philosophati.

Duū tamen sunt generum, qui post *Andronicum Rhodium* in *Aristotelis* opinionibus scrutandis, sequendis ac persequendis, sunt versati. *Andronicus* ipse atque illius tempestatii Peripatetici, ab *Augusti Cæsaris* imperio, ad *Alexandrium* usque *Aphrodisiensem*, qui post annum *Christi* vixit ducentiesimum, ingenium adhuc aliquod ad iudicium in Philosophando iervantur liberum, nec ita *Aristotelis* se manciparunt, ut eum deferere scelus existimarent ac piaculum: ita ipsi *Andronico*, *Euthoxo*, *Athenodoro*, *Chenarcho*, aliisque, dissentire interdum, religio non fuit. At *Alexander Aphrodisiensis*, *Aphrodisiade*, *Carix* oppido, oriundus, primus se totum *Aristotelis* tradidit, nihil sibi, nihil cuiquam, omnia soli credidit *Aristotelis*, in ejus verba juravit, ab ejus dictatis ne latum quidem unguem discessit, dubitandi libertatem sibi, aliique, nedum iudicandi potestatem, quantum potuit, omnem, sublatum ivit. *Alexandrum* secutus est *Anthonius Alexandrinus*, cognomento *Saccus*, quod ex bajulo evasisset *Philosophus*, ac tantus, ut patrem vix ac ne vix quidem habuerit, inter *Aristotelis* nimirum servos: Eadem hic, qua *Alexander*, servili reverentia *Aristotelis*, occupatum gessit animum, atque ita *Græcorum* interpretum, qui secuti sunt, omnium, *Porphyrii*,

*Anatolis*, *Olympiodori*, *Syriani*, *Theophrasti*, *Ammonii*, *Hermæ*, *Philoponi*, *Simplicii*, aliorumque oculos, perstrinxit *Aristotelis* auctoritas, fascinauit, occaecavit, ut in eo æmulo ac defensorando immorari fere sint atque immortui; missa rerum *Natura*, *Philosophiæ* sola proma conda.

Atque hæc fuit insana Philosophandi ratio, *Græcis* ad annum *Christi* circiter sexcentiesimum usurpata, quo tempore, altum, diuturnum, ac tantum non perpetuum *Philosophiæ* quoddam silentium est secutum inter eos: muta jacuerunt diu studia ac *Gymnasia*, ut totis trecentis annis nullius inter *Græcos* *Philosophi* nomen reperiri detur, nisi unius *Johannis Damasceni*, qui eodem, quo reliqui, vesano *Aristotelis*, amore dicam an furore, correptus, breviora tantum quædam *Philosophiæ* consuit ac reliquit.

Tam pessimo ac tristissimo apud *Græcos* statum fuit tum temporis constituta *Philosophia*, quod sub *Constante* *Heraclii* nepote, circa annum sexcentiesimum quinquagesimum octavum, littorales *Græciæ* civitates atque insulas omnes classibus invadere cœpisset *Arabes*, qui ter universam *Græciam* ad *Byzantium* usque sunt depopulati. annis (si Historicis fides) sexcentiesimo quinquagesimo nono, septingentesimo vigesimo primo, octingentesimo vigesimo octavo, quibus incurfionibus omnis generis libros absportarant, ac studia omnia ad se traduxerunt. Floruerunt maxime apud eos studia *Medicinæ* ac *Philosophiæ*, quæ una cum eorum imperio circa annum septingentesimum quadragesimum primum in *Hispaniam* quoque transfretarunt, ac *Cordibæ* sedem posuerunt; qua urbe natus fuit *Averroës*, qui à principe suo *Muramolino* accersitus ad radices montis *Atlantis* in *Marechensi* *Academia* *Philosophiam* est professus.

Postquam ad *Arabes* à *Græcis* migravit *Philosophis*, pari modo in *Aristotele* tubiuit, & ejus placitis canceluſa cancellos itos eſtingere, aut *Naturæ* sacrari ingredi, non sustinuit. *Averroës* *Philosophorum* inter eos princeps, magis *Commentatoris* nomine superbus, (quem, si per *Latinae* linguæ liceret genium, *Commentorem* aut *Commentitorem* verius

quis dixerit, tot nobis commenta reliquit) singula *Aristotelis* verba divina esse oracula, arbitratu est, nihil in eo falsum, nihil mancum, nihil superfluum, ac mille jam & quingentos præterisse annos, ex quo scripserat *Aristoteles*, nec unquam ullum in ejus libris inventum errorem, exclamavit.

Ex *Hispaniis* commercio & vicinitate Nationum finitimarum *Philosophiæ* studia post annum millesimum ac ducentefimum transierunt ad *Latini* nominis homines: ante hæc enim tempora, totis septingentis annis, varii motus *Italiam*, *Galliam*, *Germaniam*, concusserant, creberrimis *Gothorum* ac *Vandalorum* in *Occidentem* irruptionibus, unde aliis potius studiis litatum fuit quam *Philosophiæ*.

Postquam *Boëtium*, Peripateticum excellentissimum, virum consulare, è medio sustulisset, anno *Christi* quingentesimo vigesimo secundo, immanis *Theoderici Gothorum* Regis crudelitas, intercidit atque sublata quoque est *Philosophia Peripatetica*, atque omnis fere in *Italia* eruditio. Barbaries eam tota invasit atque occupavit, artesque bonas & *Philosophiam* finibus expulit atque exegit.

Secuta est profundissima ac deploranda rerum omnium inciticia, quæ *Imperatorem* movit *Fridericum* (nisi fallor) *Septhimum*, ut legatos mitteret ad *Arabes*, qui ætas artes ac *Philosophiæ* studium in *Italiam*, sedem antiquam, remitterent, ac postliminio restituerent. Advectos ergo ex *Hispania Aristotelis* atque *Averrois* libros, ambabus, quod ajunt, ulnis amplexati, lætissime exceperunt *Itali*. Enata sunt tum ingenia non contemnenda, quæ hoc *Aristotelicæ* servitutis jugum excutere potuissent, nisi tam infelici vixissent seculo, quod, non crassissima tantum ignorantia, sed bonorum authorum maxima laborabat inopia, ut præter *Aristotelem* atque *Averroem*, barbare atque ineptissime traductos, vix quicquam extaret. Ita tempestate quasi delati, ad utrumque hunc, tanquam ad saxum aliquod adhæserunt ac *Philosophi* fuere & *Peripatetici*, qui neglecta rerum natura, non *Aristotelis* solum, sed *Averrois* insuper decreta, mordicusteuebantur.

Fuit hæc *Philosophandi* ratio invecta in

*Italiam*, *Galliam*, *Germaniam*, *Angliam*, ac recepta *Averrois* hypothesi, universa *Philosophiæ* laus ac salus, in sensu *Aristotelis* percipiundo, fuit constituta.

Ad hanc insaniam alia accessit stoliditas, aut, ut verius loquar, stolidæ impietas. *Aristoteles* non in suo foro, sed & in alieno quoque, ut sententiam diceret, admissus est atque auditus, nec Naturæ tantum in *Philosophia*, sed & Deo prælatus est in *Theologia*. Exorti sunt homines umbratici, ac verè *Scholastici*, & otiosi, qui *Philosophiam* cum *Theologia* confuderunt, ex *Philosophia* inutiles ac frivolas questionum veluti ex aqua spumam elicerunt, & in *Theologiam* intraverunt, ac genus quoddam *Philosophiæ* pepererunt monstrum ac monasticum, quod odiosis ac otiosis argutiis, omnia deformavit, religionemque ad *Philosophorum* placita flexit, genus sermonis squalidum ac cœnosum progeniit, veritatem labyrinthis inextricabilibus involvit. Homines scilicet vani ac turgidi, ut præpostero ac detestando ritu aliis ingenii acumen ostentarent, questionum noxiis subtilitatibus *Philosophiam* impleverunt, *Theologiam* contaminarunt.

De grege hoc *Philosophorum*, primi fuere; *Alexander de Ales*, Anglus, Doctor vulgo irrefragabilis, *Albertus Magnus*, Germanus, Episcopus Ratisbonensis, *Thomas Aquinas*, Italus, in cujus, Doctoris, non moralis, sed Angelici, summa Theologica, pari ambulanti passu *Aristoteles*, & *Deus*, aut, quod Doctoribus tam illuminatis, Seraphicis, ac Cherubicis est indignissimum, à tergo longe sequitur non passibus æquis, *Dominum Aristotelem*, *Dominum Israelis*.

O impiam *Philosophandi* rationem! quam eandem tenuerunt *Summis* ac *Sententiarii* reliqui, *Joh. Scotus*, Doctor subtilis, perpetuus Thomæ impugnator, *Alanus de Insulis*, Doctor universalis, *Guilielmus Occam*, subtilitatis Lima, *Gabriel Biel*, *Robertus Holkot*, *Bikot*, *Trinkot*, atque istius furfuris plures, quorum ipsa fere nomina barbariem præ se ferunt, & horrorem incutunt.

Hi nobis *Philosophiam* istam reliquere tot nugis scatentem. tot spinis pungentem, tot erroribus nocentem: Hi nobis viam stravere, perve-

pervenienti in notitiam non *verum*, sed *realisatum*, non *formarum*, sed *formalisatum*, non *actuum* aut *potentiarum*, sed *actualitatum* ac *potentialitatum*. Hi nobis tot *quidditates*, *entitates*, *hæcitate*s vel *ecceitate*s, & quæ non verborum monstra, nihil rerum significantia, procudere, quibus speciosissimam *Philosophie* ac *Theologie* faciem turpiter dehonestarunt: Hi nobis tantam quæstionum ineptissimarum atque impiarum farraginem produxere, ex quibus, plus boni, si nescias, plus mali, si scias, ad te rediturum sit. Sed Chimæras illi venati sunt, ac dubia moverunt, ne ingeniosi non viderentur, de iis quoque quæ non sunt.

Fuerunt media seculi istius inficeti barbarie, qui se *Reales*, alii *Nominales*, dici volebant: verum, *Reales* si quæras inter eos, laterat tibi opus sit *Diogenis*, & qui sint, invenias nullos. *Nominales* ad unum sunt omnes ac *Verbales* Philosophi: ita in verbis ac nominibus, in *dogmatibus* ac terminis nudis, universa illorum consistit *Philosophia*.

Verumenimvero excitata sunt, tenebricossima ista nocte, præclara aliquot ingenia, quæ Herculeo ausu, barbarismis primum atque ineptis loquendi formulis, mox horridis atque insipidis sententiis, sese opposuere. Postquam enim nihil reliquisset intemeratum barbaries, ac rancidæ disputatiunculæ extremum fastigium atque *exulsi* essent noctæ, coepit, deterfis uonnihil ævi infelicis sordibus, lacertos movere *Philosophia* ac sensim reviviscere & revirescere.

Densissimis istis tenebris nova lux affulsit, *dux* *Dante Aligerio* & *Francisco Petrarcha* primis *Philosophiæ*, bonarum artium, & omnis eruditionis restauratoribus, quorum posterior liberrime invecus est in insulam sui seculi *Philosophiam*, ut elegantissimum ejus *De ignorantia sui* & *aliorum* libellum legenti sit palam. Præclara hæc ejus fuit vox, cum inter alia ita exclamare est ausus. *Hæc vera est Philosophia*, non quæ fallacibus alis atollitur, & sterilius disputationum ventosa jactantia per inane circumvolvitur, sed quæ certis & modestis gradibus compendio ad verum ac Dei notitiam perducit.

Verum renata est ac revixit potissimum

quæ tetra barbarie fœdata jacuerat atque oppressa *Philosophia*, per *Græcos* ex *Constantinopolitana* direptione exules. Quorum præcipui fuerunt *Emmanuel Chrysoloras* Byzantinus, *Theodorus Gaza* Thessalonicensis, *Georgius Trapezuntius*, *Johannes Argropylus*, *Bessarion* Cardinalis Nicenus ac Patriarcha Constantinopolitanus, aliique quibus *Aristotelem* aliofque ex *Græco* in *Latinum* transfusos debemus,

Verum posteriori seculo plenius in orbem dispersa fuit renascentis & ex caligine emergentis *Philosophiæ* lux, cum politissimus *Poltianus* *des* *Capot* *Barbarus*, & ævi istius *Phœnix* *Joh Picus Mirandula*, lucidissima fulserunt sydera,

Impertit *Germaniam* hoc lumine primus *Rodolphus Agricola*, æternum Belgii decus, qui acrius quædam, adversus receptum *Philosophandi* modum, *Socratica* dixit libertate.

Exinde plures purgando *Augiæ* isti stibulo manus auxiliares admove; præ cæteris, *Hollandiæ* nostræ ac totius *Orbis* miraculum, *Desiderius Erasmus*, *Martinus Lutherus*, *Philippus Melancthon*, primi apud nos religionis simul & *Philosophiæ* restauratores.

Equidem cum admirandum reformatæ religionis opus, ab iis tentatum, ab aliis promotum, initium id, singulari divini numinis providentia, à reformanda *Philosophia* summissemper comperio. Quoties Magni *Lutheri* epistolas illas, ante reformationem plene susceptam, ex monasterio anno supra millesimum quingentesimo decimo sexto, septimo, & octavo, ad socios datas, lectio, toties in perditam sui seculi *Philosophiam* atque ingeniorum profanam seductionem invehi video.

Voluit nimirum Deus ex hac luce lucem oriri *Euangelio* suo: *Phosphorus* fuit *Philosophia*, ac diem reddidit *Theologie*.

Audite quæso, quam libero ad *Fœdum* *Isenacenensem* calamo, Cucullatus adhuc monachus sub *Papa* & *Aristotele* Clavigeris perscribat *Lutherus*. Ego, ait, *simpliciter* credo, fieri non posse, ut *Ecclesia* reformetur, nisi funditus *Scholastica Theologia*, *Philosophia*, *Logica*, ut nunc habentur, & eradicentur, & alia studia instituantur. Et ad *Georgium Spalatium*: Observe, inquit, *doctrinas* & *regulas Scholasticæ*



*Philosophia, & dedita opera juxta illas volui tractare sacras litteras, & (perdat me Deus, si mentior) horruis, plusquam à tartari confusione ibi vidi quid prodessent illa studia: nihil utilitatis, totum vere nocentie pelagus inveniri.*

Intravit *Academiæ* apud reformatos *lumen Religio purior, impurior tamen remansit Philosophia*, quando subtilitatibus vanis, omni uti carentibus, etiamnum perstrept auditoria, quando hæc etiamnum intemperies *Philosophiam* agit, ut verbis tantum itudeatur non rebus. Recepti sunt *Pontificiorum* in *Philosophia* libri, ex quibus *Philosophari* consuevit juvenutus: præter *Eustachios, Racinos, Telotos, Pererios, Mendozas, Suarezios, Fonseca, Conimbricenses, Complutenses, Lovanien- ses, Colonienses, Mexicanos, Monachos* omnes ac *Jesuitas*, nullos novit: aliorum inaudita sunt nomina; aut, si nota, nullius pretii, ac sub pedibus jacent.

At vero, homines illi patres suos *Scholasticos Philosophia* veræ corruptores optime referunt, *Philosophiam* corruptam servant ac tradunt, isti ipsi subtilia tantum sectantur, non utilia, subtilissimi Cymini sectores: isti ipsi *Papæ* æque *Aristoteli* facti sunt dedititii: illi ipsi doctores, aut *Thomistici* aut *Scotistici*, creduli & tenebricosi, tenebras retinent *Philosophia*, ut easdem inducant iterum in *Theologiam*.

Excutiamus tandem pulverem ex oculis nostris, nec in uno hæreamus *Aristotele*, non *Aristotelis* tantum sed *Naturæ* scholam ingrediamur, non *Aristotelis* tantum sed *Naturæ* codicem aperiamus, non illius tantum sed hujus præsertim folia evolamus, &, ut uno verbo veram *Philosophandi* rationem ob oculos ponam, ipsam rerum *Naturam* adoriamur, illius causas inquiremus, inventas observemus, observatas aliis experientis probemus, probatas ad vitæ humanæ usum referamus atque applicemus, & si in *Natura*, naturæ opificem, potentissimum, sapientissimum, optimum, miremur, cognoscamus, celebremus.

Parturiunt hujus sæculi nobilissima aliquot ingenia, unde rerum ac mentis commercium, cui in terris non est simile, in integrum repo-

ni, ac vera *Philosophia*, quæ ut *Astræa* altera terras reliquit, in terras reduci possit: juvetur modo factus benigna obstetricantium manu &c.

*Hæc summa est eorum, quæ pro oratione inaugurali die 9. Febr. 1641. in Ampliff. Virorum & Spectatiff. Studioforum frequentissimâ disserui corona. Quæ Nob. Viris, D. CORNELIO vander MYLE, & D. JACOBUS CATSIO, Academiæ pro illo tempore Curatoribus, non displicuisse, mihi tum fuit compertum. Post tres inde septimanas laboris auspiciâ facturus, ne exis memora ad munus susceptum accedere viderer, quia inter Philosophiæ partes Logica esset demandata, de ejus felicitate excolendâ modo, liberè ac candidè novum institui sermonem, lectionibusque publicis præmissi. Quæ tum dixi, in compendium contractâ hæc sunt summam: Logica nec disci feliciter, nec doceri, si tota in quæstiones, verborum contentiones, rixas ac disputationes, abeat atque immutetur. Usum solum, usum, pro fine ac scopo habendum: ad eum omnia discenti, omnia docenti, esse referenda. Usum Logicæ conjunctum, Logicæ diem esse: usum à Logica disjunctum, Logicæ noctem esse. Non de Logica disputando, sed exercendo, sed intelligendo, sed de rebus ipsis cogitando, juxta leges ac regulas à Logica præscriptas, nos Logicos reddi. Logicæ exercitationis dignitatem & utilitatem esse maximam, sed non minorem difficultatem. Eam pro virili à me fore tollendam publica privataque institutione. Privatim systemati, ex Ill. Ord. Autoritate & decreto in scholas hujus Provinciæ injecto, immorandum atque insistentum, atque id e re videri Studioforum. Publice res Logicas, continuo orationis filo, juxta Aristotelis doctrinam, me prosequuturum. Rationes esse (quæ tum prolata fuerunt) cur Aristotelis Organon & methodus enarrando immorari non esset consilium. Non defuturam sedulitatem & in docendo fidelitatem &c.*

*Ita, per Dei gratiam, Lectionum Logicarum telam exorsus, eam, intra anni currentis spatium, partemendam promisi, ac promissio steti. Dum in eo sum totus, ut industriam meam omnibus probem, accidit quippiam, quo institutum fere meum fuisse*

fuisse interruptum. Primo illo Professionis meae anno, ipsis diebus Canicularibus, vocat me adedes tuas, pro illo tempore Magnificus Academiae Rector, D. OTTO HEURNIUS. Sisto me ad diem praescriptum. Offensa praesentes cum Rectore, ex Theologia unum, ex Iureconsultis alterum, ex Philosophiae & bonarum artium ac linguarum Professores tertium, cum Secretario, & D. DU BAN, pie memorie. Inducti conventus finis significatur, & recitatur ex scheda aliquod Nob. D. Curatorum mandatum ac decretum. Agitandum erat consilium & dispendium, quomodo ad maximum usum & Studioforum Commodum, ac brevissimo temporis spatio, juventuti Academicæ instillari posset Philosophia Aristotelis, quomodo in eum finem lectiones Philosophicæ commodissime possent institui, secundum textum Aristotelis; nam hoc postremum disertis verbis à Rectore Magnif. fuit additum: ad textum, puta, Aristotelis esse habendas lectiones: quod tamen memineram in scheda lecta contineri; sed, hanc esse mentem D. D. Curatorum, dixit sibi constare Rector. Rogamur sententiam ego ac D. DU BAN ò ueracitate, qui ea dixit, quæ in mentem tuam ipsi inciderunt. Ego dixi, non me videre, quæ ratione brevissimo temporis spatio, ad maximam Studioforum utilitatem, Logica doceri publice queat, & D. D. Curatorum petitioni satisfieri, si constringar ipsius Aristotelis textum verbotenus explicare: longe facilius & felicius me id præstiturum utrumque, si liberam & non Aristotelico textui adstrictam servem docendi rationem. Regressit Rector, hoc ceu fundamentum sterni ac poni à Nobiliss. D. Curatoribus; Aristotelis textum esse prælegendum: de duobus punctis reliquis ex scheda prædictis, ut ego ac D. DU BAN cogitarem, ac consiliū, scripto consignatum, huic conventui posset exhiberemus, petiit fuit ac mandatum: Ita nos dimissi sumus reliquis manentibus: Circa vesperam petii mihi copiam fieri à Rectore Mandatis Nobiliss. D. Curatorum quo constaret mihi de eorum mente; an hoc velint expresse, textum prælegi Aristotelis: neque enim memineram hoc ex scheda prædictum. Rector copiam facere negavit, & ut canque non esset scheda expressum, hanc tamen esse D. Curatorum men-

tem, sibi significatum, respondit. Ego postridie Hagam me conferre ad Ampliff. D. Syndicum Nobiliss. D. Curatoribus à Secretis. Peto humanissime, ut liceat videre Nobiliss. D. Curatorum Mandatum ac decretum, cuius copia fuisset denegata, ne quid imprudenter contra id agerem. Ille pro sua humanitate tantum mihi gratificatus est. Cum videro, deprehendo ipsum Rectorem sibi petiisse à Nobiliss. D. Curatoribus authoritatem de lectionibus Philosophicis, brevissimo temporis spatio ad usum maximum instituendis, consilia capiendi, cum Professoribus Philosophis, reliquisque, quos ipse machinationis suæ & consilii socios adsciverat; neglectis, contra Academicæ statuta, Assessoribus suis, cum quibus communicanda fuerant consilia. Deprehendo, nec illum, nec istos esse constitutos, in me & D. DU BAN iudices aut arbitros, ut eorum acta ac dicta innuebant. Deprehendo Nobiliss. D. Curatorum prescriptionem hæc duo tantum continere, ut de brevissimo temporis spatio, & de maximo Studioforum commodum, in lectionibus Philosophicis habendis, dispiceretur. In chartam consicio, quibus rationibus utrumque illud obtineri posse censeo, & postridie conventui Rectoris & sociorum exhibeo, iisdem verbis, quibus eas hic sisto.

Quandoquidem placuit Nobil. Ampliff. D. Curatoribus, injungere Philosophiæ Professoribus, ut cum Magnific. D. Rectore & Vir. Clariss. aliis ad hoc negotium deputatis agerent de optima ratione Philosophiam, quam brevissimo fieri potest spatio ad usum & commodum D. Studioforum, docendi, ego cogitationes meas de Logicæ curriculo feliciter instituendo, & breviter absolvendo, ex petitione Magn. D. Rectoris, libere ac libenter huic chartæ commisi.

Duplex est, non Logicam tantum, sed universam Philosophiam, docendi ratio, systematica & textualis: systematica est, quando vestigia ordinati systematis premuntur; textualis, quando textus solum tractatur Aristotelicus. Prior præferenda mihi videtur posteriori, salvo meliori iudicio.

I. Quia res Logicæ, imo quælibet, non sunt accommodandæ ad textum & verba Aristotelis,

stotelis, sed hæc ad illas; non enim verba cujusque, sunt norma ac mensura rerum, sed contra res verborum.

II. Quia sic maxime consultur, meo quidem judicio, honori & Academiæ dignitati, cum D. Professorum auditoria sunt frequentissima, & lectiones sic instituuntur, ut maxima ad D. Studiosos utilitas redeat: Atqui frequentiora sunt auditoria, & major utilitas ad D. Studiosos redit, si systematicam rationem docendi Philosophiam, ac speciatim Logicam, Professor sequatur, quam si textui Aristotelico adstringitur: Sic enim intra biennium absolvi, & ad usum accommodari, vix potest.

III. Quia ingenii nostri ævi, præsertim tyrunculis, ex schola nuper emissis, parum est accommodatus textus Aristotelis, sed temporibus & ingenii vetustis magis convenit, ac Græcis, quibus scripsit: & præsertim inseruit colloquiis & consuetudini de re qualibet in utramque partem disputandi, quod ipsis in more positum erat, ad usus alios parum idoneus.

IV. Quia perfecte ars Logica iis libellis Organon continetur, cum sint diversis temporibus & a diverso tempore editi, & plures multo in Logicis libri Aristotelis à Diog. Laërtio recensentur, nec eo modo & ordine sint conscripti, quo nunc dispositi, unde methodus ac coherentiæ quoque est nulla.

*Hiscæ lætiss. nec Rector acquiescere nec ceteri D. Professores, exempla aliorum prætere de consuetudinem, & multos ultro citroque sermones cadere. Ego rationes meas urgere, & dicere: non exemplis nec consuetudine standum, sed ex ratione & lege agendum ac vivendum. Rector demum, ceteris mamentibus, abire me jubet & D. DUBAN; ac cum placebit sibi, nos revocandos monet. Offidium labitur antequam revocemur. Ubi revocati redimus, ex hibet Rector ordinem lectionum Philosophicarum juxta & ad textum Aristotelis instituendarum, scriptum à Secretario, a se & reliquis approbatum, quem prælegi jubet, & an subsignare velimus rogat, uti ipse faceret cum ceteris D. Professoribus. Ego, inquam esse hanc petitionem, respondi, ni-*

*hilque esse à me postulandum contra animi mei & conscientie reluctantis dictamen: & an æquum esset, rogari, ut illi absentibus nobis, qui, tanquam Philosophiæ Professores, hic evamus audiendi imprimis, ordinem talem conciperent? præsertim, cum ex æquo essent conferenda consilia. Res dilata est in Nob. D. Curat. adventum istis feriis tum imminet. Iis rationes ante positas Rectori & ceteris D. Professoribus exhibui, adjecit sequentibus.*

I. Quod in organo Aristotelico deficiat ipsius artis Logicæ definitio, partitio, objecti ac finis explicatio, &c. Quæ ad constitutionem ejus faciunt.

II. Deest tota doctrina notionum secundarum & affectionum thematum simplicium, Causæ, Causati, Totius, Partis, Subjecti, Adjuncti, &c.

III. Non explicatur sufficienter nec suo loco ratio definiendi & dividendi modus.


IV. Non explicatur doctrina utilissima de Syllogismo hypothetico.

V. Nihil traditur de methodo & ordine, de modo praxin Logicam instituendi, &c.

VI. Ex XVII. Capibus Ilagoges Porphyrianæ, tantum 5. tractari possunt, reliqua nullius utilitatis fere sunt. In libro *de Eulucias* posteriora capita de enunciationibus modalibus nullius sunt usus: in primo prior. Analyt. à cap. 8. ad cap. 24. mixti Syllogismi tantum explicantur, qui exigui, imo nullius sunt usus, &c. In libris post. Analyt. tam operose traditur doctrina demonstrationis, ut anno forte opus sit ad enarrationem, si quis textui adstringatur. Lib. VIII. Top. tam vagi sunt, ac res continent tam parum utiles, ut ipse DU VALLIUS, qui Synopsin Analyticam Librorum Aristotelis Edit. Paris præfixit, ab Analyti singulorum capitum abstinere: atque Interpretes alii quoque multa ac quam plurima, si non omnia, hic transiliant, &c. Quibus omnibus accedit stylus Aristotelis in organo obscurus, loca hiulca, exempla minus manifesta ac commoda, & ex Marthesi petita, &c.

*Post rationes hæcæ à Nob. D. Curatoribus expen-*







expensas, inunctum mihi fuit, ut, quo capissem pedem, pergerem, & quam in docendo ingressus esse viam, eandem calcarem. Quod à me factum est in hunc usque diem non sine insigni Studioforum (quod absque iactantia dictum sit) commodo. Eodem interim anno, die 13. Decembris, negotium hoc idem in pleno Academiae Senatu fuit agitatum, sed nec nunc potiri sine suo datum est Rectori, licet clancularius artibus id molito ac machinato. Ego itaque strenue in id incumbere, ut artium omnium longe nobilissimam, ortu divinam, ultilitate inestimabilem, Logicam, quam brevissimo temporis spatio ad maximum Studioforum emolumentum, explicare darem: & fortunavit conatus nostros benignissimus DEUS, & prosequuti sunt eos singulari favore Nob. D. Curatores, qui in affectus sui & benevolentiae testimonium sequenti anno alteram in regenda Coll. Theol. Illust. D. Ord. Juventute Provinciam humeris nostris imposuere. Eam non minori, quam Professionem, suscepi animo, & undiqueque discepi, quid ad ornatum funderet utriusque ac promotionem. Expertus fueram jam ab initio susceptae Professionis in hoc usque tempus rarissimas exstitisse in Philosophia Disputationes, & quando essent institutae, à toto in iis omnia geri. Querebam seruum ei malo remedium. Publici muneris auctoritatem si interponerem, metuebam, ne id male cederet, aut succederet, quod ab annis & barba non accederet auctoritas. Alea tamen erat jacienda & Disputationes postminio revocandae erant, & disputandum alio modo. Ad primam ergo disputationem, cum habenda esset, praefationem concepi, quod, ut à tota omnis praeveniretur, & ex decore ageretur, humanissime petii ab ornatissimis D. Studiosis, & impetravi. Ab anno itaque Professionis meae secundo, Disputationes in Philosophia revixere; & frequenter, & modeste, disputari coepit; ut nulla magis quam Philosophicae ceperint fervere Disputationes, quod earum exemplaria in annos singulos Nob. Curatoribus exhibita comprobatum dederunt. Indulsi Studiofis meis, nulli negandam, in disputando, ingenii & iudicii libertatem, uti ipse sum liberior, sub libero ac Batavo aere natus. Quarum ipse Disputationum extitit auctor, in iis Aristotelis principia sui secutus, quod Phy-

sicarum, Ethicarum, selectarum Disputationum docent curricula: in Corollariis, ut vocant, & Thesisbus Studioforum proprio Marte & arte confectis, aliorum etiam Philosophorum placita & principia ventilari, fui passus, ut meum simul & illorum exerceretur ingenium, ac, quo ratio nos ducere valeret, palam fieret. Nulli haec res fuit unquam obnoxia culpae apud Nobiliss. D. Curatores: nihil incommodum creavit ulli Mortalium: nullam pacem turbavit aut animorum concordiam rupit. Testor manes tuos, defuncte Collega, D. DU BAN. Si quid unquam extiterit rixae aut contentione me inter & te ob disputandi libertatem. Pixmap animo conjunctissimi, etsi opinionibus in Philosophia sepiissime disjuncti. Passus sum frui te tuo iudicio, tu vicissim me meo. Nunquam tibi à me, nunquam mihi à te, lis mota, super disputatis utrimque maseiis. Vixit, quamdiu vixisti, & vixit inter nos pax & concordia, quod & à morte, cum parentarem tibi, sum testatus & aeternum testabor. Nec aliquid molestiae, post defunctum Anno 1643. Collegam clarissimum ac charissimum, conciliarit cuiquam mea philosophandi libertas dum solus disputavi. Imo, quam grata extiterit & probata mea libere & philosophandi & disputandatio, Nobiliss. D. Curatoribus, vel ineliquet (rumpantur ut illia Momis) quod me in ordinario suo ad 8. Februarii conventu 1645. ultro rogaverint, an aliam insuper Philosophiae partem profiteri vellem. Ego quodcumque in me esset vitæ & virium libenter me collatum respondi, si Reipub. si Ecclesiae, si Academiae patriae prodesse, si proximi bonum promovere possim. Novum itaque Philosophiam Practicam profectus diu prior addidit: non subtraxi humeros, sed supposui, & fere haecenus Dei gratia adjutus, Ethicos labores à solemniterum sum auspiciis Oratione habita 27. Martii, & liberiori stylo, quibus mediis, & è quibus Authoribus, veram ac solidam Philosophiae, artiumque, quas vocant, liberalium cognitionem uniusquisque sit reportaturus, fuisse sum persequutus. Inter Media primum assignavi locum Auditioni; atque hic ad audiendas Professorum lectiones Iuventutem Academicam serio sum hortatus, iis allatis

rationibus, quæ Auditionis necessitatem & utilitatem confirmarent. Huic subjunxi Lectionem cuius admirandam virtutem ob oculos posui, ac, qui speciatim in Philosophia sint legendi Auctores, ingenue & candide indicavi. Dispersui Philosophiam in veterem & novam. Veterem vocavi, quæ ab Aristotele potissimum est hausta, & ejus, jam ubique receptis, innotuit principis: aliorum enim veterum, Democriti, Epicuri, Anaxagoræ, &c. Philosophiæ jam diu interiere. Sola regnum tenet passim Aristotelis Philosophia, ab Alexandro Magno, in Græcia, à Carolo Magno, in Germania, Gallia, Italia, Hispania, Belgio, auctoritatem nata. Novam dixi, quæ à recentioribus tradita, non ex Aristotele aut alio haustis principis innotuit, sed naturam ipsam pro objecto habet, rationi soli innixa, non ullius hominis auctoritati. Qui veterem tradidere Philosophiam, vel textuales feci Philosophos, qui Aristotelis de Philosophia textus sunt interpretati, vel systemáticos, qui Philosophiæ Aristotelicæ dogmata certis præceptis & systematibus includere, vel Controversentes, quos Questionarios vocant, qui ex Aristotele questionnes elicerunt, non aliter sepe quam ex pumice aquam, aut ab aliis motas magno verborum profusio & longo sermone pertraxerunt.

Ex hisce trium generum Philosophis Aristotelicis, quos probarem, inter Græcos, Arabes, Latinos sigillatim designavi ac delineavi. Inter novæ Philosophiæ Auctores, & cultores quosdam antiquorum principia destruere, quosdam solidiora adstruere, significavi, & utrosque legendos commendavi. Sustuli hoc multorum mentibus insitum præjudicium, ab horum lectione Philosophorum abstinendum esse, quod novi audiant: omnis quippe veritas, cum inventa est primum, nova fuit. Recensui hic Philosophiæ novæ Trium viros, Vallam, Agricolum, Vivem. Recensui, octisum illud multis, multis pretiosum caput ac nomen, Petrum Ramum. Recensui Picum, Telesium, Patritium, Campanellam, Verulamium, Cartesium, renascentis & ænuo exorientis verum Philosophum, qui arcana Naturæ non pauca reclusit, Philosophiæ clavem exhibuit, viam ad verum immortalem veritatem perveniendi aperuit. Lectioni adiungendam præcepi Meditationem, sine qua Auditionis & Lectionis

nulla est utilitas. Denique subjunxi hisce tribus Philosophandi modis ac mediis, Disputandi exercitium, quod quantum in Philosophiæ notitia acquirenda valeret, experientiam testem advocavi, & ut mecum decurrere pergerent nostri Philosophiæ Studiosi, instituta disputationum curricula, pedem pedi, dextram dextræ jungendo, fideliter admonui. Hæc summa sunt Orationis tum pronunciata capita.

Ab illo tempore Ethicas Lectiones Logicis alterno adjunxi biduo: & consuetum mihi Philosophicè disputandi secutus sum modum. Sed non ita diu fuit, cum invidere Libertati meæ atque insidiari recentem & nuper tum mihi adjuncum deprehendi Collegam. Selageram mihi 1644 ex Metaphysicis disputandam materiam DE ANGELIS, versabar in ea Disputationibus excutienda, cum novus advenit Collega, D. ADAMUS STEVARTUS. Sub cuius in Academicam nostram adventum incidit Disputationum ex Philosophia selectarum xv. DE ANGELIS, cui Respondens, juvenis doctissimus, & summe spei, si superstes in viris extitisset, D. ANDREAS DU PRE, subjunxit hæc Collaria Metaphysica.

I. **O**mnium præjudiciorum everio est necessaria ad veritatem indagandam.

II. Sine cognitione *Animæ & Dei* nulla datur certa Veritatis cognitio.

III. Illud omne est verum, quod clare & distincte percipimus.

IV. Causa errorum est voluntas, quæ, cum latius pateat quam intellectus, sæpe se extendit ad ea, quæ intellectus non clare percipit.

V. Neque concursus divinus, neque voluntatis necessitas, Libertatem evirrit; imo magis augeat & corroborat.

#### Phyfica.

I. **O**mnes formæ materiales sunt tantum modi materie.

II. Cælum est corruptibile & æthereæ naturæ.

III. Stellæ proprio motu per liquidum cœli moventur, ut aves per ærem.

IV. Elementa non transmutantur in se invicem.

## Paradoxa.

I. Nullum datur argumentum inartificiale.

II. Luna minime illuminata conspicitur, cum maxime est illuminata, & nunquam minus illuminatur, quam cum est plena.

III. Duo gemelli, eodem temporis puncto nati eodemque mortui, impares possunt vixisse dies.

*Hæc Disputata fuerunt 14. Decemb. 1644. Sequuta sunt mense Jan. 1645. Disp. Select. DE ANGELIS Decimæ sextæ ab Ornatissimo nunc Curie Holl. Advocato, tunc Respondente: HENRICO BROUVERO, subnexa Corollaria Paradoxa.*

I. Nulla datur Philosophia adeo Theoretica, quæ non sit & Practica.

II. Privatio non est principium Physicum magis quam unio, sed tantum conditio sine qua non.

III. Corpora rarefacta non habent plus quantitatis quam densata.

IV. Ignis est humidus.

V. Aqua est subtilissima terra, ær subtilissima aqua, ignis subtilissimus ær, terra crassus ignis.

VI. Luna à Terra & Sole illuminatur.

VII. In homine est tantum unus sensus, non quinque.

VIII. Logica, quæ nunc viget, ad inventionem scientiarum est inutilis.

IX. Omnes syllogismi ad indagacionem veritatis sunt inutilis, exceptâ inductione solâ.

X. Causa finalis non est causa, nec materia, forma.

XI. Potest velle homo malum qua malum.

*Hæc & præcedentia Corollaria ex Keplero, Bassone, Verulamio, Campanella, Sperlingero, Cartesio, aliisque posita, nova erant homini novo, forte & ipsa authorum nomina, ex quibus Respondentes illa petierant. Ego cum*

*subolfecissem non tam valentem esse novitio Collegæ stomachum, ut hæc aut similia concoquere posset corollariorum fercula, nec placere ejus palato nisi ex Aristotele allatas à ipse, ipsum invisi, & theses autem hæc à me disputatas obtuli, ut perlegeret, & modum hic in disputando teneri solitum cognosceret, quod sane ab aliqua animi mei benevolentia fuit præfectum, & ita quoque ab ipso acceptum exceptumque. Dixi tum inter sermocinandum, eum facile visurum ex thesibus, liberum hic nobis esse disputandi modum; & me eum esse, qui multum indulgerem Studiosis, in corollariis & annexis, ut neum atque illorum ingenium experi iri, me pro & contra, ut loquuntur, seu in utramvis multa disputare partem, quod sic maxime argumentorum robur ponderetur & expendatur, ita à me factum fuisse semper, à quo professi fui adactus: & potuit ex thesibus facile illud colligere inter quas inveniri Theses DE PRINCIPIIS COGNOSCENDI, Resp. WALLENDAL, contra Cartesium: & DE PRIMO, Resp. KELLENAER, pro Cartesio: à doctissimis juvenibus, utrasque eodem anno 1644. me Præside disputatas. Adidi, amicitiam servari etiam ab iis, qui in omnibus non conveniunt Philosophicis opinionibus; nam*

*Diversum sentire duos de rebus iisdem Incolamj licuit semper amicitia.*

*Existimavi sic me defunctum partibus viri boni & boni Collegæ in peregrine adventientem Collegam, & meo more modoque sum porro Philosophatus. Temporis delapsu, quod fueram subodoratus, clarius accepi, novum hunc Collegam multa in mea disputandi ratione calpare ac præsertim libertatem: & jam, statim atque disputare, me quoque invadere cepit: prima ejus disputatio DE VOLUNTATE fuit HUMANA, 7. Julii 1645. in qua 22. argumentis, partim Philosophicis, partim Theologicis, in sententiam meam, de voluntatis humanæ ab intellectu practici ultimo judicio determinatione, & aliis thesibus in ea, quæ de Concurfu ante ejus adventum disputaveram, magno impetu irruit atque incurrit, momentibus id me ipsimet Studiosis. Ego ista negligere; & Disp. select. 19. part. post. contra possibilem mundi æternitatem, subnectere hæc Carol. 15. Julii 1645. Sententia*

quæ statuit voluntatem ab ultimo intellectus practici iudicio determinari, & recte rationi & Aristotelis auctoritati innititur: quare eam ab omnibus & exceptionibus & objectionibus vindicandam suscipimus.

*Audit me ad argumentum alicujus Opponentis motum adversus th. ult. istius disp. respondentem, quod Relationes non sint Accidentia Physica, quæ inhæreant, nec entia realia, sed Logica tantum, quæ denominent, & quod sint media quædam inter ens reale & nihil. Et hæc responsio ex tempore data, quia nova erat & insueta ejus auribus, meruit excipi tredecim epimetris, quibus rationes protulit iterum, Theologicas partim, partim Philosophicas, ad probandum, relationes esse accidentia prædicamentalia & entia realia: in disp. de Mat. prim. mense Jan. 1645. Ego ista insuper habui, sed miratus valde hæc pro novis haberi quæ à me proferrentur, nec nova visa fuisse novo Professori sua epimetra subnexa Disp. Eth. DE HABITIBUS part. prim.*

I. Potest eadem numero forma, plures materias separatas simul informare.

II. Potest idem numero corpus in pluribus locis simul existere, idque naturaliter.

III. Merito pastoris cujusdam Independentis libellus, quo Deum peccati causam Efficientem sive autorem esse contendebat, ex Comitiis Anglicanorum decreto, non ita pridem Carnificis manu, publicè exustus est.

*Hæc & similia novaturientis ingenii non sunt signa? Sed enim ego hunc D. Collegam res suas sibi habere passus sum, ac se oblectare, sive novis, sive antiquis impetire, neque multum postea cum eo commercii quaesivi. Sic cogitabam: Gaudet ille sensu suo, ego meo. Verumenimvero, & aliunde misit as firmere libertati meæ, & occultis cuniculis eam subruere, alii tentarunt, quos id nimine decebat: an insigante & procurante Professore Scoto id sit tentatum, Deus novit. Nam cur illud ante annum aut paulo ultra sint aggressi qui supra quinquennium & semestrem eam mihi non inviderant, causam non invenio. Cum 14. Kal. Octob. 1646. eruditissimus Tur-*

*nis, D. PAULUS BIMAN; post publicè habitam pro gradu Magisterii Disputationem, promotus esset & ornatus jamdudum meritis titulis à Celeberr. D. JACOBO GOLIO, Collegæ venerando, placuit Rev. D. TRIGLANDIO, sub finem actus solennis Senatui Academico jam abiturienti nonnihil proponere, quod tamen Rectoris erat potius Magnifici: Verum & ipse, defunctus nuper D. EWALDUS SCREVELIUS, & ex cæteris D. Professoribus, si non omnes, plerique saltem, rei proponendæ juxta cum signatissimis erant pariter ignari. Accipit D. TRIGLANDIUS ex Theobus Pneumaticis & Metaphysicis promoti Magistri secundam, quæ sic sonat:*

Dubitatio indubitæ Philosophiæ initium est.

*Ait, voce grandis, Multum gravari, se mirari, quod tales theses & sub præsidio & sine præsidio ventilarentur: esse illas periculosos, novas, & contra Aristotelem: Vixi scire ad Scepticismum: eandem dubitationes ex Philosophia transferri in Theologiam: Studiosos dubitare sic de rebus omnibus, de se, de Deo, &c.*

*Plura ipse id genus retulit, quæ non refero (nec enim necesse est) ac petiit tandem Senatui Academicæ sententiam; Num ab iis abstinendum foret? Suffragia virorum & subito à Magnif. Rectore collecta, maximam partem isthuc abiit, esse ab iis positionibus abstinendum.*

*At vero cum hoc modo imprudentiæ macula inusta esset Cl. D. GOLIO, (qui ut Candidati Promotor non debuisset permisisse illam thesin, si tantum in ea periculo latuisset) pariter ac mihi, sub cuius præsidio jam 1645. mense Julio finem Disp. 19. Part. post. contra Possibilem Mundi æternitatem, Corollarium erat defensum;*

*(Ipse dubitandi actus firmissimum indubitantis est Philosophiæ principium) atque idem aut simile alias sepe esset repetitum, nolimus deesse existimationi tutandæ: itaque post Octiduum cum novus iterum Magisterii candidatus honoribus isdem esset à me decoratus, Cl. D. GOLIO, potestate sancti accepta, rem ante Octiduum obiter propositam resumens petis ac discipuli de novitate, & periculo illius thesæ: dixit, ætatem suam & annos non decere ut ita qui*  
impru

imprudenter fieri permittat, quod ad tam gravia & atrocia mala, Scepticismum & Atheismum, viam parat, sed nihil quippiam talis periculi esse in hac thesi: quin nec novam esse, nec contra Aristotelem, quod descripto & prælecto ex Arist. l. 3. Metaph. cap. 1. text. 1. & 2. comprobavit. Addidi ego, ipsam Aristotelis in philosophando praxin, confirmare hanc thesin: nam non est alia ipsi ratio agendi, quam dubitando ad veritatem pervenire. Vid. lib. Phys. Metaphys. Problem. Quæst. Mechanic. & ubicunque disputat. Adjungi, eandem thesin defensam, modum per dubitationes philosophandi servatum, hominibus Ἀριστοκρατῆς, Alexandro Aphrodisiensi inter Græcos, Averrois inter Arabes, Thomæ & Scoti inter Latinos, & inter Recentiores ita Arist. text. explicari & eandem viam teneri, à Fonteca, Scayno, du Vallio, quorum testimonia collecta, in Disput. Metaph. *des Demeas & Democritus*, ad text. cit. publico examini subjeci, 10. Nov. 1646. Et sic diffusus est inanis de periculo & novitate metus. Cum vero post aliquam ex iustissima causa lectionum publicarum intermissionem, ad eas reverterer die 17. Januar. 1647. Sermonem DE LIBERTATE PHILOSOPHANDI iis præmittendum judicavi, quo magnam in addiscenda Philosophia remoram & ingens obstaculum remorum volui, ignobile illud servitutis jugum, multorum cervicibus nimis injectum, sed fortiter excutendum docui, renunciandum esse omnibus mentium nostrarum idolis, eradicandas esse opiniones præconceptas, tollenda omnia præjudicia, & animum ad Philosophiam esse adserendum, qualis est infans, in quo nihil pictum est aut fictum aut scriptum actu, sed quidvis, fingi, pingi, scribi in eo potest. Hanc fuisse viam tritam ac calcatam Aristoteli & præclaris semper omnium seculorum ubivis gentium ingeniis, ac nostro ævo Illustri D. VERULAMIO in aureo opere *Insaurationis magnæ & de Augmentis scientiarum*, atque etiamnum teri & calcari ingenio incomparabili, veritatis ex caligine & servitute emergentis promotori unico, D. RENATO CARTESIO, à quo Heroë si semel didicerimus moderari ac cohibere mentis nostræ assensum ab iis de quorum veritate non certo constat, & mentem

nostram ab omnibus præjudiciis liberare, tum demum ista animi, ista iudicii, inextimabilis libertas, reducta nobis fuerit ac restituta; tum demum præsidia & auxilia inventa fuerint errores præcavendi, veritatem erandi, Philosophiam ad suam libertatem & perfectionem reducendi ac restituendi, &c. Concludi verbis & versiculis Horatii:

Quid verum, atque decens, curro, & rogo,  
& omnis in hoc sum,

Condo & compono, quæ mox depromere possim.

Ac ne forte roges, quo me duce, quolare tuter:

Nullius addictus jurare in verba Magistri,  
Quo me cunque rapit tempestas, deferor  
Hospes.

Que liberius pro philosophandi libertate à me tum fuerunt dicta, non eodem animo ab omnibus, ut fieri solet, sunt accepta, quibusdam ea approbantibus, aliis improbantibus, nonnullis ringentibus: usque potissimum & mali habuit aliquis, qua inter declamandum usus fueram, *Apostrophe & exortationes* ad RENATUM CARTESIUM absentem, non aliter ac si præsentem compellasset, hisce instituta verbis: Salve Philosophorum maxime, Veritatis, Philosophiæ, Libertatis in Philosophando, Stator, Assertor, Vindex. Quamvis vero iniquum sit, alteri in dicendo verborum formulas ex genio suo præscriptas velle: quamvis istis uti orationis luminibus & sententiæ figuris, quibus vult, unicuique existat liberrimum, ne quid tamen supra fidem, ne quid ex affectu, infra verum, citra meritum ejus viri, dixisse videar, veniam date, nonnihil fusi de Philosopho hoc & Philosophia ipsius differenti, fortassis id sufflaminabit & sistet convitiis plausura, quæ in illum & illam evomunt hodie nonnulli in Thesium selectarum Libellis, Considerationibus, Vindiciis, Absterfionibus. Sin ad meliorem mentem non revocareris, nec restitueris, istarum scripturum Authores, hæc oratio; spectamen est, fore, ut minus fidei inveniant, apud istius Philosophiæ ignaros, & Philosophi ipsius, si non amicos, sed nec inimicos, eorum scripta: si neque hoc impetraveris, opera tamen fueris consecuta præitum, si mentes vestras sapientissimas, ab omni



præjudicio liberæ, & immunes imposteriorum conservaverit. RENATUS DES CARTES genere ac familia nobilis, sed ingenio longè nobilior: à multis jam annis totus in id incubuit, ut methodum quandam quaesiverit & invenerit, indagandi veritatem rerum certam in Natura ac Scientiis, eaque usus fuit, atque utitur etiamnum, in Ratione sua ac mente dirigenda. Postquam enim vulgari scholarum Philosophia animum suum inhauserat, ac nihil hic certi, sed disputationibus & dubitationibus eam repleri universam, deprehendisset, ad Mathematica se applicuit, quod illa majorem evidentiam & certitudinem polliceri vulgo dicerentur: in hisce excolendis ita versatus est, ut nihil impervium ingenio suo inveniret, imò ad istud fastigium assurrexit, ut quædam à multis annorum nulli bus problemata ipse solverit, & Græcis antiquis in Geometria Algebraque palmam præripuerit; cujus res testes sunt paucae istæ pagellæ de Geometria conscriptæ & hic Lugduni excusæ: quin (si artificii credendum est de sua arte judicanti) narravit mihi non semel vir Celeberr. D. JACOBUS GOLIVS, Mathematicum apud nos Professor, D. CARTESIUM reverentem omnium ac recentiorum ingenia hic subvertisse, & id in Mathesi præstitum dedisse, quod vires ingenii humani videretur superasse, & dissolvisse quod ædificatum fuisset habitum. Postquam vero D. DES CARTES tam feliciter versatus esset in Mathematicum exercitio, nam pari felicitate sibi succederet sua Methodus in aliarum Philosophiæ partium controversiis & difficultatibus enodandis, tentare voluit: Quare resumit eas, sed alia plane & sua peculiari Methodo, quam qua ante fuerat in iis versatus. Studet ergo eam & certitudinem & evidentiam in rebus cognoscendis tum Physicis tum Metaphysicis accipere, quam in Mathematicis demonstrationibus deprehenderat: itaque annos aliquot indagar in rebus Physicis & Metaphysicis cognoscendi principia, tam immorta ac solida & certa, quam sunt Mathematicarum demonstrationum: nec inquirendi laborem defraudavit eventus: quippe, quod quaesivit, invenit: & Methodi sue adminiculo, non minori, si non majori, & certitudine & evidentiâ cognoscere capit, ex principiis certissimis & evidentissimis, res Metaphysi-

cas & Physicam, quam Mathematicas: atque magnam vitæ suæ partem & annorum aliquot decursum, hisce Meditationibus dedit: iis ingenium suum excoluit: mentem oblectavit: & ut tanto liberius soli suæ Rationi excolende vacaret, vitam elegit solitariam, & loca vivendi, à turbis, ab aula, & à streptu remotiora, quo tanto & felicius & facilius cogitationibus suis vacaret, iisque solis sese oblectaret. At quamvis veritates jam nonnullas circa rerum naturas detexisset, longe certiores, evidentiores, utiliores, quam quæ hactenus in recepta essent tradita Philosophia, atque ante à se cognita, atque sic Philosophantium ordinem ab erroribus quibusdam liberasse potuisset, ita tamen humiliter & modeste de se sensit, ut privatos ingenii sui errores quidem emendaverit, quibus infectus fuerat, nihil tamen voluerit tentare, quo, quæ in Scholis & Academiis vigeret, impignaret atque everteret Philosophiam: hinc est, quod multo tempore præserit & Methodum suam inveniente veritatis & veritates inventas. At quamvis sibi constaret de Methodi sue certitudine & evidentia demonstrationum, quibus uteretur, quia tamen abibat à recepta philosophandi ratione, & homines valde proni esse solent in iis rejiciendis, quæ vel non capiunt, vel capere nolant, non potuit primum ea adduci, ut pateretur cogitationes suas in lucem exire publicam. Exoratus tandem frequentissima petitione Amicorum hoc perpetuo urgentium, non esse denegandum humano generi, unde tantum boni ad illud redire valeret, emisit in lucem 1637. Gallico sermone, Discursum de Methodo, ad bene regendam rationem suam, & inveniendam veritatem scientiarum, cum triplici specimine, Dioptrices, Meteororum, Geometriæ. Nomen suum non apposuit, quia nec applausum captabat nec gloriam, & quia pertractus & consueti fere editionem permisit: nam tegere ac premere maluisset quæ ederentur, quam alicui obtinere quasi & commendare. Ideoque sic scripsit; ut nullam suam opinionem pro præcepto tradiderit, nullam alterius destruxerit, sed simplicis stylo admodum & morem Narrantis in Methodo retulit media, quibus ad evidentiam istam & certitudinem cognoscendi devenisse se sibi persuaserat, & in sue relationis fidem & comprobationem Specimina

mina ista subiecit. Et Methodus ipsa & Specimina satis loquuntur ipsius in Philosophando integritatem, sinceritatem, candorem, diligentiam, & quoniam nulli isto scripto male vel dixerit vel fecerit. In Methodo vitam & studia enarrat, peregrinationes explicat, rationem studendi & philosophandi, ante & post sibi usitatam, proponit. Methodi tandem suae regulas, quas teneret, in veritate indaganda, rebusque omnibus cognoscendis, exposuit, quae omnia in exemplum trahi voluit: sed enarranda erant, ut Methodi ejus, quae utebatur, origo & natura tanto evaderet clarior. Nihil unquam cuiquam hic praefixisse: cui Methodus placeret, uti ea potius in rerum notitiâ acquirendâ, sicut ipsa usus erat Author in Meteoris & Dioptrica: cui displiceret, potuit eam negligere: totum hoc ipsi susque deque erat: nam suis maxime erroribus corrigendis eam conscripserat; & ei porro indulgere in regundâ Ratione suâ, reliquo vitae currentis spatio, decreverat. Postquam vero Methodus triplici comitata Specimine lucem adspexit, variis fuit habita & excepta, laudata, celebrata, vituperata, condemnata, convitiis profligata, in admirationem raptâ, prout genius esset hominum, in quorum manus incidisset. Nullibi dissimiliores peperit sive affectus sive effectus, quam in novitiam tum temporis & emergenti Academia, cujus duo Professores, alter Theologus, Medicus alter, in oppositis plane ierunt partes, hic Methodum & Specimina in caelum attolendo, ille in infernum usque deprimendo: imo Methodo & veritatibus ac principiis per Methodum inventis, statim disputatum est tanta animorum acerbitate, ut vix potuerit magis, quibusdam Studioforum Medico, & plurimis Theologo additis. Postea in scripta mutus & Historicarum Narrationes erupit res, & facta est omnibus notissima: nec rationibus tantum est certatum sed convitiis, & à Methodo ad Authorem ipsum transitus est factus: qui jam celebris promissor, venturus Elias, audiebat ab altera factione: quin Atheismi atque Scepticismi dicam impingebant Methodi Authori, qui à Theologi stabant partibus: sed non est opus narrare, quae nemo ignorat, cum publica hic etiam intercesserint judicia, & publice sit invicem actum. Effecit illud parvum studium, & tam


multorum de Methodo diversa existimatio, ut ejus Author de premendis semper suis philosophematis, & ad proprii tantum ingenii cultum instituentis, sententiam mutaverit, & gravissimum Scepticismi & Atheismi crimen, nullo jure sed ex malignitate mera, sibi impactum, cuius manifestum facere, decreverit. Eum in finem prolo commisit, praefixo jam nomine, quas obiter tantum delineaverat in Gallico scripto, suas de Philosophia tota cogitationes reliquas: & quamvis ex ipsa Dissertationis Gallicae pag. 30. & 35. de Methodo, convitiâ impactus potuissent retundi, diluere tamen ea ipsi placuit fusiori descriptione: quem in finem Anno 1641. edidit sex Meditationes de prima Philosophia, Meditationum titulo vere insignitas; crebris & repetitis quippe Meditationibus Meditationes istae sunt subigenda, antequam de iis judicium pronuntietur. Subsecuta sunt 1644. Principia Philosophiae cum Methodo & Speciminibus in Latium transfusa. In Meditationibus juxta suae ac verae Methodi institutum à notioribus procedi ad ignotiora, nihilque proficitur in Synopsi à se accipi ut verum, nisi evidenter sibi perceptum, comprobatum, demonstratum, idque tam clare, ut omnis dubitatio ab eo, qui attenderit animumque adverterit, fugere debeat, & nemo solidiora certitudinis fundamenta ponere valeat, quam ab eo ibi sunt jacta: dum in iis jaciendis occupatur, gravissimas ex omnibus quaestiones, in titulo promissas, dissolvit duas, solidaeque, & Deum esse, & Mentem à corpore distinctam, docet. Quod ita facit ac perficit, ut Scepticismum omnem & Atheismum (velint nolint ejus Adversarii) radiciter revelat & ex imis subvertat fundamentis: quin mentem humanam ex sui ac Dei notitiâ ad reliquarum extra se rerum notitiam ducit ac dirigit modo ac medio infallibili.


Vera Homini sapientia Sui ac Dei absolvitur cognitione: haec utraque in Meditationibus ab Authore sternitur ut fundamentum, cui reliquarum notitiâ superstruat, & superstructa est in 2. 3. & 4. parte Principiorum Philosophiae. Initium ejus Philosophiae à cognitione est nostri, ac dum nos ipsos cognoscimus eo ipso deducimur in cognitionem Dei, neque enim extra nos animumque nostrum egredi est necesse, ut Deum nostrum

nostrum esse cognoscimus: talia sui vestigia in mente nostra reliquit. Atque hac decantatissima est Dei in nobis idea insita, qua Deus non longe abest à nobis, sed animo nostro intime est praesens, & advertenti, atque se animumque suum intuenti, vel statim invenitur. Haec sui Deique notitia nihil menti Philosophantis, & certam rerum existentiam veritatem querentis, occurrir prius, nihil certius: & ut potatur utraque, aliis non eget rebus, extra se non abit, quo certe ipsi menti nihil potest accidere gratius. Quid enim suavius ei contingat, quam si, in rerum omnium notitia acquirenda, ipsa sibi sit omnis cognitionis & certitudinis radix, origo, fundamentum? Dubitet Scepticus aliquis de rebus omnibus extra se positis, nunquam de mente sua dubitare potest: eo enim ipso quod dubitet, si ad cogitationes dubitantes attendit, jam se esse & in se esse quo dubitat, atque se existere & quidem talis naturae ut dubitare possit, deprehendit, velit nolit: ut ipsa mens dubitans sufficiens sit de se non dubitandi principium: Haec Mentis humanae, ad se attendentis, de se notitia, viam sternit ad res alias praeter se cognoscendas: redeat igitur in se, quae ex se, se esse, cognovit, mens, & scrutetur dubitationes ac cogitationes suas: invenit non tantum sui sed aliarum etiam in se rerum imagines depictas, non tamen omnium. Querit ergo, unde habeat aliarum rerum praeter se ideas? si aliarum rerum non habeat ex se notitiam, si aliarum rerum idea non eam sibi sed aliquid extraneum ipsi representent, oportet aliquid extra eam, vel dari, vel dari saltem posse: & cur non omnium rerum ideas in se deprehendit? cur non potest sibi, quoscunque velit res, representare? cui commercium proximum est sibi secum, remotius cum rebus aliis?

Dum ita cogitationes suas earumque originem inquirat, alius sensum quoque contemplatur, & penitus cognoscit. Deprehendit, se finitum & esse naturae & cognitionis, non esse se sibi sufficientem ad omnia cognoscenda, atque insuper se non esse à se, nec per se sufficere: deprehendit, quam arctis & angustis finibus ipsa & cogitationes suae circumscribantur, limitentur. Deprehendit, ut non est à se, ita ne ad momentum quidem temporis sibi dare posse ut perseveret: ita ex suarum imperfectionum idea invenit in se ideam

entis longe se perfectioris, & iis omnibus perfectioribus abundantis, quibus ipsa caret, & ad ideam istam attendendo, cognoscit facile, quantis perfectionibus illud ens oporteat esse praeditum, in quibus omnes illa sunt quibus ipsa destituitur: cogitet suas imperfectiones, quod non sit à se, non omnia sciat, non omnia possit, &c. & oppositas perfectiones, esse à se, omnia scire, omnia posse, &c. deprehendit in idea illius entis, se perfectioris, contineri: & sic extra se necdum egressa Mens, & se reperit & Deum suum: ac Scepticismum omnem tollit, & praetensum sic Atheismum. Atque haec nostri & Dei notitia basis est & fundamentum & medium omnis ulterioris cognitionis: Quo enim magis ideam istam nostri ac Dei in nobis examinabimus, eo certius res alias cognoscemus: Quod in Principiis Philosophiae, & ipsa Meditationum serie, satis ordinata deducitur Methodo, quae attendenti & saepius ac serio meditati innotescit, alius non item, ut ipse monet Medit. Author in Praefatione. Antequam lucem viderent Meditationes, exanimi fuerunt primum subiectae, & multorum doctissimorum objectionibus tentatae; ad quas respondendo, multa in Meditationibus obscura clarius exposuit Author: atque ita satisfecit, ut nihil à quoquam sit regressum nisi à solo Gassendo, cui Gallice est responsum, quod Meditationes cum Objectionibus in Gallicum sermonem translatæ à Nobiliss. Gall. elapso anno excuderentur. Itæ quoque aride excepta sunt à Gallis Principia Philosophiae, ut & hac veste Gallica eodem tempore sint donata. In hisce per solam Materiam & Motum, principia simplicissima & omnibus notissima, explicat rerum omnium naturas, proprietates, operationes, rejectis Formis omnibus (praeter rationalem animam) Substantialibus, quae in recepta Philosophia merum sunt ignorantiae Asylum. Lacesseverat, in epist. ad Dinerum, Peripateticos omnes, ut vel unam ex peculiaribus suae Philosophiae principis vere solverent Questionem, quæ millenas solvit ex suis. Et hoc de Formis Substantialibus Commentum ante Aristotelis tempora fuit ignoratum, & postea multis displicuit, (quod utrumque 1v. Disputationibus habitis elapsa septimana offendimus) & eversum satis fuit ante aliquot annos à Cl. D. Praeceptor





ptore & Prædecessore meo BURGERSDICIO, lib. 1. cap. 25. *Metaphys.* qui tamen à nemine unquam idcirco est impetrus aut Atheismi accusatus, uti ob eam rem à malignis impetrus & accusatur CARTESIUS. Sed hæc infelix exitus ejus Philosophia fors, quod Hæresios, Blasphemiz, Pelagianismi, Scepticismi, Atheismi, diras statim consequentias ei affricare conseruerunt, vel ignorantes, vel malevolis. Ea nunc sunt tempora, quibus nihil est ustratius, quam criminum istorum ream agere & suscipere reddere doctrinam, quæ vel negligitur vel non intelligitur: contingit illud, uti alias, ita acerbissime intra ventris anni spatium, huic Philothiz, cujus principia & dogmata Professores Philosophi, quod sciam, nulli hærentes, vel examinârunt, resutârunt, sed unus item atque alter Aphorismum hunc vel illum ac periodum aliquam, quam legit cursim ex ea, instatius est statim & perscutus crimine ac convictio. Atque illorum potius erant partes, serio refellere istius Philothiz principia, si minus sint certa & firma, & tamen firmiora & certiora prædicuntur atque habeantur, quam criminari aut convictari: quod si Philosophos non deceat, multo minus id conveniet Theologis, quorum non est, virgulam censoriam & dictaturam exercere in Philosophia & aliarum scientiarum Professiones, nec ad arguendos, aut aliena curare negotia: qui domi sue habent satis quod agant; & defunguntur suo munere, si gregem sibi commissum fideliter pascant, viam salutis ei ostendant, iuventutem Academicam sacris divinæ veritatis dogmatibus imbuant, & omnibus, pacis concordizque studio, prælucant. Et ferri possent levius eorum censura, si aut eas modestè & absque atrocissimorum criminum consequentiis instituerent censes, aut rerum, quas censent, periti forent. Quasi non magis simandum esset de rebus naturæ ejusque Principiis judicio Philosophi, qui etatem totam & vitam omnem in eis inquirendis & explicandis impendit, quam Theologi, qui aliis cogitationibus animique studiis distractus & distractus, sacra tantum tractavit non naturam. At si placet Theologi falcem immittere in Philosophiæ massam, à virulenta saltem absineat criminatione, & calumniis, quæ artes

cum nomine & titulo isto non conveniunt. Videat ergo, an tæxeta tæxeta loquatur, qui acerbissimas nuper invectivas immisit sue thesium selectarum præfationi, & Paralipomenis, & quartæ Disp. de Atheismo parti, atque alibi, CARTESII personam & philosophemata, qui se & Philosophiam suam satis tutabitur. Nihil facilius est quam convictum dicere aut calumniam impingere: sed nihil quoque indignius Theologo ac viro bono. Nostis ipsi Nobiliss. & Ampliss. Domin. quam serio vobis præterito anno per litteras conquestus sit D. DES CARTES, de impaſſo sibi temere Pelagianismo, à Coll. Theol. Regente D. JACOBO REVIO, in Disp. 23. Anal. Theol. th. 13. ex verbis Med. meth. 4. P. 55. Sola est voluntas sive arbitrii libertas, quam tantam in me experior, ut nullius majoris ideam apprehendam, & male citatis & male explicatis, quorum alterum inscitia est, alterum perfidia. Nostis quam idem usdam litteris querelam instituerit de imputatâ sibi à primario nunc professore Theologo D. JACOBO TRIGLANDIO, Blasphemiam, in Coroll. 7. ad. 6. Aprilis defenso. Internum Spiritus S. testimonium de certitudine salutis ad tempus negare sub quocunque prætextu non licet, multo minus ipsum Spiritum S. (seu ipsum Deum, ut male CARTESIUS) pro impostore ac deceptore habere seu fingere, quod plane blasphemum. Non referam, quam fideliter & Respondentem, & Rev. D. Præsidem Collegam monuerim, ut, si paci & honori suo consultum vellet, ab illo corollario & crimine personalis defensionando abstineret, qui se majorem Corollarii posuisse, eum esse blasphemum, qui Deum pro deceptore habet, non autem minorem, (ut male CARTESIUS) ac meditationes ejus nunquam se tum legisse, professus est, & indicari à me petiti Respondenti, ut deleteretur: nec dicam, quomodo sententiam mutaverit ac disputaverit, ac turbæ ingentes sint exortæ. Hæc enim omnia Ampl. Consessui vestro sunt exposita, & ab Eo decretum 13. Kal. Junias, elapsi anni, ne à Professoribus Theologis ac Philosophis & Collegii Theologici Regentibus, imposterum CARTESII, vel ejus opinionis, minima mentio fieret. Ego quædam ab eo tempore vestro decreto morem



gessi, & sæculo operam dedi, ne Disputationem ullam pro aut contra CARTESIUM instituerem, aut sub meo Præsidio disputandum permitterem, uti quidem ante à me ad ingenii exercitium fuerat factum. Placuit Regenti interea temporis REVIO, in varia & ab antecedentium & consequentium serie diuulsa loca & excerpta ex CARTESII Methodo, Meditationibus, Principiis, & ab instituire, & evulgare libellum, quinque foliorum, Titulo Considerationis Theologicæ, addita gemina Disputatione, ex quatuor ante contra CARTESIUM habitis. Considerationis Theologi exemplum factum audientior Professor Philosophus, D. ADAMUS STEVARTUS nuperrime in diem totum 23. Decembris 1647. Geminam Disputationem Metaphysicam DE DEO, jam omnium desiderio expectatissimam atque aliquantulum promissam, Academicæ valvis satis in tempore curat affigi, ex professio contra Mandatum vestrum in CARTESIUM, quod nulli non fuit compertissimum, ex corpore thesaurum uniuerso, & præsertim th. 5. disp. prioris institutam utramque, cuius habitæ Historiam, & quæ eam sunt consecuta, scire vestræ interest Authoritatis, vestrique Consequis.

Postquam jam diu sparsus per Academiam rumor increbuisse, nunc brevis confodiendum CARTESIUM & jugulandum CARTESIANOS, ac jam complusculos dies affixa valvis Disputatio lætitaretur, tandem propriæ Natalæ Domini hora locoque consuetis ingens fit Studiosorum aliteriusque ordinis virorum confusus, ut Auditorium eos vix caperet. Conscenduntur subsellia, & quæ sessioni erant destinata pedibus ad standum subvertunt. Capita formicæ contingunt: tam densum erat congregatorum agmen, atque ita compactum, & male ordinatum, ut ingredientium conspectui adimeretur & Præfès & Respondens & Opponens, & ingressorum auditui subtraheretur loquentium vox. Cum horam circiter decimam accederem, desit opponere doctissimus quis ac Col. Ord. Iuuenis, ejusque vicem subit, profunde & solide doctrine vir, D. JOHANNES DE RAEI, Philosophiæ Magister & Medicinæ Doctior, gemino simul ante semestris titulo, à me & Cl. D. VORSTIO, pro virtutum suarum meritis, honoratus,

cum insigni, & suo, & Academicæ nostræ decore, qui ad thesin 5. Disp. prioris, ubi hæc sunt Præsidis verba: Inveniuntur Neoterici nonnulli Philosophi, qui certam omnem fidem sensibus abrogant, & Philosophos Deum negare, & de ejus existentia dubitare posse contendunt, qui insitas interim à natura humanæ menti de Deo notitias actuales, species, & ideas admittunt, sic opposuit: Si nulli extent tales Neoterici Philosophi, talium opinionum Authores, male nonnullis ille adscribuntur, & sine necessitate refutantur. At verum est prius. Ergo & posterius. Si vero sint, peto humanissime, ut mihi nominentur. Respondit Præfès duo: 1. Parcendum esse nominibus & personis, disputandum tantum de opinionibus & sententiis. 2. Autoritate D. Curatorum sibi interdictionem esse ne nominaret: sed satis constare, quinam illi essent: esse nota eorum nomina: se & alios scire: talia fuisse aliquando hic ventilata, &c. Reposuit Alter, D. Curatorum decreto, non tantum esse cautum, ne nomen CARTESII, quem significabat Præfès, nominaretur, sed insuper vetitum, ne de ejus opinione vel opinionibus disputaretur; atque hic magis violatè à Præfide eorum autoritatem, quam si eum aut alios Neotericos Philosophos, opinionum istarum Authores, nominaret: itaque hoc de nouo repetit ac postularit. Præfès jam commotior, Quid tu, inquit, scis de D. Curatorum decreto? tu non interfuisti illorum conventui. Provoco ad Cl. D. REVIIUM hic præsentem qui interfuit. Et ego, recessit Opponens, ad Cl. D. Professorem & hic & ibi quoque præsentem: ac me designabat, proxime à latere sibi assidentem: ac sic perrexit: licet non interfuerim conventui, novi tamen quid sit de illorum D. mente. Quid tu, ait Præfès, scires, qui neque oculatus testis, neque auritus adfuisse? provoco ad Cl. D. REVIIUM. Reposuit Opponens, neque se tamen ignarum mentis D. Curatorum, ac se vidisse ipsum Epistolæ à D. Syn dico nomine Nob. D. Curatorum ad D. CARTESIUM missæ auctoritate, quod nec Præsidis nec D. REVII oculis esset usurpatum, ex quo sane de sententia D. Curatorum quam clarissime statui poterit, quæ fuit: non tantum, ut nominis ipsius Herois parceretur, sed & ab ipsius opinionibus.



opinionibus ventilandis abstinere, contra quam faceret Praefes, qui quam diu Authorum nomina non proferret reus haberetur calumnia: ille eandem cantilenam canere, & sensim effervesce magis, & tandem dicere, sunt Lutherani, nullius tamen pronunciare nomen. Opponens itaque, cum nihil impetraret, age, inquit, si nominare non placet auctores, ego tamen novi, quos designes. Est inter eos, cuius nomen non audeo proferre, D. CARTESIUS, & qui solus hic praeter te opinionibus ventilat Philosophicus, Collega praefens. Ego tibi, ex illius scriptis, ex huius thesibus ante quadriennium tuumque adventum disputatis, contrarium demonstrabo: & protulit locum in epistola CARTESII ad celeberrimum VOETIUM pag. 236. Sed notandum est eas omnes, quarum cognitio dicitur nobis esse à natura indita, non ideo à nobis expressè cognosci, sed tantum tales esse, ut ipsas absque ullo sensuum experimento, ex propriis ingenii viribus, cognoscere possimus. Ac jam in eo erat, ut proferret locum ex th. 6. Disp. meae select. 3. de Notitia Dei Naturali, olim habite, ubi sunt verba: Ante rationis usum mens hominis, neque propositiones comprehendit, neque terminos simplices apprehendit, veritatem proinde ac falsitatem nullius propositionis actu cognoscit: hoc enim fi faceret, ratione jam uteretur, & huius actualis cognitionis respectu anima dicitur tabula rasa. Cum excanescere & in furorem agi capit Praefes. Et postquam, furibundus instat, corpus suum in Cathedra nunc hic nunc illic circumiecit, ac varia effudit convitia in Opponentem (qui ursi vehementer & institit ut loqui posset) tandem plenus ira, mota mente, Ego, inquit, pro auctoritate publica silentium tibi impero. Tace: nolo te audire: & Tu oppone, dicit aliquid Studio, atque ei, qui sub Praefidio D. TRIGLANDII de Blasphemia CARTESII ante disputaverat, ex Monachatu & ordine Capucinarum ad nostram religionem conversus. Cum ita exceptum Philosophiae ac Medicinae Doctorem, eique praelatum à Praefide Studiosum alium, viderent atque audirent praesentes, qui aderant, Auditores, tam indigne id tulerunt, ut continuo ultra quadrantem horae pedum strepitu ac plausu omnem ulterius oppo-

nendi occasionem intercluserint. Cum hora 11<sup>a</sup> decima privata esset promotio ab Academiæ Senatu facta, D. STEVARTUS ei valde conquiri, & praesentiam atque auctoritatem Recti Magnifici sibi post meridiem iterum disputaturo implorare, ut strepitui preveniretur. Plerique ex Senatu D. Professores in istam ibant sententiam, aliter securitati D. Praefidis esse providiendum, affixa scilicet valvis Academiæ scheda, qua, ut modestius se gererent Studiosi in pomeridiana disputatione, rogarentur ac monerentur: quod ita factum fuit, & pacatius disputatum. Cum vero publicè non tantum existimatio mea esset lesa à D. Praefide, quasi ego tales opiniones unquam ventilassem, ac privatim idem de me diceretur ab ipso, ego disputationem aliquam meam recusam, cum instituta ad famae tutelam praefatione, atque corollariis calumniis regredientibus, postero die Academiæ officii cura: habendam 28. Decembris. Placuit hic Magnifico nunc Academiæ nostrae Rectori, Celebrissimo D. SPANHEMIO, intercedere, & qui geminam in CARTESIUM STEVARTI Disputationem permiserat, meam, non pro CARTESIO, sed pro iusta existimationis lese vindicta, comparatam suffraginare ac sistere, quod nec honori nec tranquillitati publica esset cessura, & occasionem factura novis tumultibus, ac non sine strepitu abitura. Petit hoc dari precibus suis, ut abstinerem, aut, si nolim, se pro auctoritate non permittiturum ut habeatur. Ego, cum ad integrum Senatum potuissem rem detulisse, id tamen non feci, sed respondi, Magnifico D. Rectori me non refractarium fore, nec aliquid acturum contra Academiæ statuta, honorem, vel tranquillitatem publicam, sed & me sollicitum esse de violata nominis mei existimatione, quam noxam rescirci ac reparari mihi, unice me velle, & judicare, non melius reparatam iri quam publica Disputatione, qua lesisset Collega. Rogavi quid in Thesibus culpandum esset? Ille, nihil plane, reposuit, sed esse optimas: verum aculeatam esse nimis praefationem, & acerbiora in Collegam directà Corollaria. At, inquam, responsum existimo, non maledictum, quia laetit prior. Et, Praefatio verbis significantioribus concepta, nullum agit reum, sed Calumniae tantum ac Calumniorum genium depingit ac

characterem: in corollariis quid duri est? an vocabula, mentiuntur & calumniantur? Quasi non liceat scapham scapham, ficum ficum dicere: non, qui dicit, cum vere dicit, sed qui facit culpandus est. In eadem furari, malum erat, at furem dicere, non item. Denique de Rectoris Magnifici petitione, me serio cogitaturum, promitto. Pridie disputationis habende die 27. Januarii tenuit sollicitudo D. TRIGLANDIUM ac D. SCOTANUM de turbis fortasse exorturus, ut nuper essent exortæ in Disputatione STEVARTIANA: ille curas suas ad Rectorem mittit, & ut tumultum preveniat monet: hic Synedrio Ecclesiæ Lugdunenſis Batavæ, cuius est Seior, piæ suam sollicitudinem proponit, qui tamen eam ad Senatum Academicum vel Rectorem Magnificum deferre debuerat, quia negotium erat mere Academicum, de Etætiæ disputationis Philosophicæ stabilienda, & Etætiæ præcavenda; quo factis an non aliquid detraxerit honori, authoritati, juri, ac majestati Senatus Academici, ipsi viderit. Synedrion querelam & questionem à D. SCOTANO propositam accipit, rem per Presidem & Scribam cum Ampliss. Syndico nomine Magistratus ad conveniunt istum Deputato communicat, & per eisdem Magnifico Rectori exponit, petit-

que disputationem ipsam differri, ne contentionis flamma inter Professores magis exardescat. Rector circa vesperam me vocat, & quomodo intercessum esset à Synedrio mea Disputationi, enarrat. Rogo, quid juris ei fuerit in Disputationem Academicam? an diffideret vigilantia Rectoris? ille Deputatos nihil ex autoritate præscripsisse respondet, nec egisse ex jure sed humaniter petisse, &c. Denique me hortatur, ut tantum differrem in adventum Nobiliss. D. Curatorum post meridiem diem 28. futurum & de consilio eorum agerem. Ipso Disputationis die, cedor rationibus Rectoris, & scheda ipse significo, Disputationem esse differendam ejus petitione in & post conventum vestrum. Non fuit otium Nobiliss. Ampl. Vest. excutiendi omnes intricatæ causæ circumstantias, quod maturandus vobis esset Hægam reditus: & quia nox integer foret confessus obivius ex Nobiliss. D. Curator. absentiam, vestro nomine, postera die nunciatum est, ut differrem ulterius in proximum Congressum. Factum id est à me lubenter: nunc, quæ consequuta sint, recensito; quo plenissime totum cognoscatur negotium, ut se habuerit ab initio ad hoc usque momentum: prius tamen ipsam Disputationem, ut fuit recursa, exhibeo.

Dispu-

Disputationum ex Philosophiâ selectarum,

T E R T I A,

D E

# NOTITIA DEI NATURALI:

*Habita,*

Resp. JACOBO SOUTERIO, 25. Martii, 1643.

Ejusdem

R E P E T I T I O,

*Habenda,*

Resp. DANIELE OUZEEL, 28. Decembris, 1647.

*Ad Nobilissimos, Spectatissimos, Doctissimos, Philosophiæ  
in Academiâ LEYDENSI*

STUDIOSOS,

P R A E L O Q U I U M.



Quoniam est, & oculis & auribus insuetum vestris, Disputationis Philosophicæ Repetitionem institui. Sed enim non sine causa id factum est aut ratione. Calumniæ occurrendum fuit & labes abstergenda,

quæ contaminari possit boni nominis fama ac proscindî, sub NEOTERICORUM PHILOSOPHORUM operto titulo. Penetrata lingue tela & nocitura spicula, occultis ac non explicatis titulis, projicere, proprium est & Diaconi vitii ita fædi, ita tetri, ut inde nomen accepit mendacii Pater & omnium malorum Princeps, Diabolus. Calumniam plerumque parit invidia, nutrit Curiositas, comitatur Mendacium; & fere proficiscitur à vilis animi & garrulis hominibus hoc quicquid est vitii: loquaces enim, ut multa, ita mala sepe ac falsa loquuntur, invidia præsertim & curiositate abrepti: quibus rectior contigit indoles, ab eo abstinent. Licet

vero adversus calumniam nemo sit tutus, satisque sit clypei, animi innocentia, quia tamen famam (quæ nihil pretiosius) occultis ea petit ac ledere conatur modis, jure merito, & in ignominiam Calumniantis, detegitur. Quadriennium est cum semestri, quod in selectarum ex Philosophiâ Disputationum Tertia, meam, de Notitiâ Dei Naturali, proposuerim atque exposuerim sententiam, quam iterato examini subicere fuit visum, non quod tunc temporis, aut à Doctissimo Respondente aut à me Præsîde, non fuerit satisfactum oppositionibus, sed ut constet, eandem esse hic mihi sententiam acmentem, quæ olim fuit, in nullo aut puncto aut apice immutatam, quod iisdem thesibus & verbis repetita disputatio ostendit; ac præsertim, ut fatua ista, & quæ in sapientis pectus, aut in eum, cui mens constat, cadere nequit, opinio, de infantibus in utero matris atque ex eo egressis statim præditi Dei notitiâ actuali, repellatur, & ad Anticyras cum Authore relegatur, quam tamen sub Neotericorum Philosophorum titulo mihi im-

*Pingere valeat, si non clanculum impeerit, Magnitas ac Calumniam. Veritas nova mihi nunquam displicuit, quin & veritatem novam philosophando invenire, quotidianum mihi est studium: at aliquid novi pro vero, quod falsum est, affingi mihi aut imputari, nunquam patiar.*

*Theses hæc, quam longe absit à me, insulsa, quam retuli, opinio, & de Dei existentia per rationes naturales innoxia, satis superque docent. Si quis ultra hic aliquid nobis affinxerit, si, inter cetera diabolice Calumnie cultores, nonnen merebitur suum, & justam aliquando mercedem reportabit.*

## JUSTINUS MARTYR

### In Apologia secunda pro Christianis.

**T**Οὗς κατ' ἀλλήλους διαβόαι & φιλοῦντες, μὴτοι τὸ ἀλλήλους τιμᾶν & σβερεῖν, ὁ λόγος ὡπαρδῶν.

*Qui veropii & Philosophi sunt, eos solam veritatem in precio habere & colere debere, ratio dicat.*

#### THESES I.

**E**SSE Deum, sciri potest, ac cognosci multis modis. Nonnulli triplicem statuunt Dei cognitionem: 1. cognitionem rationis, quam investigamus per creaturarum initium. 2. cognitionem devotionis, quæ fit per verbum, ex cujus prædicatione cognitio fidei oritur. 3. cognitionem glorificationis, quæ fit in vita æterna. Alii ponunt quadruplicem divinæ cognitionis librum. *quatuor nature*, quo pertinent *κατὰ τὴν φύσιν* menti naturaliter impressa. 2. *κτίσις*, *creatura*, quo pertinent intuitus & contemplatio creaturarum. 3. *γραφή*, *scriptura*, quo pertinet divina in Prophetis & Apostolicis scriptis revelatio. 4. *ζωή*, *vita æternæ*, quo pertinet intuitiva & beatifica Dei visio. Sed prætermissa cognitione glorificationis, & libro vitæ æternæ, qui cognoscendi modus in hac vita non possidetur, sed speatur tantum, reliqui tres cognoscendi modi optime revocari possunt ad duo capita; ut *cognitio Dei*, alia sit *naturalis*, alia *revelata*, & illa peratur ex *natura*, hæc ex *scriptura* libro. Ac nos quidem, relicto Theologis scripturæ libro, & cognitione revelata, *Qualis sit Dei notitia naturalis, hausta ex libro nature*, hac disputatione inquiramus.

II. *Liber nature duplex statui potest, internus & externus*: unde *notitia Dei naturalis* dividitur in *insitam* vel *innatam*, & *acquisitam*; illam vocant alii *subjectivam*, hanc ob-

*jectivam*. Notitia *insita* originem habet ex *κατὰ φύσιν* *creaturis*, quæ amissæ imaginis divinæ sunt obscura quædam rudera ac vestigia, & amissæ illius lucis, quæ in hominis mente ante lapsum fulgebat, superstitites quædam ac sopitæ scintillulæ, per quas communis illa anticipata notio, *Quod sit Deus*, omnium hominum mentibus naturaliter est insculpta. Hæc ergo notitias communes referimus ad *librum nature æternæ*; ad quem etiam pertinet *liber evidētiarum*, *internum conscientie testimonium*, quod Scholastici vocant *Synteresin*, *συντήρησιν* nam ex principiis cum homine natis oritur in corde cujusvis hic Syllogismus practicus: *Qui vitam vivit impiam, sentiet Dei vindictam iram & pœnam*: ratio ejus est, quia omnibus naturaliter est insitum & insculptum, *Deum esse, Deum esse colendum, Deum esse scelerum vindicem*: subiūmit autem conscientia impij, *Ego flagitiosam vitam duxi, &c. Acquisita* Dei notitia ex *libro nature externo*, videlicet ex contemplatione operum & effectuum divinorum, vi naturalis discursus, à mente humana colligitur: ut enim ex pluribus literis, ita ex pluribus creaturis, liber quidam componitur, cum quælibet creatura non sit nisi quædam litera manu Dei scripta: & in hoc libro Deum legere, atque ex lectione cognoscere, possumus.

III. Atque hæc est gemina & genuina *Deum naturaliter cognoscendæ ratio*: partim *insita*,

*sia*, ex libro naturæ interno, partim acquisita; ex libro naturæ externo; quæ à non uno impetitur & impugnatur hoste. Priorem negat *Timperius*, *Metaph. lib. 4. cap. 2. quest. 2.* qui plura habet passim in *Metaphysica* non probæ notæ, & heterodoxie merito suspecta: & sicut multos ex *Timperiana* *Metaphysica* errores, ita hunc etiam ex ea hausit ejus *Collega*, *Conradus Vorstius* in notis ad disp. 1. de Deo, pag. 119. & in *apologetica* exegesi, c. 1. Erravit & hunc errorem *Scaliger*, exercit. 307. sctt. 18. Utramque tam innatam quam acquisitam Dei naturalem notitiam negat infaustus ille *Socinus*, *prelect. Theol. c. 2.* Quia vero distincta sunt argumenta, quibus tum insita, tum acquisita Dei notitia naturalis, probari potest, distincte etiam ea proponemus, si primum status controversiæ fuerit fixus recteque formatus; ad quem fingendum formandumque quædam distinctiones observandæ veniunt.

IV. *Notitia Dei* potest, vel ratione *subjecti*, in quo est, vel ratione *objecti*, circa quod est, vel ratione *modi & graduum*, diversimode considerari: *Ratione subjecti* est, vel *speculativa*, vel *practica*: intellectus, vel affectus: *theorie*, vel *malitie*; non est *questio*, cum quæritur, an detur aliqua naturalis Dei notitia, de notitia *practica*, affectus, malitie: multi enim affectu, malitia, voluntate, vita & operibus, Deum negant: quem tamen intellectu & theoria *speculativa* negare non possunt, ignorant tales Deum, non pura negatione, sed *prævis dispositione*: est etiam notitia alia in actu primo, id est *habitualis*, alia in actu secundo, id est, *actualis*: non quæritur, an detur notitia Dei naturalis in nobis semper, in actu secundo, seu actualis, sed in actu primo seu habitualis: *Ratione objecti* potest dividi notitia Dei in eam, quæ est circa *quid*, & eam, quæ est circa *quod* non est. De priori *questio* est, non de posteriori, sc. an naturaliter homo scire possit, quod sit Deus: non vero quid & quis sit Deus: distinguere etiam potest inter notitiam veri Dei, & quædam vero Deo coumetentes notitias, sive inter conceptum, qui est de Deo, & conceptus applicationem: hoc est in controversia, an homo extra revelationem possit habere quædam vero Deo competentes notitias, quædam vero de Deo vero

conceptus, est in particulari illo male applicet. ad id v. c. quod non est Deus: 3. *Ratione modi & graduum*, notitia Dei est, *confusa* in communi, & *distincta* in particulari, *salutaris*, vel non *salutaris*: de notitia Dei *confusa* & non *salutaris* *questio* est, non autem de *distincta* & *salutaris*: talis enim nullo modo ex natura hauriri potest. Hic igitur controversiæ status manet, An detur notitia Dei naturalis *speculativa*, in actu primo, circa *quid* non, *confusa* & non *salutaris*, quæ verum de vero Deo conceptum formare potest homo, sive illud sit ex contemplatione creaturarum, sive per notitias innatas & tacito cordis motu: hoc enim in questione hac nobis perinde est: affirmamus utrumque & probamus.

V. *Notitiam innatam probant*, 1. *Universalis* & perpetuus omnium populorum consensus: nulla enim gens tam est *barbara*, tam *effera*, quæ non cognoscat esse Deum, inquit *Cicero* l. 1. de natura Deor. *Arist.* l. 1. de cælo, *notitias*: *quod de Deo omnes homines ex natura cognoscunt*. Et *Seneca* *epist.* 117. nulla gens adeo extra leges *moresque* est projecta, ut non aliquos Deos credat; sc. sensus divinitatis naturaliter omnibus insitus tam efficax fuit in Gentilibus, ut quidvis potius etiam infra hominis naturam positum, Deum esse, quam nullum esse Deum, statuerint: & falsum est, quod *Adversarii* asserunt, non tantum aliquos homines, sed integros hodie populos reperiri, qui nullum penitus sensum aut suspensionem divinitatis habeant; & apud quos nullum sit vestigium religionis; nec exempla *Brasilensium* atque *Indorum* id probant. 2. *Salutaria* morum præcepta & institutiones apud *Gentiles*, quæ ex lumine naturæ proflexerunt: hæ enim manifestè ostendunt honestorum & turpium discrimen esse omnibus naturaliter impressum, & notitiam de Deo insitam. 3. *Timor* supremi alicujus numinis naturaliter ex corde hominis prorumpens: homines enim feri & barbari, adeoque ab omni doctrina & instituti-*one* remoti, inque sylvis degentes, cum tonitrua audiunt, timent, & suo timore testantur insitam esse naturaliter cordibus hanc notitiam, quod sit aliquod summum nomen omnipotens, & hic timor ac conscientia consensus internus, qui omnibus diffusus esse, qui vitia puniat, & præmiis

præmiis virtutes compenſet, ſupremum Dictatorem, vel ſolus ſufficit ad *ſubjectivam hanc Dei* & *inſitam naturalem notitiam* probandam: nec difficile eſt reſutare (quod facere malum in ipſo diſputandi actu) argumenta ſententiæ negantis, in quam, neſcio quo fato, deſapſus eſt quoque Cl. huius Academiæ ante paucos annos Philoſophus, D. Fr. Burgersdicius, lib. 2. *Metaph. cap. 4. lb. 1. & 2.* Maximum quidem ſententiæ huius fuiorum à Cl. Viro ponitur *loc. cit.* in dicto *Ariſtotelis*, quo dicit *animam eſſe tabulam raſam, in qua ſcriptum nihil eſt, ſed quidvis inſcribi poteſt*: verum locus ille *Ariſtotelis* huic opinioni non patrocinatur: nam intelligendus eſt ratione ſpecierum intelligibilem, & completæ ſive *actuales cognitionis* illius, ad quam naturaliter aptus exiſtit intellectus, & quaſi in proximâ eſt potentiâ; eam tamen impreſſam non habet:

NAM ANTE RATIONIS USUM MENS HOMINIS, NEQUE PROPOSITIONES COMPREHENDIT, NEQUE TERMINOS SIMPLICES APPREHENDIT, VERITATEM PROINDE AC FALSITATEM NULLIUS PROPOSITIONIS ACTU COGNOSCIT: HOC ENIM SI FACERET, RATIONE JAM UTERETUR ANTEQUAM UTERETUR: ET HUIUS ACTUALIS COGNITIONIS RESPECTU, ANIMA DICITUR TABULA RASA.

Quod dicat Vir Cl. th. 1. hanc propoſitionem, *Deus eſt*, non eſſe per ſe notam, nec intellectû ſignificatione vocum, quibus eſſetur, aſſenſum impetrare, ſicut hæc facit, *Totum eſt majus ſua parte*, & neminem repertum iri, qui hoc aſſeret, non ſatis caute dicitur: Nam æque notum eſt terminis cognitis, ſi non notius, *Deum eſſe*, quam alterum iſtud: nam poſtremum hoc notius eſſe videtur, quia ſenſibus ejus veritas eſt vicinior: at prioris veritas intellectui eſt prior. *Totum eſſe majus ſua parte*, per ſe notum eſt, quia ſenſus id teſtatur: at *Deum eſſe*, per ſe notum eſt, quia intellectus id teſtatur: & ſicut viſo aut cognito, quid ſit *totum*, quid *pars*, ſtatim ſciatur, *totum eſſe majus ſua parte*; ita etiam, in-

telleſto quid ſignificet hoc nomen, *Deus*, ſtatim habetur & ſcitur, quod *Deus* eſt: Nam quid ſignificat vox, *DEUS*? illud ſc. quo melius ac majus cogitari non poteſt. At hoc ipſum ſignificat, *Deum eſſe*; nam quomodo vox, *Deus*, intellectui ſignificare poſſit, id quod eſt Optimum & maximum, niſi intelligat intellectus, illud eſſe, quod per vocem, *Deus*, ſignificatur; quod enim entitatem non habet nec habere intelligitur, nec bonitatem, nec vim ullam habet, nec habere intelligi poſteſt.

V I. Cognitionem Dei *objectivam* probant, totus macrocoſmus & microcoſmus, cui utriusque tam clara viſta impreſſit, ut utrumque contemplanti nullibi non occurrat, *Deus*: ubivis videre eſt examinanti: divinos illos, ſapientiæ, bonitatis, potentiæ, characteres, rebus impreſſos, quos illinc ervere, id demum eſt *Philoſophari*: tota enim *Philoſophia*, quæ verè id nomen meretur, hic abſolvitur, ut ex viſibilibus *Deum* inviſibilem aperiat, animæque ſiſtat, & cognoscendum & colendum: quo ſi non deſtinatur, ab autore ſuo abit, & à fine & ſcopo aberrat, ut enim omnis naturæ notitiâ à Deo eſt, ita ad Deum tendit ac dirigitur, & in Dei notitiâ cultuque naturali, tanquam fine ultimo, acquieſcit, produxit enim mundum majorem minoremque, rebusque omnibus entitatem largitus eſt *Deus*; pro ſupremâ bonitate, ſapientiâ, potentiâ, ut ipſe in iis & agnoſceretur & laudaretur: ſapientiam Dei, pulcherrimus monſtrat rerum atque univerſi ordo, ac proportio: *potentiam*, admittenda cœli, terræ, rerumque naturalium virtutes & effectû: *bonitatem*, rerum creatarum finis, utpote quos non ſui, ſed hominis, cauſa condidit optimus *Deus*: unde vera *Philoſophia* in creaturarum exiſtentia, Dei exiſtentiam, in earum virtutibus effectibus, Dei virtutes & effectû, tanquam in clariffimo ſpeculo, proponit cognoscenda ac contemplanda; quam Dei, naturæ virtutumque divinarum, in rebus creatis latentium, ac *Philoſophia* nunc beneficio patentium, notitiâ, non poteſt non ſequi cultus amorque Dei: tantum enim diligimus, quantum cognoviſcimus. An Deum, ita naturali intellectus lumine ex rebus creatis cognoviſci-







cognoscendum, bene & sufficienter doceat quæ hæcenus viget & ubique regnum tenet, ex Gentilismo tantum & Peripateticismo hausta, ac noxio heterodoxorum Philosophorum veneno infecta: sub variis subtilitatibus & infruigeris questionibus, Philosophia, disquiri possit; sed ab instituto nostro est alienum: certè, non multum ad Dei notitiam faciunt, Sophistica, & de vocibus tantum ac terminis instituta, non pauca in Philosophia digladiationes. Quicquid sit, reperire tamen est in Philosophia modernâ ac disputatrice rationes non contemnendas, quibus notitia Dei naturalis objectiva adstruitur.

VII. *Thomas Aquinas Summa sue parte 1. quest. 2. art. 3.* quinq; argumenta profert, 1. ex parte motus: quia omne, quod movetur, ab alio movetur: necesse igitur est, ut deveniatur ad aliquod primum movens, quod à nullo movetur; & hoc esse, omnes intelligunt, Deum: 2. ex ratione causæ efficientis; quia omne, quod est, ab alio est: necesse est igitur pervenire ad aliquam causam efficientem primam (non enim datur progressus in infinitum) quæ Deus est: 3. ex possibili ac necessario: quia non omnia, quæ sunt, sunt possibilia, sed semper aliquid fuit, quod fuit necessarium; ubi deveniatur tandem ad aliquid, quod per se esse necessarium, & causam necessitatis aliunde non habet sed quod necessitatis causa sit in aliis, estque Deus: 4. ex gradibus, qui in rebus inveniuntur: invenitur in rebus aliquid magis & minus bonum, verum, nobile, &c. Ergo est etiam aliquid, quod est verissimum, optimum, nobilissimum; proindeque maxime eas, puta, Deus: 5. ex gubernatione rerum, quæ omnia, etiam quæ cognitione carent, operantur propter finem, ad quem tamen non casu, sed ex intentione cognoscentis perveniunt: ergo est aliquid intelligens, à quo res naturales & omnes ad usum ordinantur ac diriguntur, qui est Deus.

## COROLLARIA.

1. Ex 36. argumentorum pro Dei existentia titulis, à non nemine allatis, validissimum est, quod petitur à testimonio conscientie, & nervo-

sius eo quod petitur ab ordine causarum, quia illud hominem unumquemque convincit, at hoc, non vulgus, sed Philosophos tantum, nec omnes, sed qui argumentationis istius seriem & vim capiunt, tantum confirmat.

2. Qui argumentis 15. impugnant instam à natura aut congenitam homini notitiam Deætualem, quia, & in utero matris infantes, & ex utero egressi, statim actu Deum cognoscant, illi cum umbra sua luctantur, & aut inscitiam produunt aut malitiam, cum tam satiam & sultam opinionem Neotericis quibusdam Philosophis affingunt: inscitiam, si istorum Philosophorum mentem non intellexerint; malitiam, si falso affinxerint.

3. Qui inferunt: innatam in nobis Dei notitiam, si sit infusa, non fore naturalem, aut in ambiguo ludent, quod Sophistarum est, aut, eadem consequentia, iustitiam originalem primo homini innatam simul & infusam, negaverint fuisse naturalem, quod in Theologia est erroneum: hinc nec peccatum originale fuerit naturale, quia innatum est liberis & iis infusum à parentibus; at illud naturale est: nam natura nascimur filii iræ.

4. Qui instam Dei notitiam in nobis negant, quia idea sit exemplar rei faciendæ, & Deum nec factum nec faciendum multis argumentis probant, illi aspectum, & operam insunt in probando eo, quod nemo mortalium negat, & vocem ideæ contra originem & vim naturam significandi restringunt, est enim *idea* nō *idea*, ut species à specio: quasi non dentur ideæ & species rerum, quas videmus ac cognoscimus, nec tamen facere valeamus: sic nulla forent ideæ aut species, possibilem nunquam futurorum, multo minus impossibilem; attamen illa cognosci, quis negare ausit? & si nulla datur idea seu species intelligibilis Dei, aut Deum non cognoscimus, & sic nec credimus in eum, quia fides est notitia, notitia est per ideam in nobis ac speciem intelligibilem, aut cognoscimus eum per essentiam, quod absurdum omnibus habetur Philosophis jure merito, & talis modus cognoscendi est Deo soli proprius.

5. Qui Neotericis nonnullis Philosophis tribuunt, quod fidem omnem sensibus abnegent, quod Deum negare, & de ejus existentia dubitari posse, contendunt, quod, Deum negare, nobis licere, dicant,

dicant, aut semper aut ad tempus, quod, Deum esse, non credendum, statuant; illi contra Christianam charitatem in illorum Philosophorum famam, nomen, conscientiam, sunt injurii, quosdam eos non nominant, aut tales opiniones, ab eis asserti, aulatis locis, & libris, & paginis, & verbis, probatum dederint, & Deo, convitii, calumniæ, ac mendaciæ, aliquando sunt reddituri rationem.

6. Qui iisdem Philosophis Neotericis jam, Deum esse, consentientibus, ascribunt, quod aulatis pronuntiant, Deum non modo negative, sed & positive sui causam efficientem dici debere, aut per potentiam sui ipsius causam conservantem esse, illi, quomodo nec nomina eorum proferunt, nec verba, audacter, & calumniantur, & mentiuntur.

7. Mens omnibus Præjudiciis est denudanda: quod qui non faciunt, sibi ipsi causam sunt, tam gravissimarum errorum & tot ineptiarum, in quas incidunt. adeoque viam sibi præcludunt, & aliis, quos idem docent, ad veritatem rerum ex insuetudine & dubitatione nunquam emergendi.

8. Nullam dari in nobis notitiam Dei insitiam,

## F I N I S.

Non sufficit, hanc disputationem vestro disuisse consilio: sed adversum ipsius Corollaria suarum disputationum vindicias paravit D. STEVARTUS, libellum vere famosum, quem sifterem ob oculos, nisi metuerem ægre fore naribus vestris ab insuetudine, quo est repletus: vix enim aliud (honus sit auribus) quam sterora loquitur: nisi quod, præter verba male olentia, diras passim & calumnias inspergat infrunitas, & ostendat, in se quadrare Calumniantoris characterem, præfatione delinquentum: hoc libello apud bonos omnes id plus fecit quod si græa sibi innersit perpetuum, & maculam adperserit suo nomini, nullus vestitus Oceani audit eluendam.

Bilem quoque moverunt Corollaria ista, alteri in Regimine Coll. Theol. Collegæ, D. REVIO, qui filium armavit in ira, & ita plenum virulentia libellum, iram exaravit, ut non atramento sed mera felle calumniam tinxisset videatur.

Hæc diu, quid agerem, contentum vindicare. Vindicat illas an talione; abstergeremne adpersas calumnias an fossificarem. Possulabas defensionem & urgebat fama laesa: vetabat Charitas Christiana indulgere litibus infortis nulloque habebatur triumphos: Licet dignum esset uterque eadem sibi mensura retribuiri, quæ

simpliciter absque ulla distinctione pro thesi vel corollario defendere, periculosum est, & merito suspectum. Quanto rectius magnus Calvinus §. 3. c. 3. lib. 1. Instit. Hoc quidem rectè judicantibus semper constat; inculptum esse mentibus humanis divinitatis sensum, qui deleri nunquam potest: imo & naturaliter ingentem esse hanc persuasionem, esse aliquem Deum, & penitus innoxiam esse in ipsis mendacis, cujus neminem oblivisci natura ipsa patitur.

9. Corpus unum esse posse in pluribus locis, periculosa & erronea est assertio: atque hoc ita explicare, ut sit in pluribus locis partialibus secundum varia membra, ridiculum est effugium.

10. Deum vi sue essentia existere, nihil est aliud, quam eum esse à se positive. Prior phrasis est Baronii in Phil. Theol. Ancill. Exerc. 1. art. par. 3. Posterior Hieroni. Tom. 9. in Eph. 3. August. Tom. 3. de Trinitate l. 7. c. 1. & Tom. 4. l. 38. 44. Quæst. 15. & 6. Videatur & Calvinus. in Instit. l. 1. c. 5. part. 6. ubi utriusque durius loquitur: quia æternum esse, & à seipso principium habere, necesse est, unde omnia trahunt originem.

mibi esset emensus, indignum tamen judicabam me, ut Ego id facerem. Non, si illi frena laxassent affectibus, ira ac furor, idem mihi faciendum erat. Non si illi impotens mihi totum Mundo exposuissent animi impotentiam, quæ in homines, aut jam, aut ferme, sexagenarios cadere non debuisset, in eandem impotentiam mihi Juveni ad instar illorum incidendum fuerat. Potissem iisdem armis utrumque adoriri, quibus me invasis, & par pari referre: Sed temperavi mihi, & moderator audire malui, quam aut impudentior, aut imprudentior. Omnibus itaque convitiis, calumniis, mendaciorum telis, ab utroque in me intortis, sentum obtento, animi innocentiam & insontem conscientiam:

Hic murus aeneus esto,

Nil conficere sibi, nulla pallefcere culpa. Innocentia mea, & insicta illorum specimen, ac præsertim malitia, detecte in Calvinio & Mendacis, tum STEVARTI suribundi, tum REVII iracundi, placuit orbi literato exhibere, ex amicitia mihi capitibus uni, Philalethio Eleutherio Atheniensis. Ego, quæ narravi omnia, vestro judicio expono ac submitto, & quomodo habetis prosequimini, eadem vestro favori me commendo. Dabam Lug. Bat. pridie nonas Februarias, 1648.

NOB. AMPLIT. VEST. devinctus Cliens, ac devotus Cultor,

A. HEEREBOORD, Philos. Prof. Ordin. & Coll. Theol. Pro-Regens.

ADRIA-

## ADRIANI HEEREBOORD,

*Philosophiæ Professoris Ordinarii,*CONSILIUM DE RATIONE STUDENDI  
PHILOSOPHIÆ.

**D**istinguenda est *Philosophia* in veterem & novam: *Veterem* voco quæ ab antiquioribus tradita, & ex Aristotele præsertim hausta, receptis Veterum & Aristotelis innititur principiis: hanc *Peripateticam* vulgo vocant: nam *Philosophia* Academica, Stoica, Epicurea, Democritica, aliæque, diu interierunt. *Novam* appello, quæ à recentioribus tradita, non ex Aristotele aut alio haustis principiis innititur, sed naturam ipsam pro Philosophandi objecto, non hominum, nedum Aristotelis, assumit sententias. Qui *Veterum*, id est, *Aristotelis* *Philosophiam* pertractarunt, sunt trium generum Auctores; *Systematici*, *Questionarii*, *Textuales*. *Systematicos* appello, qui *philosophiam Peripateticam*, præceptis, stylo, & ordine, nostri ævi ingeniis, accommodata, plene perfecteque dispositis, ad usum vitæ humanæ tradiderunt. *Questionarios* dico, qui vel, ex textu Aristotelis quæstiones eliciunt, vel, semoto textu, ab aliis moras pertractant. *Textuales*, qui Aristotelis textum explicant solummodo: vulgo dicuntur Commentatores: hi vel *Græci* sunt, vel *Arabes*, vel *Latini*: *Græci* Arabibus & Latinis sunt præferendi. *Græci* sunt, *Alexander Aphrodisiensis*, *Simplicius*, *Philoponus*, *Themistius*, *Olympiodorus*, *Ammonius*, *Eustathius*, *Eustratius*, &c. Inter *Arabes*, *Avicenna* enim. *Latini* sunt vel, *veteres*, *Thomas*, *Scotus*, *Albertus Magnus*, & *Scholastici Antiqui*, vel *recentiores*, quorum quidam libros *Logicos*, alii *Physicos*, alii *Metaphysicos*, alii *Ethicos*, &c. commentariis illustrant.

*Ordinem* quod spectat Philosophandi, à *Systemate*, *Philosophiæ* studio est incipiendum; Inde ad *Quæstiones* transeundum, in *Textu* Aristotelis desinendum: ex tota *Philosophia* *Vetus* atque *Aristotelica* prius est tenenda, antequam ad *novam* hujus vel illius recentioris accedatur. Ipsius *Philosophiæ Peripateticæ naturam* accurate explicant in suis præcogni-

tis *Philosophicis* *Keckermannus* & *Alstedius*, ac peculiari tractatu *Scheiblerus*, qui *Logicæ* ejus præmitti solet. Pro *Systemate* *Logicæ* præscripsero *Synopsin* *Logicam* *Burgerfeldici*, notis à me illustratam, ejusdem majores institutiones, &c. *Systema* minus ac majus *Keckermanni*. Inter *Questionarios* hic commendavero *Scheiblerum* & *Templerum*, Ad organi Aristotelici textum intelligendum suffecerit *Pacius*. Ad *Metaphysicam* transeo, ubi quod commendem *systema*, vix invenio, ut quærimonia hic potius sit locus quam consilio. Sed enim in manus sumantur, donec elaborationes prodeant, *institutiones metaphysicæ* *Burgerfeldici* ex postrema editione à me recentior: addantur *Metaphysicæ* *Combachii* & *Schallii* atque *Alstedii*. Inter *Questionarios* *Metaphysicæ* scriptores orthodoxos nullum commendo, quia nullus extat, quod ego quidem sciam.

Edidit *Johannes Rodolphus Faber*, Professor *Genevensis* *Philosophiæ*, quæstiones *Metaphysicas*, sed quæ tam sunt steriles, ut omni succo destituantur *Templerus*, qui noster videri voluit, similiter, quæstiones cum *systemate* in lucem dedit *Metaphysicas*, sed quæ *inopitantes* sunt refertissimæ: Quare, si legendæ sunt aut legantur, maximo hic fuerit utendum judicio: namque in iis,

*Sunt bona mixta malis, sunt mala mixta bonis.*  
Idem pronuncio de *Metaphysicis* *Scheibleri*, *Jacobi Martini*, *Scharffi*, *Lutheranorum*, & omnium *Metaphysicorum* Principis ac Papæ, *Suarezii* *Jesuitæ*, quos, inter *Questionarios*, atque ante omnes, postremum, commendaverim. Hoc non præterierim, in *Metaphysicis* quæstionibus discutendis, speciatim esse insistendum iis, quæ moventur in secunda parte specialis de Deo divinisque attributis, ubi fundamenta sunt conquirenda, quibus mens nostra muniri valeat adversus periculosissimos *Conradi Vorssii* in tractatu de Deo errores, quos

detexit & solide refutavit *Bécanus*. in prima parte Theologiæ Scholasticæ, quæ tota in isto genere est optima. Ad *textum Aristotelis Metaphysicum* intelligendum, ex veteribus probò *Alexandrum Aphrodisiensem*, ex recentioribus *Fonsecam*: sed vero tantum est in opere isto Aristotelis rerum omnium chaos: tam nulla connexio, nullus ordo, tanta contrâ confusio, ut Delio natatore opus fit ad mentem Philosophi itlic percipiendam.

*Physicæ Peripateticæ* varia extant *Systemata*: in iis accuratissimum fere est & ordinatissimum, quod diligentissimus reliquit *Keckermannus*: cui pro controversiarum notitia jungantur, *Physica Combachii*, collegiam *Physicum Burgerdii*, aut *Iacobi institutiones* notis illustratæ à *Zeizoldo* Professore Jenensi: imprimis legi velim *Physicam Serlingii*. Verumenimvero, ut naturæ, ita & *Physicæ Peripateticæ*, latissima sunt pomçeria. Quare cum innumerus sit quæstionum, quæ hic ab *Aristotelicis* agitari solent, numerus, varios in variis *Physicæ* partibus legendos censeo quæstionarios: in parte generali, præfixo *Pererium & Wendelinum*: de mundo & coelo, *Wendelinum & Casmanum*: de elementis, *Schragmullerum &c.* *Constarium*: de mixtione & temperamentis, *Riolani prælectiones* in libros *Physiologicos Fernelii*: de meteoris, *Fromundum*: De lapidibus & geminis, *Bootium*: de anima, *Casmanum & Davidem Buchananum* ac *Fromundum*: controversias *physicas* varias optimè decidit *Zabarella*, peripicuitate præ aliis commendandus. Ad *textum Physicum Aristotelis* intelligendum, omnibus præfero *Pacium*. Inter modernos *Physicæ Peripateticæ* quæstionarios simul & commentatores, *Combricenses*, sunt intellectu faciliores, *Ruvius & Complutenses*, difficiliore sed subtiliores, compendiosissimus *Murcia*; Cui præter jam recensitos auctores plus ultra ire est animus, legat *Philosophiam Tolosanam*, *cursum Scientificum Ponce*, legat *Hurtadum de Alendoza*, *Rodericum Ariaga*, *Franciscum Oviedo*, *Franciscum Bonæ spei*, *Carletonum*, *Lalemmandet*, & quicumque extant istius farinæ, pæne dixeram, fursuris, Philosophi. In *Philosophia morali*, præter *Ideam Burgerficianam*, quæ lectionem ad Aristotelis *textum* manu ducit, & col-

*legium Ethicum meum* disputationum, quod ex Scholasticis supplet ea, quæ in priori desunt, inter systematicos optimi sunt *Keckermannus & Alstedius*: eosdem eligi suatero, in *Politiciæ & Oeconomiciæ*, nisi quod comitem iis dari velim, in *Politiciæ*, *Wendelinum & Alstedium*. In *quæstionibus Ethicis*, optimi sunt *Burnabius & Wendelinus*: in *Politiciæ*, *Lebnthals*: in *Oeconomicis*, *Berkringerus*. Inter *textuales* in *Ethicis*, ex Antiquis, *Andronicum Rhodium*, ex recentioribus, *Magirum*: in *Politiciæ*, *Giphanium*, præscripero. Sed, à *Peteribus* ac *Peripateticæ Philosophiæ* Authoribus, ad *Novos* me confero Philosophos; quorum nonnulli antiqua *Peripateticorum* placita destruunt tantum, alii nova insuper & veriora indagandæ veritatis fundamenta jaciunt. Prioris generis sunt, novæ *Philosophiæ* triumviri, *Ludovicus Vroer* in aureis suis de causis corruptarum artium libris, *Petrus Ramus* in *Scholis*, *Logicis*, *Physicis*, *Metaphysicis* (cujus imprimis nunquam satis commendavero aureolos, imo omni auro digniores, duos, inæstimabiles, ob singularem in *Analyti* & *Genesi* usum, *Logicæ* libellos) *Franciscus Patritius* in suis *discussionibus Peripateticis*. Hisce adjungatur quartus nostri ævi scriptor Belga, *Gorlaeus* in *exercitationibus Philosophicis*: item & quintus, *Thomas Campanella* in suis *Philosophiæ reali* epilogistica, *Metaphysicis*, & omnibus operibus: Speciatim in *Physicis*, Aristotelis destruxerunt principia, *Telefius*, *Bisso* & fratres *Bootii*. Posterioris generis sunt, *Franciscus Patritius* in sua novâ *Philosophiâ*, illustris *Heros*, *Franciscus Baco de Verulamio*, in nunquam nimium æstimandis de *Augmentis scientiarum* libris & *insaturatione magna*, *Iohannes Anos Comenius*, in *Physicâ & Panfophieæ prodromo*, *Dysbejus* in *Physicâ*, & *Philosophiæ exorientis* *Phosphorus*, *Renatus Des-Cartes*, in omnibus operibus *Philosophicis*, in quibus editis, *Philosophiæ* veræ clavam veram exhibuit, naturæ arcana non pauca reclusit, januam ad rerum immotam veritatem perveniendi aperuit: Atque utinam editis divini ingenii monumentis aliquando accedant inedita, quæ alibi latent! in quo voto consilium hoc meum finio.



ADRIANI HEEREBOORD,  
*Professoris Philosophi,*  
 SERMO ACADEMICUS,

D E

Rectâ Philosophicè disputandi ratione,

*Habitus 13. Januar. 1648. in Acad. Lugd. Batav.*

Auditores omnis ordinis ornatissimi,

**R**EFERT *Ennapius Maximus*, qui præter *Diogenem Laërtium* Græce de *Vitis* scripsit *Philosophorum*, *Priscum Philosophum*, *Juliano Imperatori* familiarem ægerimè ad disputationes instituendas fuisse pertractum, sed dogmata sua non aliter ac thesaurum pressisse ac recondita tenuisse, quin & prodigos & decoctores nominasse: qui *Philosophiæ* arcana *disputando*, occasione nata, promulgassent: imo tantus exstitit Disputationum Philosophicarum odor hic *Priscus*, ut *Edesium* Præceptorem, ad concertationes litteratas & Disputationes pronum, majestatis Philosophicæ proditorem nuncupaverit. At vero longe alia stetit mens, aliis ante & post *Priscum Philosophum*, qui, publicis disputationibus magis quam tacitis meditationibus proficere Philosophiæ studiosos, sapienter æstimarunt, & omnem in animis inclusam commentationem, disputando, in veritatis lucem, esse proferendam, prudenter judicarunt. Privatæ meditationis studia lenta sunt & languida, & sine vivido animi motu aut ardore: eadem vivunt, vigent, inflammantur, *disputando*, *Disputationis* exercitium insigne est, ingenii, judicii, memoriæ, ac *negligentiæ* adminiculum, subsidium, præsidium *Disputatio* cribrum est veritatis, & veluti cos, qua ingenium expolitur, judicium exacuitur, utrumque excitatur, memoria confirmatur, *negligentia* conciliatur: arque ut ex duorum silicium collisione elicitor ignis, ita disputatione elucescit veritas. *Athenis* iccirco & *Romæ*, frequentissi-

mæ erant olim de *Philosophiæ* disputationes. Qui mos alibi semper frequentatus est, & frequentatur hodie in Academiis omnibus, ubicunque locorum *Philosophiæ* docetur ac discitur. Et, cum tanta sit mentis humanæ cæcitas, ut non statim rei veritatem perspiciat, quo medio vel remedio meliori ad eam deveniet quam disputando? Oculi plus vident quam oculus: ferrum ferro acuitur, vir viro: cum ob veritatem inveniendum in certamen descenditur, tum demum, ex conflictu, ejus potiundæ apparet spes. Si veritas omnis ex se nota esset, si investes pueri statim Philosophi essent, nullâ opus foret disputatione: quare disputationum necessitatem ipsa loquitur & exigit ingenii humani conditio. Homo animal est *λογιστικόν*, vitamque degit in mutuâ conversatione, in qua fieri nequit ut idem omnes sentiant ac loquantur; sed quod hic probat, alter improbat: uter recte? *Disputatio* decernit ac decidit: quam non *necessitas* commendat solum, sed *utilitas* insuper ac *voluptas*: Quid mortalium generi jucundius, quid utilius, quam in publico litteratorum congressu depromere ea, quæ multorum annorum studio & improbo labore quis congestit, ad sui & aliorum instructionem? *Disputationes* infinitas exhibent ac conferunt Studiosis utilitates: lucis fugam sistunt, rusticum pudorem animis excutunt, mentis animique dotes roborant, dicendi facultatem augent, veritatem producunt; disputantes reddunt, in colloquiis blandos, in audiendo quietos, in docendo officiosos,

ciosos, in refellendo placidos, in cedendo faciles, & ad quasvis vitæ humanæ functiones idoneos. Hi fructus sunt Disputationum, si dextre, & uti oportet, instituantur: si contra, paulatim instillant juniorum animis audacem impudentiam, superbam negligentiam, eruditionem falso creditam, garrulitatem molestem, pertinaciam, maledicentiam, morum asperitatem, redduntque eos ad omnem vitæ communionem ineptos. Quare, cum disputationes sint bonæ ei qui recte eis scit uti, malæ, qui non utitur recte, ut non in malum sed in bonum cedant, *Academicæ* apud nos Juventuti, de *rectâ Philosophiæ disputandi ratione*, sermonem Academicum lectionibus Academicis præmittere visum fuit non inconsultum, quo rei præstantissimæ usum commendem ac confirmem, abusum tollam atque auferam: quod si non fiet à me istis dicendi flosculis, & mellitis verborum globulis, quibus *Rhetores* uti solent, cogitate à *Philosopho* non *Oratore* verba fieri, qui Latine tamen dicere studebit, si non possit ornate, & licet possit, forte non vellet, quod, de qua disseret,

*Ornari res ipsa neget, contenta daceri.*

Feliciter disputaturus, se spectet, spectet *matrem* disputationi destinatam, spectet *formam* ac normam, in disputatione sequendam ac tenendam, quæ tria erunt nostræ dissertationis capita. Quemadmodum

*Non cuiusvis homini contingit adire Corinthum,*

ita non cuiusvis est, disputationis aleam jacere; sed nec quidlibet in disputationem trahendum; nec disputator sine norma ac forma, sine ordine aut modo debet,

*Per sylvas saltusque & inhospita tesquæ ferarum,*

*Per montes, per aquas, & per prærupta vagari.*

Sed uti Mercurialem statum sequitur Viator, uti plectro gressus suos conformat saltator, uti ideam suam intuetur ædificator, ita certam disputandi rationem observat disputator. Sed dum tria hæc oratiunculæ meæ speciatim persequor puncta, attentis adesse dicenti, *Audiores*, & auribus & animis.

*Non temere quemvis disputandi Provin-*

*ciam subire velim: Neque enim omnia possimus omnes: nec ex quolibet ligno fit Mercurius.* Sunt quibus tardiores ingenii vires largita est natura, qui ex opponentium laqueis tam facile sese expedire nequeunt; sunt quos metus retinet pudorque rusticus: Sed enim utrumque hoc in disputando obstaculum removeri potest, ac neutrum tale est, quin ipso disputandi actu emendetur: *Disputatio* liquidem metum illum pudoremque ex animo expellit ejicitque, & ingenium expolit atque exacuit: ac tales, si mediocri artium *Logicarum* notitia sint instructi, materięque disputandæ periti, ad disputandum magis aptos consuecim, quam audaculos illos, qui animose interdum in arena *Philosophica* cum adversariis manus conferunt, interim loquentiæ habent multum, sapientiæ parum, audaciæ nimium. Prudentes adolefcentulos, & ex verecundia aut sui ingenii quadam diffidentia vix audentes, non ideo à disputandi exercitio abstinere velim: nam laudem mererent non tantum primi, sed qui primis sunt proximi: nec semper vocales isti blaterones omne ferunt punctum, laudem reportant majorem, qui paucis modeste, quam qui pluribus immodeste agunt. Si ætatis rationem quis inspiciat, juniores ad disputandum aptiores censuero quam senes, ætas enim ingravescentis quietior est & languidior, at juvenilis, est animi plena ac vigoris: unde ad certamina ista ingeniorum existit pronior & magis idonea: uti gladiatores affectu jam ætatis rudi donandi sunt potius quam antiquo iterum includendi ludo; ita juvenum potius est quam senum, in arenam descendere ad certandum armis *Philosophicis*. Attamen non debet juvenis solus ac se nixus, sine Moderatoris cujdam & Arbitri ac Præsidii, quem vocant, consilio & auxilio, disputationum fluctibus sese committere, non magis quam nautæ maris tempestatibus, sine velis, sine remis, sine anchoris: si enim absque hac succenturiata *Palamonis* alicujus opera aut *Superioris* autoritate disputatio suscipiatur, facile est, ut Tyrones ac Novitii in plerisque hæreant, & ignominiam referant, aut ad absurdas opiniones veluti ad scopulum alliantur: atque appellantur. Non itaque *Adolefcentem*

tenel-

tenellum solum, non Logicæ & rei disputandæ prorsus ignarum, sed *Præside* adjutum, rei quæ Logicæ ac disputationis suæ mediocritate, gnarum, non aliqua temeritate atque audacia, sed modestia sui, ac tum metu & pudore, non tamen nimio, conjuncta confidentia, disputationis onus subire præscripsero ac permisero.

Sed postquam constat, *Cui*; jam nunc, de *Quibus* sit disputandum, discipi debet: atque hic non vulgari est opus circumspectione, ne loco percarum, quod ajunt, capiamus scorpiones, aut pro thesauris carbonem. Ante omnia illud *Horatii* præceptum, quod spectat *scripturam*, applicandum disputationi:

*Summe materiam vestris, qui scribitis, equam*

*Viribus, & versate diu, quid ferre recusant, Quid valeant humeri.*

Temeritatis est, onus, cui ferendo par esse nequeas, suscipere: fultitix, illud velle sustinere: ignominia, abjicere & autgere. Nec in alienam mensem falcem debet immittere disputator, nec assumere partes quæ non sunt suæ: sunt disciplinis, & Philosophiæ, ejusque partibus singulis, fines tui ac limites.

*Quas ultra citraque nequis considerare rectum.* Hic valet illud: *tractens fabrilis fabri*: &c. *Spartam, quam nactus es, orna*: &c. *Coquus si sis, Medicinam ne facis*: &c. *Medicus si sis, culinam non ingreditur*: *Theologus sacra tractet*, non methodum philosophandi consideret aut de Philosophiâ disputet. *Iureconsultus Politica spectet & leges*. *Philosophus* quoque extra sphæram suæ activitatis (ut Philosophico utar termino) ne egreditor, nec extra *Divinæ* nostræ pomœria ut sepra abeat, quin unicuique *Philosophiæ* parti quod suum est relinquat, nec in *Philosophorum Principis* monitum incurrat, quo jubet, *si uiam Ciceronis eic dno. si.* Est enim in omni *Philosophiâ* disputandi materies abundans ac nimia: eam aliunde derivare nihil est necesse: atque hic misere impingunt moderni disputatores, qui suas in *Philosophiâ* disputationes posteritati reliquere; ubi in *Metaphysicis Theologiam* universam, adeoque *Mysterium Trinitatis & Incarnationis*, enarrata, videre est: in *Moralis Philosophiâ*, de *supernaturali beatitudine* disputant: in *Physicâ*, to-

tam ex sacris historiam *Creationis*, & integrum *Hexæmerum* disputandum proponunt. Quasi non æterum & scientiarum finibus regundis præstitutæ & præfixæ sint leges: imo & ad syllabarum distinctionem vocumque *Grammaticam* conjunctionem in *Logicis* disputationibus descendunt; adeo aliis, quicquid suum est, invident hi homines. In ipsa *Alexandri* disputant, quæ disputanda essent, cum de *Cælo*, cum de *Elementis*, cum de *Mixtis* disputatur: in *Metaphysicis* ad textum illum *Arist.* in initio, *Omnes homines natura scire desiderant*, multis disputant de appetitu, & scientiis in genere, itemque de sensibus, & alia plurima, quæ alterius sunt fori. Nec *Disputator* noster ea disputanda sumat, ut subilis videatur, quæ humana pervestigari diligentia non possunt. Delirus est, qui in illis operam velit perdere & oleum, quæ sunt inexplicabilia. Bene *Aristippus* cuidam olim roganti, ut captionem quandam sophisticam dissolveret, *Quid vis*, inquit, ut solvam, quod etiam non ligatum nobis exhibet negotium? *Altiora te ne quaeseris*, monet *Syracides*: & *Græcorum* ille, *Apollinis* oraculo, *Quæ supra nos, nihil ad nos*. Misera est illorum fortuna, qui cum *leæro* tollantur in altum, ut lapsu graviore ruant. Talis disputantium est conatus, qui de *Angelis* disputaturi eorum ordinem scrutantur & cœlestem hierarchiam: Quid hic dicam de illa farragine disputationum quæ de possibili nominantur, cum audacter & temere disputatur, quid *Deus* possit, & non possit, quod in *Philosophiâ Scholastica* nimis sit quam frequenter: inspicite mihi *Conimbricenses*, *Ruvium*, *Mendozam*, *Arriagam*, *Oviedo*, *Perrum*, *Suaresium*, *Fonsecam*, *Raconem*, *Eustachium*, *Complutenses*, & quid attinet plures dicere? videre, uti ad singulas occasiones in potentiam *Dei* disputantes involent? De *Materiæ* suæ *prima*, quærunst statim & disputant: *An per potentiam Dei absolutam sine forma existere valeat?* *An vicissim ipsa forma possit sine materia existere?* *An una eademque numero materia possit uno eodemque tempore pluribus formis informari?* & *vicissim*, *An forma informare plures materias possit per divinam potentiam?* *An una eademque numero materia possit per divinam*

divinam omnipotentiam constitui in pluribus diversis locis; &c. Accipite exemplum aliud. Disputant an indivisibile quantitatis, si per possibile daretur separatim & continuo, moveri possit per potentiam divinam? Quæstio sane egregia & disputatio de re, quæ neque sit neque esse possit. An per divinam vim moveri possit adhuc? Curiositas sane inaudita, & inter Gallicas Gassarelli curiositates inauditas, referenda. Quis nunc cum Hippocrate queratur vitæ brevitate, cum tantum superlit disputantibus hodie Philosophis ad illa divinæ potentie arcana inquirenda, qui

*Quærentes rerum abscuras evolvere causas,  
Natureque intus latitantis pandere claustra,  
Materiam primam, vacuumque, ac mille  
Chinervas,*


*Rustantur buccis inflatis ut videantur  
Doliti. Qui rerum ignaros hac fruge saginant:  
Hoc sale conditur tenera & juvenilis ætas:*

Nec padat his nugis absolvere turpiter ævum. Sed nescio, unde sic repente Poeta sum factus, qui Orator ad vos accesseram, aut Philosophus magis cathedram consenderam. Diogenes cuidam ac ostentationem ingenii multa de rebus olim celestibus differenti, *Quam nuper Tu, inquit, de celo venisti?* idem sublimioribus nostris Philosophis, & de tam sublimibus disputare solitis, inculcari posset. Sed enim neque in rebus minutis & exilibus valde sollicitum esse disputatorem meum velim, nec sine fine aut modo perlequi argutias, quæ neque scienti profunt, neque ignoranti obfunt: ἀφελόσφον est, neglectis prorsus rebus, λογομαχία aut λεπτολογία & de lanâ disputare caprinâ: quod atinet, in lenta unguentum, in scirpo nodum querere, in nugis tragicædiæ agere, pumilionî Herculis cothurnos aptare?

*Quid jurant id nugis argutos nec tere nodos,  
Aut spinas missis velle tenere vosis?*  
Videas interdum disputari, *Quas habeat proprietas forma illa, quæ cadaveris est, vulgoque corporeitatis dicitur?* An qui sunt inferiores gradus, contineant superiores formaliter vel eminenter? An facultas visus posita in lapide ætæum visionis eliceret? An bos igneus idem specie sit cum bove vivo? Quod discutendum maximo hujus ævi Philosopho quidam nuperrime Theologus

proposuit. Alia sunt, *Auditores*, in promptu, in quibus disputandis nervos ingenii valeamus intendere, scitu digna, cognitu jucunda, usu fructuosa. Myrmecidas Miletus, & Calliocrates Lacedæmonius, quadrigas olim fecere, quæ sub alis muscæ possent abscondi, quod opus vanam temporis perditionem si dixeris, verum dixeris: at si idem de hoc Disputationum genere pronunciareris, nihî falsi locutus fueris. Veritas quidem naturale pabulum est animorum, & omni quærenda studio, sed non omnis veritas tanti facienda: quid enim ad me, quot in suis edibus habeat tegulas, quot gallinas alar meus vicinus? & tamen horum omnium est veritas. Ita multa sunt in Philosophicis disputationibus vera quidem, sed non statim disputanda, quia minora, & exilia, & quæ citra detrimentum negligi possunt: nec ea quoque in disputationem sunt vocanda, quæ extra omnem disputationis aleam sunt posita: quod quidem nullus faciet disputator, nisi καὶ τὸ ἴδιον ἀμὰν sit & καὶ τὸ ἴδιον. Quodcunque enim de his disputabitur, vel quæretur frigide, vel pugnabitur sophistice. Neque decet in disputationibus eorum patrocinium suscipere, quæ prorsus absurda existunt, aut falsa, aut impia, aut moribus perniciofa. Hoc enim qui faciunt disputantes, animum produnt monstruosum, temerarium, atheum, impurum, & omnino dissolutum. Soli ne obloquitur, dicebat quondam Pythagoras: & de rebus divinis, atque iis quæ morum spectant honestatem, nec joco nec serio aliter disputandum quam sese habent. Præclare monet in Topicis Aristoteles: *Qui querunt, Dii an sint colendi, & an amandi parentes nec ne, supplicio sunt condicendi: qui, an nix sit alba, sensu carent.* Hujus generis sunt illa, sensibus esse fidem omnem abrogandam, motum esse nullum, beatitudinem hominis in gula & ventris voluptatibus esse sitam, aliaque delirantium somnia: sicuti vero disputatori nostro cautum sedulo velim, ne de aperte falsis disputet, ita quoque præscriptum ei volo, ne sententias in disputando refutet, quas ipse sibi finxit, & quarum Authores nullos novit; hoc enim vere est *μακάριον*, id est, cum umbra luctari, & hominulum pingere quem confodias; hoc est







*disputant*, in aërem pugnare, & cum nihil habens quod oppugnes, cum larvis velitari: ita faciunt, qui *infantes* in utero matris non esse *preditos actuali Dei notitia*; Deum non esse negandum, nec negari posse nec debere; eundem non esse *causam sui efficientem*, non omnem fidem *sensibus detrahendam*, magno molimine, & ingenti argumentorum cetera, multis paginis in disputationibus probant, quæ *Philosophorum* inter Neotericos ac modernos, imo mortalium nullus, unquam asseruit cui *suit mens sana in corpore sano*. In iis destruendis, quæ nemo adstruit, qui est operosus *disputator*, is magno conatu magnas nugas agit, ac, si insuper aliis affingat sententias, quarum Authores, nec extant, nec demonstrari possunt, contra fidem agit & integritatem, ac sinceritatem boni *disputatoris* ac boni viri. Non ergo ista disputationum examini sunt exponenda, quæ aut in *veritatem* incurrant aut in *veracitatem*, non quæ pietatem labefactent, non quæ *utilitate* laborem non compensent, non quæ supra vires sunt nostras ac nimium subtilia. Turpe est, inquit ille, *difficiles habere nugas*: sed vero quæ *Oratorum* more de disputationum materia, *disputant*, & methodo dixi cryptica, per suas classes digeram, & ordine, ut *Philosophus* ac *Logicus Professor*, dispecam, ut memoriam insuper vestram juvem, Auditores. Primò igitur, quicquid humanum superat captum, & sciri nequit, de eo *incassum disputatur*: quale est illud, *sicne numerus stellarum par an impar*? Secundò, quod sciri quidem potest, à *disputante* tamen ignoratur, pessime ab eo ad *disputandum* assumitur; prius quippe *discendum quam disputandum*. Qui accedit ad *disputandam* materiam quam non intelligit, is reti ventos capit, sine fundamento domum exstruit, sive scirpea rate aquis se committit. Possem hic iusto aliquid dare dolori, qui noverim hoc *disputandi* cacoëthes, à multis nonnunquam temere ac cum sui ignominia susceptum, ut defendere fuerint aut vel opponere, etiam ea, quæ non intelligenter, dederintque sine mente sonos plittacorum instar. Tertiò, *Quicquid controversum non est, sub disputationem non cadit*; quale est illud, quod, *vel manifeste est verum, vel manifeste falsum: manifesta vera, vel sen-*

*sibus* deprehenduntur, vel *intellectu* apprehenduntur, ab omnibus, quæ sensus intellectusque sunt *disputantibus*, ut cum *Arist.* loquar: ea vulgo *principia* vocantur: unde tritum illud: *contra negantem principia non est disputandum. Manifeste falsa* sunt, quæ vel omnium sensu refutantur, vel primis principiis directè adversantur: hæc tamen accurate sunt discernenda ab iis, quæ *neganda* *Græci* vocant, & disputare non est vetitum: sunt enim vera, sed præter, vel vulgi, vel sapientum plerorumque opinionem. Quartò, *Quæ nullo sese non commendant, à disputantibus prohibentur & exulent*; absint otiosæ *questiones*, quales existant apud *Summalistas, Sententiariorum, Quodlibetarios, Philosophos Reales, Nominales, Conceptuales, Thomam, Scotum, Occamum, Durandum*, aliosque *Doctores ex Scholasticorum gente, Angelicos, Seraphicos, Cherubicos*, & horum *sequaces*, nostri temporis ac vulgo *receptos in Philosophia Scriptores*, qui *odiosis & otiosis* plane *questionibus* libros replent. Quid attinet disputare in *Logicis*, & *An Notiones secundæ sint conceptus formales in mente subjective existentes, an vero res cognite in quibus denominatio cogniti sit relatio rationis*? Cui bono tot *questionum* agmina, maxima verborum barbarie, de *Universalibus* voluntur ac revolvuntur, *an sint entia realia, an rationis*? & si rationis, *quo mentis actu fiant, an simplici an comparato, directo an reflexo, &c.* Quasi vero in istarum *questionum* discussione salus Reip. sit fita! quasi mundus sit ruiturus si harum ineptiarum moles ruat! quasi nihil sciri possit, nisi hæc trices cognoscendis tempus profundatur! Absint quoque *curiosæ questiones*, ut, *quot sint atomi volantes in aëre universo, &c.* Quintò, *Disputationes non de verbis sed de rebus instituuntur, & clare proponuntur*. In quo largissime peccatur à veteribus & recentioribus Scholasticis, vulgo *Philosophorum*, qui mirum in modum & maxima animorum contentione sub terminorum barbarorum involucrio pugnant ac certant de *apudinalitatibus, potentialitatibus, susceptibilitatibus, singularisationibus, infinitationibus, universalitate, hominitate, iacobitate, Petreitate, &c.* Sub quibus vocibus, quid rerum lateat, ipsi ignorant: & tamen de iis

inter sese ita digladiantur, non aliter ac si pro aris certaretur ac focus: & quod pessimum est, rei veritatem involvunt, ac caliginem effundunt. Ita disputant de ratione formali *Personæ*, quæ non dicit relationem originis nec communem, sed duplicem negationem communicationis in genere non extra genus, significans aliquid positivum, & intentionem primam non secundam, connotans circumcessionem, quæ sit subsistentis in subsistente realiter distincto, mutua presentia assistentia in eadem essentia. Quis mortalium talem intelligat, nedom oppugnet, Thefin? *Oedipo* hic opus est, aut *Delio* natatore, ut intelligatur primum. Sexto, Disputationum in Philosophia materies non sit superstitiosa, non impia, non violet pietatem aut fidem: nunquam enim natura gratiæ nec lumen inferius superiori repugnare debet. Sed tempus me vocat, ut ad tertium dissertationis mee caput me conferam, atque in normam ac formam recte disputandi inquiram. Ei vero satis poterit fieri, si, quæ Communia Respondenti atque Opponenti, quæ Huius simul & Illius sint propria officia, denique quid deceat Auditores, breviter enarravero. Uterque, tam qui propugnat quam qui oppugnat, Pietatem habeat pro Cynosura & Veritatem. Pietas Sapientiæ est anima, & ejus condimentum. Hæc disputationum sit moderatrix: & facile aberit rixandi ac calumniandi studium. Veritatis amor conspicitur, si animus adferatur utrimque, nec præjudiciis occupatus, nec affectibus oneratus, si non gloriæ insana spectetur cupiditas, si non adversæ partis intendatur ignominia. Veritas nec Affectuum nec Præjudicii, sed Rationis solius est filia. Nec facta potest servari tectave, nisi disputantium alter alteri cedere noverit absque pertinacia: quod longe præstat, quam omnis generis querere *κρησάματα*, & Protei instar in omnes se inducere formas, & nihil non comminisci, ne de sententia depulsus videatur quispiam. In Palestra Veritatis tam vincis quam vincere pulchrum est. Nec qui credit, atro venit carbone notandus, nec est cur pudore suffundatur, quippe veritatem discit, disputationisque finem assequitur ac scopum. Est quidem hæc animi modestia, qua veritati ceditur ac conceditur,

& moderatio, inter *Disputantes* paucissimarum; &

*Rara avis in terris nigroque similima Cygno.* Plerique magis lubrici sunt quam angues, & sæpius instar, quicquid atramentum possunt, id effundunt, ne inferius discedere & herbam victori porrigere videantur. Quin fere eo res rediit hodie, ut modestissimi quique contentui habeantur, ab iis, qui disputationum congressus non nisi clamoribus æstimant ac contentionibus, & *ne aiv dædiev* hujusmodi congressuum finem esse, persuasum habent:

*Sed stat longe alius melior sententia mentis.* Disputationes postulamur placidas, sedatas, quietas, benevolas, amicas, blandas, non clamorosas, non turbulentas, non difficiles, non iracundas, non contumeliosas. Zelum probamus pro veritate sed absque ira & affectu. Frigidus illos disputatores, qui tantum non super argumento aliquo indormiunt, uti odimus, ita non amamus Stentores illos, qui clamoribus omnia implent, & probe sese defunctos existimant, ubi altum clamaverint: ac de testatur præsertim eos qui ex ira reddunt ferventiores: uti fumus oculis visum eripit, sic contentio, exardescencia, festinatio, mentis tenebras obducunt:

*Impedit ira animum ne possit cernere verum.* Et iracundæ inter disputandum altercationis pedisseque sunt, similitates, pervaciæ, inimicitiae, veritatis odium, & quid non? Abstinat ergo disputator, nisi importunus audire velit & impudens, ab his ac similibus superbiae virulentiae clausulis: *Tu nescis quid dicas. Tu nihil horum intelligis. Tu cæcus de caloribus judicas. Quid tuius de hoc argumento? Haberem alia plurima, quæ adversus hoc delirium proferrem; sed tempus non patitur. Hoc argumentum est luteum, testaceum, stramineum.* Et si qui sint alii ructus olidi intemperantis animi. Si adversarius aliquid humani passus fuerit atque erraverit, non ex musca statim oportet elephanta facere: si castigationis eget, alibi potius quam in disputatione est corripendus: iis tamen, qui sunt importuniores, pertinaciores, impudentiores, ita respondendum, ne sibi sapere ac triumphare videantur. In disputandi actu perpetua sit vigilantia:

cisfitudo & pars utraque audiat, juxta illud  
*Poëta* :

*Alternis dicetis, amant alterna Camena.*

Turpissimum est, si quis in hoc genere colloquiorum, tanquam si in possessionem suam venerit, alios excludat, & imperato aut facto cæteris silentio, quicquid velit effutiat: Qua garrulitate nihil quidem pervulgatius est multis, nihil tamen veritati inveniendæ nocentius. Fœdissima est confusio, si plures simul misceant sermones, & insanis clamoribus mutuo decerent: quæ disputandi ratio non absimilis est tempestatæ *Virgilianæ*, in qua,

*Una Enniusque Notusque ruunt creberque procellis.*

*Africus, & vastos subleunt ad littora flus.*

Nec has inter turbas agnosci quod verum, vel internosci quod falsum est, unquam potest. Utrumque non tam auctoritatibus pugnetur quam rationum momentis: sacra tamen excipimus semper, quia Dei autoritas & fallere est & falli neficia: alias, non quis dicat, sed quid dicatur, attendendum, & illud *Pythagoreorum* *ἀντι* *ἱστ* jam à Philosophis diu est explosum: *Amicus Socrates, Amicus Plato, sed magis amica veritas.* Rationes non sophisticæ sint aut sycophantiæ, sed claræ, sed accuratæ, sed perspicuæ: sic enim iis veritas explorabitur facillime: proferantur, vel necessaria, si suppetant, vel probabiles, si illæ deficient: remis enim propellenda est navis, si venti secundi non spirent. Ingenia tamen Tyronum levioribus sophismatis interdum licet experiri ac tentare, ut argumentorum vitia dignoscant, & canones Logicos ad usum transferant: Quin & oblectationis ergo ejusmodi captiones agitare, non est prohibitum. Ante congressum disputanti utrique meditandum est probe, quid in medium proferri debeat. Tela prævisa minus nocent: & facilius eruitur veritas, si quærat diutius: nec vero ruditatis hoc est argumentum, sed veræ diligentia documentum. *Pericles*, illa Suadæ medulla, cum vocatus à populo sæpe esset, ut in concionem descenderet, reuit, quod *ἀντιπαρρησία*, imparatus esset: idem à *Demosthene* factitatum, *Plutarchus* est

author. Vanissimi sunt jactatores, qui, ut ditiores videantur, ad disputandum se impetratos gloriantur accedere, qui si se parassent in tempore, non ex tempore, disputando, suam proderent ignaviam atque inscitiam. Cum ineptus pictor *Apellis* quondam exhiberet imaginem, eamque subito à se pictam diceret: *Vidco*, inquit ille, *etiamsi nullus mones, & miror hoc temporis spatio te plures non absolvisse.* Sic inepti etiam sunt illi disputatores, qui disputaturi subito argumentum aliquod, unum atque alterum, ex *Schisiblero*, in *Logicis*, aut *Conimbrænsibus*, in *Physicis*, conquirunt, quorum libri si vacui essent ab argumentis, & hi herosæ vacui ad disputandum accederent: non istorum autorum usum contemno aut condemno: sed argumenta eorum non satis ruminari ac perpendi, nec multa satis meditatione coqui ac digeri, conqueror. *Disputator* uterque diligenter vitet *λογομαχίας*, ne tempus inani verborum contentione pereat & veritas evanescat: amet uterque & sedulo sectetur brevitatem: nihil enim est odiosius quam si in declamationis uterque delabatur ac digrediat: uti veritas ipsa est simplex, ita ejus sermo, qui non multis fucati candoris vel ruboris indiget vel medicamentis vel pigmentis. Auditorum tamen habenda est ratio, qui si rudiores fuerint, rerum scitu dignarum fusior explicatio, à *Proslide* præsertim facta, nec vitiosa est nec odiosa. An inter disputandum quærere aliquid liceat, quæri hic solet? Sunt enim qui omnem questionem captiosam declamant, omnemque rejiciunt, nec quicquam dant responsi. Sed enim quid opus est ista tergiversatione morosa? si quis quærat explicationem rei dubiæ, cur discendi cupidum erudire non velimus? si aliena sit quæstio, rejiciatur: si captiosa, vel contraria proponatur, vel præter adversarii expectationem explicetur. Sed quæ *singulis* incumbant *munia*, consideremus: illis, qui aliena placita veniunt oppugnaturi, hoc perquam est solemne, ut magno sæpe cum impetu, furiosi in morem gladiatoris, irrumpant in auditorium & in arenam irruant, atque immanes, vultu, gestu, capite, verbis, spirent minas, quibus partem adversam percellere conantur ac protelare. Hos si spectemus, in

mentem nobis veniat illud Horatii:

*Quid dignum tanto feret hic promissor hiatus?*  
Huic hominum generi accidit plerumque idem, quod audaculis & in bello inexpertis, qui procaces quidem ante pericula, in ipsa tamen pugna timidi evadunt atque ignavi: ejusmodi procacitatis exemplum haud iuelegans habemus in Menalca Virgiliano, qui ad Damastrum,

*Tunc in trivis indocte solebas*

*Stridenti miserum stipula disperdere carmen?*

*Nunquam hodie effugies, veniam quocunque vocaris;*

*Efficiam, posthac ne quenquam voce lacescas:*

Sed, hanc ad provocationem ineptam, alter nec abjecte nec immodeste respondet:

*Quin age, si quid habes, in me mora non erit ulla*

*Nec quenquam fugio.*

Eadem animi praesentia & *propositio*: opponentibus, ac multum de se persuasis, est occurrendum: Modestiam igitur & humanitatem, ut semper, ita praesertim in initio ostendunt opponentes iidem tace, omisissis thesibus & quae ad rem faciunt praesentem, opposituri aliena à thesi cupide arripiunt, mordicus retinent, tædiose persequuntur, & in alium semper campum deferunt Respondentes. Virium sane pessimum, & quod si obtineat, jam in *Ethicis Physicis*, in *Logicis Ethicis*, in omnibus quaestionibus omnia dimicabuntur, quod postulare stultum est, conari temerarium. Ad hanc classem eos referimus, qui rem ipsam, qua de est disputandum, seponunt, & modum tractationis exagitant, cum huius minor, illius portio sit ratio & consideratio. Et hoc familiare est inter opponendum multis, ut eadem subinde repetant & regerant: sed

*Ridetur, choros qui semper oberrat eadem.*

Non equidem hoc postulo, ut Opponens tanquam canis è Nilo bibat & fugiat, id est, ut è vestigio causam suam deferat & quodlibet responsum indiscriminatum boni consulat & gratiam agat: sed hoc volo, ut vim sui argumenti serio sequatur, verum ubi satis ei fuerit factum, novas adducat non rationes. Respondentem directe licet invadere, licet oblique;

*Dolus quoniam virtus, quis in hoste requiritur?*

nolim tamen Opponentem meum in sophistam evadere & perpetuis indulgere sophismatibus; ad veritatem, exercitii gratia, oppugnamdam, argumentorum aliorum est satis; quin omni licet uti argumentorum genere omnibusque modis, quocunque tandem è loco deductis; nec enim certa argumentandi materia ac forma adstringi Opponens magis, quam Avis libero volans caeco cavea concludi potest. Sed, ut simul ac semel Opponentis officia recitem; praeter ea quae dixi, sequentia observet, ut feliciter opponat: non plures simul rationes coaccervet, non conclusiones multas sed unam inferat, non diversos syllogismos confundat, nunquam sibi ipsi contradicat, nunquam, quae fortia non sunt argumenta, pro fortibus vendat, nunquam studium sibi defuisse in se praeparando ostendat. Respondentis partes, ut de iis nunc dicam, sunt; argumentum assumere, & examinare ac solvere. Argumenta repetenda sunt, non semel sed bis interdum, propter, tum Auditores, tum Opponentem, tum Respondentem: propter Auditores, ut quid veretur in controversia rectius intelligat, praesertim cum vocem Opponentis saepe pauci excipere possint & exaudire; propter Opponentem, ut norit, an mentem suam assequatur is cum quo disputat, multos enim Andabatarum more clausis oculis pugnare vidi, ut de capis poneret unus, de aliis responderet alter: propter Respondentem, ut aliquid habeat temporis, quo de commoda solutione dispiciat, neque enim cuiusvis est *divergentia* meditari, dicere, docere; in argumento repetendo nihil est omittendum, nihil addendum, nihil immutandum; de repetito videndum, an thesin feriat, necne: si non feriat, rejiciendum absque ulteriori responso: vana enim est & inepta respondendi ratio, quum quis ait, *argumentum quidem non est contra thesin, nihilominus respondeo*. Cur enim Athleta excipiat ictus, qui non se sed aëra vibrant? Argumenta assumpta, vel solvi possunt, vel nequeunt, Si nequeunt, vel in se omnino refutari non possunt, vel non possunt à nobis. Si per se sint *divina*, veritati cedendum, quod bonis à viris nemini datur vitio: improborum vero judicia non sunt pluris faciendi quam cicadarum strepitus. Sin nobis

nobis tantum sint talia, non tamen animus continuo deipondendus, sed vel ad meditando aliquid petendum temporis, & in aliam occasionem responsum est differendum, vel æque firma aut etiam firmiora in contrarium opponenda, quod tamen non nisi hoc in casu faciendum exiitimo: nam qui contrarias opponit rationes *Respondens*, ab *Opponentis* allatas non solvit, & *Respondens* mutat in *Respondens* multos reperire licet *Respondentes*, qui si irretiti hereant, ad convicia confugiunt non aliter quam ad equos claudi, & *Salomoni* inquit *Virgihant* tonare incipiunt & fulmina emittere, sed bruta, quod plerumque superiores faciunt si ab inferioribus teneri se sentiant. Hic tum audire est eorum voces; *Ego pro auctoritate silentium tibi impero. Tace, neque enim te audire volo.* Qui modus quidem est nodos argumentorum secandi, non solvendi, & via, ex angustis eluctandi, sed veritatem non inveniendi. Alius est perversè respondendi mos multis utitur, quo convitia non quidem projiciunt, fumum tamen faciunt, ut elaborantur: quod tum potissimum fit, cum ea, quæ ad rem non faciunt, non sine supercilio proferuntur, & ex tempore, quod familiare est pluribus, inaudite prius & nulli unquam cogitatæ & inintellegibiles confinguntur distinctiones, quæ licet imperitoribus, ut aliquod *Gorgonii* caput, non parum terroris incutiant, à doctioribus tamen non aliquo quam vanæ cuiusdam *Empusæ* & larvæ loco habentur. Atque hæc sacra tum est anchora ad quam confugitur: *distinguo bisariam, trisariam: est in potentia, non in actu: est in actu, non in potentia: Axioma & simpliciter, nego: ut ita sit, & secundum quid, concedo:* ne alias distinctionum myriadas hic recenseam, quarum aliquæ omnibus fere responsonibus accommodantur, quasi unus calceus omni pedi adaptetur. Non ego distinctionis usum culpo, sed abusum arguo, *Sæpe nega, concede parum, distingue frequenter:* in argumentis enim solvendis, aut negatione utendum, aut concessione, aut distinctione: sed omnibus prudenter. *Respondentem*, formæ prius in Syllogismo quam materię rationem habere velim: & si, sive ad hanc sive ad illam respondeat, operam det serio, ne unquam lingua mentem

præcurrat, ne per incogitantiam ea effutiat, quæ causæ suæ obsunt: quod factum sæpe vidi non sine vel pudore vel impudentia multorum. Si ea quæ obijciuntur aliæ sint & *adversaria* atque ad rem non pertinentia, *Respondens* utendum seu repulsionem, & ad verum controversiæ statum ducendus adversarius. Ejus formulam non illepidam legi aliquando apud *Marrialem*:

*Non de vi, neque cado, nec veneno,  
Sed lis est mihi de tribus capellis:*

*Vicini quæror has abesse furto:*

*Hoc iudex sibi postulat probari.*

*Tu Cannas Mithridaticumque bellum,*

*Et perjuriam Punici furoris,*

*Magna voce sonas manique tota.*

*Sed dic Posthume de tribus capellis.*

Sed tandem *Auditorum* officia verbulo inuam: quæ sunt, attentis auribus, sedula mente, publicas *in theatris* & disputationes audire; reverenter & modeste & juxta *in theatris* ac decorum loci, temporis, & personarum, se gerere, Veritatem perceptam diligenter recondere, & eam ad vitæ communis usum dirigere ac referre. Atque ab hisce *Auditorum* partibus longissime abeunt, qui applausu non necessario perstreperunt, ritu, sannis, ronchis, sibilis, fabulis, pedumque suppositionibus ingentes excitant tumultus, ut, qui adiunt, exteri & inquilini, videantur sibi non in *Scholarium* umbraculis, sed in *Circæ* stabulo commemorari. Barbara plane consuetudo, fera, fœda, pestifera, & qua animi sui stolidam temeritatem, aliorum atque eruditionis contentum, honestorum exercitiorum, atque imprimis veritatis, de qua inveniendi in disputatione laboratur, odium, aliæque in se vitia produunt ac promunt: Non sic agunt, quæis

*De meliore luto finis præcordia Titan,*  
quibus unica est voluptas, ut animum rerum optimarum notitia imbuant, & veri cognitione ad *Deum*, veri omnis fontem ipsamque Veritatem, quam proxime accedant: quod si Disputationibus & habendis & audiendis in posterum consequamini, *Auditores Ornatisissimi*, ego dissertationis hujus scopum, vos laboris & diligentie vestre consecuti eritis finem.

D I X I.

E 3

Sub.



## Disputationum ex Philosophiâ selectarum

## PRÆLIMINARIS

## PARS PRIOR,

## D E

## S U B S T A N T I A.

## T H E S I S I.



**I**NSTITUTUM Prædis est, materias illas seligere, ac ventilationi publicæ, sed modestæ ac placidæ, atque ad veritatem serio indagandam institutæ, subjicere, quæcunque cum fructu disputari possunt, & usum alicubi habent in facultatibus superioribus: illas præterire, quæ aut nullam omnino habent utilitatem, aut sola se se subtilitate commendant. Disputando autem pervagari decretum est per omnes Philosophiæ partes: in disputationibus vero seligendis ordine uti arbitrario visum est modo hanc, modo illam, quæ in manus inciderit, pro arbitrio cujusque, arripiendo: impræsentiarum substantiæ naturam, publico examini sistere, constitutum est.

II. Receptissima est divisio entis in substantiam & accidens: quædam enim entia, vi sua subsistunt ac per se, alia non per se nec vi sua: quorum illa ὄντα sive substantias appellamus, hæc συμβεβηκότα, hoc est, accidentia, eventus, additamenta; sunt namque veluti παραρτήματα atque appendices substantiarum: eorum enim esse non est ἑαυτῶν, sed ἐνυπαρχόντων, sive inesse substantiis: unde etiam dicuntur entia ἀχώριστα, inseparabilia: per se subsistere, non excludit dependentiam ab omnibus causis, sed tantum dependentiam à subiecto, estque nihil aliud, quam, non esse in alio tantquam in subiecto: esse in subiecto Arist. c. 2. categ. dicitur, quod cum in aliquo sit, non ut pars, non potest tamen sine eo existere in quo est, quod proprium est accidenti, sicut proprium substantiæ est, non esse in subiecto: unde liquet, hanc entis in substantiam & accidens di-

visionem, exhaustire totam entis latitudinem: Quicquid enim ens est verum, aut in subiecto est, aut non in subiecto: quod per se subsistit, non est in subiecto: quod non subsistit per se, hoc est in subiecto: & contra, quod est in subiecto, non subsistit per se: & quod non est in subiecto, subsistit per se: hi enim duo modi, existendi in subiecto & non existendi in subiecto, tam immediate opponuntur, ut contradictionem implicet, si quis aut illud quod per se subsistit, v. c. substantiam, dicat esse in subiecto, aut quod est in subiecto, v. c. accidens, dicat per se subsistere; qui enim hoc dixerit, idem dixerit esse substantiam & accidens, id est, substantiam & non substantiam, accidens & non accidens: in quantum enim illud statuit per se subsistere, substantiam dicit, in quantum hoc idem in subiecto esse asserit, accidens dicit & non substantiam, &c.

III. Sed quæritur hoc loco, qualis illa sit divisio entis in substantiam & accidens, an univoca, an æquivoca, an analogæ? Diversæ diversorum sunt sententiæ. Statuimus autem, ens non dici æquivocè de substantia & accidente, nam ἐμάνυμα λέγεται, ἃν ὅνομα μόνον κοινόν, ὃ ἔσται τὸ ὄνομα λέγ. τῶ ὄντος ἑνός, id est, homonyma dicuntur, quorum nomen solum commune est, ratio vero essentiæ communis; nomini accommodata, diversa, ut definit Arist. c. 1. Cat. At vero substantiæ & accidenti non solum nomen entis commune est, verum conveniunt etiam communi ratione τὴν εἶδος, cui respondet vox, ens: proprius enim entis actus, & λέγ. τῶ ὄντος, est, esse: esse scilicet, secundi adiecti, non tertii: nam omne ens est, & quicquid est, ens est, & contra: at τὸ esse secundi adiecti,



adjecti, & substantiæ & accidenti competit; utrumque enim est, & ens est: conveniunt igitur in communi ratione entis substantia & acci lens, quod contra naturam homonymorum est. Verum enimvero licet substantia & acci dens æquivoca non sint, non tamen penitus sunt univoca: perfecte enim *univoca dicuntur*, quibus  $\lambda\epsilon\gamma\theta\epsilon\iota\sigma\iota\alpha\varsigma$ , *communi nominis respondens, ita ut nomen ipsum, ex æquo communis est*: at  $\lambda\epsilon\gamma\theta\epsilon\iota\sigma\iota\alpha\varsigma$ , respondens communi nomini entis, convenit quidem substantiæ & accidenti, sed non ex æquo: substantiæ primariò & per se, accidenti secundariò per & propter substantiam: accidentia enim dependent à substantiis, & in quantum sunt accidentia, & in quantum sunt entia: quod enim accidentia sint entia, & talia, quæ insunt, substantiis acceptum referunt.

IV. Superest ergo, ut ens sit mediæ conditionis inter univoca & æquivoca, atque ex eorum numero, quæ dicuntur Aristoteli lib. 1. de ortu & interitu c. 6. §. 44.  $\delta\alpha\gamma\epsilon\gamma\epsilon\iota\sigma\iota\alpha\varsigma$   $\delta\epsilon\iota\sigma\iota\alpha\varsigma$ ,  $\epsilon\iota\varsigma\tau\iota\sigma\iota\alpha\varsigma$ , id est, *quorum alia ab aliis principibus dependent*, atque hoc ipsum disertè docetur l. 3. Metaph. cap. 2 ubi Philosophus sic ait,  $\tau\theta\ \delta\ \epsilon\iota\varsigma\ \lambda\epsilon\gamma\epsilon\tau\alpha\iota\ \alpha\iota\delta\iota\alpha\chi\epsilon\iota\varsigma$ ,  $\alpha\lambda\lambda\alpha\ \alpha\gamma\epsilon\gamma\epsilon\iota\varsigma\ \epsilon\iota\varsigma\ \mu\epsilon\lambda\alpha\varsigma\ \tau\iota\omega\iota\varsigma\ \epsilon\iota\varsigma\tau\iota\varsigma$ ,  $\epsilon\iota\varsigma\ \delta\ \epsilon\iota\varsigma\ \mu\epsilon\lambda\alpha\varsigma\ \mu\epsilon\tau\alpha\iota\omega\iota\varsigma$ , id est, *ens quidem dicitur multipliciter, verum ad unum, namque quandam naturam, non vero æquivoca*: dicit ens esse ex  $\alpha\gamma\epsilon\gamma\epsilon\iota\varsigma$ , non vero ex  $\alpha\iota\delta\iota\alpha\chi\epsilon\iota\varsigma$ , nam  $\alpha\iota\delta\iota\alpha\chi\epsilon\iota\varsigma$  dicuntur ea, quorum unum, quod principii efficientis aut exemplaris rationem habet, cæteris, quæ ab illo principio dependent, denominationem tribuit: veluti, si hominem Medicum dicas, & librum medicum scalprum medicum, à Medico scilicet factum: at ea dicuntur  $\alpha\gamma\epsilon\gamma\epsilon\iota\varsigma$  quorum cætera ad unum referuntur, tanquam ad finem aut ad subiectum, ab eoque denominationem habent, veluti, cum animal sanum dicitur, & medicina, & victus, & id genus alia: in hoc genere est ens ad substantiam & acci dens relatum, nam substantia proprio suo jure dicitur ens: accidentia dicuntur entia quia substantiis accidunt; iisque insunt, tanquam in subiecto: & hæc mediî generis inter homonyma & synonyma, Scholastici vocant analoga, quæ faciunt, alia proportionis, alia

attributionis: cum ens, respectu substantiæ & accidentis, analogum dicitur, intelligitur analogum attributionis: sed speciatim definitionem substantiæ executiamus.

V. *Substantia* vulgo definitur *solet*, *ens per se subsistens & substantia accidentibus*: substantiæ vocem derivant nonnulli à subsistendo, quod non aliena, ut acci dens, sed sua propria vi subsistat; alii à substantando, idque duplici sensu, positive & negative: positivo sensu à substantando derivatur substantia, quia aliis nempe acci dentibus substat, negativo sensu, quia ipsi substantiæ non substat aliud, hoc est, illa non adsciscit aliud, in quo sit ac sustentetur. Hoc quidem definitum est: definitionis partes sunt, ens, quod est quasi genus; differentiæ vicem tenent verba reliqua: tota definitio proprie tantum competit substantiis finitis: Deus enim nullis substat acci dentibus: quoties ergo Deus substantia dicitur, id intelligendum est tantum de priori parte definitionis, quia & quatenus per se subsistit: illa enim verba (*per se subsistens*) potiorē faciunt partem in definitione ista; itaque maxime consideratu sunt digna.

VI. *Per se subsistere*, vel sumitur latè, vel strictè: latè, significat modum existendi, quo ens aliquod ita existit, ut nullo modo alteri insit, sed aliis rebus sibi inexistentibus substat; strictè, quo ens aliquod ita existit, ut alteri non insit tanquam subiecto, licet inesse possit alteri per modum partis, aut alio modo; quæ distinctio ut intelligatur, opere pretium fuerit, ea rerum genera, quæ aliquo modo dici possunt esse in alio, recensere. 1. Accidentia existunt in alio, sc. in subiecto. 2. Partes, tum essentielles, tum integrales, existunt in toto. 3. Ipsa natura rei totalis & singularis est in eo, cujus est natura, per modum formæ: natura enim rei seu essentia se habet per modum materiæ; & sic non solum natura universalis inest in singularibus, ut humanitas in Petro, Paulo, Johanne; sed singularis natura inest in eo supposito cujus est natura: sic singularis natura Petri (quam docendi causa barbarè Petritatem vocabimus) inest in ipso Petro, id est, in ipso Petro includitur: Petrus enim non est humanitas Petri; sed est quid constans

constans ex sua humanitate singulari, & subsistentia ei superaddita, ideoque bene singularis ejus humanitas ei inesse dicitur:  $\pi$  per se subsistere late sumptum, negatur de omni ente, quod ad aliquam trium istarum classium referri potest, & sic in definitione substantiæ non sumitur:  $\pi$  per se subsistere strictè sumptum, negatur tantum de primæ classis entibus, de secundæ & tertiæ classis entibus affirmatur, & sic sumitur in definitione substantiæ.


VII. Quando itaque  $\pi$  per se subsistere sensu secundo significat, non esse in subiecto, omnis & sola substantia, sive sit universalis, sive sit singularis, sive completa & totalis, sive incompleta & partialis, vere dicitur ens per se subsistens: contra vero accidentia non subsistunt per se, quia existunt in alio, ut in subiecto, scilicet, in quo inhaerent: si per se subsistere sensu primo dicatur, quod non existit in alio, ita et ab eo pendeat quoad existendi actum, id est, ita ut propter imperfectum existendi modum suum extra illud & per se existere nequeat, jam non solum accidentia non subsistunt per se, sed nec substantiæ universales subsistent per se, quia à singularibus dependent quoad existentiam actualem: homo enim existit in Petro, Paulo, &c. Nec materis, nec omnes formæ materiales à materiæ potentia educibiles, subsistent per se, quia dependent à supposito in quo sunt, ut extra omne suppositum existere nequeant; imo nec ipsæ substantiæ singulares nominibus abstractis significatæ, hoc est, singulares essentiae substantiarum creaturarum subsistent per se: singularis enim humanitas Petri ita existit in Petro, ut per se & extra omne suppositum existere nequeat, quamvis enim singulares homines per se & nullo modo in alio existant, singulares tamen naturæ humanæ non per se, sed in singularibus suis suppositis existunt: hac significatione lata, tantum per se subsistent substantiæ singulares completæ & prædicamentales concreto nomine significatæ, hic homo, hic equus, hic lapis, quia nec per modum partis, nec per modum naturæ, nec per modum formæ, seu substantialis, seu accidentalis, nec per modum quasi formæ, in ulla re existunt.

VIII. Ut ergo concludamus, & hæc omnia ad definitionem substantiæ applicemus, pater, quod, cum substantia definatur ens per se subsistens,  $\pi$  per se subsistere strictè aut sensu secundo sumatur, pro eo quod per se existit extra omne subiectum inhaerentis, non vero sumatur latè aut sensu primo, quia tum secundæ substantiæ seu universales non forent substantiæ, materia, formæque substantiales materiales (si sint tales, quod hujus loci non est disputare) substantiæ dici non possent, natura singularis etiam in abstracto spectata, substantia non esset, in quantum nihil eorum alteri inest ut subiecto: substantia enim secunda inest primis, sed non tanquam in subiecto, sed ut pars: sic formæ materiales partes sunt totius compositi, & natura singularis pars est & quasi forma substantiæ singularis; quæ omnia clariora erunt, ubi natura accidentis exposita fuerit, ac tum altera definitionis pars, quæ substantia subsistere dicitur accidentibus, clarius etiam patebit quod disputatione præstabitur altera sequenti.

IX. Substantia potest dupliciter spectari, vel absolute, ut est ens per se subsistens, quod jam exposuimus, & sic dividitur in substantiam corpoream & incorpoream, & illa est divisio generis in species, vel comparatè, respectu accidentium, ut iis subsistat tanquam subiectum, & ita dividitur in primam & secundam, id est, in primum & secundum subiectum: nam substantia prima, id est, singularis, est primum subiectum, & ejus gratia ac beneficio, substantia secunda, id est, universalis, est subiectum, ideoque secundum appellatur: & est hæc divisio analogi, ut loquuntur, in sua analogata, quia prima substantia est magis substantia & prius substantia, id est, magis & prius est subiectum accidentibus, quam secunda; neque enim putandum est, substantiam sic divilam habere rationem generis, aut primam & secundam substantiam species esse: hoc enim si verum foret, deberent prima & secunda substantia contrariari, nec possent de se invicem, nec de eodem tertio prædicari, nec sibi invicem subordinari: nec de se invicem, nec de eodem tertio prædicantur, ut quidem utrumque locum habet in substantia prima & secunda.

X. Ne







lem *inherentiam* intelligi, pronunciamus; quod cum dicimus, non negamus accidens posse privari *inherentiâ actuali*, quatenus potest destrui. Sed id dicimus, *accidens, quando & quamdiu manet in sua entitate actuali, non posse privari inherentiâ actuali*, & hoc sensu, dicitur illa *inherentia* esse *essentia* ac de *essentiâ* accidentis, imò de *ratione* formali, quatenus, per *inherentiam* illam *actualem*, *accidentia* definiuntur, solent enim defini *in* *essentiâ*, ut loquitur Arist. lib. 7. Metaph. cap. 4. Hoc igitur est, quod argumentis & rationibus confirmare conabimur; nempe, *absolutè simpliciterque impossibile esse, accidens aliquod separatim sine subiecto per se existere*.

III. Primum nostrum argumentum est desumptum ex Analogiâ entis, quam disputatione priori demonstratam videre est: rationationem institutum hoc modo. Si accidens per substantiam sit ens, ergò dependet à substantiâ, non tantum quâ est accidens, sed & quâ est ens: Sed verum est prius, ergò & posterius. Minor probatur, quia accidens per substantiam definitur tanquam per causam. Major probatur ex naturâ entis aut generis Analogici, quæ talis est, ut per se & prius conveniat speciei uni, quam alteri, & alteri non nisi ratione prioris speciei, à quâ species posterior five altera dependet in essendo & existendo: unde ob inæqualem istam generis attributionem Analoga attributionis talia Scholastici vocarunt: jam verò, si accidens, (ex vi istius analogicæ attributionis, quâ ens tribuitur substantiæ & accidenti,) non tantum quâ tale, sed etiam quâ ens, dependet à substantiâ, ergò quod accidens sit ens, debet substantiæ, hoc enim ex analogicâ attributione sequitur: si accidens, quod sit ens, debet substantiæ, ergò sublatâ substantiâ, quæ subiectum est, accidens ne quidem erit, neque etiam manebit ens; ergò extra subiectum accidens esse non potest: sublatâ enim causâ tollitur effectus: at substantia five subiectum est causa accidentis; nam quod accidens sit, imò quod tale sit, à substantiâ est.

IV. Ad hoc argumentum regerunt *Adversarii*: ita se sem habere *naturaliter*, ve-

rum *supernaturaliter* contendunt, posse accidens esse extra subiectum, Deo per concursum extraordinarium supplente defectum subiecti: sed concursus iste impossibilis est & Deo injurius, quod probò. Subiectum concurrat ad existentiam accidentis per causalitatem & modum causæ materialis: causâ materialis causat per modum potentie: potentia notat imperfectionem: imperfectio non habet locum in Deo: ergo Deus non potest concursu suo defectum subiecti supplere: nam quidquid Deus causat, causat causalitate externâ: vel efficientis vel finis: at causalitas efficientis vel finalis non potest esse causalitas materiæ; sic enim omnes causæ confunderentur, & causa interna esset eadem cum causâ externâ, ingrediens essentiam causati & extra eam manens: imò Deus hoc modo subiectum fieret verorum accidentium, ac vera darentur accidentia in Deo, quod statueretur, impium est. Ergò concursus iste fictus est, & exceptio invalida: sed ulterius ejus robur nullum ostendamus, quod argumentum secundum esse potest.

V. Si substantia ne virtute quidem supernaturali possit esse in subiecto, ergò accidens etiam non potest esse sine subiecto virtute supernaturali (quia inter se opponuntur: (Sed verum est prius; ergò & posterius. Excipiunt *Adversarii*, substantiam posse esse in subiecto virtute supernaturali: sic humanam Christi naturam, quæ substantia est in divinâ naturâ ut in subiecto esse asserunt: verumenimverò hoc falsum est, quod ajunt: humana enim Christi natura dependet à divinâ quoad subsistentiam: tantum est enim assumpta in subsistentiam & personalitatem divinæ naturæ, non autem dependet ab ea propriè quoad essentiam aut existentiam ut id quidem requiritur in eo, quod inest in alio ut in subiecto, quod ab eo in esse & existere dependet: verum, ut hæc res plenè intelligatur, hoc observandum est, quod *ne per se subsistere*, interdu naturæ substantiali tribuatur, & istoc modo natura Christi humana per se subsistit, interdu supposito seu individuo substantiali, & hoc modo humana Christi natura non per se subsistere potest, quia subsistit subsistentia divinæ naturæ; est enim una tantum persona, constans duabus natu-



naturis: verum non idèd non est substantia, sed idèd non est suppositum: itaque humana natura non est in divina aut natura aut persona, ut accidens in subiecto, sed ut pars in toto (licet improprius hic sit sermo) aut potius, ut sustentatum in sustentante. Tota difficultas expeditur potest distinctione vocis, *subsistere*, seu *per se existere*: nam *subsistere*, vel *per se existere* opponitur, vel ei quod existit in alio inhaesivè, vel ei quod existit cum alio, non tamen inhaesivè, seu ut clarius loquar, ei quod non existit solitariè, nec certum ac singulare suppositum constituit: priori sensu existit per se & subsistit natura Christi humana: posteriori sensu nec subsistit, nec existit per se, sed per naturam divinam ejusque substantiam. Ergo malet argumentum à definitionibus accidentis & substantiae contrariis desumptum, quod ulterius deducimus.

V I. Si substantia non modo inest in subiecto, sed ne esse quidem in eo ullo modo possit, ergo accidens etiam non modo non est sine subiecto, sed ne ullo quidem modo sine eo esse potest: sed verum prius, quod ex thes. præced. ostensum est. Ergo & posterius. Major sic confirmatur, quia contraria sunt contrariorum consequentia: cum igitur Substantia definatur, ens per se subsistens, non verò, quod potest per se subsistere, Accidens etiam definiendum est, ens, quod inest in subiecto, & non, quod potest inesse: nam sicut aliud est, per se subsistere, id est, non esse actu in subiecto, aliud, posse per se subsistere, id est, posse non esse in subiecto, ita aliud est esse actu in subiecto, aliud posse esse in subiecto, proinde, cum Substantiae formalis ratio constituat in *per se subsistere actu*, non verò in *posse subsistere per se*, etiam accidentis formalis ratio est statuenda in *actu esse in subiecto*, non verò in *posse esse*; consequenter, ut Substantia definatur per Substantiam actualem & non aptitudinalem, ita & Accidens definiendum est per inhaerentiam actualement non aptitudinalem.

V II. Hoc argumentum Thef. 7. relatum totum nititur immediata oppositione, quæ est inter hæc duo, *subsistere per se*, & *esse in subiecto*, quorum alterum alterius negationem

includit: nam per se subsistere significat non esse in subiecto; &, esse in subiecto, non subsistere per se: ergo, ut Substantiae essentia est subsistere per se, id est, non esse in subiecto, sic contrà, Accidentis essentia est non subsistere per se, id est, esse in subiecto: unde ulterius sequitur, ne Deum quidem posse facere accidens, quod non sit in subiecto, quia faceret accidens non accidens: ut enim non potest facere hominem, qui non est animal rationale, hæc enim est ratio formalis ac constitutiva & definitio hominis, ita non potest facere accidens, quod non inest in subiecto, quia inesse in subiecto est ratio formalis ac constitutiva & definitio accidentis: at definitum se jungere à definitione, esset, rerum naturam evertere, quod procul est à Deo: & profecto, si Deus id potest facere, quod non posse ostendimus posset facere, ut idem simul esset & non esset, quæ est manifestissima contradictio, impingens in axioma receptissimum: *Idem non potest simul esse & non esse*; quam contradictionem in hoc negotio implicari sic specialiter ostendo.

V III. Si omne accidens ex sententia Adversariorum per divinam omnipotentiam possit non esse in subiecto, poterit per se subsistere, ita tamen, ut maneat accidens: Ergo omne accidens poterit per divinam omnipotentiam esse Substantia & manere accidens, id est, poterit per se subsistere & non per se subsistere; esse in subiecto & non esse in subiecto, esse accidens & non esse accidens: quod quid aliud est, quam rerum ordinem à Deo constitutum à Deo perverti? quid aliud quam contradictionem implicare? quam tollere omne discrimen inter substantiam & accidens? hoc enim discrimen est inter ea, quod Substantia, per se cum subsistit, in subiecto esse non possit: Accidens cum sit in subiecto, per se subsistere nequeat: at sublata differentia essentiali confundi species necesse est: sunt enim species, quarum una ab altera differentia essentiali distat. Ergo merum Chaos rerum & non unam contradictionem parit Adversariorum opinio.

I X. Hæc quidem natura fuit ac definitio Accidentis, quæ ut illustrior adhuc evadat,

non inutile fuerit hic adjungere *comparationem*, quam cap. 5. *Categoriarum* instituit *Arist.* inter substantias secundas & accidentia respectu prædicationis de primis; hæc enim res aliquid lucis attulerit Substantiæ secundæ. *Aristoteli* dicuntur de primis univocè, id est, secundum nomen & definitionem, quæ essentialiam cujuslibet rei exprimit. At de accidentibus distinctè hic philosophandum est: vel enim considerantur in abstracto, vel in concreto: aliud est albor, aliud album: quando *Arist.* ait cap. cit. permulta esse accidentia, quorum nec nomen nec definitio de primis substantiis dicitur, abstracta intelligit: non enim Socrates aut ulla substantia dicitur albedo, nec definitio albedinis magis de Socrate aut ulla substantia dicitur: quoniam de quo nomen non dicitur, de eo quoque non dicitur definitio: concreta verò accidentia intelligit, eum aliquorum nomen de subjecto dici asserit, non tamen definitionem: nam albus dicitur de Socrate, sed definitio ejus non dicitur, id est, non dicitur tanquam definitio Socratis, sed tanquam definitio albi: nam alioquin certum est, de quo dicitur definitum, de eo etiam dici definitionem: & accidens concretum tam secundum definitionem suam propriam dicitur de Substantia prima, ut de subjecto, quam secundum nomen: tam enim ipsa definitio albi in concreto dicitur de Socrate quam ipsum nomen, nisi quis definitum alicui tribui velit, definitionem non item, quod est ineptire: res aliter se habet in Substantiis secundis, quæ quoad nomen & definitionem

etiam dicuntur de primis: quod explicare operæ pretium fuerit.

X. Propositio illa *Arist. Substantia secunda affirmatur de primis tum secundum nomen tum secundum definitionem*: intelligitur secundum definitionem tam suam quam subjecti sui; ita Homo dicitur de Socrate, non tantum secundum definitionem suam, ut, animal rationale, est definitio hominis, sed etiam secundum definitionem ipsius in enunciatione subjecti, ipsius scil. Socratis, ita ut definitio hominis tanquam definitio ipsius Socratis de Socrate dicatur: si enim rogavero, quid est Socrates? respondebis, est animal rationale; quæ definitio non raptum hominis est, sed etiam Socratis: alia enim essentialis definitio dari nequit: definitio, quæ eum ita definit, ut distinguatur ab aliis hominibus, accidentalis est & ab accidentibus tantum peti potest, quæ numericam & accidentalem, non verò specificam & essentialem differentiam porrigunt. At quando definitio albi in concreto, dicitur prædicari de pariete, non tamen prædicatur ut definitio parietis, alia enim ejus definitio essentialis dari potest: prædicantur itaque, ut concludam, de substantiis primis, & substantiæ secundæ & accidentia concreta, & quoad nomen & quoad definitionem, sed diverso tamen modo & sensu jam explicato: alii discrimen prædicationis hoc modo expriment. Substantiæ secundæ prædicantur in quid essentialiter, Accidentia in quale accidentaliter, illæ, ut de subjectis prædicationis, hæc, ut de subjectis inhæntionis.

## Disputationum ex Philosophiâ selectarum

P R I M A.

D E

P E R S O N A.

*Expositæ sunt ventilationi publicæ Disputationes duæ, de Substantiâ prior, de Accidente posterior, quæ, quod generalissimam Entis divisionem consueverunt, tanquam præliminares,*

*omnibus aliis disputationibus de quocunque ente particulari insituendis, erant præmittendæ: Et quia institutum Præsidis, primæ primæ disputationis thesî indicatum, est, ut materia utilis, præfer.*

*praesertim, posthabitis inutilibus, ex universa  
seigerentur Philosophia, & ad disputandum  
proponerentur methodo arbitraria pro ipsius &  
cujusque Respondentis arbitrio ac judicio, hanc*

*De PERSONA ex disputationibus seligen-  
dis dignitate atque utilitate nulli secundum pri-  
mam facere placuit.*

## T H E S I S I.

**D**E PERSONA acturis, antequam ad rem ipsam progrediamur, vocabuli homonymiam indicare operæ pretium fuerit, ut eo exquisitiis, quæ de re instituantur disputatio, innotescat. Solet itaque PERSONA aliquando significare qualitatem, ut cum quis in Comœdiâ dicitur sustinere Personam Regis, vel senis, vel juvenis: interdum verò & substantiam denotat, ut cum dicimus Petrus est persona; quæ significatio non invitâ Latinitate (ut quidam autumant, qui solam qualitatem significare volunt) accepta est; verùm apud probatos Latinos auctores extat & passim usurpatur. Quin & Deo personæ nomen attribuitur, cui si conveniat juxta varias habitudines & attributa, jam non tres, sed longè plures personæ in Deo erunt, quod absurdum esse ipsi Adversarii non dissimulant. Nos itaque de Personâ, ut substantiam denotat, impræsentiarum agemus, ea autem sic solet definiri: *Persona est substantia singularis, completa, intelligens, incommunicabilis, quæ non est pars alterius, nec ab alio sustentatur.*

I. Primò quidem dicitur *substantia singularis*, ut removeantur universalia, illa enim non subsistunt, nisi in singularibus, qui est modus subsistendi imperfectus: Persona autem id denotat, quod excellentissimo modo subsistit. Deinde, debet esse *completa*, cum id quod incompletum est habeat incompletum modum subsistendi: at vox *Persona* iis tribuenda est, quibus perfectissimè convenit subsistere. Tertio, in personæ definitione requiritur, ut sit *intelligens*, & sic Melampus, Phylax, aut alia quædam supposita, quibus intelligendi facultas negata est, à personæ definitione accentur: In hoc enim sita differentia est inter suppositum & personam, quod suppositum in genere denotet omnem substantiam singularem, completam, & incommunicabilem, persona autem in super requirat ut

sit intelligens. Quartò, Persona debet esse *incommunicabilis*: quâ conditione excluditur essentia divina, quæ quidem est substantia singularis, completa, intelligens, sed communis tribus personis in SS. Trinitate. Est quidem essentia divina incommunicabilis, prout vox illa notat id, quod non est communicabile pluribus speciebus vel individuis; neque enim se habet per modum generis vel speciei, sed non est incommunicabilis pluribus hypothsibus, vel ut Scholastici loquuntur, suppositalitatibus aut subsistentiis, at persona etiam hoc modo incommunicabilis est, ut dicemus Theol. 6. Quintò, Persona definiatur, ut non sit *pars alterius*; ad excludendam animam rationalem, quæ quidem est substantia singularis & intelligens, non tamen est persona, quia est pars hominis. Sextò denique, ut non *sustentetur ab alio*; propter humanam Christi naturam, quæ si persona esset, Christus haberet duplicem personam, quod absurdum est: Ab humanâ igitur Christi naturâ removetur nomen Personæ, quia ipsa sustentatur à *logos*.

III. Ut hæc definitio personæ per partes explicata clarior sit, notandum venit, in persona, v. g. Petro, duo esse, naturam scilicet substantialem, quæ habet essentiam & existentiam actualem: & subsistentiam, quæ naturæ substantiali addita eam reddit incommunicabilem alteri. Ex quibus duobus oritur compositum constans natura & subsistentia, quod suppositum est, & persona. Naturæ ergo nomine intelligitur substantia singularis, continens integram individui essentiam, in abstracto tamen sumtam. Suppositum & natura distinguuntur tanquam includens & inclusum: suppositum enim includit naturam & aliquid addit, quod suppositalitas seu subsistentia dicitur, natura verò in se non includit suppositalitatem seu subsistentiam, sed ab ea præscindit: pari modo philosophandum est de per-

sonâ & naturâ: persona enim speciale est suppositum, sc. rationale, ejusque abstractum est personalitas: Græci utuntur voce *ὑπόστασις*. Atque ex hac philosophandi ratione petenda est causa, quare natura possit conservari sine subsistentiâ propriâ; (ut in Christo patet, qui caret subsistentiâ humanâ seu creatâ) suppositum autem totum non possit conservari sine naturâ, quia sc. illam formaliter includit.

IV. Subsistentia sive *ὑπόστασις* in abstracto est modus substantialis, quo naturæ existentia ita determinatur, ut & per se subsistat & incommunicabilis sit. In quâ definitione & subsistentiæ natura & ejus geminum munus explicatur. Primum subsistentiæ munus est substantiam determinare ut per se subsistat, non ut  $\pi$  per se subsistere significat non esse in subiecto, quomodo per se subsistere est proprietas non tantum suppositi & personæ, sed omnis etiam substantiæ, in generali substantiæ definitione expressâ, sed prout  $\pi$  per se subsistere significat subsistere subsistentiâ propriâ, independentem à subsistentiâ alterius: quod ut intelligatur, observandum est  $\pi$  existere substantiæ, id est,  $\pi$  habere entitatem extra causas suas positam, vel etiam  $\pi$  subsistere per se, prout opponitur inesse alteri ut in subiecto, duobus dici modis; nempe vel ita, ut quæ existit ac subsistit per se (quatenus non incit alteri ut subiecto) substantia, ab alio tamen sustentetur, sic existit & subsistit per se humana Christi natura, quia in existendo & subsistendo per se sustentatur à divinâ, ab ejusque subsistentiâ dependet; vel ita, ut quæ existit & per se subsistit substantia, ab alio non sustentetur, ab alio non dependeat, non tantum ut à subiecto, sed nec ut à sustentante, sic Petrus, Paulus, &c. existunt & subsistunt per se,  $\pi$  per se subsistere, quod largitur subsistentia vel *ὑπόστασις*, intelligitur secundo modo, in quantum substantia independentem ab alterius subsistentiâ ac propriâ subsistit. Atque ex his manifestum est, substantiam tum completam esse perfectissimè, quando suam habet & sibi propriam subsistentiam, & quidem quia ac quatenus eam habet. Si dicas, humanam ergo Christi naturam non fore substantiam perfectissimè completam; concedimus id libenter, quia

non est persona, nec suâ subsistentiâ subsistit, sed subsistentiâ divinæ naturæ, interim perfecta & completa est substantia ac verè subsistit per se, quatenus  $\pi$  per se subsistere significat non esse in alio, ut in subiecto, ac proinde verè proprièque est substantia: Cum natura una alienâ subsistit subsistentiâ, fit ut duæ naturæ in unum coalescant suppositum ac personam; ita Christus una tantum persona est, duobus constans naturis essentia atque existentia diversis, *ὑποστασὶς* tamen unitis.

V. Quemadmodum duas naturas in una subsistentia posse uniri jam ostensum est, sic & una natura plures potest habere subsistentias; & una eademque essentia plures personas modo subsistendi diversas constituere: Ut in divina essentia videre est, quæ subsistit in tribus distinctis personis, Patre, Filio, & Spiritu Sancto, quia tribus prædita est subsistentiis. Utraque autem natura, & quæ plures subsistentias admittit, & illa, quæ diversam naturam in suam subsistentiam & in unitatem personæ assumit, debet esse infinita. Natura autem finita quælibet sua hypostasi ita est definita, ut tota subsistat in uno supposito, atque ita ut extra eam existere non possit, idque tantum quia finita est.

VI. Alterum subsistentiæ munus est, naturam substantialem reddere incommunicabilem: notari hic solet & rectè, naturam duobus modis communem dici, vel pluribus speciebus & individuis distinctis: sic omnis natura universalis dicitur communis; vel pluribus suppositis: sic una eademque natura divina singularis, communis est tribus personis, Patri, Filio, & Spiritui Sancto. Totidem quoque modis dici potest natura incommunicabilis: primo cum non potest concipi sub ratione generis aut speciei, secundo cum non potest communicari pluribus suppositis aut personis. Prior incommunicabilitas est à rei singularitate, posterior à subsistentia. Quare quemadmodum quod singulare est non potest communicari pluribus inferioribus, ita quoque quod determinatum est subsistentia, non potest communicari pluribus personis, in quantum est determinatum. Sic Dei essentia communis est tribus personis, quia non inclu-

includit substantiam: at eadem substantia jam affecta, non amplius communicari potest. Et hoc est quod Theologi dicunt, Dei essentiam considerari, vel *in se*, in quantum non includit substantiam, & sic dicitur communicari tribus personis; vel *in communione*: & sic est incommunicabilis; essentia enim Dei restricta per substantiam, *τοῦτοῦ θεοῦ ἡ οὐσία*, in Patre, nequit communicari Filio, ut sic: neque enim essentia Patris, ut sic, est essentia Filii, sic ut nec Pater est Filius, ut sic, in quantum per substantias sibi proprias restringuntur.

VII. Quid hæc substantia sit, intricatum atque obscurum sanè est, & circa id sententiis valdè variatum est. Nos autem primò statuimus non esse substantiam, quia aut prima foret aut secunda: non secunda, quia illa est universalis; at substantia singularis est, & reddit ens singularissimum: non prima, quia sic constaret naturâ & substantiâ, & hæc rursus aliâ, & ita daretur progressus in infinitum; sed videtur potius nature aliquid additamentum. Non etiam est accidens aliquod, quia illud non potest substantiam complere aut reddere

incommunicabilem. Præterea in Christi humanitate omnia sunt accidentia humanæ naturæ convenientia, nec tamen est substantia de qua agimus. Superest ergo ut sit modus substantialis, substantiam actuans ac determinans in ratione suæ substantiæ. Cum autem duum generum sint modi, mutabiles & separabiles, alii immutabiles & inseparabiles, substantia modus est immutabilis prorsus ac inseparabilis: quod non tantum verum est de substantia cuique substantiæ propria, sed & de aliena: ita ut substantia illa naturæ divinæ, qua substituit natura Christi humana, nunquam ab illa fuerit separata, quamdiu existit; ne quidem in ipso triduo mortis; mansit enim corpus, mansit anima, *ὑποστασις* naturæ divinæ unita, etiam tum quando à se invicem fuere divulsæ ac separata: neque enim ad corporis & animæ solutam unionem, secuta est dissolutio unionis, qua natura Christi humana unita est divinæ, dum in eandem substantiam assumpta est. Quæ de persona & substantia ulterius inquiri possunt, aliis & aliâ facere licebit.

## Disputationum ex Philosophiâ selectarum,

### S E C U N D A .

#### D E

## E N T E I N F I N I T O .

DE ENTE INFINITO *disputationem habituri, non quæcunque de eo ventilari possunt ac solent, hoc tempore proponemus: Quis enim ista omnia unica disputatione comprehen-*

*dat aut exhaustat? sed generales quasdam attamen nobilissimas, quæstiones decidemus, speciales specialioribus disputationibus reservaturi.*

#### T H E S I S I.

REcepta est divisio apud Philosophos Entis in finitum & infinitum; quæ divisio entis prima, intima, & maximè essentialis dicitur, quia præter alias omnes entis divisiones universales, hæc membra habet omnium maximè inter se distantia; cum enim ens dividitur in substantiam & accidens,

absolutum & relatum, non tam distant à se divisionis membra, quam si dividatur in finitum, & infinitum. Finitum est, quod habet essentiam & perfectionem limitatam: Infinitum, quod habet essentiam & perfectionem nullis limitibus circumscriptam: itaque termini illi desumpti quidem sunt à quantitate molis,



molis, ubi limites sunt & fines, sed translati per analogiam, ob intellectus nostri in cognoscendo imperfectionem, ad quantitatem perfectionis significandam, sicut hoc egregie explicat *Suarez disp. 28 Metaph. f. 1. §. 18*. Cum hac divisione coincidit divisio entis in ens à se & ab alio, necessarium & contingens, per essentiam & per participationem, increatum & creatum, omnino actuale & aliquam potentialitatem includens, quæ ibid. loc. cit. à *Suarez* explicantur. Ens finitum, ab alio, contingens, per participationem, creatum, aliquam potentialitatem includens, dicitur creatura; ens infinitum, à se, necessarium, per essentiam, increatum, omnino actuale, dicitur *Deus*: & hujus entis infiniti, *Dei* sc. inquireremus hac disputatione *existentiam, essentiam, attributa, operationes ad extra*.

II. *Deum esse* non tantum Scriptura, sed etiam natura docet: de Scriptura res est evidenter, quam ut ullam requirat probationem, vel testimoniorum inductionem: & ex Scripturis sacris id probare non nostrum est, sed Theologi. De natura id quoque evidens est, licet id negare ausi fuerint nonnulli: est autem *naturalis Dei notitia* insita & acquisita, Scholastici dicunt, *subjectiva & obiectiva*: illa hominis cujusque animo jam inde ab utero quasi impressa & insculpta est, qua homo ex principiis secum natis, tanquam imaginis divinæ quibusdam rudibus & reliquiis, ad Deum creatorem introducit: hæc, ex contemplatione operum & effectuum, Deum nobis ostendit: hæc duplex Dei notitia naturalis, paulo latius explicanda est. Est in homine vis aut facultas naturalis cognoscendi Deum, sive lumen quoddam congenitum, quo intellectus aptus natus est, ad assensum præbendum illi, quod dicitur, *esse Deum*; ita ut, quam primum ratio se exerit, & quid significetur illa voce, *Deus*, cognoscit, sine ulteriori disputatione, labore & difficultate illi assensum præbeat, dicatque *esse Deum*; & hanc etiam ob causam dicuntur insitæ naturales istæ notitiæ, quia sine præceptore, sine demonstratione, sine disciplina, homo absque difficultate, quam primum terminos simplices apprehendit, absque mediis aliis & prin-

cipiis istam notitiam elicit: hæc rudis tamen Dei notitia, confusæ & indistinctæ Deum attingens, opus habet ut eisdem naturæ viribus, ex diligenti contemplatione creaturarum, & assidua meditatione, incrementum capiat, & quasi perficiatur. Non tamen hoc sic est capiendum, quasi adscribamus homini sibi relicto facultatem vel virtutem ullam, vel minimam, cognoscendi salutariter ex se verum Deum: nihil minus: quin hoc modo totalem in homine excitationem & ignorantiam agnoscimus, verum aliqualem tantum, non salutarem ex notitiis insitis ac creaturarum intuitu, rationisque sano exercitio, Dei notitiam ponimus; quomodo statim fuit explicatum.

III. Circa Dei *essentiam* quaeritur: *an ea definitione exprimi valeat*? Sunt qui affirmant, alii contrarium asserunt, quibus & nos calculum addimus: assertionis nostræ stabilimentum est hoc: Quod nec genus nec differentiam habet, nequit definiri: atqui *Deus*, nec genus, nec differentiam (accuratè loquendo) habet: ergo. Major patet, quia ad exquisitam definitionem requiruntur genus & differentia: ut *Arist.* docet 6. topic. c. 5. Minor probatur: primò de differentia, quod ea Deo non conveniat, inde: Quia de ratione differentie, propriè sic dictæ, est, ut neque includat speciem quam constituit, nec etiam genus illius speciei, ut *Arist.* docet lib. 6. topic. 6.9. & 14. velut rationalitas, quæ est differentia specifica hominis, non est homo, & eadem rationalitas, non est animal, quod est genus istius speciei, (*hominis*) quam constituit rationalitas: Unde si quæ esset differentia, per quam constitueretur *Deus* in hac specie entis, illa non esset *Deus*; at nihil est in Deo, quod non sit ipse *Deus*: cum enim, quicquid præter Deum est, sit creatum quid, si non esset *Deus*, quod est in Deo, *Deus* ab aliquo creato haberet ultimam perfectionem. Cæterum ex his, quod Deo non conveniat differentia, efficaciter sequitur, quod nec eidem conveniat genus: nam generica natura non datur, nisi contracta per differentiam, quæ ipsam actualat & complet, sicuti forma materiam: atque ita, sicut huic repugnat esse sine forma: ita generi repugnat esse sine differentia: unde cui repugnat habere differe-



differentiam, eidem etiam repugnat habere genus: at ostensum est, quod Deo repugnet habere differentiam; repugnat igitur eidem habere genus. His adde rationem desumptam ab infinitate Dei & ejus incomprehensibilitate. Qualis est cujuscunque rei cognitio, talis & est ejus definitio: Quid enim aliud est definitio quam plena & perfecta rei cognitio? Deus autem plene & perfecte, id est, ut loquimur, S. holitici, quidditativè cognosci non potest, ergo nec quidditativè, id est plene & perfecte, definiri. Deum certe nemo definiverit, nisi qui Dei ipius Logica instructus fuerit: potest tamen qualicumque descriptione adumbrari, quæ per attributa instituitur, quod sit *sine principio & fine, æternus, immutabilis, infinitus, &c.*

IV. Quæstio hic gravis est de *attributorum* ab essentia & inter sese distinctione. Ante quam ad quærit onem respondeamus, videndum est, quid per attributa intelligatur. Per attributa igitur intelligimus prædicata, quæ per modum affectionis de Deo enunciantur, qualia sunt quæ essentiam Dei confusis & inadæquatis conceptibus significant ac repræsentant; intellectus enim noster essentiam Dei uno & adæquato conceptu concipere nequit, unde fit, ut multa de Deo apprehendat per modum affectionum, ut bonitatem, veritatem, justitiam, misericordiam, sapientiam, sanctitatem, potentiam, æternitatem, &c. sic deinceps, quæ vocari solent attributa, & de his quæritur, *an realiter à Dei essentia differant? an eadem inter se realiter sint distincta?* Nos utrumque negamus. Ratio negationis est quoad partem priorem; Quia si attributa divina ab essentia sint realiter distincta, utique singula erunt finita, vel infinita: si finita, ipsa etiam infinitas Dei, quæ inter attributa est, finita erit: quod contradictionem involvit. Si infinita; aliquid à Deo erit realiter distinctum infinitum, & sic vel Deus se ipso non erit infinitus, vel plura erunt infinita: quorum utrumque falsum & absurdum. Quod attributa divina realiter à se invicem distincta non sint, probatur hoc argumento: Essentia absolute simplex non potest includere plura prædicata essentialia realiter inter se distincta: Atqui

essentia Dei est absolute simplex: ergo. Propositionis ratio est, quia pluralitas prædicatorum essentialium realiter distinctorum infert compositionem, adeoque repugnat absolute simpliciterati. Restat ergo, ut attributa divina à Deo & inter se distinguantur: vel formaliter cum *Scoto* & *Scotistis*, quia quamvis sint eadem res simplex, tamen distincta sunt rationes formales: non enim ratio formalis & definitio unius, v. c. intellectus aut justitiæ est ratio formalis aut definitio alterius, v. c. voluntatis aut misericordiæ: vel ratione rationi cum *Thoma* & *Thomistis*, qui varii sunt conceptus objectivi, non realiter, actu, in se aut Deo, distincti, sed virtualiter tantum & eminenter, atque in effectibus, seu in terminatione potius ad effectum talem vel talem, diversi.

V. Existentiam Dei, essentiam, attributa, excipiunt *operationes ad extra*, quæ vulgo recententur, *creatio, conservatio, concursus*, pro triplici causæ secundæ dependentia in fieri, in esse, in operari: per creationem res, quæ antea non erat actu, sed in potentia tantum objectiva aut etiam obedientiali, simpliciter producit: per conservationem res producta in esse conservatur: per concursum ad operationem præstantiam applicatur & in efficientia actuatur. *Creatio* solet definiri *productio rei ex nihilo*: *productio* hæc non dicit formaliter relationem, sed fundamentum relationis creature ad creatorem: soletque à parte Dei concipi à nobis per modum actionis transcurrentis, & vocari *creatio activa*: à parte rei per modum passionis, & dici *creatio passiva*: additur, *ex nihilo*, quod negat subiectum & ponit terminum: itaque primò intelligendum id est negativè, ut excludatur omnis causæ materialis concursus, quæ ratione potissimum creatio distinguitur à generatione, quæ esteductio formæ de potentia materię; secundò positivè, ut notet ordinem termini à quo, sub quo res antea erat: *nihil* enim istud, sive non esse, præcessit esse rei: unde liquet novitatem essendi esse de ratione creationis: nam omne, quod habet esse post non esse, habuit initium seu novitatem essendi: quod si ab æterno quippiam habeat non esse & item esse, simul erit & non erit.

VI. Creationem excipit conservatio, quæ est, rei productæ per actuale influxum in suo esse continuatio: dicimus, per actuale influxum, ut excludamus conservationem, quam vocant, permissivam, sive privativam, cum id dicitur conservare, sed improprie, quod non destruit: item indirectam, quæ tantum removel impediens: hæc enim non influit in ipsum esse rei, quod conservatur, sed in id quod rei contrarium est, unde per accidens resultat permanio rei in suo esse. Quod hæc actio Deo competat facile patet, quia creatura non tantum in fieri, sed etiam in esse à Deo essentialiter dependet: deinde id liquet ex annihilatione: hæc enim non consistit in positivo, quia tendit in non esse rei simpliciter: at omnis actio positiva tendit ad esse positivum: consistit igitur in sola suspensione influxus divini, quo conservat Deus: quoniam influxus ita se habet ad res creatas, ut sol ad lumen.

VII. Creationem & conservationem sequitur concursus, seu cooperatio. Queritur hic: An Deus per se atque immediate in actionibus omnium creaturarum operetur? Non desuere qui negarint Deum per se & immediate concurrere ad actiones secundarum causarum; nominatim ejus sententiæ erroneæ fuit Durandus in 2. dist. 1. q. 5. ubi sentit: postquam Deus ab initio creationis ipsi creaturis concessit sufficientem agendi virtutem, nihil amplius cum cum illis operari. Verum hæc sententia non tantum est temeraria: sed etiam non satis in fide tuta, quapropter oppositum ejus, ut longè certius & verius, tenemus, quod ita ostendi potest: Res creatæ in esse subordinantur Deo, atque hinc in essendo dependent à Deo, ergo & dependent ab eodem in operationibus; operari enim sequitur esse, & modus operandi sequitur modum essendi: at ista rerum creaturarum à Deo dependentia in operando, insinuat concursum Dei, ad producendas istas actiones; qui definiri potest, actio Dei ad extra, quæ una cum causis secundis & subordinatis omnes illarum effectus producat. Id autem facit dupliciter; & causas secundas præ-

movendo, excitando, ad agendum applicando, & in ipsas actiones realiter influendo, coagendo, cooperando: priori respectu dicitur concursus Dei prævio, posteriori modo simultaneus: utroque modo Deus concurrit, & utroque modo creatura in operando à Deo dependet: Itaque concursum collocamus non in solo influxu in ipsam actionem terminate, quod facit Suarez, *Metaph. disput. 22. Conimbr. 2. Phys. Ruvius ibidem, de Ratione tract. de principis*, sed & motione, excitatione, applicatione causæ secundæ ad agendum, juxta vulgatum axioma, *Causæ secundæ non agunt nisi motæ à prima*. Verum quia solum admittunt concursum simultaneum auctores citati, & Jesuitæ omnes, & rejiciunt prævium, motionem sc. illam qua virtutem activam creaturæ Deus complet, eam excitat, applicat, determinat ad agendum, unico argumento sententiam nostram confirmabimus, quod erit desumptum ex hypothesi & sententia Adversariorum: hoc modo. Si causa secunda non possit agere quin Deus simultaneo concursu cum illa influat, ut dicunt omnes Adversarii, ergo etiam non potest agere nisi præmoveatur à Deo ad agendum, nisi Deus concurret concursu prævio. Prob. consequ. hæc est Adversariorum positio & omnium etiam, excepto Durando cum paucis aliis: ad actionem causarum secundarum requiritur concursus simultaneus duarum causarum, primæ & secundæ: rogo, quomodo istæ duæ causæ concurrent simultaneæ, vel ut una moveat aliam, vel ut utraque moveatur à tertia, vel ut casu concurrant. Hoc postremum dicere non licet, præsertim si istæ causæ per se sunt subordinatæ, ut sunt; nec secundum dici potest; nam quæ erit illa tertia, quæ utramque causam primam & secundam, præmoveat? ergo una alteram præmovebit ex duabus causis simultaneo concursu concurrentibus; sed non potest præmoveere secunda primam, sic enim secunda non foret, sed prima: ergo prima præmovebit secundam, quod erat demonstrandum: sed hæc omnia specialibus aliquot disputationibus aliquando, si Deus volet, exponentur.

## Disputationum ex Philosophiâ selectarum,

## T E R T I A.

## D E

## NOTITIA DEI NATURALI.

## T H E S I S I.

**E**ssē Deum sciri potest, ac cognosci multis modis. Nonnulli triplicem ita putant Dei cognitionem. 1. cognitionem *rationalis*, qua n̄ investigamus per creaturarum intuitum. 2. cognitionem *devotionis*, quæ sit per verbum, ex cuius prædicatione cognitio fidei oritur. 3. cognitionem *glorificationis*, quæ sit in vita æterna. Alii ponunt quadruplicem divinæ cognitionis librum, *scilicet*, *naturæ*, quo pertinent *notitiæ* *innotatæ* menti naturaliter impressæ. 2. *Scripturæ*, *creaturæ*, quo pertinent intuitus & contemplatio creaturarum. 3. *prophetiæ* *scripturæ*, quo pertinet divina in Prophetis & Apostolicis scriptis revelatio. 4. *quædam*, *vita æterna*, quo pertinet intuitiva & beatifica Dei visio. Sed prætermittā cognitione glorificationis, & libro vitæ æternæ, qui cognoscendi modus in hac vita non possidetur, sed speratur tantum, reliqui tres cognoscendi modi optimè revocari possunt ad duo capita: ut *cognitio Dei*, alia sit *naturalis*, alia *revelata*, & illa petatur ex *naturæ*, hæc ex *scripturæ* libro. Ac nos quidem relicto Theologis scripturæ libro, & cognitione revelata, *Qualis sit Dei notitia naturalis, huius ex libro naturæ*, hac disputatione inquiramus.

II. *Liber naturæ* duplex statui potest, *internus* & *externus*: unde *notitia* Dei naturalis dividitur in *inflatam* vel *innatam*, & *acquisitam*: Illam vocant alii *subjectivam*, hanc *objectivam*. Notitia *inflata* originem habet ex *notitiæ* *divinæ*, quæ amissæ imaginis divinæ sunt obscura quædam rudera ac vestigia & amissæ illius lucis, quæ in hominis mente ante lapsum fulgebant, superstities quædam ac fopitæ scintillæ, per quas communis ille & anticipata notio, *Quid sit Deus*, omnium homi-

nium mentibus naturaliter est insculpta. Has ergo notitias communes referimus ad librum naturæ internum: ad quem etiam pertinet *liber omnium*, internum conscientie testimonium, quod Scholastici vocant *Synteresin*, *naturaliter* nam ex principiis cum homine natis oritur in corde cuiusvis hic Syllogismus practicus: *Qui vitam vivit impiam; sentiet Dei vindictam & penam*: ratio ejus est, quia omnibus naturaliter est insitum & insculptum, *Deum esse*, *Deum esse colendum*, *Deum esse scelerum vindicem*: sublimis autem conscientia impij; *Ego flagitiosam vitam ducam &c.* *Acquisita* Dei notitia ex libro naturæ externo, videlicet ex contemplatione operum & effectuum divinarum, vi naturalis discursus, à mente humana colligitur: ut enim ex pluribus literis, ita ex pluribus creaturis, liber quidam componitur, cum quilibet creatura non sit nisi quædam litera manu Dei scripta: & in hoc libro Deum legere, atque ex lectione cognoscere possumus.

III. Atque hæc est gemina & genuina Deum naturaliter cognoscendi ratio: partim inflata, ex libro naturæ interno; partim acquisita, ex libro naturæ externo; quæ à non uno impetitur & impugnatur hoste. Priorem negat *Templarius*, *Metaph. lib. 4. cap. 2. quest. 2.* qui pura habet passim in *Metaphysica* non probæ notæ, & heterodoxiæ merito suspecta: & sicut multos ex *Templariana* *Metaphysica* errores, ita hunc etiam ex ea hausit ejus Collega, *Conradus Vorstius*, in *notis ad disp. 1. de Deo*, pag. 119 & in *apologetica exegesi*, c. 1. Erravit & hunc errorem *Scaliger*, *exercit. 307. sect. 18.* Utramque tam innatam quam acquisitam Dei naturalem notitiam

negat infaustus ille Socinus, *prælect. Theol. c. 2.* Quia vero distincta sunt argumenta, quibus tum insita, tum acquisita Dei notitia naturalis, probari potest, distincte etiam ea proponemus, si primum status controversiæ fuerit fixus recteque formatus; ad quem fingendum formandumque, quædam distinctiones observandæ veniunt.

I V. *Notitia Dei potest, vel ratione subiecti, in quo est, vel ratione objecti, circa quod est, vel ratione modi & graduum, diversimode considerari. Ratione subiecti est, vel speculativa, vel practica; intellectus, vel affectus: theoriæ, vel malitiæ: non est questio, cum quaeritur, an detur aliqua naturalis Dei notitia, de notitia practica, affectus, malitiæ: multi enim affectu, malitiâ voluntate, vitâ & operibus, Deum negant: quem tamen intellectû & theoriâ speculativâ negare non possunt: ignorant tales Deum, non pura negatione, sed prava dispositione: est etiam notitia alia in actu primo, id est, habitualis, alia in actu secundo, id est, actualis: non quaeritur, an detur notitia naturalis semper in actu secundo, seu actualis, sed in actu primo seu habitualis. Ratione objecti potest dividi notitia Dei in eam, quæ est circa *in*, & eam, quæ est circa *in* *is*. De priori questio est, non de posteriori, sc. an naturaliter homo scire possit, quod sit Deus: non vero quid & quis sit Deus: distingui etiam potest inter notitiam veri Dei, & quædam vero Deo competentes notitias, sive inter conceptum, qui est de Deo, & conceptus applicationem: hoc est in controversia, an homo extra revelationem possit habere quasdam vero Deo competentes notitias, quasdam veros de Deo vero conceptus. etsi in particulari illos male applicet, ad id v. c. quod, non est Deus: 3. Ratione modi & graduum, notitia Dei est, confusa in communi, & distincta in particulari, salutaris, vel non salutaris: de notitia Dei confusa & non salutaris questio est, non autem de distincta & salutaris: talis enim nullo modo ex natura hauriri potest. Hic igitur controversiæ status manet, An detur notitia Dei naturalis speculativa, in actu primo, circa *in*, confusa & non salutaris, qua verum de vero Deo conceptum formare potest homo, sive illud sit ex contemplatione*

*creaturarum, sive per notitias innatas & tacito cordis motu: hoc enim in questione hac nobis perinde est: affirmamus utrumque & probamus.*

V. *Notitiam innatam probant, 1. Universalis & perpetuus omnium populorum consensus: nulla enim gens tam est barbara, tam effera, qua non cognoscat esse Deum, inquit Cicero l. 1. de natura Deor. Aristot. l. 1. de cælo, videtur hæc de Deo notitia esse omnibus hominibus.* Et Seneca *Epist. 117.* nulla gens adeo extra ledas moresque est projecta, ut non aliquos Deos credat: sc. sensus divinitatis naturaliter omnibus insitus tam efficax fuit in Gentilibus, ut quidvis potius etiam infra hominis naturam positum, Deum esse, quam nullum esse Deum, statuerint: & falsum est, quod Adversarii afferunt, non tantum aliquos homines, sed integros hodie populos reperiri, qui nullum penitus sensum aut suspicionem divinitatis habeant, & apud quos nullum fit vestigium religionis: nec exempla Brasiliensium atque Indorum id probant. 2. Salutaria morum præcepta & institutiones apud Gentiles, quæ ex lumine naturæ profluxerunt: hæc enim manifeste ostendunt honestorum & turpium discrimen esse omnibus naturaliter impressum, & notitiam de Deo insitam. 3. Timor supremi alicujus numinis naturaliter ex corde hominis prorumpens: homines enim feri & barbari, adeoque ab omni doctrina & institutione remoti, inque sylvis degentes cum tonitrua audiunt, timent, & suo timore testantur insitam esse naturaliter cordibus hanc notitiam, quod sit aliquid summum numen omnipotens: & hic timor ac conscientia consensus internus, qui omnibus diffunditur aliquem esse, qui vitia puniat & præmiis virtutes compenset, supremum Dictatorem, vel solus sufficit ad subiectivam hanc Dei & insitam naturalem notitiam probandam: nec difficile est refutare (quod facere malumus in ipso disputandi actu) argumenta sententiæ negantis, inquam, nescio quo fato, delapsus est quoque Cl. hujus Academiæ ante paucos annos Philosophus, D. Fr. Burgerdicius, lib. 2. *Metaph. c. 4. th. 1.* & 2. Maximum quidem sententiæ hujus fulcrum à Cl. Viro ponitur loc. cit. in dicto

in dicto *Aristotelis*, quod dicit *animam esse tabulam rasam, in qua scriptum nihil est, sed quidvis inscribi potest*: verum locus iste *Aristotelis* huic opinioni non patrociniatur: nam intelligendus est ratione specierum intelligibilium, & completæ live actualis cognitionis illius, ad quam naturaliter aptus existit intellectus, & quasi in proxima est potentia; eam tamen impressam non habet: nam ante rationis usum mens hominis, neque propositiones comprehendit: neque terminos simplices apprehendit: veritatem proinde ac falsitatem nullius propositionis actu cognoscit: hoc enim si faceret, ratione jam uteretur antequam uteretur: & hujus actualis cognitionis respectu, anima dicitur tabula rasa. Quod dicat Vir Cl. th. 1. hanc propositionem, *Deus est*, non esse per se notam, nec intellectû significatione vocum, qui effertur, assensum impetrare, sicut hæc facit, *Totum est majus sua parte*, & neminem repertum iri, qui hoc asserat, non satis cautè dicitur: Nam æquè notum est ex terminis cognitis, si non notis, *Deum esse*, quam alterum istud; nam postremum hoc notius esse videtur, quia sensibus ejus veritas est vicinior: at prioris veritas intellectui est propior. *Totum non esse majus sua parte*, per se notum est, quia sensus id testatur: at *Deum esse*, per se notum est, quia intellectus id testatur: & sicut viso aut cognito, quid sit *totum*, quid *pars*, statim scitur, *totum esse majus sua parte*, ita etiam, intellecto quid significet hoc nomen, *Deus*, statim habetur & scitur, quod *Deus est*: Nam quid significat vox, *DEUS*? illud sc. quod melius ac majus cogitari non potest. At hoc ipsum significat, *Deum esse*: nam quomodo vox, *Deus*, intellectui significare possit, id quod est Optimum & Maximum, nisi intelligat intellectus, illud esse quod per vocem, *Deus*, significatur: quod enim entitatem non habet nec habere intelligitur, nec bonitatem, nec vim ullam habet, nec habere intelligi potest.

VI. *Cognitionem Dei objectivam probant*, totus macrocosmus & microcosmus, cui utriusque tam clara sui vestigia impressit, ut utrumque contemplanti nullibi non occurrat, *Deus*: ubi vis videre est examinator, divinos illos,

sapientiae, bonitatis, potentiae, characteres rebus impressos, quos illinc eruere, id demum est *Philosophari*: tota enim *Philosophia*, quæ verè id nomen meretur, hic absolvitur, ut ex visibilibus Deum invisibilem aperiat, animoque sistat, & cognoscendum & colendum: quod si non destinatur, ab autore suo abit, & à fine & scopo aberrat: ut enim omnis naturæ notitia à Deo est, ita ad Deum tendit ac dirigitur, & in Dei notitia cultuque naturali, tanquam sine ultimo, acquiescit: produxit enim mundum majorem minoremque, rebusque omnibus entitatem largitus est, Deus, pro summa bonitate, sapientia, potentia: ut ipse in iis & agnosceretur & laudaretur: *sapientiam Dei*, pulcherrimum monstrat rerum atque universi ordo, ac proportio: *potentiam*, admiranda cœli, terræ, rerumque naturalium virtutes & effecta: *bonitatem*, rerum creaturarum finis, utpote quos non sui, sed hominis causa condidit optimus Deus: unde vera *Philosophia in creaturarum existentia Dei existentiam, in earum virtutibus & effectibus Dei virtutes & effecta* tanquam in clarissimo speculo, proponit cognoscenda ac contemplanda: quam Dei, naturæ virtutumque divinarum, in rebus creatis latentium, ac *Philosophie* nunc beneficio patentium, notitiam, non potest non sequi cultus amorque Dei: tantum enim diligimus, quantum cognoscimus. An Deum, ita naturali intellectu lumine ex rebus creatis cognoscendum, benè & sufficienter doceat quæ hæcenus viget & ubique regnum tenet, ex Gentilismo tantum & Peripateticismo hausta, ac noxiæ heterodoxorum Philosophorum veneno infecta, sub vanis subtilitatibus & infrugiferis questionibus, *Philosophia*, disquiri posset: sed ab instituto nostro est alienum: certè non multum ad Dei notitiam faciant, Sophisticæ, & de vocibus tantum ac terminis institutæ, non pauca in *Philosophia* digladiationes. Quidquid sit, reperire tamen est in *Philosophia* moderna ac disputatice rationes non contemnendas, quibus notitia Dei naturalis objectiva adstruitur.

VII. *Thomas Aquinas summe sue parte 1. quæst. 2. art. 3.* quinque argumenta proferit, 1. ex parte motus: quia omne quod movetur,

G 3 ab alio



ab alio movetur; necesse igitur est, ut deveniatur ad aliquod primum movens, quod à nullo movetur: & hoc esse, omnes intelligunt, *Deum*. 2. ex ratione causæ efficientis: quia omne, quod est ab alio est: necesse est igitur pervenire ad aliquam causam efficientem primam (non enim datur progressus in infinitum) quæ *Deus est*. 3. ex possibili ac necessario: quia non omnia quæ sunt, sunt possibilia, sed semper aliquid fuit, quod fuit necessarium; ubi devenietur tandem ad aliquid quod per se est necessarium, & causam necessitatis aliunde non habet, sed quod necessitatis causa sit in aliis, estque *Deus*. 4. ex gradibus, qui in rebus inveniuntur; invenitur in rebus aliquod magis & minus bonum, verum, nobile, &c. Ergo est etiam aliquid, quod est verissimum, optimum, nobilissimum, proindeque maxime ens, puta *Deus*. 5. ex gubernatione rerum, quæ

omnia, etiam quæ cognitione carent, operantur propter finem, ad quem tamen non casu, sed ex intentione cognoscentis perveniunt, ergo est aliquod intelligens, à quo res naturales & omnes ad finem ordinantur ac diriguntur qui est *DEUS*. Has rationes apud ipsum *Thomam*, & *Summas*, ejus commentatores prolixius diductas videre est. Qui plures desiderat, adeat *Mar. Mersem. in Genesim*; ubi cap. 1. art. 2. probat argumentis 35. notitiam Dei naturalem, & *Campanellam*, integro libro, quem vocat *Atheismum triumphatum*. Et Dei notitiam insitam, ex Dei idea per creationem nobis indita, tanquam nota artificis operi suo impressa, subtilissime probat *Renatus Descartes*, in sua prima *Philosophia meditatione tertia*, & respon. subjunctis adversus varias contra eam *objectiones*.

## Disputationum ex Philosophiâ selectarum

### Q U A R T A.

#### D E

## P R O P R I O.

### T H E S I S I.

**I**nter Prædicabilia (quæ sic vulgo vocantur) recentiori solet & *Proprium*, de quo disputationem præsentiarum instituere est animus; ac ne vocis ambiguitate detineamur, eam primum removebimus, ætum ipsius *Proprii* naturam penitus inquireremus. *Proprium*, ut notat *Prochyris in sua Introductione cap. 4.* & *Aristoteles 5. Topic. cap. 1.* dicitur quatuor modis: 1. quod convenit soli alicui speciei, sed non omnibus ejus individuis. 2. quod convenit omni alicujus speciei individuo, sed non soli isti speciei. 3. quod convenit soli speciei alicui & omni ejus individuo, sed non semper. 4. quod convenit soli speciei, & omni ejus individuo, & semper: & hoc nostræ est considerationis. Verum illud *quæto modo proprium* non uno

etiam modo dicitur: Nam vel est *indeterminatum*, vel *determinatum*; illud est, vel *transcendens*, quo sensu bonum dicitur propria passio entis, vel *predicamentale*, quod toti alicui Categoriz convenit, ut non esse in subiecto substantiæ, æquale esse vel inæquale quantitati, &c. neutrum huc spectat, quia non certæ alicui rerum speciei, sed, vel rebus universis, vel pluribus rerum speciebus unâ cl. se categoricâ contentis, convenit hoc verò proprium, scilicet *determinatum*, est hujus loci, quod certæ rerum speciei convenit, eique vel infimæ, vel subalternæ: & quia species subalternæ eadem est cum genere subalternæ, eoque etiam nomine venit, factum est, ut *Proprium* ei competens dictum sit *genericum*; quod convenit speciei infimæ

*speciei.*



*specificum*, speciatim vocari solet: de utroque hoc tenendum est, quod genericum cum genere, non cum specie infimā, specificum cum specie, non cum individuo, conferri debeat: propria enim sic dicuntur semper ratione subiecti proximi & immediati.

II. *Proprium quarto modo*: determinatum sive genericum, sive specificum, definitur ab Aristotele. l. 1. Topic. c. 5. §. 5. *quod non declarat quidditatem, & tamen soli rei inest & cum ea recipitur*. Non declarat Proprium rei sive subiecti quidditatem, quia nec essentia est ejus, ut species, nec pars essentiae, ut genus & differentia; & tamen soli inest & cum ea recipitur, quia non contingenter sed necessario inest; essentiam enim subiecti, quam non constituit, immediate tamen consequitur ac concomitatur: *reciprocatio* hic intelligitur in casu recto; est enim in Graeco Aristotelis. textu ἀντικατηγορηται, at ἀντικατηγορεῖται distinguitur ab illa reciprocatione, quae dicitur ἀντιπροσέχειν, habetque locum in relatis: quod haec fiat in casu obliquo, dicuntur enim relata aliorum in genitivo, aut alio casu ad aliud referri; at ista, quae hic locum habet, itemque in differentia & definitione, quae cum subiecto recipiuntur, in casu sit recto. Propria sic definita & explicata, dum vulgo statuuntur generum: quaedam immediate dependent & emanant ab essentia subiecti, quaedam existunt in subiecto mediante causa externa: posteriora ex hypothese tantum propria sunt, eaque nunc temporis missa faciemus; Prioris generis propria dupliciter possunt spectari, vel ratione subiecti in quo sunt, vel ratione subiecti in quo non sunt; unde gemina oritur questio, difficilis utraque: si proprium conferatur, cum subiecto in quo est, quaeritur, *utrum ab eo possit separari?* si conferatur cum subiecto, in quo non est, quaeritur, *utrum alteri subiecto, in quo non est, specie diverso communicari possit?*

III. Questio prior, *An proprium à subiecto suo separari possit?* dupliciter potest intelligi, aut de separatione reali, aut de mentali. De utraque distincte est pronuntiandum. Quod attinet separationem realem, dicimus, propria ita immediate dependere à suis subiectis, ut nulla virtute, nec naturali nec supernaturali,

separari ab eis possint, sic ut nec proprium sine subiecto, nec subiectum sine proprio, existere queat. Ratio nostrae assertionis haec est. Quae se habent ut causa emanativa & effectum, ea non possunt, vel ad momentum temporis, à se invicem separari, ne quidem per omnipotentiam divinam: at subiectum & proprietates quarto modo habent se ut causa emanativa & effectum. Ergo, &c. Prob. major. Quae se mutuo ponunt & tollunt, ut uno posito alterum ponatur & sublato tollatur, ea non possunt à se invicem separari, ne quidem virtute divina: at causa emanativa & effectum se mutuo ponunt & tollunt: quod proba, quia causa emanativa sua existentia causat, ita ut, qui ponit eam existere, jam ponat eam causantem; at causare non potest nisi sit causatum; ergo actu ponitur causatum, posita existentia causae emanativae: consequenter se mutuo ponunt: Causam verò emanativam causare sua existentia, inde liquet, quia in eo distinguitur ab activa, quod haec praeter existentiam distinctam habeat causalitatem, actionem scilicet. illus verò causam sit ipsa causae existentia. Si ergo Deus conservare possit causam emanativam ut effectum separatur, jam conservabit causam non causam, quod est contradicens, & Deo indignum: ex hypothese enim quod effectum separatur, non erit causa, cum causa non sit causa actu, nisi causet & effectum producat, effectumque ponatur, si non in esse, saltem in fieri; ex hypothese verò, quod Deus eam conservet in existentia seu existentem, causa erit, cum existere non possit nisi sit causa, quia existentia est ejus causalitas, & qui ponit causam emanativam existere, ponit eam causare. itaque si Deus conservare possit subiectum, quod se habet ut causa emanativa, separatà proprietate, quae se habet ut effectum, quod immediate emanat, jam poterit conservare causam emanativam sine effectum, id est, conservabit causam non causam, quod est contradictorium: at contradictoria Deus facere non potest. Quod verò subiectum & proprietates ita se habeant, ut causa emanativa & effectum (quae erat Minor principalis syllogismi) seu quod proprietates ita immediate fluat à subiecti essentia, ut ab ea emanet, id est, existentia subiecti


subiecti positâ, sine ulla aliâ causalitate, ponatur, dubitari non potest; aut, si quis dubitet, is aliquam actionem, seu mediam causalitatem ab existentia subiecti distinctam, profert, quâ proprium à subiecto producatur. Quomodo ergo Deus conservans essentiam & existentiam subiecti, v. c. animæ rationalis aut corporis, separare potest proprietates, risibilitatem aut quantitatem; cum eo ipso actu, quo essentiam subiecti atque existentiam conservat, etiam conservet proprietates, eo quod ipsa subiecti essentia atque existentia sit proprietatum productio. Unde, qui essentiam atque existentiam subiecti ponit, jam ipsas ponit proprietates productas; qui posterius separat ac tollit, nempe proprietates, & prius tollit, sc. subiectum, necesse est, cum positio subiecti in existentia sit, positio quoque proprietatum in existentia: existentia enim subiecti est existentia priorum, ita ut nihil intercedat medium: nam si aliquid intercederet medium, jam propria non emanarent, sed actione transeunte fierent: Non potest ergo Deus facere, ut existat subiectum, non existente proprietate, aut contra; nisi possit facere, ut idem simul existat & non existat; ergo proprie nulla ratione aut virtute, nec naturali nec supernaturali, separari possunt: quod erat demonstrandum.

IV. Quod attinet ad separationem mentalem cum quaeritur, *utrum hoc modo saltem propria à subiecto suo separari possint?* ad id respondendum est cum distinctione. *Separatio* enim mentalis (quam alii vocant intellectus abstractionem) duplex est: una *simplex* (vulgo abstractio, *præcisionis*), altera *composita* (vulgo abstractio *negationis*). illa respicit simplicem mentis operationem, hæc complexam: cum intellectus, ex iis, quæ conjuncta sunt, unum apprehendit, relictis cæteris, id est, non apprehensis, vocatur hæc mentis actio, *separatio* vel *abstractio simplex*: cum intellectus, ex iis, quæ conjuncta sunt, duo vel plura apprehendit, alterumque de altero negat, unum ab alio separat ac dividit, (negatio enim divisio est, ut affirmatio conjunctio) ista mentis actio dicitur *separatio* vel *abstractio composita*: *separatio* mentis simplex nulli

falsitari obnoxia est, composita falsa est ac falsit. quando separat ea quæ conjuncta sunt: si quis Petrum, qui pater est, concipiat, non concepat paternitate, paternitatem à Petro separat simpliciter, nec falsum committit: At si qui Petrum, qui pater est, concipiat, negata paternitate de eo, is eam separat à Petro separatione composita ac falsum committit. *Propria non possunt separari à subiectis suis separatione mentis composita*: nam qui conciperet animam rationalem & risibilitatem, ut hanc de illa neget, animæ rationalis existentiam ponat, risibilitatis existentiam tollat: is conciperet contradictoria, quia conciperet simul existere animam rationalem & non existere: item risibilitatem existere, & non existere: quia existentia unius est existentia alterius: sic qui conciperet corpus negata quantitate, is conciperet corpus esse & non esse, quantitatem esse & non esse: quia enim se mutuo ponunt ac tollunt, non potest unum concipi existere, ut alterum existere negetur: sed vel utrumque existere, vel neutrum esse, concipiendum est: quod autem se mutuo ponant & tollant, th. præced. demonstratum est, non tantum de iis, sed de omni subiecto & proprio, quia omne subiectum & proprium se habent ut causa emanativa & effectum; *sed an saltem separari possint separatione mentis simplici?* Hic distincte iterum est agendum.

V. Quod spectat separationem mentis simplicem, an ea subiectum & proprium separari possit? hæc quaestio dupliciter intelligi potest: 1. *An subiectum possit concipi non conceptâ proprietate?* 2. *An proprietates possint concipi non conceptâ subiecto?* quæ duo longè differunt. Prius affirmamus, posterius negamus: utrumque explicamus & probamus. Quod prius est natura, potest concipi sine actuali conceptu posterioris, cum in illius conceptu posterius non includatur, itaque posterius potest intellectu separari à priori, quia potest intellectus cogitare prius, non cogitando actu de posteriori: at subiectum natura prius est, q. i. causa: proprium posterius, quia effectum. Ergo potest subiectum intelligi non intellecta proprietate: At proprietates intelligi aut concipi nequit, non intellectu aut non con-





concepto subiecto, sc. suo, cum quo recipiatur, & ratio est, quia subiectum continetur in definitione proprii, ac proinde subiectum est de essentia proprii, si ergo proprium concipi possit non concepto subiecto, res concipi poterit, non concepta essentia rei, quod est absurdum: itaque risibile concipi nequit nisi concepto homine, quantitas intelligi nequit nisi intellecta materia, simitas cogitari nequit nisi cogitato naso: at homo, corpus, nasus, intelligi possunt, non intellectis, risibili, quantitate, limitate: hic enim nulla est contradictio; at contradictio est similitatem cogitari non cogitato naso, aut quodlibet proprium concipere non concepto subiecto: nam ut nasus similitatis, ita quodlibet subiectum proprii sui definitionem & essentiam ingreditur, nam dicuntur de se invicem in secundo modo dicendi per se, teste vel ipso Aristotele l. 1. Poster. c. 4. t. 31. At contradictio est, rem definitam concipere non concepta definitione, ejusque partibus, v. c. hominem concipere non concepto animi aut rationali: id enim est concipere hominem non hominem. Ergo si subiectum sit de definitione proprii, impossibile etiam est concipere proprium non concepto subiecto: esset enim concipere proprium non proprium. Si dicas, nullum fore discrimen inter proprium & differentiam essentialem ac specificam, sic hæc sententia sit vera, quia ut differentia talis non potest concipi non concepto subiecto, de quo dicitur (quod constituit ac specificè distinguit) ita & proprium. Respondeo, discrimen illud adhuc superesse, quod subiectum concipi possit non concepta proprietate, ut homo non concepta risibilitate, at non potest concipi non concepta sua differentia essentiali & specifica (quæ in certa specie collocatur, & ab omni alia specie distinguitur) ut homo non potest intelligi non intellecta rationalitate; & causa est, quia differentie essentielles conveniunt rebus in primo modo dicendi per se; at proprietates in secundo, ut ex Aristotele statim diximus.

*Altera questio de Proprio proposita est, re-*

*spectu subiecti in quo non est: ac quaeritur; an alteri specie diverso, in quo non est, communicari possit?* Respondeo, planè non posse, ne quidem per potentiam divinam, idque ob rationem thes. 3. assignatam: quod probao. Si propria emanant ab essentia subiecti, ita ut se mutuo ponant, ergo si proprietates poni possint in alio subiecto, etiam subiectum ipsum proprietatis in alio subiecto poni debet: si v. c. quantitas possit communicari spiritui, ipsa corporeitas seu esse corpus subiectum quantitatatis, spiritui communicari debet: quia ex arctissima connexionione, quæ est inter causam emanativam & effectum, non potest fieri, ut alibi sit proprietates, v. c. quantitas, quæ est effectum, & alibi, ac non ibidem, subiectum, v. c. corpus, quod est causa emanativa; ita ut, qui dicunt proprietatem communicari subiecto specie diverso, dicant proprietatem non proprietatem, quæ est contradictio; quam sic ostendo. Omne quod communicatur est commune: quod commune est, proprio contradistinguitur; contradistinctum autem sui contradistincti negationem includit, & sic communicari vel commune esse, dici nihil potest, nisi prius dicatur non proprium: ergo si proprietates hujus subiecti communicatur illi subiecto specie diverso, est proprietates non proprietates; proprietates, quia emanat ab hoc subiecto; non proprietates, quia communicatur alteri: quæ est contradictio manifesta. Proprium & commune esse opposita, negari nequit; opposita includere negationem mutuam, extra omne est dubium: jam argumentor ad hominem. Nullum proprium est commune, quia sunt opposita; major hæc est ex concessis: quoddam proprium est commune: minor est ex hypothesi adversæ partis: Ergo quoddam proprium non est proprium, quæ est contradictio in adjecto: videant ergo adversarii, quomodo Deum & se à contradictione liberent, qui affirmativam hujus questionis tuerent. Plura argumenta, quia & temporis & chartæ angustia adferre vetat, alias fortasse persequemur.

Q U I N T A.

D E

R E L A T I O N E.

# T H E S I S I.

**D**E *Relationibus* tam utilis est doctrina, ut nulla ferè sit per univerſam Philoſophiam, quæ ei anteponi poſſit: ſed enim tam miſerè ac ſæcè à Scholaſticis ac tanto terminorum & vocum barbararum involucre pertractata eſt, ut ſi quid ſit horridum atque intricatum, nihil tamen hac doctrina horridius atque intricatius reperiatur, atque vel *Delio* natatore, vel *Oedipo* aliquo ſit opus ad eam aſſequendam: præterea tam multa diſputantur de Relatione vana atque inania, ut qui contemplandis iis operam ac tempus locat, nec temporis nec operæ præmium ferat: ne dicam nunc, periculoſas in fide conſequentias, ex hac doctrina non ſatis prudenter ac dextrè tradita, à multis educi; quare non malè nec inutiliter egerimus, ſi relationum doctrinam ac relationum naturam perſpicuè breviterque expoſuerimus, erroribus obiter notatis, ac præfertim iis, qui aliorum in rebus aliis errorum ſunt fontes ac cauſæ.

II. *Relatio nihil est*, quam *χρεις* unius ad aliud: quæ *χρεις* istam habent, dicuntur *πρὸς τι*, quasi dicas, ut id expriment nonnulli barbæ quidem fed significanter, quæ sunt *ad aliquid*: Latini *relata* vocant, quia referuntur ad aliud: *Relata* ab Aristotele sic definitur, cap. 7. Categ. text. 1. *πρὸς τι δὲ τὰ πρὸ αὐτῶν λέγονται*, ὅσα αὐτῶν, ἀπὸ ἐστίν, ἐπὶ τῶν εἰνῶ λέγονται, ἢ ὁπῶσεν ἀλλὰς πρὸς ἐτέρην. Quod ita vertit *Pacius*; *Ad aliquid ea dicuntur, quæcumque id quod sunt, aliorum esse dicuntur, vel quæcumque* alio modo *ad aliud referuntur*. Quando *Relata* dicuntur esse *aliorum*, primo significatur relationem non consistere nisi inter

duo, secundo relata referri ad aliud in casu genitivo quando additur: *vel quovis alio modo*, indicatur, non tantum hoc fed etiam alio casu quocunque, relata ad aliud referri: sed præsertim notari debeat versus istæ, *om̃a dicitur, dicitur isis*, id est, *que quatenus sunt, hoc quod sunt*, atque ea ipsa voce, qua nuncupantur, dicuntur esse aliorum: sic, ut unum proferamus exemplum, Pater relatum est, non quia dicitur filii autor, causa aut aliud tale, sed quia & quatenus dicitur illius pater: at quæ dicuntur aliorum, non tamen hoc quod sunt, relata non sunt: ita v. c. cæcitas dicitur visus, non *om̃a dicitur*, non hoc quod est, non visus cæcitas, sed privatio, ideoque nec relatum est.

III. In omni relatione duo requiruntur tam necessario, ut sine iis Relatio non sit, *sub-  
jectum & terminus*; quod vel ipsa relationis  
definitio evincit: Relatio enim est habitudo  
unius ad aliud unum, istud est, *subiectum, aliud  
terminus*. *Subiectum* est illud quod refertur,  
*terminus* illud ad quod refertur *subiectum*: sub-  
iectum est res absoluta ut & terminus: sed  
quando *subiectum* consideratur cum *respectu*  
illo ad aliud, vocatur *relatum*; cum *terminus*  
consideratur cum *respectu* illo quo ad se re-  
fertur subiectum, & contra ipsum refertur ad  
subiectum, vocatur *correlatum*: unde vulgo  
definiunt, *subiectum est cui relatio inhaeret: ter-  
minus, cum quo subiectum in relatione compa-  
ratur*: & hinc orta est distinctio illa inepta &  
insulsa inter *esse in* & *esse ad*, qua omnes fere  
Scholastici uti solent, quae non tantum ob ver-  
borum barbariem sed & ob sententiae vitium  
repudianda est: nam *non esse in* potuissent Lati-  
nius dixisse, inesse, & *non esse ad*, referri ad  
aliud:



aliud: deinde *non esse in* vocant id quo relationes more cæterorum accidentium inhaerent subjecto; *non esse ad*, id, quo relatio terminum respicit: at verò relationes totæ consistunt in respectu & in ordine ad aliud, nec quicquam aliud involvunt in essentiali suâ præter respectum ad terminum: quare ineptè dicitur ac falsò, relationes more accidentium cæterorum inesse subjectis, cum subjecto tantummodo attribuantur: voces quippe relativæ non significant aliquid quod subjecto propriè ac per se inest, sed tantum declarant, quomodo subjectum se habeat ad terminum: neque enim Pater significat aliquid, quod humanæ naturæ propriè & per se inest, sed quomodo ille, qui sic dicitur, se habeat ad filium.

IV. Ut in omni relatione necessariò duo referuntur, ita omnis *relatio gemina* est, unde vulgo dicuntur relata *α'ντιπεδιαδου*, hoc est, inter se reciprocari, seu, ad se invicem ultrò citroque referri, adeo ut utrumque dicatur esse alterius, & utrumque relatorum suâ propriâ relatione referatur ad alterum: itaque errant illi, qui una eademque relatione volunt utrumque relatorum ad alterum referri: hoc enim falsissimum est: nam relationis essentialis in eo sita est, quod quippiam ad aliud aliquo modo se habeat: *ὡς πα'τερς ἢ υἱὸς ἔχειν*. atqui pater non eodem modo se habet ad filium, quo filius ad patrem; ergo non eadem est relatio, qua referuntur ad se invicem: atque ex hisce ulgo sequitur, *omnia relata esse mutua*, & nullas dari relationes non mutuas; quod vero quædam relata dicantur non mutua, inde est, quod ob vocabulorum inopiam geminatio non appareat, nec in relatis nec in relationibus: itaque quæcunque relata non mutua dicuntur, nomine tenus tantum, non reipsa sic dicuntur: neque aliud colligi potest ex *Aristotele*, quam relationes aliquas non mutuas videri ob vocabulorum defectum, qua causa *Aristoteles* nobis jubet capite citato *ὁνομαζομενῶν*. videatur *cap. 7. Categ.*

V. In mutua relatorum ac relationum habitudine, quod in una relatione relatum est, id in altera semper est correlatum, & contrà: & ut relatum se habet ad correlatum, ita subjectum se habet ad terminum: itaque quod est,

unius relationis subjectum, id est alterius terminus. Quæri hic solet, *an præter subjectum & terminum requiratur in relatione fundamentum?* *Fundamentum* verò vocant, quo mediante relatio in subjecto oritur atque existit. *Respondemus* in aliquibus relationibus, in aliis non item, hoc requiri: sunt enim duum generum relationes, quædam in subjecto provenientes, posito solo terminum in existentia, nullaque causa alia requisita, sic in ovo oritur relatio similitudinis, posito quod alterum ovum existat eadem qualitate prædium, nec quicquam aliud requiritur: sunt aliae quædam relationes, quæ non oriuntur in subjecto, posito solo termino, sed requiruntur insuper aliud in subjecto atque in termino, quo mediante proveniant, ut sunt v. c. dominium & servitus: hoc, quod requiritur, vocatur fundamentum: & requiritur non tantum in subjecto, sed & in termino: terminus enim unius relationis est subjectum alterius: imo, quia terminus, ideo subjectum est: itaque indiget fundamento non solum, quâ oppositæ relationis est subjectum, sed & quâ terminus: atque hinc videre est communem fere errorem, quo omnibus relationibus promiscuè fundamentum tribuunt Metaphysici ac Logici: at verò quodnam est fundamentum, distinctum à subjecto, ut esse illis censetur, relationis, qua vel duæ horæ aut lineæ æquales, duo colores aut figure similes dicuntur? quodnam est fundamentum earum relationum, quæ Deo, vel quæ duabus substantiis ejusdem generis aut speciei immediatè tribuuntur? profectò si quædam relationes manent quasi de essentiali subjecti, termino posito, quid opus est fundamento? Frustra fit per plura, quod potest fieri per pauca: ergo *Falsum est in omni relatione requiri fundamentum diversum à subjecto & termino.*

VI. Non subsistit hic communis Philosophantium error, sed progressus est ulterius: qui in omni relatione fundamentum exigunt distinctum, ut sunt subtiles distinguendi artifices, distinguunt inter *fundamentum & rationem fundandi*. Fundamentum vocant, quasi causam relationis: rationem fundandi, ejus quasi causalitatem, sc. paternitatis fundamentum illis est potestas generandi: ratio fundan-

H 2

di ipsa

di ipsa generatio: verumenimvero ista signa sunt citra necessitatem excogitata. Fundamentum definitur, id quo mediante relatio subiecto competit: ideoque posito fundamento, cum est, necessario ponitur relatio: itaque fundamentum sine ratione fundandi, quam vocant, *ne fundamentum quidem fuerit*: eo enim tantum posito, non posita ratione fundandi, relatio nondum ponitur ex illorum sententia: non est ergo id fundamentum vocandum, quod illi vocant; sed ipsa ratio fundandi, est fundamentum relationis: *potestas* illa, quam fundamentum illi vocant, fortasse vocari possit *conditio sine qua non*: at fundamentum, nec dici nec esse potest.

VII. Atque hæc nobis esse videtur genuina relationis ac ratorum explicatio: unum adhuc restat paulo ulterius inquirendum, quod, ad relationis ac ratorum naturam cognoscendam penitissimè, multum facit: scilicet. *Quid sint relationes? utrum sint ens reale an nihil?* Respondemus, relationes, quæ relationes, nec esse ens reale, nec nihil. Quod non sint ens reale, inde probatur, quod cum subiecto, qui adduntur, non faciant veram compositionem, nec ortu suo aut recessu ullam faciant in subiecto mutationem: nulla certe est compositio in hora aut linea, cum alteri horæ aut lineæ dicitur æqualis, nulla mutatio in ovo, cum alteri ovo alibi genito simile incipit esse, aut in Petro cum alteri homini idem esse dicitur in natura humana: oriuntur quidem multæ relationes aliqua mutatione: sed ea mutatio vel est in termino, vel si mutatio est in subiecto, relatio est posterior mutatione, utpote ex qua suo modo oritur atque resultat: neque res mutatur, quia sit relata, sed sit relata, quia mutatur. Ex hisce sequitur, omnibus omnino rebus, etiam Deo, relationes tribui tuto posse: nec metuenda est hic ulla in Deo aut compositio aut mutatio, quæ infinita Dei perfectione foret indigna: nam relationes non component nec immutant, cum adveniunt, ut jam ostendimus: non etiam perficiunt subiectum cui attribuuntur, quod intelligi debet de relationibus ut sic: nam quod quædam

relationes videantur perficere subiectum, hoc fit ob fundamentum, aut formam aliquam ac perfectionem absolutam, quæ simul cum relatione ex fundamento oritur, ac relationem comitatur: at nihil est, quod perfectiorem aut beatiorum possit efficere Deum accessu suo.

VIII. Sed si relationes non sint entia realia, nec quicquam perfectionis addant subiecto, videntur prorsus esse nihil: sed respondemus id non sequi, neque eas esse nihil, nam licet subiectum non perficiant ut formæ absolutæ, referunt tamen subiectum ad aliud: quod non est omnino nihil: si relationes essent purum nihil, non possent inter se distingui: at distinguuntur, quia aliter se habet pater ad filium quam dominus ad servum: qui putant hoc discrimen oriri à fundamento, illi primum omni relationi fundamentum tribuunt quod jam refutavimus thes. 5. deinde licet relationes omnes à fundamento provenirent, non tamen relatum hoc aut illo modo se haberet ad correlatum per fundamentum, sed per relationem ipsam: atque hoc satis est, ut relatio, quatenus à fundamento distinguitur, non sit prorsus nihil: qui relationum discrimen referunt ad subiectum & terminum, quæ connotantur, non tamen evadunt nostri argumenti robur: imo id confirmant potius: nam si relationes, subiecti & termini connotatione, differant aliæ ab aliis: jam ipsæ relationes, qua tales, differentias istas subeunt, quia qua relationes subiectum & terminum connotant ex definitione relationis th. 2. allata: illa certe connotatio non est nihil: præterea nihil non potest connotare ens: & ubi nihil incipit connotare ens, jam sit aliquid: & si relatio foret nihil, sicut una res potest differre ab alia per connotationem relationis, ita posset differre per connotationem à nihil: at hoc non est: ergo relatio non est nihil. *Quid tandem fuerit igitur relatio? respondemus*, medium esse inter ens reale & nihil, non participatio nis sed negationis, qualia dari præter relationem, alias cum occasio sese offeret, ostendimus.

## Disputationum ex Philosophiâ selectarum,

## S E X T A.

## D E

## ORTU ANIMÆ RATIONALIS.

## T H E S I S I.

**I**Nter difficillimas, quæ à Philosophis agitari solent, quæstiones, non infimum tenet locum de qua nunc institimus disquisitionem: sc. *Utrum dixerit à Deo corpori humano infundatur per creationem, an vero à parentibus una cum corpore in liberos propagetur per generationem, Anima humana?* hæc difficultas Maximo inter Patres Latinos *Augustino* visa est tanta, ut *inter* voluerit ac scripserit, *Epist. 157. non est periculum, si origo animæ laeset, dummodo redemptio clareat.* Verum enim vero cum in controversiis multis Theologicis, Juridicis, Medicis; & in aliis casibus multum expedit, firmam tamen aliquam de ortu Animæ rationalis sententiam tenere, non erit præter rem in hoc negotium inquirere, præsertim cum de eo scripserint tot Viri præclari, quos tanquam cuius notos non nominamus, ne Authores citando chartam impleamus: duæ igitur sunt classēs opinionum quas de ortu animæ humanæ sustinent Viri docti; quidam creari, alii generari eam volunt: neque enim sunt alii modi quibus substantia possit produci præter creationem & generationem. Nos priorem amplectimur, posteriorem rejicimus.

**II.** *Qui animas humanas oriri per generationem. & à parentibus in filios propagari ac traduci existimant, putant istam propagationem fieri vel per multiplicationem aut divisionem substantiæ ipsius animæ, vel productionem animæ ex aliquo semine:* nam qui traduci quidem animam statuunt, modum tamen non explicant, nec explicari posse contendunt, ii non satisfaciunt accuratiori indagatori. *Si dicant, Animam rationalem filii esse traductam ab anima Patris per ejus divisionem & quasi diminutionem; jam divisibilem facient ani-*

*mam rationalem, consequenter & materialem; quod indivisibili & immateriali ejus naturæ repugnat: deinde si animæ substantia cum semine, ex quo fit homo, decidatur ac dividatur, cur non etiam, abscisso capite aut alio membro, dividitur & deceditur? Præterea, quæri potest, an in parentibus *πολυτικῶς* non imminuatur tot sui partibus decisis ac divisis anima? Tertio, quæri potest, an à solo Patre vel Matre sola hæc prolis anima decidatur ac dividatur? si ab unius tantum parentis anima; à cujus? Patris an Matris? si ab hujus vel illius tantum anima, cur non ab alterius quoque, cum utriusque anima æquè sit divisibilis? si ab utriusque Parentis anima per sui divisionem anima sobolis propagetur, unde petetur sexus ratio? fortasse, quia ab alterius parentis anima plus fuerit decisum ac divisum. Quam absfona hæc sint & inepta, nemo non videt.*

**III.** *Si dicant, animas propagari & traduci per sui multiplicationem, dum anima parentum aut parentis gignit aliam sui similem in prole, quæ est Traducendum probabilior opinio, explicent mihi, cur anima rationalis magis possit sic multiplicari quam Angelus? sunt enim anima rationalis & Angelus, quoad substantiam, ejusdem generis ac naturæ: nempe substantia per se subsistens, immaterialis, spiritalis: unde & spiritus, tam hic, quam illa, nominatur: idcirco tam anima nostra intelligit & vult quam Angelus: utrobique par ratio est; ergo etiam sicut Angelus non producit alium Angelum, etiam neque anima nostra producet aliam animam, est enim & hic utrobique eadem ratio. Cur enim Angelus ex Angelo non propagatur? Quia est substantia per se subsistens, immaterialis,*

spiritualis, consequenter quæ transmutationem non paritur: At talis etiam est animarationalis: ergo etiam, si Angelus, nec generetur, nec generet sui similem per multiplicationem essentia, nec de anima rationali id dicendum est.

IV. Sed ulterius sententiam istam incommis urgemus: Actio ista multiplicationis, quæ anima animam generat, rationalis sc. rationalem, vel naturalis est, vel voluntaria: si naturalis, qui sit ut anima rationalis intellectu & voluntate prædita se ipsam multiplicet nec volens, nec sciens? si voluntaria, ergo sterilitatis causa erit sita in voluntate, quia anima non vult se ipsam transfundere & multiplicare. Et quomodo in hominibus nequam, adulteris puta, sequitur sæpe fecundatio, cum eam maximè nolint? Præterea semper fieret conceptio, cum vellet anima Parentis: ac hoc non fit; tertio illa multiplicatio animæ rationalis, quæ producitur in sobole, aut fit à parente utroque, aut ab altero tantum; utrumvis dicatur, redit difficultas mota th. præced. circa animæ rationalis traductionem, per divisionem. Speciatim, si ab utroque parente est anima prolis per multiplicationem, quomodo fiet unio duarum animarum masculæ & feminæ in unam substantiam & in unum sexum? explicet si possint. Ad hæc sequitur, 1. Unum numero effectum, animam sobolis, produci à duabus causis totalibus ejusdem speciei non subordinatis, sc. ab anima Patris & Matris, quod contra veritatem est, & quorundam judicio, vel Deo impossibile. 2. Ex duobus actibus fieri unum per se: sc. anima Patris actus est: anima Matris item: ex hac utraque, una fiet per se anima sobolis, quod contra axiomatis recepti veritatem quoque est. Denique si anima parentis, sive unius, sive utriusque, producat animam liberorum multiplicando se, aut in semine hoc facit, aut extra semen: si in semine, jam semen erit apimatum animæ rationali: quod si non est absurdum, cur non & sanguis sic dicatur animatus? & cur non utrumque homo? aut aliud entis actum animati animæ rationali genus præter hominem constituitur. Deinde si in semine se multiplicet anima, vel semen aliquid

confert ad istam animæ multiplicationem, vel nihil: si aliquid, jam anima rationalis in ista sui multiplicatione, tam activa tum passiva, in suo fieri, aliquo modo dependebit à semine: at hoc est absurdum, quia sic non foret immaterialis: tum quod in sui productione dependet à materia, sic ut illa aliquid conferrat, est materialis & nulla causa est, cur anima, quæ non dependet in operando, in intellectione & volitione, à commercio materiæ, dependeat in fiendo? Si nihil confert semen ad istam animæ rationalis multiplicationem, frustra in semine fieri dicitur: quod dicant fortasse requiri semen, non quidem per modum causæ aliquid conferendo ad animæ multiplicationem, sed saltem per modum subiecti, animam, dum se multiplicat, sustentans, ineptum est. Nam anima sicut non est accidens, nec indiget subiecto in operando, nec in essendo, multo minus in fiendo: si extra semen se multiplicando anima animam producat, jam anima rationalis filii ab anima rationali parentum creabitur; quod probo: quia hæc illam producit, & ex nihilo subiecti & ex nihilo termini. nam nihil animæ filii præexistit, & nullum præexistit subiectum, quia extra semen anima parentis se ipsam multiplicando alteram sobolis producere supponitur: ergo fuerit creatio: at illa non est finitæ virtutis. Quid multis opus est? Si anima rationalis una aliam producat se multiplicando extra semen, jam saltem fit ex nihilo subiecti, quia semen nec subiectum est ex quo educitur anima, nec eam productam constituit, nec ipsa anima Parentis est subiectum ex quo educitur anima filii, quia quod educitur ex alicujus subiecti potentia, in eodem recipitur & existit: sed anima non recipitur nec existit in anima parentis: ergo. Deinde anima patris non est pars constitutiva animæ filii; alioquin animæ filiorum puniri possent pro actualibus peccatis omnibus parentum quia eorum animæ, cum peccata committerent, pars fuisset animæ liberorum. Præterea fit ex nihilo termini, quomodo cumque hæc phrasissumatur; quia semen non potest esse aliquid termini ad quem ipsius animæ rationalis, si extra semen producatui sui multiplicatione: nec potest dici semen terminus à quo illius

muta-

mutationis qua producit anima rationalis, quia terminus à quo adveniente termino ad quem perit: at semen adveniente anima rationali adhuc manet: nec potest ipsa anima parentis dici aliquid termini ad quem animæ rationalis in filiis, quia sic eam constitueret, & ipsa à seipsa post generationem foret divisa: nec potest dici terminus à quo in mutatione ista qua producit anima filii, quia, ut jam dictum est, terminus à quo perit producto termino ad quem; at anima parentis non perit producta anima sobolis: ergo, cum nihil subjecti nihilque termini præexistat, fuerit creatio ista animarum multiplicatio, quod est absurdum.

V. Nonnulli animas sic traduci ac propagari volunt, ut nec multiplicentur nec dividantur, sive in sive extra semen: sed ut producantur ex aliquo semine: & quidam statunt hoc semen esse spirituale *ψυχικόν*, alii esse corporeum *σωματικόν*. Qui traducem explicant per productionem animæ ex semine *ψυχικόν* spirituali, ii tertiam quandam spiritus creati speciem agnoscere coguntur, præter angelum & animam rationalem, nam neque angelum esse volunt neque ipsam animam rationalem parentum, sed tertium quid ab angelo & anima rationali utriusque parentis distinctum: at hoc absurdum est, & otiosa est subtilitas, in tertio spiritus genere excogitando. Deinde illa spiritualis seminis substantia, aut sit ex aliqua materia corporea: & hoc non, quia ipsa posita spiritualis substantia: aut ex anima parentis: eaque vel tota, & hoc non, quia sic anima parentis tota evanesceret, & in spirituale semen converteretur: vel ex parte; & sic divisibilis foret, una parte in hoc spirituale semen conversa, altera non item: aut ex nihilo; & sic foret creatio: non addo plura absurda, quæ hinc sequuntur. Si semen hoc statuant, ex quo producit ac traducitur anima rationalis, corporeum & *σωματικόν*, jam animæ rationalis productio eriteductio ex potentia materiæ, proindeque in suo fieri dependebit à materia, quod quæ ratione consistat cum illius essentia immaterialitate, spiritualitate, addo & immortalitate, illi viderint: certe ut est in operando inorganica & *ἀνυψή* anima, ut in ef-

fendo, multo magis in fiendo: ut immortale ex mortali, spirituale ex materiali, simplicissimum ex mixto, oriri possit, naturæ viribus, quis est Philosophorum qui concipere valeat? etiam si subtilissimam quis materiæ in semine puritatem imaginetur ac somniet, quamdiu materiam aliquam concipit in semine, ex quo produci dicunt animam, ego quidem quomodo tueri queant ejus essentiam spiritualem, immaterialem, immortalem, equidem non video, quicquid dixerint aut distinxerint. Manet hoc: Forma, quæ ita dependet à Materia, ut per concursum causæ materialis producatur, illa est materialis: at anima rationalis, si producat ex semine, si ex seminis potentia educatur, ita dependet à Materia ut &c. ergo est materialis. Ita quidem omnes modos traducis animæ rationalis in specie examinavimus & refutavimus.

VI. Nos ergo per creationem esse & oriri animas humanas censuimus, & creationem factam à Deo, non ab Angelis, ut ex Veteribus nonnulli somniarunt: nam virtus creandi nulli convenit præter Deum: est enim infinita: creare enim est agere in nihil; ipsum autem nihil cum sit infinitum, continens totum non esse, nulla res potest habere vim & efficaciam in illud, nisi ea sit infinita, continens in se excellenter totum esse: creantur ergo animæ à solo Deo, non tamen ex ejus substantiâ vel essentia, ut ex Veteribus quoque nonnulli inepierunt: quia Dei essentia aut substantia nullius rei forma esse potest; sic enim alicujus creaturæ essentiam ingrederetur ut pars: at anima rationalis forma hominis est: ergo, &c. Non sunt vero anime create simul & semper, nec una post aliam ex animabus creatis, nunc hæc, nunc illa, corpori inditur, quæ sententia Platoni & Origeni adscribitur: sed formato corpore demum & creantur & infunduntur: quo illud fiat tempore, non disquirimus; tertio die à conceptione organizatio potest esse perfecta, ut quidam existimant: etiam tamen si quadragesimo aut alio demum die ea peragatur, tunc animas quoque à Deo effici & corporibus singulas infundi existimamus, sed de tempore licet non facimus nostram; neque ad institutum nostrum facit. Id nobis sufficit animas



animas à Deo creari, quocunque id fiat tempore. Creationem animarum confirmat quod si non necessariò, saltem probabiliter, Adami & Evæ animarum rationalium creatio, in his enim Deus specimen edidit quid in aliorum hominum productione facturus esset perpetuo. Quod Adversarii excipiunt, in primis parentibus necessariam fuisse creationem quia nihil existeret, per quod propagatio naturaliter fieri poterat: Resp. ideo argumentum non habet necessariam vim probandi universaliter omnium animarum creationem; sed tamen animadvertendum est; Primò, Adami animam materiæ ante præparatæ extrinsecus infundi, cæteras autem animalium animas in & cum materia concretas fuisse, cujus ordinis alia idonea ratio non est, quam ut Deus ostenderet in hominibus aliam cor-

poris aliam animæ esse originem, at in brutis esse eundem utriusque ortum. Secundò, universi pulchritudinem & symmetriam postulare, & cum inferiores creaturæ primævæ & ordinaria virtute sese multiplicent, omnium creaturarum dominus non sine speciali operatione & auxilio supremi Domini generaretur: Itaque probabilis saltem est probatio à creatione animarum Adæ & Evæ ad creationem animarum aliarum. Qui plura desideret pro creatione animæ rationalis argumenta, videat ex Theol. Zinck. de operib. creat. l. 2. c. 1. *Iun. in Genes. c. 2. Thom. Aquin. 1. part. sum. quest. 90. art. 2. & ibidem commentatores: ex Philosoph. Controv. l. 1. de an. c. 1. quest. 3. Tolet. ibid. quest. 17. Ruviium, aliosque plures ibidem. item Baron. Philos. Theol. ancill. exerc. 2. &c.*

## Disputationum ex Philosophiâ selectarum,

### S E P T I M A.

## DE CONCURSU DEI.

### T H E S I S I.


SI quid in Philosophiâ universâ arduum est ac difficile explicatu, Concursum est divinus, in quo explicando tam fuit à Philosophis laboratum & sudatum, ut nullibi magis: & quod amplius est, sicubi erratum fuit periculose, hic quàm maxime: quare omnino meretur hæc materiæ feligi, ut fideliter ac juxta veritatem explicetur, præsertim, quod dextrè & rectè intellecta insignem habeat usum. Queritur, *An Deus causa prima vere cooperetur seu concurrat in agendo cum creaturis causis secundis.* Seu, *An causa secundæ aliquid agere possit, independentè à Deo, ut causa prima non concurrat ad actionem, effectivè, proxime, immediate?* Duæ hic sunt sententiæ oppositæ: una tenet, causas secundas per se solas sufficientes esse ad actiones suas eliciendas, nec Deum ad actiones istas concurrere. Hæc sententia defensâ fuit olim à Durando Scholastico reali, sed nec Thomi-

sta, nec Scotista, verum utriusque adversario: hic putavit, causas secundas per se effecta sua producere, nec cum illarum operatione causam primam aliter concurrere, quàm causas secundas ipsas, & agendi vim primò à creatione aut generatione illi inditam, conservando: vid. ipsum in lib. 2. *Pet. Lombardi, sententiarum Magistri, distinct. 1. quest. 5. Durandi* sententiam amplexus est hoc seculo *Nicolaus Taurinus in lib. de rerum æternitate & triumpho Philosophiæ*, nisi quod hic præter concursum divinum etiam insuper iustulerit Dei conservationem: & nuperrime ante annos novem prodiit *Monachus* quidam *Capucinus Burgundus*, qui hanc *Durandi* sententiam magno molimine & ingenti volumine adstruere conatus est: imò ait, hanc sententiam *Durandi* esse unicum medium ac remedium tollendis litibus idoneum, quæ tot jam annos inter *Dominicanos & Jesuitas* agitan-



is  
ai-  
u-  
&c  
m  
oe-  
re-  
à  
o-  
le-  
n-  
2.  
rt.  
to-  
i.  
gne  
ill.

fa-  
cta  
one  
am  
mò  
on-  
ar-  
5.  
cu-  
ni-  
hic  
per  
me  
ui-  
an-  
nti  
anc  
ac  
uaz  
sat  
an-



gantur, de ratione concursus divini, de scientiâ mediâ, de naturâ libertatis, &c. *Altera* sententia, opposita huic, statuit Deum causam primam, actu & reverâ ac per se proximè & immediatè concurrere ad operationes causæ secundæ: itaque ex hac sententiâ, Deus non tantum permittit creaturam agere, non tantum vires concedit ac conservat ut agat, sed & ipse agit, efficit, efficaciter concurrit, cooperatur. Et cum hujus sententiæ authoribus nos facimus, ponimusque hanc thesin: *Deus concurrit ad quamlibet causarum secundarum operationem, sic ut immediate ac per se influat in omnem actionem creaturæ; consequenter, in omnem effectum: estque Deus immediata, principalis, totalis causa actionis & effectus æque acque causa secundæ.* Quam sententiam primum explicabimus, tum probabimus.

II. Multis modis aliquid dicitur causa actionis: I. quia triuit agenti virtutem operandi: quo sensu nonnullis Philosophis gravia & levia dicuntur moveri à generanti, quia generans communicat eis gravitatem & levitatem, quibus moventur. II. quia conservat virtutem, quâ aliud operatur: quo modo Medicinæ & herbæ dicuntur causæ visionis, quia conservant potentiam videndi. III. quia est instrumentum alteri in agendo interveniens: hoc modo securis causa est sectionis in ligno. IV. quia aliquid saltem confert in agendo, licet non totam actionem producat, ut sunt causæ partiales: sic duo equi trahunt navem. V. quia ad agendum impellit, adhortatur, suadet, objecta proponit, quæ est causa moralis. VI. quia applicat activa passivis: quo sensu, qui apponit ignem domui, dicitur eam comburere. VII. quia influit in effectum & actionem immediate, conferens illi non tantum verum esse sed & totum esse in suo genere & ordine Deus causa est actionis causæ secundæ primo & secundo modo, quia causam secundam ac virtutem operandi in eâ creavit & utramque conservat: causa enim secunda est ens per participationem: ideoque, quicquid habet essentiam, agendi potentiam, &c. habet ab alio; & à quo, nisi à Deo? porro non est in causæ secundæ potestate, ut quæ jam est & agendi potentiam habet, cras aut alio tempore sit eandemque

habeat: si enim creatura sibi dare possit, ut cras sit, & eandem cras habeat potentiam agendi, quam nunc possidet, quidni possit sibi dare, ut semper sit & semper istam agendi potentiam habeat? atqui hoc est absurdum: Ergo quod causa secunda in esse perseveret eandemque habeat alio tempore agendi potentiam, quam nunc habet, est ab alio; & à quo, nisi ab eo qui primum eam fecit? Deum itaque esse causam actionis causæ secundæ, I. & II. modo extra omne est dubium: sed causa est tantum per creationem ac conservationem, necdum per cooperationem aut concursum: ut enim sic sit causa actionis causæ secundæ, aliquid amplius præter virtutis agendi in causâ secundâ creationem ac conservationem requiritur, ut th. 5. probabimus. III. modo, Deus nequaquam est causa actionis causæ secundæ, quia quoties Deus est causa, nunquam est instrumentalis, sed semper principalis. IV. modo, Deus neutiquam est causa actionis causæ secundæ, quia aliquam tantum partem actionis produceret, & reliqua pars actionis fieret à causâ secundâ sine influxu primæ, quod utrumque est absurdum: & imperfectio foret in Deo, dicere, quod sit causa in agendo partialis: est enim totalis. V. & VI. modo, Deus non est proprie causa actionis causæ secundæ, quia sic tantum foret mediata; at Deus immediata est causa cum agit. Restat ergo VII. modus, ut Deus sit causa actionis causæ secundæ; quatenus in eam vere ac principaliter influit, eique totum esse immediate tribuit, & hoc est quod vocamus, Dei concursus seu cooperationem.

III. Deus in concurrente causa est actionis causæ secundæ: *Principalis*, quia non est necesse ejus virtutem aliunde excitari: *totalis*, quia in suo genere & ordine totam actionem producit: causa secundæ attingit sine ullo medio. *At*, dices, *Causa prima operatur mediis secundis, ergo earum actiones & effectus non attingit immediate.* Respond. Deum agere mediis causis secundis, nihil est aliud, quam, Deum admittere concausam, vel causam sociam, & consortium alterius agentis, quod nihil impedit, quo minus omnes secundarum

causarum actionis atque effecta immediate attingat. Quod ut intelligatur, explicandum est, quomodo aliqua causa, & Deus, dicatur agere immediate, alia mediate: *causa dicitur agere, vel mediatè, vel immediatè, tum quoad suppositum, tum quoad virtutem*: illa causa agit immediate immediatione suppositi, inter quam & effectum seu rem patientem nullum aliud suppositum singulare per se subsistens interjectum est, quo pacto aqua manum abluit refrigeratque: contra mediatè agit causa mediatione suppositi, inter quam & effectum seu rem quæ patitur aliud cadit suppositum, ut inter sabrum & statuam securis. Illa causa agit immediate immediatione virtutis, quæ agit per virtutem sibi propriam, & non, ut ageret, mutuo acceptam: quo pacto ignis calore suo, sibi proprio, & ad calefaciendum non aliunde commodato, aquam calefacit: contra mediatè mediatione virtutis, quæ per virtutem, non suam aut sibi propriam, sed aliunde acceptam ac commodatam, operatur, ut cum luna lumine à sole mutuatitio terram illuminat, aut aqua calida manum calefacit: virtus illuminandi, non lunæ, sed solis, media est inter lunam illuminantem & illuminationem, quæ virtus quia alterius est corporis, dicitur luna illuminare mediate mediatione virtutis, id est mediante virtute solis: sic aqua calefacit mediante virtute ignis, unde dicitur calefacere mediatè mediatione virtutis: Deus cum quovis agente creato concurrat immediatè, immediatione, tum virtutis, tum suppositi: virtutis, quia agit propriâ virtute non aliunde commodatâ suppositi, quia per suam substantiam rem attingit, ipsa enim Dei substantia ejus est virtus. Sed enim dicit quis, ex hac explicatione sequitur, nullam causam secundam agere immediate immediatione virtutis, quandoquidem omnis cause secundæ virtus à prima est quasi mutuo accepta, commodata, & communicata. Resp. Certè nullum agens creatum agit immediate immediatione virtutis, si per virtutem immediatam intelligas omni modo independentem & nullo modo aliunde acceptam: sed si intelligas virtutem, licet à Deo acceptam & dependentem, causæ tamen secundæ ingentam, nativam,

non aliunde, cum jam est & operabitur, sic ut frigus aquæ nativum est, calor adventitius, jam multa ex agentibus creatis agunt immediate immediatione virtutis, alia non item: & hæc res tota consistit in modo loquendi.

IV. Explicatâ sententiâ nostrâ, probandum restat, Deum immediatè ac verè influere cooperando in omnem actionem & effectum cause secundæ. I. probamus ex communi axiomate, quod est verissimum: *Modus operandi sequitur modum essendi*: hinc sic concludimus. Si omnes causæ secundæ dependent à Deo in esse, dependent quoque in operari, ita ut non minus Deus vere & immediatè concurrat ad earum operationes quam ad earum esse. Atqui omnes causæ secundæ dependent à Deo quoad suum esse, quod *th. hujus disp. invictè est ostensum*, & aliàs confirmatum *th. 6. disp. 2. ex seicctis disp.* Ergo &c. Tota consequentiæ ratio innititur axiomati à nobis allato, quod tam evidens visum est *Aristoteli*, ut, licet ad gravissimas questionis enodandas assumferit, nunquam tamen ipsum probare vel tentaverit, vel laboraverit: ut exemplum proferam, constat *ex lib. 1. de Anim. c. 12. & seq. Aristotelem* versari in animæ intelligentis separatione possibili demonstrandâ, ad quam rem ut viam sibi sternat, statuit primò accipiendum esse, an aliquis sit actus animæ proprius, à corpore non dependens, quia hoc posito, inquit, fieri potest ut ipsa quoque anima separaretur: hinc apparet axioma nostrum, cui totus *Philosophi* discursus innititur, præsupponi, ut certum & evidens: & certè, si modus operandi absolvi potest ab illâ dependentiâ, quam involvit modus essendi, non liceret concludere ex eo quod modus operandi animæ intelligentis sit independentis à corpore, ipsam animam esse independentem quoad modum essendi, quæ tamen consequentia apud *Aristotelem* & omnes hæcenus *Philosophos* valida fuit: Et quid nunc obstat, si hoc nostrum axioma in dubium vocetur, quo minus brutorum animæ post mortem existimentur supersistentes & immortales, quando quidem eas non permanere conclusum est hæcenus, quod animarum in brutis operationes à corpore depen-

dependeant. Maneat ergo immotum hoc principium, *modus operandi sequitur modum essendi*, & salva est consequentia nostra ei innixa, si *causæ secundæ dependeant in esse à Deo, etiam in operari dependeant*. Sed alia hic exceptio, ad nostrum argumentum proferri solita, est diluenda, nam distinguunt Adversarii nostræ enunciationis hypotheticæ consequens hoc modo: si creatura dependet à Deo immediate in esse, Ergo & in operari sic à Deo dependebit, ut permittente, concedunt, ut coëfficiente, negant. Resp. distinctio nulla est: nam si modus essendi proprius creaturæ est esse dependenter à Deo non solum permittente, sed reverà, physice, & immediate influente, sequitur ejus modum operandi pendere similiter à Deo, non permittente solum, sed reverà, physice, & immediate influente: sed verum est prius ex *th. 2. hujus disp. & disp. 2. th. 6.* Ergo & posterius. Sed vero quia hæc permissio est assili instar, ad quod solent recurrere Adversarii in hoc negotio, planè eam destruemus, eademque operà sententiam nostram nova ratione adstruemus.

V. Ergo probamus II. *aliquid amplius in Dei concursu dandum esse quam virium suppeditationem, earum conservationem, aut nudam agendi permissionem*, hoc modo. Si Deus concessit & conservatà agendi vel non agendi facultate solum permittit creaturam agere vel non agere, tum nihil amplius præstat, cum creatura agit, quam cum non agit, cum hoc modo agit, quam cum alio modo; cum bene agit, quam cum male: at ista sunt absurda: Ergo & absurdum est, Deum in operationibus creaturarum nihilo plus agere, quam vires dare, conservare, & permittere ut agant: imo

vero præter ista, occasiones & incitamenta causis secundis ad agendum obijcit, impedimenta suspendit, ipsæ actû cum iis influunt, concurrunt, coëfficit, cooperatur, earum actiones concurrente dirigit, determinat, &c. quæ plus significant, quam nudam permissionem, aut facultatis in agendo largitionem aut conservationem: ista autem Deum agere circa operationes causarum secundarum, probari posset nisi id nimis esset manifestum, & probatum extaret in *Theolog. naturalis & supernaturalis scriptoribus*.

VI. Hæc *efficacia ac realitas concursus divini contra Durandum stabilita*, poni debet circa omnes omnium causarum secundarum actiones; etiam illas, quæ sunt peccaminosæ, id est, afficiuntur malitia: dico expressè, circa actiones malas, non circa malitiam actionum: circa actiones malas, ut sunt actiones: sic enim bonæ sunt in genere naturæ ac suo modo entia: consequenter, & dependent à Deo cum exercentur: itaque licet actiones quædam respectu creaturarum fiant subjectum malitiæ, ipsæ tamen actiones non exercentur nisi dependenter à concursu divino: alioquin aliquid, quod revera est & existit eximeretur Dei providentiæ & efficientiæ. Quare nuda Dei permissio à nonnullis invecita circa actiones creaturarum, vel in genere vel specie malas, figmentum est derivatum ex hac sententia Durandi jam refutata. Concludimus: *Deus non tantum vires largiendo, conservando, aut otiose permittendo, sed efficaciter operando concurrat ad actiones, tum malas, quæ sunt actiones suoque modo entia in genere naturæ: sed ad malitiam concurrat tantum permittendo: ad bonitatem, novo & speciali gratiæ influxu insuper de novo quasi cooperando.*

## Disputationum ex Philosophiâ selectarum,

### OCTAVA.

## DE CONCURSU CAUSÆ PRIMÆ.

### THESIS I.

**D** Ari *Concursum Divinum, & Deum verè esse causam omnium effectuum & actionum, quæ à causis secundis producantur ac proficiantur, disputat. septimâ ostendimus,*

cum præter potentiam activam in causis secundis creationem, præter ejus conservationem, præter permissionem in agendo concessam, aliquid amplius à Deo fieri, circa actiones causæ secundæ omnes, etiam vitiosas, scilicet efficaciam aliquam, realitatem & actualitatem aliquam ab eo proficisci, quæ efficaciter, revera, actu, ipsam causam secundam actionem comproducit, exposuimus ac probavimus. Nunc, quid sit ille concursus aut cooperatio, in quo consistat, & quæ ratione causa prima cum causis secundis ad quemcumque effectum concurrat, & cooperetur in omnibus actionibus omnium creaturarum, explicandum restat, quod explicatu fatemur esse tam difficile. ut nihil sit in totâ Philosophiâ difficilius: verum difficultatem compensabit maxima hic utilitas: Nos perspicuitati, in re obscurâ, studebimus, & primum varios modos distincte recensebimus, quibus varii varie concursum Dei explicant, ac tum quomodo hic sit sentiendum & loquendum docebitur.

II. §. *Quidam* ponunt concursum divinum in Dei voluntate simpliciter: & his, Deum concurrere cum causis secundis; nihil est aliud, quam Deum velle actus causarum secundarum: sed hi confundunt voluntatem cooperandi seu decretum, cum ipsâ cooperatione actuali, & voluntatis ac decreti executione; ille concursus vocatur à *Scholasticis* concursus *intra*, & distinguitur à concursu *ad extra* de quo nos nunc agimus. §. *Alii* volunt, Deum cum creaturis ad earum actiones non aliter concurrere, quam quatenus essentialiter eis agendi potestatem dat, atque utramque conservat, aut ad summum quatenus causam secundam agere permittit: sed hi concursum cum creatione & conservatione confundunt, & aliquid, quod verè sit in rerum natura, faciunt independentens à Deo, ut disputat. sept. fuit ostensum. §. *Alii* ponunt concursum in virtute aliqua superaddita, quâ ajunt creaturam sufficientem reddi ad agendum. §. *Alii* rursus ponunt concursum in motione rerum creaturarum, vel in causarum secundarum excitatione & ad agendum applicatione. §. *Thomas Aquinas* sum. Theolog. 1. quest. 105. contra gentes l. 3. cap. 70. ponit concursum Dei in hisce quinque:

1. quatenus vires & facultates agendi dedit causis secundis. 2. quatenus ipse eas tuetur ac sustentat in esse & vigore. 3. quatenus excitat & applicat causas secundas ad agendum. 4. quatenus ipse eas determinat ad agendum. 5. quatenus eas regit ac dirigit, ut ad fines suos sibi præstitutos perveniant. §. *Postremo alii* dicunt concursum Dei nihil esse aliud, quam positivum influxum, quem præbet immediatè ad effectum vel actionem causæ secundæ; non quatenus aliquid in causâ secundâ, quicquid illud foret, sed quatenus aliquid cum causâ secundâ, efficit: ponuntque eum concursum in actione, quæ Deus immediatè influit in omnes actiones creaturarum, ita ut actiones istæ dici possint, non solum à creaturis, sed & à Deo immediatè pendere. Hunc ultimum concurrendi modum vocant *Philosophi* concursum per modum actionis, quatenus videlicet Deus est proximum principium operationis, quæ à causis secundis editur, ita ut eadem illa sit & operatio & actio Dei concurrentis: est enim hic concursus per se & essentialiter aliquid per modum actionis, vel per modum actus actualis fieri ipsius actionis immediatè proficientis à Deo: unde etiam concursus hic intimè & per se includitur in ipsâ creaturæ actione, tanquam per se quoque & immediatè tendens ad eundem terminum, ad quem tendit actio creaturæ, quæ ratione termini eadem est cum ipsâ Dei cooperatione; reliquos modos concurrendi, præter ultimum, recensitos, vocant *Philosophi*, concursum per modum actus primi, concursum per modum conditionis ad agendum prærequisitæ, concursum per modum principii.

III. Sed & distinctiones quædam sunt tenendæ, quibus *Philosophi* hic utuntur, ut quid sentiendum sit aut loquendum, in hac sententiarum varietate, rite recteque doceamus. §. Distinguitur concursus nonnullis in Physicum & moralem: *Physicus*, quo quis per modum causæ Physicæ concurrat & agit: *moralis*, quo per modum causæ moralis: causam verò *Physicam* vocant, quæ verè & efficaciter agit, & realiter in effectum & actionem verò & positivo influxu influit: *moralem*, quæ agit suadendo tantum aut dissuadendo, vel objecta

& occa-



& occasiones proponendo aut removendo, vel activa interdum passivis applicando. §. Alii distinguitur concursus in *mediatum* & *immediatum*: quæ distinctio intelligenda est de *mediatione* vel *immediatione*, tum *suppositi*, tum *viginti*: quomodo, dictum est disp. præced. §. Distinguitur etiam nonnullis concursus in *indifferentem seu non determinantem* & *determinantem*: ille per modum causæ *universalis* (unde aliis dicitur concursus *universalis*) *hæc* per modum causæ *particularis* (unde aliis dicitur concursus *particularis*) influit Deus in effectum & actionem causæ secundæ. §. Distingui etiam plerumque solet concursus Dei in *previum* sive *prædeterminantem*, & *simultaneum* sive *concomitantem*. Duplex enim intelligi potest Dei motio circa voluntatem creatam: una quasi antecedens non tempore sed in signo rationis, actualem concursum ad voluntatis creatæ actum: altera in ipso actuali concursu consistens: illam vulgo dicunt esse ex prærequisitis ad agendum: hanc ex concomitantibus: per illam causæ secundæ moventur ad suas actiones; per hanc verè agunt: secundum diversas & distinctas concursus acceptiones, diversæ quoque extant & distinctæ hic sentientium & loquentium Philosophorum sententiae.

IV. Multi ex *Philosophis* negant, Deum concurrere ullo modo per modum principii; negant eum concurrere motione præviâ, concursu prædeterminante: sic sentiunt omnes Jesuitæ, ex quibus inter alios videantur, *Suarez disp. Metaph. 22. sect. 2.* & *3. Conimbricenses, l. 2. Phys. cap. 7. quest. 12.* & *13.* & alii; quos sequuntur *Philosophi*, qui ex istorum scriptis ferè sapiunt, *Christ. Scheiblerus*, & *Jacobus Martini*, in suis *Metaphysicis*, & ex Reformatis *Guinandus Rutgersius*, & qui olim in Academia hac nostrâ *Philosophiam* professus est, subtilitatis nomine Celeberrimus, *D. Gilbertus Iaccheus*, uterque in suis item *Metaphysicis*. Hæc tamen sententia sine ullâ limitatione proposita satis est periculosa in rebus fidei, ubi omnino ac necessario motio prævia admitti debet: itaque alter hujus Academicæ nuper *Philosophus*, pæ memorie Clariss. *D. Burgerfalcus* distinguebat actiones super-

naturales à naturalibus: in naturalibus negabat Deo esse tribuendum concursum per modum principii tantum, aut per modum principii & actionis simul: quia vero in actionibus supernaturalibus, creaturae non habent sufficientem virtutem, ut eas eliciant, dicebat esse necessarium, ut Deus cum illis concurreret non solum per modum actionis, sed & per modum principii, ut videre est ejus sententiam in *Metaph. l. 2. c. 11*. Quidam ex *Scholasticis* arbitrati sunt, in iis, quæ à libero hominis pendent arbitrio, concursum Dei, non esse Physicum, sed morale, & hinc ab heterodoxis *Philosophis* arrepta est occasio dicendi, quod Deus non concurrat ad conversionem nostri physice, sed moraliter tantum, suadendo, hortando, &c. Quidam abusi significatione terminorum, (*immediatione virtutis* & *suppositi*) quos non bene intellexerunt, negarunt Deum concurrere immediate *immediatione* *suppositi*. Quidam concursum Dei, quem per modum actionis tantum agnoscunt, statuant esse universalem & indifferentem, ut Jesuitæ omnes: sed non eodem modo explicant: aliter *Perrerius l. 9. c. 13. Phys. General.* quem sequitur inter Reformatos *Red. Goclen. c. 34. in prologo Lex Phil.* aliter *Conimbric. loc. cit. quest. 15. art. 2.* quos sequitur ex Reformatis *Rutgersius l. 2. c. 4* in suis *Metaph.* aliter *Bellarminus*, qui sibi non constat, *Tom. 4. controuv. l. 2. c. 18* & *lib. 4. c. 15.* aliter *Suarez Disp. citata*. Subtilissimus *Iaccheus* fatetur res naturales determinari per concursum Dei, sed liberas non item: quas non à Deo, sed à se, nec ad unam, sed ad plures actiones determinari à se, asserit, *cap. 10. l. 3. Metaph. Cl. Burgerfalcus* licet neget concursum causæ primæ determinari à causis secundis quoad specificationem *thes. 13. c. 11. l. 2. Metaph.* adhibita tamen distinctione actionum naturalium & supernaturalium, dicit Deum concurrere, *th. 7. ejusdem cap.* ad omnes creaturarum actiones, ut causam universalem indifferenter: ideoque specificationem actionum naturalium, (nam in supernaturalibus fatetur esse aliam rationem) non Deo sed ipsius creaturis vult esse adscribendam: hinc quod homo se moveat Deo deberi

(in eo enim movetur) sed quod motus ille sit ambulatio, homini tribuendum esse, *ibidem* asserit. Nos contra hosce omnes statuimus, Deum concurrere ad actiones creaturarum, non tantum per modum principii, tum physici, tum moralis, sed & per modum actionis, idque immediate, tum unionis, distictione virtutis, tum suppositi, & quidem concursu, particulari ac determinante, praevo ac simultaneo. Sed distinctè juxta praemissa *th. 2. § 3* sententiam nostram enunciabimus, explicabimus, probabimus.

V. Concursus Dei non est volitio simpliciter: non nego, volitionem divinam praequiri ad concursum; sed tamen ista volitio, non est ipse concursus, secundum quem Deus influit ad extra, ad productionem actionum in causis secundis: nam Volitio simpliciter est actio Dei immans; sed concursus est actio extra Deum transiens: volitio Dei juxta nostrum intelligendi modum praecedit concursum, uti & creationem & conservationem: neque enim sunt istae actiones volitiones formaliter ac simpliciter, sed volitionis executio & terminatio extra Deum. §. Concursus Dei est quid amplius, quam quod causis secundis essentiam dederit ac vires agendi, & utrumque in suo esse ac vigore conservet, denique eas agere permittat, quod satis *disp. superiori* est probatum. §. Concursus Dei non consistit proprie in virtute superaddita, qua creatura reddatur sufficiens ad actum suum: nam in naturalibus actionibus nulla virtus superadditur: in supernaturalibus virtus quidem aliqua divina, ut fides, aut alia, superadditur, sed non est adhuc sufficiens tum causa secunda ad actum supernaturalem eliciendum, nisi concursus & influxus divinus de novo accedat. Sed arguementum. Si Dei concursus in eo consistit, ut indat creaturis novam & ulteriorem agendi vim, illa virtus indita, erit haud dubiè qualitas, ibi creata vel in agente secundo producta, ut per eam operetur: sed vero, si ad hunc finem, ut operetur creatura, haec vis & virtus de novo ei inditur & in eo creatur ut sit efficax actu, non minus requiritur concursus Dei, quam alia quaelibet virtus à natura indita: & si ille concursus iterum consistat in virtute nova indita, dabitur progressus in infinitum;

nam iterum rogabo, an non novum requirat concursum ut operetur, quandoquidem est virtus creata ac finita: Certe concursus divinus five dependentia à Deo in agendo convenit rebus creatis operando, ex eo quod sint creata entia: ergo convenit omni enti creato in operando: ergo & illa virtus creaturae superaddita ad actum suum eliciendum, isto modo dependebit à Deo, ejusque concursu indigebit: ergo ante concursum, quo eget, non est illa virtus indita sufficiens ad actum suum: egebit itaque virtus superaddita adhuc concursu, id est, ex illorum hypothese, alia virtute superaddita, & haec alia, & sic dabitur progressus in infinitum. §. Concursus Dei ex parte bene collocatur in motione causarum secundarum, excitatione, & ad agendum applicatione, juxta vulgatum hoc: *causae secundae non agunt nisi motae à prima*. Dico ex parte, quia non in sola motione, excitatione, applicatione causae secundae, eum colloco, sed plus etiam requiro: itaque, §. *etiam ad positum influxus in ipsam actionem*, ita ut Deus non tantum aliquid efficiat in causa secunda cum concurrat eam promovendo, sed & aliquid efficiat cum ea: quod ipsa vox *concurfus* evincit, ita ut concursus Dei sit actio & eadem cum actione causae secundae, §. *Nec male Thomas Aquinas in iis quinque quae recensuimus th. 2. concursum ponit*, licet in iis quinque formaliter non consistat. Quod Deus concurrente quandoque specialiter moveat, excitet, applicet causas secundas ad actiones, certo certius est, & liquet ex eo quod corda hominum mutet & inclinet, quo vult: sed an semper, quando concurrat Deus, concurrente ad operationes causarum secundarum, eas moveat, excitet, applicet, questio est ardua: Putem quod sic: contra Jesuitas, Suarezium & alios, qui eos sequuntur, ac *seq. disp.* probatum dabo, quod nunc propter angustiam chartae non licet. Quod Scheiblerus hic dicat, istum concursum solum terminari ad causam agentem & non ad actionem, falsum est: nam concursum non pono tantum in ista praemotione, excitatione & applicatione, sed & in influxu in ipsam actionem terminato, ut jam est dictum.

VI. Ad distinctiones progredior, easque singulas concursui applicabo. §. Deus *concurrit & moraliter*, suadendo, hortando, activa passivis applicando, sed præsertim *Physice* efficaciter cum causis secundis cooperando. Nam concursus moralis non salvat influentiam realem, quæ est in concursu divino ad effectum & actionem causæ secundæ: ut enim qui hortatur, suadet, aut ignem applicat domui, non est causa Physica & propriè dicta combustionis; sic si Deus tantum agat moraliter, non erit Physica quoque, vel, quod in hac materia præstat dicere, hyperphysica, aut propriè dicta causa actionis causæ secundæ. §. Deus *concurrit immediate* cum causis secundis ad operandum, & *quoad suppositum*, & *quoad virtutem*, quod *præced. disp.* est ostensum. §. Deus *concurrit*, ut *causa*, & *universalis*, & *particularis*; sed cum distinctione: *concurrit, ut causa universalis*, ratione objectorum variorum, imo omnium: nam Deus

concurrit ad actiones omnium causarum secundarum: at vero non est causa universalis, sed *particularis* ratione modi agendi, quia Deus non tantum concurrit ad esse genericum actionis, sed & specificum & individuale, quæ est ens, quæ actio, quæ actio talis in genere naturæ. §. Deus *non tantum concurrit* ad omnes actiones creaturæ, *concurso simultaneo & concomitante*, quem omnes admittunt, præter Durandum & eos, contra quos egimus *disp. præced. sed præterea concursu prævio & prædeterminante*, quem Jesuitæ negant, Dominicani affirmant: & ob quam sententiarum pugnam multæ exitere inter eos utrimque similitudines & odia, quæ tollere nunquam est ausus Pontifex, decidendo, utra ex duabus hisce sententiis Philosophicis sit vera: nos eo audaciores veram esse pronunciamus, & *sequenti disp.* eam explicabimus ac probabimus, quæ concursum prævium ac prædeterminantem admittit.

## Disputationum ex Philosophiâ selectarum,

N O N A.

D E

# CONCURSU DEI.

T H E S I S I.

**D**Ecidenda nunc est, explicanda, ac probanda, celeberrima atque utilissima quaestio, *An præter concursum Dei simultaneum, qui nihil est aliud, quam actio ipsa causæ secundæ, ut à Deo procedit, detur concursus prævius; quæ nihil est aliud, quam motio quædam, virtutem activam creaturæ complens, eam excitans, applicans, determinans ad agendum.* Hæc controversia ante annos plura minus sexaginta primum in Hispania, mox Romæ & in Italia, hinc in Gallia ac Belgio, à Jesuitis mota, & negans sententia acriter defensâ fuit contra Dominicanos, qui affirmantem ab Augustino ac suo Thomâ acceptam strenuè propugnârunt: controversiæ originem & pro-

gressum fuse narrat *Guilhel. Camerarius Scotus ac Scotista*, in parte sec. *disp. Philos. quæst. 9.* Non tantum momenti esset situm in hac controversia, si ipsa intra Philosophiæ limites constitisset; sed enim & Theologiæ pomæria intravit, eamque non leviter infecit: nam qui concursum prævium in naturalibus actionibus primum sustulerunt Jesuitæ, eundem in supernaturalibus iidem sublatum iverunt: hinc circa bonum spirituale faciendum, dictitarunt, voluntatem seipsam movere, excitare, applicare, determinare, & motionem Dei præviam excitantem, applicantem, determinantem, non minus hic quam in naturalibus esse otiosam, vanam, inutilem: quæ quo abeant, unuf-

unusquisque videt: hinc à Jesuitis introducta est ficta libertatis notio, in indeterminatâ à *dispositio* consistens: hinc scientia media: hinc decreta conditionata: hinc concursus universalis tantum, indifferens, & indeterminabilis, ac non determinans: hinc moralis tantum in convertendo homine Dei actio, & alia plura, quæ cœu flosculi pullulant ex negato Dei prævio ac prædeterminante concursu ad actiones supernaturales, sicut eum negant ad quancunque actionem, supernaturalem & naturalem, Jesuitæ omnes, *Fonseca, Suarez, Molina, Lessius, Comimbrienses, Revius*, & qui eos sequitur *Abra de Raconis*, aliique ex quibus hodie philosophari consuevimus: sequuntur hosce multi ex Reformatis, qui imprudenter nimis concursum Dei prævium negant sine restrictione, *Scheiblerus, Jac. Martini, Rutgersius, Laccheus, &c.* Cl. D. *Burgerfeld* concursum prævium in supernaturalibus admittit, in naturalibus sustulit, sicuti id *disp. præced. ex ejus Metaph. l. 2 c. 11.* est ostensum.

II. Sententia nostra est: *Non tantum in supernaturalibus, sed & in naturalibus, causæ secundæ sunt necessarie, tum liberæ, actionibus, præter concursum simultaneum, admitteandus est prævius: itaque utrumque in concursu Dei includimus: dicimusque, Deum concurrere & per modum actionis & per modum principii, attingendo & operationem, & potentiam seu principium operandi ipsius causæ secundæ in operatione qualibet, naturali vel supernaturali: Quam sententiam antequam ulterius explicem ac probem, congre-diendum est prius cum Cl. D. *Burgerfeldio*, præceptore olim venerando. Primum, quæ habet *th. 4 c. 11. l. 2. sue Metaph.* quando probat concursum Dei non recipi in causis secundis per modum principii aut conditionis actionem earum præcedentis, nos non tangunt; quia probat tantum, concursum Dei non esse in eo collocandum solum, ut per modum principii agat, quod ultro fatemur, & nos ipsi ultro requirimus, præter hunc influxum in causam aut potius potentiam agentem, qui est concursus prævius, diciturque nobis concursus per modum principii, adhuc influxum*

in ipsam actionem, qui est concursus simultaneous & per modum actionis: ne nunc dicam ipsum alio planè sensu hanc phrasin capere, *concurfus per modum principii*, quàm nos capimus: nam ille existimat istam phrasin significare, virtutis alicujus novæ in causâ secundâ ad agendum impressionem, quam nos *superiori disp.* opinionem rejecimus, & rejicimus hanc phrasin, si hoc significet: at nobis nihil significat aliud, quam Deum concurrente non novam virtutem producere, sed virtutem in creaturâ existentem excitare, ut efficaciter agat. Deinde quæ habet *th. 5. seq.* quando probat concursum Dei non posse esse simul per modum principii, & per modum actionis, nihil habent difficultatis, & facillè expediuntur. Rogat, *quorsum pertinebit illa virtus, quæ datur creaturis per modum principii, an ut per illam virtutem operentur? atqui creaturæ, inquit, habent virtutem sufficientem ad operandum: ergo illa virtus est supervacua.* Resp. primum supponit concursum prævium per modum principii collatum esse virtutem aliquam novam de novo creaturis aut causis secundis impressam & inditam: at hoc non ita est, ut *disp. superiori* est ostensum, & non ita esse ipsi dicent *Prædeterminantes* plerique, seu concursus prævii assertores: deinde, quod roget, *quorsum pertinebit, non virtus*, ut loquitur, *sed motio prævis*, respondeo, & dico, motionem istam præviam dari, ut operari incipiant causæ secundæ, ut ex non operantibus fiant operantes: creatura enim licet, cum operatur, habeat sufficientem virtutem ad operandum in suo ordine & genere causarum, quia tamen est causa secunda, non est primum se movens, sed operatur mota: atqui non potest moveri ab aliâ causâ secundâ: ergo à primâ: ergo causa secunda non est sufficiens, ut se moveat, id est, ut ad agendum se excitet; sed oportet eam moveri & excitari prius aliunde: & in eo est concursus Dei prævius, ut causam secundam moveat; causâ secunda mota operatur per virtutem sufficientem in suo ordine causarum, at nihilominus adhuc eget concursu simultaneo, quia tam parum est actio independens à Deo quam ipsa causa agens: itaque hoc argumentum Cl. D. *Burgerfeldii*: Causa secunda, v.g. ignis habet

habet virtutem sufficientem ad operandum, ergo non indiget concursu per modum principii, seu influxu prævio & determinante: tam militat contra influxum & concursum simultaneum, quam contra prævium: Nam si *D. Burgerfalcio*, Creatura dicatur habere virtutem sufficientem ad operandum, & nihilominus includit influxum Dei in actionem ipsam, seu concursum simultaneum, quem ipse cum aliis statuit hic tantum, cur minus dicam ego, creaturam habere sufficientem virtutem ad operandum, licet includat influxum in ipsam causam seu concursum prævium? nam sicuti Creatura sufficienti virtute prædita operari tamen non potest sine concursu Dei simultaneo, ita asserente ipso *D. Burgerfalcio*; sic dico ego, Eadem creatura, licet instructa sufficienti virtute ad operandum, operari tamen non potest sine concursu prævio, id est, nisi primum mora à Deo, quia creatura non est primum se movens: & hoc observandum est in genere. quoties causa secunda dicitur habere virtutem sufficientem aut completam ad operandum, id non dici de ea, quasi sic excludat Dei concursum, sive simultaneum, sive prævium, quia is propter dependentiam causæ secundæ à prima excludi non potest, adeoque causis secundis intrinsecus est, ac causarum secundarum naturis, quia sunt secundæ, debitus, ita quidem iis naturalis, ut si causa prima non influat suo concursu, causa secunda operari nullo modo possit, sed miraculum fit, quod liquet in fornace Babylonis: non igitur excludit concursum Dei causa secunda, cum dicitur habere perfectam & completam virtutem operandi; non simultaneum, ut *D. Burgerfalcio* cum omnibus vult, sed nec prævium, ut nos ostendimus, verum excludit concursum causarum sui ordinis, id est, secundarum.

III. Nunc porro sententiam & mentem nostram explicabimus, quæ ut intelligatur, sciendum & observandum est, illa duo esse distinctissima: *operari cum aliquo*, & *operari in aliquo*, vel *operari per illud*, *movere ipsum ad operandum*: primum, *operari cum aliquo*, significat tantum simultaneum & concomitantium concursus: ita, si duo portent eundem lapidem, simultanea concursu concurrunt, quia

quavis operatur cum alio: sic unus equus cum alio simultaneè concurrat, quando simul trahunt plaustrum; alter enim cum altero operatur: at verò secundum, *operari in aliquo*, per *aliud*, requirit non tantum, ut agens, quod operatur in alio seu per aliud, simultaneè concurrat cum altero, sed ut per concursum suum faciat alterum agere & operari, quia agens tale operando movet alterum, & facit, ut illud operetur: sic ex duobus, qui portant lapidem, neuter operatur in altero aut per alterum, aut ex duobus equis trahentibus plaustrum, quia neuter præmovet aut applicat alterum ad agendum: jam verò, hoc est quod dicimus, Deus non concurrat cum causâ secunda, operando tantum cum ea, ut duo ferentes eundem lapidem, aut duo equi trahentes idem plaustrum, qui concursus est simultaneus, sed concurrat etiam cum causâ secunda, aliquid operando in illa & per illam, quatenus eam movet efficaciter, applicat & determinat ad agendum, qui est concursus prævius & prædeterminans: & sic magis explicatur & solidius, dependentia causæ secundæ à prima, quæ per concursum simultaneum tantum, non satis salvatur: nam si Deus & causæ secundæ concurrunt concursu tantum simultaneo, ut duo equi trahentes plaustrum, erunt causæ partiales actionis; & sic unaquæque causa, prima & secunda, adhibebit proprium ac peculiarem influxum, quem habet à seipsa, ita ut in influendo non dependeat ex influxu alterius causæ tanquam à causâ verè efficiente, licet effectus dependeat ab utraque, sicuti influxus unius equi non dependet ex influxu alterius equi (neuter enim alterum influere facit) licet tractio plaustrum ab utriusque influxu simultaneo dependeat: sed hoc de Deo & creaturis dicere absurdum est: non enim sunt causæ partiales concurrentes, sed totales; non independentes à se invicem, sed dependentes: Deus quippe est causa totalis in suo genere; creatura in suo genere, hæc ab illo dependens: Deus quidem à nullo dependet, sed secunda causa dependet in suo influxu à Deo, cui subordinatur, ut causæ priori, non tantum morali, sed verè & physicè operanti: ergo ad concursum divinum & dependentiam causæ



secundæ à prima explicandam, non sufficit dicere, quod Deus simpliciter cooperetur cum causa secunda, & influat influxu simultaneo, sed requiritur amplius, ut operetur aliquid in ea, & influat in eam, influxu prævio eam movendo, &c. Sed vero ostendamus hoc clarissime. Causa prima & secunda concurrunt ad actionem causæ secundæ, sed cum discrimine. Deus non solum est causa illius actionis, v. c. calefactionis, prout est ab ipso, sed & per suum concursum causa est ejusdem actionis, prout est à causa secunda, sc. igne: at vero causa secunda licet sit causa suæ actionis, prout est ab ipsa, ignis v. c. causa suæ calefactionis prout est ab ipso igne, non tamen potest esse causa illius prout est à Deo: ergo plus aliquid est in concursu causæ primæ quam secundæ: causa nempe secunda tantum causat suam actionem; Deus non solum causat istam eandem actionem causæ secundæ, sed per suum concursum facit actum, ut causa secunda agat, ut ignis v. c. calefactionem producat: quare non operatur simpliciter cum igne, & cum qualibet causa secunda, concursu simultaneo, aliquid operando cum ea, sed & concurrat concursu prævio; aliquid operando in ea, physice eam movendo, applicando, determinando.

IV. Probamus efficacissime concursum prævium hoc argumento. Quod est in potentia, non potest reduci in actum, nisi per aliquid, quod sit in actu: sed omnis causa secunda est in potentia ad agendum, antequam agat: ergo non potest reduci ad agendum, nisi per aliquid quod sit actu: major patet, quia quod est in potentia calidum, non fit actu calidum, nisi per aliquid quod sit actu calidum, vel formaliter, vel eminenter: minor probatur; quodcumque modo facit, modo non facit, modo facit unum, modo alterum, illud est in potentia ad actionem: sed omnis causa secunda modo agit, modo non, modo agit hoc, modo illud, quod ex inductione patet; ignis enim modo agit, modo non, modo cespitem comburit, modo lignum, & sic in cæteris: jam sic pergo: Omnis causa secunda debet fieri actu causa & actu agere per aliquid quod sit actu causa: sed hæc causa, quæ est actu causa, per quam creatura debet fieri actu causa, non est

ulla secunda aut creata, sed prima, & increata, solus Deus: ergo solus Deus reducit omnem causam secundam de potentia agente ad actum agentem: atqui in eo consistit concursus Dei prævius & prædeterminans, ut Deus faciat actum agere causas secundas, quæ non agunt, sed agere possunt, ut eas ad agendum moveat, excitet, applicet, determinet, quod erat demonstrandum: quod non sit alia causa actu quam Deus, patet, quia omnis causa secunda est causa in potentia: ergo sola causa prima est causa actu: est enim purus actus.

V. Sed hic dubium aliquid removendum est, quod aliquem suspensum tenere queat. Quærat quispiam, *an influxus in causam secundam, quæ Deus causam secundam movet, excitat, determinat ad operandum, & influxus in ipsam actionem, quæ operanti causæ secundæ cooperatur Deus, sint duo influxus?* seu, *an concursus Dei prævius & simultaneus sint duo concursus?* Resp. quod non: nam est unus idemque influxus re, unus idemque concursus re, sed duo sunt ratione: nam quatenus Deus movet causam secundam, ut agat, dicitur se habere ejus concursus & influxus per modum principii, vocaturque prævius & prædeterminans: quatenus influit in actionem ipsam, dicitur se habere per modum actionis, vocaturque simultaneus & concomitans; unus tamen idemque influxus & concursus, quo influit, in causam secundam, eam movendo, & in actionem causæ secundæ, cum causa secunda cooperando. Sed dicet quis, *idem influxus non est prior & posterior seipso: sed influxus Dei in actionem est posterior influxui causæ secundæ in actionem; influxus vero Dei in ipsam causam secundam est prior influxui causæ secundæ in actionem: ergo influxus in ipsam causam secundam & in ejus actionem non est idem influxus; seu concursus prævius & simultaneus non est idem concursus.* Resp. ineptum hoc est dicere, quod influxus causæ primæ in actionem causæ secundæ sit posterior influxui causæ secundæ in actionem: sua enim, licet sic loquantur & loqui fere cogantur adversarii; quia influxus causæ primæ omnibus modis prior est influxui causæ secundæ: nam (quod bene hic est notandum) concursus prævius & simul-



simultaneus non est hoc modo concipiendus, quasi Deus, ubi causam secundam movet & excitavit ad agendum, subito cesserit ab illo influxu, & alio postea influxu in actionem influat & concurrat, sed Deus istum influxum, quo movet creaturam ad agendum, continuat, cum influit in actionem ipsam, itaque per eundem influxum & concursum causam

secundam movet ad operandum, & simul influit in causæ secundæ operationem: respectu priore, quatenus movet, ejus influxus dicitur concursus prævius, respectu posteriore, quatenus cooperatur, dicitur concursus simultaneus, unus idemque influxus re, nostro tantum concipiendi modo distinctus.

, Disputationum ex Philosophiâ selectarum,

D E C I M A.

D E

CONCURSU CAUSÆ PRIMÆ.

T H E S I S I.

**E**Xposuimus & adstruximus *disp. præced.* *Concursum* causæ primæ ad actiones causæ secundæ *prævium*; protulimus argumentum unum atque alterum: Verum quia res est maximi momenti & usus, etiam hanc disputationem ei dabimus. Inter argumenta pro concursu prævio postremum non est, quod desumitur ab ipso concursu simultaneo, quem Adversarii admittunt, qui ipse prævius insert efficacissimè, etiam invitis omnibus adversæ partis patronis, nam Deus non potest concurrere concursu simultaneo, si non præmoveat creaturam ad agendum, nisi quis statuat, aut ipsam creaturam determinare Deum, aut causam primam & secundam determinari ab aliâ tertiâ, aut eas concurrere fortuito & casu, quæ omnia cum sint absurda, omnino admittenda est prædeterminatio & præmotio illa, in quâ concursus hic prævius consistit; quod argumentum, quia urgentissimum est, imò tanti roboris, ut ipsi *Suarezio disp. 22. sect. 4. Metaph.* concursus prævii hosti maximo, summæ difficultatis esse dicatur, paulò latius est explicandum.

Sic *argumentarum*. Si Deus non concurrat concursu prævio, determinando antecederet creaturam ad actum suum, neque potest conjungi in agendo cum creatura concursu si-

multaneo. Sed ex hypothesi Adversariorum Deus, &c. Ergo. Prob. maj. Conjunctio in operando cum creatura non dicit solam indistantiam aut præsentiam localem cum illâ; multa enim sunt, quæ habent indistantiam ac præsentiam localem cum alio, neque tamen cum illo statim cooperantur, & præterea, Deus propter suam immensitatem intimè præsens est rebus omnibus, non tamen coëfficit omnia, quæ potest coëfficere: ergo conjunctio primæ causæ cum secunda in operando plus dicit, quam præsentiam utriusque; scilicet præterea, quod per se & non casu conveniant, ad producendum eandem operationem: tunc vero per se conveniunt & non concurrunt casu ad eandem operationem causæ duæ, quando vel ambæ alicui superiori causæ subordinantur, vel ambæ natura sua sunt determinatæ ad operationem illam, ita ut illam non possint non producere, vel quia una ex illis determinat operationem alterius, & consequenter determinat causam alteram ad agendum: præter hos enim conveniendi & concurrendi ad productionem unius ejusdemque operationis modos, alius excogitari non potest, nullus erò ex hisce modis convenire potest causæ primæ convenienti & concurrenti cum causâ secundâ ad productionem

unius ejusdemque operationis, nisi is, quo dicamus, *Causam primam ut superiorem determinare secundam ut inferiorem*: ergo sic quoque dicendum est & sic habemus concursum prævium, quod verò nullo alio modo Deus dici possit convenire aut concurrere cum causâ secundâ, quam hoc postremo modo, nempe determinando, & præmovendo, facile probatur; nam 1. falsum est, quod utraque, tam prima, quam secunda causâ, subordinentur tertiæ causæ superiori, cum causâ prima Deus nullam habeat causam supra se, nec causâ secundâ subordinetur ulli, nisi ipsi Deo. 2. falsum est, quod utraque causâ, prima & secunda determinentur naturâ suâ necessario ad operandum, quia, & Deus in omni concursu ad extra est liberissimus; & causæ multæ secundæ non agunt ex necessitate naturæ, sed liberè quoque, habentque dominium sui actus. 3. falsum est, quod causâ secundâ determinet operationem causæ primæ, licet hoc audacter satis & maximo molimine assertum sit à *Jesuitis, Fonseca, Bellarmino, libris & locis, superiori disputatione, citatis*: verum non tantum falsa est hæc assertio, sed multorum in super errorum basis ac causâ, quare operæ fuerit premium eam planè evertere.

III. Qui concursum Dei, quem simultaneum agnoscunt solum Adversarii, dicunt indifferentem & universalem, eumque faciunt determinabilem & determinari asserunt à concursu causæ secundæ, illi indigentiam, potentialitatem, & imperfectionem Deo attribuant, quod Deo est indignum & injurium. Atqui Adversarii, &c. Ergo. Injuriam Deo fieri ex hac sententiâ manifestissimum est: Deus concurrit cum voluntate nostra, ut purus actus, ergo non expectat aliquem concursum voluntatis nostræ, quo ejus indifferentia universalis in agendo determinetur, ut quidem volunt & loquuntur *Jesuitæ*; ratio consequentiæ est, quia repugnat puro actui, esse determinabilem & determinari per aliud: quod enim determinat, perfectius est determinabili aut eo quod determinatur: at Deo, qui est purissimus actus, nihil est perfectius, imò, quia purissimus est actus, ipse omnia determinat, & à nullo determinatur, ipse omnia

actuatur, & à nullo actuatur: certè, sicut summa perfectio est, à nullo determinari vel actuari, ita imperfectio quædam, potentialitas, & indigentia est, ab alio determinari & actuari. Sed figmentum hoc concursus Jesuitici, Deo indignum, per modum causæ universalis & indifferentis, quæ à causâ particulari secundâ determinetur ac specificetur, latet enim hic anguis in herba.

IV. Sic argumentamur. Si concursus Dei indifferens esset & determinaretur à causâ secundâ, in genere causæ efficientis (nam de hac determinatione quæstio est, non de determinatione in genere causæ materialis aut subjektivæ) vel ut clarius loquar: si Deus expectat concursum nostræ voluntatis, ut in genere causæ efficientis antecedentem, non solum determinabitur Dei concursus, sed Deus ipse, id est, non solum determinabitur ejus actio, sed ipsemet, qui est causa & principium actionis. Hoc est absurdum. Ergo & illud, ex quo sequitur, sc. concursus universalis & indifferens. Probatur Major, hoc modo. Prioritas inter actiones, respiciendo genus causæ efficientis, respicit ipsas actiones, quatenus formaliter egrediuntur à suis agentibus: actio enim, quæ actio est, est formaliter ab agente, & per illam in materiam subjectam agens dicitur agere, ergo prioritatis inter actiones formaliter ut actiones, est prioritatis quoad illum modum procedendi ab agentibus: si igitur actio unius causæ, puta secundæ, ex sententiâ Adversariorum, est prior actione alterius causæ, puta primæ, in genere causæ efficientis, non tantum operabitur in ipsam actionem, sed & in causam à qua procedit, quia non potest operari in actionem, nisi in quantum ea procedit ab agente, ac proinde operabitur determinando in ipsam agens: Philosophi sanè omnes ordinant eodem planè modo & actiones, & agentia, à quibus proveniunt actiones; & in ordine ac genere causæ efficientis, esse unam actionem priorem alterâ, est unum agens esse prius altero, & consequenter, unam actionem habere influxum efficienter in aliam, si sic loqui liceat, est, unum agens habere influxum in aliud: ergo, si voluntas nostra suo concursu

curfu in genere caufæ efficientis ita determinet concurfum divinum, ut ejus concurfus expectet noſtrum, voluntas noſtra determinabit concurfum divinum efficienter, per conſequens, determinabit ipſam cauſam, Deum. Atqui hoc eſt, Deo imperfectionem, indigentiam, potentialitatem adſcribere: quia determinans eſt perfectius eo, quod determinatur, ut antè eſt dictum.

V. Præterea, concurfum Dei indifferentem & à cauſa ſecundâ determinabilem, quo per modum cauſæ univerſalis concurrit, ita explicant ejus patroni, ut Deus concurret tantum ad eſſe genericum actionis, cauſa ſecunda det eſſe ſpecificum actioni, ad quam ambæ concurrunt: quod ſi verum eſt, Deus minus influet concurrente, quam cauſa ſecunda, & aliqua entitas eximetur efficientiæ divini: at Deus non minus, ſi non magis, influet concurrente in actionem cauſæ ſecundæ, quam ipſa cauſa ſecunda, nec ulla entitas efficientiæ divini eximi poteſt. Et ſi hic concurrenti modus in Deo, per modum cauſæ tantum univerſalis & indifferentis, quæ determinetur & ſpecificetur à cauſa ſecunda, applicetur operationibus ſupernaturalibus, ut ſpecificatio bonarum actionum ſit à ſola cauſa ſecunda, quæ primam determinat ac ſpecificat, jam in aperto eſt, quantum derogetur gratiæ divini, & tribuatur arbitrii liberi & voluntatis humanæ viribus in operando: ſed id parum curant Adverſarii: verum ne in naturalibus quidem id mihi placet, quod Deus dicatur ad actiones creaturarum concurrere, ut cauſa univerſalis, modo jam explicato, quamvis ita ſenſerit & loquutus ſit inter alios *Cl. D. Burgerſd. l. 2. Metaph. c. 1. ſ. 7.* Verum liceat id pace Venerandi olim Præceptoris, & ſalva reverentia piis Manibus debita, dicere: non iſtâ *incepta* in concurfu explicando verſatus eſt *Vir Cl.* quam quidem adhibuit in aliis Philoſophiæ capitibus explicandis: cogitationes ſecundæ, ſi per vitam ſicuiſſet, haud dubiè aliquid elaboratiſſimum hic nobis dedidiſſet.

VI. Specialem ac particularem Dei concurfum rejicit *loc. cit. D. Burgerſd.* propter denominationes actionum, à quibus denominantur cauſæ ſecundæ, non prima: quo argu-

mento & alii ſunt uſi. *Ex. gr.* Homo dicitur ambulare, non Deus; ignis urere, non Deus: licet Deus non minus conferat ad ambulandum vel urendum, quam homo vel ignis: ratio eſt, inquit cum aliis, quia Deus eſt cauſa univerſalis, & ſunt ejus verba, *Cauſa univerſalis indifferenter ſe habet, eademque virtute concurrit ad omnes creaturarum actiones, ideoque ſpecificatio actionum, non Deo, qui eſt cauſa univerſalis actionum naturalium, ſed ipſis creaturis adſcribenda eſt, ideoque quod homo ſe moveat, Deo debetur, ſed quod motus iſte ſit ambulationi, homini tribuendum: ideoque non Deus, ſed homo dicitur ambulare.* Hic quidem eſt diſcurſus *D. Burgerſd.* iſtroc loco, in quo, ut liberè eloquar, non pauca deſidero.

VII. Dicit, quod homo ſe moveat, Deo deberi: ſed quod ambulet, homini, quia Deus ſit cauſa univerſalis, homo particularis in concurrente. Ergo, inquam ego, Deus tantum concurrit ad eſſe genericum iſtius actionis in quantum eſt motus, non ad eſſe ſpecificum in quantum eſt ambulationi, multo minus ad eſſe individuale, in quantum eſt ambulationi talis: at vero hoc eſt contra rectam rationem: nam ſic à eſſe ſpecificum, ne nunc loquar de individuali, eximeretur in hoc motu & quovis alio, efficientiæ & concurfui divino. Sic *Argumentor* contrâ. Si efficientia & concurfus divinus requiritur ad id omne producendum quod habet aliquam entitatem Phyſicam & veram, ergo etiam efficientia & concurfus divinus requiritur ad ſpecificationem actionum, quia ſpecificatio actionum eſt entitas vera & Phyſica, imò à ſpecifica iſta entitate actiones omneſque res in ſuas ſpecies & claſſes entium diſperſcuntur: quare, qui dicit, Deum tantum concurrere ad actionis eſſe genericum, in quantum eſt motus, non vero ad ſpecificum in quantum eſt ambulationi, curſus, &c. iſis potiſſimam rerum entitatem & Phyſicam realitatem, efficientiæ, influxui, concurfui divino adimit: *ad hæc*, plus conferet creatura quæ ſpeciem largitur ſuæ actioni, quam Deus, qui genericè & indifferenter, & univerſaliter concurrit, tam ad unam uniſ cauſæ ſecundæ actionem, quam ad aliam alterius. *Sed porro*, ego quidem non video aut percipio, quomodo

id dici possit, quod Deus ut causa universalis concurrat ad actionem in genere quatenus est motus, non concurrat idem ad actionem in specie quatenus est ambulatio, cum nemo possit concurrere ad esse genericum rei, nisi idem concurrat ad esse specificum & individuale; quia *in* esse genericum continetur & est in *in* esse specifico, & utrumque includitur in *in* esse individuali. Motus in genere non existit, nisi in quantum est ambulatio, cursus, aut similis actio in specie: quomodo ergo potest quis concurrere ad motum in genere, qui non concurrat idem ad actionem in specie, cum motus in genere produci nequeat nisi producendo actionem talem in specie? *Postremo*, si non detur concursus singularis, influxus particularis Dei, qui terminetur ad particularem in specie & singularem in individuo actionem atque effectum, ne universalis ille quidem Adversariorum concursus stare potest, quod ad oculum demonstrabo.

VIII. Quoties homo generat hominem, Philippus v. c. Alexandrum, qua ratione quis non indiget concursu Dei ad procreandum hunc hominem, eadem ratione neque indigebit concursu Dei ad procreandum vel hominem vel animal: nam qua virtute quis procreat Alexandrum, eadem per omnia vir-

tute procreat & hominem & animal: proinde, si non egeat concursu particulari, influxu speciali, ad procreandum Alexandrum, nec egebit concursu universali, influxu indifferente, ad procreandum hominem vel animal: similiter, si homo non indigeat concursu particulari ad hanc speciem actionis, ambulationem, neque universali concursu indigebit ad productionem motus in genere. Quemadmodum itaque homo producit hominem, & hunc hominem, producit in individuo, & hominem in specie, & animal in genere, & vivens, & corpus, & sic porro, eundo per omnes entitatis gradus, ita & Deus concurrando ad quamlibet actionem causae secundae producit actionem, & qua est ens, & qua est motus, & qua est ambulatio in specie, & qua est haec ambulatio in individuo, manendo semper in genere naturae; & sic *utraque causa prima & secunda ratione modi agendi est particularis*, quia utraque hoc modo agit, ut ambae omnem gradum entitatis in actione & effecto concurrando attingant: *ratione vero objecti* potest speciali denominatione *causa prima dici universalis*, quia ad omnia objecta, effecta, actiones; *secunda particularis*, quia ad certa objecta, effecta, actiones, operando concurrat.

## Disputationum ex Philosophiâ selectarum,

### U N D E C I M A.

#### D E

## CONCURSU CAUSÆ PRIMÆ.

#### T H E S I S I.

O Stendimus Disputationibus nunc aliquot, *Dari concursum* Dei ad operationes omnes causarum secundarum, eumque non *simultaneum* tantum sed & *previum*, atque illum non universalem sed *particularem*, non determinabilem sed *determinantem*, adeo ut actio causae secundae quaelibet dependeat à Deo non tantum quoad esse genericum, sed &

quoad esse specificum, & quoad esse individuale, manendo in genere naturae: atque ita defuncti videmur isto labore, ut ex iis, quae disputavimus, facile sit adversae partis argumenta solvere; verum enim verò quia in quibusdam rationibus valde triumphant, quos pleno semper ore crepant Adversarii, ac quibus calumnias impingunt huic nostrae sententiae, eas, quibus

quibus hoc tentant, omisſis cæteris, jam nunc reſutabimus, contra morem noſtrum: quia ſola *æmuloſi* contenti in diſputationibus conſciendis, *æmuloſi* ipſi conſictui ſolemus reſervare.

II. §. 1. Si Deus non eſt cauſa univerſaliſ ſed ut particulariſ concuſu particulari concuſu ad ſpecificationem actionis, erit Deus dicitur ambulare, urere, &c. Sed hoc eſt abſurdum. Ergo & illud. Reſp. 1. non ſequitur, ex concuſu particulari cauſe primæ ad actionem in ſpecie ipſam ſtatim cauſam primam particulariter concurrentem inde denominari: ratio eſt, quia ambulare, verbi cauſa, non eſt tantum efficere ambulationem, ſed etiam informari ambulatione: & hinc eſt, quod *ambulare* denominet hominem, non Deum; quia Deus iſtius informationis capax non eſt: hoc enim præſupponeret potentiam paſſivam, quæ Deo non convenit: pari modo urere, non tantum eſt efficere uſionem, ſed & iſta uſione informari, quod cauſe tantum ſecundæ convenit & ſoli convenire poteſt. Ita fatetur Suarez, nobis hic cum cæteris omnibus adverſariis, l. 2. de concuſu Dei cum voluntate humana: c. 17. n. 8. quod *non amare* non ſit tantum efficere amorem, ſed & informari amore, quod convenit voluntati elicienti amorem, non Deo cum illâ concurrenti: hinc licet Deus cum voluntate efficiat amorem, non tamen dicitur amare hoc amore ut quidem dicitur voluntas. 2. Effectus & actio denominat cauſam illam, à cujus influxu determinato & tantum fluat, ſic ut illa cauſa alias actiones & effectus extra hoc genus effectuum & actionum non producat, non verò illam cauſam, à cujus influxu, quoad objectum in determino, alie actiones quoque & effecta profluunt: ita ignis dicitur urere, quia influxus ignis ad uſionem, non ad ambulationem, non ad locutionem, &c. terminatur: contra homo dicitur loqui, animal ambulare, non urere, quia neutrius influxus ad uſionem terminatur: at Dei influxus ad omnia objecta & quævis effecta & actiones terminatur, ideoque Deus influendo à nullo objecto, effecto, actione certâ denominari poteſt.

III. Si §. 2. Deus concuſat concuſu, non univerſali, ſed particulari, ad omnes cauſarum ſecundarum actiones, erit cauſa particulariſ etiam earum actionum, quæ cum lege Dei pugnant: Atqui hoc eſt abſurdum. Ergo &c. Ego verò nego hoc eſſe abſurdum. Probant, quia ſic Deus erit author peccati: qui enim eſt cauſa particulariſ iſtarum actionum, quæ cum malitiâ ſunt conjunctæ, quas malitiâ ſequitur ac concomitatur, iſ eſt author peccati: atqui Deus, ex noſtra ſententia, eſt cauſa particulariſ &c. Ergo &c. Reſp. Majorem non ſequi, & eſſe ambiguitatem in iſto termino, cauſa particulariſ, & in iſta phraſi, cum dicitur, malitiâ ſequi aut comitari actiones. 1. Cauſa particulariſ dicitur, aut, quatenus in actione mala ſive peccata entitatem ſpecificam actionis in particulari, ut eſt ſpecies entis in genere naturæ producit; aut quatenus cauſa particulariſ eſt terminata in ipſum defectum, malitiam particularem illius actionis: Deus concurrendo dicitur particulariſ cauſa, priori tantum modo, quatenus producit entitatem ſpecificam actionis, ut eſt actio in particulari: creatura rationalis dicitur cauſa particulariſ utroque modo, quatenus præter modum priorem ſuo concuſu & operatione terminatur præterea in malitiâ ac vitioſitate actionis: ſed reſpondebimus diſtinctiſſime. Si cauſa particulariſ intelligatur, à qua peccatum in concreto, id eſt, actio mala, habet non tantum entitatem ſuam phyſicam, ſed & illum defectum, à quo ratio eſt peccati in abſtracto, à quo ipſa malitiâ eſt, à quo ex gr. furum eſt furum, conceditur major & negatur minor; id eſt: Qui eſt hoc modo cauſa particulariſ actionum, quæ cum malitiâ conjunguntur, ut non tantum ſit cauſa particulariſ entitatis phyſicæ ipſius actionis, ſed & malitiæ in particulari, quæ eſt in actione, iſ eſt author peccati: vera eſt major, ſed falſa eſt minor, quod Deus in concurrendo ſic dicatur cauſa particulariſ: ſed verò ſi intelligatur cauſa particulariſ, illa, à qua peccatum in concreto, id eſt, actio mala, habet entitatem ſpecificam actionis tantum, non malitiæ, tum negatur, major, quod, Qui eſt cauſa particulariſ actionum, quæ cum peccato, id eſt, malitiâ



*malitia sunt conjuncta, sit author ipseus peccati, id est, malitia, cum ille tantum concurrat ad entitatem specificam actionis, qua talis: & conceditur minor: Deus enim est causa particularis etiam earum actionum. quæ malitiæ & peccato subalternantur: ex. gr. furari non habet tantum rationem entis, sed & actionis, & hujus actionis in specie, quæ dicitur ablatio: Deus concurrit, ut causâ particularis ad motum istum physicum actionis, quæ furto subalternatur, non tantum ut est motus, sed & ut est actio, & ut est actio talis physica, sc. ablatio: Si enim Deus non concurret sic in particulari, fur non tantum non posset se movere, sed nec sic in specie movere manum physicè, ut istuc tendat, unde auferat: sed ad vitiositatem actionis & ablationis, quod ablatio ista sit invito Domino aut inscio, quod sit ablatio rei alienæ, ad istam malitiam ablationi accedentem non concurret Deus: ablatio enim aut spectatur in genere naturæ, aut in genere moris: ablatio in genere naturæ species est actionis, & motus, & bonum quid, & sine peccato fit, & tam Deo quam homini, tam hujus quam illius concursui, subjicitur: ut v. c. si meum librum abstulero; istius ablationis causâ particularis est, & manus mea auferens, & Deus concurrens ad istam motus speciem, quæ ablatio dicitur: at in genere moris, prout malitia moralis accedit, si nempe librum alterius abstulero invito aut inscio ipso, ad istam deformitatem & inconvenienciam cum lege Dei, quæ id vetuit, solus ego concurrerem, ut causâ particularis, non Deus; ratio est, quia illa deformitas solum in me est, & actione meâ, ut à me tanquam causâ secundâ, legi subjectâ, pronuncietur; sed tamen Deus ad istam ablationem in specie, ut est ens tale in genere naturæ, non minus particulariter concurrit, quam tunc, cum sit sine furto, sine ista malitiâ morali. Ergo Deus nullo modo est author peccati ex particulari concursu, quia particularis ejus concursus terminatur in actionis malæ v. g. furti entitatem specificam in genere naturæ. 2. Malitia dicitur sequi aut comitari actionem dupliciter, in quantum est privatio rectitudinis moralis aut legalis: vel ex ipsa natura & essentia actionis*

quemadmodum hunc actum, qui est fornicationis, sequitur necessario violatio integritatis corporis, quæ est privatio quædam: & hoc sensu verum est vulgare axiomata: *Qui est author formæ, est author omnium consequentium formæ*; sed hoc modo ac sensu non sequitur actum peccati sua vitiositas, sua malitia: vel malitia, in quantum est privatio, sequitur aut comitatur actum, non ex ipsâ naturâ actus, sed ex relatione ad agens certum, in quantum scilicet egreditur à tali agente, cui præfixa est lex & regula ad actum oppositum: hoc modo & sensu actum peccati comitatur & sequitur sua malitia, quæ idcirco non est rejicienda in quemcumque authorem actus, sed in eum cui præfixa est lex & regula ad actum oppositum: talis author actus est sola cuius secunda, non prima: ergo malitia sequitur & comitatur actum peccati, in quantum profluit à sola causa secunda. non autem in quantum proficiscitur à primâ.

§ 3. Si Deus ut causâ particularis concurrat ad entitatem specificam omnis actionis, ergo non tantum ad bonitatem sed & ad malitiam concurret ut causâ particularis, quia tam malitia quam bonitas specificat actionem, cum sint oppositæ species. Resp. hoc argumentum proficisci ex falsâ hypothese, quasi, cum actio dividitur in bonam & malam, illa sit divisio generis in species: Nil minus: est enim divisio subjecti per adjuncta: bonitas & malitia distinguunt quidem actiones, ut adjuncta subjectum, sed non specificant eas, ut differentiæ specificæ genus; quod clarissimè hinc liquet, quia una eademque actio potest esse huic bona, alteri mala, prout huic est non interdicta, alteri est interdicta: at una res non potest v. c. huic esse homo, illi bestia, etsi centenos indicat respectus: & si esset illa divisio generis in species, cum actio dividitur in bonam & malam, bonitas & malitia essent utrumque aliquid positivum, quia illa, quæ specie opponuntur diversâ, utrumque sunt vera entia: at bonitas & malitia, cum non contrariè sed privativè opponantur; nec positivæ aut veræ species entis sunt, nec veras aut positivas species constituunt: atque ex hisce manifestum est, quam ineptè philosophentur de concursu

Dei,



Dei, qui eum indifferentem faciunt, sic ut ad bonum & malum determinetur tanquam ad diversas specie actiones à voluntate creatà: cum 1. neque concursus Dei sit indifferens, 2. neque bonitas & malitia diversas specie actiones constituent: sed unus idemque concursus Dei requiritur ad actionem aliquam, tanquam subjectum, quocunque demum accidente, sive bonitate, sive malitia morali affectum, producendum: loquimur de concursu & influxu in actiones naturales, qui unus est idemque in actiones tam bonas quam malas, sed utrobique determinatus & particularis ad actionem in specie atque individuo, talem ac talem in genere naturæ: præter hunc influxum particularem & determinatum ad actionis Physicæ entitatem genericam, specificam, & individualement agnoscimus singularis gratiæ influxum & concursum supernaturalem per modum principii & actionis simul in actione bona qua bona, id est, terminatum in ipsam bonitatem. Itaque Deus respectu actionis, in mala concurrente nihil plus operatur quam in bona: dico, respectu actionis, quia utrobique genericam, specificam, individualement entitatem actionis non minus producit, quam creatura; sed vero in bona hoc amplius agit concurrente quam in mala, quod in bona non tantum præmoveat & concurrat cum causa secunda ad actionem, sed præmoveat insuper & concurrat influendo in ipsam bonitatem per auxilium supernaturale, per influxum specialis gratiæ: sed in actione mala, neque præmoveat neque influat in malitiam, verum in actionem tantum.

V. Ut tandem huic & præcedentibus de concursu Dei disputationibus finem imponamus, atque omnem errandi animum præcidamus, quomodo concursus Dei dici debeat generalis, specialis, universalis, particularis, breviter proponemus. Concursus generalis est is, quem Deus largitur omnibus creaturis, ad omnes ipsarum actiones, qua actiones, peragendas: specialis, quem Deus largitur quibusdam duntaxat, idque ad actiones bonas, qua bonas, perficiendis. Uterque concursus est particularis, neuter universalis: unus terminatur ad actionem non tantum qua actionem in genere, sed qua talem in specie & in individuo; alter terminatur ad bonitatem non tantum in genere, sed hanc in specie & in individuo. Si quis, aut concursum generalem ad actiones, aut specialem ad bonitatem earum, velit vocare universalem, quia generalis ad omnes actiones, qua actiones, specialis ad omnem bonitatem extenditur, per melicet, neque quicquam culpo, ita dici ratione objecti concursum Dei universalem: sed cum ista universalitas transfertur ad significandum modum concurrendi in Deo, quasi concurrant tantum actione indifferenti, generica, communi, indeterminata, contrahibili, & determinabili ad hanc aut illam actionem per causam secundam, pessimè dicitur concursus Dei universalis, neque serenda est ista denominatio, quæ tot errores peperit per universam & Theologiam & Philosophiam: & talis ac tali modo universalis concursus figmentum est ac commentum cerebri humani.

## Disputationum ex Philosophiâ selectarum,

### DUODECIMA.

#### DE

## A N G E L I S.

### THESIS I.

A Nimus est, quæ de Angelis naturæ lumine citra revelationem sciri possunt, sub examinis incudem disputationibus aliquot revocare; quod jucundum pariter & utile

utile fuerit Philosophantibus. Nomen (*Angelus*) non tū dicitur, nunciare, deductum est, & idem notat, quod *nuncius*: itaque, si vis nominis spectetur, non naturæ, sed officii est vocabulum, adeoque etiam ad homines, qui divinā annunciant, translatum est: consuetudo tamen obtinuit, ut vocabulum illud usurperet ad significandam naturam quandam seu substantiam creatam nobiliorem homine: quam dari ex fide quidem & lumine supernaturali est certissimum, sed in ratione id & lumine naturæ conitet, non tam est certum.

II. Quæritur ergo, *Utrum evidenti aliqua ratione demonstrari possit Angelos esse?* Videatur id quidem fieri posse, siquidem Philosophi gentiles eos agnoverint: *Aristoteles* quidem l. 12. *Metaph.* & l. 1. *Phys.* intelligentias esse probat, ratione desumpta à motu cælorum: hoc serè modo argumentatur *Philosophus*: cum corpora cælestia moveantur, non tamen à seipsis, ergo ab intelligentiis assistentibus, quas nos Angelos vocamus. At vero hoc argumentum nullum est, nedum ut evidenter demonstretur: nam dici potest aut cælos esse animatos, & sic ab anima sua; aut si non sint animati, à sua saltem forma intrinseca (quod nos existimamus) moveri, ut moventur quoque elementa; aut quia est primum corpus, immediate moveri à Deo; ut *Aristotelis* quidem à motu cælorum desumptum argumentum nihil stringat. *Plato* in *Timæo*, *Cratylus*, & eo de *legibus*, posuit duplex genus Angelorum, alios inferiores, quos daemones vocabat, alios superiores, quos Deos: sed nec ille necessariam ejus rei adducit demonstrationem, verum rationes tantum secutus est probabiles.

III. *Thomas Aquinas* 1. part. *summ. Theol. quæst.* 50. art. 1. hac ratione conatur demonstrare Angelorum existentiam. Postulat ordo & perfectio universi, ut in eo sint aliquæ creature, quæ Deo Creatori assimilentur secundum quod causat ipsum universum; causat autem universum per intellectum & voluntatem; Ergo requiritur ut in eo sint creature intellectuales, id est Angeli. Major probatur: quia ad rationem universi requiritur, ut in illo sint creature, quæ assimilentur Deo, modo per-

fectissimo, quo aliquid Deo assimilari potest: atqui perfectissimus modus assimilationis est secundum illud, per quod Deus causat universum. Ergo &c. Hæc ratio primo collegit proprie dari, non Angelos, sed substantias intellectuales: at tales darentur, etiam si non darentur Angeli: nam ipse homo secundum animam, aut ipsi potius anima talis est: deinde, non fuit necesse, ut universum conderetur in omni perfectione possibili, imo ne quidem in ista perfectione, in qua conditum est: & effectus causæ æquivocæ non potest habere perfectam assimilationem ad suam causam; sed universum respectu Dei est effectum causæ æquivocæ. Ergo &c. itaque nec ratio *Thomæ Aquinatis* loc. cit. est demonstrativa.

IV. *Suarez Disp.* 35. *sect.* 1. num. 5. Angelorum esse actuale sic collegit. Angeli sunt possibiles, Ergo produxit eos Deus. Antecedens facile probatur: quia nec repugnat Deo eos facere, quippe qui est virtutis infinitæ, adeoque potest producere omne possibile, nec repugnat iis eos fieri, quia in tali natura spiritali completa & intellectuali nulla est ad existendum in rerum natura repugnantia: consequentiam sic probat, quia Deus fecit sibi mundum perfecte similem: sed ad hanc perfectionem requiruntur Angeli: ergo Angeli de facto dantur: minor probatur, quia Angeli habent excellentem gradum intelligentiæ, qui est Deo simillimus, sine quo manca esset mundi similitudo ad Deum: hunc discursum ibi latissime persequitur *ad num.* 13. usque, & ex eo omnes ejus compilatores, & inter alios *Schiblerus*, l. 2. *Metaph.* c. 4. *Art.* 2. num. 5. 6. sed *Suarezium* sic dilcurrentem egregie flagellat *Vir C'arissimus ac Do'fissimus D. Jac. Revius* ad locum istum in suo *Suarezio Repurgato*, ridet ac refutat *Suarezii Socius Jesuita Hurtadus de Mendocia Disputatione Metaph.* 12. *cap.* 2. Et certe conjectura est, non argumentum efficax, aut demonstratio. Nam, quid si Deus creare voluisset hoc universum sine Angelis, ut certe potuisset, an non ratione sapienti fuisset motus & honesta, licet nobis incognita? constat Angelos à Deo esse creatos libere, ita ut potuerit eos non creare, ac nihilominus totum hoc universum sine ullis administrare & regere,

regere, cœlos movere, hominibus providere potuisset haud dubiè : itaque cum potuerit Deus Angelos producere & non potuerit pro lubitu, quodnam argumentum ex lumine naturæ evidens sumemus ad partem alterutram probandam? fecit hominem ad similitudinem suam, neque refert quod ea in Angelis sit perfectior : potuit namque Deus nec Angelos, consequenter, nec similitudinem illam velle producere: nam & nunc potest sine dubio producere Angelos perfectiores Deum referentes, quos neque produxit unquam, neque unquam fortè producturus est. Et cur non eadem ratione Suarezianâ probamus esse mille mundos, totidemque soles & lunas &c? omnia enim hæc quoque possibilia sunt: hinc venuste exclamat Mendocæ loco cit. §. 6. *O bone Deus quam multa fecisses, si quæ potuisses, fecisses.*

V. Nos itaque demonstrari non posse ratione naturali, quod dentur Angeli, existimamus: neque enim de monstrari potest ex Angelorum essentia seu quidditate, neque ex eorum effectibus, non ex quidditate & essentiâ, quia non est de illorum, sicuti nec de ullius creaturæ ratione, ut existant, quia Deus (qui solus existit necessariò) & illos, & creaturas liberè condidit, ut potuerit non condere, consequenter, ut potuerit & illi & illæ non extitisse: non ex Angelorum effectibus: nam intelligi posset concursus ipsius Dei solus aut etiam aliarum causarum sufficere ad quemlibet effectum Angelicum. Producit Scheiblerus loc. cit. num. 7. effectus hominum obsequiorum & arreptionum, qui sæpius loquuntur variis & incognitis linguis, etiam de rebus incognitis, etsi sint idiotæ, blasphemant, mentiuntur, &c. Verum nec hæc ratio est evidens aut demonstrativa; nam certum est animas separatas interdum callere varias linguas, quas in hac vitâ didicerunt, habere etiam voluntatem male agendi, imò & vim movendi corpora: unde ista effecta fieri possunt ab animabus separatis, quæ ad tempus inhabitant talia subiecta: Respondet Scheiblerus num. 8. nullum esse indicium, quod ista ab animabus separatis fiant, & gratis hæc dici. At nec majus est indicium ex lumine naturæ ista fieri ab Angelo, quare & hoc gratis à Schei-

blero dicitur: cum ergo res utrimque sit ambigua, non potest esse argumentum evidens, pro alterâ parte, quod tantum urgemus: producit Scheiblerus exemplum serpentis in paradiso, ubi nondum fuit anima separata: sed effectus ille seductionis non est cognitus lumine naturæ, ideoque per illum exceptio nostra de naturali lumine non evititur. Atque sic nihil adhuc apparet, quo evidenter existentia Angelorum (Angelorum dico, nam quod hinc evidenter probetur, naturam spiritua-lem & non corpoream esse, quæ dictorum effectuum sit causa efficiens, & quidem creata, haud inviti largimur) lumine naturæ demonstrari possit: interim argumenta à perfectione & ordine universi, ab incognitarum linguarum prolatione, esse probabilia concedimus, & inter argumenta probabilia illud postremum esse probabilissimum & maximi ponderis damus; quare in eo acquiescentes, ab Angelorum existentia ad essentiam procedimus.

VI. *Essentia* Angelorum qualicunque descriptione adumbratur, quam sequetur *disputationibus aliis explicatio attributiva*, quæ proprietates, & *effectiva*, quæ eorum operationes explanabit: optimè describitur *Angelus, substantia incorporea, completa, finita*. Angelos esse *substantias*, satis est clarum, quia nulli inhærent ut subiecto: sunt substantiæ *incorporeæ*, quatenus *incorporeum* distinguitur à corpore de prædicamento quantitatis, seu à corpore mathematico, id est, trinâ illâ dimensione, & ut distinguitur à corpore de prædicamento substantiæ, id est, ab illâ entitate substantiali, quæ est subiectum illius trinx dimensionis, atque hoc uno verbo exprimunt alii, cum Angelum dicunt *Spiritum*, ubi tum vox, *Spiritus*, non sumitur improprie, in quantum significat interdum corpus subtile & tenue, quo sensu Physici dissepunt spiritum in naturalem, vitalem, & animale, sed proprie, in quantum significat substantiam à corpore, tum Physico, tum Mathematico, distinctam, atque hoc commune est Angelo cum anima rationali & Deo; à quo tamen utroque in reliquis vocibus distinguitur, cum dicitur substantia incorporea, sed *completa*, sed *finita*: anima quippe rationalis est substantia incorporea, incompleta: nam à

corpore dependet, actu, in statu conjunctionis; aptitudine, in statu separationis: Deus vero est substantia incorporea, completa, sed infinita.

VII. Ex iis, quæ sunt dicta, manifesta fit Angelorum *simplicitas*, quæ spiritus ille completus, finitus, liberatur ab omni compositione; essentiali, quam inferunt materia & forma; integrali, quæ fit per quantitativas partes materiam integrantes. Contrà hic disputat Scaliger Exerc. 359. sect. 3. *Quanta*, inquit, *sunt intelligentie, haud quæritate prædicamentali, sed quantitate intelligibili, ut intellectus intelligat in eis unam partem, quæ non sit alia.* At verò, quomodo potest intellectus concipere unam partem ab aliâ distinctam, si partes diversas non habent Angeli? & si intellectus intelligat unam partem, quæ revera non sit alia, sed extra aliam, in Angelis, tunc Angeli quanti sunt quantitate prædicamentali, quod Scaliger negat: nam sic sunt revera extensi: quæ est ratio formalis quantitatis: nam quid est aliud, extensum esse, quàm habere partem extra partem? Quidquid ita est extensum, est quantum quantitate prædicamentali. Id, in quo intellectus intelligit unam partem, quæ verè non sit alia, est ita extensum. Ergo id, in quo intellectus intelligit unam partem, quæ verè non sit alia, est quantum quantitate prædicamentali: si verò pars illa revera non est alia, sed tantum concipitur ita, quantitas illa solum conficta est, & ens rationis, adeoque conficta est illa Scaligeri distinctio. Ac magis errorem suum, quem de Angelorum quantitate fovet, insequentibus proflit, Sect. 4. *Si intelligentia*, inquit, *finis habet, quos ultra ac præter non potest à signari, necesse est, aliquid figuræ sit prædictæ: est enim figura, non extremitas corporis, ut veteres dixerunt, sed dispositio extremitatis: at omne terminatum figura aliqua terminatur.* In quibus verbis Scaliger revera à janua aberrat: confundit enim terminos essentia cum terminis quantitatis, neque veram figuræ rationem tenet, sed quod formæ

proprium est, figuræ tribuit: nitens falsissimo principio; *Quod omne terminatum, figura sit terminatum: Quid enim dicemus de forma substantiali determinante materie essentiam? an quæso per figuram determinat? Quid de actionum determinatione sentiemus? an illa à figura pender.* Et hunc ejus syllogismum, *Omne terminatum, figura terminatur; Angeli sunt terminati, Ergo figura terminantur*, redigimus ad absurdum, hoc modo. *Omne terminatum, figura terminatur. Essentia finita (præcisa etiam figura) est terminata. Ergo essentia finita (præcisa etiam figura) terminatur figura. Conclusio contradictionem involvit, & minor vera est: essentia enim finita, eo quod non est infinita, est terminata in se, præcisa figura: ergo falsa erit major Scaligeri: si regerat se loqui de terminatione quantitativa, majore admissa, dicimus esse falsam minorem.*

VIII. Cum hac Angelorum simplicitate optimè convenit multiplex eorundem compositio: 1. Datur in iis compositio *ex esse sive existentia & essentia*: quia existentia non est de illorum essentia: sed essentia eorum abstrahit ab actuali & possibili: adeoque concipi possunt Angeli non ut actuales, sed ut possibiles, sicut aliquando fuerunt in potentia Dei objectiva. 2. Datur in iis compositio *ex genere & differentia*: quia directè collocantur in prædicamento substantia, cum sint entia finita & completa: at quod tale est, istius compositionis est capax. 3. Datur in iis compositio *ex subjecto & accidente*: quod vel unice patet de habitibus, v. g. bonitate morali, quæ in solo Deo est per essentiam, in creatura accidens morale: unde & Angelus eam salva essentia potest abjicere & deponere. 4. Datur in iis compositio *ex potentia & actu*, quia non sunt puri actus, hoc enim soli Deo est proprium. 5. An detur in iis compositio *ex natura & substantia*, à quibusdam est dubitatum: sed nos non videmus, cur Angelis negari debeat.

## Disputationum ex Philosophiâ selectarum

## DECIMA-TERTIA.

## D E

## A N G E L I S.

## T H E S I S I.

**E**Xposuit disputatio præcedens Angelorum *essentiam & existentiam*: hæc eorum *Attributa*, seu, ut alii loquiamur, *Proprietates* proponet. Inter Attributa primum tenet locum *intellectus*, quem Angelis competere, vel ipsum *intelligentiarum* nomen evincit, sed qua ratione ipsis conveniri, non est æquè clarum. Quæri enim hic solet, *Utrum intellectus Angelis sit reipsa idem, quod substantia Angelis, an vero sit accidens reale superadditum essentie Angelis?* Scotiste existimant, *Efficiens creatum* posse agere per propriam essentiam, tanquam virtutem vel rationem cauſandi proximam, ut non sit necessarium essentie efficientis aliquod accidens de genere qualitatis superaddere, per quod formaliter agat, adeoque de facto potentiam intellectivam in homine & Angelo esse reipsa idem cum substantia animæ & Angelis, statuunt: ac probant suam sententiam hac ratione. Si nullum efficiens creatum est operativum per propriam substantiam, sed indiget naturalibus potentiis ut accidentibus superadditis & virtutibus agendi proximis, id, vel ex perfectione est, vel ex imperfectione: sed ex neutro est, Ergo: Non provenit ex perfectione, quia major est perfectio per propriam substantiam posse operari quam per accidentia superaddita, unde etiam hic modus operandi solet Deo tribui, ut agentium omnium perfectissimo: nec potest provenire ex imperfectione, quia longe imperfectiora sunt accidentia, quæ tamen operantur per se immediate absque aliqua potentia superaddita, quod liquet in calore, qui est proximum agens & immediatum suæ operationis.

II. *Durandus* in 2. sent. dist. 3. quest. 5. quamvis in homine intellectum ab essentia

animæ distingui putet, in Angelis tamen intellectum & essentiam non distinguit, quod in Angelis rationes essent, ob quas in homine ponuntur potentie distinctæ ab essentia: rationes istæ duæ sunt: primo non videtur credibile, tot operationes, quot sunt hominis, intelligere, sentire, crescere, &c. provenire ab una animæ essentia tanquam una potentia: hæc autem ratio non valet in Angelo, cum is non habeat alias operationes, quam intelligere & velle quæ ab una & eadem animæ essentia, tanquam ab una potentia, possunt provenire: quod non modo de Angelorum, sed & de animæ rationalis essentia intellectu pronunciat *Scaliger exerc. 307. sect. 15.* secundo, ideo ponuntur in homine potentie distinctæ ab essentia animæ, quia videmus animæ essentiam esse actum corporis, potentiam vero intellectus non item: hæc ratio siquidem non habet locum in Angelo, in quo neque intellectus, neque essentia, est actus alicujus corporis.

III. *Thomista*, neque in homine, neque in angelo, potentiam intellectivam aut ullam aliam esse posse idem reipsa cum creature essentia arbitrantur: quæ est sententia fere communis modernorum: imo *Cajetanus* in 1. part. Sum. Thom. Aquin. quest. 54. art. 3. asserit repugnare creature, ut secundum suam substantiam sit immediatum principium operationis, eò quod sit summæ perfectionis, in eadem re contineri perfectionem substantiæ & perfectionem accidentis: ut est potentia operandi: sed contra *Cajetanum* facit, 1. quod cum substantia identificentur, ex multorum sententia, quantitas, figura, relatio, motus &c. quæ tamen accidentia vulgo habentur licet proprie non sint: quare ergo absurdum



fuerit, cum essentia creaturæ identificari potentiam operandi, quæ accidens vulgo habetur, sed tum non est: Et non implicat contradictionem, quod existimat *Cajetanus*, creaturam aliquam esse tam perfectam, ut illius substantia sit immediatum principium operationis, id est, ut sit potentia: nam potest creaturæ tribui sine contradictione omnis illa perfectio, quæ non sit summa & infinita: sed ut una & eadem res sit essentia & potentia operandi, non est summa & infinita perfectio: nam summa & infinita perfectio est continere omnes omnino perfectiones rerum possibiles, sicut eas Deus continet eminenter: at dicere, rem unam eandemque esse essentiam & potentiam, non est dicere, rem habere omnes perfectiones possibiles. Ergo &c. Quandoquidem ergo non repugnet creaturæ, ut essentia identificetur cum potentia, nos contra *Thomistas*, id fieri posse asserimus, & cum *Durando*, nec *Thomista*, nec *Scotista*, intellectum Angeli ab ejus essentia non distinguimus: utrum illa in homine quoque idem sint, ut *Scotiste* volunt, nos non decidimus, quia huc ad nostrum institutum non pertinet.

IV. Inter attributa Angeli secundum locum tenet *voluntas*, quæ intellectum sequitur necessario, quippe frustra foret intellectus boni, si non esset facultas, quæ bonum cognitum amaret atque proficeretur: nam ideo hominem cognoscitur, ut sua convenientia substantiæ *intelligentis* appetitum moveat. Et, si Angeli carerent voluntate, imperfectiores essent ac deteriores hominibus. Voluntatem tamen Angelorum, nec ab essentia eorum, nec à potentia intelligendi, distinguimus, re ipsa, quia nulla realis distinctionis necessitas aut causa monstrari potest: neque hic sufficit diversitas operationum: exficcare & humectare sunt operationes diversissimæ, & tamen ab uno eodemque realiter principio proveniunt; quidni & illud hic fiat? itaque non male *Scal. Exerc. & sect. ante citat. Voluntatem* definit, *intellectum extensum ad habendam*. Atque hinc manifestum est in Angelis quoque esse liberum arbitrium & libertatem, quæ est spontaneitas rationalis: voluntas enim Angeli semper, sed sponte, sequitur rationem, ut nun-

quam quicquam velit, quod non intellexerit ac judicaverit volendum esse.

V. Tertio loco recensemus inter attributa Angelorum *localitatem*, de qua multa facis intricatè disputari solent. Refert *Aquinas in 1. Sent. dist. 37. quæst. 3. art. 1.* quosdam olim fuisse, qui substantias immateriales ac separatas nullo modo in loco esse asseruerunt: sed vero contrarium sensit communiter omnis *Schola*, quæ semper tenuit, Angelos ibi aliquo & suo modo esse in loco, ubi sunt præsentēs: sed hic potissima est difficultas, *quomodo sint in loco?* Ac *primò*, hoc certum est, Angelum ita esse in loco ut tamen non sit ubique locorum, sicuti est Deus: itaque non est in loco *repletivè*, qui enim repletivè præsens est, debet replere omnia loca, quod nulli prorsus creaturæ, ideoque nec Angelo, competit, nec competere potest. Sed nec est in loco *circumscriptivè*, ut partibus loci respondeant partes Angeli, & hæc ab illis circumscriptantur: nam hoc convenit rebus ratione quantitatis Physicæ: quam Angelis *disp. præced.* negavimus: ideoque hoc modo sola corpora sunt in loco. Sunt ergo in loco Angeli *definitivè*, id est, sunt in parte spatii determinata, ut hic sint, non alibi, modo tamen alio, quàm corpora, quia alterius sunt naturæ & tota essentia distant à corporibus, quæ cum sint ita in determinato spatio, ut à partibus ejus circumscriptantur, Angeli contra ita sunt in determinato loco, ut à partibus loci nullo modo circumscriptantur. Unde male argumentantur, qui ex Angelorum præsentia locali eos corporeos esse concludunt: cum illorum præsentia in loco longe alterius sit ordinis, quam est præsentia corporum in loco.

VI. Sed *secundo* hic nova est quæstio, *an Angelus ita sit definitus in loco determinato, ut non possit esse in majori?* *Durandus in 1. Sent. dist. 37. quæst. 1. n. 26.* Angelorum præsentiam in loco non esse definitam quoad magnitudinem, adeoque Angelum posse esse in loco quantumvis magno, sustinet: imo dicit, *substantiam Angeli esse præsentem ubique, et modo quo ei convenit esse in loco, neque magis in hoc quam illo loco esse: quamvis postea, id non asserendo sed inquirendo se disputare, excuset.* Sed à tota *Schola* deferitur, quæ tenet Angelos



Angelos habere determinatum locum quoad magnitudinem, nec posse esse in spatio quantumvis magno: quia Angeli habent esse limitatum, ergo & præsentiam in loco limitatam: habent esse finitum & mutabile, ergo & præsentiam in loco finitam & mutabilem: & talis modus essendi in loco foret repletivus, imo ubiquitas: at hæc soli Deo convenit: denique Angelus non posset moveri localiter: at potest, quod nos postea demonstrabimus. Sed potestne Angelus esse in spatio minori ac quantumlibet parvo? Sunt qui hoc negent. At vero cum Angelus peculiari modo sit in spatio definito, sic ut non commensuretur loco (quod vocant aliorum esse in toto & totum in qualibet parte) neque ullam dicat dependentiam ad partes loci, non video, cur non possit manere in quacunque parte minima: nam ponatur quelibet quantitas; quæro, utrum sit divisibilis, necne? si non, tollitur communis recepta sententia, quæ ponit, omnem quantitatem esse divisibilem, & quidem in infinitum: si divisibilis sit, dividatur, quantum fieri potest; quæro, utrum Angelus possit esse totus in qualibet parte, an divisus potius in partes ad divisionem quantitatibus, in qua est? secundum dici non potest, quia Angelus est indivisibilis: ergo quantumcunque subdividatur ipsa quantitas: semper Angelus erit totus in qualibet particula, etiam minima: cum enim ipse sit impartibilis, non potest dari minima pars, quin in ea esse possit: aut igitur non datur pars quantumlibet parva, aut ea data, poterit in ea esse Angelus. *An possit esse in puncto mathematico* Angelus, diversum sentiunt Scholastici, aliis affirmantibus, aliis negantibus: sed eam questionem vanam esse, ut & plures sunt apud illos, judicamus: neque multum interest, utrumvis dicatur illud longe utilem ab iis quaeritur, quomodo Angelus sit in loco definito, an per operationem, ut Aquinas vult cum Thomistis, an per essentiam seu præsentiam substantialem, ut Scotus existimat cum Scotistis: hæc controversia quia est gravissima, quid sentiamus, dilucide explicabimus.

VII. Angelus est in loco, nec per operationem immanentem, nec per transcurrentem, nec per applicationem suæ virtutis ad locum, sed per suam

substantiam & essentiam, sicut substantia corporea est in loco per quantitatem. Quod Angelus non sit in loco per operationem, qualemcunque tandem, ex eo probatur, quia Angelum esse in loco, præsupponitur, ad operari in loco: prius enim Angelus (ut sic loquar) existit in esse quam operari: cum itaque prius sit, esse in loco quam operari, non potest Angelus per operationem esse in loco, seu, non potest ratio existendi in loco esse operatio: non video, quomodo hoc negari possit, quod prius sit naturaliter; agens locatum esse, quam agere: certè in agentibus corporeis hoc est manifestissimum, quæ prius locantur, quam agunt. Thomistæ, rationem existendi in loco, non esse operationem immanentem Angeli, sed transcurrentem dicunt. Sed enim Angeli sæpe nihil ad extra operantur, cum ut plurimum assistant Majestati divine in cælo empyreo: ergo tum nusquam erunt, & si Angelus in hoc conclavi operetur ad extra, postmodum cesset ab operatione transcurrente, nec ad alium locum moveatur, manebit sane præfens huic conclavi secundum propriam substantiam & essentiam. Cajetanus dicit, Angelum esse in loco per applicationem suæ virtutis ad locum: sed vero illa applicatio est vel actus primus, vel secundus. Non est actus primus, quia tunc erit Angelus in loco per suam substantiam, quod tamen negat Cajetanus. Non est actus secundus, quia ille vel est transiens, vel immanens: non transiens, quia hoc jam destruximus: non immanens, quia hoc ne ipsi quidem Adversarii volunt. Ergo ratio formalis existendi in loco est ipsa Angelus substantia, quæ immediate unitur loco.

VIII. Inter Angeli attributa locum potestimum sibi vindicat Duratio. Certum est durationem Angeli non esse æternitatem, utpote quæ nulli creaturæ communicari potest: nec est angelorum duratio temporis, quia hoc est rerum successivarum: Ergo fuerit ævum: quod sic probatur. Quicquid ex se habet initium durationis & ex se non habet finem, id durat ævo. Atqui Angelus ex se habet initium durationis, & ex se non habet finem. Ergo durat ævo. Minor patet, quoad partem priorem, quia

quia nihil est æternum præter Deum; probatur, quoad partem posteriorem, quia Angelus natura sua est immortalis & incorruptibilis, hoc est, intra naturam suam nihil continet corruptivum sui, neque per causas secundas definire potest, sola negatione conservationis divinæ: sed enim di immus natura sua immortale, incorruptibile, indefectibile: non

verò, cujus natura nullam, etiam à quacunque causa extrinseca, potest admittere corruptionem, qua ratione omnis creatura corruptibilis, mortalis, defectibilis est; solusque Deus immortalis est, incorruptibilis, indefectibilis, & cui ideo responderet æternitas, non avum, quod Angelis proprium, sicut item pus proprium est corporibus.

## Disputationum ex Philosophiâ selectarum,

### DECIMA-QUARTA.

#### D E

## A N G E L I S.

### THESIS I.

**D**isputationem de Angelorum attributis excipit disputatio de illorum *essentia & operationibus*: *Actiones* Angelorum sunt vel *immanentes* vel *transientes*: *immanentes intellectio, & volitio*. Circa *intellectionem*, præmissa quæstione, *Utrum intelligere Angeli sit ejus esse, & intellectio ejus essentia sive substantia*, discutimus hæc tria, intellecti- nis Angelicæ *objectum, medium, modum*. Ad quæstionem propositam quod attinet, ea solet communiter negari: Et negativa sententia efficacissimè probari potest ratione Theologica: quam nos missam facimus: sed verò an naturæ lumine & ratione naturali probari possit, videamus.

II. *Aquinas 1. part. Summæ Theol. quæst. 54. art. 1.* tres profert rationes, quibus negantem sententiam firmat. Prima est hæc. *Actio est proprie actualitas virtutis*: sicut esse est *actualitas substantiæ vel essentiæ*: impossibile autem est, quod aliquid, quod non est purus actus, sed aliquid habet de potentia admixtum, sit sua actualitas, quia actualitas potentialitati repugnat: Solus autem Deus est actus purus: unde in solo Deo sua substantia est suum esse & suum agere. Vis argumenti hæc est. Quodcunque non est sua actualitas, in eo operatio non potest esse idem cum virtute, nedum

cum essentia aut substantia: sed nihil, præter Deum, (nedum Angeli) est sua actualitas. Ergo &c. Probatur minor, quia omne aliud præter Deum habet aliquid potentialitatis, cui repugnat identificari actualitatem: Solus enim Deus purissimus est actus, nihil habens admixtum potentialitatis: quod tamen intelligi debet negative, ut sit sensus, solum Deum non perfici per aliquam actualitatem distinctam ab essentia. Secunda ratio *Aquinatis* ducit ad impossibile. Si *intelligere Angeli esset sua substantia*, oportet, quod *intelligere Angeli esset subsistens*: *intelligere autem subsistens non potest esse nisi unum*, sicuti neque aliquid abstractum non potest esse nisi unum: unde unius Angeli substantia non distinguetur, neque à Substantia Dei, que est ipsum *intelligere subsistens*, neque à substantia Angeli alterius. Tertia *Aquin.* ratio pariter ad absurdum ducit. Si *Angelus ipse esset suum intelligere*; non posset esse gradus in intelligendo, perfectius & minus perfecte: cum hoc contingat propter diversam participationem ipsius intelligere: Hoc vult argumentum tertium, ex opinione adversa sequitur, quod unus Angelus non sit perfectius intellecturus alio; nam illa graduum diversitas non potest esse nisi secundum diversam participationem ipsius

intelli.

*intelligere*, in variis intellectiōibus Angelorum : at participatio hæc tollitur, si ponatur intelligere Angeli esse subsistens & non per participationem, sicut ponitur, cum dicitur esse idem quod essentia aut substantia ejus.

III. Rationes ex *Thoma Aquin.* allatas multis & prolixè persequitur ac contra objectiones defendit *Thomas Cajetanus* ad *quest. cit. art. cit.* sunt tamen alii, qui evidentiam, vim, & efficaciam in iis desiderant : nec fortassis immerito. Nam *prima* solum probat, non posse substantiam creatam esse omnem actualitatem, ita ut nihil habeat potentialitatis, sed non probat, non posse substantiam creatam esse illam determinatam actualitatem, quæ est operatio : etsi enim substantia creata poneretur sibi identificare operationem aliquam aut omnes, posset tamen nihilominus esse & manere in potentia respectu aliorum accidentium sive actualitatum. *Secunda* & *tertia* ratio, si procedant de subsistenti *intelligere* soli, quale est *intelligere* divinum, id est, quod per se sit infinitum, continens omnem plenitudinem essendi, tunc quidem sequeretur, *intelligere* Angelicum non posse esse nisi unum, nec posse in eo reperiri diversitatem graduum ; sed tum non video, quare ratione probetur ab *Aquinatē*, quod *intelligere* Angelicum esset ita subsistens, si esset idem quod substantia Angeli, quæ utique per se non est nisi finita : si autem procedat de subsistenti *intelligere*, ut *in subsistenti* distinguitur contra accidens, quomodo jam de facto ipsa substantia Angeli est subsistens ; recte tum sequitur intelligere Angelicum esse ita modo subsistens, si idem sit quod substantia Angeli, sed minime sequitur, illud esse tantum unum, & non esse per participationem, & non habere plus gradus secundum majorem & minorem perfectionem : nam sicut ipsa substantia Angelica, licet ita subsistens, tamen secundum rationem specificam aut numericam de facto est multiplex, & est per participationem, hoc ipso, quod quilibet Angelus à suo conditore Deo partem aliquam perfectionis substantialis participavit : & sicuti eadem ratio substantiæ Angelicæ habet plures gradus secundum majorem & minorem perfectionem in alia &

alia specie aut individuo Angelico : ita etiam *intelligere* Angelicum, si esset subsistens, & idem quod Angelica substantia, posset similiter, & esse multiplex, & esse per participationem perfectionis intellectualis, & habere plures gradus secundum ejusmodi perfectionem majorem vel minorem.

IV. Fortasse solidius *Aquinas* probaverit quæstionis propositiæ partem negantem *art. 2. quest. cit.* ubi sic procedit. Nulla actio creaturæ est ejus esse : quia neque actio immanens, neque transiens : non transiens, quia esse agentis semper in ipso manet, & nunquam ab eo dilabitur aut abit : actio vero transiens est effluxus & egressus ab agente in patiens : non immanens, quia omnis actio immanens habet infinitatem de sui ratione, si non actu, saltem potentia, si non simpliciter, saltem secundum quid : simpliciter quidem infinitum, aut ut rectius loqui potuisset *Aquinas*, indefinitum est, *intelligere*, cujus objectum est verum ; & *velle*, cujus objectum est bonum ; quorum utrumque, quia convertitur cum ente, tam intelligere, quam velle sunt infinita, quia sunt in potentia ad omnia entia, possuntque in infinitum ac simpliciter in tota entis latitudine, in alio atque alio objecto terminari : sentire autem secundum quid est infinitum quia se habet ad omnia sensibilia, v. c. visus ad omnia visibilia, ut intellectus ad omnia intelligibilia : at vero esse cujusvis creaturæ, consequenter & Angelorum, est definitum ac determinatum : unde non potest, esse cujusvis creaturæ, nedum Angelorum, esse idem, cum ejus aut eorum operatione immanenti : solius Dei esse est simpliciter infinitum : unde solum esse divinum est suum intelligere & velle. Hæc ibi *Aquinas*. Et quid multis opus est ? aliud sanè est loqui de esse rei, aliud de ejus operatione, sc. in creaturis : quantumvis enim actio seu operatio sit intrinseca rei, ut est actio immanens, nunquam tamen est ejus essentia. Hæc semper ab illa distinguitur, cum ab illa profluat & promanet, & nullum posterius sit idem cum suo priori, nec ullum effectum sit idem cum causa, & contra. Concludimus ergo impossibile esse, ut intellectio Angeli aut cujusunque creaturæ, sit ejus substantia vel esse.

V. Nunc ex tribus, circa cognitionem Angelicam inquirendis, primum videamus, *Objectum* scilicet, medio & modo cognitionis Angelicæ rejectis in disputat. seq. Certissimum est, Angelos, etsi multa sciunt, multa etiam nescire. Cognoscunt seipsos tum quoad essentiam, tum quoad accidentia quæcunque: cognoscunt & alios Angelos, & Deum, & res alias, materiales, universales & singulares. Hæc omnia sic ostenduntur. Nisi se & alios Angelos cognosceret Angelus, esset minoris perfectionis quam homo in intelligendo: nam homo cognoscit seipsum & alios homines: dum vero seipsum & alios Angelos cognoscit Angelus, simul quoque cognoscit dependentiam sui à Deo tanquam causa & creatore: cognito enim & apprehenso effectu, cognoscitur quoque aliquo modo causa ejus: & si nos ex effectu devenimus in cognitionem Dei ut causæ, evidens est, quamlibet intelligentiam perfectioni modo posse Deum ita cognoscere: Atque hinc quoque clarum est, quod ista intellectio Angelica se extendat quoque ad reliquas res omnes in naturæ circulo contentas; quandoquidem extendit sese ad eas intellectio humana: cum enim res omnes contineantur sub primario intellectus objecto, quod est ens aut verum, sintque in tali statu, in quo aptæ sunt, ut cognoscantur, si ab homine intelligi & cognosci possunt, multo magis ab Angelis, quippe in quibus major & perfectior virtus est, ad intelligendum, tam singularia quam universalia, tam materialia quam immaterialia.

VI. Hic quedam quæri solent. 1. *An sub objecto cognitionis Angelicæ quoque comprehendantur futura contingentia?* Respondemus distinguere. Angelus nullam rem futuram, siue necessariam sit, siue contingens, immediate ac in seipsa cognoscit (hoc enim solius Dei est proprium, quia ea quæ non sunt perinde intelligit, atque ea quæ sunt) sed quas res futuras agnoscit, eas cognoscit & in & ex causis suis: cc. 1. *Futura, quæ ex causis suis fiunt necessario, agnoscuntur ab Angelis per certam scientiam, et solem cras oriri, ejusque certo tempore uore eclipsis:* Angeli multo exactius judicium habent de rebus naturalibus quam ullus ho-

mo habere potest, propter longissimam experientiam: at hominis naturale intellectus lumen attingit istam futurorum cognitionem, ut constat de Mathematicis in cognitione Eclipsos futuræ: ergo cognoscuntur quoque istiusmodi futura ab Angelis certo; sed, ut dixi, in suis causis, nec ut absolute evenitura, sed ex vi causarum secundarum, si per causam primam extraordinarie non impediuntur. 2. *Futura quæ ex causis suis proveniunt, non ex necessitate, sed ut plurimum, cognoscuntur ab Angelis, non per certitudinem, sed per conjecturam,* quomodo Medicus prævidet sanitatem aut mortem infirmi: atque horum futurorum cognitio tanto magis competit Angelis quam hominibus, quanto illi præhæce, & universalius, & perfectius, causas rerum cognoscunt. 3. *Futura pure fortuita aut casualia, vel à libero arbitrio in totum dependentia, prorsus ab Angelis præsciri nequeunt.* Virtus creata & finita non potest cognoscere aliquid esse futurum nisi ex suis causis: at, quæ prorsus sunt libera, casualia, & fortuita, illa causas habent prorsus libera, fortuitas, casuales, & indeterminatas: unde ergo intellectus creatus & finitus, qualis est Angelorum, causam talem effectus talis intuebitur? in libero arbitrio, dum adhuc in actu primo est & indifferens, tanquam in causa indeterminata, determinatum quid cognosci nequit: pariter dicendum est de casualibus & fortuitis, nam sicut res habent in universo, ita & cognoscuntur ab Angelo: ergo quæ habent esse prorsus incertum in suis causis; ut fortuita & casualia, non possunt sciri ab Angelis aut cognosci. Admittunt quidem nonnulli, futura contingentia, quæ dependent à libero arbitrio causæ secundæ, ignorari ab Angelis, sed vero, quæ ex aliis causis proveniunt, naturalibus quidem, sed talibus, ut, quantum est ex ipsarum natura, impediri possint, cognosci ab iis posse certo affirmant, & sic confirmant. Angeli cognoscunt perfecte universum naturæ ordinem, & omnium naturalium causarum dispositionem, ergo cum ejusmodi futura procedunt ex concursu naturalium causarum, possunt ab Angelo certo cognosci & infallibiliter: nam contingentia causarum natu-

naturalium in hoc consistit, quod ipsæ causæ impediri possint per alias causas naturales: sed Angelis cognoscunt & penetrant, quando futurum sit causæ naturalis impedimentum & quando non item, quia huiusmodi impedimenta naturaliter & secluso liberi arbitrii concursu proveniunt ex dispositione naturali superiorum causarum: at norunt Angeli perfecte influentias coelestium corporum & dispositiones elementorum, causarum superiorum. Ergo & norunt quando impedimenta sint futura, ergo & norunt futura contingentia casualia & fortuita ab arbitrio causæ liberæ non dependentia. Verumenimvero, si Angelus habet jam evidentiam determinationis causarum naturalium; & habet evidentiam ejus quod non sit futurum impedimentum, jam improprie dicitur illud futurum contingens & casuale respectu cognitionis Angelicæ, licet tale respectu nostræ cognitionis dici queat. Deinde non est verisimile, totum ordinem universi & dispositionem omnium naturalium causarum ita perfecte cognitam esse Angelis, ut omnem varietatem futurorum morum atque effectuum naturalium in animalibus, plantis, elementis, cæterisque inanimatis, secludendo ab his effectibus operationes causarum liberarum, possint cognoscere, v. g. quot formicæ vel muscæ toto mundo nascituræ sint intra proximos mille annos, & singulæ quot motus ac mutationes habituræ, quibus modis perituræ, quot pulvisculi, quibus figuris & motibus in aëre sint concitandi &c.

Quæri solet secundo, *utrum Angelis cognoscant cogitationes cordium?* Respondet potest Angelus probabiliter per conjecturam, ex signis & effectibus externis, cognoscere cogitationes cordium: nam ex mutatione vultus, vibratione oculorum, aut aliquo opere exteriori, quod sit indicium interioris effectus, potest homo

conjecturare, quid aliquis cogitet ac desideret: quidni & Angelus? Non potest Angelus certo cognoscere cogitationes cordium naturaliter: quia Angeli tantum naturaliter cognoscere possunt ea, quæ spectant ad ordinem naturæ: atqui liberæ cogitationes & affectiones cordium, nisi sponte manifestentur à cogitante, non continentur sub ordine naturæ, qui non habent connexionem & dependentiam à causis naturalibus, sed à causâ libera, ut tali: ergo naturaliter Angelus eas cognoscere nequit. In hac ratione notandum est, non ideo dici, quod cogitationes liberæ non continentur sub ordine naturæ, quasi istæ operationes sint supernaturales (constat enim plurimas ac pleraque cogitationes non excedere facultatem naturæ) sed tantummodo propter modum præternaturalem, quem habent quoad sui productionem, quia nimirum libera cogitatio dependet à libera voluntate cogitantis, adeo ut sola voluntas independentem ab aliqua causâ naturali (sicuti causâ naturalis opponitur liberæ) determinet sibi cogitationem hanc aut illam: & causâ naturalis habet naturalem determinationem ad unum, sicut ipsa natura ad unum est determinata: atque hinc est, quod voluntas habeat plenum dominium suarum operationum post Deum, cui soli subijcitur: proindeque in voluntatis potestate est, cogitationes, quibus voluerit, manifestare, sc. ordinando eas ad intellectum alicujus angeli, eique eas subijciendo, ut objecta: per quam quidem ordinationem & subjectionem ipsæ cogitationes liberæ constituuntur in esse naturæ seu cognoscibilis naturalis, ut jam ab aliis, v. c. Angelis, cognosci possint eo modo, quo res atque actiones naturales ab iis cognoscuntur, nam ab Angelis cognosci nequeunt ullo modo naturaliter, si non manifestentur cogitationes.



## Disputationum ex Philosophiâ selectarum

## DECIMA-QUINTA.

## DE

## A N G E L I S.

## T H E S I S I.

**D**E Intellectione Angelica, tria discutenda proposuit disputatio præcedens, *Obiectum, Medium, Modum* Obiectum istuc fuit explicatum: restat intelligendi *Medium* ac *Modus*. Quæritur, ut *de medio* primum disputemus, *An Angeli intelligendo utantur, hominum instar, mediis speciebus intelligibilibus, an vero omnia intelligant per suam substantiam sive essentiam?* hæc quæstio decidi generaliter non debet, sed speciatim, facta obectorum, quæ intelligit Angelus, divisione. *Ex disp. præced. th. 5. fere ad 4.* classes omnia cognitionis Angelicæ objecta revocari possunt; aut enim intelligunt Angeli seipsos, aut se invicem; aut Deum aut omnia alia creata: circa quædam harum specierum intelligibilem utuntur adminiculo, circa alia non item. Quare distincte singule enunciabimus.

II. §. 1. *Angelus intelligit seipsum per suam substantiam vel essentiam, & non per speciem intelligibilem.* Cum Angelum se intelligere asserimus per suam essentiam, non hoc volumus, intellectionem esse ipsam ejus essentiam (hoc enim præced. disp. fuit rejectum ac refutatum) sed essentiam Angelicam esse rationem & principium cognoscendi seipsam sine ulla specie intelligibili superaddita. Sententiam hanc sic probamus. Cum objectum est actu intelligibile, & per seipsum intime præsens intellectui, tum non eget intellectus specie, quæ vicem objecti suppleat, illudque intellectui uniat: at vero substantia sive essentia Angeli est objectum actu intelligibile & intime præsens intellectui Angelico. Ergo &c. Certe species datur & ut objectum faciat actu intelligibile, & ut uniat illud intellectui: ubi ergo objectum est actu intelligibile & unitum intellectui, nulla opus est specie: objectum vero censetur esse actu intel-

ligibile, quando est immateriale: oportet enim proportionem esse inter rem cognoscendam & potentiam cognoscentem; ideoque quando objectum est materiale, non est per se intelligibile, sed per speciem immaterialem; ut sic assimiletur intellectui, ejusque actioni immateriali: porro, debet objectum, cum est immateriale, aut per se, aut per speciem intelligibilem, intellectui intime esse præsens, quia, ut *Arist.* rectè docet. 3. de Anima, requiritur potentia cognoscentis & objecti, quæ sunt causæ intellectionis, unio ac conjunctio, ut ex utroque gigni possit cognitio: atque hæc ratio ferè est *Thome Aquin.* 1. p. Sum. quæst. 56. art. 1. & *Becani Theol. Scholast. par. 1. Tract. 3. c. 1. quæst. 7.*

III. §. 2. *Angelus unus intelligit alium Angelum, non per essentiam, sed per speciem intelligibilem.* Probat. Nam neque unus Angelus cognoscit alterum per suam ipsius essentiam, neque per substantiam alterius: ergo per speciem superadditam: non per suam essentiam, quia licet illa sit valde perfecta, non tamen sufficit, ut, suppleat vicem speciei intelligibilis aliarum rerum à se distinctarum, quia hoc est essentia tantum perfectissimæ, atque adeo infinitæ: non per substantiam alterius, quia substantia alterius Angeli non unitur alteri Angelo; ut forma illum actuans, sicut unitur species aliqua intelligibilis intellectui, neque ut origo & quasi radix, ex qua illius intellectus & intellectio promanet, sicut hoc modo substantia cujusque Angeli est unita ejusdem intellectui & intellectioni, & ideo ei sufficit, ut per eam, tanquam per formam intelligibilem, seipsam unusquisque Angelus intelligat.

IV. §. 3. *Quo medio utatur Angelus in intelli-*



intelligendo Deo, an specie intelligibili, an sua essentia, accertime contrahitur inter Thomam Aquinatem, & Iohannem Duns Scotum, atque utriusque sequaces: verum, ut distincte illorum mens intelligatur, distinctio hic quædam est ponenda, & exponenda de medio cognitionis, quod duplex est; aliud quidem cognitum, per cuius cognitionem aliud cognoscitur, quomodo causa cognoscitur per effectus, conclusio per principia, tanquam per medium prius cognoscendum: aliud est medium cognitionis, quod nulla prævia sui cognitione ducit nos in cognitionem alterius, quod aprior dicitur ratio cognoscendi, cuiusmodi est species, intelligibilis in intellectu, & visibilis in oculo, quæ nulla prævia sui cognitione, movet potentiam ad cognitionem sui utrinque objecti: est vero illud discrimen inter hæc duo media cognitionis, quod medium cognitionis primo modo, cum non causet cognitionem alterius, nisi media sui cognitione, non est ratio cognoscendi illud, nisi per discursum, saltem in creatura, sicuti discurretur à cognito ad incognitum: medium vero cognitionis secundo modo, cum sit tantum ratio cognoscendi, repræsentat objectum, non ut ratio cognita, seu immediate nulla prævia sui cognitione: ideoque est ratio cognoscendi objectum absque omni discursu. Aquinas asserit, Angelos intelligere Deum, non per aliquam speciem intelligibilem ipsius Dei ab essentia Angeli intelligentis distinctam, sed per suam propriam essentiam, non solum tanquam per medium cognitum, sed & tanquam per rationem cognoscendi, & speciem intelligibilem repræsentantem Deum. Scotus contra asserit, Angelos Deum intelligere, per speciem intelligibilem essentia suæ superadditam, tanquam rationem cognoscendi, non vero sic per essentiam, licet non diffiteatur, quin Angelus per suam essentiam, tanquam per medium cognitum, intelligat Deum esse quia per existentiam effectus cognoscitur existentia cause efficientis & conservantis effectum: sed essentia Angeli est effectus Dei: ergo per ejus existentiam cognitam cognoscitur existentia cause procreantis & conservantis, ipsius Dei: nam si humana ratio valeat argumentari hoc

modo ab effectu ad causam, quidni & Angelus. Interim hoc monemus de sententia Scoti, non talem ab ipso poni speciem Dei intelligibilem in Angelo, quæ repræsentet Deum, quantum repræsentabilis est, nam talis in intellectu creatum ac finitum non cadit; per talem enim speciem Deus comprehenderetur: at Deus à creatura comprehendi nequit, sed Deus patitur se intelligi per speciem sui: secundum capacitatem intellectus creati. Verum, qua ratione poterit species finita, in subiecto finito, Angelum deducere in cognitionem Dei infiniti? Respondemus uno verbo; quatenus ita repræsentat objectum, ut intellectus per eam terminum in objecto non reperiat. Atque hæc opinio Scoti, sic explicata, præ sententia Aquinatis, magis nobis aridet.

V. §. Ad cognoscenda omnia alia creata utuntur Angeli mediis speciebus intelligibilibus. Hæc conclusio sic probatur ab Aquin. 1. 2. Summ. question. 55. art. 1. Illud, quo intellectus intelligit, comparatur ad intellectum intelligentem, ut forma ejus, quia forma est id quo agens agit: ut vero potentia perfecte compleatur per formam, oportet omnia, ad quæ sese extendit talis potentia, contineri sub illa forma: & inde est, quod in rebus corruptibilibus forma non perfecte compleat materiam potentiam, quia potentia materiam ad plura sese extendit, quam est continentia formæ: at potentia intellectiva Angeli se extendit ad intelligendum omnia, quia objectum ejus est ens seu verum in communi: ipsa autem essentia Angeli non comprehendit in se omnia, cum sit essentia determinata ad genus & speciem, comprehendere enim omnia proprium est essentia divina, quæ infinita est, & in se omnia perfecte complectitur: ideoque solus Deus omnia alia à se cognoscit per essentiam, Angeli vero ad alia à se intelligenda egent speciebus intelligibilibus. Quam Aquin. rationem vide fuse explicatam & roboratam à Cajetano in notis ibidem.

VI. Utrum hæc species intelligibiles, per quas omnia à se distincta cognoscit Angelus, sint indita, insita, & infusa, quod voluit Aquinas ibid. art. 2. cum Thomistis, an verò à rebus sint acquisita & accepta, aliquæ saltem, quod

voluit *Scotus* cum *suis*, anxia & curiosa est lis, necdum decisa, & quæ fortasse ab homine in hac vita decidi nequit: nam conjecturæ hic magnus est locus. Nos, salvo aliter sententium iudicio, probabiliorē censemus sententiam *Aquinatis* quam *Scoti*: nam explicari vix potest, quomodo in via *Scoti* istæ species à rebus singularibus & materialibus accipiantur ab Angelis, qui sensibus destituuntur: Nam quod nos intelligamus alia à nobis per species à rebus acceptas, ideo est quia omnis nostra cognitio incipit à sensu, ideoque fit per abstractionem, quæ species quasi deficiantur, dum primum sensibiles abstrahuntur à materia rerum singulari & sensibili, atque inde fiunt phantasmata, & ex phantasmatibus species intelligibiles: at verò hæc causa non habet locum in Angelis, qui sensibus carent & externis & internis, ideoque, si per species alia creata à se intelligant, intelligunt per species non à rebus abstractas, sed sibi infusas. Fateor in hac via *Aquinatis* etiam difficultates repiriri ac scrupulos, qui incedentibus per eam negotium facessunt, plures tamen video in via *Scoti*: quare istat eundem fuit, qua occurrerent pauciores.

VII. Supereſt Angelicæ intellectionis *Modus*, circa quem tria quæri solent. §. 1. *An intellectus Angeli quandoque sit in actu, aliquando in potentia, respectu cognitionis?* Resp. quod sic: Quia actu ignorat effectus, pure supernaturales, qui pendent à libera Dei voluntate, vel etiam alios, quos sibi soli referavit Deus, atque sic ad illorum cognitionem est in potentia, ut ipsi à Deo revelentur: idem dicendum est de cognitione cordis humani occulta, si enim ejus cogitatio Angelo revelaret per signum aliquod, inciperet intelligere quod ante non intellexit. Denique quicquid de cognitione sui & Dei dicatur, cum aliarum rerum etiam in se habeat species intelligibiles, iis uti potest vel non uti, prout voluerit, sicuti homines: & certe in sententia contraria semper cognosceret actu semel cognita, & quidem actu distincto, quod tamen videtur inintelligibile. §. 2. *An possit Angelus simul intelligere multa, ut multa?* Resp. quod sic. Nam nullam videmus hic repu-

gnantiam: & hoc locum tenet in intellectu humano, multo magis ergo Angelico, quia hic multo est perfectior & perficiacior: noster intellectus simul intelligit lapidem & hominem cum format hanc propositionem (*lapis non est homo*): hic *lapis* & *homo* per duplicem speciem in intellectu nostro representantur; ergo non possunt se habere ad intellectum nostrum, ut unum, sed ut plura: quid? quod visus videt simul plura ut plura: cum v. c. in eadem charta intuetur nigredinem characterum simul & albedinem papyri, & auditus simul audit multas voces musicorum. Ergo hoc affirmare multo magis licebit de intellectu Angeli. §. 3. *An intellectio Angeli fiat componendo, dividendo & discurrendo?* Resp. probabile esse, quod sic fiat. De compositione & divisione patet, quia distincta cognitione fertur in subiectum enunciationis & distincta in prædicatum, imprimis si à parte rei distincta sint: at id non fit sine compositione & divisione: de discursu patet, primum discretus, quia Angeli cognoscunt naturalia, non omnia simul, sed successive; hæc autem cognitio est discursus discretus: tum continuus, quia in intellectu Angeli datur dependentia intellectionis ignotioris à notiori, qui discursus est continuus; sc. signum, quo cogitatio occulta cordis humani Angelo revelatur, ut notius, cum deducit in notitiam ipsius cogitationis tanquam ignotioris: interim discursus hic tam est subitus, tam celer, ut non percipatur motus intellectus Angelici super objectum. Atque hæc de intellectione Angeli probabiliter dicta sufficiant.

VIII. Intellectionem Angeli sequitur ejus *volitio*, circa quam *objectum*, *medium*, *modus*, considerari possunt ut in intellectione. *Objectum* volitionis Angelicæ est bonum, & bonum tantum, sed vel verum, vel apparens: itaque nullus Angelus malum appetit, quia tale *medium* est cognitio, & quidem practica: hinc est, ut Angelus, nihil velit, vel nolit, vel non ve'it, quam quod iudicium intellectus practici in Angelo volendum, vel nolendum, vel non volendum esse præscripsit: pariter, quando hoc potius vult, quam aliud, ideo est, quia hoc potius quam

quam aliud esse volendum intellectus dicitur : velit Angelus nisi sponte, & ex præscripto ac  
*modus est*, libertas fundata in eo quod nihil dictamine rationis.

## Disputationum ex Philosophiâ selectarum,

## DECIMA-SEXTA.

## DE

## ANGELIS.

## THESIS I.

**A**ngelorum actiones immanentes, intellectionem ac nolitionem, duabus præcedent. disputationibus explicatas, excipit explicatio actionum transeuntium: inter quas non infimum tenet locum *motus localis*, quo uno ubi dimisso ac relicto, aliud quærent Angeli. De hoc motu multa solent disputari à Philosophis & Scholasticis; ac §. 1. *Quæritur*, An Angelus vere ac proprie secundum locum moveatur. Durandus 1. Sent. dist. 37. quæst. 1. n. 25. de eo dubitat, existimatque non vere sed secundum apparentiam Angelum moveri: innititurque isti fundamento, quod substantia Angeli sit præsens ubique, unde non potest moveri secundum locum: sed hoc fundamentum Durandi eversum ivimus Disp. select. 13. th. 6. ideoque idoneum non est motui Angelorum tollendo. Aquinas 1. part. Sum. quæst. 53. art. 1. & Cajet. ibid. quamvis admittant Angelum vere moveri localiter, ita ut unum locum deferat, alium acquirat, non tamen proprie id fieri volunt, sed improprie & secundum metaphoram; nititurque illorum opinio huic fundamento, quod Angelus sit in loco per operationem aut applicationem suæ virtutis: sed & hoc fundamentum subruimus Disp. 13. th. 7. Nos sicuti Angelum secundum substantiam esse in loco asseruimus, Disp. & thes. cit. ita nunc eum vere & proprie moveri localiter asserimus: quia eo modo convenit rebus moveri, quo convenit esse in loco: at esse in loco convenit Angelo secundum substantiam, quod ante fuit probatum: ergo & ei convenit,

secundum eam moveri, amovendo eam ab uno loco & applicando alteri. Itaque rejicimus Thomistarum sententiam, asserentium, Angelum motum in eo consistere ut attingat diversa loca media operatione, qua in eis aliquid producit, sive sit formaliter transiens, sive applicatio virtutis. Sed quomodo potest Angelus operari in ullo loco, si non prius, saltem ordine naturæ, existat? quomodo existeret nisi prius eum acquisiverit? Ergo non movetur ad aliquem locum per operationem, quam in eo producit, sed jam motu eum acquisivit, antequam operetur: & ostendimus disp. & th. cit. Angelum posse esse in loco, licet nihil operetur, ergo & jam poterit fieri præsens in diversis locis, nihil circa illa operando: itaque Angelus in motu habet se aliter atque aliter in ordine ad spatium locale, non tantum in ratione agentis, sed & in ratione immediate præsentis.

II. Quæri hic potest, An definitio motus tradita ab Aristot. 1. 3. Phys. quod sit actus entis in potentia, qua potentia, conveniat motui locali Angelorum? Resp. quod si illa definitio accipiatur prout ibi tradi solet & explicari ab Aristotelicis, non conveni, quia sic intelligitur de actu & ente physico, corpore naturali ac sensibili: si tamen accipiatur magis abstracte, prout ratio, *entis actus*, & *potentie*, reperitur etiam in rebus omnino à materia separatis, potest convenire: quia de motu Angeli dici potest, quod sit actus entis in potentia qua potentia ad ubi: neque repugnat Angelo, quod sit id actu. quodam imperfecto respectu

respectu loci, sicut non repugnat ei quod media successione motus perveniat ad locum, at de ratione successione est, quod sit actus imperfectus & incompletus. Quamvis autem motus Angelorum adhuc sit diversæ rationis à motu corporum, non tamen idcirco improprie motus dici debet: Nam forte (multis saltem) intellectus Angelicus diversæ est rationis ab humano, sed non ideo tamen dicitur improprie intellectus: pariter & hic se res habet.

111. Verum quia th. 2. jam statim diximus, non repugnare Angelo, ut successive moveatur, hoc ulterius est explicandum, quia fortasse alicui minus verum id videatur. Quæritur ergo §. 2. An Angelus possit moveri motu continuo & successivo? Resp. Successio ad motum continuum requisita ex duplici causa provenit: vel ex divisibilitate mobilis, vel ex divisibilitate spatii: quarum utraque causa, etiam cum una est præcisa ab alia, sufficiens tamen est ratio successione: nam quolibet mobile prius pertransit unam partem spatii divisibilis, quam aliam, & sic est successio ex parte spatii comparando mobile etiam indivisibile ad diversas partes spatii, sic angelorum motus est continuus ac successivus: deinde quando mobile est divisibile, tum etiam secundum unam partem sui prius quam secundum aliam partem, pertransit spatium divisibile, & sic corporum motus ab utraque causa est continuus & successivus. Porro indivisibile est aliud in genere quantitatis, ut punctum; aliud in genere substantiæ, ut Angelus: priori indivisibili non competit locus divisibilis, ut in eo sit, an tamen in eo non possit moveri successive, multi dubitant, imo plerique asserunt, exemplo Sphæræ undiquaque & exactissime rotundæ, quæ in plano existens licet non sit in loco divisibili (tangit enim planum in puncto) si tamen moveatur, movebitur successive secundum partes plani divisibilis: posteriori indivisibili competit locus divisibilis, ut in eo sit: nam anima etsi indivisibilis sit, est tamen in corpore divisibili: consequenter & Angelus, qui si existat in spatio divisibili, quidni & in eo moveri potest? Atqui iste motus localis in spatio divisibili concipi non po-

test nisi successivus & continuus secundum varias spatii partes.

IV. Ex his, quæ diximus, patet quid dici debeat, ad id quod §. 3. quæritur, *An Angelus possit moveri in instanti?* Resp. id plane esse impossibile: nam quod successivum est, non potest esse in instanti, quia habet partem post partem: at si in instanti esse posset, jam partes essent simul & non una post aliam: motus autem est successivus, ex antea dictis. Ergo. Quærent adhuc subtilius Scholastici, *an si non motus, saltem aliqua mutatio localis in Angelo esse possit instantanea, quæ de extremo in extremum moveatur in instanti.* Putat Scotus & multi cum ipso, fieri posse, si extrema sint immediata, & inter se à se invicem non distent, v. c. si Angelus sit in toto loco pedali, dicunt, quod possit se constituere in alio loco pedali immediato, non dimittendo primo partem primi loci, & acquirendo primo partem secundi loci successione quadam, sed simul & in instanti dimittendo locum totum primum & acquirendo totum secundum. Quod an probabile, disquirendum relinquitur. Quicquid sit de extremis indistantibus immediatis & mutatione instantanea; alia hic adhuc movetur quæstio de extremis distantibus & medium habentibus. §. 4. *An Angelus possit transire ab extremo in extremum non transeundo per medium, motu locali proprie dicto.* Respond. id fieri non posse, si illud medium sit aliquid utriusque extremi, quale est punctum in linea, siue sit nihil extremorum, quale medium est aqua inter aërem & terram: non potest fieri priori modo, quia illud medium est ratio continuitatis inter extrema: ideoque si Angelus continue moveatur, necesse est ut illud medium pertranseat; alioquin non foret motus continuus: nec posteriori modo, quia quod continue moveatur, prius pervenit in medium quam in terminum: alioqui continuitas ista concipi non potest; & res, quæ sic moveatur, esset in locis potius discontinuis, si non transeat medium.

V. Præter motum sub actionum Angelii transeuntium titulo alia etiam quæstiones ventilari hic solent. §. *An Angelus possit producere substantiam?* Respond. quod non, quia

quia nec creare potest, quod est solius Dei, nec generare, quia non potest disponere materiam, quod tamen ut prævium in omni generatione requiritur: at alius modus producendi substantiam nullus superest. §. 2. *An Angelus possit producere qualitates, tum materiales, tum spirituales?* Resp. Neg. prius, quia nec formaliter nec eminenter continet eas, ut sunt calor, frigus, &c. Aff. posterius, quia si agens corporeum potest in subiecto proportionato producere qualitatem materialem, cur non possit producere spiritualement in subiecto proportionato seu spirituali? §. 3. *An Angelus possit producere matrem localem?* Resp. quod sic, quia potest movere corpora: at qui localiter movet ut efficiens motus, is producit motum localem. Quod possit Angelus movere corpora, ex Theologia ac Sacris est certum, sed insuper ex Philosophia probabiliter suaderi potest, sc. si possit producere proprium motum, qui est perfectissimus, cur non etiam imperfectiores in alio, & corpore?

VI. Ad Angelorum actiones transeuntes refertur quoque *corporum assumptio*: nam cum propria corpora non habeant, & tamen sæpe corporea in specie appareant, nihil restat dicere, quam quod alia corpora assumant. Quæritur §. 1. *Qualia sint ista corpora?* Resp. probabile est vera aliquando hominum defunctorum corpora assumi, quæ movere possunt, & in iis apparere, aliquando corpora ab iis, ex ære vel condensato, vel admista ad colorum varietatem aqua, vel ex vaporibus, fabricari quæ vera membra non habeant, externam tamen membrorum speciem referant: nam licet aer in sua raritate manens nec figuram habeat, nec colorem, quando tamen condensatur, & figurari potest & colorari, quod patet ex nubibus: ista corporum fabricatio non est productio generativa, sed congregatio æris dispersi, & junctio partium ejus, aliorumque

concurrentium; quæ corpora, ut confestim congregando efformantur, ita confestim, dissipatis junctis, evanescent. §. 2. *Quomodo Angelus uniatur corpori?* Resp. accidentaliter: requirit autem ista unio, 1. Angelorum in corporibus assumptis existentiam substantialem. 2. existentiam talem, qualem habet motor in mobili: utrumque corporum assumptorum instrumentalem, ut iis manifestentur. §. 3. *Quales in assumptis corporibus operationes exercere possint?* Resp. nullas possunt edere operationes secundum substantiam vitales, vitalibus tamen similes: patet prius, quia corpora assumpta ab Angelis non vivunt vita prima, non enim ab Angelis informantur; ideoque nec opera vitæ ab iis possunt exerceri; nam vita secunda primam præsupponit: itaque Angeli in assumptis corporibus non generant, non loquuntur, non edunt, non bibunt, &c. & quando aliqua ex istis tribuuntur Angelis, non proprie hoc fit sed metaphorice, ob similitudinem talium operum cum veris operibus vitæ, quæ exerceri non possunt, ubi non est potentiale principium ad tales operationes exercendas: At Angeli quamvis habeant principium seu virtutem, qua possunt corpora seu partes eorum localiter movere, & hoc motu mediante figurare variis qualitatibus afficere, imo quædam in iis & per ea efficere, habentia aliquid simile operibus vitæ, non tamen habent principium potentiale ad veras & proprie dictas hujusmodi actiones, quia non habent facultatem generativam, comestivam &c. Videntur tamen actus facultatis locomotivæ, quæ tales, etiam præcisa vitalitate, ab iis exerceri, quia vere progrediuntur, ambulant, manus ad apprehendendum movent &c. Hæc de Angelorum natura, attributis, effectis, aliquot disputationibus, quæ probabiliter ex Philosophia disputari possunt, attulisse sufficit.



## Disputationum ex Philosophiâ selectarum,

## DECIMA-SEPTIMA.

## D E

## NECESSITATE.

## T H E S I S I.

**F**requentissima est apud Philosophos, *Necessitatis & Contingentiae*, mentio, dum hisce terminis; & *Ens* in sua latitudine, & *Causam Efficientem*, & *Enunciationem*, dividunt: atque hinc maximus est horum terminorum in omni disputatione ac dissertatione usus: Verum sicut recte intellecti & adhibiti inserviunt rebus obscurioribus enucleandis, ita non parvos errores gignunt in iis, à quibus nec recte intelliguntur, nec rite adhibentur. Quantum turbaverint Scholas & piorum in Ecclesia Dei mentes, cum disputationibus de Libero arbitrio, concursu, providentia, causa peccati &c. sunt inserti hi termini, sed pessime accepti, ex tot dissertationibus, quæ de istis controversiis voce ac scripto paucos intra annos sunt hic & alibi institutæ, cuius est notissimum. Vindicandi ergo sunt hi termini ab abusu, quo in errores varios multi sunt abducti. Atque hac quidem disputatione *Necessitatis* notionem executiemus, & varias ejus acceptiones, sed legitimas, proponemus.

II. De Necessario sic Philosophus, l. 5. Metaph. c. 5. philosophatur. Τὸ μὴ ἐκδεχόμενον ἀλλοῦ ἔχει ἀναγκαῖον αὐτοῦ ἔχει ἔντα. Quod aliter se habere non potest, necessario se ita habere dicimus. Hinc vulgaris est Necessarii definitio, *Necessarium est, quod aliter se habere non potest*, sive in existendo, quomodo *Ens* aliquod dicitur necessarium, ut Deus; sive in causando, quo sensu *causa efficiens* dicitur quædam esse necessaria, ut ignis; sive in enunciando, quo pacto enuntiatio vera dividitur in necessariam & contingentem. Deus dicitur *Ens* necessarium in existendo, quia non potest non existere: causa naturalis dicitur necessaria, quia non potest non operari positus omnibus

ad operandum requisitis: enuntiatio quædam vera, est necessaria, quia ita vera est, ut non possit esse falsa, adeoque non potest non esse vera.

III. Necessarium nonnullis dividitur in dependens & independens. *Necessarium independens*, quod suam necessitatem nulli debet, nulli acceptam refert. Atque hic est summus necessitatis gradus, qui in solum Deum cadit, qui dixit, *Ego sum, qui sum*; Ut sic entitatis suæ independentem necessitatem declararet *Necessarium dependens*, quod per sua quidem principia, sive externa sive interna, necessarium est, & omnem tamen suam necessitatem Deo debet: & hoc est necessarium *vel necessitate definitionum & demonstrationum, vel nature, vel hypothetica*. *Necessitas definitionum & demonstrationum* in creaturis summa est, & secundus necessitatis gradus, ubi, si fingitur oppositum, implicatur contradictio; ita necessarium est, *hominem esse animal, esse rationalem, esse risibilem &c.* Hanc necessitatem, definitionis & demonstrationis, in propositionibus per se primi & secundi modi, nonnulli ex Philosophis vocantur quoque independentem, ac fecerunt eam similem necessitati divinæ, quia sicut tam necessarium est Deum esse, ut contrarium contradictionem involvat, ita & hic in exemplis allatis. Verum licet tanta sit coherentiæ terminorum in istis propositionibus & rerum extra propositiones necessitas, ut si quis, non connecti sed separari posse illos terminos aut res aliique subiecto ista prædicata tribui posse, asserat, contradicentia dicat, non tamen ideo sequitur, quod independens sit istius coherentiæ necessitas: attributa essentialia vel constitutive vel consecutive necessario coherent cum essentia quam vel

constit.



constituunt vel consequuntur, nec est quippiam in re hoc modo necessaria, unde ista necessitas dependet, est tamen aliquid extra rem istius necessitatis dependens principium, sc. Deus: Quod enim homo sit animal, sit rationalis, sit risibilis &c. ac necessario, ut non possit non esse, licet in se illius necessitatis principium dependens nullum inveniat; Deo tamen acceptum hoc totum quod est referre debet, qui cum talem creavit, & talis essentiae, quam talia attributa essentialia & constituerent & consequerentur, creare pro sua sapientia voluit, sicut enim, quod existit, ita quod rationalis existat & quod risibilis, non rationalis, non irrisibilis, à Deo est: neque enim ipse homo sibi hoc esse essentiae dedit, sicut nec esse existentiae dare sibi potest. Si roges, an Deus potuerit creare hominem, qui non esset rationalis: non risibilis, si homo talis est necessario, quia Deus voluit eum talem creare, respondet, hoc rogandum non esse, nec temere in divinam potentiam, praesertim quam absolutam vocant Scholastici, inquirendum esse, ne scrutator curiosus majestatis opprimatur ab ea: nos id pro certo tenemus, necessitatem in aeternae veritatis propositionibus, ut vocant, sive in primo modo per se sive in secundo, esse à solo Deo, qui istius necessitatis est origo, causa, principium, quia ipse ut sapientissimus omnium rerum opifex res talis essentiae fecit, quae talem necessitatem propositionum fundaret, atque ita ipse tanquam prudentissimus legislator tales propositiones tanquam leges tulit. Necessitatem definitionum & demonstrationum sequitur *necessitas naturae*, quae tertium necessitatis gradum constituit, quae causa aliqua permanens in natura sua eodem modo ut à Deo Authore naturae est instituta, necessario tale effectum producit; atque haec quidem necessitas tanta est, ut causa talis ex se non possit effectum suum tale non producere: *ex se*, dico; nam à Deo sic mutari atque affici potest, ut non producat; sic gravia descendunt, Sol se movere, ignis utitur, omnia ex se & vi naturae suae necessario, licet à Deo sisti in agendo & in hiberi possint, etiam absque ulla contradictione. Succedit ultimo *necessitas hypothetica*, quae aliquid non in se, non ex se est

necessarium, sed ob hypothesin aliquam positam extra rem, quae necessaria dicitur.

IV. Necessitatem naturae nonnulli vocant necessitatem absolutam: alii necessitatem absolutam solum, pro independente: alii necessarium absolute vocant cujus negatio aut oppositum involvit contradictionem, & sic necessitatem independentem ac definitionum & demonstrationum comprehendit; & illi tum necessitatem naturae, vocant necessitatem secundum quid, atque hanc necessitatem distinguunt à necessitate hypothetica: ita Cl. praedecessor ac praeceptor noster *D. Burgerfd. l. 1. Metaph. c. 29.* Contra, alii necessitatem naturae, secundum quid dictam *Burgerfd.* confuderunt cum necessitate hypothetica, ad quam retulerunt necessarium ex natura, quia tale necessarium constanter quidem & immutabiliter agit, sed ex hypothesi ordinis à Deo in natura instituti: sed praestat, meo iudicio, necessitatem naturae distinguere ab hypothetica, quia hypothesis dicit aliquid rei necessariae extrinsecum: nec tamen vocare velim necessitatem naturae necessitatem absolutam, aut simpliciter: sed eum ordinem teneri ac nomenclaturam in classibus necessariarum digerendis, tum nominandis, quem ordinem ac nomenclaturam servavit cit. loco, *Cl. Burgerfd.* Quare nos ejus vestigiis insistemus.

V. *Necessitas* est, aut *interna*; quae res ex natura sua aut ex principio intrinseco est necessaria, & haec vel *absoluta*, quando oppositum contradictionem implicat, ut est necessitas independentis, & dependens definitionis ac demonstrationis, vel *secundum quid* sive *naturae*, quando oppositum naturaliter fieri non potest, sed tamen, si fiat, nulla implicatur contradictio; aut *externa*, quando res non ex natura sua aut principio intrinseco est necessaria (sic enim est contingens) sed quando necessaria est ob externam hypothesin seu conditionem: atque hoc necessarium est triplex pro triplici hypothesi: est enim necessitas *hypothetica ex suppositione*, ut loqui amant Scholastici, vel *causae*, vel antecedentis, vel *existentiae* sive *actus*: necessarium ex hypothesi *causae*, intellige, vel *efficientis*, vel *finalis*; nam

necessitas a materia & forma tanquam a causis internis, est interna, & quidem naturalis, secundum quid; *necessitas externa ex suppositione causæ efficientis* est, quando causæ efficientes, ex quibus aliquid oritur, non mutantur, cum mutari possent; ut, genus humanum magnis calamitatibus puniri est necessarium, quia causæ non mutantur efficientes calamitatem, scilicet peccata hominum. Huc refertur potest *necessitas*, quam vocant *coactionis*, ut cum robustior trahit infirmum invitum; & *determinationis*; quia quod determinatum est non potest non agere, ideoque necessarium est; & quidem ex hypothesi causæ efficientis, quia quod determinat agit in id quod determinatur: sic voluntas necessario appetit summum bonum, & quæcunque media cum summo bono sunt conjuncta, modo ab intellectus practici judicio præscribantur; quia voluntas determinatur ab intellectus practici judicio: *necessitas externa ex suppositione causæ finalis*, aliis dicitur *necessitas expediendi & eventus*, quomodo necessarium est eum edere, qui vitam cupit incolumem: hoc necessarium subdividi solet in *necessarium ad esse & ad bene esse*; quæ subdivisio ex ipsa finis divisione satis nota est: *necessitas externa ex suppositione antecedentis*, est necessitas ex suppositione *vel decreti, vel præscientiæ, vel prædictionis* divinæ; hoc triplici modo necessarium fuit, ut ossa Christi non confringerentur; necessitas *præscientiæ* vocatur Theologis, necessitas *infallibilitatis*; necessitas *decreti, immutabilitatis*, quamvis nonnulli ex ipsis hæc confundant: *necessitas externa ex hypothesi existentie seu actus* est, quæ res, cum est, necessario est, cum sit, necessario fit: quo sensu Arist. dixit l. de Interp. Omne, quod est, quando est, necessario est: hanc necessitatem nonnulli vocant necessitatem temporis. Cl. Burgersd. hypothesin, quæ rei alioquin contingentem necessitatem adfert, dicit vel antecedere rem, vel eam sequi, vel cum ea esse conjunctam: necessitas conjuncta cum re facit necessarium, quod ego vocavi necessarium ex hypothesi existentie, actus, temporis: hypothesi, quæ rem sequitur, quam facit necessariam, est finis rei, facitque necessarium ex hypothesi causæ finalis: hypothesi,

quæ antecedit rem sub conditione necessitatis, adfert istam necessitatem, vel per aliquam causalitatem, vel absque ea; si per aliquam causalitatem, ista vel coactio est, vel determinatio: quæ sunt hoc utroque modo necessaria, sunt necessaria; quæ vocavi, ex hypothesi causæ efficientis: quæ sunt necessaria ex hypothesi præcedente rem sed per nullam causalitatem, sunt necessaria, quæ vocavi, ex suppositione antecedentis, sive præscientiæ, sive prædictionis, sive decreti. Ac sic hujus divisionis membra cum membris nostræ divisionis ferè coincidunt.

VI. Hæ quidem varix sunt acceptiones vocis *Necessarii*: hoc restat, ut, quo sensu vox hæc sumatur in divisione causæ efficientis in necessariam (nam quomodo sumatur in divisione entis & enunciationis, satis est notum) & contingentem, seu, ut alii, liberam (quamvis libertas sit species contingentie: hæc enim dividitur in consultam, quæ libertas est, & fortuitam) explicemus. In hæc causæ efficientis divisione, non est intelligenda *necessitas hypothetica*, quæcunque etiam fuerit: quia hæc non contradistinguitur contingentie aut libertati: nam illa necessitas intelligitur facere causam necessariam hoc loco, quia contingentie seu libertati opponitur eamque tollit, quia causa necessaria & contingens seu libera, membra sunt opposita divisionis contrariæ: sed necessitas hypothetica contingentie aut libertati non opponitur, nec eam tollit, sed optime atque amice cum ea conspirat ac convenit: quod patet eundo per singulas classes necessitatis hypotheticæ jam recensitas: ex eo enim, quod jam scribo aut lego, necessario scribo aut lego: est hæc necessitas hypothetica ex suppositione actus, existentie, temporis, sive ex hypothesi quæ cum re conjuncta est: at illa necessitas libertatem meam mihi & actionis contingentiam non aufert: nihilominus libere scribo aut lego, quia scribo aut lego, quicquid, quantum, quando, & quamdiu lubet, & actio scribendi aut legendi contingens est: sed neque necessitas hypothetica ex suppositione antecedentis sive præscientiæ, sive decreti, sive prædictionis divinæ, quæ est necessitas rem præcedens

sine causalitate, libertati aut rerum contingentiarum repugnat: nam istoc triplici modo necessarium erat ut Judæi Christum crucifigerent, & tamen libere crucifixerunt, & crucifigendi actio Judæorum respectu fuit contingentissima: ulterius, neque necessitas hypothetica, quæ est ex suppositione causæ finalis vel ex hypothesi quæ rem sequitur, contingentiam aut libertatem è medio tollit: nam hoc modo necessarium est ut studeam si velim esse eruditus, nihilominus tamen libere studeo, quantum, quicquid, quando, & quamdiu lubet, & studendi actio contingens est: denique neque necessitas hypothetica ex suppositione causæ efficientis, sive ex hypothesi, quæ rem præcedit vera causalitate, contingentiarum aut libertati inimica est; sive fuerit ista causalitas coactio, sive determinatio: non determinatio; nam licet à summo bono determiner, tamen libere illud appeto, & appetendi actio contingens est contingentia consultata; pariter, postquam intellectus judicavit mihi navigio esse proficiscendum, ego hoc medium eligo necessarium, & tamen libere, & proficiscendi actio est contingens, non coactio, quia intellectus & voluntas, sedes libertatis & contingentiarum radix, cogi non possunt: fur coactus ad patibulum incedere necessitatem patitur, sed tamen libere incedit, adeoque ejus inces-

sus est contingens: quod autem vulgo dicitur necessitas coactionis pugnare cum libertate & contingentia, intelligitur tantum de actionibus imperatis: at in actionibus elicitis nulla esse potest coactio, nedum ut libertatem aut actionis contingentiam evertat. Concludimus ergo nullam speciem libertatis hypotheticæ aut externæ repugnare libertati aut contingentia. *Sola itaque necessitas interna intelligitur, cum causa efficiens dicitur necessaria: sed quænam? an omnis? Respond. 1. Non interna absoluta independens, quali modo necessarium esse diximus, Deum esse. 2. Non interna absoluta dependens definitionis aut demonstrationis, quali modo diximus esse necessarium, hominem esse rationalem aut risibilem. 3. Sed necessitas interna dependens secundum quid, sive naturæ, aut physica, naturalis, non prout ista vox animalem necessitatem excludit, sed in quantum eam includit, adeoque in quantum non naturale opponitur voluntario, competitque rebus tum inanimatis tum animatis anima vegetativa & sensitiva: hæc sola necessitas naturæ perfecta à naturæ principio intrinseco, sive materia, sive forma, constituit causam necessariam oppositam contingentia seu libertati, quod ostensum volumus. Atque hæc de necessario.*

## Disputationum ex Philosophiâ selectarum,

### DECIMA-OCTAVA.

#### D E

## C O N T I N G E N T I A.

### T H E S I S I.

Cum opposita juxta invicem posita clarius elucescant, disputationi de *Necessitate* subjicienda est disputatio de *Contingentia*. Το ἀναγκαῖον, inquit Philosophus l. 1. Prior. Anal. c. 3. t. 5. περὶ αὐτοῦ λέγεται, ὅτι, ὅτι τὸ ἀναγκαῖον, ὅτι μὴ ἀναγκαῖον, ὅτι δυνατόν ἀναγκαῖον λέγεται. Contingens multifa-

riam dicitur, namque & quod est necessarium, & quod non est necessarium, & quod est possibile, contingere dicimus. Sed hæc significatio aliena est, eodem Philosopho teste l. 1. Prior. Anal. c. 13. t. 2. τὸ δὲ ἀναγκαῖον, δυνατόν ἀναγκαῖον λέγεται, quod enim necessarium est, æquivoce contingere dicimus. Nonnulli contingens

idem faciunt quod fortuitum aut causale, quo pacto forte fortuna contingit, piscatorem piscando extrahere aureum tripodem; casu contingit regulam decidentem vulnerare prætereuntis caput: verum contingentia non casum tantum aut fortunam, sed libertatem quoque complectitur, quod in hujus disputationis progressu statim pluribus dicemus. Itaque in genere hic sumitur à nobis *Contingens* pro mutabili, sicut necessarium sumptimus pro immutabili: atque ut necessarium definimus, quod aliter se habere non potest, ita *Contingens* definimus ab opposito, quod aliter se habere potest, sive in essendo aut existendo, quomodo ens aliquod dicitur contingens, ut *Creatura*; sive in *Causando*, quo sensu causa efficiens dicitur quædam contingens, ut homo qui ambulat, aut fodiendo terram thesaurum invenit; sive in *enunciando*, quo modo *enunciatio* aliqua vera est contingens, ut Petrus est doctus. *Creatura* dicitur ens contingens in existendo, quia potest non existere: homo dicitur causa efficiens contingens, cum ambulat, aut fodiendo terram thesaurum invenit, quia potest non ambulare, & fodiendo terram non invenire thesaurum: *enunciatio* aliqua vera dicitur contingens, quia ita vera est ut possit esse falsa; potest enim fieri ut Petrus non sit doctus.

II. Necessarium fuit divisum in dependens & independens: sic & contingens aliquo sensu dividi potest, non quidem in essendo: nam nullum est contingens independens in essendo, sed in causando: Deus enim, quatenus libere operatur ad extra, potest dici contingens in operando; libertas enim est species contingentie, ut statim pluribus dicetur; & tamen Deus, qui contingenter hoc sensu operatur, etiam operatur independentem ab alio. Sed præter hanc divisionem, alie insuper divisiones contingentie adferendæ fuerint. 1. Dividitur contingens in complexum & incomplexum: illud est propositio, hoc ens aut causa contingens. 2. Contingens est vel absolute tale, vel secundum quid, quæ divisio non tam est contingentis in genere, quam contingentis in essendo, puta creaturæ: contingens secundum quid, est ens creatum, quod licet ratione de-

pendentia à Deo ab extrinseco sit mutabile, & sic possit desinere, in se tamen & ab intrinseco non desinit, actione Dei extraordinaria, uti est Angelus: contingens absolute, est ens creatum, quod est simpliciter mutabile, atque ex se potest desinere, nulla supposita actione Dei extraordinaria, uti est arbor, brutum, &c. 3. Contingentia est æqualis vel inæqualis, indefinita vel definita, intrinseca vel extrinseca: atque hæc est divisio contingentie non in genere, sed in causando: nempe, reperiuntur causæ quæ ex natura sua non sunt determinatæ ad unum effectum producendum, sed æqualiter se habent ad hunc vel illum effectum, adeoque respiciunt ex æquo & indefinite utramque partem vel contrarietatis vel contradictionis, ab his causis, qui effectus proficiuntur, dicuntur contingentes, contingentia æquali, indefinita, intrinseca; talis causa contingens est Deus, Angelus, homo: alie vero sunt causæ, quæ definitas & determinatas agendi vires acceperunt, sed nonnunquam ab ordine præscripto recedunt, quia ab extrinseca causa aliâ impediuntur, unde fit, ut inæqualiter sese habeant ad effectus, & prout ex impedimento fuerint vel magis, vel minus aptæ, magis hunc, minus illum effectum producant: quod cum fit, existunt effectus contingentes, contingentia inæquali, definita, extrinseca: atque hæc contingentia in agendo in Deum non cadit, sed in solam creaturam. 4. A præcedenti divisione non multum abit Contingentie divisio in consultam & fortuitam; quarum illa convenit causis liberis & per se operantibus, diciturque libertas, hæc causis per accidens operantibus, vel liberis, & dicitur fortuna, vel necessariis, & dicitur casus. 5. Contingentia, non quilibet, sed complexa, est formalis & materialis. Formalis, est in enunciatione habente modum, *Contingens*. Materialis, est in enunciatione, cujus partes coherent nexu dissolubili & contingenti: utraque est in hac enunciatione: Contingit hominem esse doctum. Prior tantum in hac: Contingit hominem esse animal: quæ enunciatio vera est ratione formæ, quatenus modus enunciandi est bonus, falsâ ratione materiæ, quia enunciatio cum re non consentit. Posterior tantum est in hac: Homo

est doctus. De contingentia enunciationum formali agit *Arist. in lib. de Interp. de materia-  
li in Topicis*. Atque hæc sunt potissimæ Contingentis & Contingentie divisiones.

III. Verumenimvero ex iis, quæ sunt dicta, scrupulis fortasse alicui oboriatur, an satis tuto dicatur Deus causæ contingens & contingenter agere? Nam videtur de ratione causæ contingentis esse, ut sit mutabilis & impediri possit: præterea, sicut contingentia in essendo est propria passio & conditio entis creati, ita & contingentia in causando esse videtur. Sed respondemus, recte addi utrobique *non videtur*; aliud est videri, aliud rem ita esse. Ad 1. dicimus, Contingens in causando est, quod potest causare & non causare: quæ indifferentia interdum oritur ex intrinseca perfectione causæ, ut in Deo, & tum impediri non potest: interdum provenit ab imperfectione & limitatione causæ, secundum quam aliunde impediri potest: & hanc Deo non tribuimus. Ad 2. dicimus, quod contingentia in essendo solum conveniat enti creato: inde est, quod sit contingentia (ut sic loquar) passiva, quæ involvit imperfectionem: at contingentia in causando, quia est contingentia activa, nullam imperfectionem inducit. Atque ex his liquet nimis hic fuisse scrupulosos *Doct. Covimbric. cum l. 8. Phys. c. 2. q. 5. art. 1. resp. ad 1. dicere non fuerunt ausi, Deum agere contingenter, quod contingentia mutabilitatem & imperfectionem in operante inmutat*: & maluerunt medium quoddam fingere inter necessarium & contingens, quod nullum est, cum sint membra immediate opposita.

IV. Sed hic nunc discutienda venit quæstio nobilissima, quænam sit radix, ratio & causa prima contingentie in causis secundis contingenter agentibus, an sit divina voluntas? An vero ipsa causa secunda? Respondemus, radicem, rationem, causam primam contingentie in causis secundis non esse ipsam defectibilitatem causæ secundæ, sed ipsam Dei voluntatem, quæ unicuique, primum, & certissimum est omnis contingentie in rebus creatis fundamentum: nam quare creaturæ quædam habent potentiam contingenter operandi? Quia Deus voluit eas ita agere posse.

Quare agunt contingenter? Quia Deus voluit illas sic agere. Quare suo tempore agunt alterutrum determinate? Quia Deus voluit eas hoc acturas quod agunt. Alioquin decreti & eventus non esset immutabilis, quæ tamen semper est, *apud* tantum igitur adest ut voluntas Dei decernens tollat rerum contingentiam, ut contra eam fundet ac statuminet. Nempe, quia Deus voluit effectus quosdam contingenter produci, ideo elegit & decrevit facere quasdam causas contingentes, à quibus producerentur isti effectus contingentes: nam alioqui sequeretur, si Deus non elegisset causas contingentes, & tamen effectus contingentes existerent, quod effectus contingens esset præter voluntatem & intentionem Dei, quo nihil potest dici absurdius. Deinde, si effectus darentur contingentes, quorum tamen causas non legisset contingentes Deus, sequeretur causam secundam & modificare & impedire posse causam primam, quod utrumque non minus est absurdum: itaq; nos reducimus omnium rerum contingentiam in Dei voluntatem ut causam, quæ attingit à fine usque ad finem fortiter & disponit omnia suaviter ut ex Patribus non nemo loquitur, & elegit effectibus contingentibus causas contingentes, necessariis necessarias, voluitque non tantum res esse quantum ad substantiam, sed quantum ad modum ipsarum, & causas secundas non tantum operari, sed operari tali vel tali modo.

V. Verum ut hoc negotium penitus imè intelligatur, notandum venit, dupliciter id intelligi posse, cum dicimus, Deum aut ejus voluntatem esse primam radicem contingentie; primo, quia omnis virtus causandi contingenter, quæ est in causis secundis, participatur à prima causa Deo, & consequenter, omnis contingentia effectuum in Deum ut in primam radicem refunditur; secundo, non quia tantum ab ipso pullulat & descendit omnis virtus & causalitas contingenter causandi, sed quia ab ipso est immediate omnis causatio contingens: quæ duo multum sunt distincta, quia prius dicit actum primum, posterius secundum. Prior sensus nullam habet difficultatem neque de eo usque adeo disputatur: posterior sensus plus habet difficultatis, magisque de eo dispu-



disputati solet. Atque hic sensus adhuc dupliciter sumi potest: nam causatio causæ secundæ contingens, considerari potest materialiter & adæquate secundum totam entitatem suam, secundum quam est & à Deo & à causa secundæ immediate: nam supponimus nunc, quod est verissimum, esse unam eandemque indivisibilem actionem causæ primæ & secundæ concurrentium: vel potest causatio contingens causæ secundæ considerari formaliter & inadæquate, prout præcise est causa secundæ, & ex propria ejus conditione ita operandi, ut possit non operari; priori modo, supposita non tantum similitudine sed & identitate aut unitate concursus Dei ac causæ secundæ, certum est Deum esse primam radicem contingentiae sicut certum est eum esse primam causam omnium actionis: non enim quia causa secundæ agit, Deus agit, sed quia Deus agit, causa secundæ agit: posteriori modo etiam Deum esse primam contingentiae radicem sentiunt Thomistæ, ita ut causa secundæ indifferens ad operandum opus habeat à Deo efficacissime præmoveri & prædeterminari ad operandum, utque causatio contingens, etiam ut est à causa secundæ, resolvatur in efficaciam divinæ voluntatis & potentiae prævia motione applicantis unamquamque causam ad operandum juxta exigentiam seu indigentiam naturæ ejus: alii vero negant hanc præmotionem seu prædeterminationem causæ secundæ à prima, & ajunt causas secundas à seipsis vel à circumstantiis determinari ad exercitum actus, atque ita proximam radicem contingentiae effectuum precedentium à causis secundis esse in ipsis causis

secundis. Sed nos cum Thomistis facimus, & sententia nostra satis explicata est in hoc negotio disputationibus ante de concursu habitis.

V I. Solet hic adhuc alia quæstio moveri, Utrum, si Deus ageret necessario, effectus nihilominus darentur in rerum natura contingentes? Resp. 1. hypothefin esse impossibilem: quia Deus non modo non agit ad extra ex necessitate naturæ, sed ne quidem sic agere potest, quia modus ille operandi derogat summæ ejus perfectioni: imperfectionis enim est, naturam intellectualem esse determinatam ad unum: nihilominus quia familiare est Philosophis, positus etiam quibusdam hypothefibus impossibilibus, inquirere, quid sit futurum vel non. Dicimus 2. si prima causa ageret necessario ad extra, sublatum iri contingentiam in rebus creatis: nam ex ratione causæ primæ fit, ut secundæ nihil possint agere nisi motu à prima: si jam prima agat ex necessitate naturæ, influit in secundam influxu potentissimo, prout alie causæ agentes ex necessitate naturæ agunt quantum possunt: si prima causa agens necessario, influat potentissime in secundam, determinabit eam ad unum, & sic contingentiam agendi atque indifferentiam tollet. Porro, si prima causa necessario causat, necessaria se habebit influendo respectu causæ secundæ. Illa esto B: igitur B necessario movetur à prima causa A: at B eodem modo, quo movetur à prima causa A, movet proximam sibi causam C, & C movebit D: & sic in omnibus causis procedendo nihil contingentem movebitur aut causabit, si Deus prima causa necessario causat aut agit.

## Disputationum ex Philosophiâ selectarum,

DECIMÆ-NONÆ, PARS PRIOR.

CONTRA

## POSSIBILEM MUNDI ÆTERNITATEN.

THESES I.

**V**erus est *Aristotelis*, *Averrois*, *Procli*, aliorumque ex Ethnicis de aeterna mundi existentia error, quem, quia ex sacris literis melius non fuerunt edocti, iis condonamus

libenter: sed inter Christianos Philosophos, Mundi creationem in tempore ex Dei verbo edoctos, nova exorta est lis, de possibili mundi æternitate: & quæsitum à multis jam est sæculis



facilis, an Mundus ab æterno effici à Deo potuerit. Atque hic quidem varix sunt sententiæ, nonnullis asserentibus, Mundum quoad omnes creaturas ab æterno effici potuisse: aliis æternitatem possibilem ad res tantum incorruptibiles restringentibus: nullam in mundo creaturam, nec corruptibilem nec incorruptibilem, ab æterno effici potuisse, statuentibus. Et solet hæc quæstio sub hisce terminis ventilari in Philosophorum Scholis, *sicne de ratione creationis novitas essendi?* quæ quæstio eundem cum hac habet sensum, *possitne mundus aut quippiam creari ab æterno.* Ac sententia communior apud Modernos est, quod non sit de ratione creationis novitas essendi, quæ negativa sit veritatem in affirmativam, quod mundus ab æterno creari potuerit. Citant pro hac sententia *Comimb. l. 8. Phys. c. 2. quæstion. 7. artic. 2. & Masius in l. 8. Phys. quæstion. 8. Thom. 1. part. quæst. 46. artic. 2. & ibi Cajetanum, 2. contra gentes, & ibi Ferrariens. Durandum Argentinatem, Gregorium, Ochamum, Bieleu, Capreolum, Egidium, Hervæum, aliosque ex Scholasticis antiquioribus: sequitur eam Suarez in Met. Diss. 10. cum ejus exscriptoribus Scheibl. l. 2. Met. c. 3. punct. 6. Martin. in Metaph. partit. l. 1. sect. 11. quæst. 4. Iacobi. Metaph. Instit. l. 3. c. 8. Vid. etiam Pererium Phys. l. 15. cap. 12. & omnes in 8. l. Phys. Arist. commentatores, hodie receptos passim in scholis. Sed enim nominum splendore oculos nostros perstringi non patimur: nos contra omnes asserimus hanc affirmativam: *est de ratione creationis novitas essendi:* & hanc negativam: *Mundus ab æterno creari non potuit.* Ratio primaria pro Adversariis, omniumque rationum quasi farrago est, quia ostenditur, non implicari contradictionem, nec ex parte Dei creatis, nec ex parte creationis, nec ex parte creaturæ, si statuatur mundus aut aliquid ab æterno creari potuisse: nam ut *Masius cit. loc. annot. 1.* monet, idem est dicere, creaturam ab æterno potuisse & non potuisse produci, quod implicare contradictionem & non implicare contradictionem: nam si non implicat, fieri potuit: si implicat, fieri non potuit. Atque hanc rationem *Comimb. vocant talem, quæ**

*multarum vim habet.* *Pererius loc. cit.* sit in margine *Pulcherrimam esse argumentationem, sed æro quam nullam habeat vim & quam sit misella, turpis, tantique Philosophis indigna ratio, nunc ostensum imus, at Pererii quidem (quia unus ex iis est sequendus) vestigia prememus, qui tamen eadem plane habet cum cæteris.*

II. Sic argumentatur cum *Sociis Pererii.* Si impossibile est creaturam produci ab æterno, id est, si creatura ab æterno produci non potuit (qui controversiæ est status) ista impossibilitas provenit, vel ex parte creatoris, vel ex parte creationis, vel ex parte creaturæ. Sed nihil horum vere impossibilitatem inorat. Ergo non est impossibile &c. Negamus Pererii minorem, & ex triplici fundamento, quod ponit, impossibilitatem creationis æternæ derivamus, & ratione creatoris, & ratione creationis, & ratione creaturæ. Probat Pererius suam minorem, & orditur à primo membro. §. 1. Ex parte Dei productus tripliciter provenire potest impossibilitas; vel quia putatur nullum productum coæternum esse posse suo producenti; vel quia produciens liberum, cum agat ex electione, existimatur præcedere aliqua duratione suum effectum; vel quia, si creatura coæterna esse posset creatori, creator in aliquo, nimirum duratione, non esset superior, major, atque præstantior, quam creatura. Sed nullum horum trium tollit possibilem mundi aut creaturæ æternitatem. Ergo non est illa impossibilitas ex parte creatoris Dei. Negamus iterum minorem Pererii, & contra dicimus ex triplici isto capite, impossibile esse ratione Dei creatoris, ut mundus aut creatura ab æterno produci possit, tum quia Deus non potest producere aliquid sibi coæternum, tum quia agit ex electione, ideoque inter effectum & electionem aliquam durationem oportet intercedere, tum quia creator adestur creaturæ. Pergit *Pererius*: quod primum caput ex parte Dei non tollat possibilitatem æternæ mundi productionis, probat hac instantia. *Quia, inquit, in divina Trinitate Pater vere producit Filium, cum tamen credamus Filium esse coæternum Patri.* Sed vero hæc instantia *Pererii* ac *sociorum* promittit

ac prodit impietatem ac blasphemiam, eo-  
que transfugas facit in castra Arrii, Photini,  
Socini. Quis illum & illos docuit sic argu-  
mentari, à productione æterna Filii ad produ-  
ctionem æternam mundi? profecto si quid  
hac instantia probari voluit, oportet statuam,  
Filium Dei à Patre produci tanquam creatu-  
ram (quod redolet istorum hæreticorum  
hæreses) ut sit paritas in argumento: nam  
mundus creatura est: si ergo potuit ab æter-  
no creari mundus, quia potuit ab æterno pro-  
duci Filius, aut Filium Dei oportet produci  
ut creaturam, sicut est mundus, aut mundum,  
ut Deum, sicut est Filius Dei: alioqui non  
procedit argumentum. Sed vero ponamus ob  
oculos pulcherrimæ hujus argumentationis  
vim (de qua tam gloriantur) plane nullam.  
Productio Filii Dei est opus ad intra, manens  
in essentia & substantia Deitatis & æternita-  
tis, inde sequitur Filium Dei esse cum Patre  
unum: creatio verò mundi, productio creatu-  
ræ est opus ad extra, non manens in Deo, sed  
transiens extra Deum ad creaturas, quæ non  
sunt unum cum Deo cum creatore suo: ita-  
que insignis hic est elenchus parium. De quâ  
unquam creaturâ dixit Deus, quod de Filio  
dicit, *Ego hodie genui te*. Filius ab æterno pro-  
ducitur Patri consubstantialis. Ergo mundus  
etiam, ab æterno si produci posset, consub-  
stantialis Deo foret? Filius Patri per omnia  
est coequalis; Creatura immenso & infinito  
intervallo à creatore est remota. Quare ineptum  
est, imo impium, quod sic argumen-  
tetur *Pererius*, cum assumit, non repugnare à  
parte Dei, ut mundum, aut creaturam, aut  
aliquid possit producere sibi coæternum, quia  
produxerit Filium, qui sit sibi coæternus: &  
disparitatem jam indicavimus: imo si hæc  
argumentatio valeat, sequitur non tantum  
mundum potuisse ab æterno produci, sed de  
facto ac vere esse ab æterno productum, sicut  
de facto & vere *Filium produxit Pater*, ut ipse  
testatur *Pererius*. Nunc aliam instantiam pro-  
fert, ut probet productum posse esse coæ-  
vum suo producenti. Pergit: *Philosophi in-*  
*quirit, concedunt in rebus naturalibus inveniri*  
*aliquas causas efficientes, quæ simul sint cum ef-*  
*fectis: & D. Augustinus ostendere volens hæc*

*duo non pugnare inter se, ut nimirum Filius Dei*  
*sit coæternus ei, in 6. lib. de Trinit. 1. declarat*  
*hoc exemplo; Splendor qui gignitur ab igne atque*  
*diffunditur, coævus est igni, & esset ei coæternus,*  
*si ignis esset æternus. Sed vero hæc non inter-*  
*viunt roborandæ instantiæ Pererianæ. Augusti-*  
*ni simile illud est dissimile & productioni*  
*æternæ Filii Dei, & productioni mundi. Filii*  
*Dei productio est supernaturalis: splendoris*  
*ab igne productio naturalis: mundus produ-*  
*ctione transit extra Deum producentem,*  
*splendor, qui producitur ab igne, non abit*  
*extra ignem. Quis dicat splendorem esse crea-*  
*turam ignis aut opus ad extra, quod requiritur,*  
*ut argumentum probet? si splendor creatura*  
*ignis foret, aut ut rectius loquamur, si se habe-*  
*ret ad ignem, ut se habet creatura ad Deum,*  
*certe extra ignem egredieretur & esset quid*  
*diversum ab igne, sicut creatura exit à creatore,*  
*estque aliquid diversum ab eo: & sic simul*  
*profecto non essent, sed ignis esset ante splen-*  
*dorem, ut creator esset ante creaturam. Porro,*  
*quid si splendorem esse efficiens ignis nege-*  
*mus? quid si ejus dicamus esse adjunctum*  
*concreatum? ut lux est adjunctum solis con-*  
*creatum: certe, nec splendor ignis, nec lux*  
*solis est effectum, tanquam causæ procreantis*  
*(quæ proprie est effectum) sed si effectum*  
*sunt utriusque, sunt effectum utriusque tan-*  
*quam causæ conservantis, quæ apud multos*  
*nomen causæ efficientis amittit, & refertur ad*  
*subjectum ab iis sicuti ejus effectum reduci-*  
*tur ad adjunctum: Ad mundus à Deo est, uti*  
*procreante, etiam quidem ut à conservante,*  
*sed non ut à conservante tantum, sicut hoc*  
*modo tantum est ab igne splendor, à sole lux:*  
*rem facere lucidam aut splendidam sunt ef-*  
*fecta à sole & egredientia & procreata, sed quæ*  
*cum sole & igne non essent ab æterno simul,*  
*utcumque sol & ignis ponerentur esse ab æter-*  
*no, quia effectum esse ab aliquo extra efficien-*  
*tem causam productum & simul in eodem*  
*momento esse cum causâ, impossibile est: quæ*  
*simul atque sunt, simul sunt, sicut ignis &*  
*splendor, sol & lux, ea non tanquam causâ*  
*procreans & effectus à se invicem dependent,*  
*sed vel tanquam causâ conservans & effectus,*  
*vel tanquam duo effecta procreata à causâ*  
*supe-*

superiori procreante. Denique, quod supponit Pererius, signis æternis esset, splendorem ejus pariter fore æternum, age verum esto ex suppositione. Sed enim de illo ipso antecedente quæstio est, An ignis ab æterno esse possit, an mundus aut ulla creatura ab æterno esse aut prodaci poterit?

111. Videamus, an secundum membri primi Minoris ex parte Dei caput non tollat impossibilitatem æternæ mundi productionis: Secundum caput est. Quod Deus sit agens liberum electione, ideoque ante effectum, & sic effectum, mundus non potest Deo esse coæternus. Hoc non tollit possibilem mundi æternitatem, inquit Pererius, & pergit, Quia Deus, cum sit infinitæ virtutis, non est minoris potentie, cum agit libere, quam cum agit necessario: sed si ex necessitate naturæ ageret, produxisset mundum ab æterno; quia est ab æterno. Ergo quod agat libere, id non obstat, quo minus potuerit mundum producere ab æterno. Sed ad hæc respondemus tali modo: Deum non esse impotentiorē, cum agit libere, quam cum agit necessario, verum est, non tamen inde sequitur, Deum omnia posse ad extra, cum agit libere, quæ potest ad intra, cum agit necessario: quia, cum agit ad intra, potest omnia quæ natura divina necessarii exigit; cum agit ad extra, potest quantum vult: intercedit enim in actionibus ad extra voluntas: ergo, quia Deus non vult, ut mundus producat ab æterno, nec mundum ab æterno producere potuit: sed vero amplius; si maxime Deus ageret ex naturæ necessitate, & non tamen Mundus in uno primo momento cum Deo simul esse posset, quia effectui proprie sic dicto, quatenus effectus est, id est, quatenus est à causa procreante, repugnat simul esse cum causa, hoc modo, five causa procreans agat ex necessitate naturæ, five ex voluntatis libertate: non igitur impotentia est aut minoris potentia, non potuisse Mundum ab æterno producere, quia contradictorium est & impossibile intellectui, effectum esse & quidem creatum ac procreatum, & creatori seu causæ procreanti esse coæternum. Sed et aliam ob causam hæc ratio inepta est. Arguit sic Pererius. Si Deus ageret ex necessitate naturæ, mundum utique ab æter-

no produxisset: Ergo cum libere agit, non minus potuit eum producere ab æterno. Rationem consequentia reddit: quia non minoris est potentia liberè agens quam agens necessario. Verum si in hunc modum fas est Pererio arguere, pariter & nobis licebit sic argumentari Si Deus ageret ex necessitate naturæ, ita mundum creasset, ut creationem ejus semper necessario continuasset. Ergo & libere agens ita potuit mundum creare, ut creationem ejus necessario semper continuaret. Ratio consequentia eadem est, quam illi adferunt. Atqui absurdum est consequens, esse nimirum agens liberum, & necessario actionem continuare: nec tamen quispian tam est ineptus, ut impotentia Deum arguat, ideo quod libere agens actionem necessario non continuat, aut quod saltem potest non necessario continuare, quam tamen necessario continuaret. Si ex necessitate ageret: itaque, si maxime concederemus, effectum cum causa necessario agente posse esse simul in eodem primo existentia momento, negaremus tamen minoris potentia Deum dici debere, si ex necessitate naturæ agens faceret, quod libere agens facere non possidet: quia illud non Dei impotentia, sed contradictioni imputandum esset, quod libere agens eodem modo & momento extra se agere non potest, quo ageret, si ex necessitate naturæ ageret. Sed habet secundum instantiam & exceptionem Pererius, sic loquitur. Præterea agens ex electione tunc successive agit, & tempore anteit effectum, cum electio non est actus voluntatis simplex & totus simul, sed prærequirit deliberationem, quæ propter discursum rationis ei adjunctum fit successive, sicut cernimus in homine: at electio Dei, non Jecus ac ejus intellectio, est actus simplicissimus, voluntatis divinæ, totus simul, Deo coæternus: non igitur, quod Deus libere ex electione agat, id obstat, quo minus potuerit ab eo produci mundus ab æterno. Respondemus 1. ex illo Pererii discursu non tantum sequi, mundum ab æterno esse posse, sed etiam esse: si enim creatio sit actus voluntatis & electionis divinæ, & actus voluntatis & electionis divinæ sit Deo coæternus, & creatio erit Deo coæterna; quidni igitur & res creata, per creationem à Deo producta, fuerit Deo coæterna.

Verum 2. respondemus directe, siue electionis actus sit simplex & momentaneus, ac totus simul, siue sit successivus, nihilominus inter eum & effectum ad extra mora intercedit: nam omne agens per electionem & voluntatis libertatem, qualiscunque tandem sit electio effectu suo est prius: nam si Deus ex electione & libere mundum produxit, ergo mundus potuit non produci: si potuit non produci, vel in eo ipso instanti, in quo productus est, vel ante, vel post: non in eo ipso instanti, quia omne quod est, eo ipso quo est, non potest non esse: non post, quia semel productum necessario est productum. Ergo ante: si ante, ergo prius fuerit Deus, qui eligit isto momento mundum producere, quo produxit, & non ante: nam si ante voluisset, potuisset ante produxisse: at nec velle nec producere ante potuisset: nisi ante extitisset. Ergo inter Deum elegantem producere mundum isthoc momento, & ipsam mundum productum mora fuit, & non fuit simultas existentiae, sed

electio mundi producendi in Deo extitit ab aeterno, productio ejusdem in tempore. Pergit Pererius. Adde, inquit, quod Deus agat per suam voluntatem: in Deo autem non est majus velle quam posse: potuit autem Deus velle producere mundum ab aeterno, ergo potuit etiam producere. Ad id dicimus quod Deus nec potuit producere mundum ab aeterno, nec potuit velle, nec potuit posse velle vel producere, quia nec vult, nec potest, nec velle potest Deus, sibi contraria & quae contradictionem implicant: at mundum esse & produci Deo coaeternum, Dei naturae est contrarium, cui proprium est & incommunicabile attributum aeternitas, & contradictionem involvit, quod jam ex parte ostensum est, & ulterius ostendetur parte hujus disputationis posteriore, in qua primi membri minoris probandae caput tertium & ejusdem duo membra reliqua ex Pererio examinabimus, quod propter chartae angustiam facere nunc non licet.

## Disputationum ex Philosophia selectarum

### DECIMAE-NONAE, PARS POSTERIOR.

#### CONTRA

## POSSIBILEM MUNDI AETERNITATEM.

#### T H E S I S I.

**P**Rotulimus parte prioris hujus disputationis ex Pererio Phys. suae lib. 15. c. 12. pro possibili aeternitate Mundi hoc argumentum. Si mundus ab aeterno fieri non possit, vel impossibilitas ista est ex parte creatoris, vel ex parte creationis, vel ex parte creaturae; Sed nihil istorum dici potest. E. Respondemus omnia simul & singula facere hanc impossibilitatem. Ex parte creatoris non esse impossibile probavit, quia hoc ideo foret, vel quod Deus non possit sibi coaeternum producere, vel quod egerit libere in producendo, vel quod creatura tum creatori par esse possit in duratione. At nihil istorum impedit. E. Resp. singula impedire, atque id impossibile esse, quia Deus

non possit sibi coaeternum producere, & quia in creando egerit libere, disputatione praecedenti est ostensum, nunc pariter id impossibile esse ostendemus, quia creatura tum creatori par foret duratione. Ad id excipit Pererius hisce verbis. Nec illud dici potest vere, si creatura sit aeterna, eam aliqua re fore parem Deo: nam quamvis ponatur creatura coaeterna Deo, non tamen continuo ponitur ei equalis in duratione, sed multo inferior. Resp. Quid hoc est dicere? cum mundus ponitur coaeternus Deo, non tamen ponitur ei equalis in duratione, sed longe inferior: idem est, ac si diceret Pererius, cum Mundus ponitur coaeternus Deo, non tamen ponitur coaeternus. Quid est insanire cum

cum ratione, si hoc non est? Certe, quicquid duratione est inferius æterno: eique par aut æquale non est, æternum non est: & si brevis siue longo duret tempore, novum est & in tempore factum, non æternum aut ab æterno. Sed videamus quomodo probet *Pererius* id quod dicit: sic pergit. *Æternitas enim Dei est omnino necessaria, quia Deus non potest non esse æternus, creatura vero potest esse & non esse æterna, deinde æternitas creature est ab alio per participationem, æternitas Dei est à se per essentiam.* Resp. contradicentia hic dicitur à *Pererio*: æternum esse & necessarium non esse contradicunt: omne enim æternum est necessarium: nam æternum est, quod semper est, semper fuit: quod necessarium non est, non semper est, nec semper fuit: nam necessarium est, quod non potest non esse; consequenter, quod semper est: ergo non necessarium, quod potest non esse, consequenter, aliquando non est: concludo itaque, quod necessarium non est, non est æternum: & per conversionem à contrapositione, quod æternum est, est necessarium: deinde æternum esse, & per participationem ab alio esse, tanquam à causa sc. quomodo Mundus est à Deo, contradicunt: nam nullum factum est æternum: at quod est ab alio per participationem, tanquam à causa sc. est factum. Ergo nullum, quod ab alio est per participationem, est æternum. Major sic probatur. Quod factum est, fieri desiit; quod fieri desiit, aliquando fuit in fieri; quod in fieri est, nondum est: ergo quod factum est, aliquando non fuit, quod aliquando non fuit, non est æternum: hinc infero; Quod aliquando non fuit, non est æternum: Quod factum est, aliquando non fuit: Ergo, quod factum est, non est æternum.

II. Nunc postquam infeliciter *Pererius* probasse ostendimus, possibilem Mundæ ternitatem, ex parte creatoris, quod erat primum membrum probandæ Minoris, nunc videamus, an felicius probet eam, ex parte creationis & creature, quod secundum erat tertiumque Assumptionis membrum: sic pergit *Pererius*, probaturus non repugnare ex parte creationis, quo minus ab æterno fieri posse dicatur Mundus. *Ex parte*, inquit, *creationis existit*

*mari possit æternitatem repugnare creaturae, duas ob causas: tam quia creatio significare videtur actionem aliquam, quæ, cum non fiat in æternitate, fieri debet in aliquo instanti: at in duratione æterna non potest assignari unum aliquod instans primum: tum etiam, quoniam creatio dicitur ex nihilo productio, quare oportet creaturam prius fuisse nihil, deinde accepisse per creationem ipsum esse: sed neutra harum causarum tollit possibilitatem æternitatis in creatura: non quidem prior; cum enim Mundus creati ab æterno ponitur, hic nomen creationis non significat actionem aliquam à Deo proficiscentem ad creaturas, sed tantum significat habitudinem Mundi ad Deum tanquam ad suum principium, à quo ipsius esse dependet: quemadmodum in Deo cum dicitur Filius produci à Patre, nomine productionis non significatur actio aliqua mediæ inter Patrem & Filium, sed illud tantum significatur, Filium non habere esse à se, sed à Patre: sicut etiam cum dicitur non esse risibile, procedere & manare ab homine, non significatur mediæ quedam actio, per quam risibile producatur ab homine, sed tantum dependentiæ risibilis ab homine tanquam intrinseco ejus principio: neque utro posterior causa probabilior est; etenim cum dicitur creatio fieri ex nihilo, non significatur ordo aliquis ipsius esse post non esse, vel transitus à non esse ad esse, sed tantum significatur negatio materiæ vel subjecti; ut fieri ex nihilo non sit aliud, quam non fieri ex aliquo subiecto vel materia, & hæc quadrat in quamlibet creaturam etiam æternam. Hæc: nus *Pererius*, cujus discursus exactiori trutina venit expendendus. Creatio, inquit, est mera habitudo Mundi ad Deum, tanquam ad suum principium à quo manat, sicuti & productio Filii, non vero actus à Deo ad creaturas proficiscens. Sed vero, nos homines non possumus alio modo, id, quo Deus res omnes produxit ex nihilo, apprehendere, quam actionis notione. Quid fabricatio est nisi actio à fabro profecta ad producendam domum? similiter & creatioem concipimus in ordine ad Mundum: dicimus, similiter, quia novimus, creationem non esse actionem sic proprie dictam, ut est fabricatio, calefactio, &c. quæ directe in predicamento actionis collocantur: sed *ἀναλόγως* tamen huc*



eam referimus: & nullo, quod sciam, aliter explicatur productio operum Dei ad extra, quam per actionem: quod de respectu aut habitudine adjicit *Pererius*, illud libenter accipimus: nam creatio optime dicitur habitudo creaturæ ad creatorem, respectus effecti ad causam, sed non est eo minus actio dicenda: imo illa relatio creaturæ ad creatorem in actione creativa fundatur: quod vero istam habitudinem explicet per habitudinem Filii à Patre geniti, & ei similem faciat, in eo impius est *Pererius* & profanus, ut disp. præced. est ostensum: sed vero, ut hic obiter, quid sit creatio, dicam: sciendum est eam vocem tria significare, 1. actum creantis, quæ vulgo creatio activa dicitur: 2. actum creati, quæ vulgo creatio passiva vocatur: 3. relationem ex creatione activa & passiva resultantem inter id quod creatur & quod creat: sicut & nomina omnia actionem significantia, significant & passionem, & relationem important: unde & prædicamentum actionis & passionis, & quatuor reliqua, tantum respectus rerum continere dicuntur. Significatio tamen creationis, ut notat relationem, multum est diversa ab utraque priori significatione; nempe, quæ ratione vulgo relatio dicitur differre à fundamento, eadem ratione differt creatio relative accepta ab illius relationis fundamento, ab actione, quæ quis creat, & passione: quæ quid creatur: & tamen hæc tria eodem nomine creationis veniunt: itaque potest hoc dari *Pererius*, ut creationem explicet per habitudinem, respectum, relationem, sed si in eo non formale creationis collocet, errat: nam hæc habitudo apprehenditur ut aliquid resultans ex positione creatoris & creaturæ, aut melius, expositione creationis activæ & passivæ, adeoque est quoddam consequens & ratione saltem posterius illis: at formalis ratio creationis, est illa, quæ intelligitur in ea esse omnium prima: at hæc est, quæ dicit actum creantis. Pergit *Pererius*, & dicit, *ex nihilo fieri, non significare ordinem ipsius esse post non esse, sed tantum negationem materiæ.* At vero, contrarium est verum: quando aliquid producitur per creationem, non tantum ex nihilo materiæ seu subjecti producitur, sed etiam producitur aliquid, quod ante fuit nihil,

quod ante non fuit: nam cum non possit idem simul esse nihil & aliquid, oportet ut aliquid esse & nihil esse mutuo consequantur: itaque, quæ ex nihilo fiunt aliquid, dicunt consecutionem non esse post non esse; at quæ creantur, ex nihilo fiunt aliquid: Ergo creatio non tantum infert independentiam à subjecto, non tantum negat materiam, non tantum dicit nihilum subjecti, sed & dicit non nihilum termini, ut res creata aliquando nihil fuerit, & post illud nihil factum sit aliquid; & sic infertur successio entis post ens: & hoc est quod nonnulli sic efferunt, de ratione creationis est novitas essendi. Operæ pretium erit hic apponere contra *Pererium* alterius Jesuitæ loci sui *Vasquezii* discursum ex quest. *Metaph. disp. 24. c. 3.* ubi sic discurre. *Est creatio productio alicujus ex nihilo, non quia nihilum sit veluti materia aut aliquid pertinens ad constitutionem rei productæ, sed quia sit terminus à quo productionis: perinde autem est, rem ex nihilo tanquam ex termino à quo produci, atque nihil præexistente ante productionem, quod ad constitutionem illius rei quodammodo pertineat, vel quodammodo esse, atque rem fieri secundum se totam: nam quando aliquid rei præcessit, & ea productum non fit, non est creatio, eo quod illa res non ex nihilo sed ex aliquo fiat, siue illud sit forma, siue materia: res enim dicitur fieri ex omni eo, ex quo constituitur: quare si præcedat forma rei, dicitur ex ea fieri, non ex nihilo: propterea creatio dici consuevit productio entis in quantum enim, hoc est, secundum totam rationem ejus, quod producitur &c.*

III. Nunc tertium probandæ Minoris syllogismi principalis membrum excutiamus, in quo ex parte creaturæ non impossibile esse Mundi æternitatem *Pererius* probare conatur: sic ratiocinatur. *Ex parte creaturæ videri posset ei repugnare æternitas, vel quia communiter dicitur creaturæ ex se convenire, non esse; aut igitur creaturæ convenit non esse post esse ipsius; at multæ creaturæ sunt incorruptibiles, quæ nunquam amittent esse; aut non esse conveniet simul cum esse; at hoc implicat contradictionem: aut denique conveniet ipsi non esse, priusquam adveniet ei ipsum esse.* Resp. hoc postremo sensu phrasin istam admittimus, & tali



tali quoque sensu à Philosophis sumi solet : omni enim creaturæ competit non esse ante esse, quia omnis creatura ex non ente fit ens, ut statim est ostensum ex definitione creationis : jam vero hæc propositio firma est : Quod ex non ente fit ens, ei competit non esse ante esse : at creatura ex non ente fit ens. Ergo. Pergit Pererius. Ergo non potest creatura semper & ab æterno fuisse, sed oportet aliquando non habuisse esse. Resp. hoc ipsum est, quod volumus, quod asserimus. Persequitur suum discipulum Pererius. Vel repugnat æternitas creaturæ, quia creatura dicitur habere esse participatum & acquisitum à Deo ; at si creatura fuisse ab æterno, semper habuisset esse, neque assignari posset in illa æternitate quando illud esse acquisiverit & acceperit à Deo. Resp. & hæc ratio pro nobis facit ac solida est : repugnat enim æternitati, ut aliquid aut habeat aut habere possit esse ab alio, quod in fine th. 1. hujus disp. satis est ostensum. Pergit Pererius : Sed neutrum multum valet ad evitandam æternitatem creaturæ ; nam cum dicitur, quod creaturæ ex se convenit non esse, non significatur, quod ea debuerit prius non esse, sed quod ex se non habet esse, & sibi soli à Deo derelicta, confisum in nihilum recideret. Resp. hæc gratis dicit à Pererio & non probari : nos hic provocamus ad omnium Philosophorum judicia, ut judicent, an hæc phrasia, creaturæ convenit ex se non esse, tantum significet, quod creatura ex se non habeat esse, quod vult Pererius, ac non potius, quod creatura habeat non esse ante esse, quod nos volumus, & ex vi vocis, & creaturæ & creationis, jam probatum dedimus : nihil igitur huc faciunt Pereriana, quæ sequuntur : Quare illud non esse convenit ei, sc. creaturæ, tunc etiam cum habet esse, quia tunc verum est dicere, creaturam non esse à se, sed à Deo, in quo vivimus, movemur, & sumus. Hoc etiam significatur, cum dicitur creaturam habere esse acquisitum, & acceptum à Deo, hoc est, dependens à Deo. Hæc omnia sunt plane à Pererio, neque is est sensus istius phraeos, creaturæ ex se convenit non esse, quem Pererius fingit ac supponit : deinde, si esset, probet hæc

duo simul stare, quod creatura habeat esse acquisitum & sic ex se non sit, & quod simul possit esse æterna : quod nisi fecerit, nihil præstiterit : nos contrarium jam demonstratum dedimus : si quis pro Pererio dicat, rem, quæ habet esse acquisitum, posse esse æternam æternitate arbitraria, non autem ea, quæ est absolute necessaria & immutabilis, is ostendat, posse aliquid esse æternum, & simul non necessarium, non immutabile : nos contra, quicquid æternum est, esse necessarium & immutabile, pronunciamus : quia quicquid caret principio & fine, id non potest non esse, & non potest mutari quoad existentiam : hoc est, necessarium & immutabile : at quod est æternum, caret principio & fine. Ergo. Cadit itaque æternitas arbitraria. Quod non tantum contra Pererium & locos in hac quaestione, sed & contra solidissimum alias Theol. D. Franc. Gomarum, observatum volumus, qui in gravissima quaestione, an decretum Dei sit Deus, hac ficta æternitatis distinctione sese expedit. Postquam enim pro sua sententia (quæ nobis tamen falsa censetur) proposuisset tritum hoc argumentum, Disp. 9. de æterno Dei decreto, in tertia parte operum Theol. Deus est ens absolute necessarium. Decretum Dei non est ens absolute necessarium. Ergo. Iubjungit : Ex quibus clarissimum æternitatis Dei & decreti discrimen elucet : nam ut Dei existentia, sic æternitas ejusdem absolute necessaria est : contra vero, ut decreti existentia à causa liberrime agente dependet, sic ejusdem æternitas mere arbitraria est ut quæ sic est, ut non esse potuerit : quæ verba excidisse tanto & tam profundæ ac subactæ eruditionis Theologo, equidem miror. Quid ? an Deus ergo potuit esse sine decreto seu actu decernendi, tribus pro possibili æternitate Mundi cornibus instructum, elumbe plane esse ac nullum ; quod tanto prolixius egimus, quia nonnulli etiam ex Orthodoxis Philosophis aliquam huic argumento vim ineffe existimant atque existimant.

## Disputationum ex Philosophiâ Selectarum,

## VIGESIMA.

## DE

## SCIENTIÆ DIVINÆ IMMUTABILITATE.

## THESIS I.


**V**isa multis est inexplicabilis difficultas, *quomodo variatis ac mutatis rebus, quæ sciuntur à Deo, non varietur, non mutetur, ipsa Dei scientia*: imo ulque adeo hæc res torfit nonnullorum ingenia, ut multarum rerum scientiam Deo denegaverint nonnulli, alii conjecturalem tantum illarum notitiam ei adscripserint: nempe, scient isti homines Dei scientiam metiri intellectus sui decem-peda, & ad instar scientiæ nostræ concipere. Quare opere judicavi pretium, ut hoc argumentum diligenter ventilaretur ac discuteretur. Hoc igitur est, quod quaeritur: *Utrum scientia Dei sit omnino invariabilis & immutabilis, ita ut nec augeri nec imminui possit?* Non referam multorum hic aut Philosophorum aut Scholasticorum sententias: neque enim hoc nostri est moris; sed quod res est, dicam, confirmabo, & adversariorum exceptiones atque objectiones refutabo.

II. Non immorabor in scientia divina describenda, nec in ea, licet in se simplicissima, ratione tamen objectorum dividenda, sed ejus descriptionem & partitionem præsupponam. Ut quaestio proposita tanto feliciter decidatur, certa ab incertis sunt distinguenda: *Scientia Dei considerari potest, vel ut est res eadem cum essentia Dei, & sic est invariabilis atque immutabilis, æque atque essentia divina, quam omnis variationis & mutationis expertem esse nunc supponimus, & demonstratum est satis ab Aquin. part. 1. Summ. Theol. quæst. 9. vel potest spectari scientia Dei, sub propria ratione scientie, sub qua respicit eas res quæ sciuntur quocunque modo, in ordine (ut loquuntur Scholastici) ad scibilia: & sic scientia Dei distinguitur in scientiam simplicis intelligentiæ & in scientiam visio-*

*nis*: huic subjiciunt res in certa temporis differencia, quæ vel sunt, vel fuerunt, vel erunt, illi subjiciunt omnia, quæ in cogitationem aut cognitionem mentis divinæ cadere possunt, id est, quibus non repugnat, sciri aut cognosci, sive sit ipse Deus, qui semet cognoscit, sive sint possibilia, id est, quæ neque actu existunt, neque extiterunt, neque ut sint extitura certo sunt definita, sed quæ existere tamen possunt, sive sint impossibilia, id est, quæ existere nequeunt, ut contradictoria. Quod si loquamur de *scientia simplicis intelligentiæ*, certissimum est, quod illa sit *invariabilis* omnino atque *immutabilis*, neque augeri possit, neque minui: nam si per eam Deus novit omnia, quæ ab ipso cognosci possunt, se, alia extra se, possibilia, impossibilia, certe nihil potest esse quod non cognoverit: itaque non potest per hanc scientiam Deus scire plura vel pauciora quam scivit, neque aliquid de novo scire, quod prius non cognoverit, quia per eam novit, quicquid cognosci potest. Tota ergo difficultas est de *scientia visionis, an illa possit augeri vel minui?* Hanc difficultatem ut dirimamus, notandum venit, quod possimus loqui de scientia visionis dupliciter, vel in sensu composito, vel in sensu diviso. Si loquamur de scientia visionis in sensu composito, omnino illa quoque est invariabilis & immutabilis, expertis omnis incrementi & decrementi: supposito enim, quod Deus ab æterno tot & talia procedere statuerit ac decreverit, & non plura, non pauciora, non potest augeri illa scientia, quæ cognoscit à se decreta & statuta, quæ visionis est: quia, supposita determinatione divina non possunt plura nec pauciora fieri, & per consequens, nec Deus potest pauciora nec plura scire, quia divina decreti de-

termi-

f.  
at,  
m  
f.  
o.  
it,  
i.  
u.  
en  
i.  
fi  
cr.  
ni.  
ne.  
ia,  
tra  
est  
est  
u.  
ci-  
m  
go  
ff  
ri-  
lo-  
en-  
ja-  
to,  
u-  
en-  
tot  
&  
illa  
ta,  
na-  
ora  
au-  
de-  
ni-



minatio nec variari nec mutari potest.

III. Verum, ut hoc totum negotium clarissime percipiatur simul ac probetur, observandum est, quod dupliciter possit aliqua scientia variari: uno modo ex parte rei cognitæ, altero ex parte cognoscentis. Ex parte rei cognitæ variatur scientia secundum veritatem falsitatem, quando eodem iudicio & eadem opinione manente res ipsa mutatur, tum iudicium illud erit falsum, quod prius erat verum: ut Petro corrente, hoc iudicium est verum: Petrus currit, & illo non corrente falsum. Ex parte cognoscentis, tripliciter potest variari scientia: primo modo, quoad scientiam ipsam: secundo, quoad modum sciendi: tertio, quoad actum sciendi. 1. Quoad scientiam ipsam variatio inest in cognoscente, quando vel de novo acquiritur, vel perditur scientia alicujus objecti: ubi tum est vel incrementum vel decrementum scientiæ, quantum ad extensionem scibilibus: nam scientia, quæ ad plura objecta se extendit, augetur: quæ ad pauciora, diminuitur. Quoad modum cognoscendi variatur scientia, quando aliquid clarius & evidentius cognoscitur, quam antea cognoscebatur: quod videm accidit, vel ex diversitate medii, quando illud, quod prius cognoscebatur per medium probabile, postea cognoscitur per medium demonstrativum; vel ex vi & præstantia intellectus: nam qui acutiori pollet ingenio, is perfectius penetrat eandem conclusionem, quam alius qui minus acutus est ingenio. 3. Variatur scientia, quoad actum sciendi: quod contingit, vel quando quis actu considerat, quod prius non considerabat, vel quando procedit ab habitu ad actum, vel quando modo intelligit unum, postea aliud, vel quando ab uno discurrit ad aliud: hisce omnibus modis potest aliqua scientia variari, & quæ nullo istorum modorum mutatur, aut variatur, illa immutabilis est & invariabilis: nam assumo: atqui scientia visionis in sensu composito nullo ex istis modis potest variari aut mutari: quod speciatim per singulos modos eundo ostendo: non variatur ex parte rei cognitæ ex vera in falsam: nam cum divina cognita feratur in res, quatenus sunt sibi præ-

sentes in æternitate, non potest variari ex parte rerum cognitarum, quia quæcumque dispositionem habeat res cognita, necessarium semper est, ut ea sit præsens intellectui divino: scit enim Deus, quicquid est, pro quocunque tempore: sed nec potest variari scientia Dei, ex parte cognoscentis: non 1. quoad scientiam ipsam: nam non potest corrumpi scientia Dei, nec de novo acquiri, ut scientia nostra: quia nihil cognoscit per hanc scientiam nisi quod esse voluit in aliqua temporis differentia, & quæcumque determinavit ut pro certo tempore forent, ea scit: non 2. quoad modum sciendi: quia hæc variatio procedit, vel ex diversitate medii, vel ex vi intellectiva: sed Deus per unicum medium, quod est sua essentia, cognoscit omnia: vis etiam intellectiva in Deo est penetrantissima, ipsaque Dei essentia, quæ invariabilis est: non 3. quoad actum sciendi, quia Deus nunquam est in potentia ad considerandum, quasi nunc actu consideret, quod prius non considerabat, neque est sciens in habitu sed in actu: scientia enim in habitu non est perfectissima; at talis est scientia Dei; nec intellectus divinus modo intelligit unum, postea aliud, nec ab uno discurrit ad aliud, sed omnia actu simul intelligit per unam & unicam speciem, quæ est sua essentia. Ergo concludimus, scientiam visionis in quantum est conjuncta cum voluntate divina, in sensu, ut ajunt, composito, nec augeri, nec minui: quia sicut Deus, quicquid vult, immutabiliter vult, ita quicquid scit ex iis, quæ voluit, invariabiliter scit.

IV. Restat ergo tota difficultas, de scientia visionis in sensu diviso, id est, absolute & per se considerata, non in quantum subest divinæ ordinationi: in hoc sensu concedi potest, quod scientia visionis Dei possit augeri vel minui, quia Deus ab æterno potuisset plura vel pauciora velle atque ordinare, ut essent, & sic potuisset plura vel pauciora scire ab æterno: certe, si fatemur Deum plura vel pauciora facere aut decernere posse, quam fecit aut decrevit, quidni similiter dicamus, Deum plura scire posse, quam scit? & sic non male dicunt Scholastici, Deum aliquid scire posse, quod nec scit,

nec scivit, nec sciet unquam: quæ sane sunt verissima, in sensu diviso accepta: Profecto, non potest fieri, ut quod modo Deus cognoscit scientia visionis, postea incipiat non cognoscere, aut contra: sed vero potuit ab æterno non scire, quod nunc scit ab æterno, in sensu diviso, quia potuit ab æterno non velle aliquid, quod nunc voluit ab æterno, & potuit ab æterno velle facere aliquid quod nunc ab æterno facere noluit, referendo illud (ab æterno) ad voluit & noluit. Nec est, quod hinc quispiam inferat, scientiam visionis in Deo augeri posse, vel minui, vel omnino mutari: hujusmodi enim sermo, in quo ponitur, augeri, minui, mutari, semper involvit sententiam compositum, qui in præcænti negotio falsus est: nam cum dicis, scientiam Dei augeri, minui, vel mutari posse, sensum hunc efficias, Deum quædam scire ab æterno, quibus postea quædam addi possint, in sciendo, aut detrahi, aut in quorum locum quædam possint succedere, sic nimirum, ut plura vel pauciora sciat postea quam prius, aut omnino quædam sciat postea, quæ non prius, aut contra: unde sequeretur, quod inciperet Deus aliquando scire quæ non sciebat, vel non scire quæ sciebat: Atque hoc absurdum est, & pugnans cum æterno Dei decreto de rebus in tempore producendis: teneamus ergo certissime, scientiam visionis hoc modo in sensu composito acceptam esse invariabilem & immutabilem, licet in sensu diviso, ut eum explicuimus, contra dici possit.

V. Sententia vera explicata & probata hoc superest, ut Adversariorum objectiones præcipuas excutiamus, quod licet iaro in thesibus conscribendis faciamus, nunc tamen unam atque alteram solvere placuit. *Obj. 1.* Objecta divinæ scientiæ sunt variabilia & de facto variantur: Ergo & ipsa Dei scientia est variabilis & de facto variatur ad variationem objectorum: Antecedens est manifestum, quia inter ea, quæ Deus scit, sunt libera & contingentia: atqui hæc variantur. Ergo objecta &c. Consequentia probatur, quia si variato objecto non variatur scientia, ergo scientia illa, quæ non mutatur, mutato objecto, erit falsa: v. c. Deus scit me nunc scire: itaque finita scriptura

& me non scribente, aut manet illa scientia Dei qua sciebat, & illud iudicium quo iudicabat, me scribere: aut non: si manent, ergo scientia & iudicium Dei sunt falsa, quia nunc non scribo: si non manent, ergo scientia Dei est mutata & variata. *Resp. 1.* Objectum scientiæ divinæ primarium est essentia divina, in qua & per quam cognoscit omnia, quæ cum non possint variari, nec scientia Dei potest variari, etsi objecta secundaria variantur. 2. Cum Deo sint omnia præsentia in sua æternitate, etiamsi objecta secundaria variantur, scientia tamen Dei non variatur: Deus enim videt in sua æternitate, absque aliqua sui mutatione, me nunc scribere pro hoc tempore, & me non scribere pro tempore tali secuturo: & licet varietur scibile à parte rei, scientia tamen non variatur à parte Dei, quia eadem scientia cognoscit Deus hanc rem esse protali tempore & non esse pro alio tempore: & hoc bene est notandum, quod varietas & contingentia rerum non variet, non mutat scientiam Dei, quia Deus sic novit omnia, ut quæ dicuntur præterita apud Deum tamen scientem non sint præterita, & quæ dicuntur futura, à Deo tamen sciente non expectentur ut futura; sed vero & præterita & futura & præsentia, sunt cuncta præsentia Deo in æternitate sua: quæ æternitas adest cuilibet differentię temporis & coexistit semper omnibus, quæ sunt in quacunque temporis differentia: & sic non aliter cognoscit Deus præterita aut futura quam præsentia, sed omnia simul æqualiter & sibi præsentur, etsi illa quoad nos variantur & mutantur: ut rem similitudine illustrem. Sicut faber, antequam fabricet domum, & postquam est fabricata, & postquam est destructa, habet semper eandem ideam domus: Ita Deus non aliter cognoscit res antiquam sunt creatæ, & postquam sunt creatæ, & postquam esse desierunt. *Inst.* Si Deus omnia sciat simul, quia omnia videt in sua essentia & in sua æternitate, ergo etiam cognoscet simul contradictoria: at hoc est absurdum. Ergo & illud. *Prob. min.* Contradictoria sunt opposita: at eorum uno posito, non ponitur alterum; ergo, qui scit unum oppositorum, nescit alterum, quia ambo simul stare nequeunt. *Resp.*

scientia



scientia Dei potest esse oppositorum, sine opposizione & falsitate: quia quando dicimus, Deum scire opposita simul, non dicimus, quod Deus sciat duo opposita simul esse vera, quia hoc est impossibile, sed tantum dicimus, Deum apprehendere utrumque oppositorum & judicare unum esse verum, alterum falsum, vel unum esse possibile, alterum impossibile: hoc est, quod vocamus, Deum duo contradictoria scire simul: deinde, aliud est, duo opposita aut contradictoria esse simul in rerum natura, quod est impossibile, sicut duo contrarii colores non possunt esse in eadem parte parietis, & aliud, esse simul in scientia Dei, quod est possibile, non quia simul judicentur vera, sed quia simul apprehenduntur, & unum judicetur verum, alterum falsum. *Obj. 2.* Deus ante Incarnationem scivit Christum nasciturum, & post Incarnationem scit illum non esse nasciturum; nam scientia est verorum, & post Incarnationem non est verum, Christum esse nasciturum, quia jam est natus, ergo potest Deus nescire quod scit, & contra potest scire, quod nescit: nam nunc scit Christum esse na-

tum, quem ante Incarnationem natum nesciebat, & nunc scit, Antichristum nasciturum, & ipso nato, jam scit, non nasciturum, sed natum, quod ante nesciebat. Resp. negando consequentiam, quia Deus scit Christum nasciturum pro tali tempore, quo erat nasciturus, ante Incarnationem; & nunc scit Christum esse natum pro tempore, quo est natus; & sic non dicitur aliquid nescire, quod sciebat, aut scire, quod nesciebat, quia licet post Christum natum Deus non sciat Christum nasciturum pro hoc tempore, scit tamen Christum esse nasciturum pro tempore, quo erat nasciturus: quia, cum aeternitas comprehendat omnes differentias temporis, Deus novit Christum nasciturum pro tempore, quo erat nasciturus, Christum natum pro tempore, quo est natus: & ista propositio, *Christus est nasciturus*, vera est, pro tempore, quo erat nasciturus, & hæc, *Christus est natus*, est etiam vera pro hoc tempore, quo est natus, quæ omnia tempora sunt simul & præsentia Deo in aeternitate & æterna Dei cognitione. Alias objectiones in ipso actu disputandi solvemus.

## Disputationum ex Philosophiâ selectarum,

### VIGESIMA-PRIMA.

D E

## SIMPLICITE DEI.

### THESIS I.

**D**E *Simplicitate Dei* disputari, non prolixo utemur apparatu, sed *ad hoc negotium* quid per *simplicitatem* intelligi debeat obiter præmittimus, ac tum statum controversæ figemus, & rem ipsam rationibus decidemus. *Simplicitatem* explicare solent Philosophi per *negationem compositionis seu constitutionis ex pluribus*, hinc simplicitatem describunt per exclusionem distinctionis seu multitudinis, dicendo, quod sit *unitas carens multitudine plurium*: quæ descriptio generatim sumpta non satis est vera, nisi illa plura intelli-

gantur esse talia, *quæ se habent per modum actus & potentia*: nam simplicitas non dicit in genere carentiam omnis multitudinis, neque excludit omnem aut distinctionem aut pluralitatem: exemplum est in ipso Deo, ubi sunt multæ, plures, ac distinctæ personæ, quæ personarum multitudo, pluralitas, ac distinctio, non officit divinæ simplicitati, quia non referuntur ad se invicem, nec ad essentiam divinam, ut actus & potentia, quod imprimis hic & alibi notandum est. *Simplicitas* ergo optime definitur *unitas* (est enim ejus quasi species)

*carens omni multitudine plurium, quæ vel ad se invicem sese habent ut potentia ad actum, vel simul sunt in potentia ad totum quod actuant.* Ex eo autem, quod simplicitas explicetur per negationem compositionis, existimant plerique Philosophi simplicitatem de formali in sola negatione consistere. Vide præter alios *Suarezum Metaph. disp. 30. sect. 3. num. 3.* At vero, si nulla foret negatio simplicitas, nullam diceret perfectionem, nedum ut diceret perfectionem simpliciter: at dicit perfectionem: nam compositio, quæ ei opponitur, dicit imperfectionem, ideoque à Deo removeatur: Ergo simplicitas dicit perfectionem, ideoque Deo tribuitur: & certe, si tantum negatio sit simplicitas, quomodo inter Dei proprietates recenseri potest? mera negatio non est proprietas: hinc adde, quod unitas superaddat enti, non negationem, licet vox indivisionis, qua definitur, negationem sonet, sed modum positivum; ergo & simplicitas quæ unitatis quasi est species. Quod *Suarez* loc. cit. excipiat: Primo, non posse intelligi, quis sit ille modus, quem simplicitas addit enti, futile est: nam ab intellectu suo ad intellectum alterius nulla est consequentia: certe si possit intelligi modus positivus, quem unitas addit enti, quem infinitas addit Deo, quidni & hic, quem simplicitas, vid. inter alia c. 7. 11. 14. *Metaph. l. 1. Burgersd.* Quod obijciat secundo *Suarez*, non posse simplicitatem dicere modum positivum, quia faceret compositionem cum entitate, cui adderetur, haud difficulter solvi potest; nam non facit compositionem cum quidditate cujus est modus, quia non est ei adæquate distinctus, nec ad eam se habet, ut actus ad potentiam. Quod tertio dicat *Suarez*, compositio non addit modum composito, ergo nec simplicitas rei simplici: ad id duobus modis responderi potest, vel negando antecedens, ac dicendo, quod compositio dicat modum intrinsecum ac positivum quidditatis quæ composita dicitur, ut importet talem entis rationem, secundum quem ens constituitur ex actu & potentia: vel concedendo antecedens, & negando consequentiam, ac dicendo, quod compositio & simplicitas opponantur ut privatio & habitus, sicuti,

multitudo & unitas; at privatio negatio est; habitus dicit entitatem aut modum positivum: unde sequitur, posse simplicitatem formaliter constitui in modo positivo, licet in eo non item collocetur compositio.

II. Simplicitatis sic explicatae variae sunt differentiae five modi, pro compositionum oppositarum varietate: hinc, quia alia est compositio ex materia & forma, alia ex partibus integrantibus, alia ex subiecto & accidente, alia ex genere & differentia, alia ex essentia & existentia, alia ex natura & subsistentia, totidem sunt modi simplicitatis, quorum singuli oppositas compositiones excludunt. Quæstio nunc est, an *Deus* hisce omnibus modis sit simplex: Alii sic proponunt statum controversiæ, *An Deus nec in se sit compositus, nec possit intrare in compositionem alterius, nec possit aliud componi cum Deo?*

III. Nos *Deum simplicem* asserimus, compositum negamus: Argumenta quædam generalia sunt, quæ hoc probant; alia specialia, quæ hanc aut illam à Deo compositionem removeant: an omnem à nobis recensitam, statim videbimus. Generalia argumenta statim sunt multa: quæ videre est apud *Scholasticos Commentatores*, in *Lambar. l. 1. Sent. dist. 8. & in Aquin. sum. Theol. p. 1. quæst. 3.* Nos Dei Simplicitatem, ut à nobis est explicata, in genere deducimus ex ejusdem infinitate. Nullum infinitum est compositum ex aliis, nec compositibile cum aliis: ergo simplex: at *Deus* est ens infinitum, quod nunc supponimus: major prob. Quod est compositibile cum alio, caret ejus perfectione cum quo componitur, & consequenter perfectione totius, quæ conflatur ex perfectione extremi componentis utriusque; at infinito nihil perfectionis deesse potest: compositum vero ex aliis, vel est compositum ex partibus infinite perfectis, quod est contra rationem & partis & infiniti, vel ex partibus finite perfectis; at ex pluribus finite perfectis non potest fieri ens infinite perfectum, sed tantum finitum quoddam determinate perfectionis pro determinata partium perfectione: at *Deus* est ens infinite perfectum: Ergo &c.

IV. Sed descendamus ad particulares compositiones

positionis modos. *Deum non componi ex materia & forma*, aliquot argumentis probat *Aquin. loco cit. quæ in Comment.* fusius explicantur. Nos ex iis duo feligemus: 1. Quod est purus actus, non est compositum ex materia & forma, Deus est purus actus. Major est evidens, quia cum materia sit pura potentia; illud sane quod componitur ex materia & forma non poterit esse purus actus, quia hic excludit quamcumque potentiam à sua ratione: Minor probatur. Quodcumque nullam includit potentiam est purus actus. Deus nullam includit potentiam; quia si aliquam includeret, deberet aliquid ab alio recipere: nam omnis potentia passiva est correlativa respectu potentie activæ, à qua formam recipit, ad quam est in potentia: Deus autem nihil recipit, quia sic non esset primus motor, prima causa, adeoque ens primum, nec foret ens ex se. 2. Quod habet materiam & formam, est bonum per participationem. At Deus non est bonus per participationem. Ergo. Major prob. quia quod habet materiam & formam, est bonum per id, quod materia ejus participet & recipiat formam, beneficio & efficacia alicujus cause efficientis: consequenter est bonum per formam participatam. Minor prob. Deo nihil est prius: sed bono per participationem prius est bonum per essentiam. Ergo Deus non est bonus per participationem. Hisce duobus *Thomæ* argumentis addimus tertium. 3. Si Deus foret compositus ex materia & forma, corpus esset. At corpus non est: nam omne corpus est mobile, est circumscriptum loco; Deus nec est mobilis, nec circumscriptus loco. Ergo. Deinde, nullum corpus est infinitum. Deus est infinitus. Ergo. Hisce iisdem argumentis probatur, *Deum non esse compositum ex partibus integrantes*: nam partes integrantes materiam sequuntur, qua negata & hæ negantur.

V. Sed neque Deus est compositus ex *subiecto & accidente*, quod probari potest multis rationibus: nos pauca feligemus. 1. Subiectum se habet ad accidens, ut potentia ad actum. Sed Deus non est ullo modo in potentia. Ergo neque subiectum est ullius accidentis. 2. Ens per accidens, hoc est, compositum ex subje-

cto & accidente, posterius est illo, quod est per se. Deo nihil est posterius, quia est ens primum. Ergo non est ens per accidens, hoc est compositum ex subiecto & accidente. 3. Omne accidens est vel materiale, vel spirituale: si materiale, recipitur in subiecto materiali & quantitativo; sed Deus non habet materiam, nec quantitatem, ex *ib præced.* ergo non potest recipere accidens materiale: nec etiam spirituale, quia intellectio, & volitio Dei seu decretum, est ejus substantia & ipse Deus. Ergo non potest in illo esse accidens.

VI. Sequitur *compositio ex genere & differentia: quæ an in Deum cadat*, paulo difficilius est explicatu, propter questionem aliam affinem, cui hæc innititur, hodie quæ maxime agitatur, *an Deus sub aliquo genere sit, & in aliquo genere sit, & in aliquo prædicamento contineatur?* Sed ut hoc negotium intelligatur, notandum est, rem aliquam eatenus dici compositam ex genere & differentia, quatenus genus & differentia ita inter se distinguuntur, ut gradus genericus secundum rationem suam possit inveniri separatus à differentiali illo, & inveniri conjunctus cum aliquo alio gradu differentiali in re aliqua alia: clarius loquar in exemplo. Animalitas ita distinguitur à rationalitate, ut animalitas possit separari à rationalitate in aliqua re alia quam est homo, quem cum rationalitate constituit, & conjungi cum alio gradu differentiali, sc. irrationalitate, in equo aut bruto quovis: ac propter hanc generis & differentie distinctionem, dici potest homo compositus ex genere & differentia, etiamsi ponamus, in homine illos gradus non distingui realiter; quæ communis & recepta hodie est opinio. Atque hinc manifestum est eas solas res dici posse compositas ex genere & differentia, quæ sub aliquo genere continentur: nam si quid est, quod sub nullo genere contineatur, id sane ex genere & differentia non fuerit compositum; ut ipsum ens, v. c. quia sub nullo genere continetur secundum communissimam sui rationem, à nemine censetur esse compositum ex genere & differentia: hisce sic positis, ut decipi possit, *An Deus ex genere & differentia sit compositus?* Primum ea questio determi-

nanda foret, *An Deus sub aliquo genere prædicamentorum*, v. c. substantiæ, contineatur? *Thomiste*, & hoc illud negant; nos cum iis: & sufficit ad id hæc una ratio, relictis aliis. Id, per quod constituitur species, habet se ad rationem generis, ut actus ad potentiam. Sed in Deo nulla est potentia. Ego. Prob. maj. quia omne genus dicit potentiam perfectibilem per differentiam.

VII. Verum ulterius quæritur, *an Deus sit compositus ex essentia & existentia*? Alii dicunt; *ex esse & essentia*? Resp. quod non. Ratio est. 1. Si Deus componeretur ex essentia & existentia, essentia Dei foret in potentia ad existentiam, sicut omne perfectibile est in potentia ad perfectionem: sic enim se res habet in creaturis, quæ ex essentia componuntur, quia earum essentia est indifferens ad  $\pi$  existere & non existere: at Dei essentia non est indifferens, nec in potentia ad  $\pi$  existere & non existere. Ergo. 2. Si Deus non esset suum esse, i. e. si componeretur ex essentia & existentia, Deus haberet existentiam seu esse causatum: si causatum, vel ab extrinseco, vel à principiis intrinsecis; nam illud esse esset receptum, ergo ab aliquo: sed non potest illud existere causari à principio extrinseco, quia sic prima causa non amplius esset prima, neque ens à se & non factum, neque ens necessarium, &c. quæ sunt absurda: sed neque ab intrinsecis principiis causari potest  $\pi$  esse seu existere Dei, quia nihil sibi potest esse causa existendi: illud enim, quod causat, debet esse & existere, antequam effectus sit, si causat in genere causæ efficientis: ergo si esse aut existere, quod est in Deo, esset in eo causatum à principiis intrinsecis, præsupponerentur jam esse illa principia per aliud esse, & sic essent plures in Deo existentia, quo nihil fingi potest ineptius, aut magis impium.

VIII. Quæritur postremo, *an Deus sit compositus ex natura & subsistentia*? Subsistentiam hic dicimus quod alii vocant personalitatem, modum subsistendi,  $\pi\epsilon\pi\acute{o}\nu\epsilon\iota\varsigma$  Græce, qui quidem triplex est in Deo, unde tres constituit personas. Has subsistentias revera ante omnem mentis operationem à natura & essentia divina, ut modos à re modificata e-

xistimus distinguimus, adeoque Deum vere ex natura & subsistentiis tribus componi: aliud enim est essentia, aliud modus essentia: hæc tamen compositio simplicitatem Dei non evertit, quia extrema componentia, essentia & modus, natura & hypostasis, non se habent per modum potentia & actus, sicut se quidem habent in rebus creatis, verum debent concipi essentia & modus subsistendi in Deo, natura divina & subsistentia ut duo actus perfecti, quorum neuter ab altero aut actuetur aut perficiatur: ut quidem fit in creaturis: ubi compositio ex essentia & modo non tantum simplicitatem evertit sed & imperfectionem importat, non tamen per se, quasi omnis compositio talis eam inferret, sed per accidens, quia modi superadditi creaturarum essentis, vel mutabiles sunt, vel finiti, vel utrumque: & modi hi subsistendi in Deo nec mutabiles nec finiti sunt: unde nullam imperfectionem inferunt. Si dicas præstare, ut dicamus essentiam divinam & modum subsistendi in Patre includi in persona Patris, non per modum compositionis, sed per modum ineffabilis unionis. Resp. 1. Nos in verbis & modo loquendi non esse diffices, modo de re constat, & plus differre inter se naturam divinam & modum subsistendi, quam essentiam & existentiam, hoc est, ut Scholasticorum terminis efferam, essentiam & personalitatem, non sola ratione, sed ante omnem mentis operationem distinguui. 2. Nihil hic esse periculi, licet vocabulo compositionis utamur, modo eam recte conciliemus (quod facimus) cum Dei simplicitate: certe, ubi licet ut voce distinctionis, quidam ibidem & compositionis? atqui hic omnes dicimus, naturam divinam & personalitatem Patris distinguui, quidam ergo etiam dicamus Patrem ex natura divina & personalitate sua componi? Vide de hoc negotio egregie differentem Keckerm. *Syst. Theol.* l. 1. c. 4.

IX. Exposuimus ita Dei simplicitatem & quomodo, & quæ ei sit tribuenda: hoc superest, ut videamus, *an cum hac Dei simplicitate à nobis explicata stare possit pluralitas & distinctio attributorum in Deo*? Resp. quod sic. Nam in Deo multa quidem sunt attributa, sed quæ in se circa operationem mentis non sunt

eer  
liud  
hac  
ne  
a &  
ent  
dem  
cipi  
ura  
cti,  
per-  
om-  
im-  
im-  
po-  
quit  
vel  
: at  
nec  
in-  
iam  
elo-  
po-  
onia  
non  
dit-  
lum  
am,  
am,  
one,  
fin-  
culo  
con-  
cita-  
idai  
s di-  
tem  
mus  
e sua  
iiffe-  
m &  
per-  
ati  
di-  
fic-  
uta,  
non  
unt



2

3

4

5

7



et distincta, verum distinguuntur solummodo ab essentia divina & inter se distinctione rationis ratiocinatae, ut fundamentum quidem distinctionis sit in Deo, distinctio tamen extra Deum in mente distinguente : quæ

rationis distinctio simplicitatem Dei, à nobis assertam non tollit. Hanc attributorum ab essentia divina & inter sese distinctionem probremus ; sed charta non capit, & alias hoc fieri poterit.

## Disputationum ex Philosophiâ selectarum,

## VIGESIMA-SECUNDA.

DE

## POTENTIA DEI.

## T H E S I S I.

**R**ecceptum est apud Scholasticos axioma, ea, quæ in nobis diversa sunt, in Deo reperi unita : cum itaque tria concurrant operationes nostras, scientia, voluntas, potentia, quod cujuslibet artificis exemplo est manifestum, & illa tria in Deo sunt quærenda & reperienda ; non quod in Deo ista sint diversa, ut in nobis : sed quod illa in ipso secundum nostrum ordinem & modum intelligendi discernantur : Nimirum, scientia Dei intelligitur à nobis ut apprehendens, voluntas imperans, potentia ut exequens. Nos, misce scientia & voluntate Dei, de *Potentia Dei* quædam hac disputatione excutiemus, exoritur quæstione an sit.

II. Quando quæritur, *an sit in Deo potentia* ? primo videndum est, quid per *potentiam* hic intelligatur. Non intelligitur potestas, dominium, autoritas, *ignavia*, sed *vis* virtutis producendi effectum, *dynameis*. Solet item ex *Arist.* 5. *Metaph.* potentia dividi in *activam* & *passivam* : illa ad agendum, hæc ad patiendum seu recipiendum : nam quemadmodum actus est duplex, alius secundus, qui est operatio, & alius primus, qui est forma, operationis terminus ad quem, saltem inadæquatus & partialis ; ita potentia alia est in ordine ad actum secundum, & dicitur activa, & alia in ordine ad actum primum, & dicitur passiva : *Activa potentia* definitur *Arist.* *Principium transmutationis in alio, quatenus a-*

*liud est : Passiva, principium transmutationis ab alio quatenus aliud* : sed universalius potest utraque definiri : Nam vox *transmutationis* specialior videtur. Potentia activa, est principium *producendi* aliud, quatenus aliud est, ideoque hæc ordinatur ad influendum aliquid alteri, & non recipiendum aliquid in se. Potentia passiva, est principium *producendi* (*passive*) ab alio, quatenus aliud est, adeoque hæc ordinatur ad aliquid recipiendum in se, & non ad influendum aliquid alteri. Jam vero quæritur, *an in Deo reperiatur potentia, non passiva, sed activa* ? Nam passiva potentia nullo modo in ipso reperitur, quia dicit imperfectionem : quod enim est in potentia ad recipiendum aliquid ab alio, habet defectum illius, ad quod est in potentia : at Deus nullius habet defectum. Ergo. Sed activa est in Deo, quia illa de se imperfectionem non importat : unde, sicuti materia prima est pura potentia passiva, ut nullam habeat activam, quia est ens imperfectissimum, ita in Deo nulla est potentia passiva, omnis est activa, quia est ens perfectissimum.

III. Cæterum cum *in Deo potentiam ponimus activam*, & hoc bene est intelligendum, respectu cujus operationis ea in Deo ponatur : operatio enim alia est immanens, quæ recipitur in eodem subiecto, à quo procedit, sicut intellectio, volitio, alio transiens, quæ recipitur in subiecto alio, in quo est terminus ad quem

quem aut effectus, ut creatio, salvatio: non ponimus potentiam activam, quæ dicat ordinem ad actum immanentem, sed eam quæ dicit ordinem ad actum transeuntem in exteriorem materiam vel objectum extra Deum: hic tamen notandum est, in Deo improprie poni actum transeuntem. Nam omnis actio Dei est immanens, metaphorice tamen aliqua dicitur transiens, ratione effectus ad extra producti: sic creare, salvare, secundum rei veritatem sunt actiones immanentes: Deus intelligendo & volendo produxit mundum, & fecit omnia quaecunque voluit, sed tamen quia istæ actiones extra se, id est, extra Deum, producent suos effectus, dicuntur actiones transientes

IV. Deo potentiam esse adscribendam activam, principium operationis transeuntis, probat *Aquin. 1. part. sum. Theol. quest. 25.* quia Deus est ens in actu, imo purus actus, ac perfectissimus. At habere talem potentiam competit enti, quatenus est actu, & quatenus est perfectum: Ergo. Probat minor: nisi ens sit actu, quomodo poterit in se habere principium operandi? & de perfectione entis nihil derogat hæc potentia activa, quia ex se nullam imperfectionem involvit, sed quod imperfectionem involvat, aliunde est: nempe, potentia activa imperfecta est, 1. quando completur per suum actum, sic imperfectæ sunt potentie activæ Angelorum, quia per operationes suam consequuntur perfectionem. 2. quando indiget subiecti materia, sic imperfectæ sunt potentie activæ corporaliū agentium, ut artificum inter homines. 3. quando eam concomitatur mutabilitas, ideoque omnis potentia creata agendi est imperfecta. 4. quando potentia, ut agat, debet egredi à substantia ejus in quo est & approximari passio, sic potentia calefaciendi egreditur quasi extra se & approximatur passio manui, dum eam calefacit. At Dei potentia activa non dependet à suo actu, sic ut per eum acquirat perfectionem, nec indiget materia ad agendum, nec mutabilis est, nec debet egredi ab eo & approximari passio, quia non distat à passio. Concludimus ergo, nihil detrahi perfectioni divinæ, quod in Deo ponatur potentia activa. Sed, di-

cet quis, omnis potentia dicit imperfectionem, sicuti actus perfectionem. Resp. omnis potentia, quæ ab actu est distincta, dicit imperfectionem, & actus, qui est distinctus à potentia, perfectionem; sed in Deo potentia activa non est distincta ab actu, sed est semper in actu, & ipse actus, quia Deus est purus purus actus. Cum vero dicimus, potentiam Dei activam semper esse in actu, & esse suum actum, non hoc sic intelligendum est, quod potentia divina semper sit conjuncta suo actu, qui transit in materiam exteriorem, in objectum extra Deum, sed quod potentia divina semper sit conjuncta actu immanenti, divinæ intellectiōi, & volitioni; non tamen semper est secutus à potentia divina effectus exterior: quia effectus ad extra procedunt à Deo secundum ordinem suæ sapientie & beneplacitum suæ voluntatis: unde, prout ab æterno per intellectum & voluntatem disposuit, ita in tempore producit res: sic ab æterno judicavit & voluit creare mundum tali tempore. Nec hoc imperfectionem infert in Deo, à potentia ejus activa, ab æterno conjuncta actu immanenti & interiori, in tempore exire actum transeuntem & exteriorem, quia ille actus transiens & exterior tantum dicit relationem inter Deum ejusque potentiam & effectum extra se, quæ relatio, ut nihil perfectionis adfert, ita nihil aufert: ideoque, potentia divina, eadem cum suo actu interiori & immanenti, nihil plus perfectionis habet, quando agit extra se, quam quando non agit, quia agendo extra se nihil perfectionis acquiritur à Deo, sed ponitur tantum nova relatio, inter divinam potentiam æternam, eandem cum Deo ejusque intellectu ac voluntate, cæterisque attributis, & id quod fit & existit post extra Deum: relatio vero non perficit subiectum cui advenit: si contingat relationem interdum perficere suum subiectum, id est per accidens & ratione fundamenti.

V. De hac potentia activa Dei queritur, an sit infinita? seu sub alio termino, an sit omnipotentia? Eam esse infinitam & omnipotentiam probat *Aquin. quest. cit. art. 2. & 3.* quia esse Dei est infinitum: vis argumenti nititur eo, quod Deus agat per essentiam: quanto autem perfectiori modo est in aliquo

aliquo agente forma per quam agit, tanto est major ejus potentia agendo: at essentia Dei est infinita: Ergo & potentia: Unde & *omni-potentia* dicitur. Cæterum universalitas illa potentia, nomine omnipotentia significata, non eodem modo ab omnibus explicatur. Nos acquiescimus in explicatione facta ab *Aquin. loc. cit.* Deum hac ratione omnipotentem dici, quatenus omnia possibilia seu factibilia potest. Potentia enim activa ad agibile, factibile, possibile (quæ tria nobis idem significant) tanquam ad proprium suum objectum refertur. Potentia vero extra objectum suum non abit. Sicut autem potentia Dei activa, absoluta, infinita, & illimitata est, ita possibile, quod illi potentia subijcitur, intelligendum est possibile absolute, sine ulla restrictione aut limitatione: cujusmodi est omne illud, quod non implicat contradictionem, si fiat: Quæ enim hujusmodi sunt, ut contradictionem implicent, si dicantur fieri, rectius dicuntur non posse fieri, quam quod Deus ea non possit facere, qui modus loquendi de Deo multo est modestior, & ab ipso *Aquin. loc. cit.* observatur: Nam quod est simpliciter & absolute impossibile, nullo modo fieri potest, non tam propter defectum potentia in Deo, quam propter defectum ipsius rei, quæ contradictionem involvit: & potentia Dei est infinita, atque omnipotentia, ideoque continet in se perfectionem omnium potentiarum cuilibet creaturæ: ideoque nihil concipi potest, ad quod sese non extendat divina potentia, quantum ex se: sed si aliquid non facit, non est, quia non possit, sed vel quia non vult, vel quia non decet, vel quia non est factibile, repugnatque fieri ex parte ipsius rei, adeoque est impossibile.

VI. Cæterum *impossibile*, ut colligere licet ex *Arist. 5. Met. 17.* dicitur duobus modis: uno modo, *simpliciter*: altero, *secundum quid*. Impossibile simpliciter est illud, quod nec à Deo nec ab ullo agente potest produci aut fieri. Impossibile secundum quid est, quod ab agente naturali non potest produci aut fieri: utrumque distingui solet in *impossibile simplex*, ut chimæra, & *complexum*, ut, homo est equus, virgo parit. Alii distinguunt in

impossibile quadrupliciter. Est *impossibile secundum naturam*, cujusmodi est illud, quod non potest fieri nec esse per naturam, licet possit esse per agens supernaturale, ut, virginem parere, cæcum videre &c. 2. Est *impossibile per intellectum nostrum*, quod non potest capi vel intelligi ab intellectu nostro, sic impossibilia sunt illa quæ non capit intellectus nisi illustratus fide. 3. Est *impossibile secundum tempus*, ut, quod præteritum non fuerit; quod & *impossibile* vocant *per accidens*, quia accidit, *Petrum non cucurrisse*, esse impossibile, ex eo quod præterit jam cursus: Nam licet cursus in se sit actus contingens; cum præterit, quia præterit, fit necessarius, & impossibilis ut non præterierit: & sic dicitur *impossibile secundum accidens*, quia accidit illi cursui, esse præteritum. 4. Est *impossibile secundum disciplinam*, quia est contra aliquod primum principium alicujus discipline: sic impossibile est, ut duo contradictoria sint simul vera, ut duo contraria sint simul in eodem subiecto, quia sunt contra illud principium; *Quodlibet est vel non est*, aut, *Idem non potest esse & non esse*. De hisce quatuor speciebus impossibilium nunc videndum est distincte.

VII. §. 1. *Quodcumque est impossibile secundum naturam, illud est possibile Deo*. Probatur. Quia potentia Dei est infinita: potentia vero naturalis finita: ergo potest Deus facere id, quod est impossibile agenti naturali. Ut vero accurate cognoscatur, quantum differat potentia Dei infinita, & potentia creaturæ finita, observetur, quantum differat divinum esse ab esse creato: cum enim posse præsupponat esse, & omne agens agat in quantum est in actu, hinc optime judicatur de potentia ex essentia: esse vero Dei differt ab esse creaturæ, 1. Quia esse Dei non est contractum ad genus, neque ad speciem aliquam: at esse creaturæ quam maxime: 2. Esse divinum est illimitatum & infinitum: esse creaturæ est finitum & limitatum: 3. Esse divinum est quoddam esse universale in quo continetur omne esse, & in quo reservatur quasi omnis ratio essendi: in omni autem alio esse creaturæ est tantum unus modus particularis essendi, ut in homine est esse hominis, non Angeli: at in Deo est omne esse:

esse: 4. Esse divinum est esse purum: esse creaturæ non est esse purum sed mixtum cum non esse, quia creatura quælibet facta est ex nihilo, & de se, nisi à Deo conservetur, tendit in nihilum. Ex hisce de differentia potentiarum, tum divinæ, tum creaturæ, iudicium fieri potest.

1. Dei potentia non est determinata ad hunc vel illum effectum, sed extendit se ad omnem effectum, qui sub potentiam activam cadit; at potentia creaturæ determinata est. 2. Potentia divina quia est infinita, potest operari in instanti, potentia creaturæ non item. 3. Potentia divina talis est, ut ab ea dependeat omnis potentia creaturæ in operando; at illa non dependet ab hac. 4. Potentia divina potest agere nullo præsupposito subiecto, at non potest hoc potentia creaturæ. Atque hinc concludimus, multa esse possibilia Deo, quæ sunt impossibilia naturæ. *Potest Deus producere omnia quæ vult, potest operari sine ordine causarum secundarum; potest operari nullo præsupposito subiecto; at hæc impossibilia sunt omnia naturæ.*

VIII. § 2. *Impossibile secundum intellectum nostrum Deo est possibile.* Probatur. Quia cum intellectus divinus sit infinitus, noster intellectus sit finitus, potest facere omnia quæ ipse

intelligit esse possibilia, & non tantum, quæ nos intelligimus esse possibilia: at Deus longe plura intelligit possibilia: quam nos. Ergo longe plura potest facere, quam nos intelligimus: & manifestum est in rebus fidei, quas Deus potest facere, nos tamen non possumus intelligere.

IX. § 3. *Impossibile secundum tempus seu per accidens ratione præteritionis est Deo prorsus impossibile:* quia per nullam potentiam potest fieri, ut præteritum non sit præteritum. Probatur. Omne implicans contradictionem non potest à Deo fieri: sed præteritum non fuisse præteritum implicat contradictionem: quia idem pro eodem tempore fuisset & non fuisset. Ergo, præteritum non fuisse præteritum, impossibile est Deo.

X § 4. *Impossibile secundum disciplinam est etiam Deo impossibile.* Probatur. Quia si Deus faceret duo contradictoria simul esse vera, vel duo contraria convenire eidem subiecto, contradiceret suæ veritati & sapientiæ, quæ ordinavit, ut idem non posset esse & non esse simul, ut idem non posset simul esse album & nigrum. At Deus sibi esse contrarius aut contradicere non potest. Ergo &c.

## Disputationum ex Philosophiâ selectarum,

### VIGESIMA-TERTIA.

D E

## VOLUNTATE DEI.

THESES I.

**D**E voluntate Dei theses ad disputandum proposituri, ante omnia vocis ambiguitatem removebimus. *Voluntas Dei* interdum significat beneplacitum ejus æternum, interdum *signum beneplaciti* divini & æterni; sicuti in vulgari usu loquendi testamentum solemus vocare ultimam alicujus voluntatem, quia signum est voluntatis ejus: hic posterior sensus à nobis relegatur. Priori sensu *Deo esse voluntatem*, sic probamus. Quod est ens infinite perfectum, in eo sunt formaliter

perfectiones omnes, quæ in latitudine entis sunt perfectiones simpliciter simplices, nullam in sui ratione includentes imperfectionem. Sed Deus est ens infinite perfectum, voluntas est perfectio simpliciter. Ergo voluntas est in Deo. Minor probatur. Nam voluntatis nomine intelligimus inclinationem ac propensionem quandam in omne bonum, quod intelligi & concipi potest, quæ ratio voluntatis nullam ex se imperfectionem includit,

II. Ve-

II. Verumenimvero cum voluntas interdum significet actum volendi, interdum substantiam volentem, hoc tertio sensu voluntatem Deo adscribimus, non enim potentia est, non operatio, distincta à Dei substantia, sed est ipsa ejus essentia, & velle est ipsius esse, propter summam Dei simplicitatem, qua fit, ut, quicquid in Deo est, sit ipse Deus. Si enim voluntas in Deo se haberet per modum potentiae, & velle per modum actionis, daretur in Deo compositio ex subiecto & accidente, quod est absurdum: praeterea, cum velle sit perfectio volentis, & voluntas sit perfectio Dei, si voluntas foret potentia, & velle actio, Deus acciperet suam perfectionem ab aliquo extrinseco, quod aequè est absurdum. Interim licet in Deo idem sit essentia & voluntas, esse & velle divinum, voluntas tamen habitudinem aliquam connotat & respectum ab objectum, essentia non item: Unde est, quod formaliter seu ratione ratiocinata, ut barbare loqui solent Scholastici, saltem distinguantur. Sed ut voluntatis divinae ratio fit clarior, non nihil de ejus obiecto agendum est.

III. Obiectum voluntatis divinae est, vel primum, principale, immediatum, quod est ipse Deus & sua bonitas, vel secundarium, minus principale, mediatum, quod est creatura. Primum dicitur per se volitum, quia Deus & bonitas divina est objectum adequatum & primo volitum ab ejus voluntate: alia vero à Deo sunt volita ratione divinae bonitatis propter se: omnia enim alia à se vult propter suam divinam bonitatem: & quandoquidem objectum aliud est terminatum, aliud morivum & terminativum: divina bonitas est objectum motivum & terminativum ipsius voluntatis: creatura est objectum, non motivum, sed terminativum tantum, & quidem secundario: solum enim movetur divina voluntas à sua bonitate, quae est ejus essentia, creatura autem non potest movere voluntatem divinam, potest tamen secundario terminare ejus volitionem.

IV. Sed scrupulus hic est removendus. Si Deus vult alia à se, vult plura, & quidem ut plura: ab hoc videtur repugnare unitati & simplicitati voluntatis divinae. Ergo tantum vult

suam bonitatem, non alia à se. Resp. Cum Deus vult alia à se, in quantum vult bonitatem suam, hoc modo comparatur alia ad voluntatem Dei, quo modo comprehenduntur ab ejus bonitate: sed omnia continentur in bonitate ejus ut unum cum ipsa: ergo etiam uno & unico actu, volendo bonitatem suam, vult etiam alia à se: & sic voluntas potest plura velle sine praedjudicio suae simplicitatis, quia omnia illa vult, quatenus sunt unum cum bonitate divina: ipsa enim bonitas Dei est exemplar & representatio omnis bonitatis in creaturis & aliis à se: quae modum unitatis, quae est simplicissima, est principium multorum numerorum, qui ab ipsa procedunt, ita bonitas divina principium est simul & finis omnium bonorum aliorum, ad quae terminatur secundario voluntas Dei, quatenus vult bonitatem suam in qua continentur, ita ut uno actu & se velit Deus & alia à se.

V. Praeter objectum ad voluntatis divinae rationem intelligendam multum contulerit, ejus actus expoluisse, & modum, quo vult se & alia, Actus voluntatis divinae sunt velle & nolle. Velle & nolle Dei cum versantur circa res existentes, velle Dei est amare, & nolle Dei est odisse; cum versantur circa res futuras, velle Dei est decernere ut quid fiat; nolle Dei est decernere ut quid non fiat: quo sensu Theologis, eligere, significat in Deo, decernere alicui salutem conferendam; reprobare, decernere alicui salutem non conferendam. Non velle & non nolle in Deo proprie non est, quia Deus est purus actus, expers potentiae, & negationis, & quae utraque in eo poneretur, si in eo ponatur non velle, non nolle, negativa utrumque. Velle Dei, in quantum significat decernere, ut quid fiat, est vel effectivum vel permissivum. Velle Dei effectivum est, decernere ut aliquid fiat, Deo id efficiente aut coëfficiente: velle Dei permissivum est, decernere ut aliquid fiat Deo permitte: Utrumque velle est efficax: sed cum discrimine. Velle Dei effectivum ita est efficax, ut simul sit vere causa, sed antecedens, ex quo tamen necessario atque efficaciter sequitur id quod fit. Modus, quo Deus



vult se & alia, est vel *necessitas* vel *libertas*: quædam enim *necessario*, quædam *libere* vult, pro varia *ratione objecti*, quod vult, & *actus*, quo vult.

VI. §. 1. *Deus vult*, i. e. amat, *seipsum & suam bonitatem necessario*, ut non possit non se amare & velle. Probat, 1. Omne quod est, *necessario* ac *naturaliter* diligit suum esse. Ergo & Deus, qui maxime est ac non potest non esse. 2. Quælibet potentia *necessitatur* respectu proprii objecti, si perfecte applicetur, non tantum quoad specificationem, sed & quoad exercitium: sic visus *necessitatur* ad videndum colorem recte applicatum recipiendo speciem ab illo: & intellectus quantum ad operationem primam *necessitatur* recipiendo speciem ab objecto: & voluntas beatorum *necessitatur* ad amandum Deum, quia in eo est omnis ratio boni. Ergo multo magis *necessitatur* voluntas Dei ad amandum seipsum. §. 2. *Deus vult*, i. e. amat, *necessario creaturam suam, in quantum existit*, & ad *imaginem Dei est expressa*, & *participat ejus bonitatem*: in tantum enim nulla est, in creatura ut tali, ratio mali. At in quo nulla est ratio mali, illud Deus amat *necessario*.

VII. §. 3. *Deus vult*, i. e. decernit, non *seipsum, sed alia à se, idque libere*: non versatur circa seipsum, volendo, i. e. decernendo, quia ipse nunquam est futurus, sed semper est: at circa alia à se, volendo, i. e. decernendo occupatur, quia illa aliquando sunt aut fuerunt futura. Vult hæc, i. e. decernit, *libere*. Probat, 1. Quæ cadunt sub voluntatem ut media propter aliquem finem, qui sine illis mediis obtineri potest, non cadunt sub voluntatem *necessario*, i. e. circa ea non versatur volendo voluntas *necessario*. Atqui alia à Deo sic cadunt sub divinam voluntatem. E. non cadunt sub eam *necessario*, i. e. circa ea non versatur volendo voluntas *necessario*. Major probatur exemplis. Ideo non *necessario* volumus equum ad iter, quia illi conficere possumus sine equo. Minor probatur. Nam Deus vult alia omnia propter se ut finem, qui tamen non pendet ex rebus aliis, cum nihil perfectionis Deo ex aliis à se volitis accedat. 2. Si Deus *necessario* vellet, i. e. decerneret alia à se, nul-

læ redderentur gratiæ Deo propter beneficium creationis, quia *necessario* creasset nos & non libere: sicuti nullas reddimus gratias Deo, quod genuerit Filium, aut spiraverit Spiritum Sanctum.

VIII. §. 4. *Deus omnia alia à se que vult*, i. e. decernit, *immutabiliter vult*, i. e. decernit. Sensus est. In voluntate divina non est potentia ad opposita in sensu composito: id est, postquam ab æterno voluit Deus aliquid futurum pro tali tempore, non potest velle illud pro tali tempore non futurum: si enim, posset velle illud non futurum pro eo tempore, pro quo tempore illud futurum voluit, posset aliter se habere, i. e. posset mutari. At Deus mutari non potest. Ergo At si potentiam ad opposita sumas in sensu diviso, antequam voluntas concipiatur conjuncta cum altero oppositorum, sic vere libera est & actu suo volendi potest versari circa illud vel aliud objectum, nihilque derogatur divinæ immutabilitati, quæ tum demum violatur, si postquam voluit ac decrevit id rescindat: sed assertur summa Dei libertas, amplitudo, potestas, per illam potentiam volendi opposita divisim.

IX. §. 5. *Deus vult*, i. e. decernit *voluntate effectiva omne bonum creaturæ, se vel efficiente vel coefficiente*: imo sic etiam vult mala *pæne, in quantum ipse multa sæpe operatur, que cadunt in pænam peccatorum. At voluntate permissiva vult malum culpæ, vel simpliciter, vel etiam, quando illud simul est pæna*, & cedit in punitionem peccatorum: Neque sic quicquam Deo adscribitur, quod non sit dignum. Nam quandoquidem permittit peccatum fieri, haud dubie volens permittit; cur non liceat ergo dicere, Deum velle hoc fieri, quod permittit; quod non permetteret, si fieri non vellet? si vult fieri quod præcipit, quidni & fieri velit id quod permittit? cum tam sit dignum voluntatis divinæ permissio quam præceptio, & sæpius eveniant ea quæ Deus permittit, quam ea quæ præcipit. Et, quodcumque Deus tanquam medium usurpat fini obtinendo conducibile, illud recte dicitur velle ut fiat. Sed malum culpæ Deus tanquam medium usurpat fini obtinendo conducibile, manifestandæ gloriæ iustitiæ suæ & misericordie.



cordiz. Ergo malum culpæ recte dicitur vel-  
le ut fiat; siue sit malum culpæ simpliciter,  
siue simul sit malum poenæ.

X. Quæri hic potest non inutiliter, *An voluntatis*, id est, *volitionis divinæ* detur aliqua causa? Ab hujus quæstionis decisione gravissimæ dependent quæstiones Theologi-  
cæ, ut, An fides vel merita prævisa sint causa electionis, An peccatum sit causa reprobationis? Quare prudenter decidi debet. In homine quidem voluntas una est causa alterius, loquendo de actu voluntatis: sicuti voluntas, qua sanitatem volumus, est causa voluntatis, qua adire medicum & remedia quærere volumus. At in Deo non sunt plures actus volendi, quorum unus sit causa alterius, sed Deus unica voluntate, seu una & simplicissima volitione, vult omnia, quæcunque vult, qui tamen unus volendi actus pluribus actibus distinctis æquivaleret ob summam & infinitam suam perfectionem: & sic sapienter & convenienter unumquodque, finem & media, vult Deus illo uno actu, quatenus unumquodque habet ordinem ad aliud, ut media ad finem, quæ alio atque alio ac distincto actu vult homo. Neque est, quod quis existimet voluntatem Dei fore irrationalem, si nulla ejus sit causa, & unico actu velit & finem & media: Nam quodcunque vult, vult ex rationali & sapienti consilio suo; & volendo, rem unam tanquam medium in rem aliam tanquam finem ordinat: finis autem ratio est mediorum: & vult se & alia à se, se ut finem & rationem aliorum volitorum, & alia volita volendo ad se ordinat: omnia enim facit propter seipsum. Quare voluntas ejus, etsi causam non habeat, irrationalis tamen non est. Et quam haberet causam voluntas Dei? an efficientem? an finalem? At ipse rerum omnium causa Efficiens est prima & finis ultimus. Dices: *An non vere dicitur, Deus fecit hoc propter illud?* Ergo & vere dicitur, *Deus voluit hoc propter illud?* & in universum, *Quicquid facit Deus, facere voluit*; ergo quando unum facit propter aliud, etiam unum propter aliud facere voluit. Resp. Quid inde? concedimus & rem & phrasin. Perges. Ergo dabitur causa ac ratio voluntatis divinæ. Resp. Negamus hoc sequi. Inferunt

istæ phrasæ causam & rationem facti seu rei volitæ, cur ex rebus faciendis & volitis unum fiat propter aliud, sed non significant causam & rationem voluntatis aut volitionis divinæ. Et accuratissime ac prudenter hæc duo distinguit *Aquinas* 1. part. sum. theol. quæst. 19. art. 5. *Vult Deus hoc esse propter hoc*, quod verum, & *Deus hoc vult propter hoc*, quod falsum est. Et hæc propositio, *Deus vult hoc: quia vult aliud*, in rigore sermonis falsa est, nam ipsius voluntatis seu volitionis divinæ causam aliquam significare videtur: quippe nullum aliud verbum exprimitur ad quod causalitas significata per particulam *quia* referri possit. At hæc; *Deus vult hoc esse propter hoc, vult hoc facere aut fieri propter hoc*, vera est, quia aliud exprimitur verbum ad quod causalitas significata in vocula *propter* referri potest: ut si dixerò, *Deus voluit mundum creare, quia voluit suam bonitatem aliis communicare*, aut *propter suæ bonitatis communicationem, Deus voluit ei salutem, aut propter salutem*, non hic sensus est, quod Deus voluerit quia voluit, quasi unum velle in Deo sit causa alterius, sed quod uno eodemque volendi actu voluerit hoc esse propter finem. Et sic optime notat *Cayretanus* in art. 5. quæst. 19. 1. p. sum. *Aquin.* discrimen inter hæc quatuor. *Hoc est propter illud. Deus vult hoc esse propter illud. Hoc est volitum à Deo propter illud aliud volitum ab eodem. Deus vult hoc quia vult illud aliud.* Primum verum est, quia tantum designat ordinem rerum; item secundum, quia significat Deum velle illum rerum ordinem: tertium & quartum, si significant unam Dei volitionem secundum rem esse causam alterius volitionis, ut ab alia volitione dicatur Deus velle hoc, ab alia illud, utrumque falsum est: at si tantum significant Deum non velle hoc nisi volendo simul illud aliud tanquam voliti prioris causam, & hoc non esse volitum à Deo nisi quatenus aliud etiam est volitum tanquam hujus voliti causa, sed utrumque eadem volitione volitum, verissima sunt. Quare concludo. *Voluntas divina caret causa, non solum ut est Deus, sed ut est volitio, actus volendi attingens volitum: maleque diceretur, quod attingentia voluntatis divinæ activa respectu unius voliti sit causa attingen-*

tivæ activæ respectu alterius voliti: at, quod attingentia passivæ alterius voliti, tolerari potest,

quia hoc dicit, *esse volitum unius causari ex eff. volito alterius.* Sed de voluntate Dei satis.

## Disputationum ex Philosophiâ selectarum,

### VIGESIMA-QUARTA.

DE

# VOLUNTATE DEI.

## THESIS I.

**D**E *Voluntate Dei, an sit, & quodnam ejus sit objectum, & quoniam ejus sint actus, & quis modus, quo per actus in objectum suum tendit, denique an in volendo ab aliqua causa extra se dependat*, visum est atque explicitum disputatione superiori: atque ea omnia intelligi de *Voluntate beneplaciti*, ibidem est dictum. Nunc quaestiones quasdam, quæ disputari solent à *Metaphysicis* & *Scholasticis* non inutiliter, movebimus ac decidemus circa Dei voluntatem, & ea, quæ præced. disp. sunt proposita.

II. §. 1. Queritur, *An velle alia à se, seu quod idem est, communicare se aliis, importet in Deo perfectionem aliquam?* ita quidem existimavit *Cajetanus in pr. part. sum. Thom. Aquin. quest. 19. art. 2.* Sed jure merito rejicitur à *Scholasticis* aliis, cum quibus & nos facimus, ac rem sic explicamus: velle alia à se, aut potest considerari quoad actum intrinsecum voluntatis divinæ, & sic, velle alia à se, est ipsa essentia divina, quia ille actus intrinsecus voluntatis divinæ, quo vult alia à se, est ipse Deus; & sic certum est, quod, Deum velle alia à se, dicat infinitam perfectionem. Aut potest considerari, ut velle alia à se, quoad objectum, quod connotat; velle enim alia, connotat habitudinem & respectum ad alia ista, objecta volita: & sic, velle alia à se, non dicit perfectionem in Deo; sed neque imperfectionem; quia illa habitudo & respectus est tantum in Deo relatio, (sive realis, ut quibusdam, sive rationis, ut plerisque placet) quæ formaliter abstrahit à perfectione & imperfectione. Res sic se habet. Deus vult creaturas

vero & reali actu voluntatis suæ, qui actus est perfectissimus, quia est ipse Deus, terminatur tamen iste actus Dei ad creaturas seipso absque additione novæ perfectionis facta ad Deum; nam etsi non terminaretur ad creaturas sed tantum ad Deum, id est, etsi Deus non alia à se sed se tantum vellet, nihilominus esset perfectissimus: Nam hic actus, sive extendatur ad objecta aliqua extrinseca extra Deum, sive non, ideo nec magis nec minus est in se perfectus, quia ille actus sumtus in se, ut prior in signo rationis tali extensione, habet omnem perfectionem possibilem sufficientem ad objectum quodcumque volendum: unde, quod in secundo rationis signo apprehendatur terminatus ad hoc vel illud objectum, non id est per additionem alicujus in illo actu sed per additionem objectorum: quod illustrari potest à simili: ut, fingamus visionem sufficientem ad videndum quæcumque objecta sibi præsentata sine dependentia ab illis; talis visio potest extendi ad plura vel pauciora objecta, per additionem & mutationem objectorum, sine ulla additione aut mutatione sui: similiter se res habet in volitione divina rerum extra Deum. Difficilius id quidem est conceptu, quia perfecte à nobis declarari nequit: sed tamen ita se res habet. *Cajetanus* distinguit inter perfectiones Dei necessarias ac naturales, & liberas ac voluntarias: illas Deo non accedere, hasce accedere posse, ait: & velle alia à se, seu, communicare se creaturis, asserit esse posterioris generis perfectionem, quam vocat perfectionem secundum quid & diminutam, uti prior dicit perfectionem simpliciter & absolute: sed

sed vero, sicuti nulla perfectio deficit Deo ab æterno, ita nulla ei de novo advenit, five sit necessaria, five libera, five naturalis, five voluntaria, five simpliciter & absolute, five secundum quid & diminuta sit, quia Deus est infinite perfectus. Et ista perfectio libera Dei, quam vocat *Cajetanus* diminutam, vel est infinita vel non; si non, quomodo est in Deo? si est, quomodo potest de novo accedere? Et distinctio ista nulla est: nam inferam ex hac distinctione; Virtutes, quas habet homo, non esse perfectiones simpliciter, sed diminutas quia sunt liberæ & voluntariæ. At absurdum est consequens. Ergo & antecedens.

III. § 2. Queritur, *An voluntas Dei imponat rebus volitis necessitatem?* Hæc quaestio duobus modis inte ligi potest: uno quidem modo sic: *An eo ipso, quo res sunt aut proveniunt à Dei voluntate, necessaria sint seu necessario eveniant?* Atque hoc negamus: neque enim sequitur res esse aut fieri necessario necessitate absoluta (de qua hic est sermo) quod Deus eas esse vel fieri velit: tamen si necessaria sit consequentia à voluntate Dei ad rem volitam, eo quod voluntas Dei frustrari non possit: sed hæc hypothetica seu conditionalis tantum est rerum necessitas ac consequentia, non absoluta, non consequentia. Altero modo sensus est: *An Dei voluntas causet necessitatem in omnibus vel in aliquibus rebus volitis?* Atque hic respondemus, Dei voluntatem quibuldam rebus volitis necessitatem imponere, non tamen omnibus: rerum enim à Deo volitarum quædam sunt necessaria, quædam contingentes. Sed queritur hujus diversitatis ratio ac causa: Sunt ex *Metaphysicis & Scholasticis*, qui eam derivare conantur ex ipsis creaturis: at pessime: nam si distinctio contingentium à necessariis referatur solum in causas secundas, sequetur & hoc discrimen esse præter intentionem & voluntatem Dei: At hoc absurdum. Nos ergo rationem discriminis petendam esse ducimus ex ipsius divinæ voluntatis efficacia, à qua tanquam à causa non tantum est, quod ea fiant & sint quæ Deus fieri & esse vult, sed & quod eo modo fiant ac sint quo modo ea fieri & esse Deus vult: vult autem Deus, ut diversis rerum gra-

dibus universum compleatur, quædam in creaturis evenire necessario, quædam contingenter: ideoque quibuldam quoque effectibus providit atque aptavit causas necessarias, id est, indefectibiles in causando, ex quibus effectus sequuntur necessario, quibuldam vero effectibus providit & aptavit causas contingentes, id est, defectibiles & impedibiles, ex quibus effectus contingenter proveniunt. Et sic patet, non ideo effectus à Deo volitos esse vel necesarios vel contingentes, quia causæ secundæ sint tales, sed contra, Deum quia voluit quoddam effectus contingenter evenire, quoddam necessario, causas iis præparasse secundas, vel contingentes, vel necessarias, ut tota diversitatis ratio, omnisque in creaturis vel necessitas vel contingentia radix atque origo, in solam Dei voluntatem efficacissimam referenda sit.

IV. § 3. Queritur, *An voluntas signi semper conformetur cum voluntate beneplaciti.* Resp. Interdum Deus vult aliquid voluntate signi quod etiam vult voluntate beneplaciti, ut utraque impleatur: interdum non item, ut voluntas quidem beneplaciti impleatur, quæ semper impletur, sed non item voluntas signi: sic voluntate signi voluit ut Abrahamus immolaret Isaacum, ut Pharaos aliquoties monitus dimitteret populum: iussit enim utrumque: at neutrobique fuit hæc voluntas Dei impleta: voluntate beneplaciti voluit, ne Isaac immolaretur, ne Pharaos Israël dimitteret; hæc utrumque impleta est; quod ex eventu liquet: nam & efficaciter ipse Deus immolationem Isaac impedit, & Pharaonis cor aliquoties obduravit ne dimitteret; sic prohibuit voluntate signi homicidium, voluit tamen filium suum occidi à Judæis: Deus neque tamen hic ulla est contradictio inter voluntates divinas: Nam voluntas signi, improprie dicitur voluntas: est enim tantum præceptum quo significat Deus quid sit nostri officii quid à nobis fieri velit vel omitti: at voluntas beneplaciti simpliciter & proprie est voluntas, qua decrevit quid futurum sit, se vel efficiente vel permittente.


V. § 4. Sed hic nova exoritur quaestio ex jam dictis: *Quare Deus voluntate signi præcipiat*

piat cas fieri quæ voluntate beneplaciti ne fierent decrevit ac voluit? & contra, quare voluntate signi prohibuit fieri, quæ fieri voluntate beneplaciti voluit ac decrevit. Resp. Ratio, quare Deus, quæ præcepit, non impleat in omnibus, quibus præcepit, & quæ prohibuit, non præveniat in omnibus, quibus prohibuit, non est illa, quam *lesuita* & hypothetici decreti Fabricatores proferunt, dicentes, Deum aliquid nolle, quia homines nolum, aliud velle quia homines volunt. Nam sic Deus dependeret ab hominibus, causa prima à secunda: sed contra se res habet: si Deus veller, etiam homines vellent; si Deus noller, etiam homines nollent: omnipotens enim & omnium domina est Dei voluntas. Veram longe alix sunt hujus rei rationes, exque varix; vel, ut ostendat Deus creaturam intellectualem esse defectibilem; vel, ut ostendat quid in utramque partem valeat liberum arbitrium, in malam quidem partem sine Dei auxilio præsentis, in bonam cum eo, vel, ut ex comparatione mali seu peccati quantum sit obedientia bonum intelligatur; vel, ut ex obedientia gloriam, ex inobedientia penam, alii reportent; vel denique, quam rationem nos omnibus præferimus, ut in aliis suam misericordiam, in aliis suam justitiam manifestaret Deus.

VI. §. 5. Quæritur, *An Deus voluntate signi præcipere aut velle possit aliquid contra legem à se latam?* Hæc quæstio ex ante dictis etiam oritur: ac sunt ex *Scholasticis*, qui Deum id posse asseruerunt, à quibus non longe abeunt ex Reformatis Philosophis qui idem. Hi sic proponunt: *An Deus possit velle seu præcipere malum culpæ?* actum quæstio dupliciter intelligi potest, sc. *An Deus possit præcipere malum culpæ conjunctim*, hoc est, manens malum culpæ, vel *divisim*, ut malum præcipiendo fiat bonum. Priori sensu non venit quæstio: Nam sic Deus contraria veller eadem voluntate signi, & idem præciperet & prohiberet, adeoque homini imponeretur necessitas peccandi, dum contraria implere non potest. Sed posteriori sensu quæstio instituitur: *An Deus voluntate signi velle seu præcipere possit aliquid, non quod sit malum fieri, dum præcipitur, sed*

*quod esset malum fieri, nisi à Deo præciperetur?* sic ut posteriori justificatione prioris mali quasi fiat abolitio. Atque hæc eadem est quæstio cum hac: *An Deus possit dispensare de præceptis Decalogi?* Nam, cum dispensatio faciat de illicito licitum, & quæ sunt contra præcepta decalogi sunt illicita & mala, si Deus potest dispensare in præceptis illis, potest facere de malis & illicitis bona & licita: & sic posset Deus præcipere mala fieri, non quæ tunc sint mala, sed quæ essent mala, exclusi dispensatione divina. Nos ad difficilem hanc quæstionem sic respondemus. Cum lex non præcipiat nisi quod bonum est, & præceptum sit directivum agendi principium, quicquid ita malum est, ut Deus id facere non possit, illud quoque Deus præcipere non potest: quam responsum exemplis illustrabimus. Non potest Deus præcipere mendacium, odium sui, blasphemiam, perjurium, idololatriam, quia ipse hæc facere atque horum author esse non potest, cum sunt ejusmodi, quæ in suaratione malitiam includant atque involvant: quale etiam est, carnem dominari spiritui, &c. Nam quod non nemo hic excipiat, Deum non posse quidem seipsum abnegare, posse tamen alteri præcipere sui abnegationem, ineptum est: quia quod quis per alium facit ipse facere censendus est. *Scholastici* hoc negotium terminis suis & distinctionibus sic extulerunt. Malum, *inquunt*, aliud est in se, aliud secundum se; malum in se est, quod potest fieri bene, malum secundum se, quod non potest fieri bene; sic odium Dei & mendacium sunt mala secundum se, quæ nullo modo possunt fieri bene, & ea Deus non potest præcipere, quia non potest ab eis auferri deformitas & inordinatio ad Deum quam habent. At occidere innocentem & accipere alienum, sunt mala in se, & possunt fieri bene, pro auctoritate, imperio, dominio Dei, & ista potest præcipere Deus, de iis dispensando. Alii sic distinguunt. Aliud est malum essentialiter, quod habeat in se intrinsecam malitiam, ideoque nullo modo potest fieri bonum, ut blasphemare Deum: aliud est malum accidentaliter, cui malitia non est intrinseca, quodque idcirco potest fieri bonum, ut occidere innocentem: dicitur autem

peri-  
mali  
uaz-  
e de  
ario  
ntra  
Deus  
t fa-  
tic  
quaz  
ofa  
anc  
non  
um  
quid  
il-  
am  
Non  
ium  
am,  
esse  
i ra-  
ant:  
&c.  
um  
ta-  
ine-  
ipie  
um  
unt.  
ua-  
be-  
tell  
unt  
unt  
re,  
s &  
cci-  
unt  
ori-  
raz-  
di-  
od  
mo-  
m:  
itia  
rest  
tur  
em





em fieri posse bonum in sensu diviso, sicut bonum potest fieri sanum; & hoc malum Deus est precipere, non illud: sed hæc omnia eodem recidunt.

¶ L. §. 6. Sed ut fluctus fluctum premit, sic questio aliam: quæritur insuper ex ante dictis, *An Deus voluntate beneplaciti possit velle seu decernere malum culpæ seu peccatum quidem qua tale est.* Resp. Distinguendum inter has duas phrales, *velle malum culpæ, velle malum culpæ fieri*: velle malum, simpliciter dictum, notat probationem mali, nulque inclinationem ad rei alicujus vel omissionem vel omissionem utramque le. Dei repugnantem: Hoc est malæ voluntatis: *negamus, Deum velle malum culpæ*: at, *ille malum fieri*, nihil aliud significat, quam decernere ut malum seu peccatum ab alio fiat permittente; & hoc non est malæ voluntatis: sic *affirmamus, Deum velle malum culpæ*: probamus: fundamentum hoc jacimus: non si summum malum, sed omne malum esse conjunctum cum aliquo bono. Nunc sic argumentamur. Si Deus vult bonum illud fieri, in quo conjunctum est malum se efficiente, ergo & vult malum fieri, quod ex parte creaturæ est cum bono conjunctum, se permittente: alioquin, si non vellet Deus, hoc malum in bono conjunctum non foret, nec fieret: infirmamus hanc rationem. Quod bonum, Deus vult fieri: at bonum esse, bonum est: ergo: Sed vero, aliquid bonum non est nisi conjunctum cum malo. Ergo & bonum conjunctum esse cum malo, bonum est. Ergo & bonum conjunctum esse cum malo Deus vult. Ergo non tantum vult bonum cui conjungitur malum, sed ipsum *se* conjungi malum, atque adeo ipsam malitiam quæ conjungitur: desertum cum malum conjunctum sæpe ceterum in bonum majus, sive alterius, sive ipsius malum committentis, semper saltem intervius manifestandæ vel misericordie vel justitiæ divinæ: & sic bonum est, malum fieri, atque eo volitum à Deo, ut fiat, se permittente: ergo, plus dicemus, non tantum volitum est à

Deo, sed necesse est esse volitum ab eo, postquam decrevit absolute gloriæ suæ in misericordia & justitia manifestationem. Et quid multis est opus? quod bonum est, Deus vult. Peccatum fieri, bonum est, non quidem in genere honesti, sed in genere boni utilis: neque hoc mirum est, posse aliquid esse malum inhonestum, & bonum utile: neque est contra peccati definitionem. ut sit bonum utile: imo nisi peccatum esset legis transgressio & malum inhonestum, non posset esse medium conducibile ad patefaciendam Dei gloriam, in eo condonando per medium misericordie, aut puniendo per modum justitiæ: & à posteriori concludimus, quodcumque Deus usurpat ut medium conducibile ad finem sibi propositum, id talis est naturæ, ut ei non repugnet esse bonum in genere utilis, & ita à Deo ordinari, & decerni, & esse volitum. Sed peccato Deus sic utitur. Ergo, &c. Porro non tantum *malum culpæ est volitum*, sed etiam est volitum *qua tale*. Hac restrictione significatur, Deum velle malum culpæ, non tantum quoad materiale, actum subitratum: nam cum vult voluntate beneplaciti efficiente: sed & quoad formale, seu quoad ipsam malitiam, quam vult voluntate permittente; hæc enim, non actus, est medium conducibile, quo uti *bene placet* voluntati divinæ illam malitiam permittenti. At qui istam restrictionem sic explicant, ut putent significari malum, qua tale, h. e. sub consideratione malitiæ, esse volitum à Deo, errant, & Deo & nobis injuriam faciunt: Deus enim decernendo ac volendo ut malum fiat, se permittente, non considerat illud ut malum, sed spectat id sub consideratione conducibilis ejus naturæ, quatenus poterit esse medium gloriæ divinæ: itaque *negamus, malum qua malum esse à Deo volitum*, hoc sensu, ut ratio, cur malum Deus permittat, sit ipsum malum: sed ratio, cur velit fieri se permittente, est conducibilis ejus natura ad promovendam gloriam Dei, ad quam tendere debent hæc & omnia nostra Philosophemata.

DISPUTAT. EX PHILOSOPHIA SELECT.  
Disputationum ex Philosophiâ selectarum

VIGESIMA-QUINTA.

D E

DEI AETERNITATE.

THESIS I.

**D**E Dei aeternitate ardua sane ac perdifficilis est disputatio, tanto tamen dignior contemplatione: praesertim cum molestia hæc & difficultas compensetur utilitate, qua nulla potest ex philosophando accipi major, quam si Deum Opt. Max. omnis Philosophiæ fontem & scaturiginem recte riteque cognoscamus: atque eo lubentius hoc Dei attributum pertractandum suscipimus, quod ante paucos annos luxare illud & non satis recte explicare tentaverit *Conradus Vorstius* in motis suis ad *Disp. suam* 3. de Deo. & in *A. O. ogetica* Exeg. si cap. 12. Agit de hac materia *Thom. Aquin.* in *Summa Theol. part. 1. quæst. 10.* & ibi omnes fere Scholastici, *Pneumatica* & *Theologie naturalis* Scriptores illic, ubi vel *immutabilitatem* vel *immutabilitatem* Dei explicant, *Metaphysici* inter affectiones, quæ sequuntur existentiam, sub titulo *Durationis* vel *temporalitatis*, vel etiam ad prædicamentum *Quando*, ut *Suarez* *Disp. Met. 50.* Nos *Thomæ* 1. part. quæst. 10. vestigia prememus, & ex sex, quos de Dei æternitate proponit, articulis, tres priores, post vocis discussionem præmissam, explicabimus: 1. *quid sit æternitas*. 2. *utrum Deus sit æternus*. 3. *utrum esse æternum sit proprium Dei*.

II. *Æternum* dicitur, vel quasi *æternum*, notatque illud quod perpetuo durat, à voce *ævum*, quod voluit esse ab *אין*, hoc autem dici quasi *אין אין*, *semper existens*, unde scriptio antiqua habet *aiternus* quod Græcam originem sumpsit vel quasi *extra terminum*, id est, sine termino existens, notatque illud quod nunquam est finendum: Ebraei vocant *עולם*, à quo Latinum *olim*, à rad. *על*, *occultat*, *abscondit*, quia æternitatis initium ac finis lateant, à sensibusque nostris abscondantur. Accipitur autem

*æternitas*, 1. *αἰωνιότης*, improprie, pro tempore diuturno & longævo, ut cum circumcisio dicitur æterna, vel pro tempore indeterminato, ut cum id dicitur æternum, cui nullus certus terminus est præfixus, vel pro *duratione vite*, ut servitus dicitur æterna ejus, cui servandum est ad vitam, quomodo etiam gratitudinem æternam pollicemur bene meritis de nobis. 2. *αἰωνιότης*, proprie, pro *duratione sine termino*, sive *limitate* & secundum quid, quæ sine desinitur sive termino ad quem, diciturque æternitas à *posteriori*, seu parte *post*, barbaris, qualis competit spiritibus finitis, sive absolute & simpliciter, quæ utroque termino caret, & à quo & ad quem, diciturque æternitas à *priori* & *posteriori*, & parte *ante* & *post*, quæ Deo competit, de qua nos impræsentiarum philosophamur.

III. Voce excussa, rem aggredimur, at 1. Videbimus, *quid sit æternitas*. *Æternitas* notionem ut assequamur, notandum est, tres esse mensuras rerum, quibus earum esse mensuretur, *tempus*, *ævum*, *æternitas æternitas*, sic uti triplex est rerum esse triplici modo diversum. Quædam sunt res variabiles, & secundum affectiones seu accidentia, ut *homo*, & hic habet unam mensuram sui esse, sed variabilem. Aliæ sunt res invariabiles quidem secundum substantiam, sed variabiles secundum accidentia seu affectiones, ut *Angelus*, & hic habet aliam mensuram sui esse, suo modo etiam variabilem: *Deus* autem omni ex parte, & secundum substantiam, & secundum accidentia (quæ non habet) seu affectiones, est invariabilis, & hic habet mensuram sui esse pariter invariabilem, immutabilem, totam simul, & perfectam, sicuti ipsius Dei est essentia: Nam oportet mensuram esse proportionatam

antem rei mensuratur: Ideoque quemadmodum aliam habemus mensuram pro rebus liquidis, aliam pro solidis; ita aliam debemus habere mensuram pro homine, aliam pro Angelo, aliam pro Deo: mensura, qua mensuramus hominis esse, dicitur *tempus*: qua Angelicæ, qua Dei, *æternitas*. Ac quamvis Deus proprie loquendo non habeat mensuram, qui tamen aliter ejus durationem intelligere non valemus, dicimus eum mensurari æternitate, per quam apprehendimus durationem divini esse.

IV. Hisce præmissis videamus quid sit æternitas. Ea definiri solet ex Boëtio. l. 5. de Consol. Philos. prof. 6. *interminabilis vitæ tota simul & perfectæ possessio*: quæ definitio, etsi quædam continent quæ omitti potuissent (nam erit quod æternum est vivit, vitamque totam simul ac perfecte & non per partes possit leat, non tamen erat necesse hæc vocabula, *vita & tota simul ac perfectæ possessio*, interere æternitatis definitioni, cum rei potius æternæ quam æternitatis notioni includantur, & sufficisset dixisse, *Æternitas est interminabilis existentiae possessio*) atamen quia ab omnibus Philosophis hæcenus & Theologis est recepta, eam singulatim suis partibus exponemus. Dicitur *æternitas, possessio*, ut denotetur ejus actualitas & quies, est enim æternitas quædam duratio præiens, firma, fixa: *tota simul*, ad differentiam temporis: in quo est successio prioris & posterioris: una enim parte recedente altera advenit: at vero æternitas est tota simul uniformis: *perfecta*, ad differentiam instantis in tempore, quod licet totum simul, est tamen duratio imperfecta, quin potius est continuatio durationis subsequæ vel ejus initium, quam ipsa duratio: *interminabilis*, quia æternitas caret principio & fine, ad differentiam ævi, quod habet terminum à priori, puta principium, & temporis, quod habet utramque: *Vitæ*, ut significetur eum, qui æternitate mensuratur, viventem esse debere. Ex hisce notio æternitatis est manifesta, quod sc. sit, *duratio quædam semper præsens sine principio aut fine, carens priori & posteriori, ac perfectæ, cui nihil deest*: est *instantis* quoddam *permanens ac perpetuum*: quemadmodum *nunc*

fluens constituit tempus, sic *nunc* permanens constituit æternitatem. Sed ut aliquis æternitatis conceptus, quantum fieri potest, clarus habeatur, non melius is formari poterit, quam si ex adverso bene contemplerur naturam temporis, sunt enim æternitas & tempus duæ mensuræ diversissimæ.

V. *Tempus* est mora durationis successivæ in motu, est ipsū, quædam successio & transitus à priori ad posterius: unde Arist. definit tempus, *numerum motus secundum prius & posterius*: nempe mensura illa, qua mensuramus partes motus, quod daret tantum vel tantum, dicitur tempus. E contrario *æternitas* significat mensuram, non variis partibus secundum prius & posterius difformem, sed plane uniformem: atque ut *tempus motum*, sic *æternitas divinum esse* mensurat, sed dissimili plane modo: *Tempus* habet prius & posterius *formaliter*, ita ut ratio temporis consistat in illa difformitate prioris & posterioris: sed *æternitas* consistit in uniformitate divini esse, & non habet prius & posterius *formaliter*: neque enim Divinum esse per partes æternitatis quæ nullæ sunt mensuratur, sicut motus partibus temporis, quæ sunt præteritum & futurum; dico *formaliter*, quia *emmenter* potest dici æternitas habere prius & posterius: nam sicut Deus omnia inferiora continet eminenter, ita æternitas, mensura divini esse, habet & continet eminenter omnes alias mensuras, & coëxistit temporis, quod habet prius & posterius: omnia namque tempora sunt æternitati præsentia: ponamus, v. c. ut aliquo modo hoc arduum negotium adumbremus, per imaginationem, unum hominem esse victurum centum annos, & in primo instanti simul habere totum illud, quod per centum annos habiturus esset, ille homo dicitur coëxistere illi temporis centum annorum, quia in quocunque anno illorum esset præsens: & potest alio simili illustrari: quemadmodum punctum, quod est in centro corporis sphaerici, dum movetur corpus, est præsens ac coëxistit omnibus punctis in circumferentia existentibus, sed ipsa puncta circumferentia, cum inter se distant, non sibi coëxistunt in circumferentia, ita æternitas omnibus varia-

tionibus temporum coëxistit, licet ipsa tempora non coëxistant sibi, & sic dicimus, omnia tempora esse presentia æternitati, licet quoad nos varentur & tempora & res in tempore, sicut illi puncto centrali omnia alia puncta, sed variata, sunt presentia. Hæc aliquo modo juvant conceptum æternitatis, quæ quia infinita est, ab ingenio finito difficillime apprehenditur.

VI. Nunc 2. videamus, *An Deus sit æternus?* Aff. & probamus. 1. Qui est immutabilis est æternus: at Deus est immutabilis. Probatur major. Quia quod mutabile est, vel esse incipit, vel esse definit: at æternum & inceptionis & definitionis terminum ignorat. Prob. min. Quia aut substantialiter aut accidentaliter mutaretur: at neutrum dici potest, quia utrumque imperfectionem dicit. *Exceptio.* At in Deo sunt prorsus idem immutabilitas & æternitas? Ergo unum non est causa alterius. Resp. Quamvis in Deo unum non sit *causa* alterius, potest tamen dici unum *ratio* alterius: nam consequentia hæc valet, *Quia Deus est immutabilis, est æternus*: & licet in Deo idem sit immutabilitas & æternitas, sufficit tamen distinctio rationis ratiocinata, ut unum sit ratio alterius, ratio sc. nobis cognoscendi alterum. 2. Si Deus non est æternus, ergo non habebit totum esse simul, ex vi definitionis æternitatis. At posterius est absurdum. Ergo & prius. Prob. min. Si non habet totum esse simul, ergo habebit, vel esse post non esse, vel non esse post esse. At neutrum dici potest quia utrumvis dicatur, jam Deus dicitur mutari, ac mensurari tempore, in quo esse esse post non esse, non esse post esse, id est, prius & posterius, quia hæc sine tempore intelligi non possunt; hæc enim successio est temporis propria. At Deus successione est expers, prius & posterius non agnoscit, ac totum suum esse simul possidet. 3. Si Deus aliquando non fuit, & postea fuit, Ergo factus est ab aliquo: non a seipso: quia quod non est, non potest seipsum producere, ergo ab alio. At sic non est independens, nec causa prima, quod absurdum.

VII. Nunc 3. videamus, *An Dei sit proprium, esse æternum?* Hæc questio duplicem potest habere sensum, unum, de inesse, alte-

rum de possibili. Priori sensu queritur, *An de facto nihil sit æternum a parte Ante & post præter Deum?* Neg. posteriori sensu, *An possit aliquid esse præter Deum tali modo æternum?* Neg. Nam quod hic quidam excipiunt, potuisse mundum ab æterno esse, id in curriculo harum disputationum refutatum est Disp. 19. parte priori & posteriori. Sed hic grave est dubium. *Hominem esse animal*, & omnia prædicata essentialia ab æterno sunt vera, Ergo ab æterno debet illis respondere aliquid esse reale: nam quomodo vera erit hæc enunciatio, *Homo est animal*, nisi ab æterno *homo sit animal*? Ergo aliquid habet esse reale æternum, præter Deum. Resp. Ut hæc res bene explicetur, distincte est procedendum, ac primo notandum, quod triplex sit esse creaturarum, virtuale, cognitum, reale: virtuale vocatur, quod res habent in suis causis: cognitum, quod habent in intellectu: reale, quod habent in seipsis extra causas suas: omnes creaturæ fuerunt in virtute & potentia Dei actum ab æterno, antequam crearentur: fuerunt quoque in intellectu divino ab æterno, sicut res artificiosæ sunt in mente artificis: at vero in seipsis non fuerunt, nisi cum Deus eas produxit: itaque nulla creatura extra divinum intellectum & extra potentiam Dei activam æterna est. Deinde est esse quoddam essentialis, & esse quoddam existentis, & esse quoddam, quod significat veritatem propositionis & connexionem extremorum: jam vero, nullæ creaturæ sunt æternæ, nec secundum esse essentialis, nec secundum esse existentis, quia utrumque est esse reale: at vero si creaturæ secundum aliquod esse reale essent æternæ extra Deum, jam Platonis sententia de Ideis obtineret, & darentur universalis in rerum natura separata a conditionibus singularium, quod absurdum est. Quod spectat illud esse, quod significat connexionem extremorum & veritatem propositionis, ut cum dicimus, *homo est animal*, tales propositiones ab æterno quidem sunt veræ, sed tamen non dicunt aliquid esse reale ab æterno: & hoc est quod multis imponit, in istis propositionibus ab æterno veris fundata est veritas in necessaria connexionem & habitudine extremorum, quæ necessaria

cessaria connexio & habitudo extremorum, ante illorum existentiam nihil dicit aliud quam unum aliquod possibile esse de ratione alterius possibile; id est, quando ipsum erit, necessario erit hoc vel illud, quæ veritas æterna potest intelligi absque ullo esse reali ipsorum extremorum: v. c. hæc propositio, *homo est animal*, est æternæ veritatis, sive homo sit

atque existat, sive non: veritas enim ejus in eo consistit, quod non possit esse vel existeret homo, quin sit *animal*, & utriusque extremi esse, tantum est possibile, scilicet, hoc extremum possibile, *animal*, est de ratione extremi hujus possibile, *hominis*. Atque sic illam difficultatem dissolvit quoque Suarez tom. 2. Disp. Metaph. Disp. 31. qui videri potest.

## Disputationum ex Philosophiâ Selectarum,

### VIGESIMA-SEXTA.

DE

## DEI IMMUTABILITATE.

### THESIS I.

Cum disp. præcedenti de æternitate Dei fuit actum, ejus fundamentum posuimus *immutabilitatem*: diximus enim hanc causalem esse veram, *ib. 6. Quia Deus est immutabilis, ideo est æternus*, ut immutabilitas fuerit, non quidem causa in rigore sumpta, sed ratio saltem demonstrans æternitatem, & causa, ut *Scholasticorum* quidam loqui amant, virtualis seu eminentialis: nam si in omni demonstratione exigeretur, ut effectio per veram causam realiter à se distinctam demonstraretur de subiecto, actum foret de demonstrationibus Metaphysicis, item & de Mathematicis, ubi utrobique non intercedit discrimen reale inter affectiones, principia, sive causas, & ipsum subiectum. Ergo nec ibi, cum æternitatem demonstraremus de Deo, necessum est querere reale discrimen inter subiectum, affectionem, & causam; quod ibi nullum est reale: sed vero quia dubitari possit de causa, qua fuit demonstrata æternitas, sc. de immutabilitate, an ea sit (cum tamen causam dari in demonstrando supponi soleat) operæ existimavimus pretium immutabilitatem Dei astruere hac disputatione, ut præcedenti astructa sit ejus æternitas.

II. De *Dei immutabilitate* hæc duo excutiemus. 1. *An possit naturalis ratione demonstra-*

*ri?* quin enim hoc constat ex sacra pagina, nulli est dubium, sed nos Philosophos agimus non Theologos. 2. *An immutabilitas sit Deo propria, sic ut nulli creature conveniat?* sed primum, quid per *immutabilitatem* intelligamus, videndum est nobis. *Immutabilitas* negat omnem mutationem, omnem motum & variationem, sive exteriorem sive interiorem: itaque cum Deum demonstrabimus immutabilem, cum demonstrabimus, nec generabilem, nec corruptibilem, nec creabilem, nec annihilabilem, nec augmentabilem, nec diminubilem, nec alterabilem, nec mobilem motu locali, nec mutabilem secundum intellectum, aut voluntatem, aut ullam potentiam, aut habitus, aut actiones.

§. 1. *Deum esse immutabilem, ratione naturalis demonstrari potest.* 1. Omnis mutatio aut est secundum substantiam aut secundum acciden-  
tias. Neutro modo competit Deo. Ergo. Non priori modo, quia quod secundum substantiam mutatur, est corruptibile. At Deus seu divina substantia est incorruptibilis, quia principium non habet: omnis enim corruptibilitas à principio est aliquo vel interno vel externo. Ergo. Non posteriori modo, Quia in Deo non est acciden-  
tias. Ergo. 2. Quod mutatur, prius est in potentia quam in actu:

Atqui Deus non est in potentia unquam, sed semper est in actu & actus. Ergo. 3. Omnis mutatio, aut est in statum meliorem, aut deterius, aut parē. Sed nullo istorum modorum mutatur Deus. Ergo. Non in statum meliorem mutari potest Deus, quia, cum sit optimus, habet statum optimum. Non in pejorem, quia sic non foret Deus. Non in æqualem, quia Deus perfectus est, nec patitur æqualem statum aut parē in natura distinctum. 4. Si Deus mutari posset, vel per potentiam quæ est in altero; vel per potentiam, quæ est in se: non per potentiam quæ est in altero, quia sic dependeret ab altero: non per potentiam, quæ est in se, quia eam non habet; est enim purus actus. 5. Quod mutari potest non est simplex, sed componitur cum eo quod recipit & ad quod tendit. Sed Deus est simplex, quod demonstratum est *dispositio. sect. 21*. Ergo.

IV. *Exceptio. 1. In Deo est liberum arbitrium: hoc autem est mutabile ad volendum & nolendum, ut, quod nunc vult, mox possit non velle. Ergo Deus, sicut Petrum amavit cum ad Apostolum cum vocavit, ita eundem odit, cum Christum abnegavit; transire autem de amore in odium non potest fieri sine mutatione. Ergo. Respond. Liberum arbitrium non infert in Deo mutabilitatem, uti quidem in nobis est discursus & ratiocinatio, modo in unum, modo in contrarium, libero arbitrio ferimur: ideoque nobis contingit, ex amore in odium, & ex odio rursus in amorem, transiendo nos mutari. Deus autem cum habeat simplicissimam scientiam ab æterno, nihil de novo vult, nihil de novo acquirit: sed per solam mutationem objecti, dicitur modo velle & amare hunc hominem, alio tempore eundem non amare & odisse: hoc enim fundamentum bene est tenendum, quod Deus idem objectum velit & non velit, amet & oderit (loquuntur hic de Deo *de deo: mutabilis*) sine aliqua sui mutatione, secundum diversas rationes objecti, quæ aliquam mutationem quidem dicunt in objecto sed non in Deo: quemadmodum nunc vult me Deus scribere vel loqui, at ubi finiero, non vult me scribere vel loqui, mutatione facta in me, nulla in Deo,*

quia in ipso idem prorsus est iudicium de rebus contrariis & contradictoriis: diversitas enim non est in actu divino sciendi vel volendi, qui idem omnino est; sed diversitas est in re ipsa, quam secundum diversa tempora aliter atque aliter se habentem Deus & scit & vult: sed de hoc argumento videatur *Silest. Diss. hujus curricula. cæcissima tota, & vult me tertia thesi S.*

V. *Exceptio. 2. Multa dicuntur de Deo quæ absque mutationi sui non possunt intelligi. Ergo. 1. Deus est intinē in nobis: scilicet motus nobis, omnia moventur in nobis: moveri autem est mutari. Ergo. 2. Si Deus annihilaret hunc mundum, & alium crearet alio loco, tum desineret esse in loco hujus mundi & inciperet esse in loco alterius mundi. Ergo mutaretur. 3. Deus de novo creavit mundum, assensu naturam humanam. Ergo mutatus est. Probat consequentia, quia nemo potest transire de uno contrariis in aliud sine aliqua sui mutatione: sed Deus transit hic de non creatum in creatum, de non hominem in hominem. Ergo. Respond. ad 1. Aliquid est in alio dupliciter: vel per quandam dependentiam a re illa in qua est, sicut partes integrales & essentialia sunt in toto, quia dependent ab illo, sicut & accidentia dependent a subiecto in quo sunt & talia moventur ad motum ejus, in quo sunt: vel absque ulla dependentia ab eo in quo est, & illud non movetur ad motum ejus, in quo est: sic Deus est in nobis, independenter a nobis: ideoque nobis motis non movetur: Quid, quod sit Deus immobilis; quod de primo motore ab *Arist.* in *Physicis* est demonstratum. Ad 2. Positæ illi causæ, Deus non moveretur, nec mutaret locum, neque enim desineret esse in loco hujus mundi, si eum destrueret, neque inciperet esse in loco alterius mundi, si alium conderet: est enim Deus immotus ubique, etiam in spatiis imaginariis, atque extra hoc universum: omnis mutatio foret in creatura, mundo, vel destruendo, vel de novo conderendo. Ad 3. Notandum in genere, cum aliqua denominatio advenit alicui per mutationem alicujus rei extrinsecæ, non est necesse ut res denominata mutetur, quemadmodum*



id patet in relationibus multis, quæ oriuntur ex sola mutatione termini, nulla facta mutatione subjecti; sic ovo uno existente albo, si alterum oriatur album, acquiritur sine mutatione prioris ovi nova ab ipso relatio & denominatio similitudinis, qua illud prius est & dicitur simile posteriori: sic Petro existente homine, cum oritur Paulus aut alius homo, oritur in Petro, sine ulla ejus mutatione, relatio & denominatio identitatis, qua est idem cum Paulo aut altero homine: sic autem se res habet in creatione & incarnatione, ubi utrobique mutatio est in extremo altero, termino sc. utriusque relationis. In specie: cum Deus creat mundum, non mutatur, quia actio interna Dei qua vult creare mundum non mutatur, nec accedit ad Deum tum nova actio, sed accedit ad rem, quam voluit creare, nova entitas, & Deus non est mutatus ex non agente in agentem, sed res mutata est de non esse ad esse: sicut, ut crasso exemplo hoc illustremus, si sol non ingrederetur per fenestram clausam, & postea, aperta fenestra, ingrederetur, non mutatur sol, sed fenestra ex non aperta redditur aperta: Sic Deus non aliter se habet, cum creat, quam antea sese haberet, quia actio Dei non distinguitur ab ejus potentia, nec ab essentia, & hæc omnia æque sunt in Deo immutabilia: & notandum hoc est bene, quando agens idem est, quod sua actio, ut Deus, non mutatur agendo, quia semper est in actu & semper agit. Agens vero, quod non est sua actio, non semper agit; & ideo, quando agit, mutatur. Ad incarnationem quod attinet, facta est mutatio, in humanitate quæ assumpta fuit, sed non in Deo aut secunda Deitatis persona assumente: Deo enim immoto & sine ulla mutatione secundæ Deitatis personæ assumpta est humana natura. *Dices, Deus aut secunda Trinitatis persona acquisivit aliquid ens, quod ante non habuit: Nam humanitas ens fuit.* Resp. Concesso, quid inde? Non tamen ipse Deus acquisivit aut sibi accepit novam perfectionem, sed vere eam acquisivit & sibi accepit humanitas, dum ex non ente facta est ens, & assumpta præterea in esse divinæ naturæ hypostaticum:  $\lambda\delta\gamma\omega$ , verbum divinum, secunda Deitatis persona, tantum terminavit

istam unionem naturæ humanæ, quando fuit assumpta in  $\lambda\delta\gamma\omega$   $\lambda\delta\gamma\omega$ , & sic accepit novam relationem, sed non novam perfectionem: terminare enim non est nova perfectio: ergo nec accepit mutationem: Quemadmodum ergo non perficior, non mutor, non moveor, sed immotus maneo, etsi diversimode terminem motum lapidis, qui nunc mihi est dexter, nunc sinister; quemadmodum ego quoque non mutor, si alius homo oritur, ad quem referor, & quam relationem ego termino, cum ille mihi dicitur similis, aut ego ipsi, ex vi generalis fundamenti ante a nobis positi. Quod dicitur, *nihil posse transire de uno contradictorio ad alterum sine aliqua sui mutatione*, falsum est, quod patet exemplo denominationum extrinsecarum, ut quando paries non visus dicitur visus, sine ulla sui mutatione, & relationum earum, quæ oriuntur ex solius termini mutatione. Et quid multis opus est? an non nummus aliquis sine ulla mutatione sui, ex voluntate Principis, ex non pretio fit pretium? Sed secundum hujus disputationis membrum videmus.

VI. §. 2. *Immutabilitatem esse Deo propriam*, sic probari potest. 1. Omnis creatura est aliquo modo mutabilis: ergo immutabilitas est propria Dei. Prob. antecedens. Mutabilitas & mutatio est duplex, vel ad esse, vel in esse, ut cum *Scholasticis* nunc sic barbarè loquamur. Prior competit omnibus creaturis, quia omnes creaturæ ex nihilo ad esse sunt tractæ. Mutabilitas & mutatio in esse, duplex est: alia in esse substantiali, quæ generalibus & corruptibilibus convenit: alia esse accidentali, quæ omnibus creaturis convenit, quantum ad aliquas earum actiones aut dispositiones, omnis enim creatura est mutabilis secundum esse accidentale. At Deus nullo horum modorum est mutabilis: Ergo immutabilitas est proprietas Dei. 2. Si aliqua, præter Deum, creatura foret immutabilis, esset maxime, Primo, materia prima, quæ vulgo dicitur ingenerabilis, Secundo, cælum, quod vulgo dicitur incorruptibile, Tertio, Angeli & anime rationales, quæ substantiæ cum sine simplicibus atque immortales, maxime videntur immutabiles. At nihil istorum immutabile

bile est omnino. Ergo omnimoda immutabilitas solius Dei est attributum proprium.

I. Materia prima, aut nulla est talis qualem posuit *Aristoteles*, aut non est ingenerabilis, quippe quæ, si sit, non est distincta à secunda, sed conceptus tantum communis ac genericus omnium materiarum particularium, adeoque ens rationis, cui, nec generabile esse, nec ingenerabile esse, convenit. Certe, quod *Aristoteles* sibi imaginatus sit materiam aliquam, quæ neque quid, neque quantum, neque quale foret, & tamen ens, & tamen substantia, & quod plus est, commune subjectum omnium mutationum quæ fiunt, & ultimum in quod resolvuntur, inuper quæ foret ingenerabilis, incorruptibilis, fuit tunc fundamentum astruente æternitatis mundi: nam ne nunc dicam, mutationem fieri in materia secunda, non prima, si ista materia prima sit ingenerabilis & incorruptibilis *Aristoteli*, qui creationem ignoravit, non minus æterna ipsi esse debet, quam ipse mundus ei æternus est: Et protecto cum mundus ipsi æternus sit, oportet & materiam mundi esse æternam, cum mundus sine materia non sit. Quare videant, quomodo mundi creationem tueantur isti, qui materiam primam ingenerabilem & incorruptibilem esse, ex & cum *Arist.* ejusque mancipiis operose astruunt, & quomodo non ex mero rationis figmento, faciant fere, si non Deum, Deam saltem immutabilem.

VIII. 2. Cælum quidem ab *Aristotele* & *Peripateticis* incorruptibile semper est habitum: sed enim ejus rei falsitas tam aperte convicta est recentioribus Astronomorum observationibus, ut ut cælum amplius incorruptibile assertat pro rerum Mathematicarum ignaro habeatur, ac à nemine ita esse asserti possit, nisi qui eo impudentie veniat, ut omnes astronomorum observationes elevare & tanquam fide indignas rejicere audeat; quod equidem ego à me non impetror ut faciam, qui artificibus, præsertim viris doctis & honestis, credendum in sua arte existimo. Sed argumento probemus invictò cæli corruptibilitatem. In quo generantur novæ stellæ ac novi cometæ, illud est generabile, consequenter & corruptibile. Atqui in cælo generantur, &c. Ergo. In

cælo fuisset generatos cometas novos, 1577. &c. 85. 90. 1607. 1618. stellæ novas fuisset generatas, ut Cassiopeæ, 1572. in Cygno, 1600. in pede Serpentarii, 1605. à *Clavio*, *Tychone*, *Keplero*, aliisque, est observatum ac demonstratum. Negabunt fortasse nonnulli fuisse in cælo, vel illos cometas, vel illas stellæ. Sed ex parallaxi convincuntur. Quæ minorem habent parallaxin, remotiora censentur quam quæ majorem, & quæ nullam, remotissima. At stellæ novæ nullam, cometæ novi multi, mi orem habuerunt parallaxin quam luna, Ergo fuerunt remotiores quam luna. Ergo in cælo. Ergo hoc est corruptibile. Nam quæ erit materia cometarum novorum? non exhalatio sublunaris, quippe quæ ultra 13. millia à terra non progreditur, ut docent observatores crepusculorum; & cometæ tam magni fiunt, ut absurdum sit illis adscribi materiam terrestrem: non concursus multorum siderum, quomodo enim tam multa ad idem punctum concurrerent? Ergo restat ut dicamus eam esse vibratam ex planetarum corporibus, quæ ubi est congregata, cometa novus sequitur ductum fere superantis materiæ: sic certe censuit *incho* olim *Academia nostra* lumen, *Clavio*. D. Willebrordus Snellius in *Cometæ* 1618. *descript.* c. 7. Cometæ sub sole fieri ex effluviis solaribus, qualia manifeste ostendunt faculæ & maculæ solares, quæ irrefragabile luce corruptibilitatis in cælo testimonium. Materia novarum stellarum pariter est, quæ vibratur, retrocedit, egreditur ex ipsis stellarum, cum scintillant, corporibus: hujus enim materiæ lucentis, ex pluribus stellis per scintillationem vibratæ collectio, novum sidus facere potest: ac stellæ scintillare, scintillando materiam vibrare, ab Astronomis evictum est; imò circa stellæ fieri exhalationes, per tubum opticum observavit, in *nuncio sidero*; *Galileo de Galileis*, quod maximum est iterum corruptibilitatis in cælo argumentum: Oriuntur autem novæ stellæ potissimum in via lactæ: hic enim locus maxime vibrationi stellarum convenit, quia ibi maxime sunt stipatæ stellæ (nam qui Galaxiam meteorum statuunt cum *Aristotele*, ineptiunt & ab experientia refutantur) unde ibi copiosior materia vibratione

t  
n  
n  
z  
ia  
o-  
ni  
m  
m;  
um  
um  
uz  
ur  
en-  
la-  
s.  
flu-  
fa-  
unt  
re-  
ora-  
um,  
ate-  
illa-  
cere  
ate-  
imo  
m o-  
leus  
orru-  
neur  
Rea:  
rum  
stel-  
uunt  
ia re-  
ibra-  
ione

ti  
ig

in  
à

I

fi

fu

no

fu

de

n

ti

v

q

fi

a

te

ti

fi

ru

ex

fu

fec

hal

ub

tas

esse

vol

pet

qui

esse

illo

reli

tionem stellarum ad novi sideris productionem in unum conjici potest ac compingi.

IX. 3. Angeli & animæ rationales sunt immortales & incorruptibiles natura sua, & à principio interno, & à nulla causa secunda:

at à Deo & ejus potentia ac causa prima corrumpi & annihilari possunt. Sed de Angelis (& de animabus) hoc alias probatum dedimus publicis disputationibus. Deus autem omni modo est immortalis & immutabilis.

## Disputationum ex Philosophiâ Selectarum,

### VIGESIMA-SEPTIMA.

DE

# IMMENSITATE DEI.

## THESIS I.

**I**MMENSUM, quoad vocem, idem est, quod non habens mensuram: quemadmodum infinitum est, quod non habet fines: & sic hæc duo vocabula fere ejusdem latitudinis sunt in significando. Attamen usus obtinuit nunc apud Scholasticos, & Metaphysicos, ut infinitatis vox paulo sumatur latius, dicaturque de eo, quod nullos habet fines, limites, terminos, sive essentiae, sive quantitatis, sive virtutis, sive perfectionis cujuscunque: *immensus* vero significet istum infinitatis modum, quo quid est illimitatum, incircumscriptum, irrestrictum, secundum præsentiam ad rem aliam aut ad locum: *Thomas Aquinas* 1. p. quest. 8. & *Mag. Sent. Lombardus* 1. disp. 37. pro hoc termino *immensus*, utuntur hoc, *existentie Dei in rebus*, aut ejus, *quod est ubique sive ubiquitatis*. Nonnulli tamen Scholasticorum, *immensitatem* Dei distinguunt ab ejus *existentia in rebus vel ubiquitate*, & sic satis subtiliter dicunt enim ista se habere, ut actus secundus se habet ad primum, aut ut actus & habitu ad actum: *existentia Dei in rebus* & *ubiquitas* est illis præsentia actualis, *immensus* præsentia aptitudinalis, qua Deus aptus est esse præsens in omni re, quando est aut erit: voluntque insuper, *immensitatem* Deo competere ab æterno, existentiam in rebus & ubiquitatem solum ex tempore, quo cœperunt esse res create, in quibus existit: Nos hanc istorum hominum distinctionem suo in pretio relinquimus, & rem ipsam explicatum imus.

II. *Immensitatem* Dei *Aquinas* probaturus loc. cit. art. 1. hanc adfert rationem. Omne agens debet esse conjunctum passio, in quod agit. Sed Deus est universale agens, efficiens omnia & in omnibus quæ sunt. Ergo etiam conjunctus est & intime præsens in omnibus. Hac ratione utitur ibidem in suis commentariis *Cajetanus*, utuntur & cæteri fere Scholastici, & inter alios longissime eam exponit *Suarez Metaph. disp. 30. sect. 7. à numer. 3. ad 44.* Verum 1. ipse *Suarez* fatetur num. 11. principium, in quo *major* hujus rationis fundatur, nondum esse efficaciter demonstratum, quamvis ipse sex folia integra fere consumserit circa ejus defensionem & explicationem *disp. 18. sect. 8. 2.* Ex doctrina *Aristotelis*, quam *Suarez* tam copiose exponit de propinquitate agentium ad passia, omnipræsentia Dei non satis efficaciter potest ostendi, quia *Arist.* solum requirit in agente, ad passum propinquitatem: at nostra quæstio nunc est de intima Dei in rebus omnibus præsentia & immensitate. 3. *Major* falsa est de conjunctione, propinquitate, vel immediate *suppositi*, de qua tamen impræsentiarum est sermo: an non Sol hæc inferiora illuminat, continuo quodam influxu sine præsentia suppositi? Et similia exempla sunt plura. Quare nos hanc rationem omittentes, aliunde probabimus Dei immensitatem, 1. ex immutabilitate *Disp. 26.* asserta. Nullum immutabil potest esse distans ab aliquo loco. Deus est immutabilis.

S

Ergo

Ergo non potest esse distans ab aliquo loco; quod est esse immensum. Minor supponitur ex *dispo. preced. Major. prob.* quia omne distans ab aliquo loco potest ad illum moveri, sive à seipso, sive ab alio motore: immutabile non potest moveri. Ergo non potest esse distans ab aliquo loco. 2. Ex *aternitate dispo. 25. asserta.* Deus caret mensura temporis. Ergo & loci: atque adeo sicut omnibus temporibus, ita & omnibus locis est præsens: est argumentum à pari: neque ulla disparitatis ratio reddi potest. 3. Ex *infinitate & perfectione Dei.* In ente infinito debet esse in summo gradu omnis perfectio simpliciter: at posse esse presentem alicubi, est perfectio simpliciter: quam enim involvit imperfectionem? debet autem esse in ente infinito in summo gradu: non esset autem in summo gradu, nisi tale ens esset aptum esse ac de facto esset præsens omnibus rebus & locis. Ergo. Atque hæc est *immensitas & ubiquitas*.

III. Demonstrata immensitate Dei, videndum est alterius, *quo modo* sit immensus: *modus* certe, quo Deus est ubique, inexplicabilis fere est atque ineffabilis, ac facilius dicitur *quomodo* non sit ubique qui ubique est, quam *quomodo* sit. Modus immensitatis, omni præsentia & ubiquitatis divinæ, non est 1. *quantitativus*, qui fiat corporeæ molis diffusionem, aut quantitatis additione, extensione, multiplicatione, prout in corporibus contingere potest: Deus enim spiritus est. Neque est 2. *localis* aut *circumscriptivus*, ab ambiente seu continente corpore factus, ita ut extra illud continens non sit, qualis est præsentia corporum, loco ita circumscriptorum, ut extra illum non sit, nam talis præsentia spiritibus creatis denegatur, multo magis Deo: & quod non est quantum, non potest circumscribi loco: & quod circumscribitur loco, commensuratur loco: at Deus nec quantus est, nec loco commensurabilis. Quare Deus non est in loco ut contentum, neque localiter aut circumscriptive, sed ita ut sit ibi, ubi est illud, quod dicitur locus: quemadmodum (per impossibile) si duo corpora se penetrarent, unum quidem esset ubi esset aliud, unum tamen non esset locus alterius, neque

unum esset in alio localiter: sic Deus est ibi ubi locus est, non tamen est in eo, quod locus est, localiter. Neque est 3. *definitivus* modus præsentia divinæ: quia hic modus ita definit rem in uno spatio, ut non possit ea esse præsens alteri. At Deus est ita præsens in hoc spatio, ut simul sit in aliis omnibus, ita in hoc mundo, ut, si infiniti essent, in omnibus quoque futurus esset. Sed 4. est *repletivus, indivisibilis, illocalis, inextensus, immixtus*, juxta quem Deus est in omni re creata totus & in quavis ejus parte, sed totus negative.

IV. Solet alio modo etiam explicari Dei *ubiquitas* aut *immensitas*, aut *omnipresentia*, juxta versiculum vulgatum: *Enter, præter, Deus est & ubique potenter*. Quod sic explicant *Commentatores* ad *Mag. Sent. 1. dist. 37.* Deus est in omnibus per *essentiam*, quatenus substantia ejus ab omnibus habetur, quatenus omnibus intime illabitur; per *presentiam*, quatenus omnia sunt in ejus prospectu, & nuda atque aperta oculis ejus, sicut aliquis dicitur esse præsens in domo, cum omnia, quæ sunt in domo, sunt in conspectu illius; per *potentiam*, quatenus omnia facit & conservat, sicut rex dicitur esse in toto regno per potentiam, quia potestas ejus ubique operatur, quatenus regit omnia: duo hi posteriores modi sunt improprie & huc non pertinent, sed primus tantum.

V. Speculativa hic sese offert quæstio, à *Scholasticis & Metaphysicis* hic disputari solita, *An Deus non tantum sit in hoc mundo in universis locis realibus, sed etiam extra mundum in spatiis imaginariis?* ita quidem statunt *Conimbricenses, l. 8. Phys. 10. quæst. 1. Fonseca l. 3. Metaph. c. 15. quæst. 9. f. 4.* multique alii. Nos cum iis quoque asserimus, Deum actu & vere esse extra mundum; & quoniam spatium infinitum imaginamur extra cælum, vere Deus est in hoc spatio infinito imaginario: quia quod est immensum, aptum est replere & replere omnia loca vera & imaginaria: & si Deus non esset in spatiis imaginariis extra mundum, tum si alium mundum conderet (quod non implicat) vel si hunc transferret in locum alium, aut non esset ibi,



aut acquireret novum locum & mutaretur, quod absurdum. Deus tamen extra hoc est universum, non tanquam in mundo hoc visibile, sed ut excedens universa & potens condere nova entia in istoc spatio imaginario, in quibus intime sit: nam cum Deus dicitur esse in spatiis extra mundum, *in extra mundum*, potest accipi bifariam; vel sic, ut designet & determinet aliquid reale extra mundum, in quo Deus sit, & ita Deus non est extra mundum; vel potest accipi *in extra* pro eo, quod est non intra, limitate, quo pacto Deus est extra mundum, quia non limitatur, non coarctatur, intra hunc mundum, non restringitur ad hoc universum, quia ab eo non continetur, non definitur, sed vero ipsum longe excedit. Atque ex hisce etiam intelligitur, Deum non esse in spatiis imaginariis extra res creatas secundum respectum continentis, quia hujusmodi respectus continentie fundatur in efficientia Dei, per quam ponitur in esse res, in qua dicitur existere, per modum, non contenti, sed continentis: ubi ergo nihil effecit, non existit istoc modo: at spatiis imaginariis nihil effecit Deus. Ergo. Est itaque Deus in istis, ut erat ab æterno antequam mundum conderet.

VI. Verumenimvero, ut hoc negotium de spatiis imaginariis, & quomodo in iis existat Deus, dextre intelligatur, paulo fusius de eo philosophabimur: est enim difficile & dignum explicatu: procedemus à simili aut potius dissimili. Corpus alicubi existens duplicem respectum significare potest: Primus est contenti ad continens, ut est aquæ ad vas in quo existit: secundus est respectus replentis ad id quod erat de se vacuum, quomodo corpus dicitur esse in spatio, & totus mundus dicitur esse hic, tanquam replens hoc totum spatium: atque inter hos duos respectus advertenda est differentia: nam primus terminatur ad rem realem, continentem, distinctam à re contenta: secundus non item: sed est tantum motus quidam corporis, quo replet hoc spatium, & non aliud: ipsum enim spatium, quod repletur à corpore, non est res aliqua, sed est quædam distantia aut vacuitas, apta repleti corpore. Deus neutrum istorum respectuum habet proprie: habet tamen aliquid propor-

tionaliter correspondens utrique. Deus non est in aliqua re tanquam contentus ab illa: sed est in omnibus tanquam continens illas virtute activa, qua eas conservat, quæ est eadem cum illa, qua creavit: & hunc primum respectum non habet Deus in spatiis imaginariis extra mundum, quia hujusmodi respectus fundatur in Dei efficientia, per quam res ponitur extra causas. Rursus, Deus est in aliquo spatio tanquam replens illud, sed non modo quantitativo instar corporis, quia Deus quantus non est; loco tamen hujus respectus debemus intelligere in Deo quandam præsentiam substantialem, qua per substantiam suam adest omnibus rebus quasi substantialiter replens illas, quia intime inest in omnibus: & hos duos in Deo respectus distinguit intellectus, & intelligit unum non esse aliud: nam si (per impossibile) intelligeremus Deum non conservare hunc mundum & intelligeremus nihilominus Dei substantiam infinitam & immutabilem, possemus intelligere substantiam Dei præsentissimam rebus omnibus & esse intra omnes: nam substantia Dei infinita ubique est immutabiliter, & si cessaret ejus actio conservandi res, & cessante conservatione posset manere creatura, nihilominus ibi & in creatura Deus esset ac maneret. Hisce animadversis, negamus Deum in spatiis imaginariis habere respectum primum continentis, qui fundatur in creatione & conservatione rerum ad extra; asserimus tamen Deum vere esse in iis præsentia substantiali repletiva: neque ad substantialem Dei ac repletivam præsentiam in spatio, est necessaria ejus operatio, neque requiritur respectus alicujus creature, termini aut entis realis, quod terminet Dei præsentiam substantialem repletivam: & hoc probamus à simili: quia ut corpus repleat aliquod spatium, non est necessarius respectus continentie, id est, ut contineatur ab alio corpore: Ergo multo minus in Deo. Probatur antecedens. Nam totum hoc universum revera replet hoc spatium in quo est, non tamen continetur ab aliquo corpore, quia extra cælum extimum nullum est corpus ambiens, aut daretur progressus in infinitum: & ponamus Deum condescendere hominem extra hunc

mundum; homo iste repletur spatium & tamen non contineretur à corpore: ponamus, Deum annihilare totum aërem & aquam, terra nihilominus repletur suum spatium, licet contineretur à corpore: imo, concipiamus, Deum annihilare omnia sublunaria intra concavum Lunæ, & sibi esse decretum, perpetuum conservare hoc vacuum, certe illud vacuum totum esset plenum substantia Dei: nam non potest concipi, quomodo sit Deus præsens futurus toti cælo, nisi simul præsens sit illi spatio intermedio: & si oculis corporeis videri posset, videretur in isto spatio. Quare iste respectus ad spatium, quod repletur, non requirit rem distinctam extrinsecam ab ipsa re, quæ dicitur esse in spatio, sed solum significat modum intrinsecum ejus, qui non dependet ab aliqua efficientia, neque ab aliqua re extrinseca: & sive spatium, quod repletur, contineat aliud corpus, sive non, hoc nihil facit aut pro aut contra hoc nostrum institutum.

VII. §. 1. Exceptio. *Illud spatium imaginarium est nihil, ergo non potest intelligi Deus esse in illo, quia esse in aliquo dicitur habitudinem ad rem realem: confirmatur; nam ratio, cur Deus ab æterno non fuerit in mundo, est, quia mundus tunc nihil erat.* Resp. 1. In genere, proferendo instantiam in corpore & mundo replente spatium; nam quæro quomodo in eo sint, si spatium est nihil. 2. In specie, negandæ consequentiam, & ad probationem dicendo, quod esse in aliquo secundum respectum continentis & contenti, dicitur habitudinem ad rem realem: at esse in aliquo tanquam replens illud, per suam præsentiam, non dicitur habitudinem ad rem realem, distinctam ab ipsa re, quæ ibi dicitur existere: sed solum dicitur in illa modum quandam se habendi, qui est in corporibus ubicatio passiva, in Deo immensitas: ad confirmationem, falsum est illud antecedens, nam Deus ab æterno fuit in isto spa-

tio, quod nunc mundus replet: si enim ingessisset esse in hoc spatio, cum mundum conderet demum, fuisset mutatus, quod absurdum. §. 2. Exceptio. *In rebus possibilibus Deus non est, quia nihil sunt, ergo nec in spatiis imaginariis, quæ pariter sunt nihil.* Resp. Est elenchus parium aut similibum. Deus est in rebus, prævia causalitate, & creandi & conservandi, quæ eas quali continet; at eam non exercet circa res possibiles, quamdiu manent tales & sunt in potentia. Et ideo non est in rebus possibilibus, ut sic. At in spatio non dicitur Deus esse media causalitate, sed per substantiam suam, quæ replet illud: at res possibilis repleri nequit. Ergo §. 3. Exceptio: *Deus solum est ubi operatur: at in spatio imaginario non operatur.* Ergo. Resp. Vid. th. 2. hujus disp. deinde vera est major de modo existendi in rebus per modum continentis, non de modo existendi secundum præsentiam substantialem & repletivam. §. 4. Exceptio. *In spatio imaginario potest tantum esse aliquid imaginariæ: at ut Deus sit alicubi imaginariæ, est absurdum.* Ergo. Respond. Illud spatium dicitur imaginarium, in quantum illud fingimus & imaginamur per modum entis positivi, ut tale, ad ipsum explicandum: tribuuntur enim ei à mente nostra quædam attributa, ac si ens positivum foret: in retamen nihil positivum reale dicitur: ac licet nihil sit reale, est tamen suo modo, ut privationes sunt: est enim privatio aut corporis aut rei, quæ in eo esse potest: est enim tanquam vacuum quoddam aptum repleri corpore: vacuum autem privationem significat; & hoc factis est, ut res spatio isto dicatur esse, sicutur dicitur repleri vacuum: interim respectu Dei omnia implentis non est vacuum, & Deus in eo est vere non imaginariæ: Quod autem hoc vacuum spatium ac privatio illa ab æterno fuerit, nihil est absurdi: sicut non est absurdum quasdam relationes aut modos ab æterno fuisse.

## Disputationum ex Philosophiâ selectarum,

## VIGESIMA-OCTAVA.

D E

## ORTU ANIMÆ RATIONALIS.

T H E S I S I.

Cum disputationum harum curriculum instituimus primum, promiscue nos de variis acturos esse materiis, nullo servato ordine, ad solum placitum & libitum Respondentium, disp. pr. indicavimus: atque ita diversas jam sumus explicando persequuti. Inter disputationes jam ante habitas, sexta fuit *De Ortu animæ rationalis*, quam tunc non ex trahere sed à Deo esse *negamus* argumentis aliquot adstruximus: nunc vilius est *divagari*, argumentorum, si non omnium, saltem præcipuorum, in partem contrariam, instituire, & solutionum fontes breviter proponere.

II. *Argumenta pro rationalis animæ pro traducem propagatione*, duum sunt generum, quædam *Theologica*, quædam *Philosophica*. Theologica ex variis Scripturæ locis desumpta ad Theologos ablegamus, nisi quod unicum illud ac tritissimum & à *Traduciaris* fere pro insolubili habitum à peccato originali desumptum, bona Theologorum pace & venia, hic solvere, pretium nobis videatur operæ. 1. Hoc igitur esto decantatissimum pro traducem argumentum. *Si anima rationalis non propagetur à parentibus in liberos per traducem, ergo nec peccatum originale propagari aut traduci poterit: quia non potest accidens traduci aut propagari sine subiecto*. Ad hoc palmarium *Traduciariorum* argumentum variis modis responderi solet à Philosophis pariter ac Theologis: possunt videri variaz variorum solutiones in unum congestæ à Rob. Baronio in *Philosophiæ Theologiæ ancillantis Exercitatione secunda, art. 8. & sequentibus*. Nos, ne aliorum sententiis operose exponendis & tempus perdamus & chartam, sic hunc nodum solvimus. *Negamus consequentiam, & in pro-*

*batione falsam adstrui hypothesein; quod peccatum originale sit accideus, dicimus: atque ut totum negotium clarissime percipiatur, duas hæc quæstiones accurate inter sese esse disti guendas censemus. 1. Quenam concurrant ad peccati originalis propagationem? 2. Quenam sit causa proxima efficiens vel deficiens potius, per quam inexistat aut inhercat peccatum originale, Petro aut Paulo immediate, ut ejus singulare peccatum? Quemadmodum longe etiam differunt, quenam concurrant ad generationem? &c. Quenam sit causa proxima geniti? Primam quod spectat quæstionem, concurrunt ad peccati originalis propagationem, 1. Adamus. 2. Singuli homines qui nascuntur. 3. Parentes. 4. Deus. §. 1. Adamus concurrat, ut caput & radix generis humani, quod ipse representavit, dum peccaret. §. 2. Homo unusquisque, qui nascitur, concurrat ad propagationem peccati originalis, tum ut subiectum ejus, tum ut causa directe causans, deficiens, propria, proxima, emanativa hujus venenatæ qualitatæ. §. 3. Parentes concurrunt per generationem, quæ est tantum causa sine qua non existeret peccatum originale in hominibus. §. 4. Deus concurrat ad peccati originalis propagationem, & ut creator, & ut justus iudex, justa & efficaci providentia, primum efficienter procurando propagationem hominum, producendo corpus, creando animam: sine quo utroque nulla esset peccati originalis propagatio: deinde permitendo, ut omne peccatum, sic & originale, quod sit: denique non suppeditando donum imaginis sue, quæ non est actio realis & positiva, sed cessario potius ac deficientia ab actu in Deo ac justa hominis poena? intelligimus hic deficientiam non moralem, qua Deus*

deficiat ab eo quod debuit, sed naturalem (ut loquuntur) qua quis deficit ab eo, quod potuit, sed non, quod debuit: atque hæc omnia, quæ à Deo procedunt, sunt tantum antecedentiæ, respectu peccati originalis, quod propagatur, & non causæ, adeoque inferunt necessitatem consequentiæ tantum. Atque ut ad secundam quæstionem respondeamus quoque distincte, Deus nullo modo est causa, nec principalis, nec instrumentalis, nec meritoria, nec remota, nec proxima, cur peccatum originale sit in Petro vel Paulo, quamvis sit causa iustæ subtractionis imaginis suæ & sit causa suæ permissionis, itemque productionis animæ ac corporis, ad quæ omnia peccatum originale sequitur, tanquam consequens ad antecedens. Sed nec parentes, qui generant, nec ipsa generatio, sunt causa per se, seu principalis, seu instrumentalis, sed merum sunt antecedens, sine quo non existeret peccatum originale in Petro, aut Paulo: per parentes & generationem enim producit subiectum quidem peccati originalis, Petrus aut Paulus, non vero ipsum peccatum originale: simul ac tamen Petrus est productus aut Paulus, jam statim quoque hoc peccatum originale est, absque quo, ne momento quidem, illi sunt. Itaque proxima causa, non quidem efficiens proprie sed deficiens, per quam inexistat aut inhæreat Petro vel Paulo peccatum originale, est ipse Petrus vel Paulus, & unusquisque homo sui peccati originalis & principium & subiectum simul, & author & possessor est. *Ad probationem*, quod dicitur accidens non posse traduci aut propagari sine subiecto, *respondio*, peccatum originale non esse accidens, neque tamen substantiam, sed privationem: ideoque non est querenda positiva & realis causa, quæ reali actione hoc peccatum producat, nam actionis positivæ ac realis terminum oportet esse realem & positivum; sed illa, siue propagatio, siue traductio, peccati originalis à parentibus in liberos, privativa potius est ac moralis, quam positiva aut physica: & concipi debet eo modo, quo traducitur ac propagatur in prolem privatio privilegiorum, paupertas, infamia, propter crimen progenitoris. Atque ex hisce satis liquet inepte hanc quæstionem vulgo proponi; aut

*per animam propagatur peccatum originale, aut per corpus?* Resp. Per neutrum; quæro enim similiter, aut per animam propagatur paupertas, aut per corpus? respondendum est haud dubie, per neutrum. Sed sicuti iustitia originalis erat totius hominis, ita & peccatum originale: & sicut ista fuisset propagata à toto homine in totum hominem, etiam creante animam Deo, ita nunc & peccatum originale propagatur à toto homine in totum hominem, etiam creante animam Deo: absurde ergo queritur, per utrum propagetur.

III. 2. Argumentum esto tale. *Si anima hominis non producitur virtute seminis, igitur homo non generabit hominem, sed tantum corpus ejus, quæ pars est hominis inferior atque ignobilior.* Resp. Homo vere generabit hominem etsi anima à Deo creetur; 1. Non quod tribuat ei corpus tantum, sic enim generat corpus hominis, non totum hominem, & generatio non est nuda materiæ suppeditatio. 2. Non quod disponat corpus ad receptionem animæ, quia hæc est tantum mutatio ad qualitatem & alteratio, generatio vero est ad substantiam. 2. Non quod ex materia educat aut in ea efficiat animam vegetativam vel sensitivam; nam sic homo non hominem, sed hoc vivens, & hoc animal, seu rudimentum potius utriusque, generaret. 4. Sed quia animam rationalem substantialiter unit, ut jam illa incipiat informare, inhabitare, implere totam materiam corporis: nam generare hominem, est, tribuere esse homini: at esse hominis, neque in anima, neque in corpore tantum, consistit, sed in unionem ejus, ut homo vere consistat anima & corpore, homo enim non est talis per alteram essentiam partem, sed per totam essentiam, quæ non est nisi anima & corpore unitis. Instantia. 1. *Deus creando animam unit.* Ergo non est opus actione generantis, quæ uniatur. Resp. Cum Deus creat animam, unit quidem, sed non se solo; verum simul cum generante, concurrendo cum eo per communem concursum ad actionem unitivam, quam generans virtutis seminalis intervntu elicit. Instantia 2. *Nulla potest dari actio unitiva ex parte generantis, quia debet esse spiritualis propter terminum ad quem talem:*

at hæc

*in hac à potentia materiali, virtute seminali, proficisci non potest.* Resp. 1. A potentia materiali posse elici actionem spiritalem, quando ista actio non est productiva rei spiritalis, sed ejus tantum unitiva. 2. Licet actio illa tendat ad animam rationalem, quæ est immaterialis, versatur tamen circa eam, quatenus est inibilis corpori, & quatenus sic, habet anima rationalis aliquo modo esse materiale, & dependens à corpore, tanquam à materia in qua sit & cui uniatur: quod ut melius concipiatur, notandum est, rationalem animam posse spectari absolute quoad suam essentiam simpliciter, vel relative ad corpus cum quo unitur & cujus est forma: quoad essentiam, à corpore nullo modo dependet; at in quantum forma est, hætenus dependet à corpore, ut officium informandi & actuan di exercere nequeat, ut forma esse non possit, nisi cum corpore uniatur: & sic atque sub hoc respectu terminatur actio unitiva hominis in animam: itaque est actio quidem illa, respectu principii agentis, materialis; secundum quid, ratione termini uniendi, spiritalis; quatenus est conjunctio seu unitio formæ spiritalis cum subiecto materiali, *Thomas & Thomista* generationem substantialem viventis consistere ajunt in pura quadam resultantia ad formam substantialem & totum compositum terminata, ita ut non sit actio distincta à præcedenti alteratione, sed ut ista resultantia naturalis, & forma, & compositum, quæ resultant, sint termini alterationis secundarii, terminus vero ejus primarius sit dispositio ultima & reliquæ ultimam præcedentes: imo impossibile existimant, ut forma substantialis aut totum compositum producat ab agente actione, quæ directè ad ipsam substantiam terminetur, sed produci volunt tantum indirecte per resultantiam, ut dixi, naturalem, ratione nexus inter dispositiones introductivas & ipsam formam. Videantur de hac sententia, quam latius explicant & propugnant, *Complutenses in lib. de Generat & corrupt. disp. 2.*

IV. 3. Argumentum est. *Quomodo produciatur anima vegetativa & sensitiva, eo modo & rationalis; quia est una & eadem secundum substantiam & rem animæ. Sed vegetativa &*

*sensitiva anima produciuntur ex semine. Ergo.* Resp. Negamus, vegetativam, sensitivam & rationalem, eandem, quoad substantiam & secundum rem, esse animam: sed vero hæ animæ in homine sunt distinctæ, & anima vegetativa ac sensitiva formæ sunt, non quidem hominis, sed in homine, disponentes ac subordinatæ, rationalis, principalis ac ultima, & non tantum in homine, sed ipsius hominis: quod quia alias est probatum, objectionem hanc solvemus. *Si in homine sint tres animæ, vel omnes sunt immortales ac separabiles vel intellectiva tantum.* Resp. Intellectiva tantum. Instantia. 1. *Hinc sequetur, in resurrectione non redire eundem hominem absolute: ut qui duas novas animas accipiat.* Resp. Non sequi hoc, quod inferitur. Quia novæ istæ animæ non magis diversitatem inducunt, non magis unitatem & identitatem hominis tollunt, quam novæ formæ accidentales, quæ quotidie novæ inducuntur: & in resurrectione erunt, novus calor, humiditas, temperies; erunt & novæ formæ corporeitatis ac mixti, & totales, & partiales: nam, quoad totales, forma corporis humani perit: accipit enim materia in resolutione varias formas aliorum corporum, pulveris, vermium, &c. partiales quoque formæ, capitis, cordis, brachii, manus, &c. per eunt, quæ in resurrectione novæ inducuntur, & tamen erit idem numero homo: fundamentum hujus rei est, quod formæ disponentes, sive substantiales, sive accidentales, identitatem numericam non mutant, licet ipsæ mutantur. Instantia. 2. *Sequitur novas illas animas damnari, licet nihil mali fecerint, vel salvari, licet nihil effecerint boni: quod cum iustitiæ & veritate Dei nequit consistere.* Resp. Nullo modo sequi illationem: nam nec anima vegetativa, nec sensitiva: sunt subiectum præmii vel poenæ, sicut proprie non sunt subiectum nec causa boni vel peccati, sed anima rationalis, uti proprie peccat & bene agit, ita proprie illa puniatur vel præmiatur: animæ istæ uti in peccando & bene agendo sunt conditiones tantum & causæ sine quibus non, aut ad summum instrumenta, ita & in præmiando & puniendo: certe, gloria illa cœlestis non pertinebit ad partem sensualem aut vegetatentem. Deinde



Deinde, non sequitur, si hæc temperies & hæc dispositiones sunt, cum pecco; ergo hæ ipsæ debent puniri, aut non eadem numero corpus vel homo punietur: nam pone hominem quem peccare anno vigesimo, puniri centesimo, non sunt tum eadem in ipso temperies, aut eadem dispositiones, & tamen eadem numero homo punitur: tota sunt temperies corporis humani omnesque ejus dispositiones in

morte intereunt & novæ producentur in resurrectione, & tamen eadem numero corpus ac homo punietur: ita etiam licet novæ animæ sint vegetativa & sensitiva, quam ex in quibus homo peccavit, idem tamen homo punitur, quia habent se ipsæ animæ ad hominem, ut temperies ad corpus, utrobique ut dispositio, quæ unitatem ut non facit, ita nec aufert. Similiter de præmiatione est dicendum.

## Disputationum ex Philosophiâ selectarum,

### VIGESIMA. NONA.

DE

## SCIENTIA DEI.

### THESIS I.

**I**N Disputationum harum curriculo vigesimam institimus de scientiæ divinæ immutabilitate, in qua ejus, tum descriptionem, tum partitionem, supposuimus: nunc animus est, ipsam *Dei scientiam* nonnihil latius exponere. Disputat de ea *Aquinas 1. summ. Theol. 14.* & ibidem *Commentatores*, *Metaphysicæ & Pneumaticæ scriptores*, in attributis Dei explicandis; qui authores videri possunt: nos in compendium contrahemus, & pauculis thesibus comprehendemus, quæ diffuse ab iis disputantur.

**II. *Esse in Deo scientiam***; non quidem quæ sit qualitas, aut habitus, aut cognitio realiter ab intellectu deducta ex præmissis, uti scientia est in nobis, hæc enim omnia imperfectionem arguunt, quæ à Deo est removenda: sed eam dari in Deo, quæ sit certa & evidens cognitio, eadem cum essentia divina, sicuti & reliquæ sunt affectiones, & non realiter ex præmissis deducta, ex Scripturis est manifestum, at nos rationibus probatum dabimus. §. 1. Omne quod agit propter finem, aut sibi finem præstituit, aut ipsi finis ab alio præstituitur: sed agentia naturalia agunt propter finem, quia uniformiter & certo operantur: ergo aut ipsa sibi finem præstituant, aut ab alio iis præstituitur. Sed multa agentia natu-

ralia non possunt sibi præstituer finem, qui caret cognitione, ut ignis & aqua &c. Ergo ab alio præstituitur illis finis, in quem diriguntur: sed ille alius non potest esse nisi Deus, qui est causa illorum, & supra omnia illa. Ergo Deus ordinat illa omnia in suos fines. Sed ordinare alia in finem, nequit fieri absque intellectu, scientia, aut cognitione. Ergo Deus est substantia intellectualis, scientia & cognitione utens. §. 2. Omne agens agit propter finem. Deus est nobilissimum agens. Ergo. Hoc præmissio: vel iste finis est alius extra Deum, vel est ipse Deus. Si alius extra Deum, intendit eum, vel per cognitionem, & habemus intentum, vel absque cognitione; si hoc, dirigetur ab alio, quod est contra rationem principii primi, uti est Deus. Si Deus est finis sui ipsius, ergo cognoscit se & appetit se: alioquin non esset finis sui: nam finis non est finis, nisi appetatur, non appetitur nisi cognitus: est enim cognito conditio ad finis causalitatem exercendam necessaria. §. 3. Prima causa continet omnes perfectiones inferiorum in se, alioqui non esset causa eorum. At in inferioribus est scientia accognitio. Ergo & in Deo. Plures rationes videri possunt apud *Thom. Aquin. in summa contra Gentes l. 1. c. 44.* & apud *Ferrariensem in commentariis ibidem.*

III. Dixi-



III. Diximus statim, *scientiam Dei esse ejus substantiam seu essentiam*, quod variis rationibus comprobatur ab *Aquin. contra Gentes l. 1. c. 45. & in summ. Theol. 1. part. quest. 14. art. 4.* pro omnibus hæc duæ sufficient. 1. Quicquid formaliter est in Deo, est ipse Deus. Scientia formaliter est in Deo. Ergo. Consequentia certa est: minor patet, quia scire est actio immanens, & manet in ipso sciente: & dicitur quis formaliter sciens à scientia: at si scientia formaliter non esset in Deo, non posset intrinsece Deum denominare. 2. Si Dei scientia non esset eadem cum ejus essentia vel substantia, Deus haberet se per modum subiecti perfectibilis respectu scientiæ, à qua perfecti posset, & sic imperfectus foret. At hoc est absurdum. Ergo. Ex quibus liquet scientiam se non habere in Deo, ut potentiam, vel habitum, vel speciem impressam, quia hæc omnia distinctionem fere dicunt realem inter se & sciendi actum.

IV. Si scientia Dei est eadem cum ejus essentia, ergo quousque extenditur divinum esse, & eousque expanditur divinum scire: unde quodnam sit *objectum* scientiæ diviniæ facile videre est, sc. *Deus ipse & id omne ad quod extenditur divinum esse*: at divinum esse extenditur extra se ad omnia: omnia enim à Deo acceperunt & esse & veritatem. Deus ergo, & sensum sciet sive intelligit, & omnia illa extra se: imo, se sciendo atque intelligendo simul etiam scit & intelligit omnia alia extra se: dum enim videt essentiam suam & bonitatem suam contemplatur, videt & intelligit, quot modis esse suum & sua bonitas possit rebus communicari: res autem tam variæ in natura sunt, quam variis modis divina essentia & bonitas communicatur. Itaque, per distinctionem essentiae ac bonitatis suæ cognitionem, res etiam omnes & earum naturas ac proprietates cognoscit; nec tantum genera intelligit aut species, sed & singularia atque individua in rebus.

V. Sed de *objecto* scientiæ diviniæ paulo adhuc specialius est philosophandum. Solet illud à Scholasticis dividi in *motivum & terminativum*. *Objectum motivum* scientiæ diviniæ est *essentia divina*: nam quicquid Deus

scit aut intelligit, per essentiam scit aut intelligit, tanquam per rationem & motivam cognoscendi se & alia à se: *objectum terminativum* scientiæ diviniæ est *primarium* vel *secundarium*: illud est ipsa *essentia divina*; hoc est *omne aliud*, quod non est essentia divina: hinc creaturæ sunt objecta secundaria scientiæ diviniæ, quia secundario terminant cognitionem divinam: & quamvis eas cognoscit Deus secundum quod in se sunt, nam cognoscit homines secundum quod homines sunt, non tamen prout in seipsis relucet, sed prout relucet in essentia divina, quia essentia divina rectius repræsentat illos, quam ipsæ creaturæ seipsas repræsentant. Videatur de *objecto* scientiæ diviniæ, tum motivo, tum terminativo, tum primario, tum secundario, *loh. de Rada controvers. inter Thomam & Scotum parte prima, controuv. 29. art. 1.*

VI. Potest & *objectum* scientiæ diviniæ distinguui in *positivum & negativum*. *Positivum* est ens reale, quod sub ratione veri à Deo scitur ac cognoscitur: cognoscit autem Deus ens reale sub ratione veri, ita ut entitas realis sit quasi materiale, sive illud, quod cognoscitur, veritas sit *in* formale objecti, sive ratio sub qua cognoscitur: *positivum* hoc objectum est, tum *Deus*, tum *creatura*, vel producta, vel producenda. *Negativum* objectum, si sic vocare liceat, quod vere objectum non est, illud est, quod intellectus Dei non sub ratione positivi entis, sed sub ratione non entis apprehendit: estque *vel pure negativum vel quodammodo privativum*, (verba enim hic nobis desunt fere ad exprimendum) illud est, quod cognoscitur à Deo sub ratione *puri non-entis*, id est, talis, quod neque sit de facto, neque esse possit: & ita Deus cognoscit *entia rationis* sive *ficta* & impossibilia: hoc est, quod cognoscitur à Deo sub ratione quidem non-entis actualis, id est, talis, quod neque est, neque fuerit, neque futurum sit, atramen deprehenditur in illo, ratio *entis possibilis*, id est, *talis*, quod Dei potentia producere possit: & ita Deus cognoscit omnia *possibilia*, nunquam tamen extra se producenda.

VII. Sed enim incedamus per omnium, quæ scientiæ diviniæ obijciuntur, classes.

T

§. 1. *Deus*

§. 1. *Deus scit seu cognoscit seipsum, tanquam obiectum primum.* Si enim Deus habet scientiam perfectissimam, ergo oportet ut seipsum primario cognoscat: nam perfectissimæ cognitionis obiectum primum debet esse perfectissimum. Scientia Dei est perfectissima, & Deus est obiectum perfectissimum. Ergo Deus est obiectum primum suæ cognitionis. Ergo seipsum primo cognoscit. Hoc negotium accuratissime explicat *Iac. Carpentarius digress. 3. in Alcinoum pag. 257. & Rada loc. cit. pag. 456.*

VIII. §. 2. *Deus cognoscit omnia alia extra se, seu omnes creaturas, quas vult extra se, ita ut vere sint obiectum terminativum scientiæ divinæ.* Deus enim perfectissime cognoscit seipsum, ergo etiam virtutem suam: ergo perfecte cognoscit illa, ad quæ se extendit ejus virtus. Ergo cognoscit alia à se, quia ad ista se ejus virtus extendit. Vel sic. Deus cognoscit voluntatem suam, ergo etiam cognoscit omnia, quæ vult: quia voluntas adæquate non cognoscitur, nisi cognoscatur & actus & obiectum ejus. At creaturas omnes extra se vult Deus. Ergo.

I X. §. 3. *Deus cognoscit res universales & singulares, spirituales & materiales.* Probatur. Deus cognoscit res per suam essentiam: atqui essentia Dei est repræsentativa omnium rerum, tum singularium, tum universalium, tum materialium, tum immaterialium. Ergo.

X. §. 4. *Deus cognoscit res, non tantum præteritas, ac præsentēs, sed & futuras, sive contingentes, sive necessarias.* Quod res sciat Deus, & præsentēs & præteritas, de eo non controvertitur: sed major est dubitatio de scientia futurorum contingentium divina, quam præscientiam alii vocant. Sed & eam asserimus contra nonnullos hic Sophistas, eam vellicantes & in dubium trahentes. Nam 1. si Deus non cognosceret res futuras contingenter, esset in potentia passiva cognoscendi eas: neque enim ulla est ab earum parte repugnantia ut possint cognosci: at Deus non habet potentiam passivam, quia est purissimus actus. Ergo. 2. Certum est, Deum res contingentes, quæ nunc existunt præsentēs, cognoscere: Ergo, vel novit eas antequam existerent &

cum essent futuræ, vel ignoravit: si prius, habemus quod volumus: si posterius, ergo, cum postea cognovit, factus est ex non sciente sciens, quod ejus perfectioni repugnat. *Vid. Rad. part. 1. contr. v. 30. art. 3.*

XI. §. 5. *Deus scit omnes creaturas possibles, etiam eas, quas nunquam voluit producere.* 1. Deus cognoscit suam potentiam. At illa sese extendit ad omne possibile. Ergo cognoscit & omne possibile. 2. Si res possibles à Deo non cognoscantur, ergo Dei scientia non extendet se ad omnia scibilia. Atqui hoc pugnat cum ejus perfectione. Ergo.

XII. §. 6. *Deus cognoscit etiam impossibilia.* Quia Deus non potest cognoscere possibilia, nisi eodem actu simul cognoscat ea, quæ non sunt possibilia: dum enim possibilia apprehendit, negative se sistere cogitur in aliquo impossibili: alioqui, vel omnia possibilia non posset, vel saltem accurate non posset. Atque hinc liquet, Deum non habere ideam impossibilem, ut Chimæræ, sed ex idea possibilem cognoscere impossibilia, per actum negativum: sic Deus cognoscit Chimæram, cognoscendo tales partes non posse simul conflare: & certe, Deus novit omne verum: at Chimæram non esse possibilem, est verum. Ergo.

XIII. §. 7. *Deus cognoscit entia rationis.* Nam Deus cognoscit omnem actum rationis humanæ & obiectum in quod tendit. At entia rationis sunt per rationis actum & ejus obiectum aut terminus potius. Ergo. Si dicas, ergo Deus etiam facit aut fingit ens rationis. Negamus sequi. Aliud est, facere & fingere ens rationis, aliud cognoscere illud factum & factum. Posterius Deo adscribimus, prius non item: quia facere ens rationis est imperfectionis, est enim quia mens non potest simul & semel rem omnem & totam intelligere: at intelligere ens rationis, est perfectionis: imperfectio enim est, aliquid non intelligere.

XIV. §. 8. *Deus cognoscit mala, sive moralia, sive physica, sive culpe sive pænæ.* 1. Deus circa mala speciales exercet actus bonitatis suæ, ea vel permittendo, vel ordinando, & in pœnam, & in bonum peccantium, &c.

Ergo

Ergo novit. Deus enim scit, quod vult & agit.  
 1. Omnia mala sunt privationes bonitatis. Ergo Deus cognoscendo formas bonitatis, cognoscit etiam negationem bonitatis: nam privatio cognoscitur per habitum, ut cæcitas per visum; unde privationes per habitum definiuntur. Dices. *Deus omnia cognoscit per essentiam, tanquam omnia representantem: at peccatum non representatur in essentia divina, quia hoc tantum est idea & fons bonitatis: sicut nec falsitas in veritate, nec nigredo in albedine repræ-*

*sentari potest.* Ergo. Resp. Malum quidem non representatur à bono tanquam ab exemplari ejus, nam sic bonum esset idea mali. Sicut neque falsitas representatur à veritate, nec nigredo ab albedine: nihilominus per bonum intelligitur oppositum ejus, malum, quia opposito modum esse habet: itaque per ideam boni cognoscit, quid sit recessus à bono, & per ideam rectitudinis, quid sit recessus à rectitudine, &c. Quæ de scientiæ divinæ modo & divisione disputari solent, sequens exhibet disputatio.

## Disputationum ex Philosophiâ selectarum,

## TRICESIMA.

## D E

## SCIENTIÆ DIVINÆ MODO AC PARTITIONE

## T H E S I S I.

**D**isputatio præcedens in Deo esse scientiam ostendit, & quod in ejus sit objectum exposuit: nunc scientiæ divinæ modum & partitionem proponemus, exorsà à modo.

II. *Modus scientiæ divinæ est.* §. 1. *universalissimus*, quia extendit sese ad omnia scibilia, quorum classes exhibuimus *disp. præced.* §. 2. *perfectissimus*, tum extensive, quia est universalissimus, tum intensive, quia, ut omnia attributa Dei, sic & scientia dicit perfectionem infinitam: hinc vocatur etiam *sapientia*, quæ vulgo dicitur objecti perfectissimi cognitio perfectissima. §. 3. *comprehensivus*, quidditativus, *adequatus*, quia quodvis objectum sciendo exhaurit, ut nihil relinquat in eo sibi incognitum. §. 4. *clarus & distinctus*, nam vage & confuse cognoscere est imperfectio: nis: at Dei scientia ex §. 2. est perfectissima. §. 5. *verissimus*, quia rem videt eo modo quo est: & in Deo, qui est ipsa veritas, nulla potest reperiri falsitas §. 6. *certainissimus & infallibilis*, quia decipi est ex errore: at in Deum non cadit error, quia esset imperfectus. §. 7. *immutabilis*, quod demonstravimus *disp. 20. §. 8.* *simplicissimus*, quia uno actu & ictu intelligit

quæcunque intelligit: & pugnaret actuum sciendi plurium successio cum ejus immutabilitate & æternitate. §. 9. *non per compositionem & divisionem*, quia compositio & divisio imperfectionem arguit & successionem dicit ac multiplicationem actuum. §. 10. *non per discursum*, quia, sive sit continuus, sive discretus, uterque implicat plures cognitiones, aliisque imperfectionibus est obnoxius. §. 11. *non à priori aut posteriori*, uti nos tali modo cognoscimus, quia Deus non cognoscit unum per aliud, sic enim ex cognitione unius deducetur in cognitionem alterius, sed cognoscit, unum in alio aut cum illo, *non per speciem intelligibilem intellectui superadditam*, nam spectes intelligibiles intelligentem perficiunt & ad actum traducunt, notantque insuper variam imperfectionem, tum potentiae passivæ, tum distantie agentis à passio, tum dependentiæ ab objecto; at hæc omnia longissime absunt à Deo, *sed est* §. 12. *per essentiam divinam immediate*, omnia Deo representantem perfectissime, quo respectu illa habet rationem *ideæ*. Sed de *ideis* divinæ, aut *essentia* Dei, ut *idea*, alias latius cum Deo decretum est publicis disputationibus agere. Nunc ad *partitionem*

scientiæ divinx ab ejus modo nunc explicato tranſeamus.

III. *Scientia Dei*, utcunque in ſe ſit una ac ſimpliciſſima, pro diverſitate tamen objectorum & reſpectuum ad objecta, diſtingui ſolet in ſcientiam ſimplicis intelligentiæ & viſionis: Noſtro enim intelligendi modo ſcientia Dei, vel conſideratur reſpectu poſſibilitatis, ut poſſibilita ſunt præciſe, quæ ſcientia determinari poteſt à voluntate Dei & à libero ejus decreto; vel conſideratur non tantum reſpectu poſſibilitatis ut ſic, ſed etiam reſpectu futurorum quæ in aliqua differentia durationis poſt jam factam determinationem voluntatis futura erant: prior, quod ex vi ſolius intellectus & independenter à voluntate in Deo ſit, *naturalis, abſtractiva, indeterminata*, dicitur; altera quia quaſi ſubſequitur liberum voluntatis divinx decretum & per modum quendam intuitionis terminatur ad res iplas, quatenus pendet ex voluntate divina quantum ad futuritionem aliquam, quæ de ſe reſpicit exiſtentiam certam, *libera, intuitiva, & determinata*, vocatur: præter has duas tertiam quandam in Deo ſcientiam excogitant *Jeſuitæ*, eamque avide arripuerunt *Remonſtrantes*, per quam ante omne decretum ſux voluntatis prædeterminatiſ actum futurum cognoscat, quid liberum arbitrium creatum facturum ſit, ſi in talibus circumſtantiis conſtituatur: oppoſitum cogniturus, ſi oppoſitum voluntas creata, ut potuiſſet, ita voluiſſet facere. Una igitur juxta hos eſt poſſibilitatis ſcientia, nempe ſimplicis intelligentiæ; ſed due ſunt futurorum, altera abſolute, quæ vulgo *viſionis*, altera ſub conditione, quæ *conditionata* dici ſolet: hæc ſcientia conditionata, cum nec naturalis ſit præciſe nec libera, ſed reſpectu objecti libera, reſpectu ſubjecti naturalis, *neutram* & *mediam* eam vocarunt, qui invenerunt: nam de genuino ejus parente, haud ſegnus ac de puero vivo coram Salomone meretrices, ipſi inter ſe certant *Jeſuitæ*, *Fonſeca*, *Molina* & alii, dum quiſque cerebello ſuo de partu tam generoſo ambitioſe ghatulatur, ac alter alteri laudem præreptum it. Verumenimverò ſi monſtrum hoc penitus inſpexeris, nihil hic niſi Antiquorum terminos reſigi, & Pelagia-

norum ac Semipelagianorum cramben repa-  
ni videbis, nam idcirco tanto molimine a-  
ſtruitur *ſcientia hæc media*, ut ei ſuperſtruat  
prædeſtinatio ex fide aut operibus præviſis, &  
Liberi Arbitrii idolum ſuper Gratiam eleve-  
tur: Nimirum cum conditionatos humane  
voluntatis motus ab æterno ſine ullo præde-  
daneo decreto præſciat Deus, quos bene uſu-  
ros libero ſuo arbitrio videt, ad vitam. alios  
ad mortem prædeſtinat, unde prædeſtinatio-  
nis habes fundamentum, non in æterno ac  
gratuito Dei propoſito quaſitum, ſed domi-  
ni in arbitrii libertate, ex parte ſaltem, natum &  
inventum. Sed enim operæ pretium fuerit  
variis argumentis monſtrum hoc confodere:  
quod, omiſſis argumentis ex ſcriptura petitis,  
ſolidis ex Philoſophia rationibus effectum da-  
bimus.

IV. §. 1. Objectum omniſcientiæ infalli-  
bilis debet eſſe neceſſarium, quia omnis infal-  
libilitas ſcientiæ fundatur in neceſſitate obje-  
cti; neque dari poteſt certitudo mentis ſive  
ſubjectiva citra omnem certitudinem entis  
ſeu objectivam; omnis ſiquidem certitudo  
ſcientiæ præſupponit certitudinem exiſtentiz,  
ſi non realem & actualem, ſaltem idealem &  
cauſalem: At objectum ſcientiæ mediæ nullo  
modo eſt neceſſarium, neque neceſſitate con-  
ſequentis, neque conſequentiæ; non conſe-  
quentis, quia nihil in re præcedit quod talem  
neceſſitatem cauſaret; non conſequentiæ, quia  
ſic Petrus poſitus in talibus circumſtantiis &  
cum talibus auxiliis gratiæ, quæ non neceſſa-  
rio aut efficaciſter inclinant ejus voluntatem  
(nam hæc eſt illis libertatis natura, ut poſſint  
omnibus ad agendum requiſitis poſſit agere  
& non agere) infallibiliter nihilominus, ne-  
ceſſario ac certo, convertetur: converſio  
enim iſta ex conditione futura objectum eſt  
illis ſcientiæ divinx ac infallibilis, niſi forte  
mediam ſuam ſcientiam in Deo eſſe infallibi-  
lem negare auſint: jam vero, hoc contradi-  
ctionem implicat, ut effectus aliquis ſequatur  
neceſſario neceſſitate conſequentiæ aut infal-  
libilitatis ex antecedente aut cauſa, quæ aliter  
& a iter ſe poteſt habere, ac deficere, & impe-  
diri per concuſſum aliarum cauſarum, niſi ta-  
lis cauſa determinetur ad talem effectum ab  
alia

alia causa superiori, quæ nec deficere potest nec impediri: Sed Deus non determinat causas defectibiles ac impedibiles ad particulares effectus nisi per decretum suæ voluntatis; ergo ante decretum ejus non est necessarium necessitate consequentia, aut infallibilitatis, ut voluntas creata, quæ ex natura sua est defectibilis & impedibilis, consentiat objecto sibi proposito, aut convertatur, si panatur in talibus circumstantiis.

V. §. 2. Propositiones de futuro contingentibus secundum se non habent determinatam veritatem, neque etiam sunt determinate falsæ; alioqui tolleretur contingentia, quia contingens, ut sic, se habet omnino indifferenter ad utrumlibet: ergo ante decretum divinæ voluntatis, prædeterminantis liberum arbitrium ad alteram partem contradictionis vel contrarietatis, non est scibile, quid in particulari faciet homo aut libere facturus esset, si constitueretur in talibus circumstantiis, sed solum quid facere posset, quia nihil est scibile, nisi sit determinate verum: itaque, si ante decretum voluntatis divinæ non est determinate verum, quod Petrus consentiet si ponatur in talibus circumstantiis, neque id à Deo per scientiam mediam scibile erit. Sed ajunt, dictum hoc, de futuris contingentibus non est determinata veritas, esse falsum, effectumque determinate futurum non excludere indifferentiam causæ, quæ operari possit & non operari, verum actionis, quæ, si secutura sit, etiam si potuisset antea omitti, aliter tum se habere non potest: At hoc non queritur, an actio sequutura sit necessaria futura, sed unde ista necessitas? an à terminorum connexionione contingentibus? an à Dei connectentis efficaci decreto? certe, propositiones hypotheticæ sortiuntur necessitatem ex infallibilitate illationis partium separatarum. At hæc consequentia aut connexionis necessitas in futuris conditionatis ante decretum Dei reperi nequit, sicut nec determinata veritas, ergo non potest hic queri certa aliqua scientia, quia illud sciri non potest, quod ex parte rei omnino non est cognoscibile.

VI. §. 3. Firmissimum argumentum deducitur ex dependentia inter causam primam

& effectus, hoc est, inter creatorem & creaturas: impossibile enim est, ut aliquis effectus vel sit vel intelligatur futurus in aliquo casu, nisi dependenter à suprema causa efficiente. Entia enim omnia creata non sunt nisi tot emanationes à prima causa, quæ dependent in esse & in operari, ut à sole radii: At posita hac scientia media, subternitur ei pro objecto libera voluntatis sub tali conditione determinationis, quæ à nulla causa superiori dependet, proficiscitur enim à voluntate creata, tanquam à principio primo determinante, in quam etiam, ut sic, effectus iste reducitur, nam resolvitur non potest in decretum Dei ut in primum determinans, quia jam futurus cognoscitur ante decretum divinæ voluntatis factum, quod tamen prima est universalissima causa efficiens, à qua non minus quam à sua causa proxima dependet effectus omnis, siue fuerit is absolutus siue conditionatus: & certe ut se habet decretum Dei absolutum in ordine ad futurum absolute, ita se habet necesse est & decretum conditionatum ad futurum conditionate; nam nulla hic est disparitatis ratio, nihil enim fit, futurum aut factum est independenter à decreto divino: Sed implicat contradictionem ex concessione etiam Adversariorum ut aliquid sit futurum absolute, nisi ex decreto Dei decernentis antea ut tale sit futurum absolute, ergo & implicat contradictionem, ut aliquid sit futurum conditionate nisi præcedat decretum Dei statuentis, ut futurum illud fiat si adimpleatur conditio: omne enim ens, siue sit futurum absolute, siue sub conditione, siue immediate proficiscitur à Deo, siue mediantibus causis aliis; intrinsece dependet ex decreto voluntatis Dei, quia ejus causalitas & providentia ad quodcumque ens in particulari se extendit: At sic scientia media, quæ omne decretum divinum statuitur antevertere, prorsus tollitur: si enim ante hujusmodi decretum res ne futura quidem sit, neque ut talis à Deo præsciri potest ante voluntatis istum actum. Adde, ex constituta tali rerum serie, hunc ordinem esse sequuturum, ut, quia facturus est homo, faciat & Deus, & quia causa secunda facit, faciat & prima, & non contra: cum tamen dicendum sit: Si Dominus voluerit, faciemus hoc aut illud.



VII. §. 4. Scientia hæc media fatum inducit, ut sic loquar, Stoicissimum, atque adeo compedes injicit divinæ libertati & providentiæ: Nam si Deus ante decretum suum prævideat, quid reapse facturus sit homo in quocunque rerum ordine, si in eo collocetur, omnia evenient necessario & fatali quadam necessitate, vel à casu, respectu Dei: nam ex prævisione futurorum evenient, & prius est quod ipsa sint futura in re, & quod sint hæc aut illa, in tali aut taliterum ordine, quam Deus illa prævideat, aut quam decernat de iis: Nam res non est eventura, quia Deus voluit aut scivit, sed scivit aut voluit quia eventura erat: itaque nihil potest disponere divina providentia & potentia, nisi præscito & prius habito voluntatis creatæ assensu, & expectata ejus ad operandum dispositione, atque adeo prævisa operatione ipsa jam futura: At si Deus, qui ut agens liberissimum vult, statuit, decernit, determinat hoc vel illud, neque ullam habet connexionem necessariam cum creaturis, omni plane libertate exiit atque potentia: neque enim misereri poterit quorum vult, neque Christum revelare quibus vult, neque aliter disponere contingentia ista, quam sese disposuerunt ante ejus decretum: si enim velit & sinat voluntatem creatam esse liberam ac indifferenterem, necesse est voluntatem suam ac concursum contemperet ei, & velit atque operetur hoc, quod ipsa voluerit, & sic ut voluerit; neque enim Deus nolle potest, quod liberum arbitrium, primum determinans, voluerit, salva ejus libertate, cui detractum nimis, si ipsum Deo subiceretur, homines isti putarent, qui voluntatem creatam ut reddant liberam eam faciunt sacrilegam, primæ & infinitæ causæ limites præscribunt archilimos, atque adeo Deum liberissimum durissima ac plane fatali necessitate constringunt, sic ut ipse non ordinare aut providere rebus, sed providentiam & ordinationem in rebus ipsis inventam ac prævisam acceptare tantum dicendus sit. Verum quia hæc Adversarios vehementer premunt, paulo etiam subtilius excutimus.

VIII. §. 5. Si detur scientia media, qua Deus antecederet ad omne decretum suæ

voluntatis cognoscat futura contingentia conditionata, ergo essentia divina in ideis suis necessario ac naturaliter repræsentabit quædam ex his quæ libere sunt futura, quia repræsentabuntur, non in divinis decretis, sed antecederet ad ipsa: At hoc absurdum est, & uno absurdo dato multa sequuntur: 1. quod creaturæ non pendeant ex libera electione voluntatis divinæ. 2. quod non possit Deus aliud facere quam facit. 3. quod tollatur omnis providentia & gubernatio libera circa creaturas: si enim creaturæ non libere sed necessario omnino repræsententur ab essentia Dei, & repræsententur ut futuræ cum omnibus suis modis, circumstantiis, accidentibus, & conditionibus, quis locus providentiæ aut liberæ gubernationi Dei? Sed dicunt, aliud esse, repræsentare, & aliud, esse: quod creaturæ sint, habent à divina voluntate, ac proinde libere dicuntur habere esse; quod vero repræsententur, id non habent à divina voluntate, sed ab immensa & infinita essentia divinæ capacitate, quæ, prout præintelligitur voluntati, præhabet in se totum illud, quod per universam durationem æternitatis habiturum est participium entis & rationem entis: sic aliquid regessisse sibi videntur Adversarii; Sed enim hoc aliquid nihil est: Quamvis enim divina essentia repræsentet antecederet ad decretum realem illam diversitatem creaturarum & omnem modum entis cum suis conditionibus & accidentibus, quod libenter fateremur, hæc tamen repræsentatio est earundem creaturarum, quatenus sunt possibiles & possibiliter futuræ, secundum omnem illum modum, quem habent in ordine ad omnipotentiam Dei. Verumenimvero præter hoc quod possibiles sint creaturæ, aut possibiliter futuræ secundum omnes illas conditiones, etiam de facto sunt eventuræ in re secundum actualem existentiam, quod cum pendeat à voluntate Dei & decreto ejus libero, in quo actualem rerum futurationem prævidet, negamus ante id in ejus essentia aut ideis repræsentari ullius rei veram futurationem, aut actualem existentiam de facto eventuram: nam si Deus decrevisset nunquam producere creaturas, in hoc casu divina essentia non repræsentaret creaturas, ut



vere futuras de facto, cum ordine & habitudine ad realem existentiam earum, sed tantum repræsentaret eas, ut possibiles secundum omnes conditiones, quas habere possent.

IX. §. 6. Denique nec nodos solvit hæc scientia media in concilianda contingentia & libertate arbitrii cum infallibilitate divinæ providentiæ & prædestinationis ac gratiæ efficaciac, sed potius implicat: nam posita tali scientia antecederet ad decretum Dei prædestinatis bonum usum arbitrii futurum ex hypothesi, sequitur eundem bonum usum liberi arbitrii reducendum esse ad aliquid naturale, à quo determinetur, videlicet, ad constellationem, vel moralem persuasionem, vel individuaalem complexionem &c. nam quod Petrus v. g. sit potius consensurus quam dissensurus objecto sibi proposito, si constitutur in talibus vel talibus circumstantiis, non refunditur ad aliquod decretum divinæ voluntatis prædeterminantis ut hoc fiat, quoniam objectum scientiæ mediæ & scientia ipsa antecedit omne decretum divinum: nec etiam reducitur in ipsum auxilium gratiæ, quod tale esse volunt, ut non præmoveat efficaciter voluntatem creatam ad alteram partem, sed eam omnino indifferentem relinquat ad opposita: in causâ autem omnino indifferenti, ut sic, in quantum non est inclinata efficaciter ad alteram partem, non potest certo & infallibiliter cognosci determinatus effectus, quæ causa quoque est cur non possit reduci in liberum arbitrium sub illo gratiæ auxilio in talibus circumstantiis constitutum, sicut enim se res habet ad esse, ita ad cognosci: nam ab eo quod res est, vel non est, hoc vel illo modo, cognitio dicitur vera vel falsa, determinata vel indeterminata; ergo implicat contradictionem, dari scientiam determinatam, certam & infallibilem de eo, quod neque in se, neque in causis habet esse determinatum, sed variabile & indifferens ad utrumlibet: nec reduci potest effectus, in objectum propositum voluntati, quia nullum objectum ita efficaciter agere potest in voluntatem, ut non maneat illa indif-

ferens & indeterminata ad utrumque oppositorum, ne scilicet pereat libertas ejus; nec in alium actum priorem voluntatis, nam supponamus, quod ille sit primus actus liber, quid tum consilii? nihil ergo restat, in quod possit prædictus consensus liberi arbitrii in talibus circumstantiis constituti reduci ultimæ, nisi in naturalem complexionem, aut proprietatem hujusmodi individui, puta Petri, aut in aliam causam naturalem: Ex quo sequitur, quod voluntas hujus hominis in talibus circumstantiis constituti esset per naturam seu naturaliter determinata ad unum, & sic revera tollitur ejus libertas; nam si naturaliter consentit, tum aliter facere non potuit, ergo non dissentire, ergo positis hisce circumstantiis non est libera. Quod dicunt, voluntatem ex se habere, quod possit se determinare ad alteram partem quæ sibi placuerit, difficultatem non aufert; nam licet voluntatis natura consistat in facultate ad utrumlibet, non tamen habet nec potest illi competere ex natura sua, quod se determinet ad consensum talis objecti potius quam ad dissensum, nam alioquin per naturam esset determinata ad unum saltem in talibus circumstantiis constituta.

X. §. 7. Cum ergo scientia media supponat pro objecto vel quod non est, vel quod nullo modo est scibile, effectum ponat non dependentem à causâ prima, libertati divinæ ac providentiæ compedes injiciat, libertatem humani arbitrii destruat, tantum abest ut eam providentiæ ac prædestinationi divinæ conciliet, & difficultates omnes hæctenus enarratæ facile evitentur, si dicamus præscientiam boni usus liberi arbitrii futuri, ex hypothesi quod illud in talibus circumstantiis collocetur, non antecedere in signo rationis, sed subsequi liberum decretum voluntatis divinæ, à quo participat creatura omnem suam libertatem, relinquitur ante decretum non esse in Deo constituendam talem scientiam mediam, sed eam esse purum putum humani, imo Jesuitici, cerebri figmentum, quod erat demonstrandum.

## Disputationum ex Philosophiâ selectarum,

## TRIGESIMA-PRIMA.

D E

## COMMUNICATIONE PROPRIORUM.

## T H E S I S I.

**I**N curriculo harum disputationum, quarta à nobis fuit instituta de *Proprio*, quod conferri posse diximus, vel cum subiecto in quo est, vel cum subiecto in quo non est: Priori respectu, quæri solet: *An proprium possit separari à subiecto in quo est?* Posteriori respectu, quæri solet: *An proprium subiecto specie diverso, in quo non est, communicari possit?* Utramque quæstionem tum solvimus. Sed posteriorem, quia temporis & chartæ angustia vetabat prolixius pertractare, eam nunc, quod tum promissimus, paulo plenius persequemur, ut sic fidem datam liberemus: & meretur sane discuti hæc quæstio accuratissime: est enim summæ utilitatis, & insignem lucem fœneratur gravioribus quibusdam controversiis.

**II.** Ut quæstio, ardua sane ac perdifficilis, de *propriis* & *communicabilitate* & *communicatione*, feliciter decidatur, utrumque hoc vocabulum, & *communicabile*, & *communicatio*, accurate debent distingui; quæ utriusque vocabuli distinctiones, & statum controversiæ clarius figent, & fontes erunt multarum solutionum. *Communicabile*, ut à priori ordiar vocabulo, dicitur dupliciter, uno modo per identitatem, alio per informationem. *Communicabile* per identitatem est, quando illud, cui aliquid communicatur, est idem cum eo quod communicatur. Sic universale est communicabile & communicatur singulari, quia essentia universalis constituit essentiam singularis, & hujus essentia est eadem reipsa cum essentia illius: & sic concedimus, propria sc. ñ universalis, esse communicabilia, & de facto communicari singularibus; nam simul cum essentia ñ universalis propria ejus appropriantur singulari, sunt-

que in eo subiective. Communicabile per informationem est, quando forma communicari potest & communicatur materiæ. Hic jam quæritur, *an forma, nempe accidentalis, ac propria, subiecti unius, possit communicari ac communicetur, unquam, subiecto alteri specie diverso?* Circa hanc quæstionem plerique facile largiuntur, id fieri non posse, si subiecta sint supposititaliter (ut loqui amant Scholastici) diversa; sic enim accidens migraret de uno subiecto in aliud, quod contra naturam est accidentis; nam migratio, vel in tempore fieret, vel in instanti: utrumvis dicas, accidentis naturam tollis: sed vero, si de duobus subiectis fiat unum per unionem realem, quæritur, an tum proprium unius subiecti possit communicari subiecto specie quidem diverso, sed jam artissime juncto, ac de facto communicetur vi unionis. Multi affirmant; nam tum nullus videtur esse metus, ne accidens migret de uno subiecto in aliud, quia illa duo ante subiecta nunc sunt factum unum subiectum per unionem. Ita quidem tenent Scheiblerus, Meisnerus, Jacobus Martini, Schroderus, & omnes ubiquitatis naturæ Christi humanæ Patroni. Contraria tamen sententia verissima est, quæ ne ista quidem ratione communicari, ac nulla ratione posse communicari propria unius subiecti, alteri subiecti specie diverso, etiam unito tenet: quia, ut essentia unius subiecti uniti, non communicatur nec communicari potest subiecto alteri unito, ita nec proprium, quod essentiam immediate sequitur: & quod communicatur, etiam in tali casu, non est proprium: quia proprium esse & communicari tali modo sunt opposita: quæ duo argumenta, quia latius deduximus *th. 6. disp. 4.* inter hæc selectas,

selectas, non persequemur fusius; sed vero Adversariorum sententiam destruemus potius: ea nititur falso fundamento; quasi illa, quæ vel essentialiter vel accidentaliter sunt unita, ea de causa vi unionis unum faciant vel fiant subjectum commune accidentium propriorum utriusque extremi quod unitur: nam non est mensurandum subjectum ex supposititalitate, nec unitas subjecti respectu accidentium & propriorum æstimanda est ex unitate suppositi, quasi subjectum statim unum sit ac fiat accidentium & propriorum quod unum est ac sit suppositum: in exemplo res erit clarior. Ex igne & ferro sit unum, quatenus unita sunt, & unum quidem compositum ac suppositum, ferrum sc. ignitum, at subjecta manent duo: unum ignis, alterum ferrum: & neutrum alteri sua propria communicat, non magis quam essentiam: ignis quidem in ferro producit calorem, quæ effectio est non communicatio, at calorem sibi proprium retinet, neque magis unum fiant subjectum per unionem, quam ignis & manus, quæ non uniuntur, quando ignis manum calefacit: utrinque subjecta sunt duo: hic ignis & manus non unita; ignis & ferrum unita. Ex anima & corpore sit unum, & compositum & suppositum per unionem; at subjecta manent duo: neque corpus vi unionis sua propria, palpabilitatem, visibilitatem, &c. animæ, neque anima sua propria, potentiam intelligendi, sentiendi, movendi, corpori ideo communicat: itaque sive suppositis sint distincta subjecta, sive unum suppositum sint facta per unionem, semper migrabit accidens de subjecto in subjectum, si accidens unius subjecti communicetur alteri subjecto specie diverso: unio enim specificum hoc discrimen non tollit. Et profecto, si proprium unius subjecti, sive uniti sive non uniti, possit communicari subjecto alteri, specie, & quia specie, etiam numero, diverso, poterit una numero forma duas numero materias informare, quæ est mera contradictio; sic enim duo unum forent: proprium enim, accidens est & forma accidentaliter respectu sui subjecti. Ergo non potest proprium, quod formæ accidentaliter vicem tenet in subjecto, in distinctis numero aut specie esse subjectis. Reponunt Ad-

versarii, est in uno per se, in alio participative, sed sumus tantum est ac fucus ad occultandam veritatem inventus, ista distinctio. Nam non potest unum numero accidens esse in diversis subjectis, in uno per se, in altero participative, nisi per se sit unum & participative non unum: aut si subjectum sit unum, vel est in eo per se tantum, vel participative tantum. Sic argumentatur: ubi est idem subjectum simpliciter, ibi idem est modus inessendi subjecto, & consequenter idem modus prædicandi. At vero hic diversus est modus prædicandi, quando dico, ignis urit, & ferrum ignitum urit. Ergo: Cum dico, ignis urit, est prædicatio per se; ferrum ignitum urit, est prædicatio per accidens seu per aliud: ferrum enim ignitum urit, quia in ferro est calor productus; aut cum ferro est ignis, qui urit: itaque concretum hoc, ferrum ignitum, involvit duo subjecta, ignem & ferrum, ut urere igni per se conveniat, ferro vel per accidens, ratione caloris, non communicati, sed in se producti, vel per aliud, per ignem scilicet sibi unitum: Nam utrum dicendum sit, vix liquet: utrumvis tamen dicatur, nihil dicitur, pro eodem numero caloris, qui in hæcive est in igne, transmigratione aut communicatione aut transitu in ferrum. Si quæras, an ferrum urat, an ignis? quæro item, an corpus hominis edat, incedat, scribat, &c. an anima? Actiones sunt suppositorum, sed ferrum urit, vel per calorem, quem numero diversum in eo produxit ignis, vel per ignem poris venisque suis acceptum arctissimeque sibi unitum, quemadmodum spongia humectat per aquam in meatibus suis receptam: utrolibet modo loquaris, nihil dicitur pro communicabilitate proprium.

III. Nunc altera vox *Communicatio* excutienda est & distinguenda. *Communicatio* non uno modo sumitur, uti id accurate explicat *Suarez disp. Met. 34. sect. 5. 11. 45. & seq.* cujus vitula nos arabimus. Est communicatio quædam extrinseca, est quædam intrinseca. Extrinseca, vel intentionalis, vel realis. Intentionalis, per modum finis, quo sensu omne bonum dicitur esse sui communicativum, sui desiderium & amorem excitando,

appetitumque eliciendo. Realis per modum causæ efficientis, quomodo causæ efficiens dicitur se communicare effectui. Communicatio intrinseca est, vel realis, vel secundum rationem seu communitatem rationis: hoc modo posteriori superiora prædicata dicuntur communicari inferioribus, genera speciebus, species individuis: est autem illa communitas inferiorum in superiori communitas rationis. Scholastici dicunt, hoc modo esse aliquid communicabile, at *Quod*, quia superius se totum communicat suis inferioribus, ut conceptus essentialis in quid dicatur de suis inferioribus, & quæcunque eum conceptum consequuntur. Unde communis est regula, Quicquid est in genere, id omne in singulis speciebus. Communicatio realis est, vel per modum identitatis, vel per modum unionis tantum. Communicatio per modum identitatis est in Deo, ubi una numero essentia communicatur tribus personis realiter inter se distinctis. Communicatio ratione unionis, fit, vel supernaturaliter, quomodo λόγος ita se communicavit naturæ humanæ, ut hæc subsistat in λόγῳ. vel naturaliter, qualis est communicatio unius rei respectu alterius rei per formalem unionem aut conjunctionem aliquam, ut forma communicatur materiæ, & materia formæ, pars toti, & sic de aliis: hoc sensu apud Scholasticos dicitur aliquid esse communicabile, ut *Quo*. Nunc hæc ad rem præsentem applicemus, statumque controversiæ recte enucleemus.

IV. Non quaeritur, *An propria generum possint communicari speciebus?* vel *An propria specierum possint communicari individuis?* vel in genere, *An propria superiorum possint communicari inferioribus?* Quam communicationem Aristoteles μίξις vocat, quando in *Topicis*, l. 4. cap. 1. tex. 8. inquit, *Species μίττειται suorum generum*. De hoc genere communicationis quaestio non est. Quando enim proprium dicitur omni, soli, & semper, convenire subiecto, non excluduntur per voculam (*soli*) subordinata seu inferiora: sic propria generis ita conveniunt soli generi, ut conveniant nihilominus speciebus & individuis sub hoc genere contentis. Quia enim ge-

nus totam suam essentiam communicat suis inferioribus, fieri nequit, quin simul cum essentia generis communicentur propria, quæ generis essentiam immediate consequuntur & ab ea separari nequeunt: is vero modus communicationis sequitur identitatem essentiae & naturæ; quia enim genus non est aliud à speciebus, & species non est aliud à suis individuis, etiam communicatio hæc propriorum generis ad speciem; aut speciei ad individua, non est ut ad rem aliam à se diversam sed ut eandem secundum naturam.

V. Non quaeritur quoque, *de communicatione extrinseca*, secundum quam aliud agit in aliud, producendo aliquid, quod sit ejusdem speciei; quemadmodum calor ignis habet naturam quandam communicativam sui, sed communicatione extrinseca secundum quam multiplicat se, & sui similem, specie non numero, eundem efficit calorem: ut, si focus instructus communicet suum calorem conclavi & omnibus in eo existentibus. Verum hæc non est communicatio ejusdem proprii, sed productio similis secundum speciem.

VI. Nec quaeritur, *An formæ effectum quandam formalem causent, vel in materia vel in composito?* aut, *An ab ea forma nascantur facultates & operationes, tanquam à sua causa efficiente?* Nam dans formam, dat etiam ea, quæ formam consequuntur: sequuntur vero formam, esse, distingui, operari: non ergo ad hanc facit quaestionem, quando forma vel actus formalis dicitur largiri esse specificum composito, & materiæ, ut sit hoc aliquid per formam: nam & hic, actus ille formalis non est subjective in forma, ut ita transeat de forma in materiam, vel in compositum, quæ esset proprie dicta communicatio; sed est influxus causalis, per quam forma esse confert & largitur ei, ad quod per naturam & à natura est ordinata, ita ut ille actus formalis sit à forma & per formam; non vero existens formaliter & subjective in forma: itaque nec hic est communicatio propriorum.

VII. Nec quaeritur, *An partes, concurrentes ad constitutionem totius, conferant toti, quicquid habent, vel essentia, vel virtutem, vel operationem?*

*simum* ? Neque enim hic communicatio est proprietatis de subiecto ad subiectum specie diversum : nam partes constituentes totum non sunt subiectum specie diversum à toto.

VIII. Sed quæstio est, *An proprium unius partis aut speciei, alteri parti vel speciei, communicetur ? etiam quando uniuntur ?* Nos negamus : & ex ipsa vocum vi probamus : aliud est uniri : aliud communicari. Uniri est, in unitatem totius compositi copulari : Communicari est, quando unum sibi sumit, quod est alterius. Anima unitur corpori, sed non communicatur. Partes uniuntur inter se, sed non communicantur sibi invicem, multo minus proprium unius partis communicatur alteri parti. Ita-

que nec vita animæ communicatur corpori, sed vero anima ex se in corpore producit aliam numero vitam, quæ est hominis totius vita. Atque ex hisce liquet perperam vulgo vocem Græcam *συμβάσις* aut *συμβασις* veriti Communicationem, cum tantum significet copulationem, qua duæ partes ad unius compositi constitutionem copulantur : neque unquam licet à *συμβασις* five *συμβασις* argumentari ad *κοινωνίαν*, neque valet : Hæ partes & propria partibus aliis earumque propriis sunt copulata, Ergo communicata. Quare illa Communicatio proprii unius subiecti ad subiectum specie diversum merum est figmentum, ad erroris in rebus gravissimis defensionem excogitatum.

## Disputationum ex Philosophiâ selectarum,

### TRIGESIMA-SECUNDA.

#### DE

## ABSTRACTIONE.

#### THESIS I.

**V**ulgatum est verbum, & illud verissimum, *solus est Philosophus, qui bene abstrahit.* Et in Philosophia moderna frequentissimus est sermo de *Abstractionibus*. Dicitur *Abstrahit triplex* constituitur triplicem Theoreticæ Philosophiæ partem : an bene, an male, nunc non disputo. *Abstrahit objecti à materia singulari per rationem facta*, Physicæ est propria : *objecti abstrahit à materia communi per rationem facta*, competit Mathesi : *abstrahit vero objecti à materia tum singulari tum communi, partim secundam rem, partim secundum rationem*, convenit Metaphysicæ : sic vulgo philosophamur. Dicitur genus abstrahi à speciebus, species ab individuis, universale à singularibus, subiectum ab accidentibus, relatio à relato, natura à re naturali, supposititalitas à supposito, abstrahit à concreto, &c. Ea via & ratione abstrahendi insuper habita, gravissimè existunt errores. Quare utilissimum fuerit *Abstractionis* naturam semel ob oculos po-

nere, quod hac disputatione conabimur.

II. *Abstrahit* Græcè *ἀφαιρέσις*, idem significat, quod *separatio* : estque rei vel rationis, vulgo, *realis* vel *mentalis* : per illam res à re separatur atque abstrahitur, piscis ab aqua, albor à pariete : per hanc ea quæ in re conjuncta sunt, non reapse, sed mente, sed ratione, separantur & à se invicem abstrahuntur : & sic dividuntur : quod fit iterum dupliciter : vel, ut mens five ratio unum ex iis, quæ conjuncta sunt, apprehendat, cæteris non apprehensis : vel, ut mens duo aut plura simul conjuncta simul apprehendat, sed apprehendendo, alterum de altero removeat, tollat, neget : *prior abstrahit* vocatur *simplex* seu *precisionis*, fitque apprehensione mentis simplici ; *posterior* dicitur *composita* seu *negationis*, fitque complexa mentis apprehensione, aut divisione. Ex. gr. si quis hominem concipiat, qui quidem pater sit, non concepta relatione ad filium, dicitur illa abstrahit *simplex* : at si quis hominem



conciat non esse patrem, qui tamen sit pater, est abstractio *composita*: nam prior ille hominem solummodo concipit, & nihil amplius, at hic alter, & hominis conceptum format, & paternitatis, & hæc duo dividit, iudicans, hominem non esse patrem, seu paternitatem homini non convenire. Composita abstractio falsa est, cum dividit ea, quæ conjuncta sunt: at simplex abstractio omni caret falsitate. Atque de hac abstractione simplici intelligendum est illud vulgatum, *Abstrahentium non est mendacium*: Quod axioma petitur ex *est Arist. l. 2. Phys. §. 18. οὐδὲ γινώσκουσιν ὅτι οὐκ ἔστιν, id est, non committitur falsum ab iis qui abstrahunt. Sed de abstractione simplici, quæ omnino maxime nomen abstractionis meretur, non nihil fufius nobis est philosophandum.*

III. In abstractione simplici duo necessaria sunt. 1. Ut quæ abstrahuntur conjuncta sint. 2. Ut inter se aliquo modo sint distincta: conjuncta esse debent, quia quæ conjuncta non sunt nullo modo possunt abstrahi, sed re ipsa jam sunt abstracta: nemo enim abstrahit nivem à nigrore, aut nigrorem à nive: quippe quæ inter se sunt separata; distincta debent esse, si non re, ratione saltem ratiocinata: quæ nullo modo distincta sunt, nullo modo abstrahi possunt: idem enim qua idem non potest abstrahi à seipso.

IV. Conjunctionum in re per mentis abstractionem simplicem divisio spectatur vel inter subordinata, sive inter superiora & inferiora, vel inter coordinata, sive inter subiecta & adjuncta, ac quæcumque simili modo sese habent: atque hinc oritur duplex abstractio: nempe vel superiorum ab inferioribus, vel adjunctorum similiumve rerum à subiectis: vulgo dicitur, *abstractio est ab inferioribus vel à connotatione subiecti.*

V. Abstractio superiorum ab inferioribus non solum locum habet in substantiis, sed & in accidentibus: Nam sicuti humanitatem considerare possumus, quæ quidem est in Socrate, Platone, aliisque individuis humani generis, non considerata tamen individuali differentia, qua Socrates à Platone & quodlibet individuum à quolibet individuo ejusdem

speciei distinguitur: ita etiam concipere possumus colorem aut albiorem in genere, non consideratis individuis coloribus aut alboribus, qui sunt in hoc aut illo individuo subiecto: sic albiorem & colorem consideramus, cum dicimus colorem esse genus, albiorem esse speciem. In hac sententiam nobis præstat *Arist. lib. 3. de Anim. §. 9. cum ait. Ἄλλο ἐστὶν λευκὸν & τὸ λευκὸν εἶναι, & ὁμοῦ & τὸ ὁμοῦ εἶναι. ὅτι & ὁ ὁμοῦ ὁμοῦ ποικίλον, id est, Aliud est magnitudo & magnitudinis essentia, item aqua & aque essentia: atque ita in aliis multis. Ubi videt unusquisque, illum non in aqua solum, quæ est substantia, sed & in magnitudine, quæ accidens est, naturam designare, ab inferioribus abstractam, cum ait τὸ λευκὸν εἶναι & τὸ ὁμοῦ εἶναι, istoc enim loquendi modo communem rerum naturam ab inferioribus abstractam designare consuevit. Sic dixit l. 2. de Anim. §. 37. τὸ ζῆν τοῖς ζῴων τῶν, id est, Vivere est viventium essentia, in qua scilicet omnia viventia conveniunt, quatenus vivunt.*

VI. Abstractio ab inferioribus fit per præcisionem vel differentiam individualis vel differentie specificæ: abstractio superiorum ab inferioribus habet locum in individuis, quando v. c. abstractis seu præcisiss, i. e. non conceptis differentiis individuantibus, quibus natura humana restringitur ad Socratem, ea concipitur sine Socrate: ubi tamen nota, non abstrahi individuum, sed speciem infimam ab individuo: nam impossibile est concipi individuum quia tale, non concepta differentia individuali: & ista natura, quæ in Socrate est individua, potest abstrahi ab illis differentiis quibus ad eum restringitur & individuat: abstractio superiorum ab inferioribus habet item locum in generibus & speciebus subalternis, imo & in generibus summis, quæ omnia à suis differentiis ac divisivis abstrahi possunt, in quantum concipi possunt iis non conceptis: dico notanter, *divisivis*: quia ut aliqua species concipiat, non concepta differentia specifica constitutiva, impossibile est: at genus concipi, non concepta differentia specifica constitutiva, possibile est. Ex. gr. potest animal concipi non concepta rationalitate, differentia animalis,



malis divisiva: at ut homo concipiatur, non concepta rationalitate, differentia hominis constitutiva, fieri non potest.

VII. *Abstractio à subjecto seu connotatione subjecti*, convenit & formis rerum, & adjunctis, cujuscunque ordinis ac conditionis, sive sint positiva sive negativa, vel privativa, interna sive externa, absoluta sive relata: & licet forma sit de essentia rei formatæ, id est, totius compositi, ideoque ab illa non possit abstrahi, materiæ tamen communis adjunctum est. eique competit eodem fere modo, quo cætera adjuncta subjecto: Loquimur vero hic de forma materiali: immaterialis enim illa forma, hominis anima rationalis, non tantum à materia omni & communi abstrahitur abstractione mentis simplici seu præcisionis, de qua hic agimus, sed & complexa seu negationis, atque insuper abstractione reali: extra omnem enim materiam separata & abstracta reipsa existit, post mortem superstes: sed formæ materiales, quæ extra materiam omnem existere nequeunt, ac ne quidem abstrahi à materia communi abstractione complexa seu negationis, possunt tamen à materia abstrahi abstractione simplici ac præcisionis, non minus quam accidentia à substantiis reliquaque adjuncta à subjectis: possumus enim animam vegetantem considerare, non considerato hoc aut illo corpore, sicuti & circulum, non considerato ære aut ligno, aut quacunquæ alia materia, quemadmodum consideramus alborem non considerato nive aut cerussa, aut vestem non considerato corpore vestito, aut paternitatem vel causalitatem non considerato homine qui est pater vel causa: hoc sensu, Aristot. alibi dixit, *accidentia definiri & à quælibet, ex abstractione, in abstracto dicunt vulgo, & in idem sua*.

VIII. *In adjunctorum abstractione à subjecto*, discerni debet inter adjuncta propria & communia. Propria adjuncta hic appello, quæ soli alicui subjecto conveniunt: ut etiam omni & semper conveniant: hoc in loco non est necessarium. Quemadmodum vero formæ materiales aliter sese habent ad materiam, aliter ad rem formatam: ita aliter sese habent, in hoc negotio abstractionis, adjuncta communia, aliter propria: sicuti formæ non possunt abs-

trahi à rebus formatis (ea enim abstractio contradictionem implicaret:) ita quoque non possunt adjuncta propria abstrahi à suo subjecto proprio, sed tantum ab iis quæ sub subjecto proprio continentur: simitas v. g. naso competit & soli naso, ideoque non potest concipi non concepto naso. Quare, sive similitatem dicas, sive simum, sive nasum simum, res eodem redit: ut vero sese habet nasus ad similitatem, ita omne subjectum ad suas proprietates: nulla ergo proprietas concipi potest, subjecto suo non concepto. Et certe, cum subjectum contineatur in definitione proprietatis (nam proprium dicitur de subjecto in secundo modo dicendi per se, *1<sup>a</sup> 2<sup>a</sup> Arist. l. 1. 1. Post. Anal. cap. 4. §. 3. 1.*) si proprium abstraheretur à suo subjecto, abstraheretur à sua definitione, atque adeo à seipso, & à sua essentia: at definitum à sua definitione, à seipso, à sua essentia, homo ab animali & rationali, abstrahi non potest. Quorsum ergo, dicat aliquis, *Proprietatibus sunt tributæ voces abstractæ, quoniam possunt abstrahi à suo subjecto ullo modo?* Resp. Voces istæ abstractæ significant proprietates, non quidem sine subjecto, sed sine subjecto particulari aut singulari, nam cum similitatem dicimus, voce abstracta curvitatem significamus, non quamcunque, sed eam solam, quæ est nasi, nec eam tamen quæ est in naso Socratis aut Platonis, sed quæ est in naso quocunque. At adjuncta communia, sicuti ad nullum certum subjectum determinata sunt, ratione cujus debeant definiri, ita quoque abstrahi possunt à subjecto quocunque. Interim, sicuti adjuncta, quatenus adjuncta sunt, subjectis suis differunt à se invicem, idque, vel specie, si sint propria; vel numero, si sint communia: ita quoque abstrahuntur ab inferioribus atque à singularibus, quia & quatenus abstrahuntur à subjectis: ita ut, cum de adjunctis sermo est, abstractio à subjecto & ab inferioribus non magis differat, quam esse & inesse in accidentibus. Et proprietates quidem universales abstrahuntur à singularibus, atque omnino ab inferioribus quando universale subjectum ab inferioribus abstrahitur. Sic simitas abstrahitur ab inferioribus, quando concipitur in naso generatim sumto, non in naso hoc aut illo singulari:

at adjuncta communia abstrahuntur à singularibus, quando concipiuntur, non tantum non concepto hoc aut illo subiecto singulari, sed etiam non concepto hoc aut illo subiecto in specie: ut si quis concipiat alborem aut sphaeram, non tantum non concepto hoc singulari alboris aut sphaerae subiecto, sed nec considerato ligno, auro, argento, aut ullo alio determinatae naturae subiecto, in quo albor aut sphaera inesse solet. Ex quibus apparet, adjuncta communia esse magis abstracta, quam propria: quoniam illa abstrahuntur ab omni subiecto determinati generis: haec non item: includunt enim subiectum determinati generis, sed non hoc aut illud in individuo.

IX. Notandum hic est porro, *abstractionem à subiecto esse reciprocam*, ut sicuti adjunctum à subiecto, ita subiectum ab adjuncto possit abstrahi: at superiora ab inferioribus, sed non item inferiora à superioribus, abstrahi possunt; quia superiora dicuntur de inferioribus primo modo dicendi per se, teste Aristoteli. l. 1. post. Anal. c. 4. §. 31. Potest quidem concipi natura animalis non conceptis speciebus, homine videlicet & bruto: at homo aut bestia concipi non potest, non concepto animali, quia homo & bestia, est animal utrumque: contra, sicuti adjunctum potest concipi, non concepto subiecto, vel singulari, vel determinati generis: ita quoque subiectum potest concipi, seu singulare, seu determinati generis,

non concepto adjuncto: nec refert sitne adjunctum commune an proprium: nam sicuti potest concipi corpus non concepto nigrore, aut nix non concepto albore; ita Petrus aut homo potest concipi, non concepta ridendi facultate, aut non concepta fimitate.

X. *Discrimen* tamen adhuc est aliquod inter subiectum propriorum & communium adjunctorum. Subiectum adjuncti proprii, sive singulare sive determinati generis, licet absque contradictione concipi possit non concepta proprietate, non potest tamen concipi ea negata: at subiectum adjuncti communis, sive singulare sive determinati generis, sine contradictione concipi potest, non solum adjuncto non concepto, sed & negato: atque in eo adhuc differt subiectum proprii adjuncti à subiecto differentiae specifica institutiva, ut est species omnis, atque adeo ipsa proprietates à differentia specifica constitutiva: nam species, puta homo, non potest concipi, ne quidem non concepta rationalitate, at potest concipi non concepta risibilitate; & potest concipi non tantum non concepta, sed & negata eruditione. Haec, quae de Abstractione nunc sumus philosophati, inserviunt admodum illustrandae disputat. trigesi. & quartae, de proprio, in harum selectis. Terie: & in universum scenerantur insignem lucem quaestionibus per universam Philosophiam difficillimis.

## Disputationum ex Philosophiâ selectarum,

### TRICESIMA-TERTIA.

D E

## B O N O.

### T H E S I S I.

Teneantur homines omnes, ex naturali instinctu, *Boni* desiderio: pauci tamen cognoscunt rationem *Boni*, in quod feruntur. Operæ fecerimus pretium, si, quid sit *Bonum*, quod ita ab omnibus expeti solet, in aperto ponamus: at vero hoc ipsum praestare, difficultatis plenum est opus, propter varian-

tium Philosophorum judicia: jaciamus tamen aleam, & rationis filum, quo nos ducit, sequamur. Explicabimus igitur post vocem, *Boni quidditatem*, in quo illa consistat, proprietates, & varias ejus distinctiones.

II. Quod nos hodie *Bonum* dicimus, veteres olim *Duonum* dixerunt. Festus. *Duo-*

*bonum*, Bonum: &c è veteri poetâ citat; simul duorum eorum portat ad naves. Unde autem Duorum fuerit dictum, quod bonum nunc vocamus, optime explicat *Camerarius* in suis Problematicis, cum dicit *Duorum dici à duobus*. Acute sane: quia bonum duo dicit: & ipsam entitatem rei, quæ denominatur bona, & aliquid, quod bonitas connotat, ad quod prædicta entitas relata hanc ipsam demoninationem boni fortitur, quæ relatio est propensio, inclinatio, capacitas, convenientia, aut similis connexio cum tali entitate. Sed hoc exilis, quæ statim sumus differaturi, clarius patebit. Bonum græce καλόν & ἀγαθόν. Καλόν δὲ τὸ καλόν, quia animos vocat & trahit, ut si appetendum: & ἀγαθόν quasi ἀξίον ἀγαθὸν τὸ δέον, dignum valde ad quod curramus. Hæc de voce.

III. *Quidditas boni*, seu *ratio formalis boni*, in qua consistit, est *bonitas*: quæ *quid sit*, & *quid enti adjiciat*, (agimus enim de bono & bonitate transcendentali): tam multiplici sententiarum varietate est disputatum, ut vix invenias exitum. Nos primum, quid non sit, mor, quid sit, exponemus. §. 1. *Bonitas Transcendentalis non est ipsum ens quod bonum dicitur, nec novum ens ab ente bono distinctum*. Non prius, quia sic non esset affectio entis: essent enim bonitas & ens bonum, voces synonymæ Grammaticis dictæ: & abstractum diceretur de concreto: & foret prædicatio identica: quæ omnia falsa sunt. Non posterius, quia, si illa bonitas foret novum ens, iterum esset bona, quia omne ens bonum est, & hæc secunda bonitas iterum foret bona, quia ens, & sic daretur progressus in infinitum. §. 2. *Bonitas tamen transcendentalis includit ens*, quia ejus est affectio, eique aliquid adjicit, non quidem ens novum, ut dictum est, multo minus *qualitatem*, quæ accidens est & species veritatis; sic enim in bono, consequenter in Deo, foret compositio ex duobus entibus: addit tamen aliquid, non vero nihil, quia nihil non est affectio entis; præterea nihil non distinguit ens: bonitas distinguit ens. §. 3. *Illud aliquid, quod bonitas adjicit enti, non est privatio*, quia bonitas non dicit, quid ens non sit, sed potius quid ens sit: non est denominatio ex-

terna, quia non dicit, quomodo aliquid extra ens bonum se habeat ad ens bonum, sed potius, quomodo ens bonum se habeat ad se aut ad aliud, ut statim dicemus; non est relatio rationis, aut ullum ens rationis, quia bonitas est in rebus, & ens est bonum citra ullam fictionem vel operationem mentis nostræ; non est modus, quia non est attributum entis absolutum, sed respectivum, ut *th. 1.* indicatum & pluribus statim indicabitur: sed est relatio realis, quæ non dicit ens reale, sed aliquod non-ens, respectum scilicet, reperiri in ente reali, citra intellectus operationem. §. 4. *Hic respectus*, quem bonitas adjicit enti, non consistit in entis boni ordine ac relatione ad voluntatem seu appetitum, quæ *Schreibleri l. 1. Met. c. 10.* & multoties, ac fere communis est opinio; quæ ideo rationem formalem boni, ipsam putata bonitatem, constituit in appetibilitate, a legata hic *Arist. ex l. 1. Eth. c. 1.* authoritatē, ubi inquit, Bonum est, quod omnia appetunt. Sed hæc opinio & autoritas facile refutatur. Quocunque enim in re aliqua, quæ talis est, datur aliquid prius, illud non potest esse illius rei ratio formalis. Atqui appetibilitas non est bonum, quæ tali, datur aliquid prius. Ergo &c. Et, effectus non potest esse de ratione formali causæ suæ. Atqui appetibilitas est effectus boni, Ergo &c. Minor utrinque probatur, quia non ideo quod quid appetibile est, bonum est, sed, quia bonum est, appetibile est: nempe omne bonum appetibile est, quia conveniens est ei qui appetit. Quod attinet autoritatem *Aristotelis*, notum est, eum loco cit. non à priori Boni essentiam per definitionem explicare, sed à posteriori per proprietatem aut effectum qualicunque modo declarare. §. 5. *Respectus, quem bonitas adjicit enti, atque ipsa formalis ratio boni, consistit in convenientia*: & , Ens est bonum quatenus est conveniens. Sed quam & ad quid convenientiam notet bonitas, non tam facile est explicatu. Nos in re obscura respiciuitati, quantum poterimus, studebimus.

IV. *Bonitatem esse sitam in convenientia*, communis loquendi modus demonstrat: dicimus enim, hoc aut illud esse alicui bonum.

quia

quia ei conveniens est: eruditionem bonam homini, aquam bonam piscibus, quia illa homini, hæc piscibus est conveniens: præterea id sic demonstratur. Quicquid est ratio & causa appetibilitatis potentialis & actualis appetitionis, est ratio formalis boni. Atqui convenientia alicuius rei est ratio & causa &c. Ergo &c. Major nota est; ideo enim aliquid est appetibile & appetitur quia bonum est. Minor quoque certa est; nihil enim appetibile est vel appetitur, nisi quod & quia nobis est conveniens, vel alii, quibus appetitur. *Sed que aut qualis est convenientia, in qua ratio formalis boni consistit? Præceptor noster Gl. D. Burgerfidius l. 1. c. 20.* Bonitatem consistere ait, in convenientia entis cum alio. Sed quomodo Deus tum dici potuit bonus ante creationem, quandoquidem nihil fuit cum quo conveniret? *Ego malim sic dicere.* Convenientiam entis considerari, vel respectu sui, vel respectu alterius: quam distinctionem prolixè inculcat *Metaph. dist. 10. sect. 3. Suarez.* Illo modo bonum dicitur, quod est conveniens sibi ipsi; hoc modo bonum dicitur, quod est conveniens alteri. Utrouque in modo convenientiæ formalis ratio boni consistit. Et sic Deus ante creationem bonus, & post creationem bonus, & creaturæ omnes bonæ dici possunt. Hæc mea de bono sententia, eadem est *Guinandi Rutgersii in Institutionibus Metaph. l. 1. c. 17.* cuius verba, quia explicationem continent suæ ac meæ sententiæ; non pigebit hic adscribere. *Hæc, inquit, convenientia, quam bonum connotat, consideratur quandoque in ente, respectu sui ipsius, quatenus videlicet per quandam reflexionem ejusdem ad se ipsum, concipimus entitatem rei, ut sibi ipsi convenientem & amabilem, juxta illud vulgatum ex Arist. 8. Eth. c. 5.* Amabile bonum, unicuique autem proprium. *Ergo etiam conveniens est & amabile, & quidem maxime quod maxime alicui est proprium, quale certe est ipsa entitas, qua unumquodque intime ac essentialiter constat: aliquando autem solet prædicta convenientia considerari respectu alicuius alterius, quod vere & a parte rei distinctum est ab eo quod bonum denominatur: utriusque exemplum potest esse in calore, qui denomi-*

*natur bonus, 1. Quidem, quatenus ipsa entitas caloris sibi ipsi est valde conveniens & amabilia, ut qui expetit conversationem sui esse, quatenus illud tuetur ac defendit, si necesse est. 2. Denominatur calor bonus, quatenus est conveniens valdeque proportionatus igni. Et quidem juxta utrumque hunc modum convenientiæ denominatur ens bonum transcendentaliter, hoc est, tali bonitate, qua sit passio entis. Hæc Rutgersius, cui ad stipulamur.*

V. *Proprietates boni sunt; 1. Appetibilitas & amabilitas, quia omne bonum propter convenientiam suam est amabile & appetibile: & non tantum sui amorem excitat in aliis, ut appetatur, sed etiam seipsum amat, seipsum appetit, sibi in suo esse complacet: unde oritur. 2. Conservatio sui, quia enim bonum se amat, studet etiam sese conservare. 3. Communicabilitas, quippe bonum est sui communicativum. 4. Defensio sui & odium adversus corruptionem sui; bonum enim se tuetur contra vim externam. 5. Propensio in similia: bonum enim amat sui simile: Ex hisce proprietatibus boni maxime considerabilis est appetibilitas, quæ habet se ad bonum, ut visibilitas ad colorem. Appetibili respondet appetitus proportionatus: appetibili præsentis appetitus complacentiæ: appetibili absentis appetitus desiderii, de quibus fuse Rutgersius locut. Hinc fluxit ista boni descriptio: Bonum est quod omnia appetunt; Eth. 1. c. 1. Est vero quadruplex appetitus, à quo bonum appeti potest. Est 1. naturalis, rebus inanimatis proprius: licet hunc in illis observare, quando similibus delectantur, quando se conservare nituntur, quando pro universi salute laborant. 2. Datur appetitus imitatus in corporibus animatis non sentientibus, qui animæ vegetantis est appetitus: hujus operationes in plantis conspicuæ sunt. Cur brassica rutam adeo adversatur, ut juxta eam feri nolit? ex appetitu hoc est; quia enim sui desiderio tenetur, rutam ut sibi malam fugit. 3. Datur appetitus animalis, qualis est brutorum, qui cum imaginatione conjunctus est, & tanto boni desiderio tenetur, ut ne in summo quidem otiosus videatur. Hinc frigus si sentiant inter dormiendum animalia, tegumentum quaerunt ac loca*

itas  
illa,  
ate-  
De-  
iens  
exte  
ina-  
tali  
fuit,  
itas  
on-  
ile:  
ut  
um  
nde  
um  
om-  
nu-  
er-  
tur  
is:  
ro-  
est  
ifi-  
pt-  
ap-  
pe-  
lon  
um  
ro  
eti  
ro-  
do  
are  
nt.  
ni-  
tis  
n-  
er-  
oc  
m  
ni-  
ro-  
le-  
us  
r-  
ac  
ca

lo  
no  
re  
ru  
tic  
bo  
bo

1.  
ric  
fei  
ni  
qu  
qu  
bo  
cre  
ell  
fer  
se  
tu  
pa  
ni

lo  
ho  
ab  
di  
fic  
pu  
est  
tu  
ho  
ur

illu  
exi



loca calidiora. 4. Est *rationalis* appetitus, qui non tantum ad bona singularia, ut tres priores, sed & ad universalia sese extendit, sectaturque etiam ea, quæ à sensibus sunt remota: sic eruditionem appetit homo & summum bonum. *Respectu quadruplicis huius appetitus bonum dicitur appetibile.*

VI. *Divisiones boni admodum sunt variae.*

1. Bonum est aliud per *essentiam*, aliud per *participationem*: illud est, quod à seipso & per seipsum est bonum, diciturque bonum *infinatum*, *independens*, *increatum*, quale est *Deus*, qui à nullo suam bonitatem accepit: hoc est, quod à Deo bonitatem accepit, diciturque bonum *finitum*, *dependens*, *creatum*, quale est *creatura*: hæc licet non sit per *essentiam* bona, est tamen secundum *essentiam* bona, id est, *essentia* est principium bonitatis; bonitas enim sequitur *essentiam*: verum, ut *essentia* creaturæ, secundum quam est bona, à Deo est participata, ita & participata est ejusdem bonitas.

VII. 2. Bonum est vel *Theologicum* vel *Philosophicum*: illud *spirituale* est, & supra vires hominis collocatum: estque vel *summum*, absolutissima hominis felicitas: vel *intermedium*, ut dona spiritualia, regeneratio, justificatio, sanctificatio, &c. hoc, philosophicum puta bonum, est vel *naturale* vel *morale*: illud est, quod consentaneum est naturæ prout naturaliter operatur & operari potest, ut *sanctas*: hoc est, quod convenit rei ut libere operatur, ut *virtus*.

VIII. 3. Bonum est *verum* vel *apparens*: illud est, cui revera inest bonitas, quæ inesse existimatur: hoc est, cum non inest reipso bo-

nitatis, quæ inesse existimatur. Hæc distinctio utilissima ad quarundam objectionum solutionem; ut cum malum appeti volunt quidam, quia mors expetatur: at illa, tum bonum apparens est.

IX. 4. Bonum est aliud *simpliciter* vel *in se*, aliud *alteri* vel *ad aliud*. Bonum *simpliciter* multis modis dicitur tale. 1. Per *ordinem ad apparens*; & sic idem est quod verum bonum. 2. Per *ordinem ad singulare*, & sic idem est cum bono universalis. 3. Per *ordinem ad bonum per participationem*, & sic idem est cum bono per *essentiam*. 4. Per *ordinem ad inferius & subordinatum bonum*, & sic idem est cum bono summo. 5. Hic dicitur, quod *semper*, *absolute*, & *ubique*, atque *omni* est bonum. Bonum *alteri* vel *ad aliud*, quod certo tempore est bonum, nec *ubique* nec *omni* est bonum: sic quatuor pedes habere, bonum est asino vel bovi, non homini vel gallinæ: facere jacturam bonorum, bonum est, tempore tempestatis, ut vita servetur: vinum bonum est homini, sed non omni, neque enim convenit febricitanti.

X. 5. Bonum est *honestum*, *jucundum*, *utile*. *Honestum*, quod rationi rectæ est congruum, & ex se ac propter se expetitur. *Jucundum*, quod, quia amorem sui conciliat vel sensui vel rationi, expetitur. *Utile*, quod propter aliud bonum, ad quod acquirendum inservit, expetitur. Sed de hac boni divisione & aliis videantur *Auctores Metaphysici, Systematici & Questionarii*. Hoc pro coronide moneo, has non esse divisiones omnes in diversas res & species bonorum, sed plerasque vel unius boni in diversas formalitates, vel ipsius vocis in plures significationes.

## Disputationum ex Philosophiâ selectarum

## TRICESIMA-QUARTA.

*Quæ est prima.*

D E

## F O R M I S.

## T H E S I S I.

N ULLUS in tota philosophia difficilior est locus, quam de *Formis*, ut jure merito *Iulius Scaliger Exercit. 307. sect. 12.* omnem nostram in Philosophia scientiam, propter *Formarum cognitionem rudem & confusam*, nihil aliud esse quam *umbram in sole*, dixerit. Hinc est, quod ab *Aristotelis* tempore in hunc usque diem tam ferventi partium studio agitur de *Formis* controversia, quæ fere huc redit omnis; *An Forma in rebus naturalibus sit substantia, eaque diversa, ab altero rei naturalis principio, Materia.* Atque hæc de omnibus, præter *rationalem Animam*, *Formis* instituitur quæstio: quin enim hæc sit substantia immaterialis, à Corpore, substantia materiali, diversa ac distincta, & ex Scriptura per revelationem, & ex natura per ratiocinationem, sanioribus constat Theologis ac Philosophis. De reliquis itaque *Formis* & nos hanc quæstionem ventilabimus. Negantem plerisque ante *Aristotelem Philosophum antiquioribus* placuisse hic sententiam, affirmantem *Aristoteli* alluuisse, locis ejus adductis, referunt *Conimbr. l. 1. Phys. c. 9. quæst. 10.* qui cum omni caterva *Scholasticorum* eam quoque sequuntur. Fateor equidem ab aliquot jam seculis hanc *Affirmantium* opinionem invaluisse, atque illas egisse radices in multorum animis, ut, qui contra sentiunt, in ipsa censeantur Philosophiæ principia impingere, omnisque veritatis fundamenta subruere: Atque utinam hic stetit judicium! longius itum est. Non erroris tantum aut falsitatis quibusdam præcipitantis nimium judicii hominibus habentur rei, qui negantem quæstionis proposuit partem defendunt, sed impieta-

tis insuper: ac jam dubitari ceptum est & disputari, An cum bonis moribus & pietate opinio consistat negans? atque adeo fere excommunicationis fulmen negantibus pro terriculamento objicitur. Sed bene est, quod non isti morum & pietatis exactores & censors sint constituti. Dandum hoc est & condonandum nostri temporis vitio, quo homines quidam (qui, nisi quod ipsi sentiunt, nihil rectum censent) ex innoxis in Philosophia opinionibus impietatem statim norunt exculpere aut hæresin etiam: quam utramque, à sententia, *Formas esse substantias* (excepta temper *Animam rationalem*, quod semel ac semper dictum esto) à materia diversas, negantis *Authoribus*, ut semel & serio amoliremur, vitium fuit aliquot disputationibus ventilandas proponere pro Negante sententias rationes *Gustelmi Pembellii L. A. M. & Concionatoris practiciæ*. Collegii *Magdalenenfis* apud *Oxonienfes* quondam alumni, viri, ut titulus habet operum ejus *Anglicorum divini*, & ut habet titulus *Enchiridii ejus Oratorii, facundissime pii*, ex ejus de *Formarum Origine* tractatu. Nemo Authorem hunc, vel impium, vel hæreticum, nisi insigni & calumniæ & mendacio, dicere fuerit ausus, quippe qui hæreseos fundamenta contra nostri seculi *Pelagianos* in suis *Vindictis gratiæ* malecule destruxit, justitiam inhærentem contra nostri temporis *Phariseos* in suis *Vindictis Fidei* funditus subvertit, pietatis fundamenta contra *Atheos* in suo de *Providentia Dei* tractatu & gravissimis in *Ecclesiasten & Zachar. Prophet.* explanationibus variisque *concionibus*, solidissime jecit. Et ostendant semel, si possint,

sunt, *Affirmantes*, quodnam fidei, pietatis, salutis, fundamentum evertat, in quod Decalogi aut verbi divini præceptum impingat sententia negans. Equidem tam pretiosa hic est *Negantibus* animæ suæ salus, tam chara fides, tam cordi veritas, tam curæ pietas, quam *Affirmantibus* esse possit. Sed tandem ipsum audiamus differentem *Pembelium*.

II. Vexatissima est illa inter *Physicos* Quæstio, de *Formarum Origine*, quomodo, quo principio, oriuntur & *Materiæ* adsocientur. Quæ quantum & discentium ingenia exercuerit, testatum faciunt tot doctorum hac de re commentationes, atque, post tam claras, ut videbatur, huic veritati prælatas faces luminæque admoda, summa animorum caligo & incertitudo, qua adhuc cingimur. Hæremus in cortice, & in *natura vestitum* externumque accidentium ornatum novimus, & admiramur, at cur ipsum & intimam essentiam medullam quærimus & ignoramus: vel potius, an non in scirponodum? illud anxia indagine vestigantes, quod nisi in Philosophorum cerebris librisque, in *Natura est nusquam*. Ita plane est: cæcutescentes nimirum acute cernimus, atque illud scire satagimus, quod nec esse *Natura* agnoscit. Intellego illud *Physicorum* de *Formis* placitum: quod etiam *Antiquitate* & omnium *Præjudicio* satis confirmatum videatur, tamen cum potius ut *Postulatum* quam ut demonstratum ab *Aristotele* primo inventore, ejusque *Seçtatoribus*, sumatur, non erit immodesti sed *παλαῖος*, illud penitus introspicere, atque examinasse, quid *firmi- tatis* habeat hoc fundamentum, cui tot in omni *Philosophia* dogmata inniuntur.

III. *Aristoteles*, rejectis aliorum ante se placitis, tria rerum communia *Principia* statuenda esse, docuit, *Constitutionis* duo, *Materiam* & *Formam*; *Transmutationis* unum, *Privationem*. Quam *triadem* Posteritas venerata est, & fere *ἀβάσπῳ* retinuit. Merito autem erroris suspecta est hæc doctrina, & à multis contrarium; qui *privatione*, de sede, quam occuparat, detrusa, binarium tantum *Principiorum* numerum agnoverunt. Quam hoc iusta fecerint lege, sufficet uno aut altero exemplo demonstrasse. *Privatio* est *principium transmutationis*, inquit *Aristot.* At quale principium?

Intueamur exemplum, & *Naturam non Notiones* scètemur. Aqua mutatur in *Ærem*. Hujus mutationis principium est *Privatio*, vel *quatenus* est *Absentia* formæ *Æris* in *Aqua*, vel *quatenus* est *Aptitudo* in *materia* *Aquæ* ad recipiendam formam *Æris*: ex istis enim duabus partibus conflatur definitio *Privationis*. *Non priori respectu*: nam *Absentia* formæ (satis enim ipsis *Aristotelicis*) est merum *Non-ens*, nihil habens positivi: ipsum abesse est non-esse, nec magis ens est mera *Absentia* Formæ *Æris* ab *Aqua*, quam *Absentia* formæ *Æris* ab *Auro*, hoc est, purum putum nihil. Quis autem sanus dicet, *Non-ens* esse principium transmutationis *Corporum Naturalium*? *Non posteriori modo*: quia 1. sic *Privatio* non est *Privatio*: merus est & *Rei* & vocis abusus, vocare aptitudinem & capacitatem subjecti, nomine *privationis*: perinde ac si dicas, *Carendi* due sunt partes, *Cavere* & *Habere*: Illa enim *Aptitudo*, est qualitas vere positiva, quæ habetur & possidetur à subjecto: nempe, vel una simplexque qualitas, ut *Potentia* passiva *Materiæ* primæ, per quam vere disponitur ad recipiendam formam quamcumque, vel mixta qualitatibus congerie in corporibus, sive mixtis, sive simplicibus, per quam ad unam formam magis quam ad aliam disponuntur, ut in *Aqua* humiditas & tenuitas faciunt eam aptam ad *æris* magis quam alterius corporis: At quis vel unam qualitatem, vel multarum debitam mixturam sine absurditate vocaverit *Privationem*? 2. Et si revera ista *Capacitas* & *Aptitudo* requiratur ad omnem transmutationem, ut *Conditio* necessaria in subjecto transmutando (nec enim ex quolibet ligno fit *Mercurius*) non tamen recte dicitur principium transmutationis. Anne ideo res mutatur, quia mutari apta est & capax? Minime certe, neque in artificialibus, neque in naturalibus. Sed hic recurritur ad solemnem distinctionem duplicis *Principii*. 1. *Effectivi* virtute sua agentis, & 2. *Occasionalis* animam quasi præbentis: Et, hujus posterioris farinæ est *Privatio*. Sed hac distinctione parum consulitur huic causæ, ut ex sequentibus palam fit.

IV. §. 1. Non ferendum est hoc *Aristot.* πρῶτον, qui fundamenta totius *Philosophiæ*

phix jaciens, & *principia*, tum constitutæ, tum transmutatæ naturæ, accuratè investigans, neglexerit *causam efficientem*, in qua virtus transmutativa corporum lateret, atque ejus loco *occasionem* tantum prehenderit, cuius nulla ex se est efficacia, non *Αρχή*, sed *απορρῆ* dicenda fuerit Privatio. §. 2. Nec *Occasio* quidem est, quod ad primam Privationis partem, cui tamen hæc distinctio solet applicari: *Sive* enim *Aquam*, *integræ* adhuc sua *forma*, *sive* jam *corruptæ*, spectemus, neutro modo Absentia formæ est occasio mutationis: non *primo*; nam Absentia formæ Aëris, in Aqua adhuc manente integra, non magis Occasio dici potest mutatæ aquæ in aërem, quam mutatæ illius in ignem aut terram: non *secundo*; nam Absentia formæ Aëris in Aqua corrupta, non est Occasio, cur introducat magis forma aëris quam forma ignis: nec absentia formæ Aëris, in aquam introducibilis, est Occasio cur introducat; nam & terræ quoque forma absens est, & introducibilis, aliquandoque in aqua corrupta inducitur: nec denique absentia formæ simpliciter Occasio est: cur alia, qualis sit, intromittatur: *illud enim figmentum est*, ut sic offendi potest. In transmutatione Aquæ in Aërem, necessario secundum *Peripat.* doctrinam, dandum est aliquod *Instans*, in quo & non ante forma aquæ recedit: ut enim generatio, sic corruptio fit in instanti, forma siquidem est indivisibilis, & tota accedit receditque momento. *Hinc habet.* Ante illud igitur *Instans* in Aqua non erat ulla privatio. Jam vero, cum avolat forma aquæ, advenit Aëris forma, vel in eodem instanti, vel in diverso. Si in eodem, nulla potest intercedere privatio, siquidem ante illud aqua non erat privata sua forma, & in ipso illo instanti admittit formam aëris. Itaque hoc pacto occidit privatio, sed oritur interim major difficultas: *Quomodo in uno & eodem instanti, eadem materia aquæ, possit habere duas formas specificas Aquæ & Aëris.* Cujus difficultatis nulla plane solutio dari potest stante *Physicæ Peripateticæ* constitutione. *Sed* dicas, hoc fieri diversis instantibus, intercedente aliquo privationis tempore, succutis hoc dicto *Physiologie Aristot.* fundamenta, quæ voluit im-

possibile esse, ut *Materia* vel ad momentum informis existat. Quare cedat *foro Privatio*, nec amplius in Naturæ triumviris accenseatur. *Apistudo* quidem & *Capacitas* illa *Materiæ*, esto aliquo modo *Occasio* legum naturæ novandarum; *Principium non est: Privatio non est.* Hujus autem nothi loco substituitur *privatio* illud omnium transmutationum principium effectivum, scil. *pugna contrariorum qualitatum*, quarum adversa dimicatio, alternaque aut mutua victoria, & post eam concordia temperie, sed disproportionata *ναυαρχία*, fons est & radix, unde existunt omnes, quæcunque in natura naturaliter fiunt, generationes & corruptiones. Hoc clarius demonstratur in sequentibus, dum secundum *Peripateticorum Principium* diligentiori examine subjicimus: quod *Forma* est.

V. Duo sunt Constitutionis rerum *Principia*, *Materia* scil. & *Forma*. *Materiam* agnoscimus, de *Forma* quaerimus: *Ea est* (inquiunt *Peripatetici*) *Principium activum*; quod cum *Materia* constituit *compositum substantiale*. Habes essentiam, vide ejus *elogia* & *proprietates*. *Est substantia*, & quidem *precipua pars essentialis compositi*: *divinior & dignior natura quam Materia*: *composito dat esse, Agere, Distingui, Nomen*: *est generalis & corruptibilis*: *educitur de sinu seu potentia materiæ*; *in sensus non incurrit*: *consistit in indivisibili*: *nec minuitur pro varia compositi quantitate*: *est immaterialiata & tamen materiæ necessitate ligata*. Cape quoque divisionem. *Est forma*, alia *Prima* reliquis antecedenti, communis omnium corporum naturalium, quatenus sunt naturalia: alia *Secunda*, primam sequens, propria particularium corporum secundum diversas species. Hæc sunt breviter, quæ *Physici* de *Forma* tradunt, pauca ea quidem, atamen ejusmodi, quæ tum inter se, tum cum fundamentis naturalis scientiæ ab *Arist.* positum parum consentiunt. Illud primo scrupulum inicit; sublesta hic agi fide, quod inter tot, de *Materia*, altero principio, controversas, libros, disputationes ultro citroque scriptas habitasque, parum aut nihil fere de *Formarum* natura reperias in *Physicorum* Commentariis. Aliquid in genere disputatur in *Communi Physicæ* parte, ubi è regione *Materiæ forma* tractatur:

at sic

at fit ita leviter & perfunctorie, ut cognoscas eos umbram non veritatem petere, inter ipsas disputantium manus avolantem & evanescentem. In reliqua *Philosophia*, donec ad *Hominem* perventum erit, altum de ea silentium, exceptis quibusdam, de *Celi* & *Elementorum Formis*, otiosis speculationibus. An hoc fit, quod *Forme* natura & notitia magis in obscurum sit quam *Materia*? Nequaquam sane. Conferamus paritatem utriusque & privilegia *Forme*. Forma in sensus non incurrit, neque *Materia*: utriusque cognitio ab intellectu solo pendet: fatentibus *Peripateticis*, & docentibus, materiam non cognosci nisi duplici instrumento. Probationis necessariz à transmutationibus successivis commune aliquod subiectum requirentibus, & Proportionis ab arte factis ex materia varie effigiata constantibus. Quare mirum est eos, qui de *Materie* essentia proprietatibusque tam multa disputarunt & definierunt, noluisse *Forme* naturam accuratius eisdem subsidiis inquirere. Nec erat, cur hic magis hebefcerent oculi, si digniorem & clariorem *Forma* naturam spectemus. Quid enim? *Materia* est perfectibilis, *Forma* perfectio: illa, potentia nuda, pura passiva potentia (sic ajunt:) at *Forma* est *Actus*. *Materia* est debilis entitatis fere aciem intellectus fugientis; at *Forma*, divinum est quid, ipsam essentiam dans, nedum habens. *Materie* propria sunt, potentia patiendi & recipiendi quidvis, & quantitas interminata, at actio nulla, *Forme* autem, mille sunt *Actionum* *Qualitatum*que differentiz, quæ sensum intellectumque non leviter perstringunt. Quid igitur cause esset, quod tot præsentibus auxiliis tantillum in *Formarum* cognitione profectum sit, in *Materia tantum*. His illud adde, quod qui de Angelorum essentia summa subtilitate & audacia pronunciarunt, quorum essentia ægrius à nobis percipitur, illi *Formarum* disquisitionem penitus fere neglexerint. Verum ne suspitioni huic iustæ nimium dedisse videamur, accedamus ad *rationes* quibus adversum receptam *Forme* doctrinam sic argumentari possumus.

VI. *Forma* Corporis naturalis, est vel *Substantia*, vel *Accidens*. Si *substantia* sit, erit vel

*Materialis* & *corporea*, vel *Immaterialis* & *Spiritualis*. Hæ divisiones sunt immediatæ, & ex terminis oppositis, toto genere differentibus, constant: ita ut ineptè verticiculum quærat, in distinctione *Substantie* in *perfectam* & *imperfectam*, aut in *Gradibus* quosdam *intermedios* inter *Substantiam* & *Accidens*, inter *Materiam* & *Spiritum*, quos neque *natura* neque *Philosophia Peripatetica* ullo modo admittit: puritas enim purissima *Materie* non eximit rem è gradu rerum materialium, nec speciem variat: illa entitas *Media* inter *substantiam* & *accidens* ne concipi quidem potest, & certe novum requirit *Prædicamentum*. Nec illud de *Perfectione* aut *Imperfectione* *Substantie* magis è divisione *Prædicamenti* *Formam* quam *Materiam* exterminat, quæ imperfectius nihil. Sunt itaque secundum *Philosophiam Peripateticam*, & naturam quidem ipsam, distributiones illæ irrefragabiles: ex quibus sic procedo. *Forma, nec est substantia Materialis, nec Immaterialis: Ergo ne omnino quidem substantia est*. Probatio instruetur per partes.

VII. *Forma non est Substantia Materialis & corporea*. Ostendo his rationibus. §. 1. Quod materiam corpusque informat, illud non est materiale & corporeum. Atqui *Forma* materiam corpusque informat: est enim ejus officium informare. Ergo &c. Vis hujus argumenti in eo consistit, ut intelligatur, quid sit *Informare*. Hoc autem est, Omnes *Materie* partes ita permeare, atque omnibus vel minimis sese immiscere, ita ut unicuique essentiam & vires speciei convenientes tribuat. Dico impossibile esse, ut *Substantia* aliqua materialis, à materia corporum distincta, materiam illorum per minimas sui particulas ita pervadat. Contradicit hoc *Nature*, quæ vetat omnem penetrationem dimensionum, hic necessario concedendam, si materia (id est *substantia materialis*) materiam permeet, cum omnis materiz, cujuscunque demum sit subtilitatis, quantitas temper sit accidens inseparabile.

VIII. §. 2. Omne materiale & corporeum est per se quantum & divisibile. Atqui *Forma* non est per se quanta & divisibilis. Ergo &c. *Major* manifesta est ex discrimine inter Cor-

pūs & Spiritum. *Minor est ex omnium Philosophorum* placito, qui statuunt, formas quantitatis esse expertes & in indivisibili consistere. Quam verum sit illud dogma, non opus est nunc exquirere, sufficit hoc loco has contrarias sententias inter se commississe.

IX. §. 3. Nihil generabile & corruptibile est materiale & corporeum. Atqui omnis Forma (humana excepta) est generabilis & corruptibilis. Ergo nulla forma &c. Veritas *Majoris* clarissima est; tum ex communi *Aristotelico* sententia, assensentium materiam nullo modo generari & corrumpi posse, sed ortus & interitus immunem persistere in perpetuum; tum etiam experientia: fieri enim non potest in transmutationibus, ut vel minimus materiæ pulvisculus corrumpatur in nihilum, vel generetur ex materia non præexistente. Quicquid in rebus est materiale (intelligo Essentiam, non Inherentiam, nam sic Accidentia sunt materialia) illud, sicuti divina virtute ex nihilo existit, ita nulla naturali vi in nihilum redigitur. At, quod *Minor* ait, Formæ quotidie corrumpuntur & annihilantur, atque de novo generantur, idque virtute agentium naturæ lium. Affirmant hoc omnes, atque ipsa etiam Transmutationis veritas. Nihil ergo in Formis materiale est.

X. §. 4. Evertitur hoc pacto illud *Principiorum* æthereorum ab *Aristotele* positum, scilicet, *Principia debere esse contraria*, quia quicquid fit, fieri ex contrariis necesse est: ubi per *Contrarietatem* non intelligit illam proprie di-

ctam (alibi enim dicit substantiam substantiæ non contrariari) sed talem diversitatem & distinctionem, per quam principia corporum constitutiva ita differunt, ut essentia propriis, que iisdem non communicent: nam ex uniformi, aut duabus uniformibus substantiis, nihil nisi uniforme generatur. Atqui, si Forma quoque sit materialis, Materia & Forma, non tantum non contraria, sed ne diversa quidem dici possunt: eadem siquidem erit utriusque Essentia, gradibus tantum majoris aut minoris puritatis subtilitatis distincta; qui plane non sufficiunt ad tollendam uniformitatem.

XI. §. 5. Tollitur quoque hoc modo illud *Formarum privilegium*, quod sint *seors & origo omnium actionum*: Cum enim operationes sint à forma, formæ autem essentia sit materialis, necessario sequitur, materiam quoque esse activam & actionum principium: erit siquidem Forma, Materia quædam actualis, vigoris & virtutis plena, per quam potest esse Materiam corporis torpidam & ignavam actuare & excitare. At unde ista Virtus? necesse est, ut sit immediate ab ipsa formæ materiæ: nam si ab alio oriatur, jam Forma non erit principium, quia datur aliquid prius. Sicut enim materia prima ex se habet quantitatem, sic & Forma vires ex se ortas, non ab alio mutatas, possidet. Atque hoc plane repugnat omnium *Peripateticorum* consensui, qui docent à Materia, quæcunque demum sit, originem Passionem, eamque esse omnis possibilitatis radicem.

## Disputationum ex Philosophiâ selectarum,

### TRIGESIMA-QUINTA.

*Quæ est secunda*

D E

F O R M I S.

THESES I.

I Ta fere cum *Philosophia* comparatum est hodie, ut, quæ dogmata à receptiori *Schoolæ* & *Scholasticorum* abeunt sententia, magno cum supercilio fastidiri soleant. Quare pericu-



periculum est, ne hæc *Gl. Pembelii*, nostra, *aliorumque* formas *negantism*, opinio, vel ego ipso nomine, in reprehensionem sit incursum, quod novitatem quandam apud nostros Philosophos olere videatur. Sed vana hæc foret reprehensio. In rebus fidei ac *Theologicis*, nequid detrimenti capiat, vel fides, vel pax, vel veritas Christiana, à novarum opinionum pruritu prorsus est abstinendum, imò ad certam hic regulam & normam est loquendum, ne verborum licentia errorem gignat aut impietatem. At vero in rebus naturæ ac *Philosophicis*, in pulvere Scholastico, ubi in nullius verba juratur, ubi citra, vel pacis, vel salutis, vel pietatis dispendium, in utramque licet ire partem, major est concessa, tum sentiendi, tum loquendi, libertas: Nec tam hic Authorum nomina, quam rationum momenta, sunt spectanda. Quod tamen non sic accipi velim, quasi non plurimum esset veri & rei, in *Antiquis Philosophis*. Sed hoc volo; Neunquam *novitas* veritati sit fraudi. Veritas nunquam propter novitatem est deferenda aut repudianda. Quin contra, novitas veritatem commendat, & animus noster novæ opinionis admiratione excitatur. Et, quæ hodie vetera sunt, olim atque aliquando fuere nova. Præclare *Horatius*.

Quod si tam Grajis novitas invisa fuisset,

Quam nobis, quid nunc esset verus? aut quid haberet,

Quod legeret, teneretque viritum publicus usus?

Etenon minus præclare hujus seculi Poëta eximius:

Si meruit veri vindix audire Novator,

Mome! Novatorum est primus *Aristoteles*.

Meco quidem calculo, vitium est maximum in *Philosophando*, vetustatis gratia, ea defendere, quæ aut vera non sunt, aut probanda minus. Illud *Pythagæorum* (*ἀντικείμενα*) procul abesse vult magnus dicendi Magister *Marcus Tullius Cicero* l. 1. de *Natura Deorum*. De literis bene mereri cupientibus obest plurimum, uti & iis qui dicere aut docere volunt, id ratum habere, quod à veteribus *Philosophis* indicatum acceperunt: Desinunt enim suum adhibere iudicium. Quam magno animo

*Aristoteles* ipse, omnium *Antiquorum*, atque ipsius adeo *Platonis*, opinioniones impugnaverit, videre est l. 1. *Phys.* c. 1. *Eth.* c. 6. & passim in aliis lib. Neque hoc unquam *Philosopho* imputatum ad culpam fuit. Neque unquam tot ac tanta ornamenta & adjumenta *Philosophiæ* subministrasset tantus Author *Aristoteles*, si destinatis veterum sententiis (quæ jam olim quandam quasi vim veritatis, auctoritate sola & ætate, obtinuissent) sese addixisset: sed ut scriptum reliquit *Eth.* l. 1. ad *Nicom.* ita egit ac philosophatus est: Amicus *Socrates*, amicus *Plato*, sed magis amica veritas. Ad hoc *Philosophi* dictum, quin & præceptum, me compono: ita sum homo & sic philosophari soleo, ut plus apud me valeat ratio quam *Authoritas*, etiam *Aristotelis*, qui amicus quidem, sed magis amica veritas. At ne *Aristotelis* quidem *Authoritas* nobis deest. Videatur l. 6. *Metaph.* c. 4. ubi postquam dixisset, *Substantiæ, & id est* in Græco, vocem dici quadrupliciter, sicut, *ὑποκείμενον ὅτι δὲ καὶ ἐν αὐτῇ οὐσία τὸ ὑποκειμένον πρὸς τὸν τοῦτον ὅτι, ὡς ποῦν μὲν τὰ, ὡς δὲ λέγειται, ἄλλοι ὅτι πρὸς, ὡς μορφή, ὡς τὸν ὅτι, τὸ ἐν τῷ τῷ λέγει ὅτι τῷ ὅλῳ, ὡς τὸ χαλκὸν τῷ ὡς μορφή, τὸ ὡς ὅτι ὅτι ὅτι: τὸ δὲ ἐν τῷ τῷ, τὸ ἀποδοτικὸν τὸ οὐλοῦν. Videtur enim maxime esse substantia subjectum primum, tale autem modo quodam dicitur, materia: alio modo, forma: tertio, id quod ex his constat. Dico autem materiam ut ær, formam ut figuram speciei; quod autem ex his constat totum, ut statuum. Assumo jam. Atqui figura statux non est substantia ab ære diversa. Ergo nec forma corporis naturalis ab ejus materia est substantia diversa. Unde statim post duas lineas: *Ναὶ μὲν δὲ τὸ τὸ εἶδος, τὸ ποῦν ὅτι ὅτι, ὅτι τὸ μὴ καὶ ὡς ὡς, ἀλλὰ καὶ ὡς τὸ ὅτι. Nunc igitur quasi figura* (id est, *nudi Minervæ*) dictum est, quidnam sit substantia, scilicet, id quod de subjecto non dicitur, sed de quo dicuntur cetera. Assumo. Atqui illud quod de subjecto non dicitur est materia, de qua, & forma & accidentia dicuntur. Ergo materia est substantia, non forma nec accidentia. Et post duas iterum lineas. *Ἐν γὰρ μὴ αὐτῇ sc. ὡς ὅλῳ, οὐσία, τίς ἐστιν ὅτι, διαφύλ, αἱ. Si enim illa sc. materia, non est substantia que erit alia, fugit nos, At, si tibi forma fuisset, substantia à materia**

materia diversa, non id quæsiuisses, ô bone *Aristoteles*: namque habuisses aliam. Et, *materia sola esse substantiam*, egregio probat argumento *Philosophus*: *μεταειρησεν γὰρ τὸ ἂν ἔσται, ὃ καὶ αὐτὸν ἔστιν ἀποκρίσας*. Sublatis enim omnibus, nihil videtur remanere. Quasi sic argumentetur *Philos.* Id quod omnibus sublatis manet, est substantia, quæ auferuntur, non sunt substantiæ; sed reliquis sublatis manet materia: quæ auferuntur sunt formæ & accidentia. Ergo &c. Unde disertis verbis post lineas 6. aut 7. concludit. *ὥς τὸν ὁλοκλήρου καὶ ὁλοκλήρου μέρους ἑστὶν ἓν σκοτούμεν*. Quare materiam necesse est videri solam substantiam, hoc pacto considerantibus. Lib. 8. *Metaph.* c. 6. verbis penè ultimis. *Ἐστὶ δὲ ὁμοῦ εἰς αὐτὴν, ὃ ἡ ἔχεται ἑν, ὃ ἡ κερταί, ταὐτὸ, τὸ μὴ δύναται, τὸ ὅτι ἐστὶν αὐτὴ, & pauld post: ὃ τὸ δύναται, ὃ τὸ ἐστὶν αὐτὴ. ἓν ποιεῖται. Ἐστὶν ὅτι, ut dictum est, & ultima materia, & forma, idem: illud quidem potentia, hoc actu. Et quod potentia, & quod actu est, unum quodammodo sunt. Quod clarius: materia autem potentia est, forma actu. Notetur autem, quod dicat *Aristoteles* materiam & formam esse *ἓν ἐν ταὐτῷ*. *Ταὐτὸν ἄριστ. lib. 4. Metaph.* c. 9. est, *ἓν τὸ ἐν αὐτῷ, unitas essentie*. Ergo Materia & Forma unam habent essentiam: non ergo duæ sunt substantiæ distinctæ. Ergo &c. I. 1. *Phys.* c. 6. t. 69. *ὥς γὰρ περὶ ἀνθρώπου χαλκός, ἢ περὶ κελύου ἔσται, ἢ περὶ τὸ ἄλλο πᾶν ἔχεται μορφήν ἑνὸς αὐτοῦ sc. ὕλην, περὶ ὅτιον ἔχεται, ὃ τὸ τὸδὲ π, ὃ τὸ ἐν. Ut enim ad statuum es, ad lethicam lignum, vel ad aliquid aliud eorum quæ formas habent; ita ipsa sc. materia ad essentiam se habet, & quod est hoc quippiam & hoc est. Assumo. Atqui es tantum est substantia, lignum tantum est substantia, non vero statuae aut lethicæ formam in es aut lignum introducta. Ergo nec Forma in Materiam introducta substantia fuerit. Atque ea similitudine sepius utitur alibi *Aristoteles*. Sed ab eo ad *Cl. Pempelium* redeamus, qui sic porro ratiocinatur, & postquam Formas non esse Substantias materiales demonstravit *Disput.* præcedenti, nunc nec esse immateriales aut spirituales, sic probat.**

II. Quod forma non sit Substantia immate-

rialis & Spiritualis, evincitur firmissimis rationibus, desumptis à formarum generatione & corruptione.

§. 1. *A Formarum generatione*. Qua in re ridiculum plane est, quam misere se aliosque torserint *Philosophi*. Summa omnium in hoc negotio speculationum hac redit. *Formas non induci sed educi ex materia*: Nimis enim absurdum vilius est dicere, formam auri, lapidis, plantæ, &c. primo extra Materiam factam esse ab æterno agente, deinde veluti vehiculum in materiam importari. Spinosis absurdus horret hæc opinio: posse formas rerum separatas existere, plus conferre agens externum quam semen in generatione, &c. Quare in eo fixus est baculus, *Formas omnes (humanam excipe) è materia educi*. Verum hic admodum ludatur in explicando hujus educationis modo, nec adhuc certi quippiam statuitur. Nos breviter omnia comprehendentes sic argumentamur. Si Forma educatur ex materia, siet hoc, vel ex Aliquid præexistente in Materia, vel ex nihilo. Si prius, erit illud Aliquid, vel ipsa Materia Essentia, vel Accidentia quædam illius. Per partes agamus.

III. Forma non oritur ex Essentia Materia. Contradidunt hæ rationes. 1. Quicquid ex materia Essentia oritur, illud necessario est materiale, uti, quicquid ex aëre nudo fit, illud, est æereum. At Forma non est materialis, uti demonstratum est, *Disput. super.* Ergo &c. Vel si Forma sit immaterialis, impossibile est ut fiat ex essentia Materie: fundamentum siquidem ponitur in *Philosophia*. Immaterialis ut Materiali per agentia Materialia (ut sunt ea quæ Formas educunt) generari non potest. Illa enim materia, ex qua constituitur Forma, ad quemcunque demum puritatis, claritatis, & tenuitatis gradum, velut in alembico, elevetur, Materia tamen est & remanet. 2. Funditus subruitur illa altera Principiorum lex ab *Aristotele* & sectariis lata; *Principia ne fiant ex se mutuo*. Atqui fient, si ex Materie substantia constitutur Forma.

IV. Forma non oritur ex Accidentibus Materialibus. Confirmant hæc argumenta, contra opinionem eorum omnium, qui dicunt, *Formas educi de potentia, de sinu, de gremio Materie*.

*trie.* Ubi intelligunt, credo, his terminis, *Accidentia & Qualitates* quasdam Materiz. At non hinc *Forma* origo est. Nam 1. Substantia fiet ex Accidentibus: Forma substantialis ex Accidentalibus Materiz proprietatibus. Quod absurdum quam dissonet, *Peripateticarum* aurium esto iudicium. Aut, si ex Accidente nihil generetur nisi Accidens (quod verum est) Forma erit Accidens, utpote ex Accidentibus facta; at hoc quoque *Peripatet.* monstrum est. 2. Forma non erit primum principium corporis naturalis: siquidem ex priore facta est, videlicet, ex Accidentibus Materiz, quæ potius, quam Forma, Principii loco habenda sunt. Hac quoque ratione evertitur altera *Principiorum* lex *Principia ne fiant ex alis.* At forma fiet ex Accidentibus. 3. Particularius quæritur, quænam sint hæc *accidentia* Materiz, quæ *Gremii* *Sinusque* nomine vocantur. Certe, tria sunt, aut nulla. 1. *Potentia passiva.* 2. *Quantitas indeterminata.* 3. *Prævia dispositiones.* Quod ad duo priora, ritu dignus est, si quis dicat, *Formæ* *ori* & fieri, aut ex *Potentia passiva* sive aptitudine & capacitate Materiz ad Formas recipiendas, aut ex *indeterminata illius Quantitate.* Mera sunt ista deliria. Ergo forte ex *prævis dispositionibus* fit. Hoc verisimilius dicitur, sed hic caute advertendum est, nos hæc non de *existentia*, sed de *substantia* *Formarum* quærere, non quo Agente in Materia existant, sed ex qua *essentia & substantia* sint & constituentur. Itaque etsi fortassis præviæ dispositiones & qualitates in materia *secunda* preparata, ut in materia auri, lapidis, seminis, concurrant per modum Agentis ad productionem formæ Auri, &c. non tamen possunt concurrere per modum constituentis ad condendam illius substantiam & essentiam. Siquidem præviæ dispositiones sunt tantum *Accidentia*: ad Forma secundum *Peripateticos* est substantia & quidem Immaterialis, quæ ex Accidentibus tanquam materia constitui nequit: Aut si constituatur, erit quidem Forma Immaterialis, sed immateriale Accidens, non immaterialis & incorporea Substantia. Hæc de *priori parte Argumenti*: videl. *Formam non fieri ex Aliquo*

*præexistente in materia*: sequitur *membrum posterius.*

V. *Forma non fit ex Nihilo.* Ita enim Formæ in Materia productio non esset generatio sed creatio: quod sine maxima absurditate concedi non potest: tolleretur enim discrimen inter Animam rationalem & Formas cæteras, quarum etiam vilissimæ opus haberent ad existentiam creatione essentiz: daretur immediatus & supernaturalis Dei concursus ad omnem generationem, creando & infundendo formam, aut tribuenda esset naturalibus Agentibus vis creandi substantiam ex nihilo, quæ solius Dei est propria, præcipue in substantiis Immaterialibus (ut Formis) quarum essentia Materialibus longe dignior est. Atque hoc in loco *Philosophus* aqua plane hæret, *interrogatis*, sive de inanimatis, sive de animatis Formis: *Sintne actû in materia & quæ educuntur?* ut Forma auri in materia ex qua generatur, Forma pulli in ovo. Hic æstant & sudant, *Insunt*, & non *insunt*. *Exsunt*, & non *exsunt*. *Insunt*, sed non *actû*. Nam sic, *ajunt*, nihil de novo generaretur, cum Forma actû & Materia actû existant: *Neque plane non insunt*, nam sic crearentur. Ergo *insunt potentia*. Contradictio. *Insunt*, id est possunt inesse (*Insunt*, actum significat, *potentia*, actum negat) *Insunt in suis causis.* Et hoc *argumentum*. *Insunt in suis causis*, id est, causæ insunt, per quas possunt aliquando inesse. Rursus. *Insunt habitualiter*, non *actualiter*, ut scientia in Geometra dormiente. Inepta distinctio, quatenus huic negotio applicatur. Habitualis enim rei inexistencia actuali non opponitur: scientia enim in Geometra dormiente actû inest, etsi non quoad actus & exercitia. Num & *Formæ* sic? *Substantia earum & actus primi actû insunt in Materia*, sed *operationes & secundi actûs impediuntur & dormitant?* Nec hoc volunt, quia absurdum est dicere; *Formam auri esse actû in Materia* ex qua generabitur aurum: sic esset aurum antequam est, aut Formam aëris esse actû in aqua transmutanda antequam actû transmutetur in aërem, aut formam animalis esse actû in semine, nec tamen semen posse dici animal. Omnia hæc sunt *argumenta*, ut & tota ista *Philosophia*

phorum de Formarum substantialium è materia eductione contemplatio. Persequamur alterum argumentum.

V. I. §. 2. *A Formarum corruptione*, qua omnes, quotquot præter animam rationalem sint, damnantur. Unde sic arguitur. 1. Nulla substantia immaterialis est corruptibilis. Omnes Formæ sunt corruptibiles. Ergo nullæ formæ sunt immateriales. *Majoris* (intellige eam modo naturali) probatio est invicta ex ipso *Peripato* petita. Omne agens & patiens debent convenire in genere, id est in materia, inquit *Aristoteles*. Inter ea igitur, quæ differunt materia, nulla est Physica actio aut passio. Atqui materiale & spirituale sic differunt. Ergo, illud in hoc agere, hoc ab illo pati non potest. Fieri itaque non potest, ut aliquid agens naturale & corporeum, formas rerum immateriales, agendo corruptat, totasque penitus aboleat, & in nihilum reducat, virtute aliqua materiali. Ejusdem virtutis est, substantiam è nihilo creare & in nihilum reducere. Quare in omni corruptione, aut concedendus est extraordinarius & supernaturalis Dei actus, in abolitione formæ, etiam muscæ unius miserculæ, aut a firmandum ordinaria agentia naturalia habere vim agendi in formas easque annihilandi: quod absurdum est ipsis etiam *Peripateticis*. 2. Cum omnis substantia immaterialis sit excellentior materiali, in genere Formarum res contrario plane modo se habebit. Ignobilis enim & ignava materia firmiorem stabilioremque essentiam habebit quam vel præstantissima bruti anima: Materia pulvis, nulla arte, nulla mutationum vicissitudine, potest annihilari: at vel nobilissima leonis anima uno ictu occidit & in nihilum abit. Magnum hoc & notabile discrimen non levem semper mihi excitavit suspicionem, Formas, non inter substantias, sed inter ac-

cidentias, esse numerandas, quæ ut videmus, ortui & interitui in singula momenta sunt obnoxia.

VII. Accedunt his à generatione & corruptione desumptis argumentis aliæ rationes. §. 3. Repugnat communi sensui & sano intellectui & hæc formarum immaterialitas. Quis enim sobrius dixerit, esse in lapide, in auro, substantiam aliquam spirituales, à materia distinctam. *Spiritus lapidis, Spiritus auri*, portenta sunt in Philosophia, nisi Chymico sensu capiantur. At *Spiritus hominis* recte dicitur.

VIII. §. 4. Omnis substantia divisibilis est materialis & corporea: Forma est substantia divisibilis. Ergo &c. *Major* est ex ipsis naturæ dictamine, divisio enim sequitur quantitatem: & quantitas est indivisa materię comes. *Minor* manifesta est in divisione omnium totorum homogeneorum, ut auri, &c. nec non heterogeneorum quorundam, ut in avulsis ab arbore ramusculo ex se recrescente, &c. Quod si objiciatur, aliquid etiam incorporeum dividi posse, ut albedinem in charta, omniaque accidentia ejusmodi, quæ tamen quantitate & materia carent. Respondemus, longe maximum discrimen esse, inter spiritus immaterialesque substantias & accidentia immaterialia: illarum enim essentia consistit in indivisibili, tam necessario nexu inter se colligata, ut recedente parte tota pereat (si *Metaphysicis* credamus) at non sic Accidentium. Stet itaque immota hæc reciprocatio. Omnis Substantia Spiritualis est indivisibilis: &c. Omnis Substantia indivisibilis est Spiritualis: Quicquid *ἀλόγως* obstrepat *Commeric. 2. de Anim. c. 11. quæst. 8. artic. 3.* Atque è contrario, de substantia Materiali. Cujus argumenti tanta vis est, ut Formas è classe substantiarum in oraculum *Qualisvis* videatur posse cogere.

## Disputationum ex Philosophiâ selectarum,

## TRIGESIMÆ-SEXTÆ,

Pars prior, quæ est Tertia,

D E

## F O R M I S.

## T H E S I S I.

**T**Οὗ κατ' ἀλλοίαν φιλοσοφίας μέν τ' ἀλλοίαν πρῶτον, docet Philosophorum & Martyrum Sanctissimus Iustinus & Philosophus & Martyr, in 2 pro Christianis Apologia. Sola veritas ingenii humani pascit. Veritatem attingit, qui de rebus incorrupte iudicat. Vera sapientia est, rem existimare unamquamque qualis ipsa est. Quod nec faciunt, nec facere valent, qui *Affectibus* indulgent aut *Præiudiciis*. Utriusque liberandus est animus, quibus ad solidam rerum sapientiam, magnis passibus, grassari est propositum. *Affectus* dico hic eos animi motus, qui rationis jugum excutiant, ab ejus tramite exorbitant, einebula offundunt & caliginem. *Præiudicia* voco, de rebus sensibilibus per sensum solum, ante plenum perfectumque rationis usum, præhabita iudicia. Quæ si veritatis acquirendæ sint obstacula, multo magis erunt, quæ à teneris formamus, de rebus in sensum non incurrentibus, ex proportionem ad res sensiles aut etiam à contrario, iudicia. Tale est, quod de *Formis* in sensum (ut placet *Peripateticis*) non incurrentibus receptum est apud omnes fere placitum: ac jam *gemina disputatione* debellatum: Hac *tertia*, quid pro hoc commento Antistites præiudicatæ Philosophiæ adferre valeant, *Pembelius* noster porro edidisset, ac postquam *Formas* non esse materiales substantias, *disp.* 34. nec immateriales, *disp.* 35. probavit, hac, esse *Accidentia*, probabit, & contraria argumenta refutabit.

II. §. Omnis forma corporis naturalis (anima rationali excepta) est accidens aut accidentium multorum mixtura, Temperamentum vulgo dictum, & præterea nihil.

III. Hujus Theſeos veritas patet. 1. Ex remotiōne membri alterius oppositi in prima divisione, allata *Theſ.* 6. *disp.* 34. Si enim Forma est, vel Substantia, vel Accidens, & evictum sit, ut est, eam non esse Substantiam, nec materialem, *disp.* 34. nec immaterialem, *disp.* 35. relinquitur ergo, ut sit Accidens. 2. Ex perpetua analogia inter Formas istas & Accidentia, quæ tanta est, ut errore aliquo Veterum sit factum, quod eorum naturæ eadem in dissimilem divise sint. Ecce parallelum, §. 1. Accidentia generantur & corrumpuntur, de novo oriuntur & in nihilum abeunt, uti ratio & experientia dicant: Eadem quoque est Formarum lex in horas nascentium & evanescentium. §. 2. Accidentia diffunduntur per totum subiectum, & minimas materiæ particulas penetrant, atque pro ratione subiecti quanti & divisi, ipsa quoque quantitatem & divisionem sortiuntur: Non ovum ovo similis, quam hac in re Formæ Accidentibus, diffuse item & divise per materiam. §. 3. Accidentia dependent à materia in esse & in fieri, ita ut extra subiectum ne ad momentum quidem temporis existerent possint. An non & Formarum est eadem conditio, quæ, cum sint immateriales (uti & Accidentia) ita tamen cum materia quoad essentiam, & existentiam, *εἰς αὐτὰ ἀναγκαστικῶς* nexu vinciuntur, ut extra eam plane nihil sint: Atque, ut Accidentia, non migrant quoque de subiecto in subiectum. Ex quibus clarum est, non esse tantum Formæ & Accidens similitudinem, sed etiam identitatem.

IV. §. Formas esse Accidentia & non Substantias;



stantias, præter rationalem Animam, liquet ex refutatione argumentorum, quæ in contrarium adduci possunt, quorum præcipua sunt, quæ sequuntur.

V. 1. Omne compositum substantiale requirit materiam, & formam substantialem, ex quibus componatur. Corpora naturalia sunt composita. Ergo habent materiam, & formam substantialem. Resp. infirmitas hujus argumenti elucescit ex fallitate Majoris propositionis, quæ oritur ex male intellecta Compositionis natura: Cum enim duplex sit compositio, vel ex Substantia & Accidentibus, vel ex Substantia & Substantia: falso creditum est, omne corpus naturale componi, ex duabus substantiis genere diversis. Veritas breviter sic se habet. In Corporibus simplicibus, Cælo videlicet & Elementis, est nuda tantum compositio Substantiæ, Materiæ, scilicet, & Accidentium variorum, diversis *modis* in materia unitorum. In Corporibus mixtis, sive animatis, sive inanimatis, est compositio, partim Substantiæ & Accidentium, partim diversarum substantiarum: *diversarum* dico, non essentialis sed accidentalibus differentiis: ut sunt substantiæ quatuor elementorum, quorum materia, una essentia, qualitativis quadruplex, concurret in compositione mixtorum. Denique in homine solo, est compositio diversarum substantiarum genere differentium, videlicet Corporis, Substantiæ materialis, & Spiritus, Substantiæ immaterialis. Itaque dicimus, Corpora naturalia esse composita, & quidem substantia, ab una parte, scilicet Materia, non utraque: Forma quidem inest sed accidentalis illa, non substantialis (Anima rationali semel & semper excepta.) Et revera, nulla potest dari ratio idonea, cur necessitas nature id exigat, ut corpus nequeat constitui, sine concursu duarum substantiarum essentialiter distinctarum. Sufficit plane unica materiæ substantia variis distincta & ornata Accidentibus, ut in Elementis.

VI. 2. Quicquid materiam actuant, ponit in specie, existentiam eidem tribuit, illud est substantia. Atqui forma facit ista omnia. Ergo forma est substantia. Resp. Vitium hujus argumenti est in majore propositione, quæ sententiæ

est, aut ambigua, aut falsa. Quid enim est materiam actuant? Quid est, ponere in specie? quid est, existentiam dare? Illo actuantis termino, necessario intelligitur; vel Formam dare materiæ esse actuale, ut sit actu Ens & substantia; vel Formam dare Materiæ esse actuosum, ut, quæ ex se nuda torpet, efficacibus induatur qualitatibus. In priori sensu tallum est, Formam actuantem materiam: cum enim materia sit substantia, omnisque Substantia sit ens per se subsistens, utique Materia, per se, non per accidens, non per aliud, non per Formam, suam actualem subsistentiam habebit. Dico, per Formam: cum forma enim subsistit: at ita Forma non magis actuat Materiam, quam Materia Formam, quæ non subsistit nisi cum Materia quoque. Posteriori sensu verum quidem est, omnem actuositatem & efficaciam esse in substantia Materiæ ab aliqua Forma superveniente: sed manet tamen dubium, Quid illa Forma sit? & An necessario omni actio & agendi vis debeat immediate à substantia aliqua profuere? de qua questione in argumento alio dicendi locus erit. Atque hinc patet, quid sit, Ponere in specie, & Existentiam dare? Eo nihil aliud intelligitur, quam quod Materia rerum omnium, quæ ex se actu existit ad omnem effigiem formæque indifferens, variis vestita Accidentibus & accidentium temperamentis, existat tali modo & specie: nec secus ac massa cereæ, ex se existens: postea in varias imagunculas efficta, existit sub hac aut illa specie animalculi. Ubi, ut non est opus nova substantia ad novam & specialem existentiam, sed tantum inductione novi accidentis, figuræ scilicet, ita in materia rerum naturalium, communiter in mundo, existente, non opus est nisi mutatis & copulatis accidentibus ad dandam specialem sub hoc aut illo modo existentiam. Quod vero hic dicant nonnulli, Materiam ex se actu non existere, ridiculum est. Quasi dari posset aliqua Substantia, ex qua mundus fit, & quæ extra mundum non est, in mundo tamen actu non existat. Sed fallit particula (ex se) in eum detorta sensum, ac si, quod ex se existit, illud separatim existeret: Hoc vero ineptum est; materia existit conjuncta cum forma, ex se tamen



tamen, non à forma habet existentiam: imo, si verum dicere volumus, in genere rerum corporearum sola Materia ex se existit: Accidentia siquidem ex se neque essentiam neque existentiam habent. Formæ, secundum Peripateticos ipsos, dependent à Materia & in esse, & in fieri, & in existere. Sola igitur Materia ex se est & existit, etsi non existat sola. Nec hic dicendum: ergo universale per se existet: siquidem Materia particularis est substantia in toto mundo una & unica.

VII. 3. A quo omnes in Materia operationes proficiunt, illud est substantia. A Forma proveniunt omnes operationes. Ergo Forma est substantia. Resp. Hic quoque in Maiore error est, inde, ut credo, ortus, quod Philosophi, dum ex una parte Materiam per se torpescentem omnique destitutam vigore spectant, ex altera parte Accidentis naturam ut debiliorem levioremque depriment, putarint aliam quandam Naturam excogitandam esse, Virtutis & Virium plenam, quæ actionum omnium fons esset: atque hanc Formam nominarunt. At falluntur; neque opus erat recurrere ad Formam aliquam substantialem, ut ratio redderetur operationum, quæ sunt à corporibus naturalibus: sufficienti ad hoc Accidentia. Dico enim, Accidentia immediate & per se posse agere, & non in virtute alicujus forme substantialis: quod clarum fiet inductione omnium primarum qualitatuum, ex quarum temperie oriuntur secundæ. Lux diffundit se per perspicua omnia & illuminat obscura. In virtute cujus Formæ? Num Solis? Atqui & cæteræ stellæ lucent, quarum Forma est à Sole diversa secundum Peripateticos. Num in virtute corporis luminosi? Nugæ. Carbunculus, ignis, candelæ, omnia sunt corpora luminosa. An e-dem horum omnium Forma substantialis? Non dicent, opinor. Si dicant esse, quatenus sunt luminosa: velim etiam dicant, quid sit illa Forma corporis luminosi quatenus luminosum. An non Lux ipsa? nisi forte dicent, tot esse in corpore formas substantiales, quot reperiuntur Accidentia, scilicet, aliam esse Formam corporis quatenus Colorati, aliam quatenus Sapidi, &c. quod insanie est proximum. Lux igitur, in quocunque

corpore sit, se propria virtute diffundit. Calor calorem generat ac urit; cuiusnam Formæ efficacia? Num Formæ ignis? Atqui, ut aqua Solis ardore calefacta calefacit, sic & plumbum, lapis, aut aliud quodvis corpus ardori Solis objectum: inter quorum ignisque Formam, longum est intervallum. Ignis urit, sic & ferrum non candens modo sed & nigrescens. Num ambo urunt virtute ejusdem substantiæ? Minime. Alia ignis, alia ferri Forma est. At in ferro est ignis. Hem! Corpus in corpore! At est in poris ferri. Scilicet, in densatissimæ chalybis aut in compactissimi densissimique auri lamina pori sunt, per quos igneum corpus penetret ferrum aurumque, idque per minutissimas utriusque part s, siquidem nulla pars est ferri calefacti, quæ non urat: oscitanter philosophantur, qui poris istis aragis; rem salvam esse judicant. Quid ergo? Calor ubicunque est, propria & insita sibi virtute se exerit, calefaciendo & urendo, pro ratione gradus illius, quem obtinet, & subiectæ rei, in quam agit. Et ut obiter dicam, ignis nihil est aliud quam calor intensus in quocunque tandem corpore. Dico, intensus, non summus: infra enim summum gradum (quem nescimus) ignis esse potest, quia alius alio calidior est in eadem quantitate: imo & descendendo vix novimus infimum gradum caloris, infra quem ignis nullus est, siquidem, quod unius rei respectu est ignis urens, id alterius respectu vix est calor tepesciens. Sed hæc subtilius persequi non est hujus loci. Pergamus. Frigiditatis in terra, in aqua, in glacie, in aëre hyberno, effectus sunt iidem, extinguendi caloris; condensandi corpora &c. At formæ in singulis sunt diversæ. Quare à nullius Forma dependet frigiditas, in exercitio propriæ virtutis suæ. Siccitas terræ & ignis (secundum Peripateticos sicci) similiter aretatit aquam injectam: at Formæ hic quoque differunt. Idem est in humiditate Aquæ & Aëris. Denique descensus communis est aquæ & terræ, ascensus aëris & ignis: ille à gravitate, hic à levitate ortus: in utroque genere principium motus erit immediate in Accidentibus, gravitate & levitate, non autem in Formis, quæ diversæ sunt in utroque Pari: qua-

litate eadem manente. Plura addi possent, ac hæc satis confirmant conclusionem, vid. *Operationes in corpore naturali posse effici ab Accidenti-*

*bus solis in materiam impressis sine ope alienius formæ Substantialis à qua virtus eorum dependeat.* Ita quoque huic argumento nervi inciduntur.

## Disputationum ex Philosophiâ selectarum,

### TRIGESIMÆ-SEXTÆ,

*Pars posterior, Quæ est Quarta,*

D E

# F O R M I S.

## THESIS I.

**D**E *Formis* instituta à nobis disputatio, etsi à *Modernis* longius recedat *Philosophis* ac *Scholasticorum* gente, propius tamen ad *Aristotelem* & pri ci *Lycei* procures accedit, à quibus longissime absunt *Arabes* & *Latini Aristotelis Interpretes*. Quid quod penitus *Formas*, vulgo receptas, ignorarint ante *Aristotelem Philosophi*, qui eas introduxisse primus, sed male censetur, uti id disp. 35. est ostensum. Et non pertraxissent *Aristotelem* in hanc sententiam interpretes, sic inter *Formas Physicas* & *Logicam earum definitionem* distinguissent. Sed ut pervetus hæc, *Formas esse substantias* (*Animam rationalem semper excipimus*) *Negantium* opinio ab *Affermantibus* impugnetur ulterius, ac *Cl. Pembelum* porro argumentorum ictus retundeat, videamus.

II. 4. *Quod essentialiter distinguit unam speciem ab alia, illud est Substantia. Sed Forma essentialiter distinguit &c. Ergo &c. Resp.* Solutio hujus argumenti facilis est. Major propositio fallit, quæ vult omnem *essentialem* distinctionem fieri per aliquod *Substantiale*: nam etiam *Accidentia* distinguuntur inter se *essentialiter*, ut virtus & color: sed & in *Substantiis* res clara est. *Essentialiter* distinguuntur, quæ differunt definitione. In definitione corporum naturalium duo sunt; *Genus*, id est *Materia communis*, in qua omnia corpora conveniunt; *Differentia*, consistens in *Accidentibus* materiam istam variantibus. Illud

in definitione est *Substantiale*, hoc *Accidentale*, sed tale, quod sufficit ad *essentialem* distinctionem. Quid enim? cum dicunt *Physici* (*ignis est corpus simplex*) ubi *genus* & *materia* (*calidissimum & levisimum*) ubi *differentia* est ab *accidentibus essentialibus*; an non *essentialis* satis discrimen ponitur, inter *ignem*, & *corpus frigidissimum & gravissimum*; etsi enim *discrimen* sit ab *Accidentibus*, non est tamen *Accidentale*, sed *necessarium, internum, & essentialis*. Quare dico, quod *Accidentia* sint primo & per se *cause* distinctionum internarum in corporibus naturalibus, atque definitionem corporum naturalium *essentialem* ingrediantur, ut non opus sit, ultra *Materiam* & *Accidentia*, quicquam præterea in corpore naturali anxie quærere: quorum simplicem vim & mixturam si exacte habere mus perfectam, nescio, an aliquid deesset ad plenam naturæ cognitionem. Sed hinc fundi nostri est calamitas, quod *Philosophi*, dum omnium in natura virium & operationum originem, in *Forma*, nescio qua, *Substantiali* collocant, hujus autem *Formæ scientiam* impossibile esse fatentur, sensu & experientia cogente, incuriosus se gesserint in contemplanda *Accidentium* natura, eorumque viribus & varietatibus indagandis, contenti scilicet, in quolibet corporis affectu effectumque paulo difficiliore, dixisse, *Est à Forma*.

III. 5. *Forma non suscipit gradus nec variatur. At Accidentia eorumque Temperatura potest*

potest variari & gradus suscipere. Ergo Forma, non Accidens, non Temperamentum est. Major inde confirmatur, Quia rei definitio variari non potest, quæ tamen variata Forma necessario mutatur. R. Majorem plane negamus, & quam antiquo errore principii fere loco habeatur, tamen & convelli & refelli posse non dubitamus: ejusque etiam probationem rejicimus; affirmantes, ut Formas, ita & rerum definitiones, consistere intra aliquam latitudinem; non, ut vulgo volunt, in puncto indivisibili: Quod in omnibus corporibus, tum simplicibus, tum mixtis, tam animatis quam inanimatis, ostendi posset. Exemplo sit, elementorum & transmutatio in se invicem & mixto, in corporibus oriundis ex iis: in utroque genere evincitur, illud, quodcumque sit in elementis, quod Formæ locum obtinet, necessario intensiois & remissionis gradus admittit. Terræ gleba macerata in aqua, antequam in eam mutetur, varias & diuturnas requirit prædispositiones & præparationes, quibus omnibus peractis instat ipsum transmutationis instans. Queritur hic, An forma terre post tot præparationes maneat tamen integra & invariata usque ad ipsissimum transmutationis momentum? Quis sanæ mentis affirmaverit? cum sublatis aut diminutis propriis accidentibus Formæ integritas sibi constare nequeat; & si in transmutatione elementorum mutua, qualitatibus fractis, Formæ non frangantur, etiam tum, cum eis pereundum sit per transmutationem; cur in mixtione, ubi Formæ manent, necessaria tamen esset refractio earum? deinde in mixtione concurrunt quatuor elementa & manent in mixto: *Manent igitur Qualitates an Formæ?* Utræque. Si enim perisissent, unde quæso, ob bone, reviviscerent in resolutione mixti? *At manentne integra & in gradu intenso?* Minime gentium. Ambæ confusæ & probe confusæ ad symmetriam & proportionem harmonicam rediguntur: & Formas quidem necessario sic retondi, *ajunt*, quia, qualitates ab eis profluentes imminutas & debilitatas esse, sensus ipse testatur. At vero, num Forma remitti potest, num substantia suscipiet magis & minus? Hic res in luto hæret. Nec quilibet, qui verita-

tem ex puteo extrahat, præter Zabarellam re-pertus est. Is expedit audacissimæ distinctionis funiculo, sic. *Substantia potest variari cum mutatione speciei, sed non sine mutatione speciei.* Formæ elementorum variantur primo, non secundo modo. Nihil extra est in nucleum, si quid aliud intra hujus distinctionis latibulum cernas quam caliginem & tenebras meas. Forma elementi in mixto remittitur cum variatione speciei: i. e. Exempli gratia, Forma aquæ in mixto est minus Forma aquæ quam extra mixtum, & tamen est Forma aquæ, quia aqua cum sua Forma manet in mixto, & tamen in mixto non manet aqua nec aqua dicenda est, quia mutavit speciem, i. e. essentiam suam, & in aliud corpus transiit. Quis tulerit crudas hæc contradictiones? Consultius tamen putavit Zabarella in obscurissimæ distinctionulæ speciem se recipere, quam videri velle principia ab antiquis posita ad clariorem veritatis lucem examinare. Nobis hoc piaculum non est. Quare omisissis jejunis istis speculationibus, quæ intellectum veri cupidissimum misere ludificantur, asserimus, Formas elementorum recipere gradus, & intra latitudinem aliquam intendi posse & remitti, & quia sic variantur, nullo modo esse Substantias, sed meras qualitates earumque in debito gradu mixturam, supra vel infra quam proportionem elementa non sunt. Frustra itaque sunt otiosæ illæ quæstiones, de Formis elementorum, de earum integritate in mixto, de generatione & corruptione instantanea, seu de accessu & recessu Formæ Substantialis in momento. Aqua non in instanti aut fit aut desinit esse aqua, sed in tempore, per gradus perfectæ aut corrupta qualitatum Temperatura. Similiter in Mixtis; in ligno, lapide, pomo, carne, & in putrescentibus, ut corruptio procedit, per gradus, ita terminatur in temperamento; quod si ultra ultimum proportionis gradum vitetur, sequitur mixti dissolutio, soluto unionis vinculo: & hoc, fatentibus Aristotelicis, non Forma, sed qualitatum mixtura est. Atqui, oggerunt, *variantur rerum definitiones, si variantur Temperamenta: illa autem sunt constantes.* Resp. Pueriliter & absurde. Nempe hinc error, Definitiones rerum conduntur,

scbus

rebus ipsis in sua perfectione consideratis, inde mentis operatione abstractæ habentur, velut æternæ & constantis veritatis. At si res, prout in natura non ut in intellectu sunt, spectemus, an non variante natura variabitur Naturæ definitio? Notionalis illa & abstracta rei definitio manet, etiam re non existente, ut rosæ in hyeme: at realis aliqua applicatio fieri non potest, rebus aut non omnino aut aliter se habentibus. Quam absurdum hoc est affirmare, flores flaccidos, rosam marcescentem, pomum putrescens, lignum ad cariem pronum, carnes fœtidas, aut animal ægritudine & *δυσκαρσία* tabescens, æque perfecte definiti, ac definiebantur in integritate sua? Hi somnia sua definiunt, qui res, non prout in natura existunt, describunt, sed pro suo ipsorum conceptu & imaginatione. Nunquid mutatis qualitatibus mutabitur essentia, & tamen variatis non variabitur? Nobis certo constat: quicquid est in elementis mixtive Substantiale aut Materiale, illud invariatur manere: quicquid Accidentale seu Formale, illud mutari, generari, corrumpi, per quosdam gradus, secundum quos rerum ipsarum definitio varianda est. Sed quis insolens videtur, Animam vegetantem & sentientem, ad Accidentia & Temperamenta referre, quæ pro utriusque Substantia produci possunt Argumenta, dissolvenda fuisse speciatim Cl. Pembelii.

I V. 6. Si anima sit Temperamentum, tum omne corpus erit animatum, quia in omni corpore est Temperamentum. Resp. Levissimum est argumentum; cui hoc responsum sufficit: procedit meris affirmativis in secunda figura: itaque est fœdus paralogismus.

V. 7. Temperamentum mutatur pro ætate, loco, vicibusque ratione. Anima non mutatur. Ergo non est temperamentum. Resp. Hoc argumentum ex parte thes. 3. attigimus, & de Minore in genere ostendimus, Formas per gradus mutari & variari posse. Sed hic amplius duplex est error notandus argumenti huius. Prior est, quod non distinguatur inter Totalem seu Essentialem & Partialem seu Gradualement Temperamenti mutationem. In totali non tantum mutatio aliqua sed corruptio Animæ ac-

cidit. Quare nihil est ad rem. In partiali, secundum Peripateticorum principia, magis & minus non variant speciem. Esto exemplum in temperamento plantæ tenellæ & aquilæ, in nativo & alieno loco consistæ. Hic temperamentum non mutatur in aliud aliquod diversæ speciei, sed variatio est in gradibus perfectionis eadem specie manente, & hoc non obstante, constat Formæ unitas, etsi non similis operationum vigor. Alter error est, quod ab homine ad alia viventia incommodus est, ut hic fit, trajectus: nempe, in homine, diversimode variato Temperamento corporis, Forma prorsus est invariabilis, quia alia est hominis & aliorum viventium Anima: non sic in cæteris, ubi anima cum Temperamento coincidit.

VI. 8. Si anima sit temperamentum, tulerunt in planta aut animali animæ, quod diversa conspiciuntur temperamenta: alia ossis, alia nervi, alia carnis, alia corticis, alia ligni anima erit. Sed in vivente est unica tantum anima. Ergo anima non est Temperamentum. Respond. Minor propositio est falsa, etiam secundum doctrinam quamplurimorum Peripateticorum, doctentium, duas ad minimum in planta, & tres in omni animali animas essentialiter distinctas reperiri, formas vero inanimatas, sive (ut vocant) Mixti, etiam multo plures. Quare secundum illos, pluralitas Formarum & animarum Substantialium in uno composito nihil absurdi continebit: quoad nostram vero sententiam, multo minus, qui pluralitatem Substantialium in Mixto non agnoscimus, sed sub identitate Materiæ diversitatem Temperamentorum sic ponimus, ut omnia interim vivifica in plantis & animalibus esse fateamur.

VII. 9. Si anima esset temperamentum qualitatum in humoribus & spiritibus, tum non posset frenum impicere corporis perturbationibus ejusque impetum cohibere, sed eum semper sequeretur. Atqui ipsa experientia docet, animam esse corporis moderatricem. Ergo. &c. Resp. Hoc argumentum nihil aliud evincit, quam in homine quidem dari Substantiam aliquam à corpore distinctam, puta animam rationalem, quæ facultates inferiores Vegetativas & Sensi-

se.  
s &  
um  
tr,  
pe-  
di-  
per.  
non  
si.  
est,  
mo-  
ho-  
nto  
quia  
hni-  
cm.

tu  
di-  
a-  
igni  
tam  
Re.  
un-  
nte.  
m in  
ten-  
ani-  
ulto  
litas  
i in  
bit:  
mi-  
lix-  
late-  
po-  
is &

qua-  
nos  
nibus  
r se.  
mam  
keip.  
uam  
uam  
iona-  
as &  
enti-

Sen  
mo  
sim  
stan  
enir  
psu  
qui  
triv  
m  
do  
V  
nes  
bu  
den  
illa  
luti  
vite  
org  
fieri  
nec  
istu  
Spir  
agil  
nili  
fenti  
Dic  
tuo  
fenti  
teria  
re:  
in de  
fenti  
om  
ria  
hee  
in  
spiri  
prin  
defe  
tio



Sensivitas pro arbitrio suo regat & aliquo modo coëreat. At in plantis & brutis, ubi simile imperium plane non cernitur, illa Substantiarum diversitate non est opus. In his enim anima non solum sequitur, sed est ipsum Temperamentum: in homine sequitur quidem ejus propensiones plerumque (juxta tritum illud, *Mores animi sequuntur temperamentum corporis*) sed cursum moderatur quando vult.

VIII. *A quo sunt nobilissime ille operationes Percipiendi & Judicandi de rebus sensibilibus, Imaginandi & Memorandi, illud Accidens esse non potest. At ab anima brutorum sunt ista operationes. Ergo &c.* Respond. Pro solutione hujus argumenti, notandum est breviter: Omnes istas operationes esse mere organicas atque in materiali aliquo subiecto fieri, & ab eo dependere: & propterea nullibi nec esse, nec esse posse, nisi ubi organum illud reperiatur: Organum vero illarum est *Spiritus animalis*, pura, clara illa, lucida, & agilis Substantia: hujus copia maxima & purissima est in capite, in hoc igitur & sedes est sensationis omnis. At queritur de Principio. Dico, *spiritum istum animale, esse non tantum organum, sed, primum principium* omnis sensationis: nemp in spiritibus duo sunt; *Materia & Qualitatum* vivacissimarum *mixtura*: In qualitatibus est prima causa & origo, in Materie est primum subiectum & organum sentiendi; in utrisque conjunctis consistunt omnes *Apprehensionis, Phantasia, & Memoriae* vires, quas in brutis cernimus. *Dabitur hoc quidem, Spiritus* hosce esse immediatum instrumentum omnis sensationis, siquidem in spiritibus solis species rerum sensibilibus imprimuntur & inhaerent, per spiritus hac illuc deferuntur, & vel minima spirituum turbatio impedit, maxima corrumpit sensationem

omnem: at vero nullam esse aliam substantiam in brutis, quæ his spiritibus utatur, ut instrumentis sentiendi, ipsi vero sint prima sentiendi causa, *hoc non dabitur. Sed necessario dandum est*: illa enim alia Substantia, quam animam vocant, erit vel materialis vel immaterialis. Si materialis, erit vel purior vel impurior spiritibus. Non prius, quia spiritibus nihil est purius in genere rerum materialium: nec posterius verum est, quia absurdum est adscribere principium sentiendi impuriori materiæ & negare puriori. Si immaterialis sit, recurrunt omnia dubia *disp. 35.* allegata. Si iustos, *esse supra naturam purissimam Materiam vel exquisitissimis Qualitatibus ornata, Judicare, Meminisse, Appetere, Fugere, &c.* Dico, *quod non.* Neque id nobis magis mirum videri debet in perfectioribus animalium temperamentis, quam multa non minus admiranda effecta in ipsis inanimatis, quæ ab ipsorum temperamento procul dubio pendunt, etsi sit imperfectius. Illud præterea *Aristotelis* axioma, *Nullum simile percipitur à simili*, hic locum non habet, cum talis sit spirituum, & puritas quoad materiam, & temperies quoad qualitates, ut in omnibus sensibilibus, quæ bruta possunt percipere, nihil simile reperiatur: neque etiam ubique veritatem obtinet *hoc axioma*: siquidem nec oculus oculum, nec anima animam, nec intelligentia intelligentiam hoc pacto perciperet. Atque hæc sunt quæ de *Vegetante & Sentiente, Animabus*, ac de *Formis*, in genere, differentem vidimus *Cl. Pembelium*, qui inde ad Animam transit rationalem, quam immortalem esse & æliis infundi porro docet. Verum, quia de *ejus Origine & Ortu* ex professo disputatum est, in *selectarum* harum *disp. curriculo, disp. 6. & 18.* labore reliquo supersedemus.

## Disputationum ex Philosophiâ selectarum,

TRIGESIMA-SEPTIMA.

DE

PRINCIPIIS CORPORUM NATURALIUM  
CONSTITUENTIBUS, ET PRODUCENTIBUS.

T H E S I S I.

**D** Estruximus receptam, sed contra *rationem* & contra *Aristotelem*, *Formarum* doctrinam, *disp. precedentibus*, quod non aliquo contradicendi studio, non gloriæ aliqua cupidine, sed solius veritatis inveniendæ gratia, est factum: dux nobis fuit in hoc certamine Philosophico *Cl. Pembelius*, cujus sententiam de *Corporum naturalium constitutione* examinandam proponere, fuit visum, ut *diversis* sequatur *transmutatio*: facile enim est, recepta rerum destruere principia; at veriora adstruere, hoc opus, hic labor est. Hæc igitur *Cl. Pembelii* fuit mens, quæ sequitur.

II. *Principia Corporum* tria sunt: *Constitutionis*, duo; *Materia* sive Subiectum, & *Accidentia*: *Transmutationis* unum, *Accidentium contrarietas*.

III. *Materia* est, totum & omne illud, quod in corporibus naturalibus est Substantiale: estque indifferens ad omnia & capax omnium Accidentium, sed tamen non est simpliciter radix & fons eorum omnium: verum origo Accidentium est, quæ ipsius Subiecti, scilicet immediata creatio vel concreatio potius.

IV. *Accidentia Materiae* sunt duum generum. 1. *Alia consequuntur* illius essentiam & eidem coexistunt ex interna naturæ necessitate, ut *Potentia passiva*, *Extensio* seu quantitas, *Locus*, *Tempus* seu duratio successiva. Atque horum Accidentium fons & radix dici potest *Materia*, quia proxime in illius essentia radicanter. 2. *Alia constituunt* existentiam illius in certa aliqua specie, ut omnes qualitates primæ & secundæ; quæ in *Materia* non inerant primum ex necessitate naturæ, sed ex arbitrio creatoris; poterat *Materia* sine iis esse,

sed inducebantur ad distinctionem illius in varias species: Utrumque genus Accidentis *Materiæ* imprimitur immediate, nec opus est substantia aliqua intermedia, qua interprete Accidens *Materiæ* societur. Ut vero qualitates inhærent immediate in *Materia*, ita à qualitatibus immediate profluunt operationes & operandi vires.

V. *Cæli Materia & Substantia* communis est, cum *materia & substantia* omnium corporum inferiorum, & Accidentia primi generis communia possidet: sed in Accidentibus secundi generis differentia est inter Cælum & Sublunaria, videlicet, in discrepanti copula primarum & secundarum qualitatium, lucis, caloris, levitatis, & tenuitatis. At de *Cælo* nihil fere certi adhuc norunt *Philosophi*.

VI. *Elementa* sunt tria, *Aër*, *Aqua*, *Terra*; nec pluribus est opus ad mixtionem corporum: imo duobus forte res ista peragitur, *Aqua* & *Terra*. Hæc elementa essentialiter inter se distinguuntur propriis & peculiaribus qualitatibus, & à Creatore immediate *Materiæ* inditis: in *Terra* copulantur, *Frigiditas*, *Siccitas*, *Densitas*, *Gravitas*, & *Consistentia*: in *Aqua* uniuntur, *Frigiditas*, *Humiditas*, *Densitas* remissior cum *Gravitate* & *Fluore*: in *Aëre* denique vinciuntur, *Caliditas* remissa, *Humiditas* debilis, *Levitas*, *Tenuitas*, & *Fluor* summus. *Ignis* nihil est nisi calor intensior, sive in aliquo elementorum sive in corpore mixto sit. Calor in *Aëre* & in omnibus mixtis (in quibus calore opus est) est partim implantatus in primæva creatione, partim infusus à *Sole*, vero ac solo, si quod sit, *Elemento Ignis*, & unico caloris fonte in inferioribus:

nibus: implantatus verò calor sine infuso citò marcesceret.

VII. *Compositio rerum* est duplex: prima est ex Materia nuda & qualitatibus primis secundisque simplicioribus, ut in Cælo & Elementis; secunda, ex Materia sic qualificata, & novis qualitatibus Mixturis, oriundis ex prioribus, ut in omnibus corporibus Mixtis. Qualitatum in Elementis illa est Copula quæ esse potest simplicissima: quare in eam semper fit resolutio. At qualitatum in Mixtis mixtæ sunt copulæ ex simplicibus: quemadmodum de coloribus vulgo ajunt, Albedinem & Nigredinem fieri ex mixtura varia perspicui cum opaco; medios autem colores oriri ex mixtura albedinis & nigredinis.

VIII. *Mensura* modusque omnium *Temperamentorum*, & *Simplicium* & *Mixtorum*, datus est & fixus in prima creatione: à quibus primitivis exemplaribus si natura erret excessus defectusve, monstrum & deforme quid fit.

IX. *Generare* sibi simile, non viventis folius sed generaliter omnium qualitatum activarum est proprium, sive simplices illæ & solitariae sint, sive copulatæ in certa combinatione. Qualitates vero hæc ita sui diffusivæ & simillimæ generativæ sunt, ut necessario Materiam sibi proportionatam efficiant, quo liberum habeant suarum virium exercitium; itaque vis plastica seu formatrix immediate & primò in ipsis qualitatibus fundatur, quæ quo sunt simpliciores, eo simpliciores & magis uniformem materiæ configurationem postulant; quo autem pluribus qualitatum diversarum mixturis complicatæ & compositæ sunt, eo magis variam & disformem partium materialium effigiationem requirunt & producunt. Mixtio, quo longius descendit à simplicitate, eo exquisitior est & subtilior, quia magis est artificii, tot qualitatum & combinationum differentias in unam *æstati* vincire: atqui tanto infirmior est mixtura, quanto magis composita est, quia pluribus constat qualitatum contrarietatis: hoc in metallis, plantis, animalibusque inter se invicem comparatis, cernitur.

X. In *viventibus* est reciproca temperamenti propagatio; ex Semine, Viventis; ex

Vivente, Seminis. Vis prolifica & vivifica in semine, non est ab aliqua substantia immateriali & spiritali, quæ semini adhæreat vel inhæreat, sed à solarum qualitatum ingeniosa & subtili temperatura in Materia pura & spirituosiore: Hæc vis actu inest in semine sed tamen sopita est, nec actu agit, nisi admoto patiente aut potius coagente, in & à quo virtus ista excitetur; perinde, ut piper calidum est in se, non urit tamen nisi saliva admixtum; atque copiosi & fortes spiritus, qui in hordeo, tritico, aut quovis alio grano semineve latent, facile extrahuntur arte stillatoria, si aquam paulatim admisceas ignemque admoveas.

XI. In *Plantis*, Terra feminibus futuram veluti in Matrice præbet, tum calorem à sole acceptum, tum humorem aptum suppeditando; quibus calidi humidique seminum spiritus acciuntur, & inflati turgent, materiamque extendentes partibus & proportionibus idoneis virtute sua effigunt.

XII. In *Animalibus Oviparis*, etsi sit opus Mare & Fœmina ad generationem Ovorum fecundorum (nam subventanea fiunt à sola fœmina) ad generationem tamen Pulli sufficit quivis calor, sive animantis cujusquam, sive pulveris, fimi, solis, fornacis: quia enim in Vitello Humoris est satis ad Nutrimentum, opus tantum erit calore externo ad excitandas spirituum & Caloris vires generativas in albumine.

XIII. In *Viviparis*, opus est utroque sexu ad efficiendam unam feminis massam generationi idoneam: & mas & fœmina active concurrunt, ille magis, hæc minus; copulatis & exquisitè mixtis utriusque feminibus, spirituosissima totius massæ substantia aucta & inflata per calorem uteri & humorem menstruum varie se commovet, dilatando, condensando, effingendo reliquam materiam ignaviorem, pro qualitatibus & operationum necessitate.

XIV. Ad generationem Viventis absolute & simpliciter femine opus non est: sed sufficit Qualitatum Vivificarum mixtura & concursus, etiam in alia materia, ut patet in plantarum propagatione, in earum, & animalium, ex materia putri genitura.

XV. Summatim, *Anima, Vegetativa in Plantis, & Sensitiva in Brutis*, sive Generales illæ, quibus Plantæ & Animalia sunt, sive Speciales, per quas in species certas distinguuntur, sunt tantum Temperamenta nobiliora Qualitatum actuosiorum in Materia subtili, pura & spirituosa, sive illa semine propagata; sive alio modo constata. Atque hæc est *Gl. Pembellii* de principiis Corporum naturalium sententia: quam eandem tenent *Hollandi Fratres Bootii* in *Philosophia Naturali reformatæ*, *Academiae Lugduno Batavæ* ante sexennium inscripta, c. 2. sect. 2. & *Gorleus Vitrajectinus* in *Exercitationibus Phil. Exerc. 14.* Verum quia charta superest, placet in aliorum quoque Philosophorum sententias circa naturalium corporum principia inquirere.

XVI. *Teleus* in lib. de *Natura rerum*, & *Campanella* in *Reali Philosophia Epilogistica*, *Calorem & Frigus* una cum *Materia* faciunt prima omnia corporum naturalium principia, ex eorumque actionibus omnia in Physicis derivant atque explicant. Afferunt; Deum in medio spatii vacui posuisse *Materiam*, i. e. corpus inconstructum, aptum ad constructionem recipiendam, eique apposuisse duas causas agentes, *Calorem & Frigus*, quæ in communem Massam, ut suam efficerent, agentes, duo Mundi corpora prima effecerunt, *Calor*, sc. *Calum* ex *Materia* devicta & attenuata, *Frigus Terram* ex portione correpta & condensata: quæ sunt duo prima elementa, ex quibus secunda, *Aërem & Aquam*, & deinceps reliqua omnia pro sua sapientia considerit rerum omnium conditor Deus. Querat aliquis, quid de horum Italorum *Teleus* & *Campanelle* sententia statuamus? Nos, ut *Materia* quæ omnium Philosophorum consensu Principium est, nec negari ulla ratione potest, quamvis non talis, qualem finxit *Arist.* libenter admittimus, *Formamque* rejicimus, nisi quis velit *Logica* secundæ notionis vocabulo hic esse contentus, ita non acquiescimus in solo *Calore & Frigore*, ut altero cum *Materia* principio utriqueque, rati, non sufficere illa, corporum naturis, proprietatibus, & operationibus explicandis, nec esse prima, ut docet esse principia.

XVII. *Franciscus Patritius* in *Nova*, quam

condidit 1588. *Philosophia, sive philosophaturus est*. *Philosophia*, studium est sapientiæ. Sapientia est Universalitatis cognitio. Rerum universalis constat ordine. Ordo priore constat & posteriore. Si quis à posteris philosophari cœperit, rerum ordinem confuderit, eisque sibi que nebras offuderit. A primis ergo philosophandi initium nobis esto. A primis; cognitivæ an ab incognitis? si ab incognitis incipiamus, sequentia incognita erunt omnia. De incognitis nulla nobis condetur *Philosophia*. A cognitis ergo iarium fumendum: Cognitio omnis à mente primam originem; à sensibus exordium primum habet. Inter sensus, & naturæ nobilitate, & virium præstantia, & actionum dignitate, *Visus* est primarius. Visui prima & primo cognita, sunt; *Lux & Lumen*: Eorum ope & opera plurimæ patefcunt rerum differentie, *Lux & lumen* statim natis sese offerunt. Per hæc præsci homines, sublimis & media, & ima conspexerunt: conspecta sunt admirati: admirando sunt contemplati; contemplando sunt philosophati. *Philosophia* ergo, luminis, admirationis, contemplationis, proles est verissima. A *Luce* ergo, ejusque prole *Lumine*, rerum sensibilibus præstantia omni primis, primarioque sensui primo cognitis, *Philosophia* nostræ primajaciamus *Fundamenta*. *Lux* in Corporibus quibusdam cernitur, in aliis non cernitur: corpora ergo distinguenda. Corporum igitur alia sui natura lucida sunt, Sol, Stella, Ignis. Alia sui natura sunt opaca, Luna, Terra, Nubes. Alia neque lucem habent neque opacitatem; utramque tamen in se recipiunt. neutram vero retinent, *Æther*, *Aër*, *Aqua*, *Lucida*, luce sua plena, alienis tenebris sunt impervia. Opaca, tenebris plena suis, alieno lumini non sunt pervia. *Diaphana*, propriis, & lumine & tenebris, carentia, alienis, & lumine & tenebris, permeantur, &c. Hæc fusius porro persequitur, qui præter *Materiam* corporum nullum aliud agnovisse principium videtur, quam *Lucem*, *Patritius*. Sed vero nobis non placet, qui *Lucem* pro substantia non agnoscimus, multo minus pro *Forma* substantiam, multo adhuc minus pro incorporum & corporum æque simulachro & imagine, ac natura media corpora inter &

sub.

substantias incomporeas, uti eam facit *Patrius l. 1. Panaugia.*

**XVIII. Comenius in sua Physica synopsi,** Principia Corporum naturalium facit, *Materia, Spiritum, Lucem.* Materia ipsi definitur, substantia corpulenta; per se bruta & tenebrosa, corpora constituens. *Spiritus,* Substantia subtilis, per se viva, invisibilis & insensibilis, corpora inhabitans ac vegetans. *Lux,* substantia per se visibilis, & mobilis, ac lucida, materiam penetrans, eamque recipiendis spiritibus preparans, atque ita corpora efformans. Ergo, quo quid plus habet Materie, eo plus habet corporis, opacitatis, & immobilitatis, ut Terra: quo quid plus habet spiritus, eo plus habet vigoris & durabilitatis, ut Angelus: quo quid plus habet Lucis, eo plus habet Formæ & mobilitatis, ut Sol. *Materia* in Mundo est primum ens: *Spiritus* primum vivens: *Lux* primum movens: & sic omne Mundi corpus est ex *Materia*, per *Lucem*, in *Spiritu.* *Materia* est Principium passivum mere; *Lux*, activum; *Spiritus*, anceps: respectu enim Materie est activum, respectu Lucis Passivum. Hæc *Comenii Philosophia*, præterquam quod *Lucem* faciat substantiam, quod tamen destructum præter alios vide à *Wendel. in Phys. General.* *Spiritum* insuper facit vivum, universalem Mundi corporumque in Mundo formam atque animam, quod à *Wendelino in Cosmologia* refutatum, nobis quoque improbat.

**XIX. Basso in Philos. naturali sua l. 1. in tent. 1. art. 3. & 5.** ad Corporis naturalis generationem ac constitutionem nihil requirit aliud, quam minutissimas Particulas diversæ naturæ, ex quarum conjunctione res contruantur & fiant, & segregatione destruantur & intereant; has atomos vocat art. 6. & à Deo ponit creatas, ne fortuitum hic earum absque Dei providentia concursum quis fingat. Atque ex iisdem: tanquam solis principis corporum producentibus ac generantibus, inter se motis, varioque modo agitis, conjunctis, segregatis, proprietates omnes naturæ atque operationes explicant, Basso, recentes duo, sed nobilissimi, *Philosophi, Joh. Chrysostom. Magnus Acad. Tytensis Professor Medicus in suo Democrito reditrovo, & Claudius Berigardus*

*Lycei Patavini Philosophus in Circulo Pisano.* Atque hæc sententia, vel vera vel veritati proxima.

**X X.** Sed enim, quæ causa est tot dissensionum & tantæ incertitudinis circa Corporis naturalis principia? Resp. Radix & fons mali est (ut verbis utar *Gerardi de Neufville* in præfatione suæ *Physicæ generalis*) quod homines, qui veritati in *Physica* inquirendæ operam navant; non satis adhererent sensui atque experientiæ, mediisque ab istis initiis rite scientiam excitandi non recte adhibeant, sed, vel auctoritatibus aut præconceptionibus opinionibus præoccupentur, vel loco certorum principiorum vanas atque invalidas ratiunculas sententur, quæ ut plurimum numero non pondere asstantur: Accedit ignava quædam in iis sui Diffidentia & stulta Creditulitas, ex quo *Aristotelem* nimium suspexere, & rerum naturalium principia ab ipso inventa supposuere: unde credentes omnia uni *Aristoteli*, nihilque aliud, quam quod ipse noverit, nosse volentes, dum hoc tyrannicæ servitutis jugum non excutiant, spem sibi præcitant optimorum inventorum, & quod dolendum est serio, optima sæpe ingenia à veri inveniendo studio & viâ abstrahunt, atque soli *Aristoteli* (atque utinam *Aristoteli* tantum, ac non ineptis & rerum omnium imperitis *Scholasticis*, vocabulorum, terminorum, ac distinctionum Magistris) adhærescere compellunt, & aliquid ultra eos sapere prohibent, quod ipsi ultra non sapiant. Verum enim vero tollendum hoc est malum, idoneo medio ac remedio, quod fiet si ad sensum, rationis, ac scripturæ dictamen, philosophemur, & Philosophiam Peripateticam ac Scholasticam, multis partibus defectam: multis modis intricatum, multa vocum barbarie fœdam, multis ambagibus prolixam, multis opinionibus erroneam, multis assertionibus infrugiferis repletam, reformemus, emendemus, restauremus, quod faciendum esse & quomodo, præter *Comeniam in præfatione suæ Physicæ & Prodromo Philosophiæ*, atque illustrem *Verulamium in Institutione magnæ & Augustinæ scientiarum*, nobiliora hodie ingenia clamant, probant, tentant. Et cur hic non Patres potius antiquiores, quæ Latinos, in philosophando imitatur, quam se-



quioris ævi nugaces, ac modernos Scholasticos? Sancti Patres, inquit *Fromondus in Anatomia hominis c. 1. Philosophiam Platonis prætulere Aristoteli*: & cur Veterum ante Aristotelem circa principia rerum naturalium opiniones non magis inquiruntur, & sola Aristotelis placita ut oracula accipiuntur? Patres antiqui, dicit *Claud. Berigardus, Circ. Pis. 3. in lib. de Ort. & Inter. Arist. Philosophia Aristotelis non utebantur, antequam Carolus Magnus eam in scholis explanandam proposuisset*: & quia hæc in omnes scholas est inuenta, usus obtinuit, ut ejus principiis utamur in philosophando, sed tanquam hypothesei, quemadmodum Astronomi, ad motus celestium corporum explicandos, utuntur hypothesei circulorum, concentrici, excentrici, epicycli, &c. at vero nemo Astronomorum hoc exigit, ut hisce hypotheseibus Astronomicis fidem adstringamus: sic nec necesse est, ut hypotheseibus Aristotelicis fidem obligemus, & cæca credulitate accipiamus pro principiis veris, quæ, vel non examinavimus, vel vera esse nondumprehendimus aut clara percepimus. Quæ enim lex, quæ ratio, legis anima, hoc præscribere valeat? quidni liceat *Aristotelis* principia examini subicere nobis, ut ipsi liceat Veterum ante se examinare principia? atque utinam examinasset tantum; ac veteres ante se Philosophos ratione visisset, non imperio, non contentum: quod cum fecisse integro libro ante sexennium demonstravit *Paganinus Gaudentinus, Pisanus Professor*, in quo, *Aristotelem* passim contemptissime de *Antiquis Sapientibus* fuisse locutum, in capita eorum dicta ac convitia projecisse, falsas opiniones affinxisse, quo solus in regno Philosophico imperaret, per varias Philosophiæ partes fuisse probat: atque hic Veterum contemptus causa est, cur hodie illorum opiniones, circa Naturalium corporum Principia, inquirere, vix operæ videatur pretium; & inquisitæ ac deprehensæ fere repudiuntur, quia ab *Aristotele* sunt rejectæ: quæ *Aristotelis* dictatura, si intra *Philosophiæ* cancellos sese continuisset, lenius ea ferri posset: at vero Theologiæ etiam fines perripuit; quod ex sequenti annexo liquet.

## ANNEXUM.

**A**ristotelis *Philosophia*, si ex solo hauriatur Aristotele & Philosophi dogmata ex Græco ejus contextu, propriisque verbis ac sententiis, colligantur, non ex mala sæpe ejus versione aut ineptis Interpretum, præsertim Scholasticorum, commentis, multum continet bonæ frugis, nunquam tamen ejus Auctoritas Ratio ni est præferenda, multo minuss divina Auctoritati adequanda, aut ei præponenda, ne dum ut ejus paganismi S. S. Theologiæ immisceantur, quod factum esse à Thoma Scholasticorum principe, r. lingua Barbarorum caterua, scripta eorum telantur: atque adeo inualuerat Aristotelis in Theologia Auctoritas seculis ipsi caliginosis, ut pro axiomate haberetur, Nemo si Theologus sine Aristotele; & qui Aristotelis contradiceret, Theologiam crederetur enervare: quod Petro Ramo suo tempore fuit obiectum, adhuc ante seculum: unde factum est, ut magnus Lutherus Theologiam reformaturus initium fecerit: à minuenda & infringenda Aristotelis in Theologia auctoritate, quod epistole variae Lutheri adhuc *Cœnobite, ad socios Johannem Langum, Georgium Spalatinum, Judocum Hebenacensem, &c. annis 1516. 1517. 1518. datæ, satis superque significant, & præclara illa apud Augustinianos in chæta Heydelbergæ, 6. Kal. Maji 1518. ab ipso habita disputatio, in qua inter 40. positiones, tum Theologicæ tum philosophicæ, 29. hæc extat: Qui sine periculo velit in Aristotele philosophari, necesse est ut ante bene stultiſicetur in Christo. Videatur tomus quoque primus Operum lat. præsertim in explic. 8. præcepti, ubi hæc ejus sunt verba. Miserum est genus hominum quod sese per Philosophiæ Aristotelis falsissimum nomen decipit & fatigat, cum Aristotelem neque intelligant ipsi neque doceantur; falsis interim & fictis commentariis pijs in Christo animas occupant & onerant; imo illud potius, dum hoc esse Philosophiam prætendunt quod non est, merasque sectantur nugas. Qui non Lutherum solum, sed ex Pontificiis ipsis non paucos, commovet nimia Aristotelis Auctoritas. Vid. Melch. Canum, Episc. Canariens. in loc. Theol. edit. Col. 1574.*



1. 10. Campanellam Monachum Ord. Præd. in prologo Instaur. Scient. Paris. 1637. Car-muelem Lobcowitz, Abbatem Melrosensem in Præfatione Philosoph. rationalis & realis, edit. Lovan. 1642. Ludovic. Vivem, in se-ptem de corruptis artibus, & quinque de tra-ndis disciplinis libris, Lugd. Batav. recu-ssis, 1636. Franciscum Patritium in discussio-

nibus Peripateticis, Basileæ 1581. Johannem Picum Patrum & Johannem Franciscum Picum Mirandulæ Comites in operibus editis Basl. 1601. præsertim in Examine vanitatis doctrinæ Gentium. Laurentium Vallam in sua reconcinnatione Dialecticæ & Funda-mentorum universalis Philosophiæ, 1509. Apud Ascensium.

## Disputationum ex Philosophiâ selectarum,

### TRIGESIMA-OCTAVA.

D E

## DEFINIT. FORMÆ ARISTOT.

### T H E S I S I.

**D**ixit præcedens circa finem Disputatio, Aristotelis Philosophiam, si ex Græco ejus textu propriè proponatur & exponatur verbis, multum continere bonæ frugis. Quare, tres Definitiones Formæ quas diversis habet in locis *Philosophus*, ex ipso, missis Scholasticorum interpretamentis, explicatas dare nunc est animus, quo ejus hic mens planior fiat. Definitiones istæ tres extant, *Prima*, 2. *Post. Analyt. c. 3.* Forma est, *τὸ τί ἦν εἶναι*. Secunda, 2. *Physic. c. 3.* & 4. *Metaphysic. c. 2.* Forma est, *λόγος τοῦ τί ἦν εἶναι*. Tertia, 1. *de Gener. Animal. cap. 1.* Forma est, *λόγος τοῦ εἶναι*. Quæ omnes tres definitiones sensu conveniunt, sed tertia est omnium clarissima: in qua duæ occurrunt voces explicandæ, *λόγος* & *εἶναι*. De singulis agemus singulatim, ac primum de posteriore, *εἶναι*.

II. *Οὐσία* ab *εἶναι* descendit, uti Latinum vocabulum, quod Græco respondet, *essentia*, ab *esse*: ita ut *εἶναι* propriè vi vocis significet *essentiam*, quamvis *Aristoteles c. 5. Categ.* & alibi non semel vocem *εἶναι* restringat ad significandam *ὑπάρξιν substantiam*: & sic Accidentium non esset *εἶναι*. verba ejus cap. cit. sunt. *Οὐσία δὲ ἵστιν ἡ κυριώταται τῶ, & πρῶται, & μακίστη λεγομένη, ἡ μάλιστα ἵστανται ὑποκειμένη τῶν λεγόντων*, &c. & paulo post, *πᾶσα δ'*

*εἶναι δοκεῖ τῶν τι σημαίνοντων*. Quæritur, *Utrō sensu vox εἶναι sumi debeat in definitione Formæ?* Resp. Utrōvis sensu sumas, nihil peccatur, neque aliquid excuspitur, ad formas asserendas Substantias à Materia distinctas. Si vocem *εἶναι* reddas per *essentiam*, cum Forma dicitur *ratio essentie*, eo non significatur, formam esse substantiam à materia distinctam; imo eo potius contrarium significatur: quomodo enim Forma dici queat ratio essentie ipsius materie, si habeat essentiam propriam à materia & ejus essentia distinctam? potestne fieri, ut ex daabus rebus diveris & distincta essentia præstitis una res dicatur ratio essentie alterius rei? potestne leo dici ratio essentie equi? Si per vocem *εἶναι* intelligas *Substantiam*, cum forma dicitur *λόγος εἶναι*, idem est ac si dicas, *forma est ratio substantie*: quandoquidem vero forma est materie forma, eo ipso materia ponitur esse substantia, non forma: nisi quis rem ac substantiam cum substantiæ ac rei ratione & *λόγος* confuderit: sicut ratio entis, *essentia*, ipsa non est *ens*, ratio hominis, *humanitas*, non est *homo* (aut daretur progressus infinitum) ita ratio substantiæ, sc. *Forma*, ipsa non est substantia. Sed hæc omnia clariora erunt ex iis, quæ de *λόγος* dicemus.

III. *Λόγος* varia significat apud Græcos, &c. ne

& ne omnes significationes recenseamus, inter-  
 dum *sermonem* significat, eumque vel *λογισμὸν*,  
*λογισμὸν*, foras prolatum & externum, vel *ἐν-  
 διάλεκτον*, intus conceptum & internum; in-  
 terdum *rationem*. Ratio ista vel in mente no-  
 stra est vel in rebus ipsis. Ratio five *λογισμὸς* in-  
 mente nostra vel significat *rationem* aut  
 intelligendi *facultatem*, veluti cum homo  
 dicitur *λογισμὸν* habere, vel ipsum *λογισμὸν* seu  
 intelligendi ac *rationem* autem. Ratio five  
*λογισμὸς* in rebus sumitur tripliciter: 1. pro ar-  
 gumento seu *termino* medio in syllogismo, vel-  
 uti cum *Arist.* c. 29. l. 2. *Post. Analyt.* dicit  
 omnem scientiam esse *μετὰ λογισμὸν*, intelligen-  
 tiam seu assensum principiorum esse *ἀπὸ  
 λογισμῶν*. 2. *Pro* *quod* aliquis entis sine ulla *in  
 inferendi* aut probandi, veluti cum ab *Euclide*  
*l. 5. Elem.* *λογισμὸς* five ratio dicitur, duarum  
 magnitudinum ejusdem generis quædam se-  
 cundum quantitatem habitudo, & Analogia  
 rationum similitudo. Quod ab *Euclide* de  
 quantitate, hoc de omnibus omnino rebus  
 dici potest, ut ratio five *λογισμὸς* sit omnium re-  
 rum mutua quædam habitudo, & Analogia  
 sit rationum in rebus similitudo. 3. *Pro modo*  
*quo res unaquæque menti obijciatur cognoscenda*.  
 Hæc postrema acceptio vocis *λογισμῶν* latissime  
 patet, & priorem suum ambitu comprehendit:  
 dicitur enim rerum habitudo efficit, ut ali-  
 ter atque aliter res ab intellectu nostro concipi-  
 antur atque intelligantur. *Forma*, ut hæc  
 omnia applicemus, non est *λογισμὸς* & *ἐνείας*,  
 prout *λογισμὸς* significat *sermonem*, nec prout  
 notat *rationem* quæ est in mente, nec prout  
 indicat *argumentum* tertium, sed prout indi-  
 cat *habitudinem* *variam materie*, & *mo-  
 dum*, quo pro *varia* *habitudine* *varie* obijci  
 potest menti. Et sic forma nihil est aliud ex hæc  
 definitione *Aristotelis* quam *Barbarorum*  
*Formalitas*, quidditas, ratio formalis aut quid-  
 ditativus. Atque hinc liquet, quam inepte,  
 ex hac formarum & rationum formalium  
 multiplicatione, multiplicaverint totidem entia  
 totidemque substantias, easque à materia  
 diversas, *Scholastici*. Sed paulo adhuc ulte-  
 rius de *Formis* & *λογισμῶν* & *ἐνείας* est philoso-  
 phandum.

IV. Quæritur, Unde hi *λογισμὸς* & *ἐνείας*, tam

*varii*, in re una, oriuntur? Resp. Ex huma-  
 næ mentis imperfectione, quæ cum tanta sit,  
 ut nequeat mens uno conceptu distincto in-  
 telligere, quod in se unum est, fit, ut intelle-  
 ctura objectum suum, illud distrahatur, & quod  
 unum est, quamvis unum sit, pluribus sibi-  
 quæ invicem dissimilibus conceptibus intelligatur.  
 Quid magis est simplex, quam Deus? & ta-  
 men Deum concipimus, ut Deum, ut im-  
 mensum, ut æternum, ut sapientem, ut mi-  
 sericordem, ut justum, &c. & concipimus,  
 non solum pluribus, sed & dissimilibus mul-  
 tumque inter sese diversis conceptibus: con-  
 ceptus enim divinæ justitiæ multum differt à  
 conceptu, quem facimus de divina miseri-  
 cordia, estque alter alteri prorsus dissimilis:  
 & sic in aliis divinæ essentiae attributis concipi-  
 endis, conceptus sapientiæ differt à conceptu  
 omnipotentiae, &c. Atque hæc omnia sunt  
 totidem *λογισμοὶ* *τῆς* *ἐνείας* in Deo: unde & dicitur  
 in Deo ab ipso distingui & inter se *τῶν  
 λόγων*, *ratione*, quia licet in se & Deo omnia sim-  
 unum, sunt tamen objecta distinctorum con-  
 ceptuum nostri intellectus, quia *λογισμοὶ* seu *ra-  
 tiones* appellantur, quasi dicas, *rationes* *con-  
 cipiendi*. Hinc & ipsa illa objecta, quatenus  
 ratione differunt, externa denominatione,  
*rationes* *entium*, *λογισμοὶ* *τῶν* *ἐνείων*, vulgo *conceptus*  
*objectivi* vocantur, quia scilicet *τῶν* *λογισμῶν* si-  
 ve *rationibus* *conciipiendi*, id est conceptibus  
 animi nostri, obijciuntur, indeque distinctio-  
 nem capiunt. Atque hæc sunt *formæ* ac *rationes*  
*essentiæ* in re unaquæque.

V. Hæc Philosophia plane est *Aristoteli-  
 ca*: quippe *Aristoteles* non uno in loco docet,  
 unius ejusdemque rei esse varias rationes &  
*λογισμῶν* *τῶν* *ἐνείων*, seu *τῶν* *ἐνείων*. Sic dicit *1. Phys.  
 materiam* & *privationem* esse unum numerum,  
*distingui* vero *τῶν* *λογισμῶν* seu *ratione*, quia scilicet  
 alius est conceptus materie, ut est materia, &  
 alius, ut est privata. Ex. gr. cum quis Musi-  
 cas sit ex *ἀμύσει*, subjectum istius mutationis  
 est homo, privatio *ἀμύσει*: homo enim ex  
*ἀμύσει* sit musicus: itaque licet homo &  
*ἀμύσει* sint idem numero, *ἴσμεν* tamen *τῶν  
 ἀνθρώπων* & *τῶν* *ἀμύσεων* *τὴν* *ἐνείαν*, *ἴσμεν* *ὅτι* *ὁ* *λό-  
 γος* *τῆς* *ἐνείας*, id est, *alía* est hominis, *alía*  
*ἀμύσει* seu *musicæ* *inperiti*, *essentiæ* aut *rationis*  
*essentiæ*.

*sentia. l. 1. Phys. §. 67.* Simili modo loquitur Philosophus l. 5. Ethic. e. 1. de Justitia & virtute universalis: *ἵνα μὴ τὸ ἴδιον*, inquit, τὸ αὐτὸ ἢ τὸ αὐτὸ εἶναι ἢ τὸ αὐτὸ εἶναι, id est, illa eadem quidem est, sed essentia non est eadem, sed quatenus ad alium est, justitia: quatenus talis habitus, absolute virtus dicitur. Similia loca extant apud Aristotelem plurima, quibus nihil significatur aliud, quam ejusdem rei esse plures λόγους seu rationes τῆς οὐσίας. Etenim etiam eadem res est, quæ subijcitur formis & quæ iis privata est, ut homo & ἀνθρώπου eadem qualitas est, atque eadem habitus, qui & virtus & justitia universalis dicitur: sed rationes essentiae λόγους τῆς οὐσίας & τῶν εἰναι inter se differunt.

VI. Verumenimvero, ulterius hic quæripotest, Unde proveniat, ut quod in se est unum atque indivisum, pluribus iisque distinctis ac dissimilibus conceptibus concipi possit? Resp. Id provenire ex comparatione unius rei cum aliis: cum enim in illa comparatione apparet, quomodo unumquodque sese habeat ad aliud, mens istos modos seu comparationis capita distinguit, & unumquodque seorsim considerat, atque concipit. Singuli itaque isti modi, seu singula comparationis capita, sunt singulae rationes, secundum quas una eademque res distinctis conceptibus intelligi potest: totidemque sunt λόγοι τῆς οὐσίας vel τῶν εἰναι. In comparatione spectatur *Convenientia, Diversitas, & respectus seu Relatio*. Quando ergo mens id seorsim concipit, in quo res cum aliis convenit, relicta differentia, vel id, in quo ab aliis differt, relicta convenientia; vel cum rem concipit cum relatione ad aliud, distinctos format unius & ejusdem rei conceptus, qui sunt totidem λόγοι τῶν εἰναι & τῆς οὐσίας. Itaque

omnes rerum λόγοι, vel rationes essentiae, aut inconvenientiae, aut relatione sunt fixæ, quatenus res secundum eas à mente distingui & distinctis conceptibus intelligi possunt. Ex gr. Homo, vel ut animal, vel ut homo, vel ut Pater, considerari potest: quatenus consideratur ut animal, cum bestiis convenit; quatenus ut homo, ab iis differt; quatenus ut Pater, ad filium refertur: atque hæc quidem sola ratione distinguuntur & λόγοι τῆς οὐσίας licet enim homo sit una eademque res, tribus tamen distinctis modis, rationibus, seu λόγους, objicitur menti, & tribus diversis dissimilibusque conceptibus concipitur: alius enim conceptus est hominis, cum concipitur ut animal: alius, cum concipitur ut homo: alius, cum ut pater. Ista ergo tria, hominem esse hominem, hominem esse animal, hominem esse partem, & similia, quid esse possunt, quam λόγοι τῆς οὐσίας in homine, rationes essentiae, secundum quas homo dissimilibus notionibus ac conceptibus apprehenditur aut saltem apprehendi potest? Atque hi diversi in una eademque re λόγοι τῆς οὐσίας, fundamentum distinctionis rationis ratiocinatæ, quæ innititur non nisi cujusque rei cum altera comparatione: qua fit, ut in eo, quod unum est, appareant quasi multa, quæ à se invicem abstrahi per mentem & distingui possunt, prout cum alia re conveniunt, aut ab alia re differunt, aut etiam prout vario respectu ad rem aliam referuntur.

VII. Ex hisce omnibus hoc inferimus, toto cælo errare illos, qui formas quasdam substantiales distinctas à materia, astruunt eunt ex definitione formæ Aristotelicæ, qua definitur λόγος τῆς οὐσίας, aut ex alia simili. Sed absurditas istius illationis satis patet ex iis, quæ jam disseruimus.

## Disputationum ex Philosophiâ selectarum,

## TRIGESIMA-NONA.

D E

## L E G E I N C O M M U N I.

## T H E S I S I.

NULLUM fecimus in harum disputationum curriculo ordinem : sed prout in manus incidit, nunc hæc, nunc illa materia, ita eam pertractavimus, ad arbitrium fere Respondentium : postremo nos exercuimus in *Formarum* explicatione, quæ ad *Physicam* fere pertinet: jam ad *Politicam* defletemus, & naturam indagabimus *Legum*, sine quibus nulla *Respublica* rite recteque administrari potest: Lex enim anima est *Reipublicæ*, cujus influxu vegetabili vivit, nutuque gubernatur magnum hoc corpus. Sed legum necessitatem, dignitatem, majestatem, *Rhetores* eloquantur: nos earum naturam *Philosophice* explicabimus, post *ὁμοταξία* *πολυταξία* subjiciendo, quod faciendo & de *Philosophis*, & de *Theologis*, & de *Iuris Consultis* bene merebimur.

II. *ὁμοταξία* legis absolvitur ejus *Etymologia*, *Synonymia*, & *Homonymia*. *Etymologia* quod spectat, *lex* derivatur juxta nullorum sententiam à *legendo*, id est, *delegendo*; nam verbum *legendi* etiam significat *deligere*, teste *Varrone*, l. 5. de *Ling. Lat.* vel quod sit multorum consultatione & consensione *delecti*; vel quod ex multis, quæ possunt constitui, una *Lex* sit ad id, quod factum est opus, *delecta*. Hæc *Etymologia* placet *Ciceroni* l. 1. de *Legibus*, & l. 2. de *Nat. Deor.* Alii tamen *legem* dictam volunt à *legendo*, quatenus ab omnibus *legi* & cognosci debet: leges enim tabulis incitæ parieti affigebantur, ut à populo legerentur. Sic *Isidorus* l. 2. *Etym.* c. 10. & l. 5. c. 3. Alii, ut *Scholastici*, & inter eos *Aquinas* 1. 2. *quest.* 90. *art.* 1. *legem* derivant à *ligando*, eo quod ad obedientiam vel poenam obliget *lex*; & quod is, qui *legem* fert, subditos ita obstringat, ut agere cogat juxta id, quod

sua lege constituit; nam *lege* condita tenentur, id est *ligantur* populi.

III. *Synonymiam* quod spectat, *Lex* græcè dicitur *νόμος* *νόμι* *ναι*, à *distribuendo*, quod suum cuique tribuat: *Picoles* grad. 10. *Philos.* de *Moribus*, c. 23. notat *νόμος* à *νόσ* vel *νός* dici posse, vel quatenus *lex* à divina mente procedens per humanam mentem in urbes emanat, unde & *mens* urbium dicitur, vel quatenus bona cum *mentis* observantia omnibus est tenenda: sed illa Græcæ vocis origo durior est & longius petita. Ebraicè dicta est *חוק* quod nonnulli derivant à *חק*, id est *ordinare*, *considerare*, *explorare*: *חק* enim est *ordo*, *ratio*, *ordinatio*: nam exploratio prudenter rem indagat, cum ordinatissime procedit: sed rectius alii deducunt à *דק*, quod est *docere*, quia sc. *lex* doceat, quid sit agendum, quid fugiendum, ut sit *doctrina*, *instructio*, *prescriptio*, *ratio*, *dispositio*, *judicium*, *statutum*, &c.

IV. *Homonymiam* quod attinet, *lex* vocabulum valde est *homonymum*. In *Scripturis* sumitur, nunc pro forma *Politice* *Judaicæ*, nunc pro tota *scriptura* V. T. nunc pro *lege* *moralis*, nunc pro secunda *legis* *moralis* *tabula*, nunc pro *legis* *moralis* *rigore*, nunc pro *lege* *cereemoniali*, nunc pro *forensi*, & multis adhuc aliis modis, de quibus consulantur *Theologi*. Apud *Philosophos* tribus fere sumitur modis: 1. significat quamvis *doctrinam* aliquid præscribentem, & quamlibet *conventionem* ac *conditionem*. 2. idem significat quod *jus*: unde sicut *jus*, ita quoque *lex* dividitur in *naturalem*, *divinam*, *humanam*, &c. de quo postea. 3. Sumitur *lex* strictius, ut est idem, quod *jus scriptum*, differtque à *consuetudine*, quæ vulgo dicitur *scriptum jus*. *Lex* hoc modo sumta aliquando

acci-

accipitur ut est *quodlibet jus scriptum*, id est jus vel iustum cuiuslibet Magistratus, vel Principis, vel alterius potestatem habentis, sive sit jus *Canonium* & Ecclesiasticum, sive sit *civile*: aliquando accipitur, prout à canone, id est Ecclesiastica constitutione seu decreto, distinguitur, & tum *lex solum*, est *jus scriptum civile*: quo sensu *Legislas* vocat vulgus *Iuris Civilis Interpretes*, *Canonistas* juris Ecclesiastici *Enarratores*. Jura civilia, vel sunt totius populi, id est Senatorum, Parritorum, & omnium civium leges; vel sunt Plebiscita, vel Senatus-consulta, vel Principum constitutiones sive Rescripta, vel Magistratum edicta, vel Prudentum responsa: aliquando accipitur *Lex*, prout est *jus scriptum civile, distinctum à Plebiscitis*, &c. Nos *Legem* hic impræsentiarum accipimus sensu secundo.

V. *Περὶ τῆς νόμου φύσεως*, post nomen excussum, proponet nobis *Legis definitionem & divisionem*. *Lex Arist. in Rhetoricis ad Alexand. c. 1.* definitur, *λόγος ἀποδεχόμενος καὶ ἐμμελὴς καὶ νόμιμος*. *μὴν δὲ πῶς δὲ περὶ τῆς ἐκείνης*. id est Ratio communi consensu civitatis definita, ostendens quomodo unumquodque sit agendum. *Ciceroni l. 1. de leg.* Certa ratio, quæ jubet ea quæ sunt faciendâ, prohibetque contraria. *Aquinati l. 2. quæst. 90. art. 1.* Regula & mensura, secundum quam inducitur aliquis ad agendum vel ab agendo retrahitur: & art. 4. *Ordinatio rationis ad bonum commune*, ab eo, qui curam communitatis habet, promulgata, *Papiniano l. c.* Commune præceptum, virorum prudentum consultum, delictorum, quæ sponte vel ignorantia contrahuntur, coercitio, communis *Responso*. Nobis videtur omnium optimæ, brevissimæ & accuratissime definiri, præceptum æquum superioris, subditum ad agendum vel non agendum obligans. Præceptum, quævis est: æquitas, excludit injusta imperia, quæ non nisi per abusum leges nominantur: obligatio, subditi promulgationem, aliaque includit.

VI. Ut vero *Natura Legis* expressâ definitione tanto capiat melius, observandum est: legem omnem variis quasi ex partibus esse compositam: namque in ea est, *primo* judicium sive actus intellectus legislatoris, quo

judicat faciendum esse aliquid aut non faciendum, obligandumque esse subditum: secundo, decretum seu actus voluntatis, quo eum obligare constituit: tertio, promulgatio, quæ lex subdito indicatur: quarto, intelligentia subditi, quæ obligationem suam agnoscit, vel sua culpa ignorat, si ignorat: denique est res ipsa seu objectum, circa quod judicium voluntasque tam legislatoris quam subditorum versatur. Hoc objectum, à Deo hominibusque cognitum, vocatur *Lex*, terminulque est divinæ jussionis: & humanæ obeditionis: quæ itaque vulgo hic disputantur, *Sicne lex opus intellectus an voluntatis*, ea non sunt necessaria, quia lex utrumque complectitur: Deus enim aut superior quicumque legem fert, intelligit hoc esse imperandum, vult imperare, & imperat: lex imperata & demandata intellectum simul & voluntatem hominis contringat ac dirigat & regulat: Ex hisce manifestum est Legem tribus spectari posse modis: 1. secundum se. 2. ut est in Legislatore. 3. ut est in subdito. Si *Lex in se* spectetur, nihil est aliud quam quædam regula seu mensura, quæ nos dirigit & obligat in nostris actionibus: ostendit enim quid agendum sit, quid omittendum, & simul obligat, ut, quod agendum est, agamus; quod omittendum, omittamus: itaque duo sunt officia legis: unum est, dirigere seu illuminare, alterum, obligare: lex enim dirigit vel illuminat, quatenus est regula humanorum actuum: obligat, quatenus tenemur eam regulam sequi ac servare: sive illa obligatio oriatur ex natura rei, ut in legibus naturalibus, sive oriatur ex voluntate & potestate superioris, ut fit in legibus positivis, de quo negotio postea, Si *lex spectetur*, ut est in legislatore, nihil est aliud, quam actus ille, quo Legislator judicat, vult: & imperat, ut hæc aut illa regula à subditi servetur. Si *lex spectetur*, ut est in subdito, nihil est aliud quam judicium practicum, quo subditus judicat hanc vel illam regulam esse servandam à superiore aut legislatore datam. Quando autem dicimus legem interdum spectari secundum se, non debet illud ita sumi, quasi nullo modo sit in superiore vel inferiore (est enim in illis *objective* seu per modum objecti co-



gniti & voliti) sed quod non consideretur, ut est in illis *subjectivus* per modum actus intellectus aut voluntatis, sicut consideratur 2. & 3. modo. Lex enim 1. modo spectata est proprie objectum intellectus practici voluntatis, non simplex, sed complexum: v. c. hoc complexum, *furtum est fugiendum*, est regula voluntatem dirigens in agendo, postquam intellectus eam percipit & iudicavit esse sequendam: itaque *lex in se* spectata *fundamentaliter* est in rebus ipsis, *objective* in intellectu & voluntate, *subjective* in voce, tabulis, scripturis, tanquam in signo.

VII. *Definitionem Legis* excipit ejus *Divisio*, quæ multis potest institui modis. *Scholastici* legem dividunt in *æternam, naturalem, humanam, divinam*. *Æterna* sumitur, aut fufius & latius, aut pressius & strictius. *Latius* sumpta, est mens & ratio divina, quæ cuncta sapienter & recte disposita constanti & certo ordine gubernat, ut constitutos sibi fines assequantur; cui legi universa, quæ sunt ex nihilo condita, subjiciuntur; *pressius* vero, est ratio divina, recta & bona præcipiens, prava & mala prohibens; & ab hac una lege universæ aliæ leges. sc. *naturalis & humana*, derivantur. *Naturalis* lex, est rectæ rationis præscriptum in bonis agendis & malis fugiendis. *Humana* lex, est certi alicujus hominis potestatem habentis jussum, idque vel *Canonici* sive Ecclesiastici, quod consistit in rebus ad bonam Ecclesiarum administrationem pertinentibus, vel *Civile*, quod consistit in rebus, quæ ad Civilem Reip. gubernationem attinent. *Divina* lex est, quam Deus per seipsum ad homines tulit: atque hæc duplex est, *Vetus & Nova*: *Vetus* triplicis generis præcepta continebat; *Ceremonialia*, de rebus sacris ad divinum cultum pertinentibus: *Judicialia*, de rebus civilibus ad rectam populi curam & administrationem spectantibus: *Moralia*, ad singulorum hominum mores componendos juxta rationis præscriptum. *Nova* continet præcepta fidei, & quæ *Evangelica* vocant *Scholastici*: *Apostolo* *Gentium* dicitur *Lex fidei*, ad Rom. 3. 27.

VIII. Alii, præter *Scholasticos*, legem dividunt, sicut & ipsum jus, in legem, *Nature*,

*Gentium, & Civilem*. *Lex natura* est id, quod ratio hominis (est enim ratio hominis natura) naturaliter (id est, ex principiis naturæ inhis & sua luce notis) præscribit, cujus tamen aliquod vestigium quasi est etiam in animalibus. vel cæteris quoque rebus, qui est instinctus à natura infusus: qualia sunt hæc, quæ sequuntur: *Vim vi repellere, seipsum tueri, sibi salutaria querere & noxia fugere*, &c. *Lex gentium* est id, quod recta ratio naturaliter omnes gentes, id est homines omnes docet, præcipit vel prohibet: cujus vestigium nullum est in brutis animalibus rebusve aliis, qualia sunt, *religio & cultus Dei, honor vel obeiscentia parentibus præstanda, ac cætera Decalogi præcepta*: Hac lege sunt introducta rerum comminatio & bella, civitates fundatæ, erecta fœdera, institutæ captivitates & servitutis hominum, constituti reges, creati magistratus, inita commercia, & contractus, depositi, mutui & commodati, locati & conducti, emptionis & venditionis, societatis, &c. *Lex civilis* est jus civile scriptum, quod constat lex partibus, nempe Legibus, Plebiscitiis, Senatus-consultis, Edictis *Prætorum*, Constitutionibus Principum, Responsis *Prudentum*. vid. *Institut. Juris Iustinian. l. 1. tit. 1*. Hic tenendum ac norandum est illud: *Juris-consultos & Theologos*, si non in re, saltem in modo loquendi discrepare, circa *legem naturæ & gentium*. *Juris-consulti* vocant *legem naturæ*, id quod homini commune est cum brutis: *gentium*, id quod hominibus solis inter se est commune: & sic *præcepta legis moralis ad gentium*, non ad naturæ legem pertinebunt, non enim sunt homini communia cum brutis: *Theologi legem naturæ* vocant id, quod instinctus naturæ docuit homines, quatenus sunt animalia rationalia (& hoc appellant alii, *jus naturale primum vel primum*) *legem gentium*, id quod natura docuit hominem quatenus est animal sociale (hoc appellant alii, *jus naturæ ortum aus secundarium*) & sic ad *legem naturæ* pertinebunt *præcepta legis moralis*, quia obligant hominem simpliciter & in se consideratum, sive in societate aliqua constituatur, sive non: cum *leges gentium* non obligent hoc sensu hominem,

nisi



an quatenus est *ixu. Piccolomineus grad. 10.*  
*6. 13. Philosophie de Moribus*, adhuc aliam habet legum *divisionem*; & alii forte adhuc alias. Sed misis omnibus, putamus commodissime *Legem* generaliter dividi, in *Eternam*, quæ notat sapientiam & decretum Dei

de regimine rerum; *Naturæ*, quæ per generationem implantitur; *Humanam*, quæ à superioribus & Magistratu tertur; *Divinam*, quæ à Deo vel immediate vel per Moysen fuit mandata ac promulgata, juxta ea quæ sunt dicta th. 7.

## Disputationum ex Philosophiâ selectarum,

## QUADRAGESIMA.

## DE

## LEGE ÆTERNA.

## THESIS I.

**D**ivisim *Dispositio præced. th. 7 & 8 legem in eternam, naturæ humanam, & divinam*, de quibus singulatim differemus in posterum, excepta lege divina, quæ non Philosophici sed Theologici est fori; quare eam ad Theologos relegabimus. Atque ut ordine procedamus, impræsentiarum de *Legge æterna* agemus; ac primum ambiguitatem removebimus, ne illa in ipsius rei tractatione negotium facessat.

1. *Lex æterna* sumi potest duobus modis. 1. Pro quavis regula practica necessariæ & æternæ veritatis, ad quam naturaliter obligamur, ut, *Deum esse colendum, parentes esse honorandos, nemini esse faciendum injuriam*, &c. Hæ enim regulæ sunt leges omnino immutabiles, ac proinde æternæ, & hoc sensu multe sunt leges æternæ. 2. Sumitur pro actu divinæ mentis, qui concipit & judicat illas regulas servandas esse à creatura cum voluntate eam obligandi. Hoc sensu legem æternam accepit *Thomas*, 1. 2. qu. 93. art. 1. cum ait, *eam nihil esse aliud quam rationem divinæ sapientiæ, secundum quam dirigit omnium creaturarum motus & actiones in suos fines*. U: enim in Deo est ratio rerum creandarum, quæ dicitur *Idea*, sic etiam est in ipso ratio rerum gubernandarum, quæ dicitur *lex æterna*; & sic, ut ratio rerum creandarum nihil est aliud quam conceptus divinæ mentis, quo concipit rem & judicat, quomodo illa sit facienda, sic

ratio rerum gubernandarum, quam vocamus legem æternam nihil est aliud, quam conceptus divinæ mentis, quo concipit & judicat quomodo unaquæque creatura debeat suas functiones obire, adjuncta simul voluntate eam obligandi vel imprimendi inclinationem ad suam regulam servandam. Profecto, si in Rege aut Principe particulari, multo magis in Deo, Rege & Principe universali, oportet esse quandam gubernandi normam & regulam, vel aliquam rationem, secundum quam omnium rerum administratio instituatur: Deus enim est sapientissimus: quare nihil agit temere: ergo quoque omnia ab æterno disposita, & in seipso modum concepit, quo economiam mundi instituere & præstitit actus humanos moderari ac dirigere vellet. Cum vero omnis gubernandi norma generali sensu *lex* dicatur, non male quoque æternam istam, de Mundi regimine, rationem, in & à divina mente conceptam, *Legem* appellamus, & quidem æternam, quia mens divina nihil novum in tempore concipit, sed æternum habet de rebus omnibus conceptum; neque enim Deus primum post conditum mundum de ejus economia cogitavit, sed ab æterno, uti rerum creationem decrevit, ita creaturarum gubernationem disposuit. Hæc itaque ratio, in divina mente ab æterno concepta, de modo regendi mundum & dirigendi omnes actus creaturarum, dicitur & est *lex æterna*.

Atque hinc liquet, *Legem æternam à providentia divina, non re sed ratione sola differre*: Lex dicitur, quando ut norma gubernandi concipitur: *Providentia*, prout est universalis cura Dei, res omnes conservantis, & omnibus providentis, de mediis, ad operandum & finem suum consequendum, necessariis.

III. Cum *Lex æterna* sit ratio & norma divinæ gubernationis, facile liquet, quænam legi æternæ subijciantur: scil. quæcunque divino regimini subduntur, ad legem æternam pertinent eique sub sunt, quippe quæ tam late pateat atque ipsa Dei providentia. Veriatur ergo *lex æterna* circa res creatas omnes, rationales & irracionales, circa actiones in communi, specie, & individuo, necessarias & contingentes, bonas & malas: nihil enim huic æternæ legi est exemptum: ratio est, quia, cum omnia gubernentur à Deo & ad fines suos dirigantur, etiam modum concepit ab æterno, quo omnia gubernari & dirigi debeant: quod nihil est aliud, quam *Lex æterna*.

IV. *Lex æterna*, utcunque respectu Dei sit una & simplex, respectu tamen diversarum rerum, quæ diverso & alio atque alio modo gubernantur, multiplex dici & aliqua ratione dividi potest: nempe in generalem & specialem: *Generalis* est ratio gubernandi creaturas omnes ut sunt creaturæ. Quarum si consideretur esse, oritur, ex lege æterna, conservatio: quæcunque enim creavit Deus, eadem ab æterno conservare constituit, atque in tempore conservat: si earum consideretur operari, oritur, ex lege æterna, concursus seu cooperatio, qua Deus ab æterno decrevit cooperari & in tempore concurrat cum creaturis operantibus, concursu tum prævio tum simultaneo, & ad agendum eas præmovendo & cum illis agentibus cooperando. *Lex æterna Specialis* est, ratio divina, aliquid in & cum creaturis efficiendi, vel aliquid simpliciter iis permittendi. Possit dici *Lex æterna effectiva & permissiva*. Illa circa bonas actiones, hæc circa malas est occupata. De actionibus bonis tria statuit *lex æterna* in Deo, 1. Præcipere eas ante opus. 2. Cooperari in ipso opere & coëfficiere. 3. Remunerari post opus. De actionibus malis tria pariter decernit, 1. Eas prohibere ante-

quam fiant. 2. Permittere ut fiant & cum fiant. 3. Punire postquam factæ sunt. Atque hæc eadem sunt cum iis, quæ de *Providentia* Dei vulgo traduntur, à qua, ut diximus, *lex æterna* non nisi ratione differt: est enim illa vulgo, *generalis & specialis*: atque hæc *effectiva boni ac permissiva mali*.

V. Quæri hic potest, *Quomodo lex æterna cognoscatur*? Resp. 1. *In se* cognoscitur à solo Deo. 2. *In effectibus* cognoscitur à nobis, quia *lex æterna & temporalis* executio in objectis conveniunt: quando igitur observamus modum, quo Deus univerſum mundum omniæque creaturarum actus gubernat, colligimus facile & intelligimus, talem ab æterno fuisse in divina mente conceptum: quæcunque enim & quomodo in tempore Deus exequitur, ea & eo modo ab æterno exequi decrevit per rationes legis suæ æternæ: unde, quæ in tempore facit aut permittit ea facere & permittit æterna lege constituit. 3. Cognoscitur per *impressionem*, mediante lege nature: Hæc enim partialis est expressio legis æternæ: quicquid enim requirit *natura imperans*, *lex natura infusa*, illud quoque sancivit *natura divina*, *lex æterna*. 4. Cognoscitur per *revelationem* ex libro scripturæ, in quo magna æternæ legis portio & ratio gubernandi res omnes patet acta est. Sed hic modus cognoscendi Legem æternam, ut est omnium perfectissimus, in ab instituto Philosophico ac nostro est alienus & ad Theologiam pertinet.

VI. Quæri etiam hic solet; *Utrum omnes alie leges deriventur ab æterna*? Resp. Affirm. cum *Thom. 1. 2. quest. 93. art. 3.* & ratio ejus est, quia ut *virtus secundum moventis* derivatur à virtute primi moventis, sic omnis ratio gubernandi, quæ est in gubernatoribus inferioribus derivatur a ratione gubernatoris supremi: sed *lex æterna* est ratio gubernationis in gubernatore supremo. Ergo ab ea derivantur reliquæ leges, quæ sunt rationes gubernationis in gubernantibus inferioribus. Et hoc speciatim liquet in legibus nature ac positivis. *Lex nature*, prout in nobis est, derivatur à lege æterna, prout in Deo est: Est enim partialis, expressio legis æternæ: Nam *lex nature* est dictamen rectæ rationis, quo judicamus

causam hanc aut illam regulam practicam æternæ veritatis esse servandam, ut, v. c. *Deum esse colendum*: at hoc dictamen derivatur ab æterno dictamine divinæ rationis, quo Deus ab æterno judicavit illas regulas practicas esse servandas, atque in hoc dictamine rationis divinæ consistit ratio æternæ legis. Ergo lex nature, prout est in nobis, derivatur à lege æternæ, ut est in Deo. Omnes insuper *leges positivæ* derivantur à lege æternæ, quia potestas humana, qua conduntur leges humanæ, est à potestate divina: & quid sint humanæ constitutiones aliud, quam iniquæ ordinationes, nisi ab æterna lege deducantur?

VII. Quæri adhuc solet, *An lex æterna sit mutabilis?* Resp. Hoc ipso, quod lex æterna dicitur, immutabilis est: omne enim, quod æternum est, immutabile est, cum illa sit divinæ gubernationis norma, aliarum legum fundamentum & mensura, omnis bonifultorum, si illa sit mutabilis, omnia pessum irent, omnis ordo, omnis salus universi, & verus *ἡ νόμος κόσμου* tolleretur: nec tamen lex æterna dicitur, immutabilis ex parte objecti & rei, quam præscribit (quasi omnia, quæ per illam præscripta sunt, sint immutabilia) sed solum ex parte Dei, quia is ab æterno & invariabiliter præscribit, quod præscribit, etiam si id ad tempus tantum sit duraturum: etenim, ut scientia Dei est æterna, & tamen non quicquid per illam cognoscitur est æternum, ita intelligendum quoque est, per legem Dei æternam aliquid nihilo minus temporale posse constitui: unde observationes veteris fœderis quamvis ad tempus tantum essent duraturæ, fuerunt tamen per legem Dei æternam constitutæ.

VIII. Denique & istud quæri amplius potest, *An lex æterna contingentiam auferat &*

*necessitatem inducat?* Resp. Minime: etiam enim ea, quæ lege æterna sunt præscripta, fiant, & eo modo fiant, quo sunt præscripta, non tamen hinc tollitur è mundo à rebus contingentia: quippe lege æterna non tantum actus sancitus est, ut fiat, sed & modus, quo fiat: Deus enim ab æterno statuit, non tantum conservare omnia ac gubernare, sed vero insuper statuit id facere, congruenter naturis rerum singularum: qualis itaque est rerum natura, ut & convenienter ei operetur, res, lex æterna sancit, nimirum, ut necessaria agent necessario, libera libere, contingentia contingenter, & sic porro. Verum id quidem est, si id, quod fit, inspectur in ordine ad legem æternam, secundum quam fit, omnino sit necessario & eo modo quo lex æterna præscripsit, sed illa necessitas est tantum immutabilitatis, quæ contingentiam non tollit, quia hypothetica est & non absoluta necessitas: at nulla necessitas hypothetica contingentiam minuit vel aufert. Et necessitas, quæ oritur in rebus vi legis æternæ est ejusdem plane generis, atque est ea, quæ oritur in rebus præscientiæ divinæ aut decreti. At neutra harum contingentiam aufert. Ergo nec eam tollit necessitas oriens ex lege æterna? Et quid multis est opus? *πρῶτον ἡ ἀνάγκη* hic suum est, quod putetur nulla necessitas stare posse cum contingentia: quo nihil est falsius: imo contra omnis necessitas hypothetica, five ex hypothese antecedente, five ex consequente, five ex concomitante, convenit optime cum contingentia. At necessitas in rebus & actionibus humanis ex lege æterna est necessitas ex hypothese antecedente. Ergo concludimus, eam nihil impedire contingentiam in rebus & causis secundis, quæ harum etiam respectu tantum est æstimanda.

## Disputationum ex Philosophiâ Selectarum,

## QUADRAGESIMA-PRIMA.

DE

## LEGE NATURÆ.

## T H E S I S I.

**Æ**ternam legem explicatam Disputatione præcedenti excipit *Lex naturæ*, quam hac Disputatione pertractabimus, primum *vocem*, mox *rem*, enucleaturi. Dux hic sunt voces: *Lex* & *Naturæ*. De priori actum est citis *Disp.* 39. Vox altera, dupliciter accipitur, vel pro *Naturæ universali*, quæ est series & ordo communium causarum, vel pro *Naturæ particulari*, nempe *humana*, seu pro naturali hominis constitutione & conditione. *Lex Naturæ universalis*, sunt communia Naturæ universalis statuta, quæ ipsa in rerum naturalium productione observat: *Lex Naturæ particularis*, sunt principia juris, homini innata & implanata. Illa naturalium; hæc moralium operationum est norma: illa parit discrimen monitrosi & perfecti; hæc turpis & honesti: illius exempla sunt: *Naturæ nihil facit frustra, non efficit per plura quod potest efficere per pauciora, operatur quamvis potest & quantum potest* &c. Hujus exempla sunt: *Honeste vivendum est; nemo lædendus; suum cuique est tribuendum*, &c. Impræsentiarum *Legem Naturæ* sumimus, non *Universalis*, sed *Particularis*.

II. Quæritur primo, *An sit aliqua lex Naturæ eo sensu, quo diximus, per quam homo nonnulla de discrimine honesti & turpis absque prævia institutione cognoscit?* Resp. Nihil est decantatius in Philosophorum Scholis, quam generalia quædam principia homini per naturam esse nota, quæ vulgo appellantur *naturæ leges*, communes notiones, notitiæ innatæ vel naturales, prolepses, notiones anticipatæ, prima & communissima axiomata, atque hæc quidem duum statuuntur generum, quædam *theoretica*, alia *practica*, quorum illa *prolepses*, hæc *prolepses* humanæ fundamentum censen-

tur: *Theoretica* sunt, *esse Deum*, & quidem *unum, iustum, potentem, providum*, &c. *quodlibet esse vel non esse, totum esse majus sua parte, quæ sunt equalia uni tertio, esse inter se equalia, causam præcedere suum effectum*, &c. *Profectus* sunt, *honeste agendum esse, Deum esse colendum, parentes honorandos, unicuique suum tribuendum*, &c. Quamvis autem horum principiorum veritas & origo naturalis, prorsus indubitata esse debeat, reperti tamen fuerunt, qui ea pronunciata omnia, vel per experientiam & inductionem, collecta esse, vel ad non per institutionem, famam, & traditionem hominum sibi perpetuo succedentium, pervenisse existimaverint. At plane aliter *Cicero* in *Orat. pro Milone*. *Est quedam, non scripta, sed nata lex, quam non didicimus, accepimus, legimus, verum ex naturæ ipsa arripimus, hausimus, expressimus, ad quam, non docti sed facti, non insituri sed imbuti sumus*. Agnoscimus ergo & nos, homini principia quædam, theoretica, & practica de Dei cultu & honestorum discrimine, sine institutione prævia, innotescere, partim ex creaturarum adspectu & per usum rationis proprium (quam vulgo vocant *notitiam naturalem acquisitam seu objectivam*) partim per impressionem naturalem & quædam imaginis divinitæ reliquias, menti humanæ à prima nativitate inhærentes & implanatas (quam vulgo dicunt *notitiam naturalem insitam seu subjectivam*.) Atque hæc principia practica sic cognita nobis, sunt *lex naturæ*, quam esse, vel sola sufficienter probat naturalis peccatorum agnitio: omnes enim impii, etiam inter Gentiles, post perpetratum scelus, agnoscunt sese deliquisse, & timore corripuntur ac metu pœnæ. Unde hoc, nisi quod legem aliquam sese violasse sentiant? At quam?

quam? non semper latam & scriptam: cum & illi timeant, qui vel hac carent, ut barbari, vel non curant, ut præfracti, vel in occulto peccant, ut dolosi: Neque Lex Mosaica hic allegari potest, cum Gentiles illa destituantur. Quare, sequitur omnino, *legem aliquam dari conatam*, cujus transgressio in sceleratis hominibus operetur istam anxietatem.

III. Queritur secundo, *Quid sit hæc Natura lex?* Resp. In tres fere heic abeunt sententias Philosophi. Nonnulli eam esse *actum*, quidam *potentiam*, alii *habitu* esse, existimant. Sed vero *actus esse nequit*, nudus ac merus: hic enim influxu consistit ac transit: at lex naturæ non est tale ens fluidum ac transiens, sed naturæ infixum ac permanens, & non minus inheret in anima infantis quam adulti, dormientis quam vigilantis. At ab infantis & dormientis anima rationali nulli actus proveniunt. An ergo *lex naturæ fuerit potentia*? Sicquidem existimant nonnulli, qui notitias quasdam naturales dici volunt, non quod menti realiter, ceu quiddam distinctum, impressæ sint, sed quod intellectus, ab objectis excitatus, facultate propria, illas eliciat, & sine præceptore, veluti formet. His lex naturæ nihil est aliud, quam *δύναμις κερικῆ* circa principia ista generalia, quæ sese exerit, quam primum usus rationis accedit: quo tempore, quia nonnulla statim ut vera & bona apprehendimus, non aliter apparet, ac si animo ipsi naturaliter illa essent implantata, cum tamen, ut illi volunt, nihil ei insit aliud, quam *δύναμις*, illa *κερικῆ*, & vis apprehendendi ac colligendi. Verum enim vero nobis *Lex Naturæ* à facultate ista *κερικῆ* videtur esse distincta, & significare insuper *conatum quandam & ingeneratum habitum*, vel certe aliquid habitui *ἐπιεργ.* Atque hoc sic probari potest. Quod fuit Lex Naturæ in protoplastis, id quoque est in nobis: neque enim ante & post lapsum differt *οὐσία* sed tantum perfectione, quod ibi perfecta fuerit & distincta, hic imperfecta sit & obscura. At vero Lex Naturæ in protoplastis ante lapsum non fuit facultas intelligendi: aut *κερικῆ*, sed quiddam ab ea distinctum, & vel habitus, vel aliquid habitui *ἐπιεργ.* nam hinc in iis pars imaginis, quæ nec in anima

nec in animæ facultatibus solis consistebat, sed in sapientia & iustitia ac sanctitate, concreatæ animæ: Ergo & in nobis Lex Naturæ, quæ imaginis illius rudera adhuc & superstites reliquias notat, non mera fuerit potentia, sed vel habitus vel aliquid insit habitus, in intellectu residens, quo facilitatur ad assensum præbendum principiis istis præcticis, de quibus ante fuit merito.

IV. Queritur tertio, *An Lex Naturæ diversa sit à lege morali Mosaica?* Resp. Conveniunt; 1. Efficiente generali; utriusque enim author Deus est: 2. Materia; versatur enim utraque circa bonum honestum & morale: 4. Forma; quod præcepta contineat utraque, quibus honestum præcipitur & turpe vetatur, Differunt; 1. Tempore; Lex naturæ prior est. Mosis posterior: 2. Modo; Lex Naturæ non scripta, Mosis scripta est; 3. Subjecto, illa omnibus hominibus est lata, hæc solis Judæis: 4. Perspicuitate; Lex naturæ est nonnihil obscura & indistincta, Mosis perspicua & distincta: Hinc lex etiam Mosis, quia perfectior est, peccatores magis convincit & accusat, quam Lex naturæ. Hæc tamen utriusque ab utraque discrepantia nihil impedit, quo minus *omnia præcepta legis morales pertineant ad legem naturæ*, licet non eodem modo, nec eadem claritate, de lege naturæ esse deprehendantur.

V. Queritur quarto, *An omnes actus virtutum per legem naturæ imperentur?* R. Actus virtutum considerantur, vel in genere, quatenus boni sunt, vel in specie, quatenus tales sunt: imperantur omnes à lege naturæ, quoad genus, non quoad speciem: lex naturæ suadet in genere, ut honeste vivamus, & turpia vitemus: ad speciales casus & particulares actus virtutum, pro varia ratione circumstantiarum, non descendit: nam quid opus fuisset lege morali & tot legibus humanis, si omnem actuum honestorum species à lege sola naturæ præscriberentur? 2. Actus virtutum sunt, vel *morales simpliciter*, vel Evangelici: illos lex naturæ imperat, hos plane ignorat: suadet v. c. fortiter esse pro patria pugnandum, cuique summa tribuendum, Deum naturaliter esse colendum; at, in Christum credere, non item: Quicquid enim ad nostram spectat redemptionem, illud



tantum ex lumine verbi revelati, non rationis naturalis, accipitur: ideoque *lex naturæ neminem salvat*, & qui lege naturæ quosdam Gentilium servatos aut servandos volunt, legis naturæ usum latius extendunt quam oportet.

VI. Queritur quinto, *An lex naturæ apud omnes sit eadem?* Resp. 1. Aliud est, lex naturæ, aliud legis usus vel applicatio. Lex ipsa quatenus est habens animo innatus atque inherens, apud omnes est eadem, tam enim huic, quam isti aut illi ingeneratur, tantum numero differt, specie convenit: sicut enim omnes & singuli homines habent eandem specie animam, & eandem specie facultates, non autem numero, ita & eandem specie, non numero, potitias naturales æqui & iniqui, eundem principiorum habitum, eandem naturæ legem, omnes possident & singuli. Quod vero spectat legis usum & applicationem, magna hic est varietas: quia enim non omnes æqualiter educantur, nec omnes in virtutis studio pariter currunt, hinc fit, ut diversæ sequantur judicia, actumque eundem, alii probent, alii improbent, non quod lex naturæ in se diversâ sit, sed quia homines eandem naturæ legem non eodem modo applicant, & quia ex iisdem principiis diversas conclusiones eliciunt. 2. Circa usum legis naturæ duplices occurrunt notiones; quædam sunt primariæ, quas principia, quædam secundariæ, quas conclusiones, appellant. Principia sunt per se nota & apud omnes immota axiomata, ut *Deum cole, nomen lede, quod tibi non vis fieri id alteri ne feceris*, &c. Conclusiones sunt, quæ ex principiis illis interventu rationis per discursum colliguntur, suntque, vel communes, quæ immediate fluunt ex principiis, vel speciales, quæ longiore discursu egent, nec ultro sequuntur. Ipsa principia & conclusiones communes non variant inter homines: conclusiones speciales, propter corruptam hominum naturam, & educationis pravitatem, aliisve de causis, multum variant. Ut verbo absolvamus, *Lex naturæ apud omnes eadem est ratione sui*, in quantum est habitus, & quoad communia principia, eadem non est, ratione applicationis & quoad conclusiones speciales ex ea educandas.

VII. Queritur sexto, *An lex naturæ mutari possit?* Resp. Tribus modis mutatio hæc intelligi potest. 1. *Per additionem*, ut, si aliquid addatur legi naturali, quo sensu, mutari & mutatum esse legem naturæ, nullum est dubium: nam addita est lex divina & humana. 2. *Per sui destinationem*, ut, si desinat obligare, & si non amplius legis rationem habeat: & sic mutari nequit, quia lex naturæ est particula voluntatis divinæ quæ immutabilis est: ut enim Deus essentiam non mutat, sic nec sententiam: at sententiam mutaret, si legem, quam naturæ nostræ inscripsit, ut esset norma operum nostrorum, abrogaret, & ab ejus obligatione nos liberaret: atque hoc est quod vulgo dicitur: *jus naturale non variatur tempore, sed immutabile semper manet*; unde *Aristot. lib. 4. End. c. 5. diximus* dicitur seu *immobile*, quia ubique eandem vim habet, quemadmodum ignis & hic & apud Peras urit. 3. *Per abolitionem & deletionem*, quatenus lex naturæ ex mente hominis tollitur: hoc pacto, lex naturæ mutata est per lapsum primorum parentum, non quod in totum sit abolita aut deleta, sed quod perfectæ legi naturæ successerint scintillæ tantum aliquæ, quæ tamen amplius nec delectur nec abolentur, quia vult Deus in hominibus superesse legem, à qua semper ad mortem usque, si male agant, accusentur, si bene, excusentur: interim licet sic nunquam deleatur nec deleri possit, quoad principia & conclusiones communes, quoad speciales tamen deleri potest & sæpe deletur.

VIII. Queritur septimo, *An circa legem naturæ possit fieri dispensatio?* Resp. 1. *Nulla hic potest fieri dispensatio ab homine*. Dispensare enim hic est, obligationem legis removere certo casu, extra quem alioquin obligaret. At ejus est tantum obligationem legis removere, cujus est legem ferre: nam destruere & astruere, figere & refrigere, unius sunt ejusdemque. At lex naturæ non lata est ab homine, sed à Deo humanæ menti insita & impressa. Ergo nullus hominum circa eam dispensare potest. Sed 2. *Potesne id Deus?* Respond. *Dispensatio* proprie dicitur, aut improprie. *Proprie*, cum approbatur & præcipitur actus,



actus, qui adæquate & secundum omnes suas circumstantias est contra legem: Et tali modo Deus non dispensat circa legem naturæ: quia sic Deus præciperet & approbaret peccata. Ex gr. Lex naturæ monet, Deum esse colendum. Circa hanc legem si Deus dispensaret, posset omissionem cultus sui, actumque contrarium, puta odium sui, præcipere atque improbare; quod est impium. *Improprie* fit dispensatio, cum præcipitur & approbatur actus, qui quidem videtur esse legi naturæ contrarius quoad materiale, non tamen est, si circumstantiæ & conditiones omnes attendantur & examinentur: sic Deus interdum dicitur dispensare circa legem naturæ; v. c. Lex naturæ est, Non licet rem alienam accipere, quandiu aliena est, invito Domino: attamen præcepit Israëlitis Deus, ut vasa Ægyptiorum auferrent, verum hic dispensatio facta

fuit non proprie circa ipsum præceptum legis naturæ, quod semper obligat, sed circa materiale ipsius actus: nempe, quæ vasa erant Ægyptiorum, ea Deus, omnium rerum dominus, voluit esse Israëlitarum ex donatione libera, & auferri ut mercedem debitam, quam non exolverant Israëlitis Ægyptii. Atque hæc est *dispensatio improprie dicta*, quæ vim obligandi à Deo naturæ non tollit: pari modo respondendum est ad exemplum Abrahami, cui contra naturæ legem, ut filium occideret, fuit à Deo mandatum: quippe, nec ibi fuit dispensatio proprie dicta, sed mutatio materiæ circa quam lex versatur: & quæ vitæ Itacæ non erat subiecta potestati privatæ Abrahami, ea subijcitur ipsi ut instrumento divini beneplaciti ab eo, qui vitæ necisque est arbiter ac Dominus. Sed de lege Naturæ hæc nunc suffecerint.

## Disputationum ex Philosophiâ selectarum,

### QUADRAGESIMA-SECUNDA.

D E

# LEGES HUMANA.

T H E S I S I.

**E**xposita *Lege*, tum *eterna*, tum *naturæ* sequitur exponenda *Lex humana*, quæ sic dicitur, quod *ab hominibus* feratur in salutem Communionis, vel civilis, vel sacræ: illa, Respublica, hæc, Ecclesia; illa Civium, hæc Fidelium est complexio: utraque certis gubernatur *legibus*: legis enim nervi sunt, quibus dispersa hominum multitudo in unum quasi corpus ligatur: Atque hinc *leges humanæ* oriuntur duplices, scilicet *Politica*, & *Ecclesiastica*, quarum illæ mundanum & civile, hæc sacrum & divinum spectant reigmen. Nos, omissis legibus Ecclesiasticis, de solis agemus *civilibus*: illæ enim ad Theologiam, hæc ad Philosophiam ac Politicam pertinent.

II. *Legem civilem* Jurisconsulti distinguunt à *Plebiscitis*, *Senatusconsultis*, *Prætorum edictis*, *Principum constitutionibus*, &

*Jurisconsultorum responsis*, quod liquet ex *Instit. Jur. lib. 1. tit. 2* ubi, quid singulis significetur, fusius explicatur. Nos impræsentiarum vocem *Legis* tam stricte non accipimus, sed latiori sensu, pro omni constitutione humana à civibus observanda. Itaque definitur nobis *Lex civilis*, *constitutio legi naturali conveniens*, & *habens publicam auctoritatem*, *prescribens aliquid*, quod sit à subditis necessario observandum in salutem & commodum communionis.

III. Quæri hic solet §. 1. *An leges civiles condere utile sit & necessarium? An non melius Resp. ab optimo Rege quam ab optima lege administraretur?* Atque de hac quæstione acriter inter se digladiantur Politici. Nos censemus, melius & tutius Remp. administrari si secundum optimam legem à Magistratu regatur quam

*si ab optimi Regis arbitrio sine lege ulla administratur*: nam per id tutius administratur Resp. quod affectibus caret, quam quod affectibus agitur: at lex nullis affectibus est obnoxia; Magistratus contra: adde, quod Lex sit norma & regula iustitiæ, quovis Magistratu & Rege, etiam optimo, iustior: Denique, nullum foret jus firmum & certum: quod enim uni videretur iustum, alteri non item, & sic jus atque æquitas varie perturbaretur. Quare omnino utile & necessarium pronunciamus, ut leges condantur civiles, ac sententiæ nostræ fidem facit communis omnium Rerump. experientia, quæ docet, nullam existisse aut extare civitatem, quæ non leges suas habuerit ac constitutiones particulares: & legum necessitatem loquitur diversitas civium, quorum non omnes ultro virtutem sequuntur, sed maxima plerumque pars vitiis indulget: legibus ergo, pœnas minantibus, vel maxime opus est, ut improbi, si non virtutis amore, supplicii saltem timore à vitio deterreantur & in officio contineantur. Quin, ut mundus sine sole, corpus sine anima, ædificium sine fundamento, non consistit, ita nec Respublica sine legibus.

IV. Quæritur §. 2. *An decreta a plebis pro legibus haberi debeant? Movet hanc quæst. Arist. l. 4. Pol. c. 4. & text. 32. 33. 34. 35.* negativam concludit. Nos *decreta plebis* distinguimus in *necessaria* & *non necessaria*: illa sic voco, quæ facit plebs, quando Magistratus dissentit & leges vel ferre vel exequi ex diffensione intermittunt: tali enim casu licet prudentioribus ex populo, reliquis consentientibus, decreta quædam ex tempore facere, & pro legibus ad tempus retinere: quæ, si postmodum confirmantur à Magistratu ad unitatem reducto, tum scâpsa mutantur & in legum naturam abeunt. *Non necessaria* plebis decreta appello, quæ legibus opposita & à populo factioſo in Magistratus invidiam constituta sunt: quæ sane pro legibus nullo modo sunt habenda: nam leges in certis & universis, decreta populi in incertis & singularibus versantur: ideoque illæ firmæ sunt & immutabiles, hæc infirmæ & continuæ mutationi obnoxia: præterea, vulgus imperitum est,

& affectum plerumque sequitur ducem, non rationem: & per decreta sua, non salutem promovet & tranquillitatem publicam, sed dominium affectat tantum, & Magistratus potentiam studet infirmare. Quare *decreta plebis talia pro legibus non habemus*.

V. Quæritur §. 3. *An consuetudo obtineat vim legis? Resp. Pet. consuetudinem intelligitur, frequentia longi temporis similium actuum in Rep. Ea est, vel vitiosa, ac legibus & rectæ rationi contraria; vel laudabilis, legibus & rectæ rationi conveniens: illa vim legis non obtinet: neque enim multitudo errantium errori facit patrociniū: hæc si à Magistratu permittatur, neque claro quopiam edicto tollatur, paulatim vim legis acquirit, imo à lege tantum differt modo, quod *lex scripto* tradatur, *consuetudo usu* obtineatur. Duo interim hic extrema sunt vitanda: 1. *ne consuetudo ali qua subito recipiatur*. 2. *ne recepta subito immutetur*. Utrumque enim cum periculo est conjunctum: si enim consuetudo populi cito approbetur, licentiâ fit deterior; si approbata mox mutetur, seditionibus ansa datur. Notandum vero, consuetudinem nullam ex se habere vim legis, sed tum demum, si adfit Principis consensus, si sit rationabilis, si longo tempore recepta: quantum vero temporis requiratur, ut vim legis obtineat consuetudo, definitum non est.*

VI. Quæritur §. 4. *An lex civilis ex humanis ratione prodeat, an vero ex natura deducatur fontibus? Resp.* Duo hæc non sunt divellenda, sed conjungenda: & utrumque debet concurrere in *lege civili*; & *naturalis equitas*; & *humana ratiocinatio*: illa facit, ut lex civilis sit iusta; hæc, ut ad Reip. conditionem aliaque particulares circumstantias sit accommodata. Lex civilis iusta non foret nisi responderet legi naturæ: imo in tantum est lex & iusta, in quantum de lege naturæ derivatur; quod vero spectat ejus specialem determinationem, illa est à consilio & ratione hominis; hic enim spectanda est conditio populi, cui fertur; attendendus finis, ob quem fertur, considerandæ circumstantiæ aliæ, ob quas fertur: omnia vero hæc expendere, *rationis* est.

VII. Sed hic quæritur §. 5. *An cuiusvis hominis Ratio possit legis politice esse effectrix?* Resp. Cum Thom. Aquin. 1. 2. quæst. 90. & Scholasticis negando: & ratio duplex dari potest. 1. *A fine legis civilis:* hic non est alius, quam bonum commune, & salus totius Reip. Hinc sic argumentamur. Quibus finem legum procurare incumbit, iis & leges, cum media finis obtinendi, ferre competit: sed finem legum, curam gerere boni communis & salutem Reip. procurare, est, non cuiusvis privati, sed magistratus: alioquin discrimen tolleretur inter magistratum & subditos, ac mera existeret confusio. Ergo & leges, cum media ad istum finem, præscribere ac ferre, non est privati cuiusvis, sed Magistratus. Sicuti exercitus dispergitur, si quis miles gregarium locum suum deferere ceterosque instruere velit: ita Resp. brevi tempore nihil erit nisi dispersa multitudo, si cuiuslibet civium leges figere liceat, & refingere. 2. *A proprio legum,* quod est vis coactiva: hæc enim si deest, & sua deest legibus auctoritas: quis enim observet legem, si ad servandam legem obligatus non sit, aut ab obsequio cogi non possit? At vero, *obligare & ad observationem legis cogere, non est privati sed magistratus:* ergo & leges obligantes condere, non est privati sed magistratus.

VIII. Quæritur §. 6. *Nam ad legem humanam requiratur promulgatio?* Resp. Affirmando: nam qui secundum normam aliquam agere debet oportet prius ejus notitiam possidere: quomodo enim civis conformabit actus suos regulæ quam penitus ignorat? quomodo poenas dabit violationis, si lex neque sit propolita; neque ipsi cognita? non sane voluntatem Principis transgreditor subditus, cui ea nunquam est manifestata: hic valet illa Maxima: *Pbi nulla legis,* puta humanæ, cognitio est, *ibi nulla est prævaricatio,* scilicet voluntaria & cum obligatione ad poenas conjuncta.

IX. Quæritur §. 7. *An lex, sc. humana ac civilis, etiam obliget Principem ipsum & non solum subditos?* Resp. Quin Principes obligentur legi divina & naturali, nullum est dubium: illa Principem Deo, hæc rationi recte subjicit. Quod attinet *leges humanas,* ex sunt vel com-

munes vel *speciales.* Communes eas voco, quarum observatio non solis convenit subditis, sed cadere etiam potest in Principem, ut de affinitatis gradibus jure humano prohibitis, & similes. *Speciales* dico eas, quarum observatio cadit in subditos ut privati sunt, quales sunt leges, de nonnullis contractibus, de processibus, & id genus aliis. *Hic legibus Principem solum,* asserimus. Princeps enim quorsum servaret legem, quæ personam ejus non tangit sed tantum subditos, ut privati sunt? *Quæstio* igitur tota est de *legibus istis communibus humanis,* an Principem obligent? Hic vis duplex legis est discernenda: una *coactiva,* altera *directiva.* *Vis coactiva* est, cum rigore & metu poenarum facienda imperantur, ita ut, nisi quis obtemperet legi, gravem poenam & animadversionem incurrat: hoc modo, Princeps legibus dictis non obligatur, sed solutus est: quis enim à Principe poenas exigit? cum nemo sit eo superior aut potestatem in eum acceperit. *Vis directiva* est, quando lex agenda præcipit & ad agendum obligat non per interminationem poenarum, sed eo quod se juri naturæ & rectæ rationi congruere ostendat, adeoque ad observationem sui civiliter invitat, non serviliter cogit. *Hoc sensu* Princeps legibus humanis civilibus solutus non est: quin bono potius exemplo ipsi præeundum est suis subditis, qui tanto erunt obsequentiores legibus latis, quo viderint, Principes ipsos earum esse observantiores. Huc spectat illud Cato nis, *Feras legem,* quam ipse tuteris.

X. Quæritur §. 8. *An leges humane obligent conscientiam?* Resp. Ardua est hæc quæstio, & quæ non sine explicatione potest decidi. Per *conscientiam* intelligimus, *internum testimonium animi & sensum judicii de nostris vel bene vel male factis, quem perpetuo comitatur vel lætitia vel metus.* Obligare conscientiam, est, legem talem præscribere, cujus transgressio lædit ipsum internum cordis sensum, ut quis proprio judicio convincatur se peccasse & poenas promeruisse. Hæc obligatio conscientie fit, vel *proprie* sub metu offensionis Dei, vel *improprie* sub metu offensionis hominum. *Oblig. proprie dicta,* est vel *generalis* vel *specialis.* *Generalem* voco, cum lex, non ratione sui & in specie,

obligat conscientiam, sed mediâ tantum generali præcepto, quod consequenter violatur, si lex aliqua specialis non observetur. Sic, qui particulari statuto Principis non obsequitur, ille transgreditur legem generalem de honorandis Parentibus & obedientia Magistratui debita, & consequenter atque in genere suam lædit conscientiam. *Specialem* nuncupo, cum lex aliqua ratione sui & immediate obligat conscientiam, qualis est lex, de non assumendo nomine Dei in vanum, de sabbatho sanctificando, &c. Porro *conscientia obligatio* est, vel *absoluta*, vel *hypothetica*. *Absoluta* est, cum lex simpliciter conscientiam obstringit adeo ut sine offensione Dei nullo respectu nullo in casu omitti queat. *Hypothetica* est, quando non simpliciter sed cum conditione obligat, nempe, si detur scandalum, si violetur ordo & decorum. Denique *obligatio conscientie* est vel *directa* vel *indirecta*. *Directa* est, cum legis prævaricatio in ipsum Deum fertur & cultui divino directæ ac per se adversatur. *Indirecta* est, cum legis transgressio per se & proxime Deum Deive cultum non attingit, sed remote tantum, quatenus generali ordinationi Dei resistitur, ejusque ministri contemnuntur: veluti, directæ est offensio, cum ipsa Principis persona afficitur contumelia: indirecta, cum Legati persona, in qua Princeps læditur. Sed & *leges civiles* distinguendæ

veniunt. Quædam sunt *graviores*, de rebus arduis institutæ, & spectantes, aut pacem publicam, aut conservationem societatis politicæ, aut defensionem puræ religionis, &c. Quædam sunt *leviores*, ut de purgamentis urbium, de modo emendi & vendendi, de non gerendis armis, de non agendis excubiis, &c. His præmissis, quæstionem sic decidimus. 1. *Leges politicæ, siue sint leviores, siue graviores, specialiter, absolute, directe, & proprie non obligant conscientiam*; quia secundum speciem, & proxime atque immediate, nec à Deo sunt, nec de rebus agunt divinis; nec Magistratus, qui illas leges fert, ullam potestatem accipit in conscientias, qua iis dominari & per leges suas possit eas obligare cum comminatione mortis æternæ, nisi obediant: hoc enim est, *directæ atque absolute obligare conscientias*. 2. *Leges politicæ, præsertim vero graviores, generaliter, hypotheticæ, & indirecte conscientiam semper obligant*: quia Magistratus, leges ferens, est Dei ordinatio, minister, Legatus, cui propter Dominum & conscientiam est obsequendum: deinde, quia leges politicæ, si justæ sint (tales enim tantum accipimus) fundatur in lege morali ac naturæ, & sunt rivuli ex istis fontibus deducti: denique, ab iis pax publica & societas humana dependet: & hanc utramque qui turbat, scandalum præbet, legem Dei violat, adeoque conscientiam lædit.

## Disputationum ex Philosophiâ Selectarum,

### QUADRAGESIMA-TERTIA.

DE

## ANIMÆ RATIONALIS IMMORTALITATE.

T H E S I S I.

**D**E *Anima Rationalis* frequens in Scholis ac Libris Philosophorum instituitur Disputatio; interdum de ejus *Essentia*, alias de ejus *Origine*, aliquando de ejus *Potentia*: nobis nunc placuit in ejus inquirere *immortalitatem*, & eam probatam dare ac demonstratam *ratione naturali*. Qui hoc nego-

tium pertractarunt Philosophi, & multi admodum sunt & multa congerere argumenta, ex *sacris, metaphysicis, moralibus*, atque *authoritatibus* insuper *Genilium*, tum *Græcorum*, tum *Arabum*, tum *Latinorum*. Videatur ex multis, *Marsilius Ficinus* in libris suis de *Animarum immortalitate*; *Hannibal Roffellius* in *Afste*.

*Alepius Mercurij Trismegisti l. 6. Commento 1. libanus Cortunius de triplici statu anime, ex nostris, Alstedius in Encyclopædia, Pneumaticæ parte 4. cap. 2. Crocius Syntagm. l. 2. cap. 3. qui fusillime hanc rem sunt profecuti: Imo Portunus Licetus volumen in folio conscripsit, quo, solius Aristotelis autoritate & ratiocinio, Anima Rationalis Immortalitatem demonstrat: Nos Authores illos omnes, eorumque atque aliorum ratiocinia, in suo relinquentes pretio, Anima Rationalis Immortalitatem, ex Physica ejus operatione, demonstrabimus, si prius ambiguitatem hujus vocis [immortalis] removerimus.*

II. §. 1. *Immortale*, aliud est à parte ante, quod de novo non est productum, aliud est à parte post, quod, licet de novo inceperit esse, in perpetuum tamen durabit, priori modo Deus dicitur immortalis, & quidem solus, 1. Tim. 6. 16. secundo modo Anima hic quæritur Immortalitas. §. 2. *Immortale* est, vel simpliciter, quod nullo prorsus modo desinere potest, quicumque demum is est, & vocatur à quibusdam immortalæ per naturam, quatenus ejus naturæ repugnat ullo modo desinere, quo sensu solè iterum Deo immortalitas est tribuenda; vel immortalæ per gratiam quid, quod certo modo desinere nequit ex se, scil. vi naturæ suæ, sed potest tamen desinere, si à Deo annihiletur, ac vocatur immortalæ per gratiam: hoc sensu Anima rationalis est immortalis. §. 3. Interdum dicitur immortalæ, per naturam, quod intra naturam nullum habet corruptionis principium; per gratiam, quod licet habeat intra se corruptionis principium, speciali tamen Dei actione à corruptione conservatur: sic, anima rationalis, est immortalis per naturam; animal, mortale per naturam, quia non tantum ab extrinseco sed & ab intrinseco corrumpi potest: nempe, quia in eo est calor depascens humidum, ex temperie indita ac insita corrumpitur, etiamsi Deus influxum suum non inhibeat, aut ab extrinseco id corrumpat: quare si animal, v. c. equus conservaretur in æternum, esset immortalis per gratiam. Status Controversiæ nostræ est: An Anima humana sit Immortalis, à parte post, & non per gratiam, sed per naturam, sensu po-

stiori ac §. 3. scil. ut in se non habeat principium mortalitatis, mortis, aut corruptionis? Affirmamus & probamus à propriis ejus operationibus, & sic procedimus.

III. Quicquid est spirituale & à materiæ contagio liberum, illud est immortale. Atqui Anima rationalis est spiritualis & à materiæ contagio libera. Ergo &c. Consequentia clara est. Si enim anima est spiritualis, non educitur ex potentia materiæ, nec ab ea dependet, non modo in fieri, sed nec in esse, quia proprium & peculiarem subsistendi modum sortitur: ergo separata à corpore conservari potest: ergo non moritur extincto corpore, proindeque est immortalis: confirmatur consequentia: si anima est spiritualis, est expers contrarietatis, quia contrariæ omnes qualitates sunt materiales: ergo nihil est, à quo ab intrinseco corrumpi possit vel interire: denique, si anima est spiritualis, est ejusdem naturæ cum Angelis, proindeque omnino simplex & indivisibilis in partes separabiles, sive essentialis, sive integrales. At quod ita simplex est & indivisibile, est immortale & incorruptibile. Ergo & anima erit talis. Angelus licet sit compositus, ex potentia & actu, genere & differentia, non tamen ex partibus separabilibus, sive essentialibus, materia & forma, sive integrantibus; sic nec anima: porro; corruptio & mors sit per dissolutionem unius ab alio, v. c. corruptio ligni per dissolutionem ac separationem formæ ligni ab ejus materia, & mors equi per avulsionem formæ equi ab ejusdem corpore; ergo supponit compositionem ex multis partibus separabilibus. Quod igitur talibus partibus caret, id immortale est. At quod spirituale est, talibus partibus caret. Ergo, quod spirituale est, est immortale. Hæc fuit Major, ac jam probata. Minor fuit: Atqui anima humana est spiritualis. Ergo & immortalis.

IV. Restat, ut nunc hanc Minorem probemus, quod Anima humana sit spiritualis. Id vero non melius probatur, quam ex ejus operationibus, quæ à posteriori indicant, quale sit principium à quo proficiuntur: quia, si hæc sint independentes à corpore & spirituales, etiam sine dubio, & anima fuerit (à qua oriun-



oriuntur) independens à corpore & spiritua-  
lis: si contra hæc sint materiales & à corpore  
dependentes, & anima talis fuerit. Atque hoc  
fundamentum sternitur ab ipso *Aristotele*  
*lib. 1. de Anima, text. 13. Si est, inquit, aliqua*  
*anima operatio propria, continget utique ipsam*  
*separari: si vero nulla est propria ipsius, non*  
*utique erit separabilis. Hoc ergo est ἀνεχώρητον.*  
*An anima rationalis nullam habeat propriam*  
*sibi actionem & à corpore independentem? Nos*  
*affirmamus: Adversarii negant, & negationis*  
*sux probationem instituunt ex alio loco Arist.*  
*l. 3. de Anima, text. 39 ubi dicit & docet, ne-*  
*cessario intelligentem speculari phantasmata.*  
Unde sic argumentantur. Si ulla sit actio pro-  
pria animæ & independens à corpore, erit in-  
tellectio: Sed illa non est. Ergo &c. Probant  
Minorem: Si intellectio non sit sine phantasia  
aut phantasmate, ergo vera est minor, quia  
phantasia est facultas corporea, & exercetur  
corporis adminiculo, sicut ipsum phantasma  
est corporeum. Sed verum est prius. Ergo &  
posterius.

V. Hujus argumenti solutio sic satis exer-  
cuit Doctorum ingenia. *Cajetanus*, concessa  
majori, negat minorem, & inquit: *Anima ra-*  
*tionalis nullam habet actionem sibi propriam &*  
*à corpore independentem, dum est in corpore, ve-*  
*rum est; extra corpus, falsum est: & sic à corpo-*  
*re potest separari. Sed hæc distinctio, objectio-*  
*nem non solvit, sed eludit, nec ad mentem est*  
*Aristotelis, qui vult investigare, An anima sit*  
*separabilis à corpore & immortalis? atque utitur*  
*ejus operatione tanquam medio à posteriori,*  
*quia formæ ex suis actionibus dijudicantur.*  
At, quæso, an animæ operatio potest esse aptum  
medium ad demonstrandam ejus separabilita-  
tem, scil. ea, quam exercet à corpore separa-  
ta? egregius sane demonstrandi modus! proba-  
bit *Cajetanus*, animam esse separabilem à  
corpore, quia separata à corpore operatur sine  
corpore: supponet separatam, ut probet sepa-  
rabilem: quia potius ea actione, quam anima  
exercet in corpore, tanquam medio à poste-  
riori & nobis notiori, ad animæ conditionem  
indagandam, uti debuisset. Sed, *quomodo talis*  
*actio elicitur in corpore sit anima propria & à*  
*corpore independens, hoc opus, hic labor est.*

VI. Alii aliter ergo hunc nodum solvunt,  
& ajunt, *actionem* aliquam, puta *intellectio-*  
*nem*, aliunde, puta à corpore, dependere vel  
tanquam à *subjecto & efficiente*, uti visio pen-  
det ab oculo, vel tanquam ab *objecto & occa-*  
*sione*, uti eadem visio dependet à pariete viso.  
Addunt, *animæ propriam* dici *actionem* illam,  
quæ à sola anima *efficienter* fit, & in ea sola  
tanquam in *subjecto* recipitur, uti est intelle-  
ctio, licet tamen ex accidenti, & ratione status  
seu unionis cum corpore, non possit illa insti-  
tui nisi ad præsentiam alicujus materialis &  
*occasione phantasmatis* tanquam *objecti*: atque  
ita intellectio est *propria anima*, quia ab ea sola,  
& non à corpore, *efficienter* elicitur, & in ea  
sola *subjective* recipitur, non autem in aliquo  
organo corporeo, licet *objectivè* dependeat à  
*phantasmate* tanquam *objecto*. Et talem actio-  
nem, puta *intellectionem*, esse *actionem animæ*  
*propriam*, inde liquet: 1. Quia talis operatio  
est communis animæ & corpori, quæ à cor-  
pore dependet quoque tanquam à *subjecto*:  
quemadmodum visio dependet ab oculo: at  
intellectio non dependet fit ab alio organo  
corporis *subjective*. E. 2. Illa est operatio  
communis animæ & corpori, quæ fit cum  
corpore; illa fit cum corpore, per quam cor-  
pus patitur: per illam corpus patitur, quam  
in se recipit: Ergo illa est tantum communis  
corpori & animæ actio, quæ pendet etiam à  
corpore *subjective*: hinc, quæ non dependet  
à corpore *subjective*, ea non est corpori com-  
munis, sed animæ propria. Atqui intellectio  
non dependet à corpore *subjective*, quia ab  
ea corpus non patitur, &c. Ergo &c.

VII. Ad objectionis positæ th. 4. *Min-*  
*orem* Resp. negando, Majore concessa: ad *Min-*  
*oris* probationem dicimus, si intellectio sit à  
Phantasia & phantasmate absolute, i. e. opus  
phantasiæ tanquam causæ efficientis, aut in ea  
tanquam in *subjecto*, intellectio non erit ani-  
mæ propria nec independens à corpore, quia  
phantasia est facultas materialis. At vero *(quæ*  
*est solutio minoris in probatione)* intelligere non  
est actio à phantasia elicitur *efficienter*, nec de-  
pendet ab ea ut à *subjecto*, sed efficitur à solo  
intellectu & in eo solo recipitur ut in *sub-*  
*jecto*, licet, propter unionem cum corpore,  
anima



anima non operetur per intellectum, quin prius operata fuerit per phantasiam, ita ut ex operatione per phantasiam, & ad phantasmatum præsentiam, exiteretur ad operandum per intellectum: quæ mens est *Aristor.* dicentis, oportet intelligentem speculari phantasmata. Quare Minorem istam (*Intellectio non fit sine phantasia*) paucioribus verbis velim distinguere, *mutative & conditionaliter*, concedo: *effective & subjective*, nego: vel sic, intellectio non fit, nisi prius phantasia operata sit, ejusque operatio, sc. phantasma, est conditio, ad cujus præsentiam fit intellectio, circa res sensibiles externas, & singulares, concedo: circa alias, nego: nam anima sine conversione ad phantasma seipsam, aliave sibi conjuncta, intelligere potest. Sed hoc ut intelligatur, ulterius progredimur.

VIII. Dicemus ergo, non tantum intellectum omnem anima ita propriam esse in hac vita, ut non tantum à phantasia nunquam pendat tanquam ab efficiente vel subjecto, sed insuper quædam ne dependeat quidem à phantasia seu phantasmate tanquam ab objecto aut occasione: talis est intellectio Dei, & Angelorum, & sui, quæ fit ab anima: & pone, animam accepisse per infusionem, aliarum rerum quoque species, & aliunde fieri objectorum propositionem, quam per phantasiam, an non poterit fieri intellectio? Ad prius excipiunt *Adversarii*: intellectum non percipere res spirituales, Deum, Angelos, seipsum, nisi ex analogia rerum corporearum & secundum objecta materialia, quæ in phantasia formantur, ergo non sequitur animam intelligentem, quia intelligit res spirituales, esse spirituales. Respond. sequela est optima: & ratio est, quia cum cognitio nihil sit aliud quam rerum imago in animo cognoscente expressa atque percepta, fieri nequit, ut animus noster aliquid cognoscat spirituale, immateriale, incorruptibile, nisi ipse sit spiritualis, immaterialis, incorruptibilis: potentia debet habere sibi subiectum proportionatum: ideoque, si intellectus foret potentia atque materialis, animus noster, ne intelligeret quidem immaterialia, & spiritualia: quod dicitur, *animum intelligere res spirituales, ex analogia materia-*

*lium, & secundum objecta ac phantasmata corporea*; illud aut gratis dicitur & non ita fit, quod quis deprehenderet, si in animi sui res spirituales intelligentis conditionem penitus intueatur, aut si fit, hinc est, quod magno cum errore de rebus spiritualibus fere corporeos forimet mens humana conceptus. Quicquid sit: speculum, in quo relucet rei imago, oportet, cum ea re proportionem habeat, alioquin in ea exprimi non potest, sed intellectus noster, & animus cognoscens, instar speculi est, in quo imagines rerum etiam spiritualium imprimuntur. Ergo &c. Qui fit, ut in speculo corporeo rerum tantum corporearum imagines resplendant, non autem spiritualium? neque enim imago animi nostri, speculo tali potest recipi, ut quidem recipitur corporis & faciei nostræ: ratio nulla est alia, quam quia non est proportio inter speculum corporeale & animum spirituale. Unde fit, ut oculus tantum corpora percipiat non spiritus? quia corporeus est & non spiritualis. Cum ergo animus humanus substantias spirituales & immortales intelligat ac contempletur, recte eum quoque esse spirituales & immortales, concludimus.

IX. Sed & ulterius demonstramus, intellectum animi, dum adhuc corpori alligatur, in intelligendo ne dependere quidem à phantasmate tanquam ab objecto. Quid enim? an non potest abstractis jam & habitis speciebus intelligibilibus, iisque apud sese conservatis, sine ullo phantasmatum interventu ullave conversione ad ea, elicere aliquam intellectionem, puta simplicem rerum, quas apud sese obinet, contemplationem, independentem à corpore, non solum, ut à subjecto, sed & ut ab objecto? Sane non video quid obset: cum nec intellectus sit impeditus; & cum objectum sit præsens; sc. species intelligibiles jam diu abstractæ & in intellectu existentes, in quibus objectum relucet. Præter hæc omnia, cum quispian naturam universalem, genus aut speciem, intelligit: cum de uno aliquo universali aliud prædicat, ut *homo est animal*: cum contemplatur, *ens dicaturne univocè an analogicè de substantia & accidente*: quodnam phantasma eo pertingit? quodnam est

phantasiæ hic ministerium? cum phantasmata sint singularium, hæc sint universalis. Denique, cum animus noster intelligit seipsum, qua phantasmatum ope eget? quippe intelligens species immateriales in se existentes, intelliget sui ipsius naturam immaterialem; adeoque, cum sibi intime præsens sit, nullis eget ad sui intellectionem phantasmatibus. Atque hæc solo sui cognitio, clara, & intuitiva, absque ullo phantasmatum adjumento facta, est sufficiens argumentum,

ad probandum, quod animæ rationali conveniat operatio propria & independens omni modo à corpore: unde & infero, spiritualem ei convenire essentiam, & consequenter esse immortalem, nam modus operandi sequitur modum essendi. Atque hoc argumentum præ omnibus aliis maxime urget in sua demonstratione de animæ immortalitate doctissimus Sirmondus, qui hoc egregie extendit, & ab exceptionibus Adversariorum solide vindicavit.

## Disputationum ex Philosophiâ selectarum, QUADRAGESIMA-QUARTA.

D E

# I N G E N I O.

### T H E S I S I.

**S**I quid pulchrum, si quid amabile, si quid magnificum, in rerum natura suscipiunt mortales, præclarum est & excellens *Ingenium*: quod tamen, quid sit, etiam ingeniosissimi qui eo sunt præditi, vix explicare, sunt vel aggressi vel ausi. *Alexander Aphrodisiensis*, Peripateticorum Princeps, per *ingenium* intellexit *Deum*, quem *intellectum* vocem agentem, & immediate in nostro corpore operari voluit. A quo non abludit *Ovidius*, cum canit: *Est Deus in nobis, agitante calefactus illo*. *Averroës* *Intelligentiam* sive *Angelum* singulis hominibus assistere ad intellectionem promendam, ut navam ad navim gubernandam, sensit. *Plato* exilimavit, animam à Deo rerum omnium cognitione imbutam corpori alligari, quæ postmodum ejus deturpata commercio, obliviscatur omnium, ac per ætatis gradus denuo reminiscatur. *Astrologi* vim insitam cælestium corporum homini tribuere robur ad cogitandum statuerunt. Ex quibus omnibus palam sit, *Ingenium* supra naturæ fastigium ab illis *Philosophis* fuisse habitum & tanquam divinitatis particeps: Quare dignissimam judicavimus *Ingenii* contemplationem & in ejus naturam inquisitionem, licet illa in

obscurum sit posita & multis difficultatibus perplexa: sed difficilia, quæ pulchra: & difficultatem hic compensat utilitas: quid enim est utilius, quam naturam ejus, quo omniacognoscimus, bene cognitam habere? Sed ad rem ipsam.

**II.** *Ingenium* dicitur, quasi *ingenitum*, Græce τὸ ἰμῶντος, quod venit à φύσει, nascitur: unde τὸ μεῖον, quod aptum naturæ vocat *Cicero* & *natura insitum*, quale est *Ingenium*, quod est *Ingenitum*, ideoque sic quoque appellatum, transumpta quasi denominatione ex *Genio*, qui à Veteribus *Deus* habebatur, custodiæ hominum aditans, & cum iis genitus, imo & parens illorum ac genitor: unde & *Generales* *Disprofluxere*, qui, quod cura illis rerum gerendarum commissa putaretur, postea & *Coruli* sunt appellati: duplex vero singulis *Genius* apud illos fuit, tuit bonus ac malus, à quorum altero impelli ad virtutes hominem, ab altero ad scelera inflecti, existimabant. Ex his igitur translato nomine vocatum est *Ingenium*, vis illa, in hominibus insita, intelligendi, agendi, seipsum & alios regendi, virtutes vel vitia perpetrandi, quibus in rebus sæpe alter alteri multum præstat. Hæc de voce.

III. Quid

III. Quid sit *Ingenium* & in quo sit situm, tam est obicurum, quam clarum est, illud esse: & quia pauci admodum *Philosophi* ingenium, in ingenio explicando, exercere, tanto id explicatu est difficilior. *Arist. Ethic. Nicom. l. 3. c. 5.* ait illud esse vim eligendi ac discernendi recte, quod vere bonum est: alibi videtur vocare solertiam, *l. 1. Post. Anal. c. ult.* inquiring, tam esse virtutem inveniendi medium in tempore non perfecto. *Cicero lib. 5. de Finibus, docilitatem & memoriam uno ingenti nomine ait contineri.* *Julius Scaliger de Subtil. Exercit. 1.* ingenium statuit esse vim intellectus, qua difficilia cognitum facile comprehenduntur. Possimus in *Bibliotheca sua selecta lib. de Cultura Ingeniorum c. 10.* describit illud esse ingenium, qua facile aut difficulter res aut artes addiscuntur. In eo itaque videtur omnes convenire, ut *Ingenium* consistat, in cognoscendi celeritate, promptitudine, ac facilitate. Verum quot & quæ ad hanc facilitatem occurrant, equidem difficillimum est explicatu: non enim satis constet, an hæc facilitas soli attribui debeat intellectui, an vero alteri etiam cognoscenti facultati, ut phantasia? an dependeat ejus vigor ab organo, an à solo intellectu? &c. Ideoque explicandum videtur primo, quomodo fiat intellectus? ac tum secundo, quomodo fiat facilis intellectio, in qua *Ingenium* collocatur?

IV. Ut modus intellectus teneatur, sensus modum prius explicatum dabimus: nam ut recte docet *Arist. l. 3. de Anima text. 30.* sicut sensus se habet ad sensibile, ita intellectus ad intelligibile. Atqui sensus se habet ad sensibile, ut potentia passiva patitur ab objecto: visio v. c. non fit nisi color agat in visum, qui propterea dicitur à colore alterari, alteratione perfectiva non corruptiva, dum speciem coloris ad se transmissam recipit: eodem modo fit intellectio: nam & intellectus patitur ab objecto, & alteratur, alteratione perfectiva, dum speciem objecti in se recipit quoque: differt tamen à sensu, quod sensus determinatum quoddam entis genus sentiat, vulgo sensibile vocant ac singulare & materiale, ad intellectus & sensibilia & insensibilia percipit, & universalis & immaterialis: deinde sensus in sentiendo dependet à corpore tanquam ab or-

gano, & absque ejus adminiculo nunquam sentit, ita vitus organo eget in videndo, oculi puta temperie: at intellectus in intelligendo, nec à corpore nec ab organo ullo ejusve temperie dependet: si enim intellectus in & cum organo intelligat, erit qualis, id est, cum aliqua corporis qualitate seu temperatura commixtus, quæ esset ei ratio & conditio recipiendi species intelligibiles, sicut temperies aquei oculi est ratio recipiendi species oculorum in visu, qui in & cum oculo operatur: at vero sic intellectus esset commixtus corpori; nec omnia intelligeret: & *Aristot.* merito *1. de Anim. text. 92.* ait, ne fingere nos quidem posse, quam partem corporis occupet intellectus.

V. Ut porro intellectus facilitatem explicemus, iterum ad sensum recurramus: hæc recta est & facile perficitur, cum & objectum in debita se habet ad sensum distantia, & medium est bene dispositum, & organon est bene temperatum: eodem modo si & intellectus medio uteretur & organo, intellectus facilitas ex utriusque habilitate desumi deberet; nunc cum careat utroque, sola remanet intelligendi facultas & objectum, ex quibus intelligendi facilitatem possumus arguere: quando sc. ea maxime sibi invicem sunt proportionata, facillima etiam emergit intelligendi actio seu cognitio: ex parte quidem objecti, ingens ad intellectum accedit facilitas si illud ita fuerit affectum ac dispositum, ut ex ejus obrutu statim possit intellectus cognoscere ejus essentiam: in illa tamen objecti aptitudine, ut quam facillime cognoscatur, non est positum *Ingenium*, sed in aliqua insuper eminentiori etiam intellectus virtute, quod ex *th. 3.* ubi *Ingenium* collocatum fuit in intelligendi facilitate, sic probari potest.

VI. Si ingenium sit vis facile comprehendendi ac discurrendi, oportet eam vim ab anima ipsa promanare, quia vis seu virtus & potentia idem sunt: at potentia animæ ab ipsa anima promanat: si igitur ingenium sit talis animæ intellectivæ potentia, etiam ab illa emanabit, ut effectus à causa: ergo optimum ingenium à perfectissima anima intellectiva. Ergo ingenii, ac præstantis, causa non est sola objecti intelligibilis aptitudo, sed ipsius

animæ atque intellectus eminentia & præstantia. Si dicas: *ergo inter animas rationales ejusdem speciei una erit perfectior altera essentialiter, habebitque in uno individuo perfectiorem intellectum quam in altero, quia ingenium non est in omnibus idem, sed in uno præstantius, in altero minus.* Resp. Nihil hic est absurdum; & hæc sententia est præstantissimorum inter Scholasticos, Magistri Sent. in 2. l. distinct. 17. & Thomæ Aquinatis, 1. part. quæst. 85. art. 7. Sum. Theol. quos sequitur ex recentioribus Ruvius l. 2. de Anim. c. 3. quæst. 3. & nos cum ipso.

VII. Ex iis, quæ sunt dicta, patet, Ingenium in hominibus nasci, non acquiri: est enim ingenium, & excellentia intellectus ab ipso Deo, auctore naturæ, ipsi animæ à prima creatione indita & concreta: ideoque differt ab intellectu in habitu, ut vocant, qui consistit in habilitate quadam frequentatis intelligendi actibus comparata, quam intellectus antea non habebat: intellectus enim frequenter intelligendo contrahit sibi habitum atque aptitudinem intelligendi, quæ deinceps multo citius ac promptius circa rerum noticiam ac contemplationem versatur: sed hæc acquisita intelligendi celeritas differt ab innata, in qua ingenium consistit.

VIII. Sed hic queritur, *An ingenium sit solus intellectus, an non etiam sit phantasia?* Resp. Quamvis intellectus ejusque connata in intelligendo celeritas, quæ ingenium dicitur, in quibusdam intellectioibus, rerum puta universalium, & immaterialium, Dei, Angelorum, ac sui, nullo modo à corpore dependeat, nec tanquam à subiecto, nec tanquam ab objecto, ut superiore disp. de Animæ immortalitate est demonstratum, quia tamen in cognitiones singularium ac materialium speculatur phantasmata, & sic aliquo modo dependet à phantasia & à cerebri ac spirituum animalium imo & sensuum exteriorum recta dispositione, dici potest, hæcenus Ingenium etiam pertinere ad Phantasiam, quatenus in iis rebus intelligendis, quorum phantasmatibus prius eget, multum celeritatis atque agilitatis confert recti organorum dispositio: nisi illa celeritas intellectui allata & illata ex bonitate phantasmatum, phantasie, & sensuum exte-

riorum, magis facere ad intellectum in habitu quam ad ingenium dicatur.

IX. Ut sit, sedulo cavendum est à sententia Galeni, ne ita Ingenium Phantasia alligetur, ut à temperamento fluere & constare dicatur: sic enim & intellectus & anima ipsa rationalis à temperie pendebit: quod quomodo non consistat cum ejus immortalitate, disp. præced. est probatum. Galeni sententiam tenet Iohannes Huartus Hispanus, Vir subtilis, in Scrutinio ingeniorum, qui omnium ingeniorum naturam ex organi temperie vult pendere, cap. 2. imo proprio intellectum organum potiri posse ad operandum, salva tamen ejus immortalitate demonstrare conatur, cap. 10. sed vero intellectum nulli organo adstringi posse, salva immortalitate, satis evictum est disp. superiori. Hoc impræsentiarum addimus quod omne recipiens debet esse denudatum à natura recepti: non debet intellectus esse immerfus & immixtus materię, nec alligatus organo corporeo: quia sic corporea & materialia non intelligeret. Excipit Huartes, negando consequentiam: quia idem sequeretur de parte animæ sensitivæ, quod organica cum sit & annexa qualitatibus materialibus non possit objectis percipere materialia: at, inquit, sensum est id in tactu, cujus licet organum constatum sit ex quatuor qualitatibus, calore, frigore, humiditate, siccitate, optime tamen singulas percipi valet: idem ostendit in oculo, quæ licet coloratis sit præditus particulis, colores tamen omnes indistincte cognoscit: ergo pariter intellectus; licet sit alligatus organo, nec denudatus à materia, per hoc tamen non recte inferitur, quin materialia possit intelligere. Resp. ad except. 1. de tactu: quod in qualitatibus primis duo sunt consideranda, ipsarum puta mediocritas & exuperantia: tactus organum consistit tantum in quadam ipsarum mediocritate, quam propterea nequit sentire, quia sic recipiens permixtum esset cum natura recepti: earum igitur exuperantia duntaxat à tactu percipiuntur, ut quibus organon ejus est denudatum, quippe quod sola illarum mediocritate perficitur; quæ est ipsa Arist. solutio, 2. de Anim. tex. 118. Ex tactus igitur actione manet in suo robore, assumptum illud ex Aristotele: Omne recipiens debet

libet esse nudatum à natura recepti. Sed nec infringitur exceptio 2. qua dicitur, *oculum, qui coloratus est, nihilominus recipere & percipere colores.* Resp. Oculum à prædominio esse aqueum & diaphanum, & ejus coloratio ab aqueo & diaphano tam est debilis ac tenuis, ut negare quis possit, esse colorationem, & oculum coloratum; quemadmodum multa dicuntur insipida, quorum sapor fere imperceptibilis est, non quod omni plane destituantur sapore: sic ipse *Arist. l. 2. de Anim. t. 71.* inquit, illud vocari invisibile, quod videri vix potest. Oculi itaque partes sunt tam debiliter coloratæ, ut externorum colorum perceptio & receptio, ab ipsarum colore removeri nequeat, aut impediri.

X. Sed videamus, quomodo *Huartes* probet c. 10. intellectum gaudere posse organo, ut corruptioni tamen & mortalitati non sit obnoxius. Summa quidem probationis vis in hoc argumento consistit. Sicut *Dæmones* quibusdam se subjiciunt qualitatibus materialibus, per quas in corporibus degunt & agunt, nec tamen ipsarum temperamento destructo corrumpitur substantia *Dæmonum*; ita etiam anima rationalis, licet adstricta temperamento & organo, quia, instar *Dæmonis*, spiritalis est & incorporea, minime, abolito hujusmodi organo, corrumpitur. Resp. Hoc de *Dæmonibus* assumptum simile, duplici de nomine indignum est hominis Philosophi acumine. 1. Quis ignorat, *Dæmonem*, cum propter infanda hominum

scelera, & arcana, sed justa Dei judicia, permittitur ipsorum corpora obsidere, prævias nullas requirere dispositiones, quia est forma assistens & supernaturalis, diverso modo sese habens ab animæ rationali, quæ est forma informans & naturalis: quare à forma assistente, ad informantem, nulla est sequela. 2. Dato, quod *Dæmon*, qui est forma assistens, obsesurus hominem, talem apparatus materiæ requirat, qualem exigit anima, quæ est informans; cuique tamen vel leviter erudito patet, quod aliud sit, existentiam formæ, aliud, operationem considerare: pro illa requiritur in materia apparatus necessarius, pro hac organum: *Dæmon* & anima, etiamsi indigeant illo, non tamen hoc; quia ille refertur ad totum corpus in quo existunt, hoc unum tantum notat corporis partem qua operentur; sed hoc organo, hac parte corporis, ad operandum non eget *Dæmon*: quia ne anima quidem, quod ex *Disp. priore* notum est, quia sic nulla ratione, vel *Dæmonis*, vel animæ mortalitas vitaretur. Citavimus *Disp. præced.* dictum *Aristotelis l. 1. de An. t. 13.* Si contingit animam operari sine corpore, est separabilis: si non contingit, est inseparabilis: & ratio est: quia dum anima utitur corpore seu organo, destructo organo cessat ipsius animæ operatio: ergo vel ipsa etiam destruitur, vel manet otiosa: neutrum rerum natura admittit. Ergo. Sed hæc ad argumentum *Huarts* suffecerint.

## Disputationum ex Philosophiâ selectarum

### QUADRAGESIMA-QUINTA.

D E

## COGNITIONE.

### THESIS I.

Actum fuit *disp. præced.* de *Ingenio*, quod constitutum fuit in facilitate cognoscendi, nunc de ipsius cognitionis ratione, modo, ordine, certitudine, incertitudine, evidentia & perfectione, quædam proponere fuit visum,

methodo arbitraria & tumultuaria: nulli enim ordini in hoc selectarum disputationum curriculo nos adstrinximus: ideoque nunc per *Sicq.* & *ubiq.* procedemus, cum alias per quæstiones fere incedamus.



II. §. 1. *Omnis cognitio fit per similitudinem.*  
 2<sup>us</sup>. Id est: nulla potentia cognoscens aliquod objectum cognoscit, quin aliquam similitudinem de illo in seipsa formet: est enim cognitio nihil aliud, quam repræsentationem rei cognite in potentia cognoscente, seu assimilatio potentie cognoscentis & objecti cogniti: quæ tamen assimilatio non est naturæ (nam intellectus immaterialis cognoscit res materiales, quoad naturam sibi dissimiles) sed intentionis secundum speciem: *Scholastici* suis terminis autem intelligi, similitudinem objectivam & intentionalem, non entitativam aut physicam. Nonnulli distingunt inter cognitionem positivam & negativam: illam volunt solam fieri per assimilationem, hanc per dissimilationem: Alii similitudinem faciunt, unam essentialem formæ ad formam, quo pacto homo unus convenit cum alio qui habet formam similem, & talis similitudo facit univocationem: aliam imitationis vel repræsentationis, quæ non causat univocationem, & talis sufficit ad cognitionem: quemadmodum inter imaginem pictam & hominem est similitudo imitationis aut repræsentationis, nec tamen sunt univoci: & ita Deus creaturam, intellectus humanus materialia cognoscit: licet isti cum hisce non convenient univoco. Denique & illud hic noto; cognitionem non tam fieri per similitudinem, quam esse ipsam actualem similitudinem rei, quæ cognoscitur: quo sensu optime 3. de Anim. tex. 37. dixit *Aristoteles*, *intell. etiam intelligendo fieri omnia.*

III. *Intelligere est quoddam pati.* 2<sup>us</sup>. Hæc thesis desumpta est ex *Aristotele*, l. 3. de Anima, text. 12. & 1. illud pati debet capi non proprie sed æquivoce: non enim intelligere est motus physicus (qui est actus imperfecti) sed intentionalis: patitur ergo intellectus, dum species recipit: unde 2. patet, thesin non esse intelligendam de quolibet intellectu, sed de eo, qui est in potentia ad intellectionem, & speciem recipit, quæ objecti est similitudo: hinc, Dei intelligere, non est pati, cum intellectus divinus non sit in potentia ad intellectionem, & non intelligat per speciem. Licet vero intellectus non solum patiatur sed etiam agat, ipsum tamen intelligere, magis sonat

causalitatem passivam quam activam, & magis vel materiale vel formale quam effectivam. Nam intellectus denominatur intelligens, non quatenus elicit, sed quatenus recipit intellectionem, sicut paries non dicitur albere, nec aqua calere, quæ efficiunt, sed quæ recipiunt, seu quatenus habent albare & calorem: & ob eam causam *Philosophus* intelligere magis per pati quam per agere describit. Videantur interpretes ad textum *Arist.*

IV. *Contingit multa scire, non tamen cogitare.* 2<sup>us</sup>. Dictum est *Aristot.* l. 2. Topic. c. 10. l. 32. quod varias subiit explanationes. *Hurtadus de Mendoza disputat.* 5. de Anima, sect. 7. §. 55. sic exponit: ut scire ipsi habitum significet & cogitare actum: itaque comparat *Aristoteles* actus habitibus: non tamen negat plures actus simul, neque unum actum de pluribus objectis, sed ait in nobis existeret plures habitus simul & de pluribus objectis, quam actus. Sic *ille Ruvius* dicit testimonium *Aristotelis* esse intelligendum de pluribus ut plura sunt, hoc est, ut diversâ & nullo modo convenientia. Ex utroque juncto hæc interpretatio posset conslari: ut scire referatur ad habitualem cognitionem, cogitare ad actualem, & illud sit plurius, quia intellectus habitualiter cognoscit plura: hoc non sit plurius ut plura sunt, quia, si quando contingit plura simul cogitari, cognoscuntur ut in aliquam unitatem coeunt, vel ratione habitudinis, vel ratione ordinis, vel ratione convenientiæ, vel alio aliquo modo, qui unitatem secum conferat: ut vero cognoscuntur, uti plura, deberent uno actu attingi prout plura. Alii simpliciter dicunt, non contingit plura simul cogitare diversis actibus, verum est, quia simul esse non possunt plures actus: at uno actu plura cogitari possunt objecta. Sed simplicissima videtur expositio, si dicamus *Aristot.* hoc tantum velle probatum, quod scire & cogitare non sit idem, quia contingit multa scire, nec tamen multa cogitare: nam potest quis scire omnes conclusiones *Euclidis*, nec tamen omnes cogitare simul: non tamen negat *Aristoteles*, quin aliquando plura cogitare possumus, præsertim si in unum coeant. Atque sic inter scire & cogitare idem

erit



erit discrimen, quod inter *imaginari* & *simpliciter intelligere*, est nonnullus. Simpliciter intelligo & scio, chiliogonum mille lateribus constare, sed non possum mihi imaginari & ut præsentia cogitare ista mille latera, sicut possum triangulum & scire & intelligere quod tribus constat lineis, & imaginari omnes tres lineas & ut præsentis cogitare. Aut *scire* idem fuerit *Aristoteli*, quod *Scholasticis* est *apprehendere*, & *cogitare*, quod *comprehendere* est illis: contingit enim plura apprehendere, sed non eadem semper comprehendere.

V. *Qui rem intelligit aliter, quam est, eam non intelligit: & Qui rem intelligit aliter, quam est, intelligit falsum.* *enq.* Utraque thesis sano sensu vera est: prior, si *rem intelligit* sumatur de apprehensione simplici: posterior, si de complexa: nempe, qui rem aliter intelligit, quam est, eam non intelligit, quia, dum aliter intelligit, aliter repræsentatur; dum aliter ea repræsentatur, non ipsa intelligitur, sed aliquid aliud intelligitur: nam id intelligitur, quod intellectui repræsentatur: porro, qui rem intelligit aliter, quam est, falsum intelligit; quando rei intellectus attribuit quod in ea non reperitur. Hoc est, quod vulgo dici solet: *prime mentis operationi nunquam subesse falsum, sed quidem secundæ.*

VI. *Cognitio intellectiva certior est quam sensitiva.* *enq.* 1. Non tam respectu potentie (quia ita certo adhæret sensus suo objecto sensibili proprio, quam intellectus intelligibili) quam quidem ex parte objectorum: objectum enim sensus est multipliciter variabile, & vero objectum intellectus est magis invariabile, quia universalia intelligit & spiritalia, sensu cognoscit tantum singulæ & materialia: quin & respectu substantie singularis, sensibilis, ac materialis, cognitio intellectus est certior quam cognitio sensus, quia hic solum extrinseca & accidentia attingit, ille vero intrinseca & intimam rei essentiam penetrat. 2. Si ipsæ etiam potentie, quæ tales spectentur, non in ordine ad objecta, adhuc intellectiva est simpliciter certior sensitiva: quia hæc in cognoscendo multis de causis impediri potest à certitudine, ne eam obtrineat, nempe, vel à medii distantia, vel ab ejus pro-

pinquitate nimia, vel ab organi indispositione, &c. intellectus vero, licet decipi possit, non tamen tot de causis, nec tot deceptionibus subjacet: ne nunc dicam, nos per intellectum *scire*, id est, cognoscere *indeclinabiliter*, cognitione certa, infallibili, evidente, non item per sensum; de quo vide egregium *c. 3 l. 1. Post. Anal. Arist.* Atque hinc sequitur, certiorum esse in nobis notitiam necessariorum quam contingentium, cum enim certiora sint necessaria quam contingentia, cognitio, quæ est necessariorum, erit etiam certior, quam quæ est contingentium, quia cognitio proportionatur objecto; & certitudo *Mentis* seu *subjectivæ* dependet à certitudine *entis* seu *objectivæ*.

VII. *Certius cognoscitur, de quo non potest dubitari, quam illud de quo potest dubitari.* *enq.* Certitudo & dubietas privative opponuntur & se mutuo excludunt: sicuti ergo, quando omnis dubietas excluditur, cognitio est maxime certa: ita, quo magis excluditur, magis est certa, quo minus, minus: sicuti enim unum oppositorum magis tale fit. quo minus de opposito suo participat, ita & certitudo cognitionis est major, quo minus permiscetur dubietati, & illa maxima, quæ omnis dubietatis est experta. *Scholastici* hoc sic extulerunt. Certior est cognitio, quæ minus formidinis habet: quia formido repugnat cum certitudine: at dubitatio conjuncta est, cum formidine partis oppositæ: qui enim dubium assensum præbet conclusioni, formidat, ne pars opposita sit vera.

VIII. *Dubitare est ignorantis.* *enq.* Ideo enim dubitamus, quia nescimus rei certitudinem & ignoramus, an ei subsit falsitas: hinc, quia in Deum non cadit ignorantia, nec dubitatio: & ubi non est ignorantia, nec dubitatio esse potest: nihil minus dubitatio participat ignorantiam, non absolutam & secundum omnem gradum, sed secundum aliquem minimum assensus aut firmitatis in assensu gradum: nam dubitatio supponit aliquam cognitionem de illa re, de qua dubitatur; non enim dubitamus de eo, quod plane nescimus; hinc significanter dicimus, dubitationem participare ignorantiam aliquam, quia non omnem cognitionem excludit: hinc illud tritum:

tritum: *De quo nihil scitur nihil dubitatur*, Vid. *Arist. l. 3. Met. text. & interpretes.*

IX. *Ad id, quod est supra naturam, intellectus humanus non habet aliquod medium ad illud evidenter cognoscendum.* *inb.* Quia illa evidenter cognoscuntur, quorum causa videtur: at, quæ supernaturalia sunt, causam in natura non habent, qua cognosci possunt: sic enim non essent supernaturalia. Unde nulla mysteria fidei evidenter cognoscuntur, attamen certo, firmiter, & infallibiliter; quia omnis erroris & dubitationis expers est revelatio divina, per quam cognoscuntur, cui falsum sub esse nequit: præterea, si evidenter mysteria fidei cognosci possent ab intellectu humano, etiam ab infidelibus cognoscerentur, nec fides esset necessaria, atque adeo non esset *veritas* & *ius* *beatitudinis* sed & *beatitudinis*, contra naturam & descriptionem fidei ab ipso Deo in sacris litteris relictam.

X. *Tunc cognoscitur res perfecte, cum, sicuti est, attingitur.* *inb.* Perfecta cognitio consistit in perfecta commensuratione ipsius cum objecto: idcirco cognitio debet in sese habere repræsentative etiam modum essendi ipsius objecti: nam rem cognosci, sicut est, nihil est aliud, quam repræsentari sicuti est; tunc autem repræsentatur sicuti est, quando intellectus repræsentative continet esse objecti; unde tunc cognoscitur perfecte, quando, sicuti est, cognoscitur: quod ut plenius intelligatur, non requiritur, ut intellectus aut scientia habeat modum existendi, quem habet res; nam qui cognoscit lapidem, non habet modum existendi, quem lapis: itaque illud *sicuti* similitudinem significat, non *propriè* uno verbo: oportet, ut res ita se habeat, quoad esse reale, sicuti sese habet cognitio in esse repræsentativo.

XI. *Nihil cognoscit nisi secundum modum, quo est in cognoscente.* *inb.* Quia ea, quæ cognoscuntur, non secundum sui naturam cognoscuntur, sed secundum cognoscendum facultatem: cognitio itaque non dicitur finita aut infinita à re cognita finita aut infinita: sic licet Deus ab intellectu creato cognoscatur, non ideo tamen objecto infinito cognitio correspondens infinita est, quia cogno-

scientis facultas & vis finita est: & quodcumque recipitur, ad modum recipientis recipitur: cognitio est receptio rei cognoscendæ secundum esse intentionale in cognoscente. Ergo, &c.

XII. *Cognitio, an est, præsupponitur, ad quid est.* *inb.* Vulgatum est Axioma ex *Arist. l. 1. Post. Anal. petrum*: & ratio est, quia questio, *an est*, est fundamentum omnium, quæ de re aliqua cognosci possunt: præsupponitur cognitio, *an est*, vel in se vel in sua causa: nec enim scire, *quid est*, semper præsupponit rem esse in propria existentia, cum de rebus etiam non existentibus sciri possit, quid sunt, sed tunc præsupponitur cognitio existentie, si non præsentis saltem vel præhabite, vel futuræ, si non actualis, saltem possibilis. Nunquam tamen Axioma illud extendendum est ad *quid nominis*: in eisenim, quorum natura occulta est, priusquam sciatur, an sint, oportet scire, quid sit, quod significetur per nomen: hoc autem provenit, quia conceptus significantur per nomina; cumque res in medium proferre nequeamus, earum loco verba substituimus; idcirco mediis nominibus in rerum cognitionem deducimur: unde & oportet nominum ac verborum scire notiones, antequam, *an* & *quid* sint res, cognoscatur.

XIII. *Prius cognoscuntur magis universalia quam minus universalia, prius communia quam particularia.* *inb.* Utrumque verum est: sed diverso genere cognitionis & vario respectu. 1. Si singulare comparatur ad universale, prius ipso cognoscitur, quia intellectus assuevit se sequi cognitionem sensu, qui versantur circa singulare; ideoque & intellectus prius ordine intelligit singulare quam universale: quod confirmatur; quia universale sit ex præsupposita cognitione singularium, à quibus universalia abstrahuntur; ergo prius debent cognosci singularia quam universalia. 2. Si rationes universales individuatae seu particularitate comparentur inter se in ordine ad cognitionem distinctam, prius percipiuntur minus universales: ratio est, quia primo ab intellectu percipitur, quod primo ex vi cognitionis sensitivæ repræsentatur: sed primo repræsentatur gradus infimæ speciei, ergo & prius

un-  
eci-  
ndaz  
ote.

, ad  
rij.  
uz-  
que  
itur:  
usa:  
onir  
ebus  
unt,  
æ, si  
l fu-  
lun-  
m est  
atura  
por-  
no-  
eptus  
me-  
verba  
us in  
opor-  
an-

versa-  
umis  
m est;  
espe-  
iver-  
ectus  
, qui  
telle-  
quam  
versa-  
rium,  
prius  
versa-  
tae seu  
ordi-  
perci-  
a pri-  
ex vi  
d pri-  
ergo  
prius

I  
to  
a  
v  
e  
e  
ri  
h  
b  
e  
f  
ra  
g  
H  
fa  
id  
po  
fr  
qu  
ar  
ce  
tat  
cir  
est  
pit  
qu  
ren  
go

& prius cognoscitur : hinc, cum videmus Petrum, prius cognoscimus esse hominem quam esse substantiam. 3. Si rationes universales individuatur & particularisatur comparantur in ordine ad cognitionem confusam, prius cognoscuntur magis universales, quia, quo magis est cognitio confusa, eo mi-

nus distincte repræsentat objectum, ergo repræsentabit secundum rationes magis universales, quia cognitio distincta tendit prius in rationes minus universales : ergo quoad cognitionem confusam prius cognoscuntur magis universalia, quam minus, & communia quam particularia.

## Disputationum ex Philosophiâ selectarum,

### QUADRAGESIMA-SEXTA.

DE

# CAUSA LIBERA.

T H E S I S I.

**D**isputaturi de *Causa Libera*, primum vocis ambiguitates enarrabimus, mox rem ipsam explicabimus. *Liberum* dicitur, 1. quod non est subditum subiectumve alteri, libereque agere potest quod libet : quæ vulgo *libertas* vocatur à *servitute*. 2. *Liberum* est, quod à nemine pender, vel, quod liberum est à cura & inspectione ac gubernatione alterius; quæ vulgo *libertas independentiæ* vocatur: his duobus modis solus Deus absolute est liber: unde ens liberrimum, plane *αὐτὸν ἐξ ἑαυτοῦ* est ac dicitur, utpote supra quem nihil est. qui supremus omnium est Dominus, à quo creature pendent, cuius majestati atque imperio & gubernationi omnia penitus subiecta sunt. Hinc libero seu libertati geminæ opponitur *servum, subditum, servitum*. 3. *Liberum* dicitur, id, quod licite fieri potest, quod libere admitti potest vel omitti, *καὶ ἐξ ἑαυτοῦ*, quo libere uti vel frui possumus, quod non est interdictum, à quo non arcemur aut impedimur, quod in arbitrio nostro constitutum, permisum, concessum, licitum est: huic tertio generi libertatis opponitur *interdictum, prohibitum, illicitum* : hæc etiam libertas, qua quis legibus est solutus, non cadit in creaturam. 4. Accipitur *Liberum*, pro immuni & vacuo, ut cum quis dicitur liber pavore, metu, &c. huc referenda est libertas à culpa & miseria, quæ vulgo dicitur *libertas gratiæ & gloriæ*, quarum

illa est, qua quis vacat culpa, criminibus, & peccatis; hæc, qua quis immunis est à pœnis: sed nec hæc est libertas, quæ causam hic denominat liberam: 5. *Liberum* dicitur, quod est indifferens subjective, seu quod ad nullum oppositorum est determinatum aut definitum, sed quod se æque habet ad utrumque; & utrumque recipere valet: huiusmodi libertate prædita dicitur materia prima, & vocatur vulgo *libertas* atque indifferentia *passiva*; quæ hic causam liberam non facit: causa enim libera est causa efficiens, non subiectum patiens. 6. *Liberum* dicitur, quod est *ἀναγκαστικόν*, incoactum, non violentum, spontaneum, quod non cogitur, sicut se habet omne, quod per & secundum naturalem inclinationem & principium intrinsecum agit vel patitur: vocatur vulgo *libertas à necessitate*, verum improprie, quatenus necessitas sumitur pro coactione: sed enim hæc improprie est necessitas: tale genus libertatis convenit non tantum hominibus, sed & brutis, imo & rebus inanimatis, ut quidem vulgo loquimur, adeoque necessitatem omnem non excludit, nedum naturalem, sed coactionem tantum aut violentiam, cui opponitur. 7. Sumitur *libertas*, prout opponitur necessitati naturali, & *liberum* sic dicitur, quod non est definitum ad agendum, sed quod per se est indifferens, ut possit & differre & variare actionem, id est, ut possit agere & non

ad agere,

agere, & aliter atque aliter agere, quia agit ex deliberatione & certo consilio: quæ libertas est hujus loci. & causam denominat ac constituit *libertatem*: & hæc est libertas, quæ vulgo dicitur *libertas à necessitate physica* & à bruta *determinatione*. Hæc de voce.

II. Rem quod spectat *Libertas à necessitate physica* has duas requirit in causa libera conditiones. 1. Ut causa libera sit indifferens ad varias actiones & effecta, non determinata ad hoc vel illud. 2. Ut, quicquid & quomodo-cunque agat, semper agat præeunte mentis judicio & consentiente voluntate: itaque *causa libera* bene definitur, *quæ consulto causat*, seu, *quæ potest agere, quando, quantum, & quomodo libet*. Quæ definitio ut intelligatur, paulo plenius de *Libertate* est philosophandum.

III. *Libertas, à libendo dicta*, est *facultas agendi quod libet*. Facultas, non *Ethica*, quæ legibus aliquid alicui indultum est, quomodo quis habet facultatem navigandi mare (hoc enim nulli est vetitum) sed *Physica*, quæ quis aliquid potest, vel animi, vel corporis adminiculo, vel ope illorum bonorum, quæ fortunæ vulgo, licet male, vocantur: sic homo robustior facultatem habet occidendi hominem minus robustum, non *Ethicam*, neque enim hoc legibus est permissum, sed *Physicam*, quatenus corporis robore alteri prævalet. Hæc autem *Physica facultas* est, *quæ libertatem constituit*, & *quæ causa libera potest agere, quantum, & quomodo libet*: estque in homine adeoque omni creatura rationali tenuis admodum & valde imperfecta: in solo Deo amplissima & perfecta, ideoque summa libertas in Deo est summum ejus omnipotentia argumentum. Homo quicquid facit libere facit, quia pro libitu facit, sed, quia non potest omnia, imperfectam habet libertatem: agit tamen, ex iis quæ agere potest, quodlibet, quando & quantum, & quomodo libet. Deus quoque quicquid agit, libere agit, sed quia potest omnia agere, perfectam habet libertatem: homo tamen, etsi minus sit liber Deo, vere tamen est liber, quia vere dominium habet in suas actiones & vere ad agendum sese determinat, quod quomodo fiat, explicandum est porro.

IV. Duobus modis homo sese determinat, ad agendum vel non agendum, & ad agendum hoc vel illud: quod enim est determinatum, est indifferens ad plura, quæ inter sese opponuntur, vel contrarie, vel contradictorie: & ad utrumque sese determinat causa libera, sicut ad utrumque oppositionis genus est indifferens: indifferencia circa *ut* agere & non agere solet vulgo vocari *libertas contradictionis seu exercitii*, quia agere & non agere opponuntur contradictorie, sc. ut exercere actum & non exercere: indifferencia circa *ut* agere hoc vel illud, solet dici *libertas contrarietatis seu specificationis*, quia contraria sunt, agere hoc & agere aliud oppositum, ac specie differunt: ita est in homine potestas amandi objectum propositum vel non amandi, quæ est libertas contradictionis, quia potest homo amare vel non amare, id est, cohibere actum amoris, potest exercere actum amoris & non exercere: sed præter potestatem amandi & non amandi objectum propositum, etiam homo potest odisse objectum: est ergo in ipso etiam potestas objectum vel amore prosequendi vel odio persequendi, quæ est libertas contrarietatis, quia potest homo actus contrarios amoris & odii elicere, non quidem *in sensu composito*; quasi simul possit & amare & odisse objectum, quæ Scholasticis vulgo dicitur *potentia simulata*, sed *in sensu diviso*, quia homo, qui nunc amat objectum, etiam tum, cum amat, potentiam habet idem objectum odio persequendi, cum lubebit, cum mens distabit, quæ Scholasticis vulgo dicitur *simultas potentia*: & ista *simultas potentia*, id est, potestas agendi vel non agendi, agendi hoc vel contrarium, *in sensu diviso*, cum mens præscribit, est vera ac mera *libertas*, quæ non est in brutis aut ullis rebus, quæ agunt ex necessitate naturæ, sed in solo homine creaturisque rationalibus, quæ solæ, itam simulatam potentia, & indifferenciam utramque cum rationis præscriptione possident.

V. Scholastici solent hanc indifferenciam & libertatem, tum contradictionis, tum contrarietatis, speciatim explicare in *actibus voluntatis*, qui sunt vel contrarii, ut *velle & nolle*, vel contradictorii, ut *velle & non velle*, *nolle*



*nolle & non nolle* : differunt vero multum *non nolle & nolle* : non velle enim nudam tantum dicit negationem volitionis, nolle præter negationem volitionis dicit insuper actum positivum contrarium volitioni: in quantum itaque voluntas potest velle & non velle, habet libertatem exercitii, in quantum potest velle & nolere, habet libertatem specificationis. Sed non est putandum, istam libertatem utriusque generis tantum reperiri in voluntate, quin repetitur quoque in intellectu, adeoque & facultatibus interioribus: intellectus non tantum potest intelligere vel non intelligere, judicare vel non judicare, sed vero & intelligere hoc vel illud, judicare hoc vel illud: sic & locomotiva, inferioris animæ facultas, potest ambulare, vel non ambulare, & potest ambulare versus orientem vel versus occidentem, aut ambulare vel actum contrarium elicere: huc facit actionum causæ liberæ usitata Ethicis distinctio in *elicitas & imperatas*: aliud enim est ambulare, actio imperata, aliud judicare aut velle ambulare, actio utraque elicitæ: actiones elicitæ, sunt propriæ, intellectus & voluntatis, imperatæ, aliarum facultatum. In utriusque & elicitis & imperatis actionibus est libertas atque indifferentia ad utrumque oppositum, sive contrarietatis, sive contradictionis: atque amplius *libertatis subiectum*; non est sola voluntas, ut vulgo statuunt, non intellectus, sed totus homo, licet nisi libertas homini non foret tribuenda, nisi intellectu & voluntate esset præditus: itaque intellectus & voluntas, sunt libertatis subiectum primum, quia primo inest, reliquæ facultates, secundarium, quia hæc libertas inest beneficio priorum. Totus ergo homo liber est & Causa Libera: non vero hæc aut illa facultas, sed vero totum suppositum: quia totus homo dominium habet in suas actiones, totus se determinat, cum ante esset indeterminatus: Quod adhuc ulterius est exponendum.

VI. Distingendum hic est accurate, inter dominium, quod causa libera exercet ab objecto in quod dominium exercet: item, inter actum determinandi causæ liberæ & id quod determinatur. Imperium aut dominium, quod causa libera exercet, est actio elicitæ intel-

lectus practici ac voluntatis: objectum, in quod dominium aut imperium exercetur, est actio imperata. Actio quoque eadem est & intellectus practici & voluntatis, qua causa libera ad agendum sese determinat: actio imperata est id, quod determinatur. Sed hic scrupulus oritur non levis de ipsa actione voluntatis elicitæ, de ipsa volitione, quid sit statuendum? An in ipsam quoque voluntas exercet imperium, seseque ad eam determinat; an vero actio voluntatis elicitæ aliunde determinatur; sic ut ipsa dominium non exerceat in suam actionem, sed vero alia facultas, puta intellectus practicus? Prius quidem, nempe voluntatem determinare se ipsam, ad volendum & non volendum, ad volendum hoc vel illud, & sic ipsam dominium exercere in suas actiones elicitas, statuerunt omnes illi, qui causam liberam definiverunt tantum per indifferentiam & non etiam per lubentiam cum ratione, qui causam liberam definiverunt simpliciter, quæ positis omnibus ad agendum requisitis indifferens manet ad agendum vel non agendum, ad agendum hoc vel illud, hoc vel illo modo, &c. & sic omittunt præcipuam partem libertatis, in definiendo, quæ est, ut agat ex prævia deliberatione rationis, cum lubet. Sic Suarez, Fonseca, Lessius, Molina, & Iesuitæ omnes philosophantur, qui libertatem causæ liberæ collocant in sola ista indifferentia, qua positis omnibus ad agendum requisitis, posito etiam intellectu practici iudicio ultimo, voluntas tamen potest agere vel non agere, & agere hoc vel illud, adeoque potest seipsam determinare: & hinc solam voluntatem formaliter liberam faciunt, actionesque ejus solas formaliter liberas dicunt, facultatum aliarum adeoque ipsius intellectus actiones vocant liberas per denominationem extrinsecam. Verum enim vero hæc sententia tam gravibus urgetur incommodis, ut facile defendi nequeat; quod alias ostendimus *Colleg. Ethic. disp. 10. de Motivo voluntatis*, & natura causæ liberæ hoc modo male explicatur: quocirca statuiamus voluntatem non determinari à seipsa, sed vero à dictamine intellectus practici, ab ultimo ejus iudicio, ad actiones elicitas, & tum demum causa erit vere libera,

cum aget quantum lubebit, id est, cum vult, quantum ex rationis præscripto est statutum: at si stante rationis iudicio voluntas possit non velle, jam causa libera non aget, quantum lubet, quia non aget ex præscripto rationis, lubentia enim (ut sic loquar) respectum dicit ad rationem: Atque in hac lubentia rationis primario ac formaliter libertas est sita: illa enim cum adest, jam adest libertas, sive accedat indifferentia, sive minus. Quare cum *ib. 2.* diximus duo esse, quæ libertatem causæ liberæ constituent, indifferentiam & lubentiam rationis, hoc sic capi volumus, ut lubentia rationis per prius & magis quam indifferentia libertatem constituat, cum indifferentia in rationis lubentia indeterminata, qua quod lubet intellectus dictamini agimus, fundata sit, & a causa libera abesse possit, rationis lubentia non item: potest enim intellectus esse determinatus, ut non possit non judicare, imo ut non possit non judicare hoc objectum esse prosequendum, & tamen potest esse causa

libertatis in agenti libero, & facere potest causam liberam, quemadmodum sese habet intellectus Angelorum & Animarum Beatarum: Angeli enim & Beatæ Animæ non possunt non judicare, Deum esse amandum; & ex iudicio determinato non possunt non amare Deum, & tamen libere Deum amant, quia plenissima rationis lubentia amant: nam amant, quia lubet: lubet, quia intellectus dicitur, licet vi gratiæ confirmantis in isto statu glorificationis non possit non dicere. Ergo, ut concludamus, libertas non consistit proprie in ista indifferentia, in qua vulgo collocatur, sed præcipua ratio libertatis est sita in spontaneitate seu lubentia cum ratione, secundaria est in indifferentia, quæ tum locum habet, cum iudicium intellectus est indifferens: at hoc non semper est indifferens, non sane circa finem ultimum, quia tamen libere expetitur. Ergo à libera causa abesse potest indifferentia, non autem lubentia cum ratione.

Disputationum ex Philosophiâ selectarum,  
QUADRAGESIMA-SEPTIMA.

DE

CAUSA LIBERA.

THESIS I.

**N**aturam causæ liberæ exposuit Disputatio præcedens, eamque absolvi docuit spontaneitate seu lubentia rationis & indifferentia iudicii, magis tamen illa quam hac. Sed quandoquidem de libertate hominis potissimum sumus philosophati, videndum restat, an sub hac causâ liberâ etiam comprehendendi valeat Deus? Quod Deus agat ex ratione, nulli est dubium, cum sit ipsa sapientia: & hæcenus agit libere, non quod deliberet aut consulat ad modum hominis; sed vero, sine deliberatione aut discursu, ac simpliciter potius apprehensione, sapienter, & rationaliter agit. Verum enim vero, an Dea etiam conveniat altera pars libertatis; sc. indifferentia?

Certe hic difficultas est aliqua, ac satis gravis. Cavendum enim est sedulo, ne indifferentia aliqua adscribatur. Hoc igitur hac disputatione explicatum dare conabimur, quæ indifferentia Deo competat, quæ causis liberis creatis, Angelis & hominibus. Quod ut præstemus, ante omnia oportet, indifferentiam, quæ libertatem causæ liberæ facit, distinguere, & distincte de Deo ac causis creatis libens enunciare.

II. Duplex est indifferentia, altera *negativa*, altera *privativa*. Indifferentia negativa indifferens dicitur illud, quod secundum se non est magis determinatum ad hoc objectum quam ad illud, ad operandum quam ad non operandum: & hoc modo Deus aut volunta

divi

divina, antequam statuisset creare mundum (ut secundum signa rationis pro nostro concipiendi modo hæc distinguamus; nam de prioritate temporis hic non loquimur qui scimus Dei decreta non minus esse æterna quam ipsum Deum) in illo priori signo rationis antequam quasi statuisset actu creare mundum, erat Deus secundum se indifferens ad hanc partem vel illam, ad creandum vel non creandum, aut etiam ad creandum alium mundum quam hunc, quia non magis determinata erat divina voluntas secundum se ad unum quam ad aliud, decernendum de mundo creando, & sic creando, quam ad non decernendum. Hæc autem indifferentia non importat in Deo aliquam imperfectionem aut privationem alicujus perfectionis: nam Deus non perficitur in seipso per hoc, quod se determinet ad producendum aliquid extra se, sed tota perfectio ponitur in creaturis, quæ per divinam voluntatem ponuntur in esse. Et hinc Deus libere produxit creaturas, libere dilexit creaturas, quia creaturæ non habent necessariam connectionem cum bono divino, sic ut bonum divinum salvari possit ac salvetur citra creaturas: & sic recte dicunt Scholastici, *Voluntas divina quæ ex se necessitatem habet, quatenus naturaliter ac necessario determinata est ad amandum bonum divinum, libere determinavit se ad objectum ad quod habet habitudinem non necessariam.*

III. *Indifferentia privativa* dicitur indifferens illud, quod est aptum perfici ac determinari per aliquem, sive determinetur ac perficiatur a seipso, sive ab alio: & hujusmodi indifferentia præsupponit in ipsa potentia aliquam imperfectionem seu potentialitatem: unde & hæc indifferentia soli potentie create convenire potest. Invenitur vero hæc indifferentia privativa in potentia creata aut passiva tantum, aut activa simul & passiva. Indifferentia, quæ adjungitur potentie passivæ tantum est sicut indifferentia, quam habet materia prima ad hanc formam substantialem vel illam, aut quam habet subiectum respectu albedinis vel nigredinis, quam recipit: hæc enim differentia est solum passiva, eo quod nec materia prima concurrat effective ad pro-

ductionem formæ substantialis, nec subiectum concurrat active ad productionem albedinis, sed solum in genere causæ materialis, recipiendo ac patiendo. Indifferentia adjuncta potentie, quæ partim est activa, partim est passiva, sic dicitur, quod potentia sit indifferens, passivè seu patiendo in ordine ad unum, activè seu agendo in ordine ad aliud: sicut intellectus in ordine ad speciem intelligibilem ab objecto productam habet rationem potentie & differentie passivæ, quia recipit in se speciem illam, & indifferens est ad recipiendam speciem hanc vel illam: idem intellectus in ordine ad actum intelligendi habet potentiam & indifferentiam activam, quia potest intellectionem exercere vel non, & exercere hanc vel illam: similiter voluntas, quatenus producit actus liberos volendi & non volendi & nolendi, habet potentiam & indifferentiam activam; quatenus eosdem actus immanentes, quos producit, recipit, habet potentiam & indifferentiam passivam, quia potest recipere & non recipere, & recipere hunc vel illum. Jam hæc applicemus.

IV. *Indifferentia privativa*, quæ dicitur *passiva*, non est de ratione formalis causæ liberæ, si causa libera consideretur analogice secundum rationem communem: ut Deo tribuitur simul & creaturis intellectualibus, esse causam liberam: nam in Deo reperitur, quicquid est de ratione formalis causæ liberæ; at ista indifferentia privativa passiva in Deo non reperitur, sicuti nec in eo reperitur indifferentia privativa, quæ partim est activa & partim passiva, ob eandem rationem, quia indifferentia passiva, uti & activa ac passiva simul, potentialitatem, quæ perfici potest, includit, quæ imperfectio est quedam: at omnis imperfectio à Deo longissime est removenda: sc. si in Deo daretur indifferentia, aut passiva tantum, aut passiva simul & activa, Deus non foret purus actus, & sic non esset infinite perfectus: interim tamen est in Deo vera libertas, quia libertas est perfectio simpliciter, ac per consequens formaliter in Deo, sicut sapientia est formaliter in Deo, quia est perfectio quoque simpliciter: formaliter vero nihil est in Deo nisi quod pertinet ad Dei formalem, essentialem,

lem, & intrinsecam rationem: cum ergo indifferencia passiva non sit in Deo, nec passiva quoque & activa simul, in quo tamen Deo formaliter est libertas, ultro sequitur, neutram esse de ratione formali libertatis ac causæ liberæ.

V. Præter indifferentiam negativam, & privativam, quæ vel est passiva tantum, vel passiva & activa simul, utraque imperfectionem involvens, datur *indifferentia* quædam *activa tantum*, sicut est indifferentia, quam habet artifex aliquis ad faciendum opus aliquod artificiale vel non faciendum, & ad faciendum hoc opus artificiale vel aliud. Hæc indifferentia activa, quæ importat posse agere & non agere, & posse agere hoc vel illud, ut & indifferentia negativa, nihil imperfectionis ex natura sua involvunt, & sunt de formali ratione libertatis & causæ liberæ, quando & quoties illa est indifferens; neque enim causa libera semper est indifferens, licet omnis aliquando circa quædam objecta sit indifferens, quod disputatione præcedenti fuit ostensum. In Deo, ut causa libera, reperitur *indifferentia negativa & activa*, in creaturis rationalibus *insuper passiva*, quia creature sunt; nam omnis causa libera creata, cum non sit purus actus, nec sit libera per essentiam, sicut est Deus, verum per participationem, habet aliquam potentialitatem, quæ potest perfici per diversos actus; sed omnis potentialitas, quæ potest perfici per diversos actus, habet aliquam indifferentiam passivam in ordine ad eisdem actus. Ergo in omni causa creata libera, est præter indifferentiam activam aliqua indifferentia passiva, in Deo non est. *Sed qua ratione, esse causam liberam, & libertas, atque adeo indifferentia, Deo debeat tribui, & Angelis, & Homini, speciatim videamus.*

VI. §. 1. Deus, ut solus est perfectissimæ intelligentiæ, ita solus est perfectissimæ libertatis, nec ab ulla alia causa dependet; Angeli & homines ita sunt liberi & actionum suarum domini, ut nihilominus à Deo dependant, ejusque nutu regantur ac flectantur. unde creaturis quidem liberis, Angelis & Homini-  
bus *in æternum*, Deo autem soli *in æternum* competit: libere igitur agere in creaturis ra-

tionalibus, non est, independentem seu ex nullo gubernatione agere, aut esse primum sui movens, sed est *ex seipso* agere, motu voluntatis spontaneo, secundum rationem, ex prævio consilio & judicio: at in Deo libere agere, est independentem agere. §. 2. Libertas Dei voluntas ex perfectione naturæ suæ, quæ volendo, eligendo: à vero bono aberrare non potest, ab æterno immutabiliter ipsa sese determinavit ad unum genus, puta bonum tantum: ad unum vero specie aut individuum, e. ad hoc vel illud bonum, contingenter quidem, ita nimirum, ut ex libertate sua ad aliud vel aliud bonum sese determinare potuerit, ex hypothesi vero æterni consilii, immutabiliter ejus voluntas est determinata: unde in Deo cum absoluta libertate consistit absoluta immutabilitas: in creaturis vero quibusdam invenire est quoque aliquam necessitatem immutabilitatis stantem cum libertate, sed non in omnibus nec semper: sc. Angeli boni ex perfectione gratiæ ac gloriæ, in qua sunt confirmati à Deo, immutabiliter voluntates suas bonas determinant ad unum genus, hoc est, ad bonum tantum; licet ad unum specie vel individuo contingenter sese habeant: contra Angeli mali ex perfecta & completa contra immutabiliter voluntates suas malas determinant ad unum genus, i. e. ad malum tantum; contingenter vero ad unum specie vel individuo, i. e. ad hoc vel illud vel aliud malum: liberrime igitur illi bene, hi male, volunt & agunt; atque in utrisque libertas cum necessitate immutabilitatis est conjuncta. Quantum ad Hominem, de eo distincte respondentium est, pro distinctione status illius; ante lapsum, qui creationis, integritatis, & innocentie dicitur; post lapsum, qui defectionis, peccati, ac corruptionis dicitur; post regenerationem, qui gratiæ & refectionis; post resurrectionem, qui vel gloriæ vel condemnationis dicitur: pro hoc, inquam, diverso hominis statu, libertas ejus subjecta fuit necessitati immutabilitatis & non fuit: in statu creationis & gratiæ non est ulla in eo necessitas immutabilitatis, quo vel bonum tantum, vel malum tantum, utrumque immutabiliter velit: sed in statu peccati ac condemnationis est necessitas im-  
muta-

mutabilitatis ad malum tantum, in statu gloriæ ad bonum tantum. Verum quandoquidem hoc negotium de natura causæ libere recte intellectum est fundamentum gravissimarum in Theologia questionum de natura Liberi Arbitrii recte decidendarum, age, distinctissime per classes, *utrumque libertatis atque indifferentiæ modum, tum quoad exercitium seu contradictionem, tum quoad specificationem seu contrarietatem, de Deo, Angelis, Homini- bus, enunciemus.*

VII. De Deo observandæ sunt hæ propositiones. 1. Quoad libertatem aut indifferentiam contradictionis seu exercitii, non fuit, nec est voluntas Dei ad actum volendi, quatenus est actus absolute & in genere sumtus, indifferens, nec illius suspendere potuit: Deus enim nunquam esse potuit sine actu volendi. 2. Nec fuit, nec est, ad actum volendi, indifferens Dei voluntas, quatenus notat ordinem ad objectum Dei intrinsicum & absolute necessarium, puta illius essentiam, sapientiam, bonitatem, &c. nam Deus, nec potest, nec potuit, hæc non velle. 3. Quoad libertatem aut indifferentiam specificationis seu contrarietatis, h. e. velle & nolle, eligere & repudiare, prout velle & nolle & similes actus Dei notant ordinem ad objectum externum, sc. creaturas, ærumque existentiam, hi actus Dei non sunt absolute necessarii, sed indifferens: potuit enim absolute res, quas voluit, nolle, & quas noluit, velle, & quas elegit, potuit repudiare, quas repudiavit, eligere; quamvis ex hypothesi, postquam & quatenus eas semel voluit vel noluit, propter immutabilitatem suæ voluntatis, non possit non velle, non possit non nolle. 4. Quoad contrarietatem aut specificationem in ordine ad actus malos vel bonos, circa hos non est voluntas Dei indifferens uno eodemque actu, quia Deus, qui est summum bonum, tantum potest moraliter bona & iusta velle, sicut moraliter mala & iniusta tantum potest nolle, & quidem utrumque tantum bene: quamvis ad hæc vel illa bona facienda vel non facienda, ad hæc vel il-

la mala impedienda vel non impedienda, absolute indifferens sit ac fuerit.

VIII. De Angelis hæ propositiones notandæ veniunt. 1. Ratione libertatis atque indifferentiæ, tum contrarietatis, tum contradictionis, circa bonum & circa malum, Angeli boni ante confirmationem in gratia, & mali ante confirmationem in malitia, fuerunt indifferens, tam ad velle quam ad non velle aut nolle, tam ad eligendum quam ad repudiandum, tam mala quam bona, tam male quam bene. 2. Post confirmationem, in gratia quidem, Angeli boni amiserunt indifferentiam contrarietatis circa bonum & malum: nam determinantur ad bonum tantum, in malitia vero, Angeli mali amiserunt quoque indifferentiam contrarietatis circa bonum & malum: nam determinantur tantum ad malum: retinent vero utrumque hæcenus indifferentiam contrarietatis, quatenus boni ad hoc vel illud vel aliud bonum in specie & individuo, mali ad hoc vel illud vel aliud malum in specie & individuo, indifferenter sese habent.

IX. De homine sunt tenendæ hæ propositiones. 1. In statu creationis & gratiæ seu regenerationis, voluntas hominis quoad utramque speciem indifferentiæ & contrarietatis & contradictionis, circa bonum vel malum, indifferens est, & indeterminate sese habet. 2. In statu peccati, item condemnationis, indifferens non est ejus voluntas circa bonum & malum, sed determinata ad malum: similiter in statu gloriæ indifferens quoque non est ad bonum & malum, sed determinata ad bonum; & hæcenus amisit indifferentiam contrarietatis. 3. At retinuit eandem contrarietatis indifferentiam, quatenus in statu peccati & condemnationis, ad hoc vel illud vel aliud malum in specie atque individuo volendum, in statu gloriæ ad hoc vel illud vel aliud bonum in specie atque individuo volendum, indifferenter sese habet. Sed hæc de natura *Causæ Libere*, hac & precedenti disputatione, discussisse sufficiat.



## E N T E R E A L I.

## T H E S I S I.

**N**ihil est tritius voce *Ens*: nullus in Philosophia terminus usitator, quam *Ens reale*: & tamen quid sit *Ens* atque *Ens reale*, quid vocabus istis debeat intelligi, tam est obscurum quam quod est obscurissimum. Videtur fere nihil esse notius ente atque adeo ente reali: & tamen nihil fere est ignotius. Elidit de *Ente & Essentia* tractatum *Thomas Aquinas*: in hunc, commentarium conscripsit *Thomas Cajetanus*: in hujus commentarios aliositerum commentarios evulgavit *Raphaël Rypa*: agunt de *Ente & Ente reali*, *Suarez*, *Fonseca*, & qui ex hisce duobus omnia solent compilare, moderni Metaphysici initio Metaphysices, cum de objecto Metaphysices philosophantur, agunt idem de eo multi ex *Logicorum* filii, cum objectum Logicæ utentis remotum docent esse *Ens* & non-*Ens*: & tamen, si dixerò, neminem hactenus ex isto Philosophorum vulgo exposuisse clare & distincte, quid *ens* & *ens reale* sit, quid sub istis vocabulis concipi debeat, fortassis à veritate non aberravero: Et, si dicendum est, quod res est, quia clarus ac distinctus *Entis* atque *Entis realis* conceptus ex receptis hodie Philosophis haberi nequit, id in causa est mutarum & confusionum & tenebrarum in Philosophia. Nos *vocem* primum, mox rem ipsam more nostro, quantum poterimus, perspicue explicabimus.

II. *Ens*, ut hinc ordiar, deductum est à verbo *sum*, ad imitationem Græcorum, apud quos ἔσθαι deducitur quoque à εἶναι. Sæpe autem fit, ut τὸ εἶναι relicta significatione participii induat usum ac rationem nominis; ac præcipue in *Philosophia*: veluti cum *Aristoteles* ait, scientiam quandam esse, quæ speculatur τὸ εἶναι, ἢ εἶναι, 1. 3. *Met.* c. 1. sic dicitur *lib.* 1. *Eth.* c. 6.

Τὸ εἶναι δὲ ἰσχυρὸς λέγεται τὸ εἶναι, bonum tot modis dici, quotens. Et *Plutarchus lib.* 1. de *Plac. Philos.* ἀναρχεῖν ὃ τίθεναι διδόναι & διακρίνειν εἶναι τὸ εἶναι & πράττειν ὃ δέδωκεν. Oportet perfectum virum, i. e. Philosophum, ea contemplari quæ sunt, & facere quæ faciendæ sunt. Ad istum modum factum est, ut *Latini Philosophi*, invita Latinitate, à verbo *sum* participium *Ens* formaverint, quod tantundem fere valet atque existens, idque postea quoque, relicta significatione participii, usurpari cepit ut nomen, pro eo, quod *Res* latine dicitur amplissimo significato, sub quo etiam Personæ, actiones, & id genus alia includit: nam alii, *res* à personis & actionibus distinguitur, utin *Iure* & passim alibi. Sed, dicat aliquis, si res idem significat, quod *ens*, quid attinebat vocem hanc fingere invita Latinitate? *Resp.* Fortasse, quia minus ambiguitatis est in voce barbara *Ens*, quam in voce Latina *Res*: Et licet hæc ratio non sit satis urgens, ut ego quidem existimo, nunc tamen fieri non potest, ut hæc voce *Ens* abstinemus, quandoquidem apud omnes hodie Philosophos usum recepta est: & notum est illud, *Verba valent usui*.

III. Cum *ens* sumitur, ut participium, non est idem significatione, ac cum sumitur ut nomen: nam cum sumitur, ut participium, pertinet ad quætionem τὸ τί ἐστι, an sit: at cum sumitur, ut nomen, referendum est ad quætionem τὸ τί ἐστι, quid sit: cum enim quippiam dicitur *Ens* notione participii, nihil aliud dicitur, quam illud esse sive existere, quo solvitur quæstio, an sit: at si vim habeat nominis, esse *ens*, non significat esse aut existere, sed non esse non-*ens*, quod ad quætionem, quid sit, referendum est: Cum autem definitio tribui possit etiam iis, quæ non sunt, h. e. quæ non existunt, sequitur,



mo:  
Plac.  
ma  
t per-  
tam.  
Ad  
sophi,  
cipium  
valet  
relicta  
ut no-  
am-  
sona,  
n alias,  
, ut in  
, si res  
bat vo-  
p. For-  
ce bar.  
Et licet  
quidem  
, ut ha-  
m apud  
est: &

icipium,  
sumitur  
cipium,  
: at cum  
ad quæ-  
uippiam  
aliud di-  
solvitur  
inis, esse  
d non esse  
referen-  
possit e-  
existunt,  
sequitur,

sequ  
n. e.  
gūdi  
I  
incip  
exist  
tribun  
in su  
bent,  
requ  
sum  
que  
iutel  
pote  
cogn  
cum  
rever  
non  
V.  
ea, e  
ciatio  
gorio  
enim  
posit  
Mun  
et er  
omni  
sue p  
qua q  
ritur.  
hi li  
pron  
quar  
flet a  
cum  
tur q  
eo q  
piam  
tur e  
tantu  
potes  
quam  
Qui e  
dem t  
non e  
est, r  
potes  
go qu

sequitur, ens positum pro nomine latius patente, quam quando acceptum pro principio significat id solummodo, quod actu existit.

IV. Porro, cum ens sumitur notione participii, ea solum entia dici possunt, quæ actu existunt: at cum sumitur ut nomen, iis etiam tribuitur, quæ non actu, sed potestate atque in suis causis tantum sunt; & quæ ita sese habent, ut rosa tempore hyberno & mundus antequam esset conditus: Ea enim entia sunt, sumta voce *Ens* ut nomen, quæ intelligi, quæque definiri possunt: At rosa tempore hyberno intelligi ejusque essentia concipi ac definiri potest, & Deus mundum nondum conditum cognovit ab æterno: Ergo entia etiam tunc, cum non sunt actu, dici quoque possunt, ac revera quoque sunt entia, licet revera actu non sint.

V. Hic tamen observandum est illud, cum ea, quæ actu non sunt entia dicuntur, enunciationes ejusmodi, etiam si forma sint categoricæ, sensu tamen esse hypotheticas: cum enim dicimus, *Rosa aut mundus est ens*, propositiones istæ habent hunc sensum: Rosa aut Mundus, si sit, aut cum est in rerum natura, est ens: atque hoc modo judicandum est de omnibus enunciationibus τὸ ἔσθ' αὐτὸ, sive sint primi, sive secundi modi: quæstio enim, qua queritur, *an res sit*, prior est ea, qua queritur, *quid aut qualis res sit*; ut docet *Aristoteles lib. 2. Post. Anal. cap. 2.* Itaque nihil potest pronunciari de quopiam, quod pertinet ad quæstionem *quid sit* aut *qualis sit res*, nisi constet aut saltem supponatur *rem esse*: ideoque cum ens pertineat ad quæstionem, qua queritur *quid res sit* (distinguit enim rem ab omni eo quod non ens est) non potest illud de quopiam affirmari, nisi quod actu sit aut supponatur esse: at si ens, quod non actu sed potestate tantum est, in se consideretur, atque ut est in potestate, haud magis dici potest ens absolute, quam cadaver hominis dici absolute homo. Qui enim dicatur ens, quod non est, & quidem tunc atque æternus, quando & quatenus non est? Atqui, quod non actu sed potestate est, revera non est: esse enim absolute & esse potestate, opponuntur, ut esse & non esse. Ergo quod non actu sed potestate tantum est,

quatenus consideratur, ut est potestate, non potest dici ens absolute, sed tantum ens in potentia.

VI. Et hoc insuper notandum est, vocem *Ens* cum nominis significationem habet, interdum late sumi pro eo omni quod non est omnino nihil, ita ut etiam entia rationis, rationes entium, privationes, corruptiones, & id genus alia, entia dicantur istoc significatu: sic accipitur *lib. 3. Metaph. c. 3.* ubi *Philosophus* sic ait. Ταῦτ' ἐστὶ τὸ, ὅτι ἐστὶ, λέγεται, τὸ δ' ὅτι πᾶσι ἐστὶ. τὰ δ' ὅτι ἐστὶ ἐστὶ ἐστὶ. ἢ ἐσθ' αὐτὸ, ἢ ἐστὶ, ἢ ποιῶντι, ἢ ποιῶντι, ἢ ποιῶντι, ἢ ἐστὶ, ἢ ὅτι τῶν ἐστὶ λέγεται, ἢ τὰ τῶν τῶν ἐσθ' αὐτὸ, ἢ ἐστὶ, id est, Quædam dicuntur entia, quoniam substantiæ sunt, quædam quoniam sunt affectiones substantiæ, alia quoniam via sunt ad substantiam, aut corruptiones, aut privationes, aut qualitates, aut quia vim habent efficiendi vel gignendi substantiam, aut ea, quæ ad substantiam dicuntur, aut quia horum alicujus negationes sunt vel etiam ipsius substantiæ. Interdum vox *Ens* strictius sumitur, pro eo, quod vere est in rerum natura, quod veram, realem, ac sibi propriam essentiam habet; vulgo *ens reale* dictum: atque hoc sensu, entia rationis, rationes entium, privationes, corruptiones, generationes, & id genus alia, entia dici nequeunt. Atque eundem fere ad modum de Ente & Essent. c. 1. & præsertim *Summ. Theol. p. 1. quest. 48. art. 2.* ubi cum quæsiisset, *Virum malum inveniat in rebus?* & sibi objecisset: *Ens & res convertuntur.* Si ergo malum est ens in rebus, sequitur, quod malum sit res quædam: Quod est contra prædicta, sic respondet. Ad secundum dicendum, quod sicut dicitur in 5. *Metaph.* *Ens dupliciter dicitur: uno modo, secundum quod significat entitatem, prout dividitur per decem predicamenta & sic convertitur cum re, & hoc modo nulla privatio est ens, unde nec malum. Alio modo dicitur Ens, quod significat veritatem propositionis quæ in compositione consistit, cujus nota est hoc verbum, EST. Et hoc est Ens, quod respondetur ad quæstionem, An est: Et sic cæcitatem dicimus esse in oculo vel quamcunque aliam privationem, & hoc modo etiam malum dicitur*

ens. Propter hujus autem distinctionis ignorantiam, aliqui considerantes, quod aliqua res dicuntur male, vel quod malum dicitur esse in rebus, crediderunt, quod malum esset res quedam. Hæc Thomas : sed de Voce satis, nunc ad Rem ipsam accedamus.

VII. En *strictè* sumtum seu reale, non est unicum quid, quemadmodum id statuisse *Parmenidem* & *Melissum* docet lib. 1. *Phys.* c. 2. *Aristoteles* : quin contra, ens reale multiplici varietate est diverfum : atque hoc tam est manifestum, ut nesciam an aliquid dici possit manifestius. Quid enim? si omnia sunt unum, nec quicquam à quopiam diversum est, nullus erit ortus aut interitus, nulla mutatio, nulla causæ, ac proinde nulla quoque scientia. Deinde sic argumentatur *Aristoteles*. Ens est ex eorum numero, quæ dicuntur *πολλὰ ἅμα* (nam vel substantiam significat, vel quantitatem, vel qualitatem, vel aliud quid eorum, quæ de substantiis prædicantur) ergo non potest ita unum esse, ut crearet omni multitudine : Qui enim dicunt omnia esse unum, aut intelligunt omnia unum esse nomine tenus, aut quoad rem. De nomine non est controversia, sed de re ipsa. Si ergo ens velint esse re ipsa unum, vel intelligunt unum genere, vel specie, vel numero: priora duo non tollunt multitudinem, siquidem utrumque dicitur de multis. Si omnia velint esse unum numero, vel substantiam intelligunt sine accidente, vel accedens sine substantia : non substantiam sine accidente, quia quedam substantia, scilicet finita, nunquam est sine accidente : non etiam accedens sine substantia, quia nullum accedens potest existere sine substantia ; si verò intelligant substantiam accidente vestitam, jam erit quedam entium multitudo ac diversitas. Hæc est sententia fere Disputationis, quam *Aristoteles* instituit contra *Melissum* *Parmenidemque* lib. 1. *Phys.* c. 3.

VIII. Verum enim verò non deest fortasse, quod reponi posset, si quis *Melissi* *Parmenidisve* causam susciperet ac patrocinium. Dicit enim posset, omnia substantiam esse, accidentia non esse entia, sed modos tantum, aut *λόγους* aut *ῥησιν* substantiarum. Et certe mihi vix dubium est, quin quantitas eadem sit rei-

ipsa cum substantia corporum & solaratione ab ea differat. Qualitates motus dici possent substantiæ, vel extense, vel intelligentis, & utrobique modi operandi : Relationes, actiones, passionis, & quæ sequuntur rerum in categoriis classes, jam diu à multis Philosophorum ex censu & numero entium sunt remotæ ac proscriptæ. Itaque τὸ *πολλὰ ἅμα* λέγει, quod enti ab Aristotele tribuitur, non videtur satis firmum argumentum ad probandam entium multitudinem, nam τὰ *πολλὰ ἅμα* λέγοντα, significant quidem multa : sed probandum erat porro, illa multa re ipsa & non sola ratione distingui. Ut igitur argumentum firmum sit, probandum est, ut accidentia esse entia vera & re ipsa à substantiis diversa (quod & ante *Aristotelem* olim & nunc temporis à multis negatur) aut ipsas substantias re ipsa à se invicem esse diversas. Quod posterius quidem tam est manifestum, ut multa probatione non egeat : nam, ut accidentia præteream (quæ an sint entia distincta à substantiis, jam nunc disputare non libet) substantiæ saltem aliæ ab aliis sunt diversæ : alia est substantia intelligens, spiritus, alia est extensa, corpus : aliud est Deus, & aliud sunt res à Deo factæ : aliud est homo, aliud lapis : quid enim ? an homo non est ens ? an non & lapis ? & tamen homo non est lapis : an non Deus est ens ? an non & spiritus ? an non creatura est Ens ? an non & corpus ? attamen Deus non est creatura ; spiritus non est corpus : nec vice versa. Est ergo aliqua entium multitudo.

IX. Sed si hoc tam manifestum est, dicat quispiam, quis credat veteres illos sapientes ac Philosophos, *Parmenidem* *Melissumve*, similese heroes, cordatos mehercule mortales, tam pueriliter inepteq. philosophatos fuisse, ut omnia ens unum esse statuerint ? Me quidem quod attinet, non tam sinistre sentio de viris tam præclaris, iisque assentior, qui exultant *Aristotelem* non satis candide veterum dogmata recensuisse, & adversus verba potius quam adversus sententiam eorum disputasse. Quid ergo voluerunt : cum dixerunt omnia esse unum tantummodo ? Nihil aliud profecto, quam quod verissime dici potest, esse,

esse, unum tantummodo *ESSE*, idque sempiternum, immutabile, ac divinum; cæteraque omnia in perpetua generationum ac corruptionum vicissitudine esse posita, ideoque nunquam proprie dici posse *esse*, sed semper fieri, gigni, interire; indeque concludebant, non posse ea proprie dici *entia*, siquidem *Ens* ab *esse* dicitur; nihilque vere *ens* dici potest,

nisi quod potest dici *esse*. Sed quicquid sit de Veterum sententia, de qua videatur inter Græcos *Aristotelis* interpretibus *Simplicius* ad cap. 2. & 3. l. 1. *Phys.* illud constat, & jam evictum est, *ens* non esse unicum, sed vere dari in *Ente* reali diversitatem & multitudinem. Cætera de *ente reali* sequens absolvet disputatio.

## Disputationum ex Philosophiâ selectarum,

### QUADRAGESIMA-NONA.

DE

## ENTE REALI.

### THESIS I.

**Q**Uæ præcessit Disputatio, ea *Ens* non unicum, sed *Entia esse plura*, demonstravit: multa enim sunt quibus nomen & natura *Entis* convenit: sed videndum nunc est, in quo sit sita illa communis natura & ratio *Entis*, qua plura sub tuo complexu continet ac comprehendit, & quomodo ad inferiora contrahatur. quod quidem explicatu tam est difficile, quam quid est in universa Philosophia: hic enim omnia sunt plena caliginis, ut vix videre detur, ubi pes figi possit, & fundamentum solidum poni. Nos in re obscura perspicuitati pro virili studebimus.

II. Ante omnia statuendum est, *Entia realia* omnia, modo revera sint talia, uno conceptu ac notione comprehendendi posse, quæ non representent certam e-*tis* realis speciem aut certum *ens* in specie, Deum aut creaturam, substantiam aut accidens, sed quæ representent aliquid, in quo hæc omnia conveniunt. Atque hoc nobis notissimum est; ipsa enim nos docet experientia, audita voce *entis* mentem nostram à multitudine retrahi & ad quandam unitatem reduci, intellectumque nostrum formare unum communemque omnibus entibus conceptum, ac representantem *ens*, non ut tale est aut tale in specie, sed ut est *ens simpliciter*. Præterea voces istæ, *ens*, & *ens*, primum sunt adhibita, non ad significandum substantiam aut accidens, aut aliam

naturam determinatam vel contractam, sed ad significandum id, in quo omnia entia conveniunt. Quare cum voces sint *ἐν τῷ ὅτι τὸ ὄν ἐστι*, i. e. *nota affectionum*, sive conceptionum, quæ sunt in anima, ut loquitur *Aristoteles* cap. 1. de Interpret. omnino sequitur, hisce vocibus respondere unum conceptum in mente, quo intelligitur id, quod proxime atque immediate per hæc voces significatur. Si dicas, voces hæc ambiguas esse, ideoque non unum quippiam sed multa simul significare, ac proinde non esse necesse, ut iis unus respondeat conceptus: id quidem facile confutari potest. Demus enim eas voces esse ambiguas: hoc solummodo observandum est, eas non fuisse adhibitas primum ad significandam hanc vel istam *entis* speciem, mox ad significandam *entis* speciem a iam, & sic forte fortuna totum *entis* ambitum hisce vocibus fuisse comprehensum: sed vero statim atque hæc voces, *ens* & *ens*, in usu esse ceperunt, harum vocum primo usu, quicquid est, fuit designatum: quod fieri non potest, si mens unum conceptum communem omnibus entibus non formaverit.

III. Porro, quod si mens nostra non dividatur nec distrahatur in conceptus plures, concepto eo, quod nomen & notio *entis* importat, sed unum ac communem omnibus entibus formet conceptum, facile videre est,

Ec 2

quod

quod omnia ergo entia aliquo modo inter sese convenient, quippe uni conceptui necesse est ut respondeat unum objectum : debet enim esse proportio ac convenientia inter conceptum & objectum quod concipitur : ideoque si *ens* conceptu concipitur, quo aliquid representetur omnibus entibus commune, utique oportet à parte entis aliquid dari in quo omnia entia convenient & uniantur, alioqui representatio falsa foret. Sed verum est prius, ex *thes. preced. E.* & posterius. Hinc nostram rationationem tali tibicine fulcit *Vir. Cl. præceptor ac prædecessor noster, D. Fr. Burgerisd. Metaph. l. 1. c. 2. th. 10.* Aut enim, inquit, communis illius omnium entium conceptus objectum, erit communio quædam omnium entium *inter se*, aut aliquid ex propriis particularium entium, puta, *Substantia & Accidentis, Dei & creaturarum*, rationibus, collectum & aggregatum : Hoc posterius manifestum falsum est: nam cum objectum ex multis particularibus objectis aggregatum est, *sc. absque aliqua communione aut unione*, conceptus quoque mentis aggregatus esse debet ex multis conceptibus, quorum singuli singulis objectis respondeant : *conceptus enim debent objectis suis esse similes, eaque sic representare, ut sunt, & non aliter quam sunt.* Ergo concedenda est quædam omnium entium communio ac convenientia, secundum quam uno aliquo conceptu promiscue possint ab intellectu apprehendi.

IV. Suarez, & vulgus Philosophorum, qui ipsius vitulam arant, hanc doctrinam sic effecerunt. Ajunt, dari unum conceptum entis, tum formalem, tum objectivum. Conceptum formalem vocant ipsum mentis actum sive notionem, qua rem objectum apprehendit atque cognoscit: conceptum objectivum appellant rem ipsam, quæ conceptu formali cognoscitur, atque in mente representatur, & quidem quatenus menti obijcitur atque ab ea concipitur. Ex gr. si quis hominem concipiat certo quodam modo, puta, quia animal est, illa notio, quæ in anima formatur, cum hominem concipit, ut animal, est conceptus formalis: homo vero ipse, quatenus ut animal concipitur, vocatur conceptus objectivus. Quamvis autem res

eodem redeat, & sententia nostra à nobis *th. 3.* exposta non sit diversa à sententia Suarezii aliorumque, sub istis tamen terminis eam non proposuimus, quia abstinendum judicamus, quantum fieri potest, ab inepris vocibus & insulis loquendi modis, quibus Philosophus recepta tota est deformata : in illo sane numero est illa conceptus distinctio : omnis enim conceptus est conceptus formalis, h. e. forma quædam mentis, qua res sibi objectas immateriali modo refert ac representat : res objecta nullo modo conceptus est, nec conceptus dici potest, ne externa quidem denominatione : denominationes externæ dicuntur de rebus oratione obliqua & *perparitum*, non autem oratione recta & *simpliciter* : non enim dicimus, *miles est vestis aut gladius*, sed *est vestitus aut gladius*. Ad istum quoque modum, res objectæ menti non potest dici conceptus, sed concepta *perparitum*, h. e. id quod concipitur. Sed pergamus.

V. Consistat ergo, dari omnium entium quandam communionem atque convenientiam in eo, quod sint entia : hic nunc queritur, In quo hæc communio & convenientia omnium entium sit sita? Errant, qui eam ponunt in sola communione nominis, quod *ens*, & ens de omnibus entibus prædicatur : nam hæc nominis communio non sufficit ad efformandum unum conceptum omnibus omnino entibus communem : Nec melius sentiunt, qui entis naturam communem collocant in aliquo, quod sit extra rationem entis : nam quod extra rationem entis est, id nihil est, aut certe non ens ; at entia non possunt in nihilo aut in non-ente convenire : nam si sumas ens late acceptum, illud & nihil opponuntur contradictorie, tanquam ens & non-ens : si ens sumas stricte pro ente reali, quemadmodum nos impræsentiarum sumimus, etiam ens tale & non ens reale contradictorie opponuntur. Restat ergo, ut omnium entium realium convenientia & communio generalis in ente, collocetur in proprio entis actu, per quem ens reale revera est ens & tale, per quem distinguitur non solum ab eo quod est nihil, sed & ab eo quod non est ens reale : nam dari quippiam, quod tamen non sit revera ens reale,



reale, non tamen est nihil, quod medium vocant negationis inter ens reale & nihil, evincunt relationes, denominationes externae, entia rationis, rationes entium, modi existendi & operandi, actiones omnes, &c. Consistit ergo communis ratio entis realis in proprio ejus actu: hic est ESSE: *ens* enim & *esse* sunt conjugata: Sed cum duplex fit *esse*, vel *essentiae*, vel *existentiae*, entis realis actus proprius consistit in *esse* essentiae: potest namque Ens reale abstrahi ab esse existentiae, ab esse essentiae non potest, ideoque omne Ens reale est secundum esse essentiae, & quicquid est secundum esse essentiae, illud est Ens reale: sicuti è converso, non Ens reale, non est secundum esse essentiae, & quod non est secundum esse essentiae, illud est non Ens reale. Notandum vero hic à nobis intelligi, *esse* secundo adjectum, veluti cum dicimus, Deus est, Homerus non est, sed fuit: nam esse tertio adjectum, nihil est aliud quam copula praedicati cum subiecto, quae etiam non-enti reali & *non* nihil competit: veluti cum dicimus, nihil est non-ens, cæcitas est privatio, & id genus alia.

VI. Sed hic scrupulus oritur gravis. Si *esse* secundo adjectum iis solummodo conveniat, quæ actu sunt in rerum natura sive quæ existunt, non est ratio communis entis realis quod ab existentia abstrahi per mentem potest. Sed verum est prius. Ergo & posterius. Prob. min. Quia recte dicitur, Rosa est, cum nulla rosa existit: certe Logici docent, quod esse secunde adjectionis sit idem quod existere; Ergo, si diceretur rosa esse, cum non existit, diceretur esse, cum non est: jam vero ens reale non tantum comprehendit ea quæ actu sunt, sed & ea quæ sunt potestate, h. e. quorum natura non repugnat, actu esse. *Esse* secunde adjecti, ut loquuntur vulgo, non videtur esse ratio communis, in quæ omnia entia realia conveniunt. Ista obiectio sic solvi potest? *non* *esse* sive esse secundo adjectum, idem sane est quod existere: nec tribuitur iis, quæ non sunt actu seu quæ non existunt; & quæ actu non sunt, solummodo vulgo vocare non entia, id est non existentia: eadem tamen quæ non existunt, possunt dici *esse*, id est entia realia, ex hypothesi; quia tunc sunt entia realia, cum actu sunt, aut cum fuerunt, aut cum erunt. *Ens* igitur reale,

& proprius ejus actus, *esse* *essentiae*, abstrahi quidem potest ab esse existentiae abstractione præcisionis, sed non item negationis: at quæ sunt non entia realia, abstractione negationis abstrahuntur, & ab esse existentiae & ab esse essentiae: illud autem esse seu esse essentiae, in quo entis realis actum ponimus, nihil est aliud, quam quo Ens veram habet essentiam & est in rerum natura; tale autem est, quod est extra mentem, nec situm est in respectu, voce aut modo.

VII. Communis illa natura & ratio entis realis, in qua omnia entia realia conveniunt; determinatur & contrahitur ad inferiora, & in suas quasi species dividitur per convenientes differentias: quæcunque enim inter se in communi aliqua natura conveniunt, si ea inter se quoque distinguuntur, per differentias distinguuntur debent, quæ communi naturæ adjiciuntur: istæ differentiae entis realis non sunt entia realia, neque communem rationem entis realis includunt: *Genus non attribuitur differentiis, sed iis, de quibus differentia dicitur*, ut docet *Aristoteles* l. 6. *Top.* c. 6. Ideoque cum ens reale sit, quod dividitur, differentiae dividentes non possunt esse entia realia. Et certè, si differentiae entis realis sint entia realia, in eo quod sint & quatenus sunt entia realia, inter se conveniunt: in quo ergo inter se differunt? aut si non differant, quomodo possunt ens in species dividere? si entia sint realia & tamen differant, per alias differentias differre debent, & illæ rursus per alias, atque ita vel in infinitum esse progrediendum, vel danda erunt differentiae, quæ entia realia non sunt. An ergo differentiae istæ nihil omnino sunt? Ne hoc quidem: nam quæcunque inter se conveniunt, non possunt à se invicem distinguui per illud, quod omnino nihil est. Quæ enim distinguuntur *non* nihil, ne distinguuntur quidem, sed sunt reipsa unum: superest ergo, ut entis realis differentiae, cum ipsæ nec sint entia realia nec nihil, sint aliquid medium, & quidem negationis, inter ens reale & nihil. *Si dicas, tale medium non dari*: Resp. ergo non tantum nullæ erunt entis realis differentiae, sed nullæ quoque communes ejus affectiones, nulla ejus principia, quibus affectiones de ente reali de-

monstrentur: quinimo tota evertetur Metaphysica, ac verborum tantum erit scientia, non rerum. Verum quia non-nemini fortasse paradoxa videbitur hæc opinio, una atque altera ratione eam confirmabimus.

VIII. §. 1. Una affectio entis realis differt ab alia, pura unitas à veritate, veritas à bonitate: nam licet verum sit, quicquid unum est, & bonum sit, quicquid verum est, unitas tamen veritas non est, nec veritas bonitas, nec illa prædicatio identica est, qua dicitur unum esse verum, aut verum esse bonum. Atqui unum, verum, bonum, non distinguuntur per id, quod vera est ens reale (nam ens reale in iis omnibus & ex æquo includitur, in eoque inter sese conveniunt) non etiã distinguuntur eo quod nihil est (nam quæ distinguuntur eo quod nihil est, omnino non distinguuntur.) Ergo concedendum est; aliud includi in affectionibus entis realis, quod nec ens reale sit, nec nihil. Neque vero solum in rebus Metaphysicis, sed & Mathematicis & Physicis sic est philosophandum.

IX. §. 2. Mathematicæ scientiæ versantur circa definitam quantitatem: hæc subjectum est. Affectiones, quæ de quantitate demonstrantur, ab ipsa quantitate aliquo modo distinguuntur: non sunt ipsa quantitas; neque nihil omnino; nec tamen entia sunt realia ab ipsa quantitate diversa, nam si essent entia realia, vel substantia forent vel accidentia: atqui substantiæ non sunt affectiones accipentium, imo ne substantiarum quidem: si sint accidentia, quantitati inhærebunt, quia acci-

dentis esse est inesse illi, cujus accidens est: atqui affectiones quantitatit non inhærent quantitati; quia accidens non inhæret accidenti: quantitas autem accidens est, ex communi sententia. Si respondeas, quantitatem non distingui à re quanta; ex eo iterum, affectiones quantitatit quoque non distingui re ipsa à quantitate: ac proinde non esse entia realia à quantitate diversa; nec tamen nihil sunt. Ergo concedendum est quippiam, quod non sit nihil omnino, nec tamen ens reale, quod erat demonstrandum. Simili modo liceret argumentari ex Physicis; sed charta vetat, & hæc suffecerint.

X. Totum hoc negotium, ceu in tabella, sic representari potest. *Ens*, ut nomen, significatione lata, est idem quod *aliquid*, & opponitur contradictorie *non nihil*, quod idem est ac non *ens*; neque hic datur medium negationis. *Ens late* sumtum, subdividi potest, in *ens stricte* sumtum, vulgo *reale*, & *aliquid* quod non est ens reale sed ei oppositum, nec tamen nihil, quod impræsentiarum vocamus *medium negationis* inter ens reale & nihil, aut non ens reale. Atque hoc non est unius conditionis, sed multiplici varietate diversum; adeo ut difficilis sit hanc non entium realium, quam verorum entium realium multitudinem ad certas classes revocare; præsertim cum in entibus digerendis habeamus, quos sequamur; at in explicandis & distinguendis hisce non entibus per invia sit eundem. Sed de iis alia agere licebit: nunc de *Ente reali* gemina disputatione hæc discussisse satis esto.

## Disputationum ex Philosophiâ selectarum,

### QUINQUAGESIMA.

DE

## ENTE RATIONIS.

THESES I.

**D**isputationem geminam de *Ente reali* non incommode videtur exceptura una de *Ente rationis*, quod à *ratione* nomen habet, quia ad *rationem*, h. e. mentem seu intellectum nostrum dicit aliquem respectum

& habitudinem, non quod à *ratione effectum* aliqua reali fiat, nec quod *rationi ut subjecto*, insit, sed quod rem consequatur in quantum *rationi* nostræ cognoscenda proponitur: nam ens rationis trifariam dicitur, prout trifariam pender

pendet à ratione. Quædam enim entia rationis dependent à ratione *effektive*, sive tanquam à causa efficiente; quæ sunt, quæcunque ab aliquo mentis actu vel habitu proficiuntur: hæc pertinent primum, omnes res artificiosæ: deinde, quæcunque ad mores pertinent, ut virtutes & vitia moralia, eorumque effecta: his opponuntur ea, quæ necessitate naturæ eveniunt, aut casu: hæc enim non à ratione, sed sine ratione, vel etiam præter aut contra rationem, fieri dicuntur. Alia dependent à mente sive ratione *subjective*, seu tanquam à subjecto, ut disciplinæ aliæque similes habitus, & qualitates, quæ menti ut proprio subjecto inhærent. Alia denique dicuntur à mente dependere *objective*, nimirum, quia rebus competunt easque consequuntur, quatenus & quoties menti seu rationi cognoscendæ obijciuntur. Si entia rationis sumantur prima ac secunda significatione, quæ vel *effektive* vel *subjective* dependent à mente, sunt entia realia, vere ac proprie sic dicta: nam & *re* *essentia* proprius entis realis actus, *re* *esset*, & *re* *esset*, & *re* *esset* seu essentia, illis convenit. Præterea affectiones entis realis in iis reperiuntur, unitas, veritas, bonitas. Sed vero entia rationis tertia significatione accepta, nec essentiam habent veram nec existentiam: eorum enim esse in mentis consistit: oriuntur enim ex eo, quod res unaqueque menti obijciatur, & ab ea certa ratione cognoscatur.

II. Dari *entia rationis objective*, haud difficulter probari potest, si observetur, duum generum esse ea, quæ rebus tribuuntur: nam longe alia rebus conveniunt, ut sunt, & alia, ut res à nobis intelliguntur & cum aliis rebus comparantur. Quæ rebus conveniunt, ut sunt, *entia sunt realia*: quæ vero iisdem conveniunt, ut à mente apprehenduntur, sunt *entia rationis*. Ex. gr. homo, ut homo, est animatus, sensu præditus, bipes, risibilis, &c. sed ut ab intellectu intelligitur, tanquam pars quædam animalis, quæ ei subsistit, dicitur esse subjectum & species animalis: illa priora, *esse animatum, esse bipedem*, &c. sunt *entia realia*: *esse speciem, esse subjectum*, &c. sunt *entia rationis*: non enim hæc conveniunt homini, quatenus homo est,

sed quatenus ab anima intelligente intelligitur, & cum animali comparatur. Similiter virtus, quæ virtus, est habitus, & mediocritas, & qualitas: at si ab intellectu comparatur cum fortitudine, temperantia, iustitia, & cum iis, quibus communiter inest, & quibus attribuitur, attributum earum & genus dicitur: priora hic iterum, *esse habitum, esse mediocritatem, esse qualitatem*, sunt *entia realia*; posteriora vero, *esse attributum, esse genus*, sunt entia rationis.

III. Porro cum mens nostra prius feratur in res ipsas, quam in earum cum rebus aliis comparationes, ideo rerum ipsarum conceptus apud *Logicos* dicuntur *intentiones primæ*, sed conceptus eorum, quæ rebus conveniunt: quia ab intellectu intelliguntur, vocantur *intentiones secundæ*: nempe, quia mens nostra primum aciem intendit suam in rem ipsam, ut est; secundo autem loco, in ea, quæ illi conveniunt, ut intelligitur. Et vocabula, quibus primi conceptus significantur, vocantur *nomen intentionis primæ*, *propter quod* illa vero, quibus significantur conceptus secundæ, *nomen secundæ intentionis*, *autem quod* *propter quod* *homo, animal, bipes*, sunt voces primæ intentionis; *genus, species, subjectum, attributum*, secundæ intentionis. Sed de his consulantur *Logici* veteres & recentiores.

IV. Ut vero natura entium rationis conditioque intelligatur melius, explicandum est, quo modo in rebus mentis operantur. Intellectus ergo author est entium rationis, eaque gignit ac producit intelligendo, i. e. formando conceptus sive notiones objectarum rerum. *Notiones* vulgo dividuntur in primas & secundas. *Primæ* repræsentant res ipsas ita uti sunt in se: *secundæ*, prout certa ratione menti obijciuntur, ab eaque concipiuntur, vel potius repræsentant modum ipsum, quo res concipiuntur: jam vero, facit entia rationis mens, non secundis, sed primis notionibus, & facta secundis apprehendit atque intelligit, cum in seipsam reflexa concipit, quomodo primis notionibus res objectas conceperat: itaque rationis entia recte dicuntur effecta primarum notionum & objecta secundarum.

V. *Notiones primæ*, vel *absolutæ* sunt vel comparatæ. *Absolutas* voco, cum intellectus unam-

unamquamque rem seorsim & sine ulla habitudine ad alias concipit: *comparatas dico*, cum concipit, quomodo res unaquæque se habeat ad alias: non fiunt autem entia rationis absolutis sed comparatis notionibus: hujus tamen comparatæ intellectionis terminus non est ens rationis, h. e. ex hac comparata intellectione non oritur ens rationis ita, uti calor ex calefactione: sic enim entia rationis forent entia realia: sed comparatæ intellectionis terminus proprius, atque interius, est conceptus ipse sive notio prima objectum certa ratione repræsentans: hujus enim representationis vi oritur ens rationis in ipso objecto. Ex. gr. cum intellectus Petrum apprehendit & Paulum, apprehensos inter se se comparat, ex comparatione deprehendit utrumque esse hominem; rejectis deinde attributis iis, quibus inter se se differunt, humanitatem seu naturam humanam in abstracto concipit; tum ista conceptione dicitur in & de homine formare illud ens rationis, quod *speciem* vocant *Logici*: *speciem enim esse*, non convenit humanæ naturæ aut homini in & per se, sed vero naturam humanam consequitur, cum intellectus eam, ab hominibus singulis eorumque differentiis individuanti- bus abstractam, in communi ratione concipit, in qua singuli homines conveniunt & quodammodo unum sunt: ubi jam intellectus repercussus & in seipsum reflexus, secunda vice intelligit se intelligere naturam humanam, eo, quo dictum est, modo, h. e. à singulis hominibus abstractam, dicitur formare *notionem secundam*, quæ naturam non repræsentat humanam, sed vero modum illum sive rationem, qua naturam humanam conceperat, h. e. qua promiscue sese habet ad Petrum, Paulum, aliosque singulares homines. Quod de natura dico humana, id pariter de omnibus rebus accipiendum est, quæ pluribus rebus sunt communes: unum enim idemque rationis ens multis admodum rebus ac pene omnibus attribui potest, quia nimirum uno eodemque modo pleræque res cum aliis comparari possunt: nam ut homo se habet ad Petrum & Paulum; ita se habet canis ad Phylæem & Melampum; pirus ad hanc vel illam

pirum; justitia ad justitiam Aristidis & Socratis, & sic porro.

VI. Entia rationis totuplicita sunt, quotuplices sunt rationes entium, sive quotuplici modo res unaquæque cum alia se conferri ac comparari potest; itaque sicuti rationem illam, qua res est pluribus communis, *speciem* vocamus; ita rationem illam, qua res est communis speciebus pluribus, appellamus *genus*, rationem illam, qua res nullam habet communitatem, nuncupamus *individuum*; qua alio pendet, *effectum*: qua aliquid confert ad alterius rei ortum, *causam*; qua alii subjicitur, *subjectum*: qua alteri adjungitur *adjunctum*, &c. Neque vero singula duntaxat rationis entia, sed multa simul, reperiri possunt in rebus singulis: una enim eademque res genus esse potest, subjectum, causa, totum, & quid non? nimirum, quia una res potest multis modis cum alia conferri, ideoque diversimode intelligi.

VII. Ex hisce ita expositis facile liquet, entia rationis non fingi aut formari ab intellectu nostro temere ac pro libero arbitratu, sed certo modo ac lege, sequitur enim in efficiendis entibus rationis λόγος ἢ νόμος seu rationes entium, quæ sunt sitæ in χῆσις sive respectu & habitudine rei objectæ cum rebus aliis. Res sic se habet. Quotiescunque mens nostra res sibi oblatas percipit, quæ χῆσις seu habitudinem aliquam habent & quatenus habent, toties efficit ens rationis secundum rationem istius χῆσις seu habitudinis: vel, ut clarius loquar, toties ens rationis in re intellecta resultat ex eo, quod intellectus eam sub ista ratione sive cum ista χῆσις conceperat atque apprehenderat. Quid igitur tandem fuerit ens rationis? an intellectio ipsa? neutriquam: an conceptus, qui in mente per intellectionem formatus? nequaquam: an res concepta? minime: an χῆσις rei intellectæ cum rebus aliis, seu ratio, qua menti objicitur? ne hoc quidem. Quid ergo? Ens rationis, præter hæc omnia est aliquid aliud, quod oritur in re intellecta, ex eo quod intellectus res primum apprehendat, apprehensas comparet, comparatas secundum certam χῆσις, habitudinem, ac rationem intelligat: ideoque entia

entia rationis non sunt, nisi quando intellectus operatur, & intelligit: ac si intellectus definit intelligere, definit quoque esse ens rationis: ita in totum à ratione dependet ens rationis: ideoque non immerito sic dicitur.

VIII. Hæc omnia cum sic se habeant, cavendum est sedulo, ne *entia rationis* & *rationes entium* inter sese confundantur: nam multum adhuc differunt: quippe rationes entium sunt in rebus citra & ante omnem mentis actum, imo sunt propria mentis in intelligendo objecta, aut modi potius, sub quibus res menti obijciuntur: at entia rationis mentis nostræ operationem sequuntur, eaque mediante rebus accidunt: itaque rationes entium fundamenta sunt, quibus entia rationis sunt innixa. Rationes enim entium sunt modi, quibus res certis conceptibus obijciuntur, & quando res secundum modos illos ac rationes intelliguntur, entia rationis in illis vi istius intellectus oriuntur & resultant, itaque sicuti conceptus intellectusque nostræ sequuntur rationes entium, sic entia rationis sequuntur conceptus intellectusque nostras; ideoque hosce modos, sub quibus res cognoscendæ menti obijciuntur & ab ea cognoscuntur, *entia rationis* consuevimus appellare, non solum, quia mentis operatione fiunt quæ ratio quoque dicitur; sed etiam, quia entia rationis sequuntur *rationes rerum* mediante intellectione: Philosophorum vulgus diceret, entia rationis & à *ratione ratiocinante*, quæ est intellectio, & à *ratione ratiocinata*, nominari, quæ est ratio in rebus.

IX. Atque ex his omnibus satis apparet, quam perperam Suarez & ejus compilatores plurimi, *Negationes*, *privationes*, atque *entia ficta*, ut Chimæras, Centauros, inter entia rationis retulerunt ac referant. 1. Quod nihil est, non est ens rationis: quia nihil discrimen nullum infert in rebus: at entia rationis discrimen in rebus inferunt: Atqui negationes omnino nihil sunt, quatenus sunt negationes. 2. Privationes, licet non sint omnino nihil, attamen nihil ponunt, sed aliquid auferunt à re; sed entia rationis aliquid ponunt in re: nam de rebus affirmative dicuntur, ut rationes entium, relationes, denominationes externæ,

modi, &c. & ideo, in quantum entia rationis veris entibus affirmative tribuuntur, in tantum quoddam quasi esse positivum habent: quemadmodum enim quædam sunt *quasi entia*, ita quoque illis non quidem esse, sed *quasi* esse competit; at privationes nullum habent esse positivum; imo illis nec esse nec *quasi* esse tribui potest, sed potius non esse. 3. Entia ficta, aut spectantur secundum hypothefin, aut extra hypothefin, juxta quam finguntur: si ficta considerentur secundum hypothefin esse hoc, quod finguntur esse, entia sunt vera propriæque dicta: sin conderentur extra illam hypothefin, non sunt vera entia, sed omnino nihil: illud enim, quod fictio representat, omnino nihil est: quin imo si non sit, nihil non erit ens fictum.

X. Sed enim, ut tandem defungamur in natura Entium rationis indaganda. Quid denique erit ens rationis? Resp. uno verbo. *Non est nihil, non ens reale, sed medium negationis*, inter utrumque, quale dari *dispositum præcedens* evicit. *Non est ens reale*, quia in rebus oritur solummodo vi mentis rationes entium distinguuntur singulasque singulis conceptibus apprehendunt, prout illud nunc fufe est explicatum. *Non est nihil*, quia intelligi potest: at nihil, quia nihil, intelligi nequit: deinde unum ens rationis, distinguitur ab alio; aliud enim est ens rationis, quod *genus*, aliud quod *species* appellatur, aliud quod *subiectum*, aliud quod *predicatum* dicitur, &c. At nihilo nullum potest esse discrimen. Si obijcias *entia rationis intelligi atque inter se distingui, non quatenus sunt entia rationis, sed quatenus distinctis rationibus entium inniuntur*, non est difficile, exceptionem istam confutare: licet enim entia rationis sequantur rationes entium, ab iisque habeant diversitatem, adeo ut sine iis, nec esse, nec intelligi, nec distingui possint; non sequitur inde tamen, quod nihil omnino sint: imo sequitur, quia entia rationis rationes entium mentisque nostræ conceptus sequuntur, ea non esse nihil, sed aliquid à rationibus entium mentisque nostræ conceptibus diversum. Atque hæc naturæ *Entium rationis*, de finibus tam frequens in *Philosophia* est sermo, enucleandæ satisfecerint.



Disputationum ex Philosophiâ Selectarum,  
VOLUMINIS SECUNDI,  
PARS SECUNDA.

DE

## INHÆR. ACCID. ACTUALI.

T H E S I S I.



Xpofuimus difquisitioni publicæ quinquaginta variis de materiis difputationes, ex *Philosophia* selectas, in unum poſtea volumen redactas: ſed quia tam fertilis eſt utiliſſimarum quæſtionum *Philosophia*, ut nunquam deſit nova difputandi materia, ne animus & ardor *Philosophiæ* Studioſorum ſufflaminetur, viſum fuit de novo alias iterum materias ſeligere, aut jam ante difputatas uberius perſequi, aut multas ante *κατασκευασμένας* pertractatas, nunc *ἀνακευδμένας* eaſdem tractare: utemur vero jure noſtro ac libertate conſueta, in manus ſumendo, nunc hanc, nunc illam, nunc aliam materiam, prout inciderit, & nulli nos adſtringendo, niſi ſoli & uni rationi, ſervando ſemper heroicum illud *Ariſtotelis* dictum, *Amicus Socrates, amicus Plato, (amicus, addo, ipſe Ariſtoteles) ſed magis amica veritas.* Aſſeruimus *Diſp. ſelect. vol. præliminari ſecunda, inherentiâ actualem & non aptitudinalem, eſſe eſſentiâ accidentis*, idque rationibus probatum dedimus: quia vero in hanc veritatem incurrunt, *Euſtathius, Raco, Toletus, Cominbricenſes, Suarez, Hurtadus, Arriaga, Oviedo, &c.* qui hodie manibus juvenutis teruntur, ex *Scholasticorum & Philoſophorum vulgo*, omnes, ut illa adverſus impetum *adverſe partiæ* præmunatur, argumenta contraria nunc diſſolvemus: præſertim quod hæc *Adverſariorum* opinio tanto molimine ab iis defendatur, ut in ſuo *Transſubſtantiationis* figmento, *accidentia* panis & vini poſt conſecrationem ſine ſuo ſubjecto, conſequenter ſine inherentiâ actuali, exiſtere

& manere diviniſus, tueantur. Sed rem aggre diamur.

II. §. Obj. 1. *Effentia rei cujuſque prior eſt exiſtentia. Inherentiâ actualis non eſt prior exiſtentia accidentis. Ergo, &c.* Reſp. 1. *Neg. maj.* & ratio eſt, quia eſſentia reſpondet quæſtioni quid ſit, exiſtentia quæſtioni an ſit; ut ergo *ne* quid ſit, præſupponit, an ſit, ita eſſentia ſupponit exiſtentiam; imo nihil poteſt dici eſſentiam habere, niſi aut exiſtentiam habet, aut habere, aut habuiſſe, vel habiturum, ſupponatur: ita ut eſſentia non poſſit concipi ſine exiſtentia: de actuali eſſentia, ſeu ea, quæ tribuitur rebus actu exiſtentibus, nihil eſt dubium: de potentiali eſſentia, ſeu ea, quæ tribuitur rebus, non actu ſed potentia exiſtentibus, certum quoque eſt, quia licet eſſentiarum poſſibilitium abſtrahatur ab exiſtentia actuali, non tamen negat eam, ſed connotat, ac ſemper reſpectum ad eam dicit; ita ut eſſentia rebus poſſibilitibus non tribuatur, niſi cum reſpectu ad exiſtentiam, quatenus reſ ſcil. poſſibiles exiſtere poſſunt aut ſupponuntur. Reſp. 2. *Neg. min.* quia inherentiâ actualis non eſt tantum, quia accidens actu inheret cum exiſtit, ſed & qua inherere actu concipitur, cum exiſtere concipitur: ſicut ergo prius eſt, concipere, rem eſſe, id eſt, habere eſſentiam, quæ eam actu et ac conſtituat in certo entium ordine, poſterius vero eſt, concipere rem eſſentiatam, actuatam, extra cauſas poni, ita prius eſt, concipere, accidens eſſe, id eſt, habere eſſentiam, quæ accidens actu et conſtituat in ordine accidentium, non ſubſtantiarum, quod facit inherentiâ actualis, poſſe.



posterius vero est, concipere, accidens esse possum extra causas, seu existere: Et sic inherētia actualis est prior existentia accidentis.

III. §. Obj. 2. *Relatio aut respectus non est de essentia absoluti. Inherētia actualis est relatio aut respectus. Ergo non est de essentia absoluti. Sed accidens est absolutum quid. Ergo. &c.* Resp. ad maj. Relatio prædicamentalis non est &c. Vera est maj. Ad min. Inherētia actualis est relatio prædicamentalis. Neg. min. est enim transcendentalis, qualis est inter causam & causatum, subjectum & adjunctum, &c. hoc autem modo omne ens, non tantum accidens, sed & substantia, est relatum quid, quia saltem ad Deum refertur tanquam ad causam. At hæc relatio transcendentalis nihil impedit, quo minus talia relata vere sint entia absoluta: ut vero esse ens absolutum & esse relatum prædicamentale pugnant, quia hujus essentia tota consistit in referri ad aliud, illius non item: idem autem non potest, simul referri ad aliud & non referri.

IV. §. Obj. 3. *Si inherētia actualis potest abstrahi ab accidente. Ergo non est essentia accidentis. Sed potest abstrahi. Ergo. Resp. Neg. min.* non potest, nec abstractione præcisionis, nec negationis. Prob. min. Quorum unum potest concipi, altero non concepto, ea possunt à se invicem abstrahi, saltem præcise: Sed accidens potest concipi non concepta inherētia actuali. Ergo. Resp. Neg. min. Potest quidem aliquid concipi & intelligi de accidente, affectio aut attributum aliquod, non concepta inherētia actuali accidentis; sed non potest accidens in sua natura conceptu essentiali intelligi qua accidens, non concepta aut non inclusa in illo conceptu inherētia actuali; sicut non potest concipi homo, nisi in conceptu illo includatur rationale. Prob. min. *Quantitas est accidens. Quantitas potest concipi non concepto subjecto. Mathematicus enim abstrahit quantitatem à subjecto. Ergo aliquod accidens potest concipi non concepto subjecto, seu quod idem est, non concepta inherētia actuali in subjecto.* Resp. Ad hunc syllogismum multa responderi possunt. 1. *Quæstio est de Accidente in genere, an hoc intelligi possit non intellecta actuali*

inherētia in subjecto: hoc autem argumentum agit de accidente in specie, de quantitate. 2. Mathematicus non cognoscit ipsam quantitatem, naturam puta illius accidentis in specie, hoc enim facit Physicus, qui eam cognoscit, ut est affectio corporis naturalis; Sed Mathematicus quædam tantum attributa cognoscit, de quantitate, quæ de ea demonstrat. At nos agimus impræsentiarum de cognitione ipsius Accidentis nature. 3. Male confunduntur ista duo; sc. Accidens potest cognosci aut concipi, non cognito vel non concepto subjecto, &c, accidens potest concipi non concepta inherētia in subjecto: nam aliud est, cognoscere subjectum, aliud, cognoscere esse in subjecto: non requiritur ad cognitionem accidentis cognitio subjecti, sed hoc tamen necessario cognosci debet, quod sit in aliquo ut in subjecto. 4. Distingui potest inter conceptum confusum & distinctum: potest quantitas cognosci aut simile accidens confusa cognitione, non concepto subjecto, sed ejus natura distincte cognosci nequit, nisi cognito aliquo subjecto, & eam esse accidens cognosci nequit, nisi simul cognoscatur eam esse in aliquo subjecto. Disputari hic posset, an quantitas sit verum accidens: Verum illud nunc supponimus, quod tamen falsum esse seq. disp. demonstrabimus.

V. §. Obj. 4. *Si inherētia actualis sit essentia accidentis, Ergo accidens necessarium semper inest subjecto. Sed hoc est falsum. Ergo &c.* illud. Resp. 1. Neg. min. Nam accidens necessario in aliquo semper est subjecto, sc. cum est, cum enim non est, nihil mirum est, quod non sit in subjecto. 2. Neg. maj. Nam non sequitur: si actualis unio cum materia sit essentia formæ, Ergo necessario forma semper unitur: si actu per se existere sit essentia substantiæ, Ergo necessario semper substantia actu per se existit: sed id sequitur: quod substantia, cum erit, actu existet per se; forma, cum erit, actu uniatur: sic & accidens, cum erit, actu inheret subjecto. Et notandum est, quando essentia aut pars essentia dicitur de essentiali, animal aut rationale de homine, per se existere de sub-

stantia, esse in subiecto de accidente, quod inde non sequatur, res illas necessario existere, quia veritas talium enunciationum necessarium non fundatur in existentia sed in connexionem necessaria extremorum, & necessitas talium enunciationum non est absoluta sed hypothetica: non enim dico, hominem necessario existere, cum dico, homo est animal, sed cum existet, extitutum animal, & non aliam entis speciem: sic non dico, accidens necessario existere in subiecto, aut substantiam extra subiectum, cum dico, accidens actu inhaeret subiecto, aut, substantia subsistit per se, sed dico, cum accidens existet, inhaerebit actu, & cum substantia existet, subsistit per se.

V I. §. Object. 5. *Existentia non est de essentia alicujus entis. Inherentia actualis est existentia accidentis (aut modus saltem existentiae) Accidentis est ens creatum. Ergo &c.* Respond. Ad hoc argumentum, sic satis intricatum, nonnulli respondent, negando majorem cum distinctione essentiae, dicunt: Existentia non est de essentia actuali alicujus entis creati, falsum est. Existentia non est de essentia possibili entis creati, verum est. Sed mihi quidem ista distinctio non satisfacit: Nam essentia possibilis seu entis in potentia est eadem cum actuali seu entis actu: eadem enim est essentia roseae nunc non existentis, & aetate existentis. Quare si existentia sit de essentia actuali entis creati alicujus, erit de possibili ejusdem essentiae. Ergo malim dicere ad majorem, eam male proponi: Nam quid hoc est dicere? existentia est de essentia entis creati. Aut significat, idem esse existentiam rei creatae, quod est essentia ejus, aut, idem concipi concepta essentia, quod concipitur concepta existentia: utrumvis dicant, nisi multum distinguant, inepte loquuntur, si non falso. Est quidem existentia idem cum essentia, quatenus non est res aut modus alius distinctus ab essentia, non tamen idem significat essentia quod existentia: nam essentia respondet quaestioni, quid est; existentia, an est, quae ut diversae sunt quaestiones, ita diversimode ad eas respondetur per essentiam & existentiam. Deinde essentia indifferenter competit enti

in actu & in potentia: existentia non nisi enti in actu: unde, secundum si dicant, idem concipi concepta existentia, quod concipitur concepta essentia, falsum dicunt: sunt enim plane dissimiles & diversi conceptus essentiae & existentiae in rebus creatis, quae dissimilitudo & diversitas fundatur in indifferentia ista essentiae ad utrum actu esse & potentia, quae non item convenit existentiae, & in diversitate quaestionum, an sit & quid sit. Resp. 2. Neg prius membrum minoris: Nam inhaerentia actualis non sumitur hic à nobis hoc sensu, quasi significet absolute, accidens semper inhaerere; sed hypothetice, cum est, tum inhaerere: nam cum non est, tum non inhaeret: itaque actualis inhaerentia non significat actualem constitutionem accidentis extra causas, sed significat naturam modumque accidentis, qualis sit natura accidentis futura, cum illud extra causas constituetur, quomodo se sit habiturum, an per se sit extitutum, an in alio ut subiecto futurum. Clarius & uno verbo: Inhaerentia actualis dicitur, aut quae actu inhaeret accidenti, cum se existit, aut quae actu inhaerere concipitur, cum non quidem existit, sed existere aut extitutum concipitur. Atque ex hisce haud difficulter solvitur sequens argumentum.

V II. §. Obj. 6. *Si inhaerentia actualis sit de essentia accidentis, Ergo quando actu non inhaeret, non habebit essentiam. Sed hoc est absurdum, quia entia, cum actu non sunt, habent tamen essentiam; haec enim abstrahitur ab existentia.* Resp. Neg. confeg. Quia per inhaerentiam actualem, quam dicimus esse essentiam accidentis, intelligimus, non tantum inhaerentiam, quae actu & de facto inhaeret subiecto, cum est atque existit, sed &, quae actu inesse concipitur, cum existere aut fore concipitur: Inhaerentia enim actualis dicitur eo sensu; quod omnis essentia nonnullis Philosophis dicitur actualis, non quod omnis essentia semper existat, (est enim essentia quaedam potentialis, quam res non-existent habet) sed quia omnis essentia semper actuatur, sive sit entis in potentia sive entis in actu, i. e. esse & esse tale largitur in certa specie, licet res essentia

sentia nondum existat, quod patet exemplo  
rose & hominis, quæ per essentiam actuantur,  
i. e. in certa classe collocantur entium, licet  
nondum existant: sic inherencia dicitur ac-  
tualis, quia de facto ac revera actuat acci-  
dens, i. e. in certo genere entium reponit, ut-  
cumque nondum existat. Et, ut summatim  
omnia complectar, Essentia accidentis dicitur  
consistere in inherencia actuali, non hoc sen-  
su, quasi accidentis essentia sit, semper actu  
esse atque existere, & sic actu inherere, sed  
sensu est, ut ante dixi, hypotheticus, sc. Ac-  
cidents si est, cum est, est in subiecto actu: cum  
dicitur essentia hominis consistere in actuali  
unione animæ & corporis, non ea phrasi si-  
gnificatur, animam semper actu uniri corpo-

ri, aut hominem semper existere; sed hoc tan-  
tum innuitur, quod non possit concipi homi-  
nis essentia, nisi concipiatur unio (non possi-  
bilis, tum nondum concipitur homo) sed  
actualis, quemadmodum non potest concipi  
formæ materialis essentia, nisi ejus concipiatur  
actualis quoque cum aliqua materia unio: ita  
quoque inherencia actualis est essentia acci-  
dentis, quatenus hæc concipi nequit, nisi con-  
cipiatur ejus inherencia actualis in subiecto, quod  
erat demonstrandum. *Eustachii, Raconis, Co-  
nimbricensium* Objectiones alias refutat Eccle-  
siæ Cleracensis in Gallia Pastor, Vir Doctissi-  
mus. *D. Petrus Fitonus Solon*, in *divine ac trans-  
naturalis sue Philosophiæ Exercitationibus na-  
bilissimis, quæ non satis possunt commendari.*

## Disputationum ex Philosophiâ selectarum,

*Voluminis Secundi,*

S E C U N D A.

D E

# QUANT. IDENT. CUM MAT.

T H E S I S I.

**S**upposuimus *disp. præced.* *Quantitatem esse  
accidens entitatis ac re ipsa distinctum à sub-  
stantia*: quæ quidem vulgaris est *Philo-  
sophiæ* sententia. Verumenimvero, ut multa  
sunt in eâ recepta quidem, non tamen proti-  
nus vera, ita sese res quoque hæc habet: neque  
enim *quantitas* (intellige continuam, de qua  
nobis sermo est tantum) *realiter nobis distingui  
emetur à materia, neque diversum ab ea ens  
esse videtur: quod* *κατασκευαστικῶς* probatum  
imus.

II. §. 1. Si quantitas sit ens realiter distin-  
ctum, oportet istius distinctionis realis assi-  
gnare aliquod fundamentum. Sed illud assi-  
gnari non potest. Ergo. *Prob. min.* Vel enim  
fundamentum illud est, in separatione reali  
quantitatis à materia, vel est in diversitate  
conceptuum realium. Sed neutrum dici po-  
test. Ergo. *Min. prob.* Quia quantitas sine

materia, aut materia sine quantitate reperta  
nunquam fuit, quin ne reperiri quidem po-  
test: Nam quod hic rarefactionis, & conden-  
sationis exemplum proferant quidam, ad id  
dicimus, vel quantitatis tantum terminos mu-  
tari, manente eadem quantitate ipsa, vel rare-  
factionem fieri per appulsū novarum parti-  
cularum aut corpusculorum, & conden-  
sationem per earundem aut eorundem expulsi-  
onem, & sic manere eandem corporis, quod ra-  
refit aut condensatur, quantitatem, quæ fuit  
prius. Et tunc, si quantitas aut existit aut exi-  
stere potest separata ab omni materia, atque  
illa fuerit accidens ex sententia *Adversariorum*,  
utique accidens existit aut existere poterit  
extra subiectum suum, cujus contrarium, &  
*Disp. select.* Vol. 1. *Disp. præliminari secunda*,  
& *hujus Vol. Disp. præced.* est demonstratum.  
Si materia potest existere aut existit sine

quantitate, subiectum poterit existere aut existet sine proprietate. Sed subiectum & proprietates separari nequeunt, quia sese mutuo ponunt & tollunt; habent enim se ut causa emanativa & effectum, quod alias fuit offensum. Ergo. Si realis distinctio quantitatis à materia fundetur in diversitate realium conceptuum, profecto ex hac diversitate conceptuum, non potest deduci diversitas essentiarum; nam de re una eademque possunt formari conceptus reales vel realiter diversi; Deus enim potest concipi, ut ens, ut bonum, ut verum, ut sapiens, ut vivens, neque tamen entitas, bonitas, veritas, sapientia, vita, dicunt diversa in Deo entia. Sic Petrus concipitur, ut homo, ut animal, &c. neque tamen, humanitas & animalitas &c. dicunt diversa in Petro entia. Itaque diversitas conceptuum non arguit diversitatem rerum, sed modorum tantum, aut ut loquuntur vulgo, formalitatum, seu rationem formalium, aut quidditatum.

III. §. 2. Si quantitas sit ens à materia realiter distinctum, aliquam entitatem superaddet substantiali entitati materie. At quæ hæc erit? vel superaddet materie partes, vel distinctionem partium, vel divisibilitatem, vel extensionem. Sed nihil horum. Ergo. *Non superaddit materie partes* Quantitas, licet sic sentiant plerique *Thomistarum*: quia materia ex se & per se seu per suam entitatem, non autem per aliud ens à se distinctum realiter, partes habet: alioquin materia ex se & per se seu per suam entitatem esset simplex & indivisibilis, quia simplex dicitur, ens partibus carens, & indivisibile, quod non habet partes, in quas possit dividi. At materia ex se & per se, seu per suam entitatem, non est simplex & indivisibilis: sic enim in essentia sua non distingueretur à spiritu, & corpus, materia hominis, quoad entitatem, non distingueretur ab anima rationali: & totius Oceani materia non haberet plures partes quam una maris gutta, sc. utraque ex se: nam quod nullas partes habet ex se, ut materia, ex sententia Adversariorum, illud non habet plures partes, quam aliud: & materia Oceani esset tota in toto & tota in qualibet parte: nam quod indivisibile est, ubi est, ibi est totum per essentiam: & materia elephan-

tis non erit capax recipiendi plures partes quantitaris, quam materia muscæ; si enim materia est ex se simplex & indivisibilis, æqualem habet capacitatem recipiendi quantitatem: & quales erunt istæ partes, quas materie superaddet quantitas? vel substantiales, vel accidentales? Si substantiales, Ergo quantitas ipsa non erit accidens, sed substantia, aut saltem identificabitur cum ea, neque erit ens distinctum ab ea: quod enim est accidens, illud non potest dare esse substantiale substantiæ, sc. formaliter, uti hic fieret. Si accidentales, Ergo materia erit accidens: nam partes identificantur cum toto, vel adæquate, vel inadæquate: accidens autem nullo modo potest identificari cum substantia.

IV. *Sed nec quantitas dat materie distinctionem partium.* Nam quod substantia, quæ est sub quantitate manus, sit alia & distincta, quam quæ est sub quantitate pedis, (una enim potest corrumpi altera permanente) id non est à quantitate, distincta ab ipsis substantiis illis partialibus corporis: quia, sicut res quælibet per se ipsam est ens, ita per se ipsam est unum ens, i.e. indivisum in se, & divisum, seu distinctum, à quolibet alio: nam ens & unum non distinguuntur re ipsa: ideoque, cum quælibet pars materie per se ipsam sit ens, etiam est una per se ipsam; atque adeo per se ipsam est indivisa in se, & divisa à qualibet alia parte materie: ergo non per quantitatem distinctam à se realiter. Et, quid est, esse res distinctas? nihil aliud, quam, hanc esse hanc, & illam esse illam: At partes materie per se ipsas habent, ut hæc sit hæc, & illa sit illa, atque adeo hæc non sit illa. Ergo partes materie per se ipsas distinguuntur, & non per quantitatem realiter ab iis distinctam.

V. *Sed nec quantitas addit materie divisibilitatem:* atque hoc fluit ex præcedenti: sic enim argumentamur. Quicquid habet partes distinctas ex se & non per aliud, illud est divisibile in eas per se & non per aliud. Sed materia habet partes distinctas per se & non per aliud. Ergo & est indivisibilis in eas per se & non per aliud; consequenter, divisibilitas non est à quantitate, ut illa est ens aliud distinctum à materia.

VI. *Sed nec quantitas superaddit materię extensionem.* Quia per se ipsam est extensa materia, & non per aliud à se distinctum : nam quantumvis illa mutetur, quin annihiletur atque auferatur quodcumque est in materia, calor, color, odor, & omne quod in ea invenitur ac cogitari potest, modo remaneat materia, manebit & quantitas, quia manet extensio : & hæc manet, quia manent partes extra se invicem : & hæc manent extra se invicem, quia, annihilato quocunque tandem alio, partes materię, v. c. cereę, aut corporis humani, remanebunt eodem loco, quo erant ante annihilationem. 1. Excipit *Ruvius l. 1. Phys. c. 3. quest. 2.* annihilata quantitate alicujus materię, puta cereę aut corporis humani, eas confluentes in punctum. Resp. Annihilationem, sicuti & creationem, fieri in instanti. Ergo annihilata quantitate alicujus materię, ejus partes, v. c. corporis humani caput & pedes, confluerent in punctum in instanti : punctum vero illud distat à capite ac pedibus : quomodo ergo possint partes fluere ac moveri (nam hic motus aliquis concipi debet localis) ad punctum à se distans in instanti ? hoc explicet *Ruvius*. Non fit, nec fieri potest, transitus ab uno extremo ad aliud, nisi per medium : & fluxus iste partium materię ablata quantitate ad punctum distans, cum sit motus localis, necessario erit successivus : Ergo non fit, nec fieri potest in instanti. Et punctum illud imaginarium tantum est ac Mathematicum : neque alicujus substantię materialis, nedum plurium materię partium, capax, neque plures partes materię intra angustias Mathematici puncti contineri possunt : & cum punctum sit indivisibile, quomodo id continebit plures materię divisibiles partes divisa ? 2. Excipit *Suarez Disp. 40. Metaph. sect. 4. Hurtadus Disp. 13. Metaph. sect. 4. Arriaga Disp. 5. Metaph. sect. 1. & Jesuitę alii.* Ablata aut annihilata quantitate, partes materię, v. c. corporis humani, remanebunt eodem loco atque antea, & retinebunt extensionem, non quantitativam sed entitativam : aut si partes ponantur in eodem loco, & sese penetrent, non retinebunt extensionem externam, actualem, in ordine ad locum, sed tantum internam, aptitudinalem, in

ordine ad se. Resp. 1. Extensio interna, appositæ ad externam, est extensio ficta & chimerica. 1. Nec extensio entitativa, oppositæ ad quantitativam, datur in rerum natura. 1. Extensio externa est multitudo partium actu diversa loca occupantium : unde vocatur extensio partium in ordine ad locum. Extensio interna est multitudo partium in eodem loco existentium, unde vocatur extensio partium in ordine ad se. Sed hæc posterior contradictionem dicit in adjecto, & ponit oppositum in opposito : Nam extensio non est extensio, nisi partes sint extra se invicem, una extra aliam, & sic ab omnibus Philosophis definitur : sed quæ extenduntur tantum extensione interna, non habent partes extra partes, sed intra partes : nam non occupant spatium divisibile, sed sunt in puncto indivisibili : at in puncto partes non sunt extra se invicem : & implicat, partes materię, v. c. humani corporis, esse extensas, & esse in puncto ; stultum quippe est, ponere pedes ubi est caput, &c. quare illa sive interna, sive aptitudinalis, sive partium in ordine ad se extensio, est *συνεχές*, figmentum, contradictionem involvens. 2. Extensio entitativa est illis multitudo partium naturaliter penetrabilium : quantitativa est multitudo partium naturaliter impenetrabilium. Sed Resp. 1. ad hominem argumentando. Quantitas est entitas, & ens, & accidens, distinctum à substantia & materia, ex hypothesi *Adversariorum*. Ergo extensio quantitativa est entitativa : Male ergo opponuntur. 2. Corpus & spiritus in hoc potissimum distinguuntur, quod spiritus sit penetrabilis cum qualibet alia re, quia caret quantitate, corpus sit substantia impenetrabilis, quia habet quantitatem ; At, si corpus esse possit cum sola extensione entitativa, non erit substantia impenetrabilis : nam illa penetrationem non impedit : & sic nullum erit discrimen inter substantiam materialem, & immaterialem, quod est absurdum. 3. Hæc duplex extensio utrimque distincta, plena est absurditatem & contra omnem rationem. Quandoquidem extensio entitativa non impedit penetrationem, ut volunt *Sophistę* ; ponamus, Deum annihilare quantitatem hujus mundi, nihil



nihil novi agendo circa ejus substantiam, quam faciunt realiter distinctam à quantitate; mundus ita remanebit eodem loco, ut tamen omnes ejus partes sese invicem penetrare possint, nec loco aut spatio distinguantur; sic poterit totus mundus cum omnibus partibus suis poni sub ungue meo; & mons ac camelus poterunt intrare per foramen acus, quod tamen *αὐτὸν* censetur in Evangelio: & unus homo poterit ebibere universum mare, si ponamus, maris omnes partes sese invicem penetrasse, quippe, quæ tum omnes contineri possunt uno scypho; si enim in puncto, multo magis in scypho: atque idem homo possit simul comedere centum boves, si ponamus iterum eorum partes entitative tantum extensas sese invicem penetrasse, aut penetrasse frustum panis; & sic vel centum alias absurditates ex hac fictitia extensione entitativa colligere datur. Quin & contra sensum est: supponamus enim ferrum aliquid, habens extensionem entitativam, non quantitativam, omnibus tamen qualitatibus suis præditum, atque inter eas ponamus in ferro duritiem. Durum autem definitur id, quod difficile cedit tactui; & quod resistit manui prementi: sicuti molle definitur id, quod facile cedit tactui, nec resistit manui prementi. At, si ferrum illud penetrare possit manum tangentem ipsum & prementem, non resistet manui prementi nec tactui: & sic durities ejus sensu percipi nequit. Iterum, ponamus terram tantum entitative, & non quantitative exten-

sam: ponamus omnes ejus partes penetrari inter se & cum nuce aliqua: tota terra erit inclusa nuci: at cum terra sit gravis, omnes equi, boves, cameli, & omnia animalia simul juncta, non poterunt trahere aut de loco movere istam nucem, propter resistentiam, quam faciet terra, nuci inclusa, gravitas. Denique hoc ratiocinio rem conficiamus. Si detur duplex extensio, una entitativa, quam habet materia ex se, altera quantitativa, quam habet à quantitate realiter distincta, cur non liceat fingere duplicem substantiam, unam entitativam, quam habeat substantia ex se, & per quam constituatur in esse substantiæ, per se substantis; alteram qualitativam, quam habeat à qualitate realiter distincta, & per quam subsistat accidentibus, aut aliis prædicatis? cur non liceat fingere duplicem rationalitatem, unam entitativam, quam homo habeat ex se & per quam constituatur in esse hominis, alteram qualitativam, quam habeat à certa quadam qualitate, & per quam ratiocinetur? Si ridiculum est, uti revera est, ponere duplicem ejusmodi substantiam aut rationalitatem, æque est absurdum, ponere duplicem talem extensionem. Ergo, ut concludamus, una tantum est extensio, & ea actualis, externa, quantitativa, partium in ordine ad locum, & non distincta realiter, nec diversum ens ab ipsa materia: quod utrumque ut demonstrandum erat, ita nunc demonstratum est. Argumenta decem *Pererii*, l. 10. c. 1. *sue Physicæ generalis*, & aliorum, refutabit *divus*.

## Disputationum ex Philosophiâ selectarum

*Voluminis Secundis,*

T E R T I A.

D E

## ARISTOT. SUMMI BONI & VIRT. DEFINITIONE, & VIRTUTUM CONNEXIONE.

T H E S I S I.

Duplex fere res *Ethicas* tractandi est ratio, *περὶ τῆς ἀρετῆς* & *περὶ τῆς κακίας* illa institui-

tur per virtutum & vitiorum *περὶ τῆς ἀρετῆς καὶ τῆς κακίας*, & per præcepta, hortationes, ac monita, quæ, quid



ari  
in-  
nes  
mul  
no-  
am  
que  
du-  
ma-  
et à  
ceat  
rita.  
per  
er se  
ha-  
uam  
cur  
tem,  
ex se  
alte-  
qua-  
? Si  
icem  
tem,  
alem  
a tan-  
quan-  
c non  
o ipsi  
ndum  
menti  
erau,

NI.

peru,  
quæ,  
quid

qu  
na  
ne  
op  
ca  
rat  
ph  
ap  
scr  
Ar  
jes  
ac  
ne  
lire  
ter  
ser  
tan  
aut  
de  
tes  
est  
fin  
ani  
mo  
reb  
ut  
pia  
mag  
alii  
tro  
vel  
dur  
eun  
Phi  
ver  
lystr  
I  
gere  
mon  
turb  
di,  
tem  
tem  
min  
tilita  
subje  
& v  
redd

quid sit faciendum, quid fugiendum, proponunt: hæc virtutum vitiisque definitiones, divisiones, causas, effecta, adjuncta, opposita, & quæcunque ad accuratam explanationem faciunt, adducit. Priorem agendi rationem secuti sunt *Socrates, Plato, Epictetus, Plutarchus, Cicero, Seneca*, & historiarum, apologorum, comædiarum, ac tragicædiarum scriptores: posteriorem viam ingressi sunt, *Aristoteles, Thomas, Bonaventura, Scotus, Cajetanus*, & tota Scholasticorum, Summistarum ac Sententiariorum caterva. Hi morum originem ac naturam diligenter perscrutati, subtiliter de virtute & vitio disputant: illi virtutem & vitia non tantum explicant, sed præsertim ad illam adhortantur, ab hisce dehortantur, mortale hominum genus. Quamvis autem inutilis sit *Philosophia Practica* docendæ modus, qui nec vitia amolitur, nec virtutes format; quemadmodum Medicinæ nullus est usus, quæ valetudinem non expellat adversam, nec reducat prosperam; (est vero Ethica animi humani pharmacum veluti & Panacea) mos tamen nunc obtinuit ferme, ut magis de rebus moralibus disputetur, litigetur, quam ut de iis ad vitam recte instituendam præcepta tradantur: atque hæc consuetudo invaluit magis, postquam *Carolus Magnus*, Authoribus aliis rejectis, *Aristotelem* solum in Scholas introduxit atque *Academias*, quas vel fundavit, vel privilegiis bonitque auxit ac locupletavit, duratque etiamnum, postquam in *Aristotelem* eundem, tanquam in *Philosophando Ducem*, & *Philosophorum* veluti *Deum* quandam, conversæ sunt *Academie* omnes atque *Scholæ illustiores*.

II. Possem hic multis istud *γεννητικόν* detegere, & noxam revelare: nam *Philosophia* moralis, non mentis est exercitatio, sed perturbationum medicina: est ratio recte vivendi, non subtiliter disputandi: diligens contemplatio passionum, non pellit timores, non temperat cupiditates, non reprimat iras: nec minutæ in perversitiganda essentia Virtutis subtilitates, nec acutæ difficultatum de Virtutis subiecto spinæ & trices, animum à morbis suis & vitiis extricant aut liberant, nec homines reddunt fortes, temperantes, mansuetos, ju-

stos: *Philosophus* vero *Moralis*, inter sapientiæ suæ opera detinetur, non inter vocabula, mavultque iuste agere, quam de iustitiæ propria & dilucida definitione litigare; & revera rimari definitiones, solvere objectiones, distinguere ambiguitates, neminem facit meliorem: hic tamen *Ethica* finis est scopique. Sed vero quam sit infelix *Aristoteles* dux in rebus ipsis *Moralibus* tractandis, quam ad ejus ductum non possint sese hodie componere docentes ac discentes, uno alterove specimine explicatum dare, operæ fuerit pretium: quod non odio infectandi *Philosophum* fiet, sed ut eorum hodie tantum sententiam explodamus, qui soli *Aristoteli* consecrari, tanquam mancipia, *Philosophos* omnes, volunt, in *Philosophia* tam *Theoretica* quam *Practica*: quod, quam fiat injuste in posteriori, age ostendatur.

III. Ordinur *ad finem ultimum & Summo bono*. Hoc secundum *Aristotelem*, est *actio virtutis*. Sed vero *actioni secundum virtutem cum vera & suprema felicitate nihil est commune*. Felicitas illa est stabile quid, & ut *Aristoteles* loquitur ipsa, *μὴ μὲν ἢ, permanens quid*: sed actio statim evanescit: atque ea desinente, homo desineret esse felix, felicitatemque veluti vestem deponeret, alia actione resumpturus. Felicitas est bonum *τέλειον*, omni ex parte integrum atque perfectum: sed virtutis actio non est talis, neque enim omnis simul est, aut tota eodem tempore exercetur, sed una actio alteri succedit. Felicitas est ultimus finis: sed actio non est finis, verum via ad finem, cum sit motus: at omnis motus habet aliquem finem, scilicet terminum, ad quem tendit: unde hic potius est finis; & actio, non felicitas, sed via est ad felicitatem, & si liceat sic loqui, felicitatio. Et ipse *Aristoteles* hoc fundamentum jecit in procæmio *Ethicorum*, cum dicit, *Omnis actio bonum quoddam expetere videtur*: atque hoc fundamentum non debebat postea convellere, sui oblitus, ponendo felicitatem in actione, sed ponere eam debuisset in illo bono, quod per actionem expetitur, & acquiritur, ac possidetur: & sane, nemo agit, ut agat, sed ut aliquid consequatur; nec bibit quis, ut bibat, sed ut sitim pellat; nec fortiter quis pugnat, ut pugnet, sed ut providat civium salutem &

Reip. bono. Quare non actio consentanea virtuti est felicitas, sed aliud quid.

I V. Sed videamus, an felicitas *medii* ad summum bonum obtinendum, sc. *Virtutis*, naturam exposuerit *Aristoteles*. Ait, *Virtutem esse habitum cum recta ratione electivum*: sed hic iterum ex se ipso refutari potest: nam si felicitas est actio secundum virtutem, ergo virtutem debuisset definire habitum agendi, seu activum, non eligendi, seu electivum, ad felicitatem comparandam: præterea non ex pluribus electionibus, sed ex pluribus actionibus *Aristoteli* generatur Virtus; neque tamen excludi volumus, habitum eligendi aut electionem, à virtute, nam qui habet agendi habitum, habet etiam eligendi; sed hoc est quod dicimus, non in habitu eligendi sed in habitu agendi esse sitam virtutem, quippe inter electionem rectam & actionem, ut quidem illos actus distinguunt, unum ut elicitorum & internum voluntatis, alterum ut imperatum & externum, *Aristotelici*, impedimentum potest cadere, interveniente sc. cupiditate, vel ira, vel simili affectu: Et in homine incontinente, ut eum deseribit *Philosophus*, est recta ratio & recta electio (nam recte cognoscit recteque eligit,) non tamen est virtus, quia aliter agit, quam cognoverat & elegerat.

V. Dices. Erat alia definitio Virtutis apud *Aristotelem*: definitur enim ipsi, *Mediocritas circa perturbationes & actiones*. Sed hæc descriptio potius est qualicumque. Ac primo, mediocritas circa actiones non est differentia virtuti propria, sed ei cum artibus omnibus communis, omnes quippe artifices excessum vitant & defectum in agendo. Secundo, non est virtus mediocritas circa passionem, nisi ex accidenti. Quemadmodum enim medicina non est proprie mediocritas circa medicamenta & alimenta, sed habitus restituendi valetudinem, ita v. c. mansuetudo non est mediocritas inter multum & parum irasce, sed est habitus recte tuendi sese ab externis injuriis. Addimus, mediocritatem hanc nihil esse aliud, quam privationem excessus & defectus: sed privatio, habitus forma esse nequit: & forma virtutis est posita in conformitate quam habet ad suam regulam, rectam ratio-

nem, aut legem naturæ: hæc vero conformitas, nec semper, nec solum, nec præcipue, consistit in mediocritate: denique virtus non admittit excessum, qua talis est, neque enim potest nimis intendi: nam quod dicant, *virtutes quasdam modum excedere, cum exercentur, quando non debent, in quod obiectum non debent, loco & tempore, quo non debent, &c.* Resp. ibi excessum committi, vel in materiali illo, quod virtus commune habet cum vitiis, vel in circumstantiis tantum actionis: At dicunt, *Virtus est mediocritas circumstantiarum, & in iis tenenda*. Sed hæc plane instabilis ratio est mediocritatis; cum virtutis ratio stabilis & fixa debuisset assignari: nec satis erat, dicere, *agendum esse ubi, quando, & quantum oportet, &c.* Sed docendi erant homines, quoniam modo esset agendum: quod non facit *Aristoteles*, sicutidem quoque de *consultatione* differit quidem & *electione*, sed non docet, quomodo consultandum sit aut eligendum: itaque si voluisset *Philosophus* nos certis fixisque vestigiis quasi manu ducere ad cognitionem perfectam virtutis, titubantem istam, vagam & inconsistentem mediocritatem, à circumstantiarum variationum varietate dependentem, tanquam vinculo aliquo constringere, figere, & claris ac constantibus notis eam reddere intelligibilem, debuisset: quemadmodum in medicina, non tantum dicitur, activa esse applicanda passivis, contraria esse contrariis curanda, sed docetur insuper, quænam sint uni morbo, quænam alteri tollendo necessaria: ita in *Ethicis* dicendum non tantum est, agendum esse, ubi, quando, & quantum oportet, sed & docendum est, quo modo in singulis virtutum actionibus sit procedendum: ut merito iustissimoque jure de se ipso dixerit *Philosophus*, se in libris suis, non pinxisse virtutem, sed ut figuram quandam, pingui tantum Minerva, adumbrasse. Atque hæc si sic sese habeant, quam præclare locaverit fundamenta Philosophiæ moralis *Aristoteles*, qui nec finem ultimum vere assignavit, nec medium ejus, virtutem, vere explicavit, cæcus est qui non videat: quid expectandum est, de toto ædificio & structura integra *Ethicæ doctrinæ*, cujus fundamenta tam male sunt jacta? sed specialia erroris in *Aristotelis* moralibus specimina,

mina, extant non pauca: pro multis unum sumamus.

VI. Docet *Aristoteles*, Virtutes omnes stabiles omnino esse inter sese junctas ac connexas, ut qui unam habet, habeat & reliquas. Sed hæc sententia ab ipsa experientia, à communi hominum opinione, & à recta abhorret ratione: nam experientia non tantum in singulis hominibus, sed in populis totis, alias atque alias existere virtutes demonstrat. *Spartani* fortes erant ac temperantes, sed iniusti; *Massilienses*, iusti ac temperantes, sed non fortes; *Romani* fortes ac iusti, sed non temperantes. *Alexander* fortis fuit, sed intemperans. Sed & ratio repugnat, ex ipsi *Aristotelis* hypothesi deducta: si enim virtutum habitus ex frequenti actuum exercitio fiunt, pauper aliquis per totam vitam evadet quidem temperans, sed nunquam liberalis; & alius, cui per omnes vitæ annos occasio deest fortiter aliquid agendi, nunquam eradet fortis: & cum tam multæ & tam diversæ sint virtutes morales, quis in omnium & singularum actibus exerceri possit, præsertim, cum multis natura, multis materia, multis occasio desit, eas exercendi. Dicunt, omnes virtutes, una prudentia, tanquam communi vinculo, copulari: sed hoc probandum prius erat, esse unam prudentiam, qua ceu communi vinculo copulentur virtutes: quid si dicamus, in tot species prudentiam esse dividendam in quot dividitur ipsa virtus, & aliquem esse prudentem in bello, qui non sit in eroganda pecunia, & alium esse prudentem in cibo potuque usurpandis, qui non sit in suum cuique tribuendo: itaque tam diversæ sunt prudentiæ gradus & species quam Virtutis, & falsum est, prudentiam, virtutum Moraliū omnium normam ac directricem, esse unam secundum speciem specialissimam: sed dato, non concessio, quod sit talis: non sequitur, ideo virtutes omnes esse inter sese connexas: sicut non sequitur, omnes lineas ducibiles ad idem centrum, esse connexas, quia potest fieri, ut non actu ducantur; ita quoque possunt omnes virtutes esse copulabiles cum prudentia, ut tamen non omnes actu copulentur, quia non omnes virtutes acquiruntur à nobis in hac vita, imo ne fieri quidem potest, cum sic redde-

remur perfecti: at ne sanctissimis quidem hoc contingit, quia regeneratio in hac vita est imperfecta: sed hanc ignoravit *Aristoteles*, ideoque virtutes omnes actu connecti dixit 7. *Eth. c. 1.* si non in gradu continentie, aut temperantie, ut loquuntur Scholastici, saltem in gradu excellentiæ seu heroico: unde videm gradus Virtutis signant tres, unum incipientium, alterum profectuum, tertium perfectiorum: in primo statu, passiones vehementer insurgunt in rationem, sed ipsæ vehementer quoque resistit; in secundo paciores sunt passiones, minorque est earum & rationis pugna: in tertio plane repressæ sunt & subactæ passiones, & nulla amplius est earum & rationis lucta. Atque ut sic *Generalis* philosophetur *Aristoteles*, condonari potest, qui corruptionem naturalem ignoravit, sed ut sic philosophentur *Christiani*, uti fecere *Scholastici*, atque utinam non alii quoque & quidem *Reformati*, peccatum est irremissibile: nisi funditus hi homines labem tollant originale, quod facere videntur, cum perfectionem in bene faciendo, quam lex exigit, & ultra quam exigit, homini, in operibus puta supererogationis, attribuant: hunc tamen errorem non aliunde hauserunt quam ex *Aristotele*, cui nimium mordicus inhaerent.

VII. *Aristoteles* quidem 6. *Eth.* ad perfectionem actionis rectæ moralis requirit, 1. Ut ratio practica vere judicet expetendo & fugiendo. 2. Ut appetitus cum illo vero iudicio consentiat, id est, ut appetitus prosequatur, quod ratio expetendum prescribit, ut avertatur idem, quod fugiendum eadem jubet: quoties hæc duo concurrunt, perfecta est virtus. Contra, si ratio occæcata iudicat turpia esse prosequenda & honesta fugienda, atque appetitus cum illo erroneo iudicio consentit, perfectum est vitium: sed evenit plerumque, ut ratio & appetitus dissideant, & ut, cum ratio recte iudicat, appetitus tamen repugnet & reluctetur: quod si in illo conflictu ratio vincit, & appetitus, licet renitentem, sibi parere facit, est semivirtus, quæ *Aristoteli* vocatur continentia: si ratio vincitur, & passiones faciunt contrarium rectæ rationi, est semivitiū, & vocatur *Aristot.* continentia: sic ex quadruplici

combinatione rationis & appetitus, derivat *Aristotele* virtutes & semivirtutes & semivicia, & *Scholastici* suum triplicem virtutis statum, continentis seu incipientium, temperantiae seu proficientium, excellentiae seu perfectorum.

VIII. Verum non ex qualibet combinatione principiorum cogitabili per intellectum existit principiatum, sed tantum ex combinatione possibili a parte rei. Atqui illa prima combinatio rationis rectae & appetitus recti, quae tollit omnem pugnam eorum inter se, & virtutem collocat in statu *excellentie*, hominesque reddit *perfectos*, non reperitur in ullo subiecto, ne in sanctissimis quidem, qui tantum habent exilia intia hujus perfectio-

nis: & est *virtutis* tantum *idea*, & perfectio, non possibilis, sed excogitabilis tantum, & non reale ens, sed ens tantum rationis, ab ea fictum factumque, qualis est resp. *Platonis* in 10. ejus libris descripta: at vero philosophandum fuerat *Aristoteli* & *Scholasticis* de Virtute, non uti erat in idea & imaginatione, sed ut invenitur in hominibus. Et qui hanc *Aristotelis* & *Scholasticorum* retinent opinionem de virtutum connexionem ex Philosophis nostratibus, illi imprudenter ea collocant fundamenta in *Philosophia*, quae sunt nocumenta in *Theologia*: quod sedulo est cavendum. Alia specimina & plura *Aristotelis* errorum circa res Morales nunc exponere non libet.

## Disputationum ex Philosophiâ selectarum,

Voluminis Secundi,

### Q U A R T A.

D E

## ACCID. DISTINCT. à SUBST.

T H E S I S I.

**Q**uantitatem continuam seu Magnitudinem, non esse accidens aut ens à substantia quanta seu materia realiter distinctum demonstravit hujus Curriculi Disputatio. Secunda; nunc idem de Quantitate discreta seu Numero, Tempore, Qualitatibus, ceterisque Accidentium speciebus, demonstratum imus.

II. Ac Numerum quidem ex numero verorum entium, & Accidentium realium, exemerunt multi ex ipsis Peripateticis: ex antiquioribus *Aureolus* & *Gregorius Ariminensis*, ex modernis *Fonseca* l. 5. *Metaph.* cap. 13. quæst. 4. *Suarez* disp. *Metaph.* 42. *Conimbr.* ad cap. 3. l. de *Categoriis* qu. 2. art. 1. Horum rationibus eo contendunt, ut probent, numerum quantitatem non esse, nec veram ejus speciem, aut quia non fit ens reale, aut quia non fit ens per se unum: at quod in aliqua *Categoria*, ut species, collocatur, debet esse ens reale & unum per se. Numerum non esse ens

reale, probant sic. Quod ex puris negationibus constat, non est ens reale. Sed numerus ex puris constat negationibus. Ergo. *Præ Min.* Quod ex meris constat unitatibus, constat ex meris negationibus: quia unitates sunt negationes: nam ideo unumquodque unum dicitur, quia est non-divisum ac non-distinctum à se: esse autem non-divisum, aut non-distinctum, est negatio. *Assumo.* Atqui numerus constat ex unitatibus. Ergo. *Adversarii*, ut numerum ens reale tueantur esse, ajunt, eum esse speciem quantitatis tanquam accidentii realis, non quidem univocam, sed tamen analogicam. Resp. 1. supponunt, omnem quantitatem esse ens & accidens reale; quod est *non verum*, imo falsum: nam si continua non sit talis, ut probatum est *Disp. sec.* nec discreta sit talis, ut jam probavimus, utique nulla est talis. 2. Juxta doctrinam *Aristotelis* & *Aristotelicam*, species Analogæ in *Categoriis* non recipiunt



recipiuntur: Ergo ne tum quidem numerus erit verum ens & reale accidens, etsi quantitas in genere talis esse ponatur, quia sub quantitate, ut species univoca, non continebitur. 3. Quomodo numerus, obsecro, erit species quantitatis tanquam entis realis, sive univoca, sive analoga? an secundum materiale suum, an secundum formale? At neutrum dici potest. Ergo. Materiale numeri est unitatum collectio: Formale vero est unitatum collectionum ordinata quædam dispositio. At neque hæc collectio unitatum, neque earum dispositio & ordo, species quantitatis dici possunt, si quantitas sit ens reale, quia modi sunt, qui ab entibus realibus contradistinguntur: sed quantitatis species modi esse nequeunt, verum debent esse entia realia (& dici solent secundum Aristotelicos) si ipsa quantitas sit ens reale.

III. Sed ulterius sic argumentamur. Si numerus sit ens & reale, ergo tale invenitur in Deo. Sed hoc est absurdum. Ergo. Certe in Deo reperitur Personarum numerus ternarius, ex communi fide & verbo Dei. Unde ortum duxit vocabulum, *Trinitas*. Exciipiunt *Adversarii*, hunc Personarum in communi essentia divina numerum ternarium esse transcendentalem & non prædicamentalem, sed hoc est, rem vocum distinctione eludere, quod Sophistis nostris solenne est: ita cum relationem esse accidens negat sanior & purior Philosophia, quia illa invenitur vere in Deo: est enim Pater verum relatum, Filius verum correlatum, generatio verum fundamentum, juxta illud ex Sacris notum, *Ego hodie genui te*, ubi & *relatum & fundamentum & correlatum* vere indicantur: & clamitant in adversum infani & impuri Sophistæ, non est relatio prædicamentalis. Quid igitur? an transcendentalis? Sed tam impudentes non erunt, ut hoc dicant: nam transcendentales relationes (sunt verba *Suarresii* disp. Met. 47. sect. 3. num. 10.) non ad certum aliquod prædicamentum, sed ad omnia genera entium pertinent. An ergo paternitas ad omnia genera entium pertinebit, & esse Patrem, tribuetur Quantitati, Qualitati, &c. At, inquit: *Paternitas in Deo est relatio divina & supernaturalis, ideoque non est prædicamentalis*, & quæ est accidens & ens reale. Contra.

Quare non sit prædicamentalis relatio, paternitas in Deo, etsi sit divina, ac supernaturalis, cum habeat omnia ad prædicamentalem relationem requisita, subiectum, fundamentum, terminum, proprie & vere dicta? Sed hoc negotium alias discutiemus. Redimus ad *Numerum*: & porro dicimus, ex vulgato Axiomate, *Entia non sunt multiplicanda sine necessitate*: nullam hic esse necessitatem, ut duplicem admittamus numerum, prædicamentalem ac transcendentalem: si dicant, nos cogi, quia *numerus prædicamentalis est ens reale, quale in Deo admitti non potest*, mera est petitio principii: hoc enim in questione est, imo ipsum illud quod negamus, numerum sc. prædicamentalem esse ens reale; quia contra dicimus, eum esse affectionem ac modum, qui entia aut entium potius collectionem consequitur. Ita numerum ex verorum entium numero nunc exegimus: & magnitudinem Disp. secunda: verbulo & Tempus ex verorum entium choro ejiciamus.

IV. Tempus non esse ens reale, facili opere probatur: Nam aut sumitur Metaphysice, pro temporalitate, & sic omni enti, atque etiam Deo, convenit, cui tamen accidentia non conveniunt. Tempus Metaphysicum existentiam sequitur, quæ vel maxime est in Deo. Deus enim existit in omni tempore, creaturæ tantum in aliquo, vel præterito, vel præsentis, vel futuro. Aut Tempus sumitur Physicè, pro numero seu mensura motus; sic non magis erit reale, quam ipse numerus, vel, quem mensurat, motus, qui cum sit actio, tantum est modus entis realis inferioris, sic ergo concludimus. Quemadmodum numerus non est ens reale, quia unitates, ex quibus constat, non sunt entia realia, hæc non sunt entia realia, quia unitas in genere non est ens reale; hæc non est ens reale, quia est affectio transcendens entis realis; alioquin iretur in infinitum: sic nec tempus est reale, quia sequitur existentiam, nec hæc est ens reale, quia est principium transcendens entis realis in genere, alioquin iterum in infinitum.

V. Sed ad *Qualitatem* transeamus. Ejus quatuor vulgo ponuntur species satis notæ.

Secundam & quartam ex entium realium ambitu proſcribere ante me multi, præſertim *Nominales* ac *Scottiſæ* inter *Scholæſticos*, quod videre eſt apud *Faventinum*, *Hurtadum*, *Arriagam*; & non ita pridem *Prædeceſſor* ac *Præceptor Venerandus*, *D. Burgeſſi* in *Metaph. l. 2. c. ult. th. 12.* Sed ad primam & tertiam Qualitatis ſpeciem ipſe offendit, offendunt & reliqui. *Nos omnes in univerſum Qualitates, eſſe vera entia à ſubſtantiis diſtincta, negamus, & ordine ſuo probamus.*

V I. *Habitus* eſt qualitas adventitia ad operandum bene vel male, ſumendo vocus illas, tum *Ethice*, tum *Phyſice*: eſtque vel corporis, vel animi. *Corporis*, ſi detur, (neque enim hoc nunc diſputamus) comprehendit ſanitate, morbum, &c. At ſanitas & morbus conſiſtunt in recto aut vitioſo temperamento partium, in *διſτά & κατὰ* earum: at hæc diſpoſitio non eſt aliud, quam modus iſtarum partium, qui à partibus tanquam ſubſtantiis modificatis non diſtinguitur ut ens reale: quippe modus negat ens reale, alioquin idem modificaretur per ſe ipſum. At potiſſima difficultas eſt in habitibus *animi*. Hi ſunt vel *acquiſiti* vel *infuſi*: at *neutri ſunt entia realia*: quod idem dicendum de concreatis, & connatis, ſi ſint, de quo alias diſputandi erit locus. *Habitus animi* acquiſiti, ſunt vel *intellectuales* vel *morales*: utrique acquiruntur crebris actionibus, quæ ipſæ cum non ſint entia realia, neque habitus iis acquiſiti poſſunt eſſe tales: nihil quippe eſt in effecto niſi quod ſit in cauſis, vel formaliter in cauſis univocis; vel eminenter in cauſis æquivocis: ſed actiones, cauſæ habituum acquiſitorum, neutro modo ſunt entia realia: ergo nec habitus tanquam effectus iis acquiſiti ſunt ejuſmodi. Sed in *infuſis animi habitibus* diſtinctionem realium & entium à ſubſtantiis diſtinctionum prædium reperitur. Imo vero, nihil minus. Nam ſi acquiſiti tantum ſunt modi operandi, ideoque non entia realia: nec infuſi erunt entia realia, quia quoque tantum ſunt modi operandi: omnis enim habitus, ſeu acquiſitus, ſeu infuſus, largitur tantum facilitatem in agendo: at facilitas illa quid eſt aliud quam modus? ſed modus nullus eſt ens aut accidens reale, nec eſſendi nec

operandi, quod demonſtratum vide à *Burgeſſi* cap. 7. lib. 1. *Met.* & nos brevi demonſtrabimus in harum diſputationum ſerie. Neque tamen modus, aut id quod eſt modus, ſeu eſſendi, ſeu operandi, nihil eſt aut nihil addit ſubjecto quod modificat: hoc enim ſi verum foret, figura nihil adderet quantitati, & figuræ rei quantæ variatâ, nihil eſſet variatum: ſeſſio, Petro antea ſtanti nihil adderet, & cum mutatur ſeſſio Petri in alium ſitum, ut ſcilicet errat ſtans, nihil mutabitur, adeoque totum prædicamentum ſitus nihil continebit, ſi modus ſit nihil, nam ſitus eſt tantum modus partium in corpore; exiſtentia cum ſuperadditur eſſentia, nihil ſuperaddetur; ſubſiſtentia cum ſuperadditur enti, ut ſit vel ſubſtantia ſimpliciter, vel ſubſtantia prima, prout illa vox ſumitur vel latius vel ſtriſtus, nihil ſuperadditur enti ſu- rit; finitas cum ſuperadditur enti reali ut ſit creatura, nihil quoque ſuperadditur fuerit; actus, potentia, contingencia, neceſſitas, &c. nihil fuerint, ſi modus nihil eſt aut nihil addit enti. Et niſi modi quæ alia quædam admittantur, quæ nec ſint ſubſtantia, nec accidentia, nec entia realia, nec nihil; ſed quæ ſint media negationis utrimque interjecta, actum eſt de tota *Metaphyſica*, quippe Entis in genere principia, eſſentia & exiſtentia, & ejus affectiones, unitas, veritas, bonitas, localitas, temporalitas, ſuntne ſubſtantia, ſuntne accidentia, ſuntne entia realia? quicquid dixeris, erraveris. At ſuntne nihil? Neque hoc dici poteſt. Quin perierit quoque *Matheſis* tota ſimul & *Phyſica*, ſi non admittatur medium aliquod inter ſubſtantiam & accidens, inter ens reale & nihil: nam affectiones, quæ de quantitate continua ac diſcreta, & quæ de corpore demonſtrantur. nec ſunt ſubſtantia, nec accidentia, imo ne quidem entia realia, neque tamen nihil ſunt. Sed de hoc negotio alias latius: ſufficit demonſtraſſe impræſentiarum, non valere hanc conſequentiam; Quod non eſt accidens, eſt ſubſtantia: nec hanc, Quod non eſt ens reale, eſt nihil: & habitum omnem, ſive acquiſitum ſive infuſum (eadem eſt ratio connati & concreati) licet non ſit accidentia, non ideo fore ſubſtantias, licet non ſint entia realia, non ideo eſſe

essentia. Potentiam & impotentiam naturalem proxime sequens examinabit & ex munere Accidentium & Entium realium eliminabit dispositio.

## Disputationum ex Philosophiâ selectarum,

Voluminis Secundi,

## Q U I N T A.

D E

## ACCID. DISTINCT. à SUBST.

## T H E S I S I.

**R**emovimus ex *Accidentium & Entium realium* censu, *Quantitatem*, & *Qualitatis* speciem primam, *Habitus*; transimus ad secundam, quam faciunt *Potentia & impotentia Naturalis*. Definitionem utriusque aut divisionem multiplicem hic non exponemus, sed supponemus: adeoque simpliciter, potentiam nullam esse *Accidens & Ens reale distinctum à Substantia*, probabimus.

II. §. 1. Si potentia naturalis sit ens reale & accidens distinctum à substantia, aut erit *activa* aut *passiva*. Sed neutra est, quia res possunt agere & pati per se ipsas aut per suas entitates. Ergo. Verum utrumque divisionis membrum penitius inquiremus. Si potentia *passiva* est ens reale & accidens distinctum à substantia, vel est *objectiva*, vel *subjectiva*, id est, vel illa potentia respiceret efficientem, vel formam, seu substantialem seu accidentalem. Si *subjectiva potentia passiva* sit ens reale & accidens distinctum à substantia, ergo erit in aliquo subjecto: at potentia objectiva ibi collocatur, ubi nullum est subjectum: est enim potentia rei nondum existentis; v. c. Mundus antequam existeret aut creatus effet, erat in potentia objectiva, respectu Dei creatoris; *objiciebatur* enim ipsi, ut creabilis aut creandus potius, quod utrumque respectu mundi significat potentiam passivam. Hæc ergo potentia objectiva, qua poterat à Deo mundus condi ante sui creationem, vel erat in Deo, vel extra Deum. Non in Deo, quia nihil est in Deo passivum: omnis enim potentia, quæ Deo adscribitur, activa est: Non extra Deum,

quia nullum ante creationem mundi existebat ens reale, in quo tanquam in subjecto hæc potentia in hæsisset. Ergo neque potentia illa fuisset: tantum abest, ut accidens esset à substantia realiter distinctum. Præterea potentie objectivæ respondet existentia seu actus entitativus. Sed nullum ens reale aut verum accidens præcedit actum entitativum seu existentiam rei, sed potius eam præsupponit. Ergo.

III. Si *potentia passiva subjectiva* sit ens reale & accidens distinctum à substantia, vel erit *materia* ad suam formam substantialem, vel *subjecti* ad suam formam accidentalem. Non prius: nam 1. Potentia & Actus sunt in eodem genere juxta *Aristotelem & Aristotelicos*, ita ut, si actus aliquis sit substantia, & potentia erit substantia; si actus aliquis sit accidens, & potentia erit accidens. Sed actus ille, quem respicit *subjectiva materię* potentia, est forma substantialis, ut volunt *Peripatetici*, & altera pars compositi. Ergo & potentia illa ad illum actum erit substantia, non accidens: & hoc est fortasse, quod barbarus voluit *Commentator, Averroës*, cum dixit, *Materia substantiatur per posse*. 2. Argumentamur ad hominem. Actus & potentia, ex sententia *Adversariorum*, opponuntur tanquam habitus & privatio. At habitus & privatio, ex sententia *eorundem*, ad eandem reducuntur Categoriā. Ergo cum forma substantialis sit substantia, sic afferentibus *isdem*, & potentia subjectiva ad eam talis erit. Ergo non accidens.

IV. Si *potentia passiva subjectiva substantia*

ad

ad formam accidentalem, sit accidens & ens reale à substantia distinctum, *vel erit respectu omnis forme accidentalis*, id est, accidentis, *vel respectu alicujus*. Non respectu omnis, quia sic ipsa hæc potentia, de qua impræsentiarum agimus, quæ *Adversarius* est accidens, aliam quoque potentiam, quæ pariter foret accidens, ante se requireret in subiecto, & sic daretur processus in infinitum, à quo natura abhorret. Præterea & quantitas, priusquam in subiecto reciperetur, potentiam quandam, ut accidens realiter à substantia distinctum, requireret: at quantitas juxta *Peripateticos* immediate & proxime inhaeret materiæ, absque ulla præcedanea potentia. Ergo. *Si talis potentia passiva subiectiva, ut accidens realiter distinctum, exigitur ad quædam tantum accidentia recipienda*, quero, si unum accidens possit inherere subiecto & informare substantiam sine media potentia passiva subiectiva, cur non omnes? nulla enim major videtur esse ratio in uno quam in alio accidente, ut ad unum recipiendum in subiecto requiratur potentia quædam passiva subiectiva distincta à substantia, & non requiratur ad aliud. Et, si hæc talis potentia requiratur, ut ratio receptiva accidentium in subiecto, aut erit quantitas, aut accidens aliud. Prius nolunt. Si posterius volunt, quandoquidem hæc potentia statuitur in ordine ad varia accidentia & genere distincta, non erit hæc potentia prædicamentalis, aut qualitas, aut secunda tantum species qualitatis, sed transcendentalis, & per omnes qualitatum, imo accidentium, vagabitur species. At potentia transcendentalis, ne ipsis quidem *Peripateticis*, est accidens aut ens reale. Ergo, &c.

V. Si potentia activa sit ens reale & accidens distinctum à substantia, *vel erit entis increati, vel creati*: non increati, quia repugnat ejus simplicitati ac perfectioni, ut in Deo sit ens reale & accidens ab ejus substantia distinctum: non creati, quia *vel incorporei erit, vel corporei*: si incorporei, vel erit, *Angeli* vel *Animæ rationales* sed neutrius natura exigit: utriusque enim adeo hic est ratio. Quod *Angeli* non exigant potentiam à se distinctam à sua substantia vel essentia, sic evincimus: nam hæc, vel faceret ad Angelorum perfectionem, vel ad eo-

rum imperfectionem: omnis enim entitas realis alteri adjuncta, vel illud perficit, vel ejus perfectionem minuit. Sed non facit ad perfectionem Angelorum potentia activa realiter distincta ab eorum substantia, quia Deus, qui est agens perfectissimum, sine talibus potentiis intermediis operatur: unumquodque autem eo est perfectius, quo accedit propius ad Deum. Si ad imperfectionem Angelorum facit ista potentia activa, removenda potius est: deinde, quælibet forma statuitur vulgo, subiectum, in quo est perficere. Ergo hæc dici nequit facere ad imperfectionem Angelorum. Denique, si essentia aut substantia Angelorum requiratur à se distinctam potentiam activam, ergo & formæ accidentales, quæ sunt agentia imperfectiora, requirunt tales potentias. Atqui hæc non requirunt, sed immediate agunt. Ergo. Et quo indicio innotescit hæc activæ potentia ab Angelorum essentia distinctio realis? an sensu? sed nec Angelorum essentia, nec potentia, est objectum sensus. An ratione? sed ratio magis contrarium colligit. Nam natura nihil facit frustra. Sed frustra est ponere potentiam activam, cum essentia Angelorum sufficiat. Sed hoc ipsum negant *Adversarii*: imo negant nullius rei creatæ essentiam, esse immediatum principium operationis, aut posse producere ullum immediate à se ipsa actionem. At enim quero, quomodo rei creatæ aut Angelorum essentia producat potentias activas realiter à se distinctas? vel enim oportet intermediis & prioribus potentias ponere, quarum interventu potentia activæ produceretur, vel hæc potentia activæ produceretur immediate. Si prius, erit progressus in infinitum. Si posterius, quidni & operationes ipsæ immediate producerentur, & quæ atque potentia activæ, ab essentia aut substantia? nam æque facile producerentur à natura cujusque rei immediate operationes, ac potentia. Et hoc eodem argumento omni discrimen reale potentiarum intelligendi & volendi ab anima rationali tollitur, quod fufius deduceremus. nisi id jam fuisse factum esset à *Scoti* & *Scotistis*. Vide inter alios *Fabrum Faventinum* in Theorematis *Logicis* & *Physicis* ad mentem *Scoti*, & *Johannem de Rada* in suis controversiis inter *Thomam* & *Scotum*.

tital  
ejus  
er di-  
ui est  
entis  
utem  
delum.  
oten-  
que-  
, in  
face-  
ique,  
uirat  
go &  
nper-  
ui hz  
Ergo.  
entiz  
? an  
oten-  
ratio  
nihil  
otiam  
ficiat.  
egant  
a prin-  
ullam  
uazo,  
ssentia  
distin-  
rioritate  
poter-  
re adli-  
it pro-  
idni &  
ur, &  
tia aut  
ntur à  
tiones,  
o amu  
volem  
ius de-  
à Scat  
is inu  
d men-  
ontro-

VI. Si

i  
n  
f  
n  
d  
p  
a  
d  
o  
p  
ch  
no  
pri  
he  
cor  
vac  
col  
par  
vel  
tiam  
jam  
nata  
fructu  
nota  
rias  
enri  
prap  
ad op  
vocal  
V  
ab en  
tis .  
dum  
dum i  
tis au  
duces  
turam  
quod



VI. Si potentia activa in ente requiritur corporea, ut ens reale & accidens distinctum à substantia seu essentia, vel requireretur, tanquam cunctis & dispositio & preparatio agentis, vel tanquam causa agens aliqua intermedia. Si prius dicant, hoc probandum prius foret, non gratis dicendum: nam non videtur nobis esse opus tali dispositione, quia, ut diversa agentia inter sese distinguuntur essentialiter, sic ad diversas operationes determinari possunt per sese sine preparatione prævia aut media: Cur enim magis fuerit alienum à ratione, essentiam ex sese immediate ordinari ad proprias suas operationes, quam eandem ex sese immediate ordinari ad proprias suas potentias? Præterea, hæc potentia activa entis corporei illud disponens ac præparans, vel est natura prior ipsa essentia & substantia, quam disponit ac præparat ad operandum, vel simul est cum ea, vel est ea posterior ac sequitur; si primum dicant, effectus erit prior causa: si secundum, substantia non erit prior naturæ accidentis, contra proprium illorum axioma: si tertium, potentia hæc activa, essentiam seu substantiam entis corporei disponens ac præparans, est supervacanea: cum enim in finem in agentibus hæc collocatur potentia, ut illa disponat, præparet, ac determiinet ad operationem talem, vel talem: sed si hæc potentia sequitur essentiam aut substantiam entis corporei agentis, jam hæc fuerit præparata, disposita, determinata, ante adventum talis potentia: itaque frustra ponitur. Postremo, ex ipsa hominis notatione videtur colligi posse, hæc potentias esse modos tantum & non accidentia aut entia realia: appellantur enim dispositiones, preparationes, conditiones, determinationes, ad operandum. At vero, quid aliud sonant ista vocabula, quam modum operandi?

VII. Si potentia activa requiritur distincta ab entis corporei & agentis essentia seu substantia, ut causa agens aliqua intermedia, in absurdum incedunt, quod antea tetigimus: nam, dum ipsam potentiam agendi producit essentia aut substantia agentis, vel immediate producet, quod ipsi negant cadere in ullam creaturam, vel in infinitum dabitur processus, quod à Philosophia & ratione recta est alie-

num. Atque ex hisce omnibus conspicuum est, nullam esse necessitatem ponendi potentias vegetativas & sensitivas realiter distinctas ab anima utraque.

VIII. Cl. D. Burgerstadius L. 2. Met. c. ult. th. 13. Potentias naturales in duas classes dispelcit: quasdam oriri dicit ex primis qualitatibus, ut sunt vires corporum vita carentium, & has, vera accidentia, atque entia realia à substantiis distincta, facit: quasdam nihil habere commercii cum primis qualitatibus asserit; uti sunt potentia Angelorum & Animæ rationalis, & has à substantia ejus rei, cujus sunt potentia, distingui negat. Quod spectat potentias vegetativas & sensitivas & circa eas vacillat, tandem tamen eas easdem cum ipsa animarum substantia concludit: quod ex primis qualitatibus non oriuntur quidem, sed in operando tantum spiritu utantur vitali & animali, qui ex elementaribus qualitatibus oriuntur ac gignitur uterque. Sed enim, nihil est necesse, potentias etiam illas, quæ ex primis oriuntur qualitatibus, & sunt corporeæ, facere entia realia atque accidentia distincta ab essentia & substantia corporum. Nam, si ipsæ qualitates primæ, ex quibus oriuntur istæ potentia, non sint accidentia vera aut entia realia, nec erunt potentia naturales ex iis ortæ. Sed verum est prius, uti hoc probabimus *Disp. seq. Ergo.*

IX. Si potentia naturalis nulla, nec activa, nec passiva, nec subjectiva, nec objectiva, nec Dei, nec creatura, nec Spiritus, nec corporis, sit ens reale aut accidens à substantia & essentia distinctum, multo minus erit impotentia naturalis: nam aut intelligitur istac voce, privatio potentia, aut potentia imbecillior. Si prius, nulla privatio est ens reale aut accidens verum. Si posterius, non aliis opus est argumentis, quam quæ sunt allata contra potentiam naturalem simpliciter: quod enim verum est de potentia forti ac majori, id quoque de diminuta & minori verum esse censendum est. Quomodo ergo potentia naturalis, si non sint entia realia & vera accidentia, distinguuntur à substantia seu essentia? An ratione rationali? an modaliter? an formaliter? Resp. omnibus istis distinctionum generibus, prout

voces istæ & termini diversimode accipiuntur. Cæteras Qualitatis species, non esse entia

realia nec vera accidentia à substantiis distincta, docebit *Disp. seq.*

## Disputationum ex Philosophiâ selectarum,

*Voluminis Secundis,*

S E X T A.

D E

# ACCID. DISTINCT. à SUBST.

T H E S I S I.

**J**AM duas Qualitatum species profligavimus, & ex Entium realium numero eiecimus, *Habitus* & *Potentiam Naturalem*; ad reliquas debellandas, atque extra *Accidentium* chorum relegandas, nos accingimus. Offert sese primum, *Patibilis qualitas*, atque in ea *lux* sive *lumen*, *color*, *sonus*, *odor*, *sapor*, *qualitas tactilis*, *calor*, *frigus*, &c. *Lucem* seu *lumen* non esse qualitatem, nec accidens, sed substantiam ac corpus quoddam tenuissimum, jam ante Aristotelem docuere Veteres, Empedocles, Democritus, Epicurus, alique, & Recentiores omnes, qui generosius philosophantur, nec cæca ducuntur Aristotelis obedientia. Lux enim velocissime movetur: moveri autem est proprium corporum: celerrime reflectitur à speculo communi aut alio corpore; sed sola corpora reflexionem patiuntur: lux quoque refringitur: at hoc quoque est corporum: partes lucis coeunt & congregantur in certis speculis & disgregantur in aliis: congregari autem & disgregari, solis corporibus convenit. Nec aliena est hæc sententia ab *Aristotele*, quod vel ex unico *Probl. 12. sect. 15.* liquet, ubi quærens Philosophus, cur solis umbra extrema videatur tremere, respondet, id fieri corpusculorum concussione, aut forte quod solis motus sit incertus: unde putant aliqui Aristotelem voluisse, quod lumen constaret corpusculis volatilibus, quæ celerrime moverentur & agitantur. *Colorem* formaliter sumtum, non distingui realiter à luce vel lumine, sed esse ipsum lumen receptum in corpore

opaco, patet, quia oriente lumine oriuntur, occidente occidunt, variante variantur colores, & pro varia refractione aut reflexione lucis varie colorata videntur objecta, quod experientia est comprobatissimum, & patet in prismate seu trigono vitreo, in phiala, quæ aquis limpidis est repleta, & in aliis corporibus, varios colores exhibentibus, pro luce diversimode reflexa aut refracta. Et quid aliud sunt Iridis colores, quam varie reflexum aut refractum lumen? neque ullus negare potest, ipsam lucem esse, quæ colores creat in collo columbæ, in cauda pavonis, in nuberrida, cum istiusmodi res non habeant in se varios colores illos: nec est, quod dicas, ejusmodi colores, sive iridis, sive colli columbæ, sive caudæ pavonis, sive trigoni vitrei, esse tantum apparentes & cito transeuntes, qui dissolunt à veris & fixis coloribus existentibus in aliis corporibus: nam, vel omnes sunt veri, vel omnes sunt apparentes tantum, cum omnes à luce formentur; nam res non illuminatæ nullum habent colorem, nullusque in tenebris est color; usque adeo verum est illud Poëtæ, *nox absulit atra colorem*. Et hanc ob causam corpora opaca in superficie tantum habent colorem, quia ibi tantum recipiunt lucem vel lumen (neque enim hæc distinguimus) in interioribus partibus non item: unde secto pomo oritur color in partium superficie, propter receptum lumen, qui antea non erat. Lumen autem recipi in superficie corporum & ab ea reflecti, ipsa evincit expe-

experientia. Si enim soli ex adverso opponatur corpus læve, in superficie ejus lumen receptum apparet: sol si per vitrum micet, lumen consistere conspicitur in pariete. Qui autem vulgo dicuntur veri colores & alii apparentes, ii non diversas colorum species arguunt, sed majorem tantum minoremve luminis incidentis durationem. Si ergo lux aut lumen fuerit substantia, & talis erit color.

II. *Sonus* qualitas non est, nec accidens: sed est ipse aer attritus formatusque in parvas moles, vel, nihil est aliud, quam corpuscula innumera exigua, consimiliter figurata, organique Auditus consimiliter ferendi capacia, quæ à pulsatis corporibus magno cum impetu exiliunt. Quemadmodum enim lumen nihil est aliud, quam corpuscula tenuissima nervum opticum impellentia; ita sonus nihil est aliud, quam subtilissimæ aëris, aquæ, alteriusve corporis particulæ, à quibus impelli potest & solet auris membrana. Corporeitas, ut sic loquar, soni probatur, quia sola corpora reflectionem patiuntur: at sonus sæpius reflectitur, quod docet Echo: deinde sola corpora moventur & progrediuntur: at sonus progreditur & regreditur: præterea, sonus habet vim efficiendi auditum, & efficiendi vel voluptatem vel dolorem, prout concinnus est aut inconcinnus: atqui illa voluptas vel dolor ex eo oritur, quod corpuscula aërea mota deliniant vel exasperent organum audiendi, pro conditione lævitatæ vel asperitatæ, qua configurantur: & hanc configurationem agnovit *Aristoteles*, cum in *Problematis* dixit, vocem tantum esse aërem configuratum. Denique sonus imminuitur & aliquando confusus evadit, ob corpusculorum diductionem in longo progressu, & divaricationem in transitu per septum densius: quæ omnia sonum esse corpus, sed quod motum est, vel movetur, satis commonstrant.

III. *Odores* esse spiritus seu halitus odoriferos, atque adeo substantias subtiles ex corporibus fragrantibus prodeuntes, Antiqui olim docuere, docent Recentiorum multi: docet Experientia: quin *Aristoteles* ipse lib. de sensu & sensibili, odorem vocat fumidam exhalatio-

nem. Et si odore medicamenti quidam purgari solent, si alii odore alimenti nutriri possunt, certe substantias esse nemo dubitaverit: quippe quæ ab odoribus fieri non possent, nisi substantiæ quædam forent corporeæ: quomodo enim alimentum converteretur in substantiam viventis? Adde, quod odores progrediuntur ac moventur lentius sono, movent olfactum, eumque afficiunt voluptate aut dolore, imminuuntur progressu: ipsæque res odoratæ detrimentum aliquod substantiæ patiuntur, per exhalationem odorum, qui magis effluunt, cum res odorifera sunt fractæ, contritæ, aut per ignem resolutæ, quam cum sunt integræ: quæ omnia, fumos halitusque illos non esse nisi subtiles substantias profusientes & effluentes ex rebus odoratis, satis superque evincunt.

IV. *Sapores* esse substantias corporeas, si odores sint tales, certo certius est, quia adhuc crassiores sunt odoribus, iisque adeo conjuncti, ut, ubi unus est, ibi & alter sit, neque sunt nisi in corporibus mixtis: etiamsi enim terram misceas cum aqua, nunquam inde exurgit, vel odor, vel sapor: si dicas, corpus nonnunquam alium habere saporem, alium odorem; respondeo, illud fieri, vel quia nares & lingua sunt diversi temperamenti, ut, quod huic gratum est, illi sit ingratum; quemadmodum hic & ille homo diversum habent in linguis temperamentum, quia qui sapor huic placet, illi displicet; vel quia diversæ sunt in corpore partes, tenuiores & crassiores, & hæc aliud habent temperamentum quam illæ: est enim odor in partibus tenuioribus, sapor in crassioribus: Uterque nihil aliud quam corpuscula quædam varie configurata & mota, olfactum gustumque efficiunt.

V. Restant expendæ qualitates tactiles, calor, frigus, &c. Calor est nihil aliud, quam corpusculorum insensibilium motus varius & celer. Frigus, eorundem motus minor ac remissior. Intelligimus, actuale calorem, & actuale frigus. Qui illum definiunt, qualitatem activam homogeneam congregantem & heterogeneam disgregantem, & hoc, qualitatem homogeneam & heterogeneam congregantem, à posteriori describunt utrumque (an vere, nunc

non est inquirendi locus) nam illa vel congregatio vel segregatio vi majoris vel minoris motus instituitur. Calor & frigus, tactiles dicuntur qualitates, quia tactu percipiuntur: cum enim particula insensibilis alicujus corporis varie celeriusque moventur, quam nostri corporis particulae, sentitur calor; cum moventur tardius, sentitur frigus. *Humiditas*, pura actualis, est, cum particulae aquae vel alterius liquoris sensibilis, in corpore stabili, ita ejus poris insunt, ut ipsi inhaereant. *Siccitas* actualis est, cum stabilitum corporum pori nullis particulis sensibilis liquoris replentur, sed solo aere vel subtili materia. Tangitur humiditas, cum corpora stabilia percipiuntur per fusa liquore sensibili: tangitur siccitas, cum nullo sensili liquore praedita esse percipiuntur. *Craffiti* & *tenuitas*, sequuntur majorem vel minorem magnitudinem particularum insensibilium, ex quibus corpora crassa & tenuia componuntur. *Densitas* & *raritas* respiciunt poros seu intervalla, quae inter particulas insensibiles interjacent, diciturque densitas, cum inter illas corporis particulas paucula sunt intervalla; raritas, cum multa: oritur utraque, tum à calore, tum à frigore. *Gravitas* & *levitas*, nihil est aliud, quam motus tarditas & celeritas motus, in particulis materiae crassioribus & compactioribus, variaque figura affectis: quae cum à subtiliori materia ad celeriorum compulsionem sunt aptae, celeriusque moventur, dicuntur graves; cum ad tardiorum compulsionem magis sunt idoneae, tardiusque moventur, dicuntur leves: unde graviora corpora deorsum tendunt vehementius; leviora imbecillius, cum alterutrum fieri à tactu percipitur, sentitur vel gravitas vel levitas. *Durities* oritur ex particularum insensibilium firmissima adhaesione; *Mollities*, ex earum adhaesione minus firma: unde dura corpora sunt magis stabilia; mollia, minus stabilia. *Stabilitas* existit, ex quacunque tandem particularum in corpore insensibilium adhaesione: *fluiditas* con-

tra, ex earundem disjunctione. Estque vel *aquositas*, quae oritur ex partibus fluidis, sed laevibus & oblongis, inter se repentibus; vel *oleaginositas*, quae ex particulis iisdem, sed ramolis, existit; vel *viscositas*, quae indicat, particulas illas aegre, lente, ac difficulter à se invicem disjungi. *Levitas* sequitur particularum motum in corporis superficie aequali. *Asperitas*, in inaequali. Sed longum foret nimis omnes qualitates tactiles in specie hic recensere, & quomodo ex solo motu, figura ac magnitudine particularum insensibilium in corporibus existant, exponere, & id fecit laculentissime doctissimus Regius in fundamentis Physices, c. 5. Ergo ad quartam speciem Qualitatis transeamus, *formam* & *figuram*.

VI. *Figura* vulgo definitur, *qualitas oris ex terminatione magnitudinis*. Sed enim, si magnitudo non sit accidens, nec ens reale, si nec termini ejus sint talia, si nec ipsa ejus terminatio, multo minus fuerit ens reale, aut accidens, figura, quae inde oritur. Atqui nec magnitudo nec ejus termini sunt entia realia aut accidentia, quod ostensum disp. 2. hujus curriculum, nec ejus terminatio; haec enim vel est relatio vel actio: sed neutra est ens reale aut verum accidens. De priori liquebit disp. 7. de posteriori, disp. 8. *Forma* est figura cum colore: sed si nec figura nec color est ens reale aut verum accidens, ergo nec forma fuerit. Sed verum est prius, ex hac disp. Ergo & posterius. Atque ita qualitates omnes ex entium realium verorumque Accidentium numero exclusimus. Sed dicet quis, Haec nova sunt, & contra Aristotelem. Resp. utrumque falsum esse, & hanc Philosophiam esse antiquiorem ipso Aristotele, quin esse ipsius Aristotelis, praeter aliis ostendit Claudius Berigardius in Circulo Pisano. Quid multis?

*Si meruit veri vindex audire novator,  
Morte! novatorum est primus Aristoteles.*

## Disputationum ex Philosophiâ selectarum

Voluminis Secundi,

S E P T I M A.

D E

## ACCID. DISTINCT. à SUBST.

T H E S I S I.

DE folio deturbavimus Entium realium, *Quantitatem & Qualitatem*: minus difficultatis erit in reliquis Accidentium speciebus ex numero Entium realium removendis. De *Relationibus* quidem id jam ante multos ostendimus annos *disp. select. vol. 1. disp. 5. th. 7.* Verum quia hoc obiter tantum est actum tum temporis, jam paulo plenius idem tractandum nobis censuimus.

II. §. 1. Omne ens reale simplici & incomplexa mentis apprehensione concipitur, unoque mentis actu & ictu intelligitur: Sed relatio non sic concipitur aut intelligitur. Ergo non est ens reale. *Major probatur.* Quod in se est simplex & incomplexum, id etiam simplici & incomplexa mentis apprehensione intelligitur ac concipitur: siquidem objectum potentiz debeat esse proportionatum: At ens omne reale est simplex in se atque incomplezum: nam omne ens reale est unum; quippe unum & ens reale reciprocantur, habent enim se ut subjectum & proprium: atqui quod est unum, est indivisum in se: porro quod est indivisum in se, est simplex & incomplexum: Quod vero ens incomplexum & in se simplex simplici mentis actione percipitur, non complexa, vel Tyronibus Logicæ constat, ex definitione thematis simplicis & complexi; complexum enim est, quod pluribus notionibus affirmatione aut negatione copulatis intelligitur verum vel falsum: simplex contra, quod unica mentis actione apprehenditur & non judicatur verum vel falsum; simplici enim mentis apprehensioni falsum subesse nequit, ut recte Metaphysici docent. *Minor syllogismi primi sic probatur.* Quod collativo actu mentis intelligitur, id non simplici &

incomplexa mentis actione concipitur: sed relatio collativa mentis actione intelligitur. Ergo &c. Minor iterum probatur. Quis enim intelligit conjugium, nisi maritum & uxorem intelligat, & inter sese conferat? neque enim potest *xiens* & habitudo duorum mutua intelligi, nisi duobus extremis intellectis & inter se collatis: Nam ex hac collatione demum ipsa extremorum *xiens* & habitudo intelligitur. At ubi duo extrema concipiuntur & eorum inter se *xiens* & habitudo mutua, ibi complexam actionem intellectus, non simplicem; ibi operationem mentis secundam, & judicium, & affirmationem & negationem, non primam, seu simplicem apprehensionem, locum habere quis non videt? Jam vero, relatio nihil est aliud, quam duorum extremorum, mariti puta & uxoris, *xiens* & habitudo mutua, unde & relata vocantur Arist. *th. metaph. 11.* quæ ad aliud, sc. referuntur: ideoque relatio intime includit extrema, quæ ad se invicem, unum ad aliud, referuntur. *Exci- piunt*, præcisiva mentis operatione, seu abstractione simplici, abstrahi relationem à sub- jecto & termino, extremis, & sic cognosci intellectione incomplexa. Resp. Illud fieri non posse: nam nihil abstrahitur à sua essentia aut ratione formali & essentiali, sed essentia relationis ejusque ratio formalis & essentialis est, ut sit habitudo ad aliud, subjecti ad terminum, relati ad correlatum, ac vice versa, quod fuisse & invicte demonstravimus *Disp. 5. vol. 1.* Ergo non potest abstrahi abstractione præcisionis ac simplici à subiecto & termino, extremis suis.

III. §. 2. Nullus ordo est ens reale. Sed relatio omnis est ordo. Ergo nulla relatio est



ens reale. *Major* aperta est. Ordo corporum in mundo, hominum in Ecclesia aut exercitu, præceptorum in arte, librorum in Bibliotheca, rerum in prædicamentis, personarum in Trinitate, non est ens reale: & sic de omni ordine dicendum. Neque scio quemquam Philosophorum hic contrarium statuere, neque ut itatuat, ratio recta permittit. Sed relatio est ordo: sive enim *quævis* dicas, sive ordinem, sive habitudinem naturam, idem dicis. Ergo &c.

IV. §. 3. Nullum ens reale collocandum est in Deo, præter Deum: nihil enim, i. e. nullum ens reale, est in Deo, quod non sit Deus. Sed in Deo sunt relationes, & personales & essentielles, & propriæ singulis personis & omnibus ac toti essentia communes. Ergo &c. *Primum*, est ordo & *quævis* mutua in Deo: inter Patrem, qui genuit ab æterno, & Filium, qui genitus est ab æterno: inter Patrem & Filium, spirantes, & Spiritum Sanctum, qui processit ab utroque, utrumque ab æterno. Neque hic *exceptio* valet, quam proferit vulgus Philosophorum, esse hanc divinam relationem supernaturalem, atque alterius ordinis: nam resp. Est quidem supernaturalis, quatenus nobis non innotescit naturali intellectus lumine, sed fide ac revelatione supernaturali: est quoque divina, quatenus est in Deo, & relatio, ideo vulgo barbaris dicta, ad intra, atamen est vera relatio prædicamentalis, non minus, atque relatio Patris ad Filium & vice versa in Philippo & Alexandro. Nam subiectum hic est verum, Deus Pater, terminus verus, Deus Filius, fundamentum verum, generatio, definitio relationis vera, est enim *quævis* hic & habitudo mutua unius ad alium, Patris ad Filium: est enim alius Pater, alius Filius, licet non aliud & aliud. *Deinde* & relationes essentielles sunt in Deo, quas, barbara *Scholasticorum* gens, ad extra vocat; est enim Deus creator: & hoc vere de eo dicitur, estque subiectum, quod refertur Deo; terminus est creatura, ad quam refertur vere, & non per mentem: fundamentum est creatio, in Deo activa, in creatura passiva: Creatorem autem & creaturam esse relata, nemo inficias iverit, nec tantum secundum dici, sed & secundum

esse: Quare enim Pater & Filius magis sint relata secundum esse quam creator & creatura? An non creator, hoc ipsum quod est, creatura est? an non creatura esse creator? An non totum esse creatoris est, referri ad creaturam, ut totum esse Patris est referri ad Filium? Ne *Scotus* quidem, *Doctor subtilis*, hic discrimen invenerit. Sed dicent fortasse, esse relationem transcendentalem creaturae ad creatorem. Quid? ergone hæc relatio omnes pervagabitur categorias? Ergone etiam quantitas & qualitas una creabit aliam, & altera creabitur ab altera? Atego didiceram, creationem soli Deo esse propriam, ac ne homini quidem aut Angelo, nedum quantitati aut qualitati, aut ulli alterius Categoriarum enti, competere. Sed *ulterius*, etiam si relatio Creatoris & creaturae foret relatio transcendentalis, nedum tamen ens reale foret; nam ne relationes quidem transcendentales sunt entia realia: est relatio transcendentalis inter ens & unitatem, veritatem, bonitatem, attributa sua, tanquam inter subiectum & adjunctum proprium. At quis dixerit, eam relationem esse ens reale? cum ne ipsæ quidem illæ affectiones, unitas, veritas, bonitas, sint entia realia: si enim forent, affectiones esse non possent, nec de ente prædicari: aut ibitur in infinitum; & unitas, & veritas, & bonitas, habebunt aliam unitatem, veritatem, bonitatem, cum hæ affectiones omni enti reali conveniant. & cum eo reciprocentur: & cum relatio transcendenti causæ ad effectum, accedit ad Philippum generantem, Petrum ædificantem, &c. ane novum accedit ens reale ad utrumque? sunt hæc deliria mentis somnia.

V. §. 4. Omne ens reale, præter Deum, producitur aliqua actione. Sed relatio nulla producitur actione. Ergo. *Major* certa est: si enim relatio in genere sit ens reale, cum non sit idem quod Deus, qui, ut sic, est ens absolutum, & ens improductum, debet illa aliqua actione produci, & ab alio: nullum enim ens reale à seipso fit vel est. *Minor* probatur: 1. *Authoritate Aristotelis*, quæ maximi est roboris apud ejus sequaces & adulatores *Scholasticos*, 5. *Phys.* c. 2. ubi dicit; *ad relationem non esse motum*. 2. *Nato Alexandro*, à quo produci-



ducitur illa paternitas in Philippo? Non ab Alexandro, qui nondum agere potest, cum nascitur aut simul atque natus est: non ab ipso Philippo: si enim Philippus paternitatem producit in seipso, pater esse posset, antequam gigneret Alexandrum: quid enim impediret? non Alexander: necdum enim agere potest in Philippum. Sic, dum litteram scribo in aliqua charta, quamdiu est una atque unica, nulli potest esse similis aut dissimilis; sed si alteram scripsero, erit prior huic vel similis vel dissimilis. A quo producitur hæc similitudo vel dissimilitudo? Non à littera posteriori; nulla enim esse aut cogitari potest actio in littera priorem: quomodo hæc posterior produceret relationem, ens (ut volunt Adversarii) reale, in littera priori, subjecto alio, & quidem quod ab ipsa posteriori littera distat? Non à manu, nam hæc, cum produxit litteram posteriorem, nam exercuit actionem in priorem: at omne ens reale per actionem fit. *Dicent*, produci à priori littera relationem similitudinis in se ipsa: at prioris litteræ nulla est actio: ut non dicam, nihil posse esse causam efficientem realis entis in se. *Dicent*, relationem oriri per resultantiam quandam. Sed omne ens reale producitur actione transeunti, non per resultantiam naturalem. *Excipiunt*. Atqui potentie naturales & proprietates, ut risibilitas, per resultantiam naturalem oriuntur. Ergo & relationes sic possunt oriri. Resp. 1. Eas ætærium realium numero ejecimus disp. 4. hujus curricula. Quare nulla est consequentia, ab illis ad relationes, si hæc sint entia realia. 2. Licet potentie naturales & proprietates essent entia realia, dici potest, quod sint adjuncta suorum subjectorum, & non effecta suorum causarum; multi enim Philosophorum, nec male, causam emanativam, quæ effectum produci volunt per resultantiam naturalem, ex numero causarum proferunt. 3. Adhuc tamen istæ potentie & proprietates aliqua actione producuntur, si non causæ emanativæ, & subjecti, in quo sunt, proximi, saltem causæ remotæ & superiores: quæ enim causa dat ac producit formam, dat ac producit consequentia ad formam: & sic qua actio-

ne producitur anima, eadem producentur potentia, & proprietates ejus. *Dicent denique*, eadem actione produci relationes, qua producuntur termini. Resp. absurdum est, unam eandemque individuum ac simplicem actionem, terminari immediate, & ad terminum relationis & ad ipsam relationem, si & terminus & relatio sit ens reale: &, facile quidem est, concipere mutationem & motum in littera secunda, tanquam termino similitudinis vel dissimilitudinis inter se & primum, cum illa secunda scribitur à manu; sed quomodo quis concipere valeat, eadem actione scribentis manus, produci adhuc unum ens reale, relationem similitudinis vel dissimilitudinis inter litteram utramque? sic facile est, concipere mutationem & motum in Alexandro tanquam termino paternitatis, quæ est in Philippo, imo & facile est, concipere mutationem & motum in Philippo, qui per generationem Alexandri ex non generante fit generans; sed quomodo quis concipere valeat, eadem actione generantis Philippi, produci adhuc duo entia realia, relationem Patris ad Filium in se, & relationem Filii ad Patrem in Alexandro? Si unquam valet hoc Axioma, valet hic; *Entia non sunt multiplicanda citra necessitatem*. Quare recte ait *Burgesd. Met. l. 1. c. 6. relationes plerasque subiri aliqua mutatione, sed quæ vel est in termino, vel, si sit in subjecto, relationem ea esse posteriorem*. Et sane, non mutatur res, quia fit relata; sed fit relata, quia mutatur.

V I. §. 5. Pariter possumus argumentari à corruptione. Nullum ens reale à seipso potest corrumpi naturaliter. Sed relationes sunt entia realia, ex mente Adversariorum. Ergo. Quando ergo defuncto Hectore Priamus desinebat esse pater, à quo istud ens reale, si diis placet, paternitas in Priamo est extincta? an ab Hectore? An fortassis ab Achille, qui interimendo Hectorem simul interfecit paternitatem in Priamo, qui longe ab Achille aberat, & sic una actione interfecit duo entia realia, alterum substantiam, Hectorem, alterum accidens, paternitatem in Priamo. Sed hæc tam fatua sunt, ut refutationis me pigeat, recensionis pudeat.

## Disputationum ex Philosophiâ selectarum,

Voluminis Secundi,

O C T A V A.

D E

## ACCID. DISTINCT. à SUBST.

T H E S I S I.

**S**cilicet, is nunc superest labor, ut receptæ Philosophiæ, pro *Actionis*, *Passionis*, *Vbi*, *Quando*, *Situs*, *Habitus*, entitate reali, copias difflemus, quod faciemus uno halitu: Hoc tanto nobis erit facilius, quanto ad ipsam veritatem accedunt propius Adversariorum nonnulli, qui hasce Categorias sex, non nisi modos, aut relationes, aut denominationes externas, continere asserunt, & sic ipsi ex Accidentium verorum numero ejiciunt: quippe nec modi, nec relationes, nec externæ denominationes, entia sunt realia, multo minus, accidentia: nam substantias non esse ea, in confesso est.

II. *Actionem* & *Passionem*, non esse entia realia, sic probamus, (nam inter sese non distinguuntur realiter, ipsi consentiunt Peripatetici.) Si actio & passio sunt entia realia, vel sunt entia necessaria, vel contingentia: non necessaria, quia aliquando non fuerunt, & possunt aliquando non esse; & sic forent Deus, quia solus Deus est ens necessarium. Erunt ergo contingentia: si sic, habuerunt suum produci & producere: quia entis cujuscunque contingentis natura hæc est, ut aliquando non fuerit, ideoque aliquando factum sit; at non potest esse factum, nisi aliquando datum sit ejus fieri: hoc ejus fieri, est passio, & ejus facere, est actio. De illo ergo fieri & facere, produci & producere, iterum querendum est, an sint entia realia? si sic, redibit eadem quaestio, dabiturque progressus in infinitum, qui ut evitetur, statuendum est omnino Actionem & Passionem non esse entia realia: quod tanto magis confirmatur; quia nihil sunt aliud, quam ipsum rerum fieri & fluxus ejus quod fit: nunquam enim sunt, sed semper sunt, &

earum existere, est fieri. Atqui entia realia aliquando sunt & existunt. Ergo, cum actio & passio nunquam sint & existant, ne entia quidem realia dici possunt.

III. Actio & Passio, si sint entia realia, habent aliquod esse: illud est vel increatum, vel creatum. Increatum non est, quia actio & passio ab aliquo sunt, & initium habuerunt. Si earum esse sit creatum, & creatio erit ens creatum: nam creatio est actio & passio, unde vulgo in activam, quæ Dei est, & passivam, quæ creaturæ est, dispescitur. Si creatio, activa & passiva, i. e. creare & creari, est ens aut esse creatum, præsens erit præteritum: quippe creare & creari significant tempus præsens: at ens vel esse creatum, connotat præteritum: sed ut idem sit præsens & præteritum, contradictionem implicat.

IV. Porro, si actio & passio sunt entia realia, vel sunt absoluta, vel relata, vel partim absoluta, partim relata. Si relata, non sunt realia entia: nam relata, qua talia, seu potius, ipsius relationes, non esse entia realia, disp. præced. est ostensum. Si actio & passio sint duo entia absoluta, cum non sint futuræ substantiæ, erunt accidentia: si sic, vel erunt ambæ in agente, vel simul in patiente; vel, altera in agente, altera in patiente. Non potest dici primum, quia sic idem agens, & agens esset propter actionem, & patiens propter passionem, & duas oppositas rationes simul sustineret. Consequentia est clara, quia omne accidens subiectum, in quo inheret, denominatur. Ergo, si actio & passio, ut duo vera accidentia, inherere agentis, agens denominabunt & ut agens & ut patiens. Non potest dici secundum, quia eadem redibit difficultas. Nec potest

alia  
o &  
qui-

ha-  
vel  
o &  
unt.  
ens  
ande  
am,  
acti-  
aut  
uip-  
ora-  
rete-  
um,

rea-  
ab-  
alia  
pius  
d f,  
alia  
c, c-  
gen-  
ente,  
um,  
per  
, &  
Con-  
sub-  
go,  
in-  
& ut  
cun-  
Nec  
otent

po  
pa  
qu  
tu  
cu  
ju  
elt  
te  
ve  
in  
dic  
ti,  
act  
per  
  
ru  
qu  
Ma  
en  
len  
mo  
eff  
tan  
cti  
par  
nis,  
ent  
per  
tum  
dit  
len  
qui  
quo  
sed  
in si  
aliqu  
elt  
mo  
ro n  
bar  
les a  
disti  
finde  
actio  
mor  
quae  
se m

potest dici tertium, vel actio erit in agente & passio in patiente, vel vice versa. Non prius, quia hoc contradicit *Aristoteli*. quod non patiuntur Adversarii: nam *Philosophus in Physicis* dicit, motum seu actionem esse actum huius in hoc: contradicit rationi: Nam, quod est ab aliquo, non est in illo. Actio est ab agente: Ergo non in agente. Et, vulneratio ac verberatio sunt actiones: at quis dicet eas esse in vulnerante ac verberante? posterius vero dicere, ut actio inhaereat patienti, passio agentis, omni absurditate est absurdius. Sed, nec esse, partim absoluta, partim relata entia, actionem & passionem, omnes consentur, & per sese est manifestum.

V. Denique, nullus motus est accidens verum aut ens reale distinctum à termino ad quem. Sed actio & passio sunt motus. Ergo. Major est *Peripateticorum* plerorumque: qui enim ex iis, inter motum & terminum, reallem adhuc ponunt distinctionem, illi tamen non ita inter se distingui eos volunt, ac si duo essent entia realia inter se distincta, sed duas tantum esse realitates asserunt, sic ut distinctionem realem inter ea non denominent à parte extremorum, quasi extrema distinctionis, motus & ejus terminus ad quem, sint duo entia realia, sed eam sic vocant, quod non sit per mentis operationem distinctio inter motum & terminum ad quem; est enim inter ea distinctio, qualis est inter modum separabilem & rem modificatam aut modificandam: quia vero modus non est nihil, nec ipsum, quod modificatur per motum, non est nihil, sed utrumque est res, saltem sumpta voce hac in significatione latiori, prout idem est quod *aliquid* seu ens late acceptum, pro eo quod non est nihil, ideo bene dicitur distinctio inter motum & terminum ad quem realis: duæ vero realitates, i. e. quidditates (ut loquuntur barbari) vel formalitates, vel rationes formales aut quidditivæ, non faciunt entia realia distincta. Ergo nec motus fuerit ens reale distinctum à suo termino ad quem. Ergo nec actio aut passio, quia nihil sunt aliud quam motus, termini ad quem, & modus, quo fit: quæ erat minor; nec probatione eget, quia per se manifesta est, & ab omnibus admittitur.

VI. Atque hæc, quæ distinximus, maximè premunt *Peripateticos*, si vera sunt, quæ disputavimus, *disp. præced. 2. 4. 5. 6.* Nam, si actio & passio non sunt nisi motus termini ad quem, nec motus distinguatur à termino ad quem, si terminus ad quem non sit ens reale verumque accidens, nec motus erit: si motus non fuerit; nec actio aut passio erunt. Sed terminus ad quem motus, non est ens reale, nec verum accidens. Ergo nec motus erit, qui cum eo identificatur. Minor probatur: Nam *Aristoteles* agnovit tantum motum, ad Quantitatem, qui dicitur Accretio vel Diminutio; ad Qualitatem, qui dicitur Alteratio; ad Ubi, qui dicitur Motus localis seu Latio. Sed nec Quantitas est verum accidens aut ens reale, ex *disp. 2.* nec Qualitas, ex *disp. 4. 5.* nec Ubi, ut statim demonstrabitur. Motum ad substantiam non agnovit *Aristoteles*, nec *Aristotelici*, sed generationem & corruptionem vocant *mutationes* momentaneas. At, licet motus forent, non tamen ideo actio & passio generandi & corrumpendi, essent entia realia aut accidentia vera, sed modi tantum, quibus substantiæ fierent atque interirent naturaliter. Sed modus nullus, non essendi, minus operandi, qualis hic est uterque, est ens reale aut accidens distinctum. Hoc enim si admittas, & in Deo posueris entia realia & vera accidentia, quod est impium, & omnem simplicitatem sustuleris ex rerum natura, atque adeo omne ens erit compositum, ex entibus realibus, subiecto & accidente, si omnis modus sit ens reale, & accidens verum, quod est absurdissimum: nam nullam datur ens reale, quod non sit unum: at unitas modus est: nullum datur, nisi, vel per se subsistat, vel sit in alio ut in subiecto, vel dependeat ab alio ut ab efficiente, vel à nullo dependeat tali modo, vel sit necessarium vel contingens: At vero hi sunt modi existendi. Actio autem & passio sunt modi operandi: At hi tam parum sunt entia realia quam modi essendi, cum minoris & adhuc exilioris sint entitatis, quam isti.

VII. Sed tempus est, ut *Ubi, Quando, Situm, & Habitu*, ex entium realium & verorum Accidentium libro delemus, quod fa-

ciemus una & communitura. Si hæc quatuor forent entia realia, vel absoluta essent, vel relativa. Non absoluta: quia omne ens absolutum, vel aliqua actione transmutativa producit, vel ab alio ente jam productum em nat: omne enim ens productum aliquam exigit causam producentem. Hæc vero quatuor actione aliqua non producantur: Nam qualis illa foret, vel generatio, vel corruptio, vel accretio, vel diminutio, vel alteratio, vel motus localis? at hæc quatuor non sunt producta per generationem vel corruptionem, quia sic forent substantiæ: Nam hæ actiones ad substantiam terminantur: nec per accretionem & diminutionem, quia sic forent quantitates: hæ enim actiones terminantur ad quantitatem: nec per alterationem, quia sic forent qualitates: hæ enim actiones terminantur ad qualitates: nec per motum localem, quia hæ actiones tantum terminantur ad Ubi: Ergo non ad Quando, nec ad Situm, nec ad Habitum. Dices. Ergo saltem Ubi erit ens reale & verum accidens, quia actione transmutativa producit. Resp. negando consequentiam, quia Ubi est tantum modus existendi in loco, quo res finitæ alicubi esse dicuntur: &, omne quidem ens reale actione transmutativa producit; sed non omnis actio transmutativa terminatur in ens reale. Atque ex hisce patet, Ubi, Quando, Situm, & Habitum, non esse entia absoluta: sed nec

sunt relata, nisi secundum dici aut transcendentia. Sed nec relata, quia talia, nec relationes, siue sunt secundum esse, siue secundum dici, siue sint prædicamentales, siue transcendentales, sint entia realia aut accidentia vera, ut seq. disp. demonstratur. Ergo, nec Ubi, nec Quando, nec Situm, nec Habitum, sunt entia realia, aut accidentia realia: quod erat demonstrandum.

## ANNEXUM.

*Tria sunt, quæ humanam scientiam absoluteunt. Dei, Naturæ, Artis, cognitio: quæ querenda est homini Philosopho, quantum in hac vita fieri potest, perfectæ: perfectæ est, cum vera est: vera est, cum res cognoscuntur uti sunt: ita cognoscuntur, cum cognoscuntur, uti factæ sunt: res quælibet facta est ad ideam suam, i. e. ad certam quandam rationem, per quam id esse potuit, quod est: omnia ergo, quæ fiunt, ad ideas fiunt, siue sint opera Dei, siue Naturæ, siue Artis: hæc ideas operum suorum mutuatur à Naturæ; hæc à Deo; Deus à semetipso: Deus igitur effingendo mundum, seipsum effigiat, ut omnino proportionata sit creatura Creatori: idee itaque rerum in Deo sunt, ut in Archetypo; in Naturæ, ut in Ectypo; in Arte, ut in Antitypo. Hisce bene cognitæ, omnia cognita erunt, quæ naturæ lumine cognosci possunt: & circa hæc explicandas, versandum est Philosopho & Philosophiæ.*

## Disputationum ex Philosophiâ selectarum,

Voluminis Secundi,

NONA.

DE

## USU PHILOSOPHIÆ IN THEOLOGIA.

THESIS I.

**E**A rerum præstantissimarum esse conditio. ut, quanto præclarior illarum est usus, tanto perniciosior earundem sit abusus. Quid Evangelio, Deique verbo præstantius; hoc ipsum, bene utentibus est o-

dor vitæ ad vitam, male utentibus est odor mortis ad mortem. Nihil salubrius valetudini est usu vini, nihil magis noxium ejus abusu: ita & *Philosophia* insignem habet sui usum in Theologia; sed, si quis ea abutatur, in-

vne-



venenum convertitur. Quanta sit *Philosophia* in Theologia *utilitas*, ad terminos bene explicandos, res distincte proponendas, disputationes rite instituendas, Doctissimorum, hac de re, Virorum testimonia, Theologorum scripta Polemica, & quotidiana experientia, satis superque ostendunt, ut hoc in dubium vocare hominis sit parum in facultate utraque versati. Quantum vero Theologiæ nocuerit *abusus Philosophiæ*, hæreticorum & sectariorum libri abunde demonstrant. Et quis nescit, omnia hodie, & à multis retro seculis, in Theologia disputari sub terminis *Philosophicis*, quos si quis rejecerit in totum, metus est, ut unquam feliciter sit cum Adversariis partium ulla congressurus. Quare decretum est hac disp. *Philosophiæ usum* in rebus Theologicis aperire.

II. Ut terminos, quemadmodum oportet, explicemus primum: Per *Philosophiam*, non intelligimus impræsentiarum, otiosarum questionum, ineptarum altercationum, inuiliu nugarum, barbarorum terminorum, futilium distinctionum, gentiliu, hujus vel illius Erhnicæ, sive *Aristotelis*, sive *Platonis*, commentariorum farraginem; sed verò ea voce denotamus, rerum *divinarum & humanarum veritatem*, quanta haberi potest *naturali intellectu lumine*; vel, *artium, scientiarum, & proutiarum*, compagem: atque hanc *Philosophiam* spectamus, non in aliquo subiecto, vel in concreto, sed in *abstracto*, & ut loquuntur, in *idea sua*: ne Philosophorum viria, quod vulgo fieri solet, imputentur *Philosophiæ*. Per *Theologiam* intelligimus, non simpliciter fidem & Religionem Christianam, quæ omnibus fidelibus, doctis pariter & indoctis, est communis, sed *Doctrinam de Deo rebusque divinis*, ab ipso Deo traditam, quæ Religionis Christianæ dogmata, & explicat, & probat, & propugnat ac contra oppugnatores defendit. Hæc *Theologia*, vel est *extraordinaria*, per immediatam Sp. Sancti illuminationem & revelationem accepta, qualis fuit in Prophetis & Apostolis, vel *ordinaria*, quæ per diligentem verbi divini inquisitionem, sedulam scrutationem, continuam meditationem, & Theologiæ scriptorum lectionem, studio & labore cum admini-

culo Sp. Sancti est acquisita. *Ad hanc Theologiam*, hoc posteriori modo sumptam esse, non *utilem solummodo, sed & necessariam Philosophiam, asserimus*, idque, tum *subiecti cognoscen-* *tis*, tum *obj. Et cognoscendi* ratione, illud præparando, hoc illustrando.

III. *Subiectum Theologiam cognoscens est homo*, qui triplici fere modo versatur circa res Theologicas, sc. vel eas simpliciter percipiendo, vel perceptas probando, vel probatas propugnando & defendendo. Hisce enim tribus circumscribitur Theologus & Theologia actibus: atque in iisdem Theologiæ sit diuifum mirum in modum iuvat *Philosophia*: dum hæc ingenium ejus in percipiendo reddit promptum, in probando solidum, in defendendo & propugnando acutum & expeditum. Quem usum sui cultoribus *Philosophia* præstet per nobilissimum illud omnis scientiæ comparandæ organum, *Doctrinam Logicam*, quæ mentem nostram dirigit in cognitione rerum, sive eas apprehendamus simpliciter, sive apprehensas enunciemus, sive enunciatis probemus, sive probatas propugnemus & defenditemus. Atque hunc *Philosophiæ*, animum nostrum ad Theologicæ studium feliciter instituendum *preparantis*, usum latius ostenderem, nisi ipsa experientia, atque ipsissima hæc Academia nostra, id satis probatum darent: videmus enim, quam difficulter res Theologicas percipiant, quam hæsitent, titubent, balbutiant atque inepte sese gerant, in earum veritate probanda, quam turpiter sese dent, ac causam deferant, & cum rubore & dedecore ex arena se subducant, cum, adversus Adversarii cujuspiam oppugnationes, fidei dogmata & religionis Christianæ articulos sunt propugnaturi & defensuri, qui *Philosophiæ* cultu animum suum non preparaverint. Contra, quam sine molestia ac difficultate difficillimas & molestissimas in Theologia questiones percipiant, quam dextre proponant, quam accurate probent, quam ordinate argumenta disponant, quam solide defendant veritatem impugnata, quam maicule solvant Adversariorum objectiones, qui *Philosophiæ* nostræ notitia, non tincti leviter, sed plene imbuti sunt.

IV. *Obiectum cognoscendum sunt res seu materiae Theologicae, quae occupant Theologicæ studiosum, vel circa sui ἀδυσκάλια vel circa sui ἀσφάλεια, id est, vel veniunt apprehendendæ per terminos simplices, & apprehensæ enunciandæ per terminos complexos, & enunciatæ probandæ per syllogismos, vel veniunt propugnandæ & ab Adversariorum oppositionibus vindicandæ.* Quod spectat terminos simplices, ii vel in *Biblis* inveniuntur, vel extra *Biblia*, in *Patribus*, & *Scholasticis*, ac *Theologis*, Theologiis excolere, & nunc & olim, consuetis. Qui in *Biblis* inveniuntur; vel tantum sunt *Biblici*, ut, *Iehova*, *Christus*, *Mediator*, *Spiritus Sanctus*, *Electio*, *Iustificatio*, *Vocatio*, &c. ad quorum intellectum *Philosophia* nihil confert; vel ita in *Biblis* reperiuntur, ut simul occurrant & explicentur in *Philosophia*, ad horum intelligentiam quam maxime utilis est *Philosophia*. Ita *Exod. 3. 14.* אלה אשר אלה & *Apoc. 1. 8.* αὐτὸς αὐτὸς αὐτὸς. Et *Gen. 1. vers. ult.* Vidit Deus cuncta quæ fecerat, & erant valde bona. Ubi occurrunt duo termini *Metaphysici* *Ens* & *bonum*: & quam frequens extat in sacris litteris mentio *colorum*, *stellarum*, *aëris*, *aque*, *terre*, *hiemis*, *grandinis*, *pluvie*, *nubium*, *fluminum*, *metallorum*, *gemmarum*, *piscum*, *animi*, *animantium*, *ciborum mundorum* & *imundorum*, aliorumque terminorum *Physicorum*? Quis situm urbium, montium, ac regionum describet, quis descriptionem *terre sanctæ* intelliget, quis, quid *Orion*, quid *Plejades*, in *libi historia*, explicabit, nisi *Mathematicis* adjutus? Et, *Virtutum* omnium, *Fortitudinis*, *Temperantiae*, *Liberalitatis*, *Iustitiæ*, *Veracitatis*, & *opulitorum virtutum* nomina, an non sunt *Ethici* tori? Quæ de *conjugio*, *marito*, *uxore*, *libris*, *servis*, *de rege*, *regno*, *magistratu*, *subditis*, *legibus*, *pænis*, *pauis*, *bello*, *pæce*, &c. in verbo Dei disseruntur, an non sub terminis *Oeconomicis* & *Politiciis* enarrantur? Atque ad hocce omnes, tum ex *Theoretica*, tum ex *Practica* *Philosophia* desumptos terminos explicandos, maximam utilitatem confert *Philosophiæ* cognitio. Qui extra *Biblia*, tum apud *Patres*, tum apud *Scholasticos*, aliosque *Theologice scriptores*, occurrunt termini simplices, ad res *Theologicas* explicandas adhibiti, sunt admodum multi, & fere innumeri, &

accepti ex omnibus *Philosophiæ* partibus, præsertim ex *Metaphysica*, *essentiæ*, *existentiæ*, *substantiæ*, *inherentiæ*, *substantiæ*, *suppositi*, *personæ*, *accidenti*, *potentiæ*, *actûs*, *effectûs*, *dependentiæ*, *subordinatiônis*, *principii*, *totius*, *partium*, *causæ moralis*, *physicæ*, *meritoricæ*, *impulsivæ*, *instrumentalis*, *entis positivæ*, *privativæ*, *concretæ*, *abstractæ*, *finitæ*, *infiniti*, *completi*, *incompleti*, *simplicis*, *compositi*, *universalis*, *singularis*, *communicabilis*, *incommunicabilis*, *subiecti*, *adjuncti*, *signi*, *signati*, *relationis*, *actionis*, *unitatis*, *distinctionis*, &c. à quibus nec abstinere, nec abstinere quidem, etsi vult, ullus potest Theologus: pariter termini *Philosophici* sunt, *localitas*, *temporalitas*, *dimensionum penetratio*, *animæ potentia vel facultates*, *liberum arbitrium*, &c. Quos omnes ex *Philosophia* mutuo sumit *Theologia*, & à studioso jam cognitis supponit: unde *Philosophiz* usus satis est clarus circa simplices terminos. Ut hi termini *Philosophici* tuto & absque omni erroris periculo applicantur rebus *Theologicis* explicandis, tria circa eos sunt observanda; eorum 1. *Abstractio*. 2. *Analogia*. 3. *Imperfectiônis remotio*. Omnes enim termini *Philosophici* simplices, cum sunt applicandi Deo & rebus divinis, 1. *Abstrahi* debent à statu in rebus creatis. 2. *Analogice* tantum conveniunt Deo & creaturis. 3. *Liberari* debent ab omni imperfectiône: atque tum tuto & pie possunt adhiberi, qui non eadem ratione applicantur Deo & creaturis. Considerentur termini *Metaphysici*, *Ens* ac *Substantia*: qui ambo conveniunt Deo & creaturis: sed non est eadem ratio, vel entis, vel substantiæ, in Deo, quæ est in creaturis; in illo est independens in hisce dependens. Spectentur termini *Physici*. *Generatio* tribuitur Deo in *Sacris* & corpori naturali in *Physicis*: sed non est eadem ratio generationis in Deo & corporibus naturalibus. Attendantur termini *Ethici* *Iustitiæ*, *misericordiæ*, *penitentia*, *ira*: &c. hi aliter tribuuntur Deo, aliter creaturis, quod nemo ignorat: & sic de aliis quoque terminis est iudicandum. Sed speciatim tribus regulis instruat *Theologia* studiosum, ut pie & Christiane terminis utatur in rebus *Theologicis*, & sic tuto philosophetur.

V. Circa *abstractionem* hæc teneatur regula. *Natura terminorum non est iudicanda ex conditione creaturarum, sed ex conceptu universali.* Terminus universalis dupliciter potest considerari: 1. secundum conceptum proprium. 2. secundum statum in certo subiecto. Multa conveniunt termino ratione subiecti, quæ in ejus conceptu universali non requiruntur. Sic in termino, *Persona*, duo possum considerare, 1. Conceptum universalem, qui definitione personæ exprimitur. 2. Conditionem in certo subiecto, v. c. in homine. Jam vero, Personæ in homine convenit, quod unam numero ab aliis distinctam essentiam importet; ita Petrus persona est, & habet unam numero essentiam ab essentia Pauli distinctam: at hoc non convenit Personæ secundum conceptum universalem. Idem judicandum est de termino, *Generatio*, qui in conceptu proprio, quem definitio exprimit, plane non importat essentiam generantis ab essentia generati distinctam; interim, prout consideratur in rebus finitis, semper cum illa distinctione essentiæ est conjunctus. Philosophus vero Christianus de terminorum natura, non ex conditione hujus vel illius subiecti judicat, sed abstrahit naturam in se considerandam; atque ex hoc principio optime novit occurrere hæreticis, quando generaliter aliquid de termino enunciant, quod ipsi tantum convenit, quatenus in ente finito reperitur, uti faciunt in hisce enunciationibus: *quos sunt substantia singulares, tot sunt personæ: quot sunt personæ, tot sunt essentie: ubi una numero est essentia, ibi una tantum est persona: omnis natura individua est communicabilis: unum numero singulare non potest esse tribus commune: unitas essentie numerice & generatio consistere nequeunt: communicabilis essentia communicabilis quoque est substantia*, &c. quæ omnia similiaque effata verificantur in creaturis, sed illegitime ad essentiam individuum ac personam generaliter referuntur, cum, à speciei attributione ad genus universaliter, non valeat consequentia: uti non valet; Omnia animalia, quæ sunt homines, sunt rationalia: Ergo omne animal est rationale. Uti ergo conceptus animalis universalis non includit rationalitatem, licet in

homine semper rationale cum animali conjungatur; ita generatio in suo conceptu universalis non includit diversitatem essentiæ generantis & generati, licet in rebus finitis cum ea conjungatur.

VI. Circa *Analogiam* hæc teneatur regula. *Termini Metaphysici analogice de Deo & rebus divinis usurpantur: intelligitur vero analogia attributionis, qua Deo absolute & primo competunt, creaturis secundo & per habitudinem ad Deum.* Ita cum dicimus, *Deum esse ens & substantiam*, analogice hoc explicandum est, quod nimirum Deus sit ens & substantia, independenter & absolute, reliquæ res sint entia & substantiæ dependentes.

VII. Circa *remotionem imperfectionis* hæc teneatur regula. *Termini, qui respectu nostri ac ratione impositionis, primo conveniunt creaturis, cum Deo & rebus divinis debent applicari, prius sunt liberandi & purgandi ab omni imperfectione.* Ratio patet, quia infinita est distantia Dei tanquam entis perfectissimi, à creaturis: ideoque imperfecti nihil ipsi attribui potest. Si ergo terminus, qui primo est impositus creaturis, ideoque aliquid imperfectionis involvit, debet attribui Deo, omnis imperfectio ab eo est removenda prius: ita cum loquimur de Dei attributis, quod in Deo sit *justitia, sapientia, bonitas*, removeamus, quicquid imperfectionis hæc creature important, nempe, *esse in alio, ut accidens, crebris actionibus acquiri, distinctum esse ab essentia justitiae, sapientiae, bonitatis*, &c. Cum dicitur, *personam in divinis generare personam*, removeatur omnis imperfectio, quæ invenitur in generatione humana: quod ubi factum fuerit, in sumum abibunt omnes rationiuncule, quibus generationem in divinis, hæretici impugnant. Et profecto, cum necesse habeat Philosophus, etiam in iis versans, ad quorum cognitionem mens humana naturaliter potest pervenire, ut terminos ab imperfectione liberet, antequam Deo attribuat, multo magis, cum in arduis fidei mysteriis terminos, primo creaturis impositos adhibet, labem imperfectionis auferre tenetur: quod nisi fiat, rerum fit confusio, & nefanda divinis mysteriis inferitur injuria.

VIII. Nunc usum *Philosophiæ* videamus circa *Themas* complexa, ex terminis simplicibus conflata, siue sint simpliciter enuncianda, siue probanda. Enunciantur, vel terminis mere *Biblicis*, vel ex parte *Philosophicis*. Unæ nata est *questio* *Theologicarum distinctio* in *puras* & *mixtas*. *Puræ* *questiones*, ex terminis solum *Biblicis* constantes, atque iidem enunciatae, ex *Biblis* solum probantur, quamvis quoad modum probandi, quoad illustrationem earum à similibus, quoad rationes quasdam secundarias, aliquis *Philosophicæ* circa eas usus esse possit. Sed *mixtarum*, & termino *Theologico* partim, partim *Philosophico* constantium, & sic enunciatarum, intelligentia, ex parte etiam ex *Philosophia* accipi debet, atque probari etiam ex ea potest. Sic v. c. *ipsum Trinitatis mysterium*, ex *Philosophia*, nec cognosci, nec probari potest, sed hæc circa illud mysterium *questiones*, ex *Philosophia* & cognosci debent, & probari possunt. Sc. *An persone Trinitatis sint modi existendi, aut relationes? An realiter, an ratione, an modaliter, distinguantur inter se? & ab essentia divina?* sic & plures circa Deum & res *Theologicas* sunt *questiones*. *An existentia Dei sit de ejus essentia? An due naturæ in Christo faciant duas hypostases? An substantia possit esse sine propria subsistentia? An propriæ naturæ sint a se in Christo communicabiles? An Deus sit peccati author vel causa? An peccatum originale sit ipsa corrupti hominis substantia? An habitus? An privatio? An quid posterum? An Deus concurrat cum actionibus omnibus creaturarum etiam malis? An Scriptura sit perfectæ normæ ac mensura fidei? An reprobatio & electio sint absolutæ an conditionatæ? An decreta Dei sint libera an contingentia, an necessaria & immutabilia? An Christi corpus vere ac realiter sit præsens in pane & vino, atque in illa mutatum vel sub illis lateat, & sic sit in pluribus locis?* &c. quæ omnes *questiones* & *Metaphysicæ* & *Physicæ* auxilio egent ad intelligentiam sui. Sed & *Philosophia practica* in partes venit & subsidium enodandis hæc similibusve *questionibus Theologico-Philosophicis* tum intelligendis, tum confirmandis: verbi causa. *An liberum arbitrium sit eadem facultas cum intellectu & voluntate?*

*An detur summum in hac vitæ hominis bonum? An detur status heroicus & excellentie virtutum, in quo plene perfectæque ratio dominetur affectibus? An virtutes omnes sint inter se connectæ? An parentum tutorumque consilij sit de necessitate conjugii, an de honestate tantum? An separatio quoad thorum & mensam faciat divorcium? Quousque in linea collateralis sit prohibitum conjugium? Quod regimini genus maxime conveniat Ecclesiæ militanti, Monarchicum, Aristocraticum, an Democraticum? An Christianis liceat bellum & Magistratum gerere, &c.* Quas *questiones* nec intelligit, nec confirmabit, *Philosophiæ* rudis.

IX. Sed nunc *Philosophiæ* usum circa & *questionum Theologicarum* videamus, ut ex non tantum propugnentur, sed ab exceptionibus *Adversariorum* vindicentur, eorumque objectiones refutentur: certe, qui vel obiter inspexit veritatis & Religionis Christianæ hostium libros, & argumenta eorum perlustravit, negare non potest, quin ardua sua petant, tam ex *Philosophiæ* promptuario, quam ex *Bibliorum* penu. Instar omnium sint, inter Pontificios, Bellarminus & Becanus: inter Socinianos, Gossavius & Crellius: inter Arminianos, Vorstius & Episcopius: inter Lutheranos, Meisnerus & Hesselbenius: quorum sophismata & argumenta ut quis solvat, citra *Philosophiæ* auxilium, frustra sperabit. Concludimus ergo, *Philosophiam*, si legitime applicetur, utilissimam esse & maxime necessariam *Theologiæ*, quod erat demonstrandum.

#### A N N E X A.

1. *Philosophia ex Theologia est perficienda, non contra.*
2. *Non de recta ratione, ex cujusvisque hominis, nec de Philosophia, ex hujus vel illius Philosophi mente, judicandum est.*
3. *Sæpe fit, ut idem terminus aliter accipitur in Theologia, aliter in Philosophia.*
4. *Philosophia dogmata fides non demonstrat, sed illustrat.*
5. *Quousque se extendit ratio, eousque & Logica.*
6. *Principia universalissima vera sunt in omni disciplina.*

7. Non facile principii alicuius universalitatem sciendum est.

8. Quando propositio aliqua dubia est, tum prima ratio est habenda Sacrae Scripturae.

9. Philosophus, de posse novit quia in rebus supra naturam, esse autem ignorat.

10. Axiomata specialium disciplinarum ultra objecta suarum disciplinarum non debent extendi.

## Disputationum ex Philosophiâ selectarum,

Voluminis Secundi,

D E C I M A.

D E

# ABUSU PHILOS. IN THEOL.

T H E S I S I.

**U**sum Philosophiæ in Theologia exposuit Disputatio præcedens; abusum ejus hæc exponet. Per Philosophiam ac Theologiam quid intelligatur, explicatum est th. 2. Disput. præced. Atque eodem sensu, utraque hic nobis sumitur vox: ac sub illa significatione, multiplicem Philosophiæ in Theologia abusum, hæc disput. ostendemus.

II. §. 1. *Abusus Philosophiæ in Theologia est pessimus*, cum ejus Principia, axiomata, definitiones, canones, præcepta, adhibentur ad demonstranda mysteria fidei, ad fidem ipsam circa ea stabilendam: sed enim, quæ sunt meræ revelationis, ea per Philosophiam demonstrari, eorumque fides per illam stabiliri, nequit. Per quod medium fides circa mysteria salutis excitatur, per idem stabilitur. Sed non excitatur per Philosophiæ præcepta cognita aut demonstrationes Philosophicæ. Ergo nec iis stabilitur. Quid? quod magis iis destruitur. Nulli enim magis adversari sunt fidei in Christum & mysteriis nostræ salutis credendis, quam inter Gentiles Philosophi. Et ab omni ævo id deprehensum est, idiotas, & cæcæ ignaros homines ac simplices, nudo Dei verbo contentos, longe fuisse aptiores ad credendum mysteriis fidei, quam subtilissimos Philosophos. Hic valet illud Apostoli, *Animæ huius homo non capit ea, quæ sunt Spiritus Dei*; & Ratio captiva ducenda est sub obsequium fidei; & illud Chrysostomi, *Christianos volentes accipere firmitatem fidei veræ ad nullam rem con-*

*fugere decet, quam ad sacram Scripturam*. Itaque frustra sunt, qui Trinitatem, extra Dei verbum, ex Philosophia demonstrari posse existimant, atque hoc agunt, sed in vanum. Impudentissimi sunt Scholastici, qui cum Magistro sententiarum, Petro Lombardo in l. 1. sent. & Thoma Aquinate in 1. part. summ. Theol. & contra Gentiles, tam irreverenter, in Mysterium illud admirandum atque adorandum S. S. Trinitatis irruunt, & tam audacter ex Philosophia determinant multa, non aliter ac si Mysterium illud penitissime inspexissent. Equidem non possum illud premere aut celare, exhorrescere animum, quotiescunque in Commentatoribus ad Lombardum & Thomam lectito disputationes ab illis institutas circa Deum ac Trinitatem. Inspiciat quis Suarezium, Vasquesium, Valentiam, Smisungium, ac si non mecum destitabit, audacissimas, quin & profanas ac divina majestate indignas, eorum decisiones, quovis pignore decertavero.

III. §. 2. *Pessimus item Philosophiæ in Theologia abusus est*, quod circa alia fidei dogmata atque articulos, circa quæstiones & controversias (præter mysteria fidei ac salutis) Theologicas illa sibi magisterium assumat, cum ministerium ei conveniat: non debet Philosophia instar Heræ dominari Theologiæ, sed instar ancillæ servire: Theologia instar Sarræ est, Philosophia instar Hagar. Theologia regina est omnium facultatum & disciplinarum, Philosophia pedisequa. Itaque inver-



tant ordinem, Lombardus, Aquinas, Scotus, & omnes de grege illo Scholasticis, qua veteres qua recentiores, dum articulos fidei probaturi, quaestiones Theologicas deciluri, rationes Philosophicas atque autoritates Aristotelis praeferunt verbo Dei & Autoritati divinae, atque ita dominum Aristotelem sequitur non passibus aquis Dominus Israelis. Non me contideo, quin referam, quod relatu tamen est impium, sed ex quo dominum Philosophiae in Theologiam nimis quam clare videre est. Cum ante annos praeterpropter centum in Parisiensi Academia res sacrae disputationis incudem subirent, ac calide disputarentur, quotiens ex sacris litteris divinus allegaretur inter opponendum textus, promptum erat ac paratum effugium. Christianis auribus atque ore indignum: Spiritus Sanctus in verbo Dei captus se plebeo attemperat, familiarius loquitur ac simplicius; & (horresco referens) sacrae litterae, nati instar cerei, quoties flecti possunt ac traduci. Verum quotiens sacer Aristotelis textus adduceretur, totiens perturbati omnes stare ac percussu dispicere, ut veritati Theologicae ac divinae profanum conciliarent Philosophum. Sudarum tum fuit ac laboratum, non aliter quam si Hannibal ante portas. Eousque caput extulerat supra Theologiam Philosophia. Quod ita quoque commovit magnum istum Philosophiae reformatorem Petrum Ramum, ut non tantum doluerit ac detestatus fuerit istam impietatem, sed maximo molimine, rerum omnium, famae, bonorum, ac capitis etiam periculo, tam impiae Philosophiae obviam iverit: unde inter crimina, in ipsum intentata, objectum fuit maxime, quod contradicendo Aristotelis Theologiam enervaret. O tempora, o mores! Audiebatur ex Sorbonistarum pulpitis ac personabat haec vox, nemo Theologus evadet sine Aristotele: Quod dictum etiam tempore Lutheri in Germaniae obtinebat Academicis, qui Tom. 1. Lat. oper. contrarium confidenter asseruit. Error est, inquit, dicere; sine Aristotele non fit Theologus: imo Theologus non fit, nisi sine Aristotele. Verissime profecto, si Aristoteles sic honoretur, sic doceatur, sic narretur, sic explicetur, uti tempore Lutheri & Rami factum fuit. Atque utinam hodie non

idem fieret apud Pontificios. Si Aristotelis & Philosophorum autoritas in rebus Theologicis fuisset plus imminuta, longe felicius negotium Reformationis processisset. Dignissima observatione omni sunt verba Lutheri adhuc Caenobitae, in Epistola quadam ad locodum Sionensem scripta 1518. ex Monasterio Erfordensi. Ut me resolvam, inquit, ego simpliciter creui, quod impossibile sit reformari posse Ecclesiam, ne funditus Scholastica Philosophia, uti nunc habetur, eradicetur, & alia studia instituantur. Tui videor non esse Legitimus, nec forte sum: id autem scio, quod nullius Logicam timeo, in defensione ista sententia, &c. ac similia habet in aureis illis Epistolis, quas ad socios & alios Monachos scripsit, paulo antequam magnum illud Reformationis opus aggredereetur.

IV. §. 3. Pessimus Philosophiae in Theologia abusus est, cum articuli fidei vel negantur, vel in alienum sensum detorquentur. quia non conveniunt cum definitionibus aut axiomatibus rerum Philosophicarum, cujus criminis rei sunt Sociniani, qui principia rationis ac Philosophica faciunt normam ac mensuram fidei ac credendum, qui S. S. Trinitatem, Incarnationis, Resurrectionis ejusdem numero carnis, aliaque salutis mysteria, & fidei dogmata, rejiciunt, quod cum Philosophiae definitionibus ac principiis non conveniant: quasi vero Philosophia sit decempeđa, amulsis, ac libella, ad quam exigenda sit fides. Ita, quia Aristoteles universale definiit, qui de pluribus sua natura praedicari aptum est; & singulare, quod de uno tantum, negant Deum natura sua praedicari de pluribus personis, quia singulare est ens, & sic Trinitatem tollunt: eandem eventum ex retentis definitionibus convenientiae realitatis & rationis, ex Aristotele, qui ait, illam esse, qua quasi plura conveniunt in eodem tertio, hanc, qua actu plura: At, si Trinitas sit, inquit Antitrinitarii, cum personae tres sint de facto & revera atque actu plures, convenient in essentia divina convenientia rationis, quod Trinitarii non admittunt; aut, inquit, si personae tres in Trinitate conveniant in essentia divina convenientia reali, & non per mentem, ut volunt Trinitarii, non erunt actu plures, sed quasi plures, quod iterum



et  
olog-  
nego-  
illima  
adhuc  
a ven-  
orac-  
crea-  
r, m-  
habe-  
Titi  
autem  
dena  
vureis  
achor  
d Re-

logia  
, vel  
non  
nati-  
nima  
se ac  
ram  
aria,  
no-  
fici  
tiam  
int-  
uit-  
de  
ui  
pe-  
no-  
qua  
nt-  
bus  
ele,  
is  
ni-  
res  
m-  
io-  
in-  
te-  
&  
on  
e-  
m

t  
fi  
t  
A  
w  
A  
g  
ju  
ni  
ab  
de  
cre  
cip  
fid  
tiu  
riti

gia  
qua  
&  
Phi  
& c  
hod  
ctur  
stud  
Roc  
ga, C  
non  
fian  
iuan  
Telle  
nat, s  
que  
tur,  
phia  
roribu  
servi  
cum, n  
do ab  
firac v  
dissidi  
monit  
ac pert  
mentis  
male i  
Patrian  
phix v  
ficorum

tum non admittunt Trinitarii. Et sic in aliis fidei articulis malunt isti homines potius sacramentam scire veritatem definitionum ex *Aristotele Philosophicarum*, atque abnegare veritatem articuloꝝ fidei, quam ut iis reiectis dogmata fidei admittant ac credant. At ego malim totum *Aristotelem*, cum omnibus suis atque omnium *Scholasticorum* definitionibus & principiis Philosophicis, abjicere & abjurare, quam vel hilum vel pilum detrudere, de ullo articulo, mysterio, vel dogmate fidei credendo. Itaque aut conciliari debent principia Philosophica cum dogmatibus & rebus fidei, aut, si non possint, rejicienda sunt potius, quam vel tantillum derogeretur fidei ac veritati revelatæ.

V. §. 4. *Pessimus est Philosophia in Theologia abusus*, cum ea ponuntur istic fundamenta, quæ hic sunt notumenta, cum istæ opiniones & sententiæ afferuntur ac defenduntur in Philosophia, quæ sunt semina & occasiones & causæ errorum in Theologia. Ita autem hodie fit in libris Philosophorum, quos nocturna diurna manu versat Philosophiæ studiosa juvenus. Inspiciantur, *Eustachius, Raco, Conimbricenses, Ruvius, Tiletus, Arriaga, Oviedo, Hurtado, Suarez, Fonseca*, &c. an non ad Theologiæ suæ Pontificiæ & Antichristiæ Idololatriæ patrocinium Philosophiam suam instituerunt ac reliquerunt. Quid quod *Tiletus* titulum suæ Philosophiæ audacter ponat, *Summa Philosophiæ universæ cum Theologicis questionibus, quæ hodie inter Philosophos agitantur, Logica & Metaphysica Scheibleri, Philosophiæ sœberia Metaphysica*, an non ea tradunt, quæ erroribus circa veritates Theologicas tuendis inferiunt? Qui vel hos, vel illos, inspexerit tantum, næ ille mecum pronuntiabit idem, modo ab omnibus præjudiciis & affectibus liber sit ac vacuus. Unde quæso tot hæreses, sectæ, dissidia, & opinionum in rebus Theologicis monstra, ab antiquis ac recentioribus arrepta, ac pertinacissime defensa? An non ex fundamentis in Philosophia male collatis? ut non male id genus *Philosophi Tertulliano* dicti sint *Patriarchæ hæreticorum*. An non ex Philosophiæ vanæ, barbaræ, inficetæ, falsæ, *Scholasticorum* penu atque armamentario, arma in

Theologiam ac Religionem Reformatam atque in nos deprimunt, quibus pugnant, *Pontificum Adulatores, Lejolitæ*, ac reliqua *Monachorum* turba, qui uti nec *Papæ*, ita nec *Aristotelis* auctoritatem, eripi sibi patiuntur. An non ex ejusdem corruptæ *Philosophiæ* pharetra tela in nos jaculantur & vibrant *insausi Socini* & *Sociniani* defensores atque hyperaspistæ? An non hinc copias suas instruunt, qui *Sacramentario* tot jam annorum bello, *pro ubi quis sitis* Helena, tanquam pro aris dimicant ac toci? Quid? Quod illi etiam ipsi, qui ex *Reformatæ Ecclesiæ* matris suæ gremio egressi, *quinquarticulane suæ crambes condimenta* ex hujus *Philosophiæ* thecis quærunt? Quod ex *scientiæ* eorum *media, liberi arbitrii & hæreses, decretis conditionatis*, aliisque id genus gemmis, ex sterquilinio hoc erutis, cuius est notissimum. *Sola Suarezianæ Metaphysicæ* Lectio, imprudenter nimis, & nimio animi affectu, instituta, in turpissimos ac perniciosissimos errores abripuit *Conradum Vorstium*, quod tam putida, de compositione, quantitate, accidentibusque in Deo, aliisque nunc non recensendis, *Philosophemata*, ultro legenti testantur. Tantum valent *Philosophorum Scholasticorum* scripta, nisi proba ab improbis, quæ longe maximam faciunt partem, fecernantur: scilicet, multa sunt axiomata *Philosophica*, non ex rei veritate deducta, sed in *Scholasticorum*, hominum otioꝝ forum, cerebro nata, pravum in sensum detorta, male ac cum *Philosophantium* gravissimo, in rebus Theologicis, damno, accepta & arrepta; qui *Philosophiæ* in Theologia abusus non est postremus.

VI. §. 5. *Pessimus Philosophia in Theologia abusus est*, quod novi termini ac phrasæ novæ ex Philosophia in Theologiam introducuntur, citra ullam necessitatem, sub quibus nova sæpe latent, atque erronea foveantur dogmata. Nam, *Qui fingit nova verba, simul nova dogmata fingit*. At vero sicut entia non sunt multiplicanda præter necessitatem, sic, nec vocabula nec modi loquendi, præsertim in rebus Theologicis, ubi caute est loquendum, & ut animos fidelium, ita & voces eadem eorum esse, oportet. Atque hic iterum videas luxuriantes *Scholasticos*, qui innume-

ram farraginem terminorum, phrasium ac distinctionum novarum, & absque necessitate, in Theologiam inducere atque intulere. Quid? Quod innovandi terminos studium in ipsa improbetur Philosophia; nedum in Theologia. Multis minus placet *Campanella Philosophia*, quod novos invehat terminos: cujus culpæ reatu quoque tenetur *Caramuel Lobcovitz in sua Philosophia*. In Theologia sane loquendum est cum Deo & verbo ejus: comprehendit enim τὰ λόγια τοῦ Θεοῦ. Nolim tamen proferri receptos ex Philosophia, ac præsertim Logica, terminos ac τεχνολογήματα, sine quibus controversiæ Theologicæ, nec intelligi, nec decidi possunt, à quibus abstineri nequit, vel ob illam solam necessitatem, quam nobis faciunt Adversarii religionis ac veritatis Christianæ, qui sub iis controversiis Theologicis proponunt ac pertractant, & sæpe venenum propinant incautionibus. Quare illorum, sive Terminorum, sive τεχνολογημάτων, usus, sed sobrius, & ex hypothesi, per Adversarios, necessarius, retinendus omnino est.

VII. §. 6. *Pessimus Philosophia in Theologia abusus est*, cum axiomata specialium in Philosophia disciplinarum ultra objecta earum, ad tres Theologicas, & non sui circuli, extenduntur: atque hinc producitur Axioma, quod aliquid possit esse verum in Philosophia, & idem esse falsum in Theologia, ac vice versa. Sed enim si fines ac limites servantur utrimque qui servari debent, si Philosophia intra pœmœria, septa atque sphaeram suam, sese contineat, nec in discriminatim ac promiscue, absque distinctione, axiomata Philosophica applicentur rebus Theologicis, deprehendetur idem esse verum in Philosophia, quod est verum in Theologia: & contra: Verum enimvero consonat, nec pugnat veritas revelata cum veritate demonstrata: ac multa sunt supra rationem, quæ non statim sunt contra eam. Verum est in Philosophia & secundum naturæ ordinem; *Virgo non parit*: sed & verum est in Theologia & supra naturæ ordinem, *Virgo parit*. Atque hoc totum negotium optime exposuit *Keckermannus in præcognitis Philosophicis*. Quid restat? Nisi ut Philosophia, optimo Dei dono, recte utamur in Theologia, secun-

dum regulas scriptas *disp. præced. §. abusus ejus sedulo caveamus ex iis, quæ nunc à nobis sunt hæc disp. dicta ac dissertata.*

### A N N E X A.

1. *Philosophia Theoretica nullis conjecturis nititur debet: Sed ejus veritates catenatim ex principiis evidentissime deduci necesse est.*
2. *In prima mentis operatione, simplici sc. apprehensione, nulla datur falsitas, ideoque falsum, nec clare, nec distincte, percipi potest.*
3. *Ratio illa est bona, recta, sana, quæ ab omnibus præjudiciis & affectibus pravis est vacua, atque non in vite communis usu, non circa res fidei, sed in contemplando & inquirendo certam rerum extra se positarum existentiam ac veritatem simplicem, omnia à teneris per sensu de iis facta judicia in dubium primum vocat, ut ex dubitatione dehinc certi quid eliciat: que sententia, Aristotele's auctoritate l. 3. Metaph. c. i. exemplo, ac praxi in variis libris, est comprobata.*
4. *Quia sensus deficit sæpe & aberrat, ejus judicia examinanda & corrigenda sunt à ratione.*
5. *Veritas revelata rationis examini non est subiecta.*
6. *Fides & scientia possunt esse simul, eadem propositione, in eodem intellectu.*
7. *Deum esse, lumine naturæ perspicuum est.*
8. *Deus sua essentia existit.*
9. *Omnia creata positiva Dei influxu consistunt.*
10. *Deus non est causa errorum, nec ullum mali.*
11. *Essentia rerum sunt immutabiles.*
12. *Mens non indiget semper Phantasmata ad suas perceptiones.*
13. *Mens corpori non tantum assistit, sed à unita est.*
14. *Existentia rerum corporearum nullo modo est dubia, recte Philosophanti.*
15. *Scepticorum Philosophandi ratio, quæ dubitant & in dubitando persistant, nec unquam ex dubitationibus ad rerum veritatem emergunt, à vera Philosophia est alienissima.*
16. *Vera Philosophia & solida rerum scientia est, cum res sensu apprehensæ, mente ac ratione adjudicantur, atque sic cognoscuntur, uti sunt, certe.*

17. *Cognitio omnis fit per ideam, quæ non est una, sed multiplex, alia innata, alia acquisita, alia ficta.*

18. *Sensus, cum tantum versentur circa accidentia, in nullius substantiæ notitiam Philosophantem inducunt.*

19. *Sensus tantum docent, quod sit id, quod calorem, lucem, odorem, &c. vocamus, non vero quid sint.*

20. *Certæ rerum cognitionis fundamentum est rerum analysi vera, quæ res per suos & geminos artus & in partes resolvitur.*

21. *Partes rei cuiuscunque cognosci possunt, non tantum resolvendo, sed & componendo, & cum aliis conferendo.*

22. *Unde triplex est cognoscendi, quæ mens utitur, Methodus, Analytica, Synthetica, Synthetica.*

23. *Analysis, incipit à toto composito & desinit in particulas minimas ac simplicissimas.*

24. *Synthesis, incipit à minimis & simplicissimis, desinit quæ in compositissimis ac toto.*

25. *Syncretismus, confert integræ integræ, partes partibus, &c.*

26. *Ufus triplicis huius intellectualis Methodi est, clara & distincta rei cuiusque perceptio, quæ ut habeatur, iungenda sunt hæc methodi in cognoscendo, non confundenda.*

27. *De re, vel non vel negligentia, cognita, vel non expensa, vel non cum aliis collata, iudicium prolatum, iudiciis abortus est.*

28. *Prejudicium, est iudicium de rebus sensibilibus habitum per sensus ab ipsa infantia ante plenum perfectumque rationis usum, vel pronuntiatum ante rationis examen.*

29. *Hæc infantie ac pueritiæ præjudicia à Philosophante & veritatis studioso, jam rationis adultæ ac iudicii firmati, ut cognitionem veritatis incomplexæ de rebus sibi compareret, abijci debent, ac possunt.*

30. *Hæc unica est, vera, germana, solida, Philosophandi ac veritatis invenienda via, & ratio omnem dubitationem funditus ex animis Philosophorum, hominumque omnium, eradicandi.*

## Disputationum ex Philosophiâ selectarum,

*Voluminis Secundi.*

### U N D E C I M A.

## DE USU METAPHYSICÆ IN DISCIPLINIS ALIIS, AC PRÆSERTIM THEOLOGIA.

### T H E S I S I.

**U**sum Philosophiæ in Theologia exposui *Disp. 9.* abusum *disp. 10.* nunc visum fuit Philosophiæ primæ usum speciatim ostendere, non tantum in Theologia, sed & in aliis disciplinis; ut ejus studium, quod nimium (proh dolor) multis pro vili habetur sub pedibusque jacet, excitetur, atque animi Philosophiæ studioforum inflammemur, ad eam serio seduloque excolendam.

II. *Utilissima est Metaphysica, quinimo necessaria, ad plenam perfectamque Physicæ ac Mathematicæ cognitionem, utpote quibus objecta & principia sibi sua largitur ac demonstrat. Atque*

*ut de objecto sive subiecto dicamus primum, quoniam omnis scientia sumit subiectum suum esse, & esse hoc, sive hanc ejus esse definitionem, ut docet Aristoteles lib. 1. Post. Analyt. cap. 10. §. 75. atque hæc non sint ita nota per se, quin aliqua indigeant declaratione vel probatione, oportet, declarationem istam aut probationem petere ex aliqua priori scientia. At ex qua, si non ex Metaphysica? Hæc igitur definitiones confirmat, quibus explicatur quid sit illud, quod unaquæque scientia tractat, siquidem definitiones istæ, ex terminis prioribus atque universalioribus, quos sibi vendi-*

cat Metaphysica, necessario debent esse constata. *Probat* etiam uniuscujusque scientiæ subjectum esse, sed ita ut in illa sine demonstratione sumitur: non sumitur autem actu existere in rerum natura (id enim ad scientiarum constitutionem non est necessarium, nisi in ea, quæ de Deo est) sed hoc sumitur tantummodo, ut sciatur in quo rerum gradu ac genere ejusmodi subjecta collocentur. Hoc ergo Metaphysica declarat ac probat, cum tradit rationem entis atque essentiae, & insuper diversæ entis genera ac gradus distinguit, sub quibus scientiarum subjecta continentur: illius autem subjectum, qua parte agit de ente in genere, à nulla priori scientia demonstrari aut declarari potest, quia nihil est ente superius.

III. Quomodo Metaphysica probat reliquarum scientiarum principia, vel etiam sua, paulo difficilius est explicatur: Nam principiorum notitia *ἔ*, dicitur *Aristotelis*, isque in nobis non demonstratione, sed inductione, atque *ἀπὸ τῶν ὁρίων* gignitur; ut docet *Aristoteles lib. 2. Post. cap. ult.* Ut igitur hæc res intelligatur, observandum est primum & ante omnia, duo esse genera principiorum, quæ in scientiis usurpantur: quædam sunt prorsus *ἀμετα* & *ἀναπιδνευτα*: alia mediata quidem, sed adhibentur ac si immediata forent, eo quod jam ante demonstrata sint. Nihil autem ad scientiam interest, sintne propositiones, quæ sumuntur inter demonstrandum, prorsus indemonstrabiles, an jam ante demonstratæ: hoc liquet ex ipsa definitione demonstrationis, apud *Aristotelem lib. 1. Top. c. 1.* Nihil etiam refert, an hæc secundæ generis principia in eadem scientia demonstrata sint (veluti cum Mathesis atque alæ quoque scientiæ ex prioribus suis propositionibus, jam demonstratis, sequentium demonstrationem instituunt) an in scientia priori Metaphysica: Itaque Metaphysica dicitur demonstrare principia scientiarum reliquarum, quoniam illæ propositiones in Metaphysica demonstratis utuntur pro principiis: Ex gr. Metaphysica demonstrat, Nihil à seipso fieri: hoc Physicus habet pro principio. Itaque in his principiis nulla est difficultas.

IV. Quod reliqua spectat, quæ omnino sunt *ἀναπιδνευτα*, notandum est, quid disci-

minis sit, inter modum, quo *ἔ*, & inter eum, quo Metaphysica, dicitur versari circa principia: At *ἔ*; quidem versatur circa principia, ut principia sunt, sine ullo discursu aut rationatione, sed simplici apprehensione veritatis quæ in iis est: At Metaphysica non versatur circa principia, ut principia sunt, sed ut aliquo modo induunt naturam conclusionum, eorumque veritatem apprehendit intercedente aliquo discursu, quo mens in ea assensione, quam jam principiis adhibuerat, juvatur ac confirmatur.

V. *Discursus* istum instituit Metaphysica tribus modis: Nam *primo* accuratam instituit explicationem illorum terminorum, ex quibus principia constant: ideoque illa evidens atque distincta terminorum notitia est veluti medius terminus, quo principiorum veritas probatur: Ex gr. cum proponitur hoc principium, *Totum est majus sua parte*, non potest certe fieri, ut intellectus ei non assentiatur: attamen cum Metaphysica hoc accurate explicat, quid nomine *totius* & *partis* significetur, intellectum in ista assensione non parum confirmat: Nam cum axiomatum notitia in animo nostro generetur ex notitia terminorum, omnino sequi videtur, ut quanto difficilius intelliguntur termini, tanto etiam magis ac firmius mens amplectatur principiorum veritatem. *Alter* modus probandi principia est *ἀπὸ τῶν ἀποδείξεων*, per deductionem ad absurdum; Omnia enim probari possunt per hoc axioma: Fieri non potest, ut idem de eadem re simul affirmetur & negetur. *Tertio* modus est probandi per quandam reflexionem mentis in se ipsam: sic colligimus principia vera esse, atque etiam *ἀπὸ τῶν ἀποδείξεων*, quia sentimus sine ulla demonstratione à natura nos trahi ad iis assentiendum. Atque his quatuor modis dicitur Metaphysica confirmare principia, alioquin *ἀναπιδνευτα*, non quod assensionem, qua mens sine discursu principiorum veritatem jam ante admiserat, reddat evidentiorē aut certiorē, sed quod novum assentiendi modum priori adjiciat, nempe assensum *διὰ νοήσεως*, cum prior sit *νοήσεως*.

VI. Atque hoc quidem modo versatur Metaphysica circa principia sibi propria, quæ perti-



pertinent ad totum entis ambitum; at nondum apparet, quomodo hac in parte præsit cæteris scientiis particularibus, ratione principiorum, quod erat explicandum. Respondet, particulares scientias, Physicam & Mathematicam, universalibus istis principiis Metaphysicis uti ad demonstrationes suas firmandas aut constituendas: quibus enim Metaphysica utitur in tota entis ac sua latitudine, ea reliquæ scientiæ applicanc ac restringunt ad suum singulæ subiectum. vid. *lib. 1. Post. Anal. c. 10. lib. 3. Met. c. 3. lib. 11. Met. c. 4.*

VII. In Philosophia practica minus apparet, quem usum Metaphysica dissentibus præstet: est tamen aliquis, si non alibi, saltem ea in parte, in qua de pietate sermo est: nam licet plena perfectæque descriptio pietatis non aliunde quam ex sacris litteris haurienda sit, ad Philosophiam tamen moralem pertinet ostendere, quid ex principiis sua natura notis possit de pietate sentiri ac statui absque revelatione. Hæc principia in Metaphysicis traduntur: nam cum pietas oriatur ex eo, quod quisque de Deo sentit, primum oportet animum imbui veris, de Deo ac rebus divinis, opinionibus: atque hæc ex Metaphysica debeant hauriri, ut quæ de Deo agit & rebus divinis, quatenus lumine naturali debent innoscere: si objicias, multos Metaphysicos fuisse impios, id nullius est momenti: Nam hoc non fit vitio Metaphysices, sed hominum Metaphysica præditorum.

VIII. Nulla autem disciplinarum plus debet Metaphysicæ quam Logica. Hujus enim munus est, mentem dirigere in cognitione rerum occupatam. Ad eam rem opus est instrumentis quibusdam, quibus mens dirigitur: ista instrumenta sunt omnino quatuor, definitio, divisio, syllogismus, & methodus. Horum instrumentorum natura ususque doceri non potest, nisi multis rebus assertionibusque Metaphysicis assumtis. Ex. gr. nemo potest definire, dividere, aut argumentari absque cognitione causarum. Itaque ex Metaphysica debet petere Logica, quid & quotuplex sit causa; & quæ sint in unoquoque genere differentiz. Eodem modo de rebus aliis, quibus res ad se ipsum referuntur, statuendum videtur: sunt

enim omnes istæ considerationis Metaphysicæ, quas Logica, quantum ad instrumentorum confectionem & usum necessarium, id est, omnes mutuatur à Metaphysica, & sine operosa probatione admittit ac præsupponit: nempe eo modo, quo Medicina plurima sumit ex Physica, quæ ad artis suæ finem atque usum sunt necessaria cognita: unde vulgatum illud: ubi Physicus definit, ibi Medicus incipit. Ut ergo Medicina ars quædam est quæ ex Physicis propositionibus derivatur, ita quoque rationis ars five Logica ex Metaphysicis fontibus deducitur.

IX. Quin ipsi adeo Theologia est utilissima scientia Metaphysica: nam tametsi omnia illa, quæ sunt creditu, factu, speratu, necessaria, perfectissime sint in sacris libris revelata, nihilominus tamen præclara quædam res est, & jucunda, & utilis, si quis intelligat ea, quæ in sacris litteris credenda præcipiuntur, cum recta ratione consentire, aut certe cum ea non è diametro pugnare: neque enim iis assentior, qui, cum se ab Adversariorum laqueis expedire nequeant, huc se recipiunt, ut dicant, non omnia esse vera in Theologia, quæ sunt vera in Philosophia, aut vice versa: quo nihil potest dici ineptius: una enim est & simplex veritas, quæ sæcum nunquam pugnat. Ad illam veritatis harmoniam in omnibus rebus intelligendam, haud dubie valde necessaria est Metaphysica.

X. Atque ut hoc non premam, quid faciendum erit, si nobis res sit cum ejusmodi hominibus, qui Scripturæ Sacræ autoritatem defugiant? Certe, si hos erudire velimus, non ex sacris litteris, sed, ex natura rerum disputandum erit: quod nemo melius præstare poterit, quam Metaphysicus. Atque in eo imitabimur Apostolum Paulum, qui hoc præsidio usus fuit adversus Epicuros & Stoicos Philosophos, ut patet ex *Actuum cap. 17. & adversus omnes gentes cap. 1. & 2. ad Rom.* Si quis autem eo redigatur, ut probare debeat, Deum esse, indigebit haud dubie Philosophia aut Metaphysica; nam Theologia non probat, sed supponit, Deum esse, aut si probat, in eo Philosophia ac Metaphysica utitur: nam quicquid Theologia probat, qua talis, id sacrarum literarum

rarum autoritate probat: hæ enim principia sunt & norma Theologiæ. Atqui sacræ quæque litteræ præsupponunt, Deum esse: habent enim autoritatem suam, atque *allegoriam*, ex eo, quod sint divinitus inspiratæ. At, cui non est persuasum esse Deum, ei quoque non potest esse persuasum, sacram Scripturam esse *divinam*, nec patietur ille se ejus autoritate constringi.

XI. Sed ut profanos omittam homines, inter eos ipsos, qui sacrarum litterarum autoritatem recipiunt, admodum necessaria est Metaphysica, præsertim in disputationibus, cum de sacræ scripturæ sensu movetur controversia: licet enim non sit melior aut certior interpres scripturæ quam ipsa scriptura, cum de locorum quorundam sententia ambigimus; quando tamen de scripturæ controversa sententia non potest inter partes convenire ex scriptura, solent singuli ad rationes concurrere Philosophicas sive *Metaphysicas*, in qui-

bus si quis parum versatus fuerit, nescio an satis idoneus dici debeat divinæ veritatis patronus. Si enim de Omnipræsentia corporis Christi sermo sit, aut de Transsubstantiatione, non contemnenda præsidia peti possunt ex Philosophia, præsertim ex *Metaphysica*, ad ejusmodi opinionum monstra profiganda. Contra, cum Trinitatem Hæretici oppugnant, Christi satisfactionem, unionem hypostaticam, resurrectionem ejusdem numero corporis, ex Philosophia petitis copiis, quis se iis opponet, quis profligabit, si *Metaphysica* sit ignarus; sed quid verbis opus est? cum videamus, eos ipsos, qui *Metaphysicam* improbant, imo oppugnant, inter quos est *Ameisus*, valde perite *Metaphysica* uti, cum id Adversariorum importunæ objectiones postulant, atque etiam aliâ; quod clarum est documentum. & argumentum ad hominem, quo probatur, *Metaphysicam* esse summe necessariam Theologo, quod erat demonstrandum.

## Disputationum ex Philosophiâ selectarum,

*Voluminis Secundi,*

### DUODECIMA.

## DE CAUSÆ EFFICIENTIS DIVISIONE, IN PROCREANTEM ET CONSERVANTEM, EMANATIVAM ET ACTIVAM.

### THE S I S I.

Cum scire sit rem per causam cognoscere, & is sit felix, qui rerum potuit cognoscere causas, & inter causas sit præstantissima *Efficiens*, non inconsultum erit, aliquot disputationes dare, expendendis *hujus causæ divisionibus*. *Causa efficiens* multis modis dividitur, pro varia efficiendi ratione, ordine, ac modo: hinc enim omnis efficientis causæ divisio petenda est, præter unam, quæ petitur ex causato, & non ex causandi modo: atque hæc est *divisio causæ efficientis in procreantem & conservantem*, ubi causa conservans eadem sæpe causalitate conservat, qua procreat, ut Deus, qui eadem causalitate & creat & conservat, in causato tamen est aliquid discriminis: nam

causatum causæ procreantis est esse, quatenus opponitur *non-esse*; causatum causæ conservantis est esse continuatum, quatenus opponitur *non-esse* incipienti: procreans dat esse incipiens, conservans dat esse continuatum: quantum ergo discriminis est inter initium rei, & ejus continuationem, tantum discriminis est inter causam procreantem & conservantem. Procreans ergo causa efficit rei existentiam, conservans rei existentis durationem.

II. Ex dictis videre est errorem *Templeri & Keckermanni*, eliminantium causam conservantem ex numero causarum efficientium, quasi non det esse effectui, cum omnis causa aliquid esse effectui largiatur: certa causa con-

conservans dat vera causalitate esse effectui, si non novum, dat esse continuatum, quod per procreationem non fuit productum, & aliquomodo distinctum est ab eo esse, quod per productionem fuit tributum. Res sic se habet. Quod procreatur, habuit ante procreationem non-esse, nunc habet esse: quod procreatum est, non potest procreatione continuari; ergo hic datur conservatio, & conservationi respondens esse, quod per procreationem non fuit productum, nempe esse continuatum: per conservationem vero non debet intelligi negatio nuda corruptionis, quasi conservare nihil sit aliud, quam non-corrumpere, ut quidem *Taurellus*, sed impie, existimavit, qui non alio modo Deum conservare mundum putavit, quam quod non corrumpere: nam plus dicit conservatio: dicit influxum perpetuum in hoc esse, quod per procreationem fuit productum: alioquin ego possem dici Petri, vel Pauli, vel alterius conservator, nempe, quia cum habeam potentiam occidendi illos, non Ethicam quidem sed Physicam, non facio tamen, siquidem non corroppo esse illorum, quod possem tamen; sed non possum idcirco dici conservare Petrum aut Paulum in suo esse. Sol cum conservat lumen, non tantum non destruit illud, sed vero perseverat in fluendo in illud per radios suos: itaque conservans causā vere influit & est vera causa.

III. Ex causandi modo varie solet dividi causā efficiens: prima *divisio* nobis erit in *activam* & *emanativam*, quam nunc pertractabimus. *Emanativa* est, quæ sua existentia causat, à qua effectum immediate emanat. *Activa* est, à qua effectum producitur mediante actione. Inter causam emanativam & effectum nulla intercedit media causalitas; ita ut hic tantum duo sint, causa, causatum: in activa tria sunt, causa, causalitas, causatum, & hæc inter se distincta. In emanativa, ipsa causæ existentia est ejus causalitas, & contra: itaque causa emanativa posita, impossibile est non poni effectum: at vero causa activa posita, non statim effectum poni est necesse; & ratio est, quia causæ activæ existentia salva esse potest, & causalitas ejus, actio puta, inhiberi, & impediri, ita ut maneat causā activa quoad exi-

stentiam, non tamen operetur: at vero in causā emanativa ad id fieri nequit, quia ipsum *esse* existere causæ emanativæ, est causare; existere enim, & causare, in causā emanativa, est unum & idem: ideoque Deus non potest concurrere ad conservandam existentiam causæ emanativæ, quin simul conservet ejus causalitatem, siquidem causalitas ejus diversa non est ab ejus existentia; posita autem causalitate in causā, effectum non poni, est impossibile: causalitas enim non convenit causæ nisi cum actu causat: at cum actu causat, effectum quoque actu esse debet, si non in facto esse, saltem in fieri? itaque contradictio est in adjecto, cum nonnulli asserunt, proprietates posse separari à subjectis, salvo manente subjecto, cum proprietates emanant à subjecto, ejusque existentia causentur: imo, Deo ipsi hoc impossibile, ut statim demonstravimus: quamdiu enim conservatur existentia, conservatur causalitas; quamdiu conservatur causalitas, conservatur effectum: atque hinc contradictio est, ut ferrum non sit grave, ignis non sit calidus; calor enim & gravitas tolli non possunt, nisi ferrum & ignis tollantur, cum existentia horum sit existentia proprietatum, quæ ab iis emanant: at vero effecta seu actum secundum, istarum proprietatum (urere & moveri deorium) tolli, nihil vetat.

IV. Queritur hic, *An causa emanativa sit causa procreans, an vero conservans?* De causā activa nihil est dubium, quin illa sit & procreans & conservans. De causā emanativa dubitari potest. Resp. eam esse tantum causam conservantem. Ex. gr. lux, quæ emanat à sole, non procreatur à sole, sed conservatur tantum: causa vero procreans lucis est causa procreans solis: eadem enim & subjecti, & proprietatis, est causā procreans: subjectum ipsum est tantum causa conservans suæ proprietatis, non quasi Deus eausa procreans à conservatione excludatur: sed Deus est causa procreans & conservans lucis simul; ipse Sol est causa, non procreans, sed conservans tantum suæ lucis: ignis quoque est causa conservans tantum caloris sui in se; causa procreans caloris est eadem quæ ignis, nimirum ille, qui ignem genuit ac produxit: gravitas à gene-

rante

rante procreatur ista actione, quæ rem gravem producit; causa conservans gravitatis est ipsa res gravis: itaque causa procreans causæ emanativæ est causa etiam effecti, quod emanat: non per actionem aliquam aliam, sed per eandem, quatenus ex actione causæ procreantis, quæ causam emanativam producit, necessario per simplicem quandam atque internam emanationem, resultat ac sequitur effectum causæ emanativæ: unde ipsa actio causæ producentis, respectu effecti causæ emanativæ, quod producit producendo causam emanativam, *resultantia* vulgo dicitur, atque à propria actione distinguitur, quia ipsa causa emanativa à causa procreante producit. Exempla jam dedimus in productione subjecti & ejus proprietatum; ex quibus illud quidem, puta subjectum, dicitur fieri per propriam actionem causæ procreantis; hæc vero, puta proprietates, dicuntur fieri per actionem ex priore actione ejusque termino, nimirum subjecto, naturaliter resultantem; quæ resultantia proprie, propter intrinsecam ac necessariam connectionem cum priore actione ejusque termino, & quia est ab eodem agente principali (nam qui dat formam, dat consequentia ad formam) & quia ordinarie in eodem instanti cum priore actione ejusque termino conjuncta est, ut propria & per se actio, non reputatur, & ideo, ut à priori distinguatur, dicitur *resultantia*. Hujus resultantia seu emanationis, quæ causam emanativam denominat ac constituit, natura satis profecto est obscura, & nonnihil adhuc in aperto poni meretur.

V. Requiritur ad resultantiam seu emanationem, de qua loquimur, ut effectum, quod emanat ac per ejusmodi actionem resultantem producit, tanquam terminus, ab eo, à quo resultare dicitur, id est, à subjecto suo proficiatur per modum principii à suo principio, ut effectum sit principium, subjectum sit principians: non enim sufficit nuda successio, quando uni pereunti aliud succedit; aliquin etiam ex forma corrupti resultare dici posset & emanare forma geniti, & contra, quod est absurdum: nec tamen quævis consecutio talis formæ aut effecti, resultantia dicitur, sed præterea necesse est, ut sit Physica, h. e. vere

fit in rebus: nam Metaphysica consecutio, quæ tantum est in nostris conceptibus, quæ se, inter res, quæ actualiter & reipsa idem sunt, una à nobis concipitur tanquam alterius ratio (ut, si dicam, in Deo esse intellectuale, sequitur, esse spirituale) hæc, inquam, consecutio non est vera resultantia, quia inter principium & principium hic non est vera ac realis distinctio, sed virtualis tantum seu rationis cum fundamento in re: verum ne sic quidem adhuc qualiscunque inter res distinctas consecutio sufficit ad constituendam resultantiam seu emanationem, sed requiritur ulterius, ut ista consecutio sit causalis, h. e. per propriam efficientiam: nam si sit illativa tantum, videlicet, quia posito uno ponitur alterum, propter naturale debitum, ut loquuntur *Scholastici*, i. e. quia ita fieri debet per naturam, quæ sic constituit, quo pacto quantitas vulgo consequi dicitur materiam, non tam proprie resultantia, aut emanatio, quam connaturalitas dicenda est, ex mente Scholasticorum: dicitur tamen vulgo emanare à materia aut resultare quantitas, quia aliter exprimi nequit modus, quo à materia quantitas oritur: sane quare non debeat sic dici, nisi fortasse quis velit, inter materiam & quantitatem intercedere potius notionem & relationem subjecti & adjuncti potius quam causæ & causati, atque ideo voces resultantia & emanationis refugiat, quod causalitatem & vim aliquam significant, quin quantitas à materia efficiatur.

VI. Nunc causam spectemus *activam*, quæ causas per actionem, cujus causalitas est actus, distinctum quid ab ipsa existentia causæ: hoc in dubium trahitur, an verum sit? sed probari facile potest. Causalitas causæ est hoc ipsum per quod causa attingit effectum effectusque productionem, per quod constituitur actu causans & influens in effectum producendum: jam vero actio est id, quo causa efficiens activa attingit effectum effectusque productionem, quo constituitur actum causans, & influens in effectum producendum. Ergo. Probatur minor. Cum efficiens solum habet potentiam agendi, nondum est actu causa: at vero cum illam potentiam exequitur, est actu causa: non autem potest exequi, nisi per actionem:

nihil

nihil enim fingi potest, præter ac supra potentiam agendi in efficiente, quam actio. Ergo actio constituit efficientem causam activam actu causantem. Ergo actio est causæ efficientis activæ causalitas. Certe quicquid est ante actionem, id insufficientes est, ut efficientem activam denominet actu causam: quicquid est post actionem, eo omni nondum existente, sicut nondum exiit, quamdiu causa efficiens adhuc operatur, adhuc tamen causa efficiens activa est actu causans: si ergo omne, quod ante actionem est, omne, quod post actionem est, non possit causam efficientem activam denominare actu causam, relinquatur, ut id, quod causam activam actu causam denominat ac constituit, nihil sit aliud quam actio ipsa; atque adeo actio ipsa sit causalitas causæ activæ, quod erat demonstrandum.

VII. Obijci potest; ipsam actionem esse effectum causæ; pendet enim ab efficiente: ergo non potest ejus esse causalitas, cum distinctio sit inter causalitatem, rationem quæ effectum producat, & ipsum effectum, quod producat. Ad hoc dupliciter responderi potest: 1. *negando* autem *negando* actionem esse effectum, & tamen dicendo, quod esse possit ac sit efficientis causalitas: hoc enim verum est de aliarum quoque causarum causalitatibus, nempe & quod à suis causis pendeant, & quod sint ratio activa per quam producantur effectus: atque hoc patet exemplo unionis: quæ & à forma est pendetque, & formæ causalitas est: unde sicut ad producendam unionem, quæ formæ causalitas vulgo dicitur, forma non exigit causalitatem, hac priorem, per quam unio fit ab illa, ita actio ab efficiente activa est, & est causalitas ejus; nec prærequirit causalitatem aliam in efficiente activa, per quam ab efficiente producat aut ab ea fluat potius. 2. *negando* autem actionem esse effectum: actio non est effectum, sed via ad effectum: agens enim non agit ut agat, sed ut agendo aliquid diversum ab actione producat: alioqui dabitur progressus in infinitum, si actio, ut effectum, producat per causalitatem aliam, illa causalitas iterum actio erit, & illa actio, ut effectum, aliam causalitatem requireret, quæ iterum erit actio: & sic porro in infinitum:

nescio tamen, an utraque responsio satisfaciatur.

VIII. Totum hoc negotium paulo penitus inspiciamus. Actio causatur à causa activa, & quidem immediate, absque ulla alia prior actione. Ergo causa activa aliquomodo est causa actionis: sed non est actionis causa activa, quia daretur progressus in infinitum. Ergo erit actionis causa emanativa, quod nemo hætenus dixit: aut concedendum est tertium genus causæ inter emanativam & activam. Profecto, ut verum fatear, si hæc divisio causæ efficientis in activam & emanativam sit immediata, ut non detur tertium genus causæ efficientis medium, est difficultas maxima: nam calefactio certe causatur ab igne, ergo, vel ut à causa activa, vel ut ab emanativa: si ut à causa activa, dent actionem priorem, qua calefactio producat: quam si quis dederit sine processu in infinitum, erit mihi magnus Apollo: si ut à causa emanativa, ergo calefactio ab igne tolli non potest salvo igne: at vero tolli posse nemo hætenus negavit, cum sit actus secundus & operatio. Ergo sane, quo me hic vertam, nescio. Post sermone rei totius examen fere hic devenio, ut dicam, non actionem tolli, sed actioni in subiecto sive patiente impedimentum poni, quo minus sentiat: nam calor est proprietas ignis, & ita quidem ut semper sit principium activum: itaque putem ab igne semper emanare calorem, à calore semper etiam emanare actionem, quæ non potest esse alia quam calefactio aut usio: & quotiescunque calefactio aut usio separari videtur à calore aut igne, ut factum videtur esse in fornace Babylonis, tum non revera calefactionem aut usionem separari à calore, à quo emanat, uti nec ipse calor, qui emanat ab igne, separatur ab eo; sed puto, tantum poni impedimentum in subiecto patiente, & possum fuisse à Deo in corporibus juvenum trium in fornacem Babylonicam injectorum: nam eodem tempore potest fieri, ut objectum unum calefiat & comburatur; at alia objecta non item: sicut, eodem instanti, qui extra fornacem Babylonicam steterunt, & calefieri & comburi potuerunt, non potuerunt calefieri ut nec comburi tres juvenes in eam injecti, ut testatur historia *Dan.* 3. quæ calefactio ac



combustio, eodem instanti, tum separata fuerit ac non separata in eodem igne: quod est impossibile & contradictorium: nempe separata fuerit, quatenus ignis non combussit injectos juvenes; non separata, quatenus ignis combussit injicientes. Itaque *fortassis* accedunt proxime ad veritatem, qui sustinent

causam activam sic dici respectu effecti per actionem producti, eandem dici causam emanativam & esse respectu actionis, quæ à se emanat, & qua effectum producit. Sed, *fortassis*, dico: quia ego, ut sum liberioris ingenii ac judicii, cogitationes meas tantum propono, sententiam unicuique relinquo liberam.

## Disputationum ex Philosophiâ selectarum,

*Volume Secundi,*

### DECIMA-TERTIA.

D E

## CAUSA IMMAN. ET TRANS.

### T H E S I S I.

**I** *Immanens* causa est, quæ producit effectum in seipsa. *Transiens*, quæ producit effectum extra se: idque, vel ex nihilo, seu subjecti, seu termini, estque *creans*, vel ex præcedente materia habili, estque *immutans*, atque hæc pro ratione termini ad quem variis insuper dividitur modis, de quibus *Physici. Aristoteles* immutantem causam tantum agnovit, quia semper *efficientem* definit in ordine ad motum, quæ *primum movet*, quæ *principium motus est*: Creantem non agnovit: quia mundus apud ipsum æternus est: an immanentem agnoverit, dubium est.

**II.** Vulgaris multorum *Philosophorum* error est, causam immanentem & emanativam confundere, cum tamen inter sese mutum distinguantur: nam immanens est causa activa, & distinctam habet ab existentia sua causalitatem: causa emanativa distinctam ab existentia sua causalitatem non habet: cæterum hoc habet causa immanens commune cum causa emanativa, non quidem omni, sed aliqua, nempe interna, ut simul sit agens & patiens, id est, producens effectum & recipiens idem in se ipsa. Ex. gr. Intellectus conceptus format & formatos conceptus recipit in se: unde actus causæ immanentis, si causa immanens consideretur ut

subjectum patiens, dicuntur qualitates: si intellectio & volitio sunt & actiones & qualitates: in quantum producuntur ab intellectu ac voluntate, sunt actiones, in quantum in iidem subjectantur, sunt qualitates.

**III.** Longe alia ratio est causæ transeuntis, cujus effectum est extra ipsam causam, sive effectum post actionem causæ transeuntis permaneat, sive non permaneat, modo fuerit in alio subjecto, quam in quo est causa. Adducam exempla aliquot, ubi, & distinctum in causa immanente ac transeunte agendi modum, & hujus divisionis usum videre licebit. In generatione & corruptione alia actio ob eam habere nequit, quam transiens, nihil enim seipsum generat; nihil sui interitus causa est. In alteratione, quæ ad corruptionem tendit, similiter actio transiens deprehenditur, quia necesse est, ut qualitas inherens per contrariam qualitatem expellatur: in alteratione vero, quæ res perficiuntur, actio immanens frequentius animadvertitur; ita actio immanens est, quæ res quælibet suæ conservationis studiosa pro qualitatibus suarum integritate pugnat, ut cum aqua pristinum frigus recuperat. In accretione & diminutione videtur utraque actio concurrere, & immanens, & transiens. Denique in motu locali & actio transiens sese offert, & deprehenditur in inferiori-



rioribus, quatenus motum cœli sequuntur: at quando gravia & levia suum locum repetunt, videtur hoc fieri per actionem immanentem: dico, videtur, quia incerta hic sunt multa & obscura. Sed causæ transeuntis naturam paulo penitius inspicimus.

IV. *Causæ Transienti* vulgo assignari solent tres conditiones. 1. est; quia causæ transiens semper producit effectum in alio, ideo à patiente semper debet esse realiter distincta. 2. est; debet esse conjuncta cum patiente. 3. est; debet patienti esse dissimilis.

V. §. 1. *Causa transiens debet reipsa distinguere à materia, subiecto, seu patiente.* Ratio est, quia causæ transiens est causæ activa, quæ agit cum motu: at in motu movens à mobili reipsa distinguitur: *Quicquid enim movetur, ab alio movetur*: est axioma receptissimum ex *Arist. l. 7. & 8. Phys.* Cujus axiomatis hæc reddi potest ratio; *Nihil simul actu esse potest & potentia.* At vero, quod movet, actu est, quod movetur, potentia est. Ex. gr. Quod calefacit, actu calidum est, vel actu saltem est: nam agere præsupponit esse: quod calefit, potentia calidum est: si quid ergo moveretur à seipso, id actu simul & potentia tale esse deberet, id est, deberet esse tale & non tale. Ergo si idem non possit moveri à seipso, quia idem non potest simul esse actu & potentia, causæ transiens quoque non potest esse eadem cum patiente, sed necessario est aliquid diversum ac distinctum ab eo, *vel ut totum à toto, vel ut pars à parte, vel ut pars à toto*; nam non est existimandum, quod distinctio causæ transiens à patiente, sit diversitas tanquam inter duo supposita: quinimo sufficit, si sit inter duas partes unius suppositi realiter inter sese distinctas; ita, licet suppositum idem fuerit, actio nihilominus partium diversarum inter se mutuo, non immanens, sed transiens erit. Ex. gr. loqui & ambulare sunt actiones transientes, non quod agens & patiens sint diversa supposita, sed unus suppositi partes utrobique sint distinctæ: in ambulando, pars una corporis movet aliam: in loquendo, phantasia impellit spiritum, spiritus musculos, musculi diaphragma, diaphragma pulmonem, pulmo aërem, aër dentes, qui ionum edunt: hic

causæ transiens est diversa à patiente, ob partium in uno supposito diversitatem à se mutuo.

VI. Quæri hic solet & potest non incommode, quousque extendi debeat hoc axioma *Aristotelis*; *Quicquid movetur, ab alio movetur.* Quod generaliter sine ulla exceptione sumi non debeat, puto satis esse clarum: 1. enim non habet locum in causis *emanativis*. 2. neque in *immanentibus*. 3. non liquet, *quomodo gravia & levia moveantur* ab alio, cum movetur motu progressivo. Qui existimant sufficere, ut agens à patiente distinguatur secundum rationem agendi & recipiendi, non esse necessarium autem, ut distinguantur secundum entitatem absolutam, sic ut fieri possit, ut una eademque res sit agens & patiens, sed per facultates ac rationes diversas, sive illæ sint inter se realiter diversæ, sive se habeant ut includens & inclusum, qui hoc, inquam, statuunt & sic opinantur, illi frustra sunt, & à mente *Aristotelis* longissime aberrant; is enim citatum axioma adhibet ad demonstrandum primum motorem, quæ demonstratio infirma fuerit, nisi axioma accipiat de reali distinctione inter movens & mobile. Ut ergo hujus axiomatis sensum assequamur, distinguendum est, inter *principium principale seu remotum*, & *minus principale seu proximum*. Deinde sunt constituendæ 4. distinctæ causarum efficientium classes: 1. est earum, quæ causant *per emanationem*. 2. quæ agunt *actione immanente*. 3. quæ agunt *actione spiritali*, seu ut alii loquuntur, *spiritali*, ut sunt motiones locales Angelorum. 4. quæ agunt *actione physica*, ut sunt corpora naturalia, materialia, & quanta. Denique potest aliquid duobus modis moveri: 1. *per se*, uti moventur corpora naturalia. 2. *per accedens*, quæ moventur ad motum corporum, ut accidentia. Hic nunc sermo est, de priori genere motus, non de posteriori. Hæc applicemus.

VII. In *emanatione proximum efficiens à passio distinctum non est*, potest tamen effectum ejusmodi reduci in efficiens remotum, quod realiter à passio distinctum sit. Quicquid enim rei debetur necessario in primo instanti sui esse, id à generante non minus proficiscitur, quam res ipsa: Atqui quod per emanationem

procedit ab aliquare, id rei debetur necessario in primo instanti sui esse. Ergo effectum, quod emanat, non minus à generante aut creante proficiscitur, quam principium à quo emanat: sed de hoc negotio actum est *dispositum*. Porro in actionibus immanentibus & spiritualibus motionibus, agens, neque proximum neque remotum, realiter à patiente distinguitur: non proximum, eadem enim facultas ejusmodi actiones elicit ac recipit: non etiam remotum, quia hæ actiones, non generantur, sed ipsis formis ac facultatibus, à quibus proxime procedunt, adscribendæ sunt; siquidem non necessario debentur rebus in ipso generationis momento, neque ex vi generationis rebus conveniunt. In solis ergo actionibus Physicis, id est, causarum transcurrentium, agens à patiente distinctum est, idque vel proximum, vel remotum, & vel ut totum à toto, vel ut pars à parte, vel ut pars à toto, & distinctum realiter.

VIII. Opponit se huic axiomati Scotus, & adversus rationem allatam ait, verum illud quidem esse, quod nihil possit esse in actu & potentia formaliter, sed potest idem esse in actu virtuali seu eminenti & in potentia formali. Ita Scotus, merum calidum & caliginem per terminos suos barbaros oculis objicere solet: hoc vult: potest idem habere vim eminentem ad efficiendam aliquam formam, & capacitatem simul ac potentiam ad eam formam recipiendam; ut, si motus, qui actu & formaliter calidus non est, sed virtute & quasi eminenter, calorem producat, quem ipse motus aut potius principium movens suscipere queat; nam ponamus sic, ut mentem ejus explicemus. Resp. ut aliquid in se agat, & non moveatur ab alio, non sufficere, ut habeat actum virtualem & potentiam formalem, quemadmodum Scotus loquitur; quod patet experientia in vino & pipere: vinum enim & piper habent vim aut virtutem eminentem ad calorem efficiendum & potentiam etiam formalem, sed non calefaciunt tamen, nisi vinum commisceatur cum intrinseco calore animalis, & piper quoque, nisi prius alteretur & excutatur, conjunctione cum patiente quod ab utroque divertum est: deinde nulla omnino res est in actu virtuali, ad illam formam quæ ipsi est naturalis, ut hoc effugium Scoti sit vanum.

IX. §. 2. *Causa transiens debet esse conjuncta patiente, quod fit duobus modis, vel propinquitate seu immediate suppositi, vel propinquitate seu immediate virtutis: priori modo, agens conjunctum est passio, cum duo corpora se mutuo tangunt, ut passio, aqua manu abluit: posteriori modo, cum duo corpora distantia in se mutuo agant diffusa virtute per medium, ut cum Sol calefacit hæc inferiora diffuso calore per aërem. Immediate virtutis iterum duplex est: 1. ut actio agentis per intermedium diffundatur ad extremum, non ex necessitate causalitatis partis proximæ patientis in partem remotam, sed solum ex necessitate ordinis, id est, ut clarius loquar, non quia agens postulat, ut pars proximæ patientis concurrat secum ad actionem in partem remotam, sed quia passum applicatum agentis, necessario patitur prius in parte propinqua quam in parte remota. 2. ut agens prius agat in partem propinquam passii, & per partem propinquam, tanquam per instrumentum, in partem remotam. Hæc applicemus.*

X. Dico 1. *Non semper requiri propinquitatem aut immediate suppositi inter agens & patientem in actione transiente.* Atque hoc multis experientiis clarum est: sufficit illa de Sole, qui supposito hæc inferiora non attingit, in quæ agit. Dico 2. *dari non posse actionem in distans, nisi prius actio recipiatur in medio: & probatur.* Agere præsupponit esse: itaque agere certo loco præsupponit esse illi loco conjunctum, vel supposito, vel virtute: alias nulla ratio dari posset, cur non possit agens naturale agere in distans per passum vacuum, quod tamen Philosophi plerique impossibile judicant; negant enim motum in vacuo fieri posse. Dico 3. *neesse esse, ut agens eadem virtute atque actione continua, qua agit in distans, incipiat agere in medium sibi propinquum & per totum medium actionem suam diffundat usque ad passum distans:* Si enim agens ageret alia actione & virtute in medium, alia in passum distans (ex. gr. si ignis ageret per siccitatem in medium, per calorem in passum distans) tum essent duo agentia, non materialiter, sed formaliter saltem diversa, quia actio siccitatis in medium per accidenes plane coheret cum calore,

lore, quo agit in distans, ignis: ideoque dico, plane necesse esse, ut sit una eademque virtus, una eademque actio continua, qua agens agit in distans pariter & in medium: cum dico unam virtutem, non intelligo unam entitatem, sed unum principium adaequatum unius actionis, etiam si coalescat cum pluribus formis, vel subordinatis, vel coordinatis: similiter, cum dico, actionem continuam, non intelligo continuitatem Physicam, sed vero continuitatem secundum ordinem causalitatis: sic Sol eadem virtute eademque actione continua agit, in visceribus terræ, & in toto medio, licet in corporibus sibi proxime subjectis producat tantum lumen, in aëre lumen & calorem, in terræ visceribus calorem tantum. Dico 4. probabile esse medium; per quod agens agit in passum remotum, sepe esse instrumentum, non instrumentum separatim, sed conjunctum in causando. Dico 5. fieri posse, ut agens per propriam partem agat in remotam, non tanquam per

instrumentum, sed tanquam per medium, necessariam tantum ad continuitatem actionis.

XI. §. 3. Agens patienti debet esse dissimile, in actione transeunte. Dissimilitudo hæc intelligitur bifariam, aut quoad speciem, aut quoad gradum. Quoad speciem agens patienti dissimile est, cum patiens habet qualitatem specie distinctam à qualitate agentis, ut si patiens sit frigidum & agens calidum: quoad gradum, quando agens habet eandem qualitatem specie quam habet patiens, sed tamen gradu differentem, ut, si agens sit calidum, ut sex, patiens calidum, ut duo; Cum alterutra harum dissimilitudinum obtinet, jam datur actio, in causa transeunte: si neutro modo agens patienti est dissimile, nulla actio dari potest, ne tum quidem etiam, cum agens habet maiorem agendi vim & efficaciam; ita ferrum candens non agit in flammam, licet sit efficacius, & ratio est, quia non est calidius; nam pono calorem utrobique intensissimum.

## Disputationum ex Philosophiâ selectarum,

Voluminis Secundi,

### DECIMA-QUARTA.

D E

## CAUSA LIBERA.

T H E S I S I.

DE Causa libera actum est disp. select. vol. primi disp. 46. & 47. atque ibi Causæ liberæ notionem veram ac definitionem, Disp. 46. & quomodo esse Causam liberam, Deo, Angelis ac homini, competat, disp. 47. exposuimus. Libertas causæ liberæ vulgo in duobus collocatur, in indifferentia & lubentia rationis: est enim, quæ potest agere quicquid, quando, & quantum lubet: quicquid, quando, & quantum, significant indifferentiam: lubet, significat rationis lubentiam. Atque hæc magis constituit libertatem, quam differentia, quia indifferentia in rationis lubentia indeterminata, qua, quod lubet intellectus iudicio ultimo, volumus atque agimus, fundata est. De rationis lubentia, quam alii vocant spontaneita-

tem cum ratione, satis est dictum disp. cit. & Collegii Eth. disp. 9. 10. & 11. Ostendimus ibi, causam liberam ideo agere liberrime, quia agit id, quod lubet, lubet vero id quod ratio dicat, pro iudicio suo, quo aliud etiam dicere potest ac iudicare, & ista iudicii indifferentia, omnis indifferentiæ in causa libera, in ejus voluntate & actionibus, est radix, voluntas enim tum est indifferens quando & quoties intellectus est indifferens in iudicando, qui non semper est talis, non in nobis circa finem ultimum, non in Christo fuit respectu obedientiæ Patri præstitæ, non est in Angelis aut Beatis Animabus respectu amoris, quo Deum venerantur, quin intellectus indifferentia sublata, quæ ante fuit, ac posito jam dictami-

ne determinato, & lato, omnibus circumstantiis expensis, iudicio ultimo, non est voluntas adhuc indifferens, sic ut possit non velle aut aliud velle, ac de facto non velit aut aliud velit, quam intellectus dictavit: hanc tamen voluntatis indifferentiam, etiam sublata intellectus iudicantis indifferentia & posita jam ejus determinatione, ad libertatem Cause liberæ exigit *vulgo Philosophorum*, quam vocant *indifferentiam in sensu composito*, quia illa in voluntate simul componatur cum determinatione & non indifferentia intellectus: ita volunt, posito diastamine ultimo intellectus practici, nili voluntas in sensu composito possit contrarium actum elicere, ac nili actu sapie eliciat, volunt & statuunt eam non fore liberam: pariter concludunt omnes *Patroni Liberi Arbitrii, Veteres & Novi Pelagiani, Jesuitæ, & qui eorum vitula erant inter egrossos ex medio nostri*, nili voluntas humana, posita jam præmotione Dei præsentis ex præcedente ejus decreto, non tantum in naturalibus, moralibus, civilibus, sed & in spiritualibus ac supernaturalibus, adhuc possit aliud velle, quam quod Deus decrevit ut illa vellet, & ad quod volendum eam movet, non fore liberam: scilicet malunt isti homines aliquid derogare Dei potentie, ut non sit omnipotentia, quam vel tantillum detrahere huic voluntatis indifferentie. Certe, si Dei motioni præsentis in voluntatem humanam ad hoc volendum resisti possit à voluntate pro innata sibi libertate, ut hoc non velit, jam Deus non omnia poterit; non enim poterit, ut voluntas humana illum actum producat, ad quem eam ex decreto suo æterno movet, quia, scilicet, læderetur ejus libertas; nempe, hæc *diastasia*, indifferentia, pro qua, tanquam pro *Helenæ*, ita pugnant, ut *Isaiæ* mandat hæc *Regina*, etiam *Isi Regi Regum Deo* aliquid detraheretur. Itaque visum fuit operæ pretium, & utilissimum ad naturam Cause liberæ intelligendam, penitus dispicere, quo sensu hæc indifferentia sit admittenda, quo non, & qua tenus in ea libertas consistat, quatenus non: ne juvenus Philosophiæ studiosa errores imbibat ex Philosophia vulgaris, qui obliunt Theologiæ salutari: nam certum est, illos omnes, qui *Liberi Arbitrii*, & olim &

nunc circa spiritualia & supernaturalia, extirpant *Hyperaspistæ*, ejusque vires hic defenderunt, id fecisse *ex falsa notione libertatis*, arrepta ex Philosophis vulgaribus, qui omnes collocarunt libertatem in sola *adiastasia*, indifferentia, qua causa libera, positis omnibus ad agendum requisitis, potest agere & non agere, aut ita agere unum, ut & contrarium agere possit, etiam in sensu composito, i. e. ut sapie contrarium agat: Quæ libertatis ac causæ liberæ descriptio, in *Iesuitarum* cerebro nata, nec *Aristoteli*, eorum in Philosophiâ, nec *Thomæ Aquinati*, in Theologiâ, *Dictatoribus* ac *Papis*, tuit cognita. Sed rem ipsam agamus, & quo sensu & quando aliqua indifferentia in voluntate & causa libera poni debeat, excutamus: nam, ut vulgo à receptis proponitur *Philosophis*, tolerari nec potest, nec debet.

II. Sententia Adversariorum hæc est. Indifferentia causæ liberæ est, ut positis omnibus requisitis antecederet ad actum liberum, etiam diastamine intellectus practici ultimo, & influxu actuali, quo Deus influat in liberum hominis arbitrium, voluntas tamen creata possit etiam, in sensu composito, operari illum actum & non operari, possit, dico, positis iis omnibus, suspendere illum actum aut etiam elicere contrarium. itaque dicunt ulterius; esse necessarium ad veram libertatem & utum illius, ut diastama quo intellectus voluntatem ad hoc, & motio qua Deus movet voluntatem ad consensum, possint stare ac simul esse & componi in eadem causâ libera, in eodem libero arbitrio ac voluntate creata, cum actû voluntatis ad aliud & dissenso contrario: & sic intelligitur illis sensus compositus, cum juxta eum, positis omnibus prærequisitis, causam adhuc liberam, & voluntatem liberam manere assuerunt: sed verò intelligitur pessime & quod ut demonstramus, duo sterneamus fundamenta.

III. §. 1. Fundamentum primum petimus ex ipso *Aristotele* 9. Met. & *Thoma Aquin.* ad istum locum, ideoque rejici ab Adversariis non potest: nempe hoc est; quod in omni causa libera simul sit potentia ad utrumque oppositarum, non tamen est in ea potentia ad opposita simul habenda: ita in homine est simul potentia ad ambulandum & sedendum, ad assentien-

dum

dum & dissentiendum, quæ sunt opposita disparate vel contrarie, ad volendum & non volendum, operandum & non operandum, quæ sunt opposita contradictorie, sed non est in homine potentia ad ambulandum & sedendum simul, ad assentiendum & dissentiendum simul, ad volendum & non volendum simul, ad operandum & non operandum simul: & ratio est: nam potentia ad unum actum non repugnat potentie ad actum disparatum vel contrarium, imo nec repugnat actui disparato vel contrario: sed duo actus disparati vel contrarii repugnant inter se, nec possunt de eodem subiecto singulari verificari, sunt enim, ut Scholastici loquuntur, impossibiles: sicut nec duæ enunciationes contradictorie verificari possunt de eodem subiecto singulari: sed vero verificari possunt de eodem subiecto singulari, potentia ad actum hunc & actus disparatus vel contrarius: itaque causa libera creata, ut est liberum arbitrium hominis, non solum antequam determinetur ad unum actum, i. e. in sensu diviso, sed etiam in ipso instanti, in quo à Deo determinatur, & in quo per intellectus practici iudicium ultimum voluntatem determinat suam, ad hunc actum, i. e. in sensu composito, simul habet potentiam, qua potest libere producere actum alium: & sic sensus compositus bonus est verus: sed non habet potentiam tamen ad actum oppositum simul habendum; & sic sensus compositus est malus ac falsus, quia duo actus oppositi simul eodem tempore, in vel ab eadem potentia, esse non possunt, sed tantum successive: & hinc ortum traxit illa vulgo à Theologis & Philosophis recepta distinctio, de simulate potentia & potentia simulata: Est in causa creata libera, similitudo potentie ad operandum vel non, & ad operandum hoc vel ejus oppositum: nam per hoc quod causa libera operetur unum actum, non destruitur libera ejus facultas, nec tollitur indifferentia suæ potentie, quam habet ad operandum actum oppositum si velit, vel quam habet etiam ad non operandum: similiter per hoc, quod non operetur pro hoc instanti talem actum: non amittit ideo potestatem operandi talem actum. Verum non est

tamen in causa libera, nec esse potest potentia simultatis ad actus disparatos, contrarios, vel contradictorios; nam hi sunt impossibiles, id est, simul in eodem subiecto, aut ab eodem, esse nequeunt: & sic patet, quis sit sensus compositus, quis divisus. Verum quia hi termini in hoc negotio & alibi frequentissime usurpantur, paulo plenius eos excutiemus.

IV. *Sensus compositus*, est proprius enuntiationi modalis compositæ. *Sensus divisus*, est proprius enuntiationi modalis divise. *Enuntiationi modalis compositæ est*, in qua dictum subijcitur & modus prædicatur: & hæc facit sensum compositum, ut, *Album esse nigrum, est possibile*. *Modalis divisæ est*, in qua modus interponitur inter partes dicti: & hæc enuntiationi modalis facit sensum divisum, ut, *Album possibile est esse nigrum*. Hinc facile patet, ad veritatem modalis enuntiationis compositæ seu in sensu composito, de modo possibili, requiri, ut extrema, quæ ponuntur in dicto enuntiationis modalis, sint compossibilia in eodem subiecto: hac enim ratione enuntiationi talis de possibili, dicitur composita aut in sensu composito, quia nimirum extrema dicti componit seu simul ponit in eodem subiecto, mediante copula de possibili; ut in enuntiatione, quam proposui, *Album esse nigrum, est possibile, dictum* modalis hujus enuntiationis est totum illud, *Album esse nigrum*, cujus dictum unum extremum est, *Album*, alterum, *Nigrum*. Ut ergo hæc propositio sit vera in sensu composito, necessario requiritur, ut sit possibile, idem subiectum singulare simul esse album & nigrum; & propterea ista propositio, quam posui, est falsa in sensu composito, quia scilicet propositio de inesse, per quam hæc modalis immediate regulatur & probatur, sc. *Album est nigrum*, est falsa & prorsus impossibilis: ideoque, quando ex ista pura enuntiatione fit modalis de possibili composita, fit enuntiationi falsa: At, si fiat enuntiationi de possibili divisa, vera erit, quia sensus divisus est iste, quo forma, quæ significatur per unum extremum, ponitur in subiecto, & dicitur forma, quæ per alterum significatur extremum, divisum, successive, & tempore alio, in subiecto poni posse,



posse, non vero simul, aut eodem tempore: sic, *Album possibile est esse nigrum*, i. e. subiectum, quod nunc formam habet albi, potest formam nigri suscipere & esse nigrum, tempore alio. Hæc applicemus. *Dicimus ergo*, Causæ liberæ competere indifferentiam in sensu diviso, non vero in sensu composito, quomodo hic sensus nunc est explicatus, i. e. dicimus, causam liberam creatam, jam motam à Deo, ad assentiendum aut operandum, non posse in sensu composito, aut dissentire, aut non operari, uti & voluntas mota ab intellectu practico non potest, in sensu composito, non velle, & tamen, causa libera est talis ac manet talis, & voluntas est ac manet libera, quia utrumque potest in sensu diviso: nam motio illa Dei actualis & actualis dissensus creature (idem dicendum est de motione intellectus practici & volitione actuali voluntatis) non possunt simul poni eodem tempore in eadem causa libera, quia est sensus compositus: sed motio illa Dei ad assentiendum & potentia dissentendi, omnino simul poni possunt, & hic est sensus divisus: nam motio Dei actualis & actualis assensus, non tollunt actualem dissensum, i. e. indifferentiam in sensu composito; quod ulterius sic probatur.

V. Sensus compositus non est ille, quo forma importata per unum extremum ponitur in subiecto, sed quo duæ formæ importatæ per utrumque extremum simul ponuntur in eodem subiecto: sicut cum dicimus, *Album potest esse nigrum*, in sensu composito, non significamus, quod albor sit aut esse possit in aliquo subiecto seorsum, vel quod nigror sit aut esse possit in aliquo subiecto seorsum, sed sensus est, quod albor & nigror simul sint compossibiles in eodem subiecto seorsum, sed sensus est, quod albor & nigror simul sint compossibiles in eodem subiecto: & propterea illa enuntiatio in sensu composito est falsa, quia impossibile est, ut aliquid sit simul album & nigrum. Pariter quoque cum dicimus, *causam liberam motam à Deo ad assentiendum, non posse dissentire in sensu composito* (idem dicendum est de voluntate mota ab intellectu practico ad volendum) non significamus, quod motio illa Dei sit aut esse possit in causa

libera, & quod dissensus seorsum sit aut esse possit in eadem causa libera, qui sensus est divisus, & admittitur à nobis: sed hoc significamus, quod motio illa Dei ad assentiendum & dissensus actualis non possint esse simul in eadem causa libera, qui sensus est compositus & à Nobis negatur, ab Adversariis ponitur, motionem Dei ad assentiendum & dissensum actualem simul esse posse assentiendum; sed pessime, quod ex ipsis Adversariis, argumento ad hominem, ut vocant, probabimus.

VI. Quoties *Adversarii* premuntur viarum argumentorum, quibus vulgo probari solet, cum infallibilitate præscientiæ divinæ non posse stare arbitrii humani libertatem (nam supposita præscientia, qua Deus præcivir, Petrum esse consensurum, impossibile est, ut Petrus dissentiat, alioquin Dei præscientia falli posset) quoties, inquam, *Adversarii* sic premuntur, solent respondere, id esse impossibile in sensu composito, quia videlicet repugnat, hæc duo simul esse vera, quod scilicet Deus sciat Petrum consensurum & nihilominus Petrus non consentiat aut dissentiat; & tamen volunt, per præscientiam divinam, quando jam Petrus consentit, non tolli ejus, aut liberi arbitrii, aut causæ liberæ, libertatem; similiter ergo & ego dico, Causam liberam ad assentiendum motam à Deo (idem semper intelligendum est de voluntate mota ab intellectu practico, quod semel monitum esto) non posse in sensu composito dissentire & tamen libertatem non tolli à causa libera, sensus est, quod implicet contradictionem; hæc duo simul esse vera, sc. ut Motio Dei ad consentiendum sit in homine & homo dissentiat, quamvis semper possit dissentire: & hæc est ejus libertas, & si quæ in illo est, hæc adæquata seu indifferentia, ut homo, posita determinatione Dei atque intellectus sui ad assentiendum, possit dissentire, qui est sensus divisus ac noster, non vero actu dissentiat, qui est sensus compositus & adversariorum. Sed hæc adhuc clarius patent ex sequentibus.

VII. §. 2. Secundum fundamentum hoc est, quod, cum *causa libera* ab Adversariis definitur; *quæ positis omnibus ad agendum requisitis potest agere vel non agere, agere hoc vel illud, in* sen-



sensu composito, illud dupliciter intelligi possit: 1. ita, ut compositio fiat inter requisita ad operandum & ipsam operandi & non operandi potentiam: & tunc sensus compositus est, quod potentia operandi & non operandi fiat simul in eodem subiecto cum antecedenter requisitis ad talem talis potentiae operationem certam, & hic sensus compositus est verissimus, & cum libenter admittimus. Sed 2. ita potest intelligi, ut compositio fiat inter requisita antecedenter ad talem actum certum & inter carentiam talis actus certi aut actum contrarium: & tum sensus compositus hic est, quod omnia praequisita; & ex parte Dei, & ex parte intellectus practici, ad operandum talem actum particularem, & carentia ejusdem actus aut actus contrarius, possint esse atque aliquando sint simul in eodem subiecto, in eadem causa libera. Et hic sensus compositus admittitur ab Adversariis, à Nobis rejicitur. Nos hæc tamen admittimus, sensum compositum, quatenus in eadem causa libera simul cum Præquisitis & motione Dei prævia ac simultanea consistit & conspirat amice facultas seu potentia, qua possit operari vel non operari & operari hoc vel illud, sed ut simul stet, quod positum iis omnibus de facto non operetur aut operetur contrarium, diserte negamus, ac fieri non potest. Sane nullum ex præquisitis, quin ne motio quidem Dei, seu prævia seu simultanea, qua efficaciter determinatur causa libera ad agendum ac de facto agit, & agit hunc actum particularem ac certum, tollit ab ipsa facultatem aut potentiam ad non agendum aut agendum oppositum, sed tantum hoc efficiunt præquisita, decretum & præcipientia ac motio Dei, tum prævia, tum simultanea, ut causa libera, cum possit operari & non operari, & operari hoc vel aliud, infallibiliter tantum & nihilominus libere operetur hunc actum certum & particularem: itaque compositionem inter præquisita & carentiam talis actus certi aut actum contrarium non admittimus, & tamen servamus libertatem causæ libere factam rectam, ac, quod plus est, servamus indifferentiam, quousque servari potest ac debet: nempe, hæc sunt impossibilia, ut pro eodem instanti tem-

poris in eadem causa libera omnia sint antecedenter requisita ad productionem talis actus, & causa libera istum actum non producat aut producat contrarium, & nihilominus cum hac impossibilitate fiat vera simul libertas, imo & indifferentia causæ libere, quia licet maneat compositio inter præquisita & ipsam potentiam agendi, in sensu composito, hæc tamen compositio & hic sensus compositus indifferentiam à causa libera non auferunt, quia non tollunt potentiam agendi, sed vero eam ponunt, nam actum tantum contrarium aut actus negationem solum eunt sublatum; manet quoque indifferentia in sensu diviso, ut fuit explicatum.

VIII. Quia vero exempla valde illustrant, exemplo totum hoc negotium declarabimus. Causa libera, puta homo, producat actum dilectionis vel fidei: inter præquisita est efficax Dei decretum, quo Deus decrevit, ab æterno, ut homo talem actum produceret, & ejus motio in tempore, qua hominis voluntatem præmoveret ad eundem actum: in ipso enim movemur, & ille efficitur vel & operari: sed cum efficaci decreto ac motione Dei non stat simul, ut causa libera non producat illum actum vel dilectionis, vel fidei, aut ut eliciat actum contrarium, vel odii, vel infidelitatis, & tamen libere producit istum actum, imo etiam ea libertate, quæ est sita in indifferentia; potest enim in sensu diviso illum actum non producere, quatenus, si non poneretur decretum aut motio efficax, cum non produceret: potest etiam in sensu composito illum non producere, quatenus, cum jam producit eum ex prædeterminatione decreti ac motionis divinæ, retinet nihilominus potentiam non producendi: nam ista potentia per decretum & motionem divinam non auferatur, sed tantum actus contrarius illi, odium aut negatio dilectionis, infidelitas aut negatio fidei in actu secundo, seu negatio credendi.

I X. Atque hæc maximi sunt usus & momenti in Theologia: v. c. impossibile est, hæc duo esse simul vera: Spiritus Sanctus vult aliquem movere ad actum dilectionis aut fidei, & ille tamen non diligit nec credit: At vero ex sententia adversariorum hæc sunt verissi-

ma: quia illis motio Spiritus Sancti & negatio actus eliciendi aut non elicere actum, simul componi & stare possunt, nimirum, ut liberi arbitrii *adiagnosis*, indifferentia in sensu composito, salvetur: hinc dicunt; resili posse oppositioni Spiritus Sancti per vires liberi arbitrii: hinc dicunt, hominis cor moveri posse à Deo cum intentione ut gratiam consequatur, ut convertatur, & tamen de facto, posse non consequi gratiam, posse non converti: nimirum, alioquin homo non foret causa libera, non foret ei liberum arbitrium. Sed vero, Nos, negando illam sensus compositi in libero arbitrio *adiagnosis*, decreti, scientiæ, motionis divinæ, infallibilitatem ac certitudinem, adstruimus, nec tamen naturam liberi arbitrii destruimus, ut illi quidem, sed falso existimant, licet actus secundos ejus & vires exercitas negemus: Manet enim libertas causæ liberæ, quamdiu manet lubentia rationis, quin hic amplius est, & duplex quidem indifferentia, una in sensu diviso, altera in sensu composito, quatenus est compositio inter prærequisita quæcunque, etiam prævias Dei operationes, & inter potentiam ipsam agendi & non agendi, non vero, quatenus est compositio inter prærequisita & inter ipsum actum contrarium aut negationem actus, ut Jesuitæ volunt & omnes qui pro libero certant arbitrio. Ergo nos non onanem à causa libera indifferentiam ubique & semper excludimus, sed vero duplicem agnoscimus: tertiam, sensus compositi Jesuitici, rejicimus. Nunc porro videamus, unde indifferentia causæ liberæ, cum in ea reperitur præter spontaneitatem cum ratione, ortum ducat.

X. Causæ liberæ indifferentia tota fundatur ac radicatur in indifferentia intellectus practici. quæ judicat objectum propositum, esse vel amandum vel fugiendum, prout convenientiam habuerit cum agente vel non, prout ad finem ultimum vel adducit vel abducit: nam qui istam indifferentiam in sola locant voluntate, ut faciunt illi, qui voluntatis libertatem perire putant, nisi indifferens maneat, ad volendum vel non, & ad volendum hoc vel contrarium, etiam posito dictamine intellectus practici ultimo, in sensu, ut

ajunt, composito, illi toto errant ceclornam in voluntate nulla est indifferentia, nisi illa prius fuerit in intellectu: nam voluntas intellectum sequitur, ab eoque ad volendum ac nolendum determinatur; ideoque ita se habet ad objecta & actiones suas, prout ab intellectu ducitur ac regulatur: cum igitur intellectus est indifferens, & voluntas quoque est: cum intellectus non est indifferens, nec voluntas est: intellectus non est indifferens, circa res omnes, sic nec voluntas: intellectus non est indifferens circa finem ultimum, sic nec voluntas: intellectus enim non potest non judicare, finem ultimum esse amandum, & voluntas quoque non potest non cum amare: sic & nulla utriusque est indifferentia circa media, quæ necessariam cum fine ultimo seu summo bono dicunt & habent connexionem: at vero circa illa media, quæ non habent necessariam cum fine ultimo aut summo bono connexionem, indifferens est intellectus & indifferens quoque voluntas: itaque, quas res esse bonas vel malas judicat intellectus *πρακτικος*, sine deliberatione, ab iis necessario movetur ac determinatur: ab intellectu determinato non potest non determinari voluntas: quæ vero res sub deliberationem cadunt circa eas à tali determinatione liber est intellectus, & indifferens, liberrimeque pro judicii sui indifferentia præscribit eligendum voluntati hoc vel illud medium, quod cæteris præstare judicat, voluntas ex præscripto intellectus judicantis agit, & vel hoc vel illud medium eligit, quod ab intellectu judicio alius est prælatum. Voluntas cum sic agit, potentiam non agendi non amittit, sed eam retinet, ac potest, etiam cum agit, non agere, si intellectus non præscribat, aut aliud agere, si intellectus aliud præscribat: si nulla res inter propositas intellectui placeat, omnes rejicit, & voluntas nihil appetit, quia intellectus nihil suo judicio præscribit. Quare, ut concludam, causa libera est indifferens, quando ex indifferenti rationis practicae judicio agit; quod si, non indifferens, sed determinatum fuerit, adhuc manet libera, modo agat, ut agit semper, quod intellectui lubet, videtur, approbatur, judicatur.

## Disputationum ex Philosophiâ selectarum,

Voluminis Secundâ,

## DECIMA-QUINTA.

## DE CAUSA EFFICIENTE PER SE ET PER ACCIDENS.

## T H E S I S I.

**N**on inter postremas est *Causa Efficientis* divisio, in eam, quæ est *per se*, & eam quæ est *per accidens*. Causa Efficiens *per se* est, quæ effectum producit nature suæ aut consilio consentaneum: causa efficiens *per accidens* est, quæ effectum producit nature suæ aut consilio dissentaneum.

II. Notandum est, *quod per se & per accidens*, duobus modis de causa efficiente enunciari, eique tribui: *vel ratione ipsius causæ, vel ratione effectûs*. *Tò per se causæ efficienti* adscribitur, *ratione ipsius causæ*, cum illa effectum producit, quæ est talis, i. e. ea ipsâ virtute, à qua denominatur: *clarius*, cum effectum refertur ad principium tale, à quo ipsa causa nomen habet, v. c. si Architectus ædificet, aut Musicus canat, uterque est causa *per se*, ut *per se* referatur ad ipsam causam, quia causat uterque effectum, quæ est talis: *quod* ædificare enim proficiscitur à peritia ædificandi, principio tali in Architecto, quod ipsum Architectum denominat; ita *quod* canare proficiscitur à Musico, *per se*, ratione Musici, quia proficiscitur à tali principio, quod Musicum talem facit ac denominat. *Tò per accidens Causæ Efficienti* tribuitur, *ratione ipsius causæ*, cum illa effectum producit, non quæ est talis, i. e. non ea virtute, à qua denominatur, sed alia, quæ per accidens causæ efficienti superveniat; *clarius*, cum aliquod attributum additur causæ efficienti præter virtutem propriam, à quo tamen effectus non est: v. c. si aliquis, qui Architectus est vocatione, simul Musicam calleat, & canat, & dixerit, Architectus canit, aut, qui Musicam proficitur ædificet, uterque causa est efficiens *per accidens*, ut *quod* per accidens referatur ad causam, Architectus in canendo, Musicus in ædificando, quia actio & scientia canendi adiungitur ei, qui *per se* ædificat, est enim is Architectus, & actio ac scientia ædificandi ad-

jungitur ei, qui *per se* canit, est enim is Musicus: itaque, quando Musicus ædificat, proficiscitur à Musico, causa *per se* canendi, ædificatio, quæ tamen non est à Musico, aut peritia canendi, quæ ipsum Musicum denominat, sed aliunde, nam Musicus quidem ædificat, sed non quæ est Musicus, ideoque *per accidens* causa est ædificationis; sic Architecto, causæ *per se* ædificandi, cum canit, *per accidens* actio canendi oritur ab Architecto, quia non oritur à peritia ædificandi, quæ ipsum denominat Architectum, sed aliunde: nam Architectus quidem canit, sed non quæ Architectus, ideoque *per accidens* causa est cantationis.

III. *Tò per se causæ efficienti* adscribitur, *ratione effectûs*, quæ fine suo potitur; *Tò per accidens*, cum fine suo frustratur: Illa finem assequitur, cum effectum producit, quod intendat, si fuerit causa libera, aut quod nature suæ & inclinationi naturali convenit, si fuerit causa necessaria: hæc fine suo excidit, cum effectum producit, quod, aut cum intentione sua ac consilio, aut cum natura sua ac naturali propensione non convenit. Ergo. *Tò per se* causæ efficienti tribuitur, ratione effectûs, cum causæ agentis, juxta intentionem voluntariam aut propensionem naturalem, effectus respondet, ut sic & principio agendi conveniens; *quod* per accidens eidem tribuitur, ratione effectûs, cum effectui, *per se* ex intentione aut propensione causæ agentis producto aut producendo, adiungitur effectus alius, præter aut intentionem aut propensionem: sic piscatoris effectum *per se* est piscari, & piscationis pisciumque capturæ causa *per se* est piscator, ratione effectûs, quia hoc effectum respondet ejus intentioni, intendit enim piscari: at huic piscationi *per se* intentæ opponatur effectus alius, non intentus, veluti extractio aurei tripodis; hic

M m 2

effectus

effectus erit per accidens, quia oritur præter intentionem causæ, & piscator est causa per accidens, ratione effecti; sic natura, cum producit effectum sibi simile, est causa per se, ratione effecti, quia effectum respondet propensione naturali & qua agit, & quo protendebat ipsa; at, si monstrum producat, est causa per accidens ratione effecti, quia illud non responderet propensioni ejus naturali, neque enim illa propendebat eo ut monstrum produceret, sed monstri effectio, ut effectus alius, præter propensionem causæ naturalem, adjungitur effectui per se intento.

IV. *Causa efficiens per accidens ratione effecti*, subdividi solet in *fortuitam & casualem*, vulgo *fortunam & casum*. Effectum per accidens, quod adhæret effecto per se causæ liberæ, est effectum fortuitum: effectum per accidens, quod adhæret effecto per se causæ necessariæ, est effectum causale. *Causa ergo fortuita, est causa libera per accidens*, in quantum effecto ejus per se intento annectitur effectum aliud non intentum, sic causa fortuita inventi tripodis est piscator. *Causa casualis, est causa per accidens necessaria*, in quantum effecto per se causæ naturalis apponitur aliud effectum præter naturalem propensionem causæ ut cum tegula decidens de tecto lædit prætereuntis caput; nam præter propensionem naturalem lapidis id est, ut lædat prætereuntem, & tamen hoc ipsum est conjunctum cum effecto lapidis per se, quod est moveri ad centrum suum.

V. *Casus* interdum lumitur late pro omni causa per accidens, & sic *fortunam* sub se comprehendit, & sic, quicquid est à fortuna, à casu est; non vero omne quod à casu est à fortuna; interdum sumitur *strictè* prout fortunæ opponitur; & tum casu agit causa, quæ, quando per se agit, non tamen agit per intellectum ac voluntatem, sed per propensionem naturalem tantum; fortuna agit causa, quæ, quando per se agit, per intellectum agit & voluntatem: ideoque hæc, quando per accidens agit, effectum producit præter aut scientiam aut voluntatem, i. e. quod aut non præcivit aut non ante decrevit; illa, quando per accidens agit, effectum producit, ad quod ante non propendit.

VI. Quæri hic commode potest: *An Deus*

*possit dici efficiens per accidens ullius effecti?*  
Resp. Deus nullius effecti est causa per accidens, sed omnium, quorum est causa, est causa per se: quia hoc derogat summæ Dei sapientiæ, ut aliquis effectus dicatur fieri à Deo, præter ejus, aut scientiam, aut intentionem: Qui dicunt, *Deum esse causam per accidens aliquorum peccatorum*, solent proferre, quod Deus condiderit voluntatem in homine, & voluntas sit causa peccati: quod vero est causa causæ est causa causati, si non per se, saltem per accidens: & sic Deus, qui est causa voluntatis peccantis, erit saltem per accidens causa peccati; absit blasphemia dicto. Sed enim isti homines non satis percipiunt, quid sit causa efficiens per accidens. Causa enim per accidens, quæ producit effectum præter consilium atque intentionem: itaque, quando causa libera producit aliquid aliud, quam quod producere intendit atque decrevit, est causa per accidens: atqui Deus sapientissimus nihil præter intentionem producit; quæ enim præter intentionem eveniunt, præter expectationem eveniunt & minime opinantibus, quod ignorantiam arguit: at eam Deo tribuere, impium est: *Deus igitur nec peccati nec ullius rei est causa per accidens*, sed quæ producit omnipotentissimus, eorum omnium est causa per se: peccati vero causa est, nullo modo, nec per se, quia malum non facit, (nec enim à lege deficit, cum lex ei non sit posita, at malum est à propria illegalitas) nec sua efficientia posita terminari potest in privationem; at malum privatio est bonitatis moralis; neque per accidens, quia nihil accidit præter ejus notitiam, consilium, intentionem, decretum. Sed vero Deus multa efficit per se, ut actiones omnes naturales, etiam eas, ad quas peccata esse secutura, aut potius quas peccata esse concomitatura novit, & novit, quia decrevit, ut sequerentur aut concomitarentur, non quidem se efficiente (neque enim omnia, quæ decrevit fore, efficit, neque argumentatio valet ab efficacia decreti ad efficientiam rei decretæ) sed se permittente: itaque actionum, quæ substernuntur peccato, seu materialis, ipsius peccati, Deus est causa per se; at vero ipsius peccati, seu malitiæ, vitiositatis, illegalitatis, irregularitatis (& ut barbare loquar cum Barbaris)

baris) peccaminositatis in actionibus, Deus, nec per se causa est, nec per accidens, quia plane causa non est: interim quod in actione hae aut illa hominis peccantis sit peccatum in abstracto sumtum, id non est præter Dei aut notitiam aut intentionem; Deus enim non tantum præcivit, sed & voluit, imo præcivit quia voluit, peccatum fore, & licet oderit peccatum, ut malum inhonestum, ut privationem rectitudinis moralis actionibus humanis inesse debere, ut transgressionem legis suæ, ut aversionem à se tanquam summo bono, illud tamen decrevit fore, ac voluit, existere in rerum natura suo modo, nam existentia proprie est entis realis & à causis efficientibus, at peccatum est non ens reale & à causis deficientibus, quæ male vocantur cause, quia virtutem aut vim proprie nullam conferunt, sed eam negant (voluit, inquam, existere, tanquam medium illustrandæ misericordiæ suæ in illo condonando & iustitiz in puniendo: nam fieri peccati, à Deo est volitum decretumque, tanquam bonum utile, & ex natura sua ordinabile, & à Deo ordinatum, ut medium condecibile ad finem, ac iustitiam manifestandam suæ misericordiæ ac iustitiz: novit enim ex tenebris eruere lucem: creatio mundi fuit à Deo volita, ac decreta est, tanquam medium illustrandi suam potentiam, bonitatem, & sapientiam) nec tamen Deus ullo modo aut sensu, nisi cum summa ejus injuria aut blasphemia, potest dici causa per se peccati, quia non intendit aut voluit ipse facere, cum ne facere quidem possit, sed, ut ab aliis fieret, tantum permittere: quod permittere, non est aliquid conferre ad peccati productionem, sed aliquid non conferre, & negare gratiam specialem ad peccatum vitandum necessariam, quam cum conferre Deus non tenetur, cum ab ea conferenda deficit, deficientia est non moralis aut culpabilis, qua quis deficit ab eo quod debet, sed Physica, qua quis deficit ab eo, quod potest, licet potentiam istam ad actum traducere non tenetur: At vero causa efficiens per se est, quæ ita vult & intendit aliquid, ut ipsa faciat illud. Ergo, ut concludam, cum Deus peccatum non faciat, nec facere possit, utcumque ab æterno voluerit atque intenderit peccatum fore ac fieri, atque ipsam

malitiam actionis male decreverit extitiram, ut medium utile fini suo obtinendo (qui est gloria sua) peccati tamen causa per se dici non potest: & multo minus causa per accidens, i. quia causa ejus est nullo modo, cum non faciat illud, sed tantum ex decreto suo fieri permittat: at causa per accidens vere facit, efficit, producit, effectum, licet præter intentionem suam: piscator vere extrahit aureum tripodem, hoc est, effectum illud vere producit: at Deus peccatum non producit ullo modo. 2. causa per accidens, præterquam quod vere agat, ita tamen agit, ut agat præter intentionem: Atqui, ut vere agere respectu peccati, i. e. vere producere peccatum, non convenit Deo, ita nec convenit ipsi, agere præter intentionem. Prius in sanctitatem Dei impingit, posterius in sapientiam ejus incurrit & omniscientiam tollit: Quæ omnia sunt blasphemia & horrenda.

VIII. Restat, ut fortunam & casum cum providentia Dei conciliemus: nam hic quoque nonnulli faciunt naufragium veritatis, dum sic argumentantur. *Si omnia fiant juxta Providentiam Dei, ergo nulla datur fortuna aut casus, & per consequens, male ad causas per accidens referuntur.* Resp. A positione Providentiæ divinæ ad fortunæ aut casus eversio- nem, nulla est sequela: Nam quod respectu causæ primæ, Dei, sit consulto ac destinato & ex prævio ejus consilio, idem tamen respectu causæ secundæ, creaturæ, fieri potest inopinato, ex improvviso, & præter ejus vel intentionem vel propensionem naturalem: Nam casus & fortuna, seu causa per accidens fortuita ac casualis, tantum sic dicuntur & dividuntur respectu causarum secundarum, non primæ: nam Dei respectu, qui omnis, quæ sunt, quocumque modo fiant, bene vel male, necessario vel contingenter, ex intentione creaturæ aut propensione aut præter eam, ab æterno decrevit ac prædeterminavit; atque hinc præcivit futura & tali modo futura (nam Deus non tantum ab æterno prædefinivit rerum futuritatem sed & modum futuritionis) nihil potest dici fieri fortuna vel casu, nihil quoque per accidens, sed quæcumque fiunt, quocumque modo fiunt, Dei respectu per se, non quidem Deo illa semper efficiente, sed quædam



tantum interdum permittente, ut hoc jam fuit dictum. Atque hinc natus est Canon Logico-rum ac Philosophorum. Omnis effectus per accidens, respectu scilicet casualium secundarum, reducitur ad aliquam causam per se, sc. primam, Deum, a quo intenduntur & cognoscuntur effectus omnes fortuiti & casuales, ad quos concurrit effective, & defectus morales, ad quos concurrit permissive. Sed quia, ob hunc canonem assertum in *Systemate Logico*, laboriosissimus & doctissimus *Keckermannus* Scheiblero milere vapulat, operæ est hunc breviter ad partes vocare & examen.

VIII. *Hæc sententia satis Calviniana est*, inquit *Scheiblerus Lutheranus* Top. cap. 3. num. 72. pergit. *Imprimis enim aliquando effectus per accidens sunt peccata, quæ non nisi Calvinistice, ad primam causam tanquam causam per se reducuntur.* Sed in hac crassa atque invidiosa ac falsa *Scheibleri*, sola invidia & *Calvini* ac *Calvinianorum* odio turgentis, censura multa reprehendi possunt. Non dicam, inepte ipsa peccata effectus ab ipso dici, cum non habeant causam sui efficientem, sed deficientem, quæ non est causa proprie dicta, sed fortassis causa sine qua non aut conditio antecedens, quemadmodum sol deficiens ab Horizonte nostro illuminando non est causa proprie dicta tenebrarum, sed causa tantum sine qua non seu conditio antecedens: sed hoc transeat cum cæteris ejus erroribus: Verum nego ipsi, à *Keckermanno*, *Calvino*, aut quoquam *Calviniano*, peccatum, hoc sensu, reductum unquam ad Deum, tanquam ad causam efficientem

per se, sed tantum ad Deum tanquam permittentem in tempore & permittere volentem ab æterno: itaque hæc est mens *Keckermannii*, & omnium, quos odio *Calvinianorum* nomine proscindit; quod, peccata fieri, non est præter Dei notitiam aut intentionem, quia permittit: alioquin permetteret, quod nec sciret nec vellet fieri: at Deus, & novit, & voluit, peccatum fieri, se non efficiente, sed permittente: quo sensu non per accidens se habet Deus ad peccata, cum fiunt, sed per se, non tamen quatenus causa proprie dicta efficiens, sed ut deficiens, & causa sine qua non & per modum antecedentis ad peccatum ut consequens, non tamen per vim causalitatis; nam peccata non fiereant, nisi Deus fieri permetteret, Deus non permetteret, nisi permittere decrevisset ac præcivisset: at Decretum Dei permisivum mali, tam est efficax & immutabile, quam est effectivum boni, & præscientia mali futuri tam est infallibilis, quam futuri boni: hoc tantum est discriminis, quod Decretum Dei circa bonum sit ejus causa efficiens per se accedente divina potentia, at decretum Dei circa malum non sit causa per se efficiens ejus, sed tantum conditio & hypothesis antecedens absque causalitate ipsam permissionem & malum permisum, quod quia nec fit, nec permittitur, præter Dei voluntatem decernentem aut intellectum præcientem, non potest vel fieri vel permitti per accidens respectu Dei. Sed hæc ad retundendam *Scheibleri* calumniam, & de Causa per se & per accidens, suffecerint.

## Disputationum ex Philosophiâ Selectarum,

Voluminis Secundi,

### DECIMA-SEXTA.

D E

## DIVISIONE CAUSÆ EFFICIENTIS IN PRINCIPALEM ET MINUS PRINCIPALEM..

T H E S I S I.

**S**I quæ est *Divisio Causæ efficientis* explicata difficili, ea est in *Principalem & minus*

*principalem*: Nam difficulter explicari potest, in quo ratio formalis utriusque consistat, & quo-



quomodo à se invicem distinguantur. Certe *Suarez, Disp. Met. 17. sect. 2. explicaturus rationem* formalem causæ efficientis principalis, suo more prolixissime rem agit, qui videri potest. Nos, omisissis variorum sententiis, mentem nostram breviter explicabimus.

II. *Causa efficiens principalis* est, quæ effectum producit virtute propria, & ex se proportionata ac sufficienti, ad productionem effecti, ut non egeat virtute alterius causæ secundæ, à qua elevetur, adjuvetur, præmoveatur, promoveatur, utpote quæ existat cum effecto ejusdem ordinis vel etiam superioris, nunquam deterioris, quia ejus virtus tanta est, quæ effectum producit, ut in ea contineatur quicquid in effecto est. Dicitur autem continere effectum in virtute causæ dupliciter, vel formaliter, vel eminenter. *Formaliter*, cum effectum & causa efficiens sunt ejusdem naturæ specificæ. *Eminenter*, cum non sunt ejusdem naturæ specificæ. Cum effectum continetur in sua causa efficiente formaliter, vocatur illa causa univoca, cum eminenter, æquivoca; utraque principalis: at cum neque formaliter, neque eminenter, continetur in causa effectum, dicitur illa causa, minus principalis.

III. *Causa* definitur vulgo *Univoca*, quæ producit effectum sibi similem specie, ut ignis ignem. *Æquivoca*, quæ producit effectum alterius speciei, ut Sol Murem: illa, sc. univoca, quatenus talis est, determinata est ad unum effectum in specie; alioqui non erit univoca: hæc, sc. æquivoca, potest esse universalis in causando plures effectuum species: itaque, ut causa dicatur æquivoca, dpo vulgo requirunt Philosophi; unum ex parte causæ, alterum ex parte effecti. Ex parte effecti, ut effectum sit alterius speciei quam causa, uti est mensa & arcularius, cælum & Deus: ex parte causæ, ut causa æquivoca sit ordinis eminentioris quam effectum: Deus enim est aliquid eminentius quam cælum, & arcularius quam mensa. Sed enim non videtur secunda hæc conditio esse vera. Quid enim? an Sol, qui ad generationem viventium concurrit, ut causa æquivoca, est eminentioris ordinis, quam effectum? an non vivens dignius est vivente? imo unica Musca aut Scarabæus est dignior Sole, licet ad

productionem Muscæ aut Scarabæi Sol concurrat, ut causa efficiens principalis æquivoca. Scilicet, vivus canis est præstantior mortuo Leone; & generatim, quicquid vita est præditum, longe est excellentius & præstantius eo, quod vita destituitur: itaque gratis hoc dicitur, causam omnem æquivocam esse eminentioris ordinis quam est effectum, cum hoc fallat in Sole, in cælo, & aliis, si intelligatur de entitate seu essentia, tum causæ, tum effecti.

IV. Causa minus principalis vulgo dividitur in impellentem & instrumentalem: illa, in procatacticam & proëgumenam. *Procatactica* est, quæ efficientem extrinsecus impellit ad agendum. *Proëgumena*, quæ intrinsecus efficientem causam, in qua est, impellit, prorit, disponit, ad agendum. Instrumentalis est, quæ per virtutem insufficientem improporionatam influit in effectum, & non nisi elevata, præmot, ac promot, ad agendum, à virtute alterius causæ principalis secundæ.

V. Quæri hic potest, *An bene Deo, causæ in agendo principalis, adjungatur causa procatactica, quæ extra Deum, ipsum tamen ad agendum impellat*; nam quin proëgumena ipsi recte adscribatur, nullum est dubium: ita recte dicimus, Bonitatem & Misericordiam Dei esse causam impellentem proëgumenam, ob quam voluerit redimere genus humanum; siquidem id, quod impellit hic Deum, in ipso est. At vero, an aliquid, quod extra Deum est, recte cum impellere dicatur ad hoc aut illud agendum, & respectu Dei se habeat ad modum causæ procatacticæ, quo sensu nonnulli Theologorum in locis suis communibus dicunt, miseriam humani generis fuisse causam impulsivam externam in Deo, ad Christum dandum in mortem, Meritum Christi esse causam procatacticam justificationis, inquiri non sine causa potest, & an non tutius & rectius loquendum sit; præsertim cum videamus, hanc loquendi formulam, ob humanæ mentis in Divinis imbecillitatem, & linguæ balbutiem, hæcenus toleratam, in prætextum errorum verti atque eorum defensionem trahi. Hinc enim est, quod Heterodoxi quidam Philosophi ac Theologi, statuentes aliquid extra

extra Deum tanquam causam impulsivam externam, electionis statuerint causam procatareticam, fidem ac perseverantiam in fide prævisam; reprobationis vero, infidelitatem & impenitentiam finalem similiter prævisam: alii merita & bona opera asseruerint causam impellentem externam respectu Dei eligentis ac iustificantis: quod tam longe abest à rei veritate, ut ne Meritum quidem ipsius Christi causa fuerit in Deo externa impellens, vel electionis vel iustificationis: ita libertas loquendi abiit in licentiam. Sed vero, nullam dari causam proprie impulsivam externam extra Deum, quæ ipsum impellat ad volendum hoc vel illud, quodcunque tandem fuerit, sic probamus.

VI. Si detur extra Deum causa procataretica seu impellens externa, ob quam velit hoc aut illud, oportet illud sit creatura, aut aliquid creaturæ, creatum aut concreatum. Sed hoc est absurdum; nam sic aliquid creatum melius foret & majus Increato illo Ente, quia eo esset prius, & Ens Increatum esset minus & posterius. At Deo nihil est prius, & eo nihil majus aut melius cogitari aut esse potest. Ergo & absurdum est illud, sc. Voluntatem Dei habere causam extra se, à qua ad volendum impellatur. Et Scholastici optime dixerunt, nullam esse causam assignandam Divinæ Voluntatis ex parte actus volendi, licet possit assignari ratio ex parte volitorum, in quantum sc. Deus vult unum esse propter aliud, ita ut sit ordo causalitatis & prioritatis inter ipsa objecta volita, non tamen sit ordo prioritatis & causalitatis inter objectum volitum & volitionem divinam, incipiendo ab objecto volito & progrediendo ad ipsam volitionem: hoc sensu rectissime dicunt, Deus vult, hoc esse propter hoc: sic, unum, quod vult, est causa alterius, quod vult, sed unum non est causa, ob quam velit alterum; & male loquuntur, qui sic dicunt, Deus propter hoc vult hoc, propter fidem vult vitam æternam electis conferre; Deus vult quidem, propter unum esse aliud, sed cur velit unum esse propter aliud, neutrum causa est volendi, sed ipse sibi: itaque vult Deus, vitam æternam esse, & conferri electis, propter Christum & fidem in Christum:

sed nec Christus, nec fides in Christum, est causa ipsius volitionis, qua & ob quam velit, vitam æternam dare electis, verum Christus & fides in Christum, est causa rei volitæ, sc. vitæ æternæ, quam vult Deus electis dare motus & impulsus ad hoc volendum, non ab aliqua causa externa, aut Christo ipso aut fide in Christum, aut meritis bonorum operum, sed à bonitate sua, quæ interna impellens causa seu præogumena dici solet: ideoque, nec Christus mediator, nec fides in ipsum prævisâ, nec bona opera, possunt dici causa impulsiva electionis ad vitam æternam, istius sc. volitionis qua Deus salutem voluit nonnullis, voluit tamen iis salutem & vitam æternam contingere, propter Christum & fidem in Christum, quin & propter bona opera; id est, voluit, ordinem causalitatis & prioritatis, in rebus istis volitis esse atque inter eas, ut Christus sit causa salutis, volitæ electis, & fides itidem esset causa salutis, volitæ iisdem, imo & bona opera essent quoque causa salutis, volitæ à Deo suis, unaquæque causa in suo ordine, sed causa tamen: nihil tamen istorum trium est causa volitionis, qua Deus salutem voluit quibusdam. Quod bona opera causam etiam facio salutis, nemini mirum videri debet, quia loquor hic & nunc de salute possidenda, non impetranda: at salutis possessio tam parum obtrineri potest sine bonis operibus, quam sine fide, imo quam sine Christo: ad vitam enim æternam non sufficit, ut quis fidem habeat in Christum, sed & ut bonis operibus fidem istam exprimat.

VII. Ad causam procatareticam referri solent hæc 4. *Objectum, Occasio, Causa Meritoria, & Author sive causa moralis.* Objectum tum demum huc spectat, cum non tantum est terminativum actionis, sed & motivum, ut cum dicimus, Objecta movent sensus: at si ratio terminandi tantum spectetur in objecto, non item movendi, ad adjunctum pertinet externum; objecta terminantia solum sunt tribuenda Deo, non item moventia. Sic objectum creationis, conservationis & providentiæ divinæ, est mundus cum omnibus in eo contentis. *Occasio* vix causæ nomen meretur aut titulum, quia vix est invenire ullam

ejus causalitatem, nisi talis dicatur loci temporisve commoditas, (quemadmodum dicimus occasio facit fures,) quæ ipsa tamen ad adjuncta potius extrema pertinet. Est enim, præter objectum & signum, illa ejus species, quæ circumstantia dicitur. *Meritum* hæcætenus causa dici potest, quatenus qui bene meretur de alio, eum obstringit ad retaliandum, reddendum, & gratias agendas. *Author sive causa moralis* dicitur, quæ dat effectui esse, non quidem realiter & effective in eum influendo, sed vel applicando activa passivis, vel saltem non impediendo effectum, cum debeat ac possit, vel inducendo causam aliam & inclinando eam per rationem moralem, hortationem, dehortationem, suasionem, dissuasionem, precationem, comminationem, &c. ad aliquid agendum vel non agendum: Huic *moralis Causæ*, minus principali, impellenti, externæ, opponitur *Causa Physica*, quæ per realem influxum dat esse effectui, ut causa principalis, ut cum Deus creat Angelum.

VIII. Quæri sub explicatis statim terminis solet, *Utrum Deus sit causa conversionis, Moralis tantum, an vero etiam Physica?* Veritatis & sanæ Philosophiæ hostes, morale tantum causam conversionis faciunt Deum, ut partes aliquas relinquunt libero arbitrio, cui hac sua sententia potiores in conversione partes quam ipsi Deo tribuunt: Si enim Deus sit causa conversionis, tantum moralis, erit tantum ejus causa, minus principalis, impulsiva, externa, procatectica; & liberum hominis arbitrium, si sit conversionis causa Physica, erit ejus causa principalis (sc. Deus deprimentus est, ut liberi arbitrii idolum, in negotio salutis, erigatur) quin & homo plus faciet in conversione sui, quam Deus, quia Deus tantum aget moraliter, docendo, suadendo, hortando, dehortando, comminando, precando, &c. homo se convertet Physice & reipsa. At vero Scriptura Sacra Deo adscribens conversionem nostram, dicit eum in nobis creare cor novum, præcindere præputium cordis, largiri Spiritum novum, &c. quæ actionem designant Physicam: & eadem, Deum omnia facere in conversione, asserit, hominem nihil, quando dicit, nos ex Deo nasci, ex Spiritu Sancto re-

generari, vivificari, qui eramus mortui, Deum eximere nobis cor lapideum, dare cor carneum, legem inscribere cordibus nostris, &c. quæ ostendunt, Deum in conversione agere solum, cum ista nusquam tribuantur homini, ac contra nihil ei tribuatur, quam quod non sit idoneus ex se vel ad cogitandum aliquid boni. Sed manum de tabula, ne in messum Theologicam falcem immittamus nostram.

IX. *Instrumentum* est, quod agit supra vires, & per virtutem, sibi quidem inhaerentem, sed insufficientem & improporcionatam effectui producendo, ideoque eget adjuncto, elevatione, præmotione, promotione, & applicatione, alterius causæ, puta principalis secundæ, ad talis effectus productionem: unde vulgo dicitur agere in virtute causæ principalis, quæ phrasi non significatur, quod causa instrumentalis aliquam virtutem à principali accipiat, quæ sibi communicata operetur, etiam absente causa principali, ut instrumentum tamen ejus; hoc enim de ratione instrumentalis causæ nullo modo est: sed, sive à causa principali virtutem suam accipiat, sive aliunde acceperit, id nihil facit ad rationem instrumenti, sed vero agere in virtute causæ principalis secundæ & elevari ab ea, est agere supra vires, supra virtutem, supra qualitates inhaerentes, & causæ principalis secundæ, auxilio, motione, directione, præsentia, adjuvari.

X. Distingui solet vulgo instrumentum, in *conjunctum* vel *separatum*: atque intelligitur utrumque, *vel quoad suppositum atque entitatem, vel quoad virtutem seu causalitatem. Instrumentum conjunctum causæ principalis quoad suppositum sive entitatem dicitur*, quod causæ principali unitum est, vel per contactum, vel per realem unionem, vel per aliam præsentiam, ut manus homini. *Separatum quoad entitatem & suppositum est*, quod illo modo, quoad suum esse sc. non est unitum causæ principali, ut lumen receptum in medio, instrumentum est secundum esse separatum à sole, sed conjunctum tamen Soli quoad causalitatem, quia ad illuminandas partes aëris remotiores indiget influxu actuali Solis. *Conjunctum secundum virtutem aut causalitatem instrumentum dicitur*,

tur, quod indiget actuali influxu agentis principalis, ut penna eget influxu manus. *Separatum quoad causalitatem aut virtutem est, cum absente agentis principalis influxu operatur, ut semen à generante decusum utroque receptum. Verum enim vero, tale instrumentum quoad activitatem separatum ab agente principali, quod tamen ut instrumentum ejus agat, licet in Moralibus forte detur, in Physicis datur nullum: & seminis exemplum id non probat, quod cum operatur & agit, jam utero receptum, in conformatione foetus, parte, vel abeunte, vel distante, vel extincto, non agit*

amplius, ut instrumentum generantis, sed ut causa principalis: nam instrumenti ratio hæc est, ut non agat, nisi motum ab alio: sunt diserta verba *Arist. l. 8. Phys. c. 5. l. 37.* Atqui aliud illud, sc. generans; à quo moveri deberet semen in conformatione foetus, abest, distat, extinctum est. Ergo non agit ut ejus instrumentum: itaque ex hoc exemplo, instrumentum Physicum à causa principali separatum, quoad activitatem, causalitatem, virtutem, non evincitur, nec ullo alio exemplo aut ratione evinci potest: quod in conflictu, si necesse est, ostendere sumus parati.

## Disputationum ex Philosophiâ selectarum,

*Voluminis Secundæ,*

### DECIMA-SEPTIMA.

## DE CAUSÆ EFFICIENTIS DIVISIONE IN PRIMAM ET SECUNDAM.

### T H E S I S I.

**E**X variis *Causæ Efficientis divisionibus* non est postrema, quæ dividitur in *Primam & Secundam. Prima est*, quæ non pendet à priori. *Secunda, contra. Prima est vel absolute talis, vel in suo genere. Illa est*, quæ à nulla plane alia pendet, & à qua omnes aliae pendent, non tantum quatenus operantur, sed & quatenus fiunt ac sunt, estque solus *Deus: hæc, à qua pendent omnes aliae Causæ ejusdem generis & ordinis: sic Cælum est prima causa in genere & ordine causarum naturalium & materialium. Causa, quæ pendet ab alia, dicitur inferior: & illa, à qua pendet, superior. Dependet vero una causa ab alia triplici modo; vel dum sit, vulgo, in fieri, ut Filius à Patre; vel dum existit, vulgo, in esse, ut lumen à Sole; vel dum operatur, vulgo, in operari, ut calamus à manu; vel omnibus tribus modis, ut creaturæ à Deo. Hæc Causarum efficientium dependentia à se invicem, inferiorum à superioribus, vulgo dicitur subordinatio: estque ea duplex, essentialis seu per se, & accidentalis seu per accidens: illa est, quæ causa inferior dependet à superiori, non tan-*

tum quando causat, sed quatenus causat effectum tale, ac sub talibus circumstantiis singularibus: hæc est, quando vel causa inferior non dependet à superiori in causando, sed tantum in fiendo aut essendo, vel, licet dependeat à superiori, etiam in operando, non tamen dependet ab ea, quatenus operatur effectum tale ac sub talibus circumstantiis singularibus. In Causis essentialiter & per se subordinatis, valet receptissimus ille Canon, *quod est causa cause, est causa causæ; in causis accidentaliter seu per accidens subordinatis, non item.*

II. *Dependentia causarum secundarum à prima, creaturarum à Deo, ratione non fieri, dicitur creatio, ratione non esse, conservatio, ratione non operari, cooperatio seu concursus: & fundatur hæc triplex creaturarum à Deo dependentia in triplici earundem indigentia seu imperfectiōe: scilicet, 1. Res create non sunt puri actus: talis enim solus est Deus: entia autem non pure actualia possunt esse sub esse possibili, & aliquando fuerunt: ad hanc igitur*

igitur actualitatem, quam habent, postquam adu sunt, devenire nequeunt, nisi extrahantur primum de potentia objectiva seu de esse potenciali, aut possibili, aut potestativo, quacunque vocum barbararum uti placuerit: illa autem rerum de non esse ad esse traductio fit per creationem, & sic occurrit primæ creaturarum indigentia, qua, cum non sunt, indigent esse, ut sint sive existant. 2. Res creatæ, postquam factæ sunt, indigent Deo, ut retineant illud esse, quod acceperunt per creationem, nam hoc illico amitterent iterum, nisi aliunde sustentarentur. Huic indigentia atque imperfectioni, qua ne ad momentum quidem persistere valent ex se & sibi relicte creaturæ, succurrit Deus per conservationem. 3. Res creatæ, sicut seipsas nequeunt producere, sicut ex se non sufficiunt, ut persistant in esse accepto, ita multo minus sufficiunt, ut ex se & per se sola operentur: ideoque non minus in operando, quam in persistendo, aut fiendo, ac causa prima dependent; & huic indigentia atque imperfectioni creaturarum in agendo, quatenus nulla est primum se movens, sed agit mota ab alio, obviam it Deus cooperatione sua seu concursu. Verum quia dubitari solet, *Utrum hæc triplex creaturæ ad Deum dependentia in eis fieri, esse, & operari, ratione naturalis possit innotescere*, singulatum eam probabimus.

III. §. 1. Quicquid est, hoc ipsum quod est, per participationem, illud etiam est ab eo, cui per essentiam convenit esse tale: Ex gr. ferrum ignitum, quia per participationem est tale, habet illud esse ignitum ab igne, qui per essentiam est ignitus. At vero omnia alia, præter Deum, sunt id ipsum, quod sunt per participationem, non sunt suum esse, ut Deus, sed participant illud. Ergo habere debent illud esse ab eo, quod habet esse per essentiam, qui est Deus; Hic enim solus est ens per essentiam: si esse aut essentiam habent ab eo, sc. Deo; ergo datur creatio: aut detur alius modus, quo exponatur defluxus & dependentia esse participati, ab eo quod habet esse per se. Dicitur autem id habere esse per se, quod ita est actu, ut non possit non esse; & hinc dicitur illud existere per essentiam, quia

ita essentialiter est ipsi se existere quam quævis alia prædicata: quod sic existit, si seipso sit, nec ullo indiget ut existat: tale ens est Deus. Cætera omnia, cum ex se possint esse & non esse, non existunt per essentiam: quod autem est ejusmodi, ab alio est: & à quo, nisi à Deo? Nam deveniendum est ad unum, quod à nullo est, nisi quis processum velit admittere in infinitum, quo nihil absurdus. Si à Deo sunt cætera omnia, quomodo? non nisi per creationem. Aut ostendatur via alia, per quam res sint, quæ ante non erant, quæ esse suum participarint. Nam cum ex se illud non habeant, omnino aliunde accipere debent. At qua ratione accipient nisi per creationem; Ergo datur creatio.

IV. §. 2. Sed enim, postquam res suum esse à Deo acceperunt per creationem, nulla videtur causa, cur tum adhuc amplius ab influxu ejus actuali dependent. Nulla enim res semetipsam privat suo esse, quia, postquam semel facta est, studioso se conservat, modo per actionem contrariam non destruat. Ergo nulla videtur esse opus conservatione Dei. Verum eam dandam esse, naturali ratione sic probamus. Deus potest omnes suas creaturas, quas fecit, annihilare: ad Omnipotentiam enim Dei spectat, ut possit res, quas condidit, in nihilum redigere, si velit. At vero res annihilari nequeunt actione positiva, quia actio positiva tendit ad aliquod esse, & non ad aliquod non esse, in quod tamen tendit annihilatio. Ergo annihilari tantum possunt influxus positivi subtractione, ablatione, negatione. Sed annihilatio ista fieri non potest per solam subtractionem influxus, nisi res à tali influxu positivo ante penderent. Ergo datur influxus positivus Dei in esse creaturarum, quamdiu sunt. At hic nihil est aliud quam conservatio. Et modus essendi sequitur modum fiendi: ideoque, quemadmodum creaturæ dependent ex intrinseca sui necessitate à Deo dum fiunt (nihil enim seipsum facere potest, sic enim idem esset & non esset) ita non minus dependent à Deo cum jam factæ sunt & existunt: quia tam sunt entia per participationem, cum sunt, quam cum fiunt: & quam parum semetipsas facere valent, tam parum



seipsas possunt conservare circa Dei influxum: nam si creatura se ipsam se solâ possit conservare, vel quoad horæ quadrantem tantum, potest quoad horam; si quoad horam, potest quoad diem; si quoad diem, potest quoad annum; si quoad annum, potest quoad seculum; si quoad seculum, potest quoad plura; & sic se possit facere æternam. Et impium est, ullam entitatem vel ad momentum temporis subtrahere conservationi divinæ, quia ens omne, si sibi relinquitur, statim in nihilum ruit, & redit in nihilum quod fuit ante nihil.

V. §. 2. Ex stabilitate, naturali intellectu lumine, tum creatione, tum conservatione, sic probamus Dei cooperationem seu concursum. Modus operandi est proportionatus modo efficiendi & fiendi: hinc, si omnes causæ secundæ dependent à prima in fieri & esse, etiam dependent ab ea in operari, ita ut non minus hæc influat in illarum operari, quam in earum fieri & esse. Sed verum est prius ex th. 3. & 4. Ergo. Ratio hæc confirmatur ab absurdo. Si Deus non influit in actionem causæ secundæ, ergo actio causæ secundæ, ut sit, non postulat influxum Dei. Atqui hoc est absurdum: nam actio causæ secundæ ens est suo modo. si non ex se, saltem beneficio termini ad quem, cum quo identificatur & à quo non distinguitur realiter. Sed omni enti, ut sit, necessarius est influxus Dei seu causæ primæ: omne enim ens & quicquid habet rationem entis, quod diversum est à Deo, dependet ab eo: hoc enim est enti omni, præter Deum, essenziale & specificum, in quo à Deo, qui solus est independens, omne ens aliud distinguitur. Ergo & actio seu operatio causæ secundæ dependet à prima. At hæc dependentia creaturæ in operando à Deo, nihil est aliud quam Dei concursus seu cooperatio.

VI. Tria hic proferri solent, quæ breviter solvi debent. §. 1. Si detur influxus Dei in actionem causæ secundæ, aut idem erit cum ea aut diversus: Non idem, quia impossibile est, eandem numero actionem produci à duobus immediatis agentibus numero distinctis: non diversus, quia per eum, aut totus effectus causæ secundæ produceretur, aut pars ejus:

si totus, actio causæ secundæ est frustranea; si pars, ergo partim erit effectus à causâ primâ, partim à secundâ, eruntque causæ partiales, nec agent secundum idem. Resp. Influxus causæ primæ & actio causæ secundæ est eadem actio, & tota est à Deo, & tota à creatura, non partim ab illo, partim ab hac, & ab iis simul, tanquam à duabus causis totalibus, non partialibus: sed subordinatis, non coordinatis: quando autem ex duabus causis concurrentibus, una est universalis, altera particularis, una prima, altera secunda, aut una alteri quovis modo subordinata, potest unus idemque effectus & actio procedere à duobus agentibus, & quidem immediate: nec sequitur causam secundam esse frustraneam, si actio tota & effectus producatur à causâ primâ: nam eadem tota & idem totus producitur à secundâ, ab illa ut universali & primâ, ab hac ut particulari & secundâ.

VII. §. 2. Si detur influxus Dei in actionem causæ secundæ, perit hujus libertas: quia hoc influxu posito, necessario movetur voluntas, nec ei relictum est, velle & non velle, agere & non agere, & sic actum est de ejus libertate. Resp. Tota hæc obiectio fundatur in mala intelligentia libertatis, quæ vulgo collocatur in indifferentia ista, volendi & non volendi, agendi & non agendi, etiam posito influxu Dei, & prævio & simultaneo: sed pessime, uti disp. 14. hujus Curriculi est ostensum, & Consequens falsum est, posito concursu Dei, libertatem voluntatis tolli, nec ratio subjuncta vera est; nam necessitas, quia voluntas mota à Deo per influxum actuale, necessario vult & agit, quia hypothetica est. profecta ex hypothesi externa concursus, tum prævii, tum simultanei, libertatem non tollit, quam sola aufert necessitas interna, quemadmodum id disp. cit. fusc est explicatum.

VIII. §. 3. Si causæ secundæ nihil agent, nisi actu cooperante primâ, sequitur, omnes causas secundas esse instrumenta Dei. Hoc est absurdum. Ergo & illud. Resp. Neg. majorem. Causæ enim secundæ, in stricta & propria significatione instrumenti, uti de eo egimus disp. 17. hujus curricula, non operantur ut instrumenta Dei, licet ejus influxu



ad operandum egeant, sed sunt suarum actionum causæ principales, quia vires sufficientes habent ad operandum in ordine causarum secundarum, nec producunt actiones, & effectus se nobiliora, nec ab aliis creaturis ad agendum eleuantur, applicantur, determinantur, licet præmoveantur à Deo. At in causâ in-

strumentali, præter prævium Dei & simultaneum influxum, requiritur, ut ab alia causâ secunda & sui ordinis ad agendum attollatur & ad effectum se nobiliora, quod se solâ attingere nequeat, & ad quod vires sufficientes non habeat. Sed de hoc negotio disp. præced. actum fuit.

## Disputationum ex Philosophiâ selectarum,

*Voluminis Secundis,*

### DECIMA-OCTAVA.

## DE DIVISIONE EFFICIENTIS CAUSÆ IN PRIMAM ET SECUNDAM.

### THESIS I.

**D**isputatione præcedenti asseruimus & probavimus, Causæ primæ actiones tres, Creationem, Conservationem, & Concursum. De Creationis eternitate impossibili, actum fuit gemina Disp. in *Curriculo Disp. select. vol. primi*, sc. 19. per duas ejus partes. Nunc inquirere placet in quætionem hanc: An ulli creaturæ possit tribui creatio, vel ut principali causæ, vel ut instrumentalis? Sunt Philosophi, qui utroque modo id fieri posse existimant. Ita sensit, qui hodie omnium fere Philosophiæ studiosorum manibus teritur, Carolus d'Abra de Racionis, in tertia parte suæ *Philos.* qui postquam pronunciavit, *Creaturam posse causam esse instrumentalem creationis*, hanc insuper propositionem format, *Potest Creatura esse causa principalis creationis alicujus entis creabilis*: Quæ verba miror à Christiano, ut haberi vult hic Philosophus, & quod plus est, à Concionatori Regio, ut se scribit esse, proficisci potuisse. Quid enim hoc est aliud, quam ex creatura facere creatorem, ex causâ secunda primam? sed solenne est Pontificiis & d'Abra de Racionis instituire, & creaturas, ut sic loquar, Deificare. Alii Philosophorum, creaturam posse creare ut causam principalem, negant, ut instrumentalem, admittunt. Ita præter impium Draconem Philosophi fere omnes vulgo recepti, etiam illi, qui Reformationi audiunt: inter quos quoque est Scheible-

rus: nimirum, ut Sacramenta operari physice per modum causæ instrumentalis in gratia regenerantis productione, quæ ipsis est creatio, sustineant. Hoc enim est argumentum Scheibleri. Eiusdem est, inquit, *Virtutis, αὐτὴν ἐκ αὐτῆς*, creare & regenerare: quia igitur creaturæ, ut Sacramentis, competit regnerare instrumentaliter, etiam iis competit creare instrumentaliter. Videre hinc est, quam caute sint legendi vulgares Philosophi, quibus istos esse fere ut talia dogmata cudant in Philosophia, quæ patrocinentur suis erroribus & opinionibus in Theologia. Nos adversus utrumque hunc errorem juventutem Philosophicam muniemus.

II. §. 1. *Nulla datur virtus finita, quæ sese extendat ad omne objectum creabile.* Quia nulla datur creatura tantæ perfectionis, quin dari possit, creatura usque perfectior ac perfectior, nulla tamen tam perfecta, ut Deus. At virtus, quæ se extendit ad omne ens creabile, debet esse tantæ perfectionis, ut ea non possit dari perfectior, quin imo requiritur perfectissima, adeoque infinita, quia extendit se ad omnem ens creabile. Amplius; Omnis virtus finita, creata est: Ergo si detur virtus finita, quæ possit se ad omne objectum creabile extendere creando, poterit & seipsam creare, & in seipsam terminari creando, quo nihil potest cogitari absurdius.

III. §. 2. *Nulla datur virtus finita, quæ possit absque dependentia à causa infinite virtutis quicquam agere, nedum creare.* Quia omnis virtus finita est creata: sed omnis virtus creata est causæ secundæ: atque omnis causæ secundæ dependet à primæ, non tantum in fieri & esse, sed & in operari, uti hoc *Disp. præced.* est ostensum. Sed sicut *Adversarii*, dicimus creaturam dependere nihilominus à Deo, etsi eam faciamus causam principalem creationis, si non omnis, saltem alicujus entis creabilis. Dico ergo.

IV. §. 3. *Nulla datur virtus finita, quæ per modum causæ principalis proximè agentis à primæ possit creare certum ordinem & certam speciem rerum creabilium.* Quia uti ad producendum aliquid ex potentia passiva ad actum entitativum requiritur aliqua virtus activa, ita quo remotior est potentia illa magisque distat ab actu, eo major requiritur virtus agendi. Sed in creatione respectu entis creabilis nulla supponitur ac præcedit potentia passiva: est enim creatio productio substantiæ ex nihilo, vel subiecti vel termini ad quem producendi. Ergo, si eo major requiritur virtus finita, quo minus præcedit potentia passivæ ad rem producendam, ergo ubi nihil potentia passivæ præcedit, ibi requiritur virtus producendi maxima adeoque infinita: At in creatione nihil præcedit potentia passivæ. Ergo. Hæc consequentia fundatur in distantia, inter ens creabile & nihil. Quæcunque habent finitam distantiam, habent aliquam inter se rationem ac proportionem. At ens creabile & nihil non habent aliquam inter se rationem aut proportionem. Ergo non habent inter se distantiam finitam. Ergo infinitam. Ergo opus est virtute infinita, ut aliquid ex non ente ens fiat, seu ut aliquid ex nihilo producatur, vel creetur. *D. Abrahæ de Raconis* cum *Iohanne Duns Scoto*, ex quo hoc mutuavimus est, dicit esse *falsum*, quod datur distantia infinita inter ens creabile & nihil: & oppositum, quod ens infinitum longius distet à nihilo quam ens finitum, ac proinde creatura, quæ est finita, non distet infinite à nihilo: & distantia inter Deum & nihil, est utrumque infinita, & à parte Dei positive, & à parte à nihil negative: At distantia inter ens creabile, quia fini-

tum est, & inter nihil, infinita est tantum à parte à nihil & negative, sed non à parte entis creandi & positive. Resp. Sufficit, si infinita sit distantia inter ens creabile & nihil à parte à nihil, quia nihil in infinitum removeatur & abeat ab ente creando, ut nullus entitatis gradus in eo nihil includatur, ut nihil omnem entitatem entis creandi neget, & actuale & potentiale: nam & nihil dicit infinitam abyssum nihilitatis, omnem entitatem & entitatis gradum excludens. Sed potest etiam aliunde roborari & alio tibi sine fulcrist nostrum argumentum, ut vis consequentiæ nostræ non tam nitatur distantia infinita inter ens creabile & nihil, quam proportionem, ut sic dicam, quæ est inter ens & non ens, aut potius, ut loquar rectius, quæ nulla est inter ens seu virtutem producendis, & nihil seu terminum à quo productionis; ut hoc sit fundamentum, quo fundetur consequentia nostra, quod nulla sit proportio inter virtutem finitam & nihil; & ideo virtus finita non potest creare, i. e. producere rem ex nihilo: & tum hoc erit argumentum. Omni passivæ potentia respondere debet activa virtus ei proportionata; ideoque, quo remotior est potentia ista, eo major debet esse virtus agendi, ut statim fuit dictum. Ergo, ubi potentia passiva sine ulla proportionem recedit ab actu, uti fit in eo quod est nihil, ibi etiam virtus activa sine ulla proportionem debet augeri, i. e. debet esse infinita. Atque ut hoc argumentum tanto sit robustius, hoc fundamentum subternimus. Quod omnis virtus finita servet aliquam proportionem ad aliam finitam. Hoc posito, sic pergitur. Sicut inter ens & nihil nulla est proportio, saltem ex parte à nihil, ita inter virtutem activam, quæ producit aliquid ex nihilo, & inter eam, quæ producit aliquid ex ente, nulla est proportio. Sed inter quælibet agentia potestatis & virtutis finita est proportio. Ergo agens ex nihilo oportet esse infinitæ virtutis, siquidem ad illud agens finitæ virtutis nullam dicit proportionem, sed tantum ad agens aliud virtutis finitæ. Atque esse agens infinitæ virtutis in nullam cadit creaturam. Ergo neque in creaturam cadit, aliquid producere ex nihilo, i. e. creare. Et profecto, cum ipsum nihil sit infi-

nitum

nium & indeterminatum negans, continens totum & omne non esse, nulla res aut causa potest habere vim, virtutem, jus, potestatem, facultatem, efficaciam, in ipsum nihil, nisi ea res quoque sit infinita & indeterminata positive, continens in se totum & omne esse. At talis res & causa, quæ totum & omne continet esse, est solus Deus, ut qui solus est infinitus & indeterminatus positive (nam qui materiam primam & in ea quantitatem faciunt indeterminatam & infinitam, intelligunt id negative, quatenus esse neque quid, neque quantum, neque quale, & qui mundum statuunt indeterminatum & infinitum, aut potius indefinitum, id intelligunt respectu mentis humanæ & rationis nostræ, quæ fines & terminos mundi assignare nequit, non respectu entis & ipsius mundi, nam corpus, materia, & quantitas, infinitæ molis, sua mole ruunt.) Ergo, solus Deus creare potest, nulla vero creatura, quod erat demonstrandum. Præterea, sicut Deus aliqua ex suis attributis communicat creaturis, ut sapientiam, iustitiam, sanctitatem, bonitatem, &c. quædam vero minime, ut esse independentem, immensum, æternum, ita verisimile est, præter actiones, quas Deus communicat creaturis, uti sunt, velle, intelligere, aliquam esse actionem propriam Dei, ut Deus est, incommunicabilem creaturis, qualis est, aliquid producere ex nihilo, seu creare. Quid? quod per creationem, ut sibi propriam, ab aliis rebus omnibus se distinguit Deus, quæ creare non possunt uti videre est *Iob. 38. 4 & seq.* atque alibi. Sed Sacra non attingimus, contenti Philosophis egisse rationibus.

V. Denique per inductionem sic argumentamur, pro eo quod nulla creatura possit creare ut causi principis creationis. Omnis creatura est, vel materialis, vel spiritualis. Neutra creare potest. Ergo. Substantia materialis, si creare potest, vel per materiam faceret, vel per formam, vel per accidentia. Non per materiam; partim, quia hæc non est activa; partim, quia tanta perfectio, quantum creatio indicat, plane pugnat cum tanta imperfectio, quantum materia præ se fert: neque etiam per formam creare potest substantia materia-

lis, quia forma illa esset principium creandi, aut materiam, aut formam aliam, aut compositum: non posset creare materiam, quia forma est posterior materia, & ordine nature supponit illam, ut ipsa esse possit: non formam aliam, quia produceret, aut spirituales, aut materialem; non spirituales, quia non potest excedere suum ordinem; non materialem, quia producere formam materialem, est, producere formam dependentem, à materia, seu à subiecto; sed creare est actio, quæ à nullo subiecto aut materia dependet, saltem à nullius materiæ aut subiecti potentia: non potest ergo forma substantiæ materialis creare, vel materiam, vel formam: ergo nec compositum, quia hoc creari non potest, nisi ab eo qui etiam potest creare materiam & formam: Non etiam potest substantia materialis esse principium creationis, per sua accidentia, quia si forma materialis non potest esse principium creandi, propter naturalem dependentiam, quam habet, à materia, multo minus poterit accidens esse principium creationis; quod & magis est dependens à materia & minus perfectum. Ergo substantia materialis nullo modo potest creare. Sed an potest substantia immaterialis creare? si ulla potest, hæc potest: sed neque hæc potest. Si posset creare Angelus; aut per naturam posset, & sic crearet necessario; at creatio non est actio necessaria aut naturalis; aut libere posset, si libere, ergo media intellectione & volitione; at non potest creare Angelus, per intellectionem & volitionem; nam intellectio & volitio, sunt accidentia aut modi saltem accidentales, & actiones internæ: sed accidens aut modus accidentalis, non potest esse principium creandi substantiam, & creatio est actio externa; præterea intellectionis & volitionis Angelicæ terminus est intra Angelum; at creationis terminus est extra creatantem. Ergo neque Angelus potest creare. Si non possit Angelus, multo minus poterunt creare substantiæ aliæ immateriales, ut Animæ rationales. Ergo nulla substantia, nec materialis, nec immaterialis, creare potest, ut causa principalis, quod erat demonstrandum contra Racionem & alios.

Dispu-

## Disputationum ex Philosophiâ Selectarum,

Voluminis Secundî,

## DECIMA-NONA.

DE

DIVISIONE CAUSÆ EFFICIENTIS IN  
PRIMAM ET SECUNDAM.

T H E S I S I.

**P**robavimus *Disp. præced.* nulli creaturæ creationem tribui posse, ut causæ principali: restat, ut nunc expendamus, an creatio ei tribui possit, ut causæ instrumentali? Resp. Quod non. §. 1. Nam instrumentum, ut proprie sit activum, necesse est, ut habeat formam aliquam ac virtutem activam, qua activè agat in suo ordine, quod patet in ferra, securi, & aliis instrumentis artis; in calore naturali animalis, cum operatur ut instrumentum ignis in producendis carnibus: & ratio id docet; actus secundus necessario præsupponit actum primum, operatio formam ac virtutem activam à qua egreditur: sed nulla forma aut virtus activa creaturæ potest attingere creationis terminum, etiam instrumentaliter. Ergo. *Prob. min.* quia illa forma aut virtus agendi instrumentalis creaturæ, vel erit materialis, vel immaterialis. Sed neutra potest esse creationis principium, ut *thes. ult. disp. præc.* est ostensum: quod licet probatum ibi sit de causâ principali creationis, non minus tamen verum est de instrumentali: nam hoc manet, siue principalis fuerit causâ creationis, siue instrumentalis, creatura, cum sit futura forma & virtus activa creaturæ, quæ ad creandum concurrat, finita tantum erit. At forma & virtus activa finita non potest attingere terminum creationis, qui est infinitus, ut ostensum est *th. 4. disp. præced.* quod si id non possit præstare creaturæ virtus ut causâ principalis, multo minus ut instrumentalis.

II. §. 2. Instrumentum non adhibetur â principali agente, nisi ut per propriam suam actionem aliquo modo disponat materiam ad productionem effectus, quem agens principale intendit, ut patet in malleo & instrumen-

tis aliis. Sed ad productionem ejus, quod creatur in instanti ex nihilo, nulla dispositio potest præcedere: ubi enim reciperetur? an in nihilo? At deberet præcedere subiectum, in quod operari valeat dispositive instrumentum. Sed nihilum, quod præcedit rem, quæ creatur, & ipsam creationem, negat subiectum. Ergo. Si dicas, esse materiam inhabilem, nihilominus virtus causæ instrumentalis ad istam inhabilitatem tollendam non assurgit. Concludimus itaque, creaturam ne quidem instrumentaliter concurrere posse ad creandum.

III. Obiectio hic quædam solvi debet. *Creatura potest cooperari Deo per modum instrumenti in faciendis miraculis. Ergo & in creatione: nam tam illic quam hic requiritur virtus infinita. Estius in Mag. sent. l. 2. dist. 1. respondet, quod motus creaturæ, cujus operatur ad miraculum Deus, sit operatio ejus dispositiva, ad effectum causæ principalis, non quidem naturaliter ei competens, sed quatenus ad hoc à Deo assumitur. Sed enim ego dicam, ne quidem per potentiam obedientialem elevatam à Deo, ullam creaturam, ut instrumentum adhiberi in miraculis. Instant. *Christus adhibuit lutum & salivam, cum cæco visum restituit.* Resp. Inde non sequitur, illa fuisse instrumenta: sed contra, sequitur, illa non fuisse instrumenta, quia illa, quæ adhibuit Christus, nullo modo potuerunt operari dispositive ad visus restitutionem, & ideo non fuerunt instrumenta, nec esse potuerunt: quin visum potius sustulissent, quam ut ejus restitutionem promovissent: ideoque tanto magis virtus Christi divina in isto miraculo eluxit: quemadmodum enim interdum nihil est usus*

N

quod  
tutio  
nin  
, in  
nen.  
que  
bje-  
abi-  
calis  
fur.  
vi-  
ad

et.  
ru-  
is-  
tu-  
on-  
tur  
fi-  
it-  
us  
ce-  
em  
u-  
ri-  
um  
de  
on  
uit  
if-  
on  
in  
ti-  
is  
it:  
us  
ad

ad fac  
suam  
nullu  
hic v  
Prop  
epit  
phyti  
causa  
five  
Deus  
vel t  
per i  
ralit  
phet  
mira  
Deu  
oper  
tam  
sign  
tam  
ex  
tunc  
ting  
qui  
mo  
De  
qua  
figu  
me  
ion  
refl  
tus  
rap  
gise  
mi  
ord  
De  
ord  
ten  
run  
apu  
spe  
Da  
mi  
exc  
pro  
furn  
Qu



ad faciendā miracula, ut ostenderet virtutem suam divinam. ita interdum adhibuit illa, quæ nullo modo poterant esse instrumenta, ut & hic vis sua divina pateret. Instant. *Apostoli & Prophetæ miracula paraverunt. Atqui hi fuerunt virtutis signa. Ergo.* Resp. Non fuerunt causæ physice in faciendis miraculis, sed morales vel causæ sine qua non: nam orando, sive externe, sive interne, vi tuæ fidei à Deo impetrarunt, ut Deus per illos, ad illorum verba, præsentiam, vel tactum, miracula fecerit, non tanquam per instrumenta cooperantia Physice sed moraliter tantum. Alii respondent, verba Prophetarum & Apostolorum, ad quæ facta sunt miracula, fuisse tantum signa indicantia, quid Deus faceret, non vero instrumenta physice operantia. Instant. *Verbum Dei est instrumentum regenerationis, nam illud scire hic nudum signum, nimis est cruidum. At regeneratio nostra fit ex nihilo quam creatio: est enim nostra creatio: præterea, productio gratiæ, quam quoque vocant vulgo creationem, instrumentaliter attingitur à creaturis.* Resp. Et verbum Dei, & is, qui illud proponit, ambo sunt instrumenta moralia tantum, in nostri regeneratione: ipse Deus est causæ ejus Physica, aut. ut rectius loquar, hyperphysica. Sacramenta sunt gratiæ signa ac sigilla eam confirmantia, non instrumenta Physica eam producentia. Instant. *Si homines sceleris possint vera miracula facere, ut instrumenta physica. Ergo non requiritur hic virtus invisibilis. Sed possunt.* Patet in historia Pharaonis: & in Evangelio, dicuntur in nomine Jesu ejicisse Dæmonia. Resp. 1. Distinguat inter miracula & mira. Miraculum est quod præter ordinem totius naturæ creatæ fit: & hoc à solo Deo proficiscitur. At cum aliquid fit præter ordinem naturæ creatæ nobis notæ, per virtutem creatam, nobis ignotam, id quidem mirum est in oculis nostris, & miraculum dicitur apud vulgus hominum, non tamen est tale respectu Dei: Hinc multa sunt à Magis ipsiusque Dæmonibus, nobis mirabilia, non tamen in se miracula, sed admiranda tantum, quia non excedunt vim omnem naturæ. At Miraculum proprie dictum est actio Dei, evidens ad sensum, universæ naturæ creatæ vim excedens, Quare in historia Pharaonis, mira quidem

sunt præstita à Magis, sed non miracula proprie dicta, præsertim cum fuerint facta in mendacii stabilitatem: at Deus gratiam miraculorum concedere non solet in falsæ fidei confirmationem, quia veritas ipsa, ut mentiri nequit, ita mendacium miraculis comprobare non potest: mira v. faciunt Dæmones, 1. per motum localem, quia mirabili celeritate polleant, & vi ac fortitudine supra omnes humanas vires. 2. applicando activæ passivis, equas commiscendo per causas naturales: sed 3. mira fiunt à Dæmonibus per Magos, commovendo spiritus, sanguinem, & humores in corporibus humanis unde spectra, imagines, & simulachra rerum, quæ in his conservantur, in ipso motu coram phantasia seu imaginatione feruntur, & earatione atque ordine, quod turbator spiritus ea connectit: ac sic fere prædigiis suis & circulatoriis deceptionibus, ope Dæmonum, ludunt & illudunt sensibus humanis mendacii specie Magi, ut, quæ facta minime sint, homines decepti facta existiment. Atque tribus fere modis hic agit Dæmon, mutando, aut obiectum, ut si ex aëre vel aliis elementis corpora effingat quædam, quæ talia judicentur esse, qualia apparent; aut medium, illud aliqua qualitate inficiendo, ut species per medium delatæ obiectum, non quale est, repræsentent; aut organon, phantasiam hominum valide commovendo ac perturbando, ut existiment se videre & audire, quod non existit, quemadmodum & in somniis nobis contingit. Certe per vitiatam phantasiam, etiam ex morbo solo, varie illudi hominibus experientia docet, quanto magis si vitiatam ad phantasiam accedat Dæmonis operatio fallax. Resp. 2. Deum uti sceleris hominibus, ut instrumentis moralibus, in quibusdam effectis, ut, v. c. in predicatione Verbi sui, in administratione Sacramentorum, quidni iisdem eodem modo utatur in miraculis patrandis, v. c. in ejectione Dæmoniorum, cum miracula sint quid minus, quam prædicatione Verbi aut administratio Sacramentorum; quandoquidem Verbum, & Sacramenta sunt media salutis, miracula non item.

IV. Secundam Causæ primæ actionem fecimus disp. 17. hujus curricula *Conservationem,*

um, quæ distingui solet in *directam vel indirectam, positivam vel privativam*, quam alii vocant *negativam*, alii *permisivam*. Illa fit per influxum realem, hæc consistit in non destructione. Queritur, *in utro consistat Conservatio divina? Nicolaus Taurinus*, Philosophus in multis egregius, sed in hoc negotio imprudenter impius, Deum non aliter conservare mundum scripsit, in suo *Metaphysicæ Triumpho*, & alibi, quam quatenus eum non privat suo esse, quod habet. Verum enimvero, conservat Deus non tantum permittendo, ut res sint ac maneat eo statu, quo seael creavit, sed positive insuper influendo & continuando illud esse, quod semel dedit, omnino sicut Sol conservat lumen suum, quod primum procreavit, continua radiorum ipsatione. *Prob.* Si Deus non conservet res influxu positivo & directo, non poterit Deus res annihilare. At potest res annihilare. Ergo. *Conseq. prob.* Annihilatio non consistit in aliquo positivo, quia tendit ad non esse rei simpliciter: qui enim rem annihilat, facit ut non sit: consistit ergo annihilatio, in aliquo privativo: si annihilatio privat subiectum, aliquo privabit; nam privatio dicitur alicujus, & quidem positivi, negationem. Atqui annihilatio non privat rem, nisi eo, quo conservabatur in esse. Ergo illud, quo conservabatur in esse, erat aliquid, & quidem positivum; conservatio ergo influxus est positivus, ipsa vero annihilatio est istius positivi influxus privatio, negatio, absentia.

V. Quæri hic solet, *An conservatio & creatio Cause primæ sint due diversæ numero actiones?* Resp. quod non: sed est una eademque numero actio, unde etiam conservatio optime dicitur continuata creatio: & *prob.* Conservatio nihil addit creationi nisi permanentionem in influxu inchoato: hæc permanens non est nova entitas: alioqui tot novæ entitates & conservationes erant fingendæ, quot sunt momenta, quibus res conservatur: at hoc absurdum est. Ergo. Quemadmodum, quando incipio videre aut intelligere, & permaneo in videndo & intelligendo, est una eademque visio & intellectio, quæ postquam cepit, aliquamdiu durat: ita creatio est inchoatio in-

fluxus divini, conservatio tantum est permanentia in influxu inchoato. Porro, si creatio & conservatio sunt actiones distinctæ, creatio primum cessaret, atque conservatio inciperet: quod si fieret, rogo: vel eodem momento incipit conservatio, quo cessat creatio, vel alio: non eodem, quia tum res simul crearetur & conservaretur, i. e. eodem momento acciperet esse & haberet, i. e. haberet & non haberet: non haberet, quatenus crearetur; haberet, quatenus conservaretur: si conservatio incipiat in momento sequenti post creationis cessationem, cum inter duo momenta sit interjectum tempus, res, isto intermedio tempore, nec crearetur, nec conservaretur. At hoc est absurdum. Ergo & absurdum est, ut creatio & conservatio sint due actiones Dei diversæ: aliqua tamen inter eas est distinctio, sed rationis tantum ratiocinate seu cum fundamento in re; atque hoc patet, vel ex ipsolocuendi modo diverso: nam 1. res non dicitur conservari in primo instanti, in quo creatur, nec creari post primum instans reliquo tempore, quo conservatur. 2. creatio connotat novitatem essendi (est enim hæc de ratione ejus) sed conservatio non item: creatio significat negationem esse præhabiti, conservatio notat possessionem esse præhabiti: esse autem rationis tantum discrimen, probatur ex termino utriusque, & creationis, & conservationis, eodem: nam creatura ut existens in primo instanti, cum creatur, & eadem, ut existens reliquo tempore, cum conservatur, ratione tantum à se ipsa potest distingui: idem est dicendum de creatione & conservatione, quæ eadem est actio, sed ratione à se ipsa distinguitur, prout ipsi termini: nam quæ ratio est terminorum ad quos, eadem est actionum, quia illi cum his identificantur. Dices. *Quare ergo diversa fortuitur nomina, creatio & conservatio, si sint eadem actio.* Resp. Ob respectus diversos & diversam connotationem ad creaturæ esse, vel inchoatum, vel continuatum. Dices. *Si conservatio est idem quod creatio, Ergo res semper erit in fieri.* Atqui hoc est absurdum. Ergo. Resp. 1. fieri interdum significat novitatem essendi, i. e. de novo incipere, & sic verum est, creaturam non semper fieri: interdum signifi-

significat actualem dependentiam creaturæ in  
esse, sic creatura semper fit, quia semper actu  
dependet à Deo, & servat esse sibi continuum  
per continuum Dei influxum.

## Disputationum ex Philosophiâ selectarum,

Voluminis Secundi,

## VIGESIMA.

DE DIVISIONE CAUSÆ EFFICIENTIS IN  
PRIMAM ET SECUNDAM.

## THESIS I.

**D**ivisionem causæ efficientis in Primam & Secundam, Disputationibus inquis pertractatis, & Disputatione quidem 1. Causæ primæ adstruximus ad hoc tres ex lumine naturæ, Creationem, Conservationem, & Concursum. De Creatione, præter ea, quæ erant disputata disp. 19. partibus duobus Curriculi prioris, disputavimus insuper disp. huius Curriculi, 18. & 19. de potentia creaturæ, possitne illa comminari creaturæ, per modum causæ, seu principis, seu instrumentalis? & utrumque negavimus, ac negationem nostram probavimus. De Conservatione quæsitivimus, utrum illa consistat in positivo & reali influxu, an vero tantum in non destructione? & sine eadem cum creatione, an diversa numero actio? disp. 19. nunc hæc 10. restat ut circa concursum Causæ primæ quædam inquiramus. Ac quamvis materia hæc videatur fere exhausta nobis disp. 7. 8. 9. 10. 11. in priori Curriculo de ea institutis, attamen ejus fertilitas aliquid adhuc reliquit pro spicilegio. Dari concursum causæ primæ disp. 7. prioris Curriculi, quid sit, disp. 8. quod præter simultaneum datur prævius, disp. 9. 10. explicatum est: & contra prævium, objectiones, quæ adferri solent disp. 11. solutæ sunt. Quod de concursum sit determinans, & non determinabilis, particularis, non universalis, expostum est disp. 10. & 11. Nunc, circa concursum prævium, Antecæ quædam sunt colligenda, hæc disp. Duobus ergo tibicinibus, præter alia omnia fulera, concursum Dei prævium tulcimus.

II. §. 1. Si, quoties voluntas creata aliquid

non vult, ideo non vult, quia Deus non determinat eam ad volendum, concursu sc. prævio, ut velit, ergo, quoties aliquid vult, ideo vult, quia Deus eam determinat concursu prævio, ut velit. *Consequentia manifesta & per se nota est*: contraria enim contrariorum sunt consequentia: Unde bene demonstravit *Bravardin.* in præclaris illis de *Causa Dei contra Pelagium libris*, Quod, sicut in omni non actione Deo & creaturis communi, prius est, Deum non velle, quam creaturam, ita in omni actione iis communi, prius est, Deum velle, quam creaturam. *Assumo itaque.* Sed, quoties voluntas creata non vult aliquid, ideo non vult, quia Deus concursu suo prævio eam non determinat, ut velit. Ergo, quoties voluntas aliquid vult, ideo vult, quia Deus concursu suo prævio eam determinat, ut velit, *Datur itaque Concursum Dei prævius.* Minor ab Adversariis negabitur, quam oportet ut confirmemus: Quod si fecerimus, vicerimus. Si quoties voluntas creata non vult, sequitur 1. Quod Deus eam non determinet ad volendum. 2. Quod simul verum sit, quod hæc suspensio determinationis divinæ causa sit sine qua non & antecedens, cur non velit: Ergo quoties voluntas non vult aliquid, ideo non vult, quia Deus non determinat eam, ut velit. Sed quoties voluntas creata non vult aliquid, sequitur, 1. Quod &c. 2. Quod simul verum sit, quod &c. Ergo &c. *Consequentia iterum manifesta est*, quia posita causa sine qua non aut posito antecedente ad quod necessario sequitur consequens, ponitur effectus aut de-

fectus potius: quemadmodum posito recessu solis à nostro horizonte necessario consuequantur tenebrae: si itaque suspensio determinationis divinae sit causa sine qua non & antecedens ad quod necessarium sequitur, quod voluntas non velit, certe quoties voluntas non vult, ideo non vult, quia Deus suspendit determinationem suam, i. e. quia negat concursum praevisum & praedeterminantem. Sed minor iterum nobis probanda venit: ea *bi-membris* est. Prius quidem membrum per se notum videtur, nec multa probatione indigere, sc. quoties voluntas creata non vult aliquid, Deum non determinare eam ad volendum: si enim determinaret eam; jam vellet: Deo enim determinanti quis resistit, aut resistere valet? Ergo, quando non vult, id signum est, eam non determinari hoc tempore a Deo ad volendum. Sed alterum *minoris membrum* unice nobis probandum est: sc. suspensionem determinationis divinae esse causam sine qua non, & antecedens, cur quis non velit. Aut hoc est causa &c. cur quis non velit, sc. suspensio &c. aut danda est alia causa sine qua non, & antecedens, ex parte Dei, aut omnino nulla datur: hoc est, ut clarius me exprimam, aut Deus omnino non poterit antecedenter voluntati creatae efficere, ut ea non velit; aut, si poterit, non tamen hoc faceret, suspendendo determinationem suam in voluntatem creatam, sed alio modo: aut, concedendum est, meram suspensionem determinationis divinae sufficere ad hoc, ut voluntas creata non velit aliquid. At horum primum dici non poterit, quia hoc derogat omnipotentiae divinae, quae extendit se ad omnia, quae non implicat contradictionem. Sed hic nulla implicat contradictio. Verum, praeterquam quod inconueniens sit omnipotenti Deo derogare istam potentiam, qua possit antecedenter voluntati creatae efficere, ut ea non velit, probo insuper, Deo istam potentiam denegandam non esse. Potest Deus antecedenter voluntati creatae efficere, ut ea velit: habet enim imperium, ut in omnem creaturam, ita praesertim in voluntatem humanam: neque hoc à *Suarezio*, *Arminio*, & quocunque concursus praevi, particularis, & determinantis,

hoste, neque ab ullo mortalium, negari potest. Quae enim Dei, qui omnia potest, erit potentia, si tantum non possit antecedenter voluntati creatae efficere, ut illa velit? Si vero id possit Deus, poterit, & ut non velit: nam qui potest efficere, ut quis faciat aliquid, proculdubio & potest efficere, ut idem non faciat: imo hoc posterius aliquanto minoris est potentiae quam illud prius; nam multo facilius potero cohibere proximum, ne aliquid faciat, quam illum impellere, ut illud faciat, imo hoc saepe non potero, & prius potero. Ergo omnino poterit Deus antecedenter voluntati creatae id effectum dare, ut ea non velit. Sed jam *queritur ulterius*. An hoc praestaret, suspendendo suam determinationem, vel alio modo. Non potest hoc praestare alio modo, quod sic probo. Si Deus non efficeret antecedenter voluntati creatae, ut ea non velit, suspendendo suam determinationem, sed alio modo, tum, vel quia omnino non faceret hoc actione suspensiva, sed potius id faceret positiva actione, vel, quia licet hoc faceret actione suspensiva, qua aliquid suspendit, id est, negat, non tamen hoc faceret, suspendendo, i. e. negando determinationem suam, sed suspendendo, i. e. negando aliquid aliud. Atque horum neutrum dici potest. Ergo Deus hoc faceret, sc. ut voluntas non velit suspendendo suam determinationem, *sc. Probatio minor*, sc. neutrum modum Deo convenire in efficiendo, ut voluntas creata non velit: non priorem, sc. ut Deus dicatur actione positiva efficere, ut illa non velit: nam, si per actionem id praestaret positivam, tum actio Dei positiva terminaretur ad non ens, sive, ad negationem entis alicujus, puta, actus volendi, requireretur actio positiva. Sed hoc est absurdum: quippe, si positio actus divini requireretur ad non-velle creaturæ, ergo à contrario, negatio actus divini requireretur ad velle creaturæ, quo nihil potest cogitari ineptius. Sed nec secundus modus efficiendi, ut creatura non velit, Deo convenit, sc. ut id praestet, actione quidem suspensiva, verum non suspensione suae determinationis, sed alterius alicujus: Nam quod voluntas creata non velit, ex parte Dei, fiet per suspensionem, aut concursus divini,

vinī, aut alicujus tertii: non fiet per suspensionem concursus divini, quia istantum si simultaneus agnoscat ab *Adversariis*, & sic non fieret ista suspensio concursus divini antecedenter voluntari creatæ, sed subsequenter potius aut saltem simultaneè ac concomitanter, quia ipse concursus divinus expectare actionem voluntatis humane, sequi, aut saltem concomitari, illis dicitur, unde & nomen simul in *ei* & concomitantis concursus illi est inditum. Tertium aliquid dari præter concursum Dei, cujus suspensione fiat, ex parte Dei, ut creatura non velit, sub nullius imaginationem hactenus cadere potuit, & vero finem non potest. Restat ergo ultimum Minoris *membrum* concludendum, sc. ut Deus dicatur efficere antecedenter voluntari creatæ, quod ea non velit, sola suspensione, determinationis suæ, seu concursus prævii determinantis, & non actione positiva, nec suspensione alicujus alterius tertii. Ergo *concludo repetito primo syllogismo*. Si suspensio determinationis divina, seu concursus prævii determinantis, sit causa sine qua non & antecedens, cur voluntas creata non velit, ergo ipsa determinatio divina seu concursus prævius determinans erit causa, cur eadem velit. Sed verum prius erjam probatis. Ergo & posterius. Ergo datur talis concursus, quod erat demonstrandum.

III. § 2. Alterum pro concursu Dei prævio, particulari determinante, argumentum nostrum hoc est. Si Deus concursu prævio non determinet voluntates nostras, nec erit omniscius, nec omnipotens. Consequens est absurdum. Ergo & antecedens. *Probo majorem, quoad prius membrum*, sc. de omniscientia. Si Deus non certo sciat actus liberos voluntatis nostræ futuros, nisi à se prædeterminentur, ergo si eos concursu suo prævio non prædeterminet, non certo eos sciet, & sic non erit omniscius. Sed Deus non certo scit, &c. Ergo &c. *Consequentia clara est. Minor sic prob.* Nolle actum liberum futurum v. c. voluntatis meæ, est, nolle, me tale quid volitutum, atque adeo est, nolle, me ad istam volitionem pro certo tempore determinatum. Sed Deus non novit istam determinationem, sublato

concursu prævio, prædeterminante. Ergo eodem sublato, non novit, quod ego sim libere volitutus, & sic non erit omniscius. *Major hujus syllogismi certa est. Minor probatur.* Aut Deus, sublato concursu prævio & prædeterminante novit voluntatis meæ determinationem in seipsa, atque adeo in me, aut in determinatione voluntatis suæ, atque adeo in se: Non in determinatione voluntatis suæ, quia sublato concursu prævio aufertur voluntas Dei determinans; si enim Deus non concurrat prævie determinando me, neque voluit me prædeterminare: si enim voluisset, fecisset; omnia enim, quæ voluit, fecit; si non voluit me prædeterminare concurrente, non potest nosse aut scire determinationem voluntatis meæ in voluntate sua determinante, quæ non est: Ergo novit voluntatis meæ determinationem in seipsa, id est, in me: aut, si hoc est absurdum, ut est absurdissimum, eam plane non novit, & sic non erit omniscius. *Probo* verò esse absurdissimum, ut quis dicat, Deum voluntatis meæ determinationem nosse in seipsa, id est, in me: quia absurdissimum est, ut Deus scientiam suam mutuaret à creaturis, ut creaturæ ipsi sint objecta moti-væ cognitionis: sed si aliter non novit determinationem meæ voluntatis, quam in seipsa, i. e. in me, mutuatur scientiam suam à creaturis, sc. à mea voluntate, suntque ipsi creaturæ, i. e. mea voluntas se determinans ad volendum, objectum motivum cognitionis. Ergo, cum non liceat dicere, quod Deus cognoscat actum liberum voluntatis meæ futurum, in determinatione voluntatis meæ, nec, quod cum cognoscat in determinatione voluntatis suæ, quæ nulla est, concursu prævio & prædeterminante sublato, ergo plane non cognoscit, consequenter, non est omniscius. *Probo nunc alterum membrum Majoris*, de omnipotentia. Qui non potest omnia, quæ non involvunt contradictionem, is non est omnipotens. Sed si Deus non determinet concursu prævio voluntates nostras, non potest omnia, &c. Ergo &c. *Probo minorem.* Deus, sublato concursu prævio & determinante, non potest producere consensum meæ voluntatis, faciendo certissime, ut consentiam & velim

id, quod ipse voluerit, ergo non potest omnia. *Probo Antecedens.* Deus tantum potest producere, quod in se habet & continet. Sed consensum meæ voluntatis, supposita sententia *Adversarium*, negantium prævium Dei & prædeterminantem concursum, non habet nec continet in se, quod probo: unumquodque est, in quantum est determinatum: sed determinatio meæ voluntatis non est in Deo; quia, ex hypothese *Adversarium*, Deus non determinat meam voluntatem: ergo consensus voluntatis meæ, ut hoc velim, non est in Deo. Ergo non potest eum producere. Ergo non est omnipotens.

IV. Ad argumentum hoc thesi 3. propo-

situm, gemino cornu, quod Adversarios non ferit sed conficit, nihil potest responderi aut excipi, quam hoc unicum, quod vulgo adferri solet, Deum scil. per tubum opticum scientiæ media penetrare & cognoscere quid sit factera voluntas humana, si sub hac aut illa conditione ponatur, & inde Deo esse cognitum, quid ipse possit. Sed vero exceptio falsum supponit, & fingit scientiam mediam inter scientiam simplicis intelligentiæ & visionis, quam immanem belluam, *lesutarym & Remonstrantium Helenam*, multis telis confodimus, *disp. 3. Curriculi prioris disp. select.* Stet ergo, maneat, æternumque perseveret, *Causæ primæ influxus prævius & prædeterminans.*

## Disputationum ex Philosophiâ selectarum

*Voluminis Secundi,*

### VIGESIMA-PRIMA.

## DE CAUSÆ EFFICIENTIS DIVISIONE IN PRIMAM ET SECUNDAM.

### T H E S I S I.

**U**Ti *disp. præced.* Concursum causæ præviam & prædeterminantem, olim vol. 1. *Disput. select.* 9. ac 10. assertum, & 11. ab *Adversarium* Objectionibus vindicatum, duobus insuper tibicinibus fulcivimus; ita eundem, ut particularem, & influentem, in esse actionis phyticæ, non tantum genericum, sed & specificum, atque individuale, & non determinabilem à causa secunda, sed determinantem ipsam, *disp. 10. cit.* adstructum, & ab impugnationibus contrariæ partis liberatum *disp. 11. cit.* denuo sub examinis incudem vocare est animus, præsertim, quod hoc monstrum concursus divini, illimitati, indeterminati, indifferents: communis, & universalis, in *Pelagianorum* veterum cerebro natum, à recentioribus tenerrime exceptum, non possit satis configi, ne *Philosophos & Philosophantes* in posterum tranversos agat. *Concursum ergo divini, universalis, sive determinantem, sive contractionem, sive limitationem,*

*ad certam in specie, quin ad unam numero, actionem, Philosophice examinentur.* Nam *Philosophia* ab una parte usum, ab altera parte ab usum, videre hic licebit: sic procedo.

II. Omnis limitatio & contractio nature communis, ad certam speciem, est, vel Metaphysica, seu, ut alii loquuntur, Logica, vel Physica. Limitatio Physica, est materia per formam. Metaphysica, seu Logica, est contractio generis per differentias. Metaphysica seu Logica concursus Dei universalis limitatio & contractio, ad certam actionis speciem, hic locum habere nequit; neque enim concursus Dei, genus est, sed est influxus quidam specialis & singularis à Deo proveniens in causam secundam, ejusque actionem: præterea, concursus causæ secundæ, ut volitio nostra, est etiam quid singulare: at duo singularia ut sunt concursus divinus & humanus, non possunt concurrere in unum, ut genus & differentia ad constituendam speciem unam: Si ergo



ergo hæc contractio & limitatio Metaphysica seu Logica, locum habet in concursu Dei generico, universali, indifferente, limitando, contrahendo, determinando, oportet dicere, quod concursus Dei sit genus contrahibile, concursus causæ secundæ differentia contrahens, & hinc unum specie concursum ad unam specie actionem, v. c. ambulationem, consisti: quod nemini absurdum videri non potest, & ab unoquoque Philosophiæ Tyrunculo refutari. Notum est ex Logicis, quod omnis species sit unum per se: omne unum per se constituitur ex actû & potentia: ex duobus actû existentibus constituitur unum per accidens: sed concursus Dei & Creaturæ actû existunt: ergo ex iis constituetur unum per accidens. Rursus, quod ex genere & differentia oritur, est quiddam universale: atqui universale, ut sic, non existit in rebus extrinsecam. Sed concursus Dei & Creaturæ sunt concursus particulares, in rerum natura existentes: ideoque ad speciem constituendam coalescere non possunt. Non potest ergo concursus causæ primæ, universalis, & indifferens, contrahi aut limitari, per concursum causæ secundæ, contradictione aut limitatione Metaphysica vel Logica, quæ est generis per differentiam in species: sed fortasse contrahatur ac limitabitur, contractione & limitatione Physica, à concursu causæ secundæ particulari & determinato, sicuti forma limitat materiam: sed neque hoc dici ullo potest modo: Nam, si concursus Dei sit veluti Materia, concursus creaturæ veluti Forma, multo dignior foret & nobilior concursus causæ secundæ quam primæ; forma enim præstantior censetur materia, & materia appetit formam, ait Aristoteles, ut femina appetit esse mas. At hoc iniquum est dicere, quod concursus causæ secundæ longe sit nobilior concursu causæ primæ. Præterea, limitatio materiæ per formam tantum habet locum, in generatione corporum, non autem actionum, quæ simplices sunt formæ & neutiquam admittunt compositionem. Adhæc, materia prima est genericum quid, & ex natura sua indifferens concursus Dei non est quid genericum, sed ex natura sua singularis, à principio singulari

producens, & ad singulare quid terminatus. *Conclusio.* Concursus ergo Dei, nullo modo contrahi aut limitari potest: & Concursus Dei, ut contrahibilis, ut universalis, ut indifferens, ut determinabilis à concursu creaturæ, commentum est; præter omnem rationis sobrietatem, excogitatum; & nullibi in Philosophia fundatum.

III. Sed cum concursus Dei à concursu creaturæ determinari nequeat, determinatione Physica, nec Metaphysica aut Logica, videamus, an aliud genus determinationis detur, quod melius quadret huic negotio. Philosophantur nonnulli hic de determinatione activæ & passivæ. Consideremus utramque, an præsentis negotio accommodari valeat. Activa determinatio fit, quoties artifex determinat instrumentum, in illud agendo. Sic non potest dici causâ prima determinari à secundâ, sed contra: nam prima non est instrumentum secundæ. Passiva determinatio fit, quoties materia determinat actionem agentis. Ex. gr. Lignum parum idoneum ad formam ab artifice intentam recipiendam, actionem artificis determinare dicitur, ad enormitatem formæ, nam non ex quolibet ligno fit Mercurius, ut habet vulgatum verbum: sic charta humida determinat scriptoris actionem ad descriptionem deformem & incompositam: sic eadem Solis operatio, pro varia materiæ dispositione, ceræ videlicet aut luti, determinari dicitur ad varios effectus, vel liquefactionem vel indurationem: in hisce materia determinat operationem Solis, non tamen agendo in Solem aut operationem ejus, sed patiendo tantum à Sole ejus influxum juxta capacitatem atque naturam suam, sine renisu tamen aut reluctatione contra operationem Solis, quemadmodum materia sæpe renititur operationi artificis, quia Sol sc. non intendit aliter agere quam secundum Naturam rei unuscujusque suam. Videamus, an concursus Dei utrolibet modo determinari possit à concursu creaturæ? Non potest determinatione activæ, quia sic causâ secundâ ageret in primam. Atqui causâ secundâ non agit in primam, neque voluntatem Dei Physice movet ad producendum actum voluntas crea-

creata: nam sic fieret, ut causa prima subijceretur causæ secundæ in operatione Physica, & consequenter, non prima foret, sed secunda, quia non obtineret in agendo partes primas sed secundas. Verum super hæc, quomodo hoc faciet voluntas creata, ut Deum determinet active in concurrendo ad certam actionis speciem? vel id faciet volendo, vel aliquid aliud agendo. Non faciet id volendo, nec facere potest, quia actus volendi est actus immanens: determinatio Dei, qua determinaretur à creatura active, actus transiens: volitio nullam habet vim transeundi in aliud nisi imperando: at vero imperat facultatibus inferioribus corporisque membris, non Deo: ergo hæc activa determinatio, qua concursum Dei determinat voluntas creata, non potest esse volitio. Sed nec actio alia esse potest: nam à voluntate nulla alia proficiscitur immediate, quam volitio: & quænam, quæso; actio creaturæ transiret, in Deum, eumque ad agendum determinaret? quomodo ageret in concursum Dei? cum actio, puta Dei concursus, non possit esse subiectum aut obiectum determinationis creaturæ. Sed videamus, an non hic obtinere valeat determinatio passiva, ut sic Deus in agendo à creaturis determinetur: Verum enimvero ne hoc quidem ullo modo dici potest: Nam, si voluntas creata determinet concursum Dei indifferentem determinatione passiva, quo modo causa actionem Solis differentem determinat ad liquefactionem, ergo Deus statuetur agere, aut in ipsam voluntatem creatam, aut in voluntatis creatæ influxum, quod Sol agit in ceram, dum cera cum determinat, aut dum ille determinatur à cera ad liquefaciendum. Sed ipsi Adversarii negant, Deum tali modo agere, in voluntatem creatam, aut in ejus influxum: dicunt enim, Deum concurrere, non influendo aliquid, in causam secundam, aut in ejus actionem, non operando aliquid in ea, sed operando aliquid cum ea: si enim agnoscerent, Deum aliquid operari in causa secunda; vel in ejus actione, jam concursum praviū admitterent, quem rejiciunt: nam statuunt, Deum tantum operari cum causæ secundæ actione: expectans enim ope-

rationem creaturæ, quam per tubum opticum scientiæ mediæ prævidet aliquando futuram, si hæc in hisce aut illis conditionibus ponatur, cum ea adest, suum concursum conjungit illum modo, & simul cum illa operatur, ac proinde non potest determinari à concursu causæ secundæ determinatione passiva, ut determinatur Solis actio à cera; nam tum deberet Deus, prius natura, non tempore, (nam de prioritate temporis hic nunquam loquimur) deberet, inquam, prius natura influere in causam secundam, aut in ejus actionem, ut ab ea determinari suus concursus & influxus possit. Sed hoc non admittunt Adversarii: quare & rejiciant necesse est, istam concursus divini determinationem passivam, velint, nolint, utpote qui in influxu Dei in causam secundam ejusque actionem fundatur, & non in ista simultanea divinx operationis conjunctione.

IV. Sed pergamus ulterius, & probemus insuper, posito influxu Dei, in ipsam causam secundam, & in actionem causæ secundæ, (unus enim idemque influxus est, pro terminorum diversitate, ad quos respectus dicitur diversus, juxta nostrum concipiendi modum distinctantur) posito, inquam, isto Dei influxu, quem *disp. præc. & in priori curricula disp. select.* astruximus, adhuc tamen non est dicendum, quod concursus Dei à causa secunda determinetur determinatione passiva, nec ratione ejus, quod Deus influit in ipsam voluntatem creatam, nec ratione ejus, quod influit in actionem ejus.

V. Quod Deus influendo in ipsam causam secundam, non determinetur ab ea, determinatione passiva, sic probō. Si Deus influit in voluntatem creatam, ergo non determinatur ab ea passive, sed vero ipse illam determinat active. *Prob. consequ.* Quia creatura non potest reniti aut resistere creatori. *Dices. At sic cogitur voluntas.* Resp. Minime: nam Deus non potest agere in voluntatem contra naturam ejus, eam destruendo: At voluntas cogi non potest: quia voluntas coacta non est Voluntas, estque contradictio in adjecto: ideoque, si Deus voluntatem creatam moveret ad volendum, siue ad nolendum hæc tamen

tamen convenienter naturæ vellet aut nollet illi, ad quod, vel volendum, vel nolendum, esset à Deo determinata. Sed, dicent Adversarii, hoc fieri secundum voluntariam Dei dispensationem, quippe qui vult operationem suam modificare per concursum voluntatis creatæ, & sic Deus ab eis determinatur passive, quemadmodum Solis actio modificatur à cera in liquefactione, & ab ea ad liquefaciendum determinatur. Resp. Est elenchus parium: hæc enim à parte Dei & Solis non habent se similiter: Nam quæro ex illis, qui istam concursus divini modificationem & passivam à concursu creaturæ determinationem statuunt; utrum Deus creaturam moveat, tantum ad agendum in genere, ita ut voluntas creata à seipsa accipiat & habeat, quod moveatur hoc motu in specie, ut Adversarii volunt, an vero à Deo moveatur, tum ad agendum in genere, tum ad agendum hæc specie motus, qua agit, uti nos statuimus. Prius, quod Deus creaturam tantum moveat ad agendum in genere, & non ad speciem actionis, jam disp. 10. & 11. vol. prioria disp. select. refutatum est olim, & omnino falsum est: tum, quia creatura tam indiget moveri ad agendum in specie, quam in genere, cum species perfectior sit genere: tum, quia influxus Dei, cum sit influxus singularis, non potest terminari ad naturam genericam: tum denique, si voluntas creata non indigeat influxu & concursu Dei ad agendum actum secundum speciem actus, vel non indiget eo, ad agendum actum secundum speciem actus, vel in genere Naturæ, vel in genere Moris. Non potest dici prius, quia quisquis indiget concursu & influxu Dei ad naturam actus genericam producendam, etiam indiget eo ad producendam actus naturam specificam, quia natura actus generica produci nequit nisi producta natura ejusdem specifica, utpote in qua includitur; universalis enim existunt & continentur in particularibus & singularibus, genera in speciebus, & species in individuis. Posterius quod spectat, speciem puram, aut naturam specificam actus, in genere Moris, negamus, bonum & malum esse species actus moralis, licet vulgo sic dicantur, uti id refutatum est, vol. 1. disp. select. 11. sed sunt tan-

tum accidentia actionum naturalium, quæ extrinseca solum denominatione actionibus conveniunt: omnis enim actio denominatur, aut bona, aut mala, quatenus fit, vel conformiter legi, vel ei disformiter, actionem eandem aut præcipienti, aut vetanti: ideoque, si constituerit, Adamum eguisse influxu & concursu Dei ad comestionem, certam in genere naturæ speciem actionis, ante interdictum Dei, qui fieri potest, ut non indigeret eodem influxu & concursu Dei ad comestionem eandem, ut est species actionis in genere naturæ, post interdictum Dei? Ergo Deus, non tantum movet in genere, sed & in specie atque etiam in individuo, ad agendum hunc actum naturalem, particularem, singularem. Quod si verum est, ut verum esse demonstravimus & nunc & alias, infero ergo: Ergo Deus nullo modo determinatur passive à causa secunda, dum eam præmovet ad actum, non tantum, in genere, sed & in specie, atque in individuo, in genere naturæ, verum ipsè determinat activè causam secundam; nam ista præmotio, iste influxus in causam secundam, est ipsa Dei, causam secundam prædeterminantis, prædeterminatio: tantum abest, ut ejus influxus passive determinetur ab ipsa causa secunda.

VI. Verum enim vero, nec Deus determinatur in concursu suo passive à causa secunda, ratione ejus, quod influat in actionem ipsam causæ secundæ: quod fuit membrum posterius *th. 4.* & sic probo contra omnes illos, qui in concursu simultaneo concurrentis Dei & causæ secundæ existimant aliquid esse in concursu Dei, quod determinetur à concursu creaturæ. Si concursus actualis Dei, ac simultaneus, determinatur ab actione causæ secundæ concurrentis, ergo actio causæ secundæ prior erit, non quidem tempore, sed natura saltem, ipso concursu Dei simultaneo, quia determinans prius natura est determinato. Atque actio causæ secundæ non est prior, ne natura quidem, concursu Dei simultaneo, quia una eademque est actio concurrentium, Dei & creaturæ, qua v. c. ambo concurrunt ad ambulationem, ac proinde una non est prior altera; consequenter, non potest actio causæ

primæ determinari ab actione causæ secundæ. Quod non sint duæ actiones, sed una eademque actio, concursus Dei & creaturæ, licet ratione agentium, à quibus proficiuntur, diversæ concipiantur, alias & alibi fuit demonstratum. Certe actio sumit distinctionem à termino; est enim via & motus ad terminum: ac proinde, ubi fuerit unus & idem terminus, uti est hic in concursu Dei & creatura, una tantum est actio.

VII. Sed, quærat aliquis, Si concursus Dei simulaneus non determinetur à concursu creaturæ, an ergo concursus creaturæ determinetur à concursu simulaneo Dei? quemadmodum ostendimus, creaturam determinari ad agendum active à concursu Dei prævio, an non pariter eam determinet, cum influit non tantum in potentiam ejus agendi, sed in actionem ipsam? Resp. Nullo modo: & fictitia tantum est determinatio, quæ statuitur à quibusdam, qua Deus concurrendo concursu simulaneo creaturam dicitur determinare: Nam par est utriusque concursus & divini & humani, simultanei ratio, quia una eademque est actio Dei & creaturæ concurrentium, &, uti in ista actione creatura non determinat Deum, ita nec Deus determinat creaturam actuali & simultanea cooperatione, quia neutrum hic altero prius est: probo vero, ratione concursus simultanei, Deum non determinare causas secundas ad

agendum. Concurrere & cooperari, aut simul agere cum aliquo ad producendum effectum, non est, determinare agens illud: nam, & creatura concurret cum Deo, nec tamen determinat Deum, ut statim videmus, ergo nec Deus simul concurrens cum creatura operante, eam ad operandum determinat: nam concursus simulaneus, nihil dicit aliud, quam, alio producente, illum effectum simul comproducere: sed hoc non est, determinare: quemadmodum, cum duo homines eundem lapidem volunt, aut duo equi simul idem plaustrum, aut eandem navem, trahunt, uterque cum altero concurret, sed neuter, vel hominum, vel equorum, alterum determinat: sic nec Deus simul cooperans cum creatura, istac actione creaturam determinat, multo minus creatura Deum. Ergo, ut omnia concludam uno verbo, Deus nullo modo determinatur in agendo à creatura, nec Metaphysice seu Logice, nec Physice, nec active nec passive, sed ipse concursus prævio active determinat creaturam ad agendum, & in genere, & in specie, & in individuo. Itaque, concursus Dei cum nullo modo determinari possit, contrahi, limitari non est indifferens, universalis, indeterminatus, contrahibilis; sed est determinatus & determinans, particularis, restrictus, quod erat demonstrandum.

## Disputationum ex Philosophiâ Selectarum,

*Voluminis Secundæ,*

### VIGESIMA-SECUNDA.

## DE CAUSÆ EFFICIENTIS DIVISIONE IN PROXIMAM ET REMOTAM, TOTALEM ET PARTIALEM.

### T H E S I S I.

**O**cupavimus nos aliquot *disp.* in explicanda divisione Causæ Efficientis in primam & secundam, sed præter hanc & ante explicatas, dividitur illa quoque in *Proximam* & *Remotam*. *Proxima* est, quæ producit effectum *immediate*, *Remota* est, quæ pro-

ducit effectum *media causa* propinquare. Quæ utraque definitio, quo sensu sit intelligenda, seq. thesi sic explicamus.

II. Quando causa proxima dicitur *immediate* producere effectum, vel intelligitur hoc sic, ut nihil omnino interveniat inter ipsam &

& effectum, nec causa alia, five ejusdem, five diversi, ordinis, nec virtus ulla, nec conditio ad causandum requisita, sed quæ ipsa sua existentia effecto conjungitur, ac sic illud attingit, quæ est *causa absolute proxima*; vel intelligitur illud *immediate*, sic, ut inter causam proximam & effectum non interveniat causa alia ejusdem ordinis & speciei, licet intervenire possit causa media diversi ordinis & speciei, licet & interveniat media virtus seu causalitas, licet interveniat media conditio ad agendum requisita, quæ est debita approximatio agentis ad patiens, & hæc est *causa efficiens proxima in suo genere*, ac posteriori hoc sensu, *causa proxima* propriè hîc sumitur cum opponitur remotæ, ut *remota* dicatur impræsentiarum, quæ producit effectum, mediâ, non tantum virtute, quomodo opponitur causæ *absolute proxime*, sed & mediâ causâ aliâ, non tantum diversi ordinis & speciei, sed & ejusdem ordinis & speciei, quo modo opponitur causæ *proxime in suo genere*; & hæc remota causa, *neque existentia*, ut causa absolute proxima, *neque virtute*, ut proxima in suo genere, cum effecto conjuncta est, & neutro illud attingit modo. In exemplo res utrumque est manifesta. Causa absolute proxima est emanativa omnis: ignis respectu caloris, qui est in se; anima rationalis respectu risibilitatis, & forma omnis substantialis respectu proprietatum, quia inter ignem, ut causam, & calorem suum, ut effectum, nihil intercedit medium, nec causa ulla, nec virtus ulla vel causalitas, nec conditio ad agendum requisita, quin; ignis sua existentia effecto conjungitur, quia sua existentia calorem suum intra se producit, ut emanativa omnis: pariter se res habet in anima rationali respectu risibilitatis, & forma qualibet substantiali respectu suæ proprietatis. Ignis quoque est causâ proxima caloris externi extra se producti in alio, pater liberorum, non absolute; nam inter causam utramque & effectum intercedit media virtus, & approximatio agentis ad patiens, quia intercedit media causa, sed alterius ordinis, quæ nihil impedit, quo minus sua virtute effectum attingat causa utraque, & proxima dici possit sed in suo genere, non vero absolute; inter

ignem enim & calorem extra se productum intercedit media calefactio & calor ignis internus, inter patrem & filium semen; at calor ignis internus & semen, alterius sunt ordinis & speciei causæ efficientes, nimirum instrumentales, quam ipsæ ignis & pater, qui sunt principales, & quia calor internus ignis & semen sunt instrumenta quoad existentiam & activitatem causis principalibus conjuncta, censentur una eademque causa cum causis principalibus, nihilque impediunt, quo minus causa principalis utrobique dici possit proxima, licet interveniant hæc ut instrumenta: At causa remota est avus respectu nepotis, qui producit, quia hic inter avum & nepotem intercedit alia causa media principalis ejusdem ordinis & speciei cum avo, nimirum pater. Duplex ergo est oppositio inter causam proximam & remotam: nam, si causa proxima sumatur pro ea, inter quam & causatum nihil plane intercedit medium, ne quidem virtus ulla, jam etiam illa, quæ dicitur causa proxima in suo genere, remota erit, utpote inter quam & effectum media intercedit virtus; sed si causa proxima sumatur pro ea, inter quam & effectum non intercedit ejusdem ordinis & speciei causa efficiens, jam illa tantum remota erit, inter quam & effectum alia ejusdem ordinis & speciei causa intercedit, quo pacto nos causam Remotam definivimus.

III. Causa absolute proxima semper tantum est unica in uno effecto: estque, vel in eodem subiecto, in quo est effectum, vel non est? si sit, vocatur interna; si non sit, externa. Quia anima rationalis, causâ proxima absolute, risibilitatis, effecti, est in eodem homine, in quo est risibilitas, est causa absolute proxima, interna: sed interpositio terræ inter Solem & Lunam; quia non est in ipsa Luna, in qua est effectum ejus, tanquam causæ absolute proxima, dicitur causa absolute proxima, externa.

IV. Causa efficiens alia quoque est totalis, alia partialis. Totalis est, quæ per se sola in suo ordine & specie totum effectum producit; ut ignis est causa totalis producendi alium ignem, quia non indiget alia causa efficiente particu-



lari, principali, i. e. sui ordinis & speciei causa ad alium ignem producendum, licet indigeat cœlo, ut causa universali, quæ est alterius ordinis & speciei oppositæ, licet indigeat materia, diversi generis causa, licet indigeat calore; ut instrumento, alterius quoque speciei causa. Partialis, quia per se sola in sua specie & ordine totum effectum producere nequit, sed quæ jungi debet causis aliis & sociis ejusdem ordinis ac speciei, atque unaquæque ex parte tantum causatum producit: ut sunt duo homines portantes idem pondus, ad quod neuter est sufficiens. De hac utraque causa queri solet, *An plures cause efficientes, seu totales, seu partiales seu ejusdem speciei, seu diversæ, conjungi possint in effecti ejusdem productione?* Quæ questio quia est ardua, & peculiarem habet usum in Theologicis, circa questionem, *An Deus & homo sint cause sociæ & conjunctæ in hominis conversione, quin & in omni bono opere?* per distinctos meretur decidi paragraphos.

V. §. 1. *Possunt sociæ esse & conjunctæ cause plures efficientes ejusdem effecti & ad id producendum concurrere, ejusdem ordinis & speciei, sed partiales.* Idem numero filius à patre procreatur & matre simul, ut causis efficientibus particularibus, partialibus: idem pondus trahitur à duobus equis, causis pariter talibus: neutrobique enim una causa sine altera sufficit ad effectum utrobique producendum, & sunt utrimque ejusdem ordinis & speciei causæ. Notandum autem est, has causas semper esse coordinatas, non subordinatas, quia neque quoad existentiam, neque quoad causalitatem, neque quoad utrumque, una causa dependet ab altera, nec parens à parente, nec equus ab equo, sed uterque existentiam & causalitatem possidet neutri mutuo debitam.

VI. §. 2. *Possunt esse plures cause efficientes sociæ & conjunctæ & concurrere ad ejusdem effecti productionem, diversi ordinis, sed totales.* Possunt ad idem effectum concurrere cause efficientes, v. c. superiores & inferiores, universales & particulares, principales & instrumentales; proximæ & remotæ, aliæ aliis semper subordinate, omnes tamen totales, quia singulæ in sua specie, sine auxilio alterius causæ ejusdem speciei, totum producant effe-

ctum: sic scriptio tota est à calamo, & tota à scriptore, solus enim calamus, ut instrumentum artificiale, scribit, & solus scriptor, ut causa principalis, scribit, & calamus scriptori subordinatur, quia quoad causalitatem, ut scribat calamus, à scriptore dependet. Habet hæc res insignem usum in concursu divino explicando, quando queri solet: *An Deus & homo concurrant ad eisdem actus, naturales, morales, imo & supernaturales, ut cause partiales & ejusdem ordinis, an ut cause totales & diversi ordinis; aut, an concurrant, ut cause coordinate, quod volunt Jesuitæ & Remonstrantes Philosophi, an vero ut subordinate, quod volunt Thomistæ & quicunque sincerius philosophantur, & nos adstruximus disp. de concursu Dei, hoc & priori select. Disp. volumine habitis?*

VII. §. 3. *Non possunt plures cause totales ejusdem ordinis sociæ & conjunctæ concurrere ad idem effectum.* Quod ita verum esse censent Thomistæ, contradictionem ut implicet illis, idem numero effectum produci simul à duobus causis totalibus ejusdem ordinis inter se conjunctis, atque adeo non tantum naturaliter id impossibile, sed & supernaturaliter, esse asseverent. Ratio certe desumpta ex vi definitionis, qua definitur causa totalis, id fieri non posse clare evincit: nam causa totalis est, quæ sola in sua specie & ordine totum effectum producit. Si ergo plures causæ totales in eadem specie concurrerent ad ejusdem effecti productionem; vel ceteræ omnino nihil causarent, quia una sufficeret; vel, si ceteræ causent, frustra causabunt; agent enim quod est actum, producent id, quod est productum, efficient effectum, quod nunc est, quia, ut esset, una solum causa totalis sufficeret, quæ cooperatur; at natura nihil facit frustra. Deinde, si plures concurrerent causæ totales ejusdem speciei ad idem numero effectum producendum, plures etiam erunt actiones totales: illis enim multiplicatis & hæ multiplicarentur. At hoc fieri non potest unus enim numero effectus fieri non potest, nisi per unam numero actionem totalem, quia actio est via ad effectum, seu effectum in fieri: ideoque unum numero effectum pos-

sultat



Abulat tantum usum numero influxum ex natura sua & unam tantum ex se actionem, per quam fiat; nam esse unum postulat tantum unum fieri adequatum. Quod si ergo non pos-

sunt esse plures actiones totales, quibus unum numero effectum producatur, Ergo nec possunt esse plures numero cause totales ejusdem ordinis, quod erat demonstrandum.

## Disputationum ex Philosophiâ selectarum,

*Voluminis Secundi,*

### VIGESIMA-TERTIA

D E

# C A U S A F I N A L I.

T H E S I S I.

**P** Lacet impræsentiarum Philosophicam de *Causa Finali* instituire ventilationem. De *Causa* dicimus *Finali*, & non *de fine*, ut ambiguitatem evitemus, qua finis interdum significat extremum aut terminum quemvis; seu magnitudinis, seu durationis, interdum extremum aut terminum perfectum, bonum, atque adeo causam finalem. Hoc sensu *finem* definimus, *Causam externam, propter quam seu cuius gratia res est: vel, quæ causam efficientem impellit ad agendum, adeoque ad consecutionem sui.* Quæ definitio ut tanto intelligatur clarius, hæc quatuor jam nunc discutiemus.

1. *Quenam sit ratio formalis, secundum quam finis causat?* 2. *Quenam sit conditio ad finalitatem, barbæ, seu ad causandum in fine requisita?* 3. *Quenam sit ipsa finis causalitas?* 4. *Quodnam sit causatum finis?*

II. Quod spectat *rationem formalem*, secundum quam finis causat, ea est, uno verbo, *bonitatis*: finis enim omnis, seu ultimus, seu subordinatus, bonus est, vel per se, vel per aliud: omne autem ens potest inducere aliquam rationem finis, quia omne ens aliquam bonitatem habet. *Bonitas ergo formalis ratio est causæ finalis, sive ea sit vera, sive apparens*: non enim omnis finis semper revera bonus est; semper tamen bonus, si non revera, saltem apparenter. Ratio hujus rei hæc est. Quod finaliter causat, id amari debet atque appeti: appetitus autem objectum, bonum est, aut verum, aut apparens: nemo enim, intendens

ad malum, operatur, & malum, qua malum, appeti non potest, uti habent axiomata vulgata. Cum ergo malum non possit appeti, non potest exercere causalitatem finalem, ideoque nullum malum formaliter sumptum, qua tale, potest esse finis; quamvis mala multa, materialiter sumta, id est, res, quæ malæ sunt, finis rationem habere possint, non tamen, quatenus sunt malæ, sed quatenus habent rationem boni: ita, explere libidinem, possidere bona aliena, res sunt malæ, & tamen fines sunt, libidinosi & avari; sed vero res malæ, non tales, sed ut bonæ, ab iis considerantur. Finis ergo & bonum sunt idem, id est, eadem res est finis & bonum, distinguuntur tamen formaliter, quatenus est alia definitio & ratio formalis, Scotus diceret, formalitas boni, alia finis.

III. Nunc secundum ac tertium simul videamus, nimirum: *Quenam conditio requiratur ut finis causet? & quenam ejus sit causalitas?* Ut hoc utrumque explicemus, observandum est, finem considerari posse dupliciter, vel ut intentum, vel ut obtentum? ut enim bonum considerari potest, vel in quantum intenditur & necdum existit, vel in quantum obtinetur & existit, ita quoque finis considerari potest, vel in intentione, vel in executione. Finis consideratus in executione, prout jam productus est, & actu existit, effectum est, ut sanitas, in aliquo, qui agrotus fuit: & sic de eo, ut effectum est, hic non agimus; sed, in

Pp 3

quan-

quantum causa est, eum hic consideramus, est autem causa, in quantum est in intentione: sic autem consideratus finis, in quantum est in intentione, prout intenditur à mente, duplex quasi esse habet, unum in se & à se alterum in mente & à mente: prius esse, quod scilicet sanitas intenta à mente, ut finis, in se habet, solent Scholastici vocare esse reale possibile, quia possibile est, ut sanitas, quae nondum actu existit, actu existat, & licet nondum existat, habet tamen esse reale, quia, ut rosa quae jam non existit, habet tamen esse reale & verum, illud sc. quod definitione exprimitur, sic & sanitas: ens enim in potentia tam est ens reale, quam ens in actu, quia tam de finiri potest illud, quam hoc: esse vero seu essentia nihil est aliud, quam id quod definitione exprimitur. Quodunque ergo vere definiri potest, id habet esse reale ac verum: sanitas nondum acquisita, sed intenta adhuc seu ut finis in intentione, definiri potest: ergo sic quoque habet esse reale ac verum; possibile tamen, non actuale: ac esse possibile est esse, uti ens in potentia ens quoque est. Jam vero hoc modo movet & causat causa finalis. Quod vero motio causae finalis ab ente in potentia possit oriri, patet in simili exemplo desumpto à cognitione nostra: movent enim intellectum etiam ea, quae adhuc in causis suis latent. Cur non & appetitum ea movere possint? Et hoc quidem est prius esse, quod finis in intentione consideratus habet in se & à se, sc. reale possibile. Sed deinde habet etiam finis in intentione consideratus, esse aliquod in mente & à mente, quod Scholastici vocant esse intelligibile, seu esse cognitum. Hoc esse intelligibile seu cognitum est conditio necessaria, ad exercendam causalitatem finalem requisita: sicuti ad causalitatem efficientis necessaria est passiva propinquitas, seu debita approximatio agentis ad patientem, ita ad causalitatem finalem necessarium est, ut finis ejusque bonitas cognoscatur: quia autem haec cognitio diversas rationes formales appetitui proponit, pro ejus varietate varie movetur appetitus; unde sequitur, hanc finis notitiam, non esse speculativam, sed practicam; imo illud ipsum est dictamen intellectus practici, à quo voluntas

seu appetitus determinatur. Hoc igitur esse agentium seu intelligibile, est conditio sine qua non in fine ad causandum requisita.

IV. Causalitas finis consistit in motione metaphorica, seu in amore, quo agens fertur in finem, ex injecto finis desiderio. Sed enim hoc paulo clarius est dicendum. Quando finis, sub ratione boni propositus agentis, desiderium sui in illo excitat, atque ad se agentem allicit, dicitur agentem movere metaphorice, non quia illa motio non sit vera motio aut non sit realis, sed quia non est physica: quod enim est ens in potentia, id actionem physicam edere nequit, motus enim physicus fit à movente actu existente; ideoque actio, qua movet finis, cum sit entis existentis in potentia, non potest esse physica, atque ob eam causam dicitur metaphorica. Debet vero haec motio metaphorica intelligi in actu secundo, i. e. ita ut voluntas actu moveatur: ex quo sequitur, quod haec motio simul sit & causalitas finis & effectum voluntatis: neque hoc est absurdum: nam & actio & passio, licet sint unus idemque motus, diversae tamen sunt causalitates, actio, efficientis, passio, matrix. Neque tamen dicendum est, quod nonnulli ex Scholasticis dixerunt, idcirco finem causare secundum esse intelligibile, quasi causalitas finis in esse intelligibili consistat: minime gentium: haecenus tantum admitti debet illa propositio, quando finem dicunt, causare in esse intelligibili, quatenus res illa, quae causalitatem finalem exercet, eam exercere non potest, nisi accedat haec conditio, ut cognoscatur vel apprehendatur ac potius judicetur à mente agentis. Quod vero ipsa causalitas finis non consistat in hoc esse intelligibili, seu, quod finis non sit causa in esse cognito vel intentionali, facile probari potest.

V. 1. Finis, qui movet, proponitur nobis, ut acquirendus. At finis, secundum esse intelligibile seu intentionale, praesens est & non proponitur acquirendus. Ergo secundum esse intelligibile non movet. 2. Finis in executione retinet esse intelligibile & tamen desinit causare, ergo causalitas finis non est ipsum ejus esse intelligibile, quia alioqui manente isto esse intelligibili, tanquam causalitate,

maneret finis, tanquam causa. At manet esse intelligibile in fine in executione: finis in executione non est causa. Ergo &c. 3. Voluntas non intendit finem consequi in esse intelligibili, sed in esse reali, ergo non movet secundum esse intelligibile, sed secundum esse reale. Confirmatur hoc argumentum. Finis est tale quid, ut propter illud res seu causatum sit & sic alliciat agens. At propter illud esse intelligibile res non est, nec ista cognitio finis alliciat agens, sed vero esse reale possibile ipsius finis cogniti. Solent alii hanc rationem sic instituere. Cujus presentia desiderium nostrum impletur, ejus absentia ad concupiscendum incitatur. Sed non adimpletur animus noster presentia finis intentionalis. Ergo neque incitatur animus absentia finis intentionalis. Ergo finis sic non movet. Exemplo rem declaramus. Medicum movet sanitas agroti, ut medicinam faciat: sed quæ? non intentionalis sane, sed realis. Non prodest agroti sanitas intentionalis, id est, cognitio sanitatis, sed sanitas realis cognita, & huic restitui cupit, non alteri: hæc, ut possibilis, movet eum ad remedia adhibenda, hæc acquisita voluntatem satiat, non vero intentionalis sanitas aut cognitio sanitatis. Quod si aliquando aliquis objecti cognitionem appetimus sub ratione finis, veluti, cum desideramus videre Deum, cognitio tum spectatur secundum esse reale: secundum quod appetitur.

VI. Quantum restat explicandum quodnam sit causatum finis? Resp. uno verbo, *media*: quatenus hæc vox *actiones* quoque *circa media* complectitur. Quia vero vis causæ finalis clarius dignoscitur in creatura rationali, hominem adhibebimus pro exemplo, in quo *causatum finis* declaramus. Notum est, in homine duum generum actiones reperiri, elicitas & imperatas: imperatæ actiones mediate tantum à fine causantur, intervntu nempe actionum elicitarum. Actiones elicite, vel circa finem sunt, vel circa media. Circa finem, velleitas, intentio, fruitio. Circa media, consultatio, electio, imperium. Actiones circa media, sine dubio à fine causantur; omnes

enim ex intentione finis proficiuntur, & in finem diriguntur. Actiones immediate circa finem occupatæ, à fine quidem proficiuntur, non tamen ut à causa finali; sed ut ab objecto exercente causalitatem causæ efficientis procatartica: Finis enim non causat finaliter, nisi in intentione. At velleitas intentionem etiam præcedit: deinde intentio non potest esse causi sui ipsius, i. e. finis intentus non potest causare intentionem: denique, fruitio versatur circa finem in executione, ita ut habeat potius rationem effecti, & finis rationem objecti, non moventis, sed terminantis. Causatum ergo finis proprie erunt *media & actiones circa media*.

VII. *Finis* causat media, nec causat solummodo, sed *dat illa bonitatem, mensuram, & ordinem*. Dat *modum bonitatem finis*, quia nulla nobis appetuntur media, ut in se bona, aut propter se, aut ratione sui, sed bonitatem suam derivant à fine, & propter hunc expetuntur; quemadmodum, quod Rhabarbarum nobis bonum sit, & à nobis expetitur, ideo est, quia conveniens nobis est, & expetitur sanitas, ad quam acquirendam conducit, absque qua si foret, omnes Rhabarbarum averfaremur, nec ut bonum appeteremus: deinde finis etiam ordinem ponit mediis ac mensuram; quemadmodum Medicus non quolibet pondere, sed certa dosi ac mensura, exhibet medicamenta, & suo ordine varia pro ratione ægri præscribit, ita tota illa præscriptio & exhibitio medicamentorum, ut mediorum, causatur à sanitate ægro restituenda, ut fine. Unum hic notandum venit, cum dicunt Philosophi, *media accipere bonitatem à fine*, non esse hoc intelligendum de bonitate morali aut honestate, quasi finis, si moraliter bonus sit aut honestus, faciat media quoque effectalia, sed intelligitur sic, quod medium; ut sic, in se, per se, propter se, non sit expetibile agentis, nec ab eo ametur; sed quod ab agente habetur pro bono, diligatur, atque expetatur, inde est, quod sit utile ac conducibile ad finem assequendum, quem agens expetit.

## Disputationum ex Philosophiâ selectarum,

Voluminis Secundii,

## VIGESIMA - QUARTA

D E

## CAUSA FINALI.

## T H E S I S I.

**C**ausa Finalis in causando rationem formalem, conditionem requisitam, causalitatem, & denique causatum, exposuit disputatio præcedens: hæc exponet, quænam agentia, & quomodo propter finem agant. Resp. uno verbo, omnia agentia, quæcunque tandem, agunt propter finem, sed non eodem modo. Atque hic sese jucundissima offert contemplandi materia, & multa hic sunt, quæ in plenioræ notitiæ, tum Dei, tum nostri, nos adducant. Quare operæ fuerit, paulo plenius hoc totum negotium ob oculos ponere.

II. §. 1. *Res omnes naturales agunt propter finem, aut potius aguntur ad finem, quatenus à Deo diriguntur ad finem singulis præfixum.* Per res naturales intelligo res inanimatas & animatas anima vegetante, & oppono res naturales rebus animatis anima sentiente aut rationali, seu agentibus cum cognitione, aut sensuali, aut intellectiva: & sic, *res naturales* voco, corpora naturalia, tam simplicia, quam mixta; tam inanimata, quam animata non sentientia, ut sunt plantæ. De quibus omnibus si quis dubitet, an etiam revera propter finem agant, eum remitto ad ordinem rerum pulcherrimum, & varias actionum vicissitudines, certæque leges à quibus in agendo non recedunt: agunt enim, tum res inanimate tum plantæ, uno eodemque modo, singulari, & pro incolumitate sua summo studio pugnant. Et, cum conscia sint sui interitus, cui singularia sunt obnoxia, in specie sua æternitatem quandam consequi annituntur, & magis de universi quam de sui ipsius salute sollicitæ esse videntur, quia quasi noverunt ex universi corruptione majus malum secuturum esse. Quis vero adduci poterit, ut credat, ista omnia fortuito fieri & temere, ac non potius statuat,

hæc omnia agentia vel maxime propter finem agere. Hæc ut certa sunt, ita pulcherrima de iis oritur dubitatio. Diximus enim *Disp. præced. ut causalitatem finis exercent, necessariam esse conditionem* id esse intelligibile, finis, seu, *necessario intercedere cognitionem præfixam finis.* At rebus naturalibus, tum inanimatis, tum plantis, finem suum cognoscere, non est datum. Ergo non agunt propter finem. R. Verum est, in iis rebus ipsis nullam esse cognitionem finis, non tamen agunt sine prævia, imo perfectissima, cognitione finis, quæ, utcunque non proficiscitur ab ipsis, proficiscitur tamen ab ente perfectissimo, à quo diriguntur: hæctenus enim res naturales propter finem agunt, quatenus ad finem à Deo sibi præfixum tendunt, ex Supremi Numinis ordinatione ac directione. Et hæc est pulcherrima speculatio, quæ ad Dei ipsius cognitionem adscendimus. Enimvero, cum causâ naturalis (loquor de rebus inanimatis ac plantis) finem suum non cognoscat, & tamen neque frustra neque temere agat, necessum est, naturam quandam dari superiorem, quæ naturam in actionibus suis recte informet, & ad optatum finem deducat. Hæc causa nequit alia esse, quam quæ infinita virtute sit instructa, & summa sapientia prædita. Quomodo enim alioqui tam pulchram, tam constantem rerum varietatem, adeo artificiose digessisset & constanti adhuc lege conservaret. Fateri cogimur, quod sapientissimi artificis manus hæc omnia formaverit, atque etiamnum ad fines à se præstitutos res naturales cognitionis expertes ducat ac dirigat: Ita Dei providentia, ex hac de fine Philosophia, innotebit. Quisquis ita philosophatur, ut Deum, Deique Attributa, proprietates, & operationes,

ex Philosophia, quantum fieri potest lumine naturæ, cognoscat, is demum vere ac sobrie philosophatur, & ex Philosophia animi veram voluptatem capir, nam Dei cognitio nostra est perfectio: A quo fine quam longe abeat philosophandi consuetudo, in vanis tantum & infrugiferis ac barbaris questionibus constituta, boni, & qui veritatem vere amant & sectantur, omnes vident & deplorant. Sed querelæ illi non est nunc locus. *A rebus naturalibus & plantis*, quæ propter finem agunt ex prævia cognitione & directione Dei, transito ad ea agentia, quæ agunt ex propria cognitione finis; atque hic primum occurrunt Bruta.

III. §. 2. *Bruta propter finem agunt perfectius, quam res naturales, quia ipsa finem cognoscunt, id est, cognoscunt rem ipsam, quæ est finis, cognoscunt hoc bonum quod est finis, non tamen cognoscunt finem quatenus est finis; qui modus agendi propter finem soli agenti rationali convenit.* Bruta ergo animantia adhuc imperfecte agunt propter finem, ac perfectam causalitatem agendi propter finem causæ etiam debent primæ, quæ concurrir cum fine ad ejus causalitatem exercendam, & à qua diriguntur non minus quam res naturales inanimatæ & plantæ: cognoscunt Bruta bonitatem quidem objecti, sed non cognoscunt rationem finis: finis autem causalitas, & propria ejus motio, hoc exigit, ut bonitas mediæ cum fine conferatur, & ut ope discursus media ad finem referantur: hoc autem in Bruta animantia, quia ratione carent, non cadit: ideoque motio & causalitas finis in iis quemadmodum imperfecta est, & à prima causa perficitur: hinc est, quod Bruta animantia ad unum eundemque finem, eodem modo, naturali instinctu, tendant, nec cum deliberatione aliqua agant, sed quodam naturæ impetu, quem iis indidit Supremum Numen, in appetendo fine gubernentur ac dirigantur.

IV. §. 3. *Creatura rationalis sola à fine perfecte movetur, quia ratione est prædita, & per hanc intelligi bonitatem finis, non simpliciter sed moris insuper discernere inter bonitatem finis ac mediæ, & judicare habitudinem mediæ ad finem.* Soli homini datum est; de mediis

deliberare, & si una via res non processerit, alia ratione ad finem pervenire, juxta Terentianum illud, hac non processit, alia aggrediemur via: & hoc maxime facit ad nostri notitiam (quæ præter notitiam Dei est altera pars felicitatis humanæ in hac vita) ut recte perpendamus, quantum nobis concesserit naturæ author Deus, præ brutis & rebus inanimatis ac plantis, qui finem cognoscimus & nobis proponimus, & media ad finem ipsi dirigimus, postquam deliberavimus & decrevimus, quænam media ad finem obtinendum maxime conducant. Scholastici barbaris suis terminis hoc totum negotium sic solent elserre. Res inanimæ & plantæ agunt propter finem virtualiter, id est, in virtute Dei dirigentis, Bruta materialiter, i. e. agunt propter rem à se cognitam, quæ est finis, Homines formaliter, i. e. agunt propter rem cognitam à se, non tantum, quæ est finis, sed & cognitam, quæ est finis.

V. §. 4. *Inter Creaturas omnium perfectissime propter finem agunt Angeli, quia omnium perfectissime cognoscunt finem: Neque hoc ultiori explicatione eget, quia satis est notum.*

VI. §. 5. *Deus, uti infinitus parasangs superior est omnibus creaturis, ita modo eminentissimè agit propter finem, non qui extra se sit, uti agunt propter finem creaturæ, sed qui ipse sit sibi.* Sed hoc negotium explicari meretur. Duum generum actiones sunt considerandæ in Deo, immanentes & transeuntes. Actiones immanentes Dei non sunt ullo modo propter finem, quia sunt ipsa essentia divina: quatenus autem actiones Dei immanentes libere tendunt in creaturas, nullam quoque habent entitatem distinctam ab essentia divina, ac proinde, nec ab efficiente, nec à fine causantur. Cum ergo Deus dicitur amare creaturas propter se ipsum, non est hoc sic intelligendum, quasi Deus amore sui ipsius moveretur ad amorem creaturarum, sed quod amor sui ipsius sit ratio amandi creaturas. Quod attinet operationes transeuntes Dei, illæ à fine recte causari dicuntur: atque hoc sensu recte dicitur Deus fecisse omnia propter semetipsum: nam cum actiones hæ externæ ponant distinctam aliquam entitatem in creaturis, diversam ab

essentia divina, necesse est, ut efficientem causam habeant, proinde & finem.

VII. *Querat hic aliquis. An Deus moveatur à fine?* R. Non est hoc de ratione finis in genere, ut moveat efficientem, sed hoc tantum est de ratione finis creaturarum, quæ se non possunt ad agendum applicare nisi per realem motionem, & mutationem, & causalitatem proprie dictam: Deus autem, qui sine ulla sui mutatione, sine dependentia aut causalitate, modo quodam eminentissimo ac perfectissimo, ad agendum se applicat, agere potest propter finem, etsi ipse à fine non moveatur. Causalitas ergo finis in Deo respectu actionum & effectuum ad extra, ut loquuntur, consistit in eo, quod amore suæ bonitatis effectum producat extra se. Et hoc sensu capiendum est hoc; Deus omnia fecit propter se: Nam Deus omnia fecit propter aliquid: atqui extra Deum nihil erat, nisi ipse: fecit ergo omnia propter se, non quod istis, quæ fecit, indigeret, (sic enim proprie moveretur à fine instar hominum) sed ut rebus istis, quas fecit, suam bonitatem impertiret: quod Scholastici enunciarunt hoc modo; Deus omnia fecit propter finem, non indigentiam, sed assimilationis, qui est, quo agit quis, non ut sibi commodum quærat, sed ut bene aliis faciat, quæ sunt extra se, rebus. Ita Deus nihil tibi quærit ex eo, si quid facit: quid enim ipsi accedere possit, qui est perfectissimus? sed, si quid facit, id facit, ut bene faciendo cognoscatur, non gratia sui; nam si Deus cognoscatur, siue non agnoscat, a nobis, nihil inde commodi ad eum redit, sed ut agnoscatur gratia nostri & bono nostro.

VIII. *Receptum est & maximi usus Axioma de fine. Finitis, quo posterior est in executione, eo prior est intentione, & contra.* Ratio axiomatis est, quia sese habent plene contrario ordine rerum intentio & executio: nam intentio oritur à maxima perfectione, & executio in maximam perfectionem desinit: maximam perfectionem appello, tantum, quanta ab efficiente causa obtineri potest, & consentaneum est, ut obtineatur. Huic axiomati affine est illud. *Finitis est prior in intentione quam ordinis.* Ratio est, quia media sunt propter fi-

nem & non finis propter media: unde quoque sequitur, decretum de fine prius esse decreto de mediis. Qui hæc duo axiomata bene intellexerit, non facile errabit in explicanda Prædestinatione, neque eam fidei aut operibus prævisis adscribet, qui enim salus & vita æterna est posterior in executione, quam fides & bona opera, debuit illa esse prior in intentione. Quotiescunque ergo quæritur, *Utrum Deus ex eo nos elegerit ad vitam æternam, quia credituri eramus & in fide perseveraturi: an vero ex eo, quia nos elegit ad vitam æternam, elegerit nos quoque ad fidem & perseverantiam in fide?* facile videt unusquisque, quid sit respondendum; sc. *posterius dicendum est, & non prius.* Ratio est ex hoc axiomate, *quia finis prior est in intentione quam media, & finem prius volumus quam media, quia propter finem media volumus.* At vero vitæ & æternæ & salutis consequendæ sunt media, fides & perseverantia in fide: ergo prius vult & decernit Deus vitam & salutem æternam, ut finem, cum eligit, actum vult & decernit si dem & perseverantiam in ea conferre, ut media; prout nos homines, secundum varia instantia rationis, ordinem Decretorum divinorum digiramus.

IX. *Obijciunt Adversarii adversus axiomata posita. Utrum Deus facit in tempore, ita ab æterno decrevit. Atque vitam dat æternam in tempore, nec dat, nisi prius credant. Ergo si decrevit, sc. prius dare fidem & tum dare vitam æternam. R. ipse. in genere, esse ignorantem elegerit: neque enim hæc questio est; Utrum Deus decreverit credentibus (de adultis loquimur) vitam æternam conferre: sed hoc est in questione. Anne Deus propterea voluerit vitam æternam ac decreverit, qui credituri eramus, an vero voluerit nos credere & fidem decreverit, quia vitam æternam daturus erat. Nos posterius asserimus, Adversarii prius. 2. In specie, ad maiorem. Verba ista; *Utrum Deus ab æterno decrevit facere, ita in tempore facit, vel contra,* duplicem sensum admittere possunt; vel hunc, quo ordine Deus decrevit res ab æterno, eo etiam ordine facit in tempore; vel hunc, quas ab æterno res decrevit facere & quales, has facit in tempore & tales; ita ut prior sensus accipiatur de ordine quo Deus*

vult



voluit & decernit quædam ab æterno, posterior sensus accipiatur de natura rerum volitarum & decretarum, de earum qualitatibus & circumstantiis: prior sensus admitti non potest, quia sic Deus prius finem exequeretur, & postea media, prius enim decernit finem quam media: at hoc ne in homines quidem cadit, nedum in sapientissimum Deum: non enim homines, quod prius decernunt, prius executioni mandant. Decerno Amicum invisere, qui est Hagæ, tum decerno media, quibus hunc finem obtinere valeam, currum conscendere aut navem &c. sed non, ut prius decerno Amicum invisere, post currum conscendere aut navem. ita ago aut exequor; nec enim prius Amicum inviso, & tum currum aut navem conscendo, sed contra, quod in decernendo postremum est ordine mihi, primum est in executione, & quod in decernendo est primum, est postre-

rum in exequendo: prius decerno Amicum invisere, postremum inviso: posterius decerno currum conscendere aut navem, prius hoc facio. Ergo hic sensus, *Quo ordine res Deus decrevit ab æterno, eo in tempore exequitur*, est falsus. Deus prius ordine decernit finem, & postremo obtinet, post decretum finem decernit media, & ea primo adhibet: sic primum decernit vitam æternam ut finem quibusdam, tum decernit media, fidem & perseverantiam in ea, &c. hæc media primo adhibet in executione, & vitam æternam postremo confert. Sensus posterior *Majoris* nihil ad rem facit, quia quas res decrevit ab æterno & quales decrevit facere, eas & tales in tempore facit: nihil enim est verius: ita decrevit dare quibusdam fidem & perseverantiam in ea, ut medium vite æternæ obtinendæ, & sic quoque facit & dat in tempore. Sed Meditationum de *Fine* hic citto *Finis*.

## Disputationum ex Philosophiâ selectarum,

*Voluminis Secundi,*

### VIGESIMA-QUINTA.

DE

## SUBJECTO ET ADJUNCTO.

THESIS I.

**T**itulus hujus disputationis duo proponit ventilanda, *Subjectum & Adjunctum*: cum enim sint relata, ut totum & pars, causa & causatum, atque omnia argumenta topica, & per se mutuo definiuntur, & simul tractari solent, ac debent. *Subjectum est, cui aliquid præter aut extra essentiam adjungitur. Adjunctum est, quod alicui præter aut extra essentiam adjungitur.* Subjectum multis modis dicitur in Philosophia. Est subjectum quoddam *prædicationis*, quod alii vocant *denominationis*, seu *intrinsicæ*, seu *extrinsicæ*: est quoddam *inherens*, quod alii vocant *recipiens in se*: & aliud *adhesionis*, quod nonnulli vocant *recipiens ad se*: est & *occupationis*: quod alii vocant *subjectum occupans*, alii *objectum*, quod tamen alii contra *adjunctum* vocant: invenias & subje-

ctum *informationis*, *considerationis*, *operationis*, in artibus & prudentiis, & *adequationis* ac *perfectiōis*, in scientiis; atque in iisdem, *subjectum materiale & formale*. Et quis omnes *subjecti* acceptiones recenleat Scholasticis utilitas? Filo opus foret Ariadnes, ut quis ex hoc Labyrintho sese expediat. Nos sic procedimus.

II. *Subjectum*, vel est *affectio thematis simplicis*, & tum dicit relationem ad *adjunctum*, vel est *affectio thematis complexi*, & tum dicit relationem ad *predicatum* P. Romo prius *subjectum* vocatur *Topicum*, posterius *Axiomaticum*. Prius est, vel *inherens*, vel *adhesionis*, vel *operationis*, prout *adjuncta vel inherent*, vel *adherent*, vel *occupant subjectum*: posterius dicitur vulgo *predicationis* vel *denominationis*.

Qq 2

Et ad

Et ad hasc classes omnes aliae *subjecti* nomenclaturae possunt referri. Pius est augustius posteriori, & posterius est latius priori. Multa sunt *subjecta praedicati*, quae non sunt *subjecta adjuncti*, quamvis omnia *subjecta adjuncti* sint *subjecta praedicati*: nam modus praedicandi sequitur modum essendi. Quaecunque enim praedicantur de aliquo *negate*, ut, *homo non est planta*, vel *falso*, ut *liber est lapis*, vel *essentially*, ut, *brutum est animal*, in iis quidem reperire est *subjectum praedicati*, sed non item *subjectum adjuncti*: quod tum reperitur, quando aliquid praedicatur de alio, *affirmate*, *vere*, *prae*ter aut *extra essentiam* ejus, de quo dicitur, &c., ut *Schublerius loquitur*, *extra essentialiter*, & sub illis conditionibus tantum idem sunt, *subjectum topicum* & *axiomaticum*; extra hos casus, *subjectum* quidem dabitur *axiomaticum*, sed non item *topicum*. Nihil autem refert, si ve de *subjecto topico* aliquid praedicetur *praedicatio externa*, si ve *interna*, si ve *absoluta*, si ve *limitata*, modo praedicetur *praedicatione accidentali*, & non *essentially*, *vera* & non *falsa*, *affirmata* & non *negata*.

III. *Subjectum* & *Adjunctum* iisdem dividuntur modis, quia *relatum* sunt & *correlatum*: Utrumque ergo dividi potest in *absolutum* & *limitatum*, *internum* & *externum*. *Subjectum absolutum* dicitur, cui *adjunctum* convenit simpliciter & absque restrictione. *Limitatum*, cui *adjunctum* convenit *quodatenus*, id est, secundum certam naturam, partem, circumstantiam loci aut temporis, aut certo respectu. Notandum hic est, nunquam *adjunctum limitatum* enunciantum esse *absolute* de *subjecto*, nec *absolutum limitate*: quod si fiat, *enunciatio*, aut *falsa* est, & committitur *sophisma Aristotelis*, à dicto simpliciter ad dictum secundum quid, vel vice versa, aut est *synecdochica*: *falsa* erit, ut si dixerio simpliciter, *Aethiops est albus*, quia id tantum verum est secundum quid, puta dentes: *Synecdochica*, ut in loco communi de Persona Christi, & in Scripturis Sacris, cum Christus dicitur natus ex Maria Virgine: ubi de nati ex Maria Virgine, quod convenit Christo secundum naturam humanam tantum, enunciat de ipso *absolute*, non tamen *falso*, quae sacra pagina fallacis est expers, sed licet *vere*, attamen

*improprie*, *figurate*, *tropice*, *synecdochice*, per *synecdochen partis*, qua, quod convenit parti, enunciat de toto, secundum istam tamen partem intellectam. Hanc *synecdochicam adjuncti* de *subjecto absolute* enunciationem, in negotio personalis unionis duarum naturarum in Christo, Theologice vocant *naturam identam*, *communicationem idiomatum*, quando attributa unius naturae in Christo propria in enunciatione tribuuntur toti personae *identae*, idque vel *absolute*, vel ab altera natura denominatae: *absolute*, ut cum dicitur, *Christus est mortuus*: *ubiquitas* est *adjunctum Christi limitatum* (modo hic *adjuncti* vocem tuto usurpare liceat: sed ita loqui solent Theologi in locis communibus) item & *mors*: illud, *divinae naturae*, hoc, *humanae*, est attributum; praedicantur tamen de Christo *absolute*: ac cum *Deus* dicitur in sacris monumentis *ecclesiam redemisse suo sanguine*, aut *Dominus gloriae crucifixus*, non tantum *adjunctum naturae humanae* tribuitur Christo, ut *subjecto absolute*, sed insuper, ut *denominatur a natura altera*, scilicet *divina*: neque enim dicitur in textu simpliciter, *Christus est crucifixus*, aut *ecclesiam redemit suo sanguine*, sed *Dominus gloriae est crucifixus*, &c., *Deus ecclesiam redemit suo sanguine*: quod utrumque Christo convenit secundum naturam humanam tantum, quae sola sanguine est praedita & crucifigi potest, & tamen utrumque per *synecdochen* tribuitur toti Christo, etiam ut ab altera natura denominatur, sed, quod notandum est accurate, in concreto, non in abstracto. Neque enim dicitur, *Deitas ecclesiam redemit suo sanguine*, aut *divina natura, quae est domina gloriae, est crucifixus*: neque enim, quae de Christo dicuntur, ut toto, & in concreto, possunt enunciari de singulis ejus partibus aut naturis, & in abstracto: ideoque, quamvis liceat dicere, *Christus homo est ubique*, non tamen licet dicere, *Christi humanitas est ubique*: sic verum est, *Christus Deus est passus*, *crucifixus*, *mortuus*, *sanguinem effudit*, non est verum, *Deitas est passus*, *mortuus*, *crucifixus*, *sanguinem effudit*, neque haec *communicatio idiomatum* est *realis* in Christo, sed *verbalis* tantum, quia non potest proprium naturae divinae in humanam, aut humanae in divinam

divinam transfundi, ut in subjectum; sic enim propria quarto modo communicarentur subiectis specie diversis, quod monstrum jam ante multis debellavimus *Disp. sect. vol. disp. 4.* Atque hæc omnia accurate sunt tenenda contra Ubiquitistas.

IV. *Subjectum internum* est, cui adjunctum inheret. *Externum* est, cui adheret, adjacet, circumstat, seu ad quod ordinatur illud. Hinc oritur duplex denominatio, *intrinseca*, cum adjunctum internum, *extrinseca*, cum externum de subjecto dicitur. Non debent hic temere confundi, *Subjectum & substantia*, *adjunctum & accidens*, quasi illa pari passu ambulent: nam & dantur accidentia, quæ sint subjecta aliorum accidentium, & quidem inhesionis, & dantur substantiæ, quæ sint adjuncta aliarum substantiarum: superficies in pariete est subjectum alboris, & intellectus ac voluntas sunt subjecta habitum: formæ substantiales sunt adjuncta materiæ, arma adjunctum militis. *Adjunctum externum* est, vel *objectum*, vel *signum*, vel *circumstantia*.

V. *Objectum* est, circa quod res, i. e. Subjectum operando versatur. *Ramo*, *Scheublero*, aliis, non *adjuncti*, sed ipsius *subjecti* species est, & vocatur *subjectum occupans*. Sed in hoc negotio parum est situm, modo *objecti* natura bene intelligatur. *Objectum* proprie competit actionibus circa se occupatis; nam in ordine ad illas definitur: substantiis, potentiis, habitibus, non tribuitur, nisi per & propter actiones. *Objectum* aliud est *terminativum tantum*, aliud *terminativum & motivum simul*. *Terminativum tantum*, in quo sistitur solum actio agentis, uti charta, scriptoris, tabula, pictoris, est *objectum*: hoc sensu, actionibus divinis tribuitur *objectum*, creationi & conservationi hoc universum, cooperationi actiones creaturarum: absit, ut unquam Deo agentis tribuatur *objectum motivum*, quod non tantum terminat actionem agentis, sed agentem movet ad agendum: ac Deus à nullo movetur extra se: atqui *objectum*, tam *motivum*, quam *terminativum*, est extra agens. *Objectum terminativum tantum*, est species adjuncti externi: *motivum simul*, si moveat potentiam cognoscentem vel intellectum, vel sensum, ut,

cum dicimus, *objecta movent sensus*, habet rationem causæ Procatardicæ? si moveat potentiam appetentem, sensitivam aut rationalem, habet rationem causæ finalis, vel subordinatæ, vel ultimæ. *Objecti divisiones*, in *materiale & formale*, *totale seu adequatum*, & *partiale seu inadequatum*, per se & per aliud, similesve alias, impræsentiarum omittimus, quia, & facile intelliguntur, & apud *Schreiblerum*, *Keckermannum*, *Alstedium*, *Burgerdicium*, aliosque videri possunt.

VI. *Signum* est, quod seipsum sensui externo, & id, cujus signum est, vel phantasia, uti in brutis, vel intellectui, ut in homine, offert. In signo omni itaque tres sunt respectus, 1. ad rem significatam tanquam adjuncti ad subjectum. 2. ad sensum externum, quicumque sit, quia in aliquem debet incurrere. 3. ad Phantasiam aut Intellectum, quia alterutri debet repræsentare aliquid, quod in sensu externos non incurrit, vel quod absit, vel quod sit occultum. Neque hæc tres *signi* temere debent confundi.

VII. Quæri hic solet, *An signatum de signo enunciari possit in casu recto?* Resp. Non posse prædicatione propria alterum de altero affirmari, quia sunt relata (an prædicamentalia, an transcendentalia, nihil referi) at relata sunt opposita, quæ de se invicem in casu recto prædicari nequeunt, uti nec de eodem tertio singulari: quemadmodum non licet dicere, *Pater est Filius*, respectu scil. ejusdem, ita non licet dicere, *hedera suspensa est vinum*, aut *iris est diluvium*, impropria tamen & figurata loquutione per metonymiam adjuncti seu signi, potest signatum dici de signo, quod licet nonnulli negent, admittere tamen coguntur, velint nolint, convicti autoritate & vi sacrarum litterarum, ubi Gen. 40. *Tres propagines sunt tres dies*. 41. *Septem boves & septem spicae sunt septem annis*, & alibi, *Petra erat Christus*, & in institutione Sacræ Cœnæ, hoc, i. e. hic panis, *est corpus meum*, & circa alterum N. T. Sacramentum, *Baptismus est ablutio peccatorum*, & passim extant enunciationes, in quibus signatum de signo enunciatur in casu recto: quæ tamen enunciationes falsæ dici nequeunt aut pro falsis haberi, nisi quis

fallitatis arguat verbum Dei, nec tamen propriæ sunt; nam ipicæ aut bôyes non erant anni, Petra non erat Christus ipse, nec panis, quem Apostolis distribuebat, erat ipsum corpus Christi, quo accumbebat mensæ, &c. Factore & axioma ab omnibus receptum esse & pro verissimo haberi, Nulla opposita, consequenter, nec relata, possunt de se invicem affirmari in casu recto, ita nec disparata, attamen video extare tales enunciationes in sacris literis. De relatorum mutua enunciatione in casu recto, exempla protulimus: de disparatis extat Joh. 1. 14. *Verbum caro factum est; Deus est homo*; quæ quidem vulgo habentur pro disparatis: rectene an secus, nunc non disputo. Quicquid sit, Alterutrum hic cedat, oportet, aut axioma in Philosophia receptum, aut verbum Dei. Utrum rejicietur, ut falsum? Canon Logicus aut Metaphysicus, ab hominibus errori obnoxiiis procusus, an Sacra Pagina, à Deo fallere & falli necesse profecta. Ego sane malim cuiusque demum axiomati Phi-

losophico fidem detrachere, quam vel tantillum derogare veritati sacrarum litterarum. Quid? quod is sit genius linguæ Ebrææ, ut alio modo loqui nequeat, cum signatum prædicitur de signo; nam non habet verbum, quod respondeat Græco *σημαίνειν*, aut Latino *significare*, sed cum dicturi essent Ebræi, ista imago significat, *cupiens principem*, dicerent, ista imago est princeps, qui modus loquendi & nobis Belgis est usitatissimus. quibus tamen vocabulum Belgicum, *Beteckenenen*, superpit.

VII. Divisiones signi, in naturale & arbitrarium, formale & instrumentale, notificans, memorans, & certificans, & si quæ sint aliæ, consulto omitimus, quia facile intelliguntur, & in Logica ac Metaphysicis, Keckermanni, Alstedii, Scheubleri, Burgersticii, libellis extant, atque etiam in aliis.

IX. Circumstantia est, quicquid, præter objectum & signum, rei, i. e. subiecto, adjacet, circumstat, appensum vel appositum est ullo modo; atque latissime sese extendit.

## Disputationum ex Philosophiâ selectarum,

Voluminis Secundi,

### VIGESIMA-SEXTA. DE SUBJECTO ET ADJUNCTO.

#### THESIS I.

**S**ubjecti & Adjuncti naturam exposuit disputatio præced. hæc usum horum terminorum in variis ostendit questionibus, iisque gravissimis. §. 1. Quæri potest, An Deus possit dici subiectum suorum attributorum, v. c. omniscientiæ, omnipotentie, &c. ut hæc dicantur adjuncta? Quam questionem obiter tetigimus th. 3. disp. præced. Affirmat Scheublerus cum multis aliis, & est phrasin recepta Philosophis ac Theologis. Verumenimvero, si definitio subjecti & adjuncti obtineat, quæ poni solet, & à nobis posita est & exposita, disp. præced. imprudenter, ne dicam, falso, quicunque, & quarumcunque etiam sint partium, seu Philosophi, seu Theologi, sic loquuntur. Adjunctum præter ef-

sentiam ad subiectum accedit. Sed omniscientia, omnipotentia; &c. præter essentiam ad Deum non accedunt. Quare errandi animum præbere queant hæc notiones Logicæ & termini Metaphysici, cum Sanctissimo Enti, Deo, tribuuntur, nisi primum purificentur. Quasi subiectum & quasi adjunctum dici hic malim, ad morem Jurisconsultorum, qui loquuntur de Contractu & quasi contractu. Quod vere & proprie est adjunctum, id est, extrarationem & essentiam subjecti: secus est in iis; quæ explicantur per modum adjuncti, ac sibi sunt adjuncta, quæ possunt esse idem cum subiecto essentialiter: ita exemplum habemus in ente cujus quasi adjuncta sunt, unitas, veritas, bonitas,

humana, non tamen vere & proprie adjuncta, quia non sunt extra essentiam entis; quia tamen de ente prædicantur, ut attributa quoque divina de Deo, possunt utrobique quasi adjuncta dici: & certe, quando dico, Deus est omniscius, est omnipotens; Eus est unum, verum, bonum; Dispositio terminorum seu utriusque extremi Logica proxime accedit ad dispositionem subjecti & adjuncti; non tamen dicendum est, voces istas proprie Deo convenire. Nam hoc in errorem abduxit Porcium, qui hinc in Deo finxit compositionem ex subjecto & adjuncto, seu ex substantia & accidente, quæ impia est & simplicitati divinæ repugnat; ista enim quasi adjuncta seu attributa Dei, sunt idem realiter cum Deo, ut affectiones entis sunt idem realiter cum ente.

II. § 2. Quæri hic potest: *An natura humana Christi σεαυτοῦ in ipso possit dici adjunctum ἢ λόγῳ seu naturæ divinæ?* Negat hoc strenue Scheiblerus, & flagellat eam ob causam vehementer affirmantes Calvinianos, Goclauium, Keckermannum, &c. qui misere ipsi vapulant. Sed nulla causa est, cur ita sæviat hichomo in Philosophos illos. Videamus, an non primas partes in ipso teneant, odium, invidia & calumniandi libido? *Adjunctum* est extra essentiam ejus, cujus adjunctum dicitur, seu subjecti sui. Quare ergo non possit dici natura in Christo humana adjunctum ἢ λόγῳ seu divinæ naturæ, cum extra essentiam ejus sit, si scilicet spectetur simpliciter ante incarnationem. Distinguere debuerat Scheiblerus inter λόγον ἀσώτῳ, & συνῆτον λόγον simpliciter spectatus, si conferatur cum natura humana, nihil obitare videtur, quominus, ipse subjectum, hæc *Adjunctum*, dici possit, vocibus illis Metaphysice seu transcendentaliter aut etiam Logice acceptis: sed λόγῳ incarnatus, σεαυτοῦ, & humana natura, non respiciunt se proprie ut subjectum & adjunctum, sed magis ut totum mysticum & pars. Ergo sic velim dici. Humana natura in Christo est pars ἢ λόγῳ συνῆτε, est adjunctum ἢ λόγῳ simpliciter considerati; quemadmodum, ut crassiori exemplo hoc illustrem, furculus est adjunctum stirpis & pars arboris. Quod Scheiblerus clamitet, λόγον nullatenus subjectum

dici debere naturæ humanæ, aut naturam humanam adjunctum ἢ λόγῳ, quia civo Christi assumpta sit in ipsam σεαυτοῦ ἢ λόγῳ, ista ratio non concludit: nam manet tamen extra essentiam ἢ λόγῳ simpliciter considerati: ita ut nec eam constituat, nec aliquam causalitatem ad eam constituendam conferat: aliud est, recipi in personalitatem & substantiam glicujus: aliud est, venire in communionem essentie alicujus: hæc distinguere debuerat Scheiblerus, qui in aliis tricis distinguendis sæpe nimium est accuratus: Hoc deceptum eum, quod ad discrimen istarum phrasium non attenderit. Tamen venire in communionem essentie alicujus, quando negatur de adjuncto respectu subjecti, hoc significatur, adjunctum ad essentiam subjecti essentialiter constitutionem nihil seu nullam causalitatem conferre. Sed Scheiblerum cum Scheiblero committamus, & ipsum ex seipso refutemus.

III. In Topicis Logicis cap. 7. numero marginali 2. docet Scheiblerus, πῶς adjungi seu adjunctum esse, complecti hæc duo: 1. esse posterius. 2. aliud te prius, extra-essentialiter afficere vel denominare. In Metaphys. lib. 1. cap. 23. π. marg. 8. dicit, illa omnia esse adjuncta, quæ essentiam rei consequuntur vel eidem superveniunt. Sed rogo Scheiblerum, An non natura humana est posterius quid πῶς λόγῳ persona ac natura divina? An non extra-essentialiter (ut ipse termino utar) πῶς λόγῳ, personam ac naturam divinam, afficit & denominat? nam non constituit essentiam illi eam, nec aliquid confert ad essentialem illius constitutionem. An non consequitur, πῶς λόγῳ, personam & naturam Christi divinam eique supervenit? Cur ergo non dicatur adjunctum. Imo vero dicatur, vel invito Scheiblero, & ringentibus vel omnibus Lutheranis, ex propria Scheibleri descriptione allata: præterea in Log. cap. cit. n. 39. in Metaph. cap. cit. n. 25. dicuntur attributa divina Scheiblero adjuncta, quæ tamen certum est, participare divinam essentiam, cum ab ea non distinguantur: cur non licebit, naturam humanam in Christo dicere adjunctum divinæ, cum essentiam divinam sic non participet, ut attributa, nec sit eadem realiter cum illa, uti qui-



quidem sunt attributa. Hæc solvat Scheiblerus, antequam ita duriter excipiat misellos Calvinianos. Dicimus ergo contra illum, quod natura humana seu caro supervenerit vel adjuncta sit τῷ λόγῳ, per se & in se essentialiter & perfecte completo: λόγος recepit carnem & naturam humanam in suam ὑπόστασιν, & ratione hujus assumptionis potest dici caro particeps facta Deitatis, quatenus venit in consortium naturæ divinæ: & sic & λόγος σάρξ ἐστίν, sed non potest inde concludi a Scheiblero, quod sic venerit caro, in essentia τῷ λόγῳ participationem, ut adjunctum ejus dici non debeat: nam, profecto, non est caro de constitutione τῷ λόγῳ essentiali, utcumque substantiæ τῷ λόγῳ per unionem personalem sit facta particeps, & cum λόγῳ seu persona divina unum constituat ὑπόστασιν, suppositum seu personam. Quicquid autem rei in essentia perfectæ adjungitur, id omnino adjunctum dici potest ac debet. Ergo &c.

IV. Objicit Scheiblerus 1. Si humanitas aut natura humana esset adjunctum τῷ λόγῳ, λόγος non posset dici homo, sed humanus, non in abstracto, sed in concreto, non συνώνυμος, sed παρωνύμιος, non substantive, sed adjective, sicuti dicimus, homo est sciens, non scientia, est vestitus non vestis. Resp. Enunciationem illam, λόγος est homo, esse quidem in abstracto, synonymicam, atque substantivam, quoad sonum; sed esse in concreto, paronymicam, atque adjectivam, quoad sensum; esset sane, si terminos spectes, substantivum de substantivo, & ut videtur, in abstracto; sed si attendatur ratio prædicationis & enunciatio resolvatur, ut sensus appareat, patebit, esse dicendum, quod prædicatio fiat vera, in concreto & quasi per adjectivum & παρωνύμιος, non συνώνυμος. Inter synonymicam & paronymicam enunciationem medium dari nequit, eo quod oppositæ sint contradictorie, ut essentialē, & non essentialē, vel, termino Scheibleriano, extra-essentialē. Analysis seu resolutio hujus enunciationis, λόγος est homo, non potest esse alia, quam hæc, λόγος est personaliter idem, quod homo: ratio est, quia fundamentum enunciationis, quo nititur connexio subiecti & prædicati, est personæ identitas, non vero na-

turarum, divinæ & humanæ, essentialis unitas: nam, λόγος est homo, non significat, natura divina est humana, sed persona divina est homo: Unde liquet, prædicationem fieri, non in abstracto, sed in concreto; in abstracto enim dicendum esset, natura humana, pro homo, &, λόγος est homo, haberet hunc sensum, natura divina aut persona divina, est natura humana, quasi essentialis foret unitas naturæ humanæ cum persona aut natura divina, quo nihil est absurdius. At vero cum hic est sensus, λόγος est homo, id est, λόγος est personaliter idem qui est homo, verus est & concretus sensus, qui nititur identitate personæ, in cujus hypostasin assumpta est natura humana. Sed Scheiblerum iterum secum committamus: Attributa divina vere sunt Dei adjuncta Scheiblero, quamvis impie, & tamen in abstracto prædicantur de Deo, ut cum dico, Deus est veritas. Ergo aliqua adjuncta possunt in abstracto prædicari de subiectis. Quidni & natura humana, seu humanitas, quæ abstracta sunt, aut homo, si illud abstractum sit, uti non est. Quin, ne in exemplo quidem allaro ego dicerem, revera in abstracto fieri, prædicationem, sed videri tantum, quoad sonum esse, non quoad sensum: nam fit revera in concreto, quod præter habitudinem extremorum docet analysis, hæc sc. Deus est realiter idem quod veritas.

V. Objicit 2. Scheiblerus. Si humanitas sit adjunctum τῷ λόγῳ, vel inheret, vel adheret. Non inheret, quia hoc tantum est accidens: non adheret, instar vestis, armorum aut resimilis, quæ adheret homini: nam in his est πᾶσι καὶ, vel παρὰ τὸν, non μετὰ τὸν, quæ tamen est in λόγῳ ratione naturæ humanæ. Tertia vero species præter adjunctum inherens nulla datur. R. ex ipso Scheiblero, non omne adjunctum importare inherentiam internam aut adherentiam externam; edocent & evincunt hoc, attributa Dei & entis, quæ neque accidentia sunt aut inherere, neque Deo aut Enti adherere, & tamen Scheiblero sunt adjuncta. Hunc nodum solvat non fecit aut frangat Scheiblerus. Quid? quod forma adjunctum sit materię, quæ ideo dicitur subiectum formarum; forma enim est extra materię essentialis, eique supervenit, licet non sit extra essentialis com-



is uni.  
t, na-  
ma est  
, non  
cnim  
o, &  
atura  
iana,  
nanz  
il est  
y &  
quis  
ini.  
tafin  
rum  
tivi.  
nvis  
r de  
ali.  
cari  
sa  
il.  
in  
era  
eri  
en-  
ter  
ac

if  
ti.  
m  
,  
n  
n  
m  
o  
r.  
n  
c-  
c,  
ia  
c-  
c  
c-  
c-  
i  
-  
n  
-

co  
m  
in  
ne  
du  
ter  
fec  
lin  
fec  
per  
Et  
git  
ad  
ctu  
-  
qu  
ana  
mur  
que  
ma  
mo  
fin  
acc  
qui  
mo  
ra h  
tura  
hen  
tam  
do  
ma  
junc  
v  
est in

D

C In  
ri  
Qua

compositi, cui quidem est essentialis, non item materię: at forma non est accidens materię inherens (loquimur de forma substantiali) neque extrinsecus materię adhaeret secundum aut *παρὰ τὴν αὐτήν* aut *παρὰ τὴν ἑτέραν*, sed materiam potius intrinsece perficit, eique unitur secundum *ἐν τῇ αὐτῇ*, non quod dicere velim, naturam humanam esse formam *τὴν λόγον*, sed illa instantia tantum volui ostensum, *μάλλον* Scheibleri non esse universaliter veram. Et, quid si modus, quo natura humana adiungitur *τὴν λόγον*, nos lateat, anne *ideo adiungi*: aut adiunctum esse eam negabimus? Quod adiunctum sit, jam ostendi, quia pręter essentialiam *τὴν λόγον* simpliciter considerato supervenit, quomodo adiungatur ei, ignoro: licet per analogiam dici magis posset *adiunctum internum* quam externum; non instar accidentis, quomodo accidens inheret subiecto, quod male infert Scheiblerus, sed instar formę, quomodo forma inheret materię: non quod hic similitudo sit æqualis, sed quia proxime huc accedere videtur, nam verba hic deficiunt; quin & deficit intellectus ipse in concipiendo modo, quo adiungitur interne caro seu natura humana, *τὴν λόγον*, scil. modus iste supernaturalis est & *μυστηριώδης*, & à nobis comprehendendi non potest, multominus enunciari: non tamen ex incomprehensibili & ineffabili modo adiunctionis, rem ipsam aut naturam humanam Christi adiungit *τὴν λόγον*, aut esse adiunctum, negari debet.

VI. Objicit 3. Scheiblerus. *Subiectum non est in suo adiuncto. Sed λόγον est in carne. Ergo*

*λόγον* non est subiectum carnis aut caro adiunctum. R. Quod subiecti & adiuncti denominationatio dependeat à diversis rerum consideratione, comparatione, habitudine, dispositione, ideoque non est absurdum, eidem rei. modo subiecti, modo adiuncti, denominationem aut nomenclaturam imponere: sic *obiectum* interdum dicitur *subiectum*, interdum *adiunctum*, respectu ejusdem rei, quę circa illud occupatur; *subiectum*, *Rameis*, *adiunctum*, *Aristotelicis*: sic locus illi *subiectum* est his, *adiunctum* est, respectu rei locatę: sed amplius dico contra Scheiblerum, dicendam potius carnem esse adiunctum *τὴν λόγον*, quam *λόγον* carnis: ratio est, quia caro accessit ad *λόγον*, non contra, & *λόγον* recepit carnem, non contra: nec enim caro est *ἐκ τῆς αὐτῆς*, active, sed *ἐκ τῆς αὐτῆς*, passive, non assumpsit *λόγον*, sed assumpta est à *λόγον*, in conjunctionem atque unionem personalem, nam finitum non est capax infiniti, active, sed capi potest ab infinito, passive. Quod adducat loca Scripturę Scheiblerus, quę dicunt, *Christum venisse in carnem*, esse manifestatum in carne, ipsius intentum non evincunt, quod à Theologis nostris satis est ostensum. Finio cum monito. Discat Philosophię studiosa juvenus ex hac dissertatione, cum iudicio & attentione legenda esse scripta Philosophica, Scheibleri, addo Meissneri, Jacobi Martini, Calovii, aliorumque Lutheravorum, item Eustachii, Raconis, Combricensium, Ruvi, Toleti, Suarezii, Fonsce, aliorumque Pontificiorum ne legendo incaute imbibat errores in Philosophia, qui noceant in Theologia.

## Disputationum ex Philosophiā selectarum,

Voluminis Secundū,

### VIGESIMA-SEPTIMA.

## DE CONVENIENT. ET DISTINCT.

### T H E S I S I.

Circumfertur vulgo in Scholis Philosophorum, quos Scholasticos vocamus, Axioma, Quęcumque convenient realiter, ea ratione

distinguantur, & Quęcumque distinguuntur realiter, ea ratione convenient. Utrumque hoc verum censet, & pro Axiomate, quod sit æquum

R r

51,

obtrudit *Philosophorum* vulgus. Verum enim vero accuratius hanc *convenientiam* & *distinctionis* comparisonem intuenti, neutrum quidem mihi (pace & venia Venerabilium Magistrorum Nostrorum) verum esse videtur, si realis & rationis distinctio sumatur eo, quo solet, modo, ut realis sit, quæ rebus competit per se, ex natura sua, absque ope, operatione, aut respectu intellectus, quæ aliis dicitur distinctio rei aut ex natura rei, rationis vero sit, quæ à mente proficiscitur, vel pure, quam rationis ratiocinantis vulgo vocant, & ego ex classe & numero distinctionum expungo, neque enim nomen meretur distinctionis, vel cum fundamento in re, quam rationis ratiocinatæ vulgo appellant. Hoc sensu, dico & assero, neutrum comparisonis institutæ membrum, ita generaliter sumtum, esse verum. Non nego, ne quis erret, multa esse, quæ convenienter realiter & ratione differant, ut v. c. animal & homo, homo & Petrus, & realiter conveniunt, & ratione differunt. Pariter, non nego, multa esse, quæ realiter differant & ratione conveniant, ut v. c. Socrates & Plato, homo & bestia, & realiter differunt, & ratione conveniunt, in superiori, priores in *hominibus*, posteriora in *animali*. Verum, ut omnia, quæ conveniunt realiter, distinguuntur ratione, aut, ut omnia, quæ distinguuntur realiter, conveniant ratione, id vero nego ac pernego: imo, dico contra, *quæ differunt realiter etiam realiter convenire posse*, & *quæ conveniunt realiter, differre realiter posse*, quæ contradictio videbitur esse nonnullis, non est tamen, modo res bene intelligatur; quod sic ostendo.

II. Quorum una numero est essentia ante omnem intellectus operationem, ea realiter conveniunt. Ex. gr. animalis & hominis eadem est ante omnem intellectus operationem essentia generica animalis: nam animal est substantia, corporea, vivens, sentiens, & homo est substantia, corporea, vivens, sentiens: sic homo & Petrus ante omnem mentis operationem conveniunt in eo, quod utrumque sit animal rationale. *Assumo*. Atqui multa sunt, quæ realiter seu re, seu ex natura rei, non ratione, differunt, quorum una numero est essentia ante omnem mentis operationem.

*Ergo* multa sunt, quæ realiter differunt, quæ realiter quoque conveniunt: *Minorem proba*. Modus & res modificans possunt esse una eadem numero essentia: modi, re & non ratione, distincti, quin & oppositi, possunt esse ejusdem numero essentia, ut conveniant in una eademque numero essentia, & quidem citra mentis fictionem, ante omnem operationem intellectus; modi, dico, non quidem *omnes*, sed aliqui saltem, separabiles puta. *Unde sic concludo*. Omnis modus separabilis differt realiter, re, & non ratione, à re modificata: nam separabilitas aut actualis separatio est optimum signum distinctionis realis, seu ex natura rei. *Assumo*. Omnis modus separabilis convenit realiter re ipsa, cum re modificata, quia convenit ante omnem operationem intellectus. *Ergo* aliquid, quod convenit realiter cum re modificata, differt realiter à re modificata. *Ergo* convenientia realis state potest cum distinctione reali. Porro distinctio realis, i. e. citra mentis operationem, est inter modum & modum, præsertim, si sint oppositi, qui tamen possunt esse ejusdem numero essentia. Sed hæc omnia demonstramus exemplis.

III. Possè modum & rem modificatam convenire realiter & differre realiter, sic ostendo. Unio formæ & forma, personalitas & natura finita, differunt realiter, quia separari possunt re ipsa, quemadmodum v. c. unio animæ rationalis cum corpore separatur ab anima in statu separationis, & personalitas humanæ naturæ in Christo ab eodem separata est in actu personalis unionis; nam humana natura Christi assumpta est in personalitatem *non naturalem* seu secundæ Trinitatis personæ: attamen unio animæ rationalis & anima ipsa, personalitas humanæ naturæ & ipsa natura humana, licet distinguantur realiter, & non per rationem, nihilominus sunt ejusdem numero & singularis essentia, & quidem ita, ut sint illa ipsa singularis essentia, ideoque in illa conveniunt realiter. Quod autem sint una numero essentia, patet: nam unio animæ non obtinet peculiarem entitatem distinctam ab anima, nec personalitas est res quædam peculiaris & distincta à natura humana, sed unio, animæ, personalitas, naturæ, entitatem intime includit,

dit, ita ut, unio animæ & ipsa anima, sint una eademque res, personalitas & natura, sint una eademque res: scil. unio & anima, sunt ipsa anima, in quantum est unita corpori; personalitas & natura, sunt ipsa natura, in quantum per se subsistit, sumta hac phrasi, non late, pro ratione formali substantiæ, sed stricte, pro ratione formali personæ. Quid? quod essentia uniioni aut personalitati non conveniat, quia modi sunt: at essentia est entis, prout ens contra modum distinguitur; nam modus ens non est, puta reale (alioqui daretur progressus in infinitum) ideoque essentiam non habet, sed est medium negationis inter ens reale & nihil, cui non convenit, essentiam habere: unio igitur ex se essentiam non habens, eandem essentiam animæ participat, sic & personalitas, naturæ.

IV. Porro modi quidam realiter inter se distinguuntur, illi scil. quorum unus separari potest ab alio, aut potius, quorum unus separari potest à re modificata, alter non potest: v. c. personalitas naturæ humanæ, & dependentia ejusdem à prima causâ, differunt realiter, quia personalitas à natura humana separari potest, & de facto separata fuit in mytherio Incarnationis, dependentia ejusdem à causâ prima separari non potest: at hi modi reperiuntur in una numero essentia singulari, & quidem ita, ut non obrineant singularem & propriam entitatem, sed ut intime entitatem naturæ includant, adeoque una cum natura unam singularem essentiam absolvant: etenim tum personalitas, tum dependentia, sunt ipsa natura dependens & sua personalitate subsistens; præterea, cum sint modi, distinctam essentiam ab essentia rei modificatæ nullam habent, nec habere possunt, quia non sunt entia realia, quibus solis essentia competit.

V. Denique, modos oppositos distinguere realiter, & non per rationem, certum est, ex vi oppositionis. At vero, quod non repugnet, dari modos suppositos, qui convenient realiter in essentia eadem singulari, ita ut sint illa ipsa essentia singularis, ac proinde, ut & realiter distinguantur inter se, tanquam modi oppositi & sibi invicem incommunicabiles, & realiter convenient in eadem essentia numero, &

communi, patet in modis subsistendi divinis & essentia divina, in SS. Trinitatis Mytherio: nam Pater, Filius, & Spiritus S. convenient in una eademque essentia divina realiter, citra mentis ullam operationem (sunt enim unus ille verus Deus, nemine cogitante) & tamen distinguuntur inter se realiter (alius enim est Pater, alius Filius, alius Spiritus Sanctus, nemine cogitante) per Paternitatem, Filiationem, Spirationem, modos oppositos & incommunicabiles alteri aut sibi invicem.

VI. Dicit quis ex *Insusiti Socini* progenie. Si Pater, Filius, & Spiritus Sanctus, convenient realiter in eadem essentia divina, ergo convenientia realis non erit quasi plurimum, sed revera plurimum: nam Pater, Filius, & Spiritus Sanctus, sunt revera plures. Atqui cum extrema sunt revera plura, & convenient in eadem tertio, illa est convenientia rationis. Resp. Malle me negare definitionem *Convenientiæ* ex *Arist.* *Metaph.* l. 4. c. 9. acceptam; qua *Convenientia* definitur, plurium aut quasi plurium unio, & qua, plurium unio, dicitur convenientia rationis, quasi plurium, realis: quàm ut admittam, aut personas divinas non differre realiter inter se, sed tantum esse quasi plures, aut personas divinas non convenire realiter in essentia divina, sed tantum ratione: Nam certe, cum definitionum Philosophicarum veritas non potest applicari rebus divinis, rejici potius debent definitiones, quam ut veritati in rebus divinis quicquam derogeretur. Neque ergo miror, hanc, similemque rerum Logicarum, Metaphysicarum, aut Philosophicarum, definitiones, ex *Aristotele* aliisque Philosophis, non Christianis, sed Paganis & infidelibus, acceptas, minus quadrare Deo & rebus divinis, quia illi ut Trinitatem non cognoverunt, ita cogitare non potuerunt, de Personarum in SS. Trinitate, vel reali convenientia in essentia divina, vel reali distinctione inter se: & quod accuratissime notari velim, & fideliter hic moneo, ex eo nati sunt omnes errores *Insusiti Socini* & *Vorstii*, & eorum, qui utriusque vitula arant, quod, cum viderent, axiomatibus Philosophicis, & rationi naturali, quæ ista axiomata procedit, aut etiam definitionibus sæpe Aristotelicis, non convenire

res divinas, Tres Personas in essentia singulari unius Dei, duas naturas in una Persona Christi, generationem unius Personæ in SS. Trinitate ab alia æternam, resurrectionem eorundem numero corporum, similiaque fidei, tum mysteria, tum dogmata, maluerint, res sacras & in sacris manifestatas rejicere, quam aut fux rationi (quam non tantum sciendorum sed & credendorum faciunt normam, sed pessime, cum fides sit *certitudo quæ per beatitudinem*) aut axiomatibus Philosophicis aut definitionibus, ex Aristotele aliisque Gentilium acceptis, unicum mittere. Ego contra nihil miror, quod rationi eorum, omniumque insuper hominum, utpote corruptæ, videantur contradicere res sacras & mysteria fidei: sed illi corruptionem naturæ humanæ, mentisque in spiritualibus caliginem, adeoque peccatum originis, non agnoscunt. Atque hinc est, quod in negotio præsentis, negent posse convenire realiter in una essentia divina singulari Personas, quæ inter sese distinguuntur realiter. Sed argumentum videamus, quo Trinitatem evertere conantur ex Philosophia, homines Antitrinitarii.

VII. Si, inquit, *essentia Divina est realiter eadem cum tribus personis realiter inter se distinctis*, sequitur, *unam rem esse eandem tribus rebus distinctis*: quod vero idem est cum tribus rebus distinctis, id tres res esse, necesse est. Quare *essentia divina, simul, & una res erit, & tres res*. Resp. Non est, quod metuat quis vim istius argumenti: salva res est, & salva nihilominus Trinitas. Fallunt illi *Sophistæ*, ambiguitate terminorum & phrasim, *idem esse realiter, & distincta esse realiter*. Idem realiter dicitur, vel quod unatantum res est, non res plures, vel in quo non sunt plura diversa, quæ plus quam ratione differunt. Pariter *distincta realiter vocantur*, vel stricte, quæ sunt res plures vel latius, quæ ante mentis operationem distinguuntur à parte rei & entis. Quæ ergo priori sensu idem sunt realiter, ea sane nequeunt esse distincta realiter priori quoque sensu, stricte loquendo: id est, clarius. Quæ sunt res tantum una, ea nequeunt esse res plures; & sic largimur, Personas divinas in SS. Trinitate, quia sunt unius essentia & nature

divinæ, tanquam rei unius, non esse res plures, non esse plures essentias aut naturas divinas, id est, non esse plures Deos: & hoc tantum sensu, quidam ex nostris *Philosophis* ac *Theologis*, negarunt Personas distinguere realiter in SS. Trinitate, & recte: nam calumnia est, non sententia nostra aut ullius ex nostris, tres Personas divinas esse tres res distinctas: sed vero, si posteriori sensu accipiatur, identitas realis & distinctio realis, negamus, essentiam Dei ita esse realiter eandem cum personis tribus, ut in ea non dentur, plura extra mentis operationem distincta, plures personæ realiter distinctæ inter se: è contra dicimus, dari plura distincta realiter in essentia divina eadem realiter, id est, citra mentis operationem. Ergo bene dicimus, & sine contradictione, identitatem rei seu realem stare cum diversitate rei seu reali: eadem enim res, eadem essentia divina est, in qua conveniunt tria realiter distincta supposita, tres realiter distinctæ personæ, verum non tres distinctæ res (quæ est illatio *Socini* & *Sequacium*), sed ut tres, ejusdem realiter essentia divinæ, modi divini subsistendi, realiter inter se distincti: quod contradictionem nullo modo involvit. Veritatem hujus nostræ assertionis probamus hoc ratiocinio.

VIII. Quæcunque diversitas non multiplicat essentiam, ea non tollit realem convenientiam, seu identitatem rei. Atqui diversitas realis trium subsistendi modorum seu personalitatum in SS. Trinitate, non multiplicat essentiam divinam; nam eadem essentia Dei unius tribus istis hypostasis communis est absque tui multiplicatione, & sic statuitur à nostris & ab omnibus, qui Trinitatem agnoscunt. Ergo diversitas realis trium subsistendi modorum aut personalitatum in SS. Trinitate non tollit identitatem essentia divinæ seu earum convenientiam realem in eadem essentia divina. Itaque nulla est hic contradictio: Et manet æternumque manebit, Personarum in Deo Trinitatem & distinctionem inter se realem optime stare cum convenientia reali unius ejusdemque numero essentia divinæ. Denique, si modi naturæ humanæ & finitæ distincti, & distincti ante omnem mentis opera:



operationem, personalitas, dependentia à causa prima, præsentia localis finita, eandem tamen essentiam naturæ humanæ singularis modificant, quidni & idem præsent tres modi subsistendi naturæ divinæ & infinite, ut

eandem singularem essentiam divinam modificent, illi realiter inter se distincti, hanc realiter in se unam? Ergo falsum est, Quæcunque distinguuntur realiter, ea conveniunt ratione, & contra. Quod erat demonstrandum.

## Disputationum ex Philosophiâ selectarum,

*Voluminis Secundi,*

### VIGESIMA - OCTAVA.

## DE CONVENIENTIA PRÆSERTIM SIMPLICI.

### THESES I.

**D**eus Opt. Max. Author omnis entitatis, veritatis, bonitatis in rebus creatis, idem author est omnis in iisdem ordinis; est enim *Deus ordinis*, & non *confusionis*: Ordo rerum patet ex mutua earum inter sese habitudine: hæc se manifestat, in rerum inter se convenientia & diversitate: nam & frigida cum calidis pugnant, humentia cum siccis, & nihilominus amice inter se conspirant. In præsens *Convenientiam* rerum contemplabimur, præsertim *simplicem*, exoriri ab utriusque definitione.

II. *Convenientia* vulgo definitur, *affectio entium, quæ plura aut quasi plura uniuntur*. Hanc eandem definitionem habet *Arist. 5. Metaph. 4. 9.* Sed loco convenientiæ usurpat vocem, *identitas*, *τὸ αὐτὸν*, inquit. Ex quo factum, ut Philosophi fere omnes, moderni saltem *Scholastici*, Aristotelem in usu vocum, non minus quam in sententiis, secuti, *identitatem* dixerint loco *convenientiæ*, & illa fecerint vocabula æquipollentia. Verum enim vero accuratius consideranti istæ voces non æquipollent: nam omnis quidem *identitas*, *convenientia* est, sed non vice versa: *identitas* enim proprie est *convenientia in essentia*. Sed enim, uti nunquam, ita nec hic difficilis fuero in vobis usurpandis: nam nihil refert quoque *convenientiam in accidentibus*, causis externis, effectis, subjectis, adjunctis, *identitatem* vocare: & sic *Scholastici* loquuntur de *identitate accidentali, causali, effectiva, subjectiva*, &c. Et

profecto, in hisce ac similibus magna pars Philosophiæ & hodiernæ consumitur, dum putari solet, an voces latius vel pressius sumi debeant? v. c. *An identitas convenientiam significet, non tantum in essentia, sed & in rebus aliis?* sic &, *An distinctio realis debeat dici ex naturæ rei, necne?* &c. Res ipsa potius spectetur, & ex rerum natura voces usurpentur, non vero ex arbitrio tantum, cujuscunque tandem, seu *Aristotelis*, seu *Thomæ*, seu *Scoti*. Naturam ergo *Convenientiæ* paulo penitus inspiciamus.

III. *Natura Convenientiæ* in unione consistit, aut, ut loquuntur alii, in *unitate*. *Extrema*, quæ uniuntur, sunt *plura* aut *quasi plura*, i. e. aut multa à parte rei aut multa per rationem: Unde nata est *distinctio Convenientiæ in realem & rationis*. *Convenientia realis*, est *convenientia quasi plurium*: id est; quando illa, quæ revera unum sunt, apprehenduntur ut multa, interposita distinctione rationis ratiocinatæ, quo modo Socrates senex convenit cum se ipso puero. *Convenientia rationis*, est *convenientia plurium*, id est, quando illa, quæ uniuntur, revera plura sunt, sed per rationem, seu mentis operationem, tantum unum sunt, quo modo homo & bestia dicuntur, convenire aut uniri in communi conceptu animalis, seu esse unum animal. Hæc definitio & distributio *convenientiæ* rebus creatis applicari potest: S. S. Trinitati increate non debet, ut hoc *dispositum* est ostensum.

IV. *Convenientia est, vel simplex, vel analogica. Simplex, est convenientia unius cum alio in eodem tertio. Analogica, est convenientia plurium cum pluribus in eadem habitudine.* Hinc liquet, in convenientia analogica geminam convenientiam simplicem comprehendere. In convenientia simplici duo semper sunt extrema, seu re, seu ratione, distincta, quæ conveniunt in eodem tertio. In convenientia analogica quatuor sunt extrema, quorum bina in tertio semper peculiari, sed simili tamen aut uno quoad habitudinem, conveniunt.

V. Receptus est circa convenientiam simplicem Canon: *Quæcumque in uno tertio conveniunt, ea inter se quoque conveniunt*; aut, *Quæ sunt eadem uni tertio, ea quoque inter se sunt eadem.* Hoc canone abutuntur pessime *Antitritaristæ*, cum ex eo, quod tres personæ realiter idem sint cum essentia divina in mysterio Trinitatis, *argumentantur*, etiam eas realiter esse idem inter se, & sic omne discrimen personarum tollunt, adeoque, ut nos unam essentiam, ita illi simul unam ponunt personam, *Patrem solum*: eodem abutuntur *Thomistæ* in controversia de Animæ rationalis identitate cum suis facultatibus. Si, *inquunt*, potentie animæ sint idem uni, puta, animæ substantiæ, sequitur, illas quoque esse idem inter se, ac proinde nullo modo distingui; & sic intellectus erit voluntas, &c. Varii varias excogitarunt hujus regulæ limitationes, quas non omnes referam, sed distincte agam & compendio.

VI. *Convenientia simplex accipitur tripliciter; vel de æqualitate* (sic, quæ eadem sunt uni tertio, id est, æqualia, sunt eadem, id est, æqualia inter se;) *vel de similitudine* (sic quæ eadem sunt uni tertio, id est, similia, sunt eadem, id est, similia, inter se;) *vel de identitate*, id est, convenientia in essentia: nam æqualitas est convenientia in quantitate, & similitudo est convenientia in qualitate. Quando hoc *axioma* intelligitur de identitate, proprie sic dicta, quæ est convenientia simplex duorum in eodem tertio, quod sit essentia aut pars saltem essentiae, tum vel maxime & accuratissime debet limitari, nec absolute sumendum est, uti quidem, cum intelligitur de æqualitate aut similitudine.

VII. *Vulgata explicatio est, requiri ad veritatem Canonis, quando intelligitur de convenientia in essentia, seu identitate, ut aliqua sint eadem uni tertio singulari, & sic, quæ sunt eadem uni tertio singulari, sunt eadem inter se: nam fieri posse, ut aliqua sint eadem uni tertio universali, nec tamen inter se sint eadem, facile patet: nam homo & brutum sunt eadem animali, homo enim est animal, & brutum est animal; nec tamen sunt eadem inter se: quippe, nec homo est brutum, nec brutum est homo: eadem est ratio omnium, quæ specie differunt, sunt enim idem cum genere, inter se tamen non sunt idem. Ergo sic limitari volunt hoc *axioma*. Quæ sunt eadem uni tertio, sc. quod est res individua, quæ nec est res plures, nec eadem re ipsa cum illa, quæ est res plures, sunt eadem inter se. Verum ista limitatio non sufficit: namque sic manet obiectio *Socinianorum*. Etenim personæ divinz sunt idem cum essentia divina, quæ est aliquid singulare, nec tamen sunt inter se idem. Ergo addendum est hoc: quod ita illud tertium debet esse singulare, ut sit *incommunicabile*. At vero, licet essentia divina sit singularis; quia tamen est communicabilis tribus personis, ideo, illæ personæ non sunt idem inter se, licet cum essentia idem sint. Nempe, licet essentia divina sit singularis, refert tamen naturam universalis in eo, quod, sicut universale prædicatur de pluribus, ut homo de pluribus & diversis suppositis, Petro, Paulo, Johanne, &c sic essentia divina prædicatur de pluribus realiter distinctis suppositis aut personis, contra ingenium aliorum singularium, per hoc tamen non constituitur essentia divina nec numerari debet inter res universales, sed est & manet singularis, imo & singularissima; quia de natura universalis est, ita prædicari de pluribus, ut in illis, de quibus prædicatur universale, natura ejus multiplicetur, sicuti natura humana multiplicatur in Petro, Paulo, Joanne, &c. sunt enim in illis tres distinctæ naturæ humanæ; & ipsi sunt tres homines: at divina essentia non multiplicatur in tribus personis, non enim sunt tres essentiae divinz, nec tres dii, sed tres personæ: sic ergo dici potest; illa esse eadem inter*

inter se, quæ sunt eadem uni tertio singulari, sc. quod ita est singulare, ut non accedat ad naturam universalem in eo, quod de multis prædicatur: & hoc est, quod alii dicunt, ut illud singulare sit incommunicabile. Verum, quia hæc pugnantia videtur esse, singulare dici & communicabile, ut sunt quidem in rebus creatis, age, dicamus sic, & limitemus nos hoc modo: Tertium illud, in quo duo aut plura conveniunt, posse esse simpliciter, vel communicabile, vel incommunicabile: & canonem esse intelligendum de tertio incommunicabili, sive sit singulare, sive non sit, modo sit incommunicabile, hæcenus salvatur Canonis veritas. Ex. gr. Apostolus gentium & Paulus, conveniunt in uno tertio incommunicabili Christo: at Petrus & Paulus conveniunt in natura humana, ut in tertio, sed ut communicabili: natura enim humana, ut in se sit una, est tamen communicabilis; & hinc Petrus & Paulus non sunt idem individuum, nec idem homo, licet conveniant in natura humana: Ratio manifesta est, quia, si id, in quo conveniunt plura, est pluribus commune, per se liquet ista plura non esse unum: contra, cum aliqua conveniunt in tertio incommunicabili, ea inter se oportet esse eadem, eo quod tertium sit incommunicabile ad plura: causa ergo proprie hujus rei, non est ipsi singularitas, vel, quod aliqua in tertio singulari conveniant, sed vero incommunicabilitas, quod illud tertium, in quo conveniunt plura, sit incommunicabile ad plura: ideoque ea necessario sunt idem realiter, quæ in isto tertio incommunicabili conveniunt. Et hoc modo rectissime respondetur Socinianis objicientibus, quod sequatur, Filium esse Patrem, & S. S. utrumque, si statuatur convenire in eodem tertio, sc. essentia divina: Neque enim hoc sequitur; quia tum demum sunt illa, quæ conveniunt in eodem tertio, eadem inter se, si tertium illud sit incommunicabile: atqui essentia divina communicabilis est pluribus suppositis; & supposita diversa, ea de causa, minime sunt inter se eadem, quod in essentia communi & communicabili

convenient, quia identitas essentialis non tollit diversitatem suppositalem.

VIII. Sociniani negant, hunc canonem restringi debere, quia ejus ratio sit universalis: nisi enim hoc admittatur, inquit, sequitur contradictio aperta, nempe, *unum idemque esse eandem rem & plures*. Sed Resp ad id, *nullam* hic esse contradictionem: fieri enim potest, ut una eademque res absoluta sit plures res respective: mox v. c. una est eademque res, & tamen est acclivis & declivis: verum eo modo, quo res est una, non est plures, & quo est plures, non est una. Omnis error Socinianorum ex eo fluit, quod existiment, fieri non posse, ut una res indivisibilis pluribus rebus distinctis conveniat; atqui ex sola Mathefi hoc addiscere potuerant: unum idemque indivisibile est punctum, quod est in Sphæra exacte rotunda & Plano perfecte plano, quod tangitur à sphæra, &, licet in rebus creatis nullum posset dari exemplum, non tamen ideo hoc negandum est de Deo. Quod metuant hic contradictionem aliquam *Trinitatis hostes*, si una numero essentia divina communicetur pluribus numero distinctis personis, & sic essentiam divinam fore rem unam & res plures, vanus omnino est metus, ac contradictio hic est nulla: sed ambiguitas est in voce, *res*, in qua ludunt Sociphiste.

IX. Argumentum illorum tale est. Si in essentia divina eadem, tanquam in uno tertio, conveniant tres numero distinctæ personæ, ergo essentia divina erit una tantum res & simul res plures: quæ est contradictio. Resp. Concedo consequens sequi ex antecedente, si vox, *res*, eodem modo sumatur: nego autem nunc sequi, quia vox, *res*, eodem modo non sumitur: ideoque & nego, esse contradictionem ob ambiguitatem in voce, *res*: ostendam ad oculum. Vox, *res*, accipitur hic aliter, quando dicitur essentia divina esse, una res, & eadem esse res plures. Est res una, si accipitur vox illa absolute, pro natura: Deus enim est una essentia, natura, res: Est res plures, si accipitur vox illa respective, pro modo & relatione substantiali: Deus enim est res plures, id est plures modi & relationes substantiales ac personales. Ostendant Sociphiste, si possint, esse contradictionem, unam

unam *essentiam*, seu *rem*, *absolutam*, esse *tres modos respectivos*, seu *relationes personales*, seu *tres res relativas*. Qui vero ex Theologis nostris, quod hic monitum velim, negat, *personas tres esse tres res*, vocabulum *res* strictissime sumunt pro *essentia* aut *ente reali*: neque enim tres personæ in S. S. Trinitate sunt tres essentia, tria entia realia; sunt tamen tres *res*, si vocabulum illud late sumas pro eo, quod est *aliquid* seu *ens late sumtum*, quale est omne illud, quod non est nihil, & comprehendit præter alia sub se & ambitu suo quoque *relationes* & *modos*: at si *res* & *ens* strictè sumas pro *ente reali*, cui soli convenit *essentia*, quale est, vel Deus, vel creatura, vel Substantia, vel Accidens, jam ex ambitu *entis realis* & *rei* excluduntur *relationes* & *modi*: & sic nulli Theologorum dicunt, tres Personas in S. S. Trinitate esse tres *res*, sed esse tres *modos* & *relationes*, reales, substantiales, personales: dicuntque insuper, recteque dicunt; distinguere inter se realem, id est, non per operationem rationis.

X. Quod attinet dubium, de facultatibus

*anima rationalis*, motum *ib. 5.* quod ex hoc canone non possint esse idem cum anima, illud facile solvitur: Nam, qui statunt, facultates esse idem realiter cum anima rationali, ut *Scotistæ*, illi dicunt, reipsa illas inter se quoque esse idem, v. e. intellectum esse re ipsa voluntatem, & contra, & animam esse eandem cum utraque sua potentia. Et hæc sententia mihi semper visa est probabilior, qui odi tot entia, accidentia, potentias, habitus, &c. multiplicari absque necessitate: nec tamen sequitur, nos intelligere cum volumus, aut velle, cum intelligimus; nam adhuc distinctio operationum manet, propter diversa objecta, circa quæ versatur anima rationalis operando, ad quæ dicit diversos respectus: aliter anima occupatur circa verum, & tum intelligit, aliter circa bonum, & tum vult: & intercedit adhuc inter animam, intellectum, voluntatem, distinctio rationis rationata, fundata in diverso respectu ad diversa objecta & inde consequentibus diversis operandi modis.

## Disputationum ex Philosophiâ selectarum,

*Volumeis Secundi,*

VIGESIMA-NONA.

# DE DISTINCTIONE RERUM.

THESES I.

**V**Exatissima est inde usque à Scholasticæ Philosophiæ exorta de *Distinctionibus rerum* Controversia, & adhuc lisea sub iudice est, dum alii plures, alii pauciores, distinctionis modos adduunt, omnes vero ex fundamentis quibusdam novis, mirabilibus, fictis & excogitatis, (quorum ne vestigium quidem ullum apud *Philosophos Græcos, Academicos, Peripateticos, Stoicos*, extet) hæc distinctionum genera stabiliunt: hinc tot sententiarum divortia, in quot abiit *Scholastici*, qua Veteres, qua Recentiores, dum alio modo *Thomas*, alio modo *Scotus*, alio modo Alii, distinctionis modos concipiunt: sicubi varie-

tas est, sic ubi anfractus sunt ac mæandri, hic eos reperire est. Et tamen, licet de *variis rerum distinctionibus* quæstio barbararum sit vocum sordibus scæda, subtilitatum tricisimpedita, superflitionis nubibus obcurata, ea tamen per *Philosophiam universam*, per disputationem omnem ac commentationem ita sui usu diffusa est, ut nulla alia ex tam infinitis quæstionibus ac disputationibus in hodierna *Philosophia* motis, cum hac, de *variis rerum distinctione*, usus amplitudine certare possit. Verum, uti utilissima hæc est doctrina, ita est obscurissima, quia nihil fere est, ubi pedem figere liceat: & ex industria videntur

hic

ex hoc  
anima,  
nt, fa-  
ationa-  
as inter  
essere  
um esse  
Et hæc  
olior,  
, habi.  
e: nec  
volu-  
adhuc  
ter di-  
ratio-  
respo-  
m, &  
cum  
o, in-  
nis ra-  
addi-  
verfus

i, hic  
is re-  
it vo-  
sim-  
, ea  
dif-  
m ita  
ofini-  
ho-  
varia  
ertare  
pētri-  
t, ubi  
entur  
hic

hic in  
se diu  
ro tan  
stincti  
mus.

II.

ues, r

genera

natur

à plen

quam

q*ue* i*u*

quide

posse

quo n

intell

Sen

linc

non

cun

diff

aliu

form

nem

mun

prin

l

scil

o

do

esse

et r

ab

fun

et

fin

du

id

illu

in

int

ma

ho

na

fin

ti

ti

tu

vel



hic in partes abiisse, ut haberent, de quo inter se dimicarent homines contentiosi: Nos vero tandem videamus, quomodo ex hoc distinctionum labyrintho nos expedire valeamus.

II. Post varias de hoc negotio cogitationes, non videtur melius, brevius, distinctius, generalis notio distinctionis exprimi aut ejus natura ac ratio formalis proponi, (quæ tamen à plerisque, si non omnibus, omiſſa est,) quam si definiamus distinctionem in abstracto, esse illud, quo unus conceptus non est alius. Ego quidem sic omnium commodissime definiri posse existimo, si dicamus: *Distinctio est id, quo unus conceptus non est alius*. Per conceptum intelligo hic, & formalem & objectivum, Sensus est definitionis, quod Distinctio formaliter & in abstracto consistat in eo, ut unus non sit aliud, sive in natura, sive in intellectu: cum unum non est aliud in natura, res dicuntur differre conceptu objectivo: cum unum non est aliud in intellectu, res dicuntur differre conceptu formali. verum hanc Distinctionis definitionem paulo fusius declarare oportet. Ordinem rem vero altius, & à primis repetemus principiis.

III. Duo sunt principia apud omnes certa: scil. 1. impossibile est, idem simul esse in natura, & cum aliis confusum esse. 2. impossibile est, idem, simul esse in mente, & cum aliis confusum esse. Ratio utriusque est aperta: nam uti Deus & natura, ita quoque mens nostra, abhorret ab omni confusione: proinde, omnia, quæ sunt in natura, distincta sunt à se invicem: & omnia, quæcunque sunt in mente, distincte representantur: ita ut, quemadmodum distinctio objectorum extra intellectum id infert, ut unum non sit aliud, hoc non sit illud, sic distinctio notionum & noëmatum in intellectu hoc itidem infert, ut unum in intellectu non sit aliud. Itaque liquet, ad formalem rationalem distinctionem in abstracto hoc pertinere, ut unum non sit aliud, sive in natura, sive in intellectu. Quocirca cum distinctio ita late pateat, debent extrema distinctionis designari tali termino, qui sub ambitu suo complectatur, quicquid uspiam datur, vel concipi potest: qualem terminum non

novi in hoc negotio commodiorem, quam conceptum: nam communis Philosophorum usus obtinet, ut voce conceptus exprimat, tum objectum quodvis, quod cognosci potest, tum ipsa cognitio, & hinc duplicem statuerunt conceptum, objectivum & formalem. Conceptus objectivus, aliis materialis, est res ipsa, quæ intellectui objici potest, ipsum, dico, objectum: conceptus formalis, est ipsa actualis cognitio objecti: jam vero in genere omnis distinctio versatur inter conceptum & conceptum, seu objectivum, seu formalem: adeoque bene definitur, meo judicio, *Distinctio, esse id, quo unus conceptus non est alius, sive objectivus, sive formalis*: & hinc infero, distinctionem rationis ratiocinantis non esse distinctionem, & tantum *equivocatur* sic dici: nam in tali distinctione vix ac ne vix quidem dantur diversi conceptus formales, v. c. cum polyonyma distinguuntur, nedum ut dantur distincti conceptus objectivi. Ego ergo, ut à generali definitione distinctionis ad ejus modos tranſeam, sic procedo.

IV. 1. *Rationis ratiocinantis distinctionem non agnosco*, neque sub definitione distinctionis à me posita comprehendo. 2. *Dico distinctionem in realem seu veram, & notionalem seu rationis*, scil. *ratiocinatam*, quam ut formalem alii vocent, aut quocunque placet nomine, per me licet. *Distinctio realis seu vera* est, qua distinguuntur conceptus objectivi. *Distinctio notionalis seu rationis ratiocinata* est, qua distinguuntur saltem conceptus formales, licet objectivus conceptus idem sit seu eadem res: nam vel distinguuntur objecta vel non: si distinguuntur objecta ipsa, *distinctio est realis*, si vero non distinguuntur objecta ipsa, quæri potest de noëmatis ipsis seu conceptibus formalibus, an illi distinguantur, necne? i. e. Utrum idem objectum sub diversis conceptibus inadequatis sistatur intellectui, necne? *Inadequati conceptus dicuntur, qui rem, nec plene, nec eodem modo, representant*: si diversi sunt conceptus formales de objecto uno eodemque, vocatur *distinctio formalis, notionalis, vulgo, rationis ratiocinata*: si vero ne quidem diversi conceptus formales dentur, proprie locum non habet distinctio; communiter ta-

Sf

men,

men, vel ob nomina diversa, vel ob alium quemcunque respectum, constituitur *distinctio*, quam vulgo vocant, *rationis ratiocinantis*.

V. Ex hisce ita explicatis multa nobis innotescunt; ac 1. facile jam intelligitur, *Utrum ex natura extremorum, an ex habitudine mutua eorum petenda sit distinctionis ratio?* Resp. à posteriori: nam quod non sit attendendum, ad realitatem, sed tantum ad cognationem & habitudinem extremorum, vel inde manifestum est, quod ad distinctionem realem satis sit, si extrema distinguantur, si distinguantur ipsa objecta, sive objecta ista sint entia realia, sive rationis & ficta, sive positiva, sive privativa, dummodo distinctio eorum non dependeat à formali conceptu intellectus. Pariter, ad distinctionem rationis perinde est, sive objectum, de quo ratio distinctos format conceptus, reale sit & extra intellectum, sive sit intentionale & ab intellectu unice dependeat, sive sit positivum, sive privativum, dummodo intellectui sub diversis conceptibus idem repræsentetur.

VI. 2. Manifestum est, in quo consistat *ratio distinctionis realis & rationis*: scil. uno verbo. *Distinctio realis est*, qua conceptus objectivus, (quicunque ille sit) alius est ab alio conceptu objectivo. *Distinctio rationis est*, qua conceptus formalis alius est à conceptu alio formalis, manente eodem objecto (quodcunque illud sit) sub diversis istis conceptibus repræsentato.

VII. Ex utroque hoc Consecutio, quod ex rebus jam explicatis deduximus *th. 5. & 6.* sequitur, *non esse necessariam distinctionem tertiam, diversam à reali & rationis*; quam *Modalem* vocant, aut quocunque nomine veniat. Nam 1. *Distinctionum species nomen non sumunt, ut jam ostensum est*, à natura extremorum, sed à mutua eorundem habitudine. At hæc vulgo recepta *Modalis* quorundam *Distinctio* nomen ab extremis sumit: ideoque membra essent inæqualis nature: etenim, si species distinctionum tantum sumendæ forent à natura extremorum, ut fit in *modali distinctione*, tum *realis distinctio tantum esset inter entia realia*, & *rationis esset tantum inter entia rationis*. Sed utrumque hoc falsum est:

& dari deberet mista distinctio, ac nova ex reali & rationis constata, qua ens reale distinguatur ab ente rationis: Et, quid opus est distinctione hac modalis, cum commodè reduci possit, vel ad realem, vel ad rationis, prout modi vel re vel ratione à re modificata sunt distincti? Certe, uti non est peculiare genus distinctionis excogitatum, quo explicetur distinctio inter ens & privationem, aut inter privationes inter se, ita multo minus excogitanda est distinctio nova, ut explicetur discrimen inter modum & rem modificatam, aut modos inter se. 2. *Distinctio realis & rationis*, prout à me explicantur, per conceptum alium atque alium, vel objectivum, vel formalem, opponuntur immediate, ac proinde non datur tertium genus distinctionis: antecedens patet, quia, quæ distinguuntur per diversos conceptus objectivos, distinguuntur ante mentis operationem; quæ distinguuntur per diversos conceptus formales, non distinguuntur ante mentis operationem: at distinguuntur ante mentis operationem, & non distinguuntur, opponuntur contradictorie, ergo immediate, quia contradictio caret omni medio: ideoque, si ante mentis operationem, aliud sit modus, aliud res, quam modificat, distinctio illa modalis est distinctio realis; si ante mentis operationem, non sit aliud modus, & aliud res, quam modificat, distinctio modalis est distinctio rationis: ergo modalis distinctio videtur mihi superflua. Uno verbo. Aut supponit hæc distinctio in re plura distincta, ita ut conceptus objectivi differant, aut non supponit in re plura distincta, sed ponit unum in re diversis tantum conceptibus formalibus apprehensum; si prius, est realis; si posterius, est rationis distinctio: nam entia non sunt multiplicanda sine necessitate, & ista citra necessitatem multiplicatio distinctionum toti difficultates nobis in *Philosophia* peperit: hæc enim *modalis* distinctione rejecta, cadit & illa, quæ Scoto ex natura rei, quæ aliis *formalis*, aliis *virtualis*, aliis *eminentialis*, aliis alio nomine venit: ruunt multæ divisiones distinctionum, quas videre est operose per suas classes deductas apud *Guilielmum Ursinum* in *peculiaribus Disputatione de distinctionibus rerum*.

VIII. Verum, dicit aliquis, si tantum  
duo admittis distinctionum membra, realis &  
rationis, debet, omnia, quæ distinguuntur,  
ad alterum horum posse revocare. Resp. id sic-

ri posse, pro meo iudicio, distinctionis  
realis & rationis subdivisione qualicunque  
instituta. Quomodo fiat, docebit Disputatio  
sequens.

## Disputationum ex Philosophiâ selectarum,

*Voluminis Secundi,*

### TRIGESIMA.

## DE DISTINCTIONE RERUM.

### THESIS I.

**E**xposuit *Disp. præcedens* duas distinctionum  
classes, rei & rationis, rejecta modali: su-  
perest, ut, quod promissimus *thesi* 8. *Disp.*  
*præced.* nunc præstemus, & omnia, quæ ullo  
modo distinguuntur, ad alteram harum clas-  
sum revocemus. Sic ordimur.

II. §. 1. *Distinctio realis est, inter rem &*  
*rem*, id est, inter res plures diversas, idque,  
sive sint supposita ejusdem speciei, ut Petrus  
& Paulus, sive sint supposita diversarum spe-  
cierum, ut Alexander & Bucephalus, sive sint  
genera diversa, ut substantia & qualitas, sive  
sint species diversæ, ut spiritus & corpus, sive  
quæcunque tandem individua diversa, sive  
corpora diversa, sive accidentia diversa, sive  
tota diversa, sive partes diversæ, quæ, aut de  
facto separatæ sunt, aut, si de facto separatæ  
non sint, separari tamen possunt citra contra-  
dictionem.

III. §. 2. *Distinctio realis mihi esse videtur*  
*inter modum & modum*, id est, modos plures  
diversos, sive sint modi existendi, sive sint mo-  
di operandi; etiam inter relationes diversas,  
quæ modorum nomine sæpe veniunt, ut inter  
causam & causatum, actum & potentiam; ita-  
que huc pertinet distinctio inter relationes per-  
sonales divinas, quæ sunt modi subsistendi; hinc  
realis distinctio est inter Patrem, Filium, &  
Spiritus Sanctum.

IV. §. 3. *Distinctio realis mihi esse videtur*  
*inter rem & modum rei*, si non modum quem-  
libet, aliquem tamen, qui scilicet separari potest à  
re modificata, ut inter calorem & gradum ca-

loris aliquem, calor enim potest amittere gra-  
dum aliquem caloris. & tamen manere calor,  
nec amittit speciem suam aut essentiam; quæ-  
cunque vero separari possunt, ea realiter distin-  
guuntur, nam quorum unum potest esse sine  
altero, ea non sunt prorsus idem, quia nihil  
potest in re dividi à seipso, quia, si divideretur,  
non esset prorsus idem, sed statim essent mul-  
ta entia; divisio enim gignit multitudinem: at  
non potest aliquid esse, & multa entia, & unum  
ens. Ergo, cum modus separari, quidam sal-  
tem, possit, à re modificata, distinguatur ab ea  
realiter, & ante omnem operationem mentis:  
in multis sane, aliud est modus, aliud res mo-  
dificata: in multis, dico; nam sunt modi qui-  
dam inseparabiles, qui à re modificata non dis-  
tinguuntur realiter, sed ratione tantum, ut  
unitas, veritas, bonitas, ab ente. Sed quid di-  
cendum est de distinctione horum modorum  
inter se: estne illa realis an rationis? Disquiri  
permittimus.

V. §. 1. *Distinctio realis datur inter priva-  
tiones & negationes, sive cum rebus positivis,  
sive inter se invicem, comparentur*: sic diffe-  
runt realiter, tenebræ & lux, cæcitas & sur-  
ditas.

VI. §. 5. *Distinctio realis est inter entia ra-  
tionis, sive illa conferantur inter se, sive cum ente  
reali*, v. c. sic distinguuntur realiter, subjectum  
& prædicatum, Chimæra & Mons aureus,  
Tragelaphus & Homo.

VII. Hæc quidem omnia realiter mihi  
videntur distinguui. Nunc quæ ad rationis di-

distinctionem referri queant, pariter explicandum venit.

VIII. §. 1. *Distinctio rationis, sive notionalis, sive formalis, est inter diversas formas sive rationes concipiendi rem eandem, in genere de quovis objecto*: nam in omni objecto potest intellectus parti distinctos conceptus inadaquatos, sub quibus objectum ipsum repræsentetur; scil. potest formare conceptum genericum, & differentialem, & specificum, item communem & proprium: similiter potest intellectus concipere diversas facultates vel virtutes, ratione effectuum & operationum, ubi in re ipsa non dantur diversæ virtutes; & in hisce omnibus est distinctio rationis rationinatæ, ut loqui vulgo amant.

IX. §. 2. *Distinctio rationis est, inter diversas formas seu rationes concipiendi rem eandem de objecto reali*, quod extra factionem mentis esse habeat, quocunque nomine veniat: de ente, dico, reali quolibet, possunt diversi conceptus formari; vel quoad rem ipsam, vel quoad modos rei, licet in objecto ipso nulla detur diversitas: ita distinguuntur animal & homo in eodem homine, vis calefaciendi & exsiccandi in eodem lumine, aliaque sunt exempla ubivis obvia.

X. §. 3. *Distinctio rationis, speciatim locum habet in Deo, de quo licet formare distinctos conceptus*, quibus, tum attributa ab essentia, tum unum attributum ab altero, tum personæ ab essentia actusque personales ab eadem, distinguuntur, salva manente essentia divinx simplicitate summa: ita v. c. differt iustitia Dei ab ejus infinitate, omniscientia à iustitia, paternitas & filiatio ab essentia Dei, generatio & spiratio ab ejus divino. Compositio ergo ex subjecto & attributo, attributo & attributo, natura & supposito, simplicitatem Dei non evertit, quia hæc omnia in Deo sunt unum & idem, & ratione tantum distinguuntur.

XI. Ita quidem distinctionem rei seu realem, & rationis seu notionalem, ex mente nostra disp. præced. exposuimus, hæc præsentii illustravimus; nunc pariter, quæ sunt signa & genuina indicia distinctionis, tum rei, tum rationis, videndum est. Varia quidem constitui solent, sed multa spuria & adulterina. Ego

certissima notabo. Sunt autem *signa rei seu signa realis distinctionis*, quædam generalia, quædam specialia.

XII. §. 1. *Signa generalia distinctionis realis sunt*, 1. *Essentie diversitas*: quæ enim diversas habent essentias, ea citra controversiam realiter distinguuntur. 2. *Separabilitas*: quæcunque enim separari possunt citra contradictionem, ea differunt realiter: nam cum separantur, uti possunt, unum est sine altero: ubi unum est sine altero, ibi unum realiter alterum non est. 3. *Oppositio*, prout opposita vulgo definiuntur, quæ, neque de se invicem, neque de eodem tertio, secundum idem, ad idem, eodem modo, atque tempore, affirmari possunt; &, dispescuntur in disparata, relative opposita, contraria, privative opposita, & contradictoria. Quæcunque igitur sunt opposita istis modis, realiter distinguuntur, quia oppositio insert, non tantum, ut hoc non sit illud, sed etiam ut hoc repugnet illi.

XIII. §. 2. *Signa distinctionis realis specialia sunt*, vel de substantiis, vel de accidentibus. *De substantiis. Ubi datur ratio productionis & producti*, ibi datur distinctio realis: nam oportet ad minimum suppositis distesse, inter quæ dantur ejusmodi respectus: quæ vero suppositis differunt, ea omnino differunt realiter. *De accidentibus. Quæcunque accidentia subjecti distinguuntur, ea distinguuntur realiter*. Unum namque accidens nequit esse in pluribus subjectis.

XIV. §. 3. *Signa distinctionis rationis* mihi hæc sunt. 1. *Subordinatio predicamentalis*. Quæcunque in eadem serie predicamentali sibi subordinantur, ea distinguuntur ratione, quia differunt secundum inadaquatos conceptus, & recte dicuntur *distingui formaliter*, quia diversæ sunt formæ concipiendi ea, licet in re fiat unum & idem: sic distinguuntur, substantia, corpus, vivens, sentiens, homo, Petrus. 2. *Diversa definitio*. Quæcunque definitione differunt, ea ad minimum differunt ratione. Distinguuntur & definitione, quæ realiter differunt, sed non omnia ideo, quæ differunt definitione, statim distinguuntur realiter, differunt tamen plus quam ratione ratiocinante, ut loqui solent vulgo, quia, ubi diversa est definitio, ibi est diversa

versa ratio formalis; definitio enim est ratio essentiae: ubi autem haec diversa est, ibi ad minimum formalis diversitas seu distinctio rationis ratiocinata concedenda est; actio & passio definitione differunt, formaliter differunt, quia unus idemque motus inadaequatis conceptibus formalibus apprehenditur, attributa entis ab ente, & inter se, definitione, formaliter, consequenter & ratione distinguuntur ratiocinata. Signum in specie distinctionis ratiocinatae de ente simplicissimo Deo est. *Quaecumque de ente simplicissimo Deo concipiuntur, ea ratione ac formaliter distinguuntur*, quia non inferunt veram oppositionem, ut essentia, independentia, omnipotentia, paternitas, generatio, &c. quae in divinis non sunt opposita. Atque haec fuerunt signa distinctionis, tum rei, tum rationis: restat utriusque una subdivisio explicanda.

XV. *Distinctio realis* est, vel non essentialis, vel essentialis: nam tertium membrum distinctionis realis, nempe *suppositalis*, est superfluum, quia suppositalis distinctio, aut pertinet ad non essentialem, ut in divinis, aut ad essentialem, ut in rebus creatis. *Distinctio realis non essentialis*, alias *realis tantum*, est eorum, quae sunt ejusdem essentiae numericae, ita tamen, ut sibi mutuo sint incommunicabilia: haec *distinctio, realis tantum, seu non essentialis*, invenitur in S.S. & adorando Mytherio Trinitatis: nam Personae Trinitatis sunt ejusdem numericae & singularis essentiae divinae, sed, in quantum charactere personali distinguuntur, sunt sibi invicem incommunicabiles, ita ut una persona ob proprium characterem personalem non sit alia. *Distinctio realis essentialis* est eorum, quae habent essentias diversas, sive separatae sint, sive separabiles absque contradictione. Haec est, *generica, specifica, numerica. Genere differunt*, vel quae in diversis sunt praedicamentis, non *in rebus simplicibus* sed *in compositis*, vel quae sunt sub diversis unius Categoricae speciebus: prioris exemplum est, linea & habitus, posterioris, homo & lapis. *Specie distinguuntur*, quae in conceptu quidem generico conveniunt, sed forma specifica distinguuntur, ut

homo & brutum. *Numero distinguuntur*, quaecumque ejusdem speciei sunt, sed, vel in diversis subjectis reperiuntur, vel diversa supposita constituunt. Duobus itaque modis contingit, *numero differre*; 1. cum res differunt subjectis, sic ut unum existat sine altero, quo modo albedo in pariete differt numero ab albedine laevis, nivis, cerussae &c. eruditio Petri ab eruditione Pauli. 2. cum res genere & forma essentiali conveniunt, distinguuntur autem forma contracta per conditiones individuan-tes, hic & nunc, &c. quomodo differunt Petrus & Paulus.

XVI. *Distinctio rationis* est, vel virtualis, vel formalis, vel modalis. *Virtualis* est eorum, quae diversimode se exerunt ac si essent virtutes aliae atque aliae. Ita vis indurativa, liquefactiva, rarefactiva, calefactiva, distinguuntur in Sole, ratione, virtualiter, quia eadem est virtus, quae diversos illos effectus edit: sic virtualiter distinguuntur, justitia, misericordia, & attributa Dei. *Formalis distinctio* est illorum, quae unitive in uno sunt contenta. Sic formaliter distinguuntur, 1. Superiora & inferiora essentialiter sive invicem subordinata, ut homo & animal. 2. Passiones: sic affectiones entis sunt unitive in ente & ab eo continentur, distinguunturque formaliter ab eo. *Modalis distinctio rationis*, est inter rem & modum rei inseparabilem, vel inter modum & modum non sibi invicem oppositos, sed, ratione formalis tantum distinctos, quando sc. modi de se invicem predicari possunt: sic distinguuntur modaliter, ratione, ens & unum, unum, & verum, & bonum, inter se.

XVII. Sed quo referes, dicat quis, *distinctio- nem accidentalem, tum internam, imparitatem & dissimilitudinem, tum externam, causalem, effectivam, subjectivam, adjunctivam*? Resp. ad distinctionem realem non-essentialem. Haec enim subdividatur in suppositalem & accidentalem, & haec iterum in internam & externam, atque utraque in suas species, ut fieri solet. Non putem vero ullam superesse distinctionis speciem, quae non commode revocari queat ad aliquam classem jam a me expositam.



## Disputationum ex Philosophiâ selectarum,

Voluminis Secundi,

## TRIGESIMA-PRIMA.

## D E I D E I S.

## T H E S I S I.

**A** Egredimur materiam arduam & sublimem, de Ideis contemplationem, quæ insigni tamen se commendant utilitate: multum enim confert, *ad sapientiam, ad religionem, ad morum informationem. Ad sapientiam*; sapientia enim circa primas altissimasque rerum causas versatur. Sed ideas perscrutari, nihil est aliud, quam has causas perscrutari. *Ad religionem*; sine Ideis enim, nec dependentia mundi à Deo, nec divina providentia, rite explicari potest. *Ad morum informationem*; fieri enim non potest, quin ille, qui *Ideas Dei recte fuerit contemplatus*, cognoscat admirabilem Dei sapientiam, potentiam, bonitatem, & Deum cognitum, sapientissimum, potentissimum, optimum, amet, colat, veneretur.

II. *Idea*, ut nomen primum explicemus, Græca vox est, sic dicta *αἰδέομαι* à *videndo aspectando*, Latine *aspectus, species, specio* enim antiquitus idem erat quod *video*, quia, ut *Lud. Vivès ad lib. 7. August. de Civit. Dei c. 28.* notat: sicuti artifex, dum conceptum aliquem seu partum in externa materia procreare meditatur, formam rei producendæ objectam intellectui adspicit, adspiciendo contemplatur, contemplando operatur; ita & Deus mundum procreaturus, ideam ejus faciendi intellectui suo ex sese & à sese objectam adspexit & contemplatus est, & sic, ut enim adspexit & contemplatus est, produxit. Hinc, quia *Idea* est originalis rerum species, in intellectu existens, & ad solam rationem pertinens, sola mente perceptibilis, & quia est ratio secundum quam opus ad extra producit, factum est, ut Latini *Ideas* appellaverint *rationes*, in quo à nominis quidem proprietate (nam *ratio* Græcis non *αἰδέομαι* sed *λογίζομαι* dicitur) non tamen

à rei veritate discesserunt: nam *ideæ* sola *ratione* & intellectu continentur, & sunt *αἰδέομαι* rationes rerum in Deo producendarum extra Deum: quia autem res extra Deum à Deo ad *Ideas* divinas efficiuntur, hinc *exemplaris*, & *παράδειγμα* nomen invenerunt; juxta illud *Boetii*, *pulchrum pulcherrimus ipse Mundum mente gerens similique ab imagine formans*. Et quia hæc *Ideæ* à Deo cognoscuntur, imo sunt rationes in Deo cognoscendi res (sunt enim eadem cum essentia divina, in qua Deus omnia cognoscit, ut postea probabimus) ideo etiam rerum *notiones, conceptus, similitudines, imagines, simulachra*; & quia intellectum divinum quasi informant, *formæ* appellantur, quin &, quia in *Ideis*, tanquam in seminibus, occulta quasi sunt & inclusa, quæ mox producentur, *rationes* quoque rerum *seminales* dicuntur. Hæc de *Voc.*

III. *Ideas divi*, quo sensu vocem explicuimus, probandum nunc esset; sed placet, antequam ad rem ipsam perveniamus, cum *Aristotele* congressi, & ab ejus injuriis vindicare *Platonem*, cui lib. 1. *Metaph. t. 30. & 7. lib. t. 20. 21.* sed præsertim lib. 1. *Eth. Nicom. c. 6.* nescio, quod monstrum opinionis circa *Ideas* affingit. Multi sane hic *Aristotelem* strenue accusant, ac non ingrati solum animi, sed palmaris quoque mendacii reum faciunt: ajuntque rotunde, *Platonem* nullas tales, quales fingit *Aristoteles*, *Ideas* posuisse, imo ne per somnium quidem cogitasse: sed *Aristotel.* affinxisse sententiam talem *Platoni*, ut haberet quod oppugnaret. Imo conqueruntur nonnulli de summa hic injuria facta *Platoni*, cujus longe alia fuit mens, quam quæ ei ab *Aristotele* tribuitur, qui hic cum umbra luctari voluisse videtur. Dicit *Aristoteles*, *Platonem* posuisse pur-

rissi.



rimas quasdam formas rerum naturalium, abstractas à corporibus, & seorsum à divina mente subsistentes, & has *Ideas esse*. Verum enim vero maximus *Plato* ac *Philosophus divinus* non excogitavit profecto *Ideas*, errabundas inter nubes, aut in terrarum vel orbis mundani angulo alicubi delitescentes, sed in mente eas posuit divina, æternas atque immutabiles. Detur quæso fingendi licentia; quis est, qui non animadvertat, ineptas esse cogitationes, si quis fingat bovem aut leonem quendam maximum, per se consistentem, & alicubi extra omnes boves & leones singulares existentem, egregia anima & formoso corpore præditum, ad cuius Ideam boves omnes ac leones singulares sint expressi, formati, facti? Apoge nugas, homine mentis sanæ, nedum tanto *Philosopho Platone*, indignas. *Plato* omnium rerum *Ideas* & exemplaria in ipso *Deo* posuit: quæ sententia non tantum reprehensionis est expers, sed omnem laudem contra meretur atque admirationem, ac *Patribus Antiquis* ita placuit, ut, revelationi potius quam rationationi eam debuisset acceptam referre *Platonem*, nonnulli existimaverint. Quid enim magis, quam rerum omnium ideas, seu archetypos, seu exemplaria, in *Deo* collocare? ita certe *Dei sapientiam* in omnium rerum creatione & intelligimus & explicamus optime, eamque sic exposuere sanctissimi *Patru*, *Clemens Alexandrinus*, *Iustinus Martyr*, & magnus *Augustinus*. Sed, ut, quæ *Platonis* mens fuerit, clarissime liqueat, eam apertissime proponemus, prout ex ipso & *Marsilio Ficino*, *Platoniorum* inter recentiores *Coryphæo* in sua *Theologia Platonica*, hauriri putest.

IV. *Plato*, vir divinus, à *Deo* creatore pendere omnia certo sciens, cum is eximie sapiens, potens, & bonus esset, eum omnis veritatis & virtutis fontem statuit, è quo rivuli in omne genus creaturarum propagarentur; atque ut creaturæ omnes ab eo ortum ducunt, ita in eundem quoque per medium hominem definunt; cuius hominis beatitudo in morte Philosophica (est enim Philosophia meditatio mortis) qua cum *Deo* coniungitur per contemplationem & actionem, repõta est. In *Deo* ergo sunt omnia æquivalenter, in co-

dem omnia à se cognoscuntur excellenter: & hæc cognitio *Ideas* dicitur *Dei* in *Ideis* à videndo, *Mater omnium idèa, specierum creaturarum*, uti *Deus* est *Pater* omnium entium. Atque sic in mente divina esse *Ideas* rerum omnium, quoniam *Deus* semet ipsum intelligens, omnia etiam à se creanda intelligit: quin amplius in hujus *Ideas divinarum* contemplatione, id est, animæ cum *Deo* conjunctione, summum hujus vitæ bonum collocari, *Plato* docuit. Videatur ac legatur ipse *Plato* in *Timæo*, in *Parmenide*, in *Phædone*, in *Convivio* in 6. & ult. de *Rep. lib. 8*; quicunque non plane hospes est in lectione *Platonis*, ei facile constat, hanc ipsam esse *Platonis* sanctissimam mentem, quam cum sciret *Aristoteles*, qui annos viginti *Platonem* audiverat, prudens tamen & sciens eam dissimulavit, atque aliam plane ei affinxit, egregius in *Præceptorem* calumniator, qui ideo ipsemet, in suis castris, à militibus suis, quamvis sacramentum ei dixerint, *Themistio*, *Simplicio*, *Eustratio*, *Magnus Imperator* turpiter deseruit, ac gravissimo impietatis crimine ab iis aliisque notatur & condemnatur.

V. Sic loquitur *Themistius*, cum de *Ideis* philosophatur, & de hac *Idearum* ab *Aristotele* facta explosione. *Aristoteles* *Platoni* perpetuo contradixit, id est, *sophistice* captioseque disputavit, & non tam *Platonis* sententiam, quam ejus speciem, & quod sibi finxit sententia & *Platonice* simulachrum, oppugnavit. Quod multo clarius expressit *Simplicius*, eisdem *Platonis* *Ideas* defendens, cum inquit disertim: *Aristoteles*, cum in *Ideas* *Platonis* debacchatur, potius ad verba, quam ad sensum argumentatur. Quid *Eustratius* in suis ad *Eth. Nicom. lib. 1. c. 6*. Possit, inquit, aliquis iure *Aristoteli* objicere. *Videris, ò Aristoteles, de invidia, quippe qui amicus & discipulus* *Platonis* extiteris, adversus opinionem de *Ideis* adeo captiose & fallaciter disputasse, ut ex eo, quod nihil dicturus esses, quod ad evertendam de *Ideis* sententiam valeret, eam confirmares magis atque stabilires. Atque hæc sunt tria *Aristotelis* inter *Græcos* testimonia, in hoc negotio *Idearum*, de ejus fidelitate & sinceritate, prolata.

VI. Unum adjungemus ex *Latinis* ac recentio-

centioribus *Aristotelis* Interpretibus, hominis  
*Αρετικιστικῆς*, & *Thomistæ* inexpugnabilis,  
 & *Aristotelis* & *Thomæ* addicissimi, & inter  
 barbaros *Scholasticos* sua barbarie principis,  
*Chrysostomi* *Laurelli*, testimonium, qui in *secundo*  
*tomo operum Philosophicorum*, *Eptomæ* suæ in  
*Ethicam* *Platonis*, tract. 7. c. ult. omnium dili-  
 gentissime rationes collegit, quæ *Aristotelem*,  
 in *Ideis* *Platonis* impugnandis, speciatim in  
*id. a boni* exagitanda, egregium agere dissimu-  
 latorem doceant: sic loquitur. *Quam falso id*  
*Platoni* tribuat *Aristoteles*, ut felicitatem volue-  
 rit poscam, in generali quodam bono, quod apud  
*Platonem* ipsum *idea boni* sive per se bonum ap-  
 pellatur, vel ex eo constat, quod *Plato* docuit a-  
 pertissime, tam albis in locis longe plurimis, tum  
 vero maxime in *Symposio* seu convivio, veram  
 felicitatem in divinarum entium contemplatione  
 consistere. At idem ipse de felicitate sentit *Aristo-  
 teles*, nec quicquam potius invenire excellentius,  
 lib. 10. *Eth. Nicom.* Ergo quod attinet ad senten-  
 tiam, à *Platone* non discrepat, sed dissentire vult  
 verbis: solet enim *Plato*, Dei contemplationem, spe-  
 ctaculum per se boni ac pulchri vocare, quod *Ari-  
 stoteles* sub *Idea* seu boni separati nomine tam ve-  
 hementer hic exagitat. Hæc *Laurellus*, qui ibidem  
 supervacaneum judicat, *Aristotelis* ratiocinia,  
 contra *Platonis* *Ideas* allata, solvere, quis, in-  
 quit, ludunt in ambiguo. Si quis tamen argumen-  
 ta *Aristotelis* refutata videre gestiat, adeat com-  
 mentarios accuratissimos *Audamari* *Tolæi* in

1. 1. *Eth. Nicom. Campanellam* in *Metaph. parti*  
 3. l. 13. *Scipionem Aguellum* in l. 1. de *Ideis*.

VII. Ex hisce omnibus satis constat, non  
 sine ratione, *Aristotelem*, falsitatis, dissimula-  
 tionis, ingratitudeinis, contra *Platonem*, Pro-  
 ceptorem suum, in impugnandis *Ideis*, accu-  
 tari; atque hoc tanto magis fidem invenit  
 apud meliores, quod idem à *Plutarcho* & *Laërtio*  
 (ut quantis Authoribus!) confirmatum re-  
 peritur. Verba *Plutarchi* sunt. *Ideas* *Plato-  
 nicas* *Aristoteles* ubique dictis incessans, in mora-  
 libus, in naturalibus commentariis, in iis, quæ  
 exoterice vocantur, disputationibus, visus est  
 quibusdam, majore contendendis quam sapientia  
 studio id fecisse, ut qui proposuisset Philosophiam  
*Platonis* contemnere, tantum abest, ut eam fuerit  
 secutus. Hæc *Plutarchus*. *Laërtius* in *Aristo-  
 telis* vita sic de eo scribit. *A* *Platone* adhuc vi-  
 vente defecit: itaque dixisse *Platonem* ferunt.  
*Aristoteles* nos calcaneo petit, ut pulli solent ma-  
 trem, ubi sunt in lucem editi. Et hæc *Laërtius*.

VIII. Qui *Aristotelem* hic excusant, ajunt  
 eum, non tam contra *Platonis* sententiam,  
 quam contra eam, quæ vulgo pro *Platonis*  
 haberetur: disputasse. Quicquid sit de hoc  
 negotio, sufficit nobis, jam ostendisse, *Plato-  
 nem* longe ab eo abfuisse, ut rerum omnium  
 universales quasdam *Ideas*, existentes extra  
 Deum, extra res singulares, docuerit, & quod  
 eas in Deo ipso ac solo constituerit, in quoli-  
 las reperiri sequens docebit *Disputatio*.

## Disputationum ex Philosophiâ selectarum

Voluminis Secundi,

### TRIGESIMA-SECUNDA.

## D E I D E I S.

### T H E S I S I.

Quid vox hæc, *Idea*, significet, disp. præ-  
 ced. explicatum est, & simul quam inju-  
 riam fecerit *Platoni* *Aristoteles*, dum  
 aliam hujus vocis notionem effingit, quam  
*Plato* assuerat. Nunc rem ipsam spectemus.  
 Ac primo videbimus: An sint in Deo *Ideæ*?

Deinde, quid sint? Utrouque multa sese  
 offerent abstrusa, sed quæ labore inda-  
 gandi ac contemplandi sua utilitate compen-  
 sabunt.

II. Dari *Ideas* in Deo, ratione naturali sciri  
 potest, & cognitum fuit à multis Ethnicorum.

Nos

Nos argumenta proferemus aliquot, quibus esse evincemus.

III. §. 1. Omne agens quod agit ex ratione, Barbari dicunt, rationabiliter, clarius, quod agit per intellectum, necesse est, ut illud apud se habeat rationes & formas rerum, quas efficiet & efficiendas cognoscit. Sed Deus est agens tale. Ergo. *Assumo*. Atqui hæ rationes & formæ rerum faciendarum, & quibus res faciendas Deus cognoscit, sunt nihil aliud, quam Idæ. Ergo illæ dantur in Deo: Profecto, hæc est differentia inter agens naturale & rationale, quod naturale agat, motum ab alio, & sic non indiget exemplari, per quod agat; at rationale agit motum à se, per rationem quam habet in se. Deus autem in producendo mundo est agens rationale, non naturale. Ergo, &c.

IV. §. 2. Mirabilis rerum omnium atque universi ordo & causarum series ac societas ostendit evidenter, quod creator illarum agat eam summa ratione & sapientia: ratio enim illa eminentissima ac sapientissima, & quæ omnia ordinat, se ipsam ignorare non potest: alioqui summa ratio foret irrationalis, nullam enim sui rationem haberet: Mundum autem, non casu, nec fortuito, nec temere, sed eminentissima ratione, extitisse, atque etiamnum consistere, perpetua membrorum ejus tam repugnantium conspiratio aperte declarat. Summa itaque ratio seipsam intelligit, & quia est rerum omnium ordinatrix, dum se ipsam intelligit, intelligit se, ut omnium rerum ordinatricem: sed intelligere seipsam ut rerum omnium ordinatricem, nihil est aliud, quam intelligere, quibus rationibus ipsa *Ratio* intelligens omnia efficiat, disponat, moderetur. Atqui hæ rationes in summa & sapientissima omnium *Ratione* sunt Idæ. Ergo, &c.

V. §. 3. Omnis virtus prius intra se ipsam suam generat prolem, quam extra se: sic vita vegetativa, tam in plantis quam animalibus, semen, quasi plantam & quasi animal, & si *Sensigero* credimus, plantam imperfectam & animal imperfectum, in proprio corpore prius producit, quam id faciat extra se, & vel plantam vel animal producat extra se: sic sensitiva vita in seipsa per phantasiam prius rei

simulachrum efformat, antequam in externa materia progeniem & effigiem sui producat: sic & rationalis vita, prius in se ipsa rei agende rationem concipit, antequam extra se ipsam rem efficiat palam.

VI. §. 4. De ratione Idæx sunt hæc tria, ut volunt *Scholastici*, 1. ut sit forma rei, præter ipsam rem, in agente existens. 2. ut res producta imitetur, referat, & exprimat illam. 3. ut agens intendat rem exprimere secundum Idæx similitudinem. At Deus operatur juxta tres has conditiones. Ergo operatur secundum Idæas. *Prob. minor*. Quia perfectissimus operandi modus debet Deo tribui: At talis est, qui juxta tres conditiones relatas procedit, quod patet in artificibus perfectissimis, qui semper sic operantur.

VII. §. 5. Qui per suam essentiam facit omnia, is in sua essentia continet omnia, & comprehendit omnia; alioquin, quæ faceret, non cognosceret. At Deus per essentiam facit omnia: quia Dei potentia non distinguitur ab ejus essentia. Ergo etiam omnia continet & comprehendit in sua essentia. Sed non continet nec comprehendit omnia in sua essentia, nisi contineat & comprehendat in illa omnium rerum Idæas: Nam ante res productas, non potest eas aliter concipere aut comprehendere, quam per idæas. Ergo, &c.

VIII. §. 6. Omnis forma cujusque effectus suo modo à causa comprehenditur: Nam, & omnis causa per aliquam agit formam, & omnis effectus ab aliqua forma proficiscitur, in qua comprehendatur, aut secundum esse naturale, aut secundum esse intelligibile. At Deus est causa omnium. Ergo comprehendit omnium rerum formas: non comprehendit autem eas secundum esse naturale, sed secundum esse intelligibile. Sed rerum formæ secundum esse intelligibile comprehendæ, sunt Idæx. Ergo, &c.

IX. §. 7. Quemadmodum se habet pura potentia, ita etiam se habet purus actus. At pura potentia est illa, in qua nullæ rerum formæ ante sui productionem existunt, qualis vulgo dicitur materia prima Peripateticorum. Ergo purus actus erit, in quo omnes rerum formæ ante sui productionem existunt. At

T t Deus

Deus est purus actus. Ergo, &c. Sed non existunt in Deo formæ rerum omnium ante sui productionem secundum esse reale: sic enim essent productæ antequam producerentur. Ergo secundum esse objectivum & intelligibile: at hoc est idem esse, cum esse rerum idealium, ut egregie demonstrat in sua *Metaphysica* Scotista Martinus Meurisse, cap. de Ideis. Ergo in Deo dantur Ideæ. Quod erat demonstrandum. Vid. subtiliter philosophantem de Ideis, Fitium Soloum in Exercit. *Metaph. lib. 2. tract. 6.* Hæc fuit idearum *negationis*, sequitur *aversio*.

X. §. 1. *Perfectius est agens, quod non eget exemplari, quam quod eget. At Deus est agens perfectissimum. Ergo non eget Ideis.* Resp. Si Deus indigeret inspicere exemplar extra se, esset agens imperfectum: sed Deus tali exemplari non eget: inspicit enim essentiam suam intra se, ut exemplar. Sed, essentiam suam inspicere ut exemplar, perfectio est, & non imperfectio est.

XI. §. 2. *Idea ponitur in Deo ut sit principium cognoscendi & operandi. Sed Dei essentia est sufficiens utriusque principium. Ergo non opus est Ideis.* Et, *Deus in seipso & per seipsum cognoscit omnia. Sed non cognoscit seipsum per Ideam. Ergo neque alia à se.* Resp. Ipsa essentia divina est idea & similitudo omnium rerum ut est cognita; & quamvis Deus per suam essentiam cognoscat se & alia, quia tamen essentia divina est principium operativum aliorum, & non sui, ideo dicitur aliorum Idea, & non sui.

XII. §. 3. *Quicquid fit, à suo simili fit. At Ideæ divine non sunt similes rebus Ideatis, ut loquuntur, id est, ad Ideam expressis. prob. minor. Quæ genere differunt, ea non sunt similia. Sed Ideæ & res ideatæ differunt genere: nam Ideæ sunt incorruptibiles & Ideatæ corruptibiles. Et potest hoc argumentum adhuc aliter institui. Idea dicit rationem similitudinis, & similitudo dicit rationem convenientiæ: Dei autem & creaturæ cum sit summa distantia, nulla est ibi convenientia; si nulla convenientia, nulla quoque est similitudo: si nulla similitudo, nulla quoque est Idea in Deo. Ergo, &c.* Resp. *Quicquid fit, à suo simili fit:* non est simpliciter verum: nam fallit hoc axioma, i. in causis æquivocis:

mus ex putri genitus non est similis Soli. 2. in causa remota: canis à cane & sole genitus, non est similis Soli. 3. in causis instrumentatibus: gladius cicatricem efficit: sed cicatrix non est similis gladio quoad speciem. Deinde similitudo est duplex: una univocationis seu participationis, quando duo conveniunt in uno conceptu univoco & communi, sicut Petrus & Paulus dicuntur similes, quia conveniunt in humanitate, quæ est communis illis, de quibus formamus unum conceptum communem & univocum, hæc similitudo non reperitur inter Deum & creaturam, quia ea, quæ dicuntur de Deo & creaturis, non dicuntur univoco: alia est similitudo expressionis seu representationis, quando unum distincte repræsentat & perfectissime exprimit aliud, sive conveniant in aliquo communi, sive non, uti species intelligibilis hominis est similitudo ejus; & hæc similitudo invenitur inter Deum & hominem: nam Deus dicitur similitudo creaturæ, quia idea, quæ est in Deo, imo, quæ est ipse Deus, exprimit & repræsentat creaturam ipsam perfectissime, & sic Idea dicitur similitudo rei cognitæ, quia est ratio cognoscendi rei. Unde ad argumentum resp. quod nulla fit similitudo inter Deum & creaturam, univocationis & participationis, concedo; representationis & expressionis, nego.

XIII. §. 4. *Relativum non præcedit absolutum. Sed Ideæ sunt entia relativa, quia sunt Ideati Ideæ, Ideatæ sunt entia absoluta. Ergo non possunt præcedere Ideæ Ideatæ. Ergo non sunt in Deo ante Ideatæ. At si non sint ante Ideatæ; ne in Deo sunt quidem, quia scientia Dei sic augetur, & produceretur à rebus extra Deum.* Resp. Ideæ duobus accipiuntur modis; vel pro imitatione atque expressione, vel pro re, quæ imitationi seu expressioni subjicitur priori modo, sunt quid relativum; secundo modo, sunt quid absolutum. Sed enim Deus spectatur, prout homo divinam essentiam suo modo imitatur & exprimit, Deus refertur idealiter ad hominem & ad eum se habet relative: At si consideratur, ut omnium in se continens idealiter & repræsentans per modum unius absolutissimi in seipso atque essentia

ita sua, est ens absolutum: sic ut idea in Deo  
sit aliquid relativum, ut refertur ad creatu-

ram; & aliquid absolutum, ut refertur ad  
Deum.

## Disputationum ex Philosophiâ selectarum,

*Voluminis Secundî,*

### TRIGESIMA-TERTIA.

# DE IDEIS.

## THESIS I.

**Q**uestionem, an sit, de Ideis, solvit *dis-*  
*precedens*, quæ, eas esse & dari in Deo,  
multis evicit rationibus: nunc questio,  
quid sint Ideæ, solvenda venit: hæc solvitur per  
definitionem, quæ est ratio quid sitatis, ratio  
essentie, *ratio quæ sitatis*, ratio ejus esse,  
quid est: *ut enim* Attice ponitur pro *id est*, id est,  
definitio est illa ratio, quam quis reddit, de  
aliqua re, rogatus, quid est illa res? Ergo &  
nos in definitionem aut qualemcumque saltem  
descriptionem Ideæ inquiremus. Ea non una,  
sed varia, à Scholasticis in *Mag. Sent. & Com-*  
*mentatoribus in Thomæ Aquinatis summam*,  
adferri solet. Non est nobis animus, omnes  
eorum definitiones in medium producere. Vi-  
detur nobis esse perfectissima, aut perfectissi-  
maz proxima hæc, quæ sequitur.

**II. Idea Dei, est forma substantifica, objecti**  
**menti, seu intellectui divini, intra ipsum exi-**  
**sens, ad quam adspiciens operatur.** Vel brevius.  
*Est similitudo rei in Deo, per quam res cognosci-*  
*tur, aut cognita producitur.* Nos utramque ex-  
plicabimus. Forma vel similitudo loco generis  
est, reliqua sunt loco differentie. Idea in Deo  
dicitur forma, & quidem vocabulo barbaro,  
sed tamen significanti, *Substantifica*, quia est ip-  
sa natura & essentia divina, in quantum à  
creaturis diversis diversa ratione est imitabilis:  
Dicitur porro *objecti intellectui*, ad excluden-  
dos actus & habitus ipsius intellectus, qui non  
habent rationem objecti: Idea autem obje-  
ctum est, quod intellectus contempletur: unde  
nec species intelligibilis, neque ars in men-  
te artificis, est Idea, quia non habent rationem  
objecti, sed tantum principii effectivæ; & ideo

solum verbum mentis, proprie Idea dicitur,  
quia habet rationem objecti, & est similitudo  
expressa rei. Tercio, dicitur in descriptione  
priori Ideæ, *intra ipsum intellectum existens di-*  
*vinum*, ad excludendum exemplar externum,  
ad quod agens artifex interdum respicit in  
suis operibus: Idea vero est exemplar inter-  
num ipsius intellectus; non tamen hinc sequi-  
tur, eam menti inhaerere, accidentis instar:  
sed satis est, quod ibi sit per modum objecti,  
quod sit ipsum objectum intellectus. Postre-  
mo additur, *ad quam Deus, universi artifex,*  
*aut opifex potius, respiciens operatur;* quibus  
verbis excluduntur formæ rerum natura-  
lium: nam licet agens naturale producat effe-  
ctum sibi simile, simile suæ formæ, v. c. ignis  
ignem, forma tamen ipsa naturalis non habet  
rationem Ideæ, quia agens naturale non ope-  
ratur, respiciendo ad illam: ideoque effectus  
causæ naturalis non habet Ideam sui in causâ  
proxima, sed in causâ remota tantum ac pri-  
ma: & hinc explicari potest hoc Philosopho-  
rum axioma, *Opus nature est opus intelligentie;*  
sc. quia res & effectus naturales imitantur I-  
deas, quas Deus habet in mente sua & con-  
templetur in productione rerum.

**III. Altera definitio Ideæ à nobis allata,**  
**dicebat, Ideam esse similitudinem rei, per quam**  
**res cognoscitur, aut cognita producitur.** Ex hac  
descriptione patet, esse quasdam Ideas, tantum  
cognoscendi, quales sunt possibilem, quæ  
nunquam fiunt, aut etiam impossibilem,  
quasdam esse cognoscendi & producendi sim-  
ul, quales sunt futurorum; unde rectissime  
doctissimus ait *Ametius* th. 23. c. 7. l. 1. *Me-*



dulle sue Theologicæ, quæ hoc nomen vere meretur. *Ideæ*, prout considerantur antecedentes decretum divine voluntatis, quid dicitur em verum representant & existentiam tantum possibilem: prout considerantur post determinationem divine voluntatis, representant easdem res, ut actu futuras, secundum actuale suam existentiam. Porro *Ideæ* rerum in Deo, dicitur similitudo, non invocationis aut participationis, sed representationis aut expressionis, uti illa distinctio disp. præced. est explicata: quatenus essentia Dei à se cognita representat & quasi exprimit ipsi Deo, omnes res faciendas, creaturas omnes.

IV. Dicit quispiam §. 1. *essentiam Dei à Deo cognitam non tantum esse Ideam creaturæ, sed & creaturam, præsertim rationalem, esse Ideam Dei: nam ut Ideæ, quæ est in Deo, ipsi representat & exprimit creaturam, ex qua representationis & expressione eam cognoscit, ita & per creaturam venimus in cognitionem Dei tantquam per imaginem ejus, præsertim per hominem.* Resp. Quamvis mutua quædam similitudo representans, seu, ut Scholastici malunt loqui, representativa, reperiatur inter Deum & hominem, quatenus unum est ratio cognoscendi alterum, Deus ratio cognoscendi Deum, alio tamen & plane diverso modo reperitur hæc similitudo representationis in Deo & in homine seu nobis. In homine seu nobis *Ideæ* est similitudo rei cognitæ, sic ut res ipsa sit veritas istius similitudinis, sic ut entitas rei cognitæ sit fundamentum similitudinis istius, sic ut *Ideæ* in nobis sit quasi species impressa: at in Deo est quasi species expressa, aut, ut rectius loquamur, est quasi species exprimens: in Deo *ideæ* est ipsa veritas rei, & in re ipsa tantum est similitudo: nam cum similitudo creaturæ, quæ est in Deo, sit ipsa essentia divina, potius vocatur veritas rei cognitæ, quam similitudo: tum, quia perfectior est creatura, quæ per ideam est in Deo, quam est ipsamet creatura in se, tum, quia creatura ad imitationem illius divinæ ideæ est facta & expressa, non contra. Cum ergo perfectio cognitionis consistat in eo, ut cognoscatur veritas rei potius quam similitudo, sequitur, ideam, quæ est in Deo,

esse perfectissimam rationem cognoscendi creaturam, quia perfectissime exprimit & representat illam, cum sit veritas creaturæ: creatura autem ipsa est similitudo veritatis ipsius, ita facta & vere facta, ut *ideæ* ejus in mente divina eam representavit.

V. Sed ut quam clarissime proponamus discrimen, inter ideam, existentes in Deo, & existentes in nobis, quæ tamen utrumque in utroque sunt principia cognoscendi rem, in tribus punctis est dissimilitudo: 1. In Deo datur una *ideæ*, quæ est similitudo omnium cognoscibilium, ipsa scilicet essentia divina: at in nobis aut homine non est una *ideæ*, quæ sit similitudo omnium cognoscibilium, quia *ideæ* in nobis aut homine non est nostra aut hominis essentia. 2. Intellectus divinus, in quo sunt *ideæ*, est purus aspectu respectu cognoscibilis, & cognoscibile est in potentia respectu intellectus divini: at contra, intellectus noster seu hominis est in potentia ad cognoscibile, & ipsum cognoscibile est actu. 3. Intellectus divinus non accipit *ideam* à rebus, nec informatur specie intelligibili: sed noster intellectus aut hominis contra accipit *ideam* à rebus, & informatur specie intelligibili. Et quamvis solem rarissime theses implere testimoniis aliorum, non possum tamen hinc omittere doctissimi iterum *Amsii* in veræ Theologiæ Medull. c. 7. l. 1. th. 15. 16. 17. verba. *Ideæ* in homine, inquit, quæ cognitionem acquirit per *Analysin*, colligitur ex rebus ipsis; atq; adeo res primo in semetipsis existunt, tum ad hominum sensum perveniunt, inde ad intellectum, ubi possunt *ideam* aliquam constituere ad operationem insequentem dirigendam. Sed quoniam Deus omnia intelligit per *Genesin*, & non requirit cognitionem rerum per *Analysin*, ideo omnia sunt prius in ejus mente, quam in semetipsis. In nobis res ipsa sunt exemplar, & cognitio nostra est imago: sed in Deo scientia divina est exemplar, & res ipse sunt imago vel similitudo ejus expressa. *Ideæ* in homine prius est impressa & postea exprimitur in rebus: sed in Deo est tantum exprimens, non impressa, quia non accedit aliunde.

VI. Dicit quis §. 2. *Ideas divinas nihil esse aliud, quam Creaturas, secundum proprium esse reale, à divino esse distinctum, ab æterno productas:*



*has: quod proprium earum esse, non fuit esse existentie, sed esse essentie. Quæ est opinio eorum, qui essentias rerum æternas, aut ab æterno esse, statuant. Resp. Falsum est, esse essentia rerum esse ab æterno productum: consequenter, falsum est, illud esse ideas. Prob. prius. Omne esse productum, est, esse participatum: omne esse participatum est creatum: sed nihil est creatum ab æterno: ergo nullum esse participatum est ab æterno: ergo nullum esse productum est ab æterno. Quod autem nihil creatum sit ab æterno, imo ne creari quidem potuerit ab æterno, id satis demonstratum est *disp. 19. v. v. select. disp.* Et, si creaturæ in Deo habeant esse essentie, distinctum ab essentia Dei, atque ab æterno, quatenus sunt ideæ divinz, intellectus Dei ab alio periceretur, quam à seipso in cognoscendo: nempe à creaturis, dum eas cognosceret in seipsis, ita autem cognosceret eas, cum illas cognosceret in proprio idearum esse, distincto ab esse divino. Sed hæc omnia sunt absurda. Quid? quod ex hac sententia sequatur, ab æterno aliquod esse essentie reale fuisse in Deo, quod non esset ipse Deus, contra receptum axioma: *Nihil est in Deo, quod non sit Deus*: quod quamvis crudum sit & durum, ne dicam, falsum, si extendatur*

ad relationes divinas & modos subsistendi, in abstracto (nam hæc identificantur quidem cum Deo, non sunt tamen formaliter seu in sensu formali idem quod Deus) attamen verissimum est, quando illud *est nihil*, negat omne ens reale aut omne esse essentie reale: Quin, ex hac opinione sequetur, Deum quavis re composita fore magis compositum: nam, si creaturæ habent esse proprium reale in Deo: à divino esse distinctum, in quo consistunt illarum ideæ, ergo, cum esse unius creaturæ, hujus vel illius, in se quidem sit indistinctum & indivisum, ab aliis tamen distinctum & divisum, in Deo tot erunt essentie, quot creaturæ; & sic Deus innumeras habebit essentias, quod simpliciter ejus everit, & impium est de Deo cogitare. Quare concludimus, *Ideas rerum in Deo, non esse ipsas creaturas, secundum esse essentie reale, ab æterno in essentia divina productas, sed sunt ipsa divina essentia simplicissima, prout à Deo intelligitur, & est imitabilis à diversis creaturis diverso modo, & in his per similitudinem exprimi ac representari possibilis.* Quod autem nullæ essentie rerum creaturarum sint ab æterno aut æternæ, alias, si Deus volet, demonstrabimus, in hoc *Disp. curriculo*: nunc Materiam de *Ideis* persequemur *Disp. proxima*.

## Disputationum ex Philosophiâ Selectarum,

*Voluminis Secundi,*

### TRIGESIMA-QUARTA.

## D E I D E I S.

### T H E S I S I.

**Q**uestiones, *An sint & quid sint Ideæ*, exposuerunt *disp.* duæ præcedentes, restat, ut inquiramus in numerum *Idearum*, *sunt in Deo Ideæ plures, an una*: de qua questione gravissima acriter disputant *Scholastici, Thomas Aquinas, 1. p. summe Theol. quest. 15 art. 2.* & omnes ad ipsum commentatores, inter alios prolixè *Franciscus Cumel ad illam quest. item Commentatores in Mag. Sent. Petr. Lomb. lib. 1. distinct. 36.* & hic inter alios, *Guilielmus*

*Durandus quest. 4.* Nos, omnis authoritatibus, rem ipsam explicabimus, rationibus confirmabimus, objectiones refutabimus.

II. Idea rerum omnium in Deo, est una & multiplex: una, si referatur ad Deum, in quo est; est enim ipsa ejus essentia, quæ est una ac simplicissima: multiplex est, si comparetur ad res omnes, quas exprimit & representat, respectu quarum non est una; sic enim eadem foret idea bovis, quæ hominis, quæ lapidis, &c.

T t 3

quod

quod est absurdum. Adferri hic potest simile ad rem illustrandam. Uti punctum respectu sui unum est, in comparatione tamen ad lineas, quæ ex eo ducuntur, multiplex; ut unitas in se spectata, respectu sui, est una, respectu numerorum, qui ex illa procedunt, multiplex; ita idea in Deo, in se una est, respectu eorum, quæ ab ea, ut exemplari, procedunt & egrediuntur, multiplex est. Hæc similitudo aliquo modo illustrat hoc negotium. Res ipsa sic se habet. Ideæ rerum omnium sunt ipsa divina essentia aut natura, una, unica, indivisibilis, ac simplicissima: hæc tamen, una, unica, indivisibilis, ac simplicissima essentia, rerum omnium ideas in se continet, quatenus, ut à diversis creaturis diversa imitatione imitabilis, & varia representatione ab omnibus representabilis, ab intellectu Dei cognoscitur, quæ diversitas, quæ varietas, quæ multitudo, est in rebus ideatis, seu ad ideam expressis, non in ipsa idea aut essentia Dei: itaque optime conspirat multitudo ideatorum, & si velis, idearum, prout referuntur ad ideata, cum unitate & simplicitate essentiae divinæ, ad quam relatæ, non sunt plures, sed una Idea; neque hæc pugnant. Ideæ sunt unum simplicissimum intellectum, in quantum sunt ipsa essentia Dei cognita: & sunt pariter plura intellecta, in quantum plura intelliguntur posse exprimi ad ideas illas: sc. ut verbo dicam. Quatenus omnia representat essentia divina, est omnium Idea & quasi multiplex; quatenus essentia Dei representans omnia, est simplicissima, indivisibilis, est una: est una, subjective: multiplex, objective ac terminative. Verum argumento uno atque altero rem confirmemus.

III. §. 1. Si idearum pluralitas repugnaret unitati ac simplicitati essentiae divinæ, ideo esset, quia sequi videretur, aliquam fore in Deo inaequalitatem, propter multitudinem: nam una idea contineret esse & vivere, ut idea plantæ: alia contineret, & esse, & vivere, & sentire, ut idea animalis: tertia contineret insuper & rationale, ut idea hominis. Resp. Hinc non sequi aliquam inaequalitatem in Deo, neque multitudinem ex parte essentiae divinæ, aut pluralitatem idearum, in quantum

sunt idem cum essentia divina, sed est tantum inaequalitas & multitudo quædam idearum ex parte ideatorum, seu rerum, quæ secundum ideas exprimuntur, i. e. objectorum, & est quædam earum pluralitas objective: nam, quia una creatura participat essentiam divinam, quoad esse & vivere, & sic eam exprimit, alia insuper, quoad sentire, & sic eam representat, alia adhuc amplius, quoad intelligere, & sic eam imitatur, hinc fit, ut essentia Dei dicatur, & essentia unius, & alterius, & tertii, & plantæ, & bruti, & hominis, quæ sunt plura, ad unam tamen ideam, essentiam divinam, quæ fuit ratio cognoscendi illa ac producendi, expressa: fere, quo modo speculum unum est & tamen representat multa: dico fere, quia omne simile est aliquo modo dissimile, præsertim instituta comparatione inter Deum & creaturas.

IV. §. 2. Quodcumque se tantum habet, ut objectum & terminus intellectionis, id, si multiplicetur, non statim multiplicat intellectum: neque objecta cognita inferunt compositionem in cognoscente. Sed ideæ sunt tantum objectum & terminus intellectionis divinæ. Ergo &c. Si ideæ forent principium intellectionis in Deo, iis multiplicatis sequeretur multiplicatio intellectus divini, & si multiplicaretur principium, quo Deus intelligit, esset in Deo compositio: nam repugnat unitati & simplicitati essentiae divinæ intelligere per plura principia: at v. ideæ non sunt principia intelligendi, sed objecta intellectionis, termini, ut quod, sicut loquuntur Scholastici, & si forent termini, ut quo, non forent principia intelligendi, sed rationes formales objectorum intelligendorum: & non repugnat essentiae divinæ unitati & simplicitati intelligere plura objecta. Videatur de hoc & præcedenti argumento *Aquinas 1. part. summe Theol. quæst. 15. art. 2. in corpore Responsionis*. Non potest clarius hæc res ob oculos poni quam similitudine ducta ab artifice creato: v. c. Sicuti artifex, qui concipit & contempletur ideam domus, unicum habet exemplar & indivisibile in suo intellectu, quod tamen simul representat domum & singulas partes ejus: unde, quando artifex ille concipit & contempletur illam ideam, ut est idea fenestæ,

*A*ter: sub illa ratione non est Idea columnæ, & quando concipitur sub Idea columnæ, non est Idea tecti, & sic porro: ita etiam divina essentia secundum suam naturam est unica forma & simplicissima idea omnium rerum, sed quatenus concipitur, ut imitabilis ab homine, est idea hominis, & quatenus concipitur, ut imitabilis ab alia re, est idea alterius rei, & sic porro. Nonnulli similitudinem sumunt à misericordia Dei, quæ, in se est una & simplex, in ordine ad miseria multiplex: unde & misericordias Dei imploramus. Alii similitudinem deducunt ab anima, quæ una sit quoad essentiam, multiplex quoad potentias, ob respectum ad diversa objecta. Sed, quæ nos attolimus, sufficiunt rei intelligendæ. Hæc est veræ sententiæ *παρισχῶν*, sequitur *διασχῶν*.

V. §. 1. *Ubi sunt plures formæ & immutabiles & æternæ rerum, ibi sunt plures ideæ. Sed in Deo sunt &c. Ergo &c.* Resp. Ex jam dictis. Ideæ considerantur, vel secundum quod sunt in se, & sic secundum rem est una tantum idea, essentia scilicet Dei, vel secundum id ad quod referuntur, & sic sunt plures: quemadmodum plures figuræ sunt respectu rerum figuratarum in sigillo, quod tamen in se est unum, ita plures ideæ sunt unum exemplar vel una idea. Usus tamen loquendi obtinuit hodie, ut plurium creaturarum plura exemplaria aut plures dicantur ideæ. Notetur hoc bene, quod vox idea, quamvis significet rem absolutam, essentiam nempe divinam, semper tamen connotet respectum ad creaturas, &c, quia isti respectus sunt plures, ideæ dicuntur plures, & sic ponuntur in Deo ideæ plures respectu connotatorum. Verum connotata dupliciter spectantur: uno modo, secundum esse proprium, quatenus sunt, alio modo, quatenus sunt connotata. Primo modo, connotata dicuntur esse habere in tempore, quia connotata sunt creaturæ, quæ habent esse in tempore: secundo modo connotata possunt dici, quæ connotantur & ab æterno, & in tempore: nam quando respectus connotationis importatur in habitu, tunc connotata dicuntur ab æterno connotari, ut Prædestinatio significat actum divinum, connotando effectum in prædestinato, non in actu, sed in habitu, & potentia

futurum, & ideo dicitur prædestinatio æterna. Temporaliter vero dicuntur connotata, quando respectus ille seu connotatio importatur in actu, ut Creare, non dicitur de Deo, ut significet aliquid, quod ab æterno fuit in Deo, sed aliquid connotat, quod in tempore à Deo proficiscitur & eum denominat. Clarius loquar in re obscura. Res per ideam representatæ & ab iis connotatæ, quatenus sunt, habent esse in tempore, quatenus sunt representatæ & connotatæ, sunt ab æterno: nam hæc duo non pugnant: connotatio & representatio rei est ab æterno, & tamen res connotata & representata est in tempore: sicut prædestinatio est ab æterno, & prædestinatus, quem connotat prædestinatio, est in tempore: ita & idea æterna connotat ab æterno respectum ad creaturas futuras, quæ tamen non sunt æternæ, sed temporales & in tempore: sic & idea & respectus ideæ ad rem ideatam seu connotatio ejus, sunt ab æterno, res ipsa connotata, in tempore: repræsentatio rerum per ideam in Deo, est ab æterno: res, quæ ab æterno repræsentatur, est in tempore. Ergo, ut hæc omnia applicem: Quia idea in Deo connotat respectum ad creaturas, quatenus futuræ sunt, & quia multæ futuræ, ideo multi sunt respectus, & multæ connotationes ab æterno, & sic ideæ denominant Deum ab æterno: sed tamen ipsæ creaturæ connotatæ, non sunt ab æterno, verum in tempore. Et hinc quoque solvi potest hoc argumentum: Si ideæ sunt plures propter res quas connotant, illæ res connotatæ, vel sunt æternæ, vel temporariæ. Neutrum dici potest: Ergo &c.

V1. §. 2. *Quæcumque sunt similia uni tertio, sunt similia inter se: Sed omnia creata sunt similia uni tertio, sc. uni ideæ. Ergo &c. Conclusio est falsa, ergo vel major quoque aut minor. Major est axioma. Minor ex concessione.* Resp. Duplex est similitudo, una, quæ habet proprium genus, altera, quæ non habet; sed extra omne est genus. Prior similitudo non potest esse una plurium, genere diversorum & plane dissimilium: & de ista similitudine vera est major. *Quæcumque sunt similia uni tertio, tanquam generi, sunt similia inter se quoad illud tertium:* verum est, quia illa similitudo cauatur à genere: sic species intelligibilis animalis est similitudo plu-

plurium in isto genere, *animali*, convenientium, hominis & bruti; sed non est similitudo plurium, genere differentium, ut colorum & arborum, quia accepta tantum est à natura animalis, ideo tantum repræsentat animalia: est enim similitudo, quæ habet proprium genus. Sed est & similitudo, quæ non habet proprium genus, sed extra omne est genus, neque est accepta à rebus ipsis; hæc repræsentare potest plura genere differentia, quia non est limitata ad hoc vel illud genus; & de hac similitudine falsum est, Quæ sunt similia uni tertio, sunt similia inter se. Idea vero divina, ut distinctionem applicem ad minorem, est similitudo extra omne genus, & non accepta à rebus, ideoque optime potest esse una secundum rem, & tamen esse similitudo rerum, quam maxime differentium & genere dissimilium: nempe sicut una lux Solis exprimit multas & varias species colorum, ita una idea exprimit multa ideata. Quare major non est universaliter vera, Quæ sunt eadem unitertio, sunt eadem inter se.

VII. §. 3. Si Idea in Deo est una similitudo, aut est una communis, aut est una propria: si una propria, ergo per ipsam nunquam plura cognoscuntur: si una communis, ergo nunquam per ipsam res cognoscuntur distincte. Resp. Idea in Deo, aliquo modo est communis, aliquo modo propria: communis est, in quantum repræsentat omnia: propria est, in quantum repræsentat unamquamque rem secundum omnes circumstantias singulares ac proprias ipsius rei in re exprimendas: sicut essentia divina ita est in uno loco, ut simul sit in pluribus, sic Idea divina repræsentat ita unum distincte, ut simul etiam repræsentet omnia alia distincte:

hinc solvitur sequens objectio.

VIII. §. 4. Si Idea sit una, ergo Deus non cognoscit res distincte, sed indistincte. Posterius est absurdum. Ergo & prius. Resp. Ratio cognoscendi omnia in Deo est una, & simplex, & nullo modo distincta, quia Deus uno & indistincto aspectu, non vero distinctis aspectibus, cognoscit omnia: at eadem simplex, una, indistincta, id est, nullis vicibus distinctis repetita, cognitio, ratione objectorum multiplex est, & distincta, quia plura objecta distinctissime repræsentat, & Deus ea distinctissime cognoscit. Uno verbo. Illa Phrasis (*Deus cognoscit omnia distincte*) si distinctio ponatur in cognitione per comparisonem ad cognoscentem, quasi is distincti: vicibus utatur cognoscendi, talia est: si per comparisonem ad res cognitæ, vera est.

IX. §. 5. Idea, aut dicit aliquid, aut nihil: nihil, nec pluralitatem habet, nec unitatem: si aliquid, ergo, si sunt plures Idæ, sunt plures res, & sic forent plures res ab æterno: at non plures res personaliter, ergo essentialiter, quod est impossibile. Resp. 1. est ambiguitas in voce, *res*. Res sumitur, vel pro re actu existente, vel pro re possibili. Idæ sunt plures, ergo plures res actu existentes, nego: possibles, concedo. Neque est absurdum dicere, quod sunt plures res ab æterno possibles, & sic Idæ dicuntur plures res possibles quia ad rationem idæ non requiritur, ut res actu sit, seu satis est, ut Ideatum sit in potentia, & sic dicatur habere Ideam. 2. Responderi potest, esse fallaciam, à dicto secundum quid ad dictum simpliciter: sicuti non valet; Sunt plures res possibles, Ergo sunt plures res; ita non valet, Sunt plures Idæ, id est, res cognitæ, Ergo sunt plures res.

## Disputationum ex Philosophiâ selectarum,

Voluminis Secundi,

### TRIGESIMA-QUINTA.

## D E I D E I S.

### T H E S I S I.

V Idimus disp. ante habitis, An sint Idæ in Deo? Quid sint? Sint ne plures, an una? Atque ad postremum quaesitum, respondimus, Ideam esse unam in Deo, in quantum est

est ipsa essentia divina, una, unica, & simplicissima; & esse ideas plures, respectu rerum plurium, quas Deus videt, contemplando essentiam suam, ut Ideam earum, extra se exprimi posse. Atque hinc oritur pulchrum dubium: *An igitur geminum sit objectum intellectui divini, unum primum, alterum secundarium, illud, essentia divina cognita simpliciter, hoc, eandem cognita ut idea à rebus imitabilis & exprimi possibilis?*

II. Hoc ut solvamus, & de rebus divinis digne loquamur, dicimus, actu & formaliter non esse in divino intellectu duo objecta, unum primum, alterum secundarium. Quod probatur, primo ex parte intelligentis Dei, secundo ex parte rei intellectæ. Quod primum spectat, constat, intellectum Dei non transire de intellectione in intellectionem, sed, quæcunque intelligit, intelligere unico incommutabili intuitu: alioquin scientia ejus esset variabilis, quod refutavimus in primo *Disp. select. Volumine*. At si intellectus divinus, duo objecta, formaliter saltem distincta, unum primum, alterum secundarium, essentiam suam simpliciter, eandem ut Ideam, intelligeret, tum non unice ac simpliciter, simul & semel, eam intueretur; nam non videtur posse idem objectum, ut absolutum, simul & relatum, cognosci. Sed, divisos cognoscendi actus Deo tribuere, impium est. Quod secundum spectat, notum est, divinam essentiam plus esse eandem cum suis Ideis, quam egomet sum idem mihi ipsi: tum, quia supremam entitatem actualem ac formalem cum Ideis suis habet, qua major excogitari nequit: tum quia est actu una Idea, essentia sua simplicissime intellecta; ergo, quemadmodum fieri nequit, ut ego videam me ipsum nisi videam me; ita fieri non potest, ut Deus videat suam essentiam, nisi videat suas Ideas. Atque hoc pacto, intuitus divini intellectus in suam essentiam simpliciter, quatenus objectum primum, & in eam ut Ideam, quatenus objectum secundarium, formaliter divinis actibus non terminatur, sed se tantum, & nihil aliud à se, vel primarie, vel secundarie, intuens, unitive, & supereminenter, ac plusquam æquipollenter, omnia cognoscit.

III. Sed & aliud hic emergit dubium? *quomodo essentia divina sit Idea creaturarum?* Dupliciter enim hoc potest intelligi: vel, quod sit Idea, prout est imitabilis à creatura, vel, quod sit Idea, quatenus intelligitur ac concipitur ut imitabilis à creatura. Et quamvis ista duo non ita accurate in *Disp. præmissis* distinxerimus, multum tamen inter se differunt. Nam Idea in primo sensu est prior secundum rationem quam Idea in secundo sensu; quia enim essentia Dei est imitabilis à creatura, ideo eam Deus cognoscit ut imitabilem à creatura.

IV. Nota primo, dici, rem aliquam esse dupliciter in intellectu, vel subjective, id est, ipsi inhaerendo, ut species intelligibilis, habitus, & actus intelligendi, vel objective, in quantum cognoscitur ab intellectu, & res illa terminat actum intelligendi; sic homo dicitur objective in intellectu, dum intelligitur, uti color est objective in visu, dum videtur: hic autem posterior modus essendi in intellectu, non ponit aliquid in re cognita, nisi quod denominetur cognita, ab intellectu, quæ denominatio est extrinseca. Quamvis autem duplex hic modus essendi in intellectu rarissime conjungatur, imo videatur pugnare, non enim, quod objective est in intellectu, idem & subjective est, alioquin, homo, leo, animal, cum intelliguntur, inhaerent intellectui, nihil tamen prohibet, aliquando ista duo conjungi in unum, licet maneat inter ea distinctio rationis: etenim, cum intellectus reflexe intelligit suum primum actum intelligendi, tum talis actus est subjective in intellectu, cum illi inhaereat, & idem est objective in intellectu, quia per alterum actum cognoscitur. Nunc porro, cum Idea sit forma existens in intellectu divino, aut utroque, aut uno ex hiis modis, debet in eo existere.

V. Nota secundo, rationem completam Ideæ ex tribus perfici: primo dicit quid absolutum, in quo scilicet consistit similitudo & imitatio effectus; secundo dicit relationem quandam ad id, cujus est Idea & similitudo: tertio dicit relationem ad agens intelligibile, quod per Ideam operatur: non enim Idea per se existens causat, sed est ratio per quam agens intelligibile causat aliud: hoc tertium facile

V u

patet



patet in quovis exemplari, quo pictores utuntur.

VI. Ex dictis *theſi* 5. facile patet, essentiam divinam, ex hoc tantum, quod sit principalis extra se, nondum habere rationem completam Ideæ, quoad omnia, sed eam tantum possidere, quoad absolutum: at cum obicitur intellectui divino, ut multis participabilis, tum intelligitur habere ordinem, & ad Dei intellectum operantem, & ad creaturas à divino intellectu operabiles: & sic habet completam rationem ideæ, quia, ut dictum est *disp. præced.* divina essentia, ut est species intelligibilis in intellectu divino existens principiumque cognoscendi, non habet rationem ideæ, sed ut est objectum cognitum à Deo: *Est igitur essentia Dei idea creaturarum, quatenus intelligitur & concipitur ut imitabilis & participabilis à creaturis ad extra; ac cum hæc cognitio sit reflexa, simul & obiectiva & subiectiva est in intellectu divino.* Notandum autem est, quod secundum nostrum intelligendi modum, Deus prius intelligat suam essentiam divinam simpliciter secundum se ipsam, deinde intelligat ipsam multipliciter esse communicabilem extra se, & ex tali cognitione ideas formet, ac postea per illas ideas, creaturas in se ipsis, secundum esse illarum cognoscat, ut producendas suo tempore: & hinc insurgit relatio rationis ipsius essentiae divinæ ad creaturas, in qua ratio ideæ completur.

VII. Hæc sententia à Scholasticis, qui eam tenent, multis probatur rationibus: nos, qui nunquam numero argumentorum, ut illi & qui eos hodie hinc sequuntur, sed pondere certamus ac robore, ex magno numero unam fecernemus atque alteram. 1. De ratione exemplaris formativi rei mediante agente per intellectum, est esse in mente. Sed idea rerum in Deo est exemplar formativum rei. Ergo de ratione ejus est, quod sit in mente Dei. Sed sic est cognita ab intellectu divino. Ergo divina essentia, ut cognita obiective, habet rationem ideæ. 2. Quamvis divina essentia prius, secundum momenta naturæ & instantia rationis, sit imitabilis, quam objecta divino intellectui, non tamen est prius imitabilis

exemplariter, quam sit objecta divino intellectui. Ergo ut objecta divino intellectui habet rationem ideæ, quia de ratione exemplaris est, esse objectum propositum intellectui. Hæc fere ratio eadem est cum hæc. Etiam si divina essentia esset imitabilis, si tamen Deus non ageret per intellectum, non esset exemplariter imitabilis. Ergo nisi cognoscat ut exemplariter imitabilis, non habet rationem ideæ; Concludimus ergo, quod essentia divina, cognita à Deo, ut exemplar representativum & imitabile à creaturis, habeat rationem ideæ.

VIII. *Obiect.* 1. Idea in intellectu divino est ratio cognoscendi & operandi creaturæ. Sed hoc non convenit illi, in quantum est forma obiective existens in intellectu. Ergo est ideam, non convenit divinæ essentiae, prout intelligitur imitabilis. *Prob. min.* Nam non cognoscitur res per similitudinem, quæ est directum objectum intellectus, nisi præsupposita alia cognitione ejusdem rei: nam vidento imaginem Pauli non cognoscitur Paulus, nisi sciamus, imaginem illam esse Pauli, idquod supponit aliam cognitionem Pauli; Sed Deus cognoscit creaturam per ideam, non supposita alia cognitione creaturæ. Ergo essentia divinæ non convenit, quod sit idea, in quantum est cognita, ut imitabilis.

IX. *Resp. Negando minorem, & ad probationem d. cendo,* tum demum non cognoscitur rem, per similitudinem, nisi ipsa res alia cognitione prius cognoscat, quando forma objecta intellectui tantum est exemplar, ut patet in imagine aëliata Pauli; sed aliter se res habet, si forma objecta intellectui non tantum sit exemplar, sed & causa rei representatæ, representans eminenter universam effecti perfectionem, distincte ac perfecte: atqui sic habet essentia divina, quæ non solum representat se divino intellectui, ut est exemplar, sed & ut est causa rei representatæ, & tunc non requiritur alia prævia rei cognitio, sed sufficit ipsa cognitio divinæ essentiae cognita, & ut exemplar, & ut causa creaturæ.

X. *Obj.* 2. Similando, per quam cognoscitur res, est ratio cognoscendi, non cognita obiective. Sed idea importat rationem cogn-



gnoscenti, imo est ipsa ratio cognoscendi. Ergo idea non est, ut habet esse objectivum in intellectu. Ergo non convenit essentiae divinae, quod sit idea ut cognita ab intellectu divino tanquam imitabilis à creaturis.

XI. *Resp. Negando majorem.* Quia datur similitudo, quae sit ratio cognoscendi, non cognita, ut species intelligibilis: datur etiam ratio cognoscendi, ut cognita, scilicet verbum mentis: & forma haec non solum est ratio, per quam cognoscitur, sed etiam in qua cognoscitur. Atqui hoc modo se habet essentia Dei, quae est idea non ut species intelligibilis & principium intelligendi, sed ut verbum mentis & terminus intellectiois, uti hoc *disp. praed.* fuit expositum. Et sane, idea est similitudo rei cognitae: sed species intelligibilis non est formaliter similitudo, verum causali-

ter & efficienter, quia causat verbum mentale: sed ipsum verbum mentis est similitudo expressa rei. Ergo hoc est. Et cum idea sit terminus intelligendi, adeoque ipsum objectum intellectum, species non sit terminus sed principium quo intellectiois: intellectus enim actualis specie intelligibili, producit verbum mentis, quod est terminus ipsius cognitionis: palam est, non speciem intelligibilem sed verbum mentis esse ideam in Deo. De hoc argumento fuisse dissertit *Agnellus lib. 2. de Ideis cap. 7.*

XII. Pro Cornoide, ex hisce jam dissertatis, si idea creaturarum sit essentia Dei cognita ut imitabilis, patet, ideas non esse in Deo, ipsis creaturas, secundum esse diminutum, quod tribuitur *Scoto*, aut secundum esse objectivum, quod tribuitur *Durando*.

## Disputationum ex Philosophiâ selectarum,

*Voluminis Secundi,*

### TRIGESIMA-SEXTA.

## D E I D E I S.

### THESES I.

**D**E *Ideis earumque natura* sic fatis actum videtur *disp. ante habitis*, reliquum est, ut videamus, *quarum rerum sint Ideae in Deo?* Quod sane non ita facile est explicatu: neque ut intelligatur facilius, distinctio quaedam est praemittenda hujus vocis *Idea*: Sumitur enim, vel pro ratione cognoscendi tantum, vel pro ratione cognoscendi & operandi simul: priori modo pertinet ad cognitionem speculativam, & proprie dicitur verbum mentis posteriori modo pertinet ad cognitionem practicam, & proprie dicitur exemplar. Hac distinctione praemissa, Quæstio hæc, *An Deus omnium, quæ cognoscit, habeat ideam?* non difficulter solvitur, quæ eadem est cum altera statim posita. Nos totum negotium aliquot attentionibus decedemus.

II. §. 1. *Deus in se habet ideas omnium possibilem, quæ nunquam erunt, prout idea signi-*

*ficat rationem cognoscendi tantum. Prob.* Quia Deus cognoscit omnes perfectiones, quas posset, si vellet, extra se producere, nunquam tamen produxit aut producat: Quemadmodum defensio Christi contra hostes suos per duodecim legiones Angelorum nunquam instituta fuit, neque futura nunc erit; & tamen fuit cognita à Deo: ergo ejus idea erat in Deo. Consequenter, rerum possibilem constituendæ sunt ideæ in Deo. Pari modo novit, se ex lapidibus posse excitare filios Abrahamæ, quod tamen nunquam fecit neque facere voluit. Ita & cognovit perpetuum obedientiam illam, quam à primis parentibus exegit, quæ possibilem erat, non tamen actu fuit continuata; habuerunt enim posse, quod vellent, sed non velle, quod poterant. Cognovit itidem alium atque alium mundum, quos posset producere, si vellet, ex hypothesi, quod plures mundi sint possi-

Qu 2

possi-

possibile, hoc enim à nonnullis hodie negatur, non quod illud repugnet ex parte Dei, quasi ejus potentia unius mundi creatione sit exhausta, aut quod aliquid derogetur hic omnipotentiae divinae, sed quia implicat repugnantiam ex parte mundi alterius creandi, ubi enim corderetur, cum hic praesens omne spatium occupaverit, & extra eum nihil sit, in quo collocari valeat, nisi eum quis locet in sede Beatorum & throno Majestatis divinae, ubi omnia sunt plena Dei, & sancti Angeli inclamant, Sanctus, Sanctus, Sanctus, Jehova Sebaorh.

III. §. 2. *In Deo est idea omnium bonorum & omnium entium procedentium ab ipso Deo, prout idea significat exemplar rei faciendae, & rationem operandi. Prob.* Quia Deus est author omnis bonitatis & omnis entitatis, ergo omnis boni & entis idea est in Deo: atque hæc est idea futurorum. *Conseq. Prob.* Quia quicquid à Deo producit, hoc producit secundum similitudinem, quam habet in ipso. Sed omne bonum & omne ens à Deo producit. Ergo &c. Sed hæc similitudo omnis boni & entis in Deo, est idea boni & entis. Ergo.

IV. §. 3. *Quamvis Deus cognoscat mala culpæ seu peccata omnia omnium hominum, ea tamen nullam sui habent ideam in Deo, prout idea significat exemplar rei faciendae & rationem operandi. 1. Deus cognoscit peccata universorum hominum.* Alioquin non posset esse justus iudex: nemo enim recte judicare valet de iis quæ ignorat. Et, qui novit rationem attingendi scopum, novit etiam rationem deficiendi à scopo. Sed Deus novit perfectissime rationem in creaturis perveniendi ad seipsum ut scopum, qui est summa rectitudo & bonitas. Ergo etiam novit rationem in creaturis deficiendi à se ut scopo, à summa sui rectitudine & bonitate; qui recessus & deviatio, est, iniquitas, malitia, peccatum. 2. *Deus non cognoscit peccata, per proprias ideas illorum:* quia neque falsitas, neque malum, ut sic, habet ideam propriam in Deo. *Prob.* Idea impræsentiarum est exemplar imitabile: Sed divina essentia, nec falsitatis, nec mali, nec peccatorum, est exemplar imitabile. Ergo. *Prob. minor.* Quia idea est hic ratio faciendi aliquid: cum ergo

Deus falsitatem, malum, aut peccatum, facere nequeat, neque illorum quoque est idea in Deo. Quod probatur adhuc fortius. Idea in Deo est essentia ejus cognita ut imitabilis à creaturis, i. e. in quantum res sunt assimilabiles Deo: Sed falsitas & malitia non sunt assimilabiles Deo. Ergo, &c. Contra, omne verum & bonum est assimilabile Deo: ideoque utriusque datur idea in Deo. Adhæc, essentia Dei non est simpliciter idea aut exemplar, sed & causa ideati, ut in diss. præced. fuit ostensum. Sed Deus non est causa illius falsitatis aut malitiae. Ergo. *Quæritur* hic: *Quomodo ergo Deus cognoscat malum?* Resp. per bonum, seu ideam, seu speciem boni. *Prob.* Quicunque perfecte cognoscit bonum, cognoscit quoque malum. Sed Deus perfecte cognoscit bonum. Ergo. *Prob. maj.* Quicunque perfecte cognoscit aliud, etiam cognoscit distinctionem & differentiam ejus ab alio. Sed prima ratio distinctionis consistit in affirmatione & negatione, ut scilicet aliquid cognoscatur esse hoc & non esse illud: ergo malum etiam cognoscitur à Deo, quia est negatio & privatio boni: nam si unumquodque distincte cognoscitur, cum apprehenditur, prout ejus natura est à quovis alio distincta, aut Deus non cognoscit perfecte bonum, aut cognoscit ut distinctum à malo, & sic consequenter cognoscit malum, per bonum & ideam ac speciem boni. Sed ultimus quærent hic Scholastici. *An Deus cognoscat malum per speciem boni, non cuiuscunque, sed tantum ejus, quod privatur, ita ut, si Deus non cognosceret aliud bonum à se, nullo modo esset cogniturus malum secundum speciem rationum mali:* quoniam privatio non cognoscitur nisi per habitum oppositum: sed privatio & habitus sunt oppositi, circa idem subiectum: Dei autem essentia non potest esse subiectum privationis. Ergo, si non esset aliud bonum cogniturum à Deo, non essentia Dei ut idea omnis boni, nullo loco cognoscitur malum à Deo. Resp. Deus, per hoc, quod cognoscit suam essentiam infinitam, tanquam quæ continet infinitum pelagus sue bonitatis, cognoscit omne malum, etiam secundum rationem specialem mali. *Prob.* Cum divina essentia sit bonitas infinita, atque adeo hæc sit de conceptu formali illius, sequi-

sequitur, omnem rationem bonitatis perfectissime in ea reperiri: ergo & reperitur in illa ratio illa, quæ malum cognoscitur ex opposito bono: quia hæc ratio cognoscendi malum aliquo modo pertinet ad perfectissimam rationem cognoscendi bonum, quia tum perfectissime cognoscitur bonum, cum cognoscitur, in quantum dissidet à malo, & in quantum malum dissidet ab ipso: At sic cognoscitur ipsum malum. *Hinc sic pergo.* Malum cognoscitur per bonum oppositum. Sed malum opponitur bono divino perfectissime cognito à Deo, & secundum rationem communem mali, & secundum rationes speciales mali: quia sicut Deus est causa communis omnium, in quantum omnia imitantur Deum, & pariter est causa specialis cujuslibet entis in particulari, quatenus diversa entia diversimode ipsi, ut ideæ omnium & singulorum, assimilari possunt: sic omnia mala opponuntur Deo, oppositione communi, in quantum ab ejus bonitate & rectitudine discedunt, & præterea opponuntur eidem bonitati & rectitudini, speciali oppositione, in quantum ab ea diversimode deficiunt & discordant. Ergo, &c.

V. §. 4. *An etiam imperfecta entia cognoscantur à Deo per propriam aliquam ideam, anque per ideam oppositorum? ut materia per ideam formæ, potentia per ideam actus, multitudine per ideam unitatis, cæcitas per ideam visus?* Resp. Imperfectiones, quæ reperiuntur in rebus creatis sunt duæ generum: quædam sunt defectus naturæ & privationes alicujus perfectionis debite inesse, ut cæcitas: quædam vero sunt naturales conditiones rerum, quæ non important privationem alicujus perfectionis debite, sed negationem solum alicujus perfectionis non debite, ut esse materiale, esse potentiam, esse multum, esse finitum, participatum, &c. In Deo non est idea imperfectionum aut entium imperfectorum primi generis; ideoque, nec cæcitatibus, nec cæci, ut sic, formaliter loquendo, habet ideam, quia istæ imperfectiones proveniunt ex defectu naturæ particularis, & non ex virtute ejus activæ aut perfectione ipsius Dei, neque ullo modo ei assimilari possunt. Imperfectionum

aut entium imperfectorum secundi generis Deus non habet ideam, si istæ imperfectiones considerentur formaliter, quatenus habent rationem imperfectionis, i. e. quatenus sunt negationes majoris perfectionis, quia negatio ut sic non habet aliquod exemplar, ad quod producatur, cum produci nequeat: attamen entia illa vera & realia, quæ isti imperfectioni subternuntur, quantum ad entitatem suam, non vero imperfectionem, habent ideam sui propriam in Deo, quæ cognoscuntur, quia habent aliquam veritatem, quæ vere assimilantur Deo, & imitantur atque exprimunt suo modo Deum, in quo continentur, non quidem formaliter, sed eminenter, quatenus à virtute activæ Dei & perfectione ejus produci valent, & de facto aliquando producuntur ac producantur. *Prob. I*dea in Deo dicit assimilationem ideati ad Deum, quæ assimilatio est, non univocationis, sed representationis & expressionis, non sub eodem genere, sed extra genus, ut ante fuit explicatum in *disp. præced.* Cum autem Deus sit ens & ens verum, atque entia materialia, potentialia, multa, &c. sint entia & entia vera, etiam vera, assimilantur Deo, & Deum imitantur, atque exprimaunt. Ergo datur eorum vera ac propria idea in Deo, quod erat demonstrandum.

VI. §. 5. *An Deus habet ideam accidentium distinctam ab idea subjecti?* Resp. Propria accidentia non habent in Deo ideam distinctam ab idea subjecti; accidentia communia, quæ superveniunt subjecto jam completo, habent distinctam ideam ab idea subjecti, quoad productionem; utraque habent distinctam ideam ab idea subjecti, quoad cognitionem. *Prob. pars prima.* Quia idea est forma exemplaris rei producibilis: ergo, sicut se res habet ad produci, ita se habet ad ideam, juxta quam producitur. Sed accidentia propria non producuntur in suo esse distincta productione à productione subjecti. Ergo neque habent ideam distinctam ab idea subjecti. Consequenter, & subjecti, & propriorum accidentium, una est communis idea, ad ejus exemplar subjectum producitur cum suis proprietatibus. Quemadmodum artifex habet

unam ideam domus & omnium accidentium concomitantium eam, ita & Deus unam habet ideam, & subjecti, & propriorum, quæ comitantur illud. *Secunda pars assertionis posita probatur eodem fere modo.* Unaquæque res ita se habet ad sui ideam, uti se habet ad sui productionem: Sed accidentia communia quæ adveniunt rei jam completæ, non producantur eadem productione, qua produciuntur res ipsæ: nam ex eo, quod aliquis est homo, non sequitur, quod idem sit sapiens aut Theologus: sed alia actione fit homo, alia sapiens; sicut domus alia actione fit domus, alia dealbatur. Ergo alia est idea in Deo respectu subjecti, scilicet hominis, alia respectu sapientie

ipsius, sicut in mente artificis, alia est idea domus, & alia alboris. *Tertia pars assertionis sic patet*, quia, quodcumque accidens distincte cognoscitur, & consideratur à Deo secundum propriam ipsius rationem, habet ideam ipsius propriam Deus; idea enim est ratio cognoscendi omnia secundum propriam rationem uniuscujusque. Præterea, cum unumquodque accidens habeat aliquam propriam actualitatem, quam addit subjecto, etiam ejus ideam propriam oportet ut habeat Deus, cui ut rerum omnium idæ, pro idearum contemplatione à nobis instituta, sit gratiarum actio sempiterna. Amen.

## Disputationum ex Philosophiâ selectarum,

*Voluminis Secundi,*

### TRIGESIMA-SEPTIMA.

## DE ESSENTIIS RERUM ÆTERNIS.

#### THESES I.

**Q**uia nihil fere frequentius est legere, quam *Essentias rerum creaturarum esse æternas*, & de hac questione inter se contendunt acriter Scholastici Veteres, *Albinus Magnus, Henricus Gandavensis, Thomas Aquinas, Iohannes Duns Scotus*, & Recentiores, *Franciscus Suarez tom. 2. Metaph. disp. 3. Gabriel Vasques in 1. part. Thom. disp. 70. & 104. Martinus Meurisse in Metaph. lib. 1. quest. 15. imprimis Franciscus Cotel in 1. p. Th. quest. 10. art. 3. aliquo*, operæ pretium visum fuit explorare, quid hic sit sentiendum, & quali modo loquendum. Controversiæ status est, *Utrum essentia rerum sint ab æterno: non solum in Deo, sed etiam extra Deum?* quod idem est, ac si quæras, *An rerum quidditates, antequam à Deo in tempore producerentur, habuerint aliquod esse in se & secundum se?* Atque idem quæritur à Logicis, sub aliis verbis: *Utrum hæc enunciabilia complexa, homo est animal, equus est himmibilis, rosa est flos, sint æternæ veritatis, ita ut aliquid reale respondeat illis*

*ab æterno extra intellectum?* Quæstio sane est ardua, quam antequam decidamus, distinctiones quædam sunt præmittendæ, ut certa ab incertis distinguantur.

II. §. 1. Essentia rerum spectantur, vel secundum esse reale, quod habent in se, vel secundum esse objectivum, virtuale, possibile, intelligibile, ideale, volubile, quod habent in Deo. Alii sic dicunt, Essentia rerum tribus modis habent esse, vel in intellectu divino, vel in suis causis, vel in seipsis extra suas causas. Essentia rerum possunt dici æternæ, secundum esse objectivum, in genere, quatenus ab æterno fuerunt objectum, virtutis & potentia, intellectus & idæ, ac voluntatis divinæ: esse enim virtuale creaturarum æternum, nihil est aliud, quam esse, suæ causæ, ipsius scilicet Dei, ut habentis ab æterno virtutem producendi eas in tempore: similiter illis tribuitur esse possibile æternum, quia ab æterno fuerunt in potentia objectiva & activa Dei, cui fuerunt objectæ, & per quam ad actum sunt tra-

traductæ in tempore, & ex statu possibilitatis æternæ translata in statum actualitatis temporariæ: sunt quoque æternæ secundum esse intelligibile atque ideale, quatenus ab æterno sunt cognitæ à Deo, ut possibiles & futuræ in tempore, & quatenus ab æterno contemplando essentiam suam Deus vidit, quomodo esset imitabilis à creaturis in tempore: denique sunt æternæ secundum esse volibile, quatenus ab æterno voluit eas producere in tempore. Ad alteram distinctionem quod attinet: In intellectu divino rerum essentia fuerunt per ideas ab æterno, antequam mundum creaverit, sicut res artificiosæ sunt in mente artificis, antequam producantur: in suis causis res dicuntur esse, quatenus sunt in illarum potentia activa, quemadmodum rosa est in virtute activa Solis; sic rerum essentia, antequam fuerunt in tempore creatæ, fuerunt in potentia activa Dei ab æterno: in seipsis extra causas suas dicuntur essentia rerum esse, quando jam actu producantur à Deo, aut potius, quando sunt productæ: sic nullæ essentia ullarum rerum sunt æternæ.

III. §. 2. Tripliciter accipitur  $\pi$  esse: vel pro esse essentia, quo sensu definitio dicitur explicare  $\pi$  esse, i. e. essentiam rei definitæ, vel pro esse existentia, quo sensu dicitur generatio, transitus à non esse ad esse rei, vel pro veritate propositionis, in quantum  $\pi$  est, significat connexionem duorum extremorum subiecti & prædicati; quo sensu dicimus, Homo est animal, est rationalis, est risibilis, est doctus, est probus, &c. Hic notandum venit, quod actualis existentia subiecti non requiratur ad veritatem propositionis, in qua  $\pi$  est, tertii est adiecti, secus quam cum secundi est adiecti: Et hoc sic probatur. Si existentia subiecti requiratur ad veritatem propositionis de  $\pi$  est tertii adiecti, sequitur, nihil esse scibile nisi quando existit; quia nihil est scibile nisi verum. Sed consequens est falsum, quia multa scibilia sunt, & sciuntur de rebus non existentibus, ut, de rosa tempore hyberno scitur, quod sit flos, de Homero nunc non existente, quod sit Poëta, &c. Ergo, &c.

IV. §. 3. Esse existentia duo facit respectu esse essentia. Primum, quod constituat esse

essentia in actu, quod ante erat in potentia; sicuti homo, antequam existat, est in potentia Dei, & habet esse potentiale non actuale, quod quidem esse potentiale extra Deum nihil est, sed est in Deo ipsa potentia Dei potentis producere hominem: secundum, quod facit esse existentia respectu esse essentia, est, quod faciat, essentiam rei esse, ens creatum, aut potius essentiam entis creati; nam antequam existit, est ens creabile & non creatum, aut potius est entis creabilis & non creati; creatio enim terminatur ad essentiam rei sub existentia.

V. §. 4. T<sup>3</sup> reale, quando enunciatur, de essentia, esse, aut ente, dupliciter accipitur: vel, prout distinguitur contra  $\pi$  fictitium, aut quod ab intellectu & ratione esse fabricatum, quo sensu ens fictitium, ut chimæra, & rationis, ut genus, opponitur enti reali: vel prout distinguitur contra  $\pi$  non existens, quo sensu reale idem est quod revera existens. Essentia rerum possunt dici reales, priori modo, quatenus non sunt fictæ ab intellectu aut factæ à ratione: sed non possunt dici reales, sensu posteriori, quasi semper existant; sic enim forent æternæ & coæternæ Deo, quod est absurdum. Sed quætionem ipsam decidamus & latius exponamus.

VI. §. 1. *Essentia rerum, extra divinam intellectum, extra Dei potentiam activam, extra illud esse objectivum quod habent in Deo, in se & secundum se, non sunt æternæ, nec habent aliquod esse reale ab æterno, ne quidem diminutum, extra Deum.* Probatur 1. Si rerum essentia sint æternæ secundum aliquod esse extra Deum, dabuntur universalis in essendo, & idem, vulgo, sed falso adscriptæ Platoni, ut in disp. de Ideis est ostensum, rerum & essentiarum separatarum à singularibus, ab æterno, quæ non senescant, nec intendant, nec corrumpantur, quia sunt abstractæ à conditionibus materialibus singularium. Sed, constituere naturas universales separatas à singularibus, contra omnem sanam est rationem: ubi enim hæc ab æterno extra Deum delituerunt? ubi essentia istæ æternæ moratz sunt extra Deum? non in aliquo Mundi angulo, quia mundus ab æterno non fuit, & ante creationem ejus nihil fuit præter



præter Deum. Ergo extra Deum ab æterno essentia rerum esse non potuerunt. 2. Si essentia rerum sunt æternæ extra Deum, etiam talis erit essentia hominis: Sed essentia hominis est ejus materia & forma, corpus & anima rationalis. Atqui hæc non sunt æterna: repugnat enim esse æternum, & extra Deum produci ac creari, uti id disp. 16. in vol. primo selectarum disp. est ostensum. 3. Si rerum essentia habent esse ab æterno extra Deum, aut sunt productæ à Deo in illo esse, aut non sunt. Si non, sequetur, aliquid esse ab æterno extra Deum, quod nullo modo dependeat à Deo: quia, quod non est productum à Deo, id nullo modo dependet ab eo. Si ab æterno sunt extra Deum productæ à Deo, ergo habebunt existentiam ab æterno, quia omnis actio Dei productis aliquid, terminatur ad existentiam singularem ipsius. Et sic, non solum essentia rerum erunt æternæ, quoad esse essentia, sed & quoad esse existentia, quod est absurdum. 4. Si rerum essentia sunt ab æterno extra Deum, sequitur, Deum non posse aliquid creare: quia creare est producere totum ens, ut ens est, ex nihilo. Sed si essentia rerum sint æternæ, ex hypothesi Adversariorum, divinæ creationi semper supponitur & præstruitur essentia & quidditas rei creandæ, quæ cum sit principalior entitas ejus, res creanda non producetur ex nihilo. 5. Si essentia hominis est ab æterno extra Deum, aut est aliquid aut nihil. Si nihil, non potest dici æterna, quia æternitas, est affectio entis realis. Si aliquid, jam æternum esse non est proprium Dei. Hoc est absurdum. Ergo & illud. 6. Si rerum essentia sint ab æterno, maxime propter veritatem harum propositionum id esset, quæ dicuntur perpetuæ veritatis, imo æternæ veritatis; ut sunt, Homo est animal rationale, Homo est risibilis, Quodlibet est vel non est, &c. Sed ob hanc causam non est necesse, essentias rerum esse æternas, nam nihilominus hæc propositiones erunt veræ, quia non pendunt ab existentia rerum: imo, etsi Deus annihilaret essentias rerum, adhuc propositiones illæ essent veræ, quia dicunt tantum connexionem necessariam prædicati cum subiecto. Quod negotium ut intelligatur, assertionem ponimus secundam.

VII. §. 2. Propositiones aliquæ dicuntur esse veritatis perpetuæ & æternæ, non quia connexiones prædicati cum subiecto in illis habent esse ab æterno extra Deum, sed quia prædicatum concipitur in ratione subiecti, i. e. quia subiectum, nec potest esse, nec intelligi, sine prædicato illius propositionis, aut etiam prædicatum, non potest esse nec intelligi sine subiecto illius enunciationis. Hic vero accurate est notandum, differentiam quandam esse inter propositiones perpetuæ & æternæ veritatis; nam quædam sunt veræ veritate intrinseca, sc. quando prædicatum est de intrinseca ratione subiecti, & non potest intelligi subiectum sine prædicato, aut vice versa, quando subiectum est de intrinseca ratione prædicati, nec potest prædicatum intelligi sine subiecto: ut hæc, Homo est animal rationale, & hæc, Homo est risibilis, utraque est vera ab æterno, non tantum, quia invenitur in intellectu æterno Dei, sed etiam utraque est vera ab intrinseco; quia in una, prædicatum est de intrinseca ratione subiecti; in altera, subiectum est de intrinseca ratione prædicati, & dicunt mutuum & necessariam habitudinem ad se invicem & ex natura rei & ex natura terminorum: aliæ vero sunt propositiones perpetuæ veritatis ab intrinseco, sc. quia ab æterno sunt cognitæ & prædeterminatæ à Deo, ut propositiones futurorum contingentium, sicut hæc, Antichristus erit, est vera ab æterno, non quidem veritate intrinseca, quia prædicatum non est de ratione intrinseca subiecti, sed contingenter convenit subiecto, est tamen vera ab æterno, quia Deus ab æterno prædesinivit, Antichristum fore: & sic illa semper fuit vera in mente Dei æterna. Nostra in præfens assertio intelligenda est de propositionibus, non posterioribus, sed prioribus, quæ sunt veræ veritate intrinseca, & quæ sunt veritatis æternæ, non tamen, quia connexiones partium in illis habeant esse ab æterno extra Deum: 1. quia nullo homine existente, ante sæcula condita, hæc erat vera, Homo est animal rationale, sed ab eo, quod res est vel non est, propositio dicitur vera vel falsa: ergo si ante mundum factum nulla res erat, nulla quoque erat propositio, vocalis, aut scripta, sed tantum mentalis in in.



ff  
o-  
ab  
i.  
i.  
m  
re  
e-  
ca-  
on  
o,  
n-  
ca-  
est  
ra-  
in-  
am  
na,  
di;  
one  
am  
i &  
po-  
ic.  
mi-  
con-  
est  
vin-  
in-  
enit  
Deus  
e: &  
eter-  
da est  
sed  
seca,  
men,  
nt ef-  
o ho-  
hac  
ab eo,  
icatur  
Etum  
sitio,  
alis in  
in-

v  
t  
ju  
P  
a  
n  
la  
+  
q  
su  
lis  
er  
le  
in  
co  
dic  
dic  
sed  
fit  
hic  
con  
tern

DI

P  
v  
su  
fionem  
*Absolu*  
cretum  
respectu  
tia Dei  
quæ eff

intellectu Dei. Ergo neque illa extra Deum erat vera, *Homo est animal rationale*. 2. An-  
tequam Deus mundum constitueret, neque  
erant quatuor, neque tria, ergo non erant  
septem. Ergo non est perpetuae aut aeternae  
veritatis extra Deum, *Quatuor & tria sunt  
septem*. 3. Quod rerum essentiae non sint ae-  
ternae, quia connexiones praedicati cum sub-  
jecto sunt aeternae extra intellectum Dei, sic  
probat. Connexio est connexorum. Sed  
ab aeterno nulla exstant extrema, quae con-  
necterentur. Ergo ab aeterno non potuit il-  
la esse connexio extremorum extra Deum.  
4. Ista connexio praedicati cum subiecto,  
quando dicitur, *Homo est animal rationale*;  
aut erat realis, aut intellectualis: non rea-  
lis, quia tunc nihil erat extra Deum. Ergo  
erat intellectualis: sed tunc nullus erat intel-  
lectus, nisi divinus, qui ab aeterno non solum  
intelligebat, hominem esse rationalem, sed &  
contingentia omnia. Ergo propositiones non  
dicuntur aeternae veritatis, quia connexio pra-  
edicati cum subiecto sit ab aeterno extra Deum:  
sed sufficit, quod alterum de alterius ratione  
sit intrinseca, formali, & essentiali. Unum  
hic obijci potest, quod solvi meretur. Aut  
connexio extremorum in propositionibus ae-  
ternae veritatis, erat ab aeterno, à parte rei, aut

in intellectu tantum divino: non à parte rei,  
quia nihil potest esse aeternum extra Deum:  
non in intellectu divino, quia eadem ratione om-  
nes propositiones de futura contingenti sunt  
aeternae veritatis, quia sunt in intellectu Dei  
aeterno. Resp. Propositio necessaria, aeternae  
veritatis, qualis est illa, *Homo est animal rat-  
onale*, dicitur habitudinem necessariam & intrin-  
secam ex natura extremorum, ubicunque re-  
peritur, sive in intellectu Dei, sive in intelle-  
ctu Angeli, sive in intellectu hominis, hoc  
enim illi est accidentale: Et ratio est, quia pra-  
dicatum illius concipitur ex natura rei in ra-  
tione & conceptu essentiali ipsius subiecti, ita  
ut subiectum, nec esse possit, nec intelligi, si-  
ne praedicato; nam praedicatum est de essentia  
subiecti: & hoc ita est, quia ita esse ab aeterno  
voluit Deus. Sed propositio de futuro contin-  
genti, non habet ab intrinseco, quod sit aet-  
ernae veritatis, sed tantum ab extrinseco, ex eo  
quod est in intellectu divino, ut est haec, *Antichristus erit*, quia praedicatum hic non est de  
essentia subiecti; nec existentia esse potest de  
essentia ullius rei creatae, nec Deus unquam  
voluit, existentiam creaturae esse de essentia  
ejus, sed contra ab aeterno voluit, hoc praedi-  
catum, *erit*, contingenter dici de Antichristo.  
Caetera argumenta in conflictu solvemus.

## Disputationum ex Philosophiâ selectarum,

*Voluminis Secundi,*

### TRIGESIMA-OCTAVA.

## DE POTENTIA DEI ORDINATA ET ABSOL.

### T H E S I S I.

Potentiam in Deo esse, & quidem acti-  
vam, & infinitam, *disp. 22. select. vol. 1.* satis  
superque est probatum, nunc ejus divi-  
sionem, in *Ordinatam* seu *Ordinariam*, &  
*Absolutam* seu *Extraordinariam*, explicare de-  
ceterum est: quae divisio intelligenda est, non  
respectu Dei, sed rationis nostrae: nam poten-  
tia Dei est ipsa essentia Dei secundum rem;  
quae essentia, ut est unica & simplicissima, sic

& potentia ejus est unica, & secundum rem  
simplicissima, quae tamen, pro diversa consi-  
deratione, nunc ordinata dicitur, nunc abso-  
luta: quemadmodum unica & simplicissima  
Dei scientia, dividitur in simplicis intelligen-  
tiae & visionis, & voluntas, in voluntatem ef-  
ficentem & permittentem, propter inad-  
quatos unius ejusdemque rei conceptus no-  
stros.

XX

II. Po.

II. *Potentia Dei ordinata* dicitur, quæ sequitur leges à voluntate Dei positas, vel quæ accommodata est, & quasi debita, exsequendæ legi ab ipso Deo institutæ. *Potentia Dei absoluta* dicitur, quæ non est adstricta ad istum ordinem, in natura, aut in supernaturalibus, secundum scripturas, positum; vel, quia Deus potest facere omne id, quod contradictionem non implicat. Ordo autem iste, secundum quem agit Deus per potentiam ordinatam, & præter ac supra quem agit per potentiam absolutam, intelligitur secundum externam executionem, revelatam, & significatam, sive per leges naturæ, in prima rerum & mundi creatione fixas, sive, per revelationem scripturæ, aut aliam quamcunque supernaturalem, manifestatam. Lex divina est, *Iob. 3. Nisi quis renatus fuerit ex aqua & spiritu, non potest ingredi regnum celorum.* Quem igitur Deus regenerat per aquam & spiritum, & per regenerationem ex aqua & spiritu salvum facit, eum salvum facit per potentiam suam *Ordinatam*. Sic & in rebus naturalibus, cum Deus, post effusum semen in utero matris, cum virtute plastica concurrat ad formanda membra, membris sufficienter formatis animam à se creatam infundit, infundendo unit, id omne agit per *Potentiam suam Ordinatam*.

III. *Potentia Dei absoluta* dupliciter potest accipi. 1. *Exclusive*, sive ut opponitur potentie ordinatæ, & sic nihil est aliud, quam potentia Dei, quatenus soluta est omni lege, seu prout nulli communi ordini divino in rebus instituto est quasi adstricta, & suo modo debita. Per potentiam Dei hoc modo sumtam creatus est mundus, perque eum factum est, ut Sol steterit tempore iotæ; unde, quod per potentiam Dei fit ordinatam, id non potest dici fieri de potentia Dei absoluta, hoc modo sumta. 2. *Absolute sive in sua latitudine*, ut potentiam ordinatam sub se comprehendit, quo pacto nos statim eam accipimus, cum diximus, per potentiam absolutam Deum facere posse, quicquid fieri contradictionem non implicat.

IV. Distinctionem potentie, in ordinatam & absolutam, priori modo sumtam, existimo esse eandem cum illa qua in ordinariam

& extraordinariam distinguitur, ita ut idem sint, potentia ordinaria & ordinata, extraordinaria & absoluta, priori modo sumta; quo sensu eisdem utrasque fecimus, *th. 2. Dissentit hic à nobis Fonseca, l. 9. Met. c. 2. l. 1. Ejus ratio hæc est. Si potentia ordinaria & ordinata essent plane idem, sequeretur, omnes effectus, qui cadunt sub potentiam ordinatam, etiam cadere sub potentiam ordinariam. Atqui hoc est absurdum, quia fetus quidam animalium monstruosi cadunt sub potentiam Dei ordinatam, ordines enim in rebus institutus admittit, imo & poscit, ut aliæ causæ aliquando alias impediunt, & sic monstra generentur: eandem tamen monstrum non cadunt sub potentiam Dei ordinariam, quia sunt effectus extraordinarii. Atqui absurdum est, effectus extraordinarios contineri sub potentia Dei ordinaria. R. Monstruosi partus, quos adducit Fonseca, sunt extraordinarii, respectu potentie naturæ particularis, non sunt tales, respectu potentie Dei & naturæ universalis; & sic continentur sub potentia Dei ordinaria. Absurdum quidem est, effectum dici extraordinarium, respectu potentie Dei, & contineri sub potentia ejus ordinaria. At non est absurdum, effectum dici extraordinarium respectu potentie naturæ particularis, & tamen contineri sub potentia Dei ordinaria. Juxta posteriorem acceptionem potentie absolute, distinctio potentie divinæ in ordinatam & absolutam non est eadem cum distinctione in ordinariam & extraordinariam, quia potentia Dei absoluta hoc modo sumta & ordinariam & extraordinariam includit. Cæterum, per *Potentiam Dei absolutam*, idem nos intelligimus, quod per vocem *omn. potentie*, de qua paulo plenius est agendum.*

V. *Omnipotentia*, ut ex voce patet, est talis potentia, qua quis omnia potest: Et, cum Deus dicitur *Omnipotens*, significatur, ipsum omnia posse. Cum autem potentia dicat respectum ad possibile, quodcumque enim aliquis dicitur posse, necesse est, ut illud, quod posse dicitur, possibile sit, omnipotentia sese extendit ad omne possibile, sc. cum Deus dicitur omnipotens, sensus est, Deum posse omnia, quæ sunt possibilia.

VI. *Possibile* dicitur dupliciter. 1. *Cum appposito*,

*posse*, sc. quod sit possibile huic vel illi, ut quod aliquid sit possibile creaturæ vel Deo. Non potest dici, Deum esse omnipotentem, quia possit omnia, quæ sunt possibilia creaturæ, nam potentia Dei ad longe plura sese extendit: neque potest dici, Deum esse omnipotentem, quia possit omnia, quæ suæ potentia sunt possibilia, tum, quia sic circulus committeretur in declaranda natura omnipotentia, tum, quia & creatura posset dici omnipotens, nam & illa posset omnia, quæ suæ potentia sunt possibilia. Non ergo consistit ratio omnipotentia in eo, quod aliquis possit omne possibile cum appposito. 2. dicitur possibile absolute, sc. illud, cujus termini nullam important repugnantiam, sive, quod non implicat contradictionem, vel, ut habet *Arist. 9. Met. c. 3. quo posito in actu, nullum sequitur impossibile*. Sicuti, *hominem sedere*, possibile est, quia horum terminorum, *homo, & sedens*, unus alteri non contradicit; &, si homo actu sedeat, nihil absurdi inde sequitur: &, hoc modo sumptum possibile, respicit omnipotentiam, diciturque omnipotens, qui potest omnia, quæ absolute & simpliciter sunt possibilia, i. e. quæ non implicat contradictionem.

VII. Est & alia ambiguitas in hac voce, *possibile*. Vel enim opponitur tantum impossibile, & comprehendit etiam id quod est necessarium, vocaturque à *Scholasticis possibile altum*, & hoc modo possibile dicitur, quicquid in suo esse ulla involvit contradictionem: vel non tantum opponitur impossibile sed & necessario, quosensu possibilia sunt, quæ possunt esse & non esse. Dum dicimus, Deum per omnipotentiam posse, id omne, quod non implicat contradictionem, seu quod est possibile absolute, intelligendum id est, de possibili in sensu posteriori; nempe, id cadit sub omnipotentiam, quod est possibile, ita ut non sit necessarium, quia, possibile non necessarium, & id, quo est possibile fieri, sunt unum & idem. Quicquid enim est possibile, ut non sit necessarium, id potest esse & non esse, & hoc ipso potest fieri: & quicquid fieri potest, hoc ipso potest esse & non esse. Quare Deus ipse non est objectum suæ omnipotentia, quia Deus ita est ut non esse non possit, ideoque, nec à

seipso, nec ab alio fieri potest, & omnipotentia tribuitur Deo, quatenus potest omnia alia à se distincta. Sed nec sub objecto comprehenduntur omnipotentia divinæ, quæ important passionem in ipso; quia caret potentia passiva: sic Deus non potest mori, &c. Nam mori est pati. Ex hiis omnibus facile est refutari impia *Plinii* verba lib. 2. *Hist. nat. c. 7. Imperfecte in homine naturæ præcipua sunt solatia, ne Deum quidem omnia posse: non, neque sibi mortem consciscere potest, si velit, quod homini dedit in tantis vitæ malis, nec mortales eternitate donare, aut in vitam revocare defunctos, aut facere, ut, qui vixit, non vixerit, qui honores gessit, non gesserit, nec ullum habere in præterita jus, nisi oblivionis, atque (ut faceret quoque argumentis societis cum Deo copulatur) ut his dena viginti non sint*. Hæc *Plinius*. Resp. Deum non posse, mortales facere immortales, aut defunctos in vitam revocare, falsissimum est. Quod vero Deus non possit mortem sibi consciscere, nec valeat facere, ut, qui vixit non vixerit, qui honores gessit non gesserit, ut his dena non sint viginti, ea non potest, quia non sunt possibilia: nam contradictionem implicant, ideoque sub objecto omnipotentia divinæ non continentur: neque, ea non posse, vel tantillum derogat ei: de quavis enim potentia judicandum est ex suo objecto, estque illa potentia perfecta, in qua respectu sui objecti adequati nullum est reperire defectum. Quemadmodum ergo nihil derogat visui, quod non possit percipere, vel odorem, vel saporem, neque recte inferitur, hominem carere visu, quod nequeat videre odorem aut saporem, quia odor & sapor non sunt objectum visus, sic nihil derogat potentia divinæ, quod mori non possit, nec licet inferre, *Deus non est omnipotens*, quia non potest ea facere, quæ contradictionem inferunt, quia talia sub objecto potentia divinæ non comprehenduntur. Atque hæc serio observanda sunt contra *Conradum Vorstium*, quia *traët. de Deo & attributis Dei*, p. 290. non veretur statuere, potentiam Dei non esse prorsus infinitam, eo, quod non extendatur ad impossibilia. Certe, si ad impossibilia extenderetur, ne potentia quidem esset, quia, sicut scientia non dicitur nisi res-

specu scibilibum, sic potentia non dicitur nisi ratione possibilium, Et, si impossibilia sub aliquam caderent potentiam, hoc ipso non essent impossibilia.

VIII. Obijciat quis, *Deus non potest ambulare, edere, bibere, informare materiam. Ergo non potest omnia, quæ fieri possunt, & contradictionem non implicant. Conseq. prob. quia ambulare, edere, bibere, informare materiam, fieri possunt, neque contradictionem implicant.* Resp. Consequens intelligi potest dupliciter. 1. Ut verbum (*posse*) latissime accipiat, & quamlibet potentiam, etiam passivam denotet, sicut accipitur, cum dicitur, *quam posse calefieri*, & hoc modo non sumitur, cum Deus dicitur omnipotens & omnia posse: hoc sensu concedimus, Deum non posse omnia, quæ fieri possunt sc. ab homine, & quæ contradictionem non implicant a parte causæ secundæ, ut ambulare, &c. quæ tamen, quia potentiam connotant passivam, à Deo fieri nequeunt, & ex parte causæ primæ contradictionem implicant, si tribuatur ei, ista facere, quia in Deum potentia passiva non cadit. 2. Ut verbum (*posse*) importet potentiam mere activam, exclusa omni passione, & hoc

modo negatur consequentia, quia posse ambulare, edere, bibere, &c. important potentiam passivam in iis, quæ denominant, & à quibus efficiuntur: sunt enim quidam motus: sed id, quod movetur, patitur, & aliquid in se recipit: est enim motus actus entis in potentia qua potentia. Informare materiam, licet non sit actus potentie passivæ, non tamen etiam est actus potentie activæ, quia est actus formæ, qua talis, & competit causæ formali, quatenus formalis est: Atqui causa formalis, ut sic, non agit; alioqui causa formalis, qua talis, esset causa efficiens, & causarum genera confunderentur, quæ tamen ita sunt distincta, ut una, qua talis, alterius causalitatem supplere nequeat. Unde, licet ambulare, edere, bibere, informare materiam, sint possibilia, respectu sc. causarum secundarum, tamen Deum ambulare, edere, bibere, informare materiam, Deo sunt impossibilia, quia Deus pati non potest, nec ullius compositi fieri pars componens & causa interna, ut quidem forma facit, cum materiam informat. Sed hæc omnia cum Dei perfectione repugnant. Quare manet omnipotens, licet illa non possit.

## Disputationum ex Philosophiâ selectarum,

*Voluminis Secundi,*

### TRIGESIMA-NONA. DE POTENTIA DEI ORDINATA ET ABSOLUTA.

#### T H E S I S I.

**D**Eo adscripsimus *Potentiam disp. præced.* in se quidem unam ac simplicissimam, respectu tamen intellectus nostri, tum finiti, tum in intelligendo imbecillis, divinsam, in *ordinatam* & *absolutam*: utramque definivimus, & ab *objecto* suo exposuimus, quod fecimus *possibile*, & variis modis distinximus: ei opponitur *impossibile*, quod ipsum suas quoque habet distinctiones, quas in medium proferemus, antequam questiones varias de Dei potentia proponamus. Possibile, vulgo vo-

cant *objectum* omnipotentie divinæ positivum Scholastici, & impossibile, negativum.

II. §. 1. *Impossibile* sic dicitur, *vel ex defectu potentie agentis*, quod licet in se fieri possit, attamen propter imperfectionem & finitatem potentie produci nequit, *vel ex defectu objecti*, quod in se & ex intrinseca sua ratione tale est, ut dicat repugnantiam ad esse, & sic fieri non possit. Priori modo nihil Deo est impossibile, non enim ideo hoc vel illud impos-

pos-



possibile est, quia in Dei potentia defectus fit ad producendum illud, sed solum posteriori, quia in illo, quod impossibile dicitur, est repugnantia ad esse, ut produci nequeat ratione sui, atque ex defectu sui, quia esse non potest, & si illa repugnantia non esset in eo, potentia quoque divina firma & valens esset ad producendum illud.

III. §. 2. *Impossibile est aliquid, vel secundum potentiam creatam*, quod à creatura non potest produci, propter finitatem potentiae, quae est in ea, qua ratione impossibile est, ut res creetur ex nihilo, ut virgo pariat, &c. *vel in ordine ad potentiam simpliciter*, quod à nulla potentia, & sic ne à divina quidem, actuari potest, quia in se dicit repugnantiam ad esse. Sed hæc distinctio verbis tantum à priori differt, uti & illa, qua distinguitur inter *impossibile naturæ* & *impossibile naturæ*: illud est, quod usitatum naturæ cursum superat, ut, solem stare, ignem non urere, &c. hoc, quod rei naturæ & definitioni repugnat, ac contradictionem implicat: Intelligitur hic utrobique impossibile posterioris ordinis.

IV. §. 3. *Impossibile dicitur aliquid, vel in se a ratione sui, vel ratione intellectus creati, judicantis, illud esse impossibile*: prius revera est impossibile; posterius non est tale nisi priori respondeat: neque enim illud statim est impossibile, quod intellectus noster impossibile judicat. 1. Quia intellectus noster non est mensura mensurans impossibile, sive non est ratio, cur aliquid dicatur impossibile: non enim, quia intellectus cognoscit impossibile, est tale, sed, quia impossibile esse præsupponitur, ita ab illo cognoscitur: sicut contra, res dicitur possibilis, non ideo, quia eam intellectus possibilem judicat, sed quia alias extra intellectum possibilis erat in se: intellectus enim noster in cognitione dependet ab objecto cognito & mensuratur ab eo, non contra objectum dependet aut mensuratur ab intellectu. 2. Sicut intellectus sæpe errat in cognitione possibilem & entium, ut illa falso cognoscat, cur etiam non possit errare in cognitione non entium & impossibilem, & illud dicere impossibile, quod in se est possibile. 3. Sicut ratio non potest cognoscere infinitam

Dei essentiam, ita nec infinitam ejus potentiam quidditative scilicet & adequate; consequenter, nequit etiam cognoscere multa à Deo producibilia, quæ nobis videntur improducibilia. 4. Si dicamus, ea non posse Deum, quæ non apprehendit cum possit intellectus noster, etsi non involvant contradictionem actum erit, de summis nostræ religionis capitibus. Quid enim difficilius est nostro intellectui quam apprehendere, Sacrosanctæ Trinitatis in essentiae unitate, duarum naturarum Christi in unitate personæ, Mysterium? quid ægrius aut mirabilius ipsi, quam Deum esse passum? & tamen hæc sunt dogmata fidei nostræ, quæ hac de causa, quod cum intellectus judicio non congruant, ut impossibilia & contradictoria, hæretici ac pagani rejiciunt. Nunc quæstiones quasdam circa potentiam Dei ordinatam & absolutam discutiamus.

V. In Deo esse potentiam, & illam quidem infinitam, seu omnipotentiam, assertum est *vol. 1. disp. select. 22.* Quæritur, 1. *An demonstrari illa possit ratione naturali?* Atq. & prob. §. 1. Omnis potentia activa, est secundum modum & actum formæ substantialis, à qua procedit, sicut ignis habet potentiam ad calefaciendum pro ratione caloris à quo procedit calefactio, & quo res est calidior: eo majorem habet potentiam calefaciendi. Sed divina essentia, à qua procedit potentia agendi, est infinita. Ergo & virtus, quæ fundatur in hac essentia, debet esse infinita. Valet itaque argumentum. Forma, per quam Deus agit, est infinita, Ergo & ejus potentia est infinita. Conseq. prob. Quia in omnibus agentibus videmus, quod, quanto agens perfectius habet esse & perfectiorem formam, tanto major sit ejus virtus in agendo: unde, si agens haberet calorem infinitum intensiive, haberet etiam vim calefaciendi infinitam. Ergo cum formæ, per quam Deus agit; sit infinita, sequitur, quod ejus potentia ad agendum quoque sit infinita: Sed forma, per quam Deus agit, est ejus essentia. Hæc autem est infinita. Ergo, &c.

VI. §. 2. Deus potest efficere, quicquid est in potentia passiva creaturæ. Ergo est omnipotens. Prob. antecedens: quia in poten-

tia passiva creaturæ est omne illud, quod non repugnat enti creato, sicut in potentia passiva est hominis, quicquid non repugnat naturæ humanæ. Conseq. prob. nam cuiuslibet potentie passivæ respondet potentia activa agentis, per quam possit reduci ad actum; alioquin otiosa esset illa potentia passiva, si nulla esset activa, quæ eam reducere ad actum posset. Sed in rerum natura nihil est otiosum. Ergo ponenda est potentia activa in Deo, quæ possit reducere in actum, quicquid est in potentia entis creati.

VII. §. 3. Virtus, quæ ex natura sua non determinatur ad unum effectum, potest omnia agere & omne possibile efficere. Sed virtus divina ex natura sua non determinatur ad unum genus effectuum, neque ad hoc aut illos effectus in aliquo genere. Ergo virtus divina omnia potest agere. Sed hoc est esse omnipotentem. Ergo, &c. Major. prob. Quoniam illa virtus, quæ non determinatur ad unum producibile genus, nec ad hæc aut illa producibilia, habet pro objecti formali producibile simpliciter & absolute: ideoque potest omnia. Sed virtus divina est ejusmodi, quia est virtus illimitata. Ergo potest omnia producibilia. Ergo Deus est omnipotens.

VIII. §. 4. Omnis perfecta virtus se extendit ad omnia, ad quæ proprius ejus effectus se potest extendere. Sed esse est proprius & per se effectus Dei. Ergo virtus Dei potest omnia illa, quæ possunt habere esse. Sed omne possibile simpliciter potest habere esse. Ergo virtus divina potest id omne, quod est possibile simpliciter. Atqui hoc est, esse omnipotentem. E. Deus est omnipotens.

IX. Ex dictis duo sequuntur. 1. *Res intrinsece & formaliter in seipsis esse possibiles & impossibiles*: possibiles quidem, quia non repugnat illis esse, ex sua ratione formali, impossibiles vero, quia repugnat illis esse ex sua ratione formali, etiam circumscripto omni ordine, & omni respectu ad agens: extrinsece autem res dicuntur possibiles aut impossibiles, per respectum ad agens; possibiles quidem, quia possunt fieri ab agente; impossibiles, quia per nullum agentis potentiam fieri possunt. Atque ita judicandæ sunt res possi-

biles, aut impossibiles, extrinsece in ordine ad causam efficientem.

X. Sequitur 2. *Omnipotentiam Dei non posse communicari ulli creaturæ, ne humanæ quidem naturæ in Christo*. 1. Quia objectum formale omnipotentie est omne possibile absolute. Sed virtus & potentia creaturæ non potest attingere omne possibile absolute; alioquin, cum ipsa potentia creaturæ sit de numero possibiliū, sequitur, quod posset etiam seipsum producere: Sed hoc est impossibile. E. Omnipotentia non potest communicari creaturæ. 2. Potentia consequitur essentiam, ergo potentia infinita sequitur essentiam infinitam. Sed essentia creaturæ infinita, nec est, nec potest esse. Ergo nec potentia. 3. Omnipotentia est potentia ad omnia sufficiens & in nullo deficiens: Sed potentia creaturæ non est talis. Ergo, &c. Prob. min. Potentia creaturæ non est sufficiens ad producendum aliquid ex nihilo, quia creatura semper supponit subiectum, in quo operatur; deinde potest ejus potentia impediri ne operetur, ergo in aliquo potest deficere: denique creaturæ potentia est dependens ab influxu & concursu Creatoris. Sed hic ei subtrahi potest. Ergo illa deficere potest. Ex hisce nunc patet facile, Christo, qua homini, non posse communicari omnipotentiam, cum natura humana sit creatura, sit finita, nec possit seipsam producere; nec aliquid ex nihilo facere, dependeat à divina natura, non tantum in subsistendo, sed & in operando, quæ omnia cum natura omnipotentem pugnant. Quod objiciat *Matth. ult. cap. Christo datam esse omnem potestatem in celo & in terra*. Resp. 1. Aliud est *ignis*, aliud *donum*: aliud potestas, aliud potentia. De priori, quæ est idem quod autoritas, loquitur locus: de posteriori est questio. 2. Dicit Christus: Mihi, non meæ naturæ humanæ, sed Mihi *transcende* ut Mediatori, data est omnis potestas, ut Redemptori generis humani, in ordine ad Ecclesiam, & ad omnia, quæ sunt necessaria ad ejus gubernationem, conservationem, regimen, &c. 3. Respondent nonnulli; *Christo datam esse omnem potestatem &c.* quia per illum & in ipso manifestata est singulari modo omnipotentia Dei ac sua, per

per miracula, &c. à se edita: res enim sæpe dicitur fieri & dari, quando innotescit & manifestatur, quia omnipotentia Dei ante Christum in carne manifestatum non erat ita cognita, ut eam quidem operibus suis Christus manifestavit.

XI. Quæritur 2. *An actualis seu efficax atque operans potentia sit idem, quod potentia ordinata?* Resp. Non est: utcumque sic videatur *Doctiss. Polano in synt. Theol.* Nam hæc latius se extendit quam illa: neque enim semper de facto & actu operatur, qui tamen operari potest potentia ordinata per media ordinaria secundum ordinem naturæ legesque à semet in ea positas. Potest huic aut illi famulico succurrere, huic aut illi ægro mederi, ope aliorum hominum ac medicamentorum, potest fauciato citius sanitatem restituere, & hoc aut illud effectum dare, ordinaria via per creaturas, & tamen sæpe non facit: attamen

nihil eorum excedit potentiam Dei ordinatam.

XII. Quæritur 3. *An Deus possit quadam de potentia, quæ non possit de iustitia?* Resp. Distinguat iustitia juris divini positivi ac revelati, à iustitia juris divini, Deo naturalis: priori sensu potest, posteriori non potest; quia nihil potest, quo vel illa, vel ullum ex suis attributis, luxetur, tollatur, negetur: hoc enim si posset, posset contradictoria. At ista non potest, ut jam ante est visum.

XIII. Quæritur 4. *An potentia & voluntas Dei æque late pateant?* Resp. Quæcumque Deus vult ea potest, sed non statim, quæcumque potest, vult; multa potest potentia etiam ordinata, quæ nunquam vult, sed quam plurima potest potentia absoluta, quæ nunquam voluit; nec unquam vult, ut excitare filios Abraham ex lapidibus, &c. Cætera de *Potentia Dei in seq. disp.* excutientur.

## Disputationum ex Philosophiâ selectarum,

*Voluminis Secundi.*

### QUADRAGESIMA.

## DE POTENTIA DEI ORDINATA ET ABSOLUTA.

### THESIS I.

**A**N sit, quid sit, & quotuplex sit, *Potentia Dei*, gemina excussum est *disp. Potentia Dei* respondere diximus *possibile*; consequenter, *Deum non posse impossibilia*, & tamen *plura posse quam vult*. *Impossibilia* diximus esse, quæ implicant *contradictionem*: hæc ne sub absolutam quidem cadunt potentiam, quia nunquam simul esse vera possunt, ideoque nunquam quoque à Deo simul fieri possunt. Talia sunt omnia, quæ pugnant cum proprietatibus Dei, vel essentialibus, vel personalibus, aut cum natura rerum, sic ut fiant, vel fieri possint, vel Dei, vel rerum natura, evertatur. Quo sensu, *Apostolus 2. ad Tim. 2. de Deo* dicit, quod *abnegare sese non possit*. Quod fundamentum assumemus ad probandum, Deum non posse omnia, sine exceptione. sive con-

tradictionem implicent, sive non: contra quam sentit *Ioh. Gerardus in Methodo Studii Theol. p. 122. & seq.* & nonnulli alii, ut unum corpus posse esse in pluribus locis, propria posse separari à subiectis, quin & aliis communicari, similiaque opinionum monstra tueantur.

II. §. 1. Deus non potest negare suum intellectum. Sed si posset facere contradictoria, negaret suum intellectum: affirmatio enim & negatio cadunt in omnem conceptum, etiam divinum, ita ut is sit, vel affirmativus, vel negativus: affirmativus autem ac negativus, simul eodem respectu esse non potest. Hinc fit, ut verbum Dei, quod fuit ex illo conceptu, non possit esse ita & non. Sed si Deus posset facere contradictoria, potest ejus con-

conceptus simul esse affirmativus & negativus; alioquin rei ipsi conformis esse non posset: nam contradictio est affirmatio & negatio ejusdem de eodem. Profecto, si ad perfectionem intellectus humani requiritur, ut sit conformitas inter ipsum & rem quam cognoscit, multo magis id requiritur in intellectu divino, qui eminenter in se habet omnem perfectionem, quæ est in intellectu quovis creato. Nec valet exceptio. non esse necesse, ut intellectus divinus conformetur objecto intelligibili, sed objectum intelligibile conformari debere intellectui divino, ita ut, si intellectus divinus contradictione careat, etiam in objecto tollatur contradictio, statim atque sub intellectum cadit. Hac, inquam, exceptio locum non habet: quia, etsi res facta, sequatur intellectum divinum, utpote, quæ prius est in Deo, quam in se, tamen, postquam facta est, concipit eam intellectus Dei, ut in se est. Si igitur Deus fecit contradictoria, concipit ea etiam ut contradictoria. Sed hoc est absurdum, nam conciperet de eadem re ita & non. Ergo, salvo manente intellectu Dei, non potest statui, plura eum posse facere contradictoria.

III. §. 2. Deus non potest negare voluntatem suam; sed, si Deus facere posset contradictoria, negaret voluntatem suam: Vult enim esse quam facit, & ita ut facit: ergo vellet negationem rei ejusdem simul & affirmationem, quia utramque simul faceret: sed talis voluntas Deo repugnat.

IV. §. 3. Deus non potest negare potentiam suam: at, si Deus posset facere contradictoria, negaret suam potentiam: nam unumquodque ens agendo, producit sibi simile, saltem quantum ad summam illam rationem entis pertinet: per consequens, non potest Deus producere contradictionem, seu, id, quod simul implicat esse & non esse: hoc enim postremum est non ens: at Deus nihil est nisi ens.

V. §. 4. Deus non potest negare suam immutabilitatem: sed hoc fieret, si contradictoria faceret aut facere posset: nam id, quod, verbi causa, negativum est & falsum, secundum veritatem a Deo plantatam in ratione &

Logica humana, abjiceret & abjicere posset falsitatem, ac mutaretur & mutari posset in veritatem in intellectu & Logica divina, & sic Deus mutabilis esset.

VI. §. 5. Deus non potest negare simplicitatem suam: negaret autem, si contradictoria ab eo fieri posset: esset enim in ipso compositio duplicis veritatis, naturalis scilicet, secundum quam, v. c. negativum contradictionis membrum esset verum; & supernaturalis, secundum quam affirmativa ei contradicens esset vera. Certum quidem est, veritatem distingui in naturalem & supernaturalem, sed hæc non est divisio generis in species oppositas, sed distinctio rei unius ejusdemque in duos modos: Est enim una propria tantum veritas, quæ ut in natura est debilis & per corruptionem peccati propemodum sopita, ita per gratiam & revelationem cœlestem, non oppugnatur, sed in integrum, quantum in hac vita satis est, restituitur.

VII. Argumenta Joh. Gerardi in *Math. Stud. Theol.* p. 122. &c. quibus probat, Deum posse facere contradictoria, sunt petita, partim ex Scriptura, partim ex ratione. Ad loca Scripturæ breviter dicimus, (quia hoc Theologus spectat) *Genes.* 18. 14. *Matth.* 19. 26. *Luc.* 18. 16. sermonem esse de omni re seu ente, quod Deum omnino posse, extra controversiam est, non autem loqui de non-ente, quale est contradictio. Eadem est loci ratio, *Luc.* 1. 38. ubi dicitur *πάντα ῥησάντα* omne verbum, hoc est, Ebraismo noto, *כל דבר* omnis res, & in specie, illa, quæ promissione Dei & verbo illius firmata est, ut hoc in loco. Sententia ergo nostra non pugnat cum verbo Angeli dicentis, non erit impossibile apud Deum verbum omne: id enim, quod contradictionem implicat, verbum esse non potest, quia nullus intellectus illud potest concipere. *Zach.* 8. 6. sermo est, de eo quod Deus promiserat, & velle se declaraverat, nimirum, de resurrectione Hierosolymorum temporali, post captivitatem Babyloniam, & vero imprimis de spirituali: & sic pariter, non ad rem allegatur iste locus: constat enim, Deum omnia posse quæ vult. *Ephes.* 3. 20. dicitur Deus facere posse *πάντα ὑπὲρ πάντα* super omnia, *καὶ ἃ ἡμεῖς οὐκ ἔμελλομεν* per-

perabundanter, quam petimus aut intelligimus. Ex quo non sequitur, Deum posse contradictoria: aliud est, *supra rationem & naturam* facere, aliud, *contra*: illud Scriptura dicit, non hoc; illud Deus citra controversiam & potest & facit in plurimis, non hoc.

VIII. Rationes sunt. §. 2. *Si Deus potest facere ea, quæ superant intellectum nostrum, utique etiam facere potest ea, quæ in nostra Logica contradictionem implicant.* Resp. Neg. *conseq.* Ratio est, quia, quæ superant intellectum nostrum, non statim evertunt naturam, vel rerum vel proprietatum divinarum. Legatur Parag. 78. & 79. l. 1. *sect. 2. Partis Metaph. Jacobi Martini*, ubi accurate docet, aliud esse, *supra*, aliud, *contra* naturam, & in quo illa diversitas consistat, atque insuper fundamentum ponit, cur Deus non possit dici *contra* naturam agere, quia sc. natura ei non repugnat.

IX. §. 2. *Si Deus omnia sua absoluta potentia potest, nihil certe possibile excipitur.* Resp. concedimus totum: Sed contradictio ex possibili genere non est, ut ostensum est *disp. præced.* & hac. Quod addit, *aut monstretur, quid Deus absoluta sua potentia non possit.* Resp. Frustra hoc exigitur ab Orthodoxis, cum eorum nemo dixerit, Deum non posse omnia possibilia; Cæterum impossibilia monstrari possunt satis multa, quæ Deus facere non potest, sc. seipsum abnegare, mentiri, mori, edere, bibere, ut præteritum non sit præteritum, de quibus jam obiter actum in *disp. præced.* & fusius agetur in *seq.* Et de hac diximus potentia, Deum non posse omnia illa, quæ naturam, vel suam, vel rerum, evertunt. Videatur Zanchius lib. 31. de *natura Dei*, c. 1. & Polanus l. 2. c. 29. *Synt. Theol.*

X. §. 3. *Si Deus potest facere impossibilia quod homines, etiam facere potest impossibilia quod rationem nostram, quia intelliguntur, non solum impossibilia factu, sed & impossibilia cogitari.* Resp. Conceditur major: de ratione sumta concrete, prout est in hoc vel illo homine. sæpe enim judicat ratio humana Petri, Pauli, Johannis, &c. aliquid esse Deo impossibile: negatur autem de ratione abstractivè sumta, non quod ratio abstractivè sumta

judicet aliquid Deo impossibile, sed ideo, quia ratio judicat Deo omnia esse possibilia, id est, quæcunque rationem entis habent: quia igitur vera ratio, non judicat, Deo aliquid ens esse impossibile, sed contra censent, Deum omnia posse, hinc falsum est, Deum posse impossibilia apud rationem nostram: cum enim ratio dicat, Deo esse aliquid ens impossibile, hinc certo dici non potest, Deum ea posse, quæ ratio judicat impossibilia esse: id quod verum est, non solum de ratione sumta abstractivè, sed etiam, prout ea est concrete in quibusdam hominibus, h. e. illis, qui veram ac rectam sequuntur ducem, cum enim dicimus, rationem concrete sumtam errare circa objectum potentiæ divinæ, non id intelligendum est de omnibus hominibus, etsi enim errare omnes possint homines, non tamen omnes in eo errant, sed illi tantum, qui à luce rationis rectæ recedentes tenebris suis se tanquam pallio involvunt, ii autem, qui veritatem Dei, in natura patefactam, & Scriptura confirmatam, ducem fidelem, constant sequuntur recte de Dei potentia judicant.

XI. §. 4. *Si Deus absoluta sua potentia ad contradictionem Logicam legemque humane rationis non sit alligatus, Ergo potest contradictoria. Sed verum est prius.* Ergo, &c. Resp. Conceditur antecedens majoris, seu minor: neque enim nos dicimus aut statuimus, Deum esse alligatum ad Logicam humanam: sed neg. *conseq.* quia Deus immutabiliter, & semper verax est, sive in natura, sive in Scriptura, loquatur, cui veritati potentia Dei absoluta non repugnat: at talis non esset, si contradictoria posset.

XII. Quod distinguat, inter contradictionem Logicæ, divinæ seu Dei, longe lateque capturn nostrum transcendentis, & inter contradictionem Logicæ, humane seu hominis, capturn humanæ non transcendentis, id est, ut in præcedentibus ipse se declarat, Deum non posse facere absolute & simpliciter contradictoria, posse tamen facere ea, quæ in Logica nostra implicant contradictionem. Resp. Verum esse, quod intellectus divinus, quem hic Logicam divinam appellat, transcendat & infinitis modis superet intellectum humanum & Logicam nostram, inde

Y y

tamen



tamen non sequitur, Deum posse omnia ea, quæ in Logica nostra contradictionem implicant: tum demum illud sequeretur, si Deus aliquid contra Logicam veram, rationem sanam, veritatem in natura plantatam, aliquid conciperet, diceret, faceret; quod non posse Deum, ostendimus: Logica quidem nostra in veritatis adæquatione deficit, ita ut totam veritatem divinam non contineat, nec ad omnia sese extendat, aut sufficientes de iis conceptus formet; sed non potest aliquid contrarium statuere veritati divinæ: & vice versa, Scripturæ atque intellectus divini veritas, plurima, imo infinita, supra naturam & Logicam nostram continet, ac concipit, sed ni-

hil contra eam: cum enim alterutrum contradicentium sit falsum, Logica nostra sic contineret falsum aliquid, quod repugneret veritati divinæ; imo veritas Dei sibi ipsi repugneret; quæ eadem est, naturæ & Scripturæ, rationis & revelationis, Philosophiæ ac Theologiæ, Logicæ humanæ ac divinæ, ut, quod in una falsum est & contradictorium, tale sit quoque in altera. Quod denique addat distinguendum esse inter ea, quæ sunt supra terminos Logicæ & rationis, & inter ea, quæ sunt intra eos, & à ratione percipi possunt. Resp. Illa ad rem non faciunt: etsi enim talia supra rationem sunt, non tamen contra eam.

## Disputationum ex Philosophiâ selectarum,

*Voluminis Secundi,*

### QUADRAGESIMA-PRIMA.

# DE POTENTIA DEI.

## THESIS I.

**E**Xposuimus Disputationibus aliquot, *Potentiam Dei*, eam qualicunque modo describendo, & in absolutam atque ordinatam distribuendo. Nunc animus est, quæstiones quasdam illustres de ea movere ac dissolvere. Prima erit. *Utrum ad præterita sit Dei Potentia?* i. e. *An Deus possit facere, ut præterita non fuerint?* Resp. 1. *Deus non potest efficere, ut id, quod est simpliciter & absolute præteritum, non fuerit præteritum:* & hoc non provenit ex defectu divinæ potentiae, sed ex defectu rei, quia contradictionem implicat. Cum enim Deus sit infinite perfectus, nullus potest esse defectus ex parte Potentiæ Dei: ideoque, quotiescunque Deus dicitur aliquid non posse, non dicitur ideo, quod amisit potentiam, quam prius habuit; Potentia enim Dei uti non potest augeri, ita neque potest minui: est namque invariabilis atque immutabilis: sed ideo est, quia objectum amisit rationem possibilem, quam ipsum prius habuit. Unde sic argumentamur.

II. §. 1. Præteritum non fuisse, non habet rationem possibilem. Ergo non subiacet objecto divinæ Potentiæ. Ergo à Deo fieri nequit ut præteritum non fuerit. *Prob. anteced.* Quia, præteritum non fuisse, involvit contradictionem & repugnantiam, nempe, fuisse, & non fuisse: nam bene sequitur (*præteritum, ergo fuit*) &, ex suppositione, quod præteritum adhuc sit possibile (*nunquam fuit*). Ergo *fuit & non fuit*. Ergo est contradictio. At contradictoria sunt impossibilia, objectum vero Potentiæ divinæ sunt possible, ut *disposit.* præced. est demonstratum. Ergo, præteritum non fuisse, non est possibile.

III. §. 2. Deus revelavit Moysi Adamum fuisse ergo, si Deus potest efficere, ut Adamus nunquam fuerit, sequitur, Deum fuisse mentitum, quod est blasphemum. Si neget consequentiam; quia, si Deus efficeret, Adamum nunquam fuisse, simul efficeret, revelationem illam non extitisse: rehero, hoc minime sequi: quia, Adamum fuisse, & revelationem illam factam,



con-  
fic  
aret  
i re-  
scri-  
ptura  
nre,  
um,  
e ad-  
e su-  
ea,  
tunt:  
ta-  
ntra

I.

n ha-  
jacet  
fieri  
ante-  
volviri  
mpc,  
rati-  
prae-  
fuit.)  
ichio.  
obje-  
lia, ut  
rante-

mum  
amus  
men-  
s con-  
mum  
elatio-  
inime  
cio illa  
facta,

facta.  
dure  
intrin  
illarum  
ac pro  
inter  
nit. l  
circun  
mus.  
IV  
quan  
esse,  
effici  
hypo  
factu  
fueri  
requ  
fuit.  
impl  
V  
tum  
h.e. l  
nega  
prior  
nova  
inde  
fueri  
ta: n  
sit, re  
nequ  
lam  
illar  
non  
non  
omn  
V  
sub a  
bet p  
ad eff  
albed  
prete  
potest  
VI  
mina  
esse p  
quod  
multa  
est de  
fuit,

facta, quod Adam fuerit, sunt duæ entitates & duæ res distinctæ, quarum una non est alteri intrinseca: unde sequitur, quod Deus unam illarum possit destruere, altera non destructa, ac proinde efficere poterit, ut una non fuerit, interim non efficiendo, quod altera non fuerit. Ex quo sequeretur, Deum fuisse mentem, quod blasphemum esse statim diximus.

IV. §. 3. Si Deus possit facere, quod nunquam Mundus fuerit, hæc veritas ponatur in esse, ut Deus hac hora per suam Potentiam efficiat, mundum nunquam fuisse; qua data hypothefi, hæc est bona consequentia: nunc factum est à Deo, quod mundus nunquam fuerit; ergo mundus nunquam fuit: sed, antequam Deus hac hora illud faceret, mundus fuit. Ergo mundus fuit, & non fuit, quod implicat contradictionem.

V. §. 4. Si Deus possit efficere, præteritum non fuisse, aut efficeret illud positive, h. e. faciendo illud vel aliquid circa illud, aut negative, nihil efficiendo aut agendo. Non priori modo; nam quamvis rem illam de novo faceret Deus, vel aliquid circa illam, inde tamen non sequeretur, quod illa non fuerit prius, quandoquidem jam est præterita: non posteriori modo; quia, cum verum sit, rem illam jam fuisse, si Deus nihil ageret, neque immutaret illam, aut aliquid circa illam, semper verum esset (uti nunc est) rem illam fuisse. Ergo res præterita non potest non fuisse, & consequenter, præteritum non fuisse, non includitur in objecto divinæ omnipotentia.

VI. §. 5. Sicut se habet album, prout stat sub albedine, ad ipsum esse album, ita se habet præteritum, prout stat sub præteritione, ad esse præteritum: sed album, prout stat sub albedine, non potest non esse album: Ergo præteritum, prout stat sub præteritione, non potest non esse præteritum.

VII. §. 6. Quando aliquid est determinatum ad esse in actu, non potest non esse pro illo tempore, in quo est; quia omne, quod est, quando est, necesse est esse: ergo multo magis licet inferre, quando aliquid est determinatum ad fuisse, omne, quod fuit, pro tempore, quo fuit, necesse est,

fuisse. Ergo Deus non potest facere, quod non fuerit.

VIII. 2. *Non est etiam in Deo Potentia ad præteritum; quod pendet ex aliquo futuro.* i. e. Fieri non potest, ut, quod semel præteritum est, quamvis habeat connexionem cum aliquo futuro, possit fieri non præteritum. V. C. Deus revelavit, Antichristum fore & revelatio ista jam est transacta & præterita: ideoque fieri non potest, quod Deus non revelaverit, quamvis ipsa propositio revelata (*Antichristus erit*) sit de futuro ut contingenti. Et hanc assertionem sic probamus.

IX. §. 1. Quod propositio hæc (*Antichristus erit*) sit de futuro, id non tollit, quo minus revelatio sit de præterito, i. e. jam sit præterita & transacta; unde impossibile est, quod non præterierit: & sic, si Deus possit facere, ut illa revelatio jam præterita non præterierit, potest facere contradictoria, contra *disp. præced.* & th. 2. hujus.

X. §. 2. Tanta necessitate præteritum est præteritum, ut Deus non possit facere, quod præterita non fuerint: ergo tanta necessitate, revelatum est, ut Deus non possit efficere, revelatum nunquam fuisse revelatum. *Prob. consequ.* quia talis revelatio jam transit in præteritum, quamvis res revelata sit futura, nam enunciatio vocalis de futuro jam pronunciata, non minus transit in præteritum quam propositio vocalis de presenti: non enim est minus præterita hæc propositio revelata, *Antichristus erit*, quam hæc, quam dixit Adam. *Hoc nunc est os de ossibus meis, & caro de carne mea.*

XI. §. 3. Non magis pugnant hæc duæ propositiones, *Deus revelat*, & *Deus non revelat*, quam hæc, *Deus revelavit*, & *Deus non revelavit*: sed implicat contradictionem, quod revelatio, qua Deus revelat Antichristum fore, non sit revelatio, pro illo tempore, quo revelat: ergo etiam implicat contradictionem, quod revelatio, qua revelavit Antichristum fore, non fuerit revelatio, pro illo tempore, quo revelavit, ipsum fore, ideoque mera est contradictio, quod talis revelatio nunquam fuerit revelatio, cum jam facta fuerit.

XII. Secunda questio est; *An Deus possit facere alia quam facit, aut illa quæ non facit, nec facturus est?* Resp. Qui dixerunt, Deum non posse facere, nisi ea, quæ facit, illi posuerunt, Deum agere ex necessitate naturæ: unde sic argumentabantur: Agens ex naturæ necessitate non potest alia facere, quam quæ facit. Sed Deus est agens ex necessitate naturæ. Ergo &c. Major facile probatur exemplis: ex semine canis non potest provenire nisi canis, ex igne non nisi calor. Sed enim *Minor* probanda veniebat: contra quam nos sic inferimus. Qui agit per voluntatem non determinat ad certum rerum ordinem, non agit ex necessitate naturæ. Sed Deus sic agit. Ergo &c. Et probatur amplius. Deus est agens primum. Sed, quod agit ex necessitate naturæ, non est agens primum. Ergo Deus non agit sic. Major est clara apud omnes. *Minor prob.* Nullum agens ex necessitate naturæ determinat sibi finem, verum magis determinatur ad finem ab alio. Sed Deus ipse sibi determinat finem, nec aliunde ad illum determinatur. Ergo &c. Et sane nobilissimus modus agendi Deo adscribi debet. Is autem est, agere libere, & non ex necessitate naturæ. Ergo &c.

XIII. Hinc jam sequitur conclusio: Si Deus agat libere & non ex necessitate naturæ, Deus potest alia facere, quam quæ facit: est enim hoc libertatis divinæ in operando ad extra, agere vel non agere, & agere hoc aut aliud. *Prob. Assertio. 1.* Quod agens non possit aliud facere, quam quod facit, id contingit, vel ex defectu alicujus principii requisiti in agente, vel ex suppositione alicujus, unde sequitur repugnantia in actione. Primum dici non potest: quia Deus non potest includere defectum, ex Parte principii activi & efficientis. Nec secundum: nam supposito, quod Deus non velit alia facere, quam quæ facit, & quod decreverit & præciverit, se non facturum alia, quam quæ facit; potest tamen absolute alia velle, consequenter, & alia facere.

XIV. 2. Ille, cujus sapientia & potentia non limitantur ad aliquem determinatum ordinem, non solum potest facere ea, quæ facit, sed etiam ea, quæ non facit. At Dei sapientia & potentia non limitantur ad ali-

quem determinatum ordinem. Ergo Deus potest facere, non solum, quæ facit, sed & ea, quæ non facit. *Minor prob.* Qui facit res propter finem, iplis rebus improporionatum & superexcedentem, ejus sapientia & potentia non limitatur ad aliquem determinatum ordinem: tota enim ratio ordinis, quam sapiens rebus à se factis imponit, desinitur à fine. Sed Deus facit res propter finem improporionatum rebus, qui est ipsa sua bonitas. Ergo sapientia & potentia Dei non limitantur ad hunc ordinem rerum, sed multa alia, imo infinita potest facere Deus, quam quæ facit. Et cur non possit à Deo procedere alius rerum ordo, quam qui nunc est, ut possit alia facere, quam quæ secundum ordinem rerum à se institutum nunc facit?

XV. Sed tota hæc questio optime deciditur ex fundamentis præced. disp. jactis. Aliud est, Deum aliquid posse facere secundum potentiam ordinatam & de lege. Aliud, aliquid posse facere secundum potentiam absolutam. Illud Deus dicitur posse facere de potentia ordinata, quod potest, stante sua ordinatione, & de lege, quod potest, secundum decretum ac voluntatem suam, qua ab æterno voluit hæc aut illa facere. Illud vero dicitur Deus posse de potentia absoluta, quod simpliciter potest, non animadversa sua voluntate, sed spectata tantum sua potentia ac possibilitate & non repugnantia rei, quale est omne illud, quod non implicat contradictionem. Deus non potest plura facere, quam facit, si spectes potentiam ordinatam; Deus enim, quæ voluit, fecit. At longe, imo infinites plura potest facere, quam quæ facit, si spectes potentiam absolutam: potuit enim plures planetas & stellas condere, quam condidit, & plura elementa, & plura specierum singularum indiviua produxisse, quam produxit, & plures huic aut isti homini concessisse liberos, quam concessit, &c. Quænam autem illa sint speciatim, quæ ne per absolutam quidem potentiam possit facere Deus, i. e. quænam contradictionem implicent, ut fieri nequeant ullo modo, alterius est indaginis ac temporis.

## Disputationum ex Philosophiâ selectarum,

Voluminis Secundi,

## QUADRAGESIMA-SECUNDA.

## DE POTENTIA DEI.

## T H E S I S I.

Quæstiones duas de potentia Dei decidit Disputatio præcedens, 1. *An possit facere ut præterita non fuerint?* 2. *An possit facere alia & plura quam facit?* Nunc ad alias transimus ac quærimus. 3. *An possit meliora facere ea quæ fecit?* & in specie, *An potuerit facere mundum meliorem, quam fecit?* Ad utramque quæstionem ut respondeamus; quædam ad clariorem intelligentiam sunt distinguenda & tenenda.

II. §. 1. Bonitas alicujus rei est duplex. Una quidem, quæ est essentialis, ut esse rationale, est bonum homini, tanquam pars essentialis ejus. Altera vero est extra essentialiam rei, sicut esse sapientem, esse justum, est bonum homini, sed quod extra essentialiam est hominis.

§. 2. Deum posse rem facere aliquam meliorem quam fecerit, potest dupliciter intelligi: uno modo, ut sit sermo de eadem re; *An sc. Deus possit facere unam aliquam rem, puta hominem, meliorem, quam fecerit?* Altero modo, ut sit sermo de diversis rebus: *An sc. Deus possit facere, quacunque re facta aliam meliorem?*

§. 3. Mundum posse fieri meliorem, potest intelligi tripliciter, 1. quantum ad substantiam partium, 2. quantum ad earum proprietates & accidentia, 3. quantum ad earum ordinem. Primum dupliciter potest intelligi: vel quoad esse quidditativum & rationem specificam, vel quoad melioritatem quantitativam, ut sic loquamur, sive intensivam, sive extensivam: priori modo, una anima in rebus naturalibus est melior alia; posteriori modo, libra auri est melior uncia. Secundum etiam potest dupliciter intelligi: vel de partibus mundi in se; vel de iisdem in ratione ad finem & ad se

invicem. Tertium etiam potest intelligi dupliciter, quia duplex est ordo partium in mundo: unus est earum in toto, alter earum ad finem: unus Dei sapientiam maxime, alter Dei bonitatem manifestat: isti tamen duo ordines sunt inter se connexi; sic enim ordinantur partes in toto universo, ut congruit earum ordini in finem.

III. Nunc primum in thesi, mox in hypothefi, quæstionem decidamus. In genere. §. 1. *Deus non potest facere unam rem meliorem quam fecerit, bonitate essentiali.* Sicut enim se habet additio unitatis in numeris, sic se habet additio differentie essentialis in definitionibus: Sed additio unitatis non facit numerum quem meliorem, verum potius variat speciem numeri: additio quippe unitatis ad quaternarium non facit quaternarium meliorem, sed constituit aliam speciem numeri, nempe quinarium; Ergo additio differentie essentialis, non facit rem essentialiter meliorem, sed mutat ejus naturam: ideoque, impossibile est, rem aliquam reddi meliorem essentialiter. §. 2. *Deus potest facere rem aliquam meliorem accidentaliter, quam facit.* §. 3. *Deus quacunque re facta potest facere meliorem.* Neque enim Dei potentia coarctatur ad hunc numerum, neque ad has aut illas perfectiones vel perfectionum gradus.

IV. In specie. §. 1. *Deus potest alium mundum meliorem facere, quantum ad substantiam partium, melioritate quidditativa, quam hic est; sed non hunc ipsum jam productum.* Prima pars hujus assertionis patet, quia bonitas quidditativa quarumcunque partium hujusmodi, est finita: sed omni bono finito potest melius cogitari; Deus autem plus potest facere quam

intellectus noster cogitare. Ergo potest facere alium mundum ex partibus melioribus secundum suas rationes quidditativas, quam est mundus hic. Secunda pars assertionis clara est ex jam dictis, quia quilibet gradus essentialis seu quidditatis variat speciem, sicut quilibet unitas variat speciem numeri: habent enim se species sicut numeri, docente *Arist.* 9. *Metaph.* §. 2. *Deus potuit facere hunc mundum meliorem, melioritate quantitativa, tam extensiva, quam intensiva.* Primum liquet, quia potuit facere celum majoris amplitudinis & extensionis, quam fecit, uti etiam elementa: potuisset facere omnia corpora humana magnitudinis gigantæ: & ita dici potest similiter de partibus mundi aliis. Secundum etiam manifestum est, quia potuisset animas rationales hominum fecisse perfectionibus pluribus intensivis, quoad quantitatem perfectionis aut virtutis, præditas & ornatas, atque, ut Scholasticorum nonnulli asserunt, tam intensive perfectas, uti fuit anima Christi. §. 3. *Deus potuit hunc mundum simpliciter facere meliorem, quantum ad proprietates & accidentia partium, secundum se consideratarum.* Potuit namque facere Solem lucidiorem, uti & Lunam. §. 4. *Non potest Deus hunc mundum facere meliorem, quantum ad ordinem partium in toto, & quantum ad ordinem in finem.* Uterque enim hic ordo est optimus: optimo autem nihil potest esse melius: in universo unaquæque pars est ordinatissime & ornatissime in suo fitu, & omnes ordinantur ad finem optimum, gloriam Dei.

V. Opponitur hic axioma aliquod. *Illud, quod fit potentissime & sapientissime, non potest fieri melius: Sed Deus omnia fecit potentissime & sapientissime. Ergo non potuit fecisse quid melius.* Resp. quando dicitur, *Illud, quod fit sapientissime & potentissime, non potest fieri melius*, hoc dupliciter potest intelligi. Primo, ut *melius* sit nomen, & significet rem, & est sensus, quod illo, quod factum est & sapientissime & potentissime, non possit fieri aliud melius, & sic intellecta Major est falsa: quavis enim Deus faciat omnia sapientissime & potentissime, tamen, cum ejus potentia nunquam sit exhausta, uti nec ejus sapientia,

semper alias res meliores facere potest, & factas, accidentaliter meliorare, ut hoc barbaro verbo utamur. Secunda, ut *melius* sit adverbium, & significet modum rei, & *melius*, idem erit, quod meliori modo: Sed hic modus potest attendi, vel ex parte Dei, vel ex parte rerum: si attendatur ex parte Dei, sensus propositionis erit, quod ea, quæ Deus facit potentissime & sapientissime, non potest meliori modo facere; & hoc verum est, quia Deus non potest res facere, ex majori potentia & sapientia, quam fecit: si attendatur modus ex parte rerum, erit sensus, quod Deus non potest dare, rebus à se sapientissime factis, perfectionem modum essendi; & hoc verum est, de modo essentiali, non item accidentali.

VI. §. 4. *An Deus potuerit producere mundum priusquam ordinaverit? Questio* intelligitur de potentia Dei absoluta, & in sensu diviso, non composito: postquam enim ordinavit tali tempore producere, non potest eum producere prius, quam ordinavit: sed spectatur hic in signo rationis, antequam concipitur quasi ordinasse. Et sic questionem affirmamus: potuit quippe mundus produci prius quam est productus aut produci ordinatus. Ergo, dices, *potuit produci ab æterno.* Resp. neg. conseq. Quia hic intelligitur prioritas temporis & non æternitatis: illud, *prius*, significat principium antiquius & antè rationis aut existentia: sed si mundus sic posset prius produci quam est productus, ut esset productus ab æterno, jam careret principio durationis, quod implicat contradictionem. Quin loquendo de prioritate temporis, quod antecesserit, existentis, ne sic quidem Deus potuit mundum producere priusquam produxit aut producere ordinavit: nam & hoc includit contradictionem; sic enim tempus fuisset, ante tempus, quod nullum præcessit mundum, sed cum eo incepit. Verum, loquendo de prioritate temporis possibilis, potuit Deus prius producere mundum, quam produxit, aut producendum ordinasse concipitur, quia potuit prius in æternitate sua momentum ordinasse, quam quod ad ejus productionem ordinavit.



VII §. 5. *An Dei potentia semper possit idem? Seu, An, quicquid semel potuit aut potest, semper possit?* Resp. Neg. Non quod aliquod detrahatur de potentia Dei aut illa imminuat, aut immutetur, sed quod, quæ aliquando fuerunt possibilia, postquam sunt facta, non amplius sint possibilia: potuit, v. c. Deus Christum suscitare, antequam eum suscitavit. E. postquam suscitavit, adhuc eum potest suscitare. Neg. conf. quia Christus non amplius est mortuus: quod enim hic respectu Christi possibile erat, factum est, & amplius fieri non potest: neque hic aliqua sequitur divinx potentix, vel mutabilitatis, vel mutatio. Quemadmodum scientia Dei manet immutabilis, licet Deus aliquod enunciabile designat scire ratione connotati, eo quod illud designat esse scibile, & verum pro circumstantia temporis sub quâ est verum; scire enim connotat in objecto scibilitatem & veritatem: sic divina potentia manet immutabilis, licet designat aliquid posse, ratione connotati, quod definit esse possibile, multa enim possibilia actu fiunt, & postquam facta sunt, impossibilia sunt amplius fieri: facere enim, quod factum est, nihil est facere: ergo posse facere, quod factum est ampliusque fieri nequit, est nihil posse.

VIII §. 6. *An Deus possit facere infinita?* Resp. 1. *Non potest facere in creaturis infinitam intensivè, id est, quod absque proportionem excedat intensiōis omnes gradus:* ratio est, quia omnis creatura est finitæ essentix, ergo nulla est capax infinitæ virtutis, potentix, habitus, aut qualitatis, sic ut nullus gradus intensiōis amplius reddi possit; quo sensu, nec Christi passio, nec elementorum qualitates, nec reprobatorum pœna infernalis, dici potest infinita intensivè. 2. *Non potest Deus producere magnitudinem actu infinitam extensivè.* Quia tale dari non potest: tolleretur enim omnis motus: & constaret aut ex partibus finitis, & sic ipsa non potest esse infinita, aut ex infinitis; & sic aliquid erit majus infinito; quia totum est majus sua parte. 3. *Deus non potest producere multitudinem actu infinitam.* Quia, si produceret multitudinem actu infinitam, aut posset ulterius producere aliquam adhuc unitatem, & sic erit aliquid majus infinito, aut non posset, & sic Deus per talem productionem fieret impotens, ejusque potentia foret exhausta. 4. *Deus potest producere finita in infinitum.* Nam nunquam potest tot producere, quin possit ampliora & plura in infinitum producere: illa tamen plura nunquam possunt in actu producta esse infinita.

## Disputationum ex Philosophiâ selectarum,

*Voluminis Secundi,*

### QUADRAGESIMA-TERTIA.

A D

ARISTOT. LIB. 3. METAPH. CAP. I. TEXT. I. ET 2.

Περὶ ἀπορίας καὶ ἀπορίας.

THESES I.

SI aliqua vera est ac genuina & solida Philosophandi ratio ac methodus, ab omni ævo existimata est esse, quam secutus est Philosophorum Coryphæus Aristoteles, quam aliis præscripuit, quam suo exemplo & praxi comprobavit: ea vero non est alia, quam quæ à dubitatione initium facit, priusque bene docet dubitare, ante-

quam quidquam decidatur certi vel decernatur. *Dubitationem itaque initium esse rite restitue Philosophandi & indubitata scientia, primum Aristotelis mandato & exemplo, mox præstantissimorum ejus Interpretum, & omnium judicio, Α' ΕΛΛΗΝΙΣΤΩΝ* consensu & explicatione ac praxi, probatum dabimus.

II. Ver-



contemplatio, circa veritatem in genere sit constituta: addamus ad hoc, quod cum nondum confecta esset prima & universalis hæc scientia & investiganda ac constituenda esset, ad rem fuit, NB. ut ex præmissis dubitationibus ejus natura detegeretur, & ita in ordinem redigeretur. Hinc confectarium hoc deducitur, NB. non rectum neque tutum iter Philosophandi eos ingredi, qui ab hac via dubitandi penitus abstincent, quam tantopere commendat Aristoteles hoc loco, & ex communibus sententiis comprobatur, tanquam ad veritatem indagandam maximè consentaneam.

V. Tertia Analysis esto Petri Fonseca, ex Commentariis in *Arist. Metaph.* suis, editis Lugduni 1597. Necessè est) Dubitat Alexander hoc loco, doceatne Aristoteles in primis verbis hujus libri necesse sibi esse ad eam cognitionem inveniendam, quam in hoc opere consequi, ac tradere studet, ea primum aggredi, de quibus rationi consentaneum est, ut primo loco dubitetur, hoc est, utraque parte differatur, an id esse omnibus vis necesse, qui ad quolibet scientiam de rebus difficilibus & contrariis comparandam aggrediuntur. Quanquam verò parum, referat, utro modo Aristotelem interpretevis, prior tamen interpretatio aptius videtur, utpote verbis contextus accommodatur: ex qua generale etiam documentum, quod posterior tradit, tanquam principium ex conclusione colligi potest. Addit autem Aristoteles, duo esse genera questionum, que primum pro utraque parte agitando videantur. Unum earum, de quibus alii aliter senserunt, ne temere aliorum sententiis, ac forsitan non parum receptis, se opponere videantur. Alterum earum, que cum ad rem oppositam in primis faciant, ab aliis tamen omisse sunt. Est autem operæ pretium) Hoc alterum documentum plane generale est, quod docet Aristoteles, NB. non modo initio hujusmodi scientiarum, sed etiam particularium tractationum, quibus propolita est rerum difficultium determinatio, à dubitationibus initium sumendum esse, nec vero utcumque id faciendum, sed bene, hoc est diligenter, accuratè, nullaque pro utraque parte dissimulata ratione, quod sapienter quatuor rationibus ostendit. Prima est, quia NB. certa veritatis cognitio, quâ tandem

compotes efficiuntur ii, qui philosophantur, solutio est eorum, quæ prius dubitabantur, hoc est, solutione eorum, quæ prius dubitantur, comparatur: solvere autem vinculum nemo potest, qui vinculi nodum ignoret: Quare cum nihil aliud sit, difficultates rei propolite pro utraque parte discutere, quam vinculorum mentis nodos inspicere (nihil enim sunt aliud argumenta pro utraque parte; quam vincula, quibus mens ligatur & impeditur, ne ultra progredi possit) is sane ad veritatis perceptionem optimo se comparabit, qui de propolita re dubia diligenter & accuratè pro utraque parte disputaverit. Sed mentis dubitatio) Sensus est, eundem effectum ostendit in animo dubitatio mentis de re propolita, quem ostendit in corpore vinculum, quo pedes adstringuntur. Utrique enim modo ligati ulterius progredi non possumus. Et quia ii, qui quaerunt) Secunda ratio est, quia ii, qui de propolita re non prius pro utraque parte disputant, persimiles sunt iis, qui, quo eundem sit, ignorant. Nesciunt enim difficultates, quæ in questione latent, ad quas tamen solvendas tenet is, qui probe illam explicaturus est. Accedit quod nequit) Tertia ratio est, quia etsi hujusmodi homines aliquando inveniunt ea, quæ implicite in questione continentur, nesciunt tamen an Finem disputationis consecuti sint, cum difficultates eas, ad quas solvendas disputatio suapte natura dirigitur, plane ignorent. Simile quid accidit iis, qui nesciunt, quantum locus, in quem contendunt, distet ab eo, ex quo exeunt, aut qua in illum eundem sit. Nam etsi in eum forte incidant, ignorant tamen se in illum pervenisse. Ex his duabus rationibus recte colligitur id, quod Albertus scribit hoc loco, Eum, qui non prius dubitat, duobus modis errare, uno, in termino, altero, in via. Præterea melius se habere) Quarta hæc & extrema ratio, quæ ex similitudine disceptantium seu potius iudicis desinitur, ex iis, quæ autor scribit cap. 10. primi de Cælo, majorem vim accipiet. Sic enim ait, *ἀμὲν δὲ καὶ μὴδὲν αὖ ἐπὶ τῶν μέσων τελεθῆναι, ἀποκρινάσθαι τὴν ἀμφότερα τὴν λόγον δικαιοσύνην. τὸ δὲ ἐπὶ μέσων κατὰ διὰ καὶ δόξαν, ἥτιον αὖ ἡμῶν ὑπάρχει, καὶ ἡ δὲ δικαιοσύνη, ἀλλ' ὅτι ἀποδίδωκεν εἰς αὐτὴν τὴν μέσων τε ἀληθὲς κρίνειν ἡμῶν.* hoc est, simul autem, ea, quæ dicentur, majorem fidem habebunt,

si disceptantium rationem jura prius fuerint audita, minusque videbimur indicta causa dammare. Arbitros enim, non adversarios oportet esse eos, qui de veritate, ut res postulat, iudicium laturi sunt. Quod ipsum diligentissime observat Aristoteles, pene ubicunque difficile aliquid, aut controversiam tractandum suscipit, ut videre est in libris Physicorum, de Caelo, & sequentibus. Ex quibus patet, NB. quam inepte & contra Aristotelicum morem philosophentur ii, qui repudiato questionum usu, tanquam Sophistarum invento, omnia docent more Pythagorico, & quasi ex oraculo, neque ullum adhibent examen rationum earum, quæ in subiecta materia pro utraque parte, vel ab aliis propositæ sunt, vel attentius rem consideranti in mentem venire possunt.

VI. *Aristotelis mandatum* de dubitando, ut bene philosophemur, ipsis verbis proposuimus, Trium, eorumque inter necericos præstantissimorum, in verba ista interpretum consensu atque explicatione confirmavimus: nunc ipsum *Philosophi exemplum*, in philosophando omnibus sine contradictione imitandum adducimus. Incipiat *reliqua hujus 1. capitis pars*, quæ solis dubitationibus absolvitur: incipiantur *capita omnia sequentia*, præsertim 4. Incipiantur *libri omnes Metaphysicorum*, de Caelo, de Generatione & Corruptione, de Anima, & ubicunque in veritatem rerum serio inquirat. Sed ante omnia provocamus ad *Aristotelis Problematum sectiones 38. & questiones Mechanicas*, ubi non alia est ipsi agendi ratio usitata, quam dubitando ad veritatem pervenire. Quærit perpetuo, cur hoc aut illud fiat? an ideo, quia sic vel sic, vel alio modo sese res habeat?

VII. Ab *Aristotelis mandato & exemplo* ad *symphoniam & proximum transimus eorum*, quos omnis retro ac præsens ætas maxime celebravit *Aristotelicos*, *Alexandrinum* dico *Apbrodisensem* inter Græcos, *Averroem* inter Arabes, *Thomam & Scotum* inter Latinos, quibus eadem cum Aristotele & mens, est philosophandi per dubitationes methodus. Nemo olim dictus est Aristotelicus, nisi qui esset *Alexandrus*: nemo sæculis non nihil posterioribus dictus est Aristotelicus, nisi qui esset *Averroës*: nemo nunc est Aristote-

telicus, nisi sit vel *Thomista*, vel *Scotista*, vel utrumque ac medium inter eos participationis. Ergo qui cum *Scoto*, *Thoma*, *Averroë*, *Alexandro*, sentiunt, maxime sunt Aristotelici: Atqui sentiunt, recte philosophandi, & indubitæ scientiæ initium esse dubitationem, idem sentiunt non modo cum *Aristotele*, quod nunc est demonstratum, sed & cum *Alexandro*, *Averroë*, *Thoma*, *Scoto*, quod, prolatis illorum verbis, probabimus. Ergo tales sunt maxime Aristotelici.

VIII. Sic commentatur in textum *Aristot. 3. Met. c. 1.* positum *Alexander Aphrodisæus*, qui tempore *Antonini Philosophi* atque *Imperatoris*, circa annum Christi 170. vixit. Necesse est ad eam scientiam, quam querimus, &c.) *Scientia, quam querimus & de qua nobis sermo susceptus est, sapientia ipsa est, & Theologia, quæ Metaphysica inscribitur. Ad investigationem igitur hujus scientiæ, & eorum, quæ per ipsam inquirentur, necessum esse ait, ea primum commemorare ac recensere, de quibus in primis est inquirendum: deinde propositis ipsarum rerum questionibus, rem, quemadmodum est præstat, persequitur. Nisi si quæ hæc ita accipiat, quasi in universum præcipiuntur: doceatque ad omnium scientiam investigandam in universum necesse esse, primum ea commemorare, de quibus est primum differendum, per hæc enim via est ad ea, quæ scire cupimus, invenienda. Quod si ad omnem scientiam, ad hanc quoque induessarium fuerit. Quæ porro in singulis doctrinis dubitare ac differere oporteat, docet, cum ait. (Hæc autem sunt ea, de quibus aliter quidam existimant.) Deinceps in universum confirmat docetque, de re quapiam disputatur, ut, quæ inquirent, inveniant, commodum esse, primum de ipsis querere seu dubitare, &c.*

IX. Sic commentatur *Averroës*, *Magnus* vulgo *Commentator*, in suis ad dictum *Arist.* textum commentariis, qui circa annum Christi vixit 1150. Ad illam, quæ queritur, &c. quia alie scientie considerant particulariter de veritate, NB. & particulariter ad eas pertinet circa singulas veritates dubitare: quia vero *Metaphysica, sicuti Dialectica, habet universalem*

lem considerationem de veritate, sic quoque ad eam pertinet NB. universalis dubitatio de veritate. Cum igitur scientia hæc sit in genere scientiarum, necesse est igitur prius inspicere questionem ejus, & sunt illæ difficiles, de quibus homines in hac scientia sunt contrarii, & sunt etiam aliquæ de quibus dimiserunt perferantur propter suam difficultatem: Finis autem, propter quem fuit necesse incipere à perferatone istarum questionum difficultum, est, quia scientia quaesita, quæ acquiritur ex iis, & scientia solvens omnes difficultates earum: & ideo difficultas alicujus rei præcedere debet ejus solutionem, & hæc fuit causa, quare Arist. primo perferatatus est de rebus difficillimis, antequam ad earum solutionem deveniret: quoniam ita se habet difficultas ad ipsam intellectionem, quemadmodum laqueus ad corpus, & qui ignorat ligamentum, laqueum nescit solvere; & ita illi, qui difficultates ignorant, eas solvere nesciunt: & sic intellectus ligatus nullo modo finem suum attingere poterit, nisi primo ligamentum ejus sit solutum: ligamenta enim intellectus sunt sermones contrarii; & ideo oportet, ut via, ex qua questiones oriuntur, sit alia à via, à qua questiones solvantur, ut modus, à quo fit ligamenti solutio, alius est à modo, à quo fit ligamentum, & NB. sic via ad scientiam inquirendam erit perscrutatio rerum dubitabilium, &c.

X. Sic commentatur Thomas Aquinas in suis ad textum Arist. citat. commentariis, qui vixit circa annum Christi 1260. Inest autem investigare volentibus) dicit in 1. Philosophus NB. quod ad hanc scientiam, quam querimus de primis principiis & universali veritate rerum, necesse est, ut primum aggrediamur ea de quibus oportet dubitare, antequam veritas determinetur. Sicut autem hujusmodi dubitabilia propter duas rationes, vel quia antiqui Philosophi aliter susceperunt opinionem de eis quam rei veritas habeat, vel quia omnino prætermiserunt de his considerare. Assignat autem 4. rationes sue intentionis, & primo dicit, quod NB. volentibus investigare veritatem contingit (bene dubitare) id est, bene attingere ad ea, quæ sunt dubitabilia; & hoc ideo quia posterior investigatio veritatis nihil est aliud, quam solutio prius dubitatorum, &c.

XI. Sic commentatur Ioh. Duns Scotus in suis ad textum Met. cit. commentariis, qui vixit circa annum Chr. 1308. Necesse est &c.) Postquam Philosophus in secundo libro determinavit de his, quæ spectant ad considerationem veritatis in communi: nunc descendit ad determinandum ea, quæ spectant specialiter ad considerationem hujus scientiæ. Circa quod duo facit. Primo procedit modo disputativo & dubitativo. Secundo procedit modo determinativo five demonstrativo.

Est autem operæ pretium &c.) dicit: NB. quod volentibus investigare, s. veritatem, inest: oportet bene dubitare, ab initio, i. principio inquisitionis. Cujus rationem subdidit, quia investigatio posteriorum in inquisitione veritatis non est aliud, quam solutio priorum dubitatorum.

Illi qui querunt) suppl. veritatem, sine investigatione, s. dubitatorum, similes sunt ignorantibus, quo oportet ire, i. illis, qui nesciunt quo vadant. Ratio hujus est, quia sicut terminus viae intenditur ob ambulante, NB. ita exclusio dubii est finis intentus à speculante & inquirente veritatem; sicut ergo ille, qui nescit, quo vadit, non potest pervenire ad terminum, nisi forsitan à causa; sic NB. nec alii quis potest directe inquirere veritatem, nisi dubitationem prævideat & præcognoscat.

XII. Præter horum Aristotelis Interpretum maximè Aristotelicorum ad confirmandam thesin positam adducta testimonia, ipsa recentiorum in philosophando praxis eundem stabilit: inspiciantur, qui jam aliquot sæculis Aristotelis Philosophiam poss. Thomæ & Scoti ætatem pertracantur: an non ad instar Præceptorum suorum prius dicant, quæ non sit vera sententia quam quæ vera? an non prius dubitantes reddant lectorem, dubitationes & objectiones movendo, quam eum à dubitando liberent, objectiones & dubitationes solvendo? Consuetudo Thomæ agendi ratio in summa Theol. est (videtur quod non) antequam accedat ad suum, (sed dicendum.) Consuetudo Scoti in questionibus Physicis & in aliis agendi ratio est (arguitur quod non) antequam accedat ad suum (ponitur Conclusio.) Videatur modus procedendi Dominico



de Flandria & Paulo Sonzinati in Metaph. Javello per omnem philosophiam, hodiernis Complutenfis, Conimbricenfibus, Ruvio, Maſio, Toſeto, &c, ne longus ſim, omnibus omnino Ariſtotelicis uſitatus, qui ſolam hanc prius dubitandi viam ingreſſi ſunt, ut ad ve-

ritatis penetralia intrarent, lectoremque intro- ducerent. Quare nec ab Ariſtotelis nec ab Ariſtotelicorum ſententia aut praxi abit, qui aſſerit, initium recte philoſophandi & indubi- tate ſcientiæ eſſe dubitationem, quod erat de- monſtrandum.

**N**Ullius additum jurare in verba Magiſtri,  
Nec ſervum cuiquam vendere iudicium,  
Nec male captivas in vincula tradere mentes,  
Nec curare nimis ſequitur, ad res iſta,  
Ilicet aſſenſu non credere velle ſupino,  
Doctores credi que volvere ſui:  
Nolle Stagiraſi aut divini ſcita Platonis,  
Ceu ſemper fuerint indubitata, ſequi,  
Oraculumque foret Phœbi, foliumque Sibylle,  
Quicquid ſive Plato vult, vel Ariſtoteles:  
Suſpicienda quidem ſibi nomina ducere, ſed non  
Numina; divinos, non tamen eſſe deos;  
Digna viro Virtus & libertate Bataria eſt,  
Digna patrocinio, magno Batarie, tuo.  
In medio verum poſuit Deus: huius amicos  
Eſſe homines, hominum parcus eſſe decet.

Quisquis homo eſt, errare poteſt: cognoſcere ve- rum

Indubie, proprium novimus eſſe Dei:  
Rerum certa fides & regula firma ſciendi,  
Scrutando nobis & dubitando venit.  
O veri ſine nube coloris ſtudioſa, frequenti  
Huc ades, huc propera non titubante pede.  
Liberius currat tibi mens vaga, quâ putet orbis  
Pagina, naturæ pagina quanta patet.  
Nectibi qui Doctôr, tibi ſit Dictator, & una  
Te ratio, non vox te trahat ulla viri,  
Recte dixeris te vult Hereboordius, omnia de-  
nec  
Abdita nodorum ſol veris ipſa tibi.  
Hæc adeo eſt ſanæ mentis ſententia, poſthæc  
Ne dubites, juſſit te dubitare prius.

HENRICUS BRUNO.

## Disputationum ex Philoſophiâ ſelectarum,

Voluminis Secundi,

### QUADRAGESIMA-QUINTA

DE

## PRIMO COGNITO.

THESES I.

**R**ECTA demum philoſophandi & vera re- rum veritatem atque exiſtentiam in- veniendi ratio in eo eſt ſita, ut certa ſemel ab incertis diſcernantur, & incerta per certa de- monſtrentur.

II. Certa ſunt, de quorum veritate aut exiſtentia nullo modo dubitari poteſt; incer- ta contra.

III. Intelligimus hic certitudinem veri-

tatis aut exiſtentię, non in terminis ſimpli- cibus aut propoſitionibus per ſe notis atque æ- ternæ veritatis, ſed in rebus ipſis.

IV. Si illa certo exiſtant, de quibus dubi- tari nequit, illa contra non certo exiſtant, de quibus dubitari poteſt, nihil certius eſt, quam exiſtere rem quæ dubitat.

V. Nam qui inquiriſt in rerum omnium ve- ritatem & exiſtentiam, & in omnibus aliquid, vel



vel minimum, invenit cur de iis dubitet vel dubitare possit, nihil invenit, cur de se, in rerum omnium veritatem atque existentiam inquirente & jam dubitante, ipse dubitet.

VI. Nam fieri non potest, ut, quod inquirat, quod dubitat, dum inquirat, dum dubitat, non sit.

VII. Itaque, hoc primo omnium in philosophando est cognitum, verissimum, certissimum, *Inquirō, dubito, cogito, Ergo sum.*

VIII. Et, existentia rei inquirentis, dubitantis, cogitantis, vera est ac certa primo, vi infallibilis illationis ac demonstrationis.

IX. Unde, hæc veritas & certitudo rei existentis quæ inquirat, dubitat, cogitat, prima est, & primo cognita, inter veritates illas ac demonstrationes.

X. Nam, quin sit prior veritas ac certitudo prius cognita aut cognoscenda in terminis simplicibus & propositionibus; non illatis, sed inferentibus, nullum est dubium.

XI. Quippe non potest cognosci vere & certo, eum, qui inquirat, dubitat, cogitat, existere, eo quod inquirat, dubitet, cogitet, nisi prius cognoscatur an & quid sit inquisitio, dubitatio, cogitatio, certitudo, existentia, &c.

XII. Nam in hoc Syllogismo, *Quod inquirat, cogitat, dubitat, illud existit. Ergo inquirō, dubito, cogito. Ergo existō.* Primum debent cognosci propositionis majoris termini, & ipsa major, sc. quod fieri non possit, ut id, quod inquirat, cogitat, dubitat, non existat, antequam per eam demonstraretur conclusio, ac cognoscatur.

XIII. Nam in omni demonstratione aliqua requiritur præcognitio; ex parte terminorum, quid sint, sc. nominis, ex parte præmissarum, an sint veræ; hoc vero ipsum de conclusione, & de prædicato ejus, an sit, demonstrandum ac cognoscendum est.

XIV. At, ista veritatis de terminis & præmissis, an sit, cognitio in nullius rei existentis notitiam philosophantem inducit.

XV. Is vero rei existentis notitiam veram, certam, primo sibi cognitam querit.

XVI. Illa veritas prima, certa, de rei

alicujus existentia, primo per demonstrationem cognita est hæc, *Ego sum.*

XVII. Nihil enim nunc accipimus verum nisi accuratissime ac certissime demonstratum.

XVIII. Atque, inter veritates accuratissime & certissime demonstratas, nulla est prior hæc, *Ego sum.*

XIX. Neque hæc veritas prius, aut certius, aut verius inferitur, quam per hunc terminum medium, *Inquirō, cogito, dubito.*

XX. Quippe hæc est absoluta, prima, & certissima veritas, *Cogito, inquirō, dubito, Ergo sum.*

XXI. Nec certa, nec absoluta, nec prima veritas est, *Loquor, ambulo, video, Ergo sum.*

XXII. Quia certa rei existentia non potest inferri in conclusione ex medio incerto, aut incerte existentia.

XXIII. At hi actus loquendi, ambulandi, vivendi, incertum est ac dubium, an sint.

XXIV. Contra actus inquirendi, cogitandi, dubitandi, certum est ac indubium, quod sint.

XXV. Nam philosophamur jam & veramur nunc in prima, absoluta, & certissima veritate inveniendâ.

XXVI. Illud vero fieri non potest sine inquisitione, cogitatione, dubitatione.

XXVII. Si actus sint cogitandi, inquirendi, dubitandi, oportet & substantiam dari aut rem, quæ cogitet, inquirat, dubitet.

XXVIII. Nam substantiam aut rem esse non immediate, sed per ejus actus cognoscimus.

XXIX. Impossibile enim est actum esse, ubi non sit substantia.

XXX. Ergo bene sequitur, *Ego cogito, ego dubito, ego inquirō, Ergo sum.*

XXXI. Itaque, cuilibet philosophanti, hæc prima occurrit, absoluta, certissima veritas, *Inquirō, dubito, cogito, Ergo sum.*

XXXII. Actus vero loquendi, ambulandi, videndi, ut sunt actus corporis, incertum esse, an sint, quod th. 25. est dictum, ex eo liquet, quia de iis à philosophante dubitari potest.

XXXIII. Dubitari vero potest, quia sepe non loquimur, non ambulamus, non videmus, nec linguam, nec pedes, nec oculos movemus. cum nos loqui, ambulare, videre, existimamus, ut in somno.

XXXIV. At contra dubitari non potest, an cogitemus, dum inquirimus, dum dubitamus, quia, existimantes ac dubitantes nos inquirere, jam cogitamus.

XXXV. Itaque non potest inferri in philosophando, ut primo & absolute certum ac verum, *video, loquor, ambulo, Ergo sim.*

XXXVI. Nam si non sit certum me loqui, videre, ambulare, multo minus certum est, rem esse, quæ loquitur, videt, ambulat.

XXXVII. Si enim actus est incertus, vel incerta existentia, multo incertior est existentia substantiæ seu rei cuius est actus.

XXXVIII. Ergo dubitari potest à Philosophante, an sit res vel substantia, quæ loquitur, ambulat, videt.

XXXIX. Dubitari non potest ab eodem, an sit res, vel substantia, quæ cogitat, inquit, dubitat.

XL. Ergo prius est, verius est, certius est, esse rem cogitantem, inquirentem, dubitantem, quam esse rem loquentem, ambulantem, videntem.

XLI. Imo, hoc solum certissimum est & verissimum & primo cognitum, datur res cogitans, inquirens, dubitans.

XLII. Hinc jam ulterius progrediendo probari potest, prius quoque, verius, & certius esse, dari animum quam corpus.

XLIII. Nam si prius sit verius, & certius, esse rem cogitantem, inquirentem, dubitantem, quam esse rem loquentem, ambulantem, videntem, quia illius actus sit prior, verior, certior huius actu, etiam prius est, verius est, certius est, dari animum quam corpus.

XLIV. Ratio est, quia rem cogitantem, inquirentem, dubitantem, vocamus animum; rem loquentem, ambulantem, videntem, vocamus corpus.

XLV. Sumimus enim hic *ad* videre, loqui, ambulare, prout corpore peragitur,

non pro cogitatione aut conscientia loquendi, ambulandi, videndi.

XLVI. At prout corpore sunt, loqui, ambulare, videre, sunt actus corporis, sicuti cogitare, inquirere, dubitare, sunt actus animi.

XLVII. Nam ipsa ratio & usus jubet, ut actuum diversorum principii & subjectis diversa tribuamus nomina.

XLVIII. Atqui hi actus, cogitare, inquirere, dubitare, & loqui, videre, ambulare: sunt diversissimi.

XLIX. Quippe aliis alii priores, certiores, veniores.

L. Ergo & recte eorum principii & subjectis diversa tribuuntur nomina.

LI. Illorum principium ac subjectum vocamus animum, mentem (substantiam intelligentem alii) ejusque actus, cognitivos, horum principium ac subjectum vocamus corpus (alii substantiam extensam) ejusque actus corporeos.

LII. Sicut autem, actus substantiæ intelligentis animi, esse, prius est, certius est, verius est, quam esse actus substantiæ extensæ, corporis: ita prius est, certius est, verius est, dari substantiam intelligentem, animum, quam dari extensam, corpus.

LIII. Ac jam via istrata est ad animi à corpore distinctionem agnoscendam.

LIV. Nam si nomina diversa recte sint tributa principii ac subjectis actuum diversorum, oportet & ipsa principia, & subjecta istorum actuum esse diversa.

LV. Consequenter, oportet substantias esse diversas, intelligentem & extensam, animum & corpus.

LVI. Sed istam diversitatem, à priori hic nos non demonstramus, ne tituli instituti limites transiliamus.

LVII. Nam ad id principii & hypothesis adhuc aliis est opus.

LVIII. Sufficit nobis, ostendisse, philosophanti cuilibet, & certam rerum existentium veritatem inquirenti, hanc primam occurrere, verissimam ac certissimam veritatem de rerum existentia primo cognitam, *Cogito, inquiero, dubito, Ergo sim.*

LIX. Eam

LIX. Eam sequitur, quæ secundo se offert ordine Philosophanti, datur animus.

LX. Quomodo porro ex hac certissima sui ipsius atque animi sui notitia, ad Dei re-

rum omnium, sensibilibus atque intelligibilibus existentium, notitiam veram ac certam perveniat Philosophus, penitioris est inquisitionis & alterius temporis.

## Disputationum ex Philosophiâ selectarum,

*Voluminis Secundi,*

### QUADRAGESIMA-QUINTA.

PRO

## LIBERT. PHILOSOPHANDI.

THESIS I.

PRæclara semper & maxime illustris via est ea philosophandi methodus, quæ, non tam hominum autoritate quam nature luce subnixâ, solute & liberè in vero exquirendo versatur: sique in primis laudandi videntur Philosophi, qui nulli sapientium sectæ sese addicunt, sed veritatem ipsam, ubicunque putant ac possunt, undecunque, magnâ industriâ studioque cónquirunt: nihil enim viro ingenuo magis est dignum quam iis assentiri, quæ aut vera esse, aut quam proximè ad veritatem accedere, ipsâ duce ratione cognoverit: itemque ab iis assensum cohibere, quæ vel incerta sunt, vel falsa esse eadem ratio demonstraverit: fuerunt tamen olim suntque etiamnum hodie nonnulli, qui hunc philosophandi morem nullum esse dixerint ac dicant, quod viri præstantes in omni doctrinæ genere excelluerint, quos tanquam principes atque sapientes sequi debeamus: atque hic ante omnes alios *Aristotelem* proferunt, qui primus omnium totam disposuerit Philosophiam, eandemque certis causis constitutisque principiis stabiliverit ac confirmarit: ab hoc qui recedat, illum ab eo, quod nobis ratio verum esse ostenderit, recedere, & à veritate desciscere. antiquitus contendebant, hodieque contendunt: hinc est, quod rei fiant & strenuè accusentur, qui Aristoteli contradicere olim sunt ausi aut nunc ausint, quasi isti Philosophiam bene, ut ajunt,

constitutam perturbent atque evertant: At vero hoc ipsum lenius ferri posset, si illi qui tale iudicium ferunt, de hoc negotio iudicare valerent, & nisi ipse *Aristoteles* contrarium judicasset, qui auream istam nobis gnomam reliquit, *Amicus Socrates, amicus Plato, magis amica veritas*. Sed in causas inquirendum est, quæ tam misere servitutis durum jugum hominibus Aristotelicis (sic enim vocari gaudent servilia ista ingenia) imposuerint, ut cum Aristotele errare, quam cum aliis bene sapere, malint: Nam eo stultitiæ nonnulli devenerunt.

II. Quod Aristotelici sibi libertatem philosophandi ademerint, ejus cause sunt, 1. Nimia reverentia *Aristoteli* tributa, atque inde exorta ignava credulitas ac cæca obedientia. 2. Nimia sui ipsorum atque effeminata plane dissidentia, ex quo Aristotelem tantopere suspexere. Postquam enim invaluit illud *magni Commentatoris*, hominis tamen ineptissimi, & qui nomen potius, si per Latinæ Linguae genium liceat, *Commentoris* sit meritis (tot enim commenta reliquit) quod à mille & quingentis annis nullus in textu Aristotelis deprehensus sit error: postquam ab eodem Arabe, tanquam altero Apolline, hæc oracula ceu ex tripode fuerunt pronuntiata, *Aristoteles est regula & exemplar, quod natura invenit ad demonstrandam ultimam perfectionem humanam; & Aristotelis doctrina est summa veritas, quoniam*

quoniam ejus intellectus fuit finis humani intellectus: quare bene dicitur, quod fuit creatus & datus nobis divina providentia, ut sciremus quicquid sciri potest: postquam hæc ac similia Averrois dictata philosophantium animos occupavere, à perisq[ue] in ejus verba juratum est: & soli Aristotelis authoritati innixi, sibi diffusi non tantum animis, sed & aliorum, quantum in se fuit, auisim, compedes injicere: illud, *ὡς τὸ ζῆν*, clypei instar ac scuti vice omnibus præconcep[te] opinionis hominibus in philosophando fuit. At contra visum est cordatioribus Philosophis, ac, ne multos proferamus, unus instar omnium nobis erit, qui ante annos demum 21. obiit, *Philosophie Professor in Acad. Marpurg.* celeberrimus, cujus hæc existant verba, lectu ac notatu dignissima, in via ad *Nicol. Tauwelman* epistola, ejus de rerum æternitate libris præfixa. Quo sapientie studiosus veritatem (que nostratis Philosophiæ est anima) cariorem habet & antiquiorem, eo debet esse in differendo liberior: nec decet Philosophum esse mancipium alieni capitis. Fuerit sane à naturâ omne ingenii acumen in Aristotele ostentatum, sit Aristoteles homo de universa sapientia præter supraque omnes mortales bene meritis, sit sapientie nostræ pater & dux, sit summus dictator sapientia, sit summus Philosophorum imperator, sit Philosophici regni, sapientie, laudis litterariæ aquila, sit veritatis Hercules, tribunal, sit Philosophorum nomen, sit denique vir omni laude major, omnique calumniâ potior, quibus elogiis *Julius Scaliger* eum ornat, non tamen hoc nature miraculum NORMA VERITATIS est, cum vel ipse agnosens imbecilem mentis suæ aciem, ad vestiganda nature penetralia, veritatis cursum non ubique tenuerit. Hæc ibi *Goclenius*, cui calculum addimus.

III. Censemus itaque, non Aristotelis Philosophiæ Peripateticæ Principi, tanquam uni & soli Philosophiæ Magistro, mordicus in philosophando adhaerendum, sed libere esse philosophandum, non ex ejus autoritate ad ejus opinionum & sententiarum placitum, sed ad sensum ac rationis dictamen: atque hæc est vera ac genuina, plana, solida, atque unica philosophandi ratio ac via, ut sensus ac rationis, non Aristotelis ductum sequamur, ut

omnia, quæ sunt ac fiunt in rerum natura, in macrocosmo ac microcosmo (qui uterque objectum est Philosophiæ, non oracula & placita Aristotelis) ad sensum ac rationis trutinam expendamus: atque adeo non modo licet, sed debet dubitari semper & ubique de omnibus iis, quæ ex Aristotele à Peripateticis tradi solent (nisi sensu ac ratione confirmentur ac comprobentur) utrum unumquodque tale sit, uti esse traditur, & si quid ita esse, uti traditur, fuerit deprehensum, (neque enim omnis veritatis expers credi debet Philosophia Aristotelis ac Peripatetica) quare ita sit, est inquirendum: & ille est modus veritatem de rerum natura ex iis fundamentis eruendi. Hoc est ergo, quod asserimus libere, nulli in philosophando convenire, ut se vel Philosophiæ Peripateticæ, vel Aristotelis conclusionibus ac principiis adstringat; adeoque nullam esse sectam eligendam, nisi forte electam *ἐκλεκτὴν*, de qua in procemio *Laertius*, ubi, quicquid Stoici, Platonici, Epicurei, Aristotelici, & quicunque unquam existerunt Philosophi, in philosophando potius, protulere, eligitur, accipitur, donec & quamdiu sensui & rationi fuerit comprobatumque.

IV. Philosophiæ Peripateticæ sectariis fides non est obliganda, quia illa Philosophia multis partibus deficit, multis modis est intricata, ambagiosa, & in multis erronea, quoniam, in plurimis, nisi examine tur, reformetur, corrigatur, periculosa ac noxia, quod vel ab Ethnicis vel ab heterodoxæ religionis hominibus sit exulta potissimum: à quibus ambagibus & erroribus ut liberari possit, eolvenda est omnino, sed libero mentis judicio, nulli sese alligando: uti contra Peripateticis in more est positum, quibus fas non est, ab Aristotele recedere; eum refutare, scelus ac piaculum; imo non tantum Aristoteli, sed & Averroï, & Alberto, & Thoma, & Scoto, & Okamo, & nescio quibus non, nomen dedere, quod tot nomina Averroistarum, Albertistarum, Thomistarum, Scotistarum, Okamistarum, & tot cursus Thomastici & Scotistici, &c. satis ostendunt Peripateticis libertatem suam non Aristoteli tantum, sed huic aut illi etiam

ra,  
er-  
ula  
io-  
on  
&  
ele  
ra-  
u-  
di-  
erit  
ta-  
elis  
en-  
um  
cit  
hi-  
hiz  
bus  
am  
am  
as,  
rei,  
ite-  
re,  
&  
per-

ides  
mul-  
tri-  
uin-  
me-  
uod  
onis  
ibus  
, e-  
udi-  
steti-  
b, ab  
as ac  
ed &  
& O-  
dere,  
tiffa-  
niffa-  
Cv.  
luam  
etiam  
ex

ex  
lis  
cy

no  
ru  
til  
vo  
ej  
bu  
di  
&  
m  
M  
po  
A  
pr  
m  
H  
A  
fu  
A  
d  
li  
d  
n  
t  
n  
P  
d  
f  
v  
S  
i  
C  
i  
n  
A  
n  
b  
q  
m  
q  
S  
m  
A  
ta  
tu



ex ejus interpretibus vendiderunt; qui servilis agenda modus in Philosophia Peripatetica evolvenda omnino est vitandus.

V. Sed non tantum *Scoto*, ut *Franciscani*, non tantum *Thomæ*, ut *Dominicani*, non tantum *Averrois*, ut quidam ex *Latinis* interpretibus, sed ne ipsi quidem *Aristoteli* animus devovendus, aut fides est danda, quem, præter ejus mancipia, ex Veteribus ac Recentioribus, multi deserunt, cui multi apertè contradicunt: Ex Veteribus præ aliis nominandus, & Philosophiæ & Martyrii laude celeberrimus, qui ab utroque nomen retulit, *Justinus*, Martyr, ac *Philosophus* dictus: hic librum composuit sub titulo, *Confutatio dogmatum Aristotelis*, ubi multa ex *Aristotele* refutat, & in procemio inquit, *Aristotelem* nihil rectè definiisse, de his quæ dicere proposuit. *Nazianzeni*, *Hieronymi*, *Epiphani*, *Tertulliani*, *Cyrilli*, *Lactantii*, imò ipsius *Augustini*, testimonia contra *Aristotelem* collegit *Thomas Campanella* in suo prologo *Instaur. scient.* ipse scriptis contra *Aristotelem* & *Peripateticos* clarus: imò ibidem *Thomam*, ac *Durandum*, paucosque alios, nonnunquam *Scholasticos* ab *Aristotele* didicere, licet in paucis, fuisse austos, idem refert. At verò plenissimè servitutis Aristotelicæ jugum excusserunt, qui barbariem à nobis litteris absterferunt, eruditionem ac Philosophiam suo nitore restituerunt, cum densissimæ tenebræ orbem litterarium invasisent ante duo sæcula, *Franciscus Petrarca*, variis in libris, sed præsertim tractatu de *ignorantia sui ipsius & aliorum*; & *Laurentius Valla*, in sua *reconcinatione Dialecticæ & fundamentorum universalis Philosophiæ*, in cujus procemio verba extant huc quam maxime spectantia, quæ hic (quia liber *Vallæ* in paucissimorum est manibus) apponere non pigebit: sic inter alia inquit: *Libertas semper Philosophis fuit fortiter dicendi quæ sentirent, nec solum contra principes aliarum sectarum, sed & contra principem suæ; quanto magis his qui nulli sectæ se addixerunt? Quo minus ferendi sunt recentes Peripatetici, qui nullius sectæ hominem interdiciunt libertate ab Aristotele dissentendi. Aristoteli se opposuere tanquam Tyranno, generosi isto sæculo Spiritus homines, Johannes Picus, Patruus, & Io-*

*hannes Franciscus Picus, Nepos, Mirandula Comites*; quorum posterior in examine vanitatis doctrinæ Gentium & veritatis disciplinæ Christianæ, sex librorum tres posteriores, uni *Aristoteli* refutando, impendit *Aristotelem*, parum solidum, in definiendo vastum, non multum bonæ frugis habere, falsas opiniones fovere, in septem de corruptis artibus, & quinque de tradendis disciplinis libris, ostendit *Ludovicus Vives*, qui inter alia l. p. de causis corr. art. egregiè de hoc negotio differit: *Profecto*, inquit, *Aristoteles ipse*, si nunc viveret, etiam si fuisset insolentissimus, cujusmodi non fuit (nam multa modestiæ ejus signa impressa sunt in ejus libris) sed si arrogantissimus fuisset, istorum tamen stultitiam irrideret, ac castigaret. At quorum, mi Vives? Subjungit; Quorum persuasio effecit, ut multa reciperent in Philosophiam pro compertis atque exploratis quæ minime erant talia? Videlicet, *Aristoteles dixerat. Vivem* secutus est simili instituto, & durissimæ servituti suam cervicem subtraxit, quam tamen furenti ac sanguinolento postea hostium ensi, ob id quod *Aristoteli* contradicendo Theologiam crederetur, sed falso, enervasse, à Peripatetico Collega *Carpentario* vel ejus filio proditus submittere debuit, odiosum multis, multis pretiosum, nomen, *Petrus Ramus*, *Regius Eloquentiæ ac Philosophiæ* in Acad. Parisiensis Professor, cujus extant adversus *Aristotelem Scholæ Logicæ, Physicæ, Metaphysicæ*, quæ Libertatem philosophandi omnibus in posterum asseruerunt, quam & usurpare solent ejus Philosophiæ cultores, ab ejus nomine dicti *Ramei*, invita multis capita. At præter *Ramum* ac sequaces pro libertate contra Aristotelicæ tyrannidis jugum pugnarunt tot alii, *Telesius de rerum natura*, *Patritius in discussionibus Peripateticis*, *Basso in sua Physica*, *Chassimus de natura & mundo*, *Campanella in multis libris*, *Flud in Philosophia Monastica*, & plerique ex hodiernis Mathematicis, ac præsertim *Copernicana hypotheseos assertores*. Quid? quod inter *Scholasticos* & *Monachos Jesuitas*, *Aristotelis commentatores* & commendatores nimios, multi hodie *Aristoteli* contradicant: *Conimbricenses* liberè ab eo recedunt, *Hurtado* eum ignorantiz

& oblivionis reum agit: *Arriana* ipsum non curat: imo ante quinquennium *Carannus Lobowitz* Lovanii Philosophiam edidit rationalem & realem, in cuius præfatione statim in limine ait, *Aristotelem* illic à se sæpius deseri, rarius defendi, crebrius impugnari, imo nunquam carpi & vituperari, eum quidem lucem & nonnunquam sibi esse, nunquam ducem, sibi non fuisse *Scopum*, ut ei adularetur: probat ibidem *Campanella* disputationem, quam instituit in prologo instaur. scient. ubi *Aristotelismum* evertendum, *Aristoteli* contradicendum, ejus autoritatem minuendam, variis conclusionibus docet, imo rationibus haud contemnendis probat, in aliquibus id necessarium esse necessitate præcepti ac salutis, in aliquibus esse utile, in multis licitum, imo in omnibus, ubi ratio contradicit *Aristoteli*. Hæc tuetur *Campanella*, *Monachus* ord. Præd. probat. *Lobowitz*, *Abbas Melroensis*, qui eadem præfatione *Aristotelis* Physicam, causarum causam, Ethicam, finium finem, negare demonstrat: actandem concludit ibidem, *Dare nomen Christo & Aristoteli* sepissime est impossibile, aliquando difficile, perraro necessarium: profiteamur igitur potius, quam *Peripateticam*, *Academiam Christianam*. At Christiana hæc est libertas, Christianis omnibus concessa, eorumque animis innata, in iis, quæ rerum spectant naturam & Philosophicæ sunt contemplationis, nec *Aristotelis* nec ullius hominis autoritati mentem suam subicere, judicium suum submittere, quod, soli divinæ circa religionem autoritati in verbo Dei, est præstandum.

VI. Sed, ne autoritate hominum tantum philosophandi ac sentiendi contra *Aristotelem* libertatem vindicare videamur, ultra pergitur, ac dicimus nullam posse rationem proferri, cur ita in *Aristotelis* principia & opiniones jurent Philosophi, ita sacrum ejus textum habeant, ut ei ne contradicendum sit: at contra incertum est, an *Aristoteli*, cui ita submitti collum voluit, ullus extet qui ejus sit liber ab eo compositus; quod vel ex ipsis ejus Interpretibus haud difficulter colligi potest, qui cuilibet libro interpretando proponunt hanc quæstionem, *Sine hujusmodi liber Aristotelicus, necne?* & videatur de hac quæst. *Joh.*

*Fran. Pic. l. 4. c. 4. Exam. Van. Doß. Gent.* & certè multi nobis ex *Aristotelis* libris deficiunt, quos *Laërtius* recenset, & multi nunc extant sub ejus nomine, quos *Laërtius* non recenset, & probabile est, in *Bibliotheca Alexandrina*, spurios pro legitimis Codicibus *Aristotelis* nonnullos esse suppositos: sed de mus extare aliquos *Aristotelis* libros; at incertum est, quid sit in illis ipsius *Aristotelis*, propter varias & temporum & correctorum injurias, propter excipientium & transcribentium naves ac vitia, quam infelicem *Aristotelis* voluminum sortem ex *Strabone* & *Plutarcho* fuisse probant *Joh. Franc. Picus, lib. cit. cap. 5. Ram. Schol. Dialect. l. 1. c. 7.* At vero & hoc largiamur: sunt *Arist.* omnia quæ hodie extant: ratio tamen dubitandi manet alia, quæ incertitudinem arguit: Stylus truncatus & ambiguus, in multis saltem, iisque libris qui hodie maximè præleguntur, cum tamen aureum flumen à *Cicerone* ipsi in dicendo sit tributum: Cæterum, ne hoc ipsum quidem urgeatur, nondum tamen ex hisce omnibus concessis evictum est, Philosophos in philosophando reddendos esse se ejus servos dediticos ac mancipia: nam, sint *Aristotelis* libri qui extant, sit ejus doctrina, quæ iis continetur, ab ipso profecta: jusque stylo conscripta: nulla tamen causa est, cur ejus doctrinæ principiis & opinionibus nos mancipemus, cur ei soli sacramentum dicamus, ipsi nos totos submitamus, addicamus, adstringamus: imo contrà rationes sunt sufficientissimæ, cur id non faciamus, libertatemque philosophandi nostram saram tectam servemus: Nam, apud quem innumera deficiunt atque omittuntur, quæ tamen scire Philosophi veri & perfecti interest, apud quem multa superflua sunt & tautologica, apud quem multa sunt falsa, impia, veritatis ac religioni injuria, apud quem multa pugnant & contradicunt: in ejus verba & opiniones non est jurandum. At apud *Arist.* in libris qui extant, ipsique adscribuntur, hodieque Philosophiam Scholis & Academicis proponunt, innumera deficiunt, abundant, fallunt, pugnant. Ergo. Minorem probatam dare per chartæ angustiam quia non licet, defendendam eam in ipso disputationis actu suscipimus, & vice thesum.

sum legi possunt libri 4. 5. 6. *Joh. Franc. Pic. de Exam. van. doct. Gentil. & Schol. Pet. Ram. Log. Phys. Metaph. & Comment. Anahy. Audom. Tal. in lib. 1. Ethic. Arist. quibus, cui lubet, addi possunt, Franc. Patric. in dis-*

*cuss. Peripat. Campanell. in questionibus disputatis ad Philosophiam Epilogisticam suam ac realem, & in suis Metaphysicis. Vives in lib. jam cit. Gassendus in exercit. paradox. adversus Arist.*

## Disputationum ex Philosophiâ selectarum,

*Voluminis Secundi,*

### QUADRAGESIMA-SEXTA.

DE

# ENCYCLOPÆDIA.

## THESIS I.

Varis multisque modis omnes omnino discipline, partesque disciplinarum inter se conveniunt, ac præsertim, ratione tum efficiens (sunt enim ab eadem origine) tum finis (tendunt enim ad eundem scopum) tum materie, tum forme, tum exemplaris: unde perpetua est earum *analogia*, quâ amice inter se conspirant, ac fororior quasi vinculo colligantur & quædam est in se invicem quasi imitatio, quâ in infinitum sese mutuo notificant, explicando, probando, amplificando: atque hanc disciplinarum & partium in iis relationem, notatu dignissimam, scite exprimit vox, ENCYCLOPÆDIA.

II. Ratione originis in communi *causâ efficiente* conveniunt disciplinæ, quia à *Deo* omnis naturæ, gratiæ, ac gloriæ principio profisciscuntur, legitimoque humanæ rationis *facultatum*, tum *inventricis*, tum *judicatrici*, ususque exercitio acquiruntur: qui facultatum usus consistit partim in omnigena perceptione seu receptione, ubi *ad nos sensus & ista observatio*, partim in perceptorum dextra ac frugifera collatione, quo pertinet *invenio inductio*, & *invenio experientia*, partim in primorum axiomatum, istis mediis ac instrumentis inventorum, quæ disciplinarum omnium sunt fontes, columnæ ac normæ, ordinatissima catena, quod judicii est. Sed hæc paulo plenius sunt explicanda.

III. Causa efficiens disciplinarum, posita *Deum*, omnis boni autorem, est & *vires mens ratio humana*, tum *inventrix*, tum *judicatrix*: hæc enim duo sunt ejus munia atque officia, invenire ac judicare. Ratio, cum ex se disciplinarum præcepta promere nequeat, ex rerum omnium usu ea petit ac colligit, usâ, ad eorum *inventionem*, quatuor, seu mediis, seu adminiculis, seu instrumentis, sensu, observatione, inductione, experientia. *Sensus* est primum rationis instrumentum, notiones & imagines rerum singularium perceptas, seu singula & singularia in hominum peritorum usu cognita exempla, ad intellectum transmittens. Secundum rationis in inventione disciplinarum instrumentum est *observatio*, quæ exempla varia à sensu percepta observat, & colligit, memorizque tanquam fideli rerum custodi mandat. Tertium huic disciplinarum inventioni inserviens instrumentum est *inductio*, quæ ex multis variisque exemplis, in usu vitæ humanæ, sensu perceptis, memoria retentis, sufficienterque enumeratis, constituit notionem universalem: verum, quia inductio facile nos in errorem inducit, debet notio ista universalis, sensu, observatione, & inductione collecta, ad *experientia*, tribunal sisti, quæ (quartum inventionis hujus instrumentum) generalem istam notionem suo testimonio quasi calculo confirmat, eamque ita illustrat

ac comprobat, ut sine ulla dubitatione mens isti notioni universalī assentiatur. Accedit tum ratio *judicatrix*, quæ notionem universalem, *sensus, observationis, inductionis, experientia* beneficio inventam, si per se fuerit manifesta, in *axiomate* dispositam, ad tres illas leges scientificas, *ἡ πᾶν τὸ κτλ' αὐτὸ, κτλ' ὅλῳ πρῶτον*, exigit atque explorat; sin dubia fuerit ac controversa, *sylogismo* eam discutat ac probat, denique varias notiones ita inventas, axiomatice dispositas, *sylogismo*, cum est opus, confirmatas, *methodice* inter sese ordinat.

IV. Ratione scopi in communi *sine* conveniunt disciplinæ omnes, quia *ad Deigloriam hominisque* in hac vitâ perfectionem atque *utilitatem* naturâ suâ sunt ordinatæ: itaque sic singularem disciplinarum in singulis partibus præcepta fuerint instituenda, ut quam maximè faciant, ad pietatis in homine adversus Deum promotionem, & ad probitatis respectu sui & proximi exercitium, atque sic ex disciplinis omnibus ac singulis existeret perpetua ac continua elevatio mentis ac rationis in Deum.

V. *Materia* communis, in qua disciplinæ omnes conveniunt, sunt *præcepta*: ex iis enim disciplina omnis, tanquam ex membris corpus, constituitur: Ea non rudia esse oportet atque impolita, sed expolita atque apta ad scientiam gignendam: quod ut præstent, *legibus scientificis, ἡ πᾶν τὸ κτλ' αὐτὸ* seu veritatis, *κτλ' αὐτὸ* seu iustitiæ, *κτλ' ὅλῳ πρῶτον*, seu sapientiæ, debent conformari. *Lex ἡ γὰρ πᾶν τὸ κτλ' αὐτὸ* seu veritatis, sancit & requirit in disciplinarum præceptis veritatem, atque insuper exigit ut illorum veritas sit necessaria, absoluta, immutabilis, perpetua, affirmata, universalis ac de omni: est autem disciplinæ præceptum universaliter verum, cum universum consequens est verum, de universo antecedente, omnibusque sub illo antecedente contentis, semper & perpetuo: abesse ergo ad disciplinis jubet hæc lex, præcepta negativa, mutabilia, contingentia, falsa. *Lex ἡ γὰρ αὐτὸ*, seu *iustitiæ*, præcipit iustitiam, ut unicuique disciplinæ ejusque præcepto iusta tribuantur ac debita, ut præcepta omnia sint homogenea & veluti unius corporis mem-

bra: quælibet enim disciplina suos habet fibi limites, intra quos consistendum, & solum finem, ad quem non quibilibet, sed certis ac cognatis præceptis pervenitur: hæc lex non tantum certos singulis disciplinis figit terminos, ne diversarum disciplinarum præcepta confundantur, sed & quævis disciplina præcepta jubet è partibus, quarum sit essentialis nexus, constitui: quod fit, cum pars altera præcepti est de alterius partis essentia, sic ut eam, vel constituat, vel constitutam immediate sequatur. *Lex ἡ γὰρ ὅλῳ πρῶτον*, seu *sapientia*, præter necessariam ac perpetuam, præter iustam coefficientialium & consanguineam præceptorum veritatem, plus adhuc postulat, ut sapienter generalia generaliter, specialia specialiter, tradantur, & ut præcepta sint catholica, hoc est, consistent partibus reciprois & æquè latè patentibus: cavet ergo, ne specialia insipienter generalibus commisceantur, ne ex inæqualibus partibus componantur præcepta; adeoque odiosam omnem atque otiosam à disciplinis arcet tautologiam.

VI. *Forma* disciplinarum communis, in qua conformiter conveniunt, est, ut præcepta verè, iustè, ac sapienter, *fabrè*, continua serie juxta naturæ ordinem prudenter disponantur, ac naturâ notiora & priora ignotioribus & posterioribus, universalis ac generalia, particularibus ac specialibus, præponantur, aptisque transitionum vinculis inter se connectantur.

VII. Ratione *exemplaris* conveniunt disciplinæ omnes, quia sunt accuratissima panharmonici Mundi, & Macrocosmi & Microcosmi, pictura: ac disciplinarum eumpraxis nihil est aliud, quam divinæ *ὁραγίας* imitatio atque expressio, secundum præcepta jam inventa, judicata, ac disposita, ab hominibus instituta: nempe, omnis disciplina suæ operationis, & operis per præcepta instituendi, ideam atque exemplar mutuatur à Deo, Deus à seipso. Deus enim mundum condendo seipsum veluti expressit & quasi effigavit, suæ bonitatis, sapientiæ, potentia characterem, naturæ imprimendo, & sic ideam sui relinquendo, quæ Dei idea, qui bonitatis divinæ, sapientiæ, ac potentia characteres, dum è naturâ

creantur

eruntur à mente ac ratione hominis, rerum analysi, per sensus inchoatâ, per observationem prosectâ, per inductionem perfectâ, per experientiam confirmatâ, jam disciplinarum fundamenta jaciuntur, præcepta inveniuntur; quæ ut disciplinas constituent, nihil

amplius requiritur, quam ut ea ad leges jam explicatas examinentur, & eo quo dictum est modo, disponantur, atque ita universam nobis absolvent ENCYCLOPÆDIAM, à Deo inceptam, in Deo terminatam, qui omnis sapientie est &c.

## Disputationum ex Philosophiâ selectarum,

*Voluminis Secundæ,*

### QUADRAGESIMA-SEPTIMA.

DE

## H O M I N E.

### T H E S I S I.

**E**Orum, quæ disquirat Philosophus, omnium utilissimum semper est habitum, se ipsum nosse. Quippe Homo, ut *philosophus* quidam, frustra *se non cognoscit*, in omnibus aliis rimandis, insudat, ubi se ipsum, quid sit ipse, ignorat: ita rerum omnium scientiam incipere ab unius *Hominis* cognitione decet. Sed vero arduum hoc plane est negotium, & quam parum tam numerosis conatibus, in hac sui cognitione, hactenus ab homine sit effectum, docent tot copiosa volumina sapientum, tot disceptantes & indecise lites hominum de sui ipsorum naturâ. Molestias tamen & difficultatem nodos quia compensat hujus contemplationis utilitas, placuit utramque hominis partem, Animam rationalem, & corpus, hac disputatione penitus inquirere, incipiendo ab anima tanquam parte hominis nobiliori.

II. Atque hic *non* præsupponendo (nam Diczarchi stultitia sapienti merito ridetur, qui animam nil nisi nomen inane dicebat) *non* primum occurrit definitione explicandum, quam hanc damus. *Anima rationalis est actus corporis organici quo intelligimus ac volumus.* Dicitur *actus*, ut rejiciatur 1. Materia quæ non est actus, sed potentia; atqui anima rationalis non est potentia, sed actus;

quia potentiam perficit: 2. Compositum, tam naturale, quam artificiale, quod est ex actu & potentia conflatum: anima autem non admittit potentiam passivam, sed hujus respectu est purus actus, non secundus aut accidentalis, sed primus & substantialis: nam ipsa operatio est accidens operantis, at anima rationalis non est hominis accidens. Sed qualis est actus, assistens an informans? Resp. informans: assistens enim esse non potest; quandoquidem hæc nihil aliud tribuit ei, cui assistit, nisi motum localem: at anima corpus non modo motu suo regit, sed & partes omnes intime permeat & informat. Dicitur porro *corporis*, ad excludendas substantias spirituales: sed neque cujuslibet corporis actus est, neque enim homogenei, ut aquæ &c. sed quod diversitate organorum instructum est. Corpus item hoc organicum, non est brutum, sed humanum: nam hoc cum anima rationali unitum, hominem constituit.

III. Disceptatum vero, an cuilibet homini sua, *an unica dumtaxat constituenda foret anima?* Qui dicunt, animam rationalem unam numero esse in tota humana specie, quæ omnibus assistat; ex ratione & ipsâ rei necessitate convincuntur: nam primo, si anima est forma dans homini specificum suum esse, ergo necesse ut sit multiplicata, ad multiplicam



tionem hominum, cum omnis forma Physica pro materiæ multiplicitate sit multiplicanda, & unumquodque compositum propriam sibi requirat formam: Deinde, si unus numero intellectus esset in omnibus, eædem essent omnium cogitationes & operationes: sed quid hisce magis diversum? idem intellectus in alio esset sapiens, in alio faruus, miser & felix, quibus nihil est absurdus: statuimus ergo, animam rationalem secundum numerum hominum multiplicari.

IV. *Singularum hominum animam tantummodo esse animam*, rectæ rationi est consentaneum: 1. Quia unumquodque vivens est unum per se, ergo constat unica forma, principali scilicet, anima, forma enim est, quæ dat esse rei. 2. Quia si essent plures animæ ejusdem rei, principales sc. formæ, eadem res haberet plura esse totalia distincta: nam, ad pluralitatem formarum principalium, sequitur pluralitas essentialium distinctarum: unde aliquid unum esset & non unum; unum ex præsupposito, non unum quia plura haberet esse totalia à formis principalibus multis distincta inter se: certum igitur est, unicam tantum hominis dari formam principalem, animam scil. rationalem.

V. Hisce tamen non obstantibus, tres animas realiter distinctas in homine sine contradictione supradictorum constituimus. Distinguenda enim sunt hæc duo: non plane idem sunt, esse plures in homine formas, & plures esse formas hominis: nulla datur forma hominis, quæ hominem constituit qualem, nisi anima rationalis; per hanc enim homo est id quod est, & ab aliis discriminatur: per hujus absentiam homo hominis & nomen amittit & naturam: quod tamen nihil impedit, quo minus, præter hanc principalem & solam hominis formam, plures formæ constituantur in homine quæ sint secundariæ, disponentes, & animæ rationali subordinatæ, & ab ea reali discrimine disjunctæ: eas duas damus, animam vegetativam & sensitivam; & probamus. Quæcumque à se invicem possunt separari, id est, distinctis locis ac temporibus existere, illa distinguuntur realiter. At anima vegetans ac sentiens, & rationalis,

ita possunt separari. Ergo. Major Logicorum omnium consensu verificatur: Minorem sic probamus, quia operationes, vegetantis animæ, ut crescere, augeri, & nutrir; sentientis, ut loco moveri, in ea reperiuntur, ante adventum animæ rationalis, quæ non nisi post perfectam organizationem accedit; est enim actus corporis organici: neque hic metuendum, hoc pacto ne homo constituitur triplex Geryon, aut primum nascatur planta, post brutum, aut simile quid, quia multiplicatio essentialium non est à disponentibus, sed à principali forma, quam unicam tantum, animam sc. rationalem, constituimus ex thesi præcedenti: & notandum, quod anima vegetans in homine speciem ultimam non constituit, quia ordinatur ad superiorem: quod in planta non ita est, quandoquidem ad perfectiorem speciem non est ex natura ordinata. Sic nec anima sentiens in eodem homine speciem ultimam facit, quia ad rationalem ordinatur: quod non sic est in bruto.

VI. *Quæstio hic moveri solet: Utrum inter animas rationales una sit perfectior essentialiter alia?* Hæc quidem quæstio in utramque disputari solet partem: nobis tamen impræsentiarum negativa placet opinio: & sic argumentamur. Si inter animas rationales una sit essentialiter perfectior altera, ergo substantia suscipiet magis & minus. Posterius est absurdum. Ergo & prius. Excipiunt Adversarii ad Minorem. Recipere magis & minus potest bifariam intelligi: vel quod in definitione perfecta alicujus rei possint addi vel subtrahi quædam prædicata essentialia ejus rationi formali convenientia: vel quod prædicata ipsa essentialia possint intendi & remitti. Priori modo, absurdum est, substantiam recipere magis & minus, posteriori sensu, non item. Verum enim vero illa distinctio nulla est, & sic argumentamur contra membrum posterius. Si prædicata essentialia possint intendi & remitti: Ergo aliquis gradus includetur in intento, qui non includitur in remisso: atque hic gradus vel erit essentialis, vel accidentalis: si accidentalis, ergo una anima rationalis, non essentialiter, sed accidentaliter tantum, erit perfectior altera; & habetur intentum nostrum.



strum. Si essentialis; Ergo gradus iste essentialis erit quædam differentia essentialis, per quam una anima rationalis differet ab altera: Quid enim fuerit aliud? At differentia essentialis ipi diversis animabus infert diversitatem specificam. Ergo hæc anima rationalis ab illa differet non tantum numero sed specie. Ergo & individua different specie, quia unumquodque individuum suam sibi habet animam rationalem. Atqui individua non differunt specie, quia non habent differentias divilivas, & tum individua non forent, quod est absurdum. Deinde, si essentialia substantiæ prædicata recipiunt magis & minus, Ergo hoc compositum, hæc materia, hæc forma, erit magis compositum quam illud, magis materia quam ista, magis forma quam alia: & una anima rationalis erit magis actus, corporis magis Physici, magis organici, magis potentia vitam habentis, quam alia: sunt enim hæc omnia prædicata essentialia. Atqui hisce omnibus nihil potest dici absurdum. Ergo & absurdum est Antecedens, ex quo ista sequuntur. Sed hæc de Animæ rationalis essentia suffecerint.

VII. Nunc alteram Hominis partem indagemus, puta corpus, quod qui pro vehiculo tantum habent Animæ, & non pro parte hominis, à veritatis tramite nobis aberrare censentur, quia tum homo non foret compositum, non magis quam Angelus assumens corpus. Quid vero sit corpus humanum, utcumque videatur esse notissimum, atamen non ita est notum, quia ne corporis quidem naturalis natura, in quo sit sita, satis in aperto est; quæ ubi constiterit, & de corpore hominis, quid sit, constabit. Age igitur in corporis naturalis constitutionem inquiremus. Sunt qui illud definiunt, *Ens per se ex partibus extra partes*. *Ens*, nempe quod est, vulgo dicunt, *Ens reale*, *Per se*, nempe, existens per se, id est, quod non est in alio ut in subiecto. *Ex partibus extra partes*, id est, quantum una non sit alia & quæ loco ac situ differantur ac separantur. Partes extra partes, quæ sunt ipsum corpus, quia sunt partes, faciunt illud unum (neque enim sunt partes, nisi uniantur) quia sunt extra se invicem, fa-

ciunt illud extensum: neque enim sunt extra se mutuo, nisi corpus reddant extensum. Alii Corpus definiunt, quod est *extensum in longum, latum, & profundum*; quæ definitio licet à priori non multum recedat, censetur tamen vulgo, magis competere corpori Mathematico quam Physico, & esse magis definitio à posteriori & proprio quam à priori aut essentia: nisi quis corpus Mathematicum cum Physico idem esse velit. Vulgarissima definitio est, quia corpus naturale definitur, *Totum ex materia & forma constans*, quæ licet videatur esse clarissima, non ita tamen est. Quidam materiam & formam hîc sic explicant, ut *Materia* sumatur pro *individuo sensibili* quatenus est subiectum formarum, quibus determinatur, quæ dicuntur, substantia, essentia, magnitudo, qualitas, relatio, &c. & *Forma* talis materiæ nihil tum fuerit aliud, quam *intelligibilitas*, in illo ente, quod appellamus individuum materiale seu sensibile, quod vere & à parte rei est *Ens* per se compositum ex partibus extra partes: atque hæc forma vulgo dicitur *formatitas*. Et *Materia*, sumpta, quatenus neque est sua ipsius *essentia*, id est, quatenus neque est quid, neque est sua ipsius magnitudo, id est, quatenus neque est quantum, neque est sua qualitas, id est, quatenus neque est quale, neque quatenus est sua relatio aut alia huiusmodi sua intelligibilitas, qua determinetur, sed quatenus est subiectum illarum omnium, est *Materia prima*: quatenus vero jam intelligitur determinata per essentiam, quatenus jam est subiectum aliarum intelligibilitatum, magnitudinis, qualitatis, relationis, & aliarum, dicitur *Materia secunda*. Sed hæc Corporis naturalis compositio ex *Materia* & *Forma*, prout illa est individuum sensibile, cui tanquam subiecto conveniunt illæ formæ seu intelligibiles, hæc vero est ipsa intelligibilitas, est tantum compositio Metaphysica per intellectum vario modo intelligentem totum sensibile. Alii itaque Materiam & Formam sumunt aliter: & hi per *materiam* intelligunt *partes componentes*, per *formam* vero *totalitatem* sive *unitatem*, quæ ex illa compositione resultat. Hoc modo *Materia* concii-

concipitur ut Multa in uno, Forma ut Unum ex multis. Atque hic est distinctissimus Corporis naturalis conceptus, ut illud nihil aliud sit quam partes extra se invicem sed unitæ, & partes sint Materia, unio Forma. Atque hæc compositio ex materia & forma non est entitativa, id est, tanquam inter duo entia realia distincta, neque enim entitas totius alia est ab entitate partium unitarum, licet formalitas sit diversa. Quare materia & forma non re ipsa distinguuntur hoc sensu, sed formaliter tantum & ratione ratiocinata: quæ est Philosophia Aristotelis. Vid. 8. Metaph. 1. 16. ubi disertis verbis inquit: *Materia autem ultima & forma idem sunt*: ubi per *Materiam ultimam* intelligit instructam, præparatam, formatam. Denique alii per materiam & formam intelligunt duas partes componentes corpus naturale, inter se se re ipsa & naturis atque essentiis distinctas, quarum una subiaceat alteri ac sit minus mobilis, sc.

materia, altera priori superveniat ac sit magis mobilis, sc. forma: atque inter has distinctio est entitativa, quatenus alia est essentia materiæ, alia talis formæ. Verumenimvero hæc & talis compositio non convenit omni corpori naturali, imo nulli nisi homini, qui solus hoc sensu potest dici corpus naturale, utpote cuius forma sc. anima rationalis caret partibus extra partes, materia vero sc. corpus eas habet. Sed de hoc, sc. Hominis altera parte, quærebatur, in quo ejus consisteret natura: quam, uti & aliorum corporum essentias, qui ex materia & forma composuerit, tanquam entibus distinctis licet incompletis, & contra rationem & contra Aristotelem philosophatur. Quare nos mediam acceptionem Materiæ & Formæ assumimus & in ea acquiescimus, aut definitionem Corporis naturalis primam acceptamus. Atque ita *Hominem* ab utraque sui parte explicatum dedimus.

## Disputationum ex Philosophiâ selectarum,

*Voluminis Secundi,*

### QUADRAGESIMA-OCTAVA.

## DE PHILOSOPHANDI RATIONE.

### THESIS I.

UT certam de rebus scientiam mens acquirat, nec inter varia opinionum avia constitutus animus paulo momento illuc impellatur, aut veritatis specie seductus indignos foveat errores: ante omnia videndum est, qua sit insitendum via ad solidam rerum omnium cognitionem acquirendam; & investigandam, quænam sit prima ac certissima veritas, quæ tanquam fundamentum sit ac principium omnis demonstrationis, quæque omnis falsitatis ac incertitudinis expers, nec ansam dubitationi præbeat, nec errori.

II. Hanc autem *philosophandi rationem* ac viam ut firmiter ac constanter teneamus, in

id incumbendum est, ne vagante extralimites sibi positos sensu, aut propensa nimis ad credendum voluntate, assensum rei aut facile aut falso præbeamus. Et quamvis non omnia falsa sint, quæ sunt incerta, nihilominus tamen, cum nobis, de veritate eorum quæ sunt incerta, nihil constet certi, non minus ab iis atque ab aperte falsis assensus est cohibendus.

III. Omnia igitur ista tanquam falsa supponemus, quæ vel minimæ falsitatis aliqua de causâ possunt esse suspecta: omniaque, quæ unquam in dubium vocavit Scepticorum Schola, tanquam mera figmenta ac vana

quæ-

limi-  
is ad  
t faci-  
on o-  
lomi-  
orum  
, non  
sus est

sa sup-  
aliqua  
iaque,  
eptico-  
ac vana  
que-

qua  
ten  
re d  
alio

I  
pot  
que  
fit  
bol  
rebr  
pen  
dul  
fer  
lig

qu  
illu  
gi  
ru  
cer  
co  
po  
ell  
m  
qu  
m  
gi  
ita

re  
H  
li  
ce  
or  
bu  
ut  
tu  
m  
ne  
de  
tia  
ce

ca  
ip  
ali  
ge  
bu  
aff

quædam ludibria, & à veritate remotissima, tenebimus: Omnes denique res, quæ existere dicuntur, pro somniis habebimus, donec aliqua certa veritas existentiam comprobaret.

IV. Vocatis in dubium rebus omnibus vel potius negatis, videndum, an quicquam sit, quod præ manifesta veritate negari non possit: quod si fuerit inventum, facile hyperbolicis dubitationibus satisfiet. Certe dum de rebus omnibus dubito, dum mecum ipse perpendo, sitne aliquid adeo certum, de quo dubitari non possit, ecce illud mihi se offert, & prima veritas ex ipsa dubitatione colligitur, *Cogito, dubito: ergo sum;*

V. Quamvis enim fallar, dum cogito, quamvis à vero aberrem, nihilominus tamen illud certum ac inconcussum est, me esse, quia cogito ac dubito. Nego existentiam rerum omnium certam, mei solius existentiam certissimam negare non possum, actum enim cogitandi exerceo; at quomodo cogitare possit, quod non est, cum agere præsupponat esse. Et quamvis dubitem, qualis sim, tamen, quod sim, certus sum; & cum reliqua omnia possint pro falsis haberi, illud tamen adeo manifestum est veritatis, ut quo magis dubitem de rebus aliis omnibus, an existant, eo de mei ipsius existentia sum certior.

VI. Atque hæc est prima illa veritas, qua rem aliquam esse firmiter & invicte probatur. Huic deinde superstrui possunt omnes de aliis rebus demonstrationes; & id quidem necessario: nisi enim hinc in philosophando ordiamur, nihil, manifestis licet rationibus, evincemus, quod à quovis Sceptico, aut ut falsum negari, aut ut dubium ac incertum rejici, non possit: nisi enim hanc demonstrandi ingrediamur viam, præsupponenda multa erunt, quæ non quivis concedet; & cum certissimum oporteat esse scientiæ nostræ fundamentum, tanquam valde incertum forsitan precario id obtinebimus.

VII. Et nulla quidem alia est ratio eradicandi penitus Scepticismi, quam si concessis ipsorum dubitationibus eo deducantur, ut aliquod certum in Philosophia ac stabile agnoscens principium, discant, opinionibus suis rejectis, veritati firmum præbere assensum.

VIII. Hic vero cognoscendi ordo, qui à nobis ipsis & nostri cognitione originem sumit, naturæ ipsi est consentaneus: necessario enim illud primo cognoscimus, quod primo se intellectui offert; at nihil se prius intellectui offert, quam intellectus ipse: nam prius mens ipsa actionem suam cognoscit, quam aliquod objectum, circa quod ista actio versatur.

IX. Cognitio autem ista, quæ à sensibus initium facit, quoniam sæpe fallitur sensus, nihil certi ac indubitati gignere potest: ideoque tantisper illa sensus cognitione pro nulla haberi debet, donec tandem per evidentes consequentias ex hac, quam statuimus, prima veritate eo deducta res sit, ut, quid verum sit ac falsum, ac quousque credendum sit sensui, cognoscentes, tuto etiam sensibus fidem habeamus. Itaque cognoscendi ordo nullo modo à sensu, sed ab intellectu inchoari debet, & confirmatis reliquis, postremo ad sensum perveniendum est.

X. Philosophandi ratio, quæ à sensibus initium facit, minus certa ac solida est, nec eo pertingit, quo Philosophia pertingere debet: contra hæc, quæ ab intellectu orditur, vera est ac genuina Philosophandi methodus, & verum ac genuinum Philosophiæ finem assequitur, quippe quæ in solidam rectamque ac certam Dei, sui ipsius, rerumque aliarum, notitiam hominem Philosophum deducit; tantum abest, ut vel ad Atheismum, Enthusiasum, Libertinismum, Epicurismum, aut Scepticismum viam sternat.

## A N N E X A.

1. Duo sunt Philosophiæ Peripateticæ vitia, præjudicium & servitus.

2. Præjudicium, quo veritas apud solos istius Philosophiæ authores ac cultores habitare existimatur.

3. Servitus, qua ita fides istius sectæ Auctori vel Auctoribus astringitur, ut ab ipsius vel ipsorum placitis recedere ne tantillum liceat.

4. Vitia ista cadunt in Philosophiam, non Aristotelis, sed Aristotelicam.

5. Aristoteles, & liberrime, & nullo ullius Philosophi præjudicio præoccupatus, est philosophatus.

6. Quo ad etatem Aristotelis accesserunt propius Philosophi, eo fuerunt magis ab utroque vitio immunes.

7. Inepti sunt, qui Philosophiam moderantur ex Aristotele, Peripateticis, ac praesertim Scholasticis haustam, vocant Orthodoxam.

8. Nec Aristoteles est iudex controversiarum in Philosophia, nec istorum hominum opiniones sunt veritatis mensura aut regula.

9. Philosophiae objectum, nullius Philosophi est placitum aut opinio, sed Deus & natura, tum Macrocosmi, tum Microcosmi.

10. Philosophiae principium à quo, est ratio, mens, naturale intellectus humani lumen, per principia menti naturaliter insita & conclusiones eductas, seu per ideas innatas & adventitias.

11. Errant, qui usum rationis mentisque vaticinium ex Theologia proscribunt, cum & hic ratio ex principis revelatis conclusiones educat.

12. Non satis accurate loquuntur, qui dicunt, *Mysteria in Sacris revelata fide tantum teneri, non item ratione.*

13. Nihil tenetur fide, nisi & ratione teneatur, prout ratio significat id, quo scimus, non, ex quo scimus.

14. Ratio est, quae credit, & non credit nisi cognoscat, quia fides est notitia.

15. Cognoscendi per fidem causa ac fundamentum non est demonstratio, sed auctoritas testantis, quia in eam ultimo resolvitur ista cognitio.

16. Mysteria fidei sunt supra rationem, quatenus cognosci nequeant nisi ex homine revelationis, & in quantum revelata non comprehenduntur, sed apprehenduntur.

17. Mysteria fidei sunt contra rationem ex qua discimus, id est, contra principia & placita à ratione naturali efformata: ideoque praestat quasvisque Philosophorum assertiones ac definitiones rejicere, ut veritas revelata servetur.

18. Mysteria fidei sunt contra rationem qua discimus, id est, facultatem judicandi consideratam in eo statu in quo nascitur, & quatenus acquisitis quibusdam infecta est.

19. Mysteria fidei non sunt contra rationem, in quantum est imbuta luce Scripturae, si spectetur actus apprehensionis.

## Disputationum ex Philosophiâ selectarum,

Voluminis Secundi,

### QUADRAGESIMA-NONA.

D E

## RERUM MATERIALIUM NATURA.

### THESIS I.

**Q**uoniam probata Dei existentia, & cognito eum non esse fallacem, distinctè & clarè percipere possumus naturam corpoream, sequitur corpora à Deo posse produci, quia quicquid clarè & distinctè percipere valeamus, illud nullam includit repugnantiam, ut à Deo efficiatur.

II. Actū autem corpora existere sequitur, quia nobis rerum corporearum ideæ obversantur; ac proinde aliquam causam habeant accessit; eaque erit vel ipsa nostra mens,

vel aliquid à mente diversum: prius quidem esse non potest, quoniam in nostra potestate non est, ut unum potius quam aliud sentiamus, & nobis invitis istae rerum materialium ideæ occurrunt, idque nulla praesupposita intellectione.

III. Causa ergo istarum idearum vel erit corpus, in quo omnia formaliter continentur, quae in istis ideis objective; vel si corpus non fit; aut erit Deus, aut aliqua alia creatura corpore nobilior, in qua ideæ continentur

eni-



eminenter. Atque cum Deus fallax non sit, omnino est manifestum, nec Deum immediate per se illas mihi ideas immittere, nec eas ab aliqua creatura nobiliore, in qua formaliter non sunt, procedere. Sed cum Deus mihi nullam dederit facultatem, qua cognoscam eas vel ab ipso immediate, vel ab aliqua creatura, in qua forent eminenter, produci, sed contra magnam mihi inleverit propensionem credendi eas à rebus corporeis emitti, necessario à rebus corporeis emitti debent, nisi Deum fallacem esse malimus credere.

IV. Unde sequitur quoque, aliquod corpus menti nostre arctius quam reliqua esse conjunctum; quoniam dolores alique sensus nobis ex improvviso saepe adveniunt, quos mens est conscia non à se sola proficisci, nec ad se pertinere, quatenus est res cogitans, sed quatenus rei corporeæ adjuncta est, atque ideo ad se pertinere.

V. Natura corporis in genere non consistit in eo, quod sit res dura, ponderosa, vel colorata, vel alio aliquo modo sensus afficiens, sed in eo tantum, quod sit res extensa in longum, latum, & profundum: omnes enim istæ qualitates sensibiles, quia non in omnibus corporibus universæ reperiuntur, omnino à natura corporea abesse possunt, ipsa interim integra ac salva permanente.

VI. Sed fortasse cuipiam non videbitur natura corporis in extensione esse sita, eo quod extensionem à corpore separabilem esse arbitrabitur, vulgato rarefactionis & condensationis argumento motus: sunt enim in ea sententia multi, ut existiment corpora rarefacta plus habere extensionis, quam eadem condensata; existimantque præterea quantitatem & extensionem inter se & à corporea substantia esse diversas. Sed rarefactio & condensatio huic nostræ sententiæ non obstant: sunt enim sola figuræ mutatione, ita ut illa corpora

sint rara inter quorum partes multa sunt intervalla aliis corporibus plena. Cum autem illa intervalla minuuntur, vel plane tolluntur coëuntibus ad se invicem partibus, corpora condensantur, idque vel magis, vel minus, prout partes magis vel minus ad se invicem accedunt: ut si spongia aqua repleta comprimatur, atque hoc pacto condensetur. Et quamvis non semper illa rarefactionis & condensationis ratio in sensus incurrat, ut cum aer aut aqua rarefiunt, rationi tamen maxime est consentanea, ita ut magis conveniens nulla possit cogitari. Cum enim quantitas, extensio & corpus reipsa non differant, sed tantum ex parte nostri conceptus, necessario sequitur quantitatem & extensionem nullam alicui corpori accedere, nisi simul aliquid substantiæ corporeæ accedat. Quantitatem vero non distinguere à substantia corporea hinc patet, quia, qui corpus ab extensione aut quantitate distinguunt, aut nihil concipiunt, aut consulam tantum substantiæ corporeæ habent ideam, quæ corpoream repræsentare non potest.

VII. Alios fortasse movebit, ut in extensione essentiam corporum sitam esse negent, quod, ubi meram extensionem, in longum, latum, & profundum, intelligimus, non ibi corpus esse dicamus, sed inane spatium, quod plerisque purum nihil est. Sed illa extensio, in longum, latum, & profundum, quæ in spatio est, est eadem quæ est in corpore: solum in eo differentia est, quod in spatio extensioni tribuamus unitatem genericam, in corpore singularem. Eandem autem esse & in spatio & in corpore extensionem manifestum ex eo est, quod sublati à corporea substantia iis omnibus, quæ ab ea possunt separari & ad ejus essentiam non pertinent, nihil remansurum sit præter extensionem, in longum, latum, & profundum. Substantia corporea igitur nihil aliud est quam *Res extensa*.

## Disputationum ex Philosophiâ selectarum,

Voluminis Secundi,

QUINQUAGESIMA,

DE

## COMPOSITIONE CONTINUI.

T H E S I S I.

**S**I quæ in *Philosophia* *Opinio* difficultatibus inextricabilibus fere est involuta, est ea *de* *peripateticis* de *sectione continui in infinitum*, quæ ipsa ut à *Peripateticis* ex *Aristotele* doceri solet, ut *Præceptoribus* mihi est tradita, ut in *Aristotelicorum* libris à me est perlecta, nunquam animo meo satisfacere aut placere valuit, sed dubia mihi semper fuit & de falsitate suspecta, non tantum, quod ipsi inter sese *Aristotelis* sectatores in ea explicanda non convenirent, sed quod falsæ de *compositionis continui* sententiæ inniteretur, & præsertim, quod istam *continui*, seu corporis, seu motus seu temporis, infinitum divisionem, tanquam fundamentum subterni deprehendissim, assertæ mundi ab *Aristotele* eternitati. Quomodo enim aliquid ex nihilo fuerit creatum: ac quomodo non potius omnia sint æterna, cum nullum primum, nullum ultimum, motus vel temporis intans, dari possit, admissa *Aristotelis* de *Continui compositione* & in infinitum divisione sententia? Quare nos de *Continuo* veritatem, non ex turbidis *Aristotelicorum* aut impuris *Scholasticorum* lacunis, sed ex limpidò *Democriti* puteo & clarissimis *Atomistarum* fontibus hauriamus, præstat enim in hoc negotio *Atomistam* esse, quam aut *Thomistam* aut *Aristotelicum*. Certior ex hoc *Continui Labyrintho* & ad veritatem tutior dux erit *Democritus* quam *Aristoteles*, cujus sententia tam est hic intricata, & explicatu, nedum defensu, tam difficilis, ut veteres omnes & recentiores hic naufragium faciant, dum ei veluti saxo adhærescunt, à qua recedere, etiam cum errat, piaculum ipsis est. Operæ pretium est quatuor recentiorum ex

*Aristotelicis* hic mancipiis deponere querelas. *Materia de compositione Continui* talis est, ut eam, inquit *Hurtadus* de *Mendola* disput. *Phys.* 15. sect. 1. nullus non exhorrescat *Philosophus*, quia ejus difficultates opprimunt ingenium humanum. *Arriaga* *Disp.* *Phys.* 16. *Devenimus* in materiam totius *Philosophiæ* *difficillimam*: sed vel inde solatium est, quia communis est omnibus difficultas, nec ullus sese non fatetur tantæ difficultatis pondere oppressum, ut humani ingenii superbia humiliaretur, tenuitatemque suam agnosceret, cum nec unius paleæ valeat compositionem recipere. *Franciscus le Rees* *Disp.* 3. in *Phys.* de *Continuo*. Moneo nos in eam naturæ caliginem descendere, in qua vix affulgeat *Pharus* rationis: hic *Scyllas* incurrimus & *Charybdes*, eorum etiam infames naufragiis, qui multis retro seculis sapientiæ nomine claruerunt. *Oviedo*. *Controvers.* 17. *Phys.* Aggredimur *continui compositionem*, cujus hucusque non superata difficultas omnium *Doctorum* male ingenia vexavit, neque ullus fuit, qui illam non pene insuperabilem agnoscat. Hanc plerique terminorum obscuritate, illorumque replicatis & implicatis distinctionibus & subdistinctionibus, obtenebrant, ne aperte capiamur, desperantes, rem posse alio modo transari, neque rationis lucem sustinere, sed necessario confusionis tenebris obtegendam, ne argumentorum evidentia detegatur.

II. Verum enim vero non terremur objectis larvis, & quam negat explicationem compositionis *continui*, *Aristotelis* *Peripatus*, suppeditabit *Zenonis* porticus ac *Democriti* puteus, unde veritatem eruemus, secuti filum *Patrii*, *Bassoni*, *Berigardi*, *Magneni*, aliorumque supra

supra vulgus Philosophorum. Esto igitur hæc nostra assertio. *Continuum ex solis componitur indivisibilibus, finitis, & unitis.* Quemadmodum ex unitatibus continuo accumulatis fit numerus, ex pluribus acervis resultat arena major, ita ex pluribus indivisibilibus unitis fit continuum: sicut autem unitates & areæ sunt in se finitæ, licet nobis indefinitæ, ita & indivisibilia continuum componentia sunt in se finita, licet nobis indefinita. *Probaturs assertio.* 1. Si continuum non componetur ex indivisibilibus finitis, haberet partes in infinitum divisibiles, ita ut, facta qualibet divisione, restarent aliæ & aliæ sine termino; Sed hoc est absurdum. Ergo & illud. *Probaturs Minor.* Datis partibus in continuo infinite divisibilibus, dabitur in quantitate etiam minima infinitum simpliciter, quia continui divisio nunquam exhaurietur. Atqui hoc est absurdum. Ergo & illud. *Probaturs minor.* Quia tunc nulla magnitudo revera pertransiri posset per motum localem: Nam, antequam transeat totum, debet transiri dimidium, & ante illud, dimidii dimidium, & sic consequenter in infinitum: infinitum autem pertransiri nequit, imo vero nulla ratione per creationem aut generationem produci potest: adeoque, qui continuum componi ex partibus in infinitum divisibilibus asserunt, non solum motum & tempus infinitum, sed materiam etiam primam omnium corporum esse ingenerabilem & incorruptibilem, adeoque mundum esse ab æterno, ut asserunt, necesse est. Certe, quicquid creatum est, pertransitum, comprehensum, & transactum est à creatore: ideoque partes infinitas in se non habet, ex quibus vel componi, vel in quas dividi posset, quia illæ pertransiri non possent.

III. 2. Ex infinitate insuper partium continui, illud vel componentium vel dividendum, sequitur ex hisce duobus alterum: aut infinitum unum esse majus altero, aut partem toti esse æqualem. Totum autem est majus dimidio; & cum utrumque in sese partes contineat infinitas, unum infinitum; scilicet totum, erit majus infinito altero, sc. dimidio; aut eidem erit æquale, & sic parti totum æquabitur. Quin

etiam in quantitate, nec parvum aut magnum, nec majus aut minus, dabitur: nam magnum dicitur, quod multas vel plures partes habet, parvum autem, quod pauca vel minores. At si omne continuum habet infinitas partes, unum non habet plures partes quam alterum: Si enim fieri posset, ut plura numero infinita forent una, illa haud dubio inter sese æqualia forent. Imo vero non dimidium solum toti, sed corpusculum vel pulvisculus toti mundo æquabitur. Aut enim pulvisculus in tot numero partes dividi potest in quot mundus universus, aut non potest: si potest, cum sint ejusdem multitudinis, erunt etiam ejusdem magnitudinis & molis, quæ ex totidem numero partibus componentur & coalescent, ac constabunt: in utroque enim subdividendo nunquam pervenitur ad finem, ex sententia *Peripateticorum*: si non potest, ut revera non potest; ergo in divisione grani citius ad finem pervenio, quam in divisione mundi. Atqui hoc fieri non posset, si utrumque ex partibus constaret infinitis & in infinitum divisibilibus. Præter hæc omnia, in infinito, partes cogitare vel totum, duplum vel dimidium, est monstrum simile.

IV. Excipiunt *Adversarii*, Continuum non habere partes simpliciter infinitas, sed secundum quid, non categorematice, sed syncategorematice, non æquales, sed proportionales, communicantes, aliquotas; &c., divisionem continui semper debere fieri proportionaliter, ut (si loquamur de dimidio & duplo) linea pedalis & bipedalis, corpus dimidium & totum, in infinitas partes utrobique dividatur, & in infinitum subdividatur, sed ita, ut linea bipedalis semper dividatur per partes majores, pedalis vero per partes minores, & ut corpus totum continuum cum dimidio dividatur in partes infinitas, ita ut divisio totius procedat per partes duplo majores, divisio dimidii per partes duplo minores vel dimidiatas. Hac responsione argumento nostro satisfactum existimant: sed vero effugium est merum, quod præter verba obscura, nihil in se habet aut continet; quod sic porro ostendimus.

V. §. 1. Facta divisione continui in partes sub hac proportionem, propter quam dicuntur proportionales, in fine unius horum

manebunt infinite divisæ, & æquales cum illa parte, quæ divideretur post infinitas divisiones: quis hinc non videt exiturum infinitum simpliciter, quo nihil est absurdius. Et, licet illæ partes continui divisæ non facerent infinitum simpliciter in magnitudine, facerent tamen in multitudine, quod æque est absurdum: nam cuilibet illarum partium proportionalium correspondere potest unus numerus realis, sunt enim illæ partes reales: non enim continuum componitur ex partibus rationis: cum itaque proportionales illæ partes sint infinitæ, & infiniti numeri illis respondebunt: adeoque dabitur numerus simpliciter infinitus, quod est absurdum.

VI. §. 2. Exceptio illa adversariorum petit *τὸ ἐν ἀκρίβει*. De hoc enim quaeritur; Ecquid in totius & dimidii divisione, tot vices subdivisionum, si non actu & categorematice, saltem potentia & syncategorematice, dentur in dimidio, quot dantur in toto, observata illa continua divisione proportionali, quam exigunt. Ipsi sane affirmare coguntur, tot vicibus dimidium proportionem dimidiata posse dividi, quot vicibus totum eadem proportionem dimidiata subdividitur. At hoc ipsum nego, ac pernego, & dico esse falsissimum. Quin affirmo, eo nomine totum aliquid dici respectu dimidii, quod duplo plures in se partes habeat quam dimidium, & quod ob id una etiam vice sæpius aut amplius subdivisionem admittat, quam dimidium, ex natura proportionalis divisionis, vel quod totum duplo plures vices subdivisionum admittat, quam dimidium, cum in se duo dimidia contineat, quorum utrumque in tot partes dividi potest, in quot unum dimidium seorsum sumtum. Quod ut evidentius cognoscatur, ad numeros revocetur. Ponamus duo corpuscula inæqualia, unum duplum, alterum dimidium, & quia omnia in certo numero & mensura sunt condita, & horum unum alterius duplum ponitur, attribuas utrique certos proportionatos numeros. Sit duplum partium indivisibilium 8192. dimidium 4096. jam faciant periculum *Adversarii* proportionali illa sua & dupla divisione in utroque, an dimidium tot vices sub-

divisionum admittat, quot totum: deprehendent, quod totus numerus dimidium unica vice subdivisionum superet, hoc est, quod dimidio major sit suo dimidio: nam in utroque numero totum admittit quatuordecim vices subdivisionum proportionalium duplarum, dimidium vero tantum tredecim: quod comperiet, qui utriusque subdivisiones proportionales instituerit. At infinitum infinito nec majus est nec minus. Ergo ne quidem hoc *καταφύγει* partium proportionalium & non æqualium *Adversarios* juverit.

VII. Sed missis *Adversariorum* exceptionibus, ulterius probemus, Continui ex partibus indivisibilibus finitis Compositionem. 3. Quia aliqui sequeretur, quodlibet punctum terminativum continui immediate terminare partes infinitas ejusdem continui. Sed hoc est absurdum. Ergo & illud. Probatur consequentia Majoris. Quia, vel illa pars, quam terminat punctum, est divisibilis, vel indivisibilis; si indivisibilis, habemus intentum: si divisibilis, potest dividi in partes infinitas: ergo punctum tangit id, quod habet partes infinitas. Atque idem potest fieri argumentum, de quolibet puncto continuo duo excipi possunt ab *Adversariis*. 1. *Unum indivisibile non posse terminare aliud immediate.* 2. *Non dari in continuo indivisibilia realia copulativa & terminativa.*

VIII. Ad 1. Resp. Quod unum indivisibile possit aliud terminare ac tangere immediate. Rogant *Adversarii*. Vel secundum se totum tangit, vel non. Si non, ergo indivisibile habebit divisibilitatem: si sic, primum indivisibile penetrabitur cum secundo, eique adaptabitur; nec poterit facere majus continuum, quia indivisibile additum indivisibili non facit majus. Resp. primum indivisibile tangit secundum se toto; neque tamen sequitur, dari penetrationem utriusque invicem, quia ad illud, ut unum punctum tangat aliud, sufficit unum alteri esse unitum vel continuum. Quod ex motu Sphæræ supra planum liquet: & cum aliunde ex nostra sententia non dentur partes divisibiles, censetur unum tangere alterum secundum se totum, non tamen est

intra illud, quod tangit, penetrando, sed extra illud: sicut enim una superficies, licet aliam totam tangat, non penetrat aliam (alioquin non gemina superficies aut quantitas foret sed una) ita unum punctum, licet immediate alterum tangat, non tamen penetrat illud. Quod addunt, *indivisibile additum indivisibili non facere majus, ideoque ex uno puncto, quod additur alteri puncto non posse continuum resultare majus*; Resp. Quemadmodum unitas una (quæ est quoddam indivisibile, nam una unitas dividi amplius nequit) addita alteri unitati facit majorem numerum, quidni unum indivisibile quantitatis continuæ additum alteri faciat majus continuum? sicuti materia & forma, quamvis non sint totum Physicum, faciunt tamen totum Physicum.

IX. Ad 2. Resp. 1. *dari indivisibilia in continuo realia*, facile probari potest; quia continuum est ens reale: si igitur ex indivisibilibus constet, ut est evictum, oportet ipsa esse realia: ens enim reale, non potest componi ex entibus non realibus. 2. *Dari indivisibilia realia, copulantia*, facile etiam probatur, quia omne continuum dicit partium copulationem & unionem: partes vero debent medio aliquo uniri ac termino aliquo copulari: sed hic terminus copulans non est aliquid divisibile: nam sic etiam esset continuus, nam omne divisibile est continuum: ac proinde alio iterum termino copularentur ejus partes; qui terminus si iterum sit divisibilis; iterum quoque est continuus, & sic daretur progressus in infinitum.

Et si terminus, copulans continui partes, foret divisibilis, non esset simpliciter communis, sed tantum secundum unam partem communicaretur uni, & secundum alteram partem alteri. 3. *Dari indivisibilia, terminantia*, facile constat: si enim continuum constet ex indivisibilibus, ut est probatum, ultima indivisibilia dicentur optime terminativa continui, quia per illa terminatur seu finitur continuum.

X. Et sic satis probatum est, *Continuum componi ex indivisibilibus unitis*, restat ut probemus, *ea quoque esse finita*. 1. Si ipsum continuum sit simpliciter finitum, non possunt esse infinita indivisibilia, quæ illud component, si enim indivisibilia componentia sint infinita simpliciter, & ipsum continuum erit infinitum simpliciter; quod est absurdum. 2. Si in continuo detur pars media, Ergo partes continui sunt finitæ: At indivisibilia sunt partes continui componentes, ut liquet ex antedictis. Major probatur, quia inter partes infinitas non potest assignari medium: nam habere medium est proprietas rei finitæ, sicuti & habere primum atque ultimum. 3. Quælibet pars continui constat ex partibus finitis: ergo omnes partes sunt finitæ: quælibet pars inluit in suum continuum: non potest vero influere per partes infinitas: ergo quælibet pars continui constat ex finitis. Ergo totum quoque continuum ex partibus seu indivisibilibus finitis, quod erat demonstrandum. Objectiones in conflictu solvemus.

F I N I S.

APPEN-

A P P E N D I X  
Disputationum quarundam paucissimarum;  
IN COLLEGIO ORDINUM THEOLOGICI  
CO DISPUTATARUM.

DISPUTATIONIS PHILOSOPHICÆ

D E

A T O M I S,

T H E S I S I.



**I**ncidit non ita pridem in manus meas *Philosophi ac Medici Ticinensis Ioh. Chrysost. Magni Liber de Atomis*, *Democritus reviviscens*, quem avidissime statim perlegi, quod veritatem, in *Abderite Democriti* puteo hæcenus abditam ac latitantem, cum ipso reviviscente renascenturam quoque sperarem: nec fellit me spes mea. Quippe ita assertam deprehendi de *Atomis* ab illo viro doctrinam ac solidis rationibus stabilitam, ut meum circa *Atomis* jam à multo tempore fluctuantem animum, ab istis dubitationum fluctibus, nonnihil liberaverit: inveni enim gravissimas ac maximè arduas difficultates, quas adversum *Atomos* conceperam, ab illo solutas: Quia tamen alii fortasse alias adhuc animo suo foveant, placuit publicè hæc de *Atomis* institutà velitatione unumquemque, ad placidam earum propositionem & adversus *Atomos* oppositionem, humaniter invitare.

II. *Atomus* vox Græca est, ex a privativâ particulâ & *ἄνωσ* seco, derivata, quasi dicas, *insestibile*: nonnulli volunt deduci ab *ἀτμός* fumus, vapor, flatus, quia in vaporum ac fumum particulas abeunt corpora, cum in sua principia, quæ *Atomos* esse probabimus, resolvuntur: sed prior etymologia est receptior. Significat verò *Atomus*, corpusculum tantæ parvitatæ ut nullatenus dividi possit, & si ad elementa corporum naturalium refera-

tur, eorum particulam indivisibilem: differt à puncto Mathematico, quod hujus nulla sit pars, nec intrinseca nec per designationem, neque ullo modo concipi possit ulla dimensione præditum, adeoque quod & Physicè & Mathematicè est indivisibile: *Atomus* vero suas habet dimensiones & virtualitates correspondentes spatio, sed cum perfectâ indivisibilitate; figuram suam habet, talem ut ejus tamen vi nequeat dividi: indivisibilis est, si non Mathematicè, Physicè saltem. Ex talibus *Atomis*, sive corpusculis finitis numero, inter sese distinctis, certè & determinatè figuræ, omnia constare corpora naturalia, demonstrabimus, non quod omnia fortuito *Atomorum* confluxu coaluerint, quæ insania fuit quorundam Gentilium, sed quod *Deus Opt. Max.* creando, ex *Atomis* omnia, hunc mundum, & quæ in eo sunt, corpora, composuerit, & sic porro, atomorum *συμπλοή* ac concretionem, corporum naturalem generationem, earundem *Ἀποπλοή* & discretionem eorundem naturalem corruptionem fieri voluerit: quemadmodum, ex 24. litteris variè coëuntibus, omnis dictionum varietas existit, & in eas omnes dictiones resolvuntur.

III. *Atomos* describunt nonnulli, corpuscula, quæ ob nimiam parvitatem dividi amplius nequeunt, & singula oculis cerni non possunt, conjuncta possunt. Alii, esse effluvia minutissima, ob summam parvitatem individua, actionum & passionum in rebus natura-



terralibus causis: *effluuium* vocant, corpus naturale ex terris, & aquis potissimum, virtute siderum extractum, varias sustinens impressiones; faciuntque illud, simplex, atomum, & mixtum, vel fumum vel vaporem. *Magnetus*, cujus fecimus mentionem & vestigia prememus, *Atomum* definit, Materialis Physicæque extensionis radicem & initium: ut enim, *inquit*, quantitatis discretæ radix est unitas, linæ Mathematicæ principium est punctum, sic etiam Physicæ & sensibilis continuitatis origo & principium est atomus: antequam verò definitionem suam per partes explicet, duo notat: 1. Dari quædam entia, quæ nullo modo dividi possunt, ne per intellectum quidem. 2. Dari entia quædam intrinsecè designationem, vel commensurationem, quam habent ad aliquid aliud, esse divisibilia, quomodo Angelus definitur spatio divisibili, & Anima corpore suo, in quo est: quam vocat *divisibilitatem Mathematicam* oppositè ad *Physicam*, quæ partium unionem reipsa solvit. Quod utrumque sedulò notandum, ad naturam Atomorum penitus intelligendam, quæ cum dicuntur *οὐκ ἔστιν ἀδιαίρετα*, corpora indivisibilia, intelligenda est *indivisibilitas Physica*, quia scilicet natura in resolutione corporum naturalium ultra atomos non progreditur, sicut & ab aliis corpora naturalia exordium sumunt in sui ortu. Hinc obiter liquet, quam ineptè contra *Democritum* disputaverit & *Veteres Physicos* 6. *Physicæ Aristoteles*, non Physicè sed Mathematicè, ac committendo *μικροῦν εἰς ἄλλο γένος*. Non de *Mathematicâ* sed de *Physicâ* indivisibilitate, non de ea quæ mente, sed quæ re & opere fit, divisione, loquebantur *Veteres*, cum de *Atomis* philosopharentur. *Physica* non erant confundenda cum Mathematicis: sunt sui Physicæ fines, & sui Mathematicæ. Sed ad *Magnesium* redeamus. Definivit *Atomum*, radicem & initium extensionis, *materialis & Physicæ*: *Materialis*, ut definitio omnibus atomis conveniret, & accidentalibus: *Physicæ*, quia atomus una, etiam habeat suas dimensiones, non tamen facit continuum *Physicum*, sed tantum Mathematicum, neque enim sub sensum cadit. Sed

hæc *Atomorum definitio*, & aliæ clarius ex earum divisione & classibus innatescent. Nunc dari *Atomos*, autoritate *Philosophorum*, quâ *Veterum*, *Moysi Phænici*, qui ante Trojæ excidium vixit, *Empedoclis*, *Leucippi*, *Zenonis*, *Anaxagoræ*, *Epicuri*, *Protagoræ*, *Platonis*, *Hippocratis*, *Democriti*, quâ *Recentiorum*, *Patritii in Pansofia lib. 2. Scaligeri Exercit. 101. Bassonis lib. 1. Phil. Nat. Sennerii in Hypomnematis & de Consensu Chym. Gorlaei exercit. Philos. 13. Schafn. Phys. Gen. l. 2. c. 1. Sperlingii Phys. l. 5. c. 2. Berigardi in Circulo Pisano 8. Magni in Democrito redivivisse per totum, Aquilonii Opt. l. 5. def. 5. & Prosp. 2. &c. confirmari possit, sed verò ratione agemus & experientia cuius utriusque in probando major est quam *authoritatis humana* efficacia; quâ adductâ utrâque, *Atomorum species* persequemur, atque earum doctrinam non tam horridam esse, quam vulgò habetur, nec delirasse *Epicurum*, nec insanivisse *Democritum*, ostendemus.*

IV. *Ratio*, quæ Atomos probat, accipi potest ab axiomaticæ communi, quod ab infinito abhorreat natura: modus ergo aliquis datur in corporibus naturalibus dividendis, ut ulterius dividendo abiri nequeat. Sic argumentamur. Quicquid non potest realiter dividi in partes minores, illud est atomus. Atqui corpus minimum in naturâ realiter in partes minores dividi nequit. Ergo corpus minimum in natura est Atomus. Major est manifesta: nam divisibile est, quod potest dividi in partes: quæ necessario sunt minores toto dividendo: ergo quod non potest realiter dividi in partes, quæ sint ipso minores, illud sit indivisibile oportet, atque est & dicitur Atomus. Minor probatur: scilicet dandum esse aliquod corpus minimum in naturâ: quia alioqui daretur progressus in infinitum: dabitur enim semper quovis minore minus. Quæro v. c. an granum falsissimum, ita ut non sit minus eo? si affirmes, habeo quod volo; dari corpus indivisibile in naturâ: si neges, necesse est, ut des aliquid minus, in quo resolvi possit granum falsi. De illo minore iterum quæro, an sit minimum, an vero dari possit adhuc minus? si dicas; adhuc aliquid esse minus,

minus, mox redibit quæstio, an illud minus adhuc habeat minus? quod si affirmes, iterum redibit quæstio, & sic in infinitum, nisi tandem sublit in aliquo minimo, quod ulterius dividi nequit. Sic dividat natura arborem, vel aquæ aut terræ alicujus partem centies millies, tandem tamen desisset, ne infinitas partes quarendo infinitas ludat operas.

V. *Experientia* tam multiplex Atomos evincit, tum variæ conditionis, ut ex divitis naturæ pleno copię cornu, quæ prima, quæ secunda proferri in medium debeat, vix constet. Pulvis, qui vestibus, libris, parietibus, aliisque nonnunquam adheret, quomodo istuc delatus est? non ex nihilo, neque semper visibiliter: sed non raro, sub atomorum specie, sub minimâ quantitate, quæ omnem fugit visum, corporibus allatur: unde particule, quæ disjunctæ videri non poterant, conjunctæ videntur: sic cum idem pulvis ex libris, vestibus, parietibus ejicitur, non annihilatur, sed in aëre, quoad substantiam suam, quoad minima sui, tamdiu hæret, donec iterum corporibus obvis adhereat, & sese magis magisque conjungat, ac de novo sub visum cadat. Minima hæc corpuscula per aërem volitantia, quid nisi atomi sunt? Farinam & calcem in innumeras atomorum Myriades dispergi, quis neget? Quot quotidie vapores ex terris & aquis egrediuntur, & nunc nebulam, nunc rorem, nunc pruina, nunc nubem, &c. generant? at raro crassi & visibiles, sæpius tenues & invisibiles sunt; & quid hi, nisi alii quot atomorum millia? Cepas qui dissecant, morsus sentiunt oculorum; non ob qualitatem de subiecto in subiectam migrantem, sed ob subtilissima & minutissima corpora ex cepis egressa, & oculos ferientia. Canes vestigia heri à vestigiis peregrini discernunt: unde hoc? non ob aërem alteratum, sed ob minima effluvia ex heri & peregrini corporibus exhalantia & aëre contenta. Halitus, qui ex ore egreditur, non annihilatur, sed in minimas particulas, quæ fugiunt visum, disgregatur. Et quoties venenum invisibiliter sub atomorum specie sumitur, mirasque & miseræ mutationes corporibus infert? Vi-

demus arbores & plantas crevisse; non item crescere, nec videmus istas partes, quibus crescunt, quas non nisi atomos esse verissimilimum est. Sed infinitum foret omnes adducere experientias: quare per classes incedamus elementorum, eorumque atomos inspicimus.

VI. *Ignæ atomos* probat ignis, modo insensibili permixtus aëri rebusque aliis, atque ibi sæpe est, ubi nec urit, nec luces, in fumo, ligno, lapide, & centenis aliis. At quomodo? non per essentia suæ remissionem, fictitiam planè. Est enim essentia ejus, ut omnis rei, in indivisibili posita, quæ nihil addi, nihil demi potest: non per caloris sui separationem: quia propria separari nequeunt à subiectis: sed per solam sui dispersionem, in minima, in invisibilia, in indivisibilia: hæc æstum pariunt, æstare in aëre, hyeme in hypocausto. Quid manum immixtam in calidam ac ferventem aquam calefacit & adurit? non nudus calor, sed calor in & cum atomis igneis, per totam aquam dispersa. Quid floccos, telas aranearum, & pulverem, in fornace calente movet? Calor, dices. Sed Accidens est. Quodnam est subiectum, cui inest? Atomis ic. ignæ per poros regularum dispersæ: hæc, cum levissima illa corpora tangunt, motum istum præstant & turbas cient.

VII. *Aeræ atomos* probat aër, qui insensibili modo corporibus, maximam partem porosus, inest, & poros insensibiliter implet, & in muris, parietibus, januis, mediisque montium altitudine, aër est: soni enim per corpora ista meant ac remeant: at sonus sine aëre non est: non tamen aër ibi est, multum congregatus, sed vero dissipatus in minima sua: alioquin aditum negarent ei densa illa corpora. Baculum siccum, in extremitate, qui una tangit manum, altera admovet auri, sonum percipit, ob indivisibilia aëre inclusa baculo: Dolium vino aut cerevisiâ replum infernè si perforetur, & supernè obturetur, non quidem impetu primo ubertim effluit humor, aëre locum effluentis humoris occupato non præsentè: sed statim atque atomi aëreæ lignum permeant, subiacet magis & magis humor profluit & proruit. Metalla quoque

quoque sonora, non aliam ob causam sonant resonantque, quam per atomos aëreas latitantes in poris.

VIII. *Atomos aqueas* probant pluviae, quæ cum vel cecidere vel cadunt, ægrè faciunt claudi januas, ægrius aperiri: unde hoc, nisi quod atomi aqueæ intraverint lignum? Eadem causa est, quod dolia, quæ in aëre sicco rimosa fiunt, humido aëri commissa, rimas amittant. Sic ligna libero exposita aëri saepe graviora fiunt, quam erant prius, non ob augmentum, quod ceperint, sed ob atomorum aquearum ingressum. Ova, poma, carnes, canthari, aliaque hyberno tempore in calidum conclave relata, sudant largiter. Unde hoc quia, *inquunt*, frigus exit. At quomodo egreditur frigus? non absque substantia & subiecto suo aquâ. Quomodo ergo fuit ingressum? itidem non absque subiecto. Nec tamen quisquam vidit, aquam intrare ova, poma, carnes, cantharos: intravit tamen frigus quomodo? non nisi in & cum suis atomis aqueis. Sic, remittente frigore cum regelat, ex turribus & adium parietibus videmus niveum quid egredi. Vulgus frigoris egressum vocat: at quomodo fuit ingressum, cum id nemo oculis notaverit? non nisi per atomos aqueas.

IX. *Terreas atomos* probant stiris, quæ thermis, & tophi, qui canalibus accrescunt, & docent clare in tam limpida & clarâ aquâ

partes & atomos terrestres latuisse: quia in limpidissimis ad visum undis, atomi terrestres, quæ non cernuntur quamdiu per aquam sunt dispersæ, visui sese sistant, cum fundum innatâ gravitate petierunt: & quare lintea alba, pluviali commaculantur aquâ, nunc plus, nunc minus, nisi quia vel plures vel pauciores in eâ continentur atomi terreæ? Sed satis de *Elementorum atomis*, quas imprimis *operationes chymicæ*, imprimis sublimatio, ubi atomi illæ colliguntur in alembico, ex sulphure, sale, Mercurio, &c. de quibus consuli potest *Sennertus, de Chym. consens. c. 12. & hypomn. 3.*

X. Nunc atomorum *species* proponamus, quod postremum fuit hujus disputationis caput. *Atomus* alia est *substantialis*, alia *accidentalis*. *Accidentalis* est, vel *absoluta*, vel *modalis*. *Substantialis* est, vel *elementaris*, vel *non elementaris*. *Elementaris* est ignea, aërea, aquea, terrea. *Non elementaris* ad certas classes reduci vix potest. Atomis hæc omnibus insunt *proprietates*, quædam *communes* omnibus, quædam *proprie* singulis. *Communes* omnibus sunt, *nobilitas, sympathia, quantitas*. Aëreis est insita unionis fuga: igneis aliisque communis est amor sancitumque foedus. *Propria* singulis est qualitas, figura, ordo. Quæ omnia exactissimè explicat cit. *Magnenus de Atom. Diss. 2. c. 2. & seq.*

## DISPUTATIONIS PHILOSOPHICÆ

CIVITA

## QUATERNARIUM ELEMENTOR. NUMERUM,

## PARS PRIOR.

## T H E S I S I.

**R**ecpta quidem à multis nunc est seculis atque etiamnum hodie sententia, quatuor dari corporum naturalium elementa: Ignem, Aërem, Aquam, Terram. Verumenimvero multi, ante & post *Aristotelem*, hunc quaternarium elementorum numerum in dubium traxere. Veterum an-

te *Aristotelem* sententias videre est apud *Patritium l. 22. Pancosmias*. Recentiores sunt quam plurimi, idem *Patritius, Cardanus, Freigius, Bassa, Danaus, Timplerus, Casmannus, Bartholinus, Wendelinus, Vallerius, Gorleus, Rennerius*, & quis omnes enumeret? Sed nos autoritate non stabimus:

verum aliam ingredimur viam, ac nullius rationum momentis esse innixum numerum quaternarium elementorum ostendimus.

II. Argumentorum quidem pro elementorum numero quaternario certus non est ordo, sed promiscuus & arbitrius, ac primum esto, petum à quatuor qualitatibus, quas primas vocant. Sic argumentantur: *Quot sunt qualitates primæ tactiles, tot sunt elementa. At quatuor sunt qualitates primæ. Ergo & quatuor sunt elementa.* Verum hoc argumentum multis modis vacillat. 1. Ad minorem dicimus, quod gratis dicantur primæ qualitates illæ quatuor, quæ vulgò tales habentur: nam lux & figuræ non minus primæ dici merentur, quam quatuor vulgò sic dictæ; & dubitari potest, an non quatuor vulgò dictarum nonnullæ ex aliis oriuntur; imo hoc à nonnullis asseritur. 2. Concessa minore demus esse quatuor, ad maiorem dicimus, non statim sequi, illas esse assignandas totidem elementis: nam quid si calorem, soli, caloris omnis in hisce inferioribus fonti, assignemus, potius quam igni, corpori cui-dam diaphano, sub lunâ posito, cujus nec ullus calor percipitur, quo argumento nos refutabunt? & certè, non sequitur, quot sunt qualitates primæ, tot sunt elementa: sed hoc tantum: tot sunt vel esse possunt corpora, vel corporum naturalium genera, quibus hæ qualitates diversæ competunt: quæ corpora esse elementa, hæcenus non est probatum, nec esse hoc argumento probatur.

III. Argumentum secundum esto. *Quot sunt legitime combinationes primarum qualitatum tactilium, tot sunt elementa. Sed quatuor sunt legitime combinationes qualitatum primarum tactilium. Ergo quatuor sunt elementa.* Majoris ratio est, quia unumquodque elementum ex combinatione legitimâ primarum qualitatum resultat. Minor probatur ex Aristot. l. 2. de ortu & interitu, c. 3. una enim combinatio legitima est caliditatis cum siccitate, & illa constituit ignem: altera est caliditatis cum humiditate, & illa constituit ærem: tertia est frigiditatis cum humiditate, & illa constituit aquam: quarta est frigiditatis cum siccitate, & illa constituit terram: licet

enim adhuc due alie combinationes sint reliquæ, una caliditatis cum frigiditate, altera humiditatis cum siccitate, quia tamen sunt illegitimæ, nullum certum elementum constituent. Resp. ad hoc argumentum multa dici possunt. 1. Niritur incerta hypothefi, dari tantum quatuor primas qualitates, vulgò sic habitas, ex quarum combinatione procedit. 2. Sumitur, non probatur, nullo modo calidum cum frigido, humidum cum siccò, posse combinari: Nam quidni calidum & frigidum, utrumque moderatè, & humidum & siccum, utrumque moderatè, possint combinari? multis non videntur esse impossibiles istæ combinationes: Ergo & possibile est, dari plura elementa quam quatuor. 3. Ad argumentum directè, negatur major, neque bene probatur. Nam non sequitur, Dantur quatuor combinationes qualitatum primarum, Ergo dantur quatuor elementa; sed hoc tantum, Ergo dantur quatuor corpora aut corporum naturalium genera quibus hæ combinationes tribui possunt. Agnovit hujus consequentiæ infirmitatem, ipse inter Peripateticos Piccolomineus, l. 2. de Gen. & Carr. p. 261. n. 3. ubi dicit: *Considero tertiu, quod hæc consecutio videtur carere necessitate: Complicationes non pugnantes sunt quatuor: Ergo quatuor sunt elementa, quia ex possemus potest inferri esse: pro solutione dico, quod verba Aristoteles non format hanc consequentiam, sed solum dicit, recta ratione respondere apparentibus simplicibus corporibus.*

IV. Argumentum tertium esto. *Quot concurrunt elementa ad constitutionem mixti, tot sunt: sed quatuor concurrunt.* Resp. Minorem nullo modo probari posse. Nam explicant, si possunt, quis sit ille motus futurus, quo ignis sub concavo Lunæ supra ærem constitutus ad mixtionem aut mixti constitutionem concurreret? aut enim motu circulari descenderet aut recto: non circulari, quia sic nec ad centrum nec à centro moveretur, ideoque sic non potest pervenire ad locum mixtionis faciendæ: non recto; namque is, vel esset sursum, vel deorsum: non sursum; nam sic multò magis à mixtione recederet: non deorsum, nam iste motus est contra ignis naturam, adeoque violentus: at nullum elementum est perpetuum:

petuum: hic tamen motus ignis elementaris deorsum ad mixtionem perpetuus esse deberet, quia perpetuū mixta generantur. *Except. 1. Nullum violentum est perpetuum, nisi habeat causam perpetuantem, qualem habet ignis elementaris.* Resp. Dicere, quod violentum sit perpetuum, cum habet causam suæ perpetuitatis, est dicere, quod violentum sit perpetuum, cum datur violentum perpetuum. *Except. 2. Violentum opponitur naturali, vel sic, ut sit contrarium naturæ, vel, ut non quidem sit naturale, non tamen contra naturam, sed inter utrumque medium: posteriori modo motus ignis est violentus.* Resp. Omnis motus vel sit ab interno principio, & est naturalis, vel ab externo, & est violentus, id est, contra naturam: secundum genus violenti non agnoscunt Philosophi. *Except. 3. Keckerm. l. 2. Syst. Physici c. 10. resp. ad 3. arg. Ignem ab initio fuisse concreatum corporibus mixtis & in iis manere perpetua corporum generatione: item aerem mutari in ignem: ideoque ignem elementarem esse, et si non descendat, ideoque descensum non esse opus.* Resp. hæc exceptione Keckerm. vis argumenti tertii pro ignis elementaris existentia prorsus infringitur: nam si ignis per hæc inferiora dispersus corporum mistorum generationi sufficit, aut aer mutatus in ignem (quamvis hæc elementorum transmutatio substantialis non sine causâ à multis hodie negetur) quis quæso usus erit ignis subllunaris? Neque enim video, quare in hoc mundi amphitheatrum introducat. Excipiunt ad hoc Conimb. l. 3. de cælo, art. 2. *Defectum & manciam fore mundi universitatem. Quasi vero mundus imperfectus sit, si careat igni subllunari, cujus nullus est usus in inferioribus, fatente Keckerm. Conimb. regerunt, esse usum: dicunt enim esse ad agendum maxime aptum elementum, in quo abeunt à Keckermanno: sed rogo Conimb. quomodo corpus aliquod, cujus maximus est usus pro-*

pter agendi aptitudinem, in eum à naturâ naturante locum est relegatum, unde nature naturæ inservire non potest? nam hæcenus inservit ei, quatenus corpora mixta constituit & mixtioni opitulatur, atque sic perficit universum: at quomodo constituet mixtum, opitulabitur mixtioni, perficiendo universum inserviet, si ad locum, ubi sit mixtio, descendere non potest? at non potest, quod solutus omnibus exceptionibus ostendimus.

V. Argumentum quartum est. *Ex iisdem constamus, ex quibus nutrimur. At nutrimur ex quatuor potissimum elementis. Ergo ex iisdem constamus. Consequenter, dantur quatuor elementa.* Resp. Minor falsa est, & experientia & rationi contraria: Nam 1. mixtis corporibus nutrimur, non puris elementis. 2. Demus hoc, nos remote ali ex elementis: at inde non sequetur, dari quatuor elementa: poteit hoc experientia comprobari. Exempli gratiâ: Nos alimur carne bubulâ: quæ cum sit corpus mixtum, videndum est, unde bos nutriatur. Bos alitur ex herbis tanquam cibo, putâ gramine, & aqua tanquam potu: quare tantum duo restabunt elementa, aqua & terra: nam ipsæ herbe, ut gramina, ex aqua & terra nutriuntur, quod rusticis satis est notum. Ignis elementaris, qui sub concavo lunæ constituitur vulgo, ne hauritur quidem à nobis aut ab ullo animanti: tantum abest, ut nutriat: aer hauritur à nobis aliisque ad cordis refrigerium, non ut in alimentum corporis cedat. Quare retorquemus argumentum *ex iisdem* ad *Stoicos*. Ex quibus non nutrimur, ex iisdem non constamus. Atqui non nutrimur quatuor elementis. Ergo non iisdem constamus. Consequenter quatuor elementa non sunt, vi huius argumenti. Reliqua pro quaternario elementorum numero argumenta excutiet disputationis huius pars altera.



## DISPUTATIONIS PHILOSOPHICÆ

Contra

## QUATERNARIUM ELEMENTOR. NUMERUM,

## PARS SECUNDA.

## THESIS I.

**E**Xcussimus ac diluimus, quatuor pro quaternario numero elementorum argumenta, disputatione præmissa: nunc reliqua excutere ac diluere est animus. Quintum esto. *Quot modis gravitas & levitas participatur ab elementis, tot sunt elementa. Atqui quatuor modis gravitas & levitas participatur ab elementis. Ergo quatuor sunt elementa.* Ratio majoris est, quia unumquodque elementum participat aliquid de gravitate & levitate. Minor probatur, quia inter elementa, ignis in summo gradu participat levitatem, terra gravitatem, aer & aqua utriusque in gradu remissio: ita tamen, ut aer magis participet de levitate quam de gravitate, aqua magis de gravitate quam de levitate. Resp. Argumentum hoc, petitum à gravitatis & levitatis gradibus vel summis vel remissis, multis modis peccat. Nam 1. per *συγγεγεννηται*, licet admitteremus in rerum naturâ aliqua corpora simplicia aliorum comparatione esse gravia aut levia, non statim sequitur illa esse elementa. 2. Per *ἀπρὸς*, illam gravitatem & levitatem participari diversis gradibus ab elementis, negamus: & hoc in minore ponitur ac supponitur potius quam probatur. 3. Petitur *τι ἐκ ἀπρὸς*: nam hoc est *τι ἀπρὸς μίαν*, utrum sit ignis, qui participet summam levitatem; demonstrent prius elementarem existere, & demum levitatis participationem ei adscribant. 4. Peccatur falsa suppositione: nam hæc *ἰσχυρίσθαι* quidem argumento subternitur, quasi darentur diversæ gravitatis & levitatis species, quam sententiam defendunt *Combr. l. 4. de calo, quest. 1. art. 1.* At nos contrariam amplectimur, ut veriorum, cum *Ruyio l. 4. de calo c. 6. quest. 1.* Itaque *ἡ τὴν βίαν* retorquemus hoc argumentum.

Quotuplex est gravitas & levitas, tot sunt elementa. Atqui non quatuor aut bis binæ sunt species gravitatis & levitatis. Ergo nec quatuor aut bis bina sunt elementa.

II. Argumentum sextum esto. *In quatuor elementa mixtum resolvitur, tot sunt elementa.* Sed in quatuor elementa mixtum resolvitur. Ergo. Prob. minor. Quia, quando pomum putreficit, cernimus quasdam partes instar aeris exhalare, quasdam instar aque humide in superficie hære, crassas vero & terreas partes subsidere; denique calor etiam deprehenditur, qui ignem, à quo nascitur, arguit. Resp. 1. per *ἀπρὸς*, ad Minorem. Falsum est, mixtum resolvi in quatuor elementa, neque probatur in putrefactione pomi allatâ: nam partes exhalantes non sunt aer, sed exhalatio putrida, & halitus: quod hæret in superficie, non aqua est, sed mixtus humor: quod subsidere dicitur, non terra est, sed ex terra mixtum, in quo prædominatur qualitas terrestris: calor, qui deprehenditur, non est elementari, sed solaris, qui in maturandis pomis uti occupatus est, ita cernitur in eorum putrefactione, & qui, ob agendi efficaciam, ignis appellatur: imo calorem illum, qui in putrefactione deprehenditur, non egredi ex pomo, tanquam in quo delituitur, sed tum primum in eo generari, cum putreficit, nonnulli, & verisimiliter, existimant: quod si verum fuerit, mixtum non in ignem resolvitur ut elementum, quia ille ignis aut calor igneus, cum extrinsecus adveniat, mixtum non constituit, unde nec in eum resolvitur: nam eadem sunt Resolutionis, quæ Constitutionis elementa: nec sequitur aerem, si ponamus eum egredi ex pomo putrescente, esse ejus elementum, ex quo constet, in quod resolvatur, quippe qui intra poros pomi potuit contineri,



ut pomum nec ex eo constituitur, nec in eum resolvitur. Atque hinc Resp. 2. *ἡ γὰρ τὸ ἐν γίαιον*, retorquendo. In quot elementa mixtum resolvitur, tot sunt. At non resolvitur in quatuor elementa. Ergo non sunt quatuor.

III. Argumentum septimum, non tam pondere quam numero æstimandum, tale fere proponi solet. *Quot sunt Temperamenta mixtorum, humores primarii in corpore animalis, partes aut tempestates anni, orbis plagæ, ætates hominis, tot sunt elementa. Sed quatuor sunt temperamenta, humores in corpore animalis, partes anni, mundi plagæ, ætates hominis. Ergo tot sunt elementa.* Resp. peccari elenchum parium: nam, ex analogia numeri in rebus istis ad numerum quaternarium elementorum argumentari, est inconsequens: nam si vis faciendi sit in numero equali rerum aliarum, ut nunc omittam binarium, cuius multa possent recenseri exempla, ternarium in omnibus fere rebus amasse numerum videtur natura: an non supernaturale Trinitatis mysterium, quod tamen nihil ad naturam, ternario gaudet personarum numero? in naturæ sexu, mas est, foemina, & hermaphroditus: principia rerum naturalium sunt tria, materia, forma, & privatio: sensibilia apud Chymicos principia pariter tria, Sal, Sulphur, & Mercurius: partes principes in homine tres, Cor, Cerebrum, & Jecur: Spiritus tres, animalis, vitalis, naturalis: eorum vasa seu canales tres, Nervi, Arteriae, Venæ, &c. ut Bartholinus æque probabiliter contra quaternarium pro ternario elementorum numero ex hisce ac similibus exemplis sit argumentatus, l. 4. c. 2. *Enchirid. Phys.*

IV. Argumentum octavum: *Quatuor elementa significantur, bysso, purpura, hyacintho, coccis, quibus olim Sacerdotes summi vestimenta distinguebantur.* Sic enim Hieron. *Epist. 128. ad Fabiolam docet. Quatuor, inquit, colores ad quatuor elementa referuntur, ex quibus universa subsistunt, nam byssus terræ deputatur, quia ex terrâ gignitur, purpura mari, quia ex concheolis tingitur, hyacinthus aëri, propter coloris similitudinem, coccus igni, quod nigrescere rubent.* Resp. 1. esse elenchum simi-

lium: nam, similia non probant sed illustrant.

2. Hieronymo ex Hieronymo reponimus, *Rhetorici sumus & aliquid declamationibus dedimus.* Quod ut alibi, ita hic verum esse deprehendimus. Alii quaternarium elementorum numerum adumbratum volunt *Ezech.*

1. *per quatuor rotas, quæ ad motum quatuor animalium movebantur.* Resp. per illas rotas, non quatuor elementa, sed quatuor plagas mundi, quæ à Deo per angelos gubernantur, fuisse adumbratas.

V. Nunc speciatim, quæ argumenta pro ignis elementaris (quem pro fictitio cerebri humani commento habemus) sub lunæ concavo constitutione proferri solent, pariter discutiamus. Primum esto. *Si datur elementum frigidissimum & gravissimum, ergo dabitur quoque elementum calidissimum & levissimum.* Sed verum est prius. Ergo & posterius. Probatur Consequentia, quia contraria contrariorum sunt consequentia, postoque contrariorum uno ponitur & alterum. Resp. 1. per *συζωον*, et si frigus & gravitatem à corpore elementari fluere poneremus, non tamen inde sequitur contrarias qualitates, calorem & levitatem ab elemento aliquo necessario fluere, sufficit si assignemus aliquod iis subiectum, cui merito vindicentur, & caloris subiectum solem dicimus: levitas non semper concomitatur calorem, cum dentur res leves minimè calidae.

2. Ponitur tanquam certum, quod adhuc est *ἡ ἀπορία* nam quaestio est, an detur elementum in gradu intensio frigidissimum & gravissimum: nam multi ex philosophis negant qualitates elementares convenire elementis in gradu intensio: & ponatur hoc esse verum, quomodo poterit eadem qualitas, puta frigus, convenire duobus elementis in gradu intensio, puta aquæ & terræ? 3. Nec hoc verum est semper: posito uno contrariorum ponitur & alterum: nam datur summe bonum, sed non ideo etiam summe malum.

VI. Argumentum secundum. *Ignis est corpus omnium levissimum.* Ergo supremum tenere debet locum, qui est sub concavo lunæ. Resp. 1. peti *τὸ ἐν ἡμέρῃ*, ignem esse, & esse aëre levio-rem, adeoque omnium levissimum. 2. per *ἀπὸ τοῦ*, quod omnis ignis sit corpus levissimum: nam Aristoteles 5. *Topic.* tres ignis consti-

constituit species, Anthracen, Flammam, & Lucem: at quis ausit dicere Anthracen esse levissimum? 3. Laborat falsa illatione & inconsequentia; ac si ignis propter levitatem sub luna collocandus foret: cum tamen elementorum situ non tam è gravitate & levitate, quam ex usu, cujus gratia in naturam sunt introducta; judicium ferri debeat: confirmant hanc responsionem Conimb. l. 4. Phys. c. 5. quest. 3. art. 3. ad 3. Si elementa, ut peculiare ipsorum naturæ deposcunt, collocata in mundo essent, debuisset terra aquis, aqua aëre undiqueque circumfundi & contigi: nunc vero aliter se res habet, sic divina providentia disponente, propter hominum inprimis, deinde brutorum animantium & stirpium, quæ in terra giuntur, vitam & propagationem, &c. vid. etiam Scal. Exerc. 9. p. 46. 47. valles. de S. Philosophia, c. 1. p. 29. 30.

VII. Argumentum tertium. Ignis naturæ sua fertur supra aërem. Ergo locus ejus naturalis est supra aërem, ad quem tendit. Resp. hoc argumentum non multum differt à priorè, & ad illud Respondemus 1. per ἀντιπρῶτον, negando, quod omnis ignis species feratur supra aërem, deinde is ignis, qui ponatur ascendere, supra totum tamen aërem eniti semper non valet, sed eousque, quousque materia sufficiens permittit. 2. Nulla hic est consequentia. Ascendit supra aërem, Ergo locus ejus naturalis est supra aërem: Nam pariter licebit mihi argumentari. Aves aëra se-

cant adscenduntque suo volatu: & aquæ in vaporem resolutæ sursum feruntur in aërem: sumi omnes adscendunt ad aërem. Ergo omnium illorum locus est naturalis supra aërem sub concavo lunæ. Quæ hic consequentia? Excipiunt Conimb. l. 4. Phys. c. 5. quest. 3. p. 40. Videmus flammam ignis in Pyramidis figuram acuminatam conari aërem transcendere, nimirum, quia ignis ad Lunæ concavum naturam sedem habet. Resp. 1. per exceptionem: Flammam adscendere, non quia ignis est; alioquin omnis adscenderet (A quatenus enim ad de omni valet consequentia: ) sed quia mater ejus exhalatio ascendit, prout quando mater descendit, & ipsa; & quando illa exhalatio oblique fertur, & flamma eodem motu fertur, sicut hoc multis exemplis illustrat Patritius Tom. 4. discuss. Peripat. l. 7. Sicut igitur non sequitur, Flamma descendit, E. ignis sphaera deorsum est. Flamma oblique fertur, E. ignis sphaera oblique sita est: ita non licet inferre, Flamma adscendit, E. ignis sphaera sursum est. 2. Per συγκατάθεσιν ponamus flammam semper adscendere, nunquam tamen supra aërem ignis sphaeram contingere poterit, eritque ejus conatus semper frustraneus. Quare cum nulla argumenta, aut ignem elementarem existere convincant, aut quatuor esse mundi elementa solide adstruant, nihil restat, quam ut falsa opinione delusos existimemus Philosophos, qui hæcenus & elementarem ignem & quatuor Mundi elementa asseruerint.

## DISPUTATIONIS PHILOSOPHICÆ,

Contra

## QUATERNARIUM ELEMENTOR. NUMERUM,

## P A R S T E R T I A.

## T H E S I S I.

EXponimus ex elementorum albo atque una ex rerum natura ignem elementarem, fictitium plane cerebri humani commentum: nunc pariter aërem ex elementorum numero ejectum imus, non item ex rerum

natura, quippe qui è medio si tollatur, actum foret de vita nostra & omnium animantium; nam sine aëre hausto nulla constat vita. Aërem itaque existere lubentes damus, esse elementum pernegamus: existere aërem in corpo-

corporibus mixtis docent corpora varia mixta, aquæ supernatantia, tum liquida, ut olea, terra solida, ut ligna: nam ex aëre existente in mixtis levitas illa oritur, & fit, ut unum corpus mixtum sit altero levius, prout scilicet fuerit rarius ac porosius: aër enim poros implet, illud reddit levius: non tamen hinc sequitur, aërem esse elementum, aut tantquam partem ingredi constitutionem mixti: quia ista levitas major ac minor, ponderisque in mixto inæqualitas, explicari potest per solam aëris intra poros corporum conclusionem, ut non exigit ejusdem concursum per modum partis ad eorundem constitutionem: & docet hoc experientia in vesica aëre distenta, aut in pila vitrea, quæ aëre plena aquæ supernatat: atque hinc sic *argumentamur*. Quodcumque in poris mixtorum tantum continetur, illud non est pars mixti, multo minus elementum illud constituens. Atqui aër tantum continetur in poris mixti. Ergo. Major probatur: quia pori ipsi non sunt partes mixti, sed spatia quædam inter partes, sic pars carnis non sunt pori ejus, multo minus aër in poris existens.

II. Sed *secundo probamus*, aërem non esse elementum nec constituere partem mixti: Quodcumque non potest coherere, nec unum continuum fieri, cum corporibus crassioribus, terra & aqua, id non est pars mixti, nec elementum. Atqui aër non potest coherere, nec unum continuum fieri, cum terra & aqua. Ergo. Minoris ratio, quia aër est corpus nimis tenue & fluidum, unde, ubicunque est, poros efficit, in quibus sit, quos repleat. Atque hæc eadem causa est, cur ex aëre, nec nutriamur, nec constemus, quia pars nequit fieri corporis nostri crassi & densi. *Dices*: si aër non sit elementum, nec pars mixti, nec eo nutriamur, nec constemus, videbitur inutilis aut minus saltem necessaria pars universi. Resp. *non sequi hoc*: nam nihilominus utilis ac necessaria universi pars est, 1. Quia vehiculum est influentiarum coelestium in terram, aquam, & mixta, sine quibus nec meteora, nec mineralia, nec plantæ, nec animalia generantur. 2. Quia est locus & receptaculum generationis metæeorum. 3. Quia motu suo putrefactionem

multorum corporum impedit. 4. Quia respirationi animalium ita necessarius est, ut sine eo animalia præcipua suffocarentur: atque hinc liquet, cur, licet aëre non nutriamur, eum nihilominus attrahamus, nimirum ut suo frigore temperet calorem cordis nostri, quod facillime alioquin suffocaretur, & ut fuligines vaporesque excrementitii cum aëre expirato una ejiciantur: ideoque novus semper debet inspirari, quia, qui aliquantisper fuit retentus, statim calore cordis est calefactus. *Dices*: per venenatum aërem haustum morbi contrahuntur, ergo aër nutrit. Resp. *Non sequitur*: neque enim hoc fit, quod aër nutriat, sed quia, vel venenati in aëre vapores una attrahuntur, vel aër parvas suas, quas contraxit, qualitates intus corpori nostro imprimit, quando inspiratus est. Et hæc causa quoque est, quod plantæ melius crescant in aëre temperato, quam in alio, non quia aëre nutriantur, sed quia, cum minus crescunt, pravi in aëre vapores illas contingunt, vel aër intemperatas qualitates illis communicat.

III. *Argumentum tertium*. Si aër sit unum continuum cum cælo corpus, non est elementum: nam cælum & elementa apud omnes omnino Philosophos distinguuntur. Atqui verum est prius. Ergo & posterius. Minor probatur. Si aër & cælum sint duo discontinua corpora, differant etiam tenuitate, raritate, subtilitate, aliisque qualitatibus, constituentque diversâ diaphana. Atqui hoc est absurdum. Ergo & illud. Probatur Minor. Si cælum & aër diversæ tenuitatis, raritatis, subtilitatis, constituent diversâ diaphana; ergo, *primum*, Siderum refraçtio ab horizonte usque ad ipsum verticem durabit, contra quam docent Mathematici atque Optici, qui eam ultra tricesimum altitudinis gradum non excurrere asserunt: *deinde*, ista diversâ diaphana diverso modo transmittent ad oculum nostrum stellarum visum imagines; nam cum primum medium, cælum, sit subtilius, rarius, tenuius aëre, ex hypothesi Adversariorum, facilius alioque modo imaginem stellæ visæ transmittet quam aër, ubi imago, propter majorem crassitiem & densitatem ejus, non nihil tardabitur & refringetur, alioque modo

ob has causas ab aëre quam à cœlo ad oculum transmittitur: at quomodo stellæ tum in suo loco conspiciantur? certe hinc sequitur, verum stellarum locum hæcenus fuisse ignotum atque inveniri non posse. Nam vel dicendum est Adversariis, stellarum visarum imagines per cœlum & aërem, diversæ qualitatis media, eodem modo transmitti, contra Opticorum fundamenta; quæ sunt: *Datis diversis mediis seu diaphanis, datur etiam refractione extra perpendiculararem: & sublata refractione extra perpendiculararem tolluntur diversa diaphana:* vel dicendum est illis, stellas nunquam esse visas, nec videri posse, vero suo loco: nam cujus imago per diversa media diverso modo ad oculum transmittitur, id suo loco non videtur, quod experientia testatur, quæ docet quomodo deludatur visus, si oculus nummum in urnam aquæ injectum, aut remum aliqua sui parte aquis immersum, conspiciat. Videatur hoc argumentum egregie deductum apud *Ioh. Penam in præfatione Nobilissima de usu Opticæ præfixa Opticæ Rami aut Risheri.*

IV. Sed & alio modo, aërem esse unum ac continuum cum cœlo corpus, probamus, à vocis (cœli) in Scriptura ad aërem applicatione: nam nihil est usitatus in S. litteris, quam aërem cœli nomine venire, vid. *Genes. 7. 11. & 8. 2. Deuter. 28. 12. Psalm. 147. 8. Jerem. 10. v. 13. Zach. 8. 12. Matth. 16. 3. &c.* imo & extra S. litteras cœli appellatio aëri tribuitur. *Virgil. l. 2. Georg. de aëre loquens ait, cælumque profundum; & Cicero de Orat. Cælum hoc, in quo nubes, imbres, ventique coguntur, &c. idem Divin. Cujus cæli aspiratio gravis & pestilens, &c. Except. 1. Licet cæli voce eveniat aër, non tamen proprie. Resp. illud proprie cœlum dicitur, quod fidelium & infidelium consensu sic vocatur: at aër sic vocatur, ut ostendimus: & si improprie vocetur cœlum: ergo tropice, offendatur ergo tropus. Except. 2. Licet Latine vox cœli ad significandum aërem, non tamen pariter vox Hebræa *שמים*, tum ob numerum diversitatem, tum ob vocis notationem & originem. Responsum neutrum obstat. 1. Non numeri diversitas, nam vox *שמים*, eam formam habet dualem ob duplices*

aquas superiores & inferiores significatas, ut volunt Lexicographi, & singulariter & pluraliter potest intelligi pro materia subleatâ: sicuti apud Latinos carent singulari Athenæ, Venetiæ, nuptiæ, & tamen non ineptè uni rei singulari competunt, quidni idem pariter dicamus de Hebræa voce *שמים*? 2. Non nominis notatio; five enim *שמים* derives à particula *שם*, significante locum remotum & *מים* aquæ, quod ibi sint aquæ, nullo negotio dicemus & in aëre esse illas, quod in mediâ regione nubes & meteora aquæ satis reddunt testatum: five à *שמע* stupere & *מים* originem accersas, certe in aëre stupendo modo hærent suspensæ aquæ: five ab *שמע* & *מים* igne & aqua originem ducas, utrumque aëri nostro citra ullam absurditatem applicari potest: five tandem deducas à radice Arabica *شام* altum & excelsum esse, nihil nostro ob erit aëri, qui excelsus est, & cui convenit sua altitudo.

V. Verum aliò adhuc argumento, eoque firmissimo, aërem esse idem cum cœlo corpus demonstramus. Locus stellarum est cœlum. Aër est locus stellarum. Ergo. Probatur minor. Expansum seu firmamentum secundo die creatum est locus stellarum. Aër est hoc expansum. Ergo. Major est manifesta, ex *Gen. 1. v. 6. & 17.* ubi *Moses v. 6.* narrat expansum fuisse secundo die creatum, & *v. 17.* dicit in eo collocatas stellas. Minor, præterquam quod totidem verbis extet in *lib. Apocrypho, 4. Esræ c. 6. 41.* hoc insuper modo probatur. Quicquid dividit aquas superiores ab aquis inferioribus, illud est expansum. Atqui aër hoc facit. Ergo. Major est in textu *Mosis, c. 1. v. 6. 7. 8.* Minor sic probatur. Quod immediate aquas inferiores tangit, & ab iis ad superiores usque extenditur, easque similiter immediate tangit, id aquas superiores ab inferioribus dividit. Atque aër hoc facit. Ergo. Vel etiam sic probatur Minor. Aut aquas inferiores à superioribus dividit solum cœlum, aut solus aër, aut aër & cœlum simul: ignem enim elementarem, ut corpus interjectum, jam de suo loco deturbavimus disputatione gemina præcedenti. Atqui non facit hoc solum cœlum quia illud nec tangit nec dividit aquas subleatâs: non facit hoc solus aër, si à cœlo distin-

guatur, nam non poterit tangere aut dividere aquas supercoelestes: Ergo facit istam divisionem, aer & cœlum situl, Ergo non distinguuntur, sed unum sunt corpus. Si exceperis, aquas illas supra expansum collocatas non esse supercoelestes, hoc est, non supra sed infra cœlos ac stellas esse constitutas, adeoque ad cœlos stellisque non pertingere expansum, se-

quitur in eo non esse collocatas stellas: nam certe in expanso non possunt esse stellæ, si infra eas expansum finitur: at hoc est directe contra textum Mosaicum *Gen. 1. 17.* Exceptiones alias non adferimus, quia eas accuratissime persequitur & refutat *Wendelinus in Contemplat. Phys. 3. cap. 2. th. 1. c. 2. §. 6. ad arg. 6.* qui videri potest.

## DISPUTATIONIS PHILOSOPHICÆ,

Contra

QUATERNARIUM ELEMENTOR. NUMERUM,  
PARS QUARTA & ULTIMA.

D E

## A E R E.

## T H E S I S I.

I Gnem ex rerum natura, Aërem ex elementorum ordine exemimus, & cum cœlo eundem fecimus: nunc hoc restat, ut *Aëris naturam* paulo plenius exponamus. *Aër* nobis significat totum illud ac vastissimum spatium, à fixis stellis ad imam usque terram expansum, quod licet unum numero ac continuum & homogeneum sit corpus, conditionis tamen ubique ejusdem non est, sed ejus partes propter varia adjuncta aliæ ab aliis differunt; nos aërem dispescimus seu cœlum (nam idem nobis significant) in *ἕνα* & *ἄλλο* aëris seu cœli pars est, quæ lucidissimis stellarum tum errantium tum fixarum corporibus ornatur ac frequentatur: *ἄλλο* aëris seu cœli pars est, quæ stellis destituta, variis meteororum generationibus subjacet, & à Luna usque ad terram protenditur: atque hæc licet in partes & species, accurate loquendo, dividi nequeat, quia unum est continuum & homogeneum corpus, à *Physicis* tamen vulgo in tres regiones dividi solet, quæ præter usum & quantitatem situ & qualitate præsertim distinguuntur.

II. Ratione situs pars aëris alia est suprema, alia media, alia infima. *Suprema*, supra altissimorum montium cacumina exorditur & ad Lunam usque excurrit. Alii tamen paulo infra montium vortices exordiri eam, nonnullis experimentis, probare conantur: dicunt enim, supra altissimorum montium, *Olympi in Thessalia & Athenis in Macedonia, vertices & cacumina perpetuam serenitatem & aëris tranquillitatem deprehensam, ideoque median regionem aëris eo non pertingere.* Resp. 1. Incertum est, quod de illis montibus *Solinus & Elianus* tradunt, an historica veritatem, an fabulosum Poëtarum figmentum præ se ferat: multi opinantur ex Poëtarum fabulis hæc esse deprompta. 1. Testatur *Ludovicus Vives*, explicans locum *Augustini l. 15. de Civitate Dei c. 27.* id, quod de celsitudine montis *Olympi* traditum est, esse fabulosum, quod confirmat testimonio *Philadelpho*, qui se eum montem ascendisse, ut rem tantam exploraret, & falsum esse, se comperisse dixit. At *Zabarella* contrarium docet suomet ipsius experimento, *lib. de regionibus Aëris, c. 8.* hisce

D d d 2

verbis.



verbis. Possumus per existentiam etiam id, quod dicimus, comprobare: mihi enim contigit, ut quod pluribus etiam aliis contigisse audivi, ut ascenderem ad somnitatem usque Idem Ptolemaeus, qui omnem in Peruvio agnoscebat, ubi per totum diem habui aërem sensissimum, sed infra circiter medium montis videbam nubes, quae me visione vallium prohibebant: vespere autem postquam de illo monte descendi, invenisti factam eo die in infera parte magnam pluviam, quoniam in montis cacumine nihil pluisse: ex eo intellexi me transisse per mediam aëris regionem in qua est facta pluvia, nec tamen eam sensi frigidissimam: imo vix aliquam animadverti differentiam frigidioris & calidioris aëris: Nam aestivum tempus erat, & pro aestivo tempore eram vestitus, nec tamen tantum frigoris, quod me laderet, ex eo loco percepi: pars igitur illa non est absolute frigida, sed solum in comparatione inferioris aëris calidioris. Idem de Alpibus proprio exemplo edocui testatum reliquit Bartholinus Syst. Phys. Instit. succinet. de Terra, Aëre & Igni. c. 4. Reip. 1. Si verum est Mathematicorum effatum, supremam aëris regionem quinquaginta miliaribus à terrâ distare, tum prorsus nullam fidem merebitur Zabarella experimentum: ratio est: quia secundum eisdem, nullius montis altitudo per directum, quatuor miliaria excedit: inter quatuor autem & quinquaginta nulla est aut exigua proportio. 2. Confundit in suo experimento Zabarella, partes extremas mediae regionis cum ipsa parte media ejusdem regionis: nos statuimus non aequae frigidas omnes ejus esse partes, sed mediam duabus extremis, quibus superiorem & inferiorem regionem contingit, longe frigidiorum esse eo quod nec à superno, nec ab infero calore, ut quidem duae ejus extremitates, alterari facile possit: ex quibus liquido apparet, nec supremam aëris regionem infra montium cacumina esse, nec etiam mediam regionem, natura, quamvis debiliter, calidam, & ex privatione tantum causarum calorem inducentium, comparatè frigidam esse: idem judicium de Bartholini experimento ferendum esse judicamus. Media regio aëris à fine supremæ consue deorum protenditur, quo caloris à Sole producti & in terræ super-

ficie collecti efficacia sursum pertingit. Infima aëris regio à superficie terre consue extenditur, quo caloris à terra sursum multiplicati efficacia pertingit.

III. Huic trine regionis aëris opponit se Danæus part. 2. Phys. Christ. tract. 2. de Expansione c. 12. Aristoteles, inquit, totum hoc spatium, quod aërem, hoc est, aquas celestes continet, in tres regiones distribuit, lib. 1. Meteor. in summam, &c. at frustra sit per pluviam, quod fieri potest per pauciora. Nos tantum hujus expansionis regiones constituimus, &c. Reip. 1. distinctio aëris in tres regiones apud Aristotelem non est adeo expressa, nec tam explicite posita, ut eam Arist. tribuit Danæus, sed per consequentiam quandam ex c. 4. l. 1. Meteor. à Zabarella lib. de reg. aëris c. 1. educta. Hoc igitur *αὐτὸν ψαδὸς*. 2. Frustra sit per pluviam, quod fieri potest per pauciora, si scilicet aequae bene per pauciora effici possit: cum autem hic non aequae bene aer in duas quam in tres regiones dividatur, ob distincta, quæ in hisce tribus regionibus sunt, metœra, & ob qualitatum, quæ in iis obviae sunt differentiam, invertimus illud Danæi, frustra hoc loco fieri per pauciora, quod debeat fieri per pluviam.

IV. Sed vero qualitates singularium aëris regionum, earumque differentias & causas videamus. Supremam aëris regionem calidissimam esse, cum vulgari opinione statuimus, est enim ignitorum meteororum officina: in reddenda vero causa à communi sententia abimus; neque enim hujus intensissimi caloris causam facimus ignem elementarem, quia rerum natura nullus est, nec flammæ ab illo igne decedentes, quæ pariter, ut ignis, scintillæ sunt, nec motum & agitationem coelestem, tanquam principium extrinsecum, adeoque violentum, nec exhalationes calidas ad supremam regionem adfuentes; sed æstivum astrorum calorem, huic regioni viciniorum, inque aërem proximum sibi, efficacissimum, causam esse dicimus.

V. Infima aëris regio est mediocriter calida, non, ut vulgo existimant, propter radiorum reflexionem, quæ est unius ejusdemque numeri rei à solito duroque corpore reflectio; sed verius, propter caloris duplicationem: dupli-



duplicatio vero ista ita fit. Egreditur à sese calor, & quidem magna ac subita vi egreditur, proximumque aërem calefacit, in terram vibratus, cum eam ob duritiem penetrare non possit, non repellitur, quasi illa radiorum reflexio necessario sit adstruenda, sed multus in duro solidoque corpore colligitur atque unitur & fortior redditur atque efficacior: ita unitus & intensus vicinum sibi aërem magis calefacit magisque alterat, hic alium vicissim sibi proximum, donec tandem vis illa secundi caloris à terra promanantis evanescat, & infimæ aëris regioni terminum statuatur.

VI. Media aëris regio, ex communi *physicorum* placito, frigida esse statuitur, verum in assignanda ejus causa inter eos non convenit. *Omni enim aër (sunt verba Zabarell. lib. de regim. aëris c. 2.) fit naturaliter calidus, jure dubitatur, quomodo aër mediae regionis possit esse frigidus, praesertim magno ac perpetuo frigore: unum quod alicui naturale & essentiale est, ab*

*illo inseparabile esse solet, vel non absque illius interitu separabile: ita fieri non posse videtur, ut aër ille, qui mediam regionem implet, possit in illa violenta ac præter naturam affectione diu perdurare: quomodo igitur manet perpetuo frigidus? difficultas hæc ita omnium animos torsit, ut nihil adhuc dictum videatur in quo animus plene acquiescit. Verum illa difficultas nos non torquet, si aërem indifferentem & à qualitatibus naturaliter inherētibz immunem statuamus, uti statuimus: neque enim agnoscimus in aëre illas qualitates, quas Philosophorum vulgus ei tribuit, idque ob rationem in disputationibus præcedentibus allatam: si enim aër est unum cum coelo ac continuum corpus, sequitur aërem naturæ suæ nec calidum esse, nec frigidum, &c. adeoque esse indifferentem ad illas qualitates: coelum enim nec frigidum esse, nec calidum, communis est opinio. Atqui verum est prius, ex disputationibus ante habitis. Ergo & postrius.*

T I N I S.

## DISPUTATIO PHILOSOPHICA

EX ARISTOTELE,

DE

## RATIONIBUS ENTIIUM.

THESIS I.

QUAS vocat hujusce disputationis titulus *Rationes Entium*, apud Aristotelem in sua Philosophia invenies dici λόγος & εἶναι. Horum quia frequentissima apud Philosophum est mentio, & uberrimus apud alios est usus, dum de quidditatibus & formalitatibus, terminis maxime barbaris, disputant, visum fuit non infrugiferum fore, si ex Aristotele, viro ætatis suæ maximo non ex ineptis Scholasticis, discuteremus, quid per *Rationes entium*; sive per λόγος & εἶναι intelligi debeat.

II. Λόγος interdum sermonem significat, interdum rationem: & sermonem quidem, vel externum sive foras prolatum (Græci λόγος ἔξωθεν, Aristoteles τὸ ἔξω λόγον vocat) vel internum sive intus conceptum (Græci ἐνδὲς ἐστιν, Arist. τὸ ἐν τῇ ψυχῇ λόγον, sermonem, qui est intus in animâ, vocat) Ratio, vel in mente nostrâ est, vel in rebus. Ratio sive λόγος in mente, vel significat ratiocinandi aut intelligendi facultatem, veluti cum homo dicitur animal λογικόν, id est, rationis particeps, vel ipsum λογισμὸν, sive intelligendi ac ratiocinandi actum. Necessè, quod existimes, esse eadem, λογισμὸν & λόγον ἐνδὲς ἐστιν; quippe multum hæc duo differunt. Λογισμὸς sive ratio mentis versatur circa res, quæ intelligendi ac ratiocinandi actû intelliguntur ac concluduntur: at λόγος ἐνδὲς ἐστιν versatur circa vocabula, quatenus sunt notæ sive σύμβολα nostrorum conceptuum, consequenter quoque rerum. Quotiescunque enim aliquid cum curâ dicturi sumus, non solum perperdimus, quid dicturi simus, sed etiam excogitamus, quibus verbis prolaturi simus ea, quæ conceptus: utraque mentis nostræ actio λόγος dicitur, significatione diversâ: nam cum prior illa, λόγος dicitur, vox eadem significat,

quod ratio, λογισμὸς, ἀλγίστα, discursus: cum verò posterior appellatur λόγος, vox est sermonem denotat, internum quidem illum sive ἐνδὲς ἐστιν atque intus conceptum, sed sermonem tamen, non rationem seu λογικὸν mens enim intus non solum ratiocinatur, sed & sermocinatur suo modo, atque ea duo haud dubiè diversâ sunt.

III. Ratio sive λόγος in rebus sumitur triariam: 1. enim denotat argumentum, an seu medium terminum in syllogismo, veluti cum Arist. c. 29. l. 2. Post. Anal. dicit, omnem scientiam esse κατὰ λόγον, cum ratione, intelligentiam seu assensum principiorum esse αὐτὸν λόγον, ubi λόγος utrobique significat terminum medium probantem. 2. significat χάρις, aliquam entis sine ulli vi inferendi aut probandi: veluti cum in Mathesi ab Euclide l. 5. elem. λόγος sive ratio dicitur, duarum magnitudinum ejusdem generis mutua quædam secundum quantitatem habitudo; & Analogia, rationum similitudo. Quod ab Euclide de quantitate, hoc de omnibus omnino rebus dici potest, ut Ratio seu λόγος sit omnium rerum mutua quædam habitudo, & Analogia, sit rationum in rebus similitudo; quo sensu de Analogia & Ratione agitur in Logicis & Metaphysicis ad titulum de Convolutione, quæ in simplicem & analogicam dividi solet. 3. sumitur λόγος seu ratio, pro modo, quæ res unaquæque menti obijcitur cognoscenda. Hæc acceptio hujus vocis latissime patet, & præcedentem suo ambitu complectitur: diversæ enim habitudo rerum efficit, ut aliter atque aliter ab intellectu nostro res concipiuntur. Hæc sensu tertio, nos de Rationibus entium, λόγος & εἶναι philosophamur, quos barbare vocarunt Scholastici quidditates, formalitates, rationes quidditativas, rationes formales, predicata quiddi-

quiditati, & conceptus obiectivos, & nescio quare non multiplicaverint vocabula citra ullam necessitatem.

IV. Sed verò videamus, unde hi λόγοι τῶν ὄντων, rationes entium oriuntur. Quod ut intelligatur, observandum est, eam esse mentis humanæ imperfectionem, ut nequeat uno conceptu distinctè comprehendere, quod in se unum est: hinc fit, ut mens humana, intellectura, objectum suum distrahat, & quod unum est, quamvis unum sit, pluribus sibi quæque invicem dissimilibus conceptibus intelligat. Quid quæso magis est simplex, quam Deus, & tamen Deum concipimus, ut Deum, ut immensum, ut æternum, ut sapientem, ut misericordem, ut iustum, &c. & concipimus, non solum pluribus, sed & dissimilibus multumque diversis conceptibus: conceptus enim divinæ justitiæ multum differt à conceptu, quem facinus de divinæ misericordiæ, & quæque alter alteri prorsus dissimilis: & sic in aliis divinæ essentiae attributis concipiendis, conceptus sapientiæ differt à conceptu omnipotentiae, &c. Atque hæc quidem omnia dicuntur inter se distingui τῷ λόγῳ ratione, quia licet in se omnia sint unum, sunt tamen objecta distinctorum conceptuum nostri intellectus, qui λόγοι, seu rationes appellantur, quasi dicas, rationes concipiendi. Hinc & ipsa illa objecta, quatenus ratione differunt, externâ denominatione rationes entium sive λόγοι τῶν ὄντων, vulgò conceptus obiectivi, vocantur, quia scilicet τῷ λόγῳ sive rationibus concipiendi, id est, conceptibus animi nostri obijciuntur, indeque distinctionem capiunt.

V. Nemo vero existimet hos λόγους sive rationes entium in solo Deo habere locum ob simplicitatem aut infinitatem, quia Dei exemplum protulimus: quin & in rebus creatis ac finitis reperiuntur: nec sollicitè aut anxie queri debent: ubique & in omnibus sese offerunt. Quid est magis vulgatum quam quod ab omnibus inculcari solet, cum de scientiarum constitutione agitur, unam & eandem rem pertinere posse ad plures disciplinas, sed non eodem considerandi modo, eadem ratione formali? Hominem considerat Physicus, Ethicus, Medicus, & quis non? sed Physicus

ut est corpus naturale; Ethicus, ut est affectibus obnoxius & virtute informandus; Medicus, ut est bonæ vel adversæ valetudinis capax. Unus ubique homo est, sed qui diversimodis consideratur, aliis atque aliis rationibus λόγῳ intelligitur, atque explicatur à Physico, Ethico, Medico. Ex hisce verum rationibus ac λόγῳ τῶν ὄντων, orta quoque est definitio, quæ quod in se unum est, ita distrahit, ut duobus distinctis conceptibus, ac si esset geminum, concipiendum obijciatur ac concipiatur: uno enim conceptu, in definitione, apprehendimus genus, altero differentiam: quæ duo non sunt duo distincta entia, sed unius entis distinctæ rationes, distincti λόγοι, ac modi intelligendi seu concipiendi.

VI. Atque ex hisce apparet, λόγος sive rationem entis nihil esse aliud, quam modum, qui nunquodque proprio conceptu à mente apprehendi aptum est. Dico disertis verbis, apprehendi vel comprehendendi aptum est, quia λόγος sive rationes entium antecedunt ipsum actum intelligendi: sunt enim singulorum conceptuum propria objecta, seu formæ quædam quibus res obiectæ limitantur & determinantur ad proprium & peculiarem aliquem conceptum: itaque cum objectum omne, quatenus est objectum, sit prius eo actu, qui circa objectum est, sequitur, rationes rerum esse priores nostræ intellectiōne; ac proinde, rationem esse modum, non, quo res proprio conceptu comprehenditur, sed quo apprehendi aut comprehendendi potest. Hæc vero entium per rationes limitatio ac determinatio circumscribi solet ac notari voce, quæ vel quatenus, aut simili, ut cum dicimus, corpus naturale, quæ naturale, quæ sanabile, quæ capax artificiosæ formæ; Deus, quatenus est iustus, quatenus est misericors, quatenus est sapiens, &c. Atque licet rationes istæ sic distinguantur, res tamen istæ, cui tribuntur, est una eademque numero: Quemadmodum est unus idemque numero homo, puta Petrus qui quatenus animal, quatenus vivens, quatenus corpus, quatenus substantia, concipitur atque intelligitur. Atque hæc sunt istæ Scoti & Scotistarum formalitates, atque aliorum, rationes formales.

VII. Atque hæc, quam hic tradimus, de ratio.

rationibus Entium, Philosophia, ipfius est Aristotelis, qui non uno in loco docet, unius ejusdemque rei varias esse rationes & λόγους τῷ εἶναι, quibus variè distinguatur. Sic dixit Philosophus l. 1. *Physic. materiam & privationem esse unum numero, distingui vero τὸν λόγον sive ratione*, quia scilicet, alius est conceptus materię, ut est materię, & alius, ut est privata. Ex. gr. cum quis musicus sit, subjectum istius mutationis est homo, privatio ἀμουσία: homo enim ex ἀμύσῳ fit musicus: itaque licet homo & ἀμύσῳ sint idem numero, tamen ἕτεροι τὸ ἀνθρώπου καὶ τὸ ἀμύσῳ τὸ εἶναι, id est, alia est hominis, alia ἀμύσῳ seu Musica expertis essentia: ut dicitur l. 1. *Phys. §. 67.* Simili modo loquitur lib. 5. *Eth. c. 1.* De justitia & virtute universa, ἵνα πᾶσι καὶ ἀνθρώποις, inquit, τὸ εἶναι ἔστι τὸ αὐτὸ, ἀλλ' ἡ μὲν πρὸς ἕτερον, δικαιοσύνη ἢ τὸ τοιαῦτα εἶναι, ἀπολύτως δέστιν, id est, illa eadem quidem est

sed essentia non est eadem: sed quatenus alium est, iustitia: quatenus talis habitus, absolute virtus dicitur. Similia loca extant apud Aristotelem quam plurima: quibus nihil aliud docetur, quam ejusdem rei esse plures λόγους sive rationes. Etenim, eadem res est, quę subicitur formis & quę iis privata est, ut homo & ἀμύσῳ eadem qualitas est, atque idem habitus, qui & virtus & universa iustitia dicitur; sed rationes inter sese differunt: & ita in cæteris. Atque hæc est vera, solida, & mascula Aristotelis de λόγοις & εἶναι, rationibus entium, Philosophia, quam turpiter hic & alibi sua barbarie fædarunt, atque in totum corrumperunt Thomistæ, Scotistæ, similiter furfuris Philosophi Scholastici, aguntque id etiam nunc hodiè, qui neglectis Græci Aristotelis frontibus, ex impuris Latinorum Scholasticorum lacunis, sapiunt tantum atque philosophantur.

## P R O B L E M A.

NUM VERA PHILOSOPHIA CONTRARIETUR  
S. THEOLOGIÆ, ET VICISSIM?

## T H E S I S I.

Cultura & animi nostri medicina (Philosophiam intelligo) non sua solum præstantia & dignitate, ipsa sibi pretium est, & commendabilis, sed vel hoc etiam nomine, digna censi debet, quæ ab omnibus πνευματικῶς, quod ad Theologiæ, cæterarumque superiorum disciplinarum & facultatum, nempe, Jurisprudentiæ ac Medicinæ studium, haud exiguum afferat emolumentum ac utilitatem. Ac Theologiæ, quæ pro cæteris spondeat & respondeat, quidem prodest philosophia, partim ad doctrinam celestem solidè intelligendam & docendam: partim ad eandem adversus hæreticos alioque adversarios defendendam & propulsandam. Cum enim Theologia versetur circa propositiones, easque vel puras, quæ terminis solius Theologiæ constant, vel mixtas, quæ uno Theologico, altero Philosophico termino, combinantur: Certè tam ex his, quam ex

illis complures sunt, quæ sine adminiculo Philosophiæ rectè & solidè explicari, probari, & intelligi non possunt. Et nisi per Philosophiam ingenium futuri Theologi disponatur, tum ad inveniendā argumenta pro veritate, tum ad bene evitandā, solvendā, & enodandā contorta illa & aculeata *επιφύρμην*, quæ contra conclusionēs Theologicas ab Antagonistis acutè excogitantur & obijciuntur: fieri non potest, ut sufficiens doctrinæ celestis defensio ab eo institui possit. Quod non ignorabat Julianus apostata, acris sed pravi ingenii Cæsar, cum Christianis scholas adimeret; haud secus quam olim Philistæi Judæis Vulcanos, ne arma fabricarent, quibus bellum gerere possent. Quare extra omnem dubitationis aleam positum esse arbitror, quod Philosophiæ ignorantia circa Theologiam ita sit periculosa, ut qui aut nullus sit Philosophus aut malus, idem etiam malus sit Theologus, & facili-

facillimè possit in gravissimos rerum Theologiarum errores & labyrinthos involvi, quia Deus & creaturæ Dei sunt relata & correlata: qui autem unum relatorum ignorat, etiam alterum ignorat, præsertim cum in iis etiam, quæ miraculose agit Deus, habeat rationem aliquam naturæ, ne plura quam opus sit, eveniant miracula. Franc. Vales. c. 18. Philos. sacre. Verum enim vero hoc quamquam jam paucis ἰσχυλῶς παρὰ τοῦ καὶ περὶ ἀποδείξεως demonstravimus, nihilominus tamen non pauci existant hoc conclamatione nostro seculo homines, qui hanc Philosophiæ laudem minuere, abolere, & extirpare, ejusque in Theologiâ usum & necessitatem elevare, evertere, imò & penitus exterminare in votis habent, præsertim cum in disputationibus Theologicis, quando conclusionēs mixtæ tractantur, hoc est, quæ partim ex termino Theologico, partim Philosophico conjunguntur, sentiunt se in eas angustias redigi per principia Philosophiæ, ut inde honeste evadere non possint, neque objectorum argumentorum nodos bene dissolvere, statim ad illud miserum, & miserabile, ne dicam sophisticum κρησφύγετον & ἀνυλον se recipiunt: Philosophiam interdum τῇ ἀλυσίᾳ τοῦ repugnare seu contrariari S. Theologiæ. Illorum igitur veterum & τῶν αἰρησίων opinionem ut occurratur, perutile est scire: Veram Philosophiam S. Theologiæ, aut vice versa, non contrariari.

II. Principiò igitur, priusquam ad rem ipsam accedamus, ut τὸ ζητημῶν melius intelligatur, quid per vocem contrariari indicatum velimus, ὡς ἐν παρῶν, uno atque altero verbulo, delibare allubescit: Idque ideo, ne & nobis objiciatur Aristotelicum illud 6. Top. cap. 2. ἀλλοι, ὁ πῶτον βούλεται λέγειν τὸ διλημῶν ὡς τὸ πλεονεχῶς λέγειν. Sub voce igitur contrarietatis intelligimus veram contrarietatem, non autem ἀναποδείκτων indeque considerandæ sunt quædam oppositionum conditiones ac leges. Nimirum ut propositiones, 1. sint τὸ αὐτὸ, i. e. idem, nempe subiectum, & prædicatum, sine omni ambiguitate intellectum. 2. κατ' αὐτὸ, secundum idem, nempe eandem subiecti partem vel naturam. 3. πρὸς αὐτὸ, ad idem, nempe comparatum, siue ejusdem re-

speῖου. 4. ἐν τῇ αὐτῇ ᾠκείᾳ, iisdem loci & temporis circumstantiis, &c. Quæ igitur oppositio contra enumeratas hæc rationes pugnat, vera oppositio non est. Si enim hic de cepis, & alius de aliis loquatur, non est contrarietas, idque fit, cum termini aliter atque aliter accipiuntur. Ita nulla est contrarietas, si Physicus dicat: ex nihilo nihil potest fieri. Fieri, inquam, hoc est, generari, & potest, scilicet ab agente naturali finito. Et si Theologus dicat ex codice biblico: ex nihilo aliquid potest fieri. Fieri, inquam, hoc est, creari, & potest nempe per omnipotentis Dei potentiam. Quocirca contrariari, hic idem est, quod esse verum hic, & falsum alibi: unde hætenus idem est, querere: Utrum vera Philosophia contrarietur Sac. Theologiæ, & utrum una eademque propositio, eodemque modo intellecta, in Philosophia possit esse vera, quæ tamen sit falsa in S. Theologia, & vicissim? Cujus partem negativam amplectimur, & inexplugnabilibus aliquot depromptis rationibus pro modulo sancire ac confirmare annitemur.

III. Prima ratio manat ex ipsâ veritatis naturâ. Veritas alia simplex est, alia composita, siue complexa. Simplex veritas est entis affectio, siue attributum, vel ut aliis placet, est cuiuslibet rei entitas, quatenus cum mente congruit: ut cum artifex vult conficere aliquod opus, tunc in mente suâ imaginem conformat; sed illa non est hujus loci. Veritas composita consistit in duâ entium conjunctione, aut divisione: conjunguntur autem entia per affirmationem, dividuntur per negationem. Veritas composita vel est in intellectu, vel in verbis siue enunciatione; quarum illa formalis; hæc σημεῖον vulgò appellari solet; alii adhuc alias habent divisiones. sed hæc pro instituto nostro sufficit. Veritas formalis, est convenientia siue conformitas mentis judicantis cum re judicatâ, & hoc fit quando mens judicat composita esse, quæ revera composita sunt, vel divisa, quæ revera divisa sunt: σημεῖον, est convenientia sermonis siue enunciationis cum intellectus judicio: convenit autem enuntiatio cum mentis judicio: cum ea pronunciat esse conjuncta aut divisa, quæ intellectus judicat esse conjuncta aut divisa.

IV. Hæc convenientia nihil addit conceptui, aut orationi, præter denominationem externam, desumptam à connotatione rei intellectæ, aut significatæ, ita se habentis, sicuti intelligitur, aut significatur. Desinit ergo conceptus aut enunciatio esse vera, & incipit esse falsa, sine ulla sui mutatione; cum scilicet, aut illa, aut hæc desinit connotare obiectum ita se habens, ut aut in illo representatur, aut per hanc significatur, ita ut res ipsa βέλους sit, & norma compositæ veritatis, quæ si immota maneat, veritas quoque manebit eadem in conceptu, aut oratione, quæ de illa formata est: sin vero mutetur (ut fit in contingentibus) mutabitur etiam veritas conceptus & orationis, πρὸ τοῦ πρῶτου εἶναι, ἢ μὴ εἶναι, τὸ τὸ ὅτι ὁ λόγος ἀληθὺς, ἢ ψευδὺς εἶναι λέγεται, eo quod res est, aut non est; oratio, vel vera, vel falsa esse dicitur. Cui illud Aristot. cap. 12. de categor. egregiè succinit: ὁ ἀληθὺς λόγος αἰτίας ἐστὶν εἶναι τοῦ πρῶτου, τὸ μὲν ποιεῖν πρῶτον φαίνεται πως αἰτίας τὸ ἀληθὺ τὸ λόγον εἶναι. Vera autem oratio nequaquam est causa cur res sit: sed constat, rem quodammodo causam esse cur vera sit oratio. Ut autem hoc magis propalam à nobis reddatur, idem quoque specialiter indigitabimus ex propositionum necessitate. Quippe verum enunciatum dividitur per necessarium & contingens. Aut igitur quod dicitur, propositionem in Philosophia veram, in Theologia esse falsam, intelligitur de ea, quæ est vera in Philosophia necessariò, aut quæ talis est contingenter. Non hoc intendetur: nam quæ contingens est, etiam extra disciplinarum varietatem, propter rerum & connexionum mutabilitatem esse vera mutabiliter. Illud autem non est: Nam quæ est propositio necessaria, illa ita est vera, ut non possit esse falsa, per ullam externam circumstantiam, qualiscunque ea sit. Ergo non potest etiam variari veritas illarum, per disciplinarum varietatem. Quæ æquè extrinseca est propositionibus, ac circumstantia loci, temporis, aliæque.

V. His ita positis, si una eademque conclusio sive propositio ab omni terminorum ὁμωνυμίᾳ aliena & rectè iusteque distincta ac limitata, vera sit secundum principia Theo-

logiæ, & eadem tamen etiam falsa sit secundum principia Philosophiæ, vel contra; consequetur utique, 1. Idem simul esse, & non esse. 2. De eadem re simul veram esse affirmationem, & negationem, & per consequens, duo contradictoria, posse simul esse vera & falsa, quod adeò falsum est, ut ejus contrarium pro communissimo & generalissimo principio omnis scientiæ ponatur. Quod ut liquidò appareat, sumamus enunciationem aliquam, ex earum numero quas illi, contra quos nobis sermo est, veras esse volunt in Theologia, & falsas in vera Philosophia; sed uno eodemque modo (quod fieri debet, ut status & scopus controversiæ ritè observetur) utrobique intellectam; sitque verum Theologicè, corpus grave posse inambulare aut innatare aquæ, scilicet virtute extraordinaria, & modo ἐπεφύκει: si idem falsum est Philosophicè, sequitur idem simul esse, & non esse, corpus grave posse inambulare aut innatare aquæ, scilicet extraordinariè, & corpus grave non posse inambulare aut innatare aquæ extraordinariè; quia hæc ὁπότε, corpus grave potest inambulare aut innatare aquæ modo supernaturali, vera, hoc est, rei ipsi consona, in Theologia præsupponitur: si eadem ὁπότε, falsa, hoc est, rei ipsa dissona sit in Philosophia, corpus grave non poterit inambulare aut innatare aquæ extraordinariè: atque ita quoque affirmatio & negatio, corpus grave posse inambulare aut innatare aquæ modo transnaturali, & corpus grave non posse inambulare aut innatare aquæ modo transnaturali, vera erit de una eademque re. Quod si oggerant hujus dogmatis ὁπότε, verum esse in Philosophia, corpus grave non posse inambulare aut innatare aquæ viondiana, & via nature, & falsum in Theologia, corpus grave non posse inambulare aut innatare aquæ virtute extraordinaria; dicent quod res est; sed pessimè ex eo concludunt, unum idemque verum esse in Philosophia, quod falsum esse in Theologia; & vice versa. Ex una enim propositione, duas faciunt diversissimas, quarum utraque parem utrobique veritatem obtinet, vel falsitatem.

VI. Alteram rationem suppeditat nobis ipsa



ipsa Philosophiæ & Theologiæ natura, quarum attendenda *παιδείας* convenientia & discrepantia: convenientia sive harmonia Philosophiæ cum Theologia, sita est in objecto & fine. Utraque enim versatur circa *τὸ ὄν* & *τὸ δύναν*: utraque etiam spectat hominis felicitatem, quæ consistit in *ἡσυχία* & *ἡμετέριον* & *ἀρετὴν* & *δύναμιν*. Congruit insuper vera Philosophia cum S. Theologia in eo, quod non minus in S. Theologia, quam in vera Philosophia humanæ rationis usus est necessarius. Quod sic probō. 1. Quia sine ratione humana homo non potest judicare de rebus divinis: neque verum à falsò, bonum à malo discernere. 2. Quia sine ratione humana verbum Dei (quod non in uno scripturæ loco nobis facere demandatur) neque doceri, neque disci, neque intelligi potest: docere autem & discere Theologica, quid aliud est, quam ratione circa Theologiam uti? Id quod si integrum non est, nec velle poterimus ullum bonum Theologicum (quod profectò sine æternæ salutis discrimine non possumus nolle) nihil enim appetimus nisi prius sit cognitum; at cognitio non sine ratione est. Quin & si ratiocinari in rebus Theologicis est prohibitum, certè ipsum velle erit prohibitum in Theologicis; utpote ratiocinari & velle, duæ sunt hominis propriæ actiones, pares omninò, & ejusdem conditionis, nec potest altera damnari, aut probari, quin simul & altera damnetur, aut probetur. Differunt Philosophia & S. Theologia; 1. Ratione effectorum propriorum, quæ respectu Philosophiæ sunt sapientia & prudentia terrena & humana, cum morum honestate & felicitate terrena conjunctæ: respectu S. Theologiæ sunt sapientia & prudentia cœlestis & divina, cum vera pietate & beatitudine æterna conjunctæ. 2. Ratione principiorum sive notionum communium, quibus conclusiones suas, suo quæque modo format ac firmat. Philosophiæ principia sunt propositiones quædam, quarum veritas ita *ὁφθαλμοφανὴς* est, ut solo lumine naturæ, ex ipsis terminis, absque ulla *κατασκευῇ* intelligi possit: Principia autem Theologiæ sunt revelationes, sive testimonium Dei.

VII. Ex his sic inferimus. Principia Phi-

losophiæ naturaliter nota sunt, eorumque veritas ex ipsis terminis perspicitur, ita ut nec falsa esse possint, nec cogitari possint esse falsa: at quicquid in Philosophia verum est, id eatenus tantum verum est, quatenus cum hisce principiis concordat: quippe quæ cum universalissima sint, & notissima omnium eorum, quæ viâ naturæ cognosci possunt, notitiam virtualiter omnium continent. Si ergo aliquid statuatur cum veritate Philosophiæ *διὰ τὸ πᾶν* pugnare, idem quoque necessariò cum Philosophiæ principiis pugnet. At quod in S. Theologia verum est, non potest pugnare cum veræ Philosophiæ principiis; & ratio istius est hæc: quia verum non pugnat cum vero; quod alii aliis verbis sic efferre solent: verum vero non contradicit. Et quia prima Philosophiæ principia non possunt cogitari esse falsa, ut statim dictum est, si quid cum illis pugnet, erit id quoque non modo falsum, sed ne cogitari quidem poterit esse verum. Quod ergo in Theologia verum est, id non evertit vera Philosophia, sed recipit, si non *ἀπὸ αὐτῆς* & *ὁλως*, saltem *ἕως τῆς*, id est, cum distinctione & limitatione aliqua, & contra.

VIII. Ex hoc eodem fonte fluit tertia ratio. Propria Philosophiæ effecta, ut diximus, sunt sapientia & prudentia terrena & humana &c. S. Theologiæ autem, sapientia & prudentia cœlestis & divina. Utraque sapientia originem suam habet à Deo, qui non tantum est primò & summè sapiens: sed etiam fons & scaturigo omnis sapientiæ: quod olim non tantum Christiani, sed & Ethnici saniores, imprimis verò ii, à quibus ceu fontibus omnes sapientiæ rivuli dimanarunt, ingenuè professi sunt; dicentes, Philosophiam esse Dei immortalæ donum. Plato enim in Timæo ait, nullum unquam à Deo munus Philosophiæ præstabilis mortalibus collatum, vel deinceps conferendum esse. Et Cicero *lib. 1. Tusculanæ*. Philosophiam nihil aliud esse dicit, quam donum & inventum Deorum. Quod etiam repexerunt vetustissimi Philosophorum *πρόδρομος*, Poëtæ: cum sapientiæ præsidem Minervam è cerebro Jovis natam, Mutasque Jovis filias esse, commenti sunt. Sic ergo procedimus. Quicquid pugnat cum  
Ecc 2 Theo-

Theologiâ sacrâ & verbo Dei, id habet originem à parte mendacii, Diabolo scilicet. Vera autem Philosophia, id est sapientia rerum naturalium & humanarum, sive doctrina de creaturis Dei, de cœlo, de elementis, doctrina de rerum quantitate, doctrina de numeris, musicâ, item & doctrina de externa morum disciplina, non à Diabolo originem suam habet: cum sit sapientia à Deo nobis in libro naturæ patefacta, adeoque radius divinæ veritatis & sapientiæ. Ergo. Diximus insuper, Philosophiam acquiri solo lumine naturæ, S. Theologiam per revelationem, & lumen fidei ceu transnaturale: *utrinusque lumen, ut Augustinus lib. 4. de Trinitate cap. 6. ex processu docet, & naturæ & fidei, à Deo est, naturale mediante naturâ, transnaturale immediatè humano intellectui communicatur. Ut ergo Deus Opt. Max. non potest intellectum inducere, ut credat falsum (id enim non minus ipsius naturæ refragatur, quam mentiri) ita quoque fieri nequit, ut ullo modo falsum sit, quod vel ex lumine naturali ratiocinando colligitur in Philosophiâ, vel ex lumine supernaturali credendo infertur in Theologia: nedum, ut quod verum esse naturali lumine cognoscitur, lumine supernaturali falsum esse judicari possit.*

IX. Hic porro sese offert quarta ratio. Quicquid verum est, id omne Deus novit, quinimò verum esse novit. Si ergo una eademque *veritas*, eodemque modo intellecta, vera esset in Philosophia, & falsa in S. Theologia, Deus eandem *veritatem* veram simul & falsam esse judicaret. Dicis causa: judicaret verum esse, ignem adnotam materiam aliquando non adussisse: quia S. Theologia hoc verum esse docet. Judicaret item falsum esse, ignem adnotam materiam non adussisse: quia (ut illi volunt) id in vera Philosophia falsum est. Judicaret ergo Deus falsum esse, quod sciret esse verum, quod certe absurdissimum est & impium.

X. Quod nonnullis Philosophia videatur cum Theologia pugnare, his de causis videtur factum. 1. Quia aliqui sibi persuadent Philosophica enuntiata tantum vera esse, in suo, hoc est, Philosophico foro, non verò in

alio, ut Theologico; ac proinde, qui sacre scripturæ testimoniis utitur ad probanda præcepta Philosophica, cum diversâ doctrinarum genera confundere, & *mutuam* committere *esse ad se ipsas*, id est de subiecto unius disciplinæ ad subiectum alterius disciplinæ. Id verò, inquit, expresse ab Aristotele prohibetur, cum ait: *ex ægæ isis iis ad se ipsas mutuam diſciplinam*. Non sane licet ex alio genere transire & demonstrare. Resp. non fieri confusionem diversarum doctrinarum, neque transitum de genere in genus, si sacre scripturæ testimonia adhibeantur ad illustranda & probanda præcepta Philosophica: nisi prius probetur, quod sacra scriptura propter solam Theologiam, non autem propter Philosophiam à Deo sit patefacta, nihilque in se contineat, nisi quod propriè & essentialiter ad solam Theologiam pertinet. Quod equidem nunquam probari posse confido: quippe cum ex ea quamplurima ad Philosophiam, partim Theoreticam, nempe, Physicam, Metaphysicam, & Mathematicam, partim Practicam, nempe, Ethicam, Oeconomicam, & Politicam (ut inductione exemplorum, si opus esset, luculenter probari posset) pertineant. 2. Quia non discernunt Philosophiam sive sapientiam à Philosophorum opinionibus ac decretis. Multi enim Pythagoricam, Platoniam, Stoicam, Aristotelicam doctrinam vocant Philosophiam, verumque esse statuunt aut falsum in Philosophia, quicquid illi affirmant aut negant. At verò nobis longè aliter definienda est Philosophia, non ex personis, sed ex ipsâ natura sua & rerum veritate. Fuerit sane Aristoteles (ut alios latere patiar) princeps & coryphæus Philosophiæ Peripateticæ, iniquum tamen est, & indignum ingenuo Philosopho, præferim Christiano, illi tanquam uni & soli Philosophiæ Magistro mordicus adherere, & unius hominis conclusionibus ac principiis, pro indubitatis veritatis regulis, sine legitimo examine, inniti, præferim cum ea sit humanæ rationis protervia, ut nisi divino authoritatis fræno coerceretur, facillimè repudiet tanquam falsum, quod demonstrari nequit esse verum. 3. Quia falsum esse in Philosophia, falso existimant, quicquid Philosophiæ terminos ac limites, hoc est, captum

humane

humanae rationis excedit. At longe aliud est, veritatem non cognoscere; aliud veritati contradicere. Philosophia procul dubio multa ignorat, quæ fides credit; sed tamen in his non hallucinatur: quia iudicium suspendit. Quod si ratio hic perperam iudicat, facit id sine ratione: atque hallucinatio hæc Philosophiæ, non Philosophiæ adscribenda est; nam errata & peccata artificum non sunt imputanda ipsi arti: neque vitia & errores Philosophorum habendi pro propriis & essentialibus Philosophiæ decretis: sed pro illius excrementis. Et ut hoc 4. E'κ τ' περιποιήσεως addamus. Putant Philosophiam cum Theologia, & vice versa pugnare: quia non considerant ejusmodi enunciationes, quas illi in Philosophia veras, in Theologia falsas esse volunt, non plenè enunciari. Cum enim ad diversas causas, diversos operandi modos, aut circumstantias referendæ sint, tollitur, omnium earum oppositio, quæ institui debet inter enunciationes easdem, secundum idem, ad idem, & eodem tempore spectatas, ut in vestibulo hujus συζητήσεως monuimus.

XI. Concludimus ergo, unam esse eamque simplicem veritatis formam: ac planè si-

cuti τὸ μὴ ἀγαθὸν μορφοῦν, τὸ δὲ κακὸν παρὰ τοῦ κακοῦ εἶναι, ita quoque τὸ μὴ ἀληθεῖ πάντως συνάδει τὸ ἴδιον ἀληθεύει, τὸ δὲ ἴδιον ἀληθεῖ τὸ ἀληθεῖ τ' ἀληθεῖ. Item, Δεῖ πᾶσι τὸ ἀληθεῖ αὐτῷ εἶναι: τὸ ἐμολογούμενον εἶναι πάντων. Oportet omne quod verum est, ipsum sibi consentaneum esse omnino. Arist. l. i. prior. Anal. cap. 32. Ac proinde, sicuti morales actionis veritas non mutatur, non mutatis circumstantiis; ita quoque statuendum est, veritatem manere immobilem in qualibet enunciatione, semperque sibi similem, si in rebus nulla accedat mutatio: & per consequens, veram Philosophiam cum S. Theologiā non pugnare, & verum Philosophicum cum vero Theologico ita connexum esse, & tam harmonicum inter utrumque consensum, ut, quicquid sit in verā Philosophiā verum, idem etiam in S. Theologiā sit verum; & vice versa: atque adeo ex naturā oppositorum, quicquid falsum sit in alterutra, etiam in aliā sit falsum: & denique, ut, quicquid pugnet cum S. Theologia, id etiam pugnet cum vera Philosophia, & contra, quicquid pugnet cum vera Philosophia, id etiam pugnet cum S. Theologia.

## DISPUTATIO PHILOSOPHICA,

DE

## USU RATIONIS HUMANÆ IN THEOLOGIA, AC QUÆSTIONIBUS FIDEL.

THE S I S I.

Gravissima inter omnes quæstiones Theologico-Philosophicas est controversia, de usu rationis humane in rebus fidei, ac controversiis Theologicis, quousque hic ei sit deferendum iudicium; aut, ut alii loquuntur, quamnam sint partes luminis nature, & quamnam luminis gratia, circa intelligendas S. litteras & articulos fidei crediti ad salutem necessarios; aut simpliciter, quis sit usus Logices in Theologiā? à cuius controversiæ decisione dependet, quā non extat difficilior, nec utilior, quæstio, de iudice & norma controversiarum fidei. Egerunt de hac controversiā doctissimi passim Viti, Amesius in Disp. de Lumine natura

& gratiæ, Vedelius in Rationali Theologico lib. 1. c. 8. & seq. Strosio, in Meditatione Theologica, de usu & abusu rationis humane in interpretandis & æstimandis rebus & scripturis divinis. Poetius Disp. select. Theol. prima de ratione humana in rebus fidei, nostrarum partium Theologi, Reformati omnes, Jansenius Pontificius, in Augustini sui tom. 2. lib. proœmiali: Musæus Lutheranus, in suis de usu principiorum Rationis & Philosophiæ in controversiis Theologicis, libris tribus: Joachimus Stegmannus Socinianus, in suo, de Iudice & norma controversiarum fidei, tractatu, impresso Eleutheropoli

ropoli 1644. Uti autem Voetius Strefonis vñcula aravit, ita nos Vedelii vestigia prememus: Ab eo sic status controversiæ proponitur. *An principis Rationis* (sc. humanæ) *seu nature* (alii addunt, & Philosophiæ) *in argumentis Theologicis* (alii dicunt, in controversiis Theologicis, alii, in rebus fidei, alii, in intelligendis scripturis) *uti sit licitum?* Nos rem totam ex Vedelio, aliisque jam citatis, exponemus.

II. *Principia*: intelligimus hic, cognoscendi, non tam incomplexa, quam complexa, quæ vulgo dicuntur axiomata, & præcepta disciplinarum Philosophicarum, ut sunt, definitiones, divisiones, & canones, seu regulæ, aut maxime Philosophicæ quæ dicuntur *principia nature*, quia in ipsa natura fundantur, & Philosophiæ, quia in Philosophia traduntur. *Principia hæc sunt, vel generalia, vel particularia. Universalia* sunt, quæ omni quæstioni applicari possunt, & locum habent in omni re, seu corporea, seu incorporea, seu creata, seu increata; ut, Idem non potest esse simul & non esse, de quolibet vera est affirmatio aut negatio, Non-entis nullæ sunt affectiones, &c. *Particularia* sunt, vel *rebus corporeis*, vel *incorporeis*, propria: corporeis, ut, *omne corpus est materiale, una numero essentia non potest esse trium, nullum corpus mole est infinitum*, &c. *incorporeis*, ut, *nullus spiritus est extensus, nullus spiritus constat materia & forma*, &c. quæ competunt omni spiritui: sed, præter hæc principia, omni spiritui communia, dantur, quædam singulis spirituum speciebus propria; tum creato, ut, *Spiritus hominis non est Deus, tum increato, ut, datur ens aliquod primum, unum, æternum*, &c. *Principia universalibus & generalissimis*, in omnibus argumentis seu disputationibus ac controversiis, non tantum est licitum uti, sed necesse: *Particularia*, quæ rebus corporeis sunt propria, adhiberi debent in confirmando aut confutando, cum de iis est quæstio, non aliàs; aut cum rebus incorporeis applicantur, id fieri debet sobriè, cautè, & per analogiam ac similitudinem quandam; & liberari debent, per abstractionem mentis primum ab omni imperfectione, quam involvunt, ante quam circa res spirituales usurpentur.

III. *Per argumenta Theologica*, intelligimus ratiocinia, quibus dogma aliquod, caput, seu articulus fidei, circa quæstionem aut controversiam Theologicam, vel confirmatur, vel confutatur, aut etiam de vero scripturæ sensu, circa veritatem hanc aut illam adtribuendam, & falsitatem destruendam, disputatur, cum quaritur, An hoc vel illud in verbo Dei contineatur; An hic sensus, hæc interpretatio, hæc aut illa doctrina, quæ ab hoc aut illo profertur, sit conformis verbo Dei? Nam accurate hic est distinguendum, inter *sensum*, qui scripturæ sacre in se inest & *sensum*, qui ei inesse ab aliquo, seu Doctore, seu interprete, dicitur: posterior hic sensus, vel convenit cum Scripturæ sacra, & est verus, vel non, & est falsus: sensus autem, qui ipsi sacre scripturæ inest, nihil est aliud quam ipsa sacra scriptura, quæ, cum sit verbum ipsum Dei, in se est *veritas* & *veritas*, nec opus habet ulla probatione, utpote irrefragabilem habens in se & ex se autoritatem. Sensus, qui S. Scripturæ ab Interprete aliquo adtribuitur, si cum eâ conveniat, ejusdem est veritatis atque autoritatis, cum illo, qui ei per se inest, nec eget adminiculo rationis aut ratiocinii, ut multis probetur homini, nec præjudiciis, nec affectibus, laboranti: at verò cecitas, malitia, pervicacia multorum, qui ignorant, dubitant, negant, hunc aut illum sensum S. Scripturæ tributum, esse verum ac genuinum ejus sensum, aut eundem cum eo, qui ei per se inest, facit, ut per accidens, respectu talium hominum, locus detur hic aliquis rationi humanæ seu ratiocinio, quæ probetur, sensum S. Scripturæ allatum planè convenire cum eo qui ei per se inest, quæ probatio instituenda est ex ipsa sacra scriptura sed per rationem ac ratiocinium, cujus hic tum clarissime conspicitur usus, ut & Logice totius, in S. S. locis inter se conferendis, in syllogismis conficiendis, in veritate asserenda, in falsitate interpretationis & ratiocinationis contrariæ refutanda & expugnanda; atque in hisce omnibus ratio unitur humana certis principis, præceptis, axiomatibus, regulis, in Logica ac Philosophia tradi solitis, ex ipsa natura, lumine intellectus naturali, erutis, quibus intervenciantibus ac mediatis, oblocuto-

locutorum, aut error refellitur, aut pertinacia retunditur, & sensus prolati conformitas cum ipsa S. Scriptura ostenditur ac probatur, atque hæc principia in subsidium advocanda sunt sæpe, quando medii termini, etiam ex S. Scriptura petiti, connexio, cum termino majore aut minore, non ita est clara: quo casu, omnino necesse est, ad hæc principia rationis ac naturæ recurrere: si dicas sufficere locorum S. S. collationem: Sed hæc ipsa lumen rationis ac naturæ & Logicæ ac Philosophiæ principia exigit; & quid facias, si tibi res sit cum præfactis, & duræ cervicis hominibus, ac Pelidæ instar cedere neiciis, quibus pertinacia pro scuto est, qui norunt omnibus modis inverters, torquere ac detorquere S. Scripturæ sensum, imò falsum asserere, ut solent hæretici, qui ejus fidem elevant atque intotum sæpe negant, certè, cum istiusmodi ingeniis si fuerit luctandum ac circa quæstiones & controversias Theologicæ disputandum, longe maximus est principiorum rationis ac naturæ usus; præsertim, si quæstiones ac controversiæ Theologicæ non fuerint pure sed mixtæ, id est, si non nudis S. Scripturæ versis, sed termino uno Theologico, altero Philosophico, fuerint propositæ; quo casu non ex solis Scripturis aut Theologia, sed & ex natura aut Philosophia, terminus medius peti potest, & omni jure possunt adhiæri rationis, naturæ, ac Philosophiæ, principia, quinimò sæpe debent: at multas in Theologia agitari ac disputari quæstiones, quæ non constant, ex meris ac solis S. Scripturæ terminis, sed ex uno Scripturæ, altero Naturæ, uno Theologiæ, altero Philosophiæ, vel aliquo, utriusque communi, termino, ipsa docet, & docuit à multis retrò sæculis, experientia: *Vid. Keckerm. Præcogn. Phil. l. 1. c. 4. & Syst. Log. l. 3. Tract. c. 8. Alsted. in præcogn. Philos. & Theol. Joh. Gerard. in methodo studii Theol.*

IV. Ut totum negotium in summam contrahamus, sic statuimus ac pronunciamus. Cum quæstio aliqua aut controversia proponitur Theologica, sive pura, sive mixta, sive sit de re, quæ supra rationem est, sive de re, quæ non est supra eam, sive sit confirmanda, sive confutanda, soli verbo Dei judicium decisionis est adscribendum, utpote quod solum

est canon fidei & infallibilis iudex controversiarum, sed rationi relinquendum est iudicium discretionis: ratio enim, tum naturalis, tum præsertim artificialis, id est, Logica, discernit verum à falso: hæc nos docet suis præceptis, bene *ἐρευνᾶν τὰς γραφὰς & ἀναλύειν*, perscrutari Scripturas & resolvere; ideoque verbum Dei est quidem fundamentum & principium, ut sic loquar, materiale rerum credendarum, unde medius terminus desumi debet, in rebus fidei probandis, vel iis, quæ sunt contra fidem, refellendis, sed ratio, est principium, formale, aut potius efficiens, ex verbo Dei, per præcepta Logicæ, regulas consequentiarum, principia naturæ ac Philosophiæ, aliquid, vel confirmans, vel refutans; ideoque graviter errant, qui usum rationis humanæ intellectusque ratiocinæ ex Theologiâ proscribunt, cum sit ipsa ratio, aut mens hominis, aut intellectus ejus naturalis, qui ex verbo Dei revelata conclusionis educit, ratiocinationes instituit, verum asserit, falsum in rebus Theologicis ac fidei destruit, nec satis accurate loquuntur, qui dicunt, Mysteria in sacris revelata fide tantum teneri & non item ratione: est incautus clamor, inquit Rev. D. Stresa pag. 13. *Medit. de usu & abusu rationis humane, &c. quod mysteria Evangelii non sint ratione tenenda*: imo, nihil tenetur fide, nisi & ratione teneatur, prout ratio significat, id, quo scimus, non ex quo scimus: ratio est, quæ credit, & non credit nisi cognoscat, quia fides est notitia: sed cognoscendi per fidem, causa ac fundamentum, non est demonstratio aut lumen naturæ (sic enim *animalis homo* non capit ea quæ sunt Spiritus Dei) sed autoritas Dei in verbo suo testantis, quia in hanc ultimo resolvitur ista cognitio: itaque, Mysteria fidei sunt supra rationem, quatenus cognosci nequeunt nisi ex lumine revelationis, & quatenus revelata, non comprehenduntur, sed apprehenduntur, & judicantur ut vera, & testimonio divino probantur; eadem sunt contra rationem, quâ ratiocinamur, id est, facultatem intelligendi, quâ apprehendimus, judicamus, discurremus, consideratam in eo statu, quo nascitur corrupta, & prout acquisitis quibusdam, aut præjudiciis est tin-



cta, aut affectibus abrepta: sunt quoque sapientissime contra rationem, ex qua discimus ac cognoscimus, id est, contra principia & placita Philosophiæ à ratione naturali Philosophorum, sed errantium, male efformata: quo sensu *Tertullianus* olim dixit, *Philosophos esse Patriarchas Hereticorum*, & quo casu, quorumcunque Philosophorum, assertiones, definitiones, axiomata, & principia præstat rejicere, quam, vel tantillum derogare veritati revelatæ aut fidei circa Mysteria salutis: attamen eo non excluditur omnis rationis humanæ à Theologia, rebus, & Mysteriis fidei, nec interdicitur axiomatum Philosophicorum & principiorum naturæ, usus, sed dominium tantum rationis prævenitur, ne fiat iudex & norma credendorum & controversiarum fidei: nam ratio est, quæ mysteria salutis apprehendit, in verbo Dei revelatæ, quo sensu non sunt contra rationem: ratio est, quæ judicat de veritate articulorum fidei ex verbo Dei; quæ eam ex eo probat, & falsitatem adversam refutat; in quo utroque opere, tum interdum adhibet principia naturæ ac rationis seu Philosophiæ: ut, si quis adversarius neget, terminum medium, ex verbo Dei petitum, recte esse connexum, cum majore termino, in propositione majore, profectò, ex lumine naturæ & artificialis Logicæ præceptis de syllogismo, ex principiis rationis, ex consequentiarum regulis, veritas connexionis illius est demonstranda; atque ostendendum, nexum terminorum, medii & majoris, in propositione prima, bene fuisse institutum: quod si ex Scriptura sacra possit stabiliri ista terminorum connexio, tanto est melius: sed cum id sit, adhuc intercedit rationis ejusque principiorum usus: atqui rarius hoc contingit: unde ipsa experientia testatur, majores propositiones in plerisque syllogismis Theologicis, esse, aut aliquod principium rationis, axioma, aut canonem Philosophicum, aut maximam Logicam ac Topicam, aut veritatem ejus iis niti & inde esse probandam, atque iisdem, sæpe falsitatem majoris, Adversarii, in Sophistico aliquo syllogismo, esse detegendam.

V. Hactenus, quid per *Principia rationis*

*seu natura*, quid per *Argumenta Theologica*, sit intelligendum, vidimus; restat, ut videamus, quomodo illis circa hæc sit utendum: quod ut dextrè decidamus, duo expendenda veniunt: 1. An principiis rationis *utendum sit*, in argumentis seu quæstionibus Theologicis, an vero non? 2. An *primario* illis sit utendum, an *secundario*?

VI. Primum quod spectat, distinguendum hic est, inter *syllogismum principalem* & *minus principalem*: *Principalis* est, cujus medium ex verbo Dei est acceptum, & conclusio in verbo Dei continetur, & in quo acquiescendum esset animo Christiano: sed quia hæc est humanæ mentis perversitas, ut sæpe non acquiescat, seu per præjudicia, seu per affectus, abripitur, sed neget sæpe, vel majorem, vel minorem, minor ex verbo Dei probanda venit; major verò, id est, nexus termini medii cum termino aut extremo majore (nisi in verbo ipso Dei inveniat, quod tamen rariusculum est) ex principiis rationis probari debet; ideoque secundum syllogismi major aut minor rursus ex ratione probatur; quo pacto sit sæpissimè, ut Disputatio Theologica mutetur in Philosophicam, quod quotidiana disputantium experientia docet. In *syllogismo* itaque *principali*, habent sese *principia rationis*, ut instrumentum necessarium ad demonstrandum nexum termini medii cum extremo majore, in propositione majore, absque quo conclusionis ex verbo Dei petite veritas, per terminum medium ex eodem petitum, probata, videri non posset. In *syllogismo minus principali*, qui adhibetur ad probationem & confirmationem nexus inter terminum majorem & medium syllogismi principalis, quia conclusio ejus non in Scriptura, sed in Philosophia continetur, eadem rationis principia sunt necessaria, quia ex Philosophia tum petendus est terminus medius: oportet enim conclusionem & terminum medium esse homogenea seu ejusdem generis: in priore casu, habent sese principia rationis, ut perspicillum, quo oculus utitur ad objectum, quantumvis maximè illustratum, clarè videntur; sic enim & ratio, mentis oculus, utitur illis principiis, ut, per quæ, conclusionis ex verbo



verbo Dei (quod est laterna pedum & lux nostrarum viarum) satis illustratæ, veritatem, clarissimè videat: in posteriore casu sese habent ut speculum, in quo resplendescentem cernit Adversarii, aut ex præjudiciis ignorantiam, aut ex affectibus malitiam.

VII. Secundum quod attinet, *An primariò, an secundariò, sit utendum principiis rationis in argumentis Theologicis?* Resp. In questionibus Theologicis puris, ubi conclusio constat utroque termino ex scripturis accepto, nec primariò, nec secundariò, illis est utendum: sed si nexus termini majoris & medi in scripturis non reperitur, simplicitate & absolute sunt necessaria; & si quis loqui sic amet, primariò & per se, ut sine quibus veritas connexionis istorum terminorum animadverti nequeat: In mixtis verò, ubi terminus medius, vel ex scriptura peti potest, vel ex natura, primariò, ob dignitatem verbi divini, tenent locum, principia scripturæ aut révelationis, secundariò, natura rationis; & potissimum robor ut illis, magis quam in his, constituendum est; contra quam fieri ferè solet in Scholasticorum scriptis, ubi Aristotelis testimonia, etiam circa controversias Theologicas præponuntur, quæ sunt Dii, & Dominum Aristotelem sequitur non passibus æquis Dominus Israël.

VIII. Nunc postremum membrum explicandum venit, *An & quousque sit licitum uti principiis rationis in argumentis Theologicis?* Omnino hic distinctione opus est: Aliquid enim, vel sic est licitum, ut non sit necessarium sed indifferens, vel sic est licitum, ut simul sit necessarium, imò ideo licitum, quia est necessarium. Porro, vel questio est, *an ita sit licitum rationibus uti Philosophicis, ad probandam conclusionem Theologicam, ut seponantur scripturæ, & iste sola regum obtineant?* vel, *an postquam questio Theologica ex scripturis est probata, liceat eandem probare rationibus Philosophicis?* Resp. Sive questio Theologica sit pura five mixta, priorè casu, neutro sensu licitum est: posteriore casu, si sit pura, est illicitum, 1. sensu, non 2. nam, si rationes istæ convenient cum verbo Dei, nulla causâ est, cur rejiciantur,

& sæpe faciunt, ad Adversariorum pertinaciam imprudentiam & malitiam detegendam, qui scripturas rejiciendo, sola interdum volunt ratione convinci: si sit questio mixta, licitum est utroque sensu, tum ex Theologia, tum ex Philosophiâ argumentari: sed potissimum queritur, *an licitum sit utroque sensu uti principiis rationis, cum jam probamus ex scriptura ipsa, termino medio inde desumpto, conclusionem Theologicam puram?* Resp. Ut ostendamus, nos in probando terminum medium rectè junxisse termino majori in propositione majore, esse licitum utroque sensu, quod ex ante dictis satis est clarum: Et, totius Theosæ antea positæ veritas, efficacissimis argumentis probatur, lib. 2. & argumenta adversæ partis solvuntur lib. 3. *Rationalis Theologici Cl. Fedeli*, qui videri potest. Nos sequentia confectaria, ex thesibus deducta, exercitii causâ olim defendenda suscepimus.

1. *Modus disputandi Scholasticorum, dum absque Dei verbo, ex ratione sola, probant conclusiones Theologicas, est ineptus.*

2. *Per principia rationis non sunt intelligenda, hujus vel illius Philosophi axiomata.*

3. *Ratio alia est, qua cognoscimus, alia ex qua hæc sunt principia & placita rationis, abstractæ in idea sua & in se spectata: illa, est facultas judicandi.*

4. *Rationis, qua cognoscimus, actus est, alius apprehendendi, alius comprehendendi.*

5. *Ratio hæc, non est magistra Theologiæ, sed famula, non fundamentum aut norma articulorum aut mysteriorum fidei, sed principium ea apprehendens, non comprehendens, non decidendis, non dijudicans.*

6. *Ratio hæc, ne de illis quidem conclusionibus, quæ verbo Dei non continentur, sed repugnant, ex propriis principiis judicat judicio decisionis, sed verbo Dei se submittit.*

7. *Ratio hæc, spectatur, vel, ut est pura, id est, in eo statu, quo nascitur, vel, ut est acquisitis quibusdam tinctæ, vel præjudiciis, vel affectibus pravis: utroque modo ei contrariantur mysteria fidei: de posteriori, non est dubium: de priori patet, quia ex se penitus ea ignorat, & cum revelantur, quamdiu non tingitur luce Sp. S. ea non cognoscit, ac, cum jam illustrata, ex scripturis illa*

intelligit, nihilominus tamen tantum apprehendit, non comprehendit; ac tali casu demum, eorum cum ratione contrarietas est reconciliabilis.

8. Ratio ex qua cognoscimus, id est, principia rationis & philosophiæ, in argumentando adhibita, non sunt simpliciter rejicienda sed examinanda, an verè probent aut necessario, nec ne? Nam eorum usus est & in adstruendo & in refellendo, verbi causa, nos probamus, distinctas realiter esse personas in S. S. Trinitate, quia differunt ut Pater & Filius.

Quæcunque differunt, ut Pater & Fi-

lius, illa differunt, ut distinctæ realiter personæ.

Sed prima & secunda persona differunt, &c. E. &c.

Minor est quidem revelata, sed non major, quæ constat ex lumine naturæ, cujus perfectio est Philosophica. Sic contra, cum argumentamur Sociniani.

Quæcunque differunt, ut Pater & Filius, differunt essentialiter.

Sed prima & secunda persona, &c. E. &c. Hic major non debet irrideri aut contemni quia philosophica est, sed ad eam respondere oportet.

## DISPUTATIO PHILOSOPHICA,

### De Quæstione Logico-Metaphysicâ,

## SITNE DEUS THEMA SEU ENS UNIVERSALE AN SINGULARE?

### THE S I S I.

EGO quidem sic judicavi semper, eademque sedet sententia menti, quam plurimos terminos à Scholasticis temerè, ac citra ullam necessitatem esse invecos in Philosophiam modernam: sed nunquam à me impetrare potui, neque etiamnum impetro, ut omnes ideo in universum ex Philosophiâ semotos velim: sunt enim, qui singularem sui habent usum in rebus gravioribus: quod, vel in hisce duobus (*universale ac singulare*) quibus omne thema, sive ens, dividi solet, unicuique liquebit, ex quæstione, quæ sub iis, inter nos & Socinianos agitari consueta est, & hac disputatione sub iis quoque à nobis Philosophicè pertractabitur. Statum ergo quæstionis sub terminis logicis ac metaphysicis sic propono. Queritur, an Deus sit Thema vel Ens universale, an singulare, an neutrum? ad quam quæstionem distinctissimè, quam quidem à nobis pro tenuitate nostra fieri potest, respondebimus.

II. Dicimus ergo, primò, non posse fieri, ut Deus, nec sit singularis, nec universalis, sed necessariò est alterutrum horum: & ratio

istius hæc est, quia universalitas, & singularitas, opponuntur, per communicabile pluribus numero distinctis, & non communicabile pluribus numero distinctis, per dici de pluribus, & non dici de pluribus; at ista si sumpta, sunt contradictoria: inter contradictoria vero non datur medium. Ergo necessariò Deus, aut universale erit thema, aut singulare, cum medium hic non admittatur, Ergo, &c.

III. Ulterius dicimus secundo, Deum non esse thema universale: Deus non est ens universale, universale enim ut de pluribus suapte natura prædicari aptum est: quia aptum est pluribus suapte natura inesse, id est, potest, ut loquuntur, plurificari, vel per species, vel per individua, est multis communicabile, ut multa ista sint, ejus, vel species, vel individua; at tale quid non est Deus, quia Deus, ut sic, est infinitus, ergo plurificari non potest, multis communicari non potest; hoc enim si fieri posset, essent plura infinita: at hoc est absurdum: si enim essent plura infinita, essent à se invicem distincta, ergo singula haberent perfectionem aliquam, quæ non esset

esset in aliis, secundum quam distingueretur : illa autem perfectio non potest esse aliquid finitum, quia infinitum non potest distingui ab infinito per aliquid finitum ; si illa perfectio sit infinita, in qua unum infinitum distingueretur ab alio, tum utrumque eorum careret aliquâ infinitâ perfectione, eâ scilicet, quam habet alterum : at contradictio est, infinitum carere aliquâ infinitâ perfectione : non possunt igitur plura esse infinita : non possunt ergo esse plures dii : non potest ergo Deus pluralificari, non potest multiplicari, non potest communicari pluribus numero vel specie distinctis, non potest prædicari ut sic de pluribus : non est ergo thema universale.

IV. Dicimus ergo tertio, Deum esse thema singulare : si enim Deus alterutrum horum esse debet, ut statim est ostensum, & non est aliquid universale, necessario est thema singulare : hoc autem ita esse, inde patet, quod maximum singularitatis signum in Deo sit, repugnantia ad multiplicationem : hoc enim intuitu singulare thema individuum dicitur, individuum dividi non potest in plura ejusdem nominis singularis ac nature : Deus quoque dividi non potest in plures Deos : quod per ipsam Dei infinitatem fieri non posse, statim est ostensum. Deinde, si Deus non esset thema singulare, tum unitas, quæ Deo tribuitur in scripturis, intelligenda esset de unitate, vel generica, vel specifica : at hoc est absurdum : quando enim Jehova unus dicitur, ac non esse alius præter unum, negatur aperte, plures, non tantum genere aut specie, sed numero quoque, esse Deos : nempe Adam, exempli gratia distinctus ab Eva, potest dicere, non est alius homo præter me, ut quidem Deus dixit in lege, non est alius præter me, quia Adam ab Eva numero erat distinctus, Deus Pater, Filius, ac Sp. S. est idem singularis atque unus numero Deus.

V. At vero obijci sic solet : essentiam divinam esse communicabilem Patri, Filio, est Sp. S. ac proinde Deus thema erit universale non singulare. Resp. ad id, quod non omnis communicatio arguat naturam universalem, sed ea solum, quâ quid est communicabile

multis, aut speciebus, aut individuis. Personæ autem istæ divinæ, Pater, Filius & Sp. S. non sunt species, aut individua Dei, non enim Deus genus est, ut personæ species sint, aut Deus species est, ut personæ individua sint : hoc enim si foret, tum tres personæ appellandæ forent tres dii : sicut cum animal est genus, & equus species, tres equi appellantur tria animalia, & cum homo est species, Petrus, Paulus, Johannes, individua, tria individua appellantur tres homines : at ita se non habet res in personis divinis : non enim Pater, Filius & Sp. S. ut tres sunt personæ, ita quoque tres dii sunt, & ut dicere non licet, tres equi sunt unum animal, aut tres personæ humanæ sunt unus homo, ita contra, dicere licet, ac dicendum est hic, tres personæ divinæ sunt unus Deus. Cum ergo tres personas divinas fateamur ac dicamus unam essentiam divinam, non tres essentias, & contra tres equos fateamur ac dicamus tria animalia, tres personas humanas, tres homines, patet evidentissime, Deum non esse thema universale, sed singulare, non esse genus vel speciem, sed maxime individuum.

VI. At, dicunt : Pater, Filius & Sp. S. distinguuntur numero, sunt enim tres, quæ vox numeralis est. Ergo Deus prædicatur de his ut universale : significat enim essentiam communem multis numero distinctis. Resp. ad id, quod, personas trinitatis distingui numero, id, inquam, ita dicere, nonnullis sapere videtur aliquam cruditatem, iis nimirum, qui numeralem aut numericam distinctionem volunt esse essentialem : istæ enim personæ essentialiter non distinguuntur, & sic numero quoque, tres personæ divinæ non distinguuntur, cum singularem una eademque numero sit essentia, non vero essentia triplex numericè distincta : non ergo ratione essentia divinæ, quæ de tribus personis dicitur, personæ dici possunt numero differre, aut esse thema universale : sed quoties personæ divinæ numero dicuntur differre, id intelligendum est tantum tali modo, quatenus in computando, non sibi invicem adiunguntur, sed à se invicem discernuntur, quo pacto id latius explicatur à magistro illo, & Scholasticorum al-

pha, Petro Lombardo, *Sententiarum* 1. dist. 19. & à commendatoribus ejus omnibus, ac commentatoribus Scholasticis & novis & antiquis. Communicatio vero illa, ratione cujus essentia divina multis aut pluribus dicitur personis communis, videri possit similis communicationi universalis ad singulare, nihilominus verè talis non est, cum Deus, aut essentia divina, nec generis, nec speciei, quæ universale constituunt, rationem habere possit, sed verè ut quam maximè est communicatio talis, qualis est naturæ ad suppositum: communicatio igitur aut potius communis est divina essentia tribus personis, ut natura suppositis, in quibus, nec ab ipsis, nec se ipsa, illa dividitur.

VII. Verum, quia negotium hoc Philosophico-Theologicum de essentia & personis divinis, an Deus sit *thema universale*: & quomodo, cum sit *singulare*, prædicatur de pluribus? mirum in modum intricatur à Socinianis, qui omnia, etiam fidei mysteria, ad flux, ut putant, sanæ, sed revera insanæ rationis normam ac regulam, examinari volunt, operosius paulò ad illorum objectionem, qua in hanc doctrinam incurunt, atque impetum faciunt, respondemus, sperantes, non ingratum hoc fore, non Theologiæ tantum studiosis, sed quibuscunque Christianismum profitentibus. Syllogismus eorum sic se habet. Nullum singulare de alio dicitur. Essentia divina dicitur de alio, dicitur enim de tribus personis: ergo non est singularis, cum contradictio involvatur, si dicatur essentiam divinam prædicari de tribus personis, & sic esse singulare, ut ex definitione quoque *S* singularis liquet: ad hunc syllogismum ut quam accuratissimè respondeamus, quia multum eo innituntur Antitrinitariis, videbimus, quæ ratione verum sit, atque admitti debeat hoc, quod singulare prædicari non possit de alio. Dico ergo & assero, non simpliciter negandum esse, quod singulare de alio prædicari possit. Imo vero prædicari potest singulare, ac prædicari 1. de uno aliquo. 2. de pluribus: quod, quia mirum videtur fortasse nonnullis, & tamen verissimum est, probabo

utrumque, præmissis distinctionibus, secundum quas id accipiendum est.

VIII. Prædicatio alia est naturalis, alia non naturalis: seu quod idem est; prædicatio alia est ordinata, alia inordinata, directa, vel indirecta: illa est in qua ordo naturalis servatur, ut subjiciatur id, quod subjici, prædicatur id, quod prædicari, est aptum: hæc, in qua ordo naturalis perturbatur. Inordinata prædicatio est, vel contra ordinem, vel præter ordinem. In illa, nempe contra ordinem, naturalis ordo planè invertitur, ita ut, quod naturaliter debebat subjici, in locum prædicati succedat, quod debebat prædicari, subjiciatur, ut, animal est homo, homo est Petrus, & hæc prædicatio contra ordinem naturalem sit naturalis extremis permutatis, seu factò prædicato ex subiecto, & subiecto ex prædicato. Prædicatio inordinata, præter ordinem est, inter cujus extrema non est naturalis ordo, & quæ non sit ordinata, etiam si extrema permutentur: dividiturque, in prædicationem per accidens, & identicam. Illa est, in quâ duo concreta, quorum neutrum in abstractum mutari potest, propter convenientiam in uno subiecto, de se invicem prædicantur, ut, album est dulce: hæc est, nempe identica prædicatio, in quâ idem prædicatur de se ipso sub nomine, vel eodem, vel diverso. 2. Prædicari de aliquo sumitur 1. de omni enuntiatione, sive extremum de extremo affirmetur sive negetur; deinde sumitur speciatim de affirmatâ enuntiatione, quâ aliquid de aliquo affirmatur. 3. Thema singulare, terminus singularis, interdum sumitur pro re singulari, quam proprie notat, interdum tamen universale denotat. Ex. gr. Petrus aliquando significat hominem hunc signatum, hoc individuum, interdum hominem eum, cui nomen Petri est impositum. 4. Distinguendum est, inter id, quod est universale, & quod per modum universalis concipitur, vel, quod rationem habet universalis, perinde, ut aliquid potest esse universale, & tamen per modum singularis concipi, ita hæc prædicatio *animal est genus* revocatur ad enuntiationes singulares, ita cum dico *animal in hominem & bestiam dividitur*, animal significat & concipitur præcise per modum singularis, singularitate non suppositi.

positi quidem, sed tamen naturæ. 5. Singulare est duplex: aliud habet essentiam singularem plane incommunicabilem aliis in re ipsa, quæ sit communis tamen & communicabilis est per mentis operationem; sic singulare hoc, *Petrus*, habet unam numero essentiam, quæ extra intellectum non est communis Paulo, sed per operationem intellectus abstrahentis, fit communis. Aliud est singulare, quod habet essentiam singularem in re ipsa, communicabilem, ac communem multis aliis, & quæ communis fieri non potest, aut una, unitate universali per mentis operationem: sic in divinis, Pater habet unam numero essentiam, quæ nequit per operationem intellectus communis fieri, ut in Patre, Filio & Sp. Sancto multiplicetur, quemadmodum natura humana in Petro & Paulo multiplicatur, sed reapse essentia illa una numero Patris, communicatur Filio & Sp. Sancto: non equidem disiteor, quin distinctionem hanc *singularis*, tanquam commentum ac figmentum explodant Sociniani, putantes, nullam naturam singularem communem, esse posse pluribus personis: verum tamen, distinctio ista fundamentum habet in sac. scriptura, quæ, unum verum Deum asserit, & nihilominus dicit Filium, & Sp. S. esse illum unum verum Deum, qui est Pater, ut id ex verbo Dei clarissimè monstratum est à Theologis nostris: concedo libens, nisi præviam haberemus scripturam, nos distinctionem hanc proposituros non fuisse: sed quia alterum distinctionis membrum in natura, alterum in scriptura, extat, nec rejici potest illa distinctio, nec omitti, sed legitima est ac recta, vel invitis Socinianis: ac negotium ergo præsens hæc omnia applicemus.

IX. Dico ergo, singulare prædicari potest, 1. de uno. 2. de pluribus. De uno prædicatur singulare, vel secundum vocem tantum, & non secundum rem, ut, cum dico, *hec persona est Petrus*, vox quidem *Petrus*, singularis est, non tamen res. estque prædicatio, propriè loquendo, non individui, sed accidentis, quia Petrum nominari, est accidentis personæ, cum & potuerit nominari Paulus vel Johannes. Vel prædicatur singulare de

uno secundum rem tantum, ut quando vox communis accipitur pro singulari, ut *Poëta* v. g. pro *Virgilio*. Vel prædicatur singulare secundum vocem & rem simul. Ulterius, vel prædicatur singulare affirmatè vel negatè; negatè, ut *Petrus non est Paulus*: affirmatè prædicatur singulare, 1. Individuum de specie, sed prædicatione indirecta, ut, *homo est Petrus*, ubi revera singulare prædicatur, licet indirectè: huc pertinent prædicationes, in quibus accidens subjicitur, & individuum prædicatur. 2. Affirmatè prædicatur singulare identicè, cum idem de se ipso dicitur, vel sub nomine eodem, ut, *Petrus est Petrus*, vel sub nomine diverso, quando obscurius explicatur per notius, ut, *Tullius est Cicero*, ubi tamen potius ad nomen seu appellationem respicitur, quam rem, interim prædicatur singulare, ut tam generaliter verum non sit, singulare de nullo prædicari posse: sed præcipuè quaeritur: an singulare prædicari possit de pluribus? hoc enim absurdum videtur, & manifestò impingere in definitionem singularis, quod de uno tantum potest prædicari. Nihilominus tamen dico & assero, quod singulare possit & prædicari de pluribus, & amplius, de pluribus reapse distinctis, illud nimirum singulare, cujus essentia est una numero, communis tamen pluribus personis, ut Deus, siquidem divina essentia una est numero ac singularis, subsistit nihilominus in tribus realiter distinctis personis, Patre, Filio, & Sp. Sancto, qui alii sunt atque alii, sed non aliud atque aliud: prædicatur vero hoc singulare, non quod sit universale, sed quod se habeat ad personas, per modum universalis: non est universale, quia non est superius personis, quod in ipsis sub conceptu & nomine proprio multiplicetur, quoniam ita Pater est Deus, ita Filius est Deus, ita Sp. S. est Deus. ut non sint plures Dii, sed unus Deus: habet se per modum universalis, quia, licet una sit numero essentia & singularis, communis tamen est tribus personis, & de iis dicitur ac prædicatur: & de hoc singulari ita differimus ac dicimus confidentius, quia ita in sacris reperimus, perinde uti de singularibus finitis differimus ac dicimus, prout in natura offe-



runtur: & certè verbi divini autoritas Christianis omnibus talis est ac tanta, ut ei cedant omnia axiomata, canones, maximæ, ac definitiones Logicæ. Cum ergo ex sacris constet, Deum de Patre, Filio, & Spir. Sancto dici, quidni asseramus ac dicamus, singulare prædicari de pluribus: & illa veritas potior esse debet Christianis, quam definitio *singularis* Aristotelica, quæ si evertere videretur istam veritatem mysterii tanti, quod de uno tantum singulare prædicari dicat, ipsa potius tollenda atque abijcienda, quam ut veritas sacræ paginæ labefactetur. Non Deus Aristoteli, sed Aristoteles Deo, non verbum divinum definitioni Peripateticæ, sed definitio Peripatetica verbo divino, falces submittere debet. Quare definitio *singularis* recepta ex *Aristotele*, non est sufficiens, aut limitanda est, ne mysterium Trinitatis evertere videatur, & dicendum hoc tantum *singulare Aristoteli* descriptum, quod finitum esset, cum singulare hoc infinitum non ritè rectè cognoverit: hic interim monitum velim, ne unquam mysteria fidei flectantur ad obsequium canonum Philosophicorum, aut ad dictamen rationis humanæ, ceu normæ ac regulæ Lesbæ, verum captiva potius ducenda est illa, & Philosophia tota flectenda in obsequium fidei: hoc enim *ἡ ἀληθεία* est, quod Socinianis imponit, atque utinam non itidem aliis, nostratibus quidem sed non nostris, qui tanti Philosophiam, Logicam, rationem, & axiomata, definitioneque receptas, faciunt, ut ad earum præscriptum & imperium, fidei articulos, ac res sacras vel invitas trahant ac torqueant, artificio noxio ac pravo; ab erroribus istis Philosophiam nostram, Logicam, rationem, reformatam utinam videre aliquando contingat! sed è diverticulo in viam.

X. Ut *singulare* in definitione ejus limitandum est per additionem & finiti, de quo tantum vera est definitio; ita quoque definitio thematis *universalis* circumscribenda est, ne ex eâ quoque *Antitrinitarii* occasionem sumant insurgendi in Trinitatem: sic, universale est, quod prædicatur de pluribus, in quantum plura sunt, secundum ipsum nomen universalis, ut, *homo* prædicatur de plu-

ribus, quæ & in quantum plura sunt, secundum nomen hominis, id est, de pluribus hominibus: at Deus prædicatur quidem de pluribus personis, sed non in quantum sunt personæ itæ plures secundum nomen Dei, id est plures Dii: sic enim prædicari de iis non potest. atque adeo sub *universali Aristotelica* non continetur.

XI. Ergo, ut concludam, non est contradictio in his assertionibus, Deus aut Dei essentia, est singularis, ut non sit universale quid, & tamen Deus aut Dei essentia dicitur de tribus personis: & ad argumentum Socinianorum à nobis prolatum: nullum singulare dicitur de alio: Deus aut Dei essentia dicitur de alio: ergo non est singulare. Resp. ad majorem, eam esse falsam simpliciter, *nullum singulare*, &c. nisi habeat rationem universalis, aut concipi possit per modum universalis: Deus vero ita singularis est, ut habeat rationem universalis, nimirum, est communis personis realiter distinctis: quod vero non sit contradictio, unum singulare esse commune pluribus, palam est ex sacris, nisi Deus in verbo suo sibi contradicat, quod mentionem facit Patris, Filii, & Sp. Sancti, & istos tres, unum esse pronunciat.

XII. Atque, ut hoc pro coronide addam, argumentum, quod vocant ad hominem: considerent Sociniani propositiones sive enunciationes illas, in quibus unus ille verus Deus, qui singularis est tantum, & unica persona, ex illorum sententiâ, prædicatur, subjecti loco posito eo, quod ipsi est proprium, ut, Qui solus lucem habitat inaccessam, est unus ille verus Deus: qui non dependet ab alio, sed à quo omnia dependent, est unus ille verus Deus: hic sanè, qui thema est singulare Deus, imo ita illis singulare, ut singularis etiam sit persona, prædicatur tamen, quod negare non possunt; & ratio est, quia, utcumque Deus sit Ens singularissimum, rationem tamen universalis aliquo modo subire potest. Manet ergo ac manebit in æternum, hæc veritas. Deus est thema singulare, & tamen prædicatur de pluribus, quod erat demonstrandum.



## DISPUTATIO PHILOSOPHICA;

DE

ORIGINE ET PROGRESSU  
PHILOSOPHIÆ.

## T H E S I S I.

Pulchrum est *Philosophiæ* nomen & amabile; quippe, quod rerum omnium naturalem promittit notitiam: magna sanè felicitatis humanæ hic absolvitur pars, ut multa sciamus, & ad Deum tanto accedimus propius, quo plura scimus. *Felix, qui potuit rerum cognoscere causas.* Quare *Philosophiæ*, i.e. veræ solidæque sapientiæ, naturalis quidem, seu ejus, quæ naturali hauritur intellectus humane, *originem & progressum*, inquire, hac disputatione, & sequentibus, est visum.

II. *Philosophiam*, Deorum esse inventum, in *Tuscul. questionibus*, dixit Romanæ eloquentiæ Parens *Marcus Tullius Cicero*: Nos, non ab Ethnicorum idolis, ac diis fictis, sed à Deo vero ac vivo, tanquam Patre Luminum atque omnis boni fonte, eam arcessimus, cum, ut donis aliis, ita insigni atque admirandâ rerum omnium scientiâ primum hominem ornavit ac beavit, qui, uti rerum noverat creaturarum naturas ac proprietates, ita ex naturâ ac proprietatibus rerum nomina sua singulis imposuit: Atque utcumque miserando hominis primi lapsû, *Philosophiæ* istius lumen multum sit minutum ac tantum non extinctum, retinuit ille tamen, sub cinere sopitas aliquot scintillas reliquas, quas benigne fovit, ac superflitem rerum notitiam per manus tradidit filiis, interque eos *Setho*, qui, ne periret tabula, naufrago parenti relicta, duas extruxit columnas, lapideam unam, lateritiâ alteram, quibus disciplinas, à parente acceptas, à se excultas, insculpsit, teste *Josepho Antiquit. Judaicarum*

*scriptore*, l. 1. c. 3. Hæc prioris mundi *Philosophia à Setho*, propagata est in progeniem sequentem, *Lamechum* præsertim & *Noachum* filium ejus. Atque ista *Philosophiæ incunabula fuisse & ante diluvium propagatio.* Quæcunque *Osiridi*, *Nilo*, *Ammoni*, *Dionysio*, *Serapidi*, *Plutoni*, *Jovi*, *Pani*, *Apollini*, *Oro*, post adscriperunt *Ægyptii* Ethnicorum alii, ea *Noacho* tribuunt viri Docti, quo *Apollinis* quoque de horum nominum ambiguitate interrogati responsum trahunt, *Sol & Osiris idem*, *Dionysius*, *Orus*, *Apollo*. Renascente mundo à tribus Noachi filiis ac posteris, diversis temporum intervallis, per totum terrarum orbem diffusa est Sapientia in *Hebræos*, *Chaldeos*, *Phenices*, *Ægyptios*, *Æthiopes*, *Indos*, *Persas*, *Gallos*, *Celtas*, *Grecos*, & quicquid alibi mortalium fuit.

III. Prima *Hebræorum* fuit *Philosophia*, sacra illa, vera, atque intemerata, in qua excelluit à *Noacho* decimus *Abraham*, qui eam *Chaldeos* ac *Phenices*, quos inter vixit, docuisse veteribus narratur. Ab hoc suam quoque *Philosophiam* hausere *Ægyptii*, ad quorum Regem *Pharætarum*, *Pharaonem* vulgo, descendit ex *Phenicia*, quum atrocissima fames totam istam regionem invasisset, ibique syncerioris *Philosophiæ* incrementum promovit: perennavit aliquot sæculis, licet annorum decursu multum fœdata ac contaminata, *Ægyptiaca* sapientia (atque ea *Moses* quoque excultus fuit, & *Hermes* ille *Trismegistus*, *Philosophiæ Chymice Patriarcha*) ad tempora usque *Dioeletiani*, *Ægypti* finibus clausa, in maximo ibi fuit honore.

IV. DE

IV. Ex *Chaldea* & *Aegypto* pervenit quoque Philosophia ad *Ethiops* & *Indos*, quorum Philosophi *Gymnosophistae* sunt vocati, quod arboris tantum cortice, aut lineo è filis mollioribus indumento, tegerent partes tegendas, cætera nudi; eorum *Brachmanes*, quidam, alii, *Germanes*, & in his, honoratissimi dicti sunt, *Sylobii*, quod in sylvis ac locis desertis vitam agerent, frugibusque eam ac frondibus sustentarent: *Astrologiæ* ac totius *Philosophiæ* subtiliori cognitione, non olim tantum emicere Indi, sed etiam, nunc dierum, testibus *Lustranis*, ita excellunt, ut quæ nobis invidia videntur intellectui humano, per lulum investigent ac jocum.

V. Manavit quoque à *Chaldeis* atque *Aegyptiis* *Persarum* *Philosophia*. Marcescente enim ac paulatim contabescente imperii *Babylonici* majestate, sensim quoque *Philosophiæ* splendor est amissus, donec summa rerum simul cum ipsâ *Philosophiâ* ad *Persas* devenit, à quorum *Magis* suus tum temporis *Philosophiæ* decor est restitutus. Hi *Persarum* Magi divinas humanasque omnes disciplinas excolebant diligentissimè, cœli naturæque variantes vices scrutabantur solertissimè. Horum dogmata *Darius* *Hystaspes*, innumeris, quæ ab *Indorum* *Gymnosophistis* acceperat, additamentis, auxit ac locupletavit.

VI. Atque, ut *Philosophia* in mundi plagâ viguit orientali, ita nec occidentales nationes eâ caruisse, sciendum est. Habuerunt suos quoque Philosophos, *Celtæ*, quos *Bardos* vocarunt, atque *Eubages* & *Semnotheos*: hi naturæ sublimia pandere conabantur: habuerunt *Galli* suos *Druidas*, quod quercu ac visco querno nihil haberent sacratius, sic dictos, quorum erat, jura statuere, controversas decidere, juventutem rerum *Physicarum* ac cœlestium notitiâ imbuerent.

VII. Universâ hæc, quam recensui, tum sacra *Hebræorum*, tum profana aliarum Gentium *Philosophia*, *Barbarica Græcis* dicitur, quod extra *Græciam* nata sit atque exculsa: ex *Chaldeorum* tamen, *Phœnicum*, atque *Aegyptiorum* sapientia, *Græcorum* omnis hausta est atque prognata: quicquid enim isti possederunt, ex *Hebræorum* scholis petierunt, ac multis supersti-

tionibus & erroribus defœderant, & ex sordidatis hisce lacunis *Græci* rivus suos derivarunt.

VIII. Ex *Chaldeis* *Berosus* in *Cos* confedit, & *Babyloniorum* *Philosophiam* ac prædictiones præsertim cœlestes tanta tradidit felicitate & facilitate, ut statuat linguâ inauratâ ipsi dedicatum iverint *Athenienses*.

IX. Horum scholam ac pleraque in *Græciâ* multo ante fundarant *Phœnices*. Cum enim *Israelitis* terram *Canaan* occupantibus, *Phœnicum* plurimi in *Aegyptum* aufugerent, alii, duce *Elisa* sive *Didone*, in *Africam* se reciperent, *Kadmus* *Agenoris* filius, *Phœnicum* Rex, in *Græciam* se contulit, & regnum cum *Philosophiâ* ac litteris intulit. Cum enim *Delphico* *Apollinis* delubro egressus, factò per agrum *Phocensium* itinere, bovem sibi obvium habuisset, eo sacra fecit *Palladi*, atque istic loci urbem condidit, *Thebarumque* nomen à patriis *Thebis* imposuit: in qua urbe, & Regno & *Philosophiæ* sedem fixit.

X. Verum & ex *Aegypto* *Philosophia* in *Græciam* à variis est traducta: Solebant enim *Græci* in *Aegyptum*, regionem sibi vicinam, tanquam ad bonarum artium mercatum, proficisci: ita *Plato* in *Aegyptum* profectus à sacerdotibus *Aegyptiis* præceptis *Philosophiæ* imbutus est. Et celeberrimæ fuerunt veterum *Aegypti* scholarum *Colonia*, in *Ioniam*, *Rhodon*, atque *Asiam* minorem, traductæ. *Cecrops* ex *Aegypto* profectus in *Atticâ* regnum condidit, *Danaus* *Argos* venit, ibique litteras & *Philosophiam*, à *Cadmo* consanguine, paulo ante traditas, sed postea abolitas, postliminio restituit. Ita tandem, maximis laboribus, variis itineribus, diversis *Coloniis*, ad *Græcos* translata est *Philosophia*. Certè postquam imperii *ægiæque* ad eos, simul bonarum litterarum, ac *Philosophiæ* professio omnis ac possessio, transfugavit.

XI. Apud *Græcos* *Philosophia* non una fuit, sed in partes statim abiit divisa, factiones, sectas. Ambitio enim tam altas egerat in illorum cordibus radices, ut priorum monumenta postremi conati sint intervertere, atque prorsus delere, quo facilius proprii nominis famam fumumve, deletâ priorum

me-

memoriâ, ad posteritatem propagarent; hinc factum est, ut, quæcunque ambitiosi *Græculi* de rebus divinis atque humanis, à *Chaldeis*, *Phenicibus*, *Aegyptiis*, addidicerant, interdum alio modo atque Methodo, suppressis nominibus, proposuerint, quàm plurimum in fabulas ac prodigiola commenta commutarent, ut quisque cerebello suo gratulari posset de *Philosophia* rebusque aliis, à se inventis, qui morbus haud leviter *Græcorum* ingenia vexavit. Hinc in tot sententiarum divortia est itum, factiones, sectas.

XII. Non est decretum nobis omnes Philosophorum inter *Græcos* familias perlustrare. Quæ maxime insignes sunt habitæ, duæ extiterunt, *Italica* & *Ionica*; *Italica* sectæ Principes ac caput fuit *Pythagoras Samius*, qui postquam *Samius* patria à *Polycrate* Tyranno esset occupata, in *Italica* partem istam concessit quæ quod maxime *Græcorum* coloniis esset frequentata, magna olim *Græciæ*, nunc *Calabria*, tenet nomen, ac *Philosophiam* ibi docuit, primusque *Philosophi* nomen introduxit: cum enim antè *σφοδ* sapientes dicerentur, naturæ scrutatores, ipsæ, solum Deum sapientem ratus & hoc nomine dignum, ex animi quâdam modestiâ se primum Philosophum appellavit: occasio mutati nominis fuit: cum *Pythagoras* coram *Leonte Phliasiorum Tyranno*, i. e. Rege (antiquitus enim honoratum fuit Tyranni vocabulum) multis de rebus graviter & subtiliter dissuisset, rogatus quam artem profiteretur, & quare sapientem se predicaret, respondit cum maximâ animi submissione, se nullam quidem profiteri artem, nec se *σφισ*, sapientem ulla in re, sed *φιλόσοφον*, sapientiæ studiosum, esse: atque ab eodem tempore *Philosophiæ* nomen invaluit & pro ipsâ venit Sapientiâ. Vid. *Laërt.* in *Vita Pythagoræ*. *Cicer. lib. 5. Tuscul. Quest. August. de Civit. Dei. l. 8. c. 2.* Famosa hæc est secta, quod numerosa, principia rerum, & *μεταμύζωσιν*, descendit. Cæterum *Pythagoræ* successit *Thelanges* filius, ei *Xenophanes*, huic *Parmenides*, huic *Zeno Eleates*, *Dialecticæ* inventor, *Zenoni* *Leucippus*, *Leucippo* *Democritus*, quem complures alii sunt secuti, & inter eos *Epicurus*, sicuti hanc seriem refert

*Diogenes Laërtius* in *Proæmio*. Verum *Clemens Alexandrinus lib. 8. Strom.* hos posteriores ad *Eleaticam* sectam revocat, quæ in *Xenophane Colophonio* cœperit: hunc enim dicit patria pulsum in *Siciliam* venisse, circa 60. Olympiadem, cum *Tarquinius Superbus* regnum tenuit apud *Romanos*, & contraria *Pythagoræ*, sectæ *Italica*, ac *Thaleti*, sectæ *Ionica*, Principibus docuisse, ejus auditorem fuisse *Parmenidem*, *Parmenidis* *Melissum Samium*, hujus *Zenonem Eleatem*: item ex hac Schola prodixisse *Leucippum Eleatem*: *Democritum Abderitam*, *Protagoram*, *Pyrrhonem*, & *Epicurum*, quibus omnibus adnumerandus est *Empedocles Agrigentinus*, *Rhetoricæ* inventor, & *Heraclitus Ephesie*, qui 69. Olymp. tempore *Darii filii Hyaspis* claruit. Videntur hi omnes ad *Italicam* sectam pertinere, non solum, quia eos inter *Pythagoricos* recenset *Laërtius*, sed etiam, quia *Elia* seu *Velia*, *Parmenidis* & *Zenonis* patria, *Lucania* est in *Italia* oppidum: Quia vero cum *Pythagoricis* non convenirent in sententiis & principiis, *Aristoteles* eos inter *Pythagoricos* non recenset, sed *Ionici* potius accenset, l. 1. *Metaph. c. 3.*

XIII. *Ionica* sectæ Princeps dicitur atque Author fuisse *Thales Milesius*, ex 7. *Græciæ* sapientibus. Hic *Astrologia* secreta rimatus, primus prædixit *Eclipsin*, quæ tempore *Habryattis* *Lydorum Regis* accidit, *Olympiade* 48. Anno V. C. CLXX. quæ de causâ cum maximè mirati sunt, *Xenophanes*, aliique, ut refert *Laërtius* in vita ejus, & *Ammonius* in *Categ. Relat.* addit *Laërtius*, quod primus puncta æquinoctialia inveniret, sed præcepta *Geometrix* ab *Aegyptiis* didicerit: ibi enim, quod vacare his studiis, sacerdotibus permetteretur, artes *Mathematicæ* primum sunt constitutæ, *Arist. l. 1. Met. c. 1.* *Thales* natus in *Ionia Ionica* sectæ originem dedit, ac nomen: verum non tam practicam, quàm contemplativam excoluit *Philosophiam*, de primis rerum naturalium principiis sollicitus; unde sectatores ejus, *Physici* sunt dicti. Successit ipsi *Mileti* in *Ionidâ* *Anaximander*, itidem *Milesius*, *Anaximandro* *Anaximenes*, *Anaximani* *Anaxagoras* *Clazomenius*, cujus Auditor fuit *Archelaus Atheniensis*, qui primus ex

*Ioniâ Asiæ* parte *Physicam* Philosophiam in *Atticam* transtulit seu *Athenas*, teste *Laërtio* in vita ejus : at juxta *Clem. Alexandrinum* id fecit *Anaxagoras*.

XIV. Ad *Anaxagoram* usque belbutiens fuit *Philosophiæ* secta *Ionica*, donec in Discipulo ejus *Socrate* (de quo oraculum *Apollinis*, ἄνδρ' ἀνάντων Σωκράτης εὐφρατέστατος) expressiorem nacta est formam, *Olympiade* 89. juxta *Laërtium*, seculo sexto quarti mundi *Millenarii*, tempore belli *Peloponnesiaci*, in quo militem egit, & *Alcibiadi* adhaesit, lapsumque equo *Xenophontem* servavit, ut habet *Laërtius* in vita ejus : Is animadvertens, *Naturalis* speculationis fructum nullum esse in se, eamque ad officia vitæ nihil esse necessariam, innoxit primus *Ethicæ*, deque *Moribus* publicè disseruit, *Xenoph. de dictis Socratis*, *August. lib. 8. de Civ. Dei* : etsi verò de moribus tantum tractavit, de totâ vero naturâ nihil, in his tamen universale quaerens principium, primus mentem ad definitiones applicavit, adeoque & inductiōne & definitione, verè *Philosophiæ* instrumentis, usus est primus, *l. 1. Metaph. c. 6.* quin & dialecticæ magis excoli cœpit ejus tempore, cujus alii ante ipsum fuerunt expertes; ibidem : *Socrates* autem in omnem sese vertit partem disputando, nihil ex sua sententia asserens; nihil quoque scripsit; sed *Plato* & *Xenophon* postea ejus sententiam in litteras retulerunt.

XV. Ex *Socratis* Schola profeminatæ sunt quasi innumeræ *Philosophorum* dissentientium sectæ, ut *Academici*, *Cynici*, *Peripatetici*, qui omnes se *Socraticos* dixerunt. *Academicorum* princeps fuit *Plato*, *Atheniensis*, dictus Πλάτων, ob egregium corporis habitum, cum ante *Aristocles* ex *Avi* nomine vocaretur : *Philosophari* solitus erat in *Academiâ*, nemore quodam *Athenarum* suburbano, quod ab *Heroë* *Academo* (qui quis fuerit, *Plutarchus* in *Thesio* docet) nomen acceperat : unde & hodie *Academia* nomen remansit : miscebat *Heraclitiorum*, *Pythagoricorum*, & *Socraticorum*, rationes : in iis, quæ sensibus subjacent, *Heracliti* partes tuebatur : in iis, quæ ad intelligentiam pertinent, *Pythagoræ* acquiescebat : in civilibus,

*Socratem* amplectebatur : celebratur hujus secta potissimum opinione idearum seu specierum separatarum, quam tamen in ejus libris invenire non est, ut *Secundo Vol. Disput. Select.* ostendimus. Vita functus est *Plato*, 108. *Olympiade*, juxta *Laërtium*, sub initium 7. seculi *Millenarii* quarti, à condito mundo, quo tempore & *Cynica* secta in flore fuit, & *Peripatetica* exoriri cœpit. Successit *Platoni* in *Academiâ*, ejus ex sorore *Nepos*, *Speusippus*, quem excepit *Xenocrates Chalcidicus*, cujus successor fuit *Polemon*, quem secutus est *Crates*, *Arcesila* præceptor; & hucusque *Academia* vetus extitit, retenta primi *Magistri* sententia, usque ad finem fere seculi VII. *Cynicæ* sectæ verò author fuit *Antisthenes Atheniensis* : Is cum esset in *Piræo*, narrante *Laërtio*, quotidie quadraginta emetiebatur stadia, ut *Socratem* audiret; sed magis amans in Præceptore constantiam vitæ ac morum quam liberam illam & solutam in quamcunque partem disserendi consuetudinem *Platoni* probatam, eo rigoris processit, ut omnia admordere ac reprehendere aggrediretur : id quod in primis fecit auditor ejus, *Diogenes Synopenfis*, qui, cum rigore *Antisthenis*, suam adjunxit impudentiam, omni ad omnia insectanda loco ac tempore usus, unde & *Canis*, Κῶν, nomen ei est inditum, atque inde putant multi *Cynicæ* sectæ nomen profectum, quamvis alii malint esse deductum à *Gymnasio Antisthenis*, quod κυνόμεινος fuit appellatum, teste *Laërtio*.

XVI. Florente secta *Cynica* & *Academia*, nova exorta est *Peripatetica*, sic dicta, quod ejus princeps, *Aristoteles*, ambulando doceret, unde & *Lyceum*, in quo docebat, *Peripateticum*, dictum fuit, & ejus sequaces, *Peripatetici*. Fuit *Aristoteles*, *Nicomachi* & *Phastiadis* filius, genere *Macedo*, patria *Stagiritæ*, *Æsculapii* Medici pronepos, juxta *Laërtium*, *Strabonem*, *Plutarchum*, *Ammonium*, qui vitam ejus descripserunt : is à puero bonis artibus innutritus *Socratem* audivit triennium, eoque defuncto *Platonem* secutus est, anno ætatis 17. in cujus *Academia* 20. annos assiduum auditorem egit, & per istius temporis tractum, ita diligens fuit in evolendis *Philosophorum* scri-

peis, ut ejus ædes *Plato Anagoræ* domum  
 appellare consueverit, atque adeo veri inda-  
 gandi cupidus exstitit, ut ab illo, nunc *Mens*,  
 nunc *Veritatis Philosophus*, diceretur: ita  
 factum est, ut facile inter alios discipulos  
*Platonis* inclaresceret, & unus ex omnibus,  
 qui tunc vivebant, *Philosophis*, à *Philippo*  
*Macedonum Rege*, filio *Alexandro* præceptor  
 præficeretur. Extant litteræ apud *A. Gellium*  
 lib. 9. c. 3. quibus *Philippus* Rex ad *Aristo-*  
*telem* scribit, se Deo gratias agere, non tam  
 quod sibi filius natus esset, quam quod eum  
 eo nasci tempore contigisset, quo informa-  
 torem habere posset *Aristotelem*. Itaque sub-  
 vectus *Aristoteles* singulari gratia Regis, ad  
 excolendam perfectè *Philosophiam* nihil fecit  
 reliquum, sed veluti *Arbiter* sedens inter tot  
 sectas, eas, ad rationis lineas, vocavit om-  
 nes, atque correxit, quod in iis displice-  
 ret; quin, & ab ipso suo Magistro *Platone*,  
 in multis dissensit; unde & *Plato*, inferior  
 ei factus, dicere solebat: *Aristoteles in nos re-*  
*calcitravit non secus atque in Matrem Pulli,*  
*qui ipsa peperit.* Nempe cogitabat id *Philo-*  
*sophus*, quod postea scriptum reliquit, *Ami-*  
*cus Plato, Amicus Socrates, magis Amica*  
*Veritas.* *Alexandrum* in *Nymphæo* tanta infor-  
 marit diligentia, ut non solum Rex *Philoso-*  
*phiam Moralem* didicerit, sed & graviore il-  
 las scientias, quas *Acroamaticas* seu *Epopticas*  
 vocant, quas, quod evulgasset *Aristoteles*,  
 egerime tulit *Alexander*, ut habet *Plutar-*  
*chus* in vita ejus & *Gellius* lib. 20. c. 4. Com-  
 moratus est *Aristoteles* in *Macedonia* annos 8.  
 aut pauciores, ut alii sentiunt, & inde iterum  
 in *Atticam Athenas* migravit, ubi antea *Plato-*  
*nem* audiverat, vocatus ab Atheniensibus,  
 narrante *Ammonio*. Vidit in *Academia* docen-  
 tem *Xenocratem* condiscipulum, ac moleste  
 ferens, eum loqui, se tacere, elegit in *Liceo*  
*Gymnasio*, atque illic deambulando *Philoso-*  
*phiam* docuit, unde *Peripateticorum* nomen  
 & *Philosophia Peripatetica*, originem trahunt.

Neque illotis manibus ad docendum pro-  
 ruit, ut hodie fieri ferè solet. sed confirmatum  
 jam habens, exacta disciplina & multo re-  
 rum usu, judicium, annum propemodum  
 agens quinquagesimum libros scripsit. *Phi-*  
*lippus* quoque præmia Doctrinæ præclara &  
 digna ipsi dedit, teste *Plutarcho*; nec minus  
 fecit *Alexander*, cujus magna pars regni fuit  
 juxta *Ammonium*. Idem *Alexander Aristote-*  
*li* commentationem & historiam de natura  
 Animalium imposuit ac demandavit, jussis  
 parere ei omnibus, quos aucupia, venatus,  
 piscatus, aliaque id genus studia alebant, at-  
 que incredibilem pecuniæ summam in eam  
 rem impendit, testantibus *Plinio* l. 8. c. 16.  
 & *Athenæo* l. 9. *Dipnosoph.* adeo ut nullus  
 mortalium tanta adminicula *Philosophiam*  
 excolendi unquam habuerit, quanta *Aristo-*  
*teles*, nec fortasse quisquam unquam habitu-  
 rus sit. Acumen ingenii incomparabile, stu-  
 dium cognoscendæ veritatis incredibile, om-  
 nes ipsi tribuunt, nec ullum *Philosophum*  
 tantis boni scriptores elogiiis dignantur, quam  
*Aristotelem*. Legatur *Diogenes Laërtius* in  
 vita ejus, *Plutarchus* in *Alexandro*, *Cicero*  
 lib. 5. de Finibus, *Plinius* lib. 8. c. 16. *An-*  
*gustinus* lib. 8. de Civ. Dei, & ibidem *Ludovi-*  
*cus Vives.* *Ammonius* eousque progreditur ut  
 eum humani ingenii modum excessisse scri-  
 bat. *Averroës*, totis mille & quingentis an-  
 nis nullum fuisse in eo repertum errorem  
 pronunciat: quæ tamen *ἡγεμονικὸν* dicta  
 existimem. Quicquid sit: solus *Aristoteles*  
 regnum hodie tenet atque obtinet in scholis  
 & Academiis, & ex eo ac *Commentationibus*  
 in eum hodie *philosophari* consuevit Juven-  
 tus: neque audiuntur, neque admittuntur,  
 qui in ipsum insurrexerunt, aut insurgunt.  
*Philosophie* progressum ab *Aristotele* ad *Gra-*  
*ecos*, à *Græcis* ad *Arabes*, ab *Arabibus* ad *La-*  
*tinios*, præsertim *Monachos* ac *Canobitas*, *Tho-*  
*mistas*, *Scotistas*, *Nominales*, *Reales*, &c.  
 alias enarrandi fortasse dabitur occasio.

F I N I S.



## EXERCITATIONUM ETHICARUM

P R I M A,

D E

## Ethicæ existentia &amp; à Theologia distinctione.

T H E S I S I.

**Q**uemadmodum inter scientias seu habitus mentis Theoreticos princeps est *Metaphysica*, ita principatum tenet inter prudentias seu habitus mentis practicos *Ethica*. Quare, uti non ita pridem exorſi ſumus *Exercitationes Metaphysicas*, ita nunc *Exercitationes* (quod felix eſſe fauſtumque velit ſupremum nomen) exordimur *Ethicas*: utrobique hoc præſtare conaturi, ut utriuſque diſciplinæ res, & quam clariſſime exponamus, & ad uſum applicemus: utrumque, pro donorum à Deo conſeſſorum modulo. Et labor quidem poſterior videri queat fruſtraneus, cum totum *Ethicæ curriculum*, ante paucos annos, in eadem hâc *Academiâ*, almâ matre noſtrâ, *triginta & una diſputationibus*, à carceribus ad metam, ſit à nobis decurſum. Verum enim vero, quæ, tunc compendio, nunc fuſius, ibi *μεταφυσικῶς*; hîc *ἠθικῶς* pertractare eſt animus: & ordine ſuo proceſſerunt itæ *diſputationes* ſecundum ſilum & ſeriem *Ethicæ Ariſtotelicæ*: hæc *exercitationes* longius interdum excurrunt. *Deus ingreſſum inſtruat, progreſſum dirigat, egreſſum compleat*. Duo hâc primâ diſputatione à nobis ſient: 1. *Ethicam dari*, id eſt rationem bene vivendi, doctrinam morum, præceptis, ſive in mente, ſive in codice, (neque enim hoc nunc diſputamus) comprehenſam, probabimus. 2. *Eam eſſe diſtinctam à Theologia*, quæ

etiam eſt ars vivendi & canon. morum, demonſtrabimus. Ad primum ſic progredimur.

II. *Primo*. Ubi erroris locus eſt, ibi eſt opus præceptis, quibus error iſte corrigatur: atqui in vita degenda, ac bene degenda, erroris locus eſt; nam quam ſæpe ſit ut vitia pro virtutibus, & ſub iſtarum nomine nobis obrepant? dum temeritas, fortitudinis titulum ementitur, moderatio, ignavia dicitur, qui cautus eſt, timidus habetur? in his ſane maximo cum periculo inter vivendum erratur. His erroribus ut occurratur, præceptis opus eſt ac diſciplinâ, quam *Ethicam* vocamus. *Secundo*, ſi diſciplina eſt poſita, quæ operationes intellectus dirigat ad rerum veritatem aſſequendam, pariter debet aliqua poni, quæ voluntatis operationes dirigat ad proſequendam rerum bonitatem: nam tam eſt impotens voluntas in boni proſequeutione, quam laborat intellectus in veri aſſequeutione: atqui datur diſciplina, quæ operationes intellectus dirigat ad rerum veritatem aſſequendam, ſc. *Logica*: Ergo danda eſt aliqua diſciplina, quæ operationes voluntatis dirigat ad rerum bonitatem proſequendam, ſc. *Ethica*: nam utrobique par eſt ratio. *Tertio*, argumentamur à minori ad maius. Si fidebus canere, literas legere, &c. præceptis ad-diſcitur, an non ad bene vivendum, quo nihil eſt majus, præcepta aliqua fuerint poſita? *Quarto*, provocamus ad experientiam. Inſtitutione vitia ſanari poſſe atque emendari, virtutem doceri præceptis, aſſiduus cohortationum quaſi ſtabellis felicitatem in multis



accendi, & multos ad eam ardentem inflam-  
mari, quotidiana comprobata experientia :  
Et insigne est *Polemonis* exemplum, quem ex  
ganeone perditæque luxuriæ adolescente, bonis  
præceptis à *Xenocrate* traditis, virum  
temperamentum maximumque evalisse *Philosophum*,  
tradit *Val. Max. l. 6. c. 9.* Ex quibus  
omnibus, luce meridiana clarius manifestusque est, dari præcepta ac disciplinam;  
quæ rationem bene vivendi doceat ac profi-  
teatur, quam, *Ethicam* aut *Philosophiam moralem*,  
vulgo vocamus.

III. Verum non sufficit simpliciter ostendisse *Ethicæ existentiam*, sed hoc insuper superest, ut eam à Theologia distinctam disciplinam demonstremus: Hoc ut præstent nonnulli, quasdam vitæ humanæ differentias considerandas proponunt: ac distinguunt vitam humanam, in naturalem vel adventitiam seu acquisitam: naturalem vitam vocant, quam homo vivit vi solius naturæ: acquisitam aut adventitiam appellant, quam homo vi habitus cujusdam ad naturam accedentis vivit. Hæc est, vel intellectualis, quam homo vivit vi habitus intellectualis: vel moralis, quam vivit vi habitus moralis: Atque hæc est, vel Philosophica, quam Philosophia informat & dirigit, sive in genere, sive in specie, cujusmodi est vita proba & honesta, vel Theologica, quam Theologia informat, estque vita religiosa, Christiana, spiritualis: hisce præmissis sic argumentamur pro discrimine Ethicæ & Theologiæ. Quæ disciplinæ differunt, 1. *Subiecto proprio & adequato transactionis*, 2. *Subiecto informationis*, 3. *Fine proximo*, 4. *Fine ultimo*, 5. *Principiis propriis*, ex differunt re ipsa. Atqui Ethica & Theologia differunt istis modis, quod sic demonstrant. 1. *Subiectum proprium & adequatum transactionis in Ethica*, est, modus probe honesteque vivendi præceptis explicatus, in Theologia, modus religioso & Christiane ac sancte vivendi. 2. *Subiectum informationis in Philosophia Practica*, est, homo probus & honestus, sive absolute aut in se spectetur, sive in certo vitæ statu aut Oeconomico aut Politico. in Theologia subiectum informationis est, homo religiosus, Christianus, sanctus. 3. *Finis pro-*

*ximus Ethicæ* est, probe honesteque vivere, aut explicare modum probe honesteque vivendi: *Theologiæ* finis proximus est, sancte, religiose, Christiane, vivere, aut saltem modum ita vivendi exponere. 4. *Finis ultimus Ethicæ* est, felicitas terrena & temporalis, hominis: *Theologiæ* autem, felicitas celestis & æterna. 5. *Principia propria in Ethicis*, sunt lex naturæ & recta ratio: *Principia propria in Theologia* sunt, sacræ literæ & verbum Dei revelatum. Per *legem naturæ* intelligitur, vel sententia certa de discrimine honesti & turpis, justi & injusti, &c. quæ sententia homini, solo naturali rationis lumine, sine alterius institutione aut doctrina, est nota; vel intelligitur per *legem naturæ*, ipsa notitia naturalis, in quantum reliqua est, honesti & turpis, justi & injusti, quæ quoad aliquas reliquias in hominibus omnibus ratione bene utentibus reperitur. Per *rectam rationem* intelligitur, partim rectum hominis de rebus agendis-judicium, partim axiomata practica vera & certa, quæ de honesto & turpi, justo & injusto, à sapientibus & prudentibus, ex lege naturæ eruuntur & traduntur: cujusmodi sunt, quod honestum est, est appetendum, quod turpe, est fugiendum, nemo est lædendus, suum cuique est tribuendum, quod tibi fieri non vis, alteri ne feceris, Deus est colendus, Parentes & Magistratus sunt venerandi, Tranquillitas publica est defendenda, &c. Per *Scripturam Sacram* intelliguntur, ut notum est, Prophetarum & Apostolorum, de turpi & honesto, justo & injusto, Effata: Jam vero, sicut hæc principia sunt diversa, ita disciplinæ, quæ de justo & injusto, honesto & turpi, hisce Principiis inniuntur, & ex iis eruuntur, longe differunt. Certe, sicut ex diversitate prima Principiorum, quibus gignitur cognitio Theologica & Metaphysica de Deo, bene infertur Theologiæ & Metaphysicæ discrimen; ita ex diversis Principiis, tum ex lege naturæ, tum ex libro Scripturæ, recte eruuntur præcepta de honesto & turpi, justo & injusto, & bene etiam infertur diversitas Ethicæ & Theologiæ. Hoc argumentum à Principiis Ethicæ ac Theologiæ distinctis, ad utriusque disciplinæ discrimen

crimen inferendum, quia solidum videtur, paulo plenius est proponendum.

IV. *Principia Ethicæ tria sunt: reliquæ legis naturæ nobiscum nata, experientia, & ratiocinatio, reliquæ legis naturæ nobiscum nata*, sunt, generalia de virtutum officiis præcepta & quasi fundamenta, ex quibus specialia licet illi elicere, ut, quod tibi non vis fieri alteri ne feceris, & alia, quæ statim recensuimus: *Experientia* colligit exempla virtutum & vitiolorum atque eventuum, verbi causa, per virtutem multos pervenisse ad dignitates, honores, opes; vitiis vero infames ad extremam devenisse miseriam. *Ratiocinatio* est, quæ ea, quæ experientiâ sunt cognita, colligit & concludit, ex generalibus honesti & turpis, iusti & iniusti regulis, speciale quorumcunque officium: at vero hæc *principia* non sunt *Theologiæ*, ubi conclusiones de honesto & turpi, non ex lege naturæ aut ejus reliquiis nec ex experientia, per ratiocinationem, sed vero solâ Sacram Scripturâ à Deo nobis revelata hauriuntur, petuntur, accipiuntur. Profecto, si differant cognitio Dei naturalis hausta ex libro naturæ, & cognitio Dei supernaturalis hausta ex libro Scripturæ ob diversa, unde hauriuntur, principia, quidni pari modo different cultus Dei naturalis, ab *Ethicæ* præscriptus, ex lege naturæ acceptus, & cultus Dei supernaturalis, à *Theologiâ* expositus, petitus ex lege revelata in Scripturis? certe, homo lumine naturæ non tantum ex libro naturæ cognoscit, Deum esse, & illum esse summe bonum, sapientem, potentem, universæ naturæ causam effectricem, conservatricem, directricem, proindeque omnia provido suo sapientique consilio regere, legitimum ordinem tueri, & non solum in rerum institutione, sed in earundem sustentatione omnem *divitiarum* averfari atque avertere, hæc omnia non tantum, inquam, cognoscit homo ex libro naturæ, lumine naturæ, docente atque explicante hæc de Deo *Metaphysica* vel *Theologia* naturali, sed præterea lumine naturæ ex lege naturæ cognoscit homo, numen illud, optimum, sapientissimum, potentissimum, religiosè esse colendum, voluntatiq; ejus esse obsequendum, sub ipsius potentia omnia

esse submittenda, &c. docente hæc omnia & explicante *Ethicæ*: nam, quo modo Deum ex idea ejus nobis innata & ex universæ rerum natura, cui vestigia sui ac suæ bonitatis, potentiae, & sapientiae, impreflit, naturali intellectus lumine homo cognoscit, ita eodem naturæ lumine cognoscit, ex natura numinis ac sui cognita, cultum esse ipsi Deo præstandum, ex vi reliquiarum legis naturæ sibi innatarum, nec Deum tantum esse colendum, sed & proximo benefaciendum ex eodem principio concludit. Hinc extant tot insignia de cultu Dei naturali, de iustitia erga proximum exercenda, in *Platone*, *Xenophonte*, *Episteto*, *Cicerone*, *Seneca*, *Plutarcho*, aliisque gentilibus, testimonia, quæ non adducimus, quia satis perspecta cuivis ex eorum Authorum lectione esse possunt. Atque ex hisce omnibus concludimus, *Ethicam* non minus distingui à *Theologiâ*, quod illa Deum naturaliter, hæc supernaturaliter colendum, doceat: quam distinguitur *Metaphysica* à *Theologiâ*, quarum illa Deum naturaliter cognoscendum, hæc supernaturaliter intelligendum, proponit.

V. *Keckermannus*, in suis præcognitis *Ethicis*, variis quoque utitur argumentis ad discrimen *Ethicæ* & *Theologiæ* inferendum, in quæ quia incurrit *Cl. Amesius Technom. pag. 34. Thes. 116.* & illius probationes & hujus exceptiones nonnihil considerabimus: nam quæ *Cl. Vir* habet in sua *disputatione contra Ethicam* sub titulo de *perfectissima Scripturæ* & ea summam repetit ad proposuit in *Technom. loco dicto, Thes. 116. Keckermanni* primum argumentum desumptum est à *sine Ethicæ & Theologiæ*. Et profecto, sicuti disciplinæ speculative objecto, ita *Practice* potissimum fine distinguuntur. Sic argumentatur *Keckerm.* Quarum disciplinarum fines sunt distincti, eæ ipsæ sunt distinctæ. Sed *Ethicæ* & *Theologiæ* fines sunt distincti. *Major* est principium *Logicum*, & *minor* probatur, quia bonum morale est distinctum à bono spirituali, *Theologiæ* finis est bonum gratiæ ac supernaturale, *Ethicæ* finis est bonum morale seu civile & naturaliter acquirendum ac sic naturale. Illa autem duo bona differunt, consequenter, differunt & disciplinæ quæ utrumque

hoc

hoc bonum, sed divisum, habent pro fine; *Excipit Amesius*. 1. *Ipsa supernaturalis beatitudo, respectus societatis civilis ac politice, in qua vivimus, considerata, civilis est ac moralis.* Resp. Subjective est civilis, non terminative, id est, ut clarius loquar: beatitudo supernaturalis, quæ ex parte in via, plene in Patria, possidetur, illa in tantum potest dici civilis in hac vita, in quantum cadit in civem, societatis politice membrum, ut subiectum; at beatitudo supernaturalis subiectata in cive, non terminatur in hac vita, sed vero producit ad vitam alteram, ubi demum consummabitur: At beatitudo moralis terminatur in hac vita, nec ulterius producit. Deinde non in omnia societatis civilis ac politice membra cadit beatitudo supernaturalis, in quæ cadit moralis: multi ex gentilibus consecuti sunt summum bonum morale, sed non item supernaturale; quare ne quidem à parte subiectorum confundi debent bonum morale & supernaturale. 2. *Excipit Amesius*. *civilis ac moralis beatitudo, supernaturali contradistincta, non naturalis, id est, ex natura corrupta proficiens, sed in quantum supra eam ex reliquiis nature integræ per divinam gratiam fluit in Ethnicis sapientioribus, naturalis dici debet.* Resp. Sed neque nos beatitudinem moralem vocamus naturalem, quasi fluat à natura corrupta, sed quia in hominibus nature corruptæ fluit à reliquiis nature integræ in iis superstitionibus nullam tamen agnoscimus hic gratiam divinam sed solum nature lumen, quod ex lege nature aut reliquiis ejus relictis naturaliter tales virtutes in Ethnicis producit. Et ut *Cl. Amesius*, hæc, aut alii pro ipso, recte intelligant, distinguant hominem constitutum in statu nature corruptæ, in statu gratiæ, in statu gloriæ. Homo in statu nature corruptæ non in totum & solidum privatus est imagine Dei, quod ipsi docent Theologi: habet enim reliquas quasdam scintillulas, sub cinere quasi sopitas, quibus cum recte utitur, ad virtutes illas morales naturali intellectu lumine ex lege nature assurgere potest citra gratiæ divinæ auxilium: atque iis asssequitur beatitudinem moralem, qua Deum naturaliter cognoscitur, ut creatorem, conservatorem, sapientissimum, potentissimum, optimum, omni

cultu & pietatis officio profecquitur. In statu gratiæ cognoscit Deum ut redemptorem talemque colit, quod non habet ex lege aut lumine nature, sed ex divina gratia, quæ hoc, huic homini, non illi, non isti, ex verbo suo per predicationem Euangelii, ac Spiritus Sancti illuminationem, revelavit. In statu gloriæ, homo Deum videt sicuti est, eoque fruitor perenni & perfecta fruitione, quod gratiæ quoque est peculiaris & non nature. Unum hic tamen obijci potest, pro atque ex *Amesio*, in fine *Tb.* 1. 16. quoad statum nature corruptæ; in quo non videntur homines per reliquias legis nature ac beneficio luminis naturalis pervenire posse ad virtutes morales & beatitudinem civilem: nam contradicit *Apostolus ad Rom.* 1. v. 21. cum ait, *gentiles Deum non glorificasse, neque ei gratias egisse, sed mutasse gloriam incorruptibilis Dei, in efformatam imaginem corruptibilis hominis, & volucrum, & quadrupedum, & reptilium, item, illos veritatem Dei transmutasse in falsitatem, & servivisse rebus creatis præterito creatore, & se obstrinxisse omnis generis sceleribus, quorum catalogum longum ibi continet Apostolus.* Ergo falsum est, quod nos asserimus de naturali cultu & pietate erga Deum, & iustitia naturali erga proximum, deducta utraque ex reliquiis imaginis divine superstitionibus, & lege nature relictæ in homine nature corruptæ. Resp. Factum non evertit jus, id est, licet gentiles multi, imo plerique, in horrenda scelera ruerint, hinc tamen non sequitur, ipsos naturaliter ignorasse contrarium; existiguere quidem conati sunt lumen nature & conscientiam, abolere item legem nature, excutere, atque obruere, & obfuscare reliquias imaginis divinæ, sed non petuerunt; manserunt enim scintillæ quædam, vel invitis: unde dixerat *Apostolus*, v. 18. *homines veritatem injuste detorquere, ubi per vocem (veritatem) intelligit lucis primæ & legis nature reliquias relictas.* 2. *Respondeo: Apostolus non loquitur, de omnibus & singulis, sed de quibusdam impiis: atqui à particulari ad universale non valet illatio: non sequitur, in quibusdam gentilibus non apparuit cultus Dei naturalis, & naturalis iustitia in proximum exercita lumine nature, vi legis nature ergo illa*

go illa in nullo gentilium reperiuntur. Sed pergamus cum *Keckermanno*.

VI. Secundum *Keckerm.* pro discrimine *Ethicae* & *Theologiae* argumentum desumit ab *objecto*, & sic proponit. *Theologia* versatur circa interiorum hominis affectum reformatum penitus ad imaginem Dei, atque adeo circa cultum Dei internum: *Ethica* vero versatur circa mores externos in civili societate hominum; atque adeo concluditur terminis hujus vitae & tradit praecepta pro mensura praesentis vitae, at *Theologia* terminis hujus vitae non concluditur, sed rationem monstrat bene moriendi, & ad aliam vitam transeundi. *Excipit Amesius*: *Theologia obiectum esse tam externam in moribus, quam internam in animo obedientiam*: Et *Ethicam docere, quomodo regenda sit voluntas, affectus compescendi, adeoque explicare cultum Dei internum*. Resp. fatemur non tantum esse ponderis in hoc *Keckermannii* argumento, atqui fuit in priori: nam hoc verissimum est; *Theologiam* etiam versari in informandis & reformatis moribus externis, & *Ethicam* agere de cultu Dei interno: Et testimonia *Platonis*, *Epicteti*, *Ciceronis*, hoc evincunt, quibus, ut Deum incorrupta mente veneremus, invocemus, timeamus, mandant. Videatur *Cicero* l. 2. de nat. Deor. *Plato* l. 4. de legibus. *Epictetus* in *Enchiridio*: sed hoc voluit *Keckermannus*, *Ethicam* non versari circa interiorum hominis affectum, quia non docet, quomodo is ad imaginem Dei plane debeat restitui, quod docet *Theologia*, quae ideo multo majori jure circa internum hominis affectum versari debet: & haec verba *Keckerm.* ad imaginem Dei penitus reformatum ab *Amesio* omisita sunt, in quibus tamen vis argumenti *Keckerm.* consistit, quia non tali modo *Ethica* circa interiorum hominis affectum occupatur, quomodo potissimum circa eum occupatur *Theologia*. Quod excipiat *Ames.* si propterea cessaret aliquid esse *Theologicum*, quia terminis hujus vitae concluditur, multa vere *Theologica* cessarent esse *Theologica*, ut praedicatio verbi, administratio sacramentorum. R. Non ferit scopum argumenti *Keckermanniani*: hoc tantum voluit *Keckerm.* *Ethicam* tradere prae-

pta de virtutibus in hac vita exercendis, ad bonum in hac vita obtinendum: At *Theologia* tradit quidem praecepta de verbo Dei legendo, sacramentis usurpandis, actionibus utrisque in hac vita exercendis, at institutis, ad bonum in altera vita obtinendum, ad salutem sempiternam possidendam. Deinde dicit *Ames.* nunquam probabit *Keckerm.* nullam virtutem cum hac vita essentia sua cessaturam, licet in certis individuis cessatura sint quarundam virtutum simulacra. Resp. Virtutes morales, si non quoad essentiam, saltem quoad usum, cessabunt: Pietas erga Deum ex lumine & lege naturae instituta cessabit, quia Deum cognoscemus, non ex lumine naturae post hanc vitam, neque colimus ex reliquiis legis naturae, sed plene perfecteque, quantum in creaturam cadit finitam, ipsum & cognoscemus & colimus. Fortitudo cessabit, quia nulla erunt post hanc vitam pericula, nulla mors aut malum. Temperantia cessabit, quia nullus erit cibis aut potus, nullum obiectum gustus aut tactus. Iustitia & liberalitas cessabunt, quia nulla erunt commercia, nulla quoque indigentia.

VII. Sed tertio argumentatur *Keckerm.* à *subjecto*: subjectum *Ethicae* est vir probus, bonus, ac honestus: *Theologiae* pius & religiosus. Et sunt multi viri honesti etiam inter Turcas aliosque gentiles, qui virtutes morales exercent, & tamen respectu *Theologiae* sunt desperati, ac nisi convertantur, in aeternum infelices futuri, ut *Aristides*, *Scipio*, *Socrates*, alique *Heroes* in *Romana* & *Graeca* historia celebrati. *Excipit Amesius*, etiam *Ethicam* docere, pie vivere. Resp. distinguatur pietas, & res est confecta. Est pietas moralis, est pietas naturalis, quatenus in naturale opponitur supernaturali, pietas spiritualis est pietas supernaturalis. Dicitur in versu, sic pius *Aeneas*, Pietas *Aeneae* fuit bonum morale & habitus naturae, sicuti omnis pietas, cujus in Deum exercenda non uno loco faciunt mentionem, *Plato*, *Epictetus*, *Seneca*, *Cicero*. Pietas *Davidis* aliorumque sanctorum erga Deum exercita, fuit bonum spirituale, & habitus gratiae. Postremo sic argumentatur *Keckerm.* Nemo negat differre amicitiam civilem

ad  
eo-  
ni-  
sti-  
m,  
in-  
rm.  
sa-  
lunt  
ir-  
fal-  
ga  
cel-  
lu-  
ble-  
cne  
adit  
aus.  
post  
um.  
bus  
ta-  
uia  
di-

rm.  
us,  
eli-  
in-  
utes  
neo-  
, in  
ipio,  
aca  
iam  
gua-  
mo-  
rale  
sest  
sic  
orale  
ujus  
iunt  
icero.  
erga  
, &  
tatnr  
m ci-  
ilem

vile  
quid  
cum  
doce  
ca à  
à Tho  
Virtu  
risai  
esse  
Ethi  
cata  
lis ef  
colla  
pecc  
quic  
per le  
num  
aute  
dunt  
nere  
num  
imbu  
ralis  
vicio  
tum  
aut  
Specie  
afr  
agun  
dem  
na.  
& m  
ritua  
sa,  
que  
virtu  
Specie  
verit  
stian  
tion  
bonu  
sunt  
illu  
place  
ad fa  
Ille  
ad D



vilem ab amicitia spirituali & Theologica, quidni ergo & *Ethica* differat à *Theologia*, cum illa civilem, hæc spiritualem amicitiam doceat. Et addo, non tantum amicitia *Ethica* à *Theologica*, sed omnes virtutes *Ethicæ* à *Theologicis* differunt. Ad hoc *Excipit Amēs.* *Virtutes Ethicæ esse meram hypocrisin & Pharisaismum, adeoque vitia, quod alii dicunt, esse splendida peccata.* Resp. Quando virtutes *Ethnicorum* dicuntur vitia & splendida peccata, illud non simpliciter sed cum grano salis est accipiendum, sc. virtutes *Ethnicorum* collatæ cum bonis operibus piorum sunt peccatis similia quam virtutibus, quia, quicquid est non ex fide, peccatum est: sed per se & in natura sua consideratæ, sunt bonum imaginis Dei in homine: per accidens autem & ratione subiecti evenit, ut cum cadunt in subiectum fide carens, ut tum degenerent quasi in vitia; sicut vinum per se bonum, in vas foetidum infusum, foetore imbutur propter vas illud, ita virtus moralis, cadens in animum fide carentem ac vitiosum, vitium contrahit, & in peccatum abit. Sed dicat aliquis, *virtutes Ethicæ aut Theologicæ, aut distinguuntur gradu aut specie: si gradu, non possunt disciplinæ specie distingui, quæ de iis agunt, & quia de iis agunt; Si specie, non possunt convenire in eodem subiecto, ut conveniunt in eodem Christiano.* Resp. 1. in genere: sicut bonum naturale & morale, differt à bono supernaturali & spirituali specie, propter principia specie diversa, naturam & gratiam, ita differunt quoque specie ob eadem principia specie distincta virtutes *Theologicæ* & *Ethicæ*: Resp. 2. In specie. Virtutes *Ethicæ* & *Theologicæ* in diversis subiectis, illæ in *Ethnico*, hæc in *Christiano*, specie differunt, quia, propter rationem datam, virtutes *Theologicæ* sunt bonum spirituale in *Christianis*, *Ethicæ* sunt bonum morale & naturale in *Ethnicis*: illæ placent Deo ad salutem, quia persona placet Deo in Christo, hæc non placent Deo ad salutem, quia persona est extra Christum: illæ ex fide, secundum legem Dei revelatam ad Dei gloriam fiunt, hæc ex propria inten-

tione, interdum ex opinione meriti, secundum rudera & rudimenta legis nature, ad nominis proprii gloriam fiunt: Interim placet Deo bonum quod in illis *Ethnicorum* virtutibus resplendet, ut parvulæ scintillulæ splendent in jam fere extincto carbone: At si in eodem subiecto, sc in homine *Christiano*, consideretur virtus utraque & *Theologica* & *Ethica*, jam non specie sed gradu distinguuntur: nam tum subiectum virtutis *Ethicæ*, nempe *Christianus*, placet Deo. Sic fortitudo, quæ in *Scipione*, Deo displicuit, ratione subiecti, non per Christum iustificati, placuit ipsi in *Constantino Magno*, *Christiano*; interim ipsa virtus fortitudo Deo non displicuit. Sed ut tandem finiamus, distinctio accipitur hæc. Virtutes *Ethnicorum* considerantur, vel formaliter, vel ratione subiecti: formaliter spectatæ, Deo placuerunt, sed non ad salutem; subiectum virtutis *Ethnicæ*, vel confertur cum *Christiano* homine, vel cum alio *Ethnico*: si cum *Christiano*, Deo non placet illud subiectum *Ethnicæ* virtutis: Si cum alio *Ethnico*, ille, vel erit virtute præditus, vel non; si præditus est virtute, vel magis, vel minus, quam alter: sic *Ethnicus*, magis splendidus virtute morali quam alter, magis placet Deo quam alter: Et alter, minus splendidus virtute, minus placet Deo: si sit vitio contaminatus, tum *Ethnicus* virtute præditus placet Deo, præ *Ethnico* vitii imbuto: sic *Scipio* placuit magis Deo, præ *Caracalla* & *Nerone*, & id genus nefariorum monstrorum. Atque ita omnes *Amēs*i exceptiones, nunc contra *Ethicam*, ut nuper contra *Metaphysicam*, dilutas existimamus: jam concludo; *Ethica* differt à *Theologia*; non tamen, quia differt, pugnat, non magis quam boni mores cum pietate, aut virtus moralis cum spirituali, in eodem *Christiano*, quod monitum obiter volui, ne quis decadat in *Scyllam*, cupiens vitare *Charibdim*, ab uno extremo ruat in alterum, ab omnimodâ identitate *Ethicæ* & *Theologiæ* rejectâ, asserat insociabilem & perpetuam pugnam.

## EXERCITATIONUM ETHICARUM

## SECUNDA,

## D E .

## Ethices essentia ac definitio.

## T H E S I S I .

**E**thice existentiam & ejusdem à Theologia discrimen exposuit exercitatio prima: questionem enim, an detur Ethica & disciplina ab aliis facultatibus & disciplinis, disciplinæ præmittere æquum fuit ac iustum, ne de re incertâ aut non existente exercitationem instituere videremur, questionem an sit, sequitur questio quid sit: itaque videndum nunc quid sit Ethica? hanc nobis questionem solvet definitio: ea enim est, ut Aristoteles loquitur, *ἡ ἐν τῇ εὐδαιμονίᾳ, ὁρᾶτο ἐκπλεῖσθαι τὴν ψυχὴν* quid sit esse rei: verum, antequam definitionem in medium proferamus, primum nonnihil, sed paucis, de Ethicis libris Magni Aristotelis dicemus, & de ratione ac modo res Ethicas explicandi, quæ instar *ἀποδείξεως* præbuerunt, & sic quoque institutum nostrum, in hisce exercitationibus Ethicis in posterum instituendis, unicuique manifestum evadet magis.

II. Tria extant in Aristotelis operibus, quæ hodie reperire est, Ethicorum volumina: sunt Ethica Nicomachia, Eudemia, & Magna, ut vocantur Moralia. Ethica magna cur sic fuerint dicta, difficile est divinare cum omnium sint brevissima: imo potius parva quam magna dici debent, si cum reliquis comparentur, quippe quæ compendium fere sint Ethicorum ad Nicomachum: sed multi sunt qui magna moralia esse Aristotelis negant sed alterius cujuscunque: verum si Aristotelis sunt (neque enim nobis operæ videtur, multum inquirere in hoc negotium) existimem, illud opus ad nos non pervenisse integrum, sicuti multa Aristotelis volumina partim intercederunt, partim mutila ad nos pervenerunt, cujus rei rationem adfert Strabo

l. 15. Geographiæ, & Plutarchus in vita Syllæ, & ex utroque Ramus in schol. Dial. I. & Ethica Eudemia & Nicomachia sic dici volunt interpretes Aristotelis, quia ista Eudemo, singulari Aristotelis amico, hæc Nicomacho, filio suo ab Aristotele sint inscripta: sed & hic Ethica Eudemia multi Aristoteli eripiunt, & Eudemo Rhodio tanquam authori adscriptum eunt: imo & ipsa Ethica Nicomachia non Aristoteli sed Nicomacho ab ipso Cicerone attribuntur: hæc sunt diserta ejus verba lib. 5. de finibus. Teneamus Aristotelem & ejus filium Nicomachum: cujus accurate scripti de moribus libri, dicuntur illi quidem Aristotelis: sed non video, cur non potuerit patri similis esse filius? at respondemus tibi, disertissime Romuli nepotum, Marce Tulli Cicerone, non semper in filiis est patrum virtus: non ad istud virtutum culmen surrexit tuus ipsemet filius, quo ascendere tibi fuit concessum: Nicomachus junior fuit ac juvenis, qui nulli veterum celebris est, nisi quod Aristotelis filius extiterit, procul dubio tam inglorius haud futurus, si hoc opus, quod summæ est eruditionis, & condidisset & edidisset: sed contra maximum oratorem, omnium Græcorum interpretum autoritatem adducere possumus, qui Aristoteli, cum authori, Nicomachios Ethicorum libros asserunt: sed ipsum Aristotelem sui ac librorum suorum vindicem producamus. Ipse Philosophus horum Ethicorum ad Nicomachum in aliis libris mentionem facit: nempe Polit. lib. 2. cap. 1. lib. 3. cap. 6. lib. 4. cap. 2. lib. 7. cap. 13. & lib. 6. Eth. horum c. 3. lectorem ad Analyt. posteriora remittit, qui non sunt Nicomachi: lib. 1. cap. 6. Socratem & Platonem amicos vocat, in insigni & aurea ista, de philosophandi liber-

libertate, sententia, *Amicus Socrates, amicus Plato, magis tamen amica veritas*: at *Socrates* & *Plato*, non *Nicomachi*, sed *Aristotelis* amici existeret: sed quid multis opus est? ultimum *Ethicorum Nicomachiorum* caput transitionem continet, ad libros *Políticos*, quos *Aristoteles* conscripsisse nemo negat, & certe *ἡθικός* ac *πολιτικός*, ac res ipsa, in *Ethicis Nicomachiis* plane sunt *Aristoteles*, ut non lac lacini, ovum ovo similis esse possit, quam isti libri sunt similes *Aristotelis* stylo, genio, ingenio: quare *Aristotelis* esse, *Ethica Nicomachia*, contra *Ciceronem* concludamus: sunt vero ad *Nicomachum Ethicorum* libri decem, ad *Eudemum* septem, *magnorum Moralium* duo. Ego quidem, si omnia ista volumina sunt *Aristotelis*, existimem, *Aristotelem* primo conscripsisse magna *Ethica*, deinde *Eudemiam*, tandem *Nicomachia*: ita ut *Eudemiam* sint explicatio *magnorum Moralium*, & *Nicomachia* sint emendatio *Eudemiorum*. Inter hæc tria *Ethicorum* volumina excellunt *Nicomachia*, unde ea etiam variis commentariis à Græcis, Latinisque interpretibus, sunt illustrata, & ex iis atque ad illorum ordinem omnia fere systemata *Ethica* sunt composita & instituta: nos quoque, ne à more recepto abeamus, horum *Ethicorum* seriem ac filum in hisce exercitationibus *Ethicas* cum *Deo* instituendis sequemur, res *Ethicas* ad illius sententiam & Methodum explicaturi, institutis tamen digressionibus & correctionibus ipsius *Philosophi*, ubi hoc opus fuerit ac necesse: nunc modum rationemque res *Ethicas* tractandi videamus.

III. Triplex vulgo in scholis Academicis quæ est *Ethicam* explicandi ratio. Prima est *γνωστική*, quæ brevibus & argutis sententiis, *γνώσις*, ea præcipit, quæ ad mores vitamque recte instituendam pertinent, quales quondam in statutis Mercurialibus templorumque foribus incidi solebant, ut sunt, *Deum cole, parentes ama, nosce te ipsum, ne quid nimis*, &c. Secunda ratio tractandi *Ethicam* est *ὑποθετική*, quæ virtutum & vitiorum & eventuum exempla colligit, & ad vel sequendum vel fugiendum proponit: hæc pertinent historiæ, apologi, comædiæ, tragicæ, poemata, &c. Tertia ratio expo-

nendi *Ethicam* est *ἀποδεικτική*, quæ virtutum definitiones, divisiones, causas, effectus, adjuncta, opposita, & quæcunque ad accuratam faciunt explanationem, adducit: hanc postremam agendi rationem inquit *Aristoteles* in *Ethicis ad Nicomachum*, quare & nos eam inire decrevimus. Verum adhuc paulo aliter modus docendi *Ethicam* explicari potest: nempe, quæ præcipiuntur de moribus, ea vel *ἀπὸ τοῦ ὁρίσματος* sine ordine traduntur, vel *παρὰ τὸν ὁρίσματος* sine observatione ordinis: cum morum exempla, præcepta, sententiæ congeruntur nude, ut fit in *Proverbiis Salomonis* & libris *Jesu Syrach*: *παρὰ τὸν ὁρίσματος* observato ordine res *Ethice* traduntur, vel per gnomas, sententiis, & exempla, si juxta methodum *Ethices* sint digesta & disposita, quale *enchiridion Ethicum* ante pauculos annos conscripsit, & hic excudi curavit *Joh. Fostonus Medicus*, ni fallor, Reipubl. *Lefnensis* in Polonia, vel traduntur in pleno & integro systematis corpore: & tum ratio tradendi res *Ethicas* est, vel brevior, vel prolixior: quæ in epitomâ & brevuario quasi, nuda morum præcepta, definitiones ac divisiones exhibet, & interdum exempla, sed parciore exhibet: hæc ratio *Tyronibus* est accommodatissima, qui, si *Ethicam* discere cogitent, prius synopsis aliquam & systematicam *Ethices* epitomen animo suo complectantur, oportet, antequam ad altiora contendant, & in ipsa sapientiæ quasi sacraria irrumpant: talia compendia extant quam plurima, imprimis *Gutberlethi*, *Alstedii*, *Vernulei*, aliorumque, quos recensere longum foret: prolixior exponendi *Ethicam* ratio, est apodictica & parainctica: apodictici, ut jam dixi, quæ non nuda tantum morum præcepta, definitiones, divisiones, colligit, sed etiam fidem iis facit, & probationes affert, atque in dissertationibus fulsiores atque liberiores excurrit, utiturque, tum demonstrationibus, si haberi possint, tum argumentis probabilibus: quæ ratio agendi in systematibus majoribus *Keckermani*, *Templeri*, *Heideri*, *Willii*, *Horneji*, & interpetum *Aristotelis* discursibus, teneri solet: parainctica, quæ non tantum plene res *Ethi-*

cas explicat & rationibus probat, sed insuper adhibet ἠθικά & καθήκοντα, quibus demulcet auditorum animos ad studium philosophiæ moralis, & ad virtutum actiones atque exercitium, per media & motiva, hortatur, inflammat, incitat, existimulat: quæ ratio docendi ac tradendi Ethicam, minus quidem est usitata, longe tamen utilissima, utpote, qua verum finem Ethicæ subordinatum, & ultimum, πρᾶξις, actiones morales, & summum bonum ac beatitudinem consequimur, qua non tantum cognoscimus res Ethicas, sed & agere Ethicè addiscimus, adducimur, movemur: cui rei inserviunt *causæ conscientie, & morales*, bene explicati & decili. Sed tandem ad rem ipsam, *Ethicæ definitionem*, accedo, quam quidem ex *Aristotele* frustra quis petat, quandoquidem nulla extat: nam neque in *Ethicis magnorum moralium*, neque in iis ad *Eudemum*, neque in iis ad *Nicomachum*, eam invenies: & *Philosophus* non videtur ita se adtrinxisse artium præceptis, sed liberiore esse discursu usus: ea tamen, in ordinata cuiusque rei tractatione ceu fax præmitti, & recte solet.

IV. *Definitio* non una apud authores occurrit. Nonnullis definitur, *doctrina morum*, aliis, *doctrina virtutum*, aliis, *doctrina de fine hominis*, aliis, *doctrina de officiis communiibus ad cuiusque vitæ institutionem pertinentibus*, aliis, *ars bene beateque vivendi*, aliis, *prudentia regendi voluntatem & appetitum pro bono civili acquirendo*: sed harum definitionum quædam sunt latiores, quædam angustiores suo definito: mihi videtur omnium esse perfectissima hæc, *Ethica est prudentia, quæ animum ejusque actiones per virtutem informat, ut felicitatem, quæ in vita civili contingere potest, homo consequatur*. Hic primum vox, id est, *definitum*, tum *definitio*, excuti debet. *Definitum* vox est *Ethica*. Vox *Ethica*, Græcè ἠθικά, sicuti pleraque disciplinarum apud Græcos nomina λογικά, ἡγεμονία, δεξιμότης, &c. adjectiva est, ac subintelligitur, vel τέχνη vel ἐπιστήμη, vel διδασκαλία, vel διδασκῶν, aut simile substantivum: dicitur ἠθικά, ut notationem & etymologiam proponam, vel διὰ τὸ ἔθνος à consuetudine, ἢ ὅτι enim Græcis est consuetudo,

mutato, in ἡ quæ *notatio est à causa efficiente instrumentali*, quia per consuetudinem, assuefactionem, per crebrum actionum exercitium, unde consuetudo oritur, mores formantur; vel rectius διὰ τὸ ἔθνος à moribus seu actionibus hominum externis, à libera voluntate emanantibus: ἔθνος enim mores significat: hæc *notatio* est desumpta à moribus, vel tanquam ab objecto, quia circa hominum mores formandos & instituendos occupatur Ethica, vel tanquam à fine, quia hic finis est Ethicæ, ut hominum mores, affectus, actiones, ad civilitatem deducatur Ethica. Hæc est Ethicæ *Etymologia*. *Homonymia* est in eo sita, quod interdum vox *Ethica* sumatur generaliter, pro universâ Philosophiæ practica, quæ Ethicam proprie sic dictam, Politicam & Oeconomicam, comprehendit, & ita videtur sumi in illa Philosophiæ Stoicis recepta divisione, qua dispescitur in Logicam, Physicam, Ethicam, interdum, ut hic & nunc sumitur, pro ea Philosophiæ practice parte, quæ hominis actiones & mores virtute instruit ad beatitudinem civilem obtinendam, & sic contradistinguitur *Politica & Oeconomica*. Ethica Latinis dicitur *philosophia moralis*, sicuti *politica*, civilis.

V. In definitione allatâ occurrit primum genus, quod fecimus *prudentiam*; nam cum virtutes non nobiscum nascantur, sed exercitatione & crebris actionibus acquirantur, oportet *Ethicam*, quæ virtutum disciplina est, esse habitum: neque hoc in controversiam vocari solet: at qualis erit habitus Ethica. an Theoreticus? Nullo modo: nam Ethica non in contemplatione rerum, nec in nuda præceptorum cognitione ac theoria subsistit aut acquiescit, sed à præceptis & cognitione ad actionem transit ac pergit: itaque nec *scientia*, nec *sapientia*, nec *intelligentia*, est: si quis vocem *scientiæ* latius sumat, per me tum licet, ut scientiam appellet *Ethicam*: attamen ejus genus scientia assignari non poterit: ergo genus ejus fuerit vel *ars* vel *prudentia*: non ars, sive artem definias cum *Aristotele* ἔξιν μετὰ λόγου ἀλλοθὺς ποιητικὴν, habitum cum recta ratione effectivum, siue cum *Ramo* & aliis, *systema præceptorum ordine recto dispositorum*.

*horum: Ethica non est ars*, sensu & ex definitione artis *Aristotelica*, quia Ethica non *ποιεῖ* sed *πράττει*. *Aristoteles*, non absque ratione, valde diligenter ac religiose distinguit inter *ποιεῖν* & *πράττειν*: aliud ipsi est *ποιεῖν*, aliud *πράττειν*: & longe aliud *παρασκευάζειν*, & longe aliud *ποιεῖν*: passim *Aristotelis* interpretes τὸ *ποιεῖν* exponunt agere & *πράττειν* actionem, τὸ *ποιεῖν* efficere seu facere, & *πράττειν* effectiōnem seu factionem, licet alias hæc vocabula agere & facere, actio & effectio, probatis Latinae linguæ authoribus, idem significant: per *πράττειν* actionem, intelligunt talem operationem, unde homo operans dicitur bonus vel malus, probus vel improbus, honestus vel inhonestus: per *ποιεῖν* effectiōnem, intelligunt talem operationem, unde homo operans dicitur, peritus vel imperitus, doctus vel indoctus, artifex vel iners. Verbi causa; qui syllogismos fabricat, qui canit, is operatur, sed à syllogismi fabricatione aut à canendo non dicitur bonus vel malus, sed peritus vel imperitus, prout bene vel male cecinerit, bonos aut malos syllogismos fecerit, nam optimus cantor & optimus logicus potest esse vir pessimus: at qui eleemosynam largitur, qui proximo rem perditam aut ablatam restituit, qui cibo, potu, alii que rebus moderate utitur, qui in periculis ac bello fortiter se gerit, &c. is aliquid operatur quoque, sed dicitur inde bonus, honestus, probus; si contra fecerit, improbus, inhonestus, malus: & nullus est bonus Ethicus, nisi qui idem sit vir bonus: priores istæ operationes, canendi, syllogismum fabricandi, dicuntur *ποιεῖν*, earumque habitus, *ars*: posterior, *πράττειν*, earumque habitus, *prudentia*: jam assumo; Ethica non versatur circa *ποιεῖν*: quod per se patet: ergo *eius genus non est ars*, prout est *ἡ ποικίλη*, sensu *Aristotelico*: sed neque est *ars sensu Rameo*, prout illa vox significat comprehensionem præceptorum: nam præceptorum legitimè dispositorum comprehensio, est accidens Ethicæ, ideoque non essentialis: at omne genus est essentialē & non accidentale: sic enim omnes disciplinæ & scientiæ artes forent, nullumque esset inter habitus, prudentiam, artem, & scientiam; di-

scrimen: at est discrimen, quia alia habent objecta, alios fines, quibus habitus distinguuntur. Ergo, cum Ethica ne illo quidem sensu ars sit, relinquatur, ergo, ut *eius genus sit prudentia*: quod sic probatur: cui competit definitio, ei & definitum: at prudentia definitio competit Ethicæ. Ergo. Imo non simpliciter ei competit definitio prudentiæ, sed prudentia prædicatur de Ethica in quæstione qua quaeritur quid sit res, idque immediate. Prudentia definitur ab *Aristotele* lib. 6. c. 5. *ἔστι μὲν λόγος ποικίλη πρὸς τὰ ἀνθρώπων ἀγαθὰ καὶ κακὰ* habitus cum recta ratione actiuus, circa ea, quæ homini bona sunt vel mala. At Ethica est talis habitus. Ergo: nam dirigit intellectum in cognitione rerum agendarum, idque unice habet propositum, ut actiones suas homo per habitum Ethicæ instituat, secundum virtutem, vitamque vivat bene ac beate, quantum naturâ duce, & ex rectæ rationis dictamine, licet, ac fieri potest in hac imbecillitate: cum itaque hominem doceat agere bene, abstinere à male agendo, Ethica recte dicitur prudentia, ejusque genus prudentia statuitur, totaque prudentiæ definitio recte ei tribuitur.

VI. Sed hic objectiuncula removenda est. Prudentia non cadit in virum improbum: quia repugnat esse improbum & prudentem: at Ethica cadit in improbum. Ergo. Resp. verum est antecedens, ac concedimus majorem, quod prudentia vera non cadat in hominem improbum: nam quando aliquid tale in homine improbo reperitur, quod prudentiæ speciem præ se fert, illud non prudentia sed calliditas est & astutia: sed negamus minorem, Ethicam cadere in virum improbum: nam quamvis Ethicorum præceptorum cognitio in eum cadat, non tamen Ethica proprie vir improbus, qui pessime vivat, potest esse præceptorum Ethicorum peritissimus, non tamen idcirco est dicendus Ethicus: ratio est, quia non cognitio de præceptorum honestate, sed actio constans & perpetua, secundum præcepta honestatis & secundum virtutem, facit Ethicam, & virum bonum, Ethicum: nam æquivoce dicitur nomen Ethici de eo, qui, cognitis præceptis, virtuti non studet, virtutem non exercet, quia talis nondum *πράττει*, nondum agit: at Ethicus *πράττει*, agit, & Ethica est *ἔστι πρᾶξις* habitus.



bitus activus. Instant, si *Ethica* dicat *habitu* activum, *ἔν τῷ πράττειν*, ita ut *Ethicus* debeat *πράττειν*, agere, ergo qui dormit non est *Ethicus*, quia nihil *πράττει* nihil agit, æque, sicut ille, qui in nuda cognitione virtutum subsistit. Resp. Dispar est ratio: nam *Ethicus* quis est, puta vir bonus, etiam tum, cum dormit, cum nihil bene ac præclare agit, quia sæpe occasio deficit exerendæ & exercendæ virtutis, quia, etsi non *πράττει* aut agit bene de facto, habet tamen habitum & potestatem *ἢ πράττειν* agendi: at vir malus & improbus, ne habitum quidem & facultatem aut potestatem habet *ἢ πράττειν*, agendi. Instant 2. atqui est in viro malo & improbo cognitio præceptorum, ergo & habitus. Resp. Ista cognitio tantum habetur ab intellectu speculativo; & quem solummodo afficit in viro malo & improbo: at *Ethica*, quia prudentia, sedem suam

habet in intellectu practico, quem afficit: nam si cognitio præceptorum *Ethicorum* de honestate & virtute afficeret hominis improbi vel mali intellectum practicum, non foret malus & improbus, quia statim ex præscripto intellectus practici habitu prudentiæ (ut supponimus) imbuti, voluntas (quæ intellectum semper sequitur) imperaret facultatibus inferioribus *ἢ πᾶντ' ἔν τῷ πράττειν* bene agere. Quare hoc discriminis est inter *Ethicum* propriè & vere sic dictum, etsi dormiat & pro tempore non agat, non *πράττει*, & inter hominem improbum sola cognitione præceptorum de virtute *Ethicorum* instructum: quod ille, ubi fort occasio, recte agere possit, imò recte agat, & ex habitu *Ethicæ* non possit non recte agere, cum agit; hic vero, nec agat recte, nec recte agere possit cum agit, quia vero verè *Ethicæ* habitu caret. Hæc de genere, de differentia *Ethicæ* exercit. 3. agetur.

## EXERCITATIONUM ETHICARUM

### T E R T I A,

#### D E

## ETHICES DIFFERENTIA, DIVISIONE, AC USU.

### T H E S I S I.

**E**thicam, non artem, non scientiam, sed prudentiam, asseruit exercitatio præcedens atque ita verum ejus innouit genus: nunc differentia illius discutienda venit, quæ completitur ejus subjectum, objectum, finem, media: quibus explicatis ad *Ethices* divisionem transibimus, atque usum, & celebrem illam ex *Aristotele* tractabimus questionem, an juvenis sit idoneus auditor *Ethices*.

II. Subjectum & objectum à multis solent confundi: nos ea duo impræsentiarum sic distinguimus, ut subjectum vocemus id, cui *Ethica* inhaeret, unde & subjectum inhesionis, dicunt *Logici*; objectum, id quod *Ethica* diri-

git, circa quod dirigendo occupatur, quod alii vocant subjectum occupationis, vel, informationis ac directionis, alii vocant materiam circa quam. Quodnam ergo sit subjectum directionis, seu informationis, quænam sit materia circa quam, *Ethica* dirigendo, informando, occupando, uno verbo, quodnam sit *Ethicæ* objectum, à multis multum est disputatum: nos in definitione exercitationis præcedentis th. 4. allata, id significavimus per voces istas, *animum ejusque actiones*; qui, appetitum assignant pro objecto, qui affectum, objectum ponunt inadæquatum; ita quoque faciunt, qui virtutem ejus esse objectum con-



tendunt : at nos *adequatum* querimus, quod etiam in omni definitione perfecta querendum est, & sic contra illos homines argumentamur. Illud est *objectum adequatum*, ad quod omnia, quæ in aliqua disciplina traduntur, possunt referri : sed non possunt omnia referri ad virtutem, ad appetitum, ad affectus : Ergo ista non sunt *objectum adequatum Ethicæ*. Sunt qui *bonum & malum morale* pro *objecto Ethicæ* ponunt : verum hi male : nam *tale objectum* est assignandum, de quo disciplinæ per se, & non per accidens agunt : at de malo morali, de vitiis & vitiosis actionibus non agit per se Ethica, sed per accidens tantum, ut scilicet virtutis honestarumque actionum tanto magis elucescat natura ac manifestetur, deinde ne à vitiis facile abripiamur, quæ sæpe naturam virtutum ementiuntur : atque ita in tantum agit de vitiis Ethicus, in quantum de Syllogismo sophistico agit Logicus. *Adequatum ergo objectum*, circa quod per se versatur Ethica, est animus, aut, melius, ejus actiones : nam *objectum*, quod ex Logici notum est, proprie est *actuum* ; substantiis, facultatibus, habitibusque tribuitur, non nisi propter actiones, quæ ab iis eliciuntur : *actiones sunt* id, quod dirigitur ab Ethica : circa *animi actiones* occupatur Ethica, ut præceptis suis animum informet ejusque actiones regat, quo virtuti fiant conformes : neque enim *actiones animi* spectamus simpliciter, quando eas *objectum Ethicæ* statimus, sed quatenus *ad decorum, ad civitatem, & virtus*, in iis locum habent. Has tali modo spectatas, esse *objectum Ethicæ adequatum*, sic probamus : ad quod omnia in Ethica referuntur, & circa quod ipsa occupatur, tanquam dirigendum atque informandum, illud merito ejus *objectum adequatum* ponitur : atqui ad animum, ejusque actiones, omnia in Ethica referuntur, & hæc animum ejusque actiones dirigit, virtutibusque informat, ne ab affectibus abripiatur, in avia atque devia : ergo animus, ejusque actiones, sunt *objectum adequatum Ethicæ*.

III. Ab *objecto* transimus ad *subjectum*, *subjectum* scilicet *inhabentis*, quod alii vocant

*materiam in qua* : hoc nobis est *homo*, non simpliciter, sed quatenus felicitatem in hac vita civili consequi potest, quod *Cominbrienses* explicant hac voce, cum dicunt, *subjectum Ethicæ* esse *hominem quatenus beabilem*. Nempe, sicut ipsa beatitudo & virtus ad eam docens ; ita & Ethica, quæ beatitudinem & virtutem ad eam ducentem proponit, homini inhaeret. Fortasse omnium accuratissime diceretur, *subjectum inhabentis* esse *animum*, & *objectum tantum*, *actiones* : nam revera *solæ actiones* diriguntur, non *animus* : & Ethica, quia est *habitus*, homini inhaeret tantum, tanquam *subjecto remoto*, animo, tanquam *proximo* : nam *proximum inhabentis subjectum* in ordine ad habitus est *animum*, *remotum* est, *homo*, quippe cui non inhaeret, nisi per & propter animum.

IV. *Finem* in definitione expressimus, *exercitatione secunda*, th. 4. cum diximus, Ethica est prudentia ; &c. ut *homo beatitudinem civilem*, &c. itaque *felicitas civilis*, quæ in hanc vitam cadit & humanis viribus parari potest, *Ethicæ* est *finis* : ad hanc enim consequendam, omnia Ethicæ præcepta ducunt, hic scopus, hæc meta, *hic finis est Ethicæ*, ut homo per eam à vitiis per virtutes abductus, secundum honestatem & recte rationis dictamen, vitam suam instituens ac componens, *felicitatis civilis*, quantum quidem in hac vita fieri potest, particeps fiat : sed de *fine Ethicæ*, quandoquidem à fine habitus practici potissimum distinguuntur, nonnihil accuratius est philosophandum : Distinguiamus ergo ex Logicis, inter *finem* cui & *finem cujus* : *finis* cui est, in cujus gratiam aliquid expetitur ; *finis* cujus est id, quod in alterius gratiam expetitur : ut medici finis cui, est æger, finis cujus, sanitas : *finis* cui *Ethicæ* est *homo* : tota enim Ethica inventa est ac instituta in bonum hominis, in ejus communionem & usum, ut per eam homo perficiatur. *Finis cujus*, *Ethicæ*, subdividi solet : nempe *finis cujus*, est vel *externus* vel *internus*, vel per se vel per accidens, vel *artificis* vel *artis*, quas divisiones non exponam, sed ex Logicis supponam ac tantum applicabo presenti instituto. *Finis Ethicæ externus* per accidens, *artificis*, vix

vix certus assignari potest; nam is totuplex est, quotupliciter sibi quis scopum in Ethica addidenda proponit: itaque non unus est, sed varius, pro intentione discendum, sic V. C. si quis Ethicam addicat spe gloriæ, laudis, divitiarum, &c. totidem sunt *finis Ethicæ* per accidens, & quos vocant artificis: at *finis internus, per se, & artis*, assignari potest certus, sed cum subdivisione tamen: nempe est *proximus, remotus, remotissimus*. Proximus est, *cognitio præceptorum de virtute & honestate*: remotus est, *recta & honesta actio- nium humanarum exercitatio*: remotissimus, *felicitas civilis*, quæ in hac vita contingit, humanitque viribus acquiri potest. Atque hæc est distinctissima de *fine Ethicæ* explicatio.

V. A *sine* transgredimur ad *media*, quæ in definitione *exercitationis præced.* th. 4. allata expressimus, vocibus, *per virtutem*, cum diximus, *Ethica est prudentia*, quæ est *per virtutem*: *virtus* quippe *medium* est & via, per quam ad *felicitem civilem, finem Ethicæ ultimum ac summum*, pervenitur: *virtus* est, quæ actionibus hominis animique humani, rectitudinem largitur, quæ hominem ad bene agendum excitat, incitat, impellit. *Virtus* filium est, quo, ex tot vitiorum, quæ nobis circumstant, labyrintho, nos extricemus atque expediemus. *Virtus* est gradus & scala, qua fastigium & felicitatis humanæ apicem conscendimus. De *virtutibus* omnibus & singulis, quibus, ceu *mediis, finis ultimus Ethicæ, summumque* in hac vita acquiritur *bonum, securitæ, volente Deo, speciatim agent exercitationes*.

VI. *Definitionem* in accurata & ordinata rei tractatione excipit *divisio*, quæ non eadem omnibus adfertur. Sunt, qui Ethicam in decem partes, ad divisionem librorum *Ethico- rum Arist.* ad *Nicomachum* dividunt: sunt qui in sex, sunt, qui in quatuor, sunt, qui in tres partes, *Ethicam* distribuunt. Habent omnes suos sibi errores: sed in hisce ac similibus sententiarum divitiis obtinet illud: *crede mihi, sapere est, non nimium sapere*. Receptissima est *distributio Ethicæ in partes duas*, in *ἀδιδυμογολίαν* & *ἀρεστογολίαν* id est, in *doc-*

*trinam de beatitudine, ἀδιδυμογολία Græcis, & de virtute, ἀρετή*, iisdem: nempe, quia *Ethica*, ut & reliquæ discipline practicæ, ordine analytico doceri debet. hinc recte initium fit à *sine*, beatitudine, & progressus fit ad *media*, virtutes: ideoque non male hæ partes assignantur, *una de sine, altera de mediis*. Verumenimvero, quia, nec *media* recte percipi possunt, nec *finis* per *media* commoda in *subiectum* introduci, à *sub- jecto* possideri, nisi quædam *subiecti* *cognitio* præcedat: hinc est, quod sit necessarium, ut de illo *subiecto* aliquid quoque dicatur. Quare, cum *Ethica* sit disciplina practica, quæ, non in nuda præceptorum speculatione consistit, sed vero ad praxin tendat, actionem spectet & urgeat, & actio omnis requirat *finem*, ob quem, *subiectum*, in quod, *media*, per quæ, *finem* in *sub- jectum* introducat, commodissime omniumque optime, *Ethicæ partes tres* constituentur; *una de sine*, beatitudine & felicitate civili, *altera de subiecto*, animo hominis, in quem debet beatitudo introduci, *tertia de mediis*, per quæ beatitudo ab animo hominis possideri potest & debet.

VII. Quæstio hic celeberrima occurrit, nunc decidenda, *An Juvenis sit idoneus audire Ethicæ?* nos affirmamus, & affirmantis sententia patrocinium suscipimus, ac rationes damus. *Ethica*, maximum immortalitatis Dei ac præstantissimum est donum, humano generi, omnibusque rationis usum habentibus, longe utilissimum: per hanc enim, mortali- tum unusquisque, quacunque ætate, vitam suam morefque componere, ad virtutis rectæque rationis normam ac regulam addicit: si igitur *Ethica* omni homini atque omni ætati sit utilis, quæ ratio est, quod ab ea juvenis pelli debeat atque arceri? imo contra, nulli ætati plus prodest nobilissima hæc disciplina, quam juvenili: Nam, cum sit animi quædam quasi medicina, per quam affectus vitiosi cohibentur, & imperio rationis refractarii compescuntur, jure summo juvenibus proponitur, utpote, qui maxime affectibus abripi, & eorum vim, ac contra rationis dictamen lucram ac pugnam, sentire solent: certè, nulla ætas magis est consilii expers quam juvenus: unde

tunde nulla magis eget morali hac institutione *Ethices*: & profecto, si hæc morum virtutis doctrina, probitatis ac pietatis magistra, in florente juventute addiscatur, reliquo vitæ tempore venturisque annis proderit: mirum est ac dici nequit, quam altas agant radices, quæ didicimus in juventute, juxta decantatum illud *Horatii*: *Quo semel est imbuta recens, servabit odore Testa* diu: sed enim obijciunt hic nobis auctoritatem *Aristotelis*, qui *Eth. l. 1. cap. 3.* juvenes à sacris & sacrario *Ethices* arcere & pellere videtur: verum injuria fit *Philosopho*, & committitur fallacia, quam vocant à dicto simpliciter ad dictum secundum quid, vel contra potius: nam quod *Philosophus* de juvene secundum quid asserit, trahi solet ad juvenem simpliciter: distinguit loco citato *Aristoteles* inter *νῶν τῆς ἡλικίας* & *τῆς ἡλικίας*, inter juvenem etate & juvenem moribus: ille mento, hic mente, ille annis, hic animo est juvenis. Juvenem etate & annis dicimus cum *Aristotele* illum, qui in vigore etatis constitutus, ratione sua, quantum potest, utitur, interim sentit impetum, vim ac pugnam affectuum, rectæ rationi reluctantium. *Juvenem moribus & animo* dicimus cum *Aristotele* illum, qui rationem plane sub affectibus captivam gerit, & iis fræna laxat, nec renititur, nec pugnam sentit, sed ita juventæ blanditiis se tradit, ita luxuriatur, ita in omnem libidinem se effundit, ut virtutes contemnat, sanam doctrinam irrideat institutionem flocci pendeat: priorem non repudiat, sed libens ad Lyceum suum, ad præcepta suæ *Ethices*, admittit *Aristoteles*: ad posteriorem, effrænatum juvenem, in quo fertur equis auriga nec audit currus habenas, in quo ratio succumbit, affectus imperant, ab institutione *Ethica* arcendum putat: & sic sane est: nam, quid *Ethica*, animi Medicina, præstat, ubi affectus ita rationem superarunt, ut res sit reddita desperata? non secus, ut Medicus frustra medicinam applicat, ubi nulla amplius est pugna morbi & naturæ, sed ubi morbus naturam vicit, ita *Ethica* frustra adhibetur, ubi jam desit esse pugna rationis & affectum, sed ubi affectus rationem subjugarunt ac devicerunt: quare desperatos ac perditæ plane frugis ac desperatæ indolis

juvenes à Lyceo suo *Ethicesque* ac moralium institutionum sacris arceri voluit *Aristoteles*: at non item bonæ idolis, flexilis genii, ac dociles & morigeros adolescentes: nullus igitur, cui generosus ac melior sanguis salit venis, cui meliore luto finxit præcordia Titan, ab hoc utilissimo *Ethicæ* studio detereri se patiatur, hoc *Aristotelis* dicto, quod à multis, vel non intellectum, vel in deterriorem sensum est tractum. Ergo non omnis ætas, sed juvenilis maxime, hoc studio juvari potest, ne à recto virtutis tramite abducatur: sentiunt omnes, sentiunt, nimis sæpe quàm vellent, luctam affectuum ac rationis: ab hoc studio petendum est robur, quo resistant. *Ethica* bene percepta, aurigæ instar erit, ne ratio affectibus tanquam equis ferocientibus abripiatur; nauceri vice erit, ne iis tanquam fluctibus obruatur atque absorbeat. Quis mortalium est, qui utilia fugiat, imo quis est, qui non studiosissime ea persequatur? ita sumus omnes natura homines, ut, quodcumque utile est, expectamus: at utilissima est *Ethica*. Totâ quidem *Philosophia* frugifera est ac utilis, nullus tamen in ea locus fertilior, ac magis fructuosus, nullaque pars utilior quam hæc, de qua nunc loquimur *Ethica*.

VIII. Utilissima est doctrina, quæ nos in Dei nostrique cognitionem quam maxime ducit, & quæ superioriibus disciplinis quam maxime inservit, atque hoc se usu commendat: hoc facit præ aliis *Ethica*. Deum esse, ex notitiis insitis, ex honesti & turpis discrimine, quod animo humano est connatum, & ex stimulis conscientia, docet *Ethica*: imo non cognoscendum nobis solum, sed præsertim colendum eum, nobis proponit: cum de pietate, de cultu Dei naturali, qui quomodo sit instituendus, philosophatur. Celebratissima est veterum sententia, *ἡθικὴ σωτηρία*: at nos ipsosmet nosse, nos docet *Ethica*: cum de hominis animique facultatibus superioribus, & inferioribus, de intellectu, voluntate, affectibus, agit: & quid multis est opus? utilissima est homini disciplina, quæ omnes ejus in vita actiones regit ac moderatur: at hoc præstat *Ethica*: illa est norma vitæ nostræ, regula actionum nostrarum: illa exteriora regit

membra, ne videant, ne audiant, ne loquantur, ne contrectent, ne persequantur ea, quæ non oportet, & quando non oportet: illa motus & perturbationes animi exprimit, mitigat, temperat: quod nisi faceret Ethica, quo pacto humana societas coli, aut vita inter homines tolerari posset, quæ sine Ethica perpetuum latrocinium esset futura. Sed inuiper utilissima est Ethica disciplinis superioribus, aliisque partibus eruditionis, quod speciatim ostendere, operæ est pretium.

IX. A Theologia incipiam: servit ei Ethica explicandæ & discernendæ: explicandæ quidem: quia sine Ethicis, non poterit quis magis de libero arbitrio, de lege naturæ, de iustitia, de conjugio, contractibus, aliisque materiis disserere, quam sine pennis volare: profecto audiant hoc à me Theologiæ studiosi: infeliciter admodum in sacro isto studio versabuntur, qui nihil ex hac disciplina ante degustarent: quomodo virtutes, vitia ac peccata explicabunt, nisi multum ex hac disciplina morali & Ethica mutuenter? sed & decernendæ ac distinguendæ Theologiæ inservit Ethica: facit enim ad intelligendam & explicandam Philosophiæ & Theologiæ, legis & Evangelii, differentiam, cujus ignoratio, multos fecit errare circa celestis doctrinæ veritatem: ceterum, nec tu mihi prætereunda es, *legum iustique & æqui scientia*, *Jurisprudencia*, quæ explicare non potes sacrorum tuorum cultoribus, quid sit jus, quid iustum & æquum, quid sit lex, nisi ex Ethica hoc mutuo sumas: ut *Physica Medicinæ*, ita *Ethica Iurisprudentiæ* est fons. Quemadmodum nunquam bonus Medicus evasit, qui nullam habuit Physicæ cognitionem, quia ex ea corporis naturalis constitutionem ejusque propria non didicit: ita nunquam quisquam fiet bonus Jurisconsultus, qui ante non didicerit atque intellexerit *Ethicam*: nempe, ut principia *Medicinæ* sunt in *Physica*, unde vulgatum hoc, *ubi Physicus desinit, ibi incipit Medicus*: ita principia *Iurisprudentiæ* sunt in *Ethica*, unde vulgatum illud, *ubi Ethicus desinit, ibi incipit Iurisconsultus*: illotis, quod ajunt, manibus, in sacra Themidos involant, qui animum suum non ante Ethicarum

rerum notitia imbuerunt. Audiant hoc à me Juris Studiosi: nunquam feliciter succedent illis Juris Studia, nunquam fructus expectatos ac debitos ex illo studio reterent, qui Ethicam neglexere: & dabo meæ exclamationis rationem, quam nemo negare queat: principiis ignoratis, non potest id, quod ex iis procedit & pendet, bene cognosci: hoc certum est: at ignorata *Ethica*, ignorantur *Iurisprudentiæ* principia: ergo, ea ignorata, non potest *Jurisprudencia* recte cognosci. Probo minorem: *Jurisprudencia* non potest bene intelligi, nisi intelligatur ejus objectum, *jus*: jus non potest intelligi, nisi intelligantur principia Juris: at principia Juris in *Ethica* traduntur, ubi, quid sit ipsum jus, explicatur, quod, vel leviter insipienti Ethicam, constat: ergo stat conclusio, *Ethicâ ignoratâ Jurisprudencia* non posse cognosci aut intelligi. Ethica agit de virtutibus tam in genere quam in specie, de actionum humanarum principis, earumque bonitate ac malitia, de iustitia & jure, de lege naturæ, quibus Jurisconsultus carere, nec potest, nec debet: Ridiculus foret *Medicus*, qui pharmacum corpori applicaret, & finem sibi nullum propositum aut cognitum haberet: hoc ipsum de *Juris Studio* dicere aulam, qui legibus studet, & finem earum ignorat: at finis ille explicatus est in *Ethica*, beatitudo ac felicitas civilis. Quotquot igitur *Theologie*, quotquot *Jurisprudentiæ*, animum aliquando sunt applicaturi, eum, prius, plenissimâ rerum *Ethicarum*, atque uberrimâ cognitione, imbuant: ita feliciter utrique succedent superiorum istarum disciplinarum studia. Sed, præter & supra hæc, utilissima est *Ethica* studiosis *eloquentiæ*, quæ sine hac non nisi mera est loquentia: illa enim nobis suppeditat argumenta, quibus verba facere de rebus & gravissimis possumus: illa rationes exhibet, quibus Auditorum animos flectamus, trahamus, rapiamus. Quanta certe pars locorum communium ex Ethica ad Rhetoricam transmigravit, ut sunt natura, lex, consuetudo, æquum, bonum, indicatum, pactum, honestum, turpe, utile, &c. quos locos *Ethica* debet *Rhetorica*, quæ eos com-

commodato petiit. Ethica est lumen in lectione probatissimorum autorum, quos facile est intelligere, imo & imitari, adminiculo *Ethicæ*, ad cuius capita, virtutem, virtutum omnium, exempla, historię, sententię, tanquam ad locos communes, possunt reduci ac referri: exemplo suo prævivere *Reckermannus*, *Alstedius*, homines doctissimi & laboriosissimi. Concludam *Ethicæ* usum, hoc Epiphonemate. Nemo operam litteris dare, nemo veram sapientiam aut ul-

lam eruditionem consequi potest, qui *Ethica* caret, nam qui ardet armore, æstuat odio, conficitur mœrore, inflammatur ab irā, marcescit invidia, quomodo is ad studendum, ad meditandum, animum adicere aut adjungere potest? at, qui *Ethicā* caret, hisce affectibus est obnoxius, ut ipsum facile transversum agant. Dicam amplius: sine *Ethicā*, morum virtutumque doctrinā, nulla gens, nulla domus, nulla civitas, nec hominum genus stare potest.

## EXERCITATIONUM ETHICARUM

## QUARTÆ.

*Quæ est prima*

DE

## SUMMO BONO.

## THESIS I.

**T**Res constituimus *Ethicæ* partes, secuturis exercitationibus, in posterum expendendas, unam de *Fine*, alteram de *Subiecto*, tertiam de *Mediis*, quibus finis in Subiectum introduci debet: à *Fine* igitur nunc auspiciū faciemus, faustis, quod ajunt, aribus, ac, quis sit *Ethicæ* humanis finis ultimus, inquiremus, quodnam sit summum ejus bonum, ad quod humane actiones omnes diriguntur ac tendunt. Atque ut *Aristotelis*, quem nobis ducem selegimus, vestigia premamus, tria erunt nobis futura de hoc negotio capita, quæ ex *Aristotele* & secundum ejus librorum *Ethicorum* ad *Nicomachum* ferri explicabimus: primum, An detur hujusmodi aliquod summum bonum & finis extremus? secundum, Quid non sit, & quæ sint variae de eo opinioniones? tertium, Quid sit, & quæ ejus definitio? Magnum vero in hac summi boni finisque extremi mortalium inquisitione pondus ac momentum est situm, ejusque tractatio longe est utilissima, quippe quæ

fundamentum est totius Philosophiæ moralis ac civilis, imo vitæ humanæ: quam utilitatem, & *Ciceronis* & *Aristotelis* autoritate confirmabimus, adducto utriusque testimonio: *Cicero* quidem libro 1. de *Finibus*, sic ait. *Ceteris in rebus, si ve ignoratum, si ve pretermissum est, quippiam, non plus incommodi est, quam quanti unaquæque earum rerum est, in quibus neglectum est aliquid; summum igitur bonum si ignoretur, vivendi rationem ignorari necesse est: unde tantus error consequitur, ut quem in portum sese recipiant mortales scire non possint: cognitum autem finibus inventa vitæ ratio est confirmatioque officiorum.* *Aristoteles* vero lib. 1. *Ethic.* cap. 2. sic inquit, magnum ad vitam agendam momentum, *μὲγαν δυνάμειον*, habet doctrina de Summo Bono. Certe facilius, quod oportet, assequimur, si, velut sagittarii, scopum & signum habeamus, ad quod collimetur. Quare omnino gnaviger in Summi Boni inquisitione incumbendum est, juxta tria à nobis jam proposita capita: quorum primum



est, *An detur aliquod summum bonum finisque extremus?* atque hic non multum temporis consumemus in variis significationibus boni & finis recensendis, quod, non esse tam necessarium, iudicamus, sed rem ipsam potius explicabimus.

II. *Fines omnes*, adeoque & ultimum, è rerum natura futilissime videntur ex veteribus nonnulli, *Democritus*, *Leucippus*, *Epicurus*, si vera sint quæ eis *Aristoteles lib. 2. Physic. Cap. 8.* attribuit: nam, quod serio id sustinerint præci ævi sapientes, vix à me impetro, ut credam: contra sane, omnis mortaliū cura, quam multiplicium studiorum labor exercet, diverso quidem calle procedit, sed ad unum tamen *beatitudinis finem* nititur pervenire: id autem est, *bonum*, quo quis accepto, nihil ulterius desiderare potest. Sed rationibus, hoc quod dicimus demonstramus, quamvis non magnā hic probatione sit opus. Primo hoc ex creatione hominis liquet: nam omnis creatura habet sibi congenitum & certum finem, ad quem omnia referre & in quo acquiescere studet; alioquin frustra fuisset condita: at Deus & natura nihil faciunt frustra: Ergo & homo ad finem aliquem tendit: quia omnium creaturarum est princeps: imo, quo rebus reliquis est præstantior, eo præstantiorem habebit finem: quemadmodum ad cursum equus, ad arandum bos, ad indagandum canis, sic ad duas res, intelligendum, & agendum, homo natus est, quasi mortalis Deus: certe vanus foret inanis appetitus naturalis in rebus vita carentibus & plantis, in trutis, in hominibus, si nullus foret præfixus finis; atqui frustra nihil fieri, & appetitum in hoc, vel illud, ferri, non temere, constans est sapientum opinio, & immota naturæ lex. Secundo, illud, quod dicimus, ex *Aristotele, lib. 1. Eth. Cap. 1.* comprobatur: damus, ubi sic orditur *Philosophus: πῶς τίς ἐστι τὸ καλὸν καὶ τὸ συμφέρον, ὅμοιον δὲ τῷ ἀγαθῷ; πῶς αὖτις ἀγαθὸν ἔστι τὸ ἰσχυρὸν δοκεῖν.* omnis inquit, ars, & omnis *Methodus*, omnis *actio* & *electio*, bonum aliquod appetere videntur. Hinc sic argumentor. Quæcunque bonum aliquod appetunt, certum aliquem finem præstitutum habent. At quæcunque ab hominibus

fulcipiuntur & sunt, in iis agendis bonum aliquod appetunt; nam omnis eorum ars, *Methodus*, *actio*, *electio*, eo tendunt. Ergo certum finem præstitutum habent. Constat itaque, finem esse aliquem hominis: atque is non intermedius est, sed ultimus: licet enim varii à variis imo, ab uno homine intendantur fines, eorum unus tamen est gradus ad alium consequendum: sunt enim sibi invicem subordinati: atque hic necesse est tum, ut aut semper ex aliis finibus in alios progrediamur, & sic sequeretur, infinitos esse fines, quod absurdum; aut reperiendum tandem esse ultimum aliquem finem, ad quem cæteri omnes dirigantur, quod volumus, & in hoc fine acquisito mens acquiescit. Unde rectissime finis ille ultimus, summum appellatur bonum. Nam, in quo mens acquiescit, illud est summum ejus bonum. At in ultimo fine, in quem omnia diriguntur, mens acquiescit. Ergo. Itaque datur summum bonum. Et hoc primum est hujus exercitationis caput, quod spectandum erat.

III. Secundum hujus exercitationis caput, jam explicandum est, quidnam illud summum bonum non sit: ubi diversæ & erroneas de eo aliorum opiniones recensere debemus, ut, rejectis iis, tanto facilius vera appareat sententia; quod antequam præstemus, paucis nomina Summi Boni, quibus consuevit appellari, proponemus; sunt enim varæ appellationes: primo vocatur *ἡ δὲ μέγιστος* ratio nominis est quia Summum bonum, & à Deo est, qui *Platoni* summus *δαίμων* appellatur, autor omnis boni, & à *genio* sc. bono, senserunt enim veteres, cuilibet homini, cum nascitur, duos addi genios, bonum & malum, quorum ille ad bonum, virtutem, & res secundas, ducat, hic ad vitia rapiat: à priore Summum Bonum dicitur *ἀδύναμις*. Secundo dicitur *δύναμις* & *δύναμις*: *δύναμις*, quia cum tria incumbant homini munia, bene sentire, bene dicere, & bene vivere, in hoc postremo Summum Bonum est situm. *Εὐταγία*, à virtutis habitu & actionibus dicitur: cum enim *τὸ εὖ*, id quod bonum est, propria cujusque rei virtute perficiatur, bene vivere, summum hominis bonum, nihil erit aliud, quam secundum



dum virtutem vivere, quæ otiosa non est, sed feracissima honestarum actionum. Tercio vocatur *Εὐτυχία*, à bonis externis, vel, quia nonnulli summum bonum in bonis fortunæ, & præsertim inter mortales vulgus, quod maximam facit hominum partem, situm esse existimarunt, vel quia bona fortunæ virtutis sunt instrumenta & ornamenta, ac splendidiorem reddunt beatitudinem. Quarto dicitur *μακαριότης*, ab adjunctâ voluptate & lætitiâ. Quinto τὸ πλεον, quia finis, meta, scopus, & terminus est omnium consiliorum & actionum humanarum. Latine dicitur *beatitudo*, inter quam & *Summum Bonum* licet nonnulli distinguant; ut *beatitudo* scilicet laxè ac generatim, omnium bonorum, quæ homini, quoad animam, corpus, fortunam, ad bene vivendum sint necessaria, complexum notet; summum verò bonum, illud, quod inter hæc bonorum genera principem tenet locum, nos tamen ea vocabula promiscue usurpabimus, neglecto discrimine allato, quod non satis, aut nullibi potius, fundatum existimamus.

IV. De Summo Bono, seu de Beatitudine inter Philosophos, tot sunt sententiæ, quot fere capita: atque illa opinionum diversitas orta videtur ex diversis vitæ generibus, quæ homines sectantur, in quibus, sicut cuilibet institutum est proprium, ita finis fere cuique est proprius; unde tam variè de hominis beatitudine judicatum est à Philosophis; interim plus uno verum esse nequit. Lactantius, inter Patres scriptor Latinissimus, plurimas veterum Philosophorum sententias recenset. Epicurus inquit, summum bonum in voluptate animi esse censet. Aristippus in voluptate corporis. Calliphen & Dinomachus, honestatem cum voluptate conjunxerunt. Diodorus in privatione doloris summum bonum posuit. Hieron in non desendo. Peripatetici in bonis animi, corporis, & fortune. Herillo, summum bonum erat scientia. Zenoni, cum natura congruenter vivere. Stoicis quibusdam, virtutem sequi. Aristoteles in honestate & virtute summum bonum collocavit. Pariter & Cicero plurimas & dissidentes quidem opiniones de summo bono colligit, passim in questionibus Academicis, & in libris de

finibus bonorum & malorum. Augustinus l. 19. de civit. Dei, Cap. 1. 289. Philosophorum de hac re opiniones à Varrone commemoratas indicat, qua curiosa tamen diligenter non videtur opus fuisse. Aristoteles libr. 5. Ethic. Cap. 3. cum ex vitæ generibus beatitudo haud incommode æstimetur (nam, qualecumque est vitæ genus, talem ferè sibi finem eligit) secundum varia vitæ genera partitur opiniones de summo bono. Tria recenset loc. cit. Philosophus, & βίη seu vitæ genera. Primo est, βίη ἀπλῶς καὶ ἁπλοῦς, vitæ deliciosa ac mollis, in qua summum bonum collocant ii, qui voluptates sectantur corporeas. Secundo est, βίη πολιτικὴ & πρακτικὴ, vitæ civilis & activa, qualis est hominum πολιτῶν, gratiosorum, eorumque, qui laudis ac honorum sunt studiosi, quos ut consequantur, ad agendum aliquid in Republica sese conferunt, & munera publica administrant, atque hi in honore summam beatitudinem constituunt. Tercio est, βίη θεωρητικὴ, vitæ contemplativa, quæ in rerum contemplatione occupatur: hi summum bonum in scientia & speculatione ponunt. Hic sub finem cap. 3. cit. addit Aristoteles quartum genus virtutis, & βίη θεωρητικὴ, vitam quæstuosam, eorum, qui summum bonum in divitiis esse situm opinantur. Nos de singulis ordine videbimus: nam in nullo istorum summum bonum est constitutum.

V. Primum contra Aristippum ac Cyreniacos asserimus, beatitudinem non collocari in voluptatibus corporis, ac quidem ex hoc ipso fortissimum argumento, quod sint corporis: summum profecto hominis bonum in optima hominis parte est situm, quod est anima rationalis: At voluptas ista, ut fatentur ipsi, non animæ est, sed corporis, non rationalis vitæ, sed vegetantis ac sentientis, inferiorumque facultatum, quibus plantis est brutisque similis homo: imo hæc voluptas cum bestiis homini non tantum communis est, sed in iis sæpe major quam in hoc, sæpe diuturnior, quippe quam quarunt: & sectantur sine impedimentis, sine metu, sine pudore, sine periculo, sine conscientie morfu, sine poenarum sensu, adeoque hicse de causis ipso homine beatiores forent bestie: homini, ubi

jam voluptas ista corporis contigit, brevis est, ac momentanea, cum periculo ac metu possidetur, ac, quod potissimum est, conscientiam affligit, ac non raro penas multas sibi comites trahit; cujus rei exempla, si proferre luberet, tempus defecerit prius quam ejus copia. At rationibus potius agam, quod Philosophos decet. Primo, summum bonum est honorabile, non pudori, sed honori cedit, non velandum, sed ostentandum: at voluptas corporis in multis rebus ista est, ut eam sui pudeat: unde homines, ventris gulaeque & aliis voluptatibus carnis dediti, eas clam sectantur, ac nisi plane depuduerunt, cavent, ne hæc illorum felicitas in lucem protrahatur. Secundo, summum bonum est aliquid sibi sufficiens, animusque explet: at voluptas ista corporis clientem suum ac possessorem non satiat: nihil unquam prodigæ voluptati sufficit: semper illa famem sui relinquit. Tertio, beatitudo, bonum est optimum, præstantissimum, quod prodest semper, nocet nunquam, at corporis voluptatem, quis optimum ac præstantissimum esse bonorum, asserere ausit? quo impudentiæ qui devenit, is cum vera rectaque virtute eam conferat, ac, quot parasangis hæc illa sit superior, facile videbit: sed insuper, non semper prodest ista voluptas: sæpe plurimum molestiæ, ægritudinis, miseriæ, calamitatis, & singulis adfert hominibus, & integris infert provinciis, regnis, & imperiis; nempe, voluptate, fictitia beatitudine, non beatur, sed debilitatur ipsum, dum per eam, ejusque usum, variis obijcitur morbis, varios incurrit languores, corpus; *vides*, inquit eleganter in *sermonibus* alibi *Horatius*, *ut pallidus omnis cœna desurgat dubia: & composita fercula, compositi morbi*, tritum est proverbium: & quid multis, per corporis voluptatem, mentis acies obtunditur, virtus extinguitur, egeitas procuratur; quæ certe parum conveniunt cum summo hominis bono ac suprema beatitudine. Absit igitur, absit, ut unquam Hominum, nedum Philosophorum, nedum Christianorum quispiam, corporis voluptatem pro bono suo ac summo ultimoque fine amplectatur. *Sperne voluptates; nocet empta*

*dolore voluptas*: nemo tanti emat poenitere. Hominis est, ad Deum quam proxime accedere, qui, ut Spiritus corporisque est expers, ita corporis ignorat voluptates: quibus bellum indicat hominum uniusquisque, oportet, qui ad Deum, summum haud dubie bonum, appropinquare studet, à quo longissime hominum voluptates avertunt: non hominis, nedum Philosophi, nedum Christiani, nomine digaus est, cui Deus venter. Nullum itaque bonum, nedum summum, in voluptate, sed summum potius in eâ malum est situm.

VI. Cum vero magna, si non maxima, tamen pars hominum, voluptates probet ac sectetur & in iis summam collocet felicitatem, rationes illorum refellemus: quamvis, in refellendis illis, non multus sit labor. *Dicunt*, pro se & sua voluptate corporea, homines voluptuarii. Primo: *ad quod homo summo fertur inpetu, illud ejus est summum bonum: atqui ad voluptates summo fertur inpetu: Ergo, &c.* Resp. primo ad Majorem, eam non esse absolute veram, sed vero sic distinguenda est. Id est summum hominis bonum, ad quod, per se, non per accidens, impetu naturali, non contra naturam, legitimo, non vitioso, primario, non secundario, fertur. Atqui sic minor est falsa. Resp. 2. ad Minorem. Homo fertur, totus scilicet, *falsum est*. Sola enim pars brutalis fertur, quæ appetitiones sensuum & affectus sequitur: itaque est fallacia à dicto secundum quid ad dictum simpliciter. Secundo obijciunt. *Conservatio hominis est ejusdem finis ultimus: voluptas est hominis conservatio: Ergo, &c.* Resp. Major vera est, de conservatione hominis legitimâ, rectâ, ordinatâ. Minor simpliciter falsa est: quare tantum abest, ut voluptas corporis conservet, ut potius perdat hominem totaque domos & respublicas integras excindat. Sed illorum hominum obiectiuncula sponte sua ruunt. Verum querat hic aliquis, si non in voluptate corporis sit summum bonum summum, an non in bono saltem corporis? ut est, fortitudo, robur, valetudo, pulchritudo, vita longæva, &c. Resp. quod non, quia beatitudo & suprema hominis felicitas talis est, ut superet universa, & per eam omnibus creaturis

ris antecellat homo: sed talia non sunt bona corporis: Ergo. Probo minorem, quia in illis multum superatur homo ab animalibus, fortitudine à leone, diuturnitate vitæ ab elephante, pernicitate cursus à cervo. *Nos aper audiamus, nos vincit aranea tactu, vultus odoratu, hinc visu, simia gustu.* Deinde, quod dirigitur ad animæ bonum, illud non est finis ultimus: at bona corporis diriguntur ad animæ bonum: est enim animus noster corporis nostri gubernator, ideoque ejus conservationem propositum quidem habet, ut finem, non tamen ut ultimum, quia aliquid longe perfectius intendit, quod beneficio bonorum corporis consequitur. *Quare, ne quidem in bono corporis est collocandum summum bonum.*

VII. Nunc secundo, *anne in honoribus beatitudo sit sita? considerandum est nobis.* Negamus, cum Aristotele, ob rationes, quas adducit Philosophus *Cap. 5. lib. Eth. 1.* Beatitudo in ipso debet esse beato, felicitas debet esse bonum internum, proprium, & *ἀκεῖον* homini, & in ejus, tanquam possidentis potestate situm: at honor non est in honorato, non est in ejus potestate situs ut eum habeat, sed est bonum externum, dependens ab aliorum arbitrio, ab ipso honorante, qui pro arbitratu honorem potest, vel tribuere, vel adimere: imo honor sæpe est in manu & potestate imperiti ac rudis popelli, qui plerumque est bestia multorum capitum; itaque vulgatum illud Aristotelis est verissimum, *honor magis est bonum autem quam honorati.* Secundo, summum bonum est constans & stabile: & honore nihil est inconstantius ac mutabilius: honor, fortunæ instar, vitreus est, &, cum maxime splendet, frangitur. Quam multi brevissimo temporis spatio à summo honoris fastigio sunt de-

jecti? & qui non potest esse fugax ac fallax, quod ab alienæ voluntatis mutabilitate, à vulgi levitate, à principum & aularum lubricitate, dependet, uti dependet honor? *Athenienses Demetrio Phaleræo* trecentas in ejus honorem posuerant statuas, quas omnes non multo post, cum pulsus esset in exilium, evertunt. Tertio, summum bonum propter sese expetitur: Honor non item: nam honorem expetimus, ut testimonium nostræ virtutis: ergo virtus ipsa est aliquid honore præstantius. Non alio nomine vir bonus honoris studio ducitur, quam ut intelligatur tanto magis virtute superare alios, quanto majori honore afficitur. Quarto, honor non tam bonis, qui soli sunt capaces beatitudinis, sed & improbis sæpissime, imo non rarò pessimis, defertur: vulgus enim sæpe honorem, cui non competit, tribuit, cui competit, non tribuit, bonos sæpe parvi, improbos magni, facit. Denique, honor plenus est curarum ac periculorum: Ergo multum abest, ut beatitudinem nobis largiatur, in qua est summa securitas. Antecedens, quamvis experientia notum, confirmatur, insigni illo *Antigoni Regis* dicto, quod refertur à *Val. Max. lib. 7. cap. 2.* Cum enim traditum sibi diadema diu manibus tenuisset, ac contemplatus fuisset, tandem inquit, *ô nobilem magis quam felicem pammum, quem si quis penitus cognoscat, quam multis sollicitudinibus, periculis & miseriis sit refertus, ne humi quidem jacentem velit tollere.* Quare concludo, nec in Honore situm esse summum bonum. Atque hæc quidem, sententiam secundam de *Summo Bono* evertunt: verum enim verò & *argumenta* ac *ratio* *ἐν τῷ ἀποδείκναι* expendenda veniunt ac solvenda: quod præstabit *exercitatio* sequens.

ADRIANI HEEREBOORD  
EXERCITATIONUM ETHICARUM  
QUINTA.

*Quæ est secunda*

D E

# S U M M O B O N O.

## T H E S I S I.

**R**ecenfuimus *exercitatione præcedenti ex Arist. Eth. ad Nicom. lib. 1. cap. 3.* quatuor opinionum genera de Summo Bono, pro quatuor vitæ generibus: qui sectantur τὸν βίον ὀπλῶστικόν, vitam delitiosam, in voluptate felicitatem supremam collocant: qui προαπτικὸν & πολιτικὸν, vitam civilem & activam ducunt, in honore ponunt: qui θεωρητικὸν, in contemplatione: denique, qui χρηματικὸν, quæstuosam vitam agunt, divitias pro summo hominis in hac vita bono, habent. Primam opinionem, in voluptate summam felicitatem collocantium, cum suis exceptionibus refutavimus. Secundam τὸν χαρίεντων, ut loquitur *Aristoteles*, in honore summum bonum constituentium, etiam retulimus ac refellimus: hoc restat, ut eorum exceptiones & argumentationes excutiamus ac refellamus, qui hanc opinionem sustinent.

II. Argumentantur sic: *præmium virtutis est summum bonum: at honor est præmium virtutis.* Ergo honor est summum bonum. *Resp. ad Minorem.* Honor potest considerari, vel ex parte eorum, quibus tribuitur, vel ex parte eorum, qui tribuunt: si primo modo consideretur, respectu eorum, quibus tribuitur, negamus, honorem esse verum & proprium virtutis præmium: sic enim vir bonus & honestus, propter solum honorem, bene, & liceat mihi sic loqui, virtuose, operari possit: at hoc falsum est, vel ipso *Aristotele* iudice 3. *Eth. cap. 8.* & ipsa sibi virtutis pretium est, ut canit *Poeta*, etiamsi nulla eam præmia consequantur, nulli honores comitentur. At si honor consideretur secundo mo-

do, respectu eorum, qui honorem tribuunt, concedimus, eum habere aliquam speciem & rationem præmii: nam republica bene instituta, ea, quæ potest, præmia virtuti instituit, ut homines amore præmii proposito ad res præclarissimas alliciantur: cum vero, inter præmia, alia bona Respublica statuere non possit, quam externa, quia hæc sola habet, & inter bona externa locum præstantissimum fortituri honor, hinc est, quoddam virtuti, hominibusque virtutum studiosis, honores decernat, non tanquam præmium virtuti condignum (virtuti enim nullus honor retribui potest, qui dignitati ejus respondeat) sed decernit virtuti honorem, tanquam maximum eorum bonorum, quæ exhibere potest: ut ita excellentiam virtutis manifestam reddat, quam tanquam bonum pulchrum manifestari oportet: itaque honor non est virtutis studioso præmium virtutis, propter quod operatur: est tamen aliquo modo præmium, quatenus virtutis studio, non quidem propter istum honorem bene operanti, propter virtutem tamen, tanquam propter finem, offertur: ita ut honor non sit virtutis finis, sicut ejus finis est summum bonum: sed contra honor est medium ad virtutem, tanquam ad finem, ordinatur; sed contra, virtus, ut medium ad summum bonum, tanquam ad finem, refertur. Ne nunc addam, quod *exercitatione præcedenti* fuit expositum: quandoquidem honor est tantum præmium virtutis, respectu eorum, qui conferunt, & non respectu eorum, quibus confertur, magis est in potestate honorantis

rantis quam honorati : at summum bonum est in ipso illo, qui possidet, quare honor deberet etiam esse in honorato, & non in honorante, cum tamen contra sit.

III. Argumentantur secundò sic pro honore, ut Summo Bono, Politici homines. *In eo est ponenda felicitas suprema, quod maxime convenit Deo & viris excellentissimis: atqui honor maxime Deo convenit* (unde illud ex sacris, *Soli Deo gloria*) & viris quoque excellentissimis: Ergo. Resp. ad maiorem: in eo bono ponenda est felicitas suprema, quod per se & ratione sui maxime convenit Deo & viris excellentissimis: atqui tale bonum, quod per se & ratione sui maxime Deo convenit & viris excellentissimis, non est honor: licet enim honor soli Deo & viris quoque excellentissimis convenit, non tamen ipsis convenit ratione ipsius honoris, sed ratione virtutis & excellentiæ, ob quam sunt honore digni: itaque Beatitudo potius collocanda est in illo bono, quo Deus & viri excellentissimi sunt digni honore, non in ipso honore, qui tantum est signum, quo illorum excellentia manifestatur.

IV. Argumentantur 3. sic: *Beatitudo posita est in bono maxime desiderabili: omnes enim maxime appetunt beatitudinem: atqui nihil ab hominibus ardentius expetitur, quam honor: nam nullius boni iacturam egrius ferunt quam honoris, quem illatum omnes conservare student.* Resp. ad maiorem: beatitudo posita est in bono maxime desiderabili, scilicet per se & propter se, & non propter aliud: sicut enim summum bonum in se & ratione sui est omnium optimum, ita in se & ratione sui est maxime desiderabile: at honor non ratione sui ac propter se expetitur, sed ratione virtutis & propter ejus excellentiam, ut ea manifesta fiat: itaque honor non est ipsa beatitudo, sed eam consequitur, tanquam comes & proprietas inseparabilis: ideoque etiam in nobis, desiderium honoris consequitur desiderium beatitudinis: quod si aliqui honorem appetunt propter solum honorem, aut graviter ferunt iacturam honoris, ratione solius honoris, id provenit ex depravato ambitionis affectu: nam vir virtutis studiosus, *ἀπαιτῶ*, ut Græce uno dicam verbo,

V. C. magnanimus, sicuti propter honorem solum non operatur, ita ob consecutionem honorum, nec immoderatè lætatur, nec nimium dolet illorum iactura, quod ex ipso *Arist. l. 4. Ethic. cap. 4.* satis est manifestum: nam talis, quia intelligit suam excellentiam, sicuti putat se dignum honore oblatum, quando offertur, ita pariter judicat se indignum decore aut infamia, quando infertur.

V. Argumentantur 4. sic: *Summum Bonum ponitur in eo, quod ultimo desideratur: tale enim non potest non esse bonum optimum: sed honor ultimo desideratur: virtutis enim studiosus ultra virtutem studet honorari.* Resp. ad Minorem, eam esse simpliciter falsam; neque enim, qui vere est studiosus virtutis, ultimum bonum, ponit in honore, nec eum ultimo desiderat, nec in eo quiescit: nam talis non est *ἀπαιτῶ*, & si liceat sic loqui cum *Scholasticis*, virtuosus, sed vero ambitiosus: at *ὁ ἀπαιτῶ*, vera virtute præditus, honores æstimat, ut parva bona, & ut minora, quam sibi debeantur, quod vere est magnanimi. Atque ita, quæcunque ab hominibus politicis pro honore, ut summum in his terris bono, adferri solent, dissolvimus.

VI. Verumenimvero, quia ita fere sunt homines in hoc mundo, ut transversim omnes ac devii rapiantur à nimio honoris studio, & potissima pars mortalium in honore summum bonum collocet, varias honoris species discutere, & quomodo in nulla honoris specie illud sit collocatum ostendere operæ fuerit pretium. Honor in duplici est differentia: vel enim ob majorum ac parentum, vel ob propriam, deferitur virtutem; qui ob majorum parentumque res præfære gestas virtutemque tribuitur honor, solet dici *nobilitas*: est enim nobilitas dignitas quedam majorum, ita desinente *Aristotel. 2. Eth. c. 15.* qui propter propriam virtutem contingit honor, vel dignitas civilis ac pompa mundana, vel gloria & fama dicitur: triplicem hanc honoris speciem in specie considerabimus, & in nulla eius specie summum bonum esse situm demonstrabimus.

VII. Primum de nobilitate videbimus, in qua supremam felicitatem non esse constitutam, sequentes rationes docent. 1. Quod bonum

K k k num



num est fortuitum, extra potestatem nostram situm, alienum & non nostrum, illud non est summum bonum: atqui nobilitas est tale bonum, nam fortunæ est, & non tuæ potestatis, ut nascaris ex parentibus nobilibus: at summum bonum debet esse in nostra potestate, ut adipisci id possimus, cum volumus. Præterea, summum bonum debet esse nostrum, & non alienum: at contra se res habet in nobilitate: nam verissimum est illud *Poete, Et genus & proavos, & que non fecimus ipsi, vix ea nostra voco.* 2. Summum bonum constans est ac perenne & stabile: nobilitas non item: ergo. Prob. Min. quia, quæ nunc sanguinis nobilitatem gloriantur familiarum, unius sæculi, imo paucorum annorum decursu, abjectissimæ sunt ac viles; quod variis ex historia Romana, Græca, ac Barbarâ, imo & ex patriæ nostræ annalibus petitis exemplis, confirmare non foret difficile, sed non est necesse. 3. Summum bonum non cadit nisi in virum bonum virtute præditum: at ista sanguinis generis quæ nobilitas etiam in pessimis cadit: sæpissime enim *Heroum filii noxæ*; quod ex sacris & profanis historiis, ipsaque adeo nimis manifestum est experientia, ut non sit verum semper illud *Horatii: fortes creantur fortibus & bonis: est in equis patrum virtus, nec imbellem feroces progenerant aquile columbam.*

VIII. Sed nec secundo in dignitate civili aut pompa mundana summum bonum collocari potest. 1. Quia dignitas civilis & pompa mundana, imperium scilicet & dominatio, ex natura sua tendunt ad finem; E. non sunt finis summum: nempe, sunt populi gratiâ, cujus bonum semper intendunt: nimirum Rex dicitur *ad regendo*, regere est actus prudentiæ: at prudentiæ est, dirigere in finem; itaque principatus, dominium, potestas civilis, principium potius est bonæ actionis, quam finis, & instituitur propter finem. 2. Potestas hæc mundana ac civilis, instabilis est ac parum constans: tum, quia à fortuna plerumque pendet, ut vulgo loqui solemus, tum, quia pendet ab hominum iudiciis & opinionibus, quæ instabiles sunt, & eo magis, quo sunt plurium: at summum bonum non pendet à proprio extrin-

seco & instabili & volubili: Ergo. 3. Potestas illa civilis ac mundana non potest hominem quietum reddere: est enim plena sollicitudinibus, & aculeis formidinum plerumque subiecta: hinc est, quod dominationem ac imperandi potestatem plerumque comitentur odia & metus, juxta illud *Senecæ, simul ista posuit mundi conditor. odium & regnum*: & juxta vulgatum illud, *necesse est multos timeat quem multi timent.* At summum bonum odii omnis ac metus est expertus. 4. Summo bono nemo potest male uti: At potestate ista mundana male quis potest uti, & sæpe male multi sunt usi: plures enim extitere Tyranni: at summum bonum tale est, ut eo abuti nemo possit.

I X. Objectionum aliquot excogitari possunt, quas obiter diluemus. 1. Dici potest. *Felicitas suprema maxime in eo est posita, quo maxime Deo assimilatur*: atqui maxime Deo assimilamur, ratione potestatis, dominationis, & principatus, acque imperii civilis. Ergo. Resp. *Negamus minorem simpliciter*: nos maxime assimilari Deo per potestatem mundanam: sed Deo maxime assimilamur per bonitatem: nempe, Deus est sua ac summa bonitas: nec potest male uti sua potestate; in eo maxime assimilamur Deo, non quod multa possumus, sed quod multa possumus bene: non potestate aliqua præditum esse, sed potestate accepta bene uti, Deo nos similes reddit. 2. Objici potest. *Beatus est, qui sibi & aliis sufficit*: nam beatitudo posita est in bono optimo, & per se sufficiente, sufficiente & sibi & aliis: sed qui ceteris dominatur, sibi & aliis sufficit: Ergo in dominatione posita est beatitudo. Resp. ad Majorem. Beatitudo posita est in bono, quod per se sufficit habenti sine bonis externis, ut non pendeat ab aliis: at tale bonum non est civilis & munda dominatio: hæc enim per se non est bonum sufficiens, sed eget bonis externis, & pendet ab illis. 3. Objicitur. *Quod est maxime sui diffusivum, est summum bonum*: at posse se & alios regere, est maxime sui diffusivum, quia hoc bonum ad omnes diffunditur: Ergo in ista regendi potestate est situm summum bonum. Resp. ad Minorem: Posse se & alios regere, non est bonum maxime sui diffusivum, sed bene per istam



istam potestatem se & alios regere: nam potest esse regere se & alios, est indifferens ad bonum & malum; quare illud non est summum bonum. 2. Ipsum potest bene uti potestatem in se, & aliis regendis non est summum bonum, quia non sui fed aliorum est gratia. Quod est maxime appetibile, illud est summum bonum, sed dominatio est maxime appetibilis: E. Prob. Minor. Quod opponitur malo maxime averfabili, id est maxime appetibile: atqui dominatio opponitur, &c. Ergo, &c. servitius est malum maxime averfabile: omnes enim maxime fugiunt servitutem: at servituti opponitur dominatio. Ergo. Resp. ad maiorem premisi syllogismi; distinguendo servitutem: servitus interdum significat subiectionem legalem, quæ jure belli introducta est; quomodo olim multi in bello capti ad servitutem sunt redacti: interdum significat subiectionem œconomiam ac politicam, qua filius patri & cives principi subijciuntur: posteriores duas servitutes, œconomiam & politicam, homines naturaliter non averfantur nec fugiunt, quin potius secundum naturam aliis subijciuntur, ut mulier viro, filius patri, famulus hero, civis regi. Quod attinet ad servitutem legalem, eam quidem homines naturaliter fugiunt & averfantur, non tamen tanquam summum malum (nam servi etiam possunt esse felices & possidere summum bonum, agendo secundum virtutem perfectissimam) sed vero averfantur ac fugiunt servitutem, quia est impedimentum bono usui potestatis ejus, quam homo à natura habet in suas actiones; itaque, etsi servitus legalis sit malum & averfabile, non tamen est summum malum: ideoque non bene inferitur, Ergo dominatio ei opposita est summum bonum.

X. Sed videamus, an non summum bonum consistat in fama, in gloria, in nominis celebritate? videntur enim omnes, qui præclare aliquid agunt, expectare rerum gestarum virtutisque suæ præmium, gloriam, famam, celebritatem. Resp. Neque in gloria esse summum bonum querendum: Loquimur de gloria apud homines: nam gloriæ apud Deum alia est ratio, eam nunc non respicimus, sed de fama

& gloria apud homines philosophantur, de existimatione & notitia excellentiæ nostræ apud homines agimus, & negamus eam esse summum hic bonum. 1. Quia de ratione summi boni est, ut per propriam actionem possideatur, tanquam bonum possidenti proprium: at ista fama & gloria, non potest possideri per propriam actionem ejus, cujus est gloria & fama: nam nihil est aliud quam notitia & existimatio virtutis & excellentiæ alterius, existens, non in eo, qui excellens est & virtute præditus, sed in alio, in eo, qui istam excellentiam & virtutem alterius cognoscit atque æstimat: nempe, est in ipso homine virtuoso (liceat nunc sic loqui) & per virtutem excellenti, solum terminative, & per extrinsecam quandam denominationem: at summum bonum est in virtuoso homine, subjective, & per intrinsecam denominationem. 2. Summum bonum debet collocari pectus in actione quam passione; nobilius enim est agere quam pati: at fama & gloria sunt passionem: sunt enim, cognitio virtutum & excellentiæ alicujus, non cognoscentis active, sed cogniti passive, nempe, dicitur aliquis gloria & fama & nominis æstimatione celebris, qui ab aliis cognitus est & laudatus: atqui nobilius est, cognoscere, quam cognosci: non cognoscunt in creaturis, nisi nobiliores, cum etiam cognoscantur inter eas infimæ. Ergo summum bonum non consistit in gloria, quæ est quoddam cognosci. 3. Quod non propter se ipsum appetitur, sed propter aliud, non est summum bonum: Atqui gloria, fama, &c. Ergo. Probat. Min. quia, sicut honor in genere ex natura sua ordinatur in virtutem tanquam finem, quia est ejus testificatio, ita gloria quoque ex natura sua ordinatur in virtutem tanquam in finem, qui est ejus, scilicet virtutis, notitia & claritas: at notitia & claritas sunt ex natura institutæ ad manifestandum objectum, quod dignum est nosci & inclarescere: itaque, hæc gloria & fama & nominis celebritas, sunt in genere bonorum utilium, & propter aliud: at summum bonum non est bonum utile, nec propter aliud, sed honestum, & propter se.

XI. Sed & hic dispellendæ sunt quedam argutæ

argutiae, quibus gloriabundi & famae sitientes argumentantur, pro hoc suo summo bono: ajunt 1. ex *Cicerone: optimum quemque maxime gloria duci*: unde inferunt; Ergo gloria inter res omnes maxime est appetibilis, & consequenter, in ea est collocanda summa felicitas. Resp. damus hoc *Ciceronis*, homines omnes duci gloriae studio: sed rogamus, iste gloriae appetitus, vel est ordinatus, vel est ordinatus? ex appetitu gloriae inordinato non potest concludi, gloriam esse summum bonum; quia beatitudo in eo bono poni debet, quod ordinate appetitur: sed neque ex ordinato gloriae appetitu sequitur, gloriam esse summum bonum; quia beatitudo in eo bono poni debet, quod ordinate appetitur: sed neque ex ordinato gloriae appetitu sequitur, gloriam esse summum bonum: nam natura bene ordinata non appetit gloriam tanquam bonum sempiternum, consequenter, nec tanquam summum, sed tanquam bonum utile & ad aliud: unde magis appetit id, cujus gratia gloriam appetit: hinc enim magis appetitur, quam ea, quae ad finem. 2. Dicunt: *Bonum stabile, imo aeternum, est summum bonum: at gloria, fama, nominis existimatio, sunt tales.* E. Resp. Multi quidem famam nominis sui aeternam atque immortalem reddere student, dum eam scriptorum annalibus ad tempora futura transmittunt, sed vero saepissime evenit, ut tem-

porum decursus eam simul cum annalibus oblivione delect: & ponamus famam nonnullorum, conservatis annalibus, per omnia secula permanere, non tamen idcirco aeterna est, aut immortalis, cum tempora haec finem sint habitura, ideoque cum aeternitate & immortalitate comparanda non sunt. Et ad *Majorem* Resp. Etsi gloriam stabilem esse admitteremus, non tamen inde sequitur, in ea summum bonum esse collocandum: nam ea, quae consequuntur ac comitantur beatitudinem, sunt stabilia atque aeterna, vi beatitudinis: at male quis inde inferat; Ergo illa sunt ipsa beatitudo. Denique inquit: *Beatitudo Dei ponitur in gloria: ergo & nostra hic in ea poni debet.* Resp. ad *Majorem*. Beatitudo ponitur in gloria, qua Deus cognoscitur ab aliis, qualis est nostra gloria, hoc falsum est; sed ponitur in gloria, quae seipsum cognoscit: at gloria nostra est, qua ab aliis cognoscimur: nam, si Deus ab aliis cognoscatur, siue non, eo nec beator, nec minus est beatus. At, si gloria nostra beatitudo foret, jam ista foret, qua ab aliis cognoscimur. Concludimus ergo summum summum hominis in hac vita Bonum, nec in honore, nec in nobilitate, nec in potentia mundana, nec in fama & gloria, aut querendum aut inveniendum, quod hac exercitatione erat demonstrandum.

## EXERCITATIONUM ETHICARUM

## S E X T A,

## Quae est Tertia

## D E

## S U M M O B O N O.

## T H E S I S I.

**V**ersate sunt duae praecedentes *Exercitationes*, in opinionibus de Summo Mortalium in hisce terris Bono, non omnibus (quis enim omnes recenseat) sed iis, quas

*Aristoteles nobis l. 1. Eth. c. 5. enumerat, & enumerandis & refutandis: ac jam eorum, qui in voluptate corporis, qui in honoribus, nobilitate, dominandi potestate, nominis ce-*  
lebrati-

lebritate ac famâ, summum bonum collocant, sententias examinavimus ac refutavimus: recitat *Aristoteles c. cit.* tertium genus hominum, qui *βίον θεωρούντες* vitam contemplativam agentes, in contemplatione summam felicitatem constituunt: ac sub finem capitis subiungit *ἀπορρητοίς*, quæstuosos, qui in quæstu, divitiis, opibus, humana beatitudinis apicem ponunt ac fastigium. Atque hos primum refutat; eos vero, qui in contemplatione summum bonum locant, in caput sextum proxime subsequens rejicit, unde occasionem capiat disputandi contra *Præceptorem Platonem de ideis*, qui ipsi in idearum contemplatione summam felicitatem constituisse existimatur. Nos, *Aristotelis* vestigia secuti, primum philosophabimur de divitiis, deinde de contemplatione, & ne utrobique summum hominis bonum reperiri, ostendimus.

II. Queritur ergo, An in divitiis vel opibus summum hominis bonum reperitur? In divitiis, beatitudinis cardinem vortit, plurimi sunt ex genere hominum, qui persuasum sibi habent, meri *Eucliones ac Φιλαδέμους*, Platonisque vera mancipia, qui tum se beatos existimant, ubi ceteros omnes, auro, argento ac gazis, superaverint, qui præ divitiis, sapientiam, virtutem, dignitatem, denique omnia contemnunt ac pro nihilo habent. Nempe hoc *Horatii* probant:

*Virtus, fama, decus, divina humanaque pulchris*

*Cedunt divitiis, quas qui construxerit, ille Clarus erit, fortis, iustus, sapiens, etiam Rex Et quicquid volet. —*

Hincidem alibi *Satyrice*:

*O cives, cives, querenda pecunia priman est;*

*Virtus post numeros. —*

Nos quidem divitiis, eximia Dei Opt. Max. dona arbitramur, quæ etiam viris optimis, seu virtutis premium, sæpe tribuuntur; at vero, qui in iis summam felicitatem positam existimant, eorum opinionem falsam atque exitiosam, pronunciamus, & sequentibus rationibus confirmamus. 1. Quod non est *εισότης*, proprium hominis bonum, sed alienum, id non est summum bonum: at divitiæ

tales sunt: nempe pendent à volubili, ut loqui solemus, fortunâ, quæ modo his largitur eas, modo illis eripit. Unde sapienter *Bias* ex Græciæ sapientibus unus, cum patriâ captâ, cæteri ita fugerent, ut multa suis de rebus secum abiporterent, cum admonitus esset, ut idem faceret; *Ego vero*, inquit, *hoc facio: nam omnia mea necum porto*: nempe, opes, divitias, similiaque fortunæ, non dicam, bona, sed ludibria, ne sua quidem putavit. Eandem in sententiam non male *Bion*, eos judicavit *rediculos*, qui dant operam *divitiis*, cum eas porrigat fortuna, *servet illiberalitas*, auferat benignitas. Atque hoc primum esto argumentum, quod divitiæ non nostrum sed fortunæ sint bonum, quæ, ut eas dat, ita sæpe aufert: *Ovid. l. 3. trist. Eleg. 7.*

*Nempe dat, & quodcumque lubet, fortuna, rapitque:*

*Irus & est subito, qui modo Crasus erat.*

Ideo *Diogenes* eleganter, *divitias fortunæ vomitum*, appellabat. At summum bonum fortunam auferri nequit. 2. Summum bonum non cadit in improbos. in homines nequam: quia virtute acquiritur: virtus autem viri est boni & probi; at divitiæ in pessimos cadunt & nequissimos: imo sæpe videas in communi vita, quo quis ditior, eo nequior, & quo quis nequior, eo ditior. Divitiæ nullum reddunt bonum, multos malos: at summum bonum nullum reddit malum. Profecto non *Aritides*, *Iustus*, non *Epaminondas*, *Deus*, non *Lycurgus*, *Servator*, dicti sunt, quod divites essent, sed quod, licet pauperes, Græciam à servitute liberaissent: neque enim ditissimi, semper optimi sunt in republica: atque huc pertinet, quod egregie dicit *Oratorum Maximus Cicero, Tuscul. quæst. l. 5.* Omitto divitiis, quas, cum quis vis, etiam indignus, habere possit, in bonis non numero: quod enim bonum est, id non quisvis habere potest: tantum igitur abest, ut summum bonum, *Ciceroni* extiterint divitiæ, ut ne bonum quidem ei fuerint. 3. Divitiæ & opes, si cum cæteris rebus comparentur, exiles sunt ac viles: at summum hominis bonum est perfectissimum, præstantissimum, optimum: Ergo divitiæ non sunt summum bonum. Non pos-

sum, ut exilitatem opum ac divitiarum ostendam, quin huc in medium adferam insigne Socratis, Apollinis Oraculo, sapientissimi, dictum. Socrates, cum videret Alcibiadem gerere animum elatum, & ob agrorum multitudinem (erat enim dives agris) cristas erigere ac superbire, adduxit eum ad locum, in quo mappa quædam ambitum terræ complectens erat suspensa, & rogavit ut Atticam ibi quæreretur, quam cum Alcibiades invenisset, ostende mihi (inquit Socrates) & fundos & agros tuos: cum Alcibiades responderet, nusquam eos in tabula esse pictos: & inquit Socrates, cur igitur fundorum & agrorum possessione ita te effers, qui nulla pars sunt terræ. Non poterat suavius ei exilitatem & vililitatem ejus possessionum & opum exprobrare Philosophus Socrates.

4. Argumentamur ex Aristotel. lib. 5. cit. Nullum bonum utile, & quod refertur ad aliud, est summum. At divitiæ sunt bonum utile, & referuntur ad aliud. Verba sunt Aristotelis; opes sunt *ῥεῖα καὶ πλοῦς*, nempe non propter se ipsas expetuntur, sed ut necessitati, voluptati, dignitati, liberalitati, uno verbo, ut homini interserviant: opes enim sunt propter hominem, homo vero propter felicitatem ac summum bonum: Ergo ipsæ opes non sunt felicitas aut summum bonum. Hoc argumentum Aristoteles, quia firmum est, meretur non nihil explicari fufius, quod faciemus ex ipso Aristotele. Philosophus l. Pol. 1. cap. 6. duplices facit divitias, naturales & artificiosas. Naturales divitiæ sunt, quarum beneficio subsidioque succurritur indigentiae humanæ, quo pertinent, cibus, potus, indumenta, habitaculum, & id genus alia, quibus indiget ipsa natura: Artificiales divitiæ sunt, quibus ipsa per se ac primo non juvatur natura, sed quæ naturam juvant per accedens ac secundario, quatenus per divitias artificiales comparantur naturales. Atque de hoc genere artificialium divitiarum est nummus atque pecunia: his vita primo ac per se non sustentatur, quippe iis, nec corpus ali, nec ab injuriis cœli defendi potest, sed tamen iis comparamus ea, quæ corpori & alendo & defendendo interserviunt. His positus, ostendi

facile potest, quod in neutris debeat felicitas poni: Non in divitiis naturalibus, quia hæc quærentur & acquiruntur ad vitam hominis sustentandam: edit enim homo, bibit, vestitur, habitat, ut vivat. Ergo non possunt obtinere rationem ultimi finis & summi boni. Quod enim dirigitur ad servandum hominem tanquam ad finem, id non est finis ultimus ac summum bonum: hoc enim ulterius non dirigitur. Atqui divitiæ naturales diriguntur, &c. Ergo, &c. Sed nec artificiosæ opes sunt summum hominis bonum, quia hæc ipsæ referuntur ad naturales; quæruntur enim ad res cœmendas, usus vite humanæ necessarias. Cum itaque hæc sit ratio divitiarum, ut nummus, & quicquid ei est simile, interserviat cibo ac potui comparando, hæc interserviant vitæ sustentandæ, vita sit propter felicitatem supremam possidendam, optimè conclusit Aristoteles, in divitiis non esse positam felicitatem ipsam. 5. Quod ad omne vitiorum genus aditum patefacit, ad omne malum, hominem inclinat, illud non est summum bonum. Atque hoc faciunt divitiæ,

Effodiuntur opes, irritamenta malorum, ait Poëta: & non male dixit, quiquis dixit, divitiis esse thesaurum malorum, & improbitatis suppeditamentum. Non pignit hic ferre, quæ in hanc rem rescripta reliquit verba elegantissima, in aureis suis de remediis utriusque fortune libris, dial. 53. l. 1. Franciscus Petrarca: Nimia, inquit, opes non modo singulorum hominum, sed populi Romani corruerunt mores, miramque illam & eximiam fregere virtutem: qui populus tamdiu clarus, tamdiu justus fuit, & integer, quamdiu pauper fuit, in egestate victor gentium, & quod gloriosius, victor sui, donitorque vitiorum, à divitiis victus est & pessumdat. Hæc ille. Certè, divitiæ saltum parient, impietatem, luxum, petulantiam. Verisimile dixit Satyricus Juv. Sat. 6.

Prima peregrinos obscena pecunia mores  
Intulit, & turpi fregerunt seculum luxu  
Divitiæ molles. —

Dicit hic quispiam: Divitiis eorum vitiorum esse causas, non per se, sed per accedens, non suam sed hominum culpam, non legitimo usu, sed illicito abusu. Resp. Hoc quidem verum esse ac negari

guri non posse, sed tamen, quia in divitiis abusus iste cadere potest, ac quam sæpiissime cadit, ideo est, quod pro summo bono haberi nequeat: nam summi boni abusus talis non est, nec esse potest: adeo ut ista exceptio argumenti vim non infringat. 6. Summum bonum possidentis summam adfert animi quietem: divitiæ contra eam animo eripiunt, tranquillitatemque auferunt: quod licet multorum divitum exemplis discisque, atque ipsâ adeo experientiâ sit compertissimum, unico tamen, sed scito *Anaxagoræ Lyrici* inter Græcos *Poëtæ* dicto, comprobatum dabo. Hic cum duobus à *Polycratæ* Samio talentis esset donatus, ac duas plañe noctes integras infomes duxisset, quo fidelius donata talenta noctu custodiret ac servaret, tertio die *Polycrati* sua talenta remisit, ea cum voce, non, inquit, tanti emoligilias & molestias noctium & omne munus quid vigilare cogit. 7. Summum bonum sciat atque explet voluntatem & appetitum: divitiæ non item: quarum cupiditas augeat indies, neque unquam tantæ possidentur, quin desiderentur majores: ita anxium sui desiderium, sitimque relinquunt ardentior: scil.

*Crescentem sequitur Cura pecuniam*

*Majorumque fames. —*

*Et, Nec Cræsi fortuna unquam, nec Persica regna*

*Sufficiunt animo. —*

Sed,

*Quo plus sunt potæ, plus sitiuntur aquæ.*

Est genus quoddam morbi, quo qui laborant, quanto largius comedunt, aut plus bibunt, eo magis eluriunt, ac sitiunt: Eundem morbum in animum fere inducunt divitiæ. Qui lubet, legat de hoc negotio elegantiss *Boethii de Consol. Phil. l. 3. Prosa 3. & Met. 3. & lib. 2. pr. 5. & Met. 2.* Sed octavo ac postremo: quodcunque non virtute, sed malis sæpe artibus acquiritur, cum vitæ periculo, ac animæ interitu sæpe conservatur, id non est summum bonum: at Divitiæ tali modo sæpe acquiruntur, sæpe conservantur, quod probare non est necesse: loquuntur id tot sæpe furta clandestina, tot doli, & fraudes, tot publicæ deprædationes, direptiones, exactio-

nes, & expressiones, plusquam hostiles, quibus magna multis accessio facta est ad opes suas. Quid hic referam expilationes, rapinas, homicidia, *Neronis, Caligulæ, Commodi*, aliorum, instituta, ut se locupletarent. Tædet plura proferre; & jam putem satis esse allatum, quo summum bonum in divitiis non consistere sit ostensum: multa enim hic congerere, ad divitiarum amorem hominum animis extirpandum, non *Ethici foret aut Philosophi, sed Rhetoris*: quare rationes ex *Aristotele* aliisque, contra divitiæ, ut summum bonum, adductæ, nobis suffecerint. Objectiones autem vel exceptiones pro sententiâ contrariâ, si quæ sint *τῶν ἡγενησῶν*, hominum quæstuosorum & avarorum, ex facile, ex iis quæ diximus, solvi possunt.

III. Ad alterum caput transeamus, ac videamus, an summum hominis in hac vita bonum consistat in contemplatione, hoc est, in scientia, speculatione, cognitione verum omnium, omnis veri, & boni? Affirmantium sententia vero similior est, quam reliquæ tres jam refutatae, qui in bonis externis, corporis ac fortunæ, felicitatem quariebant. Et profecto, magnum est bonum, res omnes, magnum, inquam, est bonum, res omnes (hic loquimur de rebus extra nos positis, quæ sub nostram contemplationem cadunt, atque uno verbo, de rebus creatis; nam quin, contemplatio, ac cognitio Dei sit, si non summum bonum totum, saltem ejus pars, non dubitamus, sed postea esse ipsi ostendemus) contemplari, indagare, speculari, res omnes cognoscere, scire. Videturque homo fide proxime accedere ad Deum. Tanti æstimavit hoc bonum *Philippus Macedonum Rex*, ut gratulatus sibi sit, ac gavisus magnopere, quod *Alexander* sibi natus esset filius eo tempore, quo ab *Aristotele*, sapientissimo Philosopho, rerum omnium notitia imbui posset. Et maximo semper in pretio fuere *Sapientes*, qui hoc animi bonum possiderent. Verumenimvero, utcunque magnum hominis in hac vitâ sit bonum, rerum omnium inferiorum, omnisque apud nos veri & boni contemplatio, non tamen est bonum summum; quod sequentibus rationibus demonstra-

tum



tum imus. 1. Summum bonum nullius vitii causa est : at rerum creatarum contemplatio, ac cognitio, multorum vitiorum causa est; nempe verissimum est hic illud *Apoftoli*; *Scientia inflat*. Ita sapientia, superbia, & ambitionis, in multis causa est, alios ad invidiam & æmulationem iniquam instigat. videt sapientes quoddam, & scientes tam inflatos, ut alios omnes præ se contemnant. At verò summum bonum, nec superbiam, nec aliorum contemptum, in possidente operatur. 2. Quodcunque possidentem ab multarum virtutum in vita civili exercitio abstrahit, & avocet, illud non est summum bonum: atqui rerum creatarum contemplatio, ac speculatio sæpe hoc facit: ita quidam, nocturnarum inslar, lucem fugiunt, atque hominum conversationem, totos scē dies domi continent, ut cælum, circulos cœlestes, rerumque naturas contemplantur, ut de mundi ordine, magnitudine, deque rebus aliis, disputationes conscriptas evolvant, homines, in humanitatem, honestatem, & reliquos homines ac Remp. ipsam, injuriis, ac veræ felicitatis, supremique boni hostes. Peccarunt tali modo, & à summo bono aberrarunt plerique ante *Socratem Philosophi*, unde ipse primus *Philosophiam* de cœlo avocasse, & in terras ad societatem humanam reduxisse, dicitur. Sed 3. Quodcunque non explet voluntatem, non satiat appetitum, non est hominis summum in hac vitâ bonum. Atqui rerum creatarum contemplatio, non explet, non satiat, &c. Ergo: Nullum bonum creatum voluntatem explet, aut appetitum satiat. Sed contemplatio rerum creatarum est bonum creatum. *Prob. Major.* Quod satiat voluntatem, debet esse bonum universale, sicut intellectus objectum est verum universale: atqui nullum bonum creatum est bonum universale. E. Probat. Minor. Nullum bonum

participatum est bonum universale: omne bonum creatum est bonum participatum: E. nullum bonum creatum est bonum universale. Sed de hoc argumento plura sunt dicta *Colleg. nostri Ethici disp. 4.*

IV. Verumenimvero peculiaris hic est questio *Aristotelis cum Platone*, an non summum bonum consistat in contemplatione idearum, quam *Philosophus* tractat cap. 6. l. 1. *Eth. ad Nicomachum*. Tribuit *Platoni* hoc in loco *Aristoteles*, & cum *Aristotele*, alii, quod statuerit, rerum omnium esse ideam, hoc est, formas quasdam separatas, perfectissimas, absolutissimas, sempiternas, ex quibus singula individua rerum nascerentur, & ad quas similitudinem essent expresse: ita dicitur fuisse ideam quandam boni, à qua res omnes, quæ bonæ sunt, essent decerpæ, & virtutem suam derivassent; hoc est jam quod querit *Aristoteles*, an ista idea sit summum bonum, aut, an felicitas hominis suprema, in hac mortali vitâ, consistat in contemplatione ejus ideæ? Hanc questionem ait *Aristoteles* in textu esse perarduam: & revera non mentitur hoc: si quæ enim questio agitata est eruditiorum hominum ac *Philosophorum* scriptis, est hæc de ideis *Platonis*. Verum ante omnia discutiendum hic venit, An *Plato* tales ideæ posuerit? quales hic describit, & *Platonem* posuisse testatur *Aristoteles*; sunt enim multi, non tantum ex *Platonis*, sed ex ipsius *Aristotelis* interpretibus, imo, quod miratur quis, ex ipsis *Scholasticis*, *Aristotelis* adulatoribus, & admiratoribus, qui *Aristotelem* male fidei in *Platonem*, suum præceptorem, accuunt. Sed totum hoc negotium, de ideis inter *Aristotelem* & *Platonem* controversis, luculente excutimus, ac discussimus *Seleff. Disp. vol. 2. disp. 31.* & aliquot sequentibus. Quare, ne æquum agamus, eo nunc labore supercedemus.



EXERCITATIONES ETHICÆ.  
EXERCITATIONUM ETHICARUM  
S E P T I M A.

449

*Quæ est Quarta*

D E

S U M M O B O N O.

T H E S I S I.

**D**Uplex est rem quamlibet tractandi ratio, una per ἀρῶν sive negationem, altera per ἵπαι sive positionem. Ostensum fuit *exercitationibus* antè habitis, summum bonum ac felicitatem non inveniri in voluptate corporis, non in honoribus, non in divitiis, non in munda contemplatione: Restat, ut tandem, quid si dicamus, quod antequam pronunciemus, summi boni varias ex Aristotele condiciones enarrabimus. Summum bonum Aristoteles vult esse αἰεί, homini, 1. Eth. 5. id est domesticum & ἰδίον, proprium homini; debet esse in optima ejus parte, quæ est intellectus & voluntas, situm; debet esse μέγαν, ἀναγκαῖον, hoc est, firmum, stabile, permanens, quod vel nunquam vel difficulter amitti potest; debet esse τιμωρ, 1. Eth. cap. 7. perfectum; si enim perfectum non est, nec summum est; debet esse κατ' αὐτό, ἑαυτῷ ἀρῶν, propter se ipsum expetibile, & semper debet esse ἀνεπὶρ, sibi sufficiens, se ipso contentum, hominem constituens in illo statu, in quo nihil ad bene beateque vivendum desideretur; denique debet esse παλιν, 1. Eth. 9. multis commune: nam de omnium hominum non de pauculorum beatitudine queritur. Atque hæc sunt condiciones summi boni ab Aristotele in Eth. Nicom. l. 1. c. 5. 7. 9. expressæ, quas, qui attente expendat, nulli, quam in virtute summum bonum haberi, minique felicitatem esse collocandam, facile videbit: Quippe virtus est, quæ præstantissimam hominis partem animam scilicet, intellectumque & voluntatem, perficit. Virtus inter cætera bona soli homini competit, quatenus homo est, cum reliqua bona, vel

revera non sint talia, vel, si bona vere sint, non tamen sunt hominis, qua talis: sola virtus homini proprium est bonum, qua animus humanus ita afficitur, ut homo, secundum rectam rationem, vitam, moremque componat. Et certe illud summum hominis est bonum, quod illum Deo reddit quam simillimum, atque humanam supra sortem erehrit: id verò virtus præstat, quæ hominem corpore circumseptum, altiora tamen corpore cogitantem, ac diva meditantem, facit. Recte sapientissimus Seneca: *Quæ perpusillares est homo, nisi supra humana sese crexerit?* At vero, ut se erigat, virtus facit. Virtus recludens immeritis mori calum, negat a tentat iter viâ, cæcusque vulgares & udam spernit humum fugiente penna; canit alibi Horatius. Sed ulterius; quod constanter homini adheret, nullis calamitatibus, nullis fortunæ casibus, auferitur, id summum est hominis bonum: at talis est virtus, quæ (verba sunt disertissimi Oratoris Tullii, paradoxo sexto) nec eripi nec surripi potest, nec incendio amittitur, nec tempestatum nec temporum permutatione, permutatur. Et quid multis est opus? Summum bonum est honestissimum, jucundissimum, maxime expetendum; à virtute quid honestius, quid jucundius, quid expeti magis potest? Summum bonum propter se expetitur: sic & virtus: ipsa sibi virtus pretium est, canit Claudianus. Summum bonum facit omnia minora bona vere bona & honesta. Ita & virtus. Et hic quidem consentiant Peripatetici & Stoici: dum utrique in virtute summum bonum ac felicitatem collocant: virtus ergo summum hominis bonum supremæque est felicitas

L11

licitas

licitas: intelligendo semper felicitatem & summum hujus vite bonum: Nam de illa beatitudine, quæ nos manet post obitum, nos non agimus. Ac cum felicitatem nostram consistere docemus in virtute, non intelligimus per felicitatem, statum omnium bonorum aggregatione perfectissimum, uti eam definit Boethius in 3. l. de consolatione Philosophiæ. Nam in sola virtute non esse positam ejusmodi felicitatem, quæ omnium bonorum comprehensione constat, in confesso est, sed per felicitatem intelligimus, istius status ex omnium bonorum cumulo perfectissimam partem aliquam, ac bonum unum aliquod, quod inter cætera optimum, hominis felicitatem componat ac constituat maxime: adeoque hic est noster sensus, ac mens nostra: inter illa bona, quæ constituunt ac componunt felicitatem hominis, in hac vita, ut est status omnium bonorum coactione affluens, virtus principem tenet locum, ac summum est bonum.

II. Sed enim nova hic oritur lis, Stoicos inter ac Peripateticos mota; an Asseritio nostra, quod virtus sit summum bonum hominibus, debeat intelligi, de virtutis actu primo, an de secundo? clarius dicam, quæritur inter illos, sitne possessio virtutis & habitus summum bonum, an vero virtutis usus, operatio, actio secundum eam instituta? Stoici pro virtutis habitu pugnant, Peripatetici pro virtutis actione. Sic quidem vulgo referunt Philosophi Ethici: at vero, ut Stoici solam virtutem sine actione virtutis summum bonum fecerint, vix à me impetro ut credam, qui ipsi maxime secundum virtutem egerint: & certè insanum fere videtur, nec cadere potuisse in tam graves ex Stoà ac Porticu Philosophos, ut in otiosa, deside ac segni virtute, summum bonum posuerint: & si loca Seneca, aliorumque, benignius accipiantur, fortasse non aliud dixerint Stoici, quam virtutem, ut habitum, licet cadat in miserum & calamitosum, nec occasionem habeat edendarum actionum, beatam tamen efficere vitam, propter interiorum animi moderationem ex virtute ortam; quod, an longè abeat à veritate, cuique dijudicandum relinquo: quicquid sit, sive sic senserint Stoici, sive minus (neque enim in-

quirere id nunc est animus) nos cum Aristotele 1. Ethic. c. 5. quia hunc tanquam ducem sequimur, & cum Peripateticis, summum bonum in virtutis, non nudo habitu, sed actione, constituimus: Aristoteles hanc sententiam 1. Eth. 5. duabus probat rationibus: Prima est. Fieri potest, ut quis habitu virtutis instructus, vel dormiat, vel nihil agat per omnem vitam, sed eam otiosam tranligat totam, vel quia instrumentis destituitur virtutis exercendæ, vel alio impedimento impeditus: at vero, qui neque mente, neque voluntate, quicquam agit, non potest dici beatus. Secunda est. Vir habitu virtutis præditus sæpe incidit in res adversas & maximas calamitates: at tum beatus dici nequit. Verum, utraque ratio varias patitur exceptiones: Quare tibi cinibus quibuscumque fulcienda est. Prime Aristotelis rationi hoc fundamentum est subternendum, beatitudinem esse bonum absolutum & perfectum, bonum summum non esse cui aliquid addi potest quo reddatur perfectius. At habitus est quid imperfectum, & virtutis habitui aliquid addi potest, quo sit perfectior, nempe actio. Nam licet habitus perficiat potentiam, ultima tamen potentie perfectio non est in habitu, sed in virtutis actione. Et ante inter conditiones summi boni recensuimus, ut propter se expetatur: at habitus expetitur propter actionem: & Aristotelis rationem primam his tibi cinibus sustentam sic instituiamus. Quod secundum se & per se est expetibile, perfectius est eo, quod expetitur propter aliud. At virtutis habitum expetimus propter felicitatem, felicitatem propter se ipsam. Ergo felicitas est perfectior virtutis habitu. Ergo virtutis habitus non est summum bonum: quia hoc est perfectissimum, porro virtutis habitum expetimus propter actiones: at feliciores sumus, & nos esse existimamus, ex opere & actione virtutis, quam ex habitu: quod probō. Putamus nos esse beatiores ob id quod habet rationem finis, quam ob id quod habet rationem medii. At rationem finis magis habet actio quam habitus. Ergo, sicuti iudicamus excellentiores, qui divitiis utuntur quam qui eas possident, ita præstantiores censemus, qui virtutem exercent, quam qui habent: non qui iustus

justus aut fortis est, sed, qui justè ac fortiter agit, celebratur: & in eo salus est reipublicæ, non ut multi sint fortes aut justi quoad habitum, sed ut multi fortiter & justè agant. Elegans est similitudo, quam *Aristoteles* adducit; uti, inquit, in ludis Olympiacis, non formosissimi quique & robustissimi, sed qui decertant, coronantur, ita & qui honestè ac bene agunt, in hac vitâ. Et, si quis conditiones summi boni ex *Aristotele* à nobis initio hujus *Exercit.* enumeratas consideret, eas magis actioni virtutis, quam ejus habitui, convenire comperiet. Summum bonum est aliquid sibi sufficiens in quo homo acquiescit. Sed in habitu virtutis non acquiescit animus; quin vero ex virtute agere optat. Ergo virtutis habitus non est bonum sibi sufficiens. Summum bonum est jucundissimum; at major ex actionibus, quam ex habitu virtutis, est jucunditas. Ergo summum bonum magis in actionibus virtutis consistit quam in habitu. Cum vero actiones virtutis, in dormientem, in otiosum, in hominem omnibus exercendæ virtutis mediis destitutum, non cadant, neque summum bonum in eos cadet: at caderet in eos, si summum bonum in solo virtutis habitu consisteret; atque hæc ad statuinandam primam *Aristotelis* rationem contra *Stoicos* sufficerint. Altera ejus ratio erat petita à calamitatibus, & rebus adversis, in quibus sæpe hærent, qui virtutis habitum possident: at vix est, ut isti, tum temporis, beati dicantur: certè, qui tota vita in lecto decumbat, omnibus poene sensibus spoliatur, quomodo beatus dici potest, licet habitu virtutis sit instructus? certe summum bonum & felicitas hominis suprema non conjungitur cum summâ & supremâ infelicitate. Sed, ut verum fatear, hæc ratio potissimum spectat felicitatem, ut significat omnium bonorum cumulum, & itatim perfectissimum, cui bona fortunæ ac corporis deesse non debent, potest tamen aliquo modo etiam spectare felicitatem, ut nos hic de ea disputamus, tanquam de bono maximo, quod statum istum felicitatis absolutum componat ac constituat: verum hujus rationis robur dependet in totum ex altera questione, quam proxima *Exercitatione* tractabimus, an bona exter-

na & fortunæ ad felicitatem sint necessaria? nunc objectiones potius, quæ moveri solent ac possunt contra *Aristotelis* sententiam, dissolvemus.

III. 1. In eo magis est felicitas, quod bonum est, bonitate, non quæ petatur aliunde, sed sua. Virtus autem ex se bona est: actio virtutis non ex se, sed aliunde, nempe à virtute. E. magis in virtute, quam in actione sita est felicitas. R. major est vera, sed minor falsa: nam virtus non est ex se, nec à se, bona, sed ex actione à qua gignitur habitus: actio ipsa est bona, vi finis & objecti; intelligit actionem, qua virtus gignitur. Nempe res sic se habet; & actio virtutem producat, & virtus ipsa, & actio à virtute exercita, habent suam bonitatem aliunde: nulla ex se: sed habent suam bonitatem à fine, objecto, efficiente, aliisque circumstantiis, unde omnis bonitas sive habitus, sive actionis moralis derivatur: actio virtutem præcedens, eandemque consequens, bona est, quia rectæ rationi utraque est conformis: virtus aliquid quidem confert ad bonitatem actionis, quam edit, sed minimum tamen: nempe virtus hætenus reddit actionem bonam, quatenus potentiam, quæ elicit actionem bonam, quâ agit congruenter rectæ rationi, roborat, confirmatque, ut, quam ante virtutis accessum edebat actionem, bonam quidem, sed cum difficultate, nunc bene agat cum facilitate, ita ut virtus non proprie bonitatem largiatur (illa est à conformitate actionis cum recta ratione) sed facilitatem, actionem rationi rectæ congruam, id est, bonam facile exercendi. 2. Bonum per se expetendum, est summum. Virtus, ut habitus, est bonum per se expetendum. Ergo. Probatur minor: quia perficit animum & potentiam ad quam accedit, est nulla operatio sequatur: at, quod sic perficit animum, est per se expetendum. Resp. virtus cum actu aut relatione ad actiones, est per se expetenda, & perficit sic animum, atque potentiam, ad quam accedit: at sine actu vel relatione ad actiones virtus non est per se expetenda, nec sic perficit &c. & notandum est, à *Peripateticis*, summum bonum non constitui in actionibus nudis, sed in actionibus cum habitu, à quo proficiuntur, consideratis: nam sine eo ne actiones quidem

rent: certè, habitus non perficit animum aut potentiam, nisi in quantum reddit eam idoneam ad agendum: at si nullum unquam ab ea proveniat opus, aut provenire nequeat, quænam quæso erit ab habitu potentie capacitas accepta? itaque *Aristoteles*, cum dicit alibi, *virtutem esse per se expetendam*, intelligit virtutem cum actu: & ut ipsius *Aristotelis* similitudine hoc negotium illustrem: Quemadmodum ædificatoris habitus perfectionem suam accipit à bonâ ædificatione, sic virtus suam desumit perfectionem ab actione. 3. *Summum bonum est id quod hominem maxime efficit bonum: sed virtus magis bonum facit hominem quam actio virtutis*. Resp. major vera est: minor falsa. Neque enim virtus aut habitus nudè, ac solitariè spectatus, magis facit hominem bonum quam actio virtutis: imo contrà, quia omnis actio virtutis virtutem supponit, & habitum quasi includit, fit, ut actio virtutis reddat magis hominem bonum, quam nudus habitus, imo per habitum virtutis nullo modo redditur bonus homo, nisi habitus ad actum referatur. 4. *Summum bonum est jucundissimum. At virtutis actio est molestæ ac laboriosa*. Ergo. Resp. actio virtutis non est laboriosa, non molesta ex se; sed interdum fit, ut à corpore, cujus viribus & potentiis interdum utitur virtus in actione sua exercendâ, aliqua accedat molestia: at illud per accidens fit, ratione ipsius actionis à virtute profectæ. 5. *Id quod dirigit, melius est directio. At virtus dirigit, actio virtutis dirigitur*. Ergo. Resp. Virtus non dirigit, sed ratio, sed prudentia, aut ipsa anima, vel mens: actio temperantiæ, non est à temperantiâ, ut à principio dirigente, sed ut à principio efficiente, non ipsam actionem, sed facilitatem actionis: mens, ratio, prudentia, dirigunt: & ipsa actio est à facultatibus istis, à quibus actiones istæ temperantiæ proficiuntur, & quas temperantiæ virtus faciliat. 6. *Felicitas est quid perfectissimum: At actio virtutis perfici potest, nempe à delectatione, quæ sequitur*. Resp. Felicitas, si significat statum, continentem omnium bonorum cumulum, est quid perfectissimum; at sic nos non sumimus hic, ut ante fuit monitum: at, si significet ex bonis simplicibus, bonum opti-

um, sic non est quid perfectissimum: nam non potest quidem perfici intrinsecus in anima illud bonum summum, sed tamen potest perfici extrinsecus in membris, per bona, quorum indiget ministerio, dum acquiritur: barbari dicunt, potest perfici, accidentaliter & ministratiler: sed hoc segg. Exercit. discutimus. 7. *Eodem die potest fieri, ut quis agat ex virtute & mox non agat: Ergo eodem die erit felix & miser*. Si enim agere ex virtute beatum est, non agere ex virtute, est miserum. Resp. miserum esse, opponitur felici, vel contrariè, vel privativè: si contrariè, non tantum significat, absentiam actualis felicitatis, sed significat, esse malitiâ & malis operibus infectum: Si privativè, tantum significat, eum, qui, quo tempore an loco felicitate actuali perfrui posset, actu eâ non frui: Et sic posteriori modo miser dici potest, is, qui & quando ex virtute non agit; non positive, sed privative, aut rectius, negative miser, i. e. non felix est. Nam qui eodem die quo ex virtute egit, cessat agere ex virtute, is non redditur eo tempore miser, sed redditur non felix actu, ut sit nuda negatio felicitatis: Sic qui dormit, non est miser; quia nullam virtutis actionem edit, sed tantum non felix actu: Imo tanta est felicitatis vis, ut in ipsâ cessatione à virtutis actione & in somno, adhuc quasi luceat, quia ideo quis, qui summum bonum possidet, cessat à virtutis actione aut dormit, ut postea tanto facilius bene agat: & manet semper habitualis felicitas, quam cum in actione virtutis ponit *Aristoteles*, habitum non excludit, sed includit. 8. *Bonum diuturnius est melius non diuturno. Sed virtus, ut habitus, est diuturnior: actio virtutis est minus diuturna, nam cito perit*. Resp. Major vera est, si res ejusdem speciei inter se conferantur, & cætera sunt paria: tum enim bonum diuturnius est melius, at hic non comparantur res ejusdem speciei, nec cætera sunt paria; non enim hic habitus cum habitibus, nec operationes cum operationibus, conferuntur, sed actio virtutis cum habitu virtutis; & fieri potest, ut actio virtutis, licet minus diu duret quam habitus, quia tamen est perfectior habitu, sit magis optabilis quam ipse habitus. Deinde, felicitas est maxime permanens, non collocata cum rebus quibus-

conque, sed cum istius ordinis rebus, cum quibus est conferenda: sic inter operationes, ad quas refertur actio virtutis est maximè permannes. 9. *Si felicitas consistit in actione virtutis, Ergo consistet in multis quæ jam transierunt, & in uno quod nunc tantum est: quia multe actiones virtutis transiere, & hæc aut illa nunc tantum est: At illud est absurdum. Ergo. Resp.* ad minorem. Non est absurdum, ut felicitas consistat ex multis, quæ jam præterierunt, & ex uno præsentis, quia ex talibus ipsa constat vita: Si enim vita consistat in perpetuo fluxu, quidni & felicitas ejus? 10. *Si felicitas consistat in actione virtutis, Ergo progressu temporis augetur, quo scilicet plures erunt actiones virtutis. At hoc absurdum est. Ergo. Resp.* Negando consequ. neque enim consequitur, si felicitas

consistat in actione virtutis, quo erunt plures actiones, eo magis auctum iri felicitatem: nam vita non dicitur propriè augeri, licet plures ad eam accedant anni, sed annorum accessu dicitur extendi & diutius durare: & sic felicitas diutius durat, sed non augetur, quo plures actiones virtutis exeruntur. Deinde non ponit *Aristoteles* felicitatem in unaquaque actione virtutis, sed in omnium actionum ex virtute collectione: quemadmodum senex dicitur non propter hunc vel illum annum, sed propter annorum exactorum cumulum: annus unus quidem alteri additur, propriè tamen nihil additur senectuti: sic actio virtutis una additur alteri, nihil tamen propriè felicitati.

## EXERCITATIONUM ETHICARUM OCTAVA,

*Quæ est quinta,*

DE

# S U M M O B O N O.

## T H E S I S I.

**O**stendimus *Exercitatione* precedenti, & evicimus contra *Stoicos* pro *Peripateticis*, summum bonum consistere in virtutis, non habitu, sed actione. Verùm ut hic inter se dissentiant aut saltem dissentire existimantur, utriusque sectæ *Philosophi*, ita alia quædam inter eosdem circa summum bonum est controversia. Cum enim trium generum sint bona, animi, fortune, corporis, quaeritur inter illos, an præter animi bona (de quibus nulla est controversia) ad summum bonum requirantur etiam & pertineant bona corporis & fortune? *Stoici* negant, imò felicitatem illam, quæ externa illa corporis & fortune bona requirat, effeminatam, mollem, fluxam, inconstantem appellant, & quandoquidem virtutis

habitus sine iis bonis esse potest, si summum bonum in virtutis habitu consistat, ut illi existimant, summum bonum sine iis esse potest. *Aristoteles* contra ac *Peripatetici*, quando quidem summum bonum collocant in actione virtutis, & actio virtutis sine bonis corporis ac fortune, aut non, aut vix & ægrè, exerceri queat, ad summum bonum bona corporis ac fortune exigunt, sed ut instrumenta, ut ornamenta, ut auxilia quædam, ad actiones virtutis exercendas necessaria: nempe, per ea virtutis exercendæ occasio est, & sine iis præstari multa non possunt. V. C. ut fortiter quis agat, robore corporis eget, at hoc bonum est corporis: ut liberalitatem exercent, divitiis eget; at hæc bonum sunt fortune: & cum ho-



minem perficere debeat summum bonum, constantem animâ & corpore, necesse est, ut felici conspiratione omnia in eo conveniant & reperiantur, quæ ad humanæ vitæ perfectionem splendoremque faciunt, at verò talia sunt bona fortunæ & corporis: quid enim, quæso, præclari aget in vita, qui vel nunquam sano est corpore, vel omnibus amicis destitutus, nullo est in republica loco, nullo sensu, nullis est instructus opibus? hæc enim bona, seu fortunæ, seu corporis, præsidia sunt & adminicula, ad felicitatem obtinendam, ad actiones virtutis exercendas, necessaria: non quidem summi boni ratio aut essentia in iis bonis est sita: neque enim illa bona summa sunt: ad summi boni rationem hæcenus tamen pertinent, quatenus eorum accessu summum bonum augetur & illustrius redditur, quatenus virtutis actiones per ea promoven- tur, adjuvantur, & sic loquar, facilitantur. Certè præclarius est & magis optabile, si quis virtutem exerceat servata valetudine & absque dolore, quam si quis eandem exerceat cum dolore & valetudinis jactura. Atque hæc est sententia *Aristotelis* 1. *Eth.* c. 8. & 1. 10. c. 8. & 7. *Pol.* c. 1. *Stoici* contra, virtutem, suum sibi summum bonum, non tantum carere posse bonis fortunæ & corporis existimant, sed verò, insuper, ea ne in bonorum quidem numero habent, adeoque actionem honestam, five ex virtute perfectam, sine dolore, non esse meliorem censent eâ, quæ cum dolore fiat. Videatur de hoc negotio differens Cato apud *Ciceronem* in lib. 3. de *finibus boni & mali*: & sapientissimus *Seneca* *epist.* 71. & 98. Ergo hæc duo paulo plenius inquirimus: 1. *An bona corporis & fortunæ ad felicitatem sint pertinentia?* 2. *An ista bona sint vera bona?* Nos utrumque affirmamus: & probamus utrumque, ac tum argumenta adversario- rum dissolvemus.

II. Primam quod attinet quæstionem, sic pronunciamus: *Felicitas ac summum bonum bonis fortunæ ac corporis in totum carere non possit.* Probamus: 1. Quia multarum virtutum actiones sine iis exerceri nequeunt: hinc argumentamur: sine quibus actio virtutis exerceri, summum bonum obtineri, nequit, il-

lud est necessarium ad summum bonum: at qui sine bonis fortunæ ac corporis actio virtutis obtineri nequit. Ergo, &c. Minorem probo per exempla. Quis fortitudinem exerceat, si perpetuo cum adversâ & imbecilli conficetur valetudine? qua ratione liberalitatem exercebit, qui omnium rerum summa laborat penuria? quis modestiæ, quis magnanimitati, erit locus, ubi nulli sunt honores? quomodo justitia exercebitur, tum commutativa, tum distributiva, si nulla suppetat rerum commutandarum ac distribuendarum materia? quare notatu dignissima sunt verba *Aristotelis* lib. 1. *Eth.* c. 8. *Non potest vel vix potest res præclaras gerere, cui res non suppetant: multa enim per amicos, divitias, civilem potentiam, tanquam per instrumenta aguntur.* Bona fortunæ & corporis externa itaque, sunt adminicula, summo bono inservientia, sunt veluti famulæ virtutis, quibus virtus utitur, dum exercetur. Ac licet robor, opes, aliaque id genus bona, ad beatitudinem requiramus, non ea exigimus tamen in gradu excellentissimo, sed moderato tantum: atque ita vult ipse *Aristoteles* *Eth.* lib. 10. c. 8. Verba ejus sunt: *Non tamen, si fieri non potest, ne quisquam sine bonis externis sit beatus, idcirco existimandum est, multa ac magna virum beatum desideraturum.* Sed, dicit hic quispiam, multi olim extiterunt viri fortes, temperantes, justi, quibus tamen fuit res angusta domi: non sunt ob paupertatem viri præclarissimis virtutibus ornati egregiisque factis celeberrimi, apud Græcos *Epaminondas* & *Aristides*, apud Romanos *Æmilius*, *Curius*, *Fabricius*, *Camillus*. Ergo summum bonum non eget opibus, & conjunctum esse potest cum paupertate, nisi qui dicere ausit, hominem pauperem non posse ex virtute agere. Sed respond. quod ad opes attinet, non iis adstringimus felicitatem, nec pauperes ab omni eximimus virtute aut virtutis actione: sed eos, non in solidum, non ex toto, felices esse, pronunciamus: imo asserimus, hos ipsos viros bonos & virtute præditos, quorum apud Græcos & Romanos paupertatem retulimus, longe feliciores futuros fuisse, si plus opum habuissent, quia sic pluribus beneficere, & adversum plures liberalitatem exerce-



ere, potuissent: non res opimas aut lautissimas, sed moderatas tamen opes, postulamus, tanquam instrumenta virtutum multarum; adeoque dicimus; viro mediocribus divitiis instructo longè maiorem esse summi boni acquirendi occasionem natam, quam pauperi. Hunc beatum æstimamus, qui tantus caret obsoleti sordibus tecti; caret invadenda sobrius aula. Sed secundo probamus Aristotelis, ex Aristotele, sententiam. Quorum bonorum absentia beatitudinem obscurat & obnubilat, eorum præsentia felicitatem illustrat & exornat. At bonorum corporis & fortunæ, &c. Ergo. Minorem ipsius Aristotelis verbis probabo: nam, inquit, qui omnis deformis est, aut pauper, aut egrotus, aut amicus, vel liberis, similibusque bonis destitutus, is perfecte beatus dici non potest. Hic fortasse mirum videatur, quod deformem de beato neget Aristoteles: contra enim inquit Seneca: potest ex deformi humilique corpusculo exire formosus animus: sed Resp. pro Aristotele tamen: gratior est pulchro veniens ex corpore virtus: & corporis venuitas aliquid saltem momenti confert ad felicitatem, ut felicius sit homo animo pariter ac corpore formosus, quam solo animo pulcher, corpore deformis: & profecto, cum non animo tantum sed & corpore præditus sit homo, utique tum demum perfecta in ipsum cadit beatitudo, si utrique bene sit. Quare primam hanc questionem concludimus verbis Ciceronis Acad. quest. lib. 1. Omnis antiqua Philosophia sensit in una virtute depositam vitam beatam, nec tamen beatissimam, nisi adjungantur bona & corporis, & fortunæ, & cetera ad virtutis usum idonea.

III. Secundam quod spectat questionem: Quod bona corporis & fortunæ revera sint bona: sic probamus. 1. Quodcumque est appetibile, quia convenientiam dicit veram cum alio, hoc est revera bonum: at bona fortunæ & corporis sunt expetibilia, quia &c. Ergo, &c. Probamus minorem, quia entia sunt à Deo creata, & ideo alicui appetitui desiderabilia & alicui verè conformia. 2. Cum quibus homo est conditus, ea non sunt mala, sed verè bona, &c. at homo est conditus cum bonis fortunæ & corporis. Ergo, &c. 3. Quo-

rum contraria sunt revera mala, ea sunt revera bona; at contraria bonis corporis ac fortunæ, sunt revera mala. Ergo. Probamus minorem, quia sunt pœnæ, ut paupertas, ignominia, ærummæ, mori i, quibus premitur genus humanum: & Deus ea tanquam pœnas minatur: contra, bona fortunæ ac corporis tanquam præmia pollicetur: Ergo, hæc revera bona, illa revera mala sunt. Et si extra Philosophiam abeamus, Stoicorum sententia manifeste pugnat cum sacris literis, qui bona corporis & fortunæ, benedictionem & donum Dei, appellant: contra, mala corporis & fortunæ, maledictionem: sed nos sacras literas non attingemus.

IV. Nunc adversæ partis argumenta diluenda restant: ac primum pro sententia prima est. 1. Si sola virtutis actio est summum bonum, ergo ab eo excluduntur bona corporis & fortunæ: quia virtutis actio est bonum animi. At verum est prius. Ergo & poster. Negatur consequentia: neque enim, cum dicitur, sola virtutis actio est summum bonum, eo excluduntur illa, quæ instrumenta sunt, & quasi materia, in qua virtutis actio est exercenda: Veluti, cum dico, solus auditus percipit sonum, eo non excludo aurem, quæ instrumentum est auditus, & cum dico, solus oculus videt, eo non excludo lumen, quod est adjumentum necessarium ad videndum: sic, cum dico, sola actio virtutis est summum bonum, non excludo ab eo bonum corporis aut fortunæ, quod utrumque est instrumentum & adjumentum summi boni. 2. Quod est maxime inconstans & instabile & non in nostra potestate, non pertinet ad summum bonum, quod est constans ac perpetuum: At bona corporis & fortunæ sunt maxime inconstantia & instabilia, & extra nostram potestatem. Ergo, &c. Resp. Concedimus minorem; negamus majorem: hoc quidem est verum: quod est inconstans, instabile, & extra nostram potestatem, non est summum bonum, quia hoc contrarias exigit conditiones: sed si dicas, nullo modo pertinet ad summum bonum, nec tanquam instrumentum, nec tanquam materia virtutis exercende, falsâ est major, Bona corporis & fortunæ,

non

non sunt ipsum summum bonum; pertinent tamen ad illud. Hæc duo accurate hæc sunt distinguenda. Summum bonum non posse esse sine omni bono corporis ac fortunæ: & summum bonum esse ipsa bona corporis ac fortunæ. *Stoici* utrumque negant. Nos prius affirmamus, posterius negamus: hic igitur convenimus utrinque: quod bona corporis & fortunæ sunt ipsum summum bonum, quia hoc stabile, firmum, & in nostra potestate est situm: illa non item: sed hic differimus, quod *Stoici* ex inconstantia bonorum fortunæ ac corporis concludant, ea, nullo modo ad summum bonum facere, aut pertinere: nos contra asserimus, omnino ea ad summum bonum pertinere ac facere, quia sine iis actiones virtutum multarum exerceri nequeant, ut fuit ostensum. Atque hanc distinctionem nobis suppeditat ipse *Aristoteles lib. 1. Eth. ad Eudemum c. 2. Sicut unum & idem, inquit, non sunt, illa, sine quibus nemo sanus esse potest, & ipsum illud, esse summum, ita nec idem sunt, bene vivere, & ea, sine quibus bene vivere non licet*: quæ dicat: sine bonis fortunæ & corporis nemo perfecte beatus aut felix est, & tamen beatitudo aut felicitas in iis non consistit, aut illa bona non sunt ipsa beatitudo. Vita humana sine somno esse non potest; non tamen somnus est ipsa vita hominis: sic nec est sine cibo aut potu, at male quis intulerit cibum potumque esse ipsam hominis vitam: Quod autem bona illa corporis ac fortunæ inconstantia sint, eo non tollitur eorum concursus cum summo bono, stabili ac firmo: quia ea summi boni essentiam non ingrediuntur, non constituunt, sed ad illud, tanquam conditiones, sine quibus summum bonum haberi nequit, tanquam adjuncta, ad illud ordinantur. 3. *Quodcumque est perfectissimum, ei nihil potest addi, nihil demi*: At summum bonum est ejusmodi. Ergo. Consequenter non potest bonorum fortunæ aut corporis accessu augeri aut illustrius reddi, nec eorundem recessu minui vel obscurari. Resp. Quod perfectissimum est in essentia sua, ei nihil addi potest vel demi in essentia, concedo: At hic nihil additur, nihil demitur, summo bono in essentia, per accessum vel recessum bonorum

corporis aut fortunæ, quia essentiam ejus non constituunt, nec augent, nec minuunt. At quod perfectissimum est in essentia, ei nihil addi, nihil demi potest, extra essentiam quod sit, falsa est major: & bona corporis aut fortunæ, quando ad summum accedunt bonum, extra essentiam ejus adherent ac concomitantur: summum bonum sine iis est perfectum perfectione essentiali, sed non integrali, ut distinguunt *Metaphys. ci. V. C. Opes*, quæ sunt bona fortunæ, si non suppetant viro liberali, non eo aliquid de liberalitatis natura aufertur, nec ideo talis ex liberali fit, vel prodigus, vel avarus. Contrâ, si accedant opes, non reddunt eum liberalem, qui ante non fuisset, sed actiones tantum externas à liberalitate exercendas, vel obscurant, si non sint, vel illustrent, si sint: naturam ipsam virtutis, nec imminuunt, si absint, nec augent, si adsint. Pariter sceleres habet in bono corporis. Si viro forti robur deficiat, non eo fortitudo deficit, non ideo is ex forti fit audax aut timidus; nec contra, si robur accedat, eo virtus, fortitudo, augetur, sed robur est tantum conditio sine qua actiones fortitudinis suscipi, aut conspici non possunt. Et sic videmus, quomodo bona corporis vel fortunæ nihil addant summo bono, quoad essentiam. 4. *Quodcumque conjunctum est summo bono, cum formidine, ut amittatur, sine eo potest esse summum bonum, quia hoc tranquillum & securum facit possidentem*. At bona fortunæ & corporis &c. Ergo. Resp. Neg. major. Et ratio est eadem, quam itatim dedi: quia, cum hæc bona tantum extrinsecus accedant, licet sint obnoxia amissioni, securitatem tamen & tranquillitatem à summo bono non tollunt: & præterea, vir beatus & felix non metuit, non formidat, amissionem librorum bonorum, quia scit ea talia esse, quæ amitti possunt, & si amittantur, nihilominus est securus ac manet tranquillus.

V. Sed & objectiones videamus pro secundâ opinione proferri solitas, quod bona corporis & fortunæ non sint revera bona. 1. *Quod insigat & ducit ad malum, non est revera bonum: sed bona corporis, saltem fortunæ, ut opes, insigant & ducant ad malum, quod ma-*

inestum est in acquirentibus & possidentibus. Resp. Neg. min. nam bona ista externa, ut opes, non per se instigant & ducunt ad malum, sed per accidens, quatenus, vel acquiruntur, vel possidentur, à malè temperato & improbo animo: quasi dicam, cibum, potum, vinum, non esse reverà bona, quia, quando ab helluonibus assumuntur, instigant

ad malum. 2. Quod possessorum non emendat, sed nocet, non est per se bonum: At bona externa, &c. Ergo Resp. Idem est sophisma. Quod enim ista bona possidentem non emendent, sed noceant, non est à natura bonorum, sed à vitio possidentium, neque causæ nocimenti sunt bona ipsa, sed causa sola est vitiosus possidentis animus.

## EXERCITATIONUM ETHICARUM

N O N A,

Quæ est Sexta

D E

## S U M M O B O N O.

## T H E S I S I.

I Nstituiamus aliquas hæcenus de summo bono Exercitationes, & ostendimus, summum hominis bonum, non in corporis, nec in animi voluptate inveniri, nec querendum in divitiis, nec in gloria, potentia, nobilitate, nec in nulla rerum extra nos creatarum contemplatione, imo ne in virtutis quidem habitu, sed in solâ virtutis actione. Adjunximus quaestionem illam tantâ animi contentione Stoicos inter ac Peripateticos agitatam, an bona corporis & fortune ad felicitatem supremam faciant, & quomodo? probavimusque postremo, ea felicitatis supremæ essentiam non quidem constitueri, sed ejus tamen esse ornamenta, adnuncula, quin & necessaria instrumenta. Reliquum adhuc esse videtur, ut invento eo, in quo beatitudo, ac felicitas suprema ab Aristotele collocatur, ejus definitionem paulo plenius ex eodem explicemus.

II. Aristoteles I. Eth. 1. c. 7. Felicitatem supremam sic definit. *Ευδαιμονία ἐστὶν ὁρίσκειν τὴν ψυχῆς λειτουργίαν, κατὰ ἀριστὸν ἄριστον ἐπὶ πλεονεκτητῶν ὧν βίη τελεῖται.* Summum bonum, ut Latine reddamus, est actio animæ rationalis secundum virtutem optimam & perfe-

ctissimam in vita perfecta. Quod summum hominis bonum in actione consistat, imo in actione animæ rationalis, c. cit. sic ab Aristotele breviter confirmatur. Propria actio hominis, est finis ejusdem. At animæ rationalis actio, est hominis propria. Ergo est ejus finis. Nam, cum trium generum sint bona, alia corporis, alia animi, nullum ex hisce, quam animi bonum, homini est οἰκείον & ἰδίον, domesticum ac proprium: animique nomen sola meretur rationalis anima: vitam cum plantis, sensum cum brutis, communem obtinuit homo, rationem atque animam rationalem sibi peculiarem accepit. At verò in peculiari, ac proprio hominis bono, summum bonum est collocandum: suprema vero hæc hominis felicitas ab Aristotele collocatur in actione rationalis animæ secundum virtutem, eamque optimam ac perfectissimam; quod virtutem exigit, mirum nihil est, omno quippe bonum propria cujusque rei virtute perficitur, quæ norma est & regula, juxta quam actiones omnes humanæ, ac rationales, hominique propriæ, sunt componendæ: sed quid per virtutem intelligat Philosophus opti-

M m m

m m m

*mam ac perfectissimam*, non una est interpretamententia; nonnulli *prudentiam* significatam à Philosopho existimant, quod hæc omnium virtutum sit comes ac directrix, & medium ostendat in omni virtute servandum, quid ex præscripto recte rationis sit faciendum, quid fugiendum; alii intelligunt, *Sapientiam* inter Theoreticas, *Justitiam* inter Practicas virtutes: nos iis calculum addimus, qui *virtutem* quamque in summo suo gradu denotari autumant, ut actio secundum virtutem optimam & perfectissimam instituta proficiscatur à virtute, non inchoata primum, aut recens cepta, sed jam usu ac crebris actionibus confirmata: intelligimus ergo, *perfectissimam* fortitudinem, *temperantiam* *perfectissimam*, *perfectissimam* iustitiam, &c. Addit Philosophus, summum bonum esse actionem rationalis anime secundum virtutem *perfectissimam* in vita *perfecta*, quæ quid significet, multiplici sententiarum varietate est disputatum ab Aristotelis interpretibus. Quin ad vitam hanc perfectam requirat longinquitatem ac diuturnitatem temporis Aristoteles, ex ipso hujus cap. citati textu manifestum est. Sic enim diserte inquit Philosophus, ut nec una hirundo, nec unus dies, vir efficit: ita nec unus dies, nec exiguum tempus, beatum aliquem facit: sed quæ diuturnitas & qualis longinquitas exigatur ad hanc vitam perfectam, hoc non satis est certum: nonnullis intelligentibus totam hominis vitam à principio ad finem comprehensam; aliis non totam vitæ seriem ac complexi nem intelligentibus, sed eam vitæ partem, in qua quis comparat virtutem, qualis est etas virilis: sunt qui vitam perfectam Aristoteli esse volunt vitam longam, & naturæ fortunæque bonis abundantem. Nos per vitam perfectam ab Aristotele intellectam existimamus, vitam tanto tempore extentam, ut in ea elucere possit suprema hæc hominis felicitas & *Edipugnia*. Est à natura singulis hominibus vivendi certa periodus præstituta, quæ si coufque producat, ut ante ejus finem per multos annos præclaras multasque virtutum omnium actiones ediderit, atque exercuerit homo, jam *vita talis perfecta* intelligitur Aristoteli, quæ vitæ ratlo cum ante virilem ætatem non obtingat, (tum enim judi-

cium demum est firmatum habitus virtutum constantes) non male hæc *vita perfecta à virile ætate perfectionem suam accipere atque inchoare censetur*. Ergo, uno verbo, per vitam hanc perfectam Aristoteles intellexisse videtur partim virilem ætatem, oppositam puerili, quæ virtutis summique boni non est capax, partim vitam talem, quæ in proposito virtutis exercenda, imò in ipso virtutum exercitio aliquamdiu dures. Hanc jam actionem animæ rationalis secundum virtutem perfectissimam in vita perfecta exercitam, esse *Edipugnia*, summam felicitatem ante fuit probatum; ac si quis hanc Aristotelis sententiam cum aliis aliorum de summo bono opinionibus, ante recitatis & refutatis, conferat, illa omnia; quæ alii summo in suo bono requirunt, hic inveniri, ostendunt Aristotelis interpretes, quo magis illud verè summum esse bonum demonstrent, quod ab Aristotele ponitur.

III. Nonnulli summum bonum in voluptate posuerunt: at quid magis est volupe, quid jucundius, quid suavius, quam secundum virtutem agere? certè, vir bonus benè agendo letatur: nam nihil verè jucundum est, quod non idem sit honestum; at honestum est ex virtute operari, ergo jucundum est idem. Extiterunt, qui in honore, in gloria, in potentia, in nobilitate, ac nominis celebritate summum bonum collocarunt. At Aristoteli, hæc actio animæ rationalis, à virtute perfecta, honore est dignissima, ac gloriam habet conjunctam, quæ comes semper est virtutis: ignobilis est genere, ac prolapsa virtutem sequere; Nobilitas sola est atque unica Virtus: potentia non es instructus? eam conciliabit, quin & sceptrum largietur, sola virtus, ejusque actio crebra: hæc nobilitatem, hæc gloriam, hæc potentiam, hæc nominis confert celebritatem: sed nec divitiis excludit Aristotelis summum bonum: quin multas multarum virtutum actiones institui non posse, nec exerceri, nisi bona adfint fortunæ, luculentissime antehac à nobis pro Aristotele est demonstratum, ut quæ virtutum exercendarum, multarum saltem, sint externa adminicula atque instrumenta. Summum bonum vis esse contemplationem? at eam Aristotelica virtutis actio includit & tanquam par-

tem felicitatis supremæ adfciscit . nam *Aristotelis diducupria*, & virtutis intellectivæ, & moralis, actionem complectitur. Denique summum bonum in habitu virtutis constituitur : at hic arctissime in actione virtutis includitur ; qui enim ex virtute agat, qui non sit instructus habitu virtutis ; ita quidem *Aristotelicam* de summo bono sententiam , omnia complecti bona , quæ alii in summo bono desiderabant , magno conatu ostendisse se existimant , omnes ejus admiratores , commendatores , ac commentatores : alii tamen , quibus religio non est ab *Aristotele* recedere , non tant effertur præconis ejus de summo bono sententiam ; imo tantum abest , ut laudibus prosequantur , ut contra convitiis persequantur , atque impetant , tanquam impiam & indignam , quæ tam mordicus retineatur , ac pertinaciter defendatur , ut à multis fit.

IV. Quid , inquit , hæcne vera fuerit de hominis felicitate sententia , quæ eam in actione virtutis humanæ collocat , hominem sibi ipsi confidere , velut Authori suæ beatitudinis , jubet ? at didicimus ex sacræ veritatis scholâ , hominis à seipso bonum esse nullum , imo miserum esse , qui in se , in sua virtute , & virtutis actione , felicitatem quærît , quia à Deo abit omnis boni fonte & authore : humana hæc , à virtute hominis propriâ suisque viribus profecta , felicitas , mundana est felicitas , & non à Deo , sed à mundo , ab homine corrupto , profecta felicitas , quæ miserum magis quam beatum reddit hominem : agite , sumamus hominem secundum *Aristotelis* mentem *iducupria* , omnibusque *Aristotelicis* virtutibus ornatum , virtutem exercentem in vita perfecta , virtutis exercentis instrumentis & adjumentis instructum , robore ac corporis viribus præstantem , demus ei opes , honores , conjuges , liberos , propinquos , amicos , & quid non ? cum tamen is fuerit sine fide , sine Deo , sine vera religione , quis eum summè felicem declarare audeat ? quis non miserum potius , ut quem , æternæ miseriæ destinatum , justissimo Deus judicio condemnabit ? an summum bonum cum summa hominis miseria consistere potest ? at hæc *Aristotelica* felicitas summam

istam miseriam includit : quia hæc felicitas fidem excludit : at , quod sine fide fit , peccatum est ; & falsa est virtus omnis , virtutisque actio absque fide : fingamus hominem Ethnicum , infidelem , Atheum , sine Deo ; hic tamen beatus esse poterit secundum *Aristotelicam* beatitudinis definitionem ; nam poterit temperanter , liberaliter , justè , mansuetè , fortiter , agere , omnesque virtutes morales exercere . Pergunt , qui *Aristotelis* , de summo bono , sententiam rejectum eunt , & ajunt ; Summum bonum in vita perfecta ab *Aristotele* ponitur : at vix est , aut non est , ut quis vitam hanc mortalem ac caducam perfectam appellet : quin hanc vitam , miseriæ potius , ærumnæ , ac calamitatis concomitantur , ac tantum non opprimunt : vita perfecta , ac beata in cælo expectanda est .

V. Contra hæc tamen aliaque id genus , *Aristotelica* de summo bono sententiæ , objecta crimina , distinctionibus quibusdam allatis , *Aristotelis* patrocinium suscipiunt alii : distinguunt inter beatitudinem naturalem , & supernaturalem ; illa est , ad quam pervenire potest homo viribus naturæ , quam animus suo ipsius labore adipiscitur virtutis exercitio in hac vita , hæc est , quæ naturam humanam excedit , & quæ , non naturæ viribus , sed gratiæ auxilio , acquiritur , ac possidetur perfectè in futura vita : priorem tantum ajunt beatitudinem ab *Aristotele* quæsitam , posteriorem ignoratam : eam cadere , in quem non cadit fides , hanc non item . Alii distinguunt , quæ distinctio eodem redit , felicitatem in perfectam & imperfectam : perfecta est , quæ auxilio gratiæ , & fidei supernaturali dono acquiritur , eademque cum supernaturali est : imperfecta est , quæ acquiritur naturæ viribus , eademque est cum naturali beatitudine : hanc fuisse quæsitam *Aristoteli* , non istam : ac licet imperfecta dicatur , summum tamen est bonum , quatenus in hac vita humanis viribus majus bonum acquiri aut possideri nequit . Alii distinguunt beatitudinem in inchoatam , quæ hujus vitæ est , & absolutam , quæ secuturæ est vitæ : atque hæc quoque cum duabus prioribus distinctio est eadem : ac prior tantum *Aristoteli* cognita fuit , atque



in ea tantum summum hominis bonum quæsit: hanc alii vocant *ἀρετήν*, sicut alteram posteriorem *ἡγεμονίαν*. At vero hæc duo genera bonorum non pugnant, sed potest aliquod bonum esse summum in hac vita, quo tamen detur superius in futura: & summum potest vocari, respectu luminis & auxilii naturæ, quo superius dari lumine & auxilio gratiæ, etiam in hac vita, & utroque superius, per lumen gloriæ, in futura vita, nihil repugnat: cum vero lumen gratiæ & gloriæ ignoraverit *Aristoteles*, nihil est mirum, quod supremam felicitatem in solo bono naturæ, actioneque virtutis naturalis, ex principii naturæ, profluentis, collocaverit. Atque hæc ferè ad excusandum *Aristotelem* & ab impietate aut alio crimine vindicandum proferri solent; quæ valeant, quantum valere possunt.

VII. Ego verò aliud hic monebo ex *Thomæ ac Scholasticis*, quod bene est tenendum: quando in actione virtutis constituitur beatitudo, intelligitur beatitudo, quam *Thomas* & *homines de Scholâ* suo more vocant *formalem*: quæ distinguitur à beatitudine *objectiva*; his enim terminis uti gaudent, qui explicandi sunt, ne rei veritas, aut obscuretur, aut ignoretur. *Beatitudo objectiva*, est ipsum objectum quod beat, res, quæ felicem reddit hominem: hæc, *neque in voluptatibus, nec in contemplatione, nec in honoribus, nec in virtutis habitu, ac ne in actione quidem virtutis consistit*, imo in nullo bono creato, sed in solo consistit Deo, quia hoc bonum, si beabit hominem, debet esse itius conditionis, ut appetitum hominis explere valeat: at vero hominis appetitus est infinitus. Ergo & bonum illud oportet esse infinitum, quod isti appetitui sit satisfaciendum. *Beatitudo formalis* est actio virtutis, qua objecto beanti homo conjungitur atque unitur: nempe, dum homo veritatem circa Deum ex libro naturæ cognoscendum eundemque ex lege nature colendum, jam virtutes optimas exerit; ha-

rum virtutum exercitio Deo assimilatur; conjungitur, unitur: sicut autem differunt, Dei cognitio, cultusque naturalis, haustus ex libro naturæ, lumine naturæ, à Dei cognitione cultuque supernaturali, haustus ex libro scripturæ, lumine fidei, ita differunt bonum naturale, & supernaturale: utrumque est summum in suo genere: sed prius tantum *Ethnicis Aristotelique cognitum*.

VII. Ergo, ut sententiam meam tandem proferam, quam ab *Aristotelis* mente non longe abesse existimo, *Deus mihi est beatitudo objectiva; cognitio, cultusque Dei, per lumen ac legem naturæ, beatitudo formalis*: utraque beatitudo naturalis, non ratione objectivæ, quod beat, quasi Deus in ordinem rerum naturalium redigeretur, sed ratione modi & principii, quo objectum beans acquiritur ac possidet, quod est lumen atque auxilium naturæ: nam quin detur & cognitio & cultus naturalis Dei, à nemine negari potest: quin eo homo proximè ad Deum accedat, quamdiu lumine gratiæ, aut gloriæ, non est illustratus, certum quoque est: quin virtus & vita talis, qua Deum cognoscit ac colit naturaliter, in tali subjecto sit perfectissima, quæ tamen respectu virtutis & vitæ spiritualis, utraque est imperfecta; in aperto etiam est: *perfectissima est virtus*, quippe quæ Deum, ens perfectissimum, & cognoscimus & colimus: quare huic nostræ sententiæ (ut finiam, unde exorsus sum hanc *Exercitationem*) optime applicatur definitio beatitudinis ex *Aristotele* allata, quod sit *actio rationalis animæ secundum virtutem perfectissimam in vita perfecta*: modo & virtus & vita intelligatur rationalis, quæ & intelligenda est, & ab *Aristotele* intellecta, & à supernaturali ac spirituali est distincta. Cæterum, quæ de beatitudine *objectiva* & *formali* amplius dici possunt ac disputari, ea jam ante multos annos diximus ac disputavimus in *Collegii Ethici*, nostris *μεταφυσικῶν* Philosophicis, inserti *disputationibus* 1. 2. 3. 4. καὶ τὴν πρῶτην τὴν, καὶ τὴν ὑπομνηστικὴν.



# Subjecto seu Objecto Ethices.

## THESIS I.

Cum Ethicam publicis Exercitationibus disputare auspicaremur, ejus definitionem, seu faciem secuturis Exercitationibus prælucentem, statim Exercitationi 2. præmissimus; omnis enim recta rem quamlibet pertractandi ratio à definitione debet inchoari: definitio fuit hæc: *Ethica est prudentia, quæ animum ejusque actiones informat, ut felicitatem, quæ in vita civili contingere potest, homo consequatur.* Definitioni subjunximus Exercitatione 3. divisionem, atque inde pleniorum singularum partium explicationem aggressi sumus, exoriturque à fine, quia Ethica methodo Analytica doceri debet, ut omnes disciplinae practicæ, artes, ac prudentiæ. Finem divisimus in summum & subalternum: quis summus finis non sit, quis sit, aliquot exercitationibus fuisse sumus persecuti: finis subordinatus idem est, quod medium: finem subordinatum seu media, diximus esse *αγαθόν*, actiones humanas hominibusque proprias, in quibus virtus est: hisce ad summi boni finisque ultimi possessionem enititur: hoc igitur præscripto methodi Analyticæ æquum est ac iustum, ut finem summum jam explicatum subsequatur finis subordinati, seu mediorum ad summum finem tendentium explicatio. Verumenimverò, quia media, *αγαθόν*, seu actiones secundum virtutem institutæ, fini obtinendo non intervniunt, nisi primum sciatur, in quod *subiectum*, aut *objectum*, finis per ista media introduci debet, primo omnium, ante media, de hoc, five *subiecto* five *objecto*, sollicitè videndum est.

II. Dixit definitio, Ethicam informare *animum hominis*, ejusque *actiones*, per *virtutem*, ad *felicitatem*. Hinc tria diximus esse

omnium de rebus Ethicis instituendarum Exercitationum capita generalissima, de *felicitate*, tanquam de *fine*, de *animo hominis*, tanquam de felicitatis *subiecto* & *objecto*, per Ethicam informando, de *virtutibus*, tanquam de *mediis*. Quæ de fine disputari solent, ea persecuti sumus aliquot exercitationibus. Antequam nunc de mediis agamus, primum de *subiecto*, five *objecto*, animo hominis videndum est: uti medicus ægro potionem salubrem propinare, aut valetudinem perditam restaurare nequit, nisi corporis habeat cognitionem; ita Ethica animo medicinam parare, morboque ejus mederi nequit, nisi naturam animi, quantum quidem ad hanc rem necesse est, perspectam habeat. Atque hæc ipsius Aristotelis est similitudo lib. Eth. 1. c. 13. uti enim, inquit, qui oculos & totum corpus est curaturus, oculorum & totius corporis naturam oportet habere cognitam; ita politico necessariam est, ea, quæ ad animum pertinent, scientia comprehendisse; idque eò magis, quo majore honore digna est medicina, quam scientia civilis. Alio ibidem utitur argumento Philosophus. *Beatitudinem*, inquit, *querimus humanam*; eam in actione posuimus animi; oportet igitur scire, quid sit animus. Hæc Aristoteles. Et certè virtus, non corporis, sed animi est: quomodo igitur virtus actionesque ejus, tanquam media ad finem consequendum necessaria, explicari possunt, nisi præmissa animi explicatione? Ergo & rationi rectæ, & Aristotelis Methodo, congruenter agemus, si de Animo nunc disseramus. Non autem constitutum est animi humani essentiam, immortalitatem, originem, aliaque id genus plura, investigare: hoc enim *Physicæ* ac *Metaphysicæ*

relinquimus: sed in tantum de eo agendum est, in quantum virtute informari potest, & quæ ad hanc rem considerandam faciunt, ea de eo proferemus.

III. Primum non erimus difficiles in voce, sive animi sive animæ: sed utraque promiscue utemur, licet non ignoremus ea vocabula nonnullis distingui. Anima quidem hominis homini & vitam largitur, & sensum, & rationem: atque hoc ex Physicis supponitur, ubi hic triplex animæ aut proprietatis aut effectus fufius enarratur. Verum quæstio agitur in utramque partem, an hæc tria, vita, sensus, ratio, sicuti inter sese distinguuntur, à distinctis quoque inter sese proveniant animabus, an verò ab unius animæ humane distinctis tantum facultatibus, potentiis & quasi partibus? Priorem sententiam Averroës, posteriorem Thomæ acerrime defendunt: neutra talis est, quin tuto possit defendi: est enim in hisce similibusque opinionibus ingenii quedam iudicii libertas, cum utriusque argumenta solvi possint. Ego tamen, *animarum in homine multitudinem & realem distinctionem*, minoribus difficultatibus obnoxiam, censeo, quam earundem unitatem aut identitatem: & certè, una est ratio pro illa sententia, quæ eluditur magis & declinatur magis, quam solvitur, desumpta scilicet à facultatibus & operationibus animæ vegetativæ ac sensitivæ collatis cum facultatibus & operationibus animæ rationalis, quæ tam diversæ videntur mihi esse naturæ, ut uni eisdemque, quoad substantiam, animæ, tribui nequeant: facultates enim operationesque vegetativæ & sensitivæ, sunt materiales, organice, id est, dependent à materia; facultates operationesque rationales sunt immateriales, inorganice, id est, non dependent à materia: at verò, quod dependet à materia, & non dependet à materia, non potest proficisci, fluere, emanare, ab una eademque, quoad substantiam, anima, nisi ipsa animæ substantia, partim à materia dependeat, partim non dependeat: facultates omnes emanant à suis formis: in eo omnes consentiunt: facultates itaque vegetantes & sentientes emanabunt quoque à suâ formâ: at quæ est ista? an rationalis anima? ita coguntur dicere, qui unam tantum ani-

mam agnoscunt in homine quoad substantiam. At verò doceant me, quomodo facultates vegetativæ & sensitivæ (quæ sunt materiales) emanant ab anima rationali, quæ est immaterialis? considerent naturam emanationis & causæ emanativæ, atque expediant mihi istum modum, si possint. Imò contrâ sic dico. Facultates materiales non sunt materiales si emanant à forma immateriali, ut est anima rationalis: qui dicit facultates materiales, dicit facultates dependentes à materia, in fieri, in esse, in operari: qui dicit formam immaterialem, is dicit formam non dependentem à materia in fieri, in esse, in operari: qui dicit facultates à forma emanare, dicit, ipsam formæ existentiam esse id, per quod facultates producantur: quod enim à re quæpiam emanat, id illius rei, à qua emanat, existentiam necessariò sequitur. Hæc applicemus, & absurdum ostendamus, quod tollant, si possint, Adversarii. Existentia animæ rationalis est independens à materia, in fieri, in esse, in operari: existentia animæ rationalis est existentia facultatum, quæ ab ea emanant; ideo enim emanant ab anima rationali, quia per animæ rationalis existentiam causantur. Ergo existentia facultatum, quæ ab anima rationali emanant, est independens à materia in fieri, in esse, in operari: at sensitivæ & vegetativæ facultates emanant ab anima rationali, ex hypothesi Adversariorum, unam tantum in homine, quoad substantiam statuentium, animam, eamque rationalem, ergo & sensitivæ & vegetativæ facultates erunt independentes à materia, in fieri, in esse, in operari; ergo non materiales, sed immateriales facultates: quod absurdum, & nec ipsi admittunt; solvant hunc nodum, non fecerunt.

IV. Verum quicquid sit, sive tres sint quoad substantiam distinctæ animæ in homine, sive unius animæ tres sint facultates aut potentie, *Ethica* non multum interest: hoc tantum hic observetur accuratissimè, quod diligenter monet *Aristoteles lib. I. Ethic. cap. 13.* τὸ ψυχὴς τὸ μὲν λογικὸν εἶναι, τὸ μὲν ἄλογον, animæ partem esse rationalem, aliam irrationalem: nos id distinctius dicemus. Animæ duplex est, sive vis, sive facultas, sive pars, sive substan-

substantia; quocumque placet vocabulo uti: una rationalis, ratione prædita, quæ hominem constituit propriè: altera rationis expers, irrationalis: eaque iterum duplex, vel omnino, ut nullo modo subfit rationi, vel ex parte, ut quidem per essentiam sit irrationalis, per participationem tamen rationalis dicitur, quod rationi subfit, ejusque imperium sequatur: planè & in totum rationis expers est vis vegetans, five facultatem intelligas, five animam; partim rationis expers per essentiam, partim particeps per obsequium rationis, est vis sentiens. Rationis planè esse expertem animam vegetantem, five eam animæ facultatem, qua vivimus, inde manifestum, quia nec ipsa rationem habet, nec rationis imperio paret; non enim à nostra est potestas, nec à nostro consilio, prudentia, ratione, dependet, ut bene vel male nutriamur: nam, modò in corpore organa ad nutriendum destinata bene sese habeant, jam bene illud nutritur: si male sese habeant; velis, nolis, male nutritur corpus: sic in augmentatione & in generatione, ut quis crescat, ut prolem generet, non à consilio, non à prudentia sua, est, sed ab organorum & vasorum ad augmentationem & generationem inservientium apta dispositione rectaque constitutione.

V. Duo hic obijci possunt: 1. *Vis nutritrix videtur subesse rationi, quia mala concoctio & mala nutritio potest verti in bonam, per prudentiam, rationem & consilium Medici.* Resp. Inde non sequitur, nutritionem peragi, institui, fieri, ductu rationis: per accidens enim fit, ut rationi & consilio hic sit locus: & Medicus non facit, ut ad lubum rationis nutriatur corpus, sed impedimentum tantum removet, quod obstabat naturali corporis nutritioni. 2. *Animæ aut facultas vegetans habet appetitum.* Ergo rationi subest. Resp. Non sequitur: quia appetitus hic est innatus, non elicitus: solus verò elicitus rationi subest, non innatus, qui nihil est aliud, quàm inclinatio nature, quæ unaquæque res absque prævia cognitione in bonum nature suæ conveniens instinctu quodam fertur, qualis est appetitus terræ ad locum, materiæ ad formam, animæ ve-

getantis ad nutrimentum, estque planè irrationalis. Cum ergo anima vegetans, aut facultas illa, omni ratione careat, nec sit rationalis per essentiam, nec per participationem, Ethicæ considerationis non est, quippe quæ subjectum suum informat virtutibus, quas ratio, consilium, prudentia, dirigit: at vegetans facultas aut alia, subjectum virtutis esse nequit, quia omnis consilii, rationis, prudentiæ est expers.

VI. Contrà. Ad Ethicam pertinet, tum rationalis, tum sensitiva, quia illa per essentiam, hæc per participationem, rationem habet, quatenus rationi parere potest & sepe paret: utramque virtutibus informat Ethica. *Animæ sensitiva, ut docent Physici, varias habet facultates, unam, quæ cognoscit, alteram, quæ appetit, tertiam, quæ loco movet; vocant Physici, sensum, appetitum, locomotivam. Sensus est, qui objecta extra se posita apprehendit, estque, vel externus, vel internus, de quo utroque consuluntur Physici. Appetitus est, quo animal inclinatur ad bonum, quod sensus sequendum, vel ad malum, quod sensus fugiendum dicitur. Locomotiva facultas est, qua animal loco se movet, ut consequatur, quod appetitus, sensu dictante, expetit, vel fugiat, quod appetitus, sensu dictante, averfatur. Animæ rationalis duas habet facultates, intellectum & voluntatem: intellectus in rationali anima respondet sensui in sensitiva: uti sensus res sensibiles, ita intellectus intelligibiles, cognoscit; voluntas respondet appetitui: utque appetitus sensitivus fertur in objecta sensibus apprehensa; ita & voluntas fertur in objecta ab intellectu apprehensa.*

VII. Hinc videre est discrimen inter *appetitionem sensitivam & voluntatem*, quæ aliis dicitur *appetitus rationalis*. Primò differunt *subiectis*; quia voluntas, ut est appetitus rationalis, ita facultas est animæ rationalis: appetitus, est facultas animæ sentientis: secundo differunt *objectis*, nam voluntas propriè fertur in bonum, quod est intelligibile, in quantum à ratione percipitur: sensitivus in bonum, quod est insensibile, in quantum sensu percipitur: nam hoc tenendum est bene, omnem appetitum in i.s, quæ cognitionem habent,

habent, cognitionem sequi: si appetitus sit sensitivus, ut in animali, sensus cognitionem, si rationalis, ut in homine, rationis cognitionem, sequitur: multum autem differunt bonum à sensu & bonum à ratione cognitum: bonum à sensu cognitum, est bonum jucundum & utile: at bonum à ratione cognitum, est bonum honestum; sicut autem differunt bonum honestum & utile, five jucundum, ita differunt appetitus sensitivus & rationalis, quorum hic in bonum honestum à ratione cognitum, ille in jucundum & utile à sensu cognitum fertur. Ex hisce omnibus clarum est, quænam animi nostri aut humani partes & facultates ad Ethicam pertineant, quæ non item; non vegetans, sed sentiens & rationalis, idque quoddam cognitionem & appetitum: hæc enim duo sunt principia actionum humanarum, quibus summum acquiritur bonum.

VII. Quousque verò animæ rationalis facultas cognoscens, intellectus, ut subiectum, ab Ethica dirigatur, & in quibus ejus operationibus ut obiecto, dirigendis, occupetur Ethica, fusè à nobis ostensum est Collegii Ethici disp. 8. Item quousque voluntas, & quinam actus voluntatis directioni Ethicæ sublint, expositum est, ejusdem Collegii Ethici disp. 9. ubi & actus ejus circa finem & obiectum ejus explicuimus, uti & ejus motivum disputatione 10. atque tum subjecimus disp. 11. naturam liberi arbitrii, prout dicit intellectum & voluntatem simul. Sed, quæ ibi sunt disputata, hisce exercitationibus non repetemus, ne eandem cramben reponamus & actum agamus: sed cum harum rerum  $\mu\eta\tau\alpha\kappa\alpha\theta\eta$  istic loci sic satis sufficienter sit instituta (nostro judicio) ea, quæ ad  $\alpha\pi\alpha\sigma\tau\alpha\kappa\alpha\theta\eta$  faciunt, circa easdem materias,

secuturis *Exercitationibus* considerabimus, varias hinc inde moturi *objectiones* ac soluturi; ut ita Ethicæ studiosus ex illis *Disputationibus Collegii Ethici* olim habitis, & ex hisce *Exercitationibus*, plenum perfectumque rerum Ethicarum habeat *systema*, sitque instructus non tantum ad veritatem adstruendam, sed & ad falsitatem destruendam, quem scopum nobis esse præfixum indicavimus harum *Exercitationum Ethicarum primâ, Theßi primâ*. Ergo in posterum quæstiones quasdam de *Intellectu, Voluntate, Libero Arbitrio*, instituemus, & pro ingenii ac bonorum modulo dissolvemus.

## MANTISSA.

Philosophia Theologiæ nemquam repugnat: idem verum est in Philosophiâ, quod in Theologiâ, & vice versa: Dogmata quidem fidei ac mysteria, ex Philosophia non probantur, attamen sub ejus terminis & distinctionibus, explicantur, illustrantur, ac vindicantur: & certi, Veritatis Christianæ Adversarii, tam Philosophicis ex ratione, quam Theologicis ex revelatione petitis argumentis, eam oppugnant, quæ solvere quomodo valeat, qui non à Philosophia sit munitus præsidio, studiosus? atque, cum eadem sit Theologia naturalis materialiter quæ supernaturalis, idemque quoque utriusque obiectum materiale, & Modus considerandi tantum (vulgò ratio formalis & obiectum formale) sit diversus, nulla est  $\mu\eta\tau\alpha\kappa\alpha\theta\eta$   $\epsilon\iota\varsigma$   $\alpha\lambda\lambda\omicron$   $\nu\epsilon\omicron$ , si hic mutuas tradant operas, & usum Philosophiæ in rebus Theologicis, præter alios quam plurimos, sedulo demonstravit Maccovius, cujus *Metaphysicâ hæc sunt*.

aus,  
folu-  
ma-  
niſce  
re-  
tru-  
am,  
ſco-  
rum  
pri-  
dam  
ris,  
mo-

not:  
cola-  
ei ac  
tta-  
pli-  
ris,  
loſo-  
ela-  
que  
biæ  
cui  
que  
by-  
tum  
ſi  
, ſi  
loſo-  
um  
, ex.

ER-

QU

DE

mem  
ex pr  
mem  
low  
sing  
petit  
recur

II

cipia  
cipia  
cogn  
tus n  
princ  
prog  
alibi  
scribi  
mo n  
caun  
cogn  
tatem  
rari  
part  
los a  
potet  
com  
cunt  
atque  
const  
verit  
man  
tion  
duct  
ufus



EXERCITATIONUM ETHICARUM  
UNDECIMA.

## DE

QUÆSTIONIBUS QUIBUSDAM CIRCA  
INTELLECTUM ET VOLUNTATEM.

## T H E S I S I.

Definit Collegii Ethici nostri, Disputatio-  
nis octavæ, theſis quinta, rectam ratio-  
nem, quod ſit naturale intellectus judicium,  
ex principiis naturæ notis, juxta legem, ac lu-  
men nature, de rebus naturalibus, morali-  
bus, civilibus, de promptum. Quæritur, quo  
ſenſu dicantur principia naturæ nota? nam hic  
peſſimè à nonnullis olim erratum fuit, & er-  
ratur à multis etiamnum.

II. Senſus dicti illius, cum dicuntur prin-  
cipia naturæ nota, non eſt hic, quaſi iſta prin-  
cipia homo, ſtatim atque in lucem editur,  
cognoſcat: homo enim recens genitus peni-  
tus nihil cognoſcit, nec conſuſiones, nec  
principia: Intellectus enim infantis modo  
progeniti, tabula eſt raſa, charta pura, cui  
nihil eſt actu inſcriptum, quidvis autem in-  
ſcribi poteſt: certè, ante uſum rationis, ho-  
mo ne ſimplices quidem terminos, nedum  
enunciationes, principia, aut conſuſiones,  
cognoſcit: v. c. non novit infans, quid ſit  
totum, quid pars, quid parentes, quid vene-  
rari: multo novit minus, totum eſſe majus ſua  
parte, parentes eſſe venerandos: nam, qui nul-  
los adhuc conceptus mente format, multo  
poteſt minus formare enunciationes, aut  
componere, aut dividere: ſed verò, ideo di-  
cuntur principia naturæ nota, quia, ſtatim  
atque termini ſimplices, quibus principia  
conſiſtant, ab homine apprehenduntur, jam  
veritas iſtius propoſitionis aut principii ei eſt  
manifeſta, ſine Præceptore, ſine demonſtra-  
tione, ſine diſciplina, ſine diſcurſu, aut de-  
ductione: ut, ſtatim atque rationis ſeſe exerit  
uſus, ſtatim atque homo ope ſenſuum, ſive

alio modo, cognovit, quid ſit totum, quid  
pars, quid parentes, quid venerari, jam è ve-  
ſtigio, ſine mora noverit, totum eſſe majus ſua  
parte, parentes eſſe venerandos: & hoc ſenſu  
dicitur Deus, principiorum notitiam animis  
hominum inſeſſiſſe, & hoc ſenſu dicuntur  
iſta principia per ſe ac naturæ ſua nota, non,  
ut dixi, quod actualis eorum notitia homi-  
nibus ſit connata, ſed quod ſine labore, ſine  
operoſa deductione aut ratiocinatione, eorum  
veritas hauriatur, ſtatim atque termini ſim-  
plices fuerint cogniti.

III. Sed hic ſcrupulus ſuperſteſt: ſi principia  
tali modo naturæ ſua ſunt nota, ut nulla opus ſit  
inveſtigatione aut probatione, cur igitur circa  
ea habitus ponitur: nam ut circa conſuſiones  
theoreticas ſcientiam, circa practicas pruden-  
tiam habitus ponunt Philoſophi, ita iidem conſti-  
tuunt habitus circa principia: circa theoretica,  
ϕιλοſοφικῶν, intelligentiam, circa practica οὐκ ἐπιστημονικῶν,  
barbare ſyndereſin: nam iſtis habitibus nihil vi-  
detur eſſe opus, ſi ex ſola terminorum cognitione  
cognoſcantur iſta principia. Reſp. 1. Ex mea  
ſententia. 2. Ex ſententia communi. Me quod  
ſpectat, ego facile patior, ex habitum albo  
expungi & ϕιλοſοφικῶν & οὐκ ἐπιστημονικῶν, & habitum, per  
quem homo inclinatur ad facile aſſentien-  
dum principiis theoreticis, & habitum, ad  
facile aſſentendum principiis practicis: nam,  
ut ingenuè fatear, neſcio, quæ hic ſit faci-  
litatio intellectus ab habitu proſecta, in aſſen-  
ſu utriuſque generis principiorum: vocabula  
tantum exponantur, & homo, jam rationis  
compos, ſtatim aſſenſum præbebit ſine ulla  
difficultate, quæ, ſi eſſet, fortaiſſe opus foret

habitu ad eam tollendam : at ea nulla est, modo vocabula clare proponantur : sed secundo, ex sententia recepta & pro ea dici solet ; licet sine discursu, sine ratiocinatione, principiorum istorum cognitio acquiratur, opus tamen est aliquo exercitio ad promptius veritatem istorum principiorum intelligendam, ideo, quia nisi terminos simplices, ex quibus constant principia sepius consideraveris, fieri potest, ut non animadvertas, id naturam docere, quod tamen docet : crebra itaque cogitatio de istis principiis facit, ut facilius assensum præbeas : atque hæc crebra cogitatio de principiorum terminis simplicibus, habitum gignit, assentiendi promptè principiis, tum theoreticis, quem ex *Aristotelis* 6. *Eth. cap. 6.* Philosophi vocant *ᾠή*, tum practicis, quem vocant *σοφία*, *ἡ δὲ σοφία*, *ἐν τῷ* *εὖ*, *ἀ* *conservando*, quia conservat reliquias luminis nature circa discrimen honesti & turpis : unde & vocari solet *lex nature*, quia hoc discrimen inter honestum & turpe omnium hominum animis Deus inscripsit : estque hæc, ut *Tullii* verba hic applicem, *non scripta, sed nata lex : quam non didicimus, accepimus, legimus, verum ex natura ipsa arripimus, hausimus, expressimus, ad quam non nati, sed facti, non instituti, sed imbuti sumus.*

IV. Tres proposuit actuum voluntatis divisiones Collegii Ethici disputatio nona : primam in elicitos & imperatos : thes. 2. secundam in *βύλησιν* & *ἀνάγκαισιν*, volitionem & præelectionem : thes. 3. tertiam (quæ potius est subdivisio) in actus voluntatis circa finem tres, *velleitatem* aut volitionem, intentionem, fruitionem, & tres circa media, electionem, consensum, usum : thes. 4. circa singulas divisiones aliquas movebimus quaestiones, sed utilissimas. Circa primam divisionem quaeritur : An imperare sit actus voluntatis ac non potius rationis. Nam hic in duo abeunt divortia Scholastici : nonnulli imperium, voluntatis, alii, rationis, actum faciunt : atque de hoc negotio latissime agunt Scholastici commentatores in *summam Thomæ in pr. sec. quest. 17.* Notandum vero est diligenter, disputari de imperio, quod exercetur in facultates & operationes inferiores, non agi de

imperio intellectus in voluntatem aut voluntatis in intellectum, sed alterutrum in actus imperatos aliarum facultatum. Qui pro voluntate pugnant, sic argumentantur. 1. Quæ facultas est Domina, Regina, & Imperatrix humanarum facultatum, ei est imperium deferendum. Atqui voluntas est Domina, Regina, & Imperatrix facultatum humanarum. Ergo, &c. 2. Actus imperandi semper est cum vi impellente & potestate, cogente. At ratio non impellit, non cogit, sed voluntas. Ergo. 3. Voluntas applicat omnes inferiores ad sua officia, ergo ipsi competit imperium. Qui pro intellectu decertant, sic argumentantur. 1. Ex *Aristotele*, qui asserit, *τὸ* *πρᾶξι* *εἶναι* *πρὸς* *τὴν* *ἐνέργειαν*, esse prudentiam. At prudentia rationis est. 2. Ad actum imperandi pertinet dirigere & præscribere, quid sit faciendum vel omittendum. At directio & præscriptio, sunt rationis. 3. Imperantis est, denunciare quid sit agendum. At denunciatio, est rationis. Ergo. 4. Lex est regula omnium rerum agendarum. At lex est rationis. Verum enim vero, ego existimo, hanc controversiam optime componi posse, & aliquid concedendum esse Voluntati, & aliquid Rationi, nec esse necesse, longum hic contentionis funem trahere : ego sic concilio eorum sententias. Tria pertinent ad actum imperandi. 1. Ordinem agendorum præscribere. 2. Inferioribus denunciare, quid sit faciendum. 3. Ad agendum movere & impellere : quæ tria sanè distinguuntur : neque enim omnis, qui alterum movet & impellit ad agendum, denunciatur, quid sit agendum : nec, qui denunciatur, quid sit agendum, statim ordinem constituit agendorum. Jam dico, 1. Ordinare res agendas. 2. Denunciare quid sit agendum ; est utrumque rationis. 3. Movere & impellere ad agendum, est voluntatis. Quandoquidem ad imperium ista tria requirantur, putem, imperium esse utriusque, intellectus, primario, & voluntatis, secundario. Dices. Quare actus imperati à voluntate magis dicuntur imperari vel non imperari, & non potius à ratione, si imperium potius sit rationis, quam voluntatis ? Resp. Quia à voluntate proximè imperantur actus imperati,

ab intellectu remotè: nam imperium, à quo actus imperati sic dicuntur, nihil est aliud, quam motus & impulsus voluntatis ex consilio, & præscriptione, & iudicio rationis, ad aliquid agendum vel omittendum.

V. Circa secundam actuum voluntatis divisionem in *βέλων* & *αἰσίων*, in actum circa finem & in actum circa media, dux possunt institui quæstiones. 1. An necesse sit ponere duos actus circa finem & media, seu, an voluntas eodem actu non moveatur in finem & in media. 2. An non detur voluntatis actus neuter, qui nec sit finis, nec mediorum. Quod attinet ad primam questionem: notandum est, nos agere de volitione finis & mediorum humanâ, non divinâ: nam quin Deus, eadem actione, velit, & finem & media, certum est: at de humanæ voluntatis actu, probamus, eum esse alium circa finem, alium circa media. 1. Quorum unum est causa alterius, id non est idem: nam nihil est causa sui ipsius. At volitio finis in nobis est causa volitionis mediorum. Ergo v. c. causa, quare æger velit assumere potionem, est, quia efficaciter vult sanitatem: & probatur minor, ratione. Propter quod aliquid fit, illud est ejus causa. Atqui medium fit propter finem. Ergo finis est medii causa: consequenter, volitio finis, est causa volitionis mediorum. Deinde, finis in rebus agendis sese habet ut principium in rebus sciendis: At principium est causa conclusionis. Ergo finis est causa mediorum. Et quid est aliud, medium esse volitum propter finem, quam volitionem finis esse causam volitionis mediorum. Sed ex hisce 2. argumentor. Ita appetimus media propter finem, sicut assentimur conclusionibus propter principia. Sed assensus conclusionum non est idem cum assensu principiorum. Ergo appetitio mediorum non est eadem cum appetitione finis. 3. Ipsa experientia videtur hoc testari. Nam appetimus aliquando medium, nihil cogitantes de fine, relicta volitione finis: aliquando verò manente volitione finis. Ergo sunt duæ volitiones. Denique ab absurdo. Si idem sit actus voluntatis circa finem & media, sequitur, eundem actum fore volitionem & nolitionem,

nem, gaudium & tristitiam. At hoc est absurdum. Ergo & illud. Probatur major. Si quem poeniteat delicti, propter Deum offensum, si idem hic sit actus circa finem & medium, erit circa poenitentiam, volitio, circa Deum, nolitio. Amplius: idem actus voluntatis erit intensus & remissus. v. c. cum volo potionem amaram propter sanitatem: sanitatem, finem, volo intensissime, potionem, medium, remisse: si idem sit actus mixtus voluntatis circa sanitatem & potionem, idem erit intensus & remissus.

VI. Sed secundam videamus questionem. An detur voluntatis actus neuter, qui nec circa finem sit, nec circa media: quæ questio sane est difficillima, affirmativa à *Scoto*, negativa à *Thoma* defenditur. Nos à *Thoma* partibus stamus, & negamus, dari actum neutrum in voluntate, sed omnem voluntatis actum dicimus esse appetitionem, vel finis, vel mediorum: & probamus. Nam bonum, quod appetitur, vel habet bonitatem in se, unde ametur; vel non habet in se bonitatem sed aliunde emendat: si in se habet bonitatem, unde ametur, amatur, ut finis: si non habet in se & a se bonitatem, sed aliunde accipit, amatur, ut medium: atque hæc duo, amari, ut finem, & ut medium, contradictorie atque immediate opponuntur: ergo, non datur tertium: ergo non datur actus neuter voluntatis, qui, nec sit finis, nec mediorum. Quæ immediate opponuntur, ea non admittunt tertium: atque esse volitum propter se, & esse volitum, propter aliud, id est, appeti, ut finem, & appeti, ut medium, immediate opponuntur: ergo non admittunt tertium. Probatur minor. Quia volitum propter se, est volitum non propter aliud, & contrâ. At finis appetitur propter se, medium propter aliud. Ergo non datur tertius appetitus aut tertius voluntatis actus. At hæc sententia conformis est *Aristoteli*, qui 2. *Phys. tex. 29.* dicit, omnem volitionem, aut propter se esse, aut propter aliud. Et, quid multis opus est? quemadmodum non est tertius assensus ac neuter, qui nec sit principiorum, nec conclusionis, in scientiis: ita nec datur tertius aut neuter appetitus, qui, nec sit finis, nec mediorum: nam ut princi-

pium se habet ad conclusionem in sciendo, ita finis ad medium in appetendo: una tamen hic distinctio est tenenda de fine, quæ si servetur, hoc negotium expediet. Finis duplex habet quasi officium: unum, quod ametur propter se: alterum, quod alia amentur propter ipsum: primum habet finis, quatenus habet in sese bonitatem: secundum habet, quatenus est causa finalis; causa enim finalis est, cujus gratia aliquid expetitur: jam vero fieri potest, ut aliquid sit causa & tamen non causet actum: & sic, aliquid potest esse finis, & appetibile propter se, & fungi prioris finis officio, quia est bonum quid, & tamen non causare finaliter, non actu exercere causalitatem finis, & non fungi posterioris finis officio, sic ut media de facto & actu non expetantur propter finem: si finis accipitur

priori modo, pro eo, quod est appetibile propter se, non datur actus voluntatis neuter, sed omnis voluntatis actus est; vel finis, vel mediorum: quia, appetibile propter se, & propter aliud, opponuntur immediate: sed verò si accipitur finis, posteriori modo, pro eo, quod actu & de facto causalitatem & actualitatem finis exercet, fortasse dari possit actus neuter voluntatis, qui, nec sit finis; nec medii, quod *Scotum* voluisse existimo: in Deo saltem talis actus neuter est, quia Deus nihil appetit, quod in ipsum causalitatem finis exerceat, quod Deum sui desiderio moveat, trahat, pelliciat. Circa tertiam actuum *Voluntatis* divisionem in *Volitionem*, *Intentionem*, *Fruitionem*, & *Electionem*, *Consensum*, *Usum*, quædam etiam questiones moveri possunt, quas excutiet *Exercitatio sequens*.

## EXERCITATIONUM ETHICARUM

## DUODEGIMA,

## DE

# Quæstionibus quibusdam circa Voluntatis humanæ actus.

## T H E S I S I.

EX actibus Voluntatis circa finem, primum, vocavimus *volitionem*, vel *vellitatem*; eam inter alia verari volunt *Philosophi*, interdum circa impossibilia, atque ita ipse quoque sentit *Aristoteles*, qui *l. Eth. 3. c. 2.* disertè inquit, *volumus non mori*. Hic quæstio moveri solet: *An volitio sit impossibile simpliciter & absolute, an vero tantum eorum, quæ esse aut fieri non possunt ex accidenti, eo quod jam ante præterierunt: sicut is, quem sui peccati panitet, vellet non peccasse, quod non est simpliciter impossibile, sed ex accidenti, eo quod actus peccandi jam præterit: sic mater, cujus filius est mortuus, vellet vitam filii, quæ non est*

*simpliciter impossibile, sed ex accidenti tantum, quia ea, cum amissa jam sit, esse desit. At nullam video causam, cur non dicatur volitio etiam impossibile absolute & simpliciter, præsertim cum exemplum, ex *Aristotele* productum, hoc innuat & indicet: volumus, inquit, non mori; at hoc est simpliciter impossibile: & si possumus velle ea, quæ sunt ex accidenti impossibilia, eò quod concipiamus ista ut bona jucunda, quæ per se oblectant, cur non possumus velle impossibilia absolute & simpliciter, cum & illa bona valeamus concipere ut bona jucunda, & quæ per sese oblectant. Sed hic scrupulus existit. Quærimus*

enim potest; *An voluntas possit appetere impossibile, quando ratio illud cognoscit, non ut bonum jucundum, sed quando id cognoscit, ut impossibile?* Resp. Cum Voluntas fertur in aliquid, sive simpliciter, sive ex accidenti, impossibile, tunc, quamvis ratio cognoscat id esse impossibile, apprehendit tamen id & concipit, tanquam bonum jucundum, per simplicem notitiam, nihil affirmando vel negando, quia absolute ac simpliciter perspicit, & animadvertit in eo rationem boni jucundi; imo novit id etiam esse bonum in aliquo, ut quando volumus non mori, licet cognoscamus id esse impossibile, concipimus tamen id & apprehendimus tanquam bonum jucundum, imo etiam id bonum esse in Deo & Angelis intelligimus. At, dicit quis, *Quod non est; nec ullâ ratione esse potest, non possumus velle, nisi habita ratione alicujus rei subsistentis, alioquin res fictas possumus velle: sed quod cognoscimus esse impossibile, illud novimus esse fictum; ergo, quod novimus esse impossibile, non possumus appetere.* Resp. Nos non possumus velle id, quod novimus esse fictum, nihilominus possumus velle id, quod novimus esse impossibile, quia simul novimus id, quod est impossibile nobis, esse bonum jucundum, & existere in alio: at res fictas non novimus esse bonum jucundum, nec novimus eas existere in alio: itaque diversa est ratio rerum fictarum, quas non potest velle, & impossibilium, quas potest velle voluntas: quia ea, ratio potest, non tamen, ut impossibilia, sed ut bona jucunda, apprehendere. Quæri ulterius potest; *An possit esse in voluntate peccatum, cum aliquid impossibile volumus?* Resp. Possit esse: non dicimus esse semper peccatum in voluntate, cum impossibile vult, sed tamen esse potest: nempe contingere potest, ut aliquid, quod contra omne jus & fas est, sit impossibile, & hoc, si, ut bonum jucundum apprehendamus ac velimus, peccabimus, ut si quis cogitet de re aliqua turpi sed sibi tamen impossibili, interim de ea lætetur, ac se in sua cogitatione oblectet, is peccabit: ut si quis homicidium, vel furtum, vel adulterium, sed sibi impossibile, cogitatione revolvat, atque in eo, ut-

cunque impossibili, se oblectet, is peccat haud dubie.

II. Sed ad intentionem transcamus, secundum voluntatis actum circa finem. *Circa intentionem quæri potest: An intentio non conveniat etiam brutis rebusque aliis? nam tendunt in finem: & hoc est, intendere.* Resp. Nullæ res, ne quidem bruta, præter hominem, intendunt finem, quia ita non appetunt finem, ut sese moveant ad eum, conferendo media cum ipso, atque in tali motu ad finem propriè consistit intentio: nam intendere est propriè velle per aliquid in aliud pervenire. Certum est quidem, bruta peculiari ratione agere propter finem, quatenus saltem naturaliter eum cognoscunt, in quâ cognitione rebus aliis antecellunt; si quis idè dicere velit, bruta intendere finem, contra receptum loquendi modum tamen loquitur, quia intentio, non quaecunque finis præcognitionem includit, sed talem, quæ consistit in finis cognitione, quâ est finis, & in ejusdem cum mediis collatione. Sed distinctione potest hæc quæstio expediti. *Intentio*, interdum sumitur latè, & significat quaecunque tendentiam in finem, quocunque modo etiam natura intendat finem, sic & bruta dici possunt intendere finem: interdum sumitur stricte, pro tendentia in finem cum cognitione finis & mediiorum, & sic bruta non intendunt finem. Quæritur ulterius, *An intentio simul ferri possit in plura objecta? an quis possit simul intendere duo diversa?* Resp. Non est dubium, quin possit quis diversa, seu diversos fines intendere, cum sibi invicem subordinantur: sed, *An quis possit simul intendere, diversa ad se invicem non ordinata, fines non subordinatos?* Mihi quidem sic videtur: quidni enim possit quis ex studio litterarum intendere simul, & scientiam & divitias: & cum unum medium inservire possit plusibus rebus aut finibus acquirendis: V. C. Pecunia est medium comparandi libros, vestes, cibum: quare non possit quis per pecuniam intendere omnia ista sibi comparare; hæc tamen inter sese non sunt ordinata, non sunt sibi invicem subordinata: interim, quamvis plura illa quæ cadunt in intentionem, ad se invicem ordinata non sint, habent tamen semper aliquod tertium: ut, V. C. si quis intendat vestem & cibum,



quia utrumque ordinem dicit & respectum ad vitam sustentandam. Atque, ex hisce dictis à me, duo elicio consecutaria. Primo, *Intentionem non esse tantum finis ultimi absolute, sed etiam ultimi in suo genere*: hoc ex exemplis allatis clarum est. Secundo, *non posse plura eadere sub intentionem, tanquam fines ultimos, quia semper referri debent & referuntur ad tertium: sed possunt plura cadere sub intentionem, quorum unum sit finis ultimus, alterum sit subordinatus finis*: & sic sumi debet illud, quando dicimus, *nemo potest simul intendere Deum & bonum temporale*, sc. intentione istâ, quæ fit in utrumque, tanquam in finem ultimum.

III. Tertius circa finem Voluntatis actus est fructio; de ea quaeritur, quodnam sit ejus objectum? Scholastici sic proponunt: *An fructio sit tantum ultimi finis?* Resp. Fructio proprie est finis tantum ultimi: quia fructio est quædam Voluntatis complacentia: at illa complacentia Voluntatis tantum est in fine ultimo: Ergo fructio tantum est finis ultimi. Prob. minor; complacentia Voluntatis est in eo bono, quod, eam cum appetit, satiat: neque enim acquiescit Voluntas nisi in tali bono: at tale bonum est non nisi finis ultimus; ergo acquiescentia, & complacentia non est nisi finis ultimi: at hæc acquiescentia Voluntatis, est fructio. Ergo imperfectè tantum & improprie aliquando dici potest fructio finis non ultimi absolute: sed ille modus loquendi est non tam usitatus: & ut notum, verba valent usu. Itaque solo Deo fruimur; ceteris rebus utimur. Sed quaeritur: *Cum fructio sit finis ultimi; sitne finis ultimi, an reipsâ habiti, an vero habendi?* Resp. Perfecta fructio est, finis ultimi jam de facto habiti, jam re ipsâ possessi, qualis est fructio beatorum in Cælo: imperfecta fructio est, finis ultimi nondum habiti aut possessi, sed habendi & possidendi, habiti tantum in spe, qualis est fructio vivorum in terris: notandum vero est, aliter dici imperfectam fructionem finis ultimi nondum habiti in via, aliter fructionem finis non ultimi. Nam quæ fructio dicitur finis non ultimi, ea non tantum imperfecta est, sed improprie dicitur fructio, quia non est ibi objectum fructionis: at quæ est fructio imperfecta

finis ultimi nondum habiti, est proprie fructio, quia suum sibi habet objectum, in quod tendit, in quo acquiescit, & sibi complacet Voluntas. Nunc quasdam etiam quaestiones de electione, non sensu, usu, actibus Voluntatis circa media, videamus.

IV. Quæri potest de Electione; An illa tantummodo sit eorum quæ ad finem referuntur, an non sit electio & finis? Resp. Aristoteles expressis verbis, lib. 3. Eth. cap. 2. docet, electionem nunquam esse finis: sic dicit; *Voluntas finis magis est, electio verò eorum, quæ ad finem spectant: ut, sani esse volumus, eligimus ea, quibus sani esse valeamus, felices quoque esse volumus, atque ita dicimus: dicere vero, eligimus esse felices, minime convenit*. Hæc ibi Philosophus, & rationem dat c. 3. sequenti: *nulla, inquit, est consultatio de fine*. At electio consultationem requirit. Medicus non consultat, an sanare debeat, nec imperator, an vincere debeat, nec mercator, an lucrum facere debeat, sed quibus mediis ad sanitatem, ad victoriam, ad lucrum pervenire possit. Quod si quis contendat, omne illud sub electionem cadere, quod per intellectum, quacumque ratione, potest ceteris anteponi, contentio tantum erit de voce: at vocibus utendum est, ut usurarii solent. Porro, non quorumlibet mediorum est electio, sed possibilem; & eorum, quæ in nostra potestate sita sunt: quod totidem verbis docet Philosophus cap. cit. l. cit. & ratio ipsa hoc docet. Id, quod eligitur, ideo eligitur, ut per id finem consequamur. At id, per quod finem sumus consecuturi, debet esse possibile, & quidem nobis, alioquin frustra eligeremus: & ideo, cum inter consultandum occurrit aliquod medium impossibile, sistitur deliberatio, ac nulla sequitur electio: neque tamen requiritur, ut medium in electione sit revera possibile, sed satis est, ut appareat possibile: nam sicuti finis, qui intenditur, est bonus, vel verè, vel apparenter; ita & medium, quod eligitur, vel verè est possibile, vel apparenter: neque etiam requiritur, ut medium, objectum electionis, actu & expresse concipiatur sub ratione possibilis; sed sufficit, si apprehendatur virtualiter, ut tale, i. e. si ut tale concipi possit: & patet hoc, tum experientia,



rientia, tum ratione: experientia; nam experimur, statim nos aliquid eligere, simul ac concepimus illud, ut bonum, & conveniens ad consequendum finem, etiam si abstrahamus à conceptu possibilitatis illius, id est, etiam si non concipiamus ut possibile: ratione; nam, ut Voluntas moveatur ad actum quemcunque, five electio sit, five alia actio, sufficit, ut intellectus ei proponat objectum sub ratione formali, sub qua tendit Voluntas in objectum: at hæc non est ratio possibilitatis, sed ratio bonitatis: ergo sufficit in electione, ut medium apprehendatur tanquam bonum, licet non apprehendatur tanquam possibile: modo tamen ut possibile apprehendi possit. Et hoc est, quod statim dicebam, sufficere, ut objectum electionis saltem virtualiter, seu in potentia propinqua, apprehendatur tanquam possibile: & tali modo semper apprehenditur, quando non putatur esse impossibile, sed concipitur ut bonum & conveniens: itaque cum dicimus, electionis objectum esse possibile, hoc volumus, electionem non posse versari circa objectum, quod concipitur esse impossibile, nam, quod judicamus esse impossibile, id judicamus esse non ens; quod judicamus esse non ens, non potest judicari ut bonum; nam bonitas est passio entis: ergo nullum impossibile potest eligi.

V. Ab electione ad *consensum* transimus. Hic queritur, Primo, *An consensus non sit primum intellectus, quam Voluntas actus?* Resp. quamvis vocabulum, *consensus*, si vim ejus spectemus, propriè significet, applicationem sensus ad aliquod objectum, aut etiam assensum mentis judicantis, hic tamen notat actum potentiae appetentis, qui sequitur actum consilii, quo Voluntas approbat tanquam sibi placentem sententiam consultatione rationis judicatam. Cur autem hic voluntatis actus dicatur consensus, ratio est, quia sicuti per applicationem sensus ad objectum, sumit sensus veluti quandam experientiam objecti, ita etiam potentiâ appetitivâ per applicationem sui ad aliquid, accipit quandam quasi experientiam ex illo. Secundo, queritur, *An Consensus sit distinctus ab actu electionis, cum utraque actio consilium sequa-*

*tur?* Resp. Quando occurrunt plura media ad finem, & omnia placent, & Voluntas in omnia consentit, ut conducentia ad finem obtinendum, postea unum ex illis eligit ad finem consequendum, tum electio & consensus differunt; at si unicum offeratur medium, placeatque Voluntati, videtur esse unus idemque voluntatis actus, electio & consensus.

VI. Postremus Voluntatis actus est *usus*, de quo hoc queri potest, *Quodnam sit objectum usus, an medium tantum, an etiam finis ultimus?* Resp. Objectum usus est medium, non finis ultimus: ratio est, quia *uti*, est applicare rem ad operationem, est rem ad aliquid aliud referre: at finis ultimus ad aliud referri nequit, Ergo eo non utimur: atque hic discrimen illud accurate est tenendum inter *uti* & *frui*. *Frui* est, actus voluntatis, quo in bono desiderato acquiescimus, quia appetitum explet: ideoque fruimur solo Deo. *Uti* est, actus voluntatis, qui aliquid boni adhibet, ad Deo fruendum, finem ultimum assequendum; ideoque creaturis solis utimur, non Deo. Quod discrimen tanti est momenti apud Patres & Scholasticos, ut ex Patribus Magnus Augustinus scripserit, summam esse perveritatem, uti fruendis, quæ sunt Personæ sanctissimæ Trinitatis, unus ac verus Deus; & frui utendis, quæ sunt creature omnes. Deus non dat se utendum sed fruendum, creature dant se utendas non fruendas. Sed quid est *uti fruendis*, & *frui utendis*? hoc explicare est operæ pretium: & ut clarè fiat, exemplis agemus. Qui Deum colit, ut, & quia, temporalia speret commoda, is, quia summum bonum refert ad bona non summa, utitur fruendis; quicumque ultimum finem & summum bonum ponit in creaturâ, & non habet Deum pro ultimo fine & summo bono, quod fit multis modis, fruitur utendis, quia acquiescit in Creaturis tanquam fine ultimo, cum debuisset eas ordinasse ad Deum, & tanquam mediis perveniendi ad Deum uti. Queritur secundo, *An usus distinguatur ab electione?* videtur enim nonnullis esse idem cum electione: nam si eligo efficaciter, movere manum ad scribendum, continuo se-

quiritur

quitur motus, & non est necessarius alius actus in voluntate. Resp. Non sequitur, si ad electionem statim sequatur usus voluntatis, ergo usus voluntatis non distinguitur ab electione voluntatis: nam, ex intentione efficaci finis, necessario sequitur electio medii, & tamen intentio finis & electio medii, non sunt idem voluntatis actus: & profecto, si actiones nostras respiciamus, primum est in nobis, intentio finis, deinde electio ejus, quod ad finem obtinendum utile judicatur, tertio est usus, i. e. alius voluntatis actus, quo adhibet ceteras facultates,

potentias inferiores ad faciendum id, quod à nobis est electum: sic pedibus utitur ad incessum, oculis ad videndum, &c. Ita ut uti & usus voluntatis, in quantum est ejus actus, nihil sit aliud, quam voluntatem ad opus se accingentem, ceteras facultates applicare, ad id agendum, quod est decretum ac statutum à ratione, & electum à voluntate. Atque hæc de actibus Voluntatis hæc *Exercitatione* quævisse & decidisse suffecerit: proxima *Exercitatio*, quæ circa *Objectum voluntatis* quæri possunt, expendet.

## EXERCITATIONUM ETHICARUM DECIMA TERTIA,

DE

# Quæstionibus circa Objectum voluntatis humanæ.

THESIS I.

**O**bjectum voluntatis humanæ fecit, tum bonum, tum malum, Coll. Eth. Disp. 9. thes. 6. de eo duas quæstiones hac exercitatione discutiemus. I. Cum objectum voluntatis sit bonum, quoad actum volendi, illud vero, vel revera tale sit, vel apparens interdum, queritur, an voluntas volendo feratur in bonum, quod tantum revera est tale, an etiam in id, quod apparet tale? 2. An voluntas possit volendo ferri in malum, non simpliciter (nam sæpe nimis in malum fertur volendo) sed quæ malum, quod malum esse volens sciat, ac norit?

II. Ad quæstionem priorem quod attinet, ut eam decidamus, nonnihil latius dicendum est de objecto voluntatis in volendo, sc. bono. Bonum triplex est, utile, jucundum, honestum: utile, propter aliud semper expetitur, ideoque refertur ad honestum & jucundum, tanquam ad finem: in utile propriè voluntas

non tendit volendo, quia volitio finis est: utile vero, finis non est, sed medium; ideoque potius electionis est, quam volitionis. At nos nunc de volitione cum *Scholasticis* philosophamur, atque intentione, quæ circa finem est: ideoque sub voluntatem propriè cadunt, honestum & jucundum; honestum, quia finis est; jucundum vero, quia potest esse finis, quia natura sua non refertur ad aliud, sicuti quidem utile. Sed & hoc notandum venit, bonum apparens, quod esse videatur & non sit, intelligi ita apparens, ut ex una parte, & sub una ratione, sit apparens tantum, sub alia ratione & ab alia parte, sit verè bonum, sicuti bonum jucundum multi expetunt propter se, qua ratione jucundum bonum est bonum apparens quia apparet honestum, nec tamen est: sub alia tamen ratione est verè bonum, quia est verè jucundum. His poli-

tuod  
in-  
ut  
jus  
ad  
ap-  
um  
un-  
nac  
fo-  
ra  
en-

1

le  
ne  
at  
o  
i-  
a-  
,  
st  
ad  
n-  
i-  
ex  
ns  
fit  
ti  
m  
o-  
ne  
tis  
fi-

po  
de  
re  
po  
ap  
ra  
ve  
bo  
tu  
se  
fu  
no  
po  
ap  
fu  
qu  
co  
in  
fi  
er  
po  
  
da  
an  
fu  
ra  
cu  
pa  
cu  
tu  
lo  
fin  
pu  
tal  
mi  
Q  
tra  
Ma  
ent  
Pro  
effe  
fals  
C  
ex  
tas  
est  
qui  
alia  
ut v

positis, dico, voluntatem posse ferri volendo in bonum, quod sub una ratione est apparens, sub alia ratione est verum: at, nunquam potest ferri in bonum volendum, sic ut illud appareat sub una ratione, & tamen sub alia ratione nullo modo existat, nullo modo sit verum. Prius patet, quia potest quis ferri in bonum iucundum ut honestum, qui tum fertur in bonum, quod apparet honestum, in se tamen vere est bonum sc. iucundum. Posterius liquet, quia id, quod veram causam non habet ullam, cur expetatur, expeti non potest sub ratione apparentis boni, quia, quod apparet bonum, basin suam semper habet & fundamentum in ratione veri boni: Nam quis iucundum appetet ut honestum, si iucundum non esset? Nam iucunditas facit, ut inde petatur honestas, ubi nulla est: Itaque, si nulla sit in re ipsa boni ratio, fundamentum erit nullum, in quo boni apparentis ratio niti possit.

III. Sed objectiones quædam hic solvenda veniunt. Prima: *Si interdum id, quod omni caret ratione boni, appetimus, ergo falsum est, bonum apparens semper præsupponere rationem veri boni, sub qua appareat. Sed verum est prius. Ergo & posterius. Nam appetimus amarum & fædum potionem propter valetudinem.* Resp. Primo. Obiectio loquitur de bono utili: & de electione: at nos loquimur de bono propter se & propter aliud, sine, & intentione, aut volitione; itaque est *primò verum in d. 1. q. 1. c. 1.* Secundo. Potio talis revera est bonum utile: itaque non omnis ratio veri boni excluditur. Secunda: *Quod non est, non potest voluntatem movere aut trahere. At apparens bonum non est. Ergo. Prob. Maj. Nam voluntatis motio à re est: nam non eis nulle sunt affectiones, nulle effectiones. Prob. Min. Apparens bonum non est, nam si est, iam non appareret: quod enim apparet, falsum est & ementitum: at, quod falsum est & ementitum, non est.* Resp. Solutio habetur ex iis, quæ statim dicta sunt. Nempe voluntas non potest ferri in id, quod nullo modo est; at quod est apparens bonum, est, non quidem bonum illud, quod apparet, sed sub alia ratione est, & est bonum & verè bonum, ut vidimus. Tertia: *Si bonum apparens ex-*

*peti possit, expeteretur per ignorantiam & deceptionem. At, quod sic expeteretur, non expetitur voluntario ac libere: quod vero nec libere nec voluntario appetitur, ne expetitur quidem.* Resp. Qui bonum apparens expetit, is quidem ignorans expetit, sed non per ignorantiam: nam ignorantia ipsius expetitionis causa non est; at vero tum aliquid expetitur non libere, non coacte, cum aliquid expetitur per ignorantiam: hic vero ignorantia nullo modo est causa, sed iucunditas cognita & percepta in objecto, & apprehensa per modum finis, in quo est error & ignorantia & deceptio. Quarta: *Si voluntas possit ferri in bonum apparens, erit peioris conditionis quam appetitus naturalis: nam hic semper est ad verum bonum, ut patet in lapide.* Resp. Nulla est sequela. Non enim sequitur, quod lapis sit melioris conditionis quam voluntas, etiam lapis in verum tendat semper bonum, voluntas tantum, in apparens aliquando; nam bonum, quod quærit lapis, est minimum bonum: at, quod quærit voluntas, est longè majus: nam voluntas fertur in rationem boni naturalis per cognitionem finis, & deliberationes mediorum, quod est maximæ dignitatis; non sic lapis. Et, si illa consequentia valeret, sequeretur, bruta quoque esse conditionis melioris quam est homo, quia bruta peccare nequeunt, homo potest.

IV. Sed alteram videamus questionem, quæ est difficilior. Queritur, 1. *An voluntas possit appetere seu velle malum, quàm malum, & fugere seu nolle bonum, quàm bonum?* Non est dubium, quin & possit velle malum, & nolle bonum, quia potest ferri volendo in bonum apparens, quod cum non sit bonum, sed malum, tamen ut tale appetitur, quia tale apparet. Sed aliud est, & longe diversum, velle malum quàm malum, sub ratione mali, & nolle bonum quàm bonum, sub ratione boni. Quod utrumque negamus; & rationem negationis dedimus *Th. 6. Disp. 9. Collegii Ethici.* Contra tamen hanc sententiam nonnulli insurgunt ex *Scholasticis. Scotus* quidem nihil certi definit, sed utramque; a tem censet probabilem. Occur vero cum Nominatibus oppositam veræ sententiæ sententiam

tuctur: videbimus argumenta & solvemus. Primum. Si voluntas non possit velle malum sub ratione mali, nullum erit peccatum ex malitia, nullum contra conscientiam: nam, qui peccat ex malitia, peccat scient, illud esse malum: item, qui contra conscientiam: nam novit: Verbi Causa, malum esse, furari, & tamen expetit, ergo vult malum sub ratione mali. Resp. Qui peccat ex malitia & contra conscientiam, illi quidem sciunt esse malum quod agunt, in quo differunt ab iis, qui ex ignorantia, passione, aut alia infirmitate, peccant, sed non tamen volunt hoc quod sciunt esse malum, sub eâ ratione, sub quâ sciunt, sed sub aliâ ratione volunt, sub qua idem iidem sciunt esse bonum. V. C. qui novit, furari, esse malum, & tamen vult furari, non vult furari sub eâ ratione, sub qua cognovit esse malum, sed sub alia ratione, sub qua scit esse bonum, sc. utile, & medium ad pecuniam conquirendam, ad voluptatibus satisfaciendum, & sic sub tali ratione boni, apparentis quidem, sed tamen habentis rationem boni in furtum volendo tendit: & hoc bene est tenendum, non dici peccatum ex malitia, aut contra conscientiam, quia peccans feratur in malum, quâ tale: sed quod velit malum, quod sub una ratione scit esse malum, sub alia ratione apprehendit ut bonum, & sic vult: at qui ex ignorantia, metu, & simili passione, peccat, is ne quidem esse malum novit, quod agit: & hic usurpari debet distinctio operationum intellectus, quam attulimus cum de intellectu in *Coll. egimus Eth.* In eo, qui peccat ex malitia & contra conscientiam, est cognitio theoretica boni & mali, imo & iudicium simplex de bono & malo: & sic scit ac iudicat simpliciter esse malum  $\pi$  furari quispiam, qui idem iudicio comparato hoc apprehendit & iudicat ut bonum, & sic vult: at qui ex ignorantia aut passione seu infirmitate agunt, illi ignorantia etiam theoretica laborant, errantque etiam iudicio simplici & absoluto, & nesciunt esse malum, quod tamen est.

V. Secundum. Qui odit fratrem suum, is vult illi malum sub ratione mali. Ergo volens non potest velle, &c. Major prob. Hoc enim est dif-

criminis inter iram & odium, quod ira velit proximo malum, sed sub ratione iusti vindictivi: at odium vult malum proximo sub ratione mali: nam qui odit fratrem aut proximum; is ex invidia nihil nisi malum vult ipsi, neque respicit vindictam sui. Resp. Ad hanc objectionem tripliciter respondetur. Primo. Quod quis possit alteri malum esse velle, quâ tale, sed non possit sibi velle malum, quâ tale. Sed hæc responsio mihi non placet: nam obiectum voluntatis est bonum, ergo nec sibi nec alteri potest quis velle malum sub ratione mali; nam, quocunque modo sumas, semper volitionis obiectum est ac manet bonum. Quemadmodum enim visus non potest ferri nisi in coloratum, vel in id quod participat colorem, ita non potest voluntas ferri nisi in bonum, vel quod boni aliquam rationem participat. Secundo Resp. Quod in obiecto potest reperiri gemina ratio formalis, quæ refertur ad potentiam: una, quæ movet & allicit ipsam potentiam, estque ratio formalis communis; altera est ratio, quæ terminat ipsam operationem, à quâ operatio sortitur speciem, estque ratio formalis propria: verbi causa, quando videmus album; prima ratio, quæ movet visum, est coloratum; nam, quicquid visus videt, sub ratione colorati videt: estque hæc ratio formalis communis: secunda ratio, quæ terminat illam visionem, est album; estque ratio formalis propria, quæ hæc visio distinguitur à visione nigri: sic in voluntate & volendo, ratio communis, quæ movet voluntatem, est ratio boni: sed in actu odii, ratio quæ terminat, est malum sub ratione mali proximo optatum, quomodo distinguitur odium ab irâ. Sed hæc applicemus ad argumentum ut solvatur: dico ergo, quando quis vult alteri malum, quâ malum, quia eum odit, hoc dicitur, quod velit illi omne malum, in quo nihil reperitur, nihil videtur & boni: sic, si quis ex odio velit proximum à medio tolli, vult ei omne malum, & nihil nisi malum, nam in annihilatione aut corruptione nihil superest boni: atamen, qui sic odit proximum, ut eum velit annihilatum, utcumque ei velit omne malum, & non nisi malum, & sic posset dici velle malum, quâ malum, sub ratione mali, quatenus sic nihil boni



boni reperit aut optat in eo malo, quod proximo optat, nihilominus hoc totum refert in bonum suum; ut alius sc. is quem odit, non sit sibi impedimento, ut non præripiat sibi laudem aut aliquo bono ipsum privet, aut similiter. Tertio, responderi potest: nulla est sequela: qui odit proximum vult malum sub ratione mali, quia odisse non est velle, sed nolle: odium refertur ad nollitionem, ad fugam: at proximo nolle beatitudinem, i. e. averfari ipsius bonum non importat volitionem mali, quâ talis, sub ratione mali: sed quando quis odit & averfatur bonum proximi, vult ei malum; verum, hoc totum, est objectum tantum materiale volitionis: sicuti, volo amarum, volo tormentum, volo mortem; volo offendere Deum, hæc omnia in se mala sunt: & quidem ita mala (ut mors & offensio Dei) ut nihil in eo sit bonum, & tamen ego non volo illa, quâ mala; non sunt objectum formale meæ volitionis, sed materiale tantum: sic quando volo proximo malum, ex odio & malitia, quod se ipso & in se malum est, & in quo nihil sit boni, non tamen malum, quâ malum, sed quâ bonum, volo; quia proximo velle malum, in quo nihil sit boni, & velle ex odio, ipsi volenti est bonum, est commodum, est jucundum, & sic habet rationem boni.

VI. Tertium. Homo, ut experiatur suam libertatem, potest eam experiri, nolendo beatitudinem, & positis duobus bonis æqualibus, unum eligere, altero relicto: at, cum non sit major ratio boni in uno quam in altero, poterit ferri in aliquod objectum non sub ratione boni: ergo sub ratione mali, quia hæc opponuntur. Resp. Primo. Falsum est, voluntatem posse nolle beatitudinem: nam summum bonum & finis ultimus appetitur necessario, voluntas non est ita libera, ut sit indifferens volendo & nolendo circa finem ultimum. Secundo. Si esset aut esse posset indifferens & libera circa illud, tam, experiri suam libertatem, haberet rationem boni. Tertio. Positis duobus objectis, omni modo æqualibus & sic judicatis, voluntas neutrum eligit: oportet enim, aut aliquid bonitatis, plus esse in uno quam in altero, aut plus saltem videri; si nec sit nec videatur, nulla sequetur electio.

VII. Quartum. *Habitus injustitiæ inclinatur in malum sub ratione mali: inclinatur enim in actum injustitiæ quatenus injustitia est: at inclinatur actum voluntatis: ergo voluntas potest tendere in malum qua tale.* Resp. Falsa est major: injustitia non inclinatur voluntatem in malum sub ratione mali: sed in malum sub ratione utilis vel delectabilis; ut, si inclinatur voluntatem in furtum, hoc faciet sub ratione, vel utilis, vel jucundi: inclinare ad furtum est quidem malum, quatenus est contra justitiam, at est bonum ei, qui inclinatur, sc. apparens. Secundo. Præsupponitur, justitiam esse in voluntate, ejusque actus inclinare, quod tamen controversum est, & apud me alioque habetur pro falso.

VIII. Quintum. *Damnati possunt conformare suam voluntatem divinæ voluntati: sed potest Deus velle, ut beati non velint beatitudinem, quam ipse decrevit illis negare in æternum. Ergo damnati poterunt velle malum, qua tale.* Resp. Damnati possunt conformare voluntatem suam divinæ, nolendo beatitudinem in particulari: & hoc potest Deus velle, ut nolint: sed non possunt nolle beatitudinem in communi; aut velle non esse beati in communi: nec potest Deus velle, ut nolint beatitudinem in communi, quia potentia non potest ferri extra objecta: & Deus hoc objectum sc. bonum constituit voluntatis volitioni. Si Deus igitur posset velle, ut quis nolit, quod cum velle voluit, Deus decretum suum & beneplacitum voluntatis suæ mutare posset, quod est absurdum. Si ergo Deus constituit, voluntatem tantum in bonum tendere debere volendo, non potest velle, ut non tendat, ut velit malum sub ratione mali, aut nolit bonum sub ratione boni.

IX. Sextum. *Voluntas potest velle ex simplici apprehensione, ut intellectus non judicaverit, malum esse; ergo potest ferri in malum qua tale, ut in motibus primis.* Resp. Falsa est consequentia, quia tum demum fertur in malum qua malum, quando fertur in malum volendo, prosequendo, quod intellectus judicavit esse nolendum, fugiendum. Ergo, quamdiu non judicavit intellectus, non potest ullo modo ferri in malum qua malum, quia hoc non est tale nisi intellectus judicaverit.

verit. Quid de motibus primò primis sit dicendum, in Collegio Erb. alibi diximus. Atque hæc sunt, quæ circa objectum voluntatis hu-

manæ objici fere solent. Quæ circa Motivum voluntatis humanæ objici possunt, *Secutura. Exercitatio* ad partes atque examen vocabit.

## EXERCITATIONUM ETHICARUM DECIMA-QUARTA.

D. E.

# Objectionibus, contra voluntatis humanæ determinationem ab ultimo intellectus practici judicio.

### THESIS I.

**P**roposuit *Disputatio decima Collegii Ethici, th. 7. 8. 9.* tria argumenta, pro sententia eorum, qui existimant, *voluntatem moveri ac determinari ad volendum ab ultimo diffamine, à judicio comparato, ab imperio intellectus practici.* Longe plura adferri possunt ex Philosophia, omisiss & Theologicis: sed nos pondere quam numero certare ac vincere malimus: nunc, quæ contra hanc sententiam objici possunt, excutienda ac discutienda veniunt. Inter *Scholasticos* antiquiores huic sese opponit *Scotus* cum universa caterva *Scotistarum*: hosce sequuntur *Moderni Jesuitæ*, quorum interest, sententiam à nobis istic assertam demoliri. Ex nostris ac *Reformatis Theologis* eam impugnant non pauci, inter alios sedulo hoc egit doctissimus aliquin Theologus, *D. Amesius in casibus conscientie l. 1. c. 7.* præter *Orthodoxos Theologos* nonnullos: præsertim huic sententiæ à nobis ibi probatæ infensi sunt hostes, *Novatores*, qui patrias ecclesias discidere, quod ex eorum *Apologia, c. 7.* satis liquet, ubi operose multa argumenta ex *Jesuitis* ac præsertim *Syaresio*, contra hanc opinionem congerunt: Nos & *illorum*, & *Scotistarum*, & *aliorum*, siue *Amesii*, siue cuiuscunque, ar-

gumenta omnia, quæ potuimus invenire, dissolvemus.

**II.** Primum ac palmarium, quod ab omnibus primo ponitur loco, est hoc. 1. Si voluntas determinetur ab ultimo intellectus practici judicio, ergo non erit libera, sed necessaria ex necessitate feretur in actum, quippe quæ non potest non ferri in eum. Posterius est absurdum. *E. & prius.* Conseq. prob. Quia de ratione causæ libera est, ut, positis omnibus ad agendum requisitis, possit agere & non agere: at, si, posito ultimo judicio intellectus practici, voluntas necessario agit, non potest agere & non agere: quia illa pugnant: necessario agere & posse non agere: quia, quod necessario agit, non potest non agere: & certe hæc est differentia, inter potentias liberas & necessarias, quod necessaria ad unum finem determinatur, & positis omnibus ad agendum requisitis, non possint non agere; libera possint: porro, potentia libera dicitur esse indifferens; at, quando voluntas determinatur ab intellectu practico, non est indifferens, sed ad unum determinatur. Ergo non manet libera: at voluntas dicitur manere libera: aliquin non est voluntas. Ergo &c. Resp. Ad hoc argumentum, quod semper prætendunt adversarii, sic responderi debet. Negamus, esse de ratione causæ liberæ, ut sit indifferens ad opposita, positis omni-

bus

bus ad agendum requisitis: negamus, libertatem & necessitatem ita pugnare, ut non possit eadem potentia libera in actum ferri necessario. Atque hoc utrumque *περὶ τὸν* est *ψυδὸς*, quod Adversarii imponit, quod existiment, omnem causam liberam esse indifferentem, libertatem consistere in indifferentiā ad opposita, positis omnibus ad agendum requisitis: & quod existiment, necessitatem & libertatem ita pugnare, ut nunquam possit eadem potentia libera ferri in actum suum necessario. Nos utrumque hoc illorum fundamentum subruemus. 1. *Non esse de ratione causæ liberæ & ἀναγκαστικῆς, indifferentiam ad opposita, positis omnibus ad agendum requisitis*, multis potest ostendi modis: nam, posito fine ultimo & cognito, non est voluntas indifferens ad non appetendum, & tamen liberè appetit: omnes volumus esse beati, & liberè volumus, nec tamen hic sumus indifferentes ad oppositum, ad non volendam beatitudinem: pariter philosophandum est de mediis cum fine connexis necessario: & ea volumus liberè, neque tamen circa ea sumus indifferentes, tam parum quam circa finem ultimum. Porro Christus liberè obedivit Patri, neque tamen fuit indifferens ad non obediendum: sic enim peccare potuisset, quod blasphemum: unde rectè, ut multa, dixerunt *Scholastici*, *non est de ratione libertatis potentia peccandi*. Beati in cælo, Angeli, liberè amant Deum, neque tamen sunt indifferentes, ad amorem & non amorem Dei clarè visi. Diaboli & damnati in inferno, liberè oderunt Deum, neque tamen sunt indifferentes ad odium & non odium Dei. Deus ipse liberè amat creaturam suam, opus manuum suarum, neque tamen indifferens est ad amorem & non amorem creature sue, operis manuum suarum, quod vidit esse valde bonum. Denique, Deus fuit causa libera in creando mundo, in redimendo genere humano, & tamen, positis omnibus ad agendum requisitis, non erat indifferens: nam inter requisita ad mundum creandum, & ad genus humanum redimendum, erat Dei decretum æternum, quo statuerat mundum creare, & genus humanum redi-

mere: at, posito illo decreto, de creando mundo, de redimendo genere humano, non fuit indifferens ad oppositum, ad non creandum mundum, ad non redimendum genus humanum: & tamen, liberrimè mundum creavit, liberrimè genus humanum redemit. Nec differentia inter causam liberam & necessariam in eo sita est, ut libera possit agere & non agere positis omnibus ad agendum requisitis, necessaria non possit non agere iisdem positis; sed in eo est sita differentia, quam nullus Adversariorum rectè capit, quod, cum in libera sit sepe determinatio ac necessitas æque ac in necessaria causa; determinatio tamen ac necessitas in causa necessaria sit naturalis & a principio intrinseco, unde dicitur interna; in causa vero libera sit adventicius, à principio extrinseco, unde dicitur externa: Atque hoc unicè est hic observandum: exemplo rem declarabo. Ignis, causa in comburendo necessaria, non habet facultatem intrinsecam, qua possit non comburere ligna sibi vicina, quia ignis per suam formam naturaliter est determinatus ad unum, scilicet ad comburendum combustibilia legitimè approximata, seu positis omnibus ad agendum requisitis. At voluntas, causa libera, etiam tum, cum vult ex determinatione intellectus practici, retinet adhuc intrinsece & habet potentiam ad non volendum, in sensu, ut loquuntur, diviso, nam, quando ego nunc volo loqui aut docere, quia judico docendum aut loquendum, eo non tollitur à meā voluntate per illud iudicium intellectus, potentia intrinseca non loquendi aut non docendi: nam hæc simul sunt in me: voluntas mea docet, loquitur, necessario, quia ad loquendum, ad docendum, determinatur ab intellectus mei iudicio, & tamen retinet intrinsecam potentiam, ad non docendum, ad non loquendum; quæ per actum docendi aut loquendi non aufertur: at, quando ignis urit, non est in eo potentia non urendi: Et hinc eleganter *Scholastici* libertatem collocarunt in *simultate potentie*, qua voluntas, cum vult necessario ex intellectus practici dictamine, potest tamen simul nonvelle, quia habet potentiam non volendi, quæ est potestas in sensu diviso: at *potentia simultatis*.

tatis, quæ est potestas in sensu composito, ea in voluntatem non cadit: non enim fieri potest, ut voluntas, cum vult ex iudicio intellectus practici, composito, eodem tempore ac momento, possit simul non velle, sic enim vellet & non vellet, quæ mera est contradictio, quam Adversarii incurere coguntur. Manet ergo hoc ratum ac demonstratum, non esse de ratione causæ liberæ indifferentiam ad opposita, in sensu composito, positis omnibus ad agendum requisitis; ideoque, posito ultimo intellectus practici iudicio, non manet voluntas indifferens ad volendum, sed necessario vult, & tamen est in volendo ac manet causa libera: hoc igitur secundo nunc ostendendum, *posse libertatem & necessitatem convenire, ut eadem potentia libera nihilominus necessario feratur in suum actum.* Contrarium, alterum erat fundamentum, positum ab adversariis, à nobis subruendum. Si didicissent adversarii recte distinguere inter necessitatem internam seu naturalem, & externam seu hypotheticam, non tam absurdè istam necessitatis & libertatis pugnam propugnarent: hoc dicimus ac ponimus fundamentum. Nulla necessitas hypothetica seu externa ob conditionem seu hypothesein externam tollit libertatem; atqui necessitas determinationis est hypothetica; quia voluntas ex hypothesi intellectus judicantis vult necessario. Ergo. sed vero ostendamus, posse causam ac potentiam liberam simul ferri necessario in actum suum. Ponamus, voluntatem humanam à Deo moveri ac determinari ad aliquid: habet enim Deus imperium in voluntatem. Dei imperio, motioni determinatæ, voluntas non potest resistere: volet ergo & aget necessario, ad quod volendum & agendum à Deo movetur & determinatur: attamen volet & aget eadem libere, etiam hoc ipsum, ad quod determinatur & movetur: quia contradictio est, ut dicamus voluntatem velle & tamen non libere velle: nam voluntas cogi non potest: & libere nihilominus vult, quia necessitas illa proveniens à motione & determinatione Dei, qua necessario vult voluntas, est tantum hypothetica, ideoque libertatem non tollit; eademque voluntas manet causa ac potentia li-

bera, licet necessario feratur in actum volendi, necessitate determinationis & motionis divinæ: idem quoque dicendum est in præsentī negotio; licet voluntas, mota & determinata ab intellectu practici iudicio ultimo, necessario velit, ac non possit non velle, nihilominus libere vult, quia illa necessitas est voluntati externa & hypothetica, ex hypothesi & conditione iudicii intellectus positi, quæ necessitas hypothetica nunquam libertatem evertit, quod fusiùs alias est ostensum: & Dei præscientia, & decretum, & prædictio, & concursus, aliquam important necessitatem, qua non potest non fieri id quod præseitur, decernitur, prædicatur, & ad quod concurrat Deus; nihil tamen istorum libertatem evertit: ego nunc libere loquor ac doceo, licet non possum non loqui & docere, quia decrevit ac præcivit meloquuturum & docturum & ad loquendum ac docendum nunc mecum concurrat, Deus: unde necessitas loquendi ac docendi oritur in me, sed quæ libertatem mihi meam non aufert: & sic ipsa experientia adversarios convincit: sed & ratione convincamus eos. Quicquid Deus in tempore facit, ab æterno facere decrevit. At omnem actum liberum creaturæ Deus facit in tempore. Ergo. At, quod ab æterno facere decrevit, necessario fit: Ergo omnis actus creaturæ liber necessario fit. Ergo potest eadem potentia & causa libera ferri in suum actum necessario. Deinde, quicquid Deus vult ut fiat, id necessario fit. At Deus non vult tantum, ut fiat actus aliquis, sed in specie ut fiat liber. Ergo non tantum actus aliquis, sed in specie actus liber, necessario fit. Ergo potentia, quæ actum liberum elicit, simul necessario agit. Sed hæc nunc satis clara sunt & ad argumentum primum sufficiunt, quod tanto sum profecutus prolixius, quia in eo maxime itant, & perpetuo illud crepat, Adversarii.

III. Secundum esto argumentum. Si voluntas necessario determinatur ab ultimo intellectus practici iudicio, sequetur primo, voluntatem non posse eligere minus bonum relicto maiore bono, quia intellectus semper iudicat majus bonum esse præferendum minori, nisi forte errat.

atta-

attamen sepe eligimus & volumus minus bonum. Secundo, sequitur, ex duobus equalibus bonis intellectum neutrum posse eligere, quia iudicium rationis neutrum alteri præponit. Resp. Ad primum. Fatemur fieri posse, ut voluntas appetat & velit minus bonum, relicto maiori, sed tum intellectus in iudicando errat, & voluntas sequitur tum erroneum intellectus iudicium, dum intellectus, illud, quod est in se majus bonum, expensis circumstantiis hic & nunc, tamen rejiciendum, & illud, quod in se est minus bonum, expensis istidem circumstantiis, hic & nunc, tamen prosequendum, iudicat. Ad secundum. Dico, quando intellectus ex duobus bonis æqualibus neutrum alteri præponit, voluntatem neutrum electuram, quia nondum perventum est ad iudicium ultimum practicum, cuius proprium est officium, unum præ alio acceptandum voluntati proponere, ut sequatur electio, quæ non sequetur, quamdiu non aliquanto plus boni in uno, quam in alio, deprehenderit intellectus practicus. Instant. Si Deus, qui falli non potest, nec errare, possit facere minus bonum, omisso maiori, ergo & nos, sine falso aut erroneo iudicio, possumus velle minus bonum, omisso maiori. Sed verum est prius: ergo & posterius. Prob. Minor. Quia potuit Deus meliora facere quam fecit, potuit nullam creaturam producere, & tamen, producere creaturam, est majus bonum quam non producere: si ergo Deus aliquod posset facere minus bonum, licet iudicaret aliud esse majus bonum, quidni & nos? Resp. Quidam dicunt, diversam considerationem de Deo & creaturæ, propterea, quod Deo competat summa & perfectissima libertas ad omnia, quæ ejus potentie subjacent, quæ ratione eligere potest quodlibet ex iis, libertas autem creature intellectualis limitata est ad iudicium rationis: sed enim ista responsio mihi non placet. Quantumvis enim in Deo sit summa libertas, ea tamen subordinatur intellectui divino, ita ut, sicuti velle non potest Deus nisi cognitum ab intellectu, sic nec libere velle aut agere quicquam potest, nisi intellectus practico suo iudicio id agendum decreverit. Ego igitur sic respondeo & dico: actum liberum voluntatis divinæ

dependere necessario à iudicio practico intellectus ejus, non, quo iudicat hoc esse melius, aut hoc maxime expedire, sed quo iudicat ex iis mediis, quæ sunt ordinabilia ad finem, eademque indifferentia, hoc medium, præ aliis, nunc actualiter ac determinatè ad finem, scilicet gloriam suam, esse ordinandum: præponit autem intellectus practicus hoc medium illi, pro mera libertate sua intellectuali, quia inter agibilia, potentie divinæ subiecta, nihil altero est melius aut magis expediens in ordine ad Deum, tanquam actione vel opere aliquo perficiendum: Deus quippe, in semetipso perfectissimus, bonorum nostrorum non eget: & hæc ratio est summæ ac perfectissimæ in Deo libertatis. Sed ad alia argumenta transeamus.

IV. Tertium esto argumentum. Quod tantum agit moraliter, non potest determinare voluntatem ad unum: sed intellectus iudicium tantum agit moraliter, proponendo objectum scilicet, vel tanquam finem, vel tanquam medium ad finem, ut in id feratur voluntas volendo. Ergo illud iudicium intellectus non determinat voluntatem ad unum. Resp. ad majorem. Quod agit tantum moraliter, non potest voluntatem determinare ad unum: distinguo: in genere causæ efficientis, concedo: in genere causæ finalis, aut formalis externæ, nego: at iudicium intellectus non determinat, non movet, voluntatem effectivè, non in genere causæ efficientis, sed in genere causæ, vel formalis extrinsecæ, vel finalis, objectum per modum finis, vel summi, vel subordinati, proponendo. Certe, finis, & objectum, quod agit ut finis, æque determinat potentiam atque efficiens, licet finis & objectum agant moralitè, efficiens Physicè. Et notanda hic est distinctio determinationis. Est determinatio quædam ex parte potentie, quæ Physica dici solet, ac provenit à natura agentis, impellente ad unum, quia ad unum est determinata natura agentis; talis determinatio est in igne ad urendum, in plantis ad crescendo, & in brutorum appetitum, unde potius à natura agi, quam agere dicuntur: est determinatio quædam ex parte objecti, quæ moralis dici solet,



solet, in quantum obiectum per modum finis & boni propositum, allicit, trahit, determinat appetitum ad appetendum: sic cibis appositus, allicit, trahit, determinat appetitum; hoc modo determinat voluntatem humanam iudicium intellectus, non Physicè in eam agendo, sed moraliter, obiectum, ut bonum & conveniens, vel tanquam finem, vel tanquam medium ad finem, proponendo: quæ determinatio voluntatis per rationem facta, non minus necessitat volentem, nec minus est efficax, quam necessitat & est efficax determinatio facta per naturam: nam tam efficaciter ac clare rationem boni in obiecto proponit voluntati iudicium intellectus, ut non possit non in id tendere voluntas; sicut visus ovis ex naturali instinctu non potest non in illam tendere canis.

V. Argumentum quartum. *Si voluntas interdum obnitatur ac reluctetur intellectui, ergo ejus iudicium non semper sequitur. Sed verum est prius. Ergo & posterius.* Resp. Voluntas nunquam obnititur, nunquam reluctatur intellectui, nisi ipse intellectus sibi reluctetur & obnitatur. Sæpe quidem in nobis pugna est: & volumus & non volumus: sed illud velle & non velle, non sequitur unum & idem intellectus iudicium, neque sequitur iudicium ultimum: sed quoties pugna ista est in voluntate, toties eandem reperire est in intellectu, qui accipiti iudicio, nunc huc fertur, nunc illuc: at postquam intellectus iudicium semel est fixum ac determinatum, nulla superest pugna, lucta nulla in voluntate.

VI. Argumentum quintum. *Notitia, per quam proponitur voluntati obiectum & materiale & formale, id est, & obiectum in quod tendit & ratio tendendi in illud, est sufficiens, ut voluntas velit. Atqui simplex obiecti notitia est talis. Ergo.* Resp. Negatur minor: quia tum dicitur obiectum appeti à voluntate sub ratione formali, cum iudicatum est ab intellectu, si igitur non iudicet intellectus, certè formalis ratio obiecti non proponitur voluntati: Et, bonitas non potest sufficienter cognosci in obiecto, nisi iudicium feratur de huius aut illius rei bonitate, quod iudicium

Syllogismo pratico ac discurrendo gignitur.

VII. Argumentum sextum. *Qui cytharam pulsant & charactères depingunt, festinantissime utrique, tot actus voluntatis, quot digitorum, edunt. Sed non intercedunt tot iudicia mentis. Ergo, non omnis actus voluntatis sequitur mentis iudicium.* Resp. Revera tot sunt iudicia mentis, quot sunt actus voluntatis & motus digitorum: sed quia celerissime fiunt ista iudicia, sicuti fiunt ipsi quoque actus voluntatis & motus digitorum, ideo à nobis non discernuntur; neque hoc mirum videri debet: nam, qui scribit, etiam festinantissimè, diversas diversorum characterum conceptiones efformare debet, quibus, quam litteram, & quo modo, delineare velit, apprehendat: atque pari ratione possunt formari tot rerum diversa iudicia; præterea & hoc dici potest, non esse tot iudicia explicita, sed saltem implicita.

VIII. Argumentum septimum. *In motibus primo primis voluntas non determinatur à iudicio intellectus. Resp.* Ad hoc argumentum multis potest responderi modis. 1. Negando, quod motus primo primi sint in & à voluntate: & dicendo, quod sint in & ab appetitu sensitivo: & affici aliquo modo voluntatem ex subito illo motu, unde in & à voluntate esse videantur; imo interdum ipsa voluntas per impetum & *de mō* quandam abripitur, sed hoc est à vi phantasiæ, & est brutus motus voluntatis. 2. Dici potest, in motibus primo primis intellectum sine mora iudicare, ideoque ibi esse iudicium, sed non animadverti, propter celeritatem. 3. Dici potest, prodire iudicium non deliberatum, sed sine deliberatione, quia subitum est, ut ipse motus à deliberatio tempus exigit. Quicquid sit, siue non sint voluntatis, isti motus primo primi, siue sint, & siue iudicium præcedat, siue non, & siue iudicium præcedens sit deliberatum, siue non, nihil contra nostram facit sententiam, quia de iis non philosophamur, sed de ordinatis, statis, & rationalibus actibus, voluntatis. Atque hæc sunt generalia, quibus hanc impugnant opinionem nostram Scholastici, & Philosophi vulgares, argu-



menta: sed specialia quædam habent in sua *Apologia*, *Novatores* cap. 7. & alia insuper *Dofifimus Amefius in casibus conscientia*, lib. 1. cap. 7. quæ sequens diffolvit Exercitatio.

## EXERCITATIONUM ETHICARUM

## DECIMA-QUINTA,

## DE

# Objectionibus, contra voluntatis humanæ determinationem ab ultimo intellectus practici judicio.

## T H E S I S I.

**I**ncumbit, ex fide data, *Exercitatione hac*, nonnullorum argumenta specialia proponere & dissolvere, quæ, contra sententiam à nobis *Coll. Ethici disp. 10.* assertam, assertant. Asserimus & probavimus, voluntatem in volendo moveri & determinari ab ultimo intellectus practici judicio. Quam sententiam non ferunt *Novatores* quidam, vulgo dicti *Remonstrantes*, sed verò multis rationibus eam subruere conantur. *Apok. c. 7.* sic argumentantur. 1. Si indifferentia iudicii ad liberum arbitrium (nos diceremus ad volendum) sufficit, voluntatis libertas non est nisi extrinseca quædam denominatio, quæ voluntati ab indifferentia ista iudicii tribuitur, quatenus voluntas indifferenter sese habeat ad sequendum hoc vel illud iudicium rationis, eundem plane ad modum, quo appetitus est indifferens ad sequendum hoc aut illud objectum, quod à sensibus offertur. Sed hoc est absurdum: nam si libertas non erit, proprietates voluntati à Deo impressæ: denominatio enim extrinseca proprietates dici nequit, Ergo & absurdum est illud. Resp. 1. In argumento supponi, solius iudicii indifferentiam sufficere, ad volendum, cum tamen & voluntas sit indifferens, non quidem post iudicium latum, sed antequam ferretur. Resp. 2. Negando consequentiam: quia cum objectum proponitur, tam est

indifferens voluntas ad volendum & non volendum illud: intrinseca & sibi propria indifferentia, quam intellectus est indifferens ad iudicandum & non iudicandum: at, postquam intellectus iudicavit, non amplius est indifferens ad non iudicandum, nec voluntas amplius est indifferens ad non volendum, in sensu sc. composito, licet maneat in utraque potentia, indifferentia in sensu diviso, quæ utriusque est intrinseca proprietas. Resp. 3. Illa comparatio, quæ instituitur inter voluntatem & appetitum sensitivum, in argumento, nulla est. Certe longe aliter sese habet voluntas suâ indifferentiâ ad intellectus hoc aut illud iudicium sequendum, quam appetitus sensitivus ad sequendum hoc aut illud objectum à sensibus monstratum: nam appetitus sensitivus in objecta à sensibus cognita fertur irrationali & bruto impetu: at voluntas impetu rationali & libero, *Instans*. Si intellectus, in & à quo est iudicium, voluntati est extrinsecus, Ergo indifferentia iudicii est voluntati extrinseca. Sed verum prius. Ergo & posterius. Resp. Si intellectum & voluntatem à se invicem placeat distinguere reipsa, concedimus totum argumentum. Eito indifferentia iudicii voluntati extrinseca: at voluntas ipsa habet & indifferentiam aliquam, sibi propriam & intrinsecam ad objecta sua: si

intellectum & voluntatem non distinguas, nisi ratione, quod ego probabilius sentio, falsum est antecedens, voluntati esse extrinsecum intellectum; sic enim eadem erit potentia & intellectus & voluntas; & indifferentia eadem utrique est intrinseca, quemadmodum intellectus voluntati est intrinsecus, & voluntas intellectui, quoad entitatem: attamen quoad rationem agendi intellectus practici iudicium voluntatis volitioni est extrinsecum, ut antè dictum. Quod subiungunt, *libertatem non fore proprietatem à Deo impressam, quia nulla denominatio externa est proprietatis*. Resp. 1. Si eadem sit potentia intellectus & voluntas, libertas, utriusque proprietatis est impressa, & libertas est totius animæ tum proprietatis. 2. Libertatem confundunt cum indifferentia, cum tamen libertas sit, ubi non est indifferentia, ut ante fuit demonstratum. 3. Falsum est voluntatem denominari liberam denominatione externâ; sic denominatur denominatione intrinseca, à libertate & adiaphoria, seu indifferentia sibi inhærente.

II. 2. Argumentantur. *Etiamsi, inquirunt, omnino libertatem esse proprietatem, concederetur, voluntatis, tamen libertas & indifferentia voluntatis non esset nisi indifferentia passiva, qualis est intellectus ad hæc vel illa objecta: at hoc absurdum est. Ergo & illud*. Resp. 1. Etsi voluntas passivè sese habeat in ordine ad iudicium rationis, à quo movetur & determinatur, activè tamen sese habet in ordine ad objecta, quæ, juxta illud iudicium rationis, vult, vel non vult, quæ activa ejus est indifferentia. Resp. 2. Nec intellectus ipse ad objecta merè passivè se habet, sed activa indifferentia, vel hoc iudicat, vel non, vel aliud. Instant: *sic libertas erit affectio intellectus*. Resp. Quid si sit? nam ego quidem libertatem existimo animæ esse proprietatem, à qua anima, intellectus, & voluntas, non differunt mihi.

III. 3. Argumentantur. *Sic, inquirunt, libera volitio in ordine ad iudicium rationis plimè necessaria erit, non minus quam appetitus sensitivus est necessarius ad sensum dictamen sequendum. Hoc autem falsum. Ergo & illud*. Resp. Ostendi jam discrimen: sensitivus appe-

titus bruto impetu, & sine indifferentia aut potestate intrinseca non sequendi, sequitur sensum dictamen: at voluntas rationali impetu, & servata semper potestate intrinseca, & indifferentia, non sequendi iudicium rationis, etiam tum, cum sequitur, in sensu sc. diviso, non composito, fertur in objectum.

IV. 4. Argumentantur. *Sequitur ex illa, inquirunt, sententia, voluntati non magis ferri posse legem pænæ comminatione sancitam, quam appetitui sensitivo, utrobique enim par ratio est, par necessitas*. Resp. Imo diversa est ratio, quam jam ostendi. Voluntas est appetitus rationalis, λογικός, ideoque ei lex hgi ac ferri potest: at sensitivus est λογικός, irrationalis appetitus, cui propriè lex nec fertur nec figur.

V. 5. Argumentantur. *Si quod erit peccatum, ex hac sententia, prius, imò tantum, erit in intellectu, seu in iudicio, non in voluntate*. Resp. Concedo, omne peccatum, prius esse intellectu, tantum, nego: nam omne peccatum duobus actibus abolivtur ac consummatur; uno intellectus, altero voluntatis: intellectus, iudicio erroneo, voluntas, electione prava: sicut omnis actus bonus pariter duabus quasi partibus constat, recto iudicio, & bona electione: radicem ergo bonitatis aut malitiae, in intellectu iudicio, complementum, in voluntatis electione colloco.

VI. 6. Argumentantur. *Nullum dabitur peccatum contra conscientiam*. Negamus sequi. Fiat plenus Syllogismus. Si voluntas, &c. Ergo nullum est. Resp. Negamus sequelam. Distinguenda sunt iudicia: peccatum contra conscientiam non dicitur, quasi committatur contra ultimum iudicium, contra comparatum, sed quia contra absolutum & simplex perpetratur: in quo distinguitur à peccatis, ex ignorantia, aut infirmitate, aut ex aliquo affectu, commissis, in quibus ne simplex quidem aut absolutum est iudicium de malitia aut bonitate objecti: ut, si quis ex metu, aut ira, aut alia passione, existimet esse bonum, quod est malum, aut si quis rationem mali in objecto non percipiat, sed, quod malum est, bonum iudicet, is peccat ex ignorantia: at, quando quis bonum esse novit quippiam, aliud malum, & tamen, contra illam suam

scien-

scientiam aut conscientiam boni ac mali, expensis omnibus circumstantiis, illud, quod malum esse novit, ac iudicat, iudicio simplici & absoluto, præfert, quia sub specie boni apparet, in eo est error, iudicii comparati, & jam peccat contra conscientiam.

VII. 7. Argumentantur. *Sic nulla in voluntatem hominis operatio necessaria erit, quando DEUS conversionem hominis operatur: sufficiet intellectus illuminatio.* Resp. Nulla est sequela, quia, sicut intellectus determinat voluntatem, ita intellectus illuminatus determinat voluntatem renovatam, & intellectus corruptus voluntatem corruptam. & notandum est diligenter, falsam hypothesin præstui, quasi fieri unquam possit, ut intellectus illuminetur, regeneretur, non tamen regeneretur aut renovetur voluntas: at impossibile est, intellectum regenerari, & non regenerari voluntatem; ideoque non quælibet voluntas cujuslibet intellectus iudicium sequitur; sed voluntas corrupta corrupti intellectus, renovata illuminati intellectus, iudicium sequitur: Quomodo autem regeneretur voluntas, an immediate, an mediate, & mediante luce intellectus, quæ in regeneratione ac conversione ad voluntatem usque pertendat, dum affunditur, non eadem est explicatio Doctorum. Sunt, qui volunt, Deum in regeneratione mentem hominis luce perfundere, & per eam virtutes habitusque novos voluntati infundere, quemadmodum per lucem transfunditur in hæc inferiora calor ille cælestis & vivificus, quo omnia vivunt, vigentque, & quemadmodum generans, cum formas inducit, una proprietates inducit: sed vero, ego malim dicere, Dei regenerantis, tam immediatam esse operationem in voluntatem, quam in intellectum, nec voluntatem regenerari media luce intellectus, sed ipsam: in se, æque à Deo, affici ac renovari, atque in se illuminatur & afficitur intellectus: præsertim, si statuamus, animam esse eandem cum potentiis, intellectu & voluntate; certè res confecta est: tum simul eodemque momento & actu & illuminatur intellectus & renovatur voluntas, quia Dei regenerantis actio termi-

natur in totam animam, intellectum & voluntatem simul: itaque repeto, nunquam fieri posse, ut intellectus illuminetur, quin simul & renovetur voluntas: quare nullo modo sequitur, si voluntas determinetur, &c. Ergo sufficit illuminatio intellectus, voluntate manente corrupta.

VIII. 8. Argumentantur. *Nulla corruptio facta fuerit in voluntate, saltem ut facta dicatur, necesse non erit.* Resp. Nulla est sequela: quia intellectus non obscuratur, nec pervertitur, nisi corrumpatur voluntas: & sicut actus voluntatis ab actu intellectus separari nequit, ita nec qualitates voluntatis à qualitatibus intellectus separari possunt: itaque voluntas non corrupta non potest sequi iudicium corruptum; nec contra. Et voluntas corrupta non potest sequi iudicium non corruptum: sed voluntas corrupta sequitur iudicium corruptum: voluntas non corrupta sequitur iudicium non corruptum: quare, tam requiretur corruptio in voluntate, cum iudicium est corruptum, quam requiritur renovatio in eadem voluntate, cum intellectus est illustratus.

IX. 9. Et postremò, argumentantur. *Sequeretur, voluntatem in omni statu eodem modo & pari libertatis gradu fore liberam.* Resp. Negatur sequela. Hoc quidem verum est; in omni statu, siue integritatis, siue corruptionis, siue regenerationis, siue glorificationis, voluntatem semper sequi intellectus iudicium: sed non eodem modo sequitur; quia ipsius intellectus iudicium non est uniusmodi: aliter intellectus iudicat in statu peccati seu corruptionis, aliter in statu gratiæ seu regenerationis: unde, licet utrobique sequatur voluntas intellectum, aliter tamen sequitur, in statu gratiæ, aliter, in statu peccati: nam qualitates, quæ pro diverso statu hominis mutant intellectum, pariter mutant & voluntatem, quod semel & semper tenendum est. Addunt duas alias insuper rationes. 1. *Non poterit voluntas ex duobus equalibus bonis unum eligere.* 2. *Non poterit minus bonum præferre majori.* Sed nos ad utramque respondimus *Exercitatione præcedenti*; ideoque non repetemus, quæ ibi dicta sunt.

X. Transco ad argumenta. *Cl. D. Amesii in Caf. Conf. l. 1. c. 7. Ratio ejus 1. est: quia, quodcumque bonum intellectus proponit voluntati in hac vita, proponit illud cum differentia quadam judicii, ut non habens necessariam connexionem cum bono in communi, ad quod naturaliter voluntas determinatur, unde libertas hominis in operando radicaliter fundari dicitur in judicio rationis. Resp. Fiat in forma: Si quodcumque, &c. Ergo voluntas non determinatur, &c. Sed verum prius. Ergo & posterius. Resp. Ad minorem. 1. Proponit quidem intellectus quodcumque bonum in hac vita cum indifferentia judicii, quam præhabet, antequam proponat aliquid bonum: At vero, cum jam proponit, non est amplius indifferens, intellectus: jam enim suam indifferentiam determinavit, unum ex pluribus bonis decernendo; cum tamen omnia essent indifferentia ad summum bonum obtinendum. 2. Dubitari potest: An omnia bona, quæcumque tandem fuerint, ita sese habeant, ut nullam dicant connexionem necessariam cum fine ultimo? Quod dicit, libertatem voluntatis radicari, &c. id ambabus ulnis amplectimur.*

XI. 2. Argumentatur *Cl. Amesius. Quamvis voluntas determinetur ab intellectu, quoad specificationem, quia nihil vult, nisi quod intellectus prius apprehendit, quoad exercitium tamen, & se ipsam, & intellectum, & ceteras potentias, efficaciter movet. Resp. 1. Nulla est ratio, cur, si quoad specificationem ab intellectu movetur voluntas, non item moveatur ab eo quoad exercitium; nam eadem difficultas utrobique est: & tam tollit libertatem voluntatis ejus determinatio quoad specificationem, quam tolleretur ejus determinatio quoad exercitium, si determinatio libertatem tollat: si non tollat, five tum determinetur quoad exercitium, æque ac determinatur quoad specificationem *Amesius*, nihil erit periculi. 2. Malè dicit, voluntatem se ipsam determinare, quod, neque concipi, neque explicari potest, ut *Disp. 10. Coll. Ethici* fusc ostendi. Hinc subiungit celeberrimus *Amesius*: *libertas formaliter est in voluntate ipsa; quod verum non esset, si ab intellectu necessario deter-**

*minaretur: & quare quæso, vir doctissime, hoc verum non erit? Certè, ubi libertas ultimum accipit complementum, ibi est formaliter: at in voluntate accipit. Ergo, &c.*

XII. 3. Argumentatur *Amesius. Si stante judicio recto in intellectu, voluntas non potest non recte velle, tum ad primum peccatum angelorum & hominis præquirebatur error in intellectu: & sic ante primum peccatum fuisset pena peccati: nam error, aut est peccatum, aut pena peccati. Resp. Fuit error: & is, non pena erat, nec peccatum, plenum ac consummatum, sed aliquid peccati; initium ejus, pars quasi ejus prima: homo enim primus, eo, quod per rationem prave judicavit, peccavit inchoative; & eo, quod per voluntatem male elegit, peccavit consummative: & hæc duo, error judicii & prava electio voluntatis, in omni peccato debent considerari: & quamvis error judicii sic naturæ prior electione prava, tempore tamen simul sunt: peccatum enim, quoad actum internum, in instanti totum consummatum: & licet error judicii & electio voluntatis, duo sint entia in genere nature, unum tamen ens sunt in genere moris; adeoque unum peccatum.*

XIII. 4. Argumentatur *Amesius. Si voluntas necessario sequitur intellectum, Ergo nullum peccatum erit, propriè loquendo, ex malitia, distinctum ab illis peccatis, quæ ex ignorantia, vel ex perturbatione, committuntur. Sed palam est in diabolis, & quibusdam etiam hominibus, illud reperiri. Ergo. Resp. Ad hoc argumentum idem respondendum est quod statim *th. 6. ad arg. 6. Remonst.* respondi, ad peccatum contra conscientiam: nam hoc idem est cum peccato ex malitia.*

XIV. 5. Argumentatur *Amesius. Si voluntas necessario sequitur intellectum, tum in hominis regeneratione non foret opus, ut ipsa voluntas interne & in se renovaretur per gratiam: illuminatio enim intellectus ad omnia sufficeret: sed hoc à fide & pietate, est alienum. Resp. Et ad hoc jam statim est responsum *th. 7. ad arg. 7. Remonst.* quare non repeto. Hæc sunt argumenta maximi & solidissimi judicii viri, *Cl. D. Amesii, in Caf. Conscientiæ, lib. 1. cap. 7.**

EXERCITATIONUM ETHICARUM  
DECIMA-SEXTA,

DE

## Objectionibus, contra voluntatis humanæ determinationem ab ultimo intellectus practici judicio.

## T H E S I S I.

**E**Xcussis aliorum omnium argumentis, quæ proferri solent, contra voluntatis, ab intellectus practici dictamine, determinationem, unius adhuc viri docti argumenta examinabimus, solo amore veritatis eruendæ. Servabimus ordinem ab ipso institutum. Primum est hoc: *voluntas non determinatur ab ultimo intellectus practici judicio, quia nullum est practicum rationis judicium natura sua ultimum, sed, posito quovis, semper manet ulteriori disquisitioni locus, imprimis vero in rebus dubiis.* Fiat Syllogismus in forma: *si nullum datur, &c.* Resp. Ad minorem: eam esse falsam: hoc est, judicium est ultimum ac naturâ suâ quod omnibus expensis circumstantiis Syllogismo practico concluditur, de hoc, & nunc, faciendo, vel omittendo: quo judicio lato non est ulteriori disquisitioni locus, imo ne quidem in rebus dubiis, quia hoc non fertur, nisi rationibus omnibus probe examinatis, quibus perpenfis, jam non amplius dubitat intellectus, ubi unum præ aliis decrevit & voluntati eligendum proposuit: itaque per ultimum intellectus practici judicium hic intelligimus, conclusionem Syllogismi practici, quo judicio decernitur, qua conclusione concluditur, omnibus consideratis, perpenfis, expensis, quid sit agendum, quid omittendum: itaque in singulis actionibus deliberatis, est unicum; judicia non ultima possunt esse varia ac dubia, & relinquunt semper locum ulteriori disquisitioni: at hoc ultimum est unicum, fixum,

omnemque ulteriorem disquisitionem excludit, & in singulis actionibus est unicum: nec etiam ultimum datur, quasi ultimum in vita humana, sed ultimum in hac aut illa actione, quæ instituitur, postquam nihil ampliori consultationi aut deliberationi est reliquum.

II. *Quia judicium rationis ultimum interdum est falsum, & natura sua mutari & emendari potest.* Fiat Syllogismus: *si interdum est falsum, Ergo, &c.* Resp. Neg. conseq. sequitur tantum: Ergo non semper sequitur judicium rectum; fatemur, interdum sequitur judicium falsum, & nimis sæpe, in hac corrupta natura, & quotiescunque natura sua mutari ac corrigi potest ju 'icium, pariter & mutari ac corrigi potest sequela voluntatis: quæ variatur pro variatione intellectus: itaque non sequitur, si intellectus judicium interdum est falsum, interdum mutari potest & emendari, Ergo voluntas illud non sequitur, quia tum sequitur falsum judicium, mutabile & emendabile in melius, adeoque, si emendetur, mutetur, verum reddatur, jam illud sequetur.

III. *Quia voluntas per alia mentis judicia quibus judicamus, bonum ulterius examinandum, & deliberandum, adhuc alia media ad agendum necessaria querenda inveniendaque esse, menti aliorum inquisitionem imperare potest.* Fiat Syllogif. *Si voluntas imperare potest, &c.* Ergo, &c. Resp. Negando minorem: voluntas non potest menti imperare, aliorum me-



diorum inquisitionem, nec prescribere menti alia iudicia ulteriora, quibus examinet ac deliberet de aliis mediis inveniendis, post ultimum iudicium factum, latum, ac pronunciatum: hoc enim si possit voluntas, iudicium factum, latum, ac pronunciatum, non est ultimum: quod si ultimum fuerit, nulla restant media inquirenda, nihil superest deliberandum aut consultandum, nedum ut voluntas tale quid intellectui imperare valeat.

IV. *Si voluntas necessario ad agendum moveret intellectum, non necesse esset in regeneratione renovari voluntatem, sed mentem solum; nam mens regenti voluntatem secum traheret necessario: sed hoc est falsum; nam non modo mente sed & voluntate à Deo regeneramur.* Resp. Ad hoc argumentum exercit. præced. est responsum, & laborat ista falsa hypothese, quasi fieri possit, ut intellectus regeneretur, & non item voluntas. Sed, quæ exercit. 10. sunt dicta, non repeto.

V. *Ad eliciendum actum amoris & spei supernaturalis non opus esset charitate & spe, sed sola sufficeret fides in mente, quia mens necessario secum traheret voluntatem.* Fiat Syllogis. in forma: *Si voluntas determinat. &c.* Ergo. Resp. Nulla est sequela: quia non potest fieri, ut fides ingeneretur intellectui in conversione hominis, quin simul ingenerentur, spes & charitas; habitusque supernaturales voluntatis proprii in voluntate: in hoc argumento, primum, supponitur fides esse in sola mente, quod tamen Amesius, alique Theologi inignes, præsertim Anglicani, negant, qui fidem in voluntate collocant, & cognitionem & assensum, tantquam conditiones fidei & causas sine quibus non, exigunt. Communis plurimorum sententia, fidem in intellectu & voluntate, collocat: sed esto in intellectu; non sequitur: si voluntas ad volendum determinetur, &c. Ergo, sola fides sufficit in intellectu: quia intellectus est quidem causa quod velit, & intellectus fide illustratus, est causa quoque quod velit voluntas; sed non quod velit voluntas actum amoris aut spei supernaturalis; nisi in voluntate spes sit aut charitas: iudicium intellectus determinat voluntatem non ad quemlibet actum, sed ad istum, ad

quem est disposita per habitus, ideoque non potest intellectus fide illustratus voluntatem movere ad actum amoris aut spei eliciendum, nisi voluntas ad eum eliciendum fuerit disposita. Præterea, nulli habitus, five supernaturales five naturales, determinant voluntatem ut objectum, sed perficiunt ut subiectum: faciunt, non ut voluntas agat, sed, postquam agit, ut tali modo, vel alio agat, & hunc vel illum actum eliciat huius vel illius conditionis, prout voluntas fuerit habituata: si ne ipse quidem voluntatis habitus eam determinat, multo minus eam determinabit fides, habitus alterius facultatis, puta mentis: & hoc semel tenendum est, nullum habitum esse principium elicitivum actionis in ista facultate cui inest: nedum, ut sit principium effectivum actionis in facultate alia cui non inest: itaque fides, non facit ut intelligat intellectus, neque eum determinat ad intelligendum, sed facit ut intellectus, cum intelligit, sine molestia intelligat, assentiatur conclusionibus revelatis supra rationem & captum suum posit. Ergo, multo minus poterit fides in intellectu facere, ut voluntas velit actum amoris aut spei, cum nequidem, ut velit, facere possit. Atque hinc patebit solutio 6. argumenti, quod tale proponitur.

VI. *Ad acquirendos habitus morales sufficeret prudentia in mente, quæ voluntatem necessario secum traheret.* Fiat Syllogis. Resp. Si intelligat, prudentiam tracturam esse voluntatem, id est, eam esse reddituram ex non volente volentem, negamus, prudentiam, habitum mentis, hoc posse: si intelligat, mentem ipsam prudentiam imbutam, esse tracturam voluntatem ad actus illos, quibus habitus morales acquiruntur, negatur minor; plus sc. requiri; nam, quid requiritur amplius, ut voluntas acquirat habitum fortitudinis, temperantiae, iustitiæ (suppono jam virtutes morales esse in voluntate, quod tamen falsum existimo) quam, ut actus exerat tales, qui sint conformes prudentiæ, ad quos ab intellectu, & mentis, pro sua prudentia, iudicio, determinatur: nempe, nulla virtus moralis, si sit in voluntate (de quo nunc



non disputo) potest acquiri nisi actionibus frequentiter exercitis : actiones exercendæ exerceri debent secundum rectam rationem ac prudenter : itaque nihil amplius requiritur ad virtutis moralis acquisitionem, quam ut velit, determinata ad volendum à iudicio intellectus prudenter facto.

VII. *Charitas non esset habitus infusus, sed acquisitus; ninirum, mediis actibus mentis.* Fiat Syllog. Resp. Nulla est sequela, quia laborat falsa hypothesi; quasi diceremus, voluntatem à iudicio naturali intellectus determinari posse ad quolibet actus volendi, etiam supernaturales, quod negamus & pernegamus : voluntas à iudicio naturali intellectus determinatur ad actiones, tantum naturales, civiles, morales, non supernaturales, non spirituales : si inferat argumentum. Ergo, saltem charitas acquiritur mediis actibus mentis per fidem illustratæ; & hic negatur consequentia: quia nunquam mens fide illustratur, quin simul in voluntatem infundantur habitus, qui ipsi debentur; quod *Exercit. præcedent.* satis est dictum.

VIII. *Omnes virtutes essent prudentia quedam, opinionones, & scientiæ.* Resp. Nulla est sequela, quia non generantur per actus prudentiæ, scientiæ, aut opinionis, licet, non sine actibus prudentiæ : nam scientia & opinio huc non faciunt, & male afferuntur : nemo unquam dixit, aut cogitavit, solis actibus mentis & prudentiæ acquiri virtutes morales, licet non acquirantur sine iis, nempe, virtutes morales acquiruntur actibus voluntatis elicitis & imperatis, sed institutis secundum præscriptas à prudentia regulas : itaque sequitur, non, virtutes esse, prudentias, sed virtutes non acquiri sine prudentia, quod verum est, alterum falsum.

IX. *Tam necesse esset, nobis, bonum eligere, quam nosse, quod falsissimum esse, ipsa improbat experientia.* Resp. Experientia non comprobatur falsum esse, quod necessario bonum eligamus, ubi noverimus, ubi iudicio ultimo fuerit determinatum, quod iudicium ultimum non dari hic repetitur; sed ut repetitur ita à nobis rejicitur; quia contrarium probavimus: præterea, neque expe-

rientia docet, necesse esse, ut bonum cognoscamus: nam libere id cognoscimus; & non omnia bona statim convincunt intellectum suæ bonitatis, sed multa non nisi multo labore cognoscuntur : quare, tam parum necesse est, bonum nosse quam illud eligere : si argumentum loquatur de necessitate expediendi, in quantum expedit bonum nosse, sic multo magis expedit eligere : quare non video clare, quid argumentum velit : si voluntas determinetur; Ergo, tam necesse esset nobis, bonum eligere quam nosse. Sed hoc falsum. Ergo. Resp. Neg. minor : tam est necesse, si non magis, voluntatem eligere bonum, si fuerit cognitum & à mente iudicatum, quam est necesse, illud cognosci, si menti aut intellectui offeratur cognoscendum : potest etiam abstinere intellectus à cognoscendo bono, si offeratur, non potest abstinere à volendo voluntas, si fuerit cognitum ac iudicatum.

X. *Quo quisque doctior, eo melior esset; quia scientia & doctrina mentis necessaria traheret & voluntatem.* Resp. Neg. consequ. & ejus probatio: nam scientia & doctrina mentis, habitus intellectuales, ne intellectum quidem, nedum voluntatem, trahunt, id est, agere faciunt : deinde, virtutes, ut comparentur, à quibus quis dicitur bonus & melior, non prærequirunt actum scientiæ, unde quis dicitur doctior & doctus, sed actum prudentiæ; & hoc verum est, quo quis prudentior, eo melior est.

XI. *Habitus morales, in nobis non generantur actibus, habituum moralium consimilibus, sed dissimilibus puta, habitus bene volendi, iuste, sobrie, & magnifice vivendi, actionibus mentis, puta, cognoscendi.* Resp. Nulla est sequela, ob falsam hypothesin: quasi habitus morales dicerentur gigni immediate ab actibus mentis tanquam causis, ex eo, quod voluntas statuatur sequi intellectus iudicium, imo contra dicimus, habitus morales gigni ab actibus voluntatis, sed iis, qui actus mentis iudicantis tanquam conditiones necessariae ante se requirunt : itaque, habitus, iuste, temperanter, magnifice vivendi, non generantur actibus mentis, quibus iudicamus esse iuste, temperanter, magnifice vivendum, tanquam causis, sed tanquam conditionibus, causis sine quibus

bus non : contra gignuntur , iuste , temperanter , magnifice vivendo , actibus à voluntate imperatis , sed juxta prudentiam intellectus judicantis institutis . Ergo , actus mentis non sunt causæ virtutum , sed actus voluntatis elicitæ & imperati sunt causæ ; licet actus mentis prærequirantur , tanquam conditiones necessariæ & causæ sine quibus non .

XII. *Voluntas plerumque agit contra judicium mentis , partim ob peccatum originale , partim ob vitiosos habitus , partim ob affectuum impetum .* Reip. Neg. minorem : nam , partim propter peccatum originale , vitiosos habitus , affectuum impetum , agit voluntas ; non contra judicium simpliciter sed contra judicium rectum : ac , illa longe differunt ; non dicimus , voluntatem semper sequi judicium rectum , sequi tamen judicium aliquod , si non rectum , saltem erroneum , quale est o. illas causas .

XIII. *Si voluntas necessario sequeretur mentis judicium , tam necessario ageret quam mens , sed hoc est falsum .* Ergo . Reip. Est idem cum argumento nono : & jam refutatum .

XIV. *Nullus homo poterit peccare contra conscientiam , nec Deum odio habere , quia conscientia distat , aliquando non esse peccandum cum peccamus , & in damnatis , Deum , quem oderunt , maxime esse amandum .* Resp. Hoc argumentum *Exercit.* solum est i. e. judicium simplex , in damnatis , judicat , Deum esse amandum , & hoc est non ultimum judicium : comparatum , & ultimum in iis , contra , judicat , Deum esse odio persequendum , & sic peccant contra conscientiam , quatenus agunt contra prius judicium : & similiter respondendum est de peccantibus in S. Spiritum ; illi judicant quidem absolute , veritatem non esse abnegandam , quia id malum in se est , attamen compare judicant , in hisce aut illis circumstantiis id esse faciendum , ut odio suo adversus Deum & veritatem ejus oblectantur , & hoc respectu habet rationem boni apparentis , & sic voluit .

XV. *Falsum fore illud Medee , video meliora proboque , deteriora sequor .* Reip. Nullo modo . Sequor , quæ sunt deteriora , simplici judicio mentis ; at , eadem , comparato judicio , videntur meliora & ideo sequor : imo hoc

exemplum pro nobis est , quia quæ in se erant deteriora judicio simplici , ac vere deteriora , ea sequor , quia apparent , licet falso , meliora judicio comparato .

XVI. *Quidquid mentem movet , idem etiam & voluntatem movere poterit , consequenter , Angeli , si possint species in mente producere , aut productas ordinare , utique & voluntatem movebunt , quod nulli creaturæ est concessum .* Resp. quicquid mentem movet objective , idem & voluntatem movebit objective , ut objectum cognitum , & judicatum , concedo : at Angeli , si possint species in mente producere aut productas ordinare ( de quo disputari potest an possint ) intellectionem producent non objective , sed efficienter ; ideoque non sequitur illatio , à motione objectiva , quomodo intellectus movet voluntatem , ad motionem effectivam , quomodo moveret intellectus Angelus . Certe , nulla creatura efficienter potest movere voluntatem , sed solus Deus , quia est Dominus voluntatis : at creatura potest objective voluntatem movere : & , si angeli possint facere ut intellectus aliquid intelligat , per specierum intelligibilium in eo productionem aut ordinationem , objectum cognitum ab intellectu haud dubie movebit intellectum , non tamen ipse Angelus , quia res cognita objective movet , Angelus moveret efficienter .

XVII. *Sequeretur , omnium malorum in & à voluntate rationem petendam esse à judicio mentis pravo , & sic omnia peccata esse ex ignorantia .* Resp. Hoc solum est exercit. *preced.* 15. quare non repeto .

XVIII. *Sequeretur , solam mentem per se peccato originali infectam , non voluntatem , sed mediante mente .* Resp. Et hoc exercit. *preced.* 15. est refutatum : Quia nunquam leditur mens , nisi simul lædatur voluntas : & corruptio est immediata utriusque , tum intellectus , tum voluntatis , & voluntas per se , & intellectus per se , læditur ac corrumpitur , cum utraque potentia suis habitibus vitiosis imbuitur .

XIX. *Sequitur , non peccare voluntatem , nisi quatenus peccantem mentem sequatur ? at , hoc non est , & sic non potest mentem non sequi .* Reip.

Resp. Hoc idem est cum argumento 17. & exercit. præced. 15. refutatum. Non peccat, nisi quatenus mentem peccantem sequitur; & non potest non sequi; & illa necessitas libertatem non tollit.

XX. Non esset, quod à Deo peteremus, ut cor lapideum, sed tantum ut cecitatem, tolleret, & mentem solam illuminaret, hæc enim illuminata voluntatem secum traheret. Resp. Sed hoc idem est argumentum cum 4. & exercit. præced. refutatum. Videtur vir doctus hic numero potius quam pondere pugnasse, ut, quæ non profint singula, multa juvent.

XXI. Tota nostra beatitudo esset in sola mente, quæ necessario voluntatem traheret. Resp. Neg. conseq. quia, sicut non corrumpitur mens nisi & voluntas, sicut non regeneratur mens nisi & regeneretur voluntas, sic nec beatur mens, nisi & beatur voluntas; nec beatur voluntas per mentem, sed ipsa in se, dum illa ordinatur æque istis donis in futura vita ad felicitatem necessariis, atque intellectus.

XXII. Ultimo: Falsum esset illud Apostoli: intr. virtutes, fidei, spei, & charitatis, maximam esse charitatem; major enim esset habitus mentis, ut ipsa mens voluntate. Resp. 1. An mens sit major, i. e. nobilior, voluntate, sub iudice lis est, & in utramque partem à Scholasticis disputatur. 2. Est mens, quia dirigit, major voluntate, quæ dirigitur, non tamen sequitur, habitum mentis esse majorem, i. e. nobiliorem habitu voluntatis, quia

habitus mentis non dirigit proprie habitum voluntatis, licet ipsa mens voluntatem dirigat. 3. Et hoc demus, habitum mentis dirigere habitum voluntatis, sequetur tum; ratione directionis, habitum mentis fore nobiliorem ac præstantiorem habitu voluntatis: at hoc non impedit, quo minus ab aliâ parte, habitus voluntatis, charitas, sit nobilior habitu mentis, fide, ratione sc. durationis, quam propriè respexit Apostolus, quando dixit, Charitatem esse maximam virtutum, & maiorem fide ac spe, quia in futura vita, nullus fidei, nullus spei, erit locus: at, erit locus Charitati, quæ maxima dicitur, quia perdurabit in altera vita, & supererit, spe & fide, tum abolitis. Apostolus ergo non respexit ordinem directionis, quæ mens voluntatem, aut fides, habitus mentis, charitatem, habitum voluntatis, dirigit, sed respexit durationem; & hoc respectu ait, Charitatem esse maximam & maiorem fide, quod non vetat, quo minus sub alio respectu, fides sit major charitate, ratione directionis. Ita quidem omnia, quæ potuimus, argumenta, conquisivimus, ac dissolvimus, quæ contra sententiam nostram de determinatione voluntatis, ab intellectu prædici iudicio ultimo, excogitata sunt, quod tanto operosius egimus, quia hæc sententia & Aristotelis est, & antiquorum Scholasticorum, & multas difficultates in Philosophia ac Theologia facile expedit, & contraria pro Pelagianis, Jesuitis, & Remonstrantibus facit.

## EXERCITATIONUM ETHICARUM DECIMA-SEPTIMA,

DE

# Objectionibus contra naturam Liberi Arbitrii.

## THESIS I.

Quamvis sufficienter explicatam Liberi Arbitrii naturam iudicemus Collegii nostri Ethici Disp. undecima, ne quid tamen deesse videretur, hac Exercitatione visum fuit, solvere illas obiectiones, quæ scrupulum movere valeant. li. vi. Diximus in Disp.

citata, *Librum Arbitrium* in eo esse situm, ut homo dominium habeat & potestatem in actus suos, ut habeat facultatem ad utrumlibet, ad agendum vel non agendum, & ad agendum hoc vel illud: ostendimus, *liberum arbitrium male defini facultatem, qua homo positus omnibus ad agendum requisitus possit, agere vel non agere, & agere, hoc vel illud, in sensu composito*, scilicet, si compositio fiat inter prærequisita antecedenter & ipsius actus negationem aut contrarii actus exercitium. Nunc objectiones quædam sunt solvendæ, ex quarum solutione occasio supeditabitur, plura adhuc de *Libero Arbitrio* dicendi.

II. Sic obijci potest & solet. *Qui non est dominus suorum actuum, in eo non est liberum arbitrium. At homo non est dominus suorum actuum. Ergo. Cujus actus determinantur ab alio, is non est dominus suorum actuum. At hominis actus determinantur ab alio, puta à Deo. Ergo. Prob. major: ideo enim Deus est actuum suorum Dominus, quia illi non determinantur ab alio. Resp. Ut ad argumentum illud respondeamus, hoc ante omnia notandum est; liberum hominis arbitrium habere quidem dominium sui actus, non tamen dominium primum, dominium absolutum: nam primum & absolutum & omnino independens dominium sui actus, penes solum est Deum, qui est universalis omnium Dominus. Liberum Arbitrium creatum se movet, sed motum à Deo; neque hoc est de ratione libertatis, ut sit prima causa sui actus liberi: & ideo, actus liberi arbitrii, licet habeat principium, proximum intrinsecum, liberum arbitrium, quia tamen hoc principium ita est movens & causa sui actus, ut sit motum prius ab alio, illius actus liberi principium primum est extrinsecum, scil. Deus, qui liberum arbitrium prius movet: & quemadmodum res sese habet in motu naturali, ita & in libero: at motus naturalis primum principium est Deus, quia naturam movet: ergo idem est principium primum motus liberi, quia movet liberum arbitrium, ideoque liberum arbitrium non est primum se movens: & hinc est, quod liberum hominis arbitrium non habeat plenum, primum, & absolutum actus*

sui dominium. Sed ejus dominium reducendum est in Deum, tanquam primum dominium: & ratio hujus est, quoniam dominium creatum non excludit sed potius præsupponit dominium increatum, & ab eo dependet sicut omnis causalitas creata cujuscunque, causæ particularis dependet à causalitate Dei, tanquam à priori, & tanquam à causalitate causæ universalis: ideoque dicimus absolute; Dominium actus liberi non est in potestate liberi arbitrii primò, sed est primò in potestate & Dominio Dei, quod non tantum verum est de actibus supernaturalibus, sed & de naturalibus, atque adeo de omnibus, in quantum sunt actus, quia omnes subjacent providentiæ divinæ, ac divino regimini: & patet hoc ex ipsa ratione dominii: Dominium est facultas utendi re: sed nulla creatura habet potentiam utendi suo arbitrio, à se ipsa, sed usus liberi arbitrii, respectu cujuscunque actus, ut actus, est à Deo, qui ante omnem actum exitum prædeterminavit eum, & in tempore liberum arbitrium ad eum præmoveret. Nunc ad argumentum facile est respondere. *Qui non est Dominus suorum actuum, in eo non est liberum arbitrium. At homo, &c. Ergo. Neg. minor. Cujus actus determinantur ab alio, is non est Dominus, &c. Atqui &c. Ergo. Resp. Ad majorem, is non est dominus primus & absolutus, attamen est dominus: est enim Dominus proximus sui actus, si non primus: ille est perfectissimè & absolute Dominus, cujus actus non dependet ab alio: & talis est Deus. Et liberum arbitrium hominis, si haberet absolutum Dominium sui actus, non creatum foret aut hominis, sed increatum ac Dei. Sed instant. *Quod habet dominium proximum, in suum actum, habet dominium absolutum. Sed liberum arbitrium. Ergo. Resp. Falsà est major. Ac si sic argumentarer. Quod habet potestatem proximam, qua proximè attingit effectum, habet causalitatem & potestatem absolutam: Atqui instrumentum habet causalitatem, & potestatem proximam: Ergo absolutam. Ut hoc non sequitur, ita nec prius. Atque hæc fuit obiectio quæ moveri potuit contra id quod diximus, Coll. Erh.**

Disp.

Disp. 11. th. 4. liberum arbitrium consistere in dominio hominis supra suos actus.

III. Porro Thef. 6. Disp. 11. Coll. Ethici, definivimus Liberum Arbitrium, facultatem voluntatis & rationis ad utrumlibet. Contra id obijci potest. Quod ad unam partem determinatur, non potest dici liberum ad utrumlibet. Sed arbitrium hominis ad unam partem à Deo determinatur. Ergo non potest dici liberum ad utrumlibet. Resp. Ad maj. falsa est: nam determinatio potentiae ad actum unum non tollit indifferentiam potentiae ad utrumlibet: ego jam, dum loquor, maxime sum determinatus ad loquendum, sed tamen eo ipso non tollitur à me potentia & indifferentia ad non loquendum. Illa duo bene conspirant, liberum arbitrium, quoad actum, esse determinatum, idemque quoad potentiam manere indifferens ad utrumlibet: cum ambulo, quoad actum est liberum meum arbitrium determinatum, sed quoad potentiam, non item: nam cum ambulo, possum non ambulare, i. e. est in me potentia non ambulandi, non quidem, ut non ambulare actu ac de facto sit eo tempore quo ambulo, sed eo tempore est tamen in me potentia non ambulandi, aut ambulandi tempore alio: ideoque liberum arbitrium hominis, non tantum, antequam determinetur ad unum actum, sed postquam jam determinatum est, & actum istum agit, simul habet potentiam, quae potest actum istum non producere aut producere contrarium: non tamen habet potentiam ad actus contrarios simul habendos: aut ad actum habendum & simul ejus negationem: nam duo actus contrarii simul, aut actus & negatio actus, simul in eadem potentia esse nequeunt: hoc est, quod *Scholastici* barbare quidem sed tamen significanter sic extulerunt. Est in libero arbitrio hominis, cum est determinatum ad operandum ac jam operatur, *simultas potentiae* ad operandum & non operandum; nam per hoc, quod operatur unum actum, non destruitur libera ejus facultas & potentia ad non operandum aut operandum actum alium; sicuti ab opposito, ex eo, quod non operatur, non tollitur ab eo potentia ad operandum & ad

operandum actum talem; at vero non est in libero arbitrio hominis, *potentia simultatatis* ad actus contrarios aut contradicorios: nam hi simul esse nequeunt: fieri enim non potest, ut voluntas, dum agit, simul non agat, aut, dum agit illud, simul agat aliud. *Insunt.* Si in libero arbitrio hominis tantum sit *simultas potentiae*, i. e. indifferentia in sensu diviso, & non potentia simultatatis, i. e. indifferentia in sensu composito, ergo non magis erit liberum, quam ignis in urendo: nam, cum ignis actu urit, manet nihilominus potentia non urendi; ita enim urit praesens lignum, ut possit cessare, si lignum removeatur: non minus, quam in libero hominis arbitrio est potentia non agendi, tum quando agit. Resp. In libero hominis arbitrio, cum agit, simul est facultas intrinseca non agendi vel agendi aliud, si velit: at talis facultas non est in igne cum urit, nec in ullâ causâ aut potentia non liberâ: nam, positus omnibus ad comburendum praerequisitis, non est in igne facultas, quae ex principio intrinseco activo possit non comburere si velit; sed ex necessitate naturae à principio intrinseco, & non tantum ab extrinseco, est determinatus ad comburendum: & quamvis remoto ligno non comburat illud, hoc tamen, quod non comburat, non provenit ex principio intrinseco activo, habente facultatem ad utrumlibet, sed hoc oritur ab extrinseco, à remotione ligni: at in libero arbitrio hominis, est principium intrinsecum non agendi; potentia intrinseca ad utrumlibet, quae semper manet, siue liberum arbitrium agat, siue non agat; hæc est illa indifferentia liberi arbitrii essentialis, quam habet, antequam operetur; & servat, cum operatur; & retinet, postquam operatum est. Hæc est illa indifferentia, quae opponitur naturali determinationi ad unum ex necessitate naturae & à principio intrinseco, quam habet, siue actu operatur siue non: hæc est indifferentia, non passiva, sed activa, non privativa, sed negativa: Solae enim negativa & activa indifferentia est de ratione liberi arbitrii. Atque, ut semel distinctissimè dicam, quomodo liberum arbitrium sit facultas ad utrumlibet, & quae indifferentia sit de ejus essentia & ratione formali, illas



distinctiones *indifferentia*, *negativa*, *privativa*, *activa*, *passiva*, paulo latius exponam, & presenti negotio applicabo.

IV. *Indifferens indifferentia negativa* dicitur illud, quod ex se non est magis determinatum ad hoc quam ad illud, ad operandum quam ad non operandum; hoc modo voluntas divina, antequam statuisset creare mundum, erat in illo priori signo rationis, juxta nostrum concipiendi modum; *indifferens* ad istam partem, vel ad aliam, ad creandum vel non creandum, ad creandum hoc vel illud. Hæc autem *indifferentia* non importat in Deo aliquam imperfectionem, aut privationem perfectionis; nam Deus non perficitur in se ipso per hoc quod se determinet ad producendum aliquid extra se, sed tota perfectio ponitur in creaturis, quæ extra Deum producuntur. *Indifferens privative* dicitur, quod est aptum perfici ac determinari, per aliquem actum, sive determinetur ac perficiatur a se ipso, sive ab alio, sive a se ipso & alio simul, & hæc *indifferentia* præsupponit in ipsa potentia aliquam imperfectionem, ideoque Deo non convenit, sed soli potentie creatæ. *Indifferentia* porro est, vel *activa*, vel *passiva*, vel *activa & passiva simul*. *Indifferentia activa* est, quæ invenitur in potentia activa, qualis *indifferentia* est in artifice, qua potest facere aliquid artificiale, vel non facere, & facere vel hoc vel illud. *Indifferentia passiva* est, quæ invenitur in potentia passiva, qualis est *indifferentia* in materia prima ad hanc vel illam formam substantialem, & in subiecto ad hoc vel illud accitens, ad alborem vel nigrorem. *Indifferentia activa & passiva simul* est, quæ invenitur in potentia mixta, partim activa, partim passiva, quæ est activa in ordine ad unum, passiva in ordine ad aliud: sic intellectus est potentia passiva & *indifferens* passivè in ordine ad speciem productam ab objecto, quia recipit in se speciem illam: at recipere est pati: in ordine vero ad actum intelligenti est potentia activa & est *indifferens* activè: sic & voluntas in ordine ad actum volendi est potentia activa & *indifferens* activè, in ordine ad determinationem aut Dei aut intellectus practici, item, quate-

nus actum suum, elicited a se, in se recipit est potentia passiva, & est *indifferens* passivè.

V. Hæc nunc applicemus presenti instituto: primo: si quis liberum arbitrium velit sumere latissimè, secundum rationem communem analogicam, qua competit Deo & creaturis intellectualibus, tum *indifferentia passiva & privativa non sunt de ratione, non sunt de essentia, liberi arbitrii*, quia illa *indifferentia* utraque imperfectionem involvit; liberum arbitrium autem perfectio est simpliciter, & ideo Deo tribuitur: sic autem Deo tribui debet, ut omnis imperfectio removeatur: ergo à ratione liberi arbitrii removeari debent, *indifferentia passiva & privativa*. Contra, secundò, *indifferentia negativa & activa, est de ratione & de essentia liberi arbitrii* cujuscunque; & sic de intrinseca ratione liberi arbitrii est, posse agere & non agere, & agere vel hoc vel illud: sic recte fuit definitum liberum arbitrium, facultas ad utrumlibet. Tertio. *In omni libero arbitrio creato & hominis, quatenus creatum est, reperitur aliqua indifferentia & passiva & privativa secundum aliquam rationem, ea tamen utraque, non est de ratione liberi arbitrii ut sic, sed ut est creatum*.

VI. Reperiri in omni arbitrio hominis libero ac creato, *indifferentiam & passivam & privativam*, facile patet. Nam primo, omne liberum arbitrium ac creatum cum non sit purus actus, nec liberum per essentiam, sed per participationem, habet aliquam potentialitatem, quæ potest perfici per diversos actus; sed omnis potentialitas perfectibilis per diversos actus, habet aliquam *indifferentiam* privativam in ordine ad illos actus, à quibus perficitur. Ergo. Secundo. Liberum arbitrium creatum non est simpliciter primum se movens, sed movetur prius à Deo, ut statim vidimus; ergo in ordine ad motionem istam Dei præviā, habet *indifferentiam* passivam: itaque, licet hominis liberum arbitrium in ordine ad actum producendum habeat *indifferentiam* activam, in ordine tamen ad præmotionem Dei, habet *indifferentiam* passivam; & pariter, licet in ordine ad agendum vel non agendum, & agendum vel hoc vel illud, habeat *indifferentiam*



tiam negativam, in ordine tamen ad actus suos, in quantum ab iis perficitur, habet indifferentiam privativam: itaque indifferentia liberi arbitrii creati atque hominis est mixta.

VII. Interim hoc tenendum est accuratè & diligenter: Indifferentiam & libertatem arbitrii creati liberi, formaliter consistere, non in indifferentiâ privativâ, nec in indifferentiâ passivâ, sed in indifferentiâ negativâ & activâ ipsius liberi arbitrii, in quantum sese habet indifferenter ad opposita: licet adjunctam habeat aut præsupponat aliquam indifferentiam privativam ac passivam. Atque hæc indifferentia activâ & negativâ, est ipsa ratio formalis & essentialiter liberi arbitrii. Quod probat. Primo. Quod est potentia activâ per se & essentialiter, id, si sit indifferens, erit indifferens indifferentiâ activâ. At liberum arbitrium est per se & essentialiter potentia activâ: secundario enim tum patitur intellectus & voluntas, quoties actus suos recipiunt. Ergo liberi arbitrii indifferentia erit indifferentiâ per se & essentialiter activâ: si passivâ est, tum secundario est talis. Secundo. Facultas voluntatis & rationis ad utrumlibet, ad agendum & non non agendum, & agendum vel hoc vel illud, est indifferens indifferentia negativâ. Sed liberum arbitrium est facultas voluntatis & rationis ad utrumlibet, quod ex definitione ejus constat. Ergo est indifferens indifferentiâ negativâ. Atque ex his omnibus putem, clarissimum esse, quæ sit natura liberi arbitrii.

VIII. Finem hic imponeremus huic *Exercitationi*, nisi ad majorem lucem & plenioram libertatis nostræ ac liberi arbitrii intelligentiam vindicandum foret, quod *Exerc. 15.* diximus *th. 7.* scil. *potentiam peccandi, non esse de ratione liberi arbitrii, nec libertatem, nec partem libertatis*: quod axioma, licet receptissimum apud veteres *Scholasticos*, recentiores tamen *seculi* negare sunt ausi: atque inter eos *Gabriel Valques* & *Leonardus Lessius*. Excepiunt enim sic. Dicunt, *potentiam peccandi non esse perfectionem libertatis, sed tantum ejus partem & extensionem*. Distinguunt enim *perfectionem libertatis* ab ejus extensio-

ne: Docentque, *libertatem liberi arbitrii, quod peccare potest, esse austriorem & magis extensam, quam ejus, quod peccare non potest*. Sed Resp. Primo. Ergo libertas arbitrii creati atque hominis erit magis extensa, quam libertas arbitrii liberi increati atque Dei: quia in eo non est potentia peccandi, quæ tamen est in hominis libero arbitrio. Secundo. Fictitia est distinctio perfectionis & extensionis in libertate liberi arbitrii: nam extensio facultatis est ad objectum, & non ultra objectum: at malum non est objectum liberi arbitrii, non magis quam voluntatis, cum qua liberum arbitrium est idem. Ergo nulla est liberi arbitrii extensio ad malum. At foret ejus extensio ad malum, si de ratione liberi arbitrii esset potentia peccandi. Ergo illa non est de ratione liberi arbitrii. At, instant. Si *potentia peccandi non est de ratione liberi arbitrii, ergo nulla aut parva erit ejus laus, si bene operetur: quia male non potest*. Resp. Ergone nulla est aut parva tum laus Christi, beatarum animarum, & Angelorum, cum bene operantur, quia in iis potentia peccandi ablata est? Ergone major est laus, posse peccare, posse id agere, quo non nisi dedecus tibi concilis ac vituperio fias dignus? sicine laus querenda est nostra, in ignominia? quid? quod si potentia peccandi laudabilis est, & peccare laudabile erit: potentia enim ab actu æstimatur, propter actum datur, & ab eo perficitur. Facessat igitur impia istorum hominum opinio, quod de ratione liberi arbitrii sit potentia peccandi. Sed de objectionibus contra liberum arbitrium hæc *disseruisse sufficiat*.

## MANTISSÆ.

I. Verba sequentia Eustachii à Sancto Paulo, Monachi Fulienfis, ac Cisterciensis, in Præfatione ad suam summam Philosophiæ Quadrupartitam, miramur & probamus. Quoniam illud semper alienum à Philosopho duximus, aliorum decretis ascriptum, in Philosophando miseram servare servitutem (ut illi faciunt, qui scilicet quibusdam quasi militari authoramento devincti ita fidem suam obstrinxerunt, ut ab eorum placitis ne latius quidem ingrem discedere audeant)

deant) Lectorem monitum esse velim, Nos quidem Aristotelem, tanquam Philosophorum Principem, suscipere atque amplexibus ulnis amplecti, utpote Naturæ, quam hic ducem sequimur, fidelissimum Interpretem, nulli tamen Peripateticorum, sive Thomistarum, sive Scutistarum, sive eorum, qui Nominales dicuntur, sectæ addictos esse, tantumque fidei illis, imò ipsi Aristoteli, habituros, quantum Ratio suaserit.

II. Eiusdem Commatis sunt verba Jesuitæ Benedicti Pererii in Prefatione ad Physicam suam. Sunt nonnulli, qui divina, ut vocant, Platonis & Aristotelis ingenia, uberrimamque cunctarum rerum scientiam, cum excellenti eloquentiâ conjunctam, usque eo sunt admirati & amplexati, ut eos, veluti numina Deosque Philosophiæ, colerent, eorumque decreta Philosophicæ, tantâ animi assensione complecterentur, vix ut crederent, quicquam esse posse probabile, quod ab illis improbareretur, aut, quod ab illis probaretur, esse improbabile. O! miseras hominum mentes, ô! pectora cæca! Quid enim vilius & abjectius, at quæ major animi cæcitas esse potest, quam nihil per se sapere, nihil judicare, totum ex alieno sensu judicioque pendere? nullâ duci ratione, sed quasi pecudes, aliorum sententiâ, nutuque tantum, moveri ac regi? Ego multum Platoni tribuo, plus Aristoteli, sed Rationi plurimum. Quæ non minus miramur, quam probamus.

III. Ex verbis utriusque Authoris, omnium Philosophiæ Aristotelicæ studiosorum manibus teri consueti, tale iudicium formamus ac promociamus. Accurate distinguendum est inter Philosophiam Aristotelis & Aristotelicam: hujus duo sunt vitia, Præjudicium & Servitium. Illud est, quo veritas apud solos istius Philosophiæ authores ac cultores habitare existimatur: hæc est, quâ fides istius sectæ Authori vel Authoribus adstringitur, ut ne latius quidem unguem ab illius, illorumve placitis, recedere liceat. Quæ in Aristotelis Philosophiâ non cadunt vitia: nam Aristoteles, & liberrimè, & nullius Philosophi præjudicio præoccupatus, est philosophatus: & quò ad ætatem Aristotelis accesserunt propius Philosophi, eo fuerunt magis ab utroque vitio immunes: quò ab eâ abierunt longius, eo magis, utroque fuerunt contaminati. Quid igitur judicandum de Philosophis nostri ævi?

## SENECA.

Nulli me mancipavi; nullius nomen fero; multum magnorum virorum iudicio credo; aliquid & meo vindico.

## IDEM.

Si vis omnia subicere tibi, subicere rationi.

# EXERCITATIONUM ETHICARUM DECIMA-OCTAVA,

## DE

# AFFECTIBUS IN GENERE.

## THESIS I.

EXcussimus difficultates, quæ moveri possunt circa Intellectum, Voluntatem, & Liberum Arbitrium, actionum humanarum principia, & à quibus omnis derivatur ac de-

ducitur virtus. Nunc ad Affectus transitus, virtutum omnium materiam, circa quam occupantur; affectus enim nosse, & recte simul rationis fræno coercere, est, secundum virtutem

tem vivere, in quo omnis, summi boni & felicitatis civilis, cardo vertitur. Circa hoc quoque, quæ disputari solent, *Exercitat.* sequentur ventilabimus. Cujus argumenti utilitas, præstantia, latitudo, quanta sit, dici non potest. Hæc doctrina, hominem suæ conditionis admonet, ipsum componit, ipsum, ut se sciat, edocet, &, ut verbo dicam, ex homine virum facit. Multum fecerint ad morbos animi sanandos, de *Affectibus* instituendæ *Exercitationes*; imò, Affectuum notitia, omnium omnino disciplinarum studio inservit; quæ gemina est & non contemnenda doctrinæ de *Affectibus* utilitas, quam paulo plenius proponam, tanquam præloquii aut præfationis loco.

II. Tantam esse vim *Affectuum*, ut homines sæpe deiciant de mente, ac prosternant, vel summo opere saltem infestent ac perturbent, nemo est, qui ignorat, quia hominum unusquisque nimis id in se experitur ac sentit. Affectus sunt, veluti clavi quidam, quibus animus humanus, rerum omnium dominus, corpori tanquam carceri includitur, imo ei, tanquam patibulo, affigitur. Affectus sunt, tanquam funiculi & restes, quibus ad hoc aut illud objectum quasi vincti & ligati homines trahuntur. Affectus sunt, veluti quidam igniculi, quibus homines inflammantur ac accenduntur. Affectus sunt, tanquam stimuli, qui nos frequenter pungunt & angunt ac ledunt; tanquam nervi, quos aliquando contrahimus, aliquando extendimus; tanquam venti, quibus animus noster tanquam mare procellosum perpetuo agitur; tanquam nubes, quibus mens & ratio obscuratur. Quare omnino expedit & necessarium est, ut horum *Affectuum* origines, causas, ac denique remedia, quibus curantur, perspecta habeamus. Sicuti mare intendum occupatur malaciâ, summâ tranquillitate, nullo navigantium usu, interdum perficitur & aura ad navigandum commoda, ubi clavus atque navis in potestate sunt gubernatoris; interdum vehementiore turbatur tempestate, quod etsi ad celeritatem navigationis faciat, restantem est periculi plena, ne navis impetu deprimarur, vel in ætuetaria, brevitas, ac fyrtes deferatur, interdum denique

flatibus vehementissimis ab imo vertitur, attolliturque in fluctus ingentes: eundem in modum sese habet animus humanus, interdum quasi torpescit destitutus omni aura ac vento affectuum, & affectus summa affectuum tranquillitate, interdum leniter incitatur amore, odio, affectibusque similibus, ut rationem sequatur ducem, interdum affectus urgent rationem vehementius, neque tamen opprimunt, periculum tamen est, ne in progressu eam obruant, interdum ex composito conflantur, & in mentem ac rationem insurgunt, ut eam prosternant, & tum animus humanus fit præda affectuum, & ab iis abripitur quaquaversum: Atque hic præcipua nobis maximeque exurgit doctrinæ de affectibus utilitas, ut dicamus affectus tanquam procellas, tempestates, ac status vehementissimos, ab humana vitæ mari prohibere ac cohibere, ut partem nostri meliorem, animam nimirum immortalem, ac eorum imperio, vi, & potestate, liberam servemus; sed & maximam præstat utilitatem omnium pœne disciplinarum ac facultatum studio, doctrina de affectibus. Multus de affectibus sermo est Theologis, cum de Deo disserunt, de Angelis, de naturæ integritate ejusdemque corruptione, de actionum humanarum pravitae ac bonitate, &c. Orator sive Rhetor, dicendi artifex ac magister, affectuum notitiam sibi quasi propriam ducit; multisque docet, quâ viâ concitentur affectus ac commoveantur; quemadmodum libelli Rhetorici testantur, & ipse *Aristoteles* suo exemplo confirmat, qui 2. *Rhetoricorum* fusissime singulorum affectuum naturam persequitur. Sed & conducit affectuum doctrina, naturæ Magistris, Doctoribus Physicis, qui causas rerum investigant, quas investigare nequeunt, nisi motus animi componant, & inferendam ac illatam sæpe ab affectibus abigant vim ac molestiam, quâ à contemplatione retardantur. Sed nec affectuum doctrina carere valent, qui legibus condendis, vel interpretandis ac iuri dicundo, præstunt: dum enim errata hominum emendant vel remittunt, curiosæ ac diligenter affectuum momenta perpendunt, fuerint ac pacato ac perturbato animo perpetrata,

ta, quæ emendantur vel remittuntur. Denique, quantum affectibus cognoscendis egeant Medici, in morborum curationibus ac valetudine tuenda, quotidiana testatur experientia: illa enim docet, pulsis animi molestis, sedatisque affectibus, gravissimos à corpore morbos abscedere: imò certissimum est, multos sanari non alio pharmaco, quam motibus atque affectibus animi ad quietem revocatis. Quare omnis generis facultatibus ac disciplinis conducit doctrina de affectibus.

III. *Affectuum definitionem, causas, & quomodo ex suis causis oriuntur, expositum* satis est *Coll. Erb. Disp. 12. & 13.* hoc ergo refert, ut videamus, quâ ratione exorti compescantur, ne nimis insurgant & rationem de throno dejiciant, quod interdum facere solent: Quare remedia affectuum assignari possunt triplicia: naturalia, moralia, supernaturalia. Verumenimverò, ut affectuum remedia distinguere cognoscamus, nonnulla de eorum causis fuerint repetenda: nam quemadmodum morborum corporaliū curatio potissimum in verâ causâ, à quibus pendent, cognitione est sita, sic quoque, ut morbis, spiritualibus animi affectibus, cum modum exsuperant, occurratur ac succurratur, probè eorum cognosci causas oportet. Porro, sicuti agnitudinum corporaliū causæ, ut plurimum medicis in duas discescuntur classes, ut aliæ sint externæ, aliæ internæ, ita & nos pariter affectuum, ceu animi agnitudinum spiritualium, causas facimus, vel externas, vel internas. Ad externas affectuum causas referri possunt, probum, ignominia, inopia, honorum ac bonorum jactura, inimicitia, injuriæ, & id genus plura, quæ multas molestias, mœrores, indignationes, iras, similese atque alios affectus in nobis excitare valent ac solent. Internæ affectuum causæ sunt, vel corporeæ, vel spirituales. Corporeæ, quæ primo loco in corpore occurrunt, ut sunt, dolores, aliquæ defectus qui corpus disrunciant, quibus, propter sympathiam artissimamque cum corpore connexionem, anima quoque afficitur ac patitur. Spirituales affectuum causæ, in quantum affectus rationis moderamen excedunt (nam in tantum de iis eorumque reme-

diis hic philosophamur, in quantum enim intra rationis rectæ prescriptum sese tenent, nullis opus est ad eos compescendos remediis) spirituales, inquam, earum causæ, sunt, corruptio & propensio naturæ nostræ ad malum, inconstantia ac mobilitas, aliæque. Quenadmodum verò medici felicissime corporis morbos curant, sublati eorum causis, ita & se res habet in præsentī affectuum negotio; sunt enim affectus, non nisi animi nostri morbi, ubi immoderati fuerint. Externæ affectuum causæ facilius tolli possunt quam internæ, quia externæ oculis & sensibus obijciuntur, non item internæ. Externæ igitur suis remediis primum auferantur, ac tum internæ, in affectuum curatione. Sed per classes remediorum incedamus. Principio, adhibeantur remedia naturalia: id est, temperamentum corporis exploretur, & quoad fieri potest, corrigatur, & in melius mutetur. Deinde adjiciantur remedia moralia, id est, cohortationes, colloquia, rationes, exempla, elegantes ac vivæ picturæ virtutum ac vitiorum, graphicaque eorundem descriptiones oculis ægrotorum & affectibus perturbatorum obijciantur. Denique ex verbo Dei petantur remedia supernaturalia: in eo enim, verbo scilicet divino, certissimam & copiosissimam recreationis sylvam accipient spiritus etiam perturbatissimi. Omnibus hisce remediis accedit, quod alia sint prophylactica seu præservativa, alia therapeutica seu curativa. Hæc autem remedia applicari volumus affectibus, non extirpandis, non eradicandis, quod *Stoici* voluerunt, sed verò moderandis tantum ac temperandis. Ut affectus animi suis remediis curentur, non est iis spoliandus homo in totum, sed perversi tantum sunt tollendi, ut integri affectus & sani maneant: planè ut boni facere solent medici, qui non omnes ex corpore humores suis pharmacis deturbare solent, sed eos tantum expellere, qui vitiosi sunt & impuri: & sicut hortulani noxias tantum herbas evellunt, relictis salutaribus. Quare omninò, cum *Peripateticis* hic facimus contra *Stoicos* & pronunciamus, immoderatos animi affectus esse corrigendos, quosque, suis remediis; at cum rationi subsum ejusque imperio parent,

parent, utiliter eos retineri censemus: funditus verò extirpari nec posse nec debere existimamus. Sane, quotidiana docet experientia, affectibus valde juvari ac promoveri hominum functiones & actiones, quæ languerunt, si planè à *modis*, omni affectu destitutus reddatur homo, si affectus penitus tollantur ex animo, segnesceat planè & torpescit. Et, quæ erit materia virtutum, si affectus omnes resecantur ac tollantur? Itaque potest omnino, sapiens timere, letari, sperare, dolere, irasci, aliisque affectibus esse obnoxius, sine ulla sapientiæ aut utilitatis suæ immutatione: modo hos affectus coercere intra rationis septem ac præscriptum, ne illud transilient.

IV. Sed verò hic acerrimè disputatur, utra via sit melior, *Aristotelis*, an *Thomæ Aquinatis*: quorum ille, jubet pravos animi affectus illico opprimere, hic, sensim & paulatim eos ad mediocritatem redigi vult. Resp. *Thomæ* via planior est, sed longior ad virtutem adipiscendam, quæ in affectuum moderatione consistit: *Aristotelis* regula firmiter est & brevior, sed non nisi magnis viribus usurpanda: interim hanc priori præferendam censemus: nam sicuti ignem, si vehementius fueris aggressus, extinguas; si vero modice eum invadas, ureris: ita affectibus coercendis si paulatim tantum incumbas, eorum vi abripiere; si verò totis viribus eos oppugnes, quam facillime eorum impetum retardaveris ac frigeris. Præter autem & supra remedia omnia ad affectus animi frændandos, quæ jam diximus, excellit devota præcatio & statuta norma vivendi.

## MANTISSA.

Philosophia Aristotelica Latinorum, non contenta Aristotelis sui ductis ac diffatoris Logica, excogitavit parva quedam Logicalia, vocabulo non minus horrida quam re. Ea Summulas vocarunt Aristotelici, quasi dicas parvam summam: continent verò farragineam quandam terminorum, tum incomplexorum, tum complexorum: est enim tota Philosophia Aristotelica mere terminaria. Philosophi hi Aristotelici, Fratres Terminarii, dicti sunt

Summulistæ. *Horum Princeps est Petrus Hispanus quidam, postmodum Pontifex: in cujus summulas commentatus est Dominicus Soto, dubito, an Major, an Minor? nam duplex eo nomine inter Aristotelicos Monachos venit Soto. Sed compendiosius hanc doctrinam tractarunt Jesuitæ Aristotelici, Toletus, Fonseca, Conimbricenses. Nos nunc, in gratiam Aristotelicæ Philosophiæ Studioforum, Terminos in complexos in suas classes digeremus, & ad disputandum proponemus, alias de Terminorum eorum variis suppositionibus, formali, materiali, simplici, personali, communi, singulari, distributivâ, confusâ, determinatâ, naturali, accidentali, de eorundem ascensu ac descensu, ampliacione, restrictione, alienatione, diminutione, appellatione, &c. philosophaturi, ut & de Terminorum complexo, quæ quantitate, qualitate, æquipollentiâ, conversione, oppositione, & speciebus simplicis, modali, exponibili, exclusivæ, exceptivæ, restrictivæ, reduplicativæ, aliisque elegantiss, quæ ex istis lucenis putidis Summularum & parvorum Logicalium derivari solent. Nunc ad rem. Terminus incomplexus, est id, scilicet vel subiectum, vel predicatum, in quod terminus complexus (enunciatio) resolvitur ac terminatur; distinguitur, aut ratione materiæ, in quâ (quæ est vox, mens, scriptura) in mentalem, vocalem, & scriptum, prout vel animo concipitur, vel voce exprimitur, vel scripturâ pingitur; aut ratione formæ, seu ipsius significationis; estque vel ex parte rei significatæ, vel ex modo significandi: ex parte rei significatæ, est vel primæ intentionis, vel secundæ; primæ, vel positivus, vel negativus; positivus est, vel particularis, vel universalis: particularis, qui, si res significata sit multiplex, est vel disjunctivus, ut, aliquis homo, vel collectivus, ut decem viri; si sit unica; est singularis; vel significatione, Petrus, vel demonstratione, ut, hic homo, vel circumscriptione, ut, Apostolus gentium: universals; qui dividitur; primò in synonymum, univocum; cujus nomen idem pluribus, & ratio essentie per omnia eadem est, ut animal; homonymum, æquivocum, cujus solum nomen pluribus est idem, ut, canis respectu fidei & animalis; analogum, cujus nomen est pluribus idem, & ratio essentie, aliquo modo eadem, ali-*



quo modo diversa, ut ens, respectu substantia  
& accidentis, Dei & creaturae: secundo, in Ca-  
tegoricum, tum in genere, ut, sunt decem  
prædicamenta, substantia, quantitas, &c.  
tum, in specie, homo, linea, &c. in Transcen-  
dentem, ut ens, unum, verum, bonum, &c.  
in Supertranscendentem, ut, aliquid, intelli-  
gibile, imaginabile, &c. Terminus negati-  
vus est, ut, non-homo, non-lapis, &c. Ter-  
minus secundæ intentionis est, qui aliquid si-

gnificat secundum ea, quæ ipsi rationi nostræ co-  
gnitionis competunt, ut, subjectum, prædica-  
tum, &c. Terminus incomplexus, ex modo  
significationis, est, vel categorematicus, qui so-  
lus in enunciatione positus aliquid significat, ut,  
homo, albor, currit, itur, vel syncategore-  
maticus, qui per se solus nihil significat, sed al-  
teri adjunctus, ut omnia adjectiva, albus, do-  
ctus, &c. Speciatim sic vocantur particule  
quantitatis, ut omnis, quidam, nullus, &c.

## EXERCITATIONUM ETHICARUM

## DECIMA NONA,

## D E

## AFFECTIBUS IN SPECIE.

## T H E S I S I.

Vulgatissima est *Affectuum* divisio, in  
eos, qui sunt appetitus *Concupiscentis*,  
& eos qui sunt *Iraſcentis*: illius sunt *lex*, *A-*  
*mor*, *Odium*, *Desiderium*, *Fuga*, *Gaudium*,  
*Tristitia*: hujus sunt quinque, *Spes*, *Despe-*  
*ratio*, *Metus*, *Audacia*, *Ira*. Atque hi omnes  
affectus versibus quibusdam sunt compre-  
henſi memorialibus.

*Hic amat, hic odit, desiderat, aut fugit  
ille,*

*Gaudet, tristatur, spes, exspes, hic  
timet, audet,*

*Iratum hunc videas: varia est affectio  
nempe!*

Hanc divisionem hoc ratiocinio confirma-  
mus: 1. Omnis res objecta, si bona sit, sta-  
tim excitat in nobis sui amorem, quo res ut  
bona & grata per se appetitui placet ac libet:  
deinde ex hoc, quod res objecta, ut bona,  
placet; ad eam, si absens sit, *desiderio* ac *cu-*  
*piditate* movemur: tertio, ex eo, quod sit  
bona, concupita, obtenta, delectationem seu  
gaudium parit: Contrarii his tribus affectibus  
sunt, *odium*, *fuga*, *tristitia*. Porro, si res obje-

cta, bona quidem, sed magna, difficilis, ardua  
sit, & tamen futura, ac possit obtineri, exci-  
tat in nobis *spem*: si non possit, facit *despera-*  
*tionem*: si mala sit, & tamen futura atque  
expectata, incutit *timorem*: si vero non fu-  
tura, sed præsens sit res mala, contra eam in-  
dignamur, & eam conamur à nobis pellere,  
& oritur in nobis *ira*: atque si eam superan-  
di anſam videmus, oritur *audacia*. Atque in  
hac affectuum enumeratione acquieſcimus &  
singulos in specie excutiemus, quamvis ratio  
allata non sit usque quaque solida.

II. Principem ac primum sibi locum ven-  
dicat *Amor*, qui fons est omnium affectuum  
tendentium in bonum, juxta illud Parme-  
nidis:

*Cunctorumque Deum primum quæſuit  
amorem.*

In quo considerabimus, primum nomen, mox  
rem, tertio divisionem, postremo ejus causas,  
effecta, remedia, & varia attributa. Vocem dis-  
cutiemus primum, ne ambiguitate ejus de-  
tineamur. *Amor* aliis dicitur *dilectio*, *caritas*,  
*pietas*, *cupiditas*, *desiderium*, *benevolentia*,  
amici-



*amicitia*, *ᾠγα*, *favor*, quæ omnia vocabula sunt cognata. *Amor* est, ut genus, & tanquam aliquod univèrsum; locum enim habet, tum in homine tum in brutis: *dilectio* est, amor cum electione, nec reperitur nisi in iis, quæ delibant: adeoque solius est hominis. Distingunt *Critici*, inter *amorem* & *dilectionem*, tanquam inter magis & minus: non solum te diligo, verum etiam amo, dicit alicubi in epistolis *Cicero*. Sed vero hoc discrimen, neque perpetuum est, neque solidum. *Caritas* significat amorem validum & in res pretiosas: pietas amorem significat in superiores, in Deum, Patriam, Parentes. *Cupiditas* as denotat amorem boni nobis conducibilis. Verum *desiderium* est amor rei placite, sed absentes: faciunt alii *desiderium*, affectum divinum ab amore, nec male: *benivolentia* amorem sequitur, & est appetitus boni pro alio quem amamus: *amicitia* notat amorem mutuum, & mutuis officiis confirmatur: *ᾠγα* significat supremum amoris igniculum, in cordibus parentum ac liberorum accensum: unde *ᾠγα* dicuntur parentes, qui sese alienos ab amore liberorum ostendunt: *favor* proprie non est amor, sed ex amore animi inclinatio ad bonum cuiuspiam & commodum: per favorem enim bene cupimus alicui: sunt fortassis & alia vocabula cognata, ut *cultus*, *optatio*, &c. sed vocabulis diutius non immoramur, cum hic sint alia longè utiliora.

III. Definio amorem cum *Thoma Aquinate*, *complacentiam rei appetibilem*. *Lud. Vivæ* definit amorem, allubelcentiam, quâ amatum amanti allubescit. *Sanctissimo Augustino*, amor, est junctura, duo copulans. *Philosophis* optime definitur, *affectus approbationis, appetitus concupiscentis, tendens in bonum sibi præsens*. Amor dividi potest in eum, qui sequitur naturam, & in eum, qui sequitur cognitionem: prior, rebus omnibus inest, etiam inanimis: posterior, animalium est proprius: estque, vel sensitivus, vel rationalis: ille brutis, hic homini, convenit. Amor, qui sequitur cognitionem rationis, vel ex virtute nascitur, & ad honesta fertur, licitusque est atque honestus; qualis est, in subditis, adversus magistratum, in liberis, adversus paren-

tes, in studiosis, adversus viros doctos: vel ex vitio nascitur, & ad turpitudinem tendit, & illicitus est atque inhonestus, quem amorem melius *libidinem*, dixeris, aut *inordinatam turpitudinem*, nam amoris nomen non meretur; porro est amor, vel *complacentie* vel *desiderii* Scholasticis. *Amor complacentie*, est simplex, quo quis bonum suum vel alterius, præsens, approbat. *Amor desiderii* est, quo quis sibi aut alteri vult bonum absens, futurum tamen & expectatum. Amor etiam dividi potest in *affectivum* & *effectivum*: ille, est actus elicitus appetitus, hic, imperatus. Est denique amor, vel *concupiscentie*, vel *amicitie*. Amor *Amicitie* est, qui rei amate commodum intuetur, seu, quo quis vult alicui bonum propter ipsum, absque ullo emolumento vel commodo: unde talis etiam amor dicitur *benivolentia*: amor *concupiscentie*, aliis *cupiditatis*, est, qui proprium commodum respicit, seu quo quis vult bonum alicui, sed propter commodi gratiâ. Verum nunc causas hujus affectus, *Amoris*, videamus.

IV. Amoris causa tota atque unica, est bonum: nihil enim amatur, nisi bonum: solum bonum sui amorem ingenerat in animis mortalium. Omnia igitur, quæ utilia, quæ commoda, quæ salutaria, quæ jucunda, quæ grata, quæ honesta, quæ pulchra, quæ suavia, quæ placida, quæ nobis similia, quæ vinculo necessitudinis & nexu sunt juncta nobis, amare solemus: sed speciatim inspicimus, quæ amandi sint, & in quos plerumque amor noster tendat, & ob quas causas. Amamus eos, qui, rebus nostris gaudent prosperis, dolent adversis, qui eadem nobiscum utuntur fortunâ, vel bonâ, vel malâ, qui in iisdem periculis nobiscum fuere, qui nobis cohabitarunt, cum quibus aut sumus peregrinati, aut in iisdem Academiis versati, qui iisdem utuntur nobiscum, vel amicis, vel inimicis, qui bene de nobis vel nostris sunt meriti, qui fortes, benefici, liberales, justî, uno verbo, qui virtute sunt præditi, qui sunt *ἀγαθοὶ*, hoc est, qui alienis rebus se non immiscet, qui in arte aliqua vel facultate eminent, qui nobis aut ætate, aut studiis, aut vitæ ge-

nere sunt pares, qui in quotidiana conversatione sunt suaves, faciles, hilares, humani, urbani, faceti, qui nos & nostra bona commendant, qui in vestitu corporis, cultu, aliisque rebus elegantiae student, qui nec beneficia nec vitia nobis exprobrant, qui non sunt memores injuriarum, sed facile placantur, qui non sunt maledici, nec vitia nostra curiose scrutantur: qui nobis iratis non adversantur, nec illudunt seria tractantibus, qui nostri sunt amantes & studiosi, & vel nos laudant, vel admirantur, vel nostra consuetudine & familiaritate delectantur, qui nobis sunt fidi, & tam absentes nos quam praesentes amant, qui candidi sunt & aperti, nihil fingunt, nihil tegunt, nihil simulant, qui non sunt nobis formidandi: nam fieri nequit, ut, quos formidamus, vere amemus: & quis omnes rationes recenscat, ob quas alios amore complectamur? possunt autem omnes Amoris causae nostro judicio redigi ad has quatuor: ut prima ac primaria amoris causa sit virtus: secunda, similitudo morum, studiorum, fortunae: tertia, utilitas; vel ex receptis beneficiis, vel ex recipiendis: quarta, honores nobis tributi.

V. A causis ad effecta amoris transimus, quae, utcumque diversissima sint ac plurima, praecipua tamen sunt, quae ex *Thoma Aquinate* recensabo. 1. Amor, si res amata habeatur, cor & animum voluptate quadam emollit, ut animus reddatur mollis, tener, flexilis, & facile ducatur promptusque evadat ad officia & obsequia. Secundo, si res amata absit, gignit in amante tristitiam, animique languorem, redditque ejus animum sollicitum atque anxium, cumque vehementer accendit desiderio, rem amata atque absentem videndi, consequendi, complectendi. Tertiò, si res amata addit praesens, gignit amor latitiam, cor, animumque dilatat, porrigit, pandit. Quarto, voluntates amantium jungit, copulat, interque eos producit amicitiam, concordiam, pacem, liberalitatem mutuam, &c. Quinto, gignit interdum amor ecstasim, raptumque mentis extra se animique quandam excessum, quo animus quasi extra se abiens totus defigitur in re ama-

ta, de se nihil cogitans. Sexto, gignit zelum, quo quis indignatur aut contristatur, eo quod alius potitur bono, quod ipse concupierat: denique efficit, ut amans saepe optet mutari in rem amatam ac pro amico cupiat interdum mori: & quis omnes amoris effectus recenscat? cum amans modo aestuet, modo frigeat; modo quiescat, modo moveatur & loco uno consistere nequeat, &c.

VI. Sed videamus, quomodo honestus amor excitari possit. Conciliamus nobis amorem alterius, si id velle videamur ac ostendimus, quod ipsi placet, quod ipsi est honorificum, utile, jucundum; si pro viribus nostri laboremus pro ejus honore, valitudine, fama, vita, bonis, &c. praestet, si ista procuremus, sic ut omnia cedant in ejus, quem amamus, commodum, nihilque redundet in bonum nostrum ac proprium, ut etiam ignoret is, quem amamus, cui bonum hoc vel illud procuramus. *Aristoteles* ait, quae amorem conciliant, sunt, gratia, & non rogatum scisse, & cum feceris, non indicasse. Quod si quis igitur velit affectum amoris movere in auditoribus, is ostendat, quantum beneficiorum sit collatum, sine illorum merito, ab iis, quos amandos esse, nobis persuadere quis studet: ita, si concionator velit ostendere, Deum esse amandum, per omnes causas amoris jam à nobis recensitas incedat, & plenam affectibus maximeque patheticam instituet concionem, praesertim, si causas amoris divini ex sacris litteris confirmet, & variis effectis, adjunctis, exemplis, aliisque argumentis Logice illustret.

VII. Ad remedia amoris accedo: remedia non nisi morbis conferuntur; quare hic quoque de illicito & impuro amore nobis sermo erit: nam amoris liciti, puri, sancti, divini, media potius sunt quaerenda, quibus excitetur, foveatur, conservetur, quam remedia, quibus pellatur: at impurus, illicitus, inhonestus amor, ac libidinosus, remediis curari debet: talem auferunt curae, ac negotia; nam

*Otia si tollas, periere cupidinis arcus:*  
Eum deterunt, ac convellunt plane, labores

ac calamitates : ac præsertim ei adversatur egestas : præterea, si quis sæpe ac serio cogitet horrorem, turpitudinem, infamiam, dedecus, morbos, mortem animæ, aliæque, quæ consequuntur tam inordinatum & fœdum affectum, facile eum exuet atque abjiciet : præcipuum inter omnia remedia, est devota præcatio, quæ flammæ amoris illiciti efficacissime exstinguuntur.

VIII. Nunc unam atque alteram quæstionem non inutilem nec injucundam proferam. Primo quæritur, *Utrum præstantius sit, amare, an amari*? Hæc quæstio debet formaliter accipi : hoc est, quæritur, *An amans, ut amans, nobilitate antecellat, & sit præstantior amato, ut amatur*? Cæteris paribus, affirmativam hujus quæstionis partem tenemus. Amare enim, est actus charitatis, quæ præstantissima est virtutum. Præterea amare, est conjunctum cum functione virtutis & est agere : at amari, est ociosum & pati : at agere præstantius est quam pati : &c, quid multis est opus? dare præstantius est, quam accipere : qui amat, dat ; qui amatur, accipit. Ergo. Secundo quæritur, *An Amor sit etiam erga bruta & inanimata*? Resp. *Aristoteles* quidem *lib. Eth. 8. cap. 5. φιλαν*, id est, amationem in res quasque inanimas conferri, ait : sed nescio, an satis rectè hoc à Philosopho sit dictum : nam res inanimæ, ut, verbi causâ, fulmen, propriè non odimus, et si metuamus : ergo, nec res inanimæ pro-

priè amamus : nam, cum amoris effectus, sit, bene velle, erga res inanimæ non potest propriè esse amor, quia rebus inanimatis non possumus dici bene velle : quod spectat animantia rationis expertia, certum est, cum iis non esse amicitiam, i. e. amorem mutuum, quæ communia cum hominibus officia non obeunt, nec feruntur ad eundem finem, nec habent electionem, nec honestum à turpi distinguunt. Sed, *an hominis amor tamen in bruta non fertur? nam diligimus canes, imo & vicissim amamur ab iis, & cum sint capacia animalia doloris & voluptatis, illis vel bene vel male volumus, imo nonnulli ardentissimo amore, canes, equos, aliæque amantia, prosequuntur.* Resp. Amor propriè est, adversus ea, quæ ratione pollent : est enim amor appetitus conjunctionis : quis vero cani vel equo vel animali simili jungi velit? &c, qui amore tam grandi ferentur in animalia ista, irrationali magis quam rationali amore feruntur : itaque sic dicimus ac distinguimus. Bruta & inanimata cara habemus, nostri commodi causâ : sed non, quæcunque cara habemus, statim amamus : nam, carum esse, latius patet, quam amari. Sed de amore, primo ac primario affectu, sic satis : si quis plura desideret, præter *Thomam Aquinatem* in 1. 2. & *Commentatores*, inter *Aristotelicos Gallitum* adeat ; tum insignem & disertissimum, de *perturbationibus animi*, scriptorem, *Brancifortium*, parte secundâ.

## EXERCITATIONUM ETHICARUM VIGESIMA,

DE

# AFFECTIBUS IN SPECIE.

THESIS I.

Differuit Exercitatio præcedens de *Affectuum* omnium primo ac nobilissimo *Amore*, sequitur *Desiderium & Gaudium*,

tum qui hisce opponuntur, *Amori*, *Odiū*; *Desiderio*, *Fuga*; *Gaudio*, *Tristitia*. Atque hi omnes sunt *appetitus concupiscentis* :

Rrr. 3

quos,

quos, eodem, quo *Amorem* pertractavimus, modo, exoritur à *Desiderio*, pertractabimus.

II. *Desiderium*, est affectus appetitus concupiscentis in bonum absens, quod ut conveniens fuit perceptum: nempe, quia ob multiplices in hominis vitam incurrentes difficultates non semper potimur rebus, quæ nobis placent & allubescunt, hinc in nobis oritur hic affectus, *Desiderium*: multa extant nomina, apud *Latinos* auctores, huic affectui inferrentia: dicitur *votum*, *optatio*, *concupiscentia*, *appetitus*, *cupiditas*, *libido*: quæ tamen vocabula nonnihil inter se discrepant: nam *votum*, propriè est desiderium habendi bonum à Deo, cum pollicitatione aliquid præstandi: quamvis hanc pollicitationem non necessario exigant in voto nonnulli: dicunt enim, *Caligula* votum fuisse, ut populi *Romani* una foret cervix, nec propterea, si id consequeretur, quicquam se facturum promisit: sed hæc latior est voti acceptio. *Optatio* idem significat, quod desiderium, nisi quod optemus bona majora, desideremus qualiacunque. *Cupiditas*, significat desiderium vehementius & ardentissimum ac sine modo. *Libido* fere est, desiderium rei malæ: dico, fere, quia, utcumque vox hæc plerumque in malam partem sumatur, ex *Cicerone* tamen aliisque *Latinæ* Lingue scriptoribus, notum est, eam vocem interdum & sumi in sensum bonum, & esse generale nomen omnis cupiditatis: sic dicitur, *ira*, *libido* ulciscendi; *ambitio*, *libido* damnandi; *jaçantia*, *libido* gloriandi, &c.

III. *Desiderium* in multis & varias species dividi potest, pro multitudine & varietate illorum bonorum, in quæ desiderium fertur: est desiderium honoris, est opum, est voluptatis, est desiderium dominandi, quibus desiderii speciebus peculiaria nomina non sunt assignata.

IV. *Causa* desiderii, est bonum absens, quo caremus, conceptum, ut conveniens: at, dicit hic quispiam: & tale est objectum spei: ergo spes & desiderium erunt idem affectus. Resp. *Desiderium*, est affectus omnino re ipsa distinctus à spe: nam spes, est facultatis irascens, est boni, absens quidem, sed difficilis & ardui: at desiderium est concupiscentis

appetitus & boni simpliciter. quare materia objectum & spei & desiderii idem est, sed non formale.

V. *Effectus* desiderii sunt iidem qui amoris, quos *Exercit. præced.* recensimus: nisi, quod desiderium, quia bonum desideratum est absens, insuper gignat in desiderante molestiam, & cum vehementius effervescit, dolorem, præsertim si voto frustretur: sic docente ipso *Arist. lib. 3. Eth.* Quæstio hic est utilissima & egregia, An bono desiderato præsentente expleatur & satiatur hominis desiderium? Resp. *Desiderium* est, aliud limitatum, aliud illimitatum: illud cessat, quando bonum desideratum præsens est, hoc non item. Deinde, nullum bonum creatum desideratum, plene perfectèque appetitum satiat: solum eum explet bonum increatum: quia enim hoc bonum continet omne bonum, quo perfectè ac medullitus, toto simul, ac sine metu amittendi, fruamur, id sua præsentia tollit omne desiderium: at, quia bona alia, præter Deum, non omnia bona continent, & metum amittendi non auferunt, nec desiderium nostrum perfectè quoque implent aut satiant. Et, cum istiusmodi bonis sic se res habet, ut, quo plus acquirantur ac possideantur, eo amplius expetantur: sic divitarum cupiditas ac desiderium sine modo crescit ac terminum ignorat. Et, quo plus sunt potæ, plus sitiuntur aquæ: sic stulta quælibet & insana desideria præsentia rei desideratæ magis accenduntur. Sed remedia hujus affectus, si quando immoderatus evadit, spectanda sunt.

VI. *Remedia* eadem fere sunt, quæ sanando amoris inordinato præscripsimus *Exerc. præced.* quia tamen latius patet desiderium quam amor, peculiaria quædam hujus affectus componendi remedia proponemus. Primum monemus, ne quis magna de se sibi persuadeat, nec temere sibi fidat: desideramus non semel, homunciones, quæ nunquam sumus consecuturi, & somniamus vigilantes ac mira nobis fingimus, ducti cæco impetu & decepti opinione nostri: quare optimum desiderio remedium est, moderate de se sentire. Deinde alius quoque error mentes mortalium invasit, quo fit, ut immodico multa

rum rerum desiderio abripiantur : nempe tum demum felices se reputant , cum res cadunt , uti volunt ; si secus cadant , vocant se infelices , & nescio quæ non tum desiderant : interim , quid sibi expediat , nullo modo habent exploratum . Hæc causa est , quod maxima pars mortalium maximis implicetur desideriiis : huic desiderandi morbo remedium præscripsit luculentum *Stoicæ* sectæ haud infimus , in suo *Enchiridio* , *Epictetus* . Ne possules , inquit , quæ sunt , fieri arbitratu tuo , sed , si sapias , ita fieri quæcumque velis , ut fiant : versandum in vita , ut in convivio : si quid circumferendo ad te perveniat , porrecta manu modeste capito : præterit ? ne detine : non dum adeptus ne in longum appetitum extendito . Hæc *Epictetus* , & præclare omnino : futilis profecto est ingenii , visio jucundo , statim affici , & visio aliquo bono , statim cruciari desiderio potiundi : cohibet tantisper assensum , & desiderandi ille impetus , veluti flamma præterlabens , evanescet : Denique , si desiderio tuo fræna injicere cupis , ne admirare purpuram , magistratum , honores , opes , & si quid splendeat oculis mortalium : istarum rerum contemptus , optimum est desiderii & concupiscendi remedium . Sed de desiderio satis : ad gaudium transeo .

VII. Qui non temere animum appellit ad amandum , etiam si re-amata frustretur aliquamdiu , nihilominus post conatum sæpe fit voti compos , fruiturque tum , magna voluptate , qui affectus propriè nomine *Gaudii* venit . *Gaudium* itaque , est affectus concupiscentis appetitus ob præsentis boni fruitionem ; vocatur , *delectatio* , *lætitia* , *voluptas* , quæ voces idem notant : nam , qui eas distinguunt , fortasse sunt nimium accurati . Cæterum , ut gaudii ac voluptatem variam & multiplicem naturam breviter ob oculos ponam : notandum est , gaudium & voluptatem percipi , vel ex iis , quæ subjiciuntur menti , vel ex iis , quæ subjiciuntur sensibus . *Gaudia* ac *voluptates* mentis præstant cæteris ; primum ob facultatem , in qua existunt ; deinde propter nobilitatem rerum , è quibus hauriuntur : contemplatio enim divinitatem imitatur , cujus gratia , *Philosophi* omnibus corporis voluptatibus nun-

cium mittunt . Sed & alia ratio est , cur mentis gaudia præstant sensuum voluptatibus ; quia functiones mentis magis nos conjungunt , & quia non tam facile fastidium pariunt , ob sui & soliditatem & sinceritatem , suntque ista gaudia mentis & solidiora & sinceriora ; qualia sunt gaudia , quæ à Dei cognitione & amore summi boni promanant , quæ à naturæ contemplatione proficiuntur , quæ ab actione virtutis existunt , aliisque & similibus causis exoriuntur : hæc sunt ista gaudia , quæ solide unusquisque gaudere potest . Sed operæ pretium erit , distincte in causas gaudii inquirere , quæ profecto variae admodum sunt , & ægre ad numerum rediguntur .

VIII. *Gaudii causa primaria* est , actio secundum naturæ propensionem exercita : nam per eam bono unimur desiderato : & , quod naturale est , delectat , gaudiumque adfert status omnis , naturæ consentaneus : gaudium quoque parit , quod ex consuetudine agimus : consuetudo enim est altera natura . Gaudium parit , memoria præteriorum bonorum , cogitatio futurorum : facit enim memoria ista bona quasi præsentia : malorum etiam , quæ præterierunt , recordatio , voluptatem adfert , propter & per bonum quoddam præiens , quod in mali locum venit : gaudium etiam facit similitudo morum & conditionis vitæ : æqualis enim æquali delectatur . Sed infinitum est , omnes gaudii causas referre .

IX. Sed non minus varia sunt effecta *Gaudii* , & eadem fere , quæ *Amoris* esse ac desiderii , recensuimus : nisi , quod quædam particularia hic sunt : ut , diffusio sanguinis atque oris rubor : rubent enim , qui delectantur , à dilatactione cordis & sanguinis diffusionem : & hæc commotio , si sit moderata , juvat sanitatem , ob exercitationem & agitationem spirituum , qui aliis in nimia quiete marcescerent ; & , si nimia sit , perniciem adferre , quia ex nimia lætitia cor sanguine & spiritibus destituitur , iis sese ad partes exteriores recipientibus : hinc quosdam præ gaudio extinctos legimus .

X. *Remedia gaudii* , si sit nimium , sunt eadem , quæ amoris inordinati , quæ desiderii immo-



immoderati; quare ea non repetemus. Atque ita vidimus tres appetitus concupiscentis affectus, omnes occupatos circa bonum, *Amorem, Desiderium, Gaudium*, nunc iis tres oppositos, omnes occupatos circa malum, videamus, *Odium, Fugam, Tristitiam*.

XI. *Odium* opponitur *Amori*, ut negatio affirmationi : affirmat amor, cum tendit in bonum, negat fuga, cum recedit à bono : quod affirmatio & negatio præstant in mente, hoc amor & odium præstant in appetitu : sicut amor est actus & motus, quo quis sibi & alteri bonum vult, ita odium est actus & motus, quo quis alteri malum vult sine suo emolumento. *Sed & irasci, est velle alteri malum, ergo ira & odium non differunt.* Resp. *Irasci, est malum alteri velle ob emolumentum nostrum, nempe ob vindictam: qua injuriam acceptam ulciscimur; odisse vero, est alteri malum velle sine ullo nostro bono simpliciter; quia ipse nobis displicet.* Itaque *ira* nascitur, ex iis, quæ unusquisque ad se pertinere censet; *odium* existit etiam sine iis, quæ quis, ad se spectare, existimare possit. *Ira*, est adversus singulares; *odium*, adversus integram gentem : *ira* dolorem inferre cupit alteri, qui sentiat; *odium* fusque deque habet, ita malum sentiat, nec ne : *ira*, cum molestia est conjuncta; *odium*, doloris est expers : *ira*, facile sanatur; *odium*, fere est incurabile.

XII. Porro, *odium est, vel persone, vel rei: odium persone est, quo persone malum volumus, quia ipsa nobis est insensa: odium rei, quo rei alicui malum volumus, non quia nobis ea noceat, sed quia per se nobis contraria est & inimica: unde, qui odio rem habet, cupit ejus interitum & exitium.* *Scholastici, odium persone vocant odium inimicitiae, odium rei, odium abominationis.*

XIII. *Causæ odii sunt, opposita eorum, quæ amorem pariunt: itaque, causæ odii sunt, malum, quod, vel verè est tale, vel apparet: causæ odii sunt, habitus contrarii, in rebus aliis, vel nature vel ingenii, vel morum: uno verbo, odio habemus, omnia deformia, injucunda, molesta, turpia, quæ fastidium generant, omnia nature inimica & adversa; homines odimus austeros, morosos, alienæ laudis detractores, latrones, prodito-*

res, vitiis multis oneratos, & universum genus malorum ac maleficorum : odium vero crescit augeturque, si secreto condatur ac generetur.

XIV. *Effectus odii sunt, fuga à malo, quod odimus, detrimentum ei, cui male cupimus, illatum, dolor, & à dolore, si nimius existat, corporis ægritudo: omne enim odium dolor aliquis comitatur, qui, si valde intendatur, valetudinem corrumpit: dolor enim destruit naturam, & non pauci, maligni homines ingenii, odio in alios, veluti tabe, sunt consumti.*

XV. *Odii remedia sunt non multa, sed unum, nempe charitas, ejus contrarium: nam, qui charitate flagrat, is non facile odium concipit.*

XVI. *Odium alicujus rei excitari potest, si ostendatur, rem illam inhonestam, injucundam, inutilem, esse, cedere in perniciem nostram, nobis pudorem ac dedecus adferre, reddere Deum & bonos nobis inensos & inimicos, & asserendo contrarias rationes iis, quas ante protulimus, excitando affectui amoris: si quis, V. C. de suggestu auditoris periuadere debet odium peccati, ostendat, peccatum esse malum, & quidem inhonestum, ac turpe, quod non deceat nos Christianos; esse tale, quod Deum & bonos, nobis, nos, Deo & bonis, reddat exosos; quod illud ametur ab iis, qui nostri sunt hostes, à diabolo & impiis, quod nobis illud maxime noceat, quia nos privat omnibus bonis à Deo in nos conferri solitis, quia contra omnia mala secum trahat, & in nos derivet, imo æternam nobis perniciem adferat, &c. quæ, maxima animi commotione in auditoribus excitanda, dici possunt.*

XVII. Ut *Amori* opponitur *Odium*, ita *Desiderio* opponitur *Fuga*, quæ, quid, qualisve sit, quæ ejus causæ, effecta, remedia, ex iis, quæ nunc de *Desiderio* diximus, facile constabit; contrariorum enim est eadem cognitio: *Fuga mali, est contractio animi à malo absente, quod ut minus conveniens conceptum fuerat. Hoc affectu ii maximi laborant, qui maxime cupiditatibus sunt mancipati.*

XVIII. *Fugæ causa, est odium; fugimus enim malum, quod & quia odimus: eademque sunt fugæ, quæ odii, effecta; quare, iis re-*



consensu non immorabor, ne jam dicta repetam. Quæri potest hic non inutiliter: num præsentem malo fuga cesset, fuga enim absentis est mali. Resp. etiam, præsentem malo fugam perseverare, quia natura malum perpetuo detestatur ut inimicum, sive præsens, sive abiens.

XIX. Remedia fugæ nimie aut supervacaneæ, peti debent ab opinionibus nostris, quibus plerumque nimium indulgemus, quæ corrigi debent: hoc enim vitio laboramus nos omnes homines, ut non tam rebus perurbeamur, quam iis quidem, quas de rebus habemus, opinionibus: qui igitur paucorum rerum fugâ corripi vult, is cohibeat opiniones, nec facile, vilis & in sensus externos illatis, assentiat: ar vero, si quæ vere sunt mala, ut de iis non possit iter exilimari, quam id esse quod sunt, considerandum est, an ea evitasse vel evitare, nostri sit arbitrii: si sit, fugi possunt ac debent: sin minus, frustra se quis in iis fugiendū fatigat. Postremo ut Amori Odium, Desiderio Fuga, sic Gaudio Tristitia opponitur: quare & eam breviter considerabimus.

XX. Ante omnia hic queritur. An tristitia sit idem animi affectus, qui dolor, ut vocabula æque late pateant? Resp. Vulgò tristitia non tam late patere dicitur, quam dolor: dolor dicitur & de animo & de corpore, tristitia solum de animo dicitur: dolet, non tamen tristatur corpus, sed animus tristatur. Dolemus, cum nobis membrum inciditur, cum corpus fecatur, cum cædimur, cum torquemur, cum vulneramur, cum pes noster offenditur, sic quidem vulgo: nos tamen Tristitiæ vocem tantum late extendimus quam Doloris, desinimusque tristitiam, affectum appetitus concupiscentis, super malo, vel re ipsa, vel perphantasiam, præsentem: ut enim delectatio est, de bono concupito, & quo præsentem fruimur ac potimur, ita tristitia est, de malo præsentem, quod, cum timeremus, evenit: hic affectus terrestris est, rugidus, aridus, durus, & consistens in atra bile.

XXI. Tristitiæ species sunt varie: Thomas Aquin. prim. secundæ quæst. 35. recenset 4 species, alii septem faciunt. Nempe Prima species tristitiæ est; Dolor de malo proprio, vel amicorum, ex eo tantum acceptus, quod illi

primò, nos secundò malum patiamur, quæ simplicissima est, maximeque pura tristitiæ species. Secunda est, dolor, de malo proprio, quod non quidem damnum sed dedecus adfert, verecundiæque dici solet vulgo. Tertia species tristitiæ, est, dolor de malo alterius, quo eum indignum iudicamus, & dicitur misericordia vel miseria. Quarta tristitiæ species, est dolor de bono alterius, non quo inde accipiamus detrimentum, sed quia is bono fruitur; & vocatur invidia. Quinta species est, dolor de bono alterius, quo eum indignum iudicamus; & dicitur indignatio. Sexta species est, dolor de bono alterius, quod quidem ei ademptum nolumus, agre tamen ferimus, nos eo carere; & vocatur emulatio. Postrema species est, anxietas, sive animi quædam angustia ex fuga mali, & hinc orta acedia, quæ occupatis nimia anxietate mentis ita insurgit, ut homini, per eam pressio, nihil boni agere lubeat: hanc comitatur, medium mentis, torpor, inertia: & somniculosa desidia.

XXII. Tristitiæ causa est, malum, vel præsens, vel habitum pro præsentem: præterea, bonum amissum & jam præteritum: unde tristiari solemus epulis finitis, conviviis expletis, jocis, lusu, spectaculis, diebusque festis ac lætis, exactis. Augetur mirè tristitia, si malum non possit ejici: sublata enim spe finis malorum, nullum superest miseris solatium: intenditur tristitia, si fuerit subitum malum & improvisum: tristitia etiam pro causa habet corporis temperiem frigidam & siccam, qualis est bilis atra: & cum sit affectus frigide & sicce nature, viget etiam in frigidis ac siccis temporibus ac locis.

XXIII. Effectus tristitiæ varii sunt. 1. Incommodat corpori, magisque valetudini nocet, quam ullus alius affectus. 2. Vexat animum, spiritusque cum calore debilitat, compressionem inducit cordi. 3. Lachrymas extrahit, quas tristitiæ partus, atque doloris fructus, ut poma, arborum, non ineptè, quis dixit. 4. Impedit omnes animi corporique functiones, præter eas, quas ipsa elicit; hebetat ingentum, turbat rationem, totumque hominem de statu suo dejicit.

XXIV. Remedia tristitiæ, partim sunt

Sic

Medica,

*Medica*, partim *Philosophica*: *Medica* sunt, balnea & somnus: balneis enim & somnis dilatatur sanguis, gignuntur spiritus recentes: multum contulerit quoque exercitatio modica & usus cibi *Leviter*, boni succi, vini que albi ac generosi: etiam fletus tristitiæ remedium est: nam, expletur lachrymis *egriturque dolor*. *Philosophica* remedia sunt, consolatio ab amicis profecta: faciunt enim illi consolando sese quasi participes calamitatis nostræ: præterea, contemplatio rerum altissimarum, qua dum detinemur, mentem à rebus molestis avertimus, ne tristitia augeatur; denique efficacissimum leniendæ ac moderandæ tristitiæ remedium est reputatio conditionis vitæque humanæ, ac malorum consideratio, quibus illa est obnoxia, quorum pleraque vitari non possunt, quod non sint in hominis potestate; illud quoque men-

te diligenter est volvendum; primis rerum feminibus casum à natura implicari, & monstra generari: qua cognitione armatus, si quis inexpectatum rei exitum experiat, nihil sibi novum accidisse putabit: magnitudo itaque animi, ejusque in adversos casus præparatio, rerum humanarum despectus, memoria conditionis hominum, & eorum, quæ eam circumstant atque ambiunt, malorum, tristitiæ, vel repellendæ, vel expellendæ, vel mitigandæ, sunt efficacissima læ remedia. Sed de *Tristitia* & appetitus concupiscentis affectibus sic satis pro ratione harum *exercitationum*. Qui plura desiderat, præter ante nominatum *Brancifortium*, adeat *Lalium Peregrinum de affectibus*, & duos olim in schola illustri Herbornensi Collegas Philosophos, *Alstedium* & *Guthberletum*, utrumque in sua *Pathologia*.

## EXERCITATIONUM ETHICARUM VIGESIMA-PRIMA,

D E

# AFFECTIBUS IN SPECIE.

THESIS I.

**E**Xamini subjecimus, *Exercitatione secundâ præcedenti*, *Affectus*, *Appetitus concupiscentis*; eodem modo & ordine nunc eidem subjiciemus *Affectus*, *Appetitus irascens*: eos quinque fecimus: *Spem*, *Desperationem*, *Metum*, *Iram*, *Audaciam*. A *Spe* ordiemur, ac primum vocem, mox rem excutiemus, more nostro.

II. *Spei vocabulum* apud Latinæ linguæ Authores non semper idem significat; interdum generalissimè sumitur pro quavis expectatione, tum mali, tum boni, ita ut dolorem quoque *sperari* *Poëta* dixerit: *hunc ego si potui tantum sperare dolorem*, ubi *sperare* pro *timere* ponitur. Deinde, *spes* nonnunquam

sumitur pro ipsa re *sperata*: sic *Christus* dicitur *spes* nostra. Tertiò, sumitur pro *certitudine spei*, quomodo dicitur, *spes* non *pudescit*. Quarto, propriissimè, ut hic, pro *affectu*, *quo ferimur in bonum absens*, arduum, possibile, ac definiri potest; *Affectus*, *Appetitus irascens*, *tendens in bonum absens*, arduum, possibile, hoc enim *spei* est objectum: hinc videre est, quod *spes* differat à *desiderio*: aliud enim huic, aliud illi, est objectum: *spes* est de bono arduo, difficilisque adeptionis; *desiderium* de bono, quod facile obtinetur: hinc fit, ut *desiderium* feratur in finem impetu suo; *spes* verò ad mediâ primùm, post ad finem tendat.

III. Uterque affectus est boni absentis, sed

sed desiderium est boni abscentis simpliciter, spes est boni abscentis, verum ardui, ac cum difficultate conjuncti. *Spes maxime reperitur in juvenibus, ut docet Arist. 2. Rhet. cap. 12.* sunt enim juvenes promptissimi ad sperandum: cujus rei varix possunt assignari rationes. Prima, quod illi multum habent reliqui à futuro, parum à præterito: plus enim juxta naturæ ordinem victuri sunt, quam vixerint; spes vero futurorum est. Secunda ratio est, quia juvenes abundant sanguine, quo redduntur animosiores: spes vero fulcitur animi vigore. Tertia ratio est, quia juvenes carent experimento, & cum non admodum crebras tulerint repulsas, nec multos experti fuerint casus adversus, omnia se facile adscuturos credunt ac sperant. Quarta, quia juvenes non animadvertunt pericula ob calorem ætatis, quo citissime aguntur ad ardua quæque sine delectu adenda. Est verò hic affectus spei valdè necessarius humanæ vitæ, mireque juvat functiones ejus: ac primò, gignit voluptatem, quæ cessante humanæ functiones deficiunt: quis enim voluptate semotà ullum suscipiat in agendo laborem? Hic igitur præclarus spei est fetus, hominem reddere attentum ad minus & ad rem præsentem, ejus functiones excitare ac promovere: nihil tam acerbum est, quod non una spes reddat gratum: & voluit Deus, ut spes levissimis de causis nascatur, quæ homines in malis sustentet, consoletur, recreet. *Spes alit agricolas, spes sulcis credit aratis semina, quæ magno fœnore reddat ager, ait Tibullus.* Spes ægros, captivos, victos, incarceratos, & id genus miseros, fulcit, adeoque eorum ultimum est solatium.

IV. Spei opponitur desperatio, nimirum in defectu: nam in excessu ei opponitur temeritas: qui enim sperat ac confidit sine causa ulla, temerarius est. *Desperatio est, recessus animi ab appetitione boni ex opinione, quod nunquam eo sit potiturus, respicitque primario malum, puta imbecillitatem virum ad consequendum bonum.* Arguit desperatio animum abjectum & angustum, gigniturque maximè à torpore mentis & abjecta sui opinione: præsertim, cum accedit impendendum malorum metus. Desperatio enim ti-

morem sequitur: & hic desperationem gignit.

V. Effecta desperationis sunt; incuria in rebus agendis, cessatio à præclaris facinoribus, vita voluptatibus inhonestis concupiscentia magnaque improborum factorum colluvies. Ex eventu autem desperatio gignit audaciam, unde illud vulgare, *spes desperatione quæsit*: qui enim desperant, exitus omnes ad evadendum obstrucos vident, & omino censent sibi esse moriendum, jacturam illam magno hostium detrimento compensare student: sed à *Spe ac Desperatione ad Audaciam* transeamus ac *Timorem*: ac de *Timore* prius videbimus.

VI. Hic affectus variis effertur nomini-bus: dicitur enim *timor*, *metus*, *formido*, *pavor*, *error*, quamvis Critici sint, qui hæc vocabula distinguant, ut *timor sit*, expectatio futuri mali à vi superiore; *metus sit*, demissio animi ex malo futuro; *formido sit*, metus oriens à larvis & spectris; *pavor sit*, percussio animi; *terror sit*, quid majus pavore. Definitor *Timor ab Arist. 2. Rhet. agitur ab oblatâ specie mali impendentis, quod interitum vel dolorem asserere possit.* Diferit à *tristitia*, quia hæc respicit malum præsens, at *timor futurum*: *tristitia* plus admittit consilii, *timor* minus; *tristitia* perniciosior est naturæ, *timor* minus.

VII. Causa timoris est malum impendens, ut mors, cruciatus, infamia, bonorum amissio, & quodcunque naturam corrumpit, vel ei detrimentum adferre potest: gignit quoque timorem, in aliorum fide vitam habere collocatam, quia ea fides fluxa ferè est: qui injuriam facere possunt, metuuntur quoque iis, qui sunt injuriæ expositi. Timentur etiam, & qui injuriam acceperunt, & qui injuriam fecerunt: illi, quia observant perpetuò tempus ulciscendi, suntque locati in insidiis: hi, quia, si sint potentes, talionem reformidant, ideoque nova & nova subinde ingerunt incommoda. Denique nascitur sæpe metus ex naturali averatione, ex *animæ* sic ovis timet lupum, leo gallum; ovis enim lupum, leo gallum, concipit ut malum. Augetur verò timor: primò, si malum imminens difficillimè propul-

pulsari posse existimetur: Secundò, si sit magnum & grave: Tertiò, si sit repentinum; rùm, quia minus loci consilio & præparatione relinquit, tum, quia repentina apparent majora magisque percellunt. Quarto, si sit ignotum: hoc enim malum minus admittit consilii, quia ignoratur. A timore sunt immunes illi, quibus nihil mali contingere potest, ut sunt beati in caelis; item & illi, qui in extrema malorum devenerè, hi enim nihil amplius timent, quia nihil est malorum reliquum quod patiantur. Hic scrupulus moveri potest: si timor est de malo imminente, quare Deus ergo & Principes boni timentur? Respondeo, Deus & Principes boni timentur, non quia sunt mali, sed quia possunt infligere malum: nam, si penam, quam possunt infligere, non apprehendimus ut malam, non timebimus, sed loco timoris nascitur reverentia.

VIII. *Effectus Timoris* sunt varii: obest corpori quam maximè, atque animo plus quam ceteri affectus, excepta tristitia. Quod timor corpori obest, inde manifestum est, quia contrahitur & debilitatur cor, ad cuius opem & subsidium calor superiorum & inferiorum partium accurrit, quem retrahit cum sanguine timor, unde pallor oris, frigus artuum, tremor membrorum, præsertim eorum, quæ magis sunt mobilia, ut sunt, poplites, genua, labra. *Effecta* timoris sunt etiam, silentium, sitis, horror corporis, asperitas & erectio pilorum, canities, vocis exilitas, tremor, dentium concussio, lingue titubatio, &c. In animo verò gignit timor perturbationem & inconsistentiam: timor enim cogitationes confundit, suspiciones quoque parit: meticulosi enim sunt suspiciosi, neque unquam tantum est periculum, quin majus ubi fingant. In timore vero hoc est observandum, ab eo sæpe per expectationem mali plus molestiæ inferri, quam ab ipso malo cum præsens est. Scribit Curtius aquarum penuriam in Alexandri militibus, desperatione prius quam bibendi desiderio, sitim accendisse; quod timor futuri mali interdum plus noceat, quam compunctus præsentis.

IX. *Remedia timoris nimii*, sunt in promptu; timeamus, quia diligimus. Qui divitias non amat, fures non timebit: qui lucis hujus usuram non adeo caram habet, non timebit mortem. Amor itaque, timoris nimii causa, succidi ac tolli debet, & jam fustuleris timorem.

X. Timori, tanquam extremum longissimè distitum, opponitur Audacia: hæc est affectus appetitus irascens, quo animus in magnis ac periculosis rebus multum fiducia concipit, & fuit se superaturum mala & incommoda. Gignitur audacia ab opinione propriæ virtutis, vel ab opinione, quam habemus de adversarii imbecillitate: habet & alias causas: calorem cordis, vinolentiam, ingenium præceptis, & minus exercitatum: quo enim quis est minus expertus, eo est audacior, quia minus reformidat incommoda & pericula: videre hoc est in ducibus ignavis rerum bellicarum, qui sæpe clades accipiunt ob temeritatem & audaciam: porro, qui viribus, qui opibus, qui amicorum copiâ, qui potentiâ valent, sunt audaciores, quia minus metuunt. Denique ex eventu desperatio sæpe gignit audaciam. Non debent audacia & fiducia inter se confundi; fiducia bonum per se primò respicit audacia malum, non quidem ut fugiat, sed ut superet.

XI. *Effectus Audaciæ* sunt, sanguinis atque caloris diffusio, commotio bilis ab impetu animi, contemptus discriminum, ignava securitas, rerum profligatio & interitus.

XII. *Remedia Audaciæ* sunt, moderata opinio de se, non levis existimatio de viribus adversariorum, ulus & experientia rerum.

XIII. Postremum inter affectus appetitus irascibilis locum tenet Ira, quæ concupiscentis facultatis rationique veluti ministra est. Eam definit Aristoteles 2. Rhet. appetentis ultionis appetitum ex dolore, quando se aut sua quis contemni videt immerito. Dicit Philosophus, esse appetitum ultionis appetentis: nam satis est ad irascendum, ut quis existimet ludi rio se haberi: dicit, quando quis se aut sua contemni videt: nam irascimur etiam, si, qui

ſiqui nobis cari ſunt, aliquid indignè patiantur. Nomine *ultionis* etiam *caſtigatio* intelligi debet: irāſcitur enim in eos, quos caſtigatos, non tamen detrimento affectos, volumus; uti irāſcitur pater in filium, præceptor in diſcipulum. *Ira comites ſunt voluptas, dolor, odium.* Voluptas quidem, quia jucundum eſt cogitare ſe conſecuturum ultionem, quam vehementer quis optabat. Dolor, quia injuriā accipere non contingit ſine dolore. Odiū, nam promptum eſt odiſſe eum, à quo fueris injuriā affectus: quin etiam, ubi tenditur ad caſtigationem in eos qui ſunt cari, aliquod odiū intercedit, ſi non hominis, facti ſaltem. Differunt tamen plurimum *ira & odium*, quod & ante fuit diſtum: nam, per *iram* volumus alicui malum cum impetu & exarſione animi, quia nobis injuriā intulerit, quam volumus vindicare: per *odium* vero optamus alicui malum, etiamſi nullā ab eo ſumus affecti injuriā, ſed tantum, quia ipſe, quem odimus, nobis diſplicet.

XIV. *Cauſa ira* eſt, malum offendens. Ejus prima radix eſt, opinio contemptus ſui ab alio: ideo pauperes, ſenes, claudi, gibboſi, monocoli, manci, deformes, facile irāſcuntur, quia putant ſe ab aliis contemni: ſic facile irāſcuntur, qui ſunt animo anguſto, minusque ad judicandum firmo. Utenim imbecillia corpora à vento, ſole, frigore, cæterisque incommodis facile afficiuntur: ſic exiles animi ab ira impetu maxime diſturbantur. Pueri, feminæ, frigida temperaturæ homines, centies de die ſuccenſent & irāſcuntur: at magnanimi, etiam ab innato calore ad irāſcendum ſunt proniores, tardius tamen irāſcuntur, quia vilia exiſtimant, quæ grandia puſilli animi hominibus apparent. Bilioſi facilius inflammantur, frigidi ſervant iram diutius: ſanguinei citò concipiunt iram, quia calidi; citò deponunt, quia humidi ſunt: ſanguis enim, etiam ſua natura pariſt hilaritatem, copioſius tamen, vim habet bilis, facileque concipit iram. Eſt etiam victus ratio aliqua, quæ bilem & iram augeat, ut ſunt, cibi omnes calidiores, qui cerebrum, judiciumque debilitant. Augetur ira, ſi amicus erat, qui fecit injuriā, quia hoc inexpectatum eſt, ab amico lædi:

at inexpectata magis movent, & reſerè intoleranda videtur, inde offentionem accipere, unde beneficium erat ſperandum. Augetur ira, adventu miſeriarum & calamitatum; ſolent enim iſtæ homines reddere iracundiores.

XV. *Effectus ira* varii ſunt, & alii ex ipſius ira natura, alii ex eventu: prioris generis effectus, eſt dolor in animo à retardatione atque mora vindictæ, & anxietas & metus, ne non ſequatur vindicta: ira, conſternationis plenus eſt affectus, ac nunquam ſine detrimento irāſcentis violentus, qui ipſe dolorem, cum inferre vult, patitur: imò iratus, ſi non ulſcatur, ad rabiem adigitur, crudelitatemque exercet, ſape in ſe, ſape in alios. Secundus ira effectus, eſt voluptas animi à ſpe futura ultionis excitata: ut enim jucunda phantaſmata dormientibus, ita ultionis cogitatio, quam irati mente volunt, irāſcentibus adfert delectationem. Tertius ira effectus eſt, perturbatio rationis, & mentis de ſuo ſtatu dejectio. Hinc fit, ut irati multi cogantur uſurpare illud *Ciceronis Terentiani, præ iracundiâ*, inquit ille, *non ſum apud me*. Quartus ira effectus eſt, ſanguinis fervor circa cor: hinc in quibuſdam ſequitur pallor à contractione ſanguinis, in aliis rubor, ſcilicet, in quibus ſanguis eſt magis fluidus, vel qui ſunt animo generoſo; ſequitur & palpitatio cordis ob exantheſcentiam, & ligamen linguæ organorum, quibus vox formatur & ſuis articulis diſtinguitur. Exarſio autem à ſtatu oritur, quæ per iracundiam cietur. *Exarſere ignes animo*, inquit Poëta. Accedunt, arder oculorum, tumor oris, tremor genuum & manuum, aliaque ſymptomata, ut febris, ac interdum mors: unde ira maxime officiit valetudini, dum variis modis eam lædit.

XVI. *Effectus ira*, ex eventu varii quoque ſunt, in *jocando*, ira amicitiam mutat in odium, in *diſputando*, ſtudio veritatis vertit in libidinem contendendi, in *judicio*, ira poteſtati addit temeritatem, in *inſtitutione*, ira addit mœſtitiæ & odium diſciplinæ, in *rebus ſecundis*, augeat invidiam, in *adverſis*, irāſcentem miſericordiæ eximit.



XVII. *Remedia iræ* imprimis quærenda sunt nobis, quia difficilis apparet ejus, cum modum excedit, curatio, præsertim, quando varii affectus, quandoque inter se invicem pugnantes, in eam conflunt: ut, cum contrarii morbi semet complices, difficilem & ambiguum reddunt curationem; sic affectus animi, si plures commisceantur, medentis diligentiam & peritiam non vulgarem postulant. Primum igitur suspicio est removenda, nec opinandum, ea, quæ nobis displicent, esse facta in contemptum nostri, sed existimandum potius, ea per incuriam esse admissa. Deinde, de seipso sentiendum est moderatè, & existimandum, semetipsum posse æque committere quid contemptu & vituperio dignum. Tertio reputandum, iram proficisci ab animo vili & abjecto: neque magni est animi aut generosi, irasci. Quarto cogitir iracundus, turpe esse, injuriam referre: nam, qui id facit flagitii partem accipit, ac peccat: quemadmodum, qui fuliginosum complectitur corpus, & cum eo volutatur, fuligine abit inquinatus: cedendum est aliquando, ut superemus, nam &, qui cedit iræ, vincit: hæ sunt hujus palæstræ leges, ut Athletas imitemur, qui de industria aliquando humi depressi jacent, ut adversariis, superne incumbentibus, victoriam eripiant. Quinto, utendum cibis frigidis, somno remisso ac brevi, aliisque, calorem ac bilem minuentibus. Sexto, aures admovendæ sunt sermonibus, cum doctrina, veritate, & gravitate, conjunctis; nullum est aptius moderandæ iræ pharmacum, quam viri gravis oratio. Septimo, cum facto aliquo offendimur & in iram concitamur, cogitandum, à nobis quoque non pauca perperam fieri. Octavo, juvare valdè proposita & vota de non irascendo per annum, menses, dies, quæ subinde renovari possunt. Nono, spatium animo est concedendum, ut se colligat & dissipatas quasi sui partes in unum restituat: *Athens-*

*dorus*, ab aula discessurus, monuit *Angulum*, ne quid in ira diceret faceretve, ut characteres Græcos prius recitaret: ita *Ambrosius Theodosio* author fuit, ut prius orationem dominicam recitaret, ne quid iratus perpetraret: his omnibus remediis efficacius est, quod Christianos decet, devota ad Deum præcatio pro iræ impetu sufflaminando.

XVIII. Operæ est pretium, hanc questionem breviter decidere: *An sit difficilis iræ quam voluptati repugnare?* Egregia sanè difficultas. *Heraclitus*, majorem omnino vim iracundiæ tribuit, ut refert in *Ethicis Aristoteles*: *Philosophus* tamen existimavit, multo esse laboriosius aditum obstruere voluptati quam iræ. *Nos* verò, ut omnis tollatur difficultas, notandum censemus, quod multa concurrant, ut quid ægre tollatur: impedit enim vis vehemens ejus rei, quam amoliri studeas; impedit affinitas ejus cum sensu: impedit latens & subdulus rei adventus: hæc omnia faciunt ut ægerime aliquid tollatur. Quod si jam rectè calculum subducamus, & ab una parte, vim, tum iræ, tum voluptatis, debitè inspiciamus, videtur difficilior esse, iræ quam voluptati, repugnare: est enim ira vehementissimus affectus: unde dicitur, ab *Ethicis*, acerba commotio mentis: & leges multum indulgent ei, qui ob iracundiam factus est impositus, & sic peccavit: si verò affinitatem cum sensu hominis & communem quis spectet assuetudinem, ab alterâ parte, cum major hominum pars in voluptatem propendeat, videtur difficilior esse, voluptati repugnare, præsertim, si quis spectet iras occultas, quibus voluptas illabatur animis mortalium. Quare magis adhuc cum *Aristotele* quam *Heraclito* sentiendum videtur, licet utrinque sint rationes, quæ non sunt improbabilis. Sed hæc de affectu hoc, iræ, reliqui irascentis Appetitus, differuisse suffecerit. Plura videri possunt apud *Authores* ante citatos, & de iræ speciatim apud *Senecam* in lib. de irâ.



D E

# Quæstionibus circa Actiones Spontaneas, Invitas & Mixtas.

T H E S I S I.

**Q**uæstiones, quæ moveri solent circa finem ultimum, summum bonum, circa Subiectum ejus, Animam Rationalem ac Sentientem, illius Facultates, Intellectum, Voluntatem, ac Liberum Arbitrium, hujus, Appetitum Sentientem atque Affectus, aliunde in superioribus Exerc. excussimus: Nunc Media, quibus Summum bonum in Subiectum introducitur, ἀναγκαζομενός, ut ante factum fuit, discutienda veniunt, quæ sunt Virtutes, & Actiones, earum productrices: primum de his, ut Causis, deinde de virtutibus, ut effectis Actionum, philosophabimur. Actionibus, Virtutes, &, per Virtutes, Summum Bonum, producentibus, accedit, esse Spontaneas & Bonas: nam nec malis, nec invitis, actionibus, Virtus & Summum bonum, acquiri possunt: quia tamen contraria juxta se posita magis elucescunt, & contrariorum eadem est scientia, de Spontaneo simul & Invito, Bono simul & Malo Morali, differemus. Quia vero Bonitas & Malitia Moralis, nulli competunt actioni, nisi sit Spontanea; primum de hac & ei opposita Invita, & inter utramque Media, ac Mixta, quæstiones quasdam hac Exercit. movebimus. In Collegio enim Ethicæ i γὰρ ἀναγκαζομενός satis est instituta: jam nunc ergo Objectiones quasdam solvenda restant.

II. Primo, adversus invitum per vim nonnulla opponi possunt: diximus in Coll. Ethicæ, hoc esse, quod fit contra voluntatem agentis aut patientis. Hoc esto primum argumentum. 1. Si nihil possit fieri contra voluntatem alicujus, ergo nullum est invitum per vim. Sed verum est prius. E. prob. min. Si

voluntas non possit cogi, ergo nihil potest fieri contra ejus voluntatem. Sed verum est prius. prob. min. Si possit cogi, cogeretur in suis actibus; sed non cogitur in iis. Actus ejus sunt, velle, nolle: at utrumque liberum est, & nulla vi potest impediri, nullâ cogi. Resp. Distinguantur voluntatis actus elicit ab imperatis: elicit sunt voluntatis proprii & in ea hærent: imperati sunt, aliarum facultatum, sed ab iis, voluntatis jussu, atque imperio, exercentur, unde imperati dicuntur, actus elicit sunt, velle, nolle: in iis nullam vim aut violentiam potest pati voluntas, quia nihil sunt aliud, quam quædam voluntatis ad aliquam rem propensiones, profectæ ab intimo principio, finem cognoscente: certè, ipsa voluntatis ratio & natura exigit, ut ubique ac semper promere possit actum itum suum internum: id vero, quod vim patitur, ab externo patitur principio: at hujusmodi principium externum voluntati admoveri non potest, quin ipsa voluntatis ratio funditus everatur: pugnant enim hæc, actum aliquem esse voluntatis, & coactum esse: nam si voluntatis est actus, non est coactus, & contra. Quod vero attinet actus imperatos, id est, eos, qui ab aliis facultatibus ex imperio voluntatis exercentur, quales sunt loqui, scribere, progredi, movere, &c. in iis voluntas potest vim pati, quia per vim ipsa corporis membra & eorum facultates impediuntur, quo minus obtemperent & voluntatis faciant mandata. Potest enim externa vi, motus, incessus, loquela, inhiberi, & sic dicitur invitum esse quod contra voluntatem fit in actibus imperatis.

III. 2. Ma-

III. 2. Manum attollere, aut brachium, utrique est violentum: sic scandere, aut ad numerum, saltare pedibus est violentum: & tamen neuter motus est invitum, neuter contra voluntatem fit: nam, & qui attollit manum aut brachium, & qui scandit, saltatque ad numerum, id facit uterque quia vult, ergo &c. Resp. Ille motus brachii vel manus sursum, violentus dici potest, quod vel opponitur naturali gravi- tati, tendenti deorsum: sed non in quantum opponitur voluntati: distinguatur violentum, quod vel opponitur naturali, vel voluntario: manus aut brachii sublatio sursum, est violenta, in quantum est contraria nature, sed non est violenta secundo sensu, quia non est contraria voluntati, sed iubenti voluntati consentanea & obtemperans: idem respondendum est de saltatione pedum, & scan- sione.

IV. 3. Invitum cum dolore ac tristitia est con- junctum: sed violenta multa non sunt &c. ergo v.c. cum ab amico levissime percussimur, in signi- ficationem amoris illa percussio violenta est, quia est ab externo principio, & tum non est invita, quia non est contra voluntatem percussus amici, quia ei placet ita percipi in signum amoris. Resp. Invitum, seu involuntarium est du- plex: vel significat solum negationem volen- di, vel positivum voluntatis actum, per quem voluntas non tantum, certam aliquam rem negativè, non vult, sed vult præterea positivè contrariam: jam vero, cum dicitur invitum, aut involuntarium, conjunctum esse cum tri- stitia, & dolore gignere, intelligendum est invitum aut involuntarium positivè, uti etiam hic à nobis sumitur, cum Spontaneo opponitur, quando voluntas actu contrario tendit & nititur in contrarium. At volunta- rium negativè, consistens in sola volendi ne- gatione, tristitiam non parit: nam, quam po- test animo concipere tristitiam, qui hoc ibi accidere videt quod ita volebat, ut nec etiam vellet positivè contrarium. Præterea in hoc exemplo allato, ibi ne quidem est negatio volendi, aut nolitio percussione, sed contra, est volitio percussione ab amico factæ, ut nec positivè, nec negativè, sit invita percussio, nec contra, sed ex ejus voluntate.

V. 4. Delapsus in puteum extrahitur motu

violento, quia vis fit rei aut corpori gravi, quan- do sursum trahitur: & tum non est ista extractio contra voluntatem extrahenti. E. Resp. Eadem est Solutio, quæ secundi argumenti: est violenta, ut opponitur voluntati violentum naturali, sed non ut opponitur voluntario.

VI. 5. Multa sunt, quæ neque volumus, minime, neque nolumus: ergo non omnis actio est invita vel spontanea: ut, cum quis neque volens neque nolens ab alio trahitur, permittendo tum se trahi. Resp. Qui sic trahitur, ejus respectu tractio non est invita, quia non habet positi- vum actum volendi, nec spontanea, quia non habet actum positivum volendi, sed trahitur ex æquo ex æquo, sed illa tractio est medium negationis inter invitum & spontaneum, qua- le dari ex Aristotele ipso alias auctorimus; ta- lis etiam tractio est ejus, qui dormit. Sed quid, si aliquis se patitur trahi ad scelus. Resp. Illa tractio est Spontanea, quia trahenti, cum pos- set & deberet, non resistit, & resistere non vo- luit: interim tamen distingui potest voluntarium seu voluntarium; aliud est simplici- ter tale, aliud interpretativè: si tractio ista, quæ ad scelus quis se patitur trahi, non sit spontanea simpliciter, est saltem voluntaria per interpretationem, seu ut loqui amant Scholastici, interpretativè.

VII. 6. Martyres liberrime ac sponte dolores subeunt ac cruciatus, & tamen vim patientum à Tyrannis. E. Non omnis vis actionem invitam facit, nec spontaneam tollit. Resp. Per crucia- tus & tormenta Martyrum vel intelligitur actio, quæ Martyres conficit, vel ipsorum Martyrum passio, quæ ferunt cruciatus. Actio ipsa, quæ Martyres cruciat, est respectu Martyrum plane invita ac violenta, quia Mar- tyres ad eam nihil conferunt, nec adjumen- tum aliquod, nec voluntatis consensum: at vero passio illa Martyrum, respectu eo- rum, est voluntaria & spontanea, quia volun- tatem patiendi conferunt, patiuntur enim, quia volunt, ergo cruciatus est violentus Mar- tyribus, habitus ratione agentis: idem est illis voluntarius, habitus ratione Martyrum, eos sponte ac voluntariè perferentium.

VIII. Nunc questionem proponamus de actionibus ex metu propositis: quanam actiones

metu profecta sint culpanda, quæ laudanda, quam quætionem ut decidamus, distincte est procedendum. Quod ex metu sit, aut per se est bonum, aut per se malum. Nam indifferens in actionibus singularibus non datur. Si quæstio instituat de metu, ex quo bonum aliquod inchoatur, conservatur, perficitur, dico, actionem, ex tali metu profectam, esse laudabilem, non vituperandam; si vero id, quod per metum efficitur, sit malum per se, omnis vituperanda est actio ex tali metu profecta. Utriusque exemplum est; prioris quidem, ut si quis ex metu poenæ, ex metu iudicis, aut ex timore Dei, quem timet offendere, aliquid boni, aut aliquam virtutem exerceat, actio, ex tali metu profecta, quam maxime est laudanda: Posterioris exemplum est, ut si quis ex metu mortis Deum abnegat, aut aliquid peccatum committit, actio, ex tali metu profecta, est vituperanda. Contra hoc secundum membrum decisæ quætionis nonnulla objici possunt, solvenda nobis.

IX. 1. *Malum, quod omnis boni possessione nos privatur, est minus eligendum, quam quod aliquis tantum boni possessione nos privatur. At Mors nos spoliatur bono naturali & morali: peccatum commissum, tantum nos privatur bono morali.* E. Resp. Neg. min. neque enim Mors illud nobis adimet bonum, quod in eo est positum, ut vitam feliciter absolvam, quam feliciter absolvimus, cum mortem oppetere malumus, quam inhonestum aliquod, aut turpe, aut peccatum committere: quid? quod à peccatis abstinentes, per mortem adimus possessionem æterni boni. Ergo mors non privat nos omni bono, sed contra, optimum largitur, quod tantum abest, ut per mortem tollatur, ut obtineri nequeat, nisi morte obita: præterea, mori, esse minus malum, quam peccatum committere, facile potest demonstrari. Qui metu mortis aliquod committit peccatum, is, bonum virtutis, quod summum in hac vita censetur, amittit, seseque induit in summum vitæ malum, quod est scelus & turpitudine: bonum vero, quod adipiscitur, est vitæ corporalis, brevissima propagatio. At contra, qui mortem anteponebat peccato, eamque potius eligit, quam vitam flagitiosam, in

fortitudinis, aliarumque virtutum actionem, sese confirmat, nec alterius rei, qui vitæ longioris, brevium finiendæ, iacturam facit: & vita hominis propria non est, ac spiritum trahere brutorum instar, sed ex virtute vivere, quam vitam virtuosam perdit, qui peccat: at qui moritur, vitam tantum perdit animalem; at vita virtuosa est majus bonum quam vita animalis: Ergo, qui peccat, quandoquidem amittit vitam virtuosam, plus perdit, quam qui moritur, quandoquidem tantum amittit vitam animalem.

X. 2. *Id, quod toti conducit civitati, potius est eligendum quam quod nemini conducit. At aliquod est peccatum, quod toti conducit civitati, quod si non faciat quis, nemini prodest; V. C. si quis, inquit Græcus Arist. Eth. interpret. Eustratus, si quis, diffidit ac periculo tempore, stupri consuetudinem habeat cum uxore Tyranni, ad ejus arcem consilia deprehendenda, quibus conatur evertende. Resp. ut eam servet, tali libidine se contaminat, is, si id non faciat, nemini prodest, si facit, Remp. servat. E. Hac turpitudine potius est eligenda quam honestas opposita. Resp. Non sunt facienda mala, ut eveniat bonum: non est committendum malum turpe seu culpæ, ut evitetur triste seu poenæ. Et ad majorem Resp. id quod toti civitati est utile, potius est eligendum quam quod nulli prodest: limbo, si cum honestate pugnat, eligi non debet, etsi toti civitati sit utile: ideoque ista stupri consuetudo cum uxore Tyranni, tanquam inhonesta & injusta, ad Remp. servandam, eligi non debet.*

XI. Sed & objectiones quedam considerandæ veniunt, atque expendendæ, circa actiones mixtas, quas magis tamen spontaneas quam invitatas asseruimus esse *Coll. Eth. Diss. de Actionibus mixtis*: imo, licet absque circumstantiis moralibus ac singularibus spectatæ sint invitæ, cum iis tamen consideratæ, debent simpliciter dici spontaneæ. Tales autem sunt, quæ proficiuntur ex ira, cupiditate, alioque affectu simili ac vehementi. Contra sic potest objici. 1. *Hud non est spontaneum, quod proficitur à principio non spontaneo; at actiones ex ira &c. Ergo probi minor auctoritate Arist. qui dicit Eth. 2. Irascimur quidem & timeamus, non*

*sponte.* Resp. ad minorem: principium actionis ex cupiditate &c. proficiscens, primum ac principale non tam est cupiditas &c. quam voluntas agentis. *Ad testim. Arist. cum dixit, irascimur quidem & timemus non sponte,* eo non voluit significatum, istorum affectuum moderamen ac regimen, non esse voluntati subiectum: nam contrarium docet diserte lib. 3. Sed vero, ipsorum extirpationem non esse in totum nostræ aut voluntatis aut potestatis: hoc ergo voluit, simpliciter irasci aut timere, nostræ voluntatis non est, quia perturbationes & affectus animi penitus extirpare non possumus, & sic sæpe non sponte irascimur aut timemus, sed moderate, vel immoderate, irasci, aut timere, aut cupere, est nostræ, & potestatis, & voluntatis.

XII. *Quæ non fiunt per voluntatem, non sunt spontanea, sed quæ per iram &c. fiunt.* Ergo. Resp. quæ per iram fiunt, omnino fiunt per Voluntatem, tanquam causam primariam, cui affectus subsunt, si non despotico imperio, saltem politico: itaque male colligitur, non esse Voluntarias actiones, quæ à Voluntate tanquam domina imperante proficiscuntur.

XIII. *Quæ interdum fiunt contra Voluntatem, non sunt Spontanea: sed actiones ex ira, aliisve affectibus, profectæ, interdum &c.* Ergo. V. C. in incontinentibus, qui volunt sese abstrahere ab impetu perturbationis, qui volunt affectum superare, & tamen non possunt. Resp. Appetitus Sensitivus, affectuum, & perturbationum sedes, ita resistit voluntati, ut cum ejus totam vim frangere non possit, si voluntas tota vi quam habet, adeoque omni conatu, affectus ac perturbationes coercere velit ac instituat. At si voluntas eas vires non adhibeat, quas adhibere potest, vincitur ab appetitu, quemadmodum cernimus in incontinentibus, quorum voluntas imbecillis est & infirma, nec satis idonea aut efficax, ad resistendum: Hinc tamen non sequitur, affectus esse ita contrarios voluntati, ut cum actu voluntatis esse non possint, sed plane contraeam sint: nam voluntas, aut prorsus obstitit, aut obstitit ex parte, aut omnino non obstitit, & causa tamen dicitur actionis ex affectu aut perturbatione animi profectæ, sicut dicitur causa submersionis navis gubernator, qui navis gubernationem ac clavum deseruit.

## EXERCITATIONUM ETHICARUM VIGESIMA-TERTIA,

D E

# Bono & Malo in genere.

T H E S I S I.

**D**UO assignavimus *Disputatione præcedenti* actionum, quibus summum acquiritur Bonum, attributa generalia: diximus enim *Thef. 1.* in actionibus istis requiri, &, ut sint bonæ, &, ut sint spontaneæ. Cum verò bonitas, & opposita ei malitia, actioni conveniat, quia spontanea est, prius de spontaneo, quæstiones movimus *Disp. 22.* atque de ei opposito, invito, & de actionibus

*mixtis.* Jam nunc Boni rationem exposituri, pariter quoque, quid sit Malum, ei oppositum, explicamus: contraria enim juxta se posita magis elucescunt. Ut verò & breviter & perspicue de bonitate & malitia morali actionum humanarum differamus, certa quædam assignabimus *Exercitationis* hujus ac *futurarum* capita: materia enim hæc dignissima est, quæ serio & diligenter enucleetur: primo

primo in genere quædam dicemus de Bono & Malo; quod faciemus hac Exercitatione vigesima tertia: deinde quid sit Bonitas & Malitia Moralis, unde sumatur, & quæcunque de ea dici solent ac disputari ab Ethicis & Scholasticis, indagabimus: tantò magis ac diligentius, quia id non est præstitum in Collegio Ethico. Nunc à primo exorſi, de Bono & Malo in genere nonnulla differemus.

II. Bonum dicitur, quasi duonum, ut bellum, quasi duellum: describitur in genere esse, attributum entis, quo est conveniens alteri, vel quo convenit voluntati saltem divinæ; quod bonum dicitur transcendente, essentiale, substantiale, reale, fundamentale, & competitenti in quantum ens est: unde illa axiomata: omne ens est bonum, & omne bonum est ens: hæc latissima est significatio Boni, & in hac significatione rectius describitur, quod enti, vel alteri, vel sibi, convenit, sub ratione, vel finis, vel medii. Nos, quia Exercitationes conscribimus Ethicas, bonum cum Aristotele Ethic. lib. 1. c. 1. describimus, quod omnia appetunt: atque hanc descriptionem breviter explicabimus.

III. Duæ sunt voces in hac definitione; (omnia) & (appetunt.) Appetitus, in communi, nihil est aliud, quam inclinatio rei, in id, quod ipsi est conveniens. Sumitur, vel in actu primo, vel in actu secundo: in actu primo, est ipsa appetendi facultas, vel rationalis, ut in homine; vel sensitiva, ut in homine & bruto: appetitus in actu secundo, est actualis propensio rei, ad aliquid, à quo perficitur: hic appetitus duplex ponitur vulgò, innatus & elicitus: innatus, quem ipsa natura indidit, qualis vulgò tribuitur materiæ primæ: elicitus, qui non à natura, sed à cognitione est, vel sensus, vel rationis. Cum bonum describitur ab Aristotele, quod omnia appetunt, intelligitur, vel innatus, vel elicitus, appetitus. Vox (omnia) sumi potest, vel copulativè, vel disjunctivè; si copulativè sumatur, hic erit sensus; bonum est, quod, & ab his, & ab aliis, & à cæteris omnibus, simul, appetitur: si disjunctivè sumatur, hic erit sensus; bonum est, quod, vel ab hac, vel ab alia re, & sic ab omni, appetitur.

IV. Hæc boni descriptio ab Aristotele alla-

ta, & nunc explicata, non est omnimodò perfecta, nec essentialis: nam essentia boni consistit in eo, quod primum occurrit in bono: sed, appeti, vel, esse appetibile, non est id quod primum occurrit in bono. E. Prob. Minor, quia ratio boni est aliquid internum rei bonæ, cum tamen hæc appetibilitas sit externa quædam denominatio petita ab appetendi facultate: præterea, appetibilitas supponit in bono convenientiam: idcirco enim v. c. frigus est ab aqua appetibile, quia est ei conveniens.

V. Boni varix possunt institui divisiones. Est verò primo, vel verum, vel apparens: verum, est illud bonum, cui inest illa bonitas, quæ videtur inesse: dicitur bonum existens & secundum veritatem: apparens bonum est, cui verè non inest illa bonitas, quæ videtur inesse, quod sub specie ementia boni sese offert appetitui. Secundò bonum est, vel per essentiam, quod independentè ab alio possidet omne genus perfectionis, qualis est solus Deus: vel per participationem, quod à summo bono participat aliquod genus perfectionis, quales sunt omnes creaturæ, quæ tantò habent plus bonitatis, quantò plus de summo illo bono participant. 3. Bonum, aliud est, per se, aliud, per accidens: per se, quod absolute & simpliciter tale est; ut, pietas, sinceritas, &c. per accidens, quod certo respectu est bonum; ita membrum rescare, quando illud gangrena invasit, bonum est, ne pars sincera trahatur. 4. Bonum est utile, jucundum, honestum: utile, quod ad alicujus finis consecutionem est opportunum, quod non tam propter se, quam quia usum habet, expetitur: hæc bonitas est propria mediorum; sic potio medica est bona ad sanitatem. Bonum jucundum est, in quo, tanquam termino, desiderium acquiescit, quod sui fruitione delectationem parit in appetitu. Bonum honestum est, quod secundum rectam rationem est appetibile: atque hoc bonum duplicem involvit relationem: unam primariò; alteram secundariò: relatio conformitatis ad rectam rationem primariò & per se convenit honesto; sed eidem convenit secundariò alia relatio ad honorem, quæ est sita in eo, quod bonum honestum,



nestum, quatenus honestum est, honore dignum sit, ratione suæ perfectionis eximie. Hæc autem divisio boni, in *utile*, *jucundum*, *honestum*, tantum est penes diversas formalitates, id est, secundum diversos respectus ad varios terminos: nam actus virtutis consummatæ, est simul, & honestus, utilis, & jucundus: *utilis*, in quantum est medium conducibile ad beatitudinem supernaturalem; *honestus*, in quantum est conformis rectæ rationi, & honore dignus; *jucundus*, in quantum à virtute consummata procedit cum voluptate. Denique *bonum* est, vel *naturale*, vel *morale*. *Naturale* est, cujuslibet rei perfectio, rem quamlibet naturaliter perficiens, sic, calor est bonus igni, malus aquæ. Bonum *morale* est, quod ab agente libero est appetibile secundum rectam rationem: tales sunt *virtutis actus*: Alii describunt bonum *morale*, esse rectitudinem, quæ in moribus requiritur, estque conformitas, animi, ejusque facultatum, & operationum, cum voluntate Dei, id est, cum lege naturæ & divina. Atque hæc divisio boni, in *naturale*, & *morale*, propriè huc spectat ad nostrum institutum: quare ea omnium maximè teneri debet.

VI. Notandum verò est, *in naturale* hic accipi latè, quando bonum dicitur *naturale*, prout significat omne id, quod præcisè habet ordinem ad essentiam subiecti, cui inest; vel prout significat omne id, cujus finis est simpliciter complementum essentiae, sive sit in rebus corporeis, quæ propriè dicuntur res naturales: sive in incorporeis reperiatur, quæ licet propriè non sint res naturales (hoc enim nomine vulgò tantum veniunt corpora naturalia) quodcumque tamen earum complet ac perficit essentiam, bonum dicitur *naturale*: nihil etiam refert, sive bonum naturale ex ipsa rei naturæ emergat, sive ei aliunde ingeneretur, infundatur, accedat, modo perficiat naturam, hæctenus naturale est. Sic & *morale* vocatur omne id, quod ordinem habet ad aliquid extra rem, cui inest, id est, ut clarius loquar, quod habet conformitatem cum voluntate Dei revelata, cum ejus lege; sive ista conformitas oriatur à naturæ principiis, sive aliunde atque extrinsecus subiecto accedat. Ab utroque hoc

bono, & *naturali*, & *morali*, diversum est *supernaturale*, quia utrumque illud sola natura, ejusque viribus naturalibus, parari potest, hoc non potest: potest tamen *supernaturale* bonum dici & *naturale*, in quantum naturam hominis aut angeli perficit, cui accedit; & *morale*, in quantum semper est conforme voluntati, & legi divinæ. Sed nos, misso *supernaturali* bono, quod est *Theologorum*, misso & *naturali*, quod est *Physicorum*, de solo *morali* bono in posterum philosophabimur: sed prius de malo quoque in genere quædam inquiremus.

VII. *Malum* in genere, non est entis affectio, ut bonum, sed est *privatio* alicujus boni, quod entì inesse debebat aut poterat: itaque *malum*, non est ens, sed *non ens*, non dicit, esse reale aut positivum, sed, esse realis & positivi absentiam ac negationem. Verum, cum non ens vulgo triplex statuatur, *non ens negativum*, *privativum*, & *ens rationis*; *malum* est *non ens privativum*: non enim est *non ens negativum*: sic enim planè nihil foret, ac non esset: at *malum* suo modo est in rebus; & utinam non esset! quam multo foret beatorum hominis status! Non est *malum*, *ens rationis*, quia tum esset tantum per mentis operationem: at hoc est falsum: ergo. Restat, ut sit *non ens privativum*; notat enim defectum alicujus, five entitatis, five bonitatis, in rebus: itaque verè *malum* inest rebus, quo pacto privationes insunt subiectis, sed suo modo, non quo modo res verè aut entia realia sunt in rebus: *in esse alicui*, vel *esse in rebus*, dicitur *dupliciter*: uno modo, cum entitatem denotamus alicujus rei, quæ inest; alio modo, prout intelligimus veritatem propositionis: *malum* & *privationes* dicuntur esse in rebus posteriori modo: non quod verum & reale esse habeant, sed quod verè subiectis competant circa mentis operationem.

VIII. *Malum*, quia oppositum est bono, significat, ens esse *disconveniens*, & *aversabile*: quæ *aversabilitas* fundatur in *inconvenientia*, quia dicit *malum*; sicut *appetibilitas* fundatur in *convenientia*, quia dicit bonum: opponitur vero bonum malo, & *malum* bono, privativè: ut convenientia rei cum alia



eam facit bonam, ita privatio istius convenientiæ cum alia, eam facit malam.

IX. Variis quoque modis *malum* dividi potest. 1. Est *malum*, vel *verum*, quod reverà tale est, ut, *peccatum*: vel *apparens*, quod cum non sit tale, esse tantum videtur tale, ut, *puero frequentare scholam*. 2. *Bonum* dividebatur, in, per essentiam tale, & tale per participationem: sic *malum* dividi nequit, quia *malum*, per essentiam, tale nullum est. 3. *Malum*, aliud est *per se*, aliud *per accidens*: *per se*, quod simpliciter, absolute, & in se, est tale, ut, *vitium*: *per accidens*, quod secundum quid in certo respectu est *malum*: dicitur hoc, *malum alicui*; ita, quod *huic venenum* est, & *malum*, alteri sub alio climate, *non erit*. 4. *Malum* est *inutile*, *inhonestum*, *injunctum*; hæc divisio ex contraria divisione boni satis est nota. 5. *Malum* est, vel *naturale*, vel *morale*: *malum naturale* est privatio rei vel perfectionis, quæ naturam perficit, eique debetur: tale *malum* est *claudicare*. *Malum morale* est privatio boni, quod homini conveniebat secundum rectam rationem, est privatio conformitatis cum lege naturæ ac divina, ut est, *peccatum*: vocatur *malum* & *bonum morale*, à more seu consuetudine, quia scilicet ejusmodi actionibus solemus adflescere pro arbitratu nostro alicui generi operis.

X. Sed comparemus nonnihil, *bonum*, & *naturale*, & *morale*, inter sese; item, *malum utriusque generis*: hæc enim ad nostrum institutum, & ad naturam utriusque manifestandam, maxime faciunt: potest aliquid bonum esse *naturale*, quod non est *bonum morale*; & contrà: pessimum, v. c. nebuloso potest excellere, ingenio, pulchritudine, robore, &c. potest esse instructissimum bonis naturalibus, & orbis bonis moralibus; contrà, vir optimus omniumque bonorum *moralium* cumulo instructus, potest aliquibus bonis naturalibus carere; imò, utrumque & *bonum naturale*, & *morale*, potest separari à bono transcendentali: ut, si quis, bonis & naturalibus & moralibus omnibus destitutus sit, bonitatem tamen transcendentelem servat, quia ens manet: similiter, & *malum morale*, ac *naturale*, à sese invicem discriminantur. Malus quis po-

test dici moraliter, ratione corruptiorum morum, in quo tamen multa sint bona nature: & contrà, in alio reperias multas animi virtutes, & moralia bona, in quo tamen reperiantur etiam nature mala, paupertas, mutilatio, &c. denique potest quid esse *malum* & ratione corruptionis, seu privationis boni naturalis, & ratione defectus moralis, quod tamen non est *malum* transcendentaliter, quatenus habet esse reale: nam *malum* transcendentele nullum est. Hæc in genere quidem de Bono & Malo, quoad definitiones, & divisiones, & utriusque inter sese comparationes, à Philosophis distincte solent.

XI. Hic unum restat monendum. Cum de Bono *Moralis*, & *Malis* philosophabimur, intelligimus, utrumque id convenire actionibus humanis: bonis enim actionibus, summum bonum acquiritur, malis amittitur: unde, *actionem humanam*, dicimus vulgò considerari, vel in genere *naturæ*, ut est actio & motus *Physicus*; vel in genere *moris*, ut est bona, vel mala moraliter: neque tamen sola actio dicitur *moralis*, sed & quicquid in actione consideratur, obiectum, circumstantia, &c. solet dici *Morale*, prout nimirum habet respectum ad voluntatem & rationem: itaque, vocabulum hoc, in *moralis*, analogum, est cum tribuitur, & actioni bonæ vel malæ, & aliis ad actionem pertinentibus: nam primò & per se, competit actioni: secundariò, his, quæ ad actionem pertinent, propter respectum, quem habent ad actiones: ac potest in *moralis*, etiam tribui, supernaturalibus actionibus, ut dictum est *Thef.* 6. quatenus illæ sunt rationi rectæ conformes, & in quantum sunt actiones hominis, ratione & voluntate utentis: sed usus jam ferè obtinuit, ut illæ dicantur actiones dicantur *moralis*, quæ solis nature viribus exerceri possunt, & conformari rationi rectæ, ac legi naturali: supernaturales sint, quæ ab altiori principio, à natura distincto, ab auxilio gratiæ proveniunt: & sic, actio *supernaturalis* à *moralis* distinguitur: & sic nos de *moralis* actione, ut à *supernaturali* & *naturali* est distincta, porro philosophabimur, ac sequenti Exercitatione, in specie, actionis, moraliter, vel bonæ, vel malæ, naturam, excutiemus.

# Bonitate, & Malitia Morali.

## T H E S I S I.

**D**isputavimus *Exercitatione precedenti* 23. de Bono & Malo in genere, nunc in specie philosophandum nobis est, de Bonitate, & Malitia Morali, prout ea invenitur in actionibus humanis, ac videndum, quid sit Bonitas, quid Malitia moralis, unde utraque derivetur; Et multa alia hic sese offerent considerata dignissima.

II. Bonitas moralis, actionis humanæ, in eo est sita, ut nulla perfectio desit actioni, quam debeat homo in illa habere, quatenus ratione, & voluntate, utitur, in agendo hanc aut illam rem, atque ut actio sit prorsus consentanea rectæ rationi; quemadmodum naturalis bonitas in eo consistit, ut nihil desit rei, quoad naturam, & naturalem perfectionem. Ex opposito, Malitia Moralis consistit in eo, ut desit actioni aliqua perfectio debita, quatenus homo agit ex ratione, & voluntate, & ut actio sit dissentanea rectæ rationi: Alii Bonitatem Moralem describunt, per ordinem & convenientiam cum lege naturæ: Malitiam moralem, per discrepantiam à lege naturæ; Potest utraque descriptio conjungi: Et Bonum Morale, tale dici, quod congruit cum recta ratione, & lege naturæ: Malum morale, quod à recta ratione, & lege naturæ discrepat: Atque in hac, vel conformitate cum lege naturæ, & recta ratione, vel disformitate ab iisdem, omnis ratio, natura, essentia, boni, & mali moralis, consistit. Quemadmodum vero bonitas moralis consistit, in convenientia, malitia, in inconvenientia cum recta ratione & lege naturæ, ita in iisdem consistit perfectio, & imperfectio moralis actionum humanarum: Quo enim quid magis est congruum rationi rectæ, & legi naturæ, eo est

perfectius in genere moris: Et, quo aliquid est iis minus congruum, eo est imperfectius in genere moris. Bonum est, V. C. misereri sui proximi, eique condolare: Sed melius est, ejus ærumnas sublevare aliqua elemosyna: causa autem, cur datio Elemosynæ sit perfectior, ac melior nuda commiseratione, est, quia in exhibitione beneficii est major convenientia cum recta ratione, & lege naturæ, quam in nuda condolentia.

III. Cæterum querunt hic Ethici: Unde derivetur ac deducatur bonitas & perfectio moralis, in actionibus humanis? Resp. ab objecto, à fine, à circumstantiis: Ac primo, magnum habet pondus ac momentum, in conferenda actioni bonitate, ac perfectione morali, objectum: Sicut enim in rebus naturalibus speciem dat forma, ita in moralibus id præstat objectum. Sed, & finis, & circumstantiarum ratio, plurimum hic conferunt: & potest sæpe, quod bonum est ex objecto, malum fieri propter finem, & quod bonum est ex objecto, & fine, potest malum reddi, propter circumstantiam aliquam; V. C. periculum vitæ ac capitis adire, in bello licito & honesto, bonum est ex parte objecti, si tamen id fiat, inanis gloriæ, vel auræ popularis, captandæ, gratiæ, malum est, ex parte finis: Præterea, idem periculum subire, patriæ & religionis defendendæ, causâ, bonum est, & ratione objecti, & ratione finis, si tamen id fiat temerè, tempore, loco, & auxiliis minimè opportunis, malum evadit propter circumstantias: Sic eadem circumstantiæ bonum, & malum non tantum faciunt in actionibus, sed valdè insuper bonitatem & malitiam augent, vel minuunt: sed hæc omnia paulò fusius mentur

rehtur explicari; & videndum, *quomodo ab hisce tribus, objecto, fine, ac circumstantiis, actiones humane, suam bonitatem, vel malitiam, accipiant.*

IV. Res comperta est apud omnes, *primam ac præcipuam bonitatem actionis moralis, desumi ab objecto*: Nam, ut statim dicere coeperam; sicut se habet res naturalis ad suam formam, ita se habet actio moralis ad suum objectum: Sed res naturalis primam ac præcipuam bonitatem naturalem accipit à formâ. Ergo & actio primam ac præcipuam suam bonitatem moralem accipiet, ex *objecto*. Velle fidem habere iis, quæ à Deo sunt prædicta, est bonum, quia ipsa fides habita Deo dicenti, est bona. Item, velle, Deum colere, revereri, amare, est bonum, quia cultus, reverentia, amor in Deum, est bonus: Rursus, cultus, reverentia, amor in Deum, est bonus, quia Deus, cultu, reverentia, amore, est dignus: Sic velle mendacium, furtum, homicidium, est actus malus, ratione objecti. Et, huiusmodi bonitas vel malitia, quæ ab objecto derivatur in actum, est omnium prima, ac maximè principalis: Sed & à *fine* deducitur actionis humane malitia ac bonitas; ac præsertim actio externa, bonitatem suam ac malitiam moralem, sumit à fine, quem sibi voluntas præstituit. V. C. Si Petrus Paulum occidat, ut omnia ejus bona surripiat, actus ejusmodi primam suam malitiam habet ex *objecto*, & hac ratione est homicidium: Sed, *fine* speciato, qui est, furari bona Pauli, quem sibi præstituit Petrus in occidendo Paulo, idem actus, furti speciem, naturamque, induit: Quod si actus exterior ratione suæ objectæ materiæ, in quâ versatur, sit medius & indifferens, totam suam bonitatem vel malitiam derivat à fine.

V. Controversia hic moveri solet. *An finis, velatus ad internum actum voluntatis, tribuat ei primam bonitatem vel malitiam, an vero secundam tantum? Nam finis, si ad internum voluntatis actum referatur, est proprium ejus objectum: Ergo, bonitas vel malitia moralis, à fine desumta, in actibus voluntatis internis, est prima, tanquam ab objecto proprio derivata.* Resp. Actus voluntatis est, vel intentio, vel

electio. Si sit intentio, tunc, bonitas vel malitia, à fine deducta, est & prima, & tota, quia finis, est proprium objectum intentionis, Ergo, bonitas vel pravitas orta & profecta ex fine, descendit ab objecto, & ideo est prima: At vero si actus internus, voluntatis, sit electio, bonitas vel malitia desumta à fine, nec est prima, nec tota, sed secunda, quia objectum electionis, non est finis, sed id, quod est utile ad finem; Ergo, electio à suo proprio objecto primam accipit bonitatem, secundam à fine. V. C. Petrus respiciens, ut finem sibi propositum, charitatem in Deum, eligit largitionem eleemosynæ, in usum & sublevamen pauperis, tunc intentio, ex objecto, est actus charitatis, in quo actu Deus est finis & objectum; Electio vero, ex objecto proprio, est actus misericordie; Et, hæc est prima bonitas in electione, quâ Petrus, vult, & eligit eleemosynam; Ex fine vero constituto, est actus charitatis, quæ est secunda bonitas, nata ex fine, tanquam ex circumstantiâ electionis, non autem tanquam ex objecto. Quando vero id, quod eligitur ad finem consequendum, per se bonum non est, tunc electio totam suam bonitatem ex fine habet: Ut, cum ægrotus sumit potionem amaram. Quod vero attinet actum externum voluntatis, aut in eo nulla est pravitas vel bonitas moralis, quia est actus medius & indifferens per se, & bonitatem suam aut malitiam derivat à fine, aut est in eo bonitas vel malitia, ex objecto proprio, & propriâ materiâ, in quâ versatur, & hæc est prima bonitas actus exterioris; altera vero ex fine proficiens, semper est secunda: pariter dicendum est de malitia.

VI. Sed præter *finem & objectum*, etiam *circumstantiæ* largiuntur actioni, quandam, vel bonitatem, vel malitiam: Nam de *Bonitate & Malitiâ Morali actus humani*, judicandum est, sicut de bonitate & malitia aliarum rerum: Sed hæc existit, non tantum ex rei essentia, sed & ex accidentibus; Ergo bonitas ac malitia moralis existit quoque ex circumstantiis, quæ sunt veluti accidentia actus humani: Intelligimus autem *circumstantias, morales*, quæ sc. habent ordinem ad voluntatem

tem in rebus humanis, ut pertineant ad hominem, quatenus ei est propositus finis ultimus; ac proinde tales intelligimus circumstantias, quæ profint vel obfunt homini, ad beatitudinem supremam, summumque bonum. *Circumstantiæ* istæ, vulgò comprehenduntur hoc versiculo. *Quis, quid, ubi, quibus auxiliis, cur, quomodo, quando.* Hæ circumstantiæ bonitatem dant vel malitiam actionibus humanis, prout convenerint vel repugnaverint rectæ rationi, & legi naturæ.

VII. Quæstio hic disputari solet: *An actus possit esse in genere moris, qui sit indifferens, nec bonus, nec malus, nec rationi rectæ aut legi naturæ consentaneus, nec dissensitaneus?* Atque de actu singulari est quæstio, qui in individuo spectetur, & ut distinctus numero, ab actibus aliis. Diversum hic inter se sentiunt Scholastici *Aquinas*, & omnes *Thomistæ* statuunt, nullum actum singularem posse esse mediam & indifferentem, sed omnem, vel bonum esse, vel malum. Ex probant: Quia, quodcunque facimus, vel secundum rectam rationem id facimus, vel non secundum eam. Si secundum rationem rectam quippiam agimus, actus est bonus: Si non secundum eam agimus, actus est malus. Deinde, si actus essent singulares, mediæ naturæ, & nec boni, nec mali, sed ad utrumvis indifferentes, potest ex ipsis sæpe repetitis, gigni habitum indifferens: Sed hoc est absurdum, ut dicamus, habitum esse indifferentem. Ergo, & absurdum est, actus tales dari. *Scotus* tamen, & *Scotistæ* planè sentiunt contrarium; & probant dari posse actus indifferentes singulares, nec bonos, nec malos. Potest quis, sterviente frigore, confricare manus, ut frigus naturæ contrarium depellat, obolum naturæ commodum: Potest quis nasum purgare, ut se levet molestia; Potest quis deambulare, auribus aëre, res rusticas invisere, resciendi animi causâ: Qui actus omnes singulares, sunt indifferentes, nec boni, nec mali moraliter. Nos, distinctè, & in specie ad hanc quæstionem respondendum censuimus, non in genere.

VIII. Dicimus ergo primò, *actus, omnis rationis deliberatione vacantes, nec bonos esse nec malos, moraliter*: Ut, si quis ex solâ ima-

ginatione, non animadvertens, fricat barbam: Tales enim actiones extra genus moris sunt: Genus moris, & actio in genere moris, sive moralis, dicit respectum quandam ad rationem deliberatam, quæ hic non est: Quare de hisce actionibus non est quæstio. Secundò, dubitari nequit, *quin bonus sit actus, quo quidpiam facimus ad tuendam ac conservandam vitam nostram, aut aliorum.* Quia, vitam tuam, est recte rationi consentaneum, & nos ad id propensos naturâ creavit naturæ author, Deus. Tertiò dubitari nequit, *quin actus sit malus, qui otiose fit, id est, qui necessitate, vel utilitate caret debitâ.* Tota igitur controversia in eo sita est, an actus ex rationis deliberatione facti, ad recreandam solummodo naturam, sine ulla, vel necessitate, vel utilitate debitâ, sint actus indifferentes? Nam, si fiant ob utilitatem debitam, vel necessitatem, sive nostram, sive aliorum, tunc actus sunt boni, quia recte rationi, & legi naturæ conveniunt: Sed verò, si sine ulla, vel necessitate, vel debita utilitate, instituantur deliberato animo, solius oblationis ergo: Quæritur, an illi sint, vel boni vel mali, an vero indifferentes, nec mali, nec boni? Prius voluit *Thomistæ*, posterius *Scotistæ*.

IX. Nos cum *Thomistis* facimus, ac dicimus, *omnem omnino actum, procedentem à ratione deliberatâ, in individuo, esse, vel bonum, vel malum*: Et sic probamus. Necessè est, ut omnis talis actus deliberatus, habeat rectum finem, & omnes alias circumstantias debitas, vel ut careat recto fine, vel aliquâ circumstantiâ debitâ. Si prius, est bonus moraliter: Si posterius, est malus moraliter. Quod attinet ad exempla actionum, in contrarium allata, ad ea dicimus in genere, actum omnem bonum esse, quo fit aliquid, ut naturæ utile ac salutare: Bonum enim est, respondere ac dedinare, quæ sunt naturæ adversa, sequi & amplecti, quæ sunt naturæ grata & jucunda: In specie, confricare manus, ut frigus, naturæ inimicum, pellatur: aut, nasum purgare, ut recreetur, & reficiatur corpus, boni sunt actus, ob utilitatem, & commodum, & ob bonum finem, instituti: Longè verò dispar ratio est actuum, quando non in individuo, sed

secum-

*secundum speciem suam, spectantur: De iis plane contrarium est statuendum, dicendumque, actiones humanas quasdam, secundum rationem suam specificam, nec bonas esse, nec malas, moraliter, sed posse esse indifferentes, & probamus. Actus tales sunt secundum speciem, quales sunt ex suo objecto: At, quidam actus sunt indifferentes ex objecto. Ergo, quidam actus sunt indifferentes secundum speciem:*

Major probatur: Quia ex objecto sumitur species. Minor probatur: Nam objecta quorundam actuum sunt talia, ut nullum habeant ordinem ad rationem rectam, aut naturæ legem, &c, nec convenient, nec repugnent ei: Ac proinde nec bonitatem præbent actui, nec malitiam. Concludimus ergo, *actus secundum speciem, posse esse indifferentes, non item in individuo.*

## EXERCITATIONUM ETHICARUM VIGESIMA-QUINTA,

*Quæ est prima,*

DE

# VIRTUTE MORALI.

### THESIS I.

**D**E Bonitate & Malitiâ morali, actum est *Exercit. præcedent.* Actionibus moraliter bonis acquiritur *Virtus Moralis.* Eam *Coll. Ethic. Disp. 16. 17. 18.* exposuimus *γεννησιγενής*, nunc *ἀναγκαῖον* est instituenda: & discutienda veniunt, quæ contra explanationem à nobis factam objici possunt. Posuimus *Disp. 16. Th. 2. genus virtutis moralis esse habitum.* Multa possunt objici contra hoc virtutis genus.

II. §. 1. *Principium operationis in alio est potentia: At virtus est principium operationis in alio: Ergo. v. c. Fortitudo est potentia aggrediendi pericula.* Resp. ad Maj. *Disp.* Principium operationis primum & proprium est potentia: at virtus est principium operationis primum & proprium. *Neg. min.* Sed secundarium tantum est, & improprium principium: nempe, quod quis operetur, est à potentia; quod bene vel malè, facilè vel difficulter, est ab habitu. Virtus igitur, non est principium operandi simpliciter: hoc enim est potentia: sed virtus, est principium talis ut talis operationis, est principium qualitatibus in operatione.

III. §. 2. *Nulla relatio est habitus. Omnis virtus est relatio: E. Resp.* Virtutem non esse formaliter relationem, licet relationem consignificet, aut comitem habeat, v. c. sanitas conjuncta est necessàriò cum relatione, quam habet ad humores sibi invicem respondententes; & pulchritudo conjuncta est cum relatione ad partes, ac colores, quorum est proportio; & robur conjunctum est cum relatione ad membra, nervos, ossa, &c. Nihil tamen istorum propriè est relatio: sic virtus conjuncta est cum relatione ad affectus & rectam rationem, non tamen formaliter est relatio.

IV. §. 3. *In definitione assumendum est genus proximum. Verum habitus non est genus proximum virtutis moralis, sed virtus. Ergo.* Resp. 1. habitus per synecdochen generis sumitur pro virtute. 2. non est omnis hic *ἀνέλεστος* & curiositas superflua, nimis anxie querenda, in definitione hac, ad normas & leges perfectæ definitionis exigenda. Virtutem five dixeris pro genere five habitum, verbo aliud, re tamen, idem dixeris.

V. §. 4. *Res non est definienda ex accidenti.*

Vvv

Esse



*Esse habitum, est virtutis accedens: nec enim perpetuum est de virtute, quod si habitus, in multis tantum est dispositio.* Resp. Definimus virtutem, ut perfecta est, & in idea sua: definitio enim de ideis, seu perfectione, i. e. de rebus in idea & secundum perfectionem spectatis, instituitur. At, esse habitum, est perpetuum de virtute, in idea & secundum perfectionem, spectata: loquimur & philosophamur de virtute, quæ quidem est in subiecto, homine (nam Deo virtus tribuitur *ἀνθρώποις*) non tamen quatenus est in subiecto, homine; sic enim sæpe tantum est dispositio. Ideoque virtutem, in quantum est levis tantum quamdam dispositio, Aristoteles definitam non voluit: quia sic non est secundum suam perfectionem; sed secundum suam imperfectionem. At definitio est de re, secundum suam perfectionem spectata.

VI. §. 5. *Qui per omnem vitam castus fuit, & semel committit adulterium, is, ex intemperantia vitio, labitur, & tamen habitus in eo non est. E. non omne vitium est habitus. Hinc ab opposito; E. nec omnis virtus est habitus.* Resp. Vitium vel significat actum, vel habitum: talis unus actus intemperantiae est vitium, non ut habitus; concedimus, sed ut actus: & ille proficiscitur non ab habitu vitioso; una enim actio vitiosa non potest gignere habitum vitiosum, sed proficiscitur a perturbatione, aut affectu aliquo vehementiori, rationem & voluntatem abripiente.

VII. §. 6. *Continentia non est habitus. Continentia est virtus. E. quædam virtus non est habitus.* Resp. neg. min. Continentia est semivirtus, non virtus perfecta, differentia enim inter temperantiam & continentiam hæc est: quod temperantia omnes cupiditates habeat subactas, ac facile sine molestia à voluptatibus abstineat, quia virtus est: at continentia non item, quia non virtus, sed semivirtus est.

VIII. A genere virtutis moralis, ad ejus transitur formam vel differentiam, quam Th. 3. Disp. 16. Coll. Eth. posuimus, in mediocritate; qua voce indicari significavimus, virtutem esse medium negationis inter excessum & defectum, inter duo extrema vitia, & sic, eam esse sitam in mediocritate

affectuum & actionum. Verum, quia gravis hæc est, & perdifficilis, & à multis seculis antiquissima, & ab Aristotelis interpretibus, ferventissimo zelo agitata, quaestio, *An virtus moralis vere consistat in medio inter excessum & defectum? An vere dicatur forma virtutis esse mediocritas?* placet eam nonnihil uberius pertractare. Sententiam, loco citato, explicatam, prius confirmabo; mox argumenta in contrarium refutabo.

IX. *Formalem rationem virtutis moralis consistere in mediocritate*, sic probat *Aristoteles 2. Eth. cap. 5. §. 1.* Cum omnium rerum tam naturalium, quam artificialium perfectio & bonitas ex mediocritate existimetur ac censeatur, virtutis quoque natura & perfectio ex mediocritate mensuranda est: virtus enim non modo aequat bonitatem suam naturalem & artificialem, sed multum etiam eas superat: demonstrat hoc virtutis constantia & firmitas, quæ cunctis praestat rebus: confirmat hoc, virtutis maxima bonitas, quæ ita perfectissime bona est, ut nemo ejus bonitate abuti possit, cum res aliæ naturales & artificiales in pessimos usus detorqueri valeant: Atqui rerum omnium, quæ naturalium, quæ artificialium, perfectio, in mediocritate consistit, & res demum illa perfecta est, cui, nec nimium, nec parum; adest, cui nihil addi potest, nihil demum; sic natura, in omnibus inclinationibus ac motibus suis, medii & mediocritatis est amantissima: læditur ipsa, si nimium cibi vel potus ingeratur, vel, si iustum alimentum detrahatur, mediocritatis autem observatione conservatur. Mediocris item motus, corroborat corpus: nimius, id ipsum affligit: nullus, corrumpit: & virtus, in mediocritate, fundata est. Sed speciatim argumentum desumit ab artibus & scientiis *Aristoteles*. Virtus moralis est simillima artis; opus autem artis, tum perfectum censetur atque existimatur, cum ad mediocritatem est perductum, cum neque aliquid necesse est addere, neque aliquid auferre. Igitur & in moralibus debet censi perductum ad absolutam perfectionem opus, cum ad mediocritatem est redactum: Atqui in moralibus tum demum opus absolutum est perfectum.



fectumque, cum virtuti est consentaneum. Præterea, ut se habet scientia & virtus contemplatrix, ita & virtus moralis ac practica: sed illa posita est in medio: E. Probatur min. Posita est in vero; at verum nihil est aliud, quam medium inter duo: mentimur enim per excessum, cum dicimus id rem esse, quod non est, per defectum, cum affirmamus non esse, quod est, inter quæ extrema interjacet verum, i. e. dicere quod res est, & negare quod res non est: virtus E. contemplatrix, quæ versatur in vero, medium obtinet, & in mediocritate consistit. Ergo & in mediocritate consistit virtus moralis.

X. Cum virtus sit, optimum quid ac præstantissimum, & possessores suos reddat beatissimos, in re quoque optima consistit: Atqui optimum in rebus, est mediocritas; nam in eo præcipue omnium actionum & affectuum rectitudo ac laus consistit, ut medium observetur: reliqui enim affectus & actiones, in quibus non attenditur modus ac medium, sed excessus aut defectus dominatur, non laudabiles, sed illaudabiles ac vitiosæ sunt; sic laudabile est, si quis in timendo, & irascendo, & gaudendo, & dolendo, &c. modum non excedat, sed mediâ ingreditur viâ: Illaudabile contrâ est, si quis modum excedat, &, vel in sinistram, vel in dextram partem; aberraret, i. e. in excessum peccet, vel in defectum.

XI. Nunc ad objectiones solvendas me accingam, si in antecessum quædam præmiserò, quæ veluti fundamenta solutionum subterni possunt. Ac primo notandum est, quod virtus, licet sit mediocritas, & medium inter duo vitia extrema, sub alio respectu dici queat extremum, sicut & Pythagoreis ἀκρότης dici solebat: nempe, virtus moralis spectatur, aut secundum suam essentiam, & sic mediocritas est, aut in mediocritate consistit, quia virtus sola medium invenit ac ponit in actionibus & affectibus, aut secundum præstantiam, & hac ratione ἀκρότης, extremitas est ac summum quid. Virtus enim in rebus humanis ex summo bonorum ordine est, locumque excellentissimum inter bona omnia habet, adeoque cætera omnia bona, suâ excedit

præstantiâ. Ergo diversa ratione, virtus, & mediocritas est, & extremitas. 2. notandum est accuratè cum virtus dicitur mediocritas affectuum & actionum, quod quidam affectus tantum, & quædam actiones tantum, sint mediocritatis capaces, alii affectus, & aliæ actiones, non item. Affectus enim (præter de actionibus est philosophandum) vel, quâ affectus sunt simpliciter, vel, quâ morales, spectari possunt. Affectus quidam, simpliciter considerati, qua affectus, possunt, vel boni fieri, vel mali, &, sic mediocritatis sunt capaces: ita dolor & voluptas, amor & fuga, si in se spectentur, mediocritatem recipiunt. At verò, quidam sunt affectus, quorum nomina, non simplices affectus, sed aliquid affectibus superadditum, notant: hi morales dicuntur, quia, in sua natura, bonitatem vel malitiam, includunt, &, propter se, vel laudantur, si boni sint, vel vituperantur, si mali: v. c. timor Dei, pietas in patriam ac parentes, dilectio proximi, studium virtutum, &c. affectus sunt, sed non simplices affectus, qui mediocritatis capaces sunt, verum, qui in se jam legi divinæ ac humanæ, rectæque rationi, sunt consentanei, & in quibus, nec excedendo, nec deficiendo, peccari potest. Contrâ verò, invidia, malevolentia, immisericordia, affectus sunt, sed tales, qui in se, ac sua natura, mali, ideoque mediocritatis non sunt capaces, &, quidquid ab iis committitur, malum est: E. ut summam hæc complectar: virtus est mediocritas affectuum & actionum, non qua bona sunt; bonum enim quo majus, eo melius est; non qua mala sunt; nam & mediocre malum in vitio est, absoluteque boni rationem habere nequit. Sed vero consistit virtus in mediocritate affectuum, qui natura sua sunt ἀδιάφοροι, & moraliter, nec boni, nec mali, quos ad mediocritatem adigit ac redigit.

XII. Nunc objectiones quasdam ordine solvemus. §. 1. *Inter extrema, quæ sunt indeterminata, non potest dari medium: At excessus & defectus in affectibus sunt indeterminati: nam, in infinitum excedi in iis potest, &, in infinitum ab iis defici: E. inter ea non potest dari medium: E. virtus non est medium.* Resp.

major falsa est de medio negationis, vera de medio participationis: At virtus non est medium participationis, sed negationis: At medium negationis non postulat extrema definita ac determinata.

XIII. §. 2. *Extremum non est medium: Virtus est extremum. E. Pr. min. Bonum & malum sunt extrema: Virtus est bonum quid:* E. Resp. 1. quomodo virtus sit extremum, non secundum essentiam, sed secundum præstantiam jam est dictum, & non pugnat, ut sit secundum essentiam, medium, & secundum præstantiam, inter omnia bona, extremum, hoc est summum ac supremum. E. Resp. 2. Virtus comparari potest, & cum malo simpliciter, & cum excessu ac defectu: in comparatione atque oppositione inter bonum & malum virtus habet rationem extremi, in comparatione & oppositione virtutis inter excessum & defectum, virtus habet rationem medii. Resp. 3. Si virtus & extrema referantur ad rectam rationem, virtus habet rationem unius extremi, & virtus habet rationem alterius extremi: Si vero virtus referatur, non ad rationem rectam, normam agendorum, sed ad affectus, qui secundum normam rectæ rationis componi debent, medii rationem tenet, nec aliud est, quam mediocritas, & æqualitas, & medietas, affectuum.

XIV. §. 3. *Si virtus sit medium quid inter duo extrema, erit quid individuum; Sed non est quid individuum: sic enim unus non foret altero quoad virtutem præstantior, aut melior:* Ergo. Resp. major vera est de medio rei: at virtus est medium rationis; & hoc non est individuum, sed admitit suam latitudinem; unde & alius alio quoad virtutem præstantior ac melior esse potest.

XV. §. 4. *Pietas est virtus. Pietas non est mediocritas: E. nemo enim excedere potest modum in pietate.* Resp. Pietas omnino est medium à quo recedi potest, & in defectu, & in excessu: in defectu, extremum pietatis est, contemptus Dei, qui contemptus à medio deficit; in excessu, superstitio & cultus humana autoritate institutus, qui in variis circumstantiis excedit medium.

XVI. §. 5. *Aliquæ sunt virtutes per se tendentes ad summum: E. non existunt in mediocritate: v. c. magnanimitas, magnificentia.* Resp. istæ virtutes objectum habent magnum & summum; in id ipsum tamen tendentes mediocritatem servant: tendunt enim in id, ut oportet; quantum oportet, quando oportet, &c. hinc rectè Aristoteles lib. 4. *Eth. cap. 4.* Magnanimus summus est & extremus, magnitudine; sed modo ac ratione, medius.

XVII. §. 6. *Ab extremo ad extremum non datur transitus nisi per medium. E. si virtus sit medium, non poterit transiri ab uno vitio, in aliud, nisi per virtutem.* Resp. major vera est de motu continuo: transitus vero, qui est ab uno vitio extremo ad aliud, non est continuus: quemadmodum non est continuus ille motus, qui fit in intellectu & voluntate, cum in diversa feruntur.

XVIII. §. 7. *Medium distat equaliter ab extremis. Virtus non. E. Resp. major est vera de medio rei, sed non de medio rationis, quale est virtus: sufficit, si hoc ab extremis codisset modo, qui à ratione præscribitur.*

XIX. §. 8. *Virtus est potentia ultimum, ut loquitur Aristotel. 1. de Celo 116. At ultimum pugnat cum medio: E. Resp. conced. majorem: est enim virtus ultimum in bono atque perfectione: ideoque difficillimum est, virtutem attingere; nam difficillimum est attingere extremum seu supremum. At neg. min. quod, hoc ultimum aut extremum pugnet cum medio: nam ultimum atque extremum inter bona, potest esse in moralibus medium, à ratione & prudentia præscriptum.*

XX. §. 9. *Humilitas Christiana non est medium; quia non potest excedere modum. Ergo, &c. Resp. idem, quod de pietate est dictum: nam omnino habet humilitas suos fines, à prudentiâ & ratione præscriptos: nam hæc quoque virtus necesse habet, actum suum facere, ut oportet, quantum oportet, quo loco ac tempore oportet, &c.*

XXI. §. 10. *Iustitia vinum tantum habet extremum, à defectu petittum, cum non redditur, quod, & quando & quantum reddi debet; excessum vero non habet: si enim Petro debeo 100. florenos, & reddo 200. non sum iniustus, neque medium*

*modum excedo iustitiæ.* Resp. excipiunt hic nonnulli iustitiam sc. commutantem, cui unum tantum opponunt extremum, non duo: si enim ducentos reddis florenos, cum tantum centum debeas, nihil revera agis contra iustitiam, nec iniustus dici potes; sed liberalis ac benignus, si recte id facias; vel profusus ac prodigus, si temere largiaris: Itaque, unus est defectus, qui vere nos facit iniustos, cum non redditur, quod, quando, & quantum debetur. Dicit tamen potest adhuc, & hæc ipsa commutans iustitia esse in medio posita, & excessum pati, ratione circumstantiarum: neque enim semper est reddendum unicuique suum: gladius enim furioso reddendus non est; neque telum ei, qui adversus patriam movet arma; & in similibus casibus.

XXII. §. 11. *Si intellectualis virtus non consistat in medio, E. nec moralis:* Sed. E. nam verum non est medium; opponitur enim falso, ut extremum extremo. Resp. Jam ostensum est, verum esse medium duarum falsitatum extremarum, quarum altera plus nimio neget, altera supra modum affirmet: potest nihilominus falso simpliciter opponi, ut extremum extremo: nam etiam æquale opponitur inæquali, ut extremum extremo, & tamen est medium inter majus & minus.

XXIII. §. 12. *Si vitium sit medium; E. non virtus.* Sed. E. ubi est magis & minus, ibi est medium: sed in vitio est magis & minus. Ergo. Resp. In vitiis inveniri medium, sed non illud, quale est, virtutis, definitum à ratione recta ex circumstantiis expensis: caret enim vitium omni circumstantia recta: nec aliud medium habet, quam gradum aliquem, qui cum maioribus & minoribus collatus, potest dici medius, attamen semper vitiosus: E. vitium habet medium, sed vitiosum, non illud rationis recte ac prudentiæ medium, quale exigitur in virtute.

XXIV. §. 13. *Si virtutis forma sit congruentia cum lege naturæ & ratione recta: E. non mediocritas: At verum prius: E.* Resp. unum & idem sunt, congruentia cum lege naturæ & mediocritas affectuum. Cum enim affectus legi naturæ congruant ac recte rationi, jam ad mediocritatem sunt redacti.

XXV. §. 14. *Nulla negatio est forma virtutis: At illa mediocritas est negatio.* Resp. non est nuda negatio, sed est positivum quid respectu virtutis ipsius; dicitur tantum negatio respectu extremorum: quemadmodum spiritus, negatio est respectu caloris ac frigoris, & tamen in se positivum ens. Atque hæc sunt præcipuæ objectiones.

## EXERCITATIONUM ETHICARUM VIGESIMA-SEXTA,

*Quæ est secunda,*

DE

# VIRTUTE MORALI.

## THESIS I.

EXcussimus ac discussimus objectiones quasdam exercitatione precedenti, quæ moveri possunt contra genus virtutis moralis, habitum, & formam, seu potius differentiam ejus, mediocritatem. Jam nunc ulter-

rius abimus, quæstiones adhuc alias, de virtute morali in genere examinaturi: inter eas, non est infima de subiecto virtutum moralium, quæ mirum in modum agitata est inter Scholasticos, & Ethicos, quæ veteres, quæ recen-

tiores, dum, horum quidam, in appetitu hominis sentiente, alii, in voluntate, eas collocarunt. *Thomas Aquinas*, quasdam virtutes, in hominis sensitivo, quasdam in rationali appetitu, locavit. Nos ab eorum statum partibus, qui *virtutes morales* collocant in appetitu hominis sensitivo, quam sententiam late propugnat, gradu 4. *Philosophia sue moralis*, c. 7. & aliquot seq. *Francisc. Piccolomini*. Et nos eandem *Coll. Eth. Disp. 16. Tb. 8.* adstruximus quinque rationibus. Restat, ut more solito, adversæ partis argumenta solvamus.

II. §. 1. *Appetitus sensitivus in operando se movetur, quemadmodum corpus per qualitates naturales ac patibiles. Ergo non indiget habitu: si enim corpus multo calore perfunditur, excitatur appetitus ad Venerem, si refrigeretur, ad temperantiam, varioque modo auctis, vel diminutis, qualitatibus, vario modo afficitur: sic absque habitu quoque, solius exercitationis & medicina beneficio mediocritatem possumus consequi in affectibus.* Resp. Licet qualitates illæ naturales per accidens facere possunt, ut aliquis facile, vel difficulter agat, secundum se tamen non movent hominem ad bonas malasve actiones, neque in hunc finem sunt institutæ à natura. *Habitus boni*, primo per se, & propriè, sunt instituti, ad bonas actiones: immutatio illa qualitatum, si quid conferat ad bene vel malè agendum, id totum est per actiones: bene vel male agere, per se est habitibus.

III. §. 2. *Si in appetitu sentiente ponuntur habitus, oportet eos esse extensos, sicut est appetitus.* Resp. Concedo totum argumentum, neque est aliquid hic absurdi, ut habitus extendantur eo modo, quo extenditur ipse appetitus: sed illa extensio non est propria aut localis, ut in quantitate.

IV. §. 3. *Si virtutes morales sunt in appetitu sensitivo, ergo fortitudo, temperantia, &c. non erunt in anima separata.* Resp. Concedo totum: nam non sunt isti habitus propriè in anima separata: non sunt formaliter in ea fortitudo, temperantia, &c. sed tamen remanent virtute: statim enim atque anima iterum corpori conjungitur, eosdem recuperat habitus, ac recipit virtutes, quemadmodum etiam illico

recuperat, ac recipit virtutem sentiendi, quam separata non habebat.

V. §. 4. *Virtus est habitus electivus in mediocritate consistens: at electio non est actus appetitus sentientis, qui non potest eligere: sed electio est actus voluntatis, amplectentis medium, quod à ratione est positum.* Ergo Resp. Virtus moralis in appetitu sentiente est habitus electivus, & ipse appetitus est principium electionis, sed participat: electio quidem est actus voluntatis propriè, quia hæc propriè eligit, est tamen aliquo modo actus sentientis appetitus, ac potentia inferioris, quia hæc exequitur electionem voluntatis, ex ratione factam: Nam potest spectari appetitus sentiens, vel ut plane ἀλογος, & rationis omnino expers, illique nullo modo subiectus, qualis est in brutis, vel ἡμιλογος, rationis aliquo modo particeps quatenus ab ea regitur ejusque imperio, si non despotico, saltem politico, subicitur; qualis est in homine. Primo modo, non competit ei electio ullo modo. Secundo modo, competit ei electio participativè, sicuti & particeps est rationis, dum eam sequitur appetitus sentiens hominis. Atque hoc discrimen, aliarum difficultatum solvendarum est fundamentum: ut, cum dicunt, virtutem tendere ad honestatem, & laudem mereri; sentientem appetitum, in actionibus, non item: falsum est, de sentiente appetitu hominis, qui & electionis & rationis aliquo modo particeps est. Sic & hoc argumentum solvi debet. *Appetitus sentiens caret libertate.* Ergo non est subiectum virtutis: hoc enim libertate esse præditum, oportet. Resp. Est in appetitu sentiente, libertas participata, uti est, & ratio participata, & electio participata: Distingui enim solet libertas, in libertatem per essentiam, & per participationem: Libertas per essentiam, in solam cadit voluntatem: At libertas per participationem, etiam inferiorum est facultatum, ut insensitivi appetitus.

VI. §. 5. *Si in appetitu sentiente sint collocandæ virtutes morales, maxime fortitudo & temperantia: atqui hæc sunt in voluntate collocandæ.* Ergo. Voluntas enim sua natura non propendet ad fortitudinis & temperantiæ bonum:

Ergo

Ergo postulat habitum: Et sane, in voluntate est hic actus; volo temperanter vivere, volo fortiter agere. Resp. Nego minorem: nam fortitudo & temperantia versantur circa metum & cupiditatem: ergo debet fortitudo ibi esse, ubi est metus, & temperantia ibi, ubi est cupiditas: atqui metus & cupiditas sunt in appetitu sentiente, ille in irascente, hæc in concupiscente, appetitu: ergo & fortitudo illic & temperantia illic sunt. Voluntas est ex se propensa ad temperanter agendum, ut vitam tueatur & proroget, nisi perturbationibus abripiatur, affectibus perturbetur; quare non tam voluntas postulat habitum temperantiae ad temperanter agendum, quam quidem appetitus sensitivus, sedes cupiditatis, ne isto affectu voluntatem perturbet. Similiter de fortitudine est philosophandum. Quod attinet ad actus illos, volo fortiter agere, volo temperanter vivere, ad illos actus elicandos non postulat voluntas habitum, vel fortitudinis, vel temperantiae, sed requiritur tantum, ut uterque habitus sit in appetitu sentiente: Qui si fuerit, jam voluntas pro suo imperio potest dicere, volo agere fortiter, volo temperanter vivere. Nunc videamus, quomodo probent, voluntatem debere esse subiectum affectuum.

VII. §. 1. Ea potentia, que discedere potest à rectitudine sui actus, indiget habitu, quo ad eam reducatur: sed voluntas potest &c. ergo. Resp. Major non est simpliciter vera: potest enim reduci ad rectitudinem sui actus aliqua potentia à ratione, præsertim, si ei sit conjuncta, ut voluntas est conjunctissima rationi: inde quoque fit, ut voluntas nunquam à rectitudine sui actus recedat, quin simul ab ea recedat ratio.

VIII. §. 2. Quod maxime indifferens est & liberum, eget habitibus, quibus determinetur: at voluntas est maxime indifferens, & libera: ergo. Resp. neg. maj. quia sine habitibus sibi inexistētibz determinatur à ratione: jam enim aliis, multis argumentis hoc evicimus, voluntatem ejusque indifferētiā determinari à ratione, & intellectus practici judicio.

IX. §. 3. In voluntate est justitia, ergo in

voluntate est virtus moralis. Prob. antecedens: quia justitia obiectum est bonum alienum, quod excedit proportionem & sphaeram appetitus sensitivi. Resp. Justitia non potest esse in voluntate, si reliquæ virtutes sint in appetitu sentiente: nam justitia (loquimur de universali) est eadem cum omnibus aliis virtutibus, ac ratione tantum ab iis distinguitur: Quod dicitur, obiectum justitiæ, bonum alienum, excedere proportionem, & sphaeram sensitivi appetitus, id falsum est, si spectetur sensitivus appetitus, qui est hominis, qui rationis est aliquo modo particeps, in quantum rationi subjicitur; sic enim non minus ad bonum alienum, quam ad proprium, à ratione impelli potest ac dirigi. Instant. Justitia definitur voluntas, &c. Resp. Illa est improprie dicta definitio, quia alioquin sic potentia esset genus virtutis, & significatur tantum, justitiam non exerceri posse sine voluntate, quod de omnibus omnino virtutibus est verum: nulla enim earum exerceri potest sine voluntate, id est, voluntate non consentiente. Atqui ita ostendimus, non in voluntate, sed in appetitu sentiente, esse collocandas virtutes: Intelligimus vero in toto hoc negotio virtutes morales: Quin enim in voluntate poni debeant ac possint altioris ordinis virtutes, scilicet supernaturales, ac Theologicæ, incipias ire nolim: nempe, in voluntate, si proprium ejus attendamus bonum, difficile, & excedens ipsam inclinationem propensionemque naturæ, omnino ponende sunt virtutes, quibus ad illud amandum ac consequendum juvetur, & promoveatur; quales sunt fides, spes, caritas: neque enim rationis determinatio hæc sufficit, cum ratio eo non allurgat, utpote quæ, naturale tantum est lumen, & illud quidem corruptum: Nec ad earum virtutum actus, voluntas ex se aut natura sua, est aut propensa, aut idonea: unde, quia ratio dirigens est corrupta, & quia voluntas, quæ dirigitur, est corrupta, omnino oportet, utramque habitibus supernaturalibus, & virtutibus Theologicis, instrui, ut actus tales exerceat.

X. Hæc de virtutis moralis subiecto disputasse sufficiat ἀναγκασιότατος, quæ tamen pro firmis & immotis demonstrationibus accipere nolu-



nolumus: quippe, qui fatemur, contrariam sententiam, *de voluntate, sede virtutum moralium*, non usque adeo improbabilem esse, sed præterquam quod nitatur maximorum virorum autoritate, non destituitur rationibus probabilibus. Sed ita

fere se habet *Philosophia Aristotelico-Scholastica*, ut nonnulla in utramque partem disputari possint, ac soleant, quod an solidæ ac masculæ Philosophiæ sit argumentum, valde dubito, ac disquirendum relinquo.

## EXERCITATIONUM ETHICARUM VIGESIMA-SEPTIMA,

*Quæ est tertia,*

DE

# VIRTUTE MORALI.

THESIS I.

Postquam, *de Virtutis Moralis subjecto* disputatum est *Exercit. præced.* hac, *de ejus Causa Efficiente*, disputabimus. Diximus *Coll. Eth. disp. 17. th. 8. virtutem moralem* (nam de supernaturali ac Theologica nos non agimus) *produci ex actionibus frequentatis*. Hic primo tenendum est, quid intelligatur *per actiones frequentatas, quæ & quales sint istæ actiones*? Cum causam virtutis moralis procreantem, dicimus, *actiones*, intelligimus, actiones intellectus, & voluntatis, judicium mentis, & voluntatis electionem; virtus enim gignitur ex actionibus honestis & bonis; actiones honestæ sunt & bonæ, quæ proficiuntur ab electionibus, recte rationi & judicio intellectus, consentaneis: nam ab hoc fonte, à recta sc. ratione, & legitima voluntatis electione, omnem suam bonitatem, derivant actiones, quibus gignitur virtus. Itaque, bene agimus, etiam nulla præcedente virtute: quotiescunque enim secundum rectam rationem agimus, jam bene agimus: at cum virtutem exercitatione comparamus, secundum rectam rationem agimus: aliter enim virtus procreari non potest. Ergo, cum virtutem exercitatione comparamus, jam bene agimus: bonæ igitur actiones, sunt

causæ virtutis, &c, ex iis virtus gignitur. Verum enim verò hic secundò bene est notandum, quo sensu, ex actionibus bonis, i. e. recte rationi consentaneis, generetur virtus? particula enim ista, seu præpositio (*ex*) varias significat habitudines: interdum significat habitudinem causæ materialis, ut cum dicimus, ex ferro fit gladius: interdum significat terminum à quo, ut cum dicimus, ex albo fit nigrum, ex privatione fiunt omnia: interdum significat causam efficientem, ut cum dicimus, ex convitio oritur pugna: nihil autem hic refert, utrum intelligatur causa principalis, an instrumentalis, quæ per voculam (*ex*) significatur. Hisce præmissis, dicimus, virtutes generari & produci ex actionibus bonis, non quatenus (*ex*) significat habitudinem causæ materialis; nam virtutes, quia habitus sunt, & qualitates, carent materia: neque quatenus (*ex*) significat terminum à quo; nam actio bona & honesta, quæ rationi est consentanea, non opponitur virtuti, ut terminus à quo, opponitur termino ad quem: sed illa particula (*ex*) significat in hac questione, habitu inem causæ efficientis, & quidem instrumentalis: atque hic est sensus: *Virtus producitur ab animi po-*

*sentia*



sentia secundum rectam rationem agente : quæ potentia est causa efficiens principalis, actiones autem potentie, sunt instrumentum seu causa instrumentalis : & sic asserimus, virtutem moralem progigni ex actionibus bonis.

II. 1. Objectio. Si virtus gignitur ex actionibus bonis, E. gignitur ex iis, quæ virtutem antecedunt. Sed actiones, quæ antecedunt, non possunt gignere virtutem : ergo, &c. Prob. min. Omnis causa est perfectior & nobilior effectu. Sed actiones virtutem antecedentes, non sunt nobiliores, nec perfectiores virtute ; imò, ipsa virtus longe est nobilior ac perfectior istis actionibus. E. Profecto, quod est imperfectius & ignobilius, non potest gignere nobilius. Atqui actiones istæ antecedentes sunt longe imperfectiores & ignobiliores virtute. Ergo. Resp. ad min. Omnis causa sc. principalis, est perfectior & nobilior effectu, & ad probationem, quod est deterius, ignobilius, imperfectius, id non potest producere nobilius ; hæc vera sunt de causis principalibus, sed non de instrumentalibus : nam instrumentum est ignobilius plerumque effectu : at vero, actiones virtutem antecedentes sunt causæ instrumentales, non principales : principalis causa est, ipsa recta ratio & voluntatis electio ; actio imperata ista, qua virtus acquiritur, merum est instrumentum : & quando in Coll. Eth. Disp. 17. th. 8. diximus : Actiones bonæ dicuntur, esse sola causa procreans, principalis, proxima, propria, virtutis moralis : particula (sola) excludit, educationem, assuefactionem, conversationem, doctrinam, temperamentum, causas virtutum moralium, rejectas th. 7. 6. 5. 4. sed non excludit potentiam agendi ; imo spectantur actiones causæ virtutis moralis, ut conjunctæ cum potentia agendi, & cum ea constituentes causam principalem virtutis, licet respectu potentie possint dici causæ instrumentales.

III. 2. Objectio. Si actiones, nec sint, nec dicuntur, bonæ, nisi à virtute profectæ, E. virtus non gignitur ex actionibus bonis. Sed ver. pri. E. poss. Prob. min. exemplo justitiæ : justitia, si gignitur ex actionibus, gignitur ex actionibus justis ; nam injustæ actiones non possunt gignere justitiam : at actiones non sunt justæ, nisi à justitia

E. justitia non gignitur ex actionibus justis : E. nec virtus ex actionibus bonis. Resp. ad min. eam esse falsam, quod actiones, nec sint, nec dicuntur, bonæ, nisi à virtute : dicuntur enim tales à rectâ ratione & lege naturæ, quia utrique congruunt. Ad probationem dico ; actiones justæ, dicuntur duplici sensu tales ; vel, quia à justitiæ habitu & virtute illa, proficiuntur, vel, quia, ab animi potentia, & rectâ ratione, promanant, quia, legi naturæ sunt conformes, quæ actiones planè sunt similes iis, quæ ab habitu aut virtute justitiæ prodeunt. Posteriori modo dicuntur actiones justæ, quibus gignitur justitia, non priori : & sic justè agit is, qui virtutem justitiæ nondum est consecutus, quia profert actionem justam in quantum rationi rectæ convenit ; estque, quoad substantiam, eadem cum illa, quæ profertur ex habitu & virtute justitiæ.

IV. 3. Objectio. Effectum ab iisdem causis habet, & firmitatem, & bonitatem, à quibus accipit entitatem. Sed virtus non accipit, vel firmitatem, vel bonitatem, ab actibus. E. Nec entitatem. Resp. Verum est, si actiones spectentur, qua sunt actiones, in genere naturæ ; at falsum est, si actiones spectentur, in genere moris : sic enim ab actionibus, prout rectæ rationi conveniunt, dicitur quis bonus.

V. Quætionem movimus, Coll. Eth. disp. 17. th. 9. An actiones, virtutem antecedentes, specie differant ab actionibus, virtutem consequentibus. Resp. Quod non : & rationem dedimus. Nunc videndum, quid à sententiæ adversæ partibus contrâ adferri possit. Quæ hic objici solent, facile dissolvuntur. Dicunt 1. Actio, ex virtute proficiens, non est eadem specie actio, cum illa, quæ ex virtute non proficiatur. Atqui actiones consequentes, sunt ex virtute profectæ ; antecedentes, non item. Ergo. Resp. Negamus simpliciter, actionem ex virtute profectam, & actionem non ex virtute profectam, non esse eandem speciem : nam, in genere moris si spectentur, ut spectari debent, sunt ejusdem speciei ; utraque enim convenit rectæ rationi, à qua speciem desumunt actiones, moraliter, vel bonæ, vel malæ. 2. Bonum & non bonum differunt

*specie. Atque actiones, virtutem consequentes, sunt bonæ, antecedentes, non sunt bonæ. Ergo. Resp. ad minorem. Negamus, actiones, virtutem antecedentes, non esse bonas: nam illa actio est bonæ, quæ est conformis rectæ rationi. Atqui actiones, virtutem antecedentes sunt conformes rectæ rationi. Ergo. Et actiones istæ præcedentes sunt bonæ: & reddunt hominem bonum, si non perfectè, quod facit virtus, saltem imperfectè & inchoativè. 3. Quæ diversas habent causas, specie differunt: Atqui actiones, virtutem consequentes, habent diversas causas, quam antecedentes. Ergo. Nam consequentes, proficiuntur à virtute, & antecedentes, non item. Resp. Non habent diversas causas; nam causa utrobique est, ratio recta, & electio voluntatis, à qua utraque actiones, & antecedentes, & consequentes, emanant. Atque hæc sunt, quæ de causa, efficiēte virtutem moralem, vulgò disputari solent.*

*VI. Coll. Eth. Disp. 18. quæstionem movimus th. 4. An quælibet actio virtutis, etiam remissa, atque ipsa virtutis minus intensa, virtutem augeat? Resp. Quod sic: & rationem dedimus. Nunc objectio una dissolvenda venit. Dicit quispiam. Aequale non potest agere in æquale, multo minus poterit, quod inæquale est, agere in majus: loquar clarius: calidum ut 4. non potest agere in calidum ut 4. multo minus in calidum ut 6. Hinc illud est Physicorum: à proportionem minoris qualitatis ad majorem, non fit actio. Ergo non poterit habitum virtutis augere, vel intendere, actus remissior. Resp. Hoc axioma Physicum, æquale non potest agere in æquale, aut minus in majus, semper est verum, de causis principalibus & univocis, sed non de instrumentalibus aut æquivocis: at verò, actiones bonæ, ut sunt instrumenta procreandæ virtutis (nam potentia agendi est causa principalis) ita etiam sunt instrumenta augendæ virtutis. Cum itaque actus virtutis eatenus augeat virtutis habitum, quatenus est instrumentum, nihil est mirum, si aliquid efficiat se excellentius & nobilius. Et, hæc argumentatio, si valeret, non tantum concluderet, actus remissiores non posse augere virtutem, sed ne intensiores*

quidem, id posse: nam, quilibet, etiam actus intensior, est ignobilior ipso virtutis habitu: Ergo nec intensior actus poterit augere virtutem: & quid multis est opus? quemadmodum quodlibet lumen, etiam exiguum valde, atque minutum, adjectum & promotum à lumine majore, potest augere lumen, quantumvis magnan, ita actus virtutis potest augere virtutem, utcumque gradibus aliquot se perfectiorem & excellentiorem: & similiter fieri videmus in aliis rebus: v. c. videmus, habitum memoriæ crescere & augeri, non tantum actionibus intensis, sed & aequalibus, & remissis, atque imperfectioribus, quod ipsa nos docet experientia. Nulla causa est, cur non idem dicamus fieri, in adeptione virtutum, earumque incremento & augmento.

VII. *Aristoteles Eth. Nicomach. l. 2. c. 8.* triplicem instituit, virtutis, tanquam medii, & vitiorum, tanquam extremorum, antithesin, seu oppositionem. 1. Monet, virtutem opponi vitiiis, & secundum excessum, & secundum defectum. 2. Monet, extrema, vehementius secum invicem, quam, cum medio pugnare: nam & longius à se invicem distant, & vitia multa, virtutibus cognata sunt. 3. Demonstrat, extrema medio inæqualiter opponi: alterum enim magis, alterum, minus, cum virtute pugnat; & interdu defectus, interdum excessus, ad virtutem accedit propius: ita magis pugnant fortitudo & ignavia, minus pugnant fortitudo & audacia; atque hæc, & verè, & solidè, ab *Aristotele Cap. citato*, sunt asserta & demonstrata: ejus rationes, latius deductæ, videri possunt, apud ejus interpretes, sive antiquiores, *Eusebium, Acciasolum*; sive recentiores, *Ballivorem, Giphanium, Magirum, Riccobonum*.

VIII. Adversus hæc tria tamen, de vitiiis comparatis ad virtutem, asserta de *Aristotele*, quædam obijci solent: primo quidem loco dicebatur, virtuti opponi vitium, vel per excessum, vel per defectum. *Sunt, qui tertium addunt: membrum: nempe vitium per alienationem: sed illud jam refutavimus Coll. Eth. Disp. 18. th. 11. & comm. subjuncto. Videamus*

deamus nunc, quid obijci possit adversus id quod Philosophus secundo loco asserit, *Cap. 8. lib. 2. cit.* cum dicit, maiorem inter duo vitia esse pugnam, quam, inter virtutem & extrema. 1. *Illā sunt minus inter se contraria, inter quæ est facilius transmutatio: ea enim, inter quæ facilius est transmutatio, minus inter sese distant, cum minor longinquitas possit facilius pertransiri, quam maior: quæ verò minus inter se distant, minus profectò inter se sunt contraria.* At facilius est transmutatio inter duo vitia, facilius transitur inter eadem, quam inter virtutem & vitium. Ergo duo vitia extrema sunt minus inter se contraria, quam virtus & vitium: min. sic prob. Facilius est ab excessu & nimio, ad defectum, & id, quod est parvum, transire, vel, ab ipso defectu ad excessum transire, quam, vel ab excessu ad ipsam virtutem descendere, vel à defectu ad virtutem ascendere: timidius, v. c. facilius audacie ac temeritatis opus efficit, quam vere fortitudinis. Ergo. Resp. ad maj. Illa sunt minus contraria, inter quæ est facilius transmutatio, eam non esse generaliter veram, sed tantum est vera, quando transmutatio fit inter terminos, habentes medium rei & participationis, quali modo inter album & nigrum, colores, medius est, viridis, ubi extrema sunt magis contraria, album & nigrum, quia est difficilior transmutatio albi in nigrum, quam alterutrius in viride: at verò quando mutatio est inter illos terminos, quibus interpositum est medium rationis ac negationis, uti est virtus inter duo extrema vitia, potest fieri, ut facilius transitus sit inter ea, quæ magis tamen sunt contraria: quia, cum medium participationis nullum habeant, non est, quod illud transeant, unde facillimè in se invicem mutantur. 2. *Ea quæ distant extra genus, magis distant, quam quæ intra genus.* Atqui virtus & duo vitia extrema, distant extra genus, uti duo vitia distant intra genus. Ergo. Resp. ad min. cum distinctione. Virtus, vel consideratur formaliter, quatenus est bona, i. e. quatenus est opposita vitio, & utrique extremo, in quantum utrumque est malum: sic distat extra genus, sunt enim transcendentia: at verò, si virtus consideretur materialiter, seu secundum substan-

tiam, quatenus est habitus intermedius inter duos habitus extremos, tum virtus non distat ab extremis extra genus, nam genus est habitus: & sic, quatenus virtus est habitus, sed bonus, & vitia sunt habitus, sed mali, virtus & extrema, habent commune genus, habitum.

IX. Nunc, quid circa tertium ab Aristotele assertum dici queat, videamus. Statuit *cap. 8. lib. 2. cit.* virtutem magis cum uno, quam cum altero extremo pugnare. 1. *Omne medium debet esse æqualiter interjectum inter sua extrema: si enim ad unum extremum propius accedat, ab altero remotius abeat; jam non est medium, non verè tale.* At virtus est medium, & verè tale. Ergo æqualiter est interjecta inter vitia. Resp. Falsam esse maiorem de omni in universo medio, quod illud sit interjectum æqualiter inter extrema: est medium aliquod rei, aliud rationis. Medium rei, æqualiter ab extremo utroque abest ac recedit, sed medium rationis, non item, quia in eo situm est, ut tantummodo eoufque ab extremo hoc vel illo abeat, quousque illud nobis est contrarium, & malè conveniens: virtus autem, est medium, non rei, sed rationis. Hinc fit, ut virtus ab extremis abeat, & recedat, eatenus ac tantum, quatenus & quantum, extrema nobis sunt incongrua: extrema verò, nobis, non æqualiter, sed inæqualiter, sunt incongrua; neque enim fieri potest, ut res duæ ac tam diversi generis, uti sunt virtutis extrema, unum in excessu positum, alterum in defectu, æquali ratione nobis ac nostro fini malè congruant. Ergo, Virtus non æqualiter ab extremis, sed inæqualiter, ab iis recedit: est nihilominus virtus, media inter extrema: Ergo, non omne medium æqualiter inter extrema est interjectum, quod dicebat Major argumenti: v. c. fortitudo, est media inter timorem & audaciam, sed magis accedens ad audaciam, longius recedens à timore, quia timere, magis nobis, nostroque fini ac proposito, est incongruum, quam audere, ad quod magis inclinamur. 2. *Si alicujus rei perfectio, sit, esse in medio, Ergo eo erit perfectior res, quo erit magis in medio. Sed virtutis perfectio est, esse in medio. Ergo. Atqui virtus magis erit in medio, si æqualiter distet ab utroque extremo,*

tremo, quam, si inaequaliter. Ergo, Perfectior erit virtus, si aequaliter absit ab extremis. Resp. Hoc argumentum solvitur eadem distinctione medii, in medium rei & rationis: nempe, ejus rei perfectio eo major est, quo magis in medio collocatur, si ejus perfectio, simpliciter est, esse in medio, verum est, de medio rei; sed non est verum, de medio rationis:

virtus autem, est medium rationis, quod aliis fuit probatum, cum de formâ virtutis sumus philosophati, E. virtus eo periclitur magis, non, quo magis ponitur in medio rei, i. e. quo aequaliter interponitur extremis; sed verò, quo magis ponitur in medio rationis, i. e. quo propius vel longius abest ab extremis, prout rationi est visum.

## EXERCITATIONUM ETHICARUM VIGESIMA-OCTAVA.

D E

# Virtutum Moralium divisione, & earum inter se connexionione.

T H E S I S I.

**U**Na est, ex rebus omnibus humanis, virtus, suo jure laudabilis; suo merito expectanda: quippe nihil pulchrum est, nisi quod virtus imbuit, nihil gloriosum nisi ex virtutis sit gestum imperio, nihil beatum, nisi quod virtutis processit auspiciis: quodcumque non vanum decus mortales possidens, per virtutem obtinuerunt; sola virtus, omnem & totam, vitae humanæ, felicitatem, conciliat: hoc non Philosophi tantum, sed literati omnes, sed mortales omnes censent ac sentiunt, omnem honoris laudisque causam à virtute derivari, ut ipsa nullius laudis egeat, quæ omnem rebus aliis tribuit: accipere laudes, virtus non potest, quæ aliis eas conferre nata est: prosequi laudibus virtutem nihil est opus, cum ipsa laus sit, ut enim vitia culpant, ita virtutes, laudum nomine, rectè indignantur: ipsa sibi virtus, pretium est, inquit *Poeta*. Virtutem qui nominat, eam laudat, qui adspicit, probat, qui cognoscit, amat: ad amorem enim virtutis excitandum, in animis mortalium, nihil requiritur, quam ut dextra & accurata virtutis cognitione imbuantur. Unde *Philo-*

*sophorum*, oraculo Apollinis, sapientissimus, *Socrates*, abunde, se suisque, ac Philosophi, partibus, existimabat defunctum, si homines ad notitiam virtutis deduxisset. Nos quoque *Socratis* exemplo insistentes, ad notitiam virtutis deducere unumquemque conati sumus, explicando naturam Virtutis in genere, *Coll. Eth. disp. 16. causas, disp. 17. incrementum ac decrementum*, & ejus oppositum vitium, *disp. 18.* In specie, singulas virtutes persequuti sumus, à *disp. 19. ad 31. usque*, atque in hoc *Exercit. Eth.* curriculo, *exercit. 25. 26. 27.* Et objectiones multas dissolvimus, quæ contra naturam virtutis in genere, genus ejus ac differentiam, causas, &c. objici solent: nunc ad virtutes in specie eodem modo descendendum est, ac videndum, quænam & hic objici valeant.

II. Queritur 1. An virtus moralis dividi possit in species inter se distinctas? Extitit enim olim *Menedemus* quidam *Bretriensis*, ut refert *Plutarchus* in libro de virtute morali, qui differentias omnes sustulit virtutis, eamque unam atque unicam constituit, quæ pluribus uteretur nominibus: paulo aliter *Aristoteles* sentiebat,

bat, qui, referente eodem *Plutarcho*, unam ipse virtutis substantiam constituebat, quam, *sanitatem*, appellabat, differentias varias assignabat, prout aliud atque aliud spectaret objectum: ut, si quis visum nostrum, potentiam unicam, cum album intueretur objectum, albi visum, & cum nigrum, nigri visum appellaret: eodem modo unicam in se virtutem, si ad metum & fiduciam referretur, fortitudinem, si ad cibi potusque & Veneris cupiditatem, temperantiam, &c. appellabat: & videtur hæc opinio, aliqua ratione probari posse. 1. *Omnes virtutes morales sunt ejusdem nature, ergo non differunt specie.* Resp. sunt ejusdem nature genericæ, quæ identitas discrimen specificum non tollit, sed ponit: nam præter naturam genericam, in qua virtutes conveniunt, differunt insuper specie, quia differunt causis efficientibus, effectis, finibus, objectis, &c. quæ differentie locum tenent. 2. obijci potest. *Virtutes morales inter se non sunt oppositæ, ergo non differunt specie, quia species oppositæ non possunt existere in eodem subiecto.* At virtutes morales, si sint plures, sunt in eodem subiecto. Ergo. Resp. Virtutes morales sunt oppositæ, non ratione subiecti recipientis, in quo inter se conveniunt, sed secundum ea, in quibus dissentiant: ut sunt, propria uniuscujusque essentia, efficiens, finis, effectum, objectum, &c. species oppositæ non possunt existere in eodem subiecto, sc. si sint qualitates physice, reales, positivæ: At qualitates spirituales, ut habitus, & intentionales, ut species sensibiles & intelligibiles, possunt existere in eodem subiecto: ut visio albi & nigri simul est in eodem oculo, & notitia quarundam rerum, & aliarum ignorantia, sunt in eodem intellectu.

III. Sed amissa aliqua virtutis moralis divisiōe, queritur 2. *qualis illa, & quæ sit?* Receptissimus est virtutum numerus quaternarius (quas cardinales vulgo vocant, quod iis ceu cardinibus vitæ humanæ ratio volvatur atque innitatur) prudentia, fortitudo, temperantia, justitia. Hæc divisiō, inter *Patres* quoque, *Augustino* placuit, qui *lib. de spiritu & anima* cap. 10. in hæc verba scribit. *A prudentia anima scit, quid facere debeat: temperan-*

*tiam habet contra prospera, fortitudinem contra adversa: justitiam quæ scit, quod cuique debeat reddere: sc. prudentiæ est, sciri, quid possis; temperantiæ, non presumere, quod non possis; justitiæ, non plus velle, quam possis. Et non Augustino tantum, sed omnibus fere Orthodoxis Patribus, ea virtutis divisiō arrisit, unde fere ad hæc 4. capita, virtutes omnes reduxerunt. Hæc divisiō à Stoicis est profecta. Plato hæc 4. virtutibus adijcebat, 5. sanitatem, ut videre est in ejus *Protagorâ*.*

IV. *Aristoteles*, l. 2. *Eth. c. 7.* virtutis species recenset, hoc ordine. Primum locum obtinet ἀνδρία, Fortitudo, media inter duo extrema, in excessu, audaciam, in defectu, timiditatem. Virtus secunda est, σωφροσύνη, Temperantia, media inter duo extrema, in excessu, intemperantiam, in defectu, sensum stupiditatem, quam uno verbo ἀναισθησία Græci vocant. Tertia est ἐλευθερία, liberalitas, media inter duo extrema, in excessu, prodigalitatem, in defectu, avaritiam. Quarta est, μεγαλοψυχία, magnificencia, media inter duo extrema, in excessu, luxuriam, in defectu, sordiditatem. Quinta est, μεγαλοφροσύνη magnanimitas, media inter duo extrema, in excessu, fastum, in defectu, pusillanimitatem. Sexta est, Μοδestia, media inter duo extrema, in excessu, ambitionem, in defectu, honoris contemptum. Septima est, σεμνότης, mansuetudo, media inter duo extrema, in excessu, iracundiam, in defectu, lentitudinem. Octava est, φιλία, comitas, media inter duo extrema, in excessu, adulationem in defectu, morositatem. Nona est, ἀλόθεια, veritas, seu veracitas, media inter duo extrema, in excessu, jactantiam, in defectu, dissimulationem. Decima est, εὐσέπεια, urbanitas, media inter duo extrema, in excessu, scurrilitatem, in defectu, rusticitatem. Undecima est justitia, media inter duo extrema, sed quæ eodem veniunt nomine: nam, & excessus & defectus à justitia vocatur ἀδικία, injustitia: rationes, quibus hæc divisiō innititur, reperiuntur apud *Commentatores Arist.* antiquos & recentiores. Multi tamen Christianæ Ethicæ scriptores hunc numerum virtutum Aristotelicarum insufficientiæ arguunt, & ægrè aut non propriè, ad eum, referri omnes virtutes,



tutes, asserunt: ideoque de alia virtutis divisione cogitarunt. *Melanchthon, Danæus, Castmannus, Perkinsus, Anesius, & casium*, seu *mordium*, seu *spiritualium*, scriptores, secundum decalogum dividunt virtutes, in eas quæ Deum, juxta *Tab. 1.* & in eas, quæ proximum, juxta *Tab. 2.* decalogi, spectant. Cui divisioni affinis est, *Tinapleri, Burgerfeldii, aliorumque* recentiorum divisio virtutis in *pietatem*, quæ in Deum, & *probitatem*, quæ in proximum tendit, aut, melius dicatur, quæ, quis, in seipsum, & proximum, tendit.

V. Sunt, qui virtutem dividunt, in *universalem* & *particularem*: *universalem* vocant, quæ omnes virtutes suo complectitur ambitu: quæ vulgò dicitur *justitia universalis*, estque, obedientia erga omnes leges, habitus obsequendi legibus omnibus: aliis, hæc *universalis virtus*, dicitur *charitas*, quæ est habitus diligendi Deum, nosmetipsos, & proximum: itaque, justitia universalis, charitas, & obedientia generalis, reipsa non differunt, sed tantum nominibus & ratione. *Particularis*, virtus, est unaquæque virtutis species, contenta sub universali virtute; fortitudo, temperantia, &c. Verum enimvero, hæc divisio non est generis in species: sed perinde est, ac si quis genus aliquod v. c. animal dividat in universale & particulare: ipsa virtus moralis, generaliter sumpta, est genus, & particulares virtutes, ut species sub se continet: itaque, qui, justitiam universalem, justitiæ particulari, ut speciem speciei opponunt, toto cælo errant: nam virtutes particulares & speciales ab universali virtute, sive vocentur justitia universalis, sive charitas, sive obedientia, non differunt reipsa, sed solâ ratione; de quo alias.

VI. Sunt alii ex recentioribus, qui dividunt virtutem moralem, in *dirigentem* & *directam*: & *dirigentem*, in prudentiam & justitiam universalem: *directam* vocant, quamque particularem, quæ à prudentiâ & justitiâ universali dirigitur. Verum hæc divisio eodem laborat vitio, quo altera ista statim refutata;

nam opponit quoque justitiam universalem particulari, & virtutem in genere, unicuique virtuti singulari, ut speciem speciei: accedit alterum, quod prudentiam inter species virtutis moralis recenscat, quæ tamen virtus moralis non est, sed ejus causa procreans, efficiens, mater, ac dux.

VII. Sunt qui virtutem moralem dividunt, in *perfectam* & *imperfectam* item in *ordinariam* & *extraordinariam*, in *communem* & *heroicam*: sed enim omnes istæ divisiones non sunt divisiones generis in species, sed subiecti in sua accidentia: at tales divisiones nunc non quarimus, sed prioris generis, scilicet generis in species; quare eas missas facimus: nunc, ad virtutes, in specie singulas, transeundum venit: verum, duæ primum sunt generales proprietates omnibus virtutibus, singularibus communes, hæc disputandæ. Earum *conversio*, & *æqualitas*, vel *diversio*, &c., in *æqualitas*.

VIII. Queritur ergo 1. *An virtutes morales sint inter se connexæ, ut una sine aliâ non inveniantur, an contrâ, an sint ita divulsæ, ut hæc sine illa, illa sine hac, reperiatur?* Nos, nexas esse inter se virtutes, cum Philosophorum & Scholasticorum præclarissimis, nec eas sine perniciæ, posse divelli ac separari, pronunciamus: sed distinctiones tamen adhibemus, ne crudum nimis hoc pronunciatum nonnullis videatur: virtus moralis, vel consideratur, vel quâ individui, vel in ideâ suâ, quatenus est hominis universum sumti: si virtutes spectentur, quâ sunt individui, sunt disjunctissimæ, & quàm maximè inter se divulsæ. Si enim virtutes, quatenus sunt individuorum, non sunt divulsæ & dissepæræ, statim, quicumque unum haberet, is statim omnes haberet. Atqui posterius est falsum, ergo & prius. Multos videas temperantes, qui sunt injustissimi, multos fortes, qui sunt intemperantes, & sic porro. Vitiis nemo sine nascitur, & nihil est ab omni parte beatum: humanæ vitæ qui cursum inspiciet, & decursum, & vitiorum quoque cum virtutibus conspiciet in homine concurrere. Nemo *πρᾶγμα* & *ἀνὰ πόλιν* vivit: si vero virtutes spectentur in ideâ suâ, in suâ perfectione, omnino sunt inter se conjunctissimæ,



mx, & à se mutuò, non aliter quam annulli in catena, dependent. Et hoc est quod vult *Colleg. Conimb. cum disp. 7. quest. 4. art. 1. in Ethicis*, cum virtutes, in gradu, aut statu heroico, esse omnino connexas, asserit, ita ut fortitudo perfectissima nequeat existerè absque temperantia, liberalitatis, & cæterarum virtutum, consortio, ac societate: & certè, cum virtutes omnes mutuam sibi præstent auxilium, cum aliæ aliis perfectionem adjungant, & virtutes in gradu ac statu heroico omnem postulent conditionem & excellentiam, haud dubiè necessariò inter sese erunt jugatæ, ac conjugatæ, & connexæ: Qualis elementorum est concordia, per mutuam temperantiam viriumque in mixto conjunctionem: talis est, & virtutum, quarum una alteram, aut temperie suâ format ordinatque, aut subsidio perficit atque implet: semove à magnanimitate modestiam, quid aliud, quam arrogantia, relinquetur? semove mansuetudinem, & pro magnanimitate supererit ferocia: divelle gravitatem à comitate, tristitia & torvitas succedent. Sed, ne per singulas virtutum classes incedamus, quatuor istarum Cardinalium, quæ omnis actionis honestæ sunt fontes, contemplationem, intimamque connexionem, videamus.

IX. Quicquid ex unius virtutis Cardinalis imperio geritur ac ductu, cæterarum virtutum sociis atque operâ geritur: v. c. in doloris aut calamitatis tolerantia potissimas quidam partes fortitudo agit, undique hic conspicua, quæ intendit extollitque animum supra fortem humanam, & eo producit illum, ut sentiat omnem fortunæ aut injuriæ vim fortitudine ac virtute esse inferiorem, ac infirmiore, quam ut de statu animi dejiciat: sed nec reliquæ hic aut cessant aut otiosæ sunt virtutes. Adest temperantia, sollicita exactrix custosque, decori ac decoris, quæ, degeneris effeminatque animi turpitudinem fugiendam monstrabit: præsto est

prudentia, omnium consiliaria virtutum, quæ ad finem summum, beatam in hoc mundo vitam, perveniri non posse docet, nisi per ardua: nisi virtute omni, & præsertim fortitudine salva, quæ tolerandis adversis est destinata. sed nec iustitia hic abest, quæ docet, unicuique suum esse tribuendum: ideoque injustum esse, ut, quis mortalis, miser natus, immortalitatem vitam & ab omni miseria immunitatem postulet, quæ conditio, non hujus, sed alterius, est vitæ: denique magno præsidio est, quam 4. Cardinalibus adjungi voluit *Plato*, sanctitas seu pietas, quâ priores illæ 4. archiore etiam compagine compinguntur, quæ docet hominem oportere, ut ea, etiam calamitosa, ipsi placeant, quæ Deo placent, & quia Deo placent. Atque hanc indivisam virtutis societatem, non *Aristotelici*, sed *Patres* etiam tradidere. Quid? quod unius de præceptis divinis violatorem, omnium prætorum esse reum, major dicet autoritas, & sacra pronunciet pagina? profectò, si servus quis de mandatis domini sui, quædam, quia placent, implet, quædam, quia non placent, negligit, ne in iis quidem, quæ curavit, satisfecisse censetur, quia animo suo non domini imperio morem gessit: ita multò magis censetur officio nostro defuisse, si res quædam Dei sanctissimis legibus observandas, elegerimus, cæteras neglexerimus. Atque ita non Philosophiæ tantum sed sacrorum etiam librorum auctoritate docemur, individuè amplexibus indivulso nexu coherere virtutes. Una quidem virtus sæpe præ cæteris eminebit, quæ potissimas exequetur partes, sed quæ tamen ex cæterarum virtutum præsentium quoque consilio rem geret: quemadmodum prætor solus sententiam pronunciat & exequitur, sed de assessorum consilio: verum relicta verbi sacri auctoritate virtutibusque Theologicis, ac supernaturalibus, virtutes morales esse inter se connexas, eo sensu, quo diximus, ulterius probabimus, & objectiones solvemus exercit. seq.

EXERCITATIONUM ETHICARUM  
VIGESIMA-NONA,

DE

## Virtutum moralium, connexione an divulsione; æqualitate an inæqualitate?

T H E S I S I.

**E**xercitatione precedente de virtutum moralium connexionione disputari est ceptum, ac monitum thesultimâ, non esse hic nobis sermonem de virtutibus Theologicis, fide, spe, & charitate, quas ita connexas esse in hac vita, ut à se invicem divelli nequeant, ex sacris constat, & apud Theologos est certum: licet in futura vita, Charitas sola sit invenienda: fidei enim istic & spei non erit locus. Sed quæstio intelligenda est de virtutibus, qua talibus, & per naturæ vires acquisitis, non intellectualibus, sed moralibus. Has esse inter se connexas, indivulsas, & connubio stabilijunctas, Exercitatione 28. pronuntiavimus, sed sub distinctione: nempe, si in idea sua ac perfectione, & ut cum *Conimbricensibus* locuti sumus, in statu ac gradu Heroico considerentur. *Thomas Aquinas* suis in commentariis ad *Aristotelis Ethicam*, l. 6. cap. 11. 12. ait, virtutes considerari posse, vel secundum esse earum perfectum, vel secundum esse earum imperfectum: spectantur secundum esse suum imperfectum, in quantum seminaria virtutum harum naturalium ac moralium insunt nobis à natura; quo sensu, unam virtutem ait, esse posse sine alia: quidam enim naturaliter apti sunt ac inclinati, ad liberalitatem, qui pariter sint proni ad intemperantiam, ex naturæ suæ complexionibus, & sic in aliis similiter, quos invenias ex natura deductos & propensiores simul ad hanc illamve virtutem, & ad hoc vel illud vitium. Virtutes spectantur *Thomas*, secundum esse perfectum, in quantum ex consuetudine & assuetudine oriuntur; & sic, ait, inter sese esse

connexas: verum non satis explicatè hæc posuit *Thomas*; quare nonnihil ejus mentem explicabimus, quid intelligat per statum perfectum virtutis, secundum quem, vult, esse connexas virtutes: nempe res sic habet, ut primum rem totam clarè ob oculos ponam, deinde objectiones solvam.

II. *Virtutes sunt inter sese connexæ*; ait *Thomas*, secundum statum perfectum; id est, Nulla virtus ex moralibus habet perfectum statum virtutis sine reliquis: atque hic status virtutis perfectus consistit in hoc, ut virtus ob nullam, qualemcunque etiam, difficultatem si ve, in objecto proprio, si ve alieno, deficiat ab officio recto, secundum rationem formalem objecti sui, sed ut officium suum, immutabiliter ac certò, quocunque in casu, exequi valeat: tum dicitur virtus, *Thomas* constituta in gradu perfecto, quando, inquam, nihil quicquam temerari valet virtutem, quo minus partes suas sibi demandatas & officium exequatur, ita, v. c. temperantia, non solum devicta difficultate, quæ oritur ex concupiscentia, proprio temperantiæ objecto, sed & devicto timore (quem fortitudo cohibet tanquam suum objectum) officii sui partes exequitur in materia delectabili: & tum dicitur esse in statu perfecto Temperantia; si sic non agat Temperantia, non est in statu perfecto: si, v. c. mulier, metu mortis, fortitudinis objecto, consentiat in turpem actum, non solum judicatur tum, peccare contra fortitudinem, sed & contra Temperantiam, quia munus Temperantiæ est, etiam eo casu abstinere à turpi delectatione: clarius nonnihil adhuc

aliquid negotium proponam, si possim. Temperantia in statu perfecto inclinatur hominem ad tuendum bonum Temperantiæ, ad nihil agendum intemperanter, in omni materia, circa omne objectum, omni occasione, quandoque & ubicunque oportet: sed enim hoc non potest effectum dare Temperantia, sine presidio & consortio aliarum virtutum. Ergo in tali statu, scilicet perfecto, oportet eam esse connexam cum reliquis virtutibus: quod non possit Temperantia hoc effectum dare, sine consortio & societate aliarum virtutum, sic ostenditur: ponamus casum: constituamus foeminam, quæ per castitatem libidines ac delectationes carnis in ordinem redegerit, quia castè vixerit (castitas autem species est temperantiæ, quod omnes norunt) hæc, potest corrumpi & contra castitatem, ac Temperantiam agere, vel seducta pretio per nummos & pecuniæ cupiditatem, vel abrepta per metum ac timiditatem mortis, si intentetur: profecto in tali casu, oportet ut mulier ista, præter Temperantiam, & ut tueatur bonum Temperantiæ, habeat virtutem vel liberalitatis vel fortitudinis, ut, istis numerorum cupiditatem, hic, mortis formidinem, moderetur: idcircoque, si temperantia fuerit in tali muliere, in statu perfecto, haud dubiè comites habebit, & liberalitatem, ad compescendam avaritiam, & fortitudinem, ad superandum mortis metum: & ratio dari potest optima: quia virtus & Temperantia non solum corrumpuntur à contrariis sui actibus, tanquam ab hostibus intrinsecis, sed à contrariis aliarum virtutum, tanquam ab hostibus extraneis.

III. Sed obijciunt in hoc casu Adversarii, dicuntque, temperantiam suo muneri satisfacere, si compescat carnis libidines & delectationes in materia propriâ circa objectum præteritum: unde dicunt, mulierem, quæ agit contra castitatem, ob pretium, esse avaram, non intemperantem; quæ intemperanter agit & minus casta ex metu, esse pusillanimitatem & mollosam, non intemperantem. Respondeo: falsum est, eam non fore intemperantem: nam quomodocunque & qualitercunque agat mulier in tali casu constituta, est intemperans

& impudica: nam, si contra castitatem agat, pretio seducta, & avara est, & impudica simul, si abrepta metu, & pusillanimitas est & impudica simul: nam quis dicet, eam castam ac temperantem mulierem, quæ se prostituit ex avaritiâ, aut etiam ex metu, cum & metus compescendus & avaritia superanda fuisset? & ipse *Aristoteles in Ethicis alibi dicit: eum, qui furatur, ut mactetur, aut adulteretur, & firem esse, & machum, seu adulterum*, quidni igitur ea, quæ ex pretio vel metu agit impudicè, & impudica dicatur, ac simul, vel avara, vel pusillanimitas? Sed verò alia etiam ratione probamus, oportere, ut virtutes morales sint inter sese connexæ, in statu scilicet perfecto: hoc modo.

IV. Virtus moralis perfecta requirit perfectam prudentiam, quod ex definitione virtutis moralis, liquet; est enim, habitus pre-electivus in mediocritate consistens, prout vir prudens definiverit: si virtus requirit prudentiam, ergo perfecta virtus perfectam prudentiam: sed perfecta prudentia requirit omnes virtutes. Ergo & perfecta quilibet virtus requirit omnes virtutes. Probemin. quod, qui habet prudentiam perfectam, is habeat quoque omnes virtutes, quia is, qui prudens est, perfecteque prudens, est vir bonus: vir bonus esse nequit, nisi omnibus virtutibus sit præditus: præterea, perfecta prudentia requirit perfectum & integrum iudicium de rebus agendis: perfectum autem iudicium non potest esse, si desit aliqua virtus: nam, tum passio aliqua affectusque aliquis animus ac iudicium poterit perturbare, quia perturbatio iudicium imperfectum reddit, imò exacercat interdum iudicium rationis, & mentis: atque exilimationem interdum corrumpit, nedum ut aliquam tantum imperfectionem ei affricet: denique, quid multis est opus? Prudentia non est timida, non impudica, non avara, non immodesta, &c. Ergo prudentia omnes secum trahit virtutes. Ergo, ubi prudentia est perfecta, est perfecta virtus, ubi perfecta est virtus, ibi omnes sunt & inter se connexæ: quod erat demonstrandum.

V. Sed verò ulterius adhuc hanc virtutem

Yyy

tum

tum connexionem explicemus. *Commentatores in Thom. sum. in prim. secund. quæst. 61. art. 1.* docent, modum connexionis virtutum esse duplicem, essentialem & dispositivum; sic enim loqui amant homines Barbari. *Essentialis* modus connexionis virtutum, est iterum duplex, *primus*, quando una virtus dependet ab alia in sua quidditate & essentia, sic unaquæque virtus moralis dependet à prudentia: *secundus*, quando virtutes morales non connectuntur immediatè, sed in aliquo tertio; ita virtutes morales omnes conjunctim connectuntur in prudentia: *Dispositivus* connexionis modus est, quo ita connectuntur inter sese virtutes, ut una ab altera in sua operatione adjuvetur; ut temperantia adjuvetur à fortitudine & liberalitate, ne ex metu aut avaritia contra temperantiam peccetur. Sed quoddam objectiones solvamus.

**VI. §. 1.** *Perfectiones partiales ita sese habent, ut per unam earum res possit perfici, non item per aliam. At virtutes sunt perfectiones partiales. Ergo non sunt connexæ.* Resp. Major non est universaliter vera, nam anima rationalis, v. c. perficitur intellectu & voluntate, & utriusque operationibus, tanquam perfectionibus partialibus, attamen non potest anima rationalis per alteram istarum perfectionum perfici, seclusà alterà: intellectus enim & voluntatis operationes semper sunt simul.

**VII. §. 2.** *Tota definitio virtutis convenit fortitudini absque temperantia consortio; & vice versa: ergo non sunt connexæ: definitur enim virtus moralis, habitus, &c. ubi dicitur esse quidem connexio virtutis moralis cum prudentia, sed non cum cæteris virtutibus moralibus.* Resp. Ad hoc argumentum jam responsum est, ex antedictis; nam, si virtus moralis requirit prudentiam, comitem. Ergo, perfecta virtus moralis requirit, perfectam, prudentiam: at verò perfecta prudentia non est sine reliquis virtutibus. Ergo.

**VIII. §. 3.** *Si acquiruntur virtutes morales per actus divisos ac distinctos, ergo potest una virtus acquiri sine aliâ. Ergo non sunt connexæ.* Resp. Quamdiu acquiruntur, sunt in statu imperfecto: in quo statu, damus, vir-

tutes non esse connexas: at acquisitæ, & in statu perfectio, sunt connexæ.

**IX. §. 4.** *Quæ est ratio virtutum intellectualium, eadem est & moralium. Sed virtutes intellectuales non sunt connexæ; potest ergo aliquis habere scientiam, ut non habeat artem; & contra. Ergo.* Resp. Dispar est ratio virtutum intellectualium & moralium: nam intellectuales, non sunt inter se connexæ, quia sunt circa diversa rerum genera: at, quæ sunt circa diversa rerum genera, non sunt coordinata ad se invicem, aut sibi mutuo connexa: atque virtutes morales habent ad se invicem ordinem; nam omnes passionēs & affectus habent ordinem ad se invicem, ergo & virtutes, quæ circa passionēs & affectus versantur.

**X. §. 5.** *Aut virtutes sunt connexæ, ratione principii, aut ratione subiecti, aut ratione objecti: non ratione principii, quod est Deus, quia sic omnia bona essent connexa; quia sunt à Deo: non ratione subiecti, quod est anima, quia sic non essent connexæ: quædam sunt, ex multorum sententia, in anima rationali, quædam in sentiente: & licet ratione subiecti essent connexæ, id non arguit, eas essentialiter esse connexas, aut ratione subiecti singularis: nec ratione objecti, quia per objecta distinguuntur: at idem non potest esse principium distinctionis & connexionis.* Resp. 1. Sunt connexæ ratione principii, non remoti, quod est Deus, sed ratione principii proximi, quod est prudentia. 2. Sunt connexæ ratione subiecti, quia sunt in eodem subiecto, saltem generico aut specifico, animâ sentiente, quod est ante demonstratum; sunt connexæ ratione objecti, scilicet in communi, in quantum versantur circa affectus aliquo modo inter se connexos.

**XI.** Transito ad alteram proprietatem virtutum in genere disputandam. Queritur 2. *An virtutes sint inter se æquales?* vetus fuit Stoicorum sententia, virtutes inter se esse æquales. Hinc Seneca epist. est virtus, non potest major aut minor fieri: unus stature est. At nos contra Stoicos cum Peripateticis & Scholasticis, inæquales esse virtutes, pronuntiamus: sed distinctè explicamus. Non comparamus virtutes intellectuales cum morali-

bus,

bus, nec intellectuales inter se, sed morales inter se: atque de iis hæc asserimus. Virtus moralis ejusdem speciei, sive in diversis reperiatur hominibus, sive in eodem homine, diversis temporibus, non censetur una perfectior quam altera, si spectetur quoad suam definitionem: nam species sunt indivisibiles, & definitiones specierum in indivisibili sunt constitutæ: quare virtus ejusdem speciei, eademque definitione, definienda, ratione suæ speciei & definitionis, æqualiter est in Petro, quam in Paulo, & æqualiter in Petro nunc, quam ante quinquaginta annos: nam definitiones & species non variantur, nec recipiunt magis & minus. At verò, si spectetur virtus moralis unius speciei quoad gradus, & quoad gradus conferatur cum virtute ejusdem speciei, sive in diversis hominibus, sive in eodem homine, diversis temporibus, omnino una est perfectior perfectione graduâli, in hoc homine, quam in alio, & perfectior in eodem homine, nunc, quam ante aliquot annos. Si porro spectentur virtutes, diversæ speciei, ex in diversis hominibus possunt esse inæquales: est enim Petrus sæpè perfectiori iustitiâ præditus, quam Paulus fortitudine; sed & in eodem homine possunt esse inæquales, prout inæqualiter in eorum exercitio participatur vis prudentiæ, & prout quis vel magis vel minus sese exercebit in hac aut illa materia atque objecto virtutis.

XII. *Clarius sic dici potest.* Virtus una est perfectior altera, consequenter inæqualis, dupliciter, vel ratione subiecti, vel ratione objecti. Ratione subiecti, in quo est, ratione objecti, circa quod versatur: v. c. scientia, quæ se extendit ad 10. conclusiones, est perfectior ea quæ se extendit ad 5. conclusiones; quæ est perfectio, ex parte objecti; perfe-

ctio ex parte subiecti est, si eadem scientia, quæ se extendit ad 10. conclusiones, firmiores egerit radices in Petro quam in Paulo. Jam verò, virtutes morales sunt inæquales ratione subiecti, sive sint in diversis subiectis, sive in eodem subiecto diversis temporibus. At verò ratione objecti sunt æquales: nec est hic perfectio aut major aut minor: quia æqualiter sese extendunt ad objecti sui latitudinem: est enim de ratione cuiusque virtutis, ut ad omne suum bonum se extendat: hic non datur inæqualitas: debet enim per viiutem uniusque sese bene habere, in omnibus, quæ ad vitam virtutem pertinent. At, ratione subiecti, datur inæqualitas virtutum: nam unus potest sese melius habere ad exercitium huius, vel illius virtutis, quàm alter; & unus idemque potest sese melius habere ad exercitium huius vel illius virtutis, hoc tempore, quam alio. Per terminos barbaros & consuetos sic hoc negotium decidunt Scholastici: Virtutes sunt æquales, extensivè: inæquales, intensivè, & subjectivè: sunt æquales extensivè, scilicet, sic, ut illa extensio referatur ad objectum: quia omnes & singulæ virtutes æqualiter ad omnia bona, intra sphæram sui objecti contenta, extenduntur. Temperantia omne suum bonum procurat: item fortitudo, item liberalitas &c. At intensivè sunt inæquales & subjectivè, quia plures sunt gradus huius virtutis in uno, quam in alio, imò & in uno eodemque, hoc tempore, quam alio. Atque hæc est clara & perspicua huius quæstionis solutio. Ita, & æqualitatem atque divulsionem, & connexionem atque divulsionem, virtutum inter sese, quomodo intelligi debeant, *gemina exercitatione*, enarravimus ac disputavimus.

EXERCITATIONUM ETHICARUM  
TRIGESIMA,

DE

Virtutum, inter Gentiles & Fideles, seu  
Paganos & Christianos, discrimine.

T H E S I S I.

**Q**uia, circa virtutum inter Ethnicos & Christianos discrimen, à multis erratum fuit, & à nonnullis erratur hodie, & res est maximi usus, non malè tempus collocaverimus, si hoc discrimen dextrè enucleemus. Hoc igitur, pro fundamento jacimus, spectari posse virtutes, & spectandas esse, vel, ut sint in Ethnico, vel, ut sint in Christiano, vel, ut sint in infideli, vel, ut sint in fidei, & longè aliam esse, in hisce, quam in illis, rationem, ac vicissim. Ea virtutum duplex consideratio, pro gemino earum subjecto, hic tenenda est accuratè. Monemus quoque in antecessum, virtutes Christianorum ac fidelium Deo placere ad salutem, non quidem, ut merita salutis acquirendæ, sed, ut media salutis obtinendæ. Et rationem damus, quia Deo placet Persona, subjectum virtutis; est enim talis virtutis subjectum, gratum Deo, in Christo, propter fidem, sine quâ impossibile est placere Deo. Et longè secus sese res habet cum Ethnicorum seu Gentilium virtutibus, quæ Deo ad salutem placere nequeunt, quia personæ Gentilium Ethnicorumve sunt extra Christum, & fide carent. Virtutes Christianorum, ex fide fiunt, secundum legem Dei revelatam, ad gloriam Dei, quæ sunt tres conditiones operis, Deo placentis: at Christianæ virtutes, non ex fide, sed iudicio aliquo corrupto, nec per fidem illustrato, imò ex opinione interdum meriti, atque adeo ex intentione proprii honoris, secundum rudera ac rudimenta, & reliquias legis naturæ, exercentur; quæ conditiones longè abeunt, à conditionibus operis, aut virtutis, Deo placentis: interim, in universum dis-

plicere Deo, gentilium virtutes, non dicimus: imò contrà, placere asserimus Deo, quamvis non ad salutem eorum: quodcumque enim in gentilium virtutibus boni resplendet, veluti in carbone parvulæ emicant scintillæ; quia verò à nonnullis hic sit cespitatum atque erratum, qui non satis accuratè renatorum ac fidelium virtutes, à non renatorum et infidelium virtutibus dissecarunt, quod tamen discrimen accuratissimè tenendum esse, doctiores omnes censent; ut enim non vulgaris est sapientia, & utilissima cognitio, si quis Philosophiam ac Theologum, legem & Evangelium, rite rectèque discernat, sic nec minoris est usus, rite rectèque discrevisse inter sese renatorum virtutes: visum est, operæ pretium, discrimen illud latius adhuc expositum dare. Quod hic agredimur.

II. Quod egregiæ extiterunt atque excellentes in omni genere Ethnicorum virtutes, id ex veterum scriptorum monumentis perspicere facile potest ac cognoscere: inspicite atque evolvite vitas Græcorum quorundam ac Romanorum, quas posteritati reliquit sedula probatorum, inter Græcos & Romanos, auctorium diligentia. Quot inter eos fuere, qui non item pro salute civium expetere ac vitam impendere Patriæ, suumque sanguinem, non dubitarunt, verè fortes animæ; quales extiterunt, Codrus, Leonidas, Curtius, uterque Decius, pater & filius, alique plures; quid Arisidem referam, qui adeo excelluit inter Græcos, abstinentia, æquitate, innocentia, ut Sigi. & cognomento, i. e. justus, fuerit appellatus? Quem admodum & Phocion, ob singularem vite

inte-



integritatem *χρηστος* i. e. bonus, fuit dictus. Quanta exiit *Thraſſuli* fides, constantia, animi magnitudo, & in Patriam amor? quanta *Simonis*, & quam pene incredibilis in pauperes beneficentia & liberalitas? quanta *Epaminonda* modestia, gravitas, veritas, & in arcanis celandis taciturnitas ac fides? Quanta fuit *Timoleontis* in rerum prosperitate moderatio, quam excellens & præstans ejus in omni genere bonitas? quis non novit, *Socratis*, Delphico oraculo sapientissimi, sanctitatem, patientiam, atque mansuetudinem? Quis ignorat *Xenocratis* continentiam, frugalitatem, pecunieque contemptum? præclara sunt hæc virtutum præclarissimarum inter *Græcos* exempla: at non minora extant inter *Romanos*. Quid dicemus de fortitudine vel erga patriam pietate *Caji Mutii* aut *Horatii Cocliis*? Quid dicemus de eximia castitate & pudicitia *Lucretiæ*, quæ per vim oblatum stuprum voluntaria morte luit? Omitto *Camillos*, *Curios*, *Fabritios*, *Cicerones*, *Catones*, *Lelios*, *Scipiones*, *Fabios*; & quis omnes inter *Romanos* recenscat, quorum virtutes, longum nimis foret, enumerare?

III. Quamvis autem hæc & similia virtutum in hominibus *Ethnicis* exempla (multos Christianos in ruborem dare valeant) historix nobis suppedient, & ad imitationem proponant. Multum tamen est, quod in tam eximiis *Ethnicorum* virtutibus desideremus. Enimverò, quod virtutum est caput, & unum omnium maximum, vera Dei cognitio, & salutaris scientia Religionis, fidesque, defuit, sine quibus, quodcumque in Gentilium virtutibus boni replenduit, nullius ad salutem iis momenti fuit, adeoque virtutes eorum, quasi corpus suere sine capite. Nōrant quidem *Ethnicorum* plerique, aut utcumque habebant persuasum, aliquem esse effectorem ac conditorem omnium, eundemque conservatorem Mundi ac gubernatorem, partim ex communibus notionibus, partim ratiocinio, defuit tamen illis vera, defuit certa Dei veri agnitio, & divinitus illa inspirata atque infusa Patrum, prophetarum, aliorumque Christianorum, sapientia, quæ ex solis voluminum sacrorum monumentis, & peti debet, & per-

cipi potest, quâ quidem unâ ac solâ hominum salus continetur. Nihil de Deo Gentiles noverunt, ut se in verbo suo patefecit: invocant quidem Deum, sed plerique fluctuantes, sed dubitantes, sed hæsitantes, an curam gereret Deus rerum humanarum, an respiceret ipsos, an preces exaudiret, an misericordia nostri afficeretur, an misertus esset in ærumnis & calamitatibus, an ex periculis erepturus? ita sese in afflictionibus, nec erigere, nec animum suum sustentare, valuerunt. Spe caruerunt, quæ non pudefacit, & fide, quæ adversitates omnes superantur: hinc defuit quodque iis ex vera fide proficiens in rebus dubiis invocatio, opis divinæ imploratio, vera erga Deum fiducia. Nihil sciverunt *Ethnici* de vitiositate illa insita, de occulta hominis malitia, & cordis pravitare, omnis mali libe prima, & radice omnium vitiorum, flagitiorum, scelerum. Nihil de causa peccati, miseria hominis lapsi, nihil de redemptione generis humani ab æterna morte, nihil de recuperanda imagine, ex peccato primorum parentum amissa, nihil de adoptione nostra in filios Dei, nihil de reviviscentia mortuorum, nihil de vita æterna & futura gloria piorum: nihil denique de ea religione, in qua una, & salus est hominibus, & vera beate vite in terris ratio, & solida consistit virtus. Ex quarum rerum ignorance, quantum defuerit *Ethnicis* ad veræ virtutis professionem, manifestum est satis: quamvis ergo & virtutibus maximis, adeoque incredibilibus ornati vixerint *Ethnicorum* nonnulli, *Aristides*, *Phocius*, *Epaminondas*, *Cato*, *Regulus*, alique, quos recensui, quod tamen virtutis omnis est caput, initium ac finis, defecit, vera Dei agnitio, & cor purgatum fide: quo sensu benè dictum est ab *Augustino*, Patrum maximo, omnem infidelis vitam, peccatum esse, & nullum esse bonum, sine summo bono. Nempe, ubi deest agnitio veræ divinitatis, & ex solo haurienda verbo Dei, falsò est virtus, etiam in optimis moribus; & sine fide, etiam quod virtus esse videtur, peccatum est, nec Deo placet. In summa, ex cognitione demum fidei, & ex sola fide in Christum, proficiuntur hone-

stæ voluntates, sententiæ, actiones, &, ut verbo dicam, omnis omnino virtus, &, qui verum Deum ignorant, qui fide carent, non germana solidaque est virtus in iis, sed imago, sed effigies, sed simulacrum, sed vestigium quoddam virtutis leviter impressum, atque adeo, si rem rectè reputemus viâ, umbra fugax, & propriè, somnium virtutis: sola quippe Dei notitia, sola in Christum fides, illas in homine procreat virtutes, quibus & in hac & in futura vita homini beneficit: hæc enim mentem & rationem, originis peccato vitiatam, omni pulsâ & discussâ caligine, illuminat. Hæc voluntatem depravatam corrigit, novosque in pectore motus ciet: hæc hominem divina Metamorphosi ad imaginem Deitatis format, quæ renovatio, quæ regeneratio, quæ hominis transformatio, unicum, beatæ hîc, & in futuro seculo vitæ, medium, cum Ethnicis defuerit, defuit quoque illis vera virtus: defuit enim veræ virtutis fons atque fcaturigis.

IV. Sed & à recto virtutis fine, à gloria Dei, per virtutes celebranda, aberrarunt *Gentiles*, dum alii gloria propria ducti, alii pudore, alii metu, virtutem exercuere: at verò, quæ ob inanem nominis auramque popularem exercetur virtus, vana est virtutis species. Et, qui metu ac pudore abstinēt à vitiis, ii non virtutis amore virtutem exercent, quod non bonorum est, sed malorum potius. Noti sunt versùs tritissimi,

*Oderunt peccare boni, virtutis amore.*

*Oderunt peccare mali, formidine pænæ.*

Ita ut, non ista animi sinceritate, ista mentis integritate, ista consilii simplicitate, ista voluntatis rectitudine, isto scopo & fine, virtutem exercent *Gentiles*, ut quidem contrà faciunt *Christiani*. At finium diversitas, actionum diversitatem inducit, ut in *Ethnicis* docere solemus: ac multum omnino refert, ad quem scopum virtus omnis dirigatur: qualiter quicquam sit, tale revera existit, talique existimatur actio: si facultatibus suis, proximi quis egestatem sublevar, ex Christi amore & fraterna charitate, virtus profecto est: sin verò, vanæ laudis inaniſque gloriæ cupiditate, ut speciem sanctitatis præbeat,

rumoremque bonum colligat, & magnam sui existimationem conciliet, turpe vitium est: atque in hunc modum, *Ethnicorum* omnibus contingit, quamvis honeste viventibus, ut alio, quam oportebat, spectaverint, nec eum finem intenderint, qui intendendus erat: nam ex nimio sui amore, ex ingeniât omnibus *Glauria*, ut apud alios magni haberentur, non rectè fecerunt, quicquid fecerunt. Et illam *Glauria* suæque nimiam existimationem, excutere non valuerunt, ut sic in rectum virtutis collinassent scopum, quia solum Dei verbum, abditam istam & occultam humani cordis pravitatem, in medium profert: qua verbi divini face ac luce, cum caruerint, profunda quadam sui ipsorum ignorantia, labantur; quo factum, ut germanam virtutis quoque finem, gloriam, non sui, sed divini nominis, atque adeo ipsam veram virtutem, assecuti non fuerint.

V. Quid igitur? dicit aliquis; *ergone vitia, loco virtutis, amplexati sunt miseri Gentiles?* si virtutes veræ non fuerint, nihil retulerit, utrum *Aristides* quis existerit inter illos, an *Phalaris?* Utrum *Catiline*, an *Caesar?* sed enim, non hæc est animi nostri sententia, virtutes omnes *Ethnicorum*, ex albo virtutum delere in universum, & vitiiorum titulo proscribere: Cum veras, cum germanas, cum solidas, virtutes fuisse negamus, salutaris fuisse negamus, ac Deo placentes, qualem esse oportet, veram, germanam ac solidam virtutem: sine dubio erant Dei dona, & eximia illa, excellentes *Ethnicorum* virtutes, & suam merentur laudem heroica eorum facta, si in se spectentur, aut ex donantis Dei gratia autimenter, qui bene novit uti, etiam eo, quod non omni modo bonum est: attamen præclara ista facta, atque egregie *Gentilium* virtutes, eos ad salutem perducere, Deo gratos reddere, non potuerunt, nec morti æternæ subducere: Quia, quicquid præstiterunt, non propter Deum fecerunt, nec Dei timore atque amore impulsî, nec ea mente, ut obedirent Deo, & cultum debitum exhiberent, nec, ut gloriæ Dei inservirent, sed alios sibi in actionibus suis fines habuerunt, fortasse ip speciem honestos, attamen in tan-

ta Dei & sui ipsorum ignorantia, non omnimodo bonos nec ad salutem profuturos. Quare, cum nec initium ac fons veræ virtutis, veræ Dei agnitio & in Christum fides, nec finis veræ virtutis, illustratio gloriæ divinæ in Ethnicorum virtutibus reperiantur, quidni concludamus, licet in se quippiam boni contineant, veræ tamen, germanæ, solidæ ac salutaris virtutis nomen titulumque non mereri? quo sensu nonnullis dicuntur, splendida peccata.

VI. At verò longè alio censu ac loco habendæ sunt virtutes Christianorum: hi hunc sibi proponunt finem & intuentur scopum, ut omnia ad Deum divinique nominis gloriam referant, cum illustrare, omnibus virtutibus, fatagunt: plus apud eos valet timor Dei, quàm dulcedo gloriæ propriæ; plus amor proximi, quàm suamet ipsorum utilitas; plus æternum præmium, quam temporarium commodum. Nihil sibi tribuunt, sed omnia gratiæ divinæ; & virtutes, benignitatis divinæ in sese effecta, agnoscunt: à *ciarantia* longè absunt, sed humiliter & abjectè de se sentiunt. Inveniunt in se veram Dei notitiam, ex sacro codice hausitam, inveniunt fidem & fiduciam in Christum, qua Deo confidunt eumque filiali honore prosequuntur, qua statuunt, sibi remissa peccata esse: inveniunt spem, non pudefacientem, qua expectant divinitus auxilium in malis, liberationem ex adversis, nituntur promissionibus divinis, credunt se adjutum, protectum, servatum iri, à Deo; denique de Deo, ut se in verbo suo patefecit, sentiunt, & ut verbo omnia complectar, viva ac solida & salutaris virtus Christianos docet ac fideles, quales sese gerere debeant erga Deum, quales erga proximum, quales erga sese

ipsos: in quo virtutem ternario numero, Christiana virtus omnis absolvitur atque impletur.

VII. Summa omnium huc redit. Virtutes Ethnicorum & Christianorum, in duobus differunt, causa efficiente, & fine. Efficiens causa virtutum in *Christianis*, est vera Dei agnitio, fidesque in Christum, à Spiritu Sancto, per verbum in eorum cordibus genita. At in *Ethnicis*, est solum naturale ac mentis corruptæ iudicium, & quæ sequitur voluntatis itidem corruptæ electio: ad quæ duo accedit quidem concursus Dei generalis, sed non gratiæ specialis, intellectum illuminantis & voluntatem renovantis ac regenerantis: sine differunt *Gentilium* & *Christianorum* virtutes, quod Gentiles, cum operam dant virtuti, suam aucupentur gloriam; at *Christiani* solam Dei gloriam sibi habent propositam. Adde nunc tertium discrimen: quod perfectione differant quoque, tum partium, tum graduum, Gentilium & Ethnicorum virtutes: perfectione partium, quia, etli Gentiles quædam habeant virtutes, non tamen omnes, non certe eas, quæ salutares sunt; veram Dei agnitionem, veram fidem, veram contritionem, aliasque: perfectione graduum, qua Gentilium virtutes, utcumque extrinseca specie videantur esse alicujus splendoris, in recessu tamen, plurimum habent immunditiei ac sordium, quia proficiuntur ex corde non puro; Unde exteriora quidem membra cohibent, interdum & coërcent, at interim plerumque perturbationum flammis interioribus valde æstuant atque uruntur. Nunc ad virtutum accedimus species, quò de singulis in posterum disputando nos exercere valeamus, quod aggrediemur *Exercit.* sequenti.

EXERCITATIONUM ETHICARUM  
TRIGESIMA-PRIMA,

DE

Varia divisione Virtutis Moralis, specia-  
tim, de Virtute Heroicâ.

## T H E S I S I.

**C**irca divisionem virtutum moralium jam ante exercit. 29. quædam à nobis sunt disputata: ac visum fuit, 1. an virtus moralis possit dividi in species? respondimus dividi posse. 2. ostendimus, quomodo virtutem diviserint in 4. Cardinales Stoici, quomodo quintam adjecerint Platonici, quem numerum virtutum recensent Arist. 2. Eth. cap. 7. diximus quoque Ethicæ Christianæ Scriptores & Casuistas, dividere virtutes, secundum geminam decalogi tabulam, ut alia, in Deum immediate, alia in proximum feratur. Cui affinem judicavimus divisionem Modernorum, qua dividunt virtutem in probitatem & pietatem, ut pietas in Deum, probitas in proximum, & nos ipsos tendat, quæ eadem est cum divisione Apostolica in epist. ad Titum, qua docet omnem virtutem, quam in nobis operatur salutaris Dei gratia, nos docere, quomodo nos gerere debeamus adversus Deum, quomodo adversus nos, quomodo adversus proximum: adversus Deum oportet nos esse pios, adversus nos temperantes, adversus proximum justos: nunc porro alias adhuc divisiones prosequamur, ut ex iis omnium commodissimam nobis eligamus, quam sequamur.

II. Piccolomineus gradu morali cap. 19. virtutem moralem facit quadruplicem, Civilem seu Politicam, purgatricem seu purgatoriam, animi purgati, & exemplarem: quæ Platoniorum quorundam esse divisio videtur: Civiles seu Politicæ, sunt hominis, qui est animal sociale, quæ pertinent ad servandam communem societatem: atque hæc sunt minus perfectæ; & exteriora saltem membra continent in officio, ac legibus satisfaciunt Politicis, qui-

bus satisficit, si externi mores ad earum normam componantur, licet interim cor non sit purum, cui leges præcavere Politicæ nequeunt. Purgatorie aut purgatricis non tam, nec tantum, exteriora, quam & quantum animum purgant, à quo detergere solent vitiorum sordes, ita tamen, ut aliquid labis adhuc sit reliquum. Animi purgati virtutes dicuntur, quæ animum reddunt ab omni labe & asperione hujus mundi plane defraudatum, quod tum fit, si penitus sint domitæ cupiditates, & rationi non amplius oblectentur. Exemplares sunt omnium perfectissimæ, quia ad divinæ mentis ideam proxime accedunt, vel à divinarum virtutum exemplo quasi defluunt.

III. Scholastici virtutes diviserunt in acquisitas & infusas: acquisite sunt, quæ nostris actionibus naturæque viribus acquiruntur, ut temperantia, liberalitas, fortitudo; quæ dicuntur nostris acquiri & actionibus & viribus, non, quod influxum & concursum Dei generalem excludant, sed quod non sint ab influxu & concursu specialis gratiæ divinæ, uti quidem sunt infusæ, quæ sic vocantur, quia Spiritus Sancti gratia & efficacia hominum animis induuntur & infunduntur, ut sunt, fides, spes, charitas: addunt nonnulli Scholasticorum 3. genus virtutum, quas vocant dona, quæ distinguuntur à virtutibus, sive infusis, sive acquisitis, quod per dona statim & prompte & in repentinis operemur, per virtutes sive acquisitas seu infusas, non tam cito, nec tam prompte, sed paulatim ac pedetentim agamus; quod discrimen an satis solidum sit, in medio relin-

603.  
or.  
sit  
ne-  
m,  
um  
ent  
la-  
tu-  
ari  
re-  
oi-  
tu-  
stif-  
ne  
m-  
.  
ac-  
ne-  
ui-  
ti-  
ic-  
&  
fid  
oc-  
tu-  
ti  
an-  
ka-  
ge-  
di-  
live  
arte  
tivo  
ram  
aw;  
edio  
elin-

q  
t  
t  
n  
tr  
tu  
bo  
ri  
He  
pe  
vi  
He  
fer  
qu  
do  
m



relinquo: ita videbitis de donis multa disputari à Scholasticis in summam Thomæ & Mag. sent. commentatoribus: sufficit scire, quid per dona intelligant, in quibus, illa à virtutibus, tum acquisitis, tum infusis, distinguuntur: interim & hoc monendum est, omnem virtutem, sive acquisitam, sive infusam, Dei donum esse: de infusis certum est, quia supernaturaliter donantur hominibus: de acquisitis minus est certum; nam, licet illæ dicantur acquiri frequenti actuum exercitio, & assidua bene operandi assuetudine, tota tamen illa vis agendi & assuetudini, imo ipsum actionum exercitium & ipsa assuetudine, sunt donum Dei, sunt actio ipsius Dei, nos ad agendum & assuetudinem movens & impellens: unde, qui sic acquiras virtutes vocant, quia sunt sc. hominum opera atque effectus, non Dei item dona, errant: sunt enim magis Dei dona, quam hominum effecta: & virtutes infusæ, omnino sunt Dei dona: ergo nihil est necesse, distinguere dona à virtutibus, sive infusis sive acquisitis: sed omnes virtutes, sunt Dei dona, sive semel & cito, sive sæpius & lente, aliquid boni & honesti, iis faciamus.

IV. Melanchthon sub finem lib. 1. Eth. virtutes dividit, in simpliciter necessarias, & non simpliciter necessarias: illas vocat, sine quibus nemo bonus esse potest, ut sunt, agnitio, & timor Dei, fides, charitas &c. has, sine quibus quis potest esse bonus, & quæ aliis virtutibus sunt ornamento, ut magnanimitas, magnificentia, sine quibus potest esse bonus.

V. Postremo est divisio quædam adhuc virtutis apud Arist. lib. Eth. 7. cap. 1. qua dividitur in *agatikes* sive diviniæ, & *anagatikes* sive humanæ: quæ divisio virtutis non est generis in species oppositas: neque enim virtus Heroica differt specie ab humana: sed tantum per excellentiam quandam & eminentiam virtus humanæ dicitur Heroica, quando cadit in Heroes, viros excellentes, illustres, & quasi semideos, unde Heroicæ dicuntur virtutes, quia existunt in Heroibus, quo pacto fortitudo, in Hercule, de Heroica dicitur: in alio, humana virtus: eadem tamen virtus specie, ac

moralis utrobique; sic constantia in Scavali, virtus est Heroica, in alio, humana: sic iustitia in Aristide, virtus est Heroica, in alio, humana: datur quoque Heroica virtus, divina, qua propius ad Dei similitudinem accedunt homines, qui iis sunt præditi, quam alii: sic vero virtutes Theologicæ quædam dici possunt heroicæ, in quantum extiterunt in quibusdam heroibus, ut fides in Abrahamo, patientia in Iobo &c. heros dictus est Portus, seu Deus, ex Deo & homine natus: nobis hoc loco heros est, qui virtutis eminentia & perfectione in hac vita, supra communem & humanam fortitem, supra ceteros homines asurgit: tales mortales *ἥρωες ἀνδρες*, Græci vocant: quorum rariora licet sint exempla, omni tamen ætate, quædam, ceu lumina emineere solent Deus: potest autem in omnium genere virtutum heroica ista animi ac divina affectio cerni: & errant, qui virtutem heroicam tantum in una fortitudine, quam *ἀνδρείου* Græci vocant, collocare solent: longe aliter Phil. lib. 7. Eth. cap. 1. ianct. qui virtutem heroicam definit, excellentiam & eminentiam virtutis cujuscunque, quæ humanam transcendit imbecillitatem, & ad Deum proxime accedere videtur: est itaque virtus heroica, ut quam plenissime eam describam, per quam non tantum constanter & admirabili quadam facilitate, quæ ceteris sent difficiliora, quis gerit & facit, sed insuper tanta vi & dexteritate, ut vigor appareat plus quam humanus, & longe major quam in aliis, qui in eadem virtute sese exercent: estque hæc virtus, peculiare Dei donum, quod indolem confert generosam; nullique contingit, sine peculiari Dei afflatu atque influxu: in quo ab humana ac communi didedit ac didisset virtute.

VI. De virtute heroica varix possunt ac solent institui quæstiones, quas pertractabimus: Quæritur, 1. an virtus heroica sit virtus, quandoquidem virtus in medietate & mediocritate consistit, at vero virtus heroica non item; imò hæc potius in excellentia & eminentia est sita. Resp. virtus heroica & *μεσότης* est ac medietas, & *ὑπερβολή* sive eminentia, medietas, ratione extremorum, inter quæ est sita; & sic virtus est: eminentia, ratione perfe-

etionis, qua cæteris præstat virtutibus, & sic non virtus est simpliciter, sed heroica.

VII. Quæritur: *Afflatus ille Dei, & impulsus, & motus, & ductus, qui ad virtutem heroicam requiritur, ad quam actionem Dei referri debet?* Resp. Actiones Dei, quibus influit Deus in inferiores, vel speciales sunt, quæ pertinent ad solam Ecclesiam, & ad pios tantum homines; vel generales, quæ pertinent ad totam rerum naturam, ad homines quoque profanos & impios, imo ad ipsos diabolos: atque hæc, vel sunt ordinariæ & usitatæ, ut solis ortus & occasus, vel extraordinariæ & inusitatæ, ut, *Cyri, Romuli*, aliorumque similitum: *Virtutes Heroicæ* piorum, & Dei afflatus ad illas virtutes, pertinent & referri debent ad actiones Dei speciales, quæ spectant Ecclesiam: virtutes Heroicæ Gentilium, & afflatus Dei ad illas pertinent, & referri debent ad actionem Dei generalem, quâ influit, sed extraordinariam & inusitam.

VIII. Quæritur: *An & virtus Heroica cadat in infideles? & profanos?* Resp. quemadmodum sine vera Dei cognitione ac sine fide, nulla est vera ac sincera virtus, ut exercit. 30. est demonstratum, ita nec sine iis est virtus vere Heroica: sed quæ laudatur in infidelibus unumque Deum ignorantibus, animi promptitudo, affectio, & alacritas, ea umbra tantum & assimiliatio quædam est virtutis vere Heroicæ: suo tamen modo in *Ethnicos* cadit Heroica virtus æque, ut in *Christianos*; quod exemplis demonstrari facile potest. Heroicæ & plus quam humanæ iustitiæ exemplum est inter pios *Moses & Salomo*: inter profanos, *Aristides & Cato*. Fortitudinis plusquam humanæ exempla sunt pia, *Iosua, Sampson, David*, & ii, qui illius sæculo & ætate, inter triginta Fortes censentur: nostra ætate & superioribus sæculis tales exstiterunt plerique Christi Martyres: profani verò, *Hercules, Themistocles, Scipio, Coriolanus*: temperantiæ plusquam humanæ exempla sunt, *Iohannes Baptistæ, & Elias*, in sacris: inter Ethnicos, *Socrates*: prudentia plusquam humana fuit, in *Salomone*, inter impios in *Achitophel*: & quid opus est per plures ac singulares virtutum classes incedere.

IX. Quæritur: *An virtus Heroica cadat in pueros?* Resp. indoles Heroica cadit in pueros, quod, exempla *Davidis, Alexandri*, & aliorum testantur: sed ipsa virtus Heroica in ætate tam tenella tantum est in spe, non in re, nisi peculiari afflatu Dei excitetur, ut factum fuit in *Daniele*.

X. Quæritur: *An mulieres sint capaces virtutis Heroicæ?* Resp. sunt capaces, sed rarius tamen capiunt: sunt enim foemellæ animo imbecilliores, & affectu turbulentiores: habent minus confidentiæ, minus plerumque roboris: sunt tamen nonnullæ, in quibus virtus Heroica, ceu novum quoddam sidus, effulsit: quales fuere in *Sacris, Debora & Iael*, in prophanis, *Semiramis, Amazones, Arthemisia*, & Patrum sæculo *Elisabetha Anglicæ*.

XI. Quæritur: *An & in spurios cadat virtus Heroica?* Resp. ita esse, exempla evincunt spuriorum, qui virtute non vulgariter maximas gesserunt, & ad summos honores emerferunt: ex sacris est *Jephie*; ex prophanis *Themistocles, Homerus, Romulus, Carolus Martellus, Iohannes de Austria*; & si fides sit habenda vitæ descriptori, *Erasmus Rotodamensis*. Causæ ejus rei dari possunt, *Divina, Physica, Ethica*: *Divina*, nam, ut Deus interdum humilia extollit, excelsa depimit, ita hic interdum spurios maximis ornat virtutibus, alios non item: *Physica*; ingenia & corpora spuriorum sunt vegetiora, quia parentes habent plerumque bene validos, juvenculos & totos in libidinem effusos: *Ethica*; quia cum passim habeantur contemptui, qui sunt spurii, summa contentione emergere, & omnium virtutum studio hoc probum amoliri conantur.

XII. Quæritur: *Quænam sint extrema virtuti Heroicæ opposita?* Resp. in excessu est feritas, in defectu stupor quidam, ad omnem videlicet honesti sensum, *seritas Aristot. 7. Eth. 2.* est & dicitur *ἡ ἐκείνη, δὲν τῇ ἡμετέρᾳ, ἀβ ἀνιμαλὶς βρῦτις*; estque, vel *ἀπὸ αἰσθητῶν*, quæ absque ratione, vel *ἀπὸ αἰσθητῶν*, quæ cum ratione sit: in priori nihil aut parum omnino est rationis, uti est illa feritas, quæ ex morbis & humoribus existit depravatis, qualis est in *Phreneticis & Melancholicis*, & illa, quæ in

ἀνδραποφῆς & Cyclopihus: feritatis vero, quæ est ἀνδραποφῆς cum ratione, sed perversa ac corrupta, tot sunt species, quot sunt species Heroicæ virtutis: sic feri fuerunt ex perverso rationis usu, cum sciente & volente malitia, *Mezentius, Phalaris, Dionysius major, Sylla, Caligula, Nero*, & id genus monitra ac zizania: *defectus virtutis Heroicæ*, quem

*stuporem* vocavimus, ignavia quædam est, & ineptitudo, qualis est in iis, qui porcorum instar aut caprorum in omni voluptatum luro sese volutant, ad cælum & virtutem, quæ in cælum mortales ducit, nunquam suspicientes: *feritas* tamen hoc *stupore* pravius censetur vitium, & magis adversari virtuti Heroicæ,

## EXERCITATIONUM ETHICARUM TRIGESIMA-SECUNDA,

D E

# VIRTUTE HUMANA.

T H E S I S I.

**E**xercitatione postremâ, varias virtutis moralis protulimus divisiones: postrema fuit, quæ dividi solet in *Heroicam* & *Humanam*. De *Heroicâ* tum egimus: de *humanâ* agere, nunc est animus. *Humanam* vocamus *virtutem*, oppositam *Heroicâ*, quæ in communi hominum sorte, natura, conditione, ac vulgo, invenitur. *Heroica* est in solis Heroibus, ac in supra humanam sortem elevatis viris ac semideis reperitur: *humana* ergo virtus ab illâ summâ excellentiâ nonnihil recidit, quæ quidem in *Heroica* cernitur.

II. *Humana virtus* subdividitur in *perfectam* & *imperfectam*: etsi enim virtus humana ad supremum illum perfectionis gradum non pertingat, quem tangit *Heroica* virtus, in se tamen suoque modo interdum *perfecta* est, interdum plane *imperfecta*: si *perfecta*, virtus simpliciter; si *imperfecta*, semivirtus vulgo dicitur: unde *Ethicorum* nonnulli, nec male, ἀνὴρ ἐλάττω instituunt virtutum: dicuntque, virtutem esse, vel *inchoatam*, vel *perfectam*, vel *Heroicam*: *inchoatam* vocant, cui debita adhuc perfectio, virtutisque plenæ ratio, deest: in qua, & per quam, mediocritas quidem servatur, sed cum difficultate, agritudine, quia affectus nondum subjugati difficulter parent rationi, imo relu-

ctantur: *perfecta* virtus est, cum affectus ita sunt subjugati, & sub imperium rationis reducti, ut ejus præscripto reniti aut reluctari non valeant; *heroica* est, quæ supra communem aliorum hominum captum & modum, opus suum, singulari alacritate, & facilitate, præstat; de qua, quantum satis est, actum est *exercitatione postremâ*: nunc paulo plenius discrimen virtutis *perfectæ* & *imperfectæ*, seu consummatæ & inchoatæ, seu virtutis simpliciter & semivirtutis, inspicimus: & an sano satis sensu aliqua dicatur virtus cadere in hanc vitam *perfecta*, aut consummata? nam hic satis graviter errari potest. Res sic se habet, ut hoc vulgo explicant.

III. *Duplex est virtutis humane gradus*: *Heroicam* enim virtutem plane missam facimus: *unus* est, quando virtus statuitur eo assurrexisse, illudque fastidium conscendisse, ut contrarium omnem rationi rectæ impetum extinxerit plane atque aboleverit: *alter* virtutis gradus est, quando ea quidem exercetur, sed in exercendo sentit impetum & vim affectuum, rectæ rationi reluctantium: *prior gradus æternus*, simpliciter autem *virtus*, dicitur Philosophis: *alter*, *ἐν ᾧ ἔσται, continentia* vulgo. *Prior gradus*, verus, *perfectus*, ac plenius est habitus:

bitus: *alter*, non item, quia minus est firmus, ac dispositio magis videtur. *Virtus humana perfecta* hominem afficit, ut vitii contrarii vim amplius non sentiat, sed pleno animo, totoque voluntatis impetu, & sponte sua ad honestas virtutis actiones feratur: nam, quæ ex virtute sunt, præterquam quod scienter & volenter fiant, etiam firmè constantique, atque adeo immutabiliter, fiunt: sic enim dispositum oportet esse animum ejus, qui ex perfectâ operatur virtute, ut immobiliter agat, ut sine renisus, promptè atque expedire. Hæc quidem sic, pæschè in speciem à Philosophis dicuntur ac discernuntur, de virtute perfecta: sed verò larva hic aliqua est, quæ detrahi debet.

IV. Profecto, si quis expendat bene naturæ humanæ conditionem ac statum, facile videbit, non cadere in hominem, quamdiu in hoc corporis ergastulo concluditur ac vivit, virtutem, isto sensu perfectam ac consummatam, ut omnes in contrarium renitentes affectus sint subjugati; neque enim natura humana, qualis est in hac vita, propter conditionem, quam sibi accessit atque imposuit per peccatum, tam felicem, tam beatum, tam perfectum statum, assequi unquam sibi potest, ut omnem peccati fomitem exuat, omnem affectum rebellionem compescat; quod tamen exigit virtus perfecta, ut quidem de ea in suis contemplationibus philosophantur Philosophi: nam depravata nimis est, & eam non nisi peccata delectant: sine luctu affectuum, sine pugna ac renisus, bene agere nulli mortalium est concessum in hac vita: sed post hanc demum vitam ad istam naturæ integritatem reducetur, ac restituetur homo, ut sine molestia, sine difficultate, benè sit acturus, quodcumque agat. Certe, sanctissimi in hoc mundo, cum bene agunt, sentiunt nihilominus rebellantis carnis & obliquentium affectuum vim atque imperum: neque enim perfecte hic regenerantur: nimirum, iusto Dei judicio, mancipatus hic est homo peccatis, quam, ut vincula ista omnia peccatoris excutere possit: at posset, si plena perfecta que ac consummata in eum caderet virtus, quæ tum demum dicitur talis, cum affectus in solidum parent rationi: quo

casu, peccato non esset locus: at vero peccato hic semper est locus: & quamdiu vivimus, ac corpusculum hoc nostrum circumgestamus, peccamus. Hanc peccandi necessitatem miseri mortales sibi imposuerunt, dum à Deo ad Satanam, à vitâ ad mortem, à luce ad tenebras, à primâ & nativâ iustitiâ, ad scelus, sponte deflexerunt: atque ex hac peccandi necessitate, factus est, ut perfecta virtus non cadat in hominem in hac vitâ, quia nunquam perfecte homo liberatur ab ista peccati potestate: illa enim liberatio post hanc demum contingit vitam: quare concludimus, virtutem perfectam ac consummatam, sine ulla rationis & affectuum pugna, sine ulla luctu carnis & spiritus, in hominibus individuis, non dari: sed vero omnis virtus, quæ in hanc incidit vitam, imperfecta est, & cum luctu ista inter rationem & affectus est commixta: nunquam enim in ullo homine ad summum illud culmen fastigiumque victoriæ pervenit virtus, ut non reluctetur ratione affectus; & hoc est, quod Apostolus volebat, cum dixit, bonum volo, sentio adherere mihi malum: sed paulo plenius de hoc imperfecto virtutis gradu, quem semivirtutem vocant, philosophemur. Res sic se habet.

V. Hominis, naturæque humanæ, status medius fere est inter eos, qui perfecte virtutem sunt assecuti; quod contingit beatis in cælo: & qui omnino ac planè sese omni vitio dederunt, omnibusque peccatis sunt adstricti; quod contingit damnatis in inferno: tales sunt, qui pro virtutibus contra vitia luctantur, qui vitiorum vim necdum abolutam in se præsentiscunt, qui, nunc volunt, nunc nolunt, bonum, imo, interdum bonum, quod volunt, non faciunt, malum, quod nolunt, faciunt: hi dicuntur Græce *ἐν ἡμέρῃς* & *ἐν ἡμέρῃς* & virtus ipsa, aut, ut Peripatetici loqui amant, *semivirtus*, dicitur *ἐν ἡμέρῃς*, Latini vocant continentiâ: atque talis est omnium hominum conditio, ut virtus sit vitio commixta, & contra, ut ratio pugnet cum affectibus; & nunc hi succumbant, nunc illa superet, ac contrâ: cum ratio vincit affectus, cum virtus superat vitium, *status hominis* aut ipsa virtus, vel *semivirtus*, ut illi loquun-

loquuntur, dicitur *continentia*, ἐν ᾧ ἡ ἡμέτεια cum affectus superant rationem, cum vitium vincit virtutem, *status hominis* seu *vitium* seu *semivitiū*, vocatur *incontinentia*, ἀνὲν ἡμέτειαιque voces hæ, tum apud Græcos, tum apud Latinos, non pro una aliqua speciali virtute, aut vicio hic à nobis sumuntur, quomodo interdum *continentia* sumitur pro *temperantia*, & *incontinentia* pro *intemperantia*, sed pro gradu imperfecto, tum virtutis, tum vicii, pro lucta affectuum cum ratione, cui, nunc subsunt, nunc præsent.

VI. Dicat quispiam: *contraria se mutuo expellunt ex eodem subiecto*; *virtus & vitium sunt contraria*; ergo non datur *medius naturæ humanæ status*, in quo sit & *virtus* & *vitium*, quæ inter se pugnent, qualis hic à nobis dicitur, *continentia & incontinentia*. Resp. *contraria se mutuo expellunt ex eodem subiecto*, quando utrumque plenè perfectæque, atque absoluta essentia suæ ratione in eodem subiecto esse dicitur: tunc enim oportet, ut unum expellat alterum: sed potest multis in rebus rerumque generibus talis status observari, in quo sit utriusque contrarii commixtio ac contemperatio quædam: quemadmodum in humanis corporibus illa sanitas in nemine constituitur à Medicis, quæ consistat in perfectâ & ὁμοιᾳ, id est, quæ habet ἐν ἀκμῇ perfectam & absolutam omnium humorum temperiem, sicuti etiam non constituitur in ullo homine status tam pravus, in quo sit omnium omnino humorum dissolutio, & plena perfectæque κακὸς ἡμιγυῖα: sic in aliis rebus sese res habet: est in homine ratio, est appetitus inferior, quem sensualitatem vulgo vocant: hinc oritur medius quidam status virtutis & vicii, ut neque sit homo optimus, neque pessimus: sed sit spiritus & carnis, rationis & affectuum, quædam quasi temperatio ac commixtio: & hunc *statum* vocamus, *hominis* aut naturæ humanæ, quia in hominibus, si non omnibus, plerisque saltem, ista, vel spiritus & carnis, vel rationis & affectuum, pugna reperi-

tur: nam, qui inter homines eo impietatis & malitiæ devenerunt, ut omnem conscientiam vim, omnem honestatis & rationis sensum excusserint, ut ne homines quidem dicendi sint: fateor, in talibus non esse luctam: non luctantur tales, sed victi sub potestate peccati profusus jacent, vel longâ male agendi consuetudine, vel peccandi voluptate, pellecti atque irretiti: atque hi toti præcipites in vitia omnia & scelera ruunt, uno ac pleno impetu: sed nec hominum titulo ac nomine sunt digni, in quibus humani nihil est, quia ratio abrepta est, & sub potestatem affectuum redacta. At vero, qui verè homines sunt, vere rationis & affectuum pugnam sentiunt, si homines tantum: si insuper fuerint fideles ac Christiani, etiam ultra ac præter rationis & affectuum certamen, in se sentiunt luctum carnis & spiritus: hæc enim lucta in irreginitos non cadit, sed in regenitos, in quibus solus est caro & spiritus, irregeniti enim carne carent & spiritu: sed ratione sunt præditi & affectibus: atque hic pugna est.

VII. Quæ hic fumus philosophati, atque hætenus diximus, ea planè sunt conformia opinionibus Aristotelis, qui libro septimo *Ethicorum*, capite octavo, insigne habet & præclarum hæc de re locum: *intemperans*, inquit, & *vitiosus*, μὲν ἡμεῖς & κακός, dicit, *non est is, quem sui peccati poeniteat*, perstat enim in proposito: *incontinens* autem omnis ad poenitentiam est proclivis: quocirca, ille incurabilis est, hic curabilis: nam pravitas seu vitiositas similis est aquæ intercuti & tibi, *incontinentia* comitiali morbo: illa, *continens*, hæc, *non continua* est improbitas: atque omnino diversum est ἀνὲν ἡμέτειας, & κακίας, *incontinentia* & *vitiositatis* nomen: *vitiositas* enim latet, *incontinentia* non latet. Ex quibus verbis Philosophi liquet, nos eadem hic dixisse ac docuisse, quæ Philosophus dixit ac docuit, de virtutis hoc gradu imperfecto: adeoque de virtute perfecta & inchoata, hæc sufficiant.

EXERCITATIONUM ETHICARUM  
TRIGESIMA-TERTIA,

DE

Quæstionibus quibusdam, cir-  
ca Fortitudinem.

T H E S I S I.

POSTquam ea, ἀναγκαῖα καὶ κέρη, ferè, persecuti sumus, quæ Virtutem moralem in genere, ejusque definitionem, & divisionem spectant, jam nunc ad species Virtutis Moralis, transimus, non quidem earum naturam speciatim explicaturi; (hoc enim abundè præstitum est in *Coll. Ethicæ*) sed quæstiones quasdam moturi, & dissoluturi, circa virtutes singulas. Ordinemur à Fortitudine. Diximus in *Coll. Eth. Disp. 19.* cum Fortitudinem explicarem, eam esse medietatem seu mediocritatem, inter timiditatem & audaciam, atque id tum confirmavimus: obijci quædam possunt, quæ nunc dissolvemus.

II. 1. Si fortitudinis sit, vincere libidinem, coercere cupiditatem, frangere iram, omnes affectus & commotiones continere in officio; Ergo non est tantum medietas inter audaciam & timiditatem. Sed verum prius. Ergo & post. Resp. Ad hoc argumentum facile potest responderi, si distinguatur vocabulum, fortitudo: interdum dicitur fortitudo, qualibet animi constantia & firmitas ac stabilitas, estque generalis omnium virtutum affectio: atque ejus est, vincere libidinem, coercere cupiditatem, frangere iram, omnes affectus continere in officio, &c. interdum sumitur fortitudo specialiter, pro ea virtute, quam exposuimus, quæ moderatur timiditatem & audaciam: & sic non est ejus, vincere libidinem, sed vincere timiditatem & audaciam; non est ejus coercere cupiditatem, sed coercere metum & audaciam.

III. 2. Obijci potest. Si fortitudo versetur circa tristitiam, ergo non circa metum. Sed

verum prius. Ergo. Minor est Aristotelis, cujus est vox: sortes in tristitia ferenda maxime cerni, ac propterea fortitudinem ipsam dici tristem. Resp. Omnis virtus aliquo modo versatur circa tristitiam & delectationem: itaque, nihil est mirum, si etiam circa tristitiam suo modo versetur fortitudo: imo peculiarem ob causam, circa tristitiam versatur fortitudo, quia versatur circa τὸ φοβερόν, circa ea, quæ metum incutiunt, quæ terribilia sunt, circa mala tristia: itaque rectè dictum est ab *Arist.* sortes in tristitia perferenda maxime cerni: non tamen ideo inferri debet, quod fortitudo propriè versetur circa tristitiam, ac si per se esset tristitiæ moderatrix, aut per se incitaret directè ad tristitias perferendas: hoc enim falsum est: est enim per se ac directè moderatrix audaciæ & timiditatis: sed, quia timiditas, & mala, quæ timentur, aliquam tristitiam afferunt, indirectè ac per accidens dicitur versari circa tristitiam: nam eadem ratione potest quis contendere, etiam circa spem versari fortitudinem, quia spes comitatur audaciam: qui enim audet fortiter agere, is sperat: sed verò indirectè ac per accidens, circa spem æque, atque circa tristitiam, versatur fortitudo.

IV. Diximus etiam *Coll. Eth. Disp. 19.* Fortitudinem versari circa mala tum repentina, tum prævisa, magis tamen fortitudinem conspici, in repentinis, quam prævisis, & rationes dedimus: opponi possunt quædam, quæ discutimus. Primò. Timiditas sic impellitur à malo, ut spes à bono. Sed experimentum boni, augeat spem, ergo & experimentum mali,



li, auget timorem: ergo repentinum malum & subitum, cujus nullum antea cepimus experimentum, minus metuetur, quam prævisum malum & solitum. Resp. Antecedens verum est: ita in malo versatur timiditas, quemadmodum in bono spes, non quidem omnino, sed eatenus tantum, quatenus malum, est timiditati propositum, bonum, spei: hætenus enim conveniunt: hi duo affectus: sed hinc non sequitur, ac malè infertur, quod debeat, propter experimentum mali, sic augeri timor, sicut propter experimentum boni augetur spes: & ideo, adhuc pejus infertur, repentina mala viro forti esse magis metuenda, quam prævisa: imo, si ad experientiam provocandum est, contra fieri & usu venire experimur, & magis elucere fortitudinem in metuendis malis repentinis, quam prævisis.

V. Secundo. *Quæ sunt improvisa & subita, minus possunt considerari, quam, quæ nobis intelligentibus & prævidentibus accidunt: sed, quo magis mala considerantur, eo magis timeantur: ergo prævisa mala, quæ nobis intelligentibus accidunt, magis sunt metuenda, quam subita & improvisa.* Resp. Neg. min. quod, quo magis considerantur mala, eo magis timeantur: imo contra est: quo magis quis malum imminens considerat, si sapiens sit, si rerum etiam terribilium prætia æstimare novit, eo minus metuit: quicquid enim est humani, si vè bonum si vè malum, eo minus esse deprehenditur, quo plus consideratur & reputatur animo: nam, tam bonum, quam malum, subitum atque improvisum & animo non satis perpensum, homini videtur esse majus.

VI. Dicitur vulgo, cum de discrimine fortis & audacis, agitur, audacem ante pericula, esse animosiores, in ipso periculo sapienter ac plerumque ei animum cadere: at contra fieri, cum viro forti, cui animus in periculo est major, quàm ante pericula: quaeritur, an hoc rectè sit dictum, nam videntur quædam obijci posse, quæ contrarium evincant. Primo. *Qui initio pugne tremuit, is non est animosus. Sed audax initio pugne tremuit. Ergo. Minor est Aristotelis, sect. 17. prob. 3. ubi dicit, audaces interdum initio ante periculi ag-*

*gressionem contremiscere. Ergo, ante pericula & pugnam, non sunt promptiores, quàm in periculis & pugna.* Ad Maj. eam non esse veram: qui ante pericula & initio pugnae tremuit, is non est animosus, sed timidus: nam sæpe tremor reddit homines audaciores: quod ut intelligatur, notandum venit, & in audacibus, & in timidis, tremorem interdum reperiri, quia in utriusque calor revocatur ab extremis partibus ad interiores: sed inverso tamen modo: unde etiam, tremor quosdam, reddit audaces, alios, formidolosos ac timidos: nempe, audacium calor revocatur ad cor, timentium aut timidorum calor revocatur ad partes inferas, ac cor destituit: nam sanguis, calor, & spiritus eorum, qui timent, descendit, & recedit à corde; contra, sanguis, spiritus, & cor eorum, qui audent, ascendit, & confugit ad cor: quæ differentia facit, ut audaces, licet tremant initio, possint tamen esse alacriores, & promptiores, quia tremoris illa causa, cor ipsum confirmat; nam calor ad cor abicit & fugit: at contra, timentes aut timidi non possunt esse alacres, aut prompti, quia tremoris eadem causa, destituit cor: uterque enim tremor, & in audacibus, & in timidis, à caloris discessu nascitur: sed in audacibus calor ab extremis & inferioribus partibus abicit ad cor: in timidis, ab intimis & superioribus partibus, imò ab ipso corde, abicit ad partes infimas.

VII. Secundo obijci potest. *Obiecto crescente, crescit affectus: si enim bonum est optabile, ergo, quo aliquid est melius, quo magis crescit eius bonitas, eo est optabilius. Sed, arduum est obiectum audacia: ergo, si augeatur, si crescat ratio arduum, ipsa crescit & augebitur audacia: at periculum magis est arduum in ipsa pugna, quoniam præsens est, quam ante pugnam, cum longius abest: ergo crescit & augebitur audacia in ipsa pugna. Ergo audaces inter ipsa pericula erunt promptiores, fortiores, animosiores, contra quàm erat dictum: dictum enim fuit, audacibus ante pugnam animos esse erectiores, in pugna dimissiores.* Resp. Hoc argumentum satis est difficile, sic tamen respondendum censuimus. Videtur neganda universalitas majoris: quod obiecto crescente semper crescat affectus: & ad

ad probationem, quod, quando bonum est optabile, quo fuerit melius, eo erit optabilius, dico: hoc quidem verum esse, in affectu circa bonum optabile, in amore amamus enim bonum optabile: & quo magis est optabile, eo magis illud amamus: sed nego, esse eandem rationem audaciæ circa objectum suum: objectum amoris, est bonum simpliciter, ideoque amor augeatur, si bonum simpliciter augeatur: objectum verò audaciæ, est compositum ex bono & malo: sit ut motus posterior audaciæ, in objectum malum, nascatur ex spei motu in objectum bonum: ideoque, si tantum difficultatis addatur periculo, ut spei superet ac vincat, non sequetur audaciæ motus: sed, vel desitit, vel minuetur: quod si audaciæ sequatur motus, propterea, quod bonum augeatur propositum spei, ipsa quoque crescat audaciæ, crescente periculo, modo non sit periculum tantum, ut ipsam spei superet: sed verò hoc non accidit audaciis: semper enim iis minuitur spes in mediis periculis, quæ antè non bene præviderant: est enim virorum fortium, pericula prævidere.

VIII. Diximus *Coll. Ethico Disp. 20.* ex quinque speciebus fortitudinis spuria, fucata, adulterina, eam, quæ prima est, ac *modica Aristoteli*, Latine *civilis*, dicitur, esse magis propinquam & similem veræ fortitudini, quam sunt ceteræ: quæritur, an recte hoc à nobis sit dictum? videntur enim quædam obijci posse. Primò. *Illæ fortitudinis fucata species est similior veræ fortitudini, quæ magis est particeps ejus regula ac modi, quæ regulari, quo modo, singulæ virtutes utuntur in agendo: sed ejus regulæ ac modi magis est particeps militaris fortitudo seu experientialis, quam politica, aut ceteræ.* Ergo. Prob. Min. fortitudo militaris, aut experientialis, magis utitur prudentia, quam ceteræ species fortitudinis fucata: at prudentia est regula, & modus, quæ regula, quo modo, singulæ virtutes utuntur. Ergo. Probatur iterum minor, quia fortitudo experientialis ac militaris utitur & ducitur experientiæ, & peritiæ militaris artis, & cognitione periculorum: at experientia illa, & peritiæ militaris, & cognitio periculorum, nihil est aliud, quam prudentia. Ergo. Pru-

*dentia enim est ratio recta rerum agendarum.* Ergo. Resp. Militarem & experientialem fortitudinem, non nisi prudentiâ, sed arte: quod ut intelligatur, operâ fuerit pretium, discrimen inter artem & prudentiam nonnullatius exponere. Prudentiæ proponuntur res agenda; ideoque dicitur recta ratio rerum agendarum: arti proponuntur res faciendæ; ideoque dicitur recta ratio rerum faciendarum: differunt vero multum res agenda & faciendæ, seu agibiles & facibiles: res agenda, seu, ut loquuntur, agibiles, sunt res eligendæ aut eligibiles propter finem honestum: at res faciendæ seu facibiles, sunt eligendæ aut eligibiles propter finem quemcumque propositum, sive honestus sit ac bonus moraliter, sive non sit talis. Docet ars, quæ ratione, quibus præfidiis & instrumentis, aliud opus sit faciendum, sed nihil attendit, an propter finem honestum fiat, vel propter alium: hoc tantum attendit ars, ut secundum istas fiat regulas, secundum quas fieri debet: at contrâ, prudentia sibi proponit honestum, atque adeo optimum semper in agendo finem, docetque, in eum esse referenda omnia, insuper præscribit semper media & ea præfidia atque instrumenta, quæ ad honestum lulum optimumque finem perducunt. Atque jam facile liquet, quare dixerim, fortitudinem militarem, aut experientialem, magis niti & duci arte quam prudentia: miles enim non semper, imo rarius, honestum pro fine habet, sed sæpius lucrum, & raptum, aliaque commoda & emolumenta utilia. Et miles dicitur atque bene pugnare, victoriamque bello parare, si ad lucrum, ad emolumentum, aut similem finem, suam pugnam ac victoriam referat, quam si ad reipublicæ salutem: itaque ratio, quæ docet in bello milites fortiter agere & temnere pericula, illa non tam in iis est prudentia, quæ hoc doceret ob finem honestum, quam ars, quæ ob alios ac quovis hoc docet fines.

IX. Fortitudo *Alcibiadis*, ab ira, est similior fortitudini veræ. Ergo, non Politica, quia veræ fortitudo utitur ira. & iram assinit veluti ministrum & instrumentum, docente ipso *Arist. Cap. 8. L. 3. Eth.* Ergo. Resp. Non debet

bet ideo aliquid dici similis veræ virtuti, quia assumitur à virtute tanquam adminiculum aut instrumentum, ad finem honestum consequendum & obtinendum: virtus enim omnibus utitur, animi, corporis, ac fortunæ bonis, tanquam adminiculis, præfidiis, mediis, atque instrumentis, ad bene agendum; idque sæpe honoris causa: quod si ergo fortitudo honoris causa exerceatur, sicuti sæpe exerceatur ex ira, non tamen inde sequitur, fortitudinem, proprii honoris causa exerci-

tam, esse similiorem veræ fortitudini, quam si ob aliam causam exerceatur: ergo, nec sequitur, fortitudinem ex ira profectam, ideo esse similiorem veræ fortitudini, quia & quum utitur ira ut instrumento: nam, si ex honore, siue ex ira, proficiscatur fortitudo, non ideo magis vel minus est similis veræ fortitudini: sed videndum potius, quid conferat majus momentum ad veram fortitudinem, an ira, an honor, an aliud quid?

## EXERCITATIONUM ETHICARUM

## TRIGESIMA-QUARTA.

D E

## Quæstionibus quibusdam circa Fortitudinem.

T H E S I S I.

**E**xercit. præced. movimus ac dissolvimus nonnullas quæstiones, quæ circa Fortitudinem moveri possunt; sed non omnes movimus. Quare & hanc Exercitationem movendis objectionibus ac solvendis dabimus. Diximus *Coll. Eth. Diss.* 19. cum de objecto Fortitudinis sumus philosophati, Fortitudinem magis versari circa τὸ φοβερόν, terribilia, quæ metum incutiant, quam circa τὸ ὑπερβαλὺς fiducialem, quæ audaciam gignunt. Hinc nascitur quæstio: *An igitur Fortitudinis actus pati, magis præstans ac præcipuus sit, sustinere, perferre, pati, quo versatur circa τὸ φοβερόν terribilia, quam aggredi, quo versatur circa τὸ ὑπερβαλὺς quæ audaciam gignunt?* Alii sic proponunt quæstionis statum: *An potius in malis ferendis, an verò in rebus gerendis, versetur Fortitudo? vel, an Fortitudo potius consistat in ferendo? an vero in feriendo?* Resp. Utrumque Fortitudinis officium, uterque actus, suam meretur laudem: honoratius est, res gerere majas, sed difficilius est, tolerare adversas: ex A-

*ristotelis* quidem sententia, primarius Fortitudinis actus est sustinere, pati, perferre, non aggredi, aut invadere; quia, ex ejus placito, magis versatur in rebus, quæ timorem adferunt, quam in iis, quæ audaciam gignunt: at circa res timendas versamur ferendo, non aggrediendo. Contra hanc tamen *Aristotelis* sententiam multa possunt obijci, quæ ordine suo expendemus, ac dissolvemus, *si prius Aristotelis* opinionem non nihil confirmaverimus.

II. Quod Fortitudinis actus præstantior sit, sustinere, ac pati, quam invadere, & aggredi, sic probari potest: Fortitudo maximè versatur in eo opere, quod est difficilius: quod vero est difficilius, illud est præstantius & excellentius. At vero difficilius est, sustinere & pati, quam invadere & aggredi: qui enim sustinet, habet pericula jam præsentia: qui aggreditur, prospicit pericula tantum futura: sed difficilius est, non moveri à præsentibus, quàm à futuris, fortiter ferre præsentia mala, quæ jam cervicibus nostris incumbunt, quam aggredi futura, quæ ut-

A a a

cunque

cunque immineant, adhuc tamen evanescere possunt. Sed *secundò* probatur *Aristotelis* sententia tali modo. Ille actus virtutis est præstantior, ac magis præcipuus, ex quo, tanquam magis ex propinquo, virtus attingit honestum bonum. Sed sustinere, tolerare, pati, sunt tales actus Fortitudinis, quibus Fortitudo immediatè, proximè, & in propinquo maxime attingit bonum honestum, ac magis prope, quam per  $\pi$  aggredi aut invadere: nam aggressio, aut invasio, quamquam bonum honestum pro fine habeat, non tamen proximè aut immediatè in illud fertur, sed immediatè fertur, ac proximè, in expetitam victoriam, vel lucrum, vel depulsionem hostium, & remotè, in bonum virtutis, in patriæ defensionem &c. at vero tolerantia, quæ cernitur in tolerando, in perferendo, ac patiando, nihil eorum expetit immediatè, sed fertur proximè in bonum honestum: Nam, qui perfert ac sustinet fortiter mala, is id agit, ut turpitudinem fugiat, quæ sequeretur ex fuga malorum, si ea fugeret, ac perferre detrectaret. Hæc *Aristotelis* sententiam confirmant: quæ ut dextrè intelligatur, unum hic notandum venit: *sc. nō simpliciter ab Aristotele* asseri, quod  $\pi$  sustinere, sit melius quam aggredi, in quocunque casu, in quacunque occasione: imo, interdum fieri potest, ut  $\pi$  aggredi longe sit melius, quam  $\pi$  sustinere: certe, si quis eo loco ac statione sit constitutus, ut aggrediendo insignem cladem hosti, insignem bonum patriæ, adferre possit, is, si non aggrediatur, sed sustinere malit, impetum hostium, in se irruentium & mala ac mortem sæpe inferentium, non melius fecerit, sed pejus. Quid igitur voluit Philosophus? nempe hoc: cæteris paribus, Actus fortitudinis, qui est pati, nobilior est actu eo, qui est aggredi: itaque, hic sensus est quæstionis. *Actus sustinendi perfectissimus, collatus cum actu perfectissimo aggrediendi, hunc tamen superat sua excellentia atque præstantia:* i. e. ille dicitur magis fortis, qui debite ac perfecte sustinet & patitur mala toleranda, quam qui aggreditur debite ac perfecte audenda. Nunc objectiones videamus.

III. 1. *Melius est, uti, quam possidere. Sed aggredi, est suis viribus uti, pati, est, tantum*

*vires suas possidere. Ergo. &c. Resp.* Concessa majore, negatur minor: quoad membrum posterius, imò contra dico, eum qui patitur, multaque sustinet, ac tolerat mala, magis uti viribus, animæ sc. suæ, quam qui aggreditur: habet enim periculum præsens, qui sustinet; qui aggreditur, habet futurum: magis sane viribus suis utitur, ut debite animum componat, fortiterque agat, qui in præsentis versatur periculo, quam, qui futurum expectat: & ipsa docet experientia, eum, qui sustinet ac patitur, quam maxime vires animi sui exerere atque exercere: non otiose possidet eas, sed vel maxime exercit atque ostendit & exercet.

IV. 2. *Virtutis magis est, bene agere, quam bene pati: aggredi, est bene agere; sustinere, est bene pati. E. Resp.* Falsa est major, universaliter sumpta, nam non in omnibus virtutibus melius est, bene agere, quam bene pati, sed in aliquibus tantum hoc habet locum, ac potissimum in liberalitate: ejus officium magis est, dare, quam accipere, unde in dando potius seu agendo, quam in accipiendo seu patiando, vulgo constituitur. At vero, in omni virtute rem ita se habere, nondum est probatum: contra contendo, in Fortitudine, esse præstantius,  $\pi$  sustinere seu pati, quam  $\pi$  aggredi, seu agere; cæteris paribus: donec contrarium mihi fuerit probatum.

V. 3. *Melius est bene agere: quam turpia non agere: sed aggredi, est bene agere: sustinere est turpiter non agere: qui enim sustinet & patitur, is non proripit se, non eximit se malo, turpi fuga: itaque aliquid non turpe præcæret & prævenit: at videtur adhuc melius, de facto bene agere, quam aliquid non turpe omittere: non committere bonum, est melius, quam omittere malum. Resp.* Ad membrum posterius minoris: quod  $\pi$  sustinere, plus sit & dicat, quam aliquid turpiter non agere, &  $\pi$  aliquid turpe omittere, quam non fugere: significat insuper, etque re ipsa etiam, bene agere, rectè obire Fortitudinis munus; nam qui id facit, quod Ratio, virtus, & prudentia jubet, is in genere moris bene agit: at, qui sustinet mala, quæ, quando, quamdiu, ea sustinenda sunt, is id facit, quod ratio, virtus, & pru-

& prudentia, jubent. Ergo, qui sustinet mala, &c. is bene agit. Ergo non sustinere, non tantum est omittere malum, sed & committere bonum.

VI. 4. *Iste actus Fortitudinis est nobilior, cui maxime debetur laus. Sed aggressioni hostium maxima debetur laus: certò, qui aggreditur hostem, magis sunt laudandi, quam qui impetum eorum sustinent, & perferunt vim ingruentem.* Resp. 1. Viri sapientes, rerumque petiti aestimatores, sæpe magis laudabunt eos, qui periculum expectant ac sustinent, cum perferendum illud ac sustinendum est, quam eos, qui aggrediuntur: plebs fortasse, rerum ignara, & zelo aliquo, sæpe imprudenti ducta, aggressores magis laudabit, quam eos, qui patiuntur: sed non à vulgo & imperita plebe, verum à sapientibus, & rerum aestimatoribus petitis, huius rei iudicium petendum foret. Si dicas, etiam à sapientibus interdum laudari magis, qui aggrediuntur periculum, cum aggrediendum est quam qui idem sustinent. Tum Resp. 2. Hic comparari actus duos Fortitudinis, non sustinere, & aggredi, non ut versantur circa rem eandem; objectum idem, pericula eadem, quod accuratissime est notandum hic, sed prout singuli versantur circa suum peculiare objectum. Clarior loquar. Cum aliquid viro forti proponitur, aut occurrit, sub istis circumstantiis ut sit aggrediendum, & aggrediendum esse ratio doceat, ac prudentia dicet, certè non foret melius, sustinere: imo pari; tum, simpliciter est malum: & aggredi, est bonum ac melius: sed vero, hoc est, quod dicimus quando comparamus actum aggrediendi suis item instructum circumstantiis circa objectum suum, & actum sustinendi suis item instructum circumstantiis circa suum objectum, sic, ut circa illud non sit nec cadat actus aggrediendi, tum dicimus, actum sustinendi circa suum objectum, esse nobiliorem & præstantiorem Fortitudinis actum, quam actum aggrediendi circa objectum suum.

VII. 5. *Ille actus Fortitudinis est nobilior, qui Reipublica maiorem adfert utilitatem: sed aggrediendi actus maiorem Reipublicæ utilitatem adfert quam sustinendi. Ergo. Pr. min. per aggress-*

*sionem depelluntur hostes, per subsistendi actum, tantum retardantur, non depelluntur.* Resp. Major falsa est, non semper illud est simpliciter melius, quod Reipublicæ est utilius: v. c. interdum est Reipublicæ utilius, ærarium plenum, & pecunia, quam civis bonus; attamen non licet ideo concludere, quod ideo ærarium plenum, & pecuniæ ingens summa, sint simpliciter meliora, quam civis bonus: hoc enim falsum est: nam ærarium, & pecunia, non possunt comparari cum virtute, aut ei prævalere. Deinde, ad minorem, potest quoque fieri, ut non sustinere mala ac pericula, multo melius & utilius sit Reipublicæ quam aggredi, aut saltem æque bonum ac utile: nam talem casum aut occasionem incidere quid verat?

VIII. 6. *Nobilius videtur, posse in aliud agere, quam ab alio non immutari: at aggredi, est in aliud agere: sustinere, est ab alio non immutari. Ergo.* Resp. Falsum est membrum posterius minoris, quod, qui sustinet, tantum ab alio non immutetur; imo etiam se movet, non quidem motu corporis, sed motu animæ, omnes vires suas intendens, adversus pericula gravia ac præsentia. Concludimus ergo, actum sustinendi esse nobiliorem, præstantiorem, digniorem, Fortitudinis actum, quam aggrediendi.

IX. Ex hisce ita jam dictis, nova emergit quaestio: Cum enim difficilius sit, sustinere periculum, quam illud aggredi, ideoque nobilior etiam sit actus sustinendi, quam aggrediendi, ut vidimus, quaeritur: *An quoque difficilius sit ac nobilius, aequalitatem animi servare ac retinere in rebus adversis, quam in secundis: hoc enim sequi videtur: & est illa sententia Aristotelis c. 9. l. 3. Eth. ubi diserte dicit, facilius nos à rebus secundis iucundisque abstinere, nos posse, quam inter res adversas fortiter agere, easque, ut virum fortem decet, sustinere.* Contrarium tamen sensit Archytas Tarentinus, Philosophus Pythagoreus, ut de eo refert Stobæus in suis Sermonibus. Certè, cum fortuna nobis blanditur, difficillimum est, tenere modum: & res secundæ, faciliè nos, à circumspeditione ad incogitantiam, à modestia ad insolentiam, à metu ad audaciam,

etiam aliud agentes, abducunt. Noti sunt versus Ovidiani:

*Luxuriant animi rebus plerumque secundis,*

*Nec facile est equi commoda mente pati.*

*Et, fortuna, quem animam fovet, stultam facit:*  
*Et, docet nos experientia, prosperam fortunam*  
*parere variis animi morbos, superbiam & cla-*  
*ritatem, &c. itaque difficilis videtur & nobi-*  
*lius, res secundas moderate ferre, quam adver-*  
*sas. Resp. Utrumque sunt rationes non con-*  
*temnende: vix est, ut aliquid certi hic deci-*  
*datur. Profecto, ut reperiuntur nonnulli,*  
*qui res secundas pulchre ferunt. & res adver-*  
*sas immoderate, in quorum numero fuit Ci-*  
*cero: ita alios invenias, qui res adversas opti-*

me ferunt, sed non item res secundas: verum, rebus prosperis spiritum statim sumunt atque insolescunt. Si quid tamen in genere pronuntiare debet, videtur esse a' huc difficilior & nobilior res adversas res sustinere, quam ferre secundas; quæ est sententia *Aristotelis*: & ratio est, quæ huc *exercitatione* deduximus: quia, sustinere, est difficilior & nobilior fortitudinis actus, quam aggredi: at sustinendo versamur circa res adversas, aggrediendo circa res secundas: Ergo difficilior est & nobilior, res adversas moderate ferre, quam rebus secundis non insolescere: quod erat demonstrandum.

## EXERCITATIONUM ETHICARUM TRIGESIMA-QUINTA.

D E

# ΑΥΤΟΦΟΝΙΑΙ & DUELLO.

## THESES I.

**D**ecidimus quaestiones aliquot circa *Fortitudinis* naturam, *Exercitatione* trigesima-tertia & quarta, nunc casus morales quosdam proponere, est animus, ac discutere, circa eandem virtutem: & ne diu haereamus in ordine & numero quaestionum ac casuum moralium, ab hac quaestione initium faciemus: *An ille, qui sibi mortem asserunt, αυτοφόνος, αυτοφόνος, sinit fortis? Casus iste* (sic vocamus casuum conscientiae expositores) ita proponunt quaestionem ac casum: *An liceat alicui in aliquo eventu sibi mortem inferre? quod si enim fortis est, vereque fortis, qui sibi violentas inferit manus, utique illud licitum est: sin minus, non est licitum. Ut idem sit utriusque quaestionis sensus. Decisio nostra haec est.* Non est fortis, qui sibi ipsi mortem conficit, quacunque de causa: & non est licitum ulli mortalium, se ipsum occidere, quocunque tandem eventu: neque

ob vitandum peccatum, neque ob defendendam pudicitiam, neque ob vitanda mala huius vitae, neque ob defendendam fidem aut religionem, neque ob virtutem tuendam, neque ob conservandam salutem, vel sui, vel aliorum. Si *Aristotelem* nostrum, iudicem hic accipere placeat, nobiscum facit. Negat diserte 3. *Eth. Cap. 7. in fine, αυτοφόνος, αυτοφόνος*, sui ipsorum occisores, esse fortis, & rationem addit, quia timidi hoc est potius, & molles, quam fortis viri. Verba ejus sunt: *ὅτι δ' αυτοφόνος οὐκ ἔστιν ἀνδρῶν, ἀλλὰ τῶν ἀνδρῶν τῶν ἀνδρῶν. Mortem obire fugientem inopiam, amorem, vel molestum quid, fortis non est, sed potius timidi.* Contra senserunt *Stoici* ac *Platonici*, qui in calamitatibus & arumnis, licitum existimabant homini, vitae suae finem imponere. De *Stoicis* res certa est, & constat, ita eos sensisse ex *Seneca* epistolis, aliisque libris, & variis, *Epicteti*.



*Acti*, apud *Arrianum* in *Dissertationibus*, dictis. De *Platonis* non ita cetero constat, quid senserint: nam *Plato* non eodem sensu semper hic locutus est, sed auctoritates mittimus: multos saltem gentiliū, propriam sui necem, fortitudinis veræ signum, habuisse, & licetiam exillimasse, exempla convincunt, *Catonis*, *Bruti*, *Cassii*, *Hannibalis*, *Mithridatis*, & aliorum, sere sine numero. Memorabilia sunt inter *Stoicos*, *Zenonis* & *Cleanthis* exempla, quorum *Zeno*, jam 98. annos natus, cum è schola domum rediret, ac fortè fortunā pedem offendisset in lapidem, lapsusque in terram esset, manu eam pulsavit; ac *quid me*, inquit, *appellat? venio*; & domum reversus, statim sponte sua vitam posuit. *Clemens* vero, cum ex ulcere quodam, nato in ore, de Medicorum consilio biduum abstinuisset à cibo, exactoque biduo jam melius sese haberet, suadentibus medicis, ut ad cibum accipendum rediret, renuit ac negavit: & inquit, *nam puto mihi jam redeantem, majore parte via confecti*. Sed enim hæc vesania est, & furor *Stoicorum* & gentiliū, & imbecillitatis potius, animique dejecti, quam veræ fortitudinis signum. An non fatuus, an non stolidus censeri debet, qui propter mala levissima, aut nulla, certum sibi exitum attrahunt, uti fecere *Zeno* & *Cleanthes*? optimè hoc exemplum vivit epigrammatum scriptor *Martialis*:

*Ut mortem fugeret, se Fannius ipse peremit;*  
*Eltergo, non armis est, ac numerato, mors?*  
Sed videamus, quæso, quantum inter se distent, *Fortitudo* & *vanitas*.

II. Fortitudinis causa, est recta ratio: *avτοκρατος*, desperatio, furor, rabies, belluina feritas, malorum quorundam corporis aut hujus vite præsentia. Fortitudo, ut omnis virtus, est affectuum modera-<sup>to</sup> *αὐτοκρατος*, est affectuum excessus crudelissimus. Fortitudinis finis primarius, est *τι καλόν*, honestum; secundarius, utile publicum & privatum: at vero *αὐτοκρατος* finis, est fuga mali, quod & honestè & utiliter, & interdum citra majorem difficultatem poterat tolerari. Denique, vir fortis libenter versatur in periculis necessariis: at *αὐτοκρατος*, etiam, cum nulla ingruit

necessitas, in medium protulit mortem. Verum enimvero, paulò plenius hoc negotium adhuc est excutendum, & questio hæc accuratissime est restringenda, nam in casibus moralibus, seu conscientie, decidendis, non potest quis nimis esse circumspexerit.

III. Notandum est, quod *οὐκ ὁφείλει ὁ αὐτὸς ἑαυτοῦ* interdum sit *directa*, quando quis intendit se ipsum de medio tollere: atque ex propria intentione se interficit; interdum *indirecta*, quando quis non se ipsum, sed alios intendit de medio tollere, sed dum intentionem interficiendi exequitur, aliosque interficit, in talem rerum statum conjicitur, ut aliorum intentum ac justè intentu cades, comitem trahat propriam necem: quæ duo accuratissime sunt distinguenda: quin occidere semetipsum ex intentione directâ, sit vitium ac vitium, & non virtus aut fortitudinis effectus, nullum est dubium, aut rationibus solidissimis ostendi potest: sed, *an ὁ οὐκ ὁφείλει ὁ αὐτὸς ἑαυτοῦ* quisquis non tam se occidit, quam quidem se occidi patitur, sit veritas, ac non licita potius? non ita facile est dictu, præsertim, si circumstantiæ in tali casu diligenter examinentur. Quid enim? si quis pro patria, pro fide, pro religione tali se exponat periculo: ex quo mors sua sit certo, sed indirectè consequutura, anne is reus est censendus suæ mortis, præsertim, si tali periculo exponere, sit constitutus atque obligatus ex mandato superiorum, quibus obsequium debet, sacramentum dicit, fidemque adstinxit? quemadmodum milites nostri sæpe istam stationem sumunt, jussu centurionum ac præfectorum, in qua ceteri sibi occumbendum sciunt, & navæ nostrates, quando pulverem pyrium accendunt, injecto in eum igne, atque ita noxam ac necem inferunt hosti, unde tamen suæ ac propria clades & mors consequatur. Ego quidem non facilè hos, reos fecero violati præcepti sexti, de non occidendo: neque inter *αὐτοκράτους*, eos numeravero; contra pro verè fortibus habuero; neque enim sese directè occidunt aut occidere intendunt; sed contra, hostem occidunt, eundemque occidere intendunt: quod ipsorum mores & clades consequatur, per acci-

dens est, & vel cum proprio vitæ periculo, ac præsentis discrimine, tenentur, pro aris & focis, pro patria, ac religione, & libertate, dimicare, & juramento ad id se obstringere, quod temerè violandum non est: nam, aut ad id adstringi non debent à magistratu (nulus enim à magistratu adstringi potest ad sui ipsius homicidium directè, multò minus debet) aut, si ad id adstringi possunt atque adstringuntur, etiam juramento interposito, licitum est, ac tenentur ita se gerere, & magistratui obsequium præstare: at Christianus magistratus nihil illicitum præscribit inferioribus, si id prænovisse aut præcavisse valuit. Quare huc potius recidit casus hujus gravitas: An sit licitum magistratui, sacramento dicto, juramento facto, exigere, ut milites ac nautæ, etiam cum præsentis vitæ periculo certoque discrimine, cladem ac noxam & necem inferant hosti, pugnando pro patria ac religione, etiam, dico, quando sui ipsorum, militum sc. & nautarum, mors sit consecutura ceritò, sed indirectè tamen: neque enim Magistratus hoc ipsis imponit aut exigit, ut directè se ipsos interficiant, neque si imponeret aut exigeret, ei obedire tenerentur milites ac nautæ: sed an non Magistratus sit licitum, militibus & nautis imponere & exigere id, ex quo illi, interficiendo communem Dei hostem ac religionis, ipsi quoque interficiantur. Quod si licitum est Magistratui, id imperare, non peccant milites aut nautæ, qui mandatum licitum exequuntur: quod si non est licitum Magistratui, id imperare, peccat maxime Magistratus, qui rem illicitam subditis mandat: ipsi nautæ ac milites extra reatum sunt, nisi sciant, esse illicitum, quod sibi edemandatum, & quod se executuros promiserunt ac jurarunt. Atque ob hæc rationes, Ego benignius semper de nautis nostratibus navem suam incenditibus, accenso pulvere pyrio, judicium tuli, neque patior, eos pro *ἀντοφόνου* censeri ac tales pronuntiari, ut, cum nonnulli hic Theologi, nimium sæpe ad condemnandum proni, aliter judicent: at contra, quicumque voluntariam sibi mortem conficiunt, sive proprio ductu, sive impulsu superiorum, sive positive, quemadmodum,

qui se jugulant, suspendunt, præcipientes dant, in flammam aut aquas tradunt, aut alio quocunque modo, sibi violentas inferant manus, sive negative, cibum non fumendo, non fugiendo manus inimicorum quas fugere possunt ac debent: illi omnes, non fortes sunt, sed molles, timidi, *ἀντοφόνου*, *ἀντοχρηστε*, & rei legis naturalis ac moralis violatæ, de non occidendo. Et nulla causa est, tam honesta, tam bona, quæ alicui veniam det directè se ipsum occidendi, seu positive, seu negative, neque ulli hic prætextus juvant eos, qui putant esse licitum vii ipsius internecionem, ut mala magna evitentur, ignominia, servitus, inopia, morbus, dolor, aut ut magna bona acquirantur, ut v. c. pudicitia, facta tecta conservetur, ut virtus, ut religio, ut patria defendatur, ut vita proximi conservetur; hi sciunt, nunquam esse faciendâ cuiquam mala, ut bona consequantur, aut alia minora mala evitentur; neque unquam malum turpe esse committendum, ut eviteretur malum triste. Itaque reos pronuntiamus, *Catonem*, *Zenonem*, *Cleantem*, *Lucretiam*, & alios, inter gentiles, *ἀντοφόνου*. Qui licitam putant *ἀντοφόνου*, ut peccatum aliquod imminens, vel proprium, vel alienum, præcaveatur, aut, quando instituitur ex vindictâ propter peccata admissa, si sciunt, non esse unumquemque statutum idoneum iudicem, ad tale quid de se, vel in sui, vel in alterius gratiam, statuendum. Sed rationibus sententiam nostram probemus.

IV. §. 1. Nulla lex, neque divina, neque humana, patitur hominem occidi indemnatum aut innocentem: atqui quicumque seipsum directè occidit, ille occidit aliquem hominem indemnatum & innocentem. E. Nam, vel est nocens, vel innocens, qui se interficit: si innocens, peccat, agique contra rationem rectam; qui semetipsum innocentem de medio tollit, si nocens, non est hoc hominis privati, sed magistratus & personæ publicæ, nocentem è medio tollere; ac damnandus est primum nocens, antequam morti tradatur: at qui se interficit, indemnatum morti tradit. E. §. 2. Occidere seipsum directè, est contra naturalem inclinationem hominis: nam unicuique

cuique inſitum eſt à natura, ut ſe, vitam, va-  
letudinem, ac corpus tueatur; ſed facere ali-  
quid contra naturalem inclinationem, eſt pec-  
catum. E. §. 3. Unuſquiſque pars eſt & mem-  
brum Reipublicæ: ideoque, qui ſeſe interi-  
mit, Rempublicam aliqua parte & membro  
privat, ac deſtituit: at, qui hoc facit, Reipub-  
licæ injuriam facit, ut docet *Ariſtoteles lib.  
Eth. 5. Cap. ult.* Denique, ſe interficit,  
peccat adverſus Dei authoritatem, qui ſolus  
eſt dominus vitæ & mortis; nam, ut non ſu-  
mus domini vitæ aliorum, ita nec poſſeſſatem  
accepimus noſtræ; quam, ut ex arbitrio no-  
ſtro non aſſumimus, ita nec pro arbitrio eam  
deponere licet; peccat contra Dei bonitatem,  
quod vitam, tantum Dei beneficium, con-  
temnat: peccat in Dei providentiam, quod  
ordinem à Deo conſtitutum, turber: peccat  
adverſus charitatem, quā non minus ſe, quam  
proximum, tenetur in vitā conſervare. Alias  
& plures rationes adducit *Auguſtinus de civi-  
tate Dei lib. 1. Cap. 20. 26. & alibi*. Sicuri ve-  
ro ob nullam cauſam, licitum eſt homini, ſei-  
pſum directe occidere; ita variæ poſſunt eſſe  
cauſæ, cur aliquis indirecte ſit ſuæ mortis  
cauſa, patiēdo ſe occidi, ut alterius vitam  
ſervet, patriæ ſalutem tueatur, religionem &  
veritatem Chriſtianam ſuo ſanguine confir-  
met; qui actus ſunt Heroum, vere fortium.  
Atque hoc nomine commendandi veniunt,  
preclari Chriſtianæ religionis Martyres, qui  
de ſe & ſociis non ſunt, neque directe aut active  
ſe interfecerunt, ſed indirecte ac paſſive, inter-  
fici ſeſe, ſunt perpeſſi.

V. Quæritur ſecundo: *An fortes ſint illi,  
qui alios ad duellum provocant, qui provocati in-  
eunt, & manus utrinque conſerunt? Caſuiſſe  
ſimpliciter ſe proponunt, An Duellum ſit li-  
citum?* quod ſi ad aliquam veræ fortitudinis  
ſpeciem pertineat, eſt licitum: ſin minus, non  
eſt licitum. Per Duellum intelligitur pugna  
duorum, verum non quælibet, ſed ea, quæ  
ex pacto ac conſenſu ſuſcipitur, ſponte, ſine  
necellitate, ac conjuncta eſt cum periculo,  
vel occiſionis, vel mutilationis: nam quando  
unus cum uno congregitur ex neceſſitate, ut  
ſi quis in vaſas cogatur congregi cum in vaſo-  
re, ut vitam ſuam tueatur, iſ congreſſus &

pugna, Duellum dici nequit. Porro, *Duellum*  
eſt, vel publicum, vel privatum: publicum, quod  
ex Magiſtratus vel imperio vel permiſſione  
inſtituitur? privatum, quod à ſingularibus  
perſonis inter ſeſe committitur. Quæritur,  
*An omnia iſta Duella ſint verita, an quedam, an  
omnia ſint licita?* primum de privato, tum de  
publico decidemus Duello. Reſp. ego. Privatum  
Duellum, ſi et ex parte provocantis, nec  
ex parte acceptantis eſt licitum, & neuter for-  
tis eſt, nec qui provocat, nec qui provocatus  
ſe ſiſtit. Non eſſe fortes, privatos illos & ſin-  
gulares homines, qui Duello congregiantur,  
ex ſequentibus liquet rationibus.

VI. §. 1. Quicumque ex irā, ex furore, ex  
vindictæ cupiditate, ſe & adverſarium, in præ-  
ſens adducit diſcrimen ac ſine ulla cauſa, iſ  
non eſt proprie fortis. Sed qui Duello con-  
grediuntur privati ac ſingulares homines, iſta  
agunt. Ergo. §. 2. Temerarii & audaces, non  
ſunt fortes. Qui monomachiam inſtituunt aut  
Duellum ineunt, ſunt temerarii & audaces.  
E. Prob. Min. Quia non rectam ſequuntur  
rationem, ad cujus monita jam obſurduerunt,  
non leges ſequuntur publicas, quæ Duellum  
condemnant, non authoritatem ſequuntur  
Magiſtratus, qui ſequentibus edictis Duella  
prohibet. At tales, temerarii ſunt, audaces  
ſunt. §. 3. Qui pericula adeunt non neceſſaria,  
non ſunt vere fortes. Sed Duellatores adeunt  
pericula non neceſſaria. E. Prob. Maj. Nam,  
viri fortis officium eſt, non temere cuiſlibet ſe  
ſe exponere periculo, ſed neceſſaria pericula  
non detrectare. §. 4. In quibus nullum eſt af-  
fectuum moderamen, non eſt in iis vera forti-  
tudo. At in congregentibus Duello, nullum  
eſt affectuum moderamen. E prob. Min. Quia  
immoderatiſſimè faciunt omnia, ſive af-  
fectum animi, ſive geſtus & conatus corporis,  
ſive rerum & perſonarum circumſtantias,  
quis ſpectet. Spectare mihi provocantis &  
provocati utrinque iracundiam, pallorem,  
tremorem, furorem, rabiem, maledicta, con-  
vicia, execrationes, blaſphemias, plagas,  
ictus, vulnera, denique eadem, quid in iis eſt  
moderati? quis non potius affectuum exceſ-  
ſus? §. 5. Finis fortitudinis, ut & virtutis omnis,  
eſt honeſtas. Duellatores, honeſtum ne pili  
qui-

quidem faciunt; sed vindictam pro fine habent, etiam ignominiosam, loco honestatis. Hæ rationes sunt contra Duellum privatum: nunc prætextus videamus, quibus le muniant qui, aut ipsi Duello congregiantur, aut aliis id licere, existimant.

VII. Ajunt 1. *Duellum esse medium idoneum offendendi vires & audaciam: sic enim periculum fit uter duorum pugilum sit prævaliturus?* Resp. non est iusta illa causa, ob quam in periculum vitæ quis adducatur, ut vires tantum ostendat suas & audaciam. Quis non videt eam rationem nullius esse valoris? ajunt 2. *Duellum esse medium idoneum defendendi honorem, & vitandi ignominiam.* Sed & hæc iniusta & iniqua Duelli causa est. Quasi verò aliquid de honore decedat, aut ignominia accedat, ei, qui Duellum iniire detrectat, provocatus; pertinacissima quidem, sed contra sanam omnem rationem, est persuasio multorum, quod animi sit degeneris & ignavi, detrectare pugnam; & quod ejus, qui provocatur, nec se lissit, periclitetur fama ac nominis decus. At verò longè nos judicamus aliter: quid? hocine esse animi degeneris & abjecti, dicemus, hocine honori & existimationi obesse, si quis legibus, & magistratui pareat, si quis ex recte rationis præscripto agat, ac sic facit, qui læssus ac provocatus, Duellum detrahet. Pugnam recusant boni, non timore percussit, sed legum observantia permoti, quod apud viros bonos & cordatos, honori est omnibus, nemini de honestamento: neque curantur est, quid hominum vulgus sentiat, illud temeritatem sæpe habet, pro fortitudine, prudenter celsationem pro i-

gnavia, veram gloriam, pro ignominia. Ajunt 3. *Duellum esse, medium idoneum ad bonorum temporalium defensionem: si cui enim ab aliis moveatur de bonis temporalibus, ea dirimi potest, si ex consensu mutuo descendant in Monachiam.* Resp. iniusta & iniqua est vitæ nostræ & alienæ, cum bonis temporalibus commutatio, nec illa ratio terminandi litem de meo & tuo, per Duellum à Deo est præscripta, nec à Magistratu instituta: quare prætextus est, & mera prophas, hæc bonorum temporalium defensio, pro causa Duelli. Ajunt 4. *Dulla iacere ad voluptatem spectandi, quomodo olim apud Romanos in publicum educabantur gladiatores, qui coram populo mutuis se se vulneribus perfodebant.* Resp. Næc tanta dolore voluptas: emitur enim ista voluptas dolore, imo morte sæpe pugnantium, at, quæ est cruenta ista voluptas, ut ob eam in discrimen vitæ abeant duo, qui collidunt, & tam peccatur ab iis, quibus volupe est, tam cruentum spectaculum spectare, quam ab iis, qui illud, dum Duello congregiuntur, exhibent. Illa Romanorum Duella, voluptatis ergo instituta, ac cruenta spectacula, jam diu à Magistratu Christiano sunt abolita. Ajunt 5. *Duellum esse præsens remedium vindictæ capiendæ, quando nempe aliquis exceptus contumeliosè, Duello provocat alterum, facile est, ut se ulciscatur.* Resp. illa vindicandi & ulciscendiaratio est indigna Christiano: neque conceditur, sed prohibetur privatis vindicta, quis iudicem fecit aliquem in propria causa? hic obtinet illud, *læssus, ne iterum læssas:* & Deo est vindicta, publicique Magistratus, non privatae personæ.

A-  
O-  
**B**  
i-  
H  
E  
S  
n  
-  
-  
n  
-  
-  
-  
I  
e.

quidem faciunt; sed vindictam pro fine habent, etiam ignominiosam, loco honestatis. Hæ rationes sunt contra Duellum privatum: nunc prætextus videamus, quibus se muniant qui, aut ipsi Duello congregiuntur, aut aliis id licere, existimant.

VII. Ajunt 1. *Duellum esse medium idoneum ostendendi vires & audaciam: sic enim periculum fit uter duorum pugilum sit prævaliturus?* Resp. non est iusta illa causa, ob quam in periculum vitæ quis adducatur, ut vires tantum ostendat suas & audaciam. Quis non videt eam rationem nullius esse valoris? ajunt 2. *Duellum esse medium idoneum descendendi honorem, & vitandi ignominiam.* Sed & hæc iniusta & iniqua Duelli causa est. Quasi verò aliquid de honore decedat, aut ignominia accedat, ei, qui Duellum inire detrectat, provocatus; pertinacissima quidem, sed contra sanam omnem rationem, est persuasio multorum, quod animi sit degeneris & ignavi, detrectare pugnam; & quod ejus, qui provocatur, nec se sistit, periclitetur fama ac nominis decus. At verò longè nos judicamus aliter: quid? hocine esse animi degeneris & abjecti, dicemus, hocine honori & estimationi obesse, si quis legibus, & magistratui pareat, si quis ex rectæ rationis præscripto agat, at sic facit, qui laceffitus ac provocatus, Duellum detrahit. Pugnam recusant boni, non timore percussi, sed legum observantia permoti, quod apud viros bonos & cordatos, honori est omnibus, nemini de honestamento: neque curandum est, quid hominum vulgus sentiat, illud temeritatem sæpe habet, pro fortitudine, prudentem cessionem pro i-

gnavia, veram gloriam, pro ignominia. Ajunt 3. *Duellum esse, medium idoneum ad bonorum temporalium defensionem: sicut enim ab aliis movetur de bonis temporalibus, ea dirimi potest, si ex consensu mutuo descendant in Monachiam.* Resp. iniusta & iniqua est vitæ nostræ & alienæ, cum bonis temporalibus commutatio, nec illa ratio terminandi licet de meo & tuo, per Duellum à Deo est præscripta, nec à Magistratu instituta: quare prætextus est, & mera prophæsis, hæc bonorum temporalium defensio, pro causa Duelli. Ajunt 4. *Duella jacere ad voluptatem spectandi, quomodo olim apud Romanos in publicum educabantur gladiatores, qui coram populo mutuis se vulneribus perfodebant.* Resp. Noceat emta dolore voluptas: emittitur enim ista voluptas dolore, imo morte sæpe pugnantium, at, quæ est cruenta ista voluptas, ut ob eam in discrimen vitæ abeant duo, qui confligunt, & tam peccatur ab iis, quibus volupe est, tam cruentum spectaculum spectare, quam ab iis, qui illud, dum Duello congregiuntur, exhibent. Illa Romanorum Duella, voluptatis ergò instituta, ac cruenta spectacula, jam diu à Magistratu Christiano sunt abolita. Ajunt 5. *Duellum esse præsens remedium vindictæ capiendæ, quando nempe aliquis exceptus contumeliæ, Duello provocat alterum, facile est, ut se ulciscatur.* Resp. illa vindicandi & ulciscendi ratio est indigna Christiano: neque conceditur, sed prohibetur privatis vindicta, quis judicem fecit aliquem in propria causa? hic obtinet illud, *laceffitus, ne iterum laceffas: &c.* Dei est vindicta, publicique Magistratus, non privarum personarum.





ciamus, atque annumeramus temerariis fortibus, quarum exitus incerti sunt ac fortuiti, nisi Deus adhiberi eas voluerit aut permiserit. Neque valet *Exceptio*, quod in aliis casibus *Sortes adhibentur*. E. Nam, in talibus casibus adhibentur & adhiberi tantum debent, ubi fortis sine uniufcujusque vitæ periculo cadunt: neque in rebus vitæ & salutem hominis concernentibus unquam licite admittuntur aut admitti debent: at quando quis duelli sorte atque eventu crimen aut veritatem indagar, vitæ & salutis valetudo hominis, periculo exponitur. Ergo &c. Adde, divinatorias fortis esse prohibitas, præsertim de vitæ; solas divinatorias fuisse permittas, & tantum, ubi necessitas, & pax familiaris, hoc exigebat, aut exigere possent.

II. Sed novus hic fingi potest casus: nempe *Queritur*, si duo sint per iudicis sententiam damnati ad mortem, an possit licite Magistratus eis jubere, imo eos cogere, ut duello congregiantur, ac sese mutuo occidant? vix video, ut ingenuè fatear, quid determinandum sit: ab una parte videtur esse licitum, quia hoc nihil est aliud, quam decernere, ac constituere, ut alter sit minister justitiæ ad occidendum alterum, & cum uterque sit reus mortis, & ad mortem damnatus, non videtur peccare Magistratus, si alteri in alterum jubeat sic agere: præterea, si potest Magistratus licite jubere, ut reus mortis fame pereat: quidni, ut pugnet cum altero? nihilominus ab altera parte videtur non esse licitum, saltem non expedire, ut sic fiat à Magistratu, neque enim expedit, ut utrique detur facultas sese tuendi contra alterum & resistendi alteri, præsertim, cum extent ad supplicium mortis summum de reo ad id auctorari carnifices aut lictores, similesque humane carnis laniones. Quicquid sit, siue licitum sit Magistratui, id jubere, siue non sit. *Quæri potest ulterius*; An, si jubeat, reus unus alterum licite occidat, & uterque duellum illud licite acceptet atque ingrediantur? Resp. Videtur, id reis esse licitum, quia uterque constituitur tum minister publicus justitiæ ad occidendum alterum.

III. Sed alius adhuc incidit Casus: An

licitum sit Principi aut Magistratui, quando duo sunt ad mortem condemnati, jussu eis duellum mandare ipeendum, in eum finem, ut, qui victor occidendo alterum offenderit, vitæ donetur? *Et libetase?* Resp. Id non esse licitum; Neque enim expedit in tali casu, concedere utrique jus & facultatem aggrediendi alterum, & tuendi se contra alterum.

IV. Sed adhuc alius casus dari potest. *Queritur*, An privatus aliquis, qui ad duellum provocatur, providens, sese certò interimendum esse, nisi duellum acceptet, tuta & bonâ conscientia possit acceptare duellum & inire? Resp. Possè, sub hac conditione, si aliud remedium non superat vitam suam tuendi, & se à præsentis morte liberandi: si aliud medium evadendi, vel fugâ, vel quocunque modo superet, plane est illicitum: at si non sit aliud medium, licitum est, quia unusquisque tenetur tueri vitam suam: est enim illud tum duellum coactum, & non nisi inculcata vitæ propriæ tutela. Sed de duello privato, hæc hac exercit. *Et præced.* differuisse sufficiat. Nunc publicum inspiciamus, atque, an hoc sit licitum, dispiciamus.

V. Publicum intelligo duellum, quod ex Regis, Principis, Magistratus, aut Reipublicæ, imperio, permissione, autoritate, tempore belli initur, ad compendium belli faciendum, inter duos milites utriusque exercitus, aut plures utriusque: *queritur* Ergo, an tale duellum publicum sit licitum, quando ab utroque exercitu, unus contra unum, vel duo contra duos, vel decem contra decem, & pari numero utriusque pugnant, ex Magistratus potestate & autoritate, ad bonum publicum ac pacem communem? Sunt, qui affirmant, *Cassius*, sunt, qui negent: qui affirmant, exempla proferunt & rationes pro sententiâ suâ: exempla, tum profana, multa, in factis, unum: hoc vero est *Davidis*, cum *Goliatho Philistæo* Monomachiam ineuntis, & publicè, ex consensu utriusque exercitus, decertantis. Inter profana exempla antiquissimum est certamen illud singulare, inter tres *Horatios Romanos*, & tres *Curios Albanos*, institutum in agro Albano, ubi victis *Curiosis*, vincentibus *Horatiis*, bellum inter *Romanos* & *Albanos* directum fuit, ob conditione-

dicionem ante pactam, ut, vel victis his, vel vincentibus aliis, illi, vel victi, vel vincentes, haberentur, quorum causam & partes defenderent. Ad pacem similiter minimo cum sanguine componendam, Imperatorum fuorum concessu, & apud alias nationes, variè ex composito ac pacto utriusque exercitus, in arenam ac certamen singulare descendunt: sicut bello *Neapolitano*, sub *Magno Consalvo*, inter tredecim *Italos* totidemque *Gallos*, dimicatio singularis instituta fuit: itemque in bello *Vincetorum & Germanorum*, inter *Antonium Mariam Rubem Italum*, & *Georgium Sonnebergium Germanum*. Huiusmodi sunt inter *Hectorem & Ajacem*, inter *Paridem & Menelaum*, singulares apud *Homerum* pugnae, & illa *Turni*, atque *Aeneæ*, spectante utroque imperatorum exercitu, apud *Virgilium* concertatio. Neque nostrum seculum, nec nostrum bellum, hisce Exemplis caret. Nota est celebris illa, Anno (nisi memoria me fallit) jubilæo 1600. sub *manibus Sylva ducis*, prope pagum *Vucht*, viginti duorum *Gallorum*, sub *Heroë Breauté*, cum vigintri duobus *Hispanis*, sub *Leckerberio*, *Grobbedonci Sylva-Aucepsis gubernatoris Vice-Præscto*, pugna & dimicatio: plura Exempli colligere, nihil est necesse, nam exempla non probant. Ergo ad rationes redeamus affirmantium.

VI. Non tantum eum, qui singulari certamine adversus hostem, cum quo publicum est bellum, ex Imperatoris præcipientis iussu aut permittentis venia, propter publicam causam, degladiatur ac dimicat, esse fortem, sed vero perfectissimæ fortitudinis actum exercere, sic probant: ille est veræ, addo, & perfectissimæ fortitudinis actus, qui producit, ut oportet, cum oportet, & ejus rei gratia, cujus gratia eum produci oportet. Sed actus ejus, qui sic pugnat: ut dictum est, est actus omnibus hisce circumstantiis cumulatissime instructus. Ergo est actus veræ & perfectissimæ fortitudinis: probatur minor de circumstantiis singulis: primò, producit talis actus, boni publici causa: qui finis est honestissimus, & primus. 2. Producit cum oportet, quia producit eodem tempore, quo res communis, & salus publica,

alicujus privati militis aut plurium, ex Imperatoris judicio, periculum exigit ac postulat: possunt enim multa incidere tempora, quibus Imperator recte ac prudenter existimat, è re communi esse, in ejusmodi discrimine ex suis militibus aliquem vel plures committere vel adducere: ut, cum vider, sibi ac suis non satis esse vicium ac roboris, ad resistendum hosti, tum enim, vel bellum componatur, tem, inter duos pluresque ex utroque exercitu lectos milites, componendam, compromittit: vel, cum intelligit, hostium provocantium exercitum animosiorum redditum iri. suæ vero aciei milites animum desponsuros, nisi cum provocantibus ad monomachiam deveniri patiatur: vel, cum sperat, facilius sese positurum victoria, si ante singulari pugna aliquem quasi prælude re permittat: & aliæ causæ excogitari possunt, cur aliquem, vel aliquos, ex suis, in periculum abire sinat Imperator aut Princeps: Porro, hic actus producit, ut oportet, nam producit ille actus à militibus duello congreredientibus, ex iussu aut venia Imperatoris vel Principis, id, vel præcipientis vel permittentis. Atque hæc quidem tale duellum publicum probare videntur.

VII. Alii tamen negant, hoc duellum publicum esse licitum, & negant, veræ fortitudinis actum esse: & rationes hæc profertur; quia temeritas non consistit cum verâ, nedum perfectissimâ, fortitudine: at temerarium est, unius hominis aut duorum pluriumve, sed paucorum, vel fidei, vel fortitudini, totam aciem & universum committere exercitum: neque licet in tanti momenti negotio, unde reliquorum omnium salus dependet, quasi sortiri aut fortem ducere, quod sit in tali duello, ubi omnium totiusque exercitus, salus, vita, ac fortuna, uni aleæ jactui, subijcitur, unius, aut duorum, aut paucorum, periculo exponitur: profectò, non videtur satis, vel tutum, vel consultum, salutem Reip. vol tot hominum, tam cæco & dubio eventui, committere: præsertim, cum hic liberationis & agendi modus divino careat mandato, atque ex dissidentia in Deum oriatur: nam merus succumbendi, propter

minus robur & infirmitatem majorem sui exercitus, fide potius ab Imperatore, reliquisque militibus superandus est, quam, ut Imperator jubeat vel permitrat, aut miles ineat tale duellum. Deo æque facile est, per paucos, quam per multos, vincere: &, fides est victoria nostra: qui Deo fidit, facile fit, ut hostes suos, & fortiores ante se casus videat.

VIII. Quod exemplum *Davidis* hic proferri solet, qui cum *Goliatho* de summa rei feliciter dimicavit, ad id dicimus, singularia & heroica sanctorum facta non esse trahenda in exemplum, ut hoc factum *Davidis* potius sit admirandum quam imitandum. *David*, inermis juvenis & opilio, sed futurus populi Israëlitiæ servator, atque in eo erat *Typus Christi*, pugnam istam suscepit cum *Goliatho*, *Typo Diaboli*; peculiari instinctu Spiritus Sancti; quo spiritu ostendant se duci prius, qui duella ista, vel imperent Magistratus, vel suscipiant subditi: nec *David*, humana, vel

sua, nixus fuit confidentia, sed solo Dei auxilio fretus: at nostri duellatores, etiam publici, de quibus nunc disserimus, suis virtutibus, robore, duellitudine, nituntur: unde robustissimi ad hoc duellum potissimum deputari ac committi solent. Omnes circumstantiæ pugnae *Davidicæ* cum *Goliatho*, satis evincunt, illud duellum fuisse extraordinarium, quod non magis ad imitationem trahi potest, quam ejusdem *Davidis* cum urso & leone miraculosa pugna. Protuli argumenta utriusque partis, & affirmantis & negantis, duellum publicum esse licitum: habet utraque suos Autores, & Ethicos & Theologos, defensores: judicium, quod à Deo datum est cuique liberum, & liberum relinquo. Ego negantibus potius accedo, & statuo, animolo exercitui aut Imperatori, non tam nitendum unius aut duorum aut paucorum robore, quam quidem certa Dei, divinique auxilii fiducia.

## EXERCITATIONUM ETHICARUM

### TRIGESIMA SEPTIMA.

D E

## Q U Æ S T I O N E:

*An vim vi repellere liceat, & invasorem occidere?*

### THESIS I.

**E**Rgo, Duellatores, virorum fortium numero, exemimus: sententiam nostram, edicto publico contra Duella, confirmarunt nuperime Ill. *Status nostri Ordines*. Nunc ad alios circa fortitudinem casus morales descendendum est nobis. Ac jam hac *Exerc.* visum est discutere hanc quæstionem, *An vim vi repellere, adeoque hostem invasorem occidere, viri sit fortis? an id non repugnet fortitudini? Hoc igitur est, quod queritur: An qui vim vi repellit, possit ac debeat dici fortis? atque etiam*

*is, qui vim repellendo, invasorem iniquum occidit? an utrumque hoc sit licitum?* Resp. Neutrum repugnare fortitudini, utrumque esse licitum: quod explicabimus & probabimus, varioque casus utrobique decidemus. Quæstio licet gemina videatur, una tamen est: hic enim est controversiæ status: *An liceat homini privato, adversus vim illatam, ita se ferri, ut si aliter fieri nequeat, aggressorem occidat?* Resp. licet, quod dum affirmamus, non patrocinamur vindictæ privæ, quam detestamur, homine-

que



que Christiano indignam libenter pronunciamus: nam ira sunt hominum plerique, ut facile prigratam illam vindictam per se illicitam, pallient atque tegant, necessariæ defensionis pallio: iraque his, diligenter distinguenda est injuria quæcunque, à vi: injuriam nobis illatam pari injuriâ compensare, similemque referre, nullo modo licet: vindicare enim privata maleficia, aut male nobis facta, non est nostrum aut ullius privati, sed superioris, autoritate præditi, aut ipsius Dei, cujus est vindicta: at vim, violentiam, injuriam, quæ insertur vitæ nostræ, tolerare, perferre, patique, non est nobis aut ulli mandatum, sed contra, eam repellere, & Scripturis, & legi naturæ, & rationi rectæ est consentaneum: quod antequam singulatim ostendamus, sententiam probandam recte prius explicabimus.

II. Non asserimus, injuriam injuriâ propulsandam, aut compensandam: neque enim volumus, ut, qui verbis, & signis, ac factis contumeliosis, excipitur & afficitur eadem rogerat & referat: sed asserimus, vim & violentiam propriè dictam, repellendam vi: sub his conditionibus: 1. quando tam subita est violentia, ut nulla ratione, nec fugiendo, nec eedendo, evadere quis possit. 2. quando invalor est pertinax: ira ut invalor aliquem persequatur, licet alter deprecetur injuriam, dovyim, qua afficitur: nam, si, invalor fugit, aut te percutere, aut vim inferre, aut persequi, desistat, sic ut non amplius metuatur, non licet tibi ipsum insequi, aut percutere, aut occidere: quia tum non amplius in vitæ periculo constituitur. 3. quando manifesta est violentia, ut non possis aliter aut alia ratione defensionis, vitam & corpus tuum tueri ac conservare, nisi referendo & occidendo. 4. quando magistratus abest, ut hic opitulari non possit, & quando periculum est in mora. 5. quando servatur moderamen inculpatæ tutelæ, id est, cum ea adhibetur moderatio, sine qua injuria aut vis depelli non potest: nam in defensione legitima non licet vi majore vi, quam quæ exigitur & necessaria est ad injuriam arcendam, & vim repellendam: alioquin feret ista defensio ex propria vindicta,

quæ culpanda est, & defensio sic, & ob eam causam facta, est tutela immoderata & culpabilis.

III. Ut igitur quis sciat, quando in repellenda vi servet moderamen inculpatæ tutelæ, enumerabo, quænam requirantur ad illud. Tum servatur modus se tuendi sine culpa, id est moderamen inculpatæ tutelæ: cum invalor est injustus, id est, invadit contra justitiam. 2. cum invalor se tuetur & defendit statim, atque eo ipso momento & tempore, quo cum adortur atque aggreditur invalor, ut ipso congressus atque aggressionis articulo invalor percutiat, non post aggressionem finitam, non ex intervallo post vim illatam, sic enim non propulsandæ injuriæ, sed ex amore vindictæ fieri videretur: si enim mora intercedit, jam justæ defensionis & tutelæ inculpatæ ac moderatæ nomen amittit, & privatæ ultionis nomen accipit naturamque induit. 3. cum invalor, quandiu potest se tueri, non occidendo invalorem, cum quoque non occidit: si enim occisio invaloris possit declinari ab invalo, ut tamen se tueatur ac defendat, non debet invalor ad occisionem devenire: nam nihil debet fieri sub specie & titulo defensionis & tutelæ propriæ atque inculpatæ, nisi quod necessarium est ad illum finem: alioquin exceditur modus, & non est moderamen tutelæ inculpatæ, sed immoderata & culpata aut culpabilis sui defensio: atque hinc etiâ liquet, non licere invalo, ut repellat vim majori vi, quam est vis invaloris: V. C. si pugnis caditur invalor, non debet gladio cadentem aggredi, nisi percutientis pugni tam sint magni, ut possint mortem inferre, aut præsens mortis periculum afferre: si invadatur quis ab inermi, non debet se defendere armis: si baculo percutiatur, non debet se defendere cultro, nisi periculum sit præsens, ex ictu baculi, moriendi, quod tamen ex baculi aut pugnorum ictu rarius est metuendum. 4. non debet invalor percutere, nisi videat & judicet se occidere, si vim non repellat. 5. nunquam debet adesse invalor, scopus, intentio, aut animus se ulciscendi, sed simpliciter ac solummodo sese defendendi. Hisce omnibus positis, licitum esse, ut

quis vim vi repellat, imo ut quis invadentem occidat, servato modulamine inculparæ tutelæ, nunc porro, probabimus, non quidem ex sacris (hoc enim interdictum est) sed ex lege naturæ & ratione rectâ.

IV. Hoc est opus legis, inscriptum cordibus omnium mortalium, sicuti nemini est nocendum, ita proprium corpus & vita, contra vim injustam, sunt defendenda; idque, vel magistratus auxilio, vel, si magistratus adesse non possit, propriâ defensione: quod gemino *Ciceronis*, maximi inter *Gentiles Scriptoris*, testimonio confirmabimus: unum est, lib. 1. de *Offic. Principio*, inquit, *omni animantium generi à natura tributum est, ut se, vitam corpusque tueatur, declinetque ea, quæ nocitura videntur*. Alterum est in oratione pro *Milone*. Hoc & ratio doctus, & necessitas barbaris, & mos gentibus, & natura ipsa seris præscripsit, ut omnem semper vim, quascunque ope possent, à corpore, à capite, à vita sua, propulsarent. Hæc sapientissimus *Orator*. Et certe ipsa nos docet experientia, quid non pro vitæ conservatione & tutela tenetur ac præstetur ab omni etiam animantium ac viventium genere, quibus omnibus hoc inditum est à natura. Farcior equidem, hanc naturæ legem, in multis hominibus, per & propter corruptionem nativam, vitium contraxisse, & latius extendi quam par est, dum ex naturæ hac lege omnibus insita, de repellenda vi, statim concludunt, privato appetitu & contumacia, absque ullo respectu ad auctoritatem publicam, posse unumquemque ulcisci injurias sibi illatas; sed verò illa naturalis hujus legis interpretatio prava emendanda est & corrigenda, ex Dei verbo, & euangelio præferim, quod non aboler hanc naturæ legem, hanc veritatem Dei, mentibus omnium insitam, sed pravas ejus & perversas explicationes corrigit & emendat, ut iusta & vera ejus praxis exerceri possit, qualis correctio & emendatio potissimum reperiri potest, *Matth. 5.* sep præter legem naturæ, ac positivam Dei, etiam lege civili licitum fuisse, ut vis vi repelleretur, ex codice constat, ad legem *Corneliam de Sicariis*, ubi hæc habentur: *Is qui aggressorem, vel quemcumque alium, in dubio vitæ discrimine*

*constitutus, occiderit, nullam, ob id factum, calamitatem metuere debet*. Item; *si quis percussorem ad se venientem ferro, depulerit, non teneatur crimine homicidii, quia defensor propriæ salutis videtur in nullo peccasse: & ad legem Aquiliam; vim vi repellere, omnes leges, omnia jura, permittunt*. Unde *Ovidius*: *Armaque in armatos sumere jura suavit*. Sic leges 12. Tabularum, nocturnum etiam furem, quia præsupponitur venire animo grassandi, occidere apud Romanos permiserunt. Ex hisce omnibus satis constat, aliquando licere uti vi adversus invasorem, ad eum repellendum, etiam ad occisionem illius usque, etsi per se non intentam, sed quæ sequitur, quia non possumus aliter tueri vitam, quam invasor vult perdere.

V. Asserta ergo defensione propria, videndum ulterius: 1. an hoc jus tuendi se contra invasorem, sit licitum cuicumque personæ, si ve sit ecclesiastica si ve secularis, & quocumque loco etiam sacro, & quocumque tempore etiam sacro, & contra quemcumque invasorem, etiam si fuerit vel pater invasor, vel princeps, vel pastor? Sunt tam laxi *Cassius*, qui contra quemvis invasorem, etiam naturale parentem, etiam principem, aut summum magistratum, licitam esse sui defensionem existimant. 2. quanam sint ista res tanti faciendæ ab unoquoque, ut eas teneatur redimere etiam periculo mortis alienæ, imo & alterius interfectione: an solum sit vita propria restam pretiosa: an vero præter vitam, & honor noster etiam, castitas aut pudicitia nostra, etiam bona nostra temporalia hic redimi ac conservari & defendi debeant? Atque hic difficillimi casus sunt decidendi; nos, quæ poterimus prudentia & circumspectione, singula deciderimus.

VI. Casus primus. An cæteris paribus, omnibusque ad justam sui defensionem requisitis, rite recteque se habentibus, pro propria morte evadat, unicuique sit licitum, invasorem occidere, etiam personæ ecclesiasticæ? Resp. omnino: nam, si quis sit religiosus, si ve secularis, hæc statum diversitas non eripit homini, cuicumque tandem, jus naturale vitam suam conservandi: hoc enim jus convenit homini, quæ homo est simpliciter, non quatenus est in

hoc



hoc vel illo statu, religioso vel seculari.

VII. Casus secundus; *An licitum sit, ad defensionem vitæ, invasorem occidere in templo ac loco sacro, si ibi nos adoramus, nec possimus nos aliter vitam nostram conservare?* Resp. licitum esse: nam jus naturale, nullis alligatur locis, sed ubique locorum, cum necesse est, id conservari atque exerceri debet ac potest: quod adeo verum est, ut, si quis in loco sacro, cum operatur sacris, invadatur à latrone, nec possit fugere, aut alio modo vitæ suæ consulere, ut liceat ipsi, sacra intermittere, & ad defensionem vitæ, etiam in loco sacro, se componere.

VIII. Castustertius; *An sit licitum se tueri contra quemvis, eum occidendo, etiam filio contra patrem, uxori contra maritum, servo contra dominum, subdito contra regem aut principem?* Hic casus est difficillimus, neque *Cassius* hic idem sentiunt; sunt qui diserte id affirmant, licere contra quoscunque superiores, parentes, dominos, principes, reges, &c. se tueri, eoique si necesse sit, dum invadunt, occidere: ac sic sentiunt omnes *Jesuitæ*: exemplo sint eorum primipili, *Lessius*, & *Suarez*. *Lessius* scribit lib. 2. cap. 9. dubit. v. de *justitia* & *jure*, hæc verba: *Defensio sui concessa est, contra quoscunque, etiam superiores, ut monacho contra Abbatem, filio contra parentem, servo contra dominum, vasallo contra primiper, & in quoquoque officio sit constitutus*. *Suarez* vero contra regem *Angliæ* *Jacobum* gloriose memorie, 6. cap. 4. ita argumentatur, sunt verba ejus. *Si per viâ propriâ licet occidere regem invadentem, multo magis pro communi bono: itaque, si supponatur Rex actu aggrediens civitatem, ut cum injure perdat & civem interficiat, tunc licet ei resistere, etiam occidendo illum, si aliter perire non possit defensio*. Hæc *Suarez*. Ex quibus *Suarez* verbis videre est, quam facilem affirmans sententia in hoc negotio viam sternat, reges & principes de medio tollendi, ut hæc eorum decisio, multis occasio fuerit temere occidendi principes & reges, cujus sceleris auctores quoque ac patroni hi Patres existunt. Sed vero ego cum his facio, qui statuunt, non in quemvis violentum invasorem hoc jus se tuendi esse exercendum. De filio

saltem contra patrem, aut de uxore contra maritum non facile concessero: imo absolute negavero, etsi enim pater invadens tyrannice filium, officium patris non faciat, nondum tamen pater esse desinit, quia vinculum illud naturale inter patrem & filium nullo casu rumpitur: & filius semper tenetur honorare parentem, etiam duriores, etiam tyrannum: qui honor non tantum consistit in verbo & opere, sed & in patientiâ, qua tolerare debet durissima quæque à patre sibi illata, imo mortem ipsam potius, quam mortem inferre ei, à quo vitam accepit. Pariter dicendum est de uxore adversus maritum, propter vinculum illud conjugii indissolubile, qua, quasi unus homo, saltem unum sunt facti, ut sic uxor, occidendo invadentem maritum, ferè quasi se ipsam occidat. Itaque sic cenfeo; licet quidem parenti aut conjugii resistere injuste invadenti, quantum fieri potest, eo fine, ut impediatur perniciës nostra, & vita defendatur nostra: si tamen evitari non possit malum quodlibet, quod hujus vitæ termino continetur, præstat succumbere & mortem optere, quam fieri reum tam nefandis homicidii, quale est aut parentis aut conjugis occisio; & si violanda alterutra lex est naturæ, honorabis patrem, neque cum occides, ab una parte, vel, unumquodque tenetur se & vitam suam conservare, præstat violari eam, quâ non peccatur, quam eam, quâ peccatur, præstat eam violari, quâ quis patitur injuriam, quam quâ facit: sed qui patrem occidit, peccat & facit injuriam, & quasi duas naturæ leges violat: qui patitur se occidi, non peccat, si aliter non potest, & injuriam patitur, & unam tantum legem violat naturæ. Deinde, si persona invadens sit princeps, rex aut aliquis ex supremo magistratu, cujus vita sit admodum utilis Reipub. & is, qui invaditur, non sit adeo utilis Reipub. tenetur hic mortem potius perperit, quam vitam suam tueri, auferendo vitam principi vel regi: quia bonum commune est præferendum particulari, publicum privato: atqui princeps, rex, aut supremus magistratus, dum vivit, eorum vita est bonum commune & publicum: at vero vita hominis vulgaris est bonum privatum & par-

& particulare. Ergo &c. Ex interitu principis, regis, aut supremi magistratus, sic facto, ingens potest oriri reipub. damnum, seditio, bellum civile, turbæ alia: an non præstat mortem pati injustam ab invasore rege, principe, aut magistratu supremo, capribus unitis, quam sui defensione occasionem præbere

tot turbis & bellis civilibus, aliisque calamitatibus, quæ sæpe consequuntur? De domino & servo aliter pronuntio, quia dominus, nec pater est servi, nec princeps, & uterque privatus est; sic enim pono: nam si dominus idem est, qui rex & princeps, ex prioris casus decisione agendum exilimo.

## EXERCITATIONUM ETHICARUM TRIGESIMA-OCTAVA,

D E

### Quæstione: ob quas res & causas liceat invasorem occidere?

T H E S I S I.

**D**UOS proposuimus *Exercit. præced.* casus decidendos. Unus est, *an sit licitum se tueri contra quemvis, eum occidendo, etiam filio contra patrem, uxori contra maritum, subdito contra principem, servo contra dominum? alter, Quanam res sint tam pretiosæ, tam dignæ, ut ob eas servandas liceat, invasori studeant illa eripere, mortem inferre ac de medio tollere?* priorem casum decidimus, posterior nunc decidendus venit: *Quanam ista sint tantivæ valoris ac pretii ut ob eorum retentionem ac conservationem liceat eripientem occidere.* Per classes ac seriatim est pronuntiandum.

II. §. 1. *Vita propria defensionem, iustissimam hic esse causam, extra omne dubium positum est ab omnibus Casuistis: nihil quippe collatum est nobis pretiosius vita nostra, quam si quis studeat eripere nobis, si eam aliter tutari non valeamus, quam eripientem occidendo, ejus tutela, cum invasoris morte, instituta, omnino est licita; namque hoc legi naturæ est congruentissimum. Sed queritur, an id etiam liceat pro vita parentis, filii, amici, proximi?* Resp. cum *Casuistis*, si non omnibus, fortasse plerisque saltem ac nobilioribus, nobis esse licitum: si enim licet vitam

propriam ponere pro amico ac proximo, pro patre, pro filio, licet quoque eorum vitam defendere adversus vim & hostilem imperum invasoris, non minus, quam si nostram ipsorum vitam defenderemus; & si aliter defendi nequeat, nisi invadentem occidendo, & hoc licitum pronuntiamus: nam tenemur diligere proximum sicut nos ipsos: atqui nostram propriam vitam tueri licet etiam cum occisione invasoris, servato semper moderamine inculpatæ tutelæ, ut ante probavimus, Ergo & sic licet tueri vitam proximi, in eodem casu. Sed excipiat hic aliquis, *antece-* dens illud non videri verum, quod liceat vitam ponere pro proximo, ex quo consequens deduximus: nam *charitas incipit à se, à nobis: & tenemur magis diligere vitam propriam eamque conservare, quam vitam propriam amittendo, conservare alienam.* Resp. 1. Contra istud *Servatoris in Evangelio Joh. 16. Majorem dilectionem hæc nemo habet, quam ut vitam suam ponat pro amicis suis.* 2. Et si is, qui vitam propriam ponit pro amico, magis diligat alios quam se, respectu hujus vitæ corporalis, non tam id est contra legem naturæ aut moralem, jubentem, proximum diligere uti nos-

2  
c  
-  
s

2

o  
n  
n  
-  
c  
r  
i  
n  
-  
i  
n  
-  
m  
-  
i  
-  
ue  
-  
i  
-  
m  
m  
at  
-  
ut  
ri  
(-



hominetipfos, quia ordo charitatis & dilectionis hoc exigit, ut bona gratiæ & salutis, ut virtutes aliasque dores salutiferas, prius velimus nobis quam proximo, non tamen exigat, ut cætera bona, vel vitæ corporalis, vel honoris ac famæ, vel opum temporalium, prius velimus nobis, quam proximo. Sed excipiat quis porro; tam ille qui irradit, quem occidis, quam irrogas, cuius vitam conservas, priorem occidendo, est proximus. E. tam parum licet vitam prioris eripere, quam posteriori servare. Resp. est quidem uterque proximus; sed hic etiam in proximitate. ut sic loquar, sui sunt gradus: prior proximus est, sed nocens; alter proximus, sed innocens: potior est ratio proximi innocentis, quam alterius nocentis. Sed videndum an alia etiam præter vitam, seu propriam. seu proximi, sint digna, quæ à nobis conserventur, etiam cum damno vitæ alienæ.

III. Quæritur ergo 2. An honor proprius rubi, si laedatur, vel recuperari vel defendi debeat, tali modo, cum occisione proximi, honorem nostrum laedens vel minuentis? Resp. quamvis honor præstantissimus sit hominis thesaurus, imo aliquando ipsa vita charior esse possit, non tamen dixerim, pro defensione honoris proprii, licitum esse, occidere proximum: nam differunt multum honor & vita: & levior est jactura honoris, quam vitæ, nam honor amissus recuperari potest, vita non item: sed, an nunquam id licet, ne tum quidem, quando honor est ejusdem cum vita dignitatis, & a qua ac vita recuperari nequit, ut est honor pudicitie ac castitatis, cum ille violatur? Resp. est alius tum casus, & tum videtur licitum: sed ut distincte casum hunc decidamus, paulo plenius excuti debet. Potest honor hominis violari, vel verbis, vel factis. Verbis quidem, per contumeliam, convitiis, calumnias: factis, per vim & injuriam illatam corpori, idque multis modis, cum alicujus invaditur pudicitia, cum viro honorato etiam in publico aut alibi impingitur alapa, &c. Injuria facta verbis contumeliosis, convitiis, vel calumniis vindicari non debet per eandem proximi, nam hujusmodi contumelie aliter repelli possunt, & vindicari debent, per magi-

stratum: itaque peccant omnino, qui ad contumeliosum verbum (*rummentis*) statim cultum stringunt aut gladium, & proximum, vel occidunt, aut lædunt: nam talio privata non est licita, nedum, ut pro verbis verbera retalientur, aut ut pro verbo contumelioso reponatur ac referatur corporis alieni mutilatio aut mors alterius: imò, licet alapa alicui impingatur, quin si id quoque fiat in publico, non tamen hæc injuria illata corpori atque honori re ipsa ac facto, sufficiens est causa proximum percutiendi, nedum occidendi; nam vindicta omnis privata est illicita, ob quamcunque contumeliam ulciscendam instituitur: & hic, pati præstantius est quam agere, & cogitandum illud, ni fallor, *Socrati*, cum percussus non referret, dictum; Quid, inquit, *asinus me ungula feriat, an referendus foret*? aliter hic sentiunt *Jesuitæ*, laxi omnino *Cassii*, &c., qui nobiles ac generosi solent vocari in hoc mundo: statuunt *Jesuitæ*, viro nobili, generoso, atque alicujus notæ, si percutiatur alapa, fuisse, verberare, quia hoc valde ignominiosum est, præsertim in publico, esse licitum, non tantum simili injuria afficere percutientem, sed & occidere: imò existimant, eam injuriam tantum esse vindicandam cæde percutientis, non alio modo: nam alapa, fuisse, verberare, vicissim excipere percutientem, longe infra nobilitatem & dignitatem viri generosi ac nobilis esse, ajunt: imò asserunt, viro nobili, si videat, injuriam aliquam sibi jam inferendam aut inferri, etiam si fugere possit, non tamen esse fugiendum, quia ista fuga ei in dedecus & ignominiam cederet, sed contra, eum, qui injuriam inferit, licitè à viro nobili ac generoso occidendum: atque sic sovent vanitatem nobilium hujus mundi, qui quidvis posthabent, etiam vitam proximi, suo honoris.

IV. Nos aliter judicamus, & istam honoris defensionem aut recuperationem, factam cæde proximi, plane esse illicitam quocunque etiam prætextu, pronuntiamus, ob hæc rationes: 1. honor iste est res vana, pendetque ex vanorum hominum opinione, neque tanti est aut esse debet ulli, ut redimatur, recuperetur, conservetur vitæ proximi, imo barbarum est,

immane est: vitam proximi posthabere nostro honori, famam nostram præferre vitæ proximi. Si lædatur honor noster, aliis modis & mediis defendi potest, per moriem saltem & cædem detractoris recuperari non potest. An igitur, qui alapa, aut fuste percussus est, si percutientem occidat, eo sibi honorem suum recuperabit? an non majorem reportasset honorem, si colaphum istum, aut verbera, aut id genus injuriam generoso contemtu sprevisset? hoc verè est fortis, & generosi, animum gerere tam excelsum, qui supra omnes injurias sit, qui etiam, cum inferuntur, iis non afficitur & lædiitur. Si hæc adversæ partis sententia obtineat, annon apta sternitur cædibus via? hoc fundamento semel posito, ut infamia, quæ talis non est ex verâ causâ, sed ex falsâ hominum opinione esse videtur, sufficiat ad proximum de vita tollendum: nihil offensionis unquam quis accipiet ab alto, quin ad honoris quasi defensionem, statim deventurus sit ad proximum occidendum, sanguinemque ejus fundendum: itanè verò licebit vitam eripere, quæ reparari nequit, ei, qui honorem nostrum nobis eripuit, qui reparari potest? quæ est via proclivior grassandi in vitam proximi, & cædibus omnia permiscendi? avertat Deus à conscientis nostris tam laxos *Cassius*. Fateor, viro honesto grave esse, honoris pati damnum ac periculum, nunquam tamen, si prudens sit, illum suum honorem, redemptum velit vita alterius. Sed vero, *quid si honor pudicitia nostra ac castitatis, periculum incurrat violationis?* hic aliter pronuntiamus. Existimamus, puellæ, pro tuenda corporis sui integritate & castitate, licitum esse, ut aggressorem occidat, si, nec clamando, nec compellendo alium, se tueri valeat ac pudicitiam suam: quia pudicitiaë invasor vim inferat talem tamque atrocem, ut iure videatur morti adæquari, præsertim cum castitas læsa recuperari nequeat, non magis quam vitæ: deinde, periculum est consensus & peccati in virgine, si non omnia adhibeat media, etiam extrema ad castitatem servandam, imo facile est saltem, ut in suspicionem veniat talis consensus, si non omnia etiam extrema tentet. Sed, *an idem licet pro*

*defensione pudicitia aliena, quando videmus eam vim inferri?* Resp. si pudicitia & vita paripassu ambulent, quandoquidem licet pro vita aliena, quidni id & liceat pro defensione pudicitiaë alienæ?

V. Sed videndum est, *an etiam bona nostra temporalia debeamus conferre vari, si aliter non possint, cum occasione auferentis aut eripientis?* profecto, non satis facile est hoc decidere: sunt, qui affirmant, sunt, qui negent, & questio est, *non, an hoc liceat nostru, quando non potest quis decernere, an quis veniat jurandi, an occidendi gratia, nam summicere ante probavimus, sed insuper, an hoc liceat de die, quando hoc delictum haberi potest ac videri?* Qui affirmant, sic sententiam suam explicant ac probant. 1. quando, inquit, bona temporalia ita sunt necessaria, ut sine iis vita corporalis conservari nequeat, licebit occidere invasorem ac furem, pro defensione rerum suarum, quia, hoc est, tueri vitam suam propriam: præterea tum quoque, si de die te lo defendat fur, & eo petat possessorem; dum sua bona studet defendere, nec fur auferat: nam in tali casu miscetur periculum personæ cum periculo rei familiaris. 2. quando res & bona non sunt tanti momenti, quin vita possit commodè conservari sine iis, tunc revera non licet occidere auferentem: certè non licet proximo vitam eripere ob parvum detrimentum rerum nostrarum. Hæc sententia affirmantium, hæcenus non videtur esse aliena à ratione: quidam ulterius abeunt & statuunt, sed pro defendendis bonis propriis, quando sunt tanti momenti, ut quis non possit satis honestè & commodè sine iis vivere, licitum esse, si aliter servari nequeant, auferentem occidere, quia alioquin, inquit, daretur occasio furibus, viros probos & honestos, bonis suis spoliandi: & forentur satis clare hominum injustitiæ: quippe nihil foret tutum, si defensio necessaria non possit opponi: concessa autem bonorum nostrorum defensione necessaria, & conceditur occisio, quia bona nostra sæpe defendi nequeunt, sine auferentis & furantis occisione. Hæc ratio dinatio plausibilis est, namque habet probabiliter: nos tamen aliter judicamus, ac pronuntiamus.



mus, quia non est satis tutum, ut unusquisque hic relinquatur ac instituitur iudex & arbitrius in æstimando momento, & pretio, & valore rerum suarum ac bonorum, an sine iis honestè ac commodè vivere nequeat: sæpe iudicabit bona, quæ ei eripiuntur, esse talia, ut sine iis honestè ac commodè vivere nequeat, & tum ut ea seruet, si licitum sit ei servare illa etiam cum occisione proximi, facile impetrabit à se, ut sursum non occidat, cum tamen bona possint alterius iudicio esse talia, imò sorte ipsius possessoris iudicio, si bene rem examinet, ut sine iis commodè & honestè vitam transigere valeat. Nam sapissime res se leves, nec multum necessarias, habentur à possessoribus pro rebus gravibus & magni ponderis, præsertim additâ clausulâ honestatis, quæ valde late patet: si enim licet fures occidere, quia auferunt ea, sine quibus honestè vivere nos non posse, iudicamus, forte, quia pallium aut pileum auferunt, occidi ab aliquo possent, quia sine pallio aut pileo quis honestè vivere non potest: ita ut hoc iudicium de honestate & commoditate vivendi per hæc aut illa bona, mihi non videatur satis gravis & solida esse causa, quæ possit facere licitam defensionem bonorum temporarium cum occisione proximi, quando ille auferit ista, sine quibus honestè aut commodè vivere quis se non posse iudicat: quin plus dicimus, imò hoc ipsum iudicium de bonis, sine quibus vivere non possemus, satis difficile est: nam sæpe existimamus hæc aut illa bona absolvere nobis ad vitæ conservationem & sustentationem esse necessaria, quibus tamen si careremus, nihilominus possemus esse super-

stitos: at ne tum quidem ob ereptionem talium bonorum sur occidendus foret: & poterit Deus statim prospicere nobis de bonis aliis ad vitam tuendam necessariis. Quare, si fur de die furatum veniat, & non aggrediatur possessorem telo vel armis, cum fur diurnus occidi non debeat, nescio an prætextus, non dicam honestatis & commoditatis, sed & necessitatis, sufficiat ad bonorum defensionem per occisionem proximi: certè mihi videtur esse & mitior & securior negantium sententia: vitam sc. non esse auferendam suri simplici, qui non simul aggreditur armis ob nostra bona, sive ad esse sive ad bene esse necessaria: 1. quia omnia bona recuperari possunt, vita crepta recuperari nequit. 2. quia diffculter iudicari potest de bonorum necessitate, an simpliciter, an secundum quid, ad honestè vivendum sint necessaria? nec sequitur, quod infereretur, *Viros bonos & honestos fore obnoxios latrociniis & spoliationi*, quia ordo publicus superiorum & magistratus cohibere valent & debent fures, ne impune grassentur in bona aliorum: & eorum iniustitia legibus & penis publicis potius est coercenda, quam ut ipsorum morte privata & occisione sit compensanda: occisio furis simplicis à privato possessore facta, nimia est talio pro ereptis bonis temporalibus. Quod si non liceat occidere furem de die, non adorientem telo, ob ereptionem bonorum nostrorum eorumque defensionem, multo id minus licet ob ereptionem bonorum alterius, eorumque defensionem: atque hæc de hac questione suffecerint.

EXERCITATIONUM ETHICARUM  
TRIGESIMA-NONA,

Qua est Prima,

D E

## B E L L O.

T H E S I S I.

Circa fortitudinem tres excusamus quaestiones: 1. An fortes sint dicendi, qui violentias sibi inferunt manus? 2. An fortes sint, qui Duello congregiuntur? 3. An fortis sit, qui hostem invasorem occidit, & qua de causa hoc liceat? Nunc 4. quærimus, an fortes sint qui bellum gerunt? seu, an bellare sit licitum? nos affirmamus & probamus, non scripturae locis, quod relinquimus Theologis, sed ratione.

II. Hoc modo. 1. quod convenit cum lege naturæ & recta ratione, hoc est licitum: sed bellum gerere &c. Ergo. Minor probatur ex iis, quæ ante disputavimus. Si privata ex lege naturæ & congruenter rationi recte potest manifestam vim à se repellere, vitam ac corpus suum tueri, multo magis potest magistratus, personam publicam gerens, & gladium, divinitus sibi datum, portans, manifestam violentiam repellere à suis subditis, eorum vitam, fortunas, & corpora, tueri, ut conatibus & injuriis hostium obstat, qui religionem & regionem everfam cupiunt, & publicum bonum, cujus cura magistratui incumbit, penitus sublatum expectant. Sed verum est prius, ut ante probavimus. Ergo & posterius. Prob. consequ. Majoris. Quia par hic omnino est ratio, imo major in Magistratu quam in privato. & major est ratio circa tutelam salutis publicæ quam privatæ. Hæc cerè consequentia valet. Si privata vitæ corporisque defensio jure naturæ permixta est & rectæ rationi non adversa; & Magistratui subditorum ac Reip. defensio jure naturæ est concessa nec recta rationi ad-

versa. At verum prius. Ergo. Si paterfamilias in ædium oppugnatione se, familiam ac suos defendere & vim sibi illatam propulsare jure naturæ potest, & Magistratus in hostili invasione facta Reip. potest jure naturæ subditos defendere & vim repellere: neque est hic ulla disparitas, sed argumentum potius à minori ad majus: Si privata vitæ tutela est licita, & publica salutis defensio erit. Addo, si Magistratus potest privatam sumere vindictam de aliquo subditorio, qui alterum læsit, eum puniendo, multo magis poterit publicam sumere de hoste, qui Reip. lædit, eum puniendo: est enim bellum publica de hoste vindicta. Hoc argumentum desumptum à jure naturæ, cui bellum gerere est congruum, tam est solidum, ut nullam patiarur contradictionem: Qui hic excipiunt: *sub Evangelio jus belli fuisse abolitum, quod sub legem moralem in Veteri fuisse permixtum*; illi probent prius, Evangelio abolitam legem naturæ, quæ immutabilis est & aboleri nequit. Ergo nec jus belli, quod legi naturæ est congruum, aboleri potest. Ut Evangelium usum fossi, lunæ, aëris, aquæ, & aliorum ad hanc vitam necessariorum nobis non interdicat, sic nec prohibet, quo minus agamus & vivamus ex jure naturæ: at cum Magistratus bellum gerit pro salute totius Reip. vivit & agitur ab eo ex lege naturæ. Notanter vero dico, *Magistratui esse bellum gerendum*, ei enim hoc tantum convenit, quia ei gladius est concessus, *non item privati ac subditis*: itaque subdito arma non sunt capienda, nisi jussu & ex imperio Magistratus, qui,

qui, si jubeat & imperet ob publicæ injuriæ & hostilitatis propulsionem, subditis id permittendum est, imo tenetur.

III. Cujus fines atque effectus sunt utiles & necessarij, illud, si per se ac simpliciter malum non sit, improbari non potest. Atqui belli fines, etiam nec bellum per se & simpliciter malum est. Ergo. Minor bimembris sic probatur quoad membrum prius. *Fines atque effectus belli sunt: 1. Reip. conservatio & salus, & corporis defensio.* Nihil est in omnibus universi partibus, quod non habet suum hostem, quodque non exerceat cum aliis rebus inimicitias, quas *inimicitias*, vocant Phisici, nam, aqua igni, medicamenta venenis, sunt opposita: sic quoque nullum est imperium quod non habet suos hostes, quorum insulibus & conatibus nisi resistatur consilio & armis; funditus illud intrare, est necesse: sine belli Reip. nulla potest firmari, nulla conservari, nulla ab interitu vindicari. 2. *Pacis acquisitio.* Sine bello in pace vivere, pietati & virtuti operam dare, honestati studere, rem familiarem curare, cætera pacis munia obire, non possumus; hunc ergo finem, qui volunt exhibere, bellum simpliciter improbare non possunt. 3. *Hostium repressio.* Nemo audet provocare eum, quem novit esse primum & expeditum ad sui defensionem: & sic militaria & bellica exercitia externos etiam hostes reprimunt, ne citra Remp. insurgere audeant. Alterum minoris membrum, *quod bellum per se ac simpliciter malum non sit*, inde probatur: Quia quod nec legi naturæ nec rationi recte est adversum, non est per se aut simpliciter malum. Atqui bellum &c. ut primâ ratione est probatum. Ergo. Deinde, quod per se ac simpliciter est malum, illud semper & perpetuo est tale: nam *per se ac simpliciter*, præsupponit, ut &c. per se, præsupponit de omni. Atqui bellum non semper & perpetuo est malum, quod patet ex sacris ubi & a Deo probatum est, & rationibus variis: nam tunc nunquam esset licitum: at semper est licitum, quando justum: Idem est, illicitum & malum, quando est injustum: Nam dum bello his patrocinamur, & licitum esse, rationibus probamus, ac juri naturæ consenta-

neum pronunciamus; nemo nos quodlibet bellum habere pro tali existimet, sed justum tantum, sed legitimum, sed necessarium. Quando belligerandi necessitatem salus Reip. exigat, tunc Magistratus, cui salutis publicæ cura commissa est, aima merito expedit: semper justum est bellum, quibusque est necessarium: semper pia sunt arma, quibus nulla nisi in armis, spes vitæ est posita, omnibus aliis rebus iustis tenatis & latis. Quando vero aliâ ratione aliisve modis ac mediis, publicæ salutis ac tranquillitati consuli potest, à bellis omnino abstinendum censemus ac pronunciamus; nam temeraria & non necessaria bella omnia sunt illicita: Et pax semper bello est melior.

— *Pax optima rerum,*

*Quæ homini novissè datum est: pax una triumphus*

*Innumerus potior.*

In pace floret religio & pietas, vigent honestæ leges, sua constat authoritas Magistratui, excolluntur literarum studia, administratur jus & justitia, matrimonio sustrubuitur honos, conservatur liberorum erga parentes obedientia, virginitas castitas & pudicitia, juniorum erga seniores reverentia, exercentur securè commercia, strenue opificia, augeantur villæ, incrementum cupiunt urbes, discescunt subditi. Sed in bello omnia contraria eveniunt. Pax ergo simpliciter bello est potior. At, si illa pacis commoda turbentur nobis, nec obtineri amplius possint per vim hostium, bello tanquam necessario medio ad reprimendos hostes, ut licet. Sed speciatim videndum est, *quæ conditiones requirantur, ut bellum sit justum & legitimum*: nam in eo multum est situm, nec tam facile hoc est dictu.

IV. Casus hic in diversa abeunt: nos ad 4. capita reducimus ac revocamus, conditiones belli justæ & legitime: ad causam efficientem, impulsivam, modum, & finem. Oportet igitur, ut bellum sit justum, legitimum, necessarium, licitum. 1. ut is bellum gerat, cui authoritas belli gerendi iuste competit. 2. ut iustæ sint ac necessariæ causæ impellentes ad bellum suscipiendum. 3. Ut modo debito,

justo, ac legitimo, geratur. 4. ut ob finem legitimum & ex justa intentione suscipiatur ac geratur. Has 4. conditiones belli justis, & legitimis, & licitis, plenius non nihil explicabimus, variosque casus hic movebimus ac decidemus.

V. Qui bellum est suscipiendus vel aggressus, oportet, cum esse Magistratum, & auctoritate supremam munitum: Magistratus auctoritatem in bello requirit, constat ex sacris litteris, quæ testantur, Magistratum datum esse gladium & non subditis: Præterea Politici auctores, jura gerendi belli ad jura Majestatis referunt, quæ haud dubie pertinent ad Magistratum: Denique, convocare multitudinem, non pertinet ad privatum, sed ad Magistratum. Atqui in bello gerende convocantur. Ergo: Si subditi multitudinem convocent, exercitum conscribant, rei sunt læsæ Majestatis, cujus hoc est proprium. Unde, lege Julia, Majestatis tenetur, qui in jussu principis bellum gesserit, delectumve habuerit, aut exercitum comparaverit. Hinc multa consequuntur observata dignissima: 1. Si inferior oppugnet superiorem, & subditi arma capiant adversus ordinarium Magistratum: non est illud bellum, sed seditio: quia deest subditis Auctoritas belli capiendi. 2. Si manus aliqua sceleratorum coeant, sive in terra, latronum, sive in mari, prædonum, & excursiones faciant, &, si duces suos habeant isti scelerati, non tam bellum est, sed latrocinium: Sic, si quis etiam exilio mulctatus, denunciatur publicæ vastationes civitati, ex qua est ejectionis, non illud bellum est, sed seditio quoque: quia nulli istorum legitima auctoritate Magistratus sunt muniti. 3. Si facinorosi imperii fauces gerant, ad illas quoque pertinet jus belli inducendi ac gerendi, quia tum penes illas est jus Magistratus, ad quod pertinet suscipiendi belli: Nec tamen illas in actum consistere, aut in exitum versari, expedit, nisi sint Viragines ac heroum, quales fuerunt sacris, Deborum in profanis, Semiramis & Amazones. 4. Auctoritas belli suscipiendi est penes quosvis Magistratus superiores, non agnoscimus, sive illi sint Monarchi, sive Aristocrati, sive Democratici: ideoque etiam penes liberos Respublicas, quia superiores

non agnoscunt: ac Magistratus inferiori, superiore agnoscunt, illud jus belli suscipiendi, non est datum, nec debetur. 5. Subditi illi, qui arma capiunt jubente suo Magistratu, & militiam exercent, bene faciunt, jussuque suscipiunt bellum: cum enim Magistratus potest gladium sibi divinitus datum, potest eum dare subditis: ut adversus hostes Ecclesiæ eodem urantur: non aliter quam sicut Carnifici tradit gladium, quo facinorosum plectat. Et cum Princeps solus non possit Rempublicam administrare, & vindictam publicam erga paucos exercere, multo minus potest solus bellum gerere, ideoque subditos, exigente id Reipublicæ necessitate, potest ad bellum vocare, & illi, salva & illarum conscientia, gladio adversus hostes utantur: ex quo sequitur mercenarios milites habere facere mali, & merito stipendio, operam suam in bello locent Magistratui.

VI. Contra hoc primum belli legitimum requisitum, auctoritatem Magistratus ad illud gerendum, proferunt nonnulli exemplum Abrahami ex facili, qui privatus, armavit mentem suam domesticos ac Lothum liberavit, in facere. scriptor, Genes. 14. 14. Resp. 1. Abrahamum non fuisse merè privatum, quia seduit pepererat cum Aner, Elcol, & Mambræ, qui erant viri Principes, quorum auspiciis etiam milites suos armavit. Quod autem non Ecclesiasticum duntaxat aut Oeconomicum, sed & Politicum gesserit munus, Abraham, ex eo patet, quod ex familia sua armaverant nati, quem cœterum absque Politico imperio regere non potuit. 2. Responderi potest in genere, non exemplis, sed legibus esse vivendum, & in sanctis quosdam hereticos & extraordinarios motus à peculiari Spiritu Sancti instinctu profectos, non esse trahendos in exemplum. Ac talis motus videtur fuisse Abrahami. 3. Attripuit Abraham arma, non ad vim inferendam, sed ad injuriam propulsandam, qualia absque expressa Magistratus auctoritate suscipi posse aliquando censent Casuisti: ad hanc enim questionem & casum, non subditi in nullo plane casu, circa auctoritatem Magistratus contra extraneum arma capere possunt, sic responderetur: distinguendum esse inter



inter bellum offensivum & defensivum, bellum offensivum est, quod alios invadimus, defensivum, quo nos & nostros & nostra ab aliorum invasione defendimus. Bellum offensivum, sine auctoritate Magistratus, subditi, nec possunt, nec debent, suscipere. Quoad bellum defensivum distinguunt inter mandatum Magistratus expressum & tacitum. Expressum Magistratus mandatum in tali bello defensivo non semper requiritur, sed sufficit aliquando tacitum mandatum. Quidni etiam licet homini privam in subita violentia & oppressione adversus honorem gladio sese defendere, si vel maxime non accedat expressum Magistratus mandatum, ita quoque, si urbs aliqua subit ab hoste obsideatur & oppugnetur, ac periculum sit in mora, si Principis, aut Regis aut supremi Magistratus voluntas primum exploretur, licet omnino subditi adversus hostem pro virili se defendere, quia Magistratus, & Rex, & Princeps, in tali casu tacite jubent, ut se & urbem subditi tueantur. Ira etiam sentit *Cl. Amesius* l. 5. cap. c. 33. *Ad bellum iustum iusta requiruntur auctoritas. Talis autem auctoritas, quamvis quoad bellum defensivum reperitur in quolibet Rep. etiam imperfectis, quoad aggressivum tamen non est nisi penes Rempublicam peritiam, qua non dependet ab alia superiore.* pag. 333. Addo: distinguatur auctoritas juris & iudicis: vel auctoritas juris naturalis & positivi: cunctura sufficit ad bellum defensivum, utraque requiritur ad offensivum: Jus naturæ est, ut unusquisque sese tueatur, & Patriam, & suos, & sua, vel mandante Magistratu, vel etiam eo absente, ut propter absentiam aut loci distantiam mandare Magistratus nequeat, quia ubique locorum & semper hoc jus naturæ cæteris paribus exequi licet: itaque bellum defensivum, & mandante Magistratu, & eo non mandante, quia abest, sed tacite ratione approbante, geri potest: Nam jus naturæ arma capere docet, ubi aliquando jus positivum mandatum ipsius Magistratus accedere nequit: & sic potest inferior Magistratus, aliquis Gubernator, castelli aut urbis, sese defendere adversus obidentes sine expresso mandato magistratus: at in bello offensivo, & jus naturæ & jus positivum atque

expressum mandatum Magistratus, exigitur. *V. l. l. Diximus statim, Magistratum supremum, nec male facere: si militem constituat, nec militem male facere, si opem & operam suam docet supremo Magistratui, quia supremus Magistratus, ut Rex, aut Princeps, solus potest seque & Rempublicam sibi commissa defendere à vi hostium. Hic quæri potest. 1. An subditi teneantur obsequi Magistratui, ad quodvis bellum illos vocanti? Resp. distinguendum hic est inter bellum notorium & manifeste injustum, & illud, cujus causa est iusta, vel dubia saltem atque occulta: si bellum notorium ac manifeste est injustum, subditi, ab obedientia, absolvuntur, nec teneantur ad bellum suscipiendum à Magistratu indictum. Si enim magistratus, circa Deum, Religionem, aut pietatem Christianam, arma sumi jubeat, subditi ad id nullo modo teneantur: nam hic valet illud, *Deo magis est obediendum quam Magistratui*: ita recte fecerunt obstrictes Ægyptiacæ, quod obedientiam detrectaverint pharaoni, mandanti, ut infantes Israëlitarum prodicerent in profuentem: si vero causa belli sit dubia, obscura, vel occulta, subditi, subditi observent regulam vulgatam: *tunc certum, reliquæ incertum*: jam vero certum est, quod subditi obedientiam teneantur prestare Magistratui, non precipienti manifeste impia & injusta: neque est subditorum officium, præpostere & curiose nimis in belli causas & Magistratus consilia inquirere: sed est illorum, suam tantum obsequium prestare: quia enim subditi ad id non sunt constituti, ut examinent causas belli (hoc enim est Magistratus) neque etiam possunt satis examinare easdem causas, & quia sunt tantum executores sententiæ alienæ, & rationem habent instrumentorum sc. morilium: (Nam non tam moventur proprio consilio ac deliberatione, quam quidem motu causæ principalis,) hinc est, quod in causâ belli, ipsi dubit, vel occultâ, vel obscurâ, si ad bellum vocentur à suo Magistratu, possint illud, salva conscientia, suscipere, quia non teneantur obsequium prestare ei, cum illis manifeste constet de injustitia belli, quod hic non est, ubi causam tantum dubiam & occultam*

aut

aut obscuram ponimus: imo plus dicam. Quando ipsi Magistratui supremo, causa belli est dubia, & tamen Magistratus supremus bellum indicit, subditi tenentur ad imperium Magistratus supremi arma capere; & peccatur quidem hic, à Magistratu, bellum indidente, & imperante in causâ belli dubiâ, sed non à subditis bellum ineuntibus & arma capientibus: quemadmodum, ut simili illustrem, peccat iudex, qui aliquem, cujus causa nondum est satis examinata & cognita, sed adhuc est dubia, morti adjudicat: sed carnis, sententiâ executor, non peccat, qui morti adjudicatum occidit, quia obsequitur superiori, cujus sententiam, in dubio positam, examinare aut discutere, non tenetur; ita & hiose res habet.

VIII. Sed quaeritur hic: adhuc specialius. *1. An etiam qui non sunt subditi supremo Magistratui bellum gerenti, possint eum juvare in bello, si dubitet de iustitia causae aut belli?* Resp. aliam esse rationem horum sc. militum extraneorum, qui ad militandum non sunt obligati, quia isti Magistratui superiori non sunt subditi, & alia est ratio subditorum, qui subditi imperio sui Magistratus superioris. Extranei milites accurate debent considerare, an bellum sit iustum ab illa parte cui operam suam addicunt, atque hoc debet illis constare: neque enim illos excusat posita in dubio conscientia, quia ad militandum isti Principi cui operam suam locant, non sunt obligati. At subditi milites alligati, adstricti, suo Principi supremo, etiam eam dubia est belli causa, militare tenentur ad imperium sui Principis, etiam si causa belli ipsis sit dubia, modo non constet illis eam esse manifestè injustam.


IX. Quaeritur 2. *An liceat Principi Christiano non tantum exterius, sed infideles etiam milites assumere ad bellum gerendum, si operâ eorum uti possit, vel petiis, vel oblati?* Resp. potest, si necessitas exigit: Nam si liceat in bello uti auxilio elephantum, equorum, similibusve brutorum; licet quoque vii opera hominum eorum, qui ad bruta proximè accedunt: hoc tamen non facile agendum est, sed cum sit, circumspiciendum est prudentia est opus; quia facile est ut gravissima exoriantur inde scanda-

la & mala, si infideles cum Christianis milibus conjungantur, quia infideles isti sunt homines efferi, & plane Deum cultum ignorantes, qui ad omnia vitiorum genera facile sese dedunt ac tradunt. Si excipias, aliquando fuisse punitos in veteri fuderè Israelitas, quod usi essent auxilio infidelium. Resp. eos non fuisse punitos simpliciter ob id, quod usi essent infidelium auxilio, sed quia infideles milites adhibuissent ex diffidentia mera, vero Deo praestita, & quia nixi erant, non Deo suo, sed humano auxilio: Deus singularem protectionem his saepe promiserat, cui protectioni promissæ quamdiu fiderent, vinci non poterant; sed cum alios infideles milites adfiscerent, omnem in Deo & Dei protectione promissâ fiduciam deposuerant: & ob istam diffidentiam sunt puniti: & sic cerè non licet Christiano Principi assumere infideles milites, quasi omne auxilium ejus sit in carne; & cum ipse Deo vivo ac vero diffidit: extra hunc casum, si necessitas postulet & exigit, licere putamus.

X. Quaeritur 3. *An Principi vel supremo Magistratui liceat bellum denunciare alteri, quando adhuc dubium est ipsi, an causa belli, quod denunciat, à sua parte sit iusta?* Resp. talem Principem peccare, & rationes addo. 1. quia non ex fide agere est peccatum, qui agit ex conscientia dubia, non agit ex fide: at qui non agit ex fide, peccat: atqui superior Magistratus cum bellum indicit, causa belli adhuc ipsi dubia, agit ex conscientia dubia. Ergo. 2. Qui temere se & alios gravissimis exponit periculis, peccat. At Magistratus supremus, iustitia belli nondum cognita, sed causa existente dubia, temere se & alios, &c. Ergo. 3. Nulla sententia executioni debet mandari, nisi certo constet, de iustitia ejus. At hic sententia, eaque publica & vindictæ publicæ executori mandatur, cum tamen incerta sit iustitia sententiæ. Ergo. Neque sufficit exceptio, etiam si causa belli in se sit dubia, si Princeps tamen aut supremus Magistratus existimet, causam sibi & à sua parte esse iustam, quod tum liceat ei bellum indicare: quia ne quidem ex conscientia opinante agendum est in hoc negotio: sicut & iudici non licet aliquem condemnare, quia putat eum esse reum mortis, sed debet hoc ei



di-  
o-  
e-  
e-  
u-  
ur  
os  
m  
if.  
&  
to  
tis  
e-  
ed  
o-  
fi.  
m  
no  
ne  
i-  
e-  
w  
i,  
i,  
a,  
o.  
pt  
ui  
i-  
t.  
o.  
it  
u-  
re  
la  
r-  
a,  
ori  
n-  
fi  
ur  
e-  
ia  
nti  
ia  
ci  
to



certo constare: ita etiam non licet Magistratui supremo, bellum indicare, quia putat se ad id habere causam justam, sed debet hoc ei constare: quia, qui bellum gerit, vicem tenet & locum judicis: Est enim iudex de sententia publica & executor vindictæ publicæ, sicut inferior Magistratus est iudex & executor sententiæ ac vindictæ privatorum: iudex autem is tenetur, primo omnem diligentiam adhibere in causa, iustitiæque causæ examinanda, neque sententiam ferre, multo minus exequi, quamdiu, & causa & iustitiæ causæ, non sunt plenæ ipsi cognitæ. Quare omnino abstinendum est Principi à bello, si post serium examen, iustitia belli adhuc maneat dubia. Hæc omnia intelligenda sunt de bello aggressivo: sic enim statum formavimus posterioris questionis, *an liceat bellum denunciare alicui, i. e. ipsum aggredi?* Nam in bello defensivo aliter se res habet: licet Principi aut supremo Magistratui se tueri, adversus hostem invadentem, quando aliter tueri se non potest, licet dubia sit iustitia belli.

XI. Quæritur 4. *An Principi vel supremo Magistratui liceat, bellum indicare, quando inter doctos viros est varia opinio, aliis asserentibus, bellum esse justum, aliis negantibus.* Resp. putant nonnulli Casuistæ, esse licitum Principi aut Magistratui summo, quia in practicis, satis est, sequi opinionem probabilē; nam ibi non possunt haberi demonstrationes, sicuti Medico satis est, si eam exhibeat ægro Medicinam, quam ex opinione probabilis doctorum, judicat convenire: sicuti Advocato satis est, si eam partem litigantium defendat, quam prædicat esse justam, ex opinione Doctorum. Sed vero, ego potius abstinendum censuero à bello, in tali negotio: quia ob causam incertam & nondum doctis cognitam, non debet tam facile periculo exponi vita tot hominum, & salus Reip. & nec Medico, nec Advocato, tam standum est iudicio Doctorum, in iudicanda, causæ suæ, vel Medicinæ probare, quam quidem agendum est ex propria conscientia, eaque non dubia, non opinante, non scrupulosa, sed certa, sed firma, sed indubitata. Legatur *Amsl. c. 5. §. 6. l. 1. Cas. Consc.*

XII. Sed ad secundam transeamus conditionem belli & legitimi & necessarij: ea est *iustitia causa.* Quemadmodum enim non potest Magistratus contra quosvis privatos gladium stringere pro arbitrio, sed accedere oportet grave quoddam delictum, capitali supplicio dignum; sic Magistratus supremus, non habet potestatem quovis tempore & quibuscvis bellum indicendi, sed accedere oportet, causam justam, legitimam, ac sufficientem. Quemadmodum enim peccat is iudex, qui mortui adjudicat quemque, si causam non habeat eum adjudicandi mortui; ita peccat Magistratus, si bellum indicat, & indicendi causam nullam habeat: iusta autem belli causa, non est injuria quæcunque levis aut parva; multo minus libido dominandi, aut ambitio, aut iracundia in Principe; sed injuria gravis & atrox in totum Reip. corpus intentata, quæ aliter, quam bello, post omnia pacis media tentata, repelli nequit: hæc sola iusti ac necessarij belli causa est impellens legitima. Quo autem distinctissimè causas omnes impulsivas belli iusti proponamus, per dichotomiam incedimus. Bellum est, vel defensivum, cujus causa legitima est & necessaria defensio, vel offensivum, cujus causa legitima est, vel iusta vindicta, vel rerum injustè ablatarum repetitio. Potest etiam sic procedi. Causa belli iusti est, vel defensoria, vel vindicatoria: & vindicatoria, vel propter injuriam Deo & Reip. illatam, vel propter recuperationem bonorum ablatorum. Defensionis causa, iustum & legitimum bellum suscipi à Magistratu supremo, jure divino, naturali, & humano, probatur. Nobis, relicto divino & humano jure, sufficit jus naturale: si enim vim privatam vi repellere liceat ob justam defensionem nostram, quando aliter non possumus, multo magis vim publicam repellere licet vi, Magistratui summo, ob defensionem religionis, Patriæ, parentum, religionis & salutis Reip. Ceterum duplex est defensio, cujus causa bella geruntur, propria, & aliena: propria defensio est, si à subditis & suæ curæ commissis, vim repellat Magistratus: aliena, si à confederatis & oppræssis vim repellat Magistratus.

Sunt enim diversa hominum genera, pro quibus iuste caput arma Magistratus. 1. pro subditis suis quos defendere tenentur, quia subditi sunt. 2. pro cognatis, cuius defensionis exemplum est in Abrahamo, qui Gen. 14. Lothum filium fratris sui, contra 4 Reges, qui ejus substantiam & bona in bello abstulissent, defensum ivit per 318 vernas suos. 3. pro confederatis. Egregia sunt verba *Arist. in Eth. ad Alex. Oportet injuriam passos pro se ipsis arma capere* (intelligit Magistratum supremum) itemque *pro cognatis & beneficiis, & pro sociis injuria affectis*. 4. pro clientibus, qui in fidem & clientelam supremi Magistratus sese dederint.

XIII. Sed pergo ad secundam causam legitimam impulsivam iusti belli. *Ea est, vindicta publica injuriarum, Deo, aut Patria, illatarum*. Duo vero sunt genera injuriarum publicarum, ob quas vindicandas, coercendas, puniendas, Magistratus licet bellum suscipere offensivè. Unum est injuriæ Ecclesiasticæ, alterum Politicæ. Ecclesiastica injuria, quæ bello licitè à Magistratu potest vindicari, est gentis vel civitatis cujusdam Idololatria, & manifesta blasphemia: videtur tamen hæc causa una, sc. Idololatria pertinere propriè ad Remp. Judæorum, quibus hoc specialiter mandatum fuit, ut omnem Idololatriam extirparent, & bellum gererent adversus civitatem, quæ populum Dei, Idololatriam doceret aut eam exerceret: de quo varia extant loca *Deut. cap. 7. & 13.* At manifesta blasphemia, omnibus Magistratibus iusta & belli offensivi & vindictæ publicæ causa. Politicæ vero injuriæ, ob quarum vindictam publicam bellum potest suscipere Magistratus, sunt variae. 1. *Legatorum violatio*: cum enim Legati jure gentium sint inviolabiles, ideo Legatorum violatione, jus gentium violatur, & summa Magistratui leganti injuria irrogatur, quam armis & bello vindicare jure potest. 2. *Pactorum violatio*. Cum enim fœdera & pacta sint juris gentium, eorum violatione iterum violatur jus gentium, quam fœderis disruptionem vindicare bello licet Ma-

gistratui: tum enim confederati ante, aperti sunt hostes. 3. *Cum hostibus conjunctio*. Qui enim hostibus nostris in bello se conjungunt, eodem loco pro hostibus nostris haberi debent: æque in eos atque in hostes bellum suscipere licet Magistratui. 4. *Publicorum flagitiorum, ut blasphemiarum & profanationum neglecta vindicta*: Si enim Magistratus aliquis supremus, ad id à Deo institutus, ut blasphemias, profanationes publicas, aliaque flagitia, notoriè committi solita, non puniat in suis, si externam disciplinam non tueatur, sed omnia miscere ac turbare patiat, licet alteri Magistratui, alterum bello involvere & implicare, & iusta vindicta persequi blasphemias, profanationes, aliaque flagitia committi solita: Ejus rei exemplum est in historia Judicum cap. 20. ubi Israëlitarum mittunt legatos ad tribum Benjamin, & sceleratos hostes ad supplicium poscunt, quod cum facere recusarent Beniamitæ, bello eos invadunt. 5. *Causa impulsiva, legitima, belli iusti, est ablatorum iniuste bonorum recuperatio*: Nam & jus divinum, & humanum, & naturæ, rapinas & injustam possessionem alienorum bonorum, prohibent. Quid? quod hoc ipsum evincit, defensio subditorum demandata Magistratui, si Princeps aut supremus Magistratus totum imperium caput esse salvum, non feret, ut singulis ejus partes sensim depascantur & decerpantur, quia sublati partibus totum perit: Si ergo aliqui hostes, subditorum bona per rapinam & vim abstulerint, nec reddere velint, licet Magistratui, ea, per vim & bellum atque arma repetere. Notandum tamen est, tantum ea bona sic esse repetenda, quæ injustè sunt ablata per vim subditis: nam, quæ iuste sunt ablata, ea ne quidem repetenda sunt, nedum bello, propterea prudenter hic agendum, ne ob recuperationem bonorum temere aut præcipitanter cum fortioribus hostibus bellum ingrediamur, ne bona fortunæ repetendo, & vitam, & alia majora bona, perdamus. Casus egregios & utiliter, ac duas alias condiciones belli iusti, *excitatio proxima* persequetur.

## EXERCITATIONUM ETHICARUM

## QUADRAGESIMA,

*Quæ est Secunda,*

D E

## B E L L O.

## T H E S I S I.

**E**xercitatio præcedens, belli iusti, legitimi, ac necessarii, quatuor posuit conditiones. Prima est, ratione causæ efficientis, ut is, qui bellum gerit aut suscipit, iusta sit auctoritate munitus, at id faciendum; qualis est solus Magistratus supremus. Secunda est, ratione causæ impulsivæ, quam diximus, *exercitatione postremi*, esse in bello defensivo, necessariam defensionem, in offensivo, vindictam injuriæ Deo aut publico illatæ, vel recuperationem bonorum. Tertia fuit conditio, modus legitimus. Quarta, recta intentio, & legitimus finis. Duas priores conditiones exposuimus, & causus morales circa primam decidimus: quod nunc pariter circa secundam præstabimus, inde transgressuri, ad tertiam, quartamque, conditiones explanandas.

II. Posuimus, inter causas motivas iustas & impulsivas belli legitimi, defensionem necessariam, quâ Magistratus supremus, Rempublicam, suæ fidei & curæ commissam, ab irruentium hostium vi atque impetu, defendit, armis in hostes motis. Hic quaeritur primo: *An quovis defensionis casu arma expedienda sint Magistratui summo?* Resp. Diximus, *exercitatione postremi*, non ob quamvis injuriam, levem aut exilem, esse defensionem instituendam Magistratui: sed ob eam, quæ religioni totive inferitur Reipublicæ: uno verbo, vel religionis tuendæ, vel regionis conservandæ causâ. Quod religionis tuendæ causâ, si veram religionem evertere conentur hostes, adversus eos bellum iniiri possit defensivum, non controversiatur: nam fidem defendere, & veritatem Christianam, religiosissimum est:

Sed quaeritur secundo: *An & ob regionis defensionem sint arma capiendæ?* Resp. Omnino: nam, quandoque, & quacunque de causâ, subditi iniuste ab hostibus opprimantur, sive, religionis causâ, sive, ut iis sua vivendi libertas eripiat, sive, ut regiones eorum vastentur; Magistratus semper tenetur defensionem eorum suscipere: nam ad id Magistratus à Deo est ordinatus, & gladio munitus: proinde, si Patriam, si fortunas, si libertatem, invadat hostis, multo magis, si religionem; justum gerit bellum, si ea omnia defendat Magistratus ac pro aris pugnet & focis.

III. Tercio quaeritur: *An in bello offensivo ob quamvis vindictam sint bella movenda?*

Resp. Hic opus esse prudentia: non enim id licet: Primo, si offensæ sint leviores, quæ absque salutis & auctoritatis publicæ detrimento, condonari possint, tunc præstat, poenam remittere, quàm ut Magistratus eam injuriam vindicer. Secundo, si offensio à persona una vel altera proficiscatur, non ideo toti regioni, aut civitati adversæ partis bellum esse inferendum: sic enim innocentes sæpe alienam luerent culpam. Tercio, si, qui læserunt nos, hostes, sint viribus superiores, præstat Magistratus supremo injuriam dissimulare, quam se & sua periculo exponere. Quarto, si hostes, qui læserunt, ad satisfactionem, vel legitimam causæ cognitionem sese offerant, non sunt bello invadendi: in eum enim, qui iure agere & satisfacere paratus est, nefas est, bellum assumere, atque injuriam: hic enim valet illud Terentianum; *Omnia prius verbis experiri sapientem decet, quam armis*. Quintò, si vel ma-

Dddd 2

xime

xime hostis non offerat satisfactionem, cum tamen bellum sit medium vindictæ instituentæ periculosum & grave, atque ab utraque parte, cum noxa junctum, prius, quam illud inferatur, omnia satisfactionis & pacis media sunt petenda, ut, si verbis & intercessionem conciliari possint partium utrimque animi, à bello absteineatur. Sed hinc novus oboritur casus.

IV. Queritur ergo quarto: *An, si hostis nolit initio satisfacere, postea in bello jam inchoato, pacem petat, & satisfactionem offerat, Magistratus alter aut Princeps teneatur arma ponere, & à bello cessare. Cajetanus, in summa casuum conscientie, statuit, quod ante bellum inchoatum teneatur eisdem satisfactionem acceptare; nam bellare, inquit, non est necessitas, sed voluntaria: at, post bellum inchoatum, postquam, ut ille loquitur barbare, semiprælium est, & mortes hominum hinc inde intercesserint, non tenetur, habens justum bellum, revocare bellum, propterea, quia hostis nunc offert satisfacere: & ratio est, quia habens justum bellum, gerit personam Judicis, criminaliter procedentis: est enim Judex, quia bellum justum est, actus justitiæ vindictivæ; est Judex criminalis, quia procedit ad eandem & servitutem personarum: at talis non tenetur retrocedere, quando causa justa est. Hæc est sententia Cajetani, sub titulo, *Bellum*. Verum enimvero, & inter blandum Christianæ gravitatis fervorem, si strictum justitiæ rigorem expendere velimus, Princeps, qui justam belli causam habet, non tenetur, stricto jure, satisfactionem, post bellum inchoatum, acceptare, quia gerit personam judicis, & vindex est scelerum publicus, à Deo constitutus: nihilominus tamen, quia bellum est supplicium gravissimum, quo non solum is punitur, qui peccavit, sed multi etiam innocentes simul à medio tolluntur, ideo charitas Christiana exigit, ut à bello cessetur, quando debi à satisfactio offertur, nisi bono communi magis expediat, funditus extirpare hostem, cum quo bellum geritur: quemadmodum legitur in sacris, *Deut. 20. 17*. Deum voluisse, ut Cananæi penitus deleterentur.*

V. Queritur quinto: *An contra Turcas &*

*Saracenos, quilibet Christianus Princeps jus habeat bellum suscipiendi & gerendi. Resp. Omnis Princeps, aut Respublica Christiana, superiorem non cognoscens, jus habet belli gerendi adversus Turcas ac Saracenos: primo, quia occupant & detinent terras & Provincias Christianorum: secundo, quia bellis ac persecutionibus vexant Christianos, & religionem Christianam: nam, ut feroces & feri hostes, perpetuo student delere legem & imperium Christianorum.*

VI. Queritur sexto: *An infideles, paganos, ac Barbaros populos, qui nulla nos affecerunt injuria, bello invadere liceat? Notum est, quæ crudelitate & tyrannide, Hispani Americanos, innoxios populos, à quibus nunquam læsi fuerant, tractaverint: memini, inelegit, in Celsissimi, & sempiternæ memoriæ Principis nostri Wilhelmi Auriaci Apologii, Hispanos in Indiis plusquam vicies centenas myriadas hominum innocentissimorum crudeliter neci dedisse, idque, tam portentosa crudelitate, ut omnes omnium temporum crudelitates ac tyrannides, de quibus aut audivimus, aut legimus, jocus fuerint ac ludus, præ illorum in Indos immanitate: & refert idem liber, seu historia Tyrannidis Hispanicæ, in Occidentales Indos exercitæ, Belgico sermone extans. Ergo, Barbaros ac Paganos populos, quando nihil noxæ inferunt, eo solum, quod infideles sunt, bello invadendos non existimem: neque enim armis, religionem propagari, fas est; neque bello ad veritatis lucem perducentur: & quid multis est opus? absint hic omnes causæ impulsivæ justis belli: nec enim defensionis gratia contra infideles talia bella instituuntur; ponimus enim casum hunc, quod nihil noxæ inferant: si enim noceant, aut noxam inferre tentent, jure merito reprimuntur: nec ob vindictam injuriarum, quia eos nunquam injurias intulisse ponimus: nec ob bonorum recuperationem, quia nihil abstulerunt, ut supponimus: respicimus enim hic, eorum infidelitatem, an ea satis gravis & justa causa sit, bello eos invadendi? quod negamus: hic tamen multa possunt obijci.*

VII. Primo, *Christiani sunt meliores quia fideles,*



*fideles, pagani deteriores, quia infideles: at justum est, ut meliores imperent deterioribus: Ergo iuste possunt pagani sub imperium Christianorum bello subigi.* Resp. Nullam hic esse consequentiam, quod Princeps Christianus fidelis, debeat Paganos atque infideles bello subigere, quia ille melior, hi peiores sint: neque hoc iustitia exigit, sed illud tantum, ut Princeps suis, quibus cum præfecit Deus, bene imperet.

VIII. Secundò. *Religio infidelium est corrigenda, ergo armis sunt invadendi.* Resp. Nulla est sequela: Religio eorum corrigenda est, sed non bello, non armis, sed instruendo, edocendo, & similibus mediis.

IX. Sed quaeritur 3. *An non licet bellum inferre paganis, quia sunt idololorum cultores?* Resp. Multi putant, quia idololorum cultus est contra jus naturæ, & summam Deo injuriam inferit. Alii tamen contra sentiunt, idololatriam, non tam armis, quam rationibus expugnandam, præsertim eam, quæ ex tam crassâ oritur ac profundâ ignorantia: alia est idololatriæ species, quæ oritur, non ex ignorantia pure negationis, qualis cadit in Ethnicos, sed ex ignorantia praviæ dispositionis, quando, qui Deum norunt, juxta eum tamen, alios Deos colunt.

X. Sed ulterius 4. *An non licet bellum inferre paganis, quia violatores sunt juris naturæ in proximos, quia paganorum Principes impie permittunt furtâ, fornicationes, infantas, adulteria, homicidia, quia carnibus vescuntur humanis; quia innocentes ac nocentes, belloque captos immolant idolis, quia conjugia dissolvunt, quia uxorum pluralitatem admittunt, &c. agunt contra naturâ legem.* Resp. Si paganorum princeps simpliciter ea peccata permittat impune, ut non puniat, ut non præcipiat tamen, videtur iterum, ipse & subditi convinci debere rationibus, instructionibus, institutionibus, aliisque mediis similibus, quam bello superari, & ad virtutes illas cogi atque adigi; præsertim, si paganorum Princeps unâ cum paganis tam sit simplex atque innocens, ut sceleratam istorum scelerum non videat, non cognoscat: si vero ea præcipiat, & reluctantes paganos aut invitos ad ea cogat, potest ta-

lis Princeps invadi bello, & armis, & rationibus subditi pagani melius edoceri.

XI. Verùm ut distinctè hunc casum resolvamus. Hæ videntur mihi tantum esse *iuste causæ, ob quas Principi Christiano licet paganos inferre bellum:* primò, si pagani fidem Christi & Christianam impendant, vel blasphemis, vel persecutionibus, vel persuasionibus: secundo, si paganus Princeps suos subditos, jam ad Christum conversos, conetur abducere iterum à Christo, bello invadi potest: tertio, si quidquam in Christianos tentent pagani, verbis vel factis, contumeliosè eos, tractantes: quarto, si Evangelicos concionatores impendant, ne Evangelium prædicent, bello possunt invadi, quia jus est Christianis, Evangelium ubique prædicandi.

XII. Septimo quaeritur: *An, quando est dubium, inter duos Principes successores in aliquo regno, uter eorum sit legitimus successor in regno, sit licitum alteri bellum gerere contra alterum, ut regnum sibi acquirat?* Resp. Si alter eorum est in Regni possessione, quamdiu nihil est certum, utri jus debeat regnandi, qui possidet, potest jure se defendere, ne possessionem amittat, si ab altero invadatur: qui tamen invadit & bellum indicit, non tamen justam habet causam belli indicendi, ob ereptionem regni, quod alter possidet, nam cæteris paribus, in re dubia melior est conditio possidentis: quemadmodum in rebus privatis, si quis possidet rem, de quâ dubito, an sit mea, an ipsius, qui possidet, jus tum non habeo, quia dubito, auferendi rem ab eo, qui eam possidet: Secundò, si neuter est in possessione regni, & jus succedendi est dubium ex æquo utrimque, neutri licitum est, bello regnum acquirere, quia uterque periculo se exponit usurpandi regnum alienum, & quia non est major ratio, aut claritas de justitia unius, quam de alterius justitia, *quid igitur fiet in tali casu?* Resp. Lis est componenda, vel arbitrio bonorum virorum & optinatum, per compromissum, ut vocant, vel fors debet duci; vel per alios Principes lis esset dirimenda.

XIII. Octavo quaeritur: *An deficiente legitimo successore, cui jus successoris debeat, licet*

*licitum sit alicui, regnum illud bello occupare?* Resp. In eo casu, jus regni ad ipsam rempublicam devolvi, cujus est tantum, Regem eligere, & in alium potestatem transferre: qui vero sine consensu reipublicæ hoc occuparet, invasor eliet & occupator alieni juris, & respublica potest se defendere.

XIV. Nono: *An propter negatum, exercitum, per terram alienam transitum, Dominus illius terra jure inferatur bellum?* Resp. *Causas* plerisque affirmare, modo id fiat sine

detrimento & noxa inhabitantium: quia, ut utatur quis via publica, prohiberi nequit, & sicuti licet pluviam excipere à cælo in alieno agro, sine nocumento agrorum alterius, ita quidniliceat innoxio uti transitu, & uti alienis terris ad transeundum. Alii tamen negant, ideo esse bellum inferendum, quia alter Dominus non tenetur hoc permittere, aut concedere transitum, per sui domini terram, & quia iste transitus non sine noxa inhabitantium est.

## EXERCITATIONUM ETHICARUM

### QUADRAGESIMA-PRIMA,

*Quæ est Tertia,*

D E

## B E L L O.

### THESIS I.

**E**X quatuor conditionibus ad bellum legitimum ac necessarium requisitis, duas expositas dedimus, *authoritatem justam, & causas impulsivas justas*: circa ambas, *varios casus* movimus: nunc circa *duas alias conditiones* pari modo versabimur. *Tertia conditio justæ belli*, est *modus bellandi* legitimus: neque sufficit, bellum à Magistratu supremo ex causa necessaria & justa suscipi, sed oportet etiam legitimo modo illud geri: bella enim multa, etiam justissima suscepta, displicuerunt Deo, qui non justo modo fuerunt executioni mandata. Ut vero bellum justè geratur, nihil quicquam fieri debet adversus legem Dei laram, nihil adversus jus gentium: ut ille modus sit justus belli gerendi, quando, nec naturæ lex, nec lex moralis, violatur. Verum enim vero, ut legitimum belli gerendi modum dextrè explicemus, hæc quatuor ponimus requisita; scilicet, ut bellum geratur *piè, justè, prudenter, ac fortiter*.

11. *Pietatem requiri in bello*, patet; tum ex

generali regula, quod pietas omnium nostrarum actionum debeat esse directrix & norma, tum specialiter ex promissione divina, quia habet præsentis & futuræ vitæ præmia. *Hæc in bello pietas* complectitur; 1. veram & sinceram, tum ducum, tum militum, ad Deum conversionem: nam equus paratur ad prælium, sed Dominus tribuit victoriam: atque omnis victoriæ spes, vana est & frustranea, nisi ad Deum convertamur. 2. Auxilii divini implorationem; dona enim Dei, non nisi per preces ex pœnitente & fideli corde protestas à nobis obtinentur: at victoria in bello, donum est Dei, & illud insigne. 3. Fiduciæ in solum Deum collocationem: Quamvis ergo causa belli justa sit, & omnia ad bellum necessaria habeantur in parato, nunquam tamen est confidendum bonitati causæ, nec militum copię, nec humane prudentiæ, aut potentiæ, sed solius Dei auxilio ac præsidio. 4. Pacis oblationem. Pium est & humanum, omnia prius media pacis tentare, quam arma cape-

capere. Bellum quippe est unum ex atrocibus & fœvis remediis, quæ adhibenda non sunt, nisi summa exigat necessitas: quemadmodum medici non fecant, non urunt, nisi totius corporis salus periclitetur. 3. Exigit pietas, flagitiorum & scelerum in castris prohibitio- nem. Exulent igitur de castris diræ blasphemiar, libidines, &c. in ipsis etiam oppidorum expugnationibus, temperandum à sanguine civium, à fœvitia, in sexum muliebrem, in infantes ac pueros, à stupris & raptu virginum & puellarum: denique postulat pietas post impetratam victoriam gratiarum actionem: cum enim victoriam in bello sit grande Dei donum, profectò, si obtineatur, exigit, grates Deo reddendas.

III. Secundus belli legitime gerendi modus est, iustitia; ea requirit 1. ut præcedat legitima belli denunciatio: sit illa denunciatio per faciem, qui pro injuriâ illatâ satisfactio- nem, aut honorum ablatorum restitutionem, flagitat, eam vero negantibus bellum indicit: atque hoc juri divino, gentium, ac civili, est congruum. Certè, æquum est, bellum prius indicare, quam inferre, quemadmodum in causis forensibus prius vocamus in jus, & li- tem denunciamus: & stolidum foret armis re- petere, quod, vel postulationis æquitate, vel solâ armorum comminatione impetrare possis. 2. Petit iustitia, ne instituantur eorum, qui sunt hostes, oppressio ac direptio: caveant ergo gregarii in bello milites, & præsidarii, & subsidiarii, ne ulli rapinis & direptionibus sint molesti. 3. Ne adversus victos exerceatur crudelitas, & atrox insultatio: quando enim hostis se in potestatem victoris dedit, ser- vandum ei jus est supplicum & deditio- rum.

IV. Tertia conditio, ad belli gerendi modum justum, est prudentia: hæc in bello ra- rissime patet, nec potest certis præceptis in- cludi, sed longo rerum usu & exercitatione comparatur. Ad hanc prudentiam bellicam pertinet; 1. ante bellum, omnium necessa- riorum matura preparatio. Felix civitas, quæ pacis tempore de bello cogitat. 2. In ipso bello, loci ac temporis apti ad pugnan- dum observatio. 3. Post bellum, obtentâ

victoriâ, insignis circumspectio, ne vel ne- gligentia, vel injuria, vel nimia fiducia ac temeritate, victoria è manibus excutiat; sed de his & similibus scriptores Politici con- suli possunt.

V. Quarta conditio, belli justè gerendi, est *fortitudo*, quæ bellis maxime est necessaria, sine qua nihil rectum vel salutare sperari po- test: & videmus terè in bello iis esse periculum maximum, qui maxime timent: audacia pro muro habetur, inquit *Sallustius in bello Jugurthino*. Sed circa modum justum belli ge- rendi, & conditiones jam positas & propo- sitas, atque expositas, sic satis; nunc casus quosdam moveamus ac decidamus.

VI. Quæritur primo, *an in bello liceat uti stratagematis, vel insidiis?* Resp. Notus est *Vir- gilius* versus: *dolus an virtus quis in hoste requi- rat?* iraque omnino approbamus insidias, & stratagemata esse licita, pronunciamus: nam ut jus divinum taceam, *Jos. 8. 2.* ubi expre- se Deus *Josue* dixit, pone insidias urbi; & varia *Judic. 10.* *Genes. 14.* & alibi in sacris exempla præteream, jus gentium proferam: quippe consensu omnium gentium, omnes bellorum eventus, dolo facti, laudantur: *Lacedæmonii*, cum dolo hostem superassent, bovem Marti sacrificarunt; cum, aperta vi, gallum; cujus rei hanc dat rationem *Plutar- chus in questionibus Læonicis*, quod voluerint assuescere duces, non modo, ut bellicosi essent, sed & ut essent callidi atque astuti. Sic- ut nihil interest, quomodo captivus sit re- versus, utrum dimissus, an vero vi, vel fallacia, potestatem hostium evaserit; sic nihil refert, dolum an vim in oppugnando hoste adhibeas. Feras partim ferro capimus, partim solertiâ in laqueos & retia inducimus: & facinorosi, non solum aperta vi, sed etiam li- storum insidiis, in vincula pertrahuntur: quidni idem liceat in hostes, quando bello sunt subigendi? Sed & ab honesto argumen- tamur. Prudentia militaris est laudanda, non culpanda: atqui stratagemata sunt species militaris prudentiæ. Ergo: imo potiora vi- dentur & laudabiliora, quæ ratione & mente, quam quæ vi aut corpore peraguntur: & minus est cruenta, quæ astu, quam hastâ, ac- quiritur

quiritur victoria: imò, sæpe necessitas, quæ lege caret, exigit ac postulat insidias; quando hostes nostri sunt potentiores, vel apparatu bellico superiores: non, nisi stratagemate, debellari tum possunt: interim stratagemarum loco non sunt habenda mendacia quæ semper ac per se sunt mala: itaque stratagemata licita dicimus, sub hisce conditionibus: 1. Ne fides data frangatur: hæc enim perfidia est & fœderum violatio, quæ semper est vetita & illicita. 2. Ne dolus malus adhibeatur. Sed accuratè tenendum est, quid pro dolo malo haberi debeat: non debet censeretur dolus malus, multo minus mendacium, si quis consilia sua & propositum occultet; nec, si quis signis aut factis quibusdam præ se ferat intentionem hæc aut illam, quam non habet: sed dolus malus est, & mendacium, si quis directe verbis significet, quod falsum est: at, si quis gestibus aut factis tale quid indicet ac significet indicet, seu illud faciat, ex quo verisimile est, alium concludurum, quod falsum est, istam in non mentitur, nec dolum malum committit: & ratio est hæc, quia facta illa, aut signa, nec ex natura sua, nec ex instituto arbitrio, aut pacto certo, significant hæc aut illam sententiam: idcirco non sunt doli mali, nec mendacii rationem habent, etsi in significatione falsa & plane alia accipiantur, quam, sub qua fiunt, imò quamvis aliter ea acceptum fieri prævideatur, & ut aliter acciperentur, queratur, studeatur: sed alia ratio est in sermone: quia voces sunt signa, ex instituto certas res ac certam sententiam significantes, quæ, si aliter accipiantur, jam falsitas est, & qui aliter accipi facit, quam pro eo quod significant, mendaces sunt, ac mentiuntur.

Secundo queritur, *an in bello liceat uti exploratoribus?* Resp. In bello licitum esse: & sic probatur. Exploratio pars est militaris prudentiæ, per quam ea, quæ hostium sunt, inquiruntur: naturæ locorum, ingenium ducis, mores militum, &c. quæ ad bellum bene gerendum sunt necessaria. At prudentia militaris, licita est ac laudabilis: E.

VIII. Tercio queritur, *an etiam liceat uti in bello proditoribus?* Resp. Dissimulatur pro-

ditores ab exploratoribus: exploratio fit ab hostibus circa hostes: at proditio fit à conjunctis. Exploratores, ea, quæ sunt hostium, scrutantur, animo bono ac sine non malo, quando bellum est legitimum: proditores ea, quæ parti adversæ videntur nocitura, vel quaestus gratia, vel ultionis causa, vel alium ob finem, clanculum produunt, & aperiunt ipsi parti adversæ: itaque proditores improbamur, quia perjurium committunt: siquidem ad patriam, quam produunt salutem & defensionem ac conservationem juramento sunt obstricti: deinde violant jus naturæ, quod exigit, ut subditi patriam ac hostium violentia tueantur, at proditores eam concutere ac pessundare student: at vero bene judicandum est & dispendiendum, quinam proditores sint: tales certe non debent censeri, quicunque cruenta sceleratorum consilia clanculum Magistratui aperiunt: hoc enim non est, prodidisse patriam, sed prodidisse patriam.

IX. Quarto queritur, *An proditores, qui sponte sese offerunt, liceat recipere?* Resp. *Caesari* ad hanc questionem respondere solent, per illud *Augusti Caesaris*: *prodicionem amo, proditorem odi*: & illud *Antigoni*: *proditores tantisper amo, dum produunt: at ubi prodiderint, odi*: itaque, prodicionem recipiendam licite docent, non proditores: & videtur exte & de salute esse reipub. interdum prodiciones accipere, atque ipsos pariter proditores, si sese offerant ultro. Contra tamen prodicionem nullam, & proditores nullos recipi debere, e iam si sese sponte offerant, alii sic probant. 1. *Quam actionem, ut turpem atque illicitam, detestamur, eam, & authorem, recipere non debemus.* Atqui talis est proditio, etsi sponte ab alio facta. Ergo. 2. *Jus naturæ requirit, ut, quod tibi non vis fieri, id alteri ne feceris: jam vero nemo est, quise & sua hostibus prodi velit.* Ergo, nec proditio ab aliis facta accipienda est. 3. *Qui alienos populos ad prodicionem, quam offerunt, accipit, suos prodicionem docet: at, illa doceri non debet, quia mala est.* 4. *Quia proditoribus pessima interdum retributa sunt præmia.* Quid igitur statuendum? Ego sic existimo, & sic

& sic animum inducō meum. 1. Ea quæ perfidē ac sceleratē produntur, & quæ talia sunt, ut sine turpitudine & improbitate executioni nequeant mandari, ab aliquo Christiano Principe accipi, & admitti non debent; etiam, si sponte à proditore offerantur. 2. Si aliqui iusto bello capti, hostium consilia & arcana patefaciant, admitti atque audiri à Christiano Principe possunt: neque enim illa proditio cenferi debet. 3. Etiam tum, istis, qui tali modo produnt adversæ aciei consilia, non nimis est fidendum: nam proditores forē saepe & simulatē agunt. Nota est historia omnibus, quam de *Zopyro* refert *Herodotus*. 4. Si spes est, hostes nostrā integritate & humanitate deliniri posse, proditores ipsis sunt remittendi, & perfidia proditorum ipsis est manifestanda. Sic *Pyrri* medicus, qui Romanis pollicebatur, in illorum gratiam, se Regem neci daturum, ab ipsis Romanis Regi est indicatus; unde pax inter ipsos & regem consecuta est. 5. Proditores, qui patriam suam & suos Principes hostibus produnt, gravi supplicio sunt digni, & puniendi acerrimē ab ista repub. quam produnt, aut prodere student, si accipi queant.

X. Quirto queritur: *An usus tormenti bellici, ac bombardarum sit probandus?* Resp. Oprandum foret, ut ea nunquam fuissent repta. 1. propter ingentem hominum & edificiorum stragem, ad quam inventa videntur. 2. Propter bellicæ virtutis interitum ac perniciem: nam quod *Archidamus*, referente

*Plutarcho*, in *questionibus Lacon.* novum catapultæ genus, ex Sicilia advectum, olim vidisset; dixisse fertur; *Hercules*, viri perit virus; id magis de hoc Tormenti genere dici potest. Cum tamen tales machinæ, in oppugnandis urbibus, præliisque committendis, nunc sint usu receptæ, videntur legitimē usurpari posse, in bello iusto: quia quovis modo de hoste in bello iusto vindictam sumere licet.

XI. Nunc obiter *quartam ac postremam conditionem, ad belli gerendi iustitiam, exponamus.* Ea est, *recta intentio magistratus supremi, debitusque finis*: hic, est pacis acquisitio, & reipub. conservatio: nam, propter pacem & reip. salutem, bellum suscipitur. Hunc ergo finem, hanc intentionem solam, habeat Magistratus, ut præter gloriam Dei, finem ultimum omnium rerum & actionum, in bello gerendo bonam commune promoveat, publicam tranquillitatem & pacem procuret, non autem, ut imperii fines dilaret, non ut gloriam nomenque sibi compareret, non ut aliis simpliciter noxam inferat: itaque, sunt fines indebiti & pravæ intentiones, cum quis bellum indicit, cupiditate tantum nocendi, crudelitate ulciscendi, feritate rebellandi, libidine dominandi, aliisque pravis affectibus satisfaciendo. Atque utinam hic querelæ non foret locus: multa bella ob alium finem, & alia intentione geruntur, quam ob pacem, aut salutem reipub. Sed alienum est in querimonias digredi.

## EXERCITATIONUM ETHICARUM

## QUADRAGESIMA-SECUNDA,

*Qua est Quarta,*

D E

## B E L L O.

## T H E S I S I.

**D**ifferuimus postremis Exercitationibus multa de bello, & belli legitimi ac iusti conditionibus. Nunc varias adhuc quaestiones tumultuario ordine, prout inciderint, proponemus. 1. *Queritur, quot genera personarum iuste possint occidi in bello licito, & quot non?* Resp. absque ambagibus: 1. In bello licito iuste licet occidere in ipso conflictu, Duces hostium. 2. Milites hostilis exercitus. 3. Quotquot non tantum pugnant, sed auxilium, sed consilium, sed opem suam, quomodo-  
cunque praestant in exercitu hostium. 4. Imo ipsi infantes, & ceteri omnes innocentes, existentes in exercitu hostili, dum belli communis conflictus durat, & aliter hostes debellari non possunt commode, nisi etiam simul occidantur, etiam iuste occiduntur, quia iustum est bellum, & aliter hostes debellari nequeunt: hic enim casus supponitur: at ante belli conflictum, & post finitum belli conflictum, non licet occidere infantes, & innocentes in exercitu: Imo, post belli conflictum finitum, nullos occidere licet milites, aut alios, in exercitu hostili operam suam conferentes, ante belli conflictum ininitum, licet eos occidere in bello iusto, quia omni modo licet in bello licito noxam inferre hosti: at post partam victoriam, jus occidendi cessat: quare tunc omnino abstinendum ab occisione.

II. *Queritur, an finito belli congressu, & obtentâ victoriâ, liceat occidere omnes nocentes?* Resp. Si sint malefactores, & causam belli dederint, licet, ad terrorem & exemplum aliorum, & ut delicta puniantur; non verò debent occidi, nisi post cognitam delicti causam: &

sic si fiat, pax & securitas magis impostero haberi poterit.

III. *Queritur, an in bello contra Turcas & Saracenos, licitum sit occidere infantes, & pueros, finito belli congressu?* ratio dubitandi est, quia illi, cum adoleverunt, fierent hostes Christianorum? Resp. Non licet: quia ab omni saevitia, in quoscunque tandem, est abstinendum post victoriam partam: & non sunt facienda mala, ut eveniant bona: ergo non sunt occidendi infantes Turcarum, ne postea nos lædant: quid scimus, an non Deus sit illos conversurus: & nemo iuste occiditur pro culpa futura: denique futura mala vitari possunt, etiam sine occisione, si in captivitatem, aut servitutem redigantur.

IV. *An liceat occidere eos, qui sese dediderunt in bello, vel obsidione?* Resp. Si nocentes sunt, & non dediderunt se eâ conditione, ut salva esset eorum vita, licet eos occidere: at si vitam salvam stipulati sint, & concessum sit, non licet: multo minus licet innocentes occidere, si sese dediderunt: nam ne quidem hosti est fallenda fides.

V. *An Dux, sive Imperator belli, licite possit tradere militibus suis civitatem hostium, in direptionem & pradam, victoriâ obtentâ?* Ratio dubii est, quia post devictos hostes, non est licitum innocentes occidere; at si civitas in pradam detur ac direptionem, multi innocentes occidentur: nam milites, cum spoliant, nulli parcunt, ne innocenti quidem, sed & infantes, ac senellos occidunt pueros; & virginibus, ac puellis stuprum inferunt. Resp. Si victoria in iusto bello de hoste obtineri non possit aliter, nisi promissione facta de civitate militibus in pradam dandâ, tunc licitum

tuum.



tum est Duci, id promittere, & promissum præstare, quia aliter hostes debellari non possunt; quæ est hypothesis, ac supponitur, & quia bellum est iustum, atque omnes conditiones ad sunt ad iustitiam belli necessariae. Præterea, militum animi, spe pecuniæ, & prædæ, concitantur, & confirmantur, ad fortius se gerendum; & quia aliter, re malefactores puniri non possent: denique ad terrendas hostium civitates, ut sese dedant: sed verò, nescio an liceat hæc omnia mala facere, ut eveniant bona. Ego sic sentio, & censeo, si possit abstinere, ab occidendis infantibus, & aliis innocentibus, posse civitatem certo casu, & certo rerum statu ob iustas causas tradi in prædam militibus: quia tamen non abstinere, & vix abstinere potest ab iis, non facile à Duce hoc militibus est concedendum.

VI. *An licitum sit occidere obsides, si hostes fidem frangerint?* Resp. Consent Casuistæ, hoc esse licitum. Quia 1. cā conditione dantur obsides, ut hostes fidem fervent. Quia 2. aliter pax & securitas in bello haberi nunquam potest. Quia 3. hostes, semel devicti, in officio commodè contineri non possent.

VII. *An privatis militibus licitum sit occidere, aut prædas agere, aut incendia, absque Ducis, seu Imperatoris potestate?* Resp. Non esse licitum, quia tunc bellum facerent, ac gererent milites privata auctoritate, contra conditionem primam iusti, & legitimi belli.

VIII. *An si Rex aliquis, V.C. Imperator olim Romanus, nolle satisfaceri Carthaginiensibus pro iniuriis, quibus Carthaginienses afficiuntur à Romanorum privatis militibus, privatâ auctoritate irruentibus in Carthaginienses, an ideo Rex Carthaginiensium ius habeat gerendi belli contra omnes Romanos?* Ratio dubii est, quia non omnes Romani in prædicto casu sunt nocentes. R. Omnino Regem Carthaginiensium habere ius bellum inferendi Romanis? Nam Romanorum Rex in culpa est, quod nolit punire nocentes inter suos milites; quod nolit Carthaginiensibus, pro iniuriis illatis satisfacere: ideoque, in tali casu, Rex Carthaginiensium debitam habet causam petendi, & accipiendi compensationem pro iniuriis illatis & acceptis à Romanorum militibus: addendæ tamen sunt

hic conditiones, sub quibus licet Carthaginiensium Regi vindicare iniurias à Romanorum militibus illatas, ut 1. Rex Romanorum moneatur de iniuriis, quæ illatæ sunt à suis, & ab eo petatur, ut Romanorum nocentes puniat, & cogat eos satisfacere pro iniuriis illatis. 2. Ut solum Romani viventes in ditione Romanâ, sub Rege Romanorum, ledantur, non alii innocentes Romani, extra ditionem Regni Romani viventes.

IX. *An licitum sit, homines bello iusto captos, in servitutem redigere?* Resp. Esse licitum: nam si licet eos occidere, quod majus est, quidni & liceat eos abducere captivos, quod minus est; mitius certe agitur cum iis, si vivi servantur, & capientium fiant servi, quam si neci dentur. Atque hoc omnium iudicio verum est, de iis, qui nocentes sunt, & bello iusto capiuntur: Sed an etiam licet infantes, & pueros hostium, qui capiuntur bello, abducere captivos? Resp. Jure gentium id licet: quia, ob poenam & delictum parentum, possunt infantes & pueri puniri perpetua servitute; nam perpetua infamia æquivalet perpetuæ servituti: at possunt infantes & pueri puniri perpetua infamia ob delictum parentum: ergo perpetua servitute. Sed, an si liceat infantes, & pueros hostium iusto bello captos, in perpetuam redigere servitutem, ob delictum parentum, etiam liceat eos occidere ob eandem causam eodem casu? Resp. Non esse licitum, quia mors innocentum, jure naturali est vetita.

X. *An, si Christiani, capti ab infidelibus pagani bello iusto, servi fiant capientium, non sit illis in servitutem traditis, licitum fugere?* Resp. Quod servi fiant capientium, & fieri possint, certum est: nam jus gentium in iis non est abrogatum: sed, an liceat iis fugere, si possint, difficile est dictu. Sunt multi, qui negant, esse licitum ut fugiant, nisi cogantur deficere à fide & religione: at simpliciter fugere non debent. Alii tamen contra, eos fugere posse, censeant, licet non cogantur à fide deficere: neque est contra jus gentium, si Christianus caprus à pagano, in patriam redeat, & suam sibi libertatem vindicet: nam jus belli hoc non exigit, ut capti bello, & servifaci, non fugiant; exigit quidem jus gentium, ut capti bello servi

fiant, sed ut servi facti non fugiant, non est præscriptum jure gentium; quidam etiam aliquis in libertatem pristinam se asserat, si possit? & cum servitus jure gentium sit introducta, debet benignè explicari: sed non licet Christiano captivo fugere, sic, ut intra paganorum confinia vagetur, aut commoretur. Ego quidem accedo posteriori sententiæ; putemque esse licitum Christiano absolute, ut fugiat, si possit, cum factus est servus Turcarum, aut Saracenorum; quia Turcæ ac Saraceni, bellum injustum gerunt contra Christianos; ideoque Christiani, ab iis capti in bello, non sunt jure belli servi capientium, quia bellum est iniquum ab illorum parte.

XI. *Quæritur in genere, an Paganus à Paganis, aut Christianus à Christiano captus, & servus factus, possit fugere licite?* Resp. Quidam negant, quia cum est servus factus, est capientis tanquam domini sui: quare si fugiat, & se subducatur, inficio domino, furtum committit: nam se ipsum, possessionem domini, ei eripit. Alii tamen censent, esse licitum, quia jus bellitantum dedit domino capienti potestatem, captum apud se retinendi, ejus operâ & famulatu utendi: quod si fugiat, pariter est jus Domino eum persequendi, capiendi, & conjiciendi in vincula, in pœnam fugæ: Captus autem in bello, & servus factus, si potest fugere, non nocendo domino, non resistendo, jus habet fugiendi: Quia naturale jus est, ut unusquisque, si potest, libertatem sibi restituat.

XII. *An jure belli licitum sit, devictis hostibus imponere tributa, & alia onera personalia, ac realia, ut in bello Germanico multum fit: & an licet, jure belli, deponere de Magistratu aut superiori potestate excidere, qui inter hostes summam rerum tenere, & alios in eorum locum substituere?* Resp. Utrumque licitum esse, jure belli, gentium, ac naturæ. Atque hæc de Bello quatuor Exercitationibus disservisse sufficiat.

#### IMPERTINENS.

*Philosophia Aristotelico-Scholastica, non est penitus ex Gymnasiis atque Academicis eliminanda, sed reformanda, ac corrigenda, & liberanda, à nimia, non necessariorum mixtura, minutiarum consecratione, sciendorum confusione, terminorum obscuritate, & styli barbarie: quod ad cetera, multa continet bona frugis, sed quæ, uti gemma ferè ex sterquilinio, ex ea erui debent: & vel hoc solum eam commendat, quod quam plurimos terminos, voces, phrasas, distinctiones, ex ea mutuo acceperint, atque ad usum accommodaverint superiores disciplina (quas vulgò Facultates vocant) quæ absque premissa vulgaris illius ac receptæ Philosophiæ notitiâ aut difficulter, aut non satis benè, apprehenduntur, quod ipsa satis docet experientia: quare, qui, vel in totum eam transiliunt, vel, eâ neglectâ, aliam quamcunque arripiunt, illotus manibus pedibusque in superiorum disciplinarum sacra irruentes, infelicius in iis excolendis versantur, nec fructum laboris ac studiorum expectatum reportant.*

## EXERCITATIONUM ETHICARUM

### QUADRAGESIMA-TERTIA,

#### D E

## Quæstionibus circa Temperantiam.

#### THIS IS I

**E**Xcussas circa fortitudinem quæstiones varias excipiunt illæ, quæ circa Temperantiam moveri possunt. Et cum de eâ, in

Collegii Ethici Disp. 21. *ἡμετέρας ἀρετὰς* satis sit actum nunc *ἀρετὰς ἀσκήσεως*, quæ de ea dici possunt, edisseremus. Temperantiam esse vir-

*tutem*

tatem assertum fuit *disp.* prædictæ *Thef.* 3. Nunc quæ in contrarium proferri possunt ac solent, proferemus atque expendemus ac dissolvemus. Ergo Temperantiam esse virtutem, sic probari potest ac soler.

II. §. 1. *Quodcumque non est situm in Mediocritate, non est Virtus, sed Temperantia non est sita in mediocritate. c. pr. min. Quod magis est situm in voluptate quam tristitia, id non est medium inter voluptatem & tristitiam; sed Temperantia est sita, Sc. teste Aristotele cap. 10. l. 3. Eth.* Resp. Distinguiamus mediocritatem seu medium in medium rei & rationis: medium rei dicit æquale intervallum inter duo extrema: tale non requiritur in temperantia aut ulla virtute, exceptâ iustitiâ commutante; sed requiritur medium rationis, quod dicit proportionem & convenientiam affectuum & operationum cum rectâ ratione, quæ esse potest, etsi ad alterum extremorum magis abundet, aut, ut clarius loquar, etsi ad alterum extremorum propius accedat virtus. Consequenter & Temperantia virtus est, etsi propius accedat ad voluptatem quam ad tristitiam, & magis in illa, quam in hac sita: quicquid enim sit, modo secundum rectam rationem fiat, virtus est, & licet magis in uno affectu regundo occupetur, quam in alio, modo utrumque ex præscripto rationis moderetur, virtus est: ideoque temperantia, etsi majorem in voluptate regenda, quam in tristitia coercenda collocet operam, mediocritatem tamen servat, quia secundum rationem rectam utrumque agit.

III. §. 2. *Nulla virtus est contra naturæ propensionem: virtutes enim morales non sunt quidem à natura, sed nec sunt contra naturam aut præter naturam: at Temperantia est contra naturæ propensionem. Ergo quod delectationes naturæ & voluptatem reprimat, id est contra naturæ propensionem: sed Temperantia hoc facit. Ergo. Prob. maj. quia natura ductu & instinctu propendimus & impellimur ad voluptates: tristitia enim natura contraria est & inimica. Ergo voluptas amica est & conveniens: atqui natura propensa est ad id; quod sibi amicum est & conveniens. Ergo, si Temperantia coerceat naturæ propensionem & inhibeat, quæ ad voluptatem*

*ferimur, agit contra naturam. Atqui sic non agit virtus: Ergo temperantia non est virtus.* Resp. Ut hoc argumentum solvatur, notandum est, quod voluptates duplici sensu possunt dici naturales, & naturæ esse convenientes, quemadmodum ipsa vox naturæ duplicem habet significationem: natura interdum significat ipsam rei substantiam, essentiam, materiam aut formam, uti in Phisicis, aut etiam qualitates, quæ rei essentiam consequuntur: interdum natura significat non ipsam rei essentiam, nec aliquid necessario ex ea fluens, sed aliquid naturæ consensuancum: ut sunt habitus consuetudine introducti, & usu diuturno confirmati: unde consuetudo dicitur natura altera: sic duplici modo est aliquid naturale, vel ut ipsa sit natura, aut ab ea immediate fluat, vel ut ab habitu per naturæ seu naturalium potentiarum exercitium introducto proficiatur, qui habitus instat naturæ agit. Voluptates possunt utroque modo dici naturales; &, quia ab ipsâ fluunt immediatè naturâ, quemadmodum voluptas est unicuique rei naturali, conservare seipsam; &, quia ab habitu aliquo in naturam introducto eliciuntur. Hæc applicemus. Temperantia non coercet, modo minus existimat voluptates primo sensu naturales, quas ob sui conservationem postulat ipsa natura, sed coercet eas, & tollit nimium ab iis voluptatibus, quas ex habitibus quibusdam excipimus: dedit quidem natura nobis propensionem ad voluptates, ut eas cum aliqua propensione, inclinatione, & cupiditate expetamus, sed non dedit nobis veniam, multo minus potestatem, ut eas immodice expetamus: nam præter ipsam naturæ propensionem ad voluptates, dedit nobis rationem propensioni naturali aversantem: voluit quidem nos uti ac frui istis voluptatibus ad quas impellit, sed tamen sic, quemadmodum postulat regimen & gubernatio rationis: itaque, appetere voluptates, & ad eas propendere, non est simpliciter naturale, aut proprium naturæ humanæ, quia humana est: sed appetere eas & propendere ad eas secundum præscriptum rectæ rationis, est naturale homini, & proprium naturæ humanæ; hoc autem ut fiat, imperat atque eff-

sic Temperantia: quare nec contra nec præter naturam est hominis, sed naturalis, ut cæteræ virtutes.

IV. Collegii Ethici disp. 21. Thes. 6. *avai&noia* inter extrema temperantiæ opposita posuimus, tanquam vitium in defectu. Nunc rationes videamus, quæ contra adferri possunt. 1. *Vitia sunt in nostra potestate, aut saltem circa ea, quæ sunt in nostra potestate: at avai&noia non est, &c.* Ergo prob. min. quia non possumus contemnere, *etsi velimus, voluptates illas, quæ retinenda & servanda vitæ inserviunt, nisi velimus, ipsam temere vitam: famem & sitis sunt appetitiones naturales, quæ cum expleantur habent suas voluptates conjunctas; neque est humana potestatis vel istas appetitiones aversari, vel voluptates ex earum impletionem ortas: Itaque hæc avai&noia nulla est, &c.* Vitium haberi non potest, cum non sit i& n&iv. Resp. Hoc argumentum laborat falsa hypothese, quasi *avai&noia* hic nobis significet omnem sensum & appetitum extirpationem: nihil minus: si enim talis in hominem caderet aut caderet posset *avai&noia*, vitam ei extingueret. Sed vero significat nobis *avai&noia* appetitionem & sensum minorem, quam ratio exigit, & tum respondemus ad minorem, quod hæc *avai&noia* sit in nostra potestate. Ad prob. famem quidem & sitis voluptas, quæ eam sequitur, utramque cum explet, non sunt in nostra potestate, ut eam in totum contemnamus ac rejiciamus. Sed ob eam famem aut sitim plus vel minus cibi ac potus sumere, & vel majorem, vel minorem in explendâ fame ac siti capere voluptatem in nostra est potestate. Qui jam non tantum cibi ac potus sumit, quantum est necesse, nec voluptatem illam capit, quam capere potest, ac licitè, imo quam capere debet, is dicitur *avai&noia*.

V. 2. Obj. Non debet vitium dici, quod homini maxime convenit ei, qui perfectè à virtute est præditus. Sed hæc *avai&noia* sensum vacuitatis maxime convenit, &c. Ergo. pr. min. eo enim perfectior quis est in virtute, quo magis omnes contemnit voluptates. Resp. Negamus simpliciter, ad perfectam virtutem requiri sensum vacuitatem omnium, voluptatis contemptum, sed requiritur earum existentium

moderamen debitum: virtus perfecta non tollit voluptates sensuum, sed moderatur.

VI. 3. *Quod laudabile est, non est vitandum, At avai&noia, &c.* Ergo à cibo & potu & jam debitis abstinere, sãmem si inque pati, laudabile interdum est: quando enim jejunandum est, quando ob valetudinem vel recuperandam, vel confirmandam, abstinetur, certe ille tum voluptatum etiam licitarum per se contentus laudabilis est. Resp. ut hoc argumentum solvatur, distincte est respondendum: potest quis fugere & contemnere voluptates sensuum in felicitas duplici de causa. 1. Propter bonum finem, qualis est, valetudo vel recuperanda vel confirmanda, vel pietas Deo exhibenda, ut est jejunium, vel facilitas muneris functio, ob quem finem athletæ olim & pugiles abstinebant, etiam à debitis & licitis voluptatibus. 2. Propter tedium quoddam & molestiam, quâ afficitur appetitus sentiens hominis, dum cogitat & judicat, ejusmodi delectationes esse malas atque improbas. Postremi generis homines propriè ac verè laborant vitio *avai&noia*, non item illi priores. Itaque hæc *avai&noia* non est contraria Christianorum jejniis, non, valetudinis vel recuperandæ vel confirmandæ intentioni, vel muneris melius exercendi scopo; hæc enim *avai&noia*, quæ ad tempus est, proficiscitur à judicio recto: at, quæ vitium est, Temperantiæ oppositum, proficiscitur à judicio pravo & corrupto, absque ullâ rectâ intentione.

VII. Quæsitum fuit: *An intemperantia sit vitium turpissimum? Aristoteles quidem in fine c. 10. l. 3. Eth. sic asserit: & revera sic res se habet: nam pugnat maxime cum hominis excellentia, dignitate, splendore; quibus omnibus hominibus exuit temperantia, quia brutis & feris eam reddit similem, quod ex affectu intemperantia, ad oculos demonstrari potest, si necesse esset. Sed contra quædam obijciuntur quæ sunt dissolvenda.*

VIII. Parricidium, sacrilegium, impietas, sunt graviora & pejora quam intemperantia. Ergo hæc non est vitium pessimum. Resp. Distinguendum est inter peccati seu vitii gravitatem & turpitudinem. Non asserit Philosophus, nec nos asserimus, intemperantiam esse omnium

omnium vitiorum gravissimum, sed turpissimum: sunt quidem alia vitia graviora & perniciosiora, sed nulla turpiora ac magis probrosa: quia nullum vitium magis excellentiam, gloriam & honorem lædit hominis. Probrosus dicitur vitium, quod adjunctam habet ignominiam: at multa sunt vitia, quæ quidem sunt graviora quam intemperantia, sed tamen, quæ, non majorem, imo minorem habent adjunctam ignominiam.

IX. 2. *Vitia quo magis sunt vulgaria, eo minus sunt probrosa: ex usitatissimis enim vitiis minori pudore suffunduntur homines, quam ex inusitatissimis: at intemperantia vitium maxime est vulgare. Ergo, Sc. Resp. Falsa est major. Neque ideo peccatum fit minus probrosus, quia fit magis vulgare. Consuetudo & communitas peccandi potest facere, ut in opinione hominum aliquod vitium non ita videatur fecdum, sed per se tamen & in se æque manet probrosus.*

X. 3. *Intemperantia versatur circa cupiditates & voluptates humanas. Sed hæc licet turpes*

*sint, iis tamen dantur turpiores, belluina scilicet & ferina cupiditates & voluptates. Resp. 1. Cum intemperantiam dicimus esse omnium maxime probrosam ac turpissimam, eam conferimus cum vitiis humanis, iisque quæ circa humanas voluptates & cupiditates versantur: at vero vitia circa voluptates & cupiditates belluinas ac ferinas, humana non sunt. 2. Etiam intemperantia versatur circa belluinas & ferinas voluptates ac cupiditates, quatenus voluptates & cupiditates gustus ac tactus homini cum brutis sunt communes. Sed dicet quis, voluptas ex carniū humanarum esu est turpior, quam ex nimia cibi vel potus ordinarii appetitione. Resp. Esto: at hæc voluptas inordinata, ex esu carniū humanarum nata ad intemperantiam refertur, ac sub ea continetur. Nam quælibet voluptas immoderata ex quocunque cuiuscunque cibi ac potus desiderio ac fructione nimia, hic intemperantia dicitur. Cæteras, quæ temperantiam spectant quæstiones, proximâ persequemur Exercitatione.*

## EXERCITATIONUM ETHICARUM

## QUADRAGESIMA-QUARTA,

## D E

# Quæstionibus quibusdam circa Temperantiam.

## T H E S I S I.

Quæstiones quasdam circa ipsam Temperantiam naturam discussimus *Exercitatione precedente*; nunc morales quasdam, ut vocant, casus conscientiæ discutere est animus, in quibus tamen decidendis, nullius conscientiæ laqueum injectum volumus, sed liberatum, ut sumimus pronuntiandi, id quod iudicamus, ita eandem omnibus relinquimus.

II. Quæritur primo: *An per leges Tem-*

*perantia liceat interesse convivii?* Resp. Convivia per se non sunt illicita, potestque iis per leges temperantiæ quis interesse: si intelligimus, convivia ista, quorum finis est honesta recreatio, & jucunda atque liberalis amicorum conversatio, in quibus nulli invito obtruduntur pocula, nemo potu cibove obtruitur, & sua cuivis, quantum lubet, edendi ac bibendi, permittitur libertas. Convivia frugalitatis & sobria, nec Philosophi, nec Theologi, nec:



nec sancti Vet. & N. Testamenti, unquam sunt aversati. Sed immodicis, intempestivis, ac luxu diffuentibus conviviis per leges Temperantiae interesse non licet.

III. Queritur secundo: *An per leges Temperantiae liceat in alterius salutem bibere?* Resp. Non recens est, sed antiquus valde bibendi in alterius salutem mos, & deductus à *Græcorum* usque & *Romanorum* temporibus, quibus in more erat positum, in honorem & in salutem bibere, tum absentium, tum præsentium, sicut id probat alibi *Lambinus in suis ad Plautum Commentariis*. Hanc propinandi consuetudinem usitatam fuisse suo tempore refert *Ambrosius in libro de Jejunio*, ubi hæc reperiuntur. *Quid autem obsecrationes potantium loquar? quid memorem sacramenta? quæ violare nefas arbitrantur. Bibamus, inquit, pro salute Imperatorum, & qui non biberis, sit reus in devotione, &c.* Illa in salutem propinandi consuetudo, à Græcis Romanisque derivata, etiamnum fortiter obrinet apud *Moscovitas*, aliasque nationes; atque apud Germanos etiam ac Belgas nostrates, qui tali modo ad bibendum sepe invitare solent homines: obtinet & mos apud Gallos, sed longe tamen est apud eos caucior & moderatior. Queritur, *an hic mos consistat cum legibus Temperantiae?* Resp. Licet bibere in alterius, aut præsentis, aut absentis, salutem, quatenus id fieri potest nullo valetudinis detrimento. Ratio est, quia hoc ritu, tanquam manifesto lætitiæ signo, testamur gratiam nobis esse alterius incolumitatem, & affectum promimus; quem, si alio signo promere licet, quidni & hoc? nam certe, si hoc bibere in salutem alterius fiat nullo incolumitatis nostræ damno, uti fieri potest, & sæpe atque à multis fit, non magis potest improbari, quam si alio quovis signo conceptam animo nostro lætitiæ de alterius salute contestemur. Quod si vero propinantis animus sit, alios obruere poculis, onerare potu, eumque de statu mentis decicere: & alter studeat implere votum propinantis, dicimus ac pronunciamus, illum ritum esse detestandum & execrandum: tum namque est in potu nulla salute salus. Itaque, ritum admittimus nec improbamus, abusu rejicimus, ac detestamur.

IV. Queritur tertio: *An cum legibus Castitatis, quæ Temperantia est species, bene conveniat recepta illa apud nostros Belgas, aliasque nationes, consuetudo, quæ peregrini oscula figunt alienis uxoribus, viduis, ac virginibus, quando eas humanitatis causa saluant?* Resp. Verus est illa osculandi, humanitatis & officii causa, consuetudo: eam tamen non bene convenire castitati ejusque legibus, multi ex antiquis sapientiæ antistitibus existimant. *Socrates apud Xenophontem* abstinendum esse in totum ab ista osculandi consuetudine censet: quia nihil, inquit, ad amorem incendendum acrius est osculo: apud sapientissimum *Senecam*, Virginis, Sacerdotem petentis, inde arguitur impudentia, quod osculo salutata fuisset: & certe osculo pudicitiam Virginis delibari censebant Veteres, unde ilud *Ovidii*,

*Oscula qui sumpsit, si non & cetera sumpsit,  
Hæc quoque quæ data sunt, perdere dignus  
erat.*

Attamen, oscula, innoxia esse, & absque libidinis ulla titillatione, solius officii causa, caste impingi posse, quid vetat? neque existimandum est, omnium esse tam pronam & irritabilem ad libidines naturam, quin citra violationem castitatis, ac citra libidinem ullam, id genus mediorum, officii testandi causa, adhiberi possit; quare simpliciter non repugnare castitati, rite censemus.

V. Queritur quarto: *An salva castitatis lege, prostibula & lupanaria tolerari possint?* quæ questio, à Politicis quoque ventilari solet sub hoc titulo, an in bene constituta Republica ferenda sint: non queritur, an sint excianda, probanda, laudanda, commendanda: hoc enim boni omnes negant: *Sed an salva & involuta castitate sint toleranda?* habent lupanaria & prostibula suos, ac publicè quidem, Patronos, in Italia præsertim atque Hispania, ubi Magistratus indulgi patent ubique, ac tolerantur: quin, quod amplius, Bononiæ ac Romæ tributum exigitur, à meretricibus publicè permissis. *Urbs est jam tota lupanar,* inquit non nemo de Roma, *Mater & Ænea regnat in urbe sua.* Nos contra leges castitatis fieri pronunciamus,



mus, quod lupanaria & prostibula tolerantur.  
 1. Quia per licentiam horum prostibulorum  
 omni libidinum generi fenestra aperitur, om-  
 nia mala, publica, privata, corporis, animæ,  
 fortune, consequuntur, omnis adolescentia  
 corrumpitur atque enervatur. 2. Si in Veteri  
 Judæorum Republica ad sanctitatem nationis  
 Israëliticæ vetuit sanctissimus Deus, ne scorta  
 & lupanaria existerent, ut vetuit *Deut.* 23.  
 multo minus & Christianorum moribus con-  
 venire existimandum est, à quibus non minor,  
 sed major potius vitæ probitas, morumque ex-  
 igitur sanctitas. 3. Non sunt facienda mala,  
 ut eveniant bona: at sic faciunt, qui Lupanaria  
 permittunt, qui propter tributum publicum,  
 aut ut privatarum familiarum pudori consul-  
 tum eant, lupanaria permittunt: profecto istâ  
 copiâ & licentiâ voluptatum impurarum non  
 relinquitur flamma libidinis, sed provocatur  
 magis, atque accenditur, & remedium libidi-  
 nis est pejus morbo, & aliud ad eam extin-  
 guendam mortalibus à Deo est concessum re-  
 medium, scilicet matrimonium. Sed videamus  
 quid in contrarium proferri possit pro  
 lupanaribus in Rep. tolerandis: primo, *inter*  
*duo, inquit, mala, eligendum est minus, uti in-*  
*ter duo bona, majus: at longe minus malum est,*  
*tolerare prostibula & lupanaria publicæ, quam*  
*pati, ut honesta matrone, & teneræ puella, libidi-*  
*nosus impudicorum hominum constantibus prostituatur,*  
*& quasi exponantur: & hoc quidem im-*  
*misferendum videtur, iis in locis, in quibus, nec*  
*conjuris Ecclesiasticis, nec Magistratuum edictis,*  
*nec gravitate pœnarum, libidines reprimi possunt,*  
*ut in gentibus & nationibus in hoc flagitium pro-*  
*pensioribus.* Resp. Inter duo mala eligendum  
 est minus, si utrumque caveri non potest: at  
 nullum est dubium quin hoc malum præten-  
 sum tolli possit, si vel ad conjugii remedium u-  
 nusquisque qui libidinis flammam sentit, sese  
 conferat, aut se conferre compellatur, aut legi-  
 bus & pœnis severioribus, submittantur libidi-  
 nosi: quidni enim pœnarum severitate occurrere  
 possit huic malo? aut si non possit, proscriban-  
 tur libidinum propudia, & in malam rem abi-  
 re jubentur, ab iisque Resp. liberetur: & pone,  
 non omnem hujus mali sentinam exhauriri  
 posse, maxima tamen mali pars tolli potest per

leges ac pœnas, & si quid reliquum sit even-  
 tus dubii, id Deo committendum: denique, ex  
 duobus malis neutrum est eligendum, si ut-  
 rumque sit turpe: atqui sic sese res habet in  
 hoc negotio: nam turpe est, ut privati libidi-  
 nibus sese polluant, & turpe est, ut per publi-  
 cam lupanarium licentiam libidinum occasio  
 plena offeratur. Sed secundo videamus, quo  
 prætextu vectigalium & tributorum, ex lupanaribus  
 & prostibulis, exactores ea defendant: *Isto, inquit, imposito onere & tributo deterreri*  
*potest ista libidinosorum hominum sex à turpitu-*  
*dine: verebuntur enim impositum vectigal, tan-*  
*quam supplicium.* Resp. Experientiam con-  
 trarium docuisse atque etiamnum docere:  
 quippe ex imposito vectigali ac tributo, non  
 fuit restricta libido, sed amplius inflamma-  
 ta; & isti tributorum impositores atque ex-  
 actores excogitarunt multas artes, quibus  
 scæda libido magis exerceretur, quo plus  
 nummorum ex turpi tributo ad suos loculos  
 rediret: & docet experientia, metu vectiga-  
 lis non abstineri à libidinibus exercendis,  
 ut nullibi fræna iis laxentur magis quam in Ita-  
 lia & alibi, ubi tributa sunt imposita. Tercio  
 objiciunt: *Lupanaria concedi, jure Canonico,*  
*jure civili, sententiis Patrum & Scholasticorum,*  
*proferuntque testimonium Augustini in libro de*  
*Ordine cap. 4. & Thomæ libro 4. de Reg. Princ.*  
*cap. 14. Resp. Jus canonicum & jus civile,*  
 quando repugnat juri divino, non jus, sed ini-  
 juria est: plurius est Dei, quam legum huma-  
 narum, Autoritas: ipsa rei æquitas & recta  
 ratio, potior est omni testimonio humano,  
 seu publico legum, seu privato, vel Patris,  
 vel Scholastici: ac speciatim non est audien-  
 dum *Augustinus ex libro de Ordine prolatus,*  
 quia eum librum scripsit adhuc catechume-  
 nus, postea ætate & prudentia factus sapien-  
 tior aliter statuit, ut videre est *libro... de Civit.*  
*Dei, cap. 5. & libro 14. cap. 18. Quarto, Deus*  
*fert divortia, quæ tam mala sunt, ut majora*  
*mala evitentur, uxoricidium, aut simile, ergo &*  
*licebit Magistratui tolerare lupanaria.* Resp. Est  
 elenchus parium. Deo multa sunt licita, quæ  
 nobis non sunt; Deus novit, ex malo, quod  
 permittit, bonum elicere: & habet iustas  
 causas permittendi hoc aut illud: at homo

non potest ex malo bonum elicere, ideoque causam permitteendi iustam non habet: profecto, non omne potest humana potestas, quod potest divina, quia illa finita est hæc infinita. Iussit Deus Israëlitis, ut secum auferrent suppellectilem Ægyptiorum: sed nullus hominum est, qui hoc juris sumere, vel ausit, vel debeat.

V1. Queritur quinto, *An Choreæ tolerari possint saluè castitate? An ea in Res. sint jereunda? An licita?* Resp. Sunt varii generis choreæ & saltationes, quæ distinguendæ sunt, ne quicquam temere pronuncietur. Choreas quasdam damnatas, alias non item. In facris literis mentio fit Chorearum, frequentissima: earum quædam fuerunt licitæ, quædam illicitæ. Licitas quasdam fuisse, vel ipse sapientissimus Salomon comprobat *Eccles.* 3. est tempus lugendi, est tempus saltandi. Miriam, Moïsis soror, mortuo Pharaone, tympano lusit, & cum mulieribus choreas egit, *Exod.* 15. 21. mulieres musicis organis & saltationibus triumphos Davidis & Saulis celebrarunt, 1 *Sam.* 18. 6. ipse David lineo amiculo ornatus saltabat coram arcâ ipsi Domino, 2 *Sam.* 6. 14. in hisce choreis & saltationibus nihil fuit peccatum, sed sancti gaudii fuerunt testimonia. Saltarunt Israëlitarum circa virulum aureum, *Exod.* 32. saltavit Herodias in Nov. Test. *Matth.* 14. sed supersticiosa fuit Israëlitarum, profana Herodiadis saltatio. Extra sacras litteras, apud Gentiles, non unius generis fuerunt Choreæ: multæ extiterunt inter eos choreæ supersticiosæ: nullum fuit solemne iis sacrum, in quo non fuerit saltatum: has plane condemnamus: at habuerunt quoque saltationes bellicas, quibus exercebatur corporis agilitas, quæ instituebantur, ut tanto quis redderetur aptior ad ea peragenda, quæ sibi incumberent: imo & in armis saltabant, ut tanto firmius ac robustius redderetur corpus: hæc saltationes non improbamus: quin amplius dicimus: saltatio simpliciter considerata, absque circumstantiis his aut illis, quæ fiat ab uno, ad motum certum, bono fine, non videtur esse absolute damnanda: si enim ad motum & modulum digitos licet movere in cymbalo ac

cytharâ, honestæ voluptatis ergo, quidni & pedes? quid magis peccatur in harmonico pedum quam manuum motu, cæteris paribus? &, natura ipsa nos docet, motus quosdam, vel tristitiæ & angoris, vel lætitiæ & gaudii, testes, qui si decenter & modeste fiant, licet ad modulum componantur, damnari non possunt: si quod hic est peccatum, totum illud est in excessu & abusu, cum motus ille simpliciter sit innatus, non hominibus tantum sed animalibus: quare cum ar saltatorem imitetur, quandoquidem natura quosdam lætitiæ motus ciere solet, non peccabitur, si ars addatur naturæ, &, qui motus, sed inordinati, naturaliter sunt signa & testes gaudii, iidem, sed ordinati & compositi ad modulos; gaudium animi ac lætitiâ, sed honestè ac modestè, testantur: itaque saltationem simpliciter *ἀδελφικὴν* pronunciamus, &, si modesta, si honesta, si gravis, si verrecunda est, si ab uno, aut pluribus, sed ejusdem sexus, hoc modo & sub hisce conditionibus, in finem bonum fiat, bona est. At hæc omnia nihil faciunt, pro choreis & saltationibus hodiernis, quas utriusque sexus homines viri cum mulieribus, adolescentes cum puellis, instituunt, in conviviis & extra convivia: has in totum detestamur, atque abominamur, ac prorsus damnamus: ob varias rationes, primò, furibundi, insolentis, atque insani animi argumentum, sunt choreæ istæ mixtæ, sive in conviviis, sive extra ea, institutæ: lascivum enim & libidinosum esse saltantium morem, ipse usus comprobat: &, homines tum potissimum ad choreas ducendas sese conferunt, quando, vel ex ebrietate, vel procaci amore, insanunt: secundo non ad gloriam Dei instituuntur, sed ad carnis titillationem, ad spurcas voluptates, & scædas libidines excitandas, ut multa possint obscene vel loqui vel agere: imo repræsentant gestibus, ea, quæ in natura pudorem habent conjunctum: unde laquei sunt, non tantum saltatoribus, sed & spectatoribus, & maxima sunt peccatorum occasio: dissolutas reddit & minus castas matronas: redeuntque ab istis choreis mixtis, & salutaribus, & spectantes, multo praviore, ad violandas sanctas Dei

Deileges de castitate, pudicitia, verecundiâ, sermonis, gestuum ac cogitationum: tertio, est in choreis mixtis defœdatio quædam gravitatis & dignitatis, quæ Christianum decet, imo, qui hominem compositum & sedatum ac gravem decet: unde ipsi Ethnici, signum levis animi & hominis irrequieti, choreas ac saltationes habuerunt. Prætextus hic nulli juvan: ad hodiernas choreas excusandas: fieri scilicet posse, ut sint licitæ, si non fiant loco & tempore sacro, modo non impudico, animo non libidinoso, in præsentia honestarum personarum. Resp. modum hic nunquam servari hodie, & frustra queri modum, ubi est excessus in modo: deinde intentio bona non facit bonum opus, si cæteris circumstantiis sit prævum: & spectari debet hic finis, ut Logice loquar, non operantis, sed operis: denique, non sit licitum & rectum, quod est illicitum & prævum, per locum aut tempus, aut præsentiam virorum proborum & honestorum: quin, extra locum & tempus sacrum, choreæ mixtæ, in præsentia personarum honestarum factæ, illis sunt offendiculo. Hæc igitur est decisio mea: quamvis res sit indifferens saltatio, ac natura sua, nec bona nec mala, nostratium tamen choreæ, in quibus æminæ mixtæ viris saltant, malæ sunt, quia à Gentilibus ortum traxere, ad nullius faciunt ædificationem, occasionem præbent multorum peccatorum, & plerumque à benè pæstis & poris instituuntur.

VII. Queritur sexto, *An salvâ castitatis pæce, eaque illasâ, institui possint ludi scenici & theatrici, uti hoc nostræ temporis instituitur?* Sunt qui hosce ludos licitos existimant, & spectari licitè atque agi posse asserunt sub hisce conditionibus: primo, si pro fine habeant honestatem: secundo, si illis gloria Dei non lædatur: tertio, si nemini scandalum præbeatur: quarto, si thema tractetur & argumentum, & actoribus & spectatoribus, dignum: sed quandoquidem hodie ad gloriam Dei non instituuntur, verum eam lædunt: quandoquidem pro fine non habent honestatem, sed vel proprium

emolumentum, vel turpem voluptatem: quandoquidem non sine scandalo aguntur: quandoquidem argumenta indigna sapie & indignis modis tractant: ego ad eorum accedendo sententiam, qui eos nec agi nec spectari posse, censent, illasâ castitate: loquor de iis, ut hodie ab histrionibus aguntur. Notum id est omnibus, finem ludorum scenicorum esse, virtutes & vitia ad vivum exhibere: atqui hoc facere, tali modo, non licet: nam, si scelerâ, si vitia ne nominari quidem debent, multo minus ad vivum, voce, gestu, vestitu, repræsentari: itaque, nulli Christiano licet istam personam induere, in qua viva scelerum effigies eluceat: nam, serio hoc agunt & sedulo histriones, ut ad vivum quam maxime fieri potest, omnis generis scelerâ, ac vitia repræsentent, atque ob oculos ponant, quæ spectata & audita, an non maximam habeant vim polluendi & inficiendi spectantium & audientium animos, cogitandum unicuique relinquo: ne nunc dicam, quod experientia docet, quædam vitia non posse repræsentari, nisi simul exercentur, ut sunt, spurci, vani, & ridiculi sermones, desperationes, & execrationes: atque inde oritur, ut plures scenica vitiorum representatione corrumpantur quam corrigantur: inimica enim & mala tenacius hærent. Et certè est, quod Christiani pudore suffundantur eorum, quorum ipsos puduit Gentiles: unum tantum proferam pro omnibus, sapientissimi *Senecæ* testimonium: hæc ejus vox est; *nihil tam est damnosum bonis moribus, quam in aliquo spectaculo desiderare: tunc enim per voluptatem facilius vitia surripunt.* Quod prætexant, histrionæ & horum ludorum Patroni, recreationem & voluptatem. Resp. illa non nisi honesta est petenda & sumenda. Quod dicant, si vitia dedisci: 1. Resp. addiscunt, & ut dediscantur, monita, præcepta, & exempla, in sacris una & profanis, si legantur, sufficiunt. Quod dicant, tali modo etiam linguas addisci peregrinas. Resp. ea aliter & tutiori medio & honestiori modo addisci possunt.

## EXERCITATIONUM ETHICARUM

## QUADRAGESIMA-QUINTA,

D E

Quæstionibus quibusdam circa  
Liberalitatem.

## T H E S I S I.

Varias hæcenus movimus quæstiones circa Fortitudinem & Temperantiam, eundem tenere modum circa Liberalitatem est decrevum. Liberalitatem per virtutem definivit *Colleg. Eth. disp. 22. Thes. 2.* In contrarium obijci possunt, quæ sequuntur.

II. 1. *Nulla virtus impellit possidentem ad id, quod natura & recta rationi est contrarium. At liberalitas hoc facit, quia largiri proximo suo, est contra naturam, & rectam rationem, quæ docet, quod proximus sim egomet mihi, & charitas incipit à se, unusquisque tenetur se plus diligere, quam proximum;* Sed facili brachio hoc argumentum repelli potest. Resp. unusquisque tenetur plus seipsum diligere quam proximum: sed hoc non pugnat cum eo, ut proximo aliquid de suo largiatur: quin tum magis se diligit, quam proximum: quia hoc faciendo, comparat sibi virtutem liberalitatem: si amittit bona fortunæ, dum largitur proximo stipem, recuperat virtutem, bonum animi, quod omnibus fortunæ bonis longe est potius; tantum ergo abest, ut hoc sit contra naturam & rectam rationem, & amorem sui, ut nihil dicit possit magis congruum rationi rectæ, & amoris sui ipsius.

III. 2. *Nulla virtus alteram impedit in suis functionibus. Sed liberalitas impedit magnificentiam in ejus functionibus: nam liberalis non facile magnas divitias accumulabit, sine quibus nemo potest esse magnificus.* Resp. liberalitas non impedit Magnificentiam, quia nunquam dat nimium, aut ea, quæ non sunt danda, sed dat danda, & retinet retinenda: si daret non danda liberalis: sic viam sibi obstrueret ad magnifi-

centiam, sed tum non foret liberalis, verum prodigus.

IV. 3. *Virtutes sunt inter se connexæ. At multi sunt virtutibus aliis præditi, qui tamen liberales esse non possunt, ut pauperes.* E. Resp. Pauperes liberales esse non posse, falsum est: quia liberalitas nunquam mensuratur aut æstimari debet, ex dono aut magnitudine doni, sed ex dantis ac donantis animo. Pauper, aut nihil planè habet & tum animus, promptus ad dandum, si haberet, cum facit liberalem; aut habet parum, & exiguum quid; quod si ab exiguis rebus suis & exiguum quid benigno animo dat, liberalis est: non a est ex sacris Evangelii tabulis, istius pauperculæ viduæ liberalitas, quæ unicuique nummum in Gazophylacium coniecit.

V. *Coll. Eth. disp. 22. Thes. 5.* probatum fuit, liberalitatem consistere, tum in dando, tum in accipiendo, magis tamen in dando quam in accipiendo: nunc videamus, quæ contra obijci possint, ac dissolvamus. 1. *Una specie virtus tantum unum requirit actum: sed liberalitas est una specie virtutis; dare & accipere sunt duo actus specie distincti.* Ergo. Resp. dare & accipere moraliter non sunt specie distincti actus, sed in genere naturæ tantum: In genere moris sunt numero distincti actus, & quidem sibi invicem subordinati: alter enim actus ad alterum refertur, & alterius gratia fit, quippe accipit liberalis ut det. 2. *Non potest esse actus virtutis alicujus, qui consumit præsidia & adminicula felicitatis: sed dare pecuniam, est consumere præsidia, & adminicula felicitatis.* Ergo. Resp. falsa supponitur Hypothesis, quod scilicet divitiæ possesse & retinere,

rentæ, sint præsidium & adminiculum felicitatis, cum potius divitiarum consumptio debita, & usus, felicitatem summam promoveat: itaque, cum liberalis suas opes recte dat, & consumit, eo ipso utitur opibus, tanquam felicitatis instrumento. 3. *Nemo ex opere & actione virtutis contristatur: at dans liberaliter ex actione contristatur, quia dando sua amittit.* Ergo, Resp. liberalem, si prudenter det, & cui oportet, secundum omnes circumstantias rectas, non tristari; sed si imprudenter dederit, cui non oportuit dare, tum tristatur, quod sua amiserit.

V1. Officia viri liberalis, tum in dando, tum in accipiendo, ex *Aristotele* exposuit *Coll. Eth. disp. 22. thes. 6.* nunc ex eodem ad ampliorem liberalitatis explicationem, quinque, quas proponit, quæstiones decidemus. Prima est: *utrum in beneficiis conferendis, habendus sit beneficiorum delectus, sic ut meliora retineamus.* Resp. *Aristoteles* negando: nam qui deteriora alteri dat, meliora sibi retinet, is maiorem sui, quam alterius rationem habet: At vero liberalis, non tam se, quam eum, cui benefacit, respicere solet: quin suo seposito commodo, unam spectat ac totam accipientis utilitatem: hoc tamen de tota liberalis viri substantia, seu de omnibus ejus opibus intelligi non debet, sed de hoc aut illo tantum beneficio, quod confert: neque enim quoad omnes suas possessiones, tenditur maiorem aliorum, quam sui habere rationem, licet enim omnibus sese exueret, ut alteri benefaceret, quod Christiana charitas non exigit: sed in hoc aut illo beneficio conferendo, si eo valde possit prodesse proximo, etsi aliquo modo sibi delit, potest & debet tunc maiorem proximi, si iuste egeat, habere rationem, quam sui.

VII. 2. Quæstio est, *quo pacto sint aestimanda beneficia, quæ ex liberalitate proficiuntur?* Resp. *Aristoteles*, ea non magnitudine, aut multitudine, sed ex animo, atque secundum facultates dantis, aestimanda esse censet: hinc infert confectarium quoddam, fieri posse, ut, qui pauca dedit, liberalior sit eo, qui plura dedit: & sanè, hoc ipsius Servatoris nostri *ἡμετέριον* calculo comprobatur, qui

*Luc. cap. 21.* viduam illam: quæ duos obolos in Gazophylacium iniecerat, plus dedisse asserit, quam reliquos divites: & rationem addit, quia reliqui ex abundantia dederant, hæc ex penuria universam suam substantiam ferè obrulerat. Atque hinc liquet, pauperes quoque liberales dici posse, etiam eos, qui pauperum dant, imò, qui nihil, quod dent, habent: Nam tales habitu intimo, & animo saltem liberales sunt: at in eo liberalitatis natura potissimum est posita. Distinguunt hic *Ethici* inter liberalitatis praxim, vel interiorum, vel exteriorum. Interiore praxi, seu animo potest pauper quis esse liberalis, imo liberalior divite: at dives exteriori praxi: quia habet abunde quod det, liberalior esse potest.

VIII. 3. Quæstio est: *An liberales sint, qui opes suas ab aliis acceperunt vel hæreditatè, vel donatione, aut similiter; an, qui suo labore eas sibi acquisiverint? seu, an liberales sint, qui de acquisitis, an qui de hæreditariis, vel aliunde acceptis opibus, donant, atque impendunt?* Respondet *Aristoteles*, plerumque esse liberales, qui bona sua jure hæreditario, aut alio modo acceperunt, quam qui divitias proprio labore acquisiverunt. Atque hujus rei duas addert rationes. 1. Qui aliunde acceperunt, paupertatem experti non sunt, nec labores senserunt, & difficultates rei faciundæ: Ideoque minoris pecunias faciunt facilius eas consumunt. At verò, qui multo labore ac sudore opes suas collegerunt, memores harum difficultatum, & molestiarum, non tam faciliè eas erogant (quemadmodum scilicet, qui trulentam Martis faciem nunquam contempserunt, eos ante pericula bellica promptiores, & faciliores, reperire est,) ita quoque qui nunquam antè egestatis incommoda angustiasque sentire, ad liberalitatem proniores sunt. 2. Unusquisque opus suum magnificat, & quæ sibi peperit, charissima habet: quod Parentum & Poetarum exemplo probat *Aristoteles*; parentes multo magis amant liberos suos, quam alienos: & Poetæ singuli amant versus suos, magis quam alienos. Ergo & opes majore habent in pretio, qui eas summo labore congesserunt, quam



ii, qui eas ex curis & laboribus alienis acceperunt.

IX. 4. Est: *An liberalis facile possit ditescere?* negat *Aristoteles*, 1. quia ad dandum magis proclivis est, quam ad accipiendum; at qui accipiendo ditescimus, non dando. 2. qui ditescere cupiunt, pecunias propter se magnificiunt: at liberalis pecunias non facit magni propter se, sed tantum ut de illis posset aliis benefacere; ergo: hæc tamen *Aristotelis* sententia, an veritati Christianæ conveniat nescio, usquequaque: ritum apud nos Belgas est proverbium, quod Eleemosyna non depauperet; &, certè Deus, promissit majori

divitiarum cumulo sese remuneraturum liberalitatem in egenos exercitam.

X. Quæstio quinta est: *An Reges & Principes, qui plurimum solent vis donare, quos amant, ideo dicendi sint liberales.* Affirm. *Aristoteles*; quia eorum opes tantæ sint, ut non possint facile exhauriri: sed tamen hæc responsio *Aristotelis* non est sufficiens: nam testatur *Historia*, opulentissimos, interdum nimia liberalitate se, & res suas, exhaustisse funditus: Exemplum est in Antonino, qui & ærarium publicum exhaustit, & privatum ita deminutum ivit, ut multum artis alieni contraxerit.

## EXERCITATIONUM ETHICARUM QUADRAGESIMA-SEXTA,

D E

# Quæstionibus quibusdam circa Liberalitatis extrema, & Magnificentiam.

T H E S I S I.

UTi quæstiones quasdam ventilavimus circa Liberalitatem *Exerc. præced.* ita nunc hac *Exerc.* nonnullas pertractabimus circa liberalitatis extrema, Avaritiam ac Prodigalitatem, item circa Magnificentiam. *Collegii Ethici disp. 23. thes. 5. & 6.* duas proposuimus, atque exposuimus quæstiones, unam thes. 5. *an Avaritia sit vitium oppositum Liberalitati, ac non alteri virtuti? alteram thes. 6. utrum vitiorum sit majus, avaritia, an prodigalitas?* ad quæstionem priorem quod attinet, sunt qui existimant, avaritiam potius opponi justitiæ, quam liberalitati; & sic probant.

II. *Avaritia in eo sita est, quod mensuram, & modum transgreditur in ipsi rerum possessione. Sed hic modus, & hæc mensura, constituitur à justitiâ. Ergo justitiâ opponitur & non liberalitati.*

*Præterea, sæviores, avariores, fures, inter avaros recenset Aristoteles, lib. Eth. 4. cap. 1. sed omnes illi injusti sunt, & justitiam magis violant, quam liberalitatem.* Resp. Avaritia quidem sæpiissime conjuncta est cum injustitiâ: sed tamen non est eadem cum injustitiâ, neque opponitur proprie justitiæ: quod ut intelligatur, notandum est, avaritiam versari in pecuniâ propriâ, & injustitiam in alienâ, & quidem tali modo; ut avaritia studeat aliquid lucrari, possidere, & suum facere, quodcumque occurrit; injustitia verò studet rem alienam rapere; injuriam facere, ac nocere. Hinc duplici fere modo avaritia conjungitur cum injustitiâ: uno quidem, si is, qui non stat, aut accipit; quod justitia, vel dare, vel non accipere jubet, velit, primo quidem, & per se lucrari aliquid; deinde quidem ac secur-

da-



dario injuriam facere, quia, scilicet, ad quæstum pervenire, sine aliena injuria non potest; altero modo, si quis primo, ac per se velit injuriam facere, deinde ex injuria lucrum obtinere, tanquam aliquid ex ea redundans. Utroque modo avaritia conjungitur cum injustitia; sed prior, avarus est primariò, injustus secundariò; alter, primariò est injustus, & secundariò avarus: non tamen confunduntur rationes formales avaritiæ, & injustitiæ: si enim primò quis velit lucrari, avarus est, sin primò injuriam facere, injustus est.

III. Quod secundam spectat quaestionem; *prodigalitas, simplicem, esse meliorem simplici avaritæ*, variis rationibus ex Aristot. allatis, thes. 6. disp. 2. Collegii Ethici, probatum ivimus. Sed argumenta quædam dissolvenda sunt, quæ in contrarium adferri possunt contra Aristotelis sententiam. 1. *Majus est vitium, quo quis in se peccat, quam id, quo peccat in alios: sibi enim nocere, est magis contrarium naturæ, quam nocere alteri: est quippe unusquisque proximus sibi: at, qui prodigus est prodigens simpliciter, in se peccat, dum patrimonium suum, & opes suas consumit; at avarus in alios peccat, dum non dat aliis, quibus dare potest: imò, ne quidem in alios peccare videtur, quia ne quidem aliis tenetur dare: quo enim jure adstringitur?* Resp. Ad minorem, prodigus magis nocet sibi, quam avarus, si bona fortunæ spectentur, quæ avarus servat, prodigus dilapidat: sed, si spectentur animi bona, avarus plus sibi nocet, quam prodigus: prodigus enim, est magis per profusionem studet adipisci nominis aliquam famam, licet inanem, qua carpat benevolentiam & gratiam popularem; honorem, licet non verum illum, apparentem tamen, pro fine habet; nam simpliciter expetit honorem prodigus, sed decipitur, dum eligit ea præsidia, quibus honor verus non acquiritur: sed avarus nullam honestatis, aut honoris, nec veri, nec apparentis rationem habet: ita enim amat bona fortunæ, ut præ iis nihil existimet; & sic sibi magis nocet avarus, quam prodigus, quia avarus sibi nocet in bonis animi, at prodigus in bonis fortunæ: sed bona animi præstantiora sunt bonis fortunæ: ergo noxa in bonis animi, est gra-

vior, quam in bonis fortunæ. 2. *Quod magis peccat contra prudentiam, est majus vitium, sed prodigalitas magis peccat contra prudentiam, quam avaritas. Ergo: Major prob. quia prudentia est norma, mater, & mensura virtutum.* Resp. Nego minorem: neque enim prodigalitas magis peccat contra prudentiam, quam avaritas: ratio est, quia prodigus peccat contra prudentiam ex inconsiderantia: at avarus, ex animi privitate, ac destinatione: scilicet, avarus, sciens, & volens, per electionem peccat, præferens utile honesto: quin & rationem, per corruptam istam, & nimiam pecuniæ appetitionem, in errorem adducit: qui verò sic peccat, gravius peccat contra prudentiam, quam, qui peccat ex inconsiderantia. At dicet quis, *quare igitur vulgo prodigos vocamus imprudentes; et non item sic avaros?* Resp. Quia ista prodigi imprudentia magis est conspicua, quam avari, qui suam imprudentiam magis novit recondere. 3. *Prodigentia proprium est, dare, quibus non oportet, avaritia verò, non dare quibus oportet. Sed dare quibus non oportet, est pejus, quam non dare, quibus oportet.* 1. Quia subducero bonum morale, pejus est, quam non dare bonum fortunæ. At prodigus, dans quibus dare non oportet, h. e. pravis, atque improbis hominibus, eripit illis bonum morale, quia eorum improbitatem aliis opibus, & pecunia. Avarus vero, cum non dat quibus oportet, subducit tantum illis bona fortunæ, ergo minus peccat avarus, quam prodigus: deinde, pejus est illud, ex quo pejora sequuntur mala: At qui ex eo, quod detur, quibus non oportet, pejora sequuntur mala, quam ex eo, quod non detur quibus oportet: nam ex eo, quod pecunia detur profuse improbis, sequitur, ut improbi ipsi pejores fiant; atqui ex eo, quod pecunia non detur bonis, non sequitur, bonos fieri malos. Resp. Hoc argumentum, licet probabile videatur, sic solvi debet: 1. cum dicitur, eripere alicui bonum morale, pejus esse, quam non conferre bonum fortunæ, verissimum est: sed cum additur, eum, qui dat, quibus dare non oportet, uti facit prodigus, eripere iis bonum morale, hoc falsum est: si enim hoc contingat, id totum est per accidens: nec enim prodigus, qui simpliciter est prodigus: eo consilio dat,

ut qui donum accipit, eo ad sui, & suorum perniciem abutatur: sic enim non simpliciter, sed compositè esset prodigus: sed ille simpliciter spectat honorem, & nominis famam, quam inde aucupatur. Ille vero, qui non dat, quibus oportet, ut avarus, subducit iis bonum fortunæ, & insuper sibi ipsi eripit bonum honestum, ac temporale. Quod secundum dicebatur, graviora mala sequi, quod detur, quibus non oportet, ut facit prodigus; nam possunt, ex prodiga ejus donatione, sequi adulteria, cædes, aliaque flagitia: Resp. hæc per se, & ex ejus intentione, & consilio non sequuntur: neque dat simpliciter prodigus, ut illa consequantur: itaque argumentum non concludit.

IV. *Ab extremis Liberalitatis ad Magnificentiam transitum*, quam esse virtutem assertum fuit, *thes. 7. disp. 27. Coll. Ethici*, contra quædam objici possunt, quæ dissolvemus. 1. *Virtus qualibet talis est, ut unusquisque ejus esse particeps valeat: at unusquisque esse particeps magnificentie nequit; non certè inops, quia sumptus magnos facere non potest.* Resp. Inops potest esse magnificus, quantum ad intimum animæ habitum attinet, licet non possit esse talis, quoad externum actum, affectu est magnificus, licet non effectû: pone enim aliquem, qui affectu, & re ipsa fuerit magnificus, redigi ad pauperiorem, non tamen ideo ille perdit virtutem, aut habitum magnificentie, licet postea virtutem illam exercere non valeat, ex carentiâ sumptuum magnorum, quibus nunc est privatus. Certè, nulli præclusa est virtus, nec pauperi, nec diviti; omnibus patet: invitat omnes; omnes admittit, & ingenuos, & libertinos, & servos, & reges, & exules, & pauperes, & divites. 2. *Virtus omnis in nostra est potestate. Sed magnificentia non est. Ergo. Quia magni sumptus non sunt in nostra potestate.* Resp. Eadem est solutio: actus virtutum interiores, & qui in animâ hærent, sunt in nostra potestate, nec ulli fortunæ, aut temeritati, sunt obnoxii: externi verò actus, & exercitium virtutis dependet à fortunæ bonis: & sic magnificentia, licet, quoad exercitium sumptuum faciendorum, non sit in nostra potestate, est ta-

men in ea, quoad actus internos animi. 3. *Virtutes omnes inter se sunt connexæ. Sed magnificentia non est connexa reliquis. Ergo.* Resp. De majore dubitari potest, sed admittamus eam, vera enim saltem est de statu heroico virtutum, quamvis is non cadat in hanc vitam: ad minorem dicimus, omnino, magnificentiam esse conjunctam cæteris virtutibus, si in statu heroico, & perfectio confiderantur. 4. *Virtus consistit in mediocritate, sed magnificentia non consistit in mediocritate. Ergo. Probo minorem, quia sumptus magni, & maximi non sunt mediocres: at versatur magnificentia in sumptibus maximis.* Resp. Objectum materiale Magnificentie sunt quidem sumptus maximi: sed in iis ipsi faciendis, est parum, nimium, & mediocre: itaque, siue, circa quam magnificentia versatur, quantitas spectetur, ea maxima est, id est, non versatur circa sumptus mediocres, sed, si spectetur rationis regula, in medio consistit, ut quælibet virtus: quamvis enim magni sint sumptus, quos facit magnificus, in iis tamen mediocritatem servat, quando in iis faciendis servat regulam, à recta ratione præscriptam; à qua receditur circa sumptus magnos, & in excessu, & in defectu.

V. *Magnificentiam esse virtutem, non specie, ut multi volunt Aristotelici*, sed gradu tantum, distinctam à liberalitate, evictum fuit, *Thesi 8. Disp. 23. Coll. Ethici*: nunc objectiones advertariorum dissolvemus. 1. *Liberalitatis actiones sunt, acquirere, seu accipere operi, & eas largiri, ac dare: sed magnificentiam non acquirit aut accipit, sed tantum largitur & impendit. Ergo.* Resp. falsa est minor: nam accipere, & dare, acquirere, & largiri, sunt actus utriusque virtutis, & liberalitatis, & magnificentie: utrumque actum uterque, & liberalis, & magnificus, exercet, sed principaliter tamen dat uterque, ac largitur, hic quidem majora, ille minora: & ut dare uterque, & largiri valeat, acquirit interdum uterque, & accipit. 2. *Si omnis magnificus quidem sit liberalis, sed non omnis liberalis sit magnificus, ergo magnificentia, & liberalitas, non est eadem virtus. Sed: ergo.* Resp. negatur consequens. quia hoc tantum infert discrimen graduum,

dam non speciei: nam, qui versatur, purâ magnificus, circa pecunias majores, idem versari potest circa pecunias minores, & esse liberalis, licet, qui versatur circa minores pecunias pura liberalis, non possit versari circa majores, & esse magnificus: verum, id non infert discrimen specificum, sed graduum.

3, *Alia est liberalitatis, alia magnificentia, ratio*

*formalis, & definitio, erga non eadem est virtus.* Resp. negatur consequens ratio formalis & definitio diversa, non infert differentiam specificam, aut distinctionem realem rerum, sed modalem, sæpe, aut rationis ratiocinata, quia diversa ratio formalis, & definitio, fundatur sæpe in respectibus, & varia habitudine tantum.

## EXERCITATIONUM ETHICARUM

## QUADRAGESIMA-SEPTIMA,

D E

# Quæstionibus quibusdam circa Magnanimitatem & Modestiam.

## T H E S I S I.

POST excussas, circa Liberalitatem & Magnificentiam, objectiones varias, eodem modo versabimur circa Magnanimitatem & Modestiam: de qua utraque *negatio* *secundum* actum est disp. 24. Coll. Eth. ac thes. 2. probatum fuit, Magnanimitatem esse Virtutem; dissolvenda veniunt quædam, quæ obijci possunt.

II. *Nulla virtus est alteri virtuti contraria: non enim virtus, virtuti, sed vitio opponitur: sed magnanimitas adversatur virtuti alteri, scilicet humilitati: hæc enim docet contemnere magnos honores.* Resp. nonnulli dicunt, humilitatem esse virtutem Christianam, & non moralem; ideoque Aristoteli non fuisse cognitam. Alii, eam aliis nominibus ab Aristotele descriptam arbitrantur: quicquid sit, nos dicimus, humilitatem non pugnare cum magnanimitate: sed posse aliquem, qui humilis sit, esse magnanimum, & contra, qui magnanimus est, posse esse humilem. Quod ut intelligatur, videndum est, quid per humilitatem intelligant, & qualis hæc sit virtus. *Thomas Aquinas in 2. parte sue summe Quest. 161.* describit humilitatem, quod sit virtus, quæ refrenat & continet in potestate animum, ne in magnos ho-

nores immoderate tendat: at, profecto, si nihil aliud dicatur de humilitate, non video, cur inter Christianas virtutes, & Christianis solis proprias, numeretur: quidni autem talis virtus in Ethnicos cadere valeat? Quid? an non multi Gentilium animos suos continuerunt, & refrenarunt, ne immoderate in magnos honores tenderent? certe, istâ laude non omnes sunt privandi. Quid? quod tali sensu humilitas à magnanimitate non differat? Magnanimitas est enim Aristoteli illa virtus, quæ fratrum ponit animo, ne modum excedat in magnis honoribus appetendis: si eam placet, virtutem non magnanimitatem, cum Aristotele, sed humilitatem, cum Christianis appellare, per me licet; qui circa voces nunquam sum difficilis, modo res ipsa dextere intelligatur: & sic magnanimitas non adversatur humilitati; sed est eadem cum ipsa, & non omnia tum sunt ipsa, sed verò plura sunt, quæ Christiani Theologi exigunt circa humilitatem, ut doceat solummodo magnos honores appetere moderate: nempe, volunt insuper per illam virtutem animum, hominis Christiani, in totum subijci Deo, tanquam bonorum omnium auctori, ac largitori: sicut, qui vere humilis est, quam

Gggg

quam

quam videat in se virtutes varias, aliaque animi ornamenta, ea scit & conficitur esse, non sui ipsius merita, sed Dei optimi maximi dona & munera, & per ejus benignitatem illa sibi esse collata; atque hinc, summa animi demissione, Deum, fontem omnium bonorum, veneretur, ac colat: ac licet, hæc humilitatis Christianæ requisita, aut vix, aut non videantur, Aristoteli fuisse cognita, non tamen pugnat cum magnanimitate: quidni enim possit vir humilis magnos expetere honores, modò eos exspectat ad venerandum Deum, ut profiteatur, non se dignum isto honore, quem, vel expetit, vel suscipit, sed honorem, sibi delatum, deberi Deo? Itaque negamus, quod in argumento dicebatur, *Magnanimitatem sic pugnare cum humilitate, ut, qui humilis est, idem nequeat esse magnanimus; & contra: quamvis enim actus utriusque virtutis, & magnanimitatis, & humilitatis, non possit quis simul exerere, quidni idem tamen, nunc humilitatis, nunc magnanimitatis actum, exercere valeat? potest enim uterque habitus in eodem animo herere, & pro temporis, loci, personæ, aliarumque circumstantiarum varietate, producere, nunc humilitatis, nunc magnanimitatis actus: neque extimandum est, virtutes morales, & Aristotelicas, pugnare cum virtutibus Christianis, & spiritualibus: quin potius ab iis perficiuntur, & iis subordinantur: quod, semel in genere monitum volo, & teneri rectè debet.*

III. *Virtus moralis omnis aliquem regit affectum, sed magnanimitas nullum: E. G. quia affectus sunt animæ sentientis, & fiunt cum corporis motione, ac mutatione: sed honoris cupiditas non est talis affectus, quia cietur corpore nihil patiente, ut ipse docet Aristot. cap. 3. lib. 4. Eth. Resp. Cupiditatem honoris, tam esse affectum animæ sentientis, ac sunt reliquæ aliarum rerum cupiditates; & ceteri etiam, cum corporis motione: & cum Aristoteles dixit, Honoris cupiditatem in nobis excitari, corpore nihil patiente, hoc significatum voluit, non tantum commoveri corpus, in cupiditate honoris, quantum quidem moveretur ac patitur in cupiditate voluntatis, aut vindictæ, aut simili.*

IV. Sed objectum Magnanimitatis paulo

plenus excutiamus; illud fecimus Coll. Eth. disp. 24. thes. 3. cum Aristotele; honores magnos, quos appetit & sectatur *Magnanimus*, accipit, custodit, negligit, contemnit, dimittit, ut oportet, juxta præscriptum rectæ rationis. Quæri hic solet ab Ethicis, *Utrum Magnanimus honores magis appetat, an contemnat?* cum enim in his duobus actibus æque versari & occupari non possit, quæritur, *in utro magis versetur & occupetur?* Aristotelis quidem sententia, & ab affirmantibus & à negantibus in contrariis partes trahitur: nos distincte mentem nostram proponemus: ac primò norandum est, ut de *objecto Magnanimitatis* nonnihil philosophemur: honoris nomen interdum summi pro ipsa honoris causa, quæ virtus est; interdum pro judicio & opinione, quam fovemus, & tenemus in animo nostro de aliorum excellentia: propriè tamen significat aliquid externum signum reverentiæ, quo judicium nostrum patefacimus, & virtutem sic in aliquo honoramus: qualia signa sunt, variægestus, significantes observantiam, loca in consessu, prima, & in ingressu honoratiora, monumenta publica, triumphii, orationes, versus, &c. quæ soli virtuti propriè debentur, licet à vulgo interdum, & bonis fortunæ, vel ob ea iis, qui ea possident, exhibeantur: hæc nunc applicemus. Magnanimus honorem, primo sensu acceptum, pro ipsa virtute, honoris causa, nunquam contemnit, nec contemnere potest, si verè est magnanimus: sed hæc magnanimitas latior est, & significat cujuslibet virtutis studium constans, deinde, honores deferri solitos propter bona fortunæ tantum, etiam nulla virtus comiteretur eos, quibus deferuntur, strenue contemnit: tertio, illos verè honores qui ob ipsa virtutum merita, conferuntur, interdum expetit, interdum contemnit, pro ratione circumstantiarum: est enim hoc utrumque Magnanimi officium, aliquando expetere aliquando negligere honores, quos virtus est promerita, & quidem sic, ut, si contemnat eos, si ve expetat, recta semper ducatur ratio: nam, cum expetit eos honores, atque accipit, quos sua virtute est promeritus, nunquam eos anteponit honestati. imo verò ideo expetit, quòd videat eos esse honesti

con-

congruentes: intelligit tum *Magnanimus*, honores sibi delatos esse utiles aliis, ut ad similes virtutes, quibus meritis est honores, illi excedunt: intelligit & vult, alios, qui honores deferunt, agere, quod suarum est partium, dum rependunt honores, virtutibus meritisque debitos: & uno verbo, nunquam honores illos, sibi delatos, ad se refert magnanimus, sed ad honestatem semper, atque utilitatem, vel publicam, vel privatam: & hunc eundem scopum ac finem habet, quando honores contemnit; quos non contemnit, nisi rei, vel publicæ, vel privatz, ratio postulet, & honestas præscribat: itaque possunt ea esse tempora, loca, personæ, aliæ circumstantiæ, ut interdum appetere, interdum contrà contemnere honores, sit honestius. Sed quæritur adhuc, *utrum duorum sit præstantius, quando utrumque recte fit.*

V. *Buridanus in suis questionibus Ethicis*, censet, magnanimitatem magis consistere & cluere in honoribus appetendis, quam in contemnendis. Alii tamen contrà sentiunt, magnanimitatis esse potius, honores contemnere, quam expetere: quorum sententiam probabilior existimo: & ratio hæc est: in eo magis consistit virtus, ex quo major reportatur laus: sic enim argumentatus est ipse *Aristoteles*, quando docuit, liberalitatem potius, in dando esse sitam, quam in accipiendo; quia major laus redit in dantem ex dando, quam in accipientem ex accipiendo: atqui magis quod laudatur magnanimus, quod contemferit, quam, quod expetierit honores: quod probatur ex variis encomiis Magnanimorum, quæ in scriptis extant authorum: multò enim sæpius invenias laudatos, qui honores, statuas, monumenta, contemferunt, quibus tamen erant dignissimi, quàm, qui ista honoris signa, & insignia, sibi conferri sunt passi: deinde, id in unaquaque virtute melius, dignius, ac præstantius censi debet, quod est difficilius: sed difficilius est, contemnere honores magnos, ut oportet; quam expetere, ut oportet: habemus enim insitam in natura nostra honoris cupiditatem, sumusque omnes à natura propensi ad honores accipientes: & contrà, nullam sortiti sumus propensionem ad honores contemnendos: ergo, &c.

concludimus itaque, Magnanimitatem esse, virtutem circa honores magnos, vel contemnendo, vel expetendo; magis tamen cerni in contemptu eorum, quam in expetitione.

VI. Sed quæri hic potest adhuc: *An ullo modo honores magni possint appeti?* Respond. Quidni! omnis enim honor, qui defertur, tanquam virtutis comes, & bonorum virorum approbatio, bonus est: at omne bonum appeti potest. Si verò honor simpliciter appeti potest, quia per se non est malus: etiam magnus honor, pro merito magnarum virtutum, appeti potest: certè, honor à virtute ad virtutem, & ad publicam, ac privatam, salutem tendit: at; quod tale est, licitè appeti potest. Quid? quod honores magni magna sunt incitamenta, & calcaria ad virtutes magnas.

VII. *Extrema Magnanimitatis*, ei opposita vitia, sunt in defectu, *μικροψυχία*, pusillanimitas, & in excessu, *μεγιστοψυχία*, fastus: *pusillanimitas* est; si quis minoribus se dignum honoribus iudicat, quam dignus est, pusillanimus est: *fastus* est, cum quis majores sibi, quàm meretur, honores arrogat: Quæritur *Aristotelis* interpretes: *Utrum extremorum magis adverteretur Magnanimitati?* *Aristoteles* si consulatur, is pusillanimitatem pronunciat magis adversari magnanimitati, quam fastum, quia frequentior est: at, malum, quo frequentius, cò est deterius: at nescio, an hæc *Aristotelis* sententia sit vera: & nescio, an pusillanimitas sit frequentior fastu: imò contrà, fastus est animi elatio ista, quando quis sine virtute, ac merito, honorem expetit, & est pejor illa pusillanimitate, quæ honorem virtutibus debitum, repudiat simpliciter: sed pusillanimus, qui non honorem tantum, sed virtutem, honoris causam, aspernatur, is æque pravus est, atque elati animi homo, & fastu corruptus: & vix est hic discernere, uter altero sit pejor: variat enim utriusque vitii magnitudo, ac parvitas, pro ratione circumstantiarum.

VIII. Magnanimitatem excipit apud *Arist.* *Modestia*, in parvis ac mediocribus honoribus, vel expetendis, vel contemnendis, occupata; hæc ita se habet ad Magnanimitatem, ut *Liberalitas* ad Magnificentiam. Quæsitum est thes. 12.



*Coll. Eth. diff. 24. An modestia magis sit sita in expetendis, an in contemnendis honoribus?* Resp. nos, quod de Magnanimitate pronuntiavimus, idem de Modestia pronuntiavimus, eisdem ob rationes, asserimusque, modestiæ radios, vim ac virtutem, magis elucere in honoribus mediocribus contemnendis, quam in iis expetendis, quia longè plus difficultatis in priori actu, quam in posteriori, cernitur; quippe ignei sunt hominum plerumque animi, & peiora mortalium ambitiosa, honorumque avida; at rarius sese eò abiciunt, ut non admittant honores meritos: quare etiam Modestiæ exemplum, & jubar clarius, sese exerit in honorum mediocrium contemptu, quam in eorumdem appetitu, & prosecutione: sed verò circumstantiarum hic sedulo habenda est ratio; hisce enim neglectis, aut, per imprudentiam, sufficienter non examinatis, facile est, ut quis à medio hujus virtutis alterutro actu; vel contemnendi, vel expetendi, honores debitos recedat ac resiliat, atque in extrema impingat.

IX. Quæri hic potest non incommode, circa hanc virtutem, Modestiam: *an nunquam quisquam se ipsum, citra invidiam, laudare possit? an id semper sit inhonestum, & immodestum?* quæstio sanè utilis & jucunda, de qua integrum libellum reliquit *Plutarchus*: utcunque propria laus fordeat, videtur tamen

non in omni occasione esse rejicienda: nempe, si calumnia sit repellenda, & accusatio injusta depellenda, videtur aliquis sine nulla animi vanitate proferre posse ea, quæ ad laudem propriam faciunt, sine ulla invidia, ad justam sui defensionem; quidni enim liceat, rectè à se facta, quando alii ea culpant, tueri? inprimis verò, si nostrum accusetur officium, licet justè, virtutes, in officio obeundo, præstiteras, deprædicare, quomodo eas de se enarravit ipse *Apostolus*, satis fuisse in 2. *ad Corinth. cap. 12. 12.* Deinde, si homines sint ingrati, & debira laude aliquem privent, quidni liceat ipsi esse præconem laudum propriarum, ut eos sui officii admoneat, modò ne alta nimis buccina eas canat? ira videmus, Ajacem non ineptè, multa sua præclare facta recitare, in ista concertatione cum Ulysse, quando putavit justa se laude privari: in tali emulatione non videtur esse licita laus propria: sed, si hisce, aut aliis casibus, virtutes suas quispian ipse laudet, opera tamen ipsi semper danda est, ut propriæ laudes aptè vadant ad institutum præsens, serveturque decorum, ad omnem evitandam invidiam: & laudes istæ non tam nobis adscribendæ, quam Deo, & aliis hominibus, quorum opera & auxilio quis multa præclare fecerit: sed pro prudenti circumstantiarum examine, hæc omnia sunt agenda.

## EXERCITATIONUM ETHICARUM

### QUADRAGESIMA-OCTAVA,

D E

## Quæstionibus quibusdam circa Manfuetudinem.

THESIS I.

**A** Magnanimitate & Modestia ad Manfuetudinem transimus, secuti in eo filum & seriem *Aristotelis Eth.* ad *Nicomach. L. 4.*

c. 3. & 4. Hunc enim pro Duce & Luce, præscripsit *trium litterarum Tyrannus, M O S.* Licet alii non tanti ejus auctoritatem facientiam



dam existiment, ut pro norma agendi assumi debeat, quia parum sæpe sibi constet, verseturque frequenter in incerto & ancipiti, & apud quem innumera deficient, contradicant innumera, quod probatur inter alios vide apud *Gassendum in exercit. Paradox.* Sed quid facias, ubi regnum obinet, & supremam potestatem illud, *Sic volo, sic jubeo, sit pro ratione voluntas.* Sequamur ergo communem palantium gregem, ac *Modestius & Magnanimitati* subijciamus *Manfuetudinem*, *in arduis & in periculis* pertractandam, hac exercit. ut circa reliquas ante virtutes est actum: *ἡγεμονία δὲ καὶ ἐξουσία* ejus pertractatio instituta fuit in *Coll. Eth. Disp. 25.*

II. Dictum est inter alia, *disp. cit. lib. 2. Manfuetudinem esse virtutem.* Obijci solent duo hæc. *Quod pœnam & iram imminuit, & alteri virtuti contrariatur, illud ipsum non est virtus. Sed manfuetudo utrumque facit: prius liquet ex ejus officiis, posterius ex eo, quod adversatur severitati, quæ nec iram, nec pœnam minuit. Ergo ipsa non est virtus. Resp.* Ad hanc objectionem respondet *Wendelinus in Eth. l. 1. c. 23.* distinguendo, inter defectum, & moderationem iræ & pœnæ, posterius convenire *Manfuetudini*, nec in eo repugnare severitati. Nosrem hanc sic exponimus; semper in moralibus habendam esse rationem circumstantiarum (*Quis, quid, ubi, quibus auxiliis, cur, quomodo, quando*) à quibus omnis & tota rata ratio bonitatis ac malitiæ dependet: quæ si impresentiarum examinentur, apparebit, manfuetudinem, nec imminuere pœnam aut iram simpliciter, aut illo modo contrariam esse severitati: nam *Manfuetudo* non imminuit iram aut pœnam, nisi quæ imminui utraque quando, quamdiu, &c. debet, & sic non consistit in defectu, qui est vitium, sed qui est virtus: sic enim deficere circa iram aut pœnam, ubi deficiendum esse recta ratio suadet, imo jubet, in virtute collocandum est. Nec hoc repugnat *severitati*, quæ istam infligit pœnam, istam exercet iram quæ infligi & exerceri debet, quod iterum ex circumstantiis judicandum est: Ideoque in idem subiectum, eodem tempore cadit, & *Manfuetudo* & *Clementia* (quas non distingui re ostendi-

mus *Coll. Eth. disp. 25. lib. 5.*) & *Severitas*, licet in actu secundo, circa objectum idem, utraque simul exerceri nequeat: neque enim fieri potest, ut idem Iudex, eodem tempore, circa eundem hominem, & imminuat & infligat, eandem pœnam, iram exerceat debite & non exerceat: si enim debite, ex præscripto rectæ rationis, iram exerceat; abest ab ipso, quod debite non exerceat, si pœnam debite infligat, tribui ei non potest, quod debite eam imminuat, sic, ut actus *Manfuetudinis* & *Severitatis* circa objectum idem (*objectivè* vulgò) pugnent eodem tempore; circa subiectum idem (*vulgò subjektivè*) non item: potest quis esse simul *Manfuetus* & *Severus*, ut non exerceat virtutem utramque simul, eodem tempore, circa eundem, licet circa diversos possit: ideoque virtutes ipsæ inter sese non pugnant, neque una alteri contrariatur: res sic se habet, uti in Deo in quo est *Justitia* puniens peccata (*hæc instat Severitatis est*) & *Misericordia* condonans peccata (*hæc instat est Manfuetudinis*) hæc duo attributa à Deo, eodem tempore, circa subiectum idem exerceri nequeunt: neque enim fieri potest, ut, cui Deus hoc tempore condonat peccata, eundem eodem tempore ob ea puniat, aut vice versâ; neque tamen hinc licet inferre, Ergò *Justitia* in Deo adversatur *Misericordia*, aut contrâ: sed nihil impedit, quin circa diversos homines etiam eodem tempore, exerceantur simul, ut hunc puniat Deus & peccata, alteri eadem condonet, eodem temporis articulo. Non pugnant in actu primo in Deo, neque in actu etiam secundo, si referantur ad objecta diversa, sed tantum si referantur ad objectum idem. Hæc applicentur *Manfuetudini* & *Severitati* in homine, & res est eadem.

III. *Coll. Eth. Disp. 25. lib. 5.* quæritur fuit, *An omnis ira sit in vitio posita?* Distinctum fuit, inter iram temerariam, & justam indignationem, inter immoderatam, & moderatam: illam illiciram, hanc licitam esse, assertum fuit. Valde multa habet contra hanc sententiam *Seneca in libris de ira.* Sed omnia ejus argumenta ex ejus *de ira libris* colligere, non est hujus aut nostri instituti: colligit & dissolvit *Tarquinius Gallatius in lib. 4. c. 4. Eth.*

*Nicom. quest. 1.* Unum proponam tantum argumentum contrā, quod adferri tamen vulgo solet. *Quodcumque est inimicum recta rationi, eamque non audit, multo minus exaudit, illud est vitium. Sed ira omnis est talis & hoc facit. Ergo, &c. Resp.* Ita ad rationem rectam dupliciter se habet, vel antecedenter, vel consequenter. Ira antecedens rectam rationem, ei est inimica, neque eam, vel audit, vel exaudit, sed corrumpit ac de throno suo sæpe eam dejicit: & sic, ut non audit currus habenas, ira nec ira rationem. Ira rationum consequens, est amica ei, quia eam jam audit, exaudivit, ei se subiecit, ejus consilium sequitur: ut si quis irascatur vitiiis, vel suis, vel alienis, postquam eorum turpitudinem vidit, & agnovit.

IV. Illud gravius est, de quo *rh. 8. disp. 25. coll. Eth. comm. (a)* agitur, *An vindicta consistere possit cum Mansuetudine?* seu, *An vindicare injuriam, sit licitum?* Distinximus inter vindictam privatam, & publicam: illam esse illicitam, pronuntiavimus, hanc licitam. Ac quamvis hæc distinctio & solutio sit omnibus sanioribus Philosophis approbata hætenus, *Timperus* tamen *lib. 3. Eth. cap. 1. quest. 1.* convellere eam ac penitus subruere, conatus est, asseritque hæc duo: 1. neque privatam vindictam in totum esse illicitam; 2. neque publicam vindictam in totum esse licitam; ratio prioris, quam adfert, hæc est; quia, inquit, hinc sequeretur, Patremfamilias non posse absque peccato castigare infantes, vel alios in rem familiarem peccantes punire, & sic injuriam domesticam vindicare: ratio posterioris, quam adfert, hæc est; quia, inquit, sequeretur hinc, Magistratum in puniendis peccatis non posse peccare. *Timperi* sententia propria hæc est. Distinguit inter vindictam moderatam seu justam, & inter immoderatam seu injustam: illam, homini cuique, sive fuerit persona publica sive privata, esse licitam: hanc, indifferenter omni personæ, seu privatæ, seu publicæ, illicitam esse. Sed non insuetum est *Timpero*, cornicum oculos velle configere, & novaturire, quippiamque proferre, quod à vulgari sententia abeat, ut solus incedere videatur in viis suis, quam glorio-

lam ei non invidemus, dum perpetuo ferè non in Practicis modo, sed in *Physicis* præsertim, ac *Metaphysicis*, *Exercit. & Philosoph.* laureolam in mustaceo quaerit. Sed enim multa hic sunt animadversione omni dignissima. Quomodo probabit *Timperus*, aut unde, ullam vindictam esse justam, aut moderatam, aut licitam, quæ ab homine exercetur privato in privatum; aut quænam causa eam possit reddere justam, moderatam, licitam, nisi in unico casu, quem vocamus moderamen inculpatæ tutelæ, de quo à nobis actum fuit *Coll. Eth. Disp. 25. th. 7. comm. (a) in fine*. Vindicta publica est bellum, quod, quæ causæ reddant licitum & justum, jam ante 4. *exercit.* in hoc curriculo discussimus. Generale est illud Apostoli, omnes omnino subditos obligans, *dilecti, ne vindicare vos ipsos*. Ideoque, si privatus à privato injuriam tulit, non licet ipsi parem injuriam referre, sed vindicta Deo est relinquenda, quæ dixit, *Mihi est vindicta*. Quod si privato privatum non licet vindicare, multo minus licet ei, de superiori, aut Magistratu à quo læsus est, vindictam sumere; imo, ne quidem id licet, etiam possit clanculum; amplius dicam, ne quidem personæ uni publicæ in alteram licet, quando injuriæ sunt privatæ: ira pepercit Sauli David, cum esset in manu suâ, capitali tamen hosti, ut unctio Domini, & tamen David ipse in regem unctus fuerat: sic non licet uni Consulum de altero injuriam sumere, ob injurias particulares mutuas. Hinc liquet obiter, quanto minus liceat subditis in Principes suos, aut Reges, etiam iniquos, insurgere? Deinde gravissimè impingit *Timperus*, cum existimat, ad privatam vindictam pertinere, cum parentes animadvertunt in liberos ob eorum delicta, aut domini servos suos moderate ac justè puniunt: gerunt enim ambo personam magistratus, ejusque officium cxequuntur, ac sustinent rationem personæ publicæ. Denique, quod dicat; si vindicta publica in totum sit licita, sequi, magistratum in puniendo nunquam peccare. Resp. Nulla est sequela: quia, si Magistratus in puniendo modum excedat, tum vindicta publica non est justa, at nos per vindictam publicam intelligimus.

ustam, ac moderatam: quàm, quoties & quamdiu exercet Magistratus, nunquam peccat, nec modum in puniendo excedit. Ideoque, si illud à iudice fiat, jam non vindicta publica est, sed privata, quàm privato affectu, & odio aut ira, plus poenæ sumit de reo quam meretur, quod est ulcisci privatas injurias, non publicas, & vindictam sumere sibi, non Recip.

## IMPERTINENS.

Quicquid est, & fit, principia quædam habet, à quibus est & fit, mole parva, numero paucâ, habitu simplicia, à quibus tamen res, in stupendam magnitudinem, multitudinem, varietatem, sese diffundunt. Omnia id ostendunt. Flumina suos habent fontes, è quibus scaturiant: Arbores & herbæ sua semina & radices, ex quibus surgunt: Edificia, sua fundamenta, quibus inniuntur: Mundus ipse, ex paucis elementis, paucisque formarum differentiis constat: Ars item qualibet, sua habet principia, quorum variâ transpositione omnem suam operationem peragis. Quidni igitur Sapientia ipsa, totius nempe, rerum & intellectus humani, apparatus, suos quoque habeat primos fontes, prima semina radicesque, prima fundamenta, & elementa sua? Viderunt id jam pridem Philo-

sophi disciplinam quandam esse constituendam generalem, quæ omnes humane mentis conceptus in aliquas summâs, & summâs in aliquam summarum summam redigat. Hanc Aristoteles cum constitueret, Philosophiam primam appellavit, item τὴν πρώτην τῶν Φυσικῶν, i. e. post Physicam, unde & Aristotelici eam docendam, discendamque volunt post Physicam: quem errorem Philosophi hætenus errarunt ferme omnes, Scientiam hanc eruditionis fastigio servantes, cum eruditionis fundamentum sit: tradidit enim (rectè constituta) principia Rerum & Cogitationum omnium. Atqui, si prima est ista, cur in ultimum retrahitur locum? si principia explicat, cur conclusionibus postponitur? Aberratum profectò hic fuit à janua quod, non hæc, omnibus ad scientias & artes aditum quærentibus, referata sit primum atque aperta. Sed Metaphysicam, hic intelligo & desidero, non spinosam illam, & vulgarem, atque altercatricem, sed quæ sit, ordinatissima compages terminorum generalissimorum & principiorum per se notorum, nec ulla probatione, sed per exempla tantum illustratione, egentium, è quibus, omnia inferiorum, scientiarum, sive principia, sive conclusiones, nullo negotio deduci queant. Talem. Januam Rerum expectamus ab eo, qui Januam Linguarum dedit.

## EXERCITATIONUM ETHICARUM

## QUADRAGESIMANA,.

## D E

## Quæstionibus quibusdam circa virtutes

ὁμολητικάς.

## T H E S I S I.

**M**Ansuetudinem apud Arist. lib. 4. Eth. cap. 5. excipiunt cap. 6. virtutes ὁμολητικάς, conversatrices, quarum naturam satis expositam dedimus Coll. Eth.

Disp. 26. 27. 28. nunc quæstiones circa eas movebimus ac dissolvemus; prius tamen obiter Comitatis originem paulo altius ab origine repetemus.

II. Ait

II. Ait *Arist. Polit. lib. 1. cap. 1.* hominem ex naturâ suâ esse ζῷον πολιτικόν, animal societate gaudens, imò magis, quam ipsa gaudeant apes aut similia animalia, quæ sine grege aut sociis vivere non solent: unde homo quoque nonnullis dictus existimatur, ὁ δὲ πάντων vel ὁ μὲν, simul, quod homo simul esse cupiat cum aliis: Certe, homo multis indiget, quibus parandis, & acquirendis, sibi solus non sufficit; sed aliorum hic auxilio eger: alius texit, alius coquit, alius agrum colit, alius ovem pascit, alius alia vitæ humanæ sustinet ac persequitur munia, quæ singuli ac soli obire nequeunt. Hinc cum aliis homini est versandum, agendum, transigendum: per sermones, gestus actusque externos, quibus significat, quid desideret, ac petat, vel auxilii, vel consilii, ex communi congressu: ac, cum in hisce, vel bene, vel male, sese gerere possit homo, *Comitas* est, quæ cum bene se hic gerere doceat. Est vero actuum externorum, ac sermonum triplex ferè ordo: primus eorum, quibus animi nostri sensa aliis aperimus: secundus eorum, quibus ad capiendam voluptatem jocamur, ac ludimus: tertius eorum quibus utilia tractamus & seria: primum genus actuum externorum, & sermonum, regit *Veracitas*, secundum *Urbanitas*, tertium *Comitas*, de qua impræsentiarum verba facimus: serios hic spectamus actus, ac sermones, non ad veri manifestationem, nec ad ludum jocumque compositos; & quamvis aliæ quoque versentur virtutes in rebus seriis, attamen nulla earum præscribit quomodo jucundè, suaviter, decenter, agamus ac vivamus, ut facit *Comitas*.

III. *Materia, in qua Comitas exercetur, vel intrinseca est, & proxima; vel extrinseca, & remota. Materia intrinseca & propria Comitatis, sunt, quedam passiones, ut lætitia, & tristitia, quas hæc virtus moderatur. Remota, & extrinseca materia, est sermo, vel alii actus graviori, & delectabiles in hominum convictu: nam vir comis, quantum in se est, delectare studet, & tristitiam pellere, nisi circumstantia aliqua aliud suadeat. Comitatem Aristoteles Amicitiam, vocat, Græcè φιλικήν, vel quia nomen hæc virtus aliud non*

habet, vel quia similis est amicitia. Non tamen hæc duo confundi debent, quippe in actu externo *Comitas* & *Amicitia* conveniunt, quia, sicut *Amicus* cum *Amico* gaudet, & dolet, quando, ubi, quomodo oportet, ita & *Vir Comis* in convictu, & vita communi se gerit; aliter tamen *Comitas* & *Amicitia* differunt, quippe amicitia sine amore esse non potest; *Comitas* potest: *Comis* enim, non tantum erga amicos, sed & erga omnes, ignotos pariter, atque notos, extraneos atque amicos, humaniter se gerit; *Amicus* tantum erga notos, ac domesticos.

IV. *Veracitatem esse virtutem*, probatum fuit *Coll. Eth. Dissp. 27. thes. 4.* sed quædam hic obijci possunt, quæ dissolvi debent. 1. *Nulla virtus moralis est in intellectu: sed veracitas est in intellectu. E. non est virtus moralis. pr. min. Cujus obiectum est in intellectu, illud, &c. Atqui obiectum veracitatis est in intellectu, sc. veritas. E. Resp.* Veritas ista, quæ est obiectum veracitatis, non est in intellectu, sed est alia veritas, sc. congruentia rei intellectæ cum intellectu: at veritas, quæ hic spectatur, est congruentia rei cum dictis ac factis, quibus bona, vel mala, quæ sunt in nobis, significantur ac manifestantur, & veracitas, est ille habitus, quo per idonea signa patelicimus id, quod in nobis est.

V. 2. *Omnis virtus abhorret ab extremo. Veracitas non abhorret ab extremo. E. pr. min. quia, quò magis atque amplius verum dicitur, eo magis est veritas: nemo autem, verum dicendo, modum excedere potest. Resp.* potest quis verum dicendo modum excedere, si id dicat intempestive, aut non omnibus circumstantiis præsentibus, quam ratio exigit: medium Veracitatis, ut omnis virtutis, excepta justitia commutante, est medium rationis, quod ex omnium circumstantiarum consensione & conspiratione est æstimandum, quæ statuunt, quousque virtuti unicuique sit progrediendum, & ubi consistendum. Nulla virtus in tam laudabili versatur opere, quin habeat suos limites à circumstantiis; ideoque & veracitas, quamvis quoad rem ipsam ac veri professionem nimia esse, & modum excedere non posse, videatur, habitam tamen ratio.

ratione circumstantiarum, omnino, & nimia esse & excedere modum, potest. Quis non videt, verum, alieno tempore ac loco prolatum, scire nocere, & cum, qui sua recte facta, ac prædare gesta, plus nimio commemorat, quamvis vera pronunciet, majora facit bona, quam sunt, modum tamen excedere in veracitate? neque enim semper & ubique, & apud omnes, verum est dicendum, & qui id facit, nimium est verax: circumstantiæ semper videndæ sunt ac ponderandæ, quibus veritatis modus & ratio definitur: verum ergo profiteri, & patefacere ea, quæ in nobis sunt, bonum quidem est, sed tum, cum id sit quidem, quo tempore, quo loco, & apud quos, fieri id debet.

VI. 3. *Quod respicit debitum, non est virtus distincta à justitiâ. Sed veritas respicit debitum. Debet ergo homo verax in civili conversatione profiteri verum, in signis, verbis, ac gestibus.* Resp. Debet quidem homo unusquisque verum profiteri in conversatione civili, & id debitum exigit Veracitas, sed non est tale debitum, quod respicit justitiâ? quippe illa respicit debitum, quod ex legibus, ex pacto, ex iurejurando. nascitur: at debitum, quod respicit Veracitas, nascitur ex ipsa necessitate vivendi: quia enim homo cum aliis vivere debet, ut qui est animal societate gaudens, hinc necesse est, eum, ut bene cum aliis vivat, verum profiteri in actionibus externis: sic ut debitum, quod spectat veracitas, sit debitum naturalis honestatis, quod ipsa exigit natura ac honestas: at debitum injustitiâ est ex conventioneliberâ & transactione.

VII. 4. *Quod pertinet ad quamlibet virtutem, non est virtus specialis. Sed manifestare ea, quæ sunt in nobis, pertinet ad quamlibet virtutem.* E. Resp. Omnis virtus quidem aliquid manifestat in homine per actus externos: sed non omnis virtus exprimit animi sensa, & quæ in nobis sunt bona, per externa signa, & verba, & gestus: unde minor falsa est.

VIII. Urbanitatem esse virtutem, probatum fuit *Coll. Eth. Disp. 28. th. 3.* nunc argumenta expendamus, quæ eam ex virtutum numero & censu excludere videntur: nam

videtur virtutis majestas tanta, & nomen ejus, tam magnificum, ut alienum sit, circa jocos ac ludos virtutem ponere, idque obsequentes rationes. 1. *Virtus omnis in opere versatur ardua: at jocari & ludere, non est arduum.* E. circa ea non est virtus. Resp. ludere quidem simpliciter, & jocari non est arduum: sed arduum est & difficile, bene ludere, & bene jocari: tum enim bene recteque & jocamur, & ludimus, cum illud rationis medium tenemus, quod in omnium circumstantiarum collectione, ac complexione consistit. Atqui hoc tenere, non usque adeo est facile. 2. *Ludere & jocari, & puerorum est, & bestiarum, ergo non est circa ea virtus.* Resp. Ludere quidem est bestiarum, & jocari puerorum: nam jocus sermonem respicit, qui in bruta non cadit: sed ludere, ut oportet, jocari, ut decet, nec puerorum est, nec bestiarum, sed aduulorum tantum, in quos cadit virtus. 3. *Vitis opus non est opus virtutis: at jocari, & ludere, est opus virtutis: est enim opus animi in temperantia, & mollis.* Resp. Neg. Min. ludere & jocari, pro ratione circumstantiarum, ut decet, non est hominis intemperantis, aut mollis, sed temperantis, & prudentis, qui non ludit, jocatur, solius voluptatis causa, sed ut honeste se recreet, & ad cæterarum virtutum opera se reddat aptiorem. 4. *Nullius virtutis effectus est risus tantum: sed urbanitatis effectus.* Sec. E. Resp. Effectus urbanitatis non est risus, sed utilitas animi relaxari & recreari: si risus sequatur, est ille prudentia, ratione, ac circumstantiis suis, temperatus. 5. *Omnis virtutis opus, vel est sollicitas, vel ad sollicitatem via: sed jocus ac ludus neutrum est.* E. Resp. & jocus & ludus hæcenus esse viam ad felicitatem, quatenus reddunt hominem altiori ad aliarum virtutum exercitiâ & actiones. 6. *Si aliqua sit virtus circa ludum, E. qui optime scit ludere, maxime erit præditus hac virtute; consequenter histriones, quos omnium sunt callidissimi in ludendo, omnes alios superabunt hac virtute. Posterius falsum.* E. & pr. Resp. melius dicitur quis ludere, aut per artem, aut per prudentiam: qui scit melius ludere per artem, non ideo meliori aut majori virtute est præditus: tales autem sunt histriones, qui

Hhh

ex ar-



ex arte omnium optimè noverunt ludere: imò qui ex arte ludunt optimè, solent, fere nimium ludere, & in ludendo modum excedere; unde peccant. Sed verò, qui melius scit ludere per prudentiam, per rectam rationem, tribuentem ludo circumstantias suas, haud dubiè virtutis gradum excellentiorem obtinet, & majori virtute est præditus: sed talis non est histrio. 7. *Ubi, nec excessus, nec defectus, est culpabilis, ibi nec cadit virtus; sed circa ludos, & jocos, nec excessus est culpabilis, nec defectus. Ergo. Prob. min. Non defectus, quia si quis non jocetur, non ludat, eo nullum sibi adfert impedimentum ad virtutum reliquarum exercitium, aut summi boni acquisitionem. Nec excessus, quia si quis per totam vitam joci indulget, ac ludis faciendis, qui tamen à nemine accusantur, imò à Magistratu tolerantur.* Resp. & minorem, & probationem esse falsam, quoad membrum utrumque: ac primum, defectus est culpabilis, neque enim semper animi gravitas, & personæ dignitas à ludo abhorret, ac joco: incidere possunt & incidunt sæpe tempora quibus oportet animi gravitate deponere, atque ad ludum descendere, quod magni sæpe fecerunt ac sapientes viri: tali tempore, animum non remittere ludis ac joci, omnino vituperabile est, & peccatum in defectu positum: quod ad excessum attinet, is culpabilis est, sed non committitur ab histriionibus, si honestis conciliisq; joci ac ludis utantur ad necessaria vitæ suæ præsidia acquirenda: etiamsi enim toto vitæ decursu nihil aliud agant, quam ut alios ludis faciendis, jocique dicendis, oblectent, si tamen, nec rerum, nec verborum obscenitate id agant, si non exhibeant ludos illicitos, aut jocos vetros, si, loco ac tempore commodis, id præstent, si omnium circumstantiarum rationem habeant, modum non excedant, sed mediocritatem servent, quæ ab urbano servari debent: & tales histriiones, & ludi, à Magistratu tolerantur, ab aliis probantur: at, si inconcessos ludos exhibeant, & jocos dicant illicitos, et si id parum faciant, justum modum & mediocritatem excedunt.

8. *Virtuti præmium est constitutum, urbanitatis non est.* E. Resp. Si præmium sumatur, uti solet, pro laude, honore, & approbatione prudentum, omnino est urbanitati, ut reliquis virtutibus, constitutum præmium: nam, & in laude ponitur, & honori est, & prudentum judicio approbatur. 9. *Vera virtus internum habet objectum, urbanitas tantum externum, jocos & ludos.* E. Resp. Respicit Urbanitas animum, & mentem, facultates animæ interiores, quæ linguae & ceteris membris imperant ad sermones & gestus jocosos ac ludicrè, sed pro prudentiâ & cum circumspectione instituendos. 10. *Si omnis jocus est illicitus, E. circa nullum est virtus. Sed omnis jocus illicitus.* E. Resp. Falsa est minor: sunt enim joci duum generum, vel liberales, vel illiberales: posteriores, sunt illiciti: priores, non item: usus jocorum liberalium est multiplex: sæpe enim joci liberales, maximarum rerum momenta vertunt: affectus tristes solvunt: odium & iram frangunt: severitatem mitigant: tadia diluunt: odiosa risu dissolvunt: in congressibus amorem & benevolentiam conciliant: non omnes sane jocos illicitos esse, exempla in Sacris demonstrant: conquiri possunt, 1. Reg. cap. v. 27. Jer. 14. v. 11. Job. 12. v. 2. 1. Cor. 8. v. 1. 2. Cor. 11. v. 8. imò ipse Deus multis Theologorum per jocum censetur dixisse de primo parente, Ecce Adam factus est sicut unus ex nobis. Sed de virtutibus *ἐμμενέαις*, Comitate, Veracitate, Urbanitate, hæc dis- servisse, sufficiat.

#### IMPERTINENS.

1. *Sacra Scriptura sine mediocri totius Encyclopadia cognitione feliciter explicari nequit.*
2. *Nulla est via compendiosa ad solidam eruditionem perveniendi, concatenatis omnium rerum delineatione, compendiisque artium omnium memoria, mandatis.*
3. *Philosophia Aristotelico-Scholastica emendanda est ac reformanda, sed non in totum tollenda, quia ejus terminis & distinctionibus utuntur omnes Christianæ veritatis adversarii.*



## EXERCITATIONUM ETHICARUM

## QUINQUAGESIMA,

## D E

## Casibus Moralibus circa Temperantiam.

## T H E S I S I.

Quinquagesima est hæc *Exercitationum Ethicarum*, quas *ἀναγκαστικῶς* institui-  
mus hucusque: quas cum instituire ceppi-  
mus, propositum nobis fuit, hæc duo age-  
re: ut, & quæstiones atque objectiones move-  
ri solitas, circa *virtutum* & rerum *Ethicarum*  
explicationem *καὶ ἀναγκαστικῶς*, in Collegio *E-  
thico* olim institutam proponeremus, atque  
dissolveremus, & casus morales, circa eandem,  
occurrentes, exponeremus, & decideremus.  
Primum quidem harum *Exercitationum* caput  
consecimus, & rerum *Ethicarum*, ac *virtutum*  
naturam in Collegio *Ethico*, ante annos aliquot  
expositam, hisce *Exercitationibus*, ab objectio-  
nibus, quæ in contrarium moveri possunt, li-  
beravimus, deduximusque harum disserta-  
tionum seriem ad iustitiam usque, de qua fu-  
sus nonnihil erit disserendum, in gratiam  
*Theologiae* ac *Jurisprudentiæ* studiosorum, qui-  
bus gravissimarum quæstionum in utraq[ue]  
disciplinâ superiori fundamenta jaciuntur:  
Alterum harum *Exercitationum* caput, in casi-  
bus moralibus (quos *Theologi conscientiæ* vo-  
cant) decidendis occupatum, exequi incepimus  
circa *Fortitudinem* & *Temperantiam*, ad *lib.*  
*3. Eth. Arist. ad Nicom.* post objectiones enim  
solutas, quæ contra earum *καὶ ἀναγκαστικῶς* moveri  
possunt, subjecimus casus nonnullos morales,  
qui utiliter circa eas moveri possunt. Circa *for-  
titudinem* quæsi vimus ac decidimus, An, *homi-  
cidium sui ipsius sit licitum*? An, *ἀνὸς φόνος* verè  
*sint fortes*? An, *pro ἀνὸς φόνος habendi sint nau-  
ta noster, cum extrema in casu necessitatis, pul-  
verum accendunt pyrium*, & sic una cum hostibus  
pereunt? An *vim vi repellere liceat*? An *bellum*  
*sit licitum*? &c. Ita quoque egimus circa *Tem-  
perantiam*, ibique quæsitum ac decisum fuit,  
An, *per leges Temperantia liceat interesse convi-*

*viis*? An, *per easdem liceat bibere in salutem*  
*alterius*? An, *per easdem, adveniendi, seu*  
*maris, seu sæminæ, in signum latitiæ aut boni*  
*affectus, liceat infingere osculum*? An in bene  
*constitutâ Rep. per leges castitatis, lupanaria*  
*possint tolerari, aut debeat? An choreæ saluâ cas-  
titate institui possint, aut inquam instituta fue-  
rint.* Circa *Liberalitatem*, reliquasque ad iusti-  
tiam usque, virtutes, casus nonnullos mora-  
les movimus ac decidimus; & eas explicatas,  
ab objectionibus & exceptionibus vindicatas,  
primum, dedimus: hoc ergo superest, ut casus,  
qui circa eas incidere possunt, nunc imposse-  
rum resolvamus. Verum antequam hoc in-  
stitutum persequamur, visum fuit hæc *Exerci-  
tatione* quosdam adhuc casus movere circa  
*Temperantiam*, antea non motos, qui tamen  
sua se probant utilitate & commendant. *Tem-  
perantia* fuit definita, *Virtus moralis circa ci-  
bum, potum, & Venerem*: unde fuit divisa in fru-  
galitatem, sobrietatem, & castitatem, quarum  
istâ circa cibum, istâ circa potum, hæc circa Ve-  
nerem, leges tulit. Circa singulas hæc *Tem-  
perantiæ* species, singulas proponam quæstio-  
nes & decidam. i. *Circa frugalitatem* et cibos,  
quæri potest, *An temperantia exigat aliquem*  
*ciborum delectum*? Ad hanc quæstionem ut re-  
spondeamus, de ciborum delectu, distinctè  
nonnihil est agendum; & per sæcula diversâ  
ad nostrum usque, quo nunc vivimus, est eun-  
dum: sunt enim homines, uti olim fuerunt, qui  
nimium hic sunt temperantes, ac temerarii  
potius, in omni ciborum delectu contemnen-  
do: neque tamen omnia hic persequemur, quæ  
singuli in ciborum sortasse delectu observant:  
hoc enim infiniti foret laboris, nec mei est  
temporis, nec necessitas exigat: sed ea profere-  
mus, quæ qualicunque lectione nostrâ obser-

vavinus : atque ut per seculorum classes incedamus, sic procedimus.

II. Primo quidem mundi conditi tempore, in statu adhuc integritatis, primi parentes, ante lapsum, delectu sunt usi ciborum : nam de omnibus horti ac paradisi fructibus comederant, exceptâ arbore boni & mali, à quâ ipsis abstinendum erat, ex mandato ipsius Dei, qui cibum vitæ sustentandæ eis concesserat, sed cibum quandam ceruam certarumque arborum fructum delegerat ; quem ciborum & fructuum delectum cum non servarunt primi parentes miserè peccarunt, & se, & omnes posteros in præsens exitium adduxerunt. Post lapsum, cum cibis fuit querendus laboribus ; queritur, *An aliqui fuerit cibi delectus ?* ac speciatim queritur : *An ad Noachum usque, ante diluvium, caruim fuerit usus ? & esus inter fructus terræ cibosque alios ?* Atque hic una est doctorum virorum sententia. Plerique Theologorum, quia, ante diluvium Scriptura nullibi facit mentionem esus carniū, eam vetitam fuisse existimant, post diluvium demum, Noacho fuisse permissam : & rationes adferunt, quia post diluvium major fuit facta hominis indigentia : unde majore, & validiore alimento, præter fructus terræ ei fuit opus : causam indigentiae majoris etiam adferunt, quia falsis Oceani fluctibus perfusa terra, non tam fuit apta idoneis vitæ sustentandæ fructibus proferendis quam ante diluvium, quam jacturam novo privilegio vespandarum carniū à Deo compensatam volunt. Sed ego contra etiam ante diluvium, licitum fuisse esum carniū, existimo : quod mihi probabit reddunt hæ rationes. 1. Ante diluvium statim post peccatum ad vestitum homini concessæ fuerunt exuviae ac pelles animantium : at quis credat carnes animantium istorum, quorum pelles pro vestibus inserviebant, fuisse abjectas aut ad edendum prohibitas ? 2. Ante diluvium primi homines ex animantibus obtulerunt sacrificia : atqui ex sacrificiis aliqua pars cessit sacrificantibus, quod ex lege promulgata postmodum, est manifestum. 3. In quem finem fuerit, animantium, tum volatiliū, tum aquatiliū, tum terrestrium, tanta multitudo multiplicata, si, nec essui, nec usui fuerint præ-

sertim, cum homo eorum fuerit dominus factus : quodnam in ea exercuerit dominium, si ea edere & uti ad cibum non potuerit aut debuerit. Quod ab adversa parte dicatur, post diluvium demum exprimi in sacris carniū esum, id non arguit, non fuisse earum usum ante diluvium : etsi enim antediluvianotempore is non legatur expressus, non sequitur enim non fuisse concessum : nam, nec potius fit mentio, non tamen licet argumentari. Ergo non fuit ejus usus : sufficit prohibitionem fuisse nullam ante diluvium : quod post diluvium demum mentio fiat carniū comestorum, factum est, quia, tum demum, legem, de sanguine & suffocato non comedendo, sancire voluit Deus : nec argumentum deductum ab indigentia majori, postquam, ante diluvium quicquam valer : non enim sequitur, si major est facta hominis post diluvium indigentia, E. esus carniū ante diluvium fuit prohibitus. Sed pergo. Post diluvium, à Noacho ad Moysen, carniū quarumcunque usum fuisse licitum, nec esum fuisse vetitum, ex sacris constat : tantum abstinendum erat, istorum seculorum hominibus, ab esu & usu sanguinis ac suffocatorum : loquimur de hominibus, qui rum populum Dei constituebant. Ad Gentiles enim quod attinet, qui extra populum Deirant, apud eorum nonnullos, carniū esus & usus, planè fuit illicitus, apud alios licitus. Saturni tempore, rejectis carniibus, frugum & pomorum tantum fuisse usum, ex Ovidiano illo versu liquet : *At vetus illa ætas non polluit ora cruore.* Pythagorei ab omni animalium esu abstinerunt, ac Pythagoreos multi secuti ex veteribus Philosophis, quod ex Plutarchi orationibus & symposiacis, videre est. Alii tamen Ethnicorum, inter Græcos, postea & Romanos, carniibus pro cibo usi sunt : In Dei populo, sub Moysè & Lege usque ad Christum & Evangelium, esus carniū fuit licitus, sed non omnium : itaque maximus hic fuit delectus. Fuerunt istis seculis, ex Dei instituto, quædam carnes immundæ habitæ, quibus, siue avium, siue quadrupedum, siue piscium, vesci non licuit : aliis vesci licuit : imò ne mundis quidem licuit vesci, omni tempore, non tempore fermenti, diebus Paschæ, non, si mundum animal, ra-

ptum,

ptum fuisset, aut laceratum, ab aliqua fera, aut sponte mortuum, de quibus omnibus inspicere est terius & quintus *Deuteronomio*. Hic ciborum & carniū delectus, observatus fuit, ad tempus usque *Evangelii*, quando adventu suo *Servator* noster hunc delectum sustulit: ut & ritus alios. & libertatem istam hic pristinam, quæ *Noacho* fuerat & primo mundo concessa, nobis restituit; quā in hanc usque horam fruimur omnes *Christiani*, quibus caro omnis munda est, & cibus omnis sine ullo delectu, modo cum gratiarum actione accipitur, mundus est. Liberum sine delectu, sed non sine ratione, non sine prudentia, ciborum esse usum, pronunciamus: hoc est quod dicimus: nullis nunc legibus adstringimur ad certos cibos non comedendo: nulla nunc est obligatio, delectos tantum cibos, hos & illos, & non alios, assumendi: At interim potest esse delectus ciborum aliquis, & *privatus* & *publicus*, isque vel *œconomicus* vel *politicus*: sed sponte, omnis institutus.

III. *Privatus ciborum delectus est*, ratione individuorum, quæ, nunc hoc tempore, propter adversam valetudinem, aut aliam dispositionem, hunc aut illum cibum, ferre non possunt, alio tempore possunt: alius cibus ægris, alius sanis, alius infantæ, alius juvenuti, alius senectuti, convenit: sic alius cibus, sano eidem, hoc tempore, alius, alio, est convenientior: alius, huic commodior, alteri minus propter temporis diversitatem: sic privatorum & privatus in cibus est delectus. *œconomicus* est, qui in bene ordinatis familiis observari solet, neque superstitiosus est, sed ad rationem œconomix & prudentiæ œconomix institutus: ita, diebus Solis & Martis & Jovis, in familiis plerisque carniū est usus; Lunæ & Mercurii, leguminum & olerum; Veneris & Saturni piscium: qui delectus arbitrarium planè est, ad beneplacitum patrum matrumque familias. *Politicus* ciborum delectus is mihi est, quo Resp. bene constituta olim atque etiamnum multis in locis, certos in conviviis epulisque cibos, certis diebus & certo seculorum numero apponendos, ordinarunt: unde *leges sumptuaria* originem traxerunt: hunc pertinet delectus

ciborum, quem *Magistratus* facit, tempore obsidionis, cujus insigne exemplum præbet hæc ipsa Leyda, in qua vivimus ac disputamus, ante annos 83. obsessa acerrimè: sic, superiores possunt, aut ab continentiam, ab omni cibo, aut certæ mensuræ tantummodo, in cibis electis, præscribere, tempore belli, diebus precum, &c. imò potest unusquisque delectum sibi sumere ciborum, à quibus comestis minus oneratur, magis est idoneus, & alacris, ad omnia pietatis & vocationis munia obeunda.

IV. Hic triplex delectus ciborum ultro-neus, & spontè factus, ad honestatem, ad uniuscujusque salutem, proximi ædificationem, directus, nec à temperantia medio abit, nec cum libertate Christiana pugnat, quia secundum rationem & prudentiam est institutus. Contrà, rejiciendus est delectus ciborum superstitiosus, qualis est, cum mortale peccatum statuimus, hoc, vel illo cibo vesi; cum alligatur certis temporibus, sine ullâ causâ, ac solo, sed vano, religionis prætextu; cum non prodest ad coercendam carnem, quia ad eam extimulandam, alii interea cibi, & delicatiores, & efficaciores assumuntur, sicuti fit ab iis, qui abstinere à carnibus, tempore quadragesimæ, & interea utuntur piscibus, tragematis, & vino generosissimo; cum in abstinentiâ à certis cibis, istoque delectu, singularis sanctitas, ac pias quædam, collocatur; cum hic mandato Dei, ac contra ejus verbum instituitur. Quin Magistratui Politico, ad fines certos, occasione id postulante, liceat indicare delectum ciborum, & ab continentiam, aut à carnibus, aut à vino, &c. nullum est dubium; quin sit isti præscripto Magistratus obtemperandum, nec illud est dubium: sed, ut aliquis delectum instituat ciborum, & ad eum obliget conscientias hominum faciatque mortale peccatum, si quis contra agat, ac velit haberi pro mandato Dei, ferri, & accipi non debet: contra enim rationem hoc est, & contra Scripturas, quod posterius *Theologi* ostendunt in suis locis communibus, ubi docent, non esse Papæ, vel Ecclesiæ, ut hoc ordinet, &c. quæ nunc non est commemorandi locus. Nos hoc unicum ex

ratione reponimus: quod temperantia in sola carniū abſtinentia non ſit ſita, nec certo temporī adſtriſta, ſed in omni cibo, ac potu, adeoque omni tempore ſit ſervanda: ideoque contra leges, & medium temperantiæ faciunt, qui eam certis cibis, ſoliſque carniſus & certo temporī adſtingunt.

V. Circa *fobrietatem*, aut potius, ejus oppoſitum extremum, *Ebrietatem*, hic poteſt moveri caſus: *An liceat ebrietate uti tanquam medio, vel tuenda, vel recuperanda ſanitat. Ita ſentiunt, Aquinas in ſumma Theologiæ: & Cajetanus in commentariis. Sin ſumma caſum, quia, inquit, Ebrietas propriè & formaliter conſiſtit in potu nimio, non quomodocunque abuſo, ſed habituatione, & conſideratione ipſius bibentis, qui, ut ſanitatem recuperet, non ut ſe inebriet, largius bibit.* Reſp. ego, eſſe peccatum ſi quis ebrietate utatur, ut medio, vel tuenda, vel recuperanda valetudinis: peccatis, qui facit: peccat medicus, qui præſcribit. Hic valet illud: non ſunt faciendæ mala, ut eveniant bona: non eſt peccandum in temperantiſſim, & ſobrietatis leges, in quo malum eſt turpe, ut evitetur malum triſte, adverſa valetudo; non eſt amittendum bonum animi, ut acquiratur bonum corporis: at inebriando amittitur bonum animi, ſobrietas ſcilicet; acquiritur tantum bonum corporis, bona ſcilicet valetudo: inſuper, aliis mediis & remediis poteſt conſuli noſtræ valetudini, ſeu tutandæ, ſeu recuperandæ: & ſi non poteſt aliter conſuli, ne tum quidem faciendum eſt, quia præſtat, corpus affligi adverſa valetudine, quam animos affligi peccato: & certe, ſicuti hodie ab hominibus quibuſdam profanis ebrietatis aſſumitur, ut vomendi medium, quo impuros etiam vomunt humiores, ita deſtandum, conſervandæ, aut recuperandæ valetudinis, eſt instrumentum: quaſi non alia ſint, quæ vomitum provocare valeant, quam ebrietatis: proſcèdò, affirmans hæc Caſuiſtarum laxiorum ſententia, præbere valeat multis anſam & occaſionem potandi, & inebriandi.

VI. Nunc caſus movendus adhuc ſuper eſt, circa *caſtitem*, aut potius extremum ejus, quod *luxuriam* vocant morales Philo-

phi, & *Caſuiſtæ*: fateor, luxuriæ vocem interdum extendi generalius, & ſignificare quemlibet exceſſum in rebus iis, quæ pertinent ad cultum corporis, ac voluptatem. Sed Philoſophi morales, & Caſuiſtæ, ea voce designant communiter vitia illa, quæ caſtitati opponuntur in exceſſu circa delectabilia tactus in Venere: eſt ergo *luxuries*, non unum aliquod ſpeciale peccatum in ſpecie infinã, ſed genus quaſi multorum peccatorum ſpecialium, quæ omnia, & ſingula adverſus caſtitem committuntur: ea vulgò referunt ex *Aquinate, in ſecundâ ſecundæ, quæſtione 154.* & enumerantur, *fornicatio ſimplex, adulterium, inceſtus, ſuprum, raptus, & vitium contra naturam.* *Fornicatio ſimplex*, eſt congreſſus vii ſolum cum ſœmina ſoluta, ſive una, ſive pluribus, ſive meretrice, ſive virgine; vocaturque concubinatus, ſi quis vir certam aliquam pro uxore alar, & habeat. *Adulterium*, ſignificat illicitum congreſſum conjugis cum non conjugè, & vice verſa. *Inceſtus* eſt, concubitus inter conſanguineos, qui, lege prohibente, matrimonium inſire non poſſunt. *Stuprum* eſt, vitium caſtitati oppoſitum, quod exerceatur vi cum virgine tantum, quæ etiam cum virgo eſt, nulla præcedente conjugalī pactione: Itaque ſtuprum non viri eſt paſſivè, ſed virginis, quæ ſola dicitur ſtuprum paſſa, ſi ab aliquo vi fuerit violata, abſque ſide data. *Raptus* eſt, quando ſœmina aliqua ipſa renuens, vel renuentibus parentibus, aut illis, quorum curæ commiſſa eſt, inſciis, vel in vitis, abducitur ab aliquo, vel clanculum, vel vi ad matrimonium contrahendum cum illa, vel libidinose ea utendum. *Peccatum contra naturam eſt*, quod ne nominari quidem à nobis debet. Quin 5. poſteriores luxuriæ ſpecies ſint peccata, *caſtitem* violentia, à nullo eſt dubitatum: ſed de ſimplici fornicatione: ac concubitu, à multis eſt dubitatum: certe inter multos Ethnicorum non fuiſſe habitum peccatum, fornicationem, comprobant *Corinthii*, apud quos fornicationem *adû Poegan* fuiſſe ex *epiſtola ad Corinthios* liquet, & ex *Herodoto*, ac *Scribonio* patet, qui referunt Veneris ſanum Corinthi fuiſſe tam locuples, ut mille haberet ſacrorum ſamulas meretrices. Et illud

Mitto.

Mitronis Terentiani in *Adelphis* notum est, non est flagitium, mihi crede, inquit, adolescentem sortari: atque hæc ratio datur à *Theologis*, cur fornicatio in actis *Apostolicis* capite 15. iungatur rebus adia phoris, sed pro tempore vetitis, suscitato & sanguini non comedendis; non, quod scortatio sit adia phora sed quod talis apud *Gentiles* haberetur: error hic in *Gentilibus* condonari potest, sed in *Christianis*, quibus verbum *Dei* est concessum, tolerari non potest: Invenias tamen *Theologos* inter adversæ partis doctores qui scortationem simplicem, ac concubinatum pro peccato non habuerunt. Nota est vox *Campegii*, quam refert *Sleidanus* libro 4. qua legatos *Argentineses* alloquutus, gravius esse peccatum dixit, si *Sacerdotes* fiant *Marii*, quam si plures domi alant concubinas. Simile videtur est apud *Cosserum* in *Enchiridio*, tractatu de *Celibatu*. Et quid aliud clamant tot *Iranaria* apud partes adversas, impunè tolerata? Nos tamen contrà, peccatum esse *Castitatis* oppositum, & fornicationem, & concubinatum, pronuntiamus: quod ex sacris litteris à *Theologis* probari solet, nos ex ratione probabimus. Actus inordinatus est peccatum: sed fornicatio, & concubinatus sunt actus inordi-

nati. Ergo: nam violant ordinem proprii corporis, violant ordinem à Deo institutum, quocavir, ne congressus esset nisi conjugum, violant ordinem τὸ πολιεύς, nam qui ex scortatione, & vago concubitu libri procreantur, eorum negligitur cura, & educatio, quæ nulla est, ubi parentes non cohabitant, nec communia conjugii officia, communesque curas circa liberos sustinent: quod verò extra matrimonium aliqui nihilominus habeant curam proliis, non tollit deformitatem & turpitudinem fornicationis: quippe manet hoc incommodum, quod non ita honesto, ita certo modo; consulatur proli, ut quidem oportere, si ratio haberetur rectæ educationis; à qua pender, salus Reipublicæ: & certè recta educatio tanti est momenti, & respectu Reipublicæ, & respectu ipsius proliis, ut necesse sit, quam certissimè, & quam honestissimè hac in re, proli consuli, quod fieri non potest, nisi parentes indissolubili vinculo matrimonii iungantur, & sic communes curas educandæ proli conferant: ut ipsum rectæ rationis iudicium satis significet, turpe esse, ut, quæ personæ non sunt ligatæ generationi dent operam, cum educationi dare non valeant.

## EXERCITATIONUM ETHICARUM

## QUADRAGESIMA-PRIMA,

DE

## Casibus moralibus circa Liberalitatem.

## THESIS I.

Inter virtutes 1. 4. *Eth. ab Arist.* pertractatas, & à nobis in *Collegio Ethico* explicatas, primum jure meritoque tenet locum Liberalitas, in dandis, erogandis, atque accipiendis etiam, pecuniis, constituta. Quæ de ea dissolent ab *Ethicis*, ibi tum edisseruimus. Liberalitatis actus inter postremos est *eleemosyna*. De qua quæstiones quasdam & casus movere,

ac decidere nunc est animus, secundum varias circumstantias, quis, quid, cui, quando, quantum, &c. si primum vocem exposuerimus. *Eleemosyna*, vox Græca est, quæ descendit à voce ἐλεῶ, misericordia, & significat aliquid ad misericordiam pertinens. Sumitur vero hæc vox, vel pro objecto, quod ex misericordia conceditur, quando qui stipem dat, dicitur

eleemo-



*eleēmosynam facere*, vel pro actu ipsius misericordiae: & sic sumitur vel late, pro omni opere misericordiae, seu corporali, seu spiritali, vel stricte, pro opere misericordiae, ac liberalitatis, impense in proximum, sublevandae egestatis causa: atque hoc sensu à nobis sumitur hoc in loco.

II. De eleēmosyna, de tali sensu quaeritur primo, *Quorum sit liberalitatem & misericordiam hanc exercere, an & cuius sit eleēmosynam dare?* Resp. Quamvis omnium omnino hominum sit, aliis bene cupere, ac aliorum miseria affici pariter & ardere, serio amore proximijuvandi: eleēmosynam tamen largiri, proprium est eorum, quibus per divinam benignitatem suppetit, unde alienae indigentiae subveniant: atque tales sunt duum generum morales: primo divites, qui rebus ultra necessitatem abundant: secundo, vulgaris fortunae homines, qui res necessarias tantum possident, quales sunt illi, qui ex opere manuum suarum victitant, imò, qui parum admodum possident: dicitur vero alicui quippiam suppeditare, unde alteri largiatur, quod supervacaneum est, vel vitae, seu naturae, vel statui: supervacaneum vitae, dicitur id, sine quo vita transigi potest, non tamen conservari status personae: proinde, quod, si non ad vitam, ad statum tamen vitae tuendum, est necessarium: supervacaneum statui dicitur, sine quo non solum vita, sed & status retineri potest: quod vero jam attinet ad erogationem eleēmosynae, ad eam obligamur, non tantum, quando abundamus bonis, ultra id, quod est necessarium vitae & statui, vel nostro, vel nostrorum; sed & obligamur, quando habemus, tantum necessaria vitae praesidia, ita scilicet, ut possimus aliquid de iis erogare citra vitae nostrae periculum: si enim proximus sit constitutus in extrema necessitate, omnino æquum est, ut ipsi largiar aliquid de frusto panis, quo famem meam sedare cogito. Quaeritur hic jam à Casuistis: *An promiscue & indiscriminatim sit unusquisque largiri eleēmosynam?* Resp. quoad affectum, propensionem & aliam dispositionem; & quoad conatum, est hoc, omnium & singulorum hominum: quoad vero externum

ipsum donandi actum, officium hoc eorum est tantum, qui habent aliquid proprium, cuius donandi potestatem habent, penes quos est jus donandi: unde sequitur, illos, qui ita aliis sunt subditi, ut nihil habeant proprium, vel quoad dominium & usumfructum, vel quoad usumfructum solum, non posse largiri eleēmosynam, nisi de consensu superiorum: itaque, nec servi, qui sub dominorum potestate, nec filii, sub imperio parentum, nec uxores, quae sub dominio maritorum sunt constitutae, sine omnium eorum consensu, eleēmosynam largiri possunt, hinc tamen certa cautiones circa liberos, servos, uxores, sunt observandae, quas singulatim proponam: nam circumstantiae in istiusmodi casibus multum variant rem ipsam.

III. *Filius familias* potest dare eleēmosynas ex bonis *castrensibus*, aut *quasi castrensibus*, quia eorum plenum jus, potestatem, & administrationem habet: dicuntur vero *bona castrensia* (ut terminos illos explicem) quae ipse filiusfamilias militia acquisivit, aut quae à parentibus, cognatis, extraneis, aliove, filiofamilias donantur in militia agentis: *quasicastrensia* dicuntur, quod acquirat ea filiusfamilias ex artium liberalium professione, ex publico munere aut functione aliqua; ex huiusmodi bonis potest dare filius eleēmosynam: ex bonis vero *profectitiis*, vel *adventitiis*, non potest sine parentum consensu: ex *profectitiis* quidem non potest, quia eorum proprietates & ususfructus est penes patrem: ex *adventitiis* non potest, quia eorum proprietates quidem habet, sed non usumfructum, qui est apud patrem, dum vivit: dicuntur bona *profectitia*, quae à bonis patris, ejusve causa, nomine, vel occasione, ad filium proficiscuntur: *adventitia*, quae filiusfamilias aliunde, quam ex re patris sui, vel propter patrem, accipit, sed quae alia de causa donantur: haec autem, quae dicimus, intelligenda sunt de magnis eleēmosynis; nam, quin parvam eleēmosynam, aliquid panis, vini, aut simile quoddam, etiam ex bonis vel *profectitiis* vel *adventitiis*, filiosfamilias, largiri liceat, patre infcio, nullum est dubium: porro, cum filiusfamilias, à patre abest, veluti, si peregr.



m  
l-  
os  
ra  
,  
el  
ji-  
o-  
m  
,  
m  
n-  
en  
s,  
n:  
al.

y-  
,  
,  
il-  
a-  
i-  
à  
o-  
s.  
a-  
ex  
u-  
y-  
m-  
ex  
m  
n:  
ic-  
n,  
ur  
ve  
o-  
ias  
ter  
an-  
da  
in  
ni,  
se-  
li-  
rò,  
pe-  
gri-

s  
i  
f  
t  
c  
e  
f  
p  
q  
n  
f  
f  
d  
n  
e  
v  
c  
f  
v  
e  
d  
a  
f  
n  
t  
a  
d  
a  
v  
b  
g  
b  
s  
p  
q  
ra  
ph  
pa  
ni  
fu  
ru  
ni  
fie  
se  
in  
&  
un  
cit

reginatione suscepta, de voluntate patris, iter faciat, vel in Academiâ aliquâ seu scholâ, studiorum causa, versetur, vel paterna negotia extra paternas aëdes procuret, potest tura conscientia ex bonis paternis, si frugi sit, eas eleemosynas dare, quas erogare solent alii filii familias, ipsi pares, aut quas raras habiturum patrem, bona fide, credit: insuper, si ex iis, quæ pater suppediat ad victum, aliquid demat, aut detrahatur, potest id in pauperum usum impendere. *Servus* quod attinet, possunt ii, ex peculio, cuius plenam, consensu dominorum suorum, habent administrationem, & ex eo, quod sibi à dominis concessum est ad victum, ac subtrahunt sibi parce vivendo, largiri eleemosynam; in hisce enim casibus tacita dominorum voluntas subest: ut servi impendant id, in quos voluerint usus: at vero extra hos casus, non potest servus dare eleemosynam ex se, quia quicquid habet, est domini sui, & quicquid acquirit, domino suo acquirit. Quod attinet uxores, dicunt *Cassius*, quod uxor non possit dare eleemosynam, nisi ex consensu mariti, quia ei subest: potest tamen in hisce casibus: primo, quando sibi aliquid subtrahit in datis ad victum: secundo, quando maritus plane est negligens & avarus in dandis eleemosynis: tum enim invito etiam marito potest benefacere pauperibus ac proximo, cuius exemplum est in *Abigail*, quæ *David* subvenit, etiam invito *Nabale* marito suo, qui erat durus, inhumanus, & planè ἀνέλκμων. tertio, quando mos est in provincia, ut uxores erogent eleemosynas: quarto, potest dare eleemosynam ex bonis paraphernalibus: dicuntur *Cassius* bona paraphernalia, quæ uxor accipit præter dotem à parentibus, cognatis, aliisve, in suos usus: denique, potest dare eleemosynas ex bonis, quæ sua industria acquirit ac labore: sed hæc iterum intelligenda sunt de magnis eleemosynis: quin etiam modicas & tenues dare possit ex bonis communibus absque mariti consensu, aut scientia, non est dubitandum: nam in iis supponitur mariti consensus generalis & implicitus: duplex est mariti consensus, unus, expressus verbis disertis: alter, implicitus: atque hic iterum est triplex: primo,

quando maritus non dissentit: secundo, quando uxori generari eleemosynas dare permittit, sed neminem in specie nominans, cui dandum: tertio, quando uxor probabiliter coniecere potest, maritum, si resciscat, in suarum eleemosynarum erogationem, consensurum: citra vel contra mariti, si non sit avarus, consensum omnem, non potest eleemosynam largiri uxor, quia in omnibus imperio mariti subest. *Minorennis*, *furiosus*, aut *is prodigus*, qui magistratus mandato rem suam administrare vetatur, nullo modo eleemosynam dare possunt, tutores pupillorum, curatores minorennium, alique *procuratores* & *administratores*, quibus alienorum bonorum cura est commissa, possunt dare eleemosynam, ex bonis curæ suæ commissis, nomine, non suo tamen, sed eorum, quorum bona administrantur. Sed de prima eleemosynæ circumstantia, satis: scilicet, *quorum sit dare eleemosynas?*

IV. Videamus nunc quibus sit dandum? Resp. Dandum est egenis seu indigentibus, qui non possunt se ipsos sustentare. Neque aliquis obligari potest ad dandam eleemosynam, ubi nulli sunt pauperes: si enim miseria est nulla, & misericordiæ nullus est locus: deficit enim tum liberalitatis objectum. Tres enim solent indigentia ac necessitatis gradus à *Cassius* assignari. Est enim *indigentia*, ac *necessitas*, quedam *extrema*, quedam *gravis*, seu *magna*, quedam *communis* seu *ordinaria*. *Extrema* dicitur necessitas & indigentia, quando quis necessarii vite præsidii omnino destituitur, ut probabile mortis discrimen incurrat. *Gravis* indigentia seu *magna* necessitas, est, cum, non quidem extremum subest mortis periculum, sed admodum grave: cum quis scilicet rem habet familiarem, valde arctam, & angustam, parumque ad se alendum & suos. *Communis* indigentia & *ordinaria* necessitas est, quando non nihil quidem adeest, sed quod non sufficit, aut iis non sufficere videtur, qui eleemosynam petunt, qualis fere est, ostiatum mendicantium. Quicunque in primo vel secundo necessitatis & indigentia gradu sunt constituti, iis hand dubie eleemosyna est danda, ex liberalitatis

Christianæque charitatis præscripto. Ad secundum genus indigentiae, pertinet indigentia senum decrepitorum, orphanorum, & viduarum, laborare non valentium, cæcorum, surdorumque, aliorumque id genus pauperum, quibus succurrendum.

Hic duæ incident egregiae quaestiones. Prima: *An egenorum nomini recte veniant mendicantes, qui ostiatim, ac domatim oberrant, & victum emendicant, & an his sit succurrendum stipe?* secunda: *An in eleemosyna danda sit habentibus personarum electus?* Ad primam quaestionem quod attinet, duo sunt mendicantium genera: vel enim robore valent, ac viribus ad laborandum idoneis, vel debilitate, languore, mutilatione corporis, ad laborandum sunt idonei. Validis mendicantibus nihil est dandum, quippe fures plerumque sunt & grassatores & erronei, & morbo simulato laborant, ac vero pigritiae id genus homines in rep. bene ordinata tolerari non debent, sed ad labores cogi, aut in ergastulum compingi, quale Amstelodami est, & hic Leydae, & alibi locorum: neque enim Deus hunc ordinem instituit, neque ipsi, Deo, neque proximo, inserviunt; & id, quod vere pauperum est, intercipiunt: & cerè, qui istiusmodi pigros ventres alunt, eorum impietatem quoque & scelera videntur alere: non ferebantur sub veteri foedere in populo Dei: sed & ex aliis Rebusq. ejecti fuere, ut putida membra: tantum abest, ut status perfectionis, quod nonnulli faciunt, collocari debeat in mendicitate, qua nonnulli ostiatim victum quaerunt, abjurata omni rerum proprietate. Quod alterum attinet genus mendicantium, qui ad victum quaerendum sunt impotentes, & illi ab ostiis sunt arcendi, & ad eos ablegandi ac mittendi, quibus cura incumbit istiusmodi hominibus providendi: debet autem particularis ac privatus ad eorum sustentationem opem & operam suam conferre; Magistratus est, erigere nosocomia, prochorophia, gerontocomia, orphanotrophia, xenodochia, in quibus tales ex infirmitate mendici, & imbecilles egeni, alii possunt: subditorum est, collectas instituire & opes conferre de suo peculio, ut semper sint

in promptu sumptus ad alendos eos, necogantur ostiatim stipem petere, & panem quaerere domatim: atque hoc & inter Christianos, & inter Gentiles receptum fuit. *Ecclésiæ Apostolica* primitivæ collectas instituerunt pro pauperibus: idem factum esse suo tempore, testantur, *Tertullianus, Origenes, Chrysostomus*, aliique patrum. *Ethnicos* non tolerasse in Rep. ullum mendicum testatur *Plato* l. 11. *de legibus*, ubi hæc extat lex: *Nemo in Civitate nostra mendicus esto.*

V I. Ad secundam quod attinet quaestio. nem: *An personarum electus sit habendus in danda eleemosyna?* Resp. Quamvis omnibus generis teneamur dare, adeoque petenti cuivis, ne quidem negata ope nostra juratissimis hostibus, & diversissimæ à nobis religionis hominibus, nihil tamen impedit, quo mirus ordo serveretur in Eleemosynis dandis: magis enim tenemur domesticis, quam extraneis, ejusdem nobiscum, quam diversæ religionis, hominibus providere: æquius est, inquilinos, quam advenas, nostra liberalitate sublevare: neque enim hic personæ simpliciter est respectus, sed conditionis, & qualitatatis ejus, quæ pertinet ad arcem causæ: sicut enim ordo est servandus in diligendo, ita & in danda eleemosyna. Primò, patre & filio, nostris, in æquali extremitate constitutis, potius est subveniendum patri nostro, quam filio nostro. Secundo, si pater & mater in extrema eademque necessitate sint, patri magis quam patri succurrendum. Tertiò, naturalibus parentibus magis prospiciendum est, & prius quam spiritualibus, novis quam ignotis, domesticis quam peregrinis, amicis quam inimicis, bonis quam malis, bene de nobis meritis, quam iis, qui nihil de nobis sunt meriti. Quartò, debitor debet potius sublevare sua liberalitate, creditoris, quam aliorum, egestatem, cæteris paribus. Atque sic fuit secunda circumstantia eleemosynæ & liberalitatis exercendæ: cæteras quoque inspicimus: quibus minus immorabimur, quia sunt faciliores.

V II. *Quantum liberali largiendum sit, videamus: hic privatorum eleemosynæ distinguenda sunt, ab ecclesiasticarum, rerumpub. Collegiorum, societatum eleemosynis: unaquæque societas,*  
feu

seu ecclesia, seu resp. tantum, si possit, debet expendere, ut suos alat pauperes: si tamen ecclesiæ & resp. fuerint opulentiores, debent ecclesiis, rebus pub. pauperioribus subvenire. Quod spectat privatorum eleëmofynas, operet dare eleëmofynas pro viribus & facultatibus, quas Deus nobis concessit; ut illæ nobis non pereant: Liberalitas non debet esse aliis sublevario, & nobis afflictio: nostri fontes & rivi ad alios debent derivari quoad usum, sed sic ut non exsiccentur, ut nos maneamus domini: in casu tamen extremæ necessitatis, ad eleëmofynam dandam, adeo debemus esse prompti, ut, etiamsi possessiones quædam nostræ ac facultates forent dividendæ, illud non esset nobis omittendum. Denique, quantum sit largiendum, ex omnium circumstantiarum prudenti consideratione, tum respectu dantis, tum respectu accipientis, est dijudicandum ac desumendum.

VIII. *Videndum, quomodo eleëmofyna sit facienda?* Resp. Primo, ex religione erga Deum. Secundo, ex charitate erga proximum. Tertio, ex cordis simplicitate, non ex vana gloria. Quarto, ex animi, virtutisque lætitia. Quinto, sine cunctatione. Sexto, sine pauperum

contemptu, aut exprobratione. Sed *quot modis potest exerceri eleëmofyna?* Resp. *Casus* tribus modis. Primo, gratis dando aliquid, victum, vestes, pecuniam, & quodcunque fuerit: neque enim debet, qui dat ex liberalitate eleëmofynam, aliquid in compensationem expectare ab eo, cui dat. Secundo, gratis commodando, seu mutuando: nam hoc nonnunquam non juvat minus, quam gratuita donatio. Tertio, æs alienum remittendo.

IX. *Videndum, quando & quo loco dandum?* Resp. Tempus hic certum à *Casibus* non definitur, nec ab aliquo definiti potest: sed toties est tempus, liberalitatem exercendi, & eleëmofynam dandi, quoties id præsens exigit necessitas: Sacra pagina novi fœderis, specialem diem, Dominicum nominat, in quem colligebatur, & congregabatur, quicquid de septimana reliqua lucri per laborem accessisset & accrevisset. Loca largiendi eleëmofynas publica, sunt templa, aut alia, ad eam rem à magistratu destinata, in quem quoque finem diaconi, aliique, hodie ad eleëmofynas colligendas sunt destinati. Hæc suffecerint, ad eleëmofynæ naturam, secundum varias circumstantias explicatam, intelligendam.

## EXERCITATIONUM ETHICARUM

## QUINQUAGESIMA SECUNDA;

D E

## Casibus moralibus circa Liberalitatem.

## T H E S I S I.

*Casus quosdam decidimus Exercit. præced. morales circa Liberalitatem, sed non omnes: examinavimus, quorum sit dare? quibus, quantum, quomodo, ubi, & quando sit dandum? restat, ut expendamus, unde sit largiendum? hoc enim exercit. præced. omisum fuit.* Resp. Liberalitatis & misericordię atque Eleëmofynæ actus, exerceri

debent ex nostris & propriis bonis, non ex alienis, sed ex iis bonis, quorum quis dominum ac plenam habet potestatem. Nunc casus morales ac quaestiones quasdam speciales, ut cepimus exercit. 51. hac 52. porro executamur.

II. *Queritur porro: An is, qui abundat bonis, vitæ & status, supervacaneus ex præcepto ac le-*

*ac lege, tenetur sublevare proximi necessitatem, non tantum extremam aut gravem, sed etiam communem ac ordinariam?* Resp. *Casus hic in diversum abeunt: purant enim nonnulli, ex lege & præcepto charitatis ac liberalitatis, tantum nos teneri, ad Eleëmofynas præstandas, & actum istum liberalitatis excendendum, in extremâ proximi aut magnâ saltem & gravi necessitate: Ego tamen, cum aliis sentio, etiam nos obligari in necessitate communi atque ordinaria: nam præceptum de liberalitate exercenda & Eleëmofyna præstanda obligat quidem minus in minori necessitate, magis in majori, maxime in extrema: attamen semper aliquo modo obligat. Sed dicet aliquis, proximus sum egomet mihi: ego, quæ mihi superabundant vitæ meæ & statui, bona, possum mihi impendere, ut fortunæ meas augeam, honores consequar, conditionem vitæ meæ laetiores reddam, &c. sed Resp. Quod necessitates ordinariæ & communes, modico sumptu possunt sublevari, ut nihilominus sit futurum reliquum, quo quis rerum suarum statum reddat auctiorem: & notum est ac verissimum tritum illud; quod Eleëmofyna neminem depauperat. At vero, si necessitas sit extrema proximi, aut indigentia valde gravis, etiam si inde aliquid detrimenti caperemus, si ex iis, quæ vitæ nostræ ac statui superabundant, in eum conferremus, tenemur tamen id facere: & præstat, proximum sublevari, quam res nostras auctiores fieri. Sed quærat hic aliquis, an ergo tenetur, qui habet bona supervacua vitæ & statui suo ac suorum, inquirere, an sint extrema aliqua necessitates & indigentia graves? Resp. Non teneri: nam satisfacit præcepto ac legi de liberalitate & Eleëmofyna excendendis, quando necessitatibus extremis vel gravibus indigentis, quas novit, commode succurrit, & paratum habet animum ad sublevandum alias necessitates, si reperi-*

**III.** Quæritur secundò: *An tutâ conscientiâ possit quis uni indigenti & petenti Eleëmofynam negare, & alteri indigenti & non petenti dare?* Resp. Distinguendum esse indigentiam. Si utriusque fuerit extrema, primò petenti succurrendum est. Si gravis quidem

fuerit aut communis utriusque indigentia, liberè potest quis ac tutò petenti negare, & non petenti dare Eleëmofynam: nam ei ipso, quod alter perit, nullum sibi jus acquisivit. Ergo possumus, in quem volumus, liberalitatem nostram exercere.

**IV.** Casus est speculatione dignus, quem movent *Casus hæc*. § 3. *Si Debitor & Creditor, ambo extremâ necessitate pariter Laborent, num debitor jure tenetur reddere creditori, quod penes se adhuc habet & ei debet?* Sunt qui affirmant, in tali casu, potius esse creditoris jus, quam debitoris, ideoque, & eam rem creditori esse solvendam, quia duplici jure ac nomine ea res creditori debetur; tum, quia est ab eo accepta; tum, quia creditor in extrema necessitate est constitutus. Alii existimant, tuta conscientia posse debitorem eam rem sibi retinere, ut suæ extremæ necessitati occurrat, quia possidet rem, & melior est conditio possidentis, cum ambo in extremam necessitatem inciderint: & in extrema necessitate omnia sunt communia. Tertia opinio est eorum, qui distinguunt. Aut res, quæ creditori debetur, est ex numero earum, quæ statim usu consumuntur, ut panis, cibus, aut non est, ut equus, navis, &c. Res prioris generis, ut panis, in extrema fame, retineri potest à debitore, modo animus habeat restituendi æquivalens aliquid, cum poterit, quia hic debitor non est debitor speciei, sed generis tantum, i. e. debet solvere, non illud idem, quod accepit, seu non debet restituere eundem panem, quem accepit, sed similem, & cum poterit: Res vero posterioris generis, quæ usu non statim consumuntur, ut equum aut navigium, teneretur debitor statim restituere creditori: sit casus hic: Indiget creditori equo, ut vitam suam servet, & eodem equo, quem debitor commodatò accepit, sed ipse quoque debitor eget, ut fugiendo salvus evadat, debet equum creditori restituere debitor, quia creditor equi dominum habet, & perinde esset, ac si debitor creditorem equi possessione vellet privare. Ego quidem inter has tres sententias mediam puto esse eligendam: & debitorem in extrema necessitate constitutum, non teneri ad restitutionem, sive



sive res accepta usu consumatur, sine non: quia hic valeat illud, Charitas incipit à se: & quisque sibi est proximus: & si quis in extrema necessitate constitutus, re presenti, licet aliunde accepta, ad servandam vitam non uteretur, sibi ipsi injuriam facere videretur, essetque viræ propriæ prodigus. Sed quid dicendum est, quando debitor, extrema necessitate, rem creditoris, ab eo acceptam, consumpsit, postea ad pinguem fortunam perveniens, debetne tantundem restituere? Resp. Nullum est dubium: extrema enim debitoris necessitas debitum antiquum non exinguit, non perimit, sed suspendit ad tempus, ita ut sit quasi spositum, aut sepultum, sed non ablatum aut peremptum.

V. Queritur quarto: *An, qui in extrema necessitate est constitutus, peccet, rem alienam accipiendo, pyrum, putâ, vel pomum exhorto, ut sublevet suam egestatem?* Resp. Nullo modo: quia in articulo extremæ necessitatis omnia sunt communia: ipsa enim natura instituit, ut res sint ordinatæ & destinatæ ad hominum vitam & salutem conservandam; quare, licet si facta rerum divisio, & hoc sit meum, & illud tuum, semper tamen manet naturalis ordo, quo res omnes sunt propter vitam hominum: nec obstat, quod in tali casu aliquid domino infcio & invito auferatur, quia, cum urget extrema necessitas, res, quæ habent proprium dominium, sunt communes: nec impedit contraria possessoris vel domini voluntas, quippe quæ, in tali casu præter & contra omnem resistit rationem. Hinc, Discipuli Servatoris non peccaverunt, dum perfruges transiendo, evellerent spicas, ut famem fedarent: sic, qui per vias incedunt viatores, si sitiant, ad sitim sedandam possunt vias aliquot decerpere, quas statim in vinea, aut ipso itinere comedant: sed non licet, illas colligere, ut secum deferant.

VI. Queritur quinto: *An, qui pauperi mutuum dat, non gratis, possit dici actum istum liberalitatis exercere, quem Eleemosynam vocant?* Resp. Potest dici beneficium contulisse, sed non hunc liberalitatis actum, Eleemosynam exercuisse: v. c. potest quis dives pauperis sublevaré necessitatem, si aliquid ei det, aut

commodet, parâ equum, ut iter aliquod faciat, vestem, ut corpus tegat honestè, lectum, ut decumbat: sed, si ea omnia postea repetat, non Eleemosynam aut liberalitatem exercuisse dicetur, sed officium præstasse, quia mutuum dedit id, quo pauper carebat. At vero, istum liberalis est & *ἐλεῖν*, qui gratis dat, absque repetitione aut spe recuperandi.

VII. Queritur sexto: *Quid sit dicendum si quis ita sit avarius, ut nihil de suo velit consumere; an talis sit sublevandus alterius ope?* Resp. Si ex malitiâ avari sint, & nihil velint consumere de suo, quia verentur ne cumulus minuarur, nullo modo illis est succurrendum, etiam si fame laborent: nam volentes famem patiuntur; & ultra in Deum sunt ingratiissimi, quod ex divitiis suis Deum faciant, quas magis quam ipsum Deum verentur: quare esuriant strenuè potius, ut bonis suis uti discant. Si vero ex morbo aliquo scilicet melancholiâ sint tenaces & avari, quod imaginentur se habere nihil, unde vivant, ex condolentia illorum infirmitati nostra liberalitate est succurrendum: sed hoc rarum est.

VIII. Queritur septimò: *An quis debeat largiri de suo, quod sibi superest, si credat futurum, ut post hebdomadam aut mensem, id sibi, ac suis sit defuturum?* Resp. Aut bonâ id fide credit, aut malâ: si bonâ, potest sibi retinere, quia quod parum distat, nihil distare tenetur, nisi extrema sit proximi necessitas; si malâ fide, persuasionem non fundarâ, id credat, debet illud erogare in usum communem pauperum, & ad sublevandam necessitatem communem.

IX. Queritur octavo: *An, si apud nos sint aliena bona, & propria etiam habemus, possimus tuta conscientia esse liberales ex bono alieno, reservato proprio?* Resp. Non possumus. Quamdiu habemus bonum proprium, de alieno largiri non debemus.

X. Queritur nonò: *An ex bono alieno, per ne as accepto, possit liberalitas exerceri, aut Eleemosyna dari?* Resp. Distinguendum est. Aut pauper est in extrema necessitate constitutus, aut non: si primum, danda est Eleemosyna, & liberalitas exercenda, quia in ne-

cessitate extrema, omnia sunt communia: si secundum, non est danda Eleemosyna, nec liberalitas exercenda; quia tunc alienum suo domino debetur, non pauperi.

XI. Quæritur decimo: *An ex bonis, usura comparatis, liceat esse liberalem, & Eleemosynas dare?* Resp. Si usura sit mala, bona in eum finem non sunt corradenda: sed tamen, si per malam & nimiam usuram sint corrasa, ex iis potest quis liberaliter stipem largiri; multo magis, si usura legitima ea conquisiverit, poterit licite ex iis Eleemosynam facere. Atque hi casus successerint circa actum Liberalitatis, quem Eleemosynam vocant.

XII. Quoniam vero, nullus liberalitati, nullus Eleemosynæ, foret locus, si bonorum concedatur communio, quæ veterum nonnullorum, ac *Platonis*, vulgo dicitur fuisse opinio, placer, eam hic questionem quoque subungere. Certè, nemo Eleemosynam accipere, nemo dare potest, si omnia essent communia: quia, qui daret, non de suo daret, sed de alieno, & qui acciperet, non de alieno, sed de suo acciperet. Utrumque vero illud jam rejecimus. Ergo; *an bona omnia debeant esse communia? an bonorum omnium communio in Rep. bene constituta debeat tolerari? an non repugnet huic Liberalitati, de qua agimus*, porro discutiamus. A Politicis hæc questiones & Ethicis solent agitari, & sunt utilissimæ.

XIII. Communio bonorum, à *Pythagorâ* olim & *Platone*, originem traxit: Testatur enim *Gellius* *Pythagoreos* sic vixisse. Quos enim *Pythagoras* receperisset in disciplinam, eos oportuit, si quæ haberent, bona in communem conferre usum. *Pythagoram* subsecutus *Plato*, dogma hoc retinuit, ac communionem bonorum inducere voluit in suâ, alioqui non pessimè institutâ, Rep. si quis loca *Platonis* desideret, legat I. 5. de legibus. Verum hæc *Platonis* Resp. nullibi potuit locum, vel invenire, vel habere: unde, licet ter à *Dionysio Siciliâ Tyranno* vocatus fuerit *Plato*, ad Reip. emendationem, nunquam ei aut Siculis persuadere potuit. Viderunt enim viri cordati, exoriturum inde, non nisi meram confusionem. Inter *Christianos*, olim quidam, hanc

opinionem de rerum communione tenuerunt, qui *Apostolici* sunt dicti: & ante seculum, *Anabaptistæ* quidam, præsertim *Monsiericenses*, ut *Historici* referunt. Habemus originem & progressum hujus opinionis; nunc argumenta audiamus: Primum sumunt à lege naturæ, quod ita omnia sint condita, & in hominis potestatem sic tradita, ut omnia essent communia. 2. Ab exemplo *Apostolica*, ac primitivæ Ecclesiæ, in quo omnia fuerunt communia, ut Act. 2. 44. legitur, & à mandato Servatoris, mandantis juveni isti, Matth. 19. 21. ut omnia venderet, & pauperibus donaret. Ut ad hæc argumenta respondeamus, ad posterius, prius Resp. Præceptum datum isti juveni, fuit personale, quare non est trahendum in exemplum: sic & *Apostoli* omnia reliquerunt, non ut sic omnes idem facere teneantur, multo minus ut teneantur in commune omnia conferre, sed ex peculiari dono & vocatione ad id. Quod attinet ad exemplum Ecclesiæ *Apostolicæ*, non in omni, sed in solâ *Hierosolymitana*, obtinuit bonorum communio; in aliis non item, quod ex collectis apud alias Ecclesias factis patet, & *Apostolus* alias instituit Ecclesias, *Corinthiacam*, *Philippensem*, *Ephesinam*, sed nullibi voluit bona esse communia: itaque exemplum Ecclesiæ *Hierosolymitanæ*, nec aliis Ecclesiis, nec nobis quicquam præscripsit, & peculiaris fuit causa, cur illa Ecclesia sic factitare voluerit, ut, quæ tunc esset cæterarum, aliquid extraordinarium susciperet, & ostenderet exemplo possessiones & agros non esse tanti faciendos, quam spirituales illas merces, quas Ecclesia vœnum exponit: & probent prius adversarii, se eo spiritu duci, quod ducti fuere viri *Apostolici*, qui hanc communionem bonorum urserunt, hi sub prætextu communionis, furta, rapinas, cædes, &, nescio quæ non scelera, commiserunt: Ad rationem primam, quod communio bonorum sit de jure naturæ, & obtinuerit in statu integritatis initio creationis; Resp. Cum omnia dicuntur communia jure naturæ, intelligi id debet, partim negativè, quia jus naturæ divisionem illam non fecit, quæ inter homines nunc obtrinet: partim positivè, quia jus naturæ omnibus potestatem fecit, uten-

uendi quavis re & capiendi domini, priusquam ab alio sit occupata, quod jus etiamnum durat. *Quod dicitur, communio bonorum obtrunisse, in primo rerum statu adhuc integro, statim a creatione.* Resp. Esto: non tamen necessarium fuit de jure naturæ, ut obtineret: nam, quidni obtinere quoque potuit rerum divisio, & proprietates: nulla lex est naturæ, quæ rerum communionem jubeat, ut necessariam, prohibeat rerum divisionem, & distinctum dominium, ut aliquid illicitum, & non necessarium. Consonam quidem fuisse statui innocentie rerum communionem, non nego, quia, indivisa tum bona nullam litem, aut rixandi occasionem, præbuisent, ob remanentem voluntatis, quæ pacem conservasset in usu; tum etiam, quia terra, vel nullo, vel saltem non laborioso cultu, indiguisset; denique, quia nemo aliquid superfluum appetisset, & necessaria alteri libens concessisset: sed tamen, nullo tum præcepto prohibita fuisset, aut fuit, quod quidem constat, rerum proprietates: quia Deus res mundi subjecit hominis potestati, & dispositioni: itaque potuissent etiam tum homines consentire in divisionem rerum: quod si factum fuisset, nullum secutum fuisset incommodum: quippe singulis fuisset relictum, quod abunde potuisset sufficere, & quivis cum altero libentissimè de rebus suis communicasset: itaque, qui sic argumuntur: *si communio bonorum ab initio in statu innocentie fuerit naturalis, non est abolenda in statu peccati, quia jus natura aboleri non potest: sed verum prius.* E. Illi supponunt hypothesein falsam; quasi communio bonorum fuerit naturalis homini, in isto statu, hoc sensu, ac si fuisset de jure naturæ, ac si lex naturæ eam præcepisset, quod audivimus esse falsum: congruebat isti quidem statui, sed non erat simpliciter necessaria, ut illa, quæ sunt de jure naturali. Quod vero nunc loco communionis bonorum, bene sit factum, introducta rerum divisione, ratio docet naturalis, ut dissidia præcendantur, pax servetur, & tollatur negligentia, qua singuli res multorum administrare consueverunt; hoc enim tum fit negligenter. Dabo simile: natura nulli homini, cum na-

scitur, vestitum dedit: in lucem enim editur nudus. At, ratio tamen naturalis dicitur, hominem esse vestiendum, ne frigore & aliis cœli injuriis pereat: sic natura, rerum divisionem primitus non constituit, nihilominus, ratio naturalis docuit, talem divisionem fieri oportere. Hoc sensu dici potest, & debet, divisionem rerum esse juris naturalis, quia ratio naturalis dicitur, eam esse necessariam ad pacem generis humani. Absolutè tamen, juris naturalis non est, quia natura non præcipit absolutè, eam fieri, nec secundum se, ad eam inclinat: & quia à gentibus illa divisio postmodum facta est ad communem tranquillitatem, vulgò & benè dicitur, *esse de jure gentium*, quod nihil est, quam commune hominum iudicium & consensus gentium, quo judicantur, divisionem rerum expedire, tum ad pacem, tum ad meliorem rerum expeditionem, spectata mortalium conditione, quæ sui amans, alterius negligens, & ad ambitionem & cupiditatem nunc est præna. Hoc sensu, bella, regna condita, dominia distincta, servitus, emptio, venditio, &c. dicuntur esse de jure gentium. Tale jus gentium oritur ex jure natura per rationationem, quia hæc omnia ratio naturalis dicitur, etsi primario, & immediatè non sint principia naturæ: sed de hisce ad materiam Ethicam de Justitiâ pluribus differemus.

XIV. *Argumenta Platonis pro communione bonorum facile solvi possunt: primò, quod hæc faciat Remp. maxime unam fore.* E. Distinguo unitatem: posset esse unitas, quæ Reip. & civitati præjudicaret; talis esset ex communione bonorum: sicut est mala unitas, quando mali homines in unum conspirant: sic hæc unitas Reip. foret, quod omnes in malum conspirarent: secundò, *quod per communionem bonorum sit auferenda causa omnium discordiarum, quæ oriuntur omnes ex hisce duabus voculis (meum, tuum.)* Resp. Nego ex tali communione sublatum iri discordias; imo dico contrà, auctum iri: sed probat Plato: *si omnes possent dicere, hoc est meum, ergo nullus est discordiarum locus: sed verum est prius.* E. Negatur minor. Nam vocula (*omnes*) accipitur, vel collectivè, vel distributivè: si collectivè.

etivē, nemo poterit dicere, *hoc est meum*, sed, *hoc est nostrum*: si distributivē, singuli non poterunt vere dicere, *hoc est meum*, quia unius scī possunt constitui plures domini: at

illi constituerentur, posita communione bonorum: ergo ea est rejicienda, quod erat demonstrandum.

## EXERCITATIONUM ETHICARUM QUINQUAGESIMA-TERTIA,

D E

### Quæstionibus variis, ac moralibus, circa Liberalitatem.

T H E S I S I.

**V**ersamur in *casibus moralibus* ac *conscientiæ* decidendis & resolvendis circa *liberalitatem* & ejus extrema; & quid de eleemosyna, & quomodo illa ex liberalitate exerceri debeat, latius deduximus: nunc alia quædam prosequemur, non minus utilia, quàm quæ dissolvimus. Diximus in *Coll. Eth. Diss. de Liberalitate ex Arist. Liberalitatis* objectum esse τὰ *χρηύματα*, id est, pecunias, seu divitias, tum naturales, tum artificiales. Diximus ibidem, liberalem versari circa divitias tum δὲ *οὐδ*, tum ἀνθρώπων, tum dando, tum accipiendo, tum *χρηύματι*, tum *κατὰ τὸν*, tum usu, tum possessione. Hic casus potest moveri conscientiæ; *an homo pius boni cum conscientia opes & divitias possidere valeat?* quem casum ex parte attigimus, non totum resolvimus, cum de communicatione bonorum, an illa sit licita, dissolvimus. Inter Gentiles, *Stoici*, divitias & opes quæ bona fortunæ vulgo vocantur, quod hæc interdum sine studio & labore & quasi fortuito contingant, pro veris bonis non habuerunt, sed tanquam summi, & veri boni impedimenta, humanique generis pestes ac perniciem, rejecerunt. *Stoicorum* igitur sententiā, non potuit mens pia, salva conscientia, bona fortunæ, divitias puta, possidere. Inter Christianos hanc quoque sententiā fovere ac tueri videntur, qui bonorum communionem docuerunt, ut

fanatici quidam *Anabaptistæ*: & illi, qui in desertione bonorum spiritualium, magnam, si non maximam partem, felicitatis & perfectionis *Christianæ* constituunt. Contra hosce omnes muniendus est animus pius, & docendus, quod nullum sit peccatum, divitias possidere, sed quod turpe id, & salva conscientia liceat: quod desertio possessionum & divitiarum non faciat Christianum: quod variis rationibus probatum imus.

II. Primo contra *Stoicos*. Quæcunque per se sunt bona, ea tunc possidere licet piæ menti: sed τὰ *χρηύματα* sunt per se bona: Ergo. Cujus oppositum per se est malum, id per se est bonum. Sed oppositum τῷ *χρηύματι*, divitiarum, est per se malum. Ergo τὰ *χρηύματα* sunt per se bona. Oppositum τῷ *χρηύματι* divitiarum est paupertas, quæ per se est mala, est enim poena peccati. Et bona fortunæ, vera esse bona, fusiūs à nobis fuit probatum, cum de summo bono dissertavimus. Secundo, est contra Christianos quosdam. Quodcunque à Deo est, bonum est. At τὰ *χρηύματα* à Deo sunt. Ergo. Omne bonum à Deo est. Divitiæ sunt bonum. Ergo. Sunt bona, si non moralia, utilia saltem, & à Deo. Nam τὰ *χρηύματα* in se spectata, & bona moralia collata, per se bona sunt, nec mala moraliter, sed res mediæ; quibus vel bene vel male, possunt uti homines: & quid mul.

multis opus est? Deus pietati, etiam huius vitæ bonorum promissionem dedit: at hæc, inter cætera in opum abundantia, & possessione, consistit. Perfectio vero Christianorum frustra queritur in desertione bonorum temporalium: nam perfectioni spirituali, nihil quidquam derogat possessio bonorum priorum: mandatum nullum extat, de perfectione hoc modo acquirenda. Quod de abijciendis bonis adolescenti isti in Evangelio dictum est, fuit dictum ad retundendam singularem ejus jactantiam, de plena legis observatione; & peculiariter fuit hoc ipsi propositum ad obsequium ab eo præstandum. Quod dicant, divitias comparari denso luto (in sacris) aggravanti & inquinanti, tenentem spinis, quæ pungunt, laqueos irriteriendi; & inde concludunt, eas esse per se malas; nulla est consequentia: quippe hæc omina non sunt de essentia divitiarum, sed adjuncta earum, quæ ad eas accedunt iisque accidunt, ratione subsectorum, hominum possidentium, quibus propter corruptionem humanam, divitiæ per se bonæ, abeunt in spinas, lutum, laqueum: sicut vinum per se bonum, respectu ebriosi adit in malum ipsi & damnum: & propter luxum, superbiam, aliaque, quæ divitias in hominibus corruptis consequuntur, fit, ut divitiæ pejus audiant, in sacris mali sint ominis ac nominis. *Quod vetitum sit in novo Fædere*, thesauros colligere in hisce terris, id non significat, divitiarum collectionem esse improbandam, sed avaritiam tantum & fiduciam in rebus terrenis reprehendit: immodicus amor habendi rejicitur, non modica, & juxta rationis præscriptum instituta divitiarum possessio. Sed enim quæ est ista in medietate instituta bonorum possessio?

III. Hic secundus & novus oritur conscientie scrupulus & casus: Num Christiani plura possint possidere cum boni conscientia bona, quam quotidianus eorum postulat usus? Inveniuntur & hodie, qui id negant, & ultra privatam & justam necessitatem, aliquas quæri & recondi divitias, illicitum pronunciant: nec ab hoc errore longè recedunt Sociniani, quod ex eorum Catech. Racov. videre est, artic. 7. cap. 1. At verò contra & sacram paginam & rationem, hæc est opinio. Nam ubi hoc interdi-

ctum est: plura possidere bona, quam quotidianus exigit usus? contra jubet Deus parentibus, ut liberis thesauros quærant: at quomodo hoc facient, si ultra necessarium vitæ usum nihil divitiarum possidere liceat. Deinde tollitur omnis negotiatio & mercatuara, vitæ tamen ratio, & vocatio juxta alias a Deo instituta. Quod dicatur alibi in sacris, ut habentes alimenta & vestimenta contenti simus, eo non prohibetur abundantia opum, contingat: sed si non contingat, commendatur ἀποδεχόμενοι, contentatio, ne nimium divitiis inhiemus, sed si non contingant, contenti simus: si contingant, ne cor apponamus.

IV. Tertius conscientie casus & quæstio circa liberalitatem, & possessionem, atque acceptionem divitiarum moveri potest hæc: *Quæ sint media, quibus divitiæ, bona cum conscientia acquiri, accipi, & possideri possint?* Resp. Etsi benedictio Dei divites facit, non tamen immediate Deus supra nos effundit pluviam suæ bonitatis, sed certa à nobis voluit adhiberi media, quibus divitiæ ex ipsis quasi manu acciperentur, acquirerentur, possiderentur. Primum est hæreditas: quæ enim ad nos deveniunt divitiæ, à parentibus hæreditate, legitime accipiuntur, acquiruntur, possidentur: & Deus ipse idecirco hæredibus verbo suo modum præfixit, juxta quem sint distribuendæ: est vero hæreditas, legitimum medium, accipiendi divitias, si sine dolo, fraude atque impostura instituat. Secundum medium est labor assiduus in operibus vocationis: unde ipsi Ethnici dixerunt, Deum laboribus vendere homini sua dona: Omnia Dii superi vendunt superante labore. Et Deus ipse varias vocationes, & vitæ occupationes in eum finem instituit, & qui extra certam vitæ occupationem ac vocationem vivunt, peccant. Loquimur de iis, qui cum iustis sint instructi & corporis & animi viribus, ac donis, quibus Recipub. operam suam locare possunt, malunt tamen vivere privati, atque è redditibus suis se alere, quam cum labore in officio aliquo & vocatione occupari. Tales male agunt: 1. Quia placeat Deo, ut unusquisque in certo officio occupetur, Deum glorificet, & aliis infervia; ita primo homini, adhuc integro, omnibus bonis

K k k k

affluent,



affluenti; injunxit terram colere, & post lapsum in sudore vultus voluit hominem vesci pane suo: nec hac lex in novo Fœdere est abrogata, sed stabilita, cum Christus voluit & iussit, ut unusquisque talentum suum exponeret fœnori. Secundò, otium iners fugiendum est, tanquam mater & nutrix omnium vitiorum, præsertim malarum cogitationum, cupiditatum, curiositatum, vanarumque machinationum. Porro, certum medium legitime acquirendi divitiarum sunt legitimi contractus emptionis, venditionis, commutationis, donationis, negotiationis, mercaturæ. In hisce contractibus, si omnia fiant absque dolo, fraude, iniquitate, ne venalia faciamus bona alterius, præter ejus voluntatem, ne impediamus emptores alios, ne vendamus merces nullius pretii, aut malas pro bonis, ne emptores venditoribus, aut venditores emptoribus, numerent pecuniam adulterinam, aliisque pluribus circumstantiis hic observandis, tum contractus tales sunt legitimum medium acquirendi divitiarum. Verum, quia nonnulli olim & hodie existimant mercaturam & negotiationem non esse legitimum medium, opes comparandi, hoc negotium est discutiendum.

V. Mercatura omnis & negotiatio in rerum consistit mutatione. Rerum vero commutatio duplex est, ex *Arist. lib. 1. Polit.* una quidem quasi naturalis & necessaria, per quam fit commutatio rei ad rem, vel rerum & numerorum, propter necessitatem vitæ: qualis est commutatio pecuniæ pro pane & carnibus, cibo ac potu. Talis commutatio non proprie pertinet ad negotiationem, aut mercaturam, quia hæc communis est omnibus æconomis & patribus familiis, & omnibus Politicis, imò omni homini, familiam, & se, ac suos, alenti: nam cuiusque est, providere domui suæ, familiæ suæ; & magistratus est, civitati præde rebus ad vitam necessariis, prospicere; quæ provisio absque hac rerum, cum rebus, vel cum nummis, commutatione fieri nequit: Ideo eam commutationem vocavi necessariam & naturalem. Sed est alia commutationis species, in eo sita, ut per eam quis non querat solum res necessarias vitæ, sed lucrum aliquod ex ea commutatione caperet: hæc ad negotiationem per-

tinet. De hac negotiatione & commutatione, qua quis rem aliquam comparat, ut eam vendendo & commutando, aliquid ex ea lucratur, quaritur, an sit medium licitum & honestum acquirendi opes ac divitias? omnino. Si enim ut medium illicitum tollatur hæc negotiatio ex vitâ humanâ, Respublicas omnes & communitates aboleri est necesse, ut pote, quæ sine mercatura consistere, aut subsistere nequeunt: & ubi locorum Deus prohibuit in verbo suo mercimonia? sanè nulpam: sed modum tantum statuit iis, ne quis alteri in pondere & mensura defraudet: & sanctissimos viros, Abrahamum, Jacobum, Josephum, alios, contractu emptionis & venditionis, esse usos, sacre testantur literæ: & cum Deus, non omnia dederit ac concesserit regioni (neque enim omnis fert omnia tellus) merces aliud: ad nos sunt advehendæ: quo in genere & negotio; quidni medioere lucrum, tanquam merces laborum, ad sui & suorum sustentationem, peti possit, & petere liceat? *Dicunt: non est necesse, lucrum aliquod sumere in mercibus vendendis & commutandis.* Resp. Est necessarium, saltem secundum quid, ut inde familiam & nos alamus, quod aliàs facere non possemus: & pone, tale lucrum, quod in negotiatione reportatur, nihil includere necessarium, attamen nihil quoque includit vitiosi per se, vel quod virtuti sit contrarium: sed & necessarium est necessitate finis, tale lucrum, quatenus sine eo, multi familiam suam sustentare non valent; quia nullam aliam quam negociandi ac mercandi acceperunt vocacionem: quid si aliquis negotietur, & ex negotiatione lucrum intendant, ad patriæ bonum, ad publicam utilitatem, ne res necessariae ad salutem patriæ desint, anne & hoc lucrum fuerit illicitum ex mercatura? si id sit licitum, quid ni & illud, quod ad privatæ rei sustentationem & augmentum intenditur, & acquiritur? neque aliquid hic reponi potest. Qui proferunt, ementes & vendentes fuisse ejectos ex templo, nihil proferunt; eo enim Servatoris nostri factò, non damnatur negotiatio, sed ejus exercitium in loco sancto. *Dicunt aliqui, lucrum non debere Christiano esse finem ultimum.* 1. Resp. Nec mercatoribus in negotiatione, lucrum, est finis ultimus; sed lucrum ut me-

dium



dium in sui & suorum sustentationem ordinant: & vitia mercatorum, si quidam in lucro ut sine ultimo acquiescant, non sunt imputanda mercaturæ, uti nec vitia artificum imputanda sunt arti. Itaque pronunciamus, mercaturam esse licitum medium acquirendi divitias, si debite exerceatur: exerceatur debite, cum exercetur ab iis, quos decet, modo, quo decet, sine, quo decet.

VI. Primo convenit mercatura iis, & negotiatio, quibus illa, tanquam votario continetur: non aliis, in alia vocatione constitutis; præsertim non decet Clericos, id est, personas Ecclesiasticas, in munere Ecclesiastico constitutas: nemo enim militans Deo, implicat se negotiis secularibus: qui enim sunt ex Clero, non tantum debent abstinere ab iis, quæ per se mala sunt, sed ab iis, quæ eorum statum, ac conditionem minus decet: oportet enim, illos esse in tentos suis stipendiis, neque terreno inhiare vel incumbere lucro. 2. Debet exerceri negotiatio, modo debito, ne dolose aliis imponatur: usitatum quidem est, venditoribus, res suas duplo pluris facere quam merentur, & nimis laudare venales merces, ut extrudere valeant, additis sæpe mendaciis: usitatum est & emptoribus, infra pretium & meritum rem velle emere, sed uterque modus mercandi utrobique est pessimus, & a negotiatione & mercatura, quam asserimus licitam, arcendus. 3. Finis, qui conveniens est mercaturæ, debet adesse, ut nos & nostros sustentemus, ut labori debitam mercedem comparemus, non vero, ut si simpliciter ditescamus: quare, qui immoderatum tantum intendunt lucrum, & nihil aliud, illi legitimo negotiatio- nis fine excidunt. Hisce igitur conditionibus

servatis, & contrariis vitiis omissis, mercatura seu negotiatio aque acque labor manuum nostrarum, aut hereditas, medium est idoneum, divitias acquirendi, accipiendi, possidendi.

VII. Sed verò videamus etiam obiter, *quis sit legitimus bonorum recte acquirendorum usus; qui cum bonâ conscientia consistere possit? nam liberalitas, & in viâ, seu possessione, & in ædificiis, seu usu, consistit.* Resp. Rectus bonorum fortunæ usus est situs, in dando iis, quibus dari debet: dari potest cum peccato, ut cum effunduntur opes ad ingluviem, ad lusum alexæ, ad superbiam in vestitu, ad inuicilia ædificia, uno verbo, cum dantur, ad damnum, vel proximi, vel nostrum. At verus usus seu *rectus* divitiarum, consistit in recte dando: recte damus, si demus, primo, Deo, qui partem aliquam bonorum sibi vendicat in ministerii sui sustentationem: quemadmodum enim omnia flumina ex mari sunt, & in mare redeunt, sic omnia bona à Deo sunt & ad Deum redeunt. 2. Recte damus, si demus magistratui: dandum Cæsari est, quod est Cæsaris. 3. Recte damus, si demus liberis & familiæ nostræ: qui enim familiæ suæ curam non habet, est deterior infideli. 4. Recte damus, si demus pauperibus, viduis, pupillis, exulibus, ægrotis, opificibus, egentibus, & omni petenti, qui eger. Hoc enim est debitum charitatis, quæ nobis præscribit, ut pauperibus subveniamus liberaliter: 1. elemosyna. 2. mutatione. 3. sublevatione ægrotorum. 4. hospitalitate. 5. solutione mercedis debitæ. Atque hi sunt casus conscientie, qui circa liberalitatem & ejus extrema incidere possunt: circa magnificentiam, magnanimitatem, modestiam, reliquasque virtutes, qui incidunt, persequemur exercitat. sequitur.

## EXERCITATIONUM ETHICARUM

## QUINQUAGESIMA-QUARTA,

D E

# Quæstionibus & Casibus, moralibus circa Magnanimitatem & Modestiam, & Manfuetudinem.

T H E S I S I.

VIdimus, & exposuimus ante habitis *Exercitationibus, casus morales ac conscientia*, qui circa cupiditatem divitiarum, circa τὴν ἡλιμνην, tum quoad ἡλιμνην, u-  
sum, tum quoad κτήνην, possessionem, mo-  
veri possunt. Atque ita defuncti sumus quæ-  
stionibus circa Liberalitatem decidendis.  
Nunc, quid moveri possit circa *Cupiditatem  
honorum & Magnanimitatem ac Modestiam* dis-  
quiremus, ac dispiciemus: inde, juxta vir-  
tutum seriem *Aristotelicam*, ad *Cupiditatem  
vindictæ & Manfuetudinem* transibitur. De Ho-  
nore, quid sit, abunde egimus, cum de Ma-  
gnanimitate & Modestia in *Coll. Erb.* disputa-  
vimus: Eum esse bonum quippiam, audivi-  
mus, quia virtutis est præmium: atque hinc,  
honoris appetitum non esse illicitum, multis  
probavimus, & insuper, qui propriè & maxi-  
mè sint honorandi: illi scilicet, qui veris vir-  
tutibus sunt præditi. Summa omnium hæc  
fuit. Quod testificatio excellentiæ & præstan-  
tiæ alicujus, externè facta verbis & signis,  
perfecta ex internâ dignitatis aut excellentiæ  
alicujus agnitione, in qua consistit honor, li-  
citè excipi possit, ac recipi ab eo, qui suis vir-  
tutibus tale testimonium meretur. Quæ obji-  
ci possunt, quia tunc non dissolvimus, obiter  
videamus.

II. Primò, *Modestia passim commendatur, ergo Cupiditas honoris est vitiosa*. Resp. Mode-  
stia, & honorum cupiditas, sed moderata, non  
magis pugnant, quam moderata cautio, seu  
timiditas, & fornicatio, quam liberalitas &  
parsimonia, quam Manfuetudo, & ira licita.  
Nec enim quamlibet honoris cupidinem ad-

mittimus, sed eam, quæ intra præscriptum  
rectæ rationis sese continet: at talis neuti-  
quam pugnat cum modestia, sed cum ea ami-  
cè conspirat. Secundo, *objiciunt exemplum  
Servatoris nostri, qui honores contempsit*. Resp.  
Honores fugit Christus, quia non hominum  
judicio, vel arbitrio, debebat Rex constitui,  
jam enim erat ipse Rex in se. ex instituto &  
arbitrio Dei Patris: & regnum ejus non erat  
de hoc mundo: ideo mundanos contempsit  
honores. Tertiò *ajunt, dictum esse in Evan-  
gelio Matth. 13. Nolite vocari Rabbi, quia unus  
vester est Magister Christus*. Resp. Illo pacto &  
modo, quo Christum habemus Magistrum,  
nemo vocandus est Rabbi, sed interim gradus  
officiorum & honorum nequaquam sunt ab-  
rogandi. Ita unum Patrem habemus in cælis,  
& tamen in terris etiam Patres habemus. Sed  
*ajunt, omnis caro sænum est, & omnis gloria  
quasi flos agri: & Apostolus verat 1. Thess. 2. qua-  
rere ab hominibus gloriam*. Resp. Primò, ho-  
nores quidem in se sunt mutabiles, ut sænum,  
& flos agri: in se tamen non sunt contem-  
nendi, aut despicendi. Secundo, veratur  
vana gloria, quæ à Carne est & à Mundo, & ab  
hominibus mundanis ac mendacibus: sed est  
alia & honestissima, imo & sanctissima veræ  
gloriæ cupiditas, cujus laus apud Deum ma-  
net. Sed, ut constet uniuseujusque conscien-  
tiæ, quousque sic sit eundum, videbimus,  
Primò, quousque proprium nostrum honorem  
debeamus curare, speciatim quousque liceat cu-  
rare nominis sui famam propriam. Secundo, quo-  
modo sit resistendum ambitioni, & nimia hono-  
rum cupiditati.

III. *Ad primam quod attinet.* Resp. Honor, aut mundanus est, aut Divinus: ille à mundo confertur, hic à Deo est ordinatus, & destinatus in virtutis præmium, & compensationem; Honor mundanus, si veniat in comparationem cum honore divino, aut contemnendus, aut longo intervallo posthabendus; itaque studendum est iis rebus omnibus, quibus Deus verum ac solidum honorem adjungit: tales sunt res, pietas, & officia pietatis, omniumque virtutum, in genere, & specie. Honores ab hominibus declarati non spernit, sed & non ita magni facit, non tristabitur, si viruperetur, nec nimium lætabitur, si laudetur, quia cum nec depravare potest injuria, nec coronare laus humana: ob humanum saltem honorem nihil mali committet. Quod spectat in specie boni nominis ac famæ curam? Resp. Fama bonæ, est ex natura sua testimonium de virtute: & fama mala est testimonium de vitio. Fama ergo bona est per se optanda: Fama mala est per se contemnenda: uti ipsa optanda est virtus, & contemnendum vitium. Nec magis potest contemni fama bona, quam virtus ipsa: nec magis optari fama mala, quam ipsum vitium. Interim fama bona, quia est testimonium virtutis tantum, non ipsa virtus, debet semper virtuti postponi: neque fama unquam quærenda est desertionis virtutis, & fama talis ne bona quidem foret: ac cum fama quæritur bona, ea magis est quærenda, in corde & conscientia hominum, quam infacie externa, magis est solidis virtutum actionibus comparanda, quam ex arte captanda. Fama insuper bona quærenda est, non propter se, sed propter virtutem, tanquam ejus testimonium, non propter nos, quasi aliis testantibus de nobis, haberemus fidem majorem quam nobis ipsis, sed propter gloriam Dei est quærenda, & ædificationem proximi, ut aliis, vel exemplo, vel opera nostra, prodesse valeamus, ut alii ad glorificandum Deum propter virtutes nostras, & virtutum famam excitentur. Ideoque, ut hi fines obtineantur, singularis incumbit bonæ famæ cura iis, qui muneris sui ratione singulariter

vocantur ad Dei gloriam, & hominum salutem promovendam: Ea tamen hic differentia teneri debet, ut minor cura habeatur famæ circa ea, quæ minus faciunt ad gloriam Dei, & major circa illa, quæ magis eo spectant: sic gentium Apostolus, humanæ scientiæ & eloquentiæ famam contemnens, magis curabat famam solidæ cognitionis Christi; *Nihil*, inquit, *desidero scire, nisi Christum, eumque crucifixum. Quæ hic possit, an, qui doctus est, nobilis, dives, eloquens, ingeniosus; si habeatur pro indocto, ignobili, paupere, balbo, hebeti, patiatur infamiam, & bona fama violationem?* Resp. Nequaquam: quia bona fama, non eruditionis, divitiarum, nobilitatis, eloquentiæ, vel ingenii, est testimonium, sed solidæ ac masculæ virtutis *pegasus*, signum, & compensatio.

IV. *Nunc secundum videamus. Quomodo sit resistendum nimie honoris cupiditati, seu ambitione, extremo & magnanimitatis & modestiæ.* Non potest melius ei resisti, quam si noxia ejus cogitentur effecta: qui enim nimium sunt cupidi gloriæ & honoris, primò, neminem juxta se ferre possunt, nec parem, nec superiorem: quæ causa fuit, quod, nec *Themistocles* cum *Aristide*, nec *Cæsar* cum *Pompejo*, vivere potuerint in eadem urbe. Secundò, falsum & vanum quæerunt honorem, non quem virtus & honestorum hominum judicium peperit, qui licitus est, modo non nimium exuperat, sed qui ab imperito deferretur vulgo, sine respectu, vel virtutis, vel vitii, imo sæpe ob causas alias quam virtutem. Tertio, opponunt se Deo, dum quæerunt honorem proprium, non Dei, cui soli omnis debetur honor & gloria. Quariò, multarum seditionum, litium & turbarum causa sunt. Gloriæ cupido nimia, *Esauum* contra fratrem immam odio concitavit, *Saul* contra *Davidem* irritavit, *Carthaginenses* cum *Romanis*, *Romani* cum aliis, bella gerere fecit. Quintò, immiseriordes sunt in proximum, cujus miseriam non considerant, sed potius in suâ gloriâ alto cum supercilio eum despiciunt, ac contemnunt. Ambitio enim superbus facit, superbia contemptores aliorum. Sextò, se ipsos in miseriis conjungunt; ambitio enim proto-

plasto paradiso eiecit; cum vellent esse similes Deo; Nebucadnesarem bestiis assimilavit; Herodem vermibus rodendum objecit. Septimò, se ipsos non agnoscunt, quam sint viles & abjecti vermiculi, quam planè sint nihil coram Deo Creatore suo. Cogitet hic gloriabundus *Thraso*, & vanus homo, unde sit factus, è luto terræ, quam miser sit redditus, post lapsum primorum parentum, quam omni gloria & honore sit spoliatus, quibus & quantis sit expositus miseriis, quas sit promeritus pœnas. Cogitet infirmam corporis sui, quot & quantis illud sit obnoxium morbis, quam omnem suum splendorem sit perditurus in sepulchro. Post hominem vermis, post vermem foetor & horror, sic in non hominem vertitur omnis homo. Hæc suffecerint utrique questioni propostæ dissolvendæ.

V. Nunc porro inquiri posset, quem honorem oporteat Magistrum accipere à subditis, parentes à liberis, Dominos à servis, Præceptores à discipulis, Personas Ecclesiasticas ab Ecclesiæ membris, & in genere superiores ab inferioribus; verum, quia hæc omnia fusè persequitur *Doctissimus & Clarissimus Dominus Amesius in casuum Conscientiæ lib. 5. cap. 19.* usque ad caput 26. exclusivè: qui & quia in omnium est manibus, ob hæc decidendis abstinere, me conferam ad alterum huius exercitationis caput, quod est de *Casibus Conscientiæ circa Mansuetudinem & Iracunditatem*. De irâ, quid sit, verba fecimus, cum de Mansuetudine disputavimus in *Coll. Eth.* & aliquam esse licitam, obiter demonstravimus. Nunc paulo uberius, quando sit licita, enarrabimus, & iræ illicitæ remedia proponemus.

VI. In Irâ licitâ & iustâ tria sunt observanda. Primo, causæ procacitatis seu initia legitima iræ. Secundo, objectum ejus æquum. Tertio, recta irascendi ratio. Ut iræ initia sint minime vitiosa: requiritur primo, ut occasio & causa iræ iusta sit, & gravis, qualis est, aperta Dei offensâ: talis fuit non semel in *Mose* iræ iustissima causa, aperta Israëlitarum à vero Deo apostasia. Secundo, requiritur, ut ex prævio consilio & delibera-

tione ira concipiatur: nam si actiones nostræ omnes ratione regi debeant: quanto magis affectus. Tertio, ut debito fine ira instituat; scilicet studio gloriæ & laudis divine tuendæ, ex iustitiæ & virtutis amore, ex vitii & mali odio ac detestatione. Porò, requiritur in ira iusta & legitima objectum debitum: quod ut sit tale, primo persona ipsa à persona offensâ, seu peccato, sollicite debet discerni: peccatum enim personæ est proprium iræ objectum, non persona ipsa peccans. Ita Moses Israëlitarum idololatriæ vehementissime succensebat, ac pro ipsis idololâris Deum precabatur. Secundo: Dei causâ & Dei offensâ diligenter ab offensâ & causâ hominum discerni debent. Ira debita & sancta, & licita, propter causam & offensam Dei propriè suscipitur, non ob privatam causam aut offensam nostrâ, nisi quoties illa nostri offensâ, & causâ, ad Deum quoque offendendum facit. Denique, ut ira sit licita & iusta, debet ratio concipiendæ iræ esse legitima: atque, ut talis sit, hæc cautiones teneri debent.

VII. Primo: Ira iusta ac legitima debet esse temperata, ac permixta amore & charitate: ipse enim Deus in ira sua recordatur misericordiæ suæ; ad cuius exemplum finos componamus, non malè irascemur. Secundo: ira iusta ac legitima adversus offensam ac peccatum, cum tristitia & dolore de offensâ & offendentibus debet esse commixta. Ira Servator noster Judæorum contumaciæ quidem irascēbatur, sed tamen duritiem cordis eorum dolebat: & illius ratio est, quia infocietate humana, si unum delinquat membrum, condolent reliqua; sicut in corpore humano cum unum membrum sese habet malè, dolent reliqua. Tertio: Ira iusta ac legitima intra propriæ vocationis & decori, seu *officij* limites ac cancellos est concludenda, id est iusta est temperanda, ut ad officia Deo, hominibusque debita: negligenda, aut ad decori communis præscriptum violandum, nos minime adigat. Hæc si observentur conditiones, ira iusta est, legitima, & sancta: Contrâ, ira in peccatum abiit, quando ab hisce conditionibus abiit, & ad oppositas ratio-

rationes transitur. Primo. Cum citra & præter consilium angressum, & absque prævia deliberatione concipitur ira: quæ temeraria est, & præceps, & subita, & violenta ira, in sacris & à recta ratione ipsa damnatur. Secundo. Injusta & illicita est ira, quæ, nulla vel levi & frivola oritur de causa. Tercio. Quando à *populo* seu occasio iusta quidem est, sed ira iustum excedit modum, ac mensuram, iam est illegitima. Quarto. Quando officii Deo hominique præstandi immemores nos reddit, & ad convitia, execrationes, & abominaciones, nos propellit. Quinto. Quando privatis de causis, quæ nos ipsos tantum concernunt, Deum non attingunt, iras concipimus. Hæc omnia si adsint, iram reddunt vitiosam, injustam, illegitimam. Sed videamus nunc iræ huius injustæ remedia, quibus illa, & iræ vindicta, tollatur.

VIII. Remedia iræ injustæ & illegitimæ sunt, quædam *Theoretica*, quædam *Practica*. *Theoretica* remedia in meditationibus consistunt & contemplatione, *Practica* in opere & actione. Meditationes ac Theoriæ, iram injustam compescentes & frænantes, vel Deum respiciunt, vel proximum, vel nos ipsos. Quæ meditationes circa Deum, iram cohibent & tollunt injustam, huc ferè recidunt. Primo, cogita, Deum nobis expresse vetare iram injustam & contraria Charitatis ac Mansuetudinis officia præscribere. Secundo, cogita, injurias omnes non sine Dei providentia singulari nobis obtingere, per quam in finem bonum, nostrum scilicet emolumentum, nobis convertuntur. Tercio cogita, Deum, incredibili longanimitate, etiam in maxime impios: qua in re nos ejus exemplum imitari docet. Quarto cogita, Deum immensæ lenitatis erga nos iri, qui tot noxas & offensiones nobis condonat & remittit, quibus divinam suam Majestatem quotidie offendimus. An non, ergo æquum est, ut & nos longanimitati & mansuetudini operam demus? Quinto, cogita, vindictam omnem ad Deum pertinere, qui ipse dixit, mihi est vindicta: Ideoque homose, & injurias sibi illatas, ulciscendo, Dei partes assumit, quin, & judicis, & actoris, & testis, & lictoris partes sibi arrogat,

contra omnem æquitatem, jus, & fas.

IX. Meditationes de proximo, iram, vel præveniunt, vel sedant, si cogitemus, primò, eum esse fratrem nimirum, ad imaginem Dei factum, cui irascimur. At fratrem in fratrem irasci non decet; & ipsa sanguinis communio & humanitas iram hic omnem vetant: & non debemus imaginem Dei aliqua injuria afficere, aut ullo modo lædere. Secundò, si cogitemus, quid nobis à proximo fieri vellemus: scilicet, si aliquem læsimus, vel dicis, vel factis injuriam intulimus, cupimus nobis à proximo noxam, & offensionem condonari: quapropter, & nos illi omnem injuriam condonare oportet, absque injusta ira: & cogitemus, vel eadem vel majori injuria, nos affecisse alios de proximis, quàm qua nos nunc afficimur.

X. Meditationes de nobis ipsis, iræ injustæ sunt remedia, si ad sequentia animum advertamus. Primò, qui iram temere concipit, atque eam alit, fovetque, iræ divinæ reatu se ipsum involvit; imo, cum veniam petit, nec alius det, ipse non impetrabit, si quidem precamur nobis remitti peccata, ut ea remittimus debitoribus nostris. Secundò, jubemur nos mutuo diligere: Dilectoris vero proprium est, pati, tolerare, nec facile ad iram incitari. Charitas omnia sustinet. Tercio, nos hominum animos non satis percipimus ex eorum actis, & verbis, & signis externis: & facile hic decipimur: iraque, non debemus tam facile irasci: quia experientia docet, nos sæpe irasci, quod mentes hominum sinistre interpretemur, aut non satis rectè assequamur. Quarto, ira temeraria correpti, nulla cultus divini parte possumus defungi: nec orare possumus, nec verbum Dei audire, nec vocationes nostræ munia & officia obire. Quintò, fructus expendamus, & effecta iræ in nobis ipsis: valetudini nocet, cerebrum lædit, spiritus enecat, animum perturbat, rationem auferit, justitiam, lætitiā, pacem, patientiam, concordiam, tollit, & uno verbo, via compendiariorum est ad universi corporis, animi, ac vitæ intemperiem, atque indispositionem. Sextò, causas expendere oportet iræ injustæ, quæ sunt variae, & omnes, non

non nisi vitia. Primo, superbia: Superbi enim nullas patiuntur injurias, sed ad minimas excandescunt. Secundo, amor sui: qui enim nimium se amat, aliis cito irascitur. Tertio, curiositas & suspicio: qui enim in singulis curiosus inquirat, facile invenit quippiam, cur & suspicietur. & irascatur. Quarto, Temeraria credulitas: qui enim omnia credit, facile irascitur, si aliquid male ab adulatore audiat dici. Quinto, negligentia, quod non attendamus ad nos, & non cogitemus, quam facile nos Sathan ad vitia præcipitare valeat. Sexto, invidia: nam ex hac quam citissime irascimur ei cui invidemus.

XI. Remedia practica iræ præveniendæ aut cohibendæ sunt. Primo: Si in actu iræ eam, omni modo, tum verbo, tum factoregere studeamus. Secundo: Si ab iis quibus irascimur, aut irasci facile possumus, sededamus. Tertio: Si irritamenta & incitamenta iræ studiose & diligenter vitemus, caveamus, fugiamus. Quarto: Si de mane quotidie & Deum precemur, ut nos à præcipiti iræ servet, & nos decretum faciamus de non irascendo, quod sæpius de die recolamus, ac volumus: sic fiet, ut non facile in iras erumpamus.

## EXERCITATIONUM ETHICARUM QUINQUAGESIMA-QUINTA,

D E

### Quæstionibus moralibus quibusdam circa Mansuetudinem.

T H E S I S I.

**E**Xcussimus exercit. præced. casus quosdam & quæstiones morales circa Modestiam, Magnanimitatem & Mansuetudinem, vidimusque quousque proprium honorem, speciatim, boni nominis famam curare acturi debeamus: vidimus, quibus mediis & remediis sit resistendum ambitioni, & nimix honorum cupiditati: vidimus, quæ, & sub quibus conditionibus ira sit licita & iusta; vidimus, quibus remediis, tum theoreticis, tum practicis, sit resistendum iræ illicitæ & injustæ, ac jam possemus transire ad quæstiones alias morales, circa comitatem, urbanitatem, veracitatem institutas, dissolvendas: verum enim vero, quia nonnulla adhuc restant quæ spectant Mansuetudinem, & cum fructu quæri hic possunt ac dissolvi: ea primum excutiemus: quæ dicemus, ad hæc 3. referri possunt capita, sc. an &

quomodo homini mansueto sint injuria propulsanda, vindicanda, ferenda? quæ tria scire oportet, ut medium in mansuetudine communi servandum recte servemus in vita. Hæc tria asserimus licita esse, sed sub conditionibus debitis. *Interdum propulsare licet ac repellere injurias illatas, interdum ulcisci ac vindicare, interdum perferre oportet ac tolerare.* A duobus hic est cavendum extremis. 1. Cavendum est ab eorum opinione, qui putant omni injuriæ esse cedendum, & nihil opponendum, ac reponendum, Grassatori, rem domesticam evertenti, latroni, bona & vitam eripienti, nebuloni, famam & bonum nostrum nomen violanti, cavendum quoque est ab eorum sententia, qui putant omnem injuriam, & levissimam, ac quamcunque tandem esse repellendam, & quod plus est, esse vindicandam, aut propria manu,



manu, aut statim ad tribunalia convolanda. Contra utrosque, & utrumque extremum sedulâ diligentia hæc tria capita discutiemus, quæ: *Quousque sunt injuria, propulsanda, vindicanda, toleranda?* quod antequam distincte decidamus, prius injuriæ proponemus definitionem & divisionem.

II. *Injuriam* impræsentiarum vocamus, in qua *jus alterius læditur, sive dicto, sive facto, sive gestu, sive scripto, aut quocumque modo illud contingat.* Itaque injuria est in & de genere malorum, estque *malum culpa ac turpe, respectu facientis, & malum poena ac triste respectu patientis*: dicitur vero injuria committi *dicto*, cum maledicto laceratur vir bonus ac lædi ut, quod genus injuriæ *Græci* dicitur *ὀνειδος*, *contumelia*; huc refer *calumniam*: *facto* committitur injuria cum alicui vis infertur, ut, cum grassator viatori eripit facultates, aut fur alicui bona auferit contra alterius voluntatem: *gestu* infertur injuria, cum quis habitum & mores alterius probroscè imitatur ad ipsius contemptum & ludibrium: *Scripto* affectur injuria cum quis famosis libellis, & convitiis chartæ mandat, atque expressis, alterum persequitur. *Græci* duo injuriarum genera constituunt: aliud enim ipsis est, *ἀδίκημα ἐν λόγοις*, quod sponde, scio er, & volenter, admittitur, quod fere solum hodie *injuria* dicitur. Aliud injuriæ genus est *ἀδίκημα ἐν πράξει*, quod eo fine admittitur, ut lædat alium, sed propter ignorantiam aliquam excusatur: verum hæc injuria huc non pertinet. Potest etiam injuria distingui, in universalem & particularem. Universalis est illa, quæ non uno modo lædit jus alterius sed infinitis, qualis est tyrannica gubernatio, in qua scelera sunt comprehensa infinita. Alia est injuria *particularis*, qua singularium unusproximus læditur ab alio, qualis est injuria, furtum, quo alteri infcio aut invito suum eripitur. Hanc injuriæ distributionem alii commodioribus terminis efferunt: & dicunt, injuriam aliam esse publicam, qua Magistratus ac superiores opprimunt subditos, aliam esse privatam, qua singuli singulos lædunt. Sed præter utramque hanc injuriæ speciem datur adhuc, quæ utrimque est publica, & à parte facientis, & à parte patientis, ut, cum rex regem, Resp.

remp. invadit, regio regionem. His ita præmissis, nunc queritur: *An non impingat Christianus in Virtutem, Clementiam aut Mansuetudinem, si injuriam repellat ac propulset, deinde, si vindicet?*

III. 1. Si Magistratus Magistratum alium, Rex unus Regem alium, Resp. Rempublicam aliam, injuria afficiat & contumelia, & variis modis persequatur, officii nomine teneatur repellere, & propulsare injurias, ille, vel Magistratus, vel Rex, vel Resp. sibi & suis illatas; namque in eum finem accepit gladium, & ob eam causam est institutus & ordinatus à Deo magistratus. 2. Si Magistratus alienis subditis injuriam faciat, subditi Magistratus sui præsidium & debent & possunt implorare: illius enim est, tueri subditos suos, & omnes eos, quos Deus Magistratus illius patrocinio commisit: quos sine magno scelere non potest negligere Magistratus. 3. Si Magistratus suis ac propriis subditis injuriam faciat, ea a subditis violentè propulsanda aut repellenda non est: neque Magistratus a mis invadendus est à subditis; quia Scriptura Sacra nullibi subditis in Magistratum suum potestatem fecit arma capiendi ob injurias simpliciter à Magistratu illatas: quia malis etiam Principibus parendum esse, jubet: si quid Magistratus contra Deum, Religionem, aut Pietatem, vel agat, vel agi præscribat, Deo hic quidem magis obediendum, quam Magistratui, sed non subditis statim sunt arma capienda, nec huic aut illi subditorum statim licet, telo aut armis invadere Principem suum, aut Regem, etiam Tyrannum. David Saulem regem, cum posset, tamen, noluit occidere, quia Rex erat, & Magistratus: & Servator noster hic suo exemplo prævit, qui injuriam, sibi innoxio illatam ab ordinario Magistratu, patienter tulit, nec vindicavit; cum eam facile accessit in sui defensionem, Angelorum legionibus repellere ac propulsare potuisset: quare subditis perferende potius sunt injuriæ, sibi à Magistratu illatæ, quam à se vindicande.

IV. Superest *quartum injuriarum genus*, quo privati privatis sunt molesti. Queritur, *An hæc sint propulsanda?* Resp. Et hoc genus injuriarum defensionem admittit & propulsationem; sed honestam utrimque, & non

tam privatam quam publicam exigit, aut si publica haberi nequit, etiam privatam, servato moderamine debito. Duplex est injuriarum, quas privatus privato facit, species. Una, res ipsas, quas possidemus, petit, sine vitæ periculo, in qua multa concedet pius, etiam de jure suo, ignoscat, condonabit, verbis admovebit, etiam de suo largietur, siquidem necessitas sic exigit & ferat. Alia est, cum extremo vitæ periculo conjuncta, in qua, non tam cunctabitur, aut moras necet, aut ceder, in multis, antequam se defendat injuriasque propulset, sed paratam habebit sui defensionem, & in promptu, quæ, ut necessaria, ita justa quoque est, propter periculum præfens in mora, & hæc naturalis est propensio, & innatus affectus, se defendendi, injurias à vita sua propulsandi, quem sui conservandi affectum Deus non eripit, sed ardentiorē potius facit in regeneratione, ut in regenerato ac verè pio non sit extinctus, sed licitus atque ardentior, quam in impiis: itaque in casu necessitatis, nec cum pietate nec cum mansuetudine, pugnat, ut privatus *privatus* injurias repellat, quod fufius probavimus, cum de eo differuimus circa *fortitudinem*; an *vim vi repellere liceat*? atque repulsionem injuriarum esse licitam, cum vita in periculum adducitur, nec potest Magistratus auxilium, aut implorari aut haberi, nihilque tum fieri circa jus divinum aut humanum, satis est probatum, neque in controversiam usque adco trahitur: Sed hoc est magis controversum, an propter honoris nostri violationem, liceat, injuriam istam fama nostra illatam, repellere, ad mortem vulnerando, aut & occidendo violenter?

V. Resp. Est viro gravi & honesto grave est honoris periculum pati, atramen honoris æstimatio, nulli hominum tanti esse debet, ut pervitiam alterius redimatur: neque enim ejusdem hic sunt ponderis, fama nostra, & vita alterius: si injuria sit verbalis, sufficit, si verbis repellatur, & legitima vindicta à Magistratu compescatur; si sit realis, ut, si quis vitum gravem alapa percutiat, quod cum ejus honoris læsione est conjunctum, aut honestam virginem vel sceminam impudicè attingat, aut adoriatur, potest talis injuria re-

pellī, vel per Magistratum, vel, si ejus auxilium non sit præsto, per aliquam repercussionem, ut nonnulli *Cassius* existimant, modo id non fiat, ex vindicta, sed ad vitandam infamiam atque ignominiam, ac fiat statim & è vestigio: quod, jam non disputo, an recte fiat, si tunc licitum nec ne? Interim nunquam ad mortem vulnerandus est aut occidendus, qui injuriam insert: unum tantum excipiunt casum, quo licere id existimant, cum virgo non tantum impudice attingitur, sed insuper, violatur; quia castitas, ut vita, semel amissa, nunquam recuperari potest. Sed de isto casu, antè diximus de *Fortitudine*. Arque hæc de primo hujus Exercitii, capite, sufficiant, de injuriarum propulsatione, an ea cum Mansuetudine consistat, & sit licita? alterum est, an sint injurie vindicandæ?

VI. Propulsantur propriè injuriæ nondum factæ; ita vis propulsatur contra rationem, grassatorem, prædonem, stupratorem: Vindicantur injuriæ, jam factæ: sic res repetitum ibant Veteres Romani, & in civilibus actionibus, lege rationis apud Judæos, postulabantur ad pœnas, auctor injuriarum, ut quantum v. c. abstulisset, tantum restitueret, aut quantum damni ac noxæ intulisset, tantum ipse etiam pareret. Hæc ratio vindictæ erat apud veteres. Nunc controversia est, an vindicta sit licita? peccant hic in excessu, qui sine modo omnem vindictam approbant; quo vitio videntur laborasse Judæi, qui ex lege rationis nihil non licere sibi putabant, oculum pro oculo, dentem pro dente, &c. quo etiam vitio laborant, qui prætextu Juris naturalis, ad quasvis injurias obijciunt, vim vi repellere licet: quasi nulla sit charitatis regula, quæ vindicandi studium, & possit, & debeat, mitigare. In defectu peccant hic nonnulli *Anabaptista*, & *Sociniani*, qui dilectionis Jus ira extollunt, ut vindictæ nullus planerelinquatur locus, nec privatis eam permittunt personis, nec publicis, tolluntque è manibus ipsius Magistratus, Gladii Jus & usum. Nos hic medium tenemus, & publicam vindictam semper licitam pronunciamus: at, vindictam privatam in societate humanâ, & Republicâ, ubi sub Magistratu vivitur, non item. Ethnici est

est ad quamvis offensam exandescere & ultionem experire: sed stipitis quoque est ac lapidis, imò fungi, ac contra pietatem, socii negligentia se & suos negligere, nullo pacto vim ullam propulsare, nullam vindicare, cum vindicari licetè potest. Vindictam publicam, à Magistratu exercitam, esse licitam, dum fontes poenis affigit, insones ab injuria tuerur, facile probari potest. Quia Magistratus à Deo ordinatus est ut bonos defendat, malos puniat; at illud sine vindicta & ultione fieri nequit: & quia Magistratus est pacis publicæ custos: At pax publica custodiri nequit sine vindicta, quæ scelera hominum turbulentorum & machinationes irrequietæ vindicentur ac puniantur.

VII. Vindictam privatam, qua privatus privatum ulciscitur, ipse vindicat injurias illatas, sibi esse illicitam, facile probatur. 1. Quia vindicta est propria Dei: Ergo, aut Deo committenda, & relinquenda, aut iis, quibus eam Deus potestatem fecit, qui idcirco *Dii* quoque vocantur, ut est *Magistratus: Deo & Magistratui* jus suum eripit, qui se ipsum ulciscitur. 2. Vindicare injuriam illatam, est ejus, qui est potestate superior: sed privatus injuriis affectus, non est superior privato afficiente. 3. Actus iudicii non convenit privato, quia est actus publicus. Sed vindicta est actus iudicii. Ergo. Certè, nemo est idoneus Iudex in propria causa: At talis erit privatus, si se vindicet de injuria irrogata. 4. A quo non possunt obtineri fines vindictæ ob quos instituitur, ad eum non pertinet vindicta. Sed à privato non possunt, &c. Ergo. Hæc tria spectantur à Magistratu, in alienis injuriis vindicandis. 1. Ut eum, qui puniatur à Magistratu, Magistratus emendat. 2. Ut animadversio facta à Magistratu in aliquem, alios reddat meliores & cautiore. 3. Ut parti læsæ & aliis in posterum securitas præstetur. Atqui nihil horum assequitur privatus, si sese ulciscatur: Nam, 1. Non emendat, nec corrigit adversarium, sed magis irrat ac læscit. 2. Alios non reddit, suæ ultionis privatæ exercitio, meliores, sed vero deteriores, suo scandalo, quod iis præbet, dum se ulciscitur. 3. Non securitatem sibi, aut aliis, procurat, sed vexationem potius &

metum, ne alter, quem ultus est, sese iterum vindicet & ulciscatur. Quare, *vindicta privata nullo modo est licita.*

VIII. Sed tertium videamus exercit. *nostra caput. quæ & quando sunt ferenda injuria?* Duplex est injuriarum consideratio, una, ut sic loquar *juris, altera, voluntatis. Juris est, quando disputatur, An liceat. & quas, ac quo usque liceat, vel propulsare, vel vindicare, injurias?* hanc considerationem injuriarum jam absolvimus; & de utroque sententiam diximus: restat ut consideremus, *non, quid possit fieri, circa injurias, vel propulsandas, vindicandas, sed quid velit homo pius & probus?* Non semper quis utitur summo jure, quo uti potest: itaque etiam si quis possit, vel propulsare, vel vindicare, sæpe tamen non vult, ac rum teneat perferre: imò, quadam sint injuriæ, quas non potest nisi perferre: necesse autem est, ut perferat eas patienter & cordatè. Sed videamus, quæ sint perferendæ injuriæ viro pio, & quomodo?

IX. 1. Quas propulsare aut vindicare quis nequit injurias, eas ferat patienter, oportet, ferat modeste, ferat animo humili, tanquam coram *Domino*. 2. Quas propulsare quidem quispiam potest injurias, sed medio tamen non satis iusto, eas ferat, oportet: huc pertinet casus ille: *Si quis coram infideli Iudice cogatur litigare de injuriâ acceptâ, & ab eo vindictam petere, præstat in tali casu, injuriâ ferre, quam ulcisci.* Si se vindicta injuriæ, est licita, apud infidelem Judicem, vel alios infideles, aliquid scandali daret, aut ludibrii quippiam crearet, veræ religionis professioni: sed, si absint ista, non necesse est, perferre injurias, sed vindicari possunt illæ ab infideli etiam Iudice; imò fieri potest, ut quis apud infidelem Judicem melius Jus suum persequatur, quam apud religionis suæ Judicem: si Iudex sit homo impius, præstat conquire & devorare injuriam acceptam, quam ad tribunal deferre. 3. Quasunque injurias non potest quispiam repellere aut vindicare, nisi cum offendiculo fratris, eæ potius tolerari debent, quam vindicari aut propulsari, quia finis semper, est edificatio proximi: quodcumque non edificat ex indifferentibus, præstat omitti, quam fieri. 4. Si sine injuria rei domesticæ, si sine jactura nominis

ac famæ, tolerari possunt injuriæ, tolerantur: si suadeat pietas, si mandet charitas, ferantur: Multa enim sunt concessa, quæ non sunt statim facienda; tempus facile leniet injurias, quas alioquin vindicare licet. In terendis vero injuriis, ut quis patienter eas ferat, se consolabitur unusquisque qui eas fert, providentiæ divinæ feuit: Cogitet, hanc esse voluntatem *Patris Cælestis*, ut eas ferat: & latas esse similes injurias à Magistro & capite nostro *Jesù Christo*: cogitet, longè majus esse bonum, patientiam, constantiam, mansuetudinem, de qua egimus, quibus perferat injurias, quam sunt injuriæ, malum: cogitet, ipsis *Gentilibus* adiuvisse, nec uni, sed multis eorum, hunc perferendi injurias potius, quam vindicandi, animum. Exemplis probatum dare id, facile torer. Sic ergo tria hæc capita, quæ & quousque injuriæ sunt, propulsanda, vindicanda, toleranda, absolvimus, & in universum casus morales ac conscientie, qui circa *Mansuetudinem* aut *Clementiam* moveri possunt. Exere. prosequemur securis, casus alios, circa virtutes *eiùs diximus*, *Comitatem*, *Vrbanitatem*, *Veracitatem*, moveri solitos, ubi insignis sese de pluribus rebus egregiis differendi offerret campus.

#### IMPERTINENTIA.

I. Ingeniorum maximus obex, sunt præjudicia.

II. Veritatis, & inquisitionem, & inventionem, sistunt atque impediunt, anticipata opiniones, obstinatio pertinax, fuga laboris, desperatio doctrinæ melioris, reverentia erga magistros, Novatoris opprobrium, Adversarii omni multitudo, & perversus zelus, veritatis studiosos, schismatis & hæreses titulo calumniantium, eosque cum Ecclesiâ & Magistratu committentium.

III. Multa sunt, quæ, etsi videantur à natura edocti, à consuetudine tamen inconsideratè judicandi, accepimus.

IV. Præjudicia sunt, judicia, de rerum veritate, naturis ac proprietatibus lata, vel ante debitum rationis examen, per solum sensum dicta-

men, vel ex solè auctoritate Philosophi, cuiusque tantum, pro est.

V. Præjudicium, præjudiciorum omnium, pessimum est, se & alios in arripere studiosos, uni certum Philosopho, seu Veteri, seu Recentiori, cuiusque, quasi, vel Aristoteles, vel Ramus, vel ò deiva, vel, quicunque fuerit, omnem exhaustur veritatem, atque in aliquo eorum nullas fuerit error.

VI. Aristotelem, plurimum de Rep. Philosophicè meriti esse, judicamus: sed, uti Homo fuit, ac Gentilis, non Deus, errare potuit, atque in multis erravit: idem proavertimus de Ramo, & tñ deiva: neque ullus Philosophorum unquam debet, Philosophiæ aut veritatis, norma statui in allibilis.

VII. Vnicuique liberè Philosophari, licet, Philosophos calumniari, non licet: illud vetari non potest, hoc potest.

VIII. In liberè Philosophando, ordo teneri debet, ut non statim Philosophiæ studiosus incipiat à materiâ subtilissimâ contemplationis, qualis est in Physicâ à *επεαδ* Aristotelis, Meditationibus Metaphysicis, aut Principiis Philosophiæ, & deiva, sed à rudimentis Logicæ; & his, quæ sunt facillioris cognitionis.

IX. Philosophiæ Aristotelis, non est eliminanda ex Scholis & Academiis publicis, nec in contemptum adducenda apud studiosos, ut in eam negligatur ac posthabetur, sed corrigenda ac reformanda; &, prius addiscenda, quam ulla cuiuslibet recentioris.

X. Nulla major studiorum est pestis, quam precipitantiæ studiorum, qui, neglecto Philosophiæ cultu, illotis manibus pedibusque ruunt in sacra superiorum disciplinarum, cum sui, Ecclesiæ, ac Reip. detrimento.

XI. Nec tantum est rerum Metaphysicarum in Institutionibus Theologicis, nec Ethicarum aut Politicarum in Iuridicis, nec Physicarum in Medicis, multò minus Logicarum in illis quantum scire debet unusquisque, Theologicæ, Jurisprudentiæ, aut Medicinæ studiosus, disciplinis, antequam se ad earum culturam transportet aut accedat.

EXERCITATIONUM ETHICARUM  
QUINQUAGESIMA-SEXTA,

D E

Quæstionibus Moralibus quibusdam  
circa Veracitatem, ac speciatim, de Mendacio.

T H E S I S I.

**O**ccuparunt se hæcenus *Exercitationes* nostræ *Ethicæ*, in enarrandis casibus, seu *moralibus*, seu *conscientiæ*, ut alii vocant, circa virtutes moveri solitis: vidimus, & exposuimus quæstiones, quæ circa *Fortitudinem*, *Temperantiam*, *Liberalitatem*, *Magnificentiæ*, *Magnanimitatem*, *Molestiam*, *Manſuetudinem*, occurrunt, morales. Superest, ut nunc ad virtutes *quidam præcipue*, seu *Conversatrices*, tranſeamus, & qui hic casus decidi possint, dispiciamus. Diximus in *Coll. Eth.* olim disputato, virtutes *quidam præcipue*, occupari circa sermones, & actiones hominum, in quotidianâ conversatione: spectando in iis, vel *Veritatem*, & *Falsitatem*, quod est *Veracitatis*, vel *Jucunditatem* & *Molestiam*, tum in *Seriis*, quod est *Comitatis*, tum in *Ludicris*, quod est *Urbanitatis*. Nunc primum quæstiones, & casus morales circa *Veracitatem*, tum circa *Comitatem* & *Urbanitatem* simul, quia sunt affines, videbimus.

II. Veracitati diximus opponi Mendacium: de quo hic quæri solet à Casuistis, An quodvis sit illicitum? ut hanc decidamus quæstionem, videndum est, quid sit Mendacium, & quotuplex? Mendacium vulgò & bene definitur, *Voluntaria falsi enunciatio cum animo fallendi*. Tria enim in Mendacio requiruntur: 1. ut sit falsum id, quod enunciatur. 2. ut adsit voluntas falsum enunciandi. 3. ut adsit intentio fallendi. Vbi vero non est voluntas falsum enunciandi, nec intentio decipiendi, ibi non est Mendacium, sed potest tamen esse falsiloquium, ut, si quis ver. ix. fabulam, quam accepit, & ignorat esse falsam, aliis serio, narret, is quidem falsum loquitur, non autem mentitur, quia absque animo falsum dicendi, & intentione fallendi: at contra potest quis mentiri, dicendo verum. Si quis enim verum dicat, quod tamen falsum esse arbitratur, animo, & intentione fallendi, is mentitur. Scholastici, Ethici, & Casuistæ, Mendacium faciunt triplex, Perniciosum, Jocosum, & Officiosum. Perniciosum est, cum malâ mente cuiuspiam conamur interre detrimentum, & falso ad id sermone, ac Mendacio, tanquam instrumentum, utimur: quod locum fere habet in spargendis calumniis, perjurio exercendo, &c. Jocosum est, quod oblectandi causa profertur. Officiosum est, quod juvandi animo, & ad amicitie, charitatis, aut utilitatis aliquod officium præstandum, adhibetur. Sed de pernicioso Mendacio nullum est dubium, quin sit grave peccatum. De Josofo, & officioso, à multis, tum Theologis, tum Philosophis, est dubitatum. Nos, omne Mendacium, quodcumque tandem, esse illicitum, pronuntiamus: ratio est; Quia omne mendacium est vitium, Veracitati contrarium. At nullum vitium est licitum. Ergo. Deinde, quod secundum se, per se, & in se, est malum, id non est licitum. Sed mendacium est tale. Ergo. prob. min. quia est actus, ordini naturæ, Deique, contrarius: cum enim voces sint signa eorum, quæ sunt in intellectu, contra naturæ ordinem est, ut aliquis voce significet id, quod non habet in mente, imò cuius contrarium habet in animo: non est alia via, qua possit animus, & voluntas unius hominis aperiri alteri, nisi per verba, & voces, sine quibus alter ab altero intelligi

telligi nequit: at in Mendacio verba & voces significant contrarium ejus, quod in animo & voluntate est dicentis. Theologica argumenta ex sacris à Theologis petantur. Nos objectiones refutabimus, quibus pro *Mendacio officioso*, & *jocoso pugnant adversarii*: quæ vel ab exemplis sanctorum instituntur, quos meritos volunt, vel à rationibus.

III. Pro officioso proferunt 1. exemplum Rebecæ Genes. 27. quæ per Mendacium impofuit Ifaaco jam cæco, cujus historia est nota. Resp. 1. In genere ad omnia exempla ex sacris proferri solita, quod non exemplis, sed legibus vivamus, quæ Mendacium simpliciter omne veniant. Deinde, non, quicquid legimus factum à sanctis in verbo Dei, id nobis statim esse faciendum, sequitur: neque statim omnia sunt trahenda in imitationem, & exemplum, cum & sanctissimi viri non fuerint expertes peccati, & multa fecerint male, quæ à nobis fieri debent bene. Denique, multa videntur fuisse interdum Mendacia sanctorum, quæ, si bene examinentur, non esse deprehendentur. Resp. 1. In specie de Rebecca: eam turpiter fuisse lapsam, & peccasse, dum filium suum ad fraudes quascunque adducit, & pellicit suis blanditiis & promissis, & licet rationes speciosæ, & prætexus apparentes boni, videantur proferri posse pro Rebecca, & facto ejus: sc. quod maternæ dilectionis viscera eam incitaverint, & speciatim, quod divina promissio juniori facta filio ejus potuerit reddere confidentiorem, & alia excogitari possent, non obstante quocunque prætectu, Rebecca Mendacii ac culpa est rea: imò non solo falsitatis vitio fuit polluta, sed infidelitate, & incredulitate infusa: nam in duas veluti distracta partes, dubia ferebatur mentis, num pollicita vellet Deus præstare sua, de Jacobo præferendo alteri: si si eam credidisset Deum, & ejus promittentium expectasset, mediis nonnisi piis usa fuisset. Rebecca itaque exemplum nullo modo facit pro mentiendi licentia, nec probandum, sed improbandum.

IV. Exemplum proferunt Abrahami Genes. 12. & 20. dicentis Saram esse sororem suam, cum eliet uxor. Resp. Cum Saram so-

rorem vocavit, dixitque, Abraham non mentitus fuit. Sub sororis enim appellatione, ut etiam sub fratris nomine, consanguinei Hebræis designabantur, quo sensu aliqui sunt dicti Christi fratres in Nov. Test. id est consanguinei. Clarum autem est ex sacra Genesios historia Saram fuisse cognatione propinqua, Abrahamo junctam, ideoque nihil in sermone Abrahami est compertum falsi. Sin verò mentiendi animo imponere Abimelecho per fraudem cupivit Abraham, passus est aliquid humanitatis, neque tum à nobis excusatur, sed tum, quod de Rebecca dictum est, hoc factum in exemplum trahi non debet. Idem pronunciamus de Mendacio Jacobi, primogenitum se dicentis in eadem historia.

V. Exemplum proferunt obstertricum Israëlitarum Exod. 1. v. 19. mentientium Pharaoni. Hebrææ, inquit, non sunt, sicut mulieres Egyptiæ: sunt enim vividæ, quum nondum veniat ad ipsas nulla obsterix, jam pepererunt: idcirco benefecit illis Deus. Resp. 1. Nonnulli putant non fuisse mentitas mulieres illas obstertrices, & Israëlitarum uxores fuisse revera tam vegetas, ut ante obstertricum præsentiam pepererint. Si mentitæ fuerint, non tamen benedixit Deus iis propter mendacium, quod odit, sed quod in instantes innocuos exstitissent misericordes, & propter hoc benefactum, vitam infantium servatam, acceperunt retributionem. 4. Exemplum proferunt Rachab, cujus historia extrat Jos. 2. Resp. Benefactum fuit isti Rachab, vel Meretrici, vel Cauponatrici, non quod falsa pronuntiaret, sed verò quod exploratores Israëlitas tlexerit, divinæque voci crediderit de tradenda Josue Hierichum, & terra Canaan. Misereri solet Deus super erratis, & peccatis suorum, & ignoscere, præsertim, si alias virtutes exercuerint, Deo gratas. Exemplum alia ex sacris adferre solita, aut non sunt talia, aut si sunt, non sunt imitanda; & videatur, qui in omnibus est manibus, *Wendelins in Eth. l. 1. c. 31.*

VI. Sed cum non defuerint arate omni, nec defint hæc arate, qui mendacii fuerint patrocinari, rationes expendamus, quæ ab eis adferuntur. 1. *Mendacium officiosum saepe*



conjugatum est cum insigni utilitate, etiam publica: eo enim, & anime, & corporis, & reipublica saluti, interdum consultitur: ergo est licitum. Resp. Non sunt facienda mala, ut eveniant bona: nec, quod in se est malum, ideo fit bonum, quia bonum aliquod eo procuratur: nec intentio bona, aut finis bonus, facit opus bonum: possumus furando, possumus adulterando, prodesse alteri: non ideo furtum, & adulterium, desinunt esse peccata. 2. *Quemadmodum occiso, & aliena rei ablatio possunt juberi à Deo, & fieri licite: ita quoque mendacium: ergo aliquando est licitum.* Resp. Deus nunquam iussit, vel homicidium, vel furtum, prout in decalogo prohibentur, sed dispensat de materia illius precepti utriusque: i. e. vitam & bona, quæ non sunt in alterius potestate, alterius tradit potestati; quod cum fit, ille alter jus accipiendo, & illud exercendo in vitam & bona, quæ suæ potestati sunt tradita, non transgreditur legem, nec fit homicida, aut fur: itaque ablatio rei alienæ, & occiso hominis, etsi materia sint furti, & homicidii, possunt tamen esse sine formali utriusque vitii aut peccati: at nemo potest contra mentem suam falsum dicere sine formali mendacio: & Deus, si posset dispensare de materia huius præcepti, posset de sua sanctitate, & veracitate, dispensare: nam falsum, quatale, juberet: quod tam pravum est, quam mentiri: at Deus, mentiri, fallere, & falli non potest: ergo non potest hic circa materiam huius præcepti dispensare. 3. *Mendacio officioso non convenit definitio mendacii: quia non est voluntas, & animus fallendi.* Resp. Neg. min. nam qui persuadere alteri vult rem aliquam, ita se habere, cum se habeat aliter, is animum habet fallendi proximo: & si id faciat, mentitur formaliter, licet habeat intentionem alicuius utilitatis procurandæ. 4. *Error in alio genitus non est semper peccatum. Mendacium vero error est in alio genitus.* R. Error est, vel involuntarius, vel voluntarius, qui in alio gignitur. Error involuntarius in alio circa voluntatem genitus potest esse sine peccato: at voluntarius est peccatum, quando scilicet quis verbis mendacibus in alterius animo gignit errorem, etiamsi error

genitus sit innoxius. 5. *Omne Mendacium est in verbis, sicut simulatio in factis. Sed licet interdum simulare in factis.* Iosua cap. 8. iussit filios Israel simulare fugam. David 1. Sam. 21. simulavit insaniam. Iehu 2. Reg. 10. simulavit se cultorem Baal. Christus simulavit se longius velle ire, Luc. ult. Resp. Simulatio proprie dicta habet rationem mendacii, quia nihil est aliud, quam mendacium in exteriorum factorum signis consistens: itaque in factis Davidis, & Iehu, in quibus talis fuit simulatio, agnoscimus Mendacium, & peccatum; sed in Iosua non fuit simulatio proprie dicta, nec peccatum. Voluit tantum hostibus suum occultare consilium, & eis insidias struere, quod adversus hostem facere, & licitum est, & laudabile. De Christo quidam dicunt, quod, etsi composuerit gestum, & morum corporis sui, ut faciunt longius progressuri, non id fecerit, ut discipuli crederent eum longius ire velle, quamvis id existimatos non ignoraverit, sed ut eorum erga se amorem, & hospitalitatis affectum excitaret. Alii resp. intentionem Christi fuisse, ut ulterius procederet nisi à discipulis ad manendum fuisset invitatus: ut nulla hic fuerit simulatio: *Wendelinus* respondet, Græcum *ομοιωσας* non significare simulationem, sed apertè profiteri: & quod Christus apertè fuerit professus se ulterius periturum, sed cum conditione subintellecta, nisi amica invitatione retineretur: promissiones, & comminationes sæpe sunt conditionatæ, quamvis conditiones non sint expressæ.

VII. Pro mendacio iocoso proferunt has rationes. 1. *Qui joco mentitur, nec fallit, nec fallere nititur, ergo non est proprie mendacium.* Resp. Mendacium iocosum, etsi ad fallendum noxiè, non usurpetur, adhibetur tamen ad fallendum: quia aliter significat, quam res est: ideo culpa ex hac parte non caret, & vitiosum est, etsi non lædat quempiam, sed deleat. 2. *Fabula, parabola, hyperbola, ironia, sunt licite, ergo & mendacia iocosa, quia talia sunt.* Resp. Parabolæ & locutiones tropicæ, non sunt mendacia ullo modo, nec fabulæ etiam, seu apologi: quia in iis, nec materialle, nec formale est, mendacii: sed in iis veritas doce-

docetur, occultiore & jucundiore, agendi ratione: non est in iis materiale Mendacii, quia falsum non enunciat, sed verum figurata locutione, atque hominibus usitata, exprimitur: ut enim propria, & nativa, sic etiam tropica, & figurata, loquendi ratio, pendet ab usu, & arbitrio loquentium. Siquis v. c. dixerit hominem crudelem & ferum, esse lupum, vel leonem: si quis aliquam recitet parabolam, qualis est *Jud. 9.* de arboribus sibi regem eligentibus, & ut sunt fabulæ *Æsopi*, is dicendo, & recitando, non mentitur: omnis enim enuntiatio est vera, cum ita enunciat, ut res est: enunciat uti res est, cum id significat, quod significare debet: figurat ergo dictum, si in significatione figuratā sumatur, uti enunciat, verè est dictum: ergo, *Herodes est vulpes*, non erit mendacium, si vulpes sumatur ista figurā, & tropo, ut hic significat. Sed difficultas major est de hyperbolis: utrum illæ sint expertes mendacii, ut si dixerit, *fugit ocyris Euro*: certè, oratio est dissimilis rei. Ergo est falsa: Nemo enim potest esse ocyor Euro: sic cum quis dicitur, *immobilior scopulis*, *violentior amne*: videtur esse mendacium: nam *rupes est immota*, & *amnis suo flumi-*

*ne omnia dejicit*, ut non detur quid, *rupsit immobilitas*, & *amne violentius*: Sunt, qui omnes in universum hyperbolas, talesque loquendi formulas damnant: sed enim, nolim ego omnes hyperbolas facere reas mendacii, aut esse Mendacio conjunctas, pronuntiare, quia in Scripturis Sacris, disertis exprimuntur verbis hyperbolæ. Dicuntur *Jud. 7. 12.* Cameli Medianitarum, & Amalekitarum fuisse innumerabiles, & partes arenæ, quæ est in maris littore; quæ hyperbole alibi sapius in facris usurpatur litteris: & insignis est hyperbole in fine Evangelii secundum Johannem, cum ait, si omnia, quæ Christus fecerat, scribantur sigillatim, ne mundum quidem capiturum libros eos, qui scriberentur: & nulla ratio est, cur hyperbole magis referatur inter mendacii species, quam allegoria, aut metaphora, vel metonymia, vel ullus tropus, aut loquendi figura. Licet ergo in hyperbole plus dicatur, quam est in re, eo tantum significatur quidam excessus, & in dicendo ornatus. Exercitatione proximā, de mentali reservatione, & aquivocatione, &c. casus morales, discutimus.

## EXERCITATIONUM ETHICARUM QUINQUAGESIMA-SEPTIMA,

D E

### Quæstionibus quibusdam Moralibus, circa Veracitatem, ac speciatim de æquivocationibus, & mentalibus reservationibus.

T H E S I S I.

**D**ifferuimus exercitatione præcedenti de mendacio, & vidimus nullum esse licitum, nec perniciosum, nec jocosum, nec officiosum, ac, quæ in contrarium profert solent dissolvimus. Mendacii proximæ

sunt aquivocationes, & mentales reservationes, à sophistis quibusdam introductæ. Volunt enim nonnulli sic licere in certis casibus cum proximo agere, ut ad ipsius mentem non respondcamus, sed ita verbis ludamus ambiguè & aquiv.

& *equivocis*, & talia in mente reservemus, ex quibus apud nos intelligamus quidem veram enunciationem, sed eis, cum quo nobis res est, ea verba demus, ex quibus novimus cum intellectu esse contrarium, nec aliter posse. Hoc est artificium mentiendi multis hodie usitatum, & Reformatis, & in religione Heterodoxis, ac præsertim Jesuitis: nos tamen istam artem habemus fraudulentam, & pro mendacio vero ac mero: quod antequam demus probatum, terminos primum explicabimus.

II. Ambiguitas omnis, ut docent nos Logici in Elenchis Sophisticis, vel est in terminis simplicibus, vel in complexis. Ambiguitas in termino Simpliciter dicitur *Homonymia*, Latine *Æquivocatio*, unde *Sophisma Homonymia*, seu *Æquivocationis*. Ambiguitas in terminis complexis, seu in oratione, dicitur *Amphibolia*, unde *sophisma Amphibolia*, quod est, cum oratio una diversos potest inducere sensus, & diversis rebus applicari, ex circumstantiis loci, temporis, personarum, aliisque diversimode sese habentibus. *Mentalis reservatio* dicitur, cum quis limitationem aliquam, habet, mente tantum reservatam ac verbis, & oratione nullo modo expressam, nec ex dictis colligendam, aut colligi possibilem. Et hæc occurratio veritatis per mentalem reservationem facta, & *amphibolia*, & *homonymia*, interdum veniunt, uno nomine *equivocationis*: ut dicatur *equivocatio*, & , quando ambiguitas est in voce, & , quando in re, & , quando aliquid mente reservatur: propriè tamen de primo intelligitur: nunc statum controversiæ primum figamus, mox argumentis pro & contra adductis decidamus.

III. *Æquivocatio*, quæ nihil est aliud, quam simplicis termini diversa significatio, excusare potest à mendacio sub legitimæ limitationis respectu; quæ limitatio, vel supponitur, vel exponitur: in colloquiis supponitur, vel ex mutuo colloquentium consensu, vel ex circumstantiis in medio positis. Priori modo, oppositiones inter disputandum liberantur à mendacio. Quamvis enim oppugnent veritatem, norunt tamen, qui audiunt, & quibuscum nobis res est, falsa sic

proferri, ut veritas eruatur, & tentandi, experiendi, ac discendi, animo, hæc proferri, non asseverandi, aut affirmandi: neque enim opponens existimat, illa esse vera, quæ profert, ut se, & alios exerceat, ac veritatem indaget. Posteriori modo, quando scilicet ex circumstantiis in medio positis, supponitur limitatio intelligi, nec tum mendacium est, quando intelligi facile potest, & ipsæ circumstantiæ ostendunt, propositionem esse restringendam ad materiam certam, sensu quodam præciso, ac recepto, et si alias absolute ad alia ac diversa possit inflecti, & applicari. Sic, cum *Apostolus ad Rom. 3.* dicit, *legem tantum loquutus, qui sub lege sunt*, cætera, quæ ibidem præmittit, præcise ad istum sensum sunt referenda. Hæc de limitatione supposita, vel ex mutuo consensu colloquentium, vel ex circumstantiis.

IV. Nunc *expositam limitationem* videamus: ea dicitur nonnullis proponi, vel exponi, aut externè, aut internè: externè in oratione, internè mente. Quæ externè in oratione proponitur limitatio, ea à mendacio est libera: sed, quæ internè in mente latet, reservata limitatio, ea à mendacio non excusat. Quis enim novit mentem alterius? non equidem diffiteor, *limitationem externam* posse distingui in *explicitam* & *implicitam*: *implicitam* colligi debere, vel ex re substructa, vel ex annexis circumstantiis; atque, si quis hæc duo negligit, vel minus perpendit, is se ipsum decipit: ideoque non excusantur, qui se ipsos fallunt, aut falli patiuntur, ex *equivoco*, & ambiguo in sacris litteris textu, aut sensu textus, cum habeat suas limitationes, si attentè, & non oscitantè quæ animum advertat: *limitatio explicita* nos informat *per res & verba*: per res, exprimuntur conceptus, vel in typis, vel in habitu, & gestu proferentium: ex typis limitantur antitypa: ex gestu & habitu, aut simili indicio, colligitur, si quid serio sit dictum, aut ironicè, per verba, vel propria, vel figurata, conceptus exprimuntur: in figuratis locum habent tropi, hyperbolæ, parabolæ, quas ab omni mendacio ante vindicavimus.

V. Nunc statum controversiæ figamus, &  
M m m m certa

certa ab incertis distinguamus. 1. Simulatio in factis, & æquivocatio in dictis, si subit fallendi intentio, utrimque est mendacium. 2. Limitationes & restrictiones Logicæ, quæ, ex propositis, per certas circumstantias elici possunt, excusant à mendacio. 3. Parabola, hyperbola, typi, tropi, figuræ, non sunt mendacia; quod antè ostendimus. 4. Veritatis celario, & occultatio simpliciter, non est mendacium: nam licet interdum veritatem celare, & occultare, pro re, & circumstantiis natis: aliud est verò, veritatem celare, & occultare, aliud mentiri. Tacendo licet veritatem tegere, quando, nec pietas, nec charitas, nec iustitia, postulat, ut reveleetur. Præceptum enim affirmativum de veritate dicenda, non obligat ad semper, dicunt *Casusiste*. Ita non mentitur, si quis aliquam partem veritatis dicat, aliam occultet, si habeat iustam ejus occultandæ rationem. 5. Nec mendacium committit, qui salvâ veritate illa profert verba, ex quibus probabiliter novit, auditores aliquid conclusuros falsi, non ad peccatum committendum, sed ad vitandum: hoc enim non est mentiri, vel falsum testari, sed, cum verum dicas, occasionem tantum præbere alteri errandi, & tantum præbere, ad fugiendum, non ad faciendum peccatum. 6. Non tamen à mendacio excusari potest directâ occultatio veritatis proferendæ, facta per mentalem reservationem, aut æquivocationem, quæ non potest deprehendi: itaque hic est controversie status: *Æquivocatio, amphibolia, & simulatio ad fallendum composita, non logicè vel ex indifferenti significatione, aut sententiæ constructione, aut circumstantiarum collatione, deprehendi possibiles, sed quæ talis est, quæ mente reservatur limitatio, nec proposita, nec supposita, nec ullo modo intelligibilis, excuset à mendacio, seu in foro conscientie, interno, seu in foro externo hominum? ut exemplum proferam. Si quis v. c. reus, dicat se non fecisse, aut necesse, quod fecit, & novit tamen, sed reservat in mente sua illum sensum, quod non fecerit, aut noverit, ut velit manifestare. Quæritur, an hoc sit Mendacium? Negant inter *Casusistas*, *Navarrus* in suo *Manuali*: negant *Iesuitæ* omnes, qui talem modum loquendi, & agen-*

di, à mendacio excusant, *Toletus*, *Valentia*, *Suarez*, alii: Nos pro mendacio habemus, nec ab eo excusamus, aut excusari posse confitemur, imo merum & nudum esse mendacium pronuntiamus, & probamus.

VI. Si reus, qui hoc aut illud fecit, diceret, se fecisse, testimonium ejus esset verum: Ergo, si negat se fecisse, testimonium ejus est falsum. Atqui in tali casu negat. Ergo: imo non tantum reus ille dicit & testatur, quod falsum est; sed & novit, & sentit esse falsum, quod est formaliter mentiri: & protectò, si hoc non sit mentiri, tum talis reus nullo modo potest mentiri, quamvis maxime veller: nam, qui hoc aut illud fecit, non potest aliter mentiri, quam dicendo, hoc, aut illud non feci: si hoc dicat reservando in mente, non feci ut tibi dicerem, potest tale quid reservare in omni mendacio: nam semper potest mente cogitare, quamvis hoc sit falsum, & suo loco, ac tempore hoc fateretur, tamen hoc loco, & hoc tempore, propter causas, nolo fateri: præterea, talis modus agendi, enuntiationis, & testimonii doctrinam ac naturam evertit, quia illa pars sententiæ, quæ in mente reservatur, nihil cuiquam enunciat, significat, aut testatur. Denique, provenit ex intentione fallendi; vult enim contrariam veritati opinionem gignere in animo audientium, quod est contra naturam testandi, & veritatis. Excipiunt ad hoc postremum *Iesuitæ*, æquivocantem non enunciatum falsum, animo fallendi, sed conservandi, vel se, vel alios. Resp. utcumque se vel alios conservet, & conservare intendat, si id facit aliter pronuntiando, quam est, jam & fallit, & simul fallere intendit: & fallendo, se, aut alios conservare: neque est legitimus ille evadendi modus. Certe non sunt faciendæ mala, ut eveniant bona, quod hic obinet & hæc vera sententiæ, à multis inter ipsos Pontificios, *Iesuitarum* adversariis, seriò defenditur? inter alios, *Johannes quidam Barneſius*, *Benedictus Monachus*, integrum edidit Gallicè, ac Latinè, librum, contra æquivocationes *Iesuiticas*, & mentales reservationes, à Parisiensis Sorbonæ approbatas: at verò denudum plane sæditatem hujus artis, atque imposturæ.

VII. Rogetur aliquis sacerdos, qui versatur in terris, ubi, cum sacra facere sua, & versari, est veritum: sit ne sacerdos neque: ille respondeat, se non esse sacerdotem, sed mente reseruet, vel Apollinis, vel Baalis; vel se non esse, ut dicat, vel se non esse talem, tam perfectum, quam desiderat: Queritur, *an sit reus mendacii?* Resp. esse omnino: nam, & materiale est in eo mendacii, & formale. Materiale; negat enim, id quod est: formale; quia hac sua negatione intendit falsam opinionem in mente audientis imprimere. Excipiunt adversarii, non esse falsam talem enuntiationem, quia unica tantum est, quæ partim exprimitur, partim mente concipitur: ea autem vera est: scilicet non sum sacerdos Apollinis, aut Baalis, aut, ut dicam tibi. Ad enuntiationem quidem illam esse unicam, sed tamen verum est, eam, quæ sola exprimitur, esse integram, & ab ea, quæ mente reservatur, diversam: quæ in mente est reservata, negat secundum quid, quæ in oratione proferitur, negat absolute. An non mendacium est, si quis neget absolute, quod negandum est secundum quid, aut neget secundum quid, quod est negandum absolute: itaque hac ipsa sua exceptione, mendacii convincuntur isti Heroes: nam verâ concipiunt animo enuntiationem, non sum sacerdos Apollinis, aut Baalis, aut, ut tibi dicam, & falsam enuntiant, dicendo simpliciter, non sum sacerdos: & sic, etsi verum sit quod habet clausum in pectore Sacerdos qui respondet, falsum tamē est, quod pronuntiat ore: Mendacium autem propriè respicit externam mentis per verba, & signa declarationem: quando verba non declarant mentem, ut illa est enuntiatio, quando verba declarant absolute, & simpliciter, quod in mente est limitatum, & secundum quid, est purum putum mendacium: v. c. ut simile proferam exemplum. Interrogetur aliquis, *an ignis sit calidus?* Si quis respondeat negative, hac reservata in pectore distinctione, non esse calidum calore adventitio: vel si quis rogatus, *an homo sit animal rationale?* respondeat, non esse animal rationale volatile, aut aquaticum: *an putimus talem liberum, & immunitem esse à mendacio?* nullo modo. Atqui non tantum sic mendacium excusant nonnulli, sed infu-

per tales loquendi formulas, & agendi modos, juramento confirmare audent: at, tum nostro iudicio, non mendaces tantum, sed & perjuri sunt insuper: nam, quacunque verborum arte juretur, Deus accipit juramentum, sicut ille, cui juratur, intelligit: & accipitur secundum communem usum loquendi; & profecto non fuit controversum roganti, an quis sit sacerdos Apollinis? an ignis sit calidus calore adventitio? an homo sit animal rationale volatile? itaque, qui hoc respondet, quod in quæstionem non venit, is respondet aliud, quam debet, & mendax est: ac si juramento confirmet, perjurus. Quod excipiant, limitationem mente reservatam offerre, propositionem veram, in conspectu Dei, & sensu loquentis, ideoque Dei, & loquentis respectu, non esse mendacium. Resp. veritas non est æstimanda ex sensu dicentis, aut respectu, quem habet ad Dei scientiam, sed ex sensu audientis, & respectu, quem habet ad audientem: nam respicit proximum, cui dicitur: Præterea, logicè nullam constat esse admittendam limitationem, quæ, nec ex verborum significatione, variâ, nec ex ancipiti sententiæ structura, nec ex diversâ sententiarum dispositione, nec ex dicentis scopo, potest elici: at verò, in tali casu, quod Deus sciat mentem dicentis, ipse sciat suam, cum aliud verbis enuntietur, non potest, qui audit, cognoscere alium mentis in dicente sensum, etsi Deus, & ipse dicens, sciat: quid enim potest Dei aut dicentis scientia juvare audientem, qui alterius mentem non novit, nec nosse potest, nisi ex verbis, quæ, cum aliter sonent, quam intelligit dicens, jam mendacium continent. Sed videamus, ex rationis lumine, quæ in contrarium adferri possunt: nam argumenta Theologica, ad hæc mentiendi artes destruendas sponte omitto, ut quæ ad Theologos spectant, in quorum mellem ego falcem meam non immitto.

VIII. 1. Obijciunt. Verba dicentis judicant mentem ejus. Ergo sufficit, si menti suæ, id est, dicenti respondeant, etsi non respondeant menti interrogantis. Confirmatur, qui alicui loquitur, non tenetur ei totam suam aperire mentem: potest solam aliquam ejus partem explicare, & aliam reticere,

*reticere, quod sit in restrictione mentali. Ergo ibi nullum est mendacium.* Resp. verba sunt indices, & signa mentis, non ejus, qui loquitur, qui novit mentem suam, nec sibi opus habet mentem suam exprimere verbis, sed aliis serviunt, quippe verba sunt in usum proximi: itaque, cum quis proximo loquitur, mens non debet restringere, & limitare, quod verba non restringunt, sed in hoc utraque consonare debent. Quid juvat; verba nostra nobis esse vera, & esse juncta eum mentis nostrae supplemento, si nihilominus, per ea proximum fallamus? quod dicant, *neminem teneri propriam mentem aperire*, ex toto verum est: quia tamen nemo debet mentiri, debet, aut denegare responsum, aut, si respondeat, verè respondere, & ad mentem interrogantis mentitur autem, qui sola mente id supplet, quod ad veritatem requiritur externae orationis.

IX. 2. *Sicuti, quæ joco dicuntur, neminem fallunt, tanquam serio dicta, eo quod sciuntur esse joco dicta, ita restrictiones mentales, quando tantum adhibentur in materiâ debitâ, non fallunt proximum, quia satis novit etiam veritatem saltem in talibus occultari artificiose.* Resp. ea, quæ joco dicuntur, aut figuratè, non sunt similia iis, quæ mente reservantur, & restringuntur, quia, quæ joco dicuntur, habent quædam signa externa sibi conjuncta, quibus potest dignoscere, qui audit, ea joco dici; sed ea, quæ dicuntur mentali reservatione, non possunt

ullo modo ab audiente sciri, quia nemo mortalium alterius novit cogitationes. Ergo magnum inter ista est discrimen.

X. 3. *Qui illegitimè rogatur, potest tam liberè verba sua usurpare ad significandum sensum, quem vult, ac si sibi soli loqueretur. Sed quando quis sibi soli loquitur, potest sensu sumere verba, quo vult, & sine mendacio. Ergo & sine mendacio, sensu, quo vult, potest sumere verba, quando responderet alteri inique interroganti.* Resp. Majorem esse falsam, quia is, qui alteri loquitur, debet ea verba usurpare, quæ non tantum à se, sed & ab aliis hominibus, saltem à prudentioribus possunt intelligi, eo, quo ipse loquitur, sensu: quod si nullo tali sensu vera sunt, quæ profert, & ipse hoc novit: imò intendit, non potest à mendacio excusari. Et, qui solus secum loquitur, ille uti potest verbis sensu, quo vult, quia nihil alteri testatur; sed, qui alteri aliquid testatur, is debet sumere verba, non eo sensu, quo vult, sed quo sumi solent, & ab interrogante possunt intelligi. Proferunt adversarii exempla sanctorum ex sacris, imò ipsius Christi, quem Job. 8. ostendit æquivocatione esse usum asserunt impudenter. Sed vide ad sacra respondentes Theologos, & inter eos Doctiss. Amesium, in aureo opere *Caf. Concl. l. 5. c. 53.* quæ restant de aliis conscientiae casibus *veracitatem*, proxima persequemur *exercitatione*.

## EXERCITATIONUM ETHICARUM QUINQUAGESIMA. OCTAVA.

D E

### Quæstionibus variis Moralibus circa Veracitatem.

THESIS I.

**E**Xcussimus duos circa Veracitatem casus morales, ac quæstiones. Prima fuit, *An mendacium officiosum aut jocosum sit licitum?*

Secunda, *An æquivocationes & mentales reservationes sint licitæ?* Rejecimus utrumque genus, ut Veracitati contrarium. Nunc affines qual.



quasdam movebimus quaestiones. 1. *An omnis simulatio sit vitium? & illa, qua in stratagemata & insidiis bellicis uti solemus, cum signis aut factis quibusdam prae nobis serimus intentionem quam non habemus, ut sic consilia & proposita nostra occultemus.* Doctissimus *Ameſius lib. 5. Cas. Conſe. c. 33.* distinguit inter stratagemata, quorum quaedam esse licita, alia illicita pronuntiat: illicita sunt, quando quis fidem vel illicitè dat, vel licitè datam non servat: hoc enim genus stratagematum cum mendacio est conjunctum. Licitæ sunt stratagemata, quando quis gestibus aut factis tale quid indirecè significat, ex quo verisimile est, alium conclusurum, quod falsum est; & ratio datur, quia facta illa aut gestus ex natura sua non destinantur, neque ex pacto aliquo significat hanc aut illam sententiam, uti quidem voces ex instituto significant, ideoque debent sumi eo modo quo institutæ sunt ad significandum. Alii tamen *Cassius & Ethici* hic sunt paulo scrupulosiores. *Aquinas 2. 2. quaest. 111.* omnem simulationem facit mendacium, quia per externa signa & facta contrarium: ejus significatur, quod in animo est: & si verbis, siue factis quispiam significat contrarium ejus, quod in animo tenet, jam mendacium committere censetur: in hac sententia quoque est *Wendelinus, in lib. Ethicæ suæ primo cap. 31.* istam *Ameſii* exceptionem, quā non esse eandem rationem verborum & factorum, excipiunt, rejicit: & tam factis posse quempiam mentiri quam verbis asserit, quia non minus factis quam verbis contrarium possumus testari ejus quod est in animo, neque tam signaturam vult respici, quam quidem intentionem fallendi per signaturam: etiam si facta ex natura sua non significant id, quod simulator vult, tamen ad fallendum idonea judicantur, & sic quoque adhibentur. In contrarium tamen objicit *Ameſius*, Deum justitiæ auctorem stratagemata & insidias in populo suo approbasse mandato quod extat *Jos. 8. 2.* & exemplis multis, *Judic. 7. 16. & 20. 29.* &c. Nonnulli igitur, ut *Scotus inter Scholasticos, & Pererius in Genesin*, quatuor faciunt simulationis species & modos. 1. Simulationem noxiæ deceptionis, institutam ad alios fallendos, aut

ad aliquid improbe obtinendum, qualis est in hypocritis & improbis mercatoribus. 2. Simulationem in loco & tempore utiliter usurpata ad admonendum, instruendum, corripiendum, &c. qualis fuit Davidis apud Regem Achis, 1. *Sam. 21. v. 14.* 3. Simulationem ex divino instinctu & monitu profectam, ut fuit Ebræorum Aegyptios spoliantium, & Josuæ contra hostes ubi fugam simularunt Ebræi, 4. Simulationem in bello iusto contra hostes adhibitam, quam stratagema militare vocant. Primam simulationis speciem plane improbant *Scotus & Pererius*; tertiam laudant; secundam & quartam sine peccato admitti posse contendunt. Quin prima species simulationis instituta ad decipiendum, sit mendacium perniciosum, nullum est dubium. Secunda pertinet ad mendacium officiosum, quod quia nuper rejecimus, neque nobis ista simulatio ad admonendum, instruendum, aut reprehendum, probatur. Tertia ac divino instinctu profecta simulatio, à nobis non accipitur: neque Ebræi auferentes bona, quæ fuerant Aegyptiorum, id per simulationem fecerunt, sed petebant ab iis, jam tanquam propria sibi facta, ex Dei autoritate. Recessum Ebræorum fugam sunt interpretati cives Hæi, non culpa & vitio Josuæ, recessum imperantis, sed culpa & vitio ipsorum civium. Quarta species simulationis in bellicis stratagematis, quoties iis consilia occultantur, simpliciter nobis non improbantur, sed non necessario cum simulatione conjunguntur.

II. Secunda quaestio quæ hic ventilari potest, est, *An fides sit servanda hæreticis? nam fidem servare, est actus Veracitatis, ejus virtutis, de quâ agimus.* Negant, fidem esse servandam Hæreticis, qui æquivocationum & reservationum mentalium sunt auctores, insignes mentendi artifices. Affirmantem nos tuemur, & aut non dandam fidem Hæreticis, aut iis servandam, pronunciamus: nam, & Hæretici homines sunt, & sub nomine proximi continentur: at mandatum generale est, non dices proximo tuo falsum testimonium: & profectò, tollunt suæ societatis vinculum, qui fidem tollunt è mundo: & inepti sunt, qui fidem censent Hæreticis non esse servandum, quia dici-

tur cum mentali reservatione; sed hoc commentum nuper est à nobis explosum.

III. Tertio hic queri potest, *An fides data latroni, de pecunia certâ summâ, pro vita conservanda, & juramento confirmata debeat teneri, & an obliget?* Nobilis hæc est & difficilis questio: de quâ in utramvis disputatur partem, multis Philosophorum, Theologorum, Jurisconsultorum, affirmantibus, aliis negantibus. Pro affirmante sententia stat Amelius lib. 4. de Cas. Conf. c. 22. River. in 3. Dec. præceptum. Pro negante pugnat Christianus Liebenthalius in Coll. Eth. Exerc. 5. quest. 8. Nos pro affirmantibus pronunciamus, & probamus. 1. Omnis fides data & juramento confirmata teneri debet, quando est de re possibili & licita. At promissio certæ pecuniæ pro vita servanda, facta latroni, est de relicta & possibili. E. & c. Vitam sanè pecunia redimere licet, & talis pecunia dari potest. Si dicas, nullam hic esse obligationem: quia in juramento promissorio obligatio fit non homini tantum sed & Deo: quamvis autem, si solius hominis vim inferentis habeatur ratio, ille quidem meritis sit faciendo injuriam, ne ei fides teneatur, quia tamen fides juramento confirmata sit, & juramentum Deo fiat, non potest id quod promissum est, omitti sine injuria Dei, & non nisi cum violatione reverentiæ Deo debita: ideoque si quis in latronis manus incidens, aut non debet jurare se certam pecuniæ summam daturum, aut debet juramentum factum servare. 2. Si hosti sit servanda fides, ergo & latroni ac prædoni, quia hostis tuus est. Sed verum est prius: quod confirmat militaris experientia. 3. Omnia juramenta facta de re possibili & licita à non planè invitis sunt servanda. At juramenta quæ sunt latroni ad servandam vitam sunt à non planè invitis: nam sunt spe majoris boni, & metu majoris mali: nam vita est bonum majus pecuniæ: & jactura vitæ major jactura pecuniæ: at quæ tali modo sunt, sunt à non planè invitis. Ergo debent servari talia juramenta: & certe, juramentum omne fit cum invocatione nominis divini, quod non est profanandum: itaque repeto quod statim dixi. Si quis incidens inter latrones, promittat jurjurando certam pecuniæ summam, ne occidatur, is debet hoc quod ju-

ravit præstare: si simplex tantum fuisset facta promissio, irrita fieri posset, & ad solvendum non teneretur, quia extorta est promissio contra bonos mores per metum incussum; at quia juramentum accessit, hoc est tenendum, quia Deo factum est, non homini simpliciter, & quia est actio mixta, quæ quoad circumstantias magis est spontanea quam invita, docentibus Ethicis.

IV. Quæ in contrarium profert Liebenthalius, facile solvi possunt, primo inquit; *Juramentum latroni præstitum est contra bonos mores, Ergo non obligat. Prob. min. quia promissam summam pecuniæ solvendo videtur latrocinia publica approbare.* Resp. Qui latroni summam pecuniæ promissæ solvit, is eo non comprobatur latrocinium, sed juratam fidem tantum solvit, & cum maxima improbatione, execratione, ac detestatione latrocinii: neque cum juramento promissit summam certam pecuniæ, eo sese obligavit ad comprobandum latrocinium, quod pœna dignum censet: viator talis nec juvat latrones, nec latrocinia probat, sed fidem simpliciter liberat, quam juramento obfirmaverat. Excipit Liebenthalius, turpe esse contra utilitatem publicam dare aliquid latroni tanquam præmium. At non datur ut præmium, sed ut promissum: & quare illud est turpe ac contra publicam utilitatem, dare pecuniæ pro eo, quod vitam redemeris: an turpe est & contra utilitatem publicam, vitam redimere certa pecuniæ summâ, quæ postea detur; & an præstaret utilitatem publicam promoveri per fidem violatam?

V. Sed secundò inquit: *Si juramento promissæ pecuniæ danda sit latroni, juramentum esset vinulum iniquitatis.* Resp. Non sequi: nam eo non vincitur, aut confirmatur iniquitas latronis, si fides data ipsi servetur; nam potest, qui latroni pecuniæ promissam mittit, latronem nihilominus aperire magistratui & pæfacerere: neque enim ad silentium obligatur viator cum summam pecuniæ simpliciter promittit, & quidem juramento adducto. Sed quid si juraverit insuper silentium, & factum hoc latronis Magistratui non revelaturum? Resp. Difficile esse quam maximè hic aliquid certi statuere. Tutius tamen videretur si silentium

non

non præstet, sed ut latrones magistratui indicet, licet hoc se non facturum juraverit: quia juramentum hoc est de re illicita: & ejus executio est conjuncta cum salutis publicæ detrimento: & habet quandam quasi speciem collusionis cum latronibus: & si maxime absit ista collusio, justitiam tamen impedit, ne exerceatur, & latrones in malitia confirmantur, & alii viatores in simile discrimen adducuntur, ac multis modis in pietatem, caritatem & justitiam proximi peccatur: at juramenta, quæ sunt contra Deum, & contra amorem proximi, & quæ rebus malis atque illicitis occasionem præbent, non sunt tenenda sed rescindenda: quia omnem vim suam habent juramenta à verbo Dei, cui cum adversantur, vim obligandi nullam insuper habent.

VI. Quarto hoc queri hic potest ac solet à Casuistis: *An Causidici bona cum conscientia recipere possint patrociniarum causæ quam norunt esse malam? Resp. Amesius c. 34. l. 5. Cas. Consc.* negando primo, quia hoc esset mentiri, & contra conscientiam agere. Secundo, hoc modofraus sit proximo, & perversitas exercetur in judicio. Tertio, sic non tantum communicari peccatis proximi, sed & occasio subministratur adhuc ulterius peccandi. Contra eorum officium est, iniquitatem causæ clientis suo indicare: imò ubi primum ignorasset causam clientis esse injustam, si postea in agenda ea resciscat injustitiam causæ, præstat eam deferere, quam ulterius agere.

VII. Quintò queritur hic ab *Ethicis* & *Casuistis*: *An Judex debeat semper sententiam ferre secundum acta allegata & probata, an vero interdum secundum conscientiam?* De hac questione in diversis sunt sententias. Qui judicem volunt sententiam ferre semper secundum acta allegata & probata, quicquid sit de privata ejus scientia ac conscientia, illi urgent, Judicem sustinere vicem & locum personæ publicæ, & sententiam quam fert, esse totius Reip. sententiam: at si tota judicaret Respublica, non procederet nisi secundum scientiam publicam, quæ ex actis habetur, allegatis & probatis. Ergo & ita procedere debet Judex. Alii negant Judicem juxta acta publi-

ca, allegata, & probata, judicare posse, contradicente sua conscientia: & ideo suadent, in hoc casu omnia ipsi media esse tentanda, ut liberet accusatum, vel impediendo actionem; vel sæpius examinando testes, sicubi forte variant: si his rationibus nihil effecerit Judex, jubent eum rem remittere ad superiorem judicem, aut & personam judicis depocere, & assumere personam testis apud superiorem, etiam si unico suo testimonio parum efficiat, tamen ut conscientiam suam liberet. Alii distinguunt inter causas criminales & civiles: in illis, sc. criminalibus, putant juxta conscientiam, in his, puta, civilibus, secundum acta publica allegata & probata judicandum esse. Alii distinguunt inter judicem inferiorem, à quo fieri potest appellatio, & inter superiorem à quo appellare non licet: illum dicunt, scil. superiorem, secundum acta publica judicare debere. Ut nos de ardua hac questione aliquid pronunciemus, videndum est, 1. quæ dicantur acta publica, seu allegata & probata. 2. Quid intelligatur per conscientiam Judicis.

VIII. *Acta publica* non sunt qualitercunque producta testimonia, non certe cum veritate pugnantia, aut ad decipiendum judicem accommodata: sed intelliguntur verissimæ probationes, quibus etiam conscientia judicis assentiri cogitur: sunt acta illa publica, *allegata & probata*, nihil aliud quam assertiones veritatis; quæ contra veritatem sunt, tantum nomine tenus sunt allegata & probata. Conscientia judicis non est aliqua privata ejus opinio, in favorem vel odium rei, ex rumoribus vanis, aut ex præjudicio, aut ex corruptione adversarii, concepra: sed certa scientia ejus, qua ex *re ipsa*, aut aliis irreprobabilibus mediis, judicis de veritate constat. At hæc scientia, quemadmodum veritas una est, ita & ipsa est unica ac simplicissima, & perperam hic inter scientiam judicis publicam ac privatam distinguitur.

IX. His præmissis sentio, Judicem distincte secundum conscientiam judicare debere, quia peccatum est decernere contra iudicium conscientiæ: nemo contra veritatem sibi certo comprobata judicare debet, im-

primis iudex, qui debet esse vir bonus, & veritatis amans: certe aliquid aliter pronunciarè quam scias, est mendacium: & videre, quid hinc sequatur. Si iudex ex infallibilibus argutis innocentiam accusati, & præsertim capite condemnati sciat, & tantum, quia acta & probata ipsum reum faciant, ipsum ex allegatis condemnnet, an non is iudex infontem & iustum occideret, contra illud sacræ paginæ edictum, *Iustum & infontem non occides*, Exod. 23. 7. & videamus finem iudiciorum, is est veritas & iustitia: allegata & probata sunt: media ad veritatem & iustitiam manifestandam: contra veritatem ergo infallibiliter notam iudici nihil quicquam debet valere: & si iudex aliter pronunciet, quam in conscientia sua comperit habet, tantummodo, quia acta allegata & probata aliter habent, finem iudicii, veritatem & iustitiam amittit. Denique juris naturalis est, judicare secundum ipsius rei veritatem, & ex propria conscientia: juris gentium, secundum acta & probata: at jus gentium, nihil potest derogare juri naturali. Quæ in contrarium obijci possunt, quia habet & dissolvit *Amicus in Cæs. Consc. l. 5. c. 54.* multique alii, ea non proferemus, sed conflictui reservabimus.

#### IMPERTINENS.

*Augustum est Philosophi nomen, quod multi assumunt, pauci merentur. Hodierno nomine ferè*

*veniunt, qui, ab infantia utentes sensibus, imaginationem suam complent, notitiis præcipuorum sensibilibus, antequam sapere incipiant, & ratione uti, quemadmodum decet: hinc sine labore, distinguunt corpora cælestia ab elementis, hæc verò à mixtis, ex quibus dignoscunt, alia esse inanimata, ut lapides ac metalla, alia animata, in quibus vegetabilia distinguunt ab animalibus, & se ipsos à brutis: præterea, non obscurè observant, hunc mundum elementarem regi à corporibus cælestibus, observata per sensus incessitidine dici, & noctis, & quatuor Anni tempestativum: quin & ex sensibilibus motu, primum motorem, colligunt, quem colendum, sentiunt. Eoque affurgit hodie vulgaris, de Deo & Mundo Philosophia. Verum enim verò, cum homo sit rationalis, neque possibile sit, ratiocinari nisi ex his, quæ rationi sunt per se nota, illi relictus dicitur, & verè sunt Philosophi, qui toti in hujus incumbunt ratiocinationis studium, & adulti gaudentes ætate, rationisque suæ plene compotes, abjectis, repudiatis, abjuratis, semel omnibus sensuum præjudiciis ac fallaciis, inquirunt, in id, quod rationi per se & primo est notum, atque eo invento, inde ratiocinando pergunt ad ea, quæ, ei minus nota, demonstrando redduntur nota, nihilque accipiunt pro vero, nisi, quod jam demonstratum clare distincteque cognoscunt. Ac qui sic procedunt, ex notitia sui ad Dei, & ex utriusque ad mundi cognitionem, perveniunt, longè veriore, ac certiore.*

## EXERCITATIONUM ETHICARUM QUINQUAGESIMANONA,

D E

# Quæstionibus quibusdam Moralibus circa Comitatem & Urbanitatem.

### THESIS I.

**D**iscussimus casus potissimos & quæstiones morales circa *Veracitatem*, nunc circa *Comitatem* & *Urbanitatem*, quæ mo-

veri possunt, discutimus. Cum verò *Comitas* setvet mediocritatem in voluptate feriâ, *Urbanitas* in ludiciâ, de utraque quosdam move-

movebimus casus. Primum quæri potest: *An non peccet in Comitatem, qui in civili conversatione incedit larvatus? en Mascarades*, dicunt Galli. Pro larvis & larvatis nonnulli hodie pugnant & ratione, & experientiâ: ratione, quia usus larvarum consistit in simulatione personæ. Sed simulatio personæ est licita. Ergo & usus larvarum. Minorem probant exemplis sacris. Quia *Iacob* personam *Esaui* simulavit. *David* coram Rege *Philistæorum* *Achi* se stultum simulavit. *Ioseph* simulavit se alienam esse personam coram fratribus. *Experientiâ*, constat, larvas usurpari in Comœdiis & Tragœdiis, & in aula magnorum Principum, nec reprehendi ille mos solet. At verò hæc omnia videntur nobis esse vanissima. Nam primum simulatio personæ tam parum est licita quam simulatio facti aut verborum, quam utramque, ut veracitati contrariam rejecimus *Exercitat. præced.* Nec exempla aliud probant: *Iacobus* & factio verbis fessellit Patrem *Isaacum*, ut hoc exemplo, licita, personæ simulatio, non reddatur. *Davidem* quoque aliquid humani fuisse passum, dicere malum, quam exemplo ejus admittere, esse licitas personarum simulationes, certè, qui aliud gestibus simulat quam est, ut *David* fecit, non est expers in totum peccati. *Iosephum* quod spectat, ejus & dicta & facta in veritatem impingunt: verba, gestus & facta externa, à mente *Iosephi* discreparunt, nec vitio caruere. Fratres suos accusavit furti & ingratitudinis, quos tamen neutius reos scivit: finis bonus nunquam facit, ut aliquid bonum fiat; quod per se malum est. Larvarum usus in Comœdiis & Tragœdiis eas non commendat, nec ipsas Comœdias aut Tragœdias, quæ, an sint licitæ, statim videbimus: certè, si licitæ forent, larvarum usu non licitæ evaderent, quia sic fœmina sepe latet sub larvâ & schemate viri, estque personatus vir. Multo minus larvas commendat aut probatas reddit earum usus, in aula Principum, utcumque vitio seculi non reprehendatur: nos quidem illas larvas, pro animi levitate, perulantia, pravitate habemus, & contra honorem Dei, cum offensione proximi, contra Reip. & Ecclesiæ ædificationem, institutas, propter omnis generis

nequitiam, quæ sic exerceri solet, censemus, adeoque, non tantum in Comitatem, sed & in Castitatem, impingere statuimus. Illa larvatorum, Bacchanium, præsertim tempore Bacchanaliorum, simulatio, quæ etiam in publicis oberant plateis, omnino est improbanda, & muris ac parietibus Ecclesiæ Christianæ ejienda atque proferibenda: quippe quæ ab Ethnicis originem traxit: profecto variis, scatur peccatis, Deum graviter offendit, dum sexum muliebrem & virilem confundit, quem Deus distingui voluit, imo in candorem & veritatem manifestè pugnat, dum hominem in satyrum & diabolum immutat, scandalum & offensionem præbet omnibus spectantibus, ideoque, perpetuo Senatus consulto gravissimâ penâ sanciri interdici debet. Hæc de quæstione primâ sufficiant, quæ fuit circa Comitatem.

II. In Collegio Ethico, olim disputato, disputatione de *Vrbantate*, eam veritari diximus in jocos & ludis. De uniusque videndum. De joco quæri potest, *An sint liciti?* quod quidem antè à nobis fuit discussum cum de *Veracitate* egimus, ac quæstionem tractavimus, *An mendacium jocum sit licitum? exerc. 56. Ethicæ.* Verum hoc restat discutiendum, quod tum fuit neglectum, quod in mentem non incidit, *An jocus non sit species mendacii? videtur enim idem esse cum mendacio jocosum: verum enim vero hoc ipsum negamus, Vrbantitas enim ita suos jocos instituire docet, ut mendacii nequeant insimulari: & jocos cum mendacio conjunctos ab Vrbantitate proferibimus: ut vero intelligatur jocus, quoties est actus Vrbantitatis, non esse mendacium, vel ex eo liquet, quod mendacium non sit, quando quis, id, quod res est, cum gratia & suavitate eloquitur, absque intentione fallendi: hoc mendacium non est, si quis dicat, oportet famulum habere rostrum suillum, aures asininas, dextram explanatam, pedes cervinos, quibus quis venustè indicat famuli laboriositatem, attentionem, promptitudinem, & celeritatem. Et quænam est mendacii species in illo *Ciceronis* joco, cum *Dentulum*, generum, hominem exilis stature videns cinctum longo gladio, dixit, *Quis generum meum alligavit gladio?* Di-*



ces in jociis esse verborum seu signorum abusus: nam recitantur vera, quæ sic per naturam esse nequeant, ut in illo joco prior: non habet famulus rostrum suillum, aures asininas, &c. Respondet, hic nullus est abusus vocabulorum, si accipiantur vocabula in significatione tropica & impropria & metaphorica: nisi quis abutatur vocibus, quando quis utitur tropis: ostendi *exercitatione* 56. nullas tropicas locutiones facere mendacium, aut ejus speciem: sic non est mendacium, cum Herodes dicitur vulpes, si vulpes sumatur pro astuto homine: sic nec in isto joco est falsitas, si per Metaphoram sumantur, rostrum suillum, aures asininae, &c.

III. Nunc de ludis videndum est, an sint liciti? ludorum varia sunt genera, quæ ex fine suo ferè distinguuntur: finis ludorum, est oblectatio: ludi quidam oblectant aspectu & auditu, ut ludi scenici, comici, & tragici: quidam solo auditu, ut musica: quidam solo aspectu, ut ars digladiandi & torneamentorum, ars saltandi & currendi: quidam oblectant spe victoriæ, aut etiam spe honoris vel lucri, quæ victori cedunt tanquam præmia, ut ludus aleæ, chartarum, latrunculorum, pilæ, sagittandi, &c. quin Musica, quæ auditum; artes digladiandi, currendi, imo & saltandi (sejunctis se jungendis, quæ hanc artem reddunt pravam) & si quæ aliæ visum oblectant, sint ludi liciti, licitæque spectentur, non solet in dubium trahi, imò hanc egregie defendit in *Epistolis illustrium Belgarum* nobilissimus *Marnixius* Epistola 51. ad *Casparum Heidanum*, unum ex præcipuis reformationis promotoribus, & nos eam vindicavimus à criminationibus, in *Coll. Ethico disput. de Urbanitate*: sed tota controversia est de ludis scenicis & histrionicis Comædiarum & Tragediarum; an sint liciti, licitæque spectentur atque audiantur? tum insuper de ludis aleæ & chartarum, an & ii quoque licitè exercentur? nos de utriusque videbimus, & sententiam pronuntiabimus.

IV. *Amosius* quidem universos ludos scenicos proscribit, *Cas. Conf. lib. 5. Cap. 39.* ita & *Rivetius* suis in *Decalogum Commentariis*, *Burgersdicius* Præceptor noster, piz memoriam,

in sua *Ethica*, *Cap. 20.* ludos admittit scenicos, si absint impia, obscena, vana, bonorum virorum detractiones, & omnia ista, quæ *Pietati, Temperantia, Comitati, Urbanitati*, aliisque virtutibus moralibus sint contraria. Verumenimvero nescio, an ista unquam absint ab hodiernis histrionum ludis: si quidem absint, fateor, nulli tum culpæ videri obnoxios istos ludos: Sed quid si nunquam ista absint, quid si abesse nequeant? ita quidem censent *Amosius* & *Rivetius*: & profectò hodierni ludi, si in exemplum trahantur, videbuntur histriones causâ cadere, quippe in iis quædam scelera ita representantur, ut simul fiant, quod nemo non reprehendere potest: alia ita graphice & ad vivum exprimuntur, ut magnam vim movendi & impellendi animos ad ea, in audientibus & viventibus relinquunt: mulieres in scenam producuntur contra decorum, aut viri larvati & sub muliebri vestitulentantes, contra Dei prohibitionem, *Deut. 22. v. 5.* stulta plerumque immiscuntur, quæ voluptatem pariunt, sed inhonestam, & liberali homine indignam. *Aristoteles* quidem docet, voluptatem ex visu & auditu nihil per se mali secum trahere, ut facit illa ex gultu & tactu: attamen si quis totos dies multumque temporis terat, in auribus & oculis oblectandis, per spectacula & acroamata histrionum, nescio, an ex numero luxuriosorum eximi debeat, & quam facile est, ex rebus visis & auditis, suboriri pravum quempiam animi motum, juxta illud *Poëta*, ut vidi, ut perii, ut me malus absulit error: & certè, nihil est notius, quàm hodiernos ludos scenicos totos ad omnem lasciviam excitandam in animis spectantium & audientium esse compositos, & ut suggerant fomenta viriorum & voluptatis motus inordinatos cieant: quemadmodum contra *Vetus Comædia* ad detrahendum per scommata & conviria instituebatur: ante omnia verò maximè illicitum censeo, sacras historias per histrioniam representare, ut in pagis apud *Rusticos* fieri solet, quod & indecorum est & impium insuper: quare videntur, hodierni saltem Comici ludi & Tragici esse condemnandi. Denique spectacula ab Ethnica superstitione & idololatria Gentium habent



habent ortum, cui videntur favere, qui spectandis hisce ludis & audiendis ita sese obstant. Quæ adferri possunt in contrarium pro horum ludorum exercitiis licitis, & abunde ab *Amsio* & *Riveto*, locis statim citatis, refutantur, & apud ipsos videri possunt; quod attinet ludos omnes, exercitio corporis fieri solitos, ut saltandi, torneamentorum, currendi ac hasterum, & sagittarum, eos non improbo, modo non cum periculo lædendi proximum conjungantur & præveniatur omne periculum.

V. Postremo quæritur de ludis sortium, aleæ, ac chartarum, an illi sint liciti, nihilque habeant contrarium Urbanitati? non hic verba faciam de sortium vario genere, de sortibus divinis atque humanis, de sortibus divinatoriis, consultatoriis, divinatoriis: hoc alienum foret ab instituto nostro: sed mitis illis, agam tantum de sortibus ludicris, quæ ad ludum & jocum, aut voluptatem animi, adhibentur: quales sortes sunt, aleæ, chartiludium, &c. Quæritur de hisce sortium ludis, an sint liciti? Negat *Amsius* in *Med. parte post. cap. 7. de sorte*, & in *Cis. Conf. Lib. 4. cap. 23.* affirmat *Thomas Gattakerus* in tractatu suo, de usu sortium, & peculiari libello *Amsii* argumenta refutavit, uti & *Voetii*, qui tamen vir pius & concionator Londinas gravissimus, tractatu eo, patrocinium non voluit suscipere aleæ aut aleatorum. *Amsius* duobus viriis argumentis: 1. quia in istiusmodi ludis ratio ipsa sortis occasionem præbet variis peccatis, ut blasphemia cuiusdam execrationis fortune, quando fors est adversa; prædicationis bonæ fortune, quando fors facit; pertinacis contentions, quando expectatur fors aquir &c. verum enim verò ista tantum sunt concomitantia & adjuncta horum ludorum, quæ alios item ludos concomitari possunt, & ab hoc ludo separari. Quæstio est: An ludus sortis ex se sit malus, ex natura sua, non propter concomitantia aut adjuncta vitia? nam vitia, quæ concomitantur, ex accidenti tantum reddunt eos ludos malos: Quæritur An separatis separandis, per se & ex se sint male affirmat *Amsius* hac ratione secunda, Quia non debet illud in ludum verti, quod singularem respectum habet sua natura ad specialem

Dei providentiam. At vero fors ex sua natura quæstionis determinationem expectat à speciali Dei providentia: mera enim contingentia per se nullam omnino aptitudinem habet ad quæstionem aliquam determinandam: neque præter meram contingentiam quicquam spectari potest in sorte, præter specialem Dei providentiam. Hic verò negat minorem *Gattakerus*, quod fors dicat, ex natura sua peculiarem & singularem respectum ad specialem Dei providentiam: quam hic non magis agnoscimus quam in aliis ludis; ut, si quis sagittam mittat in altum aut lapidem, & hic eventus est incertus, quo loci puncto sit casurus: num & hic specialis est Dei providentia? specialis Dei providentia cernitur in miraculis, & in iis, quæ contra, præter, aut supra naturæ sunt ordinem. At quid in jactu aleæ, in emissionem sagittæ: aut lapidis projectione in altum, sit, contra, præter, aut supra naturæ ordinem? dicit *Amsius*, nihil hic esse aris, sed totum esse opus mera contingentie. At quæ ars effectum dare potest, ut lapis aut sagitta in tale punctum terræ incidat. Dicit *Amsius*, Capite Prov. 16. *Salomoni*, illum peculiarem respectum ad providentiam Dei specialem indicari, cum dicit sapiens, sortes mitti in gremium, sed eventum esse à Domino. At regeat *Gattakerus*, hoc illis verbis non indicari; non magis, quam in alio loco Prov. 21. cum dicitur, equos parari ad prælium, sed victoriam esse à Domino, indicatur, in omni victoria esse specialem Dei providentiam, cum generalis & ordinaria in victoriis, si non omnibus, plerisque saltem, sit Dei providentia, qua ordinariis mediis reddit alteram partium superiorem. Quicquid sit, *Gattakerus*, in ludo sortis & aleæ ac chartarum & similium, quando in se spectantur, nihil videt peculiare aut plus, quam in multis aliis ludis, in quibus eventus æquè est incertus: nec magis in sortiludio invocari nomen Dei, aut respectum dici ad peculiarem ejus providentiam docet ac probat, quam in aliis ludis: idem tamen, aleatorum, & qui sortiludio atque aleæ & chartis, tempus terunt, res suas dilapidant, vocationem negligunt, iis juramenta, blasphemias, aliaque miscent vitia, insensissimum est hostis, & uti

scribit pro indifferenti sortium natura, ita vehementer invehitur contra sortium & ludorum istorum abusum. Certè multa in se sunt adiaphora quæ virio hominum ac temporum, quibus vivimus, sunt reddita pessima. Diligenter discernendum est inter id, quod per se est malum, & id, quod per accidens est ta-

le: interim præstat abstinere ab eo indifferenti opere, quod per accidens sed frequenter tamen, propter concursum & concomitantiam vitiorum adiunctorum evadit malum. ed, de hac questione pluvibus actum est in Collegio nostro *Ethico*, olim disputato, *disp. de Urbanitate*.

## EXERCITATIONUM ETHICARUM SEXAGESIMA,

D E

### Quæstionibus quibusdam circa Justitiam universalem.

THESIS I.

**P**ostquam quæstiones excussimus ac casus decidimus morales, qui moveri possunt circa virtutes *ἡθικὰς*, restat, ut idem agamus circa Justitiam, tum universalem, tum particularem, quam utramque explicatam dedimus *Coll. Eth. Nostr. Disp. 29. & 30. ac thes. quidem 4. Disp. 29.* definivimus ex *Aristotele Justitiam universalem*, quod sit *habitus animi, quo homines idonei sunt ad agendum ea, quæ sunt iusta, & iusta agunt ac iusta volunt.* Definuitur *habitus* potius, quam *virtus*, quia Justitiam spectamus nunc, ut indifferentèr sese habet ad universalem & particularem, & sic non est species Virtutis, sed tota & omnis virtus. Porro, est *habitus*, quo homines redduntur idonei ad agendum *iusta*, quia omnis habitus largitur aliquam facilitatem & idoneitatem, idemque est *habitus*, quo homines *iusta*, agunt, & volunt, quia non sufficit aptitudinem inesse *iusta* agendi, sed oportet iusuper *iusta* agere & velle: laus enim virtutis in actione consistit. Atque ex hac explicatione definitionis, liquet, Justitiam rectè ab *Aristotele* fuisse definitam, quippe constat *definitio* hæc *genere, objecto, & actu proprio*, quibus omnis definitur habitus moralis: hæc tamen definitio suas patitur obje-

ctiones, quæ solvendæ sunt nobis.

II. 1. *Videtur hæc definitio aliqua continere supervacua: nam illa verba, (quo iusta agimus & iusta volumus) jam in priori parte comprehenduntur, (quo ad iusta agenda sumus idonei) nemo enim iusta agere vult, nisi sit ad ista idoneus.* Resp. Non debent dici supervacanea, quæ ponuntur ad differentiam magis ac magis elucidandam: sed hæc verba maximè declarant differentiam in definitione Justitiæ: nam opus & actus maximè explicant ipsum habitum iusta volendi. Præterea, non decet esse nimis accuratum in rerum moralium definitionibus.

2. *Si Justitia sit habitus, quo facimus & volumus iusta, ergo, quando nec volumus nec facimus iusta, non est in nobis Justitia. Sed posterius est falsum, ergo & prius.* Resp. Nulla est sequela: quia cum justitia definitur habitus, quo iusta volumus & facimus, eo non significatur ut semper velimus & agamus iusta, non foremus iusti: sed intelligenda est definitio ex hypothesi, ut vir iustus, ex justitia, & per eam, iusta agat & velit si velit, & cui oportet ac decet: sed non semper

per oportet. 3. *Si per voluntatem volumus res iustas, ergo non iustitiam. Sed verum est prius. Ergo.* Resp. Neg. Maj. Nam per voluntatem volumus iusta tanquam per facultatem, per iustitiam tanquam per habitum: Alterum non tollitur per alterum. Sed utrumque stat simul. 4. *Si iustus sit potius, qui iuste agit & vult, quam qui iusta. Ergo male definitur iustitia, &c.* Sed. Ergo. Resp. Qui per habitum iustitiæ res iustas vult & agit, is vult & agit iuste: nam habitus facit iuste velle & agere: itaque non fuit necesse repetere, *iuste*, quia hoc in voce habitus includitur: nam quotiescunque *iuste* agimus ex habitu, tum *iuste* agimus. 5. *Si iustitia sit constans & perpetua voluntas ius suum cuique tribuendi, Ergo definitio Aristotelis non est bona. Sed. Ergo.* Resp. Solis verbis discrepat ab Aristotelica definitione, si rectè intelligatur: Nam voluntatis nomine non potentia intelligitur, sed actus atque habitus: ut sit sensus: Iustitia est habitus, quo cum constantia & firmitate ad jus suum cuique dicendum & faciendum sumus prompti.

III. Quæstio est, *An detur talis iustitia universalis, qualis est definita?* Resp. Dari iustitiam universalem (quæ alias legalis dicitur) facile ostendi potest. Omnis Reipublicæ pars duplici modo comparari potest: primo quidem ad alteram ut pars ad partem, sive ut civis ad civem: Ex quâ comparatione oritur iustitia particularis: secundo ad totum Reipublicæ corpus, cuius unusquisque est membrum, & ex hac comparatione oritur iustitia universalis. Particularis docet, quid homo homini debeat: Universalis quid homo debeat Reipublicæ. Unde dicitur vir us relata ad alium, iustitia, quia vel ad proximum, vel ad Reipublicam refertur hæc virtus: dicitur legalis, quia Reipublica leges fert, quibus unumquemque civium præstare obsequium, iustum est & æquum.

IV. Quæri hic solet ab Ethicis: *Si iustitia universalis eadem cum omni virtute singulari, an vero à singulari differat?* Atque in duas hic abeunt sententias Philosophi morales: quidam enim iustitiam universalem faciunt distinctam, propriam, & secundam virtutem à cæteris, ut Thomas 2. 2. quæst. 58. Art. 6. & qui cum

sequuntur hodierni Scholastici. Alii eam eandem faciunt cum reliquis virtutibus & ab iis ratione tantum distinguunt: ita Buridamus & qui Aristotelem pressè sequuntur. Et sanè Aristoteles pro posteriori pronunciat sententiã: dicit enim disertè, *Cap. 1. l. 5. Eth.* iustitiam legalem non esse virtutis partem sed totam virtutem, eique contrariam iustitiam, non esse partem virtositatis, sed totum virtutem: Ergo legalis iustitia nihil fuerit aliud, quàm omnium virtutum complexio & congregatio: congregatio vero & complexio à partibus ex quibus coalescit non distinguitur. Deinde, virtutes quæ sunt diversæ ac differentes diversis distinguuntur objectis: virtutum enim, ut habituum distinctio ab objectis petitur. Sed legalis iustitiæ nullum aliud est objectum, quam cæterarum virtutum. Ergo. Objectum enim universalis iustitiæ est omne id, quod præcipit lex. At lex præcipit singularium virtutum actus: imperat enim fortitudini, ne deserat aciem, mansuetudini, ut temperet iras, temperantiæ, ut frugaliter vivat. Ergo objectum legalis iustitiæ ab objectis cæterarum virtutum non differt, nec ipsa iustitia consequenter à cæteris virtutibus: differentia tamen est aliqua. Nam virtus refertur propriè ad possidentem seu habentem quem perficiat: iustitia ad alios. Virtus est habitus in mediocritate positus, sive ut *arist.*, sive ut *2. 2. 1. 4.*, consideretur, sive ad nos ipsos sive ad alios referatur: iustitia est idem ille habitus, sed prout ad alios refertur: hoc ipsum tamen quod dico comparatè est accipiendum: iustitia primò refertur ad alios, secundo ad habentem, virtus primò ad habentem, secundo ad alios: quemadmodum lex in eo differt à nudo virtutis præcepto, quod lex respiciat ad totam communiter, & societatem civilem includat, prout in ea homines cum hominibus conversantur, virtutis vero præceptum hominem privatum, ut talis est, ad se ipsum ordinatè disponit, & tamen lex omnis rectè lata, præceptum ex virtute desumptum bene dicitur: ita etiam à virtute differt in eo iustitia, quod virtus ordinem tantum ad possessorem, iustitia, ordinem ad alios, involvat. Clariùs loquar: nuda virtutis est, reddere virum bonum sim-

pliciter: iustitiæ universalis est, facere, ut idem virtute sua alii totique Reipublicæ commender, & utilitatem adferat publicam. Est enim triplex finis nostrarum actionum: Primus & principalis est, gloria Dei. Alter est communis & politicus, ut omnia referantur ad publicam pacem ac tranquillitatem. Tertius est privatus, pertinens ad nos ipsos & nostros, iustitia Particularis respicit finem tertium: Universalis secundum: utraque primum. v. c. non tantum ideo est temperanter vivendum, quia prodest unicuique privatim, tum in vita, tum in valetudine, sed &, quia id postulat honestas & utilitas publica, quæ non potest servari, si unusquisque intemperanter vivat: sic non tantum forriter pugnandum est, ut nos & nostra tueamur, sed & ut religionem ac rempublicam servemus: Præter hunc finem utrumque, nostri & nostrorum salutem, ascendimus altius nos, & omnia dirigimus ad gloriam Dei.

V. Iustitia universalis seu legalis; 1. Dividitur in *νομιμὴν*, quæ legibus exactè morem gerit, & *ἐπιμετρίαν*, quæ ius summum moderatur. 2. In religiosam & profanam: prior agit cum Deo, posterior cum hominibus: Aut illa divinis, hæc humanis legibus, obsequium præstat. 3. In propriam & minus propriam. Propria iuri legitimo & naturali satisfaciit erga alios. Minus propria observat ius Oeconomicum: quod est, vel herile, *δαιμονίον*, vel Paternum, *πατρικόν*, vel nuptiale, *γαμικόν*. Injustitia universalis est, non pars malitiæ; sed tota malitia, & illa quidem, ad

alios seu ad Rempublicam relata: vel est, legum divinarum, & humanarum, violatio. Sunt autem legis præcepta duplicia, quædam affirmativa, quæ jubent facere virtutes, quædam negativa, quæ prohibent facere vitia illius: injustus injustitia legali peccat, vel omitendo vel committendo: & hinc peccata existunt vel commissionis vel omissionis.

#### IMPERTINENS.

*Nulla per universam Logicam utilis est doctrina, quam Distinctionis & Restrictionis, sine quâ utraque infiniti Scripturæ sacræ loci intelligi nequeunt; tantum abest, ut, vel hæc, vel illa, sit inventum Dæmonis; nisi quis velit, absque inventu Dæmonis, verbum Dei explicari non posse. Imò horret ipse Dæmon, horrent ipsius *ὑποκρίματα* Hæretici & Sæctarii, omnes sensus Scripturæ corruptores ac detorqueres, cum vident, per hanc solam doctrinam, loca Scripturæ à se detorta & sensu corrupto prolata, ad rectum, & cum scopo Sp. S. atque analogiâ fidei congruentem, sensum, reducta, & à suis corruptelis & detorsionibus vindicata. Quare hoc de sensum imus, & nunc, & semper, nunquam Studiosum Theologiæ, feliciter congressurum cum Adversariis veritatis Christianæ, nunquam sensum Scripturæ multis in locis percepturum recte, nunquam in Theologum perfectum evasurum, sine hac Distinctionis & Restrictionis (ut de aliis Logicæ partibus jam nunc nihil dicam) doctrinâ neglectâ aut ignoratâ.*

EXERCITATIONUM ETHICARUM  
SEXAGESIMA-PRIMA,

D E

Quæstionibus quibusdam circa  
Justitiam particularem.

T H E S I S I.

Quæstiones, seu objectiones potius, quæ institui possunt, contra *justitiam universalem*, dissolvit *exercitatio præcedens*; hæc nunc, quæ sequitur, ipsas solvet, quæ institui possunt circa *justitiam particularem*: eam definitam ac divisam, & diffuse explicatam dedimus olim in *Colleg. nostri Ethici Diss.* 30. nunc, cum adversus definitionem ejus nihil soleat objici, quod ullius sit vel operæ vel preiij, quæ contra *divisionem* ejus in *distribuentem* & *commutantem* objici possunt, discutiamus ac dissolvamus: atque hæc duo sunt.

II. Primum, quod hic obijciundum venit, est illud: scilicet, quod videatur *tertium membrum dari justitiæ particularis*, sc. *justitiæ ultrix seu vindicans*, distincta à *distribuyente* & *commutante justitiæ*: nam est *justitiæ* quedam *sui in vindicta*, quoties vel ipsa *Resp.* vel aliqua *Reip.* læsa pars, ultionem reposcit ac pœnam: tali enim casu *judices* & ad quos ea *vindicta* pertinet æquum exigunt, iunguntque supplicium pro *proportionem delicti*. At talis *justitiæ*, nec sub *distribuyente*, nec sub *commutante* continetur, ergo, &c. *Resp.* hanc *justitiam vindicantem* & ulticrem, sic affinem esse *commutanti*, ut ad illam reduci posse videatur: quia inspecta rerum atque personarum proportionem, pro delicti magnitudine vel parvitate infligitur pœna: sed vero quia pœna ipsa, quam ultrix hæc *justitiæ* ad vindicandum scelus imponit, non compensat, nec refarcit damnum illatum, sed tantum facit, ut tantumdem patiatur reus, quantum, æquum est, ipsum pro crimine perpetrato pati, nonnihil à perfecta

ratione *commutantis justitiæ* abire: ad hanc tamen potius quam ad *distribuentem* referri posse, censemus.

III. Alterum, quod obijci potest, illud est. *Videtur commutans justitiæ interdum sibi assumere partes justitiæ distribuentis* & *in ejus materiam involare*. Cum enim *Resp.* militi dat stipendium, cum mercedem dat publicis operariis, videtur fungi officio *justitiæ distribuentis*, quia largitur bona communia eaque distribuit; attamen ab altera parte; videtur esse hæc *commutans justitiæ*, quia nulla hic respicitur personarum conditio, sed pretium operæ conditæ ac præstitæ ex pacto privatorum cum *Rep.* persolvitur. *Resp.* *Justitiam commutantem* non exercere officium partis erga partem, quasi nunquam possit *Resp.* idem officium exercere erga partem: nam in tali casu *Resp.* sustinet vicem ac locum unius partis: quemadmodum enim, si *Resp.* mutuo det alicui civium aureos mille, debet civis totidem aureos reddere *Reip.* non aliter ac si esset persona privata: sic, ubi *Resp.* promisso pretio conducit aliquorum operas, vel alia ratione cum iis contrahit, tenetur non minus, quam privata persona, id, quod ex contractu debetur, persolvere: ideoque, cum stipendium, mercedem, pretium promissum, persolvit, non *distribuentis*, sed *commutantis justitiæ* officio fungitur.

IV. *Diss.* 30. *Th.* 10. *Coll. Eth.* quondam hic disputati, longe omnium nobilissimam proposuimus atque exposuimus quæstionem hanc: *An pœna sint irroganda secundum proportionem Geometricam, pertinentiaque ad justitiam distribuentem, an secundum proportionem Arithmetica,*

*metricam, pertineatq; ad justitiam commutantem?* Tres hic sunt sententiæ, quæ singulæ suas habent rationes. *Prima est eorum*, qui pœnas faciunt objectum justitiæ distribuentis oppositè ad prœmia, & in iis irrogandis servari volunt proportionem Geometricam; ita sentiunt *Combricenser & ss. 9. Eth. quest. 1. art. 2. Theoph. Gallus in 5. Eth. cap. 5. Keckerm. in Syst. Eth. l. 2. c. 5. Timpl. l. 3. Eth. c. 10. q. 12. Alstedius in Syst. Eth. cap. 24. Waleus in suo Ethicæ compendio*, ubi agit de justitiâ, *Burgersd. in index Philosophiæ moralis, cap. 22.* qui ex Jurisconsultis allegant *Wesemb. in paratitulis, & Mysingerum in Institutis*, utrumque, ad titulos de justitiâ & jure. Experientia insuper pro iis facere videtur, quæ docet, nobiles minus puniri quam ignobiles, liberos quam servos, magistratus quam subditos, integræ famæ homines quam famosos: præter experientiam legis pro se citant *ex jure civili l. 9. tit. de pœnis*, dicitur, discrimina pœnarum esse, neque omnes eadem pœna esse afficiendos, aut affici posse: nam decuriones in metallum damnari non posse, nec in opus metalli, nec furæ subijci, nec vivos exuri. *§. l. seq. dicit lex*, ex quibus causis liber sustibus cadatur, ex iisdem servum flagellis cardî; ex quibus causis liber sustibus cæsus in opus publicum damnatur ex hisce causis servum sub pœna vinculorum, ad cûs temporis spatium flagellis cæsum domino reddendum: similia de distinctione personarum in irrogandis pœnis habentur *l. 28. par 5. & 16. ideoque toto illo titulo de pœnis*, præter auctoritatem *Aristotelis*, quoque proferunt, *quod l. 5. Eth. cap. 5. text. 45.* plurimum interelle docet, an quis magistratum gerens quenquam percussit, an alius? item, an ipsum magistratum quis percussit, an alium quempiam hominem privatum? qui locus, tam diserte id videtur docere, ut, licet alibi *Arist.* aliter loquatur, hic sibi in aliis locis contradicere censeatur quibusdam interpretibus.

V. Sed & ratione pugnant, pro sua sententiâ auctores hi: omnis, inquit, virtus consistit, vel in sola mediocritate rationis, vel in mediocritate rei & rationis simul: mediocritas autem rationis inter ceteras circumstantias etiam personæ conditionem includit: si igitur

secundum dignitatem & conditionem personæ delicta puniuntur, videtur omnino punitio institui juxta proportionem Geometricam: sed verum est prius: ergo. Prob. minor, à *Burgersd. Deus in Var. Test.* aliter puniri voluit, qui in populo maledixisset principi, aliter cum, qui privato; aliter, qui filiam sacerdotis violasset, aliter, qui filiam privati civis: & plurimæ, inquit, sunt constitutæ pœnarum differentie in eodem genere delicti.

VI. Nonnulli, pœnas, partim referunt ad justitiæ distribuentis, partim ad commutantis, objectum. Ita *Amsius in l. 5. cas. Consc.* nec sub justitiâ distribuyente, nec sub commutante, contineri eas proprie, allerit: sic & *Heiderus in system. Ethico*, illas submittit justitiæ distributivæ simul & commutativæ: commutativæ quidem, quia damnum & lacrum tollunt, & ad æqualitatem Arithmeticam omnia reducunt, & quia pœna delictis exactè dicitur respondere: distributivæ vero, quia pœnæ ad ea pertinent, quæ inter cives dividi possunt, & quia aliis peccatorum generibus aliæ pœnæ irrogantur.

VII. Alii denique pœnas referunt, tantum ad objecta justitiæ commutantis seu corrigentis, cujus actum, docent, esse, punire, & in puniendo volunt servari proportionem Arithmeticam, non Geometricam: ita *Thomas Aquinas, l. 6. c. 8. in Eth. Arist. l. 5. & in summa sua secunda secunda, questione 61. art. 2. ita & Cajetanus* suis in locum istum commentariis: ita *Acciajulus in commentariis ad c. 4. l. 5. Eth. ita Soto de justitiâ §. jure l. 3. quest. 5. art. 1. & Scholasticorum plerique, & ex Ethicis Politicis recentioribus multi, Arniseus, Hornæum, Willius*, alique: hi Aristotelis, pro se allegant citantque verba *ex c. 4. Eth. l. 5.* ubi sic loquitur: jus autem, quod in contractibus versatur, est illud quidem æquale, & injuria, inæquale: verum non ea proportionem, sed Arithmetica: nihil enim refert, utrum vir bonus malum hominem fraudaverit, an malus homo virum bonum: neque, utrum vir bonus aut malus homo adulterium fecerit, sed damni tantum differentiam intuetur lex, usque utitur tanquam æqualibus, faciatne hic injuriam, ille injuria afficiatur? & an hic damnum intulerit,



rit, ille acceperit: hæc sunt verba *Aristotelis*, ex quibus liquet, si in contractibus corrigendis sit servanda proportio Arithmetica, uti docet ibi *Aristoteles*, qui non distinguit illic, inter voluntarios & invitos, omnino & servanda est illa in irrogandis pœnis: nam quid est aliud punire, & pœnas irrogare, quam contractus invitos emendare ac corrigere? & notetur exemplum *Aristotelis*: si homo, aliqui probus, defrauder hominem nequissimum, non minus est fraus & injuria, quam si pessimus defraudet optimum: adeoque res utrimque est digna supplicio: ita nō minus puniendæ est persona una, quam altera: si enim persona dignitas non vetat, quo minus sit delictum, quod delictum est perse, nec verabit eadem, quo minus pœna sit dignum & puniatur, uti meretur: sed quid opus est testimoniis, nos ratione tertiam hanc sententiam confirmabimus, quam amplectimur.

VIII. Duo ordine præstabitur: 1. ostendemus, pœnas non esse rem, quæ distribui possit, nec nisi improprie, hoc dici, quod distribuatur, adeoque non Geometricam sed Arithmeticam esse servandam proportionem, in iis irrogandis. 2. hanc proportionem Arithmeticam non tollere ea, quæ de personarum discrimine sunt allata, à prima sententia authoribus, inde eorum solvuntur argumenta. Pœnas non cadere sub distributionem, & eas recte irrogari vel infligi, non distribui, sic probamus. 1. quod distribuitur, est commune; seu clariùs, quod distribuitur, id, cū sit totius communis aut communionis, inter mèbra dividitur: veluti pecunia publica, agria hostibus capti, honores & dignitates, quas Respub. confert, onera quæ civibus imponit, & similia. At vero tale quid, non sunt pœnæ: quis enim sic loquatur, pœnas has aut illas esse Reip. & civibus tanquam de publico promi & imponi, seu inter illos dividi debere, ut unusquisque partem earum ferat? at, pecunias distribuendas, onera ferenda civibus pro sua parte, cuilibet, & inter eos perferenda, recte dicimus. 2. Quicquid distribuitur, id unicuique ideo, vel confertur, vel imponitur, quia civitatis pars est, & membrum ejus communis, cujus, vel bona illa sunt, vel mala: at nemo afficitur ideo supplicio, quia civis est, & Reip. membrum ac pars, nec publico nomine

teneretur, ad ferendas pœnas, uti quidem tenetur ad ferenda onera: licet enim civis sit, qui punitur, interim non tamen punitur ut civis, aut quia civis est, sed quia deliquit, quod puniri, Reip. interest: at onera fert publica, ut civis est, & quia civis est. 3. Quicquid distribuitur, ejus pars quotacunque & portio omnibus, & singulis cedit: at pœnæ nunquam irrogantur civibus omnibus, ut singulis suæ infligantur pœnarum portiones. Ergo non cadunt pœnæ sub justitiam distribuentem. 4. Quicquid commune est & distribuendum, illud natura prius est partibus, in quas distribuitur: quemadmodum tota præda summa militibus dividenda, prior est portione, quam ex ea, Dux, decurio, miles, capit: at vero, cum multis simul pœnæ irrogantur, aggregatio pœnarum non est prior pœnis singulis quibus hic aut ille maleficus punitur: certè, prout major aut minor pecuniæ vis ab hostibus capta, in promptu est, ita unicuique militi, majus aut minus præmium assignatur: at verò ita res hic non habet in pœnis irrogandis; nec enim ideo magistratus ex facinorosis, hunc furcæ, illum igni, tertium cruci, quartum virgis, adjudicat, quod tantum pœnarum facinorosorum gregi toti semel sit destinatum: nihil minus: imo contrà, ideo major aut minor cumulus suppliciorum oritur, ideo atrociora vel minus atrocita sunt supplicia, quia huic aut illi ex facinorosis hoc aut illud supplicium pro ratione aut proportionem delicti debetur: ex hisce rationibus patet, pœnas esse tale quid, quod distribui non possit.

Porro, quod proportione Geometricâ irrogari nequeant, sed Arithmeticâ, infligi debeant, sic probamus. 1. De Geometricæ proportionis natura est, ut pro inæqualitate personarum seu dignitatis civium in Rep. inæqualia etiam sint præmia & onera: ita ut majus præmium ferat, & majus onus sustineat, qui major; minus, qui minor est: ergo, si pœnæ debeant infligi secundum proportionem Geometricam, pro eodem delicto nobilis & liber acrius, & ignobilis & servus, mitius erunt puniendi: postterius absurdum: contra est, & jus & fas, ipsi adversarii fatentibus: ergo & prius, 2. Si sufficit proportio

O o o o

Geo-

Geometrica in pleſtendis delictis, ergo & ſuffecerit, ſi ſimpliciter, quanto majus eſt unum delictum altero, tanto majori puniatur pœna: at verò iſta proportio pœnarum ad delicta non ſufficit. Ergo non ſufficit proportio Geometrica: prob. minor. ſint plura delicta à pluribus commiſſa, ſed gradibus diſtinſta & inæqualia: unus eorum v. c. commiſerit fornicationem, alter adulterium ſimplex, tertius adulterium duplex, quartus inceſtum: ponamus, adulterium eſſe crimen duplo majus fornicatione, adulterium duplex iterum eſſe duplo gravius adulterio ſimplici, inceſtum duplo majorem adulterio duplici, hic ſervata fuerit proportio Geometrica in pœnis irrogandis, ſi poſterioris pœna ſemper fuerit major & gravior pœnâ prioris: attamen nondum fuerunt pœnæ irrogatæ, ut decet, juſtè: nam ponamus, fornicatorem pœnæ loco ſolvere duos obolos, adulterum ſimplicem ſolvere 4. obolos, adulterum duplicem octo ſolvere, inceſtuoſum 16. hic proportio fuerit ſervata Geometrica: ſed an quis dicere auſit, flagitia iſta eſſe juſtè & juſtis pœnis pro merito puniri? Ego quidem non dixerò. Geometrica ibi quidem eſt proportio: nam ut ſe habet perſona ad perſonam, delictum unius perſonæ ad delictum alterius, ita ſeſe habet pœna unius ad pœnam alterius; ſed tamen non eſt juſta pœnarum pro delictis inſcriptio; non ſunt juſtè flagitia puniri. Si dicas, primo illi, fornicatori, ſc. non eſſe pœnam ſufficientem ſtatutam, ideoque nec cæteris quoque. Reſp. Sed unde aſtimabimus, quanta eiſe debeat primi illius: puta ſcortatoris, pœna, ſi in pœnarum inſcriptione ſufficiat proportio Geometrica: hæc enim jubet tantum, ut totuplo major ſit pœna ſecundi, quam eſt pœna primi, quotuplo crimen ſecundi eſt majus crimine primi: quantam verò oporteat eſſe pœnam, tum primi, tum ſecundi, non docet, nec exprimit, proportio Geometrica, nec vero docere nec exprimere poteſt: ut itaque ſit juſta puniſio, judicandum eſt, quanta pœna debeat fornicationi, quanta adulterio ſimplici, quanta duplici, quanta inceſtui: at, hoc judicium facere, nihil eſt

aliud, quam pœnam adæquare delicto; id eſt, nihil eſt aliud, quam rem rei adæquare: at, hoc eſt proportioſis Arithmetica: juſtitia ergo punitionis non eſt petenda ex comparatione perſonarum delinquentium inter ſe, ſed ut ſit juſta puniſio, petenda eſt juſtitia, ex adæquatione delicti & pœnæ, uniſcujuſque, ut talem ferat pœnam, qualem meruit delictum: adeoque pœnæ irrogandæ ſunt ſecundum proportionem Arithmeticam, non Geometricam, quod erat probandum. 3. Juſta diſtributio eſſe poteſt, & proportio Geometrica ſervari, etiam, quando uniſcujuſque non tantum conſequitur, quantum virtus ejus merebatur, ſed quantum ex ſumma dividenda ad ipſum pro ratione circumſtantiarum & ſua portione recipere poteſt: ita, ſi præda ſit dividenda inter milites, & ſatis ea magna non ſit, ut militis uniſcujuſque virtuti reſpondeat, nihilominus, juſta ſi diſtributio, cum quiſque militum ſuo loco pro ſua portione capit, quantum ad ſe pro ratione prædæ redundare poteſt: at quis dixerit pœnas juſtè irrogari, cum pro merito quis non puniatur: de præda diſtribuenda militibus dici poteſt: plura quidem militis uniſcujuſque meriti virtutem, quàm auferit, ſed prædam hac vice majorem non eſſe, ut de ejus ſumma plus decedere nequeat: at, cum pœnæ ſunt irrogandæ, dici nequit, majora ſupplicia committos eſſe maleficos, ſed de cumulo pœnarum non ſuppere, quo puniantur pro merito. 4. Si ideo pœnæ ſunt irrogandæ ſecundum proportionem Geometricam, quia, ut eſt diverſitas graduum & inæqualitatis in delictis, ita quoque gradatio quadam eſſe debeat inter pœnas, ſequitur, in propriis delictis contrariis eandem proportionem habituram locum: v. c. aliquis civium vendit aedem, alter fundum, tertius arcem, fundus ſit duplo melior ædibus, arc duplex melior fundo: emtio venditioque juſta eſſe nequit, niſi pretium arcis ſit duplo majus pretio fundi; & hoc duplo majus pretio ædium: ſed, an ideo emtio & venditio ad juſtitiam pertinent diſtribuentem, aut reſtituendam eſt ſecundum proportionem Geometricam: hoc ne ipſi quidem adverſarii conſeſſerint. Quemadmodum

dom ergo, cum res emuntur & venduntur inæquales, pretia earum habent istam proportionem, quam habent resinter sese, nec tamen proportio ista Geometrica est fundamentum emtionum & venditionum, sed ex accidenti supervenit, ita, cum delicta sint inæqualia, etsi poenæ debeant habere istam proportionem inter sese, quam inter se habent delicta; tamen proportio Geometrica non est fundamentum in irrogatione poenarum; sed vero poenis irrogandis secundum proportionem Arithmeticam ex accidenti supervenit.

X. Verumenimvero secundum caput videamus: *Quomodo non violeatur proportio Arithmetica, etsi in puniendo aliquis habeatur personarum respectus, ut sic argumenta solvantur.*

i. Non hic queritur, quid fiat, sed quid fieri debeat; non attendimus factum, sed jus. 2. Delicta, vel ex proteresi, vel ex imbecillitate, committuntur. Conferamus nunc nobilem & plebejum; si ex proteresi deliquerit nobilis, aut, qui in dignitate est constitutus, item & plebejus, tantum abest ut mitius debeat puniri, quam plebejus, ut contra sit pleciendus gravior; nam delictum ejus, ratione personæ est majus: nempe, *tanto conspectus in se crimen habet, quanto, qui peccat, major habetur.* Nam nobiles alique superiores facilius potuerunt resistere malo, quia majore sunt instructi scientia & virtute, quam ex plebe homines. Deinde, illi plus debent operari bonæ menti & virtuti, quia aliis in exemplum facti sunt. Denique, quo pluribus à Deo beneficiis sunt affecti, altiusque evedico majore est eorum ingratitudo in Deum. Porro, notandum est illud quoque, & inquirendum, an constet de proairesi mala, an tantum presumatur? si constet, nulla est prerogativa nobilis aut in dignitate constituti, sed acrius est puniendus: si non constat, prerogativam aliquam habent: quicquid enim raro, quis commisit, id magis ex imbecillitate, quam ex destinatione, fecisse censendus est.

XI. Verumenimvero questio hæc nostra potissimum procedit de delictis ex imbecillitate commissis: & queritur, *an in talibus detur*

*discrimen graduum in poenis?* hic notandum venit, poenam quæ qualitate eadem est, quantitate differre tamen, prout alia atque alia est persona, quæ afficitur ea: ita fustigari, est eadem qualitate poena; sed major, si nobili contingat; minor, si plebejo: hinc fit, ut nobilis, cum poena afficitur, mitiori in specie, æque tam graviter plectatur atque alius, cui major ad speciem apparet, & videretur poena decreta: quin una tantum circumstantia efficere potest, ut unica & eadem poena duplo sit major, quando uni infligitur, quam est, quando infligitur alteri: sic oculo privari, duplo gravius est malum uno oculo, quam habenti duos oculos, quia uno oculo planè excacatur, alter non item: certè, non æquali poena afficitur, si utrique unus oculus eruat. Jam hæc applicemus, & ostendamus, *quomodo non violeatur proportio Arithmetica, etsi nobilis & in dignitate collocatus, aut virtute præstans mitius puniatur in eodem delicto, quam plebejus aut scurrus.*

XII. Arithmetica proportio hoc vult, ut tam nobilis quam quivis alius puniatur tantum, quantum alteri nocuit, ut poena simpliciter sit æqualis delicto, hoc immortum est & inmutabile: & manet etiam ac manere debet, quando etiam nobiles alique puniuntur mitius plebejis: nam vel delictum tam grave non est in nobili, quam in alio; vel, si est, non tam facillè presumitur, vel poena utrique irroganda est, una & eadem, etsi vulgò non appareat. Commiserint duo idem delictum: unus virtute præstans, alter nebulo & nullius virtutis homo: constet etiam, utrumque, non tam ex proairesi, quam ex affectu & imbecillitate, peccasse: erit sane delictum prioris levius, quam posterioris: causa est, quia cum sedulo semper prior caverit, in tale delictum incidit, alter vero, licet ex proairesi non peccavit, non tamen satis aliàs sibi caverit, omnino delictum idem est gravius in posteriori, levius in priori: rursus, si duo iidem commiserint idem delictum, nec constet, eos ex imbecillitate peccasse, magis censetur ex proairesi peccasse posterior, quam prior, & ideo, ejus delictum censetur & presumitur gravius, prioris levius. Denique,

fit idem per omnia, viri præstantis & hominis nequam, delictum: fustigatur unus, alter è senatu ejicitur: mitior videtur poena posterior, sed æque gravis est, quia nebulo non pluris faciet fustigationem, quam gravis vir ignominiam, quam reportat ex eo, quod ex senatu ejiciatur: sed vero hæc non vetant, quo minus tantum poenæ luant, quantum nocuerint: dices, hic haberi rationem dignitatis personæ, quam non respicit proportio Arithmetica. Resp. Quod dignitas personæ respiciatur, planè est per accidens, cum proportio Geometrica eam per se respiciat: hæc enim simpliciter fundatur super comparatione personarum & præmiorum: proportio Arithme-

tica non super dignitate personarum, sed super sola adæquatione delicti & poenæ: illie per se attenditur persona, hic per accidens; qualis personæ consideratio, delictum, vel aggravat, vel elevat: itaque uno verbo: personæ dignitas non attenditur hic propter se, ut in iustitia distribuyente, sed tantum ad delicti & poenæ magnitudinem eo rectius intelligendam & æstimandam; ut adæquatio delicti & poenæ eo rectius inveniatur. Hæc omnia, experientia, Arist. autoritati & rationi antea allatæ, applicare, facile est unicuique: neminem thesium excedamus modum aut mensuram, id cuiusque judicio relinquimus.

## EXERCITATIONUM ETHICARUM SEXAGESIMA-SECUNDA,

D E

### Quæstionibus quibusdam circa Iustitiam, Jus, & Injuriam.

THESIS I.

Circa Iustitiam, Jus, & Injuriam, variae quæstiones, tum ex Aristotele, tum ex Scholasticis, moveri solent: Nos quasdam ex iis, & selectiores, nunc proponemus & solvemus: de cæteris videri possunt, ipse Aristoteles, quilibet S. Eth. c. 9. octo movet, & Commentatores in eum, inter Græcos Eustathius, inter Latinos Veteres seu Scholasticos, Buridanus, inter recentiores, Salustius, qui Buridani vitulâ semper arat, ejusque rationes usurpat, sed Latiniorem tantum reddidit, ac præsertim hic videndi sunt, cum ipse Thomas in secunda parte summæ Theol. & Commentatores omnes infinito numero, in ipsum. Præter omnes, peculiaribus voluminibus prolixissimè omnes quæstiones, quæ hic possunt moveri, pertractarunt, Soto de Iustitiâ & Jure, Suarez & Lessius de Legibus, Johannes de Lugo Cardinalis, de Iustitiâ & Jure, Azorius in institutionibus, multique alii.

II. Prima, quam nos ventilabimus, quæstionum, erit hæc, *An quis, volens patiatur injuriam? seu, An volens possit fieri injuria? &c.* Prima quidem facie nihil videtur certius, quam neminem volentem pati injuriam: sed tamen hoc ipsum est multis difficultatibus cinctum & obseptum. Resp. Neminem pati injuriam volentem voluntate simplici, perfecta, libera, expressâ. At vero imperfectâ, semiplenâ, circumscriptâ, & limitatâ voluntate, potest quis injuriam pati. Hoc utrumque explicandum est plenius. Primò, quod nemo plena, perfecta, libera, atque expressâ voluntate patiatur injuriam, ex eo liquet, quia, pati injuriam, non tantum est pati damnum, sed & id pari præter voluntatem, ut sit contradictio, pati injuriam, volentem: qui enim patitur injuriam, non vult eam: ut enim jus omne est voluntarium, ita injuria omnis est involuntaria. Secundò, quod semiplena, imperfecta,

perfecta, circumscripta, & limitata voluntate possit quis pati injuriam, id quatuor in casibus ostendi potest. Primus est, cum aliquis tacite vult damnum suum, nec verbis tamen eam voluntatem exprimit: Ut, si quis equum suum velit interficià vicino, quo vicinus damnetur à iudice, penasque luere, ac damnum farcire teneatur. Sed profectò, hæc voluntas vix est voluntas dicenda, quia non tam suum damnum, quam inimici incommodum vult. Secundus casus est cum voluntas integra non est, sed altera ex parte vellet videtur ex altera nolle; ut, si quis lædi velit, & injuriam pati, quod sibi bonum hoc esse intelligat, sed minimè vellet alterum, à quo læditi illud facere, injuriam illam importare, ex quo faciendo inimicitiam cum Deo contrahit, & iram ejus in se derivat. Sic Martyres volentes patiuntur injuriam, quippe, qui non detrectant subire crucem, quam ferunt; sed nollent eam sibi inferri ad hominibus cum peccato: tormenta non refugiant, sed volunt; sed refugiant ac nolunt scelus aliorum ea inferentium. Tertius casus est, cum voluntas, non est absoluta aut simplex, sed alicujus conditionis accessione implexa: ut, si quis saniori pecuniam accipere velit, quia non potest accipere gratuitam. In tali casu, is voluntarie quidem contrahit cum fenerator, sed tamen mallet non contrahere tali modo, adeoque vult damnum suum & non vult. Quartus casus est, cum voluntas obligata, & vincula est, non soluta, non libera, qualis in puero vel in homine graviter ægrotante conspicitur, qui noxia plerumque volunt & pestifera: Hæc enim, qui puero & ægro suppeditat, iis volentibus noceret, & damnum inferret: & utique volens patitur injuriam. Atque ita patet, *quomodo & qui voluntate, vel plene, vel simpliciter, volens fiat injuria*: & his observatis, facile est argumenta solvere, quæ obijci possunt, quippe quæ omnia nihil aliud demonstrant, quam aliquas injurias. & damna pati homines voluntate, vel non integra & plena, vel non simplici & absoluta, vel alio aliquo modo imperfecta, quod non diffitemur: sed, ut aliquis volens patiatur injuriam volun-

tate absoluta, plena, perfecta, completa, hoc est, quod negamus ac pernegamus, & sic intelligenda est questio à nobis proposita, cum dicimus, *neminem volentem pati injuriam*.

III. Quæri hic solet secundo: *An aliquis sibi injuriam facere possit? Aristoteles* quidem *Ethicorum* l. 5. c. 11. negat, sequenti argumento motus, quod est à majore ad minus. Si in maxima injuria, non potest quis esse erga seipsum injustus, multo minus propter ceteras injurias minores. Sed in maxima injuria, quando quis sibi ipsi facit injuriam, seu quando quis sibi ipsi mortem consciscit, non facit ille sibi injuriam. Ergo, &c. Quin, seipsum interficere, sit maxima injuria, inde patet, quod vira sit maximum bonum: ea enim sublata simul reliqua omnia bona auferuntur. Quod vero is, qui sibi ipsi vitam auferit, non sit erga seipsum injurius, probat *Aristoteles* à consequenti, quia videtur potius Rempublicam læsisse, quæ ipsum quoque punit, quam semet, quia illam spoliavit membro, id est, civitate, & per consequens eam spoliavit auxilio, quod in bello ac periculis ab ipso expectare potuisset civitas aut Resp. Punitur verò à civitate aut Rep. per infamiam, quatenus ipsum aut planè non vult sepeliri, aut non sepeliri loco honesto. Et potest hæc ratio *Aristotelis* sic instrui, aut suffulciri. Nemo patitur volens injuriam, ut statim probavimus. Sed, qui seipsum interimit, is patitur volens injuriam: ergo, qui seipsum occidit, is non patitur injuriam. Sed verò, possit hic quis regerere, quod hæc ratio non stringat, *quia, cum quis interimit se, non oppetit mortem voluntate simplici, sed ea, quæ mixta est, & aliqui d. habet de invito: quippe ob aliqua rerum infortunia, aut animi corporisque dolorem acerbissimum, à quo non nisi beneficio mortis liberari potest, interficit sese, qui id, acit: & licet liberari malis, quam vivere, simpliciter tamen vivere mallet, quam mori. Sed voluntarium quod mixtum est, non potest facere, ut id, quod patimur, non sit invitum injustumque. Ergo, qui se occidit, qui id, acit voluntate mixta, is patitur injustum aut injuriam: ergo sibi injuriam, aut injuriam facit.*

Resp. Voluntarium mixtum non potest fa-

cere, ut, quod patimur, dici possit injustum, si mistum ira fit, ut plus unam velimus partem quam alteram: qui enim latroni pecuniam dat, ne occidatur, magis vult dare quam non dare, tamen si etiam dare noller: deinde, cum is, qui damnum patitur, aliquam actionis partem omnino vult, vel saltem multo magis vult, quam aliam, debet voluntarius dici potius quam inivus. At talis est is, qui sibi mortem consciscit: quamvis enim vivere vellet, mavult tamen interire, quam cum isto animi dolore, aut inopia, aut ignominia, vivere. 2. Argumentatur *Aristoteles*: genus non potest inveniri absque specie: Nam, si animal moveatur, & currit, etiam, vel homo vel brutum, moveatur & currit. Sed in nulla injuria vel injustitiæ specie, potest homo sibi ipsi facere injuriam. Ergo, simpliciter absoluteque injuriam sibi facere nequit. Species injuriæ sunt, furtum, adulterium, perfolio parietum, &c. Sed nemo dicitur adulterari, cum conjuge vitur sua, nemo furari, cum rem accipit suam, nemo aedes diripere, cum parietem perfodit suum. Ergo nemo sibi facit injuriam. Atque hæc sunt rationes *Aristotelis*, quibus probat, non posse aliquem sibi facere injuriam, quæ ipsæ ratiunculæ solvunt adversas, quarum palmaria hæc est; *Quod aliquis seipsum interficere valeat, & sic in seipsum sit injustus*. Sed verò jam dictum est, talem esse injustum in Remp. magis quam in seipsum: sed ad alia transeamus.

IV. Nihil usufructus est apud *Ethicos*, quam inter Jus, seu rigorem juris, & *ἐπιεικείαν*, seu æquitatem juris, quæ aliquid de rigore juris remittitur, ne summum jus, summa, quod ajunt, fiat injuria. Hoc igitur omnes assentunt, æquitatem esse juris stricti correctionem; hæc duo obijci possunt, quæ nunc sunt solvenda. Primum honesta, si *æquitas*, juris & legis correctio, sit, laudabilis, ergo sequitur jus non esse bonum & honestum. Sed jus est bonum & honestum. Ergo. Respond. negatur connexio majoris. Et æquitas est laudabilis, & jusest laudabile: & æquitas est honesta, & jus est honestum: & æquitas est bona, & jus est bonum. Est enim laudabilitas, ho-

nestas, bonitas, affectio generis, & speciebus est communis: neque enim sequitur, si condimentum cibi sit bonum, ergo ipse cibus non est bonus. At dicunt, summum jus hæc dicitur non per se & in se consideratum, sed iniqua juris applicatio ex neglectu circumstantiarum, quæ facta mutant, adeoque valde sunt attendendæ quantvis in lege non sint expressæ, sicut quoque propter varietatem exprimi non possunt; sed prudentia iudicis perpendendæ relinquuntur. 2. obijci potest: *Quod discrepat à justo, id est injustum. At æquitas discrepat à justo. Ergo æquitas est injusta*. Respond. Major non est simpliciter vera: omnes enim aliæ virtutes morales discrepant à iustitia, nec tamen propterea sunt iniustæ: quemadmodum & iustitia discrepat à castritate, neque tamen ideo est incasta: si discrepare, sit aliquo modo pugnare, maior non est vera: nisi de omni simpliciter justo forte accipiat: at tum minor falsa est: nam æquitas non discrepat ab omni justo simpliciter, sed à justo, quod in specie, rigidum & naturale vocatur.

V. Vulgatissima est divisio, apud *Ethicos*, Juris, in Jus naturæ, Gentium, Civile, & Canonicum. Quam divisionem in *Moletematus* nostris expositam a libi dedimus. Impraesentiarum queritur solum, An detur jus naturæ dicimus omnino, quod sit. Contra, hæc duo obijci possunt. Primum, Si intellectus humanus sit tabularas, in quo nihil est scriptum, ergo nullum jus per naturam ei est insculptum. Sed verum est prius. Ergo. Resp. negatur major. *Aristotelis* mens est: Nihil actu secundo esse insculptum cordibus aut animis hominum: & hoc verissimum est, quippe infantes recens nati nihil intelligunt actu ipso, quia cerebrum propter humiditatem nimiam nondum bene est dispositum, ad species intelligibiles formandas. At, quando legis opus dicitur inscriptum cordibus nostris, id non intelligitur, de actu secundo, quasi reipsa ex legis naturæ principiis primis statim conclusionibus eliciamus: sed verode potentia propinqua, per quam etiam nullâ accedente institutione vel demonstratione, confirmato & adulto ra-



tionis usu, principia practica sese exerunt, & secundum ea, in communi vitâ, legis opera exercentur. Unde dicuntur Gentes *τὴ φύσιν ἔχοντες*, quamvis de lege, per Moſen lata nihil unquam ſando acceperint. Cum enim à natura brutis impreſſa ſit potentia & ſolertia, qua, ætate jam ad ſpeciei perfectionem progreſſa, naturæ ſuæ convenientia & admiranda motuum opera, ut videre eſt in aviculis nidificantibus, in apiculis mellificantibus, quidni, & menti humana, quæ divinæ particula eſt auræ, impreſſi quoque ſint divinitatis Characteres; qui in homine jam adultiore & ætatis confirmatoris, ſeſe exercere & fulgere incipiunt. Quemadmodum ergo facultas naturalis diſcurrendi eſt innata homine, non actualis diſcurſus, qui tamen poſtmodum ex facultate manat ſine ulla præeunte inſtitutione, ita lex naturæ innata eſt, id eſt, potentia conſolutiones practicas ex principiis inſe reconditis colligendi, non vero ipſa actualis conſolutionum collectio. 2. objicitur. *Si nulla ſit juſtitia naturalis, ergo nullum quoque jus naturale. Sed verum eſt prius: ergo. Si juſtitia ſit virtus moralis, ergo, non naturalis, quia moralis à natura non ineſt. Probatuſ conſequentia, quia jus non eſt ſive juſtitia.* Reſp. 1. ad minoram & probationem. Juſtitia moralis propriè ſic dicta diſtinguitur à naturali, quia hæc eſt quaſi ſemen quoddam illius. 2. ad conſequentiam. Naturale jus conſiſtit in principiis practicis, juſtitia in praxi principiorum. At verò non ſemper cum noſſita principiorum practicorum eſt conjuncta praxis.

VI. Nihil quoque receptius eſt apud Ethicos, quam, jus naturæ eſſe immutabile: & hic quædam poſſunt objici. 1. *Multi peccant contra jus naturæ. Ergo illud, vel extinctum eſt vel mutatum: patet antecedens in parricidis, homicidis, blaſphemis, &c.* Reſp. Negatur conſequentia. Quia etiam, qui jus naturæ violant, nihilominus illud inſcriptum in cordibus habent, quod etiam poſitivi juris ſcientiſſimi faciunt, cum in id peccant: peccant enim contra conſcientiam, quam contra ſe teſtem habent: & hæc diſtinguenda ſunt aliud eſſe noſſe legem, & aliud præſtare. 2. *Ipe Deus*

*mutavit jus naturæ, quando præcepit Abrahamo, ut filium mactaret, & quando Iſraelitis permixtiſ bona Aegyptiorum auferre, ergo jus naturæ eſt mutabile. Antecedens probatur. Quia præceptum illud & permiſſio ſunt contra jus naturæ.* Reſp. Non ſuit mutatio legis, ſed materiæ, circa quam lex verſatur. Vita innocentis Iſaaci filii, ſubjecta fuit & objecta Abrahami Patris porciſſima, non tanquam cauſa principali, ſed tanquam inſtrumento domini & beneplaciti Divini: adeoque nihil hic fuit juſtus Abrahamus facere præter officium Patris à naturali jure definitum, ſed juſtus fuit ſervire juris naturalis Domino, cui in creaturas ſuas licet, quicquid libet: non enim ſibi, ſed homini legem poſuit: coipſo, igitur, quo filium mactaſſet Abrahamus, tanquam miniſter Dei, obedientia ejus ſummè prædicanda fuiſſet, eſſi juſus naturali, tanquam Pater & Dominus ab eo manum abſtinere debuſſet; ceſſare & ſuſpendi ad tempus poſſunt patrum officia, manente tamen obligatione, quando ſunt obeunda ſuperioris Dei miniſteria. Aegyptiorum vaſa aurea abſtulerunt ſecum Iſraelitæ, non tanquam reſalienas, ſed tanquam ſuas, per Dei liberalitatem ipſis conceſſas: deſſerunt enim eſſe Aegyptiorum, & ceperunt eſſe Iſraelitarum, eo ipſo momento, quo à Deo juſti ſunt auferre. 3. *Depoſitum repetenti reddere, eſt naturale: ſed hoc jus interdum mutatur, neque enim gladius depoſitus & repetitus ad occidendum eſt reddendus. Ergo jus naturale quandoque mutari debet & poteſt.* Reſp. Major conceditur, ſed obſervatis certis circumſtantiis & conditionibus, ſcilicet, ut redditio depoſiti ſit tempeſtiva, ut non ſit majoris mali cauſa: tum enim præſtat depoſiti redditionem diſſerre, quam in tempeſtiva redditione deponenti & proximo innocentem nocere: quod faceret, qui depoſitum gladium ſuſoſo ad patrandum homicidium redderet; non igitur mutatur jus naturæ, quando depoſiti reddendi opportunitas exſpectatur, & hæc cautione atrocior juris naturalis violatio evita: ut. Quæ circa jus, aut juſtitiam inſtitui poſſunt quaſtiones aliæ, aut aliæ nobis ſunt excuſſæ, aut videri poſſunt apud Authoſ jam antecitatos theſ. 1.

EXERCITATIONUM ETHICARUM  
SEXAGESIMA-TERTIA, ET ULTIMA,

D E

Quæstionibus quibusdam circa  
Amicitiam.

T H E S I S I.

Postquam circa virtutes omnes, generatim spectatas & speciatim, multis nunc *Exercitationibus Ethicis*, varias discussimus *quæstiones*, casusque decidimus *morales*, poscimus hic jam nunc illis imponere finem; quia tamen hæc *Exercitationes* destinavimus jam statim à principio, & destituimus quoque, tanquã *ἀνασκησὶν* ad partem *ἡγεμονικῆς*, in Collegio nostro *Ethico*, olim traditam, atque ibi, post virtutum, rerumque omnium *Ethicarum*, explicationem, subjungitur & agnem claudit *ultima*, de *Amicitia*, instituta *Disputatio*, ne aliquid desit huic parti *ἀνασκησὶν*, quod repertum fuit *ἐν ἡγεμονικῇ*, & ut pars destruens *falsitatem* respondeat pari adstruenti *veritatem*, ac pari ambulent passu, etiam hæc *Exercitatione* ultimã, *quæstiones* quasdam movebimus, & *objectiones* removebimus, quæ circa *Amicitiam* institui possunt. *Eustachius* quidem, *Raco*, *Contimbriceses*, aliique, eam tractationem in totum omittunt: alii tamen, ut *Casius*, *Timperius*, *Rekgermannus*, & plerique, de ea circa finem *Ethices* non nihil agere solent: & sequuntur in eo *Aristotelem*, qui l. 8. *Ethic.* c. 1. duabus probat rationibus, *Philosopho Morali* esse agendum de *Amicitia*. 1. Quia, aut virtus quædam est, inquit, aut cum virtute conjuncta. Et, si virtus non est, maximam tamen habet affinitatem ac cognationem cum virtute: & sanè, virtus in *Ethica* debet tradi completè secundum omnes suos modos, effectus, attributa, & consequentia: alioqui tractatio foret manca. Sed inter effecta & consequentia atque adjuncta virtutis, imprimis eminet *Amicitia*, quia est virtutum usus commodissimus & præcipua applicatio. 2. Quia ad omnem vitam be-

ne beateque transigendam, *amicitia* maxime est necessaria. De iis verò, quæ conferunt & faciunt ad beatitudinem, *Philosopho morali* est disserendum. Quod verò ad beatitudinem faciat *Amicitia*, non quidem ut medium, sed ut usus & exercitatio medii moralis, *Aristoteles* probat omnium testimonio ac consensu, quia nemo sine amicis vivere cupit, & inductione, ab amicis & societatibus hominum, desumpta. Opus est *amicitia*, ditioribus & potentioribus, 1. ad beneficentiam, quæ ad omnes quidem homines, sed maxime tamen ad amicos sese debet extendere. 2. ad custodiam rerum suarum; *Tantis parva malis, curâ majore, metuque, Servantur*: *miserâ est magni custodia census*, cecinit *Juvenalis*: opus est *amicitiâ*, pauperculis & calamitosis; his enim est in amicis perfugium. Opus est *Amicitia*, pueris & adolescentibus, scilicet ad educationem & institutionem honestam, ne peccent. Opus est *amicitia*, sensibus, ut auxilium ab amicis nanciscantur; & sic porro. Solet vero doctrina *Amicitia* sequi doctrinam virtutum, partim, quia *Amicitia* est virtutum quoddam effectum, (causæ autem antecedunt in ordinata rei tractatione effectum) partim, quia *Amicitia* est usus & exercitatio virtutum: usus autem rei sequitur rem ipsam: & prius natura rei ipsius est discenda, quam praxis docenda.

II. Nunc ergo quæstiones varias promiscuè, ut sese offerent atque incident, dissolvamus. 1. Quæri potest: *An amicitia sit contrahenda cum paucis, an cum pluribus?* Resp. Cum paucis potius quam cum pluribus, quod multis rationibus probatum dari potest. Hoc unum

unum suffecerit, quod in amicitia amicus amico placere studeat: at multis placere difficillimum est: *Ne Iupiter quidem omnibus placeat*: & cum omnibus placere studet, tandem nemini placet: qui omnium amicus esse cupit, tandem nullus est.

III. Quæritur 2. *An indigentia recte dicatur causa, saltem occasionalis, & impulsiva externa, Amicitia?* quod assentum est à nobis *Collegii Ethici Dissertatione ultimâ de Amicitia, Thesi 10.* Resp. omnino, quod sic: si dicas, quod *privativum est & malum, nequit esse causa boni & positivæ: atqui indigentia est quid privativum & malum, Amicitia est quid positivum & bonum.* Ergo, &c. Resp. Antecedens de causa rigide sumta & Iyfica intelligi debere, quæ possit per realem & Physicum influxum in esse causati insinuat, non de causa late sumta ac morali, quæ qualemunque occasione ad causati productionem suppeditat: morbus movere potest ad querendum Medicum, peccatum ad querendum servatorem, &c. sic & Paupertas movere ad querendos Amicos.

IV. Quæritur 3. *An cum dissensione in rebus fidei, vera Amicitia consistere possit?* Hæc quæstio multo est gravior & difficilior utrâque præcedenti. Negant hoc quidam, quod peccata religione divulsâ firmiter conglutinari non possunt, & quod vera amicitia sit, quæ Christi glurine conjuncta, Dei timore & scripturæ studiis, concilietur, nec frater aut amicus esse possit, qui alio modo Deum, aut alium Deum, colit. Nos hic distinguimus, 1. inter amicitiam civilem & spiritualem: hæc diversâ fide tollitur, illa non item. 2. inter *epheoræ* & *quod glur*. Illa in Amicitia morali requiritur, scil. ut amici sint ejusdem mentis, animi, cordis: hæc non item, scil. ut sint ejusdem, quoad dogmata fidei, opinionis. Diversitas fidei est diversitas sententiarum, non voluntatum; opinionum, non animorum. 3. Inter jus poli seu numinis, & soli seu civitatis. Jus poli, ejusque fraternitas, non consistit cum fundamentali dissensione fidei; jus soli ac civitatis, optimè. 4. Inter seductores & pertinaces fidei hostes, qui scientes volentes cum oppugnant, exagitant, blasphemant, &

inter seductos atque infirmos, qui ex errore & infirmitate diversæ fidei assentiuntur, nec pertinaciter religionem veram oppugnant; multo minus blasphemant. Cum his amicitia civilis optimè cõsistit, salva fidei diversitate: & valet hic illud; Diversitas religionis non tollit vinculum humanitatis: & multa Christus ipse in Apostolis amicis suis, ex infirmitate errantibus, tulit: cum prioribus istis amicitia moralis vix contraheretur, contracta vix consistet.

V. Quæritur 4. *An Amicitia sit præferenda affinitati & cognationi sanguinis?* R. Ad illam quæstionem non aliter nisi cum distinctione responderi potest. 1. si paria fuerint amicorum & consanguineorum merita, i. e. Si consanguinei etiam amicorum præstant officia, consanguinei sunt præferendi, amicis tantum. Ratio est, quia duo vincula, sanguis & amicitia, magis ligant, quam unum vinculum, sola amicitia. 2. Consanguinei non amici, i. e. non fungentes amicorum officio, præferendi tamen sunt amicis, quoad officia, naturam, & vitæ conservationem, spectantia. Ratio est, quia propter sanguinem magis juncti sumus fratribus & consanguineis, quam amicis sanguine nos non attingentibus: sunt enim consanguinei quasi partes naturales ejusdem corporis. 3. Amici non consanguinei præferendi sunt consanguineis non amicis, quoad officia & beneficia, honorem, vitæque morales conservationem spectantia. Ratio est, quia singulis sua sunt tribuenda: ut naturalia debentur sanguini, ita honorifica debentur amico.

VI. *Et hoc quæritur commodissimè; Vtrum in secundâ an in adversâ fortunâ magis egemus amicis?* Resp. Et hic distinctione est opus. 1. In adversâ constituti fortunâ magis egemus amicis, ut beneficia accipiamus; quia necessitates rerum, in quâ collocamur, nos præfidiis & auxiliis debitis privat, quæ ab amico suppleri possunt & præstari. 2. In prosperâ fortunâ magis indigemus amicis, ut beneficia demus: tum enim magis suppetit, unde amico benefaciamus.

VII. *An vitam amici teneamus præferre nostræ, & debeamus pro salute temporali ejus, certam subire & eligere mortem?* Resp. Affirma-

tivam statuunt multi Gentilium, inter alios *Seneca, Epist. 9.* At nos contrā negamus. Ratio est, quia quilibet sibi est proximus, & sibi maxime devinctus: & dilectio nostri est mensura dilectionis proximi: & lex naturæ est, ut unusquisque magis sui conservationem appetat, quam alterius: & neque in se habet quisque arbitrium vitæ ac necis, ut mortem subire pro amico possit, quotiescunque vult: sed hoc arbitrium solius est Dei. *Obijci potest exemplum Servatoris nostri, qui non pro amicis solum, sed & pro inimicis mortem subit.* & ideo multo magis licet pro amicis. Resp. Ab exemplo Christi ad nos non valet consequentia: quia Christus habuit arbitrium vitæ suæ necisque tanquam dux & princeps vitæ: Nos non habemus. Deinde, Christus sua morte æternam nobis vitam acquisivit, quam si quis morte sua temporali acquirere possit pariter amico, vel, si possit morte sua corporis ab amico avertere mortem animæ, nihil faceret à ratione alienum aut illicitum, sed id, quod honestum est quam maxime & licitum, si mortem temporalem corporis in tali casu pro amico obeat. At verò, ut pro corporali vita amici servanda quis suam exponat, nemo tenetur; nec licitum censemus. *Obijci quoque potest exemplum Moïsi, qui propter populum Israeliticum voluit deleri de libro vitæ, Exod. 32. 32. & Pauli, qui pro fratribus suis anathema optavit fieri, ad Rom. 9. v. 3.* Ergo, pro amico mortem subire alius amicus potest. Resp. 1. *Moïses & Paulus*, non pro corporali salute populi, aut fratrum, optaverunt id, quod voverunt, sed pro salute æterna Israelis ac fratrum: at nostra sententia intelligenda est de temporali salute proximi & amici. 2. Non desunt, qui dicunt, votum *Pauli & Moïsi* non fuisse satis consideratum, & utrumque, non tam spectasse, quid sit licitum & possibile, quam quid ardentissimus Deus diceret. Sed vero ego illas responsiones non probō; neque turbato affectu hæc dixisse utrumque, puro, sed merito deliberata; verum utrumque utriusque dictum existimo capiundum, cum & sub conditione tacita, si sit possibile; si per justitiam & virtutem Dei possit fieri. *Sed urgent, Christus*

*commendat Iohan. 15. 13. sanguinem maximum amoris indicium, si quis animam suam pro amicis ponat.* Resp. hoc intelligendum est pro amicorum salute æterna servanda, quo sensu admittimus: sed textus non dicit, id licere pro temporali vita amici servanda, quo casu illicitum pronuntiamus, nisi certa sit spes evadendi: at *instans, Ioh. Epist. 1. cap. 3. 16. expresse dicitur, nos debere pro fratribus ponere animas.* Resp. id similiter intelligendum est de fratrum æterna salute promovenda. Denique, inquirunt, *Luctantur, qui pro patriâ occumbunt, pro amicis.* Resp. Nulla est sequela: alia est ratio boni publici, alia privati: plus patriæ, quam amicis debemus: *pulchrum est pro patriâ mori, non item pro amico.*

VIII. *Anis Amici gratiam quandoque sit delinquendum?* Resp. Quæstio hæc non est facti, sed juris: experientia docet, nimis quam sæpe ab amico pro amico delinqui. Sed queritur, *an id liceat?* Resp. Non licere. Nunquam enim facientibus malum, ut eveniat bonum, nunquam honestas postponenda est amicitia: honestatem enim qui negligit, pietatem negligit & leges contemnit: at amicitia neutrum facit. In amici gratiam interdum quidem commoda nostra negligi possunt, & debent, quia facilis est bonorum fortunæ iactura: sed nunquam id agendum est pro amico, unde aliquid detrimenti patitur honestas. Refert *Val. Max. lib. 6. c. 4.* in signe huius rei exemplum in *Publio Rutilio*, cui, cum amici injustæ petitioni resisteret, amicus per summam dixit indignationem, *Quid igitur mihi opus est amicitia tua, si, quod rogo, non facis?* imò respondit *Publius*, *Quid mihi opus est tua, si propter te inhoneſti aliquid facere debeam?* Laudabile profectionis responsum. & ab animo profectionis generoso, ac, qui rerum pretia, tum Amicitia, tum honestatis, jam pro merito æstimare didicerat. In quo dicto *Publii Rutilii, Exercitationem* hanc ultimam finio, & omnibus antè habitis finem impono. Deo sit laus qui ad finem nos pervenire permisit: in ejus gloriam omnia cedant. AMEN.

# COLLEGIUM ETHICUM.

## DISPUTATIONUM PRACTICARUM PRIMA,

D E

### CONSTITUTIONE PHILOSOPHIÆ PRACTICÆ.

#### THESIS I.

**D**IVINÆ imaginis re-  
nues in homine post  
hæc reliquæ, &  
quæ superest natura-  
lis luminis exigua sem-  
tilla, inter ignorantia  
cineres micans, non  
tantum ad rerum con-  
templationem sese extendit, sed & ad hone-  
sti inhonestique discrimina pertingit. Non  
tantum mansere in animis hominum sapien-  
tiæ originalis, sed & iustitiæ, igniculi, nec  
tantum universi naturam speculati, sed & de-  
bita erga Deum hominesque officia præstare,  
ipsa quidem nobis innata lex docet: Illa ergo  
insita nobis Philosophiæ rudimenta excoli &  
studio perfici, par est, quo magis ad Con-  
ditoris nostri imaginem accedamus. Cum i-  
gitur Philosophia theoretica pulcherrima va-  
riarum rerum cognitione animum exornet,  
sed secundum eam actiones nostras dirigere  
non doceat, ipsa luce meridiana clarius est,  
(a) *talem Philosophiam dari debere, quæ*  
*mentem ea doctrina, quæ est de vitæ recte in-*  
*siti uentâ secundum naturæ rationisq; leg-*  
*es, imbuat. Theoretica enim Philosophia*  
*frustra foret, nisi practica quoque esset, cui*  
*aliquo modo illa subordinatur. Hæc illa Phi-*  
*losophiæ pars est, quam, quod actiones no-*  
*stras dirigat, Practicam vel Activam, quod*  
*modum sive mores formet, Moralem sive E-*  
*thicam quidam vocant, licet hoc nomen al-*  
*lis quandam eius partem designet. Specu-*  
*lativa Philosophia intellectui speculativo, Pra-*

ctica practica inest: illa in veritatem investi-  
gandam tantum incumbens hominem ad Dei  
notitiam pleniorē (ut potest jam per naturam  
à nativitate ejus inchoatam) per creaturæ du-  
cit: hæc vero mortales cognitiū ex ratio-  
cinatione diligenti Deum, jubet colere, vene-  
rari, adorare: illa, hominem sui cognitionem  
docet, mentisque humanæ qualemcunque  
cum Deo similitudinem, summa cum delecta-  
tione contemplatur, hæc vero, dirigere ejus  
actiones satagit, & viribus ejus jam explora-  
tis, secundum eas, *modum* suas instituendi mo-  
dum, tradit. Hanc publicis disputationibus,  
Deo favente, proponemus; & quo melius ejus  
natura intelligatur, prima hæc disputatione  
de ejus constitutione, quantum fieri potest,  
breviter & perspicue agemus.

(a) Ethicam dari & quidem distinctam à Theolo-  
gia probatur ex principiis practicis sive notitiis  
boni & mali omnium hominum cordibus natura-  
liter insitis, quæ nihil sunt aliud, quam su-  
perstitites quædam reliquæ imaginis divinæ in  
homine, quas in se invenerunt gentiles scriptu-  
rarum luce destituti, & ex quibus procederunt  
præcepta de virtutibus exercendis & moribus  
honeste instituendis. Hæc Ethicam nobis fa-  
ciunt ac constituunt. Præterea eam dari pro-  
batur à Philosophia Theoretica, quæ Deum  
docet cognoscere ex libro naturæ, non scri-  
pturæ, lumine naturæ, non gratiæ aut fidei, ac  
frustra id doceret nisi alia foret Philosophiæ  
pars, quæ exponeret Dei jam cogniti cultum ex  
lege naturæ, non revelatâ, quod facit Ethica  
dum explicat virtutes, docetque eas exercere,  
quibus exercitiis Deus colitur.

Imago Dei, secundum quam conditus est ho-  
mo, consistebat in sapientia, iustitia & sanctita-  
te,

res; hæc per lapsum Adami multum fuit corrupta atque imminuta, non in totum sublata, ideoque remanserunt in hominis animo quædam reliquæ sapientiæ primæ circa verum & falsum, quæ vulgo principia Theoretica vocantur: & reliquæ quædam iustitiæ originalis circa bonum & malum, quæ vocantur principia Practica; utraque dicuntur insita sive innata, quia horum principiorum notitia, non postea accedit institutioni, sed ab ipsa nativitate omnium humanum animis est insculpta, non quod statim atque homo natus est in actum prorumpat, infans enim nihil novit, nec Deum, nec se, nec parentes, nec aliquid rerum, sed quod, cum in cordibus nostris lateat, ad maiorem ætatem, quando rationis usus accedit, sese exerat, sine syllogismo aut demonstratione, quia hæc principia sola vocabulorum significatione præcepta cognoscuntur: spectantur dicuntur principia Practica, sive notitiæ naturales insitæ boni aut mali, lex naturæ, aut innata, quæ distinguitur à lege morali, quæ sibi revelata.

Quæcumque Disciplina distinguuntur per diversos considerandi modos, non sunt eadem: sed Ethica seu Doctrina Morum ac virtutum, prout illa cognoscitur naturali intellectus lumine ex principijs naturæ insitis, & Theologia seu Doctrina morum ac virtutum, prout illa cognoscitur supernaturali intellectus lumine ex verbo Dei, distinguuntur per diversos considerandi modos, ergo non sunt eadem; Major vera est, quia omnium Discipulorum distinctio, à diverso considerandi modo, seu, ut alii loquuntur, obiecto formali petitur; Minor sic probatur: Naturale intellectus lumen vocatur ipsa intelligendi potentia, qua omnes homines sunt præditi ex natura sua, & res intelligunt absque ulla revelatione, aut fide infusa, quæ vocatur supernaturalis intellectus lumen, quia supra naturalem potentiam intelligendi illi superadditur: prius vocatur lumen Naturæ, estque omnibus hominibus commune: posterius vocatur lumen Gratiæ, & convenit solum Christianis, ac fidelibus, non item paganis, aut infidelibus: quantum verò differt lumen Naturæ à lumine Gratiæ, seu fidei, ratio à revelatione, tantum differt Ethica à Theologia. Porro principia naturæ insita dicuntur enunciationes quædam omnium hominum animis ab ipsa nativitate inscriptæ, atque insculptæ, vulgo communes notiones, per quas non quidem homo intelligit statim atque natus est, sed quas, simul, atque ad usum rationis pervenit, statim novit esse veras absque ulla institutione aut probatione, & ex quibus ratiocinando in aliarum rerum cognitionem devenit. Hæc principia sunt vel theoretica vel practica: Theoretica sunt, E. G. Idem potest esse, & non esse, Bis bina sunt quatuor, Totum majus est sua parte. Practica sunt, V. C. Deum cole, Parentes honora, Quod tibi non vis fieri

id alteri ne feceris. Ex Principijs Theoreticis deducit mens conclusiones theoreticas, & deducitur in cognitionem rerum Physicarum, Metaphysicarum, & Mathematicarum. Ex principijs practicis deducit Ratio conclusiones practicas de rebus agendis, & deducitur in cognitionem rerum Ethicarum, Politicarum, & Oeconomicarum: sic intellectus hominis ex principio hoc, Quod tibi non vis fieri, id alteri ne feceris, varias deduxit leges, & Præcepta de virtutibus exercendis, & vitiis fugiendis. V. C. Quia nolo mihi eripi vitam, aut bona, ratio mea infert, ergo nec ego alterius bona aut vitam eripere debeo; inde nata lex est, Non furaberis, Non occides, & nata virtus, Justitia, quæ docet suum cuique esse tribuendum & relinquendum, & Clementia, quæ docet iram esse moderandam, odium deponendum, eadem vitandam, ac sic procedit Ethica: at verò Theologia docet, non esse furandum, non esse occidendum, simpliciter, quia Deus id in Verbo suo & Lege morali per Moysen revelata utrumque prohibuit. Ex quibus omnibus patet, alio modo tradi Doctrinam Morum & virtutum in Ethica, & alio in Theologia.

II. Ut vero Philosophiæ Practicæ constitutionem distincte & methodice explicemus, duo capita examinanda nobis sunt, *definitio*, ejusque membra, & *divisio*. Definitur autem Philosophia Practica hoc modo: *Philosophia Practica est prudentia humanarum actionum dirigens, ut in hac vita nature viribus homo beate vivat*. Hæc definitio genere & differentia, ab obiecto, officio & fine desumpta, constaret, de quibus singulis quædam dicemus.

III. *Genus* in definitione Philosophiæ practicæ positum, est *prudentia*: (a) cum enim tres sint distincti habitus intellectuales, scientia, prudentia, ars (intelligentia enim non habitus est, sed naturale lumen; & sapientia non est habitus ab arte, scientia, aut prudentia, diversus) ad unum ex illis tribus necessario revocari debet. Ex definitionibus autem scientiæ & artis, (b) *strictè utraque sumatur*, ut sumi solet in Peripateticismo, liquido apparet, Philosophiam Practicam ad neutram revocari posse. Scientia enim omnis ad Philosophiam Speculativam pertinet, cum ergo Philosophia Practica distincta pars sit Philosophiæ, scientia dici nequit: deinde obiectum scientiæ sunt res necessariae, finisque nuda cognitio;



gnitio; at Philosophiæ Practicæ aliud obiectum & finem esse mox apparebit. Quod quidam volunt hanc Philosophiæ partem esse scientiam, ut loquuntur, practicam, nesciunt quidem veritatis præ se fert: aperta enim contradictio in verbis est; & dum hanc Philosophiam scientiam esse dicunt, addita voce *practica*, se ipsos refellunt. Ars autem esse nequit Philosophia practica, quia non circa *motus*, sed circa *agētes* occupata est, ut statim dicitur. Nonnulli conantur probare Philosophiam Practicam non esse, prudentiam hoc argumento, quod prudentia cum virtute necessario sit conjuncta, Ethica vero non item, sed quod ea etiam in homines pessimos cadat. Resp. Verum illud est, prudentiam cum virtute necessario esse conjunctam, ideoque Ethicam, cum sit prudentia, necessario quoque virtute coniunctam esse debere; & per consequens eam non cadere in homines impios: quamvis enim qualiscunque præceptorum moralium cognitio in improbis reperiatur, non tamen Ethica reperitur: nam ista præceptorum cognitio in hominibus malis Ethica dici nequit, quia Ethicæ definitio ei non convenit; Nam Ethicæ attributa essentialia ei non conveniunt; à quibus definitio desumpta est.

(a) Ratio, ob quam tres tantum sunt ponendi habitus intellectuales & non quinque, hæc est, quia triplex tantum est obiectum circa quod cognoscendum eget aliqua facilitatione intellectus hominis; nempe vel est obiectum *descriptivum* tantum, vel *agētiū*, vel *motivū*, id est, obiectum intellectui humano venit vel cognoscendum tantum, & circa id adjuvatur habitu intellectuali scientiæ, vel obijciuntur non tantum cognoscendum, sed & agendum aut faciendum, differunt autem actio & effectus, *agētiū* & *motivū*, quod actio seu *agētiū* agentem denominet bonum vel malum, effectus seu *motivū* cum denominet peritum vel imperitum: circa cognoscendum obiectum *agētiū* seu agibile, juvatur intellectus à prudentia; circa obiectum cognoscendum *motivū* effectibile, perficitur intellectus ab arte: intelligentia autem non est habitus, quia versatur circa prima principia, tum theoretica, tum practica, ut sunt, Totum est majus sua parte, &c., Deum cole, &c. ad quorum cognitionem & assensum intellectus nulla eget facilitatione,

consequentur nullo habitu, qui facilitatem inducat; quia ista principia ex sola vocabulorum cognitione accepta cognoscuntur: sapientia vero non est habitus cognoscitivus, sed ex scientia & intelligentia compositus.

Habitus intellectuales dicuntur qualitates quædam, quæ intellectui adveniunt per frequentes intelligendi actiones, quibus ad facilius intelligendum disponitur, ac juvatur, suntque tres; *SCIENTIA*, quæ facile intelligit res necessarias, earumque veritatem; *PRUDENTIA*, quæ facile intelligit res morales, & civiles, actiones bonas & malas, & quid sit faciendum, & quid sit fugiendum; *ARS*, quæ facile intelligit res artificiales, & quomodo opera artificiosa, & secundum quas regulas, debeant produci. Ethica est Prudentia, quia intellectus juvat in facile cognoscendis actionibus bonis ac malis, virtutibus ac vitis.

(b) Scientia sumitur stricte, cum significat cognitionem rei necessariam per causam proximam; estque tum effectum demonstrationis: sumitur late, pro qualibet cognitione quocunque modo & medio accepta; Ars sumitur stricte, cum sumitur pro habitu cum recta ratione effectivo: late, cum sumitur pro congerie præceptorum recta methodo dispositorum.

IV. Sequitur *differentia* Philosophiæ Practicæ, quæ, uti diximus, *ab objecto, officio & sine desumpta est*. Obiectum & officium simul explicabimus. *Obiectum* sive *subiectum*, operationis, sc. non *considerationis*, seu potius, *contemplationis* (hoc enim, si proprie sumatur, ad scientias tantum perinet) in Philosophia practica est, tum ipse intellectus practicus, tum ejus actiones, circa quod obiectum Philosophia practica dirigendo versatur, quod ejus *officium* est: (a) intellectum practicum dirigit Philosophia practica *subiective*, actiones vero intellectus practici dirigit *objective*. Intellectus enim practicus duplici imbecillitate laborat: (b) *nam sæpe male de rebus iudicium absolutum* fert, quando iudicat bonum esse malum, & contra; sæpius à recto absoluto iudicio, reluctantè affectum impetu, discedit, & extra honestatis limites exorbitans, ignobili scordia se passionibus subijcit, quas domare, domisque imperare, deberet. Huic duplici imbecillitati hæc Philosophiæ pars practica medetur: nam, quod ad primam attinet,

ner. intellectum practicum doctrina præcipitque imbuat, & cum ita fingit ac format, ut in iudicando à recto tramite nusquam aberrer: Quod ad secundam, eadem ita intellectum confirmat, ut postquam in thesi, id est, universaliter, generatim, bene de rebus iudicavit, vel statim idem in hypothesei, i.e. particulariter & in specie, ferat iudicium, vel si quæ oriatur animi fluctuatio ac dubitatio propter appetitus sensitivi contumaciam, non tamen cedat affectibus, sed post difficilem luctum ac pugnam, victor tamen evadat, & turpes illos motus rectæ rationis imperio subiciat.

- (a) Ethica dirigit intellectum practicum subjective, quia ipsi intellectui practico inest, tanquam subiecto: est enim habitus intellectus, non quidem speculativus, sed practicus, quia est prudentia; actiones intellectus practici, dirigit objective, quia hæc sunt objectum circa quod Ethica occupatur: hoc enim agit Ethica, ut intellectus practicus bene consuleret, deliberet, iudicet, discernat, decernat, & cætera, quæ sunt actiones ejus.

Illud dicitur dirigi subjectivè à Philosophia practica, cui illa inest, illud vero objective, circa quod, insani dirigendo, occupatur: unde subiectum Ethicæ, cui inest, est intellectus practicus, objectum vero, quod dirigit, sunt ejus actiones. Intellectus practicus dicitur, qui & quando versatur in cognoscendis & iudicandis rebus & actionibus bonis vel malis, sicuti Theoreticus dicitur, qui & quando occupatur in intelligenda & iudicanda rerum veritate vel falsitate: Actiones intellectus practici, quas Ethica dirigit, sunt iudicia ab intellectu lata, de bonitate vel malitia rerum & actionum humanarum. In hisce iudiciis ferendis, quia intellectus sæpe aberrat, eget directione, & prout hæc iudicia sunt vel absoluta vel comparata, ita aberrat intellectus practicus gemino modo: nam interdum absolute simpliciterque iudicat esse bonum quod est malum, & contra, interdum postquam aliquid quidem iudicavit esse bonum absolute & simpliciter, idem tamen, ut malum iudicat iudicio comparato expensis omnibus circumstantiis singularibus: ita ut aliquis simpliciter quidem, & absolute iudicat furari esse malum, ac cum respicit expulsiorem suæ libidinis aut voluptatis, quam non potest expellere, nisi per bona aliena, & considerat Possessorem abesse, aut occasionem sibi natam bona ejus claudicium auferendi, hiæc aliisque

circumstantiis expensis, quod iudicabat absolute esse malum, V. C. furari, quia erat veritatem idem tamen iudicio nunc comparato iudicat esse bonum, quia furatur ut illud sit medium & bonum utile explenda libidini aut voluptati. In utroque iudicio ferendo, ut illud sit rectum, intellectum Practicum dirigit Ethica, hunc subjective, & ipsa iudicia objective.

- (b) Quod sit, cum simpliciter iudicat esse bonum, quod est malum, qui crassus est & supinus error: sed cum novit quidem quid sit bonum simpliciter, quid malum, & tamen malum pro bono eligit vi affectuum abreptus, error est iudicii comparati, non absoluti.

V. Philosophia Practica intellectum, & practicum, ejusque actiones, i.e. ejus iudicia, non frustra, sed propter finem aliquem dirigit, qui vel subordinatus vel ultimus est in hac vita. Finis ejus subordinatus est (a) *πᾶσι*, ex recte rationis præscripto exercitia. Finis ultimus Philosophiæ practiciæ est *summum bonum* seu beatitudo, ad quam omnes suas actiones morales dirigunt, & in quam indefinenter feruntur. (b) Non enim appetitus asserit circa *summum bonum* indifferens est, sive quoad actus exercitium (ut barbare cum Scholasticis loquamur) sive quoad specificationem, sed ab eo determinatur (c) *necessario*, & tamen liberrime exi-tudinem experiri & desiderat. Cæterum (d) *beatitudo*, vel *objectivè* vel, vel *formaliter* hæc est actus, quem circa *summum bonum* exercemus; illa est actus illius objectum. Videndum igitur, quænam sit beatitudo objectiva, quæ finis *πᾶσι* nostrarum esse debet, & circa quam actus ille, in quo formalis beatitas consistit, est exercendus.

- (a) *Πᾶσι* significat in Philosophia morali, actionem imperatam facultatis inferioris, animæ sensitivæ aut vegetantis, in quantum subest imperio facultatis superioris, intellectus aut voluntatis, quæ facultas utraque dicitur superior, quia est animæ rationalis, quæ sane longe superior ac longe nobilior est sentiente & vegetante.

*Πᾶσι* Latine dicitur *Alio*, non quævis, sed humana, imo non quælibet hominis actio, sed illa, quæ produciatur ex intellectu & voluntatis imperio ob quam homo dicitur bonus aut malus, ideoque nutritio & cretio, quævis sit actio hominis, qui creio & nutritur, non sunt tamen actiones humane, quia non produciuntur ab homine per

per imperium intellectus practici, & voluntatis, neque enim homo, aut crescit aut nutritur, cum vult aut iudicat sibi esse crescendo vel se nutriendum, sed actiones videndi, incedendi, loquendi, gaudendi, tristandi, amandi, metuendi & irascendi &c. sunt actiones humane, quia nemo illas exerit, nisi quia vult & iudicat illas esse faciendas, atque hæc similesque dicuntur *per se*, vel Actiones imperata, quia ex imperio voluntatis & intellectus iudicantis produciuntur, atque ab illis aliquis dicitur bonus vel malus, prout hic sequitur præscriptum intellectus recte iudicantis vel prave.

Finis ultimus, & summum bonum, ambo intelliguntur de hac vita, hoc est, quem finem, & quod bonum obtinere possunt homines dum vivunt, & utrumque acquirere valent nature viribus.

- (j) Dicitur appetitus indifferens, quoad actus exercitium seu quoad contradictionem, quatenus potest appetere vel non appetere, quoad specificationem vel contrarietatem, quatenus potest appetere vel odisse, nam appetere & non appetere, opponuntur contradictorie, appetere & odisse, contrarie.

*Indifferens* dicitur, quoad actus exercitium, quod potest agere, & non agere, quoad specificationem, quod potest agere hoc vel illud: neutro modo, appetitus indifferens est circa summum bonum, nam nullus hominum est, ne improbilissimus quidem, qui non velit esse beatus, aut qui aliud potest appetere quam summum bonum: hæc necessitas appetendi summum bonum est ab ipsa natura hominis, Deus enim homini indidit istam inclinationem, qua non potest non ferri in summum bonum appetendo, qui sane appetitus frustra foret nisi summum bonum daretur; atqui Deus & natura nihil frustra faciunt.

- (k) Hinc liquet non omnem necessitatem pugnare cum libertate; sane necessario appetitur summum bonum, quia, ubi fuerit perceptum ab intellectu, ita trahit voluntatem, ut illa non possit non ferri in illud, atque hoc adeo verum est, ut nullus, ne quidem nequissimorum hominum, imo nec ipse diabolus, non appetat necessario summum bonum; & tamen cum appetitus noster illud appetit, appetit libere, quia tum aliqua actio sit libere, quando fit ex voluntate imperio & prævio rationis iudicio, atqui utrumque hic fit; appetitus, quamvis necessario, summum bonum, quia volumus & iudicamus esse appetendum.

- (l) *Beatitudo* objectiva dicitur illa res, quæ non beat, & felices reddit, *formalis* dicitur illa actio,

qua id, quod nos beat, fit nostrum, & nobis applicatur.

VI. (a) *Hic quidem statuenlum est*, beatitudinem objectivam debere esse finem absolute ultimum & nulli alteri subordinatum, infinitæ bonitatis, summe necessarium, immutabilem, æternum, immensum, qui sit causa efficiens rerum omnium, à quo omnia simul sunt, & in quem omnia tendant. Summus enim si non sit, dabitur alter finis eo superior, & sic summi boni nomine erit indigneus, ut pote cum sit bonum subordinatum: ut autem summus finis sit, infinitæ bonitatis esse debet, ut sistere queat appetitum, animumque in summo felicitatis gradu constitutum pulcherrima sui fruitione occupatum, detineat. (b) *Voluntas enim bono aliquo finito* non satiatur, & quamvis cuncta per multorum finium subordinacionem ad finem ultimum tendant, illa tamen sola immediate summum finem desiderat, appetit, intendit. Porro ne in incipitis boni possessione parum felices sint mortales, interque spem & metum in dubio sit animus, beatitudo hæc objectiva, ens summe necessarium, immutabile, immensum, &c. esse debet: & quoniam nullus alius absolute ultimus finis esse potest, nisi qui rerum omnium sit causa efficiens (utrumque enim infinitus esse debet, nec præter unum infinitum, aliud ullum dari) recte illud summum bonum vocamus, à quo & propter quod sunt omnia. His igitur summi boni requisitis observatis, totam enim classem perlustremus, quarumque tale ens, cui omnia hæc ante citata attributa exacte conveniant. Certe, nullum aliud repetire erit, nisi ipsum *Deum* ter *Opt. Max.* reverendum illud & colendum nomen, qui totius mundi rerumque omnium causa procreans & conservans est, qui omnia ad gloriam suam, æterna sua providentia, decreto immutabili, diuigit ac refert.

- (a) Finis & bonum reciprocantur, scilicet hoc sensu; omne bonum, sive verum, sive apparens, est finis, sive ultimus, sive subordinatus; & omnis finis, tum ultimus, tum subordinatus, est bonus, vel vere, vel apparenter, aut etiam omnis finis est bonum, vel honestum, vel utile, vel iucundum.

cundum, & omne bonum vel honestum, vel utile, vel iucundum, est finis, vel ultimus, vel subordinatus, qui vulgo una voce vocatur medium: hic quæritur finis ultimus, & bonum verum, ac honestum.

- (b) *Voluntas* sive *appetitus* hominis dicitur infinitus obiectivè, quia nulla res creata, etiam si omnes ei fiant, desiderium eius explet; est tamen finitus subjectivè, quia est facultas, aut potentia hominis, quia est creatura finita: solum autem summum bonum est infinitæ bonitatis, ideoque aptum, ut satisfaciatur appetitui nostro infinito, utque solus Deus, qui finis est ultimus, quia omnia fecit propter se, & omnia fiunt propter ipsum. Siquidem, in hac vita Deum ut summum bonum possideri non posse, Resp. omnino posse, nam qui Deum naturæ lumine cognoscit, & cognitum ex naturæ lege colit, is Deum tantum summum bonum possidet, atque utrumque ab homine fieri potest in hac vita naturæ viribus, citra fidem aut revelationem, & factum est à Gentilibus.

Voluntas humana vulgo dicitur finita subjective, & infinita obiectivè; sensus est, quod sit facultas subiecti finiti, puta, animæ rationalis, sed quod in appetendo, nullis certis obiectis attingatur, nullis finibus coëreatur, sed infinitum quasi abeat omnia appetendo; hæc causa est, cur nullum ens finitum sit vera beatitudo obiectiva, quia infiniti appetitui satis facere nequit, quem explet solus Deus, qui, quia est infinitæ bonitatis, solus voluntatem in infinita sua appetitione satiat.

VII. His sic explicatis, removemus hinc omnia boni simulachra verius, quam bona, quæ multi mortales pro actionum suarum finibus sunt amplexi: Epicurorum voluptatem corpoream (si sic eorum sententiam explicare licet) Stoicorum habitus virtutum, Peripateticorum actiones virtutum, denique corporis & fortune bona, quæ *ἐν τῇ αἰσθησει*, i. e. in nostra potestate non sunt, pro summo bono seu beatitudine obiectiva haberi posse pernegamus, sive quodlibet eorum seorsim, sive omnia aut pleræque simul, fumus. Qui enim in his rebus felicitatem consistere contendunt, illi ex creatura Deum faciunt, & creatori debitum honorem, virtuti aut externis bonis adscribunt: hæc temeritas, ne impietatem eam vocem, in Ethicis tolerari non posset, & nihilominus tamen eam Christiani, per avia Paganismi Gentiles secuti, asserunt ac defendunt. Totæ rerum universitas Deum

pro fine summo, *assimilationis* non indiget, habet, etiam minutissima & vilissima quæque naturæ effecta propter Dei sanctissimi gloriam operantur, & interim homo, qui totum universum dignitate superat, totiusque orbis mirabile compendium est, nihil nisi divitias, honores, aut, si paulo generosior est, virtutem afficiat? Huc accedit, quod res aliæ omnes non nisi per hominem ad Deum tendant, priusquam in hominem, & eo mediante in Deum ferantur. (a) Denique non frustra est illa naturalis, partim *instita*, partim *acquisita* Dei notitia, sed ad ulteriorem aliquem finem referri debet, qui non alius est, quam ipse Deus. Siquis querat, quid de virtute & bonis externis sentiamus? Resp. virtutem esse medium, ad summum bonum obtinendum, simpliciter necessarium. (b) *Bona* externa medii quoque rationem habere possunt respectu summi boni, non tamen ad illud simpliciter necessaria sunt, nec ad  $\pi$  esse, sed tantum ad  $\pi$  bene esse.

- (a) Notitia Dei *instita* dicitur, quæ insculpta est omnium hominum cordibus, in ipsa nativitate, unde vocatur innata, non quod se statim extera, atque homo nascitur, sed, quod, cum ibi sit, postea sese exleat sponte sua, absque molestia aut probatione ulla, cum homo ad rationis usum pervenit, estque nihil aliud, quam testimonium conscientiae universique de Deo. Acquisita notitia Dei est, quæ per terminos medios desumptos à rebus creatis, & per syllogismos ac probationes, acquiritur; utraque naturalis est: quia neutra est per revelationem, aut hausta ex verbo Dei, quæ notitia Dei dicitur revelata.

*Notitia instita* dicitur, quæ Deum cognoscimus ex nobis ipsis, seu ex Idea Dei, omnium hominum animis innata, seu ex Conscientiæ testimonio. *Acquisita* dicitur, quæ Deum cognoscimus ex rebus creatis extra nos positæ in toto mundo; illa dicitur Dei notitia subjectiva, hæc obiectiva, quia illa ex ipso homine eruitur in quo est, hæc acquiritur ex obiectis, sc. rebus visibilibus extra homines collocatis.

- (b) Bona sunt vel interna, vel externa. Interna dicuntur, quæ intra hominem sunt; suntque vel animi, ut *Virtus*, vel corporis, ut *Sanitas*: Externa vocantur, quæ extra hominem sunt, & vulgo vocantur bona fortune, ut *Divitiæ*, *honores*: hæc non faciunt ad summi boni acquisitionem aut possessionem simpliciter, sed ad illud acquirendum & possidendum facilius.

VIII. Beatitudo formalis, sive actus, quem homo circa beatitudinem objectivam exercere debet, necessario est operatio animi perfectissima, quæ procul dubio est, Dei glorificatio, quatenus illa ab homine, in naturalistatu, spectato, Deo tribui potest & debet. Nam nuda theoria & otiosa speculatio hic non sufficit, sed requiritur præterea aliqua praxis, cum creaturarum omnium sit, Deum creatorum suum celebrare. Idemque Apollonius gentes *ἀναπαιδισμένους* esse dicit. *ὅτι οὐκ ἔχουσιν ἔργον, ἀλλ' αἰετὶ θεωροῦσιν*. Utraque hæc, tum objectiva, tum formalis beatitudo, integram hominis felicitatem constituit, & unius finis rationem habet. Ad finem autem hunc obtinendum necessaria conditio est ejus notitia, quæ conditio quoque in *omni sine locum habet*: (a) finem igitur hunc cognoscere nos oportet priusquam cum acquirere possimus. Hinc sequitur Philosophiam Theoreticam à Practica præsupponi, & hanc illa tanto nobiliorem esse, quanto nuda cognitione actio & operatio præstat. Porro, ubi. *ἡμ. & quomodo* iste finis obtineatur per Philosophiam Practicam, circumstantia in definitione addita indicat, sc. *in hac vita & naturæ viribus*: ad futuram enim vitam media, quæ hæc Philosophia præscribit, non pertingunt; & bonum supernaturale ad Philosophiam non pertinet.

(a) Omnis finis necesse est, ut præcognoscatur antequam appeti valeat, non tamen necesse est ut semper præcognoscatur ab eo agente, quod finem appetit; nam res inanimatæ & plantæ ob finem agunt cognitum, non quidem à se, quia ratione carent ac sensu, sed à Deo, qui illas dirigit in finem illis à se præstitutum; bruta agunt propter finem à se cognitum, sed sensu tantum; homines agunt propter finem à se cognitum, sed ratione.

IX. *Fine* jam explicato ad *media* venien-

dum est, quibus hæc felicitas acquiri potest, & ad præcepta, quibus doctrina de hisce mediis traditur. Quoniam vero non unius generis ista doctrina est, ad Philosophiæ Practicæ constitutionem quoque pertinet *divisio*: quam omnium optime instituisse videtur *Picolomineus introd. ad decem grad. civil. Phil. c. 8*. Hunc igitur secuti in duas partes hanc Philosophiam secamus, alteram generalem, quam *Ethicam* sive dictam vulgo vocant (*Ethica enim*) late sumpta totam Philosophiam Practicam nonnullis complectendū; alteram specialem, quæ in Oeconomicam & Politicam subdividitur. Ethica, seu pars ista generalis generalia præcepta tradit, & certo vitæ generi non alstricta: pars specialis generalia ista præcepta restringit, applicatque ad certa subiecta, atque ita mores hominis dirigit, quatenus ille alicujus societatis membrum est. Est enim homo natura *πολιτικὸν ζῷον*, ut recte ait Aristoteles; quare hominem agere vitam monasticam non decet, nisi ipsius naturæ legi & sapientissimo Dei instituto, qui sociabilitatem hominum animis infudit, se opponere velit. Cum ergo omne vitæ humanæ genus, quod naturæ Philosophiæque præceptis sit conveniens, in hominum societate degendum sit, cumque societas illa sit duplex, familia & publica; sequitur, specialem Philosophiæ moralis partem, quæ vitam hominis, ut in societate aliqua degitur, spectat, bimbrem esse; ut una pars bene instituendæ vitæ in familia, altera in republica, regulas doceat: illam Oeconomicam, hanc Politicam vocant. Totam Philosophiam Practicam, tum generalem, tum specialem, sequentibus disputationibus (si visum fuerit *Deo ter Opt. Max.*) absolvemus: in qua pertractanda tantam servabimus *ἀκρίβειαν*, quantum ipsa Philosophiæ Practicæ natura permittit: in ea enim aut nullæ sunt demonstrationes, aut saltem minus accuratæ.

COLLEGIUM ETHICUM.  
DISPUTATIONUM PRACTICARUM  
SECUNDA.

D E

S U M M O B O N O.

T H E S I S I.

Philosophiæ practicae definitionem ac divisionem prima exposuit disputatio, atque in definitione explicanda per partes, præter objectum, finem quoque proposuit, qui subornatus, fuit *agere*, ultimus, summum bonum seu beatitudo, in quam *agere* tendunt: Hæc beatitudo divisa fuit in *objectivam* & *formalem*: illa, est ipsum objectum, quod hominem beat, hæc, acquisitio objecti, quæ est operatio, qua objecto beanti homo conjungitur: beatitudinem objectivam, non esse divitias, non honores, non voluptatem, sive animi, sive corporis, non virtutem, sive ut habitum, sive ut actionem, consideratam, istac disputatione fuit indicatum, ac, quæ tandem sit objectiva hæc beatitudo, quæ itera formalis, obiter fuit significatum; verum quia subtilissima ratio habenda est finis in Philosophia practica, urpote qui veluti Pharos quædam est illustris, ad quem media per totam Philosophiam practicam explicanda tendunt & nos quoque disputationum nostrarum cursum dirigemus, paulo plenius de hoc fine ultimo & summo bono agendum est; hæc enim summi boni ac beatitudinis accuratior explicatio, & operam nostram meretur, & sequentibus non exiguum lucem affunder.

II. Ante omnia notandum hic est, beatitudinem non fuisse à nobis divisam disputatione superiori in objectivam & formalem, tanquã in duas partes logicas sive (*a*) *species*, quarum utraque quædam sit per se integra & totalis beatitudo, sed tanquam in duas partes essentielles aut potius integrales unius totalis beatitudinis, quæ ex utraque integratur: quod ipsum quoque annotavit de divisione finis in objectivum & formalem, *Suarez in disp. Met. 23. sect. 2. num. 12.* enimvero, sicut finis objectivus

non potest esse nobis bonus, nisi sit à nobis per aliquam operationem acquisitus; & ideo ex ipso & acquisitione ejus componitur & integratur unus finis totalis, ad quem intentio agentis adæquate terminatur, & propter quem adæquate operatur (avarus enim non intendit pecuniam absolute, sed ut à se possedam) ita etiam beatitudo objectiva (nimirum Deus, quod postea demonstrabimus) non potest nos beatere, nisi nobis per formalem beatitudinem conjungatur; unde ex utraque integratur totalis quædam beatitudo (nempe Deus, ut Scholastici sentiunt, visus, ut nos explicabimus postea, glorificatus) & hanc beatitudinem adæquate appetimus. Nam utraque hæc beatitudinis pars, & objectum quod beat, & actus quo beamur, ita sese habet, ut neutra sine altera possit beatere: Coincidit cum hac divisione nunc explicata, divisio in beatitudinem *cujus*, & beatitudinem *qua*, sicut eam usurpat & sic loquitur, *Thom. Aquinas in pr. sec. quest. 1. art. 8.* sed melius loquuntur ejus Commentatores, qui priorem beatitudinem appellant *qua*, posteriorem *qua*. Utraque beatitudo, tum *objectiva* sive *qua*, & *formalis* sive *cujus*, vera est beatitudo: sicut tam finis objectivus quam formalis veram habet rationem finis: ac Deus quidem, qui est beatitudo objectiva, cum sit summum nostrum bonum, finisque ultimus, non potest non habere veram & propriam rationem beatitudinis: acquisitio autem summi boni finisque ultimi, quæ est beatitudo formalis, veram tenet ac propriam beatitudinis rationem. quia summum bonum non habet rationem beatitudinis nisi fiat bonum proprium ejus, qui beatur: interim fatemur, rationem beatitudinis prius convenire objectivæ, posterius formali beatitudini, quia ratio bonitatis



bonitatis & appetibilis, quæ reperitur in formali, derivatur ex objectiva: nec enim visio Dei, aut glorificatio potius, haberet rationem beatitudinis, nisi Deus esset nostra beatitudo: quemadmodum enim avarus non appeteret possessionem pecuniæ, nisi appeteret ipsam pecuniam: ita homo non appeteret visionem aut glorificationem Dei, nisi appetere ipsum Deum.

(a) Cum genus dividitur in species, tota natura generis in unoquoque reperitur specie, sic tota natura Animalis reperitur in Homine, tota in Bruto: at cum integrum dividitur in membra, non reperitur tota natura integræ in unoquoque membro, nam tota natura corporis non reperitur in capite, nec in pectore, nec in pedibus, aut ulla sui parte, sed ut corpus sit totum oportet omnia membra concurrere, atque posteriori modo dividitur Beatitudo in objectivam, & formalem; nam non reperitur tota Beatitudo in objectiva, nec tota in formali, sed partim in hac, partim in illa, & ambæ debent concurrere ad beatitudinem totam & integram constituentem.

III. Antequam, quæ sit beatitudo objectiva ac formalis, plenius explicemus, tenenda hic est primum alia quædam beatitudinis divisio, in *naturalem* & *supernaturalem*: naturalis est, quæ est proportionata humanæ naturæ, ad quam homo pervenire potest per sua naturalia dona: supernaturalis est, quæ humanam naturam excedit, unde nec ad eam perveniri potest, nisi humana natura divinitus dono gratiæ supernaturalis elevetur. Dari naturalem beatitudinem commensuratam naturæ humanæ, satis arguunt tot Ethnicorum de summo bono opiniones; nam illi in illud non tam serio inquisivissent, nisi esse existimassent: at de supernaturali bono, illi ne somnariæ quidem potuerunt. (a) Nos impræsentiarum de *supernaturali beatitudine* non agimus, quam Theologis relinquimus, sed de *naturali*: & non est, quod quis miretur, Deum visum aut glorificatum, dici beatitudinem naturalem, quia Deus dicitur (b) *beatitudo naturalis* non ratione objecti, (Deus enim revera est ens supernaturale) sed ratione modi, quo acquiritur beatitudo seu summum bonum, (c) *in quantum natura viribus sine au-*

*xilio gratiæ aut domini supernaturalis possidetur.* Solet etiam beatitudo dividi in *perfectam* & *imperfectam*: quæ divisio fit omnem beatitudinem ad æqualem dividat, potest naturalis beatitudo, quæ solo auxilio naturæ comparatur, imperfecta dici, ratione beatitudinis supernaturalis, quæ, quia auxilio gratiæ habetur, perfectior est: interim tamen hæc ipsa, quæ perfecta est ratione beatitudinis naturalis, subdividi potest in perfectam & imperfectam, quatenus ex parte tantum possidetur in viâ, id est, in hac vita, plene in Patriâ, i. e. in futura vita. Est & alia quædam beatitudinis divisio in *speculativam* & *practicam*, quarum illa consistit in contemplatione, hæc in glorificatione Dei; sed illa est potius beatitudinis formalis subdivisio: quare hic non latius exponenda, & satis etiam exposita est *cap. 4. Lib. Burgerj. d. Ergo*, quænam sit beatitudo objectiva naturalis atque imperfecta ex parte modi possidendi, & in quo consistat, porro videndum est.

(a) Beatitudo supernaturalis consistit in cognitione & cultu Dei, profectus ex fide secundum verbum Dei; fides enim includit cognitionem & assensum quæ sunt rationis, & fiduciam seu acquiescentiam, quæ est voluntatis: neutra, nec fiducia nec cognitio, acquiritur lumine naturæ, sed gratiæ ac revelationis; ideoque beatitudo supernaturalis non potest ab omnibus possideri hominibus, sed tantum ab iis, quibus verbum Dei est revelatum, & fides data; estque hæc beatitudo salutaris, sive ad salutem æternam in patria seu vita futura: sed beatitudo naturalis consistit in cognitione & cultu Dei, acceptis ex libro naturæ, per lumen naturæ, ac ratiocinationis, factæ ex principiis practicis innatis, non acquisitis, per fidem à Deo infusam, & hæc beatitudo, non est propria quibusdam, sed communis omnibus hominibus, estque non salutaris & obtineatur in viâ, id est, in hac vita nostra, dum versamur in terris, ac cum morte desinit.

(b) Beatitudo hujus vitæ, & naturalis, non est salutaris, id est, non facit hominem participem vitæ æternæ: at Beatitudo vitæ futuræ & supernaturalis hominem salutis æternæ participem reddit.

(c) Deus possidetur naturæ viribus, quando absque revelatione ex verbo Dei, absque gratia speciali aut fide donata, cognoscitur per solam naturalem intellectus nostri ratiocinationem ex rebus creatis, quas contemplando deducitur intellectus in cognitionem sapientiæ, potentiz, & bonitatis divinæ, atque adeo ipsius Dei: præterea, Deus, quando colitur

tur non secundum legem moralem revelatam aut præscriptum literarum sacrarum, sed secundum legem naturalem, omnium hominum cordibus inscriptam, & præscriptam intellectus naturalis, eiusque dictamen, quod iudicavit per conclusiones ex principis prædictis illatas, coli solet.

IV. Dere, quæ nos reddit felices in hac vita, beatitudine objectivâ, variæ fuerunt Philosophorum opiniones: nec enim alia de re apud Philosophos tantâ sententiarum varietate unquam certatum fuit, ut de hominis quidem felicitate. Magnus ille *Augustinus* l. 19. de Civ. Dei, c. 1. citat *Varronem*, ducentas & octuaginta octo Philosophorum sententias colligentes de hoc negotio. Multa de eo scribit *Arist.* 1. § 10. *Ethic. ad Nicom.* 1. § 2. *Ethic. ad Eudem.* 7. *Polit.* & alibi. *Cicero* in *Tuscul.* quest. de fin. bon. § mal. & *Paradox.* *Seneca* de Vita beata. Nos missis auctoritatibus rem ipsam spectabimus. *Beatitudo objectiva*, idem est, quod *objectum* quod nos beat: estque *ultimus finis* & *summum* hominis in hac vitâ bonum, quod eo ipso, quod est summum bonum, est bonum *perfectum* & *sufficiens*: perfectum quidem, quia omnia propter ipsum, ipsum autem propter nullum est: sufficiens, quia ipsam solum si habeatur, facit vitam ratione sui eligibilem, & nullius alterius indigentem: itaque *Beatitudo* objectiva consistit in statu omnium bonorum aggregatione affluente: ac licet omnia bonorum genera in statu beatitudinis inveniantur, in uno tamen, sc. bono animi, (a) *essentialiter* tantum consistit, cætera, sc. bona fortunæ aut corporis, illi adjacent, vel tanquam proprietates ab eo manantes, vel tanquam adjuncta & instrumenta secundum debitum decentiæ, i. e. decorum, requisita, quasi cætera bona debeantur possidenti bonum illud optimum: quod quid sit tandem, distincte inquiremus. (b) *Bonum* est vel *increatedum*, vel *creatum*: creatum est, vel *internum* homini, vel *externum*: internum, vel *a. l. animum* pertinet, vel *a. l. corpus*. Queritur jam, an *beatitudo* objectiva, i. e. res quæ nos beat, *essentialiter* sit posita, in aliquo bono externo? an in aliquo bono corporis? an in aliquo bono animi? an in aliquo bono creato? an § quomodo sit posita in solo bono increato?

(a) Quomodo aliud est, quod essentiam hominis constituit, & aliud, quod facit ad ejus integritatem, ita quoque aliud est, quod requiritur ad boni summi essentiam, aliud, quod ad ejus integritatem. Sine Anima aut Corpore homo non est homo, & perit essentia hominis si alterum eorum auferatur, at sine manu aut pede homo adhuc manet homo, sed non manet homo integer, & ablata manu vel pede non tollitur essentia hominis, sed perit ejus integritas; sic sine bonis Animi summum bonum non est summum bonum, & illis ablatis perit hujus essentia, sed sine bonis Fortunæ aut Corporis, summum bonum manet summum bonum, verum iis ablatis, summum bonum non manet integrum, & essentia summi boni non amittitur, sed perit ejus integritas, hoc est quod vulgo dicunt, bona Animi faciunt ad esse summi boni, at bona Corporis aut fortunæ ad bene esse.

(b) Bona externa vocantur, quæ sunt extra hominem, ut divitiæ, & extra hominis potestatem sunt collocare, unde Gentiles ea vocarunt bona fortunæ, quia hæc ab illis fingebatur Dea, quæ talia bona uni concederet, alteri negaret; sed Christiani fortunæ bonum non norunt, sciunt omnia bona dispensari a providentia divina, quæ largitur talia bona cui vult, & negat cui vult.

V. Ut ab imperfectioribus progrediamur ad perfectiora, primo inquirendum est de bonis externis, quæ (a) alii fortunæ vocant, inter quæ præsertim numerantur *divitiæ*, honores, gloria sive fama, principatus sive dominatio, an in iis beatitudo objectiva consistat? dicemus, quod non, ob hæc rationes. 1. Quia de ratione beatitudinis est, ut sit bonum optimum & perfectum, ex th. præced. § *Aristor.* 1. *Eth.* c. 7. § 10. c. 6. ad *Nicomach.* Ergo ex sua naturâ excludit omne malum, quod ex se est malum, quæle est (b) malum moris; constat enim inter omnes, malos felices esse non posse: at bona externa ac fortunæ etiam malis communia esse: probari non est necesse: quin etiam à viris malis, & facilius obtinentur, & abundantius possidentur. 2. Beatitudo, cum sit bonum perfectum, non solum non poterit communicari homini malo, sed ex sua natura nullo modo esse poterit principium aliquis mali, testante *Aristor.* l. 1. *Eth.* c. 12. circa finem. At bona externa quam plurimis sunt incentiva malorum, quod experientia nimis

nimisquam notum est. Ergo, &c. 3. Beatitudo ex sua natura habet quod sit bonum per se sufficiens, nullius alterius indigens, ut passim docet *Arist.* 1. *Ethic. Nicom.* c. 7. l. 10. c. 6. l. 7. *Pol.* c. 6. Optimum enim non esset, si alterius extrinseci boni esset indigum: sed bona externa ex sua natura non sunt per se sufficientia, sed indigent quam plurimis aliis bonis, sine quibus nequeunt sufficere: indigent enim corporis incolumitate, animi sapientia & virtute, ut bene dirigantur. 4. Beatitudo est bonum non dependens à fortuna & causis externis, docente ipso *Arist.* 1. *Eth.* c. 9. felix enim ( ut ait ipse ) per se ipsum & in seipso felix est, ex eodem *Arist.* 7. *Polit.* c. 1. *ante finem*: sed bona externa pendent ab externis causis, præsertim à fortuna, unde bona fortunæ vocantur. Quare in iis essentialiter beatitudo non consistit. 5. De ratione beatitudinis est, ut eo sit melior, quo in maiore habetur excessus: *Arist.* 7. *Polit.* c. 1. nam cum non habeat finem, cuius gratia sit, nec etiam habebit medium, in quo consistat, sic ut extrema sint vitiosa: sed bona externa habent finem, propter quem expetuntur (sunt enim bona utilia & propter aliud) & præterea ex sua natura ubi vendicant quoddam medium, ita ut vitiosa sint, si illud excedant; quod etiam docuit *Arist.* *magna. moral.* l. 2. c. 3.

(a) Bona fortunæ dicuntur, quæ Gentiles asseriebant fortunæ, quam volebant ea impartiri huic & non illi; ita, quod unus esset dives, alter non, unus abundaret gloria, alter vero esset contemptus, dicebant à fortuna proficisci: sed Christiani hæc & similia adscribunt Providentiæ Dei, iis enim fortunæ nomen est inco-  
gnitum.

(b) Malum moris opponitur malo naturæ, illud, est vitium virtuti contrarium, hoc, est defectus aut excessus rectitudinis in natura requisitæ uti est cæcitas & gibbus.

Malum moris opponitur malo naturæ & sic dicitur quia malos inducit mores ac contra honestatem, quemadmodum sunt Vitia, ideo dicta mala moralia; malum naturæ est aliquis naturæ defectus, ut cæcitas, uno verbo, quod non pugnat adversus bonos mores aut honestatem.

VI. Sed in specie beatitudinem objectivam

non esse stram in divitiis, sic ostendi potest:

1. quia non sui gratia, sed propter aliud expetuntur, 1. *Ethic.* c. 5. 1. *Polit.* c. 5. 6. 4. *Ethic.* cap. 5. 2. quia homo (a) finis est cui divitiarum: natura enim divitias instituit in gratiam hominis: at beatitudo objectiva hominis est bonum ipso homine nobilior, alioquin non posset illum beare, 3. subjacent fortunæ, instabiles sunt, & fallaces, & talis naturæ, ut homine invito facile amittantur. *Quod beatitudo objectiva non sit sita in honore*, pater, 1. quia honor exhibetur ut signum & testimonium excellentiæ, & expetitur tantum ut illa excellentia agnoscat: unde honor non est in genere bonorum simpliciter, sed in genere (b) bonorum utilium: testimonium enim excellentiæ ad ipsam excellentiam ordinatur, ut in finem: at beatitudo objectiva consistit in bono simpliciter, & finis est: quare, cum honor non propter se queratur, sed propter virtutis excellentiam, non est bonum optimum homini: & non potest expeti, ut finis, in quo quis quiescat, nisi inordinate & ambitiose; quod enim per se non est bonum, non potest ordinare expeti, ex testimonio *Arist.* c. 2. l. 8. *Ethic. Nicom.* 2. Cum honor sit testimonium excellentiæ, quæ est in honorato, (c) honoris natura talis est, ut magis sit in honorante quam in honorato: etenim actus ille testificans excellentiam, est in honorante, & ab eo per se pender, non vero ab ipso honorato: Ergo honor ipse non solum non potest esse beatitudo formalis (hæc enim formaliter est in ipso beato) sed nec esse potest beatitudo objectiva; quoniam de ratione illius est, ut per proprias ipsius beati operationes & acquiratur & re ipsa possideatur; aliàs non esset, nec esse posset, proprium beati: at vero honores assequimur aliorum actionibus. *Quod beatitudo objectiva non consistat in fama seu gloria vana* sc. quatenus significat claram frequentemque alicujus notitiam cum laude conjunctam, hinc est manifestum, 1. quæ gloria, nec haberi potest, nec possideri, per propriam actionem ejus, cuius est gloria, nec realiter potest cum ipso univiam gloria est notitia, consequenter (d) actio immanens, existens in iis, qui excellentiam alicujus, & cognoscunt

& laudant: in eo vero qui laudatur, solum  
(e) *inest terminative & per denominationem extrinsecam*; at de ratione beatitudinis obiectivæ est, ut per ipsam actionem beati & acquiratur & possideatur, quod & statim indicavi-  
mus. 2. Beatitudo obiectiva, cum sit bonum summum, non est collocanda in passione sed actione: sed gloria passio est; quia ponitur in noticia excellentiæ, non quatenus denominat cognoscentem, sed cognitum: nam gloriosus dicitur, qui cum aliqua formâ & laude est ab aliis cognitus: constat autem  
(f) *perfectius esse, cognoscere, quam cognosci*: siquidem non cognoscunt, nisi quæ in rebus sunt nobiliora; cognoscuntur autem, quæ in rebus etiam sunt infima. Ergo beatitudo obiectiva non est posita in gloria, quæ nihil est aliud quam cognosci ab aliis, quod in homine cognito nullam ponit excellentiam, sed denominationem, ut dixi, tantum externam. *Quod beatitudo obiectiva non consistat in principatu, dominatione, aut potestate mundana, ac civili*, ex eo patet: 1. quia (g) *mundana potestas & dominatio est ex natura sua ad finem*: nam dicit potentiam ad agendum, cuius actio est propter finem, sc. propter bonum populi quod intendit. 2. quia instabilis est & parum constans, a fortuna dependens & ab hominum iudiciis atque opinionibus. 3. quia non potest hominem reddere quietum: est enim plena sollicitudinum & aculeis formidinum subiecta. 4. quia potest quis ea male uti: atqui hæc omnia beatitudini obiectivæ, & summo bono, repugnant: Ergo, &c.

- (a) Finis cui interdum est nobilior sine cuius, ut æger est nobilior sanitate; sed hic finis cuius, scilicet Deus, est nobilior sine cui, scilicet homine.

Finis cui dicitur, in cuius gratiam aliquid expeditur, finis cuius dicitur, id quod expeditur; sic finis cuius, est sanitas, finis cui, est æger, sic divitiæ sunt finis cuius, homo, finis cui, quia illæ in gratiam hominis expentur: Censetur verò finis cui nobilior sine cuius, nam homo nobilior est sanitate aut divitiis, at verò hic finis cuius, sive id quod expeditur, est Deus, finis cui est homo, homo vero non est nobilior Deo.

- (b) Bonum utile, est id quod ad aliud ordi-

natur tanquam finem: bonum honestum est ipse finis: tale est summum bonum, ergo. Honos non potest esse summum bonum, quia ordinatur ad aliud, nec est bonum honestum, sed utile, nam refertur in agnitionem excellentiæ tanquam in finem: ideo enim aliquis expetit honorem, ut hic virtus, eruditio, fortitudo, aut similis praxiantia, quam possidet, ab alio agnoscat.

- (c) Honor magis est in honorante quam honorato, i. e. magis est sum in potestate honorantis honorem differre seu agnoscere & celebrare excellentiam & virtutem alterius, quam est in potestate honorati, i. e. qui honorem meretur excellentia suarum virtutum, ut ob illas agnoscat & celebretur; etiam enim quis vel militis mereatur honorem ob suas virtutes, si tamen alii nolint eas agnoscere aut celebrare, nunquam honorabitur, neque is potest effectum dare, ut suæ virtutes ab aliis vel agnoscantur, vel celebrentur.

Honor dicitur esse magis in honorante, quam in honorato, quia etiam quis possidet omnis generis virtutes, non est tamen hoc in ipso potestate, ut ob istas honoretur, sed hoc est totum in potestate honorantis, qui, si velit, alterum ob virtutes honorabit, si nolit, non faciet: ideoque cum non possit quis honorem possidere quando vult, potest autem summum bonum possidere cum vult, sequitur, summum bonum non esse finem in honore.

- (d) Actio immanens dicitur, quæ manet intra ipsum agentem, qualis est cognitio, quæ manet in cognoscente: cum ergo Gloria sit cognitio alterius cum laude conjuncta, est in cognoscente istam alterius laudem, non verò in eo qui laudatur, nisi in quantum is qui laudatur est terminus laudis, id est, in quo laus & cognitio alterius terminantur, unde is qui laudatur dicitur laudari per denominationem extrinsecam, quatenus laudatur ab alio extra se.

- (e) Fama seu gloria dicitur terminativa & per terminationem extrinsecam, & inesse ei qui glorificatur, quia gloriosus dicitur & famosus, a gloria & fama, quam alter de ipso celebrat, quæ celebratio in ipso tamen tanquam obiecto terminatur passive, ipse enim celebratur.

- (f) Quia agere nobiliter est, quam pati, ideo cognoscere nobiliter est, quam cognosci: sed qui laudatur, cognoscitur, qui laudat, cognoscit alterius excellentiam; ergo laus sita est in passione: at beatitudo obiectiva non est sita in passione, quia sita est in bono optimo, atqui passio non est bonum optimum. Actio enim est bonum melius.

- (g) Potest is mundana est ad finem, quia respicit bonum Reipublicæ: sed Beatitudo obiectiva non est ad finem, verum finis.

VII. Sed si (a) bona externa beatitudinem obiectivam essentialiter non constituent, anne aliquo modo tamen ad eam pertinent? Stoici hoc olim negarunt, inde moti, quia homo externis bonis nullo modo potest esse bonus, cum tamen ad beatitudinem nihil pertinere possit, quod bonum homini non sit. Peripatetici contra affirmant, quia, etsi bona externa inter bona infimum locum obtineant, boni tamen rationem sortiuntur, si non absolute, per analogiam tamen ad bona per se, quatenus adiumenta sunt ad operandum opera virtutis, quae sententia est *Aristot. 1. Ethic. Nicom. c. 8.* ab initio ad finem, & 7. *Polit. 1.* ubi docet beatum bonis externis indigere, quia illis ad bene operandum plurimum juvatur: itaque beatitudinis quaedam quasi particulae sunt, extrinsecus eam perficientes, non quod sine illis non detur beatitudo secundum se sufficiens, sed quia illis adjunctis beatitudo omnibus modis

est sufficiens, & ob id aliquomodo perfectior, sed accidentaliter tantum, ut exponitur 1. *Ethic. Nicom. c. 7.*

(a) Bona externa non faciunt ad esse summi boni, sed ad bene esse, quemadmodum manus & pedes non faciunt ad esse hominis, sed ad bene esse.

Distinguendum est: 1. inter ad esse summi boni, & bene esse; bona fortunae & corporis non faciunt ad esse, sed ad bene esse summi boni, quemadmodum vinum non facit ad esse, sed ad bene esse hominis. 2. inter rei essentiam & integritatem; bona fortunae & corporis pertinent ad integritatem summi boni, sed non ad essentiam eius, nam sine illis summum bonum esse potest, quemadmodum manus ad integritatem hominis pertinet, non essentiam, quia homo cui amputata est manus non quidem est homo integer, est tamen homo essentialiter, quia habet materiam & formam suam.

## DISPUTATIONUM PRACTICARUM

## TERTIA,

## DE SUMMO BONO.

## THESIS I.

Beatitudinem obiectivam non consistere in bonis externis, aut Fortunae, disputatione praecedenti fuit ostensum; sequitur, ut eam non esse sitam in bonis internis, vel corporis, vel animi, posito ostendamus. (a) Per bona vero corporis, intelligimus, non tantum sanitatem, pulchritudinem, virum robur, quae sunt bona corpori propria, sed (b) & vitam longevitatem, quod est bonum animae vegetativae, & actiones omnes sensuum, tam externorum quam internorum, & voluptatem sensibilem, quae sunt bona animae sensitivae: per bona vero animi intelligimus bona animae intellectivae ac rationalis.

(a) Sub bonis corporis dicuntur comprehendi bo-

na animae vegetantis, & sentientis, quia haec duae animae ita à corpore dependent, ut extra corpus nec fieri, nec esse, nec operari valeant: at vero bona animae rationalis referri nequeunt ad bona corporis, quia anima Rationalis non dependet à corpore, nec dum sit, nec dum est, nec dum operatur.

(b) Bona animae vegetantis & sentientis, vocantur bona corporis, quia istae duae animae in operando, & eo quod sibi bonum est acquirendo, dependent à corpore, quia sunt formae materiales, quae omnes à materia in qua sunt in operando dependent.

II. Quod beatitudo obiectiva non sit posita in bonis corporis jam relatis, facile probari potest, 1. quia bonis & malis communia sunt, & instabilia sunt, & voluntati nostrae non subiacent,



jacent, sed adveniunt sapissimè, nobis, vel nolentibus, vel non cooperantibus. 2. quia hæc bona homini cum bellis sunt communia, in quibus perfectiori sæpe modo reperiuntur: nam hominem superant multa animalia, tum vitæ duratione, tum corporis viribus, tum velocitate, sensuum acumine &c. at felicitas summa seu beatitudo objectiva est bonum homini proprium, *Arist. 1. Eth. c. 7.*

III. Sed speciatim beatitudinem objectivam non consistere in voluptate sensibili, hinc manifestum est: 1. quia nulla delectatio sensibilis potest esse finis: at beatitudo objectiva secundum se est finis. Ergo. Probat major, ex ipsa natura delectationis sensibilis, quæ est generatio seu motus & acquisitio alicujus, quod est sensibili naturæ conveniens, vel est cum tali generatione & motu, *Arist. 7. Ethic. c. 12.* itaque oritur hæc voluptas ex concupiscentia alicujus, quod conveniat naturæ: unde supponit in natura sensibili deficere aliquod bonum conveniens naturæ, quod per generationem motumve acquiritur: quare consequitur proprie bonum, per generationem motumve, acquisitum. At vero, quod consequitur id, quod est finis, non potest esse finis. 2. Deinde quamvis operationes sensitivæ essent propter delectationem sensibilem, ipsa tamen delectatio sensibilis secundum naturæ ordinem ordinata est ad alium finem, ut bene advertit & argumentatur *Aquinas sum. contra Gentiles l. 3. c. 27.* verbi causa: delectatio ex cibo & potu ad conservationem corporis ac vitæ ordinatur: at vero quod non propter se est, sed propter aliud, ad quod ex natura sua ordinatur, non potest esse finis, nedum ultimus, 3. Summum hominis bonum cum sit quid optimum; non potest consistere nisi in illo bono, quod ad partem hominis nobilissimam spectat, ita enim fiet, ut tale bonum homini conveniat, quatenus est homo: tales autem non sunt voluptates corporæ, cum convenient homini secundum partem sensitivam, (a) *qua in homine inferior est.* (b) Plura argumenta videantur apud *Aquin. loc. cit.*

(a) Anima vegetans & sentiens Scholasticis dicitur pars inferior in homine, Anima rationalis dicitur pars superior.

(b) Pars inferior dicitur operatio sensitivæ & vegetativæ animæ.

IV. Si beatitudo objectiva non consistat in bonis corporis, an ergo in bonis (a) animæ, i. e. animæ rationalis aut intellectivæ, ea est sita? sed ne hoc quidem dicendum. Nam si beatitudo objectiva sit aliquod bonum animæ, vel esset ipsa animæ essentia, vel aliquid animæ, nimirum, vel potentia, vel habitus, vel actus, vel voluptas: Sed nihil horum est beatitudo objectiva. Ergo. Minorem probabimus per partes singulas: ac I. quod beatitudo objectiva non sit posita in animæ essentia, facile probatur, quoniam anima non potest beare, ut est forma dans homini esse humanum: sic enim homo omnis esset beatus, quamdiu esset: at hoc est absurdum. Ergo. II. quod beatitudo objectiva non sit sita in potentia aut habitibus animæ, hinc manifestum est, quia tam potentia quam habitus non possunt esse ultimus finis: ordinantur enim ad aliud tanquam ad finem, cum sint propter operationem: potentia propter operationem simpliciter, habitus propter operationem faciliorem. Sed hic paulo specialius ostendendum est, beatitudinem objectivam non esse sitam in habitu virtutis contra (b) Stoicos Philosophos. Nihil est manifestius quam possessionem virtutis esse propter usum, habitum propter actionem; nec enim iustus laudatur, nisi quia iustitiam exercet, (c) nec fortis, nisi quia fortiter, cum opus est, pugnat: itaque actiones virtutis sunt ipsa vir uti potiores: at summo bono nihil est potius; in virtute ergo per se spectata, vel in nudo ejus habitu, beatitudo objectiva consistere nequit.

(a) Anima & animus sic distinguuntur in Philosophia, ut anima significet, tam inferiorem, quam superiorem partem in homine, i. e. tam vegetantem & sentientem, quam rationalem animam; sed animus non significat animam vegetantem & sentientem, sed partem tantum immortalem in homine, animam scilicet rationalem, nisi quod quidam Philosophorum, qui virtutes collocant in appetitu sensitivo, eum vocaverint animum, ut cum dicunt, mores & virtutes animi; sed nos hic, cum loquimur de bonis animi, utroque sensu accipimus.

(c) In eo-



(b) In eo est sita beatitudo objectiva, quod non est propter aliud, quia summum bonum est propter se tanquam finis ultimus, sed habitus virtutis est propter aliud, nempe propter actionem, ad quam ille habitus est ordinatus, omnis enim habitus dirigitur ad actionem aliquam vel bene vel male exercendam: Virtutis habitus ad bene exercendam; ita Fortitudo est ad bene pugnandum, Temperantia ad bene utendum cibo & potu &c. ergo nudus virtutis habitus absque exercitio actionis propriæ non est summum bonum, quia virtus sola non est propter se, sed propter actionem, ad quam refertur, quæ si absit, virtus quidem bonum est, sed non sufficiens, nec perfectum: at summum bonum est perfectum & sufficiens.

(c) Vulgo dicunt, non adjectiva sed adverbia faciunt viros bonos, aut, barbare, virtuosos: ideoque qui tantum in se possidet virtutis habitum & ejus actum non exercet, vix est ut agat. *1a* 2<sup>a</sup> seu virtuosus dici possit; neque enim fortis dicendus est, aut liberalis, etiam si utriusque virtutis habitum in se possideat, si non, cum opus est, aut fortiter pugnaverit, aut libere egredi potuerit; & sic in virtutibus aliis.

V. Hoc ergo reliquum est, ut videamus, an beatitudo objectiva in operationibus anime sit sita? Aristoteles quidem ubique locorum docet, felicitatem positam in operatione secundum virtutem, *1 Ethic. c. 7. l. 10. c. 6. l. 1. Magn. Moral. c. 3. 4. & alibi. Aristotelem* vero agere de beatitudine objectivâ, satis patet ex iis, quæ inveniantur *cir. c. 6. l. 10. Ethic.* ubi inter alia sic scribit. *Operationes autem eæ sunt per se expetibiles, à quibus nihil præter operationem queritur; tales autem videntur esse actus ii, qui à virtute proficiuntur: honesta namque studiosaque agere, ex iis est, quæ per se expetuntur.* Quæ verba satis significant ipsum *res* agere honesta, ipsumque vivere secundum virtutem, esse objectum, quod nos reddit felices & beatos: cum vero operatio secundum virtutem sit operatio animæ intellectivæ (exigit enim *operationem*, & alioquin caderet in Bruta) omnino in aliqua animæ intellectivæ operatione ponenda videtur felicitas, ex mente saltem *Aristotelis* in eâ ponitur: nos tamen non dubitamus, contra *Aristotelis* mentem, cum *Aquin. summ. Theol. prim. secund. part. quest. 2. art. 7. & cont. Gentil. l. 3. c. 34. & junioribus Scholasticis*: asserere, ultimam hominis felicitatem objectivam non consistere in a-

*ctibus secundum virtutem moralem, adeoque nullam animæ intellectivæ seu rationalis, operationem esse, aut esse posse, objectum nostræ beatitudinis*: quod sic probamus.

VI. (a) Omnis operatio animæ intellectivæ, seu rationalis, vel est intellectus, vel voluntatis: neutrius vero operatio, potest esse beatitudo hominis objectiva finisque ultimus: nam animæ intellectivæ operatio, vel est actio intellectus speculativi vel est actio intellectus practici, simul & voluntatis, quæ intellectus practici actionem solet sequi: at neutra est gratiâ sui, sed utraque gratiâ alterius: scilicet, utraque est propter objectum, quod est tanquam causa finalis omnium actionum immanentium: ac licet non usque adeo hæc sententia placeat *Suarezio Metaph. disp. 12. sect. 7. n. 17.* est tamen verissima, si sit sermo & intelligatur de (b) *fine operis*, ad quem ab auctore naturæ actus est institutus: sic & intellectus & voluntatis operationes ex sua naturâ à Deo institutæ sunt, ut objecta intelligibilia & volibilia cum hisce potentiis uniantur: nam cum res nulla possit attingi, aut à potentiâ cognitivâ, aut appetitivâ, nisi unicuique illarum in ratione termini uniatur, institutor naturæ Deus instituit in utraque potentia actionem, per quam res cognoscenda & volenda uniretur, tum intellectui, tum voluntati: itaque simpliciter non sunt sui gratia istæ actiones: sed ex naturâ suâ sunt propter objectum: at beatitudo objectiva debet poni in tali bono: quod ex se, non alterius: sed sui gratia sit.

(a) Si actio virtutis sit beatitudo nostra objectiva, erit actus vel intellectus speculativi, vel practici, vel voluntatis: omnis enim actio virtutis ad aliquam ex his tribus referri debet: sed nulla istarum trium actionum est id quod nos beat, quamvis possit dici esse id quo beaur. Intellectus speculativus dicitur, qui & quando versatur tantum in contemplatione veri, Practicus, qui & quando versatur in cognitione boni, Voluntas est facultas animæ rationalis, quæ appetit: sed quod nulla harum trium actionum, sive sit intellectus speculativi, sive practici, sive voluntatis, sit res quæ nos beat, hic paret, quia omnis etiam actio refertur ad aliud, ad objectum scilicet in quod tendit, ideoque nulla est finis ultimus: sed beatitudo objectiva, sive res quæ nos beat non tendit in aliud, etique finis ultimus absolute.

Rrrr

(b) Finis

(b) Finis operis dicitur finis ipsius rei seu actionis ad quem ex natura sua destinatur, sic objectum omne potest dici finis operis, quia ad illud acquirendum & tanquam scopum assequendum ex natura sua potentia, habitus & actio destinatur: finis operantis dicitur, quem agens intendit ex peculiari consilio. Sic finis operis in physica est simpliciter explicare corpus naturale, & scopus ejus ad quem collinatur, illud objectum explicatum dare; sed finis operantis, i. e. physici, potest esse, cognitione corporis naturalis accepta uti ad medicandum, qui est scopus agentis peculiaris, nec à physica proponitur aut exponitur: hic finis vulgo dicitur ulus.

Finis operis est aliud, quod per Actionem acquiritur, & ad quod Actio natura sua tendit.

VII. Sed in specie, actiones intellectus speculativi non esse beatitudinem objectivam, inde est manifestum, quod subordinentur actionibus intellectus practici & voluntatis: at beatitudo objectiva debet esse finis ultimus. Sed enim, dicat aliquis, non scire, non contemplari, actiones intellectus speculativi, expetuntur, non alterius, sed sui gratia: Ergo sunt beatitudo objectiva. Respondemus, ex th. 6. quia operationes speculativae ab Autore naturae institutae sunt propter objectum cognoscendum, quando dicuntur illae esse tantum sui gratia, intelligitur quidem, illas non esse propter finem alium operantis, sed non tollitur, quo minus sint propter (a) finem operis, non scire enim & contemplari sunt propter objectum seibile & contemplabile: nam cum cognitio sit alicujus cognitio, non potest cognitio appeti, nisi & objectum appetatur, & quia actio est propter objectum, prius haud dubie expetitur actio, posterius objectum, & actio propter objectum: Deinde si beatitudo objectiva consisteret in contemplatione, non ista foret contemplatio rei cujuslibet, sed haud dubie objecti praestantissimi; (b) at contemplatio objecti praestantissimi nunquam seipsa absolvitur; sed ex se tendit in actum voluntatis: fieri enim non potest ut contemplationem objecti dignissimi, praestantissimi, altissimi, scil. Dei, non comitetur ejusdem objecti amor.

(a) Finis operis est illud, sive objectum sive effectum, quod per Actionem acquiritur, & ad quod actio ex natura sua tendebat, ita contem-

platio est propter verum, ut illud cognoscatur: quandoquidem autem objectum differt ab actione, recte dicitur actio esse propter aliud cum dicitur esse propter objectum. Finis operantis est, quem operans sibi intendit, & qui sequitur ex destinationis operantis. Contemplatio si referatur ad contemplatorem, & spectetur ut finis operantis, est ejus respectu finis ultimus in Philosophia speculativa, si spectetur respectu objecti quod est verum, non finis est, nedum ultimus, sed medium ad finem.

(b) Tanta est connexio actionum intellectus & voluntatis, ut se invicem perpetuo comitentur: nam tanquam diligimus, qui est actus voluntatis, quantum intelligimus, qui est actus intellectus; & ignoti nulla cupido: verum actus intellectus refertur ad actum voluntatis, non contra.

VIII. Quod beatitudo objectiva non sit sita in actionibus intellectus practici quae sunt, conjungere & dividere, id est, affirmare, & negare, rem hanc vel illam, esse, vel prosequendam vel fugiendam, uno verbo, judicare de objecti bonitate vel malitia, hinc liquet, quod judicia ista ordinentur ad actiones voluntatis internas atque elicatas & facultatum inferiorum externas atque imperatas: at, quicquid ordinatur ad aliud non est summum bonum, nec nos beatere potest, quia non est finis ultimus: finis enim ultimus non ordinatur ulterius; alioquin non foret ultimus. Atqui beatitudo objectiva est bonum summum, & nos, non tantum beatere potest, sed & de facto beat, estque finis ultimus. Ergo judicia ista seu actiones intellectus practici, non sunt beatitudo objectiva, quod erat demonstrandum.

IX. Verum, nec actiones practicas in specie esse beatitudinem objectivam, facile probatur. Ratio 1. quia non sunt per se expetibiles, sed propter aliud, quod late probat ipse Aristoteles cap. 7. lib. 10. Ethic. ubi ostendit, (a) operationes politicas, quibus bonum commune ordinatur, & bellicas, quibus bonum commune defenditur, non esse propter se, sed propter aliud; & inde sumit argumentum, quo probet ceteras alias actiones practicas non propter se sed propter finem expeti, quod haec omnium aliarum longe praestantissimae propter aliud expetantur. Sed specialissimae actiones virtutum moralium non esse beatitudinem objectivam, sic, non male concludit Aquin. loc. cit. contra Gentil. Ratio 2. Omnes

morales operationes sunt ordinabiles ad aliud: sic actiones fortitudinis, quæ in bello liquant, ordinantur ad victoriam & pacem; fultum enim foret bella geri propter se; actus iustitiae ad servandam concordiam inter homines, ut unusquisque quiete, quod suum est, possideat: at beatitudo objectiva non est! finem ulteriorem ordinabilis; est felicitas: enim summa & finis summus. Ratio 3. Præterea cum actiones virtutum moralium verentur, tum circa *res externas* (b) quæ in usum hominum veniunt, tum circa moderandos (c) *partes inferioris* & sensitivæ affectus, ac pars sensitiva sit propter perfectiendam opus animæ intellectivæ, quis non videt, actiones virtutum moralium expecti, non propter se, sed, vel propter usum in vita humana, vel propter bonum animæ intellectivæ? scil. ut, affectibus per virtutum moralium actiones bene ordinatis, & mens expeditius possit incumbere contemplationi, & animus ferri promptius in amore objecti præstantissimi jam cogniti. Quare omnino concludimus, beatitudinem objectivam non consistere in operatione virtutis, contra *Aristot.* nec in ulla operatione animæ intellectivæ.

(a) Quia omnes operationes & actiones morales & practicae ordinantur ad aliud: sic actiones fortitudinis, Temperantiae ordinantur ad Pacem & Victoriam; Temperantem & honestam vitam.

(b) *Res externæ* sunt: V. C. pecuniæ, cibis, & potus, sumptus & mercimonia.

(c) Pars inferior animæ in homine, dicitur omnis operatio animæ sensitivæ ac vegetativæ, quemadmodum operationes animæ Rationalis dicuntur pars superior animæ.

IX. Sed nec in voluptate animi consistere beatitudinem objectivam, hoc argumento probat *Aquin. pr. sec. Quest. 2. art. 2. sum. Theol.* In unaquaque re, aliud est, quod pertinet ad essentiam ejus, sc. ut illam constituat, aliud, quod est proprium accidens ejus; sicut aliud est, esse rationale, aliud, esse risibile, in homine: sed omnis voluptas animi est quoddam accidens & proprietas consequens beatitudinem, vel aliquam beatitudinis partem; nam ex eo delectatur aliquis, quia habet aliquod bonum, vel in re, vel in spe, vel in memoria: quod bonum, si est perfectum, est ipsa beatitudo objectiva. Ergo ipsa delectatio, quatenus talis, non est beatitudo objectiva: nam si delectatio sit proprietas, quæ consequitur beatitudinem objectivam, præsertim acquisitam, utique ipsa in se non poterit esse beatitudo objectiva: alioquin daretur delectatio ipsius delectationis ex bono acquisito, & processus in infinitum, quod est absurdum. Atque ita beatitudinem objectivam non consistere in bonis internis ipsius hominis, siue corporis, siue animæ, hac disputatione fuit ostensum: sicut eam non consistere in bonis externis, seu fortunæ, priori fuerat demonstratum.

## DISPUTATIONUM PRACTICARUM

## QUARTA,

## DE SUMMO BONO.

## THESIS I.

**B**ona, quæ Hominem perficiunt, sunt in duplici differentia: quædam enim illum perficiunt, eo quod re ipsa in ipso existant aut ab eo possideantur; alia, quod ab ipso sint cognita & amata: prioris generis sunt bona, tum animi, tum corporis, quæ interna voca-

vimus, tum fortunæ, quæ externa diximus. posterioris generis sunt entia omnia, tam sensibilia, quam intelligibilia, quatenus cadunt sub speculationem intellectus & sub amore voluntatis. Egimus hucusque de bonis prioris ordinis, & in nullo eorum Beatitudinem

objectivam collocavimus: reliqua sunt *bona posterioris ordinis*, quæ cum perficiant quocunque hominem, ut sunt objecta cognita & amata, ulterius inquirendum est, *an in illis Beatitudo objectiva sit collocanda?* Et cum horum bonorum, quædam sint creata, quoddam increatum, ut Deus, quaritur, *an in bonis creatis, an vero in bono increato, objectiva Beatitudo consistit.*

II. Quod *Beatitudo objectiva non consistat in aliquo bono creato, quatenus cadit sub intellectionem & volitionem*, facile probari potest: quia beatitudo objectiva est summum bonum & ultimus finis; at nulla res creata est summum bonum aut ultimus finis: non summum bonum, (a) quia omnis res creata, sicut habet entitatem participatam ab alio, ita etiam habet participatam bonitatem: at talis bonitas non est summa: non finis ultimus, quia omnis res creata, sicut habet causam efficientem, à qua est, ita & finalem, ad quam refertur, ideoque non est finis ultimus. Sed hæc nostra assertio firmissime probatur ex natura objecti (ut loquuntur *Scholastici*) beatifici; quod cognitum, est verum omnium maxime perficiens intellectum; & quod volitum, omnium plenissime satiat voluntatem: tale verum cognitum, non est res creata, quia habet veritatem participatam, quæ non est ultima perfectio intellectus; & tale bonum volitum non est res creata, quia habet bonitatem participatam, quæ non plene satiat voluntatem. Hæc ratio est desumpta ex *sum. Theol. Thom. Aquin. pr. sec. quæst. 2. art. ult. & quæst. 3. art. 7.* quæ quia est efficacissima, nonnihil eam explicabimus.

(a) Ens aliud est per essentiam, aliud per participationem. Per essentiam, quod entitatem suam à nullo habet, estque solus *Deus*: per participationem, quod entitatem suam participavit ab alio, sc. Deo, estque omnis creatura; ita quoque Bonum est aliud per essentiam, quod bonitatem suam non habet aliunde, ut Deus, aliud per participationem quod eam habet à Deo, ut Creatura. Hinc liquet solum Deum esse summum bonum, & non Creaturam: sic quoque & verum dicitur per essentiam, quod veritatem obtinet ex natura sua, ut Deus, & per participationem, quod veritatem suam, quæ verè est id quod est, accepit aliunde, scil. à

DEO, estque Creatura; nam hæc est aurea Regula, DEUS est causa omnis entitatis, veritatis, & bonitatis in creaturis, unde nulla Creatura est summe vera, aut summe bona. DEUS enim & semper & magis verus est, & magis bonus: quia, propter quod unumquodque est tale, illud ipsum est magis tale: sed Creatura sunt veræ & bonæ propter & per Deum; ergo Deus est magis verus, & magis bonus; consequenter, solus DEUS est summe verus, & summe bonus, ideoque solus est Beatitudo nostra objectiva.

III. (a) *Objectum beatificum, quatenus tale est*, ex natura sua non tantum perficit voluntatem, ut est quoddam bonum, sed & perficit intellectum, ut est quoddam verum: hoc supposito sic procedimus. Beatitudo objectiva, in quantum est cognita, non potest consistere in vero, quod est tale per participationem, sed in eo, quod est verum per essentiam: Atqui nulla creatura est vera per essentiam, sed omnis est vera per participationem. Ergo in nulla creatura potest consistere beatitudo, ut cognita. Minor certa est, quia, ut creatura habet entitatem participatam, ita & veritatem: nam veritas entitatem sequitur. Major probatur: quia beatitudo objectiva, sicut ex sua natura habet, quod non per aliud sed per se beet, ita rationem beandi & perficiendi intellectum non ab alio habet, sed à se: ac proinde rationem veri, sub qua perficit intellectum eumque beat, non ab alio participat, sed à se habet: alioqui non per se sed per aliud bearet: at hoc dici non debet: quia id, quod est tale per aliud, necessario reducitur ad id, quod per se est tale. Pariter beatitudo objectiva, in quantum est volita, non potest consistere in bono, quod est tale per participationem, sed in eo quod est bonum per essentiam: (b) *atqui nulla creatura est bona per essentiam*, sed omnis est bona per participationem. Ergo in nulla creatura potest consistere beatitudo objectiva, ut volita. Minor certa est, quia ut creatura habet & entitatem, & veritatem, ita & bonitatem participatam: nam & bonitas entitatem sequitur. Major probatur: quia objectiva beatitudo, sicut ex natura sua, non per aliud, sed per se beet, ac sic beet ac perficit intellectum; pari modo beet ac perficit voluntatem: ideoque rationem boni, sub qua voluntatem

luntatem perficit ac beat, non ab alio participat, sed per se habet. Concludimus ergo, nullam rem creatam posse esse beatitudinem objectivam, ut cognitam vel volitam, quia nec intellectum nec voluntatem plene ac perfecte perficit. Nihil ergo restat aliud, quam ut beatitudo objectiva constitutur in ente increato, Deo solo, quod ex inductione jam clarum est. Nam beatitudo objectiva non consistit in bonis externis fortunæ, ut fuit ostensum in *disp.* 2. nec in bonis internis animæ, vel corporis, ut fuit probatum *disp.* 3. nec in ullo bono creato, vel cognito, vel volito, ut hac *disp.* nunc convicimus. Ergo in solo consistit Deo, quia nihil amplius est reliquum.

(a) Objectum beatificum, i. e. quod hominem facit beatum, homini est proprium: illud vero homini est proprium, quod ei convenit secundum partem superiorem, animam vegetantem ac sentientem habet communia cum rebus aliis, sed animam rationalem non item; quod vero ei convenit secundum animam rationalem id ei competit secundum intellectum & voluntatem: ergo objectum beatificum hominem beare nequit, nisi & intellectum & voluntatem perficiat, ideoque debet esse, & summe verum & summe bonum.

(b) Ens vulgo dividitur, in ens per essentiam, & ens per participationem: prius dicitur, quod entitatem suam à nullo habet, estque solus Deus: posterius dicitur, quod entitatem habet ab alio participatam, estque omnis creatura: sic dividitur quoque, & verum, & bonum, itaque, Deus & est ens, & verus, & bonus per essentiam, quo sensu Christus dicit, Pater meus solus est bonus: Creatura est ens, & vera, & bona per participationem, quo sensu dicitur, quod Deus omnia viderit quæ fecerat, & erant valde bona.

IV. Deus ergo beatitudo hominis est objectiva, sive objectum, quod beat: sed in quo *nunc consistit beatitudo formalis*, sive id, quo objectum, quod beat fit nostrum? duas enim beatitudinis quasi partes integrantes fecimus, *disp.* 2. objectivam & formalem. Omisissaliorum sententiis, dicimus, *Beatitudinem formalem consistere in eo, quo Deus nostra beatitudo objectiva nobis objective conjungitur*: Deus enim seipso non potest nos perficere, nisi ut objectum: at non potest Deus nobis

objective conjungi nisi per operationem. Ergo *Beatitudo formalis consistit in operatione.*

(a) *Verumenimvero cum operatio sit multiplex, alia vitalis, alia non vitalis; alia transiens, alia immanens: Quarritur, in qua operatione consistat beatitudo formalis?* Respondemus, in operatione & vitali & immanente: atque hoc utrumque ex *Arist.* probari potest. *Primum*, cum beatitudo naturalis in vivendo consistat, docente *Arist.* l. 1. *Magn. Moral.* c. 4. ubi post multa ita concludit; Ergo, & feliciter vivere, & felicitas in vivendo est: imo, cum sit vita quædam beata, ex testimonio *Arist.* 9. *metaph.* c. 9. text. 16. in fine, ubi ait, felicitas vita quædam est. Et 10. *Ethic.* c. 6. text. 26. lib. 1. *Magn. ad Eudemum*, post principium, & alibi; utique beatitudo consistit in ultima perfectione vitali, at hæc est operatio: nam ex *Arist.* 2. de *Anim.* c. 2. text. 13. idem est vivere, quod operari: quin etiam operatio vitalis non solum est ultima perfectio viventis, sed etiam perfectissima, quod ex eodem *Arist.* colligere est, 2. de *Cælo*, c. 3. t. 17. ubi describit. *Eorum quæque, quorum est opus, operis ipsius esse gratia constat*: sensus est; *unumquodque eorum, quorum est opus*; i. e. quæ alicujus operis sunt activa, esse gratia ipsius operis constat, i. e. constat esse activa gratia ipsius operis. Quare actus primus vitæ (sive potentia sit, sive habitus) ex sua natura est gratia actus secundi vitæ, tanquam finis. *Alterum*; quod beatitudo formalis sit actio immanens, sic probatur ex *Aristot.* Beatitudo formalis est operatio in suo genere perfectissima, 10. *Eth.* c. 7. operatio autem immanens præstantior est transeunte: est enim propter se, 1. *Metaph.* c. 1. 10. *Ethic.* c. 7. 8. cum tamen actio transiens, non propter se sit, sed propter productum, 1. *Eth.* c. 1. text. 3. Ergo beatitudo formalis non est operatio transiens, sed immanens. Deinde, beatitudo formalis est operatio, quæ manet in beato operante, 1. *Magn. Moral.* c. 1. & 9. *Metaph.* c. 9. t. 16. operatio autem transiens non manet in operante, quod notum est. Et quid multis? Beatitudo formalis est quædam vita, ut jam vidimus: at operatio vitalis, non est transiens, sed immanens. Ergo &c.



Operatio alia est vitalis, alia non vitalis: vitalis dicitur, quæ oritur à principio vitæ, i. e. Animæ, seu vegetantæ, seu sentiente, seu rationali uti est nutritio, visio, intellectio: non vitalis, quæ oritur à principio, quod non vivit, uti est Solis motus & Elementorum: nam nec Sol, nec Elementa vivunt. Operatio alia est immanens, alia transiens; Immanens dicitur, quæ manet in ipsa causâ efficiente, à qua proficiscitur, uti est, Intellectio, quæ manet in intellectu: Transiens est, quæ extra causam efficientem abit in rem aliam, ut calefactio, quæ extra ignem abit in aquam.

V. Sed enim, si beatitudo formalis sit, operatio vitalis & immanens, ulterius queri potest, utrum sit anima vegetativa, an sensitiva, an rationalis; Quod non sit anima vegetativa, illud quidem extra omne est dubium; quia illa non potest esse principium humane & moralis operationis; cum sit omnino expers rationis: sed nec sita est formalis beatitudo in aliqua operatione anime sensitivæ; (a) quæ rationalis quidem non est per essentiam, est tamen per participationem: quia operatio sensitiva non potest nobis conjugere nisi bonum sensibile: at tale non est summum bonum, ut ante vidimus. Ergo, &c. Deinde formalis beatitudo ponenda est in operatione naturaliter perfectissima, 1. Eth. c. 2. & 5. 10. Eth. c. 6. At operatio sensitiva, quæcumque illa sit, non est perfectissima: nec ex parte principii, quia est ab anima sensitiva, quæ est minus nobilis, quam rationalis: nec ex parte objecti quia terminatur ad (b) bonum sensibile, quod est longe inferius bono intelligibili. Denique beatitudo formalis non potest nobis esse communis cum brutis: nam convenit soli homini, 1. Eth. c. 9. t. 45. & 10. Eth. c. 8. t. 30. Atqui operatio sensitiva etiam brutis convenit. Ergo beatitudo formalis consistit in aliqua operatione vitali & immanente, quæ conveniat soli homini & quidem quatenus est rationalis: talis est operatio intellectus & voluntatis: in utraque ponimus beatitudinem formalem, quod ulterius est explicandum.

(a) Anima rationalis, dicitur rationalis per essentiam, quia ejus essentia in ratione est sita, & per rationem definitur: anima sensitiva, quæ quidem est irrationalis in se, atque essentia sua,

dicitur tamen rationalis participative, quia subest in operationibus suis imperio anime rationalis, nam videmus, appetimus, loco nos movemus, cum volumus ac judicamus: sed anima vegetans, nec per essentiam, nec per participationem, est rationalis, nec enim nutrimur, nec crescimus, nec nostrum similem prolem generamus, cum & volumus & judicamus.

Anima humana, quæ hominem constituit, intellectu ac voluntate est prædita: est Rationalis per essentiam, quia ejus natura est, ut, si non fuerit ratione prædita, ne quidem Anima sit futura: sed Anima sentiens in homine dicitur Rationalis per participationem, quia, in quantum subest Rationis Imperio ac ductus ac diclamini, aliquo modo participes sit Rati uti: sensitiva Anima Bruti nullo modo participes est rationis, quia non subest alicui Animæ Rationali.

(b) Bonum sensibile, est bonum jucundum, aut utile, quia utrumque sensu percipitur: Bonum intelligibile, est bonum honestum, quod sola ratione intelligitur.

VI. Dicimus igitur, beatitudinem formalem essentialiter constitui & integrari ex actione intellectus & voluntatis: illam vocant vulgo beatitudinem contemplativam & hanc activam. Hæc divisio sumitur ex Arist. 10. Eth. c. 7. 8. explicant eam Conimbric. in Eth. disp. 3. quest. 3. art. 2. Fosec. 1. Metaph. c. 1. quest. 1. sec. 6. sed non eodem modo. Conimbricenses volunt duas illas beatitudines esse duas species, ita ut utraque per se & ratione sui veram habeat rationem beatitudinis. Foseca aliter philosophatur, & docet, duas illas beatitudines esse partes integrantes unam essentiam unius totalis beatitudinis: quæ explicatio nobis magis aridet: (a) quia neutra se sola potest beare; sed utraque simul ad beandum est necessaria: Ergo utraque ad beatitudinem formalem pertinet tanquam pars unius beatitudinis, ex utraque integrate. Atque hæc explicatio ab ipso Arist. confirmatur, qui, libros de moribus ad Eudemum concludens, docet, omnes actiones nostras, omniaque studia, rerumque possessiones tunc iudicandas esse meliores, quando magis adjuvant & faciunt ad Dei cognitionem & cultum, deteriora autem censeri, quæ nobis impedimento fuerint. Ex quibus Aristotelis verbis, ulterius liquet, (b) Beatitudinis formalis partem contemplativam consistere in



Dei cognitione, activam in ejus cultus, quatenus nempe & cognitio & cultus Dei, naturae lumine ac viribus obtineri potest: nam haec omnia procedunt de beatitudine naturali, quod in alia disputatione priore est monitum.

(a) Cum genus dividitur in species, tota natura generis est tota in una, & tota in altera specie, ut, tota natura Animalis est in homine, tota in Bruto; at cum integrum dividitur in membra, non invenitur tota natura integri in unoquoque membro, sed partim in uno, partim in altero. sic tota natura Corporis non est in capite, nec tota in pede, sed partim in capite, partim in pede, partim in reliquis membris: beatitudo quoque formalis non existit tota in actione intellectus, nec tota in actione voluntatis, sed partim in illa, partim in hac, & ut Deus, beatitudo nostra objectiva, fiat nostrum summum bonum, utraque simul actio requiritur, & intellectus, & voluntatis.

(b) Pars contemplativa beatitudinis formalis, consistens in cognitione Dei naturali, accepta per lumen naturae, ex libro naturae, acquiritur per perfectissimam virtutum intellectualium scientiam, sc. sapientiam, quae est habitus contemplativus, versans circa objectum praesentissimum, puta Deum: altera pars beatitudinis formalis consistens in cultu Dei naturali instituto secundum legem naturae, ex libro naturae, acquiritur per perfectissimam virtutum moralium, sc. pietatem, quae docet, Deum naturaliter cognitum, colere, venerari, amare.

VII. Beatitudinem formalem, partim esse collocandam in operatione intellectus, partim in operatione voluntatis, ex eo liquet, quia ad perfectam possessionem objecti beatifici, seu beatitudinis objectivae, Dei, requiritur, & perfecta ejus speculatio & perfectus amor (perfectus, sc. naturaliter, quantum natura hominis in via, i. e. vita, permittit) dum enim Deum Deique proprietates speculamur, Deo conjungimur: dum cognitum amamus, intime ei unimur: at speculatio actio est intellectus & amor voluntatis. Ergo, &c. Atque hic contra Thom. Aquin. sentimus, qui in *Summ. Theol. pr. sec. quaest. 3. art. 4. & contra gentes l. 3. c. 25. 26.* Beatitudinem formalem in solo actu intellectus (intelligere Deum) non item in actu voluntatis collocat. At vero, si sententia Aquin. sit vera, sequitur, Damo-

nes beatitudine formali esse beatos, quia in ipsis altissima Dei cognitio naturalis reperitur: praeterea & illi erunt beati, qui Deo sunt maxime invisi, quia in illis esse potest & saepe est profundissima Dei speculatio: at hoc est contra Aristotelem, qui 10. *Eth. c. 8: ad finem* ait diserte, *eum, qui vere & essentialiter est felix, esse amicissimum Deo.* Sentimus quoque hic contra Melch. Camun loc. *Theol. l. 9. c. 9.* aliosque, qui beatitudinem formalem ponunt in solo actu voluntatis, quae sententia, praeterquam quod sit contra Aristotelem, ubique fere beatitudinem in speculatione collocantem, etiam rationi repugnat: Nam non potest existeret amor Dei, nisi jam ante praecesserit ejus contemplatio: quippe actus voluntatis semper praesupponit & includit actum intellectus: alioquin voluntas non foret potentia rationalis. Nos ergo Beatitudinem ponimus; ex parte intellectus, in perfectissima cognitione, quae de Deo ex creaturis haberi potest lumine naturae: ex parte voluntatis, in amore Dei naturaliter cogniti, (a) qui amor non est concupiscentiae, sed amicitiae. Sed in utraque actione, intellectus an voluntas principalius ponitur beatitudo formalis? Ad hoc responderi nequit, nisi prius constet, an actio intellectus sit nobilior actione voluntatis? quae quaestio licet in utramque partem à Scholasticis soleat disputari, ac non multum referat, utrumvis statuatur, nos tamen actioni voluntatis primas deferimus, (b) ac beatitudinem formalem potissimum consistere dicimus in actu voluntatis: actu intellectus non excluso, sed essentialiter incluso. Quomodo vero in hac Dei contemplatione & amore summum bonum consistat, non tam facile verbis exprimitur, quam quidem contemplantis & amantis animus sentit. Per contemplationem sane Dei, ejusque potentiae, bonitatis, sapientiae, ex rebus creatis cognitionem, homo quasi Deus fit: anima enim intelligendo fit omnia, 3. *De Anim. c. 4.* Per amorem ita Deo cognito unitur homo, ut totus in eum absorbeat, ac totus in eo sit, juxta vulgatum illud; Animus est magis ubi amat, quam ubi animat. Certe hic felicitatis humanae est apex & in hac vita fastigium, Deum ex rebus creatis rite re-

Atque cognoscere, cognitum venerari & amare, in quo tota beatitudo abolvitur, quam aliquot jam disputationibus sumus profecuti.

- (a) Amor concupiscentiæ dicitur, quo alteri cupimus bonum aliquid: amor amicitiae, quo desideramus frui re amata, aut quo amamus rem nobis gratam: nos amando Deum nullum bo-

num Deo cupimus, sed ferimur in illum tanquam in objectum nobis gratum atque amicum.

- (b) Beatitudo formalis magis & potius consistit in Actu voluntatis, quam Intellectus, quia totus Intellectus, siue cognitio & contemplatio Dei, refertur ad Actum voluntatis, siue Amorem Dei.

## DISPUTATIONUM PRACTICARUM QUINTA,

# DE SPONTANEO.

### THESIS I.

Summum Bonum, seu finem ultimum Philosophiæ practicae, exposuerunt Disputationes praemissae: ordinis ratio postulat, ut fini ultimo jam explicato subjungatur explicatio finis subordinati, i. e. medii quem voce græca Περιεχόμενος expressimus disput. 2. th. 1. & disput. 1. th. 5. & latine th. 2. disput. 1. in definitione Ethicæ vocavimus actionem humanam: Nempe Philosophia practica hominem imbuat cognitione virtutum, quibus imbutus, πράξεις, actiones edit humanas, i. e. homine dignas, iisque summum bonum acquirit: Notandum autem est statim, πράξις, actionem humanam, interdum sumi late pro qualibet actione hominis, qua aliquid πράττει, agit, quocunque modo interdum strictè pro actione hominis ut homo est, i. e. cuius homo dominus est, quæ à rationis cognitione & à libera hominis voluntate proficiscitur: & hanc utramque significationem observabit in ipso Arist. quilibet c. 1. l. 3. Ethic. ad Nicom. diligenter perlegerit: generaliter sumpta πράξις, actio humana, dividitur in spontaneam & invitam: τὴν quippe ἐκύστων τῶ ἀκύντων, id est, spontaneam ac invitam, distinguunt omnes actiones humanas: nam duplex est earum differentia: una ratione cognitionis, secundum quam actiones humanæ, i. e. hominis, simpliciter & in genere, sunt, vel à scientibus, vel ab ignorantibus: altera ratione voluntatis,

secundum quam fiunt, vel à volentibus, vel à coactis: quæ actiones fiunt à scientibus & volentibus, dicuntur spontaneæ: quæ, vel ab ignorantibus (quomodo ignorantibus, postea explicabitur) vel à coactis, dicuntur invitæ. Sed vero si πράξις, actio humana, speciali significatione sumatur, jam sola spontanea talis dici debet. Nos hac disputatione actionis humanæ, πράξις, in genere sumtæ, differentiam primam, τὴν ἐκύστων, spontaneam; alteram, τὴν ἀκύντων, invitam, explicabimus disputatione alia.

II. Arist. c. 1. l. 3. Eth. ad Nicom. sub finem, aut sicuti alii ejus interpretes hoc cap. in tria dispeſcunt, c. 3. definit τὴν ἐκύστων, ὅτι ἀρχὴ αὐτῆς εἶδὼν τὰ κατ' ἰκαστὸν, ἐν οἷς ἡ πράξις, id est, Spontaneum est id, cujus principium est in agente sciente singula, id est, omnes circumstantias, in quibus actio est, id est, consistit. Cum dicit ἐκύστων esse, ὅτι ἀρχὴ αὐτῆς, opponit illud τῆς βιαιότητος, cujus principium est extra agentem; cùm addit εἶδὼν &c. opponit illud ἀπὸ τοῦ δι' αἰσθησίν, τὴν γὰρ ἰκαστὸν, (a) circumstantias (b) singulares, vulgato isto versu comprehenduntur, Quis, quid, ubi, quibus auxiliis, cur, quomodo, quando. Duo itaque requiruntur ad actionem spontaneam. 1. Scientia seu cognitio rei agendæ omniumque actionis circumstantiarum. 2. Principium à quo proficiscatur actio, intrinsecum. Videndum igitur restat, quomodo

modo aliquid sit *spontanem ratione scientiæ*, deinde, quomodo *ratione principii intrinseci*.

(a) Circumstantiæ singulares omnem actionem humanam reddunt, vel bonam vel malam: prout vel convenierint cum recta ratione, vel non convenierint, unde vulgo vocantur circumstantiæ morales, & ab illis dicitur pendere omnis bonitas vel malitia, moralis, seu honestas & turpitudinem actionum. *Quis* significat personam agentem: *quid*, objectum; *cur*, finem; *ubi*, locum; *quando*, tempus; *quibus auxiliis*, media, & instrumenta; *quomodo*, rationem agendi. Pro hisce circumstantiis variatis mutatur quoque actio humana, ex bona in malam, & contra: inter omnes autem circumstantias morales præcipuæ sunt finis & objectum. Ut vero aliqua actio sit bona, debent omnes circumstantiæ convenire cum recta ratione; ut sit mala, sufficit, si vel una circumstantia à ratione recta recedat.

(b) Circumstantiæ singulares dicuntur, quæ circa unamquamque actionem hominis singularem sunt, id est, inveniuntur, & exprimuntur vulgato versu: *Quis, quid, ubi, quibus auxiliis, cur, quomodo, quando*. *Quis*, significat personam agentem; *quid*, objectum quod agit; *ubi*, locum quo agit; *quibus auxiliis*, media quibus agit; *cur*, finem propter quem agit; *quomodo*, modum quo agit; *quando*, tempus quo agit. Ab hisce circumstantiis singularibus pender Actionum omnium singularium bonitas, aut malitia moralis in homine: sc. si omnes circumstantiæ hæ conveniant cum recta ratione. Actio humana est bona: si una tantum à recta ratione discrepaverit, Actio humana est mala; inter omnes vero circumstantias præcipuæ sunt, *quid* & *cur*, id est, *objectum* & *finis*. Atque hæ circumstantiæ omnes intelliguntur in definitione *Spontanei*, per vocem *singula*.

III. (a) *Scientia*, quæ actionem reddit spontaneam, Philosophis Ethicis, & magis proprie, solet dici *Conscientia*, quæ quid sit, & rationis seu mentis humanæ facultas, ipse intellectus, *an ejus habitus*, *an actus*, hujus non est loci, nec nostri nunc instituti, inquire: cui lubet, videat ista disputata apud *Thomam Aquin. Sum. Theol. p. 1. quæst. 79. art. ult. & apud Ames. l. 1. Cap. Conf.* Nos impræsentiarum per eam intelligimus, actum rationis intellectus practici, quo ipsa judicat quid sit bonum ac malum; quid fas ac liceat, quid nefas ac non liceat, & quo præterea præscribit, quid sit faciendum, quod omittendum.

Atque hanc vocant *conscientiam de faciendo*, & juxta eam dicimur agere, vel secundum, vel contra conscientiam: Nam *conscientiam de facto*, hoc est, illud intellectus judicium, quod factum consequitur, quod hominem, prout vel bene vel male egerit, vel accusat vel delectat, unde bene vel male sibi quis dicitur conscius, hic non spectamus. *Sponte agere dicitur homo ratione conscientie* de faciendo, in quantum hæc præconis instat ei ac concionatoris, explicantis primo, ac præscribentis ei, quid legi nature rectæque rationi sit consentaneum, quid dissentaneum, quid permissum, quid prohibitum; applicantis deinde vivendi ex legi nature & secundum rectam rationem universales regulas singulis ejus actionibus. Tale dictamen, tale judicium rationis practice de actionibus humanis faciendis, facit æc spontaneas, & prout convenierint vel non convenierint secundum, bonas reddit vel malas moraliter: nempe, ut lex divina norma est actionum hominis Christiani spiritualium, lex civilis norma ad quam Resp. debet componi ac regi, sed utraque non nisi cognita, ita lex quoque nature norma est actionum moralium, sed cognita, quæ legis naturalis cognitio Ethicis, *Conscientia*, appellatur, & *Damasceño lex intellectus*. Hæc amissis est actionum humanarum, & juxta eam vel male vel bene, ac semper sponte agit homo: bene agit, si agat, quod agendum præcipit conscientia: male agit, si non agat quod jubet, aut contrarium faciat: atque ex hisce liquet, fieri non posse, ut quis agat contra conscientiam & non peccet: nam sicut peccat, qui contra legem agit, quamdiu ea manet: ita peccat, qui contra conscientiam agit, quamdiu manet illa: est enim conscientia nihil aliud, quam lex nature cognita à ratione practica. Sed paulo adhuc plenius est hoc negotium explicandum.

(a) *Scientia*, quæ requiritur in Actione spontanea, dicitur *Conscientia*, quia homo, qui scit omnes circumstantias suæ Actionis, est conscius sibi, *quid agit, quomodo, & cur*, &c. & quia Deus simul cum homine, ac reciproce homo simul cum Deo, scit circumstantias suæ actionis vel faciendæ, vel factæ: atque hoc significatum vult particula *con*.

IV. Quotuplex est iudicium intellectus practici, de re faciendi si bona sit, vel omit- tendi si mala sit, totuplex est conscientia: at iudicium illud proprie est triplex, rectum, probabile, erroneum: unde & triplex, est conscientia, recta, probabilis, erronea: verum quia dubitatio & hesitancia interdum nonnullis dicuntur iudicium intellectus, factum est, ut similiter iis conscientia aliqua dicta sit dubia vel scrupulosa: Et hinc Scholastici quintuplicem fecere conscientiam, quod sic ostendunt. Ratio practica, vel statuit aliquid agendum tanquam honestum, vel dubitat an sit honestum, vel trepidat anxie, cretens, assentientis seu iudicans scrupulose, ab homine vix quippiam fieri posse sine peccato: si statuit, aut firmiter & confidenter credit, assentitur seu iudicat, actionem fore honestam, aut probabiliter opinatur: si firmiter, aut vere & recte statuit creditque, seu iudicat, aut non recte sed falso. Ratio, recte, vere firmiterque, propter argumenta vera atque evidentia, statuens ac iudicans, actionem fore honestam, est Conscientia recta. Ratio firmiter, sed non vere nec recte, propter argumenta, quibus innitur, fallacia, statuens honestum fore opus, quod tamen est inhonestum, est Conscientia errans. Ratio non firmiter sed probabiliter propter argumenta, quae sibi sunt probabilia (sive alteri certa, sive fallacia habeantur) iudicans actionem futuram honestam, est Conscientia probabilis. Ratio cum dubitat, ac media inter duas contradictiones neutri credit, assentitur, est conscientia dubia. Ratio cum trepidat animumque ex cruciat, metuendo peccatum, ubi non est, Conscientia est scrupulosa. Haec applicemus. Contra conscientiam rectam, erroneam, probabilem, agere, est peccatum: Nam agere communiter & in genere contra conscientiam statuentem, iudicantem, credentem, assentientem, hoc quod fit esse peccatum, est peccare: at triplex hac conscientia statuit, iudicat, credit, assentitur, hoc, quod contra se fit, esse peccatum: licet diversi sint termini medi, quibusqueque iudicat. Ergo, &c. Certe homo, qui per conscientiae dictamen iudicat, credit, assentitur ac statuit, aliquid esse peccatum aut malum, non debet hoc vel-

le: Ergo, qui vel certo ac vero scit atque ostendit, per Syll. Apod. vel qui fallaciter per errorem, per Syll. Sophist. sed tamen firmiter statuit ac credit, assentitur, vel qui probabiliter per opinionem iudicat, per Syll. Dialecticum, aliquam actionem esse malam, non debet eam velle: si velit, peccare vult, & jam volendo peccat. At qui agit contra conscientiam rectam, erroneam, probabilem, is vult actionem: de qua uno ex tribus istis modis iudicat, eam esse malam. Ergo peccat. Secundum conscientiam rectam vel probabilem, qui agit, recte facit, ac non peccat. Secundum conscientiam erroneam, qui agit, interdum peccat, interdum non: Peccat tam, qui secundum, quam qui contra conscientiam erroneam, agit, (a) cum error est vincibilis & de re per se mala: ac si error fuerit invincibilis aut de re per se indifferenti, peccat, qui contra, sed non qui secundum eam facit. Contra dubiam aut secundum illam conscientiam, nemo agere potest, quia haec dubitat, an sit bonum aut faciendum, an sit malum aut fugiendum: nam qui neutram contradic- toriarum certo statuit aut credit, contra ejus iudicium, aut secundum illud, fieri nihil potest, quia nullum est: at dubitans conscientia suspendit iudicium, & neutram partem determinat, actionem vel faciendam vel omittendam. Ergo contra aut secundum eam agi nihil potest; ideoque, ut ante monuimus, improprie haec conscientia aut iudicium dicitur. Scrupulosa conscientia alteri contradic- tionis parti adheret, & quidem optime: statuit enim aliquid esse licitum, quod licitum est, sed cum formidine peccati, atque ea quidem temeraria & sine fundamento: quod peccare timeat, hoc laudabile est: quod inepte timeat pericul- osum, non tamen peccatum: omne enim peccatum sc. actuale voluntarium est: at scrupulus offendens conscientiam non est vol- untarius, sed invitum ledit hominem, Ergo, &c. si scrupuli excuti atque amoveri pos- sunt, qui secundum eam agit conscientiam iis sublati, quandoquidem agit quod licitum est & licitum esse statuit, rectissime facit: qui contra eam agit, peccat: at si scrupuli isti tolli ne- queant, quin molesti adhuc sint, id tamen age- re, quod licitum est & esse statuit, manentibus scrupulis, conscientia scrupulosa, non est pec- care:

*care*: quia illud est agere non contra conscientiam scrupulosam, sed secundum eam contra scrupulos sine causa motos: imo prodest agere ex iudicio conscientiae scrupulosae contra scrupulos, eos contemnendo, & pro inutilibus habendo. Nam ex tali modo agendi contra scrupulos obortos ac residuos, conscientia scrupulosa tandem ab iis liberatur, & in agendo, quod licitum est & esse statuit, confirmatur. Sed de conscientia, quae intelligitur hic *recta ac probabilis*, quae est prima spontanea actionis conditio: haec suffecerint, nunc alteram videamus, quae est, ut *actionis spontaneae* in agente principium detur *intrinsicum*.

(a) Error dicitur vincibilis, qui ab errante vinci, seu superari, i. e. praeveneri, & praeveneri potuit ab ipso; invincibilis est, qui non potuit.

Res per se mala est, quae lege sc. naturae aut verbo Dei est vetita; Res per se bona est, quae lege sc. naturae aut verbo Dei est praescripta; Res per se indifferens est, quae ex se nec bona, nec mala, nec praescripta, nec vetita est lege sc. naturae aut verbo Dei.

Error vincibilis est in Pontificiis, quia iudicant esse abstinendum à carniū comestione, tempore quadragesimarum, quia illum & praeveneri poterunt, & deponere possunt, melius instructi ex verbo Dei; & abstinere à carniū comedendis illis temporibus, est res per se mala, quia omni tempore omnem sumere cibum ut licitum in verbo Dei est praescriptum, habetur enim alibi, quod omnis cibus sit purus, modo cum gratiarum actione sumatur: ideoque peccant Pontificii, cum secundum Conscientiam Erroneam suam à Carniū illis temporibus abstinent.

V. Per principium intrinsicum intelligimus voluntatem: ac tum homo sponte agit ex principio intrinseco, quando vult hoc quod agit, sive ex ratione recta, sive ex libidine, sive ex ira, sive ex tristitia & metu, &c. agat. Licet autem conscientia aut conscientia sit principium intrinsicum sponte agentis, quia ei inest, *ergo* tamen voluntas hic ita dicitur, quia conscientia nullius actionis principium extra se est, nisi media voluntate: hic enim ordo est in sponte agendo: ut primum agens actionis suae finem praecognoscit, omnes ejus circumstantias examinet, an actio fini obtinendo inserviat nec ne, utrum sit honesta ac licita nec ne,

& tum voluntati vel appetendam vel fugendam imperet: quae imperio intellectus jubentis morem gerens vicissim imperat ac jubet facultatibus inferioribus, ut eam executioni mandent: unde actiones à principis suis & facultatibus, sc. inferioribus, productae, dicuntur à voluntate & non ab intellectu tanquam à principio intrinseco profectae, quia à voluntate proxime jubentur & imperantur. Atque hinc manifestum est, per actionem spontaneam, à nobis ex Aristotele definitam & explicatam, intelligi actionem imperatam, id est, ab alia facultate, quam intellectu aut voluntate, ab utriusque tamen imperio, profectam: sicuti oppositae, ipsius intellectus & voluntatis imperantis, utriusque actiones immediate, vocantur elicited, de quibus alias erit agendi locus.

VI. Si actio spontanea ab homine proficiatur per intellectus & voluntatis imperium, ut est explicatum, sequitur, 1. *idem esse in homine spontaneum & voluntarium*, prout hoc actionibus imperatis tribuitur; 2. *non spontaneum male tribui brutis & rebus inanimatis*, cum nec scientia seu conscientia nec voluntas in rebus illis sit; & 3. *in eis spontaneum differentia est actionis humanae seu hominis, non bruti aut rei inanimatae, quae circumstantias, non ipsae ingesta, non considerant*. (a) Non equidem diffitemur rebus illis nonnunquam tribui non sponte operari, ut cum dicitur, lapis sponte descendere, planta sponte crescere, bos sponte sequi pabulum: at vero secundum spontanei definitionem Aristotelicam non sponte ipsi non competit: nam plantae & res inanimatae plane non cognoscunt, & bruta licet cognoscant, non tamen cognoscunt *ipsae ingesta* seu circumstantias singulares: hoc enim tantum cadit in agentia, quae cognoscunt finem formaliter, ad quem actio spontanea secundum omnes circumstantias iudicata, & ex imperio voluntatis, tanquam principii intrinseci, instituta, tendit: (b) at bruta formaliter finem non cognoscunt: est enim in illis cognitio rei, quae est finis, non qua est finis: quare neque *ingesta*, neque *digesta*, neque spontanea, neque invita, id genus agentia dici velim, sed (c) media potius negationis



esse; inter sponte & invite agere, id est, bruta neque sponte agunt, neque invite, quod idem de pueris, ante rationis usum operantibus, & fatuis adultis, statuendum existimem: aut si his & brutis sponte agere concedatur, eo sensu eis tribui debet, quo & voluntarium utrisque ab *Aquin.* & *Scholasticis* in 1. 2. *Sum. Theol. quest. 6. art. 2.* tribuitur, scilicet, *imperfecte & improprie*: nam spontaneum & voluntarium perfecte ac proprie, ut bene notat ibid. *Aquin.* est, cuius principium est in agente cum cognitione finis sub ratione, & mediorum sub ratione mediorum, quod in pueros ac bruta & fatuos, non cadit, ut jam est dictum.

- (a) Sponte interdum de eo dicitur, quod non cogitur à Principio extrinseco, sic Aves sponte volant, & pisces sponte natant, quia nec ad volandum, nec ad natandum coguntur: interdum Sponte significat non tantum, quod non cogitur, sed & quod agit ex singularium circumstantiarum cognitione facta per Rationem, sic nec aves, nec pisces, sponte agunt, quia Ratione carent.
- (b) Finis dicitur cognosci materialiter, cum cognoscitur tantummodo illa res, propter quam aliquid fit, licet non cognoscatur ista habitudo, quam dicit finis ad media, quæ propter finem obtinendum adhibentur: dicitur finis cognosci formaliter, cum non tantum cognoscitur res quæ est finis, sed quæ est finis, i. e. cum cognoscitur ratio mediorum ad finem, seu, cum agens cognoscit finem non posse obtineri, nisi per illa media, & media usurpari propter finem intentum: prius est simplicis iudicii, posterius est ratiocinationis, ideoque prius cadit in bruta, posterius in hominem, bruta enim non ratiocinantur, spontaneum cum dicit cognitionem in eo agente, quod sponte agit, dicit cognitionem finis formaliter, quæ est finis, & mediorum ac circumstantiarum, quatenus in finem istum tendunt; quæ cognitio cum sit solius hominis, non brutorum, etiam spontaneum proprie cadit in

solum hominem, non in bruta, & quia voluntarium exigit præviæ cognitionem rerum, non tantum quæ sunt finis & media, sed quæ sunt finis & media, etiam illud hominis est proprium, non brutorum, idemque est quod spontaneum stricte dictum.

Finis cognoscitur duobus modis, Materialiter & formaliter; Materialiter, cum cognoscitur tantum Res, quæ est finis, & sic cognoscitur à Brutis: formaliter, cum cognoscitur non tantum Res, quæ est finis, sed quæ finis, id est, cum cognoscitur Ratio finis ad Media, & mediorum ad finem; quæ cognitio non habetur, nisi per discursum, qui cadit in solum Hominem, & non in Bruta.

- (c) Medium negationis est, quando utrumque extremum negatur.

VII. Querat aliquis, an, si eadem sit actio spontanea & voluntaria, cum utraque etiam sit eadem libera? Resp. (a) si de actione imperata loquaris, ita esse: nam libera actio nihil exigit aliud, quam ut à voluntate, intellectus imperantis dictamen sequente, proficiatur: hoc enim liberæ actioni est essentiale: indifferencia quippe, quæ vulgo hic exigitur, est ei mere accidentalis: utrumque autem illud, esse à voluntate, ut à principio intrinseco, prævio tamen intellectus iudicio, in actione reperiri spontanea & voluntaria, jam est demonstratum. Verum hæc omnia disputationibus secuturis clarissima evadent.

- (a) Actio imperata est omnis illa, quæ non immediate producitur ab intellectu & voluntate: talis enim, ut intellectus & volitio, quæ utraque immediate ab intellectu & voluntate proficiunt, dicitur elicita, sed quæ ex intellectu & voluntatis imperio ab alia facultate producitur, proxime, dicitur imperata, ut est, ambulatio, locutio, &c. ambulamus enim & loquimur, quia intelligimus & volumus ita agere.

## DISPUTATIONUM PRACTICARUM S E X T A,

# DE INVITO.

### THESIS I.

ACTIONIS humanæ duas fecimus disput. præced. differentias, *invitum* & *spontaneum*, in homine requiri ostendimus ex *Aristotele*.



*Aristotele*, primum *notitiam*, ut qui agit sciet quid agat, deinde *voluntatem*, ut consentiat ei actioni. Quod si altera harum conditionum abest, actio dicitur *invita*: unde *Alexander* invita duas fecit species *Philosophus*, *lib. Eth. 3. c. 1. δυνάμις ἀκούειν τῆς τοῦ βίου, ἢ τῆς ἀπορίας γνώσεως. Videntur igitur invita esse, quæ vi, vel per ignorantiam, fiunt. Quando abest ab actione hominis voluntas, sc. ut non consentiat, est *invita per vim* seu *violenta*: quando abest notitia, est *invita per insipientiam* seu *per ignorantiam*. Nos de utraque invita specie hac disputatione agemus, prius de *violento*, mox de *invito per ignorantiam* dissertaturi, secuti in eo ordinem ipsius *Philosophi*, *lib. 6. cap. cit.**

(a) Divisio actionis in spontaneam & invitam, est, nec integri in membra, nec generis in species, nec divisio per se, sed per accidens, & ea, effecti per causas efficientes: nam, cum intellectus & voluntas sunt causæ actionis, est spontanea, cum aliquid aliud, præter illas facultates, est causa efficiens earum, ut vis aut ignorantia, est *invita*.

II. *Violentum* seu *actio invita per vim* est, cujus principium est extra agentem, vel patientem, id est, voluntatem agentis, vel patientis, ut is, qui agit, vel patitur, nihil adjuvanti, ex propria quidem voluntate, conferrat actionem vel passionem: hæc descriptio est ipsius *Arist. ibid.* tota vero in eo consistit, ut vis ipsa sit agendi causa & principium extrinsecus accedens, id est, ita externum, ut, qui vim patitur, nihil opis operæve conferat ad id quod agit, imo ne consensum quidem: quin ut actioni resistat potius ac renitatur. Itaque, ut aliquid vi factum ac vere violentum censei possit, non sufficit ab externa id factum & profectum esse causa, sed ita oportet esse factum, ut ad illud nihil voluntatis contulerit is, qui per violentiam agere dicitur: Nam alioquin fieri possit, ut quis ab externa causa principioque fectatur, impellatur, deportetur, sed tamen libens ac volens, i. e. interiori causa, quæ voluntas est, ad motum illum impulsūque aliquid conferente, sc. consensum. *Aristor. l. 6. c. cit.* eleganter ad explicandum violentum proponit duas similitudines & exem-

pla earum rerum quæ vere per vim factæ dicendæ sunt: alterum est venti vehementissimi hominem nolentem, resistentem, repugnantem, auferentis & abspontantis: alterum eorum, qui à deminis, in quorum sunt & manu & potestate, sive ab aliis valentioribus & potentioribus, nolentes aguntur & impelluntur.

III. Notandum hic venit, *Violentum* opponi, & *spontaneo*, & *naturali*: cum *spontaneo* opponitur, tantum reperitur in iis, quæ agunt propter finem & propositum formaliter, i. e. cognitum ut finem: cum opponitur *naturali*, tam in rebus animatis quam anima carentibus reperiri potest. Priori modo & oppositione hæc à nobis sumitur: nam in rebus naturalibus potest esse violentia, in quibus, neque movens, neque id, quod movetur, habeat voluntatem: ideoque tale violentum tunc invitum nullo modo dici potest: ut, si vehemens ventus lapillum abripiat & sursum tollat, is motus est violentus, ut opponitur naturali, non item ut spontaneo: at, cum homo trahitur ex puteo, vel manus elevatur, motus item est violentus utrobique, sed violentiâ, quæ contrariatur nature, non voluntati, ideoque neutrobique actionem invitam facit.

IV. *Invitum per ignorantiam* explicari recte nequit, nisi primum varias ignorantie species ac distinctiones proferamus: quod ipse factitavit *Aristoteles l. 6. c. cit.* cujus & exemplum & ductum sequemur. Distinguit *Philosophus* inter *ignorantiâ*, quam comitatur & sequitur dolor ac *penitentia*, & inter eam, quæ nullum habet subsequentem dolorem ac penitentiam. Prioris ignorantie exemplum nobis exhibet *Oedipus*, qui per ignorantiam, & patrem occidit, & cum matre nuptias contraxit, ac rem habuit; quod cum cognovit, tam ingenti dolore tantaque animi penitentia est correptus, ut ipsi sibi oculos eruerit; *Atque hæc penitentia subsequuta, factum ejus utrinque, invitum reddit, offenditque ipsum, nec scivisse, quid fecerit, nec voluisse, quod fecit. Posterioris ignorantie exemplum est is, qui forte fortuna telo emissio inimicum occidit ignorans, sed re cognita, necem probet & factis*

latetur. Hæc ignorantia actionem talem non reddit invitam: (a) et si enim agens ignoraverit quid egerit, quia tamen facti eum non pœnitet, signum id est, ei non defuisse voluntatem: ideoque ejus actio non potest dici prorsus invita. Quid ergo? an fuerit spontanea? sed ne hoc quidem dici potest, cum in omni actione spontanea requiratur scientia. Quid igitur? egit & fecit talis, ut loquitur *Arist.* ὁ ἄνθρωπος, non volens, non sponte, quia voluntas non fertur in incognita; sed nec ἄνθρωπος, invitus, quia rem probavit & latatus est facto. Nimium, inter volentem seu spontaneum, qui dicitur ἄνθρωπος, & nolentem seu invitum, qui dicitur ἄλλος, tertium *Arist.* collocavit, qui dicitur ὁ ἄνθρωπος, nec volens & ὁ ἄλλος, nec nolens: spontaneus sive volens est, qui non modo sponte volens sed scienter agit: nolens seu invitus, qui per ignorantiam agit, voluntate non approbante actionem, ubi resciverit. (b) Non volens, qui faciens ignorabat quidem quod faceret atque adeo dici quodammodo posset involuntarius, cum voluntas sine cognitione esse non possit, invitum tamen fecisse dici non potest, quia factum jam cognitum lætitia comprobavit: quamvis enim hic etiam absque rei cognitione ac voluntate fecit, quia tamen à priori longe differt propter approbationem illam operis postea cogniti, suum, inquit *Philosophus*, debet habere nomen distinctum, ac dicitur proprie non volens, ὁ ἄνθρωπος, & ὁ ἄλλος, non nolens.

(a) Ergo dolor & pœnitentia, subsequentes actionem, tum denum eam reddunt invitam, quando hæc proficiscitur ex ignorantia antecedente, invincibili, particulari ratione objecti: non item quando sequitur actionem profectam ex ignorantia consequente, vincibili, vel in se, vel in sua causa, universalis ratione subiecti: ut cum aliquem pœnitet actionis commissæ ex ira aut ebrietate.

(b) Qui aliquid facit ignorans, quod tamen, postquam scivit, non est præter ejus voluntatem, is est quasi medium negationis, inter voluntarium & invitum, nam nec sponte agit nec invite: non sponte, quia absuit scientia, quæ requiritur in spontaneo: non invite, quia, postquam scivit, adfuit voluntas, quæ abesse debet ab invito.

V. Distinguit insuper *Philosophus* I. & c. cit. inter (a) agere ignorantem seu ignoranter, & agere ex ignorantia seu per ignorantiam. Ignorans seu ignoranter agit, qui tunc, quando agit, ignorat quidem, quid agat, sed tamen ignorantia illa non est præcipua causâ actionis, sed aliud quiddam, quo sibi ignorantiam acquisivit: hoc modo, quæ ab ebriis, iratis, aliave animi commotione perturbatis hominibus, fiunt, ab ignorantibus fiunt, verum ignorantia proprie non est actionis causa, sed ebrietas, ira, similisve animi perturbatio. Per ignorantiam seu ex ignorantia agere dicitur is, in quo ipsa ignorantia est causâ actionis, non aliud quid, quod ignorantiam invexit: hæc posterior reddit actionem invitam, prior non item. Hinc nata est *Aquinati* & *Scholasticis* usitata distinctio ignorantie in Antecedentem, Concomitantem, & Consequentem. Agere per ignorantiam est, agere ex ignorantia antecedente. Agere ignorantem est, agere ex ignorantia comitante ac consequente: (b) Antecedens ignorantia est, quæ est causâ ipsâ volendi & faciendi, quod quis aliquod nec vellet nec faceret, si sciret: hæc ignorantia reddit actionem invitam, si nec sit affectata, nec ex negligentia profecta, atque eam sequatur pœnitentia: hinc enim semper de invita actione judicium est ferendum. Exemplum ejus est, si quis venationis intentus post omnem diligentiam à viro prudenti adhibendam inter vepres aprum latere existimet, cum tamen amicus lateat, & hunc inscienter interficiat, aut si quis venenum det alteri putans se vinum dare, cum melius nescire potuerit. (c) Ignorantia concomitans est, cum quis ignorans aliquid facit, sed quod committeret nihilominus si sciret, & cum factum probat: cujusmodi fuit, qui lapide in canem coniecto novercam percussit, quam odio persequabatur, aut qui hostem occidit, quem esse hostem ignorabat, occisurus tamen, si scisset. Hæc ignorantia actionem non reddit invitam, quia eam non sequitur pœnitentia; neque tamen actio spontanea est, quia ignorata fuit, & ex inscientia commissâ, cum in spontanea requiratur scientia, ut *thef. 4. & disputazione præcedent. est dictum*: novo itaque nomine appellanda venit: & qui sic agit, dicitur agere non volens

volens *ἐκ ἰκτὸς* & non volens *ἐκ ἀκτὸς*. (d) Ignorantia consequens est, i. qua quis ignorans facit, sed ignorantia, quam ipse sibi conquistavit, quoniam non laborare potuisset, si voluisset; unde huius ignorantie ipsa ignorantis voluntas causa est, & ipsa ignorantia ab ignorante est, (ut cum Scholasticis loquamur) volita, vel explicitè vel implicitè. Cum quis expresse, explicitè, vult aliquid ignorare, dicitur ignorantia *affectata*, ut si quis nolit cognoscere præcepta vitæ rectè instituendæ, quo liberius peccet. Cum quis quidem non simpliciter ignorare voluit, sed ignorat tamen, quod scire poterat ac debebat, dicitur ignorantia *supina* vel *crassa*; quamvis nonnulli adhuc Ethici inter duas hæc distinguunt: *supinam* vocant, qua quis ex tadio laboris & industriæ negligit ea scire, quæ sui sunt muneris atque officii: *crassam*, qua quis gravissima focordia ignorat ista, quæ debent nosse universi; qualis est ignorantia juris communis: utraque *implicitè* est *volita* ab ignorante. Nulla ignorantia consequens, nec affectata, nec supina, nec crassa, facit *actum involuntarium*, quia ei, qui ignorare voluit, & ignorantiam, cum potuit, non exiit, per ignorantiam agere placuit: hinc nec veniam meretur, nec peccantem ex tali ignorantia excusat.

(a) Uterque, quo tempore agit, ignorat hoc quod agit, & is, qui Aristoteli dicitur agere ignorans seu ignoranter, & is, qui ipsi dicitur agere ex ignorantia, seu per ignorantiam; sed discrimen in eo est, quod in priori aliquid sit animi corporis vitium, quo ipse sibi causa est ignorantie suæ, qua laborat, cum agit: in posteriori nullum sit aut corporis aut animi vitium, quod ignorantiam invenerit in ignorantem: ideoque cum prior ignorantiam suam prævenire potuerit, quia potuit non laborare isto animi corporis vitio, quod ignorantiam introduxit, ideoque eius actio, quam ignorans seu ignoranter egit, non est invita, sed spontanea, aut saltem mixta: sed posterior, cum ignorantiam suam præcavere nequiverit, hoc quod ex ignorantia egit, egit invite.

(b) Ignorantia antecedens dicitur duplici modo, & quia antecedit actionem agentis, & quia antecedit voluntatem agentis: neque enim ignorat, quia voluit, sed præter & contra voluntatem suam ignorat. Res manifesta est in exemplis allatis in textu.

(c) Actio perfecta ex ignorantia concomitante, est medium negationis inter actionem spontaneam & invitam, quia nec spontanea est nec invita; non spontanea est, quia deest conditio spontanei, scilicet scientia: non invita est, quia deest conditio actionis invitæ, scilicet penitentia.

(d) Ignorantia consequens non sic dicitur, quasi ipsam actionem agentis consequatur; cum enim omnis ignorantia actionem ex se perfectam antecedit, nulla potest dici ipsam actionem agentis consequi: sed vocatur consequens, quia consequitur voluntatem agentis, qui ignorat hoc quod agit, quia voluit.

Ignorantia consequens dicitur non illa, quæ factum sequitur, aut actionem, nam tum non possit dici proficisci ab ignorante; sed dicitur talis, quia consequitur ipsam voluntatem ignorantis, id est, quando quis, qui ignorans agit, prius voluit ignorare id quod agit, ut, cum quis aliquid agit ignorans ex ebrietate, ignorantia quidem præcedit actionem; sed consequitur voluntatem ejus, qui sese inebriavit, & inebriando ignorantiam sibi contraxit, & invenit: hæc enim ignorantia, ejus voluntatem consequitur, ignorat enim, quia voluit: sed ignorantia antecedens dicitur, quæ & actionem præcedit, & voluntatem ipsam agentis, quando quis non tantum facit, quod ignorat, sed insuper scire non potuit, licet scire voluisset: unde de eo non licet dicere, ignorare, quia voluit, quia voluntas ejus non est causa ignorantie, nec aliquis, aut Animi, aut Corporis affectus, quem voluntario acquisivit, sed & voluntatem ipsam, & Affectum omnem antecedit.

VI. Refert Aristoteles adhuc aliam ignorantie distinctionem, l. 3. c. cit. Ignorantia ipsi est alia *ἡ κατὰ μέρος*, id est, rei universæ, alia *ἡ κατὰ τὴν ἰσχυρὰν*, id est, verum seu circumstantiarum singularium. Prior ibidem dicitur Philosopho *ἀγνοία ἐκ ἀπορρησίας*, ignorantia conjuncta cum electione agentis, quæ quis ignorat quia voluit ignorare, *ἡ ἀγνοία δὲ πάλυς*, ignorantia finis, *ἡ καλὴ*, honesta, *ἡ οὐ κατὰ φύσιν*, utilis. Latinis dicitur ignorantia ratione subiecti, estque eadem, quæ ignorantia consequens, quia subiectum ipsum i. e. homo qui agit ignorans est causa ignorantie; & (a) *juris universalis*, quia unusquisque ante suam actionem merito & jure tenetur scire, quid sit honestum, quid utile, quid inhonestum, quid inutile; nam

nam omnium hominum animis insculptæ sunt notiones honesti & inhonesti, ideoque unusquisque scire potest, quid sit bonum, quid malum; & *universalis* simpliciter, quia non circa unam actionis circumstantiam versatur, sed circa totam actionem: Nam qui ignorat finem suæ actionis, is errat circa totam actionem: hæc ignorantia non reddit actionem invitam, adeoque nec veniam meretur nec excusationem actio ex tali ignorantia profecta. Ignorantia ἡ κατὰ τὴν φύσιν Latinis dicitur ignorantia (b) rationi obiecti, est eadem, quæ ignorantia antecedit, quia causa ignorantie est ipsum obiectum quod præcisci non potuit; & *iuris particularis* ac facti, quia agens ignorat hoc jus particulare in quod peccat, & ignorat factum quod committit: utrumque sine sua culpa; & *particularis* simpliciter, quia ignoratur circumstantia aliqua singularis, vel personæ, vel loci, vel temporis, similivæ, quam tamen ignorans præcisci non potuit: exemplum ante fuit allatum in Oedipo. Hæc ignorantia, quia dolo caret, quia nostra nec culpa nec negligentia est genita, actionem reddit invitam, veniamque meretur actio & excusationem, si eam consequatur penitentia. Τὰ κατὰ τὴν φύσιν, singularia hic sunt Aristoteli, quæ Rhetoribus ἀκατακτά, Latinis Philosophis circumstantiæ appelluntur, in quibus actionis præcipua vis & bonitas ac malitia consistunt. Exe sunt, τίς, τί, τίς, ποῦ, πότε, πῶς, πῶς, πῶς. Scholastici comprehenderunt hoc versiculo: Quis, quid, ubi, quibus auxiliis, cur, quomodo, quando. Ex hiis duæ sunt primariæ, Aristoteli κατὰ φύσιν, res ipsæ quæ agitur seu obiectum & finis propter quem actio luscipitur: reliquæ sunt minus principales: omnes tamen actionem multis modis possunt variare, ideoque earum notitia agentis maxime est necessaria, & earum ignorantia, si ablit dolus ac malitia, actionem potest facere invitam: nunquam tamen finem possunt omnes ignorari, nisi forte agens mente sit captus plane & stultus, quod cap. cit. monet ipse Philosophus, qui fufius de circumstantiis ibi agit & videri potest.

(a) Jus universale nihil est aliud, quam principia generalia iusti & iniusti omnium hominum ani-

mis infita, & regulæ communes honesti & tur-  
pis, nulli mortalium ignorandæ.

(b) Ignorantia ratione objecti, seu juris particularis, ac facti aut circumstantiarum singularium, est ignorantia Antecedens: Ignorantia Ratione subiecti seu juris universalis aut Rei universæ, est ignorantia consequens.

VII. Post ignorantiae distinctiones ex *Aristotele* allatas & ad mentem ejus explicatas, aliae insuper videndae restant, à *Scholasticis* profferri solitae. (a) *ignorantia* est vel *theoretica*, cum ignoratur, an res sit, quid sit, qualis sit, vel *practica*, cum ignoratur, an res sit bona vel mala. *Invirtutum ex practica* non theoretica *ignorantia* judicandum est ac menturandum.

(a) *Cognitio Theoretica est cognitio veritatis; practica, bonitatis; ergo ignorantia theoretica est ignorantia veritatis, & ignorantia practica bonitatis. Quomodo enim Intellectus Theoreticus veritatem circa verum & falsum, Præficus circa bonum & malum, ita ignorantia Theoretica est, quæ nescitur, veritas aut falsitas, & Practica est, quæ nescitur bonitas aut malitia.*

VIII. (a) *Ignorantia* est vel *vincibilis* vel *irvincibilis*. *Vincibilis* est, cum ea quis ignorat, quæ poterat & debebat scire, sic dicitur, quia adhibito studio *vinci*, id est, superari atque expelli potest: hæc est eadem quæ ignorantia consequens. *Irvincibilis* dicitur, cum ea quis ignorat, quæ scire, nec poterat, nec tenebatur: sic dicitur, quia *vinci* nec potest nec debet: hæc est eadem quæ ignorantia antecedens: hæc *Jurisperiti* vocant *probabilem* vel *justam* ignorantiam, *vincibilem* vero, *improbabilem* vel *injustam*, quia leges, canones, & jura, *irvincibilem* ignorantiam approbant, alteram improbant, quia illa sine culpa, hæc mala fide contrahitur. *Irvincibilis* ignorantia, si non tantum in se, sed in sua causa, sit talis, reddit actionem irritam, si eam sequatur poenitentia: *vincibilis* minime.

(4) Dicitur Ignorantia invincibilis in se, quando eo ipso tempore, quo quis ignorat, quod agit, ignorantiam istam vincere atque tollere nequit, ut quando quis nimia ira abreptus ignorat, quod agit, nec pro illo tempore ignorantiam exuere valet, quia iam deponere e vestigio nequit: at tamen ista ignorantia est vincibilis in sua causa, quia

quia potuit in tantum non irasci, ut sibi talem ignorantiam compararet.

Ignorantia Invincibilis in sua causa dicitur, quando non tantum quis ignorat, quod facit, quod pro praesenti tempore scire non poterat, sed quod nec ante scire potuit, sic ut nulla causa ignorantia fuerit in ignorante.

IX. (a) Denique, ignorantia est alia prava dispositionis, alia pure negationis, alia privationis. Prima est, cum alicujus intellectus falso judicat: tunc enim, quia non solum ignorat, sed errat, dicitur prave dispositus, i. e. male affectus. Secunda est, cum quis non habet notitiam, nec eam habere potest, nec debet: dicitur vulgo *nescientia*: sic rusticus ignorat res Mathematicas. Tertia est, cum quis caret notitia rei, quam nosse potest ac debet, ut si iudex aliquis nesciat leges, quas ratione officii scire debebat. Haec dicitur *privatio*, quia privatio est alicujus formae absentia in subiecto, quod potest ac debet eam

habere. Ignorantia secunda facit actionem invitam, item prima, si error in se aut suis causis ab ignorante praecaveri non potuit, ac subsequatur actionem poenitentia: si contra, nec prima, nec tertia ignorantia invitam reddere actionem valet. Sed de ignorantia & invito in universum jam satis.

(a) Ignorantia, vel negat apprehensionem simplicem mentis, quando quis ignorat ipsas voces, & terminos simplices, quae est ignorantia pura negationis, & Antecedens: vel negat veritatem operationis complexae mentis, seu conjunctionis, & divisionis, & vulgo dicitur Error, estque, qua quis cognitis terminis simplicibus, & vocibus, sub iis erroneum format de rebus intellectus iudicium; estque haec Ignorantia, vel pravae dispositionis, vel privationis: utraque consequens, si is, qui ignorat, ignorantiae suae causa est.

Ignorantia pura negationis est, cum quis ignorat, quod nec potuit nec debuit scire: privationis cum debuit scire: pravae dispositionis cum potuit scire.

## DISPUTATIONUM PRACTICARUM

## S E P T I M A,

## D E

## ACTIONIBUS MIXTIS.

## T H E S I S I.

Aristotelis l. 3. Ethic. ad Nicomach. cap. 1. ductum secuti, exposuimus disputationem praecedenti §. & 6. actionis humanae differentiam, qua alia est spontanea seu voluntaria, alia invita seu involuntaria, tum per vim, tum per ignorantiam: sed dum in hisce explicandis versatur Philosophus cap. cit. geminam sibi objectionem proponit, unam prima cap. cit. parte, alteram postrema. 1. Quærit, An, quæ actiones suscipiuntur per metum, vel evitandi scilicet alicujus mali, vel consequendi summi alicujus boni, causa, sint spontaneæ vel invitæ? veluti, ut exemplo Philosophi utamur, si tyrannus aliquis mandaverit alicui, ut turpe quippiam faciat, quod nisi fecerit, fore, ut & ipse & liberi occidantur: vel, si mercator obor-

ta tempestate pro salute sua & aliorum ad exonerandam navem projiciat merces suas in mare: vel, si quis promittat latroni certam pecunie summam pro redimenda vita: de his & similibus actionibus respondet Philosophus, mixtæ esse, id est, mixtæ sunt quidem hujusmodi actiones, sed magis tamen similes voluntariis. Unde de mixtis actionibus disputandi ansa Ethicis est arrepta. 2. Quærit Philosophus, An quæ actiones ex ira, cupiditate, alioque animi affectu ac perturbatione sunt vehementiori, sint ac dici debeant invitæ? quod negat ibidem Aristot. rationibus in medium allatis. Nos de utraque questione hac disputatione breviter agemus, & tum casus

T t t t

quosdam



quosdam morales huic materiæ affines proponemus.

II. Primam quod spectat questionem, *Actiones ex metu profectas, ex spontaneo & invito esse mixtas, magis tamen spontaneas, quam invitas dicendas*, tribus probat rationibus *Philosophus, l. 3. c. cit. §. 1.* Quarum actionum fines & circumstantiæ sunt positæ in nostra potestate, eæ magis sunt spontaneæ dicendæ quam invitæ. Sed actionum talium, ex metu proficiscientium, fines &c. Ergo, &c. §. 2. Quarum actionum principia & causæ sunt in ipso agente, eæ magis sunt spontaneæ quam invitæ. Atqui talium actionum, ex metu proficiscientium, principia &c. Ergo, &c. §. 3. Quas actiones sequitur laus vel vituperium, pœna vel premium, eæ magis sunt spontaneæ quam invitæ. Atqui id genus actiones sequitur laus, &c. Ergo, &c. Probat minorem *Arist.* instituta divisione actionum mixtarum in quatuor species, quas deductas sua serie in *textu cap. citati* videre est.

III. Sed hic de modo loquendi existit inter *Scholasticos* quæstio : *an tales actiones debeant dici simpliciter invitæ & secundum quid spontaneæ, an contra secundum quid invitæ & simpliciter spontaneæ?* nam diversimode hic loquuntur : Nos omnium optime existimamus loqui, qui actiones à metu profectas *simpliciter spontaneas* vocant, & *secundum quid invitæ* : unumquodque enim *simpliciter* dicitur esse secundum id, quod habet hic & nunc, omnibus circumstantiis ponderatis : at quod fit ex metu, hic & nunc, omnibusque circumstantiis consideratis, est spontaneum : eligitur enim à voluntate ad evitandum majus malum : sicut projectio mercium in mare eligitur ad evitandam mortem. Ergo &c. *Dices : Philosophus* disertis verbis *l. 3. Eth. c. 1.* aliter loquitur : inquit, *Spontanea igitur hujusmodi sunt*, (quæ sunt ex metu) *simpliciter vero invitæ, quippe cum tale quippiam per se eligat nemo.* Resp. removenda est vocalæ (*simpliciter*) ambiguitas : appellat enim his verbis *Philosophus* invitum *simpliciter*, quod est involuntarium nude, secundum suam naturam, atque in se spectatum, abstrahendo à circumstantiis : hoc sensu dicit ea, quæ sunt ex metu, esse *simpliciter* in-

vita : nos vero spontaneum seu voluntarium, *simpliciter*, accipimus pro eo, quod est voluntarium perfecte, & efficaciter, & omnibus circumstantiis consideratis : & sic certe sunt spontaneæ aut voluntariæ actiones ex metu profectæ. Sed ut omnis removeatur scrupulus, notandum venit, n' *simpliciter*, quando applicatur spontaneo aut voluntario ex metu profecto, tripliciter posse usurpari : primus sensus est, ut denotet illud, quod ita est voluntarium, ut nihil includat aut contineat de invito, ut cum tribuimus Deo esse perfectum *simpliciter*, intendimus illi negare omnem imperfectionem ; & sic non dicimus ea, quæ ex metu sunt, esse voluntaria *simpliciter* : secundus sensus est, ut *simpliciter* dicatur voluntarium seu spontaneum, id, quod plus habet de spontaneo quam de invito : uti dicimus, hoc *simpliciter* melius est illo, licet in aliquo excedat, aut ut *Æthiops* dicitur *simpliciter* niger, qui tamen secundum dentes est albus, quia albedo dentium respectivè ad totum corpus nulla est : sic nos hic dicimus spontaneum aut voluntarium *simpliciter*, quod ex metu proficiscitur : tertius sensus est, ut, quæ sunt ex metu, dicantur voluntaria *simpliciter*, id est, secundum se & independentè à circumstantiâ imminenti mali, quod metuitur, quo sensu libenter concedimus, non esse dicenda *simpliciter* voluntaria aut spontanea, quæ ex metu sunt, quia plerumque non nisi ob solum metum talia sunt.

IV. Secundam quod spectat questionem, *Aristoteles cap. cit. actiones ex ira aut cupiditate, vel alia animi perturbatione profectas, aut esse spontaneas & non invitæ, ac varias profert ejus assertionis rationes, quas resolvemus. §. 1.* Si quæ ab ira vel cupiditate proficiscuntur, sunt invitæ, non spontanea, Ergo nec pueri nec bruta quicquam agent sponte, quia ex cupiditate, aut ira, aut ex alio fere affectu agunt. Posterius est absurdum. Ergo & prius. Verum enim vero, hæc *Arist.* ratio ac ratiocinatio, non videtur mihi stringere : nam quod absurdum reputat, non est tale : non enim est absurdum, ut & bruta, & pueri ante rationis usum, nihil dicant sponte agere, quia non sciunt



sciunt *in 198<sup>o</sup> 199<sup>o</sup>*, singulares circumstantias: bruta enim ratione carent quascirent, pueri ejus usum nondum exerunt: sed nec invite agunt: verum non sponte, non invite, ac sunt medium negationis inter sponte & invite agere. §. 2. Ratio *Arist.* longe est melior. Si, quæ ex ira fiunt aut cupiditate, vel ex simili affectu, sunt invita, hoc debet intelligi, vel de omnibus omnino ejusmodi actionibus, vel de quibusdam tantum, puta, de turpibus & inhonestis. Neutrum dici potest: non potest intelligi de omnibus: quia quasdam actiones tales esse spontaneas ac voluntarias, nempe honestas, extra omne est dubium: v. c. decet expetere ac cupere res laudabiles & bonas, sc. famam, valetudinem, scientiam, &c. decet irasci improbis, Deum blasphemantibus, &c. At quæcunque decet facere, ea sunt spontanea: nec potest intelligi de quibusdam tantum ejusmodi actionibus, sc. de turpibus & inhonestis: nam quare magis de hisce quam illis dici debet quod sint invite, cum tam in turpibus & inhonestis, quam licitis ac honestis actionibus, ex ira, cupiditate, &c. profectis, voluntas sit causa? §. 3. Quæcunque invita sunt, ea molesta sunt. At ex cupiditate manantia facta non sunt molesta, nec ægritudinem sed voluptatem adferunt. Meminit *Aristoteles* in hac tertia ratione solius cupiditatis: at vero eadem est ratio iræ: nam & iratus gaudet vindictam sumere de inimico. §. 4. Ratio *Aristotelis* est obscurior: sed videtur hoc syllogismo concludi posse. Sponte facti & invite facti, vis & effectus hic est, quod alterum vitari possit, alterum non item: invite facta vitari non posse, certum est. Sponte facta vitari possunt, quia ea quis facere potest & omittere. Atqui tam quæ ex ira & cupiditate sunt vitari possunt quam quæ ex ratione recta. Ergo. §. 5. Quæ hominis ex se sunt propria, non sunt invita. Atqui ira & cupiditas sunt propria homini, sicuti & facta ex iis manantia. Ergo. Dices, ad Minorem: An non ira & cupiditas etiam bellus competit? Resp. Proprium hic intelligimus, non quod soli homini, sed quod omni convenit, atque ex natura sua. Atqui ira & cupiditas sic sunt propria hominis: nam animus hominis in tres

quasi partes multis dividi solet, in rationem, iram, cupiditatem. Alii hanc rationem *Aristotelis* postremam sic formant. Nulla actio invita prorsus debet dici humana, i. e. ut homo sit ejus Dominus. Sed actiones ex ira, aut cupiditate, aut simili affectu proficiscentes, sunt humanæ. Ergo, &c.

V. Gemina quaestione, quam ex *Aristotele* proposueramus, decisa, nunc casus quosdam morales proponemus hisce quaestionibus affines, ac primum de actionibus ex metu, mox de actionibus, ex cupiditate, ira, aut simili affectu, profectis. Ut casus circa actiones ex metu profectas resolvamus feliciter, præmittenda est multiplex metus distinctio. Metus, qui nihil est aliud quam affectus appetitus irascibilis ortus ex apprehensione mali vel imminētis vel probabiliter venturi, dividitur multis modis. (a)

1. Alius est *justus*, alius *injustus*. 2. Alius est *probabilis*, alius *non probabilis*. 3. Alius est *levis*, alius est *gravis*. 4. Alius est *cadens in virum constantem*, alius *non item*. Metus justus, probabilis, gravis, cadens in virum constantem, est unus idemque, sed variis nominibus appellatur: dicitur *justus*, quia eum & actionem ex tali metu profectam leges excusant, quamvis contra eas committatur; *probabilis*, quia eum jura approbant; *gravis*, quia est alicujus magni ac jam instantis periculi; *cadens in virum constantem*, quia est metus, quem etiam solent habere viri constantes ac fortes, & qui suæ constantiæ ac fortitudinis laudem non amittunt, etsi quippiam ex tali metu agant: contra se habet res in metu opposito.

(a) Metus justus nititur ratione recta, i. e. justa, probabilis, gravi, & quæ deceat virum constantem ac fortem: quali metu justo omnes homines metuunt naturaliter mortem: Metus injustus nititur ratione erronea, i. e. injusta seu sine causa, ratione improbabili, levi, & quæ non cadit in virum constantem & fortem: ita pueri metuunt larvas.

VI. Queritur §. 1. An omnia mala metu justo & cadente in virum constantem sint metuenda? Resp. Non. Quenam igitur? Resp. Justus est metus, mortis corporalis, amittendæ libertatis per servitutem aut captivitatem,

verberum, carceris, stupri, omniumque corporis cruciatum. §. 2. *An metus, quo quis timeat amittere omnia bona temporalia sit justus?* Resp. Ita: quia ea sunt necessaria ad vitae conservationem & communes usus. §. 3. *An metus sit justus si quis timeat amittere majorem partem bonorum temporalium?* Resp. Ita: quia est metus gravis & grandis mali. §. 4. *An metus infamiae ac dedecoris sit justus?* Resp. Ita: quia fama est bonum majus bono fortunae: ergo, si hujus, etiam illius, est justus metus. Distinguunt tamen hic *Casuiſtæ* inter infamiam facti & juris: hujus metum esse justum, illius non item asserunt. §. 5. *An metus excommunicationis aut exilii sit justus?* Resp. Ita, si excommunicatio & exilium sunt injusta: quia gravius utrumque est malum dedecore aut bonorum temporalium jactura. §. 6. *An metus sit justus, quo quis tenetur ex suo precedenti delicto, aut ob causam justam accedentem?* Resp. Communis *Casuiſtarum* opinio tenet cum non esse justum. §. 7. (a) *An mala facta ex metu cadente in constantem virum excusentur in totum vel ex parte?* live; An culpa careat malum, quod fit ex metu gravioris mali & ad illud evitandum? Resp. Mala, quae sunt ex se & ex natura sua peccata, nullo metu excusari: ideoque non licet mentiri, nec ullum omnino peccatum committere, metu mortis. At mala tristitia possunt committi ex metu & excusari, si sint minora, & ad majus malum tale evitandum. §. 8. (b) *An mala metu mortis commissa contra legem aliquam humanam, justam peccati excusationem mereantur?* Resp. *Casuiſtæ* plerique affirmant: quia etsi leges humanæ habeant potestatem jubendi, quod cum mortis metu est conjunctum, non tamen semper ejusmodi obligationis onus imponunt. §. 9. (c) *An metu mortis commissa mala contra legem divinam particularem scriptam, quam vocant positivam, quales olim tum forenses tum ceremoniales dedit populo Judaico Deus, ob peculiares causas, mereantur excusationem?* R. Ita: quia Ceremonia est res adiaphora: nisi violatio legis sit cum contentum fidei aut religionis, aut in scandalum & offensionem aliorum. §. 10. (d) *An votum vel juramentum factum in naufragio, peste, bel-*

lo, &c. cum metu imminetis mortis juramentum vel votum, valeat atque obliget? Resp. Valere atque obligare, quia est metus non ab homine incussus, sed ortus ex causis naturalibus secundum ordinem, à sapienti prescriptum Deo, agentibus. §. 11. (e) *An promissa, vel pacta, vel obligationes, vel contractus, metu in virum constantem non cadente, i. e. injusto & sine ratione, facti, valeant?* Resp. Esse irrita & non valere: adeoque in specie, matrimonium per metum initum sine ratione, ac juramento etiam confirmatum, non obligare: Atque idem dicendum, de sponsalibus metu factis jurejurando confirmatis: si metus sit justus, sunt rata & valent, ut in casu 10. Circa actiones ex ira aut cupiditate perfectas hæc questio moveri solet à *Casuiſtis*. §. 12. *An ira vel cupiditas &c. voluntarium ex parte minuat?* Resp. Ita: nam sunt quidem voluntaria, sed minus, quam si absque ira vel cupiditate, &c. ex plena rationis deliberatione & voluntatis electione fierent: affectus enim isti sæpe rationem ac voluntatem in suis actibus perturbant.

(a) Malum est, vel turpe, sive culpa, vel triste, sive poenæ: prius est peccatum, ut mentiri, posterius est supplicium, ut Dedecus, & verbera &c.

(b) Duo hic dicuntur, 1. quod leges humanæ possunt jubere, id, quod cum mortis metu conjunctum est, ut, si quis militum præfectus jubeat huic aut illi istam adire stationem, ex qua certus sit metus mortis, quo casu miles obligatur ob stipendia, quæ meret. 2. casus incidere potest, ut quis non obligetur legibus humanis, quando aliquid cum metu mortis præsentis est conjunctum, ut, cum quis metu mortis, quam intentat à tergo insequens latro, & aliter evadere non potest, moenia transnatat, quod aliquin à magistratu est vetitum; in tali casu lex magistratus de non transnatandis moenibus non obligat.

(c) Lex divina particularis scripta & positiva dicitur, quam Deus dat Populo peculiari ob peculiares causas, uti erant olim Leges forenses, & Ceremoniales datæ Populo Judaico.

(d) Ratio responsionis est, quia talis metus justus est, nititurque ratione recta, cadique in virum probum ac constantem, ideoque quod ex tali metu promittitur, votetur, vel juratur, obligat: atque ideo judicamus votum Jephthe tempore belli, quod gerebat, factum de eo immolando,

lando, quod primum sibi redeunt obviā veni-  
ret ex janua ædium suarum, ipsum obligasse,  
etiāsi primum egressa fuerit propria filia.  
(c) Quod ex metu iusto sit & cadente in virum con-

stantem, illud promissum, pactum vel factum,  
non est irritum: sic non licet matrimonium sol-  
vere ob metum exheredationis, aut vitæ amit-  
tendæ, si illud jam sit initum.

## DISPUTATIONUM PRACTICARUM

## OCTAVA,

DE INTELLECTU PRACTICO,  
& RECTA RATIONE.

## T H E S I S I.

IN Disputationum harum serie, primum  
exposuimus finem Philosophiæ practicæ  
ultimum, summum hominis in hac vita bo-  
num, mox finis ultimi consequendi medium,  
præterea, actionem humanam, liberam, sponta-  
neam, disp. 5. eique oppositam, invitam, disp. 6.  
&, inter hanc & illam, interjectam seu medi-  
am, quam mixtam vocavimus, disp. 7. Nunc  
actionis spontaneæ, seu liberæ, seu humanæ,  
principia paulo plenius sunt consideranda,  
quæ sunt hic practica non theoretica, quod  
th. 7. disp. 5. est promissum. Actiones sponta-  
neæ sunt actiones imperatæ, ut th. 5. disp. 5.  
fuit indicatum: harum principia sunt, actio-  
nes elicitæ & facultates, à quibus eliciuntur.  
Eæ, vel ad rationalem animam pertinent,  
suntque, intellectus, voluntas, liberum arbi-  
trium, & actiones singulorum, vel pertinent  
ad animam sentientem, in quantum rationis  
aliquo modo in homine est particeps, utpote  
quæ rationali animæ conjungitur, ac subor-  
dinatur, & ab ea regitur ac gubernatur, sunt-  
que, (a) appetitus sensitivus, ejusque motiones,  
sive affectus. De hisce, sequitur Disputatio-  
nibus, agere est decretum, ac jam quidem de  
intellectu, prout nostro instituto instituto; ne-  
que enim omnia, quæ de intellectu disputari  
solent ac possunt, hic congeremus, ut, *An  
& quomodo ab anima rationali differat? an sin-  
gularia, & quo ordine, priusne quam univer-  
salia, intelligat? an sit geminus ac distinctus,  
agens & patiens?* hæc omnia explicanda sunt  
in *Physicis*. Nobis & nostro instituto convenit  
hæc unica intellectus divisio, qua dividi solet  
in *speculativum & practicum*, quam, missis  
omnibus aliis de intellectu disputari solitis,

hac Disputatione nos proponemus atque expo-  
nemus.

(a) Appetitus sensitivus & Affectus spectantur, vel  
ut sunt in Homine, vel ut sunt in Bruto. Poste-  
riori modo, nec per essentiam, nec per partici-  
pationem, sunt Rationales: Priori modo, non  
sunt quidem Rationales per essentiam, sic enim  
Rationalis est sola Anima intellectiva homi-  
nis; attamen Rationales sunt per participatio-  
nem, quatenus subsunt Regimini & Imperio  
Animæ Rationalis.

II. (a) Intellectus in se i. e. in essentiâ suâ  
quidem est *simpliciter* & simplex, sed tamen  
ratione finis & objecti, seu ratione actionum  
diversos fines ac diversa objecta habentium,  
dividi solet in *speculativum & activum*,  
*θεωρητικὸν καὶ πρακτικόν*, quæ divisio est ipsius  
*Aristot.* l. 3. de Anima c. 9. text. 49. ubi  
videantur Commentatores: eam etiam expli-  
cat Zabara l. de facult. Animæ c. ult. Intel-  
lectus dicitur *theoreticus*, qui res intelligit  
& contemplatur, ut nudam rei veritatem  
cognoscat, ut tantum sciat, quæ ac qualis  
sit cujusque rei natura, proprietates, opera-  
tiones, &c. (b) *Practicus*, qui res intelligit  
& apprehendit, non eo fine, ut nudam rei ve-  
ritatem cognoscat, in eâ cognitâ acquiescat,  
nihil ulterius intendens, quam perfectam ha-  
bere rei naturam, proprietates, operationes &c.  
sed verò qui ideo cognoscit, ut, quod cognos-  
cit, agatur ac fiat, ideoque ulterius sese exe-  
rit, consultando, deliberando, quomodo  
quid fieri possit: utrum hi intellectus distin-  
guantur ratione, quod Thomistæ cum Thoma p.  
1. quæst. 79. art. 11. volunt, an realiter, quod  
Zabarella vult loco citato, non multum refert:

quicquid sit, uterque intellectus in eo convenit, ut intelligat, cognoscat, speculetur rem objectam; sed differunt, ut *Philosophus loc. cit.* bene dicit, *scilicet*; quod theoreticus in nudâ rei objectæ & veritatis cognitione subsistat, practicus non item, sed hic à rei & veritatis speculatione progreditur ad consultationem & deliberationem, ut quid agendum sit, sciat, ideoque cognitionem ordinat ad motum & opus atque operationem. Hæc finium diversitas oritur ex diversitate objectorum: nam intellectus theoretici *objectum* sunt res divinæ, sempiternæ scilicet. quoad speciem non quoad individua, necessariæ, quæ cum ab homine fieri nequeant, frustra intellectus aliquid præter earum cognitionem intenderet: contra, intellectus practici *objectum*, sunt res humanæ, variabiles scilicet. quoad individua, non quoad speciem, contingentes, quæ ab homine fieri possunt vel non fieri, ideoque non est frustra, si intellectus post earum cognitionem acceptam, de productione earum & actione insituenda, cogitet, consulat, deliberet. Verum enim vero, ut natura intellectus, tum theoretici, tum præsertim practici, penitus intelligatur, de utriusque objecto, paulo uberius agemus.

(a) Quia est facultas animæ rationalis, quæ ipsa indivisibilis est, ac simplex, propter naturam suam immaterialem, & quantitatis carentiam.

(b) Intellectus dicitur practicus, non, quasi ipse aliquid agat, nam tantum intelligit; sed quia ipse iudicat, quid sit agendum, & voluntati id atque facultatibus inferioribus præscribit.

III. *Objectum* est, circa quod res operando versatur: id, circa quod intelligendo occupatur intellectus, tum theoreticus, tum practicus, est vel *principium* scilicet. complexum, & cognoscendi, non essendi, vel *conclusio*: *principium* vocamus, propositionem per se notam, cuius veritatem homo per se se ex naturâ suâ, sola terminorum perceptione, sine ulla institutione aut syllogismo, cognoscit: & vocatur axioma, talia principia sunt in disciplinis theoreticis, sunt item in practicis: in theoreticis, tum Metaphysicâ, tum Mathematicâ, tum Physicâ, v. c. *Nihil potest simul esse & non esse, Totum est majus sua parte, Si æqualia addas æqualibus tota erunt æqualia. Nihil potest esse à seipso*, &c. in pra-

cticis, ut, *Deum esse colendum, Parentes esse honorandos, Quod tibi non vis fieri id alteri ne feceris*, &c. *Conclusiones* sunt enunciationes, quas homo ex principiis illis deducit per ratiocinium, vel inductionem, vel syllogismo, quæ ex sola verborum cognitione cognosci nequeunt, sed quarum cognitio vi discursus gignitur: tales conclusiones sunt in disciplinis theoreticis omnia *theoremata*, deducta ex principiis theoreticis: tales conclusiones sunt in practicis omnia *præcepta* de agendo, deducta ex principiis practicis: imo totæ disciplinæ nihil sunt aliud quam habitus geniti ex talium conclusionum complexu: nempe, cum intellectus cognoscit atque assentitur omnibus conclusionibus physicis, deductis per discursum, inductionem, vel syllogismum, ex principiis physicis, jam in eo existit habitus Physicæ: pariter cum intellectus cognoscit atque assentitur omnibus conclusionibus de agendo, deductis ex principiis practicis, jam in eo existit habitus practicus, qualiscunque tandem ille fuerit. Circa principia & conclusiones theoreticas versatur intellectus theoreticus; circa principia & conclusiones practicas versatur intellectus practicus.

IV. Ex principiis practicis deducit intellectus practicus conclusiones practicas, (a) *solo lumine naturæ. Naturale intellectus iudicium* de conclusionibus practicis deductis ex principiis practicis, vocant Philosophi *rectam rationem*: huic rectæ rationi, huic tali de conclusionibus talibus iudicio naturali, quicquid est conforme, bonum est: & omnia in universum de virtute præcepta, huic naturali iudicio practico, huic rectæ rationi innituntur: in hoc iudicio, in hac ratione rectâ, fundantur leges omnes: & de hac ratione intelligendum est illud, *Ratio est animæ legis. Ethica, Politica, Oeconomica, Jurisprudentia*, super hac ratione rectâ, super hoc iudicio practico, de conclusionibus practicis ex principiis practicis factis; sunt extractæ, quia ex (b) lumine & lege naturæ sunt depromptæ: ab hoc fundamento tota *Philosophia practica* dependet: hoc ignorato aut non bene intellecto, de virtutis ac honestatis studio erroneè foveantur sæpe ac pronuntiantur sententiæ.

(a) Lumen

(a) Lumen naturæ vocatur in Philosophia iudicium intellectus, quod absque revelatione, fide, aut speciali gratia, profertur de rebus, quale etiam cecidit in Ethnicos: hoc autem cum fertur de rebus agendis, vocatur recta ratio, quia est actus rationis practicæ, quo recte riteque iudicatur de bono & malo, honesto & turpi, iusto & iniusto, quid sit sequendum, quid fugiendum.

(b) Lumen naturæ & lex naturæ, aut plane sunt idem, aut tantum in eo differunt, quod lex naturæ dicatur de ipsis principiis practicis; lumen naturæ dicatur iudicium, quod fertur de conclusionibus, quæ ex illis principiis deducuntur.

V. Ratio hæc recta, naturale hoc iudicium, ex principiis practicis natura notis haustum & acceptum, etiamnum in homine ac post lapsum superest: Nam reliquit Deus in animis hominum etiam post lapsum reliquias discriminis inter honestum & turpe; Et, qui nullam rationem rectam, qui nullum naturale iudicium rectum in homine, etiam post lapsum, de rebus civilibus & actionibus moralibus, non spiritualibus aut supernaturalibus, superesse volunt, illi gravissime errant, & Scripturis adversantur, & Philosophiam eripiunt, & omne discrimen honesti & turpis, cordibus hominum tamen insitum, tollunt: quid ergo? an, quid sit honestum, quid turpe, homo scire non poterit, nisi per revelationem ex scripturis? an igitur Ethnici omnes hoc discrimen ignorarunt? nihil minus. De rebus fidei, de iis, quæ pertinent ad æternam salutem, fatemur lubenter, nullam superesse in homine post lapsum rationem rectam, nullum rectum iudicium esse reliquum: sic omnis ratio cæca est, omne iudicium intellectus inimicitia adversus Deum: at in naturalibus, moralibus, civilibus, rectam rationem superesse ac iudicium rectum, & vita & scripta tot Ethnicorum nimis quam manifestum reddunt. Geminus hic cavendus est error: errant, qui rationem rectam, naturale intellectus iudicium, faciunt normam credendorum, mensuram dogmatum & articulorum fidei: errant, qui rationem rectam, naturale intellectus iudicium, rejiciunt circa dogmata & conclusiones solo naturæ lumine ex suis principiis deductas: hic sane superest recta ratio, rectumque intellectus ac naturale iudicium, norma, mensura, regula

sciendorum & agendorum, quod qui non agnoscunt, omnem pariter Philosophiam, theoreticam & practicam, ipsamque naturam naturæque lumen poscibunt. Fons erroris, in huius rationis rectæ & iudicii naturalis, circa res naturales, civiles, & morales, hostibus, est, quod naturam ita opponant gratiæ, lumen naturæ lumini fidei, librum naturæ libro scripturæ, legem naturæ legi revelatæ, conclusiones deductas ex principiis naturæ conclusionibus revelatis, quasi posterius semper tollat vel neget prius: qui sane non capiunt, quid Philosophi intelligant per rationem rectam, veritatis & honestatis naturalis matrem. Nempe, ut simul & semel dicam: Recta, nobis in Philosophia, ratio, (a) est iudicium naturale intellectus, ex principiis natura notis, juxta legem ac lumen naturæ, de rebus naturalibus; civilibus, moralibus, de promptum. Hæc recta ratio, circa principia & conclusiones theoreticas, vocatur theoretica, quam missam facimus: circa principia & conclusiones practicas, vocatur practica; ea nostri est instituti & huius loci.

(a) Uno verbo, recta dicitur ratio, non quæ expers est peccati originalis & incorrupta, ut volunt Sociniani, sed quæ caret in iudicando & ratiocinando præiudiciis atque affectibus, & iudicat ac ratiocinatur juxta præcepta iudicandi & ratiocinandi in Logicis præscripta.

VI. Quando & quoties dicimus, aliquid esse rationi rectæ conveniens, ideoque bonum, rationem rectam hoc vel illud docere, istud vel aliud esse agendum, juxta rectam rationem, hoc volumus significatum, aliquid esse agendum, esse justum, esse bonum, quia, vel est principium practicum natura notum, vel est conclusio ex tali principio recte deducta: hoc enim iudicium de tali principio vel de tali conclusione, est ratio recta. Errant itaque, qui putant rectam dici rationem, aut animam rationalem, aut intellectum, quia in nulla re erret, quia non salatur ullo modo: si enim hoc sensu recta diceretur ratio, in nullo homine foret recta ratio, non tantum in rebus fidei, sed ne in civilibus quidem: nam quis est hominum, etiam sapientissimorum, etiam doctissimorum, qui non sæpiusne erret ac fallat.



fallatur, non in rebus tantum fidei sed & civilibus ac moralibus naturalibus? & omnis saltem homo errare ac falli potest. Quare non eo sensu ratio recta dicitur, sed alio, quem satis nunc exposuimus.

VII. Rationis practicae de rebus agendis, aut intellectus practici de actionum bonitate vel malitia morali, duplex est *judicium*; vel *absolutum* vel *comparatum*: *absolutum* est, quo aliquid in se, seorsim, ac separatim spectatum, judicatur, bonum vel malum, faciendum vel fugiendum: *comparatum* *judicium* est, quo aliquid aliis rebus collatum, omnibus circumstantiis expensis, nunc, hic, huic, bonum vel malum, faciendum vel fugiendum judicatur: hæc *judicia*, *absolutum* & *comparatum*, multum inter sese variant: imo interdum pugnant: Nam sæpiissime evenit, ut quod quis judicavit intellectus practici *judicio* *absoluto* esse bonum ac faciendum, id comparato rescindat, judicetque esse malum ac fugiendum, & contra, quod *judicio* *absoluto* judicavit esse malum ac fugiendum, id comparato judicet esse bonum ac prosequendum: & hinc est lucta ista & pugna sæpe rationis secum: qualis est in incontinentibus &

continentibus; in utrisque ratio fluctuat judicando de voluptatibus; in illis succumbit, in hisce superat cupiditates. Istius fluctuationis & luctæ, inter *judicium* rationis practicae *absolutum* & *comparatum*, *Medea* nobis reliquit exemplum, dum ait:

— *Videor meliora proboque,  
Deteriora sequor.* —

Judicat *judicio* *absoluto* bonum esse, ut *Jas-nem* non sequatur, comparato tamen illud rescindit, & judicat omnibus expensis circumstantiis, melius esse, ut sequatur: quod deterius erat & pessimum, nempe *ne* sequi *judicio* *Medea* *absoluto*, hoc melius & bonum judicatur ab ea, *judicio* comparato. Quando *judiciam* intellectus *comparatum* ac non amplius fluctuans sequitur electio, tum vocatur *ultimum*: alii vocant *dictamen ultimum*; sc. quod in omni actione deliberata, post omnes expensas circumstantias, pronuncietur ab intellectu practico *judicium*, est *ultimum* illud dictamen, quod electio sequitur. Sed de electione voluntatis in Disputationibus sequentibus agetur: nunc hæc exposuisse sufficiat de *intellectu practico ac ratione recta*, principio actionis humanæ, spontaneæ, liberæ.

## DISPUTATIONUM PRACTICARUM

N O N A,

# DE VOLUNTATE.

T H E S I S I.

Cum de Spontaneo fuit disputatum, illud *Disp. 5. th. 2. ex Arist. Eth. l. 3. c. 1.* definivimus, id, *cujus principium est in agente sciente singula, in quibus actio est.* Qua definitione, duo exigi in actione spontanea à Philosopho, indicavimus, *scientiam* & *principium internum*: per *scientiam* intelligi *judicium intellectus practici*, per *principium internum* intelligi *voluntatem*, *th. 3. & 5. disp. cit.* ostendimus: Sunt enim *intellectus* & *voluntas* duo humanarum actionum, omnisque in iis (licet nunc cum Scholasticis *Богъ Божіев*) spontaneitatis principia. De *intellectu*, quantum satis est, egimus *disp. 8. præcedente*. De *voluntate* nunc & seq. *disp.* agemus: non tamen omnia consi-

deraturi, quæ de ea disputari possunt, sed ea tantum allaturi, quæ ei, tanquam spontaneæ humanæque actionis principio, competunt, Ethicæque instituto sufficiunt: exponemus vero varios ejus actus, *objectum*, *motivum*.

II. *Actus* voluntatis dividi solent in *elicitos*, & *imperatos*: *elicitus* voluntatis actus dicitur, qui proxime, & immediate, à voluntate producitur per seipsam & recipitur in ipsa, ut, *velle, nolle, amare, odisse, &c.* dicitur *elicitus*, quia in voluntatis potestate contentus & quasi latitans, foras ab eâ educitur atque elicitur. *Imperatus* dicitur voluntatis actus, qui à voluntate proficiscitur, ministerio & operafacultatis (a) inferioris, cui voluntas (b) imperat,



rat, ut talem actum producat: Hic actus *im-  
peratus* non recipitur neque inharet in volun-  
tate, sed in ea facultate, à qua proxime proce-  
dit, ut sunt, *videre, loqui, ambulare, &c.*

(a) Seu Animæ sentientis: nam in operationes Animæ vegetantis nullum est Intellectus aut voluntatis imperium; nam nec crescimus, nec nutri-  
mur, nec bene valeamus, cum volumus, aut  
judicamus esse crescendum, nos nutriendos, aut  
bona valetudine esse utendum: sed videmus, &  
nos loco movemus, & appetimus, &c. cum  
volumus, & judicamus ita esse faciendum.

(b) Imperium voluntatis, uti & Intellectus Practi-  
ci in Actiones Animæ sentientis, sive Imperatas:  
estque vel generale seu Implicitum, vel speciale  
seu explicitum. Generalis dicitur, quod in ge-  
nere fertur circa Actiones Imperatas, quatenus  
nullæ exercentur, quin resolu: possint in hoc  
Imperium, quod includunt, involvunt, atque  
implicant, unde implicitum dicitur; si quis  
enim rogetur, cur V. G. toties & tam cito digi-  
tos impulsu Citharæ moveat, dicet, quia volo, &  
judico sic esse faciendum: non quod ad singu-  
los motus digitorum singula intercedant Imperia  
Voluntatis & Intellectus specialia atque ex-  
plicita, quasi qui Citharam pulsant ad singulos  
pulsus cogitet, ego volo pulsare & judico pul-  
sanda Citharam, sed sufficit Imperium Volun-  
tatis & Intellectus Generale atque Implicitum.

III. Actus voluntatis elicited *subdividitur*  
in βύλησι & ἀποβύλησι vocabula sunt græca  
Aristot. latine possunt dicere, in *appetitionem*  
(Scholastici dicunt *volitionem*) & *electionem*  
seu *præelectionem*. Βύλησι, appetitio, est velle  
quoddam ἀποβύλησι, quod fit absque præ-  
via deliberatione: hoc modo appetimus &  
volumus finem ultimum, quo cum nihil me-  
lius proponi possit voluntati, fertur in eam  
voluntas, ut cum Philosopho loquar l. 3. *Eth.*  
ad Nicom. c. 3. ἀποβύλησις, id est, sine  
deliberatione: non appetit finem ultimum  
voluntas ἀβύλησις, sine prævio (a) iudicio,  
attamen ἀποβύλησις, sine præcedanea de-  
liberatione: sic quoque appetimus media,  
quæ necessario cum fine sunt conjuncta, & ea,  
quæ aut fieri plane non possunt, aut per nos  
saltem fieri nequeunt: ut, cum appetimus  
immortalitatem in hac vita, quam ut hic  
consequamur, quamdiu corporis carcere te-  
nemur conficti, fieri nequit: vel etiam,  
cum appetimus ut hic vel ille pugil vincat,

quod per nos fieri nequit προαίρεσις *electio*,  
est velle quoddam βύλησις, ut iterum cum  
Philosopho loquar, quod sequitur præceden-  
tem deliberationem: hoc modo volumus  
media, & non cujuscvis generis media, sed ea,  
quæ sunt in nostra potestate, & quæ non ne-  
cessario cum fine sunt conjuncta: nam sicuti  
circa finem non deliberamus, ita nec delibe-  
ramus circa media, quæ extra nostram pote-  
statem sunt collocata.

(a) Quando Veritas alicujus Enunciationis est ita  
clara, ut Intellectus convincatur. E. G. totum  
est majus sua parte; at Bonitas Rei tam est ma-  
nifesta, ut intellectus eam statim dignoscatur, &  
judicet esse appetendam: E. G. Deum Cole-  
tum existit in nobis iudicium sine deliberatio-  
ne, sed verò cum veritas Enunciationis non est  
tam clara, aut Bonitas Rei non est tam mani-  
festa, iudicium, quod de utraque fertur, exigit  
præviā deliberationem.

IV. Actus voluntatis elicited *circa finem* tres  
vulgo recenseri solent: totidem *circa media*.  
Circa finem, *velletas* (a) vel *volitio*, *intentio*,  
*fructio*. Circa media, *electio*, *consensus*, vel *ac-  
quiescentia usus*, hæc actuum voluntatis elici-  
torum tum circa finem, tum circa media, di-  
visio, Scholasticis est usitata, & ab Aquinate  
in 1. 2. questione 8. adfertur & seq. fusius ex-  
plicatur: ubi videri possunt ejus *Commentatores*,  
qui hanc divisionem ut probent, duplicem  
præmittunt hypothesin. 1. est, Bonum, quod  
voluntati offertur, vel ut finem expeti, vel ut  
medium, sive id, quod ad finem nos ducit.  
2. est, (b) Bonum esse honestum, jucundum,  
utile. Hoc igitur fundamentum ponunt. Bo-  
num, quod est finis ac propter se expetitur,  
est honestum vel jucundum: Bonum, quod est  
medium & propter finem expetitur, est utile.  
Hinc sic procedunt. Bonum, quod est finis, po-  
test trifariam expeti. 1. simpliciter, ut est quid  
honestum aut jucundum, quod per se & pro-  
pter se voluntati placet ac lubet: sic circa bo-  
num versatur *velle*; vel ut amant loqui (c)  
Scholastici, *velletas*. 2. Bonum quod est finis,  
appeti potest, tanquam finis & terminus  
aliorum, quæ ejus gratia expetuntur: ac tunc  
expetitur finis, ut per aliud quid obinendus:  
& hunc voluntatis actum vocant Scholastici  
(d) *intentionem* seu *volitionem*. 3. Potest expeti  
bonum, quod est finis, tanquam aliquid, in

quo voluntas acquiescat, & ex quo voluptatem ac fructum capiat, qui voluntatis actus vocari solet, (e) *Fruitio*. Hæc versatur circa finem in executione: at 2. priores actus versantur circa finem in intentione. Bonum, quod est medium, & utile, tribus modis etiam voluntatem occupat, & circa id triplici modo versatur voluntas, vel eligendo, vel consentiendo, vel utendo. *Electio, Scholasticis*, Latinis Interpretibus Aristotelicis, qui sic vocantur, quia Scholas & Academias omnes impleverunt, est, boni alicujus ab & in voluntate acceptio ex rationis consilio, prout conducit ad finem consequendum, (f) *Consensum*, complacentiam, vocant, quo voluntas bonum utile à ratione præscriptum & acceptum comprobatur, in eo acquiescit. (g) *Uusus* est actus voluntatis, quo tale bonum & medium adhibet ad finem consequendum.

(a) Scholasticorum nonnulli, primum voluntatis actum circa finem, vocant velleitatem, & secundum volitionem, quæ tum eadem est cum intentione à ratione volitionem eandem faciunt cum velleitate & ab intentione distinguunt, uti & nos.

(b) Divisio boni in honestum, jucundum & utile, non est divisio generis in species, quasi semper ista inter sese sint distincta, uti species semper inter se distinguuntur, nam eadem res potest esse bonum, honestum, jucundum, & utile, uti virtus, quæ & honesta est, quia rectæ rationi est conformis; & jucunda, quia magnam animo voluptatem adfert; & utilis, quia est medium ad obtinendum summum bonum, sed est divisio subiecti per adjuncta.

Bonum honestum est, quod propter se expeditur, & Rationi Rectæ est congruum, vocaturque Morale, estque Homini proprium. Jucundum est, vel quod expeditur propter voluptatem, nec semper rectæ Rationi est congruum, estque Homini cum Brutis commune, vel est ipsa voluptas.

Utile est, quod propter aliud expeditur, ad quod dirigitur, & conducit, & non semper rectæ Rationi est congruum, & Homini cum Brutis commune. Honestum & Jucundum sunt finis; Utile est Medium.

(c) Velleitas dicitur actus voluntatis imperfectus, suspensus, ac semipennis, quo vult finem non volitis mediis: ita piger vellet eruditionem, ut finem aut bonum, honestum aut jucundum, non tamen vult laborem: sic omnes homines, etiam nequissimi, vellent esse beati, non tamen volunt virtutes, sine quibus beatus nemo esse potest.

(d) Intentio seu volitio eruditioris non cadit in pigros, quia non expetunt eruditionem, ut finem per labores obtinendum, sic nec improbi volunt beatitudinem, aut eam intendunt, quia illam non expetunt, ut per virtutes obtineant.

(e) Fruitio versatur circa finem in executione seu circa bonum obtentum; velleitas & intentio, seu volitio, circa finem in intentione, sive circa bonum intentum; sic fruitur quis eruditione jam acquisita, & summo bono jam possessio, circa quod utrumque nondum possessum verlabatur velleitate, atque intentione seu volitione.

(f) Consensus proprie est intellectus, uti & dissensus, ita ejusdem est comprobare, uti & improbare: melius vocassent Scholastici hunc voluntatis actum, complacentiam, quia medium est rationis consilio præscriptum, ipsi complacet, & in eo acquiescit.

Consensus proprie pertinet ad Intellectum, ideoque hic magis commodum est vocabulum (Complacentia) quando voluntas in medio, aut bono utili, sibi per intellectum monstrato, acquiescit, & sic quasi comprobatur Judicium Intellectus, & ei complacet.

(g) Maxime debent distinguere hæc duo vocabula, frui & uti: nam fruiur fine, utimur mediis; sic fruimur Deo, tanquam fine ultimo, utimur creaturis, tanquam mediis ad Deum cognoscendum & colendum destinatis, & in eo omnis ratio peccati consistit, quod fine utamur, & mediis fruamur: sic peccat avarus, quando fruatur divitiis, cum in iis ut fine ultimo acquiescit; item ambitiosus peccat, cum honoribus suis fruatur, quando in iis ejus voluntas acquiescit, quia hæc duo sunt media, quibus deberet uti ad Deum glorificandum, quo solo tanquam fine ultimo frui debemus.

V. Actuum voluntatis divisiones, prout *Ethico* sufficit, jam allatas & explicatas, sequitur explicandum ejus *objectum*: hoc est bonum vel malum. Circa bonum versatur, volendo, id est, appetendo, prosequendo: circa malum, nolendo, i.e. averfando, fugiendo: circa utrumque, tum bonum, tum malum, utrumque actum suspendendo, sc. vel non volendo, vel non nolendo. Ex hac actuum voluntatis circa bonum & malum varietate, manifestum est, actus voluntatis oppositi, vel contrarii, sc. velle & nolle, amare & odire, vel contradictorii, sc. velle & non velle, nolle & non nolle, amare & non amare, odire & non odire, hinc arripita est occasio Scholasticis distinguendi liberta-

indifferentiam voluntatis, quam dixerunt esse, vel *specificationis* sive *contrarietatis*, vel *exercitii* seu *contradictionis*. (a) Libertas seu indifferentia contrarietatis vel specificationis (quæ duo vocabula idem significant) cadit inter volitionem & nolitionem, ut loquuntur illi, Latinus, inter prosecutionem & fugam, sive inter amorem & odium, qui actus oppositi sunt contrarie & specie differunt, quia objecta, bonum, quod prosequimur, amamus ac volumus, & malum, quod fugimus, odimus ac nolumus, opponuntur contrarie & specie differunt. Libertas seu indifferentia contradictionis & exercitii (quæ duo vocabula idem quoque sonant) cadit inter volitionem & non volitionem, seu inter prosecutionem & non prosecutionem, inter amorem & non amorem, inter nolitionem & non nolitionem: seu inter fugam & non fugam, inter odium & non odium, nam velle & non velle, nolle & non nolle, exercere actum, vel volendi, vel nolendi, & non exercere, opponuntur contradictorie.

- (a) Libertas Contrarietatis, seu specificationis, cadit inter duos Actus veros & positivos, uti sunt, amare & odisse, velle & nolle, sed Libertas contradictionis, sive exercitii, cadit inter Actum & Negationem Actus, ut, inter amare & non amare, velle & non velle, odisse & non odisse, nolle & non nolle.

VI. Circa *objectum* voluntatis, tum bonum, tum malum, quæstio solet institui ab Ethicis: *An voluntas possit ferri, amando, volendo, in malum, ut sic, qua tale, sub ratione mali, & fugiendo, nolendo, in bonum, ut sic, qua tale, sub ratione boni?* Pertractat eam quoque questionem *Aquinas in sum. pr. sec. quæstio. 8.* Nos cum ipso utrumque negamus, dicimusque, voluntatem, nec bonum, qua bonum, posse odisse, nolle; nec malum, qua malum, posse amare, velle. Non diffitemur, quin possit voluntas velle malum & nolle bonum: quia potest ferri, amando, volendo in bonum apparens, quod cum in se sit malum, non bonum, quia tamen apparet bonum, ut tale, appetitur: sed aliud est & longe diversum, amare, velle, malum, qua malum (cum ista reduplicatione) ut sic, sub ratione mali, & odisse, nolle, bonum qua bonum, ut sic,

sub ratione boni: illud est, velle malum; quod intellectus scit & iudicat scilicet iudicio ultimo, esse malum, hoc est, nolle bonum, quod intellectus scit & iudicat scilicet iudicio ultimo, esse bonum: hoc utrumque Voluntati est impossibile. *Aristoteles* uique adeo hoc sibi persuasit, ut *Ethicarum* rerum tractationem ab hoc, seu immoto ac certissimo principio, inchoaverit, lib. 1. *Eth. ad Nicom. cap. 1.* Omnis, inquit, *ars, & disciplina, itidem ac electio, bonum aliquod appetere videtur: quapropter bene Veteres dixerunt, bonum esse quod omnia appetunt.* Et, voluntatem non posse ferri volendo, amando, in malum quatale, ipsa docet experientia: nemo enim intendens ad malum operatur, ut habet vetus & tritum dictum: quin ipsi Dæmones ac perditissimi homines, cum Deum blasphemant, aliaque gravissima committunt flagitia, sub ratione tamen boni, sc. apparentis, hoc agunt atque appetunt, ut de Deo scilicet, miseri, vindictam capiant: sic, qui sibi necem inferunt, mortem appetunt, sub ratione boni, ut scilicet careant cruciatu & miseria, & hoc est bonum illis apparens: sed ratione insuper hoc confirmari potest. Objectum voluntatis in volendo est bonum, sicut objectum intellectus in assentiendo est verum: sed intellectus non potest assentiri falso, quod falsum esse iudicavit, novit: Ergo nec voluntas potest appetere malum, quod malum esse ratio iudicavit, novit: Certe, nulla facultas potest ferri extra (a) sphaeram suæ activitatis seu extra suum objectum: atqui objectum voluntatis in volendo est bonum. Ergo extra bonum volendo, tendere non potest, sed intra boni sphaeram volendo continere se debet, verum nec voluntatem posse ferri nolendo in bonum qua bonum, facile probari potest. Oportet enim objectum cuiusque potentiae & actui esse proportionatum: atqui bonum potentiae nolendi & nolitioni non est proportionatum: nam potentiae nolendi actus seu nolitio est averlatio & fuga quædam: at nemo averlatur aut fugit bonum qua bonum. Ergo & voluntas non potest tendere nolendo in bonum qua bonum.

- (a) Sphæra activitatis dicitur circulus, intra quem terminatur alicujus actio.

VII. Unicus adhuc restat scrupulus, ex præced. thesi natus, ubi diximus, Voluntatem ferri volendo non tantum in bonum verum, sed & in apparens. Queritur, *An obiectum voluntatis, respectu actus, qui est vel le, recte dicitur, bonum etiam apparens?* Resp. omnino. Nam satis est in genere ad appetitionem, ut obiectum appetitus, seu inclinationis alicujus, sit consentaneum & conveniens rei aut facultati appetenti, secundum illam formam, quam appetitus ipse aut inclinatio sequitur. (a) Sed, uti appetitus naturalis sequitur formam naturalem rei, sic appetitus rationalis seu voluntas sequitur formam apprehensam, h. e. notitiam objecti, quæ intentionalis quædam forma objecti dicitur; quemadmodum esse intellectum, esse volitum, vulgo vocatur, forma rei intellectæ, & forma rei volitæ. Ergo, sicut ad appetitum naturalem requiritur & satis est, ut obiectum sit conveniens secundum formam rei naturalem, ita ad rationalem appetitum satisfieri, ut obiectum sit conveniens & bonum secundum apprehensionem & intellectiorem, seu judicium rationis: sive igitur bonum vere sit tale quale apprehenditur & appetitur, sive non sit tale quale apprehenditur & appetitur, nihil refert: ac licet in se sit malum, ut furari, modo ut bonum apprehendatur & intelligatur, ac judicetur, jam appeti potest, volendo illud, quia habet formam seu rationem formalem & appetibilem, quæ est, quod cognoscatur ac judicetur à ratione, ut bonum, quemadmodum fit in fure, cujus rationi furari apparet bonum. Quæ de obiecto & actibus voluntatis ulterius disputari possunt ac solent ab Ethicis, ea in annexis ex-

hibemus corollariis: *motivum voluntatis explicaturi* disp. sequent.

(a) Appetitus Naturalis dicitur, quo appetitur Res ab appetente ante non cognita, ita gravia appetunt moveri deorsum; huic opponitur Appetitus elicitus, quo aliquid appetitur jam ante ab appetente cognitum, estque vel sensitivus, qui cadit in Bruta, vel Rationalis, qui est solius Hominis.

### A N N E X A.

1. *An divisio actuum in elicitos & imperatos solis actibus voluntatis conveniat?* N.
2. *An imperare facultatibus inferioribus sit actus voluntatis solius, an rationis tantum, an utriusque?* Resp. utriusque, sed rationis, remote ac mediate, & per voluntatem, voluntatis, proxime & immediate, ac per seipsam.
3. *An omnes actus voluntatis ad tres illos circa finem & totidem circa media, Th. 4. recensitos, possint reduci?* A.
4. *An Voluntas eodem actu non possit moveri ac tendere in finem ac media?* N.
5. *An detur voluntatis actus neuter, qui nec sit finis nec mediorum?* N.
6. *An volitio sit tantum, impossibile ex accidenti, & non simpliciter impossibile?* N.
7. *An intentio finis cadat in bruta?* N.
8. *An fructio tantum sit finis ultimi?* A.
9. *An fructio sit finis ultimi, habendi, an habiti?* Resp. habiti.
10. *An electio tantum sit mediorum, & nunquam finis?* A.
11. *An consensus non sit potius actus intellectus quam voluntatis?* N.
12. *An usus sit tantum mediorum & non finis ultimi?* A.

## DISPUTATIONUM PRACTICARUM DECIMA,

# DE MOTIVO VOLUNTATIS.

### THESIS I.

**T**Ria proposuit Disputatio præcedens capitula de Voluntate disputanda: *actus, ob-*

*jectum, motivum.* Duo priora executi sumus, tertium nunc exequemur. Per moti-

voluntatis intelligimus id, quod voluntatem movet, quod eam velle facit, quod illam de potentia traducit ad actum, ad volendum; causam ejus actus, & velle: fatemur quidem objectum esse ex parte causam volendi, sed tamen non est plena causa volendi: modum enim objectum voluntatem ex non-agentem non reddit agentem; (a) est enim voluntas potentia cæca, quæ nescit, quomodo in objectum tendere debeat: quare opus est alio præter & ultra objectum motivo. Atque hoc vulgo faciunt intellectum. Quæritur, an recte? & quousque? Hoc igitur in questione est: *An intellectus voluntatem moveat ad volendum? seu, An voluntas moveatur ab intellectu ad volendum?* & quousque? Ardua sane est questio & multis perplexitatibus involuta. Nos eam distincte pertractabimus: quod ut fiat, certa ab incertis sunt distinguenda, & status controversiæ recte est fingendus.

(a) Voluntatis dicitur potentia cæca, quia ipsa non intelligit, & ut hoc vel illud velit, rectè vel malè, eget ductu intellectus, quia est voluntas tanquam oculus, quemadmodum Cæcus in via ducitur per oculum videns.

II. §. 1. Extra controversiam est, dici posse, quod voluntas eatenus movetur ab intellectu, quatenus voluntas natura sua talis est potentia, ut, nisi intellectus ipsi ostendat objectum, in hoc ipsa ferri non possit, nam ignoti nulla cupido. §. 2. Extra controversiam est, (a) objectum; secundum esse reale, quod habet extra animam, non concurrere effective ad actum voluntatis, quali objectum efficiat actum voluntatis; principium enim effectivum volitionis est ipsa voluntas, quæ propriè & per se vult, volitionemque elicit. Hæc certa sunt, nunc incerta videamus. §. 3. Quæritur ergo, quomodo objectum concurrat ad volitionem, ad actum volendi? Resp. Objectum potest dici concurrere, vel formaliter, vel finaliter, ad actum voluntatis: formaliter, quatenus dat actui voluntatis speciem, i. e. quatenus. Actum voluntatis in certâ specie collocat, nam ab objecto est, non tantum, quod actio voluntatis sit simpliciter (sine objecto enim nec esset nec esse posset) sed & quod sit talis vel talis: Et hoc est quod Scholastici vulgo sic efferunt. *Actus voluntatis ab*

*objecto, tanquam à principio formali externo speciem sumunt:* Objectum enim extra actum est, & inter circumstantias actionem specificantes potissimum ac primum tenet locum:

(b) finaliter potest dici concurrere objectum ad actum voluntatis, quatenus, per modum finis, vel subordinati, vel ultimi, voluntati proponitur, & voluntas ab objecto ad agendum, movetur, excitatur & impellitur: non tamen semper objectum per modum finis in voluntatem agit, (c) sed tum demum, quando voluntatem movet, excitat, impellit; ad media aut actiones circa media, quia finis non est finis, nisi respectu mediorum. §. 4. Quæritur, quomodo ipsa cognitio objecti concurrat ad actum voluntatis, an etiam effective, an alio modo? Atque hic in tres abeunt sententias Philosophi. (d) Nonnulli cognitionem objecti effective concurrere asserunt, ad actum voluntatis; tum quoad exercitium, ut scilicet eliciatur, cum antea non eliceretur, tum quoad specificationem, ut scilicet sit hujus aut illius speciei: sed vero hæc sententia mihi quidem non placet: sic enim intellectus intelligendo vellet: At intellectus non vult, sed voluntas: Ergo cognitio, actio intellectus, non concurrat effective ad volitionem. Alii volunt, cognitionem objecti concurrere quidem effective ad actum voluntatis, quoad specificationem ejus, non autem quoad exercitium, sic enim est à sola voluntate. Sed contra: ne specificationis quidem actionis in voluntate, quod sit talis aut talis, est à cognitione objecti, sed ab ipso potius objecto, vel formaliter, vel finaliter, causante actum voluntatis, ut, pro ratione objecti diversa, diversa sit speciei actio voluntatis, & vel hæc vel alia. Nos ergo sentimus, notitiam judicativam objecti esse tantum conditionem vulgo, sine qua non, requisitam, tum ut objectum, secundum suum esse reale, possibile, apprehensum, concurrat, seu formaliter, seu finaliter, ad actum voluntatis, tum ut ipsa etiam voluntas effective eliciat suum actum & actum talem tanquam sufficiens principium ejus; sufficiens, dicimus: non quod Dei induxum excludamus, sed sufficiens in suo genere. Verum, ut distincte hoc totum negotium: ob o-



culos ponamus. Voluntatem *effective* ad volendum movet *Deus* tanquam causa prima, influens in voluntatem & ejus actionem, concursu, tum previo, tum simultaneo: (e) *Voluntas* à Deo mota (non enim est primum se movens, sicuti nulla quoque creatura) *effective* concurret ad suam volitionem, & vult. *Objectum* voluntatem movet ad volendum, non *effective*, sed, vel formaliter, vel finaliter, & excitando eam ad volendum: & volitionem specificando: *cognitio objecti* movet voluntatem ad volendum tanquam *conditio sine qua non*, agitque in voluntatem moraliter. (f) Hæc jam sunt certa.

(a) Rebus tribuitur *duplex esse*, unum Reale, quod in se habet, quo sunt id, quod sunt, & possident proprietates Naturæ suæ convenientes. Alterum, *Objectivum*, quod obtinent in mente Hominis, quatenus ab illo intelliguntur, quod vulgo vocant *esse intelligibile*, V. C. Cibus aliquod habet esse Reale in se, in quantum est nutrimentum Hominis vitæ conservandæ destinationi, quod vocant esse reale Cibi; idem dicitur habere *objectivum esse*, quatenus à mente, seu Ratione, intelligitur, ut bonum, quod est conveniens vitæ sustentandæ.

(b) Quia enim objectum voluntatis est bonum, & bonum ac finis reciprocantur, si proponatur ei ut bonum, etiam ei proponitur ut finis: nam omne bonum seu verum seu apparens finis est, seu subordinatum seu ultimus, vel in suo genere vel absolute.

(c) Ex thesi quarta disputationis præcedentis apparet, voluntatis actiones quasdam esse circa finem, quasdam circa media: velleitas, intentio seu volitio & fructio habent quidem pro objecto finem, non tamen per modum finis, quia finis voluntatem in istis actionibus non movet, est enim objectum terminativum tantum ibi, non motivum; sed electio, consensus, actiones voluntatis circa media, ad volendum media, moventur à fine, habentque pro objecto finem etiam, sed non tantum ut terminativum, ut & motivum objectum.

(d) Illud, dicitur *effective* concurrere ad aliquem Actum, quod illum Actum facit, quemadmodum ignis *effective* concurret ad Calorem, quia Calorem facit; at Intellectus non facit volitionem, sed ipsa Voluntas.

(e) Illud dicitur primum se movens, quod à nullo priore movetur, *estque solus Deus*, qui ut est Ens primum ita quoque est causa prima; omnis autem creatura, ut est Ens à Deo, ita quoque à

Deo movetur, antequam sese moveat, *In Deum enim sumus, movemur, vivimus.*

(f) Moraliter illud agit, quod agit per Rationes, hortando, dehortando, suadendo, dissuadendo, &c. Diabolus fuit causa lapsus primi Parentis, nam insuit ei, ut ederet de fructu vitæ.

III. Sed hic quaeritur, *Qualis cognitio objecti requiratur ad voluntatis actionem, ut voluntas ad volendum moveatur?* Nam variae sunt actiones intellectus, quod est notum. Est 1. simplex quædam objecti apprehensio. Est 2. compositio & divisio; ubi *judicium* invenitur, & quidem geminum: unum *simplex*, quo intellectus simpliciter judicat objectum esse bonum vel malum; alterum *comparatum*, quo intellectus, quod objectum præcedenti *judicio* judicavit esse bonum vel malum, judicat esse vel amplectendum vel fugiendum: (a) estque hoc *judicium comparatum*, vel *ultimum*, quod omnino circumstantiis consideratis atque expensis fertur ac pronuntiatur, vel *non ultimum*, quod contra. Est 3. discursus, seu syllogismus practicus, quo intellectus tale dictamen concludit. Atque hic jam incidit quaestio, *An præter qualemcumque notitiam, & præter apprehensionem simplicem objecti, requiratur alia insuper cognitio bonitatis in objecto, ut voluntas moveatur? an requiratur judicium, quo intellectus judicet objectum esse bonum vel malum, salutare vel noxium, jucundum vel molestum.*

(a) *Judicium* dicitur *ultimum*, non quod postremum est, in hac vita, & fertur paulo antemorem, sed quod in omni Actione deliberata post omnia alia fertur postremum.

IV. *Sunt qui solam notitiam objecti simplicem sine ulla compositione aut divisione sufficere existimant, ut voluntas moveatur ad volendum: & probant.* Quia appetitus sensitivus potest moveri circa objectum suum etiam per (a) æstimatoriam illud non apprehendatur sub ratione boni aut mali: Ergo & voluntas poterit moveri ab objecto suo licet intellectus illud non proponat sub ratione boni aut mali, sed sufficit, si tantum simpliciter cognoscat; quemadmodum hoc in brutis sufficit,



ficat, & in pueris, & in amentibus, qui multa appetunt, nec tamen ducuntur ratione. Resp. Negamus simpliciter, nullum brutum appetere aliquid appetitu sensitivo, nisi illud fuerit ab æstimatoria primum judicatum, ut bonum ac conveniens: in pueris vero & amentibus non est quidem deliberatum intellectus judicium, aliquod tamen est de bonitate & convenientia objecti; alioqui concipi non potest quemodo velint. Sed vero aliquod semper præcedere intellectus judicium de convenientia objecti, antequam in illud feratur volendo & ad illud volendum moveatur, voluntas, & *Arist.* testimonio & ratione probatur. *Arist. testimonium* extat l. 3. de *Anim.* t. 46. ὁ δὲ πρῶτος νόμος τῆς ψυχῆς ἐστὶν ὅτι τὰ καλὰ καὶ ἀγαθὰ ἐκείνη οὐκ ἐκείνη ἀποφασίζει, ἀλλὰ διὰ τὴν φύσιν αὐτῆς ἐκείνη ἀποφασίζει. Intellectus speculativus nihil eorum que sub actionem cadunt contemplatur, neque dicit omnino quicquam, an sit fugiendum, an prosequendum. Quod si intellectus speculativus non moveat, ergo opus est intellectus practici judicio. Ratio etiam pro hac militat sententia: Nisi objectum enim voluntatis cognoscatur sub ratione boni, nondum ostenditur voluntati objectum suum proprium, quod est bonum: voluntas namque est potentia cæca, egetque demonstratione & ostensione objecti sui ut in illud tendat: debet autem demonstrari & ostendi tale, quale esse debet: at debet esse bonum: Ergo ut bonum ostendi debet & demonstrari: ostendere autem & demonstrare est intellectus: Ergo debet intellectus ostendere & demonstrare voluntati objectum ejus esse bonum. An potest intellectus illud facere simplici mentis apprehensione. Ergo requiritur judicium, compositio ab divisio: nam bonum, ut bonum, sub ratione boni, cognoscere, ac voluntati proponere, sine judicio fieri nequit.

(a) *Æstimatoria facultas in Bruto dicitur sensus ille internus, quod judicat bonum esse prosequendum, & malum esse fugiendum; postquam enim vel bonum, vel malum, sensibus externis est perceptum, ab interno judicatur atque æstimatur, esse vel appetendum, vel fugiendum: quæ facultas id judicat, dicitur æstimatoria.*

V. Sed queritur ulterius, *An præter simplex judicium de bonitate objecti requiratur præterea intellectus judicium comparatum: ulterior quidam rationis practice actus, qui imperium solet Scholasticis dici, ut voluntas moveatur, actumque volendi exerceat?* Nos quidem sic opinamur, salvo aliter sentientium judicio: ac primum nostra sententia fundatur in *Aristotele*, cujus verba ex 3. de *Anima* text. 46. jam th. 4. citavimus. Dicit, intellectum speculativum nihil dicere; quid sit fugiendum vel sequendum: at neque intellectus practicus hoc dicit simplici judicio, quo tantum judicat rem esse bonam vel malam, ergo comparato hoc dicit judicio: at ut voluntas moveatur & velit, non tantum debet res judicari bona vel mala, sed præterea debet judicari, quæ res ex bonis, cui, quando, &c. sit sequenda, quæ res ex malis, cui, quando, &c. sit fugienda. Deinde fundatur nostra opinio in ratione. Nam, ut voluntas moveatur & velit, requiritur sufficiens objecti cognitio facta ab intellectu, qua posita, voluntas, (a) necessarii ex illa hypothese, siue conditione, necessitate hypothetica, eliciat suum actum; quia alioqui ferretur in incognitum. Atqui illa sufficiens cognitio objecti non est judicium simplex de bonitate aut convenientia objecti. Ergo ulterior actus rationis præter illud intellectus simplex judicium requiritur: Major probatur ex connexionione intellectus & voluntatis, & utriusque actus, quæ tanta est, ut ad prosequendum libere objectum, hæc potentie sint quasi colligatæ, ut neutra illarum sine altera alteriusve societate deliberata objectum attingat: & si absque mutua dependentia voluntatis & intellectus, situm est in voluntate, sequi vel non sequi intellectus judicium, fieri posset, ut voluntas temere & quasi casu hoc objectum prosequeretur, quod nunc forte fortuna prosequitur: nam ex parte intellectus nulla tum foret peculiaris ratio, nulla propria causa, propter quam voluntas jam id prosequatur, alias non prosequatur, cur actum suum nunc eliciat circa objectum, alias non. Minor vero, quod judicium intellectus simplex non sit sufficiens cognitio objecti, ut voluntas moveatur & actum suum eliciat, facile probari potest: Voluntas dicitur potentia cæca: & quare? nempe, quia oportet

oportet illam ab intellectu sic duci, ut ex parte intellectus possit assignari ratio & causa peculiaris cur ducatur, i. e. cur velit. At vero ex parte simplicis apprehensionis & ex parte iudicii simplicis non potest assignari propria ratio & causa, cur voluntas moveatur potius quam non moveatur. Ergo præter ista adhuc amplius iudicium requiritur, sc. comparatum atque ultimum, quod vocant *imperium*: quod quidem imperium in actus voluntatis elicitos, in ipsam volitionem, intentionem, electionem, &c. non tam facile in nobis animadvertimus, quam quidem ejusdem intellectus imperium in facultates inferiores earumque actiones, quia plus deliberamus circa media, quæ inferiores facultates usurpant, & executioni mandant, quam circa, quosdam saltem, voluntatis actus elicitos: nam volitionem, intentionem, alioque voluntatis circa finem actus elicitos, non antecedit ista, aut tanta, deliberatio, cum sæpissime subito determinemur per imperium mentis in voluntatem ad volendum finem vel intendendum. Atque ut hoc negotium clarissime percipiatur, notandum hoc est sedulo: Cur utraque potentia moveatur circa objectum, intellectus imperando, voluntas volendo, non possumus aliam causam priorem assignare in ipso homine, quam ipsam harum potentiarum naturam, quæ sic est instituta utrimque, ut practice, i. e. effective, possint hæc potentie prosequi suum objectum vel etiam non prosequi; altera imperando, altera appetendo; in quo tota hominis libertas est sita. At vero, si voluntas per se spectetur, i. e. sola absque intellectu, eorum illa moveatur, quando movetur, non potest alia ratio reddi quam ex parte intellectus, quando quidem voluntas est potentia cæca, ideoque tendere non potest in objectum nisi ab intellectu ei præmonstratur: atqui ut præmonstratur, debet sufficeret & ut objectum voluntatis præcognosci; non præcognoscitur sic, per simplicem mentis apprehensionem, nec per mentis iudicium simplex, quod jam est demonstratum. Ergo per intellectus iudicium comparatum, (b) per dictamen syllogismi practici, quod *imperium* vocamus, & *iudicium ultimum*, vulgo impe-

rium practicum, aut etiam practice practicum.

- (a) Necessitas Hypothesica dicitur, quæ aliquid necessarium est ob conditionem positam, quod extra eam necessarium non esset: Ita necessarium est Insulanis, ut utantur Navibus, si velint exercere commercia cum Aliis Gentibus, hac sc. *conditione* sive Hypothesi posita, quæ si non ponatur, non est necessarium, ut navibus utantur.
- (b) Syllogismus Practicus vocatur quo Intellectus concludit aliquid esse vel appetendum, ac faciendum, vel non appetendum, & fugiendum.

VI. Atque hic jam oritur questio gravissima, an voluntas non solum dependeat, sed etiam ad volendum determinetur ab intellectu practici iudicio ultimo, à distamine comparato, ab ejus imperio, quod solet exprimi hisce verbis: *hoc, nunc, omnibus circumstantiis expensis, eligendum est aut faciendum: ita ut hoc iudicio ultimo ac comparato posito, non possit non velle, & necessario velit; an vero eo posito, adhuc in sensu composito, possit non velle, & de facto aliquando non velit?* Quidam statuunt voluntatem ab intellectu practici iudicio ultimo determinari quoad specificationem & non quoad exercitium, ita Aquinas & ejus sequaces: Alii nec quoad specificationem, nec quoad exercitium, voluntatem ab ultimo intellectus practici iudicio determinari, statuunt: ita Scotus cum Sotistis, quos sequuntur moderni Jesuitæ, & Remonstrantes ac Lutherani Philoſophi. Nos, & quoad specificationem & quoad exercitium, voluntatem ab ultimo intellectus practici iudicio determinari asserimus: nec causam aut rationem videmus ullam, cur, si quoad specificationem determinetur voluntas, quod vult Thom. non pariter determinetur quoad exercitium, cum eadem utrobique incommoda redeant. Sed sententiam nostram idoneis rationibus confirmemus, quod faciemus citra alterius cujuscunque tandem dissentientis præjudicium; omnibus enim sentiendi in hac & similibus controversiis suam relinquimus libertatem, sed & dissentienti nostram servatam nobis volumus: quod utrumque fieri potest, citra ullum pacis aut concordie divortium, nam, ut tritum habet dictio: *Diversum sentire duos de rebus iisdem Incolæ licuit semper amicicia.*

VII. §. 1. Si voluntas possit velle contra  
ult-

ulimum intellectus dictamen, si possit appetere contrarium bono, ab ultimo intellectus dictamine, præscripto, poterit appetere malum, sub ratione mali, ut tale est. Absurdum (a) est posterius. Ergo & prius. Major probari potest manifestissimum exemplo. V. C. si, non occidere innocentem, hic & nunc, &c. habeat rationem boni; contra, occidere innocentem, hic & nunc, &c. habebit rationem mali; ponamus ergo, intellectum dictare ac judicare, primum simplici judicio, infontem non esse occidendum, mox comparato, infontem hunc, hic & nunc, &c. non esse occidendum; si voluntas contra possit velle & velit, infontem occidere, & hunc & hic; & nunc, &c. certe appetet in malum sub ratione mali: nam quid quæso aliud est, appetere, quod intellectus judicavit judicio simplici & comparato esse malum? Hæc ratio tam firma est, ut nullam patiatur contradictionem aut exceptionem. Sed & sequens firmissima est.

(a) Quod absurdum sit, malum appeti sub ratione malinde liquet, quia sic voluntas ferretur appetendo in ignotum: nam quando intellectus obiectum aliquod intellexit esse malum, & judicio ultimo judicavit esse fugiendum, si voluntas contra illud appetat ut bonum est obiectum appetitus seu volitionis, cum illud obiectum, ut bonum non fuerit apprehensum, nec judicatum (nam fuit apprehensum & judicatum ut malum) certe voluntas illud appetendo ut bonum, ferretur in ignotum.

VIII. §. 2. Si Voluntas ad volendum non determinetur ab ultimo intellectus practici judicio, Ergo seipsam determinabit. At voluntas seipsam non determinat, quia ex se & naturâ suâ est indeterminata: unde sic arguuntur. Si voluntas ex se & naturâ suâ est indifferens ad volendum & non volendum, non potest à seipsâ determinari ad volendum: quod enim determinat, tam debet esse determinatum quam est indeterminatum quod determinatur. At voluntas, considerata ut determinans seipsam, tam est indeterminata, quam est considerata eadem ut determinanda: nihil enim ponunt Adversarii in voluntate determinante, quod non idem sit in voluntate, aut determinandâ, aut determinatâ,

neque vero poni aliquid hic potest. Ergo voluntas non potest à seipsâ ad volendum determinari. Si non à seipsâ, ergo aliunde. Sed unde? à Deo quidem determinatur ad volendum per ejus præmotionem. Sed vero præter ipsam Dei præmotionem ac prædeterminationem, quæritur aliud principium eam determinans in homine, illud non est facultas inferior, quia illa determinatur, non ipsa determinat. Ergo facultas aliqua superior? at illa nulla est præter voluntatem quam intellectus. Ergo solus intellectus in homine, voluntatem determinat ad volendum: Non per simplicem apprehensionem, nec per judicium absolutum, ut jam vidimus: ergo per ultimum comparatum. Ergo voluntas determinatur ab ultimo intellectus practici judicio, quod ostensum volumus.

IX. §. 3. Argumentamur ab absurdo, quod Adversarii effugere nequeunt. Si voluntas non ab intellectus practici judicio ultimo determinetur, sed seipsam determinet ad volendum, aliqua priore volitione sese determinabit: alius quippe actus voluntatis fingi nequit, quam volitio; sicut non est alia actio intellectus quam intellectio; sicut non est alia actio ignis quam calefactio: atque sic dicetur voluntas velle hoc vel illud, quia vult velle: sed quid de hac priore volitione dicetur, quia vult velle? an non alia volitione opus erit quia moveatur & determinetur ad hanc volitionem, quia vult velle? omnino: & sic dicendum erit, voluntas vult hoc vel illud velle, quia vult velle, & velle. Et tum de ista prima ex tribus volitionibus redibit quæstio, quomodo ad eam, unde, & qua actione, determinetur voluntas? & dabitur ridiculus progressus in infinitum. Sed hoc argumentum adhuc aliter urgeri potest: & ostendi manifesta contradictio, quæ inde sit secutura. Nam aut aliunde determinatur voluntas, quod nos existimamus, aut si seipsam determinat ad volendum, erit eadem actio, & qua se determinat, & ad quam determinatur à se: quod idem est, ac si dicas, idem est determinans & determinatum, id est, determinatum & indeterminatum: quatenus actio voluntatis est determinans, ipsa est determinata: quatenus actio voluntatis determinatur, ipsa est antea inde-

indeterminata & sic idem erit determinatum & indeterminatum, quæ est mera contradiçtio. Rationes Theologicas, ne committamus *μὴ τὸ αὐτὸ εἶναι ἀλλὰ καὶ οὐκ εἶναι*, non adducimus, ut nec plures Philosophicas, quia pondere certare malumus ac vincere quam numero. Et videri possunt utriusque generis rationes apud *Camertonem* & *Maccovium*, ex nostris; apud *Estium*, *Camelium*, *Alvares*, aliosque Dominicanæ familiæ ex Pontificiis Theologos ac Philosophos.

X. Atque finem imponere possemus huic sententiæ comprobando: sed placet, præter argumenta artificialia adducta, insuper producere argumentum inartificiale ab *Aristotelis* *Authoritate* deductum, ut sententia nostra non minus Aristoteli quam rationi convenire demonstretur, & ne cum *Aristotelis* Philosophia pugnare videatur. Unum jam adduximus *Arist. testimonium* clarissimum, ex l. 3. de *Anima*, text. 46. Alterum adjungimus non minus clarum ex *Eth. ad Nicom.* l. 6. c. 2. verba sunt. *Quod vero in cognitione est affirmatio & negatio, id in appetitione est persecutio &*

*fuga. Quare cum virtus moralis, habitus in eligendo positus sit, electio vero posita sit* NB. in appetitione consultatoria consultando (at consultatio est per iudicium intellectus comparatum) idcirco oportet, & rationem veram esse, & appetitionem rectam, si modo electio proba est: & NB. eadem illam dicere & hunc persequi: atque hæc quidem cogitatio & veritas in agendo posita est. Et paulo post. *Actionis igitur principium est electio, unde est motus, at non cuius causa: electionis vero appetitio & ratio quæ aliquis causa est: ita neque sine intelligentia &* NB. *cogitatione, neque sine morali habitu electio est.* (atqui electio mediorum est, quæ si non sit sine cogitatione, oportet talem intelligere cogitationem qua circa media versari possit intellectus: ea non est aliud quam iudicium comparatum, iuxta quod hoc medium eligitur quod est optimum, nam electio est optima) Et paulo post. *Idcirco NB. vel appetens intelligentia, vel intelligens appetitio electio est: at tale principium est homo.* Plura *Aristotelis*, quia & aliorum *Philosophorum*, testimonia coarcevit I. *Camero* in resp. ad epist. *Viri docti*, c. 5.

## DISPUTATIONUM PRACTICARUM

UNDE CIMA.

&amp; Benjamin Colman His Books

## DE LIBERO ARBITRIO.

## T H E S I S I.

D Isputatione octavâ, thesi primâ, aduersus nos promissimus, de *Intellectu*, *Voluntate*, & *Libero Arbitrio*: Quæ de *Intellectu* & *Voluntate* solent disputari ab Ethicis, ea disp. præced. excussumus, restat ut *Liberi Arbitrii* nunc naturam excutiamus. Dux sunt voces: *Libera* & *Arbitrium*, quæ primum veniunt explicandæ. *Libera* non unam habet significationem: interdum significat id, quod nemini subest, quod à nemine pendet; quo sensu solus Deus liber est; interdum significat id, quod à servitute & à subiectione est exemptum: quo sensu liber est, qui ad serviendum alteri non est obligatus: neutro sen-

su liberum hic sumitur à nobis, cum de *libero* philosophamur in *Ethicis* *arbitrio*: non sensu priori, quia de libero agimus arbitrio hominis, quod Deo subest, atque à Deo pendet; non posteriori sensu, quia si in servis non foret liberum arbitrium: interdum liberum accipitur pro eo quod non cogitur: sed neque hoc sensu hic accipimus: nam hoc modo *liberum* etiam in bruta cadit, quippe quæ libere dicuntur decerpere pabulum, & libere se movere, quatenus non coguntur, quatenus à nullo externo principio necessitantur ad id agendum; at nos agimus impræsentiarum de hominis libero arbitrio: interdum accipitur liberum

liberum pro eo, (a) quod est *expers* naturalis necessitatis, quod tale est, ut in sua sit potestate, agere hoc quod agit, & illud non agere, & aliud agere: quo sensu liberum brutis non convenit; ea enim sic in objecta sua tendunt, ut non sit in illorum potestate, aliud agere, aut omnino non agere hoc, quod agunt: hinc dicunt Philosophi, & recte, *Bruta quidem sponte agere*, i. e. non coacte, sed non tamen libere. *Arbitrium* derivatur à voce *Arbiter*; quæ significat iudicem privatum, sequestrum, qui privatim lites dirimit: arbitrium ergo est, arbitri seu iudicis privatum iudicium: potest autem arbiter pro iudicio suo iudicare, rem aliquam, ad quam vocatur, esse vel faciendam, vel omittendam: illud *non* iudicare est rationis practicæ: ita ut voces hæ duæ, *liberum arbitrium*, dicant *agere*, *arbitrium*, ad intellectum, *liberum*, ad voluntatem: *arbitrari* est iudicare, quod est opus rationis practicæ: at *libertas* proprie & proxime est voluntatis.

(a) Naturalis necessitas est, quâ aliqua Causa agit necessario, ut non possit non agere per naturam suam, aut naturalem inclinationem; quemadmodum ignis urit naturali necessitate, quia hæc est natura ignis, ut inclinetur, & propendeat ad urendum, sic ut non possit non urere.

II. Hæc de voce utraque, nunc rem videamus, ac quidnam sit, partim intellectus, partim voluntatis, liberum arbitrium? anne actus utriusque, an habitus, an facultas? oportet enim aliquid esse istorum trium; cum ista tria tantum sint in anima. Resp. Licet voces hæ, *liberum arbitrium*, sonent actum rationis simul & voluntatis, hic tamen pro actu non sumuntur à nobis, quia sic in dormientibus non foret liberum arbitrium (agimus enim de actionis humanæ, seu moralis, seu liberæ, principio elicitive.) Ergo vel habitum significaverit *liberum arbitrium*, vel facultatem. At non significat habitum: nam habitus inclinat potentiam ad actiones certi generis: habitus bonus ad bonas, malus ad malas: at liberum arbitrium ex se non inclinat ad actiones certi generis; imo indifferenter se habet ad actiones diversorum, imo contrariorum habituum, ut virtutis & vitii, nam

qui bene agit & qui male agit, agit libere, Ergo fuerit facultas sive potentia liberum arbitrium. Sed quæ & qualis? an intellectus? an voluntatis? an tertia ab utraque distincta? an eadem cum utraque? Ego quidem tandem censéo esse facultatem seu potentiam cum intellectu & voluntate: quatenus enim dicitur *arbitrium*, id est, facultas arbitrandi, non differt ab intellectu, sc. practico: quatenus dicitur *liberum*, non differt à voluntate; præsertim cum intellectus & voluntas non differunt inter se, nisi formaliter & distinctione (a) rationis ratiocinatæ, ut quidem nos existimamus. Qui reale discrimen inter istas facultates admittunt, iis existimo statuendum, liberum arbitrium esse eandem facultatem cum voluntate, sed quatenus subest iudicio ac dictamini ultimo intellectus practici: interim hoc sedulo notandum hic fuerit; Licet liberum arbitrium statuatur, idem cum voluntate tantum, vel idem cum intellectu & voluntate simul, ratione tamen differre aut formaliter, vel à voluntate tantum, vel ab intellectu & voluntate simul: nam voluntas latius patet quoad objecta & actiones quam liberum arbitrium: unde maluit alii dicere, quod liberum arbitrium pars potius sit illius facultatis quâ intelligimus & quâ volumus, quam quod sit integra ac tota facultas. Voluntas extenditur ad omnia, quæ volumus, quocunque modo velimus, sive præviâ consultatione ac deliberatione, sive sine eâ: at liberum arbitrium est positum *cum præviâ deliberatione*, in præviâ deliberatione, & est eorum tantum, quæ volumus præcedanea consultatione. Velle beatum esse, nolle miserum esse, sunt actiones voluntatis; sed non item liberi arbitrii. Voluntas est finis, & finis ultimi, & omnium eorum, quæ agimus & appetimus *à præviâ deliberatione* sine præviâ deliberatione, qualia sunt inter bona felicitas, & quæcunque necessaria habent cum eâ connexionem, ut, vivere sine molestiâ, edere si esurias, bibere si sitias, &c. quæ omnia volumus sine consultatione; sic inter mala tali modo averfamur miseriam & quæcunque necessaria habent cum eâ connexionem, ut sunt, cruciatus, egestas, mors, &c. quæ nolumus sine consultatione aut deliberatione præcedenti:



denti : At verò liberum arbitrium ad sola pertinet media, de quibus non statim liquet, an ad felicitatem, vel miseriam, vel alium quemcunque finem, sint vel profutura, vel nocitura, de iis consultamus ac deliberamus, de iis arbitramur, id est, iudicamus ea esse, vel amanda vel fugienda, & pro arbitrio ac iudicio nostro ea vel volumus vel nolumus.

(a) Quia Intellectus & Voluntas non constituunt duas distinctas Potentias, sed tantum differunt definitione, (discrimen Definitionum non infert Realem distinctionem.) Itaque Anima Rationalis cum versatur circa verum, dicitur Intellectus, cum circa bonum, Voluntas, ideoque differunt tantum hæ facultates per Respectum ad diversa objecta, qui est fundamentum quo distinctio Rationis Ratiocinatur inter illas nititur; quemadmodum in Sole non sunt multæ facultates, aut Potentiæ diversæ, liquefaciendi, indurandi, calefaciendi, sed una est eademque Virtus, quæ sic distinguitur per Respectum ad diversa objecta, in quantum enim Sol versatur circa lutum, dicitur indurare, in quantum circa ceram, liquefacere, in quantum circa Aquam frigidam, calefacere.

III. Ex hisce thesi 2. positis atque expositis liquet, alio modo appeti libere finem ultimum à voluntate, & alio modo appeti libere media non necessario cum ultimo fine connexa à libero arbitrio; finis appetitur libere à voluntate, in quantum non cogitur, & in quantum agit & cum vult voluntas ex dictamine & iudicio rationis; quæ *libertas* potest dici, barbaro & *Scholasticis* usitato vocabulo, *spontaneitas* cum ratione: nam bruti etiam quidem appetunt sponte, non coacte, sed ista spontaneitas est sine ratione: media vero appetuntur libere à libero arbitrio, non tantum, in quantum non cogitur, non tantum in quantum agit & vult ex dictamine & iudicio rationis, sed & in quantum potest ea non appetere, & vel alia appetere vel ab appetendo abstinere. Voluntas finem ultimum, quem non coacte, sed sponte cum ratione appetit, vult necessario, ut non possit non eum velle: at liberum arbitrium media appetit, non coacte, sed sponte cum ratione, & insuper non necessario, ut possit non appetere, quia arbitrium potest iudicare hæc medium, quod appetitur, non esse ap-

petendum: quare ad non coactionem & spontaneitatem cum ratione in voluntate, accedit per liberum arbitrium ad eam, ad *Indifferencia* seu *indifferentia*, quæ tamen magis ad intellectum practicum quam ad voluntatem pertinere videtur; magis enim pertinet ad iudicium & arbitrium, quod est intellectus quam ad electionem, quæ est voluntatis, quippe quæ in eligendo intellectus iudicium sequitur & ab eo ad agendum determinatur, ut *disp. præced.* fuit demonstratum. Quia itaque intellectus arbitrando seu iudicando est indifferens circa media, ut unum possit probare, alterum improbare, voluntas quoque, quæ ita sese habet ad objecta & actiones, prout ab intellectu ducitur, indifferens est circa illa & illas: & sic, ac tum, intellectus & voluntas dicuntur liberum arbitrium: At cum intellectus iudicat rem esse, vel bonam vel malam, absque prævia deliberatione, & voluntas eam prosequitur absque ulla indifferencia, tum non dicuntur liberum arbitrium. Clarissimum ergo est, quo modo & sensu liberum arbitrium dicatur idem esse cum intellectu & voluntate, quo modo & sensu ab iis differat.

IV. *Liberum arbitrium in homine esse* jam facile probatur, quia est in eo intellectus & voluntas, cum quibus idem esse liberum arbitrium jam est ostensum: Et experientia docet ipsa, hominem in multis esse *Indifferens*, indifferenter, liberum, iudicando, arbitrando, appetendo, agendo: habet enim imperium ac potestatem in suas actiones, ut eas facere possit & omittere, & has vel illas instituire possit, prout iudicaverit: Deus enim nullis rebus inferioribus aditrixit hominem in quo dignitas quedam ac perfectio hominis supra res alias eminet: Quare sicut Deus in creando, gubernando, eligendo, aliisque actionibus, quæ extra Deum tendunt, liberissimi est arbitrii, ita hominem liberi esse arbitrii voluit, circa res homine inferiores, ipsique homini à Deo subjectas, ut est mundus cum omnibus in eo contentis, quorum constituit hominem dominum, ut homo circa eas liberam acceperit potestatem agendi & non agendi: in brutis vero aliisque præter hominem rebus liberum arbitrium non est, quia tale dominium



nium non est. Dico autem diserte, (a) *Domini liberumque hominis arbitrium esse circa res inferiores hominique subiectas*, quia finem ultimum, bonum supremum, & circa actiones supernaturales hominique non subiectas, sed in solius Dei potestate sitas, non accipit nec habet dominium aut liberam arbitrium homo: quod semel hic monitum volo, & in curriculo harum disputationum practicarum, semper observari ac teneri cupio: *Quotiescunque de libero philosophabimur arbitrio, illud non ulterius à nobis asseri & extendi, quam ad actiones naturales in hominis potestate sitas, circa res eo inferiores atque subiectas, circa quas tantum accepit homo liberum arbitrium, non vero ad supernaturales actiones extra potestatem hominis sitas, circa res eo superiores solumque Deo subiectas, quæ à fide similibusque virtutibus spiritualibus donisque præ creationem à Deo infusus homini, eo eliciuntur, ad quas non accepit liberum arbitrium homo.*

(a) Res quædam sunt infra hominem, in quas accipit potestatem, quædam supra eum in quas non accipit potestatem. Infra eum sunt omnia alia creata quorum constitutus est Dominus, quod Dominum fuit pars Imaginis Divinæ: Supra eum est ens & bonum increatum.

V. Excussa quæstione, *an sit liberum in homine arbitrium, circa actiones & res, quas præced. Thesi determinavimus, restat videndum, quid sit.* Quid sit liberum arbitrium, non tam facile est definire. Vulgus Philosophorum sic definit, quod sit *facultas, quæ positis omnibus ad agendum requisitis, tum antecederet, tum concomitanter, (a) potest agere & non agere, aut ita agere unum ut contrarium agere possit.* Hæc definitio, quo sensu explicari solet, eo subsistere nequit: nam intelligunt hanc definitionem sic: ut, positis omnibus conditionibus & causis, ad actum liberi arbitrii requisitis, liberum tamen arbitrium, possit, in sensu composito, operari illum actum, aut non operari, vel etiam elicere contrarium: unde consequenter inferunt, quandoquidem motio Dei est inter condiciones ac causas actus à libero arbitrio exercendi, quod liberum arbitrium, quando Deus movet illud ad consensum, possit nihilominus dissen-

tire, ac de facto sæpe dissentiat, & quando Deus illud movet ad agendum, possit nihilominus non agere, ac de facto sæpe non agat. At vero hæc definitio & definitionis de libero arbitrio expositio, hoc sensu falsa est, ac periculosa, ac multorum, eorumque gravissimorum, in Philosophia pariter ac Theologia errorum causa ac fundamentum: hinc profluxere, (b) Dei scientia media, & (c) decreta conditionata, & (d) concursus universalis atque indifferens, & plura id genus impia Jesuitarum & sequacium philosophemata, quæ imprudenter sæpe ex modernæ Philosophiæ amatoribus atque admiratoribus nimis juventuti proponuntur.

(a) Requisita antecederet ad actum liberi arbitrii humani, ex parte Dei sunt, ejus decretum, tum effectivum, tum permissivum, ejus scientia visionis quæ decretum sequitur, & concursus ejus præviis; requisita concomitanter sunt, ex parte Dei, tum concursus ejus simultaneus, tum actualis ejus permissio, ille, cum liberum hominis arbitrium operatur bene, hæc, cum male: requisita antecederet ex parte hominis, sunt, tum facultates, seu potentiz agendi, tum objectum, in quod agant: requisita concomitanter ex parte ejusdem sunt, tum aliarum causarum concursus, tum debita objecti approximatior, tum idonea potentiz aut organi dispositio, tum aliz quæcunque condiciones, ad actum liberi arbitrii exercendum, præsertim requisitæ: hinc manifestum est ex parte Dei requiri tria ad omnem actum liberi arbitrii, Decretum, Scientiam, Concursum; ex parte hominis item tria, potentiarum existentia, atque idonea dispositio, objectum præsens, præsentis debita approximatior.

(b) Scientia media in Deo nomen accipit, quia quasi Media interponitur inter Scientiam simplicis Intelligentiæ & Visionis. Scientiam simplicis Intelligentiæ in Deo vocatur, quæ Deus scit omnia possibilia, sive sint futura, sive non, neque enim omne quod est possibile, aut fieri potest, futurum est. Scientia Visionis dicitur, quia Deus scit omnia futura: Sed quia futura vulgo dividuntur in futura absolute, & Sub Conditione, Jesuitæ & Remonstrantes dixerunt, Scientiam Visionis, esse futurorum absolute, & præter hanc, ac simplicis Intelligentiæ, Scientiam invexerunt quandam Mediam, quæ Deus sciat non possibilia, non futura absolute, sed futura conditionata, sive sub conditione, idque ob hunc finem, ut confirmarent Electionem, ex fide prævisa, aut ex prævisis meritis: itaque volunt, Deum præscire per hanc Scientiam, non simpliciter Petrum esse

salvandum, sed salvandum sub Conditione, si credat, quæ Conditio tamen, fides sc. non sit à Deo decreta, sed quæ pendeat à libero arbitrio Petri, potentis, vel credere, vel non credere, unde hæc Scientia dicitur Conditionata. Verum enimvero non est necesse, novam hæc & mediam Scientiam introducere, quia, si Deus decreverit Petri Salutem, non decreta Conditione, fide sc. à qua salus Petri pender, jam salus Petri ne quidem futura est, sed possibilis tantum, i. e. Deus tantum scit posse fieri, ut salvetur Petrus, si credat, & sic Deus hoc cognoscit per Scientiam simplicis Intelligentiæ, quæ est Scientia Possibilium; si vero ipsa Conditio, fides sc. sit decreta, tum hæc Enunciatio, Petrus salvatur si credat, continetur sub objecto Scientiæ Visionis, quia ex Hypothesi, quod tam decreta sit fides quam salus Petri, utraque futura est Absolute: Atqui Scientia Visionis est Absolute futurorum. Concludo ergo, hanc Scientiam Mediam esse frustraneam.

- (c) Decretum Conditionatum in Deo ponitur à Jesuitis, & Remonstrantibus, quo Deus decreverit aliquid futurum sub Conditione, quam non decernat; ut volunt, Deum decrevisse omnibus hominibus Salutem, si credant, non tamen ipsa fide decreta: sed verò sic decretum Dei de re futura dependet à conditione extra Deum, & sic Deus vi sui decreti non poterit vel unum hominem salvum facere, quia non habet in sua potestate conditionem, sc. fidem, sub qua salvus fieri debet; nam quandoquidem hæc fides à Deo supponitur non decreta, & salus decreta non sit futura nisi sub fide, non potest obtinere rem decretam à se, salutem sc. quia non habet in sua potestate, ut homo credat: suspendunt enim fidem à viribus liberi arbitrii.

- (d) Concurfus universalis & Indifferens ab iisdem Authoribus invecus, dicitur ipsis, quò Deus concurrat cum homine in genere quidem ad agendum, sed non in specie ad agendum hoc vel illud: Ita volunt quidem, Deum concurrere cum homine in genere ad credendum, aut bene operandum, sed quòd hic homo, puta Petrus, nunc temporis credat, aut bene operetur, hoc volunt esse à solo Petro, & non à Deo; itaque quòd Petrus possit credere, aut bene operari, hoc quidem à Deo esse volunt, sed quòd credat, & bene operetur, soli Petro adscribitur, à quo volunt actiones specificari, & non à Deo.

VI. Nos contra sic statuimus: non est de ratione aut definitione liberi arbitrii, ut, positis omnibus requisitis & conditionibus & causis ad operandum certum & talem actum, possit eundem actum non operari vel alium

operari in sensu composito, compositio fiat inter causas ac conditiones prærequisitas & inter carentiam talis actus aut actus contrarium: dico diserte, si compositio fiat inter causas ac conditiones prærequisitas & inter carentiam talis actus aut actum contrarium: nam quando liberum arbitrium dicitur id, quod positis omnibus ad agendum requisitis potest agere & non agere, & agere hoc vel aliud, in sensu composito, ille sensus compositus potest dupliciter intelligi: 1. (a) ut compositio fiat inter prærequisita ad operandum & inter ipsam potentiam, operandi vel non operandi, aut operandi aliud, & tum sensus compositus est hic: potentia ad operandum & non operandum, verbi causa, ad volendum & non volendum, ad ambulandum & non ambulandum, simul est & componitur in eodem subiecto, libero scilicet arbitrio, cum antecederent prærequisitis, ad talem operationem, scilicet volitionem aut ambulationem: qui sensus admitti potest. 2. ut compositio fiat inter prærequisita antecederent ad operandum talem actum, hoc est, ambulandi vel loquendi, & inter carentiam talis actus seu actum contrarium: & tunc sensus compositus hic est: (b) omnia prærequisita, omnes cause ac conditiones, quæ prærequiruntur, tum ex parte Dei, tum ex parte hominis, ad talem actum, puta volitionem vel ambulationem, & carentia illius actus seu actus contrarius, simul sunt, & componuntur in eodem subiecto, scilicet libero arbitrio: & hic sensus est falsissimus: quod probo: nam inter prærequisita ad eliciendum à libero arbitrio actum volitionis aut ambulationis aut locutionis, est absolutum & efficax Dei decretum, quò statuit, ut liberum arbitrium hominis producat talem actum; est item motio Dei & influxus ejus prævius in liberum arbitrium, quò in tempore præmoveret illud ad talem actum producendum; jam vero, posito tali decreto & tali influxu prævio Dei, tanquam (c) conditionibus & causis (vel veris vel sine quibus non) prærequisitis, ut liberum arbitrium actum volitionis vel ambulationis vel locutionis eliciat; fieri non potest, ut non eliciat, vel ut actum contrarium volitionis vel locutionis

nisciliat: illa duo non possunt simul componi: Deum decrevisse & prae-movere liberum arbitrium ad actum talem & certum, & liberum arbitrium istum actum non producere vel producere contrarium. Ergo iste sensus compositus Jesuitarum aliorumque omnino est repudiandus. Et cur ista compositio praequisitorum ad operandum talem actum, puta ambulationem, & actus contrarii vel negationis actus a smitteretur in libero arbitrio hominis, cum ne quidem in Deo, qui liberrimi est arbitrii, habeat locum: inter praequisita, ut in tempore mundum crearet Deus, fuit aeternum ejus decretum, quo statuit creare: cum hoc decreto posito non potuit componi simul, ut Deus non crearet: ergo etiam posito Dei decreto, ut homo velit aut ambulet, cum eo non potest simul componi ut homo non velit aut non ambulet. Missa itaque ista liberi arbitrii definitione falsa, nos id definimus, *Facultatem facienti quod libet*. (d) Facultatem intelligimus *Physicam* seu *naturalem*, non *Ethicam* seu *moralen*: aut, *facultatem intellectus & voluntatis ad utrumlibet*. Omisiss illis vocibus (*positis omnibus ad agendum praequisitis*) illud, (e) *utrumlibet*, non debet intelligi semper aut necessario de bono & malo: sic enim nec in damnatis ac demonibus, nec in Angelis ac Beatis Animabus liberum foret arbitrium, sed intelligitur, vel de  $\pi$  agere aut non agere, vel de  $\pi$  agere hoc aut illud.

(d) Ut sensus compositus, in quo collocatur liberum arbitrium, bene intelligatur, quis sit verus, quis sit falsus, notanda est alia distinctio, quae hoc expedit, nempe, liberum arbitrium non consistit in potentia simulatis, sed in similitudine potentiae: Potentia simulatis dicitur, quia simul & eodem tempore quis potest, operari, & non operari, quae cum non datur, (nam nulla datur Potentia, quae simul quis operetur, & non operetur, est enim illa contradictio) utique liberum arbitrium, in ista potentia simulatis collocari non potest, & hic est sensus compositus falsus, qui significatur Numero 2. pag. 52. col. 2. lin. 11. Simulas Potentiae dicitur, quia quis, cum operatur aliquid, simul in sese habet potentiam vel non operandi, vel operandi aliud, non quidem pro illo tempore, quo operatur, quasi simul in ipso componantur operari & non operari, sed tempore alio, ut quavis non in se inveniat aliquam potentiam ad

operandum aliquid simul & non operandum, quam id quod operatur, tamen cum ipsa operatione hujus effecti, simul fiat & componitur in ipso, potentia aliqua operandi contrarium, aut non operandi, sed utrumque tempore alio, qui sensus compositus est verus, & significatur Numero 1. pag. 52. col. 1. lin. ult. Ita, cum loquor de hac aut illa materia, simul in me invenitur, & componitur, cum actuali locutione hujus rei, potentia, aut non loquendi, aut loquendi res alias, nam actus loquendi de hac re, de qua loquor, non tollit in me, aut a me, potentiam vel non loquendi, vel loquendi de re alia.

(b) Praequisita ad aliquem actum humanum, ex parte Dei, sunt, tum decretum ejus internum, & quae illud sequitur praesentia actus futuri, tum influxus ac concursus ejus praevis, quoad actum talem prae-movet causam liberam; ex parte hominis, sunt, potentia agendi debite instructa, objectum debite approximatum, aliquae conditiones pro ratione diversorum actuum.

(c) Decretum & influxus Dei praevis, sunt causae verae actionum bonarum, quia Deus eas decrevit efficere, atque efficit, & quae actiones sunt, & quae bona sunt; causae sine quibus non, quando actiones sunt malae, quia malitiam decrevit, non efficere, sed permittere, & eam non efficit, sed permittit, utcumque ipsam actionem malitiae subtrahat efficiat, & efficere decreverit.

(d) Facultas Physica dicitur, quia aliquis aliquid potest viribus naturalibus, vel animi, vel corporis, vel etiam bonorum fortunae: facultas Ethica dicitur, quia aliquis aliquid potest, quia legibus est permixtum. Sic homo robustior habet potentiam seu facultatem Physicam occidendi minus fortem, non item Ethicam, quia, licet per vires corporis robustiores proximum minus fortem, occidere posset, hoc tamen non potest per leges, quae ipsi illud vetant: Libertas consistit in facultate seu potentia agendi Physicam, & non Ethicam.

Facultas seu Potentia Physica est, quae aliquis aliquid potest fortunae, corporis, aut animi viribus.

Facultas seu Potentia Ethica est, quae quis aliquid potest, quia legibus est permixtum, V. C. Si Petrus sit corporis robore fortior Paulo, habet potentiam aut facultatem Physicam occidendi Paulum, sed non habet facultatem aut Potentiam Ethicam illud facienti, quia hoc facere, legibus ipsi non est permixtum.

(d) Quando libertas ponitur in facultate intellectus & voluntatis ad utrumlibet, significatur quidem aliqua indifferentia, sed non quoad objecta, quod volunt Adversarii, quasi homo, qui est liberi arbitrii, debeat eodem actu volendi versari circa bonum & malum; verum intelligitur in-

differe-

differentia quoad actus, ut homo possit velle & nolle, velle bonum, & nolle malum.

*Utrumlibet*, non respicit diversâ Liberi Arbi-

trii objecta, sed diversos ejus Actus volendi, aut non volendi, & volendi, aut nolendi circa objecta diversâ, tum bonum, tum malum.

DISPUTATIONUM PRACTICARUM  
DUODECIMA,

DE AFFECTIBUS, IN GENERE.

THESIS I.

**D**efinivimus Philosophiam practicam, *th.*  
2. *Disp.* 1. in harum Disputationum curriculo, *Prudentiam dirigentem actiones humanas, ut in hac vita naturæ viribus homo bene beateque vivat. Quæ de bonâ ac beatâ hic vitâ summo hominis, dum hic versatur, bono, disputari solent, ea excussimus, disp.* 4. *primis. Actionis humane proprietates exposuimus disp.* 5. 6. 7. *Ejus principia disp.* 8. *th.* 1. *retulimus, partim ad animam rationalem, quæ diximus esse, intellectum, quem disp.* 8. *voluntatem, quam 9 & 10. liberum arbitrium, quod 11. explicuimus, partim ad animam hominis sentientem, quam participative rationalem vulgo dicunt Ethici. Animæ sentientis triplex vulgo statuitur facultas sentiens, appetens, locomovens: sola appetens hujus nostræ est considerationis, utpote quæ proprie est actionis humanæ ad Philosophiâ practicâ dirigendæ, principium: Appetitus enim sentiens sedes est affectuum; affectus virtute sunt moderandi: in affectibus per virtutem moderandis, animum humanum ejusque actiones dirigit Philosophiâ practicâ. Quare, cum summam bonum obtineri nequeat sine virtute; & virtus omnis in sedandis ac componendis occupetur affectibus; profecto non alienum fuerit ab instituto nostro, affectuum naturam in harum disp. serie ob oculos proposuisse: quod nunc facere est decretum, exordiendo ab Affectuum generali definitione.*

II. Affectus est, *motus hominis internus ex appetitu boni & aversione mali ortus. Vel paulo plenius. Affectus est motus animalis (vel hominis; nam philosophamur de affectibus humanis) ab appetente facultate in seipsa excitati ex appetitione boni & aversione mali ad aliquid vel prosequendum vel fugiendum. Affe-*

ctus dicitur ab afficiendo, quia animam afficit. *Cicero* 4. *Tuscul. quæst.* eos vocat *animi perturbationes*, quia animum hominis in contemplando & agendo perturbant: sed hoc vitioforum est affectuum: quare hoc nomen affectibus in genere non competit. Alii affectus vocant *passiones*, quia faciunt animum atque etiam corpus pati: *Quæ vox respondet Græco vocabulo πάθος*, quod à πάσσω patior derivatur. Certe homo affectibus occupatus, recte dicitur pati. Quicquid enim movetur, quatenus movetur, recte dicitur pati. At, quod ullo modo afficitur ab objecto externo, id movetur. Ergo, quod ullo modo afficitur ab objecto externo, id patitur. Ergo, affectus recte dicitur passio: si dicas, *affectum male dici passionem, quia definitur per motum, quæ vox actionem significat.* Resp. Motus est vox generalis, & tam actionem quam passionem significat, & affectus sunt motus, partim activi, partim passivi, magis tamen passivi quam activi: unde passiones potius quam actiones dicuntur. Sed vero, *quæ ratione affectus dicatur motus, quæ vox generis locum tenet, & quo sensu sit activus, quo passivus motus*, paulo plenius est explicandum: facit enim hoc quam maxime ad affectuum naturam intelligendam.

III. Triplex in omni affectu reperitur motus: unus facultatis cognoscentis ab objecto: secundus facultatis appetentis à iudicio facultatis cognoscentis: tertius totius animalis à facultate appetente & instrumentis: Primus motus est causa secundi, secundus tertii. Primus motus, nempe facultatis cognoscentis ab objecto, est magis spiritalis & minus corporeus, ac minus proprie motus: secundus motus, nempe facultatis appetentis à iudicio

judicio facultatis cognoscentis, est magis corporeus & magis proprie motus: tertius motus, nempe totius animalis à facultate appetente & instrumentis, est maxime corporeus & penitus ac propriissimus motus: hic tertius motus, quo totum animal vel prosequitur vel fugit objectum, non est ipse affectus, sed est actio aut motus affectum consequens, motus quoque primus facultatis cognoscentis ab objecto & ipsa cognitio ac iudicium non sunt affectus, sed origo & principium affectuum: affectus vero ipsi consistunt in motu isto medio ac secundo, nempe, quo facultas appetens movetur à iudicio seu objecto iudicato & cognito, seu, quo vergit ad objectum iudicatum & cognitum cum aliqua spiritum agitatione: hic autem motus secundus seu medius, facultatis appetentis à iudicio seu objecto iudicato ad tria potest referri: 1. Ad objectum in esse cognitum, ut loquuntur: 2. Ad facultatem appetendi: 3. Ad corpus vivens vel aliquam ejus partem: atque hæc tria sic se habent, ut objectum moveat tantum; facultas appetens primo moveatur, deinde moveat; corpus tantum moveatur: itaque affectus, ex parte objecti, est tantum actio, ex parte facultatis appetentis, primum passio, deinde actio, ex parte corporis, tantum passio. Affectus ergo est motus mixtus, partim activus, partim passivus, præcipue tamen passivus, quia est passio, tum facultatis appetentis, tum corporis viventis seu partis ejus. Et, ut omnia colligam in unum, affectus, non tam est actus facultatis cognoscentis (licet sic nonnulli loquantur & nos fere similiter statim simus locuti (quam quidem oritur ex actu facultatis cognoscentis, ex cognitione & iudicio; est passio facultatis appetentis, appetitus sensitivi, & ex parte, ejusdem actio; est passio totius viventis, vel animalis vel potius, hominis, aut saltem partis ejus. Atque hæc omnia communi voce *motus* in definitione th. 2. expressimus. Alii utuntur voce *Mutabilitatis*, sed res eodem redit: Neque enim nos hic motum à mutatione distinguimus, ut solent subtilitatum Magistri & distinctionum artifices in Physicis.

IV. *Affectus* non est motus simpliciter, sed *motus internus*: ratio est, quia affectus ma-

nent in ipsa facultate appetente. Res enim sic se habet. Objectum movet sensum: sensus objectum cognoscit, & illud dijudicat, sitne bonum an malum, si ut bonum cognoscit æstimatque, judicat esse prosequendum; tum excitatur appetitio: si ut malum cognoscit æstimatque, judicat illud esse fugiendum; tum excitatur averlatio: appetitionem & averlationem sequitur *Affectus*, *Passio*, *Passio*, quo affectu animal, aut homo potius, interne in corde movetur & afficitur: hæc interna motio, affectio, est, quod *Affectus* vocamus: hanc internam motionem interdum sequitur aut concomitatur externa motio facultatis locomotivæ in prosequendo vel fugiendo objectum.

V. Dari tales motus, facultatis, tum cognoscentis, tum appetentis, ac corporis insuper & membrorum, ipse dicitur sensus communis & evincit experientia: ut mirandum sit, quomodo *Stoicis* vulgo tribuatur quædam *αἰσθησις* dicunt enim vulgo *Ethici*, *Stoicos* statuisse quandam *αἰσθησις*, carentiam affectuum, eosque negasse affectus omnes. Sed enim ego non credo ullum *Stoicorum*, contra, tum sensum communem, tum experientiam, ita insinuisse, ut affectus omnes sustulerit, solusque non viderit, quod omnes & sentiunt & vident. Aliud est, quod majori jure *Stoicis* attribuendum censeo, quod affectus statuerint, non esse motus aut actiones & passionem facultatis appetentis, sed quod voluerint eos potius esse opiniones ac judicia, actusque & motus facultatis cognoscentis. Hæc enim questio agitari solet, *Peripateticos* inter & *Stoicos*: *An affectus sit animi cognitio, opinio, seu iudicium, quo res vel bona vel mala judicatur, an vero actus, quo appetitus & una cor afficitur ac moveatur, ad prosequendum objectum iudicatum ut bonum, & fugiendum objectum iudicatum ut malum?* *Stoici* prius tenuerunt ac sustinuerunt, teste *Cicerone* l. 4. *Tusc.* quest. Acad. quest. l. 1. *Seneca* l. 1. de ira c. 8. &c. Nos pro *Peripateticis* stamus, dicimusque, affectus non quidem esse sine opinione, sine iudicio: sed ipsos affectus vocare opiniones tantum & judicia de bono & malo, est abuti vocabulis, quod *Stoicis* non est infrequens: sic argumentamur contra:

Yyy

Quæ



Quæ differunt subiectis, ea non sunt idem. Sed opinio & affectus differunt subiectis. Ergo. Prob. min. Opinio enim, quod omnes concedunt, est in animæ potentiâ cognoscens: affectus est in appetente, quod jam à nobis est demonstratum.

VI. Est porro Affectus non tantum *motus internus in facultate appetente*: sed *animalis vel hominis*, ut in definitione *th. 2.* fuit expressum: ubi per *animal* intelligimus, non brutum sed hominem, aut potius naturam sensitivam & animalem in homine: nam philosophamur de affectibus humanis aut hominis, non brutis aut trutorum: sunt enim duum generum affectus, ut notant *Ethici*: quidam in anima irrationali, tantum ac pure inveniuntur: qui mediocritatem suam accipiunt, non à ratione, sed à potentia alia, & cadunt tales affectus in bruta, in quibus tantum est cognitio sensitiva; (a) & vocantur affectus puri: alia sunt affectus mixti, qui in anima irrationali quidem reperiuntur, sed non pure, non simpliciter, non absolute, verum quatenus irrationalis anima rationis imperio subjacet ac caret: & isti affectus sunt hominis affectus, & humani, de quibus hic agimus, non de brutis aut brutorum affectibus.

(a) Affectus puri nihil habent participatum à Ratione, ideoque attribuantur Brutis. Affectus mixti utcumque sunt in Anima Irrationali, sc. Sensitiva, seu ejus Appetitu potius, aliquid tamen de Ratione participant ipsius Animæ Rationalis, cui ut superiori sensitiva ut Inferior subest; ideoque hi Affectus tribuantur homini.

VII. Sed scrupulus hic oritur; *Quomodo solius hominis motus faciamus affectus, quandoquidem in Deum quoque cedant & Angelos? an non Deus amat pios, odit peccatores? an non Angeli letantur super conversione peccatoris, &c?* Resp. In Deo non sunt affectus, sed aliquid eminentius affectibus, quatenus effecta affectuum cientur & moventur à Deo & reperiuntur in Deo: adeoque tribuuntur ei per *ἀνθρώπων* *κίνησις*: quomodo ei tribuuntur, nasus, os, facies, manus, &c. Angeli quoque non sunt idoneum ac proprium subiectum affectuum, utcumque letari ac tristari dicantur,

similiterque affici, quia in iis nulla est spirituum commotio, quæ affectus præsentis comitatur: Angeli enim incorporei sunt, neque spiritus animales in sese habent: eandem ob causam neque in anima rationali affectus debent statui tanquam in subiecto ac sede: si affectuum nomen Animæ rationali simpliciter, si Angelis, si Deo tribuitur, vocabulum affectus latissime extenditur, & accipitur etiam pro eo, quod affectibus proprie dictis & nobis *th. 2.* definitis est *ἀνθρώπων*.

VIII. *Solus homo itaque affectuum est subiectum: sed an totus homo, an singule hominis partes?* Resp. Totus homo est subiectum totale affectuum & principium quod: *Facultas appetens* sensitiva in homine & *Cor* sunt *subiecta partialia* affectuum, & utrumque principium quo. Quemadmodum totus homo intelligit, sentit, vivit (actiones enim sunt supposito- rum) ita quoque totus afficitur: nihilominus quemadmodum totus homo quidem videt, sed tamen proprium ac peculiare subiectum & proximum visionis est oculus, ita totus homo quidem afficitur, estque subiectum affectuum, sed totale, nihilominus proprium peculiare ac proximum eorum subiectum est, tum *Cor*, tum *facultas animæ appetens*: nempe *Cor* est affectuum subiectum proximum inter organa & membra corporis: adeoque subiectum est proximum secundum quid. At sentiens appetitus, qui est in corde, est affectuum subiectum proximum absolute: ideoque in definitione generali affectuum *th. 1.* mentionem fecimus appetentis facultatis, non item cordis.

IX. (a) *Facultas appetens, seu appetitus sensitivus*, duplex vulgo ab Ethicis constituitur, *concupiscens & irascens*: vulgo, *concupiscibilis & irascibilis*. Per concupiscibilem intelligunt illam potentiam, qua homo profectur bonum, & malum fugit simpliciter. Per irascibilem appetitum intelligunt illam facultatem, qua homo resistit iis, quæ impediunt boni adeptionem aut mali fugam, quæque aliquam inferunt noxam: uterque hic appetitus, est sedes ac subiectum certorum affectuum. Quorum? postea videbimus. *Quæri hic solet, An irascendi & Concupiscendi facultas*



*facultates reipsa an ratione distinguantur?*  
 Resp. Utrumvis statuatur, non multum refert: prior quidem opinio communior, at posterior est nobis probabilior, qui non libenter entia multiplicamus citra necessitatem: & rationem hanc damus: Quorum appetitum subiecta & objecta non differunt reipsa sed ratione, illi ipsi appetitus non differunt reipsa sed ratione. Atqui appetitus irascentis & concupiscentis subiecta & objecta non differunt reipsa sed ratione. Ergo. Prob. min. subiecta eorum non differunt reipsa, quia unum est idemque utriusque appetitus subiectum, nempe Cor: Nam in corde utriusque appetitus operationes exeruntur atque exercentur; sed nec objecta utriusque appetitus differunt reipsa sed ratione tantum, quia idem bonum nunc ut iucundum & salutare concupiscitur a facultate seu appetitu concupiscentis,

te, idemque ut arduum & difficile ad irascentem spectat: at bonum idem, nunc ut iucundum, nunc ut arduum, spectatum, ratione tantum a seipso differt: Ergo & appetitus concupiscentis, qui versatur circa bonum simpliciter, & irascentis, qui versatur circa idem ut difficile, ratione tantum a se invicem differunt. Quæ de affectibus disputari solent ulterius, seq. disp. exhibebimus.

(a) Quodcumque proponitur vel appetendum ut bonum, vel fugiendum ut malum, illud vel conjunctum est cum difficultate aut molestia, vel non est: si non sit, est objectum appetitus concupiscentis, si sit, est objectum appetitus irascentis: nam cum studemus bonum aliquod consequi, sed præ difficultate aut molestia, quæ ipsi est conjuncta, non possumus, aut quando studemus malum aliquod fugere, sed pariter ob impedimenta quædam conjuncta nequimus, irascimur.

## DISPUTATIONUM PRACTICARUM DECIMA-TERTIA,

DE

### AFFECTUUM CAUSIS ET DIVISIONIBUS.

#### THESES I.

**E**Xcussimus *Affectivum definitionem generalem*, eorumque *subiectum*, *disp. preced.* hæc eorum *causas* & divisiones excutere, est animus. *Causas* considerabimus, *efficientem & finem*: materia enim & forma carent affectus, quia actiones sunt vel passionēs, aut utrumque potius, ut *disp. preced.* est explicatum.

II. (a) *Causa efficiens* affectuum, est vel *externa* vel *interna*: omnis quidem causa efficiens externa est, si ad effectum referatur, ut docetur in *Logicis*; dicitur tamen quædam interna, respectu subiecti illius, in quo suam operationem exercet & exequitur. *Externa efficiens* affectus *causa*, sc. procatartica, est *objectum*, quod per sensus affectum ciet atque excitat. Queritur, *qualis sit causa efficiens objectum?* Dicitur vulgo objectum causa proca-

tartica: & est revera talis causa, respectu ejus sensus, quem movet: & sic intelligendum est illud vulgatum; *objecta movent sensus*: sc. ut causæ procatartice impellentes atque irritantes extrinsece. Objectum vero respectu appetitus & affectuum est finis, tum ultimus, tum subordinatus, quia ut bonum, vel verum, vel apparens, appetitum movet. *Causa efficiens interna* est, quæ in ipso subiecto latens ab externa efficiente excitatur: estque in negotio præsentis duplex; *principalis*, vel *minus principalis* seu *instrumentalis*: *Principalis*, *remota vel proxima*: *Remota*, est facultas cognoscens, à qua appetitio & aversatio, omnesque affectus pendunt suo modo: ubi enim deest facultas cognoscendi, affectus quoque locum habere nequit. Per facultatem cognoscentem intelligimus, sensum, tum

Yyy 2

exter-

externum, tum internum, imo etiam rationem in homine, sive rectam, sive pravam. *Causa efficiens interna principalis proxima*, est appetitus sensitivus, à quo affectus eliciuntur. *Causa efficiens minus principalis seu instrumentalis*, est humorum & spirituum temperatio: hanc humorum & spirituum temperationem Medici vocant *complexionem*: plurimum vero ad affectuum concitationem conferre, spirituum & humorum vel temperiem vel intemperiem, tam est notum, quam quod est notissimum: atque hinc vulgatum etiam est illud *Galenii*: *Mores animi sequuntur temperamentum corporis*: & ipsa hoc docet experientia: quod tamen non sic est capiendum, quasi in totum animus sit subiectus corpori in affectibus; imo contra, licet plerumque temperiem corporis sequantur mores & motus animi affectusque, animus tamen corpori & ejus temperamento dominatur, quod ex *Socratis* similitudine apparet exemplo, qui studio & assuetudine mores animi affectusque contra temperiem suam immutarunt atque emendarunt; quod sane dominantis supra corporis & humorum temperiem animi est argumentum.

- (a). Causa efficiens Affectuum externa est in alio subiecto, quam sunt ipsi Affectus: Causa efficiens Affectuum Interna est in eodem subiecto, in quo sunt Affectus, sc. in ipsa Anima sensitiva.

III. Ut modus, quo ex hisce causis oriatur & concitatur affectus, dextre semel percipitur; res sic sese habet. 1. Objectum incurrit in externos sensus. 2. A sensibus externis defertur ad internos, praesertim ad phantasiam. 3. Phantasia objectum cognitum judicat, sitne bonum vel malum, jucundum vel molestum, salutare vel noxium, facile vel arduum: atque hoc idem in homine saepe facit ratio: itaque objectum cognitum judicatur judicio, tum inferiori seu sensitivo, tum saepe superiori seu intellectivo. 4. Non tantum judicatur objectum esse bonum vel malum simpliciter, sed praeterea esse bonum vel malum nobis. 5. Excitatur ac movetur appetitus sensitivus ab illo judicio. 6. Appetitus sensitivus excitatus & motus ab illo judicio, rem judicatam vel appetit vel aversatur. 7. Con-

sequitur statim commotio spirituum vitalium per arterias ex corde in totum corpus diffusorum: concomitatur commotio sanguinis per universum corpus fluentis. 8. Motus spiritibus, motoque sanguine, & Cor, & praecordia, & omnia corporis membra, totumque corpus ipsum, commoventur: haec enim omnia, aut frigescent, aut incallescunt, aut contrahuntur, aut dilatantur: & inde totum animal aut homo potius, quo vult, membra flectit, contorquet, porrigit, contrahit, expandit, variisque motibus movetur.

IV. Finis affectuum est actionum alacritas. quicquid enim sine affectu fit, segniter fit, remisse, ac cunctanter: at, quod cum & ex affectu fit, promptè, alacriter, expeditè, efficitur, atque peragitur. Quia ex sapientium consilio animus humanus in corpore esset commoraturus, indidit homini Deus hanc affectuum facultatem, ut iis veluti quibusdam stimulis ac calcarebus excitaretur ad bonum, iisdem veluti freno cohiberetur, ne in noxia rueret.

V. Affectuum varias divisiones ac species enumerare, non tam est facile. Plato innumeratos esse censuit animi nostri affectus; sed nomine carentes. *Aristoteles Eth. ad Nicom. l. 2.* undecim recenset, 2. *Rhet.* tredecim: *Galenus lib. de curandis animi morbis* sex enumerat. *Boethius* quatuor facit his versibus; *Gaudia pelle, Pelle timorem, Spemque fugato, Nec dolor adsit. Aquinas parte sec. quaest. 23. art. 4.* undecim ponit; 6. in concupiscente, 5. in irascente appetitu. Hunc sequuntur *Scholastici* omnes & *Philosophorum vulgus*. Appetitus concupiscentis affectus sunt, Amor, Odium, Desiderium, Fuga, Gaudium, Tristitia: Irascentis sunt, Spes, Desperatio, Metus, Audacia, Ira. Hujus divisionis rationem solidam apud *Aquinatem* aut alios non inveni: quia tamen recepta est, ne videamur Antiquorum limites reficere, eam retinebimus, & singulos Affectus sua definitione, qualicunque, (neque enim Logicam *Aquinatus* promittimus) omittis aliorum definitionibus, circumscribimus.

VI. Amor, est Affectus appetitus concupiscentis, tendens in bonum sibi vel alteri praesens. Odium, est affectus appetitus concupi-

cupiscentis, quo quis sibi (a) vel alteri malum vult sine suo emolumento. *Desiderium*, est Affectus appetitus concupiscentis tendens in bonum abiens, quod ut conveniens fuit perceptum. *Fuga*, est affectus appetitus concupiscentis, quo quis averfatur malum abiens, quod ut minus conveniens conceptum fuerat. *Gaudium*, est Affectus appetitus concupiscentis, ob praesentis boni fruitionem. *Tristitia*, est Affectus appetitus concupiscentis, super malo, vel reipfa, vel per phantafiam, praesente. *Spes*, est Affectus appetitus irascentis, tendens in bonum abiens, arduum, possibile. *Desperatio*, est Affectus appetitus irascentis, quo quis recedit ab appetitione boni ex opinione, quod nunquam eo fit potiturus. *Metus*, est affectus appetitus irascentis, confiftens in aegritudine ab oblata specie impendentis mali, quod interitum vel dolorem afferre poffit. *Audacia*, est affectus appetitus irascentis, quo animus in magnis & periculofis rebus multum fiduciae concipit & fidet fe fuperaturum mala & incommoda. *Ira*, est affectus facultatis irascentis, quo quis appetit ultionem & vult alicui malum, quia fe aut fua quis contemni videt; vel quia injuriam fibi aut fuis atque ad fe pertinentibus intulerit.

(a) Obj. At, quomodo quis poteft fibi male velle, vel fe odiffe, fi quidem nemo propriam carnem odio habuit? Relp. Nemo fibi male vult, ut fic, id eft, vult quidem quis fibi quod eft malum, fed non qua eft tale, id eft, quatenus fibi tale videtur: fic & nemo odit feipfum, ut aliquid velit fibi male cedere, quod judicaverit fibi male ceffurum: ideoque poteft quis fibi velle malum materialiter, id eft, rem malam, quae eft talis; nunquam poteft fibi velle malum formaliter, id eft, rem malam, quae eft talis.

VII. Extat ufitata quaedam apud *Ethicos* divifio affectuum in *Morales* & *Naturales*, fed non eft ifta divifio generis in fpecies, imo ne quidem rei divifio, fed vocis potius videtur efle diftinctio. *Affectum naturalem* vocant *Ethici* eum, qui a natura & per naturam ineft, qui principium & fundamentum habet iftam naturam, qui oritur ex potentia naturali, quae eft *in eo a natura* refpectu hujus potentiae naturalis, ipfe quoque affectus naturalis & innatus dicitur. *Moralem affectum* vo-

cant, non qui ex naturae fontibus, fed qui ex educatione & longa exercitatione ac confuetudine eft contractus. *Dixi*, hanc efle divifionem vocis potius quam rei: quia affectus naturalis, nomen quidem fortitur affectus, at definitionem non item: Affectus enim motio eft interna hominis, &c. ex th. 2. diff. praeced. At hi naturales affectus in brutis etiam reperiuntur: in quibus ex naturali potentia, nulla accedente institutione, oriuntur fimiles motiones, quales funt quas in homine affectus vocamus. Unde non *Ethici* fed *Physici* de naturalibus agunt affectibus: nos de moralibus porro fumus philofophaturi.

VIII. *Affectus morales* funt vel *boni* vel *mali*; quae quoque divifio non tam eft (a) generis in fpecies, quam fubjecti per adjuncta. *Boni* funt affectus, qui recte rationis praefcriptum fequuntur & intra illud fele continens. *Mali* funt affectus, qui extra rationis rectae praefcriptum abeunt ac fequuntur rationem errantem. Ratio recta praefcribit obfervationem variarum circumftantiarum: quod praefcriptum fi fequuntur affectus, funt boni: fi fpernant, funt mali: aut, fi ratio non recte judicet de circumftantiis, etiam, cum hoc judicium fequuntur affectus, mali funt: quod fi ratio hoc judicium emendat ac corrigat & affectus illud fequuntur, boni funt: unde affectus nunc malus, mutato judicio ac mutatis circumftantiis, mox fit bonus, & vice verfa: quae ratio eft, quare *dixerim* ftatim, hanc affectuum divifionem in bonos & malos non efle generis in fpecies divifionem; (b) quia fpecies oppofitae ob nullam circumftantiarum varietatem variari aut in fe invicem transire aut mutari poffunt.

(a) In divifione Generis in fpecies nunquam una fpecies poteft propter ulla Circumftantias mutari in aliam, fic Homo nunquam poteft fieri Brutum; fed in divifione fubjecti per adjuncta poteft idem fubjectum nunc hoc nunc alio adjuncto affici pro mutatis circumftantiis: fic Actio, quae nunc eft bona, eadem, fi craffino die vetetur, erit mala: fic & Affectus idem, qui una hora eft bonus, quia congruit rectae Rationi, ob circumftantias mutatas.

(b) Nulla unquam data fuit aut dari poteft fpecierum confufio: pugnat enim hoc cum univerfo ordine

dine & Dei sapientia, qua voluit omnibus entium speciebus suas & peculiares ac distinctas esse naturas; ideoque homo nunquam potest fieri brutum, aut vice versa: & non datur transitus de specie in speciem ob ullam quamcunque demum circumstantiam, sed affectus hac hora bonus sequenti potest reddi malus, mutata aliqua tantum circumstantiarum moralium: ideoque affectus bonus & affectus malus non sunt species duæ oppositæ, sed unius ejusdemque affectus adjuncta diversa.

IX. Ut vero natura, tum boni, tum mali affectus, adhuc melius cognoscatur, notandum est, gravem sæpe existere pugnam & difficilem luctum inter rationem rectam præscribentem, & affectus, qui non semper rectæ rationis præscriptum sequuntur: hinc fit, ut homo modo in hanc, modo in illam trahatur partem, &, instar naviculæ fluctibus marinis expositæ, paulo momento huc atque illic impellatur. Luctus hujus ac pugnæ causa est, quod ratio recta præscribat ea quæ honesta sunt, sed quæ sæpe ac plerumque cum labore ac difficultate sunt conjuncta: at affectus sæpe tendunt & acquirere conantur ea, quæ sunt jucunda, licet sæpe ac plerumque cum turpitudine conjuncta: hinc iste oritur conflictus rationem rectam inter & affectus. (a) Exemplum affectus rationem rectam sequentis, est in homine continente: contra, exemplum affectus rationem rectam repudiantis & erroneam sequentis, est in homine incontinente. Atque jam constat, quomodo affectus morales vel boni sint vel mali.

(a) In Philosophia morali Aristotelis hæc quatuor distinguuntur; temperans, intemperans, continens & incontinens. Temperans ipsi dicitur qui servat mediocritatem in cibo, potu & Venere, absque ulla luctu affectuum & rationis: intemperans, qui absque ulla luctu etiam ab ista mediocritate recedit; continens ipsi dicitur, in quo quidem est pugna affectuum & rationis circa usum, cibi, potus & Veneris, sed sic ut ratio evadat superior, atque in iis utendis servetur mediocritas; incontinens est ipsi, in quo item est ista pugna, sed sic, ut affectus evadat superior, atque non servetur mediocritas.

Continens distinguitur apud Aristotelem à Temperanti, quod Temperans Cibo & potu & Venere utatur bene absque luctu Affectuum & Rationis; Continens cum luctu: sic & Intemperans ipsi dicitur, qui male utitur omnibus il-

lis absque ulla pugna Partis inferioris, & superioris: Incontinens, qui cum pugna.

X. Ex jam dictis, facile est videre & rejicere errorem Stoicorum, ut quidem vulgo iis tribuitur, qui omnes affectus esse malos, nullos bonos, voluerunt: nam qui rationis rectæ præscriptum sequuntur, haud dubie boni sunt: imo nullus affectus, per se, ut talis, malus est, si qua affectus, simpliciter, in natura sua, physice, & non in ordine ad morales circumstantias, consideretur. Ergo sic sentiendum, sic loquendum, censeo. *Affectus, quæ affectus, in natura sua, seu in genere naturæ, ut sunt motiones naturales (quos affectus naturales si quis vocare velit, non multum repugno) nec boni sunt nec mali: affectus vero relati ad circumstantias morales, seu in genere moris, (quos affectus morales vocamus) sunt vel boni vel mali.* Amor & odium, si spectentur in naturâ suâ, physice, carent omni malitia & bonitate, habentque se indifferentes ac negative ad utramque: sed si spectentur ethice & in ordine ad objecta, finem, aliasque circumstantias, bonitatem accipiunt aut malitiam: sic amor virtutis bonus, vitii malus est: contra odium peccati bonum, virtutis malum est. Et, si affectus ex natura sua essent mali omnes, eos non indidisset naturæ rectæ & integræ Deus, nec in Servatore nostro fuissent reperti, nec Deo in sacris *ἀγαθός* attribuerentur, nec in cordibus piorum à Spiritu Sancto excitarentur, nec in verbo Dei præciperentur.

XI. Extat denique alia insuper apud Ethicos non generis in species, sed vel analogi in sua analogata, vel vocis æquivocæ in sua significata, *diviso affectuum in inconsultos & consultos.* Illi sine assensu rationis, hi cum assensu oriuntur: quæ est eadem divisio cum hac Antiquorum, qua diviserunt affectus in *primos & secundos: Affectus primus* est, quem statim vocavi inconsultum, estque primus ille motus, quo homo subito & ex improviso, antequam rationis judicium adhibeat, in rem aliquam, sive delectabilem, sive averfibilem, movetur, & quasi rapitur; ut nihil sit aliud quam rapidissima & inconsulta inclinatio, quæ mentem ac rationem præcurrit: unde & à nonnullis *affectus rationem præcurrens* dici solet.

solet. At *affectus secundus*, aliis *secundarius*, est, quem consultum vocavi, qui rem cognitam ac judicatam sequitur, qui adhibito rationis iudicio in rem fertur, vel prosequendo vel fugiendo eam, sive bene, sive male, prout iudicium rationis fuerit vel rectum vel erroneum: primi illi affectus vulgo dicuntur *motus primo primi*, sub quo titulo & nomine de iis disputari solet, *An sint in nostra potestate, & an sint mali?* Resp. breviter. 1. Non sunt in nostra potestate, quatenus disciplina, consuetudine, educatione, disponi & assuescere possumus sic, ne tam subito abripiamur, nec è vestigio moveamur aut afficiamur. 2. Motus isti primo primi, cum tendunt in rem malam & fiunt inordinatè, non planè carent malitià quia sunt effectus peccati originalis tunc, & corruptæ in nobis nature, quæ, si mansisset integra, plus etiam potestatis in primos illos ac subitaneos motus habuissent homo. Quæ de singulis affectibus disputari possunt, Corollaria proponunt.

## COROLLARIA.

1. *An amor, dilectio, caritas, distinguantur?* A.

2. *An amor rectè distinguatur in sensitivum & rationalem?* N.

3. *An amor rectè dividatur in amorem complacentiæ & desiderii?* N.

4. *An amare sit præstantius quam amari?* A.

5. *An amor sit erga bruta & inanima?* N.

6. *An odium & ira distinguantur?* A.

7. *An odium rectè distinguatur in odium personæ & rei?* A.

8. *An desiderium & spes distinguantur?* A.

9. *An bono desiderato, jam præsentè, expleatur & satiatur desiderium?* Resp. De bono increato verum est, de creato non item.

10. *An præsentè malo fuga cesset?* A.

11. *An tristitia sit eadem cum dolore?* N.

12. *An spes maxime reperitur in juvenibus?* A.

13. *An metus sit idem cum tristitia?* N.

14. *An audacia & metus sint affectus oppositi?* A.

15. *An difficilior sit ira quam voluptati repugnare?* N.

16. *An difficilior sit in prosperis rebus, quam in adversis modum tenere?* A.

DISPUTATIONUM PRACTICARUM  
DECIMA-QUARTA.

## DE VIRTUTE IN GENERE, ET DE INTELLECTUALI IN SPECIE.

## T H E S I S I.

Quæcunque hætenus publico disputantium examini subiecta fuerunt, ea *finem* Ethicæ ac *subiectum* spectare: nunc *media* examinanda sunt, quibus finis in subiectum introduci, & ab eo acquiri debet: *Media* illa, *virtutes* sunt, quæ in affectibus coercendis & actionibus humanis dirigendis, occupantur: quibus bene coercitis ac directis summum hominis in hac vita absolvitur bonum. *Virtutum* ergo *naturam*, primum *in genere*, mox *in specie*, publice Philosophantium disquisitioni, in posterum subiciemus.

II. *Virtus*, ut à nomine initium faciamus, non à vi vel *violentiâ* (in virtute enim omnia sunt libera, nihilque est coactum) sed vel

à *Viro*, vel à *Viribus*, dicitur: Græcis ἀρετή, vel ab ἀρίστη, eligio, quasi ἀρίστη, vel ab ἀρίστω, placeo, quasi ἀρίστη, vel ab ἰσχυρῷ, amo, quasi ἰσχυρῷ, vel ab ἀρετῇ Mars, quod virtus potissimum in bello appareat, vel ἀρετῇ, quasi ἀρετῇ, perpetuè fluens, id est, sui semper similis. *Virtutis* vox non uno sumitur sensu: in genere, significat, vim, efficaciam, εὐπρεπείαν, qualitatem, facilitatem, operandi: quo sensu & brutis & rebus inanimatis tribui solet: Est in juvenis, est in equis, *Patrum* virtus: & *Virtutis* Solis omnia reviviscunt ac reviviscunt: sed *Virtutis* vocem hic nos restringimus ad animum hominis, intelligimusque per virtutes, *habitus laudabiles & bonos*.



*bonos in eo existentes: (a) habitus, vel per infusionem existunt, unde infusi, vel per curam, diligentiam, & studium acquiruntur, unde acquisiti vocantur: atque de hisce nobis sermo est: metonymicam Virtutis significationem, qua sumitur pro premio virtutis, synecdochicam, qua sumitur pro fortitudine, metaphoricam, qua Deo tribuitur, quia à nostro instituto alienæ sunt, omittimus.*

- (a) Habitibus infusis & acquisitis adduntur vulgo habitus concreati, & connati: concreati, fuerunt, sapientia, iustitia, & sanctitas originalis; habitus connatus est, peccatum originale, & fides in fidelium infantibus.

III. *Virtus in genere describi potest, habitus acquisitus, laudabilis, cum recta ratione conveniens. Aristot. enim diserte, postremis l. 1. c. 13. Ethic. ad Nicom. verbis, sic loquitur, ἡ εὐδαιμονία ἔστι τῆς ἐν ἀρετῇ ζωῆς, ἡ δὲ ἀρετὴ ἡ κατὰ φύσιν, habitus laudabiles virtutes appellamus: & 6. Ethic. c. 13. expresse inquit, Virtutem esse εὐδαιμονίαν τὴν ἐν ἀρετῇ ζωῇ, habitum secundum rectam rationem. Alii describunt virtutem in genere plenius, habitum animi cum recta ratione conformatum, quo actiones bonas edere possumus & ad summum bonum aspirare.*

IV. *Virtus ab Aristotele variis in locis 1. Eth. Nic. 13. 2. Eth. 1. 6. Eth. 1. 2. Eudem. 4. & 1. Magn. Mor. c. 3. dividitur in ἀγαθὸν κατὰ νοῦν, quæ in intellectu, & κατὰ φύσιν, quæ in appetitu, sedem tenet: illa intellectualis, hæc moralis vulgo dicitur. Videantur ad ista loca Aristot. Commentatores veteres ac recentes. Nos divisionis hujus sufficientiam probamus: quia homo sive animus humanus intellectu & voluntate est præditus, factusque ad intelligendum & appetendum, atque in utroque dirigi eget ac debet. Ergo duplex quoque exigitur virtus, una quæ intellectum, altera quæ appetitum, juvet ac regat: Et certe, omnes omnino virtutes ad duas hæc classes possunt revocari. Nos virtutes intellectuales primum, deinde morales, examinabimus: nam moralium virtutum natura intelligi nequit; nisi cognita natura prudentiæ, virtutum moralium directricis, quæ intellectualium virtutum est una, ut Arist. 1. Ethic.*

Nic. 13. docet, atque alibi, & nos postea ostendemus.

V. *Virtutes Intellectuales, Græce Διανοητικαί, sic dicuntur διὰ τὴν Δianoian, ab intellectu seu mente, cui insunt. Δianoia Græcis biliariam accipitur, vel de tota facultate intelligendi, sive cum discursu intelligat sive sine discursu, & tum idem est quod νοῦς, mens, intellectus, vel de illa, quæ per terminum medium, per argumentum tertium, per ratiocinationem, aliquid cognoscit: hoc posteriori sensu hic non accipitur, sed priori, cum διὰ τὴν Δianoian denominantur virtutes intellectuales, Διανοητικαί, hærent enim ex virtutibus in tota mente, eamque totam perficiunt.*

VI. *Differunt Virtutes intellectuales à moralibus multis modis: 1. Subiectis: nam dianoëticæ in intellectu, tum speculativo, tum practico, at Ethicæ in appetitu sunt, utro? an rationali, an sensitivo? postea videbimus: 2. Efficiente: nam dianoëticæ potissimum doctrina & institutione, à morales usu & assuetudine comparantur. 3. Fine: nam hic in virtutibus Διανοητικαί est veritas, at in moralibus est honestas ac bonitas. 4. Objectis: nam intellectuales virtutes versantur circa vera, universalis, (a) necessaria, at Ethicæ circa bona, specialia, contingentia. 5. Efficitis: nam Dianoëticarum virtutum effectum est beatitudo theoretica, Ethicarum practica.*

- (a) Non omnes virtutes intellectuales versantur circa universalis, necessaria, sed tantum circa talia versantur habitus intellectuales speculativi non practici; nam ars & prudentia versantur circa contingentia, circa particularia.

VII. *De virtutibus intellectualibus hæc duo videbimus. 1. Quenam sint? 2. An vere virtutes sint habende? Quod ad §. 1. Aristoteles 6. Ethic. Nicom. c. 3. recenset quinque virtutes intellectuales: totidem Ethic. ad Eudem. l. 5. c. 3. Intellectum seu intelligentiam, scientiam, sapientiam, prudentiam, artem: alibi, ut Eth. Nicom. l. 1. c. 13. pauciores: nos de numero non multum cupimus litigare: si sint quinque, tres priores in intellectu speculativo, due posteriores, prudentia & ars, in intellectu practico, (latè sumpta voce praxeos) poni solent ac debent.*

VIII. *Intellectus sive intelligentia est habitus*



tus contemplativus, quo compellimur ad assentiendum principiis primis & evidentibus Theoreticis, cujusmodi sunt : *Impossibile est idem esse & non esse. Totum est majus sua parte. Si ab equalibus auferas equalia, tota erunt equalia. Bis bina sunt quatuor, &c. Aristoteli dicuntur* vñ, quæ vox licet frequenter significet totam mentem animamque rationalem, hic tamen pro habitu accipitur, quo principia conclusionum scientificarum cognoscuntur. *Scientia est* habitus theoreticus, quo movemur ad assentiendum conclusionibus necessariis demonstratis per principia necessaria. Vox scientiæ non significat hanc quamcunque & qualemcunque notitiam, undecunque haustam, sive per sensum, sive per intellectum sine discursu; sed significat talem notitiam, quæ per discursum ac rationationem apodicticam acquiritur, qualis est notitia proprietatum, quæ per proximas causas de subiectis demonstrantur; & tales conclusiones demonstratæ sunt omnia scientificarum theorematum, quæ primis principiis inniuntur, & ex quibus scientiæ ac disciplinæ theoreticæ componuntur. *Sapientia est* habitus contemplans, quo inclinamur ad assentiendum conclusionibus claris atque evidentibus & per causas supremas demonstratis. Sapientia hic non notat quamcunque peritiam, quo pacto Polyclethus sapiens statuarius & Phidias sapiens marmorarius dicitur *Philosopho 6. Eth. c. 7.* sed significat habitum ex primis principiis & conclusionibus scientificis constatum, qualis habitus vulgo dicitur Metaphysica. *Prudentia est* habitus practicus, qui cum vera ratione conjunctus nos ad agendum facit habiles. Non sumitur hic prudentia pro naturali sagacitate, quam etiam in brutis reperire est: quo pacto serpentes dicuntur prudentes, sed sumitur pro habitu, qui nos secundum rectam rationem vivere docet, & agere ea, quæ sunt honesta & bona. *Ars est* habitus practicus, qui cum recta ratione conjunctus, nos ad aliquid efficiendum reddit idoneos. Artis vocabulum sæpe quamcunque peritiam, interdum multorum præceptorum congeriem; at hic habitum aliquid ex recta ratione efficiendi designat, quem ideam *ἀρετήν*, nec male, alii vocant.

IX. Sunt, qui hunc numerum quinarium intellectuales habitum eunt imminutuna, & ex hoc numero Aristotelico expungunt sapientiam & intelligentiam: nec fortassis sine ratione: Sapientia saltem non videtur esse habitus distinctus à scientia & intelligentia, si hæc habitus sit: at intelligentia ne esse quidem videtur habitus: quippe nullum opus est, ut sic loquar, facilitatione intellectus ad assensum præbendum primis principiis, quæ solâ vocabulorum cognitione acceptâ intellectum convincunt suæ veritatis, eundemque ad assentiendum pertrahunt ac cogunt. Alii contra hunc numerum virtutum intellectivarum auctum eunt, addendo iis, *αὐτοπάθεια*, habitum practicum, quo principia moralia & practica cognoscimus, atque assentimur, qualia principia sunt: *Bonum est amplectendum. Malum est fugiendum. Quod tibi non vis fieri, id alteri ne feceris, &c.* hunc habitum *Aristot.* non tradit: & sub prudentiâ comprehendi potest; *Scholastici* tamen malunt ex eâ peculiarem facere habitum: Et, profeçdò, si detur habitus, quo principia theoretica facile cognoscimus, iis-que prompte assentimur, quidni & circa principia practica talis habitus concedatur? aut, si hic inutilis est, etiam alter fuerit. Sed vero, si uterque est habitus, ut vulgus tenet Philosophorum ac Scholasticorum, omnes habitus sic dirigimus.

X. Habitus intellectuales, aut sunt simplices, aut compositi ex simplicibus. Simples, vel absque discursu, vel cum discursu rem intelligunt: Absque discursu, est, vel *intelligentia*, quæ est notitia principiorum theoreticorum, vel *synteresis*, quæ est notitia principiorum practicorum: Cum discursu habitus theoreticus qui rem intelligit, vel id præstat per discursum apodicticum, & est *scientia*, vel per dialecticum, estque, in rebus agendis, *prudentia*; in rebus faciendis, *ars*: habitus compositus ex simplicibus, est *sapientia*.

XI. Quod ad §. 2. *Hos habitus intellectuales esse veras virtutes*, sic probamus. Cui competit definitio virtutis, est vera virtus. Sed habitibus intellectualibus competit definitio virtutis. Ergo &c. Præ sunt definitiones virtutis apud *Aristot.* Prima est l. 2. *Eth. c. 5.* ubi

Z z z z

docet,

docet, *virtutem esse id, quo bene præparamur ad actiones, & propter quod laudamur.* At habitus intellectualis est, id propter quod laudamur & quo bene præparamur ad actiones. Ergo &c. Verum id quidem est, propter habitus contemplativos non ita proprie nos laudari, attamen propter eos laudamur: & ratio laudis ac definitio Virtutis, saltem (a) analogice, intellectualibus habitibus convenit, quod sufficit. Secunda definitio virtutis est, apud *Arist. l. 2. Eth. c. 6. Virtus est, quæ bonum facit habentem, & opus ejus bonum reddit.* Atqui hæc definitio etiam competit habitibus intellectualibus: est enim in eorum operibus & sua bonitas, licet non moralis: nisi quis velit & omnem & solam bonitatem vocare moralem, quod tamen est in Philoſophia recepta & Peripatetica inſolens. Tertia definitio Virtutis in genere est, 7. *Phys. text. 17. Virtus est dispositio perfecti ad optimum: i. e. Virtus est potentia præparatio ad optimum, non quidem absolute, sed ad operationem optimam, quantum ipsa potentia & ejus conditio fert ac permittit.* Atqui virtus intellectualis est talis dispositio & præparatio potentia ad optimam actionem, quantum ea in potentiam cadere potest. Ergo. Si dicas, *pugnare inter sese, ut intellectualis virtus dicatur & sit vera virtus, & nihilominus definitio virtutis non ex æquo conveniat virtuti intellectuali & morali:* Resp. non ista inter se pugnare: nam utcumque ens non ex æquo conveniat Deo & creaturis, substantiæ & accidenti, sicuti tenet communis opinio, creatura tamen & accedens vere sunt entia: sic & habitus intellectuales sunt vere virtutes, utcumque iis & moralibus non ex æquo conveniat definitio virtutis. Sed de in-

tellectualibus virtutibus, quæ disputari amplius possunt, Annexa exhibebunt.

(a) Analogice, i. e. licet magis laudemur propter virtutes morales, quam propter intellectuales, attamen aliquo tamen modo laudamur etiam propter has: hæc autem est natura generis analogi, ut magis & prius uni competat speciei quam alteri.

### A N N E X A.

1. *Necessitas habituum intellectualium oritur ex natura ipsius intellectus.*
2. *Habitus intellectualis non est idem quod species intelligibilis.*
3. *Fides humana & opinio non sunt habitus intellectuales.*
4. *Habitus supernaturales ad Aristotelis virtutes intellectuales reduci, nec debent, nec possunt.*
5. *Intelligentia Peripateticis non est ipsa facultas intelligendi, sed habitus ab ea distinctus, partim naturalis, partim acquisitus.*
6. *Aliqua requiritur experientia ad cognoscenda prima principia.*
7. *Diversitas principiorum specifica diversam speciem facit virtutem circa se intellectualem.*
8. *Evidentia est de ratione & essentia scientiæ.*
9. *Unitas & distinctio scientiarum sumenda est ab objecto formali, & quidem à ratione formali, non quæ, ut loquuntur Scholastici, sed sub qua.*
10. *Facere & agere, ποιεῖν & πράττειν, velut in Philosophia distinguuntur, differuntque a prudentia objecto, saltem formali, sine adjuncto, perfectione.*

## DISPUTATIONUM PRACTICARUM DECIMA - QUINTA,

# DE PRUDENTIA.

### THESIS I.

**V**irtutes Intellectuales omnes proposuit singulas circumscriptis: nunc missis, Intelligentia, Scientia, Sapientia, Arte, ad Ethicæ instituta præced. atque suis definitionibus

institutum non pertinentibus, de *Prudentia* nonnihil plenius sumus acturi, tanquam virtutum moralium normā, regulā, mensurā, matre, ac moderatrice, secuti exemplum *Arist.* in *Eth. Nic. l. 6. c. 5. 6. &c. usque ad finem & l. 1. Magn. Mor. cap. 35.* Prius nomen, mox rem, consuetā nobis methodo, excutiemus.

II. *Prudentia* dicitur quasi *Providentia*, quod *Prudentiæ* sit *providere* sibi: Græci *Πρόνοια* vocant *Πρόνοια* & *Προνοία*, quia recte rationis est operatio. Sumitur vox hæc, *prudentia*, non eodem modo, interdum *pro divina sapientia*, quando Deo tribuitur, interdum *pro instinctu naturæ*, quo sensu bestii tribui diximus *th. 8. disp. preced.* interdum *pro calliditate & versutia*, quo sensu astuti vocantur prudentes; nobis *pro habitu practico intellectus humani*, quem sic definimus ex *Aristotele l. 5. Eth. ad Nicom. c. 6.*

III. *Prudentia* est, *ἔξιν μὲν λόγῳ ἀληθὲς ποιεῖν καὶ τὰ ἀνθρώπων ἀγαθὰ ἐκείνῳ*, habitus cum recta ratione activus circa ea que homini sunt bona & mala. Est habitus, intelligence acquisitus, non infusus, ut à naturali solertia & sagacitate distinguatur, quæ prudentiæ nomine nonnullis interdum venit. *Activus*, eo distinguitur à reliquis habitibus, speculativis putā, & ab arte, si *πρᾶξις* opponatur *ποιησις*, activum factivo, alioqui discrimen prudentiæ ab arte reliquis etiam verbis insinuat, quia ars non est *αἰσχροὺς ἐκείνῳ*, ut quidem est *Prudentia*. Cum dicitur esse, *habitus cum recta ratione*, à falsis & neuris habitibus discernitur. *Objectum* prudentiæ sunt bona ac mala, honesta inhonesta, utilia noxia, publica privata, nos ipsos aliofque communiōe quadam nobis junctos spectantes; ut officium *Prudentiæ* sit, de omnibus, quæ ad omnem pertinent vitam, rectè consulere, ratiocinari, deliberare, decernere, & bona à malis discernere, ac de omnibus in vita vel fugiendis vel sequendis consilia agitare. Sed de *objecto* prudentiæ plenius est agendum.

IV. *Objectum* prudentiæ est bonum & malum; (a) intellige *objectum materiale*: nam *formale* est *verum*; est enim prudentia habi-

tus intellectualis, at hic pro *objecto formali* habet verum. Itaque sic vellem distingui *objectum prudentiæ*; ut aliud sit *materiale*, quod est morale, agibile, bonum; aliud *formale*, quod est intellectuale, agibile, quatenus verum: atque hinc patet, quo sensu à nonnullis dicatur (a) *Prudentia virtus moralis, respectu scilicet objecti materialis*, agibilis boni, at vero est *intellectualis, respectu, tum subjecti, intellectus sc. practici, tum objecti formalis*, agibilis veri: unde intellectualis dicitur simpliciter, non moralis virtus. Verum autem illud, circa quod versatur *Prudentia*, non dicit conformitatem entis ad facultatem cognoscentem, sed congruentiam cum appetitu recto: non enim hujus loci est veritas speculativa sed practica, quod vel inde manifestum est: quia *objectum Prudentiæ*, agibile, non est necessarium aut universale, cujus veritas est speculativa & conformitas cum intellectu, sed est contingens & singulare, cujus veritas est practica & conformitas cum appetitu recto: unde *objectum*, quod recto appetitui adequatur, est verum prudentiæ *objectum*, & simul bonum agibile.

(a) *Objectum materiale* dicitur, quod pluribus commune est: formale, quod uni proprium est. Bonum est *objectum commune prudentiæ*, virtuti intellectuali, & omnibus virtutibus moralibus: sed verum est *objectum proprium prudentiæ*, nec ulli competit virtutum moralium; unde hoc prudentiæ *objectum formale*, illud materiale dicitur.

*Objectum materiale* vocatur, quod pluribus, seu *Disciplinis*, seu habitibus, est commune: Formale, quod singulari est proprium, V. C. Homo est *subjectum materiale Theologiæ, Medicinæ, Ethicæ, & Physicæ*, quia de homine omnes istæ agunt *Disciplinæ*, sed diverso modo, qui constituit in singulari *objectum formale*: agit enim de homine Theologia, quatenus beari potest, aut damnari; Medicina, quatenus sanitati restitui aut in ea conservari potest; Ethica, quatenus virtutibus aut vitiis affici potest; Physica, quatenus est Corpus Naturale. Sic & *objectum materiale Prudentiæ* est bonum vel malum, quia hoc etiam est *objectum Virtutum Moralium*, quæ pariter circa utrumque versantur; circa bonum, præciendo & faciendo; circa malum, vetando & vitando; *Objectum formale Prudentiæ* est verum, quia non versatur circa bonum Prudentia, illud, ut bonum faciendo, sed ut verum apprehendendo ac iudicando; cum enim sit habitus intellectualis, non potest sub

alia Ratione formali tendere in obiectum, quam sub Ratione Veri; quamvis enim ad bonum & malum formale sese extendat Prudentia, illud dijudicando, utrumque tantum dijudicat sub Ratione Veri.

- (b) Prudentia Virtus est propriè Intellectualis, quia in Intellectu tanquam subiecto residet, & eius Actus sunt, Intelligere ac Judicare, Bonum & Malum; eadem tamen interdum dicitur Virtus Moralis, quia & quatenus se extendit intelligendo & iudicando ad mores, in quantum intelligit & iudicat bonum esse faciendum, malum fugiendum, unde mores oriuntur honesti. Itaque est Prudentia Virtus Intellectualis subiectivè, & Moralis dici potest obiectivè ac terminativè.

V. *Quomodo prudentia à scientia, intelligentia, & sapientia, distinguatur ex th. 8. disp. præced. ex ipsi Arist. Eth. Nicom. & 5. Eud. facile intelligi potest: non potius, quomodo ab arte distinguatur*, explicabimus: 1. Opera prudentiæ propter seipsa expetuntur: sunt enim honesta: at opera artis propter aliud: iuste, fortiter, temperanter, ac liberaliter agere, propter se sunt expetenda, & edificare domum, vestem conficere, &c. propter aliud expetuntur, ut quis commodè habitare & corpus suum obtegere possit. 2. Dissimilis est ratio errorum, quæ in arte committuntur & quæ in prudentia: qui in arte peccat sponte sua, minus est reprehendendus, neque enim ille error imperitiæ argumentum est, neque semper malitiæ: qui in arte vero peccat invitatus, in maiorem incurrit reprehensionem, quia peccat ex artis imperitiâ: ita statuarius, si volens & sciens aberret, censetur præstantior, quam si idem peccet invitatus & ignorans. Contra se res habet in prudentia: hic error spontaneus est gravior, quia malitiæ est indicium: at error invitatus est levior, quia vel per incitiam, vel per negligentiam, vel per animi quandam molliem, obrepit.

VI. Quæri hic solet, *an virtus Moralis possit esse sine prudentia, aut prudentia sine virtute morali?* Resp. 1. *Virtus moralis semper sibi habet coniunctam prudentiam*: & rationes sunt. 1. Quia prudentia causa est, sine qua virtus tanquam effectum esse non potest. 2. Quia prudentia est incitamentum ad virtutis studium. 3. Quia prudentia regula est

& norma, quæ media licita in debitos fines ducit: & 4. Quid multis est opus? virtus moralis est habitus electivus, electio est mediocrum ad finem: adhuc à prudentia proficiscitur: ideoque & definitionem moralis virtutis ingreditur prudentia, tanquam id, quod à virtute morali abesse nequit: definitur enim virtus moralis, habitus electivus in mediocritate consistens, prout viri prudentis prudentia definiverit. Ergo virtus moralis necessario sibi comitem semper exigit prudentiam. 2. *Prudentia semper secum requirit virtutem moralem*, quia prudentia habitus est practicus agibilium, versaturque circa bona & mala: & bona & mala, & agibilia, virtutis moralis obiectum sunt, quia circa bona versatur, ea operando, circa mala, ea vitando, virtus moralis.

VII. *Prudentia non una est diviso*: nam dividitur in partes, (a) *vel integrales*, (quia sunt quasi membra prudentiæ totidem actus) non quod ad ipsius prudentiæ quasi compositionem, sed quod ad actuum illius perfectionem requirantur, *vel potentiales*, quæ se habent ad virtutem, ut potentia ad animam, *vel subjectivas* (quia species subijciuntur generi) quæ sub prudentia tanquam species continentur: *partes prudentiæ integrales*, vel sunt ejus, in quantum est habitus simpliciter cognoscitivus, vel in quantum applicat cognitionem ad opus: priori respectu ejus partes enumerari solent quinque, posteriores tres, in universum octo: *Memoria*, quæ est cognitio præteritorum; *intelligentia*, quæ est notitia præsentium per controversionem intellectus ad sensibilia phantasmata (non enim hic habitus principiorum intelligitur) *docilitas*, cognitio hausta per alterius doctrinam; *solertia*, accepta per propriam inventionem; *ratio*, id est, ratiocinatio, quæ hic significat unius ex alio illationem; *providentia*, quæ est ordinatio idoneorum mediocum ad finem; *circumspectio*, quæ est accurata consideratio circumstantiarum; *cautio*, quæ est provisio adversus impedimenta: *partes potentiales prudentiæ* sunt, *eubulia*, quæ apta media ad agendum invenit; *synesis*, quæ de iis iudicat secundum leges communes; *gnomo*, quæ de difficilioribus & lege aliqua non determinatis, secundum altiora

affiora rationis principia, non ex legis severitate, sed ex aequitate iudicium fert: *Subiectiva* partes prudentia sunt variae: prudentia, vel sibi, vel aliis consultit: illa *privata*, haec *publica* est: illa *αὐτῷ ἑαυτοῦ ἡ ἴα*, ad seipsum & unum, haec *αὐτῷ ἄλλοις*, ad alios & plures, refertur: extat haec divisio l. 6. *Eth.* c. 8. ad *Nicom.* Quae refertur ad alios prudentia, est vel *oικονομική* seu domestica, vel politica seu civilis. Politica seu civilis prudentia, vel est *universalis* seu *πολιτική*, quae leges condit, & omnem describit atque ordinat Remp. qua pacem, qua bellum, qua sacra, qua profana; vel est *particularis*, *πολιτική* *ἰσχυρὰ*, quam nomine generis vulgo *politica* simpliciter vocant, vel etiam cum circumscriptione *politica* proprie dictam, quae Remp. secundum leges latas administrat. *Universalem* seu *πολιτικήν* prudentiam *Aristoteles* vocat *Architectonicam*, 6. *Eth.* c. 8. sicut enim *Architecti* est aedes mente designare, quid & quomodo in eam extructione observari debeat, fabricorum autem est, sedulo exequi, quae *Architectus* praescribit; sic is, qui Remp. ordinat, per prudentiam *universalem* & *πολιτικήν*, iura condit tam publica quam privata, ad quorum normam deinde Remp. per prudentiam particularem & politicam gubernat. Dicitur autem haec *particularis prudentia*, politica proprie dicta, & *πολιτική* politica simpliciter, quia etiam majus quid sit, leges ferre, Remp. ordinare, quam eam administrare, administratio tamen maxime in sensus incurrit: actiones enim singulares, quibus administratur Remp. magis sub aspectum cadunt, quam consultationes universales de Rep. ordinanda aut legibus condendis. *Aristoteles* hanc particularem & proprie dictam politicam prudentiam, vocat *practicam*, quia in *πράξει* seu actione administrandi Remp. versatur, sicut *universalis* illa & *πολιτική* Prudentia, in legibus condendis & Rep. ordinanda occupata, theoriae instar sese habet. Prudentia particularis & politica proprie dicta est, vel *βουλευτική*, quae, quid agendum sit, consultat, vel *δυσκλική*, quae, quod actum est, iudicat: Et, utraque, vel belli est, vel pacis: illa militaris, haec

*rogata*, vulgo dicitur. *Prudentia βουλευτική*, Latinis *consulens*, ea vocat in deliberationem decernitque, quae sunt ex usu Reip. *Prudentia δυνάμει*, Latinis *judicatrix*, iudicia prudenter exercet, & quo jure, quave injuria, quidlibet sit dictum aut factum, diligenter expedit: *ἐσθλή* vel *ἀκριβής*, seu exquisita, vel *ἰσχυρὰ*, seu aequitati consentanea: illa secundum legis rigorem iudicat, haec secundum aequitatem: ad utramque necessaria est, & praceptorum, quae hanc prudentiam ad mediocritatem redigunt, notitia certa, & singularum casuum, quae iudicandae veniunt, cognitio exquisitissima.

(a) Quotiescunque virtus omnis dividitur in trium generum partes, integrales, potentiales, subiectivas, istae sic satis sumuntur improprie & abusive: nam partes integrales seu integrantes proprie conveniunt quantitati: omnis autem virtus est qualitas, non quantitas: sed quemadmodum ad quantitatis integritatem requiruntur omnia membra & partes rei quanta, ita ad integritatem cuiuscunque virtutis, certi requiruntur actus, ex quibus tamen ipsa virtus non componitur, est enim habitus simplex, sed qui requiruntur solummodo, ut virtus omnis sit quoad partes omnes integrales ac completas. Partes potentiales proprie dicuntur de potentiis animae, huc autem transferuntur per metaphoram, scilicet, quemadmodum potentia non sunt ipsa anima, sunt autem artificio vinculo connexae cum anima, quia ab illa emanant ac fluunt, ita partes potentiales virtutis cuiuscunque dicuntur, quae non quidem sunt ipsa virtus, sed tamen artissime cum virtute conjunguntur, ut sine iis esse nequeat, quemadmodum anima non potest esse sine potentiis suis; partes subiectivae, dicuntur species cuiuscunque virtutis, quia omnis species subicitur generi.

VIII. Prudentiae opponitur *Imprudentia*, qua voce non intelligimus, generalem illam ignorantiam, quae in omni reperitur vitio, non enim ullum est vitium, quod non careat ratione dirigente, ideoque quod non proficiat ex ignorantia atque imprudentia: *omnis enim peccans, est ignorans atque adeo imprudens*, sicut contra, *omnis bonus est prudens: impossibile est, eum, qui non sit bonus, esse prudentem*, sunt verba *Arist.* l. 6. *Eth.* c. 10. & l. 3. *Eth.* c. 10. *peccans est ignorans*: sed vero intelligimus per *imprudentiam*, vitium quoddam peculiare & definitum







rum, rectè vel perperam, secundum aut contra rationis dictamen. 2. Propter affectus, nec laudamur, nec vituperamur: nec enim laudatur aut vituperatur, qui simpliciter timet & irascitur, &c. sed qui certà id facit ratione, & modo vel moderatori vel immoderatori. At propter virtutes & vitia moralia laudamur aut vituperamur. Ergo. 3. Irascimur & metuimus atque perturbamur plerumque aulque consultatione & delectu. At virtutes & vitia sunt semper *in ratione* ex consultatione & delectu. Ergo. 4. Affectibus movemur, seu, dicimur *in ratione*. At virtutibus & vitiis non movemur, sed afficimur, seu dicimur *in ratione*. Ergo. *Virtutes morales non esse divitius*, ibidem probat Philosophus, 1. A potentiis nec boni dicimur nec mali simpliciter. At à virtutibus & vitiis, contra. 2. Ob potentias nec laudamur nec vituperamur. At ob virtutes & vitia, contra. 3. Potentiæ à natura infunt, tanquam à causâ emanativa. At virtutes & vitia non item. Hinc sic concludit cap. 5. cit. l. 2. *Eth. Quod si nec affectus sint virtutes, nec potentia, relinquuntur ut ea sint habitus*. Multa quidem hic obijci possunt, sed quæ libenter pro materia opponentibus & consiliaturis relinquimus.

III. *Virtus moralis est habitus. Sed qualis? præelectivus, in mediocritate consistens, &c.* Quæ verba differentiam proponunt. *Præelectivus*, quia per actiones proæreticas, i. e. cum deliberatione institutas, acquiritur virtus, & acquisita actiones similiter *proæreticis* seu ex deliberatione institutas edit. Hæc vox virtutes morales discernit à potentiis & actionibus naturalibus, à corporum habitibus, si sunt, ab iis omnibus, quæ sunt temeraria, fortuita, coacta. Porro, virtus est habitus præelectivus, consistens in mediocritate, &c. *Forma, sc. metaphysica, virtus est mediocritas*, ut alii loquuntur, *medietas*, vel etiam, *medium*. Medium non est unius generis. Est *Medium participationis, comprehensionis, locationis, negationis. Medium participationis est* quod participat utriusque est extremi: sic tepor est medium participationis inter calorem & frigus: *Medium comprehensionis est*, quod medium est inter continens & contentum: sic 8. est me-

dium inter 4. & 12. quia & continet 4, & continetur à 12. *Medium locationis est*, quod medio loco est situm: unde & medium *situs ac positionis* dicitur: sic aer est medius inter cœlum & terram: *Medium negationis*, quod neutrius extremorum, inter quæ interjacet, est particeps, sic Angelus est medium inter calorem & frigus. *Virtus moralis non est medium participationis respectu extremorum*, neque enim ex vitiis seu peccatis commiscetur aut temperatur, ut ex frigore & calore tepor: *Non est medium comprehensionis*; nam nec defectum continet virtus, nec ab excessu continetur: *Non est medium locationis*, quippe non interponitur per intervalla æqualia locorum inter duo vitia, & propius sæpe ad unum extremum accedit quam alterum, ut Liberalitas propius accedit ad prodigalitatem quam ad avaritiam: Itaque est *Virtus medium negationis*, quando enim, neque nimium est, neque parum in affectibus actionibusque humanis, jam tum virtus est: Virtus itaque moralis, negat excessum, negat defectum, aufert id quod superest, addit id quod deest. Et hæc *mediocritas affectuum, & actionum*, est formaliter virtus seu forma, scilicet Logica, id est ratio essentia, virtutis moralis. Dari vero *mediocritatem affectuum & actionum*, inde est manifestum, quia datur in iis excessus & defectus, plus & minus: ergo etiam datur medium: nam quod dividi potest in plus & minus, id etiam admittit æquale: At humane actiones & affectus possunt dividi in plus & minus; ut vel nimis exerceantur vel minus quam par est. Ergo.

IV. Dicitur in definitione, virtus moralis consistere in mediocritate, *quæ est quoad nos*, id est, ad nos relata; quo significatur, qualis sit mediocritas, & quale medium, in quo consistat virtus: hoc ut intelligatur, distinguere debet ut solet, *medium*, in medium rei & rationis. (a) *Medium rei est*, quod æqualiter interjacet inter duo extrema abique ullo respectu ad excessum & defectum. *Medium rationis est*, quod respectu personarum & circumstantiarum à ratione determinatum, nec excedit modum, nec ab eo deficit: vocatur *medium respectu nostri*, *medium quoad nos*, *medium ad*

*nos relatam. Virtus, exceptâ commutante: consistit in medio, non rei, sed rationis*, i. quia non semper aequaliter recedit ab utroque extremo, sed aliquando propius ad defectum aut vitium in defectu, aliquando propius ad excessum aut vitium in excessu accedit: v. c. fortitudo propius ad audaciam, quæ est excessus, quam ad timorem, qui est defectus, accedit: contrâ temperantia propius accedit ad *ἀναισθησίαν*, defectum, quam ad intemperantiam, excessum. 2. Quia virtus debet esse ad nos relata, & nostræ actioni, & nostræ actioni, & nostris personis esse accommodata. Ergo etiam consistit in mediocritate quoad nos. Temperantia, v. c. est virtus quæ nimium & parum circa cibum moderatur: medium hic quoad personas diversas diversum est: nam quod Petro est nimium, id Paulo seu alteri homini voraciori erit medium, sic major exigitur liberalitas in Principe, quam in privato? quod privatus dat, idem si Princeps dederit, parum erit: & privatus liberalis dici poterit, Princeps non item. Itaque, bene dicitur virtus esse mediocritas ad nos relata, spectata quoad personas & alias circumstantias.

- (\*) Medium Rei est, V. C. in linea illud punctum quod aequaliter distat ab utroque puncto extremo, estque unicum tantum; Medium Rationis est Punctum quodlibet in medio lineæ situm, sed quod non distat aequaliter ab utroque extremo puncto: hoc punctum, quia non est unum sed multiplex, imo totuplex, quoduplex à Ratione assignari potest, inter duo extrema puncta non male dicitur Medium Rationis. Hæc applicari solent & debent analogice ad Virtutes.

V. *Mediocritas in virtute debet esse definita ratione*, sc. recta, ita ut norma, regula, amulsi, libella, & quasi decempera mediocritatis in virtute sit ratio, sc. recta, quæ sola demonstrat, quid medio fit situm loco, quid hæreat in extremis, quid ad utrumque Virtutis latus deflectat. Rationem hic intelligimus rectam, id est, legem Dei naturalem, ac jus naturæ cordibus uniuscujusque inscriptum.

VI. Denique additur in definitione, *prout prudens definitur erit*. Quo significavit Philosophus, rationem esse adhibendam viri pruden-

tis ad definiendam aut præscribendam mediocritatem in virtute: cum enim maxima scite offerat omnibus in rebus varietas, in quarum multitudine facile est, ut alicujus ratio vacillet, *Aristoteles* hic desiderat rationem viri prudentis, i. e. rationem prudentiæ munitam, cujus judicio omnis varietas ista subijcienda est, & subigenda, ac dijudicanda: neque tamen viri prudentis in individuo, aut Socratis, aut suum, aut alicujus singularis hominis judicium, intelligi voluit *Philosophus*, sed, per judicium viri prudentis, intelligit judicium recte rationis in genere, sive in hoc aut quocunque tandem inveniat: nam virorum prudentium in individuo, Platonis puta, aut Aristotelis, aut Ciceronis, aut Senecæ, judicium non semper datur, & possunt errare ac dissenire inter se. Itaque intelligitur per judicium viri prudentis, recta ratio, in quocunque tandem & quocunque extiterit tempore. Dicit quis, in hac definitione virtutis moralis committi insignem tautologiam, quippe idem ter dicitur: quod sc. virtus sit sita in præerecti, & definita per rationem, & judicio viri prudentis. Proximis, ratio, judicium prudentis, idem sunt. Resp. nullo modo idem dici ter. Data præerecti non statim datur recta ratio, cum & vitiorum sit præerecti: & data recta ratione, non statim datur judicium viri prudentis: nam datur ratio *ἡ σωφρονιστικὴ καὶ μετριοφανής*, quæ non est prudentiæ: talis enim tantum est *ἡ πρακτική*.

VII. Post explicatam virtutis moralis definitionem, antequam ad ejus accedamus divulsionem, *Quædam ejus sit subiectum & quæ causæ*, inquirendum est prius. De subiecto Virtutis moralis anceps est, & multum olim atque etiamnum agitata, questio. Dux vero sunt litigantium sententiæ: *Quidam in voluntate, alii in appetitu hominis sensitivo, eam locant*: nui placeat addere pro tertia litigantium parte *Aquinatensem*, qui virtutem moralium quasdam in voluntate, & alias in appetitu sensitivo, constituit. Nos in appetitu hominis sensitivo virtutem moralem tanquam in sede ac subiecto collocamus, quam sententiam late propugnat *Picolomineus in gradu 4. Philosophiæ moralis, c. 1.* & aliquot sequentibus. Nos

has proferimus rationes. 1. Potentia, quæ sua natura repugnat rationi, eget habitu, quo subjiçatur rationi. Sed appetitus sensitivus natura repugnat rationi. Ergo. Minorem demonstrat *Aristoteles l. Eth. c. 13.* & ipsa comprobatur eam experientia. Major facile probatur: quamdiu aliqua potentia rationi non subest, non potest dici talis homo virtute præditus: ut quis ergo sit præditus virtute, oportet omnes potentias subjiçere rationi. At nulla potentia magis repugnat rationi quam sensitivus appetitus. Ergo vel imprimis debet subjiçeri rationi. At non subjiçitur rationi nisi per virtutem; quæ obedire facit appetitum sensitivum. Ergo in appetitu sensitivo est virtus. 2. In eo est virtus, in quo sunt medium & extrema, quia virtus nihil est aliud quam medium inter extrema. Sed medium & extrema sunt in appetitu sensitivo: medium enim nihil est aliud quam mediocritas affectuum: & ipse affectus sunt extrema cum sunt inordinati. At affectus sunt in appetitu sensitivo. Ergo &c. 3. Quod nunquam repugnat rationi, seu rectæ seu erroneæ, id non est sedes virtutum aut earum subiectum, quia virtutis officium est reddere facultatem obedientiam rationi. At voluntas nunquam repugnat

rationi: nisi forte ratio repugnet sibi ipsi, quod fit quamdiu non sunt expensæ satis omnes circumstantiæ objecti & actionis &c. 4. Habitus sunt qualitates, quærem vi atque efficacia animi affectus bene sese habent vel male: male quidem, cum plus nimio intenduntur aut remittuntur: bene, cum ad mediocritatem rediguntur. Sed affectus illi in animo, qui nunc plus nimio intenduntur, nunc plus nimio remittuntur, nunc ad mediocritatem rediguntur, sunt in appetitu sensitivo. Ergo & habitus, quorum vi & efficacia sese affectus animi habent bene vel male, sunt in appetitu sensitivo: at habitus, quibus sese affectus animi habent bene, sunt virtutes. Ergo virtutes sunt in appetitu sensitivo. 5. Ubi sunt vitia, ibi quoque sunt virtutes. Sed vitia sunt in appetitu sensitivo; in irascibili puta & concupiscibili. Ergo & ibi sunt virtutes. Minor probatur, quia tum peccatur, cum quis nimium irascitur, nimium timet, nimium letatur, nimium amat, &c. Major vera est, quia contraria versantur circa idem subiectum, non numero, sed genere ac specie. Atque hæc argumenta sententiam nostram probant: adverbia argumenta in conflictu solvamus. De causis virtutum agemus Disp. seq.

## DISPUTATIONUM PRACTICARUM DECIMA-SEPTIMA.

DE

### VIRTUTIS MORALIS CAUSIS.

#### THESES I.

*Virtutis moralis definitionem, ejusque partes, genus & differentiam, atque subiectum, exposuit Disputatio præcedens: nunc in causas efficientes inquiremus, quibus ea acquiritur, atque, de iis primum videbimus quæ non sint, mox quæ sint, secuti vestigia Magni Aristotelis.*

II. §. 1. Cum *Arist. l. 2. Eth. c. 1.* statui-  
mus, *Virtutes morales pro causa efficiente non habere naturam*, seu quod eodem redit, *Virtu-*

*tes non esse nobis inistas à natura.* Sensus est, *Quod natura non sit ita causa virtutis, ut nobis virtutis moralis habitum implantet atque ingeneret, quemadmodum natura est causa potentiarum naturalium, quæ à natura tanquam à principio fluunt, ingenerantur, & cum natura simul existunt: hoc sensu nulla virtus moralis naturalis est, Barbari dicunt; non est naturalis (a) effeçtive, quia immediate à natura non efficitur, non (b) constitutive, quia naturam*

Aaaa

non

non constituit, hoc enim faciunt sola materia & forma, non (c) *consecutive*, quia nec constituitur proxime sequitur, ut propria 4. modo, nec (d) *propagative*, quia nec cum natura propagatur; quia probi parentes gignunt saepe liberos improbos; est tamen *naturalis subiective*, quia in natura est; anima scilicet, aut in ejus aliqua potentia naturali, tanquam subiecto: sed nos *Arist.* sententiam ejus verbis propositam ejus quoque rationibus muniamus; 1. Naturalia non possunt mutari: nemo quippe potest assuefacere lapidem, ut feratur sursum, aut ignem, ut feratur deorsum. Virtus autem mutari potest: nam, & bonos in malos & malos in bonos mutari, videmus. 2. Quicquid à natura & est & inest tanquam à causa proxima, ejus potentiae sunt in nobis priores quam actiones, si non tempore saltem natura: patet id in sensibus aliisque facultatibus, à natura, tanquam à causa, promanantibus: prior quippe est potentia videndi quam ipsum videre. At contra sese res habet in virtute: ibi enim prior est actio quam ipsa virtus, scilicet actio, quia ipsa moralis virtus gignitur: nemo dicitur fortis aut justus, nisi qui ante fortitudinem aut justitiam multis actionibus sibi acquisiverit, ut à causa proxima. 3. Si virtutes morales essent à natura, nullis esset opus legibus in Rep. nam cui bono conderentur leges, si virtutes, quae legibus praescribuntur, unusquisque naturaliter possidet sibi inestas? 4. Quae ab iisdem causis producuntur & corrumpuntur, ea non sunt à natura ut à causa: natura enim per diversas causas rem generat eandemque corrumpit, quod ex Phisicis notum est: at virtutes eisdem causis generantur & corrumpuntur: puta, actionibus. Sed enim haec quarta *Aristotelis* ratio multis non videtur solida: Nam eadem sunt causae virtutum generantes & corrumpentes, in genere, scilicet, actiones; sed non in specie: nam actiones bonae & moderatae virtutem generant; at tales non corrumpunt virtutem, sed vero eam destruunt malae & inordinatae actiones.

(a) Potentiae naturales sunt à natura effectivae & immediatae, quia continentur à formis quae sunt natura; Virtus Moralis non quidem emanat im-

mediate à natura, ab ea tamen efficitur mediantibus actionibus Potentialium Naturalium.

- (b) Naturam constituitur solae partes essentiales, materia & forma: sed Virtus Moralis nec materia est, nec forma hominis: Ergo non est ipsi naturalis constitutiva.
- (c) Proprietates quarto modo dicuntur subiectivae naturales consecutive; quia, quamvis nec Materia nec Forma sint subiecti, utramque tamen immediate consequuntur, i. e. iis possitis ponuntur: sed Virtus Moralis non statim ponitur posito homine, nam, postquam dia exstitit homino, multis demum Actionibus acquiritur.
- (d) Illud dicitur propagativae Naturale, quod Naturali generatione transfertur in posteris: ita pauperes parentes gignunt pauperes liberos, & homo peccator gignit homines peccatores: unde peccatum originis vulgo dicitur peccatum Naturale, quia Naturali generatione ab Adam in omnes posteris fuit propagatum: non sic propagatur Virtus Moralis: neque enim Pater fortis aut temperans semper gignit Filium fortem aut temperantem, nam saepe Herodum filii Noxae.

III. Recensimus rationes Philosophi, quibus probat, Virtutes non esse à natura, i. e. naturae inestas aut innatas: (a) non sunt, tamen & b. dicitur, (b) praeter naturam, ut loquitur Phil. textu alleg. Est enim virtutes non fluant à natura, sunt tamen in nobis singuli ac semina ac primordia virtutum naturaliter inesta, ratione quorum non licet dicere, virtutes esse praeter naturam. Quae res, ut intelligatur, paulo pluribus explicari debet: Sunt quaedam, ut theoretica, ita practica quoque ac moralia principia, verbi causa, Deum esse colendum, Parentes esse honorandos, unicuique suum esse tribuendum, Quod tibi non vis fieri, id alteri ne feceris, &c. Horum principiorum moralium naturalis quaedam cognitio omnibus hominibus inest à natura, non quod statim homines, cum nascuntur, istorum principiorum veritatem apprehendant ac judicent, nam nihil, cum eduntur in lucem infantes, apprehendunt, multo minus judicant, sed quod, ubi ad rationis usum pervenerint, abique ullo rationis assensu: ita singuli scimus, ex nobis ac naturali intellectu lumine, esse amplectendum virtutem, esse fugiendum vitium, &c. Atque ex hisce principis veluti ex seminibus & fontibus subnascitur virtus moralis, frequentius bonorum.

bonorum actuum ex hisce principiis secundum rectam rationem deductione: quemadmodum enim in naturalibus gignitur scientia, deducendo conclusiones ex principiis theoreticis, ita & in moralibus gignitur virtus deducendo frequentes actus bonos ex principiis practicis: hæc notitiæ practicæ communium principiorum practico-um, omnium hominum cordibus insitæ, sunt veluti quædam radices, adumbrationes, inchoationes, fundamenta, propensiones naturales, & (qua tandem utemur voce?) facilitates quædam ad ingenerandam virtutem: quo sensu posset dici virtus esse aliquo modo à natura tanquam à causa remota, non tanquam à proxima: nempe, propter hanc cognitionem principiorum practico-um, hominibus omnibus & singulis innatam, potest dici virtus moralis esse innata, aut insita in natura, tanquam in semine, in radice, in stirpe. *Scholastici* hoc sic efferunt suis terminis. *Virtus est à natura inchoative, non à natura perfective*: sic enim est ab actibus, quod postea probabimus: Itaque, quando *Arist.* ait l. 6. Eth. Nicom. singulis hominibus inesse mores natura, & omnes homines hoc accepisse natura, ut quadantenus fortes, iusti, temperantes, &c. existant, intelligendus est Philosophus hoc sensu, ut voluerit, virtutum semina ac primordia inesse à natura, quia ista principia prima practica insint à natura; quo sensu, non sunt præter naturam. Quod erat demonstrandum.

(a) Accurate debent discerni hæc quatuor, à natura, præter naturam, contra naturam, & supra naturam esse. A Natura aut secundum naturam dicitur esse, id, quod naturam habet pro causa proxima, à qua fluit; sic omnes potentie naturales sunt à natura, & virtus nulla est à natura: præter naturam esse dicitur id, quod naturam quidem subiecti non destruit, sed ad eam superaccedit aliunde ab alia causa secunda, sicut illa aut parum aut nihil adjuvanti confert; quemadmodum in Physicis, motus ignis elementaris, quo à motu cælorum circumagitur & versus terram, locum mixtionis, detruditur, est igni præter naturam, ad illum enim motum nil confert ignis; sic virtutes non sunt præter naturam, quia, cum virtutes acquiruntur actionibus, natura aliquid ad earum productionem confert, nimirum principia practica, & notiones communes boni & ma-

li insitas, ex quarum cultura per rationem rectam instituta virtutes nascuntur; hoc sensu dicuntur virtutes esse secundum naturam: contra naturam est id, quod naturam destruit, & si in illa producat, ut productioni ipsa repugnet; sic contra naturam aqua est, ut calefiat: supra naturam dicitur id, quod superat ordinem & vires rei creatæ ac causarum secundarum, & ad cuius productionem ipsa nihil confert: quælibet sunt miracula, & quali modo producuntur habitus infusi; ut fides, donum linguarum in Apostolis, &c. virtutes quoque nec contra nec supra naturam sunt hominis.

(b) Præter Naturam dicitur, quod naturam quidem non destruit (hoc etiam vocatur Contra Naturam) sed quod ad Naturam superaccedit, sic ut ipsa nihil adjuvanti confert: ergo Virtus utcumque non sit à Natura, tanquam à Causa proxima, non tamen est præter Naturam, quia Natura in Virtutis productione multum adjuvanti confert, nec est contra Naturam, quia Naturam hominis non destruit.

IV. §. 2. *Virtutis moralis causa proxima efficiens non est Temperamentum*. Si ad experientiam provoces, & dicas, sanguineæ constitutionis homines plerumque esse hilares atque ingeniosos, melancholicos contristatos ac morosos, biliosos vehementes & iracundos, &c. & nos experientiam in contrarium adducimus: ea enim nos docet, in hominis esse potestate, ut contra naturalem sui corporis inclinationem ac temperiem aliò sese inclinet, ut virtutem amplectatur eam, ad quam ejus temperamentum non ducit, ut vitium extinguat illud, ad quod ex temperamento propendit: quod confirmat exemplum Socratis, qui intemperans, libidinosus, & pessimus exempli homo existisset, vi temperamenti, nisi illud per Philosophiam correxisset: unde inquebat, Natura quidem talem me genuit, sed eam Philosophia immutavi: potest tamen temperamentum dici causam remotam, adjuvans, ministrans, ut natura; sed nos primam ac principalem querimus.

V. §. 3. *Doctrina seu institutio non est causa principalis ac proxima virtutis moralis*. Quod probare est facillimum. Videmus enim permultos, qui Ethicæ & virtutum præcepta optime callent, nullas tamen, vel exercere, vel possidere, virtutes; & certe, non semper ad



institutionem atque instructionem factam sequuntur aut existunt Virtutes, sed nonnulli ea ipsa doctrina redduntur deteriores; non quidem doctrinæ sed sui ipsorum vitio: fatemur tamen doctrinam atque instructionem, etsi non sint causa principalis ac proxima Virtutis moralis, multum tamen ad eam conferre, tum producendam, tum conservandam, tum confirmandam. *Scholastici*, qui omnia amant efferre suis terminis, dicunt, Virtutem moralem esse à doctrina sive institutione, *excitativæ & provocativæ*, quia per eam excitatur & provocatur virtus.

VI. §. 4. *Conversatio non est causa principalis ac proxima virtutis moralis*: quia etsi quis perpetuo conversetur inter optimos, ac quotidiana virtutum exempla ob oculos habeat, fieri potest nihilominus, ut ipse pessimus existat, nullaque virtute vitam suam exornet: multum tamen ad virtutem & procreandam & conservandam conversatio quoque contulerit.

VII. §. 5. *Educatio & assuefactio ad virtutem facta à parentibus, non est causa principalis & proxima efficiens Virtutis moralis*: nam fieri potest, ut quis educatus & diutissime assuefactus rebus bonis, consuetudinem bene agendi quidem contraxerit, sed contraxerit invitatus, coactus, ac repugnante natura: unde & facile non bene agere dedecit ac relinquit; talis educatio atque assuefactio ad virtutem per vim & minas facta, repugnante nature genio, virtutem non gignit. Maxima tamen est hic educationis & assuefactionis efficacia; ut, si causa procreans non sit principalis ac proxima virtutis, præ omnibus tamen aliis causis minus principalibus proximè ad eam accedat.

VIII. §. 6. *Virtutis moralis causa efficiens proxima ac principalis est, Exercitatio spontanea atque libera, non invite suscepta. Per exercitacionem*, intelligimus cum Philosopho, actionum bonarum & honestarum frequens exercitium. Actiones itaque bonæ, i. e. juxta præscriptum rectæ rationis institutæ, sunt sola causa procreans, principalis, propria, proxima, virtutis moralis: præter Deum scilicet; cujus concursus hic, uti in omnibus, includimus. Actiones hæ bonæ &

honestæ, virtutis moralis causæ procreantes, sunt actiones imperatæ, sed ab elicitis, recto rationis judicio & bona electione, profectæ: Nam, ab intellectus recto judicio & voluntatis honesta electione, omnis bonitas derivatur in actiones illas, quibus procreatur virtus ac conservatur. Per has actiones produci virtutem moralem variis rationibus probat *Arist.* *Eth. ad Nic. l. 2. c. 1.* quæ ibi videri possunt. Nos duas tantum profereamus. 1. est. Legislatoribus hoc tantum est propositum, ut cives suos reddant bonos. Sed non possunt eos reddere bonos, nisi actionibus bonis identidem & sæpius frequentatis. Ergo actiones bonæ, frequenter exercitæ, faciunt cives bonos. Ergo actiones bonæ generant virtutem: nam sine virtute nemo est bonus. 2. est. Virtus gigni debet ex causis omnino contrariis, à quibus corrumpitur. Sed corrumpitur actionibus improbis & malis. Ergo gignitur actionibus bonis & probis.

IX. Quæri hic solet, *An virtus moralis possit comparari unicæ actione?* Negamus posse, & probamus. Omnis habitus producit ætenuis ab actu, quatenus passiva potentia ab aliquo principio activo movetur, nec tantum quatenus movetur, sed quatenus superatur atque subigitur. Sed in virtutis, sc. moralis, quæ est habitus, generatione, activum principium est ratio, potentia passiva est appetitus. Atqui appetitus non potest unica actione superari ac subigi à ratione. Ergo non potest virtus generari atque introduci unica actione. Atque hæc ratio firma est: nam virtus consistit in eo, ut appetitus & affectus subjugentur rationi. At non possunt subjugari simul & semel, id est, unico actu. Ergo, &c.

X. Nova hic exoritur quæstio; *An virtus, cum non possit comparari unico actu, ita comparatur pluribus, ut æque ex omnibus efficiatur, an vero generetur virtus ex unico aliquo actu atque illo ultimo?* Ad hanc quæstionem sic respondemus. Primus actus, & qui sequuntur primum omnes & singuli, aliquid conferunt ad virtutem procreandam, & aliquem produciunt gradum virtutis, ipsam tamen virtutem proprie produciunt ultimus actus: actus, qui ultimum præcedunt, aliquid conferunt ad virtutis



virtutis procreationem, quia disponunt animum, eumque preparant ad bene agendum, attamen habitum, aut virtutem ipsam non introducunt, quia non istam dant facilitatem, quæ ab habitu aut virtute est.

XI. Quæri etiam hic solet, *An actiones, virtutem antecedentes, specie differant ab actionibus, virtutem sequentibus?* (a) Nos negamus, & probamus. Quæ tantum differunt gradu, non differunt specie. At actiones virtutem antecedentes tantum differunt gradu ab actionibus virtutem consequentibus. Ergo non differunt specie. Prob. minor: Actiones consequentes nihil plus habent, quam firmitatem, & constantiam, ac facilitatem in agendo, quæ firmitas, & constantia, & facilitas non reperitur in actionibus virtutem antecedentibus. At illa firmitas, constantia, & facilitas, tantum sunt gradus actionum & modicæ. (b) Ergo non differunt istæ actiones inter se specie. Quod erat demonstrandum.

(a) Causa & effectum differunt specie: actiones virtutem antecedentes sunt causa virtutis, & eam consequentes sunt effectus virtutis: ergo

actiones virtutem antecedentes & consequentes differunt specie: si specie, ergo non gradu, quod dicit responsio. Actiones virtutem antecedentes & consequentes spectari possunt, vel in genere naturæ, vel in genere moris: si spectentur priori modo, habent se ut causa & effectum, & differunt revera specie & non gradu: si considerentur secundo modo, differunt gradu non specie, quia in utrisque est conformitas cum recta ratione, in qua consistit bonitas; utraque enim bonæ sunt; differunt tamen aliquo modo, quod sc. bonitas & cum recta ratione conformitas actionum virtutem antecedentium sit infirmior, instabilior, inconstantior, sed actionum virtutem consequentium sit firmior, stabilior, constantior, quia hæc sunt productæ à potentiis suis quæ nunc sunt affectæ habitibus virtutum, moralium illæ non itera: sed omnis habitus existens in potentiis earum, actiones reddit firmas, stabiles, constantes, faciles, ideoque actionum posteriorum bonitas perfectior est, quam priorum.

(b) Actiones Virtutem antecedentes, & illam consequentes, si spectentur in genere Naturæ, possunt differre specie; at si spectentur in genere moris, i. e. prout sunt congruæ rectæ Rationi, & bonæ moraliter, non differunt specie, sed tantum gradu, quemadmodum remissus & intensus non specie, verum solo gradu, differunt.

## DISPUTATIONUM PRACTICARUM DECIMA - OCTAVA,

D E

### VIRTUTIS MORALIS INCREMENTO, DECREMENTO, OPPOSITO.

T H E S I S I.

**C**ausas efficientes Virtutis Moralis exposuit Disputatio præcedens, hæc, ejus jam per causas efficientes productæ incrementum seu conservationem, & decrementum seu corruptionem, & oppositum, vitium putà, enucleabimus.

II. Incrementum proprie ac decrementum, quo res vel crescunt vel decrescunt, cadunt in quantitatem: est enim quantitatis, crescere & decrescere: sunt tamen ista vocabula incrementi ac decrementi translata ad res non quantas, quibus incrementum adscribitur,

cum augentur aut intenduntur, decrementum, cum minuuntur ac remittuntur. Ita calori, ita frigori, ita qualitati in genere adscribitur incrementum & decrementum, cum iis gradus quidam adduntur vel ab iis auferuntur. Et hoc sensu quæritur, *An in Virtutem Moralem cadat incrementum & decrementum?* seu, *an Virtus Moralis augeri possit ac minui, non extensive, per partes, ut quantitas, sed intensive, per gradus, ut qualitas: i. e. an possit intendi, & remitti, seu recipere magis & minus?* Ut ad quæstionem hanc respondeamus, no-

A a a a a 3      tandum

randum est, *Virtutis nomen dupliciter capi posse*: 1. ut virtus dicatur, quæ perfectissima est & omnibus numeris absoluta, quo sensu, virtus augeri non potest: sic enim significat ultimum terminum excellentiæ: quemadmodum enim, quod calidissimum est aut frigidissimum, calidius illud reddi nequit aut frigidius, quia ad summum istius qualitatis terminum pervenit, sic virtus, quæ ad extremum evecta est gradum, augeri amplius nequit: verum enim vero talis ac tam perfecta virtus, in hoc vitæ humanæ curriculo, propter humani generis corruptionem, non datur. Itaque 2. designat virtutis nomen omnem habitum moralium bonum ac laudatum, quo quispiam recte ac laudabiliter agit; qui habitus suam habet amplitudinem & quasi partes, in quas dividi potest, quos gradus vocant: eorum graduum respectu, & accrescit virtus & decrescit: atque hoc ipsa nos docet experientia. Quis enim est mortalium, qui non sentiat, se quotidie in virtutibus hisce aut illis, incrementum capere aut decrementum? verum: *quibus modis & qua ratione Virtus moralis augeatur ac diminuatur*, satis est difficile explicatur: nos primum, *quomodo augeatur*, mox, *quomodo diminuatur & corrumpatur*, sine ambagibus, explicatum dabimus.

III. *Augeatur virtus*; quando pars & gradus virtutis, partibus & gradibus prioribus additur: neque enim fieri potest, ut aliquis v. c. reddatur iustior nisi aliqua iustitiæ pars & gradus ad priorem accedat; & cum eadem iustitia jam accepta conjungatur: & sic de omni virtute dicendum est: quem gradus aut partis accessum, vocant vulgo intensiorem, sicuti recessum alicujus partis aut gradus in virtute, vocant remissionem; quæ intensio & remissio non tantum de virtutibus sed & de qualitatibus in genere intelligitur, cum Aristoteles dicit, Qualitas recipit magis & minus; i. e. Qualitas, si non omnis, saltem quædam, ut virtus & habitus, accessione partis ad partem & gradus ad gradum perficitur atque augeatur. Isti gradus, istæ partes, quarum accessus virtus augeatur, sunt actiones bonæ ejusdemque generis cum iis actionibus, quibus erat acquisita virtus: actiones enim bonæ

ut sunt causæ procreantes ita & conservantes virtutem.

IV. Quæri hic solet, *An qualibet actione bona virtus augeatur*? Resp. actiones virtutis esse vel intensiores vel remissiores quam est ipsa virtus. Quin actio intensior virtutem augeat, nihil est dubium. An qualibet actione bona, etiam remissa, ac maxime remissa, virtus augeatur, dubitari solet. Multi negant, at nos affirmamus. Nam sicut actus, licet remissiores, nonnihil tamen conferunt ad virtutis productionem, quidni iidem, licet remissiores, aliquid conferant ad ejus incrementum?

V. Nunc, *quibus modis ac qua ratione virtus decrescat, minuiatur*, ac tandem corrumpatur, dispiciendum est, *Arist. l. 2. Eth. c. 2.* dilerte dicit, Virtutem corrumpi ab exuberantia & defectu, i. e. ab actibus à mediocritate recedentibus virtutique contrariis. Quod de corruptione virtutum est dictum ab Aristotele, idem de imminutione earum est dicendum: quæ enim virtutem corrumpunt, eandem quoque imminuunt.

VI. Quæri hic solet, *Quomodo ista, sive corruptio, sive imminutio virtutis, per actus contrarios fiat? an habitus virtutis per se corrumpatur aut minuiatur actibus contrariis simpliciter, an vero actus illi contrarii, antequam virtutem vel corrumpant vel imminuant, prius debeant aliquem habitum vitii, ipsi virtutis habitui contrarium, producere, ut sic habitus virtutis ab habitu vitii immediate ac per se vel corrumpatur vel imminuatur*? Ad eam questionem dicimus, quemlibet actum virtuti contrarium per se ac simpliciter corrumpere vel imminuere virtutis habitum. Si enim quilibet actus virtuti consentaneus virtutem augeat, sicuti augeat, quidni quilibet etiam actus virtuti contrarius eam corrumpat atque imminuat, ex parte scilicet? dicimus distinctis verbis, ex parte. Nam totius virtutis habitus corrumpi & deleri omnino non potest, nisi ab habitu vitii contrario, qui eum formaliter ac totaliter expungat atque eradat ex animo possidentis singulari: (A) habitus enim oppositi simul in eodem subiecto esse nequeunt.

(A) Habitui boni Virtutis simul esse potest in eodem

dem Animo cum malo actu vitii, & habitus malus vitii potest quoque esse simul in eodem Animo hominis, eodem tempore, cum actu bono Virtutis : at nunquam possunt simul esse in eodem Animo hominis, eodem tempore, duo actus vel duo habitus contrarii, alter bonus, alter malus.

Nulla opposita possunt simul esse in eodem subiecto singulari, secundum idem, ad idem, eodem modo & eodem tempore, ergo nec habitus oppositi, sive intellectuales, sive morales; sic non potest idem animus esse praeclusus simul & liberalitate & avaritia : sed nec possunt duo actus oppositi simul esse in eodem subiecto, aut simul ab eo produci; sic cum quis actum producit intemperantiae, non potest simul eodem tempore producere actum temperantiae : sed possunt simul esse eodem tempore, in eodem subiecto, habitus bonus, & actus oppositus malus; sic in eodem animo potest esse & habitus ac virtus iustitiae, & simul eodemque tempore actus iniustus, quo aliquis alteri suum non tribuat.

VII. Nova hic exoritur quaestio: *An sola cessatio actuum possit virtutis habitum vel corrumpere vel imminuere?* Resp. Cessatio quidem ipsa per se nec corrumpet nec imminuet habitum, per accidens tamen hoc faciet: quia nihil agendo male agere discimus, per se & proprie corrumpitur virtus atque imminuitur ab actibus contrariis: cessatio tamen actuum virtutis, per accidens dici potest causa corruptae atque imminutae virtutis. Nempe, cessantibus virtutis actionibus, exoriantur facile perturbationes: perturbationes ab habitu aut virtute jam cessante non coercita facile animum propellunt ad actiones virtuti contrarias exercendas: quippe docet experientia, eos, qui cessant a virtutis exercitio & actibus, levisime ac facillime refractariis agitari, perturbari, atque abripi affectibus, qui, quando non coercentur, virtutis acquisitae habitum multum imminuunt, imo, si diu multumque grassentur impune, tandem cum pessundant, corrumpunt, plane ac plene ex animo excurtunt: & sic cessatio ab actibus virtutis, causa est corruptae vel imminutae virtutis per affectum in ipsam rationem exurgentium impetum.

VIII. (a) *Oppositum virtutis*, ut de tertio hujus Disp. capite nonnihil philosophice-

mur, est *vitium*. *Vitium* intelligimus morale, quod morali opponitur virtuti: nam vitium naturale, quod naturali opponitur perfectioni, quale est caecitas, surditas, &c. hujus non est loci. *Vitium* autem morale, vel pro (b) *habitu vitioso* sumi potest, vel pro *actu vitioso*: sensu priori hic à nobis sumitur, quia ut virtus est habitus laudabilis, ita vitium est habitus illaudabilis. Describi potest *vitium morale*, habitus, qui malum; vel etiam habitus electivus recedens à mediocritate virtutis & inclinans potentiam ad actus recte rationi dissimilaneos. Quia vero idem est subiectum contrariorum, quod fuit subiectum virtutis, appetitus sc. sensitivus, idem est subiectum vitiorum, ob rationes, Disp. 16. allatas: Contraria enim versantur circa idem subiectum, sc. genere vel specie, non numero: sunt autem virtus & vitium contraria ac pugnant tribus potissimum modis, principio, medio, fine: principio, nam virtus est prudentia est & recta ratione, vitium ab imprudentia & ratione prava: medio, nam virtus est mediocritas, vitium recessus à mediocritate: fine, nam virtus ad honestum & summum bonum ducit, vitium ad turpe, & malum, & calamitosum.

(a) Quaeritur, qualis species oppositionis intercedat inter virtutem & vitium? Resp. si virtus & vitium sumantur vel pro habitu, vel pro actu laudabili vel illaudabili, opponuntur contrarie, quia sub eodem genere, puta vel habitu, vel actu, plurimum distant, quo sensu bonum quoque & malum multis philosophorum opponuntur contrarie: sed si virtus & vitium sumantur in abstracto, pro bonitate vel malitia, habitus vel actus boni aut mali opponuntur privative: hic autem sumuntur priori modo.

(b) *Habitus vitiosus* est, vel innatus, ut Peccatum Originale, vel acquisitus, ut Vitia Moralia in Ethicis explicari solita: quemadmodum & habitus bonus, alius est concretus, qualis fuit Sapientia & Iustitia Originalis in Adamo, alius acquisitus, ut sunt Virtutes Morales in Ethicis explicari solent.

IX. *Vitium vel excessus est vel defectus*: qui excessus vel defectus dicitur talis, ratione mediocritatis; in qua virtutis formam consistere Disp. 16. est demonstratum. Ut vero medium Virtutis positum ibi fuit & expositum, esse, non

non rei, sed rationis, ita etiam excessus & defectus hic à tali medio, non rei, sed rationis, intelligi debent. Excessus autem & defectus à virtute (a) duo semper vitia constituunt distincta, opposita uni virtuti, præterquam in iustitia commutante, cui unum tantum opponitur vitium, in quo tamen excessus simul est & defectus, diverso respectu: nam iniustus aut plus boni sibi sumit ac minus boni relinquit alteri, aut minus mali sibi sumit ac plus mali relinquit alteri, & utrumque facit una & eadem actione: at in aliis omnibus virtutibus, excessus & defectus distincta ac duo gignunt vitia.

(a) Queritur, qua specie oppositionis duo vitia opponantur uni virtuti: non dispartate, quia virtus duobus vitiis non opponitur eodem modo, nam vitiorum alterum à virtutis medio deficit, alterum virtutis medium excedit, nec relative, quia virtus non refertur ad via, ut relatum & correlatum; nec contrarie, quia in contrariis unum uni opponitur, hic autem una virtus opponitur duobus vitiis; non privative, quia vitium hic sumitur non abstracte pro absentia bonitatis debet inesse, sed in concreto pro habitu vitioso; nec contradictorie, quia sic opponuntur virtus & non virtus, vitium & non vitium? Resp. virtutem opponi duobus vitiis contrarie, sed in quantum ista duo vitia sumuntur in genere & communiter pro recessu à medio virtutis, & sic opponitur unum uni, quod requiritur in contrariis, sc. uti omnis virtus in medio est sita, ita omnis recessus ab isto medio est vitium, & hæc duo opponuntur contrarie: sed uti una virtus tanquam genus potest dividi in species, v. c. temperantia in frugalitatem & castitatem, ita & recessus à medio, vitium, dividi potest in excessum & defectum, aut in vitium in defectu & excessu, tanquam genus, in species, nam utrobique receditur à medio virtutis, five quis excedat illud, ut qui nimium comedit ac bibit, five qui ab illo deficit, ut qui non satis comedit & bibit.

X. Sunt Ethici, qui vitium virtuti, non solum per excessum, nec solum per defectum, sed & tertio modo, per alienationem, ut loquuntur, opponi volunt: hanc suam sententiam sic explicant & probant. Vitia per excessum & defectum versantur circa eandem materiam cum virtute, cum qua pugnant, differuntque ab ea tantum in eo, quod virtus obiectum suum prosequatur secundum

quantitatem debitam, at vitium in excessu prolequatur idem obiectum secundum nimium, vitium in defectu prolequatur idem obiectum secundum non satis, v. c. prodigus nimium dat pecuniae, avarus non dat satis pecuniae, liberalis dat quantum est satis pecuniae. At vero vitium per alienationem cum virtute pugnat in materia prorsus aliena: unde vitium per alienationem est dictum: sic, verbi c. idololatra peccat contra pietatem aut religionem, non quod excedat aut deficiat à medio pietatis & religionis, sed quod cultum Deo debitum ab illo obiecto alienet, & transferat in statum aut aliud quid, quod non est Deus: sic odium Dei pugnat contra charitatem per alienationem, quia qui Deum odit, transfert actum odii in rem alienam, in obiectum aliud. Deus enim non est obiectum idoneum odii, quia non est malus.

XI. Verumenimvero, hoc vitio per alienationem nihil est opus, cum facile reduci possit ad vitium: in excessu aut defectu: quod ut manifestum fiat, explicandum venit, Quando & quomodo contra virtutem peccetur per excessum vel per defectum? res sic habet. Toties peccatur contra virtutem aliquam in excessu, quoties materiale actus, quod ad talem pertinet virtutem, extenditur extra mediocritatem illius virtutis, quocunque tandem modo id fiat, five virtutis illius materia circa quam seu obiectum mutetur secundum quantitatem, five secundum substantiam, ut loquuntur Scholastici. Sic, v. c. non solum intemperans est, i. e. peccans contra temperantiam in excessu, qui plus cibi comedit quam debet, sed & qui comedit id, quod ad nutritionem non est utile nec destinatum, sicuti Cleopatra fecit, cum pretiosos illos uniones, aceto dilutos, deglutivit. Primus quidem per excessum peccat contra Temperantiam, quod manifestum est ex eo, quia materiale actus ad temperantiam pertinentis, actum puta comedendi, extendit extra obiectum huius virtutis, non quidem secundum substantiam, materiam ejus circa quam aut obiectum immutando, sed tamen mutando id secundum quantitatem, quia non quidem aliud quam cibum sumit, sed nimium cibi assumit ac plus quam debet.

debet. Cleopatra vero peccavit contra Temperantiam per excessum, quia comestione, materiale actus ad Temperantiam pertinentis, extendit extra objectum hujus virtutis, mutando ejus materiam circa quam seu objectum secundum substantiam: Et hoc modo idololatra per excessum peccat, cultum superpreum extendendo extra pietatis aut religionis objectum, illud secundum substantiam mutando, dum cultum transfert in illud, quod non est Deus. Peccat contra virtutem aliquam per defectum, quoties virtutis illius actus, non solum omittitur, sed & cum ejus oppositus actus tam materialiter quam formaliter exercetur: ideo v. c. timiditas pugnat cum fortitudine per defectum, & avaritia cum liberalitate per defectum, quia timidus, cum adest occasio fortiter agendi, non solum omittit fortitudinis actum, sc. vellem efficaciter aggredi periculum praefens, sed actum etiam oppositum elicit, qui est, nollem aggredi tale periculum: pariter avarus non modo non vult dare, cum debet, sed vult insuper non dare, quod debet: Et tali modo,

qui Deum odit, peccat contra charitatem per defectum non tantum, quia deficit Deum amare, sed quia & in quantum elicit actum, plane charitati oppositum, (a) odium scilicet. Atque hinc liquet, *vitium per alienationem, ad vitium vel in excessu vel in defectu referri posse*, quod erat demonstrandum.

(a) Odium non tantum est negatio Amoris, seu Volitionis, quâ aliquis Alicui bene vult, sed & est positio Actus Contrarii, seu Nolationis, quâ non tantum Alteri non vult bene, sed vult & ipsi male: potest Aliquis Alicui nec bene velle, nec male, id est, nec amare, nec odire: sed qui Aliquem odit, is quidem ipsum non amat, nec ei vult bene, sed insuper ei vult male.

### ANNEXA.

1. *Extrema, vitia, vehementius & magis inter se, quam cum medio, virtute, pugnant.*

2. *Extrema, vitia, medio, virtuti, opponuntur inaequaliter: unum enim extremum propius saepe ad medium accedit, alterum longius ab eo recedit.*

## DISPUTATIONUM PRACTICARUM DECIMA-NONA,

### DE VIRTUTIS MORALIS DIVISIONE, ET FORTITUDINIS DEFINITIONE.

#### THESIS I.

**D**E *natura virtutis moralis*, de ejus forma, subiecto, causis procreantibus, conservantibus, corrumpentibus, actum fuit disputationibus ante habitis, nunc tandem ad ejus *divisionem & species* transendum est. Atque hic primo quaeri potest; *An virtutes morales inter se sint specie distinctae? an Virtus moralis, ut genus, dividi possit in species?* Fuerunt olim, suntque etiamnum, qui existimant unam tantum atque unicam esse virtutem, quæ diversis tantum appelletur nominibus; quæ dum temperat metui atque auda-

ciam, fortitudo; dum moderatur voluptatibus tactus ac gustus, temperantia; dum largitur cuique suum, iustitia; dum pecunias erogat debite, liberalitas dicatur; & sic porro. Estque hæc sententia non valde improbabilis. Placet tamen receptam tueri opinionem, quæ asserit, virtutem ut genus in species distinctas dividi. 1. Quia a se invicem sunt separabiles ac de facto separantur; quod est signum reales & specificæ differentiae: invenias enim fortes, qui non sunt temperantes; & hos, qui non sunt liberales; & hos, qui non sunt iusti,



sti, &c. Nam, (a) virtutes omnes inter sese esse connexas, ut, qui unam habet, is habeat & ceteras, non is censetur falsissimum, & ab ipsâ experientiâ refutatam: certè una virtus alteri non est ratio ut sit virtus, neque ista connexio est de ratione virtutum intrinsicâ atque essentiali: & in subiecto hoc aut illo, reperiri has, non item alias virtutes, tam certum est, quàm quod certissimum. 2. Quia specie distinctis actibus acquiruntur Virtutes: (b) nam actus isti, quibus comparatur fortitudo, & quibus acquiritur temperantia, & quibus acquiritur liberalitas, & quibus acquiritur iustitia, specie differunt: nam specifica differentia in moralibus sumitur à circumstantiis, quæ in singularum virtutum productione sunt aliæ atque aliæ. Ergo & virtutes ipsæ specie differunt.

(a) Virtutes omnes à se invicem sunt separabiles, & de facto separantur, quoad Actus secundos, & quoad primos, id est, quoad operationes, & quoad habitus.

(b) Quia omnes Actus, quibus acquiritur Habitus, debent esse conformes Rectæ Rationi, non differunt specie, sed numero: nam Actus conformes Rectæ Rationi, & eidem disformes, differunt specie.

II. Postquam Virtutem in species dividi posse constat, queritur, *qualis illa aut quæ sit divisio?* Antiqua est Virtutis in 4. Cardinales divisio, quæ sic vocantur, quod iis, seu cardinibus, vitæ humanæ ratio volvatur atque innitatur, suntque, *Prudentia, Fortitudo, Temperantia, Iustitia*. Sed enim nonnisi violenter admodum ad istas 4. Classes omnes aliæ virtutes reduci possunt: & insuper, prudentia virtus intellectualis commiscetur cum reliquis moralibus. Alii alias excogitarunt Virtutis divisiones. Nos, missò examine sententiarum variarum, *Aristotelis*, seu Ducis nostri, seriem sequemur, ac virtutes singulas disputationibus secuturis examini subiciemus eo ordine, quo ab ipso in *Ethicis Nicomachiis* pertractantur. Videatur c. 7. l. 2. *Eth. Nicom.* ubi virtutes *Aristoteli* per suas classes singulæ recensentur. Primum ibi locum assignat *Fortitudini*, quare & nos de ea primo agemus loco.

III. Postquam *Philosophus* l. 1. c. 2. *Eth.* egisset, partim de summo bono, partim de virtute, lib. 3. capitibus 5. prioribus, agit de spontaneo, invito, consultatione, electione, voluntate, & libertate, ac sub finem cap. 5. transit ad virtutes speciales, quarum primam, *fortitudinem*, explicat v. 6. eamque definit ab initio, quod sit *μεσότης τοῦ φόβου καὶ τῆς ὁδοῦ, medietas circa timores & audaciam*. Hanc definitionem ut intelligamus, per partes explicanda est.

IV. *Fortitudinem* à ferendo dici volunt, qui origines vocum inquirent, quia fortis res averteras item & secundas bene ferat. Græcè *Ἀνδρεία*, ἀπὸ τῆς ἀνδρείας, à viro, quod virum maxime deceat & mascula sit hæc virtus: est enim virilis animi operumque virilium hæc virtus, rariusque in sexum cadit muliebrem. Vox, *Fortitudo*, non uno sumitur modo ab Authoribus probatis, ipsisque adeo usitatissima est ejus significatio, qua sumitur, pro corporis robore, quod in laterum firmitate, muscualis, ac lacertis, est constitutum, & non hominibus sed brutis quoque adscribitur, ut in illo Enniano apud *Ciceronem* in Cat. Maj. Sicut fortis equus, spatio qui sæpe supremo vicit Olympia, nunc lenio confectus quiescit. Sed quando ad hominem ejusque animum transferitur fortitudo, vel in genere sumitur pro continentia & moderamine omnium affectuum, aut etiam pro constantia animi in rebus tam secundis quam adversis: prior significatio est in illo *Ovidiano* versu,

Fortior est qui se quam qui fortissima vincit  
Mænia, &c.

Posterior, in illo *Horatiano*, Rebus augustis animosus atque Fortis apparere, &c. vel in specie pro habitu bono circa audaciam, ac timorem; quo sensu hic definitur. Dicitur *μεσότης*, id est, ἀπὸ τῆς μέσότητος ὁδῶν. Obiectionis indicatur per voces *φόβος καὶ ὁδοῦ*, alibi vocat *Philosophus* τὸ φοβερὸν καὶ τὸ θαρραλόν. (a) Quando obiectum fortitudinis assignat τὸ φοβερὸν καὶ τὸ θαρραλόν, internum designat, (b) metum & audaciam, affectus per fortitudinem reprimendos ac coercendos: cum vocat τὸ φοβερὸν καὶ τὸ θαρραλόν, externum indigitat, ea quæ metum vel audaciam afferunt, seu



seu metuenda & audenda; *ferenda & speranda*: τὰ φοβερὰ tamen *primarium*, τὰ παρὰ τὴν ἀλίσ *secundarium* sunt fortitudinis *objectum*: atque hoc expressis verbis innuit *Aristoteles*, l. 3. *Eth.* c. 9. statim in principio. Περὶ τῆς τοῦ φόβου ἡ ἀνδρεία οὕτως, ὡς οὐκ αἰσίων ἐστὶ ἀμφοῖν ἰσὶ, ἀλλὰ μάλον τὸ ἐπὶ τὰ φοβερὰ. Et probat hoc *Philosophus* ibidem duabus rationibus. 1. Fortior habetur is, qui in rebus formidolosis & periculi plenis, nulli perturbationi succumbit, quam qui perturbatione vacat in iis, quæ animum fiduciâ firmant, Ergo fortitudo magis versatur circa metum quam circa audaciam. 2. Virtus maximè versatur in rebus arduis & difficilioribus: sed magis arduum & longè difficilior est, gravia metus ferre, nulloque terrore rerum horrendarum frangi, quam confidere in rebus, quæ fiduciam afferunt aut audaciam gignunt: quippe τὰ φοβερὰ, quæ metum adferunt, mala sunt, τὰ παρὰ τὴν ἀλίσ, quæ audaciam gignunt, bona sunt. At χαλεπώτερον ἐστὶ τὸ λυπηρὰ ἢ τὸ πόνον, ὡς ἡ δὲ ἰσὶς ἀνδρείας, *difficilis est res molestas perferre quam à iucundis abstinere*, ut loquitur ibid. *Arist.*

(a) Omni virtuti, sicuti hic fortitudini, competit *Objectum* duplex, internum & externum: internum, est affectus aliquis, vel unus vel plures: externum, sunt omnia ista quæ affectum istum, vel affectus, cient.

(b) Dubium hic oritur, quomodo metus & audacia sint *objectum* fortitudinis: internum, cum vocabula ista significant extrema seu vitia fortitudini opposita, quod liquet ex thesi 3. disp. 20. Resp. metus & audacia dupliciter spectantur, vel ut affectus simpliciter, absque circumstantiis moralibus, prout sese habent indifferenter ad bonum & malum, & rectè rationi à virtute subijci debent; atque sic sunt *objectum* fortitudinis: sed si spectentur cum circumstantiis moralibus, vel excedentibus, vel deficientibus, sunt vitia & extrema fortitudini opposita: si considerentur cum circumstantiis, nec excedentibus nec deficientibus, sunt ipsa virtus, fortitudo aut forma ejus.

V. Cum τὰ φοβερὰ, mala pronunciamus, queritur, an quævis mala, tum animi, tum corporis, tum fortunæ, tum turpia, tum tristitia, tum noxia, intelligantur? idem quæri potest, de τῶν παρὰ τὴν ἀλίσ, an quævis bona intelligantur, animi, corporis, fortunæ, hone-

sta, jucunda, utilia? Quod ut intelligatur, distinctè procedemus, & quænam mala fortitudinis *objectum* dici de eant, discipiemus: omnia quidem mala, qualiacunque tandem, metum incutere valent, non tamen omnia sunt fortitudinis *objectum*. Quod de malis dicemus, ex opposito de bonis intelligi debet: adferemus quæ aliquot divisiones mali; & circa quæ versetur fortitudo, circa quæ non item, decidemus. Τὰ φοβερὰ, quæ metum incutunt, mala, vel sunt cum turpitudine conjuncta, vel non. Mala turpia sunt peccata: hæc ab omnibus metui debent: nec satis metui possunt, quia sunt inhonesta, quæ metuere, est honeitum: & qui ea metuit, vir probus, qui non metuit, improbus est. Circa hæc mala non versatur fortitudo: quis enim fortem dixerit eum, qui peccare non metuit, ac non potius scelestum? Mala non turpia sed tristitia, quedam sunt ἡντὶ ἀθροῦς, quedam ἡντὶ ἀθροῦς. Supra hominem sunt, quæ atrociora & majora sunt, quam ut à naturâ humanâ, ab homine contemni possint aut superari, ideoque metuuntur: ut luit, terræmotus, inundationes, tonitrua, fulmina, &c. quæ omnes vī ἡντὶς jure merito percipiunt. Circa hæc mala non versatur fortitudo, neque horum metum coërcet. Secundum hominem mala tristitia sunt, vel graviora ac majora, vel leviora ac minor: hæc divisio congruit cum iis, quæ ab *Arist.* l. *Eth.* 3. c. 6. differunt. Leviora ac minor sunt, paupertas, contumelia, morbi, &c. Majora ac graviora sunt, animi cruciatus, exilium, mors. In hisce omnibus moderatè metuendis fortitudo cernitur: sed potissimum ea conspicitur circa mortem, atque inter varia mortis genera, omnium maximè circa mortem bellicam, quæ pulcherrima est, quam vir fortis deliberato animo subit pro aris ac focis. Circa mortem ex morbo aut naufragio, non ita occupatur Fortitudo, atque circa mortem bellicam. Est quidem vir fortis in naufragio & morbis aliisque periculis generibus imperterritus, sed ignavum hoc mortis genus animo fert iniquiore, malletque generosiori morte succumbere, ex qua plus boni ad patriam ac Remp. redire posset.

VI. Nunc exposito fortitudinis *Objecto*, videndum

dendum est, *quomodo* circa id se debeat gerere vir fortis, & quamnam sint ejus officia. Viri fortis officium duplex est Aristoteli, *ἀρετὴν* & *δυσίαν*, *metuere* & *confidere*, scilicet, uti oportet, & secundum omnes circumstantias morales: neque enim omnis metus expers est vir fortis, neque instar trunci, aut bruti, aut hominis furiosi, cuius se se objicit periculo, sed ut homo est, ita aliquid humani patitur, atque extimescit, sed timore moderato, uti recta ratio & quantum honestas suadet. Verum paulò enucleatius Viri fortis officia proponamus: ea 4. ferè reperiuntur posita c. 7. *Eth. I. 3.* & *passim* in *textu Aristotelico*: quintum, ceu confectarium ex illis elicitur *Reckermannus*, in *Eth. I. 2. c. 4.*

VII. *Primum Viri fortis officium* est, non quelibet pericula promiscue & indifferenter adire, sed verò ea, quæ sunt honesta, laudabilia, & utilia, quibus laudem reportare, patriæ ac Reip. prodesse, valeat. *Secundum est*, esse impavidum atque imperterritum, non tamen ad modum trunci aut stipitis, sine sensu aut ratione, sed cum ratione, uti hominem dicitur: si *ἀναιδὲς*, insensibilis, foret vir fortis, sine ullo doloris sensu, nullam fortitudinis laudem promereretur, quam nunc aufert, si dolores & mala sentiendo non nimis metuat: molesta sunt ipsi vulnera, molesta mors, sed non nimis molesta. *Tertium Viri fortis officium* est, non temere, nec desultorie in quævis pericula, etiam honesta, etiam utilia, etiam laudabilia, sese ingerere, sed prudens in eo exigitur ac præmeditata periculis in omnibus animi magnitudo. *Quartum viri fortis officium* est, omnia facere honestatis ergo, non lucri, non vindictæ, non alterius rei

causâ: ideoque milites mercenarios, qui solis stipendiâ grati militant, fortes non habemus, uti nec illos, qui, ut vindictæ satisfaciunt suæ, ad arma profluunt, quales sunt hodie qui duella privata & monomachias ineunt. *Quintum viri fortis officium* est, honestis mediis honestoque modo omnia agere. (a) Inter honesta media censemus etiam Stratagemata, quæ à dolosis & malitiosis fraudibus discernimus: illis viro forti uti licet, hisce non item.

(a) Stratagemata vel sunt cum mendacio conjuncta, vel non sunt: illa sunt illicita & inhonesta; hæc sunt licita & honesta, & talia sunt stratagemata, quorum in sacris fit mentio: nam licet in stratagematibus aliud intelligatur à proximo, quam quod significant signa externa à nobis edita, atque sic proximus decipitur, culpa tamen deceptionis non est in nobis, sed in proximo, neque enim nos possumus prævenire, quod proximus aliud intelligat, quam nos significamus per signa externa.

VIII. Quæri hic solet, pro coronide, *utrum fortitudo magis eluceat in malis & periculis repentinis quàm prævisis?* Resp. cum *Aristot.* in repentinis, quia in iis magis est ab habitu virtutis animi in viro forti præsentia atque constantia, quàm si pericula & mala diu sint prævisa: profectò, quæ subito ingruunt, & nec caveri, nec depelli, facile possunt, insignem requirunt fortitudinem: non sic, quæ diu fuerunt expectata: contra ea enim se munire, animumque suum præparare valet vir fortis, præterea mala, non prævisa, non præmeditata, sed subita, sed repentina, eo ipso sunt graviora & difficiliora, quàm alia, diu præscita: at circa graviora & difficiliora verisimilior fortitudo. Ergo. Cætera de fortitudine *Disputatio sequens* exequitur.

## DISPUTATIONUM PRACTICARUM

## VIGESIMA,

DE FORTITUDINIS DIVISIONE, EXTREMIS, ET  
QUÆSTIONIBUS QUIBUSDAM.

## T H E S I S I.

Quemadmodum Logici syllogismus dividitur in verum & fallacem, qui speciem ementitur veri: quemadmodum Metaphysici bonum dividitur in verum & apparentens,

rens, quorum hoc appareat esse id, quod non est: ita Ethicis Fortitudo dividitur in veram & spuriam, quæ veræ fortitudinis speciem ementur, & appareat esse id, quod non est. Neque hæc tam rei quam vocis potius est divisio. Ea tamen utilis est ad veræ fortitudinis naturam intelligendam. Quemadmodum enim gemmas fictitias, & medicamenta falsa, & omnia, quæ aliquam speciem ementiuntur, nosse conducit, ita multum facit ad veræ fortitudinis notitiam, *fortitudinis adulterine cognitio*.

II. *Spuria*, fucata, atque adulterinae fortitudinis species 5. ponit Aristoteles, l. 3. Eth. c. 8. prima est *παρρησία*, altera *ἀλγὰς τὴν ἰσχυρίαν*, tertia *ἀλγὰς τὴν ὀργήν*, quarta *ἀλγὰς τὴν ἰσχυρίαν*, quinta *ἀλγὰς τὴν ἀγνοίαν*. Πολιτικὴ, Lat. civilis, dicitur etiam *ισχυρία*. Lat. legalis, esque ea, quam leges à singulis civibus requirunt, in defendenda & propugnanda patria propositis premiis & pænis, honore & ignominia, iis, qui se vel strenuos vel ignavos præbuerint. Vocatur legalis, quia legibus est præcepta; & civilis, quia civibus est mandata: Nam jubent leges, ut cives quilibet civitatis suæ ac patriæ libertatem, religionem, salutem & incolumitatem, pro virili, etiam ad mortem usque, tueantur ac defendant, atque ideo præmia & honores proponunt iis, qui hoc faciunt, pœnas & ignominiam minantur iis, qui secus fecerint. Hæc politica fortitudo (a) ad veram proximè accedit. Altera fortitudinis spuria species est, quam Aristoteles vocat *ἰσχυρίαν ἀπὸ τῆς ἡμέρας*, experientiam in singularibus, quæ est *ἀλγὰς τὴν ἰσχυρίαν*, fortitudo per experientiam, quasi quis dicat, fortitudo experientialis: Hæc militum est propria, qui propter experientiam rei militaris fortiter se gerunt, & ideo multum audent, quia multis preliis interfuerunt, usus enim & experientia multos effecerunt fortes, nautas in mari, venatores in sylvis, fossores in specubus & cavernis, sed præsertim milites in bello. Tertia fortitudinis spuria species est, *ἀλγὰς τὴν ὀργήν*, vel *ἀλγὰς τὴν ὀργήν*, propter iram; quo sensu fortis est, qui ira percipit pericula contemnit, & rem fortiter gerit: ita enim solet addere animum homini,

ut nihil extimescat. Quarta fortitudinis spuria species est, *ἀλγὰς τὴν ἀγνοίαν*, propter spem: spes enim & persuasio victoriæ homines erigere solet ac reddere fortes: qui enim sæpe ac multos vicerunt, & qui frequentissime sunt usi rebus secundis, quia perpetuam sibi felicitatem pollicentur, intrepide sese periculis obijciunt, ac fortiter agunt. Quinta ac postrema fortitudinis species est, *ἀλγὰς τὴν ἀγνοίαν*, fortitudo per ignorantiam, quando aliquis fortis est, quia periculi magnitudinem ignorat, quæ fortitudo in tyrones fere & milites cadit inexercitatos. Atque hæc sunt species fortitudinis spuria ex Aristotele explicata, ad quas reduci possunt, si quæ aliæ videantur esse species fortitudinis adulterinae, uti est fortitudo ex desperatione.

(a) Non tamen vera est fortitudo, quia vir vere fortis nec præmii gratia nec pœnæ metu, nec vi legum fortiter agit, sed etiam si nec leges iubeant, nec pœnia decernantur, nec pœnia statuuntur, fortiter tamen agit solius honestatis ergo, & virtutis amore, virtus enim ipsa sibi præmium est.

III. Postquam fortitudinis fucatae & apparentis species exposuimus, de veræ fortitudinis extremis seu vitis oppositis, nonnihil est philosophandum. Fortitudini; ut omni virtuti, duo opponuntur vitia; alterum in excessu, in defectu alterum: aut potius, utrumque, & in excessu & in defectu, pro diversa actione fortitudinis. Actiones fortitudinis sunt, considerare & metuere, (a) aggredi & sustinere. (b) Audacia est excessus in aggrediendo & confidendo: timiditas est excessus in metuendo & sustinendo: contra audacia est defectus in metuendo & sustinendo: & timiditas est defectus in confidendo & aggrediendo. Qui nimium confidit & minus metuit, audax est: qui nimium metuit, & minus confidit, timidus est. Timiditas est vitium, quod in metuendo modum excedit, in confidendo deficit. Audacia est vitium, quod in confidendo modum excedit, & in metuendo deficit. Hæc sunt extrema, Fortitudini opposita, quorum utrumque est detestandum, sed alterum tamen propius ad naturam fortitudinis accedit, alterum remotius abit. Quæri solet ab Ethicis, Utrum extremorum propius

accedat ad fortitudinem, Audacia an Timiditas? Resp. Quin audacia propius accedat ad fortitudinem quam timiditas, nullum est dubium: quia magna aggredi pericula audacia est commune cum fortitudine: at ea fugere, timiditatis est: magis vero gloriosum est: pericula aggredi, quam fugere.

(a) Queritur, an fortitudinis actus magis eluceat in aggrediendo quam in sustinendo? Resp. in sustinendo, quia difficilius est sustinere quam aggredi: sustinemus enim mala, aggredimur bona.

(b) Audacia & Metus sunt & objectum fortitudinis, & ejus extrema, sed diverso respectu: cum dicuntur objectum fortitudinis, spectantur ut Affectus simpliciter, absque Circumstantiis Moralibus, ut nec boni sint, nec mali, & prout à fortitudine in Mediocritate contineri debent, nec ab ea deficient, aut eam excedant: sed cum spectantur, ut extrema, seu vitia fortitudini opposita, spectantur ut Circumstantiis Moralibus rectis destituta, & prout à Mediocritate, quam fortitudo præscribit, jam recesserunt, vel eam excedendo in quibusdam Circumstantiis, aut ab deficiendo; & sic in Vitio, aut Malo, sunt opposita.

I V. Circa Fortitudinem variae solent agitari quaestiones, quae solet. 1. *An sint fortes ἀντὶχρῆς, qui sibi ipsis violentas inferunt manus?* Resp. Neg. cum *Aristot. 3. Ethic. c. 7.* in fine, cujus expressa sunt verba: *Τὸ δ' ἀποθνήσκειν, φθίναντα πνίαν, ἢ ἑρῶα, ἢ π λυπηρὸν, σὺν ἀνδρείῳ, ἀλλὰ μὲλλον δεῖδαι.* Mortem obire, fugientem inopiam, amorem, vel molestum quid, fortis non est, sed potius timidi. Multum inter se distant Fortitudo & ἀντιφρονα. Fortitudinis causa est recta ratio: ἀντιφρονας, desperatio, furor, rabies, belluina feritas, mala quaedam corporis aut huius vitae praesentia. Fortitudo, ut omnis virtus, est affectuum moderatio: ἀντιχρησία est affectuum excessus foedissimus. Fortitudinis finis est τὸ καλόν, at ἀντιφρονας finis est fuga mali, quod honeste poterat tolerari. Vir fortis liberetur versatur in periculis: at ἀντὶχρης ideo manus sibi inferunt, quia pericula detestantur.

V. Queritur 2. *An inter ἀντιφρόνους sint collocandi nostrates nautae, quando in extrema*

*necessitate pulverem pyrium accendant, inieciunt eum igne, atque ita noxam ac necem inferunt hosti, unde tamen sua ac propria mors consequitur.* Resp. Neg. Imo contra, eos pro vere fortibus habemus: quia nec se occidunt active, nec intendunt se occidere, sed hostem & occidunt & occidere tentant: quod ipsorum propria mors consequatur passive,

(a) est per accidens: & vel cum proprio vitæ periculo ac praesenti discrimine pro aris & focis, pro patria, pro religione ac libertate, tenentur dimicare, & juramento ad id sese obstrinxere: sic & milites ab omni sui ipsorum homicidio absolvimus, cum iussu praefectorum istam sumunt stationem, in qua certo sibi occumbendum sciunt. Atque ut hoc negotium dextre intelligatur, notandum est sedulo: quod occisio sui ipsius, alia sit directa, quando quis intendit seipsum de medio tollere atque ex propria intentione sese interficit; alia indirecta, quando quis non seipsum sed alios intendit occidere, sed dum intentionem interficiendi alios exequitur aliosque interficit, in talem rerum statum conjicitur, ut aliorum intenta ac iuste intenta caedes comitem trahat propriam mortem: haec duo accurate sunt distinguenda: quin active occidere semetipsum, ex intentione directa, sit vitium ac vitetum, & non virtus nec fortitudo, nullum est dubium: sed an occisio sui ipsius indirecta illa, seu passiva, ac, qua quis non tam se occidit, quam occidi patitur, sit illicita ac vitium, disputari solet: nos, si circumstantiae diligenter examinentur, negamus. Quid? si quis pro patria, pro fide, pro religione, tali sese exponat periculo, ex quo mors sua sit certo, sed indirecte, confectura, anne is reus est censendus suae mortis? praesertim, si tali se periculo exponere sit confectus, atque obligatus, ex mandato superiorum, quibus ob equium debet, sacramentum dixit, fidem adstrinxit: Nos se sentimus: aut ad id non esse adstringendos nostros nautas ac milites; aut si ad id adstringuntur iuste, etiam interposito juramento, nihil peccant, si hoc exequantur, ad quod iuste se obligarunt. Quare huc potius recidit quaestio, An licitum sit Magistratui hoc imponere militibus, hoc exigere

exigere à nautis nostratibus, sacramento dicto, juramento facto, ut milites ac nautæ, etiam cum præsentī vitæ discrimine ac periculo certo, cladem ac noxam & necem inferant hosti, pro patria, religione, fide, etiam, quando sui ipsorum militum ac nautarum mors est consecutura, certo sed indirecte tamen? neque enim magistratus hoc ipsis imponit aut exigit, ut directe sese occidant, neque, si imponeret aut exigeret, obedire tenerentur milites ac nautæ. At vero non videmus, cur non liceat Magistratui supremo id imponere & exigere à militibus & nautis stipendiariis, *ex quo illi, interficiendo active, communem hostem Dei, religionis, ac patriæ ipsi quoque interficiantur passive*: quod si non peccat Magistratus id imperando, extra omnem sunt reatum milites ac nautæ id exequendo. Quare ab omni culpa *aut passivè* eos absolvimus: tantum abest, ut eos inter *aut passivè* collocemus, sicuti non verentur facere quidam, ad condemnandum nimis proni: illos tantum *aut passivè* pronunciamus, qui directe seipsos occidunt, seu (b) positive, seu negative, ut si quis non vocatur in periculum ex quo obit, aut non vult comedere, seu quocunque tandem modo mors propria procuretur directe.

(a) Quemadmodum simile quid videre est in exemplo Simsonis, qui Philistæos hostes, quos occidere intendit, & revera occidit active, columnis subruitis, nam egit in illos & subruit columnas in perniciem illorum, quamvis mors propria sit consecuta passive, & consecuturam facile prævidit; hoc tamen totum est per accidens, unde textus significanter dicit Jud. 16. 30. de Simfone, quod dixerit, Morior ego, vel ut habetur in Hebræo, moriatur anima mea, scil. passive, cum Philistæis, & de illis dicit textus, ita fuerunt mortui, illi quos morti tradidit, scil. active, Simson cum ipse moreretur, scil. passive: sic nautæ nostrates morti tradunt hostem active, quamvis ipsi simul moriantur passive, pulvere pyrio accenso.

(b) Positive se occidunt, qui sibi ipsis violentas inferunt manus; negative, qui v. c. non comedendo fame moriuntur, aut non vocati ista loca adeunt ubi occiduntur.

Positive dicitur quis se occidere, cum aliquis sibi violentas inferat manus, aut venenum bibat: Negative, ut si quis ab omni cibo abstineat, & fame se enecat: *Quocunque modo*, ut si quis

non vocatus nec obligatus se committat in loca periculosa & isti se exponat periculo, unde interficietur, quemadmodum Spectatores in obidionibus imprudenter sæpe adeunt ista loca, unde nunquam redeunt.

VI. Quæritur 3. *An qui ad duellum provocant alios, aut provocati sese sistunt, sint dicendi fortes?* Resp. Duellum est, vel privatum, vel publicum. Privatum, nec ex parte provocantis, nec ex parte provocati, est licitum: quod probatur. 1. Quicumque ex ira, ex furore, ex vindictæ cupiditate, se & adversarium, in præsens adducit discrimen, non est vere fortis: Sed tam provocans quam provocatus hoc facit. Ergo, &c. 2. Temerarii & audaces non sunt fortes. Qui duellum incunt sunt tales. Ergo, &c. Prob. min. quia non sequuntur rectam rationem, quæ norma est regula virtutum, sed sequuntur impetum suorum affectuum. 3. Qui pericula adeunt non necessaria, non sunt vere fortes. Sed duellatores, &c. Ergo, &c. Publicum quoque duellum, illicitum pronunciamus: quia temeritas nunquam consistit cum fortitudine vera: sed est maxima temeritas, unius hominis vel fidei vel fortitudini committere salutem totius exercitus ac tot hominum: neque licet in re tanti momenti fortiri aut fortem ducere, quod sit in tali duello publico, ubi omnium totiusque exercitus vita, fortuna, ac salus, unius periculo committitur. Duellum Davidis cum Goliatho publicum, plane alterius fuit ordinis & extraordinarium, quod non magis ad imitationem trahi potest, quam ejusdem pugna cum leone & urso, plane miraculosa. Cætera, quæ fortitudinem spectant, corollaria proponunt.

## COROLLARIA.

1. *An vim vi repellere, hostemque invasorem occidere, sit viri fortis, ac licitum?* A.

2. *An cæteris paribus, omnibusque ad justam sui defensionem requisitis, vite recteque se habentibus, ut propriam mortem evadat, unicuique sit licitum, invasorem occidere?* A.

3. *An sit Viri fortis, honorem suum lesum redimere per mortem laedentis?* N.

4. An



4. An liceat bona nostra temporalia tueri ac conseruare, si aliter non possumus, per occisionem eripientis? Resp. furi simplici non esse eripiendam vitam, sed latroni simul & furi, aut

quando cognosci non potest, an aliquis furandi vel latrocinandi animo veniat, ut de noſtra, licere pronuntiamus.

5. An bellum sit licitum? A.

## DISPUTATIONUM PRACTICARUM VIGESIMA-PRIMA.

# DE TEMPERANTIA.

### THESIS I.

**P**ost fortitudinem explicatam, liquet capitibus l. 3. *Eth.* ad Temperantiam transit *Aristoteles* cap. 10. & nos ab ea explicata disputatione gemina, ad Temperantiam transimus: cujus naturam hac unica in aperto ponemus: primum vocem, mox rem, more nobis conueto, excussuri.

II. Temperantiæ vox non uno modo sumitur ab Ethicis. 1. *Generalissime* quamlibet significat virtutem & moderationem: omnis enim virtus consistit in moderatione seu temperantia affectuum. 2. Sumitur *specialius* pro virtute, quæ omnes voluptates corporis ad mediocritatem redigit. 3. *Specialissime*, pro ea virtute, quæ gustus & tactus voluptates ac dolores subigit & ad mediocritatem redigit: hoc sensu hic agimus de Temperantia.

III. Temperantia est virtus moralis seruans mediocritatem (a) in expetendis & fruendis voluptatibus, & perferendis doloribus, ex absentia voluptatum nasci solitis, circa cibum, potum, & Venerem, seu res gustui & tactui obiectas. Temperantiam esse virtutem, sic probamus. 1. Quodcumque hominem facit bonum, & hominis opus reddit laude dignum, est virtus. At temperantia hoc facit. Ergo, &c. 2. Circa quod cadit excessus & defectus, circa id cadit virtus. (b) Sed circa cibum, potum, Venerem, cadit excessus & defectus. Ergo, &c. (c) Obiectum internum Temperantiæ, est cupiditas; externum, sunt res quæ gustui & tactui obijciuntur, aut potius voluptas & dolor, quæ ex istis rebus nascuntur. Primum quidem obiectum sunt voluptates, secundum dolores: sed queritur, An circa quaslibet voluptates versetur Temperantia?

Resp. cum *Arist.* l. *Eth.* 3. c. 10. voluptatum esse varia genera: Voluptates sunt vel *ψυχικαί*, quæ *τῷ ψυχῇ* animum suavi commotione afficiunt, vel *σωματικαί*, quæ corpus afficiunt & sensus suavi commotione. Animi voluptates non sunt ejusdem generis apud *Aristotelem*: sed percipiuntur, vel ex contemplatione rerum, vel ex conversatione & colloquio Amicorum, vel ex consecutione & adpensione earum rerum, quas expetere solemus, ut sunt diuitiæ, honores, amici, liberi, omniaque ea quæ in bonorum numero recensentur. Corporis voluptates, vel sunt homini propriæ, vel sunt ei cum brutis communes, utraque vulgo vocantur *αἰσθητικαί* sensibiles, quia sensus externos movent atque afficiunt; propriæ hominis voluptates sensuales sunt, quæ ex visu, auditu, & olfactu percipiuntur: communes, quæ ex gustu & tactu. Temperantia non versatur circa voluptates animi: neque enim, qui v. c. summos honores debite expetit, ideo vocatur Temperans, aut qui nimium, intemperans, sed vel magnanimus vel ambiciosus; sic nec, qui pecuniam debite expetit, dicitur Temperans, sed liberalis: nec, qui non debite, intemperans, sed avarus. Non versatur etiam Temperantia circa quaslibet voluptates corporis, non certe circa eas, quæ visu, auditu, & olfactu, percipiuntur: necque enim, qui ex visu capiunt voluptatem, ut ex coloribus egregius picturisque elegantibus, vel moderatam, vel immoderatam, ideo dicuntur vel Temperantes, vel Intemperantes. Eadem est auditus ratio: si quis enim impense delectetur cantionibus & melodiiis, non potest idcirco



circo dici intemperans, nec temperans si delectatur debite. Eodem modo sese res habet circa odoratum. Per accidens tamen, quatenus res visæ, auditæ, olfactæ, in nobis gi-gnunt inordinatum appetitum sui, possumus ab iis denominari intemperantes : ut si quis audiendis sermonibus obsecens foedam sentiat in sese irritari libidinem, is hoc ipso redditur intemperans, & sic porro. Solæ ergo voluptates ex gustu & tactu verum ac proprium sunt objectum Temperantiæ, quæ homini cum bellis sunt communes, inde *ζωονδεις* belluinæ dicuntur; magistamen in tactus quam in gustus voluptatibus suum exequitur munus Temperantiæ, quia voluptates tactus sunt majores ac pleniore: nam tactus per totum diffunditur corpus, & in omnibus corporis partibus recipitur: non sic gustus, qui in cuspide tantum fit linguæ, æque in palato: unde qui rem aliquam sunt gustaturi, leviter eam attingunt; tales, quatenus ex levi attactu per linguæ cuspidem facto, aliquam, sed exiguum capiunt voluptatem, intemperantes propriè dici nequeunt. Quod de voluptatibus diximus, eas non quilibet sed certas esse Temperantiæ objectum, id ex opposito de doloribus intelligendum est quoque, non animi, nec eos, qui ex visu, auditu, & olfactu, sed vero illos, qui ex gustu & tactu acquiruntur, esse objectum Temperantiæ. Sunt porro voluptates, vel honestæ vel turpes; utraq; vel præsentis vel absentes. Temperans voluptatibus honestis, si sint præsentis, moderatè utitur, si absint, non nimis dolet: intemperantes contra. Turpes voluptates, si sint præsentis, si absentes, in totum averfat intemperans: at iis præsentibus delectatur intemperans, & ob eam absentiam dolet.

(a) Hæc verba *servans mediocritatem* fuerunt posita in generali definitione virtutis moralis: ideoque hic omittenda sunt.

(b) Ambæ hæc majores non sunt universaliter veræ, quia, & affectus, & actiones virtutem producentes, hominem faciunt bonum, hominifque opus reddunt laude dignum, admittunt excessum & defectum, nec tamen ipsi affectus aut actiones virtutem producentes, sunt ipsa virtus.

(c) Voluptas & dolor interdum sumuntur late pro adjuncto omnium virtutum ac vitiorum; quocircaque enim aliquam virtutem exercemus,

post illam exercitam gaudemus & ex illa voluptatem capimus; contra quoties peccamus, aut virtutem aliquam exercere impedimur, tristamur ac dolemus, hoc modo circa voluptatem & dolorem versatur fortitudo: nam quicunque præclare in bello rem gessit, voluptate afficitur; contra, qui infelicitè rem gessit, dolore corripitur: interdum hæc vocabula sumuntur strictius, & significant non adjunctum, sed ipsum objectum virtutum quarundam internum, ac tum significant affectus duos, qui alio nomine vocantur gaudium & tristitia: denique specialissime accipiuntur pro voluptate ac dolore ortis ex præsentia aut absentia cibi, potus ac Veneris, uti hic.

IV. A definitione transimus ad *divisionem* Temperantiæ. Dividitur non male in *Frugalitatem* & *Castitatem*, Frugalitas in *Abstemiantiam* & *Sobrietatem*. *Abstemiantia* est Temperantiæ circa cibum. *Sobrietas* in Temperantiæ circa potum. *Castitas* est Temperantiæ circa Venerem. Notandum est hic, vocem *Abstinentiæ* sumi hic specialius quam cum significat cujuslibet rei illicitæ fugam, quo sensu dicimus, Sustine & abstine.

V. *Extrema* seu *vitia opposita* Temperantiæ sunt, in defectu *ἀναισθησία*, Latine insensibilitas seu stupor, in excessu *ἀγλασία*, intemperantia. *Stupor* Latinis accipitur, vel pro ingenii tarditate, amentia, stultitia, vel pro averfatione voluptatum non vitiosarum: postremo sensu hic venit: estque vitium, quo licitas & concessas etiam voluptates quis averfat atque aspernatur: Hoc quidem vitium inventu est rarissimum. Vocatur *ἀναισθησία*, quia talis nihil amplius sentire vult. *Intemperantia*, vitium in excessu temperantiæ, dicitur *ἀγλασία*, quæ vox & pueris convenit & intemperantibus: utrique enim a suis rapiuntur cupiditatibus, ac castigatione & moderatione indigent: descendit enim à Græco *αγλαζειν*, quod est, *castigo*, *coerceo*, *prohibeo*: oportet enim cupiditates, & in pueris & præsertim in intemperantibus *καταλασσειν*, castigari ac coerceri, ut sint moderatiores, & ne rationi adversentur, quæ quia in intemperanti nullo modo sunt coercitæ ac castigatæ, rectè in temperantia dicitur *ἀγλασία*. Est hoc vitium, quo quis anxie nimis voluptates appetit si absint, furiosè nimis & immoderatè

C c c c c

ample.

amplectitur, si adsint, nimio dolore afficiuntur, si eas consequi non valeat. Intemperantia in cibo peculiari voce dicitur Voracitas, in potu Ebriositas, in venere Libido. Peccat intemperans in excessu, multis modis: 1. in qualitate, cum, quæ jucunda sunt; promiscue sine ullo concupiscit discrimine: 2. in quantitate, cum plures & majores voluptates concupiscit quam convenit: 3. in modo, cum à voluptatibus instar pecudis quaquaversum rapitur & abripitur, easque rebus quibuscumque, etiam honestis, præfert: 4. in circumstantiis, cum nec loci, nec temporis, nec personarum, ullam habet rationem, modo suis fruatur ac potiatur voluptatibus.

VI. De extremo utroque vitio opposito Temperantiae, solent ab Ethicis quædam quæstiones disputari. Queritur 1. *An recte virtus & vitia Philosopho collocentur inter vitia?* videtur enim multis, illa à voluptatibus omnibus in totum abstinencia, laudabilis. R. recte à Philosopho virtutes & vitia numerari inter vitia: quippe quæ contra naturam hominis est, non vegetantem modo ac sentientem, sed & rationalem: est enim habitus, quo minus alimentum sumimus, quo minus delectamur voluptatibus necessariis, quam postulat ipsa naturæ conservatio, aut personæ conditio, aut similis circumstantia: natura hominis à vegetans plus vellet alimentum, & sentiens plus vellet voluptatum: imò & natura rationalis deberet ex voluptatibus, vel corpori necessariis, vel valetudini non contrariis, habitum rationis circumstantiarum, plures præscribere. Certe cum natura, Deus naturæ author, adperserit homini atque inleverit (a) quasdam voluptates, ad singulorum individuorum salutem ac conservationem, in usu cibi & potus, ad speciei propagationem, in Venere, illas averitari ac spernere contra omnem est humanitatem. Homini, secundum naturam & rectam rationem, est vivendum. At he voluptates secundum naturam sunt, & recta ratione regi possunt. Ergo secundum eas est vivendum. Et, qui eas in totum contemnit, contra naturam facit ac rectam rationem. Vitium itaque est à natura, sed minus tamen quam est intemperantia, quia ab hoc extremo in defectu facilius

ad mediocritatem Temperantiae transitur, quam ab altero extremo in excessu, à quo ad temperantiam ipsam transitus est difficilior.

(a) Deus Opt. Max. cibum ac potum concessit hominibus, ut singuli homines individui conservarentur aliquandiu in vita, quam ab illo acceperunt; concessit iisdem Venerem legitimam, seu conjugii & congressus liciti usum, ut natura humana propagaretur, & sic genus humanum tanquam species una ex variis creaturarum speciebus non defineret: sed insuper voluptatem quandam posuit honestam in illis mediis, usu scilicet cibi, potus, & Veneris, debito, quibus individuorum hominum vita producit, & naturæ humanæ species perpetuatur, sic ut abique peccato voluptas aliqua sed moderata ex istarum rerum usu percipi valeat: omne vitium positum est solummodo in hujus voluptatis & doloris contrarii excessu ac defectu.

VII. Queritur 2. An recte Aristoteles 10. l. 3. Eth. circa finem, Intemperantiam asserat esse vitium turpissimum maximeque probrosum? Resp. omnino: nam maxime pugnat cum hominis excellentia, dignitate, splendore, quibus hominem exuit, & feris ac brutis eum reddit similem; unde hoc vitium Arist. illic loci dicitur *ἡνικότερον*, i. e. belluinum.

VIII. 3. Queritur, an Ebrietas excuset peccatum? Resp. Distinguenda est ebrietas ab ebriositate: illa actum, hæc habitum significat: Potest actu quis inebriari, & per alterius deceptionem, si non satis noverit, aut alterius fraudem: sic aliquo modo excusatur peccatum ebrietas, à tanto, inquit vulgo, non à toto. At ebriositas, quæ est habitus inebriandi se, cum quis ex prævia intentione, ob delectationem quam habet ex potu, eo se sciens & volens onerat ad rationis amissionem, à peccato non excusatur. Cætera de Temperantia continentur Annexis.

#### ANNEXA.

1. An per leges Temperantiae bis de die comedere liceat? Aff.
2. An repugnet Temperantiae interesse concubis? Neg.
3. An virginitas sit licita? Aff.
4. An virginitas sit simpliciter melior conjugio? Neg.
5. An per Castitatis leges liceat choreas mixtas instituire? Neg.

DISPUTATIONUM PRACTICARUM  
VIGESIMA-SECUNDA.

D E

## LIBERALITATE.

T H E S I S I.

**E**X Virtutibus Fortitudinem & Temperantiam, exposuerunt Disputationes præcedentes: egeratque de his Arist. *l. Eth. Nicom. 3.* De virtutibus aliis agit *l. 4. c. 5.* atque ex undecim, quas proposuerat *l. 2. Eth. c. 7.* explicat octo *l. 4.* singulas singulis capitibus; quarum duæ versantur circa divitias, *Liberalitas & Magnificentia*, duæ circa honores, *Magnanimitas & Modestia*, una circa iram, *Mansuetudo seu Clementia*, tres circa quotidianam conversationem, *Comitas, Veritas, Urbanitas*: Postremam undecim virtutum, *Iustitiam*, explicat late *lib. 5.* Nos, eodem ordine, quo *Aristoteles*, omnes & singulas publice disquisitioni subijciemus, & Philosophi vitula arabibus, quo nemo fere melius earum naturam explicare valeat. Faciemus cum ipso initium à *Liberalitate*, sic enim orditur *l. 4. Eth. Λίαν μὲν εἶ ἐξ ἧς ἀπὸ ἐλευθερίας*.

II. *Ἐλευθερίας*, ἀπὸ τῆς *ἐλευθερίας*, à libero, vel ἀπὸ τῆς *ἐλευθερίας*, à libertate, derivatur, uti *Lat. vox Liberalitas, à Libero, vel Libertate*, deducitur, quia sc. *ἐλευθερίας τῆς ἐλευθερίας*, liberalitas hominem liberum, maxime decet: & in eo magis reperitur, quam in homine servo ac sordido, vel quia facit hæc virtus, hominem libenter largiri: nonnulli hanc vocem à *liberando* deducunt; vel quia beneficia à liberali profecta alios à paupertate liberant, vel quia ipsos liberales hæc virtus liberat à servitute divitiarum, quarum alioquin fierent facile ac forent mancipia. Qui hanc vocem, ἀπὸ τῆς *λευτέας*, à *libatione*, derivant, quod, sicuti libatio omnis debeat esse spontanea & ultronea, ita nullibi magis τὸ sponte cernatur, quam in hac virtute, illi paulo longius abeunt in hujus vocis explicatione; adjuvantur tamen veterum in-

ter Latinos scriptione, quæ erat *Loiber* pro *Liber*, teste *Festo*. Liberalitas interdum sumitur ὑπερβαίνει *improprie*, quo sensu, vulgus, hominem prodigum & sua largius communicantem, vocare solet liberalem, vel κυρίως, *proprie*, & tum, aut in genere, pro omni *εὐεργεσία*, beneficentia, etiam ipsa Magnificentia, aut in specie, pro hac, de qua agimus, Virtute, quam ex Arist. primo *textu c. 1. l. 4. Eth.* definimus, εἰς αὐτὴν μετέστηται ἀπὸ τῆς *ἐλευθερίας*, esse mediocritatem circa pecunias; μετέστη, id est, ἀπὸ τῆς ἐν μετέστη δόσει. Est enim hæc (a) definitio, ut loquuntur vulgò, causalis, i. e. per solam causam: uti *Eclipsis* definitur, Interpositio terræ inter solem & lunam. *Objection* Liberalitatis facit *Arist. τὴν ἐλευθερίαν*, qua voce non tantum intelliguntur pecuniæ, id est. nummi signati, sed quælibet opes ac possessiones, quarum pretium pecunia vel nummis æstimari ac mensurari solet ac potest, uti sunt agri, ædes, villæ, suppellectilia, & alia omnia, quorum est in vita humana usus: dicuntur enim, *χρήματα*, ἀπὸ τῆς *χρήσεως*, ab usu, quasi dicas *χρήσιμα* utensilia aut utilia, quæ sui habet usum in vita sustinenda ac toleranda. Versatur vero *ἐλευθερία* ἀπὸ τῆς *ἐλευθερίας*, ἐν τῇ δυνάμει & ἐν τῇ λαμβάνειν, in dandis & accipiendis pecuniis. In dandis pecuniis, earum *χρήσις* usus; in accipiendis, κατὰ τὴν possessionem cernitur. *Χρήσις* εἰς αὐτὴν δοκῇ *ἐλευθερίας*, διαπύνη & δόσις. ἢ ὅτι *ἀφ' ἧς* & ἡ *ἐλευθερία*, κατὰ τὴν *μετέστη*. Usus verò esse videtur divitiarum: sumunt & datio: sed acceptio & custodia, possessio magis *sc. videtur*, inquit *Arist.* paulo post initium *c. 1. l. 4. Eth.* Usus pecuniarum consistit, vel in sumptibus circa rem domesticam & familiarem faciendis, vel in dando & erogando: *possessione*, vel in acquirendo, quando eas aliunde

C c c c c 2

acci-

accipimus, cum non habemus, vel in custodiendo, cum acceptas conservamus. Hæc Aristotelis est de Liberalitate cap. cit. Philosophia, quam esse solidam, ulterius ex ipso demonstratur ibi nus.

(a) Definitio Causalis dicitur, cum in definiendis Accidentibus omisso genere, & subiecto inhaerentis, illud definitur per solam Causam, aut per Causam & obiectum, uti hic liberalitas definit Aristoteles.

III. Liberalitatem esse virtutem *ἡ δὲ τὴν χρημύτην*, circa pecunias, sic probat Philof. loc. cit. *ὅς δὲ ἐστὶν ἡ χρημύτης, ἐστὶν τὰ τοιαῦτα χρημύται, ὅς ἐστιν ἡ χρημύτης*, Quorum v. est usus aliquis, est iis uti, vel bene vel male. Hinc sic argumentatur. Quibus rebus bene possumus vel male uti, circa ea est virtus. Atqui *τὴν χρημύτην*, pecuniis, bene vel male possumus uti. Ergo &c. At circa *τὴν χρημύτην*, pecunias, non est fortitudo, non temperantia, non magnanimitas, non veritas, &c. Ergo &c. *Except. Bene vel male uti divitiis pertinet ad iustitiam, quæ medium tenet, & in accipiendo & in dando, ut redeat ad unumquemque, quod suum est.* Resp. Iustitia, quicquid dat, ex debito dat, & quicquid accipit ex merito accipit. (a) At liberalitas non dat ex debito sed sponte, & accipit non ex merito sed sponte: ideoque, licet utraque hæc virtus versetur circa *τὴν χρημύτην*, pecunias, non tamen eodem modo: Iustus versatur in pecunia aliena, quæ alteri debetur, quia meritis est, & si retineat, retinet pecuniam non suam, quia est merces debita alterius: at liberalis versatur in sua pecunia, quæ nulli debetur: (b) iustus dat alteri, quod alterius est; liberalis dat alteri, quod suum est. *Inst. At liberalitas dat etiam ex debito, nam debet ac tenetur egenti proxima succurrere liberalis.* Respond. Illa est debitorum moralis tantum & congruens ex lege charitatis; at non, ut sic loquar, Physica aut meritoria: id est, egenus nullam operam locavit liberali, qua sit meritis ejus opem, aut per quam obstrinxerit liberalem, ut ipse vi obstrictionis debeat, ex vera, & stricta, & propriè dicta debitione, egeno confert tale subsidium, tanquam operæ collocatæ mercedem ac pretium: (c) præmium est, quod dat liberalis & ultro, non pretium ex merito. Decidemus

hanc rem verbis Victorini Strigellii commentar. in Arist. Eth. l. 4. p. 332. *Iustitia præstat debitum civili obligatione, videlicet, quod leges & Magistratus jubent solvi. Sed liberalitas communicat id, quod naturali obligatione debetur: ut, quoniam Samaritanus nihil debebat propter edictum aliquod Magistratus saucio iacenti in viâ, tamen debebat naturali obligatione, quia quoddam naturale fœdus est hominum inter se, quod præcipit, ut alterius vitæ unusquisque, quantum potest, opem ferat. Vetus dictum est, Liberalitatem dare quidem, indubitum persone, sed dare debitum specie, id est, communi societati, quæ sine ea non potest conservari: sed multo illustrius est dicere, dare eam debitum Deo, (d) quia vult Deus &c.*

(a) Quod hic dicitur de Iustitia & Liberalitate in abstracto, hoc intelligendum de Iusto & Liberali in concreto.

(b) Iustus cum dat pecuniam alteri, eam dat ex pacto, Conventione, aut Contractu inito inter se & proximum, ut cum ædificans certam pecuniæ summam ex stipulatione debitam operariis persolvit; Liberalis non dat ex pacto, ut cum aliquis mendico dat stipem, neque enim ulla conventio facta est inter dantem & mendicum, ut ejus vi & obligatione mendico stipem tradere teneatur is, qui dat. Præterea, Iustus cum persolvit mercedem laboranti debitam, pro labore dat pecuniam non amplius suam, quamvis hæcenus possederit, sed eam, quæ facta est laborantis propria per & propter suum laborem: sed cum Liberalis stipem largitur mendico, dat pecuniam suam, & quæ nullo modo facta est propria mendici: operarius pecuniam, quam aufert, labore suo meruit, mendicus non item.

(c) Præmium dicitur, id quod datur absque ulla merito Accipientis in dantem collato. Præmium dicitur, id quod datur propter meritum Accipientis danti collatum: aliter dicitur merces, præmium, & gratuitum, merces est debitorum; unde vita æterna, Rom. 6. usu ultimo dicitur præmium, non pretium, aut merces, quia non confertur ex merito Accipientis hominis, nec ex debito dantis Dei.

(d) Qui dat egenti stipem, quia Deus jussit, dicitur liberalis, & agere ex lege Charitatis, quæ jubet proximo bene facere: qui mercedem persolvit ob laborem, quantum ille meritis est, quia Magistratus jubet, iustus est, & dicitur agere ex lege Civili: & quamvis etiâ hoc potestrum Deus jussit, tamen quia peculiariter leges existant humanæ de pretio persolvendo pro labore præstito, non item de danda Eleemosyna, ideo quando quis persolvit merces,

mercedem alteri debitam, iustus dicitur, & non liberalis, nam iustitia respicit leges Civiles, non item liberalitas: & quando liberalitas dicitur dare indebitum Personz, sensus hic est, quod hunc, aut illi mendico singulari, Petro, aut Paulo mendico individuo, non tam teneatur dare stipem liberalis, quam quidem speciei, i. e. hominis, qui est species respectu Petri & Pauli dare tenetur ex lege Charitatis; hæc enim jubet, ut diligamus proximum, per proximum intelligendo hominem in specie.

VI. Obiectum Liberalitatis fecimus triplex, quod de obiecto externo intelligi debet: nam internum obiectum hujus virtutis est amor & cupiditas divitiarum. Quid per triplex intelligatur, lib. 2. est dictum: nempe, divitiarum; (a) tum naturales, pecora, fruges, agri &c. tum artificiales, nummi; uno verbo, quicquid pretio seu nummis signatus estimari potest. Queritur hic, an non aliud quod, quod pretio estimari nequit, sub liberalitate cadat? Quid enim si quis sine pretio liberaliter doctrinam suam atque eruditionem communicet alteri, nomine hæc liberalitas fuerit dicenda? & tamen bonum doctrine atque eruditionis est tale, ut pretio commensurari, aut pecuniis compenari, nunquam possit. Ut hunc dissolvamus nodum, notandum venit, valde impropiam esse phrasin hanc, quando doctrina aut eruditio dicitur communicari liberaliter: qui enim aliquid communicat aut dat liberaliter, is rem aliquam, quam possidet, transfert ac tradit in potestatem alterius, ut hoc, quod dat & communicat, amplius non possideat, aut saltem, si dominus ac possessor & proprietarius maneant, transfert ejus rei usum in alium, ut amplius ea re uti ipse non valeat, quam communicavit aut donavit: ita ut liberalis, aut dominium, aut usum rei, amittat, vel transferat in eum, cui donat eam aut communicat liberaliter. At, qui eruditionem liberaliter alteri communicat, is suæ eruditionis, nec dominium, nec usum, amittit: neque discipulus possidet aut utitur scientia sui præceptoris, sed sua sibi propria, ac, quæ diversa est à præceptoris sui scientia: præceptor laborem suum in docendo communicat liberaliter, qui redimi potest nummis: at eruditionem suam non communicat, quia & scientiam & scientiam ejus sibi servat. Instans. 1. At

corpus humanum alteri in usum tradi potest ad rei alicujus effectiorem: illud autem pretio nullo commensurari potest. Resp. Qui sui corporis usum commodat alteri, ipse sui corporis manet dominus & ipse eo utitur: itaque nulla hic est transportatio, qualis exigitur in liberalitate: usus verò sui ac proprii corporis alteri commodatus potest redimi pretio. Instans. 2. Sed quid? si quis in servitutem sese alteri det, ut ab alio, sc. Domino alteri doneatur. Hic certe corporis dominium transfertur. Resp. Hic nullo modo corporis dominium transferri: neque servus potest sui corporis dominium transferre alteri, cui in servitutem sese addicit, neque dominus servi; sed utrimque tantum transfertur usus corporis humani commodatus, qui potest pretio redimi: sc. ne ipsi quidem nos sumus domini vitæ nostræ aut corporis nostri, hunc usurpatores tantum; hanc usurpationem, hunc usum, transferre possumus, dominum non item. Si enim servus dominium sui corporis transferret alteri, posset is alter de corpore servi disponere, uti vellet; dominus enim rei, disponit de re sua, uti vult: at non potest sic dominus disponere de corpore sui servi, uti vult: nam etiamsi vellet, non tamen posset occidere (b) potentia, sc. Ethica ac legali, quia illam potestatem in corpore servi non accepit. Quin! ne ipse quidem servus sic sui corporis est dominus: sed solus Deus, ut vitæ necisque est arbitrer, ut omnium hominum, imo rerum omnium, ita corporum humanorum solus est dominus.

(a) Divitiæ vocantur naturales, quæ ab ipsa sunt natura, aut potius à Deo, auctore naturæ: artificiales, quas invenit industria humana, qualis est pecunia. Cum enim Antiqui merces mercibus commutare solerent, unde mercatura est dicta, nec unusquisque semper esset instructus illis mercibus quibus alter egeret, inventus est nummus signatus qui vicem mercium commutandarum servaret, quod etiamnum hodie obtinet.

(b) Potentia legalis sive Ethica dicitur, quia aliquis quippiam potest per leges, quia illud legibus est permillum, & opponitur potentia Physicæ, quia aliquis quippiam potest viribus naturæ, sive sint corporis, sive animi: sic potest potentia Physicæ robustior occidere minus robustum



stum, potentia scil. physica, sed non potest potentia Ethica, quia ipsi non licet.

V. Diximus ex *Arist. th. 2.* liberalitatem duobus circa *τὸ περιεχόμενον* actibus occupari, dando & accipiendo: per *τὸ dare*, non simpliciter intelligitur *donare*, sed etiam *sumtum facere* & *impendere* rebus necessariis & honestis: per *τὸ accipere*, non solum intelligitur *τὸ capere*, sed *custodire* ac *servare* res datas vel acceptas. Liberalitatem consistere etiam in accipiendo, contra *Timplex. Eth. Gener. l. 3. c. 9. quæst. 2.* sic probamus. Si liberalitas tantum in dando consisteret, facile foret, ut evacuaretur liberalis semper dando: ne itaque pecunia exhauriatur, & liberalitatis materia omnis dilabatur; quo diutius dare possit, necesse est, ut interdum accipiat: ac, ne nimium quoque accipiat, eum docebit liberalitas. Magis tamen in dando quam in accipiendo liberalitatem esse sitam, cum *Arist. loc. cit.* pronunciamus, moti ejus rationibus, quas ex *Andronici Rhodii in Eth. Nicom. Paraphrasi*, per nobiliss. Virum ac fulgens Academicæ nostræ etiamnum lumen, *D. Daniel Heinssum*, Latine reddita, hic apponimus. In usu ergo pecuniarum versatur liberalitas: usus vero magis est dare, quam accipere. Sed & magis virtus videtur, beneficio afficere quam affici, & quæ honesta sunt agere, quam, quæ turpia sunt, non agere. Accipere enim, unde oportet, est beneficio affici, sicut non accipere, unde non oportet, est, non turpia agere. Præterea, id quod magis laudatur, magis etiam virtuti convenit: dare autem ut oportet, quam accipere, magis laudatur: gratia quippe & laus magis tribuitur ei, qui dat, quam qui non accipit. Ad hæc, in difficiliore occupatur virtus: difficilius autem est, ut oportet, dare, quam accipere aut non accipere, ut oportet: suam enim ipsius dimittere, multo est difficilius quam alienum remittere. Quare magis liberali convenit, dare honeste, quam aut non accipere, aut accipere honeste. Videantur cætera apud ipsum *Andronicum Rhodium*, atque alios *Commentatores in Eth. Arist.*

VI. Nunc porro videndum, quænam sint officia viri liberalis, tum in dando, tum in accipiendo: atque hæc quoque ex *Aristotele* describemus, quem *ἀνδραγαθὸν*, vix ducem, esse in *Disp.*

*Philosophicis*, consuetudo obtinuit. Is igitur *cap. cit.* liberalitatem in dando recte exerceri censet, si finis observetur, propter quem, & modus, quo exerceri debet. Finis, ut omnium virtutum, ita liberalitatis, est sola honestas: itaque, qui beneficia aliis conferunt, vel ostentationis causa, vel ut majora beneficia vicissim reportent, vel ut favorem & gratiam aliorum sibi concilient, vel ut per ea ad honores in magistratu perveniant, vel ut ab importunitate petentium liberentur, vel propter quamcunque causam præter honestatem, liberales non sunt. Modus exercendæ liberalitatis est, ut detur *ὀφίως, recte*. Atque hic quinque potissimum observari debent circumstantiæ. *Persona, Quantitas, Tempus, Locum.* *Persona*, consideranda est, vel dantis, vel accipientis. In persona dantis, spectandus est animus, ut detur *ἰδίως ἢ ἀλόως*, suaviter & sine tristitia: in persona accipientis videndum est, utrum (a) dignus sit nostris beneficiis: itaque *Arist.* monet non esse dandum, *ταῖς πρᾶξι*, id est, quibuslibet sine discrimine. Circa quantitatem beneficiorum, spectari debent, facultates dantis, ut det pro ratione suarum opum, ne sese exhauriat: item conditio accipientis, ut cuique detur pro ratione paupertatis. Quoad qualitatem, dandum est ex propriis & non ex alienis opibus: & danda sunt accipienti, quæ profutura, non obfutura ei sunt. Quod ad tempus, notum est vetus dictum: *Bis dat, qui cito dat*. In tempore subvenire, omnium rerum est primum. Quod ad locum, dandum est, *ἐν γὰρ*, ubi honestum est. Quæ honoris ergo dantur beneficia, palam; quæ egestatis sublevandæ causâ, clam debent conferri. Officia accipientis in accipiendo, sunt; 1. Liberalis non accipit, unde non est accipiendum. 2. non est petax, *ἀντηγάς*: magis enim cupit beneficium dare, si possit, quam accipere. 3. studet honestis rationibus suas facultates augere, ut possit, non ab aliis accipere, sed de iuo largiri. Quæ de liberalitate quæri amplius possent, *Annexa*, & extrema, *disp. seq.* exhibebunt.

(a) Dignus dicitur hoc loco, non qui aliquod beneficium danti contulit, aut officium aliquod præstitit, aut operam suam impendit, & sic alterius



terius beneficentiam meruit, sed qui virtute est præditus, & qui vir existit probus: liberalitas enim exercenda est in virum bonum atque honestum, & non in virum improbum, atque nebulonem.

## A N N E X A.

1. An verum & adequatum objectum liberalitatis sint pecunia? A.
2. An liberalis quandoque etiam indignis dare debeat? N.
3. An, qui multa dat, semper sit liberalior eo, qui pauca dat? N.
4. An communitio bonorum in bene constituta Rep. sit toleranda? N.
5. An pauper etiam possit esse liberalis? A.

6. An liberaliores sint, qui suo labore divitias acquisiverint, an qui hereditate aut alio modo aliunde eas acceperunt? Resp. posteriores.

7. An quis possit esse in seipsum liberalis? N.

8. An liberalis discedere possit? A.

9. An liberalis sit, qui de alienis largitur? N.

10. An benefactores, propter beneficia data, magis ament beneficiarios, an hi, propter accepta beneficia, benefactores? Resp. prius verum est.

11. An aliquando liceat beneficia exprobrare? N.

12. An in senes & pueros quoque sint conferenda beneficia? A.

DISPUTATIONUM PRACTICARUM  
VIGESIMA TERTIA,DE LIBERALITATIS EXTREMIS ET  
MAGNIFICENTIA.

## T H E S I S I.

**L**iberalitas, quæ ac qualis sit virtus, abunde Disputatio exposuit superior: extrema ei oppositum vitia explicare vetuit chartæ angustia. Ea nunc simul cum Magnificencia proponemus atque exponemus. Sunt extrema duo Liberalitatis, Prodigalitas & Avaritia: quæ diversa ratione & excedunt & deficiunt; prout Liberalitas versatur, vel in dando seu accipiendo, vel in accipiendo, seu recipiendo. Ratione generis, in dando, avaritia defectus est, prodigalitas excessus. Ratione speciei, in accipiendo, avaritia est excessus, prodigalitas defectus. Sæpe tamen hæc vitia commiscuntur, quod ex singulorum explicatione patebit.

II. Prodigalitas, Græcis dicitur ἀσώτεια, ab a particula privativa & σῶτεια, quia prodigi, nec se, nec opes suas servant, aut servare possunt: monet tamen Aristoteles in textu lib. Eth. 4. c. 1. ἀσώτεια nomen ambiguum esse, & non solum de profusione pecuniarum, sed & de intemperantia ac luxu-

ria dici, deque omnibus vitiis, quibus prodigalitas famulatur: nam intemperantes & luxu perditos homines ἀσώτους Græce vocamus: unde & ἔχεν ἀσώτους, Græcis est, perditæ vivere, & rem suam profundendo perdere, quod liquet ex illo Martialis versu: Et potas, & amas, ἔχεις ἀσώτους.

III. Prodigalitas est vel, simplex, vel mixta. Simplex est, quæ quis temere absque ullo suo commodo facultates suas profundit, modum omnem in dando excedit, & neque honestatis, neque decori rationem ullam, in largitionibus suis habet, nihilque ab aliis accipere cupit. Mixta est, quæ quis, in dando non tantum, sed & in accipiendo, modum excedit; ut, si quis non tantum opes suas temere profundat in libidines ac voluptates, sed insuper aliis eorum bona per injuriam auferat, ut habeat, unde possit aliis largiri: & talis non tantum est prodigus, sed & avarus, & injustus,

justus, & intemperans, & variis vitiis aliis inquinatus.

IV. *Avaritia* *Arist.* Græce dicitur ἀνδροφιλία, quæ vox in genere significat illiberalitatem, possetque dici de omni vitio, quod liberalitati opponitur, sed κατ' ἔξοχην huic alteri extremo tribuitur: dicitur & πηλοφιλία, cupiditas plus habendi, & φιλαργυρία, amor pecuniæ. *Avaritiam* esse ἀνίατον, insanabilem, *I. Ethic. Nicom. 4. c. 1. cit.* probat *Aristoteles*. 1. Quia senum est propria: at vitia senectutis non facile corriguntur. 2. Quia magis est naturalis & congenita homini: plerique enim mortalium magis sunt φιλοχρηματοί, ablativi, quam δόπηγοι, dativi casus. Rationum harum deductio plenior videri potest in *textu cit.* & *commentariis* ad eum.

V. *Avaritia*, est, vel *simplex*, vel *composita*. (a) *Simplex* est, vel quæ dando deficit, sine ληψιας, excessu; vel quæ accipiendo excedit, sine δόσεως defectu. *Composita*, quæ & dando deficit, & accipiendo modum excedit. Atque hæc omnium est pessima. Ad *primam* simplicis avaritiæ speciem pertinet φειδωλία, nimia parsimonia: ad *posteriorem*, ars furandi, lenonia, feneratoria, aleatoria, & omnis illa, qua indebito modo bona alteri subripiuntur ex eorum cupiditate: atque hinc liquet, avaritiam sapissime esse conjunctam cum iniustitia: quam ob causam *Aristoteles* interdum dicit, (b) & avaritiam esse quandam iniustitiam, & aleatores, feneratores, fires (qui iniusti sunt omnes) esse avaros. Nempe, si aleator, fenerator; fur, primario præcipuoque consilio velint injuriam facere, secundario lucrari, iniusti sunt proprie: si contra primo ac per se velint quæstum facere, secundario id velint agere per clancularem aut artificiosam captionem ac subductionem, avari sunt proprie.

- (a) Simplex vitium dicitur, quod opponitur Virtuti uni, & Vitium Mixtum, seu Compositum, dicitur, quod non uni sed pluribus Virtutibus opponitur, quia ex pluribus vitiis constat est.
- (b) Aleator, fenerator & fur, si spectentur quatenus unicuique suum non tribuunt, aut proximo suum non relinquunt, sunt iniusti & peccant in iustitiam: at vero si considerentur in quantum

nimium accipiunt, & à proximo auferunt, sunt avari, & peccant in Liberalitatem.

VI. Ita quidem utrumque liberalitatis extremum est expositum. Queritur ab *Aristotele* & *Interpretibus*; Utrum sit majus vitium altero? Resp. Simplex prodigalitas melior est avaritia simplici. Atque hoc variis rationibus ab *Arist.* est comprobatum. 1. Quod vitium facilius curatur, est minus malum. Sed prodigalitas facilius curatur, quam avaritia. E. Nam aut ætate curatur, aut inopia; ætate, quia quo quisque est senior, eo est in largiendo parcior: inopia, quia fieri non potest, ut, qui omnibus largitur, ei ad prodigendum semper suppetant copie. 2. Prodigalitas magis est affinis liberalitati, quam avaritia. Ergo. Prob. antecedit. Nam hoc commune est prodigo cum liberali, quod uterque dando profit alteri: at avarus nulli prodest, ac ne sibi ipsi quidem.

VII. Liberalitati expositæ c. 1. l. 4. *Ethic. Nicom.* subjungit *Arist.* c. 2. *Magnificentiam*, eo quod pariter circa τὴν χρημίστην versetur: ac licet in eadem versentur materia *Liberalitas* & *magnificentia*, non eadem tamen ac simili ratione. *Liberalitas* latissime patet, & in omnibus occupatur actionibus, in quibus, rei familiaris, pecuniæ, & opum, est usus: at *Magnificentia*, quotidianos, parvos, ac communes contemnit sumtus, solumque occupatur in raris, magnis, inusitatis sumtibus: itaque Liberalitatem superat *Magnificentia* summum magnitudine: unde & μεγαλοπρέπεια Græcis dicitur, voce composita δῶν & μεγαλή, quod est magnum, & δῶν & πρέποντος, quod est decorum seu id quod decet: hinc optime ex *Arist.* *loc. cit.* definitur, μεστὴς καὶ διαπαντὸς χρημάτων πείσεις, *Mediocritas* circa sumtus pecuniarum actiones. At dicit quis, (a) Quomodo potest esse mediocritas hæc virtus, si versetur circa sumtus magnos? magni quippe sumtus mediocritatem excedunt. Resp. Magni quidem sumtus non sunt mediocres, & recedunt à mediocritate, quæ est in Liberalitate, sed non ab ea, quam exigit *Magnificentia*: magni quippe sunt, non quod excedant normam & mensuram, quam postulat *Magnificentia*, sed quod superent sua magnitudine eos, in quibus

bus versatur Liberalitas, est sane in illis ipsis sumptibus magnis, parum, nimium, mediocre: consequenter & Virtus & Virtuti opposita vitia circa eos occupantur. Virtus hæc Magnificientia est.

(a) Objectum Magnificentie est vel materiale, vel formale: Materiale, sunt sumptus magni: formale, est mediocritas, quæ servatur in sumptibus magnis faciendis.

VIII. Ex jam dictis dissolvi potest quaestio, quæ moveri solet ab Ethicis. An Magnificientia sit specie distincta virtus à Liberalitate, an vero tantum gradu ab ea distinguatur? Resp. Peripatetici plerique distinctas specie virtutes esse volunt: at nos hic ab iis recedimus: differunt enim tantum secundum magis & minus: at hi gradus diversas species non efficiunt: cum enim utrique virtuti sit proposita eadem materia pecuniæ sc. ut statim est ostensum, magnificientia circa maximas, liberalitas circa mediocres, versatur: adde, actiones utrobique esse easdem, & finem eundem. Nam magnificus sumtus erogat, ut aliis subveniat, sed in eo tantum à liberali differt, quod ille ad magnitudinem quandam, pompam, splendorem rerum magnarum, collimet, hic non item: uterque insuper honestatem pro fine habet: neque enim magnificus ostentationis vel popularis auro gratia sumtus magnos impendit: neque temere aut inconsulto splendorem suum ostendit: sed, & sui & eorum, erga quos sese magnificum repræsentat, rationem habet imò & facultatum suarum, ne majores iis sumtus faciat: itaque & magnificus, sicut liberalis, honestè agit & juxta *την ἀρετήν*.

IX. Etsi vero Magnificientia sit virtus circa sumtus magnos, non tamen statim Magnificus est, qui magnos sumtus facit: ideoque virtum Magnificum suis notis & proprietatibus circumscribit Aristoteles, loc. cit. ut inde tanto facilius, quid sit Magnificientia, intelligatur: Prima Magnifici conditio est ut sit sciens, ac norit, quid, quando, quantum, & quomodo agendum, ut sciat illos facere sumtus, qui rectè utiliter sint facti. Quemadmodum enim periti est artificis, intelligere ac probè co-

gnoscere, rerum, quas artificio tractat, proportionem, ita & magnifici est, nosse sumtum faciendorum rationem; ut sint consentanei, tum operi, quod faciendum est, tum temporis & loco, ubi faciendi sunt, tum personæ à quâ sumtus ipsi fiunt, aut imperantur: harum circumstantiarum rationem tenere, hominis est scientis. At illud est Magnifici. Ergo. Secunda conditio est, omni virtuti communis, ut Magnificus, id quod agit splendide agat, *ἐν ᾧ καλῶς ἐπιδείκνται*, honestatis ergo. Tertia conditio est, ut sumtus faciat magnos & splendidos cum animi delectatione: atque hæc conditio in omni etiam virtutis cuiusunque opere exigitur. Quarta conditio est, ut sumptus, quos facit, faciat largè, prolixè, copiosè, ac propemodum effusè: parci quippe est & sordidi, subtiliter rationem inire & calculum facere *ἢ ὃ ἀκριβοῦς λογισμὸς, μικροπείπει*. Subtilis illa rationum supputatio, sordide parsimonie signum est. Quinta conditio est, ut Magnificus de solâ specie ac pulchritudine operis cogitet, nec de precio sollicitus sit: hoc unum allaboret, ut quam pulcherrimum opus efficiatur, non, quam parvo, & an minori precio, effici queat.

X. Officiis & conditionibus Magnifici expositis, Magnificentie extrema spectabimus, quæ duo sunt, alterum in defectu, in excessu alterum. Quorum illud *μικροπείπει* dicitur, eo, quod in magnis non fervet decorum, sordide & parum sumtus faciendo: hoc *ἀπειροκαλία* live *βαναυσία* nuncupatur: & *ἀπειροκαλία* quasi *ἄνευ καλῶς ἀπειρία*, decori & honesti imperitia: *βαναυσία*, à sordidis & imperitis artificibus, qui, divites facti, sordida plerumque & inepta splendoris affectatione laborant, qui quæ magnos sumtus impendunt in rebus parvis. *Βαναυσὺς* Græci vocant, opifices sordidos ac viles, & qui manu victum quaeritant, propriè tamen illos, qui ad fornaces seu caminos incensos laborant: nam *βαυὶ* caminum significat ac fornacem & *αὖναι* incendere, ut *βαναυσται* sint, qui caminum accendunt ad conficienda opera, & in genere sordidi opifices.

VI. Circa *βαναυσίαν* pariter atque *μικροπείπειαν* non uno peccatur modo. Ad circa prius vitium duplici fere peccatur ratione.

D d d d d

1. Ra-

1. Ratione formæ, seu modi, quando quis præter decorum, & ineptè, sumtus magnos facit in res parvas, aut in privata convivia: cuius duo afferit exempla *Arist.* unum est, si quis sodales, qui de symbolis coenaturi erant, regio & nuptiali exciperet apparatus: alterum est de Megarensibus, qui in theatris & ludis scenicis, vestibus utebantur purpureis, atque in iis inepti habebantur atque infulsi. 2. Ratione finis, quando non honestatis sed ostentationis gratiâ magni sumptus fiunt. Circa posterius vitium peccatur: 1. Quando propter nimiam parsimoniam minores sumtus fiunt quàm operis alicujus dignitas exigit, aut opus etiam cœptum ob eandem causam deseritur. 2. Quando sumtus fiunt cum aliquâ tergiversatione, animo non prompto, sed cunctanter, spectando semper, quâ ratione quàm minimis sumptibus res confici possit.

XII. Quæritur, *Prumt duobus Magnificentia extremis deterius sit?* Resp. distinguendum esse utrumque extremum in simplex & compositum. *Simplex Savavria* est, cum quis de suo sumtum facit nimium, nec eum aliò refert nisi ad famam comparandam ac nominis gloriam: *simplex magnificencia*, cum quis non sat sumtum facit in rebus magnis, facit tamen aliquos; aut, si faciat magnos, eos fa-

ciat cum tristitiâ, non quod pecuniam ita perditè amet, sed quod falso putet sibi defutura iusta præsidia vitæ sustentandæ, cum tamen dives sit. *Savavria composita* est, cum quis non tantum sumtus maximos facit in re parvâ, sed præterea non de suo eos facit, sed aliunde, per injustitiam accessione sumtum sibi facta. *Mixta magnificencia composita* est, cum quis in re quoque parva parcus est, nec sumtus ullos facit in rebus magnis, non quod velit suæ aut amicorum indigentia consulere, sed quia pecunias suas, quas amat impense, omnimodo augere studet. *Simplex Savavria* seu ostentatio est deterior *magnificencia* seu parsimonia: at *simplex Savavria* non est deterior *magnificencia composita*: est tamen composita *Savavria* deterior composita *magnificencia*. Hæc de Magnificentia & extremis.

## A N N E X A.

1. An Magnificentia sit præstantior Liberalitate? A.
2. An extrema Magnificentia sint turpiora extremis Liberalitatis? A.
3. An Faneratores, & Aleatores, & Fures, recte inter Avaros nominentur? Resp. quidam, non omnes.

DISPUTATIONUM PRACTICARUM  
VIGESIMA-QUARTA,

D E

## MAGNANIMITATE ET MODESTIA.

## T H E S I S I.

**L**iberalitatem & Magnificentiam, gemina, quæ præcessit, disputatione, examini publico subjecimus, ex *Arist. ad Nic. Eth. l. 3. c. 1. & 2.* nunc est seq. 3. & 4. capite eidem subijciemus Magnanimitatem & Modestiam, quæ ita sese habent ad se invicem, docente ipso Philosopho, ut Magnificentia se habet & Liberalitas: ut enim hæc circa sumtus vel parvos vel mediocres, illa circa magnos, occupa-

tur; ita Modestia circa honores vel parvos vel mediocres, Magnanimitas circa magnos, versatur. De Magnanimitate primum, mox de Modestia agit Philosophus, cuius & nos ordinem sequemur.

II. Magnanimitas, non uno dicitur modo, interdum significat communem omnium virtutum affectionem, qua quis vitiosas omnes perturbationes animo magno reprimat, interdum

interdum notat fortitudinem, ut cum dicimus, aliquem *magno animo*, vel aggredi pericula, vel tolerare mala: hic nobis ex *Arist.* significat virtutem moralem, servantem mediocritatem in honoribus magnis, vel amplectendis, vel fugiendis. Græce dicitur *μεγαλθυμία*, *μεγὰρ ἡ ψυχῆς* vel *ἀνὰ τὴν μεγαλήν*, quod circa magna animo suo versetur Magnanimus, ut ipsum nomen hujus virtutis ejusdem objectum generale indicet esse, *μεγαλὰ*, magna: quod *Aristoteles* ulterius probat à descriptione Magnanimi, quem dicit esse eum, qui res magnas quidem, sed quibus dignus est, deberi sibi judicat: Magnanimitatem in magnis cerni. Antecedens à contrario probat: Nam qui se dignum judicat magnis, quibus dignus non est, non Magnanimus aut virtute præditus haberi debet, sed stolidus ac fatuus: quasi sic argumentetur *Philosophus*. Qui magna sibi arrogat, quibus non est dignus, is stultus habetur: At magnanimus non est stultus: nam, qui ex virtute agunt, non sunt stulti: Ergo non arrogat sibi magna, quibus non est dignus: arrogat tamen sibi magna, ex origine vocis: Ergo, quibus est dignus. Magna igitur, sed digna Magnanimo, sunt Magnanimitatis objectum, sed generale. At quæ magna in specie sunt objectum Magnanimitatis? id *Philosophus* porro inquit; inquiramus & nos ex ipso.

III. (a) *Speciale objectum* Magnanimitatis est honor: versatur ergo circa magnos, imò maximos, honores: quod hac ratione demonstrat *Philosophus*. Cum dicitur aliquis dignus rebus magnis, ejusmodi dignitas ad bona refertur externa, quæ præmia rectè factorum sunt; nemo enim meritum suorum præmia dicit esse bona animi interna seu virtutes, sed externa, quæ fortunæ vulgò vocant: virtus enim ipsa sibi non alteri est præmium. Ergo Magnanimus, ob merita sua magna ac maxima, dignum jure se censet magnis ac maximis bonorum fortunæ. At inter bona fortunæ magnum est bonum, imò & maximum, honor: quia illud magnum est & bonorum maximum, quod viri magni & maximi in dignitate excellentissimâ constituti appetunt, ut Reges, Principes, Magistra-

tus, &c. At tale quid est honor: præterea inter bona magna & maxima est illud, quod rei debetur maximæ, sc. virtuti. At illud bonum est honor, quia honor est testificatio unius de virtute alterius. Denique inter externa bona maximum est quod Deo tribuitur. At honorem ex fortunæ externis bonis Deo tribuimus. Ergo Magnanimus meritò judicat se dignum maximis honoribus. Ergo honores maximi sunt objectum speciale Magnanimitatis, quod erat demonstrandum.

(a) Honor maximus objectum est externum Magnanimitatis, sed internum est cupiditas honoris maximi; hic enim affectus est, qui ab hac virtute coerceri & intra rectæ rationis limites cohiberi debet.

IV. Circa honores magnos ac maximos cadere virtutem, facile probatur; quia circa eos cadit excessus & defectus: unde sic argumentari licet. In quibuscunque cernuntur extrema, in iis & media datur virtus: Sed in honoribus magnis maximisque vel expetendis vel contemnendis, cernuntur extrema. Ergo. Sunt enim, & qui se minoribus contentent dignos honoribus quam merentur: alii majores sibi arrogant quam merentur: illi deficiunt à medio Magnanimitatis: hi illud excedunt: datur ergo virtus, quæ utrosque doceat servare mediocritatem; at hæc est ipsa, de qua agimus, Magnanimitas: Obijcit sibi *Philos.* Magnanimitatem, si versetur circa magnos ac circa maximos honores, non fore virtutem, quia virtutis est mediocritas sectari, unde per mediocritatem & medium definitur: at magna, quæ talia sunt, extrema sunt parvis opposita. Ergo & Magnanimitas extremum erit, oppositum medio. Resp. *Philosoph.* per distinctionem, Magnanimitatem, & extremum esse, & medium; sed ratione dissimili: extremum Esse, ratione magnitudinis objecti, quod sunt honores magni ac maximi, medium esse, ratione modi, quem servare docet, in iis accipiendis vel repudiandis: docet enim, neque nimium, neque parum, esse eos, vel sectandos, vel fugiendos, sed uti & sub quibus oportet conditionibus.

V. Subjicit *Arist.* Magnanimitati ex objecto explicatæ, notæ quasdam & proprietates Magnanimi



gnanimi, quibus etiam officium ejus describitur. Fusc hæc omnia *Philos.* persequitur *l. 4. c. 3. Eth. Nic.* & primo docet, qualis sit Magnanimus: deinde, quomodo sese habeat circa honores; denique, quomodo se gerat circa reliquas virtutes in quotidiana conversatione. Docet, 1. Verum Magnanimum esse optimum. Quia, quo quisque majore dignus est honore, eo est melior, quia honor est præmium virtutis: ergo, qui maximo honore est dignus, omnium est optimus: Sed Magnanimus maximo honore est dignus. E. est optimus. Deinde, qui in unaquaque virtute habet id, quod est maximum & excellentissimum, is est optimus. Sed Magnanimus habet, &c. E. Denique, qui nihil turpe admittit, nec causam ullam habet, cur turpe admittat, est optimus. Sed Magnanimus est talis. E. Nihil quippe magnum habet præter virtutem, eamque solam admiratur & propter unicam honestatem actiones omnes suscipit. Quæ causa est, quod nihil turpe admittat. Porro, quomodo sese habeat circa honores, docet *Philos.* dicitque, Magnanimum eos tantum curare honores, qui à magnis, gravibus, bonisque viris deferuntur: quos vero plebs offert sine judicio, non magni facere, in magnis honoribus excipiendis moderate lætari, &c. quæ in *textu ipso* legi possunt. Denique explicat, quomodo in cæteris sese gerat virtutibus. Vir Magnanimus, sc. in singulis virtutibus id sectatur, quod magnum est & excellens. Circa liberalitatem, ait, cum tali esse ingenio, ut libentius in alios conferat beneficia quam accipiat, &, si quæ accipit, cum altiora reddere studeat: cujus rei ratio est, quia inferioris est accipere, superioris conferre beneficia. Sed Magnanimi officia in reliquarum virtutum exercitio tam clare in *textu* persequitur *Arist.* ut nulla ampliori deductione sit opus.

VI. *Actus* Magnanimi circa honores maximos sunt partim appetere, accipere ac custodire: partim contemnere, negligere ac dimittere, utrumque ut & sub quibus oportet circumstantiis. Querunt hic Ethici; Vtrum Magnanimitas magis sit sita, in appetendis quam in contemnendis honoribus magnis ac ma-

ximis? Atque *Aristotelis* quidem sententia in utramvis hic trahitur partem: Nos, magis sitam esse Magnanimitatem in honorum contentu quam expetitione, censuimus: ratio est, quia & plus laudis redit ad eum qui contemserit, ut oportet; quam qui acceperit honores magnos, ut oportet: &, quia difficilius est contemnere honores magnos, ut oportet, quam expetere, ut oportet: habemus enim insitam cupiditatem appetendi eos, sed non item contemnendi. Sed querunt hic nonnulli; Anullo etiam modo honorem appetere licet? Quidni? quia est virtutis præmium: quia infamiam contemnere licet, E. à contrario honorem expetere: quia honor inter bona externa principatum tenet; At ea expetere licet, sed moderate. E. & honorem.

VII. *Extrema* Magnanimitatis sunt, in defectu *μικροψυχία*, pusillanimitas, in excessu *γαυριότης*, elatio, superbia, tumor, inflatio. Qui deficit a medio Magnanimitatis, *μικροψυχος* pusillanimus, qui excedit *γαυριότης* elatus, dicitur: utrique peccant in hanc virtutem; & variis modis. Qui pusillo sunt animo, peccant, 1. quia sibi ipsis injuriam faciunt, dum se honoribus & bonis, quibus digni sunt, spoliant; 2. quia, qui hoc laborant vitio, malam de se opinionem apud alios concitant; nam censentur occultis laborare vitiis, qui meritis honores refugiunt; 3. quia se suæque bonæ naturæ, adeoque ipsam honorum naturam; si enim bona sua recte nossent, & honorem esse virtutis præmium, dignos non repudiarent honores; 4. quia hæc animi abjectio ac demissio languere facit homines, eosque vocat à studiis rebusque præclare gerendis. Sed & peccant, qui elato sunt animo: quia 1. sibi plus tribuunt quam par est; 2. quia se & suam infirmitatem ignorant: ac sic produnt stultam suam persuasionem, dum plus honorum maximorum conferri expetunt sibi, quam merentur. Uter vero peccat magis? Pusillanimum existimat *Aristoteles*: nam in fine *cap. 3.* hanc questionem dissolvendo, Utrum extremum, Pusillanimitas an elatio, magis adversetur Magnanimitati? assertit, pusillanimitatem magis pugnare cum Magnanimitate quam elationem: tum, quia abjectio illa animi

fre



frequentior est & in pluribus reperitur hominibus, quia major pars hominum premitur paupertate, quæ facit ut non audent magnos, modum maximos, affectare honores; paupertas enim animum dejicit, & pauper ubique jacet: tum, quia qui honores magnos & maximos contemnunt, non facile adducuntur ad bene merendum de rep. & præclare agendum, quibus rebus tamen magnos maximosque honores quis promeretur.

VIII. A Magnanimitate ad *Modestiam* transit *Arist.* l. 4. *Eth. c. 4.* quæ in Græco ejus textu nomen non invenit. Hæc circa parvos honores ac mediocres occupatur, iisdem actibus appetendi & contemnendi sub debitis circumstantiis, quibus circa magnos & maximos versari jam ostendimus Magnanimitatem: *Dandum vero esse virtutem aliquam, quæ in mediocritate honorum vel expetitione vel contentu doceat mediocritatem*, hinc liquet, quod in iis vel expetendis vel contemnendis, & parum esse possit & nimium: & quid multis est opus? ubi locum habet laus & vituperatio, ibi locum quoque habet virtus & vitium: at qui honores parvos ac mediocres, moderate appetit, moderate contemnit, laudatur: qui contra facit, vituperatur. Ergo, &c.

IX. *Modestia est virtus moralis servans mediocritatem in honoribus parvis ac mediocribus expetendis ac contemnendis.* In hac definitione tres observandæ sunt circumstantiæ, ut Modestus recte hujus virtutis officio defungatur. Prima est rerum & factorum, ut ex ejusmodi seu rebus seu actionibus honores petat Modestus, quæ dignæ sunt honore: quemadmodum sunt, vocatio diligenter exercita, studia literarum graviter culta, bellum strenue gestum, officium aliquod bene administratum, & cujusvisque virtutis opus rite recteque institutum. Secunda circumstantia, Modesto respicienda, est modi, ut eo modo expetat honores parvos ac mediocres, quo modo decet, non per vim, dolum, fraudem, malas artes, nec per metum injec- tum aliis aut crudelitatem, nec per calumniam aut detractionem, nec ullis modis iniquis & illegitimis. Tertia circumstantia vero Modesto observanda, est quantitatis, ne

expetat majores honores, quam sua mereatur virtus, eruditio, præclarum factum, aut simile quid.

X. Habet se *Modestia ad Magnanimitatem, ut Liberalitas ad Magnificentiam*: uti enim Liberalitas convenit cum Magnificentia, quoad objectum, quod utraque versetur circa pecunias, sed quoad parvitatem & magnitudinem pecuniarum tantummodo ab ea differt, sicut ostensum est *Disp. præced.* ita pariter & Modestia & Magnanimitas versatur utraque circa honores, sed Modestia circa parvos & mediocres, & cadit in homines mediocris fortunæ, Magnanimitas circa magnos & maximos, & cadit in homines altioris fortunæ, Reges, Principes, Duces, &c. & sicuti Liberalitas non est specie distincta virtus à Magnificentia, ut *th. 8. Disp. præced.* est probatum, (a) sic nec Modestia specie differt à Magnanimitate sed gradu tantum, ob rationes easdem *præced. disp.* adductas, *th. 8.*

(a) Hæc duo opponi solent in Philosophia, differre specie & differre gradu. Quæ enim gradu differunt, non differunt specie, & vice versa: sed magnanimitas & modestia gradu differunt, quia objectum utriusque idem est, tum internum, cupiditas honoris, tum externum, ipse honor: differt tantum alterum ab altero secundum plus & minus, quod magnanimitatis objectum sunt maximi, modestiæ vero sint mediocres aut parvi honores: formale tamen objectum utrobique est mediocritas.

XI. Cum Modestia, tum in expetendis, tum in contemnendis honoribus parvis ac mediocribus, reperitur, Quæritur, *In utro magis elucescat?* Resp. idem hic pronunciamus, quod *th. 7. hujus disp.* de Magnanimitate pronunciamus, ob easdem, quas ibi protulimus, rationes.

XII. *Extrema Modestitiæ sunt; in excessu φιλοπνία nimium honoris studium seu ambitio; in defectu ἀφιλοπνία, honoris contemptus*: illo honores parvos ac mediocres nimium, hoc non satis expetimus: illo non satis, hoc nimium contemnimus: vocabula Græca, quæ utrumque hujus virtutis Modestitiæ extremum significant, in bonam interdum accipiuntur partem, unde vitia iis significata, licet revera sint vitia, non tamen videntur sæpe talia.

Dddd 3 Certe

Certe *φιλοπυλῆα* interdum significat moderatam honorum parvorum & mediocrium appetitionem, ipsaque virtus est, de qua agimus, Modestia: *ἀφιλοπυλῆα* interdum sumitur pro moderato honorum eorundem contentu, & sic ipsa quoque est Modestia. (a) Neque in hac tantum, sed & in aliis contingit virtutibus simile quid, ut extremorum nomen ipsi virtuti designandæ imponatur, si cum altero præsertim extremo comparetur: sic prodigalitas collata cum avaritia, videtur esse liberalitas: ita & hic, si honorum contentorem contuleris cum ambitioso, videbitur Modestus, & vice versa: causa particularis, ob quam extremorum nomina hic veniant significandæ virtuti, est, quia idoneum apud Græcos huic Virtuti non est positum nomen; unde fit, ut extrema nulli virtuti, sed sibi tantum, videantur opponi: nam ea, quæ nomen nullum habent, fallunt in eo multos, quod & ipsa nusquam esse existimantur.

(a) Quia Vitia Virtutibus sunt proxima, ut Virtutum speciem præ se ferant, & sæpe eas ementiantur, etiam sæpe fit, ut nomen Vitii imponatur Virtuti, præsertim apud Vulgus, quod

Circumstantias omnes non ita examinare aut solet, aut valet.

XIII. Quæri hic quoque potest, *Utrum extremorum magis, utrum minus, Modestia repugnet?* Resp. Hic idem statuendum esse, quod de Magnanimitatis extremis statutum est *th. 7. hujus disp.* nam uti Modestia tantum secundum magis & minus differt à Magnanimitate, ex *th. 11. hujus disp.* ita quoque extrema hujus tantum gradu differunt ab extremis illius. Quare eadem utrorumque utrumque est ratio.

#### ANNEXA.

1. *An honor possit licite appeti?* A.
2. *An, si ledatur, possit licite defendi?* A.
3. *An honor magis sit honorantis quam honorati?* A.
4. *An equalis debeat esse defensio honoris & vite?* N.
5. *An virtuosus propter improbitatem & infamiam suorum parentum vel consanguineorum debeat privari meritis honoribus?* N.
6. *An Magnanimi sit injuriam recordari & ulcisci?* N.

### DISPUTATIONUM PRÆCTICARUM DECIMA-QUINTA,

## DE MANSUETUDINE.

#### THESIS I.

**M**agnanimitatem & Modestiam Disput. superiori ex *Aristot. Eth. l. 4. ad Nicom. c. 3. & 4.* explicatam excipit apud ipsum *c. 5. Mansuetudo*, quam hac disp. ventilandam proponemus. Mansuetudo, ut à voce ordiamur, dicitur quasi *manu-suetudo*, seu manu facta assuetudo: sicuti & *mansues* & *mansuetus* dicitur quasi *manu assuetus*, scil. quæcunque natura sua sunt effera, manuum permutatione mitescunt fere atque consuecunt. Apud Græcos hæc virtus nomen non inve-

nit, quod *Arist.* monet, qui utitur voce *ἀσέτης*. At vero hæc vox defectum potius notat à medio hujus virtutis recedentem, quam ipsam mediocritatem in mansuetudine servandam. *Mansuetudo enim est virtus servans mediocritatem circa iram: at ἀσέτης* significat defectum circa iram: & *ἀσέτης* significat eum qui tam sedato est animo, ut minus irascatur quam debet, ut non commoveatur nec concitetur ira, quando debet, qualis fuit Mitio ille Terentianus: at vero qui hac virtute, quam

quam *Manſuetudinem* vocamus, eſt præditus, uti non irſcitur, quando non oportet, ita irſcitur, quando oportet, quemadmodum & quibus de cauſis oportet. Sed à voce ad rem tranſeamus.

II. *Peccatum dei iuſtus dei opus. Manſuetudo eſt mediocritas circa iram.* Obiectum *Manſuetudinis internum eſt ira*, affectus ille appetitus irſcentis inter cæteros. *Externum obiectum* ſunt omnia, quæ iram in animo hominis concitare valent, injuriæ, damna, contumeliæ, convitia, offenſiones, denique omne illud, quo fama noſtra vel noſtrum læditur aut lædi videtur: præſentim ad iram nos incitat contentus noſtri, aut noſtrum: unde *Ariſtot.* 6. *Top. c. ult.* Ita dicitur dolor ſeu triſtitia, quæ ex opinione contentus oritur. Distingui autem debet hic accurate ira ab *iracundia*: illa affectus eſt & obiectum hujus virtutis: hæc habitus malus eſt, & extremum huic virtuti oppoſitum; de quo poſtea.

III. *Manſuetudinem eſſe Virtutem à cæteris diſtinctam*, ex obiecto probatur optime: hoc ratiocinio. Si ira ſit peculiaris perturbatio & animi affectus, Ergo peculiaris quoque eſt virtus, quæ eam regit, compoſcit ac temperat. Atqui verum eſt prius. Ergo & poſterius. Hæc Virtus non eſt fortitudo, non temperantia, non liberalitas, &c. Ergo. Duo hic ſunt probanda. 1. *Iram eſſe peculiarem animi commotionem à cæteris diſtinctam.* 2. *Manſuetudinem eam eſſe virtutem, quæ iram compoſcit, regat, temperet.*

IV. *Iram eſſe peculiarem animi affectum*, ex ſingularum affectuum inductione, oſtendi facile poteſt: & ſatis liquet ex ejus definitione, quæ reliquorum affectuum nulli convenit: Ira eſt anxia quædam & cum dolore conjuncta ultionis ſperate appetitio, adverſus eum, à quo quiſpiam ſe læſum & contentum exiſtimat: (a) Læſio ſc. & contentus, ex quo naſcitur ira, obtinet ſpeciem mali, ideoque gignit in animo triſtitiam & dolorem: unde concepta ultionis ſpes delectationem contra parit ac voluptatem. Licet vero hæc triſtitia & voluptas cum ira ſint conjunctiſſimæ, ira tamen iplâ, neque dolor aut triſtitia, neque voluptas aut

delectatio illa, formaliter eſt: non triſtitia, quia hæc ſeparari poteſt ab ira, ut ſi quis contentus à Rege triſtetur quidem ſed non irſcatur; non voluptas illa, quæ ex ſpe ultione accepta augetur, ira vero minuitur. Quod ſi, nec voluptas, nec triſtitia, quæ iram perpetuo comitantur, iplâ fuerint ira, multo minus ira fuerit eadem cum aliqua reliquarum perturbationum, quæ tantam cum ira connexionem non habent. Et iram eſſe affectum à reliquis diſtinctum, in *Pathologia Guerberlethi*, & *Lælii Peragrini de Affectibus* tractatu, ſatis ſuperque demonſtratur.

(a) Dolor & Voluptas non ſunt Affectus, qui peculiari aliqua virtute domantur, & coërentur, ſed ſunt generales Affectiones, & adjuncta omnium virtutum, quando vel exercentur, vel omittuntur: ſic fortitudine acquiritur Voluptas dolor, quando illa vel exercetur, vel non exercetur; cum enim quis fortiter egit juxta præſcriptum fortitudinis, delectatur, cum contra, triſtatur: ſic & temperantiam debite exercitam, comitatur Voluptas, non exercitam, aut nimium exercitam, ſequitur dolor; ita & hic circa manſuetudinem & obiectum ejus Iram aliquis ſe offert dolor, & aliqua Voluptas; nam cum quis iram ſuam vindicat ultione, delectatur, cum id nequit, triſtatur.

V. Si ira ſit affectus peculiaris, oportet & peculiarem dari virtutem, quæ iram coërceat, cohibeat, contineat, intra rectæ rationis cancellos. At quænam hæc erit? nulla alia præter *Manſuetudinem*: quia nulla virtutum aliarum iræ affectum attingit: non fortitudo, non temperantia, non liberalitas, non magnificentia, non magnanimitas, non modestia, hæcenus diſputatæ, non quæ reſtant diſputandæ, comitas, veracitas, urbanitas, juſtitia: quod ex ſingularum obiectis manifeſtum eſt ſatis. Ergo ſola eſt *Manſuetudo*, quæ iram regit. Dicit forte quiſpiam. *Datur alia præter iſtas circa iram moderandam occupata Virtus, ſcil. Clementia.* Reſp. Sed enim, vel *Clementia* eſt plane eadem cum *Manſuetudine* Virtus, ut vocabula tantum diſerant, vel, ſi aliquo diſferant modo, *Clementia* eſt *Manſuetudo* ſeu moderatio iræ in Principe aut Magiſtratu: *Clementia* enim Virorum eſt principum

ac superiorum fere propria : at Mansuetudo eas regit iras, quæ inter privatos fere obtinent & æquales. Dicit hic aliquis, *nulla esse opus virtute circa iras, nec mansuetudine, nec clementia quippe quæ non reprimi, sed funditus exstirpari debeant atque eradicari, quia in totum sunt vitiose*. Resp. Falsum esse, quod omnis ira, quæcunque tandem, in solidum sit vitiosa : Nam ira etiam Deo tribuitur : Deo autem vitium tribui nequit : & ira affectus est naturalis, at hic indifferens est, nec bonus, nec malus : imo honestum est & laudabile, irasci interdum, quas ob causas, quomodo, quando, & quamdiu licet : & sanctæ quædam sunt iræ, adversus impietatem & scelera, pro Dei gloria suscepta, ut fuit ira Moysi, qua percussit ob idololatriam populi tabulas confregit legis à Deo factas. Distinguitur ira temeraria, ex solo ultionis appetitu profecta, à iusta indignatione adversus hominum malitiam concepta ; moderata ab immoderata ; illa licita & objectum Mansuetudinis, hæc non item.

VI. *Mansuetudo igitur Virtus est circa iras, ejus, ut omnium virtutum, forma est Mediocritas*, quæ ut fervetur, 4. potissimum circumstantias respici vult Aristoteles l. Eth. 4. ad Nic. c. 5. causas, ob quas : personas, quibus : modum, quo : tempus, quando & quamdiu sit irascendum. 1. Videndum est, *ὅς δὲ ὀργίζεται*, ob quæ irasci debeat : neque enim irascendum est temere, nec ob lam caprinam aut res leviculas & ambiguas ac nihili, sed iustas ob causas, ut, si cultus Dei, si religio, si patria, si libertas, si parentes, si conjux, si liberi, si leges honestæ, si fama & exultatio nostra, lædantur, aut violentur, aut contemnantur : si etiam homines innocentes indignis habeantur modis. Sic gravissima fuit *Servatori* nostro J. C. iræ causa, cum propolas & institores e templo expulit atque ejecit : & iustissima quoque fuit *Samuelis in Saulem* ira, cum Dei mandato esset immorigerus. 2. Videndum *ὅς δὲ ὀργίζεται*, quibus irasci oporteat : non irascendum est Deo, quod legimus fecisse *Caligulam*, qui iratus celo, quod fulmina suis obstitrent comestationibus, Jovem ad pugnam vocavit. Non irascendum rebus inani-

matis, uti legitur fecisse Cyrus Perfarum rex, qui fluvio succensuit, quod in eo ex sacris equis unus periisset. Nec Magistratibus, nec Parentibus, nec Præceptoribus, nec Amicis, nec Sodalibus, nec bene meritis, est irascendum : quia contra hi omnes, verbis, opere, patientia sunt colendi. Non irascendum est iis, qui forte fortuna, aut necessitate, aut ignorantia probabili, aut communi imbecillitate, peccarunt : non irascendum amplius iis, qui lapsi culpam agnoscunt suam, ac deprecantur veniam, & emendationem pollicentur. Non irascendum infantibus, pueris, fatuis, aut iis, quibus mens non satis constat : sed irascendum est impiis & improbis, quos nec pudet nec poenitet suorum scelerum : irascendum blasphemis, & iis, qui verum Dei cultum & veritatem ejus petulantur oppugnant. Atque hic vitio magis quam personæ irascendum. 3. Videndum *ὅς δὲ ὀργίζεται*, quomodo sit irascendum. Is sit iræ modus, ut neque nimium lentus, neque nimium sumus præcipites, neque nimis frigidi, neque nimis fervidi, in ira. Deinde sumus proni ad iras deponendas, ad facile ignoscendum, cum poenitet alios peccatorum, considerata humanæ conditionis fragilitate & imbecillitate : & expensio, quam sæpe non assumat iras etiam iustissimus Deus ob peccata nostra, aut assumptas exuat. Nunquam quoque iram oportet esse majorem delicto ob quod irascimur. 4. Videndum est *πῶς & ὅταν ὀργισθῶν*, quando & quamdiu sit irascendum : id sequentia docebunt. Non est irascendum, quando de rebus seriis agitantur consilia : ira enim inimica est consilio : nec in conviviis, nuptiis, festivitibus, iræ est locus : nec irascendum in puniendo, si fontes sint afficiendi poenis : nunquam enim is qui ad poenam accedit, vel discernendam, vel infligendam, iratus, eam servabit mediocritatem, quæ est inter nimium & parum : nec irascendum, nisi causa plane cognita, ac postquam ratio probe expendit atque judicavit, quanta & quanti sit unaquæque culpa : atque hic valet illud, *Festina lente* : non tamen tanta est mora in irascendo adhibenda, qua videamur connivere ad delicta. Quamdiu sit irascendum, melius definiri nequit, quam ab Apostolo Gentium est

est definitum, ad *Ephef. 4. Sol non occidat super iram vestram*. Quibus verbis notat, non diu esse alendam iram: potest tamen ea interdum diutius ali, cum persona est publica, quæ iram iustam gerit.

VII. *Extrema Mansuetudini opposita vitia*, sunt, in defectu, *ἀσυνία*, lenitas, lenitudo, & si per Latinæ linguæ genium liceret dicere, *iniraſcentia*, & in excessu, *ἀγριότης*, iracundia. Lenitudo seu *iræ vacuitas* est vitium, quo quis non irascitur ob ea, ob quæ deberet, nec iis, quibus deberet, nec eo modo, loco, tempore, quo & quanto deberet irasci. Hanc *ἀσυνία*, lenitatem, esse vitium, tribus demonstrat rationibus *cap. 8. lib. cit. Aristot. Prima* est. Quæ sunt stoliditatis & frivolis indicia, vituperantur ab omnibus. Sed non irasci, quibus & quando &c. oportet, est stoliditatis & fatuitatis signum: quod *Zeno Eleates* ostendit, qui reprehensus, quod maledictis confisus talis tantusque Philosophus exaudieret, respondisse fertur: Si convicia æquo admiserim animo, ne ipsas quidem sentiam laudes. Quo significatum voluit, stupidissimi esse hominis, imo lapidis, non irasci cum irascendi locupletissimæ suppetunt occasiones & iustæ causæ. *Secunda*. Ea non vindicare, quæ secundum rationem vindicanda sunt, & turpe, & dignum vituperio censetur. Sed non irasci interdum, est non vindicare ea quæ secundum rationem vindicanda sunt. Ergo. *Tertia*. Perferre injurias & eas se non depellere, cum depellendæ sunt secundum rationem, animi est humilis & servilis. Sed ex lenitudine fit ut injuriæ depellendæ interdum non depellantur. Ergo. Ex hisce rationibus *Aristot.* liquet *ἀσυνίαν* esse vitium, & injuriarum vindictam non omnem esse illicitam, dico, non omnem, quia, quin quædam sit illicita, nullum est dubium. (a) Distinguiamus hic inter vindictam privatam & publicam, inter tutelam privatam ac publicam. illam illicitam, hanc licitam & mansuetudini non repugnantem, pronunciamus: si enim turpe est, injurias famam & existimationem lædentes perferre, honestum est, eas vindicare: & Deus ipse injurias tales punit, & per Magistratum puniri voluit.

(a) Vindicta privata est, quæ privatus de privato, proximus de proximo, Petrus de Paulo, &c. vindictam sumit ob injurias sibi ab altero illatas: hæc tantum adest ut sit licita, ut potius novæ & plures injuriæ sint tolerandæ homini privato, quam ut proximum ulciscatur, docente ipso Christo *Matth. 5. Vindicta publica* est, quæ exercetur à magistratu vel in subditos vel in hostes; hæc utraq; est licita: in subditos quidem, quia in eundem finem gladium à Deo accepit Magistratus, ut vindicaret injurias, quas subditi sibi invicem vel toti inferunt Reipublicæ; neque enim aliter consuli posset reipublicæ tranquillitati aut salutis, nisi iustis poenis vindicarentur injuriæ subditorum in se invicem & in rempublicam à Magistratu: in hostes quæ exercetur vindicta publica iusta est & licita, cum illi religioni veræ, patriæ, libertati, &c. insidiantur, atque injurias inferunt, vocaturque hæc vindicta publica bellum & quidem offensivum, qualia bella Deo probata & populo suo demandata sacra testatur pagina. Tutela publica est, quæ Magistratus tuetur subditos suos & rempublicam ab invasionibus & injuriis hostium inferri solitis, etque nihil aliud quam bellum defensivum, quod pariter licitum, & exemplis & mandatis à Deo probari, in verbo ejus legimus. Tutela vero privata est, quæ quis tuetur se adversus injurias privatas sibi à proximo illatas, & de eo ultionem sumit: hæc vel culpabilis est, vel inculpabilis: culpabilis est, cum quis potest defendi contra istas injurias à privato sibi factas à Magistratu suo legitimum, tum enim non decet ut privatorum unus contra alterum ita se tueatur, ut vicissim injuriam irroget ipsi, debet enim hic implorare sui defensionem à Magistratu, eum in finem ordinatum, juxta illud Apostoli, ne vindicatis vos ipsos; sed tutela privata inculpabilis est, cum quis invalsi à proximo injuriam vidit præsentem, sibi ac suis inferendam, & quidem talem ut sit ipse vel sint sui vita exuendi, ut si quis in via inciderit in manus latronis, nec sit ulla spes evadendi, nec auxilium Magistratus implorari possit, in tali casu tutela privata est licita; licet enim unicuique vitam suam tueri ac defendere contra vim præsentem latronis aut furis nocturni cæteris paribus, id est, quando non potest aut evadere alio modo periculum vitæ, aut non potest auxilio frui Magistratus, v. e. quod Ethici docent, defendi posse vitam nostram etiam cum occisione latronis aut furis nocturni, similisve hominis sequesti, servato moderamine inculpatæ tutelæ.

VIII. *Iracundia* est vitium, quo quis in irascendo modum excedit & irascitur, iis quibus non oportet, quando non oportet, ob

Eccce

quas



quas causas non oportet, &c. Hujus vitii tres quasi species facit *Aristoteles*; ἀκροχολίαν, μικρίαν, βαρυμύϊαν. Dicitur ἀκροχολία, quia ἡ χολή bilis illis versatur quasi ἐν τῷ ἄκρῳ, in extremo, in supremo, in superficie cordis, ita ut in oculis, vultu, facie, reliquisque membris, calor appareat; id genus hominum facile irascitur, inde ἀκρόχολοι dicuntur, facile, cito, celeriter excandescentes, & una voce, irritabiles: qui, ut quidam iram facile deponunt, quod in eis optimum esse ait *Aristoteles*. Et certè optimi quique hac specie iracundiæ laborant: sunt enim ad irascendum faciles, sed & mox placabiles. Altera species iracundorum est, qui πᾶσι dicuntur, ἀμαρί Lat. qui ægre placantur, & non, nisi cum injuriam ulti fuerint, mitigantur: Hi diu iram retinent, quia eam premunt, nec aliis aperiant, quorum consiliis ab ea levare possent: ut autem eam per se coquant, & sibi & aliis extant molesti, morosi, graves. Tertium genus est iracundorum, quos βαρυμύϊους, quasi gravis animi homines, dicas, quas *Aristot.* χυλεπὺς quoque vocat, difficiles Lat. & ἀγροί, ἀγροί, & feros: Hi omnium sunt terribilissimi, & ex duobus prioribus quasi concreti: nam facillimè & levissimis de causis irritantur, ut primi; & multo diutius, quàm par est, iram servant, neque redeunt in gratiam, nisi injuriâ vindicatâ: & in eo differunt à secundis, quod non occultas, ut illi, sed apertas iras gerant, quæ sine vindictâ non extinguuntur.

IX. Uti, post virtutis cujusque naturam explicatam, inter extrema ferè comparationem instituit *Aristoteles*, ita c. 5. l. 4. *Eth. ad Nicom.* quaerit: *Utrum extremorum Mansuetudini magis advesetur, Iracundia an iræ vacuitas?* Resp. iracundiam magis esse adversam mansuetudini & deterius vitium, quam iræ vacuitatem; & confirmat sententiam suam aliquot rationibus. 1. Vitium illud deterius est, ad quod magis ipsâ naturâ propendimus: Sed propensiores sumus ad iracun-

diam quàm ad lenitatem. Est enim ὀργή, ὀργή, homini magis proprium, sefe ulcisci, quam injuriam condonare. Ergo. 2. Id, in quo sæpius ac frequentius peccamus, est pejus eo, in quo rarius peccamus ac minus. Sed sæpius ac frequentius peccamus in iræ excessu seu iracundia, quam in iræ defectu seu lenitate. Ergo, &c. 3. Illud vitium deterius est & virtuti magis opponitur, quod in convictu & societate communi est intolerabilius. Sed in convictu & vita communi est intolerabilior iracundia quam iræ vacuitas. Ergo, &c.

X. Coronidis loco, lubet hanc quaestionem proponere: *An, qui ex iracundia alteri infert injuriam aut damnum, excusari debeat?* Resp. Nequaquam. 1. Quia, si iracundia in delectis executionem præberet, raro delinquentes punirentur: nam plerumque homicidium & alia delicta committuntur ex iracundiâ. 2. Qui per iracundiam delinquit, sciens volens delinquit: est enim delictum illud voluntarium saltem in causa sua, quia potuit iracundiam prævenire: & unusquisque iram suam & iracundiam frænare tenetur. Hic tamen distinctione aliqua est utendum & videndum: utrum justus dolor iracundiam excusserit, an vero ex levissima causa & naturæ vitio existat: (a) Si justus dolor iracundiam excitaverit, & ex ista iracundia homicidium vel aliud delictum sit commissum, mitiori pena illud est puniendum, quam si leviori de causa aut naturæ vitio illud fuerit perpetratum: tum enim ordinariam penam non effugit, quia & causa non fuit justa, & naturæ vitium corrigi debuisset.

(a) Justus dolor iram excitat isto casu cum quis irascitur circumstantiis omnibus expensis, & iram justa ratione suadentibus; quo casu si quid mali committatur ab irato, justa illa irascendi causa iratum excusat à pena quam ille suo delicto ex ira commissio promeritus est, si non in totum, saltem in tantum. id est, mitiorem reddit poenam quam alias infligeretur, si non justa de causa iratus simile delictum perpetrasset.



DISPUTATIONUM PRACTICARUM  
VIGESIMA-SEXTA.

DE

## COMITATE.

## THESIS I.

Postquam *Aristoteles* de *Mansuetudine* dis-  
seruisset *l. Eth. 4. c. 5. ad Nic.* transit *c. 6.*  
*ad Virtutes* ὁμιλιηπάς, *conuersatrices*, sic di-  
ctas, quod earum usus sit ὁ πᾶσι ὁμιλιῶν, in  
conuersationibus: ὁμιλεῖν enim, est, cum aliis  
conuersari. Sunt hæc Virtutes, *Comitas*, *Veraci-  
tas*, *Urbanitas*: conveniunt obiecto commu-  
ni, quod est, sermonum, morumque & actio-  
num, in societate humana moderatio con-  
cinnæ: differunt obiectis propriis. *Veracitas*  
enim respicit τὸ ἀληθές, *verum*: *Comitas* &  
*Urbanitas* τὸ ἰδὸν, *iucundum*: illa quidem in  
rebus *seriis*, hæc in *iudiciis*. Quamvis autem  
de *Veracitate* prius disseri posset commode,  
quam de *Comitate*, ut illa jungatur *Urbanita-  
ti*, cui est affinium; quia tamen *Aristoteles*  
primò agit de *Comitate* *c. 6.* tum de *Veracita-  
te*, *7.* postremo de *Urbanitate*, *c. 8. l. 4. Eth.*  
& nos eundem in disputando servabimus or-  
dinem, quia in reliquis virtutibus disputa-  
tioni subiectis *Aristot.* filum & seriem sumus  
secuti, & in eo non multum est situm, utra  
Virtutum prius, utra posterius explicetur:  
modo omnes explicentur & disputentur, quæ  
explicari & disputari solent.

II. *Comitas* dicta est à voce *Comis*: *Comis*  
à Græco κομίζω descendit, ut placet Gram-  
maticis: hæc virtus apud Græcos nomen non  
invenit, quod ipse monet *Aristot. c. 6. l. 4. Eth.*  
*ad Nicom.* ἵσται ἡ μὲν ἀρετὴ φιλίας, maxime ve-  
ri similis est, inquit, *amicitia* conveniunt  
cum inter se actū quodam externo, sc. in  
suavi iucundoque convictu: quemadmodum  
cum amicus cum amico iucunde versatur,  
ita probans quæ probanda sunt & improbens  
quæ sunt improbanda, ita vir comis, idem  
præstans, suaviter & iucunde vitæ commu-  
nionem cum aliis habet. Licet vero *amicitia*

& *comitas* valde sint affines ob externum il-  
lum convictum, suis tamen discrepant diffe-  
rentiis, quia *comitas* virtus quædam est, ca-  
rens affectu amoris, exerceatque potest in pe-  
reginum & eum quem non amamus: at ve-  
ro *amicitia* ex amore proficitur & colitur:  
itaque *comitas* non est ipsa *amicitia*, *φιλία*,  
quia nullo per se affectu compellitur ad exer-  
citiū, utcunque ei maxime assimiletur.  
Græce dici potuisset χαλεπότης, ἐπιχόρος,  
διὰ σπένθησιν, φιλοσπένθησιν. Lat. *Huma-  
nitas*, *familiaritas*, *popularitas*, & apud *Ethi-  
corum* plerosque, *Affabilitas*: est enim affa-  
bilis, qui se facilem iucundumque præbet in  
congressibus humanis, in loquendo, audien-  
do, respondendo, &c.

III. Definiri potest *Comitas* seu *Affabili-  
tas*, μέσότης αὐτῆς πρὸς τὰς ἰδιότητας καὶ τὰς ἐν  
ὁμιλίᾳ μὴ πρὸς διχότιαν, *Mediocritas* circa (a)  
*voluptates* & *dolores* in *conversazione* non ludi-  
crâ. Ex qua definitione obiectum apparet:  
tum *internum*, *voluptas* & *dolor*, tum *exter-  
num*, *actiones* in *communi conversatione*.

(a) *Voluptas* & *Dolor* non sumuntur hic pro ad-  
iuncto generali omnium Virtutum, orto ex ea-  
rum exercitio vel instituto vel omisso, sed ac-  
cipiuntur hic pro Affectibus particularibus, qui  
alio nomine vocantur *Gaudium* & *Tristitia*.

IV. *Comitatem* esse *virtutem*, & *peculia-  
rem* ab aliis, ex obiecto assignato, facile li-  
quet: cum enim in communi convictu &  
conversazione, quæ iucunda semper debet  
esse, & suavis, duo cernantur extrema, al-  
terum in excessu, in defectu alterum, ut quis  
vel nimium, vel non satis, iucundè & sua-  
viter se gerat, oportet quoque, virtutem  
aliquam dari, quâ utrumque hoc extremum  
corrigitur: At ea non est alia quam *comitas*,  
Ecce 2 quod

quod ex singularum virtutum inductione facile patet, si quis per singularum classes incedat: Est quidem comitas nonnullis virtutibus affiniore quam aliis, ab omnibus tamen differt, & obiecto & affectibus, quibus circa obiectum occupatur. Obiectum assignavimus *thes. præced.* Actus sunt duplices. 1. συνδυασις & διακρίσις, delectare & probare, quæ oportet. 2. διακρίσις & λυπήσις, ægre ferre & improbare, quæ oportet, & sub aliis circumstantiis reliquis. Sed distinctio Comitatus ab aliis Virtutibus, ex ejus proprietatibus & Viri comis partibus atque officiis, clarius innotesceat.

V. *Proprietates Comitatus* quinque numero recenset *Arist.* in *textu cit.* Primam sumit, ex modo congregiendi & colloquendi: ait enim, eum, qui comitate instructus est atque ornatus, cum omnibus agere, versari, colloqui, jucunde suaviterque, sed quemadmodum decet & decoris ratio postulat. Secundam sumit ex fine: debet vir Comis illam sermonis & consuetudinis jucunditatem referre, non ad turpitudinem aliquam vitæ suæ vel damnum alienæ, sed ad honestatem & utilitatem. Cum enim in actionibus humanis tria spectanda veniant, honestum, utile, jucundum; ita oportet virum comem sectari jucundum, ut illud non adverteretur honesto & utili: & oblectationem, nisi honesta sit atque utilis, non querit comis, & cum utilitate atque honestate mavult esse molestus quam cum jucunditate noxius. Terciam Comitatus proprietatem petit à comparatione jucunditatis cum contraria tristitia, quam interdum aliis oportet afferre eum, qui aliquin comis est & affabilis: Nam ea possunt interdum nasci tempora, & in eos homines incidere potest vir Comis, ut illorum dicta ac facta non modo non probet, sed &, ut ea castiget, atque ipsos increpatione sua & severa admonitione tristitia afficiat: si quid enim fiat, quod facienti magnum & dedecus & detrimentum adferat, illud prudenter reprehendit & infectatur vir Comis, v. c. si vir comis incidat in hominem, qui sibi ipsi malus est, qui aliis molestus est, talem serio monebit ac castigabit cum moderato animi dolore. Quartam proprietatem comitatus

ponit in eo Philosophus, quod vir comis: tum in oblectando, tum in offendendo, personis se se attemperet, omnibus quidem affabilis, sed non æque, nec eodem modo: aliter viri præstantes & in dignitate aut munere publico constituti, aliter plebei, sunt excipiendi: aliter noti, aliter ignoti sunt tractandi, aliter docti, aliter indocti, aliter indocti, aliter sacri, aliter profani. Qui nobiscum versantur, aut sunt præstantiores, aut inferiores, aut æquales. Erga superiores, viri comis est, esse submissum & officiosum: erga pares, familiarem; erga inferiores, popularem. Quin neque locus neque tempus negligi debent: aliter in templo, in conviviis aliter, aliter in itinere: aliter diebus festis, aliter profectis: aliter cum lætis, aliter cum tristibus, est agendum ac loquendum. Quintam Comitatus proprietatem, haud dissimilem secundæ, repetit *Aristoteles* iterum à fine: affirmat, Viro comi propositum quidem esse, delectare, ideoque ab inferenda tristitia eum proflus abstinere; si tamen ab inferenda tristitia majora videt commoda eventura, contristaturum potius esse quam delectaturum: oblectatio enim alteri perniciofa, lethali multo vere comparatur, quod suave quidem est palato, sed mortem secum trahit. Atque hæc sunt proprietates Comitatus, ab *Aristotele* recensitæ, quibus ab aliis Virtutibus facile illa discerni potest.

VI. Sunt tamen, qui Comitatem ex virtutum choro, ut peculiarem atque ab aliis distinctam, proscribunt, quod collocetur in moderamine sermonum & actionum humanarum, quibus vita in congressu ac conversatione (a) jucunde ac suaviter & decenter transigi possit: atqui idem plane conantur & student reliquæ virtutes; quin & id agit universa Oeconomica & Politica. Verum enimvero, utcumque intendant virtutes reliquæ, & Oeconomica etiam atque Politica, ut vita decore sustentetur, peculiarem tamen delectationem in convictu, congressu, ac conversatione respicit Comitas, ideoque obiecto formali à reliquis differt virtutibus. Quod si illæ, aut Oeconomica & Politica, hoc agant, ut suaviter & jucunde vivatur in communi convictu,

id agunt & exequentur, vi Comitatis, quae leges praescribit & regulas tradit, juxta quas illa suavitatis & jucunditas obtineri valeat.

(a) Omnis quidem virtus usum sui habet, in conversatione humana, cum exercetur; quin & omnia Politices ac Oeconomices praecepta docent, quomodo decenter atque ex decore vita hominum sit transigenda, idque obiectum materiale commune habent cum obiecto comitatis, illud enim utrobique est conversatio humana: sed differunt obiecto formali, quia Comitatus non tantum decorum respicit in conversatione hominum, sed suavitatem ac jucunditatem, quam reliquae virtutes & praecepta Politica atque Oeconomica non spectant.

VII. *Extrema Comitatis*, seu *opposita vitia* duo sunt, alterum *in excessu*, alterum *in defectu*, illud *ἀσέβεια*, nimum placendi studium, *adulatio*, *assentatio* dicitur; hoc, *δυσκολία*, *morositas*. *Αἰσχυροὶ* dicuntur, qui voce, gestu, sermone, dictis ac factis, omnibus placere student, (vulgo *Placentae* vel *Placentini*, teste Lipsio) nulla honestatis & utilitatis habita ratione, qui nihil intendunt aliud quam ut aliis placeant ac probentur: si vero id faciant propter opes aut utilitatem aliquam, quam inde sperant, & sectantur, dicuntur *Adulatores* & *Assentatores*, quorum ingenium graphice descripsit Terentius in *Gnathone*, Plautus in *Ergasilo*; ille in *Eunuchis*, hic in *Capteivis*. *Adulatores*, vel sunt aperti, vel occulti. *Aperti*, qui palam circa culinas oberrant & cenas captant, *cœnipeτæ*. *Occulti*, qui gerunt amici personam & sobrii aliorum se negotiis ingerunt. Deinde, alii sunt *mansueti*, qui tantum balnea sectantur & mensas; alii *feri*, qui nonnullis adulantur, alios interim calumniis & convitiis onerant. *Δόρυδαί*, *morosi* sunt, qui nihil in aliis probant, nemini placere student, contentionibus omnia implent, consuetudinem humanæ societatis rumpunt, hominum commercia fugiunt, nihilque gratum habent, quod ab aliis proficiscitur.

VIII. Quæri hic solet, uti de aliarum virtutum extremis, *Utrum extremorum propius ad Comitatem accedat, utrum remotius ab ea recedat?* Resp. Id definiri non potest satis, nisi primum varia & *Adulatorum* & *Morosorum*

genera distinguantur: nempe utrumque vitium, tum adulationis, tum morositatis, spectari potest, vel ut est simplex & uniusmodi, vel ut est aliis vitiis auctum ac permixtum. Cum quis adulatur & adulando nihil intendit aliud quam alteri placere, nec propterea ullo alio se se contaminat scelere, *simplex est adulator*: sic cum quis ex naturæ quadam asperitate est morosior, neque suam morositatem aliis vitiis auget, *is simpliciter laborat morositate*: sed vero si utrumque extremum aliis vitiis sit auctum & iis ceu copiis auxiliariis instructum, dicitur *adulatio*, & *morositas mixta* & *composita*; quemadmodum, si quis verba, gestus, ac nutus, in aliorum componat gratiam, non tantum ut placeat, sed insuper, ut honorem inde adipiscatur, quo est indignus, aut lucrum ut faciat, quo avaritiæ suæ satisfaciatur; aut si quis omnia improbet ac nulli placere studeat, non tantum ex agrestis quadam natura, sed ex industria in contemptum aliorum, ut alios afficiat aliqua, vel injuria, vel aegritudine. Hic utrobique non *simplex est adulatio* vel *morositas*, sed *mixta* & *composita*. Nunc ad questionem propositam responderi potest.

IX. §. 1. *Assentatio simplex simplici morositate est melior, & propius accedit ad Comitatem, quam Morositas. Probat.* Cum sit propositum Comitati, ut jucunde suaviterque cum aliis consuetudo ac conversatio habeatur, erit comitas alienior ab illo extremo, quod magis à delectatione, jucunditate, & suavitate, ac longius, recedit: Sed Morositas magis ac longius recedit ab illa delectatione, jucunditate, & suavitate, quam Assentatio: Ergo, &c. *Prob. Min.* (a) Qui enim nullam habet in conversatione suavitatem, sed omnia replet mœrore, angore, tristitia, is longius abit à jucunditate, quam exigit *Comitas*, quam qui in suavitatem ista est nimius. Quemadmodum simplex avaritia est deterius simplici prodigalitate, quia longius abit à liberalitatis medio, ita simplex morositas est deterius simplici adulatione, quia longius abit à comitatis medio: par enim utrobique est ratio.

(a) Quod vitium actum habet communem cum virtute, licet in illo actu modum excedat, illud  
E e e e e 3 propius

propius accedit ad virtutem ipsam, quam vitium istud quod nullum habet actum communem cum virtute: sed Adulatio actum habet communem cum virtute, sc. iucunde ac suaviter cum aliis conversari, licet in ea iucunditate ac suavitate Adulator sit nimius. Morositas vero nullum habet actum communem cum comitate, quia morosus ab omni iucunditate ac suavitate abhorret.

X. §. 2. *Adulatio composita & mixta, morositate composita & mixta, interdum est melior, interdum deterior*: nempe, gravitas utriusque vitii aestimari debet ex malis & vitiis, quæ cum alterutro committuntur: & sic, illud erit extremis hisce vitiis majus, quod

pluribus aliis vitiis est auctum & majus inferre damnum. Sed interdum adulatio, interdum morositas, pluribus augetur vitiis majusque inferre damnum. Adulator gravissima interdum committit scelera, ut alteri placeat, quæ tanta si non committat morosus, jam adulator est longe deterior moroso. Contra, morosus committere potest plus mali ac plus inferre damni, quam adulator, & tum hic est altero pejor, ita pro plurium aut pauciorum accessu, & pro majori ac minori damno, quod ab hisce extremis, Comitati sc. oppositis vitiis, sed compositis, ac mixtis proficiscitur, alterum altero est gravius vel levius.

## DISPUTATIONUM PRACTICARUM VIGESIMA-SEPTIMA,

DE

# VERACITATE.

THESES I.

EX virtutibus *ἐπιεικείης* non est postrema Veracitas quam Comitati c. 6. l. 4. *Eth. ad Nicom.* explicatæ, & à nobis superiori disp. pertractatæ, subjicit c. 7. *Aristot.* eamque Græce vocat *ἀληθείαν* sed minus proprie: quippe *ἀληθεία* veritatem significat, quæ hujus virtutis obiectum est potius, quam ipsa, de qua nunc agimus, virtus, significantius diceretur *ἐπιεικεία* Lat. Veracitas melius dicitur hæc virtus, quam Veritas: dicitur quoque, Candor, Sinceritas, Integritas, Ingenuitas.

II. Veracitas est, *μετὰ τὴν ἀληθείαν ἐν λόγοις καὶ πράξεσιν*, Mediocritas circa veritatem in sermonibus & operibus: vel *μετὰ τὴν ἀλήθειαν ἐν ἐπιεικείᾳ πολιτικῇ*, Mediocritas circa veri confessionem in conversatione civili. Obiectum Veracitatis est Veritas, seu verum, seu veri confessio, ac professio, in dictis & factis societatis civilis.

III. (a) Veritas, non spectatur hic illa, quæ est conformitas rei, cum principiis suis

constituentibus aut definientibus, vel cum intellectu, vel cum idea: (b) hæc enim est Entis affectio simplex ac transcendens, & ad Metaphysicam pertinet, diciturque veritas simplex: nec consideratur hic veritas cognitionis, seu judicii, seu mentis, quæ in eo est sita, ut res repræsentetur in intellectu eo modo, quo est extra mentem: hæc veritas ad Physicam pertinet, diciturque veritas complexa, estque conformitas mentis cum rebus cognitis: nec illa quoque veritas hic spectat, quæ veritas doctrinæ vulgo dicitur, qualis est, (c) vel disciplinarum in solâ cognitione consistentium, vel artium quarundam, quæ aliquid faciendi vel agendi præcepta tradunt, quo sensu Ars definitur *Arist.* *ἔστι μετὰ λόγον ἀληθὴς ποιητικὴ*, habitus effectivus cum ratione verâ, nec hujus loci est veritas iustitiæ, quæ in pactis & conventionibus servandis, fide datâ non fallenda, &c. præstatur; hoc modo quippe verus est & veritatis habitu præditus, qui

proximo

proximo cuique suum tribuit, etsi mentiat: nec denique hic intelligitur (d) *veritas vite*, quæ est vivendi ratio, divinis humanisque præceptionibus exactè respondens; nam veritas in Veracitate nullas propriè innotetur leges aut præceptiones, sive humanas, sive divinas, quibus vivendi ratio dirigitur, sed *solum difforum factorumque cum rebus, diffis ac factis, equalitatem: hæc veritas, objectum est Veracitatis*, quæ est *adequatio sermonum & operum significantium, ad res quas significant, & ad animum significantis*, qua unusquisque talem se demonstrat tota vita qualis est, nec aliud dicit, facit, sentit, quam quod debet & res est, cum, quæ sibi adiungit, adesse, quæ absunt, abesse, ingenue profitetur, bona sua vel mala, uti & aliorum, nec majora facit, nec minora, qua quis animum suum ita confirmat, ne quid falsi, ficti, aut picti, proferat, ore, lingua, gestu, nutu, aliisque modis. Hæc enim veritas non sermonem tantum respicit, sed gestus insuper, nutus, vestitum, adeoque quicquid fingunt est, quo mentis suæ sententiam, affectus, & quicquid in animo est, prodit homo. *Materia ergo circa quam hæc veritas versatur simul & veracitas, sunt sermones & actiones externæ, quibus in conversatione civili per totam vitam designamus ac patefacimus nostram ipsorum conditionem ac statum in humanis bonis, ut sunt, nobilitas, amici, opes, doctrina, sapientia, robur corporis & pulchritudo, &c. quæ omnia, cum profitemur ingenue ita nobis adesse vel abesse, ut pro loci, temporis, aliarumque circumstantiarum ratione, vel absunt vel adiungunt: (e) jam veraces sumus etque in nobis, hæc, de qua agimus virtus.*

(a) Omnis veritas dicit convenientiam unius rei cum alia sed non omnis veritas est objectum veracitatis. Verum Metaphysice, dicitur illud quod convenit cum principiis vel constituentibus, ut cum verum aurum vocamus id quod habet in se omnia principia ad veri auri constitutionem requisita; vel definitivis, sic Deus dicitur verus Deus, quia in se habet omnia ista principia quibus definitur, nam principia constituentia nulla habet, ut cum illis convenire nequeat, quia est expert compositionis: verum Physice, dicitur omne intellectus iudicium, quod convenit cum rebus iudicatis, quando res

ira se habet, ut intellectus illam se habere iudicat: veritas Doctrinæ, est convenientia præceptorum, id est, definitionum & divisionum cum rebus definitis ac divisis, cum enim disciplinæ sunt habitus veri, non possunt constare nisi ex præceptis veris: veritas Iustitiæ, est convenientia promissionis cum re promissa, quando quis præstat id de quo præstando cum alio convenit: veritas Vitæ, est convenientia vitæ humanæ cum legibus divinis & humanis, talis perfecta convenientia in hac vita non datur; sed veritas, quam spectat veracitas, est convenientia signorum exteriorum cum rebus significatis & animo significantis, sive illa signa sint verba, sermones, facta, nutus, gestus, aut quodcumque tandem quo significamus nostram aut nostrorum aut aliorum etiam conditionem, præsertim in bonis humanis, sive animi, sive corporis, sive fortune: quando quis itaque externis signis, ut vestitu, aut etiam sermone proficitur sibi esse plures opes quam possidet, is ab hac convenientia signi exterioris significantis cum re signata recedit, & peccat in excessu, contra cum quis vestitu aut sermone significat non tantum sibi esse divitiarum quantum est, is recedit quoque à veritate ista quam spectat veracitas, sed peccat in defectu.

(b) Affectio Entis Transcendens dicitur, quia illa sicut ipsum Ens, transcendit omnes Categoriarum limites, id est, in nulla reperitur Categoria, etque unitas, veritas, bonitas. Affectio Simplex Entis dicitur, quæ Sola cum Ente reciprocatur, ut, Omne Ens est unum, & Omne unum est Ens. Affectio Conjuncta dicitur, quæ combinatum cum Ente reciprocatur, ut, Omne Ens est vel Causa, vel Causatum, & Omne quod est Causa vel Causatum, est Ens: at non licet alterutrum Solum cum Ente reciprocari, ut, non licet dicere, Omne Ens est Causa, & Omnis Causa est Ens, nam prior Enunciatio falsa est.

(c) Omnium præcepta oportet esse vera; nam falsa præcepta docere nos nequeunt, ut aliquid vel sciamus, vel faciamus.

(d) *Veritas Vita*, est Conformitas Morum & Actionum humanarum cum legibus latis.

(e) Veracitas est Virtus quæ omnia dicta ac facta reddit Conformia & Congrua Animo hominis, quæ Aliquis nihil Aliud lingua promittit, quam quod Corde premit, & quæ nihil facit aliud, quam quod Animus dicitur, & quod res ipsa posulat.

IV. Sed *Veracitatem esse virtutem*, id est, habitum moralem, probandum est nobis: id sic probamus. Ubi reperitur excessus & defectus,



fectus, ibi quoque est medium seu virtus. Atqui circa sermones, verba, nutus, gestus, vestitum aliasque actiones externas, in quantum sunt indices & testes veri, cadit excessus & defectus. Ergo &c. Prob. min. potest enim quis sermone, nutu, gestu, vestitu, similive actu externo, ita se componere, ac si bona habeat quæ non habet, item ac si majora habeat quam habet; atque hic modum & medium veritatis excedit: alius contra potest ira actiones suas externas instituere, ac si bona in se non sint, quæ tamen sunt, vel ac si minora essent quam sunt: atque hic à modo & medio veritatis deficit. Veracitas hoc utrumque corrigit, & inclinat hominis appetitum, vel rationalem, vel sentientem, ne aliud significet gestu, nutu, sermone, verbis, vestitu, ullove signo vel actu externo, quam quod res est.

V. Veracitatem esse virtutem, ex th. 4. constat, nunc porro demonstrandum est, *eam esse à cæteris virtutibus distinctam*: quod vel ex eo satis liquet: quia habet objectum à cæterarum virtutum objectis distinctum: quippe nulla est virtus alia, quæ verba & signa sic jubeat esse vera, sicuti postulat ratio, etiam tum, cum neque iustitia, neque religio, neque alia virtus, dictorum factorumque veritatem, efflagitat: quod si ad aliquam virtutem revocanda esset veracitas, ad iustitiam, cui est simillima, revocari deberet: sed vero à iustitia suo discrimine discernitur: quia, alia est veritas, objectum veracitatis, dictorum factorumque cum rebus, quæ dicuntur ac fiunt, adæquatio i. e. convenientia: alia est veritas iustitiæ, quæ est rei cum re æqualitas: (a) iustitia respicit veritatem, sed eam, quæ in pactis, conventionibus, & iudiciorum tractatione cernitur: at veracitas longe aliam respicit veritatem, sc. dictorum ac factorum, ut vere fiant ac dicantur, quæ fieri ac dici debent: (b) atque hæc dari debet ac scire datur etiam tum, cum iustitia nullam veritatem postulat, id est, cum iustitiam exerceri non est necesse.

(a) Veritas, quam exigit iustitia, locum tantum habet in transactionibus & pactis: ille V. C. vere iustus est, qui mercedem laboranti dar ex pacto debitum, qui pecuniam numerat pro conductis ædibus ex Conventionem mutua promissam: sed

Veritas, quam postulat Veracitas, extra pacta aut transactiones locum habet in omnibus dictis factisque hominum, vult iubetque ea dici ac fieri, quæ dicenda ac facienda sunt.

(b) Quarum veritatum una ab altera abesse potest, ex non constituitur objectum unius ejusdemque virtutis: sed veritas quam respicit veracitas, quæ sita est in conformitate signorum cum rebus significatis & animo significantis, abesse potest à veritate quam respicit iustitia, quæ sita est in conformitate promissionis & rei promissæ, aut adæquatione debitionis & rei debitæ; sic potest quis mentiri aut alicui falsum dicere, ut tamen unicuique suum tribuat: hic servaverit quidem veritatem iustitiæ, sed non eam quam spectat veracitas.

V I. Postquam Veracitatem esse virtutem, & distinctam à cæteris, est ostensum, restat, ut hominis veracis officia & ipsius Veracitatis opposita consideremus. Primum veracis officium est: *τὸ ἀληθὲς veritatem profiteri*, ob solam honestatem, i. e. nullam aliam ob causam verum in dictis & factis consecrari, quam solius virtutis & honestatis gratia: itaque, nec præmiis, nec pœnæ, nec legum, nec lucri: nec honoris, nec ullius rei, nisi honestatis, causa, verum dicit: Secundum Veracis officium est, *τὸ μὴ ἀλῆθειαν*, i. e. veritatem interdum celare, tegere, premere, adeoque veritatem non profiteri, nisi circumstantiæ, personarum, loci, temporis, aliæque id exigant: neque enim veritas simpliciter est dicenda ubivis gentium, omni loco & tempore, absque ullo discrimine, sed prudentia, ut in omni virtute, ita in hac potissimum est adhibenda: non equidem diffiteor, difficile esse determinatu, quantum sit concedendum prudentiæ, (a) in veritate reticenda ac tegenda, fieri tamen potest, ut absque vitio, prudenter aliquando, non dicamus veritatem. Nunquam aliquid veritati contrarium, seu falsum, seu mendacium, est dicendum, sed non semper omne verum est dicendum, potestque tuto aliqua veri pars taceri, si circumstantiæ id exigant. 1. Cum de re aliqua consultum non est omnem veritatem eloqui: tali casu potest aliqua pars veri dici, & alia taceri. Exemplum ejus rei insigne adducit Reckerm. l. 2. Syst. Eth. c. 9. ex vita Athanasii, qui cum fugeret Arianos



nos persequentes, factum fuit, ut navis divinitus verſa fuerit & obviam procederet hoſtibus, qui cum Athanaſium non noſſent, rogarunt eum, an non vidiffet prætervectum Athanaſium; reſpondit ſanctiſſimus Pater, modo prætervectum eſſe, ſed non addebat, ſe eum eſſe, qui jam rediret; quod quidem verum erat, ſed non tenebatur dicere Athanaſius, ac tuto ſilebat. 2. Si quis alteri ex mente ejus reſpondere non tenetur, poteſt aliquam partem veri reticere & caute ac prudenter ipſi reſpondere, quod verum eſt quidem, licet forte aliud verum pro reſponſo interrogans expecſtaſſet. Sic Abrahamus Patriarcha rogatus de uxore ſua, reſpondit eam eſſe ſororem: quod imitatus quoque eſt Iſaacus. Diverſum quid à veritate quæſtionis propoſitæ reſpondit uterque: & uterque verum dicebat, quamvis non de quæſtione propoſitâ uti interrogantibus videbatur. 3. Reticere poteſt veritas & tuto ac licite, imo debet, cum taciturnitatis lege tenemur eam non proferre. Si quis Conſiliarium roget, quid in Senatu ſit actum, non tenetur proferre Conſiliarius, ſed vel tacere poteſt, ac debet, vel indirecta uti reſponſione & orationem aliò ſpectare. 4. Poteſt ipſa veritas interdum tuto ac prudenter diſſimulari, ut ſi quis inter hoſtes, ebrios, latrones, aut id genus homines verſetur, poteſt ſanè aliquo ſilento eoque juſto uti: præceptum enim affirmativum de veritate dicenda non obligat ad ſemper, ut loquantur vulgo, ſed prout exigit ratio circumſtantiarum bene expenſarum. (b) Summa omnium huc redit. *Veritas officium eſt, prudenter & circumſpecte ſemper agere ac dicere, & verum, vel proſiteri, vel celare, pro re natâ & circumſtantiis oblatâ*: ſed ſedulo cavendum ac providendum, ne prudentia in calliditatem, aut veritas non prolata in mendacium turpemve ſimulacionem, abeat ac deſinat.

(a) Illa duo accurate debent diſcerni, veritatem reticere, & falſum pronunciare: prius abſque mendacio interdum fieri poteſt, cum ſcil. circumſtantiæ omnes expenſæ veritatem reticendam eſſe jubent; ac tum demum vitium eſt, cum veritatem proſiteri circumſtantiæ manant; ſed falſum pronunciare ſemper eſt veti-

tum nec unquam ob ullas circumſtantias fieri poteſt bene, quia per ſe malum eſt.

(b) Caſus iſti theſi ſexta enarrati, quibus abſque peccato veritas interdum reticere poteſt, nihil faciunt pro mentali reſervatione aut æquivocatione Jeſuitica: prior committitur, cum aliquid dicitur quod verum eſt, ſed non niſi ſub conditione quam mente reſervat ac reticet iſ, qui alteri loquitur; hæc merum ac verum eſt mendacium; nam cum alter, cui loquitur, loquentis cogitationes, & mente reſervatas conditiones, non intelligat (ſolus enim Deus eſt cogitationum noſtrarum inſpector) ipſi turpiter à loquente imponitur, dum judicat eſſe abſolute verum, quod tantummodo verum eſt, ſecundum conditionem aliquam, verbis non expreſſam, ſed intellectu loquentis retentam ac reſervatam: poſterior committitur, cum voces aut phraſes proferuntur, quæ ambigæ ſunt aut homonymæ, & alio ſenſu accipiuntur ab audiente, alio à loquente: utrobique mendacium eſt ac fallacia quædam, in priori caſu, à dicto ſimpliciter ad dictum ſecundum quid: in poſteriori, vel homonymiæ vel amphiboliæ.

VI. *Oppoſitum Veracitatis in genere eſt Mendacium*: mendax enim eſt, qui à veritate recedit. Verum, cum veritas ſit ſimplex, & duobus modis ab ea recedi poſſit, vel plus, vel minus, dicendo & faciendo, quam veritas exigit, duplex quoque eſt mendacii ſpecies; ἀλλογενεία Ariſt. Interpretibus jaſtantia, & εἰσωνεία Ariſt. Interpretibus diſſimulatio dicta. Ἀλλογενεία, jaſtantia eſt, vitium in exceſſu, quo quis ſibi vel aliis plura arrogat & majora de ſe vel aliis prædicat quam ſunt: verſatur hoc vitium circa ea, quæ non ſunt, ac ſi eſſent, aut circa minora, quaſi eſſent majora, id eſt, ea, vel nobis, vel aliis, affingit, quæ nec in nobis nec in aliis ſunt, vel majora comminiſcitur quam ſunt. Ariſt. hoc vitium pro ſines diſtinguit: & ratione ſinis, ei duplex eſt ἀλλογενεία, vel enim μὲν δὲς εἶναι, nihili gratia, i. e. ob nullum finem, ſimulat ſibi eſſe majora quam habet, ex ſo-  
vanitate, quæ poteſt dici jaſtantia ſimplex, vel εἰσωνεία πινός propter aliud, vel honorem, vel pecuniam, &c. & talis jaſtantia eſt com-  
poſita ac mixta. Εἰσωνεία (a) diſſimulatio, in defectu eſt vitium, quo quis diſſimulat ſibi vel aliis eſſe ea bona quæ habet, aut minora facit quam habet. Aliud eſt ionia in Ethicis: aliud in Rhetoricis: ibi eſt  
Fffff tropu

tropus à contrario ad contrarium, hic est vitium illud, quod definivimus. Sunt *εἰρηές* duum generum apud *Arist.* Quidam dissimulant in se ea, quæ non adeo manifesta & cognita sunt aliis; quidam dissimulant ea, quæ sunt omnibus conspicua & obvia: prioris generis dissimulatores, minus; posterioris, gravius peccant. Ad ironiam referunt Ethici *Calumniam*; cum quis aliena bona deprimit, & aliorum mala valde extollit: certe talis in Veracitatem peccat.

(a) Simulatio & dissimulatio interdum in bonam, interdum in malam sumunt partem: priori modo absque animo decipiente fieri potest, ut aliquis simulat se hoc aut illud facturum, quod tamen non facit, quia illud ante facere constituerat, sed priusquam plene illud esset executus, interea temporis animi sententiam mutat ab alio aliter persuasus; ac si ad primam alterius interpellationem non statim acquiescat, sed ita se componat, ac si id quod distinet plene perfectæque exequi vellet, is quidem tum dicitur simulare, sed absque peccato, quo sensu Christus Lucæ 24. dicitur simulasse se longius iturum: sic & fieri potest, ut aliquis aliquid dissimulet, i. e. non proferat, non dicat illa quæ erant dicenda & proferenda, idque sine peccato, quo sensu Athanasius dissimulavit Arianis se illum esse, de quo quærent, an Athanasius istac esset prætervestus; sic Abrahamus dissimulavit Saram esse uxorem suam, quod dicere non tenebatur: sed simulatio & dissimulatio, quæ sunt conjunctæ cum impostura proximi & animo decipiendi, sunt vitia veracitati opposita, differunt autem inter se, quod simulamus falsa, dissimulemus vera, & simulatio sit in excessu, dissimulatio in defectu; veritatis peccatum est, cum quis falso crepat majores divitias quam possidet, is simulat se diuorem, quam est, at qui se ait minus divitem esse, cum vere sit magis dives, is dissimulat divitias suas quas vere possidet.

VIII. *Mendacium* habet se ad *justitiam* & *dissimulationem*, ut *genus ad species*: nam, & jactator ostentatione & venditione rerum suarum, id agendo, ut videatur esse is, qui vere non est, & dissimulatur, obtegendo & imminuendo sua, ut videatur is non esse, qui vere est: uterque, utrumque alienam ementitur personam, & mendacium committit: nam utraque falsa quædam est vocis factique significatio cum consilio propositoque fallen-

di: at hoc ipsum, nihilque aliud, mendacium est. *Mendacium* enim est *vitium quæ per signum aliquod, sive id fiat voce, sive sermone, sive facto, sive scriptura, sive nutu, &c. inimus & proferimus aliquid, quod aliter se habere existimamus, (a) cum animo & intentione fallendi*. Atque hinc videre est delictum, quod est inter *mendacium dicere & mentiri*: nam mendacium dicere, i. e. falsum dicere Logice, potest is, qui non mentitur, non dicit falsum Ethice; sc. qui falsa dicit ac narrat aliis, quæ auditione accepit, absque fallendi proposito, mendacium seu falsum Logice dicit, non tamen mentitur, falsum dicit Ethice, quia animus & intentio decipiendi, quæ rationem formalem mendacio largitur, longe ab illo abest: formalis enim ratio actionis moralis ab electione pendet & voluntate: ideoque fieri potest, ut quis vera dicendo mentiatur, puta, si quis vera dicat inscius, dicat animo fallendi, *mentitur formaliter*, quia committit falsitatem Ethicam: sicut contra, qui alterius falsa verba narrat inscius sine animo fallendi, *mentitur materialiter* tantum, quia committit falsitatem Logicam, quod si tamen, quæ falsa narratur, talia sint, ut qui narrat, falsa esse scire potuerit ac debuerit, non plane extra culpam est, & *interpretative* mendax est, id est, habetur pro mendaci, quia quæ nunc quidem falsa esse ignorat, scire potuit ea esse falsa. Atque huc pertinet distinctio (b) *Mendacii*, quod est *κατ' ἀγνοίαν, secundum ignorantiam*, vel *κατ' ἐπιτηδεύειν, secundum electionem*.

(a) Ex hisce verbis liquet, mendacium officiosum & jocosum vera esse peccata & mendacia, quia utrumque conjunctum est cum animo fallendi: intentio enim boni finis, non potest facere actionem; quæ per se est mala, bonam: sed aliquid dicere aliud, cum intentione decipiendi, quam res est, solius utilitatis aut voluptatis causa, nihil est aliud, quam mentiri seu actionem committere malam ob finem bonum: sed non sunt facienda mala, scil. turpia & inhonesta, à lege vetita, ut eveniant bona, aut jucunda aut utilia.

(b) Mendacium sec. ignorantiam invincibilem, est falsum logice, sec. ignorantiam vincibilem, est falsum Ethice, si non in se & formaliter, saltem in sua causa & virtualiter & interpretative.

*Mendacium secundum electionem, est proprie*

prie dictum formaliter Mendacium; Mendacium secundum Ignorantiam, est duplex, vel secundum Ignorantiam invincibilem, estque Mendacium Materialiter. vel secundum ignorantiam vincibilem, estque Mendacium Interpretative dictum.

IX. Queritur hic, *Utrum extremorum Veracitati magis adversetur, jactantia an dissimulatio? utrum sit deterius?* Resp. 1. Illud vitium est deterius, quod aliis, quibuscum vivimus, est molestius & gravius: sed in humano convictu est jactantia gravior & molestior dissimulatione. Ergo. 2. Vitium, quod est frequentius, & in quod homo prolabitur facilius, est deterius: Sed jactantia est talis praedissimulatione. Ergo. Homini quippe à natura major est propensio ad jactantiam quam ad dissimulationem. 3. Illud vitium est deterius, cui finis est propositus deterius. Sed finis jactantiae est deterius quam dissimulationis. Ergo. Quia jactator, vel ex inani glo-

ria, vel lucri cupiditate, impellitur ad res suas extollendas: dissimulatur, ut fugiat tumiditatem & arrogantiam, sua deprimat. Potest tamen fieri per accidens, ut interdum dissimulatio sit deterius ipsa jactantia, si scilicet dissimulatur dolose & subdole dissimulationem suam dirigat ad decipiendum alium: finis enim tum dissimulatori propositus est peior quam jactatori: finis autem bonitatem & malitiam ejusque gradus potissimum largitur.

## ANNEXA.

1. Omne mendacium, etiam jocosum & officiosum, peccatum.
2. Occultatio veritatis, per mentalem reservationem, aut equivocationem verbalem, nihil est aliud quam mendacium.
3. Strategemata non sunt illicita, nec pro mendaciis habenda.

DISPUTATIONUM PRACTICARUM  
VIGESIMA-OCTAVA,

DE

## URBANITATE.

## THESIS I.

EX virtutibus *ομιλητικαῖς*, conversatrici-  
bus, duas, Comitatem & Veracitatem, ex-  
posuere disput. 26. & 27. Superest tertia,  
quam *ὀρεαπλῖαν* vocat Arist. l. 4. Eth. ad  
Nicom. c. 1. quae tamen vox in malam inter-  
dum sumitur partem, significatque non Ur-  
banitatem sed scurrilitatem: quo sensu sumi-  
tur apud Apostolum, ad Ephes. 5. 3. *ne nomi-  
netur*, inquit, *inter vos, αἰσχρότης τινπι-  
υδς, μωρολογία* stultiloquium, aut *ὀρεαπλῖα*  
scurrilitas: si enim *ὀρεαπλῖα* ibi signifi-  
casset Urbanitatem, eam non vetuisset Apostolus.  
Aristot. hac voce ipsam virtutem designavit,  
quamvis moneat in textu, eam sumi ali-  
quando in partem deteriore. Dicitur verò

*ὀρεαπλῖα*, quasi *facilitas & flexibilitas* mo-  
rum, videturque descendere à verbo *ἄγω*,  
verto, flecto, muto: sunt enim *ὀρεαπλῖοι* quasi  
*εὐαγγοποι*, qui flexili & versatili sunt ingenio,  
qui suos mores, sermones, & actiones, facile  
possunt flectere ad aliorum arbitrium, ut ne-  
minem offendant, sed contra oblectent ac re-  
creent. Lat. Urbanitas dicitur ab urbe, quia  
in urbe suavius ac jucundius conversari solent  
homines quam in agris & pagis.

II. *ὀρεαπλῖα ἐστὶ μεσότης ἀπὸ παιδιᾶς*,  
Urbanitas est mediocritas circa jocos. Hinc  
nonnulli *εὐαγγοπλῖαν* dictam existimant,  
quia ex jocis & ludis maximè *οἱ ἄνθρωποι*  
mores hominum dignoscuntur. *Objectum*

Fffft 2

Urban-

Urbanitatis, sunt *joci & ludi*: nam vox *ludus* utrumque significat, tum ludum, tum jocum: quæ tamen voces dux sic discriminantur apud Latinos, ut *Ludus* in facto, *Jocus* in verbo, consistere videatur: neque tamen hoc ipsum discrimen perpetuum est, ne apud probatos quidem Authores. Ergo nos *ludum jocumque* dicemus promiscue, quodcumque opponitur & contrarium est *serio*: ut enim *Comitas* in seriis occupatur, ita *Urbanitas* in jocosis & ridiculis. Versatur *Urbanitas* circa *ludos & jocos*, tum faciendos ac dicendos, tum spectandos ac audiendos: & utrobique *modum ac medium* præscribit *Urbanitas*.

— III. *Aliquam esse Virtutem circa jocos ac ludos*, duabus rationibus probat *Arist. Eth. ad Nic. l. 4. c. 8.* una desumpta est ex loco totius & partium: altera desumitur ex contrariis. I. Est. In omni vita omnibusque vitæ partibus locum habet virtus. Sed quies, in qua ludi exercentur ac joci, ad vitam pertinet, estque vitæ pars. Ergo & hic virtus aliqua est collocanda, quæ ludos jocosque & facere & spectare, & dicere & audire, doceat, quos & qua ratione oportet. 2. Est Ubi est excessus & defectus, ibi quoque virtus est. At circa jocos ac ludos est excessus & defectus. Ergo. Quod sit excessus, experientia satis docet in iis, qui pendunt, quam par est, qui alienis horis sponte dimittunt opera seria & otium eligunt jocandi ac ludendi, idque cum minime quadrat. Est & defectus hic: nam qui ita mentem intendit in rebus seriis, ut se delasset, ut spiritus animales plane fatiget, ut labori non adjungat & cum eo commutet requiem, ut seriis nunquam succedant ludicra, ut nunquam varientur festa profestis, deficient à medio Urbanitatis: Deus enim ipse post labores refici animum voluit, ut ad labores novos reddantur homines alacriores: ideoque Sabbatha quædam populo Judaico instituerat, ut non solum hominum sed & jumentorum corpora per illam quietem reficerentur: & frustra nature Author, Deus, tantum ad ludendum & jocandum propensionem indidisset mortali animis, nisi honeste etiam & ex virtute jocari quis ac ludere posset. Cadit ergo circa

ludum jocumque, tum faciendū, tum spectandū, tum audiendū, tum loquendū, ut oportet & quantum oportet, (a) *virtus*: cadit & *excessus*, si nimium iis utamur: cadit *defectus*, si quis nullis jocis, vel dicendis, vel audiendis, delectetur. Sed vero, ut mediocritas utrobique servetur, quænam sint *officia Urbani*, in jocis dicendis, quænam in audiendis, videamus.

(a) Queritur, an absque peccato aut vitio Urbanitati contrario quis possit aut facere aut spectare ludos scenicos, tum comicos, tum tragicos? Resp. ludi isti spectari possunt vel in se simpliciter, absque virtutis aliis concomitantibus, vel cum illis vitiis, quæ eos comitari solent: in se non sunt illiciti, quippe si de virtutibus faciendis & vitiis fugiendis præcepta tuto legi possunt, quidni eadem audita aut visa per virtutum virtutumque, qua voce, qua gestu, representationem, uti fit in ludis scenicis, honeste, licite & tuto audiri, aut videri possunt: sed si spectentur hi ludi, cum conjunctis plerumque vitiis, quales sunt hodiernæ rusticorum in pagis, civium multorum in urbibus, & circumforaneorum histrionia, omnino sunt dammandi, quia in illis sæpe argumentum tractatur ex Bibliis sacris, sed verbum Dei non est datum, ut histrionia sit materia, quia sæpe scurrilia, indecora, turpia, representantur, spectantur, audiuntur, quia nomen Dei temere sæpe invocatur, & juramentis profanantur, quia ipsam sæpe Deum imagine exprimunt, quia virilis vestitus in muliebrem mutatur, & contra, ut nullum sit discrimen sexus, quod vetitum est in legibus Moisaicis, &c. at vero quando ista omnia ab sunt, nihil mali in ludis illis est, ut si cædes, in principe aut viro illustri facta, represententur, oculis, auribusque aliorum, ut sceleris execratio horribilis tanto magis posterorum feriat animos, ut etiam exhibeatur in scena, ludo honesto, victoria de hostibus reportata, aliisque similibus casibus.

Queritur, An alii præter scenicos ludi, aut Iulus ad animi corporisque relaxationem instituti, sint liciti? quales sunt scæchiaz, & latrunculorum ludi, aut etiam sphaeristerii, aut exercitium sagittandi, &c. Resp. omnes illos esse licitos in se spectatos, modo absint vitia, quæ eos vel comitantur, vel consequuntur, ut sunt jurgia, lites, juramenta, neglectio vocationis, emunctio alienæ pecuniæ, &c.

Queritur, an inter ludos licitos quoque comprehendatur ludus alex, & chartarum picturum? Resp. idem quod de aliis ludis, scil. si sejungantur ac separentur Vicia, quæ plerumque ad sunt,

ad sunt, quia si ludus alex (idem de charta-  
rum ludo est dicendum) per se & ex natura sua,  
semotis semovendis, sit illicitus, oportet aut in  
lege, aut in verbo Dei sit vetitus; sed non est  
vetitus. Ergo. Resp. qui secus sentiunt, præce-  
pto tertio decalogi vetari, quod iactus alex sit  
temeraria invocatio nominis Dei, cum enim,  
qui aleam jactit, non habeat in sua potestate,  
ut talis cadat numerus, qualem desiderat, ajunt  
providentiam quandam extraordinariam Dei  
hic implorari, & sic Deum tentari, cum id sit  
sine causa; sed Resp. i. negamus in iactu alex,  
etiāmsi sit extra potestatem jacentis, talem jace-  
re numerum qualem veller implorari Dei  
providentiam extraordinariam, & sic temere  
nomen Dei usurpari, non magis, quam id sit  
in ejaculatione sagittæ in altum: nullus enim  
hominum, vel peritissimorum sagittariorum  
hoc effectum dare potest, ut sagitta in altum  
emissa cadat in illud punctum terræ, in quod  
eam cadere veller; idem dicendum est, si quis  
pilam projiciat in altum. Obijciunt adver-  
sarii Prov. cap. 16. versu ultimo, ubi hæc ha-  
bentur verba: In gremium conjicitur fors, à  
Jehova autem est eventus ejus, ergo, in-  
quunt, extraordinaria hic Dei providentia  
circa sortis eventum occupatur, quam temere  
invocant, qui solius animi gratia alio ludo se  
oblectant. Resp. nulla est consequentia, non  
magis quam si ex alio versu alterius capituli 21.  
Prov. Sal. ubi dicitur, Equiparantur ad præli-  
um, sed victoria est à Domino, inferam,  
ergo equos parare ad prælium est invocatio ex-  
traordinarie Dei providentiz, nam & eventus  
victoriæ etiam est à Domino. 2. Extraordi-  
naria Dei providentia, dicitur, cum Deus effec-  
tum aliquem edit, aut eventum largitur su-  
pra naturam, ut cum facit miracula, cum fidit  
mare rubrum, cum impedimentum posuit in  
corporibus rerum istorum juvenum qui injecti  
erant in fornacem Babyloniam, ne combure-  
rentur; quemadmodum ordinaria Dei provi-  
dentia dicitur, cum Deus sequitur ordinem  
naturæ à semetipso fixum, & leges naturæ, à  
secrebuis inditas, & utitur mediis naturalibus  
in operando: ergo in omni iactu alex si oc-  
cupetur providentia Dei extraordinaria, Deus  
faciet miraculum, consequenter quoties bajuli  
nostri aleam jaciunt, quis ex illis sarcinam  
hanc aut illam sit portaturus, aut quis in opere  
omnibus communi primus, quis secundus sit  
laboraturus, totidem semper erunt miracula.  
3. Quod per se illicitum est ac malum, id nun-  
quam potest fieri aut exerceri bene, sic nun-  
quam potest absque peccato dici mendacium  
aut homicidium committi. quia utrumque in  
se malum est ac vetitum, sed iactus alex potest  
fieri absque peccato: neque enim peccant  
bajuli nostri, cum tali modo & sine aleam  
jaciunt, ut statim est dictum, & si ludus

alex esset illicitus, quia species est sortis  
omnis fors foret illicita, atqui hoc est fal-  
sum, nam Deus ipse in Testamento veteri sor-  
tem adhiberi voluit in hereditariis heriscun-  
dis, & dividendis, & Apostoli forte usi sunt  
in electione novi Apostoli loco Judæ: sed nec  
Deus uti præcepisset, nec Apostoli usi fuissent  
eo, quod per se est illicitum & malum, ergo  
nec fors est in se illicita, nec ludus alex, quia  
est species sortis: hæc tamen omnia nihil fa-  
ciunt pro hodiernis aleatoribus, quia aut ra-  
rius aut nunquam isti alex ludo utuntur ho-  
nesto, aut ablentibus aliis vitiis.

Quæritur, an saltatio facta ad modulos,  
solius oblectationis causa, & exercitii corpo-  
ris gratia in se spectata, sejunctis sejungendis  
vitiis, sit illicita, & peccet in Urbanitatem?  
Resp. negando, quia si in motu digitorum se-  
cundum certos modulos fideliter canendo  
aut clavicymbalo non peccatur, si lingua ad  
certam harmoniam inter cantandum mota  
non peccatur, uti non peccatur, cur magis  
peccaretur pedibus ad certos numeros mo-  
dulosque motis? & quin absque peccato sal-  
tatum fuerit cum Cymbalis & Tympanis an-  
te Davidem Triumphantem & Victorem,  
nullum est dubium: hæc tamen nihil faciunt  
pro hodiernis choreis, in quibus saltant, fœ-  
mina nupta viro, pueri, innuptæque puel-  
læ, ad turpes & inhonestas cantilenas, ubi  
prensationibus indecoris sæpe excitantur libi-  
dines, & alia committuntur spectatu auditu-  
que indigna.

IV. Officia Urbani, in jocis dicendis ac ludis  
faciendis, sequentibus circumscribuntur re-  
gulis. 1. Joci dicentis non sint sollicite qua-  
riti, non affectati, sed sponte oblati: alioquin  
omnem perdunt gratiam. 2. Joci non sint  
obsceni, non turpes, non leves, non futiles,  
non scurriles, sed honesti, sed graves, sed de-  
cori, sed liberales. 3. Modus sit in jocando, &  
in ludendo: ut enim in omnibus, ita & hic,  
*omne nimium vertitur in vitium*: quemadmo-  
dum enim nimia salsedo cibum corrumpit,  
ita & nimii joci ac ludi conversationem. 4.  
Cavendum est, ne joci nostri abeat in acer-  
biora commata, nec ludi in contumelias, ne  
convitiis & injuriis afficiant audientes, ne iis  
molesti sint aut ingrati: *finis enim Urbanitatis*  
*est delectatio*, unde emittendum est, ut aliqua  
voluptate ludii nostri jocique perfundant & af-  
ficiant audientes. Si quid ergo carpendum fue-



rit, id *urbanus* allusione, potius quam apertio preestabito convitio: & hoc discriminis fuit inter *Comediam veterem & novam*. Vetus enim Comœdia verbis obscœnis hominum vitia non sine acerbitate perstringebat: Nova ad mores morumque reprehensiones alio alludebat modo. Vetus Comœdia plus nimio fuit dicax, & in jocando illiberalior, adeoque ex re omni, quantumvis obscœna & turpi, ridiculum quid eliciebat, & viventes ac præsentes carpere & deridere non erubescibat: Nova in hisce omnibus longe extitit prudentior. 5. Personarum habenda est ratio, & videndum quid nos ipsos deceat alioque, qui, & apud quos, honeste jociari possint: aliud quippe convenit seni, principi, docto, amico, aequali; aliud juveni, plebejo, indocto, ignoto, superiori aut inferiori. Nec Parentes cum liberis, jam adultis præsertim; nec Domini cum servis; nec Præceptores cum discipulis, jociari debent, ne vilescat Auctoritas. In genere: non est temere jocandum, nec facile aliquid joco dicendum in eos, à quibus non sumus provocati aut qui sunt nobis superiores: nam melius fere est, jocum joco compensare quam cum movere primum. 6. Temporis, loci, occasionis, similitumque circumstantiarum habenda est ratio in dicendis jocis & faciendis ludis, ne dicantur ac fiant loco & tempore alienis, neque enim semper, nec ubique, ludicra tractare oportet: intempestivus foret & ineptus, qui tempore luctus, calamitatis, pestis, belli, famis, & aliorum malorum, indulgere vellet facetiis, joci ludis, aut jocis: sic, neque jocandum, nec ludendum, in templo, curia, senatu, scholis, aut iis in locis, ubi res serice sunt agende; sed in conviviis, nuptiis, festivitibus, aliisque congressibus, qui animi reficiendi causa sunt instituti. 7. Illi joci sunt proferendi, quales nos vicissim ab aliis audire velimus: qui alioquin, quæ vult, dicit, vicissim, quæ non vult, audit.

V. *Officia urbani, in jocis audiendis ac ludis spectandis*, hisce continentur legibus; puta, non jocos quoslibet aut omnes promiscue audire licet, sed eos tantum, qui liberales decent aut ingenuum: habet enim Urbanus pro fine solam honestatem, quam servare studet in

jocis audiendis aut ludis spectandis; ad quam dirigit omnem, quam ex ludis jocosque percipit, voluptatem: itaque à turpibus, moricunum, scurrarum, momorum, jocis ac ludis, aureisque oculosque avertet. Urbanus: quæ enim quis libenter auditque videtque, ea quoque videtur facere: at Urbanus non facit ea, quæ sunt turpia. Ergo, nec turpes jocos, vel ludos, libenter, vel audit, vel videt.

VI. Ex hisce *Urbani*, in dicendo & audiendo, circa jocos ac ludos, officiis, & ex ipso *Aristotelis* textu, duplex colligi potest distinctio jocorum, una ab objecto, altera à subjecto. 1. Alii sunt liberales & honesti, alii sunt illiberales & turpes. *Liberales* sunt, qui libero & ingenuo homine honestatque amante sunt digni: *illiberales*, qui homine libero & ingenuo sunt indigni: illi nihil continent turpe, aut quod offensionem parere valeat: hi conjuncti sunt cum turpitudine, vel aperta, vel operata. 2. *Joci* sunt hominum, vel *παισι*, *ἰδοῦ*, *ἰδοῦ* vel *ἰδοῦ*, vel *eruditorum* vel *ineruditorum*: illi, sunt doctrinæ & sapientiæ sale conditi, habentque aliquid, quo mores informantur: hi inepti sunt & importuni, nihilque habent, quod alios vel erudire valeat vel oblectare: unde illi joci *falsi*, hi *insulsi* vulgo, & recte vocantur: hominem urbanum decent joci liberales & falsi, non illiberales aut insulsi.

VII. Cum vero *Officium viri Urbani* sit, ea dicere, facere, spectare, atque audire, quæ viro probò & ingenuo conveniunt, atque insuper, operam dare, ne quempiam offendat, nec alicui dolorem, sed omnibus voluptatem afferat: querit *Aristot.* in textu, utrum magis sit proprium *Urbani officium*? & ad eam questionem respondet sic satis intricate, ut *Giphani*, aliique *Interpretibus*, locus & textus *Aristotelis* dicatur obscurior: videtur tamen velle *Aristoteles*, prius magis esse proprium & primum *Urbani officium*, alterum minus proprium & secundarium; nam providere & providere, ne quempiam offendas, & ut unumquemque delectes, inexhausti laboris est ac negotii, quia rei jucundæ molesteque infinita quædam esse varietas: est enim id uni moleitum, quod alteri jucundum: & quod hunc



hunc offendit ac vulnerat, alterum recreat atque oblectat: quia eadem res eidem prorsus homini, nunc est odiosa, nunc grata. Et fieri potest, ut joci & salibus rectis utatur quispiam, & tamen ob audientium rusticitatem offendiculum præbeat. Quare ita se gerere debet Urbanus, ut non tam spectet, quid huic aut illi placeat vel displiceat, quam quid probum, & ingenium, & liberi ac liberalis ingenii virum, cujus rectum est iudicium, deceat.

VIII. *Extrema Urbanitatis, opposita scurrilitas, sunt, in excessu, σκωλόχια, scurrilitas; in defectu, ἀρρομία, rusticitas.* Scurrilitas dicitur à *σcurrā*, quæ vox originem trahit à Græco *σκῶρ*, quod Latinis significat *stercus, fumus, excrementa*: unde Latinis *scoria* dicitur, quasi excrementum metallorum. Est igitur *scurrā*, qui sordida, & quasi stercorea, inter ludendum ac jocandum solet effutire. Græce dicitur *σωμολόχῳ*, quæ vox proprie significat eum, qui aris insidiatur, ex *σωμολογία* & *λόγῳ* insidiæ. Cur autem *scurrā* dicti sint *σωμολόχοι*, vix certa redditur ratio. Cyprianus in suis *Commentariis ad c. 8. l. 4. Ethic.* ex *Suida* hanc dat rationem. *σωμολόχοι* ait fuisse eos, qui aris adstant, dum victimæ immolabantur, particulam emendicantes, aut dolo furtimeque captantes, qui, quoniam infimæ erant sortis homines & pauperissimi, factum est, ut mendici omnes per *synecdochem* dicerentur *σωμολόχοι*, qui rursum hostiarum mendici, quia blandis verbis & risu sacrificanti moventibus uterentur; ut facilius quid impetrarent, nomen dederunt iis omnibus, per *synecdochem* specie, qui plus nimio faceti & ridiculi sunt in humana consuetudine, factumque est, ut quicumque ridiculis uterentur verbis ac gestibus, i. e. *scurrā*, dicerentur *σωμολόχοι*; alii putant Græcè sic dictum *scurrā*, quod, post sacra in aris peracta, id genus homines populum delectarent ludicris: ut ita per insidias ex reliquiis sacrificiorum ventrem saginarent. Quicquid sit de origine & ratione vocis Græcæ, *Scurrilitas* est vitium tale, quo quis modum excedit in ridiculis & ludicris, & sine respectu circumstantiarum nimis est in ludis & joci.

*Aristot.* tria *scurræ* tribuit, 1. Quod vincatur à ridiculo. 2. Quod nec sibi nec aliis parcat. 3. Quod ea dicat ac faciat, quæ homo liber nunquam dixerit aut fecerit, tantummodo ut risum moveat.

IX. *Rusticitas*, Græcis dicitur *ἀρρομία*, est illud vitium, quo quis nec joculari ipse potest, nec aliorum jocos perferre. Qui hoc laborant vitio, Græcis dicuntur *ἀρροίαι*, *agrestes, rustici*; homines ad omnem congressum inutiles, qui neque nuptiis, neque convivii, neque recreationibus, etiam cum licet, quicquam salis aut joci adspargunt, neque adspersi ab aliis patiuntur. Esse autem hoc vitium, *Aristoteles* sic demonstrat. Ille qui odio habet, quod humanæ vitæ perutile est ac necessarium, recenseri inter vitiosos & peccantes debet. Sed jocus ac ludus humanæ vitæ perutilis est ac necessarius. Ergo, qui ludum jocumque odio habent, inter vitiosos & peccantes recenseri debent. Notat insuper *Aristoteles* de hoc vitio tria. 1. Quod rusticus honeste & decorè joculari non possit, & nullam urbanitatis symbolam in medium conferre. 2. Quod aliorum facetias & sales perferre non possit, sed joci omnibus, etiam liberalibus offendatur. 3. Quod ad conversationem & vitam communem planè sit ineptus.

X. Quæri hic potest, sicuti fuit quaesitum de Virtutibus aliis, *Utrum extremorum ad Urbanitatem propius accedat?* Resp. Si utrumque extremum spectes simpliciter, videtur rusticitas minus mala, quam scurrilitas, & hæc longius recedere ab Urbanitate quàm illa: at si utraque sit aliis vitiis juncta, altera deterior est & melior altera, pro ratione circumstantiarum & vitiorum, quæ secum trahunt. Sed hæc omnia ex prudentia viri prudentis judicari debent.

## A N N E X A.

1. *Speſtacula & Acroamata*: per se non sunt mala, nec in se dammanda, ſejunctis vitiis concomitantibus.

2. *Nec ludi vel lusus ulli, ad animi corporisque reſectionem ſimpliciter inſtituti, per ſe ſunt mali aut in ſe damnandi, ſejunctis vitiis concomitantibus.*

3. *Ludus*

3. Ludus aleæ, per se atque ex natura sua, separatis separandis, non est illicitus, neque magis, quam alii quidam ludi, aut respectum dicit ad providentiam aliquam Dei particularem singulari modo consulendam, aut petitio peculiaris est divini testimonii, uti id demonstravit Thomas Gattakerus, Vir doctissimus &

pientissimus, Londinas concionator, in suis de fortibus tractatu Anglico, & Latina Antithesi D. Amelio & Voetio opposita.

4. Saltatio ad modulos, seu saltus sejunctis, non est illicita: nihil tamen illa facit pro hodiernis choreis: uti nec aleæ ludus simpliciter pro hodiernis aleatoribus.

## DISPUTATIONUM PRACTICARUM VIGESIMA-NONA,

DE

# JUSTITIA UNIVERSALI.

THESIS I.

Exposuerunt *Disp. preced.* Virtutum singularum naturas ex *Arist. Eth. ad Nicom. l. 3. & 4.* præter *Justitiam*, de qua ultimis *l. 4.* verbis acturum se monuerat, ac *l. 5.* agere statim incipit. Ejus laudes, ex origine, amplitudine, utilitate, & variis de ea testimoniis proponere, Rhetorica est magis quam *Philosophi*: nos ergo conserta methodo, post vocem, rem ipsam explicatam dabimus, si rationem ordinis primum exposuerimus. Postponitur ab *Aristotele* cæteris virtutibus *Justitia*, non quod dignitate iis sit inferior aut cedat, sed quia cæteris latius patet; est enim reliquarum quasi complexio, & ex iis quasi composita: at simplicia complexis & compositis sunt priora. Atque hinc *Justitia* supra alias virtutes excellentia potius est conspicua, quia bonum id est præstantius quod latius patet. Differt à cæteris, quas complectitur & sequitur, virtutibus, (a) quod harum actiones potissimum considerentur ratione agentis à quo proficiuntur & hominem maxime intra se perficiant; at *justitia* in exterioribus magis actionibus eum perficit, atque eas, quatenus erga alios exercendæ sunt, moderatur. Sed hæc ex sequentibus clariora evadent.

(a) Omnis virtus spectari potest, vel ratione possidentis, qui ea est præditus, quem perficit, & sic de virtutibus singulis actum fuit hæcenus; vel ratione aliorum, quorum bonum promo-

vemus virtutum intra nos contentarum exercitio, si quis enim fortiter pro patria pugnet, liberaliter egeno succurrat, tristitiam proximi honestis jocis ac facietis pellat, is sane aliorum promovet bonum; vel ratione magistratus ac Dei, virtutis unicuiqueque exercitium legibus præferentibus; hæc duobus modis posterioribus spectatæ virtutes, omnes & singulæ, simul sumptæ, vocantur *justitia* universalis, quia unicuique & proximo & Magistratui ac Deo datur suum; proximo, quia bonum illi confertur, quod ipsi debetur ex lege charitatis; Magistratui ac Deo, quia virtutes exercendo, obedientia præstat legibus à Magistratu ac Deo latis, quæ illis debetur.

II. *Justitia*, Græcis δικαιοσύνη, à δίκαιον, quod *Arist. l. 5. Eth. c. 4.* à δίκαιον dicitur, i. e. bifariam, divisam, quod æqualiter omnia dividat: Latinis vocatur *Grammaticis* nonnullis, quasi *visitatio*, quod vim sitat, alii, à σπένδει jure dici existimant, quia jus sitat. Philosophi *justitiam* à jure derivant, vel ut causa ejus vel ut effectio, vel ut subjecto: tribus fere distinctis modis circa jus occupatur *justitia*: (a) vel antecedenter, tanquam ejus causa, ut cum quis per habitum *justitiæ* jus alteri facit: vel subjective & essentialiter, quatenus *justitia* est ipsum jus, i. e. quatenus legislatoris *justitia*, est ipsius, subjecti sc. justii, voluntas, cuique suum tribuendi: vel consequenter, quatenus est effectus juris, in quantum secundum leges agendo quispiam habitum *justitiæ* sibi

sibi comparat : si primo spectetur modo justitia, nullum est dubium, quin *jus* descendat à *justitia* : si secundo modo, *neutrum* ab altero : si tertio modo, *justitia* à *jure* venit.

(a) Justitia est causa juris, quando per justitiam tanquam habitum alteri quis jus facit, & actum justitiae exercet ; justitia & jus idem sunt subiective, quatenus ambo sunt in subiecto justo, illudque denominant, sic idem sunt juris doctor, & justitia sacerdos ; justitia est effectum juris, quatenus quispiam jus & fas faciendo, id est, actionibus justis, justitiam acquirit ; potest etiam dici justitia à jure, tanquam ab objecto, quatenus illa circa jus faciendum occupatur, aut aliis juris praecepta explicat.

III. Justitia, non uno sed variis admodum sumitur modis : ac ne recenseamus (a) *justitiam Legalem* & *Evangelicam*, de qua utraque Theologi : apud *Philosophos* sumitur, vel *generaliter*, prout brutis & feris bestiis tribuitur, sicuti iis & aliarum virtutum nomina non *κατὰ* proprie, sed *κατὰ ὁμοιότητος* secundum similitudinem, interdum tribuuntur : vel *κατὰ γεννησιν*, & *αβυσσε*, pro æquali distributione prae dæ, qualem interdum in latronibus cernimus : vel *proprie* & *specialiter* pro Virtute, quæ in communi hominum societate ac vita cernitur, quam c. 1. l. 5. *Eth. ad Nic.* definit *Arist.* & de qua impræsentiarum disputamus.

(a) Justitia legalis est, quam exigit lex moralis, sc. obsequium perfectum, erga omnia sua praecepta ; quia adest promissio ; hoc fac & vires ; & comminatio, & maledictus omnis sit, qui, &c. hanc nullus unquam mortalium habuit ; de hac dicitur ad Rom. 3. *Nemo enim est justus, imò ne unus quidem* : justitia Evangelica est, quam exigit Evangelium, sc. quæ est objectum fidei in Christum, qua justificamur & iusti sumus, non in nobis, sed in ipso, unde vocatur justitia fidei, & ad Rom. 3. *lex fidei* : de hac dictum est, *Justus ex fide vivet*, &c., qui crediderit in me, sc. I. Christum, habebit vitam æternam, &c., qui non crediderit, condemnabitur.

IV. *Justitia est Arist. ἡ δὲ ἵσ' ἢς πρὸς πᾶσι τὸ δίκαιον εἶσι, & ἡ δίκαιοπραγία, & βέλονται πρὸς δίκαια. Habitūs, à quo idonei sunt ad res justas gerendas homines, & quo justia*

*agunt voluntate justa.* Quæ definitio genere constat & differentia. Genus est, *habitus*, non quidem proximum, quod virtus moralis, sed remotum : & hoc, aut per *Synecdochen* generis ponitur pro proximo, aut sufficit in definitione rerum moralium, quæ, *Aristot. l. 1. Ethic.* teste, exquisitam Doctrinæ subtilitatem non amant. Differentia desumpta est à tribus. 1. *ἀπὸ τῆς διανοίας, facultatis* : dicit enim *Aristoteles*, quod per justitiam homines idonei sint ad justas actiones, id est, quod facultatem & vim agendi habeant ea quæ sunt justa. 2. *ἀπὸ τῆς προθέσεως, actionis* : neque enim sufficit habere facultatem agendi ea quæ sunt justa, sed oportet etiam eam facultatem deducere in actum & agere quæ sunt justa : laus enim omnis virtutis in actione consistit. 3. *ἀπὸ τῆς βελότιως, volitionis* : addit enim *Philosophus*, quod per justitiam homines etiam volunt ea quæ sunt justa, id est, expetunt & eligunt constanti voluntate ea, quæ cum justitia conveniunt : Qui enim temere aut casu fortuito, aut ignorans, aut invitus, facit justum, is non potest ob justitiam laudari, sed qui volens facit. Et hinc orta est definitio *justitiæ* apud *Juriconsultos*, quod sit *constans & perpetua voluntas jus suum cuique tribuendi*, quam definitionem cum *Thoma Aquino*. *Picolomineus* in totum rejicit, *Cassius* in speculo morali, licet ea verbis discrepet, re tamen & sensu cum *Aristotelica* convenire asserit. Nos, si ad exactæ definitionis libellam expendatur, uti fatemur non esse accuratissimam, quia non debet animi facultas confundi, cum habitu, ita tolerari posse asserimus, cum aliquo benigne interpretationis temperamento sumatur, & metonymicè, metonymia subiecti, per *Voluntatem* intelligatur *habitus volendi* : Quid enim est constans & perpetua voluntas, quam habitus confirmatus, quo volumus unicuique suum, id est, quod secundum leges justitiæ debetur, tribuere ? Ac de ejus definitione sano sensu latius videri possunt *Juriconsulti* ad initium *Institutionum* : Qui etiam disputant, an hæc definitio divini justitiæ an humane conveniat ? Qui pro divina pugnant, in hominem a se non cadere voluntatem tam constantem : sunt contra est, quod definiatur *justitia, volun-*

*tas &c. ius suum cuique tribuendi*: Deus autem nulli quicquam debet, quis enim Deo dedit prior? Quod dicitur in hominem non cadere perpetua & constans voluntas, si intelligitur quoad habitum, intentionem, propositum, actum primum, falsum est; si quoad actum secundum, verum est, sed hoc non requiritur: neque enim statim injustus est dicendus, qui nonnunquam à justitiæ semita aberrat: ex effectu enim potius quam effectu iustus estimari quis debet: (a) & distinguitur inter speciem & individuum, inter definitionem justitiæ in idea & individuo, inter essentiam & existentiam: definitur Justitia, non quatenus est in hoc vel illo individuo, sed qualis esse debet; licet ergo non cadat in omne individuum, cadit tamen in speciem. *Perpetua & constans voluntas* est justitia, ratione essentiae, non existentiae: ut enim omnium rerum essentia, ita etiam justitiæ, est constans, perpetua, & immutabilis: diciturque talis, quatenus habitus animi in homine quod nihil vult, nihil ordinat, eligit, nisi quod sit perpetuum & semper consistet.

(a) Justitia spectatur in specie, quatenus est virtus hominis; homo enim apud Logicos species est, cuius proprium est justitia, quia soli convenit homini, non bruto; non autem est proprietas individi, quia non uni alicui homini singulari, puta Petro, soli convenit justitia: plures enim individi homines, quam Petrus, justitia sunt præditi: ideoque, hæc in individuo definiri non potest, sed in specie, quæ definitio, dicitur esse, justitiæ, in idea, quia repræsentat definiendo omnem justitiam, quæ est in hominibus singularibus iustis, Petro, Paulo, Johanne, &c. &, quia definitio omnis explicat essentiam rei, abstractitque ab existentia, dicitur justitia, cum definitur, spectari ratione essentiae, non ratione existentie, quemadmodum rosa quoque, tempore hyberno, quo non existit, definiri potest quoad essentiam, quod sit flos, &c.

V. *Aristoteles l. 5. Eth. c. 1.* justitiæ definitioni subjicit ejus *divisionem*, quam tamen antequam ponat, *tres* præmittit *communes actiones*. *Prima* est, quod sit discernendum inter habitus, facultates, & scientias. *Habitus* non sunt contrariorum, ut à sanitate tantum sana sunt, à fortitudine fortia, à justitia iusta. *Scientiæ* & facultates sunt contrariorum, ut

Intellectus versatur circa vera & falsa, Voluntas circa mala & bona, Jurisprudencia circa iusta & injusta, Medicina circa salubria & insalubria. Verum enim verò, & virtutum habitus in bonis prosequendis & malis fugiendis occupari, certum est, (a) ubi omnino est contrarietas quadam & obsectorum & actionum circa objecta *Secunda*. est quod habitus cognoscantur, vel è contrariis, vel ex subjectis & efficientibus. Si constet, quibus in rebus sit sita & quibus causis paretur *Legia bona* valetudo, non potest ignorari *Legia mala* valetudo. *Tertia* est, si unum contrariorum dicatur *in omni* ambigue & alterum dicitur, juxta *lib. 1. Top.* Atque ex hac tertiâ commonefactione deducit *divisionem justitiæ Aristot.* tali fere modo. Ea, quæ sunt homonyma seu æquivoca, dividi possunt. Omne enim vocabulum æquivocum seu homonymum dividi potest in sua significata. At vocabulum hoc (*justitia*) est ambiguum. Ergo. *Prob. min.* Si vocabulum (*justitia*) sit ambiguum, ergo & oppositum (*injustitia*.) Sed &c. Ergo &c. *Prob. min.* quia injustum est ambiguum. At si unum conjugatorum est ambiguum, ergo & alterum, juxta *Aristotelem lib. 1. Top. circa finem.* *Injustus* autem dicitur quis duobus modis: vel *generatim* seu *universaliter*, qui legem est transgressor, seu qui peccat contra aliquam legem, unde Peccatum definitur *avouia*, illegalitas, transgressio, & Lat. dicitur injustitia, *Bel. Ongerechtigheyt*, ei non tribuendo istam obedientiam quam debet, *iniquus* vel *speciatim & particulariter*, qui inequalis est distributor & commutator bonorum externorum, & uni plus, alteri minus, quam debet, largiendo, *iniquus* & *iniquus*, *plura possidens quam ipsi debentur*: eodem modo & *justus* dicitur, *universaliter*, qui legem est obviens, *iniquus*, vel *particulariter*, qui est æquus & æqualis in distributione & commutatione bonorum, largiendo unicuique suum ac quantum debetur, *iniquus*. Ex hac duplici significatione iusti & injusti, duplex quoque colligitur *justitia & injustitia*, *Universalis & Particularis*. *Universalis* est obedientia erga omnes leges, & dicitur *Universalis*, quia complectitur sub se omnes virtutes,

tes, de quibus leges universaliter præcipiunt: dicitur & *legalis*, quia ad hanc pertinet, ut leges æque & condantur & obliventur: & *generalis*, quia bonum Reip. & commune ac generale spectat. Nam cum quis ex virtute agit, procuratur Reip. tranquillitas ac salus; ideoque vir bonus fit & civis bonus. Ab *Arist.* appellatur *νόμιμος* & *δικαιοσύνη*. *Particularis* iustitia est virtus, quæ servat justam æqualitatem in distributione & commutatione bonorum externorum: dicitur *particularis*, quia spectatur iusta vel distributio vel commutatio bonorum respectu hominis particularis, erga quam exercetur atque instituitur: vocatur ab *Aristotele* *ισότης*. *Universalis* iniustitia est transgressio quarumcunque legum, *παρανομία*, & *ἀνεπείθεια*, & *ἀδίκεια*, Græcis. *Particularis* iniustitia est inæqualitas, in commutandis bonis aut distribuendis privato, *ἀνὸρτης*, Græce.

(a) Omnis virtutis objectum est tum bonum tum malum, ejusque Actus omnis est prosequi vel fugere: at bonum & malum, sunt contraria, item prosequi & fugere.

VI. Sunt qui hanc *Iustitiæ* divisionem in *Universalem* & *Particularem* plane carpant & rejiciant, quia membra dividentia ita debeant esse inter se affecta ut neutrum alteri includatur male enim agit, qui animal dividit in hominem & Petrum, quia Petrum homo complectitur. Sed 1. non est divisio rei sed vocis: atqui hic potest significatio specialis contineri sub generali & tamen divisio rectè institui. 2. neque hæc ergo divisio fuerit bona, cum magnitudo dividitur in lineam & lineatum, seu in lineam, superficiem, & corpus, quia linea in lineato, in superficie, & corpore, continetur: nec corpus dividi poterit naturaliter, in simplex & mixtum; quia simplex in mixto continetur: & notandum, quod membra opposita se invicem non includant formaliter, i. e. secundum definitiones suas: quod neque hic fit: Nam significatio generalis *Iustitiæ Universalis*, non est eadem cum significatione speciali *Iustitiæ Particularis*, quod ex *th. s. liquet*. At materialiter, i. e. reverà, se includere possunt, uti hic fit. Quia iustus *Iustitiæ Particularis*, est & iustus *Iustitiæ Universalis*.

*sali*: vid. *Disp. seq.* Sed de *Iustitia universalis* paulo pluribus agamus, *Particulari* in disputationem aliam rejecta.

VII. *Iustitia Universalis*, est obedientia erga (a) leges honestas, quæ & publicam spectant & privatam utilitatem: Definitur quoque *Aristoteli* in *textu*, ἀρετὴ πρὸς τὰς ἀρετὰς, Virtus perfecta ad alium. Virtus perfecta, quia non est μέρος ἀρετῆς ἀλλ' ὅλη ἡ ἀρετὴ, pars virtutis sed tota virtus, id est, omnis & quælibet virtus, seu virtutum omnium complexio, juxta vericulum *Theognidis Aristoteli* citatum: Ἐν ἡ δὲ δικαιοσύνη συνάλλει ὅλην πᾶσαν ἀρετὴν ἐν. *Iustitia* in sese virtutem continet omnem: 1. quia *χρησις* usus est perfectæ virtutis, quæ semper plurius est facienda, quam *κτῆσις*, possessio. 2. quia virtutis cujusque usus est erga alios, qui longe est difficilius quam erga seipsum: quia quisque seipsum magis amat quam proximum: sunt enim multi qui suis in rebus uti possunt virtute sed non possunt alienis. (b) Est verò virtus ad alium, quia iustitia est bonum *ἡμετέριον* & *ἀλλοτρίον*, communicativum & alienum, non sibi sed aliis consulens, foras spectat & totam se ad alienas utilitates porrigit atque explicat *Iustitia Universalis*. Unde vulgo reliquarum virtutum dominia audit ac regina.

(a) Leges honestæ dicuntur, quæ cum rectâ ratione conveniunt.

(b) Dicitur *Iustitia universalis*, virtus ad alium, quia, cum obsequium præstatur legibus, tribuitur legislatori, quod suum est, procuratur Reip. & proximorum bonum, nam tum bene agitur in Repub. & cum proximo, quando subito unumquodque dat Cæsari, quod Cæsaris est, & Deo, quod Dei est, i. e. cum singuli obsequuntur legibus divinis, & humanis, tum enim nulla fit injuria, aut Deo, aut Reip. aut proximo: & ideo dicitur *Iustitia* virtus ad alium, quia obsequendo legibus tribuimus Deo, Reipub. & proximo quod suum est.

VIII. Ex hisce patet, (a) *Quomodo differat iustitia universalis & virtus simpliciter*, sc. non re sed ratione. Virtus enim omnis, non nude & in se, sed in usu & exercitio ad alios, spectata, dicitur *Iustitia universalis*: ut vir-



tus, refertur ad habentem, quem perficit, ut *justitia*, dicitur respectu aliorum quibus intervitt, ita ut unus idemque sit habitus, & *virtus moralis*, & *justitia universalis*, qui tamen habitus, quia τὸ εἶναι ἐκ τῆς τοῦ ἀνθρώπου ἀρετῆς ἐκείνης, ἀποφύσσεται, subintell. ἴσθι. Ubi observandum est, cum *Philosophus* in textu dixit, *Justitia*. Universalem & virtutem moralem differre τὸ εἶναι, non intelligi distinctionem realem, aut quod tota essentia differant, sed intelligitur per τὸ εἶναι modus essendi: i. e. *Modus essentiae* aut etiam *existentiae* non est idem: τὸ εἶναι, i. e. λόγος τῆς εἶναι, non est idem: at λόγος τῆς εἶναι diversus, non intert reale aut essentiale discrimen, sed quod vocant Scholastici *formale tantum*, aut *rationis*, ut loquuntur barbare *rationinatae*.

(a) Quaestio agitari solet, an *justitia* universalis sit *Virtus* peculiaris, non tantum numero, sed specie distincta à virtutibus aliis, quemadmodum fortitudo, temperantia, liberalitas, specie distinguuntur, & numero inter se? Resp. nullo modo, quia unius ejusdemque rei respectus variis non mutant speciem, neque enim novae relationes novas inducunt species: sed *justitia* universalis nihil aliud significat, quam novum respectum, aut relationem novam, omnium & singularum virtutum inter se specie distinctarum, vel ad proximum, vel ad Rempublicam, vel ad Deum: in quantum enim fortitudo exercitia, proximi bona, vitam, quin & Reipublicae tranquillitatem, defendit ab injuriis hostium, & sic utriusque bonum promovet, atque in agendo obedientiam praestat Magistratui ac Deo, id agere jubenti, in tantum dicitur *justitia*, & non fortitudo, nam sic dicitur respectu ipsius fortis in quo est, quam ut possidentem perficit; at vero quia vir fortis tenetur, ut etiam, omnis alius quacunque alia virtute praestans, bonum proximi & Reipublicae promovere, obsequium Magistratui & Deo praestare, id cum facit quia unicuique suum tribuit illo respectu non fortis sed iustus dicitur, & quae virtus respectu possidentis dicebatur fortitudo, relata ad alios quam possidentem, nunc vocatur *justitia*; & quia unaquaeque virtus, temperantia, liberalitas, &c. hanc relationem notat ad proximum, Rempublicam, Magistratum ac Deum, considerata omnes & singula dicuntur *justitia*: & hinc est, quod *justitia* haec dicatur universalis, & in sese continere ac complecti virtutes omnes, quia omnes in exercitio positae suum usum praestant, aliis praeter possiden-

tem, cuius bonum promovetur, quatenus cum ornant ac perficiunt, ut subiectum in quo sunt. Hinc liquet inter *justitiam* universalem, & quamlibet aliam virtutem peculiarem, non intercedere discrimen specificum, aut reale, aut essentiale, sed tantum distinctionem formalem, aut rationis ratiocinatae, quae habet fundamentum in unius ejusdemque rei diversis respectibus, secundum quos illa una res & diversa accipit nomina, diversaeque definitiones, uti hic: *virtus*, vocatur circa metum & audaciam, vocatur fortitudo respectu possidentis, & *justitia* dicitur illa ipsa respectu aliorum, & alio modo definitur ut *justitia*, alio modo ut fortitudo; ac quia definitio dicitur Aristoteli λόγος τῆς εἶναι, i. e. ratio essentiae, fit, ut quae definitione differunt, differant & dicantur Aristoteli differre ὡς εἶναι, i. e. quoad esse, seu essentiam: non tamen hinc inferendum est, ea, quae differunt definitione, differre realiter, quia το εἶναι, sive esse sive essentia, hic significat modum essendi, qui diversus esse potest, & diversas inducere definitiones, etiam si ipsa res definita aut essentia ejus non sit diversa.

(b) λόγος τῆς εἶναι, seu Ratio essendi, dicitur definitio, quia haec explicat quanam sit rei definitae essentia: definitio vero diversa semper non intert distinctionem realem, & falsum est Axioma vulgare; Quae differunt definitione, differunt realiter, nam Actio & Passio differunt definitione, non tamen realiter, unus enim idemque motus est, & quo ignis calefacit, quae est Actio, & quo aqua calefit, quae est Passio; sic acclive & declive differunt definitione, non tamen realiter, nam unum idemque spatium est acclive & declive, sed respectu diverso: unde diversitas definitionum intert quidem diversitatem respectuum, sed non rerum: sic hic Ratio essentiae, seu definitio *Justitiae* universalis, alia est cum spectatur respectu possidentis, viri iusti, quem perficit, & alia cum spectatur respectu alterius, vel Dei, vel Reipubl. vel proximi: priori modo est, dicitur ac definitur, ἡ ἀρετὴ simpliciter, posteriori modo, ut *justitia*, ideoque *justitia* universalis & *virtus simpliciter*, non differunt realiter, tanquam duo habitus, sed Ratione tantum ratiocinata, quia unus idemque habitus est, qui respectu possidentis vocatur *Virtus*, & respectu alterius *Justitia*.

IX. *Aristotelem*, cui sacramentum dixere hic deserunt *Thomas* 2. 2. quæst. 58. art. 6. & omnes *Thomistae*, qui *justitiam* legalem certam faciunt & distinctam ab aliis virtutibus virtutis speciem, & Universalem vocari dicunt,



eunt, quia cæteras virtutes ordinet ad suum finem: itaque ipsis dicitur Universalis Justitia, non ratione esse sui, aut quod ejus essentia tam late pateat quam virtutis ipsius, sed ratione efficacie tantum, quia doceat reliquarum virtutum actus ad publicum & communem bonum referre, sicut Charitas specialis est virtus, sed generalis dici potest, quatenus aliarum virtutum actus ordinat ad suum finem: Charitas enim patiens est, benigna est, omnia suffert, omnia credit, omnia sperat. Verum hæc *Thomæ & Thomistarum* opinio directè adversa est *Aristoteli*, quem alias ita sectantur ut ne latum unguem ab eo recedere aufint. Ponam paulo latius verba ultima *c. 1. l. Ethic. ad Nicom.* τί ὁ ἀρετῆς ἡ ἀρετὴ τοῦ ἡμετέρου αὐτοῦ, δῆλον ἐκ τῶ ἐξουδυνῶν, ἐστὶ μὲν ὅτι ἡ αὐτοῦ. τὸ δὲ εἶναι ἡ μὲν τοῦ αὐτοῦ· ἀλλ' ἡ μὲν ἀρετὴ τοῦ δικαιοσύνης, ἡ δὲ τοιαύτη ἔχει ἀπορίας ἀρετῆς. Quid vero virtus & justitia hæc differat, ex dictis patet: N.B. eadem est: esse tamen non est idem: sed quatenus ad alterum spectat, justitia, quatenus talis est habitus, virtus simpliciter est. Ad quem locum videatur *Donatus Acciaiolus* in *Commentario*. Quod verò τὸ εἶναι differre significet rationis tantum aut formalis distinctionem, id apparet ex *5. Phys. t. 46. 1. de generat. t. 4. 1. 6. Eth. 72. &c.*

X. *Justitiæ Universalis* opponitur *Injustitia Universalis*, quæ non est pars malitiæ, sed tota malitia, & illa quidem ad alios rela-

ta. seu, est *legum omnium, divinarum, naturalium, humanarum, ac civilium, transgressio*, (a) sive fiat omitendo sive committendo. Verum, ex dictis *Justitia Universalis*, hæc *Injustitia Universalis* satis innote- scit: & quæ hæc faciunt, sequens de jure dis- putatio exponet.

(a) Hinc orta est distinctio peccatorum omissionis & commissionis; peccata omissionis committuntur contra præcepta legis cujuscunque positi- va, seu affirmata, ut contra præceptum 4. & 5. legis moralis: sed peccata commissionis, sunt contra præcepta legum negativa, ut con- tra præceptum 6. 7. 8. &c. Notandum autem est peccatum omissionis & commissionis res- pectu actus externi & imperati, nam nullum datur peccatum omissionis, quin habeat semper actum sibi comitem positivum, sed internum atque elicited intellectus practici & volunta- tis, nemo enim omittit sanctificare sabba- tum, aut precari Deum, nisi, quia vult id non facere, & vult quia judicat non facien- dum.

## ANNEXA DE JUSTITIA UNIVERSALI.

1. An quis possit esse erga seipsum justus? A.
2. An quis possit in seipsum esse injustus? A.
3. An pugnet inter se jus strictum & equi- tas? Utrumlibet cum dist.
4. An summum jus sit summa injuria? U- trumlibet cum dist.
5. An ex jure scripto, an ex equitate, sit judicandum? A. Prius.

## DISPUTATIONUM PRACTICARUM TRIGESIMA,

DE

# JUSTITIA PARTICULARI.

## THESIS I.

*Justitiam* divisit *Disputatio* præcedens in *Universalem & Particularem*, th. 5. at- que *Universalem* exposuit th. 6. & seqq. *Particularem* hæc *impraesentiarum* exponet *Disputatio*, quæ hæc tria ordine explicabit,

An sit *Justitia* quedam particularis distincta ab *Universali*? Quid sit? Quotuplex sit?

II. Dari *justitiam Particularem*, ab *Uni- versali* diversam, c. 2. l. 5. *Eth. ad Nicom.* tri- bus probat rationibus *Aristoteles*. §. 1. Natur

Ggggg 3

injustitia

injustitia particularis, diversa ab universali injustitia: ergo etiam dari debet justitia particularis, diversa ab universali, quia habitus ex contrariis optimè cognoscuntur, contrariorumque habituum eadem est ratio, nam contraria sunt contrariorum consequentia. Sed verum est prius. Ergo & posterius. *Prob. Min.* Hæc duo; *παρνομία*, legum transgressio, quæ pertinet ad universalem injustitiam, ut c. 1. l. 5. *Eth.* docet *Aristot.* & *πλεονεξία*, quæ pertinet ad particularem injustitiam, *Aristot.* l. 5. *Eth.* c. 2. sunt inter se diversa, imò in tantum inter se diversa, ut altera, sc. *παρνομία*, separari possit ab altera, sc. *πλεονεξία*: nam qui (sunt verba *Arist.* cap. cit.) *χλυσεν ἀλκίον* ob ignaviam, qui maledicit ob asperitatem, qui non auxiliatur proximo per illiberalitatem, injuste quidem agit, peccatque injustitiâ universali seu legali, estque *παρνομός*, alicujus legis transgressor, sed non est *πλεονεξής*, neque injustè agit injustitiâ particulari, quia, nec plus sibi sumit, nec plus sibi retinet, ex bonis alienis, quam est æquum. Dum itaque *παρνομία* sit alia à *πλεονεξία*, injustitia universalis diversa ab injustitia particulari, quod est demonstratum, oportet, ex lege contrariorum, & justitiam universalem esse distinctam à particulari, & vice versa, quod erat demonstrandum. §. 2. Si injustitia universalis esset eadem cum particulari, tum omnes, qui injustè agerent, propter eandem causam, eundemque finem, & eodem modo, dicendi essent injusti. Posterius est absurdum. Ergo & prius. *Minor prob. verbis Arist.* Si quis questus causâ adulteretur & plus accipiat, alius largiatur & damno afficiatur ob cupiditatem, hic quidem intemperans est propriè, & injustus injustitiâ universali, ille injustus propriè & particulari injustitiâ. Mens *Philosophi* innitens axiomati recepto, quod habitus ex fine distinguantur, hæc est. Potest quis adulterii crimen committere, tanquam questum ex adulterio faciens, & eo questu ad turpitudinem ductus: alius verò, solâ libidine incitatus, nulloque pertractus lucro, imò damnum potius ac jacturam rei facultatumque & pecuniæ faciens. Prior non est libidinosus, sive intemperans, quia adulterium non commisit ut libidini satisfaceret,

sed est injustus, quia propter lucrum commisit, quod, vel ex adulterio tulit, vel per fraudem ac vim, dum adulteram auro inundo ve spoliavit, vel alio quovis modo, sibi fecit: contra, posterior verè libidinosus est, non injustus, quia solius libidinis causâ, ut eam expleret, adulterio sese contaminavit. §. 3. Si *πλεονεξία*, particularis injustitia, esset eadem cum *παρνομία*, legum transgressione, injustitiâ universali, posset *πλεονεξία* quoque referri ad reliqua vitia moralia, ut *παρνομία*. Sed *πλεονεξία* non potest, &c. *Min prob.* Quia absurdum est dicere, ut, qui contra aliquam virtutem, puta fortitudinem aut temperantiam, peccat, is sit *πλεονεξής* at non absurdum, cum dicere *παρνομός*. Si quis proxime stantem in acie deseruerit, peccat contra legalem (a) justitiam, quia ignavus est; at ignavia legibus vetatur. Si quis alium verberaverit, iterum contra legalem delinquit justitiam, quia tale opus iræ adscribitur. At ignavus aut iracundus non dicitur *πλεονεξής*, sed sic dicitur, qui questum fecit iniquum: & hæc vitiositas ad nullum aliud lege prohibitum referri potest, quam ad injuliam & quidem particularem. Hæc sunt tria *Aristotelis* argumenta de *Injustitiâ*, quæ à contrario de *Justitiâ* intelligi debent. Et sic conclusio facile liquet, Dari justitiam particularem distinctam à justitia universali.

(a) Accipitur hoc loco aliter phrasis hæc (*legalis injustitia*) quam th. 3. diff. 29. ubi legalis justitia dicitur quam exigit lex moralis diciturque vulgo *Justitia legum*, per quam nemo justificari potest, opponiturque *Justitia Evangelica*, seu fidei, per quam omnes, qui in Christum credunt, justificantur: hic vero sumitur *Justitia legalis* pro obedientia, præstanda legibus omnibus & singulis, quæ virtutem hanc, aut illam præcipiunt sectandam, & hoc aut illud vitium præscribunt vitandum; atque respicit legem, non moralem, sed naturæ.

III. Quid sit Justitia particularis, *Aristoteles* cap. 2. cit. l. 5. *Ethicæ* explicat, institutâ comparatione inter Universalem & Particularem justitiam. Summa comparationis in eo consistit: Quod justitia universalis sese habeat ad particularem, ut totum ad partem: quod iterum *Philosophus* ostendit à contrario ab injustitiâ: Nam injustitia universalis, i. e. inobedientia,

bedientia, est quasi totum, quia complectitur sub sese omnia, quæ sunt *πασι*, contra legem, omnia injuste facta, quocunque aliis nomine soleant appellari: particularis autem injustitia non dicitur de omni injuste facto, sed tantum de iniqua bonorum externorum distributione aut commutatione, in qua non est servata justa æqualitas, pro ratione, dignitate, æstimatione, tam personarum, quam rerum, quæ inter se, vel distribuuntur, vel commutantur: ita ut una pars plus habeat, quam ei debetur, quod solet vocari *lucrum*; altera minus habeat quam ei debetur, quod solet vocari *damnum*: omne enim plus boni & minus mali, *lucrum* est; & omne plus mali & minus boni, *damnum* est: ubicunque autem est plus vel minus luri vel damni, in distributione & commutatione rerum, ibi est *ἀδικία*, inæqualitas, deoque est injustitia. Atque, eodem modo, sese habet Justitia universalis ad particularem, quemadmodum totum ad partem: nam justitia universalis dicitur de omnibus actionibus, quæ legibus & virtutibus sunt consentaneæ: justitia verò particularis dicitur tantum de justa & æquali bonorum vel malorum externorum distributione & commutatione; in quâ servatur ejusmodi æqualitas, ut neutra pars possit dici habere vel plus vel minus, quam ei debetur. (a) Atque ex hijs liquet, *Universalem* justitiam, *totius* & *quasi generis*; *Particularem* partis & *quasi speciei*, habere naturam: nam in bonâ consequentiâ dicere possumus: omne justum particulare, quod ab *Aristotele* dicitur *ἰσὺν*, est etiam justum universale, quod vocatur *ὁμοιότης*, quia est legibus mandatum; sed non vice versa: non omne *ὁμοιότης*, legale, est *ἰσὺν*, æquale, quia qui temperanter vivit, is quidem servat legem de temperanter vivendo, & sic est justus Justitia legali, sed non statim est justus Justitia particulari, quia vir temperans potest plus sibi sumere & minus alteri dare quam debet.

(a) Quia justitia universalis omnes in sese continet virtutes, quatenus est obedientia præstita legibus, quæ de omnium & singularum virtutum exercitio præcipiunt, recte dicitur totum, & omnes & singulæ virtutes, quia, quatenus legibus præscriptæ exercentur, vocantur justitia universalis, recte dicuntur ejus partes; conse-

quenter, cum justitia particularis quoque præcipiatur legibus, quæ præscribunt esse servandam æqualitatem in distribuendis aut conferendis bonis fortunæ, honoribus ac pecuniis, pro meritis in Republicam; aut valore rerum commutataram, & illa quoque sub justitia universalis, ut pars sub toto contineri dicitur, quia, cum exercetur obsequium præstatum legibus de illa exercenda latis, & sic dicitur non justitia particularis, sed universalis; ideoque omnis, qui justus est justitia particulari etiam justus est justitia universalis, sed non vice versa; nam qui fortis est ipso actu, quia id præstat, quod leges jubent, justus recte dicitur justitia universalis, sed nullo modo potest dici, in quantum fortiter agit, justus justitia particulari, quia fortiter agendo non versatur circa bona fortunæ, honores, divitias, &c. vel distribuenda, vel commutanda.

IV. Quæ ex *Arist. Eth. l. 5. c. 2.* jam differuimus, ea naturam *Justitiæ particularis* sic satis manifestam faciunt, sufficiensque ad aliquam ejus definitionem conficiendam, quam *Arist.* nuppiam adsignat; sed ea ex ipso & *Thom. Aquin. 2. 2. quæst. 58.* sic institui potest. *Justitia particularis est virtus moralis, quæ in rerum externarum distributione & commutatione mediocritatem servat, ut nec de bonis plus sibi quisque vendicat & minus alteri relinquit, nec de malis minus sibi imponat & plus alteri attribuat, quam par est, & æquum, & jure debetur.* Hæc definitio præter Genus debitum, *Objectum* ponit genuinum, & rationem mediocritatis (quæ in justitia particulari teneri debet) tanquam ejus *Formam*. Genus, est Virtus moralis. *Objectum*, sunt res externæ; sive fuerint in bonis, ut honores, pecuniæ, lucrum, &c. sive in malis, ut pœnæ, onera, damnum, &c. Uno verbo, quæcunque inter homines distribui ita possunt, aut commutari, ut distributio illa vel commutatio aliquam æqualitatem vel inæqualitatem efficiat vel recipiat. *Forma* est Mediocritas, sed non ejusmodi, in justitia commutante, sc. cujusmodi est reliquarum Virtutum, quod ipse docet *Philosophus Eth. ad Nicom. l. 5. c. 9.* Etenim cum virtutes reliquæ, inter duo extrema vitia, duasque vitiosas actiones distinctas, sint interpositæ, quarum una simpliciter à medio deficit, altera medium supergreditur atque excedit; justitia contrā ab ejusmodi extremis cingitur, quomodo

rum utrumque in uno eodemque actu reperitur ac concurrunt: atque hæc duo extrema, sunt plus & minus, quæ ambo simul in una & eadem actione sunt, ideoque unum tantum constituunt vitium, quod uno quoque nomine *injustitiam* vocamus. V. C. Qui alterum defraudat, unâ & eadem actione, modum excedit ac deficit: excedit, quia plus sibi sumit quam debet; deficit, quia minus alteri relinquit quam debebatur ei: non sic sese res habet in virtutibus aliis. V. C. in Fortitudine; temere omnia audere, excessus est; nihil audere, defectus: at hæc duo simul in unâ actione reperiri nequeunt: & hinc est, quod excessus & defectus, in reliquis virtutibus duo vitia gignant, in justitiâ particulari non item. (a) Deinde, cum reliquæ virtutes in medio rationis tantum consistant, justitiâ particularis, quadam saltem, sc. commutans, in medio insuper rei est posita. Quod satis bene explicatur ab *Aquin.* in *sum. loc. cit.* & ejus *Commentatoribus*. Nos rem exemplo illustrabimus. Temperantiæ medium in eo est positum, ut pro respectu honestatis, valetudinis personarum, loci, ac temporis, tantum quise dat ac bibat, quantum recta ratio, ceu judex atque arbitra, dicat; quod medium, pro respectu illarum circumstantiarum, multis modis variari potest, unde varium à ratione constituitur: at medium justitiæ non ex ejusmodi rationis arbitrio varioque pendet dictamine, sed ex ipsius rei (in qua est vel æqualitas vel inæqualitas) naturâ assumitur. V. C. Si quis domum alienam ad se transferre emtione cogitet, oportet secundum medium justitiæ tantum pretii exolvat, quantum domus meretur: neque tamen existimandum est, hoc medium rei esse contrarium rationi aut minus consonum; nam, simulatque æqualitas rerum commutandarum in medio est posita, statim ea rationis mediocritati consentit, & quod est medium rei, simul fit medium rationis, quia ratio dicat, arbitratur, nihilque aliud judicat, quàm ut rebus ipsis commutandis, pretium æquetur.

(a) Omnis Virtus consistit in medio rationis, quod assignatur à prudentia viri prudentis, post expensas omnes circumstantias morales: Justitia

Commutatans præter medium rationis insuper exigit medium rei, quod in aliis virtutibus non requiritur: hoc tamen medium rei in Justitiâ Commutante à medio rationis circa eandem non differt; Ratio enim ipsa indicat medium rei, i. e. omnimodam Æqualitatem servandam esse, inter personas, circumstantias, & res commutatas; sed medium Rationis in Virtutibus aliis multis modis variatur pro variatis circumstantiis moralibus, ideoque non est omni modo æquale, aut semper unum & idem.

V. Definitionem Justitiæ Particularis excipit ejus *Divisio*, quæ ex definitione allatâ institui potest hæc. *Justitia particularis* est vel *Distributiva*, vel *Commutans* seu *Corrigens*. Vulgo dicunt eam esse, vel *Distributivam*, vel *Commutativam* sive *Corrèctivam*. Atque hanc divisionem ipse ponit *Aristoteles* in fine cap. 2. l. 5. *Eth. ad Nicom.* Ejus, inquit, quæ secundum partem est, *Justitiæ*, una quidem est species, quæ in distributionibus honoris, vel pecuniæ, vel aliarum rerum, quotquot dividi possunt iis, qui participes sunt ejusdem Reipublicæ, versatur; altera, quæ in contractibus est, emendatrix: hujus vero partes sunt due, nam ex contractibus, alii sunt *Voluntarii*, alii *Involuntarii*, &c. Vid. *Arist.* (a) *Justitia*, alia *Διανοητική*, *Distributrix*, alia *ἐννομοτική*, *Commutatrix*, sive *διορθωτική*, *Corrèctrix*, quia corrigit inæqualitatem inter lucrum & damnum. Primam ait *Philosophus* versari in partitione (b) ac distributione aliarum rerum communium; sive bonarum, ut honorum, pecuniæ, Magistratuum; sive malarum, ut laboris, vigiliarum, sumptuum, vœtigalium, contributionum, aliorumque incommodorum, quorum oportet esse participes, qui ejusdem Reip. communionem sunt juncti. Atque hoc *justitiæ distributivæ* officium esse probat *Philosophus*. Quia, inquit, in his contingit & inæquale habere & æquale aliis ab aliis. Quasi dicat. Ubi æqualitas invenitur & inæqualitas unius hominis comparati ad alterum, ibi oportet esse ac versari justitiâ peculiarem, quæ proprium æqualitatis medium investiget ac definiat. Sed in distributione honorum, præmiorum, aliorumque honorum, & ex opposito, malorum communium, inter eos, qui ejusdem Civitatis Reique publicæ sunt participes, & æqualitas esse

esse potest & inaequalitas. Ergo in ista distributione versari oportet aliquam iustitiam peculiarem. Eam distribuentem vocamus ex *Philosopho*. Alteram Iustitiae Particularis speciem dicit occupari in reum commutationibus & contractibus, quorum vi, ex ditione & potestate, vel unius hominis, sc. privati, vel Reip. quae tum unius partis ac privati vicem tenet, aliquid transfertur in alterum privatum, aut quoad dominium seu possessionem, aut quoad usum; ut fieri cernimus in emptione, venditione, locatione, conductione, commodato, mutuo, similibusve pactis & conventis, quae *συμβαλλήματα* Graece vocat *Aristoteles*, eaque dicit esse, τὰ μὲν ἰσότης, τὰ δὲ ἀνίστη, haec spontanea, illa invita. In utriusque est occupata iustitia commutans, & eodem modo: unde non novae sunt species iustitiae commutantis, quorum altera circa contractus voluntarios, altera circa involuntarios versetur, sed ejusdem Iustitiae commutantis partes duae; nam in commutationibus, tum voluntariis, tum involuntariis, una & eadem plane est ratio debiti, unus idemque modus res ad aequalitatem redigendi, una quoque formalis ratio est iustitiae; interim, ratione materiae circa quam, aut objecti, aliqua est diversitas: nam in voluntariis commerciis tantum res compensatur: at in involuntariis commutationibus, damnum pariter & offensa: quod clarius patebit, si, quoniam dicantur *συμβαλλήματα*, & quae sint *ἐκ δόξης*, quoniam *ἀκρίβειαν* uberius exponamus.

(a) Iustitia Distribuens versatur circa bona & mala, quae à Magistratu distribui debent Subditis pro ratione, conditione, statu, dignitate, opibus, meritis, vel demeritis eorum in Remp. & servat mediocritatem rationis tantum; Iustitia Commutans exercetur à privato in privatum aut à Magistratu in quantum habet rationem privati in subditos ut privatos, versaturque inter bona & mala, ex reum Commutatione privatis advenientia, nulla habita ratione status, conditionis, dignitatis, divitiarum, meritum & demeritum in Remp. servatque medium Rei: plus boni, sive publici, sive privati, collatum alicui, quam debet, vocatur Lucrum; plus mali alicui

illatum, quam debet vocatur Damnum: sic cum praeda aliqua à Magistratu distribuenda est in Subditos, aut premium inter eos dividendum, si quis subditorum plus praede vel praemii reportet quam est meritis, is lucrum facit, si quis minus referat, is damnum patitur: ut vero hic servetur medicorum, ratio expendit merita singulorum, & unicuique pro ratione meritum, vel maius, vel minorum, suam assignat praedae aut praemii portionem: sic habetur quoque ratio dignitatis ac status, nam Chiliarchus plus praede aut praemii aufert, quam Centurio, & plus Centurio quam Vexillifer, & Vexillifer plus, quam gregarius miles: at vero in Iustitia Commutante nulla habetur ratio dignitatis, aut meritum; sive enim Princeps, sive plebeus alicuius emerit, tantum pretii Princeps debet pro suis calceis, quam plebs pro suis; si quis Chiliarchus conduxerit domum, debet hoc ipsum pretium pro conductu aditus persolvere quod promisit, aequae ac miles gregarius pro conductu à se domo: & sive Magistratus aliquid emat aut vendat subdito, vel privatus privato, utrobique servandum est medium rei, & tantumdem pretii refundendum, quantum in emptione ac venditione ex contractu est postulatam, neque enim ibi Magistratus spectatur ut Magistratus sed ut privatus, neque pecuniam, quam solvit pro rebus emptis ac venditis, de publico dat Aulario, sed de suis privatis nummis; ita idem Magistratus quod stipendium promittit Professori, Pastori, Rectori, Viris suae Medico, Syndico, Secretario, omnibusque Officiariis, & operariis, quorum opera utitur ad Reip. bonum, debet servare medium rei, & tantum dare singulis stipendii, quantum spondit, atque sollicitus est, habet enim Magistratus hic, conducens illorum operas, se, ut privatus, & tanquam pars contrahens, & conducent; illi se habent, ut pars altera contrahens, & locans operam suam certa mercede.

(b) Dicitur iustitia distributrix versari circa res communes, i. e. distribuendas, i. e. circa res illas, non quae sunt huius, vel illius individui, aut privati possessoris, Peetri aut Pauli, &c. sed quae sunt sitae intra potestatem reipublicae seu praefectorum ejus, penes quos solos jus est distribuendi illa, ejusdem communis aut reipublicae membris, ut sunt dignitas, tituli, honores, & officia publica, item praemia & pecuniae publicae, item vestigiaria tributa, & sumptus in publicum erogandi, neque enim cuiusvis est privati, illos sibi honores & titulos sumere, quos vult, sed oportet, Magistratum illos ipsi conferre pro ratione meritum in Remp. publicam, nec cuiusvis licet illa portare tributa, quae vult, sed oportet Magistratum ea imponere cuique pro ratione divitiarum quas possidet ac me-

H h h h h  
ritorum



ritorum quoque in Rempublicam: iustitiam ergo distribuentem exercere est superioris in inferiori, ac proprie Magistratus in subditis, licet nonnumquam illud quoque tribuatur parentibus in liberos, dominis in servos, præceptoribus in discipulos, sed improprie tamen: porro res communes, i. e. ad communionem aut communitatem spectantes Republicæ, sunt vel bonæ, i. e. jucundæ ac gratæ, vel malæ, i. e. injucundæ acque ingratae, nam res malæ, i. e. inhonestæ ac turpes, distribui subditis à Magistratu, nec possunt, nec debent: bona utilia distribui possunt, quin & inutilia, seu cum aliquo damno privatorum conjuncta, ut si subditis onera quædam ac vectigalia imponantur: ferenda, aut sumptus facienda pro publico mandato magistratus; hic enim valet, Publica privatis anteferenda bonis.

V I. *Συνάλλαγμα*, five *δὸν τὸ σωματὸν γέν*, five *δὸν τὸ σωματὸν ἄλλαν*, derivetur, ex vi vocis, proprie significat, contractum, pactionem, permutationem; at *Aristot.* ejus vocis notionem amplificavit, & extendit, ad significandum, non tantum contractum, sed & delicta, flagitia, omnia denique negotia civilia, ut testamenta, nuptias, aliaque id genus plura, sicuti observavit rectè *Giphanius in Comment. suis ad c. 2. l. 5. Eth. jam cit. Quæ*, inquit, *tam late patens ratio hujus vocis, nescio, an apud ullum præterea scriptorem quam Aristotelem reperitur.* Ac præter hanc ex origine suâ restrictionem, ex *Aristotele* laxiore vocis *συνάλλαγμα* acceptionem, refert *Giphanius*, aliam adhuc angustiorē, & Juri civili propriam; cujus *Doctores* interdum vocant *συνάλλαγμα*, negotium, ex quo actio civilis oritur: qua ratione, pacta proprie dicta dicuntur carere *συνάλλαγμα*, contractus dicuntur habere *συνάλλαγμα*. Est & quarta notio angustissima hujus vocis, *Jurisconsultis* tantum nota, quæ non omnes contractus, sed certos tantum significat, ex quibus sc. utrimque nascitur obligatio, ut sunt emptio, venditio, locatio, conductio, &c. Prima vocis notio omnibus scriptoribus usitata est. Secunda *Arist.* Tertia & Quarta *Juriscons.* propria. Nos ex *Aristotelis* mente hoc vocabulum usurpamus, quia commodius vocabulum hoc Græco, & Latino, *commutatio* aut *contractum*, non occurrit. Hinc manifestum est, quam late pateat *Justitiæ commutantis obiectum*: nempe, five *συνάλλαγμα*

significet permutationem & contractum obligantem vel ex utraq. parte, five pactationem & conventionem, five delictum, aut quippiam aliud, quod actionis civilis nomine contineri potest, quicquid tandem sub nomine *συνάλλαγμα* venit, cadit in *Justitiæ commutantis*, cujus eadem est, quæ est Juris civilis, materia: quod enim *Jurisconsulti* tribus verbis, *personarum, rerum, & actionum*, id una *συνάλλαγμα* voce hic comprehendit *Aristoteles*. (a) Hoc igitur officium est *Justitiæ commutantis seu corrigentis*, ut emendet commutationes, contractus, actionesque civiles, quarum vi aliquid ab uno, vel homine, vel magistratu, habente rationem unius, transfertur ad alium: multum enim in his per inaequalitatem peccari potest, quæ inaequalitas per aliquam virtutem ad justam aequalitatem reduci debet. (b) Atque hinc discrimen liquet inter hanc & distribuentem justitiam: hæc aliquid transfert à Rep. ad certos; illa aliquid à singularibus, aut eo, qui rationem singularis & unius habet, ad singulares & privatos.

(a) Quia in commerciis & contractibus vitæ civilis inter privatos sæpe non servatur jus, sed unus plus refert, alter minus accipit, quam debet, in quo sita est injuria, necesse est ut aliqua Virtus doceat medium, quod hic servari debet, ut nullus ab altero injuriam patiatur; hæc est *Justitia Commutans*, quæ, quia illam injustitiam emendat, Corrigens dicitur.

(b) *Justitia distribuens* semper exercetur à Magistratu, qua Magistratu, in subditos, qua subditos, habeturque hic semper ratio meritum & demeritorum in Rempublicam; sed *justitia commutans* exercetur à privato in privatum, ac si exercetur in subditum, Magistratus spectatur ut privatus, nullaque hic habetur meritorum aut demeritorum ratio, ut si Magistratus aedes conducit, aut aliquid à subdito emat: imo ne quidem ut Magistratus spectatur, quando pactum cum aliquo subdito inquit de stipendio, quod pollicetur subdito huic aut illi opera præstanda, aut solvendo præstata.

VII. *Συνάλλαγμα* *Aristoteli* sunt, vel *ἐκ δόξης* spontanea, vel *ἐκ δόξης* invita: *Jurisconsultis* contractus is tantum est, qui est voluntarius ex parte utriusque contrahentis: *Aristoteles*



vel etiam contractum vocat, non sponte iniuriam, ratione unius partis contrahentis: quia enim, v. g. (a) inter pulsantem & pulsatum, inter furantem & eum cui furtum fit, personarum quædam est mutatio (nam unus agit, & hujus ratione contractus est voluntarius, alter patitur, & hujus ratione contractus est involuntarius) ne hanc commutationem omitat, dividit Commutationem in Voluntariam & Involuntariam. *Voluntariam* dicit, cujus principium est voluntarium, ab utraque parte contrahentium, cujusmodi commutationis exempla ponit, *emtionem, venditionem*, &c. Vid. *text. Arist.* Huc refer, conducere milites, medicos, operarios publicos, &c. iisque dare stipendia, quæ omnia sunt iustitiæ commutantis, etsi à Magistratu fiant, quia Magistratus habet hic rationem unius, eandemque servat mediocritatem, quam privatus cum privato in contractu. *Involuntariam*, ac non sponte sed invitò, ratione unius partis contrahentis: susceptum commutationis genus est cujus principium in commutante & contrahente uno non est, ut sunt contractus, qui fiunt, nobis, vel *ignorantibus*, vel *volentibus*. Dicuntur *inviti*, quia unâ saltem parte invitâ fiunt, & sunt inviti, non ratione agentis, qui sponte & sciens agit, sed ratione patientis, cui, per ejusmodi, sive contractum, sive commutationem, vel ignorantem, vel nolentem, fit injuria: contractus invitos per ignorantiam vocat *Clandestinos* & *occultos* Philosophus. commutationes nolentibus notis factas vocat *Violentas*, quia per vim instituuntur. Commutationis *clandestine* & *occulte* ac per ignorantiam invitæ, exempla ponit *Aristoteles*: *Furtum*, quo res aliena clam surripitur à Domino; *Adulterium*, quo conjux aliena, sc. respectu mariti, aut etiam virgo, parentum respectu occultè corrumpitur; *Veneficium* quo vel incantationibus arcanis conficiuntur homines, vel abdito veneno epulæ inficiuntur ac pocula; *Lenocinium*, quo ad scorta & meretrices inficuntur adolescentem, quod nonnulli voce *αἰσχρολογία* significatum ab *Arist.* existimant, vel quo maritus propriæ uxoris adulterium fraude aliqua deceptus ignorat, uti exponit *Eustratus Græcus Aristotelis In-*

*terpres in Eth. Nicom. Alieni servi corruptio-*  
*nem*, qua clanculum à Domino subducitur; *dolosam eadem*, qua quis per abditas insidias fraudulenter è medio tollitur. Hæc omnia dicit esse *Philosophus* occultè involuntaria propter ignorantiam, quia, qui ei patitur, pestem occultam ignorat: neque enim maritus notum habet lenocinium, quo uxor ejus occultè corrumpitur, neque dominus fraudem scit qua servus abducitur, &c. Atque ex hisce id quoque patet, personam lædi in hisce contractibus involuntariis per ignorantiam, vel in se, ut in homicidio: vel in alia sibi conjuncta, ut in adulterio, lenocinio, servi abductione, &c. Sed roget quis, *Quodnam hic est lucrum, quod damnum, quod tamen utrumque in iustitia commutante esse debet?* Resp. Qui alium occidit, pro lucro habet vindictæ aut odii expletionem: occisus pro damno habet amissionem vitæ: sic in adulterio, aliisque, similiter se res habet. (b) Commutationes per vim ac violentiam illatas ait esse *Aristoteles*, verbera, vincula, mortem, sc. violentam, rapinam, &c.

(a) Qui pulsât, is sponte agit, qui pulsatur, invitatus patitur; qui furatur, sponte agit, is, cui furto auferuntur bona, invitatus patitur: sic ut ratione patientis delectat Contractus, invitatus, aut Commutatio involuntaria.

(b) In Commutationibus violentis, agens scit & vult sed quod agit, patiens quidem scit sed non vult hoc, quod patitur; sic Commutatio vitæ cum morte violenta instituitur Sciente & Volente Iudice, sed qui mortem patitur violentam, scit quidem se pati, sed contra Voluntatem tamen eam patitur.

VIII. Commutationum hæc non sine ratione ab *Aristotele* fuit instituta divisio: voluntarium enim & involuntarium varias constituunt diversasque commutationum species: nam in commutationibus voluntariis, quia tantummodo intercedit rei, quæ commutatur, translatio, eam oportet per æqualitatem simpliciter compensari; At in involuntariis commutationibus, quia non tantum fit rei, quæ commutatur, translatio, sed aliqua insuper irrogatur injuria, non tantum res ejusque translatio per æqualitatem debet compensari

H h h h h 2 (quan-

(quando sc. compenſari poteſt; at non poteſt in adulterio, homicidio, veneficio, &c.) ſed præterea debetis, qui commutavit rem & in ſe tranſtulit per injuriam, propter injuriam puniri; (a) quæ punitio, quia ſemper reſpicit injuriam irrogatam, ut ea pari ſupplicio ( hæc paritas ſupplicii æſtimatur ex damno, cui reſarciendo debet eſſe par & æqualis omni modo & gradu poenæ) puniatur, non tam ad juſtitiam diſtribuentem pertinet, quam ad hanc commutantem ſeu corrigentem: inſpecta enim rerum perſonarumque proportionem, rerum, quæ ſunt commutata, perſonarum, inter quas commutatio eſt facta; pro delicti atque injuriæ, vel magnitudine, vel parvitate, æqualis exigitur poenæ ac par ſupplicium, ut tancum ſit poenæ, quantum eſt damni, & tot gradus ſupplicii ſufferantur, quot fuere gradus injuriæ illatæ: & reſpicienda eſt hic proportio, non perſonæ commutantis ad aliam commutantem, ſed perſonarum commutantium ad res commutatas: interim tamen, quia poenæ ipſa, quam juſtitia hæc vindicatrix ad ulciſcendum delictum imponit, non compenſat ſatis reſarcitque damnum illatum (nam, qui vitam perdit, quia alteri eripuit, eo alteri vitam non reſtituit, nec qui ob bonæ alterius furto ſurrupta, & jam dilapidata, virgineſcit, eo bona ipſi reſtituit) ſed vero ſolummodo facit, ut tantum patiatuſ reus, quantum pati poteſt & eſt æquum pro perpetrato crimine: (hic queri poteſt, An ſit æqua & juſta compenſatio, quando pro perpetrato ſimplici furto amittitur vita) à perfectæ ratione juſtitia commutantis ſeu corrigentis, multum abit hæc Ultrix juſtitia; quare, ne ſub commutante quidem aut corrigente juſtitia continetur: Et forſſe non erant, qui eam inter partes juſtitia particularis propriæ dictas non numerant, adeoque, nec ad diſtribuentem, nec ad commutantem, propriæ eam reſerunt, ſed ad partes juſtitia particularis reducunt *potentiales*, quas ſic vocant *Scholæſtici ex Aquin. 2. 2. quæſt. 101.* Nempe in omni virtute trium generum poſſunt assignari *partes*, (b) 1. *Integrantes*, quæ ſic non dicuntur quia virtutem ipſam componant: ſed metapho-

rice intelligantur functiones, ſine quibus non eſt perfectus virtutis uſus. 2. *Subjeſtæ*, ſeu ſubjeſtivæ, quæ ſe habent ad juſtitiam particularem, ut ſpecies ad genus. 3. *Potentiales*, hæc ſunt virtutes, quæ quandam affinitatem & conjunctionem habent cum alia virtute, ſicuti potentia cum anima; neque tamen perfectè participant ejus rationem, ſicuti nec potentia participant rationem iplius animæ; ſed tamen ei in proprio ſuo actu inſerviunt, ſicuti potentia inſerviunt animæ. Inter has Juſtitia particularis partes *potentiales* poteſt non incommode referri *Juſtitia ultrix, vindicatrix, punitiva.*

(a) Gravis quæſtio eſt, ad quam Juſtitia ſpeciem pertineat Juſtitia vindicatrix, quæ exercetur in poenis irrogandis, nam quia poenarum irrogatio à Magiſtrato inſtituitur, videtur pertinere ad Juſtitiam diſtribuentem, hanc enim adminiſtrare, Magiſtratus eſt non privati; quia tamen inter poenam & delictum intercedit proportio Arithmetica, i. e. omnimoda æqualitas, & quia ſervari debet hic medium Rei, non Rationis, videtur ad Juſtitiam Commutantem, quæ proportionem exigit Arithmeticam, & medium Rei, pertinere: itaque, ſi reſpiciatur proportio & mediocritas ſervanda inter poenam & delictum, locum habebit Juſtitia commutans: ſi reſpiciatur vero perſona, quæ poenam infligit, quia illa publica eſt, nempe Magiſtratus, locum hic videtur habere Juſtitia diſtribuens; ſic ut ad neutram directè, ad utramque Juſtitia ſpeciem ex parte pertineat.

(b) Partes propriè assignantur ſubſtantis corporis, non vero ſpiritibus, aut accidentibus, ideoque cum Juſtitia, & vicus ſit accidens, improprie ei tribuuntur partes; quia tamen uſus ſic obtinuit, etiam partes assignari ſolent omni Virtuti: primo quidem *Integrantes*, quæ ſignificant illas actiones, quæ requiruntur ad uniſcujuſque perfectionem, quæ, nammodum exiguntur membra ad perfectionem totius integrantis: ſecundo, partes quædam virtutis, vocantur *Subjeſtæ*, ſc. virtutes alia, quæ huic aut illi virtuti, tanquam generi, ſubſcuntur, ut ſpecies: Tercio, partes quædam ſunt virtutis uniſcujuſque *Potentiales*, quæ vocatur, quia ſeſe habent ad virtutem unamquamque, ut potentia ad animam; quemadmodum enim potentia naturales animæ non ſunt ipſa anima, ad eam tamen reſeruntur, ita quædam virtutes reſeruntur ad hanc aut illam propter affinitatem, ac cognitionem: & ſic Juſtitia ultrix reſeretur ad Juſtitiam particularem, tum diſtribuentem, tum commutantem.

IX. *Iustitia Commutans seu Corrigenz* in contractibus, tam spontaneis quam invitis, singulorum res spectat, & æquale illud, quod est (a) *proportionis*, non *Geometricæ sed Arithmetice*, cum enim nulla hic personæ dignitas, sed simpliciter rerum, quæ permittantur, æqualis inter id, quod plus est & minus, spectetur distantia, satis liquet proportionem hic esse *Arithmetica*m: sicuti enim ejus hæc est natura, ut simpliciter numerorum inter se distantiam spectet, ita & hæc iustitia medium querit & æqualitatem in sola distantia à lucro & damno, facitque, ut contractus omnis æqualiter utrimque abeat. At iustitia distribuens, quæ ordinem dicit ad Remp. quia meritum spectat & cuiusque dignitatem personæ, proportionem servat *Geometricam*: quemadmodum enim ista in eo est posita, ut, sicuti sese habet numerus primus ad secundum, ita tertius ad quartum, sic æqualitas distributionis in eo consistit, ut, (b) sicuti sese habet unus civis persona ad personam alterius, respectu meritorum in Remp. ita præmium unus aut bonum à Rep. distribuendum respondeat bono aut præmio alterius. atque hac ratione, res, quæ distribuuntur, sunt æquales, pariter ac personæ, inter quas distribuuntur, & distributio est æqua: cum alioqui, si simpliciter rem spectes, uti inter personas, ita & inter præmia, magnum discrimen esse possit. Atque ex hisce omnibus liquet, in quo differant *Iustitia Distribuens* & *Commutans*, duæ Iustitiæ particularis partes, & quod non detur membrum tertium. Nam omnis æqualitas, vel ex dignitate, i. e. meritis in Remp. personarum æstimatur: vel ex rerum ipsarum modo ac mensura: tertium non datur.

(a) Proportio *Arithmetica* dicit æqualitatem differentiarum, *Geometrica* rationum, utraque inter quatuor numeros: differentia apud *Arithmeticos* significat distantiam duorum numerorum à se invicem; ratio notat, quoties unus numerus alterum in se includat: inter quatuor numeros & septenarium differentia est binarius, quia distant à se invicem per duo; sed quinarium non continetur bis in septenario, ideoque inter illos non est ratio: ad inter quinarium & denarium est ratio, quia denarius est duplum quinarium, & quinarium est dimidium denarii, denarius enim bis in se continet quina-

rium, non tamen à quinario per duo differit, sed per quinque: proportio *Geometrica*, significat æqualem intercedere differentiam inter bis binos numeros, i. e. ex quatuor numeris inter sese collatis, bis bini æquali utrumque distantia à se invicem distare deprehenduntur, v. c. ut 2. ad 4. ita 6. ad 8. differentia inter 2. & 4. aut distantia quæ à se invicem distant, est binarius, & ut 6. differentia distant ab 8. per binarium; verum inter hosce numeros non est proportio *Geometrica*, quæ significat æquali ratione ac modo ex numeris 2. bis binos discrepare inter se, neque enim ut sunt 4. duplum duorum, ita 8. sunt duplum 6. neque ut binarius est dimidium quaternarii, ita senarius est dimidium octonarii, sed exemplum proportionis *Geometricæ* est hoc, ut 4. ad 8. ita 12. ad 24. quia uti 8. sunt duplum 799 4. ita 24. sunt duplum 12. & ut 4. sunt dimidium 8. ita 12. sunt dimidium 24. at hic non est proportio *Arithmetica*, neque enim æqualis est differentia, quæ distant 4. & 8. quæ distant 12. & 24. differentia enim inter 4. & 8. est quaternarius, ad distantiam inter 12. & 24. est 12. fed. 4. & 12. non sunt numeri iidem: si id, quod in numeris est declaratum, applicetur rebus & personis, deprehendit in iustitia commutante semper servari æqualitatem differentiarum ac proportionem *Arithmetica*m, ut utraque pars contrahens æqualiter distet à damno & lucro; sed in iustitia distribuente conspicietur æqualitas rationum & proportio *Geometrica*.

(b) Exemplum proportionis *Geometricæ* servatæ, & quoad res, & quoad personas, in iustitia distribuente, videre est inter Ajaxem & Vlysem, & inter arma Patrocli & Achillis; nempe, quæ est ratio meritorum Vlyssis ad merita Ajacis in Republicam Græcorum, eadem debet esse ratio armorum Patrocli ad arma Achillis, quoad valorem & dignitatem, ut præmiorum illis distribuendorum, h. e. si Vlyses duplo plus meritis est de Republica Græcorum quam Ajax, oportet, ipsi donetur duplo majus præmium præmio Ajacis & quia arma Achillis duplo sunt digniora armis Patrocli, exigat iustitia distribuens, ut arma Achillis cedant Vlysi, & Patrocli cedant Ajaci: hic proportio est sita in æqualitate rationum, & quoad personas, & quoad res inter se comparatas: ut enim se habet persona Vlyssis ad personam Ajacis respectu meritorum in Republicam, ita se habent arma Achillis ad arma Patrocli; præmia illis distribuenda, & ut Vlyses se habet ad arma Achillis, ita Ajax ad arma Patrocli: atque hic æqualitas est utrimque armorum, quæ distribuuntur, & Ajacis & Vlyssis, inter quos distribuuntur: at si quis extra comparisonem illam ac distributionem arma spectet simpliciter, certe magna interest inæqualitas: nam arma Achillis longe sunt præstantiora armis Patrocli; quemadmodum quoque, si simpliciter spectentur merita Vlyssis & Ajacis, illa quoque valde sunt

H h h h h 3 inx.

inæqualia: nam Ulysses prudenti suo consilio longe plus meritis est de Republica Græcorum quam Ajax suis armis.

X. Nobilis hic sese offert quæstio, sed difficilis, (a) *Quæ proportio sit servanda in penis irrogandis, an Geometrica, an Arithmetica?* Resp. Penas non posse irrogari proportionem Geometrica: 1. Quia hæc exigit, ut pro inæqualitate personarum inæqualia sint onera:

& sic pro eodem delicto, nobilis ac liber mitiores, ignobilis & servus acriores ferret penas. 2. Distributio secundum proportionem Geometricam tum iusta est, etiam cum quis non tantum consequitur, quantum merebatur, sed quantum pro ratione circumstantiarum potest redundare: ita, si præda dividenda inter milites, & non satis magna sit ut uniuscujusque merito & virtuti respondeat, nihilominus distributio iusta erit, cum quistantum capit, quantum pro rato capere potest. At penæ non irrogantur iuste, si infra meritum irrogentur. Et hæc sententia videtur esse congruentior *Aristoteli*, qui l. 5. *Ethic. ad Nicom. c. 4.* docet, *jus, quod*

*in commerciis est servandum, esse æquum proportionis Arithmetici.* Non autem distinguit istic loci inter commercia, quæ sponte faciunt homines, & quæ invititis ipsis efficiuntur: sed de commerciis loquitur in genere. At emendare contractus invititos, quidnam est aliud, quam delicta punire? Ergo & in delictis puniendis servanda est proportio Arithmetica, quod erat demonstrandum.

(a) In penis irrogandis habenda est ratio distantie æqualis inter delictum, & supplicium, ut non inferatur delinquenti plus penæ, quam peccatum ejus meruit, nec etiam minus: interim non est necesse servari in omnibus Personis semper eandem speciem penæ, modo servetur idem gradus. V. C. Si aliquis Princeps, aut ex Magistratu & optime meritis de Rep. idem committat delictum, quod vir plebejus, non est necesse, ut eodem supplicii genere afficiatur, quo afficitur plebejus, modo servetur eadem ratio, & proportio; nam potest plebejus fustigari, aut virgis cædi, ob delictum idem, propter quod Princeps abdicetur suo officio: hic tamen servata fuerit proportio Arithmetica; nam tam magna pœna est Principi, aut Magistratui, moveri suo munere, quam plebejo est, cædi virgis, aut fustigari.

## DISPUTATIONUM PRACTICARUM TRIGESIMA PRIMA & ULTIMA,

DE

# A M I C I T I A.

T H E S I S I.

EXcessæ sunt *disputationibus* ante habitis *virtutes* omnes & singulæ, quæ media sunt, quibus ad felicitatem, summum hominis in hac vita bonum, pervenitur: superest, ut agamus de *Amicitia*, quæ, si virtus non est, cum virtute tamen cognitionem habet summam, & si non est acquirendæ felicitatis supremæ, ejus tamen conservandæ, est

medium, & virtutum explicatarum quoddam quasi effectum & usus: ut vero effectum sequitur causam, & usus rem ipsam, ita *virtutibus* explicatis recte subjungitur *Amicitia* explicatio: cujus necessitatem *Arist. l. 8. Eth. c. 1.* ostendit in omni vitæ statu, quam & potentioribus, & pauperioribus, & Senibus, & Juvenibus, convenire, ibidem docet. *Vid. sent.*

Agit

Agit vero *Philosophus* de *Amicitia* l. 8. & 9. Quæ ibi fufe perlequitur, nos summatim hac disputatione comprehendimus, exorfi, ut solemus, à voce.

II. *Amicitia* vocabulum significat, 1. generalissime, rerum omnium *συμπαιεως*, qualis consensio est inter oleam & vitem, magnetem & ferrum: de qua consensione & *συμπαιεως* multa habet *Erasmus* in *Colloquio*, cui titulus, *Amicitia*. 2. generatim, quemlibet appetitum societatis, qualis etiam in bruta cadit. 3. *speciatim*, mutuum benevolentiam, quæ intercedit inter homines quovis, sive probi sint sive improbi, sive noti sive ignoti, sive cives sive peregrini. 4. *specialissime*, pro honestorum & proborum hominum inter se benevolentia, quam conciliat virtus, utilitas, voluptas.

III. *Amicitia*, sensu quarto, definiri potest, *Benevolentia vera, nota, aperta, & actus* a quorundam inter sese mutuo, ob bonum honestum, utile, aut jucundum. Atque hinc prout triplex est *Amicitia* obiectum, ita triplex ponitur vulgo *Amicitia*, (a) *honestæ, utilis, jucundæ*. *Honestæ*, propter solam honestatem & virtutem: *utilis*, propter quædam ut lacrum: *jucundæ*, propter voluptatem instituitur. *Arist.* l. Eth. 8. c. 3. Harum *Amicitia* specierum prima, *honestæ* scilicet, per se & proprie est digna nomine *Amicitia*, quippe quæ sola est perfecta, constans, stabilis, ac genuina: reliquæ duæ improprie & per accidens *Amicitia* dicuntur, quippe quæ imperfectæ, instabiles, inconstantes, & spurie magis sunt dicendæ. In *amicitia* perfecta amicum, propter seipsum & propter virtutem: in imperfecta propter aliud, sive utilitas sit, sive voluptas, cum amamus. Sed definitionem *Amicitia* & allatam divisionem per partes explicemus.

(a) Divisio *Amicitia* in *Honestam, Jucundam, & Utilem*, non est divisio generis perfecti, vel univoci, quod ex æquo suis competit speciebus, sed est divisio generis imperfecti, seu analogi, quod speciebus convenit inæqualiter, uni magis, alteri minus, & uni per se & propter alteram, quale genus est ens respectu substantiæ, & accidentis: accidens enim non est ens, nisi per se propter substantiam: sic *Amicitia* non dicitur æ-

quali modo de *Honestæ, Jucundæ, & Utili*, sed primario de *Honestæ*, secundario de *Utili & Jucundæ*, quatenus hæc aliquid participant de conditionibus *amicitiæ Honestæ*: atque hæc etiam faciunt ad intelligendam thesin sextam numero.

IV. *Amicitia* genus ponimus *Benevolentiam*, quæ significat, propensionem voluntatis & amoris in alterum, quæ bene ei cupimus & volumus. Errant, qui *Virtutem* pro benere ponunt: nam 1. Virtus est fundamentum, cui *Amicitia* superstruitur: fundamentum autem rei, quo nititur, non est res ipsa: nihil enim sui ipsius fundamentum est. 2. *Amicitia* est effectus virtutis, Ergo non ipsa virtus: nam nulla causa, quatenus causa, est idem cum effectu: sic enim idem esset causa sui ipsius. 3. Virtus cum suis actionibus in nostra est potestate, est *ἰσὺς ἡμῶν*. cit enim habitus electivus: at electio nostræ est voluntatis. Sed *Amicitia* non est *ἰσὺς ἡμῶν*, non est in nostra potestate. Ergo. Prob. min. Quia requirit amorem & consensum mutuum, qui non est in nostra potestate. Nemo enim dominus est alterius voluntatis. 4. Virtus (a) bonum est internum, ad instar habituum aliorum. *Amicitia* vero est bonum externum, *Arist.* 9. Eth. c. 9. τὰς φίλους, ὥς οὗτος ἀγαθὸν μέγατον, inter externa bona malimum, appellat. Si dicas, *Amicitiam* esse laude dignam & servare medium inter duo extrema: inde non sequitur, ejus esse genus virtutem: Nam & affectus quidem & actiones virtutem antecedentes laudem merentur ac servant medium inter duo extrema: nec tamen sunt virtutes.

(a) Bonum internum est, quod intrâ potestatem hominis est situm: Bonum externum non item.

V. *Differentia*, post genus, reliquis in definitione verbis proponitur. *Amicitia* est *benevolentia vera*: ut distinguatur à simulata & ficta, quæ aliud lingua promit, aliud corde premit; uti virtus ipsa non verborum est aut linguæ sed operum ac cordis, ita & *amicitia*, virtutis fructus. *Nota*: ut *Amicitia* distinguatur à benevolentia, qua ignotos complectimur, requiritur in *Amicitia*, ut Amico affectum & amorem nostrum exponamus, ac de-  
tega-



tegimus: possumus Christianis, longe remotis à nobis, bene velle, sed non possumus esse amici illis, quia nec nos illi, nec illos nos norimus. *Aperta*: ut excludamus amorem, quo quis occulte fertur in aliquem: potest quis recondito affectu & amore alium profecti, qui nunquam ei apparuerit, atque hactenus nondum amicus est: Amicitia enim non latentem sed patentem exigit amorem. *Affectuosa*: ut ipso actu Amicitia sese exerat & affectum mutet in effectum, ut non tantum bene velit sed & bene faciat. *Mutuo exercita*: ut significetur, in Amicitia exigi amorem & affectum & passum: φιλαται & ἀγαπᾷται & φιλεῖται & φιλεῖται; magis tamen consistit Amicitia in τῷ φιλεῖν quam in τῷ ἀγαπᾷν, in amore activo quam passivo; praestantius enim est amare quam amari. Amor itaque, quo ferimur in hostes, à nobis aversos, in res inanimatas, in animatas anima vegetante & sentiente, ut in pecunias, agros, hortos, plantas, canes, equos, &c. amicitia dici nequit, quia ista non redamant. Porro dicitur Amicitia, quorundam inter se, puta hominum: bestiae enim non sunt subiectum amicitiae idoneum: nec Angeli, quia de hominum virtutibus pertractat Ethica, quarum usus & fructus est Amicitia. Denique, ob bonum honestum, utile, ac jucundum; quibus verbis ratio impellens & motiva amicitiae innuitur.

VI. Tres Amicitiae species, honesta, utilis, jucunda, sub Amicitia continentur, (a) ut genere, non univoco, sed analogo aut equivoco, prout istae voces vel distinguuntur vel confunduntur: Nam Amicitia honesta sola vera est & per se Amicitia: utilis & jucunda spuriae potius sunt species, & τῷ συνυπάρχουσιν; Amicitiae; jucunda interim amicitia magis propius ad honestam accedit quam utilis, quia magis est ingenua & homine libero ac liberali dignior: sed in specie quadam de singulis videamus.

(a) Genus univocum dicitur, cujus & nomen & definitio ex aequo speciebus conveniunt: sed amicitiae definitio ac nomen non ex aequo conveniunt, honesta, jucunda atque utili amicitiae, cum enim amicitia sit virtutis effectum, sola honesta vera est amicitia, non item utilis aut jucunda, quia haec in virtute non semper fudan-

tur, nec ab ea causantur: genus equivocum dicitur melius vox equivoca, quia ejus nomen solum commune est, sic homo posset dici genus equivocum hominis picti & vivi: sed amicitia utilis & jucunda plus habet commune cum amicitia honesta quam nomen, non tamen aquali modo amicitia aut ejus definitio praedicatur de honesta, utili & jucunda, ideoque amicitia illarum est genus analogum, quod vocant, cum non tantum nomen sed & definitio generis competit speciebus, verum non ex aequo, nec ob eandem causam.

Nam quidam Philosophorum illud genus, quod inaequaliter convenit suis speciebus, vocant analogum, non equivocum; alii vocant equivocum, non item analogum: quidam utroque appellant modo.

VII. Amicitia utilis & jucunda sunt ἀδύνατοι, i. e. facile dissolvuntur: utilitas enim & voluptas sunt bonum instabile & facile cessant: non sic honesta, quae solidiori innititur fundamento, scilicet virtute. Amicitia utilis plerumque cadit inter senes, quia sunt φιλοχρημαστέ, lucripetæ, & in vulgus, quia vulgus amicitias utilitate probat. Amicitia jucunda potissimum inter juvenes viget, quia, cum affectibus multum indulgant, fere voluptates sectantur & quod jucundum est. Honestam Amicitia, quia propter virtutem suscipitur, tantum est bonorum, ideoque valde rara est. Rari quippe boni vix sunt numero totidem, quot Thebarum portæ, vel divitis ostia Nili. Hec stabilior est, quia virtus bonum est stabile. Hec omnia φιλητά, amabilia, complectitur, (a) quippe virtus & honesta, & utilis, & jucunda est, tum sibi tum amicis: nam virtus mira jucunditate probos perfundit, & ipsa sibi pretium est. Sed & alias Amicitiae divisiones expendamus.

(a) Hinc liquet divisionem Boni in Honestum, Utile & Jucundum, non esse divisionem generis in species, quia species oppositæ nunquam possunt praedicari de eodem: sed bonum honestum, utile & jucundum dicuntur de eadem virtute pro diverso respectu: ideoque haec divisio boni, est divisio subiecti per adjuncta.

VIII. Amicitia est vel aequalis vel inaequalis: illa colitur inter aequales, v. c. inter duos Senatores, Collegas, servos, aut quoscunque in eodem officio & dignitate constitutos: haec coli-



colitur inter inæquales; vel *etate*, uti inter juvenem & senem, vel *dignitate*, uti inter herum & servum, Magistratum & subditum: etque vel *privata* vel *publica*. *Privata*, quæ inter homines privatam vitam viventes colitur: etque vel *consuetudinaria*, quæ inter duos privatos, sed potentia, etate, donis, vitæ conditione, dispares inuitur: vel *consanguinea*, quæ est, vel *patria*, inter parentes & liberos, vel *fraterna*, inter fratres & sorores, vel *conjugalis*, inter maritum & uxorem: *publica*, quæ inter personas colitur publicas, etque, vel *Ecclesiastica*, inter concionatores & auditores, vel *Politica*, inter Magistratum & subditos: atque hæc, vel *sagata*, inter duces & milites, vel *togata*, inter senatores & cives, &c.

IX. Extat & alia *Amicitie* divisio apud *Aristotelem* l. 9. *Eth.* Quædam *Amicitie* sunt *iguales*, *homogeneæ*, in quibus utrobique eadem sunt amoris causæ: ut si uterque amet alterum propter virtutem, aut utilitatem, aut voluptatem mutuam: ita Theologus Theologum, Philosophus Philosophum, miles militem, mercator mercatorem, amat propter eorundem studiorum similitudinem: Quædam sunt *æquales*, *heterogeneæ*: ut si alter propter voluptatem, alter propter utilitatem bene amico velit: sed in *causis* *Amicitie* penitus inquirere operæ fuerit pretium.

X. *Causa* sunt *Amicitie*, vel *procreantes*, vel *conservantes*, vel *finales*. *Efficiens*, est vel *prima*, *Deus*, qui hominem condidit animal sociale, & ad amicitias colendas propensum: vel *secunda*, quæ vel *remota* est, vel *occasionalis*, vel *propinqua*: *remota* est, natura, dum fundamenta amicitie suppeditat, inclinationem, amorem, similitudinem morum, vitæ, actuum ac factorum: & est hominibus quædam quasi innata ad amicitiam propensio. *occasionalis*, *procatarctica* aliis, est indigentia, quæ ad usus nostros amicis indigemus, eosque quærimus: *propinqua*, est vel *generalis*, vel *specialis*: *generalis*, est æqualitas & similitudo, live vitæ, live morum, live ætatis, live muneris, live studiorum: est enim amicitia istic, ubi aliqua est æqualitas: (a) in amicitia æqualium est æqualitas & τοῦ αἰῶνος, numeri: in amicitia inæqualium est æqualitas & τῆς ἀ-

γίας, dignitatis, cum animi utrimque convenientia & accipiunt & reddunt. In amicitia æqualium est æqualitas *Arithmetica*, quia officiorum utrimque & vitæ conditionis est paritas. In amicitia inæqualium est æqualitas *Geometrica*, quia in statuum disparitate quæritur ibi æqualitas in proportionem rationum, quæ consistit in eo, ut convenienti officiorum proportionem, personarum compensetur inæqualitas: sic cum parentes liberis victum suppeditant, illi id compensant parentibus obsequium præstando: cum Magistratus subdito benefacit, ille cultu & veneratione respondet beneficio, &c. *Specialis causa* amicitie *procreans* est, tum conversatio ac consuetudo, quæ alterius mores explorantur, tum admiratio virtutis in altero, tum actus officii & beneficii præstitus, tum cognitio & affinitas, tum nostra utilitas aut voluptas, &c. *Causæ conservantes* sunt, convictus, familiaritas, beneficium, & officia mutuo exhibita. *Finales causæ* sunt, gloria Dei, felicitas civilis, nostra & amici salus, &c.

(a) *Æqualitas numeri* dicitur in amicitia, cum inter duos amicos æquales æqualia omnimodo beneficia conferuntur mutuo, unde hic dicitur servari proportio *Arithmetica*: *Æqualitas dignitatis*, cum inter amicos inæquales, seu ætate, seu dignitate, beneficia conferuntur mutuo, non æque semper magna, digna, aut præstantia, sed servatur tantum proportio *Geometrica*, quæ officium redditur pro officio, minus inter dum pro majori, quod tamen ad majus aliquam dicit proportionem, quia Persona reddens est minor accipiente.

XI. *Effecta* *Amicitie*, seu *adjuncta*, seu *officia*, sunt *amare* & *benefacere*. *Amandus* est amicus *sincere*, *impense*, *constanter*: *sincere*, ne amor in ore aut lingua natet, sed in corde & opere habitat: *impense*, quia ames cum necesse est sicuti te ipsum; at te ipsum maxime amas: *constanter*, ne quovis vento excutiat ut levi de causâ dissolvatur amicitia. Ama tanquam nunquam osurus. *Benefaciendum* quoque est Amico, quo factis constet ipsi de nostro affectu & benevolentia.

XII. *Amicitie* *opposita* sunt vel *contraria* vel *privativa*. *Contraria*, sunt omnes res ami-

citiae adversantes; quæ cum plures sunt; vel directe naturam amicitiae dissolvunt vel consequenter. Priori modo id facit, inæqualitas morum, studii, animique disparitas, &c. Cum sc. alter quidem amat, sed non redamatur ab altero: sic in specie, dissolvitur amicitia utilis & jucunda, cum non est par voluptatis retributio, & officii non æqualis redditio; & honesta, cum non est æqualitas virtutis. cum alter virtutem extollit, quam alter innuit: posteriori modo ac consequenter amicitiam dissolvunt, dignitatis variatio, locorum distantia, diuturna absentia, vitia nature, ut surditas, cæcitas, & moralia, ut superbia, dissimulatio, adulatio, contentio, querelæ, criminatio, vituperium, suspicio, mendacia, &c. (a) Privative opposita Amicitiae sunt, quæ amicitiam ad extrema vel in excessu vel in defectu desiccare faciunt, & eam privant sua rectitudine. Excessus est nimium amicitiae studium *περὺ δόξαν*, cum passim obviis in amicos & valde multi in amicos recipiuntur. Defectus, *ἀπὸ δόξης*, cum re ipsa omnes amici insuper habentur. Sed quæ de Amicitia ulterius disputari possunt, exhibent, quæ subjunguntur.

(a) Quamvis in amicitia detur excessus, & defectus, & sua quædam etiam mediocritas, non tamen ideo est virtus, quia hæc tria cadunt quodque in affectus; at affectus quoque virtutes non sunt.

## A N N E X A.

1. *An vir bonus seipsum magis quam alium amare debeat?* Aff.
2. *An aliquando veritatem Amici causa deferre liceat?* Neg.
3. *An vitam Amici nostræ præferre & pro salute ejus certam mortem eligere debeamus?* Neg.
4. *An benefactores impensus ament beneficiarios?* Aff.
5. *An in omni fortuna opus sit Amicis?* Aff.
6. *An in prospera vel adversa fortuna magis egeamus Amicis?* Diss.
7. *An Amicitia sit præferenda cognationi sanguinis?* Diss.
8. *An Amicus Amico dona maxima optare, & si possit, procurare debeat?* Aff.
9. *An Amicitia vera ac perfecta sit obnoxia calumniis, & injuriis, & querelis?* Neg.
10. *An amicitia vera ac perfecta possit esse inter malos?* Neg.

F I N I S.

ADRIA-

ADRIANI HEEREBOORD, 803  
PHILOSOPHIA  
NATURALIS,

Novis Commentariis partim è Nobil. D. Cartesio, Clariss. Berigardo,  
aliisque Præstantioribus hujus seculi Philosophis, H. Regio, petitis,  
partim ex propria opinione dictatis, explicata.

*Accedit ejusdem Auctoris*

PNEUMATICA.  
PRÆCOGNITA.

**V**T feliciter institui possit collatio Philosophiæ Aristotelicæ ac receptæ, cum ea quæ hodie dicitur nova, quoad Principia & affectiones corporum naturalium, utriusque sententias, quantum fieri potest, clare proponemus atque exponemus, sequendo tamen seriem & methodum Thesium Physicarum secundum Peripateticos à me editarum; ac nunc in antecessum pauca edisseremus de Philosophiæ constitutione ac divisione in genere. Apud Aristotelicos Philosophia complectitur nonnullis tres scientias; Physicam, Mathematicam & Metaphysicam, totidemque prudentias, Ethicam, Oeconomicam ac Politicam, aliis insuper tres artes, Grammaticam, Rhetoricam, Logicam: Ant-Aristotelici qui Ratum sequuntur, Ethicam & Metaphysicam ex Philosophiæ ambitu proscribunt, uti videre est apud Amesium in Technometria: Stoici olim sub Philosophia comprehendebant tantum Logicam, Physicam, Ethicam; unde illis dividebatur omnis Philosophia in rationalem, naturalem & moralem, uti videre est apud Apuleium. Apud Recentiores, ut Cartesium, Regium, ac Berigardum Circulo Pisano, Philosophiæ definitio generalis ac divisio non extat, & videntur isti Authores Philosophiæ nomine fere solam Physicam intellexisse, nam quæ Cartesius vocat principia Philosophiæ, ea solum explicant corpora naturalia, quod idem factum est in Fundamentiis Physicis à Regio, & in Circulo Pisano à Berigardo: fateor equidem à Cartesio quoque editas esse meditationes Metaphysicas, quibus Deum esse, & animæ immortalitatem, demonstravit, & regulas quasdam moraliæ scientiæ extraxe in dissertatione ejus de Metodo recte utendi ratione, sed non videtur tamen, ut Philosophiæ partes, aut agnovisse, aut sic pertractasse. Quicquid fuerit, ego scicissimo, Philosophiæ nomine intelligi debere, & cognitionem Dei naturalem, & cultum ejus naturalem, quandoquidem enim extra Scripturas & lumen fidei citra

ullam revelationem Deus cognoscitur & cognosci potest solo lumine naturæ, idemque colitur ac coli potest & debet secundum legem naturæ, omnino agnoscenda est alia disciplina, quæ illam Dei cognitionem naturalem doceat, item quæ cultum Dei naturalem & modum colendi eum, explicet: hanc disciplinam aut disciplinarum congeriem, voco Philosophiam. Cum autem cognitio Dei hauriatur ex rebus visibilibus, teste Apostolo, ad Romanos cap. primo, nihil certius est, quam, dari Philosophiam naturalem seu Physicam, quæ explicet corporum naturalium principia, affectiones, species, & ex iis explicatis Philosophantem in Dei cognitionem deducat; quemadmodum novimus Aristotelem ex motu pervenisse ad cognitionem primi motoris; sed quum præter rationes Physicas prosperi soleant etiam aliæ, quæ vulgo Metaphysicæ dicuntur, quia subtiliores sunt, & sublimiores, quibus quoque in Dei cognitionem deduci potest homo, etiam Philosophiæ partem aliquam vulgo faciunt Metaphysicam. sed enim ego multum dubito, an non & hæ rationes ad Physicam reduci valeant; verum enim vero, quia præter cognitionem Dei naturalem, quam Philosophia nos docet, etiam cultus Dei naturalis, modusque eum colendi secundum legem naturæ, explicari debet, neque hoc præstat in Philosophia naturali, omnino opus est, præter eam, dari aliquam disciplinam sub Philosophia contentam, aut ejus partem, quæ hunc Dei cultum naturalem explicet, quam Philosophiam vulgo vocant moralem. Quia vero, nec Philosophia naturalis ex rebus naturæ Deum cognoscendum docere potest, nec moralis cultum Dei naturalem explicare volet, nisi dirigatur utraque à ratione humana, & hæc multum sit corrupta, neque rectum semper servet tramitem, sed à vero sepe aberret, necesse est, dari aliquam disciplinam aut Philosophiæ partem, quæ rationem hanc emendet, regat, ac perficiat, quam Philosophiam vulgo vocant rationalem; sic ut illa Philosophiæ divisio trimembris ante relata, à Stoicis invecata, non usque adeo videatur repudianda. Nostrium nunc institutum est, missâ Philosophiâ rationali ac morali, expendere naturalem, institutâ collatione inter Physicam Aristotelis, prout ea in Collegio Physico secundum Peripateticos, thesibus & commentariis est comprehensa, & inter Physicam recentiorum, quo nomine tres illos jam dictos Philosophos Cartesium, Regium, & Berigardum, intelligimus. Ego quidem non video cur horum Philosophia hodie audiat ac dicatur nova, cum ejus principia jam ante Aristotelem, veteribus, & ipso antiquioribus, fuerint probata, quod in Circulo Pisano ab usque damissime est demonstratum. Quamvis autem Cartesius & Berigardus non processerint methodo doctrinæ consueta, per definitiones, divisiones, similivæ præcepta, uti quidem rectius hic procedit Regius, nos tamen studebimus ea, in hac comparatione instituendâ, ex continua oratione Cartesii, & dialogis Berigardi, quantum fieri potest, eruere, & definitionibus ac divisionibus commentariisque rerum Physicarum Aristotelicis, accommodare, & cum iis comparare.

ADR. HEEREBOORD,  
PHILOSOPHIÆ  
NATURALIS,

CAPUT I.  
DE

Principiis Corporum Naturalium.

THESIS I.



Physica est scientia propria dicta.

Scientia propriè dicta est, quæ gignitur demonstratione nō dicti, estque cognitio rei necessaria per causam proximam; alioquin quilibet cognitio cuiusque rei, quocumque modo accepta, scientia dici potest, sed improprie.

2. Demonstrat enim proprias affectiones de subiecto necessario per causas proximas.

Subiectum Physica necessarium dicitur, quia corpora naturalia sunt & producuntur, vel immediate à Deo, vel à Natura uniuscuiusque corporis, quæ vicem Dei gerit; sic ut ea fieri vel non fieri, produci vel non produci, non pendeat ab arbitrio vel potestate hominis: nemo enim hominem, aut nivem, aut lapidem, aut plantam, aut aliquod corpus naturale, producere valet.

Per causas proximas intelliguntur materia & forma, quæ tamen in demonstrando habent rationem causæ efficientis proximæ & immediatæ sui emanativæ.

Per affectū intelliguntur, quantitas, qualitas, locus, motus, tempus.

3. Ejusque objectum est materiale vel formale.

Objectum materiale Physicæ, ei cum Medicinæ est commune: objectum formale, Physicæ est proprium.

4. Materiale, est corpus naturale, id est, ex materiâ & formâ substantiali compositum.

Corpus naturale dari in Physicâ præsupponitur, non probatur, quia subiectum in scientiâ non probari solet sed præsupponi, at corpus dari, probatur in Metaphysicâ.

5. Formale, est quatenus naturale, id est, habens in se principium motus & quietis.

Objectum formale sic vocatur, quia est veluti forma sub qua objectum materiale ab unaqueque scientiâ pertrahatur; sic Physicâ non agit de naturali corpore, quatenus curari potest, ut Medicinâ, sed sub forma alia, scilicet, quatenus naturale est, id est, quatenus moveri potest, aut quiescere: nota vero, objectum formale semper significari per vocem, quatenus, vel qua, & vocari vulgo rationem formalem.

6. Itaque, non pertinent ad Physicam Deus & Angeli.

Deus & Angeli non pertinent ad Physicam, quia sub objecto materiali non comprehenduntur, neque enim sunt corpora, quia non constant materiâ & formâ.

7. Nec objectum ejus recte ponitur corpus mobile, multò minus ens mobile.

Corpus aut ens mobile non est objectum Physicæ, quia pugnat utrumque cum ratione formali objecti Physicæ, quæ est quatenus naturale.

Mobile propriè significat id, quod moveri potest, & sic non est objectum Physicæ, sed affectio de eo demonstranda; si mobile dicatur id, quod movere potest, jure male loquimur, & clarum hoc exprimitur per vocem naturale.

8. Definitor ergo recte Physica, scientia corporis naturalis, quatenus naturalis.

*Definitio ista desumpta est à genere & objecto, tum materiali, tum formali.*

9. Dividitur recte in partem com-

munem seu generalem, & propriam seu specialem.

*Divisio ista est non generis in species, sed integri in membra, quia tota natura Physica non est in una parte, nec tota in altera, quemadmodum tota natura generis est in unaquaque specie: sed tota Physica partim est in parte generali, partim in speciali.*

## C A P U T I.

### à Thef. Prima usque ad Nonam Inclusive.

**D**Uplex est ordo docendi atque explicandi res; unus, qui vocari solet naturæ, vel doctrinæ, vel didascalicus, procedique per præcepta, definitionem, divisionem ac canonem seu regularum ac maximarum; alter est arbitriarius, atque insuper habet & negligit definitiones, divisiones ac canones: Prior servari solet à scriptoribus Systematicis, servaturque est à nobis in hac naturali Philof. & à Regio in fund. Physicis: Posterior observatus est ab Aristotele, Cartesio, Berigardo, quorum nullus Physicam, aut definiit, aut divisit, sic ut restet tantum conferenda definitio Physicæ à Regio allata cum nostrâ; nam divisionem quoque ipse ponit nullam: Nos quidem definitionem Physicæ ponimus Thefi Octava, deductam ex genere & objecto, ante probatis, quæ est via compositionis, quando ex Principiis & partibus definitionis colligitur tota definitio. Regius itatim in initio Physices ponit definitionem, eamque in partes resolvit, ac per partes exponit, quæ est via resolutionis. In genere assignando Physicæ à nobis abit, in objecto nobiscum convenit nisi quod paulo aliter loquatur, quæ enim nos vocamus corpora naturalia, ea ipse vocat res naturæ præditas, sensus tamen idem est atque eodem recidit; nam, ut nos, Deum & Angelos entiaque in materialia ac supernaturalia, à Physicæ ambitu excludimus, quia non sunt corpora naturalia: ita & ipse facit idem, sed pro genere Physicæ ille ponit doctrinam, nos scientiam, & quidem stricte sumtam: nam si hanc vocem late sumas pro quacunque & qualicunque cognitione, omnis doctrina, & disciplina, & ars, & prudentia, dici potest scientia, quia omnes sciri debent, id est, cognosci. Regius Physicam vocat doctrinam, voce nimis generali, doctrina enim significat omne id, quod doceri potest ac solet, quod commune est omnibus habitibus intellectuales, quorum discrimen, videtur aut non agnovisse, aut fuisse, fortassis ad instar *Ameisii*, qui similiter facit in sua Technometria: atque ideo quoque Theologiam definiit non per scientiam, prudentiam, aut artem, sed per doctrinam vivendi Deo, Cap. 1. suæ medullæ. Attamen putem ego, non remere esse rejiciendum omne discrimen inter hæc tres habitus, scientiam, prudentiam, & artem, siquidem illud fundatur in objectorum diversitate: Quædam enim res tales sunt, ut tantum sciri possint, nec ullo modo à nobis fieri

queant, circa quas versatur scientia; aliæ non tantum à nobis cognosci possunt, sed & fieri, imo ideo cognoscuntur ut fiant, & que sunt in duplici differentia: quædam enim sic à nobis fieri possunt vel etiam non fieri, ut ab earum effectione vel omissione dicatur boni vel mali, & circa has versatur prudentia, quædam sic à nobis fieri vel non fieri, ut inde non dicatur boni vel mali, sed petiti vel imperiti, non probi aut improbi, sed docti vel indocti, & circa has versatur ars: Si jam excutiantur res Physicæ,prehendimus eas esse tales, ut tantum à nobis sciri valeant, non effici. Quis enim mortalium producere queat vel cælum, vel solem, vel pluviam, vel lapidem, vel plantam, vel brutum, vel ullum simile corpus naturale? attamen hæc omnia sciri possunt à nobis, & quid sint, & quæ sint eorum proprietates, & quæ operationes, adjuncta, effecta &c. ut jure merito Physicæ, quæ circa hæc versatur, pro genere, & quidem proprio ac proximo, assignetur scientia, & repudietur doctrina, quia hoc vocabulum æque competit prudentiæ, ut ethicæ, & arti, ut Logicæ; ac Physicæ, nec prudentia est, nec ars; nec scientia stricte sumpta, qualis est Physicæ, de arte aut prudentia, dici potest. Quæ porro dicuntur à Thefi prima ad odavam plane sunt Peripatetica & ex commentariis subjunctis facile intelliguntur: Thefi nona, decima & undecima divisio proponitur Physicæ, quæ facili quoque intellectu est, & in Regio nulla invenitur. Thefi duodecima, & decima tertia, docetur, quæ Methodo, Physica sit tradenda, nimirum Synthetica, quam & servat Regius in fundamentis Physicæ. Quid autem discriminis sit inter Methodum Syntheticam, quæ progreditur à principiis simplicissimis, ad ea, quæ ex istis principiis componuntur, quæque observanda est scientiis, & Analyticam, quæ facta initio à fine, progreditur ad media, quibus finis obtinetur, & quæ tenenda est in artibus & prudentiis, ex Cap. ultimo synopsis. Log. *Burgesii*, peti potest.

10. Generalis agit de corpore naturali in genere ejusque principii & effectionibus.

11. Spe-



11. Specialis agit de Corporis Naturalis speciebus.

12. Physica debet tradi methodo synthetica.

*Rationes hoc est, quia Physica est disciplina speculativa, qualis semper debet tradi methodo synthetica, & quia videtur ultimum caput Logicæ Burgerlicæ.*

13. Itaque faciendum est initium à principiis rerum Physicarum simplicissimis, & progrediendum ad ipsa corpora, quæ ex iis componuntur.

14. Principia alia sunt cognoscendi, alia essendi: hæc intelliguntur utraque.

*Principium in genere definitur, primum, unde aliud fit, est, operatur aut cognoscitur: hæc thesi sub principii essendi comprehenduntur & principia sciendi.*

15. Principia essendi sunt, quæ ad ipsum esse corporum naturalium concurrunt.

*Ad ipsum esse, scilicet, vel producendum vel constituendum.*

16. Suntque vel Externa, scilicet Efficiens & Finis, vel interna.

*Principia externa dicuntur, quæ corpus naturale non ingrediuntur, illud constituendo; interna, contra.*

17. Interna corporum naturalium principia sunt, quæ non fiunt ex aliis, quia non essent prima, nec ex se invicem, & ex quibus sunt vel fiunt omnia.

*Vocabula, ex, ter hæc thesi ponitur, & non semper eodem sensu: interdum ex notat partem componentem; sic principia non fiunt ex aliis, neque ex se invicem: interdum ex significat terminum à quo, hoc sensu, simul & privi, ex principii sunt omnia corpora naturalia.*

18. Eaque, vel sunt constitutionis & transmutationis, vel transmutationis tantum.

*Principia constitutionis, alii dicuntur compositionis; & transmutationis, dicuntur generationis, vel terminationis: principia.*

19. Principia constitutionis & transmutationis, sunt, Materia & Forma.

*Materia intelligitur hic ex qua, non in qua, non circa quam: vide caput 26. de materiâ Logicæ Burgerlicæ.*

*Forma intelligitur, non accidentalî, sed substantiali qua alteram partem essentia corporis naturalis constituit.*

20. Principia transmutationis, sunt, Materia, Forma, & Privatio.

*Privatio est Principium transmutationis tantum: at materia & forma insuper constituti.*

à Thef. 14. ad 21. exclusivæ.

**D**E principii in genere nihil quidem à Cartesio & Regio dissertitur, & Ciculco tertio quidem in primum Physicorum agitur à Berardo de principii secundum veteres, ac quarto de eisdem secundum Aristotelem; sed in specie magis quam in genere? quare quid ego & alii desiderent circa principia corporum naturalium hic secundum Peripateticos proposita atque expolita, planum faciam. Hoc quidem recte dictum est, principia esse duum generum, essendi & sciendi, non, quod principia essendi non sint quoque principia sciendi, sed quod principia sciendi interdum non sint principia essendi, ut cum ex effectibus cognoscitur causa, ex illuminatione æstris ortus Solis, ex ascensu fumi extractio ignis; non tamen illustratus aer est principium essendi Solis orti, id est, cur Sol sit ortus; neque ascendens fumus est principium essendi cur extractus sit ignis; At omne principium essendi pariter est principium cognoscendi: nec hoc male hic quod principia essendi dividantur, in externa, efficientem & finem, quæ ad corporis naturalis productionem concurrunt, & interna, quæ ad eius constitutionem: sed hoc pessime fit, quod inter principia interna referatur privatio, siquidem enim principia dicuntur interna, quæ intra causati essentiam manent, ut partes ejus constituentes, privatio autem nullo modo maneat in corpore naturali productio, multo minus illud constituat, principium internum nullo jure dici potest: quod dicant Peripatetici, eam esse principium internum, non constitutionis sed transmutationis, id nihil juvat hanc causam: pari enim ratione dici posset, appetitus materiæ primæ ad formam, qui inest materiæ, esse principium internum: transmutativum corporis naturalis, item, & quantitatem materiæ coævam, & potentiam materiæ, ex qua forma educitur, & in materia secunda formam sæpe aliquam priorem in materia existentem ante novæ formæ producendæ adventum: hæc enim omnia sunt intra materiam, adeoque forma generetur, & possunt dici initium five principium generationis, quia generatio ab illis incipit: Præterea principium generationis ac transmutationis proprie non est, nisi externum, non internum: aut igitur privatio non est principium internum, ut volunt Peripatetici, aut non est principium generationis ac transmutationis. Amplius, cum nulla generatio aut transmutatio fiat neque incipiat, nisi certo loco &

tempore, quidni & locus & tempus dici possint principia, vel generationis vel transmutationis: Denique, quod consistit in negatione formæ, ens veri ac positivi, quomodo id dici potest respectu ejus principium fieri? Quid igitur, an cæcitas, privatio & negatio visus, erit in cæco principium fieri ipsius visus, id est, erit in ipso visus iterum generetur, cui ex cæco transmutetur in videntem? Et an abientia animæ vegetantis in semine plantæ, privatio istius formæ, erit principium generationis ac transmutationis, quo in semine plantæ nascitur, producitur, ac generetur, anima vegetans, & semen plantæ transmutetur in plantam? hæc omnia quis non videt esse absurda? quare duo tantum agnoscendi debent principia corporum naturalium interna, tum transmutationis seu generationis, tum compositionis seu constitutionis, materia & forma, privatio in numerum, ordinem, & censum principiorum admitti nullo jure mereatur, nulla ratione aut potest aut debet.

21. Materiam dari, ex eo manifestum est, quia ex nihilo nihil fit naturaliter, id est, naturali modo, ordine, viribus naturæ, ab agente naturali: actio, quæ ex nihilo quid fit, vocatur creatio, quæ ex aliquo aliquid, generatio.

Naturaliter, id est, naturalis actione, quæ ab agente naturali, natura viribus, secundum naturæ ordinem, instituitur.

22. Materia est prima vel secunda.

Hac divisio non est generis in species, nec integri in membra, imo nec rei quidem divisio est, sed nominis tantum distinctio, & perita fere à mente seu ratione nostra: Materia enim secunda est materia uniuscujusque corporis Physici singularis: cum vero omnis materia corporum singularium in eo conveniat, ut singula corpora ex illa consistantur, tanquam ex parte componente & subiecto formatum, fit, ut communis hæc natura & ratio materialium singularium, à corporibus singulis per mentem abstracta & concepta, dicatur materia prima.

à Theſi 21. ad Theſin 23 excluſive.

**D**E materia prima nobis reliquit Aristoteles, & somniant Peripatetici, probant materiam primam dari, quia ex nihilo nihil fit naturaliter: quod tamen axioma à recentioribus quibusdam invertitur, qui dicunt omnia quæ sunt, fieri ex nihilo: quod Goriæ in exercitationibus suis Philosophicis demonstravit. Quicquid sit de hoc axioma, materiam quandam dari corporum naturalium, ex qua fiant, saniores omnes Philosophi asserunt, sed qualem posuit primam Aristoteles, talem dari negant alii Aristotelici: eam multis argumentis in scholis Physicis refutat Ramus.

Materiam ut principium corporum naturalium ex quo fiunt, agnovit quoque Cartesius, Regius, Berigardus, sed qualem posuit Aristoteles, negant. Materia Aristotelis prima est æterna ipsi, quia enim mundum fecit æternum, & mandus materia consistit, oportuit quoque istam materiam ponere æternam: acqui materia ex qua constant corpora naturalia, est creata, uti quoque ipsa corpora naturalia. Æternum enim Christianis nihil est præter Deum. Materia Aristotelis prima non est æternum ac determinatum ens, neque determinatæ aut quantitatis, aut qualitatis. Cartesius, Regius, Berigardus, omnibusque aliis Christianis Philosophis, materia, ex qua constant corpora naturalia, est determinatum ens, determinatæ & quantitatis & qualitatis. Materia prima Aristotelis semper manet, etque ingenerabile & incorruptibile subiectum omnis corporis naturalis; ac Materia, ex qua, alii Philosophi, constant corpora naturalia, non semper manet, sed in dies singulos, vel fortè horas, mutatur, generatur, corrumpitur. Ex Materia Aristotelis prima, nullum corpus naturale componi potest, quia est merum ens rationis, ac corpora sunt entia realia, quæ ex ente rationis tanquam in parte essentiali, componi nequeunt. Materia prima Aristotelis, exiit extra omnem secundam, quia ab æterno fuit, secunda autem per generationem esse cepit, per corruptionem desinit: Materia prima corporum naturalium, secundum Aristotelem, est principium passivum, omnis operationis expectans: ac Materia corporum naturalium secundum alios recentiores ac liberos Philosophos, est principium activum, & per figuram ac qualitatem, aliaque in se accidentia, agit, imo, illis tribus Philosophis sæpe nominatis, forma actionis principium non est, aut saltem non distinctum à Materia.

23. Materia secunda est corpus aliquod naturale variis dispositionibus & qualitatibus vestitum, ex quo aliud fit.

Materia secunda est principium, non quorumlibet corporum naturalium, sed eorum, quæ ex ea tantum nascuntur & produciuntur.

24. Materia prima definitur, vel positive, vel negative.

Materia prima, quia ens est imperfectum, & principium tantum ac pars corporis naturalis, perfecte definiti nequit, sed quatuorque descriptione adumbrari tantum potest, idque, vel terminis passivis seu affirmatis, vel negatis.

25. Negative, neque est quid, neque quantum, neque quale, neque ali-quid eorum quibus ens determinatur.

Materia prima dicitur non esse quid, non quod non

non fiti aut aliquid, sed quia non est hoc aliquid seu ens  
speciei: sic neque quantum esse dicitur, non quod  
nullam habeat quantitatem, sed quia non habet quanti-  
tatem determinatam: sic neque esse quale, quia nullam  
habet qualitatem certam aut definitam, imo, si in se  
spectetur, ex se ne nullam quidem qualitatem habet, quia  
omnis qualitas a forma est.

26. Positive, est primum subje-  
ctum uniuscuiusque, ex quo fit ali-  
quid, id est, corpus naturale, cui in-  
fit per se & non secundum accidens,  
& si corrumpitur aliquid, in hoc ul-  
timo resolvitur.

Materia prima significat id omne, ex quo aliquid pro-  
ducitur primo, sic ut maneat in producto, & productum in  
illud, quando corrumpitur redeat atque revertatur: quod  
utrumque intelligendum est de productione & corruptione  
naturali, quae fit ab agente naturali, natura viribus se-  
cundum naturam ordinem; sicut enim materia, genera-  
tionis & corruptionis omnis subiectum non daretur, ali-  
quid ex nihilo fieret naturaliter, quod est absurdum.

27. Hæc proprie est principium  
generale, de quo hinc agimus.

28. Materia prima non est corpus,  
neque per formam corporeitatis, ne-  
que per simplicem essentiam.

Per corpus intellige Physicum, non Mathematicum,  
& substantiam constantem materia & forma: nam  
principium corporis, cuiusque pars non potest esse ipsum  
totum corpus.

Forma corporeitatis dicitur, per quam corpus est  
corpus. Quæ ab aliis dicitur forma mixti, aut, si ab  
hac distinguatur, metum est figmentum.

29. Est tamen ens, & quidem sub-  
stantia, licet incompleta.

Materia prima est ens, quia essentiam habet & exi-  
stentiam, imo & substantiam, quia non est in alio ut  
in subiecto, distincta ab essentia, existentia, & sub-  
stantia forme, quia principium esse distinctum a forma;  
perit dicitur substantia incompleta, quia ad corpus, tan-  
quam substantiam completam, ut eius pars & princi-  
pium, ordinatur unde nec prima nec secunda est substan-  
tia, quia hæc est divisio substantia completa, qualis non  
est materia prima.

Essentia sive esse rei, est id, quod definitione exprimi-  
tur: quia ergo materia prima definitur: habet quoque  
essentiam seu esse sibi proprium. Existentia est id, quo  
rei ponitur extra causas producentes in hoc mundo, atque  
materia prima producta est, & stat extra causas suas, quia  
existit in & cum materia secunda; ergo & existentiam  
habet. Substantia est modus, quo substantia non est in alio

ut in subiecto: atque materia prima non est in alio ut  
subiecto, est quidem in secunda, sed ut pars essentia in  
toto, ergo & substantiam habet.

30. Habetque actum ex se entita-  
tivum.

31. Et simul est potentia subiectiva.

Actus entitativus vocatur, quo aliquid vere existit in  
rerum natura, extra causas producentes; ei opponitur  
potentia obiectiva, quæ aliquid non vere existit sed exi-  
stere potest, atque obiectum est potentia activa producenti,  
a quo potest produci: quemadmodum munus, antequam  
conderetur, erat in potentia obiectiva Dei, postquam con-  
ditum est, habet actum entitativum, quo, ut ens, actu exi-  
stet. Potentia subiectiva dicitur, quia res, quæ est, potest  
esse subiectum alicuius forme, sive substantialis, sive ac-  
cidentalis: huic potentia opponitur actus formalis, sive  
informans, quo res naturalis certam aliquam formam,  
seu substantialem seu accidentalem actu possidet: quanto  
materia prima dicitur esse pura potentia, intelligitur  
subiectiva, non obiectiva: quando dicitur habere actum,  
intelligitur entitativum, non formalis: duo pugnant,  
ut aliquid simul sit in potentia obiectiva, & habeat  
actum entitativum, uti pugnant, quod aliquid sit in  
potentia subiectiva, & habeat actum formalem, et ma-  
teria respondentem: sed potest aliquid esse in potentia sub-  
iectiva & habere actum entitativum, ut materia prima.

32. Imò ex se planè est (esse essen-  
tiæ) informis.

Sensus theos est, quod materia prima essentia in sui  
definitione & conceptu essentiali nullam formam includat  
aut involvat.

33. Nunquam tamen est (esse exi-  
stentiæ) sine forma.

Sensus theos est, quod materia prima nunquam exi-  
stat sine forma: ratio est, quia non existit nisi in mate-  
ria secunda, quæ est formata.

Materia prima nunquam existit sine omni forma,  
potest tamen considerari aut intelligi, non considerata aut  
intellecta ulla forma, quia potest abstrahi ab omni forma,  
abstractione simplicis ac præcisæ, quæ concipitur rei una,  
non concepta alia, non vero abstractione composita aut ne-  
gationis, quæ concipitur rei una, negata alia, neque enim  
materia concipi potest, ut de ea negetur omnis forma.

34. Imò ne esse (esse existentia) quidem potest.

Ratio theos est, quia materia prima nunquam existere  
potest extra secundam, universalia non possunt existere  
extra singularia, at materia secunda nunquam existere  
potest sine forma; ergo nec prima, quæ extra secundam  
non existit, imo tantum ratione ab ea distinguitur.

K k k k k

35. Ma-

### 35. Materię primę tribuitur potentia universalis :

Potentia scilicet, subjectiva, non objectiva, quo sensu intelligitur quoque potentia, *Thest* 38.

### 36. Hęc est quę indifferenter respicit quamlibet formam.

Formam intellige vel substantialem vel accidentalem, sed potissimum substantialem.

### 37. Potentia particularis est materię primę, unde materia substantiatur per potentiam.

Essentialis, vel constitutiva, quia illa potentia universalis essentiam materię primę constituit, vel constitutiva, quia essentiam materię primę constituit inmediate consequitur, ut proprietates sui subiecti.

### 38. Potentia particularis est materię secundę.

Vocatur potentia particularis, quia materia hęc aut illa, particularis, respicit, & recipit hanc vel illam formam particularem.

### 39. Tribuitur materię quoque quidam appetitus universalis.

### 40. Nam particularis materię secundę convenit.

Quia materia est ens imperfectius formā, & a formā perficitur, ascribitur ei appetitus quidam, quo formam appetit tanquam se perficientem, omne enim imperfectum appetit sui perfectionem: materia prima appetit perfici a quacunque formā; secundā verō ab illa formā quę suā naturā convenit: Ideoque illius appetitus dicitur universalis, huius verō particularis.

### 41. Uterque ab utraque potentia tantum ratione discrepat.

Potentia materia prima eiusque appetitus re ipsa idem sunt, sed sola differunt definitione, uti quoque potentia & appetitus materia secundę.

**M**ateria primā a *Thest* 23 ad 24. exclusivē expositionem ex *Aristotele* & *Peripateticis* sic dedimus, quam expositionem obiter percurreremus, atque ex ipsis, thesibus ac commentariis percurris eam ipsam rescriberemus, ac tum quid de materia, corporum naturalium principio, statuunt *Cartesius*, *Regius*, *Berigardus*, indagabimus atque explicabimus. Primum argumentum desumitur ex *thesi* 24. nam *thesi* 23. nihil habet

quā quod verum & sanum est, *thesi* 24. In comment. tantum dicitur materiam primā, quia principium & pars est corporum naturalium, perfectē definiti non posse, quod ipsum tamen falsum est: quid enim, si definiatur, substantia, extensa in longum, latum, & profundum, an non erit perfecta hęc ejus definitio? quippe quę contabigere proximo & differentia specificā si dicas illam esse definitionem materię secundę. Resp. atqui materia prima vel ipsis *Aristotel.* non differt a secundā, re, sed ratione, si dicas esse definitionem materię in communi. Resp. Ergo & materię primę ac secundę, quę sub materia in communi continentur.

Primo sic argumentor ex *Thest* 25. & ex *Comment.* Primum, si nullum detur ens, nisi quod sit certę speciei, nullum corpus, nisi quod habet quantitatem determinatam, & qualitates certas definitas, Ergo si materia prima aliterur non esse quid, id est ens certę speciei, aut non esse quantum, hoc est, non habere quantitatem determinatam, non esse quale, id est, non habere qualitatem certam ac definitam, materia prima erit nulla, sed verum prius, Ergo posterius: Major extra dubium est, & facile probatur: nam si attributa, quę hęc materię primę tribuuntur, nullę sint, id est, non sunt; etiam materia prima nulla est, id est, non est; sed verum prius, Ergo posterius: utraque Minor probatur, primo si dabitur aliquod ens, sed nullius certę speciei, dabuntur ideę Platonice, & universalia in essendo, id est, naturę rerum universales extra singularia, sed saltem posterius, ergo & prius: major probatur, quia ideę Platonice, seu universalia in essendo, nihil aliud sunt Philosophis quā essentia in mundo quidem alibi existentia, sed ad nullam certam speciem redacta, verū ad quas ideę & naturas universales omnes species rerum essent formate: si jam materia *Arist.* prima sit ens, & existat, ad nullam tamen speciem redacta, quid aliud est quam Idea aut universale in essendo. Secundum, Si detur corpus quod sit quantum, & tamen nulla quantitate determinata prædictum, Ergo habebit quantitatem indeterminatam, hęc enim sunt differentię quantitatis oppositę ac contrarię, si aliquod corpus habebit quantitatem indeterminatam, dabitur corpus mole infinitum, sed hoc dari non potest, quia quem occuparet hoc corpus locum? Prætered, tolleretur omnis motus, atqui illocalitas & immobilitas repugnant corpori, quod omne est in loco, a quo ambitur, & de quo in alium moveri potest, sed ita quo ambiretur, & quo moveretur corpus mole infinitum. Tertium, quod detur corpus habens qualitatem nullam certam ac definitam, sic refutari potest: Si omne corpus ipsum in essentia sua sit certum ac definitum, Ergo etiam qualitates certas habet ac definitas, sed verum prius, Ergo posterius. Unum hic reponunt adversarii, materiam suā primā non esse corpus, consequenter nihil esse mirum, quod non habeat quantitatem determinatam, vel qualitatem definitam, sed tantum substantiam atque ens incompletum. Vid. *Thest* 28. & 29. Resp. Si non sit corpus, quod ibi videbimus, est saltem ens corporeum & substantia.

substantia corporea, nisi velint materiam primam esse spiritum incompletum, aut substantiam spiritualem, aut ens spirituale incompletum, quod dicere non aulam. Ergo cum nihil istorum detur, tum, quæ tribuuntur materie primæ thes. 21. in commentum, tum neque materia Arist. datur prima.

*Secundo sic argumentum ex thes. 26. & 27.* Ex quo nihil fit non est principium, sed ex materia prima nihil fit, Ergo non est principium. Major patet, ex definitione Principii, quia principia sunt quæ non sunt ex aliis, nec ex se invicem, & ex quibus sunt omnia: si ergo materia prima est principium, oportet aliquid ex ea fieri, sed nihil ex ea fit, quod probatur: si nihil fit ex principio generali, Ergo nihil fit ex Materia prima, sed verum prius, Ergo & posterius. Major patet ex Theis 27. ubi Materia prima dicitur principium generale. Minor probatur: si pati fit singularium, Ergo ex principio generali nihil fit, sed pati est singularium, Ergo &c. Major patet, quia fieri est pati. Minor probatur: si agere est singularium, Ergo & pati, sed verum prius, Ergo & posterius. Major patet, quia agere & pati idem sunt. Minor probatur: si actione sine supposito, Ergo agere est singularium, sed verum prius, Ergo & posterius, Major probatur, à Conjugatis, quia Conjugatorum eadem est ratio, at agere & actio, Conjugata sunt, & suppositum & singulare idem significant. Minor est axioma receptum verum, quod à nemine in dubium trahi potest. Præterea, si omne quod fit, fit ex materia secunda, Ergo nihil fit ex primâ, sed verum prius, Ergo & posterius. Major patet, quia Materia prima & secunda differunt: si obicias, non differre se sed ratione tantum, Resp. atque hoc ipsum sufficit, ut id quod ex materia fit secunda, non fiat ex prima, sed omne quod fit ex secunda, quod probatur: Materia secunda est materia particularis, sed omne quod fit, fit ex materia particulari, id est, singulari, atque hoc ipsa docet experientia, quippe videmus plantam nasci, non in universali, sed hanc plantam in particulari & singulari; hominem gigni non in genere, sed in specie, aut potius individuo, hunc vel illum, Petrum aut Paulum, & sic se res habet in omnibus, quæ fiunt, ac generantur, ut fiant ac generentur ex materia particulari seu singulari, quæ est secunda, non ergo ex universali, seu prima. Denique, si nulla detur resolutio in causam primam, Ergo male dicitur Theis 16. Quod si aliquid corruptur, in materiam primam ultimo resolvitur, sed verum prius, Ergo & posterius: Major probatur ex lege Conjugatorum, quorum eadem est ratio, resolutio & resoluti sunt Conjugata, Ergo. Minor probata est infra, Cap. 6. Theis 28. Et facile probari potest: si resolutio omnis semper fiat in materiam formatam, Ergo nulla fit in primam, quia prima informis est, id est, omni forma carens, sed resolutio semper fit in materiam formatam, ut docet experientia, ut cum homo moritur, resolutio fit in cadaver, hoc autem est materia formata, cadaver iterum resolvitur in pulverem, in vermes: in vapores &c. at hæc omnia sunt materia formata, & in talem fieri deprehenditur o-

mnis resolutio ac corruptio cujuscunque corporis naturalis.

*Tertium argumentum ex thes. 28. & 29.* Cujus nullus datur conceptus, hoc est, quod concipi nullo modo potest; id non potest esse principium corporum naturalium, sed materia primæ, quæ non fit corpus, & tamen ens & substantia completa, nullus datur conceptus, hoc est, sic nullo modo concipi potest, Ergo Materia prima non est principium corporum naturalium: Major facile probatur, quia concipi nihil verat id quod à parte rei est, Ergo si materia prima est principium corporum naturalium, debet posse concipi, at (quæ Minor est) concipi nequit, quomodo Materia prima non fit corpus, Theis 27. & tamen fit ens, in eo substantia, sed incompleta, Theis 28. Atque hanc Minorem sic probatur. Si materia sic & concipitur ut ens & ut substantia, neque tamen sit aut concipitur ut corpus, oportet ut sit & concipitur ut spiritus, Possibile absurdum, Ergo & prius. Probat Minor: nam Spiritus non potest esse pars aut principium constitutum corporis naturalis. uti quidem Materiam primam volunt esse Peripatetici. Probat Major: Si hæc sit immediata substantiæ divisio, qua dividitur in corpus & Spiritum, ut non detur membrum tertium, omnino necesse est, Materiam primam, si non sit corpus, esse Spiritum, ex hypothesi, quod sit substantia, aut dandum foret membrum tertium, ad quod referretur. Excipitur, divisionem substantiæ in Spiritum & corpus, esse substantiæ completæ. Materiam verò primam esse substantiam incompletam, ideoque membra divisionis substantiæ completæ, non competere substantiæ incompletæ, Materiamque primam non esse corpus aut Spiritum. Resp. hæc exceptio nihil valet, nec nodum solvit, nam si substantia fuerit completa, si incompleta, utraque, tam posterior quam prior, dividitur in spiritum & corpus, de substantia completa ipsi agnoscunt adversarii, de incompleta sic probatur, anima rationalis respectu hominis est substantia incompleta, quia est ejus pars & principium constitutum, & tamen est Spiritus, Ergo non repugnat, esse substantiam incompletam, & esse Spiritum. Ab altera parte, manus est substantia incompleta, quia est pars corporis, omnis enim pars incompleta est, at manus ipsa corpus est, quamvis partialis, neque enim Spiritus est, quia dividi potest, Ergo quoque non repugnat, esse substantiam incompletam, & esse corpus: rectè ergo infero, corpus & spiritum non dividere solum substantiam completam, sed & incompletam; hinc consequenter bene argumentatus fui, Si Materia prima, licet substantia incompleta, non sit corpus (ut docetur Theis 17.) & tamen est ac manet substantia, licet incompleta, (Theis 28.) Ergo erit Spiritus; Sed hoc jam ante refutavimus, Ergo si neque corpus, neque spiritus sit, ne substantia quidem erit, consequenter, nec erit ens, nam quale ens foret, si non sit substantia aut accidens? cum præter substantiam nullum fit ens, quam accidens: sed accidens nullum potest esse pars aut principium constitutum corporis



ris naturalis. Ergo materix primæ, si non sit corpus, neque est spiritus, conceptus dari nequit, hoc est, illa concipi nequit, Ergo nequidem fuerit, multo minus fuerit principium corporis naturalis.

### Refutatio materix primæ ex thes.

30. 31. 32. 33. & 34.

**T**hesibus hiis quinque explicatur essentia & existentia Materix primæ, secundum receptam Philosophiam, sed verò ita, ut apertissima contradictionis explicatio ita argui possit, hæc duo dicunt Peripatetici. 1. *Essentiam materix primæ talem esse, ut concipi valeat, absque ullius forma substantiali conceptus*. 2. *Eandem tamen nunquam existere, nisi cum & sub forma substantiali*. Quod spectat primum, id quidem agnosco, essentiam rei create posse abstrahi ab existentia, & sic materiam primam, ut necque nunquam existat sine forma, posse tamen concipi, non concepta formâ, attamen cum existere nequeat, nisi cum & sub formâ, quæ tantum est materia secunda, quis non videt materiam primam, nihil esse aliud, quam ens rationis, quippe quæ non datur, nisi in & cum materia seu secunda, seu formata, seu quomodo id quod est ens rationis, potest esse principium corporis naturalis, quod est ens reale? Præterea dubitari potest, an essentia materix primæ talis sit, ut concipi valeat absque ullius forme substantiali conceptu, nam cum materia prima sit talis causa, quæ nunquam causæ se sola, sed semper requirit sociam, ac comitem causam, formam, quomodo illa concipi potest, ut in illo conceptu non involvarur conceptus formæ? præsertim si philosophari velimus de sententia *Cartesii, Regii, Bergadii*, formas substantiales, ut entia distincta à materia, negantium, certè non possumus formare conceptum materix etiam primæ, nisi in materix conceptu involvarur atque includamus conceptum talis formæ, qualem illi statuunt: si enim nulla materia sit, nec esse possit, nisi figurata, mota, certa partium magnitudine prædita, vario modo situata, perfectio non potest dari conceptus materix, simul concipiamus & figuram, & motum, & magnitudinem, & situm &c. consequenter non potest concipi materia absque conceptu aliquo cuiuscunque formæ; & si materia non concipitur, cum & sub tali forma, concipietur non figurata, non mota, non certæ magnitudinis, aut situs, & sic aut nullus conceptus erit materix primæ, aut erit conceptus confusissimus. Denique hoc addendum est, si materia prima ex se habet actum entitativum, quo est ens, imò & substantia, licet incompleta, nec tamen corpus, nec spiritus, qualis quæso futurus est conceptus talis entis & substantiæ, quæ existit, atque extra suas ponitur causas, & tamen non est ens, nec est substantia, huius, aut illius speciei: an igitur universalis existunt & ponuntur extra causas, circa & præter singularia? potestne aliquid existere, quod sit ens, & substantia, & tamen non sit ens tale & substantia talis? an ergo datur genus, quod nullas habeat species, in quibus

existat: at omne genus existit in speciebus, & omni species in individuis, & omne universale in singulari. Ergo materia prima, neque existere, neque concipi potest, nisi existente & concepta materia secunda, at hæc est formata; Ergo neque existit, neque concipi potest materia prima informis.

### Refutatio materix primæ ex thes.

35. 36. 37. 38. 39. 40. 41.

**T**hesibus hiis exponitur duplex materix potentia, & duplex appetitus, una potentia universalis & appetitus universalis materix primæ, altera potentia particularis & appetitus particularis materix secundæ, sed utrumque egregium est figmentum. Potentia universalis dicitur, quia recipere potest qualibet formas materia prima, quia nullam certam habet: at verò si materia prima nunquam esset extra secundam, uti non esse statim fuit ostensum, & secunda semper est formata, quomodo dici potest recipere qualibet formas, & nullam certam formam sibi vindicare. Adhuc turpius erratur à Peripateticis, cum hanc potentiam materix primæ universalem, faciunt ipsam ejus essentiam: quid? an potentia recipiendi formas qualibet successive, erit essentia substantiæ, qualis ipsi est materia prima? perfectio si materia prima non est substantia distincta à materia secunda, utique nec potentia universalis materix primæ, distinguatur à potentia particulari materix secundæ, sed potentia particularis materix secundæ, ipsi consistentibus *Peripateticis*, est accidens, Ergo accidens quoque fuerit potentia universalis materix primæ: at quomodo tum constituerit essentiam ejus? potestne accidens constituere substantiam? hunc nodum prius solvant *Peripatetici*. Non minus vanus est appetitus ille materix primæ universalis, nam licet materia imperfectior foret formâ, an ideo talis appetitus ad omnes & qualibet formas indifferenter suscipiendas, ei tribui debet? Cur non dicamus potius talem appetitum esse planè nullum, quandoquidem enim materia prima semper existit in & cum secunda, quæ certam semper appetit formam, si materia primæ quoque aliquis appetitus est tribuendus, certè non appetet omnes formas promiscuè, sed certam quandam: & vero fundamentum, cui hic appetitus universalis materix primæ innititur, valde est ruinofum. Quid si enim dicamus, materiam non esse imperfectiorem substantiam, sed perfectiorem formâ. Quid si dicamus cum quibusdam Philosophis recentioribus, materiam solam esse substantiam, non item formam. Quid si dicamus formam omnem (excepta semper anima rationali) esse tantum modum substantialem materix, partiumque in materia, tum sensibilem, tum insensibilem, certè omnis modus ignobilior est re modificata. Ergo & modus substantialis deterioris est conditionis quam ipsa substantia, quæ modo afficitur, Ergo & forma si non fuerit nisi modus substantialis materix, ut substantiæ, imperfectior erit quam ipsa materia, substantia: ideoque ille materix



primæ appetitus univ. salis dari nequit in eo quod materia prima sit ens imperfectus formæ.

42. Materiæ coæva est quantitas interminata, id est, indeterminata, cujus termini ab intellectu humano assignari nequeunt.

Quantitas interminata dicitur, non quod detur in rerum natura actu talis, quæ omnibus terminis ac finibus careat: sic enim daretur aliquid ens corporum ac infinitum mole sua, quod est absurdum: sed vocatur interminata quantitas, cujus termini & fines, cum in se sui finiti, a nobis tamen humana mente definiri, designari, ac determinari nequeunt: talis quantitas dicitur materiæ primæ coæva, quia est proprietas quarto modo materia; omne proprium subiecto suo est coævum, sunt enim ista duo simul tempore, & se mutuo ponunt ac tollunt.

Non est ea sententia Aristotelis, materiæ primæ, quam facit æternam, esse coæternam quantitatem aliquam: sicuti ipsa materia prima ipsi non est determinata quidditatis, ita nec est ipsi eadem determinata quantitas. Sentius Aristotelis hic est, quod ut materia prima non constituit certam speciem substantiæ, ita nec quantitas ejus, nisi vindicet certos terminos, sub quibus existat. Qui inter Philosophos Christianos primam materiam statuunt creatam, nihilominus ei faciunt coævam se coæternam aliquam quantitatem; quia quantitas, vel est ipsa materiæ essentia, quod volunt Cartesius, & Regius, vel est proprietas quarto modo materiam immediate consequens, & ab ea emanans: ut utrumvis dicatur, quantitas est inseparabilis à materia, sic ut nunquam existerit materia, sine ab æterno (ut vult Aristoteles) live in tempore, ut tenent Christiani Philosophi, quin simul existerit quantitas, & vice versa; hæc enim duo, materia & quantitas, se mutuo ponunt & tollunt. Sed ponitur in materia quantitas, non terminata, sed interminata: quod tamen sano sensu capiendum est, nempe, intelligitur quantitas interminata non re, sed ratione, non actu, sed potentia, non categorématique, sed syncategorematicè: quippe quantitas, re, actu, categorématique, interminata, nulla datur, nec dari potest: sic enim daretur corpus mole ac magnitudine infinitum, & positive interminatam, id est, quod nullos limites, terminos, aut fines suæ quantitatibus haberet: sed hoc est absurdum; sic enim tolleretur omnis motus, & omnis locus, foret enim & immobile & illocale corpus tale actu interminatam, & positive infinitum, quo enim moveretur, & in quem locum se reciperet? quippe quod omnem locum repleret, & de loco in locum moveri nullo modo posset: ergo quantitas interminata & infinita dicitur, quæ materiæ primæ est coæva, negativè, non positive, ratione, non re, id est, nulla ratio ullius hominis potest assignare fines, & terminos, ac limites certos, quan-

titatis, quæ materiæ primæ est coæterna, licet in se certos habeat, ac definitos, & determinatos, sicut oceanus quoque suos habet fines, limites, & terminos, sed quos nemo mortalium assignare potest, ne ex illis quidem, qui totum circumnavigarunt terrarum orbem: unde rectius dicitur illa materiæ primæ coæva quantitas, indeterminata, quam interminata, & infinita, quam infinita, utrumque intelligendum negativè, solus enim Deus est ens positive interminatam, & positive infinitum, quia non tantum terminis & finibus caret, sed omnes terminos, & limites excogitabiles re ipsa, actu, & positive, replet, unde etiam dicitur esse ubique, seu in omni loco repletivè: ex hisce videre est, quam iniquissime agant cum Cartesio, Regio, utriusque & sanæ Philosophiæ calumniatores, cum carpunt hoc ab illis dictum, quod mundus sit indefinitus, aut indeterminatus, cum nihil aliud voluerint, quam, mundo finito quidem & terminato in se, nullos tamen ejus fines, & terminos ab intellectu humano posse assignari, aut determinari: & ratio Philosophica huius rei hæc est, quod mundus, ut & Oceanus, sit figuræ circularis, in qua nec initium, nec finis, nec terminus inchoans, aut finiens, potest assignari: & profectò, si concoquere possint Aristotelici homines, quantitatem materiæ primæ coævam, interminatam, sed sensu, quo expostuius, quidni concoquere pariter possint; mundum indefinitum, quo sensu Cartesius & Regius exponunt, qui & melius loquuntur, & sensu conveniunt cum Aristotele & Aristotelicorum, quantitatē interminatam, materiæ primæ coævæ.

Vitis & refutatis, quæ secundum Peripateticos disseri solent de materia prima, restat, ut videamus, quid hic statuunt Cartesius, Regius, & Bernigardus. Nunc duorum priorum sententiam exponemus, & postea tertii. Statuunt duo priores pro principio corporum naturalium nullam dari materiam primam, quam & qualem refutavimus, sed materiam tamen ponunt, neque illa negari potest à sanæ mentis homine, sed materiam, ut vulgo dicitur, secundam, & quæ sit substantia, non æterna, sed creata, non incompleta, sed completa, in genere scilicet substantiæ, non incorporea, sed corporea, atque adeo, quæ ipsa sit corpus, quantitas, non interminata, sed terminata, & quæ est prædicta extensio, in certam & longitudinem, & latitudinem, & crassitiem; amplius, quæ habeat partes extra partes, id est, loco, ac situ distinctas, non tantum sensibiles, i. e. quæ externo sensui apprehendantur, & discernuntur, sed & insensibiles, i. e. quæ solo intellectu percipiuntur, ac discernuntur, sensusque externos fugiunt; quas dari vel sola nos docet accretio viventium, ut plantarum, brutorum, & hominum; quis enim mortalium vidit unquam & particulas illas, quarum accessu viventia crescunt? & tamen ea crevisse sensu postea externo deprehendimus: certe non magis videmus partes illas, quibus augescit, vel accrescit arbor, brutum, aut homo, quæ tamen postea accrevisse videmus, quam videmus indidem moveri in gnatione, quem tamen postea motum conspicimus. Sed & alio argumento non minus,

efficaci, hæc partes insensibiles confirmari possunt, nempe ex somno, sudoribus, & morbis: quis unquam vidit particulas illas corporis nostri de nocte, cum somnum capimus & concedo cibi peragitur, evaporantes? quis similes particulas per sudorem, aut vi morbi exhalatas: & cum nil certius sit, à vivente, quamdiu vivit, & nutritur, multas partes corporis viventis & nutriti quotidie recedere, propter assumptum in singulis dies alimentum, quod mutatur in substantiam corporis viventis, ac nutriti (si enim hoc non fieret, corpus vivens, ac nutritum, in molem gigantescam, ac magnitudinem sine fine, & termino, excreveret) quis tamen unquam vidit, aut sensibus externis deprehendit illas particulas recedentes ob alimentum assumptum, & in novam substantiam nutriti mutatum, partesque præcedentes expellens, ut locum earum repleat; sic ut partes materie aut corporis negare insensibiles, nil sit aliud, quam litere nugari; adeoque nil esse ineptius, quam illud ex Aristotele receptum axioma. *Nihil est in intellectu, nisi quod prius fuerit in sensu?*

Quod spectat sententiam *Brigardi*, de materia, notandum venit, quod ille in Circulo suo Pisano 3. & 4. lib. 1. Phys. magis occupetur in refutanda *Aristotelis* sententia de materia prima, quam in asserenda propria, atque illud observandum est semel, auctoritate hunc in omnibus suis circulis duas introducere personas colloquentes, sub nomine *Charilai* & *Aristai*, ac sic semper agere, ut *Charilais* explicet, & defendat mentem *Aristotelis*: *Aristai* veterum ante *Aristotelem*, verum sic, ut *Charilais* semper ab *Aristao* vincatur, & quicquid *Charilais* pro *Aristotele* proferat, refutetur ab *Aristao*. Atque eodem modo de principiis corporum naturalium, & speciatim de materia prima, in Circulo 3. & 4. citatis. agit *Brigardus*, nempe postquam multis, veterum ante *Aristotelem* sententiam, de principiis corporum naturalium in genere, exposuit, & quæ contra veteres *Aristoteles* disputavit, in lib. 1. Physicorum refutavit, speciatim refellit materiam primæ actum entitativum, & quod dicatur substantia imperfecta, & quod ponatur substantia, distincta à forma, substantialiter, ut & hæc, scilicet forma, sit substantia, sed alia quam est materia, quod & nos postea refutabimus, excepta semper animæ rationali. Ut tamen nonnihil dicamus de sententia propria *Brigardi*, quam tenet circa materiam primam, & quam fusius explicat in Circulis suis, ad lib. 1. *Aristotelis*, de Ortu & Interitu, præsertim Circulo sexto; quandoquidem ille sententiam *Aristotelis* de materia prima in totum negat, nec tamen rejicit materiam, imo eam solum formam substantiam, & non formam, quin & substantiam perfectam, non imperfectam, & variis modis tantum modificatam; facile videre est, eum non agnoscere aliam materiam, quam secundam, quæ formata est, & disposita est, & corpus est, & extensa in longum, latum, & profundum, & paribus, tum sensibilibus, tum insensibilibus, prædicta. & eadem, quam ex *Cartesio* & *Regio* posuimus & exposuimus.

#### 43. Forma est actus primus sub-

stantialis corporis naturalis, unum per se cum materia constituens.

*Actus primus, vocatur principium operandi, actus secundus, operatio: actus substantialis idem est, quod substantia; accidentalis quod accidens: forma dicitur actus, non entitativus, sed formalis.*

Unum per se dicitur, aut quod habet essentiam simplicem & non compositam, quo sensu *Dew*, *Angeli*, & *Anima rationalis*, dicuntur unum per se, vel quod, tametsi habeat essentiam compositam ex aliis, talem tamen habet, ut partes componentis sint ejusdem naturæ predicamentis, & unione quadam mixta in unum coalescant: hoc sensu forma cum materia constituit corpus naturale, unum per se.

*Object.* *Actus & potentia non sunt ejusdem naturæ: materia est potentia, forma est actus: ergo: Resp.* *Neg. Maj.* nam actus substantialis & potentia substantialis, ut sunt forma & materia, sunt ejusdem naturæ.

#### Ad Thesin hanc 43. & novem sequentes.

**H**ic Thesibus de forma agitur secundum *Aristotelem* & *Peripateticos*. Thesi. 43. dicitur quid sit. Thesi. 44. dicitur formas dari substantiales & accidentales. Thesi. 45. & 46. explicatur quatuorplex fit. Thesi. 47. 48. 49. 50. exponitur forma materiam origo. Thesi. 51. 52. asseritur formatum substantiale pluralitas in uno eodemque composito. Nos primum, quæ hinc Thesibus proponuntur, excutiemus, deinde sententiam veram de forma substantiali, materiali, ex tribus sæpe citatis Philosophis recentioribus, ut veritatem, alteremus. Quod spectat Thesi. 43. hæc est mens *Aristotelis* de quidditate formæ, secundi corporis naturalis principii, nempe, quod, ut materia, ita quoque hæc, sit distincta à substantia materie, incompleta quoque in se, materiam tamen completam in genere substantiarum, & ejus substantialis actus primus, operationis in materia principium: materiam enim volunt tantum pati nihilque agere; in materia fit recipitur, ut per omnes ejus partes se indueret, eaque pervadat, quod vocatur *informare materiam*, & sic materie architectonice juncta, unum cum ea facit constituere corpus, & quidem unum per se, non unum per accidens, quale ens est vel concretum, vel aggregatum. In qua formæ explicatione præcipuus æ fundamentalis est error, quod formam faciat substantialem, distinctam à materia, excepta semper animæ rationali, cui error & alter inniuitur, quod materiam faciant principium tantum iners ac passivum, non vero activum, & omnem operationem adhibuit formæ substantiali à materia distinctæ. Primo attendendum est hoc, quod nulla forma dicatur substantialis, quia ipsa sit substantia, excepta animæ rationali, sed quia est substantiæ, id est, materie. Secundo & hoc observandum est accurate, quod ex ignorantia linguæ Græcæ profectum est in Scholasticis, quod cum

cum forma interdum dicatur *acta*, putant vocabulum hoc Græcum, reddendum esse per Latinum substantiam, at *acta* est essentia, non substantia, sed non potest forma esse essentia substantiæ, id est, materiæ, ut sit substantia distincta à materiâ. Tertiò, cum forma dicitur *acta* & *acta*, ratio essentiae, & ut illi volunt, substantiæ, cum sit ratio materiæ, quam informat, sola materiâ, esse essentia aut substantia. Quartò, est hæc definitio Logica formæ, ex qua male inferitur omnem formam esse substantiam, neque enim hoc voces istius definitionis important: nam hæc duo non æquipollent, ratio essentiae, & substantiæ. Quintò, quomodo forma educitur ex potentia materiæ? quomodo in eâ, ante ortum & productionem sui, latet tam diu? quomodo interiens in illam reabitur ac redit? quomodo ab ea materiâ est inseparabilis, si sit substantia distincta à materiâ. Denique cum *Aristoteles*, explicaturus formas naturales & materiales corporum naturalium, perpetuò uatior similitudine & exemplo formarum artificialium, statuit ut ledicæ, & ex formæ non sint distinctæ substantiæ à materiâ statui, ligno, aut ære, quis credat, illum statuisse, formas corporum naturalium esse substantias distinctas à materiâ? quin *Berhardus in Circulo Piscano cap. 4. lib. 2. Phys.* multis ex *Aristotele* adductis locis probat, materiam & formam esse substantiam eandem.

44. Dari formas substantiales, accidentium variorum in hoc subiecto concursus, in alio non item, clare demonstrat.

Quod ignis sit calidus & siccus, aqua humida & frigida, ejus rei causa non est materiâ, quia illa se indifferenter habet ad omnem qualitatem, sicuti ad omnem formam; neque potest causa esse accidenti aliud in igne aut aqua, quia de eo utrumque queritur, quare hoc potius sit in igne & non in aqua, ac vice versa; ergo oportet causam ipsam aqua & ignis formam.

Hoc argumentum quod existat in Commentario non est firmum, quia causa alia datur, quare ignis sit calidus & siccus, aqua frigida & humida, nempe, motus, vel major, vel minor, id est, vel concitator, vel minus concitatus, in partibus materiæ, five ignis, five aquæ, tum sensibilibus, tum insensibilibus. Si enim quis roget, quare ignis sit calidus & siccus? Resp. quia partes materiæ, in igne, magis & celerius moventur, quam in aqua: atque eodem modo solvi potest argumentum aliud, quod formæ substantiales assertores habent tanquam Achillem, scilicet, quod docent à corporis alterati restitutione ad qualitatem pristinam & naturalem, sic enim argumentantur. Si aqua calefacta redeat ad frigus pristinum, neque causa illius reditus referri valeat in materiam aquæ, neque in accidentis aquæ, quod est frigus, aquæ connaturale; Ergo reduci debet in formam substantialem aquæ. Sed verum prius, non potest reduci frigus aquæ restitutum, in materiam, quia illa se habet indifferenter ad frigus & calorem,

hoc enim ipsi perinde est, siue calefacta, siue frigefacta, neque potest causa reducti frigoris revocari ad ipsam calorem, existentem in aqua calefacta, quia contraria se mutuo destruant, tantum abeat, ut calor aquæ calefactæ, sit producturus qualitatem sibi contrariam: Ergo recuperatio frigoris naturalis in aqua calefacta, reduci debet ad formam aquæ substantialem. Resp. Etiam si admitteretur, materiam esse indifferenter, ad recipiendum vel calorem, vel frigus, & admitteretur calorem aquæ calefactæ non posse producere frigus, causa tamen dari potest, quare calefacta aqua redeat ad pristinum frigus, si sibi relinquatur, id est, si non amplius ab igne calefacta, scilicet, hæc est, quam dant *Cartesius* & *Regius*, quia per actionem ignis calefacientis, partes aquæ, tum sensibiles, tum insensibiles, magis & celerius moventur & agitantur, ideo nihil mirum, cessante actione ignis, calefacientis aquam, quando aqua semoveatur vel removeatur, cessare effectum, id est, & calefactionem & calorem in aqua; nam cessante causa, cessat effectus, Sed ignis fuit causa, quod partes aquæ tam velociter fuerint motæ, Ergo absente igne, partes aquæ non moventur tam velociter, & sic aqua frigefit; nam calor nihil est aliud, quam motus agitativissimus partium materiæ, & frigus est motus earundem remissior.

45. Forma est vel separabilis, quæ seorsim à materiâ existere potest, vel inseparabilis, quæ non potest.

Seorsim, id est, loco & tempore, diversis atque diversis: forma inseparabilis tolli quidem potest, hoc est, auferri à subiecto, per corruptionem, sed non potest separatim à materiâ sua existere alio loco atque tempore.

46. Hæc dicitur materialis, illa immaterialis.

Forma dicitur materialis, quæ à materiâ sic dependet, cum sit, existit, atque operatur, ut citra vel extra eam, fieri, existere, aut operari nequeat; immaterialis contra, quæ sine materiâ & fieri potest, & existere, & operari, qualis est sola anima rationalis.

Diviso illa formæ in separabilem & inseparabilem, nitiur hoc fundamentum, quod omnis forma sit substantia distincta à materiâ: argui hæc hypothesis est falsa, Ergo, &c. (Forma separabilis dicitur, quæ loco & tempore diversis existere potest extra materiam, inseparabilis, quæ non potest: fed nulla datur forma, quæ loco & tempore diversis existere possit à materiâ, excepta sola animâ rationali.) Sed probaverint semel, omnem formam inseparabilem, esse substantiam: nam neque formæ artificiales, quæ sunt inseparabiles substantiæ sunt, neque ullum potest dari exemplum formæ substantialis inseparabilis; quæ sit substantia distincta ab ipsâ materiâ quam informat. Et ratio hæc est. Si omnes operationes & proprietates corporum naturalium possint explicari per solas materiæ partes motus, motu, tum insensibili, tum

ensibili, quid opus est admittere aliquam formam inseparabilem, tanquam substantiam distinctam a materia partibus eius. Sed omnes proprietates & operationes corporum naturalium explicari possunt per solum motum partium in materia, tum sensibilibus, tum insensibilibus in materia. Ergo, &c.

**47. Formæ materiales non sunt ante sui productionem in materia actu, neque secundum se totas, neque secundum aliquam sui partem.**

*Ratio huius est, quia sic nulla foret generatio, quod est absurdum; nam nihil produceretur.*

**48. Sed educuntur ex potentia materiae.**

*Potentia materiae intelligitur non obiectiva sed subiectiva, ex qua dicitur educi forma, quando materia sua capacitate & aptitudine actionem agentis naturalis, formam materialis producentis iuvat, perficit, ac promovet.*

**49. In quo differunt ab immaterialibus formis:**

**50. Nam hæ creantur.**

*Forma immaterialis creatur, puta, anima rationalis, quia corpus, materia hominis, nihil conferret ad eius productionem; neque enim Ens corporeum potest assurgere ad productionem Entis incorporei.*

Hæc quatuor Theſibus diſſeritur de formarum materialium ortu, item & immaterialium: ſenſus utrinque brevitè hic eſt, quod formæ materiales non producantur ex nihilo, ſed educantur ex potentia materiae, contra formæ immateriales producantur ex nihilo, quia creantur: Sed ipſe inter Peripateticos Wundelinus parte 1. Phyſ. quæ vocatur generalis, hanc opinionem, & diſtinctionem inter utrumque, egregiè reſtat, docens, quod illa reductio formarum ex materia, nihil obſtet, quominus dicatur creati: nempe res ſic ſe habet, creatio eſt gemina, vel immediata, vel mediata, utraque ex nihilo, illa quæ eſt immediata, ex nihilo ſubjecti ſeu materiae, hæc quæ eſt mediata, ex nihilo termini ſeu ſui, educio formarum materialium non quidem eſt productio earum ex nihilo ſubjecti ſeu materiae, dici tamen poteſt productio eſſe earum ex nihilo ſui, ſeu termini ad quem producenti, nam materiam quidem præſupponunt, nihil tamen ſui in iſta materia; examinetur ipſa res, in productione plantæ ex ſemine, aut lapidis ex terra, utrobique materia quidem præcedit, aut ſubjectum, in productione plantæ ſemen, in productione lapidis terra, nihil tamen plantæ eſt in ſemine, aut lapidis in terra ante eorum productionem. Dicunt illi, eſt in ſemine potentia ad plantam, in terra potentia ad lapidem:

ſed quid eſt illa potentia? An ipſa ſubſtantia ſemini & terræ? an aliquod utriusque accidens? Si dicatur prius, tum forma ſubſtantialis lapidis produceretur ex ſubſtantia terræ, & forma ſubſtantialis plantæ ex ſubſtantia ſemini, atque ſic principium unum erit ex alio contra definitionem principii Ariſtotelicam; ſi forma ſubſtantialis educatur, vel lapidis vel plantæ, ex potentia materiae, ſeu ſemini ſeu terræ, quæ utraque eſt accidens, ſequitur materiam ſubſtantialem compositum itri ex potentia, quæ ſit accidens; atqui ut accidens componat ſubſtantiam, dici nullo modo poteſt, quia ſunt eſſentiaæ toto genere diverſæ; quid igitur erit hæc potentia materiae, ex qua forma educetur? Reſpondetur, aliquid & non nihil; ſi aliquid eſt, quid eſt: an ſubſtantia, an accidens, an Deus, an creatura? nihil illorum dici poteſt: an forſaſſe medium negationis interjectionem inter ens reale & nihil? illud forſaſſe diceretur omnium probabiliffimum, eſt enim inter illa media negationis quoque privatio, cum qua hæc potentiam multi faciunt eandem, ſed privatio eſt negatio & abſentia habitus, nec aliquid habitus remanet in ſubjecto ſeu oculo cæco, nihil plane; ideoque vitiis non poteſt dici educi ex potentia oculi cæci, qui hoc viſu privatur, niſi ſimul dicatur iſte viſus educi ex nihilo ſui; ita quoque non poteſt dici forma ſubſtantialis educi ex potentia materiae, quæ privatur illa, niſi ſimul dicatur produci ex nihilo ſui ſeu termini, & ſic educio formæ ſubſtantialis ex potentia materiae, quæ nihil niſi privatio, erit idem quod creatio mediata, ex parte ſui ſeu termini, ut nihil enim exiſtit Evæ in coſta Adami, & Adami in pulvere terræ, ex quo formatus eſt: ita nihil quoque plantæ exiſtit in ſemine, aut lapidis in terra; aut illius formæ ſubſtantiales in potentia materiae; & ſic concludo, illam eſſe aliud, quam nudam & metam creationem mediatam, expoſitam.

**51. Forma ſubſtantialis, ſive materialis, ſive immaterialis, in quolibet composito una tantum eſt ſpecifica & ultima.**

*Specificæ hic vocatur forma, quæ ſpeciem largitur ultimam, id eſt, quæ non poteſt Ens per ſe formam aliam ſuperiorem tranſire ad ſpeciem Entis perfectiori.*

**52. Plures tamen formas ſubordinatas vel diſponentes dari in eodem composito, non eſt absurdum.**

Subordinate formæ dicuntur, quæ rem quidem in certa ſpecie corporis naturalis conſtituunt, ſed ita ut reſiſta per adventum formæ alterius ac ſuperioris tranſire poſſit ad ſpeciem Entis perfectiori: quæmadmodum anima vegetans in ſætu hominis eum quidem conſtituit in ſpecie viventium, ſic ut ſentiens eundem collocat in ſpecie animalium, ſed ita ut ſætus ille per acceſſum animæ rationalis tranſire poſſit in ſpeciem perfectiorem hominis: adeoque non ſunt formæ ſpecificæ hominis, ſed ſubordinate.

Utra-

Utraque hac Thesi agitur de questione, agitata multis retro sæculis inter *Thomam* & *Scotum*, & hodie inter *Thomistas* & *Scotistas*, quorum illi tantum unam posuerunt in unoquoque composito formam substantialem, hic plures admittunt, sed cum distinctione hic à nobis posita, inter formas substantiales disponentes, sive subordinatas, & ultimas, sive principales: illas concedebant in uno composito, has non item, ne compositi unitas numerica destrueretur, quam salvam existimabant admissa una tantum forma principali & ultima: utra sententia sit admittenda, parum refert, neutra aliquid detrahit sententiæ *Cartesii*, *Regii*, aut *Berigardi*, quia illi Philosophi nec unam formam substantialem, quæ sit substantia, nec plures admittunt in ullo composito naturali, quippe, qui omnes formas substantiales esse, negant, excepta semper anima rationali. Theibis reliquis à 1. ad 16. exclusive agitur de Privatione, planè *Aristotelici*, quæ afficitur principium, non quidem constitutionis, sed saltem generationis aut terminationis: verum illas nugas jam refutavimus antè à Thesi. 14. ad 21. exclusive, quare dicta non repetemus. Thesi ultima & penultima asseritur, corpora omnia naturalia oriri ex tribus principiis, materia, forma, & privatione, constare ex duobus, materia & forma. Quod ex privatione nullum corpus naturale oriri possit, jam antè fuit visum; an corpora naturalia consistant materiâ & formâ, tanquam substantiis distinctis, in posterum videbimus, cum demonstrabimus formas corporum naturalium nullas, distinctas esse substantias à materiâ, arque hoc confirmatum ibimus ex ipso *Aristotele*, excepta semper anima rationali, prius quidem egimus sic satis abunde in curiculo 50. selectarum disputationum, disputationibus aliquibus, contra formas substantiales institutis; posterius egit *Berigardus* in curiculo 2. aut 3. in lib. *Phys. acromaticæ*, sed quia hoc ipso in loco inventi sunt, qui novo molimine eas adituere conarentur, eorum rationes expendere poterit solum veritatis amorem, operæ videbitur pretium.

Quod spectat sententiam *Cartesii*, quæ eadem est sententia *Regii*, ea talis est, formas corporum naturalium non esse substantias, sed nec esse accidentia, prout accidens more Aristotelico sumitur, pro ente reall substantiæ opposito, quod vulgò vocant accidens prædicamentale, sed si accidentia dici debeant, non aliter dici posse, quam prout accidens significat omne id, quod quocunque modo à subiecto abesse vel ei adesse potest: sola itaque materia ipsa substantia est; id, quod formam vocant *Aristotelici*, modus est materiæ, partiumque in materia, tum insensibilium, ortus ex vario materiæ partiumque ejus motu, magnitudine, figura, situ, distantia, numero, quiete, & id genus aliis, quæ omnia simul sumpta significant formam, materiæ superadditam: & cum materia constituentem corpus naturale; sed non significant novam substantiam à materiâ distinctam; & quamvis singula istorum mutari, & nunc abesse, nunc adesse possint: universa tamen à materiâ partibusque ejus abesse nequeunt, unde omne compositum, aut corpus naturale, ex materiâ, arque ex iis constituitur; & quamvis, materiæ sint accidentalia, poti tamen sunt essentialia,

id est, quamvis singula modò adfint, modò absint, scilicet nunc hæc nunc illa, propter sui mutationem, toti tamen essentiaæ corporis naturalis semper adiunt, aut clarius, corpori naturali cum materiâ totam largiuntur essentiam, hinc rectè talis forma, ex materiæ accidentibus resultans, motu, figura, &c. dicitur toti corpori naturali essentialis, rectèque definitur, ut ab *Aristotele* omnis forma, 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. ratio essentiaæ: arque eadem fuisse videtur sententia *Berigardi*, quamvis ille non ita clare se explicet, quippe qui magis versatur in destruenda sententia *Aristotelicorum* fallâ, quam in adstruenda sua ac vera. Cum formam sic describimus modum materiæ, partiumque ejus, tum sensibilem, tum insensibilem, ortum ex vario, tum materiæ, tum partium in materia, motu, magnitudine, numero, quiete, figura, situ, distantia, & si quæ sint id genus alia, notandum est, à nobis describi istam formam, quæ *Aristotelici* hominibus materialis dicitur, quia omnia ista recensita, quæ formam talem faciunt, à materiâ dependent in fieri, in esse, in operari; *Regius* eam formam vocat *generalem*, quia omnibus convenit corporibus naturalibus, excepto homine, in quo forma est *specialis*, sic dicta à *Regio*, quod nulli alteri corpori naturali conveniat quam homini: eam *Aristotelici* vocant immaterialem, quia nec in fieri, nec in esse, nec in operari dependeat à materiâ. Et hoc quoque observandum venit, formam hanc nostram generalem ac materialem, esse modum non tantum materiæ partiumque ejus sensibilem, sed & insensibilem; sensibiles vocantur partes; quæ sensibus externis percipiuntur, iidem pariter percipiunt eandem motus, quies, magnitudo, numerus, situs, figura, distantia, quas partes cum ipsis modis, sensibus externis quotidie obvias siliit hæc universi compages: tales sunt partes in arbore, rami, folia, fructus, cortex, &c. horum quoque omnium magnitudo, figura, &c. in sensum incurrunt: partes insensibiles sunt quæ sua subtilitate & tenuitate omnem fugiunt sensum externum, ut nec videri, nec audiri, nec palpari, &c. possint, quemadmodum nec harum partium motus, magnitudo, figura, &c. sensu quoque externo percipi nequeunt, tales sunt, partes in arbore quibus crescit, quæ ex succo alimentitio in substantiam arboris mutantur, eamque reddunt extensioem, habent hæc quoque partes suum motum, suam magnitudinem, suam figuram, sed insensibiles, ita præter partes corporis humani sensibiles, dantur in eodem insensibiles, ut sunt quæ per somnum, per sudorem, per morbum evaporant, & quæ ex assumto alimento mutantur in substantiam corporis humani illudque extendunt.

Multa quidem sunt argumenta, quæ à Peripateticis proferri solent, pro formæ substantialis, tanquam substantiæ distinctæ, existentia, sed quæ non omnia ejusdem sunt roboris; aut valoris, duo quidem sunt præcipua præ reliquis, quæ etiam hic in prima acie collocabimus & rescribimus; unum est desumptum à variorum accidentium concursu, in uno corpore naturali, quæ non concurrunt in alio; alterum est petitum à corporis alterari reductione ad pristinam ac naturalem qualitatem; utrumque sic institui potest. Primum, cum videamus in igne concurrere calorem



& siccitatem, in aqua humiditatem & frigus; quæritur causa hujus rei, ea non potest refundi in materiam, quippe quæ *Teripateticis* est indifferens ad præceptionem quarumlibet formarum, sive substantialium, sive accidentalium: neque causa reduci potest in accidens aliquod; nam cum calor, frigus, humiditas, siccitas, sunt qualitates primæ, & corporum primorum ac simplicium, nullum accidens eis est prius, aut quod eis possit causa istius concurrere, quo alia qualitates concurrunt simul in igne, alia in aqua, alia in elementis aliis. Ergo datur forma substantialis, à materia & accidentibus diversa, in quam resolvatur ille diversorum accidentium confluxus, in uno elemento magis, quam in alio. Sed responderi facile potest, uti quoque notatum fuit ad *Theol.* 44. causam diversorum accidentium concurrentium in elemento uno & non item in alio, esse varium ac diversum motum materię ejusque partium, ex quo fit, ut in uno elemento hæc qualitates, V. C. calor & siccitas in igne combinentur, alia in alio elemento, ut frigus & humiditas in aqua. Si roges, unde ille motus & à quo principio proveniat: Resp. motum illum à prima creatione materię partibusque ejus esse inditum atque insitum, eumque nunquam cessare, sed in uno corpore aut elemento esse majorem, in alio esse minorem, & hæc variatio motus varias inducit & concurre facit qualitates quas vocamus; prout enim partes materię ex isto motu modificantur, ita in ea oritur, vel calor, vel frigus, vel humiditas, vel siccitas: nam sanè, vix est, ut aliquod concepti valeat aliud sub nomine istarum, ut vocant, qualitatum, quam varia & diversa partium materię, tum sensibilibus, tum insensibilibus, modificatio. Alterum argumentum de reductu corporis alterati, V. C. aque calefactæ, ad pristinam ac naturalem qualitatem, nempe frigus, jam solutum fuit in notis ac dictis ad *Theol.* 44. Tercium potest adferri argumentum, acceptum à distinctione rerum essentiali, quæ nulla erit, si formæ substantiales non admittantur: nam si forma dat essentialiam rei, eamque ab alia re essentialiter distinguit. Ergo sublata forma tollitur quoque essentialis distinctio rerum: posterius est absurdum: Ergo & prius. Resp. negando consequentiam, ratio est, quia essentialia rerum discrimine sublata ista etiam forma substantiali manere potest, modo id bene intelligamus, concurrentem talis magnitudinis, talis situs, talis distantię, talis numeri, talis figurę, talis motus, in partibus hujus aut illius materię, esse quidem accidentalem materię, sed tamen essentialiorem toti composito, quod exsurgit ex materia & principiis illis universis simul junctis in materia, quæ cum similiter non jungantur in materia alia, aut corpore alio, exoritur discrimen essentialia, inter varias materias, aut potius varia corpora, abique admissa ulla forma substantiali; ita essentialiter distinguuntur culter & ensis, licet consent eadem materia, quia alio modo partes cultri figurantur, distant, moventur & modificantur in ense; tali modo existimandum est se rem habere in naturalibus, ut aurum distingui ab argento essentialiter, per diversum artium in auro atque argento motum, & utriusque secundum magnitudinem, figuram, situm, cætera-

que sapientis recensita principia, modificationem. Instant advertari, hinc secuturum fore nullum discrimen inter res naturales & artificiales, si utraque distinguantur per diversam tantum componentium principiorum habitudinem ad se invicem. Resp. hoc nullo modo sequi; nam etiam si dicamus, eodem modo essentialiter distingui res naturales, quo distinguantur artificiales, per diversam materię utrimque modificationem, factam, ex diversâ habitudine partium in quantitate, figura, situ &c. hoc tamen discriminis intercedit inter res naturales & artificiales, quod in naturalibus hæc principia per se convenient & confluant, in artificialibus per accidens, ita ligno convenit per accidens, quod sit figurę globosæ, & hujus vel illius magnitudinis. Quantum argumentum desumi potest à compositione corporum naturalium, tali modo; si omne corpus naturale sit compositum ex potentia & actu ejusdem generis, Et o componitur ex materia & forma, substantialibus, sed verum prius, Ergo & posterius, Resp. Negatur Minor, nam compositio corporis naturalis arguit quidem plura accidentia, sed non arguit necesse potentiam & actum ejusdem generis, consequenter nec materiam nec formam, substantiales, & insitit in corpore naturali compositio ex variis materię partibus integrantibus, magnitudine, figura, situ, proportionem, distantiam, motum, numero, &c. differentibus. Instant, attemen licet fier compositum accidentale & non substantiale, aequi hoc est absurdum, omne enim corpus naturale est compositum substantiale. Resp. Negamus hoc secuturum ex responsione nostra, nempe si corpus naturale componatur ex materię partibus, tali modo inter se discrepantibus, uti diximus, illud fore compositum accidentale, quia, illa, (si sic placet vocare) accidentia, sunt essentialia toti substantię materiali, aut materiæ, at unum per accidens fit ex accidentibus, ne toti quidem composito essentialibus. Instant, non tamen erit compositum substantiale, id est, ex duabus substantiis, Resp. Concedo, sed nego hoc pertinere ad compositionem corporis naturalis; si hoc non componatur compositione substantiali, sufficit, si componatur compositione essentiali, id est, ut quæ component, cum materia component essentialiam totius compositi. Argumentum quantum est, quod petitur à generatione substantiali, nempe, si generatio dicatur substantialis, quia terminatur in substantiam, Ergo datur forma substantialis, quia terminatur in formam, sed verum prius, Ergo & posterius. Resp. Negatur Minor, scilicet, generationem substantialem dici, quia terminetur in substantiam, quæ de novo per generationem introducat, quæ ante non existeret, nam cum compositum aliquod producat, generatio talis corporis dicitur substantialis, quia partes substantiales materię, in magnitudine, determinata figura, cæterisque sæpius recensitis & dictis accidentibus, conjunguntur, coalescunt, concrescunt, quemadmodum & corruptio est mutatio substantialis, non quia in corruptione nova substantia exoritur, sed quia partes substantiales corporis naturalis, secundum magnitudinem, figuram, &c. determinatæ, dissolvuntur, Argumentum sextum desumi potest ab



operationibus, quæ in composito arguunt principium activum, ac materia est principium passivum; accidentia quidem multa sunt principia activa, sed & multæ operationes accidentium virtutem longè superant in composito. Resp. operationes in composito non arguunt necessario formam substantialem, sed vel accidentia proprie composito essentialia, vel materiam se ipsa efficiacem; hoc enim gratis dicitur eam esse principium passivum, & iners, alterutrum horum oportet esse principium operationum in composito. Argumentum septimum desumi potest à definitione essentiali substantiarum, tali modo: Si nullæ sint formæ substantiales, nullius substantiæ dabitur definitio essentialis: Posterius falsum. Ergo & prius. Resp. Negando consequentiam, quia essentialis definitio petitur à forma essentiali, non substantiali, atque hoc est quod hic maximè adverterariis imponit, scilicet, quod confundant formam essentialem cum substantiali, forma substantiales, quæ ipsa sit substantia, nulla datur, præter animam rationalem, ac corpus naturale omne habet formam essentialem, licet non substantialem: forma essentialis dicitur, quæ oritur in toto composito, ex modificatione materiæ, partiumque ejus, per variam magnitudinem, figuram, ceteraque vulgò dicta jam sæpius recensita, quæ singula licet accidentia materiæ dici possint, toti tamen composito, cum sumitur coæcervatim ac simul, sunt principia interna, atque dispositiones essentielles, & ab his definitio essentialis corporum naturalium instituitur. Argumentum octavum peti potest à propria & specifica cuiusque corporis natura & perfectione essentiali. Sic arguo. Si nullæ dentur formæ substantiales, Ergo nullum dabitur principium specificæ proprietatis & naturæ propriæ corporis naturalis. Posterius falsum, Ergo & prius. Resp. Negando consequentiam: nam natura cuiusque corporis propria, & specifica ejus perfectio, ac proprietates est à materia, quæ à materia modificatur & afficitur, per principia vulgò dicta accidentia, materiæ quidem accidentalia, toti tamen composito essentialia, orta ex vario motu partium materiæ, tum sensibilium, tum insensibilium, quæ sæpe recensuimus, magnitudinem, figuram, motum, situm, &c. Atque ut hoc semel dextrè intelligatur, accidentia sunt vel absolute accidentaria, & extra essentialia, quæ à rebus naturalibus abesse possunt, salvâ illarum naturâ, vel sunt corpori naturali essentialia, & hæc si cum materia considerentur, constituent essentialiam corporis naturalis, si considerentur abstractè à materia, & ut sola in se, constituent formam: prioris generis accidentia sunt, stare, sedere, senescere, juvenescere: posterioris accidentia sunt, motus, situs, &c. jam sæpe enumerata. Ut autem intelligas, quomodo sint essentialia, considera horologium,

in quo motus, situs, figura, magnitudo, sunt ferro accidentalia, materiæ enim ista omnia accident, ac sunt toti horologio essentialia, quippe sine ista partium dispositione, qualis est in horologio, sine ista magnitudinis terminatione, sine isto motu, situ, figura, &c. est ferrum, & manet ferrum, sed sine iis horologium nunquam est aut manet horologium: & notandum est accuratè, quod Deus Opt. Max. certos gradus, & modos magnitudinis, situs, figuræ, &c. certam quantitatem & mensuram motus voluerit inesse rebus singulis, juxta quas à se invicem distinguantur, quæ omnia alia sunt in his, alia in aliis corporibus, concursus tamen illorum, pro Dei sapientia, secundum ideas divinas, repertus in singulis corporibus, corpora singula essentialiter constituit, & specificè à se invicem distinguit, suntque principium propriæ naturæ, ac specificæ perfectionis, & proprietatis in singulis, absque ulla forma substantiali, quod erat demonstrandum.

53. Privatio est absentia formæ, quæ poterat inesse.

Hæc privatio vulgò dicitur Physica, ad distinctionem privationis Logicæ, quæ est absentia formæ, quæ inesse debebat per naturam subjecti, & tempus à natura constitutum.

54. Estque principium non constitutum sed terminativum.

55. Quatenus scilicet in generatione est terminus à quo.

Licet privatio non sit Ens reale, potest tamen esse terminus à quo generationis, & principium non quidem essendi sed fiendi.

56. Ex hisce tribus principiis oritur corpus naturale, quod ex materia & forma constat.

57. Corpus enim Materiâ Formâque constans vocatur corpus naturale.

Ratio thesco est: quia materia & forma sunt ipsa natura corporis naturalis, uti hoc patebit Disputatione sequenti.

*Natura, causa efficiente, fine, quantitate, qualitate, & loco.*

## T H E S I S I.

**C**orpus Naturale est, quod habet Naturam.

*Ratio thesoreti, quia natura & natura sese habent, ut concretum & abstractum.*

2. Natura dicitur de Materia & Forma consideratis in ordine ad Motum, reliquasque affectiones Corporis Naturalis.

*Natura non est diversa à materia & forma, sed eadem res, quæ est materia, & eadem res, quæ est forma: utraque, simul quoque est natura: diverso tamem respectu, diversa sortitur nomina, & definitiones diversas: quæ res corpus naturale constituit & componit, & sic est principium ipsius corporis naturalis, dicitur materia vel forma, & utraque, sub hoc respectu, disputatione præcedenti, fuit definita: atque eadem res, quæ materia & forma est, in quantum utraque in composito naturali est principium proprietatum & operationum in eo, utraque dicitur natura, & sub hoc respectu definitur thesi 6. hujus Disputationis.*

3. Eadem enim sunt principia subiecti in Physica, quæ sunt affectionum demonstrandarum.

*Exempli gratia: materia & forma sunt principia corporis naturalis, quod est subiectum; eadem sunt principia quantitatis, loci, motus, temporis, quæ sunt affectiones in Physica demonstrandæ.*

4. *Naturæ* vox, interdum quamlibet rei cuiusvis essentiam notat, quæ cuiuscunque motionis principium est.

*Sic natura tribuitur Deo, qui vulgo dicitur natura naturans, quemadmodum creatura dicitur natura naturata.*

5. Interdum eam ejus rei essentiam, quæ ortui & interitui obnoxia est, ut hîc.

*Sic natura Deo tribui nequit, sed soli creaturæ.*

6. Definitur Natura Aristot. Principium & Causa motus & quietis, ejus, in quo est, primo, per se, & non per accidens.

*Definitio natura non debet exigi ad leges definitionis perfectæ, quia principium, uti est natura, perfectam definitionem non admittit, quæ tantum est rei perfectæ.*

7. Dicitur (Principium) respectu corporum, quæ constituit.

8. Dicitur (Causa) respectu motus & quietis in corpore Naturali.

*Natura debet spectari duplici modo, vel prout corpora naturalia constituit, vel prout in corporibus constituitur: erigoe est omnium proprietatum & operationum: hinc duplicem respectum videtur Aristoteles exprimere veluisse in definitione natura, gemina voce principii & causæ, ut natura dicatur principium respectu priorum, & causæ respectu posteriorum.*

9. Particula (&) partim conjungit, partim disjungit.

*Per particulam (&) intellige illud (&) quod secundo ponitur loco in definitione natura, inter voces (motus & quietis) vocula (&) conjungit, quando motus & quietes in eodem corpore, sed diverso tempore, inveniuntur: sic natura ignis extra locum naturalem posita est causa, cur moveatur sursum ad locum suum: eadem natura ignis est causa, cur ubi ad locum suum pervenit ibi quiescat; particula (&) disjungit in corporibus diversis, quantum alterum tantum movetur, alterum tantum quiescit: tum natura est causa motus in corpore quod movetur tantum, ut in cælo; & est causa quietis in eo quod quiescit tantum, ut in terra.*

10. Vox (motus) significat quamlibet mutationem naturalem.

*Sic vox (motus) etiam generationem, quæ est mutatio instantanea, sub se comprehendit, à qua aliquando distinguitur, prout (motus) posita ex Aristotele definitur.*

11. Vox (quietis) significat quietem in termino ad quem tendit motus naturalis, non vero quietem in termino à quo.

*Quietis, quæ est terminus ad quem motus, est illa, quæ per ipsius motum acquiritur, qualis est quietis ignis, quæ sequitur motum ejus, quando extra locum suum constitutus ad eum pervenit.*

Ejus, in quo est, id est, natura est principium internum motus in corpore naturali, in quo est; sic distinguitur ab arte, quæ est principium motus, externum corpori naturali, in quo motum exercet.

12. Vox (primo) removet accidentia, quæ licet nonnunquam sint principia motus; non tamen sunt primo.

Accidentia sunt principia motus secundaria & instrumentaria, ut calor calefactionis; sed natura sive forma ignis est ipsius calefactionis causa primaria & principalis.

13. Vox (per se & non per accidens) removet artem, quæ interdum internum est principium motus, ut medica in medico ægrotante est curatio, sed per accidens.

Dicitur per accidens ars medica curare ipsum medicum, quia per se illa destinata est ad curandos alios.

à Thest 1. ad Thest 13. inclusivè.

Hic Thestibus, à 1. usque ad 20. agit de natura, secundum Aristotelem & Aristoteles, ad 14. agit de voce & definitione natura. Si vox Græce φωνή & Latina natura spectetur utraque ex origine sua, neutra Deo tribui potest, quippe qui nunquam natus est, ac cuius est à φωνή, quod est nasci, à quo est natura; sed cum natura tribuitur Deo, idem significat, quod essentia, & quidditas; hæc enim tria vocabula vulgo idem significant, & sic distinguuntur, ut essentia dicatur, ratione quæ constitutionis, natura, respectu operationis, quidditas, definitionis; sic materia & forma hominis sunt essentia ejus, in quantum hominem constituunt, eadem vocantur natura, in quantum sunt principia actionum humanarum, eadem appellantur quidditas hominis, quatenus hominem definiunt, materia enim respondet genus, formæ differentia, atque hæc est summa eorum, quæ dicuntur à Thest. 2. ad 6. Thest. 6. proponitur natura definitio, ex Aristotele, & explicatur à 5. ad 14. est autem definitio admirabilis, non propter elegantiam sui, aut perspicuitatem, sed vero, propter difficultatem & obscuritatem; atque hoc fere proprium est quarto modo omnium definitionum Aristotelicarum, ut intellectu sunt difficiles, & intellectu obscuræ; ut non dicam idem hic dici bis, dum dicitur natura principium & causa, deinde, esse in re naturali per se & non per accidens, quamvis enim in commentariis id excusatum, & quantum potui benignè exposuerim ex Aristotelis interpretationibus, quis tamen non videat esse coactam interpretationem & explicationem; si dicendum id quod res est, præter obscuritatem & difficultatem hujus definitionis, tria præsertim occurrunt culpanda & carpenda; 1. quod dicat naturam esse principium & causam, cum principium in causa contineatur, omnis

enim causa principium est, sufficisset ergo dixisse, natura est causa, sic enim eam quocunque principium esse dicit; & quam est quærit, & tunc illo fundamento exegitata distinctio, Thest. 7. & 8. quod natura dicatur principium, respectu corporum, quæ constituit, & causa, respectu proprietatum & operationum, quæ in corpore constituto efficit, & cur non potius dicitur causa, prout corpora naturalia constituunt, & principium, prout operatur; nam quæ ratio dari potest, cur magis dicatur principium, respectu constitutionis, cum principium tam sit primum unde aliquid operatur, quam est primum, unde aliquid est; nam definitur, primum, unde aliquid sit, est, operatur aut cognoscitur, & quæ ratio est, cur natura magis dicatur causa, respectu operationis, quam respectu constitutionis, cum materia & forma, quæ hic veniunt nomine natura, magis proprie constituent corpus, quam in eo operentur, imo materia per se patiens, non est causa operandi, est enim principium non activum sed passivum, ut dicitur Thest. 16. est tamen principium constituendi; quod fortasse rectius diceretur natura causa respectu constitutionis, & principium respectu operationis; sed revera alterutrum vocabulum sufficit, cum principium & causa ambo dicant respectum ad constitutionem corporis, & operationem in corpore. & frustra sit per plura, quod potest fieri per pauciora, sed qui dicit naturam causam, dicit eam esse principium, & constituendi corpora naturalia, & operandi in illis. 2. Hoc culpandum venit, quod vocem naturam hic aliter & latius accipiat Aristoteles, quam postea, cum motum definit; tum generationem & corruptionem à definitione motus excludit, hic in definitione naturæ utramque in voce motus includit, nam certe natura est principium generationis, atque atque accretionis aut alterationis; quin ipse in libro de anima, docet ac dicit, naturalissimum ejus esse vivere generare; & quam hoc est ridiculum, motum, affectionem corporis naturalis, demonstrare de corpore naturali, per naturam, tanquam principium, ut vox motus affectionem significans demonstrandam, generationem & corruptionem excludat, eorum tamen principium sit natura, atque hæc in voce motus, cujus est principium, eas includat. Non vult, generationem, & corruptionem, Aristoteles, esse motum, quia ista fiunt in instanti, sineque mutationes momentaneæ, hic fiat in tempore, sique mutatio successiva; & tamen cum naturam definit principium motus, sumit hic vocem tam pro mutatione momentanea, generatione & corruptione, quam pro mutatione successiva, quæ sola postea sub voce motus definitur. 3. Culpandum & carpendum est hoc, quod ineptæ & odiosa tautologia idem dicat bis, cum dicat, naturam esse in corpore naturali principium motus internum, per se, & non per accidens, alterutrum enim sufficit, si enim principium est per se, jam non est per accidens, si non per accidens, jam est per se; sic, si visus sit receptio specierum, jam non sit emissio radiorum, si sit emissio radiorum, jam non sit receptio specierum; tantundem est, ac si definierit hominem, homo est animal rationale, & non irrationale, aut brutum est animal irrationale, & non rationale.

14. Hæc naturæ definitio æque  
convenit materiæ ac formæ.

*Æque, id est, æqualiter, sed non eodem tamen modo.*

15. Materia est principium motus  
passivum.

*Ratio thesori est, quia materia nulla est alioquin  
essentia, nam ejus est, recipere formas, recipere vero  
aliquid, est passivum.*

16. Forma est activum.

*Ratio thesori est, quia forma est origo, fons, ac  
causa omnium actionum.*

17. Respectu motus, cujus est prin-  
cipium, dicitur Forma, causa efficiens.

*Non est absurdum, ut eadem res, sit, & causa externa,  
efficienti, & causam internam, forma, respectu diversorum  
terminorum: sic anima rationalis est forma hominis, &  
causa efficiens suarum operationum.*

18. In nullo motu natura agit te-  
mere, sed semper aliquem finem in-  
tendit.

*Est receptum axioma, quod natura nihil faciat  
frustra: ejus ratio est, quia natura nihil est aliud, quam  
unus quidam Dei, creaturis indita, quæ operantur, que  
vicem gerit quasi Dei, nihil facit frustra, & omnibus  
rebus creatis aliquem finem præfixit.*

19. Si finem non assequatur natura,  
dicitur aliquid fieri casu aut fortuna.

*Finem dicitur non assequi natura, quando impeditur  
à causis aliis, quemadmodum fit in generatione monstrorum:  
non tamen plane tum agit frustra aut sine suo exitu,  
sed si non possit assequi finem perfectissimum, quia impe-  
ditur, sicut assequi finem perfectum proximum, quan-  
tum per impedimenta licet.*

à Thest 14. ad Thest 19. inclusive.

Hæc thesibus à 14. ad 20. hæc duo præstantur,  
1. definitio naturæ, applicatur materiæ & formæ.  
Th. 14. 15. 16. 2. explicatur causa efficiens. Th. 17.  
& finis corporum naturalium Thest. 18. & 19. Dicitur  
natura definitio ex quo convenire materia & forma,  
id est, naturam se habere ad materiam & formam,  
ut genus univocum ad species ibi subjectas: differunt  
tamen suis differentiis, cum enim natura omnis sit  
principium motus, ex definitione Aristotelis, materia  
est principium motus patiendi & recipiendo motum,  
forma est principium motus, agendo & producendo  
motum, sic ut forma geminum dicat respectum, u-  
num ad corpus naturale, quod cum materia consti-  
tuitur, & sic est forma tantum, alterum ad motum &  
operationes, quas in corpore naturali producit, & sic

est causa efficiens, nunquam autem agit, aut motum  
aliquem producit, nisi ob finem, natura enim nihil  
facit frustra. Hæc est summa eorum, quæ in Thestibus,  
ex Aristotele & secundum Aristotelicos, sunt posita &  
expolita, in quibus nonnulla sunt, quæ non satis pro-  
bæ notæ habentur à recentioribus: quale est primo il-  
lud, quod dicant Peripatetici, materiam tantum esse  
principium passivum, inertem, inefficacem, quod recentiores  
negant; & perfectio, si experientiam consulamus, ac  
rationi aliquem locum demus, quis non videt, variam  
partem in materia figuram, diversam illarum ma-  
gnitudinem, mutatam earum situm, aliam atque aliam  
earum distantiam, ac præsertim, diversum istorum  
principiorum, aut accidentium vulgò dictorum  
concursum, diversas in materia, & per materiam, e-  
dere operationes: certe, ferrum, in figuram cultri vel  
gladii efformatum & acuminatum, scindet vel fodi-  
et, obtusum non item, partes ejusdem corporis nunc magis,  
nunc minus distantes, modo majores, modo minores,  
interdum hoc, interdum illo situ sitatur, etiam di-  
versas edunt, & hoc & alio tempore operationes: quæ  
& ipsius materiæ motus, tum sensibilis, tum insensibilis,  
pro varia sui ratione, nunc celerior, nunc remissior,  
diversa edit effecta, imò vero sola materia est, quæ  
agit per principia ista, motum partium, figuram, si-  
tum &c. nulla in auxilium adhibita forma substantia-  
li, quam jam antè sublatam ivimus. Alterum quod  
censuram aliquam meretur, illud est, quod Aristotelis  
tantum inquirant in causam efficientem motus, & o-  
perationum in corpore naturali, non vero ipsius cor-  
poris naturalis: cum enim querantur quatuor cause  
corporum naturalium, due internæ, materia & forma,  
due externæ, efficiens & finis, atque receptum sit apud  
Aristotelicos axioma, Ex nihilo nihil fit, omnino setio ac  
diligenter inquirendum hic fuisset in causam efficien-  
tem ipsorum corporum naturalium, quemadmodum  
hi homines satis, imò nimium proluxi, in explicanda  
materia & forma: finem quod spectat corporum natu-  
ralium, eum omnia & singula sibi habent præfixum,  
arque in eum tendunt atque intendunt, illum quidem  
perfectissimum, non tamen semper eum assequuntur,  
sed si excedant perfectissimo, assequuntur saltem eum,  
qui est perfectissimo proximus, & quem assequi valent  
positis talibus impedimentis, quibus perfectissimum fi-  
nem assequi sunt prohibita: atque hoc liquet in gene-  
ratione monstrorum; atque hic unica distinctio tenen-  
da est, nempe, natura, est, vel universalis, vel particu-  
laris: hæc non semper assequitur finem suum, cum  
intendit semper perfectissimum, & quo non semel fru-  
stratur, illa finem suum semper assequitur, quia in-  
cedit vel perfectissimum, si non impediatur, vel perfe-  
ctissimo proximum, si impediatur, & quem, impedita,  
assequi valet.

20. Affectiones, quæ per naturam,  
tanquam principium, demonstrantur  
de naturali corpore, sunt, quantitas,  
qualitas, locus, motus, tempus.

Per affectiones hic intelliguntur proprietates, quæ sita demonstrari possunt, non vero attributa communia.

## 21. Quantitas intelligitur, continua, sed permanens.

Quantitas continua permanens; id est, magnitudo; nam aliquando tempus etiam est quantitas continua, sed fluens.

## 22. Definitur, affectio, per quam corpus undequaque est extensum.

Extensum dicitur, quod est longum, latum, & profundum, vulgè, quod est trina dimensione præditum: nam crassities non facit quartam dimensionem, quia est eadem cum profunditate, uti & altitudo.

## 23. Ejus ratio formalis, est sita in extensione partium in ordine ad locum.

Extensio partium in ordine ad locum, tria fit, cum partes loco se invicem disjunguntur, vocaturque vulgè extensio localis & quantitativa.

### à Theſi 20. ad Theſin 24. excluſivè.

THEſi 20. enumerantur affectiones, non communes, sed propriæ, corporis naturalis, ac de eo demonstrantur, quæ ex sententia Aristotelicorum ponuntur quandoque, attramen propriæ tantum sunt duæ, quantitas & qualitas, nam esse in loco, esse in tempore, & moveri, tam conveniunt spiritibus, quam corporibus, nec improprie sed propriissime; nam quæ loquendi hic est improprietas, si dicamus, Angelum esse loci loco, & non in alio, & verè moveri motu locali, & esse nunc in hoc tempore; profecto Angelus iste, qui Prophetam Habacuc vexit per aërem, verè ac propriè fuit motus, motu locali; & Gabriel cum de cælo missus annuntiavit virgini Mariæ conceptionem Christi, verè ac propriè fuit motus ex cælo in terram: Per motum verè localem, acquiritur locus, Ergo etiam verè ac propriè sunt in loco, per motum acquisito; & motus ille localis Angelorum, quo locum certum acquirit, fit in tempore. Ergo & ipsi Angeli, qui moventur verè ac propriè, sunt in tempore: aliter fieri habet cum quantitate, & qualitate corporum naturalium, quæ spiritibus nullo modo tribui possunt, quia carent materia, ac quantitas materiam sequitur, uti & qualitas materialis, qualis hic intelligitur. Theſi 21. 22. 23. agitur de prima corporis naturalis proprietate, quæ est magnitudo, ac definitur per extensionem partium in ordine ad locum; quod ut intelligitur, sciendum est, à Philosophis Pontificibus & Scholasticis duplicem statui extensionem, unam entitativam, alteram quantitativam; entitativam vocant, quia corpus quidem habet partes entitate diversas ac distinctas, sed non loco, aut situ; quantitativam appellant, quia corpus habet partes, & entitate, & situ, & lo-

co diversas, ac distinctas: illi quantitatis continuæ seu magnitudinis rationem formalem, collocant in extensione, ut loquuntur, entitativa, idque ob suam transubstantiationem stabilendam; cum enim rogantur, ubi sint membra corporis Christi postquam in illud substantialiter transmutata sunt panis & vinum, per quinque ista verba à sacerdote prolata, hoc enim est corpus meum. R. Corpus Christi, ex pane & vino transubstantiatum, non esse extensum per partes in ordine ad locum, sed in ordine ad se invicem; aut non esse extensionem, aut quantitativam, sed essentiali, aut entitativam; quia membra corporis ejus, non quidem distincta sunt loco ac situ, sed tamen sunt diversa quoad essentiam, seu entitatem, quippe alia est essentia, aut entitas capitis, alia pectoris, alia pedum, alia manuum, & alia aliorum membrorum corporis Christi transubstantiati, sed non existunt illa membra, alio atque alio loco. Verum enim verò, est contradictio in adjecto, & oppositum in apposito, dicere extensionem entitativam, quippe diversitas, aut alietas, essentia aut entitatis, non potest dici extensio; nam hæc vox ex origine, & vi suæ significationis, notat dilationem partium à se invicem, & situationem extra se invicem, in diversis locis ac spatiis partialibus; ideoque omnis extensio est localis & quantitativa, & in ea formalis ratio magnitudinis est posita: divisibilitas, & mensurabilitas, non sunt ipsa essentia aut formalis ratio magnitudinis, sed proprietates quarto modo, eam consequentes; ideo enim aliquid est divisibile, & mensurabile, quia est extensum extensione locali, ac quantitativa, id est, quia habet partes extra se invicem positas, & loco & spatio distitas.

## 24. An realiter tanquam accidens distinguatur à corpore naturali, an vero ratione, tanquam modus materiæ; in utramque partem disputari potest.

Quamvis in utramque partem disputetur, an quantitas sit ens, & accidens distinctum à substantia, sentiri est qualitas, verisimilior tamen videtur opinio eorum, qui eam à corpore non distinguunt re ipsa, quia quomodocumque corpus immutaveris, absteris: omnem colorem, saporem, odorem, calorem, aliasque qualitates, semper adhuc manebis extensum, id est, longum, latum, & profundum.

RES sunt sententiæ de extensione materiæ, seu corporis naturalis. Prima est Thomistarum, qui extensionem localem, & quantitativam, in qua consistit quantitas, faciunt ens reale, & accidens Phisicum, distinctum realiter à materia, seu corpore naturali. Secunda est Scotistarum, qui extensionem, aut quantitatem continuum, seu magnitudinem, faciunt proprietatem materiæ, aut corporis, & modum, ratione distinctum à materia, seu corpore, quæ fuit quæ sententia Burgersdicii. Tertia est Berigardi, Cartesii, Regii, statuentium, extensionem esse ipsam essentiam materiæ, seu corporis, unde extensionem de materia aut corpore effertur in casu recto, dicendo, materia est



*est extensio, corpus est quantitas.* Ego ex illis sententiis medium arripio, & accipio: postrema enim durior est, & in re, & in phrasi; in re, nam extensio est id, per quod materia aut corpus distinguitur à spiritu; atqui oportet aliud esse id, quod distinguit, & id, quod distinguitur. Ergo aliud est materia ipsa, seu corpus, substantia extensa; aliud extensio, quæ materiam, corpus, aut substantiam in extensam, distinguit à spiritu, substantia intelligente, aut cogitante: in phrasi, nam durum est dicere, *materia est extensio*, melius enim dicitur, *materia est extensa*, & rectius dicitur, *corpus quantum*, quàm, *corpus est quantitas*, nisi intelligatur corpus Mathematicum, quod est tertia species quantitatis continuæ permanentis, sed hoc distinguitur à corpore Physico, quod est materia, & substantia, constans materia & formâ: quis unquam sic loquitur, *homo est rationalitas*, & non potius, *homo est rationalis*? at habet se extensio ad materiam, sive corpus physicum, ut rationalitas ad hominem, utrobique ratio est, & invenitur differentia notio, ut enim per rationalitatem homo distinguitur à bruto, ita per extensionem distinguitur materia, seu corpus, seu substantia extensa, à spiritu, sive substantia intelligente, seu cogitante. In prima sententia quoque non placet, quia multiplicat entia citra necessitatem: Si enim materia potest dici extensa, per quantitatem, aut extensionem, quæ tantum fit modus, frustra ponitur, quantitas esse accidens, seu ens reale distinctum à materia, nam modus non est, aut accidens, aut ens reale, sed est medium, inter substantiam & accidens, inter ens reale & nihil, sed medium negationis, non participationis, quomodo spiritus est medium negationis inter album & nigrum, quia nec est albus nec est niger, utrumque enim negatur de spiritu, qui color albus & niger sunt proprietates corporis, spiritus autem non est corpus: Sed materia dici potest *quantitas*, & extensa, per quantitatem & extensionem, quæ tantum fit modus, non autem accidens, aut ens reale distinctum à materia, Ergo &c. probatur minor, quia quantitas seu extensio nihil aliud dicit, quàm partes materie esse sitas extra se invicem, id est, esse loco distantes, aut distitas; Sed situs partium extra se invicem, nihil est aliud, quàm modus corporis seu materie, & partium utriusque, non autem accidens Physicum, aut ens reale distinctum à materia, seu corpore. Ergo nec quantitas, aut extensio, est accidens, aut ens reale distinctum à materia, vel corpore, sed modus tantum utriusque, quod erat demonstrandum contra sententiam primam. Ergo si quantitas aut extensio non sit ipsa, materia, aut corporis essentia, quod voluit sententia tertia, nec fit accidens, aut ens reale distinctum à materia vel corpore, quod voluit sententia prima, nihil restat, quàm ut sit modus, materie aut corpori proprius; an re, an ratione distinctus, disputari solet, cum modi quidam distinguantur re, alii ratione, à subiecto, quod modificant, sicut & proprietates quædam distinguuntur re, quedam ratione, à subiecto suo. Ego quidem existimo illos sentire rectius, qui rationis tantum discrimen admittunt, inter quantitatem, seu extensionem, ab una parte; & materiam seu corpus, à parte altera.

25. Quicquid sit, omnis quantitas corporis naturalis finita est, & terminata.

*Quantitas dicitur finita & terminata, quia certos habet limites, ultra quos extendi nequit.*

26. Ipsa quantitas, materiam, termini, & fines, formam, immediate consequuntur.

*Ubi forma materia indifferenter naturam restringit ad certum corpus naturalis speciem, item eadem materia quantitatem indeterminatam ad certos terminos, fines ac limites redigit.*

27. Itaque quantitas actu interminata & infinita non datur ulla.

*Accurate distinguendum est, inter infinitum & indefinitum, interminatum & indeterminatum: dicitur quantitas infinita ac corpus interminatum, quando in se ipsa, in natura sua, nullos habet terminos; aut fines; hoc sensu nullum corpus infinitum, nulla quantitas interminata datur, aut dari potest: indefinitum dicitur corpus & indeterminata quantitas, quando quantitas in se quidem finita, fines, & corporis in se quidem terminati, terminos, mensuram nostram seu humanam assignare, determinare, definire nequit; quo sensu mundus recte dicitur indefinitus & indeterminatus, sed non potest dici infinitus aut interminatus.*

28. Ergo nec corpus infinitum aut interminatum.

*Ratio thesoreti, quia quantitas & corpus se mutuo ponunt & tollunt.*

29. Si enim daretur, tolleretur motus localis.

30. Nam corpus infinitum localiter moveri, est contradictio.

*Ratio utriusque est, quia nihil foret loci, in quo corpus infinitum moveri posset.*

31. Fines & termini sunt vel finiti vel indefiniti.

*Diviso ista finitum, ut & terminorum, instituta est, respectu mentis, qua interdum eos finire, hoc est, numerare ac comprehendere potest, ac tunc dicuntur finiti, interdum non potest, ac tunc dicuntur infiniti, ac extra mentem in rebus ipsi semper sunt finiti: sic verbi causa figura mille angularum in se finita est, respectu mentis nostræ, indefinita.*

32. Aliud enim est quantitas infinita, quam negamus, aliud indefinita, quam admittimus.

*Vide notis ad thes. 27. & 28.*

à Theff



## à Theſi 25. ad Theſin 32. incluſive.

Hiſce theſibus nihil agitur, quàm quod doceatur, omnem quantitatem eſſe finitam & terminatam, unde ultrò ſequitur, omne quoque corpus eſſe terminatum & finitum, & ex oppoſito, nullum corpus dari infinitum aut interminatum, nec quantitas ulla infinita & interminata. Quæritur hiſc, an non tamen corpus & quantitas dici poſſit indefinita ſeu indeterminata? Reſp. Omnino, hoc ſenſu, quod corporis aliqujus, ut mundi, & materiæ, mundum conſtituentis, conſequenter & quantitatis, quæ materiam ſequitur, ſines ac termini à nobis deſignari, definiti, aut determinati, nequeunt; hoc ſenſu materiæ primæ tribuunt Peripatetici quantitatem interminatam, melius indeterminatam, quia determinati ſines quantitatis in materia deſignari nequeunt; eodem ſenſu Cartefius & Regius mundum vocant non infinitum ſed indefinitum, quia mundi ſines deſignari nequeunt, idque ob rotundam ſui formam, quæ initium & finem quidem habet, ſed quænam ſint, aut ubi ejus figuræ circularis initium & finis inveniantur, nulla poteſt assignare mens humana. Atque ut totum hoc negotium, in quo veteris Philoſophiæ Ariſtoteleſis cultores, & novæ Cartefiana propagatores, conveniunt, dextrè teneatur, quedam tenendæ ſunt diſtinctiones, primò diſtinguendum eſt inter eſſe actum & potentiam, ſecundò inter eſſe & ratione, tertio inter eſſe poſſitive & eſſe negative, quarto inter eſſe categorematicè & eſſe ſyncategorematicè, quæ diſtinctiones verbis diſcrepant, ſenſu conveniunt; nunc quomodo hiſc ſit loquendum & ſentendum, diſtinctè eſt videndum. Omnis quantitas corporis naturalis eſt finita & terminata reſpectu actum, poſſitive, & categorematicè; iſdem modis omne corpus eſt finitum & terminatum; corpus ergo infinitum aut interminatum, aut ut alii loquuntur, indefinitum aut indeterminatum, hiſce modis nullum eſt, uti nec quantitas ulla hiſce quatuor modis eſt infinita aut interminata, vel indefinita aut indeterminata. Quæritur, an corpus & quantitas non poſſint dici talia, ratione, potentia, negative, & ſyncategorematicè? Reſp. Ita quidem vulgò ſolet aſſeri ab utroſque Philoſophiæ veteris & novæ cultoribus, quatenus in quantitate & corpore naturali, ſi reſpectu mundi & quantitas ejus, nullas partes assignari nequeunt à ratione, & ſic dicitur mundus & quantitas, utrumque, habere partes infinitas, potentia, quatenus utrumque, à ratione, non re, dividi poteſt in infinitum, & ſic utrumque poteſt dici interminatum negative, quia termini mundi & quantitatis à nobis deſignari nequeunt, & hoc vocant ſcholæſtici infinitum & interminatum ſyncategorematicè; certè re ipſa, actum, poſſitive, categorematicè, ſolus Deus eſt ens interminatum & infinitum, nullum autem corpus eſt tale, nulla quantitas talis; ideoque cum quantitas materiæ primæ cœvæ, eſt interminata vel indeterminata à Peripateticis, id ſic intelligendum eſt, ut ſic talis non re, ſed ratione, non actum ſed potentia, non poſſitive, ſed negative, non categorematicè item, cum Cartefius & Regius mundum faciunt indefinitum, vel ut alii etiam audent dicere, infinitum, id quoque intelligendum eſt non re, ſed ratione,

non actum, ſed potentia, non poſſitive, ſed negative, non categorematicè, ſed ſyncategorematicè, uti utrumque nunc eſt explicatum, & ſic ſenſus ac modus loquendi utroque eſt bonus, ac tolerari poteſt, relinquiturque Deo ſua entitas infinita & interminata ſibi propria, eo modo quo ipſi competit & nunc eſt expoſitum.

## 33. Viventia &amp; Heterogenea corpora habent quantitatem definitam.

Heterogenea corpora ſunt, quæ habent partes diverſi nominis ac naturæ, inter ſe.

## 34. Inter non viventia &amp; homogenea, elementa non habent certum magnitudinis terminum à natura, ſcilicet naturata, materia &amp; formâ, definitum.

Homogenea dicuntur, quæ habent partes ejusdem nominis ac naturæ, inter ſe.

## 35. Habent tamen quantitatis definitos terminos, id eſt, à corporibus ambientis.

Niſi cælum ambiens, ignem elementarem impediret, extenderet ſe ille in infinitum.

## 36. Nec habent terminum certum parvitatæ à natura definitum, quia minima etiam pars mixti eſt mixta, &amp; ſi Phyſicè poſſent dividi in infinitum, etiam minimas partes elementa penetrarent: id eſt, minimæ partes in elementis invenirentur.

Ratio eſt, quia elementa, ut omnia continua, in infinitum dividi poſſunt.

## 37. Habent tamen eum aliunde.

Ratio eſt, quia à corporibus ambientibus impediuntur, ne in infinitum in partes minores & uſque minores elementa dividantur; ſi enim ad minimam partem pervenirent, non poſſent corporibus ambientibus reſiſtere.

## 38. Mixta non viventia habent parvitatem à natura definitam, ſed non item magnitudinem, quia non datur minimum Phyſicum, &amp; quia lapis in infinitum excresceret, niſi arroderetur &amp; exederetur ab aëre.

Ratio prioris eſt, quia, ſi, verbi cauſa, lapides uſque & uſque dividantur, ex illa diſpoſitione tandem reſultabunt elementa, quæ mixtum compoſuerunt.

M m m m m

à Theſi

## ad Theſi 33. ad Theſin 38. incluſivè.

IN hiſce Theſibus proceditur per varias corporum naturalium ſpecies, in deſignanda ſingulis ſua quantitate: ubi obſervanda eſt diſtinctio corporum naturalium, in viventia & non viventia, homogenea & heterogenea: corpora non viventia omnia ſunt homogenea: ita quælibet pars æris eſt ær, aqua eſt aqua, lapidis eſt lapis: corpora viventia ſunt heterogenea, quia ſunt organica, id eſt, diverſis organis prædita, quæ diverſa organa diverſam quoque requirunt materiam diſpoſitionem, ita alia eſt natura cutis, alia carnis, alia tendinis, alia nervi, alia muſculi, &c. De corpore viventi & heterogeneo id dici poteſt, quod habeant terminos ac fines ſux magnitudinis, neque enim arbores, nec bruta, nec homines ad cælum uſque excreſcere poſſunt; nam, quod de gigantibus dicitur, Jovi cælum crepturis, fabula magis eſt quàm veritas rei. Circa corpora non viventia & homogenea cum diſtinctione eſt procedendum: ea ſunt, vel ſimplicia, vel mixta, ſed non viventia: ſimplicia ſunt, vel cælum vel elementa. Queritur an aut cælum, aut elementa, habeant certum magnitudinis ſux terminum aut finem? Reſp. Quod ſic, quia omne corpus naturale finitum eſt, habetque eſſentiam terminatam, ergo & habebit fines ac terminos ſux magnitudinis, quæ materiam immediate ſequitur; ideoque errant illi, qui putant cælum dici poſſe ubique, quia ſic cælum habere nullo ſui fine, aut termino, & ſi cælum eſſet ubique, aut ullum corpus ubique eſſe poſſet, etiam implebit cælum, aut tale corpus, ſpatia imaginaria: ſed nec cælum, nec corpus ullum implet ſpatia imaginaria: quia cum ſpatia imaginaria ſerent realia. Corpora non viventia mixta dicuntur habere determinatam parvitatem à natura, ex hypotheſi, quod nullum corpus naturale dividi poſſit in in infinitum, quæ tamen hypotheſis diſputari poteſt, ſi enim dentur minima naturalia, id eſt, atomi phyſice, ut ſtatuant, olim Democritus, hodie Magnenus & Berigardus, nec improbabiler omnino, ultra definitam parvitatem, abiri poteſt ad id, quod nihil eſt minus. An mixta non viventia excreſcere poſſint in magnitudinem non definitam, diſputari poteſt.

### 39. Qualitas corporis naturalis eſt potentia ad agendum vel patiendum, quod naturæ eſt conſentaneum.

Ter qualitatem hic intellige ſecundam & tertiam ſpeciem qualitatis: ideoque potentia naturalis hic non debet ſumi pro ſecunda tantum ſpecie qualitatis, ſed latius, prout ſignificat principium naturæ, ſed accidentale agendi, quo ſenſu calor quæſit dicitur potentia naturalis calefaciendi.

### 40. Eſt manifeſta vel occulta.

Sic dividitur qualitas ratione eſſentia, non exiſtentia; utramque enim exiſtere ex operationibus liquet, ſed quid ſit occulta qualitas later, quid ſit manifeſta patet: occulta ſubdividitur in Sympthiam & Antipathiam.

HAc utraque Theſi de qualitatibus corporum naturalium agitur, ſed valde ſteriliter, cum tamen per eas omnis operatio Phyſica explicanda ſit & explicari ſoleat, ſed Ariſtotelici ea ſerè minus habent, quæ maxime faciunt ad explicationem rerum, & conſuetudinem illa tantum, quæ diſputari poſſunt ac ſolent. Hoc notandum venit, per potentiam ad agendum vel patiendum, quia deſignatur qualitas corporis naturalis, non intelligi tantum potentiam naturalem, quæ ſecundam facit qualitatis ſpeciem, ſed & pacibilem qualitatem, verbi cauſa, calorem & frigus &c. De qualitatibus corporis naturalis longe agunt ſuſius Cartefius & Regius, ille, in principii ſue Philoſophia, hic, in fundamentum Phyſicæ: imo ex Peripateticis iſtis, Wendelinus & Caſmanus, in parte generali Phyſicæ, procedunt per omnes ſpecies qualitatum, lucem, colorem, ſonum, odorem, ſaporem, calorem, frigus, humiditatem, ſiccitatem, raretatem, denſitatem, & ſi quæ ſint plures. Et ſane cum hic actum ſit de forma, principio earum, etiam hic tractari debent, non in doctrina de anima, Berigardus pariter in iſis hic explicandis, quia ille Ariſtotelem acroaſin Phyſicam non ab his ſequitur, in Circuli ſui Viſani Dialogis: Hoc dicemus impæſentiarum, inquit hic Th. 40. qualitates quidam aſſeri occultas; nam quod eas occultas dicant, non quod ſint, ſed quid ſint, quia earum principia, formæ, nobis ſunt occultæ, id arguit Philoſophia Ariſtotelicæ imperfectionem, in qua omnia explicantur per tales formas & qualitates inde promanantes, quæ ambæ ſint ignoræ: at vero longè feliciter philoſophantur Cartefius & Regius, qui in ſua Philoſophia, & qualitates explicant, etiam occultas, pariter & formas Ariſtotelicæ ignotas; ita vulgo ponunt pro exemplo qualitatis occultæ, virtutem magneticam, quæ magnes trahit ferrum, cum enim forma magnetis ſit occulta, & illam quoque vim magnetis, trahentis ferrum, occultam eſſe volunt: ſed virtutem magneticam clariſſimè expoſuerunt Cartefius & Regius, eamque ex principiiſ ſuis, motu, & varia partium in magnete earundem ſitu, numero, magnitudine, explicant, quæ explicatio apud illos videri poteſt: ſed apud Ariſtotelicos, formæ & qualitates occultæ, merum ſunt ignorantia æylum; quid enim facilius eſt dicere, quàm, magnes trahit ferrum, per aliquam virtutem, ſeu qualitatem, quæ occulta eſt, quia forma occulta eſt, quod eſt lectionem eludere, & non ei ſatisfacere. Nos impæſentiarum ad qualitates ſpeciales diſcutiendas non deſcendemus, quod fiet Capite 8. & 13. ſequenti conſuetum Peripateticorum ordinem.

### 41. Locus, Ariſtotele, eſt ſuperficies corporis continentis proxima & immobilis.

Superficies, id eſt, latitudo, ſeu plena, ſeu concava, ſeu convexa: proxima dicitur; quæ rem locatam cingit ac circumſcribit.

Immobilis, quia, ſi movetur res locata, manet locus; ut, ſublato libro de menſa, manet menſa.

42. Aliis, spatium rei locatæ, & rectius.

*Spatium proprie nec substantia est, nec accidens, nec tamen nihil, sed privatio & absentia corporum qua in eo esse possunt; atque cum jam sunt, spatium dicitur locus.*

DE loco, nec *Aristoteles*, nec *Aristotelici*, inter se eodem modo philosophantur, multo magis aliter philosophantur de eo, qui *Aristoteli* principis non insistant, uti *Carræsius*, & *Regius*; de *Berigardo* speciatim videbimus. Primò locus *Aristotelis*, & Græcis ejus interpretibus, (excepto *Johanne Philopono*, alias Germanico) Latinique interpretibus, definitur Græcè; *ὁ τόπος*, Latine vulgo, *superficies corporis* &c. ubi hoc notandum venit, *τοπος*, Græcum pessime fuisse verbum, per *superficiem*, quæ tamen verio aliquot oculis duravit; nam apud Euclidem superficies Græcè dicitur *ἐπιφάνεια*, & *τοπος* significat terminum, atque terminus & superficies non reciprocantur, nec sunt idem, nam omnis quidem superficies, est terminus, corporis scilicet, sed non omnis terminus est superficies: nam linea est terminus superficiei, ipsa tamen non est superficies, & punctum est terminus lineæ, non tamen est superficies; hinc locus recte dicitur *Aristoteli* *τοπος*, Latine terminus, non tamen superficies; & sunt peculiare rationes, cur locus non possit dici superficies, inter quas hæc est porissîma, quod locus debeat esse æqualis locato, sed si locus sit superficies, quæ tantum est duarum dimensionum, corpus autem locatum est dimensionum trium, non erit locus æqualis locato, quippe duæ dimensiones, non sunt æquales tribus dimensionibus; sed de hoc negotio plura dicenda veniunt ad thes. 43. *Plato* & *Philoponus*, & inter recentiores *Scaliger* & *Ramus*, aliique, loci genus fecerunt spatium, non vero terminum; hoc spatium est vel verum illis, vel imaginarium, verum, quod convenit corporibus omnibus creatis, & in hoc universo constitutis, imaginarium in quo corpora nulla existunt, sed existeri non repugnat: quale spatium ab æterno fuisse asserunt, in quo aliquando in principio temporis creatus sit mundus, cum omnibus corporibus in se contentis, quæ etiam fingunt extra hunc mundum conditum, in quo Deus plures mundos, si veller, condere posset: hinc *Scaligero*, Locus, est spatium, corpore plenum; vacuum, est spatium, omni corpore carens: quod intra hunc mundi ambitum dari, negant homines *Aristotelici*, extra eum dari, admittunt: hoc spatium, sive verum, sive imaginarium, volunt esse trina dimensione prædicitum, ut sit idoneum & recipiendus, & sustentandis corporibus, trina dimensione prædicitis, *Carræsius* & *Regius* spatia imaginaria in totum negant, quia nullum admittunt locum, qui non sit cum corporibus, imò corporum, consequenter cum spatio imaginaria omne excludant corpus, non possit locum explicari per spatia imaginaria: quibus quidem hoc concedi potest, omnia spatia vera ac realia, esse corpora, sed & hoc inquirendum est, an locus debeat dici ipsi rei locatæ intimus, ipsaque ejus dimensio, & non inveniri, nisi ubi invenitur corpus; sic enim distinctio loci in internum &

externum petir: atqui ista distinctio non est temerè rejicienda: vocatur locus internus ipsa quidem corporis naturalis dimensio trina, sed præter hunc locum internum dari aliquem externum, negari non potest, qui non sit corporis locati, sed locantis; nihil enim dubium est, quin & corpus locans & locatum suam sibi habeat dimensionem, & quin dimensio corporis locantis sit locus dimensionis corporis locati: atqui dimensio corporis locati, id est, locus internus, differt à dimensione corporis locantis, id est, loco externo. Quod spectat spatia imaginaria; illa quidem non necessaria, quippe sine quibus, & locus, & immensitas Dei, optime explicari potest; nam illa spatia imaginaria, aut sunt aliquid, aut nihil; si nihil, ridiculum est dicere, locum esse spatium imaginarium, aut Deum esse ubique, id est, in spatio imaginario, quod est nihil, & quid dicemus? an ergo localitas, non infinita Dei, tunc finita creaturarum, terminabitur in aliquo nihil? at tamen tale nihil, volunt esse spatium imaginarium, quod faciunt locum: si sit aliquid, vel est aliquid creatum, vel increatum: si est aliquid creatum, est vel substantia, vel accidens, vel medium negationis, inter substantiam & accidens; sed nihil istorum dici potest: non substantia est, quia daretur dimensionum penetratio, nam spatium hæc imaginarium non est substantia spiritalis, si sit substantia, sed erit corporea: sed quomodo sic poterit recipere corpora absque dimensionum penetratione; neque est accidens, quia nullum accidens potest recipere substantiam quædam omnem suam dimensionem: siquidem enim ipsum accidens non habet partem extra partem, quomodo recipere valeat corpus habens partem extra partem: neque est medium negationis, hoc spatium imaginarium, inter substantiam & accidens; nam quodnam erit? an relatio, ens rationis, denominatio externa, modus? an privatio? Resp. vel est privatio Logica, vel Physica, id est, spatium imaginarium significat, vel corpora debere sibi inesse, vel posse: si prius, nil potest dici falsius, quia ipsi statuant spatia imaginaria extra cælum, in quibus nec ullum corpus est, nec esse debet: si posterius, tum significatur, spatia imaginaria esse merum nihil: nam, quodcumque dicit tantum negationem alterius rei, id respectu illius rei est merum nihil; sed spatia imaginaria dicunt negationem omnium rerum, ergo respectu omnium rerum sunt merum nihil; consequenter, non sunt privatio, quia privatio non est nihil, sed aliquid.

43. Quia juxta Aristotelis definitionem non conveniret locus omni corpori naturali.

*Nam cælum extremum seu ultimum seu supremum non foret in loco, quia nullum datur corpus illud ambiens, cujus superficies locus ejus esse queat.*

Multa sunt argumenta, quibus probari potest effectaciter, locum non esse superficiem, unum ex iis

M m m m a est in

est in textu, scilicet, cœlum supremum non fore in loco, quia extra illud nulla est superficies, quæ ambiat illud; sed præterea & hoc argumentum magni ponderis est: omnis locus debet esse æqualis locato, sed si locus sit superficies, non est æqualis locato, ergo &c. probatur minor, quia superficies tantum est duarum dimensionum, est enim tantum longa & lata, ac corpus locatum est trium dimensionum. nempe, est longum, & latum, & profundum seu crassum.

#### 44. Esse in loco convenit corpori propter quantitatem; Hinc

*Ut quantitas est proprietas materia, ita locus quantitati.*

#### 45. Quam necessarium est corpus esse quantum, tam necessarium est corpus esse in loco.

*Ratio est, quia esse corpus, esse quantum, esse in loco se mutuo penitent ac tollunt.*

#### à Thef. 44. 45. & tres sequentes.

Hæc Theſibus duæ propiſitates loci exponuntur, scil. quod nec unum corpus possit esse in pluribus locis, nec duo corpora in eodem loco, & fundamentum utriusque subleſnitur hoc, quia locus, seu esse in loco, convenit corpori, propter quantitatem: ut ergo corpus unum unam habet quantitatem, ita est in uno loco, & quemadmodum duo corpora duas habent quantitates, ita non possunt esse nisi in duobus locis; quod vero locus, aut esse in loco, corpori conveniat propter quantitatem, sic probatur: si omnis quantitas partem habet extra partem, ergo omne quantum est in loco, sed verum prius, Ergo & posterius, probatur major, quia habere partes extra partes, est habere partes loco diffitas; & hæc se mutuò inferunt, materia, quantitas, locus; quodcumque enim prædicum est materia, hoc est quantum, quod est quantum, hoc est in loco: uti ergo corpus unum, unam tantum habet materiam, ita tantum unam habet quantitatem, & ita in uno tantum est loco: Ergo corpus unum, propter quantitatem unam, tantum est in uno loco, & corpora duo, propter duas quantitates, sunt in duobus locis

#### 46. Et dimensiones partesque loci, respondent dimensionibus partibusque corporis; hinc.

*Dimensiones, id est, longitudo, latitudo, & crassities: ratio theſeos est, quia, ut totum corpus est in loco totali, ita partes corporis sunt in locis partialibus.*

**L**ongitudo, latitudo, crassities, dicuntur Philosophis dimensiones, quia per eas corpus mensuratur, suntque vel loci, vel rei locatæ, estque proportio

quædam inter dimensiones loci, & rei locatæ, sic, ut longitudo, latitudo & crassities rei locatæ, respondeant ipsi loco; quod, si locum sumas pro corpore ambiente, intelligi facile potest, sed si sumas pro spatio, longitudo, latitudo & crassities, tantum sunt imaginariæ; quemadmodum spatium, per quod definitur locus est imaginarium, arcamen imaginatur hoc spatium longum, latum, ac crassum, ac si revera tale esset.

#### 47. Non possunt duo corpora simul esse in eodem loco.

*Ratio Theſeos est, quia daretur dimensionum penetratio, quod ab omnibus habetur absurdum in Philosophia.*

#### 48. Nec magis unum corpus potest esse in duobus locis vel pluribus.

*Ratio Theſeos est, quia corpus unum foret & non unum, nam unum est ex Hypothesi: non unum erit, quia erit divisum à se, quod enim in duobus pluribusve locis divisum est, illud non potest non à se esse divisum, ac vero unum est indivisum: ergo corpus illud simul erit divisum & indivisum, unum & non unum, quæ est contradictio.*

#### 49. Locus omnis est repletus corpore.

*Locus omnis, scilicet, in hoc mundo, nam, ad dentur spatia, ut vacant, imaginaria, extra hunc mundum, inter se disputant Philosophi.*

#### 50. Vacuum itaque non datur.

#### 51. Nec dari potest naturaliter.

*Ratio utriusque est, quia nulla sic fieret in his inferioribus generatio aut corruptio, motus aut mutatio; quia admissio vacui, virtus ac influxus calorum ad nos derivari non posset, quo tamen opus est ad mutationes & motus in inferioribus.*

#### 52. At quin supernaturaliter dari possit, non videtur negandum.

*Ratio est, quia nec ex parte Dei, nec ex parte rei nulla implicatur contradictio; aut, si simpliciter, ostendatur.*

#### Ad Theſin 50. 51. & 52.

**S**i vacuum opponatur loco interno, id est, ipsi corporis naturalis dimensioni, nec naturaliter, nec supernaturaliter dari posse videtur; quia ut deus corpus naturale expers trine dimensionis, contradictionem implicat, quia dimensio corporis naturalis & ipsum corpus naturale habent se ut proprium & subiectum, quæ à se invicem, nec naturaliter, nec supernaturaliter, separari queunt: si vacuum opponatur loco externo, ut vacuum dicatur spatium, omni corpore destitu-

um, uti locus externus, est spatium corpore plenum, naturaliter non videtur dari posse, intra mundi ambitum, vacuum: quia omnia corpora mundi sunt contigua sibi invicem, quod mundus sit rotundus, & mundi omnes partes se invicem ambiant, suis superficibus, ut intra superficiem unius corporis contenti, & superficiem corporis alterius continentis, nullum detur spatium medium aut vacuum, si enim daretur, periret contiguitas corporum mundo contentorum; videtur tamen rarefactio & condensatio alicujus corporis, intra mundi ambitum contenti, evincere parvum vacuum, nisi dicamus cum *Cartesio*, rarefactionem fieri per ingressum novorum corpusculorum insensibilium, in spatia intermedia, partium rei, quæ rarefit, & condensationem fieri per expulsionem partium ex spatiis intermediis corporis condensati: quicquid sit, quin virtute divina possibile fit dari vacuum, non videtur negandum: nam si magnum dari potest, extra hunc mundum, ut dari posse asserunt *Aristotelici*, quid nō per eandem potentiam divinam dari quoque possit parvum vacuum, intra hunc mundi ambitum; neque hoc implicat contradictionem ex parte

Dei, quia ejus potentia non est exhausta: neque ex parte rei, quia illud mandum non destrueret; adeoque, quod continet vulgares quasdam experientias, de testa cineribus repleta, quæ aquam superfusam recipiat: de scypho, qui repletus vino, absque ulla effusione ejus, intra se recipiat nummum aureum: de siphone, quo immisio in aquam per inferius orificium, per superius orificium attrahitur ær, ex omnes & similes haud incommode solvi possunt; nam in testa plena cineribus, dicimus per aquam insusam partes quasdam subtiliores cinerum evaporare, quæ faciant locum aquæ effusæ, & sic nullum ibi dari vacuum: quod spectat injectum nummum aureum in scyphum vino plenum, dicimus, nummum aureum esse corpus porosum, & sic in poris illis auri injecti, recipi vinum, quod alioquin efflueret extra scyphi, ante pleni, marginem: quod continet siphonem, cujus immisso orificio inferiori in aquam, per superius attrahitur ær, dicimus, non sequitur tamen vacuum, sed aquam potius ascensuram, ut locum, ab ære desertum, repleat, quod experientia docet.

## CAPUT III.

DE

## MOTU &amp; TEMPORE.

## THESIS I.

## D Ari motum ipse testatur sensus.

*Hic vox (motus) sumitur latius quam Thesis. sicut hic comprehendat generationem quoque & corruptionem, quæ ex definitione motus Aristotelica Thesis excluduntur. Per sensum intellige externum.*

2. Est inter affectiones corporis naturalis longe nobilissima.

3. Quia in ipsa definitione naturæ ponitur.

*Est enim natura causa & principium motus, ubi vox unius istorum latius sumitur.*

4. Est tamen explicatu difficilis ejus essentia, quia est imperfecta, & magna motuum varietas.

*Natura motus est imperfecta, quia est ens in fieri, est enim motus nihil aliud quam terminus ad quem, datus sit; sic calefactio est ipsum fieri caloris.*

## Ad Thesis 1. 2. 3. 4.

**T** Hesi prima in commentario notatur insignis incertantia Philosophiæ Aristotelicæ, in eo sita, quod cum *Aristoteles* naturam definivit, principium & causam motus, ibi hanc vocem sumserit latissime, est enim natura principium & causa motus, non tantum localis, aut alterationis, aut accretionis, & oppositæ diminutionis, sed & generationis, ac corruptionis, imo naturalissimum opus viventis est generare; generatio tamen & corruptio, à definitione motus Aristotelica, quæ hic ponitur Thesis, secluditur: in Thesis prima motus tam late sumitur ut funderetur in definitione naturæ, nam sensus testatur non tantum dari motum successivum, localem, alterationem, accretionem, diminutionem, sed & ex sensu constat externo, etiam dari generationem & corruptionem, tum viventium tum non viventium, ideoque Philosophia *Aristotelica* atque Aristotelica ludit in ambiguo, & vocem motus usurpat pro arbitrio, nunc latius, nunc strictius, ita quoque alia vocabula, nunc illa sumuntur significatione prout illis dicendi magistris placet, Thesis quarta dicitur esse magna motuum varietas, quod intelligendum est motibus singularibus, alioquin motus, quoad speciem spectatus, aut genus, non est tam varius, sed vel unus ac solus localis, *Cartesio* &



*Regis*, vel *Aristotelici* triplex, ad quantitatem accretio & diminutio, ad qualitatem alteratio, ad ubi latio seu motus localis: in commentario cum dicitur motus, nihil aliud esse, quam terminus ad quem, dum sit, notandum est, terminum ad quem, V. C. calorem, spectari vel in fieri, vel in facto esse, cum spectatur in fieri motus, calefactio est idem realiter cum ipso, distinguiturque ab eo tantum formaliter, seu ratione ratiocinata, at si spectetur terminus ad quem in facto esse, ut calor postquam est productus, distinguitur calefactio, motus, à termino ad quem, calore, realiter, ac nemine cogitante.

5. Aristoteles definit motum, actum ejus, quod est potestate, quatenus est tale.

*Definitio motus ex Aristotele non est examinanda ad amissimam & normam definitionis perfectæ, quia quod perfectum definitur, debet esse ens perfectum, quale non est motus.*

Hic proponitur definitio motus ex Aristotele, quæ explicatur Aristotelice usque ad thesin 12. exclusive, est autem definitio valde obicura, ut sunt pleræque definitiones Aristotelicæ; genus ejus Græcis ponitur *κίνησις*; quod vocabulum componitur ex *κίνησις* & *κίνησις*, ac quomodo Latine verti debeat ita se torserunt interpretes Aristotelis, ut Hermolaus Barbarus narretur diabolum rogasse, ac tandem reddidit vocabulo barbaro, *perfecti habitus*; quæ vox summi potest, vel passive, pro perfectione quæ habetur, vel active, pro eo quod perfectionem habere facit; non autem sumitur commode sensu priore pro perfectione quæ habetur, nam cum habetur motus, habetur potius imperfectio, quam perfectio, quin terminus ad quem, qui motu acquiritur; potius dici debet perfectio, quam motus, quo acquiritur; posteriori sensu dici posset perfecti habitus, quia facit motus, ut subiectum seu patiens, terminum ad quem seu perfectionem sui habeat: Latine vulgo vertunt, *actum*, quomodo & hæc vox Græca vertitur in definitione animæ, cum animus definitur actus corporis organici potentia vitam habentis. Porro fit mentio *δυνάμει* in definitione motus, id est, potentia vel potestatis, & quidem cum particula reductiva, quæ, vel quatenus, est enim motus actus entis in potentia quæ potentia. Quid per hæc duo vocabula *actum* & *potentiam* intelligatur, & quomodo opponantur, in sequentibus usque ad 12. explicatur thesibus.

6. Actus intelligitur non substantialis, sed accidentalis, isque non primus, sed secundus, non entitativus, sed formalis.

*Actus substantialis est omnis substantia, & accidentalis omne accidens: Actus primus, est principium operandi, secundus, ipsa operatio.*

7. Quamvis ratione termini ad quem aliquo modo primus dici possit.

*Ratio thesibus est, quia motus est quasi forma termini ad quem, dum sit; ut calefactio caloris forma est, dum calor fit.*

DE actu agitur Thef. 6. & 7. vocabulum *actus* est ambiguum, interdum idem est, quod actio, ut cum dicimus, actus intelligendi, sentiendi, id est, actio intelligendi, sentiendi; interdum significat id, quod opponitur potentia, quo sensu Actus opponitur potentia, dividuntque ista duo totam Entis latitudinem, ac tum dividitur actus in entitativum & formalem; ille est, quo res unaquaque existit, competitque etiam ipsi materiæ, ei opponitur potentia obiectiva, quæ res quæ actu non existit, existere potest per potentiam agentis, cuius est obiectum: Actus formalis, dicitur forma quæcumque, sive substantialis, sive accidentalis, quæ rem facit existere actu talem vel talem, id est, hujus vel illius speciei, cui opponitur potentia subiectiva, quæ forma aliqua, sive substantialis, seu accidentalis, quæ non existit in subiecto, existere potest in eo. Interdum actus dicitur de ipsa ac tota rei Essentia, quia per Essentiam res constituitur in esse, & in esse tali, quo sensu humanitas est actus hominis, & Essentia actus Entis; atqui hic tum distinguenda veniunt hæc duo, *esse actum*, & *esse actum*, humanitas Petri mortui est actus Petri ut hominis, sed non est actus in Petro mortuo. Cum motus dicitur actus, non intelligitur actus in prima significatione, nec in tertia, sed in secunda; non tamen actus entitativus, sed formalis, non substantialis, sed accidentalis.

8. Ejus quod est: significat mobile, seu corpus naturale.

*Vocula (est) hic sumitur pro existit, & significat esse existentia, non vero esse essentia, est enim motus actus ejus quod existit, non quidem ex toto, sed ex parte saltem, si enim terminus ad quem in totum existit, motus cessat: si vero motum referas ad patiens, vere est actus ejus quod existit, etiam ex toto, quia totum patiens existit; veris causa, in calefactione patiens est aqua, quæ in totum existit, terminus ad quem est calor, quæ existit ex parte.*

Quod hic dicitur thesi octavâ, ejus quod est, in Græco Aristotelis textu exprimitur voce *ἐν*, seu entis, sumitur enim vox *ἐν*, vel ens, interdum ut participium, interdum ut nomen, hic sumitur ut participium, motus enim est actus rei existentis, calefactio enim est aqua, quæ nunc existit dum calefit, existit vero aqua in potentia, non obiectiva, sed subjectiva, respectu caloris, quem ut subiectum, suscipere ac sustinere valet; cum vero illud quod existit, cuius est motus seu quod movetur, sit aut esse saltem possit, vel spiritus, vel corpus, quæritur, quale hic intelligatur mobile existens, an spiritus, an corpus; respondent Peripatetici, intelligi solum corpus, non autem spiritum,



tum, quia hic agitur de motu; qui est affectio corporis naturalis; sed enim, annon quoque spiritus movetur? & annon motus in Angelo, est actus entis, id est, rei existentis, in potentia, ad ubi sive locum, in quem movetur revera? nam quod Angelos moveri dicant Aristotelici non proprie, sed improprie, *αλλοιως*, & per similitudinem, id gratis dicitur, nam tam vere mutant suum ubi, quam corpora, & tam vere transferuntur de loco in locum ut corpora, ideoque hoc gratis dicitur, per illud *αλλοιως*, sive entis, lumpiti participialiter pro eo quod existit, intelligi debere solum corpus.

9. Dicitur vero mobile esse *potestate*, non ratione motus; sed ratione formæ introducendæ.

*Per formam introducendam intelligitur, terminus ad quem, qui in patienti introduci debet, & dicitur forma, quia patienti informat; sic calor introducendus in aquam, aquam informat, cum sit introductus.*

Cum author dicit, mobile esse *potestate*, melius dixisset *potentia*; nam hæc duo vocabula diversimodè habent significationes, & in Græco Aristotel. textu est *δυναμις*, quod significat potentiam, & non potestatem, quod dicitur Græcè *ἐξουσία*: ita Christus mediator dicitur à Patre accepisse omnem *ἐξουσίαν*, id est, omnem potestatem seu auctoritatem, in celo & in terra; at *τῆς αὐτῆς δυνάμεως* omnem potentiam Christus quæ mediator non accepit à Patre, sed quæ Deus habuit ab æterno; & patienti, hic, seu mobile, non dicitur esse *ἐξουσία* id est potestate, sed *δυναμις* id est potentia.

10. Intelligitur potestas non activa, sed passiva.

*Ratio theosofica hæc est, quia terminus ad quem simul & motus recipiuntur in patiente, seu subiecto; non possit intelligi alia potestas quam passiva, quæ subiecto seu patienti est propria, nam activa potestas est propria agentis, in quo nec motus nec terminus ad quem ejus est.*

Cum vero potentia sit multiplex, intelligitur non objectiva, sed subjectiva, non activa, sed passiva, non obediens, quæ per solam virtutem supernaturalem & miraculosam Dei, in actum deducitur, sed naturalis, quæ ab agente naturali, viribus & mediis naturalibus, in actum deducitur, quod sit, cum mobile seu patienti, terminum ad quem recipit, qui in se producit, & ab eo informat; nam illa potentia in qua dicitur existere patienti, respicit terminum ad quem, non vero motum, quo terminus ad quem producit.

11. Illa verba, *quatenus est potestate*, significant, motum esse quid imperfectum, & cujus essentia consistat in fieri.

*Essentia motus est proprie ipsum τὸ produci, seu τὸ*

*fieri totum, & quandoquidem res quæ sunt per motum, non producuntur simul & semel, id est, unico momento; sed successive, per partes aut gradus; quæritur hic, an motus dicatur respectu partium vel graduum acquisitionis, an vero respectu acquirendorum: respondemus posterius, quia calefactio, verbi causa, non dicitur respectu caloris jam introducti in aquam, sed respectu caloris introductæ adhuc, qui ideo dicitur esse potestate, quod, cum nondum sit, esse tamen possit, & sic motus dicitur actus ejus quæ est potestas (quatenus potestate) sic calefactio dicitur motus caloris, qui non est sed potest esse, & quatenus potest esse.*

Cum duum sint generum entia, quædam perfecta, quædam imperfecta, perfecta quæ essentiam suam totam habent simul, imperfecta quæ non item, motus est ex genere entium imperfectorum, uti quoque est tempus; ideoque, qui sic argumentantur, præteritum non est, futurum nondum est, ergo nullum datur tempus, quia præsens non est tempus, sed terminus copulans partem temporis præteritam & partem futuram? illi sic refutari possunt, quod tempus non sit ex genere entium perfectorum & permanentium, sed ex genere entium imperfectorum & successivorum, hæc dicuntur existere cum sunt, ita quoque existit motus, cum sit, estque ens successivus, quia, ut in tempore una pars temporis succedit alteri, ita & in motu, una pars motus succedit alteri, uti videre est in calefactione, quæ aqua frigida calefit; nam non inducitur calor simul & semel, sed caloris introductio, id est, calefactio, sit successive, & ratio est, quia terminus ad quem motus, ut calefactionis, partes habet vel gradus, qui respondent partibus motus, sibi invicem succedentes? motus autem à termino ad quem, ut calefactio à calore, non distinguitur re, sed ratione tantum; ideoque, si terminus habeat partes sibi invicem succedentes, etiam motus sit successivus. Notandum vero est, eam reduplicationem in definitione motus Aristotelicæ, quæ potentia, cum motus definitur, actus entis in potentia, quæ potentia, intelligendam esse respectu partium aut graduum, termini ad quem, V. C. caloris, in patiente, V. C. aquæ, per motum, quia calefactionem, producendorum, non autem jam productorum.

12. In omni motu est, movens, mobile, terminus à quo, & terminus ad quem.

*Hæc quatuor debent esse inter se distincta, quod ex sequentibus patebit.*

Ex illis quatuor, in omni motu requisitis, nihil magis est intimum motui, quam terminus ad quem, quia hic cum motu identificatur non sic, movens, mobile, & terminus à quo, quæ tria semper re ipsa à motu distinguuntur, sed terminus ad quem, ut calor, non distinguitur re à motu, calefactione, sed ratione tantum, vel ad summum modaliter, est enim motus nihil aliud, quam ipsum produci, ac fieri caloris, habetque se ad calorem, ut modus ad rem.

rem modificatam; hæc verò quatuor reperiuntur in omni actione, physica transeunte ac successiva, qualis est motus hic definitus, ac spectatus. Sed, si vox motus extendatur ad significandam actionem supernaturalem, immanentem, aut momentaneam, hæc quatuor non ita semper inveniuntur distincta, nam in actione supernaturali, qualis est creatio, mobile, seu patiens, nullum est, sed creationem ignoravit Aristoteles, qui motum nobis definitur: in actione immanente, ut est intellectio, idem est agens & patiens, nam intellectus agens, & patiens, non sunt duo realiter distincti intellectus: in actione momentanea, interdum est patiens, seu mobile, distinctum à movente, & termino ad quem, ut in generatione & illuminatione, interdum non est, ut in creatione.

13. Movens est, à quo motus est.

*Idem motus respectu moventis est actus secundus.*

14. Hoc debet esse distinctum à mobili.

*Quomodo movens à mobili distingatur, dicitur thes. 15.*

15. Vel ut totum à toto, vel ut pars à parte, vel ut pars à toto, vel ut totum à parte.

*Totum movetur à toto, ut quando equus trahit currum, pars à parte, ut quando muscoli movent brachium; pars à toto, ut quando corpus hominis movetur à toto homine, aut tota una horologii à toto horologio: totum à parte, ut homo aut animal ab anima sentiente movetur.*

16. Omne enim quod movetur, ab alio movetur.

*Hoc axioma intelligendum de motu transeunte, non immanente, item de motu materiali, non immateriali, item de motu reali, non intentionali, item de motu naturali seu Physico, non morali seu Ethico.*

17. Nam non potest idem respectu ejusdem formæ esse, & actus, & potestate.

*Ratio est, quia sic idem esset, & non esset, respectu ejusdem; quod enim potestate est, illud non est; quod actum est illud est: ergo, quod simul actus ac potestate est, simul erit & non erit, quæ est contradictio.*

18. At hoc foret, si aliquid movetur à se ipso.

19. Quod enim movet, formam introducendam actu continet, quod movetur, potentia.

*Hæc Thesis vera est de motu univoca, quando movens producit effectum suæ speciei, sed non de motu equivoco, ubi enim movens non continet actum, id est, formaliter formam introducendam, sed tantum eminenter.*

à Thesis 13. ad Thesis 19. inclusive.

S1 quod movetur, possit moveri à se ipso, idem poterit esse & non esse, posterius falsum est, Ergo & prius. Probatur major, si illud quod movetur, est, illud quod movetur, non est. Ergo idem erit actus & potentia, falsum consequens. Ergo & antecedens; ratio syllogismi hæc est, quia quod agit aut operatur, hoc est, Ergo si idem agat in se ipsum, est, atamen non est, quatenus se ipsum producit, nam productum est fieri & non esse, ideoque semper omne movens distinctum est à mobili.

20. Mobile est, in quo est motus.

*Mobile idem est quod patiens sive subiectum.*

21. Motus enim non est in movente, sed in mobili.

*Ratio Thesis est, quia terminus ad quem est in mobili, non in movente; at motus à termino ad quem non distinguitur realiter: sic, quia calor est in aqua, & caliditas est in ea.*

C. Um motus dicitur esse non in movente sed in mobili, intelligitur primum, motus transiens, non immanens, hic enim est motus in movente, quia movens & mobile sunt: secundò intelligi debet de motu reali non intentionali; vocatur motus realis, qui fit receptione ipsius qualitatæ physice: intentionalis, qui receptione specierum, seu sensibilibus, seu intelligibilibus, quomodo sunt intellectio & sensio: tertio debet intelligi de motu materiali, non immateriali; materialis vocatur, qui fit adminiculo seu adjumento materiæ, immaterialis contrà, uti sunt motus Angelorum.

22. Hinc omne, quod se ipsum movet naturaliter, constat parte movente, & mobili.

*Pars movens est forma corporis naturalis, mobile est ejus materia.*

23. Neque tamen actus moventis realiter est distinctus ab actu mobilis, sed ratione tantum.

*Ratio est, quia actio & passio non distinguuntur etiam respectu, sed respectu tantum diverso ad agens & patientem.*

24. Idem enim motus, quatenus à movente, ut à principio est, dicitur actus agentis, quatenus in mobili, ut in patiente recipitur, actus mobilis.

*Respectus motus ad movens, explicatur per præpositionem à vel ab, ad mobile per præpositionem in, atque hinc patet veritas thesis 21.*

## Ad Theſin 23. &amp; 24.

**Q**uamvis actus moventis non fit realiter distinctus ab ipſo movente, tamen diverſe definitur, quia ad distinctas definitiones non requiritur distinctio realis rerum definiendarum, sed ſufficit distinctio rationis, per respectus diverſos ejuſdem rei definiendæ.

25. Movens debet eſſe conjunctum mobili.

*Si movens nullo modo conjungatur mobili, nullus quogue fieret motus.*

26. Vel virtute, vel ſuppoſito.

*Movens dicitur mobili conjungi quoad ſuppoſitum, quando ipſum corpus moventis attingit corpus mobilis, ut cum aqua hincellat, aut abluſit manum; quoad virtutem vero, cum ſola agentis vis ipſum attingit mobile per actionem mediam, non vero ipſum corpus moventis, ut cum ſol calefacit faciem noſtram.*

27. Itaque, non datur motus in diſtans.

*Subintellige in tale diſtans, quo pertingere non valet, nec ſuppoſitum, nec virtus moventis, tum enim mobile eſt poſitum extra ſphæram actioſitatis, quæ moventibus creatis ſingulis ſua eſt deſtinata; & ſic creatura diſtinguitur a Deo, qui nullam habet ſphæram, quæ in agendo circumſcribitur, ſed operatur ubique; quia ubique eſt.*

## Ad Theſin 25. 26. 27.

**C**ommunis eſt aſſertio omnium Peripateticorum, non dari actionem in diſtans, exceptis Scoto & Scotitis, qui tamen opinionem ſuam ſic explicant, ut vel ſua ſola explicatione ruat; & hæc ratio ſola in viſta eſt, nullum agens agere poteſt actione tranſeunte; niſi obiectum ei approximetur, neque poteſt obiectum diſtans approximare, niſi pertranſeat medium, quo ab agente diſtat, ac niſi ipſum agens, ſi non ſuppoſito, ſaltem virtute in ipſum medium prius agat, eam per illud diſſundendo, antequam ipſum obiectum diſtans peringat; neque concipi poteſt, quomodo agens agere poſſit in obiectum remotum, niſi prius agat in proximum; quomodo Sol V. C. illuminet ſuperficiem terræ niſi prius radios ſuos diſſuderit per interjectum aërem.

28. Plures termini duobus, à quo, & ad quem, dari nequeunt.

*Ratio eſt, quia terminus à quo & ad quem opponuntur immediate.*

29. Si plures videantur, vel non ſunt totales, vel non ſunt ultimi, vel non intrinſeci, vel non per ſe, & primo intenti.

*Terminus totalis, ultimus, intrinſecus, per ſe, & primo intentus, vulgo dicitur adæquatus, non totalis, non ultimus, non intrinſecus, non per ſe, & primo intentus, dicitur inadæquatus.*

30. Termini motus inter ſe ſunt oppoſiti, interdum contrarie, ſemper privative, id eſt, negativè.

*Semper privative, quia terminus à quo, vel unde negat terminum ad quem, vel ſi contrarium ponat, adhuc oppoſitum terminum ad quem abſolomine negat; quemadmodum frigus ſimul, & non eſt calor, & qualitatem ponit contrariam calori.*

31. Abſectio tamen termini à quo, & acquiſitio termini ad quem, non ſunt duo diverſi, ſed unus idemque motus.

*Quemadmodum iter ſuſceptum Londino Hagam, non eſt geminum iter, ſed unum, ſicet duo ſint termini, unus à quo, alter ad quem; ſic hic ſeres habet.*

## Ad Theſin 28. 29. 30. 31.

**Q**uia in omni motu ſemper aliquid acquiritur, nequit fieri, quin etiam aliquid aut deponatur, aut perdatur, ſiquidem id, quod acquiritur, forma eſt accidentalis, quæ aliam formam accidentalem, in patienti ſeu mobili exiſtente, vel expellit, vel ſua ſaltem formalitate exurit: motus ad qualitatem, ut alteratio qualibet. V. C. calefactio, terminum ad quem V. C. calorem, acquirit, V. C. frigus, ex ſubjecto ſeu mobili V. C. aqua: ita quoque fit in motu ad ubi, in quo unus locus, terminus à quo deponitur, antequam alter locus, terminus ad quem acquiritur; ſed in motu ad quantitatem, ut in accretione, terminus ad quem, quantitas major, non expellit terminum à quo, quantitatem minorem, ſed tamen tollit ejus formalitatem, ut ſubjectum ſive patiens aut mobile, non ampliùs ſub tali forma accidentali, id eſt, quantitate parvâ, exiſtat.

32. Motus formaliter non eſt forma in fieri, ſed via ad formam.

*Motus formaliter, eſt ipſum fieri verum; cauſaliter, res quæ fit, eſt enim calefactio cauſa quæ fiat calor, aut melius, cauſalitas quæ fit calor.*

33. Neque tamen reiſſa differt à forma, ſeu termino ad quem, ſed ratione tantum, ac definitione.

*Cum motus dicitur non diſferre realiter à termino ad quem intelligi terminum ad quem in fieri, nam à termino ad quem in ſalſo eſſe, reiſſa differt, quia reiſſa ab eo ſeparatur, ut calefactio ſeparatur a calore jam producta.*

**P**er formam, duabus hisce Theſibus, non tam intelligitur ſubſtantialis, quam accidentalis, ad ſubſtantialem enim formam, non tam datur motus, quam mutatio inſtantanea, quia vocatur generatio & corruptio, quamvis autem nihil tam ſic inſinſecum motui, quam terminus ad quem, ſeu forma accidentalis, quæ motu producit, imò quamvis motus, & ſinis, terminus ad quem, identiſcentur, id eſt, non ſint res diverſæ, attamen reſpectu differunt, qui ſufficit, ad diſcrimen rationis, ac definitionis, inferendum inter utrumque, nam aliter ſanè deſinitur calefactio, aliter calor etiam dum ſit; ideoque nunquam inferendum eſt tali modo, hæc aut illa differunt definitione, ergo re ipſa.

34. Terminus ad quem debet eſſe viſibilis.

*Diviſibilis, ſcilicet, vel in partes vel in gradus.*

35. Quia, omne quod movetur, partim eſt actu, partim eſt poteſtate.

*Ratio eſt, ex definitione motus, theſi 5. & 9. & 11.*

36. Hinc ſequitur, omnem motum eſſe ſucceſſivum.

*Ratio theſes eſt, ex theſi 33. quia motus non diſtinguitur à termino ad quem, qui eſt ſucceſſivus.*

37. Itaque, nihil movetur in momento.

*Ergo generatio & corruptio non ſunt motus, vide theſin 52.*

38. Et ſucceſſio eſt de motus eſſentia.

*Ratio eſt, quia terminus ad quem eſt de eſſentia motus; at de eſſentia termini ad quem eſt ſucceſſio; ergo.*

39. Non tamen continuus.

*Continuitas motus dicitur, quæ partes motus ita connectuntur, ut inter eas nullum detur temporis interſtium medium.*

40. Quia eâ ſublata non tollitur motus eſſentia, ſed tantum unitas numerica.

*Unitas motus numerica requirit unitatem temporis, at vero ſi tempore dividantur duo eſſentia ſpeciei motus, ut due calefactiones, quarum una nunc fiat, altera poſt horam, in eadem aqua, ab eodem movente, non eſt quidem unus motus numero, ac continuus, ſed geminus atque interruptus & diſtinctus numero: uterque tamen verus & verè motus, & ſucceſſivus.*

*à Theſi 34. ad Theſin 40. incluſive.*

**H**isce Theſibus hæc tria definiuntur, primum eſt, omnem omnis motus terminum ad quem eſſe diſviſibilem, in quo diſtinguitur à termino ad quem generationis & corruptionis: ſecundum eſt, ſucceſſionem eſſe de eſſentia motus, id eſt, motum concipi non poſſe, niſi in iſto conceptu involvatur conceptus ſucceſſionis; & cauſa eſt, quia ubi eſt diſviſibilitas, quin & diviſio, ibi quoque eſt ſucceſſio, ſed in motu eſt diſviſibilitas, quin & diviſio, non tam ratione ſui, quam ratione termini ad quem, cum quo eſt idem, ideoque ſucceſſio, ingreditur definitionem motus, ſignificatur enim illis verbis, *actus entis in potentia, quæ poteſtia*, quod enim partim eſt actu, partim eſt poteſtia, illud eſt ſucceſſivum, ergo & iſte motus: tertium eſt, non eſſe de eſſentia motus continuitatem, ſine quo enim motus eſſe poteſt, id non eſt de eſſentia motus, ſed ſine continuitate eſſe poteſt, licet ſine ea non poſſit eſſe unus numero motus, quod offenditur comment. Theſi. 40.

41. Unitas, & diſtinctio motus, generica, & ſpecifica, deſumenda eſt ab unitate & diſtinctione termini ad quem.

*Ratio eſt, quia motus idem eſt realiter, licet non formaliter, cum termino ad quem, unde ad diſtinctionem vel unitatem termini ad quem, dicitur vel diſtinctus vel unus & idem motus.*

**U**nitas & diſtinctio generica motus dicitur, quæ vel motus plures, ſpecie diſtincti, conveniunt in uno genere, vel diſtinguuntur ut diverſa genera: unitas & diſtinctio ſpecifica motus dicitur, quæ vel duo motus, numero diſtincti, conveniunt in eadem ſpecie inſima, vel duo motus ipſi diſtinguuntur ut diverſæ ſpecies: V. C. accretio, alteratio, & latio, ſunt motus genere diſtincti, id eſt, ſunt tria genera motuum; calefactio & frigefactio ſunt duo motus ſpecie diſtincti, quia ſunt diverſæ ſpecies inſimæ, alterationis tanquam generis; porro calefactio & frigefactio ſunt unus motus genere, quia in alteratione, ut in uno genere, conveniunt: calefactio ut quatuor, & calefactio ut duo, conveniunt in calefactione tanquam in una ſpecie inſima.

42. Itaque tres tantum ſunt motus ſpecies.

*Species, ſcilicet, ſubalternæ non inſimæ, id eſt, tria ſunt motus genera ſubalternæ.*

43. Quia ad tria tantum prædicamenta pertinet ejus terminus ad quem.

*Ad Theſin 43. ſequentes ſeptem.*

**Q**uod ad tria tantum prædicamenta datur motus, ideo eſt, quia in tribus tantum illis prædicamentis reperitur terminus ad quem diſviſibilis; qualem exigit motus, in reliquis prædicamentis aut non invenitur ullius motus terminus ad quem, ut in Relatione

tionem ac Quando, aut non est divisibilis, ut in Substantia; nam substantia est in indivisibili posita, quod de ea intelligendum est ratione essentie, quadam enim nempe corporea, ratione quantitatis dividi potest; aut si invenitur motus terminus ad quem divisibilis, uti in situ & habitu, refertur ad terminum ad quem motus localis.

44. Ad quantitatem motus est, qui dicitur augmentatio, & diminutio.

*Accretio & diminutio nomen commune non habent, cum tamen conveniant in communis naturae genere, quod utraque sit motus ad quantitatem.*

45. Ad qualitatem motus dicitur alteratio, quae habet varias species.

*Alterationis species sunt, calefactio, frigefactio, rarefactio, condensatio, &c.*

46. Ad ubi motus dicitur latitudo, vel motus localis.

*Latitudo dicitur a ferendo, quia corpus, quod loco movetur, de loco quasi fertur in locum.*

47. Situs, & habitus, decimi pradicamenti, mutantur per lationem.

*Quia partes corporis & vestes non possunt mutari, nisi à loco moveantur.*

48. Ad relationes non datur motus.

*Relationes adveniunt quidem, saltem aliquae, cum motu & per motum praecedentem, ut similitudo, quae advenit cum alteratione, & per eam, non tamen alteratio terminatur ad similitudinem, sed ad colorem, ratione cuius dicitur alteri simile.*

Cum dicitur in Comment. relationes quasdam advenire cum motu & per motum, non negatur, quin aliae adveniant cum mutatione instantanea & per eam, uti paternitas pervenit per generationem, imò quaedam relationes, nec motu, nec mutatione, adveniunt, sed alià quadam de causa, uti adveniunt Dominium & servitus, per locationem & conductionem.

49. Uti nec ad quando, nisi impropriissime, localis.

*Id est Quando est causa sine qua non motus ferret, seu, conditio ad dividendum requisita, quia omnis motus fit aliquando, hoc est, in tempore.*

50. Ad substantias non datur motus.

*Ratio est, quia motus tantum datur ad terminum ad quem successivum & divisibilem, qualis non est substantia, quatenus est substantia: est enim haec tantum divisibilis, quatenus est quantitas.*

51. Datur tamen mutatio, generatio, & corruptio.

*Unde mutatio est quasi genus, dividiturque in momentaneam & successivam, tanquam species: momentanea est, generatio vel corruptio; successiva est, motus, hac Disputatione definitus.*

52. Quae cum fiant in instanti, motus non sunt.

*Ratio est, nam motus fit successivus.*

*Ad Theorem 50. 51. & 52.*

Haec recepta est Philosophia, generationem & corruptionem non esse species motus, sed dici tantum debere mutationem, quia motus fiat successivus, haec autem fiant in instanti, cum tamen in definitione Naturae, quae definitur Principium & causa motus, etiam sub motu Aristoteles comprehenderit atque intellexerit generationem & corruptionem, quippe quarum est principium & causa natura, quam est motuum aliorum, imò idem Philosophus ait, naturalissimum esse opus viventis generare.

53. Motus motui est oppositus bifariam.

*Bifariam, id est, ob duplicem causam.*

54. Vel propter contrarietatem terminorum ad quem, ut in alteratione:

*Sic contrarii motus sunt calefactio & frigefactio.*

55. Vel propter accessum & recessum ab eodem termino ad quem, ut in accretione.

*Sic contrarii motus sunt accretio & diminutio.*

*Ad Theorem 53. 54. 55.*

Motus motui dicitur oppositus, vel quando terminus ad quem unus motus, est contrarius termino ad quem alterius motus, uti calor, terminus ad quem calefactionis, est contrarius frigori termino ad quem frigefactionis; vel quando non terminus quidem ad quem unus motus, est contrarius termino ad quem alterius motus, uti in accretione & diminutione, utrobique terminus ad quem est quantitas, quae contrarium non habet, at tamen termino ad quem communi utriusque huius motus accidunt contrarii.

eraria, nempe quantitati, ut termino ad quem accretionis, accidit esse majus, eidem ut termino ad quem diminutionis, accidit esse minus; ut majus & minus, id est magnum & parvum, sunt contraria: pariter quoque judicandum est de generatione & corruptione, quæ sunt, non quidem motus, attamen mutationes contrarie, non propter contrarietatem terminorum ad quem, sed propter contrarietatem aut oppositionem ipsius, quæ utriusque termino ad quem supervenit, nam Te esse substantiam, terminus ad quem generationis, opponitur ut non esse substantiam, termino ad quem corruptionis: utrobique autem terminus ad quem est substantia, quæ contrarium quoque non habet.

56. Motus localis, est naturalis, vel violentus.

*Latit naturalis est, quæ fit ab interno mobilis principis; violenta, quæ fit ab externo agente: utraque potest dividi in rectam, & circumferentialem, recta est, vel a centro, vel ad centrum.*

*Centrum hic dicitur medium mundi ac terræ punctum.*

Cum motus localis in naturalem & violentum dividitur, vox posterior, aliter hic facitur, aliter in Ethicis; ibi enim actio dicitur violenta, quæ fit præter & contra voluntatem agentis, ut cum sur ascendit patibulum: hic dicitur, quæ fit a principio externo simpliciter, ut cum lapis movetur sursum a manu propicientis: discernimen hoc est, quod actio aliqua violenta esse possit Physice, quæ non fit violenta Ethicè, ut si quis in puteum aut fossam delapsus, inde extrahatur, motus ille est violentus Physice, quia corpus grave movetur sursum, contra naturam ac formam suam; ac non est violentum Ethicè, quia non movetur sursum qui extrahitur ex puteo, contra, aut præter voluntatem suam, sed sponte sua, & quia vult extrahi.

57. Naturalis in initio tardior, in fine velocior est: contra violentus.

*Naturalis, quæ fit ex natura cum ex natura sua tendunt deorsum, & levium cuius tendunt sursum, ex natura sua.*

58. Ratio est, quia in principio medium magis resistit, in fine minus.

*Medium est hoc per quod movetur, atque intelligitur hic potissimum aer: violentus motus initio velocior, in fine tardior est, quia vis impressa initio major, in fine languidior est.*

Tarditas aut velocitas motus naturalis & violenti, contrarias plane sui habent causas, Th. 58. & comment. subjuncto expressis.

59. Motus projectorum est a virtute projectis impressa.

*Virtus impressa, aut sola est causa motus violenti, aut si non sit sola, saltem principalis ac præcipua.*

Motus projectorum est violentus, sed quæ sit causa violentiæ, non tam facile est dictu: Julius Scaliger, & alii multi cum ipso causam faciunt, solam virtutem, a propiciente impressam: Sed enim explicari vix potest, quomodo virtus illi generetur; & an

insit tantum superficiæ, an verò interioribus partibus rei projectæ; quomodo si eadem virtus impressa, cum rem projectam movet deorsum, sit gravior? & cum sursum, sit levitas? quomodo rem projectam contrariis sæpe movet motibus? & an imprimatur quoque a corpore inanimato, ut relicto, aut pavimento, aut pariete, cui, verbi causa, pila illiditur? Deinde explicari nequit, quomodo ista virtus conservetur aliquandiu. & tandem pereat? quomodo sagitta, corpus grave, moveatur in altum, cum ibi nulla virtus imprimatur, sed potius aliqua virtus, cum nervo arcus, retrahatur: quomodo campana, si quis manubrium, aut funem relinquit, moveatur, non tantum, ad perpendiculum, sed a perpendiculo sursum? Perierit ergo, & alii, causam projectorum faciunt aërem, rem projectum, a tergo insequentem, eamque propellentem: sed nec hæc sufficiens causa est, quippe aer, corpus tam fluidum, tam subtile, tam tenue, quomodo in altum movebit corpus, se multo densius, & gravius? si dicas mater vacui, jam quidem finem assignas, sed non causam efficientem, motus illius violenti, in re projecta. Ego existimem, utrumque simul venire in partem causæ, & motum violentum projectorum, esse partem a virtute impressa, partem ab aëre, rem projectam insequente a tergo.

60. Tempus definitur Aristoteli: Numerus motus secundum prius, & posterius.

*Motus hic est genericus casus: secundum prius & posterius, id est, secundum partes priores & posteriores.*

*Ad Th. 60. 61. Sc. usque ad finem.*

Tempus partem est ens reale, partem ens rationis: Ens reale est, in quantum est duratio rei, id est, corporis existentis: ens rationis est, in quantum ista duratio mensuratur aut numeratur: nam numerare est rationis opus. Atque hæc est causa, cur dormientibus non videatur elabi tempus, quia non numerant, nec mensurant: partes temporis quod labitur: eademque causa est, cur desiderantius videatur temous esse longum, quia numerant illi omnes temporis partes.

61. Numerus intelligitur, non numerans, sed numeratus.

*Numerus numeratus idem est, atque res numerata seu mensurata: sensus est, quod tempus sit duratio corporis naturalis, numerata seu mensurata a motu, atque hoc tempus vocant internum, ipsum illud seu motus quo numeramus & mensuramus corporum durationem, vocant tempus externum.*

Tempus internum dici solet ipsa duratio corporum naturalium: externum dicitur mensura istius durationis: discernim utriusque in eo situm est, quod ante solem creatum fuerit tempus internum, id est, duraverint res, non fuerit tempus externum, quia ante solis creationem nihil fuit, quod durationem corporum mensuraret. Aristoteles definit tantum tempus externum, non internum: uti quoque definit locum, non internum, sed externum; attamen neque locus externus, neque tempus æternum, sunt proprietates



corporis naturalis, quia ista separari possunt à corpore naturali: sed locus internus, & tempus internum, non possunt separari à corpore naturali.

62. *Motus* intelligitur præsertim coelestis.

*Intelligitur interduo & secundario quoque motus artificialis, prædictus, indicium, seu horologiorum, scientiarum, ut hodie numeramus tempus.*

63. *Secundum prius, & posterius, scilicet motus.*

*Id est, secundum partes primas seu præteritas, & posteriores seu futuras motus, seu coelestis, seu artificialis; nam tempus numerari aut mensurari nequit, secundum partes priores & posteriores sui ipsius.*

64. Unde, tempus esse successivum æque ac motum patet.

*Ratio est, quia ubi est pars una post partem aliam, sicut est in tempore, quandoque enim quadrans, hora, hanc sequitur &c. ibi est successio.*

*Successivum dicitur omne illud, cujus partes non sunt simul: sed temporis partes non sunt simul: ergo tempus est successivum. Probat minor: quia pars præterita temporis nunquam simul est cum futura.*

65. Partes temporis sunt, præteritum, & futurum: momentum est terminus temporis.

*Præsens non est pars temporis, quia est aliquid indivisibile at pars temporis est divisibilis, quia tempus est continua quid, at vero continua divisibile est in partes usque & usque divisibiles, nam componitur ex partibus divisibilibus in infinitum; præsens autem est terminus copulans partes temporis, scilicet, præteritum & futurum, sicut momentum aliud est incipiens tempus, scilicet, quo momento Deus in principio omnia creavit.*

*Ad commentarium Thei 65. subjunctum.*

*Illud supponitur, omne continuum esse divisibile in infinitum: quod tamen, si bene expendatur, falsum est: nam dividendo, potest perveniri ad minimum naturæ. Et quæ est ibi absurditas, si dicamus, continuum dividendo, posse perveniri ad aliquid non amplius divisibile? & quid ni dicamus, tempus constare ex momentis & lineam ex punctis? siquidem ex fluxu momentorum oritur tempus, & punctorum linea.*

66. Tempus melius definitur, quantitas durationis successivæ, quæ est in motu.

*Melius, id est, clarius.*  
*Quantitas, scilicet continua & fluxus, non discreta aut permanens.*

*Quantitas, id est mensura, quia omnis mensura quantitas est.*

*Duratio successiva dicitur, quæ per partes acquiritur, quarum una alteri succedit, unde res durare successivè propter istam partium successivam dicitur in motu, quia motus partes suas habet, sibi invicem succedentes, quæ quandoque succedunt aliæ aliis, motus durat; & tempus dicitur id quod istam motus durationem mensuramus, quæ mensura debet esse continua & successiva, quia ipse motus qui mensuratur est continuus & successivus, oportet enim mensuram & mensuratum esse ejusdem generis ac conditionis.*

*Hæc thesi definitur tempus internum, non externum, quia illa quantitas & mensura durationis, inest ipsi rei duranti, id est, corpori naturali existenti: nam corpus naturale nullum existit simul & semel, sed habet partes & gradus, quibus existit.*

*Sententia Recentiorum, ad Caput tertium,*

D E

## MOTU & TEMPORE.

*Ad Thei 1-2. 3. 4.*

*In hisce Theisbus Caricis & Regius hætenus abeunt à Peripateticis diversi, quod vocem motus non accipiant tam latè, quam illi; illi enim intelligunt per motum non quidem generationem & corruptionem (quas tamen cur ab ambitu hujus vocis excludant, nulla est causa) at tamen præter motum localem eâ voce notant accretionem, decretionem, & alterationem & varias species; Caricis vero & Regius per motum intelligunt strictè, solum localem, neque alium agnoscunt, excluduntque non tantum generationem & corruptionem, sed & accretionem, decretionem, & alterationem, ejusque species; ac profecto, si rem ex vero existimemus, nec sensus, nec ratio dicit, in omnibus illis aliquid aliud admittendum esse præter motum localem, & ut Berigardus loquitur, *συνγενεῖς**

*& διόγενος* concretionem & secretionem partium; atque ut eam per singula, examinemus generationem & corruptionem: quid aliud fit in generatione, seu non videntur, seu videntur, quam quod partes materiæ, ex qua fit generatio, variis modis moveantur (*Peripatetici* dicent, alterentur, cum tamen in ista alteratione nihil detur percipi nisi eorum motum localem) & ex motu concrecant ac coalescant, ex qua concretionem & coalitionem partium generatur totum compositum, atque hoc ipsum comprobabit experientia, si ea consulatur: quemadmodum ex opposito, in corruptione nihil aliud deprehenditur a sensu & ratione, quam quod partes rei, dum corrumpuntur, variis modis moveantur, & ipso motu a se invicem separantur ac secedantur, in qua separatione ac secretionem partium: consistit rei corruptio; est enim hæc nihil aliud quam

dissolutio partium: pariter philosophandum est de accretione & decretione, in qua utraque nihil quoque reperire est, nisi motum localem, qui praesertim fit in partibus insensibilibus, quemadmodum & ipse non sentitur; crevisse videmus arborem aut plantam, non crescere, & quid aliquid est accretio quomodo novarum partium ad partes alias praexistentes oppositio? uti decretio, partium quarundam iam existentium recessus (intelliguntur hic partes integrantes) quae & alterationis, ut calefactio & refrigeratio, nihil est nisi motus localis, quo non quidem partes integrantes accedunt & recedunt, sed partes graduales five gradus: itaque in calefactione nihil aliud fit, quam successive novi gradus caloris alii alius superaddantur, in refrigeratione nihil fit aliud, quam ut quidam gradus caloris expellantur, quod utrumque fit mero motu locali, quare & ille solus agnoscitur a *Cartesio* & *Regio*, & definitur, *translatio corporis, de loco in locum, seu, de vicina corporum aliquorum in viciniam aliorum*; ubi per corpus aut corpus non intelligitur illud corpus, quod est totum, quod vulgo physicum vocant, sed quilibet pars corporis, extensa, in longum, latum & profundum, quod vocant mathematicum, suntque hae partes vel sentiles, quae sensu deprehendi valeant, vel insentiles, ut solo intellectu percipiuntur; utraque moventur motu locali, & moventur de loco in locum, intelligenda loca partialia, nam in locis totalibus moventur sola corpora, quae spectantur ut tota; est autem ille motus inditus materiae ab ipsa creatione, putaturque eo facere ille verusculus, Cap. I. Genes. ubi dicitur, & spiritus incubabat aquis. Notandum & hoc, omnem motum illis Philosophis esse circulaem, non hoc sensu quod *Peripatetici* dicitur circularis, oppositus recto, sed motu rerum omnium in orbem, ut mota una re moventur & alia, hinc patet nihil proprie quiescere, sed illud dici quiescere quod minus moventur, & cuius motus est in particulis insensibilibus, quae deprehenduntur quidem motae, sed non moveri.

*Ad Thef. 12. usque ad 56.*

**Q**uaeunque hae theses sunt tradita, ea omnia fundantur, tum in definitione Aristotelica, tum in recepta & communi sententia de motus divisione; cum vero definitio motus Aristotelica jam a nobis sit rejecta, & divisio recepta motus jam a nobis sit rejecta, mole sua sponte ruunt, aut soli motui locali applicari debent, nempe, quod dicitur, *movens & mobile*, terminum à quo, & terminum ad quem debere esse inter se distincta, hae omnia vera sunt, si de motu locali intelliguntur tantum, cum enim corpus unum transferatur de loco in locum, aut ex vicinia locorum horum in viciniam aliorum, certe terminus à quo distinctus est à termino ad quem, locus à quo transferatur à loco ad quem transferatur, & ipsum corpus quod transferatur, distinctum est ab eo, quod transferatur: nihil enim magis Cartellanum est, quam omnem motum esse aliunde, & quod moventur distinctum esse ab eo, quod moveri, quod clarissime videre est in explicatione motus a *Cartesio* & *Regio* facta, ubi de origine motus philosophantur, & hoc axioma Aristotelicum *quicquid movetur ab alio movetur*, à ne-

mine melius quam ab illis explicatur: nec aliter sentit *Berigardus* in Circulo Pisano, Quaecunque autem dicuntur à Th. 12. ad Th. 41. rite recteque explicata, motui locali quam optime possunt applicari: ipsa vere Th. 41. subtilissima censetur, quia non pro distinctione generica termini ad quem, distinguitur motus, vel genere, vel specie, sed unus idemque motus localis genere & specie, interdum producit substantiam, interdum qualitatem, interdum ubi, si hae inter se distinguantur; sed vero non distinguuntur, nihil enim agnoscunt rerum praeter substantiam, & motum localem; quae dicitur accretio & decretio, five motus localis quantitate, non sunt, nisi simul moventur substantia, alteratio quaecunque nihil est aliud quam ipse motus localis, vel celerior, vel tardior. Th. 50. habetur illis simpliciter falsa, imo contraria thesibus censetur vera, nam illis ad solas substantias datur motus, & non ad quantitatem, aut qualitatem, qui tamen motus non est nisi localis.

*Ad Thef. 56.*

**R**egio & *Cartesio* motus localis longe alio sensu dividitur in naturalem & violentum, quam quo sensu Th. 56. ponitur, aut potius, illis motus omnis est & naturalis & violentus: naturalis, quatenus omnis motus insitit utitur & exercetur secundum leges naturae, quas Deus in natura posuit, quae vulgo dicuntur regulae aut leges motus quas videre est explicatas apud *Regium* in *Fundamentis Physicis*, & *Cartesio* part. 2. *Principiorum*. idem motus omnis, violentus dici potest, & sic dicitur illis, quatenus est aliunde impressus à virtute, quae sit extra mobile; nam illorum sententia est, quod omnis motus sit & fiat ab alio, & sic ab alio, ut movens sit eus distinctum à mobili; ideoque non tantum, cum lapis projicitur in altum, motus hic illis est violentus, qui talis quoque est *Peripatetici*, quia oritur ab externa virtute impressa, sed & cum lapis è manu emissus, deorsum cadit, motus ille violentus est illis, *Peripatetici* non item, atque hic abeunt à se invicem, nam *Peripatetici* cum vocant naturalem, quia naturale sit omnia gravia tendere deorsum, & motus lapidis, è manu emissus, cadentis in terram, oritur à forma, principio interno rei gravis, illis tamen censetur violentus, quia lapidi putatur ab illis impressus, per virtutem caeli moventis & tellurem circumgyrantis: putant enim illi caelum suo motu etiam tellurem circumducere ac movere, & sic omnibus rebus, quae in terra moventur, motum imprimere.

*Ad Comment. 2. Thef. 56.*

**N**onnulli exillitant, centrum, universum esse solem, cumque stabilem, ac circa eum circumagi corpora reliqua caelestia, tum planetarum, tum stellarum fixarum, tum ipsius terrae, quae vi reliquorum caelorum, circa solem motorum, pariter circumagatur, quemadmodum id, quod intra rem motam continetur, simul cum re mota moventur.

**C**irca *Thef. 57. 58. 59.* supposita divisione motus Aristotelici in naturalem & violentum, non multum est diversitatis inter sententiam receptam & aliorum, quos *novitios* vocant *Philosophos*, quare neque

## Ad Thesin 60.

**C**artefio & Regio, tempus proprie dictum, intelligitur tantum internum, id est, ipsa duratio rei existentis, seu potius, permanentia ac perseverantia in existendo, quam antè diximus esse aliquid reale, quia rebus inest, nemine cogitante. Tempus vero externum, quod *Aristoteles* desinit, non nisi tropice, id est, improprie, illis tempus dicitur, & hoc est illud tempus, quod non nisi ens rationis est: nam quod per horas, per dies, per hebdomadas, per menses, per annos, &c. numeremus durationem rerum, aut potius permanentiam, ac perseverantiam, & continuationem, in existendo, id totum rationis est opus humane, quæ illam rationem, mensurandi rerum durationem, advenit. *Berigardus*, in *Circulo Pisano*, magis versatur in refutandis textibus *Aristotelis* (quos habet sic satis sibi contradicentes de tempore) quam in asserenda sententia propria ac verâ. Quicquid fuerit, hoc certum est, tempus, *Cartefio* ac *Regio* definitum, esse veram proprietatem corporis naturalis; sed tempus, *Aristoteli* definitum, non item: nam res naturalis, postquam semel producta existit, durat, nec potest non durare: sed hoc fieri potest, ut duratio ista, nec mensuretur, nec numeretur aliunde: pone enim, cessare omnem motum, coelestem, naturalem, artificialem & tamen res existere, ac perdurare in existendo, in quo nulla est contradictio, dabitur tempus *Cartefio* & *Regio* definitum, *Aristoteli* vero definitum, non item.

**C**irca thesin 61. 62. 63. 64. quando omnes explicantur de tempore externo, uti explicantur, nihil ha-

bent *Cartesius*, & *Regius*, aut *Berigardus*, quod opponant. At circa thesin 65, aliquid habent contra; nam ipsis præ ens quoque tempus est, & aliquid non indivisibile, sed divisibile: nempe volunt, nihil dari reverâ indivisibile, sed id, quod momentum sive instans vocamus, & vulgo indivisibile, adhuc esse divisibile in partes indefinitas, præsertim, admissâ hypothesi, de sectione continui in infinitum: hæc enim admissâ, vix est, ut aliter statuamus: nam quod excipiant, præsens, esse terminum inchoantem, claudentem, copulantem, partes temporis, consequenter esse indivisibile, id negari posset: neque consequentia valet; licet enim præsens fortè non sit dividuum, aut divisibile, ut & præteritum & futurum, dividi posse videtur, præsertim, si dicamus, tempus componi ex momentis, tum, quia tempus est quid continuum (admissâ hypothesi de sectione continui in infinitum) haud dubie momenta, ex quibus componitur tempus, æquè ac præteritum & futurum, dividi poterunt usque & usque.

**C**irca thesin ultimam nihil culpari potest, modò rectè intelligatur; eam nonnulli intelligunt de tempore externo, & tum per quantitatem intelligunt mensuram mensurantem: Alii, & melius, intelligunt de tempore interno, & per quantitatem intelligunt mensuram mensuratam: sicut vox quantitas & mensura, sumi potest utraque, & active & passive: si posteriori modo sumatur, conveniet hæc definitio temporis, cum definitione temporis *Cartesianâ* & *Regianâ*: si sumatur sensu priori, abibat a mente & sensu *Cartesii* & *Regii*, quin imò ab ipsis rei veritate.

## CAPUT IV.

## DE

## MUNDUS &amp; COELOS.

## THESIS I.

**S**pecies corporum Naturalium, considerantur, vel aggregatè, vel segregatè.

Disputationes tres præcedentes exposuerunt principia & affectiones corporis naturalis in genere, nunc in posterum explicabuntur principia & affectiones corporum naturalium in specie, nam ad individua nulla descendit sententia: possunt vero species corporum naturalium vel conjunctim spectari, prout comprehenduntur toto mundo, vel divisim, prout in variis a se invicem distinguuntur.

2. Aggregatè considerata corpora constituent Mundum.

3. Mundus est ordinata compages omnium corporum naturalium ab uno principio pendendum, & in unum finem tendentium.

Hæc Mundi definitio non est perfecta, sed imperfecta, quia Mundus perfecta definitione explicari nequit, cum sit ens aggregatum.

Ab uno principio, id est, ab una causa efficiente, scilicet Deo.

In unum finem, scilicet Gloriam Dei.

4. Mundi considerandæ sunt causæ & affectiones.

5. Materia Mundi, ex qua constat, sunt corpora naturalia.

Materia Mundi, generationis, ex qua factus est, fuit nihil, nam creatus fuit, id est, productus ex nihilo.

6. Forma Mundi est ordo.

Ratio est, quia Mundus est ens aggregatum cum ordine, non sine ordine, quem admodum acervus lapidum est.

7. Hæc forma est accidentalis, non substantialis.

Ratio est, quia ordo accidens est, non substantia.

8. Substantialis Mundi forma nulla est.

Ratio est, quia Mundus non est substantia una, sed multiplex.

9. Quia Mundus non est unum per se, sed ens aggregatum.

Unum

Unum per se dicitur, quod vel simplex est, uti non est Mundus, vel si ex variis partibus componatur, componitur ex partibus ejusdem generis ac natura unitis, & sic quoque Mundus non est unum per se.

10. Errant, qui Mundi formam faciunt Deum, spiritum, aut animam, vel etiam Caelum.

Deus nullius vel formae esse potest, quia nullius rei essentiam ingredi potest, ut pars: spiritus, anima, aut Caelum, non possunt dici formae Mundi, quia sic Mundus foret unum per se, quod est contra thes. 9.

11. Mundus habet aliquam sui causam efficientem:

Ratio est, quia alioquin Mundus foret aeternus; at vero Deus nihil patitur extra se, sibi coaeternum: & si Mundus non haberet causam sui efficientem, esset a se ipso; atqui nihil potest esse a se ipso.

12. Ea non est fortuitus atomorum concursus.

Ratio est, quia sic tolleretur Dei providentia; quod enim a fortuna est, & fortuito, illud non est a Dei dispositione.

13. Sed est Substantia intelligens atque infinitae virtutis.

14. Id liquet ex ejus ornatu & vasta mole.

Ornatus mundi arguit causae ejus efficientis sapientiam atque intelligentiam, & ista moles ejusdem infinitam virtutem.

15. Haec Efficiens causa est Deus.

16. Deus Mundum non produxit ex informi materia praeesistente, sed ex nihilo.

Ratio est, quia Deus mundum creavit, at creatio est productio rei ex nihilo: est autem creatio duplex, vel immediata, quando nihil plane praecedit rem creatandam, & sic mundus fuit creatus ex nihilo, quia vocatur creatio ex nihilo subiecti: vel mediata, quando praecedit creationem materia, sed inhabilis atque indispotita, & sic Adam creatus fuit ex nihilo, atqueque productus fuerit ex gleba terrae, quae est creatio ex nihilo termini.

17. Itaque vere eum creavit: Hinc,

18. Deus Mundum fecit in tempore.

Ratio est, ubi succedit esse post non esse, ibi datur tempus: sed in eo quod creatur, succedit esse post non esse: ergo in eo datur tempus, ergo Deus creando mundum fecit in tempore.

19. Nam creatio cum aeternitate pugnat.

Ratio est, quia in aeternitate non est, non esse post esse, sed esse perpetuum.

20. Itaque contradictio est, cum quis Mundum statuit creari, & tamen esse ab aeterno.

Contradictio est, si quis dicat Mundum creari & non creari: at qui dicit mundum esse ab aeterno, dicit Mundum non creari; si ergo simul statuat Mundum creari, statuit Mundum & creari & non creari.

21. Quia, quod creatur, aliquando nihil fuit.

Ratio est, quia creatio est productio rei ex nihilo, idcirco non nihil praecessit rem creatam.

22. At hoc non est aeternum.

Quod aliquando nihil fuit, non est aeternum, quia aeternum nunquam fuit nihil.

23. Deinde, vel in momento factus fuit Mundus vel successio.

Illatio hujus dilemmatis valet; quia membra sunt immediate opposita, nec datur tertium.

24. Si successive, ergo non ab aeterno.

25. Quia successio cum aeternitate pugnat.

Ratio utriusque, quia aeternitas definitur, interminabilis tota simul & perfecta durationis possessio: si vero duratio rei aeternae possideretur tota simul, ergo non per partes, ergo nec successive, quia successio partes dicit.

26. Si in momento, vel fuit illud primum, vel aliquid fuit illo prius:

27. Utrumvis dicatur, evertitur aeternitas.

Ratio est, quia in aeternitate non datur primum, nam aeternum est quod caret principio ac fine; nec datur unum momentum altero prius, quia sic foret successio, quam aeternitas excludit; & continuum, quale est aeternitas, componeretur ex indivisibilibus, quod est absurdum: denique duo indivisibilia forent continua, quod fieri nequit.

28. Imò ne quidem aeternus esse potuit.

Ratio est, quia contrarium implicat contradictionem: primo, ex parte Dei, quia Deus, ex parte sui, nihil extra se potest habere coaeternum: secundo, ex parte Mundi, quia nulla creatura, qualis est Mundus, ex parte sui potest esse

coeterna creatore, sic enim creatura adequaretur creatori, quod est absurdum: tertio, ex parte creationis, quia cum creatio sit productio rei ex nihilo, non potest fieri ut aliquid simul possit creari, & simul esse aeternum, quia creatio nihil ponit, aeternum nihil negat.

### 29. Deus Mundum produxit liberrimè.

Ratio est, quia Deus à Munda producendo potuit abstinuisse; quod intelligendum est, non post decretum de Munda creando, sed antequam concepiatur decrevisse Mundum creare; potuit enim decernere Mundum à se creandum fore vel non fore: nihil tamen hic est, quod Deo necessitatem induxit.

### 30. Finis Mundi est homo, hominis Deus.

Ratio est, quia Mundus est propter hominem, homo ipse & mundus simul sunt propter Deum; Deus enim omnia fecit propter se.

### 31. Omnia enim imperfectiora serviunt perfectioribus.

Corpora simplicia sunt imperfectiora mixtis, & sunt propter mixta: haec sunt imperfectiora viventibus, & sunt propter viventes: haec sunt imperfectiora brutis, & sunt propter bruta: haec sunt imperfectiora homine, & sunt propter hominem.

### 32. At homo omnium corporum naturalium est perfectissimum.

Ratio est, quia homo possidet omnes perfectiones, scilicet, & sensum, & vitam, & esse mixtum, & esse corpus ac substantiale, quae in aliis corporibus naturalibus reperiuntur.

### 33. Hinc Elementa, mixta, plantae, bruta, sunt propter Hominem, quem ducunt ad cognitionem Creatoris, qui est finis Hominis.

Omnia reliqua corpora in Munda ducunt hominem ad cognitionem creatoris; quatenus homo illa contemplando in eis invenit & ex eis eruit characteres sapientiae, bonitatis ac potentiae divinae.

### 34. Accidentia Mundi sunt, perfectio, quantitas, figura, duratio.

Accidentia, id est, attributa; sive ipsa sive ratione à Munda distinguuntur, nihil referunt.

### 35. Perfectio Mundi est, secundum quam omnes species ea serie sunt inter se connexae, ut unaquaeque alteram proximè attingat, & nulla earum in sibi debitis deficiat.

Perfectio mundi alia est essentialis, & quoad species; alia integralis, & quoad individua: Mundus est perfectus priori modo, quia omnes habet species quibus eget, & unaquaeque species habet perfectionem quae eget, quo sensu dicitur Deus post creationem quiescere ab omni opere, quatenus nullas novas species rerum in Munda postea produxit, sed Mundus non est perfectus posteriori modo, quia potest Deus plures species, plura mixta, plures plantas, plura bruta, plures homines &c. partes Mundi, in individuo producere, quam produxit.

### 36. Quantitas Mundi est continua vel discreta.

### 37. Ratione quantitatis continua, Mundus est mole & magnitudine finitus.

Ratio est, quia corpus mobile & Magnitudine infinitum dari nequit; nam sic nullus daretur motus.

### 38. Ratione quantitatis discretae, Mundus est unus.

Thesis vera est, prout Mundus significat compagem non tantum corporum inferiorum infra Caelum, sed & ipsorum Caelorum; nam qui ex singulis Caelorum partibus singulas faciunt Mundos, errant.

### 39. Nihil tamen vetat, plures Mundos esse posse.

Ratio est, quia nulla hic implicatur contradictio, aut ostendatur.

### 40. Figura Mundi probabiliter statuitur sphaerica.

Ratio adferri potest, quia perfectissimo corpori debetur figura perfectissima: sed Mundus est corpus perfectissimum, figura sphaerica est figura perfectissima, ergo.

### 41. An sit Mundus perpetuo duraturus, ex Philosophia definiri non potest.

### 42. Ex Sacris tamen constat, eum, aut interitum, aut renovatum iri in Extremo iudicio.

Questio haec in utramque partem disputari solet, & tum rationis, tum testimonii Scripturae utrinque citari possunt.

à Thesi 1 ad Thesin 42. inclusive.

Uti titulus hujus Capituli est geminus, ita duz ejus possunt assignari partes, una de Mundo, à th. 1. ad 43. altera pars est de corporum naturalium nobilissimo, Caelo, à th. 43. ad finem capituli, Mundus explicatur,

atur post definitionem thes. 3. à causis, thes. 4. usque ad 34. exclusive, & ab affectionibus suis à th. 34. ad 43. exclusive. Ad definitionem mundi, commentariis thesicos tertiz explicatam, nihil addimus, quam hoc, quod sit ens aggregatum continuum, non discretum, ordinatum, non inordinatum; partes enim ejus vinctis sibi invicem cohererent, ac certo ordine: quod causas spectat, circa materiam & formam mundi explicatas, nihil amplius requiritur quod non à thes. 5. ad 10. inclusive comprehendatur, & qui plura desiderat adeat *Cosmopœiam Casmanni*, & *Cosmologiam Wendelini*; circa mundi causam efficientem, major moveri potest scrupulus, propter *Aristotelem*, *Averroem*, *Proculum*, aliosque, æternitatem mundi asserentes. nam de Democratici sententia, quod mundi causa efficiens, sit fortuitus atomorum concursus, jam diu exolevit, nec ab ullo Christianorum Philosophorum est accepta, utpote in providentiam Dei injuria; sed ea neglecta, & rejecta per thesin 12. 13. & 14. duplex restat quæstio, de causa efficiente mundi una, an eam habuerit. Aristoteles, alique negant, utpote qui non agnoscent creationem; asseruntque mundum actu esse æternum, contra quos agimus à thesi 15. usque ad 27. inclusive, istis rationibus, quibus nihil aliud necesse putamus, & est nostra sententia, ut loquuntur, de fide, & convenienter scripturis, quas ignorarunt, *Aristoteles*, ac *gentiles Philosophi*; altera quæstio est, an mundus si non actu sit æternus potentia tamen sit, id est, æternus esse potuerit, quæ inter ipsos Christianos ventilatur, multis, non tantum *Pontificiorum Philosophorum*, *Pererio*, aliisque, sed & *Lutheranorum*, ut *Jacobi Martini*, aliorumque, mundi æternitatem possibilem asserentibus, quam quæstionem decidimus th. 28. & lectorem referimus ad disputationem 19. geminam, sub hoc titulo institutam, in volumine select. disputationum primo. Thesi 19. Pro coronide, additur modus, quo Deus mundum creavit, nempe liberrime, quia eum decrevit, & volens, quæ vera demum agendi est libertas, ut quis intelligat ac velit, quod agit: quæstio *Scholasticorum*, an Deus mundum potuerit condere, ex naturæ necessitate, & si eum sic condidisset; an fuisset similis huic nostro, utraque nobis censetur temeraria, ne dicam impia; qui enim tam temere involat in potentiam Dei, in ejus amplitudinem inquirendo, facile opprimitur à majestate ejus. De finali causa mundi agitur à th. 30. usque ad 43. exclusive, poniturque ipse Deus, qui idem est causa efficiens, & finalis, omnium rerum; omnia enim fecit propter semetipsum: subordinatus tamen finis dici potest homo, cujus pedibus & imperio omnia subiecit; nam pars imaginis divinæ in homine, consistit etiam in dominatione super creaturas omnes, ita totus macrocosmus erat propter microcosmum, quamvis per peccatum hanc dominationem, hoc imperium, hanc potestatem in omnia, multum amiserit homo primus, omnesque posteri in illo. De mundi affectionibus, sive accidentibus, sive attributis, agitur à th. 34. usque ad 43. inclusive. Primo quidem th. 35. de ejus perfectione, de quo distincte est loquendum, & quomodo, docet explicatio subiecta. Secunda affectio mundi est quantitas, tum continua; quæ statuitur thesi 37.

esse finita, & revera, actu, ac positive, talis est, solis enim Deus, actu, & positive est infinitus; ac quid verat, sano sensu dici mundum esse tamen indefinitum, quatenus fines magnitudinis, & molis mundane à nobis designari, & mente nostra capi, aut fieri non possunt, ut sic negative, & potentia, dicatur infinitus, aut si velis indefinitus potius. Th. 38. agitur de quantitate discreta mundi, uti & 39. definiturque mundus esse unus, sed plures esse posse, quod tamen postremum alii negant, quia cum mundus hic unus, omnia impleat spatia, ac loca; ubi forer spatium, ubi locus, aliis mundis condendis? quod si dari nequeat, neque plures mundi dari possunt, quod præsertim verum est, si tollantur, quæ ipsi ponunt & fingunt, spatia, extra hunc mundum imaginaria, verè sic dicta, quia in imaginatione eorum tantum nata. De figura mundi agitur th. 40. De duratione th. 41. & 42. de neutra aliquid certo aut firmiter determinatur.

#### 43. Corpora naturalia segregate considerata, sunt, Cælum vel Subcælestia.

*Corpora naturalia dicuntur segregate considerari, quando considerantur non conjunctim sumpta, ut in mundo, sed divisim accepta.*

Divisio corporum naturalium in Cælum & Subcælestia, est divisio generis in species: nam Cælum, & Subcælestia sunt contraria, quæ sub eodem genere, corpore naturali, plurimum distant, distantia non locali tantum, sed etiam essentiali: contraria autem semper sunt species oppositæ ejusdem generis.

#### 44. Cælum non est elementaris nature, sed quinta quædam essentia ab omnibus elementis distincta.

*Per naturam cæli aut ejus essentiam, intelligitur materia & forma cæli, aut potius id quod ex utraque resultat.*

*Cælum est natura distincta ab essentiis elementarum, quia forma cæli à materia cæli naturaliter est indissolubilis, at forma elementarum à materia eorum naturaliter dissolvi potest.*

Quæcunque à thesi 44. ad finem dicuntur de Cæli natura, partibus, affectionibus, actionibus &c. ea omnia dicuntur non tam ex rei veritate, quam ex consuetudine philosophandi ratione: Thesi. 44. tota est ex mente Aristotelis, sed non ex rei veritate. Quod dicitur in commentario, *Formam Cæli esse naturaliter indissolubilem à materia Cæli*, nullum habet fundamentum veritatis: cur enim minus forma cæli dissolvi possit à materia Cæli, quam forma elementi aut rei elementaris, à materia elementi vel rei elementaris; certè, si tam forma Cæli educatur ex potentia materiæ cælestis, quam forma elementi aut rei elementaris educitur ex potentia materiæ, vel elementi, vel rei



rei elementaris, cur non tam dicatur forma cœli dissolubilis à materia celestis quam dicuntur formæ elementorum, & rerum elementarium dissolubiles à materia tum elementorum, tum rerum elementarium; & si hoc argumentum valet; Cœlum est distinctæ naturæ ab essentiis elementorum, quia forma cœli à materia cœli est indissolubilis, forma vero elementorum à materia sua est dissolubilis: tali modo sic argumentabor; corpus glorificatum est naturæ distinctæ ab essentia corporis non glorificati: quia forma corporis glorificati, est indissolubilis à corpore glorificato, at forma corporis non glorificati est dissolubilis à sua materia, sed posterius argumentum est falsum, ergo & prius: nemo nescit: esse naturam plane eandem corporis non glorificati, & glorificati, quia hoc, scilicet corruptibile inducit incorruptibilitatem, ergo eadem natura est corporis, antea corruptibilis, post incorruptibilis, & nemo nescit, formam corporis glorificati esse indissolubilem; non glorificati esse dissolubilem, & tamen idem est corpus, glorificatum & non glorificatum eademque est materia, formæ dissolubilis & indissolubilis: quare argumentum illud non valet; cœlum non est naturæ elementaris, sed essentia quinta, distincta à quatuor elementis, quia forma cœli sit indissolubilis, elementorum dissolubilis, nam potest eadem materia & essentia, subijci formæ nondissolubili, nunc indissolubili, quod exemplo jam demonstratum est.

45. Ejus essentia componitur ex materia & forma, ut cæterorum corporum.

*Ratio est, quia omne corpus constat materia & forma.*

46. Materia cœli an sit ejusdem speciei cum elementari, in utramque partem disputari potest.

*Peripatetici tamen malunt defendere materia celestis divinitatem specificam ab elementari materia.*

Non tantum malunt sed tenentur ac debent, & coguntur tueri, esse diversam speciem à materia elementorum, siquidem statuunt formas Cœlorum à materia indissolubiles, elementorum dissolubiles, statuuntque potentiam contradictionis, ab esse & non esse, inveniri in materia elementorum, non Cœlorum; id est: volunt materiam elementorum sic se habere, ut quæ fuit nunc sub elementis, puta aëris, formâ, eadem possit esse sub forma elementi alterius, puta ignis, at materia cœli nunquam potest esse sub diversis formis, ergo etiam materiam Cœli & elementorum, specie diversam asserere debent Peripatetici.

47. Cœli motus est ab ejus forma & non ab intelligentiis.

*Per intelligentias intelliguntur, Angeli, qui si cœlum movent, motus cœli foret violentus, quia esset à principio extrinseco; ac vero cœli motus est naturalis, ideoque à principio intrinseco, quod nihil est aliud, quam forma cœli.*

TH. 47. contra Aristotelem est sed non contra rei veritatem, & sic probari potest; quodcumque est corpus naturale, habet principium motus sui, non extrinsecum, sed intrinsecum, quia natura est principium & causa motus in corpore naturali; sed cœlum est corpus naturale, ergo &c. principium vero intrinsecum motus cœlorum est forma eorum, extrinsecum intelligentia, ergo motus cœlorum non est ab intelligentiis, principio extrinseco, sed à formis illorum.

48. Pars Cœli, est stella.

*Unde stella vulgo definitur pars densior sui orbis: sed hodie disputari capturn est, an dentur tales orbis celestes: quicquid fuerit, stella pars cœli est, sed lucida, ob materie celestis condensationem, & in unum orbem contractionem; ipsum pellucidum est, ob materie celestis raritatem.*

*Ad Comment. Theos. 48.*

PER orbis Celestes intelliguntur circuli quidam, quos designant Astronomi in Cœli corpore, ratione centri; quod vulgo faciunt terram aquis circumdatam: ratione cujus fingunt circulos quosdam excentricos, quosdam concentricos, eosque epicyclos, vel non, quæ omnia mera sunt figmenta ingenii humani, neque enim ulli tales circuli aut orbis dantur in cœlo; sed cœlum est materię, seu igneę, seu aëreę, nondum in domicilium contractę aut condensatę: si in certum domicilium aut orbem contrahatur ac condensetur materia Cœli, vocantur stellę, inter quas, & reliquam cœlorum partem, hoc est discriminis, quod stellę sint corpora lucida, non pellucida, ob materie celestis condensationem, ipsum cœlum sic non lucidum, sic enim videri posset ut stellę videntur, sed pellucidum, ob materie celestis raritatem. Ideoque cœlum & stellę non sunt materie diversę, sed ejusdem, suntque unum corpus continuum; an autem quoque sint continuum corpus cum aëre infra lunam, disputari potest, *Wendelinus* multique hodie alii putant quod sic, nempe hi tres faciunt cœlos, unum æthereum, Enpyreum, quod missum facimus, alterum seu medium, æthereum, cujus partes condensatę sunt stellę, tertium sive infimum æreum, in quo aves volant, secundum tertiumque volunt recentiores Philosophi multi esse ejusdem materie, substantię, ac nature, & differre tantum subtilitate & crassitie, raritate & densitate: & utuntur hoc argumento non contemnendo, scilicet. Si cœlum æreum & cœlum æthereum sunt diversę materie, substantię, ac nature, nulla stellę videri poterit suo loco: Poster, est absurdum. Ergo & Prius. Probat major. Quod videtur per diaphana, seu media perspicua, diversę materie,

naturæ, ac substantiæ, id non videtur suo loco; sed si cælum æthereum & cælum æthereum sint diversæ materiæ, naturæ, ac substantiæ, videbuntur stellæ per diaphana, seu media perspicua, diversæ materiæ, naturæ, ac substantiæ. Ergo, si cælum æthereum & cælum æthereum sint diversæ materiæ, naturæ, ac substantiæ, nullæ stellæ videbuntur suo loco. Probat major. Quod videtur visione refracta, non videtur suo loco; quod videtur per diaphana, seu media perspicua, videtur visione refracta. Ergo, quod videtur per diaphana, seu media perspicua, diversæ naturæ, materiæ, ac substantiæ, non videtur suo loco. Probat minor, ipsa experientia: Si videas nummum injectum in urnam aquæ plenam, videbis alio loco quam est, uti & remum sub aqua mergum, causa est, quia aer & aqua sunt diaphana, seu media perspicua, diversæ materiæ, naturæ, ac substantiæ, quoties contingit, visio est non directa, non reflexa, sed refracta; & certe Aristotelis qui cælum æthereum faciunt quintæ ejusdem essentia, distinctæ ab essentia aeris, & ignis (quem siquunt elementaris) non possunt hoc explicatum dare, quomodo stellæ videantur suo loco.

49. Stellæ à reliquis Cœli partibus tantum differunt densitate.

50. Stellarum affectio aut potius forma est lux.

*Lux est forma stellarum accidentalis, nam substantialis earum eadem est quæ calis, cum cælum & stellæ specie non differant.*

**H**æc thesis 50. cum comment. subjuncto procedit cum sententia recepta, quæ statuit, lucem omnem esse accidentis, uti asseritur ibidem 53. Sed enim Wendelinus, multique alii, lucem faciunt geminam, unam substantialem & substantiam, alteram accidentalem & accidentis, lucem substantialem, seu quæ sit substantia, distinguunt in informem & formatam, id est, in vagam seu diffusam, & contractam seu coarctatam in certum domicilium, ex illa factos volunt & constare colores, ex hac stellæ: lucem quæ est substantia, sed in orbem ac gyrum & vorticem suum condensare & contracta, inesse volunt tanquam accidentis, quæ sane Philosophia multo est probabilior.

51. Lux non est forma stellarum, per quam sunt corpora naturalia, sed per quam sunt stellæ.

*Qualis illa sit forma substantialis stellarum, pariter ac colorum, ignotum.*

52. Hinc accidentaliter tantum, non specie, stella differt à reliquo cœlo.

53. Est enim lux accidens & qualitas corporis lucidi, cælum reliquum est pellucidum.

*Lux non est substantia aut corpus, quia scilicet & repercutitur, quod est accidentis.*

54. Cælum agit in inferiora, mediante lumine, motu, & occultis qualitatibus.

*Inferiora vocantur, quæ sunt ab orbis lineæ ad ipsam usque terram, & in ipsa terra.*

*Lumen dicitur, quod à stellis gignitur in aere; lux, quæ manet in ipsis stellis ac corporibus lucidis.*

*Motus calis est orbicularis.*

*Qualitates occultæ in calo dicuntur, quarum effecta deprehenduntur in inferioribus, quid tamen ipsa sint, ignoratur.*

*Lux est in corporibus lucidis subiectivè, ut in stellis; lumen est a corporibus lucidis effectivè, ut in aere a sole gignitur.*

**A** Thesis 54. ad finem usque agitur de cœlorum operatione in inferiora, quæ adscribitur lumini, motui, & occultis qualitatibus, quod per lumen agit cælum, & per motum, dubitari non potest, sed quod ei adscribuntur qualitates occultæ, per quas agit, ex revera nullæ sunt, sed tales invenit investigandi regigentia. Hoc unum hic tenendum est, cælum agere in inferiora ut causam universalem, non particularem.

55. Cælum accidentia producit principaliter.

*Accidentia, ut calorem, frigus, humiditatem, scitatem &c.*

56. Imo & substantias inanimatas.

*Ut lapides, gemmas, ferrum, æs, &c. tum mineralia, tum metalla.*

57. Imperfecta viventium genera minus principaliter.

*Imperfecta viventium genera sunt, verbi causa quæ nascuntur ex putri materia, ut multa insecta, & exigua animalcula.*

58. Perfecte viventia dispositive tantum.

*Perfecte viventia sunt, quæ ab aliis viventibus producuntur ex semine; ut planta, bruta, homines.*

*Dispositive, id est, quatenus cælum suo influen dispositionibus variis in semine, ex quo gignitur vivens, introducit.*

59. In voluntatem agit indirecte, quatenus voluntatis motus aliquo modo fuit à corporis temperamento.

*Nullum agens materiale potest agere directe in patiens immateriale: sed cælum est agens materiale, voluntas hominis est patiens immateriale; ergo cælum non potest agere directe in voluntatem hominis, potest tamen agere in corpus hominis, ejus temperiem vel immutando vel alterando; & sic agit indirecte in voluntatem hominis, quatenus ea aliquo modo pendet a temperie corporis, dum anima humana corpori in hisce ter vis est alligata.*

Sentens-

## Sententia Cartesii &amp; Regii.

A D

## CAPUT QUATUM.

Circa ea, quæ à Th. 1. usque ad 43. exclusivè dicta & dictata sunt, nihil peculiare habent *Cartesii* & *Regii*, nisi quod circa Thef. 37. velint, mundum non dici simpliciter finitum nec simpliciter infinitum, sed indefinitum, quia nullius hominis cogitatio. fines mundi quos in se habet, attingere aut assignare potest. Præterea circa Thef. 39. statunt plures mundos esse non posse, & ratio est, quia cum mundus sit corpus continuum globosum, ac cælo Empyræo immediatè contiguum, nihil est extra mundum, ubi alii mundi conditi possent; illud enim extra hunc mundum spatium, quod vocant imaginarium, aut nihil est, aut aliquid; si nihil, quomodo potest esse receptaculum aliorum mundorum? si aliquid, quomodo dabitur aliquid extra mundum, siquidem hæc mundi moles cælum Empyræum ac sedem beatorum proximè attingit? & quodnam extra concipi potest, si mundus hic omnia spatia replat, ut replet? Videatur de hoc negotio, præter *Cartesium* & *Regium*, *Theologus Paradoxus Marefi*.

Circa ea quæ à Thef. 43. ad finem dicuntur & exponuntur, paulo aliter philosophantur *Cartesius* & *Regius*, & cælos quidem contra Thef. 44. statunt esse fluidos, quæ sententia quoque est multorum recentiorum, *Wend. Casimani*, & aliorum. Loco orbium, ex quibus *Peripatetici* constare volunt cælos, ponunt vortices varios, & quam plurimos, vario modo motos, motusque omnis in inferioribus causis; stellas errantes libero volunt vagari motu, non aliter, quam aves in aëre, aut pisces in mari; à motu cælorum & planetarum, excepto sole, asserunt circumgyrari ac circumduci terram, ut illa intra axem suum moveatur quoque vicino motu cælorum; lucem non faciunt accedens stellarum, nam accidentia nulla agnoscent, sed eam collocant in particularum materie cælestis vario motu, eoque celerrimo: in effectis cælorum assignandis non longe abeunt à commentariis & recepta sententia, hic postremis Thefibus recensita & enarrata.

## CAPUT V.

D E

## ELEMENTIS.

## T H E S I S I.

Corpus subcæleste vel est elementum vel corpus ex elementis mixtum atque constatum.

Subcæleste corpus dicitur, quod locum suum accipit sub Cælo.

2. Elementum est corpus, in quod reliqua corpora resolvuntur, ipsum in alia corpora, quæ specie diversa sunt, resolvi non potest.

Elementum resolvitur quidem in materiam & formam, sed non potest resolvi in corpora alia se priora; materia vero corpus non est, nec forma: contra mixtum omne resolvitur in corpora, non tantum se priora, sed & specie diversa; nam Elementa, in quæ sit mixtorum resolutio, & mixtis sunt priora, & sunt vera corpora, & sunt specie diversa.

3. Hinc vocantur simplicia.

Simplex vel opponitur mixto, quod ex aliis corporibus non est constatum, vel opponitur composito, quod ex materia & forma non est constatum: priori sensu Elementa rectè dicuntur simplicia, posteriori sensu non item; sic enim sole substantiæ immateriales, puta Deus, Angeli, anima humana, dicuntur simplices: Cælum quoque simplex est priori sensu, non posteriori: at mixta & ex materia ac forma componuntur, & ex aliis etiam corporibus.

4. Elementa, cum sint corpora, materiam habent & formam.

Nam in eo distinguitur Corpus à Spiritu, qui materia caret: ideoque etiam cum forma dicuntur, intelliguntur non infermanes, quæ materiam præcognunt, sed assentes.

Elementorum duplex à Physicis instituitur consideratio, vel ut sunt partes mundi, quo sensu agitur

O o o o o 3

hic

hic deus, à Thes. 2. usque ad 36. exclusivè, vel ut sunt principia mixtionis ac partes mixtorum, & sic hic agitur de iis à Thes. 36. ad finem capitis. Desiniuntur verò communi definitione Thes. 2. quæ tamen magis respectum dicit ad mixtionem quam ad mundi constitutionem. Circa Thes. 2. 3. 4. hoc solum observandum est, quo sensu elementa dicantur *simplicia*, scilicet, non eo sensu quo spiritus dicuntur simplices, aut Deus dicitur simplex, nam componuntur ex partibus integranibus, item ex materia & forma, quæ neutra compositio in Deum cadit, aut spiritus creatos, sed vocantur *simplicia*, oppositè ad mixta, hæc enim ex aliis corporibus, singulis sua materiâ & formâ præditis, componuntur, illa non item.

5. Materia Elementorum omnium est una atque eadem specie: sed forma est diversa.

Thesis hæc ita vulgò tenetur à *Peripateticis*, sed multi hodie aliter philosophantur, putantque ipsam materiam terræ esse distinctam à materia aquæ, & utriusque materiam esse distinctam à materia aëris, ac distinctione quidem specifica, quam evincunt ex partibus materiæ, quæ in terra sunt crassissimæ, in aqua minus crassæ, in aëre subtiliores, autem ista partium vel subtilitas, vel crassities, specificam inducat materiæ elementaris distinctionem, disquiri potest, *Aristotelici* id negant, quod materiæ nulla sit affectio, quam quantitas, sive extensio, voluntque, illam subtilitatem ac crassitiam, in materia elementorum, ortum sui trahere à forma, quæ partes materiæ vel subtiliores reddat, vel crassiores.

6. Formæ elementorum non sunt qualitates, sed substantiæ.

*Ratio est, quia nullum accidens, ut est qualitas, potest esse forma substantiæ, ut est Elementum.*

7. Quia substantia non potest componi ex non substantia.

*Ratio est, quia totum & partes in uno per se sunt ejusdem generis ac nature.*

8. Sunt tamen formæ illæ ignotæ, earumque loco qualitates adhibentur, quæ à formis emanant.

*Formæ Elementorum sunt ignotæ, quid sint, sed non quod sint; nam eas esse, id est, existere, ex eorum proprietatibus & operationibus manifestum est, sed quæ illarum sit essentia, aut ignotum aut obscurum est:*

Adhibentur, tum ad explicandas operationes Elementorum, tum ad Elementorum definiendas qualitates.

Qualitates, scilicet, propriæ, non alienæ, non communes; hæc enim positæ formis non ponuntur, ut quidem propriæ.

*Ad Thesin. 6. 7. & 8.*

Mulci ex *Aristotelis* Græcis interpretibus; & Arabes quidam, ipsas qualitates fecerunt formas elementorum, cum præter materiam, & qualitates, in elementis nihil inveniantur; & profecto, si dicendum est id quod res est, illa est mirabilis philosophandi ratio, allere formas elementorum quod sine, & in solidum ignorare quid sint: proprietates & operationes elementorum non sunt sufficiens argumentum, ad probandum formas aliquas substantiales in elementis, nam possunt reduci in materiæ elementaris partiumque ejus, tum sensibilem, tum insensibilem, varium motum.

9. Qualitates Elementorum sunt motrices & alteratrices.

*Ut motus localis & alteratio sunt distinctæ species motus, ita distinctæ sunt qualitates Elementorum, quæ motum localem & alterationem faciunt.*

10. Motrices sunt gravitas & levitas,

*Gravitas facit Elementum moveri deorsum, levitas sursum.*

In Elementis nulla datur qualitas motrix, quæ sit causa motus circularis, quia talis motus non convenit Elementis: si dicas ignem & ærem moveri in orbem a motu soli & Celi; respondo, istum motum utriusque Elementi non esse naturalem, ideoque non habere pro causa aliquam qualitatem naturalem; sed esse motus præternaturam.

*Ad Thesin 9. 10.*

Iusta ratione queri potest, cur *Aristotelici* qualitates motrices, gravitatem, & levitatem, distinguunt à qualitatibus alteratricibus, calore, & frigore: siquidem omnis gravitas est a frigore, & omnis levitas est a calore.

11. Ratione qualitatum motricium, considerantur Elementa ut sunt partes Mundi.

*Quia elementa, ut partes Mundi, & ad salutem universi vel sursum moventur vel deorsum.*

DE elementis agitur ut partibus mundi, à Thesi 11. ad thesin 35. inclusive, ponunturque ea, ex communi sententia, quatuor, atque exponuntur a suis qualitatibus & motu, in quibus Thesisbus notanda venit vigesima, quæ utraque qualitas motrix asseritur esse positiva non privativa; sed hoc quod dicitur Thesi 21. utramque qualitatem esse causam instrumentalem motus in elementis, videtur non usque adeo verum, nam causa instrumentalis effectum producit fenobilius, sed motus in elementis non est nobilior qualitatibus motricibus eorum. Cæteræ theses jam citatæ ex Commentariis facile intelliguntur.

12. Elementa ita considerata, sunt quatuor; ignis, aër, aqua, terra.

*Quaternarius elementorum numerus asseritur multis rationibus, sed quæ quoad maximam partem sunt probabiles, ut quæ desumuntur à quatuor humoribus, anni tempestatibus, & qualitatibus primis.*

*Efficiacissima ratio desumitur à quadruplici motu elementorum, qui exponitur thesi 16. 17. si dicas, elementorum motus est tantum duplex, scilicet & deorsum: respondens in genere quidem id verum est; sed motus sursum, iterum duplex est, uti & motus deorsum: & sic omnis elementorum motus est quadruplex.*

13. Terra centrum Mundi occupat, hanc proxime ambit aqua, aquam aër, aërem ignis.

*Centrum Mundi vocatur, quod est intra Mundi circulos, medium & intimum: quemadmodum in capsa, intimum corculum in medio omnium tunicarum aut pellicularum situm, est centrum capsæ, aut quemadmodum punctum medium, quod à circulis ambitur, & centrum circularum est; ita terra, respectu aquæ, aëris, ignis, & calorem se ambientium, omnium eorum est centrum.*

*Naturali quidem situ aqua ambit totam terram, sed quia tum terra non esset habitabilis, neque ideoque, quia in aqua viverent homines & animalia; Deus voluit terram aliqua sui parte exsistere extra aquam, unde aqua & terra conficiunt unum globum.*

14. Hujus rei ratio desumenda est ab impressa Elementis vel majore vel minore gravitate & levitate.

*Quod enim gravissimum est ex elementis, uti est terra, infimum locum mundi occupat; quod levissimum elementum, supremum, ita tamen ut supremum elementum media, & hæc infimum ambient: ideoque respectu reliquorum elementorum terra centrum est, & medium respectu aliorum corporum ambientium, quemadmodum punctum est medium respectu circuli ambientis.*

15. Gravitas est qualitas motrix, quæ Elementum fertur deorsum, levitas quæ sursum.

*Fertur, id est, movetur motu locali, hic enim latitio dicitur.*

16. Deorsum est vel medium, vel versus medium Mundi.

*Medium, hic est centrum Mundi, extremum Mundi sunt caeli, vel inter caelos, calum extremum.*

17. Sursum est vel extremum, vel versus extremum mundi.

18. Hinc gravitas & levitas est una simpliciter, altera secundum quid.

*Levitas simpliciter vocatur, quia elementum fertur ad calum usque; secundum quid, quia non ad calum usque movetur, sed aliquo usque versus calum: sic & gravitas simpliciter est, quia elementum fertur ad centrum usque, secundum quid, quia movetur aliquo usque versus centrum.*

19. Levitas simpliciter est propria Igni, secundum quid Aëri, gravitas simpliciter Terræ, secundum quid Aquæ.

20. Hæ qualitates motrices sunt veræ qualitates & positivæ, non privationes.

*Ratio est, quia earum operationes veræ sunt & positivæ, id ipsum principium oportet esse verum & positivum; sed qualitates motricium operationis, scilicet, ascendere & descendere, sunt veræ & positivæ, ergo & ipsas qualitates motrices oportet esse veras & positivæ.*

21. Suntque causæ proximæ omnis Elementorum motus: Earque instrumentales.

*Qualitates motrices dicuntur causæ instrumentales motus elementorum, quia à forma elementorum ad motus eorum faciendos excitantur, elevantur, promoveantur: hæc enim ratio est instrumenti, ut ab alia causa secunda ad agendum applicetur.*

22. Forma est causa motus Elementorum principalis.

*Dicitur forma causa motus in elementis principalis, quia à nulla alia causa secunda ad agendum excitatur, licet excitetur à causa prima, uti omne agens creatum.*

23. Generans non est causa motus, nisi quatenus formis Elementorum gravitatem & levitatem indidit.

*Generans, id est, causa elementa producens, est causa motus in elementis, remota, non proxima.*

24. In locis propriis Elementa, nec gravitant, nec levant.

*Gravitare, id est, descendere, levitare, id est, ascendere, quæ sunt operationes gravitatis & levitatis: itaque elementa, cum in locis sint propriis, sunt quidem gravis & levis in actu primo, sed non in actu secundo, quia non habent quod vel ascenderent, vel descenderent.*

25. Ignis

25. Ignis omnium Elementorum est rarissimum & levissimum.

*Ratio est, quia ignis est omnium elementorum calidissimum.*

*Ignem elementarem dari probant vulgo ex proportionis qualitatum inter se, quo plume periret, igne elementari festeret: ut cum aer convenit cum aqua humiditate, discrepat caliditate, sic aqua convenit cum terra frigiditate, discrepat humiditate, & sic terra & aer nullam habent qualitatem communem; ita oportet dari elementum, quod cum aqua nullam habeat qualitatem communem, & habeat aliquam communem cum terra, puta siccitatem, & cum aere, puta caliditatem, est enim ignis calidus & siccus.*

26. Ob summam levitatem summum tenet locum.

*Ratio est, quia quo quid est levius eo altius ascendit.*

27. Ob summam raritatem in suo loco non lucet.

*Ratio est, quia lux oritur ex commixtione vari & densi, quod enim mere rarum est, non lucet sed pellacet, id est, est perspicuum ac pellucidum, ut est calum & aer, sed quod lucem habet condensatam & compactam, lucet, ut stellæ in celo.*

28. Igni proximus loco est aer, qui tribus regionibus distinguitur.

*Distinctio trium regionum aeris, a nobis est & mentem humana; aer enim est corpus continuum, non divisum, aut distinctum in partes.*

29. Infima regio aeris pertingit a terra ad eum locum, ubi reflexi solis radii finiuntur.

*Quia terra est corpus aliquo modo politum, radii solis ad superficiem terræ demissi ab ea reflectuntur; cum enim lux incidit in corpus politum, ab ea corepercutitur, quæ radiorum solarium hic reverberatio aliquo usque pertingit, & ita nobis videntur etiam finitur infima regio aeris.*

30. Media à radiis reflexis ad altissimum montium cacumina.

*Exempla altissimorum montium sunt Alpes, aut si quæ essent in altiores.*

*Nota vero, mediam regionem aeris nunquam Philosophis dici frigidam, quod intelligendum est, quod sit minus calida, quam suprema aut infima, nam totum aer calidus est; quod vero suprema aeris regio sit calidior, id est, quia igni elementari & soli propior est: sed quare infima dicitur calidior media, cum infima longius abest ab igne elementari & sole, quam media; respondendo, quia radii solis reflexi in infima regione aeris, à terra calorem ejus reddunt intensiorem, quod videre quoque est in speculis, quando ab eis eadem radii reflectuntur.*

31. Suprema à montium cacuminibus ad locum ignis.

32. Aquæ locus est naturalis inter terram & aërem.

*Ratio est, quia aqua est aëre gravior, & terræ levior, id est, minus gravis.*

33. At nunc ad bonum universi terra multis locis extra aquam.

*Ratio est, quia terra debet esse densissima & habitaculum animantium ac vegetantium.*

34. Terra est elementorum densissimum, & gravissimum, ideoque infimum tenet locum.

*Ratio est, quia terra est elementorum frigidissimum; at frigus est causa densitatis & gravitatis, sicut calor est causa raritatis & levitatis.*

35. Ex aqua & terra unus fit globus.

*Itaque aqua & terra habent commune & idem centrum.*

36. Qualitates Elementorum alteratrices sunt primæ vel secundæ.

*Qualitates alteratrices dicuntur, quibus elementa alterantur, id est, secundum quas immutantur.*

*Et tum spectantur ut principia mixtionis.*

**A** Thesi 36. ad finem disputationis agitur de elementis, in ordine ad mixtionem, quæ peragitur per elementorum qualitates in se invicem agentes, atque inter se pugnantes sed sic pugnantes, ut aliqua alicujus certi elementi prædominetur. Notandum autem est, elementa esse principia mixtionis, id est, causas efficientes ejus, & partes mixti nempe essentielles.

37. Primæ, quæ non oriuntur ex aliis, ut, Calor, Frigus, Siccitas, Humiditas.

*Nonnulli volunt qualitates primas sic dici, quia primo converiunt corporibus primis, puta elementis.*

*Alii volunt, quia non habent qualitates se priores.*

**U** Tra rationum in commentario allegatarum, sit solidior, vix constat. Prima quidem in dubium trahitur ab iis, qui calorem, frigus, humiditatem, siccitatem, etiam attribuant stellis; ut, cum faciunt Lunam humidam, Solem calidum; Saturnum frigidum, non tantum effective, sed & subjective. Secunda ratio intelligenda est de qualitatibus alteratricibus; nam gravitas & levitas, qualitates motrices, alteratricibus sunt priores.



38. Hæ veræ sunt & positive, omnesque agunt in se invicem, Calor in frigus, Humiditas in Siccitatem, & contra.

*Ratio est, quia veræ & positive exercent operationes: agunt in se invicem, ergo omnes partium sunt activæ, partium passivæ qualitates.*

*Humiditas & siccitas dicuntur interdum passivæ simpliciter, quia minus efficaciter agunt; & calor & frigus dicuntur interdum activæ simpliciter qualitates, quia magis efficaciter agunt.*

**N**on potest melius judicari de positiva entitate causarum, quam ex positiva entitate effectuum: cum itaque frigoris effecta tam sint positiva, quam caloris, quidni non tam dicatur qualitas positiva, quam calor? negat quidem calorem frigus, sed non tantum negat, verum insuper notat qualitatem calori contrariam, quæ efficacem atque ipsæ est calor. Ideoque errant, qui frigus faciunt nudam privationem caloris.

### 39. Itaque datur reactio.

*Reactio est mutua elementorum & qualitatum in se invicem actio & pugna: nam quia qualitates sunt contrarie in elementis, sudent sese mutuo expellere atque expugnare.*

**D**e reactione integrum nobis reliquit librum Zabarella. Reactio autem inferat, ut sic loquar, repulsionem: non enim potest unum elementum, aut una qualitas agere in elementum aliud, aut qualitatem aliam, nisi alterum ab altero, & una ab aliâ, patiatur. Quia verò mutua est actio & passio, hinc reactio, licet minus latine, significanter tamen, dicitur *repassio*. Sic autem in se mutuo agunt, & à se invicem patiuntur, ut non in totum, unum elementum, aut una qualitas, elementum alterum, aut qualitatem aliam, interimat, ac tollat, sed refringat tantum, castiget, remittat, sic ut unum ex quatuor elementis, & una ex quatuor qualitatibus primis, cæteris prædominetur: si enim unum ex elementis cum sua qualitate in solidum periret, mixtum non foret perfectè mixtum, nec ex quatuor, sed ex tribus tantum, aut duobus, constaret elementis; quod est absurdum.

### 40. Ratione harum qualitatum dicuntur Elementa principia mixtionis.

*Elementa sunt principia mixtionis efficientia.*

*Atque etiam materialia; nam mixta ex elementis tanquam ex materia constant.*

### 41. Quia per has omnis in Elementis mixtio peragitur.

*Quid sit mixtio, explicabitur Capite 8.*

42. Qualitates secundæ sunt, quæ oriuntur ex primarum temperie.

*Qualitatum secundarum exempla sunt, varitas, densitas, sapor, odor, &c.*

43. Qualitates primæ mixtionem antecedunt; secundæ sequuntur.

*Quia qualitates primæ sunt causæ mixtionis, secundæ sunt ejus effecta.*

44. Caloris actio est, 1. calefacere. 2. homogenea congregare, heterogenea diiungere.

*Homogenea non tantum intelliguntur quæ per omnia sunt ejusdem nature, sed & quæ, licet sint diversæ nature, in unam tamen naturam commutari possunt: sic & heterogenea sunt non simpliciter, quæ sunt nature diversæ, sed tam diversæ, ut in unam commutari nequeant. Congregare, id est, in unam naturam colligere, aut mutare, diiungere, contra.*

*Quoniam admodum cibis & potus, caro & piscis, commutantur in unum chylum; sic lapis & panis non possunt commutari in unum alimentum.*

45. Frigoris actio est, 1. frigefacere, 2. frigefaciendo consipare, & sic homogenea atque heterogenea congregare.

*Consipare, id est, obstrare.*

46. Humiditatis actio est humectare, siccitatis exsiccare.

*Humectare, id est, humidum facere, & exsiccare siccum facere. Humidum est, quod difficulter suis & facile alienis continetur terminis. Siccum est, quod facile suis & difficulter alienis continetur terminis.*

### Ad Theſin 44. 45. 46.

**T**ribus hæc thesibus definiuntur qualitates primæ, singulæ à suis effectis, quæ in comment. explicantur: Sed si definitio utraque Aristotelica, humidi & siccæ, quæ extat in comment. theſeos 46. sit perfectæ; ignis omnium erit humidissimus, quia nullum elementum difficilius suis terminis continetur, & nullum facilius se alienis terminis infinuat, quam ignis. Per terminos hic intelliguntur, quantitatis sive dimensionis partes; longitudo, latitudo, & crassities.

47. Ignis est Elementum calidum & siccum.

48. Aër est elementum calidum & humidum.

49. Aqua est elementum humidum & frigidum.

50. Terra est Elementum frigidum & siccum.

*Si Elementa forent pura, uti non sunt, tum haberent singula singulas suas qualitates in gradu intenso ac superlativo: nunc vero, cum sint impura, eas possident in gradu remisso, & ut Grammatici loquuntur, positivo.*

*Ad Thein 47. 48. 49. 50.*

**I**n singulis quatuor elementorum definitionibus, loco formæ adhibentur proprietates; quia eorum formæ substantiales, ut Thei 8. est dictum, sunt ignotæ.

*Ad Comm. Theos 50.*

**Q**uod nullum elementum hodie nobis sit purum, ejus rei ratio hac est, quia non possent elementa pura nobis cedere in usum; quippe in aëre puro, vitam trahere & anhelitum ducere, non concederetur, nec aqua piscibus, si foret pura, in alimentum cedere posset, nec terra pura gramen aut herbas in victum brutis largiri posset.

51. Ex Elementis quædam sunt symbolica, quædam asymbola.

*Symbolum Grece dicitur signum aliquod commune, quale datur de nocte rigilanti, cum mania urbis circumcunt: sic dicuntur Elementa Symbolica, quæ habent aliquam qualitatem communem; Asymbola, quæ nullam.*

**A** Thei 51. ad finem agit de elementis symbolicis & asymbolis, atque eorum mutatione inter se invicem, quæ hic supponitur potius, quam probatur:

eam tamen *Sperlingius* alique Physici, negant, solvuntque rationes omnes, & experientias, in contrarium produci solitas.

52. Symbolica, quæ una tantum qualitate diversa sunt, altera conveniunt.

*Sic ignis & aër conveniunt calore, differunt siccitate & humiditate: terra & aqua conveniunt frigore, differunt siccitate & humiditate.*

53. Asymbola, quæ utraque qualitate differunt.

*Asymbola sunt ignis & aqua, aër & terra.*

54. Per qualitates primas unumquodque Elementum in quodlibet mutari potest.

*Quia per illas qualitates Elementa in se invicem agunt, donec se mutuo devicerint.*

55. Facilius tamen mutatur symbolicum in symbolicum, quam asymbolum in asymbolum.

*Ratio est, quia minor est resistentia & minor pugna, inter duo Elementa Symbolica, quam inter duo Asymbola.*

56. Elementum symbolicum gigni potest ex symbolico & asymbolo.

*Sic ignis potest gigni ex aëre, & ex aqua, verum ut aqua prius mutetur in aërem; nam ut Asymbolum ex Asymbolo gignatur immediate, fieri nequit.*

57. Asymbolum ex Asymbolo tantum.

*Quando scilicet utraque qualitas contraria in contrariam mutatur simul & semel, non immutata alia qualitate in quam prius mutetur.*

*Sententia Cartesii & Regii.*

A D

## C A P U T Q U I N T U M.

**C**irca materiam ac doctrinam de elementis plane cæli viâ incedunt *Cartesius* & *Regius*, neque enim agnoscunt mundi quatuor elementa hic secundum *Peripateticos* exposita, multò minus eorum materiam distinctam faciunt specie materia cælorum &

stellarum, sed verò omnium corporum naturalium materiam faciunt unam eandemque, sola subtilitate, aut tenuitate, aut raritate, & opposita crassitie, densitate atque opacitate differentem, & sic diversa specie corpora constituentem, pro diversa sui modificatione, facta per

per motum diversum celeriores vel tardiores partium suarum, tum sensibilem, tum insensibilem; atque hinc faciunt mundi hujus partes integrantes, materiam triplici modo affectam, unam, quam vocant subtilissimam. & materiam primi elementi, alteram subtiliorem, minus tamen subtilem, subtilissimam, quam vocant materiam secundi elementi; ex hac utraque constare volunt caelos, stellas, reliquaque corpora coelestia, vocantque eam vortices ac globulos aethereos; præter utramque hanc materiam, ponunt materiam quandam crassiores, quam vocant tertii elementi, ex qua ipsis constant terra, aqua, reliquaque corpora subcoelestia. Formas elementorum agnoscunt nullas, uti nec qualitates, nec motrices, nec alteratrices, nec primas, nec secundas, sed loco formarum & qualitatum in elementis, ipsis sunt motus, magnitudo, numerus, figura, distantia, & id genus alia vulgo dicta accidentia, conjunctim sumpta, partium, tum sensibilem, tum insensibilem, materiam. Terram pro centro mundi non agnoscunt, sed solem, eam tamen non moveri motu proprio, sed circumgyrari motu corporum coelestium ab oriente in occidentem asserunt: ignem elementa-

rem pro figmento tenent, tres aëris regiones ignorant mixtionem fieri per qualitates primas negant, sed eam constituunt, *αὐτῶν* seu concretionem particularum materiae, uti & mixti resolutionem in *διακρίσιν* seu partium in materiae secretionem, quomodo etiam de mixtione philosophatur *Berigardus in Circulo Piscanae*: Rident definitiones caloris, frigoris, humiditatis, siccitatis, desumptas à posteriori, ab effectis calefaciendi, frigefaciendi, humectandi, exsiccati, peritas a conjugatis, quales definitiones ineptæ sunt, & pueros deceant, & non viros in Philosophia: quin illi à priori calorem explicant & frigus, illum ponunt in celerissimo motu partium materiae, hoc in eandem motu tardiore: humiditatem provenire ajunt ex materiae particulis terebibus & oblongis, siccitatem non item: Elementorum in se invicem transmutationem non agnoscunt, ideoque valde securi de elementis symbolicis, quomodo ex se invicem generentur, & sanè non est opus tanto molimine & machinatione ad principia proxima corporum mixtorum intelligenda, sufficit ad id triplex materia recensita, primi, secundi, & tertii elementi, atque in ea, partibusque ejus, varius motus.

## CAPUT VI.

## D E

## GENERATIONE, &amp; CORRUPTIONE.

## T H E S I S. I.

**E**lementa, quia constant materia & forma dissolubiliter unitis, generationis & corruptionis in inferioribus existunt caule.

*In eo differunt Caeli ab Elementis, quod Caelum materia & forma à se invicem dissolvi naturaliter nequeant, in Elementis contra se res habet; quin materia & forma calis dissolvi possint supernaturaliter, nullum est dubium: quod vero in Elementis materia & forma naturaliter possint dissolvi, sic ob pugnam qualitatum contrariarum in illis, qua in caelis locum non habet.*

**T**ota hæc disputatio uno absolvitur tenore, & si dividi potest, debet dividi in explicationem nominis, à thesi 2. ad 12. exclusive, & explicationem rei, à th. 12. ad finem usque: thesi quidem prima generationis & corruptionis recensent causæ, nempe elementa, atque asseritur in commentario subjuncto,

quod in eo differunt elementa & caeli, scil. quia elementa constant materia & forma dissolubiliter unitis, caeli non item: hoc tamen ipsum à Philosophis nobilioribus habetur pro falso; putant enim recentiores, præsertim mathematici, caelos quoque constare ex materia & forma dissolubiliter unitis, atque in generatione & corruptione etiam habere locum: & hoc probant ex generatione novorum cometarum, eorumque supracælestium, novorum planetarum, imo & stellarum fixarum; quæ omnium generatio non potest fieri absque materiae coelestis, ex qua generantur, prævia corruptione: quin & qualitates elementares, calorem, frigus, siccitatem, humiditatem, in stellis, caeli partibus, ponunt: & hæc sententia non est absurda, quin imo vera, nam ipsa experientia, caelorum corruptionem, & corporum coelestium generationem loquitur, & testatur, atque id vel docebit tubus opticus. Inter ea quæ consideranda veniunt, à th. 2. ad 12. hoc dignum est observatu, quod th. 4. generatio, & corruptio etiam tribuatur accidentibus, quod intelligendum est utrumque de primi gradus productione, cum accedens generatur, & ultimi gradus abolitio, cum idem

Corrumpitur, & accipiendum est hoc non tantum de gradibus propriis dictis accidentium, quæ alteratione producuntur, sed & de partibus accidentium extensivis, quæ gradus dici non solent, sic enim vocantur partes intensivæ, ita primæ partis productio in quantitate, ad quam terminatur accretio, dicitur generatio quantitatis, & ultimæ partis, in diminutione quantitatis, abolitio, dicitur ejus corruptio: ita primæ partis in motu locali ad ubi productio, dicitur ejus generatio, ultimæ partis in eodem motu locali abolitio, ejus dicitur corruptio.

2. Generatio & corruptio non uno modo dicuntur.

3. Nam & substantiis & accidentibus utraque tribuitur.

*Generatio & corruptio propriæ de substantiis, & improprie de accidentibus dicuntur.*

4. Accidentia, cum primum fiunt, generantur, cum ultimum desinunt, corrumpuntur.

*Generatio & corruptio accidentium, non sic dicuntur, ac si terminus utriusque ad quem foret accedens, sic enim generatio & corruptio confunderetur cum alteratione & motu omni, sed accedens dicitur generari, cum primus ejus gradus in subiectum introducit, & corrumpi, cum ultimus ejus gradus ex subiecto expellitur; alteratio enim est totius accidentis pleni ac perfecti vel productio vel destructio.*

*Quando aqua primum incipit calefieri, primæ caloris aut gradus in calore productio, est generatio caloris, sed reliquorum graduum caloris productio, est alteratio.*

5. Generationem & corruptionem substantialem dari, experientia demonstrat.

*Generatio & corruptio substantialis dicitur, à termino ad quem, qui est substantia.*

6. Interdum corpora sic mutantur, ut ad pristinum statum reverti queant, interdum, ut nequeant.

*Cum corpora mutantur, sed ita ut redire possint naturaliter, si ibi relinquuntur, ad antiquum naturæ statum, dicuntur alterari, si non possunt, dicuntur generari vel corrumpi.*

7. In illis forma substantialis non est mutata, in his quam maxime.

*Sic aqua, quando calefit, dicitur alterari, quia calefacta ad pristinum frigus naturaliter redit,*

8. Generatio & corruptio communi definitione definiuntur, quando totum mutatur, nec sensibile quippiam ut subiectum idem permanet, lib. I. de Gener. & Corr. c. 4.

*Per totum intellige, non totum compositum, sed totum compositum: per totum compositum intelligitur vel materia vel forma, quam neutram necesse est mutari ut fiat generatio & corruptio, sed sufficit, si mutetur illud totum quod ex illis consistit.*

*Ut subiectum idem, id est, ut subiectum ejusdem speciei, vel idem numero: idem genere subiectum utrobique manet, sed non idem specie semper aut idem numero est in generatione aut in corruptione.*

9. Hæc definitio distinguit generationem & corruptionem ab alteratione.

10. In generatione enim & corruptione, aut nullum manet sensibile subiectum, aut non idem, id est, ejusdem speciei: at in alteratione & idem manet & ejusdem speciei.

*Videtur causa, in calefactione aqua frigida, manet idem numero, & ejusdem speciei subiectum, tum in calefactione, tum in refrigeratione, scilicet aqua, at contra seves habet in generatione & corruptione, non subiectum interdem non manet idem numero, interdem non ejusdem speciei.*

*Sic corpus mortuum non est ejusdem speciei cum corpore vivo. Quomodo potest corpus mortuum distingui specie à vivo. Si sit & maneat idem numero? potestne diversitas specifica stare cum identitate numerica? eodem numero corpore resurgunt, & tamen idem illud corpus mortuum distinguitur specie à se vivo.*

Quæ hæc thesi & commentario subjuncto dicuntur ea dicuntur magis ex communi sententia, quam ex rei veritate: quid enim in corruptione hominis, cum moritur, primum manet aliquid sensibile subiectum, at inquit, non unius speciei, quia subiectum corruptionis est corpus mortuum, scilicet cadaver, quod non est ejusdem speciei cum vivente, subiecto generationis: verum ego hæc difficultatem illis objicio, ac solvare si possunt; quomodo in morte ac corruptione hominis potest corpus mortuum distingui specie à vivo, si sit & maneat idem numero corpus hominis, vivi, & mortui? potestne diversitas specifica stare cum identitate numerica? hoc est de fide, quod eodem numero corpore finis resurgitur, & tamen illud idem numero corpus mortuum, quod resuscitabitur in vitam, distinguetur specie à se ipso vivo, quomodo hæc consistunt? certe quæ distinguuntur specie, ea quoque distinguuntur numero, quia quæ distinguuntur distinctione majori, ea quoque distinguuntur distinctione minori, & sic quoque

que falsa est theſis 14. quod generationis & corruptionis in morte hominis, non ſit idem ſubjectum numero; hoc eſt enim contra fidem reſurrectionis ejuſdem numero carnis: ſed Ariſtoteles, ex quo hæc definitio generationis & corruptionis eſt deſumpta, iſtum articulum ignoravit.

11. Generatio non ſumitur hoc loco pro ſola animatorum productione, ſed pro productione cujuſlibet ſubſtantie.

*Cum dicitur, quod generare ſit naturaliffimum opus viventis, aut quod generatio juxta accretionem & nutritionem ſint actus animæ vegetantis, generatio ſumitur ſtriſſe: hic vero latius accipitur, ut ſub ſe comprehendat ſubſtantie etiam non viventes productionem.*

*Qualis eſt generatio lapidis in terræ cavernis, aut generatio nivis in aëre.*

12. Generatio eſt mutatio à non eſſe ad eſſe ſimpliciter.

13. Corruptio eſt mutatio ab eſſe ad non eſſe ſimpliciter.

*Per ſimpliciter, intelligitur hic, eſſe & non eſſe totius compoſiti, non vero partium ſingularum.*

**E**X theſi 12. & 13. & comment. ſubjunſto patet, generationem non conſiſtere in productione forme, nec corruptionem in ejuſdem abolitione: ideoque homo verè generat hominem, eſſi animam rationalem non producat; quia producit totum hominem, dum animam rationalem creatam corpori unit: & vere corrumpitur homo, cum moritur, eſſi forma ejus, anima rationalis, non aboleatur, quia totus homo diſſolvitur, & tranſit ab eſſe hominem, ad non eſſe hominem: quod obſervandum eſt contra duum generum errantes Philoſophos, primum, contra animæ rationalis Traduciarios, i. e. eos, qui volunt, ut homo generet hominem, animam quoque rationalem de parentibus traduci in liberos: ſecundum, contra Socinianos & Paganos quosdam, ſeu eos, qui volunt, ut homo moriatur, animam quoque rationalem mori.

14. Utriuſque idem eſt ſubjectum; non numero nec ſpecie; ſed genere.

*Idem, puta genere, non numero, ne hæc theſis pugnet cum cætera.*

**Q**uod generationis & corruptionis, non ſit idem ſubjectum numero, id contra fidem reſurrectionis ejuſdem numero carnis eſt, ſtatim eſt monitum: nam & viventis & mortui ſubjectum, eſt idem numero corpus.

15. Imo iidem termini:

*Iidem termini, ſcilicet, genere, non ſpecie, non numero.*

16. Sic tamen, ut generationis terminus à quo, ſit corruptionis terminus ad quem, & contra.

*Generatio enim incipit à non eſſe ſubſtantiam completam, certe aut huius ſpeciei, ſcil. viventem, & tendit ad eſſe ſubſtantiam completam certe aut huius ſpeciei, ſcil. viventem; corruptio contra incipit ab eſſe ſubſtantiam completam certe aut huius ſpeciei, ſcil. viventem, & tendit ad non eſſe ſubſtantiam completam certe aut huius ſpeciei, ſcil. viventem.*

*Subſtantia completa eſt terminus ad quem generationis adequatus, ac remotus, & totalis: forma ſcil. pe dicitur Philoſophis generationis terminus ad quem inadeguatus, proximus, & partialis.*

17. Nam generationis terminus à quo & corruptionis terminus ad quem, eſt eſſe ſimpliciter.

*Non eſſe ſimpliciter, id eſt, non eſſe ſubſtantiam totam ac perfectam, ſeu eſſe compoſitum.*

18. Et corruptionis terminus à quo & generationis terminus ad quem, eſt eſſe ſimpliciter.

*Eſſe ſimpliciter, ſignificat eſſe ſubſtantiam, totam ac perfectam, ſeu eſſe compoſitum.*

19. Hinc, omnis generatio eſt quædam corruptio, & contra.

*Exempli gratia, quando in ſæctum humanum intraducitur anima rationalis, corrumpitur anima ſentiens & vegetans non quod deſinant exiſtere, nam manent in ſæcti poſt rationalis introductionem, ſed dicuntur corrumpi, quia non amplius teneant rationem formæ, nam una cum corpore, in quo ſunt, faciunt materiam hominis; homo enim pro materia habet non corpus ſimpliciter, ſed corpus animatum, anima vegetante & ſentiente.*

20. Quin eadem actione, aliud generatur & aliud corrumpitur; ſeu generatio unius eſt corruptio alterius, contra.

*Hoc & ſequens axioma intelligendum eſt, non formaliter aut in ſenſu formali, ſed cauſaliter aut in ſenſu cauſali, id eſt, ipſa ratio, qua aliquid generatur, non eſt eadem qua aliquid corrumpitur, reſpectu ejuſdem, ſed corruptio unius forme eſt cauſa, cur generetur forma alia, & vice verſa, generatio unius forme eſt cauſa, cur corrumpatur alia, non quidem ſemper quoad entitatem, non quaſi deſinant eſſe forme que corrumpuntur, ſed, cum corrumpuntur, ſemper corrumpuntur quoad informationem, quia deſinent eſſe forme, id eſt, deſinunt informare aut minus forme ſuſtinere.*

à Thesi 15. usque ad 20. inclusive.

**H**æc sex thesibus varia edisseruntur de termino à quo, & ad quem, tum generationis, tum corruptionis: in quibus hoc notandum est præcipue, quod, cum mentio fit substantiæ completæ, totius ac perfectæ, quam vocant *esse simpliciter*, & cum sermo incidit de substantiâ non completâ, non perfectâ, non totâ, quam vocant *non esse simpliciter*, intelligatur utrobique, vel affirmatè, substantia coræ aut hujus speciei. Ita generatio vivens, tendit ad esse substantiam completam, seu ad esse simpliciter, quia vivens significat hanc ac certam substantiæ speciem, & corruptionem vivens, tendit ad non esse substantiam completam, seu ad non esse simpliciter, quia non vivens hanc atque certam notat substantiæ speciem.

## 21. Subjectum generationis est materia

*Materia, subintelligi, habilis, quæ actionem generantis juvat.*

*A Thesi 21. usque ad 28. inclusivè.*

**H**ic agitur de subjecto sive materia generationis & consequenter corruptionis: ac primum eam dari, evincitur thesibus 22. 23. 24. ex discrimine, quod intercedit inter generationem & corruptionem, ab una parte, & creationem ac annihilationem, ab altera parte. In generatione & corruptione, materia est prævia, & ea, quæ est habilis: in creatione aut nulla est materia, quæ vocatur creatio immediata, & ex nihilo subjecti sive materiæ, quo pacto ipsum coelum & terra, sunt creata ex nihilo, aut si sic materia, ea est inhabilis, quæ vocatur creatio mediata, & ex nihilo sui seu termini, quo pacto creatus est Adam ex materia quidem prævia, sed inhabili (quæ enim erat habitas in limo terræ?) In corruptione transitus fit aut relapsus in materiam, in annihilatione non item; quod enim annihilatum, in nihilum abicit, ac nullam post se materiam relinquit.

## 22. In quo distinguitur à creatione:

*Nam creatio aut nullam habet materiam præexistentem, aut si materiam habet præviā, ea est inhabilis.*

## 23. Sic, & per materiam corruptio distinguitur ab annihilatione.

*Nam in corruptione manet eadem materia, saltem genere, quæ fuerat in productione, ut visum est thesi 14. annihilatione vero, dicit non tantum compositi, non tantum formæ, sed & ipsius materiæ destructionem.*

## 24. Cum enim creatio sit productio totius substantiæ ex nihilo, annihilatione conversio totius substantiæ in in nihilum, nullum potest fini commune terminorum subiectum.

*Nam repugnant, dari communem materiam terminis à quo & ad quem, & tamen totam substantiam compositi ex nihilo fieri aut in nihilum redigi.*  
*Si enim materia aliqua communis manet, neque substantia ex nihilo fit, neque in nihilum realis.*

## 25. Materia generationis non est prima, sed secunda.

*Materia secunda, est materia singularis, prima est universalis: at operatio omnia, sicut & existentia, singularissima est; ergo & generatio fiet in materia singulari seu secunda, non in universalis seu prima.*

**A** Thesi 25. usque ad 27. docetur contra Aristotelem ipsum, & vulgares Peripateticos, cum aliis Peripateticis notioribus, generationis & corruptionis subiectum non esse materiam primam, (ut quidem eam definivit Aristoteles, *esset primam subiectum generationis, & si quid resisteret, in illud ultimum resisteret*) sed esse secundam, ob rationes thesibus illis expressè collas.

## 26. Quia debet esse disposita.

*Nam non ex quolibet ligno fit Myricurus, hoc est, forma non potest introduci in materiam quancunque, non sane in indispensatam, hæc enim non est idoneam formæ subiectum.*  
*Sic non potest ex lapide naturaliter generari homo.*

## 27. At dispositiores, formæ introducendæ convenientes, non primæ sed secundæ conveniunt materiæ.

*Dispositiones, intellige, tum accidentales tum substantiales: hæc vocantur vñgo formæ disponentes & subordinatæ, illæ sunt accidentales. Sic cum ex ligno generatur ignis, debet primum introduci in lignum & calor & siccitas & ceteræ dispositiones accidentales, & in viventium generatione insuper debent induci dispositiones substantiales seu formæ quædam subordinatæ, ut in generatione hominis debent introduci in semine seu materiam animæ vegetans & sentiens.*

## 28. Quare, in corruptione nunquam datur resolutio usque ad materiam primam.

*Verbi causa, cum homo moritur, aut planta interit, anima quidem hominis à corpore ejus solvitur, sed ipsum corpus non statim fit materia prima, & in planta forma quidem, anima vegetans, relabitur in materiam potestatem, sed quod superest plantæ corruptæ corpus, non statim fit materia prima, verum utrinque & hominis & plantæ materia, variis adhuc modis mutatur, vel in vapores, vel in vermes, vel in pulverem, vel in aërem, &c.*

## 29. Sed præter quantitatem, quædam etiam qualitates manent eadem in genito, quæ fuerant in corrupto.



*Qualitates quæ manent in corrupto, cum ante essent in genito, sunt qualitates quæ sequuntur formam vel Mixti vel elementorum.*

30. Imo sæpe forma aliqua substantialis superest. sc. cum animata generantur & corruptuntur.

*Sic cum homo generatur, id est, cum anima rationali corpori unitur, adhuc superest forma sentiens, vegetans, mixta, sed non sunt forma hominis, nec exercent manus forma in homine, sed faciunt una cum corpore materiam hominis, sicut anima rationalis facit ejus formam: sic cum homo corrumpitur, anima rationalis desinit informare quidem, sed non desinit esse: forma sentiens & vegetans, desinit & informare & esse, manet tamen & superest forma mixti in cadavere seu corpore, materia hominis, quæ ante erat in ejus corpore vivo.*

31. Nam manet in genito quæ fuit in corrupto, & contrà, forma mixti.

*Forma mixti in corpore naturali dicitur, quæ resulat ex concursu quatuor Elementorum in corpore mixto.*

*Sic manet eadem figura cicatricis in cadavere, quæ fuerat in corpore vivente.*

32. Hæc tamen accedente anima, exercet munus dispositionis; at recedente, est specifica.

*Dispositionis, id est, forma disponentis, quæ quidem rem constituit in certa specie, sed tali, quæ advenit forma alterius ac nobilioris in speciem perfectiorem transire valeat.*

*Specificæ, id est, speciem facit seu largitur ultimam, id est, talem quæ in aliam speciem perfectiorem non potest transire naturaliter; quia naturalis via & ordine ac naturæ viribus nobilior forma superaccedere non potest.*

33. Quoties nova substantia generatur, duæ actiones distincte considerari possunt, formæ productio, & ejusdem unitio.

*In formis materialibus productio earum & unitio, non sunt re ipsa distinctæ actiones, per mentem tamen distinguuntur: in formis immaterialibus respectu causarum secundarum distinguuntur earum productio & unitio, nam creatura eas non producit, quia non possunt, nam creantur, at tamen easdem corpori uniunt: respectu Dei, productio earum & unitio non differunt realiter, quippe qui eas producendo unit, & uniendo producit.*

**I**ta quidem vulgò dici solet, quod homo animam rationalem non producat, sed tamen unit corpori, attamen explicari vix ac ne vix quidem potest, quænam sit actio ista hominis, animam rationalem corpori unientis. Rem totam expendamus ordine: Parentes ex mas-

sa utriusque feminis producant corpus; in corpore varias dispositiones, dum in illa massa seminalis organisatur, donec tandem ultima dispositio fuerit introducta, organisatio plenè perfectæque facta, quo momento Deus animam creat, creando infundit, infundendo unit; neque enim hesitem tam nobilem; qualis est anima rationalis, indit in domicilium indispositum, aut non satis præparatum. Sed enim quænam hic est actio hominis, quæ ille à parte sui animam rationalem corpori unit? partes enim & actiones Dei hic facillè reperiri possunt. Sic argumentor: Aut actio hominis, quæ animam unit corpori, est distincta ab ultimæ dispositionis introductione in seetum aut corpus embryonis, aut non est distincta; si sit distincta, assignetur, quænam illa sit; certè vis plastica feminis in organisando seetui, & in introducendis dispositionibus variis in massam seminalem, nihil amplius facit, quàm quod seetum perfectè organifer, & dispositionem ultimam introducat, neque ultra hic datur alia actio, quæ à parte hominis, seu feminis humani, anima rationalis uniatur corpori, neque concipi potest, quomodo vis plastica feminis, quæ est materialis, attingere valeat unionem animæ rationalis, quæ est immaterialis: Si verò actio uniendi animam corpori, sit eadem cum ultimæ dispositionis introductione, siquidem illa actio mera est alteratio ad solam quantitatem terminata, quomodo potest illa esse eadem cum actione uniendi animam corpori, quæ terminatur ad substantiam, sic ut actio illa unitiva à parte hominis, aut difficulter aut non explicari possit.

34. Generatio consistit non in productione formæ, sed in unitione.

*Et ideo homo rectè dicitur generare hominem, licet animam rationalem non producat, quia eam corpus unit.*

**R**atio hujus Theosæ est in Thesi 12. & 13. ac commentario subjecto, nempe quia per generationem non produciunt totum compositum, quod est materia & forma, sed totum compositum, i. e. tò esse simpliciter ac totius compositi; non verò formæ, i. e. tò esse secundum quid, aut partium singularium.

35. Formæ substantiales, nec intenduntur nec remittuntur.

*Scilicet insular qualitatum, sine variationis aut mutationis speciei; nam calor, nunc intensus nunc remissus, manet tamen idem numero calor: talis intensio & remissio non cadit in formas substantiales, sed quæ accedit cum variatione speciei, ea à multis statuitur accidere formis substantialibus Elementorum in mixtione, vide Caput 8. thesi 15. & 16.*

36. Hæc causa est, quod generatio & corruptio fiant in momento.

*Substantia omnis, seu completa, ut totum compositum, seu in completa, ut forma, posita est in indivisibili, ideoque partium successum nullam habet, & ideoque generatio & corruptio sunt in momento: ac sic distinguuntur à reliquis motibus Physicis, qui habent terminum ad quem divisibilem succedere, in partes aut gradus, ideoque non sunt in instanti sed in tempore.*

Quod hac Thesi asseritur, receptum est apud *Peripateticos*, sed vix comprehensibile; quid enim, momentum omne est indivisibile, atque unum momentum alteri non continuatur, aliqui continuum constaret ex indivisibilibus, quod *Aristotelici* non admittunt: eorum igitur hypothesibus admittis: quomodo aut generatio aut corruptio fiet in momento, absque egressa contradictione: quod generatur, transit de non esse ad esse, si igitur ille transitus fiat in momento, quod est indivisibile, res quæ generatur, simul erit & non erit; ita corruptio est transitus de esse ad non esse, qui si pariter fiat in momento, res simul erit &

non erit. In generatione res quæ generatur, non est, quia generatur, quod enim generatur, nondum est, si enim esset, quid opus esset generari; iterum erit res quæ generatur, quia generatio fit in instanti, quod cum sit indivisibile, oportet eodem instanti, quo res generatur, eam esse generatam; si enim in instanti aliquo sequenti generata alio præcedenti generetur, jam continuabuntur duo momenta indivisibilia, quod est contra illorum hypothesin: pariter philosophandum est de corruptione.

37. Cur generatio & corruptio habeant locum in subcelestibus, non item cælo, ejus causa est subcelestium corporum alteratio secundum qualitates contrarias, quæ in cælo non sunt.

*Hæc enim firma est ratiocinatio; ubi est pugna contrariarum qualitatum, ubi locus est generationi & corruptioni naturalis.*

### Consideratio sententiæ Cartesii, Regii & Berigardii.

circa

## C A P U T S E X T U M.

Circa doctrinam de generatione & corruptione, longe aliter philosophantur isti Triumviri, quam solent *Peripatetici*: ac primum, *Cartesius* & *Regius* nullam agnoscunt generationem substantialem, præterquam solius hominis: cum enim non ponant formas substantiales distinctas à materia, omnem generationem, excepta generatione hominis, collocant in solo motu, & mutatione particularum, tum sensibilibus, tum insensibilibus materiæ; sensibilibus, cum ipsa generatio sensibus exponitur, insensibilibus contra: & tali generatione nulla nova producit substantia, quod tamen volunt *Peripatetici*: certe si nulla forma substantialis sit substantia, & generatio substantialis est productio novæ substantiæ, triumphant *Cartesius* & *Regius*, dicentes, nullam dari generationem substantialem nisi hominis, quandoquidem nulla generatio producit novam substantiam, nisi generatione hominis: in cæteris generationibus brutorum, plantarum, rerum inanimatarum (quas generationes pro talibus non agnoscunt *Cartesius* & *Regius*) nulla nova substantia producit, sed tantum ejusdem substantiæ, i. e. materiæ, nova modificatio: & cum videamus ex

immutatione solius figuræ magnitudinis, distantie, numeri, situs, ac motus, variarum partium in materia, oriri varias ac novas substantias; uti videmus, ex horum accidentium mutatione in ferro, oriri nunc gladium, nunc cultrum, nunc horologium, &c. quis dicat generationem esse novæ substantiæ productionem. *Berigardus* putavit, omnem generationem & corruptionem fieri per *σύνκρισιν* & *διάκρισιν*, concretionem & secretionem partium; quod quidem intelligi facile potest de generatione & corruptione non viventium; sed, an illa concretio & secretio partium, tum sensibilibus, tum insensibilibus, sufficiat explicandæ generationi & corruptioni viventium, multum dubito: quicquid sit, cum omnes isti tres auctores in eo conveniant, quod nulla dentur formæ substantiales, præter animam rationalem, certè generationem & corruptionem ab alteratione non distinguunt; imo cum nec alterationem agnoscant, neutram distinguunt à motu locali, & sic concidunt ac ruunt omnia quæ de generatione & corruptione hoc capite 6, sunt ex *Peripatetico* asserta.

## CAPUT VII.

D E

## M E T E O R I S.

T H E S I S I.

**E**lementorum, Generationis ac Corruptionis, quibus tum Elementa, tum res Elementares, subijciuntur, doctrinam, sequitur doctrina eorum, quæ ex Elementis fiunt. In divisione corporum in Elementa & Elementaria, unum membrum sub alio continetur.

*Generalis est divisio corporum sub calissimum in Elementa & res Elementares, id est, quæ ex Elementis oriuntur quo: unque demum modo.*

**D**octrina de Meteoris longè aliter tractatur à Peripateticis, quam à Cartesio, Regio & Berigardo: nos primum sententiam Peripateticorum exponemus, postea de illorum sententia dispicimus. Hic primum venit considerandum, qualis illa sit divisio corporum naturalium in elementa, & res elementares, cum in omni divisione membra debeant esse opposita, hic autem elementa, in corpore elementari contineantur; certè, ubi unum membrum sub alio continetur non videtur esse commoda divisio, sed elementum continetur sub corpore elementari, quia corpus elementare ex elementis constat, ergo hæc non est commoda divisio. Resp. Similes tamen dari divisiones in alio rerum genere: nam & quantitas continua permanens, sive magnitudo, dividitur in lineam, superficiem, & corpus, & tamen linea in superficiem, superficies in corpore continetur: dicendum hic est, hanc divisionem esse institutam, respectu formæ ultimæ, quæ in elementis est simplex, in corporibus elementaribus est mixta, & quasi conflata, ex quatuor elementorum formis, unde & forma mixta dicitur, & sic divisio est optima, sc. generis in species; quia, licet elementa sint materia corporum elementarium, cum tamen alia forma sit elementorum, alia corporum elementarium, ratione istius formæ optime differuntur corpora naturalia, in elementa, & elementaria.

2. Ea sunt, vel meteora, vel corpora mixta: hæc vulgo mixta perfectè, illa imperfectè mixta dicuntur, quod in illis omnia Elementa, in his non omnia coëant, aut sæpe una Elementi forma supersit cæteris pereuntibus.

*Meteora dicuntur à voce Græca μῆτις & διψή, quia sursum colluntur: hæc non differunt specie ab Elementis, nisi quidem ab eis differunt perfecte mixta. vide thess. 12. hujus capituli.*

*Ad commentarium.*

**Q**uæcumque non differunt formis, ea non differunt specie: sed meteora & elementa non differunt formis, E. &c. probatur minor, forma prædominans aliis formis, & forma nude spectata, non differunt, meteora constant forma prædominante, elementa eadem forma nude spectata, E. non differunt formis; contra se res habet in mixtis perfectè, in quibus datur forma mixti, specie distincta à forma simplicis elementi: at meteora aquæ habent eandem formam quæ est aquæ, ignea quæ est ignis, tantummodo formæ ignis & aquæ, ex concursu formarum, aliorum elementorum, alio modo efficiuntur, quam in igne aut aqua, nuda spectatis, atque hoc uberrime probatum est comment. thessos 12.

3. Materia Meteororum, vel proxima est, vel remota.

*Materia proxima est, inter quam & ipsum meteororum nulla intercedit materia media: remota est, inter quam & meteororum ipsum intercedit alia materia media.*

4. Proxima est, vapor vel fumus; communi nomine, exhalatio vel halitus.

*Vapor & fumus in communi sermone quidem confunduntur, sed hic tamen distinguuntur.*

5. Remotus, est aqua, vel terra.

*Nec aut nec ignis sunt materia meteororum neque ex illa ullum constat meteorum, propter naturam eorum nimis subtilem; exhalationes enim ex crassioribus, qualia sunt aqua & terra, exhalant elementis.*

6. Ad aquam & terram etiam referri debent mixta illa, quæ, quia ex iis habent ortum, apta sunt halitum emittere, ut lac, vinum, sanguis, &c.

Q q q q q

Hinc

Hinc causa petitur, cur dicatur interdum lacte, vino, sanguine plerumque, quia Sol calore suo primum attrahit atque sursum elevat, crassiores lactis, vini, aut sanguinis partes, quæ postea resoluta iterum decidunt; sunt autem liquida adhuc magis idonea ad exhalationes faciendas, quam solida; humida, quam sicca.

7. Fumus elicitur ex terra & rebus terrestribus, ideoque ficcus est.

Ratio est, quia terra sicca est, & in rebus terrestribus siccitas præ aliis qualitatibus prædominatur.

8. Vapor elicitur ex aqua & rebus aqueis, ideoque humidus est.

Ratio est, quia aqua humida est, & in rebus aqueis prædominatur humiditas.

9. Sæpe fumus miscetur vaporibus, & vapor fumo.

Imo, quia Elementa sunt impura, semper fumo aliquid vaporis admiscetur, & vaporis aliquid sumi.

10. Communi definitione sub nomine exhalationis definiri potest, substantia levis, quæ ex corporibus gravibus virtute caloris rarefacientis resolvitur.

Quod exhalatio omnis sit substantia levis, id ex motu sursum deprehendi potest; quod ex corporibus gravibus accipitur, inde liquet, quia ex terra petitur & aqua, quod resolvitur utriusque Elementi, fiat per rarefactionem partium a calore, inde patet, quod omnis calor rarefaciat, sicut frigus condensat.

11. Itaque, vapor nihil aliud est quam aqua, & fumus quam terra, sed rarefactæ.

12. Atque utriusque forma substantialis est eadem quæ Elementi, ex quo oritur.

Quæ differunt sola raritate & densitate, non habent diversas formas substantiales, quando scilicet raritas & densitas de eodem dicuntur subiecto: ideoque quæ admodum stella non distinguitur specie à celo, quia est densior pars cæli, & ipsum calorem, in quo sunt stellæ, est materia rarior stellæ; sic & hic aqua spectata in se, quo respectu est densa, non distinguitur specie, non forma substantiali à seipsa; ut est per calorem rarefacta, & tum vocatur vapor; nec terra, in se spectata, ut densa, distinguitur à seipsa, spectata ut per calorem rarefacta, & tum vocatur fumus.

13. Forma autem accidentalis est, impressio quædam variorum accidentium.

Forma accidentalis interdum dicitur de uno accidente, interdum de accidentium unalorum concursu, ut hic ista vera accidentia varia sunt, variæ partium figuræ, variæ magnitudo, varii situs, varii motus, &c.

14. Itaque meteora non sunt unum per se, nec substantiæ meræ, sed unum per accidentens, & substantiæ accidentalibus formis vestitæ, utres artificiales.

Unum per se dicitur, aut quod est essentia simpliciter res immateriales; aut quod ex pluribus quidem constat partibus, sed in naturam unam per unionem coalescentibus, sic ut totum & partes inter se sint ejusdem naturæ, sic homo est unum per se: meteora neutro modo sunt una, non priori, quia sunt substantiæ materiales, non posteriori, quia totum meteorum est substantia, & partes ejus sunt, partim substantiæ, partim accidentens: nec unio est substantialis, sed accidentalis, quomodo in horologio simul cum ferra & rotis concurrunt, varii motus, sicut partes, & figura ferriæ rotarum.

15. Causa efficiens Meteororum est calor, vel astrorum, præsertim Solis, vel ignis subterranei, vel innatus.

Calor astrorum vel Solis dicitur, non quem in se habens, sed quem motu suo producant, nullum enim in se possident.

Calor innatus dicitur calor Elementarum.

Quæ à thesi 3. habentur usque ad 16. exclusivè, et materiam, formam, & causam efficientem meteororum explicant, neque in iis multum est difficultatis, hoc solum observandum est ad thesin 14. quod uti se res habet in meteoris, ita fortassis (si liceret dicere quod res est) rem se habere in omnibus corporibus naturalibus, ut eorum nulla (excepto homine) sint unum per se nec componantur ex duabus substantiis; sed singula sint una substantia, vestita tantum, imbuta & induta variis formis accidentalibus, ut neque hic detur unio materiæ, & formæ, tanquam duarum substantiarum, sed unus ac solius materiæ, tanquam substantiæ, & variorum accidentium; si enim pluvia nihil aliud sit quam substantia aquæ, in altum sublatæ, & ibi resolutæ, ac tamen distinguatur specie à nebula, quæ quoque nihil est aliud quam pulvis substantiæ, sed coacta & condensata, quidni quoque tali modo, per solam materiam & concursum variorum accidentium, distinguantur plantæ, & inter se & ab aliis corporibus naturalibus.

16. Meteora vulgo dividuntur in vera & apparentia.

Est hæc divisio non generis in species, sed ambigua vocis in significata.

17. Sed apparentia non nisi æquivoce sunt meteora, ut homo pictus est homo, apparens est Iris.

Æquivoca enim sunt seu homonyma, quando una quidem communis est pluribus definitio, non item, ut in exemplo apposto videtur est, neque enim definitio hominis convenit homini picto. Vocantur apparentia meteora, quæ non sunt uti apparent esse, nisi Iris quæ non est revera tanta varietas colorum in nubibus, ut appareat, sed deceptio tantum visus, ex quo quod lux Solis per radios incidentis in varios angulos à nubibus rescidis repercussatur, & ex varia ista lucis incidentia ac repercussione putat visus se videre tam varios colores.

Divisio meteororum th. 1. 6. proposita, est similis divisioni hominis, in vivum & pictum, quæ est divisio, quoad nomen tantum: quod autem varii colores apparere possint, qui tantum sunt ex varia lucis incidentia in varios angulos, uti fit in iride, id probari potest exemplo vitri istius triangularis, quod oculis admotum, & variis modis motum, variaque ratione recipiens lumen solis in variis sui angulis & incidentiis, pulcherrimos facit in se apparere colores, non minus atque in iride.

18. Vera ex fumo sunt, vel ex vapore.

19. Quæ ex fumo sunt, vel ex pingui sunt, vel ex arido.

Fumus pinguis dicitur, alio oleaginosus, quia multum habet admixtum olei, quædammodum dum fumus, qui videtur ex cespitiis valde bituminosis, aut ex lignis in quibus est multum terebinthi: fumus contra aridus dicitur, qui parum olei habet admixtum, qualis est qui nascitur ex lignis sicciis.

20. Quæ ex pingui fumo generantur, dicuntur ignea, quæ ex arido, ærea, quæ ex vapore, aquea.

Non dicuntur meteora ignea, quasi ex igne tanquam ex materia consistant, nec ærea, quasi eorum materia sit aer, hoc enim falsum est; sed cum materia intrinseque sit terra, quia illorum materia est terra pinguior, quæ ob pinguedinem facile flammam concipit, ideo hæc dicuntur ignea, & quia aliorum materia est terra aridior, quæ non ita facile flammam concipit, illa dicuntur ærea.

Hæc thesibus instituitur divisio meteororum veri, in igneum, æreum, & aqueum, desumpta à materia; & meteora ignea explicantur à thesi 21. ad 35. exclusive: ærea à thesi 35. usque ad 39. exclusive: aquea à thesi 39. ad finem usque: in quibus omnibus, quia nihil est obscuritatis, ulteriori explicatione super sedemus.

21. Meteora ignea, pro triplici æris regione, distingui possunt.

De triplici æris regione, vide Caput 5. thesi 29 30 31.

22. In infima æris regione sunt, Ignis fatuus, Castor, Pollux, Helena, ignis lambens.

23. Ignis fatuus, aliis erraticus, qui & errat & errare facit, & ambulo, habet pro materia fumum pinguem & viscosum, ejusque forma est saltus ad modum hominis fatui: in locis paludosis potissimum hæret.

Belgæ vocant eum Stal-keers, aut Dwaël-licht, quia lucet instar candelæ, & facit errare eum de via, qui talera ignem sequitur; inde dicitur vulgo homines abducere in fossas & in loca devia.

24. Castor, Pollux, Helena, ab igne fatuo distinguuntur, quod hic terræ, isti mari impendant.

Hæc nomina desumpta sunt ex Gentilibus, in quo Castor, Pollux, & Helena, aut navium erant tutelares aut insignia; ac quævis hæc meteora in mari conspiciantur, sunt ex halibus terrestribus & aridiis ad mare delatis.

25. Ignis lambens, est exhalatio tenuis, ex spiritibus animalium concinnata, ac circa crines eorum relucens.

Ignis lambens in subis equorum vel equarum conspicitur solè, videturque idem fuisse, qui à Virgilio narratur conspectus in capite Ascanii.

26. In media æris regione sunt, Draco volans, stella cadens, fulmen ac fulgur, tonitru, procella.

27. Draco volans, pinguis est exhalatio & copiosa, quæ deorsum oblique cadit è nubibus, & refert draconem volantem.

28. Stella cadens, è nubibus veluti nucleus à digitis compressis excernitur, & generatur ut Draco.

Hæc duo nomina, ob similitudinem draconis & stellæ, quam referunt, sic dicuntur: neque enim stella ulla in nubibus est, sed in celo; neque iniquata ex nubibus decidit in terram, ut vulgus stulte credit.

29. Fulmen, est exhalatio multa, & subtilis, in nube accensa, & deorsum ad terram usque vi erumpens.

Qqqqq 2

30. Si

30. Si in terram non perveniat, dicitur fulgur.

*Fulmen & fulgur in eo differunt, quod fulmen pro comite habet tonitru, & causa sit combustionis rerum in terra, fulgur vero non habeat adiunctum tonitru, neque ad terram usque descendat: Belgæ fulgur vocant, Weerlicht, & fulmen, Blixem.*

31. Tonitru nascitur ex ictu illo, quo exhalatio in fulmine aërem & nubem frangit.

*Quamvis tonitru natura prius sit fulmine, nam quia nubes frangitur, hinc lux illa fulminis nascitur, prius tamen videtur fulmen quam auditur tonitru, quia species visibiles citius deferuntur ad oculum, quam audibiles ad aurem, sunt enim hec crassiores, at ista sunt subtiliores: sic primum videmus flammam pulveris pyrii sive tormentarii ex Bombarda erumpentem, quam audimus sonum.*

32. Procella easdem habet causas quas fulmen.

*Procella hic non significat speciem venti, vulgo een Buij, sed motum fulminis aut tonitru, utrum & quaquaversum delatum, atque corpora objecta pertrumpens.*

33. Meteora ignea supremæ regionis describi debent figura & motu, quia hæc est causa ipsorum formalis.

*Figura & motus in meteoris igneis supremæ regionis sunt quidem potissima causa formativa eorum, sed non unica aut sola; nam situs & quantitas ad formam eorum accidentalem quoque pertinent.*

34. Suntque, capra saltans, trabs, Pyramis, stipulæ ardentes, Clypeus videns, fax, stellæ discurrentes, dolia & cometæ Elementares: de quibus videantur meteorologici.

*Hæc omnia nomina sunt desumpta à similitudine eorum rerum, quæ meteora ista vel referunt vel expriment.*

35. Meteorum æreum est ventus.

*Non quasi aër sit materia venti, sicut Stoici dicebant, ventum esse aërem motum, sed sic vocatur, quia materia venti est exhalatio arida, ex terra projecta, quæ proxima ad aërem accedit, vide thes. 20. hujus Capitis.*

36. Ventorum materia est exhalatio frigida & calida.

*Ergo venti materia sumus, non vapor, exhalatio terrestris, non aquea.*

37. Forma ventorum est motus transversus per terram.

*Quia venti terras perfrant quaquaversum.*

38. Vento pro Meteoro aëreo vulgò additur terræ motus.

*Terra motus non potest dici meteorum, quia non gignitur in sublimi, sed in ipsa terra, loco infimo, additur tamen Meteoris & quidem vento, quia easdem habet causas.*

39. Meteora aquea sunt nubes & ros.

40. Nubes, est vapor crassius, vi Solis ad mediam regionem aëris evectus, ibique loci frigore condensatus, & partim infuso calore, quo est evectus, partim aëris motu, suspensus.

*Dicitur media regionis locus in aëre, frigidus, quia est minus calidus, quam suprema aut infima regio; nam alioquin omnis aër est calidus: in eo est videre admirabilem Dei sapientiam, quod nubes, cum sint corpora tam gravia, nihilominus suspensa teneantur in alto in ipso aëre.*

41. Ex nube, vel resoluta, vel coacta, fit pluvia, nebula, grando, nix.

*Nubes resoluta est pluvia; coacta, nebula, grando, vel nix.*

42. Ros est vapor subtilis, qui à debili occidentis Solis calore in aërem evocatus, à temperatæ & serenæ noctis frigore, in exiguis guttas condensatur.

43. Hæ guttæ, cum ab auroræ frigore congelantur, dicuntur pruina.

*Ros & pruina sere differunt, ut aqua & glacies.*



## Explicatio sententiæ Triumvitorum

A D

## CAPUT SEPTIMUM.

DE Meteoris integrum tractatum inter Philosophia suæ specimina nobis reliquit *Cartesius*, in quo de singulis in specie philosophatur; eum abbreviatum in fundamentis exhibet *Regius*: *Berigardus* integrum circulum iis explicandis dedit, conscripto dialogo inter Aristæum, & Charilaum, super libris meteororum Aristotelis; nos illorum sententiam primum in genere explicabimus de Meteoris, tum paulo specialius ad ea explicanda descendemus; nempe, ut omnium corporum naturalium natura efformata est & facta ex vario motu, quiete, magnitudine, figura, situ, distantia, particularum, tum sensilium, tum insensilium, ita quoque sese res habet in Meteoris, quæ ex illorum Autorum sententia pariter constant ex materia, variisque ejus accidentibus statim recensitis; atque hæc particulæ in Meteoris non uque adeo firmiter inter se sunt connexæ quin facillime dissolvantur, unde meteoræ sunt corpora fluxa; oriuntur autem omnia ex exhalationibus, iisque non unius generis, sed aqueis potissimum, ac terrestribus quoque, quæ licet corpora sint gravia, tamen contra naturam feruntur in altum, vi solis attractæ, atque ad æræm elevantur fere, uti interdum vi alicujus procellæ, aut per celerrimam ambulationem, aut per vehementem percussionem, aërenæ sursum tolluntur, & per æræm, violento motu, ulro citroque moventur, atque talis est generatio ipsorum ventorum, qui nihil aliud sunt, quam exhalationes, ex terra evaporantes, & æræm vehementissimè agitantes: exhalationes aqueæ, sunt causa nubium,

nebulæ, pluviz, nivis, grandinis, roris; pruina ac nubes in suo motu verè sequuntur ductum ventorum; dantur quoque meteoræ quædam ignea, quæ oriuntur ex fumo, pingui saepe, & oleaginoso, interdu tamen aridiori & puriori; meteoræ ignea, quæ oriuntur ex fumo puriori, & aridiori, sunt, Draco volans, stella cædens, ignis fatuus, & splendor ille nocturnus, qui sæpe de noctu videtur, tanquam fumus rarissimus, in summo aëre accensus; quæ meteoræ ignea gignuntur ex fumo pinguiori, & magis oleaginoso, sunt, fulmen, tonitru, fulgur; differunt fulmen & fulgur, quod fulmen semper habeat adjunctum tonitru, fulgur non item; his meteoris affinia sunt alia quæ in nubibus existunt, & oriuntur ex varia earum illustratione, à Sole facta, vel Luna, ut Parhelia, i. e. circuli quidam circa Solem, aut potius imagines Solis, expressæ in opposita nube, per & propter radiorum solarium, vel refractionem, vel reflectionem, & Halones, qui proprie sunt circuli diversæ coloris, circa Solem vel Lunam similiter geniti, per refractionem radiorum alterius luminaris; his accedit iris, meteorum apparens, ortum ex radiis solaribus, in nubem roseis incidentibus, & vario modo reflexis, aut refractis, unde etiam ex diversa incidentia radiorum solarium in diversas partes, & angulos, roseisq; nubis, tam varii oriuntur colores, quales in iride conspiciuntur: sed de singulis hæc Meteoris satis fuisse egerunt *Cartesius* in speciminibus suis: *Regius* in Physicis: & *Berigardus* in Circulo Pisano; atque antea *Frommündus* in Meteorologicis.

## CAPUT VIII.

D E

## MIXTIONE, &amp; TEMPERAMENTO.

## T H E S I S. I.

CORPUS proprie ac perfecte, mixtum, quod mixtum dicitur simpliciter, est, quod ex elementorum mixtione oritur.

*Corpus perfectè mixtum, dicitur mixtum simpliciter, obque additamento vocis perfectè, per Synecdochè generis: & quia diversis corporis mixti, est diversio Analogi in sua Analogia, id est, quia mixtum uni speciei magis, alteri minus, magis, perfectè mixto, minus, imperfectè mixto, competit.*

HOC Caput in duas sese dirimit partes, ex ipso titulo, quarum una est de mixtione, à thes. 1. ad th. 28. exclusive; altera de temperamento à th. 28. ad finem usque. De mixtione duo traduntur, primò. mixti ortus, ac generatio, à th. 2. ad th. 19. exclusive, secundo, mixti interitus & corruptio, à th. 19. ad 26. exclusive. Th. 1. præmittitur, quid sit corpus mixtum: cum enim meteoræ quoque sint corpora mixta, atque de iis jam sit adsumptio sensu hic jam veniunt corpora mixta quam quo sic vocata sunt meteoræ, nempe,

nampe, meteorad dicuntur *imperfectè* mixta, quia non omnia elementa ad eorum mixtionem concurrunt; hæc quæ sequuntur dicuntur *perfectè* mixta, quia omnia & singula elementa, eorum mixtionem ingrediuntur, mixturæque constituunt: nunc perfectè mixti ortum, ac generationem expendamus. Mixti ortus, & generatio, *Aristotelis* distinguuntur, ac diverso definiuntur modo, quod liquet ex thesi 2. & 3. sed nullà solidà ratione; in re ipsa idem sunt.

## 2. Ortus mixtorum vocatur mixtio, estque miscibilium alteratorum unio.

*Maxima hæc difficultas est in voce, alteratorum, nam quandoquidem mixtio est productio substantiæ novæ ex Elementis, substantiis quoque Elementorum inter se mixtis, & alteratio sit motus ad qualitatem, quaeritur quo modo mixtio definiri possit unio miscibilium Elementorum alteratorum? an igitur Elementa in mixtione tantum mutantur quoad qualitates: si sic, mixtio non est novæ substantiæ productio: si Elementa mutantur quoad substantiam in mixtione, cur tantum dicuntur alterari? respondico; in mixtione novam substantiam præcui, item Elementa seu miscibilia mutari quoad substantiam, sed quid Elementa mutari nequeant quoad substantiam nisi prius alterentur quoad qualitates, & quia alteratio Elementorum in sensu incurrit, mixtio eorum non item quæ quoad substantiam fit, hæc est ratio, cur in definitione mixtionis potius fiat mentio alterationis, id est, mutationis Elementorum quoad qualitates, quam corruptionis, hoc est, mutationis quoad substantiam, unio dicitur potius quam unio, quia mixtio est actio quæ melius exprimitur per unionem quam per anionem, quia hæc est modus potius ex unionione resultans, & terminus ad quem.*

**Q**Uamvis *Aristotelis* multis modis soleant excusare hanc definitionem, quod dicatur mixtio miscibilium alteratorum unio, quia in mixtione non fit alteratio, quæ tendit ad qualitatem, sed generatio, quæ tendit ad substantiam, tamen nulla verisimili ratione *Aristotelis* definitio defendi potest. Quid enim, an tantum mutantur qualitates, quando ex igne, aëre, aqua, terra, fit mixturæ? potestne ex non substantiis, ut sunt qualitates alterate, oriri & generari novam substantiam, uti est mixturæ? Ergo ex non substantia fieri potest substantia. Quod dicant, *Aristotelem* potius adhibuisse vocem *alteratorum*, quam *generatorum*, quia alterationes magis incurrunt in sensus, quam generationes, id nauci est: nam cum generatio fiat ex particulis, tum insensibilibus, tum sensibilibus, quomodo potest restringi mixtio aut mixti generatio, ad solam unionem miscibilium alteratorum, quæ in sensu incurrunt, cum potissima mixtio fiat in partibus insensibilibus; mixta videmus, sed non causas mixtionis, neque partes mixti, & tamen cause ac partes mixtionis sunt eadem rei mixtæ; Ergo insensibiles: consequenter miscibilia non tantum sunt alterata, sed corrupta, antequam ex iis proveiant mixtura.

## 3. Per miscibilia alterata non intelligi-

mus res quaslibet, ut quæ in pharmaco miscentur, sed Elementa.

*Possunt corpora mixta aliis corporibus mixtis misceri, uti fit in compositis medicamentis; sed hic intelligitur mixtio corporum simplicium, id est, Elementorum.*

## 4. Horum unio non est confusio aut quædam accumulatio, sed substantialis conjunctio, quæ ex quatuor diversis Elementis fit una substantia mixta.

*Mixtio alia est improprie, alia proprie dicta: prior est, quando corpora multa in unum acervum accumulantur, ne si quis siliqum tritico, & utrumque avena commisceat, vel etiam cum multiliqueores in unum confundantur: fit enim hæc mixtio improprie dicta, vel confusio extremis atque miscibilium, vel uti distinctis, puta, imperfectis: at posterior, mixtio proprie dicta, fit, cum Elementa quoad substantiam simul conveniunt, & ex eorum coalitione & commixtione tertia exurgit substantia, quam vocamus mixtum.*

## 5. Misti generatio definitur ab *Aristotele* lib. 3. Meteor. cap. 1. mutatio à qualitatibus ad aliam proportionem cum subiecta materia natura convenientem habentibus.

*Per qualitates activas hic intelliguntur calor & frigus, quæ sic dicuntur, non quasi tantum agant, & nihil patiantur sed quia magis agunt quam patiuntur, sicut ex a diverso humiditas & siccitas dicuntur qualitates passivæ, non quia tantum patiantur, & nihil agant, sed quia magis patiuntur quam agant, ut hic denominatio fiat à priori.*

**Q**Uamvis diverso modo definiantur mixti ortus, ejusdemque generatio, in re ipsa tamen idem sunt, quia diversitas definitionum non infert diversitatem rerum; nam diversæ definitiones sæpè fundantur in diversis respectibus ejusdem rei; uti aliter definitur homo, quæ pater, quæ consul, quæ maritus, quæ dominus, non tamen sunt diversæ res aut substantiæ, sed idem homo, pater, consul, maritus, dominus.

## 6. Per materiam subiectam, intelliguntur qualitates passivæ in concreto, humidum & siccum: per naturam, forma mixti generandi.

*Dicuntur qualitates sumi in concreto, quando seipsas significant, & simul subiectum suum: quamvis natura tam dicatur de materia quam de forma, hic tamen peculiariter de forma debet intelligi, & quidem de forma mixti, quia omnis forma nobiliori modo natura est.*

## 7. Mixtio

7. Mixtio & mixti generatio re ipsa idem sunt, ratione vero differunt, ideoque & definitione.

Ratione, scilicet, ratiocinata, qua habes fundamentum in re: ex hac thesis liquet, non statim re ipsa differre, qua differunt definitiones, ita ut hoc argumentum non valeat; qua habent diversas definitiones, habent diversas essentias: nam diversitas definitionum sepe fundatur in diversis tantum respectibus, qui diversitatem rerum non inferunt; quemadmodum id liquet in actione & passione, qua diversas habent definitiones, non tamen sunt res diversae.

8. Mixtio de Elementis dicitur, generatio de substantia mixta: Elementa misceri, substantia generari dicitur.

Quemadmodum aliud est totum, aliud sunt partes, ita alia tribuntur toti, alia partibus, totum componitur, partes componunt; sic hic Elementa generant, mixtum generatur, & non generant Elementa mixtum, nisi prius inter se miscantur, ideoque mixtio proprie est Elementorum, sed mixti ex Elementis prodiitio, consuetio, generatio, non nisi de toto dicitur mixto.

Ubi se habent medicamenta simplicia, qua à Pharmacopola miscentur, ad medicamentum compositum quod ex illis generatur, ita se habent Elementa qua miscentur ad omne mixtum, quod ex illis generatur: sed medicamentorum simplicium est misceri, & medicamentum compositum dicitur generari; ergo & Elementa recte dicuntur misceri & mixtum generari.

9. Ad mixtionem tria requiruntur. Primo, ut Elementa in unum locum coeant. Secundo, ut in minimas particulas dividantur. Tercio, ut mutua actione & passione sese invicem debilitent.

Locus mixtionis est aqua & terra, tum in superficie sua, tum in partibus interioribus: sed hic gravissima oritur difficultas, quomodo ignis & aer, cum sint Elementa levia, ad superficiem terrae vel aquae descendere possint, cum infernae eorum sit futurus contra naturam, atque adeo violentus; at vero nullum violentum est perpetuum: respondet, omnino corpora levia contra naturam ferri deorsum, respectu causae efficientis interna, quae est forma, & sic omnino motus ignis & aeris, cum ad mixtionem in terram faciendam descendens, est violentus, sed respectu finis, qui est salus universi, quod sine mixtione & mixtis consistere nequit, motus ille non est violentus, unumquodque enim Elementum studeat servare universum, cuiusque salutem procurare; sic videmus gravia quoque ascendere, & levia descendere, cum impediendum est vacuum, quod cum natura universi pugnat.

Minimas, id est, valde parvas, nam partes minima hoc sensu, ut non dentur minores, nulla sunt, nam non datur

minimum Physicum, & corpus naturale, quia continuum est, dividi potest in partes minores, & usque minores in infinitum, si fuerint proportionales.

Debilitent, nam si non se invicem Elementa debilitarent, sed si integra manerent, mixtum non foret unum per se, sed esset unum per aggregationem, ut accervus lapidum, quod absurdum est.

Elementa debent in unum locum coire, quia ita debent sibi invicem appropinquare, ut inter se commisceri valeant.

Et sic ille motus deorsum ignis & aeris non est violentus, nec etiam naturalis, sed praefer naturam, ad motus violentus est contra naturam, & naturalis secundum naturam.

Gravis questio est apud Physicos, an dentur minima naturae, i. e. an dentur partes Physicae corporum naturalium tam parvae, & minutae, ut non possint dari minores; si quis sequatur sententiam Aristotelis asseret corpus naturale dividi posse in partes minores & usque minores, atque adeo in infinitum, intelligendo partes proportionales, & non aequales. Alii Philosophi qui sequuntur Democritum, & Epicurum, diatomos seu particulas minimas naturae ac naturalium corporum, quas nullus mortalium dividere valeat, quae tamen concipi possunt ut ulterius divisibiles in partes proportionales, usque & usque minores: verum enimvero ego istam corporis naturalis divisionem in partes divisibiles in infinitum usque & usque, non agnosco, nec accipio; ideoque cum Seneca & Sperlingio per minima naturae non intelligo partes tam parvas ac minutae quae à nobis dividi nequeunt.

10. In hac Elementorum pugna formae eorum substantiales non pereunt.

11. Si enim perirent ac penitus abolerentur, quomodo possent uniri?

Non possunt uniri quae non sunt: atqui, si formae Elementorum interirent, non essent; ergo, neque unirentur neque uniri possent: & sic mixtio male definiretur unio.

12. Sed nec manent integrae:

13. Nam sic corpus mixtum non foret unum per se.

Ubi enim plura corpora concurrant integra, totum ex eis compositum est unum per aggregationem, sive ordinem inter se habeant, ut exercitus, sive non habeant, ut accervus lapidum.

14. Verum castigantur, refringuntur, ac remittuntur.

Id est, formae Elementorum in mixtione aliqua sui parte imminuuntur, & aliquid quasi de essentia sua perdunt.

15. Non tamen remittuntur eo modo, quo qualitates:

16. Quia

16. Quia hæ remissæ non mutant speciem, illæ quam maximè.

*Formæ dicuntur remitti, non quod enitas earum aboleretur, sed quia pericarum formalitas, id est, non amplius exercent minus formæ Elementorum, neque consistunt amplius Elementa, sed faciunt novam speciem, nam vocamus corpus mixtum; in quo differunt à qualificationibus, quæ remittuntur, sic, ut manent ejusdem speciei, & sic verum est, quod substantia recipit magis & minus, cum variatione speciei, qualitas recipit magis & minus, sine variatione speciei.*

17. Atque ut formæ ita & qualitates Elementorum non abolerentur sed castigantur.

*Quia qualitates Elementorum emanant à formis, id est, hærefrangentur, & refringi debent ista, quamvis diversa sit refractionis ratio.*

18. Et quia sic castigatæ Ambe manent in mixto, dicuntur Elementa manere in mixto virtute vel virtualiter.

*Ambe, id est, & formæ & qualitates Elementorum. Dicuntur Elementa manere in mixto virtualiter, quia & formæ Elementorum & eorum qualitates, quamvis sunt imminuatæ, & nonnihil castigatæ, virtutes suas calefaciendi, humectandi, refrigerandi, in mixto exerunt atque exercent.*

A Theſi 10. ad Theſin 19. exclusive, agitur de Quæſtione agitiffima apud Aristotelem, Græcos, Arabes, & Latinos ejus interpretes: *ntrum forma elementorum in productione ac constitutione mixti maneat integræ, an refractæ, an pereant;* quod non pereant, ex eo constat, quia nihil in nihilum abit naturaliter. Ergo, vel manent integræ, vel refringuntur: manere integras aſſerit Avicenna, Arabs; refringi aſſerit Averroës, item Arabs, quem ſequuntur Latini atque recentiores, Zabarella, quam ſententiam hic amplexi ſumus & expoſuiſmus; ſed enim una difficultas ſuperſeſt; quomodo refractio, i. e. remiſſio & intentio formarum ſubſtantialium admitti poteſt; ſiquidem ſubſtantia non recipit magis aut minus, cum mutatione ſpeciei, aut ſine eâ; ſed & hoc novi, illam diſtinctionem eſſe tantum excogitatam ad patre cinium malæ cauſæ: nam ut elementa ſunt nuda materia corporis mixti, aut ſimul conſtituunt ejus formam; ſi ſunt nuda materia corporis mixti, non poteſt dici formas elementorum refringi, remitti, ſuſcipere minus; ſi elementa ingrediuntur mixtum, illudque conſtituunt, etiam quoad formas, ut forma mixti componatur ex quatuor formis elementorum, ſequitur mixtum non fore unum per

ſe, quia forma mixti non eſt una per ſe, ſed eſt una per aggregationem, (nam unum per ſe dicitur in rebus compoſitis, cum una pars componens ſe habet ad alteram, ut potentia ad actum, uti ſe habet corpus hominis ad animam rationale; ſed forma unius elementi, non ſe habet ad formam alterius elementi in mixto, ut potentia ad actum, imo ne quidem omnes forme elementorum ſe habent ad formam mixti ut potentia ad actum) ſed poſterius eſt abſurdum. Ergo & prius.

19. Mixti ortum ac generationem ſequitur ejus interitus: mixtioni reſolutio, & generationi corruptio opponitur.

*Ratio eſt, quia contrariorum eadem eſt ſcientia: interitus aliis Phyſicis vocatur corruptio.*

à Theſi 19. uſque ad Theſin 26. incluſive.

Agitur hic de mixti interitu & corruptione, ac primo docetur th. 20. quifnam ſit interitus naturalis, theſi. 21. quænam ejus ſint ſpecies uſque ad theſi. 26. Quo ſenſu corruptio dicitur naturalis abunde explicatur comment. theſi. 20. & totum negotium diſtinctione una perſicitur; nempe, corruptio & interitus naturalis, eſt, quoad individua, ſed non quoad ſpeciem: hoc enim naturale eſt, ut quod ſemel genitum eſt, & vitam accipit, iterum corrumpatur & eam perdat; ita omnia individua corporum naturalium ortui & interitui ſunt obnoxia. atamen nunquam interit, nec corrumpitur, nec aboletur, illa ſpecies corporis naturalis; & hoc eſt quod vulgo dicunt, æternari ſpeciem naturalia corpora; ſed mutari in ſingulis horis atque in ſingula momenta, quoad individua.

20. Interitus eſt vel naturalis, 1. quoad individua, non quoad ſpecies, 2. ex lege naturæ univerſalis non particularis, 3. ratione materiæ propter potentiam ad eſſe & non eſſe formæ. 4. ratione formæ, propter pugnam qualitarum quæ ab ea emanant vel interitus eſt contra naturam.

*Quæſtio graviffima eſt, quomodo corruptio ſit naturalis, quandoquidem nullum corpus naturale tendit inſui corruptionem: reſpondeo: corruptio dicitur naturalis, prout naturale opponitur artificiali vel ſupernaturali; corruptio naturalis eſt, & reſpectu materiæ, quæ & ſubjectum & principium eſt corruptionis, & reſpectu formæ, quæ ſit terminus corruptionis, forma enim eſt, quæ corrumpitur: corruptio autem ipſa non ſit à principio externo, quale eſt ars, nec aſcio actione ſupernaturali, ſed à materiæ & formæ uniti diſſolubilitate; unie vero materiæ & formæ diſſolvi poteſt in mixtis, quia qualitates in eo contrario ſe oppugnant ac debilitant, & dicit corruptio non videretur naturalis, reſpectu corporum ſingularium in individuo, eſt tamen naturalis, reſpectu naturæ in genere, in qua nulla dari poſſet generatio naturalis, niſi & corruptio naturalis daretur; nam generatio & corruptio naturaliter ſe invicem ſequuntur.*

Matte-

*Materia est principium corruptionis, quia habet se indifferenter ad quaslibet formas, ita ut quæ materia nunc est sub hac forma, verbi causa, corpus sub forma viventis, alio tempore possit esse sub forma non viventis, & quidem naturaliter, quando scilicet vivens moritur: atque materia est natura; ergo corruptio mixti, propter materiam, respectu ejus bene dicitur natura alia: forma quoque est principium corruptionis quando ea à materia dissolvi potest, quod fit cum qualitatium pugnantium est origo: forma vere est natura; ergo corruptio mixti respectu forma quoque dicitur naturalis.*

**21. Naturalis est putrefactio: contra naturam combustio, cui vulgo additur petrificatio.**

*Putrefactio dicitur corruptio naturalis, quia ipsa materia rei putrefaciendæ disposita est ex natura sua ad corruptionem totius: est enim in materia potentia naturalis ad esse, vel non esse, sub hac vel illa forma, is simpliciter falsum dicitur; nam quid respondebimus de corporibus glorificatis post hanc vitam; in quibus est materia, quæ tamen non est radix corruptionis, quia illa corpora erunt incorruptibilia: nec sunt in potentia ad esse & non esse sub hac aut illa forma, quam talis materia aut talia corpora habent, sic ut aliam formam habere nequeant.*

#### Ad Commentarium.

**S**i quis simpliciter dicat, materiam esse radicem corruptionis naturalis, & potentiam contradictionis ad esse vel non esse, sub hac vel illa forma, is simpliciter falsum dicitur; nam quid respondebimus de corporibus glorificatis post hanc vitam; in quibus est materia, quæ tamen non est radix corruptionis, quia illa corpora erunt incorruptibilia: nec sunt in potentia ad esse & non esse sub hac aut illa forma, quam talis materia aut talia corpora habent, sic ut aliam formam habere nequeant.

**22. Putrefactio dicitur in se totius mixti naturalis, quia universalis naturæ lege constituta est, ut mixtum putredine intereat.**

*Universalis naturæ lex est, quam Deus naturæ autor fuit universo; quæ tantum est, ut, quæcumque sunt orta, vicissim intereant: itaque respectu universi tam naturalis est corruptio quam generatio, licet, respectu hujus, vel illius individui, quod studeat esse summi conservare, quam diu potest, corruptio videatur esse contra naturam.*

*Natura est vel universalis, id est, totius universi, vel particularis utriusque corporis singularis in universo; hic intelligitur natura prior.*

**D**eus, naturæ omnis autor, omnia condidit sapientissime, atque in signum sapientiæ, leges quasdam indidit naturæ creatæ, quales sunt hæc, nihil fit ex nihilo, nihil abit in nihilum; omne ens studeat conservationi sui quam diu potest, &c. attamen videmus corpora naturalia oriri & occidere, atque obnoxia esse isti vicissitudini, ideoque videbitur hic violari lex naturæ. Resp. Corpora naturalia spectantur vel quoad speciem vel quoad individua; priori sensu nec oriuntur nec intereunt, sed æternantur, i. e. nullæ novæ species eo-

rundem jam productæ abolentur: sed individua eorum & oriuntur & occidunt: student quidem lux perpetuitati, atque æternitati, quam diu possunt, sed quia non possunt semper, juxta legem hanc naturæ, quodcumque semel natum est oportet denasci, illam perpetuitatem & æternitatem relinquunt speciei; atque hoc sensu dicitur Deus quievissse ab omni opere suo, non quod nulla amplius produceret nova individua, nam producit quotidie novas animas rationales, singulares, sed quod nunquam à creatione produxerit, aut nunquam producturus sit, novas corporum naturalium species.

**23. Putrefactio, est corruptio caloris proprii ac naturalis, in unoquoque humido, à calore corporis ambientis.**

*Corpus ambiens est vel Sol vel aër, vel quodcumque aliud calore præditum.*

*Calor proprius, est calor insitus ipsi rebus naturalibus; calor ambiens, est a corpore celesti vel alio extrinseco ad rem naturalem accedens.*

**24. Combustio, est totius mixti à vehementi calore in ignem & cineres mutatio.**

*Calore, scilicet, qui ab externo & ambiente corpore accedit.*

**25. Petrificatio, est totius mixti à vehementi frigore in substantiam lapideam ac terrestrem mutatio.**

*Petrificatio, nomen suum habet à petra, id est, lapide, & facio, quia per eam mixtum mutatur in lapideum.*

**26. Affectiones, quæ corpori mixto insunt propter mixtionem, sunt, vel qualitates, vel mutationes, quibus corpora mixta ob qualitates istas & per illas alterantur.**

*Qualitates, quarum hic fit mentio, sunt propria corporis mixti, nec mutationes, non vero Elementarum.*

**27. Qualitates sunt, vel temperamentum, vel qualitas ex temperamento orta.**

*Temperamentum dicitur à temperando, quia significat temperatam qualitatum Elementarum mixturem.*

**28. Temperamentum non est simplex alia quæ qualitas à quatuor primis qualitatibus**

R r r r r      distin-



distincta, sed ipsæ primæ qualitates refractæ, aut potius earum conveniens mixtura & complexio.

*Questio est inter Physicos, an temperamentum sit quinta quedam qualitas, diversa à quatuor qualitativis Elementorum; respondemus non esse, sed tantum congeriem quatuor ipsarum qualitatum remissam & refractam ad certam mensuram.*

**V**ulgo quidem sic asserunt, temperamentum non esse novam qualitatem, ac distinctam à qualitatibus elementorum; sed enim, ego non video cur non possit dici, esse temperamentum nova ac distincta qualitas, utcumque sit genita qualitatibus elementorum: si enim tepor sit qualitas nova & distincta à calore & frigore, ex utroque tamen genita: si color viridis & flavus & quicumque medius color, sit qualitas nova ac distincta ab albore & nigrore; quidni etiam temperamentum dici possit qualitas nova & distincta à qualitatibus quatuor elementorum, & tamen genita ac producta ex illorum commixtione.

Dicuntur qualitates refringi, quando gradibus suis imminuuntur, uti si calor ut sex imminuatur. h. e. minor fiat usque ad gradum caloris ut duo, dicitur ille calor refringi.

**29. Temperamentum est æquale vel inæquale.**

*Hec divisio non est generis in species, nec integri in membra, sed ambigua vocis in suas significationes, quemadmodum homo dividitur in pium & verum.*

**30. Æquale est, in quo qualitates primæ ad amissum sunt coæquatæ, vulgo, temperamentum ad pondus.**

*Vocatur temperamentum ad pondus, quia æquales gradus caloris, frigoris, humiditatis, in eo collocantur.*

**31. Tale non datur.**

*Ratio est, quia nunquam qualitates Elementares ad ipsam æqualitatem in mixto redactæ reperimur, propter pugnam perpetuam in qua semper aliqua earum predominatur, & victrix est.*

*Si daretur temperamentum ad pondus, vivencia nunquam morerentur, nec mixta interirent.*

**32. Inæquale, quod dicitur temperamentum ad justitiam, ab hoc qualitarum primarum æquilibrio recedit.**

*Temperamentum ad justitiam sic dicitur, quia sicut justitia est, unicuique suum tribuere, ita hoc temperamentum unicuique corpori naturalis tribuit ipsas vires agendi, quæ pro ratione naturæ ei conveniunt.*

**33. Quod si una qualitate recedat, est temperamentum simplex: si gemina & utraque, dicitur compositum.**

*Hinc oriuntur ducunt, ista quatuor temperamentorum genera, sanguineum, cholericum, Phlegmaticum, Melancholicum.*

**34. Qualitas ex temperamento orta, vel est qualitas sensibilis seu paribilis, vel potentia naturalis.**

*Non omnis qualitas sensibilis vel patibilis oritur ex temperamento corporis mixti, nam calor est talis qualitas, item frigus, attamen neutra qualitas ex temperamento oritur, sed in ipsis reperitur Elementis; hoc tantum dicitur insensibilium, qualitates ex temperamento ortas, aliquam esse sensibilem, id est, in sensum incurrentem, aliam non item.*

**35. Qualitas sensibilis temperamentum secuta, est vel sapor, vel odor, vel calor, vel qualitas tactilis.**

*Lux non recensetur, quia illa ex temperamento corporis mixti non oritur, quippe quæ solem quoque inveniat in corporibus simplicibus, Cæcis putæ & Elementis quibusdam.*

*Qualitas tactilis intelligitur hic secunda, vide thes. 41. non prima, qualis est calor, frigus, siccitas.*

**36. Sonus non sequitur mixtionem; sed motum localem & corporum collisionem.**

*Corporum sive mixtorum sive simplicium motumque.*

*Collisio corporum differt à commixtione, quod in collisione corpora collidentia singula suas habeant superficies distinctas & non confusas inter se; at vero in commixtione corpora, quæ commiscantur, non habent superficies distinctas, sed inter se confusas.*

**37. Sapor est qualitas mixti corporis, orta ex absterfione sicci terrestris, per humidum aqueum à calore facta, quæ potest afficere gustum.**

*Mixti, itaque pura aqua si daretur non saperet: in sapore prædominatur humidum, succumque siccum; inde omnia liquida sunt magis sapida quam sicca: causa efficiens saporis est calor ipsius corporis lapidi.*

*Quomodo sapor afficiat gustum, an per species intentionales, an vero secundum esse reale, explicabitur Cap. 13.*

**38. Odor est qualitas mixti corporis, orta à sicci terrestris lapidi in humido aëreo vel aqueo digestionem, facta à calore, apta afficere odoratum.**

Mixti,



Mixti, itaque purus aër, aut aqua pura, si darentur, non faterent: sed furor omnia, id est, odor malus, ex mixtione oritur, uti & bonus:

In odore prædominatur siccum, & succumbit humidum, inde corpora siccissima maxime sunt odorifera:

Quomodo odor afficiat odoratum, an realiter, an intentionaliter, explicabitur Capite 13.

39. *Calor* non tam sequitur mixtionem primarum qualitatum, quam lucidi, perspicui, & opaci.

Lucidum est, quod radios, id est, quod radios luminis dispergit, per & versus corpora alia: perspicuum dicitur, per quod lumen à corpore lucido demissum & dispersum pervadit, ac permeat; opacum est, per quod radii luminosi à corpore lucido perfecti non pervadunt, nec permeant, sed in quo fiuntur ac terminantur: exemplum corporis perspicui est aër, vitrum, crystallum: exemplum corporis opaci est terra, lapis, paries, &c.

40. Itaque, est qualitas mixti corporis, orta ex mixtione luminis & perspicui cum opaco, vim habens afficiendi visum.

Luciditas sive, lumen, perspicuitas & opacitas, sunt qualitates singulae suorum corporum, ex quarum debita temperatura oritur calor, & pro varia earum mixtione color varius nascitur.

41. Qualitates tactiles, quæ ex primarum mixtione oriuntur, sunt variae, raritas, densitas, asperitas, &c.

Raritas oritur ex prædominio caloris in mixtione, supra qualitates alias: densitas ex victoria frigoris supra qualitates alias, &c.

42. *Potentia naturalis* ex temperamento orta, est activa vel passiva.

Addi potest tertium membrum, scilicet, vel potentia passiva activa, partim passiva, quæ vulgo dicitur mixta.

Potentia activa, est principium transformationis in alio, quatenus aliud est, sic in igne est potentia calefactionis aquam: potentia activa, est principium mutationis ab alio, quatenus aliud est, sic in aqua est principium passivum, quæ mutari potest ab igne, ex frigida in calidam; potentia mixta est principium mutationis in se ipso, talis est visus, nam mutas se ex non videntem in videntem, & visionem in sese retinet.

43. Ad activam pertinent Antipathia & Sympathia rerum naturalium.

Antipathia & Sympathia vulgo dicuntur qualitates occultæ, non quia ignoratur quod sint, sed quia nescitur quid sint, nam illas esse effecta demonstrant: est vero antipathia, occulta qualitas, quæ unum corpus naturale alterum fugit & frugat, id est corrumpit ac destruit, Sympathia est occulta qualitas, quæ unum corpus naturale alterum amat, ambit, amplectitur, & amice cum eo conspirat: exempla utriusque videre est elegantissima in colloquio Erasmi, de Amicitia.

Si constarent nobis vera principia rerum naturalium, nullæ forent occultæ qualitates; hæ enim sunt vera ignorantie asylum: quoties enim quicunque ignoratur causa aliquis effectus, recurritur ad qualitatem occultam, v. c. quod magnes trahit ferum, succinum paleam, causam utriusque effectus rejiciunt in qualitatem occultam; sed si bene inquiratur in naturam magnetis ac ferri, ac principia utriusque, fortasse causa non foret occulta, sed aperta; idem dicendum est de succino & palea, imo de omnibus sympathiis & antipathiis, quas invexit sola negligentia intellectus humani in causis rerum, & affectuum rerum naturalium indagandis.

44. Mutationes mixti corporis sunt, concoctio sive digestio, ejusque species, mutatio, elixatio, assatio, &c.

De hisce mutationibus specialibus corporis mixti videatur *Magirus*.

### Recentiorum Sententia,

A D

## C A P U T O C T A V U M.

Quod spectat sententiam Regii, Cartesii, & Berigar-  
dii, circa primam hujus Capitis partem, à thes. 1.  
usque ad 28. notandum venit, quod illi omnem mix-  
tionem & mixti generationem explicant per *σύνθεσιν*  
sive concretionem partium, præsertim insensibilem,  
& mixti interitum ac corruptionem, per *διάσπαρσιν*,  
scilicet partium discretionem: cum enim qualitates

agnoscant nullas, neque alterationem agnoscant,  
multo minus corpora alterata consequenter nec cor-  
porum alteratorum unionem, quæ est definitio  
mixtionis *Aristotelica*: atque hinc apud eos  
nullum habent locum, quæcumque hic dis-  
putantur de alteratione corporum miscendo-  
rum; uti nullum quoque apud eos exat verum

R R R 2

but

bum de formis Elementorum; an in mixtione aboleantur, an maneant integræ, an refrigerantur; quippe qui nullastales formas substantiales agnoscunt, & mixtionem sine iis explicant: ita quoque parum sunt solliciti circa mixti interitum ac corruptionem obeasdem jam dictas causas: unum tantum est thes. 9. de minimis naturæ, circa quæ quid illi sentiant, paulo plenius videtur expendendum; deinde in secunda hujus Cap. parte, eorum sententia circa qualitates in specie, veniet consideranda. Quod spectat minima naturæ, five atomos, quas hic cum *Sennerto* & *Sporlingio*, aliisque posui, de iis aliter philosophantur *Cartesius* & *Regius*, aliter *Berigard*. hic enim cum *Democrito* & *Epicuro* ab atomis non est alienus, imo eas accipit, iisque omnibus dat figuram sphericam, aliis tamen majorem, aliis minorem, easque probare studet ex *Arist.* ut liquet *Circul. 8. ad lib. Arist. de ortu & interitu Cartesius* & *Regius* plane à *Democrito* sententia abeunt, & ita cum, magnitudinem corporis naturalis, aut ipsius corpus naturale dividi posse, in partes usque minores, & quidem in infinitum, quod liquet in expresso *Aphorismo lib. 4. principiorum Philof. Cartes.* eam rem operose hic examinare, non est hujus loci: hoc tamen dixerim, totam istam controversiam componi posse sub aliqua distinctione; nam qui autores non agnoscunt minima naturæ, seu atomos, intelligunt indivisibilia Physicè, quo non negante ea dividi posse Mathematicè multa enim in re dividi nequeunt, quæ ratione tamen dividi possunt; & illa magnitudinis aut corporum divisibiles Mathematicæ, facta per solam rationem, cui bono, cui usui est? quin ponit illa potentiam, quæ nunquam traducitur in actum, nec traduci potest nisi cum maxima absurditate, si enim in actum traduci posset oriretur numerus actu infinitus, quo nihil potest dici absurdus.

Thes. 22. & 23. agitur de putrefactione, quam *Berigard* explicat per solam secretionem atomorum, five corpusculorum simplicissimorum, quæ ad mixti generationem ac constitutionem antea movebantur, *Cartesius* & *Regius* putrefactionem seu putredinem explicant per immutationem corporis, in figura, situ, magnitudine, aliisque qualitatibus particularum, tum sensibilibus, tum insensibilibus, factam à partibus aqueis, aliisve ambientis aëri admixtis, quod experientia nos docet in omnibus rebus putredini obnoxias ac putrefieri solitas.

Nunc ad alteram hujus Cap. partem à thes. 28. ad finem usque transiendo; quid primò de temperamento in genere, tum de singulis qualitatibus ex temperamento ortis sentiant? es isti autores, expendemus. Cum *Cartesius* & *Regius* qualitates nullas agnoscant, tanquam accidentia, ipsis temperamentum, nec qualitates simplex, nec qualitatibus primarum mixtura, aut complexio, dici potest, sed ipsi nihil est aliud, quam particularum insensibilium, secundum variam magnitudinem, situm, figuram, motum, quietem, congressum aut confluum, ad partes corporis sensibiles constituendas, prout unicuique corpori convenierit, & ex hoc confluxu omnia tum homogenea, tum hetero-

genea constant, atque eorum naturam, ex istarum particularum confluentium magnitudine, situ, figura, motu, & quiete, explicare debemus, ac cum possumus, dicuntur *Scipiatetis* qualitates manifestæ, cum non possumus, occultæ, istæ particule confluentes, *Berigardus* temperamentum affirmat esse qualitatum proportionem, sed à mixtione corporum sola ratione distinctam, & dubius nanct sitne una qualitas, an multiplex, *Circ. 26. in lib. Arist. de Ort. & Interitu*.

De qualitatibus in specie agitur à thes. 35. usque ad finem, quæ singule alio modo explicantur à tribus illis autoribus, quam quidem hic sic quia alia sunt eorum principia, quam, hic ex *Aristotele* sunt posita. *Cartesio* & *Regio*, *Sonus* nihil aliud est, quam motus particularum aëris insensibilium, delatus ad organum auditus. *Berigard* non tantum aëris, sed & aquæ & aliorum corporum motum, quo impellitur auris membrana, sonum esse existimat. *Sapor Cartesio* & *Regio* nihil est aliud; quam particularum insensibilium, certa, secundum magnitudinem, situm, figuram, motum, & quietem, dispositio, apta movere nervos gustatorios in lingua, quæ uti varia est, ita inde varia existunt saporum genera. *Berigardus* saporem putat esse corpus, quod absque specierum sensibilibus interventu immediate ferit linguam ac palatum; atque eodem modo philosophatur de *Odore*, quem corpus esse putat, per se immediate movens nervos odoratorios *Cartesio* & *Regio* odor est halitus quidam, seu substantia quedam tenuissima, exhalans ex rebus odoratis, qui pro varietate particularum insensibilium varius est. *Calor Berigardo* nihil est aliud quam substantia quedam tenuissima, imo ipsum lumen variis modis emissum à corpore lucido, variisque modismotum, unde varias quoque visiones colorum in oculo ciet. *Cartesio* & *Regio* est luminis, secundum globulos & ethereos varie motos, varia modificatio.

#### Ad Thesin 41.

UT intelligatur sententia *Cartesii* & *Regii* circa qualitates tactiles ex primis ortas, prius necesse est illorum sententiam scire circa ipsas qualitates primas, quæ hæc est, nempe, calor ipsis nihil est aliud, quam varius sed celerissimus, atque agitatissimus particularum insensibilium motus; frigus contrà, est earundem particularum motus minor ac remissior, sentitur aut tangitur utrumque ex perceptione majoris vel minoris motus: humiditas illis nihil est aliud, quam existentia particularum aquearum, aut liquidarum, sensibilibus, in poris corporis alieuius stabilis ac naturalis; siccitas contrà, est in corpore naturali ac stabili, quando pori ejus nullis sensibilibus particulis aqueis replentur, sed solum continent aërem, aut materiam fibilem: ex hisce primis qualitatibus oriri vulgo dicuntur secundæ, ut raritas vulgo dicitur oriri ex prædominio caloris, & densitas ex prædominio frigoris; neutrum tamen simpliciter verum est: nam & raritas interdum oritur ex frigore, ut in glacie, & densitas à calore, ut in condensatione ni-

vis à calore liquefcentis; est vero raritas affectio corporis naturalis, qua inter ejus particulas insensibiles multa interponuntur spatia, ut in spongia; densitas, qua inter ejus particulas pauca interponuntur spatia, ut in marmore; & sic philosophantur ex iisdem principiis duo illi Philosophi de alius qualitatibus secundis. *Berigardus*, qui atomos agnoscit, ex iisdem quoque primarum & secundarum naturam exponit, uti videre est. *Circ. 16. 17. & 18. in lib. Arist. de Orin & Interit.*

### Ad Comment. Theos. 43.

**C**artesius & *Berigardus* non agnoscunt ulla qualitates occultas, quas invexit sola socordia ac negligentia intellectus humani, qui si magis serio incubuisset indagandis causis effectuum in natura mira-

bilium, nunquam confugisset ad qualitatum occultarum asylum; nam occulta vocari solet *Peripateticis* qualitas, five sit antipathia, five sympathia, quando effecti alicujus cause à nobis ignorantur, quæ tamen sciri possent serò eas inquirentibus; nam, cum vel particularum, tum insensibilium, tum sensibilibum, motus, magnitudo, figura, situs, &c. nihil in se contineant, quod non clarè ac faciliè concipi valeat secundum *Cartesium* & *Regium*, vel atomi *Berigardi* sufficientes sint, ad explicanda illa, quæ ex iis constant, cerè nulla qualitas occulta est, nullum effectum ita obscurum, quin ex alterutris illis principiis explicari possit; ita videmus virtutem magneticam, habitam hæcimus pro facultate occulta, ex alterutris principiis explicatam.

## CAPUT IX.

### DE

## A N I M A.

### T H E S I S I.

**H**Actenus de corpore inanimi est disputatum, sequitur animatum.

*Corpus interdum significat totam aliquam substantiam, materia & forma constantem, quo sensu substantia dividitur in materialem seu corpus, & immaterialem seu spiritum: interdum corpus significat alteram partem, puta materiam rei animatæ, oppositam animæ tanquam parti alteri, sic dicitur homo consistere corpore & animæ: priori vero sensu, dicitur homo corpus naturale, & species corporis naturalis; & in quantum homo ut species spectatur corporis naturalis, in tantum agitur de anima in Physicis, quia & quatenus est hominis, ut corporis, pars ac forma.*

*Hoc sensu anima non est forma omnis corporis naturalis, hoc enim si verum foret, omnis corpus naturale esset animatum, etiam Cæli, Elementa, lapides, quod falsum est.*

*Nam ejusdem est discipline, explicare partes, & explicare totum; ideoque, quia Physica est agere de homine aut corpore naturali, etiam de anima agendum est ei.*

**D**U possunt assignari partes hujus Capitis, una, quæ definitionem animæ proponit, per partes expostitam, eamque geminam: unam thes. 13. quæ, via *γινώσκω*, seu *οὐσιώδης*, colligitur ex partibus, à thes. 9. usque ad thes. 12. inclusivè; alteram thes. 17. quæ via *διαλύω* in partes resolvitur, & per partes expostitur, usque ad th. 26. exclusivè, Secunda pars Capitis explicat à thes. 26. ad finem usque, divisionem animæ in vegetantem, sentientem, & rationalem. Præmittitur utraque parti th. 1. transitio perfectæ, & thes. 3. probatio, quod anima sit; accurate verò notari debet ambiguitas in voce *corpus*, quæ sumitur, nunc ut totum, quo sensu est objectum Physicæ, nunc ut pars totius, scilicet materia composita.

2. Corpus animatum, uno nomine vivens, est quod ex anima, tanquam forma, & corpore seu materia constat.

*Vivens corpus opponitur non viventi, ac utrinque commune genus est mixtum.*

3. Animam esse, ex operationibus ejus est manifestum.

*Ratio est, quia dantur operationes, quæ non possunt adscribi corpori.*

**N**Ullum est efficacius argumentandi genus, quam ex actu secundo inferre actum primum, ex operationibus principium operandi, non contra; hæc consequentia valet, quod operatur est; hæc non valet, quod est operatur, potest enim existere forma ut sit otiosa nec quicquam operetur; ita ajunt vulgo in materia generatorum ex putri diu latuisse animam quasi ligatam, donec aliquando in actum sic eundem eruperit.

4. Illa enim natura, quæ corpora vigent, & à se ipsis moventur, dicitur anima.

*Si vita, vigor, sensus, & id genus alia, proficerentur à natura corporum, jam ea competere omnibus corporibus; sed falsum est posterius: ergo & prius.*

5. Anima aut est substantia, aut accidens.

*Si dicas dari tertium inter substantiam & accidens, ideoque hoc Dilemma non valere, respondeo: quævis est deus*

*serium, quod sit medium negationis inter hæc duo, ut nec sit substantia, nec accidens, divisio tamen hæc immediata est, & solida, quando instituitur de ente reali, quale est anima, nam inter entia realia non datur medium, ne quidem negationis, inter substantiam & accidens: sed omne ens reale alterutrum est: ideoque & anima alterutrum est.*

**A Thesi 5. usque ad thesīm 25. inclusive.**

**H**Ac thesi & reliquis usque ad thesīm 13. inquitur in animæ genus, quod ponitur thesi 13. & exponitur th. 14. 15. 16. ut non ram definitio, quam ejus pars istic proponatur, procediturque à negatione ad affirmationem, ut primum dicatur quid non sit genus animæ, non est accidens, thesi 6. non temperamentum, thesi 7. & 8. non materia, thesi 10. non corpus, thesi 11. non compositum, thesi 12. sed est substantia, & quidem forma immaterialis & incorporea, thesi 13. informans, thesi 14. & actus primus substantialis, thesi 15. Hinc plene definitur thesi 17. ejus definitionis differentia explicatur à thesi 18. usque ad 23. exclusive, quæ definitio alia proponitur animæ ex *Aristotele*, eaque explicatur thesi 24. & 25. In harum omnium thesium commentariis nihil o. currit difficile, commentariis tamen thesios 13. & 19. maximi est usus, & accurate observandus uterque.

**6. Non accidens, quia per accidens non possunt substantiæ animatæ ab inanimatis distingui.**

*Quod non constituit substantiam, non potest eam ab alia substantia distinguere: accidens non constituit substantiam; ergo &c. anima contra constituit substantiam, ideoque distinguitur, ergo non accidens.*

**7. Itaque anima non est temperamentum.**

**8. Quia sic vel foret harmonia quatuor primarum qualitarum, vel qualitas quædam ex primis resultans.**

*Utrumvis dixeris, animam ex numero accidentium non existeris.*

**9. Si substantia sit anima, vel materia, vel forma, vel compositum erit.**

*Ratio est, quia substantia omnis in ista tria dividitur, id est, aliquid est istorum trium.*

**10. Non materia, quia materia indifferens est ad corpus animatum: anima vero est animatis propria.**

*Quod animatis proprium est, non potest dici eorum materia, quia materia eia cum inanimatis corporibus est communis; sed anima est propria animatis corporibus; ergo non est eorum materia.*

**11. Multo minus corpus est, quia dimensionum daretur penetratio.**

*Si anima corpus esset, homo ex duobus compenetraretur corporibus: & quandoquidem anima non est extramateriam animasiam, dimensiones utriusque, id est, longitudo, crassities, se invicem penetrarent.*

**12. Nec compositum est, puta Physicum, quia non totum vivens, sed pars tantum viventis.**

*Pars unaquaque differt realiter à toto, neque potest esse eadem cum toto: anima est pars compositi viventis, ergo &c.*

**13. Est igitur anima substantia immaterialis, incorporea, ac forma, una voce immaterialis seu actus.**

*Notetur hic accuratè distinctio vocis hujus immaterialis, quæ hic significat animam carere materia, tanquam parte essentiali ac constituyente: sed utrovis hæc vox significat substantiam, quia nullo modo, nec in fieri, nec in esse, nec in operari dependet à materia, non omnis anima est substantia immaterialis, sed sola rationalis est talis; vegetales & sentiens, hoc sensu, non sunt tales, sunt tamen immateriales priori sensu, eque atque anima rationalis.*

**14. Est forma non assistens, sed informans.**

*Ratio est, quia anima non solum motum largitur corpori sed essentiam insuper.*

*Forma assistens est, quæ tantum largitur motum, ut nauta, qui clavum tenet, largitur navi: informans, quæ & motum & essentiam largitur composito; ut est anima*

**15. Est actus non secundus sed primus.**

*Actus secundus tolli potest, salva manente re cuius est actus secundus, primus non item, at anima, salva re animata, tolli nequit.*

*Anima est actus primus substantialis non accidentalis, quia sic foret accidens; quemadmodum calor in igne est actus primus accidentalis, forma ignis est actus primus substantialis, calefactio est secundus.*

**16. Quia non est operatio, sed principium operationis.**

**17. Definitor anima, actus primus corporis organici potentia vitam habentis.**

*Hæc definitio ex *Aristotele* est, & tantum à priori: altera ex eodem, quæ adducitur thesi 23. est à posteriori.*

**18. Per**

18. Per corpus non intelligitur materia prima, sed corpus naturale constans materia & forma, quam mixti formam vocamus.

*Ratio est, quia anima non in quamlibet materiam produci potest, sed in eam qua sibi congruit; at nulla talis est nisi qua formam mixti in se habeat.*

19. Hæc forma mixti respectu animæ est dispositio, & ea adveniente non aboletur, sed desinit specificare.

*Scholastici dicerent, non amittit entitatem, sed formalitatem, id est, non amplius constituit compositum in illa specie rerum tantum, in qua illud consistebat ante.*

*Ideoque forma mixti manet post accessum animæ, sed non manet specifica & principalis.*

20. Corpus *organicum* est, quod vario organorum apparatu est instructum.

*Organa hic vocantur instrumenta exercendi operationes vitales & animales.*

21. Per verba ista, *potentia vitam habentis*, intelligitur idem quod per vocem, *organicum*, & sunt hujus explicatio.

22. *Organicum* significat simpliciter, id quod habet varia instrumenta, *potentia vitam habens*, significat illa instrumenta corpori esse concessa ad exercendas vitæ operationes.

*Discrimen inter ista duo videri potest in cadavere, quod quidem est corpus organicum, quia variis organis adhuc est instructum, sed tamen non potentia vitam habet, quia non sunt cadaveri ista organa relicta, nisi instrumenta functionum vitalium & animalium exercendarum, utriusque enim cadaver caret.*

23. Præter hanc animæ definitionem, alia adhuc extat apud Aristotelem: scil. *Animæ est id quo vivimus, sentimus, & intelligimus primo.*

*Id, hoc est, substantia.*

24. Additur, *primo*, quia duplex est id, quo vivimus, anima & corpus: sed corpore non primo vivimus.

*Proprie compositum totum vivit per animam; sed quia hæc compositio vitam largiri nequit, nisi primum faciat vivere corpus cui inest, secundario per ipsum corpus vivens, id est, per corpus vitæ animæ donatum, totum compositum vivere dicitur.*

25. Particula *quo* significat principium vitæ internum.

*Internum, scilicet, substantiale.*

26. Ex posteriori hac animæ definitione, oritur quædam animæ divisio in vegetativam, sensitivam, & rationalem.

*Hæc divisio animæ ab omnibus quidem est recepta, sed non eodem modo explicata, de qua explicatione videbimus thes. 30. estque divisio desumpta ab effectibus.*

*A Thesi 26. usque ad finem.*

Secunda hujus disputationis pars animæ divisionem proponit & exponit a thes. 26. ad finem: species ponuntur tres thes. 26. & definiuntur singulæ a posteriori seu ab effectibus, thes. 27. 28. 29. eas esse distinctas specie in distinctis subjectis, quin & in eodem subjecto, efficacissime probitur in comment. thes. 30. ex generatione & corruptione hominis, unde inierit per modum consecrari thes. 31. non esse vegetantem & sentientem facultates seu potentias animæ rationales, ac licet tres sint animæ, non quoad facultates aut accidentia, sed quoad substantiam aut essentiam distinctæ, eas tamen non esse coordinatas, sed subordinatas in eodem composito, V.C. homine, ostenditur comment. thes. 32. ex eo, quod vegetans & sentiens sint formæ disponentes, & rationalia sit forma ultima ac principalis, ut ab anima vegetante & sentiente hominis, seu fœtus humani in utero, detur transitus ad rationalem animam, qui non datur in anima vegetante plantarum, aut sentiente brutorum; reliquis thesibus discrimen proponitur inter animas, vegetantem & sentientem ab una parte, & rationalem ab altera parte, ac primum quidem discrimen proponitur thes. 33. quod vegetans & sentiens sint materiales, rationales, immateriales sit, quo sensu, in comment. explicatur. Thes. 34. & seqq. ad finem, explicatur diversus modus quo vegetans & sentiens anima diffunduntur per totum corpus, nempe sic, ut coextendantur corpori, & ad divisionem corporis dividantur; & quo modo diffundatur anima rationalis per totum corpus sine ulla sui coextensione aut divisione ad extensionem aut divisionem corporis: unde anima vegetans & sentiens sunt in corpore divisibilis divisibiliter, & rationalis est in corpore divisibilis indivisibiliter, unde & hæc vulgo dicitur tota in toto, & tota in qualibet parte corporis, vegetans & sentiens sunt quidem totæ in toto corpore, sed non totæ in qualibet parte corporis; quod tamen prius, cum concipiendum venit de anima rationali, conceptu est difficillimum, quia in concipiendo fere relabimur semper ad conceptum totius, positivè, quod partes dicit, cum concipi debeat totum negativè, quod partes negat, ut anima rationalis dicatur non in toto, & tota in singulis partibus negativè, id est indivisibiliter, & non per partes sui.



27. Vegetativa est qua vivimus.

28. Sensitiva qua sentimus.

29. Rationalis qua intelligimus.

*Hæ sunt descriptiones incompleta & imperfecta, perfectior & completa uniuscujusque anima dabitur Capite 10. 11. & 15.*

30. Hæ tres animæ sunt distinctæ quoad essentiam ac substantiam.

*Quia hæ tres animæ in distinctis subjectis, scilicet, planta, bruto, homine, sunt distinctæ, nullum est dubium, sed questio est gravissima, an in eodem subjecto, puta homine, sint diversæ essentie atque substantiæ: ita quidem videtur, nam quæ a se invicem separantur, distinctam habent essentiam & substantiam: sed in homine, & cum oritur, & cum moritur, tres animæ a se invicem separantur; ergo & essentiam habent & substantiam inter se distinctam. probatur minor, cum homo gignitur, longo tempore ante adventum animæ rationalis inveniuntur in factu hominæ animæ sentiens & vegetans, quod manifestum est ex utrinque operationibus, nam factus diu ante & crescit & nutritur, & loco se movet, ergo istæ duæ animæ vegetans & sentiens recipi a rationali separantur, ergo & re ipsa distinguuntur.*

*Cum moritur homo, animæ rationales vel in Cælo recipitur, vel ad tartara deferuntur: vegetans & sentiens post mortem non manent superstites, aliqui in immortales forent, ut rationalis; ergo & separantur ab animæ rationali, ergo & realiter ab ea distinguuntur.*

31. Itaque male dicuntur facultates unus & ejusdem animæ.

*Substantia distincta ab animæ rationali non potest dici ejus facultas, nam facultas est accidentis, scilicet potentia: sed animæ rationalis, vegetans & sentiens, est substantia distincta ab animæ rationali, ergo neutra ejus est facultas.*

32. Hæ tamen animæ inter se diversæ, in eodem tamen composito sibi invicem subordinantur.

*Hæ subordinatio est, non categorica, quasi una anima sit generica, altera specifica, omnes enim sunt specificæ, ac largiuntur speciem, seu diverso modo; quædam ultimam, ut animæ rationalis in homine, sentiens in Bruto, vegetans in planta, quædam non ultimam, ut sentiens in factu humano, & vegetans in factu bruto: verum est subordinatio hæc casualis, tanquam inter causas remotas & proximas, nam ex tribus hæc forma seu animabus, una tamen est hominis causa, & forma proxima, scilicet rationalis; reliquæ duæ sunt in homine, causa & forma remota, puta sentiens & vegetans; at, causa remota subordinatur proximæ.*

33. Rationalis ira est diversa à duabus aliis, ut hæc in fieri, esse, & operari, dependant à materia, illa non item.

*Rationalis anima quamvis fiat in materia, non tamen ex materia, scilicet corpore, quamvis sit & operetur in materia, existit tamen & operatur quoque extra materiam, quando scilicet à corpore separatur: sed vero animæ vegetans & sentiens non tantum sunt in materia, scilicet corpore, sed etiam ex eis non tantum existunt & operantur in materia per instrumentum ejus, sed insuper extra materiam existere & operari sine ejus instrumentis nequeunt.*

34. Anima nulla est in aliqua corporis parte, sed per totum corpus diffusa.

*Quia enim anima omnis est substantia immaterialis, facile per materiam seu corpus potest diffundi, nam omnia substantia materialia per divisiones materiam suam impeditur, quo minus per aliam materiam diffundatur; daretur enim dimensionum penetratio, quod in Philosophia est absurdum.*

35. Hæc tamen diffusio non eadem est, aut ejusdem rationis in singulis animabus.

*Ratio est, quia utrunque animæ hæ tres sunt substantia quidem immateriales, id est, nullam materiam tanquam partem essentialiter includentes, quia tamen duæ à materia dependent, tertia non item, in fieri, esse, & operari; ideo etiam diverso modo, per sua corpora, singula diffunduntur.*

36. Anima vegetativa & sensitiva, ita sunt diffusa per totum corpus, uti toti corpori coextendantur.

*Hoc inde liquet, quod ad divisionem corporum in plantas & Bruta, ipse quoque anima dividi possunt patet in Anguillis diffectis, & ramis arboris amputatis: in prioribus operationes animæ sentiens, motus scilicet locali, deprehenduntur; in posterioribus motus animæ vegetantis: nam ramis amputatis, terra iterum inficit, iterum crescit, quod argumentum est, animam vegetantem in plantis, & sentientem in Brutis, sese extendere ad omnis totius corporis partes, simul ostendit veritatem theosæ sequentis.*

37. Itaque sunt totæ in toto corpore, sed non totæ in singulis partibus.

*Nam si totæ forent in singulis partibus hæc duæ animæ nihil forent opus, ut ad divisionem plantarum & Brutorum in partes & ipse dividerentur.*

38. At anima rationalis ita diffunditur per totum corpus, ut tamen non coextendatur ei.



Dicitur forma cōextendi corpori, quando partes forma respondent partibus corpora sicuti tota forma toti corpori, & cum ipsa forma ad divisionem partium corporis, ipsa quoque in partes dividi potest: hoc modo anima vegetans & sentiens cōextenduntur corpore, sed rationalis non item, quæ quidem est in toto corpore dominia, omnibusque ejus partibus, ita ut nulla pars humani corporis anima rationalis sit expertis, sed tamen ipsa in se nullas habet partes, respondentes partibus corporis, neque ad divisionem corporis in partes, & ipsa quoque dividitur in partes.

39. Itaque est tota in tota, & tota in singulis partibus.

*Hic sumitur vox tota, negativè, quia nec extra totum*

*nec extra partem corporis nullam, anima rationalis est, sic tamen in singulis, ut nullas ipsa partes ponat, nisi totum positive, sed omnes tollat ac neget; quo sensu dicitur aliquid negativè totum, & Deus dicitur totus ubique, & Angelus aliquis totus in hoc vel illo loco.*

40. Id est, nec in toto, nec in partibus corporis, ipsa est per partes, quia iis caret.

*Animam rationalis caret partibus, quia spiritus est omni modo independens à corpore aut materia, cujus est habere partes: si autem caret partibus, non est per partes in corpore, quod per se est manifestum.*

*Sententiæ Cartesii, Regii, Berigardi,*

A D

## CAPUT NONUM.

DE Anima non eodem modo sentiunt ac loquuntur tres illi Auctores quorum sententias cum Aristotelicorum opinione comparamus: Animam Vegetantem & Sentientem pro substantia non agnoscunt *Cartesius & Regius*, sed talem habent solam rationalem. *Berigardus* magis versatur in antiquorum sententiarum recensendis, quam in sua proferenda, & non videtur Animam eximisse substantiarum numero, admittitque definitionem Animæ in genere *Aristotelicam*, quæ dicitur actus primus corporis organici, potentia vitam habentis, item, quæ definitur esse id, quo vivimus, sentimus, & intelligimus. Vid. *Circulum 1. ad lib. Arist. de Anima*. Animam Vegetantem & Sentientem *Cartesius & Regius* ponunt in sola partium sensibilibus & insensibilibus dispositione variâ, secundum variam earum magnitudinem, situm, figuram, &c. Animam rationalem substantiam faciunt intelligen-

tem, expertem omnis materiæ, omnique magnitudinis, ac figuræ, &c. itaque quæcunque hic in hoc Cap. 9. dicuntur de Anima triplici, communiter quod sit substantia, immaterialis, incorporea, & actus primus substantialis, ea ab illis negantur de Animabus Vegetante & Sentiente, & admittuntur solum de Anima rationali; unde etiam quæ instituuntur comparationes animarum istarum trium inter se, ratione tum subordinationis, tum immaterialitatis, tum diffusionis aut extensionis per universum corpus, nihil quicquam ipsos spectant, quia Vegetantem & Sentientem, Animas non faciunt ejusdem ordinis, cum rationali. *Berigardus ex Circulo 6. de Anima*, videtur Animam Vegetantem & Sentientem, tantum existimare pro facultatibus Animæ unius quoad substantiam, quæ est rationalis: quare in specie, ad singulas Animas explicandas Aristotelicè, sententias illorum trium expendemus.

## CAPUT X.

DE

## ANIMA VEGETANTE.

THESIS I.

ANIMA vegetativa, est actus primus corporis organici, quo illud vivit, nutritur, augetur, & sibi simile gignit.

*Vox illa, vivit, tanquam genus sub se comprehendit, quod nutriri, accrescere & generare.*

Hujus Capituli duæ possunt assignari partes præter annexa; una, quæ agit de animæ vegetantis facultatibus à th. 1. ad 35. exclusivè, altera, quæ agit de animæ vegetantis vel effectu, vel proprietate, vita, eique opposita morte, à thes. 35. ad finem Capituli. De facultatibus animæ vegetantis primum agitur in genere,

nere, thes. 2. & 3. deinde in specie, thes. 4. & reliquis, ad thesin 35. De facultatibus in genere docetur quod sint tres, thes. 2. nec tamen distinctæ ab animæ substantia, th. 3. nempe hoc significatur, illas facultates animæ vegetantis, hic non significare accidentia, aut qualitates secundæ speciei, ut entia distincta ab ipsa animæ vegetantis substantia: sed ipsa animæ vegetantis substantia, prout est immediatum principium sui, dicitur facultas, sive potentia, hæc enim utraque vox significat principium operandi: ac vero si spectetur anima abique respectu ad operationem, vocatur simpliciter anima, aut substantia, non facultas, aut potentia; si excipias, nullam creaturam posse esse immediatum principium suæ operationis, consequenter nec animam vegetantem, quippe quod conveniat soli Deo, Resp. negando antecedens, & probationem ejus, quia longe alio sensu dicitur Deus immediatum principium operationis suæ, nempe quatenus Deus in operando nullo plane eget medio, ne quidem approximationis aut patiens, aut ad objectum, ac licet anima vegetans non eget facultatibus aut potentiis, tanquam entibus à substantia sua distinctis, ut medio, eget tamen applicatione & approximatione sui ad patiens, sive objectum.

2. Ejus facultates sunt tres, nutritrix, accretrix, generatrix.

*Facultates hæ sunt instrumenta & potentia, quibus anima vegetans operationes vitales exercet.*

3. Hæ facultates non sunt re ipsa distinctæ ab ipsa animæ substantia.

*Queritur an hæ facultates non tantum ab ipsa anima substantia, sed & inter sese sint distinctæ realiter: ita quidem ungo existimant, sed non videtur necessarium ut accidentia ponere in anima, ab ea & inter se realiter distincta; quid enim si eadem anima vegetans sit causa efficiens nutritionis, accretionis, generationis per diversa tantum organa eas operando; neque diversitas organorum est sufficiens argumentum distinguendi realiter potentias ab anima vegetante & inter se.*

4. Hisce facultatibus inserviunt aliæ, attrahitrix, retentrix, alteratrix, expultrix.

*Fortasse plures facultates ministra animæ vegetanti reperiri possent, sed hæ quatuor sunt quidem maxime illustres & notissima.*

Reensentur hic facultates quædam minus principales animæ vegetantis, præter tres principales nutritrix, accretrix, generatricem, sed revera tota illa facultatum, & potentiarum multitudo supervacanea est, & potius ea esse nominata sine rebus, ac sufficere unam, & solam, animæ vegetantis substantiam, ut principium, operandi, quæ sufficiat seipsa, ad omnes operationes

illis facultatibus, aut potentiis tribui solitas, & pro ratione operandi, & modo diverso, nunc hujus, nunc illius potentie aut facultatis nomine venire: nempe hoc vitium est vulgaris Philosophiæ, quod multipliciter tot potentie aut facultates, aut habitus sine necessitate.

5. Facultas nutritrix est, qua anima vegetativa nutrimentum convertit in substantiam viventis, ut calor innatus confertur, & partes per eum absumptæ restantur.

*Quid sit calor innatus, dicitur Annexo 12. hujus Capituli, quid sit nutrimentum, dicitur thes. 7.*

A Thesi 5. usque ad Thesin 34. inclusive.

Thesi 5. proponitur facultatis nutritricis definitio, ex quo per partes explicatur usque ad thesin 24. exclusive. Ad nutritionem, actionem facultatis nutritricis, intelligendam, præter animam vegetantem, nutriendi principium, corpus animatum, nutritionis subjectum, præsertim explicatur alimentum, nutriendi, & nutritionis instrumentum th. 7. usque ad 15 exclusive. De alimento docetur thes. 8. quod debeat esse corpori nutriendo, ex una parte simile; ex altera parte dissimile thes. 9. unde thesi 10. confecturam elicitur, docens, quænam non possunt esse alimenta: hæc dividuntur in cibum & potum thesi 11. 12. exponiturque thesi 13. & 14. naturalis appetitus utriusque, vulgo fames & sitis, & quia facultas nutritrix censeri accretionem solet inter facultates principales, enumerantur thesi 13. quatuor aliæ minus principales, ei inserviætes, quarum una attrahitrix exponitur thesi 16. altera concoctrix thes. 17. 18. 19. 20. 21. tertia retentrix thes. 22. quarta expultrix th. 21. Facultas principalis animæ vegetantis, accretrix, exponitur th. 24. usque ad 30. inclusive. Tertia principalis facultas animæ vegetantis, generatrix, explicatur thes. 31. ejusque facultates ministræ, alteratrix & formatrix thes. 32. 33. 34.

6. Ad nutritionem tria requiruntur. 1. anima vegetativa, nutritionis principium. 2. id quod nutritur, scil. corpus animatum. 3. id quo nutritur, sc. alimentum.

*Animæ vegetans est causa nutritionis efficiens remota, facultas nutritrix est ejusdem causæ efficiens proxima, alimentum est causa instrumentalis, corpus quod nutritur, est patiens.*

7. Alimentum est substantia corporea mixta, nec omnino similis, nec omnino dissimilis rei, quæ nutritur.

Substan.

Substantia, ergo accidentia mera nulla nutriunt: mixta, ergo pars aqua non nutrit, & fabula est, aliqua animalia solo aëre, ut Chamæleonta, alia nudo igne, ut Salamandram nutrire; nam Elementa nudo, ani corpore simplici, quocumque tandem, res nulla potest nutrire.

Unumquodque nutritur quibus constat: sed nulla substantia constat accidentibus; ergo nulla substantia etiam accidentibus nutritur, ergo nec alimentum nutriendi potest esse accidentis.

8. Debet esse simile alimentum, ut in corpus possit mutari.

Quod enim plane est dissimile corpori, in quod mutari debet, illud in id mutari nequit: sic saxa, quia sunt dissimilima corpori humano, pro alimento assumi nequeunt, neque enim in substantiam hominis mutari possunt.

9. Debet esse dissimile, ut in id possit agi.

Quando enim agens & patiens omni modo sunt similia, id est, specie & gradu conveniunt, nulla datur inter utrumque actio.

10. Hinc nec Elementa, nec metalla, nec odores, nec venena aut medicamenta, quatenus sunt talia, alimentum dici possunt.

Huius thesios ratio petitur ex thes. 7. 8.

Medicamenta, quatenus sunt medicamenta, non possunt nutrire; sed sic contingat idem esse & alimentum & medicamentum, tum medicamenta nutriunt, quatenus sunt alimenta.

11. Alimentum valgo distribuitur in cibum & potum.

Cibus est alimentum solidum & siccum, potus est alimentum humidum & liquidum.

12. Potus non est alimentum nisi quatenus est efulentus.

Nam nudus liquor non nutrit, sed alimentum solidum & siccum movet, quo facilius ad stomachi fundum devehit, & ex stomacho in partes alias pellitur.

13. Appetitio cibi, dicitur fames.

14. Appetitio potus, dicitur sitis.

Intelligitur hic Appetitio innata, non elicit, hac enim est affectio animæ vel sentientis vel rationalis, prout sequitur vel sensus vel rationis cognitionem.

Appetitio innata dicitur, quæ inest rebus non tantum viventibus, sed etiam inanimatis, & quædam viventibus vita vegetante inest, quam viventibus sensitiva & rationali.

15. Nutritioni inserviunt facultates, attractrix, concoctrix, retentrix, expultrix.

Facultas nutritrix, est facultas principalis; hæquatque sunt instrumentales, non quod sint quatuor realiter distinctæ facultates, sed unus facultatis diversa quasi numeræ.

16. Attractrix est, quæ alimentum attrahit.

Attractrix est in stomacho, qui intus alimentum appetit, & cum offertur attrahit.

17. Concoctrix est, quæ alimentum alterando perficit & assimilât.

Alimentum alteratur per calorem ventriculi instrumentali.

Assimilat, scilicet, corpori alendo, in quod debet mutari.

18. Concoctio tribus absolvitur actionibus.

19. Prima est, qua alimentum in ventriculo mutatur in chylum.

Chylus nihil aliud est, quam alimentum redactum per calorem ventriculi ad formam pulsæ, habentis colorem album.

20. Secunda est, qua melior chyli pars in hepate, vel, ut hodie quibusdam placet, in corde mutatur in sanguinem.

Sanguificatio, id est, actio, qua Chylus vertitur in sanguinem; initium quidem capis in hepate, sed consummatur & perficitur in corde, ubi denum sanguis perfectissime elaboratur.

21. Tertia est, qua sanguis per totum corpus distributus prius mutatur in rorem, deinde in substantiam corporis vertitur.

Ros hic significat substantiam liquidam rubicundam, qui per venas & arterias dispergitur, quemadmodum ros dispergitur per prata.

22. Retentrix, quæ alimentum aliquantulum retinet & conservat.

Nisi alimentum aliquantulum retineretur, non posset consequi, multo minus in substantiam viventis mutari.

23. Expultrix, quæ excrementa & sordes ejicit.

Si excrementa & sordes retinerentur, nutritio impeditur & corpus vivens nimium aueretur: sunt excrementa quadam prima, quadam secunda, quadam tertia concoctionis, porro excrementa quadam sunt nutrimta, quae non ejiciuntur, nisi cum necessitas id exigat, ut semen, quadam inutilia, ut sudores, la. ryma: &c.

24. Facultas accretrix est, qua corpus animatum ex assimilato alimento nutritum in omnes dimensiones extenditur.

*Accretrix, quae facultas facit vivens crescere, id est, facit illud extendi in longum, latum, & profundum.*

25. Accretio non fit sine nutritione.

*Ratio est, quia cum accretio fit motus ad majorem quantitatem, non potest vivens majus fieri, nisi accessu partium aliarum: at unde accedens, nisi ex nutrimento assumpto & in substantiam viventis converso.*

26. Quia partes non possunt extendi, nisi post accessum alimenti, & ejus in substantiam viventis conversionem.

27. Potest tamen nutritio fieri sine accretione.

*Videmus enim homines post aetatem adultam & virilem quotidie adhuc nutrir ad finem vitae, etiam si ad extremam perveniant aetatem, non tamen eo usque crescere.*

28. Ad accretionem tria requiruntur. 1. ut ex aliqua extrinsecus accedente materia augeatur vivens. 2. ut idem numero maneat id quod augeri dicitur. 3. ut non tantum toti, sed singulis partibus fiat additio magnitudinis.

*Ad 1. non sufficiens vivens augeatur à materia extrinsecus accedente, sic enim & lapides augentur, sed requiritur ut illa auctio sive augmentatio fiat à principio viventis interno, quo modo non fit in lapidibus, hoc principium internum in vivente est facultas accretrix animae vegetantis. Ad 2. id quod accrescit manet idem numero, per accessum novarum partium ad materiam, materia non fit diversa numero à seipsa. Ita manet idem numero corpus infantis, verbi causa, Petri quod accipit quotidie majorem in singulis partibus & membris magnitudinem. Ad 3. si non tantum parti magnitudo accrescat, ut, verbi causa, capiti cum illi adnascitur tuber, vel tergo cum illi subnascitur gibbus, tum monstrum fit, neque vivens naturali accretione accrescit.*

29. Itaque accretio non fit per pulsuum sed per majorem partium extensionem.

*Pulsus dicitur hoc loco, cum materia parti una alteram propellit, quemadmodum ungues crescunt & pili, non sic crescit vivens, sed in ejus accretione nova undique substantia ad partes crescentes accedit, per potentiam crescendi in aeternum.*

30. Et illi errant, qui existimant eam fieri per rarefactionem.

*Quia rarefactio est motus ad qualitatem, accretio vero ad quantitatem, & in rarefactione nulla accedit nova materia, imo ne quidem nova quantitas, at in accretione, utrumque fit.*

*Spongia rarefacta, nec novam accipit materiam nec novam quantitatem, quam ante non habuerit, cum suis condensata, sed cum corpus infantis, crescit, & novam accipit materiam & novam quantitatem in singulis membris.*

31. Facultas generatrix est, qua vivens ex semine prolifico novam substantiam, sed sui similem, producit.

*Semen vocatur prolificum, quia gignenda proli est idoneum.*

*Sui similem, quoad speciem, scilicet, non quoad conditiones individeantes.*

32. Huic ancillatur facultas alteratrix & formatrix.

*Quia ex semine non potest fieri proles; aut vivens, nisi illud prius alteretur, & vario modo formetur, id est, variis organis afficiatur ac disponatur.*

33. Alteratrix, quae ex nutrimento viventis copiosiore elicit excrementum tertiae concoctionis utilissimum, & semen inde elaborat; illudque ad generationem viventis praeparat.

*Semen deciditur ab omnibus viventis partibus, quia fit ex nutrimento tertiae concoctionis, qua nutrimento convertit in substantiam viventis, & omnes partes ejus: ubi vero haec facultas alteratrix, & semen elaborans, sedem suam habeat, de eo nec Physici nec Medici inter se conveniunt.*

34. Formatrix est, quae in semen jam praeparatum operatur, & in eo distinctam formam efformat generanti similem.

*Facultas formatrix est nihil aliud quam ipsa vis plastica seminis, id est, substantia seminis spirituosior, subtilior, rarior, quae in parte seminis terrefractori ac crassiori effigiat organa ad vitae functiones exercendas necessaria.*

35. Animae vegetativae effectus vel effectio, est vita.

*Vita alia est anima, alia corporis seu solius compositi, vita anima est affectio ejus propria, vita corporis aut compositi est effectum vitae, quae est in anima.*

## A Theſi 35. uſque ad ſinem.

**A**ltera pars hujus Capituli explicat animæ vegetantis effectum, seu proprietatem, ſcil. vitam, theſi 35. ſive autem vita effectum fuerit, ſive proprium animæ vegetantis, ſemper recipitur cum ea, in concreto accepta, quia ſubjectum & proprium recipiuntur, item cauſa & effectum, quando intelligitur & accipitur effectum proximum, quale hic eſt: omne enim quod habet animam vegetantem vivit, & vice verſa. Hoc verb ſedulo norandum hic eſt, vitam ſpectari poſſe dupliciter, vel ut eſt animæ vegetantis, & formæ, partis unius in composito, vel ut eſt viventis, totius, nempe ex corpore, & anima vegetante, compositi; priori modo effectum proximum, aut proprietatem dici poſſet animæ vegetantis, poſteriori modo effectum, aut proprietatem dici nequit, ſiquidem eſt ipſa formalis ratio viventis in abſtracto: habet itaque ſe vita ad animam vegetantem, ut ſe habet vel rationalitas, vel riſibilitas, ad animam rationalem, ut humanitas ad hominem. Falluntur ergo Lutherani omnes, qui volunt, vitam, proprietatem animæ vegetantis, communicari corpori viventis, parti oppoſitæ, atque inde inferunt communicationem propriorum; nam anima vegetans vitam ſuam, quia vivit, nullo modo corpori communicat, ſed cum corpori unitur, efficit vitam ſui ſimilem in toto vivente, & vita animæ vegetantis ſolius, non conſiſtit in humido radicali, & calore nativo, uti quidem in utroque conſiſtit vita totius compositi viventis, atque hoc eſt, quod theſi 37. & 38. in textu, & commentariis, aſſeritur. Agitur porro de vita prout eſt totius compositi, ac præſertim de altera ejus cauſa, calore nativo, à theſi 39. ad 45. excluſive: inde ad ſinem, vitæ exponitur oppoſitum, mors, ex ejus definitione, theſi 46. & diſiſione, theſi 47. 48. 49.

## 36. Omne enim animatum vivit.

*Et reciproce, omne vivens eſt animatum.*

**37.** Vita non eſt ipſa animæ ſubſtantia, non facultas, non corpus organicum, nec aliquid ex corpore aut anima conſtans, ſed eſt ratio viventis in abſtracto.

*Vita & vivens ſe ſe habent, ut humanitas & homo: humanitas non eſt anima, non corpus hominis, nen totus homo, non unio animæ & corporis, ſed eſt id, quo homo ut homo intelligitur; ita & vita, nec eſt viventis ſubſtantia, nec pars ejus ſubſtantialis, nec unio animæ & corporis, ſed id, quo vivens ut vivens intelligitur.*

**38.** Itaque vita, non eſt proprie in anima, non in corpore, ſed in toto vivente, ſequiturque unionem materiæ, ſcil. corporis, & formæ, ſcil. animæ.

*Vita eſt effectum quaſi conſequens ex eo, quod materia, ſcilicet corpus, uniatur formæ, ſcilicet animæ; atque ex illa naturaliter vita reſultat.*

## 39. Vita conſiſtit in calore.

*ſcilicet, cauſaliter, non formaliter; nam, ut innuitur theſi ſequenti, qui invenitur calor primo unione animæ & corporis momento, in ſemine maris ac ſemina mixto, cauſa eſt vita.*

**40.** Quatenus calor à primo conceptionis momento eſt corpori præſens, vitæ cauſa eſt.

## 41. Calor in vivente duplex eſt, elementaris &amp; vitalis.

*Elementaris Calor invenitur etiam in non viventibus, ut in lapidibus, metallis, &c. ſed vitalis tantum in viventibus.*

*Quin nec elementaris nec cæleſtis eſſe videtur, ſed tertii ſero generis, & diverſus ab utroque, ſi non ſpecie, ſaltem numero & origine, ſeu cauſa efficiente; nam ignis eſt cauſa caloris elementaris, ſol caloris cæleſtis, ſed ipſum ſemen viventis eſt cauſa caloris vitalis.*

**42.** Calor Elementaris oritur ex Elementorum mixtione, & temperatione cujuſque partis.

*Calor Elementaris proſciſcitur ab Elemento ignis, quatenus ingreditur Mixtionem & mixtum.*

## 43. Non differt ſpecie à calore vitali.

*Quia, quorum operationes non differunt ſpecie, ea ipſa principia non differunt ſpecie: ſed caloris Elementaris & vitalis operationes non differunt ſpecie; Ergo.*

**44.** Calor vitalis animam in corpore conſervat, ejuſque inſtrumentum eſt ad vitales ſubjectiones obeundas.

*Quid ſit calor vitalis, in Annexo 12. ſubvivo dicitur.*

## 45. Vitæ oppoſita eſt mors.

*ſcilicet, privatio, ut vita enim habens eſt, ita Mors privatio ejus.*

**46.** Mors eſt abſentia aut diſſolutio animæ à corpore ob extinctionem caloris vitalis.

Diffolutio, id est, ablatio.

Caloris vitalis, quia calor vitalis est vinculum quo anima corpori unitur, & unita manet.

#### 47. Mors est vel naturalis, vel violenta.

Mors dicitur naturalis, non respectu individui, non enim contra eorum naturam, ut moriantur; sed quia & quatenus proficitur à principio introitu: omne enim corpus naturale, quod vivit, in se habet etiam principium mortis, quatenus constat ex partibus quatuordecim, quæ loquuntur pugnant, donec se invicem interemerint, unde sequitur mors totius.

#### 48. Naturalis, quæ fit per ultimam humidæ resolutionem à calore naturali, qui, absumpto à se humido, tandem consumitur.

Quædam modum in lampade oleum humidum asseritur à calore flammæ, donec absumpto humido & ipse calor flammæ extinguitur, quam extinguentem sequitur extinctio totius lampadis, sicut videtur, ubi humidum radicale consumptum est à calore nativo, tanquam oleum à flammâ, extinguitur ipse calor, nam caret pabulo, quod erat humidum, uti oleum est pabulum flammæ, a tum sequitur naturalis vivens mors.

#### 49. Violenta, cum per vim externam calor nativus extinguitur, ut à nimio frigore, à stragulatione, &c.

Quemadmodum aqua affusaignem vi externa extinguit, ita in viventibus, quando frigore obrigescent, calor internus eorum à vi externa frigoris extinguitur, quæ est Mors violenta; nam violentum est, quod est à principio externo.

### ANNEXA DE SPIRITU, CALIDO, ET HUMIDO INNATO.

#### I. Partes hominis sunt, vel extremæ ac primariæ, anima & corpus, quæ uniuntur, vel mediæ & secundariæ, quæ animam corpori & vicissim uniunt, suntque spiritus, calor nativus, & humidum radicale.

Partes hominis Scholasticis, dicuntur, aliæ ut quod, barbæ, aliæ, ut quo: illæ sunt partes constituentes compositum, hæ sunt id quo partes constituentes inter se uniuntur: anima & corpus sunt partes prioris ordinis, sunt enim ex quæ ipsum vivum componunt; posterioris ordinis sunt spiritus, calor nativus, & humidum radicale, quæ sunt velori quibus anima & corpus sibi mutuo uniuntur.

#### 2. Spiritus in corpore vivente, est corpus, subtilis & æthere tenuitatis, è sanguinis vapore

& aëris permissione genitum, universale facultatis vitalis & animalis organum, & uniusque anime & corporis vinculum.

Spiritus in Philosophia fere significat tria: primo, substantiam immaterialem, sic Deus, Angelus, anima rationalis dicitur spiritus; 2. significat corpus tubile ac tenue, quemadmodum ventus dicitur spiritus, nam spirat, 3. significat accedens seu virtutem valde actuosam, agitabilem, mobilem, quomodo vis plastica feminis dicitur spiritus feminis: hic virtutem secunda significatione, *Facultas vitalis* dicitur facultas anime vegetantis: *facultas animalis*, dicitur facultas anime sentientis.

#### 3. Hic Spiritus, in toto corpore quoad substantiam idem, pro variis functionibus, & variationum partium, in quibus nonnihil temperari videtur, natura, diversa sortitur nomina.

Spiritus, de quo hic agitur, non est substantia alia aut specie distincta à sanguine, sed subtilior & tenuior ac mobilior pars sanguinis: & quemadmodum substantia sanguinis per univèrsum corpus est eadem, differetque tantum hic & illic accidentibus; ita & spiritus per totum corpus diffusus ubique eisdem est substantia, sed non eadem semper habet in se accidentia: unde diversa quoque accepit, in diversis partibus, sæpe nomina.

#### 4. Spiritus hic, alius est insitus, alius influens.

Insitus spiritus vocatur quoque innatus, influens adventitius.

#### 5. Insitus, qui ex primis naturæ principiis (semine & menstruo sanguine) in singulis membris relictus est.

Semen & sanguis menstruus dicuntur, prima naturæ principia, scilicet generationis non compositionis: utrumque, quia ex sanguine descendit, suam sibi habet spiritum, ex quo inferitur & innascitur ipsi insitus spiritus, qui ideo *insitus* & *innatus* dicitur.

#### 6. Influens, qui quotidie, propter continuum dispositionem, in corpore generatur; membris affluit, & accedit, ipsum & primigenium reparans, conservans & augens.

Quia spiritus insitus perpetuo motu consumeretur, opus est ipsi aliqua restauratione, quæ ipsi fit per spiritus novos ex alimento desumpto genitos, qui producti influunt in spiritum innatum eum reediendo.

#### 7. Influens spiritus materia adhuc in hepate rudior, nimirum, sanguinis ibi elaborati vapor tenuis & calidus, à quibusdam spiritus naturalis dicitur.

Cum



Cum influens spiritus hic dividitur in naturalem, Annexo 7. in viralem, Annexo 8. in animale. Annexo 9. non est existimandum spiritus hosce esse specie distinctos, sed perfectione tantum & accidentibus sunt diversi.

Quia in hepate sunt sanguinis novi rudimenta, quæ pars sanguinis, dum primo incipit elaborari in jecore, subtilior ac tenuior est alia, illa dicitur *spiritus naturalis*.

8. In corde verò, copia illa balium subtilium & flammulæ instar accensorum è sanguine magis attenuato & probe concocto, cum admixto & temperato aëre, per inspirationem aucto, virtute sinistri cordis veniculi elaborata, & inde per arterias in totum corpus diffusa, dicitur *spiritus vitalis*.

Cum sanguis ex jecore delatus est ad cor, per calorem cordis maximum elaboratur adhuc plenius ac perfectius, & sic elaborati ejus pars tenuior & subtilior, per omnes corporis partes diffusa, dicitur *spiritus vitalis*.

9. Hic *spiritus vitalis* per cervicis arterias sursum ad cerebrum latus, in plexum retiformem aut ipsos cerebri ventriculos, vel motu cerebri, vel vi ac proprietate spiritus cerebro ingeniti, ut alii volunt, cum aëre per naves attracto contemperatus ac mixtus, dici solet *animalis*.

Quando spiritus vitalis delatus est ad cerebrum, novo ibi modo afficitur, & licet sic loqui, qualificatur; atque ibi vocatur *spiritus animalis*, quia inservit ibi functionibus animalibus, i. e. sensicivis, exercendis.

Plexus cerebri retiformis dicitur, quia situs cerebri rete representat.

10. *Spiritus universus est subiectum & vehiculum caloris innati.*

*Spiritus universus* dicitur hic quasi spiritus tum influens tum influens.

*Calor innatus* dicitur, qui ex semine & sanguine menstruo in fœtu nascitur eo modo, quo spiritus innatus.

11. *Calor in corpore humano est, vel insitus, vel influens.*

Termini hi caloris insiti & influentis, eo sensu sumuntur, quo dicuntur de spiritu ante.

*Spiritus insitus* & influens differt à calore insito, & influente, quod ille sit substantia, hic accidens.

12. *Insitus est, qui toti corpori singularique*

*eius parvibus ab ipso ortu inest: eumque fixum vulgo vocant & primigenium.*

*Calor insitus* hic idem est, qui Annexo 10. vocatur innatus.

13. *Influens est, qui ex corde (caloris & spiritus quasi officina) insiti illius caloris conservandi gratia, in cæteras partes, per arterias, tanquam canales, diffunditur.*

Quemadmodum spiritus influens reparat insitum, ita calor influens restaurat calorem insitum.

14. *Ex spiritu & calore componitur calidum innatum.*

Calidum itaque innatum est aliquid compositum ex substantia & accidente, spiritus enim substantia est, adeoque ipse sanguis subtilior, calor accidens est.

15. *Itaque calidum innatum est corpus compositum, ex spiritu ut subiecto, & calore ut adjuncto.*

In hoc calido innato consistit vicia totius tanquam in causa.

16. *Caloris innati pabulum, quo fruitur, est humidum.*

Quia calor est maxime activus, debet habere aliquid in quod agat, quod consumat ac depascat, illud vero est humidum, non aquosum, sed oleaginosum: quemadmodum in lampade calor flammæ consumit oleum, atque oleum est pabulum, quo flamma nutritur; ita calor innatus consumit humidum oleaginosum, quod est pabulum, quo ipse calor nutritur.

17. *Humidum illud est vel insitum vel Advensitum.*

*Humidum insitum* vocatur etiam innatum.

18. *Insitum, à semine & sanguine menstruo ortum, corpori ab ipsa conformatione inest. Solet dici Radicale & Primigenium.*

Quia semen & sanguis menstruus non tantum spiritum aliquem in se habent ac calorem, unde in fœtu oritur & spiritus & calor insitus, sed quia utrimque insuper est humidum, etiam corpori viventis gignendo, ab ipsa conceptione & post natiuitatem inest aliud humidum, quod ex semine & sanguine menstruo humidis provenit, & quia ab initio inest, vocatur humidum nativum radicale & primigenium.

19. *Ad*

19. *Adventitium, humoris infusi reparandi gratia ab alimentorum utiliore parte proficiscitur.*

Qui humidum radicale perpetuo depascitur à calore nativo, facile illud consumeretur, nisi restauraretur ab adventu novi humoris, qui gignitur ex alimentis assumptis, in quibus, uti qualitates ceteræ, ita & humiditas inest.

20. *Radicale humidum, ab infantia est maximum, minus ætate consiciente, minimum in senectute: causa est, quod calor innatus illud perpetuo depascat.*

In infantia calor natus est imbecillior, humidum radicale abundantius, quia infantis temperies est humidior: in ætate virili calor natus maxime crescit, humidum radicale non tam est abundans, quia temperies tunc est sicciore, utrumque tamen est moderatum; at in senectute calor natus minor est, quam ætate virili, sed humidum radicale est maxime exiguum, quia senum temperies est maxime sicca.

21. *Ut autem ab ipsa nativitate humidum radicale ad obitum usque decrescit, ita contra adventitium initio crescit, deinde consistit, postea una cum radicali paulatim deficit.*

Quod humidum radicale à nativitate momento ad mortem usque decrescat perpetuo, fit, quia calor natus fortior est in agendo quam humidum radicale in resistendo.

Humidum adventitium in infantibus magis crescit, quia infantes sunt voraciores & plus alimenti assument: in viris consistentiam aliquam habet, quia illi moderatus aluntur: in senibus maxime deficit, quia senes alimenti minus ac minimum assument.

**I**N Annexis huic disputationi explicantur vitæ instrumenta tria, quæ, quamdiu vivens vivit, in eo in-

veniuntur, & quibus existentibus vivens vivit, ipsi: extinctis vivens extinguitur, extincto vivente & ipsa exstinguuntur; suntque spiritus, de quo agitur ab Annexo 2. ad 10. inclusive; calor innatus, de quo agitur ab Annexo 11. ad 16. exclusive; & humidum radicale, de quo agitur ab Annexo 16. ad finem. De spiritu docetur quid sit, Annexo 2. quot modis vox hæc sumatur in comment. subjuncto; sit ne multiplex, an unus, Annexo 3. distinctus à sanguine, nec ne, in comment. subjuncto. Dividitur in insitum & influentem, Annexo 4. qui uterque explicatur Annexo 5. 6. 7. 8. 9. 10. speciatim explicatur spiritus influentis generatio Annexo 6. generati instituitur divisio, in naturalem, qui in hepate; vitalem, qui in corde; animale, qui in cerebro elaboratur: quæ divisio non est generis in species, nec totius in partes, sed subiecti per accidentia five adjuncta, & instituta secundum magis & minus, quatenus ejusdem sanguinis pars subtilior minus perfecte elaboratur in hepate, magis perfecte in corde, omnium perfectissime in cerebro. De hisce tribus spiritus influentis gradibus, uti & de spiritu innato five insito, dicitur Annexo 10. in genere, quod sit subiectum caloris innati, tanquam substantia accidentis. De Calore innato agitur Annexo 12. uti de influente, Annexo 13. estque caloris naturalis divisio in insitum & influentem eadem quæ spiritus, eodemque sensu vocabula illa duo, calorem in humano corpore dividentia, veniunt, quo in dividendo spiritus veniebant. Quemadmodum autem ex substantia & accidente ens oritur concretum, ita quoque ex spiritu & calore nativis, oritur calidum innatum, tanquam compositum ex subiecto & adjuncto, substantia & accidente, Annexo 14. & 15. De humido, caloris innati pabulo, agitur Annexo 17. doceturque commentario subjuncto, illud esse non instar aquæ, quæ calorem & flammam extinguit, sed instar olei, quod calorem & flammam fovet, docente utrumque experientia. Humidum illud dividitur in insitum & adventitium, Annexo 17. prius explicatur Annexo 18. posterius Annexo 19. utriusque proprietates peculiaris Annexo 20. & 21. Est vero hæceadem & ejusdem sensus divisio, quæ fuit & quo sensu venit divisio, tum spiritus, tum caloris, in insitum & influentem.

*Sententia Cartesii, Regii, Berigardi,*

A D

C A P U T D E C I M U M.

**D**E Animæ Vegerante, quæ sit sententia Cartesii ex ejus principiis Philosophiæ hauriri nequit, quippe qui in iis sinitur contemplatione corporum inanimatorum, spem faciens, si vita & orium ipsi suppetissent, fore, ut aliquando editurus esset partem quintam de Plantis & Animalibus, & sextam de Homine, princi-

piorum Philosophiæ; exstat quidem manuscriptus tractatus ejus Authoris de Animalibus, Gallicè conscriptus, sed qui difficulter intelligi potest propter defectum figurarum. Regius ex illo tractatu hanc doctrinæ Physicæ partem supplere voluit, sed infeliciter plane successu, atque eo ipso (cum hoc egit ignorans

ante *Cartesio*) causam dedit ruptæ inter se & *Cartesium* amicitia, eisque in *fundamentis usq; Physica* cap. 3. 9. multo sterilior, quam fuit in Cap. præcedentibus, ubi & quosque habuit præuentem *Cartesium Berigardus* in *Circ. Pisano* ad 3. lib. *Arist. de Anima* prolixissime 11. circulis sententias veterum & *Aristotelis* prosequitur: impræsentiarum sententiam *Regii* breviter proponemus, ac tum ex *Berigardo*, à Circulo præsertim 6. ad 11. paulo fusius de Anima Vegetante philosophabimur. Cap. 8. & 9. agit *Regius* de Animâ Vegetante, sub titulo corporum viventium & stirpium: hoc ante omnia tenendum est, quod *Cartes.* & *Regius* non habeant Animam Vegetantem pro substantia, multo minus ei adscribant facultates sive potentias, vel principales, vel ministas, tanquam accidentia & qualitates distinctas, sed Animam Vegetantem habeant pro solâ partium corporis viventis dispositione, tum sensibilem, tum insensibilem quorum motu vitales omnes operationes exerceantur, ac præsertim attendunt ad apatationem celerissimam & perpetuam partium in vivente ab ipsâ conceptione, factam à commixtione & actione mutuâ caloris nativi, & humidi radicalis; quia calorem nativum habent pro igne quodam calido, existente in viventibus à primâ eorum productione, & humidum radicale, pro substantiâ humida, primo quoque momento generationis viventis, productâ; neque existimandum est, calorem nativum hic significare accidentem, seu significat substantiam calidam, ideoq; melius dicitur calidum innatum in corpore; uti quoque dicitur humidum radicale melius quam humor radicalis: quamvis verò istius substantiarum, calidi nativi & humidi radicalis pugna durat, ut neutrum ab altero superetur, tamdiu vivens vivit; sed cum alterum ab altero vincitur, ut vel deficiat humidum, vel extingatur calor, mors est; ut hæc nihil sit aliud, quam privatio istius pugne, aut commixtionis, aut a-

ctionis mutue, calidi nativi & humidi radicalis. Cofio seu concetio alimenti explicatur à *Cartesio* & *Regio*, per particularem insensibilem motum & mutationem in substantiam viventis: intelligimus autem particulas insensibiles ipsius alimenti; quod dicitur mutari in substantiam viventis, quatenus accipit temperiem & conformationem corpori viventi idoneam. Accretio his Authoribus nihil est aliud, quam alimentum in substantiam viventis mutati extensio. Generatio est nihil aliud, quam agitatio quædam particularum tum sensibilem, tum insensibilem, ipsius feminis, deciti vel à plantis, vel à brutis, vel ab Homine. *Berigardus*, *Circ. 6. in lib. 3. Arist. de Anima*, agit de Anima Vegetante, uti & *Circulo 7. 8. 9. 10. 11.* & docet, apud veteres ante *Aristotelem* Philosophos non fuisse receptam divisionem Animæ in tres species, Vegetantem, Sentientem, & Rationalem; & definit, Animam Vegetantem esse, quæ res sensus expertes, alimento intus suscepto, vivunt, nutriuntur, crescunt, & sibi simile generant: facultates admittit, nutriticem, accreticem, generatricem, quas tamen tantum ratione distinguit, ut videre est in fine Circuli 6. facultates ministas nutritici facultati Circul. 7. tollit, & alimentum attractionem à facultate nutritice negat. Circulo 8. disputat an possent quædam vivere citra alimentum assumptum Circulo 9. accretionem explicat, eamque collocat in motu continuo, quo plus alim. enti apponitur partibus viventis, quam substantiæ dep. dicitur in eodem vivente. De viventium generatione sic loquitur & sentit, ut cum veteribus ante *Arist.* Philosophis, eam proficisci à solo calido innato pronuntiat, quod calidum innatum facit principium feminis, sine quo nullum vivens generatur: an vero semen sit animatum, nec ne, disputat Circulo 11. & magis propendit in sententiam illam, quæ Animam feminæ adscribit, quam quæ negat, & sententia hæc fuit *Sennerti* aliorumque Medicorum ac Philosophorum hoc faculo.

## CAPUT XI.

## DE

## ANIMA SENTIENTE.

## THESIS I.

**A**nima sensitiva est, qua animal sentit, appetit & loco movetur.

*Definitio hæc est à posteriori & ab effectu.*

IN hoc Capite agitur primum à thesi 1. usque ad thes. 8. exclusive in genere de Anima Sentiente, eisque facultate triplici. deinde à thes. 8. ad finem agitur de facultate ejus prima, scil. cognoscente, quam sensum vocant externum; Anima Sentiens Thes. 1. definitur, omisso genere, à subjecto & effectu triplici; genus

subintelligitur, adus primus: substantialis; subjectum ponitur, animal; effectus ponuntur, sentire, appetere, loco moveri; thes. 2. istorum effectuum ponuntur cause proximæ, tres facultates, sive potentie, remota enim causa illorum, est ipsa animæ sentientis substantia; subternitur enim hic hæc hypothesis, quod nulla creatura, nedum ullum animal; sit immediatum principium sue operationis, quæ sententia est *Thomistarum* inter Philosophos recepta, & hæc causa est cur invexerint tot potentias, sive facultates. *Sennerti* tamen inter Philosophos con-

contrarium tenent, & magis ex veritate, quamvis nos hic priorem sententiam, quia paulo communior est, sed admissis hiſce potentiis, ac ſpectatim animæ ſentientis; dicitur porro theſ. 3. 4. 5. eas tamen non reperiri in omnibus animantibus, verum tamen in perfectioribus tantum: in imperfectioribus, qualia vulgo dicuntur Zoophyta, quali dicas, partim animalia, partim plantæ, sæpe deſcitur locomovens. Hic dubitari poteſt, an denatur Zoophyta? ac, quæ ſic dicuntur, non debeant ſimpliciter referri vel ad animalia, vel ad plantas? cum enim hæc ponantur tanquam medium participationis, inter ſpeciem utramque, videntur admitti non poſſe; nam cum ſpecies ſint oppoſitæ, non poſſunt in unam aliquam tertiam naturam coaleſcere; ſic enim daretur ſpecierum conſuſio, unde oriretur ipſa rerum in hoc univerſo inter ſe conſuſio, ac ſic tolleretur mundi ordo, atque univerſi pulchritudo: & quemadmodum nullum datur ens compoſitum ex homine, & bruto, aut ex vivente & non vivente, quia ſunt ſpecies oppoſitæ, ita quoque videtur nullum dari poſſe ens compoſitum, partim ex ſentiente, partim animalis, partim ex non ſentiente, puta plantæ; at tale quid foret id, quod vocant zoophytum: quare ſi id genus corpus naturale bene expendatur; videtur ad alterutram ſpeciem, vel animalis, vel plantæ, referri debere.

2. Itaque ejus facultates ſunt, cognoſcitiva, appetitiva, locomotiva.

*Hæ facultates non diſtinguuntur re ipſa ab animæ eſſentia nec inter ſe.*

3. Non quod in omni animali omnes reperiantur hæ facultates.

4. Nam in imperfectioribus sæpe deſcit locomotiva.

5. Sed quod in perfectioribus ſaltem reperiantur tres.

*Dantur quedam animalia, quæ ſe loco non movent, quia habent ſibi præſens alimentum, quo nutriuntur, cujus generis præſentia ſunt quedam Zoophyta: nam quæ non habent ſibi præſens alimentum, ea loco moventur ut alimentum conſequantur, quo appetitui ſatiſſificent.*

*Zoophyta, ſunt viventia mediâ natura inter animalia & plantas, qualia rupibus marinis sæpe adhærent immobiliter.*

6. Anima ſenſitiva ſine vegetativa eſſe nequit.

*Ratio eſt, quia ſenſitiva anima operationes ſuas animales exercere nequit, niſi in ſubjecto viventi: at ſubjectum vivens nullum eſt, niſi per animam vegetativam.*

7. Et, quando ei adeſt, ſi non ſit ordinata & idonea ad ſuſcipiendam animam rationalem, eſt forma brutorum.

*Ex hac theſi liquet, eſſe animam ſentientem duplicis ordinis: unam, quæ eſt forma ultima, neque apta ad formam nobilioris ſuſceptionem, qualis eſt Brutorum: alteram, quæ eſt forma ſubordinata, apta ad formam ſuperioris ſuſceptionem, qualis eſt anima ſentiens in ſpectu humani.*

Theſi 6. & 7. ſubordinatio animæ vegetantis, & ſentientis explicatur, doceturque in animantibus animam ſentientem nunquam eſſe ſine vegetante, licet in plantis vegetans ſit ſine ſentiente; ratio prioris eſt, quia operationes animales ſunt operationes vitales, at hæ proſiſcuntur à principio vite, quale eſt anima vegetans. Theſ. 7. docetur, animam ſentientem in animalibus interdum ordinari ad formam ulteriorem, eique ſubordinari, ut in homine, interdum non item, ut in brutis, poſteriori ſenſu eſt forma principalis, priori forma diſponens.

8. Facultatum prima eſt cognoſcitiva, quam ſenſum vocamus.

*Cognoſcere vox eſt generalis, & ſignificat quancunque conſeſciturque rei perceptionem, ſive ſias medius & organus corporis, qualis eſt ſenſus, ſive fiat abſque adminiculo corporis; qualis eſt intellectus.*

9. Senſus vox, interdum ipſam animæ ſenſitivæ facultatem, interdum ipſam ſenſionem ſignificat.

*Cum dicimus ſenſum minui, vel roborari, intelligimus facultatem ſentiendi: cum dicimus ſenſum fieri per ſpecies, intelligimus actum ſentiendi.*

*Nomina verbalia in iſis interdum ſignificant actum proprium, interdum ſecundum.*

10. Hic ſumitur à nobis pro facultate.

Theſibus hiſce tribus duæ explicantur voces, *cognoſcere & ſenſus*, cognoſcere theſ. 8. & comment. ſubjuncto; ſenſus, theſ. 9. & 10. deſinitur theſ. 11. explicatur definitio à quatuor partibus ſui, quæ aſſignantur theſ. 12. quarum prima, ponitur obſectum ſenſus, quod explicatur à theſ. 13. uſque ad 24. exclusive, Secunda, puta ſpecies ſenſibilis, quæ explicatur à theſ. 24. uſque ad 32. exclusive. Tertia pars deſinitur, ponitur, & exponitur, ſcil. medium, à theſ. 32. uſque ad theſ. 50. exclusive. Quarta, videlicet organum, exponitur à theſ. 50. ad theſ. 63. quæ, ut & 64. & 65. proponitur diviſio ſenſus, in internum, & externum. Deſinitio ſenſus theſ. 11. inſtituitur, à genere, obſecto, effecto, genus aſſignatur ex commentario, ſententia, quæ tenet ſenſum eſſe accidens, de ſecunda ſpecie qualitatibus;

litis, distinctum à substantia, siue essentia animæ sentientis; sed potissima ratio habenda est, quod proponitur th. 13. esse illud, circa quod sensus omnis sentiendo occupatur.

11. Et definitur, facultas organica, objecta sensibilia apprehendens ac cognoscens.

*Sensus vocatur facultas organica, quia præsubiecto habet organum, id est, aliquam portionem corporis, sine qua operationem suam exercere non possit.*

*Objecta vocantur sensibilia, quæ apta sunt, ut sensus moveant.*

12. Hæc ut in actum deducatur, requirit objectum, species, medium & sensorium.

*Liquet hinc sensum esse potentiam passivam, quia debet in actum deduci passive; causa efficiens sensationis est objectum, quod sensum movet.*

13. Objectum sensus est, id, quod movet sensum & ab eo percipitur.

*Objectum sensus non tantum hic est, quod sensum terminat, sed & quod sensum ad sentiendum excitat, ac movet; ut hic & terminatum & motum.*

A Theſi 13. usque ad Theſin 24. exclusive.

A Theſ. 13. usq; ad theſ. 24. exclusive, generalis consideratio objecti omnium sensuum instituitur. Hoc, in sentione, gemino fungitur officio, terminandi, & movendi; terminandi, semper, movendi interdu: nempe, quotiescunque objectum alicuius sensus, sensui est gratum, ac jucundum, terminatur quidem sensus in eo, sed & movetur ab eo, ut in sentiendo, diu perseveret, quemadmodum visus interdum diu perdurat in contemplanda aliqua pictura, motus ejus pulchritudine; & auditus sæpe diu, cantilenæ uni intentus, manet, inotus suavi ejus melodia & sic in aliis sensibus. In reliquis thesibus usque ad 24. duæ proponuntur objecti sensus divisiones; prima theſ. 19. altera theſ. 20. præmissa conditione certa objecti omnis sensibilibus in genere theſ. 16. quod scilicet illud debeat esse & singulare & materiale, daturque ratio th f 16. quia quod utrique opponitur, tum universale, tum immateriale, solius intellectus est objectum, ejus ratio peti potest, ex analogia & proportionem, quæ intercedere debet, inter facultatem omnem cognoscentem, & objectum cognoscibile, quæ duo, nisi analogiam quandam dixerint inter se, nulla exoritur cognitio: atqui sensus est facultas materialis, pendens in totum à materia, cum cognoscit; universale vero, & immateriale, per se à corpore non dependet, nam universale fit per abstractionem mentis, illud à singularibus corporibus abstrahentis: immate-

riale, aut extra corpus existit, quod vulgo vocant immateriale per essentiam; aut à materia, corporisque conditionibus omnibus, & mutationibus, abstrahitur, adeoque extra materiam & corpus existere valet, quod vocant immateriale, per indifferentiam; nec universale, nec utrumque immateriale, ullo modo assimilatur sensui, qui ita immersus est corpori, ut non tantum sine eo existere nequeat, sed ne aliquid quidem, sine ejus adminiculo sentire valeat: atque hæc ratio est, quare universale & immateriale, ab objecto sensus in genere excludatur. Hinc theſ. 16. consuetudinem elicitur, scilicet nec universale, nec immateriale à brutis cognosci, quia omnis eorum cogitatio alligatur organis corporeis, & in ea non cadit ratio, ex communi quidem sententia: ex veteribus enim quidam, inter quos est *Plutarchus*, iis rationem tribuerunt; uti inter recentiores *Vallesius* in sacra Philosophia, alique nonnulli. Divisio objecti gemina, satis clare est explicata à theſ. 17. usque ad theſ. 23. exclusive.

14. Estque singulare & materiale.

*Ratio est, quia singulare & materiale solum est accidentiens sensibilibus præditum.*

15. Universale enim & immateriale ab intellectu percipitur.

*Hæc theſis non negat singulare & materiale ab intellectu quoque percipi, sed significat non percipi tantum; nam præter hæc duo, etiam universalis & immaterialis intelligentur, quæ tamen sensum non percipiuntur.*

16. Itaque à Brutis cognosci neutrum potest.

*Ratio est, quia bruta carent intellectu.*

17. Objectum sensus, est vel per se sensibile, vel per accidens.

*Est hæc divisio recepta & immediata.*

18. Objectum sensibile per se est, quod primo per se & non interveniente alio sensum afficit.

*Exemplum est, calor respectu visus, qui nullo alio intercedente visum afficit.*

19. Objectum sensibile per accidens est, quod alio objecto interveniente sensum afficit.

*Exemplum est, Petrus aut Paulus qui videtur medio colore.*

20. Objectum sensibile est vel proprium vel commune.

*Es hæc diviso est immediata.*

21. Proprium, quod uno tantum sensu percipitur.

*Ita singuli sensus habent objecta sibi propria, visus colorum, auditus sonum, &c.*

22. Commune, quod duobus pluribusve sensibus percipitur.

*Objecta communia sunt fere hæc, magnitudo, numerus, distantia, figura, motus, quies.*

23. Ut objectum agat in sensum eumque immutet, requiritur species & medium.

*Ratio thesæos est, quia nihil agit in distans: quando quidem autem objectum non accedit ad organum, debet aliquid esse medium, per quod objectum organo approximat, hoc est, species, id est, imago objecti, & medium, id est, istum imaginis subjectum & receptaculum.*

24. Species est qualitas intentionalis objectum repræsentans.

*Species dicitur ab antiquo verbo specio, & significat id per quod videmus, sed per Synecdochen species translata est vox ad significandum in genere id quo aliquid vel sentiri vel cognoscitur, unde species, alia est sensibilis, alia intelligibilis: qualitas dividitur, in realem & intentionalem; realis dicitur, quæ invenitur in re ipsa, uti color est qualitas realis parietis; intentionalis vocatur, quæ intenditur, hoc est, assumitur ad qualitates reales percipiendas ac cognoscendas.*

*Notandum vero est, ipsas species non sentiri, omnia tamen sentiri per eas, ideoque sunt objectum quo, sensus, non objectum quod.*

*Næque enim videtur imago, quæ oculo colorem repræsentat, sed ipse color per imaginem.*

*A Theſi 24. usque ad Theſin 32. exclusivæ.*

**A** Theſi 24. explicatur alterum requisitum sentienti, nim. species, usque ad theſ. 32. exclus. ea definitur theſ. 24. explicatur reliquis usque ad theſ. 32. Hoc tantum hic observandum venit ad theſes 24. comment. secundum, modernos quosdam Philosophos, etiam Peripateticos; existimare, quod etiam species sentiantur, inter hos est Plempius in sua Ophthalmographia ad Theſ. 26. & hoc observandum est, quod Damascenus, insignis aliter Peripateticus, omnes species sensibiles sublarum iverit.

Secundum in sentione requisitum, ab Arist. ponitur

species, quas dari evincitur, theſ. 26. 27. 28. atque ex iis assertis vertitur sensus agens, quem Aristotelici nonnulli ponunt, theſ. 30. Quid sint illæ species, & quomodo producantur, dicitur theſ. 25. & 31. eas tamen dari strenuè negat, & multis quidem rationibus Hieron. Damascenus in comment. ad lib. Arist. de anima, insignis licet Aristotelicus. Qui eas ponunt, plerique ipsas sentiri negant, easque instrumentum tantum sensuum esse affirmant. Plempius tamen in sua Ophthalmographia visibiles species ipsas videri vult, quæ questio discutitur theſ. 46. huius Cap. eas dari probatur, ex approximatione agentis ad patiens; agens est objectum, patiens sensus; nam objecta movent sensus, at nihil agit in distans, quia requiritur agentis & patientis approximationi, & immediata conjunctio, immediate vel suppositi, vel virtutis: sed objectum non potest immediate uniri sensui, quoad suppositum; quia sensibile positum supra sensorium, non facit sensationem, sed impedit: ita lux ingesta in oculum, visionem non efficit, sed remoratur; Ergo objectum debet conjungi potentie sentienti, quoad virtutem: illa virtus, quæ objectum sensibile, unitur sensui, nihil est aliud, quam species sensibilis, aut intentionalis, quæ ab objecto, versus organum, per medium diffunditur, & beneficio cujus sensum movet: vocatur vero hæc species intentionalis, quia ut instrumentum sensationis intenditur, imo & ipsum sensum quasi intendit, i.e. operari facit, cum ante non operaretur. Quomodo vero hæc species producatur, difficile est dictu: sententia communis est, hæc emanare, & effluere ab objectis sensibilibus, unde & effluvia eas vocat Spertling. in Physica sua; sic ut positæ objectis hæc ponantur, sublati tollantur; atque hæc species delatæ ad organum, sunt causæ efficientes instrumentales omnis sensationis, anima sentiens, seu potentia sentiendi, est causa principalis, & per hæc species, organo illatas, atque præsentem, sensus omnis de potentia traducitur in actum, ut cum ante non sentiret jam sentiat, & citra ullam necessitatem invehatur sensus agens, distinctus à patiente: atque hæc habentur, ad theſ. usque 32. à qua usque ad theſ. 30. agitur de medio sentiendi, tertio sensationis requisito.

25. Vocatur qualitas intentionalis, tum quia sensum movet eumque intendit, tum quia à qualitate materiali & subjecti sui essentia distingueretur.

*Dicitur species sensibilis sensum intendere, quatenus eum facit ad se sentire:*

*Qualitas realis dicitur materialis, quia est in subjecto materia prædita, & ab illo fluit; sed intentionalis non ita à materia dependet.*

26. Dari species sic evincitur, quia objectum non potest movere facultatem, nisi cum illa uniatur.



*Ratio thes. est, quia in omni actione requiritur debita approximatio agentis ad patientem, sine qua nulla sit actio.*

27. At non unitur cum facultate secundum esse reale.

*Hoc est, obiectum ipsum non transit ad facultatem sentientem; sic non transit calor in oculum.*

28. Ergo secundum esse intentionale, id est, per species.

*Species sunt effluvia obiectorum sensibilibus ab obiectis emanantia, & in aëre recepta atque ad organum delata, ibique obiectum representantia.*

29. Species ab objecto emanant, eo fere modo, quo proprietates à forma.

*Sensus est, quod obiectis sensibilibus positis statim possunt in aëre & ipsa species seu simulacra rerum sensibilibus in aëre recepta.*

30. Itaque nullus est sensus agens, à quo species in praesentia objecti efficiantur.

*Sensus agens dicitur vulgo, qui faciat species resultare ab objectis suis; sed eo non est opus, quia talis est natura obiectorum sensibilibus, ut sponte sua de se diffundant, seu simulacra, seu representamina.*

31. Sed species ab objecto naturali necessitate fluunt, & quaquaversus per medium propagantur.

*Dicuntur species fluere ab objecto naturali necessitate, quia in specierum emanatione ab objecto nulla praevia est consultatio.*

*Diffunduntur per medium ab unoquoque puncto objecti in omnes partes, quemadmodum lux candelae in circulum vibratur quaquaversum.*

32. Medium dari ex eo liquet, quia obiectum positum supra organon seu sensorium nullam faciet sensationem.

*Ratio hac, si non in omni sensu vera est, vera saltem est in visu, sensu nobilissimo, & fortasse in aliis.*

A Thest 32. usque ad Thest 50. exclusive.

Medium sentiendi dari probatur thest. 32. quale sit docetur 33. 34. 35. dividitur thest. 36. divisionis membra explicantur thest. 37. & 38. medium internum

necessarium esse docetur in omnibus sensibus thest. 37. quia omnium sensuum datur organon singulare; exterum insuper reperitur in visu, interdum in auditu & olfactu, nunquam in gustu & tactu, thest. 39. 40. 41. 42. 43. abhinc à thest. 44. usque ad 49. inclusive, instituitur comparatio medii, specierum, & objecti; species respectu medii; non tantum in unaquoque parte, ut dicitur thest. 44. sed & in unoquoque puncto indivisibili, totum obiectum, cujus sunt species, representando sunt indivisibiles, species enim ab objecto radiant, i. e. ab omni parte aut puncto objecti effluunt, aut emanant in circulum seu orbem, quemadmodum corpus lucidum radiare dicimus, quia undique lumen in circulum ab omni parte, & puncto corporis lucidi, promanat ac profluit, unde profluvia aut effluvia rerum vocari solent species sensibiles; quae obiectum sensu non dicuntur non solent, sed instrumentum potius, quia sunt non id quod sentitur, sed id quo sentimus, & si obiectum nonnullis vocentur Physicis, vocantur obiectum non quod, sed quo; suntque obiectum terminativum non motivum: atqui videntur & ipsae species sentiri in visu, quando aliquid videtur visione recta, verbi causa in speculo, ibi res ipsae manent suo loco, nec ad oculum abeunt, nec speculum intrant, sed videntur per imagines sui in speculo representatas, quae & ipsae videntur, non secus ac res ipsae representatae.

33. Medium illud positum inter obiectum & organon non debet esse vacuum.

*Vacuum dicitur, quod omni corpore est nudum; tale nullum datur.*

34. Nam in vacuo nihil sentiri potest.

*Ratio, quia ad omnes operationes inferiores, atque adeo ad sensationes, requiritur influxus Caeli, atque hic dari non potest, posito vacuo.*

35. Sed substantia quae apta sit recipiendis & propagandis speciebus.

*Ratio est, quia medium debet esse subiectum recipientis species.*

36. Medium est vel internum vel exterum.

*Vocatur medium internum, quod in ipso sentiendi organo invenitur; exterum, quod extra illud reperitur.*

37. Internum est pars animalis sensus expertus, quae organon est vestitum ac tectum.

*Sensus expertus, id est, carens ipso sensu, quo praedita est pars illa sentiens, in qua est sentiendi organum.*

38. Externum est corpus interjectum inter obiectum & animal quod sentit.

*Hoc corpus debet esse idoneum speciebus & recipiendis & trajiciendis.*

39. Medium externum in solo visu est necessarium.

*Ratio est, quia solus visus non potest repleri immediate colore aut luce, sic ut ipse videat alium colorem aut aliam lucem.*

40. In auditu & olfactu esse potest.

41. Quando scilicet aliquid eminus audimus & olfacimus.

*Ratio est, quia cominus, hoc est, in propinquo, potest ipse sonus & ipse odor subintrare aures & naves, & tum medio externo non est opus, sed & longinquo siue eminus omnino eo opus est.*

42. Sed non est necessarium.

43. In gustu & tactu non habet locum, sed tantum medium internum.

*Dicitur in gustu & tactu nullo opus esse medio externo, quia ipse sapor & qualitas tactus realis organum penetrat: interius opus est medio interno, quia non potest organum gustus, ne gustet, esse infectum ipsi sapore quem gustavit, nec organum tactus potest esse infectum qualitate tactili in isto gradu, quo capere percipit.*

44. Species in unaquaque parte medii representant totum objectum.

45. Quia sunt in representando indivisibiles.

*Species duobus considerantur modis, aut in natura sua, aut in representando: in natura sua nec sunt divisibiles, quia esse divisibile aut indivisibile tantum conveniunt rebus, qualia non sunt species sensibiles: at vero in representando sunt indivisibiles, quia non respondet per aliquam speciem sensibilem partem ipsius objecti, sed quæ species ab objecto sensibili emanant, receptæ in minutissima parte aeris, totum representant objectum; unde etiam species objecti diffunduntur in circulum, ad instar radiorum solis, aut lucis in candela.*

46. Nec species ipsæ sentiuntur.

*Gravæ questio est, an non ipsæ species sentiantur? multi enim putant ipsam speciem visibilem objecti representati apparere in speculo & videri: alii dicunt, species viridis coloris foliorum videri, in manu, aut linco, aut papavo alba. Peripatetici tamen existimant nunquam species esse objectum quod videtur, sed tantum instrumentum, quod sensum ficit.*

47. Sed objectum sentitur per species.

*Non tamen objectum sentiri videtur per species in omni sensu, nam in tactu solum videtur sentiri ipsa qualitas realis, calor puta, aut similis, sine specie.*

48. Quia species movere possunt sensum, terminare non item.

*Id est, species possunt excitare sensum ad sensationem, sed non potest sensus terminari seu finire in ipsa specie, quasi illa sensationem, nam objecta per illas sentiuntur.*

49. Hinc cum objectum lædit organon, non est illud à specie; sed à qualitate, quam una cum specie objectum producit.

*Species sensibilis, cum sit qualitas intentionalis, non potest esse cum calore reali, ideoque neque organon potest lædere, sed quando illud læditur, est hoc ab ipsa qualitate reali, quemadmodum oculus læditur à nimia luce.*

50. Organon sensus est determinata pars corporis, in qua objectum sensibile recipitur.

*Objectum sensibile recipitur in organo, non per se, sed speciem sui.*

**T**hesi 50. ad 63. agitur de organo seu sensorio, atque ibidem definitur: quæ definitio explicatur thes. 51, 52, 53, 54. instituitur ejus divisio thes. 55. & explicatur per partes thes. 56. & 57. & reliquis usque ad 63. quæ, absolutis omnibus, & explicatis requisitis ad sensationem, sensus dividuntur in internos, & externos: internorum sedes assignatur, thes. 64. externorum thes. 65.

51. Nulla pars corporis ad id est idonea, nisi peculiari modo fit figurata, disposita ac temperata, sic quidem ut à facultate sensitiva informari possit tanquam instrumentum sensationis.

*In facultatibus materialibus, quæ in operando in totum à materia dependent, multum refert quomodo sint partes organi figuratæ, dispositæ, ac temperatæ; neque enim, qualibet corporis pars, ad quascumque operationes animæ sentientis, est idonea.*

52. Pars ergo corporis secundum substantiam spectata, est subiectum sensus & sensationis.

53. At secundum facultatem sentiendi in se residentem, est instrumentum animæ ad sentiendum.

Eadem corporis pars, & Subiectum & instrumentum est sensus ac sensum: subiectum quidem, quatenus potentia sentiendi inest ei, & quatenus sensu in ea recipitur: instrumentum vero, quatenus anima sentiens illa parte corporis nititur, tanquam adminiculo, sine quo non potest operari.

54. Organon sensus debet esse convenienter dispositum & vacuum ab ea qualitate quæ sentiri debet.

Aliquis hic obijciat, oculum non esse vacuum colore, qui videri debet, & tactum organon non esse vacuum calore, qui tangi debet. respondet, ad primum istam partem oculi, quæ nempe est tunica reiformis, & instrumentum videntis, esse expertem coloris: ad posterius, esse quidem calorem in organo tactum, sed non isto gradu exsuperanti qui à tactu apprehenditur; si enim par caloris gradus esset in organo tactus, qui est in obiecto tactu, tactus non tangeret obiectum suum.

55. Organon sensus est vel proprium vel commune.

56. Proprium, quod uni tantum sensui inservit.

Organon proprium in visu, oculus est, quia oculo tantum videmus, non auribus, &c.

57. Commune, quod pluribus sensibus inservit.

Organon commune dicitur, quia recipit species sensibiles singulorum sensuum, & eas dijudicat.

58. Hoc est cerebrum.

In cerebro omnes species sensibiles omnium sensuum exteriorum recipiuntur, atque ibi discernuntur & dijudicantur.

59. Quia est origo nervorum & officina spirituum animalium.

Quod nervi à cerebro & non à corde originem trahant, ipsa docet experientia, atque autopsia: vocatur cerebrum officina spirituum animalium, quia spiritus vitales à corde ad cerebrum delati ibi perficiuntur & elaborantur, ut inservire valeant functionibus sensuum exercendis.

60. At hæc duo in organo aut sensorio requiruntur.

Quia species sensibiles per nervos à spiritibus animalibus ex propriis organo deferuntur ac devehuntur ad cerebrum.

61. A cerebro derivantur nervi sensorii in organa propria.

Anatomia demonstrat, nervos visorios, auditorios, reliquosque, ab ipsa cerebri substantia deduci ad organa sensuum propria, oculos, aures, &c.

62. Per hos nervos commeant spiritus animales ac organa propria.

Nervi isti habent suas fibras aut fibrillas, & sunt spirituum animalium vehiculum, quemadmodum spiritus animales sunt vehiculum specierum sensibilibus.

63. Sensus sunt vel interni vel externi.

Diviso hæc sensuum desumpta est à subiecto, in quo sunt, quod aliud est intra caput, aliud extra id.

64. Interni resident in cerebro.

Ratio est, quia cerebrum intus est in capite hominis; atque intra illud.

65. Externi resident in aliqua parte corporis externa.

Oculus, auris, reliquaque organa sensuum exteriorum possunt apprehendi in exterioribus partibus corporis.

Sententia Cartesii, Regii, Berigardi,

A D

## CAPUT UNDECIMUM.

UT constet, quænam sit sententia trium illorum auctorum circa animam sentientem, nempe, Cartesii, Regii & Berigardi, sciendum, Cartesium in Principiis Philosophiæ suæ parte IV. pauca tantum tradere ab Aphorismo 189. ad Aphorismum 199. de sensu & appetitu, atque affectibus, in genere agere lib. 1. de Passionibus

animæ, de locomotiva facultate nihil dicere aut docere aliud, quam quod dixit & docuit parte 11. principiorum Philosophiæ, Aphorismo 24. 25. & sequentibus, quibus tamen magis agit de motu, quam de potentia movendi; nam non videtur tales potentias agnovisse, ideoque etiam de sensu & appetitu magis agit, quam

quam de potentia aut sentiendi aut appetendi. Conscriptis quidem Gallicè tractatum de animalis, ejusque operationibus, tum vitalibus, tum animalibus, sed qui nunquam in lucem est editus, nam humanam unitam corpori, non tantum sedem suam acregram habere in cerebro, sed & ibidem sentire per nervos, inde per partes exteriores corporis protensus, beneficio quorum, motus partium externarum collecti, & ad cerebrum delati, illud faciunt sentire (sic ut ipsi propriè non videant oculos, nec sentiant ullum membrum exterius, sed totum cerebrum) & pro diversitate sui diversos efficiant sensus, atque hoc docet Aphorismo 189. 190. & 196. 197. intermedii aphorismis, sed valde obiter, agit de quinque sensibus in specie.

*Regina in fundamentis Physicis Cap. 12.* agit quoque de sensibus in genere, & eadem tradit, quæ *Cartesius*, in libello Gallico inedito de animalis, reliquit, quia tractatu illo, *Cartesius* infuso, usum fuerat: volunt autem ambo, animæ sentientis sedem, esse potissimum conarum seu glandule pineales, quod in medio inveniatur ventriculorum cerebro, atque negant species sensibiles aut intentionales, putantque sufficere ad sensiones, si motus in exterioribus membris per nervos & fibrillas deferatur ad istum cerebri locum, ut quicunque fuerit, spiritibus animalibus, existentibus in cerebri ventriculis, imprimatur, ac per eos conario seu glandule pinealis, & in illo cerebri quasi centro, communicetur animæ rationali, quicunque demum hic motus fuerit; atque sic illi fieri omnem sensationem ajunt, non in membris corporis aut organis exterioribus, sed immediate in solo capite ac cerebro.

*Berigardus* de anima sentiente agit in genere, Circ. 12. & 13. in specie, Circ. 14. usque ad 20. exclusive, ad librum secundum de Anima. Recenset primum Circulo 12. varias sententias *Aristotelis* circa ipsam sensationem, ac rejicit communem sententiam, quod sentire sit pati aut recipere speciem quandam sensibilem seu intentionalem: rejicit quoque sententiam eorum, qui putant ipsam Animam pati: tertio eorum, qui inveniunt sensum agentem, distinctum à patente; denique eorum, qui eandem ponunt facultatem sentiendi & agentem & patientem, quæ propriè est sententia *Arist.* facit enim sensationem actionem immanentem; multa quoque ibidem disputat contra species sensibiles sive intentionales, donec tandem propriam explicet sententiam, ex principiis & hypothesebus Antiquorum ante *Arist.* ac negat sensum quicquam sentiendi pati, si per passionem intelligatur Alteratio, uti vulgo ab *Aristotelicis* intelligitur; non negat tamen eum sentiendi mutari & hoc sensu pati; sed illam mutationem & passionem collocat in solo motu locali, quatenus organum sentiendi movetur, non à speciebus illis sensibilibus, imaginariis, sed quatenus movetur à corporibus aut corpusculis insensibilibus & indivisibilibus, ad organum motu ac delatis, ejusque nervos & fibras pulsantibus, eo fere modo quo citharæ chordis pulsant & movent digiti, à pulsante & movente edelati & moti; sic ut nervi in uniuscujusque sensus organo existentes, ab Animâ sentiente informati, sint instrumenta sentiendi

*Berigardus*, prout attinguntur variis motibus & appulsibus corpusculorum innumerabilium, eorundemque insensibilium & indivisibilium; itaque duo sunt ex sententia illius Authoris, quæ omnem absolunt sensationem: primum est, nervorum mirabilis textura & deductio à cerebro, per spinalem medullam, versus omnes corporis partes, & in cerebro versus organa, extra cerebrum tamen collocati, sentiendi: alterum est, multitudo & diversitas corpusculorum jam dictorum nervos illos tangentium ac moventium, quæ in locum specierum sensibilibus substituit. Præter ista duo jam posita *Berigardus* ad sensationem ultra nihil requirit; solummodo hæc superest difficultas, si in sensatione nihil amplius sit aut requiratur, quam varia nervorum textura ac dispositio, variis fibris instructa, & corpusculorum, istis nervis ac fibris appulsorum, diversitas ac multitudo, quomodo iste variis nervorum ac fibrarum motus, excitatus ab appulsu istorum corpusculorum seu particularum, possit in animalibus excitare tam diversas sensationes videndi, audiendi, &c. & per sensus, tam diversas rerum notiones? Hoc ut intelligatur, sciendum est, quod Autopsia seu ocularis inspectio docet, duas esse cerebri meninges, vulgo dictas, *duram & piam matrem*, quæ cerebrum dividunt in plures sinus, & undique substantiam cerebri vestiunt atque ambiunt, à quâ cerebri substantiâ tenuissima ducuntur filamenta nervorum, ex quibus oriuntur nervi illi, qui sunt sensus ac motus: per has nervorum propagines organa sentiendi redduntur plena spiritu Animalis hoc est, per illas nervorum productiones Anima ex cerebri ventriculis insinuat in ipsa organa, ad sensiones, expulsi corpusculorum aut particularum in organis exterioribus factas, prænoscentas, quas cum prænotavit Anima, tum demum sentit, sic ut sensio propriè non fit organi exterioris, sed potius Animæ in cerebro residentis, ad appulsus corpusculorum factum in organis, debet attendenti: uti experientia hoc docet, illabi (ut secundum sententiam vulgarem philosophemur) in oculum sæpe species visibiles objecti sensibilibus extra oculum positi, & tamen oculum non videre, ut in ecstasis, aut extra se raptis, quia Anima tum ad istarum specierum illapsum in organum videndi non attendit, neque advertit; si Ergo queramus ex *Berigardo*, item *Cartesio* ac *Regio*, Quid sit illud in homine, quod propriè sentiat, an Anima aut substantia cerebri? Respondentur sola Anima in cerebro existens, & inde sensationes & motiones omnes per nervos & fibras omnium corporis partium influentes atque exercens.

Unum adhuc restat inquirendum de objecto sensuum. Cum objectum *Aristotelicis* distinguatur in commune, & proprium, & objecta communia illis dicantur sentiri speciebus sensibilibus objectorum propriorum, verbi causa, distantiam, aut motum, videri sub specie coloris, qui inest rei distantiam, ac motum; quomodo fieri potest, ut eadem species sensibilibus, representent organo videndi, & animæ in cerebro, objectum proprium visus, colorem, & commune, distantiam, aut motum rei coloratæ? certe difficulter hic se expediunt vulgares Philosophi, qui sensationem, speciatim visionem,

nem, fieri volunt per species: at *Berigardus* cum antiquis ante *Aristotelem* Philosophis, reiectis speciebus sensibilibus, & admittis tantum corpusculis aut particulis, tum indivisibilibus, tum insensibilibus, dicit, objecta propria, sic dicta, vulgo non sentiri, nisi per motum localem istorum corpusculorum aut particularum, & prodiversitate modi, quo ab eodem objecto moventur

versus organon sensilem, atque ipsam animam, ista corpuscula ac particulae sentiri aut videri, colorein, objectum proprium visus, vel distantiam ejusdem objecti, aut motum ejus localem, vel etiam magnitudinem & numerum, figuram ac quietem, & si quæ sint alia, visui, cæterisque sensibus, objecta sensibilia communia.

## CAPUT XII.

DE

VISU.

THEOREMA I,

**V**isus, est sensus inter externos nobilissimus.

*Alia est necessitas, alia nobilitas sensuum: quoad necessitatem, tactus superat ceteros, est enim omnium maxime necessarius, nupte sine quo vita animalis consistere nequit; sed sine visu, auditu & cæteris, vita servari potest: quoad nobilitatem vero, visus est omnium sensuum primus.*

*A Theſi 1. usque ad Theſin 17. inclusive.*

**H**ujus Capituli tres possunt assignari partes, quarum una agit de objecto visus à theſi 3. usque ad 39. inclusive: altera agit, à theſi 40. usque ad 46. exclusive medio; tertia, de videndi organo, & modo, à theſi 46. ad finem: de organo usque ad theſin 50. de modo à theſi 50. ad finem. Tribus hisce partibus præmittitur comparatio visus & reliquorum sensuum theſi 1. & 2. ratione nobilitatis & præstantiæ, asseriturque visus, sensuum esse nobilissimus & præstantissimus theſi 1. ejus causa ac ratio datur theſi 2. objectum visus, scilicet proprium, non commune, est lux, seu lumen, & color, quæ ipsa non recipiuntur in videndi organo, sed speciem sui visibilem in oculum immittunt, quod vocant Philosophi *radiare*, de quo theſi 4. agitur. Discrimen radiandi in luce seu lumine, & in colore, explicatur theſi 6. distinguuntur *Peripateticis* hæc duo, lux & lumen, ut causa emanativa & effectum; hæc traduntur theſi 7. 8. & 9. Theſi 10. explicatur quid non sit lumen; theſi 11. quid sit; non esse corpus, probatur efficacissime ab absurdo, nempe dimensionum penetratione, theſi 12. tum comparatio instituitur luminis ad visum seu visionem, cujus asseritur esse instrumentum theſi 33. inde comparatur cum tenebris in ratione oppositionis, quæ theſi 14. hic ponitur privativa: denique confertur cum subiecto, uti & oppositum tenebræ, dicunturque *versari*

circa subiectum idem, non numero, sed vel specie, vel genere, & si versentur circa idem subiectum numero, non tamen simul, & eodem tempore circa illud occupantur, sed successive, & tempore diverso, nam se mutuo expellunt, quia sunt opposita: sic idem aer non est luminosus, & tenebricosus, eodem tempore ac simul, sed successive, & tempore uno luminosus, ut de die; & tempore alio tenebricosus, ut de nocte; aer tamen est subiectum luminis vel tenebrarum idem, vel genere, vel specie, non numero.

2. Quia ejus actio celerrima & maxime immaterialis.

*Ratio est, quia species visibiles sunt maxime immateriales & ab omni terrestri crassitie puriores.*

*Quo enim aliquando est à materia purius & liberius, eo movetur celerius.*

3. Objectum ejus, sunt omnia, quæ radiandi vim in se habent.

4. Radiare, est speciem sui recta linea diffundere.

*Radiare proprie est radium lucis emitte, quo sensu proprio competit Soli: hic vero significat imaginem sui, seu speciem visibilem, de se, per aerem suadere, & ad oculum transmittere: fit autem radiatio in circumlumine orbem, quo enim radiante, ab omni parte sui radius ejicitur; quemadmodum candela lux lumen suum spargit in omnes partes circumjacentis spatii.*

5. Radiant lux seu lumen, & color:

Vuuuu

6. Lux

6. Lux seu lumen per se radiat, color non sine luce aut lumine.

*Color non radiat actū, sine luce aut lumine, quia non videtur sine illa: lux enim, seu lumen, est id, quo colores ipso actū videntur; ideoque de nocte nullos videmus colores.*

7. Lux est, quæ manet in corpore lucido.

*Lux est proprietas corporis lucidi, ideoque ab eo non migrat.*

8. Lumen, quod diffunditur ad alia corpora.

*Lumen est, quod à luce corporis producitur in aëre, aut alio corpore perspicuo: itaque non communicatur subiective lux corpori alteri, sed corpus lucidum efficit in corpore alio lumen per lucem suam, quemadmodum calor gignit calorem.*

9. Lumen est effectus emanans à Luce.

*Lumen à luce emanat, sed à corpore lucido producitur ut à causa activa.*

10. Lumen non est corpus.

*Quia lumen cum constaret materia & forma, at vero illa non constat.*

11. Sed est qualitas corporis luminosi à corpore lucido producta.

*Distinguendum corpus luminosum à corpore lucido: hoc dicitur, quod in se atque ex natura sua lucem habet, ut Sol: illud vero, quod ex se eam non habet sed aliunde accepit, ut aër.*

12. Si lumen corpus esset, daretur corporum penetratio.

*Ratio est, quia lumen penetrat aërem; atque aër corpus est.*

13. Lumen magis est visibile ut quo, quam ut quod.

*Color est visibile ut quod, quia visionem terminat, ut obiectum: lumen dicitur visibile ut quo, quia fere est instrumentum videndi coloris.*

14. Luminī privative opponuntur tenebræ.

*Ratio est, quia tenebræ nihil significant positivum.*

15. Lumen & tenebræ versantur circa idem subiectum.

*Ratio est, quia privatio & habitus versantur circa idem subiectum, scilicet, successivo, non eodem tempore, ut visus & cecitas circa oculum.*

16. Cum lumen est actu, tenebræ sunt potentia, & contra.

*Ratio est, quia opposita non possunt simul esse actū in eodem subiecto: at lumen & tenebræ sunt opposita: ergo.*

17. Color est extremitas perspicui terminati.

*Extremitas, id est, superficies, sive plana, sive concava, sive convexa: perspicuum est illud, quod species visibiles traicit à transmittit quod sistitur ad certos terminos, & non nimis condensatur, dicitur perspicuum terminatum.*

*Quemadmodum si aëris, qui totus est perspicuus, aliqua pars densetur, illa pars densata sistit & terminat perspicuitatem, unde res illa dicitur perspicuum terminatum, & colorem aliquem in se recipiet, quem ante non habuit.*

A Theſi 17. usque ad Theſin 40. exclusive.

DE colore, altero visus obiecto, propriè agitur à theſi 17. ad 40. exclusive, & theſi 17. definitur ex Aristotele, sed tamen satis obscure, quod sit extremitas, id est, terminus, perspicui & pellucidi, scilicet corporis, sed quod corpus colores terminat ne ulterius transmittantur aut traiciantur, hic terminus est superficies, vel externa corporis colorati, vel interna partium intra se, quod docetur theſi 17. & 18. quomodo terminet, explicatur theſi 19. quid vero sit perspicuum aut pellucidum theſi 20. quomodo color producatur, proponitur theſi 21. 23. 24. ex causis producentibus coloris variis ostenditur, variam existere colorum varietatem theſi 25. ac tunc comparatio instituitur primorum corporum seu elementorum, quarum sint perspicua, quarum opaca, & utrimque, quarum magis, quarum minus, à theſi 26. ad 31. exclusive: à theſi 32. usque ad 39. inclusive docetur, quomodo color se habet ad visionem ipsius rei coloratæ, duplex quidem instituitur comparatio coloris, una cum re colorata, altera cum lumine, prior à theſi 32. ad 35. posterior inde ad 40. in ordine ad rem coloratam docetur, color non existere in nuda ejus superficie, quæ sola videtur, sed in partibus etiam interioribus, quæ non videntur, & ratio hujus rei datur theſi 34. quia posita causa in actu, ponitur causatum, sed causa efficiens, coloris perspicui, & opaci, mixtura, tam ponitur in partibus corporis colorati.



forati internis invisibilibus, quam in partibus corporis colorati externis visibilibus. Theſi 36. ad 39. comparantur inter ſe color & lumen in ordine ad viſionem, doceturque lumen eſſe conditionem neceſſario requiſitam, aut cauſa ſine qua non, cur color actu videatur, ideoque lumine abſente, ut de nocte, nullus actu videatur color: ideoque lumen, colorem omnem, potentiâ tantum viſibilem, facit actu videri, quam ob cauſam nonnulli Phyſicorum lumen vocant actum coloris, non eo modo quo anima eſt actus viventis, ſic enim colorem faceret per ſe, quod non facit, ſed alio modo & ſenſu, qui explicatur theſ. 38. & 39.

18. Terminatum enim perſpicuum habet colorem in ſuperficie, non tamen tantum.

*Sic nō color nihil aliud videatur eſſe quam lux aut lumen condensatum & variis modis ac terminis determinatum.*

19. Color ille ſuperficiæ, viſum terminat, ſui ſpeciem per corpus luſinoſum ad oculos tranſmittendo.

*Dicitur color viſum terminare; quatenus actio videndi ſigetur, ſinitur, & ſiſtitur in colore.*

20. Perſpicuum vocamus, quod habet partium tenuitatem tranſparentem, & quod lumen & colores recipere natum eſt, ut aër.

*Perſpicuum dicitur aliis pellucidum, quia lumen & colores non ibi ſiſtantur, ſed per illud tranſmittuntur ac traſſiguntur.*

21. Corpora denſa lumen aut colorem non tranſmittunt.

*Corpora denſa, ſcilicet, omni modo; nam corpora quadam etiam denſa, ſeu paſſim tantum, lumen aut colorem tranſmittunt, ut vitrum & cryſtallus.*

22. Color generatur ex condenſatione perſpicui cum admixtione opaci.

*Opacum dicitur corpus, per quod nullum lumen tranſit, & opponitur perſpicio.*

23. Fit enim corpus coloratum, cum deſinit eſſe pervium.

*Si materia cæli, cum ob ſui condenſationem deſinit eſſe pervia, ſcilicet luci aut colori tranſmittendis, fit ſtella, corpus coloratum, ac tum videtur.*

24. Alia magis, alia minus ſunt colorata, prout vel plus habuerint vel minus opaci, in admixtione.

*Cum plus eſt opaci quam perſpicui, color ad nigrum magis accedit: contra, cum plus eſt perſpicui quam opaci: magis vergit ad albū: & hinc patenda eſt ratio colorum mediorum, quorum aliqui magis allicant, alii magis nigrant.*

25. Et hinc eſt colorum varietas.

26. Ignis, aër, aqua, ſunt perſpicua, terra opaca eſt.

27. Hoc intelligendum eſt comparative.

*Terra dicitur opaca, non quaſi omnis lucis ſit experta, ſed quia minus lucis habet quam Elementa cætera, & plus opaci, niſi quod circa centrum conſeatur omni luce carere: aqua dicitur perſpicua, non quaſi ſit experta omnis denſitatis, ſed quia plus habet perſpicui, quam opaci; ſic ignis quoque & aër, licet, quia Elementa ſunt impura, non omni careant opacitate, magis tamen ſunt perſpicua, quam opaca.*

28. Ignis eſt maxime perſpicuus, poſt hunc aër, aqua minus, terra minime.

*Habent tamen omnia Elementa, propter naturam ſuam impuritatem aliquod opaci & aliquid perſpicui.*

29. Ignis, ſi condenſetur, paululum ſplendefcit.

*Id videre eſt in flamma.*

30. Aër, & aqua, ſi condenſantur, albeſcunt.

*Sic videmus glaciem, qua non eſt niſi aqua condenſata, albam eſſe.*

31. Terra propter opacitatem plane eſt nigra.

*Quia perſpicuum illud, quod in terra, tam eſt exiguum ut ſere nihil ſit.*

32. Color, etſi in ſuperficie corporis colorati viſum terminat, non tamen ideo eſt in ſola ſuperficie.

33. Sed color etiam in interioribus & medio corporum eſt.

*Patet veritas, ſi corpus coloratum in ſuas partes dividatur; tum enim apparebit, in mediis partibus corporis colorati videri quogue colores.*

Vuuuu a

34. Quia

34. Quia mixtio perspicui & opaci non tantum in superficie, sed & in intimis partibus corporis datur.

*Ratio est, quia qualibet pars corporis mixti est mixta.*

35. Color iste interior potentiâ est visibilis, non actu.

*Color partium internus in corpore colorato actu videri nequit, quandam partes non sunt à se invicem separata, sed, facta separatione, actu videntur.*

36. Nec actu videtur nisi præsenti lumine.

*Ratio est, quia medium in visione debet esse illustratum.*

37. Lumen tamen non est interna coloris forma.

*Lumen non facit colorem esse colorem, sed facit colorem videri, qui ante non videbatur.*

38. Sed est actus objecti colorati, quo actu videtur.

*Actus hic non significat formam, sed id quod actuat, id est, quod colorem visibilem in potentia, reddit actu visibilem, id est, facit actu videri.*

*Potest existere actus aliquis sen forma, licet non actuet, id est, licet actu non operetur, quemadmodum ignis actu existit sub cineribus, licet non calefaciat.*

39. Lumen facit colorem actu videri; dum illuminat medium.

*Sive illuminetur medium à corpore lucido, extra se constituto, quemadmodum aer illuminatur interdiu à Sole, sive illuminetur à luce organi, quemadmodum de nocte illuminatur aer à luce oculorum in se libus.*

40. Medium, quod à lumine illustratur, est corpus interjectum inter visum & objectum.

*Id ideo vocatur medium, quia interiacet medio loco inter organon videndi, & rem qua videtur.*

Secunda pars hujus Cap. agit de videndi medio, quod sic vocatur à positione, quia ponitur intermedio loco, inter objectum visionis & oculum, quod tam necessarium est, ut si non daretur, nulla fieret visio: hoc medium est omne corpus pellucidum aut perspicuum, quod si fuerit simplex & uniforme, ejusdemque aut raritatis, aut densitatis, ac perspicuitatis, visio dicitur directa; si vero diversæ sit densitatis, aut raritatis, aut

perspicuitatis, visio dicitur refracta; ut cum videtur per aerem remus sub aqua: cujus utriusque visionis hoc discrimen est, quod per visionem directam, res videtur semper in loco suo, in quo est; per visionem refractam nunquam; propter medi in priori visione uniformitatem, in posteriori difformitatem, quoad raritatem & densitatem: hinc patet, quanti sint faciendæ observationes Astronomicæ; cum enim omnes stellæ videantur visione refracta, quia videntur, per aerem, ignem elementarem, si sit, & ipsam substantiam ætheream colorum, media, diversæ raritatis, & densitatis, nullæ videntur suo loco.

41. Hoc non tantum est aer, sed & aqua, & vitrum, & crystallus, & omnia transparentia.

*Quia per ista omnia videmus, nam species transmittunt.*

42. Identitas & diversitas medii non pendet ab identitate & diversitate essentiali, sed à perspicuitatis gradu.

*Est quidem aer divisa essentia ab aqua, sed in quantum utrumque est medium videndi, essentia diversitas non spectatur, sed consideratur discrimen graduum in perspicuitate, scilicet, quod aer sit magis perspicuus, aqua minus.*

43. Medium est causa visionis sine qua non.

*Quia sine medio nulla potest fieri visio: nam, si objectum imponatur oculo, res non videtur.*

44. Itaque, ad visionem requiritur, & lumen, & aliquod medium, & objectum perspicui & illuminati, quod interpositum est inter objectum & visum.

*Visio non fiat, requiritur & objectum, & organum, & corpus inter utramque medium, & lumen in eo, & distantia ejus ab organo.*

45. Hinc, si corpus coloratum proximè admoveatur oculo, non videbitur.

*Proximè, id est, ut objectum attingat ipsum organon.*

46. Visionis organon est oculus.

*Quia in oculo fit visio, & ibi species visibiles recipiuntur.*

A Thesi 46. ad finem.

Thesi 45. usque ad 50. exponitur organon videndi, & inde ad finem, modus, quo fit visio, quæ duotiam

tiam absolvunt hujus Capitis partem. Videndi organon generale ponitur oculus, cujus enumerantur partes, thes. 47. atque ex iis videndi speciale organum assignatur tunica retiformis, quæ se habet in oculo ad humorem crystallinum, ut in speculo argentum vivum se habet ad vitrum; sententiam hanc nostro sæculo, primum in lucem protraxere, in oculo optico Scheinerus, & Keplerus in suis opticis ad Vitellionem. Modus videndi in genere proponitur Thef. 50. & 51. In specie thef. 52.

47. Oculus constat sex musculis, quinque tunicis, tribus humoribus, & nervo optico.

Musculi sunt, qui faciunt oculum moveri: tunica humores ambiunt; nervus opticus oculi substantiam jungit cerebro, estque decessatus, nam qui à sinistro est oculo decessatus jungitur ei, qui à dextro est, ac vice versa; videtur oculi cum suis partibus pictura apud Castalium in *Physica*.

48. Ex his, visionis organon proprium est tunica retiformis seu retina.

Humor Crystallinus non est Organum visionis, ut vulgo existimant, quia transparent, & species visibiles transmittit, at vero ista parte oculi fit visio; ubi species visibiles sistuntur: at hoc fit in tunica retiformi, quia hac opaca est, & nigricans, quemadmodum representatio rei in speculo, non fit in vitro, quia hoc species transmitteret, sed in argento vivo quod species sistit, unde argento vivo ablato, nulla fit rerum representatio in speculo: dicitur vero hac tunica retiformis aut retina, quia refert præpmodum rete.

49. Quia in ista tunica species visibiles in oculum illapæ figurantur.

50. Visio fit specierum receptione, non radiorum emissionem.

Quia oculus consumeretur, si perpetuo tot eiceret radios, & visio fieret extra oculum, non in oculo.

51. Recipitur species per pupillam.

Per pupillam, scilicet, ut eam transeat.

51. Species rerum per pupillam ingressæ, oculi humores trajiciunt, impinguntur autem & hærent in retina tunica, cujus partes cum obscuræ sint & tenebricolæ, pingunt istam tunicam species; quæ pictura, objectum extra oculum, oculo representat: & sic fit visio.

Quemadmodum res extra conclusæ aliquod constituta per micrum foramen fenestra ligneæ representantur in papyro alba, conclavi ipso undique clauso: ita res extra oculum collocatæ, per pupillam foramen intra oculum admissa ibi representantur, & representata oculum per sui speciem quasi pingunt, & sic ab eo videntur; si enim talis charta aut etiam speculum animata forent, viderent.

Sententia Cartesii, Regii, Berigardi,

A. D.

## CAPUT DUODECIMUM.

Quod spectat duorum priorum sententiam de Visu, utriusque est eadem: explicatur paucissimis verbis ab utroque: à Cartesio, *Aphorif. 195. partis quarta principiorum*, ponitur quæ fieri per motum globulorum secundi elementi (qui explicatur *Aphorif. 52. partis tertia*) impingentium in extremitates nervorum opticorum, quæ tunicam retiformem componunt, ex quo motu habetur sensus luminis & coloris, qui vocatur visus. De hisce tribus, lumine, colore, visu, nihil ulterius habet in *principiis Philosophiæ*; sed de lumine quam plurima habet *Cap. 1. Dioptrices*; de oculo *Cap. 3.* de ipsa visione *Cap. 6.* de colore, speciatim iridis & nubium, quam plurima docet *Cap. 8.* & 9. *Meteororum. Regius* nihil aliud de Visu dicit, quam, quod ex vario globulorum æthereorum in retinam oculi tunicam impingentium motu, sentiantur, lumen & color. Sed Berigardus

longe prolixius de Visu differit per totum *Circ. 14. in lib. 2. Arist. de Anima*; atque incipit ab objecto, & postquam *Arist.* sententiam de lumine & coloribus fusè exposuit sub persona *Charalai*, propriam exponit sub persona *Aristai*, atque ita se quoque gerit circa modum videndi ac circa medium, primum docet, lucem, lumen, & colorem, non differre re, sed sola ratione; deinde lucem tacit substantiam quandam tenuous, è corpore, cui permista est, in unum collectam, ac velocissimo motu dispersam; lumen facit eandem substantiam, sed jam diffusam per medium: colorem vult nihil aliud esse, quam varios luminis motus, quibus emissum à corpore lucido, contorquetur, unde fit, ut in nervum opticum incidens, varios in ipso cieat motus, & sic efficiat colorum visiones. Lucem ac lumen esse corpus tenuissimum, antiquorum ante *Aristotelem* fuit sententia,

Vuuuu 3

tia,

tia, quam variis experimentis ibidem probat, solvitque duas potissimas rationes *Aristotelis*, quibus eam impugnat. Prima est, quod corpus non possit in instanti produci, lumen vero in aëre producitur in instanti; altera est, quod dabitur dimensionum sive corporum, aeris scilicet & luminis, penetratio. Ad primam respondetur, gratis hoc dici, & falsum esse, quod lumen in instanti producitur in aëre, aut momento per eum diffundatur. Ad secundam, nullam esse hic penetrationem metuendam, si dicamus lumen non esse in toto medio, sed alicuius ejus parti permixtum, ut sal & vinum permiscetur aquae, vel aurum permiscetur liquori, quo dissolvitur. Alii hoc obijciunt, si lumen sit corpus tenuissimum, quomodo potest pervadere caelum solidissimum & durissimum, instar cristalli? respondet oculi soliditas aut durities merum esse signum, jam hodie ab omnibus Mathematicis, & sanioribus Philosophis explosum. Quod lumen & color non distinguantur re, sic ostendit, quia lumen tantum effunditur à corpore lucido, velocissimo motu, factum tamen in tempore, sed brevissimo, non in instanti, & diffusum per aërem inhabitat ad oculos, illapsum, motus imprimit varios in nervo optico, ex quo varii videntur colores: quae autem sit illa diversitas motus, unde diverse species colorum desumuntur & exoriuntur, non explicat, sed ad modum videndi, & medium explicandum pergit. Quod spectat modum videndi, is sic explicatur à *Berigarde*, ut primum organum videndi, oculum, per partes exponat: sunt autem in oculo spectanda tria, humores, tunicæ, & nervus opticus, quæ à vulgaribus Physicis satis sunt explicata: de humoribus hoc observat, eorum minus præcipuum esse, ut lumen extrinsecus immixtum in oculum colligant, collectum transmittant ad nervum opticum, qui cum sit collocatus in interiore parte, ac fundo oculi, lumen adveniens extrinsecus recipere nequit, nisi per medios humores, qui sunt rariore & magis perspicui, refringatur, & refractum colligatur: ut vero lumen ita collectum, in nervo optico recipiatur, nec facile resistit aut repercutiatur, facta est illa interior pars oculi in nervo ipso, & tunica (quæ nihil est aliud, quam nervus opticus quasi productus) obscurior, & nigrior, ut radii non possint dispergi, sed necessario debeant sisti, quemadmodum in speculo argentum vivum sua obscuritate & nigredine sistit imagines, seu species, vulgo dictas sensibiles, in speculum illapsas, & per

vitram perspicuum transmissas: unde patet, visionem fieri, aut in ipso nervo optico, aut in tunica retina; nam quod non fiat in humore crystallino, inde manifestum est, quod humor ille sua perspicuitate species nullas, aut radios sistat, omnes transmittat: si quis obijciat imagunculam videri sui, ab unoquoque, in pupilla alterius, & sic aut radios, aut species visibiles non transmitti ad vel nervum opticum, vel tunicam retiformem: respondeo illam consequentiam esse invalidam, quia omnino radius, aut species visibilis alicujus transmittitur ad nervum opticum, aut tunicam retinam oculi, sed quia transit per medium perspicuum, humores scilicet ac præsertim crystallinum, repercutitur ac reflectitur, & sic videtur; itaque ille luminis à corpore lucido illapsus seu influxus, & refractus per medii varietatem, scilicet humorum raritatem, tunicarum densitatem, aut reflexus, vel repercussus isto motu, per impulsum vel nervi optici, vel tunicæ retinæ, efficit visionem: sed cum nervus opticus sit geminus, qui sit, ut res quoque una, non videatur gemina, respondent vulgo, quia nervus opticus decussatus est, visionem fieri in isto concursu decussato utriusque nervi; talis quidem est ratio videndi lumen, idemque modus est videndi colorem, quia color à lumine non differt re, sed ratione tantum, ut antea fuit explicatum: sed quæri potest adhuc quomodo videantur objecta communia visus, motus, quies, numerus, figura, magnitudo, nam lumen & color sunt objectum proprium visus, respondeo, motum videri, cum corpus aliquod, diversis respondens locis, per sui, aut suarum partium successione, modo ex hac, modo ex illa, modo ex alia parte laici, lumen ad oculum transmittit; cum vero ille luminis motus ex uno sit loco, videtur corpus quiescere, quod antecurat motum: numerus videtur ab oculo, prout lumen ex diversis locis ad oculum venit: figuram videt oculus, prout lumen à re figurata transmissum, eam oculo repræsentat: atque ita quoque videtur magnitudo, instantia, locus, situs, scilicet, prout per radios luminosos ea ad oculum, ejusque instrumenta videndi, transmittitur. Quod videndi spectat medium, vulgo id faciunt aërem & aquam, quia in utroque res videntur, & per utrumque; sed ingenere melius statuitur omne corpus perspicuum, inter oculum, & objectum luminis ac coloratum, scilicet visibile, interjectum, atque interpositum.

CAPUT XIII.

DE

AUDITU, OLFACU, GUSTU, TACTU, &c.

SENSU INTERNO IN GENERE.

T H E E I S L

**A**uditus, est sensus externus circa sonum.

*Sensus & potentia omnia non potest definiri melius quam per genus & objectum; sic & hic definitur auditus.*

*A Theſi 1. uſque ad Theſin 15. incluſivè.*

Capitis hujus commodè assignari poſſunt duæ partes, quarum una à theſi 1. ad 39. excluſive agat de quatuor ſenſibus reliquis exterioribus, poſterior agat de ſenſu interno theſi. 39. uſque ad finem. In priore parte primum agitur de auditu, à theſi. 1. ad 16. excluſive; circa illum conſideratur objectum, ſonus, qui explicatur à theſi 2. ad theſi. 14. incluſivè, & organum auditus theſi 15. de ſono dicitur quid ſit, ex definitione, theſi 2. deinde quomodo generetur theſi 3. uſque ad theſi. 6. incluſivè, tertio quomodo propagetur, à theſi. 6. ad theſi 11. excluſive, denique quomodo multiplicetur à theſi. 11. uſque ad theſi. 14. incluſivè. Definuntur theſi. 2. per aëris percuſionem atque impulſionem, non per fractionem, quia fractio, ſi plagam antecedit, ſonum ſiſtit atque impedit, nedum ut eum promoveat, aut efficiat. Circa generationem ſoni theſi. 3. hoc notandum venit, nihil referre, ſive corpora collifa ſonum efficiant ambo moveantur, ſive unum tantum: ambo, ut ſi utramque; manum comploas per utruſque motum; unum, ut ſi manum meam impingam meſe, aut corpori duro aut immota; hinc inferitur, ſonum, qui eſt una qualitas, non eſſe in corporibus ambobus, collifis, ſed in ipſo aëre, tanquam in ſubjecto uno, ſcilicet, qui interceptitur inter corpora collifa. Propagatio ſoni explicatur à ſuis cauſis, prima illius cauſa, ac fortaiſſe ſola, motus aëris percuſſi in orbem, qui undulatio dicit ſole; quia refertur motum projecti lapidis in undas, ac circumgyrati; ac per iſtum motum, ſonus interduum deſinitur, quæ deſinitio dicitur debet cauſalis, qualis hæc eclipſos, cum deſinitur interpoſitio terræ, inter Solem & Lunam. Modus autem audiendi explicatur theſi. 8. & 9. Multiplicatus ſonus vocatur Echo, quæ videtur magis eſſe ſonus iteratus, quam eſt; nam poſtius eſt unus idemque ſonus, iterumque iterumque auditus, quam ut ſic ſonus geminatus, aut multiplicatus, aut iteratus. Organum auditus theſi. 15. magis dicitur quid non ſit, quam quod ſit.

2. Sonus, eſt qualitas orta ex plaga aëris percuſſi & impulſi.

*Sonus nec prima eſt qualitas nec ſecunda: non prima, quia non eſt proprietas Elementorum; non ſecunda, quia non oritur ex commiſſione caloris & frigoris, humiditatis & ſiccitatis.*

*Errant, qui putant ad ſonum requiri ſemper aëris fractionem; hæc enim in multis invenitur ſonis, ſed non in omnibus, ſufficit enim in multis aëris percuſſio atque impulſio.*

3. Plagam accipit aër, cum inter duo corpora plana, lævia, inter ſe collifa, interceptitur.

*Corpora hic dicuntur plana, quæ ſunt lata, & ſuperficiem habent, vel proprie planam, vel concavam vel convexam: Solida, id eſt, dura, nam molia corpora molibus collifa ſonum non edunt, niſi planam planam illidas: lævia, nam inter corpora polita & ſuperfici equalia, melius aër interceptitur, quam inter corpora glabra aut ſcabra.*

4. Itaque ſonus non eſt proprie in corporibus percutientibus, ſed in aëre percuſſo.

*Si ſonus foret in ambobus corporibus percutientibus, nunquam accidens foret in duobus ſubjectis: atqui hoc eſt abſurdum: Ergo.*

5. Aër acceptâ plagâ undiquaque concutitur.

*Concuſſio aëris in orbem ſere ſit in circulo, unde ſonum undiquaque auditur.*

6. Hac concuſſione ad aliquam diſtantiā propagatur ſonus.

*ſcilicet, quonſque aër comcutitur, conſequi deſertur ſonus: at non concutitur in infinitum; ergo nec in infinitum deſertur ſonus.*

7. Itaque, ſonus dicitur motus, non formaliter, ſed cauſaliter.

*Si sonus foret motus formaliter, esset actio: atqui non est actio, sed qualitas: ergo: Interim motus aëris commisi est causa soni, unde hac definitio soni, quod sit motus aëris, est casualis.*

8. Sonus propagatur secundum esse intentionale per species.

*Id est, non ipse realis sonus ad aures usque deferatur, sed ejus species, id est, imago in aëre recepta.*

9. Hæ species sunt materialiores, quam species visibiles.

10. Hinc res citius videtur quam auditur.

*Exemplum est, in explosione bombarda, & tonitru ac fulmine, ubi utrobique citius videtur lumen, quam auditur sonus.*

11. Cum sonus, aut potius soni species, in cavum corpus incidit, repercutitur.

*Repercutitur, id est, redit, quemadmodum lumen polito corpore reflectitur, aut pila vasculo retrorsum revertitur.*

12. Ista repercussio, Echo dicitur.

13. Iraque, Echo non est novus sonus, sed sonus repercussus.

*Quemadmodum lumen reflexum non est novum ab eo quod primum in corpus politum incidit, sic idem sonus incidens in corpus cavum reverberatur.*

*Repercussio soni plerumque quidem fit, quia in corpus incidit cavum, sed & nonnunquam fit cum sonus incidit in corpus planum, modo illud sit à regione oppositus corporibus sonantibus.*

14. Cum sonus in unicum corpus reflexioni idoneum incurrit, unica est Echo, aut repercussio; si in plura, est multiplex.

*Reflexioni, id est, repercussioni, aut motioni retrogradæ.*

15. Organon Auditus, non est aër innatus, sed pars aliqua interior auris, quæ nervo Auditorio conjungitur.

*Quenam parti interior auris proprie sit immediatum organon audiendi, non est valde certum.*

*Aër innatus vocatur hic qui à nativitate inest auribus animalium, estque non semper idem, sed per varios motus variatur, semper tamen auribus inest aliquis.*

16. Olfactus est sensus externus circa odorem.

*Olfactus aliis dicitur odoratus.*

17. Odor, est qualitas patibilis mixti corporis, orta ex temperatura qualitaturn primarum, dominante calido & sicco.

*In odore omnes quidem concurrunt qualitates Elementares, sed calor & siccitas prædominantur; unde videmus illa corpora esse maxime odorata, quæ sunt maxime sicca & calida, quod liquet ex aromatibus, pipere, zingibere.*

*A Thesi 17. ad 20. inclusive.*

**T**Hesi 17. de Odore agitur, qui definitur, & cujus medium explicatur Thesi. 18. inodus propagandi Thesi. 19. Organum Thesi. 20. Cum Thesi. 17. Odor definitur, qualitas mixti corporis: patet hinc, elementa pura nullum de se spargere odorem, ideoque purus aër, aut pura aqua; si daretur, Olieri non possent. Cum Thesi. 18. medium in olfactu dicitur esse aër, vel aqua: hoc discriminis est, quod per aërem odor deferatur, tum per species, tum re ipsa: per aquam non nisi per species, nisi illa fuerit mota. Organum olfactus Thesi. 20. ponuntur processus mamillares narium; & qui sunt humidiores, etiam minus sunt idonei ad olfaciendum, redduntque olfactum in homine obtusorem, præ cæteris animantibus.

18. Medium, per quod odor deferatur, est aër & aqua.

*Quod aër sit medium, per quod odor vehitur, liquet tempore pestis, cum odoribus fædis est inquinatus: quod aqua quicque odores deferant ad olfactum, liquet ex piscibus, qui sub aqua odorantur escam aut simile quod ingerant in aquam.*

19. Diffunditur odor per medium secundum esse inrentionale, id est, per species.

*Ita quidem plerumque fit, sed non semper, nam interdum odor realis deferatur ad naves, quod liquet cum ipse naves odore aliquo seu bono seu malo repletur.*

20. Organon olfactus sunt processus mamillares in superiori parte narium siti.

*Processus vocantur mamillares in naso, quia sese habent, sicut mammilla mulierum.*

21. Gustus, est sensus externus circa saporem.

*A The*



## A Theſi 21. ad 33. excluſive.

**Theſi 21.** definitur guſtus; a theſi 22 uſq; ad theſi. 27. incluſive explicatur definitio & diſuiſio ſaporis. Theſi. 28. exponitur organum guſtus. Th. 29. uſque ad theſi. 33. excluſive, comparantur inter ſe, ſapor & odor.

22. Sapor, eſt qualitas patibilis corporis mixti, orta ex humidi aquei prædominantis & ſicci terrei decoctione.

In ſapore omnes quoque concurrunt Elementarum qualitates, ſed prædominantur humidum aqueum: & ſiccum terreſtre: dicitur humidum aqueum, ad diſtinctionem humiditatis æreæ, quod propter tenuitatem ſuam non eſt idoneum ad ſaporis, per nimiam ſuam ſubtilitatem: notandum vero eſt, ea, quæ ſunt maxime humida, eſſe maxime ſapida.

23. Sapores ſunt vel extremi vel medii.

Quemadmodum colores alii ſunt extremi, alii medii, qui ex extremorum mixtione oriuntur, ita & ſapores quidam ſunt extremi, qui inter ſe mixti ſunt communes, alii medii, qui ex extremorum compoſitione ſunt.

24. Extremi, dulcis, & amarus.

25. Dulcis, ex mediocri & temperato ſiccitate terreſtri, & humido aqueo, moderatoque calore producitur, ut in melle.

In ſapore dulci qualitates ſapida, id eſt, ſaporem efficiences, ſere ſunt reſiſta ad aliquam temperaturam.

26. Amarum, ex multo ſiccitate terreſtri & paulo humido aqueo, per abundantem calorem gignitur, ut in ſelle.

In ſapore amaro nimis calor humidum aqueum conſumit, unde ſit ut remaneat multum ſiccitatis terreæ, quæ amaritudinem inducit.

27. Sapores medii ſunt, ſaluſ, acer, auſterus, acidus, &c.

Ex ſaporibus mediis, alii ad dulcem, alii ad amarum propius accedunt, pro inæquali extremorum mixtura, & temperatūra.

28. Organum guſtus, ſunt nervi linguæ.

Nonnulli organum guſtus faciunt cuſpi ſem linguæ, nec male, quia ibi maximus eſt nervorum in lingua conſuiſus.

29. Odor & ſapor in multis conveniunt, in multis differunt.

Ratio eſt, quia odor & ſapor quædam habent cauſas communes, quibus conveniunt, quædam proprias, quibus differunt.

30. Conveniunt, quatenus uterque conſiſtit in humido & ſiccato: differunt, quia ſapor præſertim in humido, odor præſertim conſiſtit in ſiccato.

Hinc eſt, quod humida magis ſapiant, & minus olſciant.

31. Conveniunt in materiâ ſive ſubſtato: quia quicquid ſapidum eſt, eſt & odoriferum, & contra.

Datur tamen ſemper aliquis exceſſus ſaporis præ odore, aut odoris præ ſapore.

32. Conveniunt in cauſâ efficiente, quæ utrinque eſt calor: differunt, quod in odore calor ſuperet humorem, in ſapore contra.

Calor in omni mixtione eſt cauſa efficiens.

33. Tactus, eſt ſenſus externus circa qualitates tactiles.

Qualitates tactiles vocantur, quæ tactum efficiunt: ſunt vel primæ, calor, frigus, humiditas, ſiccitas; vel ſecundæ, raritas, denſitas, &c.

## A Theſi 33. ad 39. excluſive.

**Theſi 33.** proponitur definitio tactus. Theſi. 34. & 35. diſputatur de unitate tactus ſpecificæ, quæ aſſeritur contra ſcaligerum & alios Th. 36. 37. conſecutus tactus hominis, cum tactu aliorum animalium; eique dignitate præfertur. Theſi. 38. ignoratur organum tactus.

34. Tactus eſt unus ſpecie, non plures.

Si tactus foret multiplex ſpecie, quia obiectum eius eſt tale, nam calor & frigus ſpecie differunt, item humiditas, & ſiccitas, aſperitas & denſitas, &c. etiam viſus eſſet multiplex ſpecie, quia obiectum eius eſt tale, nam calor albus & niger, ſpecie differunt, poſterior eſt ſaluſ, ergo & prior.

35. Quia, licet obiecta ſint materialiter plura, formaliter tamen in una ratione tangibili conveniunt.

Id eſt, eodem modo tactum efficiunt & organum immutatam qualitates tactiles, etiam quæ ſunt oppoſitæ ſpecie.

36. Omne animal præditum eſt tactu.

Xxx

Rat.

*Ratio est, quia tactus comitatur vitæ, & quod tactus caret, vitæ caret, calor enim nativus nosterque est causa, quod autem calore nativo exutum est, vitam perditur.*

37. Homo tamen habet tactum omnium excellentissimum.

*Ratio est, quia temperies hominis supra alia animalia est temperatissima.*

38. Organon tactus, sunt nervi ac membranae, seu membranacea & nervea partium substantia.

*Alii faciunt organon tactus cuticulam, quæ corpus cingit & ambit.*

39. Præter hosce sensus externos, dantur interni.

*Vocantur sensus interni, quia intra corpus hominis sedem suam ac subjectum habent, non in exteriore ejus parte, ut sensus externus.*

#### A Theſi 39. usque ad finem.

Hæc theſi altera hujus Capitis pars proponitur, quæ est de sensu interno, quodam probatur theſi. 40. 41. 42. ex reflexione animalis super sensationem suam; ubi notandum est, cum dicitur nulla facultas materialis reflecti posse, intelligendum esse crasse materialem, i. e. omni modo materialem; nam obijci posset, sensum internum quoque esse materialem, nam dependet quoque à materia in fieri, esse, & operari? sed respondendum est, longè majorem communionem esse sensuum exteriorum cum materia, quam interiorum, quia sensus externi omni modo, & quoad medium, & quoad obiectum, & quoad potentiam dependent à materia: Interni nullam habent rationem mediæ, ratione dependentiæ ab eo, præterea obiectum habent magis depuratum, quam externi. Theſi. 43. proponitur organum sensus interni, quod ponitur cerebrum, soletque vulgò dividi in anteriorem partem, & posteriorem, vulgò ſinciput & occiput, habet illud varios meatus, ac gyros, ac meandros, in quibus dominari volunt spiritus animales, qui sunt instrumenta sensationis, non tantum internæ, sed & externæ imò & motionis localis. Theſi. 44. 45. 46. 47. 48. ostenditur sensum internum tantum esse potentiam, aut facultatem unam, non quatuor, ut vulgò æſtimant, sed quatuor venire nominibus, quia quatuor sunt ejusdem potentiz aut facultatis respectus, ad functiones diversas. Theſi. 49. docetur sensum internum æque cognoscere per species, atque externum,

40. Quia omnia animalia sentiunt se sentire.

*Id est, animalia reflectuntur super sensationem factam à sensibus externis, hoc est, cognoscunt se videre, audire, &c. Hoc autem non est ipsius visus, nec ipsius auditus, immo nullius sensus externi: neque enim oculus videt, neque auris audit se audire, &c.*

41. At, hoc non est sensuum exteriorum;

42. Quia nulla facultas materialis potest super actum suum reflecti.

*Obſtat ipsa materialitas facultatis materialis, seu dependentia ejus à materia, cur minus super actum suum reflectatur.*

43. Organon & sedes sensus interni est cerebrum.

*Ratio est, quia ex derivantur nervi, ibidem sedem habens spiritus animalis, quibus utriusque sensus internus nititur, in sensatione participanda.*

44. Sensus internus est tantum unus;

*Id est, sensus internus est tantum una potentia, facultas, aut virtus sentiendi, quævis diversæ gerat nomina, & diversas edat operationes.*

45. Sed, ob diversas functiones & officia, sortitur varia nomina.

*Quenam functiones diversa sensus interni sint & officia varia, Capite sequenti explicatur.*

46. Dicitur interdum sensus communis, interdum phantasia, interdum æſtimativa, interdum memoria.

*Æſtimativa in homine nonnullis vocatur cogitativa.*

47. Qui ex quatuor ventriculis cerebri deducunt numerum quaternarium sensuum interiorum, errant.

*Proſecto, quidni poſſe una potentia esse diffusa per quatuor cerebri ventriculos?*

*Quænammodum una potentia locomotiva diffusa est per pedes, manus, & reliqua corporis membra.*

48. Nam quatuor isti ventriculi aliis usibus inservire possunt, vel generandis spiritibus, vel excrementis ejiciendis, &c.

Intelliguntur hic spiritus animales.

Excrementa intelliguntur hic fuligines; cerebri destinationes, mucus, &c.

49. Sensus internus res cognoscit per species.

Species sensibiles, quibus res cognoscitur sensui interno, vel fuerint prius in sensu externo; & vocantur sensata; vel non fuerint, & dicuntur species non sensata, vel insensata.

50. De singulis sensus interni muneribus agetur Capite sequenti.

Sententia Cartesii, Regii, Berigardi,

## CAPUT DECIMUM.

Secundum.

DE auditu, odoratu, gustu, tactu, percipiuntur Cartesius, & Regius, ille, parte 4. principiorum, Author, 195. 194. 193. 192. 191. hic cap. 12. pag. 280. edit. prioris, 182. 283. audiendi actionem Cartesii, fieri autem per nervorum auditoriorum, reconditorum in cavitatibus aurium interioribus, excipientium motum aeris percussu; & ex percussione tremantis, ac vibrati; ut auditus organum ipsi, sint ipsi nervi auditorii: uti quoque Regius, cui auditus definitur, sensus percipiens sonos ex iusto ab illarum motu, que sunt in nervo auditorio, ac deinde cerebrum tanquam sensorium commune: ubi notandum, à Cartesio duos nervos auditorios assignari, propter aures duas, quarum singula suum habent nervum, à Regio unum tantum poni, quia duo isti duarum aurium nervi, in unum eunt, tanquam in centrum. Olfactum Cartesius explicat per motum quoque duorum nervorum odoratum inservientium, factum à particulis corporis odoriferi subtilibus, atque agilibus, & à diversis eorum moribus, diversitate derivat odorem, qui sunt duum generum, fuerit & odor gratus: eodem modo odores percipi asserit Regius ex motu fibrillarum nervi olfactorii, inter quem & rem odoriferam, certa requiritur distantia, ut facilius ejus particule subtiliores evaporantes, per aerem possent diffundi, & eodemque, ad nares, atque inde ad ipsum nervum olfactorium pervenire. Gustum Cartesius fieri ait per motum nervorum, linguæ, & partibus vicinis inferiorum, tactum à corporis gustabilis particulis, figura, & magnitudine, diversis, que ut diversæ sunt, ita diversos excitant sapores in ore; nec aliter gustum definit Regius, quem ait esse sensum, quo ex motu nervi gustatorii per linguam anima sapores percipit, ac varietatem saporum derivat à varietate dispositionis particularum, quoad figuram, & magnitudinem, in corporibus odorabilibus. Tactum Cartesius explicat per motum nervorum, in totam cutem corporis tangibilis, desinentium, factum à particulis aliorum corporum motis, efficientibus gravitatem, levitatem, siccitatem, calorem, frigus, duritiam, &c. & prout hæc diversæ moventur modo diversos efficiunt tactus, & diversas qualitates tactiles, jam nominatas: ita & Regius tactum definit sensum, quo ex motu nervorum tactuorum per unum corpus diffusorum, calor, frigus, &c. qualitates tactiles, ab anima

percipiuntur, ita V. C. quando alicuius corporis particule insensibiles celerius moventur, quam particule nostræ cutis, sentitur calor; cum moventur tardius, quam nostri corporis particule, sentitur frigus, quando resistunt nostri corporis partibus, sentitur durities, cum his cedunt, mollioritas, & sic in aliis. Berigardus vero longe fusius de quatuor hisce sensibus agit, Circ. 15. 16. 17. 18. In lib. de Anima secundum Aristot. Circ. quidem 15. primum, auditus medium non tantum facit aerem, sed & aquam; estque ipsi sonus, non tantum motus aeris, sed & aquæ, imo motus cujusque demum corporis, nervum auditorium sentiens; & sonorum differentias explicat, similitudine colorum; ut enim colorum varietas oritur ex eo, quod diversimodè, & vario motu lumen tendat ad oculos; ita in auribus diverso motu essattingunt, variis aeris & aquæ motus, illam varietatem ponit in gyris & circulis, quibus ad aurium membranam motus, aut aeris, aut aquæ, aut alterius corporis deferitur; nam ut lumen diversos recipit motus pro varietate corporum, in quæ incidit, ita aer, aut aqua, varies, atque diversos edit circulos ac gyros, pro diversitate corporum, quæ alliduntur. Odoratum explicatur Circulo 16. incipit ab odore, quem, uti & omnia alia objecta sensum, ait esse corpus, quod per se movet nervum odoratum absque ullo specierum sensibilibus interventu: processus mammillares, instrumentum sicut olfactus, eosque appellat nervos, quia sunt substantiæ mollioris; odorum diversitatem derivat ex vario motu res odoriferæ, vel ei conveniente, vel contrario, vel indifferente. Gustum Circulo 17. explicat per motum particularem in res sapida, attingentium nervum gustatorium vario modo, atque hinc quoque derivat varietatem saporum, prout istæ particule vel conveniunt, vel non conveniunt linguæ aut palato, si conveniunt, sapor est dulcis ac gratus, si non conveniunt, est amarus sive ingratus, Circulo 18. Tactum exponit per motus diversos rerum tactuum impellentes nervos, per universam totius corporis cutem dispersos; atque sic tamen explicat ac situm, quoriscunque ventriculi fibræ, inopia cibi aut potus, motum edunt: ita quoque exponit titillationem, quem sensum externum facit Scaliger, alii tactus facium speciem.

SENSU INTERNO IN SPECIE, APPETITU  
SENSITIVO, ET LOCOMOTIVA.

## T H E S I S I.

**S**ensus communis officia sunt varia.

*Per hæc officia distinguitur sensus communis à Phantasia, Estimativa, Memoria, non re sed ratione.*

Ipsa inscriptio hujus Capitis, tres facit ejus partes, unam à thes. 1. usque ad 30. exclusive, de sensibus internis in specie, alteram de appetitu sensitivo, à thes. 30. ad 59. exclusive, tertia de facultate locomotiva, à thes. 59. ad finem. Pars prima subdividi potest in eam, quæ explicatur sensus interni variaz functiones à thes. 1. ad 19. & in illam, quæ explicat sensus interni affectiones, vigiliam, somnum, & somnium, à thes. 19. ad 30.

Sensus communis, qui vulgo ponitur redistinctus à Phantasia, estimativa, memoriâ, quatuor sensus interni speciebus, vulgò habitis, asseritur thes. 1. & commentario subjuncto, ratione tantum ab iis distinguî, & esse eadem facultas, distincta ab illis tribus ratione tantum, cum fundamento in re, quod est varia ejusdem potentiz, quam sensum internum vocant, functionis & operatio, quæ non magis infert varietatem potentialium & facultatum sentiendi internarum, quam exsiccatio, induratio, liquefactio, calefactio, &c. arguunt in sole diversis potentias aut facultates, nam proficiuntur omnes istæ operationes ab unâ eademque solis virtute, pro ratione diversorum objectorum, sic hic unius ejusdemque sensus interni munera sunt diversa, & actiones variez, pro ratione etiam diversorum objectorum vel absentium, vel presentium, vel sensatarum, vel non sensatarum. Thes. 2. usque ad 6. exclusive tradunt officia & operationes sensus communis, & in commentariis explicantur. Phantasia ab officio & actionibus suis exponitur thes. 6. 7. 8. 9. ita quoque à thes. 10. ad 13. enarrantur munera & actiones estimativæ facultatis: atque hic notandum est, quid per species sensatas & non sensatas intelligant Philosophi, nempe per priores intelligunt species rerum, sensibus primo externis oblatum; per posteriores intelligunt species rerum, ante sensibus externis non perceptarum, ut cum Leo, auditu cantu Galli, format intra cerebrum speciem horrois & metus, qui in sensus externis nunquam incurritur. Hæc thes. 13. usque ad 18. exponuntur munera memoriæ & reminiscentiæ; ubi unum notandum est thes. 17. si memoria sit rerum præteritarum, ut ibi dicitur, nullam esse consubstantiationem aut transub-

stantiationem, quia corpus Christi præsens non potest in se ipsum memoriam, attamen dixit, *fac hoc in me recordationem seu memoriam.*

2. Primum est, sensibus exterioribus communicare spiritum animale.

*Sensus exteriores egent spiritus animali, non ut sentiant, sed ut species sensibiles receptas, ad cerebrum ac sensus internos deferant.*

3. Secundum, externorum sensuum operationes percipere.

*Externi sensus sentiant, sed non percipiunt suas sensationes, hoc est, sensus interni, qui cum hoc agit, vocantur communis sensus.*

4. Tertium, objecta externorum sensuum percepta discernere.

*Nota, sensum communem percipere & discernere objecta externorum sensuum, præsentia tantum.*

5. Quod munus non exercet componendo, aut dividendo, sed simplici plurium objectorum intuitu.

*Componere & dividere Phantasia est; & non sensus communis officium, qui non alio modo discernit objecta varia externorum sensuum, quam ea diversis actibus simpliciter percipiendo verbi causa, cum à visu ad sensum externum deferuntur simul species coloris albi & nigri, quia uterque simul videtur, sensus communis utrumque percipit, & quia species utrinque aliter representat colorem album, aliter nigrum, utrumque percipiendo alterum ab altero discernit.*

Componere & dividere significat affirmare & negare: qui simul apprehendit colorem album & nigrum, & apprehendendo discernit, is non affirmat aut negat; at qui sic apprehendit utrumque sensus communis: ergo nec affirmat nec negat, quod utrumque solius Phantasia est.

6. Phan-

6. Phantasiæ munus est primum, species sensibiles depurare & convertere in naturam Phantasmatis.

*Species sensibiles, quando primum ad sensum internum deferuntur, sunt impuriiores & materialiores, in cerebro perceptæ, non nihil purificantur, hoc est, à terrestribus conditionibus materia nonnulli purgantur, quod facere est Phantasia officium.*

7. Alterum, eas varie componere ac dividere.

*Ergo bruta etiam componunt ac dividunt, id est, affe-  
mani & negant, sed non ratiocinantur, sed mutantur  
discursu aut syllogismo.*

8. Tertium, objecta externorum sensuum absentia cognoscere.

*Cognoscit Phantasia objecta absentia externorum sensuum, quatenus species in cerebro recepta ibi perpetuo manent.*

9. Hinc distinguitur à sensu communi, qui tantum circa præsentia versatur.

10. Æstimatoriæ officium est, ex speciebus sensatis colligere species non sensatas.

*Exemplum est, cum ex viso lupo ovis colligit ejus odium & inimicitiam, hic tum lupo à sensu interno percipitur, per speciem sensatam id est, per speciem sui. à sensu interno, puta visu, perceptam inimicitia & odium lupi percipitur ab eo dem sensu interno, per speciem non sensatam, quia odium & inimicitia in sensum externum non incurrunt.*

11. Quod facit, cum de rebus sensu perceptis format notiones boni vel mali.

*Notio enim boni & mali sensibus non percipitur exterius: intellige vero hic bonum utile vel jucundum, & malum inutile vel triste; nam bonum honestum & malum turpe, non sunt objectum sensus sed intellectus.*

12. Ubi æstimatoria rationem utilis & inutilis ex rebus sensu perceptis elicerit, movet appetitum ac locomotivam ad rem vel prosequendam vel fugiendam.

*Appetitus enim & locomotiva non servantur in rem solum, nisi à sensu externo primo cognitam & interno judicantem.*

13. Memoriae sensitivæ munera duo sunt.

*Dico, sensitivæ, ad distinctionem memoriae intellectuales, de qua Capite sequenti.*

14. Primum est, species sensatas & non sensatas conservare.

*Unde memoria dicitur custos rerum perceptarum.*

15. Eas interdum, cum necesse est, rememorare.

*Dico cum necesse est, quia non semper habesse est, quando scilicet objecta iterum sunt præsentia; nam memoria non versatur circa res præsentis, sed absentes tantum, nec absentes sentiat, sed absentes præteritis.*

16. Et tum dicitur Reminiscencia & Recordatio.

17. Hinc dicitur Memoria rerum esse præteritarum.

*Rerum præteritarum: si enim res iterum sensui externi præsentantur præsentis, non versatur circa eas sensus internus tanquam memoria, sed tantum sensus communis.*

18. Sensus internus non ratiocinatur, ne quidem in homine.

*Ratiocinari, est unum ex alio, scilicet conclusionem ex præmissis, inferre: atqui eo non affurgit sensus internus: sed quia in brutis videntur præficti operationes ab ratiocinatione, ea referenda sunt ad Phantasiæ eorum, conjunctionem cum instinctu naturali in iis.*

Cum quaeritur, an sensus internus in brutis ratiocinetur, tantundem est, ac si quaeratur an ratio cadat in bruta; de qua quaestione egerunt inter antiquos, *Pitarchus*, inter recentiores, & *Vallensis* & *Rorarius*, qui tres statuerunt rationem, i. e. ratiocinationem cadere quoque in bruta, idque evincunt ex variis operationibus eorumdem, quales sunt Simiurum, Elephantum, Apum, Formicarum. Canum, Equorum, &c. vulgaris sententia tener esse umbram quandam rationis seu ratiocinationis in illis, non tamen veram, qualis est in homine, aut rationem aut ratiocinationem, ita hanc sententiam explicant & defendunt *Corimbricenses*. Ego sane, si dicere debeam, quod res est, existimo non umbram tantum ratiocinii, sed verum ratiocinium in brutis deprehendi, quod arguunt admiranda illorum opera; quomodo igitur, dices, distinguetur brutorum Anima ab Anima hominis, si etiam bruta ratiocinentur æque ac homines? Resp. distingui non quoad actus, nam utraque ratiocinantur, & brutum & homo, sed quoad objecta, quia brutorum ratiocinatio se tantum extendit ad objecta

materialia, & singularia, sensu externo prius percepta, aut hominum ratiocinatio sese ulterius extendit & affurgit ad objecta etiam immaterialia, & universalia, sensu externo non percepta, imo nec perceptibilia: ita homo ratiocinationem instituit circa Deum, Angelos, Animas racionales, entia spiritalia, circa Animal, Plantam, Elementa, &c. corpora universalia, ad quæ omnia non pertingit brutorum ratiocinatio.

19. Sensuum affectiones sunt, Vigilia, Somnus, & Somnium.

**A** Thef. 19. usque ad 30. exclusive agitur de sensuum affectionibus, scil. tum exteriorum, tum interiorum, vigilia, somno, somnio, vigilia est affectio sensuum exteriorum, quia exercetur per illos, vigilantes enim videmus, audimus, ceteraque functiones sensuum exteriorum obimus. Somnus est affectio sensuum interiorum, quippe dormientes nec videmus, nec audimus, nec ullas operationes sensuum exteriorum obimus. Quomodo Vigilia thef. 20. docetur thef. 20. Quomodo Somnus thef. 21. Cause tamen somni satis sunt in obscuro posite, admodum variae, imo saepe contrariae: V. C. defatigatio corporis multis somnum adducet, aliis impedit: quod autem diversæ sint somni cause docet experientia, imo tam multæ sunt, ut omnes certo numero enumerari nequeant. Quicquid sit, aliqua tamen proxima somni causa dari debet, quam efficiant tam variae & multiplices, quin & oppositæ aliæ somni cause; eam puto esse non aliam, quam impeditum motum, aut, immobilitatem spirituum animalium, in ventriculis cerebri procreatam, undique & à quacunque causa; nam quamdiu datur liber illorum motus, somno aut vix, aut non est locus. Unde dicitur thef. 22. Animal dormiens tum expergiscit, cum panduntur meatus, qui in somno erant occlusi, per quos spiritus animales committunt, ut sic libere iterum moveantur. Causa expergiscitæ explicatur thef. 23. Quid sit somnium thef. 24. ejus divisio instituitur thef. 25. atque explicatur à suis causis somniorum species, thef. 26. 27. 28. 29.

20. Vigilia, est non impeditum sensuum exteriorum exercitium propter spiritus animales, quantum est satis ad sentiendum, à cerebro ad organa missos.

*Quamdiu spiritus animales descendunt ad organa sensuum exteriorum, & species seorsum vehunt ad cerebrum, tamdiu homo vigilat, ita ut in vigilia operentur & sensus externi & interni.*

21. Somnus, est cessatio exteriorum sensuum, vaporibus nervos & meatus sensorios opplentibus, & spirituum animalium influxum prohibentibus.

*In somno soli operantur sensus interni, quamvis non semper; non item externi, quia nulli descendunt spiritus animales, qui species sensibiles ab exterioribus organis ad cerebrum debeant: & spiritus animales descendere nequeunt, quia obstructa est via, nam in somno nervi & meatus sensorii implentur vaporibus, ex assumpti cœli overfus cerebri ascendunt; at per nervos & meatus sensorios spiritus animales descendunt & ascendunt.*

22. Animal expergiscitur, cum panduntur meatus per quos spiritus animales committunt.

*Theof. loquitur de naturali expergiscitæ seu expergiscitæ animalium; alioquin vi externa, tractionis, pulsionis, clamoris; etiam solentur animal somno, quamvis meatus & nervi nondum sint liberati à vaporibus obstituentibus.*

23. Id fit, vel externâ causâ, sc. à sono, aut alio objecto vehementiore, vel ab infuso calore cerebri, vapores dissipante.

*Naturalissima causa expergiscitæ est, quando infusus calor animalis omnes vapores ad cerebrum delatos consumpsit & dissipavit.*

24. Somnium est representatio objectorum absentium quasi presentium, sensu interno species conservatas variè versante & commiscente.

*Quia sensus internus in somno non est otiosus, sese occupat circa species sensibiles vario modo contemplandas, volendas, & revolvendas; ex qua actione oriuntur varia rerum in somno ac somnio representatio in sensu interno, quas cum cognoscit, dicitur animal somnians: quia non tantum representantur in somno res absentes, quæ fuerunt, & sunt presentia, sed & res quæ nunquam fuerunt, nam somnians etiam de montibus antris, &c.*

25. Somnia fere sunt quadruplicia.

*Dico, fere, quia vix possunt somnia ad certas classes reduci.*

26. Vel oriuntur ex affectibus, quibus animal commotum ad dormiendum accessit, ira vel tristitia, &c.

*Aff. Ans in dormiendo dormitantes reddunt sibi similia somnia: sic, qui iratus abiit cubitum, fere somniat de igne & incendio, &c. quia tunc bilis commota est.*

27. Vel ex studiis atque negotiis de die gestis.

*Quia*



*Quia de nocte recurrunt totius acti dicit.*

## 28. Vel ex peculiari corporis temperie.

*Temperies ut multum facit ad vigiliam & merces vigiliantium, ita non parum confert ad somnum & somnia: sic, qui temperie sunt frigidiore & plegmatica, de aquis & submersione fere somniant, &c.*

## 29. Vel immittuntur à Deo, aut Diabolo.

*Deus olim multa Prophetis & Apostolis & viris sanctis revelavit, per insomnia, cuius rei exempla existant in Testamento veteri ac novo.*

*Somnia diabolica seu à diabolo immissa, fere sunt ea, quæ cum peccatis seditate sunt conjuncta.*

## 30. Facultatem sensitivam cognoscen- tem sequitur appetens.

Hæc thesi usque ad 59. exclusive agitur de secundo membro hujus Capitis, nempe appetitu sensitivo, qui primum dēbitur thes. 32. subiectum cuius proponitur thes. 33. nempe cor, quod probatur thes. 34. deinde ejus proprietates ponitur thes. 35. irrationalitas: ubi tamen ex thes. 36. liquet, appetitum sensitivum dici rationalem, vel essentialiter ac perfecte, ut nihil rationis admittat, nec ullo modo rationi subit in illo subiecto, in quo est, qualis est appetitus natus Brutorum; vel accidentaliter & per accidens, quatenus, licet in se rationis sit expertus, aliquid tamen rationis participat à subiecto, in quo est, quod cum est rationale, ejus quoque rationi subest, si non semper, saltem interdum, qualis est appetitus sensitivus Hominis. Thesis 37. proponit sensitivi appetitus objectum, idque exponitur per divisionem thes. 38. de-nique actiones appetitus sensitivi circa objectum explicantur thes. 39. 40. 41. Actiones sensitivi appetitus peculiaritatem vocantur affectus thes. 42. qui definiuntur thes. 43. explicantur à thes. 44. ad 45. quæ instituitur eorum divisio in concupiscibiles & irascibiles: concupiscibiles enarrantur thes. 55. irascibiles thes. 56. Quid sit appetitus concupiscens, docetur thes. 57. quid irascens, thes. 58.

## 31. Ubi enim illa est, ibi & hæc.

*Ratio est, quia facultates hæc arctissimo vinculo inter se sunt connectæ.*

32. Appetitus sensitivus est facultas, quæ animal inclinatur ad bonum sequendum, quod sensus approbat, & malum fugiendum, quod sensus improbat.

*Bonum, intellige præsertim jucundum, & utile, etiam non formaliter sed materialiter: malum, intellige triste &*

*etiam inutile, si materialiter sumatur & non formaliter: id est, appetitus sensitivus appetit quidem rem, quæ est utilis, & fugit rem, quæ est inutilis, sed non quia est utilis vel quia inutilis.*

*Nam quia sensus non potest percipere rationem mediæ ad finem, non potest percipere bonum utile quia utile, seu formaliter, ista enim perceptio fit per rationationem, ideoque nec appetitus sensitivus, qui sequitur perceptionem sensus, non potest quomodo appetere bonum utile, quia utile, seu formaliter. pariter philosophandum est de malo inutili, quod sicut sensus non percipit formaliter, ita nec appetitus illud averſatur formaliter.*

## 33. Appetitus sensitivi sedes est cor.

*Sedes, id est, subiectum, nam in corde ibi generantur spiritus vitales, qui maxime ab appetitu sensitivo moventur; unde videmus, affectibus vehementer motis, animalia interdum pati deliquium animi interdum exstingui, quia calor vitalis per agitationem nimiam spirituum vitalium vel debilitatur vel absumitur.*

## 34. Quia cor afficitur appetitu sensitivo vehementius moto.

*Hæc ipsa demonstrat experientia, quotiescunque aliquis affectus nimium excitatur, cor nimium dilatari, ut in latitia, vel contrahi, ut in tristitia, &c.*

## 35. Appetitus sensitivus per se est irrationalis.

*Ratio est, quia facultas animæ irrationalis, puta, sensitiva.*

## 36. In homine tamen fit rationalis participative.

*Ratio est, quia in homine animæ sensitiva subordinatur animæ rationali, unde participat de ejus ratione, libertate, aliisque proprietatibus.*

## 37. Appetitus sensitivi objectum est bonum & malum:

*Sed diversis actibus, ut indicatur thes. 36.*

## 38. Bonum jucundum & malum triste.

*Intelligitur bonum jucundum, quod sensibus voluptatibus; triste, quod sensibus dolore affert.*

## 39. Circa illud versatur appetendo, circa hoc averſando.

40. Circa bonum honestum & utile, malum turpe & inutile non versatur, nisi in quantum sequitur ductum rationis.

*Nam-*

*Nunquam tamen attingit sensitivum appetitus bonum honestum & utile, aut malum turpe aut inutile, formaliter; ratio datur thesiquenti.*

41. Quia hæc bona & mala iudicio sensitivi non lubstant.

*Causa est, quia hæc bona & mala non dignoscuntur nisi ratiocinatione, quæ in sensu interno non cadit.*

42. Appetitus sensitivus est sedes affectuum propriè dictorum.

*Affectus hic spectantur naturales, seu in genere naturæ, non morales, seu in genere moris, prout sunt boni vel mali, ex circumstantiis moralibus variatis; sic enim pertinent ad Ethicam.*

43. Affectus, est motio appetitus sensitivi, à sensu interno, objectum vel bonum vel malum proponente, facta, ad illud consequendum, hoc fugiendum.

*Proponente, non simpliciter, sed etiam indicante: ad affectum hæc omnia concurrunt; primo, sensus externus & internus, cognoscens objectum; secundo, objectum ipsam iudicatum, aut bonum aut malum; tertio, appetitus sensitivus, objectum, ut bonum indicatum, proseguendo, ut malum iudicatum, fugiendo.*

44. Itaque errant, qui affectus volunt esse pravas opiniones:

45. Sic enim pertinerent ad facultatem cognoscentem, non appetentem;

46. Et concitarentur in cerebro:

47. At concitantur in corde;

*Quæ distinguuntur subjectis, non sunt idem: affectus & opiniones distinguuntur subjectis; ergo non sunt idem: probatur minor, affectus sunt in corde & appetitus sensitivus: opiniones sunt in cerebro & facultate cognoscente.*

48. Et sunt motiones facultatis appetentis:

*Affectus sunt motiones partim activæ, partim passivæ; nam & excitantur ab objecto in appetitu sensitivo, & sic sunt passionēs, & per illos appetitus appetit, & sic sunt actiones, & in appetitu recipiuntur, atque sic iterum sunt passionēs.*

49. Tales motiones, quibus appetitus sensitivus movetur;

50. Unde & affectus vulgo dicuntur passionēs.

*Tum enim denominatio fit à potiori, quia affectus duplici nomine sunt passionēs, simplici nomine actiones.*

51. Non quod meræ ac solæ sint passionēs:

*Sunt tamen potissimum passionēs.*

52. Nam & actiones dici debent, & quidem immanentes.

*Quia affectus manent in appetitu sensitivo.*

53. Quatenus appetitus sensitivus, à sensu interno excitatus, etiam activè concurrat ad eas motiones eliciendas.

*Nam appetere, est agere, uti & fugere.*

54. Affectus, alii sunt in appetitu sensitivo irascente, alii in concupiscente:

*Non quod appetitus irascentis & concupiscentis sint distincti realiter inter se; sed sunt ipsi appetitus sensitivi diversæ operationes: propter diversam rationem objectorum, quæ appetuntur vel fugiuntur.*

55. In concupiscente sunt, amor, odium, desiderium, fuga, gaudium, tristitia.

56. In irascente sunt, spes, metus, audacia, desperatio, ira.

*Hi affectus undecim ita enumerantur à Peripateticis, cum tamen revera tantum duo sint, amor, & odium; nam reliqui, affectus, variis sunt tantum modis, quibus rem amamus aut odimus.*

57. Appetitus concupiscentis dicitur, qui versatur circa objectum bonum vel malum absolute simpliciterque spectatum.

58. Appe-

58. Appetitus irascens dicitur, qui ver-  
fatur circa bonum vel malum arduum, aut  
potius circa impedimenta, quæ efficiunt,  
quo minus concupiscens, aut bonum con-  
sequatur aut malum evitet.

*Quæmadmodum bonum & malum, absolute spectatum,  
non differt à seipso in quantum spectatur cum molestia vel  
difficultate, vel consequendi vel fugiendi; ita non differt  
appetitus concupiscens ab irascens, quorum ille appetit bo-  
num vel malum absolute hic bonum vel malum difficile.*

59. Appetitus executrix facultas est lo-  
comotiva.

*Quia obiectum, quod appetitur, & quod fugitur, non  
semper est præsens, per locomotivam virtutem acquiritur  
vel fugatur.*

Hæc thesi & sequentibus usque ad finem exponitur  
tertium hujus Capitis membrum, nempe facultas  
locomotiva, quæ dēnitur thes. 60. cujus subiectum  
proponitur th. 61. quod simul est causa instrumentalis  
ejus effectus, nempe motus localis: hujus alix quædam

causæ instrumentales, sed minime nobiles, enumeran-  
tur thes. 62. & ultimâ.

60. Hæc est facultas quâ animal ad im-  
perium appetitus se movet ad sequendum  
bonum, & malum vitandum.

*Facultas locomovendi subest imperio sensitivi appetitus,  
sicut hic imperio Phantasie.*

61. Estque sita in Musculis.

*Musculi sunt partes carnosiores: datæ animalis ad mo-  
tum Organorum efficiendum, & sunt potissimum instru-  
mentum motus localis.*

62. Nervi tamen, tendines, ligamen-  
ta, articuli, & spiritus animales, suo  
modo ad motum concurrunt.

*Hæc omnia inserviunt motui faciendo, sed minus prin-  
cipaliter, nam præcipuum instrumentum localis motus  
sunt musculi.*

*Sententia Cartesii, Regii, & Berigardi,*

A D

## CAPUT DECIMUMQUARTUM.

DE sensu interno unico tantum Aphorif. 190. *partis  
quarta Principiorum Philosophia*, agit *Cartesius*, & val-  
de pauca de eo tradit; ponit sensum internum in eo  
quod spiritus in cerebro à nervis excitentur ad motum,  
& mentem diverso afficiant modo: hæc diversas men-  
tis affectiones, ex diverso motu nervorum per spiritus  
motum in cerebro ortas, vocat sensum internum. *Re-  
gii cap. 10. sua Physica* sensus interni tantum facit  
mentionem, eumque obiter definit, quod sit motus in-  
sertus fibris sensoriorum externorum, ibidemque ex-  
citatus; sed delatus ad sensorium internum commune,  
cerebrum. *Berigardus Circulo 19. in lib. Arist. de Animâ*,  
de sensibus agit internis, ac primò sententiam commu-  
nem refellit, mox suam, sed brevissimè explicat, Pag. 3.  
supponens, omnem sensationem fieri motu corporearum  
imaginem, quas *Aristotelici* vocant, *species sensibiles*, *Be-  
rigardus Spectra*, qui motus à nervis cerebri ortum du-  
cens, cum ad suum redit principium, atque in se quasi  
reflexus, seu repercutus, sensum facit internum: eor-  
um sensum internum organum, in quo & per  
quod functiones suas exercent, facit cerebrum. De Vi-  
giliâ, somno, & somnio, apud *Cartesium* negy qui-

dem exstat: Apud *Regium* somnus definitur, ventri-  
culorum cerebri confidentia & angustatio, propter de-  
fectum spirituum animalium, uti contra, vigilia ipsâ  
definitur, ventriculorum cerebri & nervorum dilata-  
tio ac expansio, orta ex sufficiente copiâ & motu spiri-  
tuum animalium. *Berigardus* de utroque nullum facit  
verbum. Quod spectat appetitum sensitivum & affe-  
ctus, de his obiter agit *Cartesius* jam citato Aphor. sed  
fussimè in libello, quem edidit sub titulo de passioni-  
bus Animæ. *Regius* de affectibus agit Cap. 12. eosque  
definit per impetum, quo, mota & perturbata atque  
affecta mens ab opinione, malum habet de bono, vel  
malo, bonum prosequi, malum fugere studet, ope spi-  
rituum animalium, qui à cerebro per nervos ad cor de-  
scendentes totum corpus agitant, sanguinemque vehe-  
mentissime ciant, unde cor vel dilatatur, vel contrin-  
gitur, pro diversitate ipsorum affectuum: sedem ac  
subiectum eorum facit & cor & cerebrum: cor, quia  
& quatenus per affectus illud movetur, & secum tra-  
hit motum inordinatum & vehementissimum sangui-  
nis: cerebrum, quia & quatenus per affectus mens  
quoque perturbatur. *Berigardus Circulo 19. ad lib. 2. de  
Animâ:*

Yyy yy

*Anima*, incipit à sede appetitus sensitivi, quam facit cerebrum; & appetitum sentientem cum iudicio confundit: nempe ille philosophatur, in cerebro varia rerum simulacra repræsentantur, quorum motus varii, terminati in glandula pineali, efficiunt varias cogitationes, quibus aliquid apprehenditur vel prosequendum, vel fugiendum; cum ad apprehensionem istam ac iudicium de bono prosequendo & malo fugiendo, spiritus animales feruntur, ad partem aliquam corporum incitandam, & in auxilium quasi vocandam, ut bonum perceptum possit obtineri, malum perceptum vitari, tum illa motio cerebri, simul & alicujus partis in ipso corpore, vocatur appetitus aut affectus; in corde autem nullo modo facultatem appetendi vult collocari, quia ad affectum aliquem excitandum ipsi hæc tria sufficiunt, simulacrum rei apprehensum aut iudicatum, spiritus animales, instrumentum seu organum, pars aliqua corporis.

Quod spectat tertiam partem, facultatem nempe locomotivam, ut est proprietas animæ sentientis, de ea nihil peculiare habet *Cartesius*; quia motum localem

pro proprietate Animæ sentientis non habet, sed verò eam facit affectionem communem omnium corporum naturalium. Paucis de eâ agit aut ejus potius effectu, *Regius*, sub titulo motus arbitrarii, quem definit esse motum, profectum à voluntate (nam datur quoque motus naturalis, in rebus voluntate destitutus) quo corpus nostrum, pro mentis arbitrio & iudicio, ad res, vel prosequendas, vel fugiendas, de loco in locum, per spiritus in musculos à mente determinatos, movetur. *Berigardus* facultatem locomotivam tantum ratione distinguit ab ipso spiritu animalis, & Phantasmatis sive imaginibus aut simulacris Phantasie, ponitque unum, eundem spiritum ad sensum & motum: vultque discrimen tantum esse instrumentis, seu partibus corporis, quæ in sensu scilicet interno influentem habent spiritum, præcipue tamen impelluntur à rebus externis; in motu, influens spiritus causa est ejus, abque rei externæ impulsu; ita ponit nervos quosdam destinatos ad sensum, alios ad motum, qui uterque excitatur pro vario influxu spirituum.

## CAPUT XV.

## DE

## ANIMARATIONALI.

## THESIS I.

**A**nima Rationalis, vel considerari potest, ut substantia quædam per se extra corpus subsistens, & sic pertinet ad Metaphysicam, vel quatenus est pars hominis, & sic pertinet ad Physicam.

*naturale primo sensu. Adde, ejusdem Disciplinæ esse, explicare totum & ejus partes: atqui Physica est explicare hominem; est enim species corporis naturalis primo modo sumpti; ergo & Physica est agere de anima rationali quæ hominis principio & parte.*

## A Thesi 1. usque ad Thesin 18. inclusive.

*Objectio: Quod corporis naturalis nec species est, nec affectio, nec principium, de eo male agit Physica: sed anima rationalis nec est species corporis naturalis, nec affectio, nec principium: Ergo.*

*Respondeo: Corpus naturale dicitur ambigere: vel significat compositum naturale constans materia & forma, quemadmodum planta dicitur corpus naturale; vel significat alteram partem compositi, materiam scilicet, quæ corpus est, verbi causa, in planta; & contradiungitur forma seu anima, quæ non est corpus.*

*Priore sensu naturale corpus est objectum Physicæ, & sic anima non ut species ejus, nec ut affectio ejus, sed ut principium ad illud pertinet; est enim homo corpus naturale priori sensu, hominis vero principia, materia & forma; materia est corpus Organicum & naturale & animalium, prout corpus naturale sumitur secundo sensu; forma est anima rationalis; ergo anima rationalis, ut omnis forma, recte dicitur principium hominis, ut homo est corpus*

**C**Apit hoc ultimum dividi commodè potest in partes duas, quarum prior consideret Animam rationalem quoad substantiam seu essentiam, à thes. 1. usque ad thes. 13. posterior eam consideret quoad facultates, à thes. 14. ad finem usque. Thesi quidem prima exponitur quo jure ac titulo de Anima rationali agatur in Physicâ, cum nec corporis naturalis sit species, nec affectio, nec principium: quæ objectio solvitur in comment. subjuncto. Thesi. 2. docetur quod sit Anima rationalis. Thesi. 3. 4. 5. explicatur quid sit; ejus affectiones seu attributa recensentur thes. sequentibus. ac primò, quod non una omnium hominum, sed in singulis hominibus distincta ac singularis thes. 6. 7. deinde, quod sit immaterialis thes. 8. immortalis thes. 9. indivisibilis thes. 10. quibus & quot modis sit immaterialis thes. 11. hinc tria deducuntur conclusaria; unum, quod non sit extraduce, thes. 12. alterum, quod separatim existere possit

possit extra corpus, th. 13. tertium, quod separata à corpore, operari, i. e. intelligere & velle possit, thes. 14. duæ aliæ proprietates Animæ rationalis recensentur thes. 15. 16. 17. primum, quod sit tota in toto, & tota in unaquaque parte; deinde, quod unaliter sit inæqualis, dignitatis imparis, & ignobilior.

## 2. Animam rationalem dari, à nemine potest negari.

*Qui enim negaret esse animam rationalem, eo ipso quod negaret eam esse, convinceretur, quia negare est actus animæ rationalis; at actus omnis principium suum inferat; nam quæ vales consequentia, ubi est actus, ibi est potentia agendi, sed negatio censensque rei, nisi affirmatio, est actus animæ intelligentis, ergo ubi illa actus est, & hæc est.*

## 3. Ea est forma hominis.

*Quia per animam rationalem homo est homo.*

## 4. Nec assistens, nec informans.

*Non assistens, quia non datur homini nudum motum, sed essentiam: non informans, quia non dependit à materia in fieri, esse, & operari, sicuti dependet informans.*

## 5. Sed mediæ naturæ ac conditionis inter utramque.

*Est anima rationalis medium negationis inter informantem & assistentem, qualis forma nomine hæcenus caret.*

## 6. Non est una in pluribus individuis.

## 7. Sed multiplicatur ad multiplicationem individuum.

*Sicut substantia corporea constituitur per formas, ita per easdem distinguuntur ab aliis substantiis corporis; ergo, si substantiæ singulares, puta homines individui, inter se distinguantur, per formas eorum illos inter se distinguunt aliter sequitur: & profecto, si una foret anima rationalis omnium individuum hominum, eadem & saperet in Socrate, & desperet in Choro & ratione uteretur in homine sana mentis, & fureret in homine insano; quo nihil potest cogitari absurdius.*

## 8. Anima rationalis est forma immaterialis.

*Non tantum dicitur anima rationalis immaterialis eo sensu quo substantia dicitur immaterialis, quæ pro parte essentiali nullam includit materiam; sic enim anima vegetans & sentiens sunt forma etiam immateriales: sed anima rationalis etiam eo sensu est immaterialis, quatenus non dependet à materia in fieri, esse aut operari; quo sensu anima vegetans & sentiens possunt dici esse forma immaterialis.*

## 9. Ideoque est immortalis.

## 10. Ideoque est indivisibilis.

*Utraque thesis hoc probatur syllogismo.*

*Quod caret materia, caret radice corruptibilitatis ac divisibilitatis, anima rationalis caret materia; ergo, Probatur major. Si corruptibilitas & divisibilitas sequantur materiam, ergo quod caret materia, caret radice corruptibilitatis; sed verum est prius; ergo & posterius. Probatur minor: si corruptibilitas sequatur potentiam contradictionis ad esse & non esse, & divisibilitas sequatur extensionem partium extra se invicem, ergo amba sequuntur materiam: sed verum est prius; ergo & posterius. Probatur major: quia corruptibile dicitur, quod cum esse potest non esse: at materia quæ est indifferens ad quaslibet formas, & nunc sub hac nunc sub illa cupit esse forma, causa est, quod forma quæ nunc adest, possit abesse, & sic causa est, quod totum possit corrumpi, & animatum mori deinde divisibile est, quod in partes dividi potest: sed materia partes habet, in quas dividi potest, ergo divisibile sequitur materiam sive extensionem partium in materia. Probatur minor: quia in eo consistit ratio corruptibilitatis, ut quod est, possit non esse, & in eo consistit ratio divisibilitatis, ut quod unum est, possit in plura dividi.*

## 11. Est immaterialis, & in fieri, & in esse, & in operari.

*In fieri, quia materia generationis, scilicet, semen utriusque parentis, nihil confert ad animæ rationalis productionem. In esse, quia extra corpus existere potest, & de facto existit in statu separationis. In operari, quia etiam dum unita est corpori; quando seipsam cognoscit anima rationalis intuitiva, à materia sive corpore non dependet, ut nec quando separata à corpore aliquid intelligit.*

## 12. Itaque non producitur à parentibus.

*Ratio est, quia, si produceretur à parentibus, in fieri dependeret à materia, puta semine, quo mediante parentes generant.*

## 13. Et potest subsistere extra corpus.

*Ratio est, quia aliquando dependeret à materia in esse.*

## 14. Et potest operari independentè à corpore.

*Ratio est, quia aliquando dependeret à materia in operari.*

## 15. Anima rationalis potest dici tota in toto corpore, & tota in qualibet parte.

## 16. Sed debet tum totum sumi negative.

Vox, totus, a, um, aliter dicitur de spiritibus, aliter de corporibus: de illis dicitur negativè, hoc est, ut illi dicantur quidem esse in loco, sic ut nulla pars loci eis careat, sed ut tamen ipsi non habeant partes, quibus commensurari possunt à partibus loci: hac vero, corpora scilicet, sunt tota in loco, scilicet partibus, sic ut liceat in ipsis corporibus assignare partes commensuratas partibus loci; unde cum animus dicitur esse in toto corpore, & in partibus corporis significatur, eam nullas habere partes respondentes partibus corporis: ac corpus dicitur esse totum in loco positum, quia habet in se partes respondentes partibus loci, sic ut, quia pars loci est una pars corporis, eadem parte loci non sit alia.

### 17. Animæ rationales sunt dignitate impares & inæquales.

Non enim videtur omnis animarum rationalium inæqualitas esse petenda ab inæquali temperie & dispositione corporis: nam si sit insipax & major & minor, ac major & minor perfectio in Angelis, quidni in animabus rationalibus: sed verum est prius; Ergo & posterius: non quod substantia angelorum aut animarum rationalium inter se sint inæquales, nam omnes sunt substantiæ spirituales & ex æteris materie, sed hæc inæqualitas intelligenda est, quoad operationes intelligendi, ac volendi; nam non pignat cum sita angelorum, aut animarum beatarum, ut detur discrimen graduum perfectionis majoris vel minoris in operationibus illorum, intellectio minus sit actus promptior, facilior, & ad plura se extendat, quam intellectio aliorum: nam uti in Inferno erant gradus penarum, ita in Cælo gradus gloriæ: cur non igitur ista inæqualitas statuatur quoque inter animas rationales, unitas corpori.

### 18. Facultates animæ rationalis vulgo statuuntur, intellectus & voluntas.

Sub intellectu comprehenditur memoria intellectualis, qualis superscit in animabus separatim, nam etiam hæc emittuntur.

#### A Thesi 18. usque ad finem.

Quod spectat facultates Animæ rationalis, ex numerantur duæ, th. 18 intellectus & voluntas: & asseruntur nec inter se, nec ab Anima rationali distinguere, sed ratione tantum, th. 19. De intellectu agitur à th. 20. usque ad 61. de Voluntate à th. 61. ad finem Th. 20. triplex proponitur intellectus consideratio, ante intellectionem à th. 21. ad 26 in intellectione à 26 ad 35. post intellectionem à 35. ad 61. Intellectus ante intellectionem dicitur in potentia esse th. 21. explicaturque illa phrasia th. 22. 23. ac comment. subjuncto, & ratio redditur th. 24. deduciturque inde consædium th. 25. Intellectus in intellectione dicitur intellectus in actu th. 26. explicaturque th. 27. ejusque objectum proponitur th. 28. 29. ordo intelligendi recensetur à th. 31. usque ad 39. ratio ordinis adfertur ista thesi & thesi 40. thesi 41.

usque ad 50 explicatur modus, quo intellectus, cum jam adhuc intelligit, in actum istum deductus est; tum th. 50. adhuc intelligendi, seu operationes intellectus recensentur tres, simplex apprehensio, judicium, discursus: judicium thesi 51. dividitur in Theoreticum & Practicum, illud explicatur th. 52. hoc subdividitur in absolutum & comparatum th. 54. postquam, quid esset, dictum esset th. 53. intellectus post intellectionem vocari solet intellectus in habitu th. 55. vel memoria intellectualis th. 56. cujus denominationis ratio redditur th. 57. & exponitur th. 58. 59. 60. Thesi 61. proponitur voluntatis genus, quod ipsi commune est cum intellectu, ut liquet ex thesi 41. th. 61. exponitur conditio, in voluntate, ut agat, requisita, quæ eadem requirebatur in intellectu thesi 42. th. 63. dicitur quidnam illud sit quod voluntatem ad agendum impellit ac moveat. Thes. 64. docetur quomodo id fiat, qui modus latius explicatur th. 65. 66. 67. 68. Actiones voluntatis enumerantur th. 69. Objectum ejus recensetur th. 70. actibus singulis voluntatis assignatur suum cuique objectum materiale th. 71. & formale th. 72. 73. Objectum ejus, quando est bonum, dividitur in finem, & media, explicatur modus, quo vult finem, & media necessarii cum fine connexa, thesi 75. & quo vult media alia th. 76. Modus communis utriusque, imo omni si ve volitioni, si ve nolitioni, explicatur th. 77. qui talis est, ut libertatem ejus nec tollit, nec imminuat, quod exponitur thesi 78. & 79. Pro Corone docetur, ex intellectu & voluntate oriri liberum arbitrium, quod definitur thesi 81. & sic Capiti huic postremo, ac toti Philosophiæ Naturali finis imponitur.

### 19. Quæ tamen potentia non distinguuntur inter se & ab anima realiter.

Videtur naturæ spirituali animæ rationalis obflare, quo minus ipsi tribuantur potentie, quæ sunt entia & accidentia distincta ab ejus substantia: nam qui loquitur, nullam substantiam esse immediatam principium operationis sue, id, ut dicitur, ita rejicitur; sufficit enim varietas objectorum, & modi, quo substantia una eademque in objecta tendit.

### 20. Intellectus potest considerari, vel ante intellectionem, vel in intellectione, vel post intellectionem.

Hæc triplex, consideratio totam intellectus naturam abfolvit.

### 21. Ante intellectionem, dicitur intellectus in potentia.

### 22. Non ratione suæ entitatis.

### 23. Sed ratione specierum & imaginationum.



Intellectus dicitur in potentia, non quasi ipsa facultas intelligendi non sit actu in anima, sed quia, cum possit intelligere, actu non intelligit; non vero intelligit actu, quamdiu in se actu non habet species intelligibiles sive imagines, actu representantes objecta intelligibilia, est vero intellectus in potentia respectu quorumlibet objectorum, in infantibus ante rationis usum, in adultis respectu objectorum quorundam, quia adulti, cum non omnia intelligent, quodam possunt intelligere, quae non intelligunt, & dum intelligunt unum actu, maiori intellectus eorum in potentia ad intelligendum aliud.

24. Nam intellectus nascentium est tabula rasa.

25. Hinc nullae species rerum actuales animis insitae sunt.

Quemadmodum tabula rasa & charta pura nihil habet actu sibi insculptum vel inscriptum, omnia tamen in utraque insculpi & inscribi possunt, ita & intellectus infantium in se, ante rationis usum, nullas possidet actu species intelligibiles intellectui suo insculptas, quia cerebrum eorum nimis est madidum, & hic ac ineptum ut aliquid actu ei insculptum aut inscribatur; ideoque infantes nihil cognoscunt, nec se, nec parentes, nec quippiam verum.

Quare igitur dicitur nobis inesse idea Dei innata, aut species intelligibilis Dei insita? Respondes, non ideo, quia aut quasi in infante recens nata sit in inesse intelligibilis imago Dei, quae actu Deum cognosceret: nullo modo; sed quia infantium & omnium hominum animis innascitur, & a primo nativitatis momento est insita species & idea Dei, non actu representans intellectui Deum, sed quidam, simul atque ad rationis usum etate adultiori pervenit infans, sine ulla institutione, demonstratione, syllogismo, sine ullo termino medio & extrinsecus assumpto, statim atque incipit ratione uti, ipsi offert atque ejus intellectui sistit, & actu representat, Deum esse, quia Dei existentia tanquam character est insita ipsius animae, ad quam impressam Dei imaginem tum incipit attendere, quae & qualis sit, unde orta, an eam sibi dederit, an aliunde accepert, an omnia intelligat, ac non quodam ignoret, &c. Nam ipsa anima inquirentem convincit per se ipsam, de Dei existentia: atque haec est naturalis Dei notitia, hoc sensu hominum mentibus insita, innata, vulgo subjectiva, & testimonium nostra conscientia in corde nostro resistit actus esse Deum; atque distinguitur a notitia naturali Dei acquisita seu objectiva, quae naturali lumine, ex objectis extra hominem positis, sive ex rebus visibilibus, colligit per syllogismum ac ratiocinationem, esse Deum invisibilem.

26. Cum intellectus intelligit, dicitur intellectus in actu.

Quemadmodum dicitur visus in actu, quando ei de facto representatur objectum visibile; ita dicitur intellectus in actu, quando ei representatur de facto objectum intelligibile; quare representatio sit per species intelligibiles.

27. Intelligere dicitur, cum rerum intelligibilium species recipiat a sensu.

Recipit intellectus a sensu rerum intelligibilium species: vel immediate, propriè & proximè, ut cum actu intelligit singularia & materialia; vel mediate, improprie & remote, & tum intelligit actu universalis & immaterialia.

28. Non tamen intelligit sola sensibilia quae sunt singularia & materialia.

Quod intellectui intelligat singularia & materialia inde probatur: quia, quod potest facultas inferior, id quoque potest superior: sed sensus potest cognoscere singularia & materialia, ergo & intellectus, quia sensus est superior.

29. Sed & intelligit universalis & immaterialia.

Alqui universalis & immaterialis per se & directè in sensus non incurrit, quia caret qualitatibus sensibilibus.

30. Scilicet, notiones rerum immaterialium elicit ex materialibus, & universalium ex singularibus.

Immaterialia & universalis possunt dici phantasmata, id est, percepta per species sensibiles, non quidem sui, sed rerum materialium & singularium, ex quarum specierum analogia ipsa immaterialia & universalis cognoscuntur.

31. Nam intellectus primo intelligit singularia.

32. Quia sunt sensibus viciniore.

Quia in nobis hominibus sensuum usus prior est, quam ratio, etiam ea primo cognoscimus intellectum, quae prius cognovimus sensu: sed singularia ob proprietates sensibiles primo cognoscuntur a sensu, quam universalis; ideo quoque primo cognoscuntur ab intellectu.

33. Et cognoscit singularia, ut sunt singularia.

Ratio est, quia intellectus a singularibus abstractis conditiones individuantibus, & sic singularia cognoscit, quae singularia; & summi universalis, ut distincta a singularibus. Nam abstractio singularium a conditionibus individuantibus praesupponit ipsarum conditionum individuationem cognitionem.

34. Deinde, sepositis proprietatibus individuantibus, id solum intelligit, in quo singularia conveniunt.

Tres sunt operationes intellectus, quae discerni debent cum intelligit universale.

35. Et tum format conceptum rei universalem, sc. speciem.

Primo, apprehendit singularia. 2. apprehensa inter se comparat, & in quibus inter se conveniant, & in quibus inter se differant, attendit. 3. sepositis, id est, praecisae ac relictis seu abstractis, id est, non conceptis conditionibus individuantibus, ea cognoscit, in quibus singularia conveniunt, ac tum cognoscit universale: cum vero universalis sint varia & quadam viciniora singularibus, ut species infima, quadam remotiora a singularibus, ut species subalterna & genera, intellectus, qui sequitur cognoscendi ordinem a sensu servatum, etiam prius cognoscit species infimas, tanquam viciniores singularibus, quam species subalternae aut genera, tanquam a singularibus remotiora: ut tota controversia, de ordine intelligendi, hic dirimatur; scilicet, singularia prius cognoscuntur ab intellectu, quam universalis, & minus universalis prius, quam magis universalis, ob rationem jam datam thesi. 32.

36. Collatis speciebus & relictis differentiis specificis, format conceptum generis.

37. Itaque species prius intelligitur quam genus.

38. Et minus Universale, prius, quam magis Universale.

Ratio trium thesium una est eademque, quia species proprior est singularibus quam genus, & minus universale propius quam magis universale.

39. Quia minus universalium est abstractio facilius ab inferioribus.

40. Nam pauciores differentiae sunt abstrahendae.

Hae ratio paulo latius debet explicari.

Quando quidem universalis non cognoscitur nisi per abstractionem a singularibus, ultro sequitur, illa universalis facilius cognosci & prius, quam paucioribus differentiis distat a singularibus, a quibus abstrahi debent: sed species distat ab individuo paucioribus differentiis, quam genus; nam species distat ab individuo, per solas differentias individuanter quae conveniunt individuis & non speciebus; ut verò genus distat ab individuo per differentias non tantum individuanter, quae individuis competunt, sed & per differentias specificas, quae speciebus conveniunt, non ge-

neri, ideoque species a paucioribus differentiis abstrahitur quam genus; & hinc prius cognoscitur quam genus ab intellectu; & omne minus universale, ob eandem causam, quia paucioribus differentiis distat & abstrahitur a singularibus, prius cognoscitur ab intellectu quam magis universale.

41. Intellectus est potentia passiva.

Non tamen tantum, sed quomodo modum sensus potentia est primum passiva, quatenus sensibiles species recipit, passiva enim est recipere effectum agentis; mox est activa, quatenus sensationem elicit ac sentit; denique passiva, quatenus sensibiles in se recipit: ita intellectus, in quantum species intelligibiles in se primum recipit, patitur; in quantum per eas intelligit, agit; in quantum denique ipsam recipit intellectionem, patitur iterum, ut sit duplici nomine potentia passiva, non activa.

42. Itaque debet aliunde in actum deduci.

Ratio est, quia nihil se ipsum ex potentia valet traducere in actum; nam, si hoc fieri posset, idem esset actus & potentia; quod eum deducit, est actus, quod deducitur, est potentia.

43. Quod eum in actum deducit, est obiectum.

Obiectum intelligibile, in intellectu agit, ut casus provocat actum.

44. Et obiectum a sensu perceptum.

A sensu perceptum, scilicet, vel per se vel per aliud, mediate vel immediate, proxime vel remote.

45. Quod rerum singularium imagines ei offert.

46. Ex quarum collatione universalis intelligit.

Harum thesium explicatio ponitur ex thesi 30 & sequentibus.

47. Itaque non est opus intellectu agente distincto.

Aristoteles & qui eum sequuntur, ponunt intellectum quandam agentem, distinctum a patiente, quem nonnulli ipsum faciunt Deum, extra hominem intelligentem; alii facultatem quandam ponunt in homine intelligente, distinctam ab intellectu patiente: sed vero, sicut nullus requiritur sensus agens, ita & nullus requiritur intellectus agens, nam sufficit obiectum intelligibile, debite approximatum intellectui per species intelligibiles; nam ad actionem nihil amplius requiritur, quam ut obiectum debite approximetur potentia, quae per vim sibi insitam, cum omnes adfuerint conditiones ad agendum requisitae, in obiectum tum tendit & agit.

48. Potest

48. Potest tamen ipse intellectus dici agens:

49. In quantum à phantasmatis excitatus, conceptum format in se.

*Non abhorremus à phrasi intellectus agentis, modo non significetur distinctum ab intellectu patiente, qui idem est agens, cum actu intelligit: in actionibus enim immanentibus, qualis est intellectio, idem est agens & patients.*

50. Intellectus operationes sunt tres, simplex apprehensio, iudicium, discursus.

*Qui operationes intellectus facimus duas, inventionem & iudicium; sub iudicio comprehendunt discursum, dividuntque in iudicium notivum & diavotivum, quod posterum est discursus.*

51. Iudicium intellectus est speculativum vel practicum.

*Hinc intellectus dividitur in theoreticum & practicum, quia est divisio, non generis in species, non integri in partes, sed subjecti per adiuncta aut causa per effecta; aliud enim est minus intellectus theoretici in iudicando, aliud practici, nam theoreticus intellectus de verum veritate & falsitate, sed practicus de verum bonitate & malitia iudicat.*

52. Speculativum versatur circa res ut res, & ut veræ sunt:

53. Practicum circa res ut bonas vel malas:

*Obiectum quidem intellectus est ens, sed cum illud possit intellectui fieri ac representari, vel ut conveniens cum principia sui constituentibus ac definitivis, vel ut conveniens cum alio, tanquam vel finis, vel medium; priori respectu circa illud versatur intellectus & iudicium speculativum, posteriori respectu, circa idem versatur intellectus & iudicium practicum.*

54. Estque vel absolutum, vel comparatum.

*Absolutum practici intellectus iudicium, tam diversum est saepe à comparato, ut quod iudicio absolute iudicatum fuit ens bonum, illud comparato iudicetur ut malum, & vice versa; nam iudicium absolutum tantum indicat rem vel esse bonam simpliciter, quia convenit cum lege, vel esse malam simpliciter, quia repugnat legi, sed comparatum iudicium indicat rem bonam hoc loco & tempore, omnibusque circumstantiis singularibus esse proseguendam, malam esse fugiendam: at hæc iudicia possunt esse opposita, ut*

*liquet in exemplo Medea, iudicantis simpliciter esse parricidii, ut maneret in patria, iudicio absoluto, sed illud rescindenti iudicio comparato.*

55. Intellectus post intellectionem dicitur intellectus in habitu;

*Ratio est, quia species intelligibiles reservata in intellectu ibi sunt per modum habitus, quatenus intellectum faciliunt ad faciliem & citius intelligendum.*

56. Aliis memoria intellectualis:

57. Quatenus rerum species retinet;

*Species, scilicet, intelligibiles.*

58. Non tamen semper ideo actu cognoscit:

*Quia species non semper actu representant res intelligibiles; aliquin homo, omnia ante cognita, semper cognosceret.*

59. Quia ad intelligendum opus est phantasmatum concurso.

60. Nam oportet intelligentem speculari phantasmata.

*Utraque thesi vera est, de intelligentibus plurimum, non de omnibus; nam quando anima cognoscit se ipsam cognitione intuitiva, nullus est opus Phantasmatis.*

*Cognitio animæ intelligentis, alia est abstractiva, alia intuitiva: prior sic vocatur, quia fit per abstractionem specierum, materialium & sensibilibus rerum, à materia & sensu; posterior sic dicitur, quia per eam anima intelligit absque ulla abstractione, & obiectum præsens intuetur.*

*Phantasma vocatur species intelligibilis, quia primum fuit sensu percepta, & inde ad intellectum delata: tali Phantasmatæ non eget anima in cognitione intuitiva, sed in abstractiva tantum.*

61. Voluntas etiam est potentia passiva;

*Voluntas est potentia passiva, quatenus movetur ab obiecto bono, activa, quatenus vult: passiva iterum, quatenus volitionem in se recipit.*

62. Ideoque & aliunde ad agendum debet excitari.

*Vide rationem datam thesi 42.*

63. Hoc est obiectum,

*Obiectum voluntatem movet ut finis, vel ultimum, vel subordinatum, qui est medium.*

64. Quod

64. Quod non movet voluntatem nisi ante ab intellectu fuerit cognitum :

*Ratio est, quia ignoti nulla cupido.*

65. Cognosci debet objectum; non tantum simplici intellectus apprehensione :

*Ratio est, quia per simplicem apprehensionem intellectus objectum nondum judicatur ut bonum; atqui debet judicari ut bonum, antequam possit movere voluntatem.*

66. Sed requiritur intellectus judicium,

67. Non tantum absolutum, sed comparatum.

*Comparatum judicium fertur de objecti voluntatis bonitate, quando illud judicatur bonum & appetendum, omnium circumstantiarum expensis: ideoque vocatur ultimum judicium, quia postremum est in actione, qua fit de libertate, qualis est actio voluntatis in appetendo.*

68. Ab hoc verè determinatur voluntas in agendo,

*Non Physicè sed moraliter, id est, judicium intellectus voluntatem determinat, ei rationes proponendo; ob quas objectum bonum sit prosequendum, & malum fugiendum.*

69. Voluntatis actiones sunt, velle & nolle.

*Velle, est amare, nolle, est odire; hinc opponitur utrique, non velle, & non nolle, id est; vel amoris vel odii negatio: velle & nolle opponuntur contrarie; velle & non velle, item, nolle & non nolle, contradictorie.*

70. Objectum, bonum & malum.

*Bonum & malum in concreto opponuntur contrarie, in abstracto privative: nam bonitas est habitus, & malitia privatio.*

71. Circa bonum volendo, circa malum nolendo, versatur.

*Circa utrumque versatur voluntas, interdum negative, id est, non volendo, non nolendo.*

72. Neque potest malum velle, aut bonum nolle:

*Formaliter, non materialiter, id est, voluntas non potest velle malum, quod intellectus judicat esse malum, licet pos-*

*sit velle, & scire velit, id, quod est malum, sed quod intellectus, erroneo judicio, judicavit esse bonum; sic non potest nolle bonum, quod intellectus esse bonum judicavit, quamvis possit nolle, id quod bonum est, sed quod intellectus erroneo judicio judicavit esse malum: & hoc est quod dicitur, voluntatem non posse velle malum, quia malum; non posse nolle bonum, quia bonum.*

73. Licet possit utrumque non velle.

*Sicuti, quando dormis homo, abstinere ab actu & volendi & nolendi.*

74. Cum fertur in bonum, vel fertur in finem, vel in media.

*In finem, scilicet, ultimum, quia omne bonum est vel finis ultimus, vel medium.*

75. Finem vult necessario, item media cum fine necessario connexa :

*Ratio est; quia intellectus non potest non judicare, finem ultimum esse appetendum, uti & media, cum illis sine necessario connexa, qua dicitur esse illa, sine quibus finis obtineri nequit.*

76. Media alia vult indifferenter.

*Ratio est, quia intellectus judicium indifferenter sese habet circa media, quae non necessario cum fine connexa sunt; potest enim judicare, ex his unum esse acceptandum, aliud esse rejiciendum.*

77. Sive velit sive nolit, semper determinatur ab ultimo intellectus practici judicio.

*Ratio est, quia ultimum intellectus practici judicium: plenam perfectamque objecti bonitatem voluntati sistit ad representat, sine qua nulla ejus sequitur appetitio; quemadmodum sine plena perfectaque mali representatione facta, qua non fit nisi ab ultimo intellectus practici judicio, nulla ejus sequitur aversio.*

78. Attamen determinatio libertatem ejus non tollit.

*Determinatio, quae a naturali principio interna oritur, libertatem tollit, quemadmodum ignis ad tendendum sursum, lapis ad tendendum deorsum, determinatur ab interno principio naturali, forma scilicet, sua, ideo neutrum dicimus agere libere, sed determinatio, quae ab intellectu determinatur voluntas, est voluntati extrinseca, quia fit ab objecto judicato, quod voluntati est extrinsecum.*

79. Quia

## 79. Quia necessitatem hypotheticam tantum inferit.

Nam nulla necessitas hypothetica, id est, talis, qua oritur ab aliqua conditione extra agentem posita, libertatem tollit, qualiscunque fuerit conditio, modo sit externa, siue antecedit, siue concomitur, siue consequatur actum, quam facit necessariam.

## 80. Ex intellectu &amp; voluntate oritur liberum arbitrium:

Oritur, id est, componitur; intellectus enim & voluntas, cum conjuncti sunt, constituunt liberum arbitrium.

trium, dicitur enim liberum, respectu voluntatis, & arbitrium, respectu intellectus; cum quo utroque est idem.

## 81. Hoc est, facultas faciendi, quod, quando, &amp; quantum intellectus facientium esse judicat.

Est facultas, ergo non actus, non habitus; deinde est facultas, non Ethica, qua quis agit, quae vult, sine ulla restrictione legum, sic enim solus D. n. habet liberum arbitrium, sed Physica, qua homo potest agere, quod, quando, quantum, & quantumvis libet, per a. immiculum bonorum, fortune, vel corporis, vel animi; tantum autem potest agere per ea, quantum libet, id est, quantum ultimo intellectus practici iudicio agendum esse judicat.

Sententia Trium-viri,

Circa

## CAPUT DECIMUMQUINTUM.

DE Anima rationali, in Principiis Philosophia nihil plane scribit *Cartesius*: quia hominem necdum ibi explicavit; at in *Meditationibus Metaphysicis*, med. 5. discrimen inter Animam rationalem, quam vocat substantiam intelligentem, & corpus, quod vocat substantiam extensam, indicat, & quidem reale, hoc argumento, quorum idem sunt realiter distinctae, ea ipsa realiter distinguuntur: sed animae rationalis, seu substantiae intelligentis, & corporis, seu substantiae extensae, idem sunt realiter distinctae. Ergo & ipsa inter se realiter distinguuntur. Probat major, si omnes idem respondeant ideis rebus; ergo quorum idem realiter sunt distinctae, ea ipsa sunt realiter distinctae; sed verum prius. Ergo & posterius. Probat minor, typus & antitypus sibi invicem respondent, idea est typus, res ideata est antitypus. Ergo idea & res ideata sibi invicem respondent. Probat minor primi syllogismi; quarum idearum una aliquid includit, quod nullo modo includit altera, & vice versa, ex idem realiter sunt distinctae, sed animae rationalis, seu substantiae intelligentis idea, nihil includit, quod idea corporis naturalis, seu substantiae extensae, & vice versa. Ergo istae idem realiter sunt distinctae inter se. Probat minor. Si idea animae rationalis, seu substantiae intelligentis nihil includit extensionis, idea corporis seu substantiae extensae nihil includit intellectus, Ergo idea prioris nihil includit ejus, quod includit idea posterioris, & vice versa; certe, in intelligentia nulla invenitur longitudo, latitudo, crassities, nulla figura, nulla partium distantia, nullus motus, nullus situs: contra in extensione nihil invenitur intelligentiae, alioquin omnis materia, aut omne corpus intelligeret. *Regius* in *Physicis* Cap. 12.

agit de Anima Rationali, sub titulo & vocabulo mentis, & definit hominem, animal mente praeditum, ponitque mentem esse substantiam cogitantem, ejusque essentiam asserit esse sitam in sola cogitatione, per quam intelligit, principium a quo in homine omnes illas actiones, quarum mens est conscia sibi, tales sunt sensio, imaginatio, intellectus, seu ratio; estque hac cogitatio, pro diversa organorum dispositione, varia; quamvis alii velint, mentem etiam in corpore existentem, in sentiendo, imaginando, intelligendo, nullatenus descendere a dispositione organorum. Postea de mentis agit origine & de mentis habitibus, tum de variis ejus moribus, docet utrum sit mens notius an corpus, atque inde transit, ad sensationes in specie, & affectiones seu affectus, de quibus ante hac est actum. Sub eodem titulo mentis humanae agit Circ. 20. toto ac postremo de Anima *Berigardus*, quem in compendium redigimus, & huic explicationi finem imponemus. Circa mentem humanam explicandum, ex *Aristotele* textibus, sententiam, quid de Anima rationali senserit, exquirat; ac speciatim moratur in eo, an *Aristoteles* mentem humanam senserit immortalem, quod ita statuisse integro libero, demonstratum iuvat, *Fortunatus Licetus*, *Philosophia Professor Patavinus*, asseritque insuper, *Aristotelem* non habuisse Animam rationalem, pro actu informantem, nec unam in unoquoque homine, sed unam in tota humana specie, i. e. in omnibus hominibus, ac singulis simul sumptis; quae sententia quoque *Averrois* est. De Loco mentis humanae, aut sede Animae rationalis, ex *Aristotele* nihil certi posse

Z z z z

affert

afferri pronuntiat: sententiam suam propriam paucis proponit; atque videtur statuisse mentem humanam esse corpoream & tamen immortalem; nam negat hanc consequentiam, si substantia aliqua est corporea. Ergo est mortalis, & pro instantia profert cælum: quod sicuti & terra, & totus mundus, non corrumpetur, aut annihilabitur, ex plerorumque sententia, sed tantum corpora mundana extremo iudicii die renovabuntur, ac repurgabuntur, eruntque incorruptibilia, quod tantundem est atque immortalia. Profert porro materiam primam *Aristotelicam*, quam faciunt ingenerabilem & incorruptibilem *Peripateticis*: id saltem certum est, corpora glorificata fore incorruptibilia atque immortalia, & tamen manebunt corpora; ut hæc propositio non sit vera, omne corporeum est mortale, licet opposita est

verissima, omne incorporeum est immortale: atque ut sententiam *Berigardi* paulo plenius inspiciamus, dicit, nullam rationem impedire, cur potius *Anima rationalis* non dicatur corpus æthereum, purius cælis ipsis, à Deo creatum, ex nihilo singulis hominibus infusum, quodque à solo Deo destrui potest, sive corrumpi per annihilationem, & quæ ritè recteque *spiritus* vocatur respectu corporum mortalium, atque corruptibilem hic in inferioribus. Postea nihil ferè ex sua loquitur sententia; sed de intellectu agit agente & patiente, de speciebus impressis & expressis, aliisque huc spectantibus, ex mente *Peripateticorum*, atque sic finem imponit Circ. 20. totique commentationi suæ, per dialogos institutz, in tres *Aristotelis* libros de *Anima*.

F I N I S.

COL-



# COLLEGIUM LOGICUM.

## POSITIONUM LOGICARUM

### DISPUTATIO PRIMA,

#### D E

## PHILOSOPHIÆ ET LOGICÆ NATURA.

### THESIS I.



Philosophia perfecte definiri nequit,

2. Nec enim est una disciplina aut habitus,

3. Sed plurium habituum compages.

4. Describitur tamen Philosophia, definitione imperfecta.

5. Philosophia est; rerum divinarum & humanarum ex principiis per se notis naturali intellectus lumine collecta cognitio.

6. Res divinæ vocantur aliis necessariæ, quæ extra nos causas suas habent cur sint vel fiant.

7. Res humanæ dicuntur aliis contingentes, quæ ut sint vel fiant, in nostro est arbitrio & potestate.

8. Hinc Philosophia in duas partes dividitur, Theoreticam, & Practicam.

9. Theoretica complectitur tres scientias, Metaphysicam, Mathematicam, & Physicam.

10. Harum objectum, sunt res necessariæ;

11. Finis, θεωρία seu contemplatio.

12. Practica comprehendit tres prudentias; Ethicam, Oeconomicam, Politicam.

13. Harum objectum, sunt res contingentes;

14. Finis, πραξις five actio.

15. Logica Philosophiæ sic divisæ non est pars.

16. Quia, nec scientia, nec prudentia, sed ars est.

17. Finis enim ejus nec est θεωρία contemplatio, nec πραξις actio, sed ποιησις effectio.

18. Est namque ἐπιστήμη τοῦ νοῦ, habitus effectivus.

19. A praxi quis dicitur bonus vel malus; à potius peritus vel imperitus.

20. Unde πρᾶξις vulgo dicitur actio moralis, ποιησις effectio artificialis.

21. Logicæ æquipollet, quoad vocem, Dialectica.

22. Ejusque genus est ars.

23. Non prout definitur, ordinata præceptorum congeries extra mentem.

24. Sed ut est in mente ars, ac definitur, habitus cum recta ratione effectivus.

25. Itaque male assignatur ejus genus ab aliis, scientia.

26. Nec enim objectum, nec finis scientiæ Logicæ quadrat.

27. Male item habitus instrumentalis.

28. Quia relatum non est genus absoluti.

29. Logica dividi solet in docentem & utentem:

30. Quæ non est distributio rei, sed distinctio nominis.

31. Eadem enim est, quæ cum præcepta tradit, docens, cum iis utitur, utens dicitur.

32. Pro consideratione tamen hac duplici, Logicæ finis & objectum sunt gemina.

33. Logicæ docentis objectum, sunt partim instrumenta cognitionis, partim instrumentorum istorum materia.

34. Instrumenta cognoscendi sunt quatuor; Definitio, Divisio, Syllogismus, & Methodus.

35. Materia instrumentorum est; ex qua, & circa quam.

36. Materia est qua sunt affectiones Logicæ.

37. Materia circa quam, sunt themata, i.e. res quæ definiri, dividi, concludi, ordinari possunt.

38. Finis Logicæ docentis est, naturam materiæ

materiæ duplicis explicare, & modum fabricandi instrumenta exponere.

39. Objectum Logicæ utentis, est proximum vel remotum.

40. Proximum, vel est mediatum, vel immediatum.

41. Mediatum est intellectus.

42. Immediatum, sunt intellectus operationes.

43. Intellectus à Logica utente dirigetur, subjective; operationes ejus, objective.

44. Remotum, sunt res omnes, etiam ficta & non entia.

45. Finis Logicæ utentis est, dirigere mentem in cognitione rerum, entium & non-entium.

46. Ex fine & objecto Logicæ docentis, instituitur ejus divisio in thematicam & organicam.

47. Quæ divisio non est generis in species, sed integri in membra.

48. Thematica agit de themate & variis affectionibus, materia circa quam, & ex qua argumentorum.

49. Organica agit de ipsis instrumentis.

## POSITIONUM LOGICARUM

### DISPUTATIO SECUNDA,

#### D E

## PRÆCICAMENTIS, IN GENERE:

#### ET

## SUBSTANTIA, IN SPECIE.

### T H E S I S I.

**T**Hema est, quicquid intellectui cognoscendum proponi potest.

2. Cognitio, est repræsentamen rei in intellectu.

3. Cognitio (aliis notio) est prima, vel secunda.

4. Notio prima repræsentat rem intellectui immediate ut est in se.

5. Notio secunda repræsentat modum, quo mens rem prima notione apprehendit.

6. Thema, est simplex vel complexum; alii vocant terminum simplicem vel complexum.

7. Thema simplex unico mentis actu apprehenditur.

8. Thema complexum duobus pluribusve mentis actibus apprehenditur.

9. Thema simplex est, vel universale vel singulare.

10. Universale, quod de pluribus suapte naturâ prædicari aptum est.

11. Singulare, quod de uno tantum prædicari aptum est.

12. Vocatur aliis individuum, quia non potest dividi in plura ejusdem nominis ac naturæ.

13. Themata omnia simplicia, tum universalis, tum singularis, disponuntur suis classibus, quæ Categoriarum vocantur.

14. Singularia infra collocantur ac basin faciunt Categoriarum.

15. Universalis supra basin suo quæque ordine collocantur.

16. Categoria est, series rerum sub eodem summo genere gradatim dispositarum.

17. Categoriarum sunt decem, una substantiarum, reliquæ accidentium.

18. Unde & decem summa genera sunt, non quidem  $\tau\acute{\omicron}\nu\tau\omega\varsigma$ , sed  $\tau\acute{\omicron}\nu\alpha\ \kappa\alpha\tau\alpha\gamma\omicron\rho\eta\mu\epsilon\iota\alpha\nu$ .

19. Ens vero genus summum non est;

20. Æque enim immediate prædicatur de individuo, atque de aliis.

21. At genus summum de individuis immediate prædicari nequit.

22. Imo ens, ne genus quidem dici potest, nisi æquivocum, aut, ut alii volunt, analogum.

23. Univocum saltem non est.

24. Quicquid de aliquo prædicari potest in hisce decem categoriis ponitur, vel directe, vel indirecte.

25. Directè in prædicamentis sunt, Entia realia & positiva, simplicia & per se una, completa seu tota, universalia, distincta voce significata.

26. Indirectè res in prædicamentis collocantur variis modis.

27. Fundamentaliter, ad categorias pertinent individua tanquam bases:

28. Analogicè, Deus:

29. Collateraliter, differentia:

30. Reductive, concreta, aggregata, partes, principia, entia in fieri, modi rerum, & themata complexa:

31. Transcendentaliter, transcendentia:

32. Per accidens, entia intentionalia extramentem, entia rationis, ficta possibilia, privationes:

33. Nec directè, nec indirectè, sunt in prædicamentis, ficta impossibilia, & æquivoca ante factam distinctionem.

34. Prædicamentum Substantiæ præcedit categorias Accidentium.

35. Quia Substantia prior est Accidens, naturâ, cognitione, dignitate:

36. Naturâ, est enim Substantia causa accidentium:

37. Cognitione, Accidens enim per Substantiam definitur:

38. Dignitate, quia nobilissimum habent modum prædicandi, sc. essentialiter & in quid.

39. Substantia est ens per se subsistens.

40. Per se subsistere, est, non esse in alio, ut in subiecto.

41. Esse in alio, ut in subiecto, est, ita inesse alteri, ut non sit pars, nec possit separatim existere extra illud.

42. Substantia Aristotelis dividitur in primam & secundam.

43. Substantia prima, aliis singularis, quæ non dicitur de subiecto.

44. Substantia secunda, aliis universalis, quæ dicitur de subiecto.

45. Dici de subiecto, est, quoad nomen & definitionem subiecto tribui.

46. Hæc divisio non est generis in species, sed analogi in sua, ut loquuntur, analogata.

47. Prima enim Substantia magis est & prius Substantia, quam Secunda;

48. Secunda quippe non est Substantia, nisi quatenus inest primis.

49. Nam genera & species (ut Substantiæ sunt secundæ) non existunt nec subsistunt nisi in individuis (quæ sunt Substantiæ primæ)

50. Non sunt tamen Substantiæ secundæ in primis ut in subiecto, sed ut essentia in supposito.

51. Accidentia non sunt partes essentia subiecti in quo sunt, multo minus tota essentia.

52. At secunda Substantia, aut pars est essentia, aut tota essentia primarum.

53. Hinc fit, ut definitio Substantiæ secundæ sit etiam essentialis definitio primæ.

54. Nullius vero accidentis definitio est definitio Substantiæ, nec primæ, nec secundæ.

55. Ideoque accidentia dicuntur de Substantiis primis quoad nomen tantum, sc. in concreto.

56. Nam accidentia in abstracto, nec dicuntur de his quoad nomen, nec quoad definitionem:

57. At Substantiæ secundæ dicuntur de primo quoad utrumque.

58. Nam & nomen generis ac speciei convenit individuis & definitio.

59. Substantiis ex Aristotele sex vulgò tribuuntur, sive proprietates, sive notæ.

60. Prima: nulla Substantia est in subiecto, ut accidens.

61. Secunda: quædam Substantiæ dicuntur de aliis *universis* vel univocè, sc. secundæ.

62. Tertia: quædam Substantiæ significant *ut in se*, vel hoc aliquid, sc. primæ.

63. Quarta: nulla Substantia habet contrarium, id est, nec prima primæ, nec secunda secundæ est contraria.

64. Quinta: Substantia nulla recipit magis & minus;

65. Quia consistit in indivisibili.

66. Hæc nota intelligi debet, vel de una eademque numero Substantia, vel de pluribus ejusdem ordinis, id est, vel primis inter se vel secundis inter se.

67. Sexta: Una eademque Substantia singularis suscipere potest sui mutatione ac successivè contraria, non tamen omnis sed quædam.

## POSITIONUM LOGICARUM

## DISPUTATIO TERTIA,

## DE

## QUANTITATE.

## THESIS I.

**A**ccidens definitur vulgò, ens substantiæ inhxrens.

2. Inhxrentia intelligitur non aptitudinalis sed actualis.

3. Accidentis genera sunt novem, quantitas, qualitas, relatio, actio, passio, ubi, quando, situs, & habitus.

4. Accidentium hic numerus oritur ex diversitate questionum, quæ de substantiis primis extrà essentialiter insitui possunt.

5. Quantitas primum tenet inter accidentia locum, quia sequitur immediatè materiam, & immediatè substantiæ inhxret, alia accidentia eà mediante.

6. Quantitas est accidens, quod per se partem habet extra partem:

7. Partem extra partem habere, est habere partes loco & situ differentes.

8. Hinc est, quod vulgo dicitur, quantitatis essentia esse sita in extensione partium situati, sive in ordine ad locum.

9. Extensio entitativa non est extensio, sed partium multitudo.

10. Quantitas est continua vel discreta.

11. Continua est, cujus partes communi termino copulantur:

12. Estque, vel fluens vel permanens.

13. Fluens est tempus, cujus partes, licet sibi invicem connectantur, fluunt perpetuo, nec unquam consistunt.

14. Partes temporis sunt præteritum & futurum.

15. Termini, *termini*, sive momenta.

16. Itaque, tempus præsens nullum est.

17. Et nihil temporis præsens est præter momentum, partium temporis copulam.

18. Tempus Aristoteli in Physicis definitur, Numerus motus secundum prius & posterius.

19. Melius, mensura durationis, quæ est in motu.

20. Permanens quantitas continua, *Aristot. 5. Metaph. r. 8.* dicitur magnitudo.

21. Magnitudo est Linea, Superficies, Corpus, sive corpulentia.

22. Linea est magnitudo uno modo divisibilis, sc. secundum longitudinem.

23. Superficies duobus modis, sc. secundum longitudinem & latitudinem.

24. Corpus tribus modis, secundum longitudinem, latitudinem, & profunditatem, seu crassitiem.

25. In hisce omnibus Magnitudinis speciebus observari debent partes & termini.

26. Magnitudo componitur ex partibus non ex terminis.

27. Pars unaquæque Magnitudinis est Magnitudo, habetque partem extra partem:

28. Hinc omnis magnitudo in infinitum dividi potest:

29. Si enim dividendo ad partem perveniri possit indivisibilem, aut pars magnitudinis non esset, aut magnitudo componeretur ex indivisibilibus, contra quantitatis definitionem.

30. Itaque, in nulla magnitudine pars minima dari aut mente concipi potest, quin eà minor dari aut concipi possit.

31. Et nulla magnitudo in terminos dividi potest:

32. Terminus enim, ut terminus, indivisibilis est.

33. Terminus & claudit magnitudinem, & copulat ejus partes.

34. Unde vulgo distinguitur, in terminantem & copulantem.

35. Terminus actu terminans non est copulans.

36. Terminus actu copulans non est terminans.

37. Terminus copulans dicitur communis, quia est principium unius partis & finis alterius.

38. Lineæ terminus, est punctum;  
 39. Superficiæ, lineæ;  
 40. Corporis, superficies.  
 41. Linea nunquam existit actu sine superficie, nec superficies sine corpore:  
 42. Natura tamen, essentia, & definitione, differunt.  
 43. Ideoque ratione separantur & abstrahuntur a se invicem.  
 44. Quantitas discreta est, cujus partes communi termino non copulantur, diciturque numerus.  
 45. Numerus est, vel materialis, concretus, numeratus; vel formalis, abstractus, numerans.  
 46. Ille nihil est aliud quam ipsæ res quæ numerantur, ut tres homines, qui ternario numero numerantur.  
 47. Hic est, quo numeramus, ut unum, duo, tria, & quem definivimus th. 44.  
 48. Ex definitione sequitur, unitatem non esse numerum.  
 49. Numerus omnis finitus est, neque dari potest numerus actu infinitus.  
 50. Numeri causa, est distinctio rerum, vel realis vel mentalis.

51. Unde nonnullis dicitur, interdum ens reale, interdum rationis.  
 52. Locus ab *Arist. c. 6. Categ.* ad Quantitatem continuam refertur, quia in Physicis cum definit, superficiem corporis proxime ambientis locatum.  
 53. Sed nec locus ad quantitatem continuam bene refertur, nec per superficiem bene definitur.  
 54. Motus & oratio sunt quanta per accidens.  
 55. Quia quanta sunt, ob id in quo sunt, quod quantum est.  
 56. Pondus non est quantitas, sed qualitas, gravitas puta & levitas.  
 57. Multo minus quantitas intensiva; talis quippe non est:  
 58. Quia essentia quantitatis est extensio, non intensio.  
 59. Notæ quantitatis ex *Arist. c. 7. Categ.* tres sunt.  
 60. *Prima.* Quantitati nihil est contrarium.  
 61. *Secunda.* Quantitas non recipit magis & minus.  
 62. *Tertia.* A quantitate res dicuntur æquales vel inæquales, pares vel impares.

## POSITIONUM LOGICARUM

## DISPUTATIO QUARTA,

## DE

## QUALITATE.

## THESIS I.

**Q**ualitas est accidens, à quo subjectum quale duntaxat dicitur.

2. Qualitatis species sunt 4, Habitus & dispositio, Potentia & Impotentia naturalis, Patibilis qualitas & Passio, Forma & Figura.

3. Duo singularum specierum nomina non indicant diversitatem specificam, sed solum diversitatem gradus, aut temporis, aut circumstantiæ alterius, quæ speciem non variat.

4. Habitus est, qualitas adventitia ad operandum cum facilitate: dispositio est, habitus imperfectus.

5. Habitus est, vel infusus, ut fides, vel concretus, ut iustitia originalis, vel innatus, ut peccatum originale, vel acquisitus, ut ars, &c.

6. Habitus acquisitus est vel corporis vel animi.

7. Habitus animi est intellectualis vel moralis.

8. Intellectualis, sunt Scientia, Ars, Prudentia.

9. Moralis, sunt Fortitudo, Temperantia, &c.

10. Neuter cadit in Bruta.

11. Quæ enim ex habitu morali vel intellectuali videntur agere, ea ad instinctum & memo-

memoriam ac phantasmiam referri possunt.

12. Habituum acquiritorum causæ sunt actiones;

13. Actiones habitum antecedentes & acquiruntur consequentes non differunt specie sed gradu.

14. Habitui non corrumpuntur solâ actionum intermissione, sed actione contrariâ aut saltem dispartatâ.

15. Potentia naturalis est, qualitas sensibus non obvia, qua subiectum est aptum ad agendum aut patiendum: impotentia est diminuta potentia.

16. Potentia naturalis est, actiua vel passiva, prima vel secunda.

17. Actiua, est principium transmutationis in alio quatenus est aliud.

18. Passiua, est principium transmutationis ab alio quatenus est aliud.

19. Prima, quæ immediatè fluit à forma.

20. Secunda, quæ etiam fluit ab organi & materiæ dispositione.

21. Qualitas patibilis est, quæ passionem efficit in sensu: passio est, cum citò evanescit.

22. Differunt principio, quia hæc ex subita perturbatione oritur, illa ex firmitioribus causis, tum etiam permanentia, quod hæc facilis, illa difficilis tollatur.

23. Patibilis qualitas est prima vel secunda:

24. Prima, vel simpliciter, ut lux cœlestis, quæ prior est omnibus, vel in inferioribus. ut calor, frigus, humiditas, siccitas.

25. Secunda, sunt qualitates aliæ sensibiles, sapor, odor, color, gravitas, levitas, &c.

26. Figura est, qualitas orta ex termina-

tionem magnitudinis: forma est figura cum colore.

27. Figura est rerum Mathematicarum, forma Physicarum.

28. Qualitas habet contrarium.

29. Hæc nota reperitur tantum in prima & tertia specie;

30. Nec tamen in omnibus primæ & tertiæ speciei qualitatibus.

31. Qualitas recipit magis & minus, siu intenditur & remittitur.

32. Hæc nota omnibus qualitatibus speciebus convenire videtur præter quartam.

33. Qualitas omnis intenditur & remittitur, quæ aliam habet qualitatem, vel contrariæ, vel privative sibi oppositam.

34. Intensio fit in qualitate per liberationem à contraria vel à privatione:

35. Remissio per admixtionem contrariæ vel privationis.

36. Unde intensio est, alteratio à minore qualitatis gradu ad majorem, remissio contra, à majore gradu ad minorem.

37. Recipere magis & minus, si significet, capere plures aut pauciores gradus essentielles in eodem subiecto, idem est quod intendi & remitti.

38. Quo sensu, nota hæc vera est de qualitatibus in abstracto: sic albedo & calor dicuntur intendi & remitti.

39. Recipere magis & minus, si significet prædicari per adverbia magis & minus, tum convenit qualitatibus in concreto, ut album & calidum est magis vel minus tale.

40. A Qualitate res dicuntur similes vel dissimiles.

## POSITIONUM LOGICARUM

### DISPUTATIO QUINTA,

#### DE

## R E L A T I S.


### T H E S I S I.


**R**elata sunt, quæ id ipsum, quod sunt, aliorum esse dicuntur, aut alio quovis modo ad aliud referuntur.

2. Relata, alia sunt secundum dici, alia secundum esse.

3. Relata secundum dici, sunt entia absoluta,







luta, quæ à nobis concipiuntur atque explicantur, ac si essent relata.

4. Relatorum secundum esse totum esse est respectivum, seu referri ad aliud.

5. Discrimen inter relata secundum dici & secundum esse non tam in relationibus quam in vocibus situm est.

6. Nam vox quæ primario significat relationem, consequenter subjectum, significat relatum secundum esse.

7. Vox quæ primario significat rem absolutam, consequenter relationem, significat relatum secundum dici.

8. Relata sunt vel realia vel rationis.

9. Relata realia sunt, quæ sua naturâ referuntur ad aliud.

10. Horum tria sunt genera. 1. cum extrema sunt entia. 2. cum sunt reipsa seu realiter distincta. 3. cum ordo eorum non dependet à mente.

11. Relata rationis sunt, quæ sola mentis operatione referuntur ad aliud.

12. Horum tria sunt genera, vel cum entia rationis ad se invicem referuntur, ut genus & species, vel cum extrema non sunt realiter distincta, ut identitas, quæ est relatio sui ipsius ad semet, vel cum relatio fingitur ab intellectu, ut cum dextrum & sinistrum dicuntur relata.

13. Relata realia sunt, vel prædicamentalia vel transcendentalia.

14. Transcendentalia, quæ referuntur ad aliud non sub ratione puri termini, sed & sub ratione causæ aut effectû, &c.

15. Prædicamentalia, quæ ad aliud referuntur sub ratione puri termini.

16. Ad Relationis prædicamentum pertinent, Relata secundum esse, realia, prædicamentalia, non item species oppositæ illis.

17. Abstractum relati est relatio, quæ est habitudo unius ad aliud.

18. Itaque in omni relatione duo sunt unum, quod refertur; aliud, ad quod refertur.

19. Quod refertur, subjectum dicitur, illud, ad quod subjectum refertur, dicitur terminus.

20. Inter hæc gemina est relatio, una subjecti ad terminum, altera termini ad subjectum.

21. Itaque, omnia relata sunt mutua.

22. Relata non mutua, nulla sunt, sed

videntur talia ob defectum vocabulorum.

23. Quod in una relatione est subjectum, in altera est terminus, & contra.

24. Subjectum cum relatione vocatur relatum.

25. Terminus cum relatione opposita correlatum.

26. Si relato & correlato idem sit nomen, vocantur relata æquiparantiz.

27. Si nomen utrique sit diversum, disquiparantiz.

28. Subjectum & terminus ad relationis prædicamentum non pertinent, sed tantum relatum & correlatum, ac, quæ intercedit inter utrumque, relatio.

29. Præter subjectum & terminum in quibusdam relationibus requiritur fundamentum distinctum ab utroque.

30. Fundamentum est quo mediante relatio subjecto inhaeret.

31. Hoc non in omnibus est distinctum à subjecto & termino.

32. Non in iis relationibus, quæ ex sola subjecti & termini coexistentia oriuntur.

33. At in aliis, quæ sic non oriuntur, distinctum est ab utroque.

34. Fundamentum relationis tum semper est accidens absolutum.

35. Relata habeat contrarium, non omnia, sed quædam.

36. Relata recipiunt magis & minus, non omnia sed quædam:

37. Utraque non convenit iis, quorum fundamenta vel subjecta sunt contraria aut magis & minus recipiunt.

38. Relata recipiuntur, omnia, sc. in casu obliquo.

39. Relata sunt simul naturâ, omnia, sc. quatenus sunt relata.

40. Relata sunt simul cognitione, omnia, sc. ut sic, formaliter, quatenus sunt relata.

41. Relationes non sunt entia realia realiter distincta à subjecto, fundamento, aut termino.

42. Multo minus accidentia Physica, ad modum qualitatum inhaerentia.

43. Sed accidentia Logica, quorum esse non est inesse, sed ad subjectum referri illudque quovis modo afficere;

44. Hinc est, quod relationes, nec componant, nec mutant subjectum;

## SEX POSTREMIS PRÆDICAM.

## T H E S I S. I.

**P**ostrema sex prædicamenta ( sicut & relationis ) non complectuntur accidentia Physica, i. e. entitate distincta, sed Logica, i. e. modo prædicandi diversa.

2. Itaque, definiri debent non per entia, sed per modos entium.

3. Hi modi entium diversi diversum fundant modum prædicandi.

4. Actio est modus, quo quippiam dependet à causa efficiente.

5. Passio est modus, quo quippiam dependet à subjecto recipiente.

6. Actio & passio non sunt modi diversi, multò minus essentia distinctæ.

7. Sed enim idem modus sunt, respectu tantum diverso diversimode definitur.

8. Itaque generaliter utr. que definiri potest, modus quo res quæpiam est in fieri, aut potius, ipsum fieri rerum.

9. Hoc fieri, aut modus in fieri, ut respicit principium à quo proficiscitur, dicitur, actio: ut subjectum respicit, in quo recipitur, dicitur passio.

10. Hinc ratione tantum distinguuntur actio & passio.

11. Actio ut actio requirit agens, terminum à quo, terminum ad quem.

12. Non requirit subjectum per se, sed ratione termini ad quem.

13. Itaque, non omnis actio requirit subjectum, sed ea sola, quæ terminum habet per se non subistentem, eumque, substantiam completam.

14. Actio, cum subjectum habet, non est in agente sed in patiente.

15. Hoc tamen non intelligendum est de actione formaliter, ut est actio, sed materialiter, ut est passio;

16. Sunt enim unus idemque, & modus, & motus.

17. Actionum & passionum differentia sumitur à termino ad quem.

18. Alia est ex nihilo, alia ex subjecto.

19. Ex nihilo, vocatur creatio, cui opponitur annihilatio.

20. Ex subjecto, est vel immanens vel transiens.

21. Immanens, cujus terminus est in agente, non tamen quæ agente, sed quæ patiente.

22. Nam in illa actione Agens & Patiens idem sunt.

23. Transiens, cujus terminus est extra agens in alio.

24. Estque, vel ad substantiam, vel ad quantitatem, vel ad qualitatem, vel ad ubi.

25. Ad substantiam dicitur generatio, cui opponitur corruptio.

26. Ad quantitatem dicitur accretio, cui opponitur diminutio.

27. Ad qualitatem dicitur alteratio, quæ multis modis pro diversitate termini ad quem subdividitur.

28. Ad ubi dicitur motus localis, qui etiam varie dividitur.

29. Actio etiam dividitur in perficientem & corruptentem.

30. Perficiens, cum patienti aliquid accedit, & nihil decedit.

31. Versaturque inter terminos à quo & ad quem privative oppositos.

32. Corruptens, cum patienti aliquid accedit & aliud decedit.

33. Versaturque inter terminos à quo & ad quem contrarios.

34. Actioni & passioni convenit, habere contrarium, & recipere magis & minus.

35. Sed non per se, verum ratione termini ad quem.

36. Ideoque non omnibus sed quibusdam tantum convenit.

37. Ubi est modus quo res finitæ alicubi esse dicuntur.

38. Deus non est alicubi seu in aliquo ubi, sed ubique;

39. Unde

39. Unde ipsi tribui solet ubi repletivum, quia omnia replet.

40. Creaturarum ubi, est vel circumscriptivum vel definitivum.

41. Circumscriptivum ubi, est modus existendi alicubi, ut ex isto ubi alia corpora excludantur;

42. Convenit solis corporibus naturalibus.

43. Definitivum ubi, est modus existendi alicubi; ut ex eo ubi alia corpora non excludantur;

44. Competit solis spiritibus finitis.

45. Quando est modus, quo res finitæ aliquando; id est, in aliqua temporis differentia, esse, fuisse, vel fore, dicuntur.

46. Deus non aliquando, sed semper est.

47. Qui modus existendi, dicitur duratio infinita, & unâ voce, æternitas.

48. Creaturarum quando, est modus per-

severandi in existentia permanente vel successiva.

49. Prior, dicitur ævum, competitque spiritibus finitis.

50. Posterior, dicitur tempus, competitque corporibus.

51. Situs est modus corporis resultans ex ordine partium inter se.

52. Situs mutari nequit sine mutato ubi, sed ubi mutari potest non mutato situ.

53. Non ergo situs & ubi debent confundi.

54. Nam ubi significat ordinem totius ad locum, situs ordinem partium inter se.

55. Non est tamen situs formaliter relatio, sed relatio ex situ nascitur.

56. Habitus est modus, quo vestis aut aliquid instar vestis corpori appositum, appensum, aut alio quovis modo adjunctum est.

## POSITIONUM LOGICARUM

### DISPUTATIO SEPTIMA.

#### DE

## PRÆDICABILIBUS.

#### THESES I.

**E**X rerum in prædicamentis dispositarum collatione, oriuntur notiones secundæ, five affectiones Logicæ.

2. Hæ sunt vel simplices vel conjunctæ.

3. Simples, quæ singulis rebus seorsim conveniunt;

4. Conjunctæ, quæ pluribus rebus conjunctim conveniunt.

5. Simples sunt, Prædicabilia, totum & pars, causa & causatum, subjectum & adjunctum.

6. Prædicabilia sunt, quæ vere, proprie, naturaliter, atque immediate, de alio aut pluribus affirmantur.

7. Ea sunt numero quinque.

8. Ex iis sunt duo universalis, Genus & Species.

9. Genus est, quod de pluribus specie differentibus prædicatur in quæstione, qua quæritur, quid sit res.

10. Specie differre est differre essentialiter.

11. Essentialiter differunt, quando in essentia unius ponitur quod non est in essentia alterius.

12. Species est, quæ collocatur sub genere, directe.

13. Genus est summum, vel subalternum:

14. Summum, quo non est superius genus, subalternum contra.

15. Species est subalterna, vel infima.

16. Subalterna, qua est alia inferior species, infima contra.

17. Genus & species subalterna, non differunt reipsa, sed respectu diverso.

18. Genus subalternum dicitur respectu inferiorum, species respectu superiorum.

19. Genus non potest conservari in una specie, sed potest species conservari in uno individuo.

20. Itaque, malè nonnulli vocant individua species specialissimas.

21. Species specialissima est, quæ de pluribus numero differentibus prædicatur in quæstione, quâ quæritur, quid sit res.

22. Differentia est, quâ res à re differt.

23. Estque vel accidentaliter vel essentialiter.

24. Accidentaliter pertinet ad 4 & 5 prædicabile.

25. Essentialiter est, quæ addita generi speciem constituit, eamque ab aliis speciebus essentialiter distinguit.

26. Hinc dicitur ratione generis divisiva, ratione speciei constitutiva.

27. Differentia essentialiter definitur, quæ de pluribus numero vel specie differentibus prædicatur essentialiter, in quæstione, quâ quæritur, qualis sit res.

28. Itaque alia est generica, quæ de pluribus specie; alia specifica, quæ de pluribus numero differentibus, prædicatur.

29. Proprium, scil. quarto modo, est, quod non declarat quid res sit & tamen soli inest & cum ea reciprocatur.

30. Proprium est vel internum vel externum.

31. Internum emanat ab essentia subjecti.

32. Externum ponitur in subjecto, posita causâ extra subjectum.

33. Internum à subjecto in quo est separari nequit, nec separatione reali, nec mentali.

34. Nec potest subjecto alteri specie diverso communicari.

35. Accidens est, quod adest & abest sine subjecti interitu.

36. Quæ definitio intelligenda est divisim, non conjunctum.

37. Interitus intelligitur, tum Physicus, rei corruptio, tum Logicus, contradictio.

38. Accidens est separabile vel inseparabile.

39. Separabile, quod revera separari potest, viribus naturæ.

40. Inseparabile, quod viribus naturæ separari nequit.

41. Potest tamen separari virtute supernaturali;

42. Item per separationem mentalem, non tantum simplicem, sed & complexam.

43. Et in hoc differt à proprio, quod separatione mentali nullo modo à subjecto separari potest.

44. Licet subjectum separari possit à proprio, separatione mentis simplici, non item complexa.

45. At subjectum sive species nequidem simplici mentis abstractione à differentia essentiali separari potest.

## POSITIONUM LOGICARUM

### DISPUTATIO OCTAVA,

#### DE

## TOTO ET PARTE, CAUSA ET CAUSATO IN GENERE.

### THESIS I.

**T**otum dicitur, vel negativè vel positivè.

2. Totum negativè dicit partium carentiam, idemque est, quod indivisibile.

3. Unde, cum Deus dicitur totus ubique, aut anima tota in corpore, id est, non per partes.

4. Totum positivè, ponit partes, ad quas dicit respectum.

5. Unde bene dicitur, constare plurium, id est, partium unionem.

6. Hoc totum hic spectatur, & à partibus unitis non differt realiter.

7. Differt tamen hoc modo, aut à partibus singulis, aut à simul etiam sumptis, sed non unitis.

8. Par-



8. Partes sunt priores naturâ quam totum, vel secundum existendi consecutionem, vel secundum causalitatem.

9. Hinc notiores sunt toto simpliciter & cognitione distinctâ.

10. Totum est per se vel per accidens.

11. Totum per se est, cum, vel totum est de essentia partium, vel partes sunt de essentia totius:

12. Prius vocatur totum constituens & potentiale: posterius, constitutum & actuale.

13. Constituens, quia hoc totum essentiam partium constituit.

14. Potentiale, quia partes suas continet potentia.

15. Constitutum, quia ejus essentia à partibus constituitur.

16. Actuale, quia suas partes continet actu.

17. Totum constituens & potentiale est genus respectu specierum, aut species respectu individuorum.

18. Unde solet vocari Totum universale vel Logicum.

19. Totum constitutum & actuale habet partes, vel ratione vel reipsâ distinctas.

20. Quæ partes ratione distinguuntur, ex constituant Totum formale seu Metaphysicum.

21. Hoc nihil est aliud, quam definitum respectu partium definientium, generis, & differentia.

22. Quæ partes reipsâ distinguuntur, vel se mutuo penetrant, & constituunt Totum Physicum, vel situ discrepant, & constituunt Totum Mathematicum.

23. Totum Physicum, aliis essentiale, est compositum respectu materiae & formæ.

24. Totum Mathematicum, aliis integrale, est, quod habet partem extra partem.

25. Hoc est, continuum vel discretum.

26. Utrumque vel simile vel dissimile.

27. Simile habet partes ejusdem inter se nominis ac naturæ.

28. Dissimile habet partes diversi inter se nominis ac naturæ.

29. Totum per accidens, est causa respectu diversorum effectuum, & contra: subiectum respectu diversorum adjunctorum, & contra.

30. Causa est, cujus vi res est.

31. Principium latius est, quam causa.

32. Omnis enim causa est principium, non contra.

33. Causatum est, quod à causis constituitur.

34. Omnis causa naturâ est prior causato:

35. Ideoque & notior cognitione distinctâ.

36. Non omnis tamen tempore est prior causato.

37. Causa est vel interna vel externa.

38. Interna, quæ ingreditur causati essentiam ut pars.

39. Externa, quæ extra causati essentiam manet.

40. Interna est materia & forma; externa, efficiens & finis.

41. Itaque 4 sunt in universum causæ, non plures, non pauciores.

42. Idea non est quintum genus causæ, sed vel ad causam efficientem minus principalem, vel ad formam reduci potest.

43. Causæ internæ aliquam in causando imperfectionem involvunt, quia causant componendo: externæ non item.

44. Hinc Deus vicem potest sustinere causæ externæ; internæ non item.

45. Causæ internæ inter se & cum externis necessario conjunguntur: externæ quidem inter se, cum internis non item.

46. Causæ internæ quia simul causant, causatum earum communi nomine vocatur compositum.

47. Causatum efficientis vocatur effectum; finis, medium vel destinatum.

48. Communis causarum affectio est subordinatio.

49. Causæ subordinatæ sunt, quarum una dependet ab altera.

50. Causæ dependent à se invicem, vel quoad existentiam, vel quoad causalitatem, vel quoad utrumque.

51. Totidem modis sibi invicem subordinantur.

52. Quæ quoad existentiam tantum sibi invicem subordinantur, aut quoad causalitatis exercitium in genere, ex subordinantur sibi invicem accidentaliter, aut per accidens.

53. Quæ vero sibi invicem quoad causalitatis exercitium ad effectum tale, hoc vel il-

lud, subordinantur, ex subordinantur sibi invicem per se essentialiter.

54. Itaque, causa essentialiter alteri subordinata exigit. 1. ut à superiora ad causandum moveatur. 2. ut moveatur ad effectum tale.

55. Causa accidentaliter alteri subordinata requirit, ut vel causa inferior ab alia superiore nullo modo moveatur, vel saltem non moveatur ad effectum tale

## POSITIONUM LOGICARUM

### DISPUTATIO NONA,

#### D E

# MATERIA, FORMA, FINE.

### THESIS I.

**M**ateria vox significat, vel objectum, & dicitur materia circa quam, vel subiectum, & dicitur materia in qua, vel id ex quo aliquid fit vel constat, & dicitur materia ex qua.

2. Significatu tertio proprie causa est.

3. Causalitas materiae est, formas excipere easque sustinere, & cum forma causatum constituere

4. Unde causatum materiae proximum sed inadaequatum est forma; remotum sed adaequatum est totum compositum: illud vocant Scholastici, causatum quo; hoc, causatum quod.

5. Materia est prima vel secunda: illa est universalis, haec particularis.

6. Neque materia prima alia est aut diversa à secunda, sed differt ab illa, fere ut genus à specie.

7. Materia prima certam habet formam, qua particulare aliquod ens cum ea constituit.

8. Materia prima consideratur ab omni forma per mentem praecisa; inde dicitur informis.

9. Hinc, non dicitur sic quod reipsa ab omni forma separari possit; hoc enim fieri nequit.

10. Materia utraque, tam prima quam secunda, est vel compositionis (alii dicunt immans) ex qua res constat, vel generationis (alii dicunt transiens) ex qua res fit.

11. Dicitur transiens, non quod materia transire possit, sed quia, antequam ultimam

formam accipiat, per illam formae & dispositiones transeat.

12. Forma est causa interna per quam res est id quod est.

13. Ejus causalitas est, materiam informare & cum materia compositum constituere.

14. Forma est materialis vel immaterialis.

15. Materialis, quae producit ex potentia materiae, immaterialis contra.

16. Produci ex potentia materiae, est, ita in fieri dependere à materia, ut materia actionem producentis suae causalitate promoveat ac juvet.

17. Forma etiam est substantialis vel accidentalis.

18. Dari formas substantiales, praeter argumenta alia, evincit diversorum accidentium in diversis subiectis concursus, & alterationi corporis ad naturalem statum reductionem.

19. Forma substantialis non incurrit in sensus per se:

20. Nec variatur gradibus;

21. Est principium proprietatum atque operationum.

22. Forma etiam alia est principalis, alia disponens.

23. Principalis tantum est substantialis, & unica in uno composito;

24. Instrumentalis est, vel substantialis, vel accidentalis, & potest esse multiplex in uno composito.

25. Principalis forma speciem per se constituit.

26. Disponens forma, quæ talis, non constituit speciem, sed materiam aptam facit ad recipiendam principalem.

27. Divisio formæ in genericam & specificam vitiosa est, quia nulla est forma generica, sed omnis est specifica:

28. Quæ vulgo dicitur forma generica, materiæ habet rationem potius quam formæ, respectu compositi ultimi, quod à forma specifica constituitur.

29. Nec bona est divisio formæ in assistentem & informantem, quia nulla est assistens, sed omnis est informans.

30. Finis est causa externa, quæ sui amore efficientem excitat ad agendum;

31. Quæ definitio intelligi debet de fine in intentione, non item in executione.

32. Finis enim in executione est effectum potius quam causam.

33. In illa excitatione efficientis ad agendum consistit causalitas finis, quæ vulgo motio Metaphorica dicitur.

34. Dicitur motio Metaphorica, non quod non sit vera motio, sed quod non sit Phytica aut qualis est efficientis, immediate tendens in causatum.

35. Ut finis causalitatem suam exercent, debet cognosci.

36. Non ipsa tamen cognitio, ejus est causalitas, sed conditio sine qua non.

37. Itaque finis movet, non secundum esse cognitum, sed secundum esse reale;

38. Non secundum esse reale actuale, sic enim est effectum, sed possibile, & sic est causa.

39. Finis est cujus vel cui: ille, quem efficiens expetit; hic, in cujus gratiam expetit aliquid.

40. Finis est principalis, quem agens primario, & secundarius, quem secundario expetit.

41. Finis est subordinatus, qui refertur ad ulteriorem finem, & ultimus, qui non.

42. Omnia agunt propter finem ultimum, vel virtualiter & implicite, ut res inanimæ & plantæ, & bruta, vel formaliter & explicite, licet non semper, ut homines.

43. Homines cognoscunt finem propter quem agunt ut finem, bruta rem cognoscunt quæ est finis, plantæ & res inanimæ neutrum cognoscunt, sed tendunt in finem cognitum à Deo, à quo diriguntur.

### A N N E X A.

1. *Quicquid habet materiam, habet & formam.*

2. *Quicquid habet formam, habet & materiam.*

3. *Materia prima est ignorabilis & incorruptibilis, sed producta est per creationem & non potest desinere nisi per annihilationem.*

4. *Posita forma ponitur formatum.*

5. *Formæ, quanto dant esse nobilior, tanto sunt nobiliores.*

6. *Forma Substantialis constituta est in indivisibili.*

7. *Omnis finis est bonum quid.*

8. *Finis & bonum reciprocantur.*

9. *Acquisito fine cessat actio.*

10. *Finis non habet modum aut mensuram.*

11. *Media habent modum & mensuram à fine.*

12. *Media sunt bona bonitate finis.*

13. *Finis est prior mediis.*

14. *Qui vult finem, vult etiam media ad finem.*

15. *Finis, qui primus est in intentione, est ultimus in executione.*

16. *Quo finis est ulterior, eo melior.*

17. *Hinc finis ultimus est optimus.*

## POSITIONUM LOGICARUM

DISPUTATIO DECTMA,

DE

## CAUSA EFFICIENTE.

T H E S I S I.

**C**ausa efficiens est causa externa à qua res verà causalitate proficiscitur:

2. Estque, vel emanativa, vel activa.

3. Emanativa est, à qua res immediate emanat, id est, sine media causalitate.

4. Nam ipsa causæ existentia est ejus causalitas.

5. Itaque, positâ causâ emanativâ, implicat contradictionem effectum non poni.

6. Causa activa est, quæ causatum producit mediante actione:

7. Ideoque positâ causâ activâ potest citra contradictionem effectum non poni.

8. Causa activa dividitur in immanentem & transeuntem.

9. Immanens est, quæ producit effectum in se.

10. Transiens, quæ producit effectum extra se:

11. Estque vel creans vel immutans.

12. Creans, producit effectum ex nihilo.

13. Immutans, ex præcedente materia.

14. Causa Transiens debet realiter distinguì à patiente.

15. Deinde debet conjuncta esse patienti, vel quoad suppositum, vel quoad virtutem:

16. Itaque, non datur actio in distans:

17. Tertio, debet patienti esse dissimilis, vel quoad speciem, vel quoad gradum.

18. Causa efficiens est vel libera vel necessaria.

19. Causa libera est, quæ consultò causat.

20. Consultò causat, quæ agit ex prævio dictamine rationis.

21. Itaque libertas, est facultas totius hominis, ex præscripto intellectus & proæresi voluntatis, operantis.

22. Causa necessaria est, quæ agit necessitate naturæ.

23. Hæc necessitas naturæ sub se complectitur necessitatem animalem.

24. Causa efficiens est, vel per se, vel per accidens.

25. Causa efficiens per se est, quæ producit effectum consilio aut propensione naturali conveniens; consilio, si sit libera; propensione, si sit necessaria; vel quæ producit effectum, quatenus est talis.

26. Causa efficiens per accidens est, quæ producit effectum consilio aut naturæ suæ dissentaneum, vel quæ non producit effectum, quatenus est talis.

27. Causa efficiens per accidens est, vel fortuita, vel casualis.

28. Causa efficiens est, principalis vel minus principalis.

29. Principalis est, quæ suâ virtute effectum producit.

30. Ea nunquam est deterior effecto, sed vel nobilior vel par.

31. Estque univoca vel æquivoca.

32. Univoca continet effectum formaliter, ac producit effectum suæ speciei.

33. Æquivoca continet effectum eminenter, ac producit illud diversæ speciei.

34. Causa minus principalis est vel impulsiva vel instrumentalis.

35. Impulsiva est, interna vel externa: illa vocatur proëgumena, hæc procatactica.


36. Proëgumena causam principalem intus disponit vel etiam proritat ad agendum.


37. Procatactica causam principalem extrinsecus excitat ad agendum.

38. Huc pertinet objectum & causa Moralis.

39. Causa Moralis est, quæ non producit effectum per influxum realem, ut causa Physica, sed hortando, dehortando, &c.

40. Instrumentalis causa est, quæ ad effectum







etiam concurrunt dependenter à causa principali.

41. Itaque, instrumenti ratio in eo est sita, quod ejus virtus eleveatur à causa principali.

42. Instrumentum naturale quoad activitatem à causa principali separatum nullum datur.

43. Causa efficiens est vel prima vel secunda.

44. Prima, quæ à nulla alia causa pendet.

45. Secunda, quæ dependet à prima.

46. Prima est, vel absolute talis vel secundum quid.

47. Absolute talis est Deus.

48. Hujus actiones tres sunt, creatio, conservatio, concursus.

49. Causa prima secundum quid est, coelum in genere actionum naturalium; anima in genere actionum vitalium.

50. Causa efficiens est, vel universalis vel particularis.

51. Universalis, cujus causalitas ad plura effecta extenditur:

52. Particularis, cujus causalitas ad unum tantum effectum pertinet.

53. Causa efficiens est proxima vel remota.

54. Proxima, vel absolute, vel in suo genere.

55. Causa absolute proxima est, inter quam & effectum nihil omnino intercedit medium, nec causa alia, nec conditio ad causandum requisita, vel causalitas.

56. Causa proxima in suo genere est, inter quam & effectum non intercedit alia causa ejusdem ordinis, licet intercedat causa efficiens alterius ordinis, & insuper causalitas.

57. Causa remota est, inter quam & effectum ejusdem ordinis causa alia intercedit.

58. Itaque opponitur propriè causæ in suo genere proximæ.

59. Causa absolute proxima est sola emanativa.

60. Estque vel interna, quæ est in subiecto illius accidentis cujus causa est, vel externa, quæ non est in subiecto ejus accidentis cujus causa est.

## POSITIONUM LOGICARUM

### DISPUTATIO UNDECIMA,

D E

C

## SUBJECTO ET ADJUNTO.

### T H E S I S I.

**S**ubjecti vox, vel significat id, cui aliquid præter essentiam adjungitur, vel id, de quo aliquid prædicatur.

2. Subiectum, quod dicit respectum ad prædicatum, vocatur subiectum axiomatum, vel denominationis, vel prædicationis.

3. Subiectum, quod dicit respectum ad adjunctum, vocatur subiectum topicum, & speciatum, vel inhesionis, vel adhesionis, vel occupationis.

4. Subiectum prædicati latius patet subiecto adjuncti.

5. Nam illud, de quo aliquid prædicatur vel falsò, vel negativè, vel essentialiter, subiectum est prædicati, non item adjuncti.

6. Adjunctum enim, nec falsò, nec ne-

gativè, nec essentialiter, prædicatur.

7. Itaque; nec omne prædicatum est adjunctum, sed illud tantum, quod præter essentiam alicui adjungitur.

8. Subiectum & adjunctum se mutuo definiunt, quia sunt relata.

9. Et quot modis dividitur unum, totidem & alterum.

10. Adjunctum est vel necessarium vel contingens.

11. Necessarium, quod copulam habet cum subiecto necessariam, ut est proprium quarto modo.

12. Contingens, quod habet copulam cum subiecto contingentem, ut est accidens prædicabile.

Bbbb bbb

13. Ad

13. Adjunctum est vel absolutum, vel limitatum.

14. Absolutum, quod subjecto convenit simpliciter, ejusque subjectum vocatur subjectum quod.

15. Limitatum, quod convenit subjecto secundum quid, ejusque subjectum dicitur subjectum quo.

16. Adjunctum est vel internum vel externum.

17. Internum, quod subjecto inhæret;

18. Externum, quod ad subjectum extrinsecus ordinatur.

19. Subjectum adjuncti interni est subjectum inhæisionis.

20. Subjectum adjuncti externi est, vel adhæisionis, vel occupationis.

21. Cum subjectum inhæisionis denominatur ab adjuncto interno, est denominatio intrinseca.

22. Cum subjectum adhæisionis vel occupationis denominatur ab adjuncto externo, vocatur denominatio extrinseca.

23. Adjunctum externum, est vel objectum, vel signum, vel circumstantia.

24. Objectum est, circa quod res operando versatur.

25. Unde dicitur objectum occupans.

26. Objectum proprie est actionis; Substantiæ, facultatis, habitus, non nisi per & propter actionem.

27. Objectum est vel per se vel per accidens.

28. Utrumque est tale, vel ratione subjecti, vel ratione sui.

29. Objectum per se ratione subjecti, est circa quod subjectum natura sua versatur.

30. Objectum per se ratione sui, est quod ipsum qua tale subjecto objicitur.

31. Objectum per accidens ratione subjecti, circa quod non versatur subjectum naturâ suâ.

32. Objectum per accidens ratione sui, quod non qua tale subjecto objicitur.

33. Objectum est proprium vel commune.

34. Proprium, quod uni tantum rei objicitur.

35. Commune, quod objicitur pluribus rebus.

36. Objectum commune vocatur in disciplinis materiale, proprium formale.

37. Materiale, dicitur res ipsa, quæ consideratur.

38. Formale objectum, dicitur modus considerandi.

39. Objectum est vel mediatum vel immediatum.

40. Mediatum est, quod alio mediante alicui objicitur.

41. Immediatum, quod nullo mediante alicui objicitur.

42. Signum est, quod se ipsum sensibus & id cuius est signum facultati cognoscenti internæ offert.

43. Hinc, quod in sensum non incurrit, non est signum.

44. Subjectum, cujus adjunctum dicitur signum, est res signata.

45. Signum est vel naturale vel arbitrium.

46. Naturale, quod significat suâ naturâ.

47. Arbitrarium, quod significat ex institutione.

48. Arbitrarium est divinum vel humanum.

49. Divinum, quod significat ex institutione Dei.

50. Humanum, quod significat ex institutione hominis.

51. Signum est vel notificans vel memorativum vel certificans.

52. Notificans, quod rem simpliciter indicat.

53. Memorativum, quod rei præteritæ memoriam inducit.

54. Certificans, quod obsignat, vocaturque sigillum.

55. Signa sunt vel antecedentia rem signatam, vel consequentia, vel cum ea conjuncta.

56. Signum est, vel materiale vel formale.

57. Materiale, quod rem signat seu significat, sed non repræsentat.

58. Formale, quod rem repræsentat.

59. Formale, vel repræsentat rem signatam, sine sui cognitione, vel per sui cognitionem.

60. Quod signum rem sine sui cognitione repræsentat, dicitur formale simpliciter.

61. Quod signum per sui cognitionem rem

rem signatam repræsentat, dicitur signum instrumentale.

62. Signum est necessarium vel contingens.

63. Necessarium, certum Dei indicium facit: contingens incertum.

64. Circumstantia est adjunctum, quod circa rem est, eive adjacet vel appositum est.

65. Huc pertinent, Locus, Tempus, &c.

## POSITIONUM LOGICARUM

## DISPUTATIO DUODECIMA,

## DE

## CONVENIENT. ET DISTINCT.

## THESIS I.

**A**ffectiones thematis simplicis conjunctæ sunt, convenientia, diversitas, oppositio, & ordo.

2. Convenientia est affectio conjuncta, quæ plura aut quasi plura uniuntur.

3. Estque realis vel rationis.

4. Realis, est convenientia unius rei cum seipsa.

5. Uniuntur hic quasi plura.

6. Convenientia rationis, est convenientia plurium in uno conceptu.

7. Uniuntur hic plura.

8. Utraque species convenientiæ ad res prædicamentales tantum, non item ad Deum, applicari debet.

9. Præterea, convenientia est vel simplex, vel analogica.

10. Simplex, est convenientia unius cum alio in eodem tertio.

11. Analogica, est convenientia plurium cum pluribus in eadem habitudine.

12. Convenientia simplex, est vel essentialis vel accidentalis.

13. Essentialis, dicitur identitas, estque unitas essentialis.

14. Identitas est, vel subordinata vel coordinata.

15. Identitas subordinata est, quæ conveniunt superiora cum inferioribus sibi subjectis.

16. Estque hæc convenientia realis.

17. Identitas coordinata est vel numerica vel specifica vel generica.

18. Identitas numerica est identitas unius individui cum seipso.

19. Estque hæc convenientia realis.

20. Identitas numerica Scholasticis dicitur absoluta, quia est convenientia individui secum sine comparatione ad aliud.

21. Idem numero est, quæ res ita in essentia est una, ut numerari non possit.

22. Identitas specifica est identitas plurium individuorum sub eadem specie.

23. Estque hæc convenientia rationis.

24. Identitas generica est identitas plurium specierum aut individuorum sub eodem genere, vel proximo vel remoto.

25. Quæ sunt eadem numero sunt quoque eadem specie, & quæ eadem sunt specie, sunt quoque eadem genere, non contra.

26. Convenientia accidentalis est vel interna vel externa.

27. Interna est paritas vel similitudo.

28. Paritas, est convenientia in quantitate.

29. Similitudo, est convenientia in qualitate.

30. Convenientia externa, est convenientia in causis, effectis, subjectis, adjunctis, omnibus externis.

31. Diversitas est, quæ res à se invicem distinguuntur.

32. Estque realis, rationis, modalis.

33. Accuratus per dichotomiam dividitur in distinctionem rei & rationis.

34. Distinctio rei est, quæ citra mentis nostræ operationem fit.

35. Distinctio rationis est, quæ fit per mentis nostræ operationem.

36. Distinctio rei est realis vel modalis.

Bbb bbb 2 37. Distin-

37. *Distinctio realis est positiva vel negativa.*

38. *Distinctio realis positiva est, cum utrumque distinctionis extremum sit positivum.*

39. *Distinctio realis negativa est, cum vel utrumque distinctionis membrum vel alterum est negativum.*

40. *Distinctio modalis est, quæ res una eademque distinguitur à seipsa per modos suos.*

41. *Non datur convenientia modalis opposita distinctioni modalis:*

42. *Nam quæcunque modaliter conveniunt, si sit res eadem, realiter conveniunt; si sint res diversæ, solâ ratione conveniunt.*

43. *Distinctio rationis est, vel rationis ratiocinantis, vel ratiocinatæ.*

44. *Distinctio rationis ratiocinantis est, quæ res distinguuntur conceptibus similibus.*

45. *Distinctio rationis ratiocinatæ est, quæ res distinguuntur conceptibus dissimilibus.*

46. *Quæ distinguuntur distinctione rationis ratiocinantis, faciunt enunciationem ideatam: quæ verò distinctione rationis ratiocinatæ, non item.*

47. *Distinctio est præterea vel essentialis vel accidentalis.*

48. *Distinctio essentialis, quæ distinguuntur res essentiâ, vel essentialiter.*

49. *Distinguuntur essentiâ, quando essentia unius non est essentia alterius.*

50. *Distinguuntur essentialiter, quando aliquid est in essentia unius quod non est in essentia alterius.*

51. *Distinctio essentialis est subordinata & coordinata.*

52. *Subordinata, quæ differunt superiora ab inferioribus sibi subiectis.*

53. *Coordinata est, numerica, specifica, generica.*

54. *Numerica, quæ distinguuntur individua ejusdem speciei.*

55. *Specificæ, quæ distinguuntur species infimæ ejusdem generis, & earum individua.*

56. *Generica, quæ distinguuntur genera summa, tum subalterna, eorumque species & individua.*

57. *Quæ genere distinguuntur, etiam specie, & quæ specie, etiam individuo differunt, non contra.*

58. *Interna est diversitas in quantitate, quæ dicitur imparitas, in qualitate, dissimilitudo.*

59. *Externa est diversitas in causis, effectis, subiectis, adjunctis, omnibus externis.*

## POSITIONUM LOGICARUM

### DISPUTATIO DECIMA-TERTIA,

#### DE

## OPPOSITIONE ET ORDINE.

### THESES I.

**O**ppositio est pugna rerum.

2. *Opposita sunt, quæ neque de se invicem, neque de eodem tertio singulari, secundum idem ad idem, eodem modo atque eodem tempore affirmari possunt.*

3. *Oppositorum species sunt quinque, disparata, relative opposita, contraria, privative opposita, contradicentia.*

4. *Hæc oppositorum divisio intelligenda est de oppositione directa.*

5. *Disparata sunt, quorum unum opponitur pluribus eodem modo.*

6. *Sic opponuntur. 1. multæ species ejusdem generis. 2. quæ ex distinctis generibus sumuntur. 3. quæ sub nullo sunt genere.*

7. *Relata sive relative opposita sunt, quæ id ipsum quod sunt aliorum esse dicuntur, aut alio quovis modo ad illud referuntur.*

8. *Contraria sunt duo absoluta, quæ sub eodem genere plurimum distant.*

9. In-

9. Intelligitur genus, non Physicum, quod vocant subiectum, sed Logicum seu universale.

10. Et tale genus vel remotum vel proximum.

11. Distantia intelligitur non localis *κατὰ τόπον*, sed specifica *κατὰ τὸ εἶδος*.

12. Atque hæc contrarietas Aristoteli & Peripateticis restringitur ad solas qualitates.

13. Videtur tamen etiam pertinere ad substantias & quantitatem.

14. Contraria vel sunt mediata, vel immediata.

15. Contraria mediata sunt, quæ admittunt medium; immediata contra.

16. Medium intelligitur participationis, non negationis.

17. Nam medium negationis cadit in omnia opposita, exceptâ contradictione.

18. At medium participationis reperitur tantum in contrariis, aut fortasse privative oppositis.

19. Contraria se mutuo destruant, alterumque alterius contagione remittitur.

20. Nam quod contrarium à contrario intendatur, est per accidens & per *ἀντισπένδον*.

21. Contraria non possunt esse in eodem subiecto singulari.

22. Idque verum est tam de gradibus remissis quam intensis.

23. Versantur tamen circa idem subiectum vel genere vel specie.

24. Privative opposita sunt habitus & ejus privatio.

25. Habitus non significat primam speciem qualitatis, nec decimam categoriam, sed quodlibet accidens separabile.

26. Privatio intelligitur non Physica, id est, absentia formæ quæ inesse potest, sed Logica, id est negatio formæ quæ inesse debet.

27. Itaque privatio est absentia habitus in subiecto non quodlibet, sed in quo per naturam subiecti & tempus à natura definitum esse potest ac debet.

28. A privatione ad habitum non datur regressus.

29. Quod axioma intelligendum est de privatione potentie naturalis secundæ, ad quam nature viribus à principio intrinseco activo ipsius subiecti non datur regressus.

30. Contradientia sunt ens & negatio ejus.

31. Estque vel inter terminos transcendentales vel inter terminos prædicamentales.

32. Contradientia dividunt totam entis latitudinem.

33. Ideoque carent omni medio.

34. Hinc, contradictio est omnium oppositionum maxima, prima, ac mensura.

35. Quod enim cætera opposita opponantur, sit vi contradictionis quam includunt.

36. Contradictio alia est explicita, alia implicita.

37. Explicita, cum unum extremum finitum est, alterum infinitum.

38. Implicita, cum sine particula negationis alterum extremum ab altero evertitur.

39. Ordo est, secundum quem aliquid altero prius, posterius, aut simul dicitur.

40. Prius & posterius dicitur, tempore, naturâ, dispositione, dignitate, & honore.

41. Prius tempore, quod est altero vetustius & antiquius.

42. Prius naturâ, est vel existendi consecutione vel causalitate.

43. Prius existendi consecutione est, à quo non reciprocatur existendi consecutio.

44. Prius causalitate est, quod reciprocatur quidem secundum existendi consecutionem, sed quomodocunque causâ est, cur alterum existat.

45. Prius dispositione dicitur, quod minus abest ab initio.

46. Prius dignitate est, quod est præstantius.

47. Prius cognitione, quod facilius cognoscitur.

48. Est prius cognitione sensuali & confusâ, vel intellectuali & distinctâ.

49. Quod prius est cognitione sensuali & confusâ id nobis notius est.

50. Quod prius est cognitione distinctâ & intellectuali, id naturâ notius est.

51. Simul totidem modis dicitur quot prius: sed inter omnes modos est usitatissimus, quo res sunt simul naturâ.

52. Simul naturâ dicitur, vel simpliciter & absolute, vel secundum quid respectu tertii.

53. Simul naturâ simpliciter sunt, quæ reciprocantur secundum existendi consecutionem,

nem, sed sic ut neutrum sit causa cur alterum existat.

54. Simul naturâ secundum quid sunt, quæ

ex eodem genere æqualiter sibi invicem opponuntur.

## POSITIONUM LOGICARUM

### DISPUTATIO DECIMA-QUARTA,

#### D E

## INTERPRETATIONE SIMPLICI ET COMPOSITA.

### THESES I.

**I**nterpretatio est, vox articulata animi conceptus ex instituto significans.

2. Estque simplex vel composita:

3. Simplex est, cujus nulla pars significat separatim.

4. Composita, cujus pars aliqua significat separatim.

5. Interpretatio simplex dicitur dictio; composita verò, oratio, enunciatio, propositio, axioma.

6. In dictione est Etymologia & Conjugatio; Homonymia & Synonymia.

7. Etymologia est, ratio vocis in significando ex origine declarata.

8. Conjugatio est, vocum terminatione differendum in significatione affinitas.

9. Homonymia est in voce, quæ significat res, quibus ratio essentiae, communi nomini accommodata, est diversa.

10. Synonymia est in voce, quæ significat res, quibus ratio essentiae, communi nomini accommodata, est eadem.

11. In enunciatione sunt species & affectiones.

12. Species Enunciationis sunt, simplex & composita, pura & modalis.

13. Simplex, quæ non potest in plures enunciationes resolvi.

14. Ejus partes sunt subjectum & prædicatum.

15. Subjectum est, cui aliquid tribuitur enunciatione simplici.

16. Prædicatum, quod alicui tribuitur in enunciatione simplici.

17. Copula (est) est pars enunciationis, & quidem prædicati, si sit tertii adjecti, vel ipsius prædicatum, si sit secundi adjecti.

18. Composita, quæ potest in plures enunciationes resolvi; estque copulativa, hypothetica &c.

19. Pura est, in qua non exprimitur, quomodo partes coherant.

20. Modalis, in qua exprimitur, quomodo partes coherant.

21. Modi sunt 4. Necessæ, Impossibile, Possibile, Contingens.

22. Affectiones enunciationis sunt, quantitas & qualitas.

23. Ratione quantitatis, est enunciatio universalis, & particularis, indefinita, & singularis.

24. Universalis, in qua subjectum universale accipitur universaliter.

25. Particularis, in qua subjectum universale accipitur particulariter.

26. Indefinita, in qua subjectum universale nullâ quantitatis notâ desinitur.

27. Singularis, in qua subjectum est singulare.

28. Ratione qualitatis, est enunciatio affirmans vel negans, vera vel falsa.

29. Affirmans, quæ partes conjungit.

30. Negans, quæ partes dividit.

31. Ultraque est, vel finita vel infinita.

32. Finita, quæ constat subjecto & prædicato finitis.

33. Subjectum & prædicatum est finitum, cum certam habet significationis latitudinem.

34. Infinita, quæ constat subjecto & prædicato infinitis, aut utroque, aut alterutro.

35. Subjectum & prædicatum dicuntur infinita, cum eorum significationem negandi notâ infinitam facit.

36. Assertio prior est negatione, simul & notior.

37. Enun-



37. Enunciatio vera est, quæ conjungit ea, quæ conjuncta sunt, & dividit, quæ divisa sunt.

38. Falsâ, quæ conjungit divisa, aut dividit conjuncta.

39. Vera est, vel necessaria vel contingens.

40. Necessaria, quæ non potest esse falsa.

41. Contingens, quæ potest esse falsa.

42. Intelligitur hic necessitas & contingentia, non in essendo, non in causando, sed in prædicando.

43. Necessitas enunciationis in prædicando tribus absolvitur gradibus, quorum posterior priorem includit.

44. Primus gradus est  $\kappa\alpha\tau\grave{\alpha}\ \pi\alpha\upsilon\tau\eta\varsigma$ , quando prædicatum convenit omni subjecto & semper.

45. Secundus est  $\kappa\alpha\theta'\ \alpha\upsilon\tau\eta$ , quando prædicatum est de essentia & definitione subjecti, & dicitur primi modi, vel subjectum est de essentia & definitione prædicati, & dicitur secundi modi.

46. Tertius est  $\kappa\alpha\theta\grave{\alpha}\ \pi\eta\sigma\eta\varsigma$ , cum prædicatum & subjectum inter se reciprocantur.

47. Enunciatio falsa, est possibilis, quæ potest esse vera, vel impossibilis, quæ non potest esse vera.

## POSITIONUM LOGICARUM

## DISPUTATIO DECIMA-QUINTA,

## DE

## QUATUOR INSTRUMENTIS COGNOSCENDI.

## T H E S I S I.

**P**ars Logicæ Organica, agit de cognoscendis instrumentis.

2. Esse quatuor cognitionis instrumenta, probat quadruplex mentis nostræ defectus, ignorantia, confusio, dubitatio, inordinatio.

3. Eorum primum est definitio, quæ est instrumentum Logicum explicans, quid res ipsa sit.

4. Estque vel perfecta, quæ rei essentiam explicat attributis essentialibus perfecte, vel imperfecta, quæ contra.

5. Omnis definitio perfecta essentialis est, non tamen omnis definitio imperfecta accidentalis.

6. Divisio est, totius per partes explicatio.

7. Unde, quotuplex fuerit totum, totuplex & divisio.

8. Syllogismus est oratio, in qua quibuscumque positis, diversum quid à positis, propter ea quæ posita sunt, necessario sequitur.

9. Necessitas hic intelligitur non consequentis, sed consequentie.

10. Partes syllogismi sunt tres enunciationes: major, minor, & conclusio.

11. Conclusio male dicitur nonnullis effectum syllogismi.

12. Figuræ syllogismorum tres sunt pro triplici dispositione medii.

13. Prima est, in qua argumentum sive terminus medius majori extremo subicitur, & de minore prædicatur.

14. Secunda, in qua argumentum de utroque extremo prædicatur.

15. Tertia, in qua argumentum utriusque extremo subicitur.

16. Quarta syllogismorum figura nulla est.

17. Syllogismus est Dialecticus, Apodicticus, Sophisticus.

18. Dialecticus est syllogismus generans opinionem aut alium quemlibet assensum præter scientiam.

19. Apodicticus est syllogismus generans scientiam.

20. Scientia est  $\tau\eta\ \delta\iota\acute{o}\nu$  &  $\tau\eta\ \epsilon\pi\iota$ .

21. Totuplex est demonstratio.

22. Hæc est divisio analogi in sua analogata.

23. In demonstratione  $\tau\eta\ \delta\iota\acute{o}\nu$  medium debet esse causa proxima prædicati, eaque, vel efficiens, vel finis; & efficiens, vel interna vel externa.

24. Cau-

24. Causa intelligitur proxima absolute.

25. Potest etiam medium esse causa, & quidem forma subjecti, sed non necessario est.

26. Præmissæ demonstrationis debent esse necessario veræ ac reciprocae, deinde immediate ac primæ.

27. Quod tamen totum intelligendum est potissimum de majore.

28. In minore sufficit ut sit vera, licet nec necessaria, nec immediata fuerit.

29. Conclusio debet esse effectum præmissarum non tantum ut causæ cognoscendi sed & ut essendi.

30. Et præmissæ debent esse notiores & priores naturâ ipsa conclusione.

31. Demonstratio *est* ab effectu & à causa remota.

32. Illa colligit causam ex effectu, hæc effectum ex causa remota.

33. Cum causa cognoscitur ex effectu & vicissim, vocatur regressus.

34. Regressus non est idem cum circulo.

35. Syllogismus Sophisticus est, qui generat errorem, seu ignorantiam pravæ dispositionis.

36. Hæc doctrina tam est necessaria pars Logicæ, quam doctrina de syllogismo vero.

37. Methodus est apta dispositio rerum eodem pertinentium, ut quam optimè facillimèque intelligantur.

38. Estque naturalis vel arbitraria.

39. Naturalis, quæ sequitur ordinem naturæ cognitionis nostræ Distinctæ.

40. Estque Synthetica & Analytica.

41. Synthetica, quæ progreditur à principiis ad composita, habetque locum in scientiis.


42. Analytica, quæ progreditur à fine ad media, habetque locum in prudentiis & artibus.

43. Itaque Methodus definitiva nulla est.

44. Arbitraria, quæ relicto ordine naturæ pro arbitrio est instituta.







## LECTORI,

**N**on multis te morabor, benevole Lector, sed paucis, quid te velim, exponam. Cum nulla pars Philosophia minus sit exculta, quam ea, quæ agit de Spiritu, quippe omnis ferè circa Corpus occupatur, visum fuit, cogitationes meas impendere ejus naturæ excutiendæ ac speciatim, Dei, animique nostri, quorum cognitione felicitas nostra in hisce terris absolvitur. Egi plerumque in Commentarii<sup>o</sup> ad instar Mathematicorum per continuatas demonstrationes in probando. Sericavi, ne in commentando quenguam lederem aut lacefferem. Soli veritati inquirendæ atque inveniendæ incubui. Qui mihi viam præirent, reperi oppido paucos. Quare proprias accipe meas Meditationes: atque inter legendum interpunctione omissas, Lector, adde, errata corrige; valetudo enim mea non permisit utrumque accuratam habere rationem. Vale.

## PNEUMATICÆ

## LIBER PRIMUS,

Sive

## PARS GENERALIS.


## CAPUT I.

## De Pneumatica Constitutione.

## Theoremata.

- I. Pneumatica, est scientia spirituum.
- II. Eaque, specie distincta à Metaphysica & Theologia.
- III. Estque, vel generalis, vel specialis.
- IV. Generalis, naturam spirituum explicat in genere.
- V. Specialis, agit de spiritu in specie.
- VI. Estque, vel Theologia naturalis, vel Angelographia, vel Psychologia.

## Commentarius ad Theorema I.

1. neumaticæ genus, scientia, hic tumitur, non latè, pro quacunque cognitione, sed pro cognitione scientifica per demonstrationem generata. Dantur enim hic veræ effectiones, &

vera principia, quibus de subjecto, puta spiritu, demonstrantur. Affectiones hic fortassis non fuerint re distinctæ à subjecto, sed ratione tantum, uti nec principia (id saltem verum est in Deo) sed nec id est necesse in demonstratione omni, quod, vel ex Mathematicis demonstrationibus, vel ex Physicis, magnam saltem partem liquere potest.

2. Spiritus hic non significat corpus tenue, ut sæpe, atque in Physicis, sed substantiam materiæ ac quantitatis expertem.

## Ad Theorema II.

1. Pneumaticam, esse distinctam specie scientiam à Metaphysica, probat Perer. lib. de Philosophia 1. cap. 7. & nos sic probamus: Cujus objectum & materiale & formale distinctum est ab objecto & materiali & formali Metaphysicæ, ea scientiâ & specie distinguitur à Metaphysica. Sed Pneumaticæ objectum & materiale & formale, &c. Ergo &c.

Cccccc Major

Major fundatur in recepto axiomate, desumpto ex *Arist. lib. 3. de anima: Disciplina secantur ut res: & apud Scholasticos: Scientiarum omnia distinctio petitur ab objecto, vel materiali, vel, si non eo, saltem formali.* Minor probatur: Objectum materiale Metaphysicæ est, Ens in genere consideratum universaliter; Pneumaticæ est, Ens in specie spectatum particulariter, vel Deus, vel Angelus, vel Anima. Proprietates & principia Metaphysicæ sunt universalissima: Pneumaticæ specialissima: &, quomodo eadem scientia ager de Ente universalissimo, quale est Ens transcendens; & de Ente singularissimo, quale est Deus? Objectum formale Metaphysicæ est, aut qua Ens, aut qua immateriale; si qua Ens, non est idem cum objecto formali Pneumaticæ, quod est Ens qua tale; si qua immateriale, adhuc diversum est ab objecto formali Pneumaticæ, quia illud est immateriale per indifferentiam, hoc per essentiam: atqui hæc duo specie differunt, saltem in ratione scibilis, quatenus menti obijciuntur Entia cognoscenda, qua immaterialia. Nam ens cum cognoscitur quod est immateriale per indifferentiam, cognoscitur illud tantum, quod per rationem abstrahitur à materia, abstractione præcisionis, non negationis, multo minus reali; sed, cum Ens cognoscitur quod est immateriale per essentiam, cognoscitur illud, quod à materia est abstractum, non tantum ratione, sed re, & cum per rationem abstrahitur à materia, abstrahitur abstractione non tantum præcisionis, sed & negationis; atqui abstractiones à materia secundum rem, & secundum rationem, specie differunt; quin, & abstractiones à materia secundum rationem, & præcisionis, & negationis, specie differunt. Ergo, Ens immateriale, per indifferentiam, & per essentiam, in quantum à materia abstrahuntur, cum cognoscuntur in ratione scibilis, specie differunt. Ergo, & Metaphysica, quæ versatur circa Ens immateriale per indifferentiam, & Pneumatica, quæ versatur circa Ens immateriale per essentiam, specie differunt, quod erat demonstrandum.

2. *Pneumaticam esse distinctam specie scientiam à Theologia, sic probamus:* Quarum disciplinarum principia cognoscendi sunt di-

stincta specie, ex ipsæ distinguuntur specie: sed Theologia & Pneumaticæ principia cognoscendi &c. ergo &c. Major probatur. Si causæ specie diverse arguant effecta specie diversa, ergo principia cognoscendi specie diversa, arguant disciplinas specie diversas: sed verum prius: ergo & posterius: tantundem enim est in effectis, quantum in causis. Minor prob. Lumen naturæ, & lumen gratiæ, seu fidei, seu revelationis distinguuntur specie, sed lumen naturæ, & lumen fidei, sunt principia cognoscendi, in Pneumatica, & Theologia: Ergo ipsæ distinguuntur specie. Probatur Major. Lumen omnium hominum animis connatum, & lumen quorundam animis infusum, distinguuntur specie: sed lumen naturæ, est connatum, fidei, infusum; ergo &c. Lumen enim naturæ, nihil est aliud, quam naturalis, & omnibus connata aptitudo intelligendi objecta quælibet. Lumen fidei, est supernaturalis, nec omnibus connata, sed quibusdam tantum data aptitudo intelligendi, non objecta quælibet, sed ea tantum proprie, quæ citra revelationem cognosci nequeunt; unde, hæc quoque peculiariter *mysteria* vocantur: ubi tamen tenendum est, quædam simul cognosci posse, & lumine naturæ, & fidei; quales sunt religionis articuli, quæ non sunt pura mysteria; ut est creatio, conservatio, providentia, quin & ipsa existentia Dei. Minor probatur. Quæ disciplina cognoscitur citra revelationem, ex mera ratiocinatione, ejus principium cognoscendi est solum lumen naturæ, quia ratiocinari est opus naturale intellectus humani, ad quod nec gratiâ, nec fide, nec revelatione egat: sed Pneumatica cognoscitur citra revelationem, ex mera ratiocinatione: ergo. Patet minor in Genilibus, qui omni revelatione destituti, solo ratiocinio cognoverunt Deum, intelligentias, animam rationalem; quod in ipso liquet *Aristotele*, de quo, quavis multi dubitent, an Deum agnovit, quod mundum statuerit æternum, tamen loca contrarium non pauca evincunt: & sanè, ex motu ad primum ascendit motorem, qui certe ipsi non fuit mundus æternus, sed haud dubie aliud aliquid, præter mundum, ens æternum, quod quid aliud est quam Deus? Quod intelligentias agnovit, nimis quam manifestum est



est ex motu orbium celestium, quibus illos duris fatis catenis alligavit. Quod animam rationalem deprehenderit ratiocinando, ex *lib. de Anima* constat: an ipsi fuerit immortalis, dubitari solet, ac talem ei fuisse integro libro demonstravit *Fortunius Licetus*. Deinde quæ disciplina cognoscitur, non nisi ex revelatione, aut principiis saltem revelatis, ea cognoscitur solo lumine fidei: Sed Theologia cognoscitur ex &c. Ergo. Probatur minor: Principium, ex quo cognoscitur Theologia, est verbum Dei: sed verbum Dei est revelatum. Ergo. Non, quod ratiocinatio à Theologia in totum excludatur, quæ & in verbo Dei sapientissimè instituitur, imo invenias plenum syllogismum, *Matt. 22.* ubi *Christus* disserit de resurrectione mortuorum contra *Sadducæos*: &, *Epist. ad Rom. ad Gal. ad Hebr.* ut de aliis nunc non dicam, quidnam sunt aliud quam perpetuæ ratiocinationes & concatenati syllogismi? hoc tamen discriminis est, inter ratiocinationes Philosophicas & Theologicas, quod hæc instituantur ex principiis naturæ insitis, naturâ notis, tum theoreticis, tum practicis, at istæ instituantur ex principiis tantum revelatis, sic ut principia ratiocinandi utrimque sint diversa, ratiocinatio utrique, & Theologiæ, & Pneumaticæ seu Philosophiæ, sit communis. videatur *Rationale Theologicum Vedelii*.

## Ad Theoremata III.

1. Et *Physica & Metaphysica*, immo & quibusdam *Logica*, dividitur in partem generalem & specialem. ergo non videtur hæc divisio propria *Pneumaticæ*. Resp. utcumque voces hæc duæ, *generalis & specialis*, infervant exprimendis omnium istarum disciplinarum partibus ac divisionibus, tamen particulariter restringi debent ad singularum disciplinarum objecta: neque enim *Physica* dividitur in partem generalem & specialem, quæ utraque agat de Spiritibus, aut *Pneumatica* dividitur in partem generalem & specialem, quæ utraque agat de corpore.

## CAP. II.

## De spiritus essentia &amp; existentia.

## Theoremata.

- I. Spiritus, est substantia materiæ expers.
- II. Consequenter & quantitatis & formæ.
- III. Spiritus dari, ex operationibus patet immaterialibus, quæ nihil materiæ sunt, aut extensionis, v. c. intelligere, velle, &c.
- IV. Spiritus dari, notius est quam dari corpora.

## Commentarius, ad Theorema I.

1. Spiritum esse substantiam, facile patet ex eo, quod non sit in alio ut in subiecto, &, accidens si foret, oporteret assignare subiectum in quo sit: atqui hoc assignari nequit: quodnam enim illud esset?
2. Cum dicitur spiritus, materiæ expers, intelligitur materiâ carere tanquam parte sui constituyente: si enim corpus assumpserit, eo tamen tanquam alterâ sui parte non componitur. Deinde, cum dicitur materiæ expers, utcumque vocabulum hic sit privativum, sub eo tamen intelligenda est natura quædam positiva, naturæ materiali, id est, substantiæ materiâ præditæ contrariæ, ideoque, cum substantia dividitur, in immaterialem seu spiritum, & materialem seu corpus, utrumque membrum intelligendum est affirmatè, utcumque alterum sc. substantia immaterialis, proponatur voce negatâ.

## Ad Theorema II.

1. Quia quantitas est materiæ proprietas inseparabilis, si spiritus caret materiâ, caret quantitate, si quantitate, caret & figurâ, contra *Scaligerum*, de quo negotio postea.
2. Quia forma nulla est, nisi in materia, immo quædam est ex materia, si spiritus caret materiâ, caret formâ, tum immateriali, quæ est in materia, tum materiali, quæ est in & ex materia.

## Ad Theorema III.

1. Nihil est in Philosophia certius, quam ex actu secundo inferre existentiam actus primi, ex operatione, principium operandi:   
Ccc ccc a quare,

quare, si dentur operationes, quæ nec corporis sunt, nec aliquid extensionis in se includunt, facile est, inde evincere, quod præter corpora dentur aliæ quædam substantiæ non extensæ, istarum operationum principia: nam tantundem debet esse in causa quantum est in effectis: uti ergo bene arguimus ex operationibus à materia dependentibus, dari principia istarum operationum, quæ sint substantiæ materiæ includentes, ita, jure quoque merito, ex operationibus à materia non dependentibus, arguimus quoque dari istarum operationum principia, quæ sunt substantiæ materiæ excludentes: sed tales substantiæ, sunt spiritus (ex the. 1. hujus cap.) sicut oppositæ hisce substantiis dicuntur corpora. Atqui dari operationes immateriales, nihil, aut materiæ aut extensionis, includentes, probari non potest melius, quam ut unicuique jubeatur in seipsum descendere, ac rogetur, an non præter  $\pi$  videre, quod sit oculis, loco se movere quod sit membris, similesve operationes, corporis adminiculo peragi solitas, non deprehendat in se actionem aliquam, non ita corpori ejusve organis, in exercitio sui alligatam: si neget, an ergo unquam cogitaverit, id est, cogitandi actum eliciuerit, & se cogitare, concius fuerit? rogetur ulterius, an ista negatio, quæ negat sese unquam in se deprehendisse actiones alias, quam corporeas, ipsa illa sit corporea, ac instar visionis aut loco motionis? an talis quoque sit cogitatio, quam de se in totum negare non potest, nam & negando cogitat (agimus enim de negatione & affirmatione, quæ mente, non lingua fit) sin affirmet se deprehendisse præter actiones materiales, in se, quasdam immateriales, i. e. quæ, aut non necessario, aut nullo modo, dependent à corpore, quæ ipsæ nihil quantitatis aut extensionis includant, procedo cum ipso & infero, ergo, vel in te ipso, qui corpus circumgestas, datur aliquod principium istius affirmationis aut negationis, ac deprehendis principium præter corpus; si enim corpus, nec affirmet nec neget, nec deprehendat actiones, à se tamen prodeutes (neque enim aut oculus novit se videre, aut membra norunt se loco moveri) ergo datur aliud omnium istarum operationum principium: sed hoc est spiritus: ergo datur

spiritus, quod ex immaterialibus operationibus erat demonstrandum.

#### Ad Theorema IV.

1. Illud est notius intellectui, quod à sensibus est remotius & intellectui viciniis: sed spiritus sunt à sensibus remotiores & intellectui viciniore, quam corpora: ergo: major patet, quia, quoad ordinem intelligendi, sensus & intellectus contrario se habent modo, ut, quod prius est cognitione quoad sensum, posterius sit cognitione quoad intellectum; & vice versa: minor probatur: quorum natura aut essentia magis assimilatur intellectui, ea sunt viciniore ei: sed spirituum essentia &c. ergo &c. minor probat. nam, aut intellectus est idem cum anima rationali, aut est potentia, instar accidentis, ab ea distincta; si prius, uti omnis spiritus est materiæ expers, ita anima, quæ est spiritus; consequenter, & intellectus, qui est idem cum ipsa; sin posterius dicatur, adhuc tamen spiritus magis assimilatur intellectui quam corpus, quia intellectus, ut est facultas animæ rationalis, & accidens ab ea distinctum, nihil tamen materiæ aut quantitatis includit: sed corpus & materiæ & quantitatem includit, spiritus neutrum: ergo adhuc magis spiritus assimilatur intellectui quam corpus: & ut tanto manifestior sit veritas Th. notandum est hic accuratè, quod *Arist. in lib. 2. de anima* docet, intellectum intelligendo fieri omnia, non quidem transmutatione reali, sed intentionali, quatenus fit omnia repræsentativè, quemadmodum speculum quasi transformatur in omnia ista, quæ in se repræsentantur: atqui facilius intellectus transmutatur repræsentativè in spiritus quam in corpora, quia major est proportio & propinquitas inter ipsum & inter spiritum, quam inter ipsum & inter corpora, quia ipse materiæ caret ac quantitate, quæ & caret spiritus, sed prædita sunt corpora: atqui, in quæ facilius cognoscendo transmutatur intellectus, ea sunt ipsi notiora: ergo notiores sunt spiritus quam corpora: & cum ipsa anima intelligens sit sibi omnium proxima, utpote semper sibi præsens, cum reliqua omnia, præsertim corpora, longius ab ea absint, nihil sane ipsi est notius, quam ipsa est sibi, sed ipsa est spiritus, (quod tamen postea

postea demonstrabimus, & hic facile constat ex operatione ejus sc. intellectu, juxta argumentum theol. præcedenti adhibitum) ergo, dari spiritus, notius est quam dari corpora; quod erat demonstrandum.

## CAPUT III.

*De spiritus divisione, principiis, & attributis in genere.*

## Theoremata.

- I. Spiritus est, vel increatus vel creatus.
- II. Increatus est Deus.
- III. Creatus, vel angelus, vel anima rationalis.
- IV. Horum omnium spectanda veniunt principia & attributa communia.

Comm. ad Theo. 1. 2. 3.

I. **H**Æ divisiones sunt generis in species: sed an univoci? an analogi? Res. si ens dividatur univoco in Deum & creaturam, quod volunt *Scotistæ*; prima quoque divisio talis fuerit: sc. in analogice, quod volunt *Thomistæ*, & illa quoque talis existerit: secunda autem qualis sit an univoca an analogica, de eo quoque disputatur: si *Aristotelem* quis sequatur in antepredicamentis, utraque fuerit univoca; quia ibi præter æquivoca sive homonyma, nulla alia agnoscit, quam univoca sive synonyma: attamen quia alibi in Metaphys. mentionem facit generis *πρὸς ἓν*, vel *ἀπ' ἑνός*, vel *πρὸς μίαν τινὰ φύσιν*, i. e. ad unum, vel ab uno, vel ad unam aliquam naturam, præter genus synonymum sive univocum, quod speciebus æqualiter convenit, inlexerunt Philosophi, genus analogum, quod illi speciei magis, alteri minus convenit; videndum nunc est, utrum obtineat in divisionibus positis?

2. Cum Spiritus dividitur in creatum & increatum, est divisio non æquivoca, quia non solum nomen commune est, sed & ratio essentia seu definitio: carere enim materiâ & Deo convenit, & Angelis, atque animæ rationali: si obijcias, commune axioma, sc. nomina & Deo & creaturis communia, sunt merè æquivoca: Resp. illud tantum intelli-

gi debere de vocabulis, quæ in significando aliquam involvunt aut notant imperfectionem: sed vox (spiritus) in significando nihil tale includit, verum significat perfectionem simpliciter: Nec divisio est purè univoca: utcumque enim spiritus omnis creatus materiæ sit expers, non tamen æque ac Deus, quippe qui est purissimus actus, excludens non tantum materiam sed omnem insuper potentiam passivam: at Spiritus, licet materiâ non constet, potentiam in se habet passivam: Ergo fuerit analogica, non quidem analogiâ proportionis, quâ forma aut ratio formalis, quæ uni inest, alteri tribuitur, per similitudinem aut tropum, ut, cum sanum, quod propriè dicitur de animali, cui sanitas inest, per analogiam, aut potius per tropum dicitur de Medicina aut urina, sed analogiâ attributionis, quâ natura aliqua quidem communis est pluribus quibus attribuitur, attamen uni magis competit, alteri minus; imò ubi una species alteri debet, quod communem generis naturam participet; sed esse spiritum aut substantiam materiâ carentem, magis convenit Deo; quam spiritui creato; imò hic illi debet, & quod sit substantia, & quod sit materiæ expers: Itaque rectè vocaverit spiritum genus *πρὸς ἓν* & *πρὸς μίαν τινὰ φύσιν*, quia ad Deum maxime refertur, & *ἀπ' ἑνός*, quia ab uno, sc. Deo, ad aliud, sc. spiritum creatum, quasi descendit ac derivatur: eadem enim hic ratio est, quæ vulgò evincit, eos esse analogum respectu Dei & creaturæ, quia Deo magis & prius, creaturæ minus & posterius, esse convenit, & quia creatura rationem essendi, essentiam, & existentiam, debet Deo. Divisionem quod spectat spiritus creati in Angelum & animam rationalem, non est æquivoca, quia non solum nomen utriusque, sed & ratio essendi communis est; nec tamen videtur analogica, quia hic nulla est dependentia unius speciei ab alia; neque Angelus animæ, aut anima Angelo acceptum referre debet, quod sit spiritus creatus, sed hujus definitio ex æquo utrique convenit; est quidem inter utrumque spiritum hoc discriminis, quod Angelus nullum dicat respectum ad materiam, quam informat, anima rationalis contrâ; at vero hoc non impedit, quo minus spiritus creatus dicatur univocè

de utroque : nobilitas enim illa & præstantia Angeli supra animam , quod hæc respiciat materiam , quam informat , & cum qua hominem , ut altera ejus essentialis pars , constituit , Angelus non item , non derivanda est ab inæquali attributione generis , quod sane ex æquo utrique tribuitur (carent enim ambo æqualiter materiâ) sed rejicienda est in differentiam dividentem , quæ constituens animam , & spiritum creatum restringendo ad animam , minus est nobilis quam differentia , quæ naturam hic genericam restringit ad Angelum , eumque constituit : nam omnis respectus , aut partis ad totum , aut formæ ad materiam , aliquid imperfectionis dicit ; sed Angelus illum respectum in totum excludit , anima rationalis non item. Ergo &c. Inæqualitas itaque differentie non impedit hic , quo minus spiritus creatus sit genus univocum Angeli & animæ rationalis.

*Ad Theorema IV.*

1. Principia hic veniunt considerata , non essendi , sed cognoscendi , atque , ea non subiecti , sed affectionum , quæ de subiecto per illa demonstrantur. Principia essendi subiecti , ipsius spiritus in genere , nulla dantur , quia , sic ea quoque caderent in Deum , qui sub spiritu in genere continetur , ut ante demonstratum est ; hic tamen est *divisio* & omni principio essendi caret : neque necesse est in scientia proprie dicta semper dari ipsius scientifici objecti principia essendi , quod existimat Zabarella in lib. de tribus præcognitiis cap. sec. Quamvis enim multarum scientiarum objecta habeant sua etiam essendi principia , ut in Physica , id tamen , nec perpetuum est , nec absolute necessarium : certe in scientia & demonstratione de Deo locum non habet ; quando enim Immortalitas aut æternitas de Deo demonstratur , id non fit per principia quædam essendi , quæ sunt ipsius Dei : imo , cum interpositio terræ inter Solem & Lunam demonstrat eclipsin de Luna , non tamen est principium essendi ipsius Lunæ , sed solius affectionis de Luna demonstratæ : principia ergo hic sufficiunt affectionum spiritus in genere : sed qualia , an essendi ? non dixerim , quia , cum æternitas de Deo demonstratur per ejus immutabilitatem , aut ejus im-

mortalitas per ejus immaterialitatem , non est , aut ejus immutabilitas principium essendi , æternitatis , aut immaterialitatis , immortalitatis ; sed sunt utrimque principia tantum cognoscendi affectiones de Deo demonstratas ; qualia sufficiunt affectionum demonstrandarum de Spiritu in genere : porro , intelliguntur hic principia cognoscendi ; tum , incomplexa , tum complexa , & hæc , necessaria , non probabilia ; propria , non communia ; tantum hoc notetur , quod principium incomplexum hic non sit causa essendi ipsius prædicati multo minus subiecti in conclusione , sed cognoscendi tantum , quam causam virtutalem vocant *Scholastici* : videatur *Suarez disput. Metaph. 1. sect. 1. num. 27.* & opponitur causæ formali , quæ dicitur principium essendi ipsius affectionis , seu prædicati questionis , imo interdum & subiecti , qualis quidem cadit in spiritus spectatus in specie , angelos aut animas rationales ; sed circa spiritum in genere , nec quæri debet , nec inveniri potest. Principium incomplexum in demonstrationibus Pneumaticis est essentia Spiritus in genere , quin & unum attributum est principium incomplexum & causâ Virtualis alterius cognoscendi : principia complexa communia omnibus scientiis , qualia sunt principia contradictionis , ut , idem non potest esse & non esse , pro re nata etiam locum tenent in Pneumatica ; sed præsertim hic obtineant Principia complexa propria , quæ fluunt , aut ex ipsâ subiecti Pneumatici , spiritus in genere , natura , suntque illa , quæ prima ordinantur ad demonstrandas conclusiones Pneumaticas.

2. *Attributum* idem notat , quod *affectio* , *proprietas* , *passio* , & dicit respectum ad subiectum , cui attribuitur , cum quo reciprocatur , de quo demonstratur , cujus essentiam non quidem constituit , constitutam tamen immediate sequitur , i. e. quod non est de primo essentiali conceptu sui subiecti , sed quod tum concipitur , postquam ea concepta sunt , quæ ad primum pertinent : ita v. c. risibilitas est attributum hominis , quia , & cum homine reciprocatur , & de homine demonstratur , & de secundo hominis conceptu est , non primo : nam primum oportet hominem concipi rationalem quam risibilem : sic , esse  
divisibilem.

divisibile, & esse extensum, utrumque quidem cum quantitate recipiatur, sed esse divisibile, ut attributum, esse extensum, ut essentia quantitatis; quia tamen omne attributum subjecti sui essentiam proximè consequitur, dicitur essentiale & quidditativum. Sunt hæc conditiones attributi. I. Ut posterius, non quidem sit, sed concipiatur, quam subjectum. II. Ut sequatur subjecti essentiam per se & vi subjecti. III. Ut subjectum ingrediatur definitionem attributi, non ut inclusum, sed ut connotatum. His præmissis dicimus. I. Spiritus in genere habet vera attributa &c. prob. Quod est subjectum scientiæ Apodicticæ seu veræ, id habet quoque attributa vera. Sed spiritus in genere &c. Ergo &c. II. Attributa spiritus in genere, sunt opposita attributis corporis in genere. Prob. hoc modo: Quæcunque habent essentias oppositas, eorum attributa quoque sunt opposita. Sed spiritus & corpus &c. Ergo &c. Maj. inde liquet, quod attributa emanant à subjectis. Ergo à subjectis contrariis contraria. Min. quia spiritus & corpus species sunt diversæ ejusdem generis: Atqui hæc habent oppositas essentias: Ergo. III. Attributa spiritus in genere de eo possunt demonstrari. Prob. Quicquid cum subjecto recipiatur, ut ab eo fluat, id de eo potest demonstrari. Sed attributa spiritus in genere &c. Ergo &c. Dicimus 2. I. Attributa spiritus in genere non sunt Accidentia. Prob. Quod non convenit omnibus spiritus speciebus, id non est attributum spiritus in genere. Sed Accidens non convenit omnibus spiritus speciebus; non saltem Deo, quod postea demonstrabitur. Ergo. II. Attributa spiritus in genere sunt inadæquati conceptus essentia illius: hic duo veniunt notanda: primo, quod dicantur conceptus essentia spiritus, deinde inadæquati. Primum sic probatur. Quod essentiam spiritus in genere immediatè sequitur, id æquè concipi potest atque ipsa essentia, & quamvis non sit conceptus ipsius essentia, ita ut essentia ipsa spiritus in genere concipiatur, quia tamen ita indivulso nexu cum essentia spiritus coheret, rectè dicitur attributum esse conceptus essentia ipsius spiritus, modo hoc teneatur discriminis, quod conceptus ipsius subjecti puta spiritus, sive

essentia spiritualis sit primus, attributorum ejus in genere sit secundus: ut enim essentia omnis subjecti, natura prior est attributo, quia hoc ex illa fluit, ita conceptus omnis subjecti, prior est conceptu attributi, quia hic ex illo sequitur. Secundum sic probatur, per quod inadæquatè repræsentatur essentia spiritus in genere, id rectè dicitur conceptus inadæquatus essentia spiritus in genere. Sed per attributa, essentia &c. Ergo &c. Atque hinc liquet iterum discrimen inter conceptum essentia & conceptum attributorum: conceptus enim ipsius essentia, spiritus in genere, est adæquatus, at conceptus attributorum, est conceptus ejusdem essentia, spiritus in genere, sed inadæquatus: quod autem dicamus, conceptum attributorum esse conceptum essentia, spiritus in genere, licet inadæquatum, eo hoc significatum volumus, quod attributa ejus non significant idem simpliciter, quod ipsa essentia spiritus, sed notant eam, cum & sub aliqua ulteriori ac peculiari ratione; quemadmodum attributum aliquod entis v. c. unum, non simpliciter idem significat, quod ipsum ens, sed aliquid amplius connotat quam ens; quod, quidnam sit, hic inquirendi non est locus, ita impræsentiarum conceptus essentia spiritus in genere est, quo concipitur substantia materie ac quantitatis expers; conceptus alicujus attributi est quidem conceptus ejusdem talis substantia, sed qui involvit aliquid ulterius, aliquam rationem formalem, quidditativam, & potentialem ut loquuntur, quæ in priori conceptu ipsius essentia non includebatur, ut, cum concipitur incorruptibilitas, aut indivisibilitas spiritus, concipitur eadem essentia materie ac quantitatis expers, sed cum aliqua formalitate secundaria, quæ in primo conceptu, quo concipiebatur solum substantia materie ac quantitatis expers, non involvitur: itaque, attributa spiritus in genere, significant essentiam spiritus, sub alia ratione conceptam, & ut terminis utamur, secundariò, non primariò, materialiter, non formaliter, id est, omne attributum duo importat, unum tanquam materiale, ipsam sc. essentiam subjecti, alterum tanquam formale, aliquid sive entitativum, sive positivum, sive absolutum, sive respectivum, ipsi




ipſi ſubjecto ſuperadditum: ipſum ſubjectum connotat quaſi in recto, alterum in obliquo: ita incorruptibilis pro materiali, importat ipſam eſſentiam ſpiritus in genere, pro formali, illius eſſentia modum aliquem, quod tam perennis eſt natura, ut nullo modo deficere queat: ſic juſtitiam Dei, Attributum illius, ſignificat idem, quod ejus eſſentia, quia in re ſunt idem: unde & in recto dicimus, juſtitia Dei eſt eſſentia ejus, ſed aliquid amplius tamen notat, quam eſſentia ipſa præciſe ſumpta; nam ſignificat eſſentiam Dei cum ordine ad actum puniendi, quæ connotation, in eſſentia Dei nudè ac ſimpliciter ſpectata, non invenitur: hæc enim abſtrahi poteſt ab illa connotatione, quin & concipi poteſt, cum ordine ad actum miſerendi, ac tum concipitur attributum ejus miſericordia: non tamen ſic incorruptibilis de ſpiritu in genere enunciari poteſt, uti juſtitia de Deo, quæ, tum in abſtracto, tum in concreto, de eo enunciat: at illa in concretotantum: nam non dicimus, ſpiritus eſt incorruptibilis, ſed incorruptibilis. Porro, conceptus attributorum poteſt ſpectari dupliciter, vel ſecundum ſe ipſum, vel in ordine ad ſubjectum, ut conceptus unitatis ſpectatur, vel ſecundum ſe ipſum, id eſt, in quantum concipitur negatio diſiſionis, vel in ordine ad ſubjectum, in quantum ſignificat ens ipſum indiviſum; priori modo, unitatis conceptus eſt adæquatus, poſteriori modo, inadæquatus: ſic philoſophandum eſt de conceptibus attributorum ſpiritus, imo omnis ſubjecti in genere, qui ſi ſpectentur ſecundum ſe ipſos præciſe, & juxta rationem terminorum, ſub quibus ſunt, ſunt adæquati, ſed ſi conſiderentur, in ordine ad ſubjectum, in quantum attributa repræſentant intellectui concipienti ſubjectum ſuum, cujus ſunt attributa, ſi rectiſſime dicuntur, inadæquati conceptus Attributorum.

4. Ex hiſce liquet, attributum omne aliquid addere ſubjecto: quia enim audita voce *attributi*, aliquid concipitur, quod non concipiebatur, audita voce *ſubjecti*, haud dubiè aliquid inſinuat per attributum, quod ſubjecto eſt ſuperadditum; ita audita voce *riſibilitas*, aliquid concipitur, quod non concipiebatur, audita voce *humo*, ideoque

riſibilitas aliquid homini ſuperaddit: & ſi attributum nihil ſuperadderet ſubjecto, *ſubjectum* & *attributum* forent vocabula æquipollentia, quod eſt abſurdum: poteſt autem dupliciter intelligi, quod aliquid addatur alteri, vel re ſcilicet, vel ratione: re, ut cum *albor* additur parieti: ratione, ut cum differentia additur generi, *rationalitas*, *animali*: attributum addit aliquid ſubjecto, non re, ſed ratione, id eſt, dicit aliquid, quod extra conceptum ſubjecti eſt, cui additur, illud autem, quod additur ſubjecto per attributum, interdum aliquid eſt reiſa à ſubjecto diſtinctum, interdum ratione tantum: nam iſta duo hic ſunt diſtinguenda: aliquid alteri addere, re, vel ratione, ut ipſa additio alicujus ad alterum ſit vel à parte entis, vel à parte mentis, & addi aliquid alteri re, vel ratione diſtinctum, ab eo, cui additur: Attributa ſpiritus in genere ei aliquid ſuperaddunt: prebatur, quia aliquid addunt, quod ipſa voce & conceptu ſubjecti non importabatur; & quia vocabula *attributorum* non ſunt æquipollentia vocabulo *ſpiritus*, certè, & vox, & conceptus *ſimplicitatis*, aliquid important aliud, quam vox & conceptus *ſpiritus*: nam, cum audita voce hæc, *ſimplicitas*, ſub ea aliquis formatur conceptus, concipitur negatio compoſitionis, ſed audita voce *ſpiritus*, concipitur negatio materiae, & quantitatis, qui conceptus inter ſeſe differunt, uti & ipſæ voces, ideoque *ſimplicitas*, attributum ſpiritus in genere, aliquid ſignificat, & conceptus importat aliud, quam vox *ſpiritus* ſignificat, aut conceptus importat. Ergo, hoc attributum additur ſuo ſubjecto, non tamen additione reali: eſt enim illa additio nihil aliud, quam ratio inadæquate concipiendi ſubjectum ſuum: dicit enim *ſimplicitas* nihil aliud, quam eſſentiam ſpiritus in genere cum compoſitionis negatione: addit ergo attributum ſubjecto aliquid per rationem, ſed cum fundamento in re: hoc fundamentum nihil aliud eſt, quam diverſa ratio, ſub qua ſubjectum diſſimiliter & inadæquate concipi poteſt, ita ſpiritus in genere concipi poteſt: vel cum negatione materiae, vel cum negatione compoſitionis, vel cum negatione corruptionis, qui tres conceptus, ſunt ejusdem ſpiritus: primus, ut ſubjecti, ſecun-







secundus, tertiusque, ut attributorum, & quidem distinctorum, non re, sed ratione, & inter se, & à subiecto, cuius distinctionis fundamentum est, quod alia sit habitudo spiritus ad compositionem, cum illa de ipso negatur, alia ad corruptionem, unde etiam alia vox est isti, alia huic attributo significando, destinata, prius, *Simplicitatis*, posterius, *incommutabilitatis* nomine, venit: Ex quibus manifestum est, attributa non tantum aliquid addere subiecto, sed & id, quod addunt, & ipsa, distingui à subiecto, ratione *variacionis*, quæ distinctio sufficit ad instituendam demonstrationem affectionum de subiecto, de qua hic etiam obiter aliquid est dicendum: nimirum, affectiones spiritus in genere de eo demonstrari possunt, & ostensive, & deductione ad absurdum seu per impossibile: *Ostensive*, & à priori & posteriori. Demonstratio *Ostensiva* est, quæ sit, vel à causa, vel ab effectu: Per impossibile est, cum aliquid probatur verum esse, quia alioquin sequeretur absurdum, & impingeretur in veritatis principia. Quod attributa spiritus in genere demonstrari possint, *ostensive*, à priori, inde patet, quod probari possunt de subiecto suo per causam, quæ hic duplex esse potest, vel ipsa ratio essentialis spiritus in genere, vel proprietas aliqua ejus, jam ante demonstrata, quæ, tum sit medium demonstrationis alterius ex se pendentis, prius patet, quia; si attributa spiritus in genere emanant ab essentia ejus, utique per eam ut causa demonstrari possunt: posterius patet, quia inter attributa spiritus in genere unum prius concipi potest altero, ideoque, id, quod prius est conceptum, ratio esse potest demonstrandi illud, & quidem à priori, quod conceptum est posterius: quin attributa spiritus in genere de eo demonstrari possint ostensive à posteriori, seu ab effectu, nemo dubitat: sed & dantur hic demonstrationes *per impossibile*, quæ fiunt per principia veritatis prima, quale est, idem non potest esse & non esse, de qualibet re, vera est affirmatio & negatio: hæc principia ad absurdum ducentia, hic etiam locum habent in *Pneumatica* generali, cum in omni scientia eum obtineant.

## CAPUT IV.

## De principiis Pneumaticæ generalibus &amp; communibus, in specie.

## Theoremata.

- I. Spiritus in genere sumptus non habet causas essendi, sed cognoscendi tantum.
- II. Quædam spiritus species habent principium & essendi & cognoscendi.
- III. Principia incomplexa demonstrandi in *Pneumatica* generali, sunt causæ virtuales.
- IV. Primum principium incomplexum in *Pneumatica* generali est, essentia spiritus, causa virtualis affectionum demonstrandarum in genere, & realis quarundam in specie.
- V. Unum attributum spiritus, interdum est principium demonstrandi & causa cognoscendi alterum.
- VI. Præter principia incomplexa dantur quæque complexa, & necessaria, & *Pneumatica* propria.

## Comm. ad Theorema I.

Quod non est commune omnibus spiritus speciebus, id non potest dici de spiritu in genere: sed habere principia essendi non competit omnibus spirituum speciebus: ergo. prob. minor, quia illud non competit Deo: nam Deus principio essendi caret: si enim illud haberet, aut haberet ab alio, aut à se, non ab alio, quia sic non esset ens primum nec independens: nec principium essendi habet à se, quasi se ipsum produxerit: est enim improductus: ideoque cum dicitur esse à se & quidem positive, sensus est aut negatus, quod non sit ab alio, aut affirmatus, quod essentia sua sit se ipsa sibi ipsi sufficiens principium ac virtus subsistendi per se, absque ulla sui efficientia ac productione causali; si enim sic Deus à se foret positive atque affirmate ac si seipsum produxisset productione reali & efficientia causali, Deus aliquando non fuisset, quod repugnat ejus æternitati. Si dicas, illam efficientiam & productionem à seipso esse ab æterno factam; Resp. ergo ab æterno saltem fuerit & non fuerit: qui enim efficit & producit, est, qui efficitur & producitur, non est; ergo, si ab æterno

essecerit & produxerit Deus seipsum, ab æterno fuerit & non fuerit; fuerit, in quantum efficit & producit; non fuerit, in quantum efficitur & producitur. Ne nunc dicam, causam efficientem ac producentem re ipsa distinguui semper ab effectu producto: sed Deus à se ipso distinguui nequit: ergo non potest dici se aliquando seu ab æterno seipsum produxisse seu effecisse: Quod dicatur Pater ab æterno produxisse Filium, certè ibi & Pater ab æterno producens, & Filius ab æterno productus, re ipsa distinguuntur, non quidem ut Deus & Deus, sed ut persona & persona: ac notandum hic est bene, quod productio æterna Filii non sit respectu essentiae divinæ, quæ communis est tribus personis, sed respectu *personarum* tantum, quam ab æterno communicavit Filio Pater, & sic ab æterno eum genuit ac produxit: respectu enim essentiae divinæ tam Filius est *ad rem*, quam Pater, & tam S.S. quam Pater & Filius: atque hinc liquet insignis error *Arminii*, qui, ex eo, quod Filius ab æterno esset productus ac genitus, negavit ipsum esse *ad rem*, à seipso Deum: certè, cum essentiam divinam non acceperit à Patre per generationem sui & productionem æternam, sed hypostasin tantum, tam à seipso Deus est & *ad rem*: ac Pater: & ut rem uno dicamus verbo, cum essentia Dei communis tribus personis nullo modo sit genita, effecta, aut producta ab æterno, unaquæque persona ratione istius essentiae improducta est *ad rem*: sed cum Christus dicitur Deus de Deo, vocabulum Deus sumitur personaliter aut *personarum*, non essentialiter aut *personarum*: sic Deus filius est de Deo Patre non respectu essentiae, sed *personarum* tantum ab æterno communicata.

#### Ad Theorema II.

1. Scilicet angelus & anima rationalis, duæ spiritus in genere species, habent causam essendi, quia effectivè ab alio dependent: si enim ab alio non producerentur aut verè efficerentur, aut à se ipsis fierent, quod est absurdum, aut non essent entia secunda sed prima, non dependentia, & per participationem, sed independentia in essendo, & entia per essentiam, quod non minus est absurdum.

#### Ad Theorema III.

1. Omnis demonstratio fit, per causas, vel formales, vel virtuales: Causæ formales dicuntur in præsens, non ipsæ rerum formæ, sed omnis causa proprie dicta, ac rigorosè sumpta, quæ exigit primo realem influxum sui in ipsum re esse effecti. 2. distinctionem realem sui ab effectu. Causa vero virtualis dicitur, quæ non vero influxu in effectum influit, nec realiter ab ipso distinguitur, causa tamen dicitur, quia per modum causæ propriè dictæ & rigorosè sumptæ sese habet, aut habere saltem concipitur: In Pneumaticis demonstrationibus causæ formales locum necessarium non habent, virtuales saltem, ut in Deo: de angelis & anima rationali nunc nihil dicemus: Causa quæ attributum aliquod Dei demonstratur de Deo, non est causa verè propriè dicta, rigorosè aut formaliter sumpta, quæ in Deo non datur, nec ipsius essentiae divinæ, aut attributi unius, influxus realis in attributum aliud, nec essentia Dei, aut attributum aliquod, cum sumitur ut principium incomplexum, & causa demonstrandi attributum aliud, distinguitur realiter ab eo: ergo in demonstrationibus attributorum saltem de Deo, suffecerint causæ virtuales, nec aliæ requiruntur in demonstrationibus attributorum de spiritu creato, nec fortasse sunt.

#### Ad Theorema IV.

1. Essentia spiritus considerari potest triariam; 1. In se, & præcisè, quatenus definitur, substantia materiæ expers; sic nullo modo habet rationem, aut causam: aut principii incomplexi, neque enim potest esse aut causa aut principium incomplexum in ordine ad se ipsam. 2. Potest spectari in inferioribus, in quibus existit, uti genus spectatur in suis speciebus, & species in individuis: sed ne hoc quidem respectu ad inferiora, essentia spiritus habere potest rationem, vel causam vel principii incomplexi, quod essenziale superius ut genus, non sit causa aut principium incomplexum demonstrandi essentiam inferiorum, quemadmodum neque species sunt, aut causæ, aut principia incomplexa, demonstrandi essentiam individuorum. 3. Essentia spiritus spectatur in ordine ad suas passiones vel proprietates, vel attributa, quo sensu optimè

optimè dicitur causa, scilicet virtualis, & principium incomplexum, in Pneumaticis demonstrationibus, quod sic probamus: primo. Si Pneumatica non sit sortis deterioris, quam sunt reliquæ scientiæ, ergo essentia spiritus est causa & principium incomplexum demonstrationum in ea: sed non est &c. ergo &c. probatur major, quia in aliis scientiis essentia subjecti est principium incomplexum & causa demonstrandi affectiones de eo quod patet in Physica, in qua per materiam & formam, essentiam corporis naturalis subjecti, demonstrantur quantitas, locus, motus, aliæque proprietates ejus. Minor patet, Cujus objectum nobilissimum est aliarum scientiarum objectis, illa ipsa scientia non est sortis deterioris, quam aliæ. Sed Pneumaticæ objectum est &c. ergo &c. minor iterum probatur ex collatione objecti Pneumaticæ, quod est spiritus, cum objectis Physicæ aut Mathematicæ, quæ sunt corpus naturale & quantitas, quibus ambobus longe præstantior est spiritus. 2. A quo fluunt proprietates, passionēs, & attributa spiritus, atque immediatè emanant, illud optimè dicitur principium incomplexum & causa demonstrandi illa; sed ab essentia spiritus fluunt, atque immediatè emanant ejus attributa. ergo &c. Major probatur, quia demonstratio instituitur per causam proximam: sed id à quo fluunt, atque immediatè emanant attributa spiritus, est eorum causa proxima, quæ causa est emanativa: minor probatur: quo posito, attributa spiritus habent statim suam essentiam & existentiam, ab eo fluunt atque immediatè emanant: sed posita essentia spiritus, attributa ejus statim habent, &c. ergo &c. Minor exemplis patet: posito spiritui, statim ponitur ejus immunitas à quantitate, incorruptibilitas, &c. 3. Per quod attributa spiritus cognoscuntur inesse spiritui ut subjecto, id rectè dicitur eorumdem in demonstrando principium incomplexum & causa virtualis, sed per essentiam spiritus cognoscuntur attributa ejus inesse ipsi: ergo &c. Major in controversiam trahi non potest ex doctrina de demonstratione. Minor exemplo clara est: Immaterialitas, verbi causa, quæ est essentia spiritus, est id per quod cognoscimus spiritui inesse & simplicitatem & incorruptibilitatem, & immor-

talitatem, & intellectualitatem, &c. attribuit ergo hæc omnia rectè per immaterialitatem, essentiam spiritus, demonstrantur.

*Ad Theorema V.*

Verbi causa, immutabilitas est principium demonstrandi, & causa cognoscendi, de spiritu perennitatem; & carentia quantitatis est principium demonstrandi, & causa cognoscendi, indivisibilitatem; & sic in aliis.

*Ad Theorema III.*

1. Principia dari complexa in Pneumaticis, sic probatur. 1. Ubi dantur principia cognoscendi incomplexa, ibi quoque dantur complexa, quia hæc ex illis componuntur: nam principium complexum componitur ex combinatione affectionis demonstrandæ, & causæ demonstrationis, in eadem enunciatione: Atqui in Pneumaticis dantur principia incomplexa, ut ante est probatum, Ergo &c. probatio majoris exemplo illustrari potest; incorruptibilitas spiritus, affectio ejus, demonstratur per immaterialitatem ejusdem, tanquam causam, ex quibus nascitur hoc principium complexum: *omne immateriale est incorruptibile*: sic indivisibilitas demonstratur de spiritu per carentiam quantitatis tanquam affectio per causam, unde iterum oritur hoc principium complexum; *omne expers quantitatis est indivisibile*. 2. Ubi dantur propositiones immediatæ ac primæ ibi dantur principia complexa: sed in Pneumaticis dantur tales: ergo &c. Major patet ex doctrina de demonstratione: minor exemplis; hæc enim propositio *omne immateriale est incorruptibile* est immediata ac prima, quia nullam veritatis suæ causam in ipso subjecto spiritu habet mediam aut priorem: sic & hæc, *omne expers quantitatis est indivisibile*, caret causa suæ veritatis media & priori; quamvis enim carentia quantitatis, quæ in hac posteriori enunciatione est causa indivisibilitatis, habeat causam sui priorem, per quam demonstretur, scilicet ipsam spiritus immaterialitatem, tamen hanc enunciationem facit immediatam, quia cum jam sit demonstrata, habetur pro indemonstrabili, & est causa immediata proxima indivisibilitatis in spiritu.

2. Dari in Pneumaticis principia complexa necessaria sic probatur : quæcunque principia gignunt demonstrationem *re aliæ* & scientiam proprie dictam, seu cognitionem necessariam infallibilem atque evidentem, ea ipsa sunt necessaria, nihil enim est in effectu quod non ante fuerit in causis : sed in Pneumaticis dantur principia complexa, quæ gignunt &c. Ergo. &c. minor patebit in progressu ; & cum Pneumaticam esse scientiam proprie dictam ante sit evictum, gaudet eadem cum aliis scientiis sorte, atqui aliæ omnes scientiæ habent principia necessaria, ergo habet Pneumatica.

3. Dari in Pneumaticis principia complexa propria, sic probatur, quæcunque scientia distincta est ab omnibus aliis, illa vendicat principia demonstrandi propria, & quæ fluunt ex natura subjecti sui proprii, sed Pneumaticam esse distinctam ante est evictum &c. ergo &c. Major patet, quia quam parum ipsæ possunt confundi scientiæ, tam parum confundi queunt principia singularum scientiarum complexa peculiaria.

### C A P. V.

*De attributorum spiritus generalium ac communium distinctione a spiritu & inter se.*

#### Theoremata.

- I. *Attributa spiritus in genere, & ab ipso & inter se invicem, distinguuntur.*
- II. *Hæc distinctio non est realis, sed rationis, non ratiocinantis, sed ratiocinata.*

*Comm. ad Theorematis I. partem priorem.*

**S**I omne attributum sive affectio demonstranda distinguitur aliquo modo ab eo cuius est attributum & affectio, ergo & attributa spiritus à spiritu : sed verum prius, ergo & posterius. Major extra dubium est : minoris veritas evicta est ante cap. 3. ubi ex eo quod aliquid addatur subjecto & importetur per attributum, aliquam distinctionem intercedere inter utrumque est probatum.

#### *Ad Theoremata II.*

1. Quod non sit distinctio realis sic probatur : quicquid competit spiritui in genere debet convenire omni spiritui in specie : sed attributa Dei, qui est species spiritus, non distinguuntur realiter à Deo ; ergo neque spiritus in genere ab eo : Minor per se clara est : quicquid enim attribuitur superiori, negari non potest inferiori sub eo contento : minor quoad unam partem, scilicet quod Deus sit species spiritus, probata est cap. 3. quoad alteram partem, quod attributa ejus non distinguantur realiter ab ipso, postea probabitur.

2. Quod sit distinctio rationis inter attributa spiritus & spiritum sic probatur : Si distinctio rei & rationis immediate opponantur, quatenus hæc est à mente, illa non item : ergo si attributa spiritus & ipse spiritus non distinguantur distinctione reali, non possunt distingui aliter, quam distinctione rationis, atqui verum est prius, ergo & posterius : major probatur ; quia non datur tertium distinctionis membrum inter duo ista distinctionis genera medium ; oppositio enim immediata caret omni medio. Minor probatur : quæ opponuntur contradictorie, opponuntur immediate : sed distingui re & ratione sic opponuntur : ergo &c. Major patet : quia contradictio nullum admittit medium : minor sic probatur : Distingui per rationem & non distingui per rationem opponuntur contradictorie : sed distinctio rei & rationis dicunt nihil aliud, quam prior non distingui per rationem, posterior distingui per rationem, &c. ergo &c.

3. Quod autem hæc distinctio rationis sit non ratiocinantis, sed ratiocinata, ex ante dictis clarum est cap. 3. nam quæcunque distinguuntur penes conceptus diversos, dissimiles & inadæquatos, ea distinguuntur distinctione rationis ratiocinata : sed attributa spiritus in genere, & ipse spiritus, subjectum eorum, distinguuntur sic &c. ergo &c. Major patet ex doctrina distinctionis, minor loco jam citato est probata.

#### *Ad Theorematis I. partem posteriorem.*

1. Quorum distinctæ sunt rationes formales, ea aliquo modo distinguuntur inter se, sed attri-



attributorum Spiritus generalium distinctæ sunt rationes, Ergo. Major per se clara est: Minor sic probatur, quorum conceptus sunt dissimiles, eorum sunt distinctæ rationes formales, sed attributorum spiritus generalium conceptus &c. Ergo. Major iterum per se clara est. Minor sic probatur; qui concipit simplicitatem spiritus, & qui concipit intellectualitytatem spiritus, & qui concipit incorruptibilitatem spiritus, format tres sibi invicem dissimiles conceptus, quod unicuique cogitationes suas examinanti clarissime liquet. Ergo &c. Deinde unum attributum spiritus jam de eo demonstratum sæpe est causa, non quidem essendi sed cognoscendi ac demonstrandi attributum ejusdem aliud, Ergo habent formalitates diversas, ergo etiam aliquo modo inter se distinguuntur.

2. Hanc vero esse distinctionem rationis facile liquet ex eo quod si attributa spiritus in genere inter se distinguerentur re, etiam sic distingui deberent attributa spiritus in specie, consequenter & Dei: posterius absurdum est, ergo prius; & quodnam quæso hic distinctionis realis datur signum, aut fundamentum, quod indicium, an separabilitas? sed attributa spiritus in genere à se invicem separari nequeunt, an conceptuum diversitas ac dissimilitudo? sed illa tantum arguit distinctionem rationis non realem, an quod attributa spiritus in genere, aliam atque aliam important negationem imperfectionis? sed illa varietas non arguit eorum distinctionem inter se, verum imperfectionem intellectus nostri, qui propter imbecillitatem suam omnes perfectiones, nec simul & semel, sed divisim actibus capere potest, nec conceptibus positivis sed negativis sæpe tantum.

3. Quod vero distinctio hæc rationis fit non ratiocinantis, sed ratiocinatæ hinc liquet, quod cum prædicationes attributorum spiritus de se invicem non sint identicæ, quales semper sunt eorum quæ inter se distinguuntur sola ratione ratiocinante, & cum hæc attributorum inter se distinctio habeat fundamentum in re, diversas sc. ac dissimiles rationes sive objectivas sive formales, quibus intellectui obijciuntur, & dissimilibus diversisque conceptibus intelliguntur, non potest alia intercedere

hic distinctio inter illa, quam rationis ratiocinata.

## CAPUT VI.

## De Attributorum Spiritus generalium ac communium divisione, eorumque inter se Ordine.

## Theoremata.

- I. *Attributa Spiritus in genere sunt, vel positiva, vel negativa.*
- II. *Negativa dicuntur, non quæ aliquid simpliciter de Spiritu negant, sed quæ negativa voce effertur, sub qua conceptus tamen formatur rei positivæ, ut, incorruptibilitas, immortalitas.*
- III. *Positiva dicuntur, quæ effertur voce affirmante non negante, & sub quæ etiam conceptus fit rei positivæ, ut, simplicitas, intellectualitas.*
- IV. *Attributa positiva priora sunt Negativis, quia affirmatio prior est negatione.*
- V. *Inter attributa positiva, primum, est simplicitas.*

## Commentarius, ad Theorema I.

I. **C**Um negatio sit triplex, vel purè negans, quæ effertur plerumque per particulam *in*, ut immateriale, infinitum, immensum, &c. vel privans, quæ effertur distincto vocabulo significante carentiam habitus in subiecto capaci, ut cæcitas; vel infinitans, quæ effertur per præfixam notam negandi *non*, ut, non quantus; tenendum est, attributa Spiritus in genere negativa non dici à negatione privante, neque enim incorruptibilitas aut immortalitas dicit absentiam corruptionis aut mortis, quæ Deo, ut subiecto capaci, inesse debebat, neque dicuntur negativa à negatione infinitante, quia hæc non habet determinatum modum significandi, sed indefinitam amplitudinem in significando; atqui attributa Dei negativa determinatè significant negationem alicujus, quod Deo nec competit, nec competere potest, ut incorruptibilitas determinatè significat negationem corruptionis, immortalitas negationem mortis, immaterialitas negationem

nem materiæ: Præterea non effertur per particulam *non*, quæ est nota negationis infinitæ, sed per particulam *in*, quæ est nota negationis purè negantis, & cum voce, cui adjungitur, unam facit vocem compositam, negatio autem purè negans simpliciter dicit negationem alicujus in aliquo, quemadmodum immaterialitas simpliciter negat in Spiritu materiam, incorruptibilitas, corruptionem, immortalitas, mortem. Quæri hic potest, quo sensu attributa quædam Spiritus in genere dicantur negativa à negatione purè negante, cum hæc nullam dicat perfectionem, attributum autem aliquam perfectionem notat? *Rsp.* Quod negatio purè negans interdum significet perfectionem, quando se negat perfectionem, quemadmodum immaterialitas perfectio est in Spiritu, quia negat materiam, incorruptibilitas, quia negat corruptionem, immortalitas, quia negat mortem: at materia, corruptio, mors, sunt imperfectiones, ideoque earum negationem sonat, sic non risibile, utcumque sit negatio, dicit perfectionem, quia risibile imperfectionem notat.

*Ad Theorema IV.*

1. Inter attributa Spiritus in genere, haud dubiè aliquis est ordo prioritatis: Sed cum prioritas alia sit secundum rem, alia secundum rationem, quemadmodum est ordo quidam prioritatis quoad res significatas, & est alius quoad rationes formales, sciendum est, attributa Spiritus in genere una aliis esse priora, positiva negativis, ordine prioritatis, non secundum rem, sed secundum rationem, non quoad res significatas, sed quoad rationes formales; quod sit aliquis inter ea ordo prioritatis & posterioritatis, sic probari potest. Quorum unum per aliud demonstratur, inter ea est ordo prioritatis & posterioritatis. Sed attributorum Spiritus in genere unum per aliud demonstratur. Ergo. Major nota est ex doctrina demonstrationis, & jam ante dictis. Minor exemplo patet; nam indivisibilitas Spiritus in genere demonstratur per immunitatem à quantitate, & hæc per immaterialitatem; quemadmodum quo-

que in corporibus divisibilitas demonstratur per quantitatem, & hæc per materiam. Deinde inter quæ intercedit distinctio aliqua, vel solius rationis ratiocinata, inter ea datur ordo prioris & posterioris, si non quoad rem, saltem quoad rationem & conceptus nostros, si non quoad res significatas, saltem quoad rationes formales, quod hic sufficit. Sed inter attributa Spiritus in genere datur distinctio saltem rationis ratiocinata. Ergo. Minor ante fuit probata ex eo, quod attributa Spiritus in genere diversa nihil aliud notent, quàm ejusdem essentia Spiritus conceptus inadæquatos & dissimiles: Ex quibus etiam facile liquet, hunc ordinem, quod attributa hic una aliis dicuntur esse priora, positiva negativis, non intelligendum esse de prioritate secundum rem, aut res significatas, sed secundum rationem, aut rationes formales atque objectivas, aut modum concipiendi nostrum.

*Ad Theorema V.*

1. Quod simplicitas omnium attributorum Spiritus in genere sit primum, hinc patet, quia omnium maximè immediatè cum essentia ipsius Spiritus conjungitur, nam quæcunque attributa de Spiritu in genere concipiuntur, ea in simplicitate ejus, tanquam fundamento, fundantur, & in eam, tanquam principium, resolvuntur: si non primum, quod est ipsa essentia Spiritus, saltem primo proximum, v. c. cum de Spiritu in genere concipio carentiam quantitatis, ejus conceptus fundamentum est immaterialitas, seu conceptus immaterialitatis, cum concipio immaterialitatem Spiritus, ejus conceptus fundamentum est simplicitas Spiritus, aut simplicitatis conceptus, sed cum concipio simplicitatem Spiritus, non resolvitur conceptus hic in conceptum attributi alicujus prioris, sed in conceptum ipsius essentia Spiritus; hæc enim omnes enunciationes causales sunt veræ. Spiritus in genere caret quantitate, quia est immaterialis, est immaterialis, quia est simplex, est simplex, quia est Spiritui: Ubi clarissimè videmus essentiam Spiritus immediatè consequi simplicitatem.

plicitatem, imò sic, ut ferè videtur simplicitas in conceptu essentiae Spiritus implicari, ex simplicitate demum de spiritu concepta, sequitur immaterialitas, ex immaterialitate, carentia quantitatibus, & sic porro.

## CAP. VII.

*De simplicitate Spiritus, & attributis negativis in ea fundatis.*

## Theorema.

- I. *Simplicitas Spiritus non negat ejus compositionem ex materia, & forma, sed insuper ponit essentiam spiritus veram ac realem oppositam essentiae corporis.*

## Comm. ad Theorema I.

I. **S**implicitas in genere definitur unitas carens omni multitudine sc. entium realium: nihil enim tam simplex est, ne ipse quidem Deus, ut excludat omnem omnino compositionem, etiam rationis, aut eorum, quæ ratione distinguuntur, etiam ex modo & re modificata, Deum enim ipse quasi componitur ex variis attributis, sed ratione tantum distinctis, ex essentia divina, & tribus subsistentiis, tanquam ex re modificata & modis: negat ergo simplicitas spiritus in genere compositionem realem ex pluribus entibus realibus, ac notat aut dicit modum existendi aut essendi positivum spiritus, contrarium modo essendi aut existendi corporis. Et sic attributum est commune omnis spiritus tam increati, quam creati; verum cum compositio realis sit multiplex, ex materia & forma, ex substantia & accidente, ex pluribus accidentibus, ex partibus integrantibus: simplicitas spiritus in genere spectata, proprie negat compositionem ex materia & forma, & ratio est, quia illa intelligenda, der spiritus simplicitatem compositionis negatio, qua opponitur corpori speciei oppositæ, sed corpus proprie dicitur compositum respectu materiae & formæ, & hujus compositionis negatio est communis omni spiritui: At compositio ex substantia & accidente: & ex pluribus accidentibus spiri-

tui creato negari non potest, ideoque hujus compositionis negationem simplicitas spiritus in genere non notat, est euidem omnis spiritus simplex quoque, quatenus non componitur ex partibus integrantibus, sed hujus compositionis negatio, magis videtur referenda ad attributum aliud, quod philosophi vocant communitatem à quantitate, quod attributum in simplicitate fundatur, ut demonstrabitur thes. 2. restat ergo ut probemus nullum spiritum esse compositum ex materia & forma, quod sic probamus, quæcunque substantia secundum rem abstracta est ab omni materia, ea non componitur ex materia & forma, sed omnis spiritus est substantia secundum rem abstracta à materia. ergo &c. minor probatur, quia cum omne ens immateriale dicatur duobus modis, vel per indifferentiam, vel per essentiam, si immaterialitas per indifferentiam non conveniat spiritui, nulla ei tribui potest alia, quam immaterialitas per essentiam; sed hæc omnem materiam excludit, consequenter & formam, quia forma non est nisi in materia, deinde nullæ species oppositæ unquam esse possunt ejusdem essentiae, sed spiritus & corpus sunt species oppositæ, corpus autem componitur ex materia & forma, quod nemo ignorat, ergo spiritus in essentia sua compositionem ex materia & forma negat: qui spiritibus adscribunt materiam aliquam, sed subtilem, à compositione cum tamen non liberant, sed cum corpore confundunt, & corpus faciunt, nam materia subtilis imò subtilissima, quæ fuit sensus, materia tamen est & corpus constituit, nisi quis aërem, ventum aliaque subtilis ac sensum fugientis materiae corpora, numero corporum eximat; si dicas spiritui materiam intelligibilem competere, aut etiam metaphysicam. *Resp.* neutra proprie materia est, non illa saltem ex qua & forma componuntur corpora, quam de spiritu proprie negat simplicitas, quippe metaphysica nihil est aliud quam genus, sicuti differentia dicitur forma metaphysica, at eam compositionem non negat spiritus in genere, ac licet eam non ponat simplicitas Dei, admittit eam tamen simplicitas spiri-

tus creati: materia vero intelligibilis dicitur, quæ solo intellectu percipitur, & in nullum incurrit sensum, quomodo syllogismi qui est ens rationis, materiam faciunt logici tres enunciationes mente conceptas, at talis materia spiritui in genere adscribi non potest, hæc enim entium rationis aut intelligibilium est materia tantum, at spiritus entia rationis non sunt.

### Theoremata.

II. *Immunitas spiritus à quantitate ac figura negat de spiritu extensionem ac partium positionem extra se invicem.*

#### Comment.

Quæcumque hoc capite sequuntur attributa spiritus in genere sunt negativa, quia vocibus efferuntur negantibus, sub quibus tamen attributi positivi conceptus faciendus est: deducuntur enim ex simplicitate attributi positivi in quo fundantur, quod ipsum, quia affirmante voce effertur, positivum & revera modi positivi conceptum in mente infert, attamen consequenter negationem notat compositionis sc. ex materia & forma, ut theor. præced. est dictum, quodcumque caret materia, caret & quantitate; sed spiritus in genere caret Materia ex Theoremate præcedente. ergo. Major prob. quia quantitas materiam sequitur eique est coarva, Interminata primæ, terminata secundæ & ab ea emanat, ideoque posita ponitur, & sublata tollitur, ac vice versa; quod vero Scaliger, Taurellus, Casmanus, alique nonnulli spiritui in genere adscribant materiam & quantitatem, sed utramque intelligibilem, id, aut valde impropiè est accipiendum, aut plane rejiciendum; nam si per materiam & quantitatem intelligibilem intelligant eam quæ in sensu non incurrit, quemadmodum sensibilis dicitur oppositè, quæ sensibus percipitur, videtur esse contradictio in adjecto: nam omnis quantitas est objectum sensus commune, & Materia ipsa quanta per accidens, scilicet quantitatem, est sensibilis, quomodo ergo dici potest intelligibilis utraque si intelligibili opponatur sensibili, & neget id de quo dicitur in sensu incurrere, si materiam & quantitatem accipiant improprie, & per materiam intelligant non

Physicam, quæ est altera pars compositi ac corporis, sed Metaphysicam, quæ nihil est aliud quam genus, & per quantitatem non molis sed virtutis, in verbis tantum ludunt; nam Deo genus aliquod si non univocum, saltem analogum proprie dictum, attribui potest, & Deus vulgo dicitur Maximus, non propter magnitudinem molis, aut extensionis, sed propter magnitudinem perfectionis & virtutis, quia omnem perfectionem virtutis in se continet, quo sensu recte ab Augustino dicitur, Magnus sine quantitate scilicet proprie dicta, bonus sine qualitate: ideoque valde hic errarunt Anthropomorphitæ, qui Deo Materiam & corpus proprie dictum adscripserunt, tum etiam Vortius qui Deo adscripsit quantitatem atque extensionem; porro quod quantitate caret, caret & figura, nam figura est qualitas orta ex terminatione quantitatis, sed spiritus in genere caret quantitate, scilicet continua, quod jam est probatum, ergo &c. si objicias, in spiritum cadere quantitatem saltem discretam, quia multi sunt & numerari possunt. Resp. numerum non esse quantitatis speciem proprie dictam, cum ante omnem rei quantæ existentiam existerit, ab æterno enim ante ullam rem quantam productam, fuit Trinitas, seu fuerunt tres Personæ in Deo, consequenter & numerus, nam quod quidam dicant hunc numerum ternarium Personarum in Deo non esse numerum proprie dictum, id gratis dicunt & nulla ratione probant; Nam cur non sit verus numerus, cum eo numeremus tres distinctas personas, uti per numerum denarium decem distinctos homines numeramus.

### Theoremata.

III. *Indivisibilitas spiritus negat divisionem spiritus in partes cum essentialibus, tum integrais.*

#### Comment.

Hoc attributum Spiritus negativum deducitur ex duobus præcedentibus; hæc enim enunciatio causalis vera est: Quia spiritus est simplex, id est, caret materia, ideo est indivisibilis in partes essentialibus: Et, quia est immunitas à quantitate, id est, carens parte extra partem, ideo est indivisibilis in partes integrales.

les. Ut verò hoc attributum intelligatur, notandum venit  $\pi$  indivisibile sumi, vel Metaphysicè, vel Physicè, vel Mathematicè, vel Logicè: Indivisibile sumptum Metaphysicè, negat divisionem entis in se, id est, secundum essentiam suam, quatenus unumquodque ens dividit nequit in plura talia entia secundum essentiam istam, qua sunt talia: Estque hoc indivisibile idem quod unum attributum non spiritus in genere, sed transcendens omnis entis, adeoque & corporis; sic homo, substantia corporea, utcumque divisibilis in partes, tum essentialis, tum integrales, tali tamen modo est indivisibilis, quatenus, ut fit homo, non requirit plures essentias humanas, nec plura corpora, nec plures animas rationales, sed sufficit ipsi una essentia humana, ratione cujus dicitur indivisibilis, & ens unum, id est, indivisum in se, ac divisum a quolibet alio; hoc modo, spiritus quoque est indivisibilis; quia est ens, consequenter unum quid, & indivisum in se: sed hæc indivisibilitas entis, ac Metaphysica, hic non intelligitur. Indivisibile Logicè dicitur, quod ne per mentem quidem aut rationem dividi potest: hæc indivisibilitas omnem negat entis divisionem, seu separationem, seu abstractionem ac præcissionem, humana ratione possibilem: hæc indivisibilitas in spiritum non cadit, imò ne quidem in Deum; nam nullus spiritus, ne Deus quidem ipse, ita est simplex & omnis divisionis expers, ut circa eum non possit institui aliqua mentis nostræ divisio aut rationis abstractio: nam licet nobis, & tunc, attributum unum, sive Dei, sive spiritus in genere, concipere, non concepto attributo altero, quemadmodum, concipiendo misericordiam Dei, non concipimus ejus justitiam, & concipiendo spiritus simplicitatem, non concipimus ejus immortalitatem; quod, quid est aliud, quàm dividere ea, quæ in Deo ac spiritu sunt conjunctissima? nam Deus & justus est & misericors, licet justitiam è misericordia ejus conceptibus nostris dividamus; quemadmodum spiritus quoque & simplex est & immortalis, licet, simplicitatem ejus concipiendo, ab illo conceptu immortalitatem excludamus: undè etiam Logicè, attributa, sive Dei, sive spiritus in genere, enunciare possumus disjunctivè, dicendo Deus,

est, vel justus, vel misericors, &c. Spiritus est, vel simplex, vel immortalis, &c. Indivisibile Physicè dicitur, quod in materiam & formam dividi nequit, quo sensu dividi possunt corpora: & Mathematicè, quod dividi nequit in partes loco distitas, quo sensu quoque corpora dividi valent. Hæc utraque indivisibilitas omni convenit spiritui, & utriusque ratio, fundata est in utriusque attributi, & simplicitatis, & immunitatis à quantitate explanatione; nam hæc illatio utraque vera est. 1. Quicquid materiæ & formæ est expers, in eas dividi nequit. Sed spiritus utriusque est expers, quia est simplex, Ergo. 2. Quicquid immune est à quantitate, id in partes loco distitas dividi nequit. Sed spiritus est immunis à quantitate. Ergo. Hic unum tantum notandum venit, quod alio modo spiritus dicatur indivisibilis, alio modo punctum. Punctum est indivisibile quidem ut quod, caret enim partibus omnibus, non tamen ut quo, quia est id, quo corpus dividitur. At spiritus est indivisibilis & ut quod & ut quo, quia nec ipse dividitur, in ulla partes, nec per ipsum ulla instituitur divisio.

• Theorema.

IV. *Insensibilitas negat, spiritum sensu ullo externo percipi posse.*

Comment.

Sensibile & insensibile sumuntur, vel active, vel passive. Active, cum sunt differentie dividendes vivens in plantam & animal, planta enim est substantia vivens insensibilis, id est, nullius sensationis externæ principium activum; animal est substantia vivens sensibilis, quia est sensationis, tum internæ, tum externæ, principium activum. Passive sumuntur istæ voces, cum significant id, quod sentiri potest vel non potest; atque hoc loco, sensu posteriori insensibilitas tribuitur spiritui, eaque sic demonstratur: Quidquid caret extensione sive quantitate, & qualitatibus materialibus, illud sensu externo, consequenter & interno, sentiri nequit. Sed spiritus in genere caret. Ergo &c. Maj ex doctrina Physica de sensibus, sensuumque externorum objectis clara est. Minor ex antecedentibus facile probari potest: quia, quod expers est materiæ, im-

Eccccc mune



mune est à quantitate, & hoc, caret qualitatibus materialibus, quæ non recipiuntur nisi in materia quanta: potest tamen fieri per accidens ut spiritus sentiat, vel edendo operationes, quæ in sensum incurrunt, vel assumendo corpora, per quæ quasi sentiantur, vel alio aliquo simili modo. Addunt nonnulli Pneumaticæ scriptoris attributis hisce spiritus negativis, jam recensitis atque explicatis, illocalitatem, immobilitatem, & negationem existentie in tempore, quam uno verbo exprimere non valemus (intemporalitas enim, latinum non est) & causam dant, quia locus, motus, & tempus, sunt affectiones corporum naturalium, constantium materia & forma, quod in spiritus non cadit: verum-enimvero, cum, & Scriptura Sacra, & recta ratio, & experientia, motum tribuant spiritibus localem, qui non nisi in loco aliquo ac certo tempore fieri potest, præstat, hæc tria inter attributa spiritus non recensere: nam, quod dicant, spiritus non esse in loco: sed in ubi sive spatio, nec esse in tempore, sed in quando sive ævo, & non moveri propriè, sed analogicè, gratis dicitur, & distinctio est inventa tantummodo ad stabiliendum præjudicium Philosophorum, Aristoteli, ejusque principiis, sententiis ac opinionibus, nimis deditorum. Enimvero, moveri angelos, cum de Cælo descendunt in terras, mandata Dei exequentes, moveri animas rationales, cum corpora relinquentes, vel in Cælos abeunt, vel in infernum detruduntur, quis negabit? & istum motum esse translationem de termino à quo ad terminum ad quem, de spatio in spatium, de loco in locum, quis dubitet? & an malè loquimur, si dicamus, Deum esse in omni loco, & cur locus; aut esse in loco, debeat restringi ad sola corpora, extensione prædita, ut partes corporis respondeant partibus loci, nisi, quia sic placuit Aristoteli, ejusque mancipiis: pariter, cur non liceat dicere, Deum esse in omni tempore, fuisse, & futurum, omni tempore, reliquos spiritus esse creatos aliquo tempore? nisi, quia illi & ipsis placuit, tempus restringere ad sola corpora, ut sic successio partium temporis respondeat successioni partium corporis, & vice versa: Et, cum Aristoteles definit motum, actum entis in potentia quæ potentia, cur

cogamur per vocabulum entis tantum intelligere corpus, nisi quia sic volunt ejus interpretes. At, nos non stamus, aut Aristotelis, aut interpretum, aut cujuscunque demum Philosophi. hic, autoritate, sed Scriptura duce, ratione luce, experientia teste, spiritui omni, locum & tempus, creatis insuper motum, adscribimus; Deus quidem in loco est & tempore, sed immobilis: spiritus creati, in aliquo sunt loco & tempore, sed mobiles: & distinctiones illæ inter locum & spatium sive ubi, inter tempus & ævum sive quando, inter motum localem propriè dictum corporum, & analogicum spirituum, sunt vanæ & fictæ, adeoque illocalitas, immobilitas, & (ut sic nunc loquamur) intemporalitas, malè à Pneumaticæ scriptoribus inter attributa spiritus in genere recensentur.

### Theorema.

V. *Immutabilitas spiritus, negat de eo, mutationem, tum actualem, tum possibilem.*

### Comment.

Ut hoc spiritus attributum commune bene intelligatur, sciendum est, variis modis dici, rem mutabilem ac mutari, prout iste voces nunc sumuntur latius; nunc strictius. 1. Mutatio latissimè accepta significat actum, quo res aliqua aliter se habet quam prius; & mutabilitas potentiam, qua aliter se habere potest quam ante; & sic, quod creator, dicitur mutari, quia à statu possibilitatis transit ad statum actualitatis, à potentia objectiva ad actum entitativum: ex opposito, sic annihilatio quoque est mutatio, quia est transitus ab esse ad non esse: utraque est mutatio, non naturalis, quæ fiat vi naturæ ac causæ secundæ, sed supernaturalis, & quæ fit vi Dei ac causæ primæ: immutabilitas si mutationem neget, hoc sensu acceptam, non est attributum spiritus in genere, sed solius Dei, quo sensu, ab *Apostolo Jacobo*, de Deo dicitur, *quod apud ipsum nulla sit mutatio aut confusionis adumbratio*: sed spiritus finiti, qui sunt creati, & sic à non esse transierunt ad esse, sunt mutati, quemadmodum quoque mutabiles sunt, quantum à Deo iterum annihilari possunt. Sed mutatio, strictè accepta, sumitur pro transitu, à non



non esse ad esse, Physico, qui fiat per causas naturales, & à vulgaribus Philosophis dividitur in instantaneam, quæ dispescitur in generationem & corruptionem, & in successivam, quæ peculiari nomine dicitur motus, dividiturque in accretionem & oppositam imminutionem, quæ terminantur ad quantitatem, & alterationem, quæ ad qualitatem, & motum localem, qui ad ubi: Mutatio instantanea dici solet, substantialis, & simpliciter mutatio. Sed successiva, dicitur mutatio accidentalis, & una voce, motus. Immutabilitas, prout negat omnem mutationem substantialem, tum generationem, tum corruptionem, est attributum commune omnis spiritus, tum creati, tum increati, quia, nulli spiritus, naturaliter sunt generabiles, aut corruptibiles, quod probatur ex capite 7. qui carent materia, omnis generationis naturalis subiecto primo, & corruptionis naturalis subiecto ultimo, imo si mutatio successiva vel accidentalis, ponatur proprietas corporis naturalis, uti vulgo fit, etiam hanc omnem de omni spiritu negat immutabilitas, quia ex eodem capite 7, Spiritus non est corpus: ejus enim simplicitas compositionem ab eo removet ex materia & forma, quæ propria est corporum: sed speciatim, omnis spiritus est immutabilis, prout accretio & diminutio dicuntur mutationes à minori quantitate ad majorem, & contrà, quia nullus spiritus quantitatem habet ex Theoremate 2. Capitis 7. At alteratio, cum non alligatur qualitatibus materialibus, uti vulgo fit, sed malè, verum cum extenditur quoque ad mutationem qualitatum immaterialium, spiritus finiti ac creati alterabiles sunt ac mutabiles, quin & de facto mutati angeli boni in malos: atque animæ primorum Parentum, cum essent creatæ sapientes, sanctæ, justæ, mutatae sunt in insipientes, non sanctas, non justas: sic mutabiles quoque sunt spiritus creati, boni, mali, motu locali, quatenus per eum loca mutant, quatenus, nunc hic sunt, nunc alibi, nisi quis localem motum velit vindicare solis corporibus, quod faciunt vulgares ex Aristotele Philosophi & nos jam capite præcedenti refutavimus.

## Theorema.

VI. *Incorruptibilitas negat de spiritu in genere, corruptionem, tum actualem, tum possibilem.*

## Commentarius.

Quamvis incorruptibilitas videatur eadem affectio cum immutabilitate, ab illa tamen distinguitur, ut strictius à latiori; ut enim omnis corruptio est mutatio, non vice versa; ita omnis incorruptibilitas est immutabilitas, non vice versa. Notandum autem est, aliquid dici corruptibile aut incorruptibile duobus modis, vel extrinsecè, vel intrinsecè: Incorruptibile extrinsecè dicitur, quod à nullo agente externo corrumpi potest: sic incorruptibilitas non est attributum spiritus in genere; sed tantum increati: solius scilicet Dei; creati enim spiritus, uti à Deo sunt producti, ita ab eodem possunt destitui: Incorruptibile intrinsecè dicitur, id, quod nullum corruptionis principium habet intra se, uti illud habent corpora, quæ dicuntur corruptibilia, vel quia materia constant, quæ vulgo dicitur radix corruptionis, vel quia in se habent qualitates contrarias pugnantes, quæ vera sunt causæ corruptionis: undè elementa & res omnes elementares, tum viventes tum non viventes, corruptioni sunt obnoxie, hoc sensu, omnis spiritus est incorruptibilis, quia nullus spiritus, aut materia, aut qualitatibus contrariis, est præditus, uti ex præcedentibus patet. Addunt nonnulli Philosophi ac Pneumatici scriptores, pro attributo spiritus in genere, immortalitatem, quæ negat mortem seu dissolutionem animæ à corpore tum possibilem, tum actualem: sed hæc commodissime sub incorruptibilitate, ut species sub genere, comprehenditur; est enim nihil aliud, quàm negatio corruptionis in viventibus, quæ sola, ut vivunt, ita mori possunt: spiritus quidem in genere vivit omnis, sed non tali vita, qualis est viventium inter corpora, quæ est actus animæ vegetantis aut proprietatis ejus, & cui respondet mors, & cujus principium est calidum aliquod innatum ac humidum radicale. Ex incorruptibilitate spiritus in genere, nonnulli deducunt ejus perennitatem, qui notat spiritus indefi-

nentiam in illo esse quod habet; sed enim non videtur mihi ista perennitas differre ab ipsa spiritus incorruptibilitate: nam hæc ipsa cum neget omnem corruptionem, tum actualem, tum possibilem, eo ipso ponit hanc spiritus perennitatem sive indefinitam.

## C A P. VIII.

*De Spiritu in genere, Intellectu, Voluntate, & Libero arbitrio.*

## Theoremata.

- I. *Intellectus spiritus in genere, aliis intellectus sit, ponit, tum actum, tum potentiam intelligendi, aliis cogitandi: actum, in Deo, quia hic est purus actus, omnis potentie expers; potentiam, in spiritibus creatis.*

## Commentarius.

**H**oc cap. reliqua spiritus in genere attributa positiva explicantur; quorum primum, est intellectualitas, qua spiritus omnis, est intelligens, vel actus, vel potentia: non debet hic confundi intellectuale cum rationali; nam rationale propriè dicitur à ratiocinando, quod significat, procedere de uno cognito ad alterum cognoscendum, qui est intelligendi unus tantum actus, præter quem vulgo dantur duo alii, apprehensio simplex, & conjunctio aut divisio: horum primus, in Deum cadit tantum, secundus & tertius, in spiritus quoque creatos: omnem vero spiritum in genere, esse intellectualem, probatur ex ejus immaterialitate: nam omne immateriale est intellectuale: omnis spiritus in genere est immaterialis: Ergo. Minor in cap. præced. est probata: Major à multis Pneumaticæ scriptoribus pro principio indemonstrabili habetur; sed probari quoque potest, ex differentia, quæ est inter substantiam materialem & immaterialem; illius enim ratio formalis, est extensio; hujus, cogitatio: & hæc duo recipiuntur. Omnis substantia materialis est extensa ac contra, & omnis substantia immaterialis est cogitans, ac contra: atque hæc duæ ita opponuntur, ut unus notio aut idea in nobis, nihil includat, quod sit de idea aut notio-

ne alterius: qui enim in se examinat ideam substantiæ immaterialis sive intelligentis, deprehendet, nihil in ea involvi materiæ aut extensionis; & contra, qui in se examinaverit ideam substantiæ materialis sive extensæ, deprehendet, in ea nihil involvi intellectus sive cogitationis: quod efficacissime demonstratum est à Cartesio in *Meditatione quinta ac sexta*. quamvis spiritus in genere, omnis sit intellectivus, attamen longe aliter intelligit Deus, quam spiritus creati: Deus per simplicem suam essentiam, eam intuendo, absque omni ope specierum intelligibilium: spiritus vero creati, uti non sunt entia per essentiam, sed per participationem, ita, nec per essentiam intelligunt, sed utuntur speciebus intelligibilibus, vel innatis, vel infusis, vel etiam acquisitis, licet non per abstractionem, quo modo species intelligibiles, acquirit, sola anima rationalis, dum est in corpore, propter commercium corporis, cui est unita, & à quo est, quod in intelligendis rebus, singularibus ac materialibus, & sensibilibus, speculetur phantasmata, i. e. abstrahat species illarum rerum, cum intelligit, ab omnia materia, at, cum spectatur separata à corpore, non utitur in intelligendo, illo abstractionis modo, uti, nec angeli, sive boni, sive mali.

## Theorema.

- II. *Voluntas spiritus in genere notat appetitum tum actualem tum potentialem, actualem in Deo, potentialem in spiritu creato.*

## Commentarius.

Voluntatem omni inesse spiritui facile probatur ex eo, quod omni inest intellectui: si enim omnis spiritus sit intellectivus, etiam omnis est volitivus: sed verum est prius ex Theoremate præcedenti: ergo. Maj. probatur, tum ex intima connexione intellectus & voluntatis, quæ tanta est, ac tam arcta, ut nunquam una sit sine altera; tum ex simili, quia sicut omnis res naturalis, per formam naturalem ex naturæ instinctu, tendit in bonum aliquod naturale, puta in id, quod naturæ suæ est consentaneum, quæ tendentia vulgo dicitur appetitus naturalis, & sicut bruta animalia per formam aliquam sensualem, qua cognoscunt res sibi, vel commodas, vel

in-

incommodas, appetunt commodos, fugiunt incommodas, qui appetitus dicitur sensitivus aut animalis; ita spiritus intelligens, quodcunque intelligit, per formam intelligibilem, id quoque expetit vel fugit, amat vel odit, qui appetitus vulgò dicitur rationalis, & uno nomine, voluntas, qua, spiritus omnis in genere, vult; Deus quidem per essentiam & actu, spiritus creati per participationem ac potentiam; quæ an sit in iis distincta potentia ab intellectu, & an utraque distincta sit facultas, aut accidens sive ens reale, diversum ab ipsa substantia spiritus creati, adhuc sub iudice lis est: ego illis accedo, qui non libenter multiplicantes entia sine necessitate, hic nullum agnoscunt discrimen reale.

## Theorema.

III. *Arbitrium liberum spiritus in genere, notat indifferentiam, agendi & non agendi; & agendi, hoc vel illud prout intellexerit, ac voluerit.*

## Commentarius.

Cum libertas arbitrii sit aliquid, consequens omnem intellectum ac voluntatem,

non malè ea, inter attributa spiritus in genere reponitur, cum interea, præcedentia duo reperi, jam sit ostensum: differt autem liberum arbitrium à voluntate & intellectu, quod minus late se extendat, aut tantum versetur circa *ἀδιάφορα*, sive ea, quæ se habent indifferenter: at intellectus versatur etiam circa ea, quæ non se habent *ἀδιάφορα* ad veritatem aut falsitatem, sed quæ sunt, vel manifeste vera vel manifeste falsa quemadmodum & voluntas versatur non tantum circa ea, quæ indifferenter sese habent ad bonitatem aut malitiam, sed & quæ manifeste sunt bona, aut manifeste mala: intellectus sanè non arbitratur i. e. indifferenter se non habet ad assentiendum vel dissentendum, cum versatur circa axiomata seu principia prima, ac per se nota, sed iis assentitur necessario: sic necessario voluntas appetit finem ultimum, non indifferenter, uti & omnia, quæ necessario cum fine ultimo sunt connexa: at liberum arbitrium circa ea solummodo occupatur intelligendo & volendo, quibus potest assentiri, & quæ potest velle vel nolle, & circa quæ utrumque actum suspendere valet. Tantum de Pneumatica generali, sequitur specialis.

# P N E U M A T I C Æ

## LIBER SECUNDUS,

Sive


## P A R S S P E C I A L I S.

## CAP. I.

## De Existentia Dei.

- I. *Pneumatica specialis agit de spiritu, tum increato, tum creato.*
- II. *Spiritus increatus est Deus; creatus vel Angelus, vel anima rationalis.*
- III. *De Deo quæri potest, an sit, & quid sit.*
- IV. *Quod sit Deus, monstrabit ejus existentia, quid sit, ejus essentia & attributa.*

## Commentarius ad Theorema I.

- I.  Um Pneumatica dividitur in generalem & specialem, videntur membra dividenda non adæquari toti diviso: nam sic quoque dividitur Physica & Metaphysica, sed Resp. quamvis eadem voces seu iidem termini dividentes, generalis & specialis, adhibeantur in divisione Physicæ ac Metaphysicæ, non tamen eodem modo intelliguntur, sed restringi  
Eccccc 3 de

debent semper pro ratione objecti, de quo agitur: Itaque, Physica non dividitur simpliciter, in generalem, & specialem: sed in partem generalem, quæ agit de corpore naturali in genere, & specialem, quæ agit de corporis naturalis speciebus; sic, nec Metaphysica dividitur, nec Pneumatica, quarum neutra agit de corpore: sed prior de ente, aut in genere, aut in specie; posterior, de spiritu vel in genere, vel in specie.

*Ad Theorema II.*

1. Deum esse spiritum increatum, alios præter ipsum spiritus, esse creatos, hic præsupponitur, non probatur, sed postea probatur.

*Ad Theorema III. & IV.*

2. Cum dicitur, quæri posse, an sit Deus, id necessarium fecit atheorum profanitas, aut insipientia: dicit enim stultus in corde suo, *non est Deus*, & , quamvis, Deum esse, ab homine mentis sanæ, negari non posse videatur, reperti tamen sunt olim, & utinam non reperirentur hodiè, qui, Deum esse, ore saltem ac verbis negaverint. Hinc nata questio est, an dentur athei speculative? quin practice dentur, non videtur dubium: nam illi dicuntur practice athei, qui vitam sic instituunt, ac si nullus existeret Deus, quia nullo divini Numinis metu corripuntur, & vita illorum ac mores satis monstrant, in ipsis, aut nullam esse, aut obliteratam divini Numinis existentiam: sed hoc in questione est, an quis serio & ex corde suo possit dubitare, utrum sit Deus? aut negare, quod sit: sic, ut non reddatur convictus, neque convictum se sentiat, argumentis invictis: nam, quod dicitur *Psalm. 14. insipiens in corde suo dicere, non est Deus*, id tantum negat, in ipso existere notitiam de Dei existentia practicam, non theoreticam: sensus enim hic est, qui insipienti est corde, seu, qui traditus est *eis ad sensum suum*, vellet unicè ac nimis misere, non esse Deum ut tantò major esset sibi peccandi licentia; quomodo & Diaboli, & desperatæ malitiæ homines, negant Deum: quo pacto ex pertinacia quoque, ne sentiant mutasse videretur, constanter Deum negavit, ac stolidam pertinaciam morte sua confirmavit, anno hu-

jus sæculi, ni fallor, 17. Tolose exultus, *Julius Caesar Vaninus, Neapolitanus, Philosophus ac Medicus*, qui libro etiam quarto suo de *arcanis naturæ*, omnem Dei existentiam tollere est conatus, ac radicibus evellere ex animis hominum, quod tamen & scripsisse & egisse mihi videtur, non, quod sic revera senserit, sed ut potius suæ pertiaciæ, & mentis obduratæ, signum, daret immotum. Quicquid sit, Deum esse, probari potest, tum ex libro Scripturæ, tum ex libro naturæ, seu, tum revelatione, tum ratione: nos, missis, libro scripturæ ac revelatione, Deum existere, probamus ex libro naturæ ac ratione, seu lumine naturæ prout hoc opponitur lumini gratiæ. Liber naturæ est vel internus, vel externus, hic est macrocosmus sive mundus extra hominem existens, ille est microcosmus, ac potissimum anima hominis intra eum existens: naturalis cognitio Dei quæ ex libro naturæ interna hauritur, vulgo dicitur *intra* & *subjectiva*, quia homini, aut hominis animæ, inest, tanquam subiecto, ab ipso nativitatis momento: quæ acquiritur ex libro naturæ externo sive mundo, rebusque mundo contentis, nuncupatur *acquisita* & *objectiva*, quia à natura non inest, sed ex contemplatione mundi, rerumque extra hominem constitutarum, frequenter instituta, accipitur; utroque modo naturaliter cognosci potest Dei existentia, ac primo quidem eam probabimus ex libro naturæ interno, microcosmo, homine ipso, ejusque anima; dein ex libro naturæ externo, macrocosmo, mundo, rebusque in eo contentis. I. Quamvis & corpus uniuscujusque hominis, singulaque ejus membra, ut vel solus oculus evincere possit opificem aliquem sapientissimum, potentissimum, optimum, qui nullus esse alius potest, quam is, qui nomine Dei venit: tamen longe evidentius argumentum de existentia Dei suppediat hominis animus, cui tanquam character insculptus est, & imago impressa idææ conditoris sui, quod ipse sit sive existat, quod argumentum alii vocant testimonium conscientiæ, & Apostolus ad *Rom. 1. cap.* quod de Deo notum est, manifestum est in nobis, postquam enim animus hominis se esse deprehendit, ex actibus suis, eo quod cogitet, dubitet, quædam intelligat, quædam non &c. atque amplius in-

quirit

quirit quid sit, quænam sint istæ cogitationes, un se ipse sit, & unde hæ in se oriantur, & an sibi dare possit, quod post horæ quadrantem adhuc sit, multas imperfectiones deprehendit in se, ut, se non esse à se ipso, nam si à se ipso esse potuisset, dedisset sibi hanc sane perfectionem, ut non dubitaret, non intelligeret quædam tantum, sed ut omnia cognosceret; deprehendit quoque in se nullam esse vim, qua efficere possit, ut post quadrantem sit, deprehendit itaque revera in se multas imperfectiones, quod non omnia cognoscat, multa ignoret, de quæ plurimis dubitet, pauca possit, nec à se existere, nec per se vel ad momentum subsistere, &c. cogitabit fortasse, hisce imperfectionibus caruisse causam illam aut causas, à quibus productus est: sed &, si parentes animum suum excusserint, si avi, si majores, si primus homo, si omnes & singuli, nullius non animus iisdem laborare se imperfectionibus deprehendit, quare cum non possit dari processus in infinitum, animus hominis cognoscendo imperfectiones suas, simul in se deprehendit ideam entis alicujus summe perfecti, in quo omnes sunt istæ perfectiones, quibus ipse caret, quod omnia intelligat, nil ignoret, de nullo dubitet, omnia possit, à seipso sit, se ipsum conservet &c. quod ens, quidnam est aliud, quam Deus, itaque hoc argumentum est firmissimum, datur in me sive animo meo (loquimur de homine, indefinite quocunque, qui in rerum omnium existentias inquirat) idea Dei; Ergo datur Deus, probat antecedens: Si datur in me idea entis perfectissimi, datur idea Dei, sed verum prius, Ergo post. Min. probat. tum experientia, tum ratione. Experientia sic: si quærat a me, an detur ens summe perfectum, id est, cui nihil desit, quod à se existat, quod omnia intelligat, possit, &c. quid respondebo? aut enim affirmabo aut negabo, utrumvis fecero, si sim sane mentis, & scivero quod vel affirmem, vel negem, sane concipiam tale ens, quocunque modo, si concipero, ergo ejus ideam in me habeo; si dicam me nescire, quæri potest à me amplius, an pari modo nesciam, aut dicam me nescire, ac si à me quæreretur, an detur blistri, quod dari nec affirmabo nec negabo, sed nescire me profitebor, quia quid hac voce blistri signifi-

etur, ignoro. At vero ego scio, quid per vocem Deus significetur, scilicet jam ante dictum est, significari ens perfectissimum, cui nil desit, quod à se existat, quod omnia intelligat, possit, &c. si regerem, me ne quidem intelligere simplices illos terminos, intellectiois, perfectionis, potentie, &c. quamvis hoc præsupponi debeat quod intelligantur (nam semper præcognoscitur quid significant vocabula) amplius explicari possunt, si tum quærat a me an detur tale ens, amplius tergiversari non possum, quin vel affirmem, vel negem, utrumvis fecero, aliquem conceptum ejus fecerem, consequenter, aliqua in me extiterit idea, entis perfectissimi: Ratione, sic; si datur idea in me entis imperfecti, ergo & datur idea in me entis perfectissimi. Sed verum est prius, ergo & posterius. Probat. min: datur in me idea mei, ergo entis imperfecti, quia dum me, hoc est, animum meum exploro, deprehendo me non omnia scire, multa ignorare, de multis dubitare, non esse à me ipso, nec conservare me ipsum, non omnia posse; Atqui hæ omnes sunt imperfectiones, ergo idea mei, hoc est, animi mei, est idea entis imperfecti. Probat. maj non possum me cognoscere, me esse ens istis modis imperfectum, nisi cognoscam esse aliud aliquod ens, ratione cujus ego sum imperfectus, quod sit perfectissimum, nisi in infinitum abeat, à quo natura abhorret, & quemadmodum non possum cognoscere negationem, nisi cognoscam id, cujus est negatio: verbi causa, non possum cognoscere, lapidem non esse Leonem, nisi sciam quid sit Leo, ita non possum cognoscere me esse ens imperfectum, nisi cognoscam etiam esse ens perfectum aliquod, quod ego non sum. Probat. consequentia Enthymematis; si datur in me id, quod Deum repræsentat, oportet & dari Deum: sed si datur in me idea Dei, datur id, quod Deum repræsentat, Ergo. Probat. Maj. Si id quod repræsentat Deum, repræsentat ens cum omni perfectissima ac possibili perfectione, ergo si id in me datur, quod Deum repræsentat, datur etiam Deus: nihil enim est in typo, quod non sit in antitypo, inter perfectiones autem possibiles ac perfectissimas, est existentia. Ergo si non daretur, id est, existeret Deus, id



id quod repræsentaret Deum, non repræsentaret ens perfectissimum, nec esset convenientia inter typum & antitypum. Ergo ex idea Dei, tanquam typo, entis perfectissimi, rectè inferitur existentia ipsius Dei, tanquam antitypi. Sed clarius: si hoc non sequitur, datur in me idea Dei, ergo Deus; querenda ergo est alia causa istius ideæ in me quàm Deus. Sed non potest dari alia causa quam Deus. Ergo consequentia quoque valet. Si alia dari possit, nominetur, nam ut nullo genere causarum, ita nec hic datur progressus in infinitum, at nulla nominari potest, quia pono me nunc esse scepticum, & omnia in dubium trahere, imò alia negare quin, velior hic in probanda Dei existentia, non quod de ea dubitandum sit, hoc enim impium foret, sed quod in confirmationem ejus existentiae inquiram ex argumentis variis, (quod omnes faciunt Metaphysici ac Theologiæ naturalis scriptores,) & cum nunc sumserim argumentum ab idea Dei, quam in me deprehendo, tum experientia, tum ratione statim deducta, quero causam istius ideæ in me, aut enim ego ipse sum causa istius ideæ in me, aut aliud aliquid extra me. Sed ego non possum esse causa istius ideæ in me, quia est idea entis perfectissimi, ego autem sum ens imperfectum, si aliud aliquid extra me fuerit causa istius ideæ in me, oportet illud esse ens perfectissimum, quia ipsa idea est entis perfectissimi, præterquam enim, quod debeat signum respondere accuratè signato, & idea repræsentare exactè ideatum, amplius nihil esse potest in causato, nisi fuerit in causa, vel formaliter vel eminenter, ideoque ista causa efficiens ideæ in me, quæ est extra me, debet esse vel formaliter vel eminenter talis, qualis est ipsa idea repræsentativè. Sed idea Dei in me repræsentat ens perfectissimum, Ergo oportet causam efficientem istius ideæ, quoque esse ens perfectissimum. Sed tale ens perfectissimum non est aliud, nisi Deus. Si quis dicat, hanc conclusionem tam parum valere, quam datur in me idea purgatori, aut hirco-cervi, quæ falsa est, is notet ideam in nobis alias esse innatas, alias adventitias, alias, à nobis factas fictasve, non esse autem ideam Dei in nobis factam aut fictam, ex jam dictis satis patet, nam depre-

henditur in nobis ex idea nostri, tanquam entis imperfecti; sed vide hic meditationem tertiam *Cartesii*, & Assertionem methodi *Cartesianæ* *Tobias Andree*. Secundò ex libro naturæ externo, sive macrocosmo, probari solet Dei existentia, multis quidem argumentis, quæ recenset *Thomas*, tum in summa sua Theologica: tum contra gentes, sed duo ex illis quidem sunt potissima: Unum quod nititur deductione ad absurdum ex primo principio, *Idem non potest esse & non esse*; alterum quod desumitur à subordinatione causarum, nam universalis omnium gentium consensus magis probat notitiam Dei insitam quàm acquiritam; atqui de hac nunc nobis sermo est, quam ex primo principio, *Impossibile est idem esse & non esse*, hic probamus. Aut Deus est aut non est, si non est, ergo dabitur secundum sine primo, dependens sine independente, imperfectum sine perfecto, finitum sine infinito. Sed hæc omnia sunt absurda. Ergo absurdum est & illud, non esse Deum: prob. consequent. Nullum secundum est sine primo, nullum dependens sine eo, à quo dependet, nullum imperfectum sine aliquo perfecto, nullum finitum sine infinito. Sed creaturæ omnes sunt entia, secunda, dependentia, imperfecta, finita. Ergo &c. Quod nullum secundum sit sine primo, ex eo patet, quia nullum posterius est sine priori, sed secundum est posterius primo: Quod nullum sit dependens sine eo, à quo dependet, probatur ex eo, quod alioquin iretur in infinitum, à quo natura abhorret. Quod nullum dici possit ens imperfectum, nisi quoque detur perfectum, indelictum, quia absurdum foret omnia & singula esse imperfecta, nihilque dari quod illas in se contineat perfectiones,, quibus alia carent: Denique quod nulla dari possint entia finita, nisi quoque detur ens infinitum, hinc probatur, quia nihil finit seipsum. Et quid multis est opus; Si non est Deus, ergo creaturæ nullam habuerint causam, posterius dici nequit, quia violaretur hoc principium, *impossibile est idem esse & non esse*, & aliquid esset se ipso prius & posterius, quatenus enim creaturæ sibi ipsi essent causæ, suis ipsarum existentiae essent, quatenus à seipsis producerentur, essent sui ipsarum effecta, omnis autem causa prior est, omne effectum



fectum posterius, & sic idem esset prius & posterius seipso, esset ut causa, non esset ut effectum. Quod argumentum petitur à subordinatione causarum, idem est, quo ex motu primo deprehendit motorem Aristoteles, nempe si hoc verum est, quod verum habetur, quicquid movetur, ab alio movetur, sequitur aliquem esse primum motorem immobilem, qui semper sit actu; nunquam potentia: moveri enim est à potentia in actum traduci, quicquid autem movetur, est actu, uti, quicquid movetur, est in potentia, ergo nihil seipsum movet, & quicquid movetur, ab alio movetur, aut nunc abeundum est in infinitum, ut primum à secundo, secundum à tertio, tertium à quarto, & sic porro in infinitum dicamus moveri, aut deveniendum est ad aliquod ens, quod moveat, sed non moveatur, quale est primus motor, Deus. Hæc quidem sunt duo argumenta potissima, qua notitiam Dei acquiritam sive objectivam probent, neutrum tamen tantæ efficaciz, atque est illud, quod desumptum ab idea Dei, in nobis insitam probat seu subjectivam Dei notitiam: Alia adhuc argumenta pro Dei existentia desumi possunt ac solent à conditione causæ & effectus, à necessario & contingenti, ab omnium rerum ordinatione ad finem, à mundi mole, fabrica, forma, omniumque rerum in mundo contentarum, atque inter se dissidentium, amica conspiratione, sed quæ ad argumenta hic à nobis posita reduci facile valent.

#### Ad Theorema IV.

1. Uti questio an sit semper distinguitur à questione quid sit, & illa dicitur hac esse prior, ita postquam jam nunc probatum est dari Deum, præsertim ex idea ejus nobis innata, restat, ut paulo plenius quid sit Deus; indagemus, non quidem ex scripturis aut revelatione, sed ex natura & naturali intellectus lumine, atque hic primo queritur an hoc posteriori modo essentia Dei ulla ratione à nobis cognosci seu concipi valeat? Scholastici hic desunguntur distinctione, asseruntque, cognosci sive concipi naturali intellectus lumine à nobis in via, hoc est, vita hac, essentiam Dei posse, non quidem comprehendendo, sed apprehendendo, quid futurum sit in patria & post hanc

vitam, non tam temere est indagandum, quam ibi expectandum, illud tamen scholasticorum discrimen rejicit *Burgesius* d. c. *Lib. 2. Metaph. cap. 5. Theor. 2.* Ego quidem fateor nec in via, nec in patria à nobis posse comprehendere Deum, & hæcenus valet ratio *Burgesii*, quod infinitum non possit comprehendere à re finita, hoc sensu Deum nemo vidit unquam, imo ne ipsi quidem angeli Cherubim aut Seraphim: solus enim Deus seipsum comprehendit, comprehensio enim Dei significat tale cognitionis genus, quo omnia de Deo concipiuntur aut cognoscuntur, quæ cognosci aut concipi valent, sed si apprehensio nullo modo distinguatur à comprehensione, sed plane sint idem, ut ille vult, cum nec angeli, nec beati in Cælo, multo minus nos in hisce terris Deum comprehendamus; Ergo nil aut isti aut nos de Dei essentia, cognoscemus neque aliquid de ea apprehendimus, quia nil comprehendimus, quod ipsi idem est cum *ipsa* apprehendere, quomodo ergo dicimus nos Deum visuri sicuti est, & de facie ad faciem; excipit ille, hoc intelligendum esse de cognitione attributorum Dei, non essentiz divinæ; sed respondeo, attributa non distinguuntur ab essentia, ergo si nullo modo essentia Dei, qua quidem non potest comprehendere, possit quoque apprehendi nec ulla ratione cognosci aut concipi, nullo quoque modo cognosci aut concipi valent, imo ne apprehendi quidem ejus attributa: præterea, licet attributa Dei, imo spiritus omnis in genere, idem sint quod Deus & spiritus in genere, uti demonstratum est *Commentario 2. Theor. 4. Cap. 3. Lib. 1.* attamen distinguuntur ratione, unde istic loci diximus, conceptum alium esse subjecti, sive Dei, sive spiritus in genere, & alium attributi, & diversum, quid non re, sed ratione, representant, quod ipsa *Theol. 8. cap. citat.* à *Burgesio* agnoscitur, ubi dicit, essentia Dei est absolutum quippiam, at attributa respectus includunt, & nos clare ostendimus omne attributum aliquid addere subjecto, quod non concipiebatur, concepto simpliciter subjecto, loco cit. & licet idem Deus sit spiritus & justus ac misericors, aliud tamen est concipere Deum, ut Deum, aut ut spiritum, quæ est ejus essentia; aliud eum concipere ut justum

& misericordem, quæ sunt ejus attributa. Fateor equidem attributa Dei, quia dicunt aliquem respectum Dei, ad objecta, vel effecta, extra Deum, extra se aut posita aut ponenda, longè perfectius à nobis apprehendi, seu concipi ac cognosci, quam essentiam Dei: attamen ut nullus essentia Divinæ conceptus, aut apprehensio in nos cadat, quia non cadit in nos ejus comprehensio, quod vult *Burgesdicius*, non permitto, quamvis & hoc dem, ipsum Deum seu essentiam Dei perfectius posse cognosci per attributa, quæ cum illo identificantur, in attributis enim Dei, Deus aut essentia sua se magis prodit. Triplex vero est via, qua essentiam Dei in attributis, aut ipsa attributa lumine naturali intellectus in hac vita non quidem comprehendere, sed saltem apprehendere, hoc est imperfecto modo cognoscere, ac quantum in nos cadit, concipere valeamus, nimirum negationis, causalitatis, & eminentiæ, de qua triplici Deum ejusque attributa cognoscendi via non nihil plenius nunc philosophabimur in genere, singula Dei attributa in specie posita explicaturi, relinquentes cognitionem Dei & attributorum ex revelatione explicandam Theologis, & eam quæ est in patria expectantes, donec in eam transportabimur. Hæc triplex Deum naturaliter cognoscendi via ex Dionysio Pseudo-Areopagita, & Thoma Aquinate deducta, sic explicari solet: Via negationis cognoscitur Deus, quando, quæcunque in se atque in hoc universo imperfecta deprehendit homo contemplando, à Deo removet, ac de eo negat; nihil enim concipiendum est de Deo, quod ullo modo imperfectionem sonet aut sapiat, ita v. c. cum sit imperfectio nostri atque universi, esse dependens ab alio; nihil enim præter Deum est à seipso, nec esse potest, nec macrocosmus, nec microcosmus, hanc imperfectionem à Deo removemus, negando eum esse dependentem ab alio: Undè & conceptum nostrum de Deo, cum hanc imperfectionem ab ipso removemus, exprimimus voce negativa, dicimus enim eum esse ens independentem; sic quia certo spatio finiri ac mensurari imperfectio est in nobis, perfectius enim est omnia implere spacia, hanc à Deo removemus, negando eum finiri aut terminari certo spatio, expri-

musque hunc nostrum conceptum, quod Deo hanc imperfectionem negamus, vocabulo negativo, cum eum dicimus infinitum, immensum; sic quia imperfectio est in nobis mori, eam à Deo removemus, concipiendo eum mori non posse: ac dicendo negativè illum immortalem, & sic ex aliis imperfectionibus vel nostri, vel mundi, eas de Deo negando, ejus cognoscimus perfectiones, atque hinc nata sunt, & cognoscuntur attributa Dei, quæ vocant Scholastici negativa, circa quæ hoc notandum est, quod & ante monuimus de attributis negativis Spiritus in genere, voces quidem, quibus hæc attributa exprimuntur, esse negativas, attamen conceptus esse positivos, hoc est, rei positivæ; removendo enim ac negando omnes imperfectiones nostri atque universi de Deo, ponimus contrarias in ipso perfectiones. Via eminentiæ seu perfectionis, quæ Deum naturaliter cognoscimus est, cum contemplando perfectiones, tum macrocosmi, tum microcosmi, & in utroque deprehendendo, tum in universo, tum in nobis eas esse modo finito, & secundum certos gradus, colligimus easdem esse in Deo sine modo sine gradu, sed omni modo ac gradu perfectissimo; ita in nobis perfectio est esse sapientem, nemo tamen nostrum suâ sapientiâ omnia scit, quin & sapientia nostra sæpè non fallit, quare hanc quidem nostri perfectionem Deo etiam asserimus, sed in eo concipimus sapientiam, quæ omnia sciat infallibiliter, mundi quædam perfectio est unitas, attamen non repugnat esse plures mundos, ex unitate mundi non malè colligunt nonnulli unitatem Dei, sed quæ ita ipsi competit, ut repugnet esse plures Deo, ideoque omnes perfectiones creaturæ, quando concipiuntur de Deo, & concipiuntur quoque inesse ipsi, Deos adscribunt eminentissimè, & vocantur perfectiones simpliciter, & perfectiones perfectissimæ, & omnis perfectio possibilis; sed non omnis perfectio possibilis cadit in creaturas, nec earum perfectio ulla potest dici perfectissima aut simpliciter, quia omnis cum imperfectione est conjuncta, & hæcenus imperfecta, quatenus certo tantum modo & suis gradibus distinguitur, & tempore variatur, ac tandem desinit, non sic ulla Dei perfectio; attributa

tributa Dei, quæ cogoscimus via hac eminentiæ, ut sapientia, unitas, &c. Scholasticis dicuntur attributa positiva absoluta. Via causalitatis, qua Deum naturaliter cognoscimus, est, cum ex effectibus cognitis adscendimus ad cognoscendam causam; estque eadem, qua Aristoteles ex motu cognito pervenit ad cognitionem primi motoris; aut, qua ex subordinatione causarum secundarum devenitur ad cognitionem causæ primæ; cum enim nihil sit à seipso, nec detur progressus in infinitum, nec dari possit circularis dependentia causarum à se invicem, utique fieri aliter non potest. quin ex contemplatione causarum & effectorum, quæ sunt alia ab aliis, tandem deveniamus ad aliquam causam supremam, quæ non sit effectum, nec ab alia, sed à qua omnes alie causæ effecta sint ac dependant, quæ nec alia est, nec alia esse potest, quam Deus: attributa Dei, quæ hac via causalitatis cognoscuntur, dicuntur Scholasticis attributa positiva relata: talia sunt, cum cognoscimus Deum esse creatorem, conservatorem, cooperatorem, &c.

## CAP. II.

De Dei Essentia, ejusque attributis in genere,  
Theoremata.

- I. Existentiam Dei probavit microcosmus, ac macrocosmus: Essentiam ejus & attributa in genere, exponit triplex via, negationis, eminentiæ, & causalitatis.
- II. Eadem via triplici explicari possunt attributa Dei in specie.
- III. Per viam negationis removetur à Deo omnis imperfectio, quæ ad tria hæc fere reducitur capita, multitudinem, causam, accidens.
- IV. Multitudinem de Deo negat ejus unitas, quæ Deus est unus & unicus.
- V. Causam internam de Deo negat ejus simplicitas, quæ est expers omnis compositionis.
- VI. Causam externam de Deo negat ejus immutabilitas, quæ est expers omnis mutationis: huc pertinet ejus necessitas & immortalitas.
- VII. Accidens de Deo negat ejus tum immensitas, tum eternitas.
- VIII. Immensitas negat de Deo accidens loci, quatenus Deus loco definiti non potest; dicitur & infinitas, & ubiquitas.
- IX. Eternitas negat de Deo accidens temporis,

quatenus est expers omnis principii, successionis, & finis.

- X. Per viam eminentiæ Deo tribuitur omnis perfectio possibilis.
- XI. Hæc perfectio Dei spectari potest in eo, vel ratione status, vel ratione virtutis.
- XII. Perfectio Dei ratione status, est summa ejus beatitudo, quæ seipso contentus, nullus eger.
- XIII. Perfectio Dei ratione virtutis, est in eo vel ratione intellectus, vel ratione voluntatis, vel ratione potentie: quæ tria uno nomine dicuntur vita Dei.
- XIV. Perfectio Divini intellectus, est ejus omnis scientia, quæ & se, & omnia novit perfectissime.
- XV. Perfectio Divine voluntatis, est quæ vult omne verum & bonum: huc pertinet Dei veracitas & bonitas.
- XVI. Adjunctum Divine voluntatis est libertas, quæ Deus summe est indifferens, ad volendum extra se, quæ vult.
- XVII. Perfectio Divine potentie in Deo, est ejus omnipotentia, quæ potest omnia, quæ non involvunt contradictionem.
- XVIII. Per viam causalitatis Deo tribuuntur actiones, tum interne, seu immanentes, tum externe, seu transientes.
- XIX. Actiones Dei interne, vel terminantur in Deo, vel extra Deum.
- XX. Actiones Dei interne terminatæ in Deo, sunt intellectio, & dilectio sui ipsius.
- XXI. Actiones Dei interne terminatæ extra Deum, dicuntur vulgo, decreta.
- XXII. In decretis Divinis spectanda est præordinatio, & præcognitio: huc pertinent idæ Divine.
- XXIII. Actiones Dei externe, quæ extra Deum abeunt, & in creaturas transiunt, vel respiciunt eas faciendas, vel spectant eas factas.
- XXIV. Actio Dei externa transiens circa res faciendas, dicitur creatio.
- XXV. Actio Dei externa transiens circa res factas, dicitur providentia.
- XXVI. Hæc complectitur conservationem, & cooperationem; quæ pertinet gubernatio.

Commentarius.

**A** Rbitraria quidem methodo proceditur à Pneumaticæ, vel partis specialis Metaphysicæ Scriptoribus, quando descendunt ad contemplationem attributorum

divinorum in specie, variis modis illa dividentes. Quidam ea dividunt in positiva & negativa; positiva, quæ efferuntur vocabulis affirmatis, ut potentia, bonitas, iustitia, &c. negativa, quæ vocabulis negatis exprimentur, ut esse immortale, immensum, infinitum; sed hæc divisio est non attributorum Dei in specie, verum spiritûs in genere, quemadmodum ita quoque de iis lib. I. fuit proposita atque exposita. Alii dividunt attributa Dei in absoluta & respectiva, ad intra, ad extra, quæ divisiones ferè coincidunt; attributa enim Dei absoluta, & quæ dicuntur à intra, sunt illa, quæ essentia divinx conveniunt in ordine ad ipsum Deum intra se spectatum, uti est æternitas, spiritualitas, simplicitas, &c. respectiva Dei attributa, dicta ad extra, intelliguntur illa, quæ essentia Dei conveniunt, in quantum Deus dicit respectum ad objecta, aut effecta extra se, ut sunt, esse creatorem, conservatorem, & cooperatorem; sed hæc divisio satis clara est thesibus jam statim posit is, & omnia Dei attributa, sive absoluta, sive respectiva, sive ad intra, sive ad extra, per unam, ex tribus illis viis cognoscendi Deum & attributa ejus, haberi potest. Alii adhuc attributa Dei dividunt, in operativa & non operativa; illa vocant, quæ Deo competunt sine ullo respectu operandi extra se, ut est æternitas, immortalitas, unitas, &c. hæc dicuntur, quæ Deo conveniunt in ordine ad operationem extra se, ut potentia Dei, voluntas, esse creatorem, &c. Sed hæc quoque divisio attributorum Dei ex theorem. posit is accipi facile potest, nam nullum assignabitur attributum, sive operativum, sive non, quod non de Deo cognosci valeat, vel per viam negationis, vel per viam eminentiæ, vel per viam causalitatis. Adhuc insuper attributa Dei dividi solent in ea, quæ propriè de Deo enunciantur, & in ea, quæ impropiè de ipso dicuntur; propriè de Deo dicuntur, cum dicitur simplex, immortalis, immensus, &c. impropiè, ut cum dicitur Leo rugiens, aut Angelus mitis, aut deliberare ac resipiscere, verum enim verò, nos hæc attributa Dei impropiè dicta, pro attributis non habemus. Denique solent attributa Dei dividi, in communicabilia & incommunicabilia,

quarum illa ita conveniunt Deo, ut aliquo modo quoque reperiantur in creaturis, ut est bonitas, intellectus, voluntas, &c. incommunicabilia, quæ nullo modo in creaturis inveniuntur, ut immensitas, æternitas, &c. Sed & hujus divisionis membra ex triplici via cognoscendi Deum, & attributa ejus, thesibus exposita constabant, quare nos ordinem à nobis constitutum, in posterum sequemur ac tenebimus, exorſi ab attributis Dei cognoscendis viâ negationis, inde ad ea, quæ cognoscuntur viâ eminentiæ, demum ad ea, quæ cognoscuntur viâ causalitatis, singula explicaturi eâ serie, quâ sunt posita. Unicus tantum hic est scrupulus, qui aliquem morari valeat, nimirum, quod unum idemque attributum per varias vias cognosci possit, quemadmodum unitas cognosci valet & viâ causalitatis de Deo. Resp. Esto, tùm attributum tale istuc à nobis refertur, ubi cognoscitur quàm clarissimè, & quia unitas clariùs cognoscitur de Deo, per viam negationis, removendo à Deo omnem multitudinem, quàm cognoscitur per viam causalitatis, argumentando ab uno mundo, tanquam effectu, ad unum primum motorem ac causam, ideo unitatem retulimus ad attributa Dei, cognoscenda potius per viam negationis, quàm per viam causalitatis; ab hac ergo unitate explanationem attributorum divinorum exorſuri sumus cap. sequenti, in singulis nos paulò latius diffusuri, quia materiæ dignitas operam istam merebitur.

## CAP. III.

## De Unitate Dei.

*Unitas Dei negat multitudinem, esseque non speciei, nec universalis, sed individua ac singularis, quâ Deus est unus numero, imò & unicus.*

## Comment.

Cum inter attributa Dei ponitur unitas, non accipitur tantum illo sensu, quo est attributum eatis in genere, & prout notat indivisionem entis in se: quamvis enim Deus sit quoque tali modo unus, speciatim tamen ipsi competit unitas numerica, quia repugnat plures esse numero Deos, ut  
statim

statim probabimus: Homo unus quidem est: unitate transcendentali, & universali, sed non singulari, aut numericâ, & ideo Deus non tantum dicitur unus, sed unicus, itaque per unitatem Dei excluditur omnis multiplicabilitas in inferioribus, multo magis aggregatio ex pluribus entibus. Deus ergo unus est, non aggregatione, quo sensu Philosophi statuant, quædam una per aggregationem; Deus enim simplex est, quod postea demonstrabimus, neque est unus tantum consensu, quia vocabulum illud neutrius generis *τὸ*, aliquid plus importat quàm consensum, neque enim licet dicere (quis enim sic loquitur de Petro, Paulo, Iohanne, consentientibus?) Petrus, Paulus, Iohannes, sunt unum, quia conveniunt in una & communi sententia. Neque potest dici unus genere aut specie, quia sic foret ens univ ersale: atqui non est tale, sed singulare, imo singularissimum, sicut singularitas sit deipsum essentia. Hanc Dei unitatem numericam ac singularem, sic probamus: si plures essent numero Dii, vel essent coordinati, vel subordinati, neutrum dici potest: si forent subordinati, unus altero foret inferior; at ista pugnant, esse Deum, & esse infra alium, Deus enim est omnium entium supremum: & sanè in omni subordinatione id, quod sub alio ponitur, in suo ordine est inferius & vilius eo, sub quo ponitur; sed Deo nihil potest esse inferius, nihil vilius, quicumque enim conceptum Dei format, is concipit ens aliquod supremum, illimitatum, à nullo dependens: si forent coordinati, quæro, an singuli sufficiant per se, ad omnium rerum sustentationem, & mundi gubernationem, nec ne? si singuli sufficiant, quid opus est pluribus, aut debet dari ratio, cur talis *τοῦ θεοῦ* sit invec̃ta, cùm unus sufficiat Deus: si singuli non sufficiant imperfecti sunt, & indigi mutux op̃is; at sic non fuerint dii, Deus enim perfectus est, & nullius ope indiget. Alii probant Deum esse unum ex infinitate, infinitum enim tantum unum esse potest. Alii ejus unitatem demonstrant ex ejus necessitate, quia ens necessarium, eo ipso quod sit necessarium, censetur esse unum. Alii derivant Dei unitatem ex ejus potentia, quia non possunt esse plures omnipotentes; sed cum nec infinitas, nec necessitas, nec potentia, adhuc sint de Deo demonstrata,

non videtur inde solidum deduci argumentum, pro Dei unitate, nisi primùm de illis Dei attributis constet. Et ex hoc nostro dilemmate efficacissimè refutatur illa unitas consensus, quam Sociniani ponunt in Deum, non aliter ac Pater, Filius, & Spiritus Sanctus, sic mundum gubernant, uti urbem tres consules, in regimine conspirantes, nam aut dependerent à se invicem, aut non dependerent isti plures Dii, nam si simpliciter plures agnoscas personas, sed in una numero essentia divina, uti nos agnoscimus, non tantum consensu, sed naturâ unum sunt; sed si plures forent Dii, & tantum consensu unum, uti tres consules sunt tres homines, quamvis consentiant in uno eodemque urbis regimine; rogo iterum, vel dependent à se invicem, vel non, si dependent, nullus illorum per se ipsum est sufficiens, sed hoc indignum est de Deo cogitare; si non dependent, quid opus est pluribus aut tribus Diis, cùm unus sufficiat, quemadmodum non est opus tribus consulibus, si unus sufficiat urbi regundæ, uti in multis urbibus unus sufficit. Adversus unitatem Dei, & quidem singularem, objici solet illa, sive communitas, sive communicabilitas essentix Divinx, in tribus personis; sic enim argumentantur Antitrinitarii: quod commune est, aut communicatur pluribus, non est unum numero, ac singulare, sed essentia divina communis est, aut communicabilis pluribus nempe tribus in Deitate personis, ergo non est una numero, ac singularis. Ad hoc argumentum responderi sic debet, primo, quod spectat phrasin, melius dicitur essentia divina communis tribus personis, quàm aut communicabilis, aut communicata; nam tres personæ in S. S. trinitate, habent quidem unam eandemque numero, ac singularem naturam divinam, communem, sunt enim unus idemque singularis Deus, sed natura divina nulli personæ, ab altera est aut communicata, aut communicabilis, nam qui ordo est inter tres personas S. S. trinitatis, is non spectat naturam divinam, sed hypostasin ac subsistentiam singularem, ratione cuius, dicitur Pater aliquid communicasse Filio & uterque Spiritui Sancto, quæ communicatio pro termino ad quem, non habet naturam divinam, hujus enim respectu, singu-



læ personæ sunt *divinæ*, sed pro termino ad quem, habet subsistentiam, quæ communicatur, ut sic loquar, non subjective, sed effective; neque enim illa subsistentia, quæ est aut Patris, aut Filii, per processionem æternam, sit Spiritus Sancti; sed Pater Filio, generatione æterna, uterque Spiritui Sancto, processione æterna, peculiarem communicat subsistentiam, modo nobis incomprehensibili. Secundo, etiam si diceremus, ut vulgo dici solet, communicari, aut communicatam esse essentiam Divinam tribus personis, non tamen inde sequeretur, essentiam Divinam non esse unam numero, ac singularem; nam non omnis communicatio, aut communicabilitas facit universale, aut tollit naturam singularem, sed illa tantum, quæ aliquid communicatur, aut communicabile est pluribus inferioribus, & subordinatis, sive speciebus, sive individuis: sed tres personæ non sunt aut species, aut individua respectu essentiae Divinæ, nec ei subordinata, sed liceret sic loqui, potius coordinata, quicquid sit, illa, sive communicatio, sive communicabilitas, quæ est naturæ Divinæ, ad tria supposita, seu tres personas, non aufert ullo modo unitatem naturæ Divinæ, neque Deum faciens universale, quia natura universalis semper multiplicatur, & liceat sic loqui, plurificatur in illis, quibus communicatur, sic ut illa plura singula, distinctam habeant naturam illam universalem, quæ communicata est; quemadmodum natura equi sic communicatur tribus equis, & natura hominis sic communicatur tribus hominibus. Per ro, Paulo, Johanni, ut singuli equi naturam equinam sibi propriam ac peculiarem, & Petrus, Paulus, Johannes singuli naturam humanam sibi propriam ac peculiarem possideant: neque enim, quod corpus, & quæ anima sensitiva, equi sunt unius, eadem etiam sunt alterius; neque quod corpus, & quæ anima rationalis sunt Petri, eadem sunt aut Pauli, aut Johannis: sed natura Dei communicabilis, aut communicata, tribus personis, eadem est in singulis; fateor equidem, quomodo hoc aut fiat, aut fieri possit, esse rationi humanæ incomprehensibile. Sed vero, ideo S.S. Trinitas est mysterium; si enim à nobis comprehenderetur, mysterium non foret. Ex hisce etiam liquet quam sit inepta

objectiuncula, cum dicunt: nullum unum numero est trinum: sed ex nostra sententia, Deus est unus numero: ergo non trinus. Resp. unum & trinum pugnant, uti omnia opposita, si tribuantur eidem, secundum idem, ad idem, &c. sed esse unum, tribuitur Deo, secundum naturam, esse trinum, secundum hypostaseis, seu subsistentias; at nullus negare potest, ne quidem Socinianos, aliud esse hypostasim, aliud naturam, quæ hypostasei afficitur; quod liquet in omnibus substantiis singularibus creatis. Porro dicitur in theorem. de nomine Dei non tantum unum, sed unicum, in quo unitas Dei multum discedit, ab unitate multarum rerum creatarum, quæ in se quidem unæ sunt, quatenus indivisæ sunt, qualis est essentia, quæ singulis competit; attamen non sunt unicæ; nempe omnia entia universalis sunt una, quia sunt indivisa in se, attamen non sunt unica; nam si unica forent, non possent dividi in inferiora, nec essent universalis, vel singularis: in universalibus invenitur unitas, quæ sunt indivisa in se, & sic una, unitate transcendentali, sed non sunt unica: Hæc autem duo differunt, esse unum, & esse unicum; unum negat divisionem entis in plures essentias, quales competunt singulis, ita homo in se est unus, quatenus essentiam humanam habet tantum unam, nam non plures animæ rationales, nec plura corpora, nec plures essentiae humanæ requiruntur ad hominem constituendum in suo esse; at unicum negat divisionem entis in sua inferiora, in quibus secundum essentiam & nomen plurificari nequit; sic homo non est unicus, sed plures, Petrus enim, Paulus, Johannes à pluribus constituantur, & singuli à suis propriis naturis humanis: At verò unicum, & unum esse, in Deo non differunt, quia & Deus est indivisus in se, & sic est unus, & indivisus in plures Deos inferiores, & sic est unicus. Ratio hujus rei hæc est, quia esse unicum seu singulare, est de Dei essentia, at esse unicum ac singulare, non est de essentia hominis, potest enim natura humana abstrahi ab omni singularitate, non sic Deus, qui, si non concipitur singularis & unicus, ne quidem concipitur ut Deus, in essentia sua.



## CAP. IV.

## De Simplicitate Dei.

*Simplicitas Dei negat de Deo causam internam, vel propriam dictam, vel analogice sic vocatam, quæ est experta omnis compositionis realis.*

*Commentarius.*

Cum hoc secundum Dei attributum, simplicitas, dicitur negare de Deo causam internam propriam dictam, secludimus à Deo compositionem ex materia & forma physica; cum causam internam analogice dictam, excludimus à Deo compositionem, 1. ex genere & differentia, quæ vulgo dicuntur materia & forma Metaphysica: genus enim respondet materiæ, & differentia formæ. 2. ex potentia & actu; potentia enim respondet materiæ, actus formæ. 3. ex subiecto & accidente; subiectum enim est materia, si non ex qua, saltem in qua; & potentia, accedens forma, & actus, non quidem substantialis, sed accidentalis. 4. ex essentia & esse, seu existentia; essentia enim habet se insitit potentia, existentia instar actus in rebus creatis. Quando Deus per simplicitatem dicitur expertus esse omnis compositionis realis removetur ab eo compositio ex partibus integran- tibus, adeoque ex pluribus entibus realibus, seu ex pluribus substantiis, seu ex pluribus accidentibus, seu ex substantia & accidente: hinc patet, per simplicitatem Dei, non tamen excludi compositionem ex natura & *universali*, seu substantia, seu supposito accepta illa voce in abstracto, pro supposititate aut personalitate; neque ex essentia seu subiecto, & relatione aut relationibus, sive essentialibus sive personalibus, sive ad extra, sive ad intra. Simplicitatem Dei probabimus primo in genere, tum in specie per omnes classes recentitas. In genere. 1. ab ejus perfectione. Quod est perfectissimum, i. e. simplicissimum: Deus est perfectissimus: ergo est simplicissimus. Terminus medius hic est perfectio Dei, quæ secundum instantiam rationis omni attributo est prior, proindeque recte omnia attributa per eam demonstrantur; perfectio enim est ipsa Dei essentia, & qui essentialiter de Deo conceptum pro conceptu nostro humano forma-

bit, is concipiet ens cum omni perfectione possibili; hinc olim Anselmus, Dei conceptum essentialiter definitionem qualicumque expressurus, dixit esse, quo nihil est majus aut melius, nec aliquid majus, aut melius, id est, perfectius cogitari potest: Male vero ex attributis posterioribus, & adhuc demonstrandis; demonstrantur priora, quod tamen solenne est Metaphysicis, & Pneumaticis scriptoribus. Minorem ergo hic supponimus, Deum esse perfectissimum, hæc enim est ipsa Dei essentia, ut omnem perfectionem possibilem includat: ergo ad majorem: hæc sic probatur: si compositio omnis infert imperfectionem, ergo quod est perfectissimum, est simplicissimum: sed verum prius, ergo & posterius. Major est vera, quia compositio & simplicitas opponuntur, uti quoque imperfectio & perfectio, & contraria sunt contrariorum consequentia, ergo minor probanda venit. Omnis respectus partis ad totum, dicit imperfectionem: Omnis compositio est respectus partis ad totum: ergo &c. Major patet, quia unum est propter aliud, pars propter totum, at hoc est imperfectionis; perfectum enim dicitur, quod non est propter aliud, quod est propter seipsum, quod est seipso contentum, quod est *αὐτάρκεις*, sibi sufficiens. Minor sic probatur. Si omne compositum dicit totum ex partibus coalitum, ergo in omni compositione est respectus partis ad totum: sed verum est prius; ex ipsa natura & definitione compositorum, ergo & posterius. 2. Ab unitate Dei jam probata. Quod est unum, imo & unicum, hoc est simplicissimum: Deus est unus, & unicus: Ergo. Minor cap. præced. est demonstrata. Major sic probatur. Quod est maxime indivisum, hoc est simplicissimum: Quod est unum & unicum, est maxime indivisum: Ergo. Minor patet ex unitatis definitione metaphysica, qua definitur unum, quod est indivisum in se. Major sic probatur. Si simplicitas negat divisionem, ergo quod est maxime indivisum, est simplicissimum: sed verum prius: ergo & posterius. Consequentia majoris patet ex vi oppositorum, si esse compositum, est esse non indivisum: ergo quod maxime est indivisum, est simplicissimum. Minor sic probatur. Quod negat multitudinem, negat divisionem; nam divisio fit in multa:

multa: sed simplicitas negat multitudinem: qua hæc sunt opposita, esse simplex, & esse multa, si enim est simplex, non est multa, si est multa, non est simplex: & cum Metaphysici soleant facere geminam unitatem, unam simplicitatis, alteram compositionis, unitatem simplicitatis definiunt, unitatem carentem omni multitudine scilicet entium realium; at in unitate compositionis, aut potius in ente, quod tali modo est unum, admittunt multitudinem entium realium, sed quæ in unum compositum coaluerunt, ideoque homo, qui est unus unitate compositionis, in quantum duo entia realia, corpus & anima rationalis, in unum coaluerunt hominem, non potest dici simplex, aut unus, unitate simplicitatis: Sed Deus est unus, unitate simplicitatis, ergo simplicitas in Deo excludit omnem multitudinem scilicet entium realium, consequenter, & divisionem, ergo quod est maximè indivisum, est maximè simplex: At quod maximè est unum, est maximè indivisum: ergo, &c. Sed Deus est maximè unus, ex cap. præced. ergo simplicissimus, quod hic erat demonstrandum. Nunc in specie probemus primò, simplicitatem Dei ab illo remove compositionem ex causis internis propriè dictis, ex materia & forma physica.

Quod Deus non componatur ex materia & forma propriè dictis, longâ probatione non eget; si enim sic componeretur, esset corpus, at Deus non est corpus, sed spiritus, qui corpori opponitur, nam quod Tertulliano, aut aliis fortasse Patrum, interdum dicatur corpus, vox corpus tùm non significat substantiam materialem, oppositam substantiæ immateriali, sed substantiam verè existentem, quomodo de omni, quod verè existit, hæc vox corpus dici solet, etiam in sacris sic dicitur corpus peccatum, ut peccatum verè existere significetur. Deum autem esse spiritum, ex ejus operationibus demonstrari potest, quæ sunt immateriales, nec ullam extensionem includunt: Quod Deo in sacris tribuantur membra corporis, id fit per metaphoram, quemadmodum & ipsi quoque tribuantur affectus humani, poenitentia, dolor, &c. per *ἀνθρωποπάθειαν*, atque hic valet regula ista. Quæcunque Deo tribuuntur *ανθρωπικὰ* aut *ἀνθρωποπάθια*, ea semper ex-

plicanda sunt, & intelligenda, *ὑποφωτισ.* Præterea omnis compositio ex materia & forma imperfectionem infert: sed hæc Deo tribui nequit: Ergo. probatur major. Imperfectio est in Deo, si aliquid ipsi tribuatur prius ac posterius, quamvis non tempore, saltem naturâ: sed omnis materia prior est formâ, si non tempore, saltem naturâ. Ut nunc non dicam, omnem materiam habere rationem potentiae, quæ longè à Deo est removenda, est enim purus & merus actus, sed hæc operosiori probatione non egent. Sed & Simplicitas Dei omnem ab eo excludit compositionem, ex causis internis, materia & forma, analogicè sic dictis; quare secundo probemus, Deum non componi ex genere & differentia, quæ solent vocari matéria & forma metaphysica; Hæc tota res dependet ab eo, utrum ens respectu Dei & creaturæ sit verum & univocum genus, nec ne; si enim fuerit, verum etiam genus Deo competierit, sin minus, nec verum genus Deo tribui potest, & si verum genus ipsi non competat, neque competat vera differentia, nam genus analogicum, est genus improprie dictum, atqui ens non esse genus proprium aut univocum, respectu Dei & creaturæ, sic probamus: Omne genus univocum ac proprie dictum, æqualiter suis communicatur speciebus, neque una species alteri debet, quod nomen & naturam generis participet. Atqui, contra se habet res, in ente respectu Dei & creaturæ, nam creatura participat nomen & naturam entis dependenter à Deo, cui hoc debet, quod enim creaturæ sua conveniat essentia, aut existentia, hoc in solidum Deo debet, non potest autem ens dici mere æquivocum, respectu Dei & creaturæ, quia æquivocum nullam dicit naturæ, sed solum vocis communionem; ideoque rectè inuenta sunt analogia, tanquam media inter univocum & æquivocum, quamvis male sic appellentur, etiam si enim creatura à Deo dependet quoad communem rationem entis, non tamen ideo analogia quædam est ponenda inter illa duo: Quicquid sit, genus saltem verum ac proprie dictum: Deo adscribi nequit, quod si verum est, nec differentia proprie dicta in Deum cadit, quippe quæ genus præsupponit, ergo nec compositio ex genere & differentia, Deo tri-  
bui

bui potest. Sed 3. non componitur quoque Deus ex potentia & actu, quia omnis potentia imperfectionem notat, uti actus perfectio- nem, sed in Deum nulla cadit imperfectio, unde etiam dicitur purus actus: si dicas, inter attributa Dei præter intellectum & voluntatem, numerari potentiam, imo & Deo tribui omnipotentiam, Resp. 1. quando à Deo removetur compositio, ex potentia & actu, intelligitur proprie potentia passiva, quæ imperfectionem notat, perficiturque à forma, tanquam ab actu, non verò activa, quæ imperfectionem nullam connotat, & hæc tribuitur Deo, & hæc vocatur omnipotentia, & hanc Deo tribuit ipse Spiritus Sanctus, cum eum dicit *δυναμις*, potentem, ad hoc vel illud faciendum. 2. Ipsam illam potentiam activam, quæ Deo tribuitur, non distingui ab actu, qui de Deo dicitur; neque enim potentia activa Dei, concipienda est ad instar potentia activæ in homine, hæc ab actu distinguitur, in quem deducitur, aut traducitur; sic potentia activa generandi in homine, distinguitur ab actu generandi; non sic in Deo, in quo, propter summam ejus simplicitatem, idem planè sunt potentia activa & actus, & inepta est vulgaris argumentatio, qua argumentantur, Deum creando de potentia activa transivisse ad actum, cum per creationem nullus novus ad Deum accesserit actus. Dices: si potentia activa creandi, & actus, non differunt. Ergo Deus ab æterno creaverit: negatur sequela, quia creatio non notat actum aliquem ex parte Dei: sed ex parte rei, ipsius creaturæ: significat quidem creatio transitum de potentia ad actum, sed non de potentia activa Dei, ad actum in Deo, verum de potentia passiva & objectiva creaturæ non existentis, ad actum existentis. Ergo potentia activa Dei, non infert compositionem ex potentia & actu, multo minus passiva, quæ in Deo non est. Sed 4. removet simplicitas Dei omnem ab illo compositionem, ex subjecto & accidente, ubi bene tenendam est, quid per vocem accidens intelligatur, nempe ens substantiæ inherens, acciæns prædicamentale. non prædicabile, accidens inherens, non denominationis, accidens physicum, non Logicum, accidens internum in Deo, non extra Deum in alio ordinatum ad Deum; quæ

distinctiones hinc in antecessum sunt notandæ, ut Vorstii aliorumque, qui accidentia posuerunt in Deo, detegantur latebræ, in variis enim significationibus hujus vocis, *accidens*, latibula sua quærent, dum actiones Dei, quæ non sunt accidentia Physica, seu inherens, sed Logica, seu denominationis tantum, accidentia vocant, & ut entia distincta à Dei substantia accipiant, ut sic compositionem aliquam in Deo probent, ex subjecto & accidente, & quia hanc maxime compositionem urgent adversarii in Deo, tanto diligentius ab eo est removenda. Eam non dari sic probamus: Quod in Deo ponit potentiam subjectivam, id ab eo est removendum: sed compositio ex subjecto & accidente, ponit in Deo potentiam subjectivam: Ergo. Major patet ex statim dictis. Minor sic probatur. Si omne subjectum sit in potentia subjectiva ad accidens, ergo compositio ex subjecto & accidente, in Deo ponit potentiam subjectivam: sed verum est prius, ergo & posterius. Minor patet, quia omne subjectum habet rationem materiæ, in qua inheret accidens, tanquam forma: atqui materia omnis est potentia & quidem subjectiva, forma omnis est actus; ergo, &c. Deinde, quod importat in Deo imperfectionem, id à Deo est removendum: sed compositio ex subjecto & accidente importat in Deo imperfectionem, ergo &c. Major est certa, quia Deus est ens perfectissimum, quod omnem imperfectionem excludit. Minor sic probatur. Substare accidentibus est imperfectio; sed compositio ex subjecto & accidente, facit Deum substare accidentibus: Ergo importat in Deum imperfectionem. Probat major. Deum cum ente creato facere unum per accidens, est imperfectio: sed quod Deum dicit substare accidentibus, facit eum cum creaturis unum per accidens: Ergo; quod enim ex Substantia & accidente coalescit, est unum per accidens: sed quod substare accidentibus, ex eo & accidentibus coalescit unum per accidens: ergo compositio ex subjecto & accidente, à Deo est removenda. Adversus hanc simplicitatis speciem, quæ omnem excludit à Deo compositionem, ex subjecto & accidente, multa movit Vorstius, in tractatu suo de Deo, & variis scriptis Apologeticis, ac præsertim urget de-

creta Dei, quæ facit accidentia à Deo distincta; & cum decreta Dei sint distincta ab ejus essentia, quæ est substantia, invexit in Deum compositionem ex substantia & accidente; nequit: decreta Dei sunt libera: essentia est necessaria: ergo decreta sunt distincta ab essentia: sed hæc est substantia: ergo decreta Dei erunt accidentia; substantia enim & accidens dividunt ens immediate. Ad hoc Argum. multa reponi possunt pro responsione. Primo, est ambiguitas in voce decretum, aut enim fuitur pro actu decernendi, aut pro re decreta: priori modo decreta Dei non sunt libera, sed æque necessaria ac Deus ipse, neque sunt distincta à Dei essentia vel substantia; sunt enim idem in Deo, actus decernendi, & Deus decernens, sed res decrete sunt liberæ, neque enim illæ sunt in Deo, sed extra Deum, vel, ut clarius loquar, terminatio actus decernendi in Deo, in res decretas, vi decreti aliquando exituras, est libera; sed illa terminatio, uti proprie non est ipsa essentia aut substantia Dei decernentis; ita multo minus est accidens, sed relatio quædam transcendentalis subiecti ad objectum, aut fortasse causæ ad effectum, Dei decernentis ad rem decretam. Neque valet instantia, si decreta Dei, scilicet hoc posteriori sensu accepta, sint distincta ab essentia Dei, quæ est substantia; ergo ipsa sunt accidentia: quia hæc duo non immediate dividunt ens latissime sumtum, multa enim sunt ens latissime sumtum, ut est idem quod aliquid, quæ non sint substantia nec accidens, ut relationes, & multa alia media negationis inter substantiam & accidens, imo inter ens strictè sumtum aut reale & nihil interjecta, ut sunt denominationes externæ, privationes, modi existendi aut operandi &c. Nam sicuti argumentatur Vorstius de decretis Dei, ita pariter argumentari possit de relationibus personalibus & essentialibus divinis, & de modis existendi & operandi in Deo, de actionibus Dei ad intra & ad extra, hæc enim omnia non sunt formaliter ipsa essentia aut substantia Dei, neque tamen ideo sunt accidentia. Eadem ratio est cum in Deo ponit accidentia, quia in Deo est adorabilitas; sed hæc nihil est aliud quam denominatio extrinseca, Deum denomi-

nans à cultu, sibi à creaturis præstabili, cum vero decreta Dei esse accidentia urget, quia possunt abesse & adesse, sophistam agit; confundit enim accidens prædicabile, cujus hæc est definitio, de quo hic non agitur, cum accidente prædicamentali, de quo est questio, & ludit in ambiguo, cum dicit, decreta Dei posse abesse à Deo; nempe si intelligat actus decernendi, nil est falsius: quam parum enim Deus potest non esse, tam parum potest esse non decernens: si intelligat terminationem divinæ decretionis in res decretas, ut terminari possit in aliam, quam in hanc, illa quidem terminatio abesse potest, sed hæc proprie non est decretum, sed respectus tantum, ut statim dixi, Dei decernentis, aut actus decernendi ad objectum. Reliquæ Vorstii argumentationes pro compositione, ex subiecto & accidente, in Deo, haud difficultè solvi possunt, si quis eas attente expendit. Quinto removet simplicitas à Deo compositionem ex essentia & esse, seu existentia, quæ locum tantum habet in creaturis, quia existentia est de essentia Dei; non sic in creaturis, essentia enim Dei omnem perfectionem includit possibilem, sed existentia est perfectionum maxima, ergo includitur intime in essentia Dei, estque simplicissime eadem cum illa: præterea cum in rebus creatis essentia distinguitur ab existentia, habet se essentia per modum potentie, existentia per modum actus; sed omnem compositionem ex potentia & actu jam ante removimus. Denique, si Deus componeretur ex essentia & existentia, essentia posset abstrahi ab existentia Dei: Sed hoc fieri non potest per rationem primam: ergo, &c. si opponas, diversas esse questionum formulas, an res sit, & quid sit, ideoque diversos esse formandos conceptus, quibus concipiamus Deum, rogati, an sit, & rogati, quid sit; Resp. 1. illas interrogandi formulas diversas quidem esse, cum instantiuntur de rebus creatis, & de illis formari diversum conceptum, cum intellectus noster concipit, an sit, & diversum, cum concipit, quid sit, quia id, quod respondet questionibus quid est, abstrahi potest ab eo, quod respondet questionibus an sit: sed in Deo sic se res non habet; ideoque respond. secundo, utcumque intellectus huma-

nus diversas questionum formulas instituat de Deo, cum querit, an sit, & quid sit Deus, tamen non potest responderi ad questionem an sit Deus, nisi simul respondeatur, quid sit Deus, & vice versa; quando enim quis rogatus an sit Deus est responsurus, oportet ut in antecessum sciat definitionem nominis, id est, quid significet hoc vocabulum, Deus; quod si ipsi explicatur, jam quoque explicabitur, quid sit Deus; si enim dixerò, vox Deus significat ens, quo nihil, aut majus, aut melius, vel esse, vel cogitari potest, eo ipso respondit, quid sit Deus, nam si rogatus quid sit Deus, respondero, est ens, aut id, quo nihil majus, aut melius, vel esse, vel cogitari potest, jam illud omne dixerò in genere, quod responderi potest ad questionem, quid sit Deus. Sexto, quod à Deo sit removenda, per simplicitatem ejus, omnis compositio ex partibus contrariis, facile patet quando ostendimus, simplicitatem Dei negare compositionem ex materia & forma, physice spectatis; ubi enim non invenitur materia, neque quantitas inveniri potest, & ubi hæc non datur, neque dari possunt partes integrantes. Septimò, quod Deus non componatur ex pluribus entibus realibus, & primum quidem ex substantiis, indè patet; quia Deus sic esset futurus ens per aggregationem, quod summæ simplicitati divinæ repugnat, ideoque quæ statim sequetur compositio ex naturâ, sive essentia divinâ, & ex plurius personis, non est compositio ex pluribus substantiis: multò minus componitur Deus ex pluribus accidentibus; quia accidentia in Deum non cadunt; ergo nec ex substantiâ & accidente, ob eandem rationem, & alias jam statim explicatas. Superest itaque sola compositio ex naturâ & *personâ*, seu subsistentiâ, seu personalitate, de quâ videndum, an hæc repugnet simplicitati: dicimus rotundè quod non, asserimusque, Deum quidem simplicissimum, non tamen ita simplicem: ut non componatur ex essentia & tribus personalibus subsistentiis; neque enim essentia & personalitates tres ita inter se identificantur, ut hæc propositiones sint identicæ, Deus est Pater, Deus est Filius, Deus est S. S. & Deus est Deus, sed in singulis prædicatum, aliud importat

in enunciatione unâ, quàm in aliâ, & aliud in tribus prioribus, atque aliud in quartâ postremâ; & tamen Pater, Filius, & Spiritus S. sunt unus Deus: ergò aliquis hic est compositio ex essentia & tribus subsistentiis personalibus, estque hæc compositio ex re modificatâ & tribus modis subsistendi. Si opponas omnem compositionem etiam ex modo aut modis & re modificatâ, tollere simplicitatem, id ipsum nego; nam hoc tantum verum est, cum res modificata, & modus, sint utrimque entia realia, aut se habent, ut potentia & actus: at neutrum hic locum habet, nam modus aut modi subsistendi tres in Deo non sunt entia realia, nec substantia, nec accidens, nec Deus, nec creatura; uti quidem ipse Deus est substantia; nec habent se per modum actus, ad essentiam divinam, sed per modum potentiz: Si opponas porro, hæc compositionem rei admittamus, inferre quoque in Deo mutationem, negamus hanc illationem; quia modi tum demum inferunt mutationem in re modificatâ, quando sunt in re finita & mutabili, & quando sunt separabiles à re, quam modificant: sed modi subsistendi in Deo non sunt rei finitæ aut mutabiles; Deus enim infinitus est atque immutabilis, neque sunt separabiles ab eo: Si dicas, ex hac compositione modali in Deo sequuturam quoque distinctionem modalem in eo, ut essentia divina distinguatur per tres modos subsistendi, distinctionem autem modalem esse realem, hoc autem esse absurdum; respondeo, non esse absurdum, nam sanè nullo cogitante, essentia divina alia est Pater, alia Filius, alia S. S. aut ut clarius loquamur, Deus Pater est alius, Deus Filius est alius, S. S. est alius, & ab æterno ante nullam mentis humanæ creationem, nedum operationem, alius est Pater, alius est Filius, alius est Spiritus S. non autem aliud, & aliud; nam hi tres sunt unum, quod negat aliud, sed non sunt unus; nam tum non forent tres, nempe alius respicit personalitatem, aliud essentiam divinam, & eadem essentia Dei distinguitur à se ipsâ, ut Pater, ut Filius, ut S. S. distinctione modali, imò & reali, quatenus hæc significat eam, quæ non est à mente, aut ratione, & tamen manet Deus simplicissimè simplex, quia nulla in Deum invehitur compo-



fitio ex pluribus entibus realibus, aut ex potentia & actu, aut quæ nullam vel min. man. in Deo imperfectionem inferat. Si compositio ex natura & essentia Divina & tribus modis subsistendi, non tollat simplicitatem Dei, multo minus id faciet compositio ex essentia, seu subiecto, aut relationibus, five essentialibus, five personalibus, five ad intra, five ad extra, quia relatio adhuc multo exilioris est entitatis, quàm ullus modus, & adhuc magis non ens, quàm modus, quin ne in rebus quidem creatis simplicitatem lædit hujusmodi compositio, imo si accurate philosophemur, ullæ relationes, five creatæ, five increatæ, ullam compositionem important, dicuntur autem in Deo relationes essentielles, quæ communes sunt toti trinitati, & Deo competunt *αὐτῷ*; accepto: personales sunt, quæ singulis competunt personis, & uni personæ respectu alterius, prioris generis relatio est creatoris ad creaturam, posterioris generis est relatio patris ad filium. Relationes divinæ ad intra sunt, quæ terminum habent in ipso Deo, ut relatio gignentis ad gignitum, ad extra sunt, quæ terminantur extra Deum, ut relatio voluntatis divinæ, tanquam causæ, ad rem volitam extra se, tanquam causatum: atque hæcenus omnes species compositionis, quæ Dei simplicitati vel tantulum possunt derogare, ab ipso removimus, simplicitatem Dei; sequitur ejus immutabilitas.

## CAP. V.

## De Immutabilitate Dei.

*Immutabilitas Dei negat de Deo causam externam, id est, eam, quæ sit extra Deum, seu efficientem, seu finalem, efficientem, seu principalem, seu minus principalem, & ad hoc attributum commode reduci potest Dei necessitas atque immortalitas.*

**Q**UOD Deo non competat ulla causa efficiens principalis, indè clarissimè liquet, quod sit *ἀνάγκη*, & *ἀρχή*, & *αὐτίκα*, ist est, sine causa, sine principio, & à se ipso Deus? Cum autem dicitur Deus esse à se ipso, illud intelligi potest vel negativè, vel positive; negativè, quatenus non est ab alio, à quo enim esset, & si ab alio esset,

non esset Deus; positive, quatenus ipsi sibi est sufficiens ut sit, & hæc sua ipsius sufficientia, five *αὐτάρκεια*, est ratio, qua sit positive à se, non quod hæc phrasia aliquam importet in Deo efficientiam respectu sui ipsius, quod significaret Deum esse causam efficientem sui ipsius, ut calumniantur nonnulli, sed significat tantum, ipsam divinæ essentiae maiestatem atque amplitudinem, esse solum & sufficiens principium existendi à se, & non ab alio, ut si dicamus, amplitudinem potentie in aliquo homine esse tantam, ut non tantum non dependeat ab alio, sed se solo subsistat; ita essentia Dei id Deo præstat, ut non tantum non sit ab alio, sed se ipso subsistat, & sic esse à se positive, aliud est, quam esse à se efficienter, & hoc sensu convenit singulis personis Trinitatis; nam & Filius æque est *αὐτάρκης* ac Pater, & Sp. S. æque ac uterque, nam cum Filius dicitur esse à Patre, & Spiritus S. procedere ab utroque, non intelligitur id ratione essentiae, quæ in singulis personis est *αὐτάρκεια*, sed respectu subsistentiæ, quam Filius habet à Patre, per æternam processionem. Sed nec causa efficiens minus principalis in Deum cadit, quæ quidem sit extra Deum, nam causa aliqua minus principalis intra Deum, qualis est proëgumena, seu impulsiva interna, admitti potest, ita misericordia sua impulsiva fuit ad vedimendum genus humanum, per mortem Christi; sed causa minus principalis extra Deum, ut est procatactica aut instrumentalis, nulla datur, sic enim Deus dependeret ab aliquo extra se, quod est absurdum: Hinc sequitur, Deum non posse dici impulsivum, ad eligendum quosdam, ex fide aut meritis prævisis, nec ad reprobandum alios, ex infidelitate & peccatis prævisis; præterea sequitur, Deum nullis fuisse usum instrumentis in creando; Unum est, quod hic objici potest, scilicet Deo divinisque actionibus tribui objectum, hoc autem interdum esse causam procatacticam, consequenter minus principalem. Respond. objectum quidem tribui Deo; sed tantum terminativum, non motivum; at cum objectum refertur ad causam minus principalem, scilicet procatacticam, est motivum, ergo ut causa procatactica, aut minus principalis, Deo tribui nequit, ideoque cum mundus dicitur objectum



objectum divinæ creationis, significatur tantum, Deum creando fuisse determinatum in mundum, non vero à mundo aut aliquo extra se motum aut impulsum ad creandum: præterea cum objectum tribuitur Deo, aut divinæ actionibus, non tribuitur aut causa procatartica, aut minus principalis, quia hæc ante actionem causæ principalis existit atque præsupponitur. At nullum objectum Deo divinæ actionibus vel præexistit vel præsupponitur, objecta enim Deo tribuuntur, non quæ ante ipsum sunt, sed quæ ipse facit. Denique, nec causa finalis ulla datur extra Deum, omnia enim quæ fecit, propter se fecit, ideoque ipse sibi est finis, non aliquid extra se, & si aliquid extra Deum ipsi esset finis, Deuseo indigeret: sed Deus nullius rei est indigens; ideoque cum Deus dicitur omnium rerum finis, semper intelligi debet finis assimilationis, ut sc. res omnes reddat sibi similes, non indigentia, quod aliqua re indigeat, quis enim prior dedit ipsi. Quod ad Dei immutabilitatem optime referatur tum necessitas ejus tum immortalitas, sic ostendi potest: primo Necessitas, quæ Deo tribuitur est in existendo, significaturque, quod Deus non possit non existere, necesse enim est, quod non potest aliter se habere, ergo necessarium in existendo ut Deus, est quod non potest non existere, hæc necessitas optime deducitur ex immutabilitate Dei, nam si Deus possit non existere, jam mutari posset, sed mutari nequit, est enim immutabilis, quod nunc est demonstratum, ergo non potest non existere, consequenter, aut Deus non est immutabilis, & tum potest non existere, aut si est immutabilis uti est, necessario existit. Certe, quod potest non existere, ideo potest non existere, quia ab alio est, qui ut esse dedit, ita auferre potest, Sed Deus non est ab alio, quod jam demonstravimus, ergo non potest non existere, cum enim ab alio non acceperit esse, neque ab alio ei illud auferri potest. Præterea solent Metaphysici nec male, immutabilitatem Dei colligere, per inductionem, ex oppositis speciebus mutabilitatis ac mutationis, sic enim inquirunt, si Deus mutari potest, aut mutaretur quoad essentiam, aut quoad attributa, aut quoad substantiam,

aut quoad accidentia, non quoad accidentia, quia hæc in Deum non cadunt, est enim magnus sine quantitate, & bonus sine qualitate, ut pie olim dixit Augustinus: sed nec quoad substantiam, quia omnis substantia est posita in indivisibili, ideoque invariabilis atque immutabilis, & si quoad substantiam mutari posset, in aliam substantiam mutari deberet, quam quæ est Deus, at quænam illa erit, an creatura? nam præter Deum nulla alia est substantia, at Dei substantia in creaturam mutari nequit, quia sunt speciei contrariæ, sed specierum in substantiis non datur in se invicem transmutatio, neque enim ex homine brutum, aut ex bruto fieri potest homo, & cum dicitur Deus in Sacris assumptisse formam hominis, imo servi, non significatur metamorphosis aliqua, aut transformatio substantialis, neque Deus sermo, factus est caro, per mutationem aut transformationem substantiæ divinæ in humanam; neque quoad attributa Deus mutari posset, quia attributa eadem sunt cum essentia, sed quoad essentiam mutari nequit, quia hæc est simplicissima & purus actus, atqui omnis mutatio essentiz infert potentiam & compositionem. Sed denique neque mutari potest quoad existentiam, quia existentia est de ratione essentiz, quæ si fuerit immutabilis, ut est, talis quoque fuerit existentia, at immutabilitas existentiz est necessitas in existendo, ergo hæc optime reducitur ad Dei immutabilitatem, quod erat demonstrandum, sed ab hac quoque dependet ejus immortalitas, sive ut alii loquuntur incorruptibilitas, quæ significat attributum Dei, quo expers est omnis mortis ac corruptionis, quod sic demonstramus: Omnis mors & corruptio aut est ab extrinseco, aut ab intrinseco, illa violenta, hæc naturalis, sed extra Deum nil est, quod vel mortem adferre ei valeat, quid enim illud foret! intra Deum nil est, ratione cujus, vel mortalis, vel corruptibilis dici queat, quia expers est materiæ & compositionis, ut cap. 4. præc. demonstravimus, ergo & mortalitatis & corruptibilitatis, quæ ex materia & compositione ortum trahunt, & si vel ab extrinseco vel ab intrinseco foret, vel mortalis, vel corruptibilis, foret muta-

bilis, essetque in ipso potentia passiva, sed Deus non est mutabilis, quod hoc cap. nec in eum cadit potentia passiva, quod cap. præced. est demonstratum: ergo nec mortalis, nec corruptibilis: consequenter, ejus immortalitas & incorruptibilitas recte ex immutabilitate ejus hoc cap. & ex ejusdem simplicitate cap. præcedenti deducuntur, quod erat demonitrandum.

## CAP. VI.

## De Dei immensitate.

*Immensitas negat de Deo accidens loci, quatenus certo loco definiri nequit; dicitur & infinitas, & ubiquitas, & omnipræsentia.*

**N**onnulli Metaphysici infinitatem paulo latius extendunt, ut & immensitatem, quæ est infinitas loci, & æternitatem, quæ est infinitas temporis, comprehendat; nos infinitatem & immensitatem impræsentiarum sumimus pro eodem: Infinitum proprie dicitur, quod finem non habet: immensum, quod certo fine mensurari, id est, circumscribi ac terminari nequit, intelligendo per finem utrobique locum, qui finis & terminus est rei locatæ, Græce *πέρατος*; cum autem Deo adscribitur infinitas, intelligitur positiva, non negativa, id est, Deus non tantum finibus caret, quibus circumscribatur, sed omnes fines, omnesque terminos, qui cogitari possunt, replet; unde vulgo dicitur esse ubique repletive, & nullibi inclusus, nullibi exclusus: Deinde non tantum dicitur infinitus respectu nostri, ut Vorstius voluit, sic enim mundus & oceanus uterque dici posset infinitus, quatenus nulli mortali concessum est, alterutrius assignare fines, sed respectu sui, quatenus nemine cogitante in se omnes excedit fines ac terminos, & omnes replet. Porro est hæc infinitas intelligenda non tantum quoad virtutem, quatenus Deus ubique locorum virtutem suam diffundit, sed & quoad essentiam ac substantiam, quæ ipsa æque atque ejus virtus ubique diffunditur locorum, præsertim cum virtus essentia Dei in Deo non

distinguantur: Infinitas omnis secundum quantitatem aut qualitatem, proprie dictas, in totum hic à Deo est removenda, neque enim hæc in Deum cadunt, est enim magnus sine quantitate, bonus sine qualitate, &c. Præterea, Deus est infinitus non potentia, ut vulgo Deitatem faciunt divisibilem in infinitum, sed actu; nec per aliud, sed per se, scilicet ex natura sua; itaque immensitas Dei dicitur, quæ Deus est ubique locorum & essentia & virtute: hæc probatur, 1. ex Dei perfectione. Omnis perfectio possibilis Deo est tribuenda: sed immensitas est perfectio possibilis: contra, omnis imperfectio à Deo est removenda; sed certo loco includi, circumscribi, commensurari, est imperfectio: ergo. Præterea: Modus existendi sequitur modum essendi: sed essentia Dei est perfectissima, utpote cui nihil deest: ergo & talis erit existentia ejus; sed si Deus non existat in omni loco, existentia ejus non est perfecta. 2. probatur ex immutabilitate ejus, cum cap. præced. demonstratum sit, Deum esse omni modo immutabilem, certe omnium maxime ab eo removeri debet mutatio quoad locum: sed si Deus non sit in omni loco, ad illum locum moveri, consequenter, mutari posset; ergo est in omni loco. 3. quidam sic argumentantur; si Deus in omni loco operatur; ergo in omni loco est: quæ tamen consequentia non stringeret, nisi potentia operandi in Deo eadem esset cum ipsius essentia: atqui est eadem, omnia enim attributa in Deo identificantur, alioquin ubi illa duo distinguuntur, consequentia non valet; neque enim sequitur, ubicunque sol operatur, ibi est. Quomodo autem Deus sit ubique, nos latet; vulgo dicunt, eum esse in omni loco repletive, sed hoc ipsum modum omnipræsentia divina non explicat; quid enim, an hoc volunt, qui sic loquuntur, quod Deus omnia loca repleat essentia suæ immensitate sub ratione locorum tantum? at videtur Deus rebus omnibus adesse intimius, quam locatum adest loco: Id certum est, Deum totum esse in omni loco divisibili, per nullam divisionem sui, totum intra omnia, totum extra omnia, totum in toto mundo, totum in qua-

in quaque parte mundi, totum extra mundum, si aliquid detur aut fingi possit extra rationem mundi; interim, quamvis Deus ubique locorum sit præsens, peculiari tamen modo dicitur esse in celis, non quod iis concludatur, sed quia singulari modo Majestatis suæ præsentiam ibi manifestat: Neque metuendum est, si Deus dicatur esse ubique locorum quoad substantiam, etiam in inferno, etiam in locis foetidis, ne aliquid labis aut foetoris clarissimo divinæ majestatis splendori concilietur, tam parum, quam sol contaminatur ex immentis in cloacam radiis.

## CAP. VII.

## De Dei Æternitate.

*Æternitas negat de Deo Accidens temporis, quatenus est expers omnis successione, quam tempus dicit, caretque principio & fine, quæ in tempore sunt.*

**A**Nte omnia hic removenda est ambiguitas vocis. Æternum 1. dicitur id, quod est longævum ac diu durat. 2. id quod principium quidem habet, sed finem non item, & vocatur æternum à parte post, & secundum quid. 3. dicitur æternum, quod & principio & fine caret, & hoc vocatur æternum à parte ante & post, vel absolute ac simpliciter tale; tertio sensu Deus dicitur æternus. Definitur vero æternitas, interminabilis vitæ tota simul ac perfecta possessio, ubi bene notant nonnulli, pro voce vitæ, melius dici durationis seu existentie; etsi enim quod æternum est vivat, non tamen æternitas proprie vitam sequitur, sed existentiam simpliciter aut durationem in existendo; est enim species temporalitatis; sed temporalitas est entis affectio quæ sequitur existentiam, & per eam demonstratur; non autem sequitur vitam, & per eam demonstratur: ponamus enim id, quod voluit Aristoteles, mundum esse æternum, certe mundi æternitas non erit interminabilis vitæ tota simul & perfecta possessio, nisi dicamus mundum vivere; erit tamen aut existentie aut durationis possessio, mundus enim æ-

ternus perpetuo durabit aut existet: porro cum æternitas dicitur possessio seu durationis seu existentie tota simul ac perfecta, excluditur ab æternitate omnis successio: in omni enim successione pars una est post aliam; at cujus essentia tota simul ac perfecta est, nullam agnoscit partem unam post aliam: fateor, in spatio illo imaginario temporali fingi posse aliquam successionem, quemadmodum in spatio imaginario locali fingimus ac concipimus extensionem quandam in longum, latum, & profundum; attamen à successione spatii illius temporalis infiniti imaginarii ficta & concepta; non valet consequentia ad successionem aliquam ipsius rei aut Dei, in spatio illi imaginario existentis; quemadmodum quoque ex extensione spatii localis infiniti imaginarii, nulla est consequentia ad extensionem rei aut Dei in illo spatio locali existentis. Ideoque graviter erravit Vorstius, cum ex successione spatii temporalis Deo coexistentis, aliquam intulit successionem in ipso Deo; Deus enim expers est omnis successionis, & omnis successio spatii istius temporalis est imaginaria, uti omne spatium temporale est imaginarium, quemadmodum extensio spatii localis imaginaria quoque est, uti & ipsum spatium locale. Porro, Deum esse æternum, & quidem à parte ante & post, prob. 1. ex ejus perfectione: Omnis perfectio simpliciter Deo est ascribenda. Sed æternitas hæc est perfectio simpliciter. Ergo. 2. Ex Dei infinitate atque immensitate: Qui nullis terminis ac finibus, tum essentie, tum loci circumscribitur ac definitur, is quoque nullis terminis ac finibus durationis coercetur. Sed Deus per infinitatem & immensitatem suam nullis terminis ac finibus essentie aut loci circumscribitur. Ergo &c. Ratio consequentie est, quia ut res se habet in essendo, ita & in durando. 3. Ex ejus immutabilitate. Quod est ens prorsus immutabile, illud est æternum. Sed Deus est ens prorsus immutabile ex cap. 5. Ergo. Probat. Maj. Si enim non est æternus Deus, posset aut incipere, aut desinere, aut utrumque, atque quodcumque istorum dicatur, mutationem inf. rt: si enim inceperit, transibit à non esse ad esse; atqui hoc est

est mutari; si desierit, transibit ab esse ad non esse, quod item est mutari, si utrumque in Deum cadat, utroque modo mutabitur; atque hæc omnia absurda sunt, ergo absurdum est Deum non esse æternum.

## CAP. VIII.

## De Dei Beatitate.

*Beatitas Dei ponit in Deo & dicit statum omnium bonorum aggregatione perfectum; alius dicitur bonitas aut perfectio Dei.*

*Commentarius.*

**Q**uemadmodum hominis beatitudo; & summum bonum, & perfectio, idem sonant Ethicis; ita beatitudo Dei Metaphysicis, & Pneumaticæ scriptoribus plerisque eadem est, quæ summa ejus bonitas & perfectio: nos tamen cap. 2. Theor. 11. 12. & 13. perfectionem Dei quasi genus fecimus, eamque dispescuimus in beatitudinem & vitam; nunc nonnihil de perfectione Dei primum, tum de ejus beatitate philolophabimur. Tribuitur Deo perfectio omnis possibilis, id est, quæ aut dari, aut cogitari potest; perfectum in genere dicitur, cui nihil deest, sumiturque hæc vox, vel ut participium, vel ut nomen, quemadmodum doctus, & alia participia, amissa significatione temporis, in nomina degenerant, perfectum participialiter dicitur, quod aliunde suam perfectionem & complementum accepit, sic Deus non est perfectus, à nullo enim accepit aliquid, quo perficeretur aut compleretur: perfectum ut nomen dicitur, quod omnia habet requisita, quæ exigit, sive aliunde acceperit, sive non; hoc modo Deus est perfectus, nec perfectus modo, sed perfectissimus, quia quicquid perfectionis dari aut cogitari potest, in Deo reperire est, perfectio hæc Dei perfectissima, vulgo dicitur possibilis & perfectio simpliciter, excludit autem omnem imperfectionem à Deo, tam negativam, quam privativam; Imperfectio privativa dicitur, quia enti aliquid deest, quod habere debet, qualis imper-

fectio in cæco est cæcitas, cum debeat habere visum, hæc imperfectio haud dubiè à Deo removenda est, Deus enim nullo caret, quod habere debet: imperfectio negativa est, qua aliquid enti deest, non quod habere debet, sed quod habere posset, ita lapidi deest loquela, quam non quidem habere debet, sed posset, si scilicet ex lapidibus faceret filios Abraham Deus, quæ dicitur vulgo perfectio possibilis in genere entis. Sed neque talis imperfectio negativa in Deum cadit, nam Deo nulla deest perfectionum, quæ in genere entis sunt possibiles; perfectio enim possibilis dicitur, à respectu ad potentiam divinam, estque omnis illa, quæ à Deo produci potest: atqui omnis talis perfectio, quæ à Deo potest produci extra se, multò magis reperitur intra se; hæc perfectio Dei, cum respicit ejus statum, vocatur beatitas & Majestas, quæ vocabula significant attributum Dei essentialia, ex prioribus omnibus attributis jam enarratis quasi aggregatum, significatque Deum esse talem, qualem ejus essentia & opera esse testantur, certe qui est unus, simplicissimus, independens, immutabilis, immensus, æternus, is non potest non esse beatus: sed Deum esse talem, jam ante est demonstratum; ergo, &c. Major prob. quia beatitudo Dei nihil aliud significat, quam confluxum & coactionem omnium istarum proprietatum, & attributorum in Deo; quin amplius; Deus ita beatus est, ut solus sit beatus, neque enim in ulla creatura ita confluunt omnes & singulæ perfectiones possibiles, uti quidem in Deo, creaturarum enim singulæ aliquam habent perfectionem, quam aliæ non habent, ideoque nullæ creaturarum sunt simpliciter absoluteque beatæ. Sed Deus omnium creaturarum perfectiones in se continet, & præter eas insuper alias sibi proprias: ergo est summe beatus & solus beatus: creaturæ omnes, etiam quæ videntur esse beatissimæ, mutua tamen egent opera: at Deus nullius opis est indigus. Notandum autem hic venit, perfectiones creaturarum in Deo quoddam contineri formaliter, quoddam eminenter: formaliter, cum talis perfectio in Deo reperitur, qualis in creaturis, sed non tali modo ut sapientia, bonitas, &c. Deus

Deus enim verè & formaliter sapiens est ac bonus, non tamen eo modo, quo creaturæ, sunt enim sapientia, bonitas, in creaturis accidentia, in Deo non item: eminenter, dicitur perfectio creaturarum esse in Deo, quatenus habet aliquid eminentius, in se, quàm sunt ipsæ creaturarum perfectiones, sic perfectio hominis est, cognoscere res per sensus, & per discursum: sed hæc perfectio formaliter non est in Deo, verum aliquid eminentius, nam unico actu & ictu incomprehensibili intellectus sui lumine, Deus penetrat omnia ista, quæ per sensus aut discursum à creaturis cognoscuntur, quatenus igitur quodcunque perfectionis est in creaturis, easque facit in suo genere beatas, adhuc perfectiori modo est in Deo; & præterea quædam perfectiones sunt in eo, quæ non sunt in creaturis, Deus dicitur beatus & summe beatus, significatque beatitas Dei, statum ejus, omnium perfectionum possibilium ac conceptibilium aggregatione affluentem.

## CAP. IX.

## De Vita Dei.

## Theorema.

*Vita Dei ponit in Deo perfectionem actuosam, qua intelligit, vult, & quæ intelligit ac vult, potest.*

## Commentarius.

**V**ita interdum tribuitur rebus inanimatis, in quibus insignis cernitur motus, quo sensu dicitur argentum vivum, calx viva, & aqua seu spiritus vitæ, proprie tamen competit rebus animatis, de quibus iterum dicitur dupliciter, vel ut significet viventis differentiam, & à non vivente, & ut Aristotelice eam describamus, actum substantialem corporis organici, potentiam vitæ habentis, vel, ut significet vita qualitatem beatam, & conditionem lætam, quo sensu dicit Martialis: *Non est vivere, sed valere vita.* & acclamari solet Regibus, *vivat Rex.* Præterea, vita sumi potest vel prædicamentaliter vel transcendentaliter. Prædicamentaliter, prout tribuitur plantis, animalibus, hominibus, rebus in prædicamento

substantiæ dispositis: hæc, ut ipsa anima, à qua derivatur, est triplex, vegetans, sentiens, & rationalis; hæc vita triplex, prout ab Aristotele statim fuit definita, in solis reperitur creaturis, nec Deo assignari potest, quia hæc vita significat esse aliquod incompletum, id est, destinatum ad complendum essentiam ejus materiæ aut corporis ante non viventis, cujus est actus. Transcendentaliter vita significat essentiam actuosam, id est, actu se exerentem per internas operationes intelligendi ac volendi, & interdum etiam per actiones externas, extra se terminatas, quo sensu Deo tribuitur vita, quamvis & ipsi tribui posset eo sensu, quo diximus sumi pro vita felici, uti statim diximus acclamari Regibus, *vivat Rex.* sed prior sensus huc maxime pertinet: atque hoc modo vitam Deo esse tribuendam: sic probamus; 1. ex perfectione: Omnis perfectio simpliciter Deo est tribuenda, sed vivere est perfectio simpliciter. Ergo. 2. ex spiritualitate: Omne enim ens spirituale est vitale, At Deus ens est spirituale, ergo. Notandum autem est vitam in Deo non significare accidens, potentiam, aut actum primum vivendi distinctum ab ipsa operatione vitali, quemadmodum actus primus vitæ, distinguitur ab actu secundo vitæ, hoc enim repugnaret ejus simplicitati, quæ compositionem ex actu primo, qui nihil aliud est quam potentia, & actu secundo, non admittit: est enim simplicissimus ac purus actus Deus, ut nunc non dicam sic in Deo datum iri aliquod in suo esse ab alio, sed nihil tale in Deo datur aut dari potest, quid igitur fuerit actus formale, quod vita superaddit essentia in Deo, nimirum vita Dei formaliter nihil est aliud, quam actus purissimus ac simplicissimus, quo Deus se ipsum actuat, non per aliquod extra se, sed per se ipsum, quod putem significari ista phrasi scripturæ, quando dicitur Deus habere vitam in se ipso, creatura enim omnis vitam habet ab alio, & hæc quoque causa est, cur Deus non tantum dicitur vivens, sed vita, quia non participatione ab alio, sed per essentiam suam vivit, est itaque vita Dei, ipsa essentia Dei, inadæquato conceptu apprehensa, cum actione sui ipsius. Gradus autem vitæ divinæ, prout eam nos concipimus,



mus, ab omnibus ponitur intellectus & voluntas; addidimus nos & potentiam, quam tamen alii eandem faciunt cum voluntate; quod si intelligatur sic; ut à parte Dei identificentur, libenter damus; nam non tantum potentia & voluntas, sed & intellectus & omnia attributa inter se, ac cum essentia divina, eadem sunt. At vero, quia Deus quidem potest quæ vult, sed non omnia vult quæ potest, nos hæc duo attributa distinximus, tanquam quæ de Deo enuntiata faciunt diversos sensus formales, ideoque præter intellectum & voluntatem, tertium addidimus vitæ divinæ gradum, potentiam.

## CAP. X.

## De Scientia Dei.

*Scientia Dei est, qua omnia & singula verè atque infallibiliter uno, æterno, ac simplicissimo actu, simul & semel, intelligit perfectissime ac distinctissime.*

## Comment.

**C**irca scientiam Dei latissimus se aperit differendi campus, in quo ut versetur feliciter, ordine procedemus. I. Scientia Dei non est in ipso per modum habitus, aut potentiae, aut accidentis, adinstar scientiæ humanæ; sic enim in Deo foret accidens, quod est contra ejus simplicitatem cap. 4. demonstratum; sed scientia Dei est ipsa Dei essentia, & per modum actus puri atque ultimi, ideoque nunquam debet dici, quod interdum sit potentia, interdum actu; essentia enim Dei, cum qua eadem est scientia, uti omnia attributa divina, identificantur cum essentia & inter se, nunquam est aliquando actu, aliquando potentia: hinc sequitur, scientiam Dei, nec per species fieri intelligibiles, nec per discursum; nam utraque ratio intelligendi, imperfectionem involvit; & Deus omnia cognoscit per essentiam, eam intuenso: ergo nihil opus est speciebus intelligibilibus: & Deus, cum uno actu omnia intelligat, non potest discurre, quia discursus plures actus notat. II. Scientia Dei non est apprehensiva, sed comprehensiva, quia cognoscendo exhaurit omne, quod est in re cognita: est intuitiva, non abstracti-

va; quia omnia cognoscit in essentia sua, quam intuetur, & in qua omnia representantur: abstractiva insuper scientia imperfectionem notat; at scientia Dei est perfectissima, & quidem variis modis. 1. Essentialiter; quia est entis perfectissimi, & cum eo idem. 2. Intensive, non ad modum qualitatibus, sed quia omnis perfectio, quæ in scientia inveniri potest, invenitur in scientia Dei; est enim vera ac nulli falsitati obnoxia; certa, atque excludens omnem errandi aut dubitandi formidinem, clara & evidens, quia omnium rerum novit causas. 3. Extensive; quia Deus cognoscit omnia, & se, & alia quæcunque præter se; hinc patet, quodnam sit, objectum scientiæ divinæ; nimirum ipse Deus, tanquam primarium; & creaturæ, sive possibiles, sive præteritæ, sive præsentis, sive futuræ, tanquam secundarium; atque hoc ex perfectione ejus evincitur; quod enim ens perfectissimum est, ut Deus, non potest se ignorare; hoc enim maximæ esset imperfectionis; sed præter se intelligit omnia alia, idque vi ejusdem perfectionis divinæ, nam & hæc imperfectio est, quæ in Deum cadit nulla; quomodo vero omnia alia cognoscit, non est tam facile explicatu, nos incedemus per classes. I. Cognoscit Deum tum entia realia, tum entia rationis; inter entia realia, tum possibilia tum futura; inter futura, tum necessaria, tum contingentia, tum bona, tum mala, imo & impossibilia cognoscit, ac non entia; de ente reali extra se posito, aut ponendo, quin illud cognoscat Deus, nullum est dubium; quia alioquin Deus non foret omniscius, quod est absurdum. Præterea, cum entia realia dicuntur possibilia in ordine ad potentiam Dei, uti futura in ordine ad voluntatem ejus; Deus cognoscendo suam potentiam & voluntatem, eo ipso cognoscit entia realia, quæ ut possibilia potentiae, & ut futura, voluntati ejus obijciuntur; hoc enim tenendum est, cum Deus dicitur intelligere res extra se, quod eas non intelligat in se ipsis, sed in essentia sua in qua representantur, aut in attributis suis, quæ cum essentia ejus identificantur. II. Intelligit quoque entia rationis, non tamen ea facit; hoc enim imperfectionis est, illud non item; nam ut quis entia rationis faciat, requiritur varia intel-

lectus



lectus operatio, scilicet & entium realium apprehensio simplex, & eorumdem inter se collatio, & unius ab alio abstractio; at tam variae actiones intelligendi cum Dei pugnant simplicitate; at non pugnat cum Deo, entia rationis, quæ non facit, cognoscere; novit enim non tantum ea quæ ipse facit, sed & quæ ab aliis fieri permittit, & quæ si faceret, imperfectionem in ipso importarent. 3. Ex entibus realibus cognoscit Deus tum possibilia, tum futura, uno simplici actu intelligendi, sed quem nos modo nostro concipiendi, ut tanto facilius rationem scientiæ divinæ intelligamus, in duos discernimus; ac scientiam in Deo possibilem vocamus simplicis intelligentiæ, futurorum visionis; quarum illa concipitur antecedere omnem voluntatis divinæ decretum, hæc sequi; quamvis utraque & ipsum Dei decretum ab æterno simul sint: Prior vocatur quoque necessaria, naturalis & indefinita; posterior libera, voluntaria ac definita; quia prior circa nullam rem certa temporis circumstantia definitam intelligendo versatur, posterior contra rem cognoscit circumstantia temporis, vel futuri, vel præsentis, vel præteriti, definitam. Cum priorem occupari dicimus circa possibilia, non excludimus impossibilia; scientia enim est oppositorum, sed possibilia hic opponuntur futuris; hinc duplex rerum status ortus est Scholasticis; unus possibilitas, alter futuritionis, inter quem voluntas divina concipitur intercedere media, & rem ex statu possibilitatis transferre in statum futuritionis: Deus res cognoscit in utroque statu; in priori antecedenter ad illum voluntatis suæ actum; in posteriori consequenter ad illum; qui ordo intelligendus est tantum ratione nostri intellectus in concipiendo; secundum quem ordinem dicunt quoque Scholastici, volitionem Dei esse causam scientiæ visionis, quæ tamen phrasîs est duriosula; prius quidem nos concipimus, Deum ex possibilibus velle aut decernere hæc vel illa esse futura, & tum concipimus Deum scire illa esse futura, quæ voluit; ubi quidem voluntas est causa rerum scitarum futurarum; non recte tamen dicitur, actus volendi futura, in Deo esse causa actus sciendi futura volita in eodem Deo. Porro, cum Deo tribuitur præscientia, pro-

prie intelligitur scientia visionis, ratione futurorum, quæ ipsa præcedit, & non scientia simplicis intelligentiæ, quæ, licet quoque præcedat futura, non tamen ideo dicitur præscientia, quia objectum ejus proprie non sunt entia, qua futura, sed qua possibilia. 4. Inter futura, quæ cognoscit Deus scientia visionis, cognoscit tum bona, tum mala, utraque vi decreti præcedanei, quo Deus decrevit & bona, & mala, sed bona efficere, mala permittere; & sic Deus cognoscit bona in decreto effectivo, mala in decreto permissivo, quomodo utraque cognoscat, postea dicitur: intelliguntur hic verò mala culpæ, sive turpia. 5. Scientia in Deo visionis futurorum, est tum contingentium, tum necessariorum: dicuntur verò hic futura, vel necessaria, vel contingentia, respectu causarum secundarum, non primarum, ratione cujus omnia futura præscita sunt, & sunt necessaria: quod enim præcivit futurum, necessariò est futurum, quia ejus præscientia falli nequit, tantò magis, quia id quod præcivit futurum, decrevit futurum; ideoque necessario fiet: ut enim scientia Dei est infallibilis, ita voluntas ejus est immutabilis, & utraque necessitatem imponit rebus futuris, sed derivatam ex parte Dei, quæ non tollit contingentiam in rebus quibuscumque futuris, ex parte illarum: dicuntur verò futura quædam necessaria, quædam contingentia ex parte causarum secundarum, quorum illa sic fiunt à causis secundis, ut hæc non habeant potentiam ista futura non producendi, non tantum in sensu composito, & pro præsentî tempore, quo ea producunt, sed ne quidem in sensu diviso, & tempore alio: at hæc sic fiunt à causis secundis, ut hæc habeant potentiam, illa futura non producendi, non quidem in sensu composito, & pro tempore præsentî, quo ea producunt, sed tamen in sensu diviso, & tempore alio. Porro hæc contingentia futura, sunt vel absolute talia, vel conditionatè; quin Deus sciat contingentia futura absolute, scientia visionis nulli dubitant, quia ea decrevit futura absolute; at scientia visionis decretum Dei sequitur; sed an eadem scientia sciat contingentia futura conditionate, quæ non decrevit futura, nisi sub con-

ditione, an verò ea cognoscat scientia simplicis intelligentiæ, an verò scientia quadam tertia, quam mediam vocant, & conditionatam, acerrimè controvertitur: Ego simpliciter sic respondeo: Si ipsa conditio, sub qua cognoscitur res contingenter futura, fuerit à Deo decreta, æquè ac res ipsa, quæ sub illa conditione est futura, cognoscitur futurum contingens conditionate, per scientiam visionis; sed conditio ipsa non sit decreta, sed res tantum futura sub conditione, tum res contingens futura conditionate cognoscitur per scientiam simplicis intelligentiæ, & ratio est, quia res futura contingenter sub conditione, quæ nondum est decreta, est in statu tantum possibilitatis, & merè possibilis: at sic est, objectum simplicis intelligentiæ, ideoque tertia aliqua scientia media ac conditionata nihil est opus. Porro dicit Theorema, Deum uno & simplicissimo actu, simul ac semel, omnia intelligere; quæritur, quomodo hoc consistat cum duplici ejus scientia, simplicis intelligentiæ, & visionis? Respondeo, illam esse divisionem scientiæ divinæ, non ex parte Dei, sed ex parte nostri, hoc est, Deus & possibilis, & futura, illa objectum simplicis intelligentiæ, hæc visionis, uno actu & indivisibili intelligit, imò seipsum, seu essentiam suam contemplando, eo ipso cognoscit omnia extra se aut ponenda, aut poni possibilia, utpote quæ in essentia ejus tantum in speculo resurgunt: sed nos quæ in Deo sunt simplicissime, non possumus simpliciter ac uno mentis actu intelligere, ideoque, uti nos primum cognoscimus possibilia, inde quæ ex possibilibus sunt futura, ita ad instant cognitionis nostræ apprehendimus cognitionem factam à Deo, cum tamen sicut infinitis parafangis superior nobis est Deus, ita infinitum distet divina intellectio ab intellectu humana, & valet hic illud Prophetæ: Vix ejus non sunt sicut vix nostræ; quare illa scientiæ divinæ distinctio tantum notat diversa momenta, quibus nos utimur in divina cognitione, quantum nobis est datum, concipienda, quod autem non detur tertium momentum, pro scientia tertia, vulgo media, ac conditionata, sic optime potest probari: Cujus nullum est, aut dari potest objectum distinctum ab objecto utriusque scientiæ jam dictæ, & Deo,

juxta modum nostrum concipiendi, attributæ, ejus quoque nulla datur scientia ab utraque hac distincta. Sed nullum datur objectum, nec dari potest, scientiæ tertiæ, distinctum ab objecto utriusque scientiæ divinæ jam dictæ. Ergo, &c. Major vera est, quia valet consequentia à negato objecto, ad negationem habitus, omnis enim habitus objectum præsupponit. Minor sic probatur: Quæ immediatè opponuntur, inter ea non datur tertium distinctum. Sed objecta scientiæ simplicis intelligentiæ & visionis in Deo immediatè opponuntur, Ergo, &c. Probatur minor: Possibile & futurum immediatè opponuntur, si scilicet spectentur utrimque in ratione sua formali. Sed hæc sunt objecta utriusque scientiæ divinæ. Ergo, &c. Major probatur: Possibile negat futurum, & futurum quia tale non est amplius possibile, nam qui dicit possibile, nil affirmat aut negat, futurum aut non futurum, at futurum jam dicit transitum rei possibili, ex statu possibilitatis, in statum alium futuriæ scilicet quod in futuris absolute per se patet; sed quid dicendum est de futuris conditionatæ? Resp. illa esse spectanda ut possibilia, quamdiu conditio ipsa nec fuerit nec concipiatur decreta, at illa decreta, vel sic concepta, jam sunt simpliciter futura, ut statim fuit dictum.

## CAP. XI.

## De Voluntate Dei.

*Voluntas Dei est, quæ vult omne verum & bonum: hæc pertinet Dei veracitas & bonitas.*

**A**Nte omnia accurate hic discernendum est inter significationes ambiguas & velle; hoc enim vel significat amare, & tum ei opponitur, nolle, id est, odisse; vel significat decernere ut aliquid fiat, Deo illud vel efficiente, vel permitte, & tum ei opponitur nolle, id est, velle ut aliquid non fiat, nam in Deo non datur velle, quia est purus actus.

Objectum voluntatis divinæ, ut significat hæc amare, est tantum bonum, sicut objectum noluntatis, in quantum hæc significat odisse, est tantum malum: at verò objectum voluntatis divinæ, ut significat decernere, est tum bonum, tum malum, nam utrumque  
Deus

Deus decernit ut fiat, bonum efficiendo, malum permittendo : objectum voluntatis divinæ, ut illa significat decernere ut aliquid non fiat, est tum bonum, tum malum. Præterea objectum voluntatis amantis, est verum, voluntatis repudiantis, est falsum : at objectum voluntatis decernentis, five ut fiat, five ut non fiat, est tum verum, tum falsum. Notandum autem est, quod voluntas Dei sit causa omnis bonitatis ac veritatis in rebus, non item falsitatis aut malitiæ; undè rectè dicitur, illam esse causam omnis veritatis ac bonitatis in rebus : Quando autem vulgo objectum ponitur voluntatis divinæ primum, Deus, secundum, res extra Deum; utrumque illud dextrè est intelligendum, si enim velle sumas pro decernere, nullo modo objectum voluntatis divinæ est ipse Deus, neque enim aliquid circa se decernit, sed dicitur Deus se ipsum velle, in quantum se ipsum amat, sed creaturas extra se vult utroque modo, id est, amat & decernit, decernit faciendis, amat & faciendis & factis. Quod divinæ voluntati objicitur ut revera bonum, id amat & decernit, imò facit, si sit bonum extra se; quod ejus voluntati objicitur, ut in se quidem malum, sed tamen in quo aliquam rationem boni videt, si non honesti, saltem utilis, id non amat, sed odit; attamen decernit, non quidem facere, sed permittere : si autem nihil sit verum & nihil bonum, nisi quod Deus velit, ut ipsius voluntas sit causa omnis bonitatis & veritatis in rebus, (nam de veritate & bonitate rerum extra Deum philosophamur) sequitur, nihil antecederet ad Dei voluntatem esse bonum aut verum, nam effectum nunquam est ante causam: Deus ipse quidem & bonus & verus est, antecederet ad voluntatem suam, in quantum hæc significat decernere, neque enim idèd est talis, quia talis esse decrevit; sed nulla creatura aut vera est aut bona, nisi quia talem eam decrevit Deus; idèd enim homo; verus est homo: quia Deus eum voluit esse animal & rationale, & ideo est bonus, id est, conveniens Deo, per modum medii, ad gloriam Dei, inquam ad finem, quia Deus ita voluit, cum enim fecerit eum propter se, hæud dubiè talem facere voluit: at si velle significet amare, & se voluit, & alia omnia quæ

fecit, non item quæ permisit. Sed de objecto, & divisionibus voluntatis divinæ, non quidem ex parte Dei, sed ex parte nostri intellectus, paulo specialius est agendum.

Objectum voluntatis divinæ in Theoremate assignavimus tum verum, tum bonum; Verum est simplex vel complexum; illud affectio entis, hoc enunciationis; veritas simplex & entis vulgo dicitur convenientia rei cujuslibet cum suis principiis, & definientibus, & constituentibus, ita verus homo est, in quo reperiuntur vera principia hominem constituentia, anima rationalis & corpus, & definientia, animal & rationale: hujus sane veritatis causa in rebus creatis, est sola Dei voluntas; nam hæc est causa rerum, non tantum quod sint, sed quod sint talis, aut talis speciei; est enim causa non tantum existentie, sed essentie in rebus creatis, ideoque non tantum homo existit, quia Deus vult, id est, decrevit eum existere, sed cum existit, est animal, non planta, est rationalis, non irrationalis, quia Deus vult ipsum esse animal, & esse rationale: itaque rectissime dicitur voluntas Dei causa, non tantum omnis entitatis, sed & veritatis. Si homo est animal, & est rationalis, & est verus homo, cum utrumque habet, quia Deus vult: Ergo potuit non esse animal, & non esse rationalis, si scilicet Deus non voluisset ipsum esse talem: sed posterius est falsum, Ergo & prius. Probat minor: quia essentia, & res essentiat, non possunt à se invicem divelli: At si potuisset esse homo, & tamen non animal, nec rationalis, si scilicet Deus noluisset hominem esse talem, jam essentia, & res essentiat à se invicem divellerentur. Resp. An homo potuerit esse, & tamen non animal, nec rationale, antecederet ad Dei voluntatem, multis videtur difficillimum esse explicatu; sed ego nego simpliciter potuisse fieri antecederet ad voluntatem Dei, ut homo esset multo minus, qui non esset & animal, nec rationalis, nam omnis entitatis rei creatæ datur consequenter ad Dei voluntatem, ergo & hominis: fateor equidem, essentiam & rem essentiatam non posse à se invicem divelli, & postquam Deus voluit hanc fore essentiam hominis, ut esset & animal, & rationalis, fieri ne-

quit, ut homo sit, & non sit talis, antecedenter autem ad Dei voluntatem nondum certum est, hanc fore essentiam hominis, ut sit, & animal & rationalis, nam per scientiam simplicis intelligentiæ Deus tantum nescit possibilem nexum extremorum, eorumque non repugnantiam, ideoque antecedenter ad Dei voluntatem possibile quidem erat, & non repugnans, esse hominem, & esse animal rationale, sed per voluntatem Dei demum fit, ut qui futurus est homo, idem sit futurus & animal, & rationalis, ideoque actualis connexionis extremorum causa, est sola Dei voluntas, ideoque veritas simplex, atque entis, non male dicitur convenientia rei cuiuscunque cum voluntate Dei, scilicet decernente; ac tum homo est verus homo, quando ea in se habet, quæ ad veri hominis constitutionem exigunt seu requiri voluit aut decrevit Deus: sed ea voluntas divina quoque est causa veritatis complexæ, quæ est orationis. Resp. haud dubie; si enim veritas complexa fundetur in veritate simplici, utique, quæ voluntas divina est causa veritatis simplicis, eadem est causa veritatis complexæ, à simplici derivatæ; sic, qui Deus sua voluntate est causa, quod homo sit, & quod sit animal, & quod rationalis, consequenter, quod sit verus homo, idem per eandem voluntatem est causa veritatis in hac enunciatione, homo est animal homo est rationalis, &c. Sed hic queri potest, an voluntas Dei quoque sit causa veritatis in principiis primis, & axiomatibus per se notis, ut bis bina sunt quatuor, totum est majus sua parte; hæc enim multis videntur vera antecedenter ad omnem voluntatem Dei. Respond. horum ipsorum veritas à Dei pendet voluntate, & ideo bis bina sunt quatuor, & totum est majus sua parte, quia Deus sic voluit, & per voluntatem instituit: nam si Deus non voluisset esse bina, aut esse quatuor, aut non esse totum, aut non esse partem, utique non fuissent hæc vera, bis bina sunt quatuor, totum est majus sua parte: nunc, postquam voluit extare duo, & quatuor, totum, & partem, terminos simplices, etiam voluit hanc veritatem complexam, bis bina sunt quatuor, & totum est majus sua parte; adeoque omnem veritatem tum simplicem, tum complexam, sive principiorum, sive conclusionum, determinavit divina

voluntas. Alterum divinæ voluntatis objectum in Theoremate assignatum, est bonum. Cum autem bonum sit vel finis, vel medium, utrumque Deus vult uno quidem & simplicissimo voluntatis actu, sed quem nos in duos quasi dirimimus; unde est quod concipiamus alium divinæ voluntatis actum circa finem, alium circa media. Porro, cum bonum, quod est finis, sit bonum honestum; medium, sit bonum utile; utrumque Deus vult, & hoc facile probari potest: Quodcunque enim naturæ divinæ maxime est proportionatum ac conveniens, illud recte assignatur objectum voluntatis divinæ: sed bonum est tale quocunque accipitur modo: ergo, &c. Quæri hic solet à Scholasticis, an solum bonum sit objectum voluntatis divinæ, an non etiam malum? Seu, ut alii hanc questionem proponunt, an Deus possit dici velle non tantum bonum, sed & malum? Resp. quod sic, si velle sumas pro decernere, & non pro amare; & malum sumas, non quale tale, sed quæ est bonum utile ac conducibile fini obtinendo, quem sibi Deus præfixit, nempe qui vult finem, idem vult media: sed Deus vult manifestationem gloriæ suæ, tum misericordiam, tum iustitiam, tanquam finem, ergo & vult peccatum, tanquam medium, utpote sine quo nec iustitiam nec misericordiam suam manifestare potest; quin amplius, ipse Deus, quamvis non amet malum, decrevit tamen illud permittere, ut fieret, tanquam medium conducibile ad finem, sibi à se præstitutum, ideoque ipse ordinavit peccatum, tanquam medium, quo manifestaret iustitiam, cum puniret; & misericordiam, cum condonaret: atque hic Metaphysica illa distinctio, inter essentiam & existentiam peccati, commodè adhiberi potest; essentia peccati non est bona; est enim peccatum in abstracto, sive malitia, bonitatis privatio ac negatio; existentia tamen peccati bona est, in genere boni utilis, non honesti, ut medium, non ut finis: Hoc sensu ex *Bradwardino* & aliis Scholasticis sanioribus recte dixit *Twissus*, peccatum existere bonum est, quatenus illud utile est ad manifestationem, tum iustitiæ, tum misericordie divinæ; & quid aliud voluit Apostolus, cum diceret? Deus conclusit omnes,

id est, omnis generis homines, sub peccato, ut omnium, id est, omnis generis hominum, miseretur; & certe, sine quo impossibile fuit Deo, ut iustitiam suam aut misericordiam manifestaret, illud ex se erat ordinabile, & à Deo ordinari quasi debuit ad illum finem: sed sine peccato impossibile erat Deo suam &c. ergo, &c. Et hoc est quod ex Augustino dici solet, *Deus malum non permisisset, nisi ex malo bonum elicere decrevisset, ac potuisset.* Neque est quod vereamur aliquam labem aut maculam affricari sanctissimo Deo, de ipso futuro autore, & causa peccati; hæc enim vetus, ac rancida calumnia sic retunditur; cum Deus dicitur velle peccatum, tanquam medium, & bonum utile, ad manifestationem iustitiæ, in eo puniendo, & misericordiæ, in eo condonando, non dicitur velle id facere, aut ipse committere, sed dicitur tantum velle permittere, ut fiat à creatura sua; Is autem est autor & causa peccati, qui ipse peccatum facit ac committit, non autem qui permittit, præsertim, cum id impedire non teneatur, & permittendo finem assequitur sibi præfixum: at Deus volendo peccatum fieri, se permittente, ipse non facit aut committit illud; nam ille demum peccatum facit ac committit, qui legem transgreditur; peccatum enim est transgressio legis: at nemo legem transgreditur, nisi cui lex est posita: ergo eam transgredi nequit; consequenter nec peccatum facere aut committere potest, utcumque illud permittat fieri ac committi à creatura sua, cui legem posuit, & quam illa transgreditur; nam ineptissima est consequentia, quicunque vult peccatum, is est autor peccati: Sic enim distinguo: quicunque vult peccatum sic ut ipse faciat ac committat illud, is est autor peccati; sed quicunque vult peccatum sic ut ab alio fiat, se permittente, is non est autor peccati: itaque voluntas Dei effectiva facit Deum autorem & causam rei decretæ, sed non permissiva; non minus tamen hæc est efficax, quam illa; nam tam efficaciter fit malum, quod Deus voluit fieri se permittente, quam bonum quod fieri voluit se efficiente; itaque male confunduntur à nonnullis voluntas Dei efficax & efficiens: omnis quidem voluntas Dei est efficax, sed non ef-

ficiens: concludamus ergo; Deus vult bonum, honestum & utile, finem & medium; vult quoque malum, sed non ut malum, verum ut bonum, non quidem honestum, sed utile; non ut finem, sed ut medium, in quantum scilicet Deo conducit ad finem sibi præfixum, manifestationem gloriæ suæ, tum in puniendo, quæ est ejus iustitia, tum in condonando, quæ est ejus misericordia.

Varie sunt divisiones divinæ voluntatis institutæ, non ratione Dei, sed ratione nostrorum conceptuum: inter eas famosissima est divisio in voluntatem beneplaciti & signi; alii vocant voluntatem arcanam & revelatam; estque hæc divisio non tam rei, quam vocis; nam voluntas signi seu revelata nomen voluntatis non meretur, neque est proprie dicta voluntas, & melius diceretur signum voluntatis divinæ revelatum, quam voluntas signi, aut revelata; quippe nil aliud denotat, quam quid Deus velit à creaturis suis fieri; quod, quia revelavit in verbo suo, ideo dicitur voluntas revelata, & signi, quia verbum Dei est signum eorum, quæ à nobis vel fieri vult, vel non fieri; ideoque hæc voluntas signi continet præcepta, prohibitiones, promissiones, minas, &c. quibus ad faciendum vel non faciendum moveri potest atque impelli homo, sed sola ac proprie dictis voluntas est in Deo beneplaciti, seu decreti, seu arcanæ, qua ab æterno Deus voluit, ac decrevit, & ipsi placuit omnia fieri, bona, se efficiente, mala, se permittente. Quæri hic solet, an voluntas beneplaciti ac signi non pugnent in Deo? & sic fere videtur; quia significavit Deus Abrahamo, ut Isaacum immolaret, quæ est voluntas signi, & tamen voluntate beneplaciti decrevit Isaacum non esse immolandum. Respondeo neutiquam pugna-re voluntatem beneplaciti & signi in Deo, & ad exemplum allatum dicimus esse distinguendum, inter objecta utriusque voluntatis, tum beneplaciti, tum signi in Deo, & inter fines Deo præpositos: Deus quidem voluntate signi voluit, hoc est, significavit, ut Isaac immolaretur in eum finem, ut exploraret fidem Abrahami; at voluntate beneplaciti voluit eum non immolari; itaque hæc duo simul quasi decrevit, & Isaacum non esse immolandum, & tamen mandatum esse dandum Abrahamo de



de immolando Isaac, ut sic fides ejus exploraretur, atqui hæc duo non pugnant, decernere ut exploretur fides Abrahami per mandatum de Isaac immolando, quare cum sit non idem objectum hic voluntatis beneplaciti & signi, dici nequit, quod illæ voluntates in Deo pugnent, quia omnis pugna, & oppositio, & contrarietas, est circa idem objectum; hinc solvi potest illa difficultas quam inter sese movent quidam Theologi, an fidei divinæ possit subesse falsum; Resp. quod non. Si dicas atqui Abraham tenebatur credere Deo, significanti Isaacum esse immolandum, quod tamen ex eventu & experientia deprehensum est falsum. Resp. quod Deus non decreverit Isaacum esse immolandum, ideoque eventus non oblectatus est decreto Dei, sed ei respondit, atque sic ibi nulla est falsitas. Præterea decrevit explorare fidem Abrahami per mandatum de Isaac immolando, & eam exploravit, neque hic ullus falsitati est locus: Abraham erat intencus decreti Divini, ideoque non potuit credere falsum; sed si scivisset Isaacum non esse immolandum, & tamen credidisset Deo, significanti ipsum esse immolandum, sane tum credidisset falsum; nunc cum hoc non scivisset, Deo credens, nihil credidit falsum, adeoque isti fidei divinæ, hoc est, qua Deo credidit, nullum potuit subesse falsum. Credere debuit Abraham, & credidit testimonio ac significationi divinæ qua significavit Deus Abrahamo ut Isaacum immolaret, sed cum nesciret quid à Deo esset decretum, non potuit credere falsum, nam falsitas in eo sita est, ut quis credat id futurum, quod novit non futurum.

Altera non minus celebris est divisio voluntatis divinæ in antecedentem & consequentem; qua pessime abutuntur Pelagiani veteres ac novi, & omnes universales gratiæ patroni: Antecedentem vocant Scholastici velleitatem, alii voluntatem suspensam; dicuntque eam esse, qua Deus vellet omnium & singulorum hominum salutem, & de hac intelligunt illum locum Apostoli, quo dicit, Deum velle, ut nemo pereat, sed ut omnes ad salutem perveniant; hinc dicunt Deum omnibus offerre parem gratiam & æqualia auxilia ad salutem perveniendi, verum post-

quam Deus per scientiam suam mediam ac conditionatam, quam Deo tribuunt, sed male, ut ante vidimus, aliquos bene usuros gratia & auxiliis oblati, alios male, ponunt in Deo voluntatem consequentem, qua velit salutem tantum eorum, qui oblata gratia utuntur bene, & exitium eorum, qui utuntur male; qui ideo vocatur ipsis consequens, quia antecedentem illam ac præsertim ipsam scientiam mediam, & prævisum bonum vel malum usum liberi arbitrii consequitur. Hinc nata est opinio Pontificiorum de electione ex prævisis meritis, & Remonstrantium ex fide prævisa: verum enimvero præterquam quod talis scientia media aut conditionata in Deo sit nulla, ut cap. præced. 1.º est ostensum, etiam summa sit injuria divinæ majestati ac perfectioni; cum Deo adscribitur antecedens talis ac suspensa voluntas seu velleitas: quid enim illa aliud ponit, quam desiderium quoddam Dei inefficax, quod eventum non sortitur? vellet quidem istum finem, salutem scilicet omnium & singulorum hominum, sed impotens Deus eam assequi non valet, nisi præviderit quid sit placitum libero hominis arbitrio, cui cum in quibudam hominibus prævidet non placere mediis ad salutem oblati uti, deprehendit eos beari, aut ad salutem pervenire non posse, & sic sine suo excidit, nec bonitati aut misericordiæ divinæ satisfacit, quo bonus Deus & misericors omnium & singulorum hominum vellet misereri, modo vellent homines omnes & singuli amplecti ista media & auxilia, sine quibus æternæ vitæ participes esse nequeunt; atqui an non hoc est directe arietare in sapientiam ac potentiam divinam? Certe insipientis est, sibi præfigere finem, quem non posset assequi; & non posse assequi finem sibi præfixum, impotentia est: at utrumque Deo adscribit hæc voluntas antecedens, quam quoque suspendunt à voluntate humana, & conditionibus in ea positis; unde & conditionata ipsis vocari solet, quia scilicet Deus tum demum vult salutem hujus vel illius hominis, ubi præviderit eum crediturum, & bene usurum viribus liberi sui arbitrii, quæ conditiones prærequiruntur in homine hoc aut illo, antequam Deus possit velles ejus salutem, nempe sic philosophantur isti homi-



homines; si Petrus constituitur in tali statu ac conditione, sub talibus circumstantiis, ut sit crediturus & in fide perseveraturus, quod potest facere si velit, ac Deus hæc præviderit, jam Deus ipsum vult facere saluum, & eligit ad salutem: si Paulus contra, in eodem statu ac conditione sub iisdem circumstantiis positus, non credat, multo minus perseveret, quod quoque potest si velit, & Deus hoc præviderit, jam vult ipsum non reddere saluum, sed excludere à salute aeterna, ideoque hæc voluntas quoque dici potest consequens, quatenus consequitur ipsum usum voluntatis humanæ; sed hæc omnia ex homine Deum faciunt, ex Deo hominem: quomodo enim Deus dici queat sapiens, si finem sibi præfigat quem assequi non valeat; quomodo potens, si quod vellet, executioni mandare nequit; quomodo causa est prima, si dependeat à secunda, & ab ejus libero arbitrio rectoque aut malo usu mediorum; quin ne omniscius quidem erit, saltem non certo scire futura contingentia; nondum enim scit, an Petrus sit crediturus, Paulus non crediturus, cum quidem per hanc antecedentem voluntatem optimus Deus utriusque vellet salutem. Quod proferant locum illum celebrem Apostoli, quo dicitur Deus velle omnes homines salvos fieri, ac neminem perire, intelligit, non de volitione aliqua suspensa, & quæ finem suum non assequatur, sed plena, quæ sine suo potitur. Verum illi male intelligunt voculam *omnes*, & *neminem*; neque enim *omnes* ibi significat singula generum, id est, omnes & singulos homines, sed genera singulorum, id est, varias hominum classes, status, ac conditiones, & *nemo* non negat omnes & singulos homines, sed negat omnes hominum classes, status, ac conditiones: sensus est, Deus vult, ut omnis generis homines salventur, sive magistratus, sive subditi, sive divites, sive pauperes, sive nobiles, sive ignobiles, sive Græci, sive barbari, sive Judæi, sive gentiles, & vult nullum esse genus hominum, classium aut statuum, ex quo non aliqui salventur, & hæc volitio eventum sortitur, & finem assequitur, nec inefficax, sed efficacissima est. Ita quoque intelligendum est & illud Apostoli, Deus conclusit omnes sub peccato, ut omnium misere-

retur, omnes, id est, omnis generis homines, omnium, id est, omnis generis hominum.

Tertia voluntatis divinæ divisio est, aut potius subdivisio, voluntatis arcanæ, seu beneplaciti, in voluntatem efficientem vel permittentem; Scholastici dicunt in effectivam, vel permissivam. Voluntas efficiens Dei est, qua efficit illa quæ vult: permittens, qua permittit tantum fieri, non facere, quæ fieri vult; illa circa bona, hæc circa mala versatur, utraque volendo; vult ergo Deus bona, vult mala, sed bona, se efficiente, mala, se permittente, vult utraque efficacissime, ut tam fiant efficaciter mala, quæ permittit, quam fiunt bona, quæ efficit: etsi autem mala efficaciter fiant quæ permittit Deus, non tamen efficienter: bona quæ Deus facit, & efficaciter fiunt, & efficienter: hinc patet, non debere confundi voluntatem efficacem & efficientem, quam voluntas permittens quoque sit efficax, at nullo modo efficiens: & male argumentantur, qui sic inferunt, si Deus vult mala, ergo efficit; sequitur enim tantum, ergo efficaciter fient, non à Deo, sed à creaturis, à quibus ea fieri permittit. Atque hic occasio est disputandi, an sancte dici possit Deus peccata velle, de qua questione videri potest *Twissius contra Arminium*; nos compendio rem totam sic exponimus: si velle sumatur pro amare, negamus; Deus enim non amat, sed odio habet peccatum. Psal. 5. Si sumatur pro decernere, affirmamus; nam aut fiunt Deo volente mala sive peccata, aut non volente; membra hæc sunt contradictorie opposita: Si fierent non volente Deo, fierent invito Deo: sed eo invito nihil fieri potest, & si non vellet peccata fieri, ne quidem fierent aut fieri possent; ergo fiunt volente Deo, id est, decernente, ut fiant. Si regeas veterem calumniam, ergo Deus erit autor peccati: facile responderetur, quod Deus non sit autor omnium eorum, quæ vult, sed tantum eorum, quæ vult voluntate efficiente, seu ipse facere: at mala vult voluntate permittente, & non facere ipsa, sed permittere ab aliis fieri: si dicas, nihilominus eum fore autorem peccatorum quæ permittit, quia potest non permittere, & non velle ut fiant. Respondeo, an possit non velle, disputari potest, certe quod ut existat bonum est, id non potest

test non velle Deus; sed quod existit peccatum, bonum est; non quidem honestum, sed utile, tanquam medium manifestandæ misericordiæ in condonando eo, & iustitiæ in puniendo divinæ: ergo illud fieri non potest non velle Deus. Deinde etiam si possit non velle, & non permittere, non tamen tenetur, ut non permittat, aut non velit; quis enim obstrinxit eum ne permittat aut non velit? si non tenetur non permittere, aut non velle malum, certe illud volendo ac permittendo non fit author peccati: imo amplius dicam; tam debuit velle ac permittere malum Deus, quam velle atque efficere bonum, si tam voluit illustrare gloriam iustitiæ ac misericordiæ suæ, quam illustrare voluit gloriam reliquorum attributorum; nam cum sapientiam, potentiam, cæteraque attributa manifestare potuerit volendo ac decernendo bonum, illudque efficiendo, ut creando ac conservando mundum, &c. non tamen hoc modo potuit manifestare aut iustitiam, aut misericordiam suam; quia neutra occupatur circa bonum, sed utraque circa malum: ideoque ut utramque manifestaret, debuit velle ac decernere malum; nam qui vult ac decernit finem, necessario quoque vult ac decernit media: sed finis Dei fuit manifestare gloriam omnium suorum attributorum, & inter ea iustitiæ ac misericordiæ: ad eas manifestandas medium fuit existentia peccati, sine quo eas manifestari nequeunt; ideoque non tantum voluit ac decrevit mala Deus, scilicet ut fierent aut existerent, sed necessario velle ac decernere debuit, ex hypothesi, quod iustitiam & misericordiam suam manifestaturus esset.

Ad voluntatem Dei, qua vult omne verum, retulimus ejus veracitatem, quia ejus objectum est verum; cum enim Deus id quod verum est vult, est verax, multo magis cum id efficit: hoc attributum Dei in eo maxime elucet, quod promissa fervet, & ea impleat efficaciter, quæ voluit ut effectum sortiantur, quæ ab æterno destinavit ac decrevit fore: quemadmodum enim in homine veracitas, virtus moralis, significat conformitatem verborum, signorum, factorum, &c. cum rebus ipsis, veracitas Dei significat convenientiam eorum quæ Deus dixit, significavit, fe-

cit, cum rebus ipsis, ut hæc respondeant verbis, signis, factis Dei. Itaque hoc attributum excludit à Deo omnem simulationem ac fallacitatem, & si quid veracitati opponitur. Dari autem in Deo veracitatem melius probari nequit, quam ex summa ejus perfectione: magna enim est imperfectio, aliud dicere, aliud facere, aut aliud significare, aliud præstare; quod utrumque à Deo longe abesse, vel sola ipsius probat sanctitas, cum qua neutrum consistit; & sic Deus simulate agere posset aut fallaciter, non vellet omne verum; cum enim nihil agat, nisi quod velit, si agat simulate aut fallaciter, jam volet falsum: at Deus falsum non vult nec velle potest: imo quodcumque vult, id vult ut verum, uti id ante est demonstratum. Qui veracitatem Dei impugnant, & eum simulationis reddere student reum, duo proferunt exempla ex sacris, unum ex veteri, alterum ex novo Fœdere: primum est *Gen. 22.* ubi Deus significavit Abrahamo, ut Filium Isaac immolaret, quem tamen immolari noluit. Alterum est *Luc. 25.* ubi Christus discipulis Emaument tendentibus, postquam se comitem adjunxisset, atque cum iis ad pagum appropinquasset, simulabat se longius ire, nec fecit tamen. Ad prius Respond. Jam ante dictum est, Deum in negotio mandate immolationis Isaac nullius simulationis reum reddi; nam non manavit Abrahamo maculationem Isaac, ut eam quam decrevisset, sed ut explorationem fidei in Isaac, & ut signum promptitudinis in obsequio Deo præstando: nempe terminus ad quem decreti divini, erat, periculum facere fidei in Abrahamo; decreverat enim Deus ejus explorare fidem; & una decreverat, tanquam medium, hoc mandatum, quod postea dabat Abrahamo, de sacrificando Isaac, quem tamen sacrificari nolebat; neque mandati finis erat, ut sacrificaretur Isaac, sed ut Abrahami fides exploraretur, quæ ergo hic est simulatio? Alterum quod spectat, omnino Christus decreverat longius ire quam Emaument; & ivisset, nisi tantum dedisset precibus discipulorum, petentium, ut apud se maneret; itaque serio & non simulate sic fe coram discipulis instituit, tanquam longius iturus; verum, quod non longius ivit, id non arguit

in eo simulationem, sed voluntatis humanæ suæ in se mutationem; & quam sæpe hoc nobis contingit, ut aliquo ire nobis sit decretum, & dum in eo sumus, ut istuc nos conferamus, ut ab amicis interpellemur & impediamur, nec eo perveniamus, quo pervenire erat destinatum; & tamen nos sic componamus, dum retardamur, tanquam longius abituri, & cum nunc remora injecta longius non abimus, id nullam arguit simulationem, sed tantum nostri decreti mutationem; sic & hic in Christo fuit.

Ad voluntatem Dei, qua vult omne bonum, retulimus ejus bonitatem, quæ ei tribuitur vel intra se, vel extra se; vult enim seipsum & vult creaturas suas; se tanquam bonum per essentiam; creaturas, tanquam bonas per participationem; ac tum sumit se velle pro amare; amat enim & se tanquam optimum, & creaturas tanquam bonas; vidit enim quæ fecerat, & erant valde bona, & nemo bonus est, inquit Servator in Evangelio, nisi Pater meus, qui est in coelis, ubi in priori loco intelligitur bonitas participata, & in posteriori, bonitas per essentiam; at si  $\pi$  velle significat decernere, Deus non potest dici se velle; quia utcumque bonus sit, nihil circa se decernit, sed sic tantum vult creaturas, & quidem non factas, sed faciendas: Quando autem dicitur Deus velle, id est, decernere bonum, non tantum intelligitur bonum honestum, sed & bonum utile; bonum honestum vult, id est, decernit efficere; utile, aut efficere aut permittere, efficere, si bonum utile simul sit honestum, quamvis sub alio respectu; permittere, si bonum utile sit malum inhonestum, uti est peccatum, quemadmodum id ante fuit explicatum. Porro quum bonum utile est malum inhonestum seu turpe, verbi causa peccatum, versatur circa illud Deus volendo, ut decernat illud vel punire vel condonare; si prius, Deus dicitur justus, si posterius, misericors; unde & iustitia & misericordia ad bonitatem referuntur; bonitas enim in genere dicit convenientiam cum alio, vel per modum finis, vel per modum mediæ, sed peccatum five puniatur, five condonetur, Deo inservit ut medium ad manifestandam gloriam, vel suæ iustitiæ, vel suæ misericordiæ, ideoque etiam in eo bo-

nus est, dum vult, id est, decernit peccatum, ut medium, non quidem efficere, sed saltem permittere: atque illa convenientia, qua peccatum Deo, ut medium conducit ad finem ejus, istam designat bonitatem, ad quam iustitia Dei & misericordia referuntur.

Voluntatis divinæ proprietas est libertas, de qua jam nunc est philosophandum: Hæc non eodem modo ei competit, sed varie pro varia ejus significatione ac pro diversitate objectorum. 1. si  $\pi$  velle Dei significat amare, referaturque ad se ipsum, tanquam objectum voluntatis suæ, i. e. amoris, primum, Deus nullo modo libere se ipsum vult, i. e. amat; sed necessario & quoad specificationem; quia non potest se odisse; & quoad exercitium, quia non potest non actum se amandi exercere; si posset se odisse, posset & se apprehendi ut malum quid: at hoc fieri non potest, quia cum sit summe bonus, nulla ratio mali in se, à se, de se apprehendi potest; non potest ab actu se amandi cessare, quia hic foret in potentia; sed vero est purus actus. 2. si  $\pi$  velle, i. e. amare Dei, referatur ad creaturas, objectum voluntatis five amoris sui secundarium, debent illæ spectari, vel ut possibiles, vel ut existentes, ut possibiles eas vult, i. e. amat necessario, quia velle, i. e. amare creaturas possibiles in Deo nihil est aliud, quam velle & amare suam omnipotentiam, cum qua sunt connexæ. & ratione cujus dicuntur possibiles: at omnipotentiam suam vult, id est, amat necessario; creaturas existentes Deus vult, id est, amat necessario quoad specificationem, quia non potest eas odisse, sed amat necessario; quoad vero exercitium eas vult, i. e. amat libere, sic ut potuerit non amare, quatenus potuit decernere ut non existerent; si enim decrevisset eas non existerent, neque ut existentes amare potuisset. 3. si  $\pi$  velle sumatur pro decernere; Deus libere voluit, i. e. decrevit, quæcumque sunt à se volita & decreta; ubi tamen accurate discernendum est inter actum volendi, seu decernendi, & inter actum volendi, seu decreta, seu potius tendentiam ipsius actus volendi seu decernendi in res volitas ac decretas; cum dicitur Deus liber in volendo ac decernendo, id non intelligendum est de ipso actu, nam il-

le tam necessarius est atque ipse Deus, ut enim Deus nunquam potuit non esse, ita nunquam non potuit esse volens aut decernens, neque uquam fuit in potentia ad volendum aut decernendum, sed ab æterno ac necessario fuit cum actu volendi aut decernendi, sed respectu rerum decretarum aut potius tendentiæ ac terminationis in res has vel illas volitas aut decrevisse; Deus dicitur libere voluisse ac decrevisse; quatenus se habuit indifferenter æterno ac necessario actu suæ voluntatis, in volendo seu decernendo ut vellet tendere ac terminari in has aut illas res futuras, vel alias, vel plures, vel pauciores, quemadmodum voluntate sua creandi potuit tendere ac terminari in creationem plurium mundorum, aut in hoc mundo planetarum vel elementorum, vel aliorum corporum naturalium. Quærunr hic Scholastici, si Deus dicitur hoc sensu velle libere, an etiam dici possit velle contingentia? Respond. si contingens idem sit quod indifferens, dico quod sic: nam contingens est & indifferens, quod Dei voluntas tetenderit ac terminata sit volendo ac decernendo in unum tantum mundum & non plures creandos, in septem planetas & non plures, in quatuor elementa & non plura, & sic porro in aliis.

## CAP. XII

## De Potentia Dei.

*Potentia Dei est, quæ potest omnia: quæ non involvunt contradictionem: aliis dicitur Omnipotentia.*

Cum Deo tribuitur potentia, videtur vocabulum illud derogare actui puto, qualis est Deus, actus enim purus omnem excludit potentiam: Resp. primo, nonnulli dicunt actum purum excludere tantum omnem potentiam passivam, qualis in Deum non cadit, quia hæc cum imperfectione conjuncta est; at potentia quæ Deo tribuitur, activa est, potentia autem activa & purus actus non pugnant, quia hæc in illo includitur, qui enim actu agit, potest agere. Secundo, Potentia tribuitur Deo non in ordine ad se, respectu enim sui est purus actus, sed in ordine ad creaturas, quatenus à Deo puro actu exire

possunt aliqua quasi extra ipsum, talem autem potentiam activam quæ Deus agere potest non in se, sed extra se, probat ejus perfectio; agere enim extra se perfectionem dicit, at nihil agit extra se nisi possit, ergo multo magis perfectio est potentia agendi extra se. Quod autem hæc potentia sit omnipotentia, ex eadem Dei perfectione evincitur; sic enim perfectio sit agere & posse agere extra se, multo magis perfectio erit posse omnia, scilicet quæ non involvunt repugnantiam; at Deo tribuenda est perfectio maxima; ergo Dei potentia est omnipotentia. Hanc ulterius sic probamus. 1. Ex infinita Dei essentia; quod enim infinitum est in essendo, infinitum quoque est in operando: Deus infinitus est in essendo: ergo, at qui infinitus est in operando, est omnipotens. Excipi potest: Potentiam Dei non esse infinitam; ergo non esse omnipotentiam. Antecedens sic prob. Infinito non datur majus: Dei potentia datur majus, nimirum ejus scientia; quippe quæ ad plura se extendit quàm potentia; Deus enim plura scit quàm potest, scit enim impossibilia, scit mala, scit entia rationis: sed nihil istorum facere potest; ergo ejus scientia excedit potentiam, consequenter hæc non est infinita, quia infinitum excedi nequit. Resp. Potentia Dei dupliciter spectanda est, vel entitative & intrinsecè ratione suæ entitatis in Deo, sic non exceditur à scientia Dei, sunt enim unum & idem, alioquin idem excederetur à seipso; vel objective & extrinsecè ratione objectorum extra Deum, circa quæ potentia Divina versatur, sic potentiam Dei excedi ab ejus scientia concedimus; multa enim sunt scibilia & sciuntur à Deo, quæ non sunt possibilia, nec possunt fieri ab eo, attamen hic scientiæ Divinæ supra potentiam excessus non detrahit potentiæ Divinæ infinitati, spectatæ quoad entitatem suam, hoc sufficit; quin ut scientia versatur circa omne scibile, ita & potentia Dei circa omne possibile. Deinde probatur ex creatione Dei omnipotentia Dei sic: Virtus agendi infinita est omnipotentia: talis est in Deo creante: ergo. Prob. minor: Extrahere aliquid ex nihilo vel subjecti vel sui, est virtutis infinitæ: sed creare est extrahere: ergo. &c. Prob. major: Producere aliquid ex termi-

termino à quo in infinitum distante à termino ad quem, est infinita virtutis: sed extrahere aliquid ex nihilo vel subiecti vel sui, est producere aliquid ex termino à quo in infinitum distante à termino ad quem; ergo. Prob. iterum maior: Tanta debet esse potentia agentis activa, quanta est potentia patientis passiva: sed patiens hic est nihil, quod cum à parte sui saltem in infinitum distet ab ente ex se producendo, debet etiam potentia passiva producentis, id est, creantis esse infinita: at potentia infinita est omnipotentia. Denique ab absurdo: si potentia Dei non esset infinita, ergo erit finita: absurdum posterius, ergo & prius. prob. minor: si esset finita, id esset, aut quod essentia Dei non admitteret potentiam infinitam, & hoc non, quia ipsa est infinita: ergo facile admittit potentiam infinitam; vel voluntas alicujus causæ superioris, tantam potentiam contulit Deo, & non majorem: sed nec hoc dici potest, quia Deus aliquam voluntatem aut causam superiorem non habet; est igitur potentia Dei omnipotentia. Atque hic amplius hoc tenendum est, utcumque potentia Dei identificetur cum essentia ejus omnibusque attributis, adeoque & intellectu & voluntate, non est tamen formaliter eadem cum voluntate, quod nonnulli hodie asserunt, quivoluntatem faciunt immediatum principium actionis transeuntis: at vero alius est conceptus voluntatis, & alius potentia, uti & alius scientia; scientia Dei est principium dirigens, voluntas imperans, potentia exequens: & hæc tria attributa utcumque sint eadem inter se ac cum Deo, diversis tamen conceptibus formalibus & inadæquatis ac dissimilibus distinguuntur.

De potentia five omnipotentia DEI duo adhuc inquirenda restant, objectum ejus & divisio: Primum quod spectat, objectum divinæ omnipotentia est vel positivum, vel negativum; illud dicitur possibile, quod à Deo fieri potest; hoc impossibile, quod à Deo fieri non potest: in quo autem ratio possibilitatis & impossibilitatis sit sita, non facile est dictu, nos primum de possibili, tum de impossibili videbimus, Possibile dicitur dupliciter, vel relate vel absolute; relate, cum notat respectum ad potentiam activam, dici-

turque tum illud possibile, quod ab aliqua fieri potest potentia, & sic impræsentiarum possibile dicitur, quod à divina potentia fieri potest: at si dicas Deo omnia esse possible, nihil dicis aliud, quam Deum posse omnia quæ potest, seu quæ ab ipsis potentia fieri possunt, quod est strenue nugari, ideoque male à nonnullis definiri solet possibile in ordine ad Deum, scilicet quod à Deo fieri potest: absolute dicitur possibile, & melius, quod ex se & in se nullam notat repugnantiam, ut sit, aut fiat; & hoc est objectum divinæ omnipotentia, quod enim ex extrinseca sui ratione non repugnat esse, id à Deo potest fieri, nam si illud à Deo non possit fieri, defectus aliquis esset ex parte ex Dei, tanquam impotentis, & non ex parte rei, tanquam possibile: atqui possibile est quod ex extrinseca sui ratione non repugnat esse, nam sicut impossibile est illud, quod ex extrinseca sui natura repugnat esse aut fieri, ita ab altera parte possibile est, quod non repugnat, ergo omne possibile à Deo potest fieri. Hinc sequentia deducimus conclusaria. I. Deus potest plura facere quam fecit; quia à parte rei non repugnat ut plura fiant quam sunt, nec à parte Dei repugnat ut plura faciat quam fecit, quia ejus potentia per ea, quæ fecit, non est exhausta; an autem non repugnet ex parte mundi, tanquam universi, ut plures condant, disquiri potest, præsertim, si ponamus mundum hunc implevisse omne spatium, & esse orbicularis figuræ, ac cælo beatorum contiguum. II. Deus potest facere meliora & perfectiora quam fecit: quod tamen intelligendum est cum generalis, si enim spectes modum operandi, quo Deus omnia fecit, seu omnia fecerit sapientissime, melius facere nihil potest; sed si respiciantur ipsæ res factæ, aliæ aliis possent fieri meliores & perfectiores; quod iterum intelligendum est vel ratione sui, vel ratione alterius: si priori modo accipias, Deus non potest facere rem meliorem, quam fecit in essentia, manente eadem essentia in ipsa re, quia essentia cujusque rei posita est in indivisibili, & neque additionem admittit in se aut diminutionem; sic essentia canis non potest fieri melior, ut maneat essentia canis, si enim essentia canis superaddatur perfectio,



verbi causa, humana, jam non amplius est essentia canis, sed facta est essentia hominis; potest tamen Deus eandem rem facere meliorem in accidentibus, manente eadem essentia in re; hoc enim nullam dicit repugnantiam; sed & Deus potest facere res alius meliores aliis, quas fecit, sive in essentia, sive in accidentibus, quia hic nulla est repugnantia: neque enim repugnat, ut Angeli aut homines condantur perfectiores illis Angelis & hominibus, qui nunc sunt conditi. Denique, Deus potest etiam facere illa, quæ nunquam facere vult; errant enim qui omnipotentiam Dei sic restringunt, ut per eam tantum possit illa, quæ vult: ar voluntas Dei, ut refertur ad res volitas, semper dicit ordinem ad res, quæ aut existunt, aut fuerunt, aut futuræ sunt, quod est esse actuale: sed potentia Dei respicit solum possibile. De voluntate Dei dicitur, quæcumque Deus voluit, fecit; at non item dicitur de potentia Dei, quæcumque Deus potuit, fecit: at qui ibi est discrimen potentiae & voluntatis divinæ, ut Deus possit etiam illa producere, quæ producere nunquam vult: at vult ea tantum, quæ actu aliquando producenda sunt. Objectum omnipotentiae divinæ negativum est impossibile, id est, id quod à Deo fieri nequit: dicitur autem impossibile, vel ex parte agentis, quia illud non est instructum tanta potentia ut hæc aut illa producere non possit; vel ex parte objecti, quod tale est, ut ex parte sui fieri non possit: impossibile ex parte potentiae agentis, quasi hæc sit exhausta, in potentiam Dei non cadit; quæ quia infinita est & perfectissima, exhaustiri nequit; at vero impossibile ex defectu objecti est, quod ex se fieri repugnat, atque hoc posteriori sensu quædam Deo sunt impossibilia; non ex parte priori. Præterea nonnulli distinguunt inter impossibile naturæ & impossibile natura, quæ eadem est distinctio cum hac, quod impossibile sit aliud in ordine ad potentiam creatam, & aliud in ordine ad potentiam increatam; prius utrobique est, quod à creatura fieri nequit, quia naturæ creatæ potentiam finitam & ordinariam cursum superat; sic impossibile est solem stare, rem creari ex nihilo, &c. impossibile posteriori modo dicitur, quod omnem potentiam simpliciter superat, quia

repugnat ipsius rei naturæ fieri posse, eamque tollit, ac contradictionem implicat. Porro dicitur quoque impossibile vel ratione sui, vel ratione intellectus, iudicantis illud esse possibile; ubi hoc tenendum est, non statim esse per se impossibile quod intellectui nostro impossibile esse iudicatur; quia intellectus noster non est mensura rerum, sed res sunt mensura nostri intellectus; & uti is sæpe errat in cognitione possibilem, ut ea iudicat impossibilia, quidni & errare valeat in cognitione possibilem, ut iudicet ea esse talia, quæ vere sunt possible, & sane si id in se sit impossibile, quod intellectui humano, sed erranti, sic videtur, ruunt ac cadunt fidei mysteria Trinitatis, incarnationis, &c. si enim hic iudicium sit penes intellectum humanum, omnia negabuntur, quia nullus ea ut possible iudicare potest: & hæc causa est, cur negentur quoque à Socinianis, qui iudicium humanæ rationis, quam rectam vocant, faciunt normam non tantum sciendorum & agendorum, sed etiam credendorum: ut autem constet, quantum sint ita quæ à Deo fieri non possint, per classes ea proponemus. 1. non potest facere ut duo contradictoria simul sint vera; sic enim posset facere ut unum idemque simul esset & non esset, quod à parte rei implicat repugnantiam. 2. non potest facere alium Deum; quia idem esset Deus & non Deus, Deus ex hypothesi, qui faceret alium Deum, & non Deus qui esset factus, nam repugnat esse Deum, & fieri ab alio. 3. non potest facere ut factum sit infectum, aut præteritum non sit præteritum; quod intelligendum est de præterito sumpto formaliter & in sensu composito qua præteritum est; nam materialiter & in sensu diviso potuit res, quæ præterita est, non esse præterita, si nempè non extitisset & non fuisset facta. 4. Non potest Deus subire causalitatem materiæ, nec causalitatem formæ; quia materia & forma sunt substantiæ imperfectæ, & partes componentes alterius; at Deus est substantia perfecta, nec ullius, nedum corporis, potest esse pars componens. 5. non potest vicem supplere subiecti in substantiandis accidentibus; quia accidentia qualicunque modo perficiunt substantiam; at

Deus



Deus nullo modo aliunde perfici valet. 6. Deus non potest mentiri, mori, corrumpi; quia hæc non sunt potentia, sed impotentia argumenta, non perfectionis, sed defectus; atqui in Deum impotentia aut defectus non cadit.

Objectum omnipotentia sequitur ejus divisi; quæ à parte rei & Dei nulla est; sic enim illa est simplicissima & omnis divisionis expers, uti & ipsa Dei essentia, cum qua identificatur, sed à ratione tamen nostra per & propter diversos quasi agendi modos five actus, dividi solet in absolutam & ordinatam: absolutam alii vocant extraordinariam, ordinatam appellant ordinariam & actualem; per priorem dicunt Deum aliquid posse de potentia, per posteriorem aliquid posse de justitia. Et quamvis hanc divisionem potentia divinx nonnulli rejiciant ut commentum Scholasticorum, veluti Calvinus & Danæus; alii tamen ut Polanus & Zanchius, & fere omnes eam accipiunt, sed non eodem modo explicant. Potentiam Dei ordinatam vocant illam nonnulli, quia Deus hoc agit quod vult, sequendo ordinem naturæ semel à se fixum, & illa agit quæ ordinavit ac decrevit agere, diciturque ordinata, quia respicit ordinem decreti divini; & ordinaria vocatur, quia respicit ordinem naturæ particularem; & actualis quia per eam Deus actu operatur, & efficit quod vult: at verò potentia Dei absoluta est, quia potest facere etiam illa, quæ non vult, diciturque sic, quia non limitatur lege naturæ à se lata, sed præter & supra consuetum naturæ ordinem per eam agit, unde & extraordinaria vocatur: de hac intelligitur, quod Deus possit ex lapidibus producere filios Abraham; & de hac verum est, quod Luc. 1. dicitur, apud Deum nullum esse verbum impossibile, id est, res impossibilis; (nam *ἰμῶν* & *πῶν* in sacris sæpè pro eodem sumuntur,) de hac intelligendum est illud Christi, cum dicit, Annon possum rogare Patrem, & daret mihi plures quàm duodecim legiones Angelorum; de hac intelligendum est illud Apostoli, quod potuerit omnium misereri, attamen non omnium misertus est, nec omnium misereri voluit; de posteriore verò potentia intelligendum est, quod Deus non tantum possit facere quæ vult, sed actu fe-

cerit quæ voluit, juxta illud Psal. 115. Deus omnia quæ voluit fecit; & de hac potentia fere sermo est Prophetis & Apostolis, cum potentiam Dei conjungunt cum ejus promissionibus.

## CAP. XIII.

## De Decretis Dei.

*Decretum Dei notat actionem Dei internam, tum intelligendi, tum volendi, terminatam extra Deum; ac melius dicretur decretio.*

**A**mbiguitas hujus vocis decretum multas peperit difficultates, nam cum vox illa interdum sumatur pro actu decernendi, interdum pro ipsa re decreta, factum est, ut ex confusione harum significationum variaz natæ sint difficultates: Nos distincte procedemus. Primo tenendum est, decreta Dei spectari posse, vel subjective, respectu Dei decernentis, vel objective, respectu rerum decretarum, & pro hoc gemino respectu distincte de decretis Dei est philosophandum; nam alia sunt attributa, quæ decretis Dei competunt respectu priori, alia quæ posteriori. Priori quidem respectu decreta sunt necessaria, posteriori contingentia; nempe decreta Dei, ut significant ipsam Dei intellectiōnem ac volitionem, non minus sunt necessaria, quam est ipse Deus; quippe quam est impossibile, Deum non fuisse aut non esse potuisse, tam impossibile est, Deum fuisse aut esse potuisse sine intellectu aut volitione; id est, sine decreto aut actu decernendi: ut vero decreta Dei significant ipsas res intellectas & volitas, in quas decernendo fuit terminatus, sunt contingentia; quod enim hæc aut illa intellexerit, ac voluerit, id est, decreverit, contingens est; quin contingentissimum est in Deo decernendo terminari ad has aut illas res, non plures, non pauciores; est autem hæc decretorum divinatorum contingentia non fortuita, sed consulta, ideoque rectissime dictum est à Scholasticis decreta Dei esse necessaria quoad exercitium, id est, quoad actum decernendi; & esse libera quoad speciem, id est, quoad varias rerum decretarum classes & genera. Ex hisce  
liquet

liquet; quo sensu Scholasticorum nonnulli dixerint, decreta Dei esse Deo partim essentialia, partim accidentalia, sumendo accedens non pro accidente prædicamentali, sed prædicabili; nimirum hoc voluerunt, decreta Dei secundum perfectionem illam, quam dicunt ac ponunt in Deo, id est, secundum intellectionem ac volitionem, Deo sunt essentialia, at secundum extensionem ad hæc aut illa objecta, quia illa extensio nullam perfectionem dicit in Deo, dici possunt accidentalia, in quantum abesse potuit extensio & terminatio divini decreti ad objecta ista, ad quæ extensum ac terminatum fuit, atque ita quidem, ut vel ad plura vel pauciora objecta extendi ac terminari potuerit: atque hæc adhuc clariora erunt si sic dicamus, decreta Dei prout terminantur ad ipsam essentialiam divinam intra Deum, suntque actus Dei intelligentis ac volentis, sunt necessaria atque essentialia Deo, sed si terminantur ad ea, quæ virtute in Deo continentur, id est, prout extenduntur ad omnia factibilia, in quantum essentialia Dei, quæ extra Deum imitabilis est atque exprimi potest, sunt contingentia atque accidentalia: nam hoc liberum fuit Deo, & abesse potuit à Deo, ut suum decretum terminaretur in hæc res, & non alias & non in plures atque pauciores, quam in quas terminatum fuit. Alii hæc sic efferunt: Decreta Dei spectantur, vel quoad principium decernens, & sic sunt necessaria atque essentialia, vel quoad terminum ad quem, & sic sunt libera vel contingentia atque accidentalia: hoc idem est quod alii sic dicunt: decreta Dei spectantur vel à priori, quatenus sunt essentialia Dei cognita ac volita, vel à posteriori, quatenus sunt respectus cognitionis ac volitionis divinæ, ad res cognitās & volitās: priori sensu sunt essentialia ac necessaria, posteriori sensu sunt contingentia seu libera atque accidentalia: sed ut hoc totum negotium dextre semel intelligatur, tria sunt concipienda momenta naturæ seu instantia rationis in decreto Dei, non autem temporis, quis decretum Dei æternum est.

In primo momento concipitur decretum Dei per modum actus vitalis; est enim Deus merus ac purus actus, est spiritus se ipso vi-

vens, & actus decernendi est actus vitalis, seu substantiæ viventis, sic concipitur decretum Dei in ordine ad ipsum Deum decernentem; & sic idem sunt decretum seu decretio Dei, & ipse Deus decernens. In secundo momento naturæ aut rationis concipitur decretum Dei, ut terminatum ad res decretas, in quas tendit, quæ tendentia aut terminatio dicit relationem transcendentalem subiecti ad objectum, id est, Dei decernentis ad rem decretam, qui respectus non est ipse Deus decernens, sed aliquid in Deo decernente, præter ipsum Deum decernentem: neque enim hoc axioma vulgatum verum est, nihil est in Deo, quod non sit ipse Deus; si illud nihil neget ens late sumptum, seu aliquid; relationes enim personales & essentielles, item modi essendi, aut existendi, aut operandi, in Deo, non sunt ipse Deus; sed si illud nihil neget ens reale, verum est axioma; tum enim sensus est, nullum ens reale (quod hisce quatuor absolvitur, substantia, accedente, Deo, creatura) est in Deo, quod non sit ipse Deus: at relationes & respectus non sunt entia realia. In tertio momento concipitur circa decretum Dei relatio rationis, ex parte Dei fundata in libera decreti divini terminatione ad objecta extra Deum, & ex parte creaturæ in actuali rerum decretarum futuritione. Hisce observatis, facile est omnes strophas & fallacias solvere, quæ circa doctrinam de decretis Dei à malefatis Theologis ac Philosophis moveri solent. Porro cum decretum notare dicitur actionem in Deo & intelligendi, & volendi, per intellectionem hic intelligitur præcognitio aut præscientia visionis, quæ est rerum decretarum, ut fiant vel bonæ, Deo efficiente, vel male, se permittente, non autem simplicis intelligentiæ, quæ omne decretum Dei in signo rationis antecedit, estque mere possibile. Per volitionem Dei quam notat decretum, intelligitur tum prædestinatio ad finem, tum præordinatio mediorum; est enim in Deo decretum, & de fine, & de mediis, unum quidem re, Deus enim eodem decreto simul & finem & media intelligit, geminum tamen ratione à nobis pro gemino momento ratione distinctum; atque hic & illud observandum est, quamvis actio intelligendi in theore-

mate

mate de decreto Dei prius sit posita, quam actio volendi, in re tamen prius est, Deum in decernendo à nobis concipi ut volentem, quam ut decernentem, quippe scientia visionis quæ hic intelligitur, decretum Dei sequitur, juxta nostrum concipiendi modum; hinc quoque cum cap. 2. hujus lib. Theor. 22. dictum sit, ideæ divinas pertinere ad decretum Dei, intelligendæ sunt potissimum illæ, quæ sunt futurorum practicæ, & inveniuntur in scientia visionis, non autem simplicis intelligentiæ, quæ sunt possibilium theoreticæ; hæ enim, ut ipsa scientia simplicis intelligentiæ, omne decretum Dei antecedunt, atque cum hic talem ordinem introducimus, & quamdam scientiam Dei se habere dicimus antecedenter ad Dei decretum, quandam consequenter, omnis is ordo instituitur juxta nostrum concipiendi modum; quippe in Deo ista omnia simul sunt ac semel, unico ac simplicissimo & nobis incomprehensibili actu & ictu, ab æterno, scientia scil. possibilem, decretum de fine & de mediis, & scientia futurorum, sed nos concipere nequimus ille ulla modo, nisi id quod à Deo & in Deo fit simplicissime, actu æterno & interno in plures respectus aut conceptus dirimamus; atque ita more humano de Deo philosophando balbutimus, & quæ apud nos sunt priora & posteriora respectu nostri, fere ita de Deo enuntiamus; at nobis prius est, rem esse & sciri ut possibilem, quam eandem esse & sciri ut futuram, nec abit ulla res apud nos ex statu possibilitatis, nec transit in statum futurationis, nisi media volitione & decreto voluntatis nostræ, quo decernimus ex rebus nobiscognitis ut possibilibus, quasdam facere aut esse futuras ex nostro decreto, ad eundem modum concipimus à Deo prius intelligi possible per scientiam simplicis intelligentiæ, tum ex illis possibilibus à sua voluntate decernit quædam esse futura, seu finem seu media, se vel efficiente, vel permittente, tum illa futura cognosci per scientiam visionis; verum abist, ut illa in Deo suis temporibus dividantur ac distribuuntur, ut quidem in nobis dividuntur ac dirimuntur per diversa tempora & conceptus diversis temporibus factos. Pariter, cum ideæ quædam divinæ,

scil. theoreticæ ac possibilem, dicuntur antecedere decretum Dei; quædam consequi illud, scil. practicæ & futurorum; omnis illa antecessio & consecutio intelligenda est in ordine ad conceptus nostros, se invicem antecedentes & consequentes. Quid porro ideæ divinæ sint in Deo, an conceptus formales intelligendi, quod voluit Schotus, an conceptus objectivi, seu potius essentia divina à Deo concepta ut imitabilis, quod voluit Thomas, & quæcunque huc spectant, de iis satis superque disputatum est vol. 2. Dif. select. 31. 32. 33. 34. 35. 36.

## CAP. XIV.

## De Creatione.

*Creatio est actio Dei externa, transiens, terminata in res producendas, quatenus eas producit.*

**D**E Creatione acturi, primum vocem explicabimus, mox rem, an sit, & quid sit. Vox creare, aut fimitur generaliter, pro aliquid efficere, facere, ut quod antè non erat sit, quocunque modo, accipiturque de substantiis, accidentibus, quin & relationibus, quo sensu quis dicitur creari consul. gubernator, imperator, &c. specialiter dicitur de causa procreante, & opponitur conservanti: specialius de inauditi & stupendi alicujus operis effectione supernaturali, quomodo creatio dicitur de conversione, Psal. 51. *cor mundum in me crea Deus*; nam regeneratio est quædam nova creatio, & admirandum ac stupendum est divinæ potentie opus; irrogenitum convertere. Specialissime creatio significat, productionem rei, alii dicunt, substantiæ, ex nihilo. Qui solas volunt substantias creari, intelligunt tum immateriales, pura Angelos & animas rationales, tum materiales, corpora; accidentia, formalque alias materiales dicunt concreari, nec malè. Illud ex nihilo sumi potest dupliciter, vel ex nihilo subjecti sive materie, quæ dicitur creatio immediata, vel ex nihilo sui sive termini, sc. ad quem, quæ dicitur creatio mediata; atque hæc vocis tantum est distinctio, non rei: Priori creatione Deus creavit cælum & terram, nihil enim materie aut subjecti præfuit illorum creationi,

tioni, posteriori creavit Adamum ex limbo terre, Evam ex costa Adami, sed sic, ut nihil Adami, seu termini in terra, nihil Evæ aut sui in costa prefuerit, sed utrobique materia præexistens in totum fuerit inhabilis, nihilque conferens ad utriusque termini productionem: in quo distinguitur à generatione naturali, cui materia præexistit, sed habilis, & quæ sui aptitudine, aut formæ, aut compositi totius productionem juvet ac promoveat. Præterea voce tenuis distinguitur creatio in activam, quæ Deus creat, & passivam, quæ creatura creatur, & in relativam, seu potius relationem, quæ intercedit inter creatorem activæ, & creaturam passivæ; esseque, ut plurimi volunt, à parte creatoris relatio rationis; à parte creature relatio realis. A voce ad rem transeamus; ubi circa questionem an sit, duo discutienda veniunt; primam, an creatio sit possibilis ratione Dei, ut ab eo fieri potuerit; secundum, an ævera aliquando in tempore facta fuerit. Primum quod spectat, eam Deo fuisse possibilem sic probatur: 1. ab ejus infinitate in essendo, nempe: Quod est ens infinitum in essendo, infinitum quoque est in possendo; quia uti se res habet in esse, ita in posse: sed in esse Deus est ens infinitum, id est, nullis limitatur finibus, nec terminis restringitur, quippe, qui essentia sua omnia implet: ergo & est ens infinitum in posse; nihil enim ejus potentiam subterfugit, quod in illam non cadat, juxta illud *Luc. 1.* Apud Deum nullum verbum, id est, nulla res, est impossibilis; nam *intra* sumitur sæpe pro *intra* in sacris; ergo & creatio Deo est possibilis. 2. Ab contrario; si annihilatio Deo sit possibilis, ergo & creatio: sed verum prius: ergo & posterius. Major sequitur ex lege contrariorum; & vel hinc patet, quod non major requiratur virtus ad creandum, quam ad annihilandum. Minor sic probatur: Si possibile est influxum suum quo omnia conservat, inhibere; ergo possibilis ipsi est annihilatio: sed verum prius: ergo & posterius. Minor prob. quid enim impediret, quo minus is, qui creature suæ influxum suum præbuit, eundem ab eā referre valeat. Major prob. quia annihilatio nihil est aliud, quam divini influxus, omnia

conservantis, inhibitio seu sublatio. 3. Id omne est possibile, quod non involvit contradictionem; sed creatio nullam involvit contradictionem; ergo. Prob. Minor, quia nec involvit ex parte Dei, quia creat; nam nihil dicit ulli attributo Dei repugnans, aut quod Deum tollat, vel ostendatur; nec ex parte creature, quæ creatur; quia illa esse potest. Secundum quod spectat, creationem aliquando fuisse factam in tempore probatur, 1. Sic, à ratione causæ primæ. Quod ens est, aliquando factum est; si factum est, vel à se vel ab alio; non à se, quia nihil facit se ipsum; esset enim simul & non esset; non esset, quatenus fieret; esset, quatenus se faceret: ergo ab alio factum est; illud aliud vel à se vel ab alio; non iterum à se, ob eandem difficultates, ergo ab alio: de quo eadem redibit questio, ergo aut eundem est in infinitum, quod est absurdum, aut sistendum est in aliquo ente non facto, & à quo cetera facta sunt, illa autem actio, quæ quæ facta sunt, ab alio ente non facto sunt facta, dicitur creatio atque hæc ratio & existentiam causæ primæ, entis non facti, & dependentiam omnium entium factorum ab illo ente non facto, id est, creationem arguit. 2. Ab inductione entium factorum. Si Spiritus sunt creati à Deo, & corpora itidem, ergo quoque creatio facta est à Deo: sed verum prius: ergo & posterius. Prob. Maj. Si Spiritus carent materia, non possunt generari; ergo cum sint producti, non à se sed ab alio ente non facto, à quo omnia sunt facta, non potuerunt nisi creati; hæc enim actio creandi est productio substantiæ ex materia aut nulla, aut inhabili: Quod spectat corpora, quod sint creata sic probatur, si & materia & forma corporum sunt creatæ, ergo & ipsa corpora: sed verum prius: ergo & posterius. De forma immateriali, anima rationali, id probatur eodem modo, quo de Angelis hoc jam probatum est; formarum vero materialium eadem est ratio quæ accidentium, quippe quæ neutra creantur, sed concreantur: restat ergo ut probeatur creatio solius materiæ. Si materia corporum habet esse productum, id habet aut per generationem aut per corruptionem: si per generationem, ergo materia una ex aliâ ge-

nerabitur & hæc ex alia, & sic in infinitum, quod est absurdum: aut sistendum est in materia aliqua quæ ex alia per generationem non producatur: attamen hæc cum sit ens productum (nam repugnat ullum dari ens improductum præter Deum) non potuit aliter produci, quam per creationem: ergo cum materia corporum, eorundemque forma sint creatæ, ipsa quoque corpora creata sunt. Si corpora sunt creata, & spiritus sunt creati, quum præter ista nihil entium factorum datur, nihil saltem substantiarum (nam accidentia & formæ materiales, aut non sunt entia, aut concrescunt,) sequitur omnia entia facta esse creata, consequenter creationem omnium rerum aliquando factam esse. *Quid sit creatio* pro diverso respectu ac consideratione diversimode decidi debet; nempe creatio vel spectatur in ordine ad creatum Deum, vel in ordine ad creaturam, vel ut est relatio resultans ex creatore & creatura: creatio in ordine ad Deum creatam non est novus aliquis actus, qui in Deo supervenerit, ut ad ipsum ante fuerit in potentia, quam crearet; id enim argueret aliquam in Deo tum compositionem, tum mutationem; & quamvis vox ipsa actionem videatur denotare, non tamen proprie est de prædicamento actionis, uti quidem est calefactio aut alius morus similis; quia actio proprie requirit subjectum aliquod præexistens, creatio non item: ergo non est actio proprie dicta; neque enim concipienda est creatio ex parte Dei creantis, ut actio transiens, reapse distincta à Deo, sed est ipsa Dei volitio, immanens quidem atque æterna, sed determinata in aliquo puncto æternitatis ad objectum extra se, sic ut Deus concipiatur creasse quando ab æterna ejus volitione objectum aliquod positum fuit quasi extra Deum; sic ut hæc duo debeant distingui, ipsa Dei volitio externa & immanens, & ejusdem volitionis determinatio ad objectum extra Deum volentem facta in tempore: ab æterno quidem Deus fuit volens, sed sua volitione in tempore terminatus ad objectum aliquod volitum ponendum extra se, quæ tamen voluntatis divinæ terminatio nullam intulit aut connotavit in Deo mutationem aut aliqujus realis entitatis additionem, sed rela-

tionem tantum Dei volentis ad objectum volitum extra se: creatio spectata in ordine ad rem creatam, non est res distincta ab ipsa creatura, nec modus ab essentia creaturæ realiter distinctus, sed est ipsa creaturæ essentia, cum dependentia sui temporaria à volitione Dei æterna. Creatio spectata ut aliquid resultans ex positione creatoris ac creaturæ, est relatio, ut nonnulli volunt, ex parte Dei rationis, ex parte creaturæ realis; sed ego non video cur non utrumque dici queat relatio realis; nam si creator & creatura sint relata realia, quid ni & ipsa relatio utrinque sit realis; vix enim videtur possibile relata utrinque realia concipi sine relatione reali; non tamen creatio formaliter est relatio, sed est, cum dicitur relatio, aliquid consequens ex positione creatoris & creaturæ, adeoque aliquid illia posterius.

Porro ad naturam creationis penitus intelligendam, adhuc dicendum aliquid est de creationis termino duplici, tum à quo, tum ad quem; uterque enim actioni, consequenter creationi, per modum actionis conceptræ, est essentialis: Terminus à quo vulgo dicitur, qui deponitur; ad quem, qui acquiritur; inter quos intercedit nonnunquam oppositio contraria, qualis hic non est, interdum privativa, qualis hic admitti potest, si privatio sumatur pro negatione, vel rei omnis, ut in creatione immediata, vel termini saltem ad quem, ut in creatione mediata. Terminus à quo est nihilum, quod ante diximus negare præexistentiam omnem, vel subjecti vel termini ad quem: Hoc hic adpendum est insuper, nihil aut nihilum sumi posse, vel pro eo, quod ita non est, ut repugnet ei esse, & hoc est nihil impossibile, vel pro eo, quod ita non est, ut non repugnet ei esse, & est nihil possibile; sumitur hic posteriori modo; nam cum Deus dicitur ex nihilo aliquid produxisse, non hic est sensus quod ex impossibili, atque adeo ex eo, quod contradictionem implicabat, fecerit aliquid, sed quod ex eo, quod non erat, & tamen esse non implicabat repugnantiam, aliquid fecerit esse; & sic dicitur ea quæ non erant, vocasse ut essent. Hoc nihil possibile nonnulli distinguunt, in ni-



hil per puram negationem & per privationem: prius est, quum nihil plane aut materiz, aut rei producendæ, existere dicitur, ne quicquid ulla habitudo in materia ad rem producendam: hoc dicitur, quem materia supponitur, & arque in materia aptitudo ad rei productionem, negaturque tantum ipsa res producenda; intelligitur hic prius, non posterius. Creationis terminus ad quem, vulgo dictus ut quod, est res, alii dicunt ens reale, alii omnium optime substantia ex nihilo producibilis, qui nonnullis dividitur in inadæquatum, formam aut materiam seorsim, & adæquatum, totum compositum, alii vocant terminum partialem & totalem, quæ distinctio hic admitti potest: nam quum Deus creavit Adamum & Evam, terminus ad quem creationis, fuit substantia completa: at talis est terminus adæquatus creationis & totalis, quando nunc temporis in productione hominis ex nihilo producit solam animam rationalem, terminus creationis est substantia incompleta, nam est pars hominis destinata ad hominem ut totum; at substantia incompleta est terminus creationis inadæquatus & partialis. Una adhuc distinctio tenenda est, de termino ad quem creationis; quod alius sit per se intentus, alius per accidens; alii dicunt primario aut secundario, sive consequenter sive concomitanter: per se ac primario intentus terminus ad quem est substantia, tum completa, tum incompleta, anima rationalis; secundario, per accidens, concomitanter aut consequenter, sunt formæ materiales, & accidentia in prima quidem productione hominis nunc enim & illa & ipsum corpus generantur: an in aliarum rerum præter hominem primæ productione fuerit terminus ad quem per se ac primarius, sic decidi debet: haud dubie fuit talis totum compositum, & ipsa materia, & formæ materiales, si fiat substantiæ, à materia distinctæ, sin minus, nec hæ nec accidentia fuerunt creationis terminus ad quem per se primarius. Duo restant adhuc discutenda de creatione: Unum, *an ab æterno fieri potuerit?* alterum, *an communicari possit ulli creaturæ, vel ut causæ principali, vel ut instrumentali?* Quod primum spectat, creationem ab

æterno fieri non potuisse, vel eo solum prob. quod repugnet ipsi notione creationis, quæ cum dicat successiorem non esse post non esse, si ab æterno fieri potuit, ab æterno fuit possibilis successio non esse post esse: atqui hoc falsum est; nam nulla successio possibilis, qualiscunque tandem, æternitati assignari aut potest, aut debet, quippe quæ omnis omnino successiōis est expers; hæc enim duo pugnant, esse æternitatem, & aliquam in ea vel possibilem successiōem: si enim æternitas dicit, ut dicit, existentia seu durationis totam simul & perfectam possessionem, impossibile est, ut id, quod ab æterno est aut fieri potuit, aliquando aut non fuerit aut potuerit non esse: sed creatio ab æterno actualis dicit rem aliquando non fuisse, possibilis ab æterno dicit rem creatam ab æterno potuisse non esse: sed & æternitas & omne actu non esse, & omne possibile non esse excludit: ergo creationem ab æterno fieri potuisse impossibile est & contradictorium, nam creatio dicit rem creatam aut ante non fuisse, aut saltem potuisse non esse, ideoque si creatio ab æterno fieri potuit, idem potuit non esse, quod dicit creatio, & non potuit non esse, quod dicit æternitas, quæ aperta est contradictio. Quod secundum spectat, sic prob. nulli creaturæ attribui posse creationem ut causæ principali: Ad creationem requiritur virtus infinita, nulli creaturæ competit virtus infinita, ut causæ principali; ergo nulli creaturæ, ut causæ principali, competit creatio. Minor certa est: quia qualis est essentia creaturæ, talis & virtus ejus; sed essentia creaturæ est finita; ergo & virtus. Major prob. cujus terminus à quo in infinitum distat à termino ad quem, ad ejus termini ad quem productionem requiritur virtus infinita, Sed terminus à quo creationis ad nihilum, distat in infinitum à termino ad quem, substantia creata. Ergo &c: dico expresse terminum à quo distare in infinitum, non terminum ad quem, quia substantia creata finita est, & Deus ens infinitum, ex parte sui plus distat à nihilo, quam substantia creata finita, sed tamen non nihilum à parte sui in infinitum abit ab omni entitate substantiæ creandæ, quia omnem entitatem negat. Ut autem  
aliquid



aliquid extrahatur ex infinita abyſſo nihilitatis, in qua nullus gradus, ac nihil omnino entitatis reperitur, ad aliquam & veram entitatem, opus eſt virtute inſiſſima, quæ iſtam infinitam omnis entitatis negationem in nihilo ſuperet; atqui talis virtus nulli creaturæ competit ut cauſæ principali: ergo multo minus ut inſtrumentali. Sed quod ne ſic quidem creatio competit creaturæ, peculiari hoc argumento probari poteſt: Omne inſtrumentum, qualecunque tandem, aliqua virtute eſt præditum, qua, ſuo modo, ut inſtrumentum attingat effectum cauſæ principalis: ſed nulla talis virtus dari poteſt vel excogitari in creatura, qua, ut cauſa inſtrumentalis, attingat creationem effectumque ejus, creaturam, à Deo, ut cauſa principali productam; nam omne inſtrumentum agit diſpoſitive, id eſt, diſponendo & præparando materiam, ut actio cauſæ principalis tanto ſit facilior; ſed in creatione primum nulla eſt materia quæ diſponatur: deinde, quæ diſpoſitio dari poteſt in ulla creatura, qua actionem Dei, cauſæ principalis, juvet ac promoveat, aliquid producentis ex nihilo? Ergo concludimus, creaturam ullam, nec inſtrumentaliter, nec principaliter concurrere poſſe ad creationem.

## CAP. XV.

## De Providentia Dei.

## Theorema.

*Providentia eſt actio DEI externa tranſiens, terminata in res creatas, quatenus eas conſervat, cum iis cooperatur; & in eo operando gubernat.*

## Comment.

**P**rovidentia dicta eſt à providendo; providere autem idem eſt, quod proſpicere: ſumitur autem vox hæc providentia interdum pro actu interno intellectus divini præſcientiæ, quæ decrevit futura, qui melius diceretur prævidentia: interdum accipitur pro actu externo Dei, quo circa res à ſe productas verſatur, eas conſervando, cum iis concurrente, atque eaſdem gubernando: & ſic hæc accipitur; eſtque executio provi-

dentia iſtius, quæ in ſignificatione priori actum notat Dei internum, omnia providentis, id eſt, prævidentis: vulgò vocatur providentia actualis. Eam dari, licet à nonnullis Ethnicorum dicatur fuiſſe negata, rationibus variis probari poteſt. Prima quidem deſumi poteſt ab exiſtentia Dei, nempe hæc major ab omnibus recepta eſt; ſi Deus eſt, datur quoque providentia. Sed Deus eſt. Ergo. Minorem ante probatam dedimus: probanda ergò venit major, quæ ſic probatur: Si datur ens ſummè bonum. Ergo datur providentia. Sed ſi Deus eſt, datur ens ſummè bonum. Ergo, ſi Deus eſt, datur providentia. Minor iterum vera eſt, & ante demonſtrata, quia Deus eſt bonus per eſſentiam: at quod per eſſentiam eſt bonum, eſt ſummè bonum, Major prob. Si quodcunque eſt ſummè bonum, non tantum eſt bonum ſibi, ſed alteri. Ergo, ſi datur ens ſummè bonum, datur providentia. Sed quodcunque eſt ſummè bonum, eſt bonum non tantum ſibi, ſed al. ri. Ergo, ſi, &c. Prob. Minor. ſi omne bonum ſit communicativum ſui. Ergo quodcunque eſt ſummè bonum, eſt bonum non tantum ſibi, ſed alteri. Verum eſt prius. Ergo & poſterius. Ratio majoris hæc eſt, quia quodcunque tantum ſibi eſt bonum non alteri, id non communicat ſe extra ſe, & ſic non erit ſummè bonum, imò ne quidem bonum ſimpliciter, quia omne bonum, ſive maximum, ſive minimum, ſtudet ſe communicare alteri, ac diſfundere verſus ſeu ad entia alia, vei per modum ſinis, vel per modum medii. Altera ratio, qua probatur Providentia Dei, accipitur de Dei attributis, vel proprietatibus; etenim qui ſapientiſſimus eſt, potentiſſimus, optimus, juſtiſſimus, & clementiſſimus, ejus non poteſt non dari providentia circa res à ſe creatas: atqui Deus talis eſt: Ergo, &c. Major probatur ab abſurdo: nam ſi Deus mundo, creato à ſe, non providet, id eſt, aut quia non vult, aut quia non poteſt: ſi non vult, non eſt optimus; ſi non poteſt, non eſt potentiſſimus. Tertiã rationem pro providentia Dei aſſerenda ſuppeditant ipſa Dei effecta atque opera, inter quæ eminet hoc univerſum, ſive *mundus*, quod mundum vocamus, cui tanquam characteres inſculptæ ſunt, ſapientia, bonitas & potentia divinas, quas cernere eſt, ex admirabili

bili rerum inter se omnium ordine, ex earundem varietate stupenda, in qua nihil magis est mirandum, quam tanta rerum creatarum inter se dissensio ac pugna manente earundem consensione & concordia; ex finibus ad quos entis creata singula tendunt, à Deo præordinatos & intentos, ad quos singula dirigit, ut jam nunc non loquar de offensis & portentis mirabilibus, quæ multa sæpè occurrunt; ut taceam tempestates horribiles, eventus singulares & insperatos, rerum plurimarum arcanas & imperscrutabiles causas, item poenas sceleratorum, beneficia in bonos collata, politiæ alicujus conservationem, & à contrario ejusdem eversionem ac translationem. Quarta ratio peti potest ab omnium hominum consensu & notitia naturaliter insitâ; nam si pervolvantur testimonia Homeri, Pindari, Epicharmi, inter antiquos Græcorum; Plauti, Ovidii, inter antiquos Latinorum; & inter Philosophos Platonicos, Marsilium Ficinum, deprehendit omnes urgere hoc argumentum desumpsisse à lege naturæ. Quinta ratio petitur nonnullis ab indigentia rerum creatarum: eam sic instrunt: Si nulla creatura potest esse talis, ut non indigeat influxu causæ primæ, ergo oportet ut Deus creatoris istis det aut largiatur id, quod illis deest; atque hæc est ejus providentia, dum illis propiciet à necessariis ad subsistendum & operandum; quod si per macrocosmum ire libeat ac microcosmum, & cœli & stellæ singulæ, quin unus sol aut (nihil loquar de elementis, meteoris, mineralibus) & quælibet planta præsentem docet esse Deum sua providentia, imò bruta singula Dei providentiam vocibus suis exclamant. Sed enim postquam providentiam divinam dari certum est, excutendum venit, quinam sint ejus actus & quodnam objectum. Actus providentiæ divinæ, prout hæc notat, non propositum aut decrerum, aut voluntatem prospiciendi rebus, sed ipsam actualem curam ac speculationem rerum, est, tum conservatio, tum cooperatio, tum gubernatio; de quibus singulis dicemus. Objectum providentiæ sunt res creatæ, & quidem omnes, à maxima ad minimam, nulla excepta, tum bonæ tum malæ; bonæ tanquam objectum primum, malæ tanquam objectum secundarium; omnes

aliquo modo, non tamen eodem modo; de quo in sequentibus.

## CAP. XII.

## De Conservatione.

## Theorema.

*Conservatio est actio Dei externa, transiens qua existentiam rerum à se creatarum continuat, ut in ea perseverent.*

## Commentarius.

**P**rimò observanda hic venit distinctio Conservationis in permissivam seu negativam, & positivam seu affirmativam. Prior in eo consistit, ut Deus permittat rem à se creatam manere in eo statu, in quo semel eam creando collocavit, & ut non neget illam sustentationem sine qua ne ad momentum quidem subsistere valeret: Posterior in eo est sita, ut Deus ponat continuum ac indefinenter perpetuum influxum in esse creaturarum, quod creando semel illis dedit, & vocatur affirmativa, quia ponere hic idem est, quod affirmare; & pari ambulant passu in Philosophia ens positivum & affirmatum seu affirmativum; quam definit theorema conservationem, intelligenda est illa non prior, sed posterior. Habent Metaphysici aliam insuper distinctionem conservationis, in directam & per se, & indirectam & per accidens: Illa est eadem cum conservatione positiva, sitque per realem & positivum influxum in essentialitatem rerum creatarum, eo ferè modo, quo sol reali & positivo influxu conservat lumen à se productum in aère, continuo radios suos spargendo: Hæc est eadem cum conservatione permissiva seu negativa, & sit per remotionem aut prohibitionem ejus, quod, nisi removeretur ac prohiberetur, rem creatam in esse suo accepto destrueret; quod modo dici posset Angelus aut homo unus alium hominem conservare, si alteruter removeret ac prohibeat lapidem de tecto cadentem, quo poterat interfici homo præteriens, ne eum feriat aut tangat. Conservatio igitur dicit in sua ratione formali actionem Dei externam, id est, extra Deum terminatam, positivam, directam, tendentem ac transeuntem in esse rerum creatarum. Quæri hic solet, sitne actio distincta

cta à creatione? *Thomas Aquinas* eam vocavit creationem continuatam, quod non debet sumi sic rigoroſe de continuatone proprie dicta quæ eſt rei diviſibilis; ſed intelligi debet juxta noſtrum concipiendi modum; nam in re ipſa creatio & conſervatio ſunt una eademque actio indiviſibilis; aliquo tamen modo actio hæc una à ſe ipſa diſtinguitur, non re, ſed ratione, ac per reſpectus diverſos, quos dicit vel ad nullum eſſe præhabitu creaturatum; ac tum vocatur creatio; vel ad aliquod eſſe præhabitu, & appellatur conſervatio; creatio enim nullum eſſe præſupponit, conſervatio contra; ideoque res non dicitur conſervari primo inſtanti cum fit, creari poſtquam facta eſt; diſcrimen autem rationis inter utramque ſic probari poteſt. Quæ realiter ſunt idem, ea tantum diſtinguantur ratione; ſed creatio & conſervatio realiter ſunt idem: prob. maj. quia pugnat eſſe realiter idem & diſtingui realiter. Minor prob. quia eundem habet terminu ad quem; nam idem eſſe quod creatum eſt, hoc ipſum quoque conſervatur, ſicut idem lumen in aëre productum à ſole, hoc ipſum ab eo continuatur eadem actione; qua productum eſt; & reſpectus nullus rationis diſcrimen inſert reale: atque in objecto tum creationis tum conſervationis, eſt reſpectus tantum rationis, quatenus objectum, cum dicitur creari, nondum exiſtit; cum conſervari, jam exiſtit. Conſervationi opponitur annihilatio, quæ nihil eſt aliud, quam ſubductio aut ſubſtractio actualis influxus divini, qui, quamdiu conſertur creaturæ illa in eſſe ſuo perſeverat; ſiſmul atque auſter, recidit illa in nihilum. Hic tenendum eſt illud accurate, quod uti conſervatio influxum dicit poſitivum, ita annihilatio omnem actionem poſitivam neget; atque hoc ſic probatur: Nulla actio poſitiva terminatur in nihil: ſed annihilatio terminatur in nihil: ergo non eſt actio poſitiva. Major facile patet; quia omnis actio poſitiva ſic dicitur, quod pro termino ad quem aliquid ponat: ſed quod terminatur in nihil, ut annihilatio, nihil ponit: ergo annihilatio non poteſt dici actio poſitiva. Prob. min. ſyllogiſmi prioris: Deſtructio rei quoad eſſe totum terminatur in nihil: annihilatio eſt talis: ergo, &c.

## CAP. XVII.

## De Concurſu DEI.

## Theorema.

*Concurſus DEI eſt actio externa, tranſiens, qua omnibus cauſis ſecundis cooperatur in actionibus earum, atque effectibus producendis.*

## Comment.

Cum de Concurſu Diſputationibus aliquot à nobis Meletematum vol. primo fit actum, tanto brevius in eo explicando hic deſungemur. Concurſum dari ex Veteribus Scholaſticis nonnulli negarunt; quæ ſententia tribui ſolet *Petro de Altiaco* & *Guilielmo Durando*, utrique commentanti in *Magiſtrum Sententiarum*; ac reſuſcitavit jam ſepultam eorum opinionem ante non ita multos annos *Ludovicus à Dola*, *Monachus Burgundus Capucinus*; & rejicitur tamen hæc ſententia ab omnibus aliis Scholaſticis, qua Veteribus, qua recentioribus. Sententiam priorem extra Papiſmum tenuit quoque *Nicol. Turrellius*, *Profeſſor* quondam *Noricus*, in ſuo Metaphyſicæ triumpho: verum enimvero dari actionem aliquam Dei qua non tantum actu, ſed & immediate cooperetur cum creaturis operantibus, ut ſine ea creatura operari nihil quicquam valeat, hinc probatur: Quod uti ſe habet res creata in eſſe, ita & in operari: ſed creatura dependet à Deo & dum eſſe accipit & dum illud retinet, utrumque per actualem Dei influxum: Ergo & tali modo dependet à Deo cum operatur. Stabilitur hoc argumentum hoc ariete: Quod ſi aliqua actio à creatura fiat non cooperante Deo, jam dabitur aliqua entitas creata aut creaturæ, quæ ſubducatur efficientiæ ac ſubtrahatur providentiæ divinæ, poſterior eſt abſurdum, ergo & prius. Sed vero tota difficultas hic ſita eſt in eo, quomodo Deus concurret cum creatura ad operandum immediate? ubi obſervandum eſt, Deum cum quovis operante agere immediate, immediate virtutis & ſuppoſiti: immediate virtutis, quatenus ejus virtus aut potentia ipſum effectum creaturæ agentis actionemque ejus attingit: Immediate ſuppoſiti con-

concurrit Deus, quia cum ubique sit sua essentia, nec hæc distingatur ab ipsius potentia, etiam essentia ejus ac substantia (quæ hic venit nomine suppositi) effectum actionemque, qua producit, attingit; alioquin cum cooperatio ex vi vocis importet actionem Dei sociam & conjunctam cum cooperatione creaturæ (neque enim se solo urit, sed cum igne & per ignem; neque se solo loquitur, sed cum homine & per hominem) aliquo sensu posset dici agere mediate, quatenus illas actiones producit mediantibus igne & homine, & omnes alias actiones creaturarum aut causarum secundarum, mediantibus creaturis suis ac causis secundis, cum quibus & per quas, actiones illas producit, ac cum producit potius. Illud in præsentiarum discutendum maxime venit, *an Deus eodem modo concurrat cum omnibus causis secundis ac creatis, sive bene agant, sive male?* Resp. nihil est certius, quam Deum cooperari omnibus causarum secundarum operationibus: sed cum causæ secundæ sint in duplici ordine, ac quædam agant naturaliter seu necessario, quædam libere; quæstio redire potest, *an eodem modo cum utrisque concurrat?* Resp. quod Deus non tantum concurrat cum causis secundis, sed cum unaquaque causarum secundarum, congruenter naturæ illarum: ita cum causis necessariis, concurrat necessario; cum liberis, libere: id est, sic cooperatur cum causis necessariis seu naturalibus, ut concursum suum accomodat naturis istarum causarum, quæ hæc est, ut positis omnibus ad agendum requisitis, non possit non agere; sed cum creaturis liberis sic concurrat, ut, quamvis ex concursu prævio & simultaneo non possint non agere, habeant tamen potentiam in se, qua possint non agere: nam Deus ut causa prima, non simpliciter concurrat ad actiones & effecta creaturarum, ut causarum secundarum, sed & ad modos agendi in creaturis ac causis secundis, iisque suum concursum accomodat; atque ideo cum causis naturalibus & necessariis agit necessario; cum causis liberis, libere. Interim hoc tenendum est, concursum Dei alio modo conferri actionibus bonis quam malis; nam cum quis bene agit ad actionem

bonam istam, qua est actio, eodem modo concurrat Deus, quo concurrat ad actionem malam, qua est actio: atque hic vocatur concursus Dei generalis, th. 5. Disp. 11. Mel. vol. 1. Sed vero speciatim per specialem concursum concurrat Deus ad bonitatem actionis, cum creatura bene agit: ad malitiam nullo modo concurrat; si eam abstrahas ab omni actu & habitu, tanquam subiecto, aut materiali. Quæcunque vero de concursu, aut prævio aut simultaneo, aut per modum principii, aut per modum actionis, disputari solent, ea abunde exposuerunt *Disp. Selectæ*, 7, 8, 9, 10, 11, in vol. 1. Meletem.

## CAP. XVIII.

## De Gubernatione Dei.

## Theorema.

*Gubernatio est actio Dei externa, transiens, qua res à se creatas & conservatas, causasque cum quibus cooperatur, regit & dirigit ad fines suos.*

## Comment.

**G**ubernatio aliis dicitur providentia divina actualis, qua Deus pro sua Sapientia limites figit ac terminos entium cuique creato & conservato à se, ne in operando ultra eos abeat; ideoque varia hic designat Dei munia, prout vel bene vel male operantur creaturæ: Sed cum creaturæ in duplici sint ordine, vel naturales, vel morales, utrasque gubernat Deus, atque ad fines à se præstitutos dirigit: & sicut omnia creavit entia, non tantum maxima, sed & minutissima, atque etiam num conservat utraque; ita & utraque gubernat: nam cur subtrahatur divinæ gubernationi, quod non designatus est, & creare, & conservare, sive summum fuerit entium creatorum, sive imum? Atque hic videre est errorem quorundam: atque inter eos insignis alioquin Theologi, *Petri Molina*, in Anatome Arminianismi editionis primæ, negantium providentiam Dei, id est, gubernationem occupari circa res viles, exiles, & minutas; cum tamen sacra docet pagina & boves esse curæ Deo, & passeres, & pilos nostri capitis, quorum ne unusquidem de capite nostro deciderit, sine voluntate, id

id est, providentia actuali, seu gubernatione Dei. Interim, licet Deus gubernet, & ad fines suos dirigat entia & agentia naturalia in operationibus suis, cœlum & solem in motibus suis, elementa & res mixtas in suis, plantas & bruta in suis; speciali tamen modo gubernat, regit, dirigitque homines ad fines à se iis præstitutos; quorum ultimus est gloria ipsius Dei: omnia enim Deus fecit propter hominem, & hominem propter seipsum, non tantum pium ad diem boni, sed & impium ad diem mali. Hinc duplex est Dei gubernatio circa causas morales, scilicet homines, vel bene vel male agentes; nempe hæc hominum divina est gubernatio in hac vita, ut quo ad afflictiones, & calamitates, bonis, id est, piis, hic male sit, & malis hic sit bene: quæ tamen ambo dirigit ad bonorum salutem, malorum exitum, & nominis sui gloriam. Sed præter gubernationem Dei conspicuam in afflictionibus & calamitatibus, tum piorum, tum impiorum, quæ sunt mala tristitia & poenæ, specialissime cernitur divina providentia actualis, aut gubernatio, circa mala turpia aut culpæ: Circa hæc enim Deus non uno modo se habet. In genere hoc verum est, quod omnibus actionibus creaturarum malis seu peccaminosis Deus utatur bene: & sicuti ex tenebris novit educere lucem, ita ex malo seu peccato novit producere bonum: nam malo turpi seu culpæ, id est, peccato, uti novit, tanquam medio, ad illustrandam gloriam suæ Majestatis ac nominis, atque exerendæ & exercedæ, tum suæ misericordix in condonando, tum suæ justitiæ in puniendo; atque sic peccatum ipsum dirigit in gloriam suam. Hæc quidem est una & prima pars, ut sic dicam, gubernationis divinæ circa peccatum, nempe ejus ordinatio ad finem bonum: atque hoc sensu *Twissus* & ante eum *Bradwardina*, recte dixerunt, bonum esse, id est, utile, ut mala sint aut fiant, & Deum velle aut decernere mala, id est, peccata, ut sint ac fiant, quia providentia sua æterna, id est, decreto suo ordinavit, ut essent media conducibilia illustrandæ gloriæ

tum misericordix, tum justitiæ suæ divinæ; atque in tempore quoque illis, tanquam mediis utitur, per providentiam suam actualem, gubernationem atque ordinationem ad suos fines, exerendæ justitiæ, dum ea punit in infidelibus & damnatis, vel condonat in fidelibus & electis, per & propter Jesum Christum. Sed non minus conspicuam sese exhibet, altera quasi gubernationis divinæ aut providentiæ actualis Dei pars circa peccatum, dum unicuique peccanti, peccato, limites præscribit ac terminos, ultra quos non transgrediatur, non aliter quam apud Jobum vasto mari dicitur præfixisse terminos ac limites, ultra quos non ascenderet suis fluctibus, sed ad quos se componeret: ita peccatores & peccata certis carceribus & cancellis coercet. Præterea sic se gerit in dirigendo peccatum quod permittit, ut interdum occasiones aliquas & objecta offerri patiatur peccantibus, sine quibus, si non offerrentur, non peccarent homines; imo interdum impedimenta, quæ peccantem à peccato impediunt ac prohiberent, aufert, subtrahit, subducit, justo tamen judicio, in poenam peccatorum præcedentium, quæ hoc sensu utique posteriori dicitur obdurare & excæcare cor hominum. Verbi c. Pharaonis, præcipere peccatum, v. c. Simeï, ut malediceret Davidi, tradere aliquem in reprobum sensum. Quomodo verò se habuerit actualis providentia Dei aut ejus gubernatio, circa peccatum primum primi hominis, cui nullum præcessit peccatum prius, ut non potuerit in prioris peccati poenam illud permittere ac dirigere, fortassis ignorari à nobis voluit Deus, quia tam parum de illa circa illud nobis revelatum est in Historia lapsus primorum parentum, & totius generis humani in iis, *Genes. cap. 3.* atque hic valet illud Scaligeri Distichon Iambicum.

*Nescire velle, quæ magister maximus*

*Docere non vult, erudita inscitia est.*

Atque hisce verbis & hanc materiam, & universam Theologiam naturalem de Deo concludimus.



## CAP. XIX.

## De ANGELIS.

*Cum Pneumatica hujus lib. 2. c. 1. Theor. 1. Spiritus fueris divulus in increatum & creatum: postquam spiritus increati, puta Dei, satis superque excelsissimam naturam & attributa; discutienda veniunt jam nunc spiritus creati essentia, proprietates & operationes: Fuit ille divulus ibidem theor. 2. in Angelum & Animam rationalem.*

## Theorema.

*De ANGELIS queri potest, uti de DEO questum est, an sint, & quid sint?*

## Comment.

**R**udolphus Goclenius in speculo Physicæ completæ, præter corpora naturalia de Angelis quoque agit, quod ex Ramæis nonnulli etiam fecerunt; sed illi tum objectum Physicæ faciunt non corpus naturale, sed rem aut substantiam naturalem; quo sensu illud aut excusari aut tolerari potest: at vero si à communi opinione non abeat, quæ Physicæ objectum statuit corpus naturale, de Angelis in ea agi nequit; sed eorum doctrina omnino huc ad Pneumaticam pertinet. Vox (Angelus) non tam essentiam, naturam aut substantiam notat, quam officium, ex vi enim originis suæ nuntium significat: hodie tamen usurpari solet pro substantia spiritali creata, intellectu prædita, distincta ab homine, aut anima potius rationali hominis separata: Atque hac significatione queri potest, an dentur Angeli, quos genios alii, alii dæmones, alii intelligentias vocant? Multi, quod dentur, ratione naturali negant posse demonstrari, quia, inquit, neque à priori neque à posteriori demonstrari id potest: Non à priori; quia carent necessaria existentie suæ causa: non à posteriori; quia, quicumque producit effectus, ex quo existentia Angelorum demonstrari videatur, in aliam causam refundi potest. Nos idem sentimus; ac sententiae nostræ rationes exposuimus *disp. Select. vol. 1. disp. 12. th. 5* Questionem an sint Angeli, excipit questio quid sint, quæ respondet essentiae Angelorum, eorumque definitione solvitur, quam

ibidem attulimus *th. 6. & seq.* Attributa Angelorum, quæ sequuntur essentiam, intellectum puta & voluntatem, quæ sequuntur existentiam, localitatem & durationem, fuse ibidem explicat *disp. 13.* Actiones eorum immanentes; intellectionem & volitionem, explicatas prolixè dederunt eodem in loco *disp. 14. & 15.* Actiones vero illorum transcurrentes, quas inter principem tenet locum motus eorum localis, exposuit, quæ proxime fuit sequuta, *disp. 16.* quare, quum nihil circa Angelorum doctrinam à nobis dici possit, quod non ibi fuse & satis ex dignitate est deductum, ne idem bis dicamus, aut jam dicta repetamus, ulteriori labore explicandi Angelorum naturam, proprietates, effecta, impræsentiarum superiedemus, & Lectorem ad Meletemas. seu *Select.* ex Philosophia *disp. vol. 1.* ablegamus.

## CAP. XX.

## De Anima Separata.

## Theorema.

*Altera Spiritus creati species est anima rationalis, quam spectabimus impræsentiarum ut à corpore est separata; quo in statu divi eam nemo negabit, nisi qui ejus negare immortalitatem fuerit ausus: sique primum in animæ rationalis inquiremus immortalitatem; deinde, in ejus, post separationem, statum; denique, in ejusdem separatæ potentias, habitus & actus.*

## Comment.

**D**E Anima Separata peculiarem tractatum conscripsit Maccovius, sed ita confusum & vrisse editum, ut plurimis in locis sensus ejus capi nequeat: de eadem agunt plerique Metaphysici in secunda parte Metaphysicæ, & speciatim scriptores Pneumaticæ; nos tria in theor. proposita capita ordine discutimus, exorssi à primo, de quo olim quoque in *disp.* ex Philosophia *Selectis* unam instituiamus. Queritur ergo, an anima rationalis sive humana sit immortalis? Hic intelligenda venit immortalitas quæ est à parte post, & quæ est, non per gratiam, sed per naturam, quæ talem essentiam acceperit à Conditorè, Deo, ut neque in se habeat principium mortalitatis, mortis, aut corruptionis, neque



neque per causas secundas naturales destrui possit. Sed ut adhuc clarius controversiæ status intelligatur, tenendam est, aliquid immortale dici, vel quod nullo modo prorsus desinere potest, quicunque is sit, & vocatur quibusdam immortalitas per naturam, quatenus repugnat, ejus, quod sic immortale est, naturæ, desinere ullo modo; & sic solus Deus est ac dicitur immortalis: vel secundum quid, quod certo modo desinere nequit, scilicet ex se, ex natura sua, quod tamen potest desinere, si à Deo anaihiletur; & vocari illud solet immortale per gratiam; atque hoc quoque sensu anima rationalis dici potest immortalis per gratiam. Interdum immortale dicitur per naturam, quod intra naturam suam nullum habet corruptionis principium, licet aliunde, scilicet à Deo, destrui possit, & sic inpræsentiarum nos animam rationalem asserimus immortalem per naturam, & tum ei opponitur immortale per gratiam, hoc sensu, quando aliquid, licet habeat intra se corruptionis principium, speciali tamen actione Dei conservatur ne pereat, quo sensu si animal, v. c. equus, à Deo conservaretur in æternum, esset illud, vel ille, immortalis per gratiam, sed mortalis per naturam; quia non tantum ab extrinseco, sed & ab intrinseco corrumpi potest, quippe in quo est calor depascens humidum, quod est corruptionis principium internum. Ergo animam rationalem sensu, quo diximus, esse immortalem, probatum imus ratione hac. Quicquid est substantia spiritualis & à materie concrectione liberum atque immune, id est immortale, adeoque à nullo agente creato interimi potest, nec à seipso desinere; quia non potest tolli nisi per annihilationem; corruptio enim est eorum, quæ ex materia constant & forma. Atqui anima rationalis est substantia spiritualis, & à materie concrectione plane libera atque immunis. Ergo est immortalis. Minor prob. Cujus operationes non dependent à materia, id ipsum est spirituale, & ab omni materie concrectione liberum & immune; operationes enim indicant essentiam, & modus operandi sequitur modum essendi. Atqui operationes animæ rationalis; intelligere, velle, &c. non dependent à materia: intelligimus enim & volumus, immortalia,

spiritualia, universalia, Prob. iterum Minor. Qui actus Deo & Angelis conveniunt, non dependent à materia, quia illi omni materia carent. Atqui intelligere & velle competunt Deo & Angelis. Ergo, &c. Hic addde; nulum posse nominari organon, per quod actus illi exercentur intelligendi & volendi, sicuti ad visionem & auditionem deputavit natura & oculos & aures; ac licet in corpore secundum naturæ ordinem utatur anima rationalis in intelligendo sensuum ministerio, potest tamen sine iis producere intellectionem; quia & potest Deus ei imprimere immediate speciem intelligibilem, quæ cognoscat, & in raptu atque ecstasi anima rationalis operatur absque actuali dependentia à sensibus: itaque dependentia à sensibus non est intrinseca animæ, utcumque sit conveniens naturæ ejus, quamdiu in corpore existit: Insuper & hoc hic dici potest, quod potentia & actus debeant sibi habere objectum proportionatum, ut, si objectum existat supernaturale, immortale, universale, immateriale, talis quoque debeat esse & potentia, & actus; quia ista tria debent inter se convenire, sibi invicem congruere & assimilari: ideoque si potentia intelligendi foret corporea, actus intelligendi materialis non posset intelligere immaterialia, supernaturalia, universalia, immortalia: quæ tamen omnia intelligit. Postremo, actus ipse intelligendi efficacissime ostendere videtur, animam esse immortalem & immaterialem; quia adeo subtilis est, ut intimas rerum quidditates penetret; adeo sagax, ut conjunctissima discernat; adeo potens, ut quæ non sunt, nec esse possunt, fingat ac concipiat, ut super actum suum reflectatur, ut seipsum ab aliis rebus distinguat, &c. quæ omnia, ut ipsius intellectus arguunt immaterialitatem & immortalitatem, ita quoque animæ intelligentis eandem esse naturam demonstrant. Idem dici potest de actibus volendi & appetendi, &c.

Secundum, quod quærebatur, hoc erat, *qualis sit animæ separata status? an naturalis, an vero, vel contra, vel supra, vel præter naturam?* Intelligimus autem hic animæ statum in facto esse, i. e. cum jam separata est, non vero in ipso separationis fieri, id est, quando separatio fit. Ad questionem propositam

distincte respondemus. Primo, *status animæ separata non est contra ejus naturam*: quia sic esset in statu violento: at quod in tali statu detinetur violenter, sic detinetur per aliquod agens externum, sicuti grave detinetur in loco superiori ab aliquo agente extrinseco, quod manu illud detinet: Atqui anima sic non est in statu separato, neque in illo statu detinetur ab ullo externo agente: Ergo ille status animæ separata non est contra naturam. Sed in tali sensu est naturalis; nam violentum aut contra naturam est, cujus principium est extra, aut quod sit repugnante naturæ, & contra propensionem naturalem, & cui ipsa res resistit per suam naturam aut formam, quomodo contra naturam lapidis est, & violentum ipsi detineri in aere per manum alicujus: At hæc non quadrant animæ separata. Secundo, *status animæ separata non est supra ejus naturam*: Quia sic anima non ex se & natura sua, præsupposito generalis divinx conservationis influxu, à corpore superesset, sed ex superveniente speciali ac supernaturali, imo à miraculosa actione Dei, qualis requireretur ac cernebatur in conservatione ferri natantis, & conspiceretur, si forma bruti à morte superesset: At vero anima naturaliter & secundum consuetum naturæ ordinem, cursum, conditionem, &c. separatur à corpore, & ipsi ab intrinseco, atque ex natura sua debetur permanentia in statu illo separato, ut nulla extraordinaria aut miraculosa Dei actio interveniat: Hæc enim natura est animæ corpori unitæ, ut aliquando ab eo sit separanda, ac cum separatur, servatur naturæ ordo, quem ipse Deus in illa posuit; omnibus enim hominibus constitutum est semel mori: at per mortem, à statu conjunctionis transit anima ad statum separationis. Ergo status animæ separata hoc quoque sensu est naturalis. Terrio, *status animæ separata est præter ejus naturam*; & hoc sensu est non naturalis. Quod ut intelligatur, sciendum est, quomodo naturale & supernaturale opponantur: Naturale oppositum præternaturali, dicitur id, quod rei competit ex propria, particulari ac specifica sua natura, & ei convenit ex sui ipsius inclinatione ac propensione naturali: Præternaturale dicitur, quod rei non competit ex propria, particulari ac specifica

sua natura, neque ei convenit ex inclinatione ac propensione naturali; cum tamen in re oritur, ipsius naturæ non repugnat nec eam destruit, nec vim aut violentiam ei infert; quo sensu in Physicis dici solet, circularis motus ignis elementaris, dum circumgyratur à vicino cælo, esse præter naturam ejus; quia naturaliter movetur motu recto sursum; uti contra naturam ejus est, quando vi aliqua aut violenter detruditur ac movetur deorsum. Hæc nunc applicemus; naturale est animæ humanæ & conveniens ejus naturæ, ut sit essentialis pars hominis, adeoque maxime ipsi est essentialis ac congruum, ut totum constituat hominem puta: Sed hominem ut totum non constituit, nisi sit pars actus: non est pars actus, nisi uniatur: non unitur, cum est in statu separato: non tamen status separatus ei repugnat, aut naturam ejus destruit, nec per vim aut violentiam in ea oritur: Ergo status animæ separata est præter ejus naturam; nam separata nunc anima privatur aliqua conditione sibi maxime naturali, scilicet unione actuali cum corpore, quæ ei convenit ex natura sua, atque ex ordine ipso quem Deus in natura posuit; utpote qui voluit eam esse alteram naturæ humanæ aut hominis partem essentialem: Atque hinc est, quod anima separata perpetuum habeat appetitum informandi corpus, qui scilicet essentialiter est forma hominis: At omnis formæ hæc est natura ut informet; quia omnis naturalem dicit & inclinationem; & aptitudinem ad informandum; quam utramque anima post separationem à corpore non amittit, sed vero retinet: Unde recte dicitur à Scholasticis, *quod anima separata naturalis appetit appetat et informare. An etiam appetitu licito?* putamus quod sic, neque enim videmus, quid obstat, quo minus anima voluntate prædita, actu voluntatis elicit appetat illud, ad quod naturaliter propendet. Neque tamen ex hoc naturali animæ separata ad informationem appetitu licet inferre (quod nonnulli perverse faciunt) animam separatam posse corpori naturaliter reuniri; neque enim hoc inde sequitur: verum uti per creationem, actionem Dei supernaturalem, primum est producta, & corpori unita ac conjuncta, ita postquam per mortem à corpore est separata, per novam

iterum actionem Dei supernaturalem corpori suo eidem reddi, restitui, ac reuniri debet.

Tertium caput, quod discutendum circa animam separatam fuit propositum, est, *an in anima separata sint superstites ejus potentie, habitus & actus.* Resp. quod attinet ad potentias ejus, intellectum & voluntatem, ac si velis, memoriam intellectualem, istæ potentie sive statuuntur re ipsa ab anima distinctæ, sive eadem cum anima rationali, manent superstites in anima separata; nam si posterius dicatur, fieri aliter nequit, quin superstites anima, superstites maneat quoque intellectus & voluntas, quia ponuntur planè idem esse cum anima, imò ne aliter quidem esse potest, quin superstites maneat, etiam si dicatur prius: licet enim ponatur istæ potentie realiter ab anima distinctæ ac diversæ, dicuntur tamen emanare ab anima rationali, tamquam proprietates à subiecto, aut effecta à causa emanativa: At posita subiecti aut causæ emanativæ existentia, non poni propria aut effecta emanantia, impossibile est; quia existentia hic est ipsa causalitas, quæ causa ponitur in actu, scilicet emanativa, sed causa in actu posita, non potest non sequi aut poni effectum; ideoque distinctio realis harum potentiarum non impedit, quo minus superstites maneat in anima separata. Sed *quid dicendum est de potentiis materialibus, vegetantibus & sentientibus?* Resp. Non sunt actu superstites ex illorum Philosophorum hypothese, qui tres re ipsa distinctas animas descendunt in homine; nam illis ne ipsæ quidem animæ, vegetans & sentiens, sunt superstites, nedum ut earum potentie superstites maneat. Atque hæc est sententia nostra: Contra sunt superstites ex illorum Philosophorum hypothese, qui usam tantum in homine statuunt animam quoad substantiam, ejusque volunt esse facultates, partim immateriales, intellectum & voluntatem; partim materiales, quæ vulgò animæ tribuuntur vegetanti ac sentienti, sive potentie hæc materiales, ab una quoad substantiam anima rationali scilicet distinguuntur re ipsa sive ratione: si posterius dicatur, non possunt non manere superstites, manente superstiti anima, cum qua re ipsa conveniunt, & à qua ratione tantum distinguuntur: si dicatur prius, ut ponatur re ipsa distinctæ potentie

ab animæ substantia, adhuc tamen superstites manent in anima separata; quia ajunt, eas dependere ab anima, tamquam à principio efficiente per emanationem naturalem, seu ut à causa emanativa; ideoque eā posita non possunt non poni; quamvis hoc difficile sit conceptu, quomodo ab anima rationali, quoad substantiam & essentiam immateriali, emanent potentie materiales, id est, dependentes à materia in fieri, esse & operari. Interim hoc observandum est, potentias materiales, non secundas sed primas tantum, manere in anima separata, (si manent) & quidem inadæquatè, virtualiter, quoad actum primum, non item secundum: Ac potentie immateriales, intellectus & voluntas, manent in anima separata adæquatè, formaliter, totaliter, & quoad actum non tantum primum, sed & secundum. Quod attinet ad habitus animæ separatæ, ii primum sunt distinguendi; alii enim imperfecti sunt, competentes animæ in statu conjuncto ejus cum corpore, uti opinio & similes habitus; alii in eodem statu sunt perfecti; illi tanquam repugnantes statui separato animæ, ab eo aberunt: cum enim ad perfectionem intellectus pertineat certa & firma rei ac veri notitia, qualis non est opinio, quæ est cognitio incerta & infirma; utique in statu illo separationis & perfectionis propter perfectionem intellectus in anima separata non erit opinio; manebit tamen certa ac firma notitia, utpote quæ nihil imperfectionis involvit, nec statui separato repugnat: Atqui ita quoque distinguendi sunt habitus voluntatis, & de imperfectis ejus habitibus idem pronuncian- dum, quod nunc pronunciamus de habitibus imperfectis intellectus: at verò habitus perfecti utriusque manebunt in anima separata, nonnulli quoad entitatem tantum, nonnulli quoad actum secundum aut usum: alii utroque modo; sic manebit & habitus & actus dilectionis ac charitatis: at quoad entitatem solum, non quoad usum, manebunt habitus fortitudinis, temperantia; liberalitatis & similes alii, qui quoad actum primum erunt superstites. non item quoad actum secundum, quia in statu animæ separatæ deest corpus, absque quo isti habitus ad actum secundum traduci nequeunt: Quia verò ad habitus vulgò referuntur *species intelligibiles*, quæritur de iis, *an*

*sint futura Superstites in anima separata?*  
 Resp. quod sic; quia primo non dependent in sui conservatione à phantasmatis; ergo possunt superesse extra corpus in anima: secundo, quia in anima separata datur recordatio: at ista non fit nisi mediis speciebus intelligibilibus in intellectu, aut memoria potius intellectuali existentibus, ad quas cum intellectus actu recurrit, dicitur recordari, meminisse. Quod attinet ad actus animæ separatæ, intelligendi, volendi, illi sunt superstites manfuri in ea. Animam separatam intellecturam nemo dubitaverit, qui eam & rationalem esse & immortalem admisserit: ac licet anima non efficiatur per separationem suppositam, (cui vulgo tribuuntur actiones, non quidem ut principio quo, sed ut principio quod, seu non per modum principii quo, sed per modum principii quod) in hoc tamen statu separationis anima rationalis, quamvis propter respectum & ordinem ad corpus, cui est reunienda, sit substantia incompleta, &c. non suppositum, quod est semper substantia completa; imitatur tamen naturam substantiæ completæ & suppositi, in eo quod cognoscat; & cognoscit non tantum ea, quæ corpori cognovit conjuncta, per & propter reservationem specierum sensibilium, quæ vulgo dicitur memoria intellectualis, sed intelligit insuper animas alias separatas, & Angelos & Deum; particularem vero rerum, quæ in hac terra geruntur, notitiam; ex se ac suis viribus non habet, sed si habet, eam habet ex revelatione, unde etiam vulgo intellectio omnis dicitur vel ex proprio lumine nâa, vel aliunde revelata. Quidam volunt, animam separatam nec se ipsam, nec Angelos, nec Deum cognoscere per speciem intelligibilem; sed si intelligant per speciem expressam, condonari hoc illis potest, quomodo intelligit sensibilia per phantasmata, ex quibus species intelligibiles exprimit, alioquin omnis ejus intellectio fit per speciem vel expressam vel impressam. Quod attinet modum intelligendi, certum est, animam separatam non speculari phantasmata; hæc enim à sensibus offeruntur intellectui; at cum sensibus nihil commercii est animæ in hoc statu: sed quod tunc intelligit, illud intelligit per species, vel sibi concreatas, vel divinitus impressas, vel

abstractis, vel adhuc reliquis. Quod anima separata præter species reservatas novis consignatur speciebus, certum est; sed an eas à Deo accipiat, an ab objectis abstrahat, an divinitus à Deo sibi imprimantur, non est certum: ideoque usi sumus particula disjunctiva *vel*, atque existimamus omnibus quatuor modis eam cognoscere in hoc statu. Porro anima separata non tantum apprehendit, sed etiam componit ac dividit, imo & discurret: quod componat ac dividat, inde liquet, quia distincta cognitione fertur in subjectum propositionis, & in prædicatum, imprimis si ipsa à parte rei sint distincta, quæ in tali casu non possunt non cognosci per compositionem & divisionem. Quod dicurrat, hinc patet, primo, discursu discreto, quia cognoscit naturalia, nec tamen omnia simul, sed successive; secundo, continuo, quia datur in anima dependentia intellectiois ignotioris à notiori; sic quando animæ separatæ aliquid signum revelatur, illud deducit eam in notitiam rei, ut ignotioris, per signum significatæ. Discretus discursus vocatur hic, quando anima separata progreditur ab uno cognito ad aliud, sine tamen dependentia cognitionis unius ab alia, estque tantum discursus ordinativus. Continuus dicitur, quando posterior cognitio inferitur ex priori, estque discursus illativus, nihilque aliud, quam syllogismus. Denique anima separata in intelligendo, modo est potentia, modo actu; quia non omnia scit, nec est purus actus; nam ignorat effectus, quos Deus sibi reservat soli cognoscendos; &, quæcunque Deus ei revelat, antequam revelentur, ad ea est in potentia ad cognoscendum, Animam separatam volituram tamen certum est, quam eam intellecturam; nam fieri potest, ut, quod objectum, v. c. Deum cognovit esse bonum, idem non amet (loquimur de animabus separatis in statu glorificationis; nam licet animæ separatæ in statu condemnationis oderint Deum quem cognoscunt, eo tamen ipso volunt; quippe tam odisse quam amare actus est voluntatis) at anima separata cognoscit objecta bona v. c. Deum, & aliarum rerum bonitatis. Ergo glorificata amabit, utrumque autem est voluntatis. Porro animæ separatæ volitio etiam libera est, licet non indifferens ad bo.

bonum & malum, respectu ejusdem actus, vel amandi, vel (liceat sic nunc loqui) odiendinam quæ est in statu glorificato, tantum amat bonum, nec illud odisse potest; quæ est in statu condemnato, tantum odit bonum, nec illud potest amare; sed prior ut bonum amat, ita malum odit; posterior ut malum amat, ita odit bonum: hanc indifferentiam actuum diversorum voluntatis ad objecta diversa admittimus priorem; actum eundem, scilicet vel amandi tantum, vel odio habendi tantum circa objecta diversa, bonum & malum, negamus; neque in hac indifferentia posteriori libertas consistit, ut nonnulli volunt. Sed si in aliqua indifferentia consistat, consistit in illa, seu priori: atque hoc exemplo Dei ipsius demonstratum dare possumus; quippe qui est agens liberrimum & liberrime vult quæcunque vult & agit; non tamen potest uno eodemque actu volendi & agendi terminari in bonum & malum, sed vult & agit bonum tantum; ideoque caret ista indifferentia, quæ est unius ejusdemque actus, tum volendi seu amandi simul & bonum & malum: at verò, uti bonum vult, amat, agit; ita malum debet dici nolle, odisse, non agere. In quo igitur, dicat aliquis, consistit libertas in actu voluntatis animæ separatæ? Resp. In eo, quod instituat ex ejusdem animæ judicio intellectus practici. Atqui ita animæ separatæ asseruimus actiones intelligendi & volendi, quæ vulgo dicuntur immanentes, qua terminantur ad quem habent intra animam: superest una difficultas, *An detur quod in ea separatæ, actio movendi, quæ vocatur transiens, quia ad locum aliquem tendit extra animam separatam situm?* De hac questione certi nihil aut indubitati, sed probabiliter tantum aliquid dici potest: quod movea-

tur loco, quamdiu corpori est unita, id quidem certum est, sed & hoc certum est, motum istum proficisci, non à vi motrice, quæ sit animæ rationalis, verum ab ea, quæ est sentientis, si hæc duæ animæ distinguantur, aut à facultate sentiendi animæ rationalis, si una tantum ponatur anima, quoad substantiam, in qua illa vis motrix virtualiter & eminenter continetur. Quin amplius nonnulli quaerunt curiose, *An non anima separatæ possit se ipsam movere, & non tantum movere corpora alia, in loco alio extra se sita?* Conimbricenses utrumque audacter asserunt: Hoc tamen quod se ipsam moveat, quando separatur à corpore, planè videtur incertum, si non falsum; nam dicitur tum semper deportari à bonis Angelis in sinum Abraham, aut à demonibus in infernum avehi; interim si posterius concedas, posse scilicet movere corpora alia, extra se in alio loco posita, videtur & prior admittenda; nam quomodo ad corpora ista & loca alia perveniet, nisi motu sui ipsius. Ex hisce hoc paret, non tam facile fidem esse adhibendam apparitionibus demortuorum; si enim incertum est, an se ipsas movere possint animæ defunctorum, si æque dubium an movere possint alia corpora, quis non videt minime omnium esse evidens, an in suis propriis corporibus, vel in aliis, ad eorum similitudinem effectis, apparere naturaliter queant: Quid hic fieri possit per supernaturalem Dei virtutem, non libenter inquirimus, neque etiam necesse est. Nos quicquid & quantum ex lumine naturæ dici potest de *Animalibus separatæ*, de *Angelis*, de *Deo diximus*: Iuvimus ductu luminis intellectus naturalis, quo potuimus, & cum ulterius non possumus, hic stamus pedemque figimus.



# T I T U L I

## E T

### ORDO DISPUTATIONUM

#### Ex Philosophiâ selectarum.

#### V O L. I.

PRæliminaris I. <i>De Substantiâ.</i>	Pag. 38
PRæliminaris II. <i>De Accidente.</i>	41
I. <i>De Persona.</i>	44
II. <i>De Ente infinito.</i>	47
III. <i>De Notitiâ Dei naturali.</i>	51
IV. <i>De Proprio.</i>	54
V. <i>De Relatione.</i>	58
VI. <i>De Ortu Animæ Rationalis.</i>	61
VII. <i>De Concurſu Dei.</i>	64
VIII. <i>De Concurſu Cauſæ Primæ.</i>	67
IX. <i>De Concurſu Dei.</i>	71
X. <i>De Concurſu Cauſæ Primæ.</i>	75
XI. <i>De Concurſu Cauſæ Primæ.</i>	78
XII. <i>De Angelis.</i>	81
XIII. <i>quæ est ſecunda, de Angelis.</i>	85
XIV. <i>quæ est tertia, de Angelis.</i>	88
XV. <i>quæ est quarta, de Angelis.</i>	92
XVI. <i>quæ est quinta, de Angelis.</i>	95
XVII. <i>De Neceſſitate.</i>	98
XVII. <i>De Contin. entia.</i>	101
XIX. <sup>1a</sup> <i>pars prior, contra poſſibilem Mundi Eternitatem.</i>	104
XIX. <sup>2a</sup> <i>pars poſterior, contra poſſibilem Mundi Eternitatem.</i>	108
XX. <i>De Scientiæ diviniæ Immutabilitate.</i>	112
XXI. <i>De Simplicitate Dei.</i>	115
XXII. <i>De Potentia Dei.</i>	119
XXIII. <i>De Voluntate Dei.</i>	122
XXIV. <i>quæ est altera, de Voluntate Dei.</i>	126
XXV. <i>De Eternitate Dei.</i>	130
	XXVI. <i>De</i>



# I N D E X.

XXVI.	<i>De Immutabilitate Dei.</i>	133
XXVII.	<i>De Immensitate Dei.</i>	137
XXVIII.	<i>De Ortus Animæ Rationalis.</i>	141
XXIX.	<i>De Scientiâ Dei.</i>	144
XXX.	<i>De Scientiæ divinæ Modo ac Partitione.</i>	147
XXXI.	<i>De Communicatione Propriorum.</i>	152
XXXII.	<i>De Abstractione.</i>	155
XXXIII.	<i>De Bono.</i>	158
XXXIV.	<i>quæ est prima, de Formis.</i>	162
XXXV.	<i>quæ est secunda, de Formis.</i>	166
XXXVI <sup>æ</sup>	<i>pars prior, quæ est tertia, de Formis.</i>	171
XXXVII <sup>æ</sup>	<i>pars posterior, quæ est quarta, de Formis.</i>	174
XXXVII.	<i>De Principiis Corporum naturalium constituentibus ac productibus.</i>	178
XXXVIII.	<i>De Definitione Formæ Aristotelicæ.</i>	183
XXXIX.	<i>De Lege in communi.</i>	186
XL.	<i>De Lege Æterna.</i>	189
XLI.	<i>De Lege Naturæ.</i>	192
XLII.	<i>De Lege Humana.</i>	195
XLIII.	<i>De Animæ Rationalis Immortalitate.</i>	198
XLIV.	<i>De Ingenio.</i>	202
XLV.	<i>De Cognitione.</i>	205
XLVI.	<i>De Causa Libera.</i>	209
XLVII.	<i>De Causa Libera.</i>	212
XLVIII.	<i>De Ente Reali.</i>	216
XLIX.	<i>De Ente Reali.</i>	219
L.	<i>De Ente Rationalis.</i>	222

## V O L. II.

I.	<i>De Accidentis in hærentia actuali.</i>	226
II.	<i>De Quantitatis identitate cum Materia.</i>	229
III.	<i>De Aristotelicâ Summi Boni, &amp; Virtutis definitione, Virtutumque connexion.</i>	232
IV.	<i>quæ est prima, de Accidentis distinctione à Substantia.</i>	236
V.	<i>quæ est secunda, de Accidentis distinctione à Substantia.</i>	239
VI.	<i>quæ est tertia, de Accidentis distinctione à Substantia.</i>	242
M m m m m		VII. quæ

# I N D E X.

VII.	quæ est quarta, de Accidentis distinctione à Substantia.	245
VIII.	quæ est quinta, de Accidentis distinctione à Substantia.	248
IX.	De usu Philosophiæ in Theologia.	250
X.	De abusu Philosophiæ in Theologia.	255
XI.	De usu Metaphysicæ in disciplinis alijs, ac præsertim, Theologiâ.	259
XII.	De Causæ efficientis divisione in Procreantem & conservantem, Emanativam & Activam.	262
XIII.	De Causa Immanente & Transeunte.	266
XIV.	De Causa Libera.	269
XV.	De causa Efficienti per se & per accidens.	275
XVI.	De divisione Causæ Efficientis in Principalem & minus Principalem.	278
XVII.	quæ est prima, de divisione Causæ Efficientis in Primam & Secundam.	282
XVIII.	quæ est altera, de divisione Causæ Efficientis in Primam & Secundam.	285
XIX.	quæ est tertia, de divisione Causæ Efficientis in Primam & Secundam.	288
XX.	quæ est quarta, de divisione Causæ Efficientis in Primam & Secundam.	291
XXI.	quæ est quinta, de divisione Causæ Efficientis in Primam & Secundam.	294
XXII.	De divisione Causæ Efficientis in Proximam & Remotam, Totalem & Partialem.	298
XXIII.	De Causa Finali.	301
XXIV.	quæ est altera, de Causa Finali.	304
XXV.	De Subjecto & Adjuncto.	307
XXVI.	quæ est secunda, de Subjecto & Adjuncto.	310
XXVII.	De Convenientia & Distinctione.	313
XXVIII.	De Convenientia præsertim simpliciter.	319
XXIX.	De Distinctione Rerum.	320
XXX.	De Distinctione Rerum.	323
XXXI.	Prima de Ideis.	326
XXXII.	Secunda de Ideis.	328
XXXIII.	Tertia de Ideis.	331
XXXIV.	Quarta de Ideis.	333
XXXV.	Quinta de Ideis.	336
XXXVI.	Sexta de Ideis.	339

XXXVII. De

# I N D E X.

XXXVII.	<i>De essentiis Rerum æternis.</i>	342
XXXVIII.	<i>Prima de Potentia Dei Ordinaria &amp; Absoluta.</i>	345
XXXIX.	<i>Secunda de Potentia Dei Ordinaria &amp; Absoluta.</i>	348
XL.	<i>Tertia de Potentia Dei Ordinaria &amp; Absoluta.</i>	351
XLI.	<i>De Potentia Dei.</i>	354
XLII.	<i>quæ est altera, de Potentia Dei.</i>	357
XLIII.	<i>Ad Librum 3 Metaphysicæ Aristotelis, Cap. 1. Text. 1. &amp; 2.</i>	359
XLIV.	<i>De Primo Cognito.</i>	364
XLV.	<i>De Libertate Philosophandi.</i>	367
XLVI.	<i>De Encyclopædia.</i>	371
XLVII.	<i>De Homine.</i>	373
XLVIII.	<i>De Ratione Philosophandi.</i>	376
XLIX.	<i>De Rerum materialium natura.</i>	378
L.	<i>De Compositione Continui.</i>	380

## Appendix quarundam Disputationum.

<i>De Atomis.</i>	384
<i>Contra quaternarium Elementorum numerum, pars prima.</i>	387
<i>Contra quaternarium Elementorum numerum, pars secunda.</i>	390
<i>Contra eundem Elementorum numerum, pars tertia.</i>	392
<i>Contra eundem eorum numerum, pars ultima; &amp; speciatim de Aëre.</i>	395
<i>De Rationibus Entium.</i>	398
<i>An vera Philosophia contrarietur S. Theologiæ, &amp; vicissim.</i>	400
<i>De usu Rationis humanæ in Theologia, ac quæstionibus Fidei.</i>	405
<i>An Deus sit thema seu ens universale, an singulare.</i>	410
<i>De Origine ac Progressu Philosophiæ.</i>	415

Disputationes, quæ in Collegio **ETHICO** utroque,  
**PHYSICO, & LOGICO**, continentur.

<b>I</b> DE Ethicæ existentia, & à Theologia distinctione.	420
<b>II.</b> De Ethicæ essentia ac definitione.	426
<b>III.</b> De Ethicæ differentia, divisione, ac usu.	430
<b>IV.</b> De summo Bono.	435
<b>V.</b> De summo Bono.	440
<b>VI.</b> De summo Bono.	444
<b>VII.</b> De summo Bono.	449
<b>VIII.</b> De summo Bono.	453
<b>IX.</b> De summo Bono.	457
<b>X.</b> De subiecto seu objecto Ethicæ.	461
<b>XI.</b> De Questionibus quibusdam circa intellectum & voluntatem.	465
<b>XII.</b> De Questionibus quibusdam circa voluntatis humane actus.	468
<b>XIII.</b> De Questionibus circa objectum voluntatis humane.	472
<b>XIV.</b> De objectionibus contra voluntatis humane determinationem ab ultimo intellectus practici iudicio.	476
<b>XV.</b> De objectionibus contra voluntatis humane determinationem ab ultimo intellectus practici iudicio.	481
<b>XVI.</b> De objectionibus, contra voluntatis humane determinationem ab ultimo intellectus practici iudicio.	485
<b>XVII.</b> De objectionibus contra naturam liberi arbitrii.	489
<b>XVIII.</b> De Affectibus in genere.	494
<b>XIX.</b> De Affectibus in specie.	498
<b>XX.</b> De Affectibus in specie.	501
<b>XXI.</b> De Affectibus in specie.	506
<b>XXII.</b> De Actionibus, spontaneis, inuitis, mixtis.	511
<b>XXIII.</b> De Bono & Malo in genere.	514
<b>XXIV.</b> De Bonitate, & malitia morali.	518
<b>XXV.</b> De Virtute morali.	521
<b>XXVI.</b> De Virtute morali.	525
<b>XXVII.</b> De Virtute morali.	528
<b>XXVIII.</b> De Virtutum moralium divisione, & earum inter se connexionem.	532
<b>XXIX.</b> De Virtutum moralium, connexionem ac divisionem, equalitate ac inaequalitate.	536
<b>XXX.</b> De Virtutum, inter Gentiles & Fideles,	

seu Paganos & Christianos, discrimine.	548
<b>XXXI.</b> De varia divisione Virtutis Moralis, speciatim, de Virtute Heroicâ.	544
<b>XXXII.</b> De Virtute Humana.	547
<b>XXXIII.</b> De Questionibus quibusdam circa Fortitudinem.	550
<b>XXXIV.</b> De Questionibus quibusdam circa Fortitudinem.	553
<b>XXXV.</b> De A'v'ocov'ia & Duello.	556
<b>XXXVI.</b> De Duello.	561
<b>XXXVII.</b> De Questione, An vim vi repellere liceat, & invasorem occidere.	564
<b>XXXVIII.</b> De Questione, Ob quas res & causas liceat invasorem occidere?	568
<b>XXXIX.</b> De Bello.	572
<b>XL.</b> De Bello.	579
<b>XLI.</b> De Bello.	582
<b>XLII.</b> De Bello.	586
<b>XLIII.</b> De Questionibus circa Temperantiam.	588
<b>XLIV.</b> De Questionibus quibusdam circa Temperantiam.	591
<b>XLV.</b> De Questionibus quibusdam circa Liberalitatem.	596
<b>XLVI.</b> De Questionibus quibusdam circa Liberalitatis extrema, & Magnificentiâ.	598
<b>XLVII.</b> De Questionibus quibusdam circa Magnanimitatem & Modestiam.	601
<b>XLVIII.</b> De Questionibus quibusdam circa Mansuetudinem.	604
<b>XLIX.</b> De Questionibus quibusdam circa virtutes omniallegic.	607
<b>L.</b> De Casibus Moralibus circa Temperantiam.	611
<b>LI.</b> De Casibus moralibus circa Liberalitatem.	615
<b>LII.</b> De Casibus moralibus circa Liberalitatem.	619
<b>LIII.</b> De Questionibus variis, ac casibus moralibus, circa Liberalitatem.	624
<b>LIV.</b> De Questionibus & casibus moralibus circa Magnanimitatem, & Modestiam, & Mansuetudinem.	628
<b>LV.</b> De Questionibus moralibus quibusdam, circa Mansuetudinem.	632

LVI. De Questionibus Moralibus quibusdam circa Veracitatem, ac speciatim de Mendacio.	637
LVII. De Questionibus quibusdam moralibus circa Veracitatem, ac speciatim de equivocationibus, & mentalibus reservationibus.	640
LVIII. De Questionibus variis Moralibus circa Veracitatem	644
LIX. De Questionibus quibusdam Moralibus circa Comitatem & Urbanitatem.	648
LX. De Questionibus quibusdam circa Iustitiam universalem.	652
LXI. De Questionibus quibusdam circa Iustitiam particularem.	655
LXII. De Questionibus quibusdam circa Iustitiam, Ius, & Injuriam.	660
LXIII. De Questionibus circa Amicitiam.	664

### Collegii Ethici Disputatio I.

DE constitutione Philosophiæ practice.	667
II. De Summo Bono.	674
III. De Summo Bono.	679
IV. De Summo Bono.	683
V. De Spontaneo.	688
VI. De Invito.	692
VII. De actionibus Mixtis.	697
VIII. De intellectu Practico & recta Ratione.	701
IX. De Voluntate.	704
X. De Motivo voluntatis.	708
XI. De Libero Arbitrio.	714
XII. De Affectibus in genere.	720
XIII. De affectuum causis & divisione.	723
XIV. De virtute in genere, & de Intellectuali in specie.	727
XV. De Prudentia.	730
XVI. De Virtute Morali in genere.	734
XVII. De Virtutis Moralis causis	737
XVIII. De Virtutis Moralis incremento, decremento, opposito.	741
XIX. De Virtutis Moralis divisione, & Fortitudinis definitione.	745
XX. De Fortitudinis divisione, extremis, & questionibus quibusdam.	748
XXI. De Temperantia.	752
XXII. De Liberalitate.	755
XXIII. De Liberalitatis extremis & Magnificentia.	759

XXIV. De Magnanimitate & Modestia.	762
XXV. De Mansuetudine.	766
XXVI. De Comitate.	771
XXVII. De Veracitate.	774
XXVIII. De Urbanitate.	779
XXIX. De Iustitia Universalis.	784
XXX. De Iustitia Particulari.	789
XXXI. De Amicitia.	798

### Philosophiæ Naturalis Disputatio I.

DE Principiis Corporum Naturalium.	805
II. De Natura, Causa Efficiente, Fine, Quantitate, Qualitate, & Loco.	820
III. De Motu & Tempore.	829
IV. De Mundo & Celo.	839
V. De Elementis.	845
VI. De generatione & Corruptione.	851
VII. De Meteoris.	857
VIII. De Mixtione & Temperamento.	861
IX. De Anima.	869
X. De Anima vegetante.	873
XI. De Anima sentiente.	881
XII. De Visu.	889
XIII. De Auditu, Olfactu, Gustu, Tactu, &c. Sensu interno in genere.	895
XIV. De Sensu interno in specie, Appetitu sensitivo, & Locomotivo.	900
XV. De Anima Rationali.	906

### Collegii Logici Disputatio I.

DE Philosophiæ & Logicæ naturæ.	915
II. De Prædicamentis in Genere, & de Substantia in specie.	916
III. De Quantitate.	918
IV. De Qualitate.	919
V. De Relativis.	920
VI. De sex Postremis Prædicamentis.	922
VII. De Prædicabilibus.	923
VIII. De Toto & Parte, Causa & causato in genere.	924
IX. De Materia, Forma, Fine.	926
X. De Causa Efficiente.	928
XI. De Subiecto & Adjuncto.	929
XII. De Convenientia & Distinctione.	931
XIII. De Oppositione & Ordine.	932
XIV. De Interpretatione simpliciter & compositè.	934
XV. De quatuor instrumentis cognoscendi.	935

# INDEX CAPITUM, Quæ in PNEUMATICA continentur.

L I B. I.	L I B. II.
Cap. I. <b>D</b> E Pneumaticæ Constitutione. Pag. 937	Cap. I. <b>D</b> E essentia & existentia Dei. 957
II. De Spiritus essentia & existentia. 939	II. De attributis Dei in Genere. 963
III. De Spiritus divisione, principis, & attributis in genere. 941	III. De Unitate Dei. 964
IV. De principis Pneumaticæ generalibus & communibus in specie. 945	IV. De Simplicitate Dei. 967
V. De attributorum Spiritus generalium ac communium distinctione, à Spiritu, & inter se. 948	V. De Immutabilitate Dei. 972
VI. De attributorum Spiritus Generalium ac communium divisione, eorumque inter se ordine. 949	VI. De Immensitate Dei. 974
VII. De Simplicitate Spiritus, & attributis negativis in ea fundatis. 951	VII. De Æternitate Dei. 975
VIII. De Spiritus in genere, Intellectu, Voluntate, & Libero Arbitrio. 956	VIII. De Beatitudine Dei. 976
	IX. De Vita Dei. 977
	X. De Scientia Dei. 971
	XI. De Voluntate Dei. 980
	XII. De Potentia Dei. 988
	XIII. De Decretis Dei. 991
	XIV. De Creatione. 993
	XV. De Providentia Dei. 997
	XVI. De Conſervatione. 998
	XVII. De Concursu Dei. 999
	XVIII. De Gubernatione Dei. 1000
	XIX. De Angelis. 1002
	XX. De Anima ſeparata. ibid.

## INDEX QUÆSTIONUM.

*Terminorum, ac distinctionum,*

Quæ in hiſce duobus PNEUMATICÆ libris explicantur ac deciduntur.

<p><b>A</b>N Pneumatica ſit diſtincta ſpecie ſcientia à Metaphyſica. Pag. 937. 938.</p> <p>An eadem ſit diſtincta ſpecie ſcientia à Theologia. 938. 939</p> <p>An diſviſo in partem generalem &amp; ſpecialem, ſit propria Pneumaticæ. 939</p> <p>An Spiritus ſit ſubſtantia materiæ expertus. ibid.</p> <p>An Spiritus ſit expertus quantitatis ac formæ. ibid.</p> <p>An dentur Spiritus. 940 &amp;c.</p> <p>An dari Spiritus, notius ſit quam dari corpora. ibid.</p>	<p>Diſviſo Spiritus in increatum &amp; creatum, qualis. 941</p> <p>Diſviſo Spiritus creati in Angelum &amp; Animam rationalem, qualis. 941. 942.</p> <p>Principia Spiritus qualia. 942</p> <p>Attributum, quid notet: &amp; quænam ejus ſint conditiones. 942. 943.</p> <p>An Spiritus in genere habeat attributa. 943</p> <p>An attributa Spiritus in genere, ſint accidentia. ibid.</p> <p>Attributa Spiritus in genere quidnam ſint. 943.</p>
--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------




# I N D E X.

<i>An attributa aliquid addant subiecto.</i>	944	<i>eminentis.</i>	962, 963
<i>Additio quotuplex.</i>	944, 945	<i>Varia distinctiones attributorum Dei, videlicet.</i>	964
<i>Attributa quomodo distinguantur à subiecto.</i>	945	<i>An Deo conveniat unitas numerica ac singularis.</i>	965
<i>Attributorum de subiecto demonstratio duplex est.</i>	ibid.	<i>An Deo conveniat unitas consensus.</i>	ibid.
<i>An Spiritus in genere habeat principia essentialia.</i>	ibid.	<i>An communitas essentialis divine tollat unitatem Dei.</i>	965, 966
<i>Quo sensu Deus à se esse dicatur.</i>	945, 946	<i>An unum &amp; trinum in Deo pugnent.</i>	966
<i>Quomodo Pater ab eterno dicatur produxisse Filium.</i>	946	<i>An Deus sit simplex.</i>	967
<i>An Angelus &amp; Anima rationalis habeant principia essentialia.</i>	ibid.	<i>An Deus componatur ex materia &amp; forma.</i>	968
<i>Demonstratio quomodo fiat.</i>	ibid.	<i>An Deus componatur ex genere &amp; differentia.</i>	ibid.
<i>Causa formalis &amp; virtus in quid.</i>	ibid.	<i>An Deus componatur ex potentia &amp; actu.</i>	969
<i>Essentia Spiritus trifariam considerari potest.</i>	ibid.	<i>An Deus componatur ex subiecto &amp; accidente.</i>	ibid.
<i>An dentur principia incomplexa in Pneumatica generali.</i>	947	<i>An Decreta Dei sint accidentia.</i>	970
<i>An dentur principia complexa in Pneumatica generali.</i>	947, 948	<i>An Deus componatur ex essentiali &amp; existentia.</i>	970, 971
<i>An attributa spiritus distinguantur à spiritu.</i>	948	<i>An Deus componatur ex partibus integran- tibus.</i>	971
<i>An hæc distinctio sit realis, an rationis.</i>	ibid.	<i>An Deus componatur ex pluribus entibus realibus.</i>	ibid.
<i>An attributa spiritus in genere distinguantur inter se invicem; &amp; qualis sit distinctio.</i>	949	<i>An Deus componatur ex naturali &amp; essentiali.</i>	ibid.
<i>Negatio vulgo statuitur triplex.</i>	ibid.	<i>Relationes essentialis &amp; personales in Deo quid sint.</i>	972
<i>An dentur attributa spiritus negativa, &amp; quo sensu ita dicantur.</i>	950	<i>Quomodo Filius dicatur ad patrem.</i>	ibid.
<i>An dentur aliquis ordo inter attributa spiritus.</i>	ibid.	<i>An Deo tribuatur obiectum terminativum, an motivum.</i>	ibid.
<i>Quodnam attributorum spiritus in genere sit primum.</i>	ibid.	<i>An dentur causa finalis extra Deum.</i>	973
<i>Simplicitas quid sit.</i>	951	<i>Finis est vel indigentie vel assimilationis.</i>	ibid.
<i>An spiritus sit compositus ex materia &amp; forma.</i>	ibid.	<i>An Deus sit immensus &amp; quomodo.</i>	974, 975
<i>An materia intelligibilis ac Metaphysica, sit materia proprie dicta.</i>	951, 952	<i>Eternum dicitur triplici modo.</i>	975
<i>An numerus sit species quantitatis.</i>	952	<i>Definitio eternitatis.</i>	ibid.
<i>Indivisibilitas statuitur quadruplex.</i>	953	<i>An Deus sit æternus.</i>	ibid.
<i>An spiritui conveniat indivisibilitas, &amp; qualis.</i>	ibid.	<i>Definitio perfecti.</i>	976
<i>Sensibile dicitur vel active vel passive.</i>	ibid.	<i>Perfectum dicitur duplici modo.</i>	ibid.
<i>An spiritui conveniat insensibilitas.</i>	ibid.	<i>Perfectio continetur in Deo, vel formaliter vel emmenter.</i>	976, 977
<i>An spiritui conveniat locus, tempus, motus.</i>	954	<i>An Deo conveniat vita &amp; quomodo.</i>	977
<i>Mutatio suntur late, vel recte.</i>	ibid.	<i>Quomodo scientia sit in Deo.</i>	978
<i>An immutabilitas conveniat spiritui.</i>	955	<i>Scientia Dei qualis sit.</i>	ibid.
<i>Incorruptibile dicitur vel intrinsece, vel extrinsece.</i>	ibid.	<i>An Deus cognoscat entia realia.</i>	ibid.
<i>An spiritus sit intellectualis.</i>	956	<i>An Deus cognoscat entia rationis.</i>	978, 979
<i>An voluntas insit omni spiritui.</i>	ibid.	<i>Deus cognoscit possibilia ac futura.</i>	ibid.
<i>An liberum arbitrium differat à voluntate &amp; intellectu.</i>	957	<i>Deus cognoscit bona ac mala.</i>	979
<i>An Deum esse probari possit.</i>	958, 959, 960	<i>Scientia futurorum est vel contingentium, vel necessarium.</i>	ibid.
<i>An essentia Dei possit concipi.</i>	961, 962	<i>An a- t- r scientia media.</i>	980
<i>Deus cognoscitur viâ negationis, causalitatis ac</i>		<i>Velle dicitur dupliciter.</i>	ibid.
		<i>Obiectum voluntatis divine quid sit.</i>	980, 981
		<i>Veritas est simplex vel complexa.</i>	981
		<i>An voluntas Dei sit causa veritatis in axiomatibus per se notis.</i>	982
		<i>An Deus possit velle malum.</i>	ibid.
			<i>Effectus.</i>

# I N D E X.

<i>Essentia &amp; Existentia peccati quid sit.</i>	982, 983	<i>Terminus à quo creationis est nihilum.</i>	995
<i>Quo sensu aliquis dicatur auctor peccati.</i>	983	<i>Terminus ad quem creationis est substantia.</i>	996
<i>Voluntas Dei est vel beneplaciti vel signi.</i>	ibid.	<i>Terminus ad quem est vel per se, vel per accidens.</i>	ibid.
<i>An voluntas signi &amp; beneplaciti pugnant in Deo.</i>	983, 984	<i>An creatio ab eterno fieri potuerit.</i>	ibid.
<i>Voluntas Dei est vel antecedens vel consequens.</i>	984	<i>An creatio communicari possit ulli creaturæ.</i>	ibid.
<i>Voluntas beneplaciti subdividitur in efficientem &amp; permittentem.</i>	984	<i>An detur Pro uacantia.</i>	997, 998
<i>An Deus possit duci peccata velle.</i>	ibid.	<i>Actus &amp; obiectum Providentiæ divinæ quid.</i>	993
<i>An in Deo detur veracitas.</i>	986	<i>Conservatio est permissiva vel positiva.</i>	ibid.
<i>An Christus simularerit, quando cum discipulis Emmentem tenderet.</i>	ibid.	<i>Conservatio quid sit.</i>	ibid.
<i>An Deus sit omnipotens.</i>	988	<i>An conservatio sit actio distincta à creatione.</i>	998,
<i>Obiectum omnipotentia est vel positivum vel negativum.</i>	988		999
<i>An Deus possit plura facere quam fecit.</i>	ibid.	<i>Annihilatio quid sit.</i>	ibid.
<i>An Deus possit meliora facere quam fecit.</i>	989, 990	<i>An detur Concurus.</i>	999
<i>An Deus possit facere contradictoria.</i>	990	<i>Agere immediate, immediate virtutis, &amp; suppositi, quid.</i>	999, 1000
<i>An possit facere alium Deum.</i>	ibid.	<i>An Deus eodem modo concurrat cum omnibus causis secundis.</i>	1000
<i>An factum possit reddere infectum.</i>	ibid.	<i>Deus etiam gubernat minutissima.</i>	ibid.
<i>An possit subire causalitatem materia, vel sup- plere vicem subjecti.</i>	ibid.	<i>Dei gubernatio terminatur circa mala culpæ duplici modo.</i>	1001
<i>An Deus possit mentiri, mori, corrumpi.</i>	991	<i>An dentur angeli.</i>	1002
<i>Propria Dei est vel absoluta vel ordinaria.</i>	ibid.	<i>An anima humana sit immortalis.</i>	1002, 1003
<i>Propeta Dei spectantur vel subjective, vel ob- iective.</i>	ibid.	<i>An status animæ separatæ sit naturalis, an contra, an supra, an præter naturam.</i>	1004
<i>Vox creare vario modo sumitur.</i>	993	<i>An in anima separata sint superstites ejus potentiæ, habitus &amp; actus.</i>	1005
<i>Definitio creationis.</i>	ibid.	<i>An species intelligibiles sint futuræ superstites in animâ.</i>	1006
<i>An creatio fuerit possibilis ratione Dei.</i>	994	<i>An detur in animâ separatâ actio movendi se &amp; corpora alia.</i>	1007
<i>An creatio aliquando fuerit facta in tempore.</i>	ibid.		

# F I N I S.



Artemas Ward

September 2 1746

~~Handwritten scribble~~  
I think by the above it is to rule

Artemas Ward Esq. Libr.  
Anno Domini 1746

W. J. D.

~~Handwritten scribble~~  
Mentioned in the Social Directory of 1746